











W 685
























































bris Fris Antonii Meytter Stad  
Conventu Varsaviae 38 Junij 1785











# PHILOSOPHIA POLLING

AD NORMAM  
BURGUNDICAM

*Libris suis Antonii  
pro Conveneru*

*In qua*

I.

Arithmetica, Logica, Physica, & Metaphysica eo modo  
quo in Academiis dictari solent, continentur.

II.

Principia Peripatetica, præcipuè juxta Scholam Recen-  
tiorum, ad captum explicantur, demonstrantur, & cum Me-  
chanicis Neotericorum principiis conciliantur.

III.

Experimenta præcipua, quæ post editionem Philosophiæ Burgundicæ  
ab Academia Regia Scientiarum Parisiensi, aliisque Authoribus prodierunt, suppleantur.

IV.

Varia nova opuscula Philosophica inseruntur, inter quæ, 1. Vindiciæ  
corfus novæ ac solidæ Philosophiæ Peripateticæ. 2. Notitia Critica de Logica Veterum & Neotericorum,  
præsertim Platonis, Lulli, Arnaldi, Lockii, Wolfii. 3. Principia Artis Criticæ explicata ac demonstrata  
in quibus continentur Regulæ Criticæ ex SS. Patribus, & dissertatio de Authoribus ex stylo dignoscendis.  
Systemata omnium Philosophorum, præsertim Gassendi, Cartesii, Nevvtoni, ac Chymicorum. 4. Refutatio  
Systematis Copernicani nova. 5. Notitia accurata, de Cœlis, ex novissimis observationibus. 6.  
7. Novum Systema declinationis Magneticæ.

AUTHORE

*E. 3.*

R. D. EUSEBIO AMOND

Canonico Regulari Lateranensi ad SS. S.

Polling SS. Theologiæ Professore & P.

*Cum Figuris æneis 200.*

*Ex Libris Christoph.*



*Aug.*

umptib. PHILIPPI, ac MA.



11

.VI



## AD LECTOREM.

Paucula præmonenda habeo de fronte, titulo, scopo,  
& œconomia Operis.

**E**rans principium præsefert Philosophiæ hujus Peripateticæ, quo Philosophorum Neotericorum mechanicæ substructiones funditus subversæ corruunt. Si enim *MUNDVS INTELLECTVALIS ET REALIS SIMILIMI*, eo ipso dabuntur in mundo reali qualitates, modi, relationes, formæ, prout evidenter dantur in mente, seu mundo intellectuali; & ex diversitate conceptuum universim licebit inferre diversitatem entium.

Titulus *Philosophiam Pollinganam* promittit ad normam *Burgundicæ*. Nemo inter Philosophos est, qui nomen *Burgundicæ Philosophiæ* nesciat. Ejus author est R. P. Joannes B. du Hamel, Presbyter Oratorii Berulliani non minori pietatis, ac scientiarum fama orbi clarissimus, ac per viginti annos Parisiis Secretarius Academiæ Scientiarum Regiæ. Is primus *Philosophiam Veterum Scholasticam* cum *Philosophia Experimentalis* ac mechanicis Neotericorum principiis consociare ausus, tam universalem in orbe applausum retulit, ut etiam in linguam Tartaricam conversa ejus Opera digna visa sint, quæ à Missionariis Societatis in regno Sinarum explanarentur Imperatori tanti Imperii. Hujus vestigia & ista *Philosophia Pollingana* amico vetera inter & nova dogmata fœdere insequitur, quæ, dum nullius jurat in verba Magistri, sed suomet incedit pallio, sic meritò & suum sibi nullius ad invidiam, nullius ad injuriam nomen assumit; nec id insolenti ausu ingenii, sed veteris ductu exempli. Prodiit enim jam ante duo sæcula typis publicis *Dialectica Pollingana* authore Joanne Altenstaig, Theologo sui temporis in paucis præstantissimo. Quid mirum, si *Pollinganæ* illæ *Summulæ* augmento bis sæculari in istam tandem *Summam* excreverint?

Scopus operis non unus est. Primus erat, ut Religiosi in Claustris Philosophi haberent impressa scripta Philosophica, quæ, sicut per biennium à me quondam memoriter potissimum dictata, & cursu justo absoluta sunt, sic intra biennium sine fastidioso calamo, sine jactura temporis repetendo attentius exhauriri possent. Mihi certè, jam quarta vice in hoc decurrenti stadio, ut sic doce-

rem,



rem, commodum erat, aliis, si Philosophi fuerint, non erit multo molestius. Alter labori meo finis accesserat, ut Philosophiæ scholasticæ, tantopere à Neotericis ac Protestantibus explosæ, sacra rediret majestas, ac sua servaretur authoritas. Docui, Mundum intellectualem & Mundum realem esse quàm simillimos, quod unice negant Neoterici. Formis ac qualitatibus peripateticis substravi principia mechanica, veluti prærequisitam dispositionem dimensionem materiæ, sicque Philosophiam Scholasticam junxi fœdere stabili cum principiis Neotericorum mechanicis. Logicam errantium, & Criticam temerè divina quævis simul ac humana proculcantium ad justæ rationis semitam reduxi. Quietem terræ vehementer inter ipsos Catholicos jam titubantem in Sede retinui. Dogmata varia Philosophica novis hypothesebus illustravi. Id denique egi, ut placita Peripatetica non solum à Peripateticis suo idiomate, sed & à Neotericis sua lingua intelligerentur, ac intellecta ex propriis principiis propius in animum admitterentur.

Oeconomia ac partitio operis ea est, quæ & Discipulo & Magistro congruit; Discipulo ubique ingentem in linguam reponit Syllogismorum ad argumentandum, & distinctionum ad respondendum copiam; Magistro verò & meditandi, & explicandi compendio plerumque dicta occasionem facilem, apparatusque relinquit.

Cæterum, cùm in Philosophia ratio magis quàm authoritas quærenda sit, non multis authorum textibus torqueo discipulorum ingenia; multo minus ullum Scriptorum per decursum hujus Biennii scholastici offendo; æquum est, ut expectem paria. Quod si Benevolus Lector aut levius excussa, aut etiam Errata inveniet, ea vel dictantis festinanti memoriæ, vel dictata excipientium ac pro typo describentium vario calamo sua humanitate tribuet; Menda præcipua ad calcem operis reperiet. Plura ac majora si minus accuratè dicta irreperierint, cuncta Judicio Romanæ Ecclesiæ submitto.

O. A. M. D. G.





# FACULTAS.

Cum D. Martinus Veith & Confortes, Augustæ Vindelicorum Bibliopolæ; Cursum Philosophicum à R. D. Eusebio Amort Canonici nostræ Professo, ac moderno SS. Theologiæ Professore, compositum, typis evulgare intendant, eisdem facultatem do. Horum in fidem & Præposituræ sigillum, & manum posui. Ad SS. Salvatorem Pollingæ 6. Junii 1729.

ALBERTUS

*Præpositus, Abbas Lateranensis SS. Theologiæ Doctor.*



# I N D E X.

I. Summulæ.	pag. 1
II. Logica.	43
III. Physica.	148
IV. Metaphysica.	459
V. Vindiciæ novæ & fundamenta solida Philosophiæ Peripateticæ.	481
VI. Principia Artis Criticæ tandem explicata ac demonstrata.	584
VII. Systemata Philosophorum Veterum & Neotericorum in Logica & Physica.	693
VIII. Notitia accurata ex novissimis observationibus de Universo.	745

## SUMMULÆ.

<i>SECTIO</i>	1. De Termine	pag. 1
	2. De Propositione.	2
	3. De Definitione & divisione.	3
	4. De Syllogismo.	4
	5. De Inventione.	5
	6. De gradibus probabilitatis.	7
	7. De Sophismate.	ibid.
	8. De Methodo.	8
	9. De Universalibus & Prædicamentis.	10
	10. Exercitationes Summulisticæ.	12

## LOGICA.

### PROLEGOMENA.

<i>Quest.</i>	1. Quid & quotuplex sit Logica?	43.
	2. Quid est quotuplex sit objectum Logicæ?	48
	3. An voces sint objectum materiale Logicæ?	50
	4. An intellectus sit objectum materiale Logicæ?	53
	5. An res sint objectum materiale & Ens rationis objectum formale Logicæ?	55
	6. An operationes mentis sint objectum materiale, & earum re- stitudo objectum formale?	61
	7. Quale sit objectum attributionis Logicæ?	62
	8. An Logica sit virtus intellectualis?	67
	9. An Logica sit speculativa vel practica?	73
	10. An Logica sit necessaria ad alias scientias?	75

### DE UNIVERSALIBUS.

<i>Quest.</i>	1. Quid & quotuplex sit Universale &c.	78
	2. An detur præcisio objectiva?	83
	3. An detur distinctio virtualis intrinseca?	88
	4. An detur distinctio formalis ex natura rei?	92
	5. In quo consistat Universale?	97
	6. An universale maneat in actuali prædicatione? & à quo fiat?	102
	7. An differentia specifica desumatur à formâ & individuatio à materia?	105

	8. An differentia specifica desumatur ab inæqualitate perfectionum?	pag. 107
	9. An eadem sumatur à prædicato nobilissimo aut à judicio prudentum, aut à dissimilitudine entitativa? &c.	109
	10. An eadem desumatur à prædicato essentiali per seriem connaturalem effectuum constanter immobili?	111
	11. An individuatio desumatur ab essentiali relatione ad seriem proprietatum, accidentium, & circumstantiarum, ac effectuum, rem per decursum sui temporis involventium.	ibid.
	12. Unde desumatur differentia specifica compositorum moralium	112

### DE PRÆDICAMENTIS.

<i>Quest.</i>	1. Quæ sit regula partis?	113
	2. Quæ sit regula concretorum & denominationum?	116
	3. An conceptus entis sit præcisus à suis inferioribus; & utrum conveniat univoce Deo, substantiæ, & accidenti?	120
	4. In quo consistat possibilitas entis?	123
	5. In quo consistat Relatio.	126

### DE SYLLOGISMO.

<i>Quest.</i>	1. An voces significant naturaliter? & immediate conceptus?	133
	2. An propositio possit transire de vera in falsam. Et an detur determinata veritas de futuris contingentibus?	136
	3. An ad inferendam conclusionem prærequiratur iudicium prævium de bonitate consequentiæ	140
	4. An conclusio se reflectat supra præmissas.	ibid.
	5. An concessis præmissis intellectus necessitetur ad conclusionem.	ibid.
	6. An opinio, scientia, & fides possint simul stare.	144



# PHYSICA. DE CAUSIS.

	Pag.
<i>Quest.</i> 1. Quid & quotuplex sit causa? &c.	148.
2. Quænam sint principia corporis naturalis in fieri?	149.
3. An aqua sit omnium rerum principium?	152.
4. An quatuor Elementa sint rerum principium?	155.
5. An principia chymica sint rerum principia?	160.
6. An Atomia sint rerum principia	162.
7. An Elementa Cartesii sint rerum principia	164.

## DE MATERIA & FORMA.

<i>Quest.</i> 1. An detur materia & forma Peripatetica	165.
2. Quid sit materia Peripatetica	171.
3. An materia habeat propriam existentiam? Et, an possit existere sine omni forma?	174.
4. An materia appetat formas nobiliores præ ignobilioribus?	178.
5. An in materia prima dentur dimensiones interminatæ?	180.
6. Quænam sit materia secunda corporum notabilem?	181.
7. Quid sit forma substantialis? Et an detur in mixtis non animatis?	183.
8. An dentur formæ partiales?	186.
9. An detur Unio modalis realiter ab extremis distincta.	192.
10. An detur in composito naturali terra entitas Scotistica?	197.

## DE CAUSA EFFICIENTE & FINALI.

<i>Quest.</i> 1. An detur virtus activa in creatis?	200.
2. Quid & quotuplex sit actio creata?	203.
3. An Deus concurret ad omnes effectus in fieri & conservari?	207.
4. An Actio sit modus realiter ab extremis distinctus?	210.
5. An possit dari duplex actio totalis?	213.
6. An detur actio in distans?	215.
7. An simile agat in simile?	219.
8. An causa essentialiter connectatur cum possibilitate effectus?	220.
9. An creatura determinet ad individuum?	222.
10. An accidentia sola producant substantiam?	227.
11. An detur mutua naturæ prioritas?	231.
12. An causa agens debeat esse distantia à passo?	234.
13. Quid & quotuplex sit causa Idealis?	235.
14. Quæ sit causalitas finis?	236.
15. Quid sit fortuna, casus, fatum &c.	238.

## DE PROPRIETATIBUS CORPORIS NATURALIS.

<i>Quest.</i> 1. An dentur accidentia realiter distincta à substantia?	241.
2. An quantitas realiter distinguatur à substantia	244.
3. An continuum sit divisibile in infinitum?	248.
4. An continuum constet, ex punctis zennonicis, terminantibus, physicis?	251.

Pag

5. An sit possibile infinitum Categorematicum, & creatura perfectissima?	253.
--	------

6. An detur infinitum categorematicum objective in mente Dei?	259.
---	------

## DE TEMPORE, LOCO, MOTU. &c.

<i>Quest.</i> 1. Quid sit tempus?	261.
2. Quid sit locus?	264.
3. An possit dari compenetratio corporum?	266.
4. An possit dari replicatio corporum?	268.
5. An detur metus vacui?	270.
6. Quid sit motus?	273.
7. Quæ sit causa motus?	274.
8. Quæ sit causa projectile?	275.
9. Quæ sint leges motuum?	277.
10. Unde sit motus pendulorum, reflexio, refraction, elasticitas, & acceleratio corporum?	278.

## DE QUALITATIBUS CORPORUM.

<i>Quest.</i> 1. Quæ sit divisio qualitatum?	279.
2. Quid sit calor? & quæ illius proprietates?	280.
3. Quid sit frigus? & quæ illius proprietates?	282.
4. Quid sit humiditas ac siccitas? & quæ earum proprietates?	284.
5. Quæ sit natura Rarefactionis, condensationis &c.	286.
6. Quomodo fiat intensio qualitatum?	288.
7. An dentur qualitates occultæ, & quæ?	290.

## DE COELIS.

<i>Quest.</i> 1. Quæ fuerint præcipua Philosophorum de cælo ac mundo systemata?	293.
2. An terra stet?	294.
3. Quodnam systema Universi Physicum tenendum sit?	299.
4. An cæli sint solidi?	300.
5. An cæli sint corruptibiles?	301.
6. An mundus sit unus?	303.
7. Quæ sit magnitudo ac distantia terræ ac syderum? &c.	306.
8. An cæli moveantur ab intelligentiis? Et an detur anima mundi?	ibid.
9. Quid sentiendum de influxu cælorum Genethliaco?	307.
10. Quid sentiendum de influxu cælorum aereoscopico?	309.
11. Quid universum de influxu cælorum sentiendum sit?	310.

## DE ELEMENTIS.

<i>Quest.</i> 1. An Elementa sint generabilia & corruptibilia?	312.
2. An Elementa mancant formaliter in mixtis?	315.
3. An Elementa gravitent in locis propriis?	317.
4. An aer sit calidus?	319.
5. An aer sit levis?	320.
6. An aer sit elasticus?	322.
7. Quæ sit natura ignis?	323.
8. Quæ circa terram notanda?	324.
9. Quæ circa elementum aquæ notanda?	325.



# INDEX.

## DE GENERATIONE & CORRUPTIONE.

	Pag.
<i>Quest.</i> 1. An in corruptione substantiali fiat re-	
solutio usque ad materiam primam	329
2. An arte possit confici aurum?	331

## DE METEORIS.

<i>Caput.</i> 1. De Phœnomenis in aere igneis, ut sunt	
Dracones volantes &c.	334
2. De Noctiluca, seu lumine Boreali	336
3. De Halonibus, & Parheliis	338
4. De Iride	339
5. De Flumine	340
6. De Ventis	341
7. De Pluvia & nivibus.	349
8. De Barometro	ibid.
9. De Thermometro.	356
10. De Hygrometro, Hyetometro, Anemo-	
metro	359

## DE PLANTIS & ANIMALIBUS.

<i>Caput.</i> 1. De Plantis, & earum anatomia.	360
2. De Plantarum incremento	364
3. De Zoophytis & insectis.	369
4. De repulibus, præsertim anguibus	372
5. De piscibus.	375
6. De avibus.	379
7. Anatomia humani corporis	383

## DE ANIMA

<i>Quest.</i> 1. Quid & quotuplex sit anima?	392
2. An in eodem vivente dentur plures animæ?	393
3. An in eodem vivente dentur successive	
plures animæ?	395
4. An sanguis, & quæ aliæ partes vivant?	397
5. An animæ sint divisibiles?	400
6. An animæ humanæ sint æquales in perfe-	
ctione?	403
7. An potentia realiter distinguantur ab ani-	
ma?	406
8. Quomodo fiat nutritio & augmentatio	407
9. An detur circulatio sanguinis?	411

## DE ANIMA SENSITIVA.

<i>Quest.</i> 1. De sensibus & speciebus impressis	416
2. An dentur species Intentionales	418
3. An dentur species impressæ	419
4. Quid sit lux	420
5. In quo consistent colores	423
6. A quali modificatione lucis dependant	
colores?	428
7. In quo consistat sonus.	429
8. Quæ sit natura saporum & odorum.	431
9. In qua parte fiat sensatio.	432

## DE ANIMA VOLITIVA & INTELLECTIVA

<i>Quest.</i> 1. An bruta habeant animam in-	
tellectivam.	436
2. An intellectus indigeat speciebus impres-	
sis spiritualibus.	439
3. Quodnam sit objectum intellectus?	440
4. Quodnam sit objectum voluntatis?	441

5. Quale bonum sit objectum voluntatis	442
6. An in homine detur libertas	445
7. An detur Prædeterminatio Physica?	447
8. In quo consistent habitus	457

## METAPHISICA.

<i>Quest.</i> 1. An essentia & existentia distin-	
quantur	459
2. In quo consistent negationes entium	461
3. In quo consistat subsistentia	463
4. An Deus possit demonstrari à posteri-	
ori?	465
5. An Deus possit demonstrari permixto	
aliquo processu in infinitum	467
6. An Deus possit demonstrari quasi à	
priori	469
7. An Deus sit infinitè perfectus.	471
8. In quo prædicato consistat essentia Dei.	473
9. Utrum anima rationalis sit spiritualis vel	
corporea?	474
10. An possit demonstrari immortalitas ani-	
mæ rationalis?	476

## VINDICIÆ PHILOSOPHIÆ PERIPATETICÆ seu fundamenta generalia Philosophiæ Peri-

patetica.

<i>Quest.</i> 1. An entia spiritualia & abstracta cog-	
noscantur per species proprias	482
2. An mundus intellectualis & realis sint si-	
millimi?	495
3. An Philosophia Peripatetica cum Mecha-	
nicis Neotericorum principiis conciliari	
possit? & quomodo?	506
4. An ex universali deceptione sensuum re-	
ctè impugnetur Philosophia Peripatetica	
ubi refutatur P. Mallebranche.	510

## NOTITIA CRITICA De Logica Neotericorum.

1. De Logica Platonis à Neotericis ado-	
ptata?	539
2. De Logica Raymundi Lulli & Kircheri	544
3. De Logica Arnaldi	546
4. De Logica P. Honorati Fabry?	565
5. De Logica Lockii	569
6. De Logica Claubergii, Clerici Buddei,	
Crœusazii, Titii, Wolfii, Rhorii	574

## PRINCIPIA ARTIS CRITICÆ EXPLICA- TA ET DEMONSTRATA

PARS. I. Regulæ de gradibus Probabilitatis	
2. Regulæ de autoritate	584
3. Regulæ interpretandi textus	589
4. Regulæ Authorum Criticæ in iudican-	
dis antiquis Manuscriptis, opusculis suppo-	
sitis	593



	pag.		pag.
scriitis. ac maximè in rebus historicis.	609	§. 2. Regulæ Criticæ quoad versionem & interpretationem Sacræ Scripturæ.	610
§. 5. Exempla Artis Criticæ ex SS. Patribus.	616.	3. Regulæ Criticæ quoad studium Conciliorum, Patrum, & Scriptorum Ecclesiasticorum	612.
6. Demonstratio Artis Criticæ.	648	4. Regulæ Criticæ in rebus historicis.	ibid.
7. Exercitatio de stylo Authorum, & de Authoribus ex stylo dignoscendis.	665	5. Regulæ P. Honoré pro emendatione Artis Criticæ.	614
PARS I. De gradibus probabilitatis.	584	6. Regulæ de antiquitate librorum & Manu Scriptorum.	616
§. 1. Definiuntur gradus probabilitatis. ib.		PARS V. Exempla Artis Criticæ ex SS. Patribus.	616
2. Regulæ generales pro determinando gradu probabilitatis in quavis propositione.	585	§. 1. Regulæ Criticæ Generales. 36. ibid.	
3. De Probabilitate propositionis, pro qua vel contra quam plura stant argumenta probabilia.	586	2. Regulæ de Authoritate. 21.	623
4. De Observandis in praxi circa probabilitatem propositionum.	587	3. Regulæ de Interpretatione. §. 2.	629
5. De Censuris Criticis.	588	4. Regulæ de opusculis supposititiis	20.
PARS II. De Authoritate.	589		638
§. 1. De Authoritate in genere.	ibid.	PARS VI. Demonstratio Artis Criticæ.	648
2. De idoneo controversiarum iudice.		Caput. 1. Quid sit probabile?	ibid.
	590	2. Gradus probabilitatis per numeros exhiberi possunt.	650
3. De idoneo teste.	591	3. Regulæ determinandi gradum probabilitatis ex inductione.	652
4. De argumento negativo petito ex silentio Authorum.	592	4. Regulæ determinandi gradum probabilitatis ex legibus contingentium.	653
PARS III. Hermenevtica, seu de interpretatione.		5. Regulæ determinandi gradum probabilitatis, quando concurrunt plura argumenta probabilia cum aliis probabilibus oppositæ sententiæ.	655
§. 1. De vario verborum sensu.	ibid.	6. Quomodo argumenta per præsumptiones contrarias enerventur.	659
2. De Principiis interpretationis.	594	7. De Utilitate Artis Criticæ.	664.
3. De sensu verborum, prout desumitur ex usu loquentium.	ibid.	PARS VII. De stylo Authorum, de Authoribus ex stylo dignoscendis.	665
4. De sensu verborum, prout desumitur ex intentione loquentium.	ibid.	Caput. 1. Viri doctissimi iudicant, sæpe Authores ex stylo dignosci posse.	ibid.
5. De sensu verborum, prout desumitur ex subiecta materia.	596	2. Cicero & Quintilianus assignarunt varias notas characteristicas Authorum quoad stylum.	666
6. De sensu Axiomatum, definitionum, divisionum, inductionum, discursuum &c. &c.	597	3. Explicantur styli elementa, ex quibus de stylo Authorum, eorumq; diversitate iudicium formari possit.	670
7. De sensu proprio, primario, ac secundario propositionum.	599	4. Nova Regula, quomodo Authores soluta oratione scribentes ex numero ac metro distingui possint.	677
8. De sensu universali, particulari, limitato, absoluto, ac conditionato propositionum.	601	5. De variis vitiis ac proprietatibus in stylo Authorum occurrentibus, ex quibus notari possint.	681
9. De sensu propositionum, quæ important aliquam denominationem.	603	6. Traduntur ac demonstrantur regulæ pro dignoscendis ex stylo Authoribus.	684
10. De sensu propositionum, quæ important aliquam causalitatem.	604	SYSTEMA Philosophorum veterum & Neotericorum in Physica.	693
11. De sensu propositionum, quæ important aliquam paritatem, similitudinem, aut relationem.	605	Systema 1. Moysaicum.	ibid.
12. De sensu univoco, analogo, æquivoco, adæquato, inadæquato; & sensu concretorum.	606	2. Barbarorum.	697
13. Observanda in praxi quoad interpretationem.	607	3. Græcorum.	699
PARS IV. Regulæ Criticæ modernis Scriptoribus familiares.	609	4. Zenonis.	702
§. 1. De Arte Critica Joannis Clerici, maximè de emendatione, suppositione, & interpolatione Scriptorum veterum.	ibid.	§. Pla	



# I N D E X.

<i>Systema.</i> 5. Platonis.	pag. 703
6. Aristotelis.	707
7. Epicuri & Gassendi.	709
8. Cartesii.	713
9. Chymicorum.	717
10. Nevvtoni.	732
11. Leubnizii.	737
12. Scholasticorum in genere.	738
13. Thomistarum	740
14. Recentiorum.	742
15. Scotistarum.	744

## FALSITAS COPERNICANI SYSTEMATIS DEMONSTRATA.

Addita Notitia historica eorum, quæ à  
Neotericis de Cœlis resecta sunt.

### SECT. I. De Systemate Universi. 745

<i>Caput.</i> 1. An Systema Copernicanum ex Pa- rallaxi annua Stellæ Polaris de- monstratum sit.	ibid.
2. An idem sit demonstratum ex Paral- laxi annua Sirii.	748
3. An idem demonstrari possit ex globo tormenti bellici perpendiculari- ter expulso.	752
4. An idem demonstretur ex Regula Keppleriana.	754
5. An eidem faveat motus pendulorum sub Tropicis.	760
6. An stationes & retrogradationes Pla- netarum non possint convenien- ter explicari sine motu terræ.	766
7. An motus terræ demonstretur ex Pa- rallaxi annua observata à Ræ- mero & Horrebowio. C. 13.	770
8. An stationes, & retrogradationes non rectè exhibeantur in Systemate quiescentis à Cassino Seniore.	771
9. An falsitas Systematis Copernicani ex defectu Parallaxis annua posi- tively demonstrata sit.	772
10. An eadem demonstretur ex motu gravium perpendiculari.	773
11. An eadem demonstretur ex motu Mercurii in Barometro.	774

### SECT. II. Systema mundi Physicum. pag. 778

<i>Caput.</i> 1. De situ Planetarum.	ibid.
2. De Atmosphæris Planetarum.	779
3. De motu raptus Planetarum.	780
4. De motu vertiginis Planetarum.	ibid.
5. De Apogeo & Perigeo Planeta- rum.	781
6. De statione ac retrogradatione Pla- netarum.	ibid.
7. De motu Planetarum in latitudi- nem.	783
8. De Cometis.	784
9. De Stellis.	785
10. Hoc Systema convenire cum legibus naturæ.	ibid.
11. Et cum Scriptura.	786

### SECT. III. De Planetis & stellis in particulari. 787

<i>Quæst.</i> 1. An demonstratum sit, Solem esse corpus liquidum, in quo macu- læ solares fluctuent.	ibid.
2. An circa Lunam detur Atmosphæra? Et an Luna terræ nostræ sit si- millima.	795
3. Novarum observationum historia circa Mercurium.	808
4. Circa Venerem.	809
5. Circa Martem.	811
6. Circa Jovem.	816
7. Circa Saturnum.	821
8. Circa satellites Jovis & Saturni.	826
9. Circa Cometas.	831
10. Circa tractus luminosos.	839
11. Circa stellas fixas.	841

### SECT. IV. De natura, declinatione, & inclinatio- ne Magnetis. 844

1. Ostenditur Polum & materiam ma- gneticam gyrare circa terram, & supra terram.	ibid.
2. Assertur novum Systema inveniendæ longitudinis locorum ex decli- natione Magnetis.	845
3. Tabula declinationum Magnetico- rum.	848
4. Litteræ Indicæ de Inclinatione Ma- gnetis.	850





# S V M M V L Æ

## SECTIO I.

### De Terminis.



Vando dico; *Murus est albus*, aliquid affirmatur de Muro, nempe Albedo: Quando dico; *Murus non est niger*, aliquid negatur de Muro, nempe Nigredo. Omnis talis affirmatio aut negatio alicujus rei de aliqua re vocatur *Propositio*: Id, quod af-

firmatur aut negatur, v. g. hic Albedo, aut Nigredo, vocatur *Prædicatum*: Id, de quo aliquid affirmatur aut negatur, v. g. hic Murus, vocatur *Subiectum*: particula *Est*, perquam aliquid affirmatur de alio, vocatur *Copula*: omnis vox, ex qua potest fieri aliquod subiectum aut prædicatum; v. g. Murus, albus, vocatur *Terminus*. Propositiones, in quibus nullum subiectum aut prædicatum explicitè ponitur, debent exponi; v. g. hæc propositio; *Pluit*; debet sic exponi; Deus est pluens: *Petrus sedet*; Petrus est sedens.

*Significativus* Terminus vocatur, qui ex institutione hominum aliquid significat, ut; *Homo*.

*Non significativus*, qui ex institutione hominum nihil significat, ut *Plectri*, *Hircocervus*, *Vulpanfer*.

*Singularis*, qui solum de una numero re dicitur, ut, *Petrus*, *Deus*, *hic homo*.

*Communis*, qui de pluribus dicitur, ut *Homo*, qui dicitur de Petro & Paulo.

*Categorematicus*, qui se solo constituit Subiectum, aut Prædicatum; ut, si dico: *Petrus est homo*; Petrus & Homo sunt termini Categorematici.

*Syncategorematicus*, qui se solo non potest constituere Subiectum aut Prædicatum; tales termini sunt adverbia; ut si dico: murus est *Bene* constructus.

*Infinitus*, cui præponitur particula *Non*, ut, *Non lapis*.

*Univocus*, qui dicitur de pluribus in eodem sensu, ut, *homo* de Petro & Paulo; *animal* de Cane & Equo.

*Aquivocus*, qui dicitur de pluribus in diverso sensu; ut, *Canis* de stella, de pisce, & Molosso.

*Analogus*, qui dicitur de pluribus in diverso sensu, sed tamen cum aliqua proportionem, aut similitudinem; ut, *homo* de Petro, & de ejus imagine picta; *sannum* dicitur de Medicina, cibo, urina, colore vultus.

R. D. Euseb. Amort Philosophia.

*Transcendentalis*, qui dicitur de omni re possibili, ut, *Ens*, *Unum*, *Verum*, *Res*, *Aliquid*, *Bonum*.

*Prædicamentalis*, qui non dicitur de omni re possibili, sed tantum de certa classe entium, ut esse *Quantum*, *coloratum*.

*Complexus*, cujus partes seorsim idem significant, quod conjunctim; ut *Romana Civitas*. Respublica est terminus *incomplexus*.

*Correlativus*, qui significat rem cum relatione ad aliam; ut, *Cena* significat comestionem cum relatione ad tempus vespertinum: *Dominus* significat hominem cum relatione ad servum; hic terminus etiam vocatur *relativus*; *Homo* verò, *Equus* &c. sunt termini *absoluti*.

*Concretus*, seu *Concretivus*, qui significat compositum ex subiecto & forma; ut, *Album* significat rem cum albedine. Quando compositum non est accidentale, vocatur *Quidditativus*; ut, *Homo*, seu res habens animam rationalem; quando compositum est accidentale, vocatur *Denominativus*, ut, *Album*, seu res habens albedinem.

*Abstractus*, qui significat solam formam, ut, *Albedo*, *humanitas*.

*Primò Intentionalis*, qui convenit rei, ut ea est a parte rei; ut, *Petrus est homo*; Petrus est primò intentionalis.

*Secundò Intentionalis*, qui convenit rei, mediante aliqua cognitione, ut, *Petrus est terminus singularis*, *Petrus est subiectum*, Petrus est terminus secundò intentionalis; quia Petrus secundum se nec est terminus, nec subiectum.

*Universaliter supponere* terminus dicitur, quando dicitur de omnibus suis significatis; ut si dico: *Omnis homo est rationalis*; Homo supponit universaliter pro Petro, Paulo &c.

*Particulariter*, quando non dicitur de omnibus suis significatis, sed tantum aliquibus; ut si dico: *Aliquis homo currit*.

*Distributive*, quando dicitur de omnibus suis significatis singillatim, ac copulative acceptis, ut si dico: *Omnis homo est rationalis*; verum est; Petrus est rationalis, & Joannes.

*Collective*, quando dicitur de omnibus suis significatis simul acceptis; ut si dico: *Petrus & Paulus sunt duo*; Matthæus, Marcus, Lucas, & Joannes sunt omnes Evangelistæ.

*Disjunctive*, quando tantum dicitur de aliquo indeterminato; ut, *Aliquis homo currit*; vel Petrus,



## S E C T I O II. De Propositione.

vel Paulus &c. quando illud in determinatum nunquam potest determinari, dicitur supponere *disjunctim ac Confuse*; ut si dico; *Aliquis oculus est necessarius ad videndum*, calamus ad scribendum.

*Terminus Est in Statu*, quando sumitur pro tempore per copulam importato, ut, *Petrus est armatus*; sensus est, quod tempore presenti sit armatus.

*Ampliat*, quando sumitur pro omni tempore, ut si dico: *Petrus est homo*; hoc enim verum est omni tempore, quocunque Petrus existit.

*Distrahitur*, quando sumitur pro alio tempore, quam quod per copulam importatur; ut, *cæci vident, claudi ambulant*; sensus est: qui fuerunt cæci, vel claudi.

*Restrigitur ac diminuitur*, quando ab ampliori significatione ad arctiorem contrahitur, ut, *Homo sapiens agit patienter & fortiter*; Homo hic non sumitur in tota amplitudine.

*Alienatur*, quando transfertur à propria significatione ad impropriam; ut, *Prata rident*.

*Appellat* ad alium terminum, quando cum illo conjungitur sensu: ut si dico *Alexander Magnus fuit philosophus*; To Magnus appellat ad Alexandrum; quando verò dico, *Plato magnus fuit philosophus*; To Magnus appellat ad Philosophum.

*In sensu accommodo* terminus sumi dicitur, quando à termino universali fit exceptio; ut *Cælum tegit omnia*; excipitur ipsum cælum. *Omnes peccaverunt in Adamo*. Excipitur Christus.

*In sensu stricto* sumitur, quando à termino universali nulla fit exceptio.

*In sensu Reduplicativo* sumitur, seu *Reduplicativè*; quando prædicatum subiecto tantum tribuitur sub certa aliqua ratione; ut *Petrus musicus est laudabilis, inquantum est musicus*; Sartor pingit, quia pictor, non quatenus est sartor.

*In sensu Denominativo* sumitur, seu *Denominativè*; quando prædicatum tribuitur subiecto ratione sui; ut, *homo justus septies in die cadit*; nempe homo, qui est justus; non quatenus est justus; Petrus piscator docet, nempe, qui est piscator; non quatenus est piscator.

*Pro singulis generum* sumitur, quando terminus universalis sumitur pro omnibus ac singulis contentis sub genere; ut, *Omne animal movetur*.

*Pro generibus singulorum* sumitur, quando sub termino universali tantum comprehenduntur genera ac species; ut, *Omne animal fuit in arca Noe*; id est, omnia genera ac species animalium.

*Secundum quid* sumitur, quando terminus amplioris significationis restringitur ad certum locum, tempus, partem &c. ut, *Æthiops est albus, secundum dentes*. Sine tali addito dicitur sumi *simpliciter*.

*Materialiter* sumi terminum est ferè idem, ac eundem sumi denominativè; & *Formaliter* sumi idem est, ac Reduplicativè.

Monendum hîc à principio censeo, neminem immorari debere iis, quæ in Logica traduntur; Exercitatio dabit intelligentiam.

*Composita* propositio dicitur, quæ è pluribus propositionibus per particulam *Et* componitur; vocatur etiam *Copulativa*; ut, *Petrus sedet & studet*; Petrus studet, & Paulus dormit.

*Disjunctiva*, quæ è pluribus per particulam *Vel* componitur; ut, *Petrus vel studet vel dormit*.

*Conditionalis*, seu *Hypothetica*, cui apponitur conditio; ut, *si Pons ruet, peribis*.

*Categorica* seu *Absoluta* est, quæ sine conditione profertur, ut, *Peribis*.

*Causalis*, cui apponitur causa, ut, *quia voluit, periit*.

*Modalis*, cui apponitur modus; ut, *Petrus Necessario est homo*; Petrus *impossibiliter* est equus; Petrus *Possibiliter*, aut *Contingenter* currit; Petrus *velociter* currit.

*Exclusiva*, cui apponitur particula exclusiva, ut, *Tantum Petrus studet*.

*Exceptiva*, cui apponitur particula exceptiva; ut, *Omnes præter Petrum student*.

*Reduplicativa*, cui apponitur particula reduplicativa; ut, *Petrus, inquantum Musicus, laudatur*.

*In materia necessaria*, quando prædicatum necessario convenit subiecto; ut, *Petrus est homo*.

*In materia contingenti*, quando prædicatum non necessario convenit subiecto; ut, *Murus est albus*.

*Universalis*, quando subiectum est universale, ut, *Omnis homo est rationalis*.

*Particularis*, quando subiectum est particulare; ut, *Aliquis homo currit*.

*Indefinita*, quando subiectum est indefinitum; ut, *homo currit*.

*Singularis*, quando subiectum est singulare; ut, *Petrus currit*. Hæc subiecti Universalitas, aut Particularitas vocatur propositionis Quantitas.

*Affirmativa*, aut *Negativa*, in qua aliquid affirmatur, aut negatur; ut *Petrus studet*; *Petrus non studet*; talis affirmatio aut negatio dicitur propositionis Qualitas.

*Opposita*, quæ cum alia propositione, habente idem prædicatum & subiectum, non convenit in Quantitate vel Qualitate; ut, *Murus est albus*, *Murus non est albus*, opponitur in qualitate. Hæc differentia propositionum vocatur Oppositio.


*Contradictoria*, quæ cum alia propositione nec in Qualitate, nec in Quantitate convenit; ut, *Omnis homo currit*, *Aliquis homo non currit*.

*Contraria*, quæ cum alia propositione universali tantum non convenit in qualitate; ut, *Omnis homo currit*, *Nullus homo currit*.

*Subcontraria*, quæ cum alia propositione particulari tantum non convenit in qualitate; ut, *Aliquis homo currit*, *Aliquis homo non currit*.

*Subalterna*, quæ cum alia propositione tantum non convenit in quantitate; ut, *Omnis homo currit*, *Aliquis homo currit*. Prior universalis propositio vocatur subalternans; posterior subalternata.





*Opposita de Lege*, seu *Exlex*, quæ in recensito Oppositionis schemate non comprehenditur; ut: Petrus currit, Petrus non currit; Murus est albus, Murus non est albus.

*Æquipollens*, quæ alteri propositioni quoad sensum æquivalet: ut: Aliquis homo non currit; Non omnis homo currit.

*Conversio* propositionis est subiecti cum prædicato commutatio; ut: Omnis homo est animal; Aliquod animal est homo. Prior propositio vocatur *Conversa*; posterior *Convertens*,

*Copulativa* propositio ad sui veritatem requirit veritatem omnium partium, ut si dico: Petrus sedet & studet; ad veritatem propositionis requiritur, ut simul sedeat & studeat.

*Disiunctiva* solum requirit veritatem unius partis; ut si dico: Petrus vel dormit, vel studet; sufficit, si studeat.

*Conditionalis* nullius partis absolutam veritatem, sed solam partium connexionem requirit; ut: si sol lucet, dies est. Hæc propositio etiam nocte vera est.

*Causalis* requirit veritatem utriusque partis, & connexionem earundem: ut; Quia voluit, periit. Ad veritatem propositionis requiritur; 1. ut voluerit. 2. ut perierit. 3. ut ideo perierit, quia voluit.

*Modalis* requirit veritatem rei principalis, & modi; ut si dico: Petrus velociter currit; requiritur ut currat, & ut velociter currat.

*Reduplicativa* idem requirit, quod causalis.

*Contradictoria* præcisè id affirmat, quod altera negat. Hinc contradictoriæ nequeunt simul esse veræ, aut falsæ.

*Contraria* plus affirmat, quàm altera negat; aut vicissim; hinc contrariæ, licet non possint simul esse veræ, possunt tamen simul esse falsæ.

*Subcontrariæ* possunt simul esse veræ.

*Subalternantis veritas* continet veritatem subalternatæ; non tamen vicissim. Falsitas autem subalternatæ continet falsitatem subalternantis; non vicissim.

*Conversio simpliciter* fieri dicitur, quando servatur eadem quantitas propositionis; ut: Nullus homo est

lapis, nullus lapis est homo; talis conversio fit in omni propositione universali negativa, & particulari affirmativa.

*Conversio per accidens* fieri dicitur, quando non servatur eadem quantitas propositionis; ut: Omnis homo est animal: Aliquod animal est homo. Talis conversio fit in omni propositione universali affirmativa.

## SECTIO III.

### De Definitione, & Divisione.

*Definitio* est propositio, explicans naturam, seu partes constitutivas rei.

*Metaphysica* vocatur, cujus partes de se invicem prædicantur in recto; ut: homo est animal rationale.

*Physica*, cujus partes non prædicantur de se invicem in recto; ut: homo est corpus, anima, & earum unio. Utraque tam physica, quàm metaphysica vocatur *Essentialis*, quia explicat partes essentielles.

*Accidentalis*, quando solum explicantur partes accidentales; vel quando explicatur solum Totum Compositum accidentale; ut: homo est animal bipes, implume, habens latos ungues.

*Causalis*, quæ fit per causam rei vel materiale, vel efficientem, vel finale; ut: homo est animal creatum è limo ad colendum Deum.

*Descriptiva*, quæ desumitur à proprietatibus, accidentibus, aut circumstantiis rei; ut: homo est animal risibile, politicum, scientiæ capax.

*Definitio Nominis* est, quando explicatur vocis significatio; ut: Centaurus est monstrum marinum, dimidia parte humanum, dimidia equinum.

Definitio bona servet sequentes regulas:

1. Sit *clavior suo definito; non obscura.*
2. Sit *brevi*; nil continens superflui, ob quod in definitione non probantur particulæ Copulativæ Et, aut Disiunctivæ Vel.
3. Sit *converibilis simpliciter cum definito*; ut: omnis homo est animal rationale, omne animal rationale est homo.
4. Conveniat *Omni, & Soli*, definito; Ut: homo



est animal rationale, convenit omni homini, & soli homini.

5. *Constat genere proximo, & differentia ultima.* Genus proximum vocatur illud prædicatum, per quod res definita cum aliis entibus, quam fieri potest, paucissimis convenit. Differentia ultima vocatur illud prædicatum, per quod ab omnibus aliis entibus ultimato differt. Ut: homo est animal rationale; animal est genus, per quod homo adhuc convenit cum bestiis; rationale est differentia, per quam ab omni ente differt. Si dixissem: homo est ens risibile, non foret bona definitio; quia Ens foret genus nimis remotum; & risibile præsupponit in homine aliud prædicatum, nempe rationalitatem, per quam homo ab aliis entibus ultimato, seu ut alii loquuntur, primo differt.
6. *Quidquid potest dici de definito, debet etiam posse dici de definitione, & vicissim.* Ut: si possum de homine dicere, quod sit imago Dei; debeo hoc etiam posse dicere de animali rationali.

Observandum est circa definitiones.

1. *Res simplices*, quæ nullas habent partes, *definiri non posse*; v.g. albedo, lux; ista enim entia experientia sensuum, non descriptione animo innotescunt; definitio ac descriptio solum iis prodest, quibus partes rei definitæ jam aliunde notæ sunt.
2. *Genus non adeo stricte requiri in definitionibus* maxime compositorum accidentalium, aut moralium; finis enim definitionis plerumque est, ut discernamus rem definitam ab aliis entibus, quod sit quandoque per solam differentiam. Ut si dicerem, homo est quid rationale.
3. *Dependere à iudicio prudentum, quot & quales partes genericæ aut differentiales in definitione exprimi debeant*: cum enim definiens velit explicare naturam rei intelligibiliter, ad hoc unum attendere debet, ut afferat prædicata nota, nec debet curare, an illa prædicata pertineant ad genus proximum, aut remotum. Ob eandem causam prudentia quandoque exigit, ut afferantur plura prædicata genericæ; solet enim interdum aliquod prædicatum specialem mereri attentionem, & ob hoc exprimi in definitione, licet alioquin posset omitti, aut convenientius prædicatum assignari. Quare attendi debet ad finem definitionis & definiæntis.
4. *Plerasque definitiones esse aut descriptivas*, aut certe minus exactas; quia aut partes essentielles parum nobis notæ sunt; aut earum ordo & meritum in definitione determinari non potest; quis enim neget hominem æquè definiri posse. Rationativum animale, sicut modo definitur animal rationale? adeoque de definitionibus multum litigandum non est, cum ejusdem rei possint fieri diversæ definitiones.
5. *Definitiones temporum vicissitudine mutationi obnoxias esse*: Quia aliqua composita, maxime accidentalia & moralia, mutant partes quasdam essentielles; quibus mutatis, necesse est etiam definitiones mutari; quandoque successu temporum aliquæ partes essentielles compositi, quæ prius ignotæ erant, de novo reteguntur; interdum aliquæ partes essentielles, dudum quidem cognitæ, sed neglectæ, incipiunt nostro tempore fieri notabiles, atque attentione dignæ; igitur clarum est, eas in definitione nova exprimi posse.

*Divisio* est totius in suas partes distributio; ut: Animal

aliud est rationale, aliud irrationale. Animal, quod dividitur, vocatur divisum. Rationale & irrationale, in quæ animal dividitur, vocantur membra dividencia.

*Actualis* divisio vocatur, cujus partes actu constituunt totum; ut: hominis alia pars est corpus, alia anima. Tale totum vocatur actuale.

*Potentialis*, cujus partes non necessario actu constituunt totum; ut animal aliud est rationale, aliud irrationale; tale totum vocatur potentiale.

*Univoca*, cujus partes univocè participant rationem divisi. Ut animal aliud est equus, aliud leo. Quando vero diceretur, canis alius est cœlestis, alius terrestris; divisio foret æquivoca.

*Accidentalis*, in qua enumerantur partes accidentales; ut: homo alius est Europæus, alius Africanus.

Divisio bona servet sequentes regulas:

1. *Divisum sit majus quavis parte dividente.*
2. *Membra dividencia adæquent divisum.*
3. *Membra dividencia inter se pugnent*, ita ut unum non includatur in altero; hinc mala foret divisio, si Europam dividerem in Hispaniam, Galliam, Germaniam, & Bavariam.
4. *Divisio sit brevis, & utilis.*

Hæc ultima divisionis regula est præcipua; bonitas enim divisionis dependet à fine divisionis & dividendi; hinc solum in divisione recenseri debent illæ partes, quæ ad scopum dividendi serviunt; nec probantur multæ subdivisiones partium, finis divisionis alius esse non debet, nisi ut illas totius compositi partes continuo ante oculos habeamus, quarum consideratio ad discursum intentum, ac systema coordinandum necessaria est. *Suprema divisionis regula prudentia esto.*

## SECTIO IV.

### De Syllogismo.

Syllogismus vocatur discursus, in quo infertur unum ex alio; ut: Omnis homo est mortalis

Petrus est homo

Ergo Petrus est mortalis.

In omni tali Syllogismo dantur *Tres Propositiones*, & *Tres Termini*. Prima propositio vocatur *Major*; Secunda *Minor*; Tertia vocatur *Conclusio*, aut *Consequens*. Prima & secunda propositio simul sumptæ, vocantur *Præmissæ*. In præsentis exemplo tres termini sunt 1. *Homo*. 2. *Mortalis*. 3. *Petrus*. Terminus, qui in præmissis bis recurrit, ut *Homo*, vocatur *terminus Medius*. Reliqui duo termini vocantur *Extrema*. Ille, qui in majori prædicatur, ut *Mortalis*, vocatur *extremum Majus*; alter terminus, qui in Minori subjicitur, vocatur *minus extremum*, ut; Petrus. Conclusionis cum Præmissis connexio vocatur *Consequentia*.

*Categoricus* Syllogismus est, in quo omnes propositiones sunt categoricæ, ut:

Omnis homo est mortalis

Petrus est homo

Ergo Petrus est mortalis,

*Hypotheticus* est, in quo reperitur propositio hypothetica, seu Conditionalis, ut:

Si sol lucet, dies est

Sed sol lucet

Ergo dies est.

*Enthymema* est syllogismus imperfectus, constans duabus propositionibus, ita ut tertia subintelligatur; ut:

Petrus est homo

Ergo est mortalis.

Vel



Vel: Sol lucet

Ergo dies est.

Exemplum est argumentatio ab exemplo, ut:

Ebrietas Alexandrum perdidit

Ergo & te perdet.

Inductio est Argumentatio ab enumeratione partium; ut

Europæi, Asiatici, Africani, & Americani

sunt mortales, ergo omnes homines sunt

mortales.

Sorites est propositionis unius ex alia per plures medias

propositiones facta illatio, ut:

Amor vanitatum parit pigritiam,

Pigritia parit ignorantiam,

Ignorantia parit in malo pertinaciam,

Pertinacia parit damnationem,

Ergo amor vanitatum parit damnationem.

Syllogismus Prima figura dicitur, quando medius terminus

in præmissis semel subicitur, & semel prædicatur;

ut: Omnis homo est mortalis

Petrus est homo

Ergo Petrus est mortalis.

Syllogismus Secunda figura dicitur, quando medius terminus

in præmissis bis prædicatur, ut:

Omnis homo est rationalis

Nullus equus est rationalis

Ergo nullus equus est homo.

Syllogismus Tertia figura est, quando medius terminus

in præmissis bis subicitur, ut:

Omnis homo est creatura

Omnis homo est animal

Ergo aliqua creatura est animal.

Principia Syllogismi sunt duo: 1. Quæcumque identifican-

tur cum uno tertio, identificantur inter se; & Quæcumque

distinguntur in uno tertio, distinguuntur inter

se v.g. Petrus, & mortale identificantur cum Homine,

Ergo etiam identificantur inter se. Homo iden-

tificatur cum Rationali, Equus non identificatur

cum rationali, ergo neque identificantur inter se

homo & equus. 2. Dictum de omni, & dictum de

nullo, id est, Quidquid dicitur de omnibus, dicitur

etiam de singulis. Si dico de Omni homine, quod sit

rationalis, debeo hoc etiam dicere de Petro; qui

comprehenditur inter omnes homines.

Generalis omnium Syllogismorum Regula est, quod

Conclusio debeat contineri in una Præmissarum. v.g.

Hæc conclusio; Ergo Petrus est mortalis, continetur

in illa propositione; Omnis homo est mortalis;

altera propositio; Petrus est homo; tantum mihi

ostendit; Conclusionem contineri in majore; in

quantum ostendit, inter omnes homines comprehendi

etiam Petrum. Hinc una Præmissarum vocatur

Continens; altera Applicans. Omnis Syllogismus,

in quo servatur hæc regula, bonus est; in

quo non servatur, malus.

Addi possunt sequentes regulæ:

1. Medius terminus in una præmissarum distribuatur;

hinc malus est sequens syllogismus:

Aliquod animal est rationale

Equus est aliquod animal

Ergo equus est rationalis.

2. Terminus non distributus in præmissis non potest distri-

bui in conclusione; hinc male infertur:

Omnis homo est animal

Nullus equus est homo

Ergo nullus equus est animal.

Quia animal in majori supponit disjunctive; in

conclusionem distributive.

3. Conclusio sequitur debiliorem partem; id est, si una præmissarum fuit negativa, etiam conclusio sit negativa; hinc male diceretur:

Homo est rationalis

Equus non est homo

Ergo equus est rationalis.

4. Ex duabus præmissis particularibus nihil sequitur, ut:

Aliquod animal est rationale

Aliquod animal est irrationale

Ergo aliquod rationale est irrationale.

5. Ex meris negativis propositionibus nihil sequitur, ut:

Nullus equus est rationalis

Nullus homo est equus

Ergo nullus homo est rationalis.

6. In Syllogismo non reperiuntur plures, quam tres termini, ut:

Omnis Canis est latrabilis

Stella est Canis

Ergo stella est latrabilis.

Hic enim Canis, cum habeat duplicem sensum,

æquivaleret duobus terminis; ac proinde addendo reli-

quos duos terminos; latrabilis, & stella, dantur in

hoc Syllogismo quatuor termini.

Igitur illi Syllogismi, in quibus non servantur hæc re-

gulæ, formaliter, id est, vi formæ, ac universaliter

boni non sunt. Licet aliquando sint boni materiali-

ter, id est, in certis materiis, non vi artificii syllo-

gistici.

## SECTIO V.

### De Inventione.

Inventio Medii termini, seu argumenti sumitur

1. à Causa materiali, formali, efficiente, vel finali. v.

g. à Materiali, Petrus nec habet ligna, nec lapides,

ergo non ædificat. à Formali, Simia non habet ani-

mam rationalem, ergo non est homo. Ab efficiente,

Architectus peritus est, ergo ædificium est bonum.

Non datur Architectus, ergo nec ædificium. à Finali,

Finis justitiæ bonus est, ergo & justitia bona est.

Vel: non datur causa ambulandi, ergo non est am-

bulandum.

2. Ab effectu, ut: Opus laudatur, ergo & artifex.

3. à Genere, & Specie, ut: Lapis non est animal, ergo nec

homo. Vel: Petrus est homo, ergo etiam animal.

4. à Proprio, ut: Petrus est risibilis, ergo est homo.

5. Ab Adjunctis, accidente, ac circumstantiis, ut: venit

Canis Tobia, ergo & Tobias.

6. à Contrario, ut: Bellum nocet, ergo pax prodest.

7. à Simili, ut: servus Domino servit, ergo & homo Deo.

8. Ab Etymologia Nominis, ut: Homo ab humo dictus

est, ergo se humiliet.

9. à Definitione, ut: Simia non est animal rationale,

ergo nec homo.

10. à Divisione, ut: Phoenix nec reperitur in Europa,

nec in Asia &c. ergo nec in mundo.

11. Ab Autoritate, ut: Deus dixit, post mortem da-

ri aliam vitam, ergo datur.

Hæc argumentorum principia vocantur Loci Topici;

circa hos prodita sunt sequentia axiomata:

1. Circa Causas.

Sublata causa, tollitur effectus.

Qualis est causa, talis est effectus.

Qualis est effectus, talis est causa.

Cujus finis bonus est, ipsum quoque bonum est.

Quod est causa causæ, est etiam causa causati.

Posita causa, ponitur effectus.

Causa nobilior est suo effectu.



Causa est prior suo effectu.

Causa & effectus simul sunt.

2. *Circa Effectus.* Posito effectu, ponitur causa.

Cujus generatio bona est, ipsum quoque bonum est.

Cujus corruptio bona est, ipsum malum est.

Cujus usus bonus est, ipsum quoque bonum est.

Cujus usus malus est, ipsum quoque malum est.

3. *Circa Genus & Speciem.*

A quo remouetur genus, remouetur & species.

Quod conuenit generi, conuenit & speciei, sed non

4. *Circa Proprium.*

(vicissim.

Proprietates sequuntur Naturam.

Proprietates arguunt Naturam.

5. *Circa adjuncta.*

Quae regulariter conjuncta sunt, praesumuntur esse conjuncta.

Quae regul. antecedunt, praesumuntur antecedere.

Quae regul. consequuntur, praesumuntur consequi.

Qualia sunt adjuncta, talis praesumitur res.

Quae toties fere sunt conjuncta, quoties non sunt conjuncta, non fundant praesumptionem.

Tanto major est praesumptio, quanto frequentior est adjunctorum cum re conjunctio.

Cum quibus connectuntur adjuncta rei, cum iisdem connectitur ipsa res.

6. *Circa Contraria.*

Contrariorum contrariae sunt causae.

Contraria non sunt ejusdem speciei.

Unum uni tantum est contrarium.

Contraria versantur circa idem subjectum.

Contraria non insunt simul eidem subjecto.

Contrarium oritur ex contrario.

Contrariorum eadem est ratio, seu scientia.

Posito uno contrariorum, tollitur alterum.

7. *Circa Simile.*

Similium eadem est ratio, idem iudicium.

Si id, quod magis videtur inesse, non inest; nec inest, quod minus videtur inesse.

Si praedicatum non inest ei, cui magis videtur inesse; nec inest ei, cui minus videtur inesse.

Si id, quod minus videtur inesse, inest; inest etiam, quod magis videtur inesse.

Si praedicatum inest ei, cui minus videtur inesse; inest etiam ei, cui magis videtur inesse.

Dissimilibus conueniunt dissimilia.

Omnis similitudo claudicat.

Simile simili gaudet.

8. *Circa definitionem.*

Quod conuenit definito, conuenit etiam definitioni, & vicissim.

Quod remouetur à definito, remouetur etiam à definitione, & vicissim.

Species sumitur à differentia.

9. *Circa diuisionem.*

Positis omnibus partibus, ponitur totum.

Sublata quacunque parte, tollitur totum.

Posito toto, ponuntur omnes partes.

Totum sapit naturam suarum partium.

Totum est majus sua parte.

10. *Circa auctoritatem.*

Cuique perito in sua arte credendum.

Quod omnibus, vel pluribus, vel sapientibus videtur, probabile est, nec sine gravi causa à communi aut sapientum iudicio recedendum est.

In usu verborum sequenda est consuetudo.

Præter hos generales Locos Topicos dantur speciales, quando instituitur plurius objectorum inter se comparatio aut electio.

Melius proin ac Præstantius est.

1. *à Causis.* Quod inest rei meliori.

Quod versatur circa præstantiorem materiam, aut modo meliore.

Quod propter se expetitur, non propter aliud.

Quod per se expetitur, non per accidens.

Quod natura bonum est eo, quod non natura bonum est.

Quod propter se in majori est honore aut laude, quam quod propter aliud.

Quod propter se expetitur eo, quod solum propter

laudem humanam ac æstimationem hominum.

Quod appositum rei alicui eam facit expetibilem eo, quod illam non facit ita expetibilem.

Quod per se est causa boni, eo, quod per accidens est causa.

Id, quo habito, non indigemus altero.

Quod reddit melius aut bonum id, in quo est.

Id, cuius quisque se mavult esse causam, quam ali-

Id, quo res melior comparatur. (tum.

Finis magis expetendus est, quam ea, quæ ad finem ducunt.

Quod ad finem accedit propius, aut certius.

Quod ad finem vitæ spectat eo, quod ad alium fi-

Id, cuius finis melior. (nem.

2. *Ab Effectu.* Id, quod magis possibile.

Id, cuius ortus magis optandus, & interitus magis fugiendus.

Id, quod difficilius acquiritur à nobis.

3. *à Genere, Specie, Proprio.*

Quod magis proprium rei, eidem melius.

Quod proprium est melioris rei.

In quavis specie id, quod habet statum ac virtutem connaturalem.

4. *Ab Adjunctis.* Quod magis insigne.

Quod diuturnius est.

Quod plus voluptatis, minus molestiae habet.

Quod vis eo tempore, quo maiorem virtutem habet.

Bona ex circumstantia aliquando meliora necessaria.

Quod sine altero merito expeti potest. (riis.

Cui consequens est majus bonum.

5. *à Contrario.*

Quod suo contrario minus permixtum est.

Illud è duobus contrariis, quo magis præditi vide- (ri volumus.

6. *à Simili.*

Quod rei bonæ propinquius aut similis.

Si Positivus bonus, Comparativus melior.

7. *à Definitione & Diuisione.*

Quod magis suscipit definitionem, magis tale est.

Plura bona anteponenda paucioribus.

Quod simpliciter bonum eo, quod tantum alicui bonum.

Quod semper aut ut plurimum utile eo, quod tantum aliquando.

Quod ad omnia v. plura utile, eo, quod ad pauciora.

Quod est in genere eo, quod non est in eo genere.

Quod est in genere vel specie meliori.

8. *Ab Auctoritate.*

Quod potius eligit prudens, aut vir bonus, aut lex, aut qui excellunt in aliqua re.

Quod melior disciplina eligendum præcipit.

Addo ea, quæ hic tradita sunt de objectis eligendis, applicari posse ad objecta fugienda; utque hæc principia reddantur memoriæ familiaria, utile fuerit, se in ipsis per exempla exercere. Nec inutilis erit horum familiaritas: argumenta enim in nobis latentia veluti certis characteribus demonstrant, ac menti offerunt.



## SECTIO VI.

### De Certitudine Argumentorum, & Conclusionum, & Regulis Consequentia.

Propositionem *metaphysicè certam* voco, cujus principia absolute nunquam possunt fallere.

*Physicè certam* voco, cujus principia nunquam fallunt secundum cursum ordinarium naturæ.

*Moraliter certam* voco, cujus principia rarissime fallunt.

*Probabilem* voco, cujus principia regulariter, ac sæpius non fallunt.

*Dubiam* voco, cujus principia ferè toties fallunt, quoties non fallunt.

*Improbabilem* voco, cujus principia ferè toties fallunt, quoties non fallunt.

*Conclusio sequitur naturam antecedentis.* Si antecedens est certum, vel probabile; talis etiam est conclusio, si necessariò consequitur suum antecedens. v. g. Petrus currit, ergo movetur.

In Syllogismo *Conclusio sequitur partem debiliorem*; id est, Quando una Præmissarum est certa, altera probabilis, etiam conclusio solum est probabilis. v. g. Omnis Prædestinatus à Deo infallibiliter salvatur, Petrus est Prædestinatus, Ergo infallibiliter salvatur. Hic conclusio est solum probabilis; licet major sit certa.

*Conclusio, quæ ex antecedente probabili tantum probabiliter deducitur, plerumque non manet probabilis.* v. g. Aristoteles in inferiori mundo negavit providentiam, Ergo non datur providentia.

Consequentia simpliciter affirmari aut negari debet; quia aut est sine ulla exceptione mala aut bona.

Aliquando potest negari consequentia, etiam si tam antecedens, quam consequens verum sit; quando nempe consequens non consequitur ad antecedens. v. gr. Petrus est homo; ergo sol lucet.

Dato uno absurdo, vel impossibili, sequitur alterum. v. g. Petrus est canis, ergo est animal latrabile.

In Conditionali affirmativa à positione antecedentis valet consequentia ad positionem consequentis. v. g. Si Petrus est homo, est animal: sed est homo, ergo est animal.

In Conditionali affirmativa à destructione consequentis, bona est consequentia ad destructionem antecedentis. v. g. Si lapis est homo, est animal; sed non est animal, ergo neque homo.

Generalis Consequentiarum regula est, quod illa bona sit, quæ vera est. Solet autem quandoque Hypothesis impossibilis posita in antecedente se ipsam destruere in consequente. v. g. Non datur veritas, ergo datur veritas. Etiam hæ consequentiæ reputantur legitimæ; licet enim ex falso non possit sequi verum; potest tamen occasione falsi probari verum. Igitur consequentia talis qualiscunque potest vocari legitima; inquantum occasione falsi infert verum destructivum falsi.

## SECTIO VII.

### De Sophismate.

Sophisma est vitiosa argumentatio; hujus occasiones periculosiores sunt sequentes:

1. Ignoratio Elenchi. Quando probatur aliud, quam quod est in quæstione. Hoc vitium frequenter committitur ab iis, qui, dum statum quæstionis ac controversiæ non satis intelligunt, ignorant, quid contra adversarium probandum sit; quandoque tales omnem probationum vim consumunt in minutis ad causam principalem parum contribuentibus; aliquando vel mala fraude, vel ex animi perturbatione affingunt adversariis ea, quæ à mente eorum remotissima sunt; vel eorundem doctrinæ adscribunt tales consecutiones, quas nemo admiserit. Igitur, ut vitetur hoc Sophisma, ante omnia status quæstionis, ac cardo controversiæ clarè ac distinctè proponendus est.

2. Petitio Principii. Quando id supponitur, quod est in quæstione. Quando probatur ignotum per æque ignotum, aut incertum per æque incertum. Solet hoc Sophisma committi 1. ab iis, qui Synonymum sumunt ad confirmationem Synonymi, aut definitionem ad confirmationem definiti. 2. Qui universalem propositionem probant per inductionem particularium; & particularia per propositionem universalem. 3. Qui correlativum probant per alterum correlativum. 4. Qui doctrinam suam superstruunt suppositis tanquam omnium confessione certis; cum tamen illa supposita æque incerta sint. 5. Qui committunt vitiosum circumulum, probando unum per alterum; & hoc iterum per primum. Huc pertinet, quod nonnunquam eadem conclusio in Philosophia probetur autoritate Theologorum, & in Theologia illa ipsa conclusio probetur autoritate Philosophorum. Notandum tamen; non repugnare rectæ rationi; si unus testis, extra controversiam fide dignus testetur de fidelitate alterius testis; & hic posterior dein testetur de qualitatibus nonnullis prioris testis, alioquin minus notis.

3. Non Causa, pro causa. Quando assignatur causa apparens, quæ tamen causa non est. Solet hoc Sophisma committi, quando intellectus obruitur nominibus rerum ignotarum, aut nominibus generalibus, aut nominibus abstractis. v. g. quando pro causa quorundam effectuum assignatur metus vacui, forma substantialis. Hæc enim sunt nomina rei ignotæ. Quando pro causa assignatur qualitas occulta, virtus magnetica, facultas concoctiva &c. obtruduntur nomina generalia, quæ nil aliud significant, quam causa occulta, causa attractiva &c. Quando fatum, fortuna, &c. pro causa adducuntur; habemus nomina abstracta, & præter nomina nihil, licet intellectus se veram causam apprehendisse existimet. Huc pertinet, quod sæpe assignetur Non effectus pro effectu v. g. dum multi effectus lunæ adscribuntur, qui nunquam extiterunt; nimia credulitas, & ingeniorum servitus hoc Sophisma fovet. Omnium frequentissime assumitur loco causa, quod concomitatur, aut antecedit effectum, licet cum effectu nullam necessariam connexionem habeat; Sic Sirius creditur causa æstus, quia illius ortus antecedit æstum. A quibusdam accusatur Eloquentia, ut causa malorum, eo quod videant, perversos homines ad persuadendum uti eloquentiâ.

4. Fallacia accidentis. Quando de natura aut proprietate rei pronuntiatur ex eo, quod ei tantum convenit per accidens. Sic accusatur eloquentia, aut



aut philosophia ex eo, quod cum illis contingenter quandoque conjuncta sint vitia. Igitur diligenter considerandum est, quid tribuendum ac adscribendum sit ipsi rei secundum se, quidve adscribendum accidentibus, aut circumstantiis.

5. Fallacia divisionis & compositionis. Quando fit argumentatio à sensu diviso ad sensum compositum, aut à sensu composito ad divisum. v.g. Petrus potest vitare homicidium, & adulterium, & blasphemiam, & quodvis aliud peccatum; Ergo tota sua vita potest vitare omnia peccata. Aut sic: Aleator potest prima, secunda, & qualibet alia vice jacere numerum senarium; ergo potest integro anno semper jacere numerum senarium; in his non licet à sensu diviso argumentari ad compositum, quia contingentia non procedunt uniformiter. Frequenter solet committi hoc Sophisma argumentando à sensu composito ad divisum, quando denominatio conveniens rei in sensu composito negatur ob hanc solam rationem, quod eidem non conveniat in sensu diviso.
6. A dicto secundum quid ad dictum simpliciter. Quando enuntiatur simpliciter, quod est tantum verum secundum quid. Hoc sophisma committitur ab iis, 1. qui rem unam alteri simpliciter præferendam esse volunt, cum tamen tantum præferenda sit secundum quid. 2. Qui rem simpliciter laudant aut vituperant, cum tamen solum foret laudanda secundum quid. 3. Qui denominationem relativam absolute tribuunt, cum tamen tantum conveniat rei relatè ad aliquid determinatum. 4. Qui aliquam denominationem simpliciter negant ex eo, quod illa denominatio secundum quid non conveniat rei. Hinc vitiosa est Argumentatio: Non licet occidere, ergo neque licet occidere nocentem. Vel: licet occidere nocentem, ergo licet occidere.
7. Imperfecta inductio. Hoc Sophisma committitur ab iis. 1. Qui consideratis omnibus considerandis pronuntiant aliquid esse possibile vel impossibile, verum vel falsum; cum tamen non omnia consideraverint. 2. Qui enumerando varios modos, quibus res fieri possit, omittunt tamen plures alios consideratione dignos. 3. Qui ex aliquot rerum particularium consideratione statim inferunt universale, ac propositionem generalem. 4. Qui integræ communitati ac societati adscribunt, quod tantum aliquibus paucis convenit.
8. Argumentum ab invidia ductum. Quo nempe aliorum doctrina opprimitur, conflando illius odium. Hoc fieri solet sic: 1. Sententia, quæ oppugnatur, male explicatur. 2. Cum invidiorum hominum dogmatibus confertur. 3. Nominibus invidiosis infamatur. 4. Exaggeratur momentum quæstionis. 5. Invisi redduntur boni, quod consuetis non utantur vocibus ac loquendi formulis. 6. Studiòse occultantur rationes, quibus refutanda sententia nititur. 7. Tacentur incommoda, quibus premitur sententia defendenda. 8. Prætermittuntur ea, quæ invidiam amoliri possent. 9. Invidiosa consectaria deducuntur ex sententia eorum, qui oppugnantur. 10. Malignis suspicionibus premuntur. 11. Novitas illis objicitur, quasi crimen. 12. Consensu hominum potentiorum opprimuntur. 13. Miscentur in disceptationibus multa, quæ ad rem nihil faciunt, sed quæ invi-

diæ creandæ apta sunt. 14. In deteriore partem accipiuntur indifferentia. 15. Provocatis fit à peritis iudicibus ad imperitos. 16. Adversarii quasi immorigeri magistratibus infamantur. Hoc genus Sophismatis sine dubio nec vitio, nec peccato caret; quia tamen interest reipublicæ, opprimi scandala, & nosse malos, licebit nonnunquam ea seligere, quæ veritatem non lædunt.

9. Æquivocatio, & Amphibologia. Illa fit, quando quis abutitur voce æquivoca, non subjiciendo eidem constans significatum; hæc verò fit, quando integra propositio recipit ambiguum sensum.

## SECTIO VIII.

### De Methodo.

Methodus est modus in suis ratiociniis ac studiis ordinatè procedendi.

Regula est Generalis, ut à simplicibus ad composita; à notioribus ad minus nota, à facilioribus ad difficiliora fiat progressio. v.g. qui explicat artificium horologii, prius explicat singulas partes seorsim, eorumque officium, ut dein totius compositi constitutio intelligi possit; sic Architectonica, & omnes aliæ artes prius explicant ac docent partes suæ operationis; & sic à simplicibus procedunt ad composita. Potest autem hæc progressio duplici modo fieri Synthetico, & Analytico.

Synthesis est Compositio. Hæc fit: 1. Quando ab inductione particularium progredimur ad conclusionem universalem. 2. Quando è proprietatibus & accidentibus rei seorsim cognitis colligimus naturam totius compositi. 3. Quando experientis, documentis, aut principiis particularibus, mediante aliquo discursu, superstruimus principium, dogma, aut systema universale. 4. Quando ex consideratione partium devenitur in cognitionem totius compositi. 5. Quando ex consideratione causarum & dispositionum ad naturam effectus rimandam progredimur.

Analysis est Resolutio. Hæc fit: 1. Quando ex conclusione generali descendimus ad particularia, ac corollaria. 2. Quando è natura totius compositi aliunde nota colliguntur proprietates & accidentia rei. 3. Quando ex aliquo principio, aut systemate generali aliunde certo deducitur continua serie veritas omnium conclusionum particularium; aut quando ex illo systemate explicantur experientiarum particulares. 4. Quando ex consideratione totius devenitur in cognitionem partium. 5. Quando ex cognitione naturæ effectus progredimur ad modum causandi ac productionis.

Usus Methodi Synthetici, aut Analytici ad nullam legem adstringitur. Quando principia universalia notiora sunt, quàm particularia (prout doctis plerumque notiora sunt) convenienter adhibetur Analysis: interdum utraque conjungitur. Quando verò agitur in re obscura, ubi tyronibus solum proprietates sensibiles, accidentia, ac phaenomena particularia nota sunt, adhibenda est methodus Synthetica. Tales proprietates particulares dicuntur notiores quoad nos. Principia verò universalia dicuntur notiora naturæ, quia connaturalius est ex cognitione principiorum ac causarum generalium devenire in notitiam particularium.



Specialis Regulæ loco servire potest Methodus Mathematica. In hac ponuntur sequenti ordine:

1. Definitiones earum rerum, ac vocum, à quarum explicatione dependet totius discursus vis: nam definitiones earum rerum ac vocum, quæ minus principaliter aut secundariò tantum ingrediuntur discursum, rectius immiscentur ipsi discursui.
2. Axiomata, seu principia generalia evidentia, per se nota, ac nulla alia probatione indigentia, à quorum evidentia veritas totius discursus continua serie deducitur; illa enim axiomata, quæ tantum serviunt ad conclusiones minus principales, rectius immiscentur ipsi discursui.
3. Postulata, seu principia generalia, non quidem evidentia ac per se nota, sed tamen aliunde certa aut probata. Requiritur; ut etiam ab horum veritate veritas totius discursus dependeat; illa enim postulata, quæ tantum serviunt ad conclusiones minus principales, rectius immiscentur ipsi discursui.
4. Data, seu omnes illæ res aut veritates, è quarum ordinata consideratione dependet cujuslibet conclusionis in particulari evidentia.
5. Propositio, seu Conclusio.
6. Corollaria, seu sequelæ, quæ è conclusione utiliter deduci possunt; non enim decet addere corollaria, quæ aut nullius usus, aut nullius considerationis, aut nullius difficultatis sunt. Agrè fert humana superbia, si instruat in iis, quæ sibi aliunde sine instructione facillimè obvia sunt.

Licet hæc Methodus rectè servetur in omnibus scientiis, in quantum servari potest, superest tamen adhuc specialis methodus docendi, refutandi, & disputandi.

Methodus docendi melior videtur esse, si observet sequentia: 1. Præmittatur definitio nominum & rerum; earumque descriptio. 2. Veniant prænotanda, quibus comprehenditur omnium earum rerum explicatio, sine quarum notitia conclusio rectè intelligi non potest. 3. Fiat conclusio. 4. Sequantur probationes; & quidem argumenta majoris ponderis primum locum teneant, ut eò firmiter mentem occupent; leviora argumenta in oratione ad medium; in scriptis ad finem reserventur. 5. Deducantur Corollaria. 6. Fiat dubiorum solutio. 7. Quando de eadem re plures occurrunt quæstiones, eæ ita coordinandæ sunt, ut primò quærat: An sit res? Secundò. Quid sit? Tertio. Qualis sit? Quarto. Cur talis sit? 8. Si quis velit immiscere eruditionem, documenta, aut historiam variarum opinionum &c. omnis illa eruditio prænotandis subjienda est; aut speciali articulo proponenda; cavendum tamen, ne eruditione parùm utili laus operis minuatur. 9. Omnia superflua resecantur. Hinc ea, quæ per modum corollarii ex aliis conclusionibus deduci ac iis subnecti possunt, non specialiter examinentur; si occasio se obtulerit, incidenter utilem animadversionem, aut controversiæ impertinentis explicationem immiscendi id fiat brevissimè; solum illæ objectiones, aut opiniones recenseantur, quæ sunt alicujus difficultatis & ponderis. 10. præcipuè servetur Ordo, claritas, & exactitudo: nam & minutiæ habent pondus suum. Ordo & claritas requirit, ut partes principales operis ordinatè, distinctè, & sensibilius, quàm omnes aliæ partes in sensus incidant; hinc partes principales aut caractere, aut positione,

R. D. Euseb. Amor Philosophia.

aut modo tendendi sensibilius, aut speciali attentionis provocatione à partibus secundariis distingui debent, nec nimis vicinæ, ne unius meritum minuat attentionem ad alteram, nec nimis remotæ ab invicem, ne earum ordo memoriæ difficilis fiat. Reverà enim omnium operum, quæ dependent à propositione partium, pulchritudo consistit in majestate partium principalium, seu in tali simplici & facili ordine, ut omnis attentio feratur ad partes principales.

Methodus refutandi triplici modo fieri solet:

1. Si veritas ab initio statuatur, & ex veritate comprobata aliorum dicta refutentur, & quid veri contineant, exponatur. 2. Si prius aliorum opiniones cum eorum rationibus fideliter proponantur; ac dein mox refellantur, factò initio ab erroribus crassioribus; ultimò denique veritas statuatur, & in quantum refutata opiniones veritatem attingant, paucis exponatur. 3. Si propositis primùm pro utraque parte sententiis ac rationibus; dein veritas determinetur; ac postremò ex veritate rationes contrariæ dissolvantur. 4. In confutatione, quæ pro scopo habet investigationem ac demonstrationem veritatis, vitetur Argumentum ab invidia, verba injuriosa, minutarum vehemens insectatio; negligantur illa documenta & argumenta, è quibus utraque pars probabilitatem suæ causæ quarere potest; mittantur illa communia, quæ ab utraque parte dici possunt, v. g. objectio pertinaciæ. 5. Eloquentia acerba, & vehementi insultatione solum licet uti erga eos, qui potius opprimi, quàm confutari merentur; quales sunt, qui docent certò erronea, ac reipublicæ perniciofa, absque ulla emendationis spe. 6. Objectionibus satisfieri debet, non solum ostendendo, quod possint esse falsa, sed etiam, quod probabilius sint falsa. 7. Doctrina confutanda dividatur in tot puncta erronea, in quotquot dividi potest, eaque omnia seorsim refutari debent. 8. Nonnunquam convenit instituere Parallelum errorum, & veritatis; vel monstrare integram errorum Genealogiam iudicando fontes, occasiones, motiva, effectus. 9. Sæpe verba authorum de se innocua, à circumstantiis, & dispositione tam audientium, quàm loquentium acquirunt sensum quendam secundarium perniciosum; sagax enim hominum natura nullo magistro, nullo monitore semper in versutias sui generis intentæ est, & linguam invenientium etiam intra fauces hærentem subtili aure intelligit; tunc confutans magna eruditione in demonstrandis illis circumstantiis ac dispositionibus opus habet. 10. Confutans ad id maxime attendere debet, si velit humaniter tractare adversarium, ut nullum verbum offensionis proferat, sed solum interdum modesta veritatis expositione lectori occasionem propinquam ac semina ulterioris rationis præbeat. Quin nuda admonitio, nuda objecti incidenter facta mentio, nudus modus tendendi mirabiles interdum in mente lectorum ideas, ac discursus excitat.

Methodus disputandi consistit in hoc: 1. Argumentans clarè ac distinctè proponat propositionem, cujus veritas aut falsitas probanda est. 2. Proferat argumentum, ita tamen ut continua serie non plures, quàm unum syllogismum proferat. 3. Respondens repetat totum syllogismum, ac dein iterum incipiendo ad singula membra respondeat; negando aut concedendo, si propositionem veram aut falsam invenerit; distinguendo verò, si sensum ambiguum depre-



henderit. 4. Argumentans illam partem, quæ negata est, denuò probet. 5. Si argumentanti ita videbitur, poterit ante disputationem suam adversariis nonnullis quæstionibus divertere, ut ex incautis ejus responsionibus fortè major efficacia argumento concilietur, aut effugia præscindantur. 6. Præter hanc disputandi methodum, quæ est Aristotelica, ac quasi ligata, datur alia methodus solutior, quæ vocatur Socratica; in hac per modum discursus inquiritur veritas; cum verò liberrima sit, solum imitatione disci potest, legendo Dialogos eorum, qui in hoc genere excelluerunt, maximè Platonis.

Cæterum nemo non videt, omnes has methodos inutiles fore, nisi quis in quovis quæstionum genere sibi comparaverit ope eruditionis magnam idearum variarum copiam, ut ex combinatione tot confusarum cognitionum ordinem totius veritatis ac doctrinæ invenire possit; hinc opus est magna applicatione & attentione, vi cujus confusæ cognitiones variè inter se permisceantur; opus est indifferentia judicii omnibus passionibus expurgati, ne nimis facile errori acquiescat; opus est denique exercitatione, ut mens assuescat ordinatis cognitionibus; ea verò exercitatio consistit vel in lectione, vel in compositione, vel in promptade quavis quæstione occurrente rationatione; maximè verò scientiæ mathematicæ mentis capacitatem augent ad multa simul comprehendenda, & quendam ordinem in ratiociniis ordinatè procedendi intellectui imprimunt.

Debitatio, quam nonnulli pro fundamento totius methodi constituunt, ita ut scientiarum candidatos à principio de omnibus dubitare velint, ad methodum scientiarum non requiritur: cur enim ab initio dubitem, antequam habeam rationem dubitandi? cur animus ad argumenta pro merito suo ponderanda, & errores deponendos paratissimus statim ab initio se omnibus receptis semel opinionibus exuat? Cur non liceat tamdiu possessione paternarum traditionum frui, donec sufficienter perspectum sit, eas temerè receptas esse? Plane nec ratio, nec experientia probat, hanc dubitationem iis necessariam aut utilem fore, qui parati sunt omnes suas opiniones, etiam quas pro certis tenent, rigorosè discutere.

## SECTIO IX.

### De Universalibus, & Prædicamentis.

Universalia vocantur prædicata generalia, quæ insunt multis, ac prædicantur de multis. Sic Animal prædicatur de homine & equo, iisque inest. In quantum inest multis, vocatur Universale in essendo ac metaphysicum, & definitur Unum aptum inesse multis. In quantum prædicatur de multis, vocatur universale in prædicando, ac Logicum. Talia prædicata generalia seu universalia dantur quinque, Genus, species, Differentia, Proprium, Accidens.

Genus est, quod sub se continet diversas species: Ut Animal, quod continet sub se equum, canem, hominem. Genus summum est, quod non continetur sub alio genere, ut Substantia, Qualitas. Genus subalternum est, quod continetur sub alio genere, ut Corpus; continetur enim in genere substantiæ.

Species est, quod continetur sub aliquo genere: ut Homo, continetur in genere Animalis. Species infima est, quæ nullas alias sub se continet diversas species, ut Homo. Non enim dantur diversæ species hominum, sed solum diversa individua, seu, quæ solo numero differunt. Individuum enim vocatur, quod de uno solo prædicatur. Species subalterna est, quæ continet sub se diversas species, ut Animal est species substantiæ, & est genus respectu equi, & hominis.

Differentia est illud prædicatum, quæ una res differt ab alia; ut si dico: homo est animal rationale; rationale est differentia. Essentialis vocatur, quæ res differunt essentialiter; Accidental, quæ differunt accidentaliter.

Proprium vocatur illud prædicatum, quod rei necessariò convenit: Ut risibile convenit necessariò homini. Proprium dicitur quatuor modis: 1. Quod convenit soli, sed non omni. Ut: Grammaticum esse, convenit soli homini, sed non omni. 2. Quod convenit omni, sed non soli, ut: esse bipedem, convenit omni homini, sed non soli. 3. Quod omni & soli, non tamen semper convenit, ut: canescere convenit omni & soli homini, sed non semper. 4. Quod omni, soli, & semper convenit; ut: risibile convenit omni, & soli homini, & semper.

Accidens vocatur, quod potest adesse, & abesse sine subjecti corruptione. Ut: Album prædicatur de muro accidentaliter, quia sive tollatur albedo, sive relinquatur, murus non corrumpitur. Nigredo à corvo non solet quidem de facili separari; potest tamen cogitatione separari.

Prædicamentum est catalogus prædicationum generalium, quæ in omni re reperiuntur. Sic cuivis rei convenit esse substantiam; cuivis convenit quantitas, qualitas, relatio, actio & passio, locus & situs, tempus & habitus. Et hæc sunt numero decem.

Substantia vocatur omne Ens per se subsistens, ut: homo, lapis. Accidentia enim, ut albedo, vel frigus existunt in alio, v. g. lapide. Primæ substantiæ vocantur individua, ut Petrus. Secundæ substantiæ vocantur genera & species, ut animal. Proprietates substantiæ recensentur hæc: 1. Quod non sint in subjecto. 2. Quod non habeant contrarium; quia contrarietates reperiuntur in qualitatibus. 3. Quod non suscipiant magis & minus. Quia Petrus non est magis homo, quam Paulus. 4. Quod sit receptiva contrariorum, v. g. idem modo recipit frigus, modo calorem.

Quantitas vocatur magnitudo ac extensio rei. Quantitas Continua vocatur magnitudo, cujus partes ab invicem sensibilibiter non distinguuntur. Ut: lignum, tempus, spatium. Quantitas discreta, cujus partes sensibilibiter distinguuntur, ut: Numerus v. g. ternarius, & Oratio. Proprietates quantitatis recensentur. 1. Quod non habeat contrarium. 2. Quod non suscipiat magis & minus; neque enim statua est minus bicubita, quam homo. 3. Quod secundum quantitatem dicantur res æquales vel inæquales. Æqualia enim dicuntur, quorum eadem est quantitas.

Qualitas vocatur illa res, quæ substantia qualis dicitur. v. g. si quæro, qualis sit Petrus, aut murus. Respondetur, quod sit albus; albedo proin est qualitas. Recensentur quatuor species qualitatis: 1. Habitus, seu constans rei dispositio, & transiens rei dispositio.



dispositio, quæ simpliciter vocatur dispositio. Sic constans dispositio ad opera virtutis vocatur habitus virtutis. 2. Naturalis potentia; & impotentia. v. g. potentia ad currendum. 3. Patibilis qualitas, seu constans substantiæ affectio, ut scientia in Petro; & Passio, seu transiens substantiæ affectio, ut subitanea, aut verecundia in Petro. 4. Forma, & figura, quæ nascitur ex terminatione quantitatis, ut figura trianguli. Proprietates qualitatis sunt: 1. Habere contrarium, nam virtuti contrarium est vitium. 2. Suscipere magis & minus: Nam unus homo est altero iustior. 3. Ut secundum eam res dicantur similes aut dissimiles. Similia enim sunt; quorum qualitas est una.

Relatio est, qua aliquid refertur ad aliud, sic servus refertur ac habet relationem ad Dominum; æquale habet relationem ad sibi coæquale. Relatio æquiparantiæ dicitur, quando in utraque re reperitur mutua æqualitas, aut similitudo. Relatio disquiparantiæ dicitur; quando reperitur inæqualitas; talis intercedit inter servum & Dominum. Termini relationis dicuntur res, quæ habent ad invicem relationem. Fundamentum relationis dicitur res, quæ refertur ad aliam, ut murus ad murum. Ratio fundandi vocatur res, propter quam unum refertur ad aliud. v. g. si murus dicatur alteri muro similis propter suam albedinem, tunc albedo vocatur ratio fundandi. Proprietates relationis sunt: 1. Omnis relatio est mutua. 2. Omne relatium est simul naturæ cum suo correlativo; si enim ponitur aut tollitur Dominus; ponitur etiam aut tollitur servus. 3. Relativorum una est scientia; uno enim terminorum cognito, necessario cognoscitur alter: Si scio Anchisen esse Patrem Æneæ, scio etiam Æneam filium esse Anchisis.

Actio vocatur affectio agentis, quando agit. Passio vocatur affectio patientis, quando patitur; sic, quando ignis calefacit aquam, dicitur agere in aquam; & quando aqua recipit calorem, dicitur pati. Eadem proin calefactio est in agente actio, & in patiente passio. Proprietates actionis & passionis sunt: 1. Quod recipiant magis & minus. Una enim calefactio est major altera. 2. Quod habeant contrarium. Calefactioni enim contraria est refrigeratio.

Locus vocatur vicinia corporum ambientium. Ut sol dicitur in medio cœli, quia illum ambiunt cœli.

Situs est modus, secundum quem partes corporis sunt in loco; ut sessio.

Tempus vocatur mensura durationis, ut annus.

Habitus vocatur omne genus indumenti, ut vestis, vel arma.

Post prædicamenta recensentur quinque: Oppositio, prioritas, simultas, & habere.

Oppositio fit quatuor modis: 1. Relative, talis intercedit inter Dominum & servum. 2. Contrariè. Talis intercedit inter ea, quæ se mutuo ab eodem subiecto expellunt: Ut inter calorem & frigus. 3. Privative. Talis intercedit inter formam & privationem, ut inter lucem & tenebras. Est enim privatio negatio formæ in subiecto disposito ad for-

mam. Sic cæcitas est negatio potentiæ visivæ in oculo. 4. Contradictorie. Talis est inter hominem, & non hominem.

Prioritas est modus, quo una res præcedit aliam; est quintuplex: 1. Prioritas temporis est modus, quo una res aliam præcedit tempore. 2. Prioritas à subsistendi consequentia intercedit, quando unum infertur ex alio; ut si dico: Petrus est homo, ergo est animal. Homo est prior animali. 3. Prioritas ordinis, quando unum præcedit ordine, ut orationis Exordium præcedit Epilogum. 4. Prioritas dignitatis, qualis est inter Regem & subditos. 5. Prioritas naturæ, quando unum est causa alterius, licet utrumque sit in eodem instanti temporis; sic Sol est prior luce, ignis calore.

Simultas etiam est quintuplex: 1. Simultas temporis. 2. Simultas consequentiæ, quando duo mutuo se inferunt. Sic possum dicere; est risibilis, ergo est rationalis; vel est rationalis, ergo est risibilis. 3. Simultas ordinis. 4. Simultas dignitatis. 5. Simultas naturæ; quando duo se mutuo ponunt, aut tollunt; licet non sint invicem causæ, ut cor-relativa.

Motus est tendentia ad terminum. Ejus quatuor sunt modi: 1. Generatio & corruptio, qua substantia tota de novo producitur aut destruitur. 2. Motus localis, quo res transfertur ab uno loco ad alium. 3. Alteratio, qua substantia mutatur in suis qualitatibus. 4. Augmentatio vel diminutio, qua substantia mutatur in quantitate.

Habere vel haberi dicitur una res ab alia quinque modis: 1. Per inhærentiam. Sic murus habet albedinem. 2. Per continentiam; sic dolium continet vinum. 3. Per possessionem. Sic homo habet prædium. 4. Per relationem. Sic Pater habet filium. 5. Per juxtapositionem. Sic Germania à meridie habet Italiam, ab Occidente Galliam.

Nil jam superest, quàm Arbor prædicamentalis, seu generalis divisio rerum; ea est sequens:

Substantia	
Corporea	Incorporea
Corpus	
Animatum	Inanimatum
Vivens	
Sensitivum	Non sensitivum
Animal	
Rationale	Irrationale
Homo	
Petrus	Paulus.

Hæc igitur Logica incipientium est, seu generalis ad scientias præparatio, in qua, ut vides, multa occurrit vocum explicatio, exigua mentis instructio; nempe artium magistri tentando melius, quàm discendo fiunt: optima futurorum regula est præteritorum experientia; hanc, ut obtineas, sint



# EXERCITATIONES SUMMULISTICÆ.



Res Fines sunt, cur Tyrones soleant instituere Disputationes de Regulis Summulisticis, certis, de claris, planè, ut videtur Neotericis, frivolas. 1<sup>us</sup>, est, ut Tyrones per tales exereitationes exagitati majorem attentionem ad Regulas Summulisticas referant, sicque eas melius intelligant. 2<sup>us</sup>, est, ut per tales exereitationes memoria ad Regulas Summulisticas vehementius, ac frequentius impulsæ easdem firmiter retineat. 3<sup>us</sup>, est, ut Tyrones ex his rebus minimè seriis generalem formulam habeant impugnandi, ac defendendi, definitiones, divisiones, argumentationes, aliæque ad accuratam ratiocinationem concurrentia. Si enim in Militari Tyrones sapienter per velitationes umbratiles ad majora exercentur certamina, cur nugacitatis rea petitur similis circa animorum pugnas industria? sit ergo in his Exercitationibus Summulisticis sequentium quæstionum materia.

1. Quæ sit bona definitio Terminum?
2. Quæ sit bona Terminorum divisio?
3. An sint bonæ regulæ de suppositione Terminorum?
4. An sit bona definitio, divisio, & explicatio de oppositione propositionum?
5. An sint bonæ regulæ de æquipollentiis, & conversione propositionum?
6. An sint bonæ definitiones, ac regulæ de definitione, & divisione?
7. An sint bonæ, definitio, divisio, & regulæ Syllogismi?
8. His adduntur præcepta Peripatetica de Legibus consequentiarum, de reductione Syllogismi, Sophismate &c.

## QUÆSTIO I.

### Quæ sit bona definitio Terminum?

1 NOTANDUM I. varias dari definitiones Terminum. PRIMA est Aristotelis L. I. Analyt. c. I. *Terminus est id, in quod resolvitur propositio, ut prædicatum, & id, de quo prædicatur.* SECUNDA est; *Terminus est extremum propositionis.* TERTIA. *Terminus est pars propositionis ut quod.* QUARTA. *Terminus est materia judicii.* QUINTA. *Terminus est, quod potest esse Subiectum, vel Prædicatum &c. &c.*

2 NOTANDUM 2. Omnes has definitiones posse defendi ut bonas; sed solum exercitationis causa disputari, quæ sit melior altera, aut quæ minora habeat vitia?

3 DICO. TERMINUS EST EXTREMUM PROPOSITIONIS. Prob. Illa definitio est bona, quæ servat omnes regulas bonæ definitionis: sed hæc definitio servat omnes regulas bonæ definitionis. ergo hæc definitio est bona. prob. m. Regulæ bonæ definitionis sunt sequentes. 1. ut sit brevis. 2. ut sit clarior suo definito. 3. ut sit convertibilis cum suo definito. 4. ut conveniat omni, & soli. 5. ut constet genere proximo, & differentia ultima. 6. ut omne id, quod potest dici aut negari de definito,

possit etiam dici, aut negari de definitione, aut vicissim. Jam sic. Nostra definitio servat omnes enumeratas regulas; ergo servat omnes regulas bonæ definitionis. ant. prob. ab inductione per omnes regulas.

1. QUOAD 1. R. Illa definitio est brevis, quæ relatè ad sui similes habet pauciores Terminos; sed hæc definitio relatè ad sui similes habet pauciores Terminos, ergo m. prob. Omnes reliquæ definitiones Terminum habent plures Terminos; ergo.

2. QUOAD 2. R. Illa definitio est clarior suo definito, quæ constat Terminis respectivè notioribus. sed; ergo m. prob. Illa definitio constat Terminis respectivè notioribus, quæ constat Terminis respectivè usitatoribus, sed; ergo m. prob. *τὸ Extremum.* *τὸ Propositio.* iam sunt Terminum apud Grammaticos, & vulgus protriti; non verò, *τὸ Terminum.*

3. QUOAD 3. R. Possum dicere, omnis Terminum est extremum propositionis; & vicissim. omne extremum propositionis est Terminum, ergo ant. prob. negativè, quia non potest ostendi Terminum, qui non sit extremum propositionis: nec extremum propositionis, quod non sit Terminum.

4. QUOAD 4. R. Non potest assignari Terminum, cui non conveniat nostra definitio; nec etiam potest assignari ulla res, cui conveniat nostra definitio, quin sit Terminum; ergo nostra definitio convenit omni, & soli.

5. QUOAD 5. R. In hac definitione *τὸ Extremum* est genus proximum. & *τὸ Propositionis* est differentia ultima. ergo in hac definitione datur genus proximum, & differentia ultima. ant. prob. Genus proximum est prædicatum, per quod res definita convenit cum aliis rebus respectivè paucissimis, sed tale prædicatum est *τὸ Extremum*; ergo m. prob. *τὸ Extremum* est prædicatum, per quod adhuc convenit v.g. cum morte, quæ est *extremum* vitæ, cum die Judicii extremi &c. nec potest convenienter assignari genus propinquius, ergo prob. prius ant. etiam quoad 2. memb. Differentia ultima est prædicatum, per quod definitum differt primò ab omni non definito, sed *τὸ Propositionis* est tale prædicatum; ergo m. prob. per *τὸ Propositionis* differt Terminum à morte, à die Judicii &c. nec potest convenienter assignari aliud prædicatum melius differentiale; ergo.

6. QUOAD 6. R. de definito v. g. possum dicere, quod sit prima mentis operatio; & hoc idem possum dicere de definitione Terminum, dicendo: Extremum propositionis est prima mentis operatio; ergo.

### Solvuntur Objectiones.

4 OBJICIES I. Definitio Aristotelica est auctoritate celebri introducta, communiter recepta, & nulli notabili vitio subiecta; ergo definitio Aristotelica est nostræ præferenda. prob. Conf. receptæ semel definitiones tamdiu servari debent, quamdiu convenienter possunt servari; ergo ant. prob. ex regulis prudentiæ, quia si facile reicerentur receptæ semel definitiones, divisiones, aut loquendi formulæ, idque ob



oblevia, quæ in iis continentur vitia, orirentur juxta cujusvis Authoris phantasiam novæ definitiones, & loquendi formulæ, sic nasceretur confusio linguarum inscientiis, oneraretur memoria tot definitionibus, & plus tali correctione levis erroris veteris causaretur mali, quàm obtineretur boni, aut evitaretur mali.

RESP. I. conc. ant. dist. conseq. ergo definitio Aristotelica est præferenda, nisi iam ipso etiam usu introducta sit definitio accuratior c. conf. Si iam sit introducta melior n. conf. Autoritate propè æquali stante in utramque partem præferenda est definitio melior, non antiquior.

RESP. 2. dist. ant. definitio Aristotelica est nostræ præferenda sequendo methodum *Analyticam*. tr. an est præferenda sequendo methodum *Syntheticam* n. ant. Aristoteles in suis libris Analyticorum secutus est methodum *Analyticam*, seu resolutoriam, in quantum resolvit Syllogismum in propositiones, propositiones verò in terminos: conveniens igitur erat, ut Aristoteles definiret Terminum per resolutionem propositionis. Nos verò sequendo morem nostrorum temporum methodum *Syntheticam* seu constructoriam elegimus. Incipimus à Terminis; ab his progredimur ad propositiones, & à propositionibus ad Syllogismos; & sic conveniens est, ut definiamus Terminum per ordinem ad propositionem construendam.

5 Dices: Si recedendum est à definitione Aristotelica, definitio omnium optima in eius locum substitui debet; sed hæc nostra definitio non est omnium optima; ergo in eius locum substitui non debet. m. prob. Illa definitio non est omnium optima, quæ melior afferri potest; sed nostra definitione melior afferri potest; ergo m. prob. quando dico: *Terminus est pars propositionis ut quod*. vel: *Terminus est Subjectum vel Prædicatum propositionis* &c. hæ definitiones sunt nostræ meliores; ergo prob. ant. hæ definitiones continent genus propinquius, & prædicatum differentiale melius; ergo.

RESP. conc. M. n. m. ad prob. c. M. n. m. ad prob. n. ant. veld. Hæ definitiones continent genus propinquius, ita tamen, ut sint obscuriores nostra definitione c. ant. ut sint æquè claræ. n. ant. Claritas in definitionibus magis attendenda est, quàm scrupulosa generis propinquitas, aut prædicati differentialis prioritas. Immo verò in ista definitione: *Terminus est pars propositionis ut quod*; hoc carpi potest, quod habeat genus nimis propinquum; quando enim dico: *Terminus est pars propositionis*, non licet mihi ampliùs definitum comparare cum aliis rebus existentibus extra definitum, & sic non facile devenio ex cognitione notorum in cognitionem ignotorum. in idem vitium impingit altera definitio: *Terminus est vel Subjectum, vel Prædicatum propositionis*. Itaque bene notandum est, genus in definitionibus sic debere esse propinquum, ut tamen reperiatur extra entitatem ipsius definiti.

6 OBJECTIONES 2. Tradita definitio non servat omnes regulas bonæ definitionis; ergo non est bona. ant. prob. I. Hæc definitio non convenit omni. ergo prob. ant. Hæc vox, *Murus*, est Terminus; sed huic non convenit definitio, ergo m. prob. Si τὸ *Murus* non est extremum propositionis, tunc illi non convenit tradita definitio, sed; ergo m. prob. τὸ *Murus* nondum ponitur in aliqua propositione; ergo.

RESP. n. ant. ad prob. n. ant. ad prob. c. M. n. m. ad prob. d. M. si τὸ *Murus* non est extremum propositionis etiam potentialiter. c. M. Si tantum non est extremum propositionis actualiter n. M. Sensus nostræ definitionis est, quod Terminus sit aliquid, quod potest esse extremum propositionis, seu, quod est destinatum ad hoc, ut sit extremum propositionis. Sicut enim vocatur Cytharædus, Judex, Scriba, Sutor &c. etiam si non actu pulset cytharam, aut actu judicet &c. ita etiam hic Terminus vocatur extremum propositionis, quod gerit hoc officium, ut aliquando exerceat actum, fiatque extremum propositionis. Dicamus ergo, τὸ *Extremum* esse nomen officii, non nomen actionis, & Terminum proximè accingendum pro accincto haberi.

Dices 1. Arbor in sylva, quæ potest fieri statua, aut destinatur ad hoc, ut fiat statua, nondum potest vocari statua; ergo etiam vox, quæ potest fieri extremum propositionis, nondum potest vocari extremum propositionis.

RESP. c. a. n. C. & paritatem. Disparitas est 1. quia arbor in sylva nondum est proximè disposita ad hoc, ut sit statua, tunc autem primum incipit vocari statua, quando parum deest dispositionum ad perfectum esse statuæ. Termino autem nihil unquam deest dispositionum ad hoc, ut proximè sit extremum propositionis. 2. Quia hæc denominatio *statua* ex arbitrio hominum, penes quos est potestas loquendi, importat sensum actuale; Econtra hæ denominationes Cytharædus, Judex, Scriba, Sutor &c. important sensum potentialem. Huc pertinet τὸ *Extremum*. 3. Quia arbor non habet destinationem intrinsecam, & ex sua natura, aut ex habitu acquisito, ad esse statuæ. Econtra Terminum ex sua natura ordinatur ad hoc, ut fiant extremum propositionis. Talis intrinseca destinatio est causa denominationis actualis. Sic quando in agro germinant spicæ, dicimus, in agro florere triticum, aut esse bonum statum tritici in agro, quia sicca destinata ex sua natura ad hoc, ut fiant triticum, per anticipationem denominantur triticum.

Dices 2. Terminus dicitur à terminando, sicut 8 signum dicitur à significando; ergo sicut illud non potest vocari signum, quod actu non significat; ita etiam illud non potest vocari Terminus, quod actu non terminat propositionem.

R. 1. tr. ant. & con. nihil sequi contra nostram definitionem.

R. 2. tr. ant. neg. suppositum, quod omne signum semper actu significet. Sic hederæ domi reclusa querenti, quid sit? responderet, se esse signum vini vendibilis, quamvis illud actu non significet. Itaque potest inverti argumentum. Signum, v. g. hederæ, dicitur signum, quamvis actu non significet; & mensura dicitur à mensurando, quamvis actu non mensuret &c. ergo etiam Terminus potest dici à terminando, quamvis actu non terminet.

Dices 3. Sensus obvius definitionis est: *Terminus est actu extremum Propositionis*. ergo Definitio insensu obvio adhuc non convenit omni. ant. prob. sensus obvius dicitur ille, qui in similibus locutionibus communiter verbis subicitur; sed sensus adductus in similibus locutionibus communiter his verbis subicitur; ergo m. prob. quando dico: Lusitania est extremum Europæ, caput Bonæ Spei est extremum



tremum Africae &c. sensus est, quod Lusitania sit actu extremum Europae; ergo.

Resp. n. ant. ad prob. d. M. ille est sensus obvius, nisi subiecta materia, & circumstantiae alium sensum monstrant c. M. secus n. M. Quando loquimur de objectis, tunc loquimur de iis juxta naturam suam; si actu existunt, significantur ut actu existentia; si non existunt actu, etiam non significantur ut actu existentia. Lusitania aliunde utiam existens supponitur; ideo etiam extremum Europae intelligitur ut existens. Si verò dico: *Extremum* orationis est Epilogus, quia non necessario loquor de oratione actu existente, etiam extremum non necessario ut actu existens intelligitur.

- 10 Dices 4. Potest hic Terminus, τὸ *Murus*, actu dari, et si actu non sit extremum propositionis; ergo definitio adhuc non convenit Omni.

Resp. d. ant. Potest *Murus* actu dari, quin actu sit extremum actuale c. ant. quin actu sit extremum potentiale n. ant. Sicut Judex est actu Judex, & tamen non est actu judicans; sic *Murus* est actu extremum, sed non actuale, id est, non actu terminans. Similiter dicitur, quod aliquis actu sit Imperator, Dux &c. etiam si actu non imperet, nec actu ducat exercitum, quia aliud est, dari, & importari actualem potentiam; aliud est, dari, & importari actualem actum. Petrus habet actu & actualem potentiam eundi, sed non actu ambulat. Paulus gerit actualem officium Judicis, sed non actu judicat; sic & τὸ *Murus* gerit actu officium Termini, sed non actu terminat.

- 11 Objic. 3. Tradita definitio non convenit *Soli*, ergo non est bona. Prob. ant. quando dico: *Murus est albus*, littera initialis, M, est extremum propositionis, & tamen non est Terminus; ergo.

Resp. n. ant. ad prob. d. ant. est extremum Grammaticaliter c. ant. extremum Logice n. ant. extremum Logice tale est, quod consideratur à Logica; à Logica autem consideratur extremum propositionis mentalis, non vocalis. à Logica considerantur integri conceptus, non vocum litterarum quando dico: Petrus est albus: habeo tres conceptus; conceptum Petri, & conceptum albedinis, & conceptum comparativum, unitivum, seu copulativum unius cum alio: inter istos tres conceptus duo extrema sunt conceptus Petri, & conceptus albedinis, & sic sunt Termini.

- 12 Dices 1. Tradita definitio etiam convenit alicui extremo Logice tali, quod tamen non est Terminus, ergo nulla responsio. prob. ant. quando dico: *Petrus albus est*, τὸ *est*, est extremum Logice tale, & tamen non est Terminus, ergo.

Resp. n. ant. ad prob. dist. ant. τὸ *est* est extremum ordine enuntiationis c. ant. ordine cognitionis n. ant. qualemunque in aliqua propositione verbis tribuam ordinem, impossibile tamen est, ut ordine cognitionis ipsi copulae, seu unioni alium situm tribuam, nisi in intermedio.

- 13 Dices 2. Si per τὸ *Extremum* intelligitur extremum potentiale, & extremum Logice tale, tunc definitio est obscura; ergo adhuc nulla est hæc responsio. prob. ant. non potest ex ipsa definitione statim colligi, quod extremum debeat intelligi de extremo Logice tali, nec etiam per se clarum est, quid sit extremum Logice tale, ergo.

Resp. d. ant. tunc definitio est obscura obscuritate objecti tr. ant. obscuritate verborum, n. ant. in defi-

nitione plus non requiritur, quam ut verba sint clara; non verò requiritur, ut res definita sit clara. licenim, quando definitur tempus, Deus &c. potest definitio esse clara, quantum est in verbis, sed res obscura manet, quia sicut tenebrae non possunt pingi lucidis coloribus, sic nec objecta obscura nisi modo obscuro; in nostra definitione verba clara sunt, quia non ponuntur in definitione Termini illi obscuri; *potentiale*, *Logice tale*. si tamen cuidam significatum horum verborum obscurum est, non illi definitio, sed res definita obscura est.

Objic. 4. Tradita definitio etiam non convenit copulae; ergo non convenit *Omni*. prob. c. copula est Terminus; ergo si huic definitio non convenit, non convenit *Omni*. prob. ant. possum dicere; copula non est Terminus, ergo eo ipso est Terminus. prob. C. si copula non est Terminus, tunc eo ipso in hac ipsa propositione est subiectum, sed si est subiectum, eo ipso est Terminus, ergo.

Resp. c. ant. n. C. ad prob. n. ant. ad prob. c. ant. n. c. ad prob. d. M. tunc copula *materialiter sumpta* est subiectum c. M. copula *formaliter sumpta* est subiectum. n. M. copula dicitur sumi *formaliter*, quatenus fungitur officio copulae & quatenus acta unit extrema, quatenus autem de copula aliquid affirmatur, eatenus se habet per modum subiecti, ac materiae discursus, & sic dicitur sumi *Materialiter*.

Dices 1. Copula etiam *formaliter sumpta* est Terminus; ergo nulla responsio. prob. ant. possum dicere: Copula *formaliter sumpta* non est Terminus; ergo eo ipso, etiam *formaliter sumpta*, est Terminus. prob. C. si copula *formaliter sumpta* non est Terminus, tunc copula *formaliter sumpta* eo ipso in hac propositione est subiectum; si est subiectum, eo ipso est Terminus; ergo.

Resp. n. ant. ad prob. c. ant. n. C. ad prob. d. M. tunc copula *formaliter sumpta* est subiectum pro illa propositione, aut parte propositionis, pro qua non sumitur *formaliter* c. M. est subiectum in illa propositione, & parte propositionis, pro qua sumitur *formaliter*. n. M. quando copula *formaliter sumpta* ponitur ex parte subiecti, non ponitur *formaliter* pro parte subiecti; sic Petrus in templo orat, sed non orat pro templo, aut pro homine existente in templo; aut: Petrus hodie proponit iter Romanum, sed non hoc proponit pro hodierno die assumendam; sic etiam quando dico: copula *formaliter sumpta* non est Terminus. sensus est: copula, quae in alia propositione vel in alia parte hujus propositionis sumitur *formaliter*, in hac parte propositionis, nempe ex parte subiecti, non est Terminus.

Dices 2. Quando dico: *Scribo*, in hac propositione copula est *formalissime sumpta* extremum propositionis; ergo *formalissime sumpta* est Terminus.

Resp. d. ant. Copula est extremum ordine enuntiationis. transf. ant. ordine cognitionis n. ant. hæc propositio ordine cognitionis habet hunc sensum: *Ego sum scribens*: ubi copula ponitur in medio.

Objic. 5. Quando dico: *Petrus Apostolus negavit Christum Salvatorem*. τὸ *Apostolus*, & τὸ *Christum* sunt Termini; & tamen non sunt extremum propositionis; ergo non omnis Terminus est extremum propositionis.

R. d. ant.



Resp. d. ant. non sunt extremum propositionis seorsim spectata conc. ant. cum suo toto spectata n. ant. contingit sæpe, quod plures Termini constituent unum totum, nempe subjectum, vel prædicatum; & sic consideratur totum in ratione extremi, non singularæ eius partes.

18 *Obijc.* 6. Nostra definitio etiam convenit integræ propositioni; ergo non convenit soli. prob. ant. integræ propositio potest esse extremum propositionis; ergo ant. prob. possum dicere: PETRUS EST HOMO: est vera propositio: in hac propositione, subjectum est integræ propositio. ergo.

Resp. n. ant. ad prob. n. ant. ad prob. d. integræ propositio materialiter sumpta est subjectum c. ant. formaliter sumpta n. ant. propositio dicitur sumi materialiter, quatenus de illa aliquid affirmamus, vel negamus. Formaliter sumi dicitur, quatenus ipsa aliquid affirmat vel negat.

Dices: in posito exemplo, prior propositio etiam formaliter sumpta est subjectum; ergo prob. ant. in posito exemplo prædicatum considerat suum subjectum in ratione propositionis; ergo ex parte subjecti ponitur propositio in ratione propositionis, seu formaliter sumpta.

Resp. n. ant. ad prob. d. considerat subjectum in ratione propositionis, relatè ad se ipsam talis c. ant. relatè ad subsequentem propositionem talis n. ant. quando præcisè intueor hos Terminos secundum se, & relatè ad seipsos: *Petrus est homo*: tunc præcisè consideratur in ratione propositionis, sed si consideretur in quantum de illa aliquid affirmatur, non consideratur, ut affirmans, sed ut objectum affirmationis.

19 *Obijc.* 7. Nostra definitio non est clara, ergo prob. ant. in hac definitione prædicatum differentiale non est notius definito, ergo prob. ant. prædicatum differentiale est *propositio*. sed propositio non est notior termino; ergo m. prob. propositio est totum, & Terminus est pars; sed totum non est notius parte, ergo.

Resp. n. ant. ad prob. n. ant. ad prob. c. M. n. m. ad prob. c. M. d. m. totum non est notius parte quoad se sumptum, c. m. quoad nos. n. m. quoad se dicitur notius, quod ordine doctrinæ prius debet cognosci, antequam habeatur accurata cognitio alterius. sic si velim habere accuratam cognitionem horologii, prius debeo habere cognitionem partium. Sed quoad nos notius est totum horologium, quàm eius partes. sic etiam notior est propositio, quàm Terminus, quia frequentius audimus integras propositiones, quàm partes propositionis.

## QUÆSTIO II.

### Quæ sit bona Terminorum divisio?

1 DICO. DIVISIO TERMINORUM IN SUMMIS FACTA BONA EST. prob. concl. Illa divisio bona est, quæ servat omnes regulas bonæ divisionis, sed; ergo m. prob. ab inductione. Regulæ bonæ divisionis sunt: 1. ut sit brevis. 2. ut sit utilis. 3. ut divisum sit majus qualibet parte. 4. ut membra dividendia adæquent divisum. 5. ut in divisione

potestativa omnia membra participant rationem divisi. 6. ut membra dividendia pugnent.

Jam sic. nostra divisio servat omnes has regulas, ergo. prob. ant.

1. QUOAD 1. R. Illa divisio est brevis, quæ relatè ad sui similes est succinctior, sed talis est nostra; ergo m. prob. quia nulla potest ostendi succinctior.

2. QUOAD 2. R. Illa divisio est utilis, cujus membra dividendia merentur speciatim considerari in ordine ad finem dividendis, sed, ergo m. prob. Finis noster est, posse loqui, & ratiocinari Philosophicè. sed in ordine ad hunc finem merentur considerari omnia membra dividendia; ergo m. prob. in discursibus Philosophorum sæpe recurrunt hi Termini, & ex circumstantiis eorum significatio non tam facile potest cognosci ergo.

3. QUOAD 3. R. *Terminus*, quod est divisum latius patet, quàm quodlibet divisionis membrum, ergo. prob. ant. Terminus convenit non solum v. g. Termino significativo, communis &c sed etiam Termino non significativo, singulari &c. ergo.

4. QUOAD 4. R. Possum dicere, omnis Terminus est significativus, aut non significativus. Vel omnis Terminus est communis, vel singularis, &c. &c. ergo in divisionibus Terminorum primi generis omnia membra dividendia adæquant divisum.

5. QUOAD 5. R. Possum dicere: Terminus v. g. significativus est extremum propositionis; Terminus communis est extremum propositionis, & sic de aliis. ergo omnia membra dividendia participant rationem divisi.

6. QUOAD 6. R. Possum dicere: Terminus non significativus non est Terminus significativus; Terminus singularis non est Terminus communis, & sic de aliis; ergo membra dividendia pugnant.

## Solvuntur Objectiones.

2 *Obijc.* 1. Illa divisio non est bona, cujus membra dividendia non adæquant divisum; sed talis est nostra divisio; ergo m. prob. plantur adhuc multi Termini à nobis non recensiti; ergo ant. prob. ab inductione.

1. Potest Terminus dividi in *Objectivum*, & *Formalem*. *Objectivus* est res ipsa, quæ significatur per Terminum vocalem, aut repræsentatur per Terminum mentalem. *Terminus formalis* est vox, quæ significat rem, aut Idea, quæ repræsentat rem.

2. Terminus potest dividi in *Mentalem*, *Vocalem*, & *Scriptum*. Mentalis est simplex apprehensio, v. g. dum cogito *Murus*. Terminus vocalis est, est vox murus. Terminus scriptus est, v. g. *τὸ murus*, quando scribitur.

3. Terminus potest dividi in *Ultimatum*, & non *Ultimatum*. Terminus *ultimatus* est ipsa res, quæ cognoscitur, aut significatur. Terminus *non ultimatus* est idem, ac Terminus mentalis, vocalis, aut scriptus.

4. Potest dividi in *Positivum*, & *Negativum*. *Positivus* est, qui significat rem, ut *Lux*; *Negativus* est, qui significat carentiam rei, ut *tenebræ*, *malitia*; *ignorantia*, *falsitas* &c.

5. Potest



5. Potest dividi in concretum *Metaphysicum*, *Physicum*, & *Logicum*. Concretus *Metaphysicus* est, qui significat formam indistinctam à suo subiecto, ut animal: animalitas enim non distinguitur ab animali.

Concretus *Physicus* est, qui significat formam distinctam à suo subiecto, ut album: albedo enim distinguitur à re alba.

Concretus *Logicus* est, qui significat formam extrinsecam suo subiecto, ut visum, cognitum: visio enim, aut cognitio est extrinseca rei visæ, aut cognita.

6. Potest dividi in *Repugnantes*, & *Convertibiles*. *Repugnantes* sunt, qui de se invicem negari possunt, ut homo, & equus: possum enim dicere: Homo non est equus. *Convertibiles* sunt, qui de se invicem prædicari possunt, ut homo, & risibile: possum enim dicere omnis homo est risibilis, & omne risibile est homo.

7. Potest dividi in *Excedentes*, & *Excessos*, tales sunt, quorum unus universalitate sua excedit alterum, & vicissim exceditur, tales sunt. v.g. *homo*, & *album*, homo enim est Terminus excedens, respectu albi, quia latius patet, quàm album, datur enim homo, qui non est albus. Idem autem Terminus etiam est excessus, quia exceditur à Termino album, album enim latius patet quàm homo, quia datur aliquid album, quod non est homo. ergo.

3. Resp. tr. M. n. m. ad prob. d. ant. dantur membra dividentia, quæ à nobis non sunt recensita parùm digna consideratione, & attentione c. ant. digna consideratione, & attentione n. ant. nos tantum consideramus illos Terminos, qui aut sæpius recurrunt in disputationibus, aut quorum sensus non facile desumitur à circumstantiis data occasione. Alii etiam Termini forent, aut saltem excogitari possent innumeri, quibus tamen non est oneranda memoria: præcipua enim divisionis Lex est, ut divisio sit utilis, seu ut membra dividentia facile in ordine ad finem dividentis comprehendi possint. igitur divisio nostra erit adæquata, adæquatione utili.

4. Objicies 2. Datur Terminus inter categorematicum, & syncategorematicum medius, ac mixtus, ergo illa saltem divisio non est adæquata. prob. ant. adjectiva nec propriè sunt Termini categorematici, nec syncategorematici; ergo datur Terminus medius. ant. prob. adjectiva participant aliquid de Termino categorematico, & aliquid de Termino syncategorematico, ergo nec sunt propriè Termini categorematici; nec syncategorematici. prob. ant. *album* est adjectivum, & significat rem albam, ergo participat aliquid de Termino categorematico, & syncategorematico.

Resp. n. ant. ad prob. n. iterum ant. ad hujus prob. tr. ant. n. conf. quia etiam si adjectiva aliquid participant de Termino categorematico, simpliciter tamen plus participant de Termino syncategorematico, quia fortius exprimunt adjectionem formæ, quàm subiectum formæ. Igitur etiam simpliciter ad Terminum syncategorematicum referri debent, nec attendi debet inutilis differentia.

Dices. Datur Terminus *supertranscendentalis*, ergo saltem illa divisio non est adæquata. prob. ant. Deus

est talis Terminus *supertranscendentalis*, ergo datur. prob. ant. Deus est supra omne ens; ergo est Terminus *supertranscendentalis*.

Resp. n. ant. ad prob. iterum n. ant. ad hujus prob. d. Deus est supra omne ens sub ratione omnipotentis perfecti c. ant. in ratione entis n. ant. aut si velis Deum etiam in ratione entis esse supra omne ens, dicendum, Deum non esse supra omne ens saltem quoad modum concipiendi nostrum. Igitur etiam juxta nostrum modum concipiendi est ens, & Terminus *transcendentalis*.

6. Objic. 3. In hac divisione non omnia membra dividentia participant rationem divisi; ergo divisio non est bona. prob. ant. Terminus *non significativus* non est Terminus; ergo prob. ant. si hic Terminus non potest esse extremum propositionis, tunc non est Terminus; sed; ergo m. prob. si hic Terminus in suo conceptu non est ens, tunc non potest esse extremum propositionis; sed; ergo prob. M. nullius entis nulla est proprietas, nulla denominatio, nulla affirmatio &c. ergo si Terminus *non significativus* in suo conceptu non est ens, tunc non potest esse extremum propositionis.

Resp. n. ant. ad prob. n. ant. ad hujus prob. n. m. ad hujus prob. ng. iterum n. m. licet enim Terminus *non significativus* non significet aliquid ens à se distinctum, est tamen ipsemet aliquid ens, nempe est aliqua vox, quæ repræsentat seipsam, ac significat seipsam.

Dices 1. Terminus *non significativus* non consideratur à Logica; ergo simpliciter non est Terminus. ant. prob. si non servit ad ullam propositionem scientificam, seu doctrinalem, tunc non consideratur à Logica; sed; ergo M. patet, quia Logica tantum considerat ea, quæ sunt utilia ad obtinendas alias scientias. m. prob. Terminus *non significativus* non significat ullum objectum scibile; ergo non servit ad ullam propositionem scientificam.

Resp. n. ant. ad hujus prob. n. m. ad hujus prob. dist. ant. Terminus *non significativus* non significat ullum objectum scibile à se distinctum c. ant. non significat ullum objectum scibile à se indistinctum n. ant. Terminus enim *non significativus* significat naturaliter se ipsum, seu vocem carentem quidem significatione, capacem tamen significationis & hujus consideratio potest servire ad declarandam naturam vocum, & possumus exinde intelligere voces ex sua natura naturaliter nihil significare.

Dices 2. Si Terminus *non significativus* nihil significat, eo ipso, aliquid significat, sed juxta concessa nihil significat; ergo prob. M. si Terminus non significativus nihil significat, tunc eodem modo significat, sicut hæc vox *nihil*, sed si eodem modo significat, tunc aliquid significat, ergo m. prob. hæc vox *nihil* significat carentiam rei; ergo si Terminus *non significativus* eodem modo significat, tunc aliquid significat.

Resp. n. M. ad prob. d. M. eodem modo significat, si significat nihil per exclusionem rei c. M. si tantum nihil significat per exclusionem significationis n. M. &c. Terminus enim *non significativus* nihil significat per exclusionem significationis, seu nihilitate significationis, non vero exclusionem



hæc rei, seu nihilitate rei; E contra vox nihil, significat tantum nihil per exclusionem rei, seu nihilitate rei, non vero per exclusionem significationis, quia est instituta ad significandam carentiam rei.

9 Dices 3. τὸ *Hircocervus* est vox ex constitutione hominum significans rem impossibilem; ergo eo ipso est vox significativa.

Resp. d. ant. τὸ *Hircocervus* est vox ex institutione hominum significans, si per hanc institutionem intelligatur impositio alicujus novæ significationis n. ant. si per institutionem tantum intelligatur usus, & consuetudo assumendi vocem loco exempli c. ant. nam τὸ *Hircocervus* non plus significat post istam institutionem exemplificantem, quam ante hunc usum. naturaliter etiam significat compositum, cujus nulla datur possibilitas, aut conceptus.

10 OBJICIES 4. Terminus significativus est, qui naturaliter significat, ergo descriptio Termini significativi non est legitima. prob. ant. Si voces ex sua natura significant sua objecta, tunc Terminus significativus naturaliter significat; sed; ergo. prob. m. Si jam cuivis rei suum proprium nomen competit, tunc voces ex sua natura significant objecta sua, sed; ergo prob. m. Si laudabile est imponere rebus nomina convenientia, tunc jam cuivis rei suum nomen competit. sed; ergo. prob. m. ADAMUS commendatur in Scriptura, quod appellaverit animantia cuncta nominibus suis. ergo laudabile est imponere rebus convenientia nomina.

Resp. n. ant. ad hujus prob. n. m. ad prob. n. iterum m. ad hujus prob. dist. ant. commendatur ADAMUS, quod cuncta animantia appellaverit nominibus suis, *consecutivè suis* ad impositionem nominum c. ant. *anticipativè suis* ad impositionem nominum n. ant. Adamus tantum commendatur de hoc, quod imposuerit nomina non nimis longa, aut difficilis pronuntiationis, prout in lingua Hæbraica nomina radicaliter constituta sunt.

11 DICES. Radices simplices linguæ Hæbraicæ habent naturalem ac Mechanicam proportionem cum suis objectis, ut monstrat Neumannus; ergo etiam voces habent talem proportionem.

Resp. n. ant. Illa proportio habet plus imaginationis, quam probationis. Dein etiam si radices simplices Litterarum Hæbraicarum haberent talem proportionem, non sequeretur etiam voces habere talem proportionem, quia facilius est modum, & figuram objectorum exprimere per Litteras, quam per voces.

Resp. 2. d. ant. habent proportionem quoad se tr. quoad nos n. ant. etiam si enim voces originarie haberent quandam proportionem cum objectis, prout probare conatur Plato de vocibus Linguæ Græcæ, non tamen sequeretur, quod illa Proportio sit à nobis cognoscibilis v. g. radices Linguæ Sinicæ dicuntur habere proportionem cum objectis Mechanicam, ita, ut illorum voces scriptæ ferè nihil aliud sint, quam quadam Hieroglyphica, eo ferè modo, quo in Ægypto veteres suam doctrinam per mera signa naturalia antiquis monumentis inscribere consueverunt: interim tamen evidens est illas radices Linguæ Sinicæ à nostris Europæis non tam faciliè cognosci, R. D. Euseb. Amort Philosophia.

quia nempe proportio illa adeo manifesta non est.

OBJIC. 5. Si divisio esset bona, tunc divisum, 12 & membra dividenda deberent esse in eodem genere; sed divisum, & membra dividenda non sunt in eodem genere, ergo divisio non est bona. M. patet. quia membra dividenda debent participare rationem divisi. m. prob. Divisum est Terminus mentalis, membra verò dividenda sunt Termini vocales, sed mentalis, & vocalis non sunt in eodem genere; ergo divisum, & membra dividenda non sunt in eodem genere.

Resp. d. M. divisum, & membra dividenda deberent esse in eodem genere nisi commoditatis gratia transeundum esset ad genus analogum c. M. Si commoditatis gratia transeundum sit ad genus analogum n. M. Verum est in nostra divisione principaliter tantum consideratur Terminus mentalis, adeoque tantum Terminus mentalis dividi deberet in suas species; idem in diversos Terminus mentales, sed quia obscurum esset agere de Terminis mentalibus tantum, ratio suadet, ut à Terminis mentalibus transeamus ad Terminus vocales. Voces sunt signa conceptuum, seu ut Aristoteles definit: *earum passionum, quæ in anima notæ*, aliud non sit, quam ut à significato transeamus ad signa à representato ad representans, seu à genere analogato, ad genus analogans.

OBJIC. 6. Contra definitiones Terminorum 13 Datur Terminus syncategorematicus, qui se solo significat, & constituit subjectum, ergo Terminus syncategorematicus non est, qui se solo non constituit subjectum. prob. ant. quando dico: Bene est adverbium, τὸ bene est Terminus syncategorematicus, sed τὸ bene se solo constituit subjectum, ergo Terminus syncategorematicus se solo constituit subjectum. 2do. Dantur Termini incomplexi, quorum partes idem significant separatim, quod significant conjunctim; ergo definitio Termini incomplexi non est bona. prob. ant. *Prorex, circumfero*, sunt Termini incomplexi, sed horum partes idem significant separatim, quod significant conjunctim; ergo dantur Termini incomplexi, quorum partes idem significant separatim, quod significant conjunctim. 3tio. Datur Terminus complexus, qui omnino non habet partes: ergo Terminus complexus non potest definiri per partes suas. prob. ant. τὸ *Nemo*, est Terminus complexus, sed τὸ nemo non habet partes, ergo datur Terminus complexus, qui non habet partes. prob. M. *Nemo*, idem significat ac *nullus homo*; ergo eodem modo est Terminus complexus, ac nullus homo. 4to. Albedo semper significat formam cum suo subjecto; ergo albedo non est exemplum Termini abstracti. prob. ant. Albedo significat colorem, qui nunquam est sine suo subjecto; ergo significat formam cum subjecto.

Resp. ad primum membrum n. ant. ad prob. d. M. 14 τὸ bene est adverbium hic & nunc materialiter sumptum c. M. hic & nunc formaliter sumptum n. M. hic & nunc etiam τὸ bene tantum significat se ipsum, seu vocem, adeoque sumitur in vim vocis, non in vim adverbii, quia non adjicitur ad aliud. aut si velis aliter loqui, dic: Terminum τὸ bene esse C Ter-



Terminum Syncategorematicum, ita tamen, ut tantum syncategorematizet ex parte subjecti, non tamen pro parte subjecti.

Resp. ad 2. n. ant. ad prob. conc. M. n. m. quia particula propositionis *pro*, & *circum* non habent eandem vim in sensu composito, quam habent in sensu diviso.

Resp. ad 3. n. ant. ad prob. n. M. ad hujus prob. d. ant. *τὸ* Nemo idem significat, ac nullus homo, ita, ut eodem modo significet n. ant. ita, ut diverso modo significet c. ant. ergo *τὸ* Nemo est Terminus complexus d. consequens. si idem ac eodem modo significet c. conf. si idem & diverso modo significet n. conf. non enim natura Terminorum dependet à significatione Terminorum, sed præcipuè à modo significandi. *τὸ* Nemo non significat modo complexo, igitur non est Terminus complexus.

Resp. ad 4. n. ant. ad hujus prob. d. *τὸ* albedo significat formam, quæ nunquam est sine subjecto, ita ut ista relatio ad subjectum non exprimatur per hanc vocem c. ant. ita ut hæc relatio ad subjectum non exprimatur per hanc vocem n. ant. cum igitur hæc vox tantum significet albedinem secundum se nec exprimat inhaesionem albedinis ad suum subjectum, hic Terminus non significat subjectum.

Objic. 7. contra easdem definitiones Terminorum 1. Datur Terminus communis, qui non dicitur de pluribus; ergo. prob. ant. Sol v. g. est Terminus communis, sed Sol non dicitur de pluribus; ergo. 2. Datur Terminus singularis, qui convenit pluribus; ergo. prob. ant. *τὸ* Petrus est Terminus singularis, sed *τὸ* Petrus convenit pluribus; ergo. 3. Datur Terminus æquivocus, qui convenit pluribus sub eadem ratione; ergo. prob. ant. *τὸ* Canis est Terminus æquivocus, sed *τὸ* Canis convenit pluribus sub eadem ratione ergo. prob. m. *τὸ* Canis convenit stellæ, animali latrabili, & pisce sub ratione substantiæ; ergo. *τὸ* Canis convenit pluribus sub eadem ratione. 4. Datur Terminus abstractus, qui significat subjectum, & formam; ergo. prob. ant. humanitas est Terminus abstractus, sed humanitas significat subjectum, & formam. ergo. prob. m. humanitas significat corpus, & animam, sed corpus est subjectum, & anima est forma; ergo humanitas significat subjectum, & formam.

16 Resp. ad 1. n. ant. ad prob. c. M. d. m. Sol non dicitur de pluribus actualiter c. m. Sol non dicitur de pluribus possibiliter n. m. ergo datur Terminus communis, qui non dicitur de pluribus d. conf. datur Terminus communis, qui non dicitur de pluribus actualiter c. conf. qui non dicitur de pluribus possibiliter n. conf. ut jam dictum est, definitiones omnes debent sumi ampliative, adeoque in præsentis sensus est: Terminus communis est, qui dicitur de pluribus, aut tempore præterito, aut præsentis, aut futuro, aut possibili.

Resp. ad 2. n. ant. ad prob. n. M. d. m. *τὸ* Petrus convenit pluribus sub eadem ratione Petreïtatis n. m. sub diversa ratione Petreïtatis c. m. quivis enim Petrus habet suos characteres distinctivos unius Petri ab alio Petro, & quotiescunque

multiplicatur denominatio Petrina, multiplicatur quoque diversitas Petrina, adeoque potest dici, quod *τὸ* Petrus sit Terminus singularis suo modo æquivocus.

Resp. ad 3. n. ant. ad prob. c. M. n. m. ad hujus prob. d. ant. *τὸ* Canis, convenit stellæ, pisce, animali latrabili sub ratione substantiæ, ita tamen ut hæc ratio substantiæ primario non exprimatur per hanc vocem c. ant. ita, ut hæc ratio substantiæ per hanc vocem primario exprimatur n. ant. ergo *τὸ* Canis convenit pluribus sub eadem ratione d. conf. convenit pluribus sub eadem ratione quam primario non exprimit c. conf. sub eadem ratione, quam primario exprimit n. conf. hæc. vox *Canis* primario non significat nudam substantiam, sed aut animal, aut stellam.

Resp. ad 4. n. ant. ad hujus prob. c. M. n. m. ad hujus prob. d. M. Humanitas significat corpus, & animam quoad esse Physicum transf. M. quoad esse Logicum, aut Metaphysicum n. M. & concessa m. d. conf. ergo Humanitas significat subjectum, & formam quoad esse Physicum transf. conf. quoad esse Logicum, aut Metaphysicum n. conf. Humanitas physicè considerata fortè nihil aliud est, quàm corpus & anima, sed tamen quoad nostrum concipiendi modum significat formam tanquam separatam, & à corpore, & ab anima quasi abstractam; ergo cum Logica, aut Metaphysica magis attendat ad nostrum modum concipiendi, debet hic Terminus secundum esse Logicum, aut Metaphysicum simpliciter vocari abstractus.

17 Objic. 8. Membra dividentia nostræ divisionis non pugnant; ergo. prob. ant. si Terminus univocus, & analogus non distinguuntur, tunc membra dividentia non pugnant, sed; ergo. m. prob. si Terminus univocus & analogus identificantur in eodem tertio, tunc non distinguuntur; sed; ergo. m. prob. Terminus univocus, & analogus identificantur cum hoc Termino *τὸ* Homo. ergo identificantur cum uno tertio. ant. prob. *τὸ* Homo est simul Terminus univocus, & simul Terminus analogus; ergo Terminus univocus, & æquivocus identificantur cum *Ly* Homo. 2. Terminus æquivocus est etiam Terminus univocus; ergo hi duo Termini non distinguuntur. prob. ant. si Terminus æquivocus convenit omnibus Terminis univocis sub eadem ratione tunc Terminus æquivocus est etiam Terminus univocus, sed; ergo.

18 Resp. ad 1. n. ant. ad hujus prob. c. M. n. m. ad hujus prob. transmissa M. n. m. ad hujus prob. d. ant. *τὸ* Homo est simul Terminus univocus, & analogus sub eodem respectu, & relatè ad eadem objecta n. ant. sub diverso respectu, & relatè ad diversa objecta c. ant. nempe *Homo* relatè ad sui similes est Terminus univocus, relatè autem ad sui imagines est Terminus analogus, nec repugnat idem à seipso esse diversum secundum diversum respectum; sic enim Petrus dexter non est Petrus sinister, etiam si sit idem Petrus, quia nempe prior denominatio denotat Petrum relatè ad situm dextrorsum, posterior autem denotat Petrum relatè ad situm sinistrorsum.

Resp.



Resp. ad 2. n. ant. ad hujus prob. d. M. tunc Terminus æquivocus secundo intentionaliter sumptus est simul Terminus univocus c. M. Terminus æquivocus primo intentionaliter sumptus est Terminus univocus n. M. & concessa m. d. conf. ergo Terminus æquivocus est simul Terminus univocus secundo intentionaliter sumptus c. conf. Terminus æquivocus primo intentionaliter sumptus n. conf. in hoc enim conveniunt omnes Termini æquivoci, quod conveniunt pluribus sub diversa ratione, & quando sub tali consideratione substant nostræ cognitioni tunc sumuntur secundo intentionaliter.

### QUÆSTIO III.

#### Quenam sint proprietates Terminorum?

1. Duæ potissimum recensentur Terminorum proprietates nempe: Oppositio & Suppositio Terminorum. De suppositione jam egimus. Oppositio autem nihil aliud est, quam diversitas Terminorum. Talis oppositio vulgo assignari solet quadruplex.

*Prima est Relativa*, seu diversitas Terminorum, qui significant rem cum respectu ad aliud, talis oppositio relativa intercedit inter creaturam, & creatorem, Patrem, & filium &c.

*Secunda oppositio vocatur Privativa*: Hæc oppositio est diversitas Terminorum, qui significant formam, & carentiam formæ in subjecto apto. Talis oppositio intercedit inter tenebras, & Lucem, inter potentiam visivam, & cæcitatem.

*Tertia oppositio vocatur Contradictoria*. Hæc oppositio est diversitas Terminorum, qui significant rem, & negationem rei, talis oppositio datur inter *videns*, & *non videns*, album, & non album.

*Quarta oppositio vocatur Contraria*. Hæc oppositio est diversitas Terminorum, qui significant rem, & negationem rei cum positiva assertionem alterius rei. Talis oppositio intercedit inter hominem, & equum album, & nigrum &c. Quæritur igitur, an definitio, & divisio harum proprietatum bona sit.

2. *DICO: DEFINITIO, ET DIVISIO TAM OPPOSITIONIS, QUAM SUPPOSITIONIS TERMINORUM RECTE FUIT TRADITA.* Prob. conclusio. Si hæc definitio, & divisio servat Leges divisionis, & definitionis tunc recte fuit tradita; sed; ergo.

3. *EX DIETIS COLLIGERE LICET Regulas suppositionis.*

1. Subjectum propositionis affirmativæ affectum signo universali supponit distributivè. Idem dic de propositione negativa. 2. Subjectum propositionis affectum signo particulari supponit particulariter. 3. Prædicatum propositionis affirmativæ supponit particulariter v.g. si dico: Omnis homo est animal, tunc subjectum utpote affectum signo universali supponit distributivè: e contra prædicatum *τὸ* animal supponit particulariter, quia sensus est, & hic homo est aliquod animal, & ille est aliquod animal, & iste &c. 4. Prædicatum propositionis negativæ supponit distributivè v.g. si dico: Lignum non est animal: sensus est: nec est equus, nec canis, nec bos, &c. Ratio est, quia particula negativa, *non*, est malignantis naturæ, & negat, quidquid post se sequitur.

4. *OBJIC. I.* Definitio suppositionis non convenit soli, ergo non est bona. prob. ant. si datur acceptio terminorum. *R. D. Euseb. Amoris Philosophia.*

mini pro suo significato, quin detur suppositio, tunc definitio suppositionis non convenit soli; sed; ergo. m. prob. Si dantur propositiones de subjecto non supponente tunc ex parte subjecti non datur suppositio; sed; ergo. m. prob. hæc propositio: Lucas Apostolus dicit: est de subjecto non supponente; ergo.

Resp. n. ant. ad prob. c. M. n. m. ad hujus prob. d. M. si dantur propositiones de subjecto non supponente sumendo hic suppositionem in alio sensu c. sumendo suppositionem in præsentis sensu n. ant. quando dicimus, propositionem esse de subjecto non supponente sensus tantum est, quod ex parte subjecti aliquid supponatur, quod verum non est; hæc contingit, quando vel supponitur existentia subjecti, quod non existit, nec potest existere, vel quando sumimus Terminum complexum pro subjecto v. g. Lucas Apostolus, in quo falsò aliquid supponitur, prout hic, Lucam fuisse Apostolum. In præsentis autem Quæstione suppositio nihil aliud est, quam acceptio Termini pro suo significato, non affirmatio alicujus veritatis.

*OBJIC. 2.* Divisio suppositionis non est adæquata; ergo non est bona. ant. prob. si dantur alia adhuc divisionis membra, tunc divisio non est adæquata; sed; ergo m. prob. præter allata divisionis membra datur adhuc suppositio materialis, & formalis; ergo dantur alia divisionis membra.

Resp. n. ant. ad prob. trans. M. n. m. ad hujus prob. n. m. nam suppositio materialis etiam stricte loquendo non est suppositio. suppositio enim stricte loquendo est acceptio Termini pro suo significato & se distincto. Suppositio autem materialis est tantum acceptio Termini pro se ipso v. g. si dico, *copula est vox*, *τὸ copula* sumitur materialiter, quia significat se ipsam.

*DICES:* Suppositio non est acceptio Termini pro suo significato à se distincto; ergo nulla responsio. prob. ant. Si suppositio esset acceptio Termini pro suo significato à se distincto, tunc hæc definitio non contineretur omni, sed convenit omni; ergo. Prob. M. dantur Termini, qui significant seipsos; ergo si suppositio Termini foret acceptio pro significato distincto tunc non conveniret omni. prob. ant. *τὸ* nomen, sensus, vox, sunt Termini, sed hi significant seipsos; ergo. m. prob. nomen significat omnia nomina, sensus significat omnes sensus, vox significat omnes voces; ergo significant etiam seipsos.

Resp. n. ant. ad prob. n. M. ad hujus prob. d. ant. dantur Termini, qui significant seipsos significato inadæquato tantum trans. ant. significato adæquato n. ant. prædicti enim Termini, *nomen*, *sensus*, *vox*, &c. fortè quidem significant se ipsos, sed non significant se ipsos tantum: igitur cum denominatio sumatur à potiori, & hi Termini à potiori significant res à se distinctas, dicendum est, quod accipiantur pro significato à se distincto.

*OBJIC. 3.* Datur suppositio disjunctiva determinata, cujus objectum tamen determinari non potest; ergo male describitur suppositio disjunctiva determinata. prob. ant. quando dico: *Aliquis homo in India ambulat*, *aliqua gutta fluit*, *aliquod momentum temporis labitur* &c. nec homo, nec gutta, nec momentum determinari potest, & tamen datur suppositio disjunctiva determinata; ergo prob. ant. quoad 1. membrum, Si non requiritur v.g. determinatum momentum, aut determinata gutta ad verificandam hanc propositionem, tunc nec gutta, nec momentum determinari potest; sed; ergo. 2. Quando dico: ali-



quis homo curret, tunc datur suppositio disjunctiva, & tamen non datur ullius hominis determinatio; ergo necesse non est, ut in suppositione disjunctiva subjectum determinari possit. ant. prob. si non datur determinata veritas de futuro contingente, tunc non datur determinatio ullius hominis; sed; ergo. m. prob. non potest ostendi, ubinam locorum reperitur illa determinatio determinati hominis, ergo non datur determinata veritas.

Resp. n. ant. ad hujus prob. d. ant. non potest determinari gutta, aut momentum quoad nos c. ant. non potest determinari gutta, aut momentum quoad se n. ant. Licet enim nos ob defectum sufficientis scientiæ non possimus unam guttam ab alia discernere, revera tamen illa est discernibilis.

Resp. ad 2. n. ant. ad prob. d. M. si non datur determinata veritas etiam pro tempore futuro, tunc non datur determinatio hominis c. M. si tantum non datur pro tempore præsentis n. M. aliquando enim determinabitur ille homo, qui curret.

8 DICES: Casu, quo habeo tantum unum oculum tunc mihi determinatus oculus est necessarius ad videndum; ergo exemplum suppositionis confusæ non potest esse *oculus*.

Resp. d. ant. determinatus oculus est mihi necessarius vi circumstantiarum c. ant. vi propositionis n. ant. propositio enim mihi non exprimit circumstantias, adeoque tantum exprimit sensum indeterminatum, ac confusum.

### De Propositione.

## QVÆSTIO III.

1 *Quid, quotuplex, & qualis sit propositio?*

Plurima sunt, quæ communiter de propositionum natura ab aliis differuntur. Nos in præsentis solum agimus de definitione, divisione, & oppositione propositionum. Sequenti quæstione agemus de aequipollentia, & conversione propositionum: & in 3. quæstione per modum spicilegii colligemus promiscuè illa plurima, quæ communiter ab aliis de propositionum natura differuntur.

2 DICO I. PROPOSITIO EST ORATIO AFFIRMATIVA, AUT NEGATIVA UNIUS DE ALIO. Prob. Conclusio. Hæc definitio Aristotelis est à tota antiquitate recepta, nondum antiquata, & potest tolerari; ergo est toleranda. prob. ant. quoad 1. membrum. Si per viginti sæcula vix ulla exstat alia propositionis definitio, tunc est à tota antiquitate recepta, sed; ergo. prob. ant. quoad 2. membrum. Si in libris impressis vix ulla alia occurrit propositionis definitio tunc illa definitio Aristotelis nondum est antiquata. sed; ergo. prob. ant. quoad 3. membrum. Si posita hac definitione nullum sequitur inconveniens, & illa sublata sequitur inconveniens. tunc potest tolerari, sed; ergo. m. quoad 1. membrum prob. negativè. quoad 2. membrum prob. positivè, inconveniens est, si inutiliter multiplicentur definitiones, & si in scholis oriatur confusio linguarum, sed hoc sequitur sublata definitione Aristotelis; ergo illa sublata sequitur inconveniens. Profecto vitia hujus definitionis tanta non sunt, ut è sua possessione à privatis nulla auctoritate præditi deici debeat. Si obscura est, citius ex-

plicatur, quàm emendatur. Si non est satis accurata, cogitandum est, Principem Philosophorum non decere minutias; & interest Reipublicæ Litterariæ habere exemplum neglectæ Superstitionis Summulisticæ.

DICO 2. DIVISIO ET OPPOSITIO PROPOSITIONUM SATIS BENE FUIT EXPLICATA. Prob. Conclusio. Si nullum potest ostendi vitium saltem notabile, tunc satis bene fuit explicata. Sed; ergo. m. prob. solutione objectionum.

### Solvuntur Objectiones.

OBJIC. I. Definitio Aristotelis multis scatet vitiis, ergo non est toleranda. ant. quoad 1. membrum prob. si definitio Aristotelis non convenit *soli*, tunc est vitiosa, sed; ergo. m. prob. Si definitio Aristotelis convenit syllogismo, tunc non convenit *soli*, sed; ergo. m. prob. si etiam syllogismus est oratio affirmativa, aut negativa unius de alio tunc etiam convenit syllogismo, sed; ergo. Prob. ant. 2. si definitio Aristotelis fuit per membra disjunctiva tunc est vitiosa, sed; ergo. M. prob. definitio non potest fieri per membra disjunctiva, ergo si definitio Aristotelis fit per membra disjunctiva est vitiosa. ant. prob. natura definiti non est disjunctiva, ergo definitio non potest fieri per membra disjunctiva. prob. ant. 3. si definitio Aristotelis non convenit *omni*, tunc est vitiosa, sed; ergo. m. prob. si definitio Aristotelis non convenit propositioni affirmativæ, tunc non convenit *omni*, sed; ergo. m. prob. propositio affirmativa non est oratio affirmativa, aut negativa unius de alio; ergo. prob. ant. 4. si in definitione Aristotelis definitur genus per suas species tunc est vitiosa, sed; ergo. m. patet; quia propositio affirmativa, aut negativa est species propositionis in genere. M. prob. genus non potest definiri per suas species, ergo si in definitione Aristotelis genus definitur per suas species, definitio est vitiosa. prob. ant. species debet definiri per suum genus; ergo genus non definitur per suas species, alioquin fieret circulus, sic mala esset definitio animalis: animal est vivens vel rationale, vel irrationale. prob. ant. 5. si definitio Aristotelis tantum convenit propositioni vocali, tunc non convenit *omni*; sed; ergo. M. patet: quia debet etiam definiri propositio mentalis. m. prob. tantum propositio vocalis est oratio affirmativa, aut negativa unius de alio.

Resp. ad 1. n. ant. ad prob. c. M. n. m. ad hujus prob. iterum n. m. ad prob. d. ant. syllogismus est oratio affirmativa, aut negativa unius de alio, qualificata, discursiva, & mediata c. ant. est oratio affirmativa, aut negativa unius de alio simpliciter talis n. ant. nomine orationis simpliciter talis non intelligitur oratio discursiva.

Resp. ad 2. n. M. ad hujus prob. d. ant. Definitio non debet fieri per membra disjunctiva, si sit definitio essentialis explicans naturam rei trans. ant. si sit definitio nominis n. ant. definitio Aristotelis tantum est definitio nominis, adeoque hæc definitio non debet explicare naturam rei, sed tantum demonstrare illas circumstantias, in quibus datur usus hujus nominis, cum autem illæ circumstantiæ divise sint, modo disjunctivo demonstrari possunt: errant profecto, qui in talibus compositis accidentalibus quærunt definitiones essentielles, & essentias, ac naturas nescio quas, revera spectra illularum mentium.

Resp.



Resp. ad 3. c. M. n. m. ad hujus prob. d. ant. propositio affirmativa non est oratio affirmativa, aut negativa disjunctione, & indeterminatione tenente se ex parte rei affirmatæ c. ant. disjunctione, & indeterminatione tenente se ex parte affirmantis n. ant. potest enim etiam res determinata vera enuntiari modo disjunctivo.

Resp. ad 4. n. M. ad hujus prob. d. ant. genus non debet definiri per suas species in definitione essentiali trans. ant. in definitione nominis n. ant. quando enim datur definitio nominis aliud non fit, quam ut explicetur vox per res aliunde notiores sive illæ res sint species, sive genera perinde est. Species quidem debent definiri per genus in definitione essentiali, sed non in definitione vocali, & hinc non datur mens circuli.

Resp. ad 5. d. M. si definitio Aristotelis tantum convenit propositioni vocali ita, ut neque per analogiam conveniat propositioni mentali, tunc non convenit omni c. M. si ita conveniat vocali, ut saltem per analogiam conveniat propositioni mentali n. M. consimilium enim, & correlativorum eadem est ratio: qui agit de uno analogatorum, censetur agere de altero. in præsentī propositio vocalis & mentalis inter se analogæ sunt. propositio mentalis est analogatum primum, & propositio vocalis est analogatum secundarium. Conveniens erat, ut Aristoteles ageret de propositione vocali tanquam notiori, ut ex hoc analogato secundario pedetentim mens duceretur in cognitionem propositionis mentalis tanquam analogati primarii, sicut conveniens est, ut ex humanis ducamur in Divina, & ex creatis in increata. Dein posset etiam negari m. quia propositio mentalis posset etiam vocari oratio affirmativa, dum enim mens cogitat, sibi ipsi loquitur, & Græcum λόγος aequè significat sermonem internum, ac externum, prout dudum à S. Augustino, & aliis demonstratum est.

6 DICES 1. Propositio potest melius definiri, quam Aristoteles definivit; ergo debet sic definiri. ant. prob. 1. potest dici, quod propositio sit oratio enuntians unius de alio. 2. potest dici, quod propositio sit oratio manifestativa veri, vel falsi. 3. potest dici, quod propositio sit Judicium immediatum unius de alio. ergo.

Resp. n. ant. ad hujus prob. n. iterum ant. Ratio negandi est, quia hæ definitiones sunt temerariæ & perniciosæ. Temerariæ sunt, quia sine sufficienti ratione, ac fundamento nituntur contra torrentem in re ubi materiæ gravitas non meretur tantos motus. Perniciosæ sunt, quia tollunt consuetas loquendi formulas cum magno incommodo, & confusione discentium, quorum memoria sine necessitate his definitionibus, & spinosissimis nugis perturbatur: Cæterum an hæ definitiones bonæ vel malæ sint, non vacat examinare. Certè, quia Aristoteli Principi Philosophorum sine auctoritate Magnatum, & Statuum Republicæ Philosophicæ, & sine extrema necessitate rebelles sunt, eo ipso pessimæ sunt.

7 DICES 2. Membra dividentia in divisione propositionum non participant rationem divisi, ergo illa divisio non est bona. prob. ant. si propositio hypothetica, id est, oratio affirmativa, aut negativa unius de alio, tunc membra dividentia non participant rationem divisi, sed; ergo. m. prob. si propositio hypothetica nil absolute affirmat, aut negat, tunc non est oratio affirmativa, aut negativa unius de alio, sed; ergo.

2. Propositio copulativa non continetur sub diviso. ergo propositionis divisio non est bona. ant. prob. si propositio copulativa non potest definiri, tunc non continetur sub diviso; sed; ergo. M. patet, quia divisum potest definiri. m. prob. si propositio copulativa non est unum quid, tunc non potest definiri; sed; ergo. M. patet, quia definitio est unius rei, & non plurium definitio. m. prob. propositio copulativa est aggregatum plurium diversissimarum propositionum; ergo. non est unum quid.

Resp. n. ant. ad hujus prob. c. M. n. m. ad hujus 8 prob. n. c. iterum M. n. m. ad prob. d. ant. propositio hypothetica nil rei absolute affirmat c. ant. nil connexionis n. ant. nam in propositione saltem affirmatur connexio duarum rerum ad invicem, etiam si neutrius absoluta existentia, ac veritas affirmetur.

Resp. ad 2. n. ant. ad hujus prob. trans. M. n. m. ad hujus prob. d. M. si non est unum quid saltem unitate affirmationis, tunc non potest definiri c. M. si tantum non est unum quid unitate rei affirmatæ n. M. nam definitio nihil aliud est, quam oratio explicans partes constitutivas alicujus compositi, sive illud compositum sit physicum, aut morale.

DICES 3. Saltem propositio simplex non pugnat 9 cum propositione complexa; ergo divisio non est bona. prob. ant. si omnis propositio simplex etiam est composita, tunc cum composita non pugnat; Sed; ergo. m. prob. omnis propositio simplex componitur ex materia & forma, nempe ex subjecto, & prædicato tanquam materia, & copula tanquam forma; ergo. propositio simplex est composita.

Resp. n. ant. ad prob. c. M. n. m. ad hujus prob. d. ant. propositio simplex componitur ex materia, & forma compositione se tenente ex parte rei affirmatæ c. ant. compositione se tenente ex parte affirmationis n. ant. propositio enim simplex tantum continet unam affirmationem, aut negationem, & eatenus dicitur simplex, sicut homo dicitur unus homo, unum ens, unum animal, etiam si partes hominis non sint unum quid, sed plura.

Objic. 2. Datur propositio media inter simplicem, & compositam; ergo illa divisio non est adæquata prob. ant. quando dico, homo tantum est risibilis, hæc propositio non est simplex, nec composita, ergo datur media. 10

Resp. n. ant. ad prob. d. 2. membrum ant. hæc propositio non est composita formaliter, ac explicite c. ant. non est composita virtualiter, & implicate n. ant. sensus enim hujus propositionis est: homo est risibilis, & nullum aliud ens est risibile. igitur cum propositio considerari debeat quoad sensum, & non quoad verba, hæc propositio simpliciter dici debet composita. Idem dic de aliis propositionibus similiter exponibilibus v. g. si dico: Petrus est doctus, & pius: sensus enim est Petrus est doctus, & Petrus est pius.

Objic. 3. Membra dividentia non pugnant; ergo 11 divisio non est bona. prob. ant. si membra se invicem non excludunt, tunc non pugnant inter se, sed; ergo. m. prob. propositio categorica continetur in hypothetica, ergo membra se invicem non excludunt.

Resp. n. ant. ad prob. trans. M. n. m. ad prob. d. ant. propositio categorica materialiter sumpta continetur in hypothetica trans. ant. propositio formaliter sumpta n. ant. Propositio categorica tunc dicitur



sunt formaliter, quando categorizat, id est, quando sumitur absolute, sine particula conditionali.

- 12 Dico: Eadem propositio potest esse negativa, & affirmativa; ergo saltem ista membra dividentia non pugnant: prob. ant. quando dico: *Petrus est, & non fuit cæcus*, vel *Petrus est cæcus, & non est claudus*, hic datur unica propositio, sed hæc est simul affirmativa, & negativa; ergo datur propositio, quæ potest esse affirmativa, & negativa.

Resp. n. ant. ad prob. n. M. quia, ut dixi, propositio æstimari debet, ac denominari à sensu verborum, non à formula verborum, sensus autem harum propositionum talis est, ut constituat duas propositiones, nam æquivalent exponibiliter implicite, ac virtualiter habent duas copulas, ita ut sensus sit: *Petrus existit, & Petrus non fuit cæcus*. in quo casu non datur una propositio, quia per unam intelligitur illa, quæ continet unam affirmationem, aut negationem.

Resp. 2. n. ant. ad prob. trans. M. n. m. & dico hanc propositionem esse simpliciter affirmativam, quia implicite affirmat veritatem utriusque propositionis tam affirmativæ, quàm negativæ, & posset distingui. Hæc propositio est simul affirmativa, & negativa quoad modum tendendi directum trans. M. quoad modum reflexum tendendi n. M. reflexe enim affirmatur veritas directa harum propositionum.

- 13 Objic. 4. Membra dividentia non participant rationem divisi; ergo. prob. ant. Si propositiones *subcontrariæ* non sunt oppositæ tunc non participant rationem divisi; sed; ergo. m. prob. Si propositiones *subcontrariæ* non versantur circa idem subjectum, tunc non sunt oppositæ, sed; ergo. m. prob. Si possunt simul esse veræ tunc non versantur circa idem subjectum, sed; ergo. M. patet. si enim possunt simul esse veræ tunc affirmatio, & negatio non versatur circa idem, ne evertatur hoc principium, *idem non potest simul esse, & non esse*.

Resp. n. ant. ad prob. c. M. n. m. ad hujus prob. n. m. ad hujus prob. d. ant. si possunt simul esse veræ tunc non habent idem subjectum verificationis c. ant. non habent idem subjectum suppositionis, ac representationis n. ant. quando dico: *Aliquis homo currit, aliquis homo non currit*, sentio ex parte subjecti idem obversari menti. Hi Termini aliquis homo, idem meo animo obijciunt, ac subjiciunt; ergo. Subjectum utriusque propositionis quoad representationem, ac suppositionem idem est, etiam si forte in priori propositione verificetur de Petro, in posteriori de Paulo. Talis autem identitas sufficit ad constituendas propositiones oppositas, quia nomine oppositarum veniunt propositiones, quæ opponuntur inqualitate modo non opponantur in subjecto representationis. & sub hoc nomine comprehendere tales propositiones placuit Philosophis.

- 14 Objic. 5. dantur contrariæ propositiones, quæ non servant constantiam subjecti; ergo ad oppositionem propositionum non requiritur, ut versentur circa idem subjectum. prob. ant. quando dico: *Omnis homo est albus, omnis homo est niger*, hæc propositiones sunt contrariæ, sed hæc propositiones non servant constantiam prædicati; ergo dantur contrariæ, quæ non servant constantiam prædicati.

Resp. n. ant. ad prob. d. M. hæc propositiones sunt contrariæ contrarietate terminorum c. M. contrarietate propositionum n. M. & transmissa m. d. conf. ergo

dantur propositiones contrariæ, quæ non servant constantiam prædicati contrarietate Terminorum contrariæ c. conf. contrarietate propositionum contrariæ n. conf. in his propositionibus Termini prædicativè positi sunt, *to albus, & niger*. Hi Termini sunt contrariè oppositi, & dicuntur propterea propositiones oppositæ contrarietate Terminorum. cum autem hæc propositiones non habeant consuetam formulam, quam solent habere propositiones contrariæ, ideo non habent contrarietatem propositionum. Posset etiam M. sic distingui: Hæc propositiones sunt contrariæ, æquivalenter, implicite, ac reductivè c. M. formaliter, ac explicitè n. M. hæc propositiones possunt saltem revocari ad contrarias, quia possunt exponi per alias propositiones formaliter, ac explicitè contrarias: possunt enim exponi per has propositiones: *Omnis homo est albus, nullus homo est albus*.

Resp. 3. d. M. Hæc propositiones sunt contrariæ secundum Logicam naturalem c. M. secundum Logicam artificialem n. M. Logica naturalis nihil aliud est, quàm modus exprimendi sensa animi secundum rationis dictamen, hi autem modi infiniti sunt. Logica artificialis econtra exprimit sensa animi per determinatas loquendi formulas, ad quas omnes illi modi infiniti revocari posse debent, in præsentia illæ loquendi formulæ contrariarum, quibus exprimitur oppositio inter homines albos, & nigros revocari possunt ad hanc; *Omnis homo est albus, nullus homo est albus*.

Dico: Dantur propositiones oppositæ, quæ ad nullam harum speciem revocari possunt; ergo data responsio non sufficit prob. ant. quando dico: *Omnis homo currit, Petrus non currit*. Item: *Omnes homines currunt, aliqui homines non currunt*. Hæc propositiones sunt oppositæ, sed hæc ad nullam speciem oppositarum revocari possunt; ergo. m. prob. si possent revocari ad ullam speciem, tunc possent revocari ad contradictorias, sed ad contradictorias revocari non possunt; ergo m. prob. Si utraque potest esse falsa, tunc non possunt revocari ad contradictorias; sed; ergo. m. patet, quia posito casu, quod solus Paulus currat, utraque propositio erit falsa.

Resp. n. ant. ad prob. c. M. n. m. ad hujus prob. n. m. quia hæc propositiones ad contrarias revocari debent, universaliter enim omnis illa propositio, quæ plus affirmat, quàm sufficiat ad falsificandam alteram, ad contrarias revocari debet, & regula dignoscendi contrariam à contradictoria est hæc: Quod utraque propositio possit esse falsa. Nec obstat, quod hæc propositiones non convenient cum dato exemplo contrariarum, quo dicitur, *nullus homo currit*, quia exemplum non est regula. Exemplum semper tantum eligitur manifestum, & palpabile, ut ex eo, quod evidenter manifestum est, intelligantur reliqua, quorum differentia adeo sensibilis non est.

Objic. 6. Dantur propositiones contradictoriæ, quæ possunt simul esse veræ, aut falsæ; ergo. data regula contradictoriarum non subsistit. prob. ant. Ponamus sequentes propositiones 1. *Nullus oculus est necessarius ad videndum, aliquis oculus est necessarius ad videndum*, Verum est dicere, quod nullus determinatus oculus sit necessarius ad videndum, & verum etiam est, aliquem oculum (puta indeterminatum) esse necessarium ad videndum. 2. *Omnis homo peccavit in Adamo, aliquis homo non peccavit in Adamo*, Prior propositio est vera, quia continetur in Scriptura, & poste-



& posterior etiam est vera, quia Christus non peccavit in Adamo. 3. *Omnis homo currit, aliquis homo non currit.* Casu posito non tantum existat unus homo, falsa erit utraque propositio, si ille unus homo currat, quia prior propositio debet sumi distributive, ut sensus sit, & Petrus currit, & Paulus currit &c. & sic erit de subiecto non supponente: dein tales propositiones sunt de secundo adjacentes, id est, affirmant existentiam sui subiecti, & prædicati, & quidem pro tempore per copulam importato. 4. *Omnis homo necessario est doctus, aliquis homo necessario non est doctus,* falsa est utraque propositio, quia nulli homini incumbit necessitas ad esse doctum, vel non esse doctum. 5. *Omnis homo disputat, aliquis libere non disputat,* falsa est utraque propositio, quia non omnis homo disputat, & ille qui non disputat forte non libere, sed coacte non disputat ob defectum scientiæ. 6. *Plato libere disputat, Plato libere non disputat,* falsa est utraque propositio in casu, quo Plato dormiat. 7. *Omnis homo ubique studet, aliquis homo ubique non studet,* falsa est iterum utraque propositio. 8. *Omnis homo irrationalis est animal, aliquis homo irrationalis non est animal,* falsa est utraque propositio, quia non datur homo irrationalis, qui sit animal, aut non animal. 9. *Omne ambulans movetur, aliquod ambulans non movetur* posito quod nemo ambulet, iterum falsa erit utraque. 10. *quilibet equus hominis currit, quilibet equus hominis non currit,* casu posito, quod quilibet homo habeat duos equos, quorum unus currat, alter non currat, falsa erit utraque. Jam sic: hæ propositiones sunt contradictoriæ, sed hæ possunt simul esse veræ, aut falsæ; ergo.

17 Resp. n. ant. ad 1. n. M. vel d. sunt contradictoriæ quoad modum verborum trans. quoad sensum n. M. oppositio propositionum non refertur ad verba, sed ad sensum, igitur etiam regulæ oppositionum ad sensum verborum referri debent, & qui vult regulas Logicas applicare ad examinandas propositiones, sensum potius, quam verba inspicere debet, ut dein modum tendendi naturalem revocet ad modum tendendi Logicum ac artificialem. Igitur in omnibus recensitis propositionibus ante omnia sensus verborum examinandus est, & ille sensus, vel ab usu loquentium, vel à subiecta materia, vel ab intentione proferentium desumi debet, & quando de sensu constat, tunc videndum, an tales propositiones simul possint esse veræ, aut falsæ. Hæc universalis regula est omnium propositionum oppositarum. In præsentī clarum est sensum propositionum nullum esse alium, quam hunc; *nullus determinatus oculus est necessarius ad videndum, aliquis indeterminate oculus est necessarius ad videndum,* quæ ambæ possunt esse veræ.

Resp. ad 2. n. M. vel d. sunt contradictoriæ quoad modum verborum trans. quoad sensum n. M. prior enim propositio vera est in sensu accommo-  
modo, adeoque possunt simul esse veræ, & non sunt contradictoriæ.

Resp. ad 3. c. M. n. m. nempe quod simul possint esse veræ, aut falsæ, sensus enim horum verborum nullus alius est, quam omnem hominem existentem currere, sive existat unus, sive plures homines, sensus enim verborum universaliter desumitur, aut ab usu loquentium aut à subiecta ma-

teria, aut ab intentione proferentium: in præsentī manifestum est, quod nec usus loquentium, nec subiecta materia, nec intentio proferentium alium sensum dictæ propositioni subiciat, quam sensum à nobis assignatum. Si dantur aliæ regulæ Summulisticæ, per quas dicatur similes propositiones esse de secundo, vel tertio adjacentes, nugæ sunt, quia revera sensus verborum nullis aliis regulis determinari potest, quàm regulis criticis, & hermeneuticis, & hæ omnes regulæ respiciunt aut usum loquentium, aut ad subiectam materiam, aut ad intentionem proferentium.

Resp. ad 4. n. M. sensus harum propositionum est hic: *omnis homo est doctus, & hoc necessarium est ut sit doctus; aliquis homo non est doctus & hoc necessarium est, ut non sit doctus.* Igitur utraque propositio est copulativa, quia est modalis, utraque affirmat rem, & modum rei: utraque est falsa, quia in utraque propositione saltem una est falsa. Habent hoc propositiones copulativæ, ut ad earum veritatem requiratur veritas utriusque propositionis, ad falsitatem autem copulativæ sufficiat falsitas unius propositionis copulativæ. Ratio est, quia proferens propositionem copulativam affirmat veritatem utriusque propositionis.

Resp. ad 5. n. M. quia in his propositionibus non servatur constantia prædicati, dein plus affirmatur in altera, quàm quod requiritur ad falsificandam priorem propositionem, verbo utraque potest esse falsa. Inspiciamus more nostro sensum harum propositionum; illum sensum dein juxta formulam Logicam exprimamus, & hæ propositiones stabunt sic: *omnis homo disputat, aliquis homo non disputat, & hoc libere fit, quod non disputet.* Clarum est priorem propositionem esse simplicem, posteriorem copulativam, cum longe alio prædicato, & subiecto.

Resp. ad 6. & 7. Nam sensus est: *Plato disputat, & hoc libere fit, quod disputet. Plato non disputat, & hoc libere fit, quod non disputet,* utraque erit falsa. Similiter sensus septimæ est: *Omnis homo studet, & hoc ubique fit, quod studeat, aliquis homo non studet, & hoc ubique fit, quod non studeat,* clarum iterum est utramque esse falsam adeoque contrariam.

Resp. ad 8. trans. M. n. m. dico enim primam propositionem esse veram; sensus illius propositionis est hic: *Omnis homo, qui est irrationalis, est animal.* In hac propositione possunt considerari duo, nempe principalis propositio, & propositio incidens, seu impertinens illa propositio: *Omnis homo est animal,* est propositio principalis, altera, qua dico: *qui est irrationalis,* est incidens. Jam propositio dicitur simpliciter esse vera, aut falsa, quando propositio principalis simpliciter est vera, aut falsa, quia propositiones, aut termini impertinentes non sunt pars propositionis principalis, eo ipso, quod tantum occasionaliter, incidenter, & revera, impertinenter adjiciantur propositioni principali, & tales propositiones incidentes potius supponuntur, quàm asseruntur, ob quod etiam hæ propositio est de subiecto non supponente. Igitur propositiones incidentes nunquam simpliciter cum propositione principali confundi debent, & bene fit, si non concedantur, aut negentur simpliciter, sed distinguantur. v.g. in præsentī potest prior propositio sic distinguui, hæc propositio est



est falsa falsitate propositionis incidentis c. m. falsitate propositionis principalis n. m. & conf.

Resp. ad 9. n. m. quia propositiones in materia necessaria sumuntur ampliative, nec supponunt existentiam sui subiecti; in presenti sensus est: *Omne ambulans, si aliquid existat, movetur*, hæc conditio est per se inexistens propositioni, quia est necessariò inexistens, & talis sensus conditionatus est omnium propositionum versantium circa materiam necessariam, quia talem sensum menti offert usus loquentium, subiecta materia, & intentio proferentium.

Resp. ad 10. n. M. quia si inspiciatur sensus harum propositionum possunt esse falsæ; sensus enim est: *Omnis equus cujuslibet hominis currit, nullus equus cujuslibet hominis currit*, hunc sensum iterum menti suggerit usus loquentium, subiecta materia, & intentio proferentium, absint igitur omnes formulæ loquendi, quæ infinitæ sunt, nec ad uniformem modulum revocari possunt, infinitum enim pertransiri non potest, nec ulla arte comprehendendi. Regula unica uniformis esto hæc. Inspiciatur sensus propositionum, ille sensus desumatur ex usu loquentium, subiecta materia, & intentione proferentium. Si propositiones in sensu taliter obvio non possunt simul esse veræ, aut falsæ, tunc sunt contradictoriæ, si vero simul possunt esse falsæ, tunc sunt contrariæ, si simul veræ esse possunt, subcontrariæ sunt, & quando unius veritas continetur in altera, vocentur subalternæ.

18 DICES I. Saltem hæ propositiones sunt contradictoriæ dum dico: *Omnis binarius currit, aliquis binarius non currit*, sed hæ propositiones possunt simul esse falsæ.

Resp. quærendo qualis sit harum propositionum sensus ex intentione proferentis, sensum enim harum propositionum nec ex usu loquentium, nec è subiecta materia colligere licet: ex usu loquentium illum non licet colligere, quia iste modus loquendi parùm est in usu; ex subiecta materia illum sensum colligere non licet, quia circumstantiæ, ad quas referuntur hæ propositiones nobis aliunde notæ non sunt. Jam si dicas intentionem tuam esse hanc, ut sensus sit: *Uterque è binario currit, uterque è bina-*

*rio non currit*, tunc propositiones sunt contrariæ, quia possunt simul esse falsæ, si verò sensus sit: *Aliquis è binario currit, & nullus è binario currit*, tunc propositiones sunt contradictoriæ, quia non possunt simul esse veræ, aut falsæ. Si verò sensus sit: *Aliquis è binario currit, aliquis è binario non currit*, tunc sunt subcontrariæ, quia simul possunt esse veræ.

DICES 2. Hoc ipsum debet determinari per 19 regulas Summulisticas, an hæ propositiones habeant hunc sensum; ergo nulla responsio. ant. prob. Si debet per regulas Summulisticas determinari, an hæ propositiones sint contrariæ, aut contradictoriæ, tunc debet etiam determinari, quisnam sit harum propositionum sensus; sed; ergo.


Resp. n. ant. ad prob. d. M. si debet determinari per regulas Summulisticas absolute c. M. si debet determinari tantum conditionate n. M. Logica enim sensum verborum accipit aut à Grammatica, aut ab arte Critica, aut Hermeneutica, quia in tota Logica non reperiuntur sufficientes regulæ ad determinandum sensum verborum, nisi quis velit producere novam Logicam.

## QUÆSTIO IV.

*Quid sit Equipollentia, & Conversio propositionum, & quanam sint earum Regula.*

NOTA I. EQUIPOLLENTIAM esse duarum propositionum idem subiectum, & prædicatum habentium æquivalentiam. v. g. si dico: *Aliquis homo non currit, non omnis homo currit*, posterior propositio dicitur æquivalere, & æquipollere priori; simili modo potest cuilibet propositioni in Schemate propositionum contradictoriarum opponi sua propositio æquipollens: & hoc quidem potest fieri per solam appositionem particulæ *non*, si nempe subiecto præponam, aut postponam particulam *non*, ut patet è sequenti Schemate.





2. **NOTA 2.** *Conversio propositionum est mutatio subjecti in prædicatum servata eadem quantitate, aut qualitate propositionis v. g. Omnis homo est animal, aliquod animal est homo prior propositio, quæ convertitur, vocatur Conversa: posterior propositio, in quam prior propositio convertitur, vocatur Convertens. Talis conversio fit tripliciter. 1. Simpliciter, quando servatur eadem quantitas subjecti v. g. Nullus homo est lapis, nullus lapis est homo, prior propositio conversa dicitur converti simpliciter. 2. Per accidens, quando propositio universalis mutatur in particularem v. g. Omnis homo est animal, aliquod animal est homo. 3. Per contrapositionem, quando terminus finito præponitur particula infinitans, & simul postponitur, v. g. Omnis homo est animal, omne non animal est non homo. Sensus est: quidquid non est animal, non est homo &c.*

3. **NOTA 3.** Propositionem universalem affirmativam denotari per litteram A. 2. Propositionem universalem negativam denotari per litteram E. 3. Propositionem particularem affirmativam denotari per litteram I. 4. Propositionem particularem negativam denotari per litteram O. id comprehenditur his duobus versiculis.

ASSERIT A. NEGAT E. SED UNIVERSALITER AMBÆ.  
ASSERIT I. NEGAT O. SED PARTICULARITER AMBÆ.

DICO I. REGULÆ ÆQUIPOLLENTIÆ SUNT SEQUENTES.

1. Contradictoriæ propositionis subjecto præponatur particula non. 2. Contrariæ propositionis subjecto postponatur particula non. 3. Subcontrariæ propositionis subjecto particula non præponatur, & postponatur. Hæ regulæ comprehenduntur hoc versiculo:

PRÆ CONTRADIC, POST CONTRA, PRÆPOSTQUE SUBALTER.  
Sensus harum regularum patet ex Schemate præallato. Prob. conclusio. Si hæ regulæ sunt veræ, universales, utiles, & de facili applicabiles tunc sunt bonæ, sed; ergo in prob. quoad 1. membrum. Si non potest ostendi falsitas, tunc sunt veræ, sed ergo prob. m. quoad 2. membrum. Si non potest asferri instantia, tunc sunt universales, sed; ergo prob. m. quoad 3. membrum.

D

mem.



membrum illa regula est utilis, qua non habita est pronum errare in circumstantiis emergentibus, sed talis est hæc regula; ergo. prob. m. quoad 4. membrum. Illa regula est de facili applicabilis, qua habita non indigemus multis discursibus, aut regulis aliis ad dissolvendas difficultates obvias, sed talis est hæc regula; ergo. m. prob. Hæc regula de facili occurrit memoriæ, & menti, sufficit in occurrentibus occasionibus; ergo.

- 5 DICO 2. REGULÆ CONVERSIONIS SUNT SEQUENTES.  
1. Propositio universalis negativa, & particularis affirmativa convertuntur simpliciter. 2. Propositio universalis affirmativa convertitur per accidens. 3. Particularis negativa convertitur per contrapositionem. Hæ regulæ comprehenduntur his versiculis.

FECEI SIMPLICITER CONVERTITUR EVA PER ACCID.

AST O PER CONTRAP. SIC FIT CONVERSIO TOTA.

Prob. Conclusio. Si hæ regulæ sunt veræ, universales, utiles, de facili applicabiles, tunc sunt bonæ, sed; ergo. prob. m. quoad 1. membrum. possum dicere: Nullus homo est lapis; ergo nullus lapis est homo. 2. Aliquis homo est albus; ergo aliquod album est homo. 3. Omnis homo est animal; ergo aliquod animal est homo. prob. m. quoad 2. membrum. Si non potest afferri instantia, tunc hæc regula est universalis, sed; ergo. prob. m. quoad 3. membrum. Si in reductione syllogismorum imperfectorum sine his regulis pronum esset errare, & his habitis difficile est errare, tunc in circumstantiis obviis hæc regula est utilis, sed; ergo prob. m. quoad 4. membrum. in reductione syllogismorum imperfectorum hæc regulæ de facili occurrunt memoriæ, & his habitis non est opus aliis regulis; ergo de facili sunt applicabiles.

- 6 COLLIGES 1. Ex duplici negatione fieri affirmationem, quando nempe particula non sumitur neganter, & non infinitanter v. g. *Petrus non est animal.*

- 7 COLLIGES 2. Circa æquipollentiam propositionum magis attendendum esse ad proprium iudicium, quam ad regulas, omnes enim modi æquipollentium enumerari non possunt, v. g. Si æquipollens propositioni modali præponenda est, tunc apponenda est particula non copulæ v. g. *Hominem esse animal est possibile, hominem esse animal non est impossibile.*

- 8 COLLIGES 3. In conversione propositionis indefinitæ, modalis, aut alterius ex legis pariter attendendum esse iudicium, & Analogiam. tales enim propositiones infinitæ sunt, & num se mutuo inferant, vel non inferant, è legibus Hermenevticis, aut Criticis determinari debet; exempla talium propositionum sunt 1. *Petrus est homo; ergo aliquis homo est Petrus.* 2. *Nullus lapis est Socrates, ergo Socrates non est lapis.* 3. *Homo sedet, & equus currit, ergo aliquod sedens est homo, & aliquod currens est equus.*

## Solvuntur Objectiones.

- 9 OBJIC. 1. contra 2. conclusionem. Prima regula non est universalis; ergo non est bona. prob. ant. Stantur propositiones universales negativæ & particulares affirmativæ, quæ tamen non possunt converti simpliciter, tunc prima regula non est bona & universalis; sed; ergo. m. prob. ab inductione sequentium propositionum. 1. *Nullus puer fuit senex.* non possum dicere: *Nullus senex fuit puer.* 2. *Nullus Diaconus est Sacerdos,* non possum dicere: *Nullus Sa-*

*cerdos est Diaconus.* 3. *Aliquis disputans est in Schola,* non possum dicere: *Aliqua Schola est in disputante.* 4. *Aliquod vinum est in poculo,* non possum dicere: *Aliquod poculum est in vino.* 5. *Aliquis mus vorat panem,* non possum dicere: *Panis vorat musculum.* 6. *Aliquis homo incipit esse senex,* non possum dicere: *Aliquis senex incipit esse homo.* 7. *Aliquis homo est mortuus,* non possum dicere: *Aliquis mortuus est homo.* 8. *Aliqua species est homo,* non possum dicere: *Homo est aliqua species.*

Resp. n. ant. ad prob. c. M. n. m. ad hujus prob. 10 dico universaliter. 1. Prædicatum, & subjectum exprimenda esse explicitè, non solum quoad verba, sed etiam quoad sensum. 2. Illa subjecta, & prædicata cum suis categorematis qualibuscunque, sive sint categoremata temporis, seu loci, aut alterius modi suis subjectis inseparabiliter adjungenda esse. Hoc prænotato.

Resp. ad 1. c. ant. n. conf. quia sensus hujus propositionis est: *Nullus puer est ingressus senectutem;* igitur debet converti sic: *Nullum ingressum senectutem est puer.*

Resp. ad 2. c. ant. n. Conf. sensus enim est: *Nullus tantum Diaconus est Sacerdos;* igitur *nullus Sacerdos est tantum Diaconus.*

Resp. ad 3. c. ant. n. conf. sensus est: *Aliquis disputans est existens in Schola;* ergo *aliquod existens in Schola est disputans.* Idem debet dici de 4. 5. & 6. exemplo, ut fiat sic: *Aliquod vinum est existens in poculo;* ergo *aliquod existens in poculo est vinum.* *Aliquis mus est vorans panem;* ergo *aliquod vorans panem est mus.* *Aliquis homo est incipiens esse senex,* ergo; *aliquod incipiens esse senex est homo.*

Resp. ad 7. c. ant. n. conf. sensus enim est: *Aliquid quod fuit homo, est mortuum;* ergo *aliquid mortuum est id, quod fuit homo;* nam per se evidens est subjectum propositionis supponere distractivè.

Resp. ad 8. c. ant. n. conf. quia sensus est: *Aliqua species est homo secundo intentionaliter sumptus;* ergo *homo secundo intentionaliter sumptus est aliqua species.*

OBJIC. 2. Secunda regula non est vera; ergo non 11 est bona. prob. ant. Si ex illa regula sequitur falsum, tunc non est vera, sed; ergo. M. patet, quia ex vero non sequitur falsum. m. prob. ex illa regula sequitur, quod ex necessario possit sequi contingens, sed hoc est falsum; ergo ex illa regula sequitur falsum. M. prob. ex illa regula sequitur bonas esse conversiones sequentes: *Omnis Grammaticus est homo;* ergo *aliquis homo est Grammaticus.* Item *Omne viride est corpus;* ergo *aliquod corpus est viride.* sed si hæ conversiones sunt bonæ, tunc ex necessario sequitur contingens; ergo m. patet, quia prior propositio, quod omnis Grammaticus sit homo, est in materia necessaria, posterior verò, quod aliquis homo sit Grammaticus, est in materia contingenti.

Resp. n. ant. ad prob. transf. M. n. m. ad hujus 12 prob. d. M. Sequitur, quod ex necessario possit sequi contingens consequentia subsistendi transeat M. consequentia existendi. n. M. nam licet ex necessario possit inferri aliqua propositio contingens, tamen illa veritas contingens non sequitur ex veritate necessaria, sed tantum occasionaliter connexionem quadam Logica consecutivè proponitur. Sic v. g. possum dicere: *homo est risibilis;* ergo est rationalis. in hoc casu rationalitas sequitur ex risibilitate à subsistendi

con-



consequentia, non autem consequentia existendi. Quia revera rationalitas est prior risibilitate, licet ex hac inferatur rationalitas. Dein potest dici, quod in similibus propositionibus conversiones sint impossibiles ob subjectam materiam, cum in his propositionibus post conversionem non possit servari constantia subjecti: ratio est, quia si dicerem: *Aliquis homo est Grammaticus*, sensus esset: aliquis homo est existens Grammaticus, & existens autem mutat constantiam subjecti, quia in priori propositione non importabatur & existens. Nostræ regulæ loquuntur de conversione possibili, & intelligendæ sunt in sensu accommodo.

## QUÆSTIO V.

### Quenam de Propositione scienda supersint.

#### QUÆRES 1. QUENAM SIT MATERIA PROPOSITIONIS?

Resp. Materiam propositionis esse duplicem, materiam circa quam, & materiam ex qua: Materia circa quam est ipsum objectum propositionis; si in tali objecto datur necessaria connexio, ac habitudo subjecti cum prædicato, dicitur propositio versari circa materiam necessariam: si verò non datur necessaria connexio subjecti cum prædicato, tunc propositio dicitur versari in materia contingenti. Exemplum prioris est: Homo est animal. Exemplum posterioris est: Petrus currit. Materia ex qua sunt ipsi Termini propositionis, nempe subjectum, & prædicatum. Et forma propositionis dicitur ipsa terminorum coordinatio mediante copula.

#### QUÆRES 2. QUID SIT PROPOSITIO DE SECUNDO, & TERTIO ADJACENTE.

Resp. Per propositionem de secundo adjacente intelligi illam, in qua non ponitur explicite prædicatum. v.g. Petrus est, quando verò prædicatum explicite ponitur, tunc vocant propositionem de tertio adjacente v.g. Petrus est albus. Ab aliis vocatur propositio de secundo adjacente, quando non tantum unit extrema, sed etiam significat tempus v.g. Petrus est homo, hæc propositio non diceretur de secundo adjacente, quia non significat tempus; econtra si dico: Petrus currit, hæc propositio esset de secundo adjacente, quia copula significat tempus præsens. Propositio de tertio adjacente vocatur, cujus copula non tantum significat tempus, sed etiam modum existendi, v.g. si dico: Petrus currit, sensus est: Petrus nunc existit, & currit. Denique sunt, qui propositionem de secundo adjacente vocant, quæ est in materia necessaria v.g. Petrus est homo, si verò propositio est in materia contingenti, tunc eam vocant de tertio adjacente. Optime loquuntur qui propositionem de secundo adjacente illam vocant, quæ significat simul tempus per copulam, & existentiam subjecti: propositionem verò de tertio adjacente, quæ simul significat modum subjecti, vel prædicati v.g. Petrus gladius velociter currit.

#### QUÆRES 3. QUALEM QUANTITATEM HABEANT PROPOSITIONES MODALES?

Resp. Eas propositiones, quæ versantur in materia necessaria æquivalere universalibus: eas verò, quæ versantur in materia contingenti æquivalere particularibus. v.g. si dico: Homo necessario est animal, R. D. Euseb. Amort Philosophia.

sensus est: omnis homo est animal; si dico: Homo impossibiliter est lapis, sensus est: nullus homo est lapis; & si dico: Homo possibiliter currit, sensus est: aliquis homo currit, hæc regula comprehenditur sequentibus versiculis.

OMNIS, NECESSE VULT, IMPOSSIBILE, NULLUS.

POSSIBILE, QUIDAM, QUIDAM NON, POSSIBILE NON.

#### QUÆRES 4. QUENAM SIT QUALITAS PROPOSITIONUM MODALIU?

Resp. Qualitatem à copula principali desumenda esse v.g. si dico: *Hominem non esse lapidem est necesse*, propositio est affirmativa, quia affirmatur necessitas veritatis antecedentis directe.

#### QUÆRES 5. QUALIS SIT NATURA PROPOSITIONIS COPULATIVE.

Resp. 1. Copulativa propositio ad sui veritatem requirit veritatem utriusque propositionis copulatæ: sed ad falsitatem propositionis copulativæ sufficit falsitas unius propositionis copulatæ, v.g. si dico: *Petrus currit, & Paulus sedet*, ad veritatem hujus propositionis requiritur, ut Petrus currat, & Paulus sedeat, ad falsitatem verò sufficit, modo una propositio sit falsa. v.g. si Petrus non currat, vel Paulus non sedeat. 2. Ut propositio copulativa sit in materia necessaria requiritur, ut utraque propositio copulata sit in materia necessaria: ad hoc verò ut propositio copulativa sit in materia contingenti, aut possibili, sufficit si una propositio copulata sit in materia contingenti: v.g. *Petrus est homo, & Paulus currit*, hæc propositio est in materia contingenti, quia una propositio, nempe quod Petrus currat, est in materia contingenti. 3. Omnes propositiones de secundo, & tertio adjacente sunt implicite copulativæ v.g. si dico: Petrus ambulat, hæc propositio est de secundo adjacente, & eo ipso est simpliciter copulativa, sensus enim est, Petrus est existens, & ambulans, tales propositiones sunt omnes illæ, quæ versantur in materia contingenti, quia in omnibus his propositionibus affirmantur duo, nempe existentia subjecti, & modus existendi: Et propositiones modales sunt implicite copulativæ, & constant tribus propositionibus copulatis v.g. si dico: *Petrus velociter currit*, hæc propositio implicite constat tribus propositionibus, ita, ut sensus sit, Petrus est existens, Petrus est currens, Petrus est velociter currens Universalis regula est: quævis propositio in tot propositiones copulatas resolvi debet, quot diversa prædicata affirmantur de subjecto.

#### QUÆRES 6. QUÆ SIT NATURA PROPOSITIONIS DISJUNCTIVE.

Resp. 1. Ad veritatem propositionis disjunctivæ sufficit veritas unius propositionis disjunctæ: ad falsitatem verò propositionis disjunctivæ requiritur falsitas utriusque propositionis disjunctæ. v.g. si dico: *Vel Petrus currit, vel Paulus currit*, hæc propositio erit vera, modo Petrus currat, ea verò falsa non erit nisi neuter currat. 2. Propositio disjunctiva dicitur versari in materia necessaria, quando una disjuncta est necessario vera, altera necessario falsa; si verò alterutra, & disjunctim versatur in materia contingenti, tunc tota propositio disjunctiva dicitur versari in materia contingenti v.g. *Homo vel est creatus, vel non est creatus*, hæc propositio est in materia necessaria. 3. Dantur propositiones tacite disjunctivæ, *Vel Petrus, vel Paulus currit*. Regula est, quod omnis propositio, quæ potest exponi per disjunctivam, sit disjuncti-



junctiva, ut si dico: *Aliquis homo currit*, sensus enim est, vel Petrus currit, vel Paulus currit: & hæc quidem manifesta sunt. sed dantur aliæ propositiones, in quibus sensus disjunctivus primo obtutu non adeo evidens est, v.g. si dico: *Petrus non est albus*, *Petrus non currit velociter*, *Petrus non est in templo*, *Petrus non est sine gladio*. Omnes hæ propositiones sunt implicite disjunctivæ, sensus enim est: Petrus non est existens, vel si existit, non est albus; Petrus non est existens, vel si existit, non currit, vel si currit, non currit velociter; Petrus vel non est existens, vel si est existens, non est in templo; Petrus vel non est existens, vel si est existens, non est sine gladio. Regula generalis est: Quod omnis propositio negativa de secundo, vel tertio adjacente sit disjunctiva, & talis propositio in tot propositiones disjunctas resolvi debet, quot diversa prædicata negantur à subjecto.

7 QUÆRES 7. QUÆ SIT NATURA PROPOSITIONIS CONDITIONALIS, SEU HYPOTHETICÆ?

Resp. 1. Ad veritatem propositionis hypotheticæ non requiritur, ut utraque propositio sit absolute vera, sed tantum requiritur, ut detur extremorum inter se connexio, ut enim habet axioma: *Conditionalis ponit in esse nihil*. Ad falsitatem verò requiritur, ut non detur propositionis conditionatæ cum propositione conditionalis connexio v. g. si dico: *Si Sol lucet, tunc Petrus currit*, hæc propositio conditionalis erit falsa, etiam si Sol luceat, & Petrus currat, quia nempe nulla datur connexio inter lucem Solis, & inter cursum Petri. igitur qui negat propositionem talem hypotheticam, non negat ipsas propositiones, sed tantum connexiones earundem inter se, & talis non debet probare falsitatem propositionum, sed tantum falsitatem connexionis. Similiter, qui probat propositionem hypotheticam, non debet probare absolutam veritatem conditionati, aut conditionatæ propositionis, sed tantum veritatem connexionis, v.g. si dico: *Si Sol lucet, dies est*. Conditionalis, seu sub conditione posita est: dies est. Conditionalis, seu conditionem continens est: *si Sol lucet*. In tali casu non debeo probare conditionalem, quod Sol luceat, aut conditionatam, quod dies sit, sed tantum, quod uno posito sequatur alterum. adeoque si quis vult negare, aut probare ipsas propositiones, debet ei negare suppositum, quod hoc sit probandum, aut confutandum. v. g. si dico: *Si homo habet alas, volare potest*. Si quis negaret hominem habere alas, id non foret probandum, sed tantum connexio inter alas, & volatum, & si adversarius id non caperet, commiseratione potius, quam refutatione dignus foret. 2. Particulam *Si*, esse æquivocam, aliquando enim exprimit tempus, aliquando exprimit conditionem, id, quod ex subjecta materia, & circumstantiis, usu loquentium, & intentione proferentium desumi debet. v.g. si dico: *Si Petrus ambulat, tunc etiam disputat*, sensus est: quando Petrus ambulat, tunc disputat, talis propositio non est conditionalis, sed potius copulativa. Ad veritatem hujus propositionis requiritur, ut in eo tempore, pro quo affirmatur prædicatum convenire subjecto revera conveniat. 3. Disjunctiva denominatur necessaria, contingens impossibilis, quando subjecta materia est necessaria, aut contingens, si autem propositiones imperti-

nentes sunt, aut disperatæ, tunc etiam propositio vocatur impertinens, aut disperata, tales propositiones sunt: *Si ibis Monachium, morieris*. *Si Turca dormit, Petrus ambulat*.

QUÆRES 8. QUÆ SIT NATURA PROPOSITIONIS CAUSALIS?

Resp. Ad veritatem propositionis causalis requiritur, ut omnes propositiones copulatæ, per quas causalis exponitur, veræ sint. Ad falsitatem propositionis causalis sufficit, si una è propositionibus copulatis falsa sit. 2. Quando una propositio non proprie importat causam alterius, tunc propositio vocatur impropria. v. g. *Avis volat, quia habet alas*; *Ignis datur, quia fumus datur*. *Quia Sol deficit, Luna interponitur*. Hæ propositiones sunt causales improprie, quia avis non ideo volat, quia habet alas, alæ sunt tantum requisitum, non causa volatus. Similiter fumus non est causa ignis, sed signum tantum &c.

QUÆRES 9. QUID SIT PROPOSITIO RATIONALIS, AUT IRRATIONALIS.

Resp. Propositio rationalis est integrum Enthymema per modum propositionis prolatum. v. g. si dico: *Homo ambulat*; ergo *movetur*. talis propositio requirit veritatem antecedentis, consequentis, & consequentiæ. Propositio irrationalis est, quando non datur connexio antecedentis cum consequente. v. g. si dico: *Homo est animal*; ergo *currit*. In talibus propositionibus non potest negari veritas propositionis, nisi saltem una propositio, aut connexio propositionum falsa sit, econtra ille, qui probat propositionem talem, probare debet veritatem antecedentis, consequentis, & consequentiæ, alioquin deberet negari suppositum, quod id sit probandum, aut confutandum.

QUÆRES 10. QUID SIT PROPOSITIO IDENTICA, & INUGATORIA?

Resp. *Nugatoriam* esse, quæ idem affirmat de se ipsa per Terminos synonymos: *Identicam* verò esse, quæ idem affirmat de se ipsa sub iisdem Terminis. Tales propositiones sunt: *Ensis est gladius*, *Petrus est Petrus*. Multi dubitant, an idem de se ipso etiam mentaliter prædicari possit. Mihi videtur, quod, non, quia propositio fit per intellectum componentem, aut dividendum, nempe dum duo ab invicem separamus, aut conjungimus. idem tamen à se ipso mentaliter separari non potest, nec conjungi cum se ipso, nisi dicas, nos per intellectum fingentem idem per modum duorum sumere.

QUÆRES 11. QUÆ SIT NATURA PROPOSITIONIS EXHIBIBILIS?

Resp. Exponibilem propositionem vocari, quæ plures propositiones simplices in se implicite continet, per quas exponi potest. tales sunt omnes propositiones *exclusivæ*, *exceptivæ*, *reduplicativæ* &c. v. g. si dico: *Solus Petrus currit*, sensus est: *Petrus currit, & nullus alius homo currit*. Prior propositio vocatur *exponibilis*, posterior *exponens*. Idem fit, si dico: *Omnes præter Petrum fugiunt*; sensus enim est: omnes fugiunt, & Petrus non fugit. Similiter si dico: *Petrus tantum nunc loquitur*, sensus est: *Petrus loquitur, & nec fuit locutus, nec loquetur*. Regulæ sunt: 1. Si exponentium una non est vera, tunc exponibilis est vera. 2. Si omnes exponentes sunt veræ, tunc exponi-



ponibilis est vera. 3. Exceptio firmat propositionem in casu non excepto.

12 QUÆRES 12. QUID CIRCA CONTRADICTORIAS ADHUC SCIRI POSSIT?

Resp. Sciendum esse 1. Idem debere esse subiectum non solum quoad voces, sed etiam quoad sensum, adeoque Termini non sint æquivoci, propterea sequentes propositiones non sunt contradictoriæ, *Nullus canis latrat, aliquis canis latrat.* intelligendo per priorem propositionem duos canes cælestes. 2. Non mutetur suppositio Terminorum, nec circumstantiæ: ex defectu hujus regulæ non sunt contradictoriæ sequentes propositiones. *Nullus oculus (determinatus) est necessarius &c. Aliquis oculus (indeterminatus) est necessarius. Omnis homo (collectivè) est turba, aliquis homo non est turba.* Cæci (qui fuerunt) vident, cæci (qui sunt) non vident. aut si Deus dicat: morieris (nisi rogaveris) non morieris (si rogaveris) Cæterum qualiscunque sit propositio seu modalis, seu de modo enuntiandi, aut de lege, non est melius contradicere, quàm toti propositioni particulam non præfigere v. g. *Petrus currit, non Petrus currit. Homo sedet, & equus currit, non homo sedet, & equus currit.*

13 QUÆRES 13. QUALIS SIT PROPOSITIO OPPOSITA CONTRADICTORIÆ AD PROPOSITIONEM COPULATIVAM?

Resp. Copulativæ propositioni contradictoriam semper esse disjunctivam. v. g. *Homo sedet, & equus currit, contradictoria est, Vel homo non sedet, vel equus non currit.* si dico: *Petrus currit velociter.* hæc propositio est implicite copulativa, & ejus contradictoria est. *Vel Petrus non currit, vel si currit, non velociter currit.*

14 QUÆRES 14. QUÆNAM SINT CONTRADICTORIÆ CONDITIONALIUM PROPOSITIONUM?

Resp. Etiam hic non esse melius contradicere, quàm toti propositioni particulam non præfigere. v. g. si dico: *Si homo currit, movetur,* contradictoria est, *Non si homo currit, movetur.* Verum ut jam dixi, omnes regulæ oppositarum superflue sunt præter sequentes:

Si possunt esse simul falsæ, voca eas Contrarias; si simul possent esse veræ, voca eas Subcontrarias; si nec simul veræ, nec falsæ esse possunt, eas Contradictorias appella. Utrum verò possint simul esse veræ, aut falsæ, hoc docent Leges Hermenevticæ, non Summulisticæ.

15 QUÆRES 15. QUID SENTIENDUM DE PROPOSITIONIBUS INDEFINITIS?

Resp. Eas referendas esse ad propositiones universales, si versantur in materia necessaria. v. g. si dico: *Homo est animal, aut Homo non est lapis,* tunc enim æquivalent, & possunt converti simpliciter. sensus est: Omnis homo est animal, si verò sint in materia contingenti, tunc æquivalent particulari, & convertuntur per accidens v. g. *Homo currit,* sensus est: *Aliquis homo currit.*

16 QUÆRES 16. QUOMODO CONVERTI DEBEANT PROPOSITIONES EXCEPTI VÆ, COPULATIVÆ, REDUPLICATIVÆ, EXCLUSIVÆ?

Resp. Eo modo, quem ipse meliorem invenieris, Logica enim non solum docet Regulas sequi, sed & condere; recta ratio tibi norma, & regula esto.

## QUÆSTIO VI.

### De Definitione & Divisione.

NOTA in quavis re reperiri duas partes, una se habet per modum materiæ, altera per modum formæ. v. g. Statua est aliqua res, seu concretum definibile, hæc res constat duabus partibus, nempe ligno tanquam materia, & forma Mercurii tanquam forma. Materia hujus statuæ nempe lignum, ad plures formas est indifferens, quia est capax recipiendi plures formas, forma verò Mercurii distinguit statuam ab omni alio ligno, & re, quæ non est lignum per materiam, seu per lignum convenit statua cum aliis rebus, quæ non sunt statua. Per formam verò Mercurii disconvenit; ex his duabus partibus nempe ligno, & forma Mercurii resultat statua, & constituitur in suo esse, ex his enim partibus sortitur denominationem, & existentiam, naturam, essentiam, verbo, *esse statua.* Jam sic: Definitio explicat has duas partes cujuslibet rei: definitio enim explicat naturam rei, id est partem materiale, per quam res convenit cum aliis rebus, & partem formalem, per quam res disconvenit cum aliis rebus. Aristoteles definit definitionem, quod sit *Oratio explicans, quod quid erat, esse rei.* per *quod* intelligit partem materiale, per *quid* intelligit partem formalem. Partem materiale vocat *Genus*, & partem formalem vocat *Differentiam*; sicut tamen in explicatione statuæ debet assignari materia proxima statuæ v. g. lignum, non semen arboris, quod est materia remota statuæ, ita voluit assignari propinquum, seu materiam proximam cujusque rei. Hispositis, quæritur, an hæc definitio Aristotelis bona sit?

Dico 1. Definitio est *Oratio explicans quod quid erat esse rei.* prob. bonitas definitionis: Hæc definitio servat omnes leges bonæ definitionis; ergo est bona. prob. ant. quoad 1. membrum. 1. Hæc definitio est respectivè brevis; ergo. prob. ant. si nulla alia definitio brevior cum eadem claritate explicat præcipuum munus definitionis, tunc ista est respectivè brevis, sed; ergo. m. prob. præcipuum munus definitionis est, ut explicet partem materiale, & formalem definiti, sed hoc munus nostra definitio explicat, & nulla alia explicat; ergo. prob. ant. quoad 2. membrum, nempe quod sit clara. Illa definitio est respectivè clara, quæ è paucis præcognitis clariùs explicat obscuram naturam definiti, quàm ulla alia definitio; sed; ergo. prob. m. natura definiti, nempe definitionis est, ut clarè explicet partem materiale, & formalem rei: sed nostra definitio hanc naturam explicat, & nulla alia definitio eam explicat; ergo. Quoad reliqua membra bonæ definitionis probatur nostra definitio negativè, quia non potest ostendi vitium.



2 Dico 2. *Divisio est totius in suas partes distributio.* prob. conclus. Hæc definitio servat omnes regulas bonæ definitionis ; ergo prob. ant. negative , quia nullum potest ostendi vitium.

Dico 3. Regula definitionis, & divisionis sunt bonæ. prob. conclus. si hæc regulæ sunt veræ , universales , utiles , & facile applicabiles , tunc sunt bonæ , sed ; ergo.

## Solvuntur Objectiones.

4 Objic. 1. Definitio definitionis est de subiecto non supponente ; ergo male assignatur. prob. ant. si supponit dari definitionem definitionis , & tamen non datur definitio definitionis , tunc est de subiecto non supponente , sed ; ergo. prob. m. g. 2. m. si non datur calefactio caloris , & frigefactio frigoris , tunc neque datur definitio definitionis , sed ; ergo.

Resp. n. ant. ad prob. c. M. n. m. ad hujus prob. n. M. & paritatem , disparitas est hæc : quia definitio est quædam cognitio , cognitio potest esse reflexa supra aliam cognitionem , quin imo supra se ipsam , dum enim nunc cogito de Deo , possum statim momento subsequente cogitare de hac ipsa cogitatione , & hoc evidens est per experientiam. igitur etiam definitio poterit esse reflexa non tantum supra alias definitiones , sed etiam supra se ipsam. de calore verò aliunde constat , quod non possit esse reflexus supra se ipsum.

5 Dices 1. Definitio non potest esse reflexa , supra aliam definitionem , ergo nulla responsio. prob. ant. si definitio posset esse reflexa , tunc supra definitionem reflexam posset dari alia tertia definitio secundo reflexa , sed hoc non potest dici ; ergo. prob. m. si posset dari definitio secundo reflexa , tunc posset etiam dari tertio , quarto , & quinto reflexa , & sic in infinitum , sed hoc non potest dici ; ergo.

Resp. n. ant. ad hujus prob. d. M. posset dari secundo reflexa , nisi definitio primo reflexa jam inadæquatè definiat se ipsam c. M. si definitio primo reflexa definiat se ipsam inadæquatè n. M. dico enim : definitionem definire omnes definitiones possibiles , adeoque se ipsam , sicut ista vocabula , vox , sonus , nomen præter hoc , quod significant omnes voces , & sonos possibiles , significant inadæquatè se ipsas.

6 Dices 2. Definitio non potest inadæquatè definire se ipsam ; ergo nulla responsio. prob. ant. si definitio posset inadæquatè definire se ipsam , tunc eadem definitio posset esse directa , & reflexa , sed hoc est impossibile ; ergo. prob. m. eadem cognitio non potest esse simul directa , & reflexa in se ipsam ; ergo neque definitio.

Resp. d. ant. Definitio non potest esse inadæquatè definitiva sui ipsius per modum cognitionis reflexæ c. ant. per modum cognitionis directæ n. ant. datur enim paritas inter definitionem , & cognitionem , sicut ergo cognitio cujuslibet rei est directe in actu exercito sui ipsius cognitio ; ita etiam definitio potest esse directe , & in

actu exercito esse sui ipsius definitio. v. g. dum cognosco murum directe , & in actu exercito sine ulla reflexione , sentio , ac cognosco me cognoscere murum , ille enim qui scit , debet scire se scire , & qui cognoscit , cognoscit se cognoscere , nempe directe non reflexè.

7 Dices 3. Non potest definitio etiam directe definire se ipsam ; ergo nulla responsio. prob. ant. si definitio directe definiret se ipsam , tunc definitum posset ingredi definitionem , sed hoc non potest fieri ; ergo prob. M. si definitio directe definiret se ipsam , tunc eadem definitio esset simul definitio , & simul definitum ; sed si eadem definitio esset simul definitio , & definitum , tunc definitum posset ingredi definitionem ; ergo.

Resp. n. ant. ad prob. n. M. ad hujus prob. d. M. definitio esset simul definitum eodem modo sumptum n. M. diverso modo sumptum c. M. dico enim , quod ista definitio definitionis sumatur subiectivè , non autem prædicativè , sumitur materialiter , non formaliter , secundo intentionaliter , non primo intentionaliter ; quia sensus est , definitio in quantum comprehenditur sub nomine definitionis eatenus etiam est oratio explicans *quod quid erat esse rei.* igitur definitio substat suæ propriæ cognitioni directæ.

8 Dices 4. Si posset definiri definitio , sive eodem modo , sive diverso sumpta , tunc definitio non esset clarior suo definito , sed hoc non potest dici ; ergo nec id , ex quo sequitur.

Resp. d. M. Definitio non esset clarior suo definito subiectivo n. M. prædicativè c. M. nam istæ voces , oratio explicans quod quid erat esse rei sunt longe clariores claritate definitiva , quàm vox definitio.

9 Objic. 2. contra 3. conclus. Regula definitionis non sunt universales ; ergo non sunt bonæ. prob. ant. non omnia possunt dici de definito , quæ possunt dici de definitione ; ergo prob. ant. Definitio est modus sciendi , definitum non est modus sciendi ; ergo non potest idem dici de definitione , quod potest dici de definito. 2. Si definitio deberet esse clarior suo definito , tunc definitio deberet definiri per aliam definitionem , sed ; ergo. prob. M. definitio non potest esse clarior suo definito , nisi habeat aliunde suam claritatem ; ergo. 3. Ultima differentia non potest cognosci ; ergo non potest dari. prob. ant. ultima differentia est prædicatum distinctivum definiti ab omnibus aliis rebus non definitis , sed hoc prædicatum non potest cognosci ; ergo. m. prob. prædicatum distinctivum ab omnibus rebus non potest cognosci , quin cognoscantur omnes res , sed omnes res non possunt cognosci ; ergo. M. prob. non possum dicere filium Philippi esse distinctum ab Aristotele , nisi cognoscam utrumque. ergo.

Resp. n. ant. ad prob. d. ant. non omnia possunt dici de definito , quæ possunt dici de definitione formalis c. ant. quæ possunt dici de definitione objectiva n. ant. definitio formalis est ipsa propositio vocalis , aut mentalis , quæ utique non est ipsa res definita. Definitio objectiva nihil aliud est , quam significatum



ficatum definitionis, quod utique nihil aliud est, quàm ipsa res definita.

Resp. ad 2. n. ant. ad prob. d. M. deberet definiti per aliam definitionem, nisi illa definitio constet terminis jam per se notis c. M. secus n. M. potest autem definitio esse nota ex usu loquentium.

Resp. ad 3. n. ant. ad hujus prob. n. m. vel d. non potest cognosci hoc distinctivum ex parte recti n. m. ex parte obliqui trans. m. ergo differentia ultima non potest cognosci d. conf. non potest cognosci ex parte obliqui trans. conf. ex parte recti n. conf. Differentia ultima ex parte recti nihil aliud est, quàm res ipsa habens diversitatem cum aliis rebus, sufficit autem, si res cognoscatur secundum se. omne enim ens jam ratione sui est exclusivum omnis alterius entis, adeoque jam ratione sui est distinctivum sui ipsius ab alio, possum enim dicere: Lapis non est omne id, quod non est lapis.

11 OBJIC. 3. Divisio, & definitio essentialis non differunt, ergo. prob. ant. dum dico: *Homo est sua animalitas, & rationalitas*, fit divisio, & quando dico: *Homo est animal rationale*, fit definitio, sed hæc duo non differunt.

Resp. n. ant. ad prob. trans. M. d. m. hæc duo non differunt ex parte objecti trans. m. ex parte modi tendendi n. m. divisio enim, & definitio revera non dicunt aliud, sed dicunt idem diverso modo.

12 OBJIC. 4. Definitio non est semper clarior suo definito; ergo. non est necesse, ut sit clarior. prob. ant. quando dico: *Homo niger est animal rationale congregativum visus*, est bona definitio, sed hæc non est clarior suo definito; ergo.

Resp. d. ant. Bona definitio non est semper clarior suo definito, claritate Grammaticali trans. ant. claritate Logica n. ant. dico enim definitionem, quando non potest esse clarior in terminis, debere saltem esse clariorem in explicatione, qua explicatur natura rei, & in hoc bene est advertendum, quod non id clarius intelligatur, cujus nomen distinctius cognoscimus; Hic error est verè universalis, ut, dum novimus nomina rerum, putemus nos nosse res ipsas: Ast fallimur, & vana nos ludit imago. Error hic sua incunabula primæ infantiae debet, ab initio enim didicimus nomina rerum, & dum solliciti quæsiimus, quid essent res, nomina nobis pro rebus obtrusa sunt v. g. Si quærat infans, quid hoc, vel illud sit, respondetur illi hoc esse vitrum, aut lignum, fit ergo, quid sit res, id est, scit nomina rerum, ex illo tempore etiam adulti putant, se nosse res omnes, quando de rebus loqui sciunt, at non pertingunt ultra corticem, & ultra Grammaticam non se extendit illorum scientia &c.

## Q U Æ S T I O VII.

*Quanam adhuc supersint de Definitione, & Divisione scienda?*

Multa supersunt, quæ merentur attentionem, ea igitur, tanta cum sint, fas nobis sit non ignorare.

I Q U Æ R E S I. QUID SIT MODUS SCIENDI?

Resp. modus sciendi est artificium aquirendi omnem scientiam de qualibet re, seu artificium sciendi; an qualibet res sit, quid sit, cur sit, & qualis sit. Hoc artificium creditur communiter consistere

in Definitione, Divisione, & Syllogismo. Definitio nempe pronuntiat, quid sit res. Divisio est quædam præparatio ad definitionem, & pronuntiat, quanam sint partes constitutivæ rei. Syllogismus denique pandit, an sit res, cur, & qualis sit res, idque syllogismus demonstrat.

Q U Æ R E S 2. AN DEFINITIO, ET DIVISIO VERA SINT MODUS SCIENDI.

Resp. est. Quamvis id neget Zaborella inter Latinos Aristotelis interpretes post D. Thomam Princeps, cujus ratio præcipua est, quia definitio, & divisio sunt nudæ assertiones, nuda autem assertio non parit scientiam, nisi aliunde legitime probetur. Verum hæc ratio nulla est, quia ad modum sciendi non requiritur, ut causet scientiam efficienter, sed applicativè, sicut Medicina est Modus sanandi, quamvis non efficiat sanitatem, sed tantum applicet activa, sic & Logica, ac Modi sciendi, tantum ordinatè intellectivi applicant objecta & motiva scientiarum, ut nos certos faciant, ex parte intellectus ac considerationis non irrepsisse errorem.

Q U Æ R E S 3. AN SYLLOGISMUS SIT MODUS SCIENDI? 3

Resp. Etiam hunc applicativè in sensu explicato esse modum sciendi, quia forma syllogistica applicat intellectum ad hoc, ut cogatur distinctè ac particulatim considerare omnes partes objecti, dum simul ac semel tantum tres terminos, eorumque connexionem menti objicit. quo nihil utilius haberi potest ad accuratam objecti noticiam, interim tamen syllogismus efficienter non causet scientiam, quia veritas conclusionis particularis jam continetur in præmissis, aliunde cognitis.

Q U Æ R E S 4. QUID ADHUC PROSINT DEFINITIONES, DIVISIONES, ET SYLLOGISMI? 4

Resp. Definitiones, Divisiones, & Syllogismos esse modos satis utiles, scita aptè proferendi: multum enim conducit non modò ad docendas scientias, sed & discendas, si docens suos conceptus exactè, ordinatè & clarè proponere, paucisque verbis comprehendere valeat. Definitio proin exprimit, quid quisque de natura rei sentiat. Divisio indicat, quid quisque de partibus rei in mente habeat, easque partes pro ulteriori investigatione ordinatè menti objicit. Syllogismus verò connexionem rerum, quàm quisque versetur animo ordinatissimè ostendit, & ob hanc rationem fortè primitus vocati sunt modi sciendi, seu discendi.

Q U Æ R E S 5. QUINAM MODI APUD NEOTERICOS DICANTUR SCIENDI? 5

Resp. à Neotericis ad modum sciendi referri I. ea, quæ miro modo augent capacitatem mentis, inter quæ etiam est Mathesis. 2. Eruditionem, quæ liberat mentem à præjudiciis, ac erroribus ex collatione plurium oppositionum. 3. Methodum, quæ docet modum ordinatè procedendi in scientiis, & discursibus, mentemque tali habitu imbuunt. hæc methodus potius discitur imitatione Principum Scientiarum. 4. Apparatum principiorum generalium, ex quibus principiis de facili possunt deduci conclusiones particulares. 5. Claras Ideas omnium earum rerum, de quibus agunt Scientiæ. 6. Sylva quedam rerum scibilium, quæ subministrat menti objecta scibilia. 7. Systema Scientiarum, seu ordinata totius connexionis circa objecta scibilia comprehensio. Ex his enim



enim fontibus ultro fluunt recta in particulari de quavis re judicia, exinde ultro se menti offert Relatio, Connexio, & Proprietates rerum omnium, adeoque exinde etiam desumi possunt solida argumenta, nempe Inductio, Leges contingentium, Adjuncta &c. & omne genus argumentorum.

6 QUÆRES 6. IN QUO DIFFERAT DEFINITIO A DIVISIONE, ET SYLLOGISMO?

Resp. Definitionem, divisionem, & syllogismum tantum differre in modo proponendi, non quoad rem, ut demonstrat Aristoteles. 2. Posteriorum. nam de facili definitio potest converti in divisionem & syllogismum, & ex divisione potest fieri definitio, aut syllogismus. id Aristoteles probat exemplo hujus definitionis: *Eclipsis solaris est interpositio Luna inter Solem, & terram, & interponitur Luna, ergo eclipsatur terra*, quod est syllogismus. Si velis exinde formare divisionem, debebis dicere in Eclipsi dantur tria: *Sol, terra, & in medio Luna*, ex quo patet, nos eandem rem discere per tres istos modos sciendi. fatendum tamen interdum deberi adhiberi definitionem, quando volumus comprehendere rem paucis verbis, quando autem volumus menti præsentare partes constitutivas rei, tunc distinctè debent partes enumerari per divisionem, si verò distinctius volumus connexionem earundem partium proferre, tunc aptior est syllogismus.

7 QUÆRES 7. QUENAM SIT PRÆFERENDA, DEFINITIO, AN DIVISIO, AN SYLLOGISMUS.

Resp. Eas se habere per modum excedentis, & excessi. Socrates, & Plato in omnibus tantum quæsierunt definitionem, & in hac jubet Plato quiescere. Aristoteles verò urget syllogismos, etsi in omnibus ejus operibus vix ullum appareat vestigium syllogismi. Plato insuper suas definitiones illustrat exemplis, & fatendum, ejus Dialogos divinè scriptos esse, non solum quoad dogmata, paucis exceptis, quæ erronea sunt, sed etiam quoad modum; ejus enim definitiones ad persuadendos animos longe aptiores sunt, quàm syllogismi Aristotelis, quia modus longe suavior, & moderatior est; majus autem requiritur ingenium ad cudendam definitionem Platoniam, quàm syllogismum Aristotelicum: Interim Syllogismus ad redarguendum longe convenientior, quia in modo loquendi strictior est, & cogitationes ordinatius evoluit.

8 QUÆRES 8. AN SIMPLICIA, ET COMPOSITA ACCIDENTALIA DEFINIRI POSSINT.

Resp. Axioma esse: *Accidentalis non est definitio*, hoc axioma desumitur ex 8. Metaph. aliud axioma est communiter receptum: *Simplicia definiri non posse*: Simplicia vocantur, quæ in plures partes dividi non possunt v. g. *albedo, lux*. Sunt quidem, qui putant, omnia entia simplicia per intellectum dividi posse in plures partes, sed hæc non sunt ad rem, definitiones enim inventæ sunt, ut parerent notitiam rei ignotæ, simplicia autem per nullam definitionem si quando ignota sunt, nota fieri possunt, nisi quis probet, etiam cæco per definitionem coloris, colorem manifestari posse. Quod attinet composita accidentalia, ea nullas habent partes ex sua natura ad invicem ordinatas, adeoque proprie loquendo nec naturam, nec essentiam habent, igitur in composito accidentali concurrunt innumerae partes, quarum quælibet

potest adesse, vel abesse, ita ut nulla determinatè essentialis vocari possit. Quare in definitione compositorum accidentalium explicandæ tantum sunt illæ partes, quæ magis substant attentioni hominum, dum intendunt in tale compositum, nec urgeri possunt tales definitiones, etiam forte minus accuratæ sint.

9 QUÆRES 9. AN DETUR ULLA ACCURATA DEFINITIO. 9

Resp. Pro optima haberi hanc; Homo est animal rationale, sed & hanc ipsam persuasionem potius hominum, quàm merito suo cæterarum formam ac regnam esse. potest enim æquè bona definitio dari substituendo genus in locum differentia, & differentiam in locum generis; si enim hominem considerem per divisionem entium intellectualium, tunc dicam, ens dividitur in creatum, & increatum, ens creatum dividitur in intellectuale, & non intellectuale. intellectuale, seu rationale dividitur in animale, & non animale. sequendo hanc divisionem, definiiri potest homo, quod sit ens discursivum animale, nec potest ostendi aliquod vitium, nisi quod verba, & modus loquendi non ita usitata sint. Dein *rationale* non est prima differentia, potentia enim ratiocinandi oritur ex potentia intellectiva, quia necesse est præcedere intellectum principiorum ad discursus rationales, discursus enim deducuntur ex primis principiis, quæ principia intelliguntur tantum, ac per discursum acquiruntur, ut advertit Aristoteles 1. & 2. posteriorum. dicendo: *intellectum esse principiorum*. Dein posset assignari alia differentia, cum enim homo non tantum habeat potentiam ratiocinandi, sed etiam potentiam volendi, & appetendi, non est ratio distinguendi hominem ab aliis animalibus per rationalitatem, quam per potentiam appetendi, maxime cum appetitus summi boni sit primum in anima rationali, ita, ut ex hoc appetitu summi boni per simplicem apprehensionem cogniti tantum oriatur vis discursiva, & hoc manifestum est, quia ordo cujusque rei ad suum finem est primum in re, ut advertit D. Thomas.

10 QUÆRES 10. IN QUO CONSISTAT DIFFICULTAS DEFINITIONUM?

Resp. Dicam, quod res est: ars definiendi, & difficultas non datur in cudenda bona definitione, sed in inveniendis illis mediis, & cognoscendis præsuppositis, quæ ad bonam definitionem prænotanda sunt. Ad bonam definitionem prærequiritur intima naturæ perscrutatio, & hæc naturæ perscrutatio non discitur per regulas definitionis, sed aliis mediis, igitur eo referenda est ars, ubi hæret difficultas; cognita semel natura rei, definitiones per se per modum corollarii sponte consequuntur, nec aliud requiritur, quàm ut notiones suas, quas tanto labore in investiganda natura rei sibi comparavit, paucis verbis complectatur; hanc artem qui discere vult enucleatius, in Academia Platonis discipulus sit, ubi non præceptis, sed exemplis imbuatur mens.

11 QUÆRES 11. AN VERUM SIT, USITATAS DEFINITIONES NOMINALES TANTUM, NON REALES ESSE?

Resp. Me nolle cum illo Philosopho loqui, qui omnes definitiones tantum nominales esse vult, putat ille quidem nos in hac vita non posse pertingere ad ipsas rerum essentias, adeoque per definitiones non posse



posse explicari essentias rerum, sed tantum aliquas earum proprietates nobis aliunde notas, etiam si illarum proprietates forte paucae, nec praecipuae, aut primariae sint, v. g. si quis definiat aurum esse metallum flavum inter sui generis gravissimum, tunc per hanc definitionem nihil mihi innotescit, quam flavedo, & gravitas auri, cum tamen in auro lateant aliae proprietates innumeratae, quarum aliqua philosophicis eruditionibus notae sunt; adeoque potest per talem definitionem nobis tantum quibusdam notis veluti characteristicis denotari, quodnam metallum nomine auri venire debeat. Verum hac locutio non est satis accurata, per hanc enim definitionem non tantum disco definitionem nominis, sed & proprietates reales auri, & propterea definitio realis vocari potest.

12 **QUÆRES 12. AN DEFINITIONES COMPOSITORUM MORALIUM, ET ACCIDENTALIUM SINT MUTABILES.**

Resp. Has definitiones revera mutabiles esse, sicut & ipsa composita mutabilia sunt, cum enim talia composita stabilem essentiam non habeant, sed dependeant tam in esse, quam in conservari à voluntate humana, necesse est, partes essentielles tolli, aut addi posse pro arbitrio voluntatis humanae, quae perpetuo ambulatoria est sine mutatione morali totius. talia composita sunt v. g. Romanum Imperium, Ordo Canonicus &c. haec enim composita suam essentiam habent à voluntate humana, haec voluntas humana quandam partes essentielles requisivit ante septendecim saecula, & nunc requirit alias partes, sine quibus totum consistere non potest in aetimatione hominum, adeoque haec novae partes dici essentielles debent.

13 **QUÆRES 13. QUANDO ADHIBERI DEBEANT DEFINITIONES NOMINIS.**

Resp. Tunc eas adhibendas esse, quando ea perpetuo ante oculos haberi debent, ut in decursu totius operis omnia ad illas definitiones respiciant, & hoc methodus servatur à Mathematicis. cavendum tamen, ne ista methodus, quae caput placere orbi erudito, in omnibus aliis scientiis ita servetur, ut in principio operis adhibeantur definitiones earum rerum, quarum consideratio non servit ad intelligentiam totius operis, sed tantum ad intelligentiam particularium conclusionum, tales enim definitiones melius conjunguntur ipsis conclusionibus, ad quas immediate referuntur.

14 **QUÆRES 14. QUANDONAM ADHIBENDA SIT DIVISIO, ET QUOUSQUE IN DIVISIONE PROCEDENDUM SIT?**

Resp. Divisionem tunc adhibendam esse, quando membra divisionis in discursu operis distincte menti praesentia esse debent, ita ut ex eorum perpetuo obtinenda relatio praecipuarum partium considerandarum pateat. Igitur omnis illa divisio omittenda est, cujus consideratio in progressu discursus nullam aperit menti notabilem relationem partium: omittenda quoque sunt illa membra, quorum consideratio non refertur ad integrum Systema discursus, sed tantum ad unam, vel alteram particularem conclusionem, nam talia membra melius considerantur in ipsis conclusionibus particularibus. Universaliter notandum est, omnes nostros discursus consistere in combinatione plurium objectorum inter se: Ex relatione, ac connexion horum objectorum recte cognita oritur

R. D. Euseb. Amort Philosophia.

Scientia: Relatio autem objectorum inter se oritur ex consideratione, & collatione illorum objectorum secundum se, igitur ad pariendam Scientiam necesse est, ut objecta ordinate menti proponantur, ut relatio illorum ultro in mente resulter; & quidem objecta ita debent proponi ordinate, ut ex ipso eorum aspectu pronum sit, consequi combinationem, ac relationem objectorum intentam.

**QUÆRES 15. AN NON INTER MODOS SCIENDI REFERRI DEBEANT REGULAE? ET QUANDO REGULAE COMPARATAE ESSE DEBEANT.**

Resp. Regulas omnino melius numerari posse inter modos sciendi, quam definitionem, divisionem, & syllogismum: illae enim regulae per se ipsas mentem dirigunt in occurrentibus occasionibus arduis non aberrandi à veritate. Igitur regulae ita comparatae esse debent, ut sint 1. verae. 2. universales. 3. utiles. 4. facile applicabiles, & in his duabus ultimis conditionibus maxima requiritur prudentia. adeoque, qui condit regulas, notos habere debet omnes casus possibiliter obvios, in quibus possit dari usus aut non usus regularum. praeterea illi nota esse debet dispositio hominum, & intime perspecta mens eorum, qui occurrentibus casibus subiecti sunt. si proin praevideat hunc, vel illum casum, de facili esse obvium, aut speciali attentione dignum, & si insuper praevidet, in tali casu homines facile errare posse, nisi admoneantur quibusdam regulis. Denique si praevidet omnem difficultatem in innumeris talibus casibus enascentem revocari posse ad quaedam puncta capitalia, è quibus dependeat resolutio omnium casuum particularium, tunc primum debet pro talibus casibus generalibus regulam condere, eo tamen modo tendendi, ut ex praevisa dispositione utentium praevideat à generalibus facile utentes descendere posse ad particularia.

Haec igitur regulae notio est, ut paucis verbis in emergentibus occasionibus tollat innumeras difficultates, & quae nullam notabilem difficultatem tollit, regula non est; neque illa regulae vocari debent, quae versantur circa particularia, haec enim infinita sunt, infinitum autem pertransiri non potest, nec attentioni hominum subiectum esse potest. Ex hoc sequitur illas regulas vitiosas esse, 1. quarum usu nulla tollitur difficultas, aut ambiguitas ardua. 2. quae non complectantur innumeros casus particulares obvios, aut attentione dignos. 3. quae non trahunt post se multos effectus in particulari. si enim aliquando circa casum particularem tradenda esset regula ea potius privatim tradenda esset, quam regulis generalibus commiscenda. huc pertinet, quod dicit S. Augustini de exemplis. *Paucis exemplis ad multa necessaria utendum est.*

## De Syllogismo.

### QUAESTIO VIII.

#### Quae sit natura Syllogismi?

De Syllogismo quari potest 1. quid sit syllogismus, quot figurae, & quot modi. 2. quanam sint regulae boni syllogismi. 3. quanam aliae dentur species syllogismorum. 4. quid sit reductio syllogismi imperfecti ad perfectum. 5. quanam sint vitia Syllogismi Sophistici. 6. quanam alia de syllogismo scienda sint.

E

Dico



2 Dico 1. Syllogismus est oratio, in qua quibusdam positis necesse est aliud sequi, eo quod hæc sint. Aristoteles 1. analyt. Prob. conclus. quando dico: Omnis homo est animal, Petrus est homo; ergo Petrus est animal: est syllogismus, sed hic est oratio, in qua quibusdam positis necesse est aliud sequi; ergo m. prob. in hoc syllogismo præmittitur, quod *omnis homo sit animal*, & quod *Petrus etiam sit aliquis homo*, ex his sequitur *Petrus esse animal*; ergo in hoc syllogismo necesse est aliud sequi &c. Prob. conclus. 2. Hæc definitio est recepta, nec habet notabile vitium; ergo est tenenda.

3 Dico 2. *Figura syllogismorum sunt tres.* Prob. conclus. figura est combinatio medii termini cum extremis, sed tantum dantur tres combinationes medii termini cum extremis; ergo. m. patet ex consideratione figurarum. Prob. conclus. 2. non datur ulla necessitas asserendi quartam figuram; ergo non debet asseri.

4 Dico 3. *Modi syllogismorum sunt novendecim.* Prob. conclus. modus syllogismi consistit in proportionem unius syllogismi ad alium secundum quantitatem, & qualitatem, sed hæc proportionem sunt novendecim; ergo. m. patet, ex inspectione modorum. Prob. conclus. 2. non est necessitas assumendi alios modos; ergo non sunt assumendi.

### Schema Modorum.

ArbArA. cElArEnt. dAtII. fErIO. bArAlIpton.  
cElAntEs. dAbItIs. fApEsmO. fIsEsOmorum.  
cEsArE. cAmEstrEs. fEstInO. bArOccO. dArApI.  
fElAptOn. dIsAmIs. dAtIsI. bOcArdO. fErIsOn.

### Figura 1.

bAr-	Omne rationale est risibile.	
bA-	Omnis homo est rationalis.	ergo
rA.	Omnis homo est risibilis.	
cE-	Nullus equus est risibilis.	
lA-	Omne hinnibile est equus.	ergo
rEnt.	Nullum hinnibile est risibile.	
dA-	Omnis homo est rationalis.	
rI-	Aliquod animal est homo.	ergo
I.	Aliquod animal est rationale.	
fE-	Nullum risibile est leo.	
rI-	Aliquod animal est risibile.	ergo
O.	Aliquod animal non est leo.	
rA-	Omne risibile est animal.	
rA-	Omnis homo est risibilis.	ergo
lIpton.	Aliquod animal est homo.	
cE-	Nullus equus est lapis.	
lAn-	Omne hinnibile est equus.	ergo
rEs.	Nullus lapis est hinnibile.	
dA-	Omne animal est vivens.	
bI-	Aliqua substantia est animal.	ergo
rIs.	Aliquod vivens est substantia.	
rA-	Omne rugibile est leo.	
pEs-	Nullus equus est rugibilis.	ergo
mO.	Aliquis leo non est equus.	

f r I-	Aliquod animal est homo.	
sE-	Nulla planta est animal.	ergo
sOmorum.	Aliquis homo non est planta.	

### Figura 2.

cE-	Nullus homo est lapis.	
sA-	Omne marmor est lapis.	ergo
rE.	Nullum marmor est homo.	
cA-	Omnis homo est risibilis.	
mEs-	Nullus equus est risibilis.	ergo
rEs.	Nullus equus est homo.	
fE-	Nullus equus est risibilis.	
stI-	Aliquod animal est risibile.	ergo
nO.	Aliquod animal non est equus.	
bA-	Omnis leo est rugibilis.	
rO-	Aliquod animal non est rugibile.	ergo
cO.	Aliquod animal non est lep.	

### Figura 3.

dA-	Omnis homo est substantia.	
rAp-	Omnis homo est animal.	ergo
tI.	Aliquod animal est substantia.	
fEl-	Nullus lapis est risibilis.	
Apt-	Omnis lapis est durus.	ergo
On.	Aliquod durum non est risibile.	
dI-	Aliquod animal est homo.	
sA-	Omne animal est vivens.	ergo
mIs.	Aliquod vivens est homo.	
dA+	Omne hinnibile est equus.	
tI-	Aliquod hinnibile est album.	ergo
sI.	Aliquod album est equus.	
b'O-	Aliquod animal est vulpes.	
cA r-	Omne animal est vivens.	ergo
dO.	Aliquod vivens non est vulpes.	
fE-	Nulla arbor est animal.	
rI-	Aliqua arbor est vivens.	ergo
sOn.	Aliquod vivens non est animal.	

INFERES 1. Figuram oriri ex combinatione medii termini cum extremis. in prima figura medius terminus *semel subjicitur, & semel prædicatur*. in secunda figura *bis prædicatur*. in tertia figura *bis subjicitur*. 2. Diversitatem autem modorum oriri ex diversa qualitate, & quantitate propositionum, & à modo inferendi. 3. Novem modos pertinere ad primam figuram, quatuor ad secundam figuram, & sex ad tertiam figuram.

In prima figura primi quatuor modi vocantur *directi*. posteriores quinque vocantur *indirecti*. Modi *directi* vocantur, in quibus terminus, qui in præmissis subjicitur, vel prædicatur, servata eadem positione eodem modo subjicitur, aut prædicatur in conclusione. Quando verò positio terminorum in conclusione mutatur, vocantur modi *indirecti*, quia conclusio videtur non satis naturaliter concludere. Insuper nota: omnes syllogismos, qui ad hos novendecim modos revocantur, recte concludere, & conclusionem semper veram esse, supposito, quod præmissæ sint veræ. si verò præmissæ sint falsæ, tunc syllogismus dicitur *formaliter bonus*, sed *materialiter malus*. Formaliter bonus dicitur, quia conclusio est conditionatè vera, nempe supposito, quod præmissæ sint veræ.

Solvun-



## Solvuntur Objectiones.

OBJIC. 1. Definitio hæc non est clara; ergo. 2. non datur syllogismus formaliter bonus, qui non etiam sit materialiter bonus. ergo corollarium non est verum. prob. ant. syllogismus tantum formaliter bonus non est oratio, in qua quibusdam positis necesse est aliud sequi; ergo non datur talis syllogismus. prob. ant. in syllogismo tantum formaliter bono non sequitur verum; ergo non est oratio, in qua quibusdam positis necesse est aliud sequi.

8 Resp. d. ant. Definitio non est clara claritate Grammaticali c. ant. claritate periphetica n. ant. definitio clara claritate periphetica dicitur, quæ verbis obscuris subjicit claros conceptus, talis est autem ista definitio.

Resp. ad 2. n. ant. ad prob. n. ant. ad hujus prob. d. ant. non sequitur verum absolute c. ant. conditionatè n. ant. etiam si enim nulla falsitas necessario sequatur, absolute ex alia falsitate, sequitur tamen conditionatè: nempe posita hypothesi impossibili, quod præmissæ sint veræ.

9 OBJIC. 2. Datur figura, quæ non potest revocari ad tres figuras assignatas, ergo datur quarta figura nempe Galenica. prob. ant. quando dico: *Omnis homo est animal, omne animal est sensitivum*; ergo *omnis homo est sensitivus*. datur figura, sed hæc non potest revocari ad tres figuras; ergo. m. prob. si in hac figura datur nova combinatio termini medii cum extremis. tunc non potest revocari ad tres figuras, sed; ergo. m. patet ex inspectione.

Resp. n. ant. ad prob. c. M. n. m. ad hujus prob. d. M. si datur nova combinatio medii termini cum extremis speciali attentione digna trans. M. si datur nova combinatio speciali attentione dignum n. M. universaliter notandum est, diversas classes entium, ac divisiones specierum ut plurimum dependere ab arbitrio hominum, requiritur quidem ad diversitatem specierum diversitas objectorum, sed illa diversitas objectorum tunc primum constituit diversitatem specierum quando hominibus placet ad illam diversitatem attendere. v. g. in moralibus diversitas virtutum, & vitiorum constituit diversitatem specierum, sed tunc primum constituit illam diversitatem specierum, quando hominibus placet ad illam diversitatem attendere. in præsentī hominibus non placet ad istam differentiunculam attendere.

10 DICES 1. Debent homines attendere ad diversitatem figuræ Galenicæ; ergo. prob. ant. si in hac figura datur diversa transpositio præmissarum, tunc ad illam homines debent attendere, sed; ergo. m. patet, quia in hac figura major ponitur in loco minoris, & vicissim. M. prob. diversa transpositio præmissarum est speciali attentione digna; ergo ad illam homines debent attendere.

Resp. n. ant. ad prob. n. M. ad hujus prob. nego ant. Ratio est, quia diversa transpositio præmissarum non fundat specialem utilitatem ratione cujus attendi debeat. Dem etiam si daretur aliqua convenientia, cur debeat attendi ad diversam transpositionem præmissarum, non tamen probatur, quod necessario homines debeant attendere, quia inulta possent convenienter fieri, quæ tamen ob alia incommoda

R. D. Euseb. Amort Philosophia.

extrinseca prudenter non fiunt, & hoc ipsum fit in præsentī, ne multiplicentur entia superflua fini.

DICES 2. Datur secunda, & tertia figura; ergo etiam quarta. prob. conf. si datur eadem ratio ponendi quartam, quæ datur ponendi secundam & tertiam, datur etiam quarta. sed; ergo. m. prob. ratio ponendi secundam, & tertiam figuram est transpositio præmissarum, sed hæc datur etiam relatè ad quartam, ergo datur eadem ratio.

Resp. c. ant. n. conf. ad prob. trans. M. n. m. ad hujus prob. n. ant. vel. d. transpositio præmissarum qualificata est ratio ponendi secundam. & tertiam c. m. qualiscunque transpositio n. m. & conf. nam in secunda, & tertia figura datur talis transpositio præmissarum, sicque datur, ut simul detur diversa combinatio medii termini cum extremis.

DICES 3. non datur ratio negandi quartam figuram, ergo datur quarta figura. prob. ant. si daretur ratio, tunc hæc, quia figura quarta posset revocari ad priores figuras, sed hæc non est ratio negandi; ergo. prob. m. hæc ratio datur etiam in secunda, & tertia figura, & tamen non est ratio negandi secundam, & tertiam figuram; ergo etiam non est ratio negandi quartam.

Resp. Inprimis trans. ant. n. conf. quia etiam si non daretur positiva ratio negandi quartam, posset tamen negari, quia nulla datur illius necessitas.

Resp. 2. n. ant. ad prob. trans. M. n. m. ad hujus prob. d. ant. hæc ratio urget etiam in secunda, & tertia figura diverso modo c. m. eodem modo n. m. nam in secunda figura datur simul diversa combinatio medii termini cum extremis, quo non datur in quarta figura, aut si datur etiam in quarta non subjacet attentioni hominum. Si quæras cur non subiaceat? dico forte ideo, nec multiplicentur entia superflua.

DICES 4. In figura Galenica datur diversa combinatio medii termini cum extremis; ergo distinguitur ab aliis figuris. prob. ant. in figura Galenica medius terminus in majori prædicatur, & in minori subjicitur, sed hæc combinatio est diversa, ergo datur diversa combinatio.

Resp. n. ant. ad hujus prob. nego suppositum Majoris, quod prima propositio necessario debeat dici esse major. nam stricte loquendo major dicitur, in qua reperitur majus extremum, sive ponatur primo loco, sive secundo loco illa propositio.

Resp. 2. n. ant. ad hujus prob. trans. M. d. m. hæc combinatio est diversa diversitate speciali attentione digna n. m. non digna c. m. & n. conf. etiam si concederetur in figura Galenica dari diversam combinationem medii termini cum extremis, tamen hæc diversitas non habet illum specialem modum tendendi, qui juxta arbitrium hominum sufficit ad constituendam specialem classē figurarum. forte ideo, quia modus tendendi in secunda, & tertia figura prior est ad speciales difficultates.

DICES 5. in figura Galenica datur sufficiens ratio constituendi diversitatem specificam; ergo. prob. ant. in figura Galenica datur diversa transpositio præmissarum, sed hæc est sufficiens ratio constituendi diversitatem specificam; ergo. m. prob. diversa transpositio præmissarum constituit diversitatem specificam modalem inter Cæsares, & Camestres, inter Disamis, & Darisi. ergo.



Resp. n. ant. ad prob. n. m. ad hujus prob. n. ant. quia hi modi inter se differunt non solum ob diversam transpositionem præmissarum, sed ideo, quia majus extremum prædicatur in conclusione. Aut si datur sola transpositio præmissarum, tunc debet dici, etiam sufficere ad constituendam diversitatem modorum non autem ad diversitatem figurarum, quia alioquin si modi, & figuræ haberent idem distinctivum, modi non differrent à figuris.

- 15 DICES 6. Illa figura debet admitti, in qua formantur syllogismi artificiales, sed talis est figura Galenica; ergo.

Resp. d. M. Illa debet admitti pro figura bene concludente c. M. pro figura specificè differente n. M. non negamus figuram Galenicam, sed solum eam à tribus figuris diversam esse negamus.

- 16 OBJIC. 3. Modi syllogismorum non pugnant inter se; ergo illa divisio modorum non est bona, prob. ant. Celantes, & Cesare, Darii, Dabitis, & Darisi, Paralipon, & Darapti, Ferio, & Ferison non differunt.

Resp. n. ant. ad prob. d. non differunt quoad quantitatem, & qualitatem c. ant. non differunt quoad figuram, & modum concludendi directum, vel indirectum n. ant. Ratio responsionis patet ex Schemate modorum.

- 17 OBJIC. 4. Præter novendecim modos possunt assignari alii quinque modi, ergo illa divisio modorum non est adæquata. prob. ant. hi modi possunt esse:

ErAndrOs. rAlArIs. bElAgO. cEntAurO  
& ArEstOr.

ergo dantur alii quinque modi: Ex his priores tres sunt directi in prima figura, posteriores duo pertinent ad secundam figuram.

Resp. d. ant. possunt assignari alii modi speciali attentione indigni c. ant. digni n. ant. hi enim quinque modi præcisè in eo differunt à modis Aristotelis, quod loco subalternantis inferant subalternatam: hæc autem diversitas speciali attentione digna non est, quia nulla reperitur specialis difficultas, in eo, quod subalternata inferatur ex subalternante.

- 18 DICES 1. Diversitas horum quinque modorum est attentione digna; ergo prob. ant. est attentione dignum, quod subalternata inferatur ex subalternante; ergo prob. ant. artificium syllogisticum est attentione dignum, sed artificium syllogisticum consistit in eo, ut inferatur subalternata, ex subalternante; ergo.

Resp. n. ant. ad prob. iterum neg. ant. ad hujus prob. c. M. n. m. & dico artificium syllogisticum tantum esse attentione dignum, quia ordinatè ac distinctè exprimit sensus animi nostri.

- 19 DICES 2. Modus Paralipon est attentione dignus; ergo dantur quinque prædicti modi: prob. conf. in Paralipon continetur subalternata in subalternante; ergo si hic attentione dignus est, etiam attentione digni sunt prædicti. prob. ant. in Paralipon nihil aliud fit, quam ut fiat conversio propositionis; ergo idem fit, ac si subalternata continetur in subalternante.

Resp. c. ant. n. conf. ad hujus prob. transf. ant. n. conf. & paritatem. Disparitas est, quia modus Paralipon sequitur modum inferendi adhuc satis naturalem, seu modum inferendi, ad quem homi-

num dispositio prona est. Econtra quinque modi recensiti non servant modum inferendi æquè connaturalem, adeoque melius reducuntur ad alios modos naturales, ac regulares, quam ut hi modi ipsi stantiantur pro forma, & regula, cum utique in omnibus resuscitare debeamus ad id, quod perfectum est, & quod optimum, nec pro exemplari, ac forma servire debet id, quod adhuc forma indiget.

## QUÆSTIO IX. Quanam sint Regulae Syllogismi?

NOTA 1. Regulas syllogismorum comprehendere his versiculis:

*Terminus esto triplex, medium conclusio vitet*

*Hunc ex præmissis altera distribuatur.*

*Latius & nullam sumat conclusio vocem,*

*Quam præmissa aliquo sumpserit ante loco.*

*Si præmissa simul fuit utraque particularis,*

*Aut utrumque negans, nulla sequela venit.*

*Particulare præit, sequitur conclusio talis,*

*Ponitur ante negans clausula talis erit.*

Sensus horum Versuum est. 1. *Debere esse tres terminos*, nec plures, nec pauciores, adeoque cum in syllogismo tres dentur propositiones, quarum quolibet habeat duos terminos, necesse est terminum bis in syllogismo recurrere, ac proin, si aliquis terminus tantum semel, aut omnino ter recurrit, syllogismus erit vitiosus. 2. *Ut medius terminus non ingrediatur conclusionem*, alioquin idem terminus ter recurreret. 3. *Ut una propositio à præmissis supponat distributivè*; artificium enim syllogisticum, prout ab Aristotelicis docetur, fundatur in illo principio, Dictum de omni, & Dictum de nullo, ita, quod in præmissis de omnibus dicitur in conclusione dicatur de aliquo contento sub omni. 4. *Ut terminus in præmissis non distribuatur, non distribuatur in conclusione*, quia nempe conclusio Aristotelis nil aliud operatur, nisi ut illud dicat in particulari quod in præmissis dixit in universali. 5. *Ut præmissa non sint particulares*, quia conclusio Aristotelica in conclusione nil aliud dicit, quam ut particulare inferat ex universali ob Dictum de omni, & Dictum de nullo. 6. *Ut præmissa non sint amba negativa*, quia artificium syllogisticum id negat in particulari per conclusionem, quod negatum in universali per præmissas; igitur necesse est, ut una præmissa sit affirmativa, quæ ostendat conclusionem contineri in universali. 7. *Ut conclusio sequatur partem debiliorem*: ratio est, quia conclusio tantum infert particulare ex universali.

NOTA 2. Cuivis figuræ speciales convenire regulas: Pro prima figura est sequens.

*Sit minor affirmans, nec major sit specialis.*

Pro secunda figura est sequens.

*Una negans præeat, nec major sit specialis.*

Pro tertia figura est sequens.

*Sit minor affirmans, conclusio sit specialis.*

Ratio harum regularum peti debet ex universalibus principiis syllogismi; nempe in Dictum de omni, & Dictum de nullo: & quæcumque sunt eadem uni tertio, sunt eadem inter se, & quæcumque distinguuntur in uno tertio, distinguuntur inter se.

Dico Traditæ syllogismi regule sunt bonæ. prob. conclusio. Hæ regulæ sunt veræ, universales, utiles, & facile applicabiles.



# Solvuntur Objectiones.

*oriens, Ego, videns.* Igitur syllogismus nullo nititur principio, nec ista forma universaliter procedit v.g. si dicam:

Cognosco Cæsarem,  
Cæsar est veniens; ergo

Cognosco Cæsarem venientem.

Hic conclusio est falsa, etiamsi præmissæ veræ essent.

Objic. 3. Datur syllogismus legitimus, in quo 7  
medius terminus non distribuitur; ergo prob. ant.  
possum dicere:

Omnes Evangelistæ sunt quatuor,  
Matthæus, Marcus, Lucas, Joannes sunt  
omnes Evangelistæ, ergo  
sunt quatuor.

Resp. d. ant. Dantur syllogismi legitimi reducti-  
væ tales c. ant. formaliter tales n. ant. tales enim syl-  
logismi, etiamsi rectè concludant, nullo tamen ni-  
tuntur principio universali, ita, ut earum bonitas vi  
alicujus regulæ probari posset, etiamsi fortè possent  
reduci ad syllogismum formaliter bonum.

Objic. 4. Dantur syllogismi legitimi ex me- 8  
ris particularibus; ergo prob. ant. possum dicere:

Quod lucet video,  
Sol lucet; ergo  
Solem video.

&

Petrus sedet, & studet,  
Sedens & studens non est nihil; ergo  
Petrus non est nihil.

Resp. n. ant. ad prob. d. ant. possum hoc dicere  
vi subjectæ materiæ c. ant. vi formæ syllogisticæ n.  
ant. tales enim syllogismi, etiamsi ratione subjectæ  
materiæ rectè concludant, tamen non possunt com-  
prehendi aliquo principio universali, ex quo eorum  
bonitas probari possit, nisi quis velit multiplicare  
inutiliter principia generalia, nam in talibus parti-  
cularibus connexio terminorum melius cognoscitur  
ex inspectione subjectæ materiæ, quàm ex inspectio-  
ne principiorum generalium.

Dices 1. Datur syllogismus constans parti- 9  
cularibus rectè concludens vi formæ; ergo prob.  
ant. possum dicere:

Aliquis homo currit; ergo  
Aliquod currens est homo.

Resp. n. ant. ad prob. d. ant. possum hoc dicere,  
vi æquipollentiæ, aut conversionis c. ant. possum  
hoc dicere vi formæ syllogisticæ n. ant. Nam tales  
illationes tantum nituntur conversione propositio-  
num, non verò principiis generalibus syllogisticis.

Dices 2. Hæ illationes debent comprehendi 10  
principiis generalibus syllogisticis; ergo prob. ant.  
per principia syllogistica debent comprehendi omnia,  
quæ sunt materia syllogismi, sed hæ illationes sunt  
materia syllogismi; ergo.

Resp. n. ant. & suppositum, quod propriè sint  
illationes, quia conversio propositionum non est  
propria illatio, sed ejusdem rei diversa consideratio.

Objic. 5. Dantur syllogismi legitimi ex meris 11  
negativis; ergo prob. ant. possum dicere:

Nullum ens non habens oculos videt,  
Lapis non habet oculos; ergo  
Lapis non videt.

2.

Omne quod non est animal, non est homo,  
Lapis non est animal; ergo  
Lapis non est homo.

E 3

Resp.

3 Objic. 1. Dantur syllogismi habentes quatuor  
terminos; ergo prima regula non subsistit. prob. ant.

Syllogismi legitimi sunt, quando dico:

1. Omnis homo est rationalis, & risibilis,  
Petrus est homo; ergo  
Petrus est rationalis, & risibilis.

2. Omnis homo est redemptus à Christo,  
Sed Judas est damnatus à Christo; ergo  
Aliquis redemptus à Christo est damnatus.

Sed hi sunt legitimi; ergo

4 Resp. n. ant. ad prob. d. M. si syllogismi sunt le-  
gitimi ratione materiæ transf. M. ratione formæ n. M.  
nam pro ratione formæ syllogismi tantum debent ser-  
vire syllogismi perfectissimi, & in ordine ad hos  
syllogismos reductivè alii syllogismi æstimari debent  
in præsentī casu, prior syllogismus potest resolvi in  
duos alios syllogismos formaliter bonos, & ideo bo-  
nus est saltem reductivè, possum enim dicere:

Omnis homo est rationalis,  
Petrus est homo; ergo  
Petrus est rationalis.

&

Omnis homo est risibilis,  
Petrus est homo; ergo  
Petrus est risibilis.

Secundus syllogismus potest etiam resolvi in duos  
alios syllogismos formaliter bonos; possum enim  
dicere:

Omnis homo est redemptus à Christo,  
Judas est homo; ergo  
Judas est redemptus à Christo.

&

Judas est damnatus,

Judas est redemptus à Christo; ergo

Aliquis redemptus à Christo est damnatus.

Quando igitur proponantur tales syllogismi forma-  
liter non boni, tunc videndum, an possint revoca-  
ri ad syllogismos formaliter bonos, si non possunt  
revocari, rejiciantur; si verò possunt revocari, possunt  
cum reverentia dimitti.

5 Objic. 2. Dantur syllogismi legitimi, in qui-  
bus medius terminus ingreditur conclusionem; ergo  
prob. ant. possum dicere:

Omnis Angelus est spiritus,  
Gabriel est Angelus; ergo  
Aliquis spiritus est Angelus.

Omnis homo est animal,  
Hic homo est homo; ergo  
Hic homo est animal.

Sol est oriens,  
Video Solem, ergo  
Video Solem orientem.

6 Resp. n. ant. ad prob. Resp. ad 1. d. Hic syllogis-  
mus est legitimus materialiter transf. formaliter neg.  
ant. in hoc enim syllogismo minor se habet imper-  
tinenter, conclusio dicit, quod aliquis spiritus sit  
Angelus, hoc autem non sequitur ex eo, quod Ga-  
briel sit Angelus.

Resp. ad 2. Syllogismum esse nugatorium, quia  
in conclusione nihil novi discitur, nec aliud infertur,  
sed idem repetitur, nos autem vocamus syllogis-  
mum, ubi aliud sequitur, eo quod hæc sint.

Resp. ad 3. dari quatuor terminos, nempe Sol,



Resp. n. ant. ad prob. n. ant. quòd hoc possim dicere, quia hi syllogismi habent quatuor Terminos, & potest hoc videri in alio quodam exemplo; quando v.g. dico:

Nullus homo non habens animam rationalem sentit,

Equus non habet animam rationalem; ergo  
Equus non sentit.

In hoc exemplo præmissæ sunt veræ, sed tamen conclusio est falsa, vitium proin syllogismi consistit in eo, quòd terminus secundarius transeat in principalem, per quod fiunt quatuor termini, Ly enim non habens animam rationalem in majori erat terminus tantum secundarius, in minori fit principalis.

## 12 OBJIC. 6. Possum dicere:

Omnes Stellæ, quæ non scintillant, sunt prope nos,  
Sed Planetæ non scintillant; ergo  
Planetæ sunt prope nos.

ergo conclusio non sequitur debiliorem partem.

Resp. c. ant. n. conf. & suppositum, quòd præmissæ sunt negativæ, qualitas enim propositionis non debet æstimari à propositione incidente, sed à propositione principali; in præsentī propositio illa, quæ non scintillant, est tantum incidens, & sensus Majoris est: Omnes stella non scintillantes sunt prope nos, sed Planeta sunt stella non scintillantes; ergo.

## 13 DICES. Potest ex falso sequi verum, & ex contingenti necessarium; ergo etiam potest sequi conclusio affirmativa ex præmissis negativis.

Resp. d. ant. potest hoc sequi consecutione conversiva transf. consecutione syllogistica n. ant. disparitas est, quia in consecutione syllogistica infertur aliud ex alio, in consecutione verò conversiva idem consideratur secundum se, & non repugnat, quod idem contineat aliquid contingentis, & aliquid necessarii, aut quod idem contineat aliquid veri, & aliquid falsi.

# QUÆSTIO X.

## Quanam sint alia Species Syllogismorum, & qua eorum Regula?

I Syllogismi Categorematici, de quibus hætenus, quam parum indigeant attentione ulus probat, paucienim recurrunt tales syllogismi perfecti; plerumque tantum occurrunt syllogismi imperfecti, nempe Enthymemata, Hypothetici, Disjunctivi, seu Dilemata, Expositorii, Modales, Causales &c. cum igitur in his syllogismis non possit respici ad principia, & regulas syllogismorum generales, contentus quisque esse debet, ut ex immediata inspectione rei conetur connexionem terminorum comprehendere, & si syllogismus nimium sit implicatus, ut per propositiones exponentes resolvatur in alios syllogismos Categoricos.

Ut igitur pro his dentur regulæ, notandum, quòd omnis syllogismus possit resolvi in alios syllogismos Categoricos, si prius præpositiones resolvantur in propositiones simplices. Hoc modo Enthymema potest resolvi in syllogismum Hypotheticum, & Syllogismus Hypotheticus potest resolvi in Absolutum; similiter syllogismus Causalis potest resolvi in Conditionalem, ac consequenter potest resolvi in Enthymema, & syllogismum Absolutum. v.g. si dico:

Si Petrus est homo est animal.

Sed Petrus est homo; ergo

Petrus est animal.

Possum loco hujus syllogismi dicere: Omnis homo est animal, sed Petrus est homo; ergo est animal, vel sic: Petrus est homo, ergo est animal; vel sic: quia Petrus est homo, est animal.

Regula Generalis syllogismi Hypothetici est, ut in Majori ponatur *conditio*, & *conditionatum*, in minori *purificetur conditio*, in conclusione *ponatur conditionatum*, v. g. Si Sol lucet, dies est, sed Sol lucet; ergo dies est.

Regulæ pro conversione, ac reductione Syllogismi Hypothetici.

REGULA 1. Affirmativa propositio hypothetica cujus utraque pars est affirmativa, debet resolvi in universalem affirmativam v.g. si dico: Si Petrus est homo, est animal, loco hujus debeo dicere: Omnis homo est animal; vel Si Sol lucet, dies est, loco hujus debeo dicere: Semper lucente Sole dies est.

REGULA 2. Affirmativa hypothetica, cujus utraque pars est negativa, debet resolvi in affirmativam universalem v.g. si dico: Si lapis non est homo, tunc non est animal, loco hujus debeo dicere: Omnis homo est animal.

REGULA 3. Affirmativa hypothetica, cujus una pars est affirmativa, altera negativa, debet resolvi in universalem negativam. v.g. si dico: Si est homo, non est lapis, loco hujus debeo dicere: Nullus homo est lapis.

REGULA 4. Affirmativa hypothetica, cujus prima pars est negativa, secunda affirmativa potest resolvi in disjunctivam v. g. Si non est dies, est nox. Locò hujus possum dicere: vel dies est, vel nox est. melius tamen resolvitur in categoricam, ita ut dicam: Nunquam existente die nox est, quæ est universalis negativa.

Qui plures vult legere Regulas, legat Patrem Fabri in sua Logica.

Ut verò circa syllogismos habeantur Regulæ universales, quæ non dependent à stricta verborum formula, possunt subjici sequentes quamquam potius animadversiones, quàm regulæ vocari debent; Regulæ siquidem finitæ esse debent, animadversiones infinitæ esse possunt, ut iis moniti recurrente occasione facilius veritati intendamus.

## Leges Consequentiarum

### Ex Logica

## PATRIS FABRI S. J.

1. Consequentia est habitudo unius ad aliud, v. cuius unum infertur ex alia v.g. Sol lucet, ergo dies est.

2. Ex assertionē termini, qui habet necessariam connexionem cum alio sequitur hujus assertio, v. g. inter Solem, & diem est connexio; ergo recte infertur: Sol lucet, ergo dies est.

3. Ex negationē termini, qui necessariam habet connexionem, non tamen mutuam, non sequitur hujus negatio. v. g. Homo habet connexionem cum termino Animal, sed non mutuan possunt dicere: Petrus est homo, ergo est animal; sed non vicissim; Leo non est homo, ergo non est animal.

4. Quando termini sunt convertibiles, posito uno ponitur alius, & negato uno, negatur alius, v.g. Petrus



*Petrus est animal, ergo aliquod animal est Petrus; vel non est aliquod animal, ergo non est Petrus.*

5. Ex negatione termini, qui non habet cum alio connexionem, quam tamen hic habet cum illo, sequitur necessario termini alterius negatio v.g. *Non est animal, ergo nec homo.*

6. Ex assertione termini, qui non habet cum alio necessariam connexionem, non sequitur hujus assertio. v.g. non recte inferitur: *Est animal, ergo est homo.*

7. Ex assertione termini repugnantis, sequitur negatio alterius, v.g. *Est dies, ergo non est nox.*

8. Ex assertione termini contrarie repugnantis non sequitur assertio alterius, v.g. non recte inferitur: *Murus non est albus, ergo est niger.*

9. Ex assertione unius contradictorii sequitur negatio alterius, ex negatione vero unius sequitur assertio alterius v.g. *Verum est, quod omnis homo sit animal, ergo falsum est, quod aliquis homo non sit animal.*

10. Ex veritate unius contradictoriae sequitur falsitas alterius. patet ex eodem exemplo.

11. Ex assertione veritatis alicujus propositionis sequitur negatio falsitatis ejusdem, v.g. vera est propositio: *Homo est animal;* ergo falsum est hanc propositionem esse falsam.

12. Ex negatione falsitatis, sequitur assertio veritatis, v.g. non est falsa haec propositio: *Homo est animal,* ergo vera est.

13. Quidquid inest subjecto universali, inest quoque omnibus inclusis. v.g. *Omnis homo est animal,* ergo etiam Petrus est animal, & Paulus.

14. Quidquid non inest subjecto universali, non inest singulis in illo inclusis. v.g. *Nullus homo est lapis,* ergo nec Petrus, nec Paulus.

15. Ex vero sequitur verum, vel, ex vero non sequitur falsum. v.g. non sequitur, *Sol lucet,* ergo non est dies.

16. Ex falso potest sequi falsum. v.g. *Homo est leo;* ergo homo est rugibilis.

17. De omni subjecto praedicari debet superior, de quo praedicatur inferior. v.g. *Petrus est homo,* ergo etiam est animal.

18. Non de omni subjecto praedicatur terminus inferior, de quo praedicatur superior v.g. *Leo est animal,* sed non recte inferitur; ergo est homo.

19. De quocunque subjecto negatur superior, negari debet inferior v.g. *Arbor non est animal,* ergo nec est homo.

20. De quocunque negatur inferior, non eo ipso negatur superior. hinc ex affirmatione antecedentis, sequitur affirmatio consequentis non vero vicissim. v.g. non recte inferitur: *Leo non est homo;* ergo non est animal. Vel, *Petrus occisus est,* ergo vixit, non vicissim; vixit, ergo occisus est.

21. De quocunque praedicatur, vel negatur terminus convertibilis, praedicatur etiam vel negatur alius convertibilis. v.g. *Petrus est homo,* ergo etiam est animal rationale. Vel, *Petrus non est leo,* ergo nec animal rugibile.

22. Quidquid asseritur de termino inferiori in antecedente universali, asseritur etiam de superiori in consequente particulari. v.g. *Omnis homo est risibilis,* ergo aliquod animal est risibile.

23. Quidquid negatur de inferiori in antecedente universali, debet negari de superiori in consequente

particulari: *Nullus homo est rugibilis,* ergo aliquod animal non est rugibile.

24. Quidquid affirmatur de inferiori in antecedente universali, non debet affirmari de superiori in consequente universali. v.g. non debet sic dici: *Omnis homo est risibilis,* ergo omne animal est risibile.

25. Quidquid negatur de inferiori distributo, non debet negari de superiori distributo. v.g. *Nullus homo est lapis,* non recte inferitur, ergo nulla substantia est lapis.

26. Ex affirmativa universali sequitur particularis affirmativa conversa. v.g. *Omnis homo est animal,* ergo *aliquod animal est homo.*

27. Ex affirmatione particulari per conversionem non sequitur universalis affirmativa. v.g. *Aliqua substantia non est lapis,* ergo *nullus lapis est substantia.*

28. Ex propositione particulari affirmativa sequitur particularis conversa v.g. *Aliquod animal est rugibile,* ergo *aliquod rugibile est animal.*

29. Ex propositione universali negativa sequitur universalis negativa conversa. v.g. *Nullus homo est lapis;* ergo *nullus lapis est homo.*

30. Quotiescunque cum antecedente vero aliquid conjungitur, idem conjungitur cum consequente v.g. *Hodie Sol lucet,* ergo etiam *hodie* dies est.

31. Ex contradictoria antecedentis non sequitur contradictoria consequentis. v.g. *Occisus est,* ergo *mortuus est,* non possum dicere: *Non est occisus,* ergo *non est mortuus.*

32. Ex contradictoria consequentis sequitur contradictoria antecedentis v.g. *Sol lucet,* ergo *dies est.* possum dicere: *Dies non est,* ergo *nec Sol lucet.*

33. Hinc potest colligi semper vitiosam esse consequentiam, quotiescunque ex contradictoria consequentis non sequitur contradictoria antecedentis, ut patet ex priori.

34. Veritas consequentis non pendet a veritate antecedentis. patet ex eodem; potest enim verum esse *Petrum esse mortuum,* quamvis non sit occisus.

35. Quidquid stat cum antecedente, stat etiam cum consequente, v.g. cum hoc quod Petrus sit occisus, potest stare, quod fuerit sanus, ergo etiam cum eo, quod sit mortuus, potest stare, quod fuerit sanus.

36. Quidquid stat cum consequente, non eo ipso stat cum antecedente v.g. cum eo, quod Petrus sit mortuus, potest stare, quod fuerit infirmus, non tamen eo ipso stat cum eo, quod fuerit occisus.

37. Terminus, qui potest conjungi cum praedicato antecedentis, potest etiam conjungi cum praedicato consequentis in affirmativis v.g. *Sol lucet serenè,* ergo etiam dies est serenus.

38. Quidquid repugnat consequenti, repugnat etiam antecedenti. v.g. cum die repugnat nox, ergo etiam Sole lucente non est nox.

39. Quidquid repugnat antecedenti, non eo ipso repugnat consequenti. v.g. repugnat homini esse rugibilem, non tamen repugnat animali, quando dico: *Petrus est homo,* ergo *est animal.*

40. Ex duabus contradictoriis idem sequi non potest. v.g. ex eo quod Sol luceat, & ex eo, quod non luceat, non potest sequi, quod sit dies.

41. Quidquid inferitur ex antecedente, non inferitur ex consequente: *Petrus occisus est,* ergo *mortuus*



*tuus est.* ex antecedente infero, ergo violenter mortuus est, non licet hoc inferre ex consequente, *mortuus est*, ergo violenter mortuus est.

42. Quidquid inferitur ex consequente, inferitur ex antecedente. v.g. *Petrus est occisus, ergo obiit; ergo fuit*, ex utroque sequitur.

43. Ex quocunque inferitur antecedens, inferitur consequens. v.g. *Petrus est animal*, inferitur ex eo, quod sit homo, & ex hoc etiam inferitur consequens ad rō animal, nempe *esse sensitivum*.

44. Ex quocunque inferitur consequens, non eo ipso inferitur antecedens. v.g. ex eo, quod *leo sit animal*, inferitur, quod sit sensitivum, sed non inferitur, quod sit homo.

45. A sufficienti ex perfecta singulorum enumeratione valet consequentia ad omnes. v.g. ad sunt Matthæus, Marcus, Lucas, Joannes; ergo ad sunt omnes quatuor Evangelistæ.

46. Ab affirmatione unius contrarii valet consequentia ad negationem alterius. v.g. *Est nox, ergo non est dies*.

47. Ex negatione unius contrarii non valet consequentia ad affirmationem alterius. v.g. *Non est niger, ergo est albus*.

48. Ex propositione de tertio adjacente in materia contingenti vera sequitur propositio de secundo adjacente. Notandum, quod per propositionem de secundo adjacente intelligatur illa, cujus prædicatum est verbum substantivum. v.g. *Sole existit*. De tertio adjacente vocatur omnis alia propositio, hinc fido: *Paries est albus*, quæ est de tertio adjacente bene sequitur: *Paries existit*, quæ est de secundo adjacente.

49. Ex propositione de tertio adjacente vera negativa non sequitur propositio de secundo adjacente. v.g. non rectè inferitur: *Paries est albus; ergo non existit*.

50. Ab una suppositione ad aliam non valet consequentia. v.g. Omnes Apostoli sunt duodecim; ergo Petrus, Joannes, & Paulus sunt duodecim.

51. A subjecto non supponente non valet consequentia, v.g. Quinque Evangelistæ non sunt quatuor, ergo Evangelistæ non sunt quatuor.

52. A sensu composito ad sensum divisum non valet consequentia, neque à sensu diviso ad compositum. v.g. Sedere, & stare est impossibile; ergo stare est impossibile.

53. A sensu colectivo ad collectivum valet consequentia. v.g. Matthæus, Marcus, Lucas, Joannes sunt quatuor, ergo Evangelistæ sunt quatuor.

54. A sensu distributivo ad distributum valet consequentia. v.g. *Omnes homines sunt mortales*; ergo & Petrus, & Paulus &c.

55. A sensu colectivo ad distributivum vel disjunctivum non valet consequentia. v.g. Matthæus, & Marcus sunt duo; ergo Matthæus est duo.

56. A sensu distributivo ad collectivum non valet consequentia. v.g. Petrus est unus homo, & Paulus est unus homo, ergo Petrus, & Paulus sunt unus homo.

57. Quando prædicatum est capax utriusque sensus, à colectivo valet consequentia ad distributivum. v.g. Nullus homo est lapis, ergo nec Petrus est collectio omnium lapidum, nec Paulus.

58. A disjunctivo non valet consequentia ad

collectivum, aut distributivum, aut disjunctum. v.g. Aliquod animal est homo, ergo omne animal est homo.

59. A sensu non distributo non valet consequentia ad distributum. v.g. Homo currit; ergo & Petrus, & Paulus currit.

60. Ex propositione contingenti inferitur contingens. v.g. *Sol lucet; ergo dies est*.

61. Ex antecedente contingenti potest sequi necessarium. v.g. Aliquod animal currit; ergo aliquod animal est currens.

62. A contingenti valet consequentia ad potentiam negationis illius. v.g. Petrus currit; ergo possibile est Petrum non currere.

63. A potentia unius contingentis valet consequentia ad potentiam oppositi. v.g. Possibile est Petrum currere, ergo etiam possibile est Petrum non currere.

64. Ex necessario sequitur necessarium. v.g. Petrus est homo; ergo est animal.

65. Ex necessario non potest sequi contingens: patet ex dictis.

66. Ex necessario non sequitur impossibile. v.g. *Homo est animal*, ergo est leo.

67. Ex contingenti non sequitur impossibile: v.g. *Petrus currit; ergo est leo*.

68. Ex impossibili sequitur aliud impossibile. v.g. *Petrus est leo; ergo est rugibilis*.

## QUÆSTIO XI

### Quid sit Reductio Syllogismorum?

REDUCTIO est syllogismi non satis evidenter boni ad alium syllogismum evidenter bonum transmutatio. Hæc reductio fit tripliciter. 1. per Expositionem. 2. per Ostensionem. 3. per Reductionem ad impossibile.

Reductio per Expositionem fit, quando termino communi substituitur singularis. v.g.

Omnis homo est animal.  
Omnis homo est rationalis; ergo  
Aliquod animal est rationale.  
Petrus est animal.  
Petrus est rationalis; ergo  
Aliquod animal est rationale.

Reductio Ostensiva, seu per ostensionem fit, quando fit conversio propositionum, aut earum transpositio. Hæc reductio solum servit ad hoc, ut quindecim modi syllogismorum posteriores reducantur ad primos quatuor modos, nempe ad Barbara, Celarent, Darii, Ferio, quindecim modi ea lege debent reduci, ut quilibet modus incipiens per litteram B. mutetur in Barbara v.g. Baralipon debet mutari in Barbara.

Modus per litteram C. incipiens mutetur in Celarent. v.g. Cesare debet mutari in Celarent.

Modus incipiens per D debet reduci ad Darii, & incipiens per F. debet reduci ad Ferio. v.g.

Bar. Omnis homo est animal,  
ra. Omne risibile est homo;  
lipton. Aliquod animal est risibile.

Bar-



Bar- Omnis homo est animal.  
ba- Omne risibile est homo ; ergo  
ra- Omne risibile est animal.  
Fa- Omne animal est sensibile.  
pes- Nullus lapis est animal ; ergo  
mo- Aliquod sensibile non est lapis.  
Fe- Nullum animal est lapis.  
ri- Aliquod sensibile est animal ; ergo  
o- Aliquod sensibile non est lapis.

Ex his exemplis patet, quod modi possint conver-  
ti in primos modos, & quidem per solam conver-  
sionem propositionum, ut verò sciatur, quomodo  
ista conversio institui debeat, traduntur regulæ se-  
quentibus versiculis comprehensæ.

S. vult simpliciter verti, P. verò per accid.

M. vult transponi, C. per impossibile duci.

Sensus horum versuum est: illam propositionem de-  
bere converti simpliciter in qua littera S. sequitur  
vocalem, v. g. in Fapesmo littera S. sequitur vocalem  
E. seu negativam universalem, igitur hæc proposi-  
tio debet simpliciter verti, aut quia simul sequitur litte-  
ra M. potest transponi hæc propositio. Similiter quan-  
do vocalem præcedit littera B. tunc debet proposi-  
tio converti per accidens, & quando præcedit littera  
C. tunc omnino nulla potest fieri reductio ostensiva,  
sed debet fieri reductio ad impossibile.

REDUCTIO AD IMPOSSIBILE fit, quando contradi-  
ctoria conclusionis negatæ assumitur loco majoris ad  
probandum aliud impossibile, quod evidenter est  
falsum, v. g.

Omne animal est vivens.

Omnis homo est animal ; ergo

Aliquod vivens est homo.

Nullum vivens est homo.

Omne animal est vivens ; ergo

Aliquis homo non est animal.

Ex hoc exemplo patet, quod per istam reductio-  
nem adversarius possit compelli ad admittendum con-  
tradictoria. sed hæc reductio est planè inutilis.  
Arriaga enim fatetur per plures, quam viginti an-  
nos, per quos docuit Philosophiam, nullam un-  
quam se audivisse reductionem, & planè videtur  
pauperis esse ingenii, qui deductus ad duo contra-  
dictoria à se admittenda nullam reperiat distinc-  
tionem, &, si quis nullam talem distinctionem repe-  
riat, est indignus tam laboriosa reductione.

## QUÆSTIO XII.

### Quid sit Syllogismus Sophisticus ?

1 SYLLOGISMUS SOPHISTICUS vocatur, qui primo obtu-  
tu videtur esse legitimus, sed tamen re vera est vi-  
tiosus. Vicia, seu fallaciæ talis syllogismi latentes  
oriuntur ex duplici capite. 1. Ex verbis. 2. Ex re-  
bus: quando fallacia oritur ex verbis, tunc dicitur  
in syllogismo dari *fallacia dictionis*, quando verò fal-  
lacia oritur ex ipsis rebus, tunc dicitur in syllogismo  
dari *fallacia extra dictionem*.

2 *Fallacia dictionis* enumerantur sex. 1. Fallacia æqui-  
vocationis. 2. amphibilogiæ. 3. compositionis.

4. accentus. 5. divisionis. 6. figuræ dictionis.

3 *Fallacia equivocationis* est, quæ consistit in voce  
æquivoca, vel analogâ, cujus significatio non est  
R. D. Euseb. Amori Philosophia.

constans, ut proin ob diversam significationem pa-  
riat duplicem sensum adeoque quatuor terminos.  
Exempla talium sunt:

1.

Canis est latrabilis.

Stella est canis ; ergo

Stella est latrabilis.

2.

Omne quod ridet est homo.

Pratum ridet ; ergo

Pratum est homo.

3.

Qui surrexit stat.

Sedens surrexit ; ergo

Sedens stat.

*Fallacia Amphibilogiæ* est, quæ provenit ex va-  
riatione sensus vel casus. Exempla sunt:

1.

Qui arat littus, scindit terram.

Qui ineptum docet, arat littus ; ergo

Qui ineptum docet, scindit terram.

2.

Omnes Episcopi sunt Sacerdotes.

Isti boves sunt Episcopi ; ergo

Isti boves sunt Sacerdotes.

*Fallacia compositionis* est, quæ à sensu distributivo  
procedit ad sensum compositum. Exempla sunt:

1.

Possum ambulare, & non ambulare,

Sed ambulare, & non ambulare est impossibile ;  
ergo

Possum impossibile.

2.

Duo & tria sunt par, & impar.

Duo & tria sunt quinque ; ergo

Quinque sunt par, & impar.

*Fallacia divisionis* est, quæ à sensu composito pro-  
cedit ad sensum divisum. Exemplum est.

Impossibile est dormientem vigilare.

Sed Petrus est dormiens ; ergo

Impossibile est Petrum vigilare.

*Fallacia accentus* est, quæ oritur ex diverso modo  
accentus, seu pronuntiationis. v. g.

Qui insectatur leporem, currit,

Poeta sedens insectatur leporem ; ergo

Poeta sedens currit.

Eadem fallacia committitur, quando junguntur  
duæ voces in unam, aut dividitur in duas. v. g.

Quod Petrilla facit invita, facit coacta.

Sed Petrilla bibit vinum invita ; ergo

Petrilla bibit vinum coacta.

*Fallacia figuræ dictionis* est, quæ provenit ex diver-  
sorum vocum similitudine, in quibus committitur  
Error Grammaticè v. g.

Omnis substantia albedine affecta est alba.

Sed murus est substantia albedine affecta ; ergo

Murus est alba.

Vel

Quod heri emisti, hodie comedisti.

Sed heri emisti carnem crudam ; ergo

Hodie carnem crudam comedisti.

F

Falla-



9 *Fallacia extra dictionem* enumerantur septem.  
 1. *Fallacia accidentis*. 2. à dicto secundum quid ad dictum simpliciter. 3. Ignoratio Elenchi. 4. *Fallacia consequentis*. 5. *Fallacia petitionis principii*. 6. *Fallacia non causæ*, aut *causæ*. 7. *Fallacia plurium interrogationum* ut unius.

*Fallacia accidentis* est, quando aliquid attribuitur subiecto secundum se, ac ratione sui, quod illi subiecto tantum convenit ratione accidentis. v. g.

1.

Quidquid fuisti heri, es adhuc hodie.  
 Sed heri fuisti fessus; ergo  
 Hodie adhuc es fessus.

2.

Quod ego sum, tu non es.  
 Ego sum homo; ergo  
 Tu non es homo.

10 *Fallacia à dicto secundum quid ad dictum simpliciter* est, quando proceditur à prædicato restricto ad non restrictum. v. g.

Æthiops est albus secundum dentes; ergo  
 Æthiops est albus.

11 *Fallacia consequentis* est, quando Sophista ex termino consequenti vult inferre terminum antecedentem, vel quando ex negatione antecedentis inferitur negatio consequentis. Terminus antecedentis dicitur ex quo legitime inferitur alius terminus, sed none contra: talis terminus antecedentis est homo respectu animalis. Terminus consequens est, qui potest inferri ex alio termino, sed non vicissim. v. g.

1.

Si homo est, animal est.  
 Sed animal est; ergo  
 Homo est.

2.

Si homo est, animal est.  
 Sed homo non est; ergo  
 Animal non est.

3.

Si currit, movetur.  
 Sed non currit; ergo  
 Non movetur.

4.

Qui dicite equum esse animal, verum dicit.  
 Sed qui dicite equum esse bovem, dicit equum esse animal; ergo  
 Qui dicite equum esse bovem, verum dicit.

*Fallacia petitionis principii* est. cum idem probatur per idem, vel per aliud medium æquè ignotum ac controversum. v. g. Si vis probare Alexandrum esse filium Philippi ex eo, quia Philippus est Pater Alexandri, probas idem per idem. 12

*Fallacia à non causa ut causa* committitur, cum aliquid assignatur pro causa alicujus effectus, cujus tamen non est causa. v. g. 13

1.

Musicus est causa cantus.  
 Sed homo niger est Musicus; ergo  
 Homo niger est causa cantus.

2.

Quod parit jurgia inter cives est auferendum,  
 Sed divitiæ pariunt jurgia inter cives; ergo  
 Sunt auferendæ.

In hoc exemplo divitiæ non sunt rationes, seu causa jurgiorum, sed cupiditas civium.

*Fallacia plurium interrogationum ut unius* est, cum ad plures interrogationes disparatas petitur eadem responsio. v. g. si quæram: *Homo & equus estne animal bipes*, si responderis affirmative, tunc paralogizans inferet, ergo equus est animal bipes, si responderis negative, tunc sequetur, quod homo non sit animal bipes, igitur non potest responderi unica responsione, sed duplici, aut distinctione. 14

Huc revocantur captiosæ interrogationes, ac dilemmata v. g.

1.

Vel amisisti cornua, vel non amisisti?  
 Si amisisti, tunc habuisti cornua;  
 Si non amisisti, tunc habes cornua.

2.

Vel desisti furari, vel non desisti?  
 Si desisti, furatus es;  
 Si non desisti, tunc adhuc furaris.

Igitur tot sunt Sophismatum species, quæ vulgo recenseri solent in Logica: At innumeræ sunt aliæ, ad quas dissolvendas nullæ sufficerent regulæ, sed sola ratio principiis generalibus præmunita.





# LOGICÆ. PROLEGOMENA.

**L**ogica Aristotelica, quam in Summulis totam absolvimus, nunc velut per otium se ipsam considerat. Considerat enim:

1. Quæ sit natura Logicæ.
2. Considerat naturam Universalium.
3. Considerat naturam Prædicamentorum.
4. Denique considerat naturam & proprietates Syllogismi Scientifici.

Circâ 1. examinat

1. Quid & quotuplex sit Logica.
2. Quale sit objectum Logicæ.
3. An Logica sit virtus intellectualis.
4. An Logica sit simpliciter Practica aut Speculativa,
5. An Logica ad alias Scientias acquirendas sit necessaria.

## De Natura Logicæ.

### QUÆSTIO I.

#### Quid & quotuplex sit Logica?

**1** Dico. 1. *Logica est Scientia docens scire.* probatur definitio: Illa definitio est bona, quæ servat omnes regulas definitionis: Sed. ergo. *m.* prob. partim negativè, partim positivè: hæc enim definitio constat genere & differentia, genus est *Scientia*, quia per hoc prædicatum Logica convenit cum Physica, Metaphysica, Theologia &c. *Docens scire* est differentia, quia hoc prædicatum distinguit Logicam ab omni non ipsa; quia omnes reliquæ Scientiæ docent aliquid aliud, quàm præcisè ipsam scire ut sic, seu modum sciendi.

**2** Prob. 2. Conclusio: Illa definitio est bona, quæ explicat naturam definiti: Sed. ergo. *m.* prob. natura Logicæ, ut eam explicat Cicero in bruto, est, quod sit *ars*, quæ docet rem universalem distribuere in partes, latentem explicare definiendo, obscuram explanare interpretando, ambigua primum videre, deinde distinguere; postremo habere regulam, quæ vera & falsa iudicentur, & quæ quibus positæ essent, quæq; non essent consequentia. Eundem in modum S. Augustinus de Ord. c. 13. eandem vocat artem, quam ratio definiendo, distribuendo, colligendo non solum digessit, sed & ab omni falsitatis irreptione defendit, hæc, inquit, docet docere. hæc docet discere, in hac se ipsa ratio demonstrat, atque aperit, quæ sit, quid velit, quid valeat; scit scire, sola scientes facere non solum vult, sed & potest. Jam sic: Totum explicat definitio tradita: ergo explicat naturam definiti.

R. D. Euseb. Amort Philosophia.

Prob. Concl. 3. in prædicatis datæ definitionis consistit essentia definiti: ergo definitio est bona. prob. ant. in illis prædicatis consistit essentia, quibus præcisè intellectus formalissimè concipitur res ut condistincta ab omni non ipsa, & quibus non intellectus non concipitur res: Sed: ergo. *m.* patet ab inductione.

Dico 2. Logica rectè dividitur 1. in Naturalem & Artificialem. 2. in Habitualem & Actualem. 3. in Analyticam, Topicam, & Sophisticam. 4. in Docentem, & Utentem.

*Logica Naturalis* est dispositio mentis secundum Dictamen rectæ rationis aptè discurrendi; consistit partim in dispositione Cerebri, partim in copia luminis naturalis. 2. terminos clarè ac distinctè comprehendendi. 3. connexionem terminorum ad invicem vel oppositionem clarè ac promptè inveniendi. 4. statum objecti ad generalia veritatis criteria, ad leges contingentium, & inde resultantem probabilitatis gradum promptè referendi.

*Logica Artificialis seu Scholastica* est ars per definitiones, divisiones, Syllogismos, & alia veritatis subsidia aptè discurrendi.

*Logica Habitualis & Actualis* ita dicuntur ab habitu aut actu Logicæ. *Habitualis* vocatur habitus seu dispositio mentis procedendi in suis discursibus juxta regulas Logicas. Talis habitus acquiritur per frequentatos actus seu exercitationem Logicam: est dispositio permanens, & reperitur etiam in dormientibus.

*Logica Actualis* nihil aliud est, quàm ipse usus Logicæ, sive dein hic usus fiat in Physica, sive Metaphysica, seu alia Scientia se actu reflectendo ad regulas Logicæ.

*Analytica* est, quæ docet Syllogismum demonstrativum per ejus resolutionem in suas partes.

*Topica* est, quæ docet Syllogismum probabilem per locos communes seu fontes argumentorum.

*Sophistica* est, quæ docet dissolvere Syllogismum captiosum indicando fallacias.

*Logica Docens & Utens* sic vocantur à doctrina aut applicatione regularum Logicæ. Quidam per Logicam *docentem* intelligunt Summulas Logicas, quia in Summulis docetur, quidquid ad acquirendas Scientias necessarium aut utile creditur. Per Logicam *utentem* verò intelligunt reliquam partem Logicæ, quæ traditur post Summulas; in hac enim parte non amplius tradantur præcepta, sed illa solum rediguntur in usum. Alii verò per Logicam *docentem* intelligunt omnia, quæcunque traduntur per decursum



Logicæ, quia in hac Logica aut docentur præcepta, aut demonstrantur Proprietates Logicæ. Hi verò per Logicam *utentem* intelligunt omnes reliquas Scientias, quia reliquæ Scientiæ utuntur præceptis Logicæ. Nos, cum penes homines arbitrium sit, loquendi verborumque potestas, nec par in parem habeat imperium, in utroque divisionem bonam esse defendimus.

5 Jam sic Prob. Conclusio: si inter hæc divisionis membra datur discrimen attentione dignum, tunc Logica sic recte dividitur: Sed. ergo. M. patet ex nostris Summulis. m. prob. illud discrimen est attentione dignum, quod servit ad finem dividendum, & ad quod actu attendunt Logici. Sed. ergo. m. patet ab Experientia. M. prob. ab autoritate Augustini Lib. de qualitate animæ c. 35. ubi sic habet: *innumerabilibus modis eadem res & appellari & dividi possunt rectissime & subtilissime. Sed tanta copia modorum utitur quisque, quo se congruenter uti existimat.*

6 Dico 3. *Tota Logica est simul docens & utens.* Prob. Conclusio: si tota Logica potest convenienter vocari *utens*, & per usum loquentium ita vocatur, tunc est *utens*: Sed. ergo. M. patet ex legibus hermenevticis. m. prob. quoad 1. membrum: si Logica utitur suis regulis, tunc potest convenienter vocari *utens*: Sed. ergo. m. prob. quia Logica non solum tradit præcepta, sed ubique per omnia membra demonstrativè discurrit.

7 Prob. Concl. 2. Logicam esse *utentem* nihil aliud est, quam considerare Logicam se ipsam, sicque demonstrando suas Proprietates se exercere in suis regulis: Sed hoc fit: ergo M. patet ex usu & arbitrio hominum sic loquentium, quorum est potestas, verbum vagæ notionis sumendi in quocunque usitato sensu. m. prob. Logica agens de objecto, de Syllogismo &c. se ipsam considerat. ergo.

8 Dico 4. *Logica est unus realiter habitus.* Prob. Conclusio: ille habitus est unus, cujus partes ex sua natura connexæ sunt per se: Sed partes Logicæ ex sua natura per se sunt connexæ: ergo. m. prob. partes Logicæ sunt 1. Ilagoge Porphyrii, seu quinque Universalia. 2. Prædicamenta. 3. Libri Perihermenias, seu de interpretatione. 4. Analytica, in qua agitur de Syllogismo demonstrativo, definitione, divisione. 5. Topica. 6. Sophistica. 7. Exercitationes Logico-Metaphysicæ. Jam sic: omnes hæc partes ex sua natura connexæ sunt. ergo. prob. ant. illæ partes per se connexæ sunt, quarum una non stat sine altera. Sed. ergo m. patet; quia nec intelligentia, nec usus unius sine altera haberi potest.

9 Prob. Concl. 2. ille habitus est unus, cujus partes plerumque uniuntur in eodem subjecto: Sed. ergo. m. patet, quia plerumque Logici omnes has partes considerant. M. prob. illæ partes, quæ plerumque uniuntur, constituunt aliquod totum per se: ergo etiam ille habitus erit unus, cujus partes plerumque uniuntur. ant. prob. illæ partes, quæ plerumque uniuntur, habent ex se ipsis, ut ad invicem ordinentur: ergo debent ordinari, & constituunt unum per se.

10 Prob. Concl. 3. ille habitus est unus, cujus partes ex sua natura ordinantur ad eundem finem: Sed partes Logicæ ordinantur ad eundem finem. ergo. m. prob. illæ partes sic ordinantur ad eundem finem, in quorum usu homines respiciunt ad eundem

finem: Sed. ergo. m. prob. homines in usu partium Logicæ respiciunt tantum ad reliquas Scientias, quas acquirere volunt; quia nullus alius finis ipsis est obviu: ergo ille finis, quia est universalis omnium, est fundatus in natura partium Logicæ. Confirmatur Concl. ille habitus est unus, in cujus partibus est unus ordo ad eundem finem ex suo genere perfectum: Sed. ergo. M. patet, quia ubi unus est ordo, ibi una est etiam ordinatio, ac consequenter omnium partium coordinatio, & eo ipso ad eundem finem subordinatio. m. prob. in Logica est unicum motivum considerandi singulas partes: ergo etiam est unus ordo; quia ordo incipit ab appetitu finis seu motivi; & ab appetitu finis se extendit ad omnia media utilia ad finem. In Logica motivum & finis est ipsum Scire seu Scientia, quæ ratione sui movet ad inquirenda instrumenta Scientiæ, adeoque ex appetitu hujus finis Logica se applicat ad considerationem omnium partium Logicæ, Prædicamentorum, Universalium, Syllogismi &c.

Prob. Concl. 4. habitus est dispositio eliciendi actus similes acquisita per frequentatos actus: Sed hæc dispositio una est in Logica: ergo. m. prob. illa dispositio una est, quæ acquiritur per actus se invicem ad eundem finem adminiculantes: Sed. ergo.

Prob. Concl. 5. Si possibilis est unus habitus, tunc datur: Sed. ergo. M. posset probari sic: si possibilis est unus habitus, qui comprehendat omnia media qualitercunque disparata ad acquirendas Scientias, tunc sagax hominum natura eo aspirare debuit, & probrosum erat viris magni ingenii quidquam intentatum relinquere, maxime cum in hac materia tantis laboribus certatum sit. m. prob. datur ars, quæ comprehendit omnia media subordinata ad bonum commune civile, quæ vocatur Politica: ergo etiam possibilis est ars, quæ comprehendat omnia media subordinata ad acquirendas Scientias; & hæc vocatur Logica.

Prob. Concl. 6. Si non probatur distinctivum partium in ordine ad diversos ultimos fines, tunc est unus habitus: Sed. ergo.

## Solvuntur Objectiones.

Objic. contrà 1. Concl. Logica non debet vocari scientia: ergo. prob. ant. si in tota Logica vix una datur Conclusio Scientifica, tunc non debet vocari Scientia: Sed. ergo. m. prob. fide plerisque conclusionibus disceptatur, tunc vix ulla datur Conclusio Scientifica: Sed. ergo.

2. Definitio Logicæ esset bona, si diceretur *Scientia docens*: ergo *scire* redundat. prob. ant. omnes reliquæ Scientiæ sunt demonstrativæ, non instructivæ: ergo ad earum distinctionem sufficeret, si diceretur *Scientia docens*.

3. Logica melius diceretur facultas aut ars: ergo non debet dici Scientia. prob. ant. certius est Logicam esse artem quam Scientiam: ergo etiam melius diceretur esse ars, quia definitiones debent esse certissimæ.

4. Hæc definitio non convenit Logicæ utenti aut naturali, ergo non convenit omni. ant. prob. Logica utens non docet sed utitur regulis.

5. Logica benè definiretur *ars cogitandi*: ergo debet præferri ea definitio.



6. Nostra definitio convenit Theologiæ & Ethicæ: ergo non convenit soli. prob. ant. Theologia maxime Moralis, & Ethica est Scientia docens scire. ergo. prob. ant. Theologia docet scire revelata divinitus, regulas morum &c. ergo.

14 Resp. ad 1. n. ant. ad prob. n. m. nam in Logica Aristotelica demonstrantur regulæ Syllogismorum, Loci topici, leges consequentiarum, modorum, reductionis &c. & in his præcipue consistit Logica: reliquæ conclusiones v. g. de Objecto Logicæ, de Universalibus, Prædicamentis &c. in quibus nulla reperitur certitudo, & nulla Conclusio Scientifica, tantum sunt adscititiæ ac secundariæ, quæ non pertinent ad essentiam Logicæ, quia non faciunt meliorem Logicum, id est, ratione sui aptiorem ad reliquas Scientias. sed tantum per accidens, in quantum per Logicam utentem acquiritur habitus applicandi regulas Logicas.

Ad 2. n. ant. quia v. g. Scientia Theologica aut Ethica æquè docent, videlicet regulas morum.

Ad 3. n. ant. denominatio enim melius sumitur à prædicato nobiliori, dum agitur de dignitate rei; v. g. si quæram, quidnam sit ille homo (ponamus esse Electorem) dicitur, quod sit Elector, & non dicitur, quod sit Musicus, etiam si reverà sit Musicus; sic etiam licet Logica sit facultas aut ars, tamen hæc prædicata sunt minus illustria, quam *Scientia*; per rationem enim artis convenit Logica cum artibus adhuc Mechanicis per Scientiam verò convenit cum illis facultatibus, quæ sunt illustriores, adeoque merito *Scientia* constituit genus propinquius.

Ad 4. n. ant. ad prob. d. ant. Logica utens non docet scire in actu reflexo tr. ant. non docet scire in actu exercito n. ant. v. g. ars pulsandi organa etiam fungitur suo officio, & docet in actu exercito, hoc vel illo modo movere digitos, dum quis actualiter pulsatur organa: habitus enim est dispositio permanens, quæ semper influit in omnes actus, & docet operari juxta regulas, idem dic de Logica naturali, aut distingue: Logica naturalis non docet scire artificialiter c. ant. non docet naturaliter n. ant. Logica enim naturalis nihil aliud est nisi dispositio mentis à primo conditore impressa, quæ mediante lumine rationis docet ordinatè discurre. Posset etiam dici, quod definitio conveniat Logicæ utenti & naturali tantum analogicè, sicut definitio hominis convenit homini tantum analogicè; sicque divisio Logicæ in artificialem, utentem, & naturalem esset tantum analogica.

Ad 5. n. ant. quia in hac definitione prædicatum differentiale non est satis clarum, nec satis specificum, nec satis nobile.

Ad 6. n. ant. ad prob. d. ant. Ethica & Theologia docet scire per modum finis ultimi & objecti proprii n. ant. per modum finis secundarii & objecti instrumentalis c. ant. v. d. aliter: docet scire ita, ut ipsum Scire sit objectum Theologiæ n. ant. ita, ut objectum ipsius Scientiæ sit objectum Theologiæ c. ant. ratio distinctionis est, quia Theologia & Ethica, dum docet conformare mores ad regulas rationis, non acquiescit in ipsa Scientia ut sic, alioquin melius discurreret circa alia objecta, in quibus majorem posset acquirere Scientiam, sed ordinat Scientiam suam vel ad praxin vel ad contemplationem Dei, adeoque non amat Scire propter ipsum scire, sicut Logica, sed utitur modo Sciendi ad alium finem prima-

rium; hinc posset distingui sic: Logica docet scire formaliter sumptum. c. ant. materialiter sumptum n. ant. nam etiam si omnes Conclusiones alicujus Syllogismi sint falsæ, optimus tamen erit Syllogismus Logicus, quia considerat formam, non materiam, id est, modum Sciendi formaliter consideratum, non materialiter consideratum.

Objic. 2. cont. 2. Concl. hæc divisio non est ad- 15 æquata. ergo. prob. ant. præter Logicam naturalem & artificialem datur insuper Logica infusa: ergo.

2. Divisio Logicæ in Analyticam, Topicam, & Sophisticam vel est actualis, vel potestativa: neutrum potest dici: ergo. prob. m. quoad 1. membrum; hæc divisio non enumerat omnes partes constitutivas Logicæ: ergo non est actualis. prob. ant. partes constitutivæ Logicæ sunt etiam Universalia, Prædicamenta, Hermenevtica seu libri Perihermeneias, methodus &c. Sed has non enumerat: ergo.

Prob. ant. etiam quoad 2. membrum. Topica, Sophistica, non participat totam rationem divisi: ergo divisio non est potestativa. prob. ant. si sola Topica participaret rationem divisi, tunc darentur plures Logicæ speciei diversæ: Sed hoc non potest dici: ergo.

3. Si Logica posset dividi in docentem & utentem te v. g. Physica esset Logica: Sed hoc non potest dici: ergo. prob. m. si Physica esset Logica, tunc ratione sui non esset Scientifica: Sed hoc non potest dici: ergo. m. prob. quia absurdum est, quod Physica tantum ratione Logicæ sit Scientifica, sicut murus ratione albedinis albus. Conf. si Logica esset utens in aliis Scientiis, tunc sola Logica faceret omnes demonstrationes possibiles: Sed hoc est falsum: ergo.

Resp. ad 1. n. ant. ad prob. d. ant. datur Logica in- 16 fusa tanquam membrum distinctum à Logica artificiali vel naturali n. ant. tanquam membrum indistinctum. c. ant. quando Deus imprimit alicui dispositionem mentis ordinatè procedendi in suis discursibus, tunc illi imprimit vel Logicam naturalem, vel Logicam artificialem, id est, vel imprimit aliquod lumen, vi cujus possit discernere verum à falso, præjudicia corrigere, & res aptè inter se combinare, vel illi imprimit notitiam regularum Logicarum, adeoque Logica infusa tantum distinguitur accidentaliter à Logica artificiali & naturali. nempe ratione causæ; non autem distinguitur essentialiter. Potest etiam distingui sic: distinguitur formaliter, concretivè, & quæ talis. c. ant. denominativè, materialiter, & quæ est talis. n. ant.

Ad 2. n. M. & dico, esse divisionem mixtam ex actuali & potestativa, in quantum hæ partes sunt partes actuales Logicæ. Sed non omnes; & simul omnes hæ partes participant definitionem divisi; nec obstat, quod in Summulis nulla facta fuerit mentio divisionis mixtæ, quia intellecta divisione actuali & potestativa etiam intelligitur, quid sit mixta.

Ad 3. c. M. n. m. ad prob. d. M. Physica non esset Scientifica formaliter considerata tra. M. realiter considerata n. M. Sicut enim Deus omnipotens formaliter consideratus, id est, quæ omnipotens, non est Sapiens, ita etiam potest dici, quod Physica quæ talis non habeat Scientiam, quia etiam si habeat notitiam infallibilem de se omnium veritatum naturalium, non tamen scit se habere notitiam infallibilem, nisi hoc illi dicat Logica demonstrando.



quod illius discursus sit juxta regulas Logicas. Ad Conf. d. Logica faceret omnes demonstrationes formaliter consideratas conc. ant. realiter consideratas n. ant. quando enim Mathematicus sic discurret: *quando interponitur Luna, sit Ecclipsis: sed nunc interponitur Luna: ergo sit Ecclipsis.* tunc Mathesis præcisè docet veritatem harum propositionum; majoris & minoris; & Logica dicit, quod detur bona connexio horum terminorum, sicque Logica perficit demonstrationem nempe formaliter sumptam, in quantum ea demonstratio resolvitur in leges Logicas.

7 Objic. 3. cont. 3. Concl. Logica docenti & utenti conveniunt prædicata contradictoria: ergo Logica docens & utens realiter distinguuntur. prob. ant. Logica utens est, quæ considerat res cum veritate, Logica docens non est, quæ considerat res cum veritate. ergo. ant. quoad 2. membrum patet; quia Logica non attendit ad veritatem propositionum, quoad 1. memb. prob. Clemens Alex. l. 3. Strom. dicit: *est autem Dialectica vera Philosophia permixta veritate res considerans.* ergo Logica docens est considerans res cum veritate.

2. Logica docens non concurrat ad actus aliarum Scientiarum; Logica utens concurrat ad actus aliarum Scientiarum. ergo. prob. ant. quoad 1. membrum: habitus non concurrunt nisi ad actus sibi proprios. ergo. ant. prob. quia v. g. habitus Musicus non concurrat ad actum Logicæ.

3. Actus Logicæ docentis pertinent ad Logicam docentem, actus Logicæ utentis non pertinent ad Logicam docentem. ergo. ant. prob. quoad 2. membrum: si actus Logicæ utentis pertinerent ad Logicam docentem, tunc actus diversæ speciei pertinerent ad eundem habitum: sed hoc est falsum: ergo m. pater; quia habitus specificantur ab actibus, & actus diversæ speciei v. g. pictoriæ & musicæ non pertinent ad eundem habitum.

4. Logica docens est Scientia; Logica utens non est Scientia. ergo. prob. ant. quoad 2. membrum; Logica utens est quælibet facultas etiam tantum probabiliter discurrens circa suum objectum v. g. Rhetorica: Sed hæc non est utique Scientia. ergo.

18 Resp. ad 1. n. ant. ad prob. d. ant. Logica utens materialiter spectata est, quæ considerat res cum veritate c. ant. formaliter spectata n. ant. Logica enim, dum concurrat ad actus aliarum Scientiarum non attendit ad materiam Scientificam, sicut instrumentum Musicum non attendit ad Musicam. Ad textum Clementis Alex. d. ant. vera Dialectica est &c. si sit Sermo de Dialectica Veterum c. ant. si sit Sermo de Dialectica Modernorum. n. ant. antiquius per Dialecticam intelligebant artem quandam specialem de qualibet re probabiliter discurrendi, quam Aristoteles tradit in topicis; & in illa arte præcipue attendebant ad vim argumentorum, non verò ad formam Syllogisticam; nunc desit illa loquax antiquitas, & solum attenditur in Logica ad quosdam modorum Syllogisticorum fasciculos, & ad figuras à veritate abstractas.

Ad 2. d. ant. Logica docens non concurrat ad actus aliarum Scientiarum formaliter considerata c. ant. realiter considerata. n. ant. Logica enim quatenus docet regulas, non discurret v. g. de motu syderum; Sed ea Logica, quæ docet regulas, etiam discurret circa motum syderum, sicque utitur suis regulis. Ad rationem additam est eadem distinctio: habitus enim non concurrunt formaliter nisi ad actus sibi pro-

prios; materialiter tamen concurrunt etiam ad alios actus; v. g. habitus charitatis concurrat ad actum Eleemosynæ, qui est actus misericordiæ, quia imperat hunc actum, licet Eleemosyna formaliter non sit actus charitatis, sed misericordiæ.

Ad 3. d. ant. Actus Logicæ utentis non pertinent ad Logicam docentem formaliter, reduplicative, concretive seu quæ talem c. ant. non pertinent ad Logicam docentem realiter ac denominative talem. n. ant. Ad rationem additam d. m. actus diversæ speciei non pertinent ad eundem habitum sub eadem ratione consideratum c. m. sub diversa ratione consideratum. n. m. etiam si enim habitus specificentur ab actibus v. g. habitus misericordiæ ab actibus misericordiæ, habitus amoris ab actibus amoris, possunt tamen diversi specie actus pertinere ad eundem habitum misericordiæ v. g. visitare infirmos, dare Eleemosynam, instruere ignorantes &c. hi enim actus considerantur sub una aliqua ac eadem ratione, procedentes ab habitu misericordiæ, in quantum scilicet sublevant miseriam alienam. Sic etiam actus Logicæ utentis & docentis sunt diversi, sed in quantum mentem preparant ad veritatem, sunt ejusdem rationis in ordine ad Logicam.

Ad 4. d. ant. Logica utens materialiter spectata non est Scientia tr. ant. formaliter spectata. n. ant. Logica utens materialiter sumpta considerat veritatem non tantum certam, sed etiam probabilem; Sed formaliter sumpta tantum considerat formam Syllogisticam, quæ infallibiliter & Scientificè, quantum est de se, concludit; imò etiam in probabilibus infallibiliter concludit, objectum esse probabile.

Urges 1. à pari. idem actus non potest simul esse 19 docens & utens: ergo etiam idem habitus non potest simul esse docens & utens. prob. conseq. ratio, cur idem actus non possit simul esse docens & utens, est, quia idem non potest objectum sui ipsius: Sed hæc ratio etiam urget circa habitum: ergo.

2. Si idem actus non potest esse utens & docens, tunc etiam complexum plurium actuum non potest simul esse docens & utens: Sed si hoc &c. etiam habitus non potest simul esse docens & utens: ergo. m. prob. habitus nihil aliud est, quam complexum plurium actuum. ergo.

3. Si Logica esset utens, tunc esset utens in hoc v. g. actu, dum dico: *definitio est oratio explicans, quod quid erat, esse rei*: Sed in hoc actu non est utens: ergo. prob. m. hic actus est tantum actus alicujus Magistri, postquam jam acquisivit habitum Logicæ: ergo in hoc actu habitus Logicæ non est utens respectu discipuli.

Resp. ad 1. tr. ant. n. c. & paritatem; disparitas 20 est, quia habitus oritur ex complexo plurium actuum continua serie sibi succedentium; cum igitur unus actus possit esse reflexus supra alium actum, poterit etiam habitus esse reflexus supra se ipsum, nempe inadæquate spectatus secundum actus regulantes poterit esse reflexus supra se ipsum inadæquate spectatum secundum actus regulatos, vel vicissim.

Ad 2. n. M. quia habitus Logicus tantum oritur ex pluribus actibus supra se ipsos reflexis, ita, ut unus actus se reflectat supra alium.

Ad 3. c. M. n. m. ad prob. n. ant. quia hic actus definitionis etiam relatè ad discipulum utitur regulis definitionis, adeoque hic actus potest inadæquate vocari Logica utens.



21 Urges 2. Si in Logica utente datur specialis difficultas, tunc etiam debet dari specialis habitus: Sed: ergo. M. patet; quia ubi datur specialis difficultas, ibi opus est aliqua speciali dispositione ad superandam illam difficultatem, quæ dispositio, cum à natura non insit, acquiri debet per artem. m. prob. qui scit regulas Logicas, non eo ipso est aptus ad argumentandum & construendos Syllogismos Scientificos: ergo datur specialis difficultas in Logica utente.

2. In qualibet arte aliud est exequi, aliud docere: ergo etiam Logica docens & utens non sunt idem. ant. patet in omnibus artibus, quæ à multis sciuntur speculative, non tamen practice v. g. Pictoria, Optica &c.

22 Resp. ad 1. d. M. Si datur specialis difficultas diversæ rationis à difficultate artis tr. M. non diversæ rationis n. M. etiam si in Logica utente detur specialis difficultas, tamen illa difficultas non est diversæ rationis à difficultate regularum, si enim clare ac distincte Logicus præsentis sibi haberet regulas, non hæreret in applicatione regularum, sed dum applicare illas regulas primum incipit, tunc primum advertit, se clare ac distincte nondum cognovisse regulas; adeoque difficultas illa non est nova, sed de novo tantum intelligitur.

Ad 2. c. ant. n. c. & parit. disparitas est, quia aliæ artes sentiunt aliquam difficultatem in executione ob dispositionem materiæ, & mediorum instrumentalium, quæ primum præparari ab artifice debent; sed in praxi operationum Logicæ nec indigemus materia, nec instrumenti, quia mens sibi semper præfens & ad omnem actum indifferens est; igitur alia re opus non est, quam notitia regularum; aut si velis dicere; etiam in Logica utente requiri specialem dispositionem materiæ v. g. cerebri, ut Nebridius apud S. Augustinum tueri voluit, dic illam difficultatem esse extrinsecam arti, non intrinsecam, adeoque Logica utens & docens est prorsus ejusdem rationis secundum se, licet una patiatur difficultatem, ob dispositionem materiæ v. g. cerebri, quæ pertinet ad complementum & perfectionem artis.

23 Objic. 4. cont. 4. Concl. ille habitus non est unus cujus non est eadem causa, idem finis, eadem adjuncta: Sed Analytica, Topica &c. non est eadem causa &c. ergo. m. prob. hæ partes Logicæ sunt tantum à diversis authoribus in unum doctrinæ corpus compilatæ; v. g. methodum definiendi docuit Socrates & Plato; Syllogismum Aristoteles; Methodum Recentiores; Finis Syllogismi Analytici est demonstratio, finis Syllogismi Topici est probabilitas: rursum Topica tantum adhibetur ad artem Rhetoricam: Prædicamenta adhibentur ad differendum de omni re modo generali quodam.

2. Metaphysica non est idem habitus cum Logica: ergo moderna Logica non est idem secum ipsa. prob. conseq. Metaphysica migravit in Logicam; ergo.

3. Logica Platonica definitiva & divisiva patitur specialem difficultatem diversæ rationis à Logica Aristotelica: ergo. prob. ante Logica Platonica definitiva consistit in modo inductionum extrà formam Syllogisticam, quam vix tenuiter assequuntur Aristotelici: ergo.

4. Ille habitus non est unus, cujus non est idem

objectum formale: Sed: ergo m. prob. objectum formale Analyticæ est forma demonstrativa; objectum Topicæ est constructio probabilis, & Sophisticæ dissolutio Sophismatum: ergo.

5. Theologia Speculativa & practica non est idem habitus: ergo nec Logica docens, & utens.

6. Si datur habitus Logicus sine Topica & Sophistica, tunc habitus Logicus non est idem cum Topica & Sophistica: Sed: ergo m. prob. multi dantur Logici, qui ignorant Locos Topicos, & Sophisticos, & tamen habent habitum Logicum. ergo.

7. Cantus Gregorianus non pertinet ad eundem habitum cum cantu figurali: ergo neque habitus Logicæ modernæ ad habitum Logicorum Veterum, quia est longè major diversitas circa hunc, quam illum.

Resp. ad 1. c. M. n. m. ad prob. d. ant. non est 24 eadem causa totius Logicæ physice spectata. c. ant. moraliter spectata n. ant. idem dic de fine & adjunctis Logicæ. Logica est aliquod unum compositum morale comprehendens omnes differentias temporum, causarum, & circumstantiarum ad eundem finem & habitum Logicæ completum ac perfectum tendentium; igitur etiam si diversæ partes Logicæ coadunentur diversis temporibus, & ex diversis finibus immediatis, moraliter tamen transeunt in unum habitum ex omnibus partibus adquate spectatis resultantem.

Ad 2. c. ant. n. c. ad prob. d. ant. Metaphysica migravit in Logicam, ita, ut incipiat esse de Logica. n. ant. ita tantum, ut sit in Logica c. ant. sic v. g. dantur aliqui Comitatus in Bavaria, qui tamen non sunt de Bavaria; ita dic de Metaphysicis materiis in Logica.

Ad 3. d. ant. Logica Platonica patitur specialem difficultatem ejusdem rationis cum habitu Logico c. ant. diversæ rationis. n. ant. habitus enim Logicus pro invenienda veritate ex omni parte innumeras debet superare difficultates; sed si negligatur una vel altera difficultas, non propterea desinit esse habitus Logicus; sicut ille, qui negligit unum vel alterum actum misericordiæ specialiter arduum, propterea non desinit habere habitum misericordiæ.

Ad 4. c. M. n. m. ad hujus prob. n. ant. vel d. ant. demonstratio est objectum Analyticæ, & Probabilitas Topicæ secundum suum esse materiale n. ant. secundum suum esse formale c. ant. aliud est demonstratio, aliud forma demonstrativa; demonstratio etenim formaliter sumpta & forma demonstrativa idem sunt, & sic sunt objectum Analyticæ.

Ad 5. c. ant. n. c. disparitas est, quia Logica utens non patitur specialem difficultatem diversæ rationis ad suum finem immediatum, sicut Theologia practica relatè ad speculativam; Theologia enim Speculativa considerat divina, in quantum mentem dirigunt ad rectam fidem; Practica verò considerat divina, in quantum mentem dirigunt ad actiones bonas; & hæ duæ directiones tanquam fines ex suo genere perfecti in æstimatione & attentione morali hominum diversæ sunt; illud enim finem ex suo genere perfectum voco, qui vel petit dividi ex sua natura, vel ex usu ac consuetudine hominum solet dividi à quocunque alio fine.

Sic



Sic enim aliqui se applicant tantum Theologia Morali, alii Theologia Speculativa, & ambo creduntur in suo genere perfecti.

Ad 6. c. M. d. m. habitus Logicus inadæquatè spectatus non est idem cum his c. m. adæquatè spectatus n. m. habitus Logicus potest comprehendere plurimas perfectiones, non est tamen necesse, ut actu comprehendat omnes, & in hoc casu verum est, habitum Logicum in statu perfecto consideratum non esse idem secum ipso considerato in statu imperfecto; Sicut Petrus dexter non est idem cum Petro sinistro, & status Monachorum Veterum non est idem cum statu modernorum Monachorum videlicet concretivè.

Ad 7. tr. ant. n. c. disparitas est, quia habitus Logicus ex sua natura inclinatur ad omnia media Logica, etiam si non necessario omnia media comprehendat, quia saltem conatur ad statum perfectum; econtrà habitus, ad quem pertinet cantus figuralis, non ex sua natura inclinatur ad cantum Gregorianum.

## QUÆSTIO II.

### Quale sit Objectum Logica?

I.

#### Quid & quotuplex sit Objectum?

Occurrunt iterum tot vocabula sublimioris Latinitatis, ut integro haberemus opus Lexico; horum aliqua sunt sequentia:

1. Objectum materiale & formale.
2. Objectum attributionis & attributum seu instrumentale.
3. Objectum primum & secundarium.
4. Objectum adæquatum & inadæquatum.
5. Finis artis; finis operantis, finis operis, finis qui, finis cui &c.
6. Materia ex qua; materia circa quam, materia in qua, materia proxima, remota,

1. *Objectum* vocatur, quod consideratur ab aliqua potentia cognoscitiva v. g. Objectum artis pictoriæ est imago; Medicinæ objectum est corpus humanum; Objectum Statuariæ est statua.

2. *Objectum materiale* vocatur, circa quod versatur aliqua potentia, sic, ut attingatur propter aliud v. g. objectum materiale Sutoriæ est corium, quia attingitur propter aliud, videlicet propter formam calcei; similiter objectum materiale Pictoriæ sunt colores; objectum materiale Statuæ est lignum, quia circa colores & lignum hæc artes versantur, non propter ipsos colores aut lignum. Sed propter formam, quæ ex hac materia resultat.

3. *Objectum formale* vocatur, quod ratione sui attingitur à potentia v. g. forma calcei est objectum formale Sutoriæ, forma imaginis & ligni est objectum Pictoriæ & Statuariæ. Sanitas est objectum formale Medicinæ, quia Sutoria considerat corium propter formam calcei, Pictoria colores ob imaginem; Medicina corpus humanum ob sanitatem; & hæc sanitas, hæc forma ligni, imaginis, corii, attinguntur propter se.

*Objectum attributionis* vocatur, ad quod omnia ordinantur, quæcunque considerantur ab aliqua potentia v. g. imago est objectum attributionis Pictoriæ, quia Pictor colores, penicillum, & omnia reliqua artis considerat in ordine ad imaginem; ad hanc omnia sua instrumenta & objecta ordinat.

*Objectum attributum seu instrumentale* vocatur, quod consideratur ab aliqua potentia in ordine ad objectum attributionis; sic pictor considerat penicillum non ratione sui, sed in ordine ad imaginem tanquam ad objectum attributionis.

*Objectum primum* vocatur, quod est nobilius objectum attributionis v. g. in arte pictoria objectum attributionis est aliqua imago hominis vel per delineationem calami, vel per inductionem colorum facta; nobilius tamen est objectum imago colorata, quam delineata.

*Objectum adæquatum* vocatur collectio omnium artefactorum sive sint primaria, sive secundaria, sic in arte Pictoria objectum adæquatum attributionis sunt omnes imagines, & delineationes, & species eorum.

*Objectum inadæquatum* attributionis vocatur quodlibet artefactum in particulari v. g. quælibet imago, quælibet delineatio.

*Finis artis* vocatur, ad quem referuntur omnia media & instrumenta & actiones in arte reperiabilia v. g. imago est finis qui Pictoriæ, quia omnes lineæ & ductus ad imaginem referuntur.

*Finis operis* vocatur, ad quem ordinatur ipsum artefactum v. g. imago ordinatur vel ad cultum divinum, vel ad cultum politicum, vel ad ornamentum domus &c. datur quidem interdum aliquis finis operis per se & ex natura sua talis, quando artes sunt tantum ministeriales v. g. ars Ephippiaria ephippium per se ordinat ad equitandum & artem equestrem: hic finis propriè dicitur esse finis operis; finis aliorum operum v. g. imaginis ad ornamentum domus est tantum finis ordinantis, finis extrinsecus operi, non intrinsecus; & si ille finis cédatur in utilitatem artificis, vel alterius, vocatur finis cui. Universaliter finis operis simpliciter potest vocari is, ad quem opus magis ordinari natum aptum est.

*Finis operantis* vocatur, quem artifex sibi ipsi constituit v. g. conservatio vitæ ex pretio operis; & talis finis est prorsus extrinsecus arti.

*Materia ex qua* vocatur, ex qua artefactum constituitur v. g. materia ex qua statuæ est lignum, quia ex ligno statua constituitur: hæc materia semper debet esse pars constitutiva operis.

*Materia in qua* vocatur id, in quo artefactum conficitur v. g. materia in qua Musicæ est aer, quia in aère fit artificiosa vocum combinatio: sic etiam materia Saltatoriæ in qua sunt pedes, quia compositio motuum fit in pedibus.

*Materia*



- 14 *Materia circa quam vocatur id, circa quod ver-*  
*latur nuda speculatio sine praxi v. g. omnes*  
*res sunt objectum Rhetoricæ circa quod, quia*  
*Rhetorica loquitur de omni re, sed specu-*  
*lando, non immutando aliquid in rebus.*  
*idem dic de Physica.*
- 15 *Materia remota vocatur, quæ primùm indiget mul-*  
*tis dispositionibus ad hoc, ut introducatur*  
*forma artis v.g. arbor est materia remota Sta-*  
*tuariæ.*
- 16 *Materia proxima est, quæ paucis indiget dispositio-*  
*nibus ad formam; potest enim dici, quod*  
*materia remota sit quasi materia prima, &*  
*materia proxima sit quasi materia secunda,*  
*v.g. gleba terræ est materia remota domus,*  
*quia ex illa fiunt lateres, & ex lateribus pri-*  
*mum fit domus; igitur lateres erunt mate-*  
*ria secunda domus, id est, talis materia,*  
*quæ jam habet aliquam formam ab arte in-*  
*troducendam, licet nondum habeat formam*  
*introducendam ab Architectonica.*
- 17 *Objectum artis describitur sic: Objectum artis est opus*  
*artificialiter bonum, compositum, completum,*  
*& pars potestativa univoca objecti adequati.*  
*Per opus artificialiter bonum intelligunt illud*  
*opus, quod elaboratur ab arte: Per totum com-*  
*positum volunt indicare, quod objectum ar-*  
*tis non possit aliquid esse simplex, quia sim-*  
*plicia nullius perfectionis, mutationis,*  
*adeoque nec artificialis operationis sunt ca-*  
*pacia: Completum esse volunt, quia, nisi*  
*opus perducat ad finem, nondum quies-*  
*cit habitus seu intentio artis. Denique debet*  
*esse pars constitutiva univoca, quia calceus*  
*utique debet participare definitionem calcei,*  
*qui est adequatum objectum Sutoriæ potesta-*  
*tivè comprehendens omnes calceos. Hæc est*  
*descriptio objecti attributionis inadæquati in*  
*artibus.*
- 18 *Objectum materiale artis describitur sic: quod sit id,*  
*cujus compositione partium totum artefactum con-*  
*surgit, quia artifex nil aliud agit, nisi ut di-*  
*versas partes debita coordinatione in unum*  
*compositum colligat, v.g. ex diversis voci-*  
*bis rite inter se coordinatis oritur harmonia,*  
*quæ est objectum Musicæ.*
- 19 *Objectum formale artis describitur sic: quod sit ipsa*  
*combinatio partium; quia v.g. combinatio di-*  
*versarum vocum tribuit vocibus harmoniam,*  
*& ratione hujus combinationis eliguntur*  
*omnia media, & in ipsa harmonia quiescit*  
*habitus & intentio Musicæ. Hæc quæ dixi-*  
*mus, sunt tantum vocum definitiones, nunc*  
*addam ea, quæ circa objectum materiale*  
*& formale magis attentione digna sunt.*
- 20 *Ad naturam, essentiam, ac proprietates Objecti*  
*materialis requiruntur sequentia in artibus.*
1. Objectum materiale debet esse pars compositi  
 artificialis, quia est *materia ex qua*, ut patet ab in-  
 ductione v.g. corium est pars calcei.
2. Illud non est objectum materiale, quod nul-  
 lam subit mutationem intrinsecam seu sibi inhæren-  
 tem; id probatur ex eo, quia omne objectum ma-  
 teriale non controversum subit talem mutationem;  
 v.g. corium immutatur à Sutore; sed astra non im-  
 mutantur à Mathematico.
- R. D. Euseb. Amort Philosophia.
3. Illud non est objectum materiale, in cuius 22  
 mutatione aut combinatione nulla datur difficultas;  
 probatur iterum ab inductione & à ratione; quia  
 omnis materia ad formam disponi debet, & illa dispo-  
 sitio sine aliqua difficultate non introducit eo ipso,  
 quod illa dispositio non sit connaturalis materiæ, v.g.  
 hoc non est connaturale corio, ut se ipsum mutet in  
 formam calcei; nec hoc facile est cuivis homini, sed  
 requiritur ars.
4. Objectum materiale præsupponitur ad opus 23  
 vel prioritatem temporis vel prioritatem naturæ; nihil  
 tamen interest, si illa materia fiat ab ipsa arte seu  
 ab alio. Sic Statuaria non conficit sibi lignum, Mu-  
 sica tamen sibi conficit voces. si verò Sutoria sibi con-  
 ficeret corium, præcederet alia ars in Sutoria nempe  
 Coriaria. Probatur ab inductione & ratione; quia  
 ars potest exercere suas regulas circa aliquod subje-  
 ctum sive illud subjectum fiat ab ipsa arte sive ab  
 alio.
- Hoc tamen adverti debet, si qua materia fiat  
 ab ipsa arte, quod in productione illius materiæ nul-  
 la debeat reperiri difficultas superabilis ab arte, alio-  
 quin ad superandam illam difficultatem deberent  
 præcedere aliæ regulæ, quæ pertinerent ad aliquam  
 artem præviam ministerialem, & sic procederetur in  
 infinitum.
5. Illud est objectum materiale, quod immédia- 24  
 tæ recipit mutationem artis ex intentione artis, & ex  
 cuius mutatione primùm infertur mutatio alterius  
 resultans ex operatione artis: quando enim dantur  
 plura objecta materialia, quorum quodlibet mu-  
 tatur ab arte, tunc illud est præferendum, in quo ra-  
 tione sui reperitur actio artis, v.g. in arte Musica ex  
 mutatione immediata vocum per consequentiam Lo-  
 gicam benè infertur prævia mutatio linguæ & oris  
 & mutatio aëris: Sed ars tantum intendit immédia-  
 tam mutationem vocum ratione sui, & si hanc obti-  
 nere posset sine mutatione aëris, linguæ, oris, hanc  
 mutationem non produceret in ore ac lingua.
6. Quando adsunt plura objecta, quæ possint 25  
 participare rationem objecti materialis. aut quando  
 nulli determinato objecto conveniunt characteres  
 certi objecti materialis ex acceptance hominum re-  
 cepti, illud habendum est pro objecto materiali; ad  
 quod homines respiciunt, seu ad quod suam atten-  
 tionem referunt; quia denominatio objecti materia-  
 lis est quædam impositio nominis, in qua arbitrio  
 hominum relinquitur, cuiam rei & quibusnam  
 characteribus vestitæ illud nomen seu denomina-  
 tionem imponere velint. v.g. in Musica posset pro  
 objecto materiali assignari vel sonus, vel vox, vel or-  
 ganum, nempe guttur aut instrumentum, vel deni-  
 que aër percussus. si non reperio, quæ proprietates  
 objecti materialis uni ex his notabiliter magis con-  
 veniant, quàm alteri, dico, esse liberum homini-  
 bus, quodcunque ex his velit, habere pro objecto  
 materiali.
7. Illud est objectum materiale, in quo omnia 26  
 objecta materialia conveniunt; quia, quod omni-  
 bus inest, ex natura rei inest, & quod omnibus  
 convenit, non convenit accidentaliter, sed essen-  
 tialiter. v.g. omnia objecta materialia lignum, co-  
 rium &c. in hoc conveniunt, quod mutantur ab arte;  
 ergo hæc erit proprietas & character objecti mate-  
 rialis.
8. Illud est objectum materiale, quod proximè 27  
 simi-



similitudine accedit ad materiam propriissimè talem nempe ad Physicam. Quia, quod simillimum est Analogato primario; illud pro Analogato secundario haberi debet. Est autem materia Physica seu compositorum naturalium talis naturæ, ut causet compositum tunc primum, quando est disposita ad formam, seu quando habet materia privationem formæ; adeoque objectum materiale vi hujus Analogiæ necessariò debet recipere dispositiones ad formam, & quando recepit omnes dispositiones ad formam requiritas, tunc primum fit materia seu objectum materiale per se. Possèt hic locus etiam sic construì: illud est objectum materiale, quod proximè est dispositum ad formam seu ad constituendum unum totum cum forma. v.g. in Musica priùs disponitur guttur, dein per guttur percutitur ac disponitur aër; ex aëre percussio prodit vox; ex vocibus ritè coordinatis prodit harmonia, itaque vox est proximè dispositum ad formam.

28 9. Illud est objectum materiale, quod ab eodem recipit dispositiones, à quo recepit formam; ratio est, quia idem artifex, qui introducit formam, etiam disponit materiam, v.g. Sutor disponit corium, & introducit formam calcei.

29 10. Illud non est objectum materiale, quo non habito adhuc formaliter habetur artefactum; ratio est, quia materia est pars artefacti, adeoque in suo conceptu formali venire debet. Cæterum illud non venit in conceptu formali artefacti, quod non necessariò sentio obversari menti in recto, dum concipio artefactum, seu id, ad quod concipiendo artefactum possum attendere vel non attendere, seu id, ad quod considerandum nec finis artis nec autoritas cogit. v.g. dum concipio harmoniam, ne cogito de gutture necessario, nec de aëre, sed solum de vocibus ordinatis. Quando est quæstio, ad quidnam homines respiciant, seu ad quid attendant, id colligi poterit ex sequentibus. 1. Ad id præsumuntur respicere, ad quod convenientius respiciunt; convenientius verò respiciunt ad id, quod est magis celebre, aut à quo doctrinæ Systema dependet. 2. quod est connexum cum melioribus. 3. quod propius attingit radicem proprietatum in arte reperibilium. 4. quod habet clariorem connexionem cum omnibus attributis artis. 5. quod est connexum cum ideis utilioribus vel ex consuetudine vel ex natura sua talibus. v.g. in Musica possent homines attendere ad guttur, aërem, vocem, sed ad guttur non convenienter respiciunt, quia pro gutture difficulter traduntur regulæ. 2. nec guttur est objectum connexum cum Theoria aut praxi aut encomiis Musicæ. 3. nec in gutture resident sensibilibiter proportionibus & proprietates Musicæ, acutum, grave, suave &c. 4. Compositiones Musicæ, quæ sunt attributa artis & cantilenæ non dirigunt guttur, sed sunt pro vocibus. 5. naturam gutturis difficulter attinges, sed non vocum. 6. artificum attentio jam fertur tantum ad voces.

30 *Objectum formale est*

1. quod magis pronum est recipi à materia.
2. ad quod magis materia est disposita; quia quod pronum est fieri, regulariter fit; & quod facilius fit, præsumitur fieri.
3. id, cujus materia magis est capax.
4. id, quod magis convenit cum formis propriissimè talibus seu naturalibus.

5. id ratione cujus attinguntur omnia in arte reperibilia seu id, in quo habitus quiescit.

6. id, quo solo non concepto non concipitur totum formaliter artefactum, & quo concepto positis reliquis formaliter concipitur totum.

7. id, quod est præcipuum & radix omnium proprietatum in arte reperibilium, quia omnia accidentia rei consequuntur formam.

8. id, ad quod homines attendunt seu respiciunt, dum loquuntur de arte: respiciunt verò ad id, ad quod convenientius possunt respicere: & quod illis magis obvium est eo modo, quo est obvium.

9. id, cujus existentia certa est, quia objectum artis præsupponitur ad artem.

10. id, ad quod respicit artifex in usu mediorum, seu ad quod refertur consideratio & attentio mediorum: quia artifex semper attendit ad finem artis, adeoque id, quod artifex non sentit sibi obversari menti, dum operatur, non est objectum formale artis. v.g. in Pictoria forma potius est combinatio colorum quàm splendor colorum; illa enim facilius recipitur à coloribus quàm iste. 2. ad illam colores sunt magis apti. 3. per combinationem explicantur proprietates artis, non per splendorem &c.

## Q U Æ S T I O III

### *An voces sint objectum materiale Logica?*

Okamus Princeps nominalium plurimarum vocum novarum author cum suis asseclis vult voces considerari à Logica tanquam objectum principale, quia in suis Summulis putat consistere totam Logicam; in iis verò nihil reperiri nisi definitiones vocum. Huic facile adstipulantur Neoterici, qui totam Philosophiam Peripateticam nihil aliud esse putant quàm Lexicon barbarorum Nominum. Negari non potest in Logica plurimas esse definitiones vocum, adeo, ut tota Logica Summulistica vix videatur esse aliud quàm Lexicon Philosophicum. Imprimis enim Summulæ agunt de termino mentali & vocali. 2. de signis & vocibus earumque significatione in libris Perihermenias. 3. de terminorum suppositione, ampliatione, restrictione &c. quæ omnia sunt tantum proprietates vocum, non conceptuum. 4. de æquivocis, univocis, analogis concretis &c. de his & aliis pluribus vocibus agit Logica, & quidem ex officio proprio, non ex instituto Grammaticæ; quia licet Grammaticæ munus sit explicare voces, tamen ex instituto solum agit de vocibus usitatis in locutione communi, non verò de usitatis in aliis Scientiis: hinc nemini vitio vertitur, si post absolutam Grammaticam ignoret terminos Logicos. Interim tamen credimus, voces ad eam dignitatem non assurgere, ut Logica multum attentionis ad eas referre debeat.

Dico: *Voces non sunt objectum materiale Logica ne quidem partiale.* ita communis, licet è Recentioribus multi inclinent ad oppositum.

Prob. 1. Autoritate S. Augustini & D. Thomæ: Si Logica est rationis Scientia, tunc illius objectum non sunt voces; Sed: ergo. prob. m. S. Augustinus l. 2. contra Academicos vocat Logicam *rationis Scientiam*; & ait: *non vocabulorum opificem, sed rerum inquir-*



*inquirentem oportet esse Sapientem.* S. Thomas verò in pluribus locis docet; *Logicam versari circa actus rationistanquam circa propriam materiam*; ut infra videbimus. ergo.

3 Prob. 2. Si datur aliqua Logica, cujus objectum non sunt voces, tunc nullius Logicæ objectum sunt voces: Sed ergo. *m. patet*; quia, quod est de essentia, est de essentia omnium singularium sui generis. *m. prob. in muto & surdo a nativitate, & in anima separata datur Logica: sed hujus objectum non sunt voces: ergo.*

4 Prob. 3. Voces non sunt objectum aliarum Scientiarum: ergo neque Logicæ. consequentia prob. etiam aliæ Scientiæ eo modo agunt de vocibus, sicut Logica: ergo si voces non sunt objectum aliarum Scientiarum, tunc neque Logicæ: ant. prob. omnes aliæ Scientiæ plurimas habent definitiones vocum, maximè Mathesis v. g. definiendo lineam, punctum, triangulum &c.

5 Prob. 4. Illud non est objectum Logicæ, per quod Logica non constituitur in esse artis instrumentalis ad alias Scientias: Sed per voces non constituitur Logica in esse artis ministerialis ad alias Scientias: ergo. prob. *m.* Logica non potest dirigere reliquas Scientias per voces, sed per solos conceptus & modos sciendi mentales: ergo ant. prob. Scientiæ non consistunt in vocibus: ergo neque formaliter diriguntur per voces.

6 Prob. 5. Si voces essent objectum Logicæ, tunc etiam scriptura esset objectum: Sed: ergo. *m. prob.* Scriptura æque refert operationum mentalium artificium ac voces, & ex altera parte plures addiscunt Scientias per libros scriptos quàm per voces Magistrorum: ergo.

7 Prob. 6. Si voces essent objectum materiale, tunc voces rite coordinatæ essent objectum attributionis, & Logica deberet de iis agere tanquam de fine suo: Sed non agit de iis tanquam de fine suo: ergo *m. prob.* si voces tantum sunt medium exprimendi conceptus Scientificos, tunc Logica non agit de iis tanquam fine suo: Sed: ergo *M. prob.* si tantum sunt medium conceptus Scientificos exprimendi, tunc jam præsupponitur in mente integer Syllogismus mentalis v. g. & ille Syllogismus mentalis poterit esse finis Logicæ: Sed si potest esse, tunc est: ergo. *m. patet*; quia quælibet potentia ibi primo quiescit, ubi primo potest quiescere.

8 Prob. 7. Conceptus sunt analogatum primum, & voces sunt analogatum secundarium: ergo voces non sunt objectum artis: prob. consq. in omnibus aliis artibus analogatum secundarium non est objectum artis. ergo ant. prob. sic: v. g. in arte Architectonica figura domus in charta vel ligno expressa non est objectum Architectonicæ, sed ipsa domus, quæ per illum modulum ac figuram exprimitur. Similiter in Architectonica militari & Mathesi non sunt objectum munitiones Urbium v. g. in Papyro descriptæ; nec cælum papyraceum est objectum Mathesis; quia hæc omnia tantum sunt signa objecti principalis, sicut voces sunt conceptuum, seu earum passionum, quæ in anima sunt, notæ.

## Solvuntur Objectiones.

9 Obic. 1. Etymologia Logica sumitur à vocibus: ergo etiam ipsius objectum sunt voces. ant. prob. *R. D. Euseb. Amori Philosophia.*

Logica Scientia sermocinatrix dicitur à græco nomine *λογος*, quod sermonem significat.

2. Introductio Logicæ inscribitur de vocibus: ergo tota Logica tractat de vocibus, quia liber suo titulo respondere debet. ant. prob. Isagoge Porphyrii, in qua agitur de quinque prædicamentis, inscribitur de vocibus: ergo.

3. Omnes modi sciendi ab Aristotele definiuntur per hoc, quod sunt voces; ergo sicut modi sciendi sunt objectum, ita etiam voces erunt objectum Logicæ. ant. prob. omnes modi sciendi ab Aristotele dicuntur esse *oratio*: ergo definiuntur per voces, quia oratio est vox significativa ad placitum.

4. Aristoteles sibi pro objecto constituit voces: ergo sunt objectum Logicæ. ant. prob. Aristoteles libros Perihermenias inscribit *de interpretatione*: ergo sibi pro objecto constituit voces, quia omnis interpretatio utique est vocum interpretatio. Confirmatur: Aristoteles lib. 1. Perih. c. 1. expresse negat se agere de conceptibus: ergo tantum agit de vocibus. ant. prob. Aristoteles loco cit. dicit: *De his verò (scilicet conceptibus) dictum est in iis (libris) qui sunt de anima*: ergo.

5. In libris Topicorum traditur tota Logica: sed objectum Topicæ sunt voces: ergo *m. prob.* Objectum Topicæ est ars disputandi: ergo Objectum Topicæ sunt voces, quia ars disputandi constituitur per voces: ergo.

6. Illud est objectum materiale Logicæ, de quo immediate ac directè loquuntur regulæ illius: Sed: ergo. prob. *m.* de illo loquuntur regulæ Logicæ, de quo convenientius possunt loqui: Sed convenientius possunt loqui de vocibus: ergo. *m. prob.* si immediate loquuntur de vocibus, tunc loquuntur de re notiori; adeoque datur major facilitas, & tamen datur simul eadem utilitas. ergo. ant. quoad 3. memb. prob. quia conceptus infallibiliter sequuntur ad voces: ergo est eadem utilitas, siue agamus de vocibus, siue conceptibus.

7. Illud est objectum materiale Logicæ, quod est capax recipiendi formam Logicam: Sed hæc sunt voces: ergo. *m. prob.* forma Logica est directio Syllogistica &c. Sed hujus sunt capaces voces: ergo.

Resp. ad 1. n. ant. vel d. ant. Etymologia Logica sumitur à vocibus internis. tr. ant. externis. n. ant. græcum nomen *λογος* æque significat sermonem internum, ac externum, ut S. Augustinus pluribus locis demonstrat. Deinde concessio antecedente posset negari Consequentia; quia Etymologia artis non necessario sumitur ab objecto materiali artis, ut patet ab inductione. v. g. Sutoria & Sartoria dicuntur à consuendo & sarciendo, nec tamen consistere est objectum materiale aut formale artis. Musica denominatur à Musis, quæ tantum sunt inventrices; Politica à Πόλις, Urbs &c.

Ad 2. d. ant. inscribitur de vocibus internis c. ant. externis. n. ant. vel simpliciter posset negari ant. quia hanc inscriptionem non præfixit Porphyrius, sed alius ineptus Logicus; denique posset etiam dici, quod hæc introductio non referatur ad totam Logicam, sed tantum ad aliquam partem Logicæ nempe ad Prædicamenta, in quibus ferè nihil aliud occurrit, nisi vocum explicatio.

Ad 3. n. ant. ad prob. d. ant. dicuntur esse oratio mentalis. c. ant. vocalis. n. ant. hujus rei sequens potest afferri argumentum: ea, quæ conveniunt modo



sciendi Aristotelico, non conveniunt orationi vocali: ergo tantum debent intelligi de oratione mentali. ant. prob. Propositio v. g. dicitur oratio affirmativa vel negativa unius de alio, & Syllogismus dicitur oratio, in qua quibusdam positis aliud quidpiam necessario accidit, eo quod haec sint: atqui haec non conveniunt orationi vocali, sed tantum mentali: ergo. *m. prob.* affirmatio & negatio unius de alio vocalis non participat proprietates propositionis, quia in oratione vocali non reperitur veritas vel falsitas tanquam in analogato primario, sed tantum in conceptibus. Similiter in Syllogismo vocali praemissae vocales non necessario trahunt post se Conclusionem vocalem; sed ea necessitas tantum reperitur in conceptibus, adeoque etiam definitio tantum debet referri ad conceptus. Confirmatur: illum Syllogismum definit Aristoteles, qui gignit Scientiam: Sed tantum Syllogismus mentalis gignit Scientiam; ergo *m. prob.* ex 8. Top. ubi Aristoteles dicit, quod Syllogismus mentalis seu ratiocinationes gignant Scientiam.

¶ Dices: Aristoteles loquitur de illa oratione, quam prius definiit: Sed prius orationem definivit, quod sit vox significativa ad placitum: ergo. Resp. n. M. praesumptio, quod author constanter sumat terminum in eodem sensu, tunc solum procedit, quando terminus non est equivocus, aut analogus: in praesenti difficulter mihi probabis intentionem Aristotelis soli Aristoteli notam: vox *Oratio* est terminus analogus aut equivocus, potuit Aristoteles eam sumere in utroque sensu, adeoque a priori notum non est, quod illam sumpsit potius in hoc vel illo sensu. Igitur recurrendum est ad regulas generales Hermeneuticas, & dicendum, Aristotelem sumpsisse hunc terminum in eo sensu, quem primum erat verbo subicere ob subjectam materiam seu in illo sensu, ad quem primum erat respicere. Jam vero subjecta materia seu natura Syllogismi, de quo loquitur, refertur potius ad conceptum mentalem, quam orationem vocalem: ergo. Ceterum quod illa vox *oratio* sit terminus analogus aut equivocus, patet ex ipsis libris Aristotelis, dum hanc vocem aliquando sumit pro voce significativa, ut in libris Perihermenias; alibi pro probatione, ut in Top. 3. alibi pro argumentatione vel conceptu.

Ad 4. dico, Aristotelem agere de interpretatione vorum tanquam objecto attributo seu instrumentali, sicut aliae artes agunt de suis instrumentis tanquam de objectis attributis; nam voces sunt instrumentum conceptuum; & hoc testatur Porphyrius, dum apud Boethium ait: unam causam esse, cur Aristoteles egerit de vocibus, ut sciremus, quid per illas nobis significetur, cum veterum Philosophorum hac de re fuerint diversae Sententiae. Ad Confirmationem, qua dicitur Aristoteles egisse de conceptibus in libris de Anima, d. ant. egit in libris de Anima in sensu inclusivo, aut abstractivo. c. ant. in sensu exclusivo n. ant. Aristoteles dicit se etiam ibi egisse de conceptibus, non dicit se ibi tantum egisse de conceptibus. vel d. ant. sic: egit in libris de Anima de conceptibus Physice. c. ant. Logice. n. ant. Aristoteles tantum vult dicere, se in libris de Anima etiam egisse de conceptibus, ita tamen, ut ibi tantum explicaverit naturam conceptuum, non vero eorum aptitudinem ad construendum Syllogismum vel definitionem vel relate ad veritatem & falsitatem conceptuum, prout considerantur conceptus in Logica.

Ad 5. d. M. Tradit artem disputandi secundum id, secundum quod disputatio est capax artis. c. M. secundum id, secundum quod non est capax artis. n. M. vel distingo sic: Aristoteles tradit artem disputandi tanquam objectum attributum, aut tanquam finem operis c. M. tanquam objectum attributionis aut finem artis. n. M. Ars disputandi tantum patitur difficultatem in recta dispositione conceptuum & propositionum mentalium, postquam autem in mente propositiones recte sunt dispositae, nulla superest difficultas conceptus suos exprimendi vocibus. Vel potest dici, quod ars disputandi tanquam utilis ad exercitationem conceptuum sit aliquod objectum attributum, in quantum est occasio excitandi conceptus & stimulus cogitandi, & eatenus serviat ad dirigendam mentem & operationes mentis; vel potest dici: quod ars disputandi sit finis operis & artefacti Logici saltem secundarius, quia nostros conceptus ordinamus ad conversationem & discursus de quavis re instituendos, licet principaliter non ordinentur ad loquendum cum aliis, sed ad instructionem & cognitionem propriam.

Ad 6. d. M. Illud est objectum Logicae, de quo immediate loquuntur regulae Logicae tanquam de objecto attributionis c. M. de quo regulae loquuntur tanquam de objecto instrumentali. n. M. verum quidem est, quod regulae Logicae plerumque loquantur de vocibus, quia voces sunt tyronibus notiores, sed ipsae regulae ordinant notitiam vorum ad rectitudinem conceptuum; sicut Architectus prius discipulis in tabula describit domum, quam sic descriptam ordinat ad veram domum, quae est objectum Architectonicae. quod autem haec artes analogatum secundarium ordinent ad analogatum primum, patet ex subjecta materia, quia sic debet ordinari saltem convenienter.

Ad 7. d. M. Illud est objectum materiale, quod est capax formae Logicae immediate, directe ac principaliter c. M. quod tantum est capax formae Logicae mediate, directe & secundario. n. M. clarum est, quod dispositio vorum dependeat a dispositione conceptuum; igitur rectitudo locutionum tantum consequitur ad rectitudinem conceptuum, in quibus forma Logicae seu recta coordinatio immediate ac directe recipitur; in vocibus vero tantum recipitur consecutive sine ulla nova difficultate.

Objic. 2. Illud est objectum Logicae, per quod constituitur modus sciendi: Sed modus sciendi constituitur per voces: ergo. *m. prob.* quia per voces docemur Scientias.

2. Syllogismus vocalis etiam est finis Logicae: ergo voces sunt objectum Logicae. ant. prob. ars disputandi intenditur a Logica tanquam praecipuum aliquod medium ad acquirendas Scientias, quia eo ingeniorum dicitur esse disputatio.

3. illud est objectum Logicae, per quod Logica constituitur in esse instrumentali ad reliquas Scientias: Sed: ergo. *m. prob.* mediantibus vocibus in audiente ingeneratur Scientia; conceptus autem non sunt instrumentum, sed ipsa Scientia.

4. Syllogismus mentalis non est objectum Logicae: ergo vocalis. prob. ant. Syllogismus mentalis jam est ipsa demonstratio, non modus demonstrandi, ergo.

5. Si



5. Si Logica in vocibus reperit rationem ob-  
jecti, tunc sunt : Sed : ergo. *m.* prob. si Logica in  
vocibus reperit aptitudinem ad discendas reliquas  
Scientias, tunc reperit rationem sui objecti : Sed :  
ergo. *m.* prob. modus sciendi vocalis saltem indi-  
recte æque instruit mentem ac mentalis.

6. Actus misericordiæ externus per se & directe  
pertinet ad habitum misericordiæ. ergo etiam habitus  
Logicæ externus seu Syllogismus vocalis pertinet ad  
habitum Logicæ.

73 Resp. ad 1. Illud est objectum, per quod consti-  
tuitur modus sciendi per se & formaliter talis c. M.  
per quod constituitur modus sciendi tantum per ac-  
cidents & analogice talis n. M. licet tam Syllogismus  
mentalis quam vocalis sit modus sciendi, clarum ta-  
men est, Syllogismum vocalem non ratione sui, id  
est, per voces parere in mente Scientiam, sed me-  
diatè ac per accidents, in quantum Syllogismus voca-  
lis in mente excitat conceptus, per quos immediatè  
nullo alio interveniente nascitur Scientia ; igitur  
conceptus per se ipsos sine ullo alio medio, id est,  
per se pariunt Scientiam ; econtrà voces pariunt  
Scientiam per aliud medium nempe per intermedios  
conceptus, qui accidunt vocibus, & hoc dicimus  
per accidents seu ope alicujus accidentis.

Ad 2. d. ant. Syllogismus vocalis est finis Logicæ  
tanquam finis instrumentalis aut tanquam finis ope-  
ris tr. ant. tanquam finis artis & quidem finis ulti-  
mus artis n. ant. vel sic : Syllogismus vocalis *qui ta-  
lis* est finis Logicæ tr. ant. quæ talis. n. ant. Syllo-  
gismus vocalis tantum servit per modum instrumen-  
ti ad ingenerandos menti Syllogismos mentales aut  
servit ad hoc, ut Syllogismus tanquam artefactum  
Logicum proferatur in publicum, vel potest dici,  
quod Logica non consideret Syllogismum vocalem  
*quæ talem* seu in quantum constat vocibus, quia non  
verborum opificem, sed rerum inquisitorem opor-  
tet esse sapientem ; sed tantum considerat Syllogis-  
mum vocalem, *qui est talis*, seu in quantum est  
signum manifestativum Syllogismi mentalis.

Ad 3. c. M. n. *m.* ad prob. d. ant. per voces gene-  
ratur cognitio aut Scientia occasionaliter, instru-  
mentaliter, & mediatè c. ant. principaliter, forma-  
liter, per se, ac immediatè n. ant. etiam si quis fa-  
ciat mille Syllogismos v.g. in lingua Arabica, quam  
non intelligit, per hoc non acquirit Scientiam.  
igitur Syllogismus vocalis non ratione sui parit Scien-  
tiam, sed ratione conceptuum, quos vocibus sub-  
jicimus.

Ad 4. n. ant. ad prob. n. ant. vel d. ant. non est  
causa Scientiæ Physica aut efficiens c. ant. non est  
causa formalis ac constitutiva. n. ant. v.g. corpus,  
anima, & unio sunt partes hujus totius, quod est  
homo, & tamen sunt causa hominis, videlicet  
causa constitutiva seu formalis ; sic etiam partes do-  
mūs sunt ipsa domus, & tamen hæ partes dicuntur  
causa formalis seu constitutiva domūs. Sic etiam  
Syllogismus mentalis est Scientiæ causa seu instru-  
mentum Scientiæ, sed hoc instrumentum ac causa  
non est aliquod instrumentum Mechanicum, quod  
distinguitur ab opere, aut efficiens causa sui ope-  
ris, sed est instrumentum Logicum ac constitui-  
vum sui operis ; sicut qui pueroducit manum, simul  
cum puero scribit, ita Logica agit cum aliis Scientiis.

Ad 5. tra. M. n. *m.* ad prob. d. M. si reperit in  
vocibus aptitudinem proximam dirigibilem ab

arte c. M. si tantum reperit remotam n. M. nam in  
vocibus est tantum aptitudo consequens ad directio-  
nem conceptuum ; facto autem artefacto circa con-  
ceptus, nulla superest nova difficultas aut dirigibili-  
tas circa voces.

Ad 6. c. ant. n. c. & parit : disparitas est, quia  
actus intrinsecus misericordiæ essentialiter exigit &  
imperat actum externum, cum internus actus mise-  
ricordiæ posita potentia ad externum stare non pos-  
sit sine actu externo. Econtrà Syllogismus mentalis  
stare potest sine Syllogismo vocali, nec essentialiter  
illum exigit.

## QUÆSTIO IV.

### *An Intellectus sit objectum materiale Logicæ ?*

Certum est intellectum & animam esse subjectum  
inhæſionis nostrarum cognitionum ; sicut pedes sunt  
subjectum motuum in Saltatoria aut aer in Musica,  
adeoque intellectus est *materia in qua*. Verum hoc non  
sufficit, ut simpliciter dicatur materia artis Logicæ.  
Pallavicinus & alii pauci volunt intellectum bene  
operantem esse objectum attributionis Logicæ : rectam  
operationem statuunt pro objecto formali, intelle-  
ctum pro objecto materiali.

Dico: *Objectum materiale Logicæ non est intellectus.*  
Prob. concl. 1. illud non est objectum materiale Lo-  
gicæ, quod non est pars artefacti : Sed : ergo. *m.* prob.  
artefactum Logicum est v.g. Syllogismus ; Sed hujus  
non est pars intellectus : ergo.

2. Illud non est objectum Logicæ, quod Logica  
per suas regulas non attingit : Sed : ergo. M. patet ;  
quia absurdum est illud considerari ab arte, de quo  
ars nunquam loquitur. prob. *m.* Logica de intellectu  
nec demonstrat proprietates, nec ex illo tanquam  
principio intrinseco construit Syllogismum ; nec  
ullibi occurrit mentio intellectus : ergo.

3. Illud non est objectum materiale, quod reci-  
pit totum artefactum artis : Sed tale est intellectus :  
ergo. M. patet, quia alioquin palatium foret mate-  
ria Statuariæ, aer Musicæ, pedes Saltatoriæ, quia  
in Palatio recipitur Statua, in aere Musica, & in pe-  
dibus motus Saltantis. *m.* prob. artefactum Logicæ  
est v.g. Syllogismus : Sed hic recipitur in intellectu ;  
ergo. M. prob. illud est artefactum Logicum, in quo  
Logica reperit sufficientem materiam & formam :  
Sed : ergo.

4. Si datur objectum propinquius & certius, in  
quo reperiuntur proprietates materiæ, tunc intelle-  
ctus non est objectum materiale Logicæ : Sed : ergo. M.  
patet, quia habitus in illo objecto primo quiescit,  
quod necessariò arti objicitur, & in quo potest pri-  
mò quiescere. *m.* prob. operationes mentis certissi-  
mè objiciuntur menti, in iis Logica immediatè ope-  
ratur, & illæ sunt capaces directionis Logicæ : ergo  
datur objectum certius, propinquius, in quo repe-  
riuntur proprietates materiæ.

5. Intellectus non est objectum materiale alia-  
rum artium : ergo neque est objectum materiale Lo-  
gicæ : prob. conseq. intellectus idem præstat in aliis  
artibus, quod præstat in Logica : ergo. prob. ant.  
etiam in aliis artibus intellectus est causa directiva,



effectiva, & receptiva directionum artificialium: ergo idem præstat.

6 6. Architectus non est objectum Architectonica: ergo nec intellectus Logica. prob. conseq. intellectus non plus præstat in Logica quam Architectus in Architectonica: ergo, licet igitur intellectus sicut Architectus perficiat opus, & licet intellectui sicut Architecto præscribantur regulæ, tamen regulæ non tractant de ipso intellectu tanquam perficiendo.

7 7. Si in intellectum recta cognitio non introducit artificialiter, sed naturaliter tantum, tunc non est objectum materiale: Sed: ergo. *m. prob.* operationes mentis sine ulla difficultate per artem superabili recipiuntur in intellectu sicut sonus in aëre. ergo, quod autem in introductione formæ in materiam debeat dari difficultas, patet ab inductione aliarum artium, quæ sunt factivæ; nam in his ars etiam speciales difficultates reperit circa materiam v.g. objectum materiale Statuariae est marmor, in quo datur specialis difficultas introducendi formam, ut patet consideranti.

### Solvuntur Objectiones.

8 Obje. 1. Illud est objectum materiale, in quod introducitur objectum formale: Sed in intellectum introducitur objectum formale seu recta cognitio: ergo.

2. Illud est objectum materiale, quod perficitur ab arte: Sed intellectus perficitur à Logica; ergo.

3. Omnis ars habet objectum materiale realiter distinctum ab objecto formali: ergo etiam Logica habet objectum materiale distinctum à formali; subsumo: atqui non habet aliud objectum distinctum à formali nisi intellectum: ergo.

4. Illud est objectum materiale, in quod per se introducitur forma artificialis: Sed in intellectum per se introducitur: ergo. *m. prob.* si in intellectum non introduceretur per se recta operatio, Logica non haberet finem: ergo. ant. patet, quia Logica nihil posset per suas definitiones & divisiones, nisi illæ essent in intellectu, adeoque intellectus non se habet per modum materiæ neglectæ, sicut palatium in Statuaria, quia Logica non est perinde, utrum illius artefactum ponatur in trunco aut intellectu, sicut tamen est perinde Statuariae.

5. Intellectus est capax multarum dispositionum & directionum in ordine ad alias Scientias: ergo potest esse objectum materiale Logica; quia potest præparari ad alias Scientias, sicque fieri instrumentum Scientiarum.

9 Resp. ad 1. d. M. illud est objectum materiale artis, in quod ars introducit suum objectum formale tanquam in partem intrinsecam artefacti c. M. tanquam in continens artefacti. n. M. quia etiam Statuaria aut Pictoria introducit suum objectum formale in palatium Regis, etiamsi palatium non sit objectum materiale.

Ad 2. d. M. illud est objectum materiale, quod perficitur ab arte, perfectione intrinseca constitutiva partis. c. M. quod tantum perficitur perfectione extrinseca. n. M. nam etiam templum aut palatium perficitur à statua vel imagine, quin sit objectum materiale; quin aër etiam perficitur intrinsece à Musica, quin sit objectum materiale; vel d. M. sic: illud est objectum materiale, quod perficitur ab arte ex intentione artis c. M.

quod tantum perficitur præter intentionem artis, tantum connaturaliter, aut tantum ex intentione operantis aut ex intentione secundaria artis. n. M. quomocunque perficiatur intellectus, tamen non erit pars artefacti Logici.

Ad 3. tr. ant. & c. ad subsumptum n. ant. quia potest dici, quod recta dispositio operationum mentis sit realiter distincta ab ipsis operationibus mentis; sicut dispositio lapidum est distincta ab ipsis lapidibus. Vel si non placet esse semper distinctam, poterit d. ant. omnis ars habet objectum materiale realiter distinctum, si ob imperfectionem non sit factiva ipsius materiæ c. ant. si sit tantæ perfectionis ut sit factiva ipsius materiæ n. ant. Mens in se ipsa tanquam in aliquo mundo intellectuali imitatur omnipotentem; dum enim cogitat, creat (ut sic dicam) sibi ipsi materiam, eidemque, quam vult, imprimit formam inseparabilem à materia sua, adeoque identificatam.

Ad 4. d. M. illud est objectum artis, in quod introducitur per se forma ex intentione & perfectione artis c. M. tantum ex intentione & perfectione naturæ n. M. Logica enim perinde esset sive suum artefactum reciperetur in anima, sive in corpore, modo fiat aliquis Syllogismus Scientificus, sed quia natura ita poscit, ut Syllogismus non fiat Scientificus, nisi recipiatur in intellectu, ideo consentit Logica, non tamen in hoc laborat: sicut etiam Musica per se recipitur in aëre ex intentione naturæ, licet hoc arti Musicae perinde sit.

Ad 5. d. ant. intellectus est capax multarum dispositionum & directionum per modum artificis c. ant. per modum materiæ n. ant. & potest inverti argumentum: Si illæ dispositiones, quarum capax est intellectus, æque conveniunt artificibus in aliis artibus, tunc intellectus non debet assurgere ultra dignitatem artificis; Sed: ergo. in aliis artibus etiam præscribuntur Artifici v.g. Statuario, etiamsi ille non sit objectum materiale.

Obje. 2. Illud est objectum Logica, quod intendit Logica: Sed Logica intendit intellectum bene operantem: ergo. 10

2. Illud est finis qui, in quo quiescit ars: Sed quiescit in intellectu bene operante: ergo.

3. Ille est finis intrinsecus artis instrumentalis, qui est finis ipsius instrumenti: Sed finis instrumenti est intellectus bene operans: ergo *m. prob.* Syllogismus, definitio &c. est instrumentum, & huius finis est intellectus bene operans.

4. Artes imitantur naturam: sed sicut natura non intendit formam in abstracto, sic nec ars intendit formam in abstracto: atqui subsumo: si Logica non intenderet rectam operationem intellectus, intenderet formam in abstracto.

Resp. ad 1. d. M. illud est objectum Logica, quod intendit Logica tanquam finem artis c. M. quod intendit tanquam finem artificis n. M. Logica intendit, ut perficiatur suus intellectus, finis est hic artificis: Sed Logica hoc non intendit; nam illius regulæ tantum intendunt rectam operationem, & hic est finis artis, vel d. M. sic: illud est objectum Logica, quod Logica intendit tanquam finem qui. c. M. quod præcisè intendit tanquam finem cui. n. M. *Finis qui* vocatur, ad quem respiciunt omnes regulæ artis; *Finis cui* vocatur, in cuius bonum cedit ipsum artefactum: in præsentem omnes regulæ respiciunt ad bonum Syllogismum, definitionem &c. Sed hoc artefactum cedit in bonum intellectus humani; igitur recta operatio est 11



est *finis qui*, intellectus est *finis cui*; & sicut in aliis artibus *finis cui* non est objectum materiale artis, ita neque in Logica. Vel d. M. sic: illud est objectum Logicae, quod Logica intendit tanquam finem immediatum c. M. tanquam finem mediatum n. M. Logica immediate suas regulas ordinat ad Syllogismum & definitionem &c. & in his etiam functa est suo officio; sed ipse Syllogismus dein ulterius ordinatur ad perficiendum intellectum; & hic finis est tanquam finis operis, adeoque arti mediatum, qui in aliis artibus non est objectum artis.

Ad 2. d. M. Illud est finis *qui* artis in quo quiescit ars formaliter c. M. in quo quiescit tantum consequenter & per accidens. n. M. Logica quiescit in Syllogismo & definitione, quia Syllogismus & definitio est totum motivum omnium regularum Logicarum; Syllogismus &c. considerat Logica ratione sui, non ratione alterius, quia non ordinat Syllogismum ad aliud; in tali objecto dicitur proin ars quiescere formaliter; in intellectu bene operante dicitur quiescere consequenter, quia recta operatio jam includitur in intellectu bene operante. v. g. ars equestris dicitur in cursu artificioso quiescere formaliter; sed quia cursus artificiosus jam includitur in hoc concreto, quod est equus artificiosus currens, ideo dicitur consequenter quiescere in hoc concreto, *equo artificioso currente*; sic etiam Statuaria quiesceret in domo bene exornata statuis, licet quies artis formaliter tantum terminetur ad statuum, non ad domum quae accedit statui.

Ad 3. d. M. Id est finis artis, quod est finis tantum extrinsecus instrumenti: n. M. id est finis artis instrumentalis, quod est finis intrinsecus ipsius instrumenti. tra. M. vel subdistinguo: quod est finis instrumenti intrinsecus immediatus c. M. quod est finis intrinsecus mediatum n. M. omnes artes instrumentales v. g. frænofactoria, habent pro objecto aliquod artefactum, quod ordinatur ad alium finem arti extrinsecum v. g. ad directionem equi: sed hic finis tantum est mediatum & extrinsecus ipsi arti & instrumento. Finis intrinsecus artis & instrumenti est objectum omnium regularum & instrumentorum artificialium, nec est distinctus ab intrinseca combinatione partium.

Ad 4. d. ant. Artes imitantur naturam in aliquibus c. ant. in omnibus. n. ant. artes quidem sunt similia naturæ, sed non consequuntur perfectionem naturæ; intentio enim naturæ fertur ad omnes fines suo operi tam intrinsecos quam extrinsecos, quia per intellectum universalem opificis mundi comprehendit omnia & ordinat omnia congruenter ad omnia, ut proin ordo rebus impressus transeat ad omnia, sic

ut coordinatio primi ordinantis; e contra ars respicit tantum ad suum opus immediatum & ad finem intrinsecum operis, quia omnes reliqui fines habent se impertinenter ad regulas artis, nec incumbit arti ordinare opus suum ad omnes fines possibiles operis; id enim tantum incumbit alicui intellectui universali, cujus est providere de aptitudine omnium sibi subiectorum, nempe Deo.

## QUÆSTIO V.

*An res sint objectum materiale*

&

*Ens rationis objectum formale Logicae?*

*Ens rationis* definitur, *cujus totum esse est esse objective in intellectu*; v. g. Hircocervus nullibi habet esse nisi in intellectu; e contra murus, albedo, homo, Petrus habent etiam esse extra intellectum. Hinc etiam in hoc sensu operationes v. g. cognitio ac simplex apprehensio muri, aut propositio, aut definitio, aut discursus non sunt entia rationis, quia dum istas concipio, ea non tantum existunt in meo intellectu, in quo hæc concipio, sed re ipsa existunt verè & realiter extra meum intellectum, saltem possibiliter & ex suo genere, videlicet in intellectu alterius hominis, de quo affirmo, quod faciat apprehensionem simplicem, aut propositionem, aut discursum; idem esset, si per cognitionem reflexam meas operationes mentis utique non fictas, sed realiter existentes in meo intellectu. etsi actu non sint objectum mentis, nec ullus hominum de illis cogitet, & quamvis ipse de iis reflexè non cogitem; adeoque existunt in intellectu etsi non existant objective; e contra Hircocervus nunquam erit in intellectu nisi objective, id est, dum actu de illo cogitatur. Similiter non sunt entia rationis denominationes extrinsecæ v. g. *muris visus*, *muris cognitus*, *Petrus amatus*; quia dum ista concreta concipio, omnes partes hujus concreti existunt extra meum intellectum, seu extra actum meæ cognitionis: partes enim hujus concreti v. g. *muris visus* sunt murus, visio, & relatio visionis ad murum aut vice versa relatio muri ad visionem; omnes hæc partes realiter existunt extra actum meæ cognitionis: sit enim in figura 1. mea cognitio A. murus B. visio C. relatio visionis ad murum aut vicissim E E; clarum erit b. c. e. e. esse extra meum intellectum A.

Fig. 1.





Fig. 2.





2. Circà hoc ergò ens rationis duæ sunt quæstiones. Prima, an objecta Logicæ omnia v. g. *terminus, propositio, predicatum, subjectum, suppositio, definitum, definitio, divisum, Syllogismus, major, minor, Genus, Species, Differentia, Individuum, Universale* &c. consistant in ente rationis. Secunda quæstio est, an supposito, quòd dicant ens rationis, illud ens rationis sit objectum formale Logicæ.

3. Thomistæ tuentur omnes enumeratos & similes terminos Logicos secundò intentionales consistere in quodam ente rationis; dicunt enim per hos conceptus secundò intentionales fingi aliquid quasi existens in objecto, quòd revera non est in objecto v. g. dum dico: *animal est genus* seu, *unum aptum inesse multis*, nullum datur à parte rei animal commune pluribus, sed fit & fingitur per intellectum, dum intellectus affingit naturæ animalitatis quandam communitatem. Idem fit, dum dico: *homo est Species*. neque enim natura humana à parte rei est communis pluribus individuis, sed intellectus sibi fingit talem naturam humanam communem pluribus individuis, id est, affingit naturæ humanæ aliquam communitatem. Idem fit, dum dico: *Petrus est terminus. Petrus est subjectum. homo est definitum. hæc propositio est major, minor, definitio* &c. si enim harum vocum, *terminus, subjectum, definitum, major, minor*, sensum seu conceptum nostrum ritè perpendamus, videbimus nos nihil concipere reverà & à parte rei existens in re, sed aliquid, quòd affingimus rei. Sit v. g. in figura 2. A. animal v. g. Petrus; B. sit cognitio abstractiva Petri considerans naturam animalitatis formaliter sine individuatione. C. sit aliqua secunda cognitio, quæ consideret ipsam cognitionem abstractivam B. & simul animalitatem Petri abstractivè cognitam A. hæc secunda cognitio considerabit & finget aliquam communitatem aut in animalitate A. aut finget in cognitione B. aliquam rationem communitatis in animalitate reperibilis; itaque ex parte secundæ cognitionis fictio dabitur seu aliqua communitas nullibi existens nisi in ipso actu intellectus. Et quia hoc ipsum figmentum secundæ cognitionis cognoscitur, utique non à se ipso formaliter, licebit in hac secundæ cognitione duas res inter se formaliter diversas distinguere; scilicet ipsum figmentum seu communitas naturæ humanæ & cognitio hujus figmenti; figmentum vocetur C. cognitio figmenti vocetur D. A. in hoc casu vocatur à Thomistis *conceptus objectivus* seu *intentio prima objectiva*. B. prima cognitio rei quæ considerat rem, ut est à parte rei secundum attributa realia nihil fingendo vocatur *conceptus formalis* seu *intentio formalis prima*: C. Secunda cognitio, quæ considerat rem cognitam & sic circà rem cognitam aliquid fingit vocatur *secunda intentio objectiva* seu *conceptus secundus objectivus*. D. seu cognitio, quæ cognoscitur hoc ipsum figmentum & simul res cognita, vocatur *secunda intentio formalis* seu *conceptus secundus formalis*.

4. Si quærat, quidnam ergo secundæ intentiones fingant circà rem aut circà primam cognitionem, communiter respondent Thomistæ, quòd fingant quasdam relationes rei ad alias res, aut rei ad cognitionem, aut cognitionis ad rem, quæ tamen relationes re ipsa in iis rebus aut cognitionibus non reperiuntur; hinc in nonnullis authoribus legere est, quòd ens rationis seu figmentum consistat in his re-

lationibus cognitionis ad rem utique fictis v. g. dum dico: *homo est Species*, putant objectum me conceptus esse aliquam naturam humanam consideratam in ordine ad sua individua seu consideratam cum aliqua relatione ad sua individua; cum autem illa relatio à parte rei non detur, hæc ipsa relatio erit formale objectum constitutivum entis rationis. Alii autem putant, quòd taliter concipiendo naturam humanam potius concipiam primam cognitionem ut ordinantem naturam humanam ad sua individua, & sic conciperetur aliqua relatio ficta ex parte primæ cognitionis.

Supposito ergo, quòd termini hi Logici, *Genus, Species, terminus, subjectum* &c. secundò intentionales formaliter consisterent in ente rationis, docent Thomistæ res cognitæ seu omnia entia, ut substant his secundis intentionibus esse objectum materiale Logicæ, ipsas verò secundas intentiones, in quantum earum speculatio servit ad rectè ordinandas operationes mentis, esse objectum formale Logicæ, ita ut res secundò intentionaliter cognita sit objectum attributionis Logicæ. Et in hoc quidem se ordinatissime scientias considerare arbitrantur, dum Metaphysicam jubent considerare res ut sunt in se secundum sua prædicata constitutiva intrinseca; Physicam verò considerare jubent res ut sunt in motu seu mutationi subjectæ, Logicam denique jubent considerare res ut sunt in nostro intellectu proximè aptæ ad veram & ordinatam cognitionem, quæ quidem aptitudo & coordinabilitas rerum utique per terminos Logicos, id est, secundas intentiones formaliter constituitur.

In Sententia Scotistarum etiam admittitur aliquid simile enti rationis Thomistico, dum admittunt omnia entia rationis v. g. Hircocervos esse aliquid à parte rei, medium tamen quid inter rem possibilem & inter res actu existentes; putant enim impossibilitatem ipsam v. g. Chimæræ & Hircocervi se ipsam ab æterno distinguere ab ente possibili & ab ente actuali, adeoque ens impossibile jam dari ab æterno à parte rei: hoc ens medium inter possible & actu existentia vocant *ens diminutum Scotisticum*; & quia non nulli Scotistæ admittunt, quòd secundæ intentiones Logicæ consistant in ente rationis ficto seu impossibili à parte rei, eo ipso objectum formale Logicæ ab ipsis constituitur in illo suo ente diminuto Scotistico.

Recentiores communiter negant in istis terminis Logicis secundò intentionalibus intervenire aliquod ens rationis, eo quòd secunda intentio objectiva C. in figura 2. tam parum fingat in objecto, quam parum fingit in eodem objecto prima intentio formalis B. dum enim concipio in B. omnia singularia naturæ humanæ confusè concipiendo naturam specificam hominis, nihil fingo: & dum in C. iterum concipio eadem singularia confusè, & simul ipsam cognitionem confusam B. iterum nihil fingo: itaque hic conceptus dum dico v. g. *homo est Species* non erit ens rationis. Idem Recentiores dicunt de omnibus aliis terminis Logicis secundò intentionalibus, in quibus prima intentio formalis vera est, v. g. in figura 2. dum dico: *Petrus est subjectum*. prima intentio formalis B. cognoscit identitatem inter Petreitatem A. & humanitatem, quæ utique datur à parte rei absque eo, quin fingam Petreitatem & humanitatem quasi esse duas res diversas. Secunda intentio objectiva C. cognoscit eandem identitatem Petrei-



Petraitatis & humanitatis A. & simul cognoscit primam cognitionem identitatis formalem B. in quantum hac cognitio constituitur per duas species intellectuales formaliter diversas Petraitatis & humanitatis, quarum prima Petraitatis ponitur primo loco, altera humanitatis ponitur secundo loco. hoc totum concipio per tertiam cognitionem D. dum dico: *Petrus est subiectum*; in quo tamen nullum datur figmentum. idem est de ceteris terminis Logicis.

8 In Sententia Thomistarum, ubi admittuntur præcisiones objectivæ adhuc facilius est negare omnia entia rationis; possum enim v. g. dicere, dum homo dicitur species, me cognoscere naturam humanam præcivè, ut de se indifferentem ad omnia individua, in quo nullum invenio ens rationis seu figmentum. Interim abstrahendo an dentur entia rationis vel non dentur; sed transmissio, quod dentur.

9 Dicimus: *res non sunt objectum materiale Logica*. Prob. Conclusio: illud non est objectum materiale artis Logica, quod non est pars artefacti Logici: Sed res non sunt pars artefacti Logici: ergo. *m. prob.* illud non est pars artefacti Logici, quo non intellecto adhuc formaliter intelligitur artefactum Logicum: Sed non intellectis rebus adhuc formaliter intelligitur artefactum Logicum: ergo. *m. prob.* Syllogismus potest intelligi etiam si non cognoscant ullam rem, de qua loquitur Syllogismus, tanquam objectum attentionis. ergo.

10 Prob. 2. Illud non est objectum materiale artis Logica, quod non intrinsecè perficitur & mutatur à forma: Sed res intrinsecè non perficiuntur & mutantur ab ente rationis: ergo. *M. prob.* illud non est objectum materiale, quod non convenit cum omnibus aliis objectis materialibus aliarum artium non controversis: Sed: ergo. *m. prob.* omnia alia objecta materialia non controversa intrinsecè perficiuntur à forma. ergo.

11 Prob. 3. Res bene depictæ non sunt objectum attributionis Pictoriæ: ergo neque res cognitæ sunt objectum Logica: prob. conseq. quia non potest ostendi disparitas. Conf. quia alioquin sequeretur, quod etiam pes calceatus debeat esse objectum Sutoria &c. nec sufficit disparitas, si dicas, in arte pictoria totam difficultatem consistere in exprimenda imagine, non verò in conformatione imaginis ad rem, quia exprimere imaginem nihil aliud est quam conformare imaginem objecto.

12 Prob. 4. Si datur objectum materiale propinquius quam res tunc non debet assignari remotius: Sed: ergo. *m. prob.* dantur operationes mentis, sine quibus non possumus tendere in res; Sed hæ sunt objectum materiale propinquius; ergo. *m. prob.* hæ operationes mentis habent capacitatem recipiendi directionem Logicam. ergo.

13 Dico 2. *Ens rationis quæ tale non est objectum formale Logica*. Prob. Concl. illud non est objectum formale Logica, quod non est respectivum materiæ Logica: Sed: ergo. *m. prob.* materia Logica sunt operationes mentis: Sed harum non est respectivum ens rationis: ergo. *m. prob.* ens rationis nihil aliud est, quam per cognitionem secundo objectivam ficta relatio cognitionis primo intentionalis ad rem secundo intentionaliter cognitam, aut relatio rei ficta ad rem: ergo ens rationis est tantum respectivum rei, non operativum mentis.

14 Prob. 2. Illud non est objectum formale Logica  
*R. D. Euseb. Amort Philosophia.*

quod in suo esse formali constitutivo non obijcitur menti in ipso aditu Logica: Sed tale est ens rationis: ergo. prob. *M.* quia objectum præsupponitur ad artem, adeoque statim in ipso limine ante omnem demonstrationem notum esse debet; *m.* etiam patet; quia ens rationis non est aliquid sensibile, aut facile cognoscibile, & paucissimi sunt Logici, qui ens rationis cognoscunt in suo esse formali, quin imò ejus existentia certa non est.

Prob. 3. Illud non est objectum formale Logica, de quo in suo esse formali sumpto non loquuntur regulæ Logica: Sed: ergo. *m. prob.* quia regulæ Logica tantum loquuntur de combinatione v. g. propositionum, abstrahendo, an illa combinatio sit ens rationis vel non, adeoque non considerant terminos Logicos sub ratione entis ficti, sed est ipsis perinde, utrum illi termini sint ens rationis vel non.

Prob. 4. Illud non est objectum formale Logica, ad quod non refertur artis attentio: Sed: ergo. *m. prob.* attentio artis Logica non refertur ad esse Syllogismi secundum statum Physicum, sed secundum statum practicum. ergo attentio artis Logica non refertur ad ens rationis.

Prob. 5. Objectum Pictoriæ non dicitur esse qualitas accidentalis orta ex temperamento primarum qualitatum, aut entitas Physica modalis & modificatio lucis. ergo neque objectum Logica debet dici ens rationis. prob. conseq. sicut forma v. g. Syllogistica physicè aut metaphysicè sunt ens rationis, ita etiam colores physicè sunt qualitas accidentalis orta ex temperamento primarum qualitatum aut modificatio lucis: ergo sicut Pictoria & omnes reliquæ artes non attendunt ad naturam physicam sui objecti, ita etiam Logica non attendit ad naturam suorum terminorum secundo intentionalium Physicam.

Prob. 6. Illud est objectum formale Logica, per quod constituitur instrumentum aliarum scientiarum: Sed per ens rationis non constituitur instrumentum aliarum Scientiarum. ergo. *m. prob.* Logica constituitur instrumentum Scientiarum per statum Syllogismi practicum non per cognitionem speculativam naturæ Physicæ suarum operationum.

## Solvuntur Objectiones.

Objic. 1. Illud est objectum materiale Logica, cui adaptatur artificium Logica: Sed rebus adaptatur artificium Logicum: ergo. *M.* patet ex inductione aliarum Scientiarum; sic enim suum artificium Statuaria adaptat ligno. *m. prob.* non potest fieri Syllogismus, quin adaptetur cognitio alicui rei.

2. Si omnes modi sciendi à Logica considerantur in ordine ad res, tunc res sunt objectum Logica: Sed: ergo. *m. prob.* modus sciendi est v. g. *definitio*; *argumentatio*: Sed hæ considerantur in ordine ad res: ergo. *m. prob.* definitio est oratio explicans naturam rei; divisio est oratio explicans partes rei; argumentatio est. in qua una res inferitur ex alia: ergo:

3. Illud est objectum materiale, circa quod versantur regulæ artis: Sed circa res versantur regulæ artis: ergo. *m. prob.* regulæ artis Logica sunt v. g. ut definitio sit convertibilis cum suo definito; ut omnes partes adæquant totum; ut idem possit dici de definitione, quod potest dici de definito &c. Sed hæ regulæ versantur circa res. ergo.



4. Si res non essent objectum materiale tunc ideo, quia non perficiuntur ab objecto formali: Sed hæc ratio nihil probat. ergo *m. prob.* non est necesse ob-  
jectum materiale perfici à formali. ergo. *m. prob.* ab inductione. objectum materiale v. g. coquina-  
ria sunt animalia, herbae &c. sed hæc non perfici-  
untur à coquinaria sed corrumpuntur: ergo.

20 Resp. ad 1. d. M. illud est objectum materiale, cui adaptatur objectum formale per modum compartis cum materia constitutivæ totius compositi. c. M. cui solum adaptatur per respectum extrinsecum. n. M. & potest retorqueri argumentum in Statuaria, ubi ob-  
jectum materiale non est id, cui adaptatur artifi-  
cium tantum per respectum extrinsecum & per imi-  
tationem, quale objectum est homo v. g. Cæsar, quem exprimit statua; sed illud, quod est pars totius arte-  
facti.

Ad 2. d. M. si modi sciendi considerantur in ordi-  
ne ad res tanquam ad aliquam partem totius artefacti,  
tunc omnes res sunt objectum materiale c. M. si tan-  
tum in ordine ad res considerantur tanquam ad ali-  
quod connotatum n. M. & retorqueo argumentum:  
si imago à Pictoria consideratur in ordine ad res,  
vel calceus in ordine ad pedes, tunc res sunt ob-  
jectum materiale Pictoriæ & pes Sutoriæ: Sed: ergo.

Ad 3. d. M. illud est objectum materiale circa quod  
versantur regulæ artis tanquam circa aliquam par-  
tem artefacti c. M. circa quam versantur regulæ  
tanquam circa connotatum n. M. & iterum retor-  
queo: illud est objectum materiale Pictoriæ. circa  
quod versantur regulæ artis pictoriæ: Sed circa res  
versantur regulæ artis pictoriæ. ergo *m. patet*; quia  
Pictor specialiter attendit, ut assequatur Symetriad  
& proportionem partium alicujus rei.

Ad 4. c. M. n. *m.* ad prob. d. ant. non est de ratio-  
ne objecti materialis, ut perficiatur ab objecto for-  
mali perfectione repugnante aut impertinente ad ob-  
jectum artis c. ant. ut perficiatur perfectione intenta  
ab arte, n. ant. & inverto argumentum: de ratione ob-  
jecti materialis in coquinaria est ut animalia & herbae  
perficiantur ab arte: ergo etiam in Logica. ant. patet,  
quia coquinaria præparat materiam ad formam coqui-  
nariam.

21 Objic. 2. Si res sunt objectum actuum Logicæ tunc  
etiam sunt objectum habitus Logici: Sed: ergo. *m.*  
prob. actus Logicæ est v. g. definitio: Sed hujus ob-  
jectum sunt res: ergo M. autem patet, quia idem est  
objectum habitus & actuum v. g. habitus misericor-  
diæ & actus misericordiæ habent idem objectum,  
nempe sublevationem alienæ miseriæ.

2. Idem est objectum habitus & potentiæ: Sed  
potentiæ Logicæ objectum sunt res: ergo etiam habi-  
tus Logici objectum sunt res.

22 Resp. ad 1. d. M. si res sunt objectum actuum eli-  
citorum Logicæ, sunt objectum Logicæ c. M. si res  
tantum sunt objectum actuum regulatorum. n. M. per  
actus elicitos intelliguntur actus regulantes, qui-  
bus aliqua ars præscribit regulas ad perficiendum  
opus suum. Per actus regulatos intelliguntur ipsa  
artefacta artis. Hinc sicut non est idem finis operis  
& artis, ita neque est idem objectum actus regulati  
& regulantis; sic actus elicitus seu regulantes Sutoriæ  
versantur circa calceum; actus regulatus est calceus,  
qui versatur circa pedem.

Ad 2. n. M. vel retorqueo argumentum: idem est  
objectum potentiæ & habitus: sed objectum poten-

tiæ intellectivæ sunt objecta omnium artium: ergo  
objectum habitus Logici sunt objecta omnium ar-  
tium.

Dices: Res sunt etiam objectum actuum elicitorum.  
ergo prob. ant. hic actus, quo dico: *definitio est  
convertibilis cum definito.* est actus elicitus: Sed hujus  
objectum sunt res. ergo. *m. patet*, quia definitio  
formalis non est convertibilis, sed tantum objectiva,  
videlicet ipsa res.

Resp. d. ant. res sunt objectum actuum elictorum  
tanquam aliquod connotatum c. ant. tanquam pars  
constitutiva operis. n. ant. & posset retorqueri sicut  
prius circa Pictoriæ; quia & Pictoria aliquando lo-  
quitur de rebus; qualiter v. g. debeat sumi mensura  
& proportio membrorum corporis humani, ut eadem  
proportio possit servari in imagine.

Objic. 3. Logica agit de rebus: ergo res sunt ob- 23  
jectum Logicæ. ant. prob. 1. Logica agit de prædica-  
mentis & categoriis. Sed hæc sunt res. ergo.

2. Logica agit de genere & differentia: Sed hæc  
sunt in rebus: ergo.

3. Logica agit de veritate & falsitate: Sed hæc  
iterum est in rebus: ergo.

Resp. ad 1. d. ant. Logica agit de rebus tanquam 24  
de aliquo connotato sui objecti c. ant. tanquam de  
parte sui artefacti. n. ant. ad prob. 1. d. M. agit de  
categoriis Logicæ c. M. Physicæ. n. M. Logica con-  
siderat res in genere secundum ordinem, quem ab  
intellectu acquirunt; igitur recta coordinatio con-  
ceptuum est objectum Logicæ in recto, ipsæ verò res  
coordinatæ tantum sunt objectum in obliquo per  
modum connotati.

Ad 2. c. M. d. *m.* genus & differentia metaphy-  
sicè sumpta sunt in rebus c. *m.* Logicè sumpta n. *m.*  
Logicè sumitur genus, in quantum dicit aliquem  
conceptum generalem ac confusum; metaphysicè  
autem sumitur, in quantum dicit rem conformem  
conceptui; igitur conceptus à Logica considerantur  
in recto, res verò tantum in obliquo per ordinem  
connotati.

Ad 3. d. M. Logica agit de veritate & falsitate  
tanquam de aliquo connotato sui objecti tr. M. tan-  
quam de objecto in recto, per se ac ratione sui con-  
siderato. subdistinguo: agit de veritate generatim  
sumpta c. M. de veritate specificè & determinatè ad  
subjectam materiam sumpta. n. M. Logica agit de  
operationibus mentis, in quantum sunt capaces reci-  
piendi veritatem seu conformitatem cum rebus ope-  
aliarum Scientiarum, non verò agit de veritate tan-  
quam de re, quæ debeat esse actu in operationibus  
mentis.

Objic. 4. Illud est objectum materiale, quod pa- 25  
titur difficultatem in receptione formæ: Sed res pa-  
tiuntur difficultatem in receptione formæ: ergo. *m.*  
prob. difficultas conceptuum oritur ex ipsis rebus  
non ex intellectu. ergo. prob. ant. nisi res ita essent  
intricatæ, intellectus statim omnia intelligeret, quia  
intellectus naturaliter repræsentat res, sicut illi ob-  
iiciuntur. Conf. à pari: speculum repræsentat ob-  
jecta eo modo, quo sunt, nec datur ars disponendi  
ad rectam repræsentationem ipsa specula. ergo idem  
circa intellectum relate ad res.

2. Si etiam res possunt vocari conceptus objectivi,  
tunc possunt esse objectum: Sed. ergo. M. prob. si  
possunt vocari conceptus objectivi, tunc sunt diri-  
gibiles ab arte: Sed. ergo.



3. Si per considerationem rerum Logica constituitur instrumentum aliarum Scientiarum, tunc res considerat: Sed, ergo. *m. prob.* non possunt acquiri Scientiæ nisi prius ordinate concipiamus res sciendas, separemus substantiam ab accidentibus, prædicata generica à specificis; essentiam à proprietatibus, differentiam ab individuo, ac denique genuinum omnium rerum conceptum acquiramus; ergo per considerationem rerum genericam præparamur ad Scientias.

4. Opus resultans ex actione artis est objectum artis; Sed res bene cognita sunt opus resultans ex actione Logica.

5. Res cognita est artefactum Logica. ergo est objectum Logica. *prob. ant. res cognita* est concretum Logicum: ergo est artefactum Logicum.

6. Id, quod est specificativum seu distinctivum partium Logica etiam est objectum Logica: Sed tale specificativum sunt res. ergo. *m. prob.* partes Logica sunt Analytica, Topica & Sophistica: Sed harum specificativum sunt res. ergo. *m. prob.* Analytica distinguitur à Topica, eo quod versetur in materia necessaria; Topica distinguitur ab Analytica, eo quod versetur in materia contingenti seu probabili, & Sophistica distinguitur, eo quod versetur in falsitate, quæ reperitur in rebus: Atqui esse in materia necessaria vel contingenti nihil aliud est quam esse in re necessaria vel contingenti. ergo.

7. Si res non essent objectum materiale Logica, tunc ideo, quia non essent pars constitutiva artefacti Logici: Sed hæc ratio nihil probat: ergo. *m. prob.* vel non requiritur ut sint pars, vel si hoc requiritur, possunt sufficienter vocari pars. ergo hæc ratio nihil probat. *prob. ant. quoad 1. membrum:* potest dici, quod Logica tantum sit speculativa: ergo non requiritur ut res sint pars artefacti Logici, quia in speculativis artefactum est de subiecto non supponente. *Prob. ant. quoad 2. membrum:* si *res cognita* est aliquid concretum Logicum, tunc res potest vocari pars hujus concreti; Sed hoc concretum reverà foret concretum seu artefactum Logicum: ergo res foret pars artefacti Logici.

26 Resp. ad 1. d. M. illud est objectum materiale, quod patitur difficultatem in receptione formæ intrinsecè materiam perficientis c. M. tantum extrinsecè illam denominantis. n. M. ad artefactum requiritur, ut objectum materiale recipiat formam intrinsecè, & ut perficiatur à forma, ut patet ab inductione aliarum artium: vel potest n. m. ad prob. d. ant. difficultas oritur ex rebus occasionaliter c. ant. formaliter n. ant. sicut difficultas visionis non oritur ex natura rei visæ, sed ex dispositione oculi, ita etiam difficultas intelligendi oritur ex dispositione intellectus, quia, ut ait Aristoteles, intellectus ad res naturales se habet, ut oculus noctuæ ad lumen Solis. Ad Confirmationem à speculo desumptam potest inverti argumentum. Difficultas representandi objecta tenet se ex dispositione speculi, non ex dispositione objecti: ergo etiam difficultas cognoscendi res non se tenet ex parte objecti, sed ex parte intellectus.

Ad 2. n. M. ad prob. n. M. quia conceptus objectivi sunt tantum analogicè conceptus, adeoque non participant omnes proprietates sui analogati primarii; sicut homo pictus non participat omnes pro-

R. D. Euseb. Amoris Philosophia.

prietates veri hominis; adeoque res seu conceptus objectivi non diriguntur à Logica.

Ad 3. tr. M. n. m. ad prob. d. ant. requiritur, ut distinguamus res ab invicem, & hoc pertinet ad ipsas Scientias. c. ant. pertinet hoc ad instrumentum Scientiarum. n. ant. ad Logicam non pertinet distinguere ab invicem, quæ per terminos secundò intentionales v.g. *genus, species* representantur; sed tantum ad Logicam pertinet distinguere ab invicem hos ipsos terminos secundò intentionales, in quantum sunt materia apta bonæ definitionis, divisionis, aut Syllogismi. Posset inverti argumentum: Illud per quod reliquæ Scientiæ sunt scientificæ immediate non pertinet ad instrumentum Scientiarum; Sed illa objectarum distinctio est id, per quod reliquæ Scientiæ immediate sunt scientificæ. *m. patet*, quia facta distinctione & genuina definitione rerum vix aliquid aliud sciendum superest maxime in Metaphysica.

Ad 4. d. M. opus immediate ac formaliter resultans ex actione artis est objectum artis c. M. mediatè resultans. n. M. & retorqueo argumentum: opus resultans ex operatione artis est objectum artis: Sed pes calceatus, res bene depicta, intellectus bene operans, est opus resultans ex actione artis. ergo. omne illud dicitur mediatè resultare, quod resultat ex aliquo artefacto jam ex se completo; res bene cognita resultat ex Syllogismo vel definitione, & hoc jam est opus artificialiter completum: ergo res cognita est tantum opus mediatè resultans.

Ad 5. n. ant. ad prob. c. ant. n. c. quia concretum Logicum & artefactum Logicum non sunt synonyma; concretum Logicum est terminus æquivocus, & significat totum, quod non fit ab arte Logica, nisi tantum occasionaliter, ut v.g. *murus, visus, cognitus*.

Ad 6. Illud, quod est distinctivum unius partis Logica ab alia formaliter ac immediate est objectum artis c. M. quod est distinctivum tantum arguitivè & consequenter. n. M. Analytica differt à Topica ob vim formæ Syllogisticæ, & hæc vis desumitur ab universalitate majoris & minoris. Analytica fundatur in propositionibus universalibus seu universaliter veris: Topica autem tantum fundatur in propositionibus particularibus seu plerumque veris, & hæc forma occasionaliter fundatur in ipsis rebus; sicque ex majori, vel minori, vel nulla universalitate objecti licet arguere ad distinctionem Syllogismi Topici vel Analytici correspondentis objecto, rectèque consequitur, ac infertur; *materia est necessaria, universalis: ergo est objectum Syllogismi Analytici*, formaliter autem ea diversitas consistit in modo proponendi mentali majorem universaliter vel particulariter. Sophistica differt à Topica iterum in modo proponendi tantum quia assumit propositionem universalem aut particularem apparenter talem, etiam si reverà nec sit universalis nec particularis, sicque non fundatur in *Dicto de omni & de nullo*, adeoque Sophisma, quod est Syllogismus apparens, non servat formam & principia Syllogistica, nec est formaliter bonus.

Ad 7. c. M. n. m. ad prob. n. ant. quoad 2. membrum. ad 1. n. ant. oppositum probabimus in sequentibus ad 2. n. M. quia totum morale seu Logicum, quale est res cognita, non est aliquid artefactum, adeoque res possunt quidem esse pars hujus concreti, nunquam autem erunt



pars artefacti, tota ratio negandi est, quia in Logica aliquid datur, quod propriè potest vocari artefactum: ergo in illo potest Logica quiescere.

- 27 Objic. 5. Aristoteles pro objecto Logicæ statuit ens seu res. ergo ant. prob. 4. met. c. 4. dicit: *Philosophum & Dialecticum versari circa res.* ergo.

2. Divus Thomas etiam pro objecto Logicæ statuit ens rationis. ergo ant. prob. in 4. Metaph. l. 4. ait: *ens est duplex scilicet ens rationis & ens naturæ; ens autem rationis dicitur propriè de illis intentionibus, quas ratio adinvenit in rebus consideratis; sicut intentio generis, speciei &c., quæ quidem non inveniuntur in rerum natura, sed considerationem rationis consequuntur; & huiusmodi scilicet ens rationis est propriè subjectum Logicæ.* ita Divus Thomas.

3. Sanctus Doctor dicit: quod ordo, quem facit intellectus in suis operationibus sit objectum Logicæ: atqui talis ordo, quem facit intellectus, est ens rationis; ergo. m. patet, quia, quod est ens reale, illud intellectus non facit sed invenit in suo objecto. M. prob. in Procem. Ethic. Divus Thomas sic loquitur: *ordo quadrupliciter ad rationem comparatur; est enim aliquis ordo, quem ratio non facit, sed solum considerat, sicut est ordo rerum naturalium. Alius est ordo, quem ratio considerando facit in proprio actu, ut cum ordinat conceptus suos ad invicem. Tertius ordo est, quem ratio facit in operationibus voluntatis. Quartus ordo est, quem ratio nostra facit in rebus exterioribus, ut in Arca, in Domo, Navi. Ordo, quem ratio considerat, sed non facit, pertinet ad Philosophiam naturalem. Ordo, quem ratio considerando facit in proprio actu, pertinet ad Philosophiam rationalem (id est, Logicam) Ordo autem actionum voluntatis pertinet ad moralem Philosophiam. Ordo demum, quem ratio facit in rebus exterioribus, pertinet ad artes Mechanicas.* hucusque Sanctus Doctor.

- 28 Resp. 1. ad 1. d. Dialecticus versatur circa ens intelligendo per Dialecticam habitum distinctum à Logica. c. indistinctum. n. antiquitus tempore Aristotelis per modum Circulatorum circumibant undique Sophistæ, sic dicti, qui disputabant de quacunque re probabiliter. Hi vocabantur Dialectici, pro quibus Aristoteles in Topicis conscripsit regulas; Sed cum ille habitus & consuetudo de qualibet re insulsiſſimè garriendi dudum exoleverit, Topica Aristotelis à sequioribus Philosophis ad utiliore finem assumpta, & in partem Logicæ pro ritè ordinandis conceptibus recepta est. Resp. 2. Dialecticus versatur circa ens tanquam circa connotatum sui artefacti, c. tanquam circa partem sui artefacti, n.

Ad 2. d. ant. Divus Thomas statuit ens rationis pro objecto Logicæ formali. n. ant. pro materiali subd. ant. statuit illud, quod est tale, pro objecto materiali tr. ant. quæ tale, n. ant. quod Divus Thomas terminos secundò intentionales seu ens rationis tantum statuatur pro objecto materiali Logicæ clarum est ex ipso textu, ubi dicit, quod ens rationis sit *subjectum*, id est, *materia* Logicæ; materia enim est, quæ est *subjectum* formæ, in quod debet introduci forma. Itaque si Divus Thomas admitteret ens rationis acceptum in sensu Thomistico, tantum diceret, secundas intentiones, quæ sunt ens rationis, esse simul aliquas operationes mentis, quæ debent ordinari à Logica, sicque eas recipere legitimam dispositionem, coordinationem, formam, seu objectum formale Logicæ; non verò

ista entia rationis considerari à Logica, quatenus sunt entia rationis, seu quatenus sunt aliquid fictum; sed præcisè quatenus sunt dirigibilia practice per artem Logicæ. Sic Pictor considerat albedinem, quæ est qualitas accidentalis disgregativa visus, sed pictor non considerat albedinem, quatenus est qualitas disgregativa visus, considerat eam tantum practice, quatenus ea albedo est materia ordinabilis ad bonam combinationem colorum & ad imaginem; sicut ergo albedini inest, quod sit qualitas accidentalis disgregativa visus, ita operationibus mentis Logicis seu secundis intentionibus inest, quod sint ens rationis; sed sicut illa ratio qualitatis accidentalis non est ratio *sub qua* Pictor albedinem considerat, aut ratione cuius versetur circa albedinem, ita etiam mentis operationes possunt quidem esse ens rationis, sed hæc ratio entis rationis non est ratio *sub qua* Logica suas operationes considerat, sed dirigibilitas harum operationum in ordine ad Syllogismum est illa ratio *sub qua*. Dixi *transseat*, quod ens rationis sumptum in sensu Thomistico ex mente Divi Thomæ sit objectum materiale, quia nec hoc quidem certum est; fortè Divus Thomas per ens rationis intellexit omnem actum intellectus secundò intentionalem abstrahendo, an esset figmentum vel non. Cæterum prior responsio, quæ diximus Divum Thomam pro objecto materiali admisisse ens rationis confirmatur ex ejus Comment. in lib. 1. Posteriori, c. 1. ubi dicit: *Logicam versari circa actus rationis tanquam circa propriam materiam.*

Ad 3. tra. M. n. m. ad prob. n. suppositum, quod intellectus non inveniat in suo objecto reali illum ordinem, quem comproducit cum ipso objecto; v. g. Deus facit ordinem in rebus naturalibus videlicet producendo mundum; Sed ille ordo, quem Deus facit, utique non est ens rationis in intellectu divino, sed est objectum reale intellectus divini. Sic etiam intellectus noster producit v. g. Syllogismum sicut Deus mundum, & producit ordinem terminorum & ordinem propositionum; verum sicut Syllogismus est aliquid reale, ita etiam ordo terminorum est aliquid reale, & intellectus considerando hoc suum artefactum quasi creaturam suam utique considerat hunc ordinem, quem facit, tanquam ordinem realem. Et reverà non omnem ordinem, quem facit intellectus esse ens rationis in sensu Thomistico, patet ex hoc ipso textu, ubi Divus Thomas dicit intellectum *facere ordinem* in actibus voluntatis, & in lignis construendo arcam, navem, qui ordo est factus ab intellectu & est objectum reale intellectus, itaque idem est dicendum de illo ordine, quem intellectus facit in suis operationibus. Resp. 2. d. M. ille ordo seu ens rationis est objectum Logicæ materialiter, denominative, aut secundum esse relativum practicum c. M. reduplicative ac concretivè. n. M. v. g. combinatio colorum est entitas modalis vel relativa, sed illa combinatio colorum non est objectum formale Pictoriæ, quatenus est entitas modalis; quid enim curat pictor, sive sit entitas modalis, sive substantialis? sed ea combinatio colorum est objectum formale Pictoriæ; in quantum est terminus operationum practicarum Pictoriæ. Ita etiam ordo terminorum, propositionum &c. si esset ens rationis, de quo



quo non curat Logica, est objectum formale Logicae, in quantum consideratur tanquam terminus operationum Logicae, non vero in quantum est ens rationis; Logica enim tantum attendit in hoc ordine ipsum esse terminabile, ac esse relativum ad prae-  
viam operationem suae artis.

29 Objic. 6. Logica habet pro objecto universalia: sed universalia sunt ens rationis. ergo. prob. *m.* universalia non dantur à parte rei: ergo sunt tantum ens rationis. ant. patet, quia non datur animal ut sic, nec natura communis.

2. Logica etiam pro objecto habet impossibilia v. g. Vulpanferes: Sed hæc sine dubio sunt entia rationis: ergo. *m.* prob. quia Vulpanfer nullibi est nisi in intellectu fingente.

3. Logica habet pro objecto distinctionem subiecti à prædicato: Sed hæc iterum est ens rationis. ergo. *m.* patet, quia subiectum & prædicatum non distinguuntur à parte rei, dum v. g. dico: *Petrus est homo.* *M.* prob. quia dum dico: *Petrus est homo.* idem sumo per modum duorum.

30 Resp. ad 1. d. *M.* Logica considerat universalia secundum statum eorum practicum, c. *M.* secundum statum Speculativum & Metaphysicum n. *M.* vel subd. considerat ea secundum statum Metaphysicum, in quantum Logica est Scientia, tra. *M.* in quantum est ars. n. *M.* sensus patet ex præcedenti Numero & exemplo Pictoris. Idem Resp. ad 2. & 3. argumentum.

Dices: saltem operationes mentis latè loquendo possunt dici ens rationis: ergo simpliciter poterit dici ens rationis esse objectum Logicae. Resp. n. conseq. quia ens rationis simpliciter importat id, quod dicit formaliter, & in sensu famosiori, nempe aliquod figmentum, quod tantum habet esse in intellectu; in hoc enim significato sumitur frequentius ex usu hominum, adeoque id significatum exprimit formaliter & simpliciter.

## QUÆSTIO VI.

*An operationes mentis sint objectum materiale?*

&

*Rectitudo operationum sit objectum formale?*

1 Dico 1. *Objectum materiale Logicae sunt omnes operationes mentis secundum se.* ita communis Recentiorum. Prob. concl. 1. Autoritate Divi Thomæ & Aristotelis: Divus Thomas in lib. Poster. lect. 1. sic ait: *ideo ars quaedam necessaria est, quæ sit directiva ipsius actus rationis, & hæc ars est Logica, id est, rationalis scientia, quæ non solum rationalis est ex hoc, quod est secundum rationem, quod est omnibus artibus commune, sed etiam ex hoc, quod versetur circa actus rationis tanquam circa propriam materiam.* Et in præfat. ad lib. Periherm. inquit: *cum Logica dicatur rationalis Scientia, necesse est, quod ejus consideratio versatur circa ea, quæ pertinent ad tres operationes (id est, mentis)*

2 Prob. 2. illud est objectum materiale Logicae, ex cuius partium recta combinatione exsurgit artefactum Logicae: Sed ex operationum mentis recta combinatione exsurgit artefactum Logicae: ergo *m.* prob. artefactum Logicae v. g. est Syllogismus, & operationes mentis sunt termini, propositiones &c. Sed ex his terminis & propositionibus exsurgit Syllogismus: ergo. *M.* quoad 1. membrum prob. quia illud est artefactum Logicae, quod potest vocari artefactum: Sed; ergo.

3 Prob. 3. Illud est objectum materiale Logicae, quod habet omnes proprietates objecti materialis: Sed mentis operationes habent has proprietates: ergo. *m.* prob. proprietates objecti materialis sunt 1. ut sit id, ex quo construitur artefactum. 2. ut sit pars operis artificialis. 3. ut immediate, directe & proximè attingatur à regulis artis. 4. ut per modum materiae sit indifferens ad plures formas, seu ut possit esse objectum plarium artium aut scientiarum. 5. ut intrinsecè perficiatur à forma. 6. ut ab habitu artis attingatur propter aliud. jam sic: operationes mentis habent has proprietates: ergo.

4 Prob. 4. Omnes aliae artes directivæ actionis humanæ habent pro suo objecto materiali illam actionem humanam, quam dirigunt: Sed Logica etiam est ars directiva actionis humanæ: ergo pro objecto materiali habet illam actionem quam dirigit; subsumo: atqui nullam actionem dirigit nisi operationes mentis: ergo has habet pro objecto materiali. *M.* patet ex Saltatoria, quæ dirigit motus pedum, qui sunt objectum materiale Saltatoriæ.

5 Dico 2. *Objectum formale Logicae est recta operationum mentis dispositio.* Prob. concl. 1. Objectum formale est recta combinatio partium materiae: Sed partes materiae sunt operationes mentis: ergo earum recta dispositio est objectum formale.

6 Prob. 2. Illud est objectum formale, per quod artefactum formaliter constituitur in suo esse: Sed per combinationem operationum mentis artefactum Logicum formaliter constituitur in suo esse: ergo. *m.* prob. artefactum Logicum est v. g. *Syllogismus*: Sed hic per rectam combinationem mentis formaliter constituitur in suo esse Syllogismi. ergo. *m.* prob. forma Syllogismi vocatur recta terminorum & propositionum combinatio: ergo per combinationem Syllogismus constituitur formaliter in suo esse.

## Solvuntur Objectiones.

7 Objic. 1. Operationes mentis sunt materia Physica: ergo non sunt objectum materiale Logicae. ant. prob. Physica in lib. de anima considerat cognitiones animæ & operationes mentis. ergo.

2. Si operationes mentis essent objectum materiale, tunc aliquando objectum formale non esset distinctum à materiali: Sed hoc non potest dici: ergo *m.* prob. quia in aliis artibus objectum materiale semper est distinctum à formali. prob. igitur *M.* potest definitio aut divisio consistere in unico actu mentis indivisibili: ergo aliquando operationes mentis non habent objectum formale distinctum à materiali.

3. Si operationes mentis essent objectum Logicae vel essent præteritæ, vel præsentæ, vel futuræ? neutrum potest dici: ergo nullum *m.* prob. præsen-



tes & præteritæ non possunt amplius corrigi; futuræ nondum sunt, ut corrigantur: ergo nulla ex his potest esse objectum Logicæ.

4. Si operationes mentis essent objectum materiale Logicæ, vel essent operationes erroneæ vel legitimæ, vel operationes ut sic seu indifferentes? neutrum potest dici: ergo nullum. *m. prob.* operationes erroneæ & legitimæ non possunt amplius mutari, & operationes ut sic non dantur. ergo. ant. quoad 2. membrum patet; quia non datur Syllogismus, qui sit indifferens, sed est determinate bonus aut malus.

5. Si operationes mentis essent objectum materiale tunc idem, quia ex illarum combinatione consurgeret artefactum: Sed hæc ratio nihil probat: ergo. *m. prob.* non est necesse, ut artefactum consurgat ex combinatione plurium partium: ergo ant. prob. Medicina v. g. efficit sanitatem per remedia simplicia, non semper per combinationem plurium remediorum.

3. Resp. ad r. c. ant. n. c. aut retorqueo argumentum. Lignum est objectum materiale Statuariæ: ergo non est objectum materiale Tornatoriæ vel Architectonicæ. Falsitas patet ex eo, quia plures artes possunt versari circa idem objectum materiale, modo diversimodè versentur. In præsentī Physica habet pro objecto materiali etiam operationes mentis secundum esse earum Physicum aut secundum suam naturam intrinsecam, quærendo, an sint spirituales? an sint qualitas distincta? an sint in ipsa anima? quomodo producantur? quomodo destruantur? Logica verò considerat has ipsas operationes secundum esse Logicum, seu in quantum sunt dirigibiles per Logicam; igitur ratio formalis sub qua Physica & Logica considerant operationes mentis, non est eadem.

Ad 2. d. M. Objectum formale aliquando non esset distinctum à materiali realiter & actualiter c. M. non esset distinctum formaliter, æquivalenter, & exponibiliter n. M. quando enim unico actu indivisibili in mente facio definitionem, tunc illa definitio non habet quidem partes realiter inter se distinctas, sed tamen definitum, genus & differentia in hac ipsa definitione indivisibili intentionaliter ac formaliter distinguuntur, & hæc definitio implicite, virtualiter, & æquivalenter habet plures partes, quia potest exponi per aliam definitionem, in qua explicitè distinguuntur partes. Dein posset etiam negari, quod in aliis artibus objectum formale semper sit distinctum ab objecto materiali, quia in Musica & Saltatoria combinatio vocum & motuum non necessario ac evidenter distinguitur ab ipsis vocibus & motibus realiter.

Ad 3. c. M. n. m. & dico: operationes mentis tam præteritas quam præsentēs & futuras esse objectum Logicæ, quia Logica debet sumi ampliatiuè ad omnia tempora, sicque Logica se extendit etiam ad operationes præteritas supponentes, pro eo statu temporis, quo verum erat dicere, eas esse dirigibiles aut actu directas à regulis Logicæ. futuræ verò operationes subjacent regulis artis, quia quandocunque è potentia educuntur in actum, educuntur per regulas Logicæ; præsentēs verò sunt ipsum actuale exercitium directionis regularum Logicæ.

Ad 4. c. M. n. m. & dico, quod operatio ut sic sit objectum materiale Logicæ. Sed nota, me per operationem ut sic intelligere illam operationem,

quæ secundum se potest fieri pars operationis rectæ aut illegitimæ v. g. termini & propositiones possunt fieri pars boni aut mali Syllogismi; similiter definitio aut divisio potest fieri pars Syllogismi boni aut mali; Syllogismus verò potest commutari in definitionem & divisionem bonam aut malam: ergo quælibet operatio mentis est indifferens ad rectitudinem aut irreductitudinem; & subjacet directioni artis Logicæ, in quantum quælibet operatio mentis, dum actu producitur, suam essentiam legitimam aut illegitimam accipit ab habitu Logico sui productivo, sicut omnia creata sunt objectum artis increatæ Sapientiæ divinæ, dum actu producuntur à Sapientia divina, eidemque in suo instanti productionis per modum objecti realis obijciuntur. Alii aliter explicant operationem ut sic & dicunt, quamlibet definitionem, divisionem, Syllogismum esse essentialiter bonum vel malum, dirigibilitatem verò eorundem consistere in eo, quod instruente Logica possum ex sacculo omnium Syllogismorum possibilem educere potius bonum, quam malum; sed nolo hanc explicationem, quia possibile est major dirigibilitas, quam assignavi.

Ad 5. c. M. n. m. ad prob. n. ant. ad hujus prob. d. ant. Medicina efficit sanitatem per remedia simplicia combinata cum partibus activis corporis. c. ant. non combinata. n. ant. objectum materiale Medicinæ sunt partes corporis, Medicina est instrumentum, quo diversimodè combinantur fluida & solida humani corporis; recta combinatio fluidorum cum solidis est ipsa forma à Medicina intenta seu sanitas ac recta constitutio corporis.

## QUÆSTIO VII.

### Quale sit objectum attributionis Logicæ?

Dico 1. *Prima & Secunda operatio mentis simpliciter sumpta non est objectum inadequatum attributionis Logicæ.* Per primam operationem mentis intelligo terminum; per secundam operationem mentis simpliciter sumptam intelligo omnem propositionem, quæ nondum est definitio, aut divisio; definitio enim & divisio sunt Secundæ operationes jam qualificatæ per regulas Logicas.

Prob. Conclusio 1. illud non est objectum attributionis, ad quod tanquam ad artefactum Logicum regulæ non ordinantur in Logica: Sed ad primam & secundam operationem regulæ non ordinantur in Logica. ergo. *m. prob.* quia nulla regula ostendi potest, quæ ordinetur ad construendum terminum, aut propositionem.

Prob. 2. Illud non est objectum attributionis, quod non est capax directionis Logicæ: Sed prima & secunda operatio non est capax directionis Logicæ. ergo. *m. prob.* si in prima & secunda operatione non potest committi error, tunc non est capax directionis Logicæ; Sed: ergo. *m. prob.* non possum errare, dum v. g. dico: *Petrus. animal rationale. animal rugibile. Petrus est Leo. si Sollucet, nox est.* ergo in prima & secunda operatione non possum errare; ant. patet, quia Logica non attendit ad veritatem propositionis, sed tantum ad definitiones vocum.

Dico 2. *Nec sola definitio, nec sola divisio, nec solus Syllogismus est objectum adequatum attributionis Logicæ.* Prob.



Prob. concl. 1. si non omnia ordinantur ad solam definitionem aut divisionem aut Syllogismum, tunc sola definitio &c. non est objectum attributionis: Sed: ergo. *m. prob.* Syllogismus essentialiter non ordinatur ad definitionem, nec definitio ad Syllogismum: ergo non omnia ordinantur ad solam definitionem &c. ant. prob. si per hos modos sciendi idem scitur, tunc unus non ordinatur essentialiter ad alterum, sed licet in quolibet horum quiescere: Sed idem scitur: ergo *m. prob.* ex Aristotele Posterior. 2. ubi ostendit hos tres modos sciendi tantum differre inter se quoad modum proponendi, idemque sciri per unum, quod scitur per alterum; ubi simul ostendit, quomodo unus modus sciendi possit converti in alterum, divisio in definitionem, definitio in divisionem aut Syllogismum. v. g. si dico: Eclipsis Solis est interpositio Lunæ inter terram & Solem; est definitio, si dico: cur Eclipsatur Sol? & respondeo, quia interponitur terra, fiet demonstratio, id est, Syllogismus. si verò dico: in Eclipsi dantur tria, Sol, terra & Luna interposita, erit divisio.

4 Prob. 2. Si tres modi sciendi sunt proprie artefactum Logicae & instrumentum Scientiarum, tunc quilibet eorum se solo est objectum attributionis Logicae: Sed: ergo. *m. prob.* per solam definitionem aut divisionem acquiritur aliqua Scientia, ut patet ex Platone: ergo quilibet se solo jam est completum artefactum Logicae.

5 Dico 3. Objectum adequatum attributionis in Logica sunt tres modi sciendi, nempe definitio, divisio, & Syllogismus. Prob. Conc. illud est objectum attributionis, ad quod omnia ordinantur: Sed ad hos tres modos sciendi omnia ordinantur. ergo. *m. prob.* ad hos tres modos sciendi ordinantur termini, propositiones, æquipollentia, & conversio propositionum &c. ergo ad hos omnia ordinantur.

6 Prob. 2. Illud est objectum attributionis, per quod Logica fit formaliter instrumentum aliarum Scientiarum: Sed per hos tres modos sciendi fit tale instrumentum: ergo. *m. patet ex terminis.* M. prob. quia finis Logicae est invenire media acquirendi Scientias: ergo finis Logicae, objectum attributionis Logicae, media Scientiarum, instrumentum Scientiarum, & modus sciendi sunt idem.

## Solvuntur Objectiones.

7 Objic. 1. cont. 1. concl. si simplex apprehensio continet artificium Logicae, tunc est objectum attributionis: Sed: ergo. *m. prob.* si manifestat aliquod prædicatum essentialiter, tunc continet artificium Logicum: Sed: ergo. *m. patet*, quia v. g. τὸ *animal* manifestat prædicatum genericum & τὸ *rationale* manifestat prædicatum differentiale, utrumque essentialiter homini. M. prob. est aliquod artificium posse devenire in notitiam prædicatorum essentialium.

2. Demonstratio est objectum attributionis, ergo etiam simplex apprehensio, prob. c. est eadem ratio in utroque: ergo ant. prob. ratio, cur demonstratio sit objectum attributionis, est, quia manifestat aliquid ignotum: Sed hæc ratio est etiam in simplici apprehensione: ergo. *m. prob.* etiam simplex apprehensio manifestat aliquid ignotum: ergo.

3. Si simplex apprehensio est capax directionis Logicae, tunc est objectum attributionis: Sed: ergo. *m. prob.* si simplex apprehensio est capax erroris,

tunc etiam est capax directionis. Sed, ergo. *m. prob.* possumus v. g. loco generis concipere differentiam, aut loco generis proximi concipere genus remotum: Sed hoc est error, & tale genus est simplex apprehensio. ergo simplex apprehensio est capax erroris.

4. Definitio est objectum attributionis: ergo etiam simplex apprehensio. prob. c. definitio est tantum simplex apprehensio. ergo ant. prob. τὸ *animal rationale* est definitio hominis: Sed hoc est tantum simplex apprehensio. ergo.

5. In aliis artibus simplex operatio est aliquod artefactum artis seu objectum attributionis: ergo etiam in Logica, prob. ant. si Organædus v. g. tantum reddat simplicem tonum, v. g. A. jam facit aliquod opus artis, quia in hoc errare potest. ergo.

6. Si circa simplicem apprehensionem saltem potest dari error operantis, etiam si non possit dari error operis, tunc adhuc est objectum attributionis: Sed: ergo. M. prob. illud circa quod potest dari error operantis, indiget consideratione artis: ergo adhuc potest denominari objectum attributionis.

7. Logica versatur circa tres mentis operationes: ergo quælibet operatio potest esse objectum attributionis. ergo ant. patet, quia, ut ait Divus Thomas, Logica versatur circa omnes actus rationis tantumquam circa propriam materiam.

8. Logica potest errare in suppositione terminorum: ergo terminus legitime supponens potest esse artefactum Logicae.

Resp. ad 1. c. M. n. m. ad prob. d. M. si manifestat aliquod prædicatum essentialiter artificialiter c. M. si illud manifestat naturaliter. n. M. dum dico: v. g. *animal* vel *rationale*, hi termini sunt quidem prædicata essentialia hominis, sed ille, qui profert, non eo ipso scit, quod sint prædicata essentialia hominis, nisi tacite dicat & affirmet: *homo est animal rationale*. Itaque omnis Scientia & artificium reperitur in compositione terminorum, non in simplici apprehensione. Et potest inverti argumentum: Illud, quod non continet artificium, non est objectum attributionis: Sed: ergo. *m. prob.* illud, quod est indifferens ad bonum vel malum opus artis, nondum continet artificium: Sed: ergo. *m. patet*, quia si dico: *animal rationale*, isti termini sunt adhuc indifferentes, utrum velim dicere: *equus est animal rationale*, vel: *homo est animal rationale*.

Ad 2. c. ant. n. c. ad prob. n. ant. ad hujus prob. d. M. ratio, cur demonstratio sit objectum attributionis est, quia manifestat ignotum artificialiter & scientificè c. M. quia manifestat ignotum tantum naturaliter. n. M. Syllogismus enim aliquid determinatè asserit, quod prius ponit fuisse ignotum, & illud non nudè asserit, sed demonstrat ita esse, quod asserit; igitur demonstratio ignoti est opus artis, non nuda assertio, aut apprehensio, quia hoc natura docet, non ars.

Ad 3. tr. M. n. m. ad prob. c. M. n. m. ad hujus prob. c. ant. d. c. ergo simplex apprehensio est capax erroris errore se tenente ex parte operantis c. c. errore se tenente ex parte operis n. c. quando enim loco generis proximi concipio genus remotum, v. g. loco τὸ *animal substantiam*, tunc ego quidem erro, dum unum concipio loco alterius, sed conceptus substantiæ omni errore caret; quia est revera conceptus substantiæ, licet hic & nunc in compositione definitiva non quadret; adeoque error non relucet ex opere



opere, nisi quis prius sciat intentionem operantis. econtra in mala definitione, vel Syllogismo malo error relucet ex opere.

Ad 4. c. ant. n. c. ad prob. n. ant. ad hujus prob. d. ant. *animal rationale* relativè sumptum est definitio. c. ant. absolute sumptum n. ant. quando ista praedicata *animal rationale* refero ad suum definitum nempe ad hominem, tunc merentur vocari definitio, & eatenus sumuntur relativè; quando verò sine ulla relatione absolute dico: *animal rationale*, tunc nondum suo, an ista praedicata quis sumere velit definitivè seu relativè, quod si non sumuntur relativè, non est definitio, nisi aptitudinaliter, materialiter, & denominativè tantum.

Ad 5. n. ant. ad prob. n. ant. aut suppositum, quod talis simplex tonus fiat sine compositione artis; si quis enim præcisè tangat unam clavem, tunc non errabit qualemcunque tangat, si autem hunc tonum sumat relativè ad alium tonum v. g. ad cornua venatoria, tunc jam componit duos tonos ad invicem, & hæc compositio duorum tonorum consonantiū est objectū artis.

Ad 6. n. M. ad prob. d. ant. illud, circa quod potest committi error, est objectum artis aut speculativum aut materiale c. ant. est objectum practicum, aut objectum attributionis n. ant. v. g. si Statuarius locò ligni sumat ferrum ad efformandam statuum, errabit quidem, sed tantum circa objectum materiale; sic etiam in Logica poterit in ordine ad Syllogismum sumi una propositio locò alterius, sed propositiones erunt tantum objectum materiale: eo modo, si coquus in ordine ad cibum sumat aquam loco olei, error erit circa objectum materiale, non circa objectum attributionis.

Ad 7. d. ant. Logica versatur circa tres mentis operationes tanquam circa objectum materiale c. ant. tanquam circa objectum attributionis n. ant. Divus Thomas non plus vult, quam tres mentis operationes esse objectum materiale, cum circa eas Logicam versari dicat tanquam circa propriam materiam.

Ad 8. c. M. n. m. ad prob. c. ant. d. c. ergo potest committi error ex parte operantis c. c. ex parte operis n. c. quando dico: *omnis homo currit*: tunc homo supponit distributivè, etiam si operans putet illum terminum supponere collectivè; ergo non datur error ex parte ipsius termini seu apprehensionis simplicis, sed tantum ex parte operantis.

9 Objic. 2. contra 2. concl. 1. Si in propositione potest dari error artificialis, tunc propositio potest esse artefactum Logicæ: Sed: ergo. m. prob. potest dari error in oppositione, expositione, æquipollentia & conversione propositionum: ergo. 2. Definitio est objectum attributionis: Sed definitio est tantum propositio & Secunda mentis operatio. ergo.

3. Si propositio constat materia & forma tunc est artefactum Logicæ: Sed: ergo. m. prob. propositio constat terminis tanquam materia, & copulatione terminorum tanquam forma: ergo.

20 Resp. ad 1. d. M. si potest dari error artificialis tunc est objectum Logicæ per modum objecti attributi essentialiter ordinati ad artefactum principale tr. M. per modum objecti attributionis non subordinati essentialiter ad aliud n. M. vel retorqueo argumentum: Si in commixtione colorum, aut in diapason, diapente &c. potest dari error, tunc commixtio colorum est objectum attributionis Pictoriæ, & diapason est objectum attributionis Musicæ. Sed: ergo. Ex

hoc ergo patet non omne artefactum qualemcunque esse objectum attributionis, si nempe ars non potest quiescere in tali artefacto: jam autem propositiones essentialiter subordinantur ad aliquid demonstrandum, & eatenus in hunc finem servit æquipollentia, oppositio, conversio propositionum, nempe ad Syllogismum, vel definitionem, vel divisionem.

Ad 2. c. M. d. m. definitio est propositio qualificata c. m. simpliciter talis, n. m. propositio simpliciter talis ex usu loquentium significat assertionem, quæ nondum est definitio vel divisio.

Ad 3. d. M. si propositio constat materia & forma constitutiva artefacti non essentialiter ordinati ad artefactum principale in quo habitus quiescit c. M. si tantum constat materia & forma constitutiva essentialiter artefacti subordinati ad artefactum principale n. M. propositio, ut ostensum est, non est modus sciendi, nisi in quantum servit ad aliquid demonstrandum, non nudè asserendum.

Objic. 3. contra 3. concl. in qua dicitur solam definitionem non esse objectum attributionis.

1. Illud est objectum attributionis, quod est objectum nobilissimum: Sed definitio est tale. ergo. m. prob. nobilius est scire essentiam rei per definitionem quam scire proprietates rei per demonstrationem. ergo.

2. Illud est objectum attributionis, ad quod omnia ordinantur: Sed tale est definitio: ergo. m. prob. ipse Syllogismus ordinatur ad construendam definitionem: ergo prorsus omnia ordinantur ad definitionem. prob. ant. finis Syllogismi est demonstrare proprietates rei, & finis proprietatum est, ut ex his cognoscamus essentiam rei: ergo finis Syllogismi est definitio.

3. Illud est objectum attributionis, quo habito eo ipso habentur reliqua objecta: Sed habita definitione eo ipso habentur reliqua objecta. ergo. m. prob. cognita essentia rei eo ipso cognoscuntur omnes proprietates, & omnia, quæ per Syllogismum demonstrari possunt. ergo. ant. prob. cognita essentia rei & genere proximo & differentia ultima eo ipso cognoscitur radix omnium proprietatum.

4. Definitio est objectum attributionis Logicæ Platonice: ergo etiam Aristotelice. prob. c. objectum Scientiæ non potest mutari. ergo.

Resp. ad 1. n. M. aut retorqueo: illud est objectum attributionis, quod est objectum nobilius: Sed v. g. ocreæ sunt objectum nobilius quam calceus, & calcei sunt nobilius objectum quam sandalia: ergo.

Ad 2. c. M. n. m. ad prob. n. m. ad hujus prob. n. ant. finis enim Syllogismi non solum est demonstrare proprietates rei, sed etiam praedicata essentialia rei, quæ per definitionem explantur.

Ad 3. d. M. illud est objectum attributionis, quo habito habentur reliqua etiam formaliter c. M. quo habito reliqua habentur tantum realiter. n. M. verum quidem est definitionem, divisionem, & Syllogismum realiter idem esse, & docere prorsus idem, licet modus tendendi sit diversus, ita fatente ipso Aristotele 2. Poster. sed hic ipse modus tendendi diversus explicitus seu formalis facit, ut habita definitione non eo ipso habeatur Syllogismus.

Ad 4. c. ant. n. c. ad prob. d. ant. objectum artis adæquatum non potest mutari manente eadem arte c. ant. inadæquatum. n. ant. Logica, Platonica & Aristotelica differunt quoad objectum inadæquatum Logicum; Plato egit de sola definitione, Aristoteles principaliter de Syllogismo. sic unus Sutor potest se appli-



applicare conficiendis ocreis, alter calceis, sed ars utrumque complectitur.

- 13 Objic. 4. contra eandem concl. 1. si sola demonstratio parit Scientiam, tunc sola demonstratio est objectum attributionis: Sed: ergo *m. prob.* si definitio & divisio sunt nudæ assertiones, tunc sola demonstratio parit Scientiam: Sed: ergo.

2. Si definitio ordinatur ad Syllogismum demonstrativum, tunc omnia ordinantur ad Syllogismum demonstrativum: Sed: ergo. *m. prob.* si definitio est pars Syllogismi, tunc ordinatur ad Syllogismum: Sed: ergo. *m. prob.* ex hoc Syllogismo: *Omnis homo est animal rationale: Sed Petrus est homo: ergo Petrus est animal rationale.*

- 14 Resp. ad 1. tr. M. n. *m.* ad prob. c. M. n. *m.* quia definitio & divisio non sunt nudæ assertiones, sed assertiones fundatæ in inductione v. g. si constituitur definitio hominis, prius per inductionem debet esse notum, quod omnis homo sit animal, & quod nullum aliud animal sit rationale. Idem fit in divisione. sicut ergo veritas præmissarum præsupponitur in Syllogismo, ita etiam inductio similium aut dissimilium præsupponitur ad definitionem.

Ad 2. c. M. n. *m.* ad prob. d. M. si definitio est pars Syllogismi essentialiter ordinata ad Syllogismum c. M. si est pars non essentialiter ordinata, n. M. definitio jam se sola est sufficiens artefactum Logica, & in ea potest ars quiescere, licet etiam possit adhiberi ad syllogismum Scientificum, sed propterea non definit esse objectum principale, alioquin etiam Syllogismus non esset objectum principale, quia potest adhiberi ad probandam definitionem & divisionem, adeoque ordinatur ad definitionem & divisionem. Possit etiam retorqueri argumentum: Si ipsa demonstratio est pars alterius demonstrationis, tunc non omnis demonstratio est objectum attributionis: Sed: ergo. *m. patet*, quia integer Syllogismus potest esse terminus, adeoque pars etiam Syllogismi.

- 15 Objic. 5. Aristoteles non habet pro objecto attributionis definitionem & divisionem: ergo non sunt objectum attributionis. prob. ant. si Aristoteles nunquam ex instituto agit de definitione & divisione, tunc eas non habet pro objecto attributionis: Sed: ergo. *m. prob.* quia nullibi agit de definitione, nisi in quantum est pars Syllogismi demonstrativi aut Topici.

2. Si Syllogismus esset objectum attributionis, tunc vel esset Sophisticus vel probabilis vel demonstrativus? neutrum potest dici: ergo *m. prob.* quoad primum membrum: Syllogismus Sophisticus non est juxta regulas artis: ergo non est objectum attributionis. prob. quoad 2. membrum: Syllogismus probabilis non est instrumentum Scientiarum: ergo non est objectum attributionis. prob. ant. si Syllogismus probabilis potest esse falsus, tunc non est instrumentum Scientiarum: Sed: ergo. Prob. etiam quoad 3. membrum: si Syllogismus demonstrativus non est scientificus nisi per conclusionem, tunc non est objectum attributionis: Sed: ergo. M. prob. conclusio non est opus artis sed naturæ: ergo si per conclusionem est scientificus, non est objectum artis. prob. ant. intellectus concessis præmissis necessatur ad conclusionem: ergo conclusio non est opus artis.

3. Si omnia ordinantur ad conclusionem, tunc sola conclusio est objectum attributionis: Sed: ergo. *m. prob.* ipsum artificium Syllogisticum cum præmissis omnibus ordinatur ad obtinendam legitimi-

R. D. Euseb. Amori Philosophia.

nam conclusionem: ergo omnia ordinantur ad conclusionem.

4. Potest dici: quod Logica habeat pro objecto attributionis etiam voces recte dispositas; intellectum bene operantem, res cognitæ secundis intentionibus: ergo non debet dici, quod tantum habeat pro objecto attributionis tres modos sciendi. ant. prob. non repugnat eandem artem habere pro objecto attributionis plura diversissima objecta, modo convenient sub una ratione superiore communi: Sed hæc omnia objecta conveniunt sub una ratione communi, ergo. *m. prob.* hæc omnia sunt media obtinendi Scientias: ergo omnia hæc objecta conveniunt sub una quadam ratione superiori.

5. Si in his tribus modis sciendi non continentur prædicamenta & universalia, tunc non sunt adequatum objectum attributionis: Sed: ergo. M. prob. prædicamenta & universalia etiam pertinent ad objectum attributionis: ergo. ant. prob. si prædicamenta & universalia dicunt artificiosam coordinationem conceptuum generalium, tunc pertinent ad objectum attributionis: Sed: ergo.

6. Objectum attributionis in Logica non debet statui tantum aliquod artefactum practicum: ergo pro objecto attributionis non tantum debent admitti tres modi sciendi. prob. ant. si Logica etiam est speculativa, tunc pro illius objecto non tantum debet statui aliquod practicum: Sed: ergo. *m. patet*; quia Logica magna sui parte demonstrat proprietates suorum conceptuum.

7. Objectum attributionis in Logica cuilibet debet esse arbitrium: ergo non necessario debent esse tres modi sciendi. prob. ant. si cuilibet est arbitrium ad quodnam objectum velit respicere, & suam figere attentionem, tunc objectum debet esse arbitrium: Sed: ergo. *m. prob.* cuilibet debet esse arbitrium, qualia media sibi respective convenientia velit assumere ad obtinendas Scientias: ergo.

8. Objectum attributionis dependet à judicio prudentum: ergo non debet determinate admitti modus sciendi. prob. ant. si ex una parte Patroni diversarum opinionum circa objectum in Logica idem discunt & docent, & ex altera parte diversitas objectorum Logica non dependet à re, sed à modo tendendi arbitrio, tunc objectum attributionis dependet à judicio prudentum: Sed: ergo. *m. patet*, quia ii, qui v. g. pro objecto admittunt intellectum bene operantem, res secundo intentionaliter cognitæ, habent eandem Logicam ac nos.

9. Logica non habet constantem sui notionem nec est constanter eadem: ergo non necessario debet admitti unum aliquod constans objectum attributionis. prob. ant. si sub hoc nomine Logica possunt comprehendere ex arbitrio humano diversissima subsidia ad reliquas Scientias, tunc Logica non habet constantem notionem: Sed: ergo. M. patet, quia quilibet per hoc nomen intelligit illa subsidia ad reliquas Scientias, quæ pro suo arbitrio æstimat magis aut minus conducibilia. *m. prob.* Logica est aliquod totum morale, cujus partes tantum voluntate humana in unum totum coalescunt aut coalescunt; igitur pro diversitate voluntatum humanarum liberum erit has vel illas partes nomine Logica comprehendere.

10. Logica Aristotelica est defectuosa seu manca: ergo



ergo non debet quæri objectum attributionis Logicæ Aristotelicæ. prob. ant. si Logica Aristotelica non tractat de variis subsidiis ad reliquas Scientias conducentibus, tunc est manca: Sed: ergo. *m.* patet, quia imprimis non tractat de Methodo. 2. non tractat de claritate & proprietatibus idearum. 3. quia non statuit gradus certitudinis, probabilitatis, autoritatis cujusvis præmissæ aut propositionis. 4. non docet gradum probabilitatis resultantis in conclusione ex duabus præmissis probabilibus. 5. non docet æstimare probabilitatem plurium argumentorum vel à ratione vel ab autoritate simul sumptorum, neque etiam docet multa argumenta reducendi ad unum vel alterum. 6. non tradit Hermenevticam summè in omnibus Scientiis necessariam; cum uique necessarium sit scire modum interpretandi textus. 7. non docet animum expurgare à præjudiciis per principia generalia præjudiciorum correctiva. 8. non docet augere capacitatem mentis ad intelligenda obscura, ardua, quæ omnia Neoterici supplent, dum de his omnibus fusè tractant. Tradunt enim de Methodo, & agunt de modo acquirendi claras ac distinctas ideas seu notiones rerum omnium; tradunt Hermenevticam seu artem interpretandi; agunt de principiis generalibus directivis per omnes Scientias; dein agunt de præjudiciis corrigendis seu tollendis falsis persuasionibus à prima infantia imbibitis & de tollendis aliis Scientiarum impedimentis; denique augent capacitatem mentis assuescendo animum ad comprehendendum multa & ardua.

16 Resp. ad 1. n. ant. ad prob. n. M. quia Aristoteles non agit de omnibus partibus Logicæ, sed tantum de iis, quæ indigebant ingenio Aristotelico; de iis nempe, quæ nondum erant discussæ à suis antecessoribus; interim ipse Aristoteles satis indicat se definitionem & divisionem agnoscere pro præcipuo modo sciendi, dum in lib. Poster. : dum quærit de modis sciendi, inter hos numerat etiam definitionem; inter omnes enim quæstiones scibiles ponit etiam quæstionem quid sit res? quin imò ostendit omnem quæstionem æque resolvi posse per definitionem & divisionem quàm per demonstrationem.

Ad 2. c. M. n. *m.* & dico, Syllogismum probabilem & demonstrativum esse objectum attributionis, non autem Syllogismum Sophisticum; Ad prob. dico: Syllogismum probabilem esse instrumentum Scientiarum, in quantum demonstrat probabilitatem; nam æquè conducit ad acquirendam notitiam Scientificam scire probabilia non esse certa, & scire, in quantum sit probabile, quod utique scitur per Syllogismum probabilem, si rectè tractetur. Syllogismus autem Demonstrativus non est Scientificus per conclusionem materialiter spectatam & absolute sumptam, sed tantum per conclusionem quæ talem, formaliter & relative sumptam, dum videlicet scio, conclusionem habere legitimam connexionem cum præmissis evidentè veris, tunc enim primum scio, conclusionem esse Scientificam; adeoque conclusio est Scientifica in sensu composito cum præmissis.

Ad 3. d. M. si omnia ordinantur ad conclusionem materialiter & absolute sumptam, tunc conclusio est objectum attributionis c. M. si omnia ordinantur ad conclusionem tantum formaliter relative &

in sensu composito sumptam. n. M. Conclusio secundum se præcisè sumpta non parit Scientiam, Sed præcisè in quantum connectitur cum præmissis; igitur dicamus simpliciter non solam conclusionem, sed totum Syllogismum esse objectum attributionis.

Ad 4. n. ant. ad prob. tr. M. n. *m.* ad hujus prob. d. ant. hæc omnia sunt media obtinendi Scientias æquivoca aut analogæ, c. ant. sunt media obtinendi Scientias univoca. n. ant. voces v. g. sunt tantum analogatum Secundarium operationum mentalium, & ideo non sunt modus sciendi univocè cum operationibus mentis, sed tantum per analogiam & proportionem ad modum sciendi mentalem; similiter intellectus benè operans tantum est instrumentum sciendi naturaliter non artificialiter tale. in omnibus autem artibus objecta attributionis inadæquata debent participare rationem univocam objecti attributionis, quia ut positum fuit in definitione operis artificialis, tale opus debet esse pars potestativa sui objecti principalis.

Ad 5. tr. M. n. *m.* & dico, quod Universalium & Prædicamentorum coordinatio pertineat ad divisionem, quia in Prædicamentis & Universalibus nihil aliud fit, quàm ut prædicata generalia omnium entium ordinatè objiciantur menti, & ut in consideratione omnium rerum intellectus ordinatè procedat, coordinatio autem partium considerandarum pertinet ad divisionem.

Ad 6. n. ant. ad prob. d. ant. si Logica est Speculativa circa aliud objectum quàm circa artefactum proprium, tunc pro illius objecto non debet statui aliquid practicum, tr. ant. si Logica non est Speculativa nisi circa artefactum proprium, n. ant. Logica tantum demonstrat proprietates sui artefacti nempe operationum mentalium. Si verò omnino urgeas objectum saltem formale Scientiæ Speculativæ quæ talis non esse aliquid practicum, tunc deberet dici, quod Logica quatenus est Speculativa, habeat pro objecto materiali operationes mentis, & pro objecto formali earundem esse Physicum aut Metaphysicum aut Logicum, in quantum nempe hæ operationes habent relationem adinvicem secundum regulas artis; sed in hac consideratione Logica non simpliciter debet tribuere denominationem suo objecto, quia primario ac simpliciter non est Speculativa, sed tantum accessorie, cum utique per suam speculationem per se non fiat instrumentum reliquarum Scientiarum sed per accidens.

Ad 7. n. ant. ad prob. c. M. n. *m.* ad hujus prob. d. ant. cuilibet est arbitrium, qualia media velit assumere ad obtinendas Scientias, nisi dentur aliqua media jam ex sua natura talia. c. ant. si dentur. n. ant. Syllogismus, definitio, & divisio sunt talia media, quæ debent considerari ab omni Logico, quia sine his nihil fit, alia autem media non sunt simpliciter necessaria, nisi quoad melius esse, quæ etiam pro arbitrio assumi aut omitti possunt.

Ad 8. n. ant. ad prob. c. M. n. *m.* quoad 2. membrum, quia objecta habent ex sua natura aliquem modum, secundum quem primario debent considerari ab arte, adeoque judicium prudentum semper debet fundari in ipsa natura rei, & in modo reali, secundum quem res objiciuntur menti: in præsentem tres modi sciendi ex sua natura ita constituti sunt, ut possint objici menti secundum esse practicum, & habent meritum objectivum, ut  
secun-



secundum hunc modum terminent attentionem artis : ergo secundum hunc suum statum practicum debent terminare attentionem artis.

Ad 9. d. ant. Logica ut si non habet constantem notionem , c. ant. Logica Peripatetica. n. ant. nos in presenti quaerimus de Logica Peripatetica, quae habet determinatas partes, nec plures, nec pauciores, nempe Syllogismum, definitionem, & divisionem; si quis alius quaerit plura veritatis subsidia, quaerat in Logica Neotericorum.

Ad 10. d. ant. Logica Aristotelica est manca quoad instrumenta sciendi formalia, immediata, ac principalia n. ant. quoad instrumenta sciendi secundaria tr. ant. Aristoteles primario tantum voluit agere de illo instrumento, per quod immediate obtineretur Scientia, non autem voluit agere de subsidiis sciendi tantum remotis, quia illa subsidia remota plerumque fallunt industriam artis. Finis enim, quod per plurima media, quorum quodvis multis dispositionibus indiget, transit, plerumque non obtinetur. Dixi: *transit*. quia posset dici, quod Aristoteles adhuc sufficienter saltem innuat illa instrumenta secundaria. De Methodo aliquo modo tractat in lib. Posteriori ubi dicit, incipiendum esse à primis principiis per se & evidenter notis ad inferendas conclusiones scientificas: igitur innuit Methodum Analyticam: deinde tradit etiam Methodum Syntheticam, dum in fine Posteriori ait: nihil esse in intellectu, quod prius non fuit, adeoque incipiendum esse à sensibilibus seu notioribus. Ex multis sensibus, inquit, nascitur memoria, dum videlicet animus confert plures Sensationes, quod Aristoteles memoriam vocat. Ex multis memoriis nascitur experientia, dum enim mens recordatur se in hoc & illo casu ita expertam esse, tunc dicit se habere experientiam. Ex multis experientiarum nascitur inductio seu universale; dum enim mens videt se constanter ita experiri in omnibus circumstantiis per plurimas ejusdem rei experientias saepius diversis loco & tempore repetitas, tunc mens facit propositionem universalem & dicit, rem universaliter ita fieri, adeoque necessario fieri. Ex inductione tali universali nascitur Scientia, quia propositio scientifica nihil aliud asserit, nisi quod res universaliter, adeoque certo & necessario fiat. Haec est Methodus Aristotelica in lib. Posteriori. ex qua patet illum optime agnovisse duas Methodos Analyticam & Syntheticam; Idem posset probari de aliis inventis Neotericorum v. g. de Hermeneutica, quia Aristoteles jam aliquo modo tradidit principia interpretandi in lib. Perierher. & cum ex ipso contextu appareat illos libros non esse completos, merito aliqui suspicantur, Aristotelis Hermeneuticam fuisse deperditam. Quod autem Criticam attinet, ubi statuuntur certi gradus certitudinis & probabilitatis, eos insinuat Aristoteles in Topicis & in libris Rhetoricorum, dum clare asserit, id probabile dici, quod plerumque fit, aut quod plerisque videtur, e contra vero certum esse, quod semper fit. Verum ut dixi haec ipsa veritatis subsidia ordinantur per modum praeviarum dispositionum intellectus ad acquirendum modum sciendi formalem ac immediatum, qui consistit in divisione, definitione, & discursu.

## QUAESTIO VIII.

An Logica sit virtus intellectualis;  
& qualis?

**V**irtus, prout definitur tam à Divo Thoma, quam ab Aristotele locis innumeris nihil aliud est, quam dispositio cujuslibet rei ad suum finem. v. g. ut utamur exemplo Divi Thomae: virtus equi est illius recta dispositio ad suum finem, nempe ad cursum. Virtus oculi est recta illius dispositio ad suum finem nempe ad videndum. Idem patet in omnibus aliis rebus etiam naturalibus, quae dicuntur habere aliquam virtutem v. g. herbae dicuntur habere virtutem medicam, per quam homines nihil aliud intelligunt, quam dispositionem sanandi. Ignis dicitur habere virtutem urendi, & per hanc virtutem intelligunt dispositionem urendi. Igitur clarum est, quod homines per hanc vocem virtutis nihil aliud intelligant quam dispositionem rei ad suum finem; adeoque etiam à nobis huic voci nulla aliunde debet subijci notio, cum à nostris Principibus eadem stabiliter recepta & conservata sit.

Porro in Scholis virtus definitur definitione Aristotelica, quod sit *dispositio perfecti ad optimum*. vel: quod sit *id, quod bonum facit habentem & opus ejus bonum reddit*. ita definit Aristoteles virtutem in Ethicis; haec vero definitiones nihil aliud volunt dicere, nisi quod diximus, nempe virtutem esse dispositionem cujuslibet rei ad suum finem. Uberiorem explanationem hanc accipe.

*Bonum & Optimum* vocatur id, quo habito quiescit appetitus, ita enim definit Aristoteles; igitur *finis cujuslibet appetitus est bonum*, & per consequens finis ac bonum cujuslibet rei convertuntur, cum utrumque sit id, in quo appetitus quiescit. sicut proin omnis res ordinatur ad aliquem finem vel à se ipso, vel à sua causa, ita ordinatur ad aliquod bonum, quo habito appetitus ordinantis quiescit. Ad obtinendum verò hunc finem duo requiruntur 1. naturalis potentia tendendi in finem seu perfectio naturae. 2. dispositio seu preparatio potentiae perveniendi facile ac certo ad finem. Cum igitur virtus sit dispositio cujuslibet rei ad suum finem rectè definitur ab Aristotele, quod sit *dispositio perfecti ad optimum*; seu naturalis potentiae preparatio ad suum bonum. Similiter altera definitio bona est, quia preparatio potentiae ad consequendum suum bonum facit consequi suum illud bonum; & propterea virtus dicitur esse *id, quod bonum facit habentem* seu habere & consequi, & *opus ejus bonum reddit*, seu quae facit, ut actio ad consequendum bonum sit idonea.

*Notandum* 2. virtutem esse dispositionem ad bonum cujuslibet rei, verum non apparenter tale; quia quaelibet res ordinatur ad bonum, quod est verè bonum, Homo, qui ordinatur ad possidendum summum bonum, pariter disponi debet ad consecutionem hujus boni, & proin tot possunt esse virtutes in homine, quot possunt dari diversae dispositiones ad certam & facilem assècutionem hujus boni. Haec verò dispositiones sunt duplicis generis. 1. indiget enim intellectus preparari ac disponi ad cognoscendum verum bonum, & ad cognoscenda media illuc perducentia, & ad cognoscendum ordinem mediorum inter se. 2. indiget voluntas preparari ac disponi ad appetendum



dum verum bonum, ut non inclinetur ad bonam trans-  
euntia & ad media inconvenientia. Dispositio in-  
tellectus ad cognoscendum verum bonum seu ad  
cognoscendam veritatem perducen-tem ad bonum  
vocatur *Virtus intellectualis*. Econtrà dispositio volun-  
tatis & inclinatio potentiarum ad appetendum verum  
bonum vocatur *Virtus Moralis*.

5 *Notandum* 3. virtutes intellectuales numerari  
quinque; tot enim sunt virtutes intellectuales, quot  
modis preparatur intellectus ad cognoscendas verita-  
tes assequendo summo bono congruas. Hæ virtutes  
sunt 1. Ars. 2. Scientia. 3. Prudentia. 4. Sapientia.  
5. Intellectus. *Ars* definitur, quod sit *habitus vera  
cum ratione factivus*; id est dispositio intellectus, quâ  
rationabiliter efficitur aliquod opus condu-  
cens ad assequendum summum bonum, in quantum nem-  
pe omnia artefacta humana secundum ordinem à  
Deo constitutum sunt media hominem sustentandi &  
conservandi bonum commune Reipublicæ.

6 *Scientia* definitur, quod sit *habitus certa ex princi-  
piis veris per se & evidenter notis, & causis conclusio-  
nis*. Per Scientiam enim intelligitur cognitio, quæ  
acquiritur per demonstrationem, nempe ex princi-  
piis veris ulteriori demonstratione non indigentibus  
seu primis. Illa principia debent esse evidētia ac per  
se ipsa nota, & ex illis principis cognitio Scientifica  
deduci debet: hæc verò Scientia vocatur virtus, quia  
revelat perfectiones creatas, ex quibus deducit in-  
tellectum in notitiam perfectionis increatæ seu sum-  
mi boni, aut quia revelat veritates ad illud bonum  
dirigentes.

7 *Prudentia* definitur, quod sit *habitus vera cum ra-  
tione Activus*, aut prout Divus Thomas melius de-  
finit: quod sit *ratio mediorum ad finem*, nempe pru-  
dentia ostendit, quid agendum sit seu qualia media  
eligi debeant in ordine ad finem intentum seu ad  
assequendum bonum; vocatur autem virtus Pru-  
dentia, quia immediate versatur circa media & or-  
dinem mediorum perducen-  
tium ad bonum seu ad  
optimum.

8 *Sapientia* definitur, quod sit *notitia certa rerum  
altissimarum per causas primas*; nempe Sapientia dif-  
fert à Scientia per hoc, quod versetur circa res maxi-  
mè divinas aut universales, quæ immediate dete-  
gunt naturam summi boni. tales Sapientia partes  
sunt Metaphysica (puta Veterum) & Theologia  
mystica Dionysii.

9 *Intellectus* definitur, quod sit *habitus cognoscitivus  
principiorum*: nempe principia generalia, à quorum  
notitia dependet Scientia omnium particularium,  
non discuntur per demonstrationem, sed statim pri-  
mo obtutu intelliguntur ab iis, qui recte dispositi  
sunt: sicut sensibilia videntur intuitionem per ocu-  
lum sine demonstratione; hæc virtus autem maxi-  
mè reperitur in Angelis, in hominibus tantum re-  
spectu principiorum lumine naturæ cognitorum,  
nectam traditur per artem, quàm per lumen natu-  
rale, quod infunditur ab authore naturæ.

10 Dico 1. *Logica nec est Intellectus, nec Sapientia,  
nec Prudentia*. Prob. concl. si Logica non partici-  
pat definitionem intellectus &c. tunc non est intel-  
lectus &c. Sed: ergo. *m. patet* insipienti.

11 Dico 2. *Logica est Scientia*. Prob. concl. 1. autho-  
ritate Divi Augustini, qui Logicam vocat Scien-  
tiam disputandi, & lib. 2. de Doct. Christ. Scientiam

definendi. item autoritate Divi Thomæ, qui sa-  
pius Logicam vocat Scientiam.

Prob. 2. Si Logica plurimas habet demonstratio-  
nes, tunc est Scientia: Sed: ergo. Logica demon-  
strat regulas Syllogismi, definitionis, divisionis,  
suppositionis, oppositionis, conversionis: ergo.

Dico 3. *Logica est ars*. Prob. concl. imprimis au-  
thoritate Aristotelis l. 2. Elench. c. ultimo, ubi  
Logicam vocat artem. Item autoritate Divi Thomæ,  
qui opusc. 70. q. 5. R. 1. ad 2. sic ait: *illa inter  
ceteras dicuntur artes, quæ non solum habent cognitio-  
nem, sed opus, quod est immediate ipsius rationis,  
sicut Syllogismum & orationem facere & numerare*.

Prob. 2. Si Logica participat definitionem ar-  
tis, tunc est ars: Sed: ergo. *m. prob. definitio ar-  
tis est, quod sit habitus vera cum ratione factivus*;  
Sed: ergo. *m. prob. si Logica facit Syllogismum,  
tunc est habitus vera cum ratione factivus*: Sed:  
ergo. *m. prob. si habita sola Logica sit Syllogismus,  
& illa sola non habita non sit Syllogismus, tunc Lo-  
gica facit Syllogismum*: Sed: ergo. Confirmatur:  
si Logica dat proximam sufficientiam, & ponit actum  
primum proximum ac omnes dispositiones ad con-  
struendum Syllogismum requisitas, tunc ipsa inten-  
dit facere Syllogismum: Sed: ergo. *m. patet*,  
quia habitis præceptis Logicis nihil deest ad con-  
struendum Syllogismum. *M. prob. nullius artis aut  
hominis intentio quiescit in ipsis dispositionibus*:  
ergo si Logica ponit omnes dispositiones, etiam in-  
tendit construere Syllogismum.

Prob. 3. Si Logica ordinatur ad praxin, tunc est  
ars: Sed: ergo. *m. prob. si primum est Logicam  
ordinari ad praxin, tunc &c. Sed: ergo. m. prob. si  
dantur motiva allicientia & nulla absterrentia ordi-  
nandi Logicam ad praxin, tunc primum est illam  
ordinari ad praxin*: Sed: ergo. *m. prob. ex una  
parte in Logica datur summa capacitas ad praxin,  
& ex altera parte datur magna utilitas proveniens  
ex praxi*: ergo dantur motiva allicientia ad praxin.

Prob. 4. Si Logica habet omnes proprietates,  
adjuncta tam antecedentia quàm concomitantia  
& consequentia artis, tunc est ars: Sed: ergo. *m.  
prob. partim positivè partim negativè*; positivè,  
quia Logica tradit plurimas regulas, quæ tantum  
solent tradi in artibus in ordine ad aliquod opus.  
Dein tantum in artibus solet quis vocari imperitus  
ratione artefacti; cum igitur ille vocetur imperi-  
tus Logicus, qui construit Syllogismum constantem  
quatuor terminis, sequitur artefactum hoc perti-  
nere ad Logicam per se & ex natura sui.

## Solvuntur Objectiones.

Objic. 1. Si Logica non est dispositio ad optimum,  
tunc non est virtus intellectualis: Sed: ergo. *m. prob.  
si Logica est dispositio ad actus etiam probabiles, tunc  
non est dispositio perfecti ad optimum*: Sed: ergo.  
*M. prob. actus probabiles non sunt optimum intel-  
lectus, ergo.*

2. Si Logica disponit ad actum erroneum, tunc  
non est virtus intellectualis: Sed: ergo. *m. prob.  
si Logica disponit ad Syllogismum Sophisticum, tunc  
disponit ad actum erroneum*: Sed: ergo. *m. prob.  
quia habita notitia regularum Sophisticarum nitimur in  
vetitum.*

3. Non



3. Non potest dici, ad quale optimum Logica disponat. ergo. ant. prob. nec actus elicit, nec actus imperati sunt optimum. ergo. ant. prob. actus elicit sunt regulæ Logicae, actus autem imperati sunt actus regulati v. g. Syllogismi Aristotelici ABCdarii, sed horum nihil est optimum. ergo.

4. Virtus est, quo nemo male utitur: Sed Logica non est id, quo nemo male utitur: ergo M. est S. Augustini lib. 2. de libero arbitrio c. 18. m. prob. Logica multi abutuntur v. g. Hæretici: ergo.

5. Si Logica esset virtus intellectualis, tunc etiam habitus furandi aut ars parandi venena & philtra esset virtus intellectualis: Sed hoc est absurdum: ergo M. prob. etiam habitus furandi & philtra parandi est cum vera ratione factivus. ergo.

6. Logica est instrumentum virtutum intellectualium. ergo non est virtus intellectualis.

18 Resp. ad 1. c. M. n. m. ad prob. d. M. si Logica disponit ad actus probabiles tanquam ad optimum artis c. M. si disponit ad actus probabiles tanquam ad medium optimi n. M. bene notandum est, quod in omni virtute sive morali sive intellectuali optimum aliud non sit nisi summum bonum hominis; ad hoc disponunt omnes virtutes sive morales sive intellectuales, licet aliquæ harum virtutum tantum disponant remotè ac mediatè; in præsentī Logica immediatè disponit ad Syllogismos, definitionem, ac divisionem; hi modi sciendi sunt finis immediatus artis, sed non sunt illud optimum, ad quod virtus disponit. Resp. 2. d. M. non disponit ad optimum absolute ac simpliciter tale tr. M. ad optimum respectivè tale n. M. actus probabiles non sunt quidem summa humani intellectus perfectio; sed in hoc statu, in quo caligat hominum mens, contenti esse debemus veritate etiam probabili in illo saltem casu, ubi major certitudo haberi non potest; Verum prior Responsio melior est, quia virtutes humanæ non sunt virtutes nisi in ordine ad summum bonum absolute ac simpliciter tale.

Ad 2. c. M. n. m. ad prob. c. M. n. m. quia est impossibile, ut virtus intellectualis disponat ad actum abducentem à summo hominis bono. hinc S. Thomas 2. 2. expressè negat artem furandi propriè posse vocari artem: idem negat Divus Chrysostomus ex hac ipsa ratione; ratio enim est, quia non datur in natura ullum bonum etiam materialiter tantum, nisi vel à Deo vel ab homine ordinetur ad summum bonum, prout enim D. Thomas 1. demonstrat; res creatæ de se nec habent bonitatem nec malitiam, sed cum sint media ad bonum, sunt bona non ratione sui, sed ratione boni, ad quod ordinantur, & quod ratione sui est bonum; igitur etiam si Sophistica aut habitus furandi supponat aliquam evidentem cognitionem, illa tamen cognitio sic erronea aut ad errorem inducens non potest vocari aliquod bonum intellectus etiam naturale tantum, quia ratione sui eligibilis non est, sed abducit à bono eligibili per se.

Ad 3. n. ant. ad prob. n. ant. ad hujus prob. tr. ant. n. c. quia illud optimum, ad quod disponunt artes, non reperitur in ipsis artibus, sed tantum in fine ultimo hominis, ad quem valde remotè ordinantur omnia artefacta artium. Aut si velis, ita dicere potes, Syllogismos ABCdarios vocari optimum respectivè, sicut calceus est optimum respectivè, nempe ad artem Sutoriam.

Ad 4. d. M. virtus est quo nemo male utitur usu intrinseco c. M. usu extrinseco n. M. virtus est quidem dispositio ad bonum, & actus ab illa dispositione procedentes sunt boni, sed poterit fieri, ut occasionaliter quis abutatur bona dispositione; adeoque ipsa Logica non præbet occasionem deceptionis tam parum, quam parum Evangelium præbet occasionem hæresum: nam, cum quis non utitur ipsa dispositione bona, sed utitur effectibus bonæ dispositionis aut ejus adjunctis, illa occasio non datur à Logica, sed acceptatur à male utente; v. g. virtute Misericordiæ usu intrinseco quis utitur ad dandam Eleemosynam, hic finis intrinsecus bonus est, sed sine extrinseco ea utitur ad vanam gloriam.

Ad 5. n. M. ad prob. d. M. si habitus furandi est habitus vera cum ratione factivus in ordine ad optimum c. M. si non est factivus in ordine ad optimum, n. M. vera ratio simul etiam involvit ordinem operum ad summum bonum seu ad optimum; alioquin cognitiones quantumcunque scientificæ non erunt perfectio intellectus ne quidem Physica, nisi sumantur abstractivè à malitia, quæ illis inest.

Ad 6. d. ant. Logica est instrumentum virtutum intellectualium intellectuale c. ant. Mechanicum n. ant. disparitas inter instrumentum intellectuale & Mechanicum est, quod illud possit esse reflexum supra se ipsum. Posset etiam transmitti ant. & n. c. quia v. g. ferrum potest esse instrumentum ad aliud ferrum nempe malleus ad malleum.

Dices 1. datur aliquod bonum naturale etiam si non sit aliquod bonum morale: ergo potest etiam habitus furandi & per Sophismata fallendi esse bonum intellectus. Resp. d. ant. potest dari bonum naturale in ente irrationali quin sit bonum morale c. ant. in ente rationali n. ant. disparitas est, quia ens irrationale ex sua natura non ordinatur ad summum bonum tanquam finem suum, adeoque poterit habere etiam bonitatem naturalem, etiam si illam bonitatem non immediatè referat ad summum bonum aut repetat à summo bono; econtrà ens rationale pro immediato suo fine, ad quem naturaliter tendit, secundum omnes sui partes, potentias, & actus habet summum bonum; ergo neque in natura neque in potentiis neque in actibus entis rationalis potest fingi aliquod bonum naturale, in quo possit dari dispositio bona nisi tantum in ordine ad summum bonum, cum omne aliud bonum naturaliter appetibile à natura rationali sit de subiecto non supponente.

Dices 2. saltem cognitio resultans ex habitu furandi, quæ fur cognoscit hoc vel illo modo res auferri posse est melior non ipsa: ergo est aliquod bonum naturale, etiam si non sit bonum morale. Idem ergo erit de Sophistica. Resp. d. ant. hæc cognitio est melior non ipsa quoad ordinem primi ordinantis c. ant. quoad ordinem secundi ordinantis n. ant. primum ordinans est Deus; secundum ordinans est homo; Deus omnem cognitionem etiam artis furandi ordinat ad bonum reverà tale; homo verò hanc ipsam cognitionem non ordinat ad bonum reverà tale: igitur potest dici, quod illa cognitio furum practica seu quæ talis, individualiter spectata, & ut intrinsecè ac realiter relata ad finem malum non sit aliquod bonum etiam naturale relatè ad secundum ordinantem seu ad hominem,



nem, quia homo hanc cognitionem non ordinat ad puram speculationem, secundum quam esset aliquid bonum naturale & morale, sed ad praxim, abducentem à summo bono; ex suo genere tamen eadem cognitio est bonum Physicum, quia est ordinabilis ad finem bonum, & re ipsa ordinatur ex sua natura ad bonum.

21 Dices 3. Ex hoc sequeretur, quod virtus intellectualis & moralis non distinguerentur: Sed hoc est falsum: ergo. M. prob. omnis virtus intellectualis eo ipso deberet esse moralis: ergo non distinguerentur. Resp. d. M. sequeretur, quod virtus intellectualis & moralis non distinguerentur realiter, tr. M. sequeretur, quod non distinguerentur formaliter. n. M. Verum quidem est implicare, quod virtus intellectualis ex sua natura non ordinetur ad optimum; Sed quia actus huius veritatis versantur in genere cognitionum, & non in genere morum, ideo distinguuntur saltem ratione sui objecti & ratione materiæ, etiam si non distinguantur ratione formæ seu ratione ordinis ad summum bonum, propter quam rationem participant genericam definitionem virtutis. hoc ergo nota, Logicam non esse virtutem intellectualem relatè tantum ad suum objectum, sed relatè ad ultimum finem omnium artium, quia per suum objectum petit ordinari ad illum finem.

22 Obijc. 2. contrà 3. concl. à definitione: si Logica non participat definitionem artis, tunc non est ars: Sed: ergo. m. prob. si Logica non est habitus cum vera ratione factivus, tunc &c. Sed: ergo. m. prob. si Logica est activus habitus, tunc non est factivus: Sed: ergo. M. prob. habitus activus & factivus sunt termini repugnantes: ergo. ant. prob. autoritate Aristotelis 6. Ethic. c. 4 ubi dicit: *habitus, qui cum vera ratione est activus, est diversus ab habitu, qui cum vera ratione est effectivus.*

23 Resp. c. M. n. m. ad prob. c. M. n. m. ad huius prob. n. M. ad prob. d. ant. habitus activus est diversus ab habitu effectivo diversitate formali tr. ant. diversitate obstativa & exclusiva. n. ant. vel d. ant. sic: habitus activus est diversus ab habitu effectivo, si ille sumatur in sensu minùs stricto c. ant. in sensu stricto, n. ant. quando enim loquimur in sensu triviali, tunc per habitum effectivum intelligitur aliquid crassum, dum quis efficit aliquid opus permanens post actionem; sicut Sutor efficit calceum permanentem post actionem artificis, & talis habitus effectivus in isto sensu plebeio seu minùs stricto non est Logica. Habitus autem v.g. Musicæ aut Saltatorie non efficiunt aliquid opus post actionem artificis permanens, cum totum artefactum consistat in ipsa actione, & ultra actionem artificis non permaneat; talis habitus est etiam Logica, & licet sit diversus ab habitu effectivo vulgariter sumpto, tamen non est diversus ab habitu effectivo strictè sumpto; cum strictè loquendo Musicus æquè efficiat Musicam, sitque ejus causa efficiens, ac Sutor efficit calcem; igitur strictè loquendo Logica erit causa efficiens Syllogismi; proin erit habitus effectivus, adeoque factivus.

24 Instas 1. habitus factivus strictè loquendo producit aliquid opus extrinsecum permanens post actionem artificis: Sed Logica non producit tale opus: ergo. ant. prob. quia sic Aristoteles videtur sumere loco cit.

Resp. n. M. ut enim suppono ex Hermenevtica. sensus rigorosus ac strictus est ille, qui ferè semper

subjicitur verbis ex usu loquentium; Sed his verbis *habitus factivus* non ferè semper subjicitur iste sensus ab Adversariis intentus: ergo non iste est sensus rigorosus. m. prob. quia si insistamus significationi verborum Grammaticali & Philosophica, communiter dicitur, quod Logicus *faciat* Syllogismum; & ipse Aristoteles 6. Metaph. c. 1. intellectum vocat principium *factivum*: ergo tantum in sensu vulgari & minùs frequenti apud imperitos habitus effectivus habet sensum operis extrinseci permanentis post actionem.

25 Instas 2. à Proprietatibus: si Logica non habet proprietates artis, tunc non est factivus habitus: Sed: ergo. m. prob. proprietas artis est, ut procedat modo practico non demonstrativo: Sed hoc non habet Logica: ergo. m. patet, quia in Logica plurimæ sunt demonstrationes, & majori sui parte procedit, aut saltem conatur procedere modo demonstrativo.

Resp. c. M. n. m. ad prob. d. M. requiritur, ut non procedat modo demonstrativo exclusivè ad modum practicum c. M. inclusivè ad modum practicum n. M. ad rationem artis sufficit, si habeat objectum factibile, etiam si illud ipsum objectum factibile sit insuper objectum scibile; per hoc enim, quod ars demonstret proprietates sui objecti, non debet expungi ex catalogo artium; sed potius ob majorem sui perfectionem reliquis artibus anteferri.

26 Instas 3. Si Logica est Scientia, tunc eo ipso est exclusiva modi practici: Sed: ergo. m. patet, quia procedit modo demonstrativo. M. prob. Aristoteles opponit artem Scientiæ: ergo si Logica est Scientia, tunc est exclusiva modi practici.

Resp. n. M. ad prob. d. ant. Aristoteles opponit artem Scientiæ formaliter c. ant. realiter n. ant. sic enim v.g. habitus Musicus & habitus Logicus sunt diversi habitus, etiam si existant in eodem subiecto; igitur verum erit, quod Musicus & Logicus sibi opponantur formaliter, etiam si non opponantur realiter; realiter enim idem Petrus est simul Musicus & simul Logicus; licet in quantum sit Musicus, non sit Logicus; sic etiam eadem Logica est simul ars & Scientia, sed in quantum est ars, non est Scientia, id est, in quantum procedit modo practico, in tantum non procedit modo demonstrativo.

27 Instas 4. Si Logica non versatur circa objectum practicum, tunc nullatenus procedit modo practico: Sed: ergo. m. prob. si Logica non versatur circa objectum contingens, tunc non versatur circa objectum practicum: Sed: ergo. M. patet; quia omne objectum practicum potest esse & non esse, fieri & non fieri, adeoque omne objectum practicum est objectum contingens. m. prob. objectum Logicæ sunt tres modi sciendi: Sed hi non sunt aliquid contingens: ergo m. prob. si tres modi sciendi necessariò debent fieri eo modo, quo præscribit Logica, tunc non sunt aliquid contingens. Sed: ergo.

Resp. c. M. n. m. ad prob. c. M. n. m. ad huius prob. c. M. d. m. tres modi sciendi non sunt aliquid contingens quoad essentiam c. m. quoad existentiam n. m. plus non requiritur ad contingentiam objecti practici, quam ut possit existere & non existere, & eatenus, sicut potest existere calceus aut statua, ita etiam potest existere vel non existere Syllogismus aut definitio. Interim tamen sicut calceus & statua non potest aliter fieri, nisi prout præscribunt regulæ, ita etiam Syllogismus, adeoque omne objectum practicum est aliquid necessarium quoad essentiam.



28 Instas 5. Etiam Syllogismus nullo modo est ali-  
quod objectum practicum: ergo. prob. ant. si Lo-  
gica tantum docet efficere Syllogismum non autem ef-  
ficat, tunc non est objectum practicum: Sed: ergo.  
m. prob. Logica relinquit effectum Syllogismi aliis  
Scientiis, & ipsa jam functa est suo officio docendo  
Syllogismum: ergo. prob. ant. Logica potest hoc  
opus relinquere aliis Scientiis. ergo.

Resp. n. ant. ad prob. c. M. n. m. ad hujus prob.  
n. ant. quia si Logica relinqueret effectum Syllogif-  
mi aliis Scientiis, tunc illis relinqueret adhuc ali-  
quam difficultatem Scientias investigandi; hanc au-  
tem Logica non potest relinquere. ergo.

29 Instas 6. à causa: Si Logica efficit Syllogismum,  
tunc eo ipso non est ars: Sed: ergo. M. prob. si effi-  
cit Syllogismum, tunc etiam efficit Sophisticum:  
Sed si hoc; tunc non est ars: ergo. m. patet, quia  
efficiendo Syllogismum Sophisticum dirigeret ad ope-  
rationem erroneam, adeoque non esset ars. Resp.  
n. ant. ad prob. n. M. quia, ut ostensum est, Logica  
tantum docet dissolvere Syllogismum Sophisticum,  
non construere. Respondent alii 2. Logicam docen-  
do Sophismata adhuc esse artem, quia docet errare  
artificialiter non errare erroneè.

30 Instas 7. ab autoritate: saltem Logica non est  
ars univocè cum aliis artibus: ergo adhuc habetur  
intentum. prob. ant. si Logica est ars tantum secun-  
dum similitudinem tunc non est ars univocè: Sed:  
ergo. m. prob. si ex responsionibus tantum sequitur,  
quod sit ars liberalis, tunc tantum est ars secundum  
aliquam similitudinem: Sed: ergo. M. prob. Divus  
Thomas. 1. 2. q. 27. a. 3. ad 3. vocat artes libera-  
les tantum artes ad quandam similitudinem: ergo.

Resp. n. ant. ad prob. d. M. est tantum ars ad  
quandam similitudinem in genere artis n. M. ad  
quandam similitudinem artefacti c. M. vel. d. M. sic:  
est ars ad quandam similitudinem arti intrinsecam  
c. M. extrinsecam arti: n. M. Verum utique est,  
quod una ars habeat cum alia arte similitudinem, sic-  
ut unus homo cum alio homine; per hoc tamen non  
sequitur, quod unus homo non conveniat univocè  
cum alio homine in ratione hominis; adeoque ea si-  
militudo tam hominum inter se, quam artium libe-  
ralium cum aliis artibus non est tantum aliqua simi-  
litudinis accidentaliter, sed est essentialiter & similitudo  
intrinseca, id est, quæ convenit pluribus sub eadem  
ratione univoca contentis; non verò est similitudo  
extrinseca seu talis quæ convenit pluribus in diversa  
ratione ac specie contentis.

31 Obic. 3. Contrà 2. concl. Aristoteles negat Logi-  
cam esse Scientiam: ergo non est prob. ant. Aristote-  
les 1. Rhet. c. 12. dicit: si quis Dialecticam & Rhe-  
toricam ut Scientias, non ut facultates pertractet, impru-  
dens est, & earum naturam subvertit, ergo Dialectica  
non est Scientia. Idem 1. 2. Metaph. dicit; absur-  
dum est simul querere Scientiam & modum sciendi. Sed  
Logica est modus sciendi: ergo non est Scientia.

32 Resp. n. ant. ad prob. c. ant. n. c. & suppositum,  
quod Dialectica Aristotelica & Logica Scholastica  
sint idem, ut enim ostensum est, Dialectica Ari-  
stotelica nihil aliud est quam Topica seu li-  
ber locorum communium de qualibet re proba-  
biliter disputandi. Resp. 2. d. ant. imprudens  
est, qui Dialecticam ut Scientiam pertractet in  
sensu exclusivo artis c. ant. in sensu tantum abstractivo  
n. ant. id est, si quis diceret Dialecticam tantum esse

Scientiam & non etiam esse facultatem aut artem, pro-  
ut faciunt aliqui Thomistæ, talis imprudens judi-  
cante Aristotele est. si quis verò Dialecticam vocet  
Scientiam, abstrahendo, an simul etiam sit ars, ta-  
lem nego esse imprudentem. Ad 2. textum Aristo-  
telis d. M. absurdum est querere Scientiam & modum  
sciendi intelligendo Scientiam naturalem c. M. in-  
telligendo Scientiam rationalem n. M. Aristoteles illo  
loco tantum vult probare quod modus sciendi non sit  
objectum Metaphysicæ aut Physicæ, prout patet ex  
contextu.

Instas 1. Aristoteles etiam Logicam Scholasticam 33  
negat esse Scientiam. ergo. prob. ant. si Aristoteles  
potuit convenienter intelligere etiam Logicam Scho-  
lasticam, tunc etiam hanc negat esse Scientiam: Sed  
ergo. prob. m. si Logica Scholastica non discitur per  
demonstrationem, tunc potuit etiam hanc intelli-  
gere: Sed: ergo. m. prob. si demonstratio primum dis-  
citur per Logicam, tunc Logica non discitur  
per demonstrationem: Sed: ergo. M. patet, quia  
idem non est prius se ipso, idem non præsup-  
ponitur ad se ipsum, & Logica non est ante Logi-  
cam.

Resp. n. ant. ad prob. tr. M. n. m. ad hujus prob.  
c. M. n. m. ad prob. d. M. si demonstratio discitur  
per Logicam adæquatè sumptam tunc Logica non  
discitur per demonstrationem c. M. si demonstratio  
discitur per Logicam tantum inadæquatè sumptam  
n. M. per Logicam inadæquatam intelligo illam par-  
tem, in qua traduntur regulæ demonstrationis seu  
Syllogismi; igitur per Logicam hanc inadæquatam dis-  
cimus demonstrationem, & per notitiam hujus demon-  
strationis discimus omnes reliquas partes Logicæ, id est,  
discimus Logicam adæquatam per demonstrationem.

Instas 2. Logica non est Scientia per demonstra-  
tionem: ergo. ant. prob. si Logica est instrumentum  
Scientiarum, tunc non est Scientia per demonstra-  
tionem: Sed: ergo: M. prob. instrumentum non est  
id. cujus est instrumentum, quia malleus non est  
faber.

Resp. n. ant. ad prob. n. M. ad hujus prob. d. ant. 34  
instrumentum Mechanicum non est id, cujus est in-  
strumentum c. ant. instrumentum Logicum subd. ant.  
non est id, cujus est instrumentum, quatenus est in-  
strumentum & quæ tale c. ant. quod est instrumen-  
tum, & in quantum non est instrumentum. n. ant. Lo-  
gica multas habet partes, aliquas habet instrumentales,  
per quas nempe tradit regulas ad construendum Syllo-  
gismum, & in tantum habet rationem instrumenti.  
Eadem verò Logica habet alias partes, in quibus tan-  
tum utitur suis regulis ad demonstrandas suas pro-  
prias affectiones, & eatenus non est instrumentum  
sed ipsa Scientia.

Instas 3. à divisione: Logica secundum nullam 35  
partem est Scientia: ergo nulla responsio. prob. ant.  
si Logica simpliciter est ars, tunc secundum nullam  
partem est Scientia: Sed: ergo: prob. M. ars omni-  
nò est exclusiva Scientiæ: ergo. prob. ant. si ars pu-  
gnat cum Scientia, tunc est exclusiva: Sed: ergo. m.  
prob. si ars est membrum dividens ejusdem totius po-  
testativi cum Scientia, tunc pugnat cum Scientia: Sed:  
ergo. m. prob. totum potestativum est virtus intelle-  
ctualis, & membra dividenda sunt ars & Scientia. ergo.

Resp. n. ant. ad prob. n. M. ad prob. c. M. n. m.  
ad hujus prob. d. M. si pugnat pugna exclusivâ c. M.  
si tantum pugnat pugna diversificativâ n. M. quando  
dicun-



dicuntur membra pugnare inter se, sensus est, quod debeant inter se esse diversa, non autem sensus est, quod debeant se excludere ab eodem subiecto, quia utique homo potest habere simul prudentiam & Scientiam.

36 Instas 4. à definitione: ars & Scientia pugnant etiam contrariè ac exclusivè: ergo nulla Responsio. prob. ant. si habent definitiones adæquatas ad diversos fines repugnantes, tunc pugnant etiam exclusivè. Sed: ergo. *m.* quoad 1. memb. patet, quoad 2. prob. finis Scientiæ est quiescere in sola consideratione sui objecti, finis artis est non quiescere in sola consideratione sui objecti; Sed considerationem suam ordinare ad praxin: ergo ars & Scientia habent fines repugnantes.

Resp. n. ant. ad prob. d. M. si habent diversas definitiones repugnantes etiam realiter, tunc pugnant exclusivè c. M. si habent tantum diversas definitiones repugnantes formaliter tunc pugnant exclusivè. n. M. Logica in quantum est ars, non quiescit in consideratione, & in quantum est Scientia, acquiescit in consideratione; igitur ars & Scientia habent diversos fines formaliter; sed realiter idem habitus, qui non acquiescit secundum unam partem sui objecti materialis, realiter acquiescit secundum aliam partem sui objecti materialis; sicut eadem Respublica secundum unam partem regit. secundum alteram partem regitur; secundum unam partem quiescit in urbibus, secundum alteram partem movetur in castris; puta, Logicam esse talem Rempublicam, quæ secundum unam partem speculatur & quiescit, secundum alteram partem operatur.

37 Instas 5. à proprietatibus: Logica secundum nullam partem quiescit in speculatione: ergo. prob. ant. si Logica omnia ordinat ad praxin, tunc secundum nullam partem quiescit: Sed: ergo. prob. *m.* si Logica omnia ordinat ad objectum attributionis, tunc omnia ordinat ad praxin: Sed: ergo. *m.* est evidens, quia objectum attributionis est, ad quod omnia ordinantur. M. prob. objectum attributionis in Logica est objectum practicum: ergo. ant. patet; quia objectum attributionis est Syllogismus, definitio &c.

Resp. n. ant. ad prob. c. M. n. *m.* ad hujus prob. n. M. ad prob. d. ant. objectum attributionis est practicum in sensu abstractivo c. ant. in sensu exclusivo n. ant. Syllogismus est quidem aliquid practicum, abstractando, an sit etiam aliquod objectum scibile; non verò est aliquod objectum practicum, ita ut non sit simul objectum scibile, adeoque non est exclusivum objecti speculativi.

38 Instas 6. à simili: si objectum Logicæ est practicum, tunc tantum est practicum: ergo. prob. ant. omnia alia objecta practica reliquarum artium sunt tantum practica: ergo si objectum Logicæ est practicum erit etiam tantum practicum. Resp. n. ant. ad prob. tr. ant. n. c. & parit. disparitas est, quia reliquæ artes nihil demonstrant circa suum objectum practicum. Si dicas: etiam reliquæ artes aliquid demonstrant circa suum objectum practicum v. g. Sutoria demonstrat de calceo, quod hoc vel illo modo bene tēgat pedem, & sit aptus ad ambulandum: Architectonica, quod domus hoc vel illo modo sit apta ad habitandum. Resp. d. ant. reliquæ artes demonstrant aliquid circa suum objectum practicum demonstratione desumpta ex Logica naturali tr. ant. desumpta ex Logica artificiali & propriè tali n. ant. illæ demonstrationes, quas faciunt reliquæ artes, circa suum objectum non indigent regulis scientificis, & ideo etiam non indigent

speciali habitu, qui possit vocari scientificus; cum habitus scientificus vi principiorum suorum generalium non tantum se extendat ad calceum, sed ad omne scibile.

Instas 7. ab adjunctis: si multi actus sunt falsi & non scientifici, tunc etiam habitus Logicus, non est scientificus: Sed: ergo. *m.* patet, quia actus Topici & Sophistici sæpè sunt falsi. Resp. d. M. si actus Logici sæpè sunt falsi falsitate proveniente à forma, tunc habitus Logicus non est scientificus c. M. si tantum actus Logici sunt falsi falsitate proveniente à materia n. M. illi actus Topici & Sophistici, qui sunt falsi, nunquam sunt falsi vi formæ, quia in Syllogismo probabili forma est legitima, & in Syllogismo Sophistico forma non fit à Logica, sed tantum dissolvitur à Logica.

Dices 1. In Logica dantur actus falsi falsitate proveniente ex parte materiæ: ergo nulla responsio. prob. c. si dantur actus falsi ex parte materiæ tunc habitus Logicus non est scientificus; Sed si hoc &c. ergo. M. prob. habitus scientificus resultat ex veritate objectiva tenente se ex parte materiæ.

Resp. c. ant. n. c. ad prob. d. M. si dantur actus falsi tantum aliqui, tunc non est scientificus n. M. si dantur actus falsi omnes c. M. vel subd. M. si dantur actus falsi tantum aliqui, tunc non est scientificus secundum quid c. M. non est scientificus simpliciter n. M. Demonstratio non desumitur tantum à quibusdam actibus dubiis aut omnino falsis; in Logica autem non omnes actus sunt dubii, v. g. demonstratio regularum, definitionis, divisionis, Syllogismi &c. & alii actus sunt etiam certi veritate objectiva.

Dices 2. Logica nec est simpliciter habitus scientificus: ergo. prob. ant. si Logica secundum quid non est scientificus, tunc nec simpliciter est habitus scientificus: Sed: ergo. M. prob. denominatio sequitur partem debiliorem. ergo. prob. ant. tam à priori, quam à posteriori; à priori enim constat, quod bonum sit ex integra causa & malum ex quolibet defectu. à posteriori autem constat, quod res dicatur simpliciter imperfecta, etiam si tantum habeat unam partem imperfectam; sic v. g. Statua à Nabuchodonosore visa simpliciter est corruptibilis, etiam si tantum pedes sint corruptibiles, & civitas non dicitur bene munita, etiam si tantum ex una parte sit male munita.

Resp. n. ant. ad prob. n. M. ad hujus prob. d. ant. denominatio sequitur partem debiliorem in illo casu, ubi homines respiciunt ad debiliorem partem c. ant. ubi non respiciunt n. ant. nam in casibus adductis homines tantum querunt de parte debiliore seu ignobiliore, quia ob circumstantias leges prudentiæ ibi suadent, ut hominum attentio referatur ad partem ignobiliorem, prout consideranti patere potest v. g. dum agitur de munitione urbis, an sit munita bene, leges prudentiæ suadent, ut homines attendant, & inquirent, an urbs sit ubique munita; igitur etiam in hoc sensu queritur, & in hoc sensu simpliciter respondetur; quia tacita interrogatio & expectatio auditorum consentire debet cum responsione docentis.

Dices 3. In Logica respiciunt homines ad partem ignobiliorem seu non scientificam: ergo ab illa parte tota Logica denominari debet non scientifica. prob. ant. si pars ignobilior est magis sensibilis, magis obvia & potior, tunc ad illam respiciunt homines: Sed: ergo. M. patet, quia homines ad illud respiciunt, ad quod primum est respicere: *m.* prob. in Logica longe  
plures



plures conclusiones sunt incertæ, & illæ conclusiones sunt famosiore & magistritæ: ergo pars ignobilior est magis sensibilis, obvia & potior.

Resp. n. a. ad prob. d. M. si cætera sunt paria c. M. si cætera non sunt paria n. M. id est, si partes sunt homogeneæ seu ejusdem rationis, ejusdem esse objectivi, eodem modo subjectæ attentioni hominum, tunc denominatio plerumque desumitur à parte nobiliore aut certe ab illa parte, ad quam leges prudentiæ inclinant attentionem hominum, v. g. annulus dicitur pretiosus, etiam si tantum exigua particula illius, nempe pretiosa margarita hanc illi denominationem tribuat. Eo modo discurre in Logica, ubi, licet demonstrationes sint longè numero inferiores, quàm conclusiones probabiles, quia tamen se habent instar margaritæ, toti Logicæ tribuunt denominationem, quod sit habitus scientificus.

43 Instas 9. à relatione ad objectum: si Logica secundum nullam partem habet objectum scientificum tunc non est Scientifica: Sed: ergo. m. prob.

1. Objectum scientificum non est aliquid contingens: Sed objectum Logicæ undique est aliquid contingens: ergo.

2. Objectum Scientiæ non sunt singularia sed universalia; at objectum Logicæ sunt singularia ergo. M. prob. quia, ut habet Aristoteles, singularia sunt infinita; infinitum autem pertransiri non potest, nec cognitione comprehendere, adeoque nec potest esse objectum Scientiæ. m. prob. etiam: objectum Logicæ est quævis definitio, divisio &c. Sed hæc sunt singularia: ergo.

3. Objectum scientificum est immutabile: Sed objectum Logicæ non est immutabile: ergo. m. patet, quia Syllogismus potest mutari in definitionem, & ex una figura potest mutari in alteram. M. supponitur ex consensu Philosophorum, cujus fortè hæc est ratio, quia Scientiæ sunt immutabiles, adeoque debent habere objectum immutabile, ne Scientia, quæ hodie est certa, ex defectu objecti cras reddatur incerta.

44 Resp. c. M. n. m. ad prob. 1. c. M. d. m. objectum Logicæ est aliquid contingens in existendo c. m. in essendo n. m.

Ad 2. c. M. d. m. objectum Logicæ sunt singularia qua talia c. m. qua talia n. m. Logica non habet pro objecto hanc vel illam definitionem, in quantum est hæc vel illa definitio; alioquin nunquam perveniret ad finem in enumeratione suorum objectorum, sed tantum considerat quamlibet definitionem, in quantum est definitio, adeoque considerat singularia non sub ratione individuali sed sub ratione generica ac universalis.

Ad 3. c. M. d. m. non est immutabile objectum Logicæ immutabilitate impertinente ad Scientiam c. m. immutabilitate pertinente ad Scientiam c. m. objectum Scientiarum debet esse immutabile tantum quoad essentiam, non quoad modum essendi, alioquin nullum prorsus daretur objectum Scientiarum, nisi solus Deus, qui solus habet immutabilitatem etiam quoad modum existendi.

45 Instas 10. Objectum Scientiæ debet esse in ipsa natura, non in nobis: Sed tale non est objectum Logicæ: ergo. m. prob. definitio, divisio sunt in nobis, & non in natura: ergo.

Resp. d. M. objectum Scientiæ debet esse in natura vel distincta vel indistincta à nobis c. M. distincta.

R. D. Euseb. Amort Philosophia.

cta à nobis. n. M. Aristoteles, qui 6. Ethic. dicit, quod objectum Scientiæ non sit aliquid, quod dependet à libera actione mentis moraliter considerata, præcisè vult, quod objectum Scientiæ debeat reperiri in naturalitate sumpta. Operationes mentis dependent quidem à nobis liberè operantibus. Sed earum essentia à Logica non consideratur moraliter, sed tantum physicè ac metaphysicè.

## QUÆSTIO IX.

### An Logica sit Speculativa vel Practica?

Dico 1. *Logica non est simpliciter speculativa.* 1 Prob. Concl. 1. non obstante, quod Logica sit simpliciter Scientia. Si multa objecta practica habet Logica, tunc non est simpliciter speculativa: Sed: ergo. m. prob. Logica habet pro objecto Syllogismum &c. Sed hæc sunt objecta practica: ergo. m. prob. si possunt per artem Logicam illa objecta fieri, tunc sunt objecta practica: Sed: ergo.

Prob. 2. Si Logica non quiescit in sola speculatione, tunc est practica: Sed: ergo. prob. m. si leges prudentiæ suadent, ut non quiescat, tunc non quiescit: Sed: ergo. m. prob. Si per praxin redditur opportunius medium ad finem suum, tunc leges prudentiæ suadent, ut non quiescat; Sed: ergo. m. patet, quia praxis multum conducit non solum ad melius intelligendas regulas, sed etiam ad acquirendam dispositionem melius eliciendi actus similes; exercitatio enim præparat cerebrum ad habitum seu modulum Logicum.

Dico 2. *Logica nec est adequatè speculativa, nec 3 adequatè practica.* Prob. concl. si habet multos actus practicos, & multos actus speculativos tunc nec est adequatè speculativa nec adequatè practica: Sed: ergo. m. patet, ab inductione conclusionum.

Dico 3. *Logica est simpliciter practica.* Prob. concl. 4 si Logica simpliciter ordinatur ad praxin tunc est simpliciter practica: Sed: ergo. m. prob. Logica ordinatur simpliciter ad construendum Syllogismum &c. Sed Syllogismus est praxis: ergo. M. patet; quia, ut ostensum est, Logica est ars. m. prob. si idea praxis comprehendit qualemcumque actum dirigibilem per rectam rationem tam immanentem quàm extrinsecam, tunc etiam Syllogismus est praxis. Sed: ergo. m. prob. si communior hanc ideam huic verbo subicit, tunc idea praxis comprehendit qualemcumque actum taliter dirigibilem: Sed: ergo. M. patet; quia verbis ille sensus convenit, qui ex usu loquentium communius verbo subicitur. m. prob. ab inductione authorum.

Confirmatur: si Logica non versatur tantum modo 5 speculativo circa suum objectum attributionis tunc etiam versatur modo practico; sed si hoc, tunc est simpliciter practica: ergo. m. prob. si versatur etiam modo practico circa suum objectum tunc convenientissime ultimo quiescit in sola praxi: Sed si ultimo quiescit in sola praxi, est simpliciter practica: ergo.

Prob. 2. Si ex una parte quæstio hæc est quæstio 6 nominis, & ex altera parte communior loquitur nobiscum, tunc Logica debet dici simpliciter practica: Sed: ergo. M. patet; quia in quæstionibus nomi-



nis loquendum est cum multis. *m. prob.* quoad 1. membrum: si constat de natura & proprietatibus, tunc hæc quæstio est tantum nominis: Sed: ergo. *m. prob.* nihil potest ostendi, in quo non constet de natura Logicæ.

- 7 Dices: Hæc Sententia non est communior: ergo probatio non concludit: Resp. d. ant. hæc sententia non est multò communior tr. ant. non est aliquantum communior n. ant. Recentiores de facto sunt plures, quàm Scotistæ & Thomistæ simul sumpti, saltem in Germania, ubi habent plerasque Universitates; aut si opposita esset æquè communis, tunc cuilibet liberum erit significatum nominis controversi assumere, quod ipse voluerit, & quod convenerit cum voluntate instituentium, aut usurpantium nomen in significatione recepta. Nos loquimur cum iis, qui operationes mentis vocant praxin.

## Solvuntur Objectiones.

- 8 Objic. 1. Si ex una parte de facto est æqualis auctoritas pro utraque Sententia, & ex altera parte pro opposita stat major auctoritas Veterum, & ex tertia parte pro opposita stat melior ratio, tunc in quæstione nominis tenenda est opposita: Sed: ergo. *m. prob.* imprimis quoad 2. membrum: si Aristoteles, Divus Thomas, & Scotus loquuntur cum opposita, tunc pro illa stat major auctoritas Veterum: Sed: ergo. *m. prob.* si juxta hos actus practicus est actus alterius potentia quàm intellectiva, tunc horum auctoritas stat pro opposita: Sed: ergo. *m. prob.* ex sequentibus textibus: imprimis enim Aristoteles docet, intellectum extensione fieri practicum. Divus Thomas lib. 3. de anima. c. 10. dicit: intellectum practicum esse principium agendi. Et idem q. 14. a. 4. sola extensio ad opus facit aliquem intellectum esse practicum. Clarissimè 1. 2. q. 25. a. 1. ad 1. sic ait: *practicum vel operativum, quod dividitur contra speculativum, sumitur ab opere exteriori, ad quod non habet ordinem habitus speculativus, sed solum ad interius opus, quod est speculari verum.* Scotistæ etiam à Scoto definiunt praxin, quod sit *actus alterius potentia ab intellectu naturaliter posterior intellectione.*

- 9 Resp. tr. M. n. *m.* quoad omnia membra, ad prob. 2. membri c. M. n. *m.* ad textus adductos dico, intellectum fieri extensione practicum ad opus immanens non ad opus extrinsecum; similiter eundem intellectum esse practicum relatè ad opus immanens, non ad extrinsecum; quanquam etiam hoc advertatur, illum textum Aristotelis non reperiri in modernis editionibus Aristotelis. Ad textum D. Thomæ ultimum d. ant. practicum desumitur ab opere exteriori tantum n. ant. etiam c. ant. vel d. ant. sic: sumitur ab opere exteriori intellectui speculativo c. ant. exteriori relatè ad intellectum practicum n. ant. non est insolitum, quod idem intellectus sumatur per modum duorum: sic enim ratio dividitur in superiorem & inferiorem, licet sit eadem ratio; idem Petrus dexter & sinister distinguitur à se ipso; & homo senex distinguitur à se ipso Juvene; pari modo intellectus, in quantum est speculativus, distinguitur ab intellectu practico; adeo-

que quod convenit intellectui practico, potest dici extrinsecum intellectui speculativo.

Instas 1. saltem ratio probat, Logicam non esse simpliciter practicam: ergo, prob. ant. si Logica est propter speculationem, tunc non est simpliciter practica: Sed: ergo. *m. prob.* Logica est propter definitionem &c. Sed definitio est speculatio. ergo. Resp. n. ant. ad prob. c. M. n. *m.* ad prob. d. M. Logica est propter definitionem, in quantum refertur ad regulas practicas Logicæ c. M. in quantum definitio refertur ad res ipsas n. M. Logica considerat tantum definitionem secundum statum practicum, non secundum statum speculativum in ordine ad res.

Instas 2. Res sunt objectum materiale Logicæ: 11 ergo Logica considerat definitionem in ordine ad res. Resp. n. ant. contrarium fuit probatum de objecto Logicæ.

Instas 3. si res non essent objectum, tunc ideo, 12 quia Logica non haberet pro fine ipsum scire: Sed hunc habet: ergo. *m. prob.* si Logica est modus sciendi, tunc habet pro fine ipsum scire: Sed: ergo. Resp. tr. M. n. *m.* ad prob. d. M. si est modus sciendi tam ex parte artis, quàm ex parte artefacti c. M. si est modus sciendi tantum ex parte artefacti n. M. Logica spectando artem non est modus sciendi modum sciendi.

Instas 4. Logica etiam spectando artem est modus sciendi, ergo, prob. ant. si Logica potest quiescere in ipsa Scientia, tunc etiam ex parte artis est modus sciendi: Sed: ergo. *m. prob.* si Scientia est expetibilis propter se, tunc potest quiescere in ipsa Scientia: Sed: ergo. M. patet, quia appetitus in illo quiescit, quod appetitur propter se & non propter aliud. Resp. n. ant. ad prob. tr. M. n. *m.* ad hujus prob. d. M. si Scientia est expetibilis Logicæ quæ tali c. M. si tantum est expetibilis Logicæ quæ est talis n. M. & retorqueo argumentum: si v. g. sitiens Scientia est expetibilis propter se, tunc sitiens potest quiescere in sola Scientia: Sed: ergo, puta Logicam sitire Syllogismum, adeoque etiam si Scientia esset expetibilis propter se, non tamen est expetibilis Logicæ quæ tali seu Logicæ ita sitiens Syllogismum; ratio est, quia Logica vult fieri instrumentum Scientiarum, quod non fit per solam Scientiam.

Instas 5. Si Logica non esset simpliciter speculativa, tunc neque esset simpliciter Scientia: Sed hoc fuit prius concessum: ergo. Resp. n. M. ratio est, quia denominatio Scientiæ tantum importat relationem Logicæ ad modum tendendi scientificum, qualis reverà simpliciter reperitur in Logica; Sed esse speculativum non solum importat relationem ad modum tendendi scientificum, sed insuper importat relationem Logicæ ad finem speculativum; igitur etiam si Logica habeat modum tendendi scientificum, & hoc simpliciter verum sit, tamen non erit simpliciter verum, quod quiescat in hoc modo tendendi scientifico, adeoque nec dici poterit, simpliciter speculativa. sic v. g. Christus est simpliciter Deus, sed non est simpliciter æternus, increatus &c. quia in similibus derivativis mutatur relatio objecti.

Dices: Si Logica est simpliciter Scientia, tunc eo ipso pro fine habet speculationem. ergo. ant. prob. 15 omnis Scientia est speculativa ex fine suo. ergo. Resp. hoc



hoc ipsum esse, quod nego, quia denominatio *scientia* aut *scientifici* pro forma denominante nihil aliud importat, quam modum tendendi demonstrativum ac scientificum; non verò importat pro forma denominante finem huius modi tendendi; cum itaque Scientia possit esse subordinata per accidens ad finem practicum, poterit aliqua facultas esse Scientia, quin sit simpliciter speculativa.

16 Instas 6. Scientia simpliciter dicta & ars practica sibi invicem opponuntur: ergo si Logica est simpliciter scientia & simpliciter ars practica, non esset unus habitus. Resp. d. ant. opponuntur sibi quoad modum tendendi in ordine ad finem c. ant. opponuntur sibi quoad ipsum finem subd. opponuntur sibi formaliter tr. ant. subjectivè & realiter n. ant. Sic in Sutore ocreæ non subordinantur calceis, nec ars conficiendi ocreas subordinatur arti conficiendi calceos, sunt tamen in eodem subjecto ad unum finem, scilicet scire, quod quærit Logica, fortè non subordinatur fini practico, sed habitus Logicus, in quo est Scientia, primario ordinatur ad praxin.

17 Instas 7. Logica plùs habet Metaphysicæ, quam artis Logicæ: ergo debet dici simpliciter speculativa. ant. patet, quia quæstiones, quæ tractant de Universalibus, Prædicamentis, & veritate Syllogismi præque pertinent ad Metaphysicam, & tam ab Aristotele, quam ab antiquioribus tractantur in Metaphysica. prob. c. si Logica plùs habet Metaphysicæ, tunc etiam plùs habet naturæ speculativæ: Sed: ergo. Resp. d. ant. Logica quæ est talis, habet plus Metaphysicæ c. ant. Logica quæ talis n. ant. quia illa major pars Universalium, Prædicamentorum &c. non pertinet propriè ad Logicam, adeoque exindè non debet denominari.

18 Instas 8. Idem non potest simul esse ars & Scientia, ergo si Logica non est speculativa simpliciter, nullo modo est speculativa. prob. ant. idem non potest habere diversa objecta formalia: ergo idem non potest simul esse ars & Scientia. Confirmatur: D. Thomas in lib. 2. Ethic. distinguit Scientiam ab arte. Resp. n. ant. ad prob. d. ant. idem non potest habere diversa objecta formalia non subordinata ad eundem finem c. ant. subordinata n. ant. Ad Comf. d. ant. distinguit D. Thomas Scientiam ab arte objectivè, aut formaliter c. ant. subjectivè & realiter n. ant.

19 Objic. 2. Si Logica non est practica secundum omnes actus, tunc non est simpliciter practica: Sed: ergo. Resp. n. ant. quia denominatio simpliciter talis non desumitur ab omnibus partibus, sed ab illis, quæ substant attentioni hominum.

20 Objic. 3. Si omnes actus Logici ordinantur ad praxin, tunc nullo modo est speculativa: Sed: ergo.

1. Si omnes actus Logici versantur circa objectum practicum, tunc nullo modo est speculativa: Sed: ergo m. prob. omnes actus Logici versantur circa objectum attributionis: Sed hoc est practicum: ergo.

3. Speculationes & Metaphysicationes in Logica sunt impertinentes, & licet sint in Logica, tamen non sunt de Logica. ergo nullo modo est speculativa.

21 Resp. ad 1. d. M. si omnes actus ordinantur ad praxin tanquam finem immediatum artis c. M. si tantum ordinantur ad praxin tanquam finem mediatum. n. M. nam aliqui actus Logici pro fine immediato habent ipsum scire seu speculationem; hic finis

R. D. Euseb. Amort Philosophia.

autem subordinatur fini ultimo artis, qui est praxis, quia ipsa speculatio ordinatur partim ad ornamentum objecti practici, partim ad exercitationem regularum, partim ad maiorem facilitatem acquirendam pro reliquis Scientiis.

Ad 2. d. M. si versantur circa objectum attributionis modo practico c. M. si tantum modo speculativo n. M.

Ad 3. n. ant. quia impertinens vocatur illud, quod nullam habet convenientem connexionem cum altero; Metaphysicationes autem Logicæ, licet non sint de Logica, convenienter tamen connectuntur cum Logica, quia illustrant artem, & præparant mentem ad Scientias, adeoque Logica assumit objectum practicum tanquam finem suum ultimum; objectum autem speculativum tanquam finem suum subordinatum ad ultimum; licet hic ille finis jam ratione sui habeat totam rationem objecti scientifici, in qua posset aliqua potentia quiescere.

## QUÆSTIO X.

### An Logica sit necessaria ad alias Scientias?

Notandum 1. Necessarium sumi quadrupliciter 1. Metaphysicè. 2. Physicè. 3. Moraliter. 4. Ad melius esse.

*Necessarium metaphysicè* vocatur id, sine quo nequidem per absolutam Dei potentiam potest perveniri ad finem v.g. sine pedibus non possumus ambulare nequidem per absolutam Dei potentiam.

*Necessarium physicè* vocatur id, sine quo non potest per vires naturæ perveniri ad finem. v. g. vita non potest conservari sine alimentis, etiam si per absolutam Dei potentiam & per miraculum sine iis conservari possit.

*Necessarium moraliter* vocatur id, sine quo non potest perveniri ad finem nisi cum maxima difficultate, ut ferè nunquam sine tali subsidio finis obtineatur, v. g. bellum non potest geri sine subsidio pecuniarum, quod est nervus belli, etiam si aliquando bellum geratur sine isto subsidio. Ista tamen necessitas moralis potest habere suos gradus; aliquando potest sumi latè, aliquando stricte. Stricte sumitur, quando vix unquam obtinetur finis sine tali medio; Latè sumitur, quando finis obtinetur quidem sæpius, quam semel tantum, sed tamen rarè obtinetur.

*Necessarium ad melius esse* dicitur, sine quo quidem finis sapissimè obtinetur, cum quo tamen facilius obtinetur, v. g. cum equo facilius itur Roman, quam sine equo; equus proin est necessarius ad melius esse.

Notandum 2. Per Logicam hîc intelligi non naturalem sed artificialem, id est, illam artem, quæ docet formam definiendi, dividendi, & arguendi. Ulteriùs notandum est, tantum quæri, an Logica ista artificialis sit necessaria ad reliquas Scientias in statu perfecto acquirendas, ut obtineatur certitudo eorum omnium, quæ in reliquis Scientiis ut certa asseruntur.

Denique quæstio procedit de Scientiis non solum collectivè, sed etiam distributivè sumptis, si solum exceperis Mathesin, quæ ob summam simplicitatem



tem principiorum sine Logica in statu perfecto acquiri potest, prout notum est iis, qui Mathesin non ignorant.

6 Dico 1. *Logica nec metaphysicè, nec physicè, nec stricte moraliter est necessaria ad reliquas Scientias*: Prob. concl. 1. si non potest ostendi necessitas, tunc non est necessaria: Sed: ergo. *m. prob. negative.*

7 Prob. 2. Si summa certitudo & evidentia potest nasci ex inspectione intuitiva rerum, tunc Logica artificialis nec metaphysicè nec physicè est necessaria: Sed: ergo. *M. prob. quia si mihi Deus ostenderet dispositionem partium in universo, essem æque certus, ac sunt certi Angeli, qui habent rerum notitiam certam non per artem Aristotelicam, sed per inspectionem intuitivam rerum, seu, ut dicitur, per intellectum.*

8 Prob. 3. Si est contingens veritatem disci vel non disci per vires naturæ sine regulis artis Logicæ, tunc eo ipso in innumeris circumstantiis aliquando per vires naturæ discitur: Sed: ergo. *m. patet, quia in homine non datur essentialis incapacitas ad allequendam veritatem. M. prob. contingentia non procedunt uniformiter: ergo si veritas contingenter discitur vel non discitur, tunc eo ipso aliquando discitur.*

9 Prob. 4. Si datur naturalis inclinatio, dispositio, & principia ad allequendam veritatem, tunc eo ipso naturæ viribus aliquando obtinetur veritas sine regulis artis: Sed: ergo. *M. prob. dispositio & inclinatio naturæ non semper fallitur: ergo si datur ad veritatem naturalis inclinatio, eo ipso aliquando obtinetur veritas. prob. ant. inclinatio naturæ est intentio authoris naturæ: Sed intentio naturæ authoris non semper fallitur: ergo m. patet, quia illa intentio est summè potens, summè provida, & efficax per naedia.*

10 Dico 2. *Logica est moraliter necessaria ad alias Scientias necessitate morali late dicta.*

Prob. concl. si sine Logica raro obtinentur reliquæ Scientiæ in statu perfecto, tunc est moraliter necessaria: Sed: ergo. *m. prob. si obstant innumeræ dispositiones ad reliquas Scientias & pauca dispositiones adminiculantes, tunc rarissime obtinentur sine Logica: Sed: ergo. m. patet, quia obstant præjudicia, defectus instructionis, confusio idearum, & inconstantia humanæ mentis, consequentiarum fallibilitas, quæ omnia turbant iudicium animi. M. prob. effectus sequuntur naturam dispositionum: ergo si innumeræ obstant dispositiones, tunc pariter in innumeris casibus non obtinetur finis nisi rarissime. Possêt etiam demonstrari ex legibus combinationis, quia si omnia errorum pericula combinerentur cum omnibus humanis discursibus, pateret, occasiones erroris esse infinitas plures quàm occasiones obtinendæ veritatis.*

11 Prob. 2. Si non possunt multi ostendi, qui sine Logica artificiali obtinuerunt Scientias in statu perfecto, tunc rarissime obtinetur sine Logica artificiali: Sed: ergo. *m. prob. negative.*

## Solvuntur Objectiones.

12 Objic. 1. contrà 1. concl. si per absolutam Dei potentiam Scientiæ non possunt acquiri sine defini-

tione, divisione, & argumentatione, tunc Logica est metaphysicè necessaria: Sed: ergo. *m. prob. Scientiæ absolute non possunt acquiri nisi sciatur, quid & quotuplex sit res, & nisi per discursum unum inferatur ex alio: ergo non possunt acquiri nisi per definitionem &c.*

2. Nemo potest acquirere Scientias nisi sciatur se scire: Sed non potest scire se scire nisi per Syllogismum: ergo. *m. prob. non potest scire se scire, nisi sciatur se rectè discurrere, seu nisi sciatur bonitatem formalem sui discursus: Sed hoc non potest scire nisi per Syllogismum: ergo.*

3. Nemo possidet Scientias in statu perfecto, nisi sit imperturbabilis: Sed non potest esse imperturbabilis, nisi sciatur artificium disputandi & dissolvendi Sophismata.

Resp ad 1. d. M. non possunt acquiri Scientiæ nisi per definitionem, divisionem &c. materialiter bonam c. M. formaliter bonam, n. M. si quis enim intuitive vel in Deo vel in lumine naturæ vel in lumine supernaturali omnia demonstrante videret connexionem rerum, ille non indigeret discursibus tam parum quàm Angeli, qui omnia vident intuitive, sicut nos sensibilia videmus per oculum, quin iste discursus Aristotelicus est potius imperfectio humani intellectus, totum suum objectum unico obtutu non comprehendens; si ergo totum objectum comprehendam, non opus erit formâ definitivâ, sicut artifex horologii scit, quid sit horologium, etiam si non sciatur definitionem formalem horologii: & mihi quidem videtur modum inquirendi veritatem per Syllogismos in rebus intricatis idem esse, ac si quis cæcus palpando manibus & successive mensurando partes alicujus civitatis & omnium ædificiorum externas & internas, supremas & infimas, sic denique vellet invenire claram ideam hujus urbis, dum alius medio lumine Solis omnes partes hujus urbis brevissime ac clarissime comprehendit.

Ad 2. c. M. n. m. ad prob. c. M. n. m. quia evidentia objecti abigit omnem scrupulum; sicut enim, dum video murum album, certus sum, quod murus sit albus, ita etiam possum esse certus de intima naturæ rei, si vel lux præsens animo, vel præsentia Numinis omnia collustrantis hanc meis oculis naturam detegat; v. g. certus sum de connexionem inter solem & diem, etiam si hanc connexionem non didicerim per Analyticam Aristotelis; potest autem Deus aut lumen naturæ hanc animo præstare evidentiam.

Ad 3. c. M. n. m. qui enim de veritate certus est, non perturbato ullo artificio Syllogistico Sophistico quod non intelligit; v. g. si Philosophus omnes suas admovent machinas ad probandum Rustico, nunc non esse diem, aut nivem non esse candidam, reperiret imperturbabilem.

Objic. 2. contrà 2. concl. Autoritas Patrum v. g. Tertuliani, Hieronymi &c. qui Logicam Aristotelicam non solum ut inutilem, sed etiam perniciosam rejiciunt, ob quod Christiani primorum temporum vitarunt studiosi Logicam Aristotelicam.

2. Ethica discitur cum ipsa Logica: ergo Logica non est necessaria per modum prærequisiti ad Ethicam.

3. Dantur multi boni Juristæ & Medici, qui tamen sunt peregrini in Logica.

4. Si Logica esset necessaria ad omnes Scientias, tunc etiam esset necessaria ad se ipsam: Sed: ergo.



5. Antè inventam Logicam Aristotelicam jam floruerunt Scientiæ maximè in Academia Platonis, & fortè meliùs, quàm post Aristotelem.

6. De facto in orbe dantur multi Eruditissimi in variis Scientiis maximè apud heterodoxos, qui tamen non sunt imbuti Logica Peripatetica: ergo.

7. Si Logica esset necessaria ad reliquas Scientias, tunc esset nobilior reliquis Scientiis.

15 Resp. ad 1. d. ant. PP. rejiciunt Logicam Peripateticam ratione accidentis c. ant. ratione sui. n. ant. rejiciunt nempe illam Logicam propter abulum, qui tunc temporis per modum accidentis annexus erat Logicæ Aristotelicæ, maximè à Celso & Porphyrio gentilibus.

Ad 2. d. ant. discitur Ethica cum Logica imperfectè c. ant. in statu perfecto. n. ant. quia nullibi in Logico reperitur perfecta Scientia Ethicæ nisi rarissimè vel solum in statu imperfecto.

Ad 3. n. ant. quia tales Juristæ aut Medici vel non possident in statu perfecto suam artem, aut si possident, didicerunt Logicam artificialem vel à magistris, vel ex libris vel ex conversatione vel experimentaliter attendendo ad proprias operationes, sicque sunt Logici Aristotelici, etiam si non possint reddere rationem suæ artis; sicut Rustici aliquando sciunt præcepta Decalogi, etiam si illa non possint proferre memoriter.

Ad 4. d. M. Logica inadæquatè sumpta esset necessaria ad se ipsam inadæquatè sumptam c. M. inadæquatè sumpta ad se ipsam inadæquatè sumptam n. M. Logica docens est necessaria ad se ipsam utentem, id est, secundum unam partem est necessaria ad se ipsam secundum aliam partem; sicut homo est necessarius ad se ipsum secundum unam partem v.g. secundum oculos ad dirigendos pedes. Vel d. M. sic: esset necessaria ad se ipsam in actu exercito c. M. in actu signato ac reflexo n. M. quando Logica tradit regulas demonstrationis, eo ipso ostendit se benè demonstrare illas regulas.

Ad 5. d. ant. floruerunt Scientiæ in statu imperfecto c. ant. in statu perfecto n. ant. quia, ut ostendit Aristoteles, omnes, qui illum præcesserunt, valdè fuerunt imperfecti in rebus naturalibus, ita, ut eos lib. 1. Metaph. omninò vocet balbutientes.

Ad 6. d. ant. dantur viri Eruditi, qui non didicerunt Logicam Aristotelicam utentem tr. ant. do-

centem n. ant. nullibi enim de facto reperiuntur Eruditi aut docti, nisi saltem didicerint definitionem, divisionem, & Syllogismum vel à Magistris, vel exercitatione vel per experientiam, licet fortè reliquas Scientias non curent tanquam ineptias. sita- men liceat dicere, quod verum est: inter heterodoxos eruditionem inutilem reperiò, Scientiam prorsus nullam invenio.

Ad 7. d. M. Logica esset nobilior, si nobilitas sequitur necessitatem rei, c. M. si nobilitas solum sequitur officium, n. M. sic v.g. subula, licet sit necessaria ad calceum, non tamen erit nobilior calceo.

Dices 1. Si Logica esset necessaria ad reliquas 16 Scientias, tunc Logica deberet præcedere reliquas Scientias: Sed hoc non potest dici: ergo. m. prob. Logica est reflexa super reliquas Scientias: ergo Logica non potest præcedere, alioquin actus reflexus præcederet actum directum. Resp. c. M. n. m. ad prob. dico: Logicam esse actum reflexum suprâ actum directum aliarum Scientiarum primùm futurum; sicut enim possum considerare actum Antichristi futurum; adeoque etiam Logica actum Physicæ aut Metaphysicæ primùm futurum.

Dices 2. Non potest dici, qualis ergo sit necessitas aut utilitas Logicæ ad Scientias? Resp. necessi- 17 tatem & utilitatem Logicæ Aristotelicæ in eo consistere, quòd tollat confusionem nostrorum conceptuum, in quantum nos cogit, ut simul ac semel nunquam consideremus plures, quàm tres terminos, & in eorum consideratione ac comparatione ad invicem tamdiu immoremur, donec eorum relatio & virtus sufficienter comprehensa fuerit; sic tandem successivè evolvuntur summo ordine omnes conceptus, quos de objecto habemus vel habere possumus; hoc autem sine forma Syllogistica fieri non potest, ut consideranti patere potest; in discursibus enim aliis omnes conceptus multi & varii miscuntur sine ordine, aut quantumcunque quis ordini conceptuum intentus sit, ob nimium multas relationes objectorum quæ simul ac semel proponuntur menti, non datur animo tempus ordinatè cogitandi de una relatione objecti post aliam. In sola Mathesi id possibile est, quia objecta, nempe magnitudines, sunt simplicissima & evidentia; in aliis autem Scientiis id fieri non potest.

O. A. M. D. G.



# DE UNIVERSALI.

**U**niversalia vocantur prædicata generalia quæ in qualibet re secundum considerationem Metaphysicam reperiuntur; ea verò sunt quinque. 1. Accidentia. 2. Proprietates. 3. Differentia. 4. Species. 5. Genus. Quælibet enim res habet sua accidentia, proprietates, differentiam, speciem, genus, quæ de illa prædicantur.

Circa hanc materiam autem instituuntur sequentes quæstiones.

1. Traduntur definitiones, & divisiones terminorum in hac materia recurrentium.
2. An detur præcisio objectiva?
3. An detur distinctio virtualis intrinseca?
4. An detur distinctio formalis ex natura rei?
5. An detur distinctio rationis ratiocinata?
6. In quo consistat universale?
7. A quo fiat universale?
8. An universale maneat in actuali prædicatione?
9. Unde desumatur differentia specifica?
10. Unde desumatur individuatio rei?
11. Unde desumatur differentia specifica, & individuatio compositorum accidentalium, & moralium?

## QUÆSTIO I.

*Traduntur definitiones, & divisiones Terminorum in hac materia recurrentium.*

1. **S**ingulare, seu individuum est, quod est *indivisum in se, & divisum ab omni alio*, solet hoc singulare designari per pronomen *hic & hoc*, v. g. Petrus est aliquid singulare, qui, dum dicit *ego*, scit, quid dicat, etiamsi ignoret, quidnam sit illud, per quod est illud, ut possit dicere *ego*. Interim Petrus est individuum in se, quia Petrus non est divisus in plures Petros, licet sit divisus in animam & corpus, & corpus in sua membra. Petrus enim non dividitur in plura ejusdem rationis, seu in plura singularia. per hoc verò, quod sit indivisus in se, eo ipso dividitur ab omni alio alioquin non esset divisus in se, seu in plura ejusdem rationis.
2. **U**niversale est, quod inest pluribus, adeoque universale est id, quod est divisum in se: v. g. homo convenit pluribus nempe Petro & Paulo, & per hoc ipsum homo, seu natura humana est divisâ in se ipsam.
3. **U**niversale in *causando* est, quod causat plures effectus, ut Deus, Sol, Cælum &c. Deus enim est quædam causa universalis omnium rerum, & Sol talis esse creditur.
4. **U**niversale in *representando* est, quod repræsentat plura, tale universale est quævis imago, quivis conceptus, quodvis speculum, aut signum, nam v. g. conceptus hominis repræsentat Petrum, & Paulum.
5. **U**niversale in *significando* est, quod significat plura, tale est quævis vox significativa, non individualis, v. g. homo, quæ significat Petrum & Paulum.
6. **U**niversale in *informando* est, quod informat plura, tale est anima humana, quæ informat plures partes corporis, ea enim animat caput, oculos, linguam, cor, manus, pedes &c.

**U**niversale in *continendo* est, quod continet plura, 7 sic domus continet plures partes, nempe homines, utensilia, suppellectilem &c.

**U**niversale in *essendo*, seu Metaphysicum est, quod 8 inest pluribus, & definitur ab Aristotele 7. met. *quod sit unum aptum inesse multis*, tale est v. g. animal, hoc enim inest homini, cani, equo. Nota autem, quod hoc universale debeat primò, esse *unum*, secundò, quod idem unum debeat esse *multiplex*, quia debet inesse multis per identitatem v. g. animal in se est aliquid unum, sed multiplex, quia canis, equus, homo &c. cum quibus identificatur non est aliquid unum: hinc nomine universalis Metaphysici non venit acervus lapidum, aut exercitus, quia acervus lapidum non est unum inexistens multis, sed unum constans multis; neque enim singuli lapides sunt acervus lapidum. Secundò neque est universale Metaphysicum natura divina, prout est in tribus personis, & Christus in pluribus locis, non tamen inexistunt multis per suam multiplicationem, sed ergo unum, sed non sunt multiplex. Tertiò multò minùs anima, aut aqua potest dici universale, quia anima non inest pluribus membris per identitatem cum illis membris, & aqua licet in sit pluribus partibus recipientibus aquam, non tamen inest per identitatem, sed per sui divisionem in plures partes.

**U**niversale in *prædicando* seu Logicum est, quod 9 potest prædicari de pluribus, v. g. hic terminus animal, qui potest prædicari de homine, cane, equo &c. Subdividitur hoc universale in *essentiale*, & *accidentale*. *Essentiale* vocatur, quod prædicatur essentialiter, ut animal de homine, aut equo. *Accidentale* vocatur, quod prædicatur accidentaliter, ut esse calidum, coloratum &c. *essentiale* subdividitur in *totale*, & *partiale*. *Totale* est, quod importat totam rem, de quo prædicatur. sic v. g. homo est universale *essentiale*, *totale*. *Partiale* est, quod non significat totam rem: v. g. *ratio* rationale respectu hominis est universale *essentiale* *partiale*. *Accidentale* verò subdividitur in *proprium*, & *non proprium*; sic *album* est universale *accidentale* *non proprium* *mutuo*, idem verò est universale *accidentale* *proprium* *Cygnus*.

**Accidens** vocatur, quod potest *adesse, vel abesse sine sub-* 10 *jecti corruptione*. Logicè definitur, quod sit unum aptum prædicari de multis in *quale contingenter*. Tale est calor respectu ligni, qui potest abesse à ligno manente ligno. Accidens subdividitur in *accidens Logicum*, seu prædicabile, & in *accidens Physicum*, seu prædicamentale. *Accidens Logicum* vocatur, quod licet secundum se sit substantia, respectu tamen alterius est accidens, sic vestis, gladius &c. est accidens Logicum respectu Petri, qui dicitur vestitus, gladius. *Accidens Physicum* est, quod secundum se, non potest se solo existere, sed connaturaliter exigit inhaerere alicui subiecto. tale est calor, & calor &c. quia calor nullibi datur, nisi detur aliquid calidum, in quo est calor. Dividitur etiam accidens in *separabile*, & *inseparabile*. *Separabile* vocatur, sine quo potest existere subiectum, ut lignum potest esse sine calore. *Inseparabile* vocatur, sine quo subiectum non potest existere; sic ignis non potest existere, sine luce & calore.

*Pra-*



**11** *Proprium* vocatur, quod convenit pluribus con-  
naturaliter, strictè sumptum. Logici quibusdam de-  
finitur, quòd sit unum aptum prædicari de multis  
convertibiliter, ac necessario: tale proprium est risi-  
bilitas respectu hominis. Dicitur autem proprium  
quatuor modis. 1. quod convenit *soli*, sed non *omni*.  
ut esse Mulicum, aut Philosophum convenit soli ho-  
mini, sed non *omni*. 2. quod convenit *omni*, sed non  
*soli*. ut esse bipedem. 3. quod convenit *omni*, & *soli*.  
sed non *semper*. ut ridere, admirari. 4. quod convenit  
*omni*, *soli*, & *semper*, ut esse risibile. Notandum, has  
proprietas non esse sumendas, quoad actum, sed  
quoad potentiam, & exigentiam subjecti, saltem in  
secunda, & quarta acceptione; subjectum quidem  
potest existere supernaturaliter sine omni actu, sed non  
potest existere sine potentia, aut exigentia ad illum  
actum sibi proprium; similiter actus non semper ne-  
cessario producit à subjecto, sed quando produci-  
tur, connaturaliter producit; quin potius non pro-  
ducitur, sed, ut loquuntur Philosophi, *emanatur*, id  
est, acquirit existentiam ab essentia subjecti modo  
quodam speciali, non quasi per novam productio-  
nem, sed vi illius ipsius actionis, quæ productum fuit  
ipsum subjectum. Denique proprium prædicatur  
de subjecto etiam non existente, quia, quæcunque  
necessario prædicantur, ampliatiè prædicantur; &  
verum erit dicere homo est risibilis, etiamsi non existe-  
ret homo.

Proprium subdividitur in *Physicum*, & *Meta-  
physicum*. *Physicum* vocatur, quod distinguitur  
à suo subjecto, cuius est proprium, & tali modo  
creditur calor esse proprietas ignis. *Metaphysicum*  
vocatur, quod non distinguitur à suo subjecto, cuius  
est proprium, sic unitas, bonitas, veritas &c.  
sunt proprietates entis, & risibilitas est proprietas  
hominis, etiamsi nec unitas distinguatur ab ente,  
nec risibilitas ab homine.

**12** *Differentia* vocatur, quæ prædicatur in quale quid seu  
in quale incomplete. Tale est rationale relatè ad animal  
per τὸ rationale enim respondetur ad quæstionem qua-  
le sit animal, & simul explicatur quidditas, & essen-  
tia rei; licet tantum explicetur incomplete, ac inad-  
æquatè, cum per τὸ rationale non explicentur omnes  
perfectiones in homine reperibiles.

*Differentia* dividitur in communem, propriam, &  
propriissimam. *Communis* vocatur, seu plebeia, qua  
distinguiamus unam rem ab alia tantum accidentaliter.  
hoc modo, differt æthiops ab Europa. *Differentia  
propria* vocatur, qua distinguiamus res per earum pro-  
prietates; v.g. dum distinguiamus hominem à simia,  
quod homo sit risibilis, non item simia. *Propriissima*  
*differentia* est, qua distinguiamus unam rem ab alia  
per prædicata essentialia. Hæc ultima *differentia*,  
subdividitur in *Supremam*, *Subalternam*, & *Infimam*.  
*Suprema* est, qua distinguiamus supremum genus in  
suas species v.g. substantiam in corpoream, & in-  
corpoream. *Subalterna* est, qua distinguiamus genus  
subalternum v.g. corporeum in vivens, & non vi-  
vens. *Infima* est, qua distinguiamus genus infimum in  
suas species, nempe τὸ animal in rationale, & irra-  
tionale. *Differentia infima*, dividitur in ultimam, &  
non ultimam. *Ultima* est, qua explicatur radix omnium  
propriatum, & prædicatorum differentialium in re  
reperibilium v.g. per rationalitatem explicatur in ra-  
dice risibilitas, & admirabilitas hominis. *Non ultima*  
*est*, quæ explicat quidem differentiam, sed quæ non

est radix cæterorum prædicatorum differentium, ut  
risibilitas, admirabilitas. Cæterum omnis differen-  
tia est *divisiva* sui generis, & *constitutiva* suæ speciei,  
& *specificativa* rei.

*Species* vocatur, quod de multis prædicatur in quid **13**  
completè, vel quod prædicatur de multis solo numero dif-  
ferentibus: v.g. homo prædicatur de Petro, & Paulo,  
& simul explicat adæquatè totam quidditatem rei.  
*Species* iterum dividitur in Summam, Subalternam,  
& Infimam. *Species summa* in arbore prædicamen-  
tali est Substantia. *Subalterna* v.g. est vivens, &  
*Infima* est homo. & de hac ultima specie proprie  
verum est, quod in altera definitione ponitur, nem-  
pe quod prædicatur in quid de solo numero differenti-  
bus. *Species* ulterius dividitur in *Physicam*, *Meta-  
physicam*, & *Logicam*. *Physica* vocatur, quæ expli-  
cat formam, per quam una res differt ab alia, sic v.  
g. ignis differt per formam ignis ab aqua.

*Metaphysica* vocatur, quæ dicit differentiam im-  
portatam in conceptu definitivo rei, sic homo im-  
portat rationalitatem,

*Logica* vocatur, quæ importat secundas intentio-  
nes, per quas unum concretum Logicum differt ab alio,  
ut terminus differt specie à propositione, quia in tan-  
tum aliquid vocatur terminus, in quantum potius  
substat his secundis intentionibus quam aliis. Nota  
etiam speciem, in quantum dividit genus vocari Spe-  
ciem *Subjicibilem*. sic relatè ad animal homo est spe-  
cies subjicibilis; eadem verò species in quantum præ-  
dicatur per modum generis, aut termini communis de  
pluribus aliis, vocatur *Species Prædicabilis*, sic homo  
est species prædicabilis relatè ad Petrum, & Paulum,  
vel animal relatè ad equum, & hominem.

*Genus* vocatur, quod prædicatur in quid incomplete v. **14**  
g. si quæro quid sit Petrus, respondetur quod sit ani-  
mal, & non respondetur, quod sit albus: τὸ animal  
ergo explicat quidditatem Petri, sed incomplete.  
*Genus* dividitur in Summum, Subalternum, & Infim-  
um, quidnam significet Summum, & Subalternum,  
intelliges ex subjecta arbore prædicamentali.

Substantia	
Corporea	Incorporea
Corpus	
Vivens	non Vivens
Vivens	
Sensitivum	non Sensitivum
Animal	
Rationale	Irrationale,
Homo	
Petrus	Paulus,

*Gradus Metaphysicus* vocatur, quodvis prædicatum **15**  
in arbore prædicamentali reperibile, adeoque, quia  
omnia ista prædicata de individuo prædicantur in re-  
cto, clarum est, quod gradus Metaphysici omnes inter  
se identificentur, ex hoc ipso autem consequitur, quod  
abstracta, qualia sunt animalitas, rationalitas, corpo-  
reitas non sint proprie loquendo gradus Metaphysici,  
cum utique corporeitas non sit rationalitas, licet cor-  
poreum sit rationale, & vicissim. Interim tamen  
vocentur ista abstracta ob usum hominum

Meta-



Metaphysici, ita tamen, ut semper referantur ad eandem rem, nempe corporeitas ad corpus cum aliis gradibus Metaphysicis ipsius corporis; e contra animalitas, & rationalitas, referantur ad animam, cum aliis gradibus Metaphysicis ipsius animæ.

- 16 *Unitas* est negatio divisionis in plura ejusdem rationis cum divisio. quia quæcunque divisionem non habent, quatenus non habent, unum dicuntur. ut habet Aristoteles in Metaphysicis. Tale unum est homo, lignum bipalmare, acervus lapidum, quia licet homo dividatur in corpus & animam, lignum bipalmare, in duo ligna palmaria, & acervus lapidum, in plures lapides, non tamen ista dividuntur in plures partes participantes rationem divisi, nec enim anima, aut corpus est homo, nec singuli lapides sunt acervus lapidum, *Unitas* dividitur in unitatem realem, & unitatem rationis. *Unitas realis* est, quæ datur à parte rei, *Unitas rationis* est, quæ tantum datur in Intellectu. Ab unitate denominatur unum per se, aut unum per accidens. *Unum per se* vocatur, quod constat partibus habentibus unitatem Physicam, aut spectantibus ad idem prædicatum. v.g. homo est unum per se, quia corpus, & anima habent unionem Physicam, & pertinent ad prædicatum substantiæ. e contra homo albus, est tantum unum per accidens, quia albedo & homo non pertinent ad idem prædicatum. verum hæc descriptio unius per se est imperfecta; dicendum potius illud esse unum per se *cujus partes ex sua natura ordinantur ad invicem*. Si quæras, quænam partes ex sua natura ordinentur ad invicem? dico illas, quæ habent aptitudinem proximam ad unionem, ita ut convenienter non possint ordinari ad alium finem, nisi uniantur, nam, quò res possunt ordinari convenienter, illuc ex intentione naturæ ordinantur, illuc verò convenienter possunt ordinari, quò tendunt dispositiones rei, & illuc petunt, ac exigunt ordinari, à provido ordinante. *Unum per accidens* est, *cujus partes ex sua natura non petunt ordinari ad invicem, quia possunt habere alium finem, etiamsi non ordinentur ad invicem*.

*Identitas*, est summa unitas fundans consensum duorum in omni perfectione. à posteriori definitur quod sit affirmabilitas unius de altero in recto. v.g. Christus & Salvator mundi identificantur, quia quidquid possum dicere de uno, possum etiam dicere de altero, adeoque habent consensum perfectionum similiter unus potest affirmari de altero in recto.

- 17 *Distinctio* est dissensus duorum saltem in una perfectione. à posteriori definitur, quod sit negabilitas duorum in recto. v.g. Petrus, & Paulus saltem differunt in hæcitate, quæ, cum non sit nihil, est utique aliqua perfectio. *Distinctio* dividitur in positivam, & negativam. *Positiva* est, quæ intercedit inter duas res actu existentes, v.g. inter Solem, & Lunam. *Negativa* est, quæ intercedit inter unam rem existentem, & alteram non existentem. talis distinctio intercedit inter Solem nunc existentem, & inter alterum Solem possibilem.

- 18 *Distinctio realis* est, quæ datur inter duas res à parte rei. Signum hujus distinctionis est *separabilitas*, aut oppositio producentis ad productum. Non tamen conveniunt Philosophi, quidnam debeat venire nomine rei; quidam vocant rem omne id, quod non est nihil, alii vocant rem, quod secundum se jam habet existentiam propriam, & completam; alii vo-

cant rem, quod habet seriem prædicamentalem, seu plures perfectiones, & prædicata.

*Distinctio formalis ex natura Rei* vocatur diversitas inter duas perfectiones; quæ non sunt res, sed formalitas tantum, & ideo, licet ista distinctio detur à parte rei, seu ex natura rei, non tamen vocatur realis, sed formalis, quia non intercedit inter rem, & rem, sed inter formalitatem, & formalitatem. Hæc distinctio propria est Scotistis, qui putant dari aliquod medium inter rem, & nihilum, nempe formalitatem, aliquidditatem, & realitatem &c. rem vocant id, quod habet propriam existentiam, aut, quod habet seriem prædicamentalem, sicut Petrus & Paulus, qui est ens per se, & de quo possum dicere, quod sit ens, corpus, vivens, animal &c. rationalitatem autem non vocant rem, quia aut non habet propriam existentiam, aut certe non habet seriem prædicamentalem, sed essentialiter exigit cum aliis perfectionibus constituere unam rem completam, de rationalitate, nil aliud possum dicere, nisi quod sit rationalitas, quin imò ipsa existentia rationalitatis juxta hos Auctores distinguitur à rationalitate: eoque etiam ipsa realitas, quæ sumitur ab existentia distinguitur non solum à rationalitate sed etiam ab omnibus aliis perfectionibus, quæ cum rationalitate constituunt totum Petrum, & stante hoc supposito utique merito negatur distinctio esse realis.

*Distinctio virtualis intrinseca* est capacitas terminandi contradictoria intrinseca. *Contradictoria intrinseca* vocantur, quæ conveniunt rei à parte rei ante operationem intellectus. v.g. Si vera esset hæc propositio: à parte rei animalitas Petri, non est virtualiter rationalitas Petri. essent contradictoria intrinseca. Hæc distinctio dicitur à Thomistis dari inter perfectiones essentielles ejusdem rei, seu gradus Metaphysicos v.g. inter animalitatem, & rationalitatem. Vocant hanc distinctionem virtualem, quia putant has perfectiones esse quidem diversas, sed non distinctas, seu separatas per existentiam, & eatenus putant diversissimas perfectiones stante diversitate posse constituere unam rem. Exemplum possent Thomistæ habere, à suo continuo, quod defendunt in se esse indivisum v.g. in quantitate aut figura stagni, aut maris: in tali continuo evidens est reperiri diversas partes v.g. figuram semicircularem, quadratam &c. interim tamen hæ partes figuræ diversissimæ ob suam continuitatem constituunt unam figuram continuam: aliud exemplum possent habere in diversis coloribus continuative unitis v.g. in prato viridi manent colores cæruleus & alii inter se diversi, interim tamen ob continuitatem nullibi apparet diversorum colorum distinctio, & sicut apparet, ita etiam potest dari in hoc, & aliis exemplis. v.g. specie, quæ est in anima de civitate, aut de scriptura præsentem, in hac enim specie datur album, & nigrum per identitatem.

*Distinctio virtualis extrinseca* est capacitas terminandi contradictoria extrinseca. *Contradictoria extrinseca* vocantur, quæ conveniunt rei per denominationem extrinsecam. v.g. si dicam: Animalitas objecti est cognita, rationalitas non est cognita. tunc cognitum, & non cognitum sunt contradictoria, quæ in hoc casu cadunt super eandem rem, nempe animalitatem, & rationalitatem. Hæc distinctio à Thomistis, & nonnullis Recentioribus dicitur dari inter perfectiones essentielles ejusdem rei, seu inter gradus Metaphysicos. putant enim, quod ex parte rei nulla detur diver-



fitas, adeoque nec virtualis distinctio, seu diversitatum distinguibilitas, sed perfectiones ejusdem rei diversae tantum possunt per diversos conceptus ab invicem distingui, ita ut conceptus unius perfectionis, non sit conceptus alterius perfectionis, adeoque verum erit dicere animalitas cognoscitur, rationalitas non cognoscitur, licet rationalitas sit idem cum animalitate.

22. *Distinctio rationis ratiocinata est inadæquata cognitio rei, qua unam perfectionem per intellectum distinguimus ab altera cum fundamento in re; talis vero cognitio fit, cum confusè concipiendo totam rem, unam vel alteram ejus perfectionem cognoscimus explicite, clarè ac distinctè, seu formaliter. v.g. dum concipimus totum hominem. aliquando enim clarè concipimus animalitatem hominis, reliqua prædicata tantum concipiendo confusè aliquando vero cognoscimus clarè rationalitatem, sicque formando diversos conceptus de animalitate, & rationalitate distinguimus has perfectiones per intellectum seu per rationem. dicitur verò ea distinctio fieri per rationem ratiocinatam cum fundamento in re, quia intellectus reperit in re aliquod fundamentum, seu causam sic formandi diversos conceptus de ipsis principiis sensationum, & ratiocinationum, nempe de animalitate, & rationalitate. Ex hoc patet discrimen inter distinctionem virtuales extrinsecam, & distinctionem rationis ratiocinatam esse in hoc, quod per hanc una perfectio cognoscatur clarè reliquæ verò perfectiones rei tantum cognoscantur confusè, per virtuales autem distinctionem extrinsecam sic una perfectio cognoscitur clarè, ut reliquæ perfectiones rei omnino non cognoscantur.*

23. *Distinctio rationis ratiocinantis est distinctio ejusdem rei per diversos conceptus à se ipsa sine fundamento in re. v.g. si principem Apostolorum distinguo à Petro, nullum habeo fundamentum, ad Petrus eisdem effectus producat, quos producit princeps Apostolorum, nec unus effectus potius sit ratio tribuendi hanc denominationem, quam illam.*

24. *Distinctio modalis est diversitas, quæ datur à parte rei inter substantiam, & modum substantiæ v.g. inter ceram, & figuram ceræ. Modus vocatur, qui essentialiter inhæret suo subjecto, sine quo ne quidem miraculose existere potest.*

## Solvuntur Objectiones.

25. *Objic. 1. Contrà definitionem unitatis. Unitas est aliquid positivum, ergo non potest definiri per negationem. prob. ant. in Deo non est aliquid negativum ergo.*

2. In definitione unitatis ingreditur pluralitas: Sed hæc non est notior unitate: ergo. *m. prob. pluralitas primum fit ex repetitis unitatibus, adeoque est posterior unitate, adeoque etiam minus nota.*

3. Unitas est terminus transcendentalis, ergo non potest definiri prob. c. terminus transcendentalis non habet genus, quod conveniat pluribus.

4. Definitio singularis, & individui etiam convenit generi ergo. prob. ant. etiam genus est indivisum in plura ejusdem rationis ergo.

26. *Resp. ad 1. n. ant. ad prob. n. ant. quia potest dici, quod unitas Dei sit infinitas Dei, ergo saltem quoad modum significandi est aliquid negativum, licet quoad modum essendi sit aliquid positivum.*

*R. D. Exf. Amort Philosophia.*

Ad 2. dist. conf. ergo non potest definiri definitione essentiali. tr. definitione nominis n. c. vel distinguo sic: non est notior quoad se. tr. quoad nos n. c.

Ad 3. c. ant. d. c. non potest definiri definitione essentiali c. definitione nominis n. c. ad definitionem nominis plus non requiritur, quam ut significet, in quibus circumstantiis detur usus nominis.

Ad 4. d. ant. convenit generi secundo intentionaliter sumpto. tr. generi primo intentionaliter sumpto. n. ant. genus primo intentionaliter sumptum nil aliud est, quam confusa collectio singularium, quæ utique non est indivisa.

*Objic. 2. Contrà definitionem identitatis. 1. In definitione identitatis ingreditur pluralitas: Sed ubi datur pluralitas, non datur identitas: ergo.*

2. Dantur aliqua, quæ consentiunt in omni perfectione, & tamen non sunt idem, ergo. prob. ant. corpus & anima sibi communicant suas perfectiones, item humanitas Christi, & divinitas ergo.

3. Singularia. v.g. Petrus, & Paulus consentiunt in omni perfectione, & tamen non sunt idem ergo. prob. ant. quoad primum membrum: sicut Petrus est ens, animal, homo, individuum, ita etiam Paulus.

4. Homo, & rationalitas sunt idem, & non necessario prædicantur de se in recto, ergo identitas non est affirmabilitas duorum in recto. prob. ant. possum dicere homo est habens rationalitatem.

*Resp. ad 1. d. M. ingreditur pluralitas formalis. tr. M. ingreditur pluralitas objectiva, & realis n. M. idem potest concipi per modum duorum sub diversis vocibus, & conceptibus, & hæc dualitas formalis non tollit identitatem realem.*

Ad 2. n. ant. ad prob. d. ant. communicant sibi suas perfectiones communicatione causalitatis. tr. ant. communicatione identitatis. n. ant. id, quod anima communicat corpori, producit in corpore ab anima, nec manet in anima, sed in communicatione identitatis, sic sibi communicant suas perfectiones, ut easdem simul retineant.

Ad 3. n. ant. ad prob. d. quoad quartum membrum. Petrus est individuum sicut Paulus secundo intentionaliter, c. primo intentionaliter. n. ipsa individuatio potest subsistere diversis conceptibus inadæquatis secundum unum conceptum inadæquatum potest individuatio Petri convenire cum individuatione Pauli, secundum alium conceptum inadæquatum maxime relativum disconvenire potest.

Ad 4. d. ant. homo & rationalitas non necessario prædicantur de se in recto quoad modum prædicandi vocalem. c. ant. quoad modum prædicandi mentalem. n. ant. sive enim in mente dicam: homo est inadæquate sua rationalitas, sive dicam: homo est habens rationalitatem, semper tamen in mente concipio rationalitatem, tanquam partem constitutivam hominis, adeoque ut inadæquate idem cum homine.

*Objic. 3. Contrà numerum quinarium universalium, seu prædicabilium; 1. dantur decem prædicata, ergo etiam decem prædicabilia. conf. patet, quia modus prædicandi sequitur modum essendi.*

2. Individuum vagum, seu signatum etiam prædicatur de multis, ergo dantur sex universalia ant. prob. possum de Petro dicere, quod sit individuum, & de Paulo.

3. Genus summum, & genus subalternum, item species summa, & species subalterna sunt diversa prædicabilia, ergo.

I.

4. Acci-



4. Accidentia, & proprietates possunt tanquam membra referri vel ad speciem, vel ad genus, ergo dantur tantum tria universalia. pr. ant. quodlibet accidens pertinet ad genus qualitatis, vel quantitatis, ergo.

5. Si datur genus subalternum, tunc genus, & species sunt prorsus idem, sed si sunt idem, dantur tantum quatuor universalia. ergo.

6. Genus prædicatur de pluribus differentiis specie, ergo patitur magis, & minus. atqui si patitur magis & minus, tunc non pertinet ad genus prædicabilem. ergo.

7. Universale non prædicatur univocè de accidente, & substantia, quæ constituitur ex genere, & differentia, ergo hæc divisio non est bona. prob. ant. accidens prædicatur tantum de multis contingenter; substantia prædicatur de multis essentialiter. ergo.

30 *Resp. ad primum c. ant. dist. conf. ergo dantur decem prædicabilia modo prædicandi, de quo hic non est quæstio. c. ant. de quo est quæstio. n. ant. tantum considerantur res secundum diversum modum essendi, in ordine ad definitionem rei, non verò considerantur secundum diversum modum etiam accidentaliter essendi in ordine ad noticiam adæquatam, ac specificam specie subalterna totius rei.*

Ad 2. dist. ant. individuum vagum prædicatur de multis secundò intentionaliter sumptum, c. ant. primò intentionaliter sumptum. n. ant. illa individuatō Petri, per quod est Petrus, à parte rei non multiplicatur in plura singularia, sicut humanitas, aut animalitas, sed tantum conceptus secundò intentionalis individui refertur ad multa. vel subdist. individuum primò intentionaliter prædicatur de multis æquivocè c. univocè. n. quando enim dico: Petrus est individuum, aliud dico, quàm cum dico: Paulus est individuum, si sumo terminum primò intentionaliter.

Ad 3. dist. ant. genus summum, & subalternum sunt diversa prædicabilia illa diversitate, quæ non est ad rem. c. ant. quæ est ad rem. n. ant. ista diversitas se tenet in eodem genere, ac ut condistincto ab aliis prædicabilibus.

Ad 4. dist. ant. accidentia & proprietates possunt referri ad genus secundò intentionaliter considerata. c. ant. primò intentionaliter considerata. n. ant. vel subdist. possunt referri ad genus secundum illum modum, qui hic non est ad rem. c. qui hic est ad rem. n. ant. accidentia, & proprietates, licet sint in aliquo genere, tamen fundant etiam diversam sui considerationem attentione dignam, in ordine ad diversum modum prædicandi; & quidem ea diversitate diversum, qua diversimode serviunt ad considerationem definitivam, vel divisivam.

Ad 5. dist. ant. species, & genus non differunt materialiter. tr. ant. formaliter n. ant. licet enim idem prædicatum materialiter, ac secundum se spectatum possit fungi diversis officiis, tamen reduplicativè in quantum fungitur diversis officiis, seu formaliter differt à se ipso in præsentia illa diversa consideratio reduplicativa est attentione digna, adeoque etiam speciatim recenseri debet.

Ad 6. c. ant. dist. conf. patitur magis, & minus quoad extensionem. c. c. quoad intensionem n. c. sola intensio repugnat prædicatis essentialibus, non verò extensio.

Ad 7. n. ant. ad prob. dist. ant. Universale non convenit univocè accidenti & substantiæ primò intentionaliter sumptis, trans. ant. secundò intentionaliter sumptis. n. ant. accidens & genus sumuntur secundò intentionaliter, in quantum sunt unum aptum prædicari

de multis, & secundum hoc accidens est æquè unum aptum prædicari de multis, quàm genus & differentia.

*Objic. 4. Genus non potest definiri, nisi per genus, 31 ergo necessario deberet definiri per se ipsum, quod est impossibile.*

2. Genus etiam prædicatur de solo numero differentiis sicut species infima, ergo non differt ab illa specie.

3. Etiam accidens prædicatur in quid, ergo definitio generis convenit etiam accidenti. prob. ant. quando quæro quid sit albedo, respondetur, quod sit aliquis color, sed color est accidens, ergo prædicatur accidens in quid.

4. Genus est aliquod totum, & species est aliqua pars generis, vel si hoc non vis, species est aliquod totum, genus est aliqua pars speciei, sed totum non prædicatur de parte, & pars non prædicatur de toto, ergo genus non prædicatur de specie, minor est evidens, quia v. g. tectum non est domus, & domus non est tectum. M. prob. genus dividitur in species, ergo genus est totum. vel species definitur per genus, & differentiam, ergo genus est pars speciei.

*Resp. ad 1. d. ant. genus non potest definiri nisi per 32 genus aliquod superius. c. ant. per genus cum definito idem n. ant.*

Ad 2. c. ant. n. c. quia species est id, quod tantum prædicatur de solo numero differentiis, genus verò est id, quod prædicatur etiam de specie differentiis.

Ad 3. d. ant. accidens prædicatur in quid entitativè accidentale c. ant. in quid entitativè essentialiale n. ant. vel subdist. prædicatur in essentialiale accidenti. c. ant. essentialiale subiecto accidentis. n. ant. quidditas simpliciter tantum importat quidditatem accidentalem & quidem subiecto accidentium.

Ad 4. d. M. genus est totum Physicum, aut pars Physica n. M. totum Metaphysicum c. M. quod pars Metaphysica possit prædicari de suo toto patet, quia prædicatur.

*Obj. 5. Contrà definitionem speciei. 1. Species non 33 exprimit individuationem, ergo non prædicatur in quid completè conf. pat. quia individuatō etiam est prædicatum essentialiale, adeoque constituit essentialiam & adæquatam quidditatem rei.*

2. Homo non est divisibilis in plures species, ergo male assignatur pro specie infima, ant. prob. quia potest dici, quod homo æthiops differat specie ab homine Europæo.

3. Natura divina prædicatur de pluribus solo numero differentiis, & tamen non est species, ergo definitio speciei non convenit soli.

4. Materia prima prædicatur de materia ligni, & lapidis, & tamen non est species ergo. prob. ant. quoad secundum membrum: materia prima nec est quid &c. ergo non est species.

5. Datur species immultiplicabilis v. g. Angelus Gabriel, ergo species non est id, quod de pluribus prædicatur. ant. prob. à D. Thoma, qui cum aliis dicit, quod quivis Angelus sit tantum una species.

*Resp. ad 1. c. ant. d. c. ergo non prædicatur in quid 34 completè quidditate Physica, aut reali, trans. quidditate Metaphysica. n. ant. quidditas Metaphysica vocatur, quæ ingreditur definitionem, individuatō non ingreditur definitionem.*

Ad 2. n. ant. ad prob. iterum, n. ant. quia ista diversitas ab hominibus non attenditur in ordine ad constituendam diversam speciem.

Ad 3. d. ant. natura divina prædicatur de pluribus se ipsam non multiplicando. c. ant. multiplicando. n. ant.



z. ant. universale enim, quale est species, debet esse unum, & multiplex.

Ad 4. n. ant. quoad secundum membrum. ad prob. d. ant. materia non est quid quidditate Physica. con. quidditate Metaphysica, n. ant. quia materia adhuc habet suam definitionem.

Ad 5. n. ant. contrarium probabimus infra, quamvis & hoc ipsum sit quæstio de nomine.

35 *Objic. 6.* Contra definitionem accidentis. calor est accidens ligno, & mors est accidens homini, sed hæc non possunt abesse, vel abesse sine subjecti corruptione. ergo.

2. Calor non potest abesse ab igne, ergo non omne accidens potest abesse.

3. Accidens necessario est in aliquo subjecto, ergo non potest abesse à subjecto.

36 *Resp. ad 1.* n. M. quoad secundum membrum. quia mors non datur, quamdiu datur homo. propositio saltem vera est in sensu distracto, ut sensus sit: mors est accidens illi subjecto, quod fuit homo, quoad primum membrum. n. m. quia calor diu datur in ligno, quam destruat lignum.

Ad 2. d. ant. calor non potest separari ab igne naturaliter. c. ant. supernaturaliter. n. ant. contrarium probat ignis Babylonicus, in quo dabatur ignis, sed non calor.

Ad 3. d. ant. accidens necessario est in subjecto exigentia accidentis, c. ant. exigentia subjecti. n. ant. calor quidem non potest esse sine subjecto calido v. g. ligno, sed lignum non indiget calore.

## QUÆSTIO II.

*Andetur præcisio objectiva, seu distinctio virtualis extrinseca?*

**N**ota 1. Per præcisionem objectivam intelligi cognitionem unius perfectionis essentialis non cognitâ alterâ etiam si identificata cum priori. v. g. ponantur animalitas & rationalitas esse identificata inter se: ponamus me videre objectum à longè se movens, quod nondum adhuc scio esse hominem, quod tamen scio esse animal ob motum, quem in illo objecto reperio. in hoc casu cognosco animalitatem, & non cognosco rationalitatem, adeoque per meum intellectum quasi præscindo objectivè animalitatem à rationalitate.

2 *Nota 2.* Dari duplex esse objectivum; nempe intentionale, seu intellectuale, & reale, quando enim cogito de animalitate, tunc animo obversatur aliqua forma, seu species existens in mente, per quam res menti representatur: hæc forma, seu hoc esse objectivum vocatur intentionale, quia verò per illam formam representatur animalitas existens à parte rei, idè mediatè obversatur menti etiam animalitas realis, & hæc animalitas existens à parte rei dicitur habere esse objectivum reale. De hoc solo esse objectivo reali in præsentia instituitur quæstio, & quæritur, utrum animalitas realis quoad suum esse objectivum reale possit dici objectum mentis, quin simul rationalitas realis secundum esse objectivum reale dicatur objectum mentis: si enim hoc fieret, verificarentur contradictoria extrinseca de eadem re, nempe esse cognitum, & non esse cognitum.

3 *Nota 3.* Præcisionem objectivam posse etiam explicari in exemplo sensibili: pone ante oculos aliquod quadratum, aut trapezium: suppone interim hoc quantum continuum esse re ipsa divisibile à parte rei, aut saltem per intellectum; si enim per diagonalem divides quadratum in duo triacula, senties hoc objectum qua-

dratum re ipsa indivisum esse divisibile vel re ipsa à parte rei, vel saltem per intellectum. adeoque licet in hoc objecto non detur actualis distinctio partium, tamen detur distinguibilitas vel intrinseca, vel extrinseca; si ponas hoc quadratum esse à parte rei divisibile, dicam, in hoc objecto dari distinguibilitatem intrinsecam, si verò ponas hoc quadratum tantum esse divisibile per intellectum, dicam, in hoc objecto dari distinguibilitatem, seu distinctionem extrinsecam. pari modo cogita gradus Metaphysicos v. g. animalitatem, & rationalitatem esse aliquod unum continuum in se actu indivisum, si hi gradus re ipsa divisibiles, seu separabiles non sunt, sunt tamen per intellectum divisibiles, & sicut una pars quadrati, aut trapezii potest videri, depingi, ac representari, ita etiam poterit cognosci, ac representari per species mentales animalitas, quin cognoscatur, ac representetur rationalitas, & sicut una pars quadrati potest esse objectum demonstrationis Geometricæ, quin altera pars trapezii sit objectum demonstrationis, ita etiam animalitas potest esse objectum conceptus definitivi, aut demonstrativi, quin rationalitas sit tale objectum.

*Not. 4.* à Recentioribus plerumque supponi res insensibiles non cognosci per species proprias, sed tantum per species alienas sensibilibus: sicut v. g. Angelum cognosco per speciem Juvenis, aut Christum per aliquas species Symbolicas, & alienas, v. g. ovis, leonis, petrae &c. quia, ut ajunt, *nihil est in intellectu, quod prius non fuit in sensu*; propterea inferunt, de re de se incognita non posse dari præcisionem objectivam, cum non tantum totius nullæ detur cognitio, sed ne quidem ullius partis, aut perfectionis simplicis: v. g. ponamus animam rationalem; in hac anima dantur variae perfectiones essentialis, seu potentia; datur enim potentia movendi corpus, potentia sentiendi, potentia rememorandi, potentia ratiocinandi, seu discurrendi, & potentia volendi. Si quæram ab eis, qualem habeant speciem animæ rationalis? dicent, se habere speciem alienam v. g. alicujus umbræ, nubis &c. si quæram qualem habeant speciem potentiarum animæ? dicent, se nullam habere speciem propriam, sicut nec ipsius animæ; itaque illis semper aliquid obversabitur per modum umbræ &c. obversabitur *aliquid*. *nescio quid*, & quidem modo in ordine ad motum, modo in ordine ad discursum, modo in ordine ad volitiones, sicque semper obversabitur teta res ad diversa connotata, non verò distinguitur res, quia non cognoscitur res, adeoque neque dabitur præcisio objectiva. Verum, quia hæc doctrina non procedit universaliter circa ipsa universalia, nempe circa ipsa connotata, aut circa res sensibiles.

*Not. 5.* Nos ex Philosophiæ Appendice N. 1. obstrictis rejicere hunc modum cognoscendi per species alienas, sed supponere, animalitatem, rationalitatem &c. cognosci, ut sunt in se ipsis, & per species propriissimas, in quantum cognoscitur potentia, seu ordo relativus ad operationes sensationum, & ratiocinationum, & eo ipso supponimus objecta in suo esse reali perfectissime esse conformia, ac similia conceptibus, utut diversissimis; adeoque etiam supponimus in objecto reperiri eam collectionem perfectionum, quæ, dum non unitivè identificantur, sed separantur, diversissimæ sunt. hoc tamen non obstante facimus in præsentia quæstionem de nomine. an stante hoc, quod omnes illæ perfectiones, sic sub una existentia per unam realitatem unitivè identificatae sint, possit aliquid negari, aut affirmari de una perfectione.



fectione, quod non simul debeat affirmari aut negari de altera perfectione, & hæc quæstio procedit tam in denominationibus intrinsicis, quam extrinsicis v.g. quaeritur: an animalitas possit dici cognita, quin dicatur etiam cognita rationalitas? quod pertinet ad denominationem extrinsecam; vel an animalitas secundum suam virtualitatem, seu formalitatem sit principium sensationum, quin etiam rationalitas secundum suam formalitatem, aut virtualitatem virtualiter, aut formaliter ex natura rei sit principium sensationum? quod pertinet ad denominationem intrinsecam. Resolutio quæstionis dependet ex eo, an in tali affirmatione, vel negatione referamus attentionem nostram, & conceptus nostros, & species nostras, ad esse objectivum talium conceptuum reale, quod est contractum per unionem identitatis ad alias perfectiones secum identificatas, & sic clarum erit, perfectionem, quæ est contracta ad perfectiones alias, esse objectum conceptus, ut est contracta; sicque esse objectum affirmationis, vel negationis; sic autem non potest aliquid affirmari, vel negari de uno, quin simul affirmetur, vel negetur de altero. Si autem in affirmatione vel negatione habemus tantum pro objecto rem, ut habet esse objectivum intentionale ut quod in intellectu, sic consideramus perfectionem secundum se, & præscindimus objectivè objectivitate intentionali unam perfectionem ab altera, & sic de re, ut contrahibili ad alias perfectiones non verò ut contracta potest aliquid affirmari vel negari quoad sua intrinseca prædicata, quin affirmetur vel negetur de altera perfectione secundum se considerata. hæc autem præcisio objectiva intentionalis est ipsa præcisio, quam simpliciter vocamus formalem, non objectivam, quia non denominat objectum simpliciter dictum seu reale esse præcisum, sed tantum denominat præcisam unam perfectionem ab altera in conceptu, quo habemus ipsum conceptum, adeoque ipsam naturam, & quidditatem rei, ut contrahibilem secundum se ad alias perfectiones pro objecto: quam primum autem hunc conceptum consideramus relative ad objectum reale, in quo existit perfectio contracta; eo ipso jam consideramus eam ut contractam, & sic nil potest affirmari vel negari, vel concipi de uno, quin simul affirmetur, vel negetur, vel concipiatur de altero, quia conceptus objectivus intentionalis est conceptus rei complexus, considerans rem, ut affectam hoc statu reali; adeoque etiam conceptus objectivus intentionalis prædicativus conjungitur seu refertur ad totum complexum conceptus objectivi subiectivi sicque non præscindit unum ab altero, sed se refert ad complexum non divisum, non concisum, aut præcisum, quæstio igitur tantum esset, an hi termini præcisio objectiva, distinctio virtualis, distinctio formalis ex natura rei significant perfectionem ut habentem esse objectivum in intellectu præcisivè cognitam, & referibilem ad objectum reale, & alias perfectiones identificabiles? an verò hi termini significant perfectionem habentem esse objectivum in intellectu præcisivè cognitam, sed actu relatam ad statum realem & alias perfectiones, ad quarum proin complexum subiectivum in intellectu refertur prædicatum. Nos, cum Recentiores Thomistæ, & Scotistæ semper ad hos terminos addant à parte rei sumimus hos terminos merito in posteriori significatione, licet adversarii non intendant re ipsa hanc significatio-

nem, sed magis velint loqui improprie. ob hanc verò talem acceptionem negamus omnes has distinctiones.

*Dico: Non datur præcisio objectiva*, seu distinctio virtualis extrinseca. *Prob. concl. 1.*: si datur præcisio objectiva, vera est hæc propositio: animalitas Petri est præcisæ per intellectum à rationalitate Petri, sed hoc non potest dici, ergo. *m. prob.* si hæc propositio est vera, tunc etiam vera est hæc: animalitas Petri cognita ut existens à parte rei cognoscitur ex parte rei præcisæ à rationalitate; vel erit vera hæc: animalitas Petri cognita ut existens à parte rei, cognoscitur ex parte rei non involvere rationalitatem; vel erit vera hæc; animalitas Petri cognita ut existens à parte rei cognoscitur in suo conceptu intentionaliter objectivo non involvere rationalitatem; vel denique hæc: animalitas Petri, quæ est à parte rei cognita ut existens in conceptu secundum esse intentionaliter objectivum est non involvens rationalitatem, sed harum primæ duæ non sunt veræ; reliquæ duæ posteriores non ponunt præcisionem objectivam, sed formalem ergo. *m.* quoad primum membrum prob. animalitas Petri ex parte rei non est præcisæ à rationalitate, nec abstrahit à rationalitate, ergo propositio affirmans, aut repræsentans animalitatem ut à parte rei præcisam à rationalitate non est vera. *prob.* etiam quoad secundum membrum. hæc propositio: animalitas cognita ut existens à parte rei cognoscitur in suo conceptu objectivo intentionali non involvere rationalitatem, refert præcisionem super animalitatem, ut habentem esse objectivum intentionale ut quod in mente, non autem refert præcisionem, seu abstractionem negativam super animalitatem ut habentem esse objectivum à parte rei; Sed animalitas ut habens esse objectivum intentionale ut quod in mente, est conceptus animalitatis, quæ est à parte rei; ergo hæc propositio tantum refert præcisionem ad conceptum animalitatis, adeoque illa præcisio tantum est formalis. Igitur in istis controversiis tantum est attendendum, utrum præcisionem, seu diversitatem referamus ad animalitatem ut habentem esse objectivum intentionale ut quod, vel utrum attentionem referamus ad animalitatem reale habentem esse objectivum ut quod à parte rei, sicque eidem cognitæ, conjungam præcisionem cognitam.

*Prob. Concl. 2.* Idem cognosci secundum unam formalitatem, potentialitatem, virtualitatem, & non cognosci secundum alteram, est nil aliud, quam unam formalitatem objecti esse talem, ut sit cognoscibilis præcisio, seu diversitas se tenens repræsentativè ex parte sui, ut existentis à parte rei, sed hoc est impossibile, ergo. *M. prob.* cognosci unam formalitatem, & non cognosci alteram, est etiam cognosci hanc ipsam præcisionem, ac cognitionem; Sed si hoc, tunc &c. ergo. *M.* patet: quia cognitio est exercitè cognoscitiva sui ipsius, adeoque etiam suæ præcisionis. *m. prob.* si cognosci unam formalitatem est nihil aliud, tunc eo ipso etiam cognoscitur præcisio cognitionis, sed si hoc, tunc cognoscitur ut se tenens vel ex parte actus cognoscitivi, vel ex parte esse objectivi intentionalis ut quod, vel ex parte ipsius esse objectivi realis? si ex parte cognitionis, tunc cum ea præcisio sit activa, etiam debet cognosci præcisio passiva tanquam correlativa, adeoque etiam cognoscitur præcisio objectiva ex parte esse objectivi intentionalis.



intentionalis ut quod, vel ex parte esse objectivi realis, si ex parte esse objectivi intentionalis, est tantum præcisio formalis, si ex parte esse objectivi realis quæ talis, eo ipso ex parte objecti realis cognoscitur se tenere præcisio, seu diversitas, quod est impossibile, sine distinctione virtuali intrinseca, aut formali ex natura rei, quarum neutra datur.

8 *Prob. Concl. 3. esse, & non esse sunt contradictoria, ergo idem cognosci, & non cognosci sunt etiam contradictoria.* prob. con. ex hoc quod idem cognoscatur, & non cognoscatur per diversos conceptus, infertur idem esse, & non esse, ergo. ant. prob. cognosci, & non cognosci idem per diversos conceptus est nihil aliud, quam conceptum unius repræsentativum formalitatis realis, esse repræsentativum formalitatis ut identificatæ cum aliis, & eundem conceptum non esse repræsentativum formalitatis ut identificatæ cum aliis; Sed ex hoc infertur idem esse, & non esse: ergo. M. prob. cognosci, & non cognosci idem per diversos conceptus est, conceptum esse repræsentativum unius formalitatis secundum esse objectivum reale, ut existit extra intellectum, tanquam terminus cognitionis ut quod; Sed hoc est esse repræsentativum formalitatis ut identificatæ cum aliis, ergo.

9 *Prob. Concl. quarto, cognosci, & non cognosci sunt vera contradictoria, ergo non potest eadem res cognosci, & non cognosci.* ant. prob. si non essent vera contradictoria tunc idem, quia non caderent supra idem, ut præsuppositum idem ante operationem intellectus per idem medium cognitionis, seu conceptus; Sed hoc non impedit contradictoria, ergo. m. prob. quando contradictio, seu diversitas affirmata non cadit supra idem per idem medium cognitionis, tunc vel illa diversitas seu exercitè, seu reflexè cognita ut quod refertur ad medium cognitionis diversum, vel ad ipsum objectum reale? si ad objectum, erit affirmata ex parte objecti vera diversitas; si refertur ad medium cognitionis, seu conceptus, tunc conceptus erunt objectum ut quod, & subjectum denominationis recipiens denominationem præcisi objectivi, seu diversi

10 *Confirm.* Si conceptus objectivi intentionales, non intelliguntur ut præcisivi, sed ut præcisi, tunc non datur præcisio objectiva ex parte rei; Sed: ergo. m. prob. si conceptus animalitatis, seu animalitas concepta jam est objectum ut quod conceptum in ordine ad se, non in ordine ad aliud, tunc non intelligitur ut præcisivus alterius; Sed: ergo. m. prob. si ille conceptus intelligeretur ut præcisivus alterius objecti, tunc eo ipso ob correlativorum connexionem propter esse præcisivum activum deberet in objecto reali intelligi præcisio passiva, quod implicat. Si dicat: conceptum intelligi, ut præcisivum per præcisionem activam ad præcisionem passivam relatum ad se ipsum, tanquam medium cognitionis; iterum ultimum objectum præcisum, quod ultimatò recipit formam denominantem, seu præcisionem passivam erit tantum formalitas ut habens esse in intellectu seu in conceptu objectivo ut quod; adeoque non erit præcisa formalitas objectiva realis, sed formalis tantum. *Confirm.* illud potest dici præcisum, seu præcisivè cognitum. quod cognoscitur ut ultimatò recipiens præcisionem passivam: Sed hoc est tantum conceptus vel directe cognitus, vel cognitus ut reflexus in se ipsum ergo.

11 *Prob. Concl. quinto.* Idem non potest simul esse ve-

rum, & falsum, ergo neque idem potest cognosci, & non cognosci. prop. concl. Si idem non potest simul esse verum, & falsum, tunc idem non potest esse objectum cognitionis affirmativæ, & negativæ: Sed si hoc, tunc idem non potest cognosci, & non cognosci, ergo. M. patet. quia affirmatio, aut negatio in mente nihil aliud est, quam ut in mente cum eodem conceptu subjectivo jungam eundem conceptum prædicativum, & eundem non jungam. m. prob. si idem cognosceretur, & non cognosceretur, tunc idem posset esse objectivum intentionale cognitionis affirmativæ, & negativæ ergo. ant. prob. si idem cognosceretur, & non cognosceretur, tunc possem dicere: *animalitas cognoscitur per conceptum animalitatis; rationalitas non cognoscitur per conceptum animalitatis*: Sed si hoc, tunc idem posset esse objectivum intentionale cognitionis affirmativæ, & negativæ. ergo in hoc casu prior propositio esset affirmativa, & posterior esset negativa, & tamen haberent idem esse objectivum intentionale, ergo. m. quoad secundum membrum prob. esse objectivum intentionale prioris propositionis esset animalitas cognita ut existens à parte rei, seu identificata cum aliis perfectionibus seu complexum perfectionum hominis; & simul cognitio animalitatis, ut talis, cui substat illa animalitas; in posteriore propositione esse objectivum intentionale esset rationalitas cognita ut existens à parte rei, seu ut identificata cum aliis perfectionibus, seu complexum perfectionum hominis, & simul iterum cognitio animalitatis, cui substat illa rationalitas: Sed hoc est esse idem objectivum intentionale; ergo. M. prob. primò: cognosci, & non cognosci juxta adversarios cadunt super animalitatem, & rationalitatem, seu supra eandem rem, ut substantem diversis conceptibus; ergo subjectum intentionale hujus prædicati *cognosci, & non cognosci* non potest esse aliud, quam animalitas realis, & ejus directa cognitio, quæ, cum non sit reflexa supra se ipsam, eo ipso cognoscit animalitatem ut existentem à parte rei, adeoque ut implicitam aliis perfectionibus quam obscure cognitis. prob. eadem M. secundò: si esset aliud esse objectivum subjectivum hujus prædicati *cognosci, & non cognosci*, tunc esset hoc: animalitas realis, quæ est talis, seu denominativè accepta & simul cognitio illius abstrahens à tali statu reali, seu animalitas realis substat cognitioni abstrahenti à statu reali, sed hoc non potest dici, ergo. m. prob. si animalitas talis esset objectum intentionale, tunc eo ipso ultimum esse objectivum subjectivum est tantum animalitas abstracta à statu reali per conceptum abstractivum, seu animalitas ut abstracta, non ut realis, & realitas non est objectum considerationis, adeoque præcisio iterum tantum cadit super animalitatem, ut est in conceptu abstractivo, & eo ipso præcisio est tantum formalis.

12 *Prob. Concl. sexto:* Non datur necessitas distinctionis, ergo non datur distinctio. conf. pat. quia stat præsumptio pro identitate, & pro summa conformitate cognitionis ad rem, cum igitur in objecto non detur distinctio, nec datur talis in cognitione.

### Solvuntur Objectiones.

Obj. 1. quando video à longè aliquid se movens, 13 ponamus esse hominem, quem tamen non cognosco esse hominem, tunc cognoscitur animalitas, & non cognoscitur rationalitas. ergo datur præ-



cisio objectiva. ant. prob. quoad 2. membr. si cognoscerem rationalitatem, tunc scirem illud movens esse rationale, sed hoc non scio. ergo. prob. *m.* si scirem hoc movens esse rationale, tunc possem reddere rationem de rationalitate, sed hoc non possum, ergo *m.* pat. quia ne quidem probabile habeo fundamentum dicendi, quod hoc movens sit rationale.

- 14 *Resp.* dist. ant. cognoscitur animalitas formaliter, & non cognoscitur rationalitas formaliter. c. ant. cognoscitur animalitas formaliter, & non cognoscitur rationalitas realiter. neg. ant. admitto, quod cognoscam rationalitatem abstractam in esse objectivo intentionali ut quod, sed tamen cum relatione ad statum objectivum realem: adeoque, cum animalitas sit identificata in statu reali cum rationalitate, & irrationalitate omnium animalium, omnis animalitas, quæ est in mundo, quæ fuit, & erit, est objectum representatum per hunc meum conceptum, ergo etiam erit representata ea animalitas, quæ in objecto à longè se movente identificatur cum rationalitate, seu, quæ per identitatem est rationalitas; itaque etiam rationalitas erit aliquid, quod est representatum sub conceptu animalitatis formaliter abstractivo, quanquam non representatum sub formali conceptu rationalitatis: hoc ergo est, quod volumus dicere, dum dicimus animalitatem cognosci formaliter, & clarè, rationalitatem verò cognosci realiter, & obscurè in hoc objecto reali. Cæterum, cum concipio hanc animalitatem, non cognosco aliud, nisi omne id, quod identificatur cum animalitate in hoc subiecto. Si quæras, quid ergo concipiam, dum concipio animalitatem formaliter? Respondeo: me concipere potentiam sentiendi, seu ordinem ad sensationes; est enim omnis potentia aliquid essentialiter relativum ad aliud: non tamen per hoc volo dicere, animalitatem, & rationalitatem in conceptu formaliter distinguere per talia connotata v. g. sensationes, aut ratiocinationes; sed volo dicere conceptus formaliter esse diversos, quod unus representet ordinem ad sensationes, alius ordinem ad ratiocinationes, hi ordines in suo formali conceptu jam ex parte recti sunt diversi, eo quod sit totaliter alius ordo mediorum ad hos actus, quam ad alteros, & ipsa ordinatio activa ex parte recti jam dicit præparationem omnium mediorum, utpote in diversis ordinibus diversam.

- 15 *Dices* 1. Si cognoscerem realiter rationalitatem, tunc possem dicere *rationalitas est hic*: Sed hoc non possum dicere, ergo.

*Resp.* neg. ill. quia verum quidem est, quod rationalitas sit aliquid identificatum cum animalitate, adeoque, quod etiam sit illud, quod representatur; sed nos nescimus esse identificatam, sicut si imago representet Socratem, & ego nescio, quod simul sit imago Platonis, erit quidem Plato aliquid representatum, sed ego illud non possum dicere.

- 16 *Dices* 2. Saltem in casu posito animalitas cognoscitur clarè, rationalitas non cognoscitur clarè, ergo datur præcisio. prob. conf. si cognoscitur clarè animalitas, & non cognoscitur clarè rationalitas, tunc eo ipso in objecto datur capacitas terminandi contradictoria extrinseca, sed si hoc, tunc datur præcisio objectiva, *m.* patet, quia clarè cognosci animalitatem, & non clarè cognosci rationalitatem sunt vera contradictoria extrinseca, utpote cadentia supra eandem rem.

*Resp.* trans. ant. neg. conf. ad prob. n. M. ad hujus prob. iterum neg. ant. vel dist. si affirmatio & negatio

cadat supra eandem claritatem. con. ant. secus neg. ant. nam quando dico: animalitas clarè cognoscitur, hæc claritas formaliter cadit supra conceptum formale animalitatis; & quando dico rationalitas non cognoscitur clarè, illa alia negata claritas formaliter cadit supra formalem conceptum rationalitatis. Posset etiam distinguere sic primum antecedens: non cognoscitur rationalitas clarè illa claritate, quæ etiam non cognoscitur animalitas. con. ant. illa claritate, quæ cognoscitur animalitas neg. ant. potest dici, quod etiam rationalitatem cognoscam clarè claritate conceptus formalis animalitatis, non autem claritate conceptus formalis rationalitatis.

*Dices* 3. Animalitas cognoscitur claritate perfecta, 17 rationalitas non cognoscitur claritate perfecta, ergo adhuc illis conveniunt contradictoria extrinseca.

*Resp.* dist. ant. rationalitas non cognoscitur clarè illa claritate, quæ denominatur rationalitas. con. ant. non cognoscitur claritate perfecta illa claritate, à qua denominatur animalitas. neg. ant. rationalitas cognoscitur perfecta claritate reperibili in conceptu formali animalitatis, non verò claritate reperibili in conceptu formali rationalitatis, nec alia claritate concipitur animalitas. Posset etiam sic distinguere: rationalitas denominativè, materialiter, ac concretivè sumpta non cognoscitur claritate perfecta. n. ant. rationalitas formaliter, qua talis, & reduplicativè sumpta, con. ant.

*Dices* 4. Ex dictis sequeretur, quod in isto objecto remoto cognoscatur ordo ad sensationes, & non cognoscatur ordo ad ratiocinationes, ergo eo ipso cognoscitur animalitas, & non cognoscitur rationalitas. prob. con. animalitas est nihil aliud, quam ille imple ordo ad sensationes, & rationalitas nil aliud, quam ordo ad intellectiones, ergo.

*Resp.* d. ant. sequeretur, quod cognoscatur ordo in ordine ad sensationes, secundum id, quod dicit in obliquo. n. ant. secundum id, quod dicit in recto, ac realiter c. ant. potest dici, quod ordo animæ rationalis ad suos effectus sint ipsæ potentiæ animæ, & quod ordo ad sensationes sit ipsa animalitas, sed ille ordo re ipsa identificatur cum anima, adeoque realiter cognoscitur, quando cognoscitur ipsa anima. cum tamen ordo ad sensationes dicat duo, nempe ipsas sensationes, ad quas refertur, & has dicat in obliquo, ideo ordo potest cognosci secundum se, etiam si non cognoscantur ipsi termini, ad quos refertur iste ordo.

*Objic.* 2. Si cognosceretur rationalitas, tunc deberem habere signum, vel fundamentum rationalitatis: Sed nullum habeo, ergo. *m.* prob. in casu posito nil video, nisi motum progressivum, Sed hæc non est signum, & fundamentum rationalitatis. ergo *m.* prob. potest manente eodem signo, & fundamento me ignorante in locum hominis substitui equus, jam hoc posito manet eadem cognitio, quæ prius, manet idem signum & fundamentum, & tamen non significatur rationalitas, ergo motus progressivus, non est signum rationalitatis.

*Resp.* d. M. deberem habere signum, & fundamentum rationalitatis obscurum, & confusum saltem, c. M. clarum, & distinctum n. M. ad prob. d. c. in hoc casu motus progressivus non est signum rationalitatis clarum, & distinctum, c. c. non est signum obscurum, & confusum. n. c. sensus est, quod conceptus animalitatis ut sic possit re ipsa representare quodcunque animal, sive rationale, sive irrationale, sive



sive rugibile, sive mugibile, adeoque reverà hic conceptus repræsentat quodcunque animal etiam me ignorante, quia quælibet imago omne illud reverà repræsentat, quod potest repræsentare, & vox significat, quod potest significare. Hoc posito, mirum non est, motum progressivum, esse signum rationalitatis, quia fundat conceptum animalitatis, repræsentantem omne id, quod identificatur cum animalitate, quod est rationalitas, vel irrationalitas, licet non repræsentetur ea disjunctio.

21 *Dices 1.* Ex hoc sequeretur, quod per conceptum genericum cognoscerem omnes differentias: Sed hoc est falsum: ergo. *m.* prob. differentiæ sunt extrà conceptum generis, ergo.

*Resp.* dist. sequelam *M.* sequeretur me posse cognoscere omnes differentias realiter, confuse, ac obscure. *c.* ant. clarè, ac distinctè. *n.* ant. similiter ad prob. *d.* *m.* differentiæ sunt extrà conceptum generis clarè, formaliter, ac distinctè sumptæ. *c.* ant. realiter & confuse. *n.* ant. sensus est, quod conceptus genericus re ipsa quidem repræsentet omnes species, & omnia individua, sed tamen non repræsentat omnia individua clarè ac distinctè.

22 *Dices 2.* Conceptus animalitatis nullo modo repræsentat rationalitatem, ergo prob. ant. si ablata rationalitate (per hypothesein possibile, vel impossibile) adhuc manet idem conceptus animalitatis, tunc reverà non repræsentat rationalitatem, sed, ergo. *m.* prob. potest v.g. in secundo instanti substitui in locum hominis equus, aut deleri ex toto orbe rationalitas, & tamen manebit idem meus conceptus objectivus, ergo. quin imo si per hypothesein impossibilem implicaret omnis homo, & omne animal rationale, adhuc tamen esset possibilis idem conceptus animalitatis; hoc casu daretur conceptus animalitatis, & non daretur conceptus rationalitatis, ergo conceptus animalitatis non est essentialiter repræsentativus rationalitatis.

*Resp.* *n.* ant. ad prob. dist. *M.* si manet idem conceptus etiam quoad objectum verificationis trans, *M.* si tantum manet idem conceptus quoad objectum repræsentationis *n.* *M.* vel sic: si manet idem conceptus objectivus secundum esse objectivum reale. *c.* *M.* si tantum manet secundum esse objectivum intentionale. *n.* *M.* idem responde ad probationes, illa enim in hypothesei daretur quidem idem conceptus, quoad objectum repræsentationis, sed non daretur idem, quoad objectum verificationis. in illo enim casu possum dicere, iste conceptus animalitatis, quem habeo, est æquè aptus ad repræsentandum animal rationale, ac irrationale, igitur reverà repræsentat utrumque, sed quidnam in his circumstantiis re ipsa determinatè repræsentetur, ignoro, adeoque verificativum istius conceptus non dependet à repræsentatione conceptus, sed à veritate objectiva.

23 *Dices 3.* Non potest esse idem objectum etiam repræsentationis tantum in utroque casu. ergo prob. ant. si prior conceptus potest esse verus, & alter falsus, tunc non potest esse idem objectum. ergo.

*Resp.* *n.* ant. ad prob. *n.* *M.* nam eo ipso, quod unus conceptus sit verus, alter falsus, deberet manere idem objectum repræsentationis, alioquin non erraret, qui in secundo instanti pro objecto verificationis adhuc poneret hominem.

24 *Dices 4.* Dum affirmo, illa res est animal, possum

simul affirmare; ignoro illam rem esse rationale. ergo non possum affirmare, quod objectum prioris conceptus sit rationale.

*Resp.* *c.* ant. dist. con. non possum hoc affirmare determinatè, *c.* ant. non possum hoc affirmare indeterminatè *n.* *c.* possum enim dicere, forte illud, quod repræsentatur per meum conceptum, est rationalitas, licet hoc ignorem.

*Dices 5.* Possum negare illam rem esse rationalem, 25 ergo dum affirmo rem esse animale, non eo ipso cognosco rationale, nec affirmo illam rem esse rationalem.

*Resp.* dist. ant. possum negare illam rem esse rationalem determinatè *c.* ant. possum negare etiam indeterminatè ac disjunctivè illam rem esse rationalem. *n.* ant. cum enim conceptus animalis reverà repræsentet omne animal, non implicat illam rem esse rationalem.

*Objic. 3.* Si cognita animalitate cognosceretur rationalitas, tunc ideo, quia per conceptum genericum re ipsa repræsentantur omnes differentiæ: Sed hoc non potest fieri: ergo. prob. *m.* ex hoc sequeretur, quod, qui cognoscit ens in genere, cognoscat omnia entia tam humana, quàm divina, ità ut ne Deus quidem posset plura cognoscere, adeoque per conceptum entis, jam acquirerentur omnes Scientiæ.

*Resp.* *c.* *M.* *n.* *m.* ad prob. dist. cognosceret omnia 27 entia obscure ac confuse *c.* sequelam. clarè, ac distinctè, *n.* sequel. nam totam rem cognoscit conceptus genericus, quæcunque potest repræsentari, repræsentat enim rationem entis, adeoque omne, quod est identificatum cum ratione entis repræsentatur simul, concomitanter, sed si nescio, hoc vel illud esse identificatum cum ratione entis, non habeo formalem conceptum illarum differentiarum.

*Dices 1.* Vel cognoscuntur clarè differentiæ, vel non 28 cognoscuntur clarè per conceptum genericum? neutrum potest dici, ergo neque id, ex quo sequitur. prob. *m.* si cognoscuntur differentiæ clarè, tunc eo ipso per conceptum genericum posset distingui una species ab altera; si non cognoscuntur clarè, eo ipso datur aliqualis præcisio objectiva. ergo.

*Resp.* trans. *M.* *n.* *m.* & dico, quod cognoscantur differentiæ clarè aliqua claritate, non omni claritate, id est, cognoscuntur illa claritate, quæ sufficit ad conceptum genericum, non cognoscuntur illa claritate, quæ requiritur ad conceptum differentialem. Diversitas horum conceptuum non dependet ex præcisione unius perfectionis ab alia, sed ex diversa cognitione totius rei per diversos conceptus formales.

*Objic. 4.* Si daretur ratio negandi hanc distinctionem, tunc esset hæc, quia essent contradictoria, idem 29 cognosci, & non cognosci: Sed non sunt contradictoria, ergo. prob. *m.* si identitas non cadit super eandem formalitatem, tunc non sunt contradictoria: Sed: ergo.

Secundo nostra argumentatio, quæ dicitur: animalitas cognoscitur: Sed animalitas est rationalitas; ergo etiam rationalitas cognoscitur. est vitiosa, ergo nil probat. prob. ant. hæc argumentatio est similis huic: cognosco veniens, sed illud veniens est Petrus, ergo cognosco Petrum venientem, sed hæc argumentatio est vitiosa, ergo & prior. *m.* pat. ex lib. Soph. ubi probatur comitti fallaciam accidentis, quia dum cognitio refertur ad venientem, non eo ipso refertur ad illud, quod est veniens.

*Resp.* ad primum, *c.* *M.* *n.* *m.* ad prob. trans. *M.* *n.* *m.* 30 quia



quia ubicunque non datur distinctio, ibi datur identitas; & si distinctio non præcedit operationem mentis, tunc eam præcedit identitas, adeoque operatio mentis, seu cognitio, quam nulla præcedit distinctio, cadit super identitatem.

Ad secundum n. ant. ad prob. n. M. in nostro argumento non committitur fallacia accidentis, quia esse rationale non est accidens animali, sicut *res* venire est accidens Petro, vel Corisco.

31 *Dices*: Rationalitas se habet accidentaliter ad animalitatem. ergo adhuc committitur fallacia accidentis. prob. ant. differentia prædicantur de genere tantum contingenter, & genus ad differentias est indifferens, ergo rationalitas, quæ est differentia animalis, se habet ad animalitatem accidentaliter.

*Resp.* dist. ant. rationalitas se habet accidentaliter secundum esse Logicum, Metaphysicum, formaliter, & quoad modum nostrum concipiendi c. ant. physice, ac realiter n. ant. verum quidem est, quod genus quoad modum concipiendi non essentialiter inferat gradum specificum, & quod explicitè, ac formaliter conceptus genericus, non sit specificus; interim tamen quoad rem non est sic, nam prædicatum genericum identificatur omnimodè cum prædicato specifico. Cognitio nostra realiter spectata sequitur modum essendi realem, adeoque non habetur pro accidente rationalitas, sed pro una eademque re cum animalitate. Denique potest dici fallaciam Syllogismi Aristotelici consistere in eo, quod cognitionem formalem Petri venientis inferat in conclusionem, licet etiam Petrus veniens realiter sit cognitus.

32 *Objic.* 5. Sensus præscindunt objective, ergo & intellectus. ant. prob. 1. Oculus videt gradum specificum ovi, & non videt gradum ejus individualem, ergo oculus præscindit individuationem à perfectione specifica ovi. ant. prob. oculus non videt distinctionem unius ovi ab alio ovo sibi simillimo, ergo non videt gradum individualem ant. prob. quia si pro libitu permitterentur ova, non poterit dici, an hoc sit ovum A. vel ovum B.

2. Oculus videt albedinem, & non videt essentialem relationem albedinis ad Deum.

3. Oculus videt lucem, & non videt virtutem activam lucis, ad producendum calorem.

4. Oculus videt herbam, & non videt latentem ipsius virtutem medicinalem.

*Resp.* n. ant. ad prob. dist. secundum membrum ant. oculus non videt gradum individualem formaliter, & clarè c. ant. realiter, ac confusè n. ant. idem dico ad reliquas probationes, nam gradus individualis, seu distinctio unius ovi ab alio re ipsa est id, quod videtur ab oculo, sed forma oculo impressa individualis, non dicit animæ, cum quali individuatione, aut relatione, aut virtute sit identificata, & ideo non habet visionem formalem individuationis, & relationis, quæ omnino est extrà Sphæram potentia visivæ.

33 *Objic.* 6. Voluntas potest præscindere objective, ergo & intellectus. prob. ant. voluntas potest amare unam perfectionem, & non amare aliam perfectionem ejusdem objecti; appetere objectum secundum quid, & non appetere objectum secundum aliud quid ergo. prob. ant. voluntas ægri amat salubritatem medicinæ, & non amat amaritatem medicinæ.

34 *Resp.* n. ant. ad prob. n. ant. ad prob. dist. ant. voluntas ægri amat salubritatem medicinæ, & non amat amaritatem medicinæ in sensu formali c. ant. in sensu

reali, & in recto. n. ant. nam amarities nil aliud est, quam ipsa medicina ut causans sensum doloris in palato, & salubritas nil aliud est, quam ipsa medicina, ut causans rectam proportionem partium, seu sanitatem. igitur medicina secundum se, & propter se nec est objectum amoris, nec aversionis, tantum sanitas est objectum amoris, & tantum sensus doloris in palato est objectum aversionis, & eatenus dico, quod tota medicina aut sit objectum amoris in ordine ad sanitatem, & tota sit simul objectum aversionis in ordine ad sensum doloris.

*Objic.* 7. Si formaliter cognosceretur animalitas, & non rationalitas, tunc hæc diversitas desumeretur à diversis connotatis, ad quæ concipio animalitatem, & rationalitatem, sed hoc non potest dici. ergo. quæri enim potest, an ipsa connotata concipiantur adæquate: si non: tunc iterum concipiuntur in ordine ad alia connotata, & sic abitur in infinitum, si verò non cognoscuntur per alia connotata, eo ipso jam admititur conceptus præcisivus non conceptione connotatorum talis. ergo talis conceptus erit objective præcisivus.

*Resp.* n. supp. quod diversitas conceptuum desumatur à diversitate connotatorum. in animalitate, & rationalitate earundem conceptus important quidem diversa connotata, quia hæc potentia sunt essentialiter relativa ad aliud, quando autem datur conceptus formalis perfectionis absolutæ v.g. albedinis sine formali conceptu individuationis, talis conceptus non desumitur amplius à connotatis, sed à natura perfectionis absolutæ, quæ concipitur per conceptum formaliter inadæquatum, realiter autem repræsentantem omne illud, quod identificatur cum perfectione concepta.

## Q U Æ S T I O III.

*An inter gradus Metaphysicos detur  
Distinctio Virtualis intrinseca?*

**D**ico cum communi Sententia: in entibus creatis nec datur, nec dari potest distinctio virtualis intrinseca, hæc conclusio solet probari hoc argumento fundato in principio lumine naturæ noto: idem non potest simul esse, & non esse: Ex quo in Summulis demonstratur, propositiones contradictorias non posse esse simul veras, & falsas, sed semper alteram necessariò debere esse veram, alteram falsam: unde sic argumentantur, quamvis non solide.

Distinctio virtualis intrinseca inter animalitatem, & rationalitatem nil aliud est, quam capacitas intrinseca, vi cujus de eodem ente indivisibili possunt verificari contradictoria, sed implicat de eodem ente indivisibili verificari contradictoria, ergo est impossibile animalitatem, & rationalitatem distingui virtualiter intrinsecè, adeoque sententia asserens ex una parte animalitatem, & rationalitatem realiter identificari, & ex altera parte concedens de iis verificari contradictoria se ipsam evertit: vel enim quæ dicunt contradictoria, reverà non sunt contradictoria, vel si sunt contradictoria vera, convenientius cum Scotistis diceretur ejusmodi formalitates, de quibus verificantur contradictoria distingui à parte rei actualiter, M. est adversariorum: m. prob. identitas in creatis necessariò est consensus duorum in omni prædicato, ita ut non possit affirmari de uno, vel negari, quod non possit



possit affirmari, vel negari etiam de altero, & si vel unum sit prædicatum, quodcumque sit, quod de uno non verificatur, verificatur tamen de alio; hoc ipso sublata erit realis identitas, & dabitur distinctio realis; cum ergo animalitas, & rationalitas in homine perfectissime identificentur, impossibile est, ut de illis verificentur contradictoria. prob. ant. si possunt aliqua realiter identificari inter se, & tamen in aliquo prædicato dissentire, in primis sequitur, quod separabilitas non sit signum distinctionis realis, & quod idem simul possit existere, & simul non possit existere; quod possit existere hic, & non existere hic &c.

Secundo tollitur omnis vis Syllogistica, & consequenter omnis scientia humana, polleretque in omni Syllogismo concessis præmissis negari consequentia, quia idem simul polleret esse, & non esse, si identitas duorum non est consensus in omni prædicato: sic argumentantur alii. Verum hæc probatio non habet nervos. igitur conclusio.

3 *Prob. 2.* sic: Hæc propositio: animalitas virtualiter non est rationalitas, involvit Chymæram, ergo hæc distinctio etiam ipsa est Chimæra. ant. prob. hæc propositio re ipsa dicit: animalitas ante operationem intellectus non est rationalitas, & simul dicit: animalitas ante operationem intellectus est rationalitas, sed hoc est Chimæra, ergo. *M. prob.* hæc propositio re ipsa dicit: animalitas non habet actualitatem distinctam à rationalitate, & re ipsa dicit: animalitas habet actualitatem distinctam à rationalitate: Sed hoc affirmare, est affirmare, quod animalitas ante operationem intellectus sit rationalitas, & quod ante operationem intellectus non sit rationalitas; ergo. *m. patet*, quia actualitas animalitatis distincta à rationalitate antecedit operationem intellectus; negatio verò actualitatis est simul negatio distinctionis actualis, antecedentis operationem intellectus, quia distinctio antecedens operationem intellectus est actualitas suæ distinctionis, adeoque etiam actualitas perfectionis, aut diversitatis, eo quod distinctio, seu diversitas unius prædicati ab alio sit ipsum prædicatum; hinc sicut quodlibet prædicatum est sua distinctio, & diversitas ab alio antecedens operationem intellectus, ita etiam quodlibet prædicatum, est sua actualis distinctio, adeoque sua actualitas. *m. quoad secundum membrum etiam patet*, quia Thomistæ nolunt admittere distinctionem actualem Scotisticam, adeoque admittere non possunt, actualitatem animalitatis distinctam à rationalitate. *prob. M. quoad secundum membrum.* hæc propositio dicit: quod animalitas ante operationem intellectus habeat virtualitatem distinctam à rationalitate; ergo etiam affirmat, quod habeat actualitatem distinctam à rationalitate. *prob. conf.* non potest dari ante operationem intellectus virtualitas animalitatis, distincta à rationalitate, quin simul detur actualitas animalitatis distincta à rationalitate; ergo. *ant. prob.* non potest dari ante operationem intellectus virtualitas animalitatis distincta à rationalitate, quin detur simul & statim ante operationem intellectus actualitas huius ipsius distinctionis dictæ virtualis. Sed actualitas distinctionis est actualitas animalitatis distincta à rationalitate; ergo. *m. prob.* distinctio dicta virtualis animalitatis à rationalitate est ipsa animalitas formalissime, ergo etiam actualitas distinctionis virtualis est formalissime actualitas animalitatis distincta ab alia re, neque dicas: esse quidem actualitatem animalitatis distincta à ratio-

nalitate, sed actualitatem virtualitatis tantum, & actualitatem distinctionis virtualis; sed redit antiquum argumentum: datur in animalitate actualitas distincta à rationalitate non tantum virtualis, & distinctionis virtualis, sed etiam actualis, & actualitatis, & distinctionis actualis, ergo nulla responsio. *ant. prob.* virtualitas illa, cujus datur actualitas, est actualitas, & distinctio virtualis est actualis, ergo datur actualitas actualitatis, & distinctionis actualis. *prob. ant.* virtualitas illa, cujus datur actualitas est suamet distinctio animalitatis à rationalitate actu antecedens operationem intellectus, ergo virtualitas illa est sua actualitas, & est distinctio actualis.

*Prob. Cens. 3.* Distinctio virtualis faceret idem simul esse, & non esse: Sed hoc implicat; ergo & ipsa distinctio. *m. patet*, quia idem non potest simul esse, & non esse. *M. prob.* Si distinctio virtualis facit, ut idem secundum idem, & eodem modo simul sit, & non sit, tunc simpliciter facit idem esse, & non esse: Sed; ergo. *m. prob.* distinctio virtualis facit, ut v.g. animalitas sit realiter rationalitas, & ut virtualiter non sit rationalitas: Sed hoc faciendo facit, ut idem secundum idem & eodem modo simul sit, & non sit; ergo. *m. prob.* distinctio virtualis, faciendo, ut animalitas realiter sit rationalitas, & virtualiter non sit rationalitas, facit, ut animalitas realiter sit rationalitas, & realiter non sit rationalitas; Sed hoc faciendo facit idem & eodem modo simul esse, & non esse; ergo. *M. prob.* virtualiter animalitatem non esse rationalitatem nil aliud est, quam animalitatem realiter non esse rationalitatem ergo. *ant. prob.* animalitatem virtualiter non esse rationalitatem nil aliud est, quam animalitatem habere ante operationem intellectus actualitatem distinctam à rationalitate: Sed habere actualitatem distinctam ante operationem intellectus est esse realiter distinctam; ergo. *m. est* Adversariorum dum agunt contra actualitates Scotisticas, & potest probari ex eo, quia omnis actualitas est realitas maxime apud Thomistas: qui distinguunt materiam à forma realiter, licet habeant unam existentiam, imò distinguunt ipsam essentiam ab existentia realiter, licet essentia nullam habeat actualitatem sine existentia. *M. prob.* ut prius.

*Confirmatur:* Animalitatem virtualiter non esse rationalitatem, nil aliud est, quam posse affirmari virtualitatem animalitatis, ante operationem intellectus, non esse virtualitatem rationalitatis, sed virtualitatem ante operationem intellectus non esse virtualitatem rationalitatis est animalitatem habere actualitatem distinctam à rationalitate ergo. *m. patet*, quia virtualitas animalitatis est suamet actualitas. *M. prob.* animalitatem virtualiter non esse rationalitatem, est propositio, cujus verificativum est adæquate intrinsecum objecto; ergo etiam negatio prædicati debet esse adæquate intrinseca subjecto; atqui subjectum est virtualitas animalitatis, & negatio prædicati in hac propositione negativa est negatio virtualitatis rationalitatis ergo. *ant. prob.* hæc propositio modalis; animalitas virtualiter non est rationalitas affirmat modum in subjecto, & negat modum eundem ex parte prædicati sic, quando dico: Petrus non currit velociter, nego velocitatem cursus.

*Respondent primò:* verificari posse contradictoria de eadem re tunc tantum, quando res virtualiter est multiplex: Sed contra est primò: si de eadem re virtualiter multiplici possunt verificari contradictoria,



tunc eadem res virtualiter multiplex potest simul existere, & non existere, existere hic, & non existere hic. Secundo, multiplicitas virtualitatis, non datur à parte rei ante operationem intellectus, ergo non datur multiplicitas entis, seu existentiae.

7 *Respondent secundo*, rem non esse virtualiter multiplicem ad hæc contradictoria existere, & non existere, sed tantum esse multiplicem ad esse simile, & non esse simile, ad esse discursivum, & non esse discursivum &c. *Sed contra est*, nec ad unum, nec ad alterum datur multiplicitas virtualitatis, ergo ad neutrum habent virtualement multiplicitem, sicut si non datur calor ignis, nec dabitur ignitum calidum, aut ignis calidus, ubi non datur vis morbi, nec datur morbus violentus.

8 *Respondent tertio*, posteriora contradictoria ideò verificari, quia cadunt suprà diversas formalitates. *Sed contra est*, illæ formalitates nullum habent prædicatum ante operationem intellectus, quod habeat ullum esse diversum ab altero, ergo non cadunt suprà diversas formalitates diversitate antecedente operationem intellectus.

9 *Respondent quarto*, existere, & non existere esse contradictoria terminata ad esse existentielle, e contra esse discursivum, & non esse discursivum cadere super esse virtuale, adeoque hæc, non illa verificari. *Contra est*, esse discursivum, & non esse discursivum non habent ante operationem intellectus diversum esse in eodem ente, ergo nec habent esse virtuale diversum, quia ubi non datur cursus, nec datur velocitas cursus, ubi non datur morbus, nec datur vis morbi, aut morbus violentus, quia modus essendi supponit esse, cujus sit modus, adeoque, ubi non datur diversitas essendi ante operationem intellectus, nec dabitur modus, & species illius diversitatis, adeoque nec dabitur diversitas virtualis, quia remoto genere, remove-tur & species.

10 *Respondent quinto*, idem posse simul existere, & non existere esse contradictoria vera, & per se evidentiā, quod autem idem simul possit esse discursivum, & non esse discursivum non esse ita evidens, sed potius probari rationibus, ergo est disparitas.

*Resp. neg. ant.* quoad alterum membrum, de hoc videamus.

## Solvuntur Objectiones.

11 *Objic. 1.* Voluntas in homine supponit potentiam cognoscitivam, potentia cognoscitiva non supponit se ipsam, item rationalitas est radix suarum proprietatum nempe risibilitatis, risibilitas non est radix risibilitatis. In infante, ebrio, operatur animalitas, non operatur rationalitas, ergo potentia intellectiva, & volitiva, rationalitati, & risibilitati, aut animalitati conveniunt prædicata contradictoria.

12 *Resp. dist. ant.* voluntas supponit potentiam cognoscitivam in sensu formali c. ant. in sensu reali n. ant. & consequenter distinctio servit etiam pro secundo, & tertio membro. dicendum ergo, quod inter has potentias, vel formalitates nulla à parte rei detur prioritas, sed tantum inter actus harum potentialium; sic volitio præsupponit cognitionem, & quia hi actus ad invicem dicunt aliquam prioritatem, intellectui præbent fundamentum concipiendi etiam ipsas potentias tanquam priores, vel posteriores, in ebrio aquè operatur animalitas, ac rationalitas, quia tamen animalitas in sensu formali significat principium sensationum, & ra-

tionalitas principium intellectionum, in ebriis verò, & infantibus solum producuntur sensationes, non intellectiones, ideo in sensu formali solum dicitur operari animalitas, & non rationalitas.

*Dices:* Hæ propositiones causales: homo est volitivus, quia est intellectivus; est risibilis, quia est rationalis sunt veræ, independenter à nostro conceptu, ergo debet dari realis præsuppositio inter potentias.

*Resp. dist. ant.* hæ propositiones sunt veræ, si causalitas referatur ad ipsa principia, & illorum subordinationem. n. ant. si causalitas referatur ad solas operationes, & illarum subordinationem. c. ant. si inter ipsa principia daretur realis præsuppositio, aut subordinationem, daretur etiam vera realis distinctio, quia daretur oppositio relativa prioritatis, & posterioritatis, causæ, & effectus.

*Dices secundo:* Post operationem intellectus distinguitur in homine animalitas à rationalitate, ergo & ante operationem intellectus. prob. conf. quod potest distinguere per operationem intellectus est distinguibile ante operationem intellectus, sed esse distinguibile ante operationem intellectus est esse virtualiter distinctum, quia hæc sunt synonyma ergo. adeoque conveniunt illis contradictoria ante operationem intellectus; videlicet hæc animalitas est distinguibilis à rationalitate, rationalitas non est distinguibilis à rationalitate.

*Resp. dist. ant.* post operationem distinguitur animalitas à rationalitate distinctione rationis con. ant. virtuali, aut formali ex natura rei, aut reali neg. ant. & conf. ad prob. dist. M. quod potest distinguere per operationem intellectus est distinguibile distinctione rationis con. M. alia distinctione neg. M. & dist. m. quod est distinguibile, est virtualiter distinctum intrinsecè neg. m. extrinsecè tantum, per diversos conceptus formales, con. m. & neg. conf. nego itaque verificari contradictoria etiam stando in æquivocatione huius termini *distinguibile* non enim est minus distinguibilis rationalitas, à rationalitate in sensu reali, quam animalitas à rationalitate; tota siquidem res est homo, & animal, & rationale, quæ sunt tria vocabula in sensu reali eandem rem significantia.

*Urgebis 1.* Esse cognoscibile per cognitionem, quæ formaliter est distinctio animalis à rationali, & non esse cognoscibile per eandem sunt contradictoria, sed homo in quantum est animal, est cognoscibilis per eam cognitionem, quæ est formaliter distinctio animalis à rationali ergo de eodem ente verificantur contradictoria.

*Resp. con. M. n. m.* in sensu enim reali verificatur de toto homine, quod sit cognoscibilis per illam cognitionem, & quod sit cognoscibilis per aliam diversam cognitionem, non verò verificantur duo illa contradictoria proposita.

*Urgebis 2.* Cognosci per talem distinctionem rationis non est cognosci per aliam distinctionem rationis, idem enim est, ac unam distinctionem rationis non esse aliam, & distinguere realiter ab alia, ergo esse cognoscibile per illam primam, non est esse cognoscibile per aliam secundam: hoc est, unam cognoscibilitatem non esse aliam; ergo cognoscibilitas à cognoscibilitate distinguitur aliquo pacto, & ex natura rei.

*Resp. neg. conf.* quæ insigne involvit Sophisma, idem enim est, ac si diceres, unus effectus non est alius, ergo potentia producendi unum effectum non est simul potentia producendi alterum, quod dico de potentia produ-



producendi, seu de causa, dicas pariter de cognoscibilitate, quæ est capacitas, ut possit cognosci per hanc vel illam cognitionem.

- 17 *Dices* 3. Causa creata aliquas perfectiones ipsius effectus producit, alias non producit, atqui omnes perfectiones effectus sunt identificatæ, ergo verificantur contradictoria de eodem ente. *M. prob.* Deus concurret ad omnem effectum creatum, sed si concurret ad omnem effectum creatum, hoc ideo fit, quod nulla causa creata contineat omnes perfectiones effectus, sed indigeat concursu causæ primæ, quæ omnem perfectionem effectus eminenter in se continet.

*Resp. dist.* *M.* alias perfectiones non producit formaliter. *con. realiter neg.* causa creata, tribuendo unam perfectionem, quam Deus identificat cum aliis perfectionibus, eo ipso producit id, quod habet omnes perfectiones, adeoque producit totum, adeoque omnes perfectiones realiter. exemplum dant quatuor equi trahentes oneratum currum, singuli trahunt totum pondus, quia non unus equus trahit hanc partem, alter trahit aliam partem, non tamen singuli trahunt totum pondus nisi in consortio aliorum, & propterea sunt tantum causa inadæquata, sic ob defectum causa creata non potest producere effectum nisi cum concursu causæ primæ, & ob id est causa tantum inadæquata, quod si tamen una cum causa secunda producat effectum, totum producit, omnesque ejus perfectiones.

- 18 *Objic.* 4. Actus contritionis, qui est unus indivisibilis actus nostræ voluntatis simul est amor, & odium. ergo.

*Resp. dist. ant.* est amor & odium respectu diversorum objectorum. *c. respectu ejusdem objecti n. ant.* & dico, talem actum esse amorem, & odium diversorum objectorum, amor siquidem est respectu Dei, & odium respectu peccati, in quo nulla est contradictio.

- 19 *Urg.* 1. Formalitas odii tendit in peccatum, non tendit in Deum, formalitas amoris tendit in Deum, non verò tendit in peccatum, sed istæ formalitates sunt realiter eadem entitas, ergo eadem entitas tendit in Deum, & non tendit in Deum.

*Resp.* Formalitas odii non tendit in peccatum formaliter *con. realiter. neg.* in sensu reali formalitas amoris simul tendit in Deum, & peccatum, & in eodem sensu reali formalitas odii simul tendit in Deum, & peccatum adeoque membrum majoris negativum falsum est.

- 20 *Urg.* 3. Si formalitas odii in Deum, & formalitas amoris in peccatum tendit, sequitur me per actum contritionis amare peccatum, & odisse Deum, sed hoc est absurdum. ergo.

*Resp. neg. seq. vel dist.* sequitur me odisse Deum, si per actum odii tendo in Deum averfivè. *con.* si per actum odii tendo prosecutivè *neg.* ad hoc enim ut dicar odisse Deum, & amare peccatum non sufficit, ut per eundem actum amoris & odii tendam simul in Deum, & peccatum, sed requiritur, ut tendam in Deum illum averfando, seu averfivè, & in peccatum illud proseguendo, seu prosecutivè. hoc cum non fiat per eundem contritionis actum, non possum dici odisse Deum, & amasse peccatum, quod autem idem actus possit simul esse amor, & odium, ratio est, quia idem ens potest simul continere in se entium distinctorum perfectiones.

- 21 *Urg.* 4. Si amor tendit in peccatum, hoc ipso tendit in illud prosecutivè, & si odium tendit in Deum, tendit in Deum averfivè ergo. *prob. ant.* nam tendere actum aliquem in objectum prosecutivè, nil aliud est, quam esse actum prosecutivum, & tendere in objectum.

*Resp. n. ant.* ad *prob. d. ant.* tendere in peccatum pro-

*R. D. Euseb. Annot. Philosophia.*

secutivè, est esse actum prosecutivum peccati, & tendere in peccatum *c. ant.* est esse actum prosecutivum alterius objecti *n. ant.* quando actus sumuntur seorsim, verum est, quod dicitur, non verò si sint conjunctim.

*Objic.* 5. Intellectus & voluntas realiter inter se identificantur: Sed his conveniunt contradictoria: ergo eadem enti conveniunt contradictoria. *m. prob.* Intellectus est potentia necessaria, voluntas non est potentia necessaria, sed est potentia libera, item intellectus elicit intellectiones, voluntas non elicit intellectiones, sed volitiones ergo.

*Resp. n. m.* ad *prob.* dico: & intellectum, & voluntatem realiter loquendo esse potentiam liberam, & necessariam diverso tamen respectu; nam eadem causa dicitur intellectus in ordine ad intellectiones, & in ordine ad volitiones voluntas, quatenus ergo intellectiones non fiunt liberè, volitiones fiunt liberè, eadem potentia dicitur necessaria in ordine ad intellectiones, & libera, quoad volitiones, scilicet in sensu reali voluntas elicit intellectiones, & intellectus etiam volitiones.

*Objic.* 6. Distinctio virtualis intrinseca datur inter naturam divinam, & personalitates, his enim conveniunt prædicata contradictoria, nam natura divina est filiatio, paternitas non est filiatio, ergo si ex suo genere non implicat, possunt etiam in creatis verificari prædicata contradictoria intrinseca, etiam si realiter inter se identificentur.

*Resp. n. ant.* contrarium suppono ex Theologia.

*Objic.* possit. 7. existentia realiter distinguitur ab essentia, ergo non repugnat perfectiones essentielles differre inter se, quin distinguantur realiter. *prob. conf.* si existentia realiter distinguitur ab essentia, tunc essentialia possunt differre inter se, quin differant in existentia: Sed si hoc, non distinguuntur realiter; ergo. *m. prob.* si non differunt in existentia, nec differunt in formali constitutivo rei, adeoque nec in realitate; sed si non differunt in realitate, nec differunt realiter ergo.

*Alii respondent:* Posse esse unam existentiam, & tamen res esse distinctas, sicut Thomistæ docent de materia, & forma, de potentiis animæ, quæ habent unam existentiam, & tamen distinguuntur realiter. verum omnia hac responsione *neg. ant.* oppositum suppono ex Metaphysica.

*Objic.* 8. Non datur ratio negandi distinctionem virtualem, ergo datur. *ant. prob.* si daretur ratio; tunc esset hæc, quia nulla est necessitas hujus distinctionis: Sed hæc ratio nulla est; ergo. *m. prob.* in essentialibus, & in materia necessaria non habet locum argumentum negativum: Sed hæc versatur in materia necessaria; ergo. *m. patet,* quia necessarium est, aut dari distinctionem virtualem, aut formalem, nec est Deo arbitrium, utram velit ponere, *M. prob.* in materia necessaria, quando ex utrolibet unum datur, illud datur, quod est possibile, ergo non habet locum argumentum negativum *ant. pat.* quia non potest dari nisi quod est possibile, cum unum tantum sit possibile. *con. prob.* si illud datur quod est possibile, tunc utraque pars rectè rejicit onus probandi impossibilitatem in adversarium dicendò, hoc est possibile; ergo datur, sed si rectè rejicit onus in adversarium, tunc non habet locum argumentum negativum, eo ipso, quod utraque pars habeat argumentum negativum.

*Resp.* Nos non esse usos hoc argumento negativo. dein posset responderi argumentum hoc negativum tantum velle, nullum dari argumentum evertens possibilitatem identitatis, ergo datur: hoc utique licet, quia licet



considerare suam possibilitatem, & alterius sententiæ impossibilitatem.

- 27 *Objic.* 9. Dantur diversissimi conceptus animalitatis, & rationalitatis, albedinis, & individuationis, partium trapezii, tendentiæ amoris, & odii &c. qui omnes conceptus sunt simillima imago sui objecti etiam in recto considerati, ergo sicut datur diversitas repræsentativa in conceptibus ex parte recti ita etiam debet dari diversitas in ipso objecto ant. pat. ex Philosophiæ Appendice N. I. con. prob. implicat duas imagines inter se diversas esse simillimas prorsus eidem objecto & prototypo, & quæ sunt dissimilia inter se, non possunt esse similia eidem tertio, tam parum, quàm distincta inter se possunt esse eadem eidem tertio.

- 28 *Resp.* c. ant. dist. c. erunt diversa diversitate respectiva diversorum c. diversitate respectiva partium ad invicem comparatarum. n. c. quando aliquod totum conflatum ex diversis perfectionibus comparamus ad alias res diversas, tunc illud totum Metaphysicum imitatur omnia illa entia diversa formaliter, sicque datur in eo diversitas, qua totum respicit diversa, non verò, qua partes ad se mutuò comparatæ possint ullo modo negari de se invicem, quia habent unam realitatem, ac existentiam per identitatem.

Ad 2. neg. ant. quia v. g. diversæ figuræ possunt esse similes eidem trapezio continenti continuativè plures figuras, & diversi colores, possunt esse similes eidem seriei colorum in mari, vel prato, vel Iride continuativè identificatorum.

*Si dicas:* Has figuras, vel colores non esse similes eidem objecto secundum idem, & dissimiles.

*Resp.* n. ant. quia ubi datur una existentia, datur summa identitas.

- 29 *Objic.* 10. Universale manet in actuali prædicatione, ergo idem conceptus est subjectivè clarus, est prædicativè est obscurus; ergo datur distinctio virtualis intrinseca, quia claritas, & obscuritas sunt prædicata intrinseca actus, & obscuritas est negatio claritatis in ipso actu, & quidem est negatio ejusdem claritatis, cujus idem actus est positio ex parte subjecti.

- 30 *Resp.* dist. ergo datur diversitas formalis c. objectiva, ex parte rei sub. dist. datur fundamentaliter c. actualiter nego: diversitas, quam nos affirmamus se tenere ex parte talium objectorum includentium diversa prædicata, est nil aliud, quàm complexum perfectionum identificatarum repræsentans diversas rationes específicas separabiles per diversam existentiam; adeoque concipiendo talem diversitatem, tacitè consideramus rem, ut simile diversis conceptibus, seu consideramus veritatem hujus diversitatis, seu similitudinem objectivam ad diversos conceptus; itaque actualis diversitas non concipitur inter perfectiones objecti, sed tantum meritum objectivum, & similitudo ad diversos conceptus, & talem similitudinem rei simplicis ad diversos conceptus esse possibilem patet ab exemplis adductis.

*Dices:* Dum affirmo objectum esse simile meis conceptibus eo ipso affirmo dari veram diversitatem in objecto, sicut ea diversitas datur in meis conceptibus, ergo datur talis veritas cognita ex parte objecti.

*Resp.* dist. affirmo dari veram diversitatem veritate diversitatis adæquata se tenente ex parte objecti n. ant. inadæquata. c. veritas nil est aliud, quàm conformitas rei ad cognitionem; dum igitur affirmo veram diversitatem, affirmo conformitatem objecti ad conceptus diversos; cum autem res simplex diversis

conceptibus similis esse possit, potero affirmare diversitatem veram in objecto, id est, omnem similitudinem, ac conformitatem ad diversos conceptus, prout hic intelliguntur ab intellectu præcise. Ideam hujus rei semper habe in specie civitatis, vel hujus scripturæ, in hac enim specie datur album, & nigrum, & tota species realiter est ratio albedinis, & tota est ratio nigredinis.

## QUÆSTIO IV.

*An Gradus Metaphysici distinguantur inter se formaliter ex natura rei?*

**D***Ico.* quod non. prob. concl. primò: non datur necessitas distinctionis, id est, non datur argumentum evertens possibilitatem identitatis ergo. ant. prob. quia entia non sunt multiplicanda sine necessitate, & quia effectus præsumuntur tam perfecte conformes suo principio, quam possunt esse conformes, principium autem est Deus ens simplex. denique quia identitas est prior distinctione, cum semper causa universalior sit simplicior.

*Prob. concl. secundo.* Si daretur distinctio formalis ex natura rei, tunc esset realis: Sed hoc non potest dici: ergo. M. prob. si daretur distinctio illa formalis, tunc daretur inter res, & res. Sed si hoc, esset realis; ergo. M. prob. formalitates sunt res, ergo. prob. ant. formalitates non sunt nihil, ergo sunt res, prob. conf. non datur medium inter nihil, & rem ergo. ant. prob. tale medium nec fuit agnatum, nec fuit unquam alio nomine designatum, nisi sub nomine rei, neque etiam est possibile, quia impossibile est aliquid esse distinctum à nihilo, quin habeat formale distinctivum à nihilo, nempe existentiam, quæ simul est formale constitutivum rei.

*Confirmatur:* Si formalitates non essent res, tunc ideo, quia vel non haberent propriam existentiam, vel quia non haberent seriem prædicamentalem, sed hæc ratio nulla est, ergo. m. prob. dantur res, quæ non habent propriam existentiam, & quæ non habent seriem prædicamentalem, ergo. prob. ant. dantur tres personalitates divinæ, datur tertia entitas Scotistica, dantur relationes prædicamentales, & dantur accidentia &c. Sed hæc omnia non habent seriem prædicamentalem, ergo. m. prob. ex ipsis principiis Scotistarum, qui docent, quod tres personalitates sint nudæ relationes, ita ut ne quidem unam perfectionem absolutam admixtam habeant, iidem docent, suam tertiam entitatem in se esse simplicissimam, & eam emanare à se omnes perfectiones totius compositi, quod denique relationes, & accidentia nullam habeant seriem prædicamentalem, patet, quia existentia & individuatō ab ipsis distinguitur, tres personalitates insuper habent unam existentiam inseparabiliter, denique si in uno composito dantur plures perfectiones, v. g. in anima perfectiones vitæ vegetativæ, vitæ sensitivæ, vitæ rationalis, vel in idea mundi divina, vel mea tales collectiones particulares perfectionum, quarum quælibet jam constituit seriem prædicamentalem eo ipso etiam constituerent distinctionem realem animæ à se ipsa, vel Dei à se ipso, quod tamen est falsum. Probatur ergo prius membrum: etiamsi formalitates haberent unam existentiam, adhuc tamen essent plura existentia, ergo essent plura entia, seu res. ant. prob. concreta multipli-



plicantur à multiplicatione subjecti, non à multiplicatione formæ ergo. ant. pat. à simili v. g. si una albedo esset in duobus muris adhuc tamen darentur duo alba. item ex eo, quia possunt diversæ entia habere eandem existentiam, & tamen distinguui realiter, ergo identitas existentia non tollit distinctionem realem. ant. prob. ex personis divinis, in quibus datur una existentia inseparabiliter, item in potentiis animæ, quæ distinguuntur, vel in tertia entitate Scotistica, quæ non obstante identitate existentia, tamen distinguitur realiter à gradibus Metaphysicis à se emanatis: item si anima esset corpus seu per possibile, seu per impossibile, haberet eandem existentiam, ut volunt Thomistæ, & quidem inseparabiliter v. g. in aliquo Angelo immortalis habente corpus, ut voluere Veteres, tamen in hac hypothesi distingueretur corpus realiter ob anima.

4 *Confirmatur secundo*: Si non datur alius terminus transcendentalis nisi ens, res, &c. tunc omnis formalitas debet venire sub nomine huius termini transcendentalis *res*: Sed ergo. *m. prob.* veteres non habuerunt aliud nomen supertranscendentale, ergo.

*Prob. concl. quarto*. Si gradus Metaphysici distinguerentur formaliter ex natura rei, tunc etiam existentia distingueretur formaliter ex natura rei ab ipsis formalitatibus: Sed hoc non potest dici: ergo *M. pat.* quia existentia, & formalitatibus conveniunt contradictoria *m. prob.* si existentia distingueretur à formalitatibus, tunc formalitates ut condistinctæ ab existentia essent prorsus nihil: Sed hoc est impossibile; ergo. *M. pat.* quia non haberent distinctivum à nihilo *m. prob.* si formalitates essent nihil, tunc eo ipso nec distinguerentur inter se, nec ab existentia, quia nullius entis nulla est proprietas, nulla distinctio.

5 *Dices*: Formalitates habere duas existentias, unam identificatam, cum formalitatibus, alteram ab iis distinctam. Sed contra est: non habent duas existentias, ergo. *prob. ant.* si habent existentiam identificatam, tunc per hanc jam distinguuntur à nihilo, sed si hoc, non habent duas existentias, ergo *m. prob.* si hoc, tunc secundæ existentia non relinquitur officium distinguendi formalitates à nihilo, adeoque est superflua.

6 *Confirmatur*: Si gradus Metaphysici actu à parte rei distinguuntur inter se, tunc habent aliquod actualitatem distinctam à sua existentia, & ab existentia alterius perfectionis, & ab actualitate alterius perfectionis: Sed hoc implicat; ergo. *M. pat.* quia nil potest actu distinguui ab altero, si sit nihil, ergo debet habere aliquod distinctivum à nihilo, adeoque actualitatem. *m. prob.* si perfectio habet actualitatem distinctam à sua existentia, tunc inprimis jam habet distinctivum à nihilo, adeoque non indiget nova existentia distincta à se, utpote, cum effectus formalis existentia jam positus fuerit per actualitatem identificatam cum perfectione. Secundo, deberent in eadem perfectione dari duæ existentia, seu duo distinctiva à nihilo diversæ rationis; si enim illæ duæ existentia essent unius rationis, una existentia esset superflua, sicut duæ albedines ejusdem rationis in muro. Tertio, si perfectio habet aliquam actualitatem distinctam à propria existentia, & aliis formalitatibus, tunc habet aliquod prædicatum, per quod cum sua existentia, & aliis formalitatibus convenit, aliud verò, per quod ab iis disconvenit: Sed hoc non potest dici; ergo. *m. prob.* si hoc diceretur, jam cessant omnia argumen-

ta Scotistarum, si enim eadem indivisibilis res secundum eandem formalitatem potest convenire, & disconvenire, jam verum erit, quod possimus de eadem re formare diversos conceptus, unum conceptum, quo formalitatem quamlibet concipimus ut actu distinctam à nihilo. per actualitatem suam, aliud, quo concipimus specificam rationem illius formalitatis ut disconvenientis ab alia formalitate.

*Dices*: Formalitates habere unam existentiam ab æterno, per quam simpliciter sunt: & hanc existentiam esse æquivocam in omnibus formalitatibus, alteram verò existentiam, nil aliud esse, quam relationem formalitatis ad statum creatum, seu, ut creatura sint. Sed contra est: hæc doctrina non sufficienter distinguit creata ab increatis.

*Prob. concl. quinto*. Si daretur distinctio Scotistica, tunc ideo, quia eidem rei convenirent contradictoria, v. g. esse simile, & non esse simile: Sed hæc ratio nulla est; ergo. *prob. m. prob.* potest eadem simplicissima entitas esse similis, & non esse similis, ergo *prob. ant.* potest eadem formalitas Scotistica esse alteri similis, & non esse similis. *prob. ant.* una formalitas est similis alteri, primo, quod habeat existentiam, seu distinctivum à nihilo; Secundo, quod intrinsecè terminet actionem productivam, & quod habeat relationem intrinsecam ad Deum tanquam creatorem suum; Tertio, quod sit formalitas; Quarto, quod emanet à tertia entitate; Quinto, quod sit formalitas entis rationalis &c. eadem verò formalitas alteri non est similis in eo, quod sit talis formalitas.

*Confirmatur 1.* Tertia entitas Scotistica est simplicissima entitas, & tamen non est similis tertiæ entitati alterius compositi specie diversæ, simul autem eidem est similis. *prob. ant.* tertia entitas v. g. hominis emanat à se animalitatem & in hoc convenit cum tertia entitate equi, ex altera verò parte tertia entitas hominis emanat à se rationalitatem, & in hoc non convenit cum tertia entitate equi.

*Confirmatur 2.* Existentia cum formalitatibus identificata convenit cum existentia à formalitatibus distincta, & formalitas non convenit cum existentia distincta, ergo eidem rei potest convenire ratio conveniendi, & disconveniendi.

*Prob. concl. 6.* Non dantur formalitates. ergo nec earum distinctio, ant. *prob. id.* quod non obversatur menti, non datur: Sed; ergo. *M. pat.* quia illius, cujus nullus est conceptus nulla est possibilitas, *m. prob. id.* quod majoribus non obversatur, nec obversatur posteris, sed tale quid sunt formalitates, ergo. *m. prob.* si formalitates non sunt objectum ullius cognitionis scientificæ, tunc non obversantur majoribus: Sed; ergo. *m. prob.* si nulla occurrit formalitatum mentio in tota antiquitate, tunc non fuerunt objectum cognitionis scientificæ: Sed; ergo. *m. pat.* quia nunquam occurrit hoc nomen formalitatum.

*Dices*: Formalitates fuisse à majoribus cognitæ quoad rem, non quoad nomen. neque eas tam accuratè fuisse distinctas, prout potuissent distinguui. Sed contra est: si formalitates fuerunt cognitæ quoad rem, & non quoad nomen, tunc eo ipso à majoribus fuerunt comprehensæ sub nomine rei, sed si hoc, tunc eo ipso debent vocari res, quod est contra Scotistas, *m. prob.* quia rebus nullum aliud nomen, nulla denominatio convenit, nisi quæ illis tribuitur ex institutione majorum, & usu loquentium.

*Confirmatur*. Si darentur formalitates, tunc sine ha-



tum scientia non possent acquiri Scientiæ, sed possunt, ergo. *m. prob.* à majoribus non fuerunt adhibitæ in explicacione ullius objecti scientifici ergo.

- 13 *Prob. Concl. 7.* Si darentur formalitates, tunc eo ipso essent separabiles: Sed hoc est impossibile; ergo. *M. prob.* si darentur formalitates, tunc animalitas hominis, & equi essent perfectissime similes: Sed si hoc, tunc essent separabiles; ergo. *m. prob.* si animalitas hominis & equi sunt perfectissime similes, tunc sicut animalitas equi non habet intrinsecam, & essentialem connexionem cum rationalitate, etiam animalitas hominis non debet habere intrinsecam ac essentialem connexionem cum rationalitate hominis: Sed si hoc, tunc essent separabiles; ergo.

- 14 *Confirmatur.* Si formalitates essent distinctæ, tunc non potest ostendi ulla repugnantia in hoc, quod una perfectio essentialis accedat, aut decedat toti composito essentiali: Sed hoc est impossibile; ergo. *m. pat.* quia essentialia rerum sunt immutabiles, & prout ait Aristoteles essentialia se habent sicut numeri, sunt indivisibiles, ita ut ablata unitate tollatur totus numerus, & ablata una perfectione tollatur tota essentia. *M. prob.* si formalitates essent distinctæ, tunc simpliciter posset intelligi manere existentia compositi, & manere reliquæ perfectiones, licet una perfectio periret, ergo etiam si una perfectio decederet toti composito simpliciter maneret totum.

- 15 *Prob. Concl. 8.* Si darentur formalitates, tunc inter illas intercederet oppositio relativa producentis ad productum: Sed hoc implicat; ergo. *m. pat.* quia oppositio talis relativa est signum distinctionis realis. *M. prob.* si darentur formalitates, tunc semper gradus specificus superaret genericum, & existentia supponeret integram seriem prædicamentalem: Sed si hoc, tunc intercederet oppositio relativa producentis ad productum; ergo. *M. est* Scotistarum & Scoti. hic enim dicit, quod existentia sit actus ultimus rei, nec tribuatur nisi enti habenti omnes suas perfectiones ad existendum requisitas, & ipsi Scotistæ docent, gradum specificum v. g. rationalitatis non posse dari, quin præsupponatur gradus genericus animalitatis. *m. prob.* si unus gradus præsupponitur ad alterum, tunc eo ipso unus gradus est ratio inexistenti alteri, sed si hoc, tunc intercedit oppositio relativa producentis ad productum *M. & m. pat.* quia fundatur in synonymis.

- 16 *Prob. Concl. 9.* Si dantur formalitates, tamen non opponuntur sibi in actualitate, ergo non distinguuntur actualiter. *ant. prob.* si non habent diversam actualitatem, tunc non opponuntur sibi in actualitate: Sed; ergo. *m. prob.* actualitas rei est existentia: Sed non habent diversam existentiam; ergo nec habent diversam actualitatem. *M. pat.* quia in formalitatibus nulla potest intelligi actualitas sine existentia.

### Solvuntur Objectiones.

- 17 *Objic. 1.* Si ex gradibus Metaphysicis componitur totum, tunc distinguuntur à parte rei: Sed; ergo. *M. pat.* quia idem non componitur ex se ipso, sed ex partibus diversis. *m. prob.* homo componitur ex animalitate, rationalitate, Petreitate, &c. Sed hæc sunt gradus Metaphysici; ergo.

*Resp. dist. M.* si totum componitur ex gradibus Metaphysicis realiter con. *M.* si tantum componitur formaliter neg. *M.* quando dico homo componitur ex animalitate, rationalitate, &c. id tantum verum est secundum modum nostrum concipiendi, nam anima

rationalis, sicut à parte rei, & realiter est ens simplicissimum, nullis constans partibus, ita realiter non componitur; solum diversi effectus, quos anima producit præbent intellectui fundamentum concipiendi in anima diversas potentias, quasi totidem diversas partes.

*Dices 1.* Animalitas, & rationalitas sunt aliquid reale, ergo etiam realiter ex illis componitur totum, 18

*Resp. dist. ant.* sunt aliquid reale cum diversitate reali, & partialitate reali. neg. ant. diversitate tantum formali con. ant. sic enim etiam Petrus, & Princeps Apostolorum sunt aliquid reale, sed tamen eorum diversitas non est realis, sed tantum rationis.

*Dices 2.* Animalitas, & rationalitas sunt aliquid reale cum diversitate reali ergo. prob. ant. si ex illis componitur totum tanquam partibus formaliter diversis, tunc eo ipso sunt aliquid reale cum diversitate reali: Sed; ergo. *m. prob.* diversitas formalis post se trahit realem ergo. prob. ant. si diversitas formalis non traheret post se realem, tunc etiam Deus posset componi ex diversis partibus formaliter distinctis: Sed hoc est falsum. ergo. *m. prob.* juxta Theologos Deus nullam habet compositionem ne quidem Metaphysicam, seu formalem.

*Resp. neg. ant. ad prob. neg. M.* ad hujus prob. neg. ant. ad prob. neg. *M.* nam Deus non dicitur habere compositionem formalem, quia supponitur Deum esse supra omne id, quod nominari, & concipi potest, & ideo ab illis Theologis, qui non admittunt compositionem formalem in Deo, Deus non comprehenditur in arbore prædicamentali, & in ratione entis. Si verò in Deo aliquid propriè potest concipi, sicut ipsimet fatentur Scotistæ, tunc non repugnat in Deo admittere compositionem formalem, si enim Scotistis licet admittere in Deo compositionem realem, seu formalem ex natura rei, sicut ea admittitur in creatis, cur nobis non liceat admittere in Deo compositionem formalem, sicut ea admittitur in creatis.

*Objic. 2.* Si animalitati & rationalitati, & aliis gradibus Metaphysicis conveniunt contradictoria à parte rei, tunc distinguuntur à parte rei: Sed; ergo. prob. *m.* possum dicere animalitas Petri convenit cum animalitate equi, rationalitas Petri non convenit cum animalitate equi: animalitas Petri est similis animalitati equi, rationalitas non est similis animalitati equi &c. Sed hæc sunt contradictoria à parte rei; ergo.

*Resp. con. M. neg. m. ad prob. dist. m.* possum hoc dicere in sensu formali con. *m.* in sensu reali neg. *m.* nam hæc contradictoria non cadunt super eandem rem, sed tantum cadunt inadæquate super diversos conceptus inadæquatos ejusdem rei, quando enim dico animalitas Petri est similis animalitati equi, sensus est, anima Petri producit sensationes, & tales effectus, quales producit anima equi; & quando dico rationalitas Petri non est similis animalitati equi, sensus est, anima Petri producit etiam ratiocinationes, seu tales effectus, quos non producit anima equi. vel est hic sensus: animalitas Petri cum reliquis perfectionibus habet conformitatem ad conceptum formaliter præcisivum animalitatis, & rationalitas etiam habet conformitatem ad conceptum taliter præcisivum rationalitatis, atqui ista non sunt contradictoria realia, quia oppositio, ac diversitas non cadit super principium, seu rem ipsam, sed tantum super diversos effectus, vel super diversos conceptus in ordine ad quos eandem rem concipio. Potest etiam distingui sic: hæc sunt contradictoria quoad modum loquendi trans. quoad



quoad modum concipiendi neg. quia, ut ostensum, non habeat sensum contradictoriè oppositum.

- 21 *Dices 1.* Ex hoc sequeretur, quod à parte rei etiam rationalitas Petri eodem modo sit similis animalitati equi, sicut est similis animalitas Petri: Sed hoc est imperceptibile; ergo.

*Resp.* dist. M. sequeretur quod sit similis formaliter neg. M. quod sit similis realiter sub. dist. sequeretur, quod rationalitas sit similis considerata concretivè cum aliis perfectionibus secum identificatis. c. M. abstractivè considerata neg. M.

- 22 *Dices 2.* Si rationalitas esset realiter similis animalitati, tunc animalitas posset discurre, hoc est absurdum, ergo.

*Resp.* dist. M. si esset similis etiam abstractivè con. M. si tantum esset similis concretivè cum aliis perfectionibus neg. M. rationalitas Petri concretivè est nil aliud, quam ipsa anima, seu complexum omnium perfectionum identificatarum.

- 23 *Dices 3.* Ex hoc sequeretur, quod tota anima Petri esset similis animæ equinæ, & non esset similis, seu quod tota esset dissimilis: Sed hoc est falsum; ergo. M. prob. tota anima Petri esset similis in ordine ad sensationes, & tota anima esset dissimilis in ordine ad ratiocinationes, ergo.

*Resp.* dist. M. Sequeretur quod tota anima esset similis, & dissimilis totalitate se tenente ex parte recti. con. M. totalitate se tenente ex parte obliqui, seu conceptuum assimilantium neg. M. non repugnat eidem rei convenire denominationem similitudinis, & dissimilitudinis ratione diversorum conceptuum, nam denominatio extrinseca, qualis est similitudo, & dissimilitudo, non refundit diversitatem in ipsam rem, etiamsi denominationes inter se sint diversæ, fundamentaliter igitur idem potest esse simile, & dissimile, quia tota res est similis conceptibus univocis, & simul aliis dissimilibus.

- 24 *Dices 4.* Si tota rationalitas esset dissimilis, & tota similis, tunc ista similitudo, & dissimilitudo tantum desumeretur à diversis connotatis, seu effectibus, aut conceptibus: Sed hoc non potest dici; ergo. m. prob. si similitudo tantum desumeretur à diversis connotatis, tunc similitudo tantum esset accidentalis, hoc non potest dici, ergo. m. pat. quia essentia rerum habent similitudinem, aut dissimilitudinem essentialem. M. prob. connotata v. g. sensationes, aut conceptus tantum sunt accidentia.

*Resp.* neg. m. ad prob. dist. M. similitudo esset accidentalis actualiter spectata con. M. potentialiter ac fundamentaliter spectata neg. M. diversa connotata etiam tantum possibilia præbent intellectui fundamentum comparandi unam essentiam cum altera, possibilitas non est aliquid accidentale, sed essentiale.

- 25 *Dices 5.* Essentia rationalitatis secundum se est dissimilis animalitati equi. ergo nulla Responsio prob. ant. non est eadem ratio conveniendi, & disconveniendi in hac, & illa, ergo. *Resp.* rationalitas formaliter spectata. con. ant. realiter spectata neg. ant. nam realiter spectata nil aliud est, quam ipsa anima, quæ potest atque eligere sensationes, ac animam equi. ad prob. retorq. arg. in ipsis formalitatibus, in quibus datur ratio conveniendi, & disconveniendi.

- 26 *Dices 6.* Essentia hominis secundum se magis est similis equo, quam lapidi, ergo similitudo, & dissimilitudo non debet desumi à diversis conceptibus.

*Resp.* dist. ant. essentia hominis est secundum se magis similis equo potentialiter ac fundamentaliter. con. ant. actualiter, ac formaliter neg. ant. verum est, essentia hominis præbet intellectui fundamentum eam concipiendi per diversos conceptus, sed antequam actu concipiatur per diversos conceptus, non possum dicere, quod essentia hominis sit magis similis equo, quam lapidi.

*Dices 7.* Essentia hominis non potest esse fundamentaliter magis similis equo, quam lapidi, nisi eo ipso animalitas distingueretur à corporeitate, ergo. prob. ant. idem non potest fundare diversas relationes, ergo si animalitas, & corporeitas essent idem, non possunt fundare diversas relationes similitudinis, & dissimilitudinis.

*Resp.* neg. ant. ad prob. dist. ant. idem non fundat diversas relationes diversitate in termino à quo. con. ant. diversitate in termino ad quem neg. ant. eadem res potest esse similis diversis conceptibus, ad quos refertur, dum dicitur dari vera similitudo.

*Dices 8.* Similitudo consistit in indivisibili, ergo non potest idem esse simile, & dissimile.

*Resp.* dist. ant. similitudo consistit in indivisibili, quando datur idem fundamentum, & ratio fundandi con. ant. quando non datur eadem ratio fundandi neg. ant. quando dico animalitas est similis animalitati equi, rationalitas non est similis animalitati equi, ratio fundandi similitudinem est conformitas rei ad diversos conceptus, quæ conformitas, seu similitudo est diversa ex parte conceptuum, & propterea datur diversa ratio fundandi similitudinem rerum inter se.

*Dices 9.* Non potest eadem res esse æqualis alteri, & non esse æqualis ob diversa connotata, aut conceptus, ergo neque potest eadem res esse similis alteri, & non esse similis ob diversa connotata.

*Resp.* con. ant. neg. conf. & paritatem, disparitas est, quia æqualitas tantum refertur ad unum connotatum, & fundatur unice in quantitate; quantitas vero non est sibi ipsi inæqualis, e contra similitudo refertur ad diversos conceptus; igitur non repugnat rem per unum conceptum esse alteri similem, & per alterum conceptum non esse similem.

*Dices 10.* Similitudo potest fundari in essentia rei non recurrendo ad connotata, vel conceptus, ergo istud effugium nullum est prob. ant. si viderem intuitivè animalitatem, non videndo ullum connotatum, aut conceptum, tunc viderem animalitatem, & non viderem rationalitatem, vel si viderem animam hominis, & viderem animam equi, non cogitando de ullo connotato, aut conceptu, adhuc possem dicere, animam hominis aliquo modo esse similem animæ equi, & aliquo modo non esse similem: item possem dicere, animam hominis magis esse similem animæ equi, quam ligno, aut lapidi, ergo secundum se essentia rerum habent similitudinem, aut dissimilitudinem. prob. conf. quod potest absolute fieri respectu hominis, absolute sit respectu Dei, aut Angeli, qui actu cognoscit essentias rerum, v. g. animam hominis, & equi ut sunt in se ipsis, non tendendo in connotata.

*Resp.* neg. ant. ad prob. iterum neg. ant. quia est impossibile affirmare similitudinem duorum, quin affirmem eam similitudinem esse veram, adeoque necessario comparo res ad conceptus suos, in ordine ad quos dicitur verum, quidquid est verum.

*Dices 11.* Saltem verum est, quod homo habeat similitudinem inadæquatam cum equo, ergo eo ipso habet



habet adæquatam, quoad unam saltem partem, nempe animalitatem. prob. conf. omnis inadæquata similitudo supponit adæquatam.

*Resp.* dist. ant. habet adæquatam similitudinem adæquatione formali transf. ant. adæquatione reali neg. ant. conceptus abstractivi habent adæquatam similitudinem cum re abstractivè cognita.

32 *Dici potest* 12. Ipsi conceptus habent similitudinem inter se quoad unam perfectionem, & non quoad alteram; ergo datur similitudo, & dissimilitudo in eadem re secundum se sumpta non recurrèdo ad ullum alium conceptum, aut connotatum, quia alias procederetur in infinitum.

*Resp.* dist. ant. ipsi conceptus habent similitudinem formalem. con. ant. realem neg. ant. si affirmo conceptus habere veram similitudinem, eo ipso iterum eos comparo ad alios conceptus in ordine ad quos dicuntur veri, sed quia non in infinitum affirmatur ista veritas conceptuum, ideo neque proceditur in infinitum.

33 *Dices* 13. Juxta nos similitudo est relatio identificata cum re, ergo nec desumitur à connotatis, nec à conceptibus.

*Resp.* dist. ant. similitudo realiter, & objectivè sumpta con. ant. formaliter sumpta, & divisivè neg. ant. in anima v.g. datur similitudo realis ad omne sibi simile, sed in objecto non dum est divisa similitudo juxta divisionem perfectionum, tunc autem primum dividitur, similitudo animalitatis, aut rationalitatis formaliter, quando dividuntur conceptus.

34 *Obj.* 3. Si gradus Metaphysici v. g. animalitas, & rationalitas habent diversas definitiones tunc distinguuntur à parte rei: Sed; ergo. M. pat. quia cuilibet definitioni respondet definitio objectiva, adeoque si definitiones sunt diversæ, etiam definitiones objectivæ erunt diversæ. m. prob. animalitas definitur quod sit principium sentiendi, rationalitas definitur, quod sit principium ratiocinandi: Sed hæ definitiones sunt diversæ. ergo.

*Resp.* dist. M. si habent diversas definitiones adæquatas con. M. si habent diversas definitiones inadæquatas neg. M. quando definitio animalitatem, tunc definitio totam animam, & quando definitio rationalitatem, iterum definitio totam animam, sed nondum definitio animam in ordine ad omnes suos effectus, quos potest producere, talem definitionem voco inadæquatam, quia non attingit omnes effectus, & tales etiam definitiones dico esse definitionem animalitatis, & rationalitatis, per quas attingo animam tantum in ordine ad sensationes, aut ratiocinationes.

35 *Dices* 1. Gradus Metaphysici habent diversas definitiones adæquatas, ergo. prob. ant. illæ definitiones possunt esse adæquate, ergo sunt adæquate.

*Resp.* neg. ant. ad prob. iterum neg. ant. ratio est, quia si essent adæquate procederetur in infinitum ob formalitates formalitatum in infinitum divisibiles, & definibiles; item sequerentur ista absurda adducta in probationibus.

36 *Dices* 2. Si definitiones explicant naturam rei, tunc eo ipso ex diversitate definitionum sequitur diversitas in re: Sed; ergo.

*Resp.* dist. M. Si explicant naturam rei adæquatè, con. M. si tantum inadæquatè explicant naturam rei. neg. M.

37 *Dices* 3. Gradus Metaphysici habent diversos conceptus objectivos, ergo & distinguuntur. prob. ant. alius est conceptus formalis animalitatis, alius est conceptus rationalitatis, ergo & conceptus objectivi sunt diversi.

*Resp.* dist. ant. habent diversos conceptus objectivos inadæquatos. con. ant. adæquatos. neg. ant. quando enim concipio animalitatem, nil aliud concipio, quam singulas animas in ordine ad sensationes tantum.

*Dices* 4. Habent diversos conceptus objectivos adæquatos, ergo. prob. ant. gradus Metaphysici habent diversos conceptus formales adæquatos, ergo & objectivos adæquatos. prob. conf. potest dici conceptus objectivos perfectè esse conformes cum conceptibus formalibus.

*Resp.* neg. ant. ad prob. d. ant. habent diversos conceptus formales adæquatos adæquatione conceptuum con. ant. adæquatione rei. neg. ant. quando enim concipio animalitatem formaliter, abstractivus conceptus est adæquatus animalitatis abstractivè sumptæ, sed non rei.

*Objic.* 4. Si datur ordo inter gradus Metaphysicos, tunc eo ipso distinguuntur à parte rei: Sed; ergo. m. prob. si unus gradus præsupponitur ad alterum, tunc datur ordo: Sed; ergo. m. prob. ad gradum rationalitatis, præsupponitur gradus animalitatis, & ad gradum animalitatis præsupponitur gradus substantiæ, ergo.

*Resp.* trans. M. neg. m. ad prob. dist. M. si unus gradus præsupponitur ad alterum etiam quoad modum existendi con. M. si tantum præsupponitur ad alterum quoad modum concipiendi neg. M. dico, quod realiter istæ perfectiones sint una, eademque anima, quæ non habet partes, nos tamen has partes concipimus cum fundamento in re, & unam partem præsupponimus ad alteram absque eo, quod hoc ædificium partium habeat aliam existentiam, nisi in intellectu, neque etiam affirmetur esse extrà intellectum.

*Dices:* Modus existendi sequitur modum concipiendi, ergo. prob. ant. noster modus concipiendi potest esse conformis ipsi objecto, ergo.

*Resp.* neg. ant. vel dist. modus existendi, essentialis, & necessarius, ac intrinsecus sequitur modum concipiendi con. ant. modus existendi contingens neg. ant. contingens est essentialis rerum, identificari quoad existentiam, vel separari ab aliis perfectionibus: quoad hunc modum non sequitur modus existendi, modum concipiendi.

*Obj.* 5. Si animalitas, & rationalitas habent diversos effectus, tunc eo ipso distinguuntur: Sed; ergo. m. pat. quia sensationes, & ratiocinationes sunt diversi effectus, M. prob. diversitas effectuum, universum arguit diversitatem potentialium; ergo. ant. prob. ab inductione: sic, quo nobilior est effectus, eo nobiliorem inquirimus causam, & si effectus sunt diversissimi, censemus etiam causas esse diversas; & posset etiam prob. ant. sic: Si diversitas effectuum non argueret diversitatem potentialium, tunc à quolibet posset produci quodlibet; & effectus non deberent præcontineri in causa proportionata.

*Confirmatur.* Ad effectus requiritur causa proportionata, ergo ad diversos effectus in causis requiritur saltem diversa proportio.

*Resp.* neg. M. ad prob. neg. ant. universaliter sumptum. ad prob. dist. ant. pro diversis effectibus assignamus diversas causas, quando illi effectus sunt diversi ordinis con. ant. quando sunt ejusdem ordinis neg. ant. sic enim v. g. licet Sol possit producere innumeros effectus v. g. liquefactionem cæræ, & indurationem luti, non tamen ob diversitatem effectuum inquirimus diversas causas, aut potentias, quia nempe potest idem calor esse causa liquefactionis, & indurationis, econtra provisione,



& auditione assignamus diversas potentias, quia visio, & auditio non sunt ejusdem ordinis, quod patet ex organis corporeis, in presenti, ratiocinationes, sensationes, & omnes volitiones sunt, & debent esse ejusdem ordinis, quia requiritur, ut detur aliquod unum principium, in quo ista omnia conveniant in ordine ad eundem finem, quia alioquin hæ potentia essent tantum unum per accidens, ideo non repugnat dari aliquam perfectionem simplicem, quæ modo quodam eminentiali præcontineat diversissimos istos effectus.

42 *Objic. 6.* Si non daretur distinctio formalis ex natura rei, tunc ideo, quia esset realis, hoc nil probat, ergo *m.* prob. stante ista distinctione adhuc diversæ perfectiones haberent eandem existentiam, ergo non essent distinctæ realiter. prob. conf. si haberent eandem existentiam, tunc sibi non opposerentur in realitate: Sed si hoc, tunc non essent distinctæ realiter; ergo.

*Secundo:* Necessario dantur aliqui conceptus diversi formales inter se diversi quoad rectum. ergo possunt illi conceptus formales poni à parte rei in eodem ente, sub eadem existentia. prob. ant. si non potest quilibet conceptus objici menti in ordine ad aliud connotatum, tunc eo ipso incipit aliquod connotatum objici menti secundum se in recto. ergo.

*Resp. ad 1. trans. M.* neg. *m.* ad prob. neg. ant. & suppositum, quod existentia sit à parte rei distincta à perfectionibus, hoc enim est præcipuum punctum, in quo dividimur.

Ad secundum n. M. quia etiam si habeamus diversos conceptus quoad rectum, non tamen sequitur, quod illi conceptus clarè expriment omnes perfectiones sui objecti, ut patet ex conceptu partium trapezii.

43 *Dices:* Conceptus formales clarè, & adæquatè expriment se ipsos, ergo etiam clarè & adæquatè possunt exprimere suum objectum.

*Resp. neg. conf.* quia in objecto possunt cum perfectione cognita identificari etiam aliæ perfectiones. Cæterum adverte omnes objectiones retorqueri posse in ipsis formalitatibus Scotisticis, omnes enim formalitates Scotisticæ terminant contradictoria, sunt similes, & non similes, habent diversos effectus, & diversum ordinem; sic enim tertia entitas Scotistica producit diversissimas formalitates, & has producit secundum quendam ordinem.

## QUÆSTIO V.

### In quo consistit Universale?

1 **U**niversale voco, quo v.g. cogito, homo, vel animal ut sic. quæritur quodnam sit objectum hujus conceptus? hoc enim objectum non est Petrus, nec Paulus, nec equus, nec canis, sed aliquid unum, nescio quid aptum inesse multis; illud objectum est indeterminatum, & quæritur, an detur tale objectum indeterminatum, quod de se nec sit hoc, nec illud.

2 *Prima opinio* tribuitur Platoni, & ejus affectis; putant dari ideas quasdam, seu naturas abstractas, quæ per sui participationem communicentur omnibus individuis, sicut sigillum imprimitur pluribus ceris: ratio Platonicorum est, quia putant formas v.g. sensibiles nec oriri, nec destrui: dum enim sit ignis,

R. D. Euseb. Amori Philosophia.

incipit videri lux, hæc lux, cum non fiat ex nihilo, necessario præexistit, & si præexistit, alicubi existit; illa idea, de se est æterna, incorruptibilis, & communicabilis in infinita subjecta: existit autem talis idea, ut quidam volunt, extra Deum; sed si bene intelligatur Plato, tantum præexistit illa idea in mente Dei, eo quod Plato in Dial. de ente expressè doceat ideas omnes simul sumptas non habere plures unitates, sed tantum habere unam unitatem, adeoque omnes ideas simul sumptas esse aliquid unum ens, quod utique est Deus.

*Secunda opinio* est Fonseca: putat naturam possibilem adhuc esse unum aptum inesse multis, v.g. homo in statu possibilitatis nec est Petrus, nec Paulus, quia possibile est æquè produci Petrum, ac Paulum. igitur objectum conceptus universalis erit natura in statu possibilitatis considerata.

*Tertia opinio* est illorum, qui putant, universali-4 tatem consistere in similitudine objectiva singularium v.g. Petri, Pauli, Joannis &c hæc enim singularia non sunt quidem unum aptum inesse multis sub ratione individui, sed si considerentur secundum rationem similitudinis, in tantum non differunt, & illa similitudo naturæ humanæ æquè inest Petro, ac Paulo.

*Quarta opinio* est Scotistarum: putant à parte rei 5 quamvis naturam esse de se indivisam, unam, ac communem omnibus singularibus; supponunt enim, hæc eam à parte rei esse distinctam à natura, & sic inter naturam Petri, & Pauli secundum se sumptam non remanet distinctivum. Sunt verò Scotistæ in se ipsos divisi; aliqui enim putant, quamvis naturam esse communem per inexistentiā, alii, per indifferentiam. Per indifferentiam intelligunt aptitudinem, quæ natura Petri potuisset esse natura Pauli, ita, ut de se intrinsecè non repugnet illam poni in Paulo. Per inexistentiā intelligunt communionem naturæ, ita, ut reverà dici possit natura Petri, est de se natura Pauli.

*Quinta opinio* est Thomistarum: putant quidem 6 à parte rei naturam non esse communem, quia nulla datur distinctio à parte rei inter hæc eam, & naturam, nisi virtualitantum; interim tamen illud, quod à parte rei est indivisum, potest dividi per intellectum, & hæc divisio etiam fit in conceptu universalis; igitur conceptus universalis habebit pro objecto naturam realem, qualemcunque, objectivè præcisam per intellectum, & virtualiter distinctam ab hæc eam, & aliis circumstantiis limitantibus; & hoc supposito universale dicit duo: materialiter quidem dicit naturam aliquam realem unam à parte rei; formaliter verò dicit præcisionem intellectus, quia universalitas consistit in præcisione intellectus.

*Sexta opinio* est Recentiorum: qui putant per 7 conceptum universale non præcindi objectivè naturam ab hæc eam, & gradu individuali, igitur objectum conceptus universalis realiter erunt omnia singularia, in quantum substant cognitioni confusæ, confundenti omnia singularia per modum unius. hoc supposito universale materialiter sumptum dicit ipsa singularia; formaliter verò sumptum dicit cognitionem confusam singularium, quia confusio cognitionis tribuit universalitatem, & formam communionis.

*Septima opinio* est Stoicorum: putant res à parte 8 rei non esse universales in essendo, sed tantum conceptus



ceptus nostros esse universales in repræsentando, quia repræsentant plura, eo quod conceptus hominis æquè possit applicari Petro, & Paulo: hi re ipsa tantum differunt in modo loquendi à Thomistis, vel Recentioribus.

9 *Octava opinio* est Nominalium: putant omnem universalitatem tantum consistere in vocibus, in quantum significant plura; hinc abnegant hanc universalitatem non solum rebus, sed etiam ipsis conceptibus, quia putant omnem cognitionem tacite, ac re ipsa esse cognitionem alicujus rei determinatæ.

10 *Nona opinio* est quorundam Thomistarum, qui putant, universale consistere in ente rationis, nam quando cogitamus de homine, aut animali ut sic videtur, quod fingamus aliquid, nempe animal ut sic; vel certe quod cognitio non fiat sine aliqua fictione, cum utique præcisio naturæ ab hæceitate non detur à parte rei; igitur universale in hac sententia unice fundatur in intellectu fingente, & præscindente, qui Thomistæ differunt à prioribus, in quantum negant universale materialiter spectatum dari à parte rei.

11 *Dico 1. Universale non consistit in ideis Platonis.* prob. concl. universale est aliquid creatum, ergo non consistit in ideis increatis, prob. ant. universale est unum aptum inesse multis per identitatem, ergo.

12 *Dico 2. Universale non consistit in natura possibili.* prob. concl. universale non est aliquid possibile, ergo prob. ant. universale est unum aptum inesse multis per identitatem, tale non est natura possibilis ergo. m. prob. natura Petri non est aliquid merè possibile.

Prob. concl. 2. natura possibilis non est universalis, ergo nequit universale in hoc consistere, prob. ant. natura actu existens non est universalis, ergo nec natura possibilis, prob. conf. natura eodem modo est possibilis, quo modo actu existit, quia ad impossibile non datur potentia, nec Petrus alio modo fuit possibilis, nisi quò existit; adeoque præter possibilitatem singularium nulla datur possibilitas universalis.

13 *Dico 3. Universale non consistit in similitudine objectiva singularium.* prob. conf. unitas universalis non exprimit multipliciter, actualis similitudo autem exprimit multipliciter, ergo ista duo non sunt idem. ant. quoad secundum membrum prob. non potest intelligi similitudo, nisi sit plurium similitudo. ergo.

14 *Dico 4. Non datur natura communis Scotistica,* adeoque neque consistit in illa universale. prob. concl. gradus Metaphysici non distinguuntur à parte rei, ergo neque datur natura communis Scotistica. prob. conf. si gradus Metaphysici non distinguuntur à parte rei, tunc neque distinguitur individuatio à natura: Sed si hoc, tunc non datur natura communis; ergo.

15 *Prob. 2.* Si daretur natura communis, vel esset communis per inexistenciam, vel per indifferentiam? neutrum potest dici, ergo. m. prob. quoad primum membrum. si natura esset communis per inexistenciam, tunc in creatis deberet admitti Mysterium Trinitatis: Sed hoc non potest dici; ergo. M. prob. si natura esset communis per inexistenciam, tunc natura Petri & Pauli esset una natura, & tamen Petrus & Paulus essent distincti inter se: Sed si in Petro & Paulo daretur una natura, tunc daretur Mysterium Trinitatis; ergo. m. prob. tali modo duo distincta inter se, nempe Petrus & Paulus identificarentur inter se

in uno tertio, nempe in natura humana, & sicut in Trinitate Pater, & Filius, & Spiritus habent unam naturam stante distinctione personarum, ita etiam Petrus, & Paulus & Joannes haberent unam naturam stante distinctione suppositorum: rursus sequeretur, quod sicut non multiplicatur natura humana in Petro, & Paulo, ita neque possent dici esse duo, vel tres homines, tam parum in Trinitate dici potest, quod dentur tres Dii. Sequeretur 3. quod eadem natura in Juda torqueretur in inferno, & eadem natura in Christo glorificaretur in cælis, denique sequeretur, quod sicut natura Petri est separabilis à Pauleitate, ita etiam esset separabilis eadem natura à se ipsa, utpote realiter identificata cum Pauleitate, adeoque sequeretur idem simul esse, & non esse. Sequeretur quinto, quod creaturæ sint pars Dei, aut particula Dei, aut aliquis semi-Deus; cum enim perfectiones juxta Scotistas conveniant univocè Deo, & creaturis v.g. in ratione entis, in ratione Justitiæ, in ratione intellectivi &c. utique sequeretur has perfectiones esse unam quandam naturam communem in Deo, & creaturis, & quidem per inexistenciam, ut inexistat Deo, & creaturis, quod utique non multum differret à doctrina Sinensium, identificantium naturam cum Deo, vel cum hæresi Gnosticorum dicentium: animam esse particulam Dei, vel cum hæresi Manichæorum: divinas perfectiones per commixtionem inexistere omnibus rebus naturalibus hujus mundi, tanquam lucem, cum tenebris, & tanquam substantiam de se mundam mixtam cum immundis. Hæc omnia, inquam, sequerentur, si daretur una natura Scotistica per inexistenciam: si enim datur aliqua perfectio communis Deo, & creaturis, etiam dabitur integra collectio perfectionum communis Deo, & creaturis, adeoque poterit esse communis Deo, & creaturis v.g. aliqua anima, vel integer aliquis mundus.

Prob. igitur m. quoad secundum membrum, quod scilicet natura non possit esse communis per indifferentiam: si natura Petri non potest fieri natura Pauli, tunc non est communis per indifferentiam: Sed; ergo. m. patet, quia natura Petri nunquam poterit separari à Petreitate, & uniri cum Pauleitate, adeoque nunquam poterit fieri natura Pauli. prob. igitur M. ubi implicatus, ibi implicat potentia, ergo si natura Petri nunquam potest fieri natura Pauli actu, etiam implicat potentia ad hoc, ut natura Petri fiat natura Pauli, atqui si implicat potentia, implicat etiam indifferentia hujus naturæ, quia indifferentia non datur ad aliquid impossibile, v.g. lapis non est indifferens ad ratiocinandum, vel sentiendum, neque est indifferens ad ambulandum versus Orientem, vel Occidentem, quia omnis ille actus implicat.

Prob. eadem m. 2. si natura Scotistica esset communis per indifferentiam, eo ipso esset communis per inexistenciam: Sed hoc ex præmissis non potest dici; ergo. M. prob. si natura esset communis per indifferentiam, eatenus esset communis, quatenus natura Petri & Pauli earumque existentia secundum se nullum haberent distinctivum à parte rei: Sed si nullum haberent distinctivum, eo ipso essent communes per inexistenciam; ergo. M. pat. quia non potest dari natura communis per indifferentiam, si habet aliquod prædicatum sibi identificatum formaliter, incommunicabile pluribus. v.g. si ponatur in natura humana Petri esse identificata aliqua essentialis relatio, seu respectus ad Petreitatem, & hanc individuationem, jam non erit natura com-

munis.



munis. Si verò hic idem respectus, ordo, seu relatio ad Petreitatem, & circumstantias individuantes ponitur esse distinctus à parte rei ab ipsa natura Petri, jam iterum verum erit dicere, quòd in natura Petri & Pauli præcisus omnibus extraneis ad hanc naturam nullum habeatur distinctivum.

Prob. igitur *m.* si natura Petri, & Pauli nullum habent distinctivum à parte rei, tunc eo ipso sunt unum quid, quia implicat dari aliquid à parte rei, quod non suo modo sit designabile, adeoque unum quid. Sed si ea natura est unum quid, poterit etiam dici, quòd inexistat communiter Petro, & inexistat communiter Paulo, adeoque quòd sit communis per inexistentiam.

16 Dico 5. *Universale non consistit in conceptu abstractivo.* prob. concl. conceptus non est objectum sui ipsius, ergo universale objectivum non consistit in hoc conceptu.

17 Dico 6. *Universale non consistit materialiter in singularibus, & formaliter in præcisione objectiva.* prob. concl. non datur talis præcisio objectiva, ergo in ea non consistit.

18 Dico 7. *Universale non consistit in vocibus.* prob. concl. in conceptu universali non tendimus immediate, ac directe in voces, ergo etiam universale objectivum, seu conceptum non consistit in significatione vocum. ant. pat. & ab experientia, & à ratione, quia alioquin voces, & conceptus se significarent mutuo, quod est absurdum.

19 Dico 8. *Universale non consistit in ente rationis.* prob. concl. potest assignari objectum reale, ergo non debet assignari ens rationis. ant. prob. ex seq. conclusione.

20 Dico 9. *Universale materialiter sumptum, dicit ipsa singularia, præterita, existentia, & possibilia.* formaliter verò sumptum dicit cognitionem confusam illorum singularium.

Prob. concl. Natura v. g. humana præcisæ per intellectum formaliter, potest referri per intellectum ad statum realem, & pro eo statu concipi, ut identificata cum pluribus aliis perfectionibus indeterminatis: jam in hac positione, quævis natura humana, quæ fuit, est, & erit objectum repræsentatum per hunc conceptum, & omne illud, quod identificatur cum natura humana, erit etiam objectum repræsentatum hujus conceptus saltem realiter, atqui id, quod identificatur cum natura humana, sunt individua, ergo omnia individua sunt realiter objectum hujus conceptus, quò concipio naturam humanam ut sic contrariam ad statum realem, habentem tamen unitatem quandam per intellectum, quia non repræsentantur individuationes singularium.

21 Prob. concl. 2. Hoc concreto habito, habetur unum aptum inesse multis, & hoc concreto non habito, non habetur unum aptum inesse multis, ergo in hoc concreto consistit universale prob. ant. quoad 1. membr. in hoc concreto singularia realiter cognita dant multiplicitatem, & cognitio præcisiva naturæ humanæ dat unitatem, ergo habetur unum aptum inesse multis, seu id, quod per cognitionem formaliter præcisivam est unum, & in statu reali inexistens multis, seu identificatum cum multis.

22 Prob. 3. *Authoritate Aristotelis, qui 5. Met. Text. 15. & Lib. 10. Met. Text. 1. ubi recenset modos unitatis, inter hos etiam numerat unum ratione, & intelligentia.* & hoc unum tribuit universali, ergo unitas universalis est tantum unitas rationis. Idem Libro 1. de anima dicit: *Universale autem nullo est, aut quid posterius animal.* ergo universale non datur adæquatè à parte rei sed partim in intellectu.

R. D. Euseb. Amort Philosophia.

Confirmatur Authoritate D. Thomæ, & Damasceni, 23 qui dicunt naturas universalium sola ratione unas esse.

## Solvuntur Objectiones.

Objic. 1. Pro ideis Platonicis: Scientiæ non sunt 24 singularium, ergo objectum Scientiæ sunt universalia, ergo etiam sunt ante intellectum, atqui alia universalia ante intellectum non dantur, nisi ideæ, ergo objectum Scientiarum sunt ideæ.

2. Objectum Scientiarum est aliquid necessarium, & immutabile: Sed aliud non datur nisi ideæ, ergo objectum Scientiarum sunt ideæ. *m.* prob. quia singularia sunt corruptibilia *M.* prob. Scientiæ sunt immutabiles, & incorruptibiles, ergo etiam objectum Scientiarum est immutabile. conf. prob. si posset mutari objectum Scientiæ, tunc eo ipso Scientiæ essent mutabiles, & id, quod nunc est verum, postea posset fieri falsum, ergo.

3. Essentiæ rerum sunt ab æterno, necessariae, & immutabiles, ergo dantur alicubi hæ essentiæ, id ipsum, quod Plato ideas vocat.

4. Conditor rerum necessario producit res ad imitationem alicujus ideæ, ergo dantur ideæ, non productæ, ergo improductæ. Subsumptum patet, quia si illæ ideæ essent productæ, deberent esse ad imitationem alterius ideæ, & sic in infinitum ant. prob. artifex humanus producit suum artificium ad imitationem alicujus ideæ, quam habet in mente, & ad cujus imitationem producit plura artefacta, ergo etiam artifex divinus.

5. Dantur propositiones æternæ veritatis, ergo etiam dantur essentiæ, seu ideæ æternæ ant. prob. quando dico: homo est animal rationale, id verum est, sive existat homo, sive non existat homo, ergo etiam debet dari verificativum æternum.

6. Res eodem modo sunt à parte rei, quomodo sunt in intellectu, ergo sicut in intellectu datur aliquod abstractum, ita etiam à parte rei, hoc autem vocatur idea.

Resp. ad 1. dist. ant. Scientiæ non sunt singularium 25 directive con. ant. applicative neg. ant. id est, Scientiæ non tradunt regulas circa singularia, sed tradunt regulas universales, quæ possint applicari ad singularia, & ratio est, quia singularia sunt infinita, quæ à nulla Scientia comprehendi, aut pertransiri possunt. igitur necesse est, ut directio scientifica tantum versetur circa universalia, quæ dein applicentur ad singularia, quin Scientiæ universales tantum ordinentur ad notitiam singularium.

Ad 2. dist. ant. objectum Scientiarum debet esse necessarium, & immutabile quoad verificationem con. ant. quoad existentiam neg. ant. verum quidem est, quòd propositio scientifica debeat esse immutabilis, ita ut nunquam ex vera possit fieri falsa, ad hoc autem non requiritur, ut objectum semper tale sit, quale dicitur esse pro illo momento, & temporis differentia, pro qua dicitur tale esse v. g. si dico: nunc diem esse, hæ propositio est vera, etiam si post aliquot horas non sit dies, nam etiam nocte verum est, quod pro hoc temporis momento, pro quo affirmatur dies, fuerit dies.

Dices: non dari certam regulam contingentium, nisi 26 sensus, & hos esse fallibiles, ergo objectum Scientiarum necessario versari circa objectum immutabile, quia alioquin nunquam sciremus, quodnam objectum nunc tale sit, quale videtur esse Sed contrà est: etiam sensus fundant cognitionem certam, si subjacent directioni rationis.

Ad 3. dist. ant. essentiæ sunt ab æterno secundum statum possibilitatis con. ant. actualiter neg. ant. essentiæ tantum dicuntur immutabiles, quia res eodem modo est possi-



possibilis, quo modo existit, & albedo in statu possibilitatis non est alia albedo, quam ut nunc existit.

Ad 4. con. ant. dist. conf. ergo dantur idæ exemplares con. ant. dantur idæ participatæ neg. ant. Sicut artifex humanus suam ideam mentis non imprimit ligno, ita nec artifex divinus suas ideas imprimit rebus creatis, alioquin creature essent quædam particule divinæ essentia.

Ad 5. dist. ant. dantur propositiones æternæ veritatis quoad verificationem possibilitatis con. ant. quoad verificationem actus neg. ant. tales propositiones tantum attingunt statum possibilem, & status possibilis non ponit aliquid in re, sed totum verificativum est aliquid possibile, vel dub. sic: sunt tales quoad essentiam con. ant. quoad existentiam neg. ant.

Ad 6. n. ant. quia est impossibile, ut naturæ eodem modo distinguantur à parte rei, sicut distinguuntur in intellectu ad implicantiam alibi ostensam.

27 *Objic. 2.* Pro natura communi Scotistica: datur à parte rei unum formaliter in multis, ergo prob. ant. quod non est divisum formaliter, est unum formaliter: Sed datur aliquid à parte rei, quod non est divisum formaliter; ergo. *m. prob.* natura humana quoad suam essentialitatem spectata, ut condistincta ab individuatione non est divisa formaliter, ergo.

2. Petrus habet in aliquo prædicato identitatem cum equo, ergo datur natura communis. prob. ant. si Petrus habet negationem distinctionis in aliquo prædicato cum equo, tunc habet identitatem: Sed; ergo. *m. prob.* Petrus minus differt ab equo, quam à lapide, ergo saltem in aliquo prædicato habet negationem distinctionis.

3. Quælibet natura à parte rei nemine cogitante est ens, ergo est una. prob. con. unitas est proprietas entis.

4. Si natura à parte rei non dicit pluralitatem, tunc eo ipso dicit unitatem: Sed; ergo. *m. prob.* natura in suo conceptu non dicit pluralitatem, ergo nec à parte rei, quia conceptus objectivus potest esse conformis conceptui formali, & sicut natura formaliter est præcisa ab individuatione, ita à parte rei potest esse distincta ab individuatione.

5. Petrus & Paulus à parte rei sunt unum species, ergo unitas specifica datur à parte rei.

28 *Resp. dist. ant.* datur à parte rei unum formaliter unitate rationis con. ant. unitate reali neg. ant. id est, datur à parte rei singularia, quæ constituunt unam collectionem substantem cognitioni confusa, adeoque nego à parte rei naturam humanam non esse divisam formaliter.

Ad 2. neg. ant. ad prob. con. *M. n. m.* ad prob. con. ant. dist. conf. ergo habent negationem distinctionis formalem in intellectu. con. conf. formalem à parte rei. neg. cons. quia animalitas equi, & Petri sunt identificata cum perfectionibus realiter inter se distinctis, igitur & ipsæ sunt inter se distinctæ.

Ad 3. dist. ant. quælibet natura est à parte rei ens præcise à prædicatis individualibus neg. ant. identificatum con. ant. vel dist. conf. natura est una unitate singulari con. conf. unitate universalis neg. conf. quia unitas naturæ universalis nil aliud est, nisi omnes unitates singulares, sicut unitas numeri decenarii, nil aliud est, quam unitas saepius repetita.

Ad 4. con. *M. n. m.* ad prob. con. ant. neg. conf. quia suppono res non eodem modo distingui à parte rei, sicut formaliter distinguuntur in intellectu, saltem quoad existentiam, licet essentialiter sint eodem modo formaliter divisæ.

Ad 5. dist. ant. Petrus & Paulus à parte rei sunt specie unum unitate fundamentali c. ant. unitate formali neg. ant. nam Petrus & Paulus à parte rei præbent intellectui fundamentum formandi cognitionem confusam humanitatis, & eatenus sunt unum quid fundamentaliter, ipsam verò unitatem nondum habent, donec per cognitionem considerentur per modum unius.

*Objic. 3.* Pro natura universalis Fonseca. 1. natura in statu possibilitatis est una, ergo universale potest in illa consistere. prob. ant. si natura in statu possibilitatis nondum est divisa, tunc est una: Sed; ergo. *m. prob.* si natura in statu possibilitatis est indifferens ad hoc, vel illud individuum, tunc nondum est divisa: Sed; ergo.

2. Natura in statu possibilitatis est prior differentiis contrahentibus, ergo eo ipso est una, & indifferens pro illo priori signo. prob. ant. si non licet argumentari à genere ad speciem, tunc eo ipso natura est prior differentiis contrahentibus: Sed; ergo. *M. prob.* si non licet argumentari à genere ad speciem, tunc potest dari genus, quin detur species: Sed si hoc, tunc natura est prior differentiis contrahentibus; ergo.

3. Natura in statu possibilitatis caret divisione, ergo est una; prob. ant. si natura in statu possibilitatis est non divisa, tunc eo ipso caret divisione: Sed; ergo. *M. prob.* si illa natura est non divisa, tunc non est divisa: Sed si hoc, tunc caret divisione; ergo. *M. prob.* idem est si dicam: natura est non divisa, & si dicam: natura non est divisa, ergo prob. ant. idem est si dicam: murus est non albus, & si dicam murus non est albus, ergo etiam prius.

*Resp. ad 1. neg. ant.* ad prob. dist. *M.* si est indifferens etiam objective con. *M.* si tantum est indifferens formaliter neg. *M.* nam in statu possibilitatis Petrus possibilis non est indifferens ad esse Paulum, & Paulus possibilis non est indifferens ad esse Petrum, & præter Petrum, aut Paulum, & reliqua singularia non datur aliis homo universalis possibilis, igitur ista indifferentia naturæ humanæ tantum oritur ex cognitione confusa naturam humanam nondum determinatè referente ad Petrum, vel Paulum.

Ad 2. dist. ant. genus est natura prius differentiis contrahentibus formaliter, & à subsistendi consequentia con. ant. realiter neg. ant. genus enim in statu possibilitatis non est vagum, & indeterminatum ad nullam speciem, sed animal jam est rationale, vel irrationale; animal latrabile etiam in statu possibilitatis non potest fieri animal rugibile, & vicissim. Igitur ista prioritas tantum se refert ad nostrum modum concipiendi, secundum quem unum infertur ex alio, eo fine, ut servetur ordo cognitionum, non ut servetur ordo rerum.

Ad 3. dist. ant. natura caret divisione formaliter c. ant. realiter neg. ant. ut dixi naturæ realiter etiam in statu possibilitatis jam sunt divisæ, igitur non indigemus reliquis subtilitatibus.

*Objic. 4.* Pro universalitate similitudinis. 1. similitudo est vera unitas, ergo in illa potest consistere universalitas ant. prob. 1. similitudo est negatio divisionis opposita, ergo est vera unitas, ant. prob. divisio similitudini opposita est dissimilitudo: Sed similitudo est negatio dissimilitudinis; ergo.

2. Si similitudo non esset vera unitas, tunc ideò; quia diceret multipliciter, hæc ratio non obstat; ergo. *m. prob.* ad unitatem non requiritur negatio omnis divisionis, & multipliciter ergo. prob. ant. unitas rationis non excludit multipliciter realem, & vicissim unitas realis non excludit multipliciter rationis, ergo.



3. Aristoteles similitudini attribuit unitatem, ergo. prob. ant. Aristoteles 10. Met. dum enumerat species unius inter has species recenset *idem*, *simile*, *aquale*, & inter species *multi* recenset *divisum*, *disimile*, *inæquale*. Idem 5. Met. dicit *similia sunt*, *quorum qualitas una*: ergo similitudo dicit unitatem.

4. Similitudo dicit consensum saltem in aliquo prædicato, ergo dicit aliquam unitatem. conf. patet quia aliquis consensus est aliqua identitas, & aliqua identitas est aliqua unitas. ant. prob. omnimoda identitas est consensus in omni prædicato, ergo similitudo, quæ deficit ab unitate, est consensus saltem in aliquo prædicato.

32 Resp. ad 1. dist. ant. Similitudo est vera unitas fundamentalis con. ant. actualis neg. ant. similitudo enim est duorum similitudo, quamdiu ista duo attinguntur ab intellectu, tamdiu manent duo, quamdiu vero incipiunt subistere cognitioni confusæ utramque confundenti, tunc incipiunt acquirere unitatem similitudinis; antequam verò acquirant hanc unitatem, habent unitatem fundamentalem; quia semper intellectui præbent fundamentum formandi hanc unitatem.

Ad 2. trans. M. neg. m. ad prob. dist. ant. ad unitatem non requiritur negatio omnis divisionis diversi generis ab unitate con. ant. divisionis ejusdem generis cum unitate neg. ant. sensus est, quod unitas à parte rei talis excludat divisionem à parte rei talem, quia hæc sunt ejusdem generis, e contra non repugnat unitatem realem stare cum divisione rationis, quia sunt diversi generis.

Ad 3. dist. ant. Aristoteles similitudini tribuit unitatem fundamentalem con. ant. actualem neg. ant. idem Responde ad textus: vult enim Aristoteles similia esse unum quid à parte rei fundamentaliter, quia possunt subistere cognitioni confusæ confundenti plura per modum unius, licet illa unitas intellectualis tantum detur in intellectu.

Ad 4. dist. ant. Similitudo est consensus in aliquo prædicato formaliter con. ant. realiter neg. ant. nam licet intellectus præcisivus perfectionis communis ut identificatæ cum aliis indeterminatis duo similia confundat per modum unius, non propterea tamen sequitur, quod à parte rei sint unum quid, quia conceptus inadæquati non important inadæquationem rei, ut priori questione ostensum est. igitur constat similitudinem objectivam non sufficere ad unitatem actualem à parte rei, ac proin non sufficere ad constituendum universale.

33 Objic. 5. Potest dici, quod universale simpliciter detur à parte rei, ergo debet dici, quod sit similitudo objectiva prob. ant. 1. datur à parte rei sufficienter multiplicitas, & unitas, multiplicitas singularium, & unitas similitudinis, ergo.

2. Unitas rationis non potest distributivè prædicari de singulis, ergo datur alia unitas à parte rei.

3. Datur unitas formalis, ergo etiam datur unitas objectiva, quæ sit objectum unitatis formalis.

4. Unitas rationis est tantum improprie unitas, ergo debet dari alia unitas proprie talis.

5. Unitas formalis non multiplicatur in singulis, ergo debet dari unitas, quæ multiplicetur.

6. Objectum non excludit unitatem formalem, ergo à parte rei datur saltem unitas fundamentalis.

7. Natura humana à parte rei est communicabilis pluribus, ergo à parte rei est una. prob. ant. natura à parte rei de se nec est hæc, nec illa. Confirm. hoc, quod

natura sit multiplicabilis, non provenit ab intellectu, ergo à parte rei est multiplicabilis.

8. Esse unum aptum inesse multis est nil aliud, quam esse multiplex à parte rei: Sed natura à parte rei est multiplex; ergo & una.

9. Nil est in intellectu, quod prius non fuit in sensu, ergo si natura in intellectu est una, etiam erit una à parte rei.

10. Paries albus simpliciter est substantia, etiam si secundum formam denominantem non sit substantia, ergo etiam natura una simpliciter datur à parte rei, etiam si unitas denominans non detur à parte rei.

Resp. ad 1. neg. ant. ad prob. con. ant. dist. conf. ergo 34 datur unitas proprie talis neg. conf. improprie talis con. conf. nam unitas similitudinis necessario exprimit multipliciter.

Ad 2. dist. ant. unitas formalis verificativè non potest distribui in singulos neg. ant. physice con. ant. nam unitas formalis repræsentat objective collectionem omnium singularium seu naturam præcisivè cognitam relata ad statum realem, & ibi identificatam cum pluribus perfectionibus indeterminatis; collectio autem singularium potest inadæquatè distribui in singulos.

Ad 3. con. ant. dist. conf. ergo datur unitas objectiva distributiva con. ant. distribuens neg. ant. ut enim dixi objectum unitatis formalis sunt omnes unitates singulares, sed tamen distributivæ, seu divisæ.

Ad 4. neg. ant. vel dist. ant. unitas formalis est improprie unitas relatè ad unitatem physicam con. ant. relatè ad unitatem logicam neg. ant. in Logica enim non datur alia unitas magis proprie talis, nisi unitas rationis, & ideo non potest dici, quod sit unitas improprie talis, quia quod est improprie tale, ideo dicitur improprie tale, quia refertur ad proprie tale, quale tamen hic non datur in Logica.

Ad 5. dist. ant. unitas universalis debet multiplicari objective, & verificativè con. ant. subjective, & physice neg. ant. unitas formalis, quæ est in intellectu, repræsentat collectionem singularium, & collectio singularium utique dicit multiplicationem singularium.

Ad 6. dist. ant. objectum non excludit unitatem realem neg. ant. non excludit formalem con. ant. & dist. conf. ergo datur unitas formalis, quæ exprimat multipliciter con. conf. quæ non exprimat multipliciter neg. conf. unitas universalium debet excludere multipliciter, quam potest illa excludere nempe ex parte unitatis; universale enim dicit unum, & multa, sed unitas non dicit multa.

Ad 7. dist. ant. natura à parte rei est communicabilis per divisionem singularium con. ant. per multiplicationem unitatis neg. ant. quia licet hoc non proveniat ab intellectu, quod sit multiplicabilis à parte rei, ipsa tamen à parte rei non est una, quia per multiplicationem tollitur unitas, & posset distingui conf. ergo natura est una, si post multiplicationem maneat una con. conf. si non maneat una neg. conf. ratio est, quia natura à parte rei post divisionem actualiter non est una.

Ad 8. neg. ant. quia multiplicitas excludit unitatem saltem actualem.

Ad 9. dist. ant. nil est in intellectu, quod prius non fuit in sensu quoad objectum verificationis transf. ant. quoad modum repræsentationis neg. ant. nam quod in sensu exprimitur individualiter, illud in intellectu exprimitur confuse, ac universaliter. igitur unitas, quæ



est in intellectu, prius quidem fuit in sensu, sed non eodem modo confuso.

Ad 10. con. ant. neg. conf. disparitas est, quia in posteriori denominatione attenditur ad omnes partes concreti, in priori autem non attenditur, ad quidnam verò homines velint attendere, dependet ab illorum arbitrio.

## QUÆSTIO VI.

*A quo fiat Universale, & utrum maneat in actuali prædicatione?*

**1** *Dico 1. Sensus non faciunt universale.* prob. concl. ex communi axioma: *Sensus sunt singularium, intellectus verò universalium.* ergo.

*Prob. 2.* Sensus versantur circa singularia, ergo tantum faciunt perceptionem singularium. prob. conf. non constat, quod aliquid immutent circa suum objectum.

*Prob. concl. 3.* Forma in sensu expressa refertur ad objectum cum circumstantiis individuantiis, ergo non tam subiectivè, sed etiam objectivè est singularis. ant. prob. illa forma refertur ad objectum ut affectum circumstantiis temporis, sitūs, habitūs &c. ergo.

*Prob. concl. 4.* Sensus non comparant duo objecta ad invicem, ergo neque separant differentiam eorundem objectorum à gradu specifico, vel individuali, quia universale nascitur ex consideratione duorum, secundum quandam similitudinem, & dissimilitudinem, ut probat Plato de republica.

**2** *Dico 2. Voluntas non facit universale.* prob. concl. non constat experimentaliter, quod ad cognitionem confusam requiratur determinatio voluntatis, ergo. prob. conf. si non requiritur, tunc habet se semper impertinenter, ad hunc effectum, & sic nunquam erit causa per se.

*Prob. 2.* Cognitionis confusa, seu universalis tantum dicit defectum cognitionis: Sed ad defectum non requiritur positiva determinatio; ergo.

**3** *Dico 3. Universale non fit per intellectum patientem.* prob. concl. intellectus patiens est, qui recipit species ab objectis extrinsecis impressas, sed hic non facit universale, ergo. *m. prob.* species ab objectis extrinsecis impressæ sunt singulares, ergo.

*2.* Intellectus, qui se non extendit ad omnes differentias temporum non facit universale: Sed talis est intellectus patiens; ergo. *m. prob.* intellectus patiens considerat objecta prout illi à sensibus proponuntur, nec abstrahit, differentias temporum, ergo. ant. pat. quia si abstraheret aliquas circumstantias, & differentias limitantes, tunc jam esset intellectus agens; quod si tamen à Deo intellectui patienti imprimetur cognitio universalis, nullam quidem diceret repugnantiam, sed in hoc casu non esset verum universale fieri ab intellectu, quia non naturaliter reciperet species.

**4** *Dico 4. Deus non potest facere universale.* prob. concl. universale dicit imperfectionem, sed id, quod dicit imperfectionem Deus non potest facere, ergo. *M. prob.* universale dicit cognitionem confusam: Sed cognitio confusa dicit imperfectionem; ergo. *m. prob.* cognitio confusa dicit defectum claritatis, ergo.

*Prob. 2.* Si Deus posset facere universale, tunc ideo, quia Deus cognosceret universale, hæc ratio

non obstat, ergo. *m. prob.* potest Deus cognoscere cognitionem confusam, quin ipse habeat cognitionem confusam. ergo prob. ant. potest homo videre objectum in luce positum, & oculum positum in tenebris simulque in objectum tendentem, quin iste homo videns illum oculum, illum videat obscure, ergo etiam Deus poterit cognoscere cognitionem confusam, quin ipse habeat cognitionem confusam. **5**

*Dico 5. Universale fit per operationem mentis reflexam.* prob. concl. universale dicit cognitionem confusam singularium per modum unius: Sed talis cognitio est operatio mentis reflexa; ergo *m. prob.* si talis cognitio habet pro objecto singularia, & unitatem singularium, tunc est reflexa: Sed; ergo. *M. prob.* si habet pro objecto unitatem singularium, tunc eo ipso habet pro objecto cognitionem confusam; Sed si hoc, tunc est reflexa; ergo. *m. prob.* quia cognitio reflexa dicitur, quæ habet pro objecto aliam cognitionem, quod autem cognitio universalis habeat simul pro objecto unitatem singularium, patet ex eo, quia talis cognitio tendit in unum quid, seu in universale, quod vult producere, quod enim vult producere, cognoscit, quia scit, quid velit producere. **6**

*Dico 6. Universale manet in actuali prædicatione.* Sensus conclusionis est, quod in eodem indivisibili actu, dum v.g. dico: *Petrus est homo*, ex parte subiecti exprimitur singularitas, & ex parte prædicati adhuc relinquatur universalitas, non obstante, quod in propositione mentali taliter indivisibili prædicatum, & subiectum realiter sint idem.

*Prob. concl. 1.* In posito casu non sentio ex parte prædicati exprimi singularia, ergo hic actus ex parte prædicati manet universalis, prob. ant. si sentio ex parte prædicati me confusius tendere, quam ex parte subiecti, tunc eo ipso non exprimitur singularitas: Sed; ergo. *M. prob.* si sentio me confusius tendere ex parte prædicati, tunc eo ipso tollitur aliqua claritas subiecti: Sed si hoc, tunc non exprimitur singularitas; ergo. *M. prob.* non datur alia claritas subiecti, nisi claritas singularitatis, ergo si aliqua claritas tollitur, tunc omnis claritas tollitur, ac consequenter singularitas. **7**

*Prob. concl. 2.* Si universale non maneret in actuali prædicatione, tunc sequeretur paradoxa, quin impossibilia: Sed hoc non potest dici; ergo. *M. prob.* sequeretur omnes propositiones affirmativas esse veras; ergo. prob. ant. si universale non maneret in actuali prædicatione, tunc mentaliter subiectum, & prædicatum essent prorsus idem etiam formaliter: Sed si hoc, tunc sequeretur omnes propositiones affirmativas esse veras; ergo. *m. pat.* quia si idem affirmatur de se ipso, necessario propositio est vera. Secundò sequeretur omnes propositiones negativas esse falsas. prob. ant. si non maneret universale in actuali prædicatione, tunc idem negaretur de se ipso: Sed si hoc, tunc propositiones essent falsæ; ergo. *M. prob.* si universale non maneret in actuali prædicatione, tunc subiectivè, & prædicativè idem obversaretur menti: Sed si hoc, tunc idem negaretur de se ipso; ergo.

Tertiò sequeretur, omnes propositiones esse identicas, seu nugatorias; ergo. prob. ant. quando dicerem: *Petrus est homo*, sensus esset *Petrus est Petrus*, & idem fieret circa alias propositiones, ergo omnes essent nugatoriæ. prob. ant. idem obversaretur ex parte subiecti, & prædicati, ergo sensus esset *Petrus est Petrus*.

4. Seque-



4. Sequeretur nullum Syllogismum esse formaliter bonum, ergo. prob. ant. si universale non maneret &c. tunc in hoc Syllogismo omnis homo est rationalis: Sed Petrus est homo; ergo Petrus est rationalis non darentur tres termini bis recurrentes: Sed si hoc, tunc nullus Syllogismus esset formaliter bonus; ergo. prob. M. sensus prioris Syllogismi esset: omnis homo est rationalis: Petrus est *Petrus*; ergo Petrus est rationalis. sed si hoc, tunc non darentur legitimi tres termini ergo.
- 8 *Prob. concl. 3.* Si non maneret universale & tunc ideo, quia verificarentur contradictoria: Sed hoc non potest dici; ergo. *m. prob.* si darentur contradictoria tunc essent hæc, quod idem actus simul esset clarus, & obscurus: Sed hæc non sunt contradictoria; ergo. *m. prob.* si idem actus potest habere diversas tendentias, tunc non repugnat eundem actum esse simul clarum, & obscurum: Sed; ergo. in M. non potest ostendi repugnantia, *m. prob.* in actu contritionis possunt dari diversæ tendentiæ, ut suppono ex dictis, ergo.
- 9 *Confirmatur:* Propositio vocalis significat suo sub-  
jecto conceptum clarum Petri, & suo prædicato si-  
gnificat conceptum clarum naturæ humanæ, ut iden-  
tificatæ cum aliis perfectionibus indeterminatis: At-  
qui in tali explicatione nulla dantur contradictoria;  
ergo.
- 10 *Confirmatur secundo:* Sensus illius propositionis *Pe-  
trus est homo* potest esse hic, ut conceptus exprimat con-  
ceptum Petri clarum referibilem ad terminum subje-  
ctivum mentalem, aut vocalem realiter distinctum à  
prædicato, & idem conceptus exprimat conceptum  
naturæ humanæ ut identificatæ cum aliis determina-  
tis perfectionibus referibilem ad terminum prædica-  
tivum vocalem, aut mentalem realiter distinctum à  
subiecto, atqui in hac explicatione nulla dantur con-  
tradictoria, ergo. *m. prob.* in hac explicatione termini  
contradictorii v. g. esse clarum, & non clarum, qui ca-  
dunt super esse subiectivum, & prædicativum, non  
cadunt super idem, sed super propositionem menta-  
lem ut relatam ad diversos terminos, adeoque ca-  
dunt super esse subiectivum, & prædicativum prout  
hic & nunc in intellectu relata ad diversos terminos.  
Claritas, & obscuritas est quidem aliquid intrinse-  
cum propositioni, sed non negatio unius de alio est  
in re ipsa datur claritas, & obscuritas, sed non ne-  
gantur de invicem; sic v. g. potest absolute dari in  
eodem subiecto nigredo & calor, etiam si ista duo  
sint diversæ, & unum sit negatio alterius, item potest  
dari animalitas, & rationalitas, etiam si unum sit  
negatio alterius videlicet formalis.
- 11 *Prob. concl. 4.* Si universale non maneret in actuali  
prædicatione, tunc terminus communis nunquam pot-  
erit prædicari de pluribus: Sed hoc non potest dici;  
ergo. prob. M. terminus communis nunquam mane-  
ret communis dum prædicaretur, ergo nunquam  
posset prædicari de pluribus.

### Solvuntur Objectiones.

- 12 *Obj. 1.* Contrà primam conclusionem. I. Oculus  
videt albedinem, & tamen non videt gradum indi-  
vidualem ergo oculus habet cognitionem univer-  
sale.
2. Oculus non discernit grana tritici in acervo tri-  
tici à longè viso, ergo habet cognitionem confusam.

*Resp. ad 1. dist. ant.* oculus videt albedinem, & non 13  
videt gradum individuale clarè, ac distinctè con. ant.  
realiter neg. ant. idem respondeo ad secundum. Pro  
explicatione nota oculum propriè non videre obje-  
ctum, nec cognoscere, sed animam cognoscere per  
oculum, seu per species oculo impressas, illæ species  
oculo impressæ re ipsa repræsentant aliquid singulare,  
sed anima, cui imprimuntur non assequitur relatio-  
nem illarum specierum, aut circumstantias individu-  
antes, & ideo species istæ tantum fundant cognitio-  
nem confusam; idem est ad secundum, oculus enim per  
errorem repræsentat unum quoddam continuum sin-  
gulare, licet erret. Benè debet notari: quod species  
oculi nec cognoscat aliquid, nec repræsentet aliud,  
quàm se ipsam, sed anima hanc speciem refert ad ob-  
jectum reale; si anima refert speciem ad objectum  
reale, ut vestitum circumstantiis, repræsentat sin-  
gulare.

*Obj. 2. contra 4. concl.* Si Deus habet ideam cogni- 14  
tionis confusæ, creatæ, tunc eo ipso exprimit in se ipso  
cognitionem confusam: Sed si hoc, tunc facit univer-  
sale; ergo. prob. M. non potest dari perfecta idea ob-  
jecti, nisi sit simillima objecto, ergo cognitio cogni-  
tionis confusæ etiam ipsa debet esse confusa.

2. Confusio cognitionis creatæ est aliqua perfectio  
positiva, ergo eo ipso datur in Deo prob. ant. unitas  
non est nihil, nec pura negatio ergo.

3. Si Deo per confusam cognitionem nil decedit,  
tunc non repugnat in Deo: Sed; ergo. *m. prob.* Deus  
adhuc haberet cognitionem claram omnium rerum.  
prob. ant. si Deus per cognitionem illam confusam  
clarissimè cognosceret cognitionem confusam, tunc  
Deus adhuc haberet cognitionem claram: Sed; ergo.

*Resp. ad 1. neg. M. ad prob. transf. ant. neg. conf.* 15  
quia aliud est habere ideam universalis confusam,  
aliud est facere universale, & tendere in ideam, aut  
objectum ideæ modo confuso: Dei cognitio continua-  
tive est identificata cum omni claritate; huius conti-  
nationis divisio esset unicè ratio denominandi cog-  
nitionem confusam: ut possis tibi formare ideam hu-  
jus cognitionis, propone tibi aliquod continuum v. g.  
lignum; etiam si concipias totum lignum de facili  
tamen scire poteris, qualiter obversetur menti pars  
ligni, si esset divisa à toto: sic etiam quamvis Deus  
cognoscat omnia singularia, continuative, scire tamen  
potest, qualiter cognoscerentur, si non cognosceren-  
tur continuative cum claritate, quia continuationem  
mutat naturam objecti.

Ad 2. dist. ant. cognitio est aliqua positiva perfe-  
ctio secundum id, quod dicit in recto con. ant. se-  
cundum id, quod dicit in obliquo neg. ant. idem di-  
co de unitate, quæ reperitur in cognitione confusa.  
Cognitio confusa, nil aliud est, quàm cognitio habens  
defectum claritatis, seu habens negationem unionis  
cum majori claritate; in recto venit ipsa cognitio, in  
obliquo venit defectus claritatis, seu negatio unionis  
cum majori claritate: dico proin, quod Deus habeat  
cognitionem, sed non habeat negationem unionis  
cum majori claritate subiectiva; quidquid est positi-  
vum in cognitione creata datur etiam in Deo, non ta-  
men datur illud esse negativum majoris claritatis sub-  
iectivum: cognitio confusa dicit confusionem sub-  
iectivam; idea confusa dicit confusionem objectivam,  
& hæc non repugnat in Deo, & in rationibus æternis,  
dum videlicet Deus intelligit determinatam colle-  
ctionem non infinitam perfectionum intellectus hu-  
mani;



mani: scit proin Deus, quid, & qualis sit humana cognitio, per ideam confusam objectivam; & simul scit, qualis non sit, quia scit, illam cognitionem non habere unionem continuativam cum majori claritate, qualiter est in Deo.

Ad 3. transf. M. neg. *m.* ad prob. dist. M. si Deus adhuc haberet cognitionem claram formaliter con. M. si tantum haberet cognitionem claram concomitanter neg. M. in Deo omnes perfectiones sunt identificatae, quia non habent negationem unionis continuativae cum aliis perfectionibus; igitur sunt etiam formaliter identificatae, non tantum concomitanter; cum ergo cognitio confusa formaliter dicat defectum claritatis, seu negationem unionis continuativae cum majori claritate, repugnat in Deo.

16 *Obj.* 3. contra 7. concl. si ille actus, quod dico Petrus est homo, non haberet cognitionem singularium ex parte praedicati, tunc eo ipso esset clarus, & non esset clarus, hoc implicat. ergo. M. pat. quia esset clarus ex parte subiecti, & non esset clarus ex parte praedicati, ex parte subiecti clare, ac distincte exprimeret Petreitatem, ex parte praedicati clare, ac distincte non repraesentaret Petreitatem. *m.* prob. eadem visio respectu ejusdem objecti nequit esse clara, & non clara, idem autem nequit esse illuminatus, & non illuminatus. ergo.

2. Si hic actus servaret universalitatem, tunc nullam de singularibus deberet servare claritatem: Sed hanc servat, ergo. *m.* pat. quia servat claritatem subiecti.

3. Si hic actus servaret universalitatem, tunc idem cognosceretur, & non cognosceretur, hoc est impossibile; ergo. Si hic actus servaret universalitatem, tunc idem Petrus ex parte subiecti cognosceretur in ordine ad circumstantias individuantes, & idem Petrus ex parte praedicati non cognosceretur in ordine ad circumstantias individuantes: Sed si hoc, tunc idem cognosceretur, & non cognosceretur. ergo. *m.* prob. si ex parte subiecti cognosceretur Petrus in ordine ad circumstantias individuantes, tunc eo ipso ex parte subiecti cognoscerentur circumstantiae individuantes, & ex parte praedicati non cognoscerentur eadem circumstantiae individuantes, ergo.

4. Quando natura universalis à parte rei contrahitur ad individuationem, vel Petreitatem, tunc à parte rei non manet universalis, ergo etiam quando contrahitur in intellectu ad Petreitatem non manet universalis.

17 *Resp.* ad 1. dist. M. esset clarus, & non esset clarus secundum eundem modum tendendi, & relatè ad eadem objecta neg. M. esset clarus, & non esset clarus secundum diversum modum tendendi, & relatè ad diversa objecta con. M. exemplum habes in visione, dum video eadem visione album, & nigrum v.g. hos characteres nigros in charta alba positos; per hanc visionem clare video album, & clare video nigrum, sed tamen in quantum video nigrum, eatenus non clare video album, & in quantum video album eatenus non clare video nigrum, licet visio albi & nigri sit unus realiter actus; modus enim tendendi est formaliter alius ad album, & formaliter alius ad nigrum. hinc ad prob. con. ant. neg. con. & suppositum quod iste actus sit clarus, & non clarus relatè ad idem objectum, quia iste actus habet diversa objecta, & claritas est aliquid essentialiter respectivum objecti, quod clarificat in esse objectivo intentionali, est itaque talis actus indivisibilis sicut aliquod lignum, seu trapezium habens continuativè diversas figuras.

Ad 2. neg. M. quia ut ostensum est claritas non excludit obscuritatem relatè ad diversa objecta, alioquin sequeretur, quod neque hic actus sit universalis: homo secundum Aristotelem est rationalis quia in hoc actu clare cognoscitur aliquid singulare nempe Aristoteles.

Ad 3. neg. M. ad prob. con. M. neg. *m.* ad hujus prob. dist. M. tunc cognoscerentur circumstantiae individuantes subiectivè, & non cognoscerentur praedicativè con. M. cognoscerentur simul subiectivè, & simul subiectivè non cognoscerentur neg. M. sensus distinctionis patet in data explicatione in probatione tertia: & est sensus, quod esse subiectivum, & praedicativum importent eandem cognitionem ut relatam ad diversa objecta, unum objectum est solus Petrus cum suis circumstantiis individuantibus, alterum objectum est Petrus, & Paulus, & omnia singularia sine circumstantiis individuantibus. Status cognitionis ut relatæ ad prius objectum vocatur esse subiectivum, status ejusdem cognitionis, ut relatæ ad alterum objectum vocatur esse praedicativum. hinc posset distingui sic; circumstantiae individuantes cognoscerentur, & non cognoscerentur per cognitionem alterius objecti con. M. circumstantiae individuantes cognoscerentur, & non cognoscerentur per cognitionem ejusdem objecti neg. M.

Ad 4. con. ant. neg. conf. & paritatem. disparitas est, quia objectum identificatum in intellectu potest distingui per diversos conceptus inadæquatos in ordine ad diversa connotata, & cognitio unius connotati non est cognitio alterius connotati objectivè. adeoque illa cognitio non eo ipso terminatur formaliter ad duo identificata inter se ob diversas denominationes extrinsecas.

*Dices.* Ex his sequeretur, dari praecisionem objectivam, ergo. prob. ant. sequeretur quod Petreitas cognosceretur, & non cognosceretur, sed si hoc, tunc daretur praecisio objectiva, ergo.

*Resp.* neg. ant. ad prob. dist. M. sequeretur quod Petreitas non consequeretur realiter. n. M. formaliter sub. dist. sequeretur quod non cognosceretur formaliter praedicativè con. M. subiectivè neg. M. jam dictum est, esse praedicativum, & subiectivum esse eandem cognitionem relatam ad diversa objecta, & sic, sicut Petrus dexter est aliud realiter quam Petrus sinister sic cognitio relatæ ad hoc objectum est aliud, quod cognitio relatæ ad aliud objectum.

*Dices* 2. Saltem Petreitas cognosceretur subiectivè, 19 & non cognosceretur praedicativè, ergo, cum esse subiectivum, & praedicativum sit unus actus, cognosceretur simul per eundem actum, & non cognosceretur.

*Resp.* dist. ant. Petreitas non cognoscitur praedicativè formaliter con. ant. realiter neg. ant. quia praedicativè inter innumera alia singularia confusè cognoscitur etiam Petreitas, licet tendendo in omnia singularia, inter quæ est Petrus, non tendat in circumstantias individuantes Petri; sicut visio tendens in album non eo ipso tendit in nigrum, licet eadem visio sit simul albi, & nigri.

*Obj.* 4. Si maneret universale, tunc de Petro prædicaretur homo abstractus, hoc non potest dici, ergo. min. pat. quia Petrus non est homo abstractus. M. prob. quando dico Petrus est homo, sensus esset: Petrus est homo ut sic.

Secundò. Si universale maneret & tunc Petrus esset species, hoc est falsum, ergo. M. prob. quando dico

dico



dico, Petrus est homo, sensus esset; Petrus est homo ut sic: Sed homo ut sic est species. ergo.

Resp. ad 1. neg. M. ad prob. neg. ant. sensus enim est; Petrus est aliquid ex illa collectione hominum, quæ confusè cognoscitur.

Ad 2. similiter neg. M. & ad prob. neg. ant.

21. *Objic. 5.* Si homo prædicativè sumptus sumitur comparative ad singularia, tunc eo ipso non manet universalis: Sed; ergo. m. prob. si homo debet proximè esse prædicabilis de singularibus, tunc eo ipso sumitur comparative ad singularia: Sed; ergo. prima Major etiam probatur: si homo sumitur comparative ad singularia, tunc eo ipso jam explicite in conceptu hominis involvuntur singularia: Sed si hoc, tunc non manet universalis; ergo.

2. Si prædicatum intrinsecè respicit subiectum, tunc eo ipso ex parte prædicati adhuc exprimitur Petreitas: Sed; ergo. m. prob. non sumitur homo prædicativè nisi respectivè ad subiectum. ergo.

3. Humanitas à parte rei habens relationem ad Petreitatem non manet universalis; ergo humanitas prædicativè respiciens Petreitatem in intellectu intentionaliter non manet universalis.

22. *Resp. ad 1. dist. M.* si referatur ad singularia confusè, & indeterminatè sumpta neg. M. si referatur ad singularia determinatè sumpta sub. dist. si ad ea singularia referatur per relationem identitatis con. si ad ea referatur per relationem comparationis neg. M. simplex apprehensio prædicativa tantum comparat suum conceptum confusum cum subiecto, & facta comparatione intellectus primum identificat duos terminos ut jam præsuppositos ad suum iudicium. hinc patet Responsio ad secundum dist. si intrinsecè respicitur per relationem identitatis con. ant. si tantum per relationem comparationis neg.

Ad 3. con. ant. neg. cons. & paritatem: quia modus existendi realis denominat naturam humanam intrinsecè singularem, econtrà modus existendi intentionalis denominatur à diversis objectis, quorum unum est singulare, alterum universale.

## QUÆSTIO VII.

*An differentia specifica desumatur à forma, & individuatō à materia sigillata?*

1. **T** Thomistæ docent differentiam specificam sumi à forma, & individuationem à materia sigillata. Uthoc intelligas, supponendum est primò, dari quandam naturam communem in sensu Thomistarum, à qua existentia, & individuatō ad minimum virtualiter intrinsecè distinguatur. hæc natura communis de se una, ac indivisa nec est hæc, nec illa; sed participatur, & communicatur innumeris subiectis, retinendo suam intrinsecam unitatem, ac indivisionem; quæcunque igitur participant unam talem naturam communem, seu formam eatenus ejusdem speciei vocantur. v. g. illa subiecta, quæ participant naturam communem albedinis, lucis, humanitatis, eatenus unum specie dicuntur, unum videlicet in ratione albedinis, lucis, humanitatis &c. quia verò talis natura ordinatur ad diversa subiecta, ideo acquirit ordinationem, ordinem, seu relationem essentialē virtualiter di-

R. D. Euseb. Amori Philosophia.

stinctam ad diversa subiecta, & per istam ordinationem, ordinem seu relationem, ad diversa subiecta distinguitur illa natura communis à se ipsa numeraliter, seu singulariter; & quia interdum ista subiecta essent secundum se similia tam quoad materiam, tam quoad formam, ut si albedo existat in duobus ovis similibus, necesse est dari aliam diversitatem subiectorum, nempe circumstantias individuantes, seu accidentia limitantia ad tales circumstantias materiam. Subiectum in talibus circumstantiis positum, & talibus accidentibus affecta, vocatur materia sigillata v. g. materia ovi ut habens talem figuram, talem quantitatem, talem relationem ad suam causam, ad tempus, ad locum extrinsecum & vocatur materia sigillata, à qua specificatur ipsa individuatō hujus ovi: & quando aliqua natura communis in aliis entibus similiter ordine stabili ordinatur ad tale subiectum, eo ipso acquirit subiectum, seu ordinem ad materiam sigillatam, & in hoc respectu, seu ordine consistit ipsa individuatō. Dicunt quidem Thomistæ hanc individuationem realiter non distingui à natura communi, dicunt tamen illam distingui virtualiter intrinsecè à parte rei, dum videlicet Deus producendo ab initio ovum illi statim imprimit ordinem seu respectum ad seriem accidentium, quæ durante ovo illud involvunt. Exemplum habere possumus in albedine ovi: albedo enim ut sic nec est hæc, nec illa; quamprimum verò incipit uniri cum hoc subiecto, cum hoc ovo; statim incipit fieri hæc albedo, similiter ipsum ovum ut sic, seu ipsum subiectum nec est hoc, nec illud ovum, quamprimum verò hæc natura communis ovi, seu subiecti, seu materiæ incipit uniri cum his circumstantiis loci, & temporis &c. v. g. cum hoc loco nativitatis, cum hoc tempore hujus mensis, diei &c. tunc incipit fieri hoc ovum, & sic natura communis tam albedinis, quam ovi individuatō ultimato à suo subiecto, ut affecto his circumstantiis limitantibus, seu individuantibus. Videtur quidem, quod accidentia rei non tribuant distinctionem rei, si attendamus ad ipsam executionem, si verò attendamus ad intentionem naturæ, seu ad præordinationem divinam, id non videbitur mirum; nam, quando Deus creat aliquam naturam, tunc non creat illam cæcò modò, non prævidendo, quid cum hac sua creatura eventurum sit, igitur Deus prævidet omnes effectus, omnia accidentia, omnes relationes, & circumstantias, in quibus sua creatura ponenda est, & eo ipso prævidendo has omnes circumstantias, dum creat naturam, præordinat creaturam ad omnes illas circumstantias, & præordinatio imprimit creaturæ ordinem ad omnes circumstantias, & per hunc ipsam ordinem individuat naturam communem, seu facit, ut natura communis sit hæc, & non alia, eo ipso; quod præordinetur ad seriem talium effectuum, accidentium, & circumstantiarum, quæ omnia significantur per nomen materiæ sigillatæ.

*Dico 1. Entia spiritualia non sunt omnia diversa speciei, sed possunt differre solo numero:* Conclusio hæc est contrà Thomistas, qui cum in Angelis & entibus spiritualibus non admittant materiam, etiam non admittunt materiam sigillatam, adeoque nec admittunt differentiam individualement, sed tantum differentiam specificam, quæ desumitur à forma. prob. concl. non potest ostendi implicantiā. ergo.

Q

M. 105 Prob.



- 3 *Prob. concl. 2.* Entia corporea possunt differre solo numero, ergo etiam spiritualia quia non sunt minus perfecta entia spiritualia, quatenus habent potentialitatem, adeoque quoddam genus materię, quàm ipsa entia corporea, ergo si ista possunt differre solo numero, etiam illa poterunt differre.
- 4 *Prob. 3.* Si spiritualia non possunt differre solo numero, tunc eo ipso darentur innumeris Chori Angelorum, prob. M. tot darentur diversi gradus, quot darentur diversi conceptus. prob. M. unus Angelus non minus differret specie, quàm Angelus inferioris hierarchię, ergo.
- 5 *Prob. 4.* Si natura Angeli potest intrinsecè ordinari ad diversos effectus, diversa accidentia, tunc eo ipso potest habere individuationem, quin multiplicetur ad speciem, ergo. *m. pat.* quia utique Angelus potest ordinari ad inserviendum Petro, alter ad inserviendum Paulo. *M. prob.* si unus Angelus potest ordinari ad diversos effectus, tunc potest habere intrinsecum ordinem, respectum, seu relationem ad hos effectus, sed iste ordo est ipsa individuatō, ergo.
- Hinc sequitur, non dari speciem immultiplicabilem, quia omnis forma potest saltem ordinari ad diversos effectus, accidentia, ac circumstantias, adeoque potest individuari, & multiplicari.
- 6 *Dico 2. Individuatō in rebus corporeis non desumitur à materia sigillata.* prob. concl. si individuatō sumeretur à materia sigillata, tunc materia sigillata deberet intrinsecè esse immultiplicabilis: Hoc non potest dici; ergo. *M. pat.* quia si ipsa materia sigillata esset multiplicabilis, tunc deberet individuari per aliam individuationem, & distingui per aliam materiam sigillatam, & sic in infinitum. *m. prob.* si in materia sigillata nil potest assignari, quod sit immultiplicabile, tunc ipsa non est immultiplicabilis: Sed; ergo. *m. prob.* in materia nil datur, nisi v. g. ipsa materia, quantitas dimensiva, & qualitates: Atqui hæc omnia possunt multiplicari; ergo. *m. prob.* materia in sublunariis est ejusdem speciei in omnibus compositis, quantitas verò dimensiva, & qualitates possunt æquè esse in alio composito. ergo.
- 7 *Prob. 2.* Si materia sigillata tribueret individuationem tunc ista materia sigillata ne quidem posset intelligi: Sed hoc implicat; ergo. *M. prob.* si posset intelligi, tunc eo ipso posset multiplicari, videlicet quoad esse intentionale, & reale: Hoc implicat; ergo. *M. prob.* id quod existit in intellectu, & quod existit à parte rei conveniunt univoce, & sunt ejusdem speciei, prout fuit ostensum in Append. N. 1.
- 8 *Prob. 3.* Si individuatō desumeretur à materia sigillata, tunc differentia tota desumeretur ultimato ab accidentibus: Sed hoc est falsum; ergo. *m. prob.* possunt concipi duo ignes, qui prorsus similia habeant accidentia, & similem materiam; ergo individuatō in his duobus ignibus non potest desumi à diversis accidentibus.
- 9 *Prob. 4.* Si individuatō desumeretur à materia sigillata, seu ut vestita diversis accidentibus, tunc ipsa accidentia deberent differre individualiter per alia accidentia: Hoc non potest dici; ergo. *m. pat.* quia procederetur in infinitum.
- 10 *Prob. 5.* Si duæ quantitates possunt compenetrari manente distinctione individuali, tunc individuatō non potest desumi à diversis dimensionibus quantitatis: Sed; ergo. *M. prob.* si hæc quantitates possunt com-
- penetrari, tunc non potest assignari aliud distinctivum individuale. ergo.
- Prob. 6.* Si individuatō desumeretur à materia, tunc forma non posset manere individualis, dum separatur à materia: Hoc non potest dici; ergo. *m. prob.* quantitas hostię, rotunditas, albedo &c. manent post consecrationem eadem etiam si sint separatæ à materia; ergo eadem individuatō non desumitur à materia.
- Prob. concl. 7.* Dum concipio Petrum, aut Paulum, sentio mihi obversari individuationem, & non sentio mihi obversari aliquam relationem hujus objecti ad diversam materiam sigillatam; ergo individuatō in suo conceptu dicit aliud, quàm relationem, aut si dicit relationem, dicit aliam relationem, quàm ad materiam.
- Dices:* Thomistę per materiam sigillatam intelligunt seriem causarum, & effectuum, & accidentium, ad quæ res ordinatur; ergo omnia argumenta allata nil evincunt, quæ sumunt materiam sigillatam præcisè secundum se, non relative ad illam seriem.
- Resp. neg. ant.* quia si hoc intelligerent, non dicerent omnes Angelos ob defectum materię esse specie diversos.
- Dico 3. Differentia specifica non desumitur à forma.* 14 prob. concl. si differentia specifica desumeretur à forma, tunc differentia individualis desumeretur à materia sigillata: Hoc non potest dici; ergo. *M. prob.* si differentia specifica desumeretur à forma, tunc non posset dari ulla differentia ex parte formę, quin esset specifica, adeoque etiam differentia individualis non posset dari ex parte formę, sed ex parte materię; Sed hoc est falsum, ut patet in Angelis, qui sunt pura forma, & tamen habent differentiam, quæ non est specifica, sed numerica; ergo.
- Prob. 2.* Possunt formę ejusdem speciei esse inæquales in perfectione; ergo differentia formę non semper est differentia specifica. prob. ant. animę humanę sunt ejusdem speciei: Sed hæc sunt inæquales in perfectione etiam essentiali; ergo. minor est Thomistarum, qui admittunt animas humanas esse actu inæquales in perfectione.
- Prob. 3.* Si differentia specifica desumeretur à forma, tunc nunquam differentia materię sufficeret, ad differentiam specificam: Sed hoc non potest dici; ergo. prob. *m.* notabilis diversitas materię seu corporum in genere animalium sufficit ad differentiam specificam illorum animalium, etiam si animę talium animalium essent ejusdem speciei. ergo.
- Prob. 4.* Si differentia specifica desumeretur à forma, tunc nunquam haberemus certam regulam distinguendi unum specie ab altero, hoc est absurdum; ergo. *M. prob.* possent diversissimę formę esse in materiis similibus v. g. animę humanę quoad perfectionem inæquales; & in materiis dissimilibus possent dari similes formę, ut in animalibus; ergo nunquam haberemus certam regulam sensibilem.

## Solvuntur Objectiones.

- Obj. 1.* Autoritas Aristotelis, & D. Thomę, hi sæpius dicunt speciem sumi à forma, & individuationem à materia; ergo etiam differentia specifica desumitur à forma, & differentia individualis à materia.
- Resp.* ab aliis dist. ant. dicunt speciem sumi à forma, & individuationem à materia Logicè, seu quoad nos trans. ant. physicè, seu quoad se neg. ant. putant enim dum



dum duo distinguamus individualiter, quod tantum attendamus ad diversa accidentia, seu ad diversitatem subiecti, & ex ipsa diversitate subiecti argumentamur ad diversitatem individualem, e contra ex similitudine formæ argumentamur ad diversitatem specificam, adeoque quoad modum tendendi, concipiendi, aut subsistendi individuatio sumeretur à materia. verum hæc responsio non est solida, cum Divus Thomas in pluribus opusculis expresse designet individuacionem quoad nos, & quoad se, & hanc individuacionem quoad se expresse dicat desumi à materia hinc *Resp. 2. dist. ant.* dicit hoc secundum alium modum loquendi con. secundum alium modum cogitandi neg. D. Thomas per differentiam specificam in angelis id intelligit, quod nos nominamus individuacionem, nos proprie loquimur, cum species sit, quod prædicatur de pluribus numero differentibus, D. Thomas autem noluit in loquendi modo quamvis improprio recedere à moribus suorum temporum.

19 *Dices:* Individuum à Porphyrio definitur, quod sit, cujus collectio proprietatum non erit in alio eadem, ergo individuatio desumitur à collectione proprietatum accidentalium.

*Resp. dist. ant.* individuum definitur quoad nos con. ant. quoad se neg. ant. vel sic: definitur definitione accidentali con. ant. essentiali neg. ant. Porphyrius enim tantum voluit explicare, unde nos desumamus individuacionem, vel tantum voluit dare definitionem nominis.

*Resp. 2. con. ant. dist. conf.* desumitur à collectione proprietatum objective con. formaliter neg. individuatio enim ut videbimus formaliter consistit in relatione, seu respectu essentiali ad seriem proprietatum & effectuum illius individui.

20 *Obj. 2.* Si individua intrinsece exigunt diversam collectionem accidentium, tunc eo ipso distinguantur individualiter per istam diversam collectionem accidentium: Sed; ergo. min. prob. si individua exigunt intrinsece discerni ab invicem, tunc eo ipso exigunt intrinsece diversam collectionem accidentium: Sed; ergo. m. prob. foret magna confusio, si individua non discernerentur ab invicem, ergo exigunt discerni. ant. pat. quæ enim foret confusio, si unus homo non discerneretur ab altero.

*Resp. trans. M. neg. m. ad prob. dist. M.* si exigunt discerni exigentia respectiva materiæ con. M. si solum exigunt discerni exigentia respectiva serie effectuum, & circumstantiarum neg. M. verum quidem est, quod secundum leges divinæ sapientiæ individua debeant certis characteribus respectivè ad nos individuantes affici, eo fine, ut illa possimus discernere, huic tamen necessitati satisficit per relationem ad seriem effectuum, & circumstantiarum.

21 *Dices 1.* Si individua non exigerent diversam collectionem accidentium, tunc non esset ratio, cur potius haberent hanc collectionem, quam aliam: Hoc non potest dici, ergo exigunt talem collectionem diversam, adeoque etiam debet dari aliqua materia in qua fundetur illa exigentia diversæ collectionis. *Resp. neg. M.* & dico, rationem esse hanc, quia circumstantiæ præviæ ad productionem rei determinant divinam sapientiam ad tribuendam huic individuo potius hanc collectionem, quam aliam.

22 *Dices 2.* Ex hoc sequeretur, quod solus Deus determinet ad individuum, & quod in natura non daretur causa determinativa ad tribuendam potius hanc indi-

R. D. Euseb. Amort Philosophia.

viduationem, quam aliam: Sed hoc non potest dici; ergo. m. prob. si datur in natura quædam causa, de se apta determinandi Deum, potius pro hac individuacione, quam alia, tunc hoc non potest dici: Sed; ergo. M. pat. quia non debet recurri ad Deum, quamdiu adhuc superest, vel haberi potest determinativum creatum.

*Confirmatur:* Si operatio Divinæ Sapientiæ est continua, tunc eo ipso in natura unum est medium ad aliud, sed si hoc, tunc datur causa intrinseca determinativa Dei potius ad hanc individuacionem, quam aliam, adeoque aliqua materia sigillata, ergo.

*Resp. dist. sequeretur,* quod Deus determinet ad individuum respiciendo ad circumstantias, à quibus determinatur objective con. M. respiciendo ad materiam sigillatam, neg. M. dico enim Deum determinari ad tribuendam individuacionem, & hanc collectionem à circumstantiis, in quibus res ponitur, etiam si ex parte ipsius individui non detur intrinseca exigentia, aut determinativum, quod possit Deum movere ad tribuendam potius hanc individuacionem, quam aliam. ad prob. dist. debet assignari causa determinativa creata, occasionalis, & extrinseca con. M. intrinseca effectui neg. M. & confirm. dist. M. datur determinativum extrinsecum, & occasionale con. M. intrinsecum effectui neg. M. licet enim Deus omnia ordinare producat, ordinando semper antecedens ad suum consequens, non tamen sequitur, quod illud præcedens determinativum debeat esse aliquid intrinsecum effectui, sed sufficit, quod sit aliquid extrinsecum effectui.

*Obj. 3.* Si abstractio naturæ specificæ ab individuacione tantum fit per circumstantiarum præcisionem individuantium, tunc individuatio tantum desumitur à circumstantiis individuantibus: Sed; ergo. m. prob. Princeps Scholasticorum v. g. D. Thomas testatur, se cognitiones abstractivas hoc modo præcisivè facere.

2. Si datur forma communis virtualiter ab individuacione distincta, tunc illa forma non multiplicatur nisi per ordinem ad individuacionem distinctam à se: Sed si hoc, tunc individuatio desumitur à circumstantiis individuantibus; ergo ille ordo formæ communis potest convenientissimè terminari ad has circumstantias. ergo.

3. Si individuatio non desumeretur à circumstantiis individuantibus, tunc individuatio esset aliquid absolutum, hoc non potest dici, ergo. m. prob. si individuatio esset aliquid absolutum, tunc esset unitas immultiplicabilis, hoc non potest dici, ergo. m. prob. non potest intelligi illa perfectio, quæ non sit communicabilis pluribus subiectis, aut quæ non possit univocè existere à parte rei & in intellectu, ergo non datur unitas immultiplicabilis.

*Resp. dist. M.* tunc fit individuatio à circumstantiis individuantibus desumptis ex sigillatione materiæ neg. M. ex serie omnium effectuum, & circumstantiarum rem comprehendentium c. M. idem *Respond.* ad secundum & tertium. sensus patebit ex quæstione decima.

## Q U Æ S T I O VIII.

*An differentia Specifica desumatur ab inæqualitate perfectionum?*

Q Uidam Recentiores differentiam specificam desumunt ab inæqualitate perfectionum, dicunt enim,

O 2 omnia



omnia entia distare à Deo per quosdam gradus in perfectionibus, sic Angeli sunt imperfectiores Deo, & inter Angelos, qui sunt inferioris hierarchiæ sunt imperfectiores, quàm Angeli superioris hierarchiæ, Angelos in perfectione allequitur homo, dein bruta, & inter bruta iterum dantur gradus perfectionis v.g. inter leonem, & reptilia, post bruta sequerentur vegetantia v.g. arbores, & plantæ, & herbæ &c. sic ergo in his specie diversis entibus facile potest intelligi inæqualitas perfectionum; ita universaliter dicunt omnia entia diversa specie, ideo esse diversa, quia habent diversum gradum perfectionis, ita ut inæqualiter participent immensitatem divinam, seu cumulum perfectionum, Angelus enim participat hanc rationem perfectionum divinarum in majori mensura, homo in minori, omnia verò participant hoc mare in mensura inæquali.

2 Dico: *Differentia specifica non desumitur ab inæqualitate perfectionum.* prob. concl. dantur æqualia in perfectione, quæ tamen differunt specie, ergo hæc regula non convenit omni. prob. ant. dantur aliqua, quæ se habent per modum excedentis, & excessi v.g. vinum & oleum, de quibus utique possent litigare Dii, sicut de oliva, & equo litigarunt Mars, & Pallas.

3 Prob. 2. Non repugnat eandem perfectionem divinam participari secundum magis, & minus v.g. divinam sapientiam, & tamen erunt illa objecta participantia v.g. sapientia Platonis, & Aristotelis ejusdem speciei, ergo possunt dari entia ejusdem speciei, & tamen inæqualia in perfectione.

4 Prob. concl. 3. Ubiatio v.g. Pollingana, & ubiatio Tusculana differunt specie, & tamen non differunt quoad mensuram perfectionis.

5 Prob. 4. Visiones Dei intuitivæ, quam habent homo, & Angelus possunt esse æquales in perfectione, & tamen differre specie, ergo. prob. ant. hæc possunt fieri ob æqualia merita, ergo possunt esse ejusdem perfectionis; quod autem sint diversæ speciei patet, quia procedunt à principis specie diversis, ad quæ habent intrinsecum respectum.

Prob. 5. Juxta S. Paulum sunt diversæ participationes Spiritus, v.g. donum timoris, donum fortitudinis, donum sapientiæ, gratia sanitatum, dona linguarum, quæ omnia operatur unus Spiritus, non autem potest dici, quod hæc divisiones gratiarum sint inæquales in perfectione, licet differunt specie. Idem potest dici de virtutibus moralibus v.g. Theologicis, in quibus difficulter poterit assignari inæqualitas perfectionum, etiam si differant specie.

## Solvuntur Objectiones.

6 Obj. 1. Non possunt dari diversæ participationes Oceani, nisi secundum magis & minus, ergo etiam non potest dari diversa participatio Oceani perfectionum seu Dei, nisi secundum magis, & minus.

2. Quæcunque in aliquo genere differunt, hæc differunt, quod magis distent ab eo, quod est in eodem genere idem, ergo quæcunque differunt ratione entis per hoc differunt, quod plus vel minus distent à primo ente. ant. prob. ab inductione v.g. calores differunt inter se, in quantum plus, vel minus distant à summo calore, & ea, quæ habent aliquid imperfectionis in aliqua arte per hoc differunt, quod plus, vel minus distent ab eo, quod in illa arte est perfectissimum, & regula cæterorum.

3. Illa quæ differunt in quantitate, sunt inæqualia in quantitate, ergo etiam illa, quæ differunt in perfectionibus sunt inæqualia in perfectionibus. con. prob. ex celebri effato Divi Augustini quod in perfectionibus illud sit quantitas virtutis, quod in magnis est quantitas molis.

Resp. ad 1. transf. ant. neg. con. & paritatem dist. 7 paritas est, quia mare v.g. mediterraneum non habet diversas perfectiones, adeoque etiam non potest diversimodè participari, nisi secundum diversam quantitatem ejusdem perfectionis, econtrà mare perfectionum Deus, habet diversas perfectiones v.g. sapientiam, fortitudinem &c. igitur poterit diversimodè participari modò secundum hanc perfectionem, quin participetur secundum alteram, & quia sapientia, & fortitudo in Deo non sunt inæqualis perfectionis, ideo etiam fortitudo participata ex seipsa non est inæqualis perfectionis à sapientia participata.

Resp. 2. neg. ant. quia etiam mare potest diversimodè participari v.g. secundum falsedinem, quin participetur secundum aliam perfectionem, v.g. secundum dulcedinem, puta aquæ potabilis.

Resp. ad 2. dist. ant. differunt per hoc, quod plus, vel minus distent si sint in eodem genere perfectionis con. ant. si sint in diverso genere perfectionis neg. ant. illa enim, quæ sunt in diverso genere perfectionis, eo ipso possunt habere aliquam diversitatem, quin illam habeant à diversa distantia ab eo, quod in quovis genere est primum, talia sunt v.g. color, & sonus, de quibus non facile dici poterit, quis eorum sit perfectior.

Ad 3. transf. ant. neg. conf. & paritatem: disparitas est, quia quantitas perfectionum non dicit eandem rationem perfectionis, sed est aliquod prædicatum genericum commune pluribus diversis perfectionibus; igitur possunt habere perfectiones diversitatem, etiam si non habeant diversitatem in prædicato generico quantitatis, sicut homo, & equus differunt specie, etiam si non differant in prædicato generico.

Obj. 2. Si æqualia in perfectione sunt similia uni tertio, tunc etiam sunt similia inter se, adeoque sunt ejusdem speciei: Sed; ergo.

2. Si datur ordo inter species, tunc eo ipso datur inæqualitas perfectionum: Sed; ergo. prob. M. si datur ordo inter species, tunc eo ipso datur subordinatio: Sed si hoc, tunc datur inæqualitas perfectionum; ergo. m. prob. omnis subordinatio datur inter duo, quorum unum est perfectius altero, ergo.

3. Si species differunt ut numeri, tunc etiam differunt per inæqualitatem: Sed; ergo. m. pat. ex axioma Aristotelico: Species se habent ut numeri. prob. M. numeri tantum differunt per inæqualitatem unitatum, ergo.

Resp. ad 1. dist. M. sunt similia inter se in illo prædicato, in quo sunt similia uni tertio con. M. in alio prædicato neg. M. etiam si enim v.g. fortitudo, & sapientia sint similia alicui tertio v.g. justitiæ quoad gradum genericum entis, aut actus vitalis, non tamen sunt similia uni tertio quoad gradum specificum; similiter possunt esse similia uni tertio quoad gradum perfectionis, quin sint similia specie.

Ad 2. neg. M. ad prob. neg. vel dist. M. datur subordinatio specierum mutua transf. M. non. mutua neg. M. possunt v.g. equi ordinari ad trahendum currum, igitur datur ordo inter istos equos, & consequenter datur subordinatio in ordine ad eundem finem, ita tamen



tamen ut unus equus ordinetur ad secundum, & secundus ad primum, quia neuter seorsim trahit currum, interim tamen equi possunt esse ejusdem perfectionis. sic etiam Deus potest ordinare diversas creaturas ad eundem finem, ita tamen, ut subordinentur ad invicem, in quantum una debet servire alteri, sic corarius servit sutori, & sutor servit coriario, absque eo, quod unus sit perfectior altero.

Ad 3. dist. M. si species differunt ut numeri similitudine omnimoda con. M. aliqua similitudine neg. M. Aristoteles tantum in co-instituit paritatem inter species, & numeros, quod uno additio in numeris mutetur numerus, & una perfectione addita in speciebus mutetur species, non tamen voluit dicere, quod species componantur ex perfectionibus univocis, & ejusdem rationis, sicut numeri componuntur ex unitatibus univocis, & hinc licet numeri non differant inter se numeris per additionem, & subtractionem unitatum, poterunt tamen species differre inter se ob solam diversitatem perfectionum, etiam si una creatura habeat tot perfectiones, quot habet altera, v. g. etiam si canis habeat centum perfectiones, & vitulus etiam habeat centum perfectiones, differunt tamen specie, non ob inæqualitatem, sed ob debitam dissimilitudinem perfectionum.

## QUÆSTIO IX.

*An differentia specifica sumatur à prædicato nobilissimo, aut judicio prudentum, aut à dissimilitudine entitativa, aut prædicato pluribus communicabili?*

1 **P**allavicinus, & alii dicunt ea differre specie, quæ differunt in prædicato nobilissimo v. g. homo, & bruta differunt specie; prædicatum homini nobilissimum est rationalitas, & quia in hoc differt à brutis, propterea differt specie.

2 Lugo, & alii dicunt, ea differre specie, quæ habent differentiam notabilem secundum judicium prudentum: hæc opinio posset supponere ad differentiam specificam non sufficere quamcunque diversitatem essentialem, sed dependere à judicio prudentum, ad qualem diversitatem velint attendere, dum entia in certas classes distribuunt; adeoque ad differentiam requiritur differentia de se notabilis, seu apta specialiter notari ab hominibus, ita tamen, ut ista differentia de se apta ad constituendam diversam classem entium nondum actu constituat diversitatem, seu differentiam specificam, donec per attentionem hominum assumatur ad constituendam diversam classem entium.

3 Aliorum opinio est, illa differre specie, quæ differunt in prædicato pluribus communicabili, v. g. homo, & equus differunt specie, & differunt in rationalitate, rationalitas est prædicatum de pluribus prædicabile, nempe Petro, & Paulo: adeoque homo, & equus differunt in prædicato pluribus communicabili. e contra Petrus, & Paulus non differunt in rationalitate, aut alio prædicato pluribus communicabili, sed tantum in Petreitate, quæ est essentialiter incommunicabilis.

4 Communis nunc opinio est, illa differre specie, quæ differunt quoad similitudinem entitativam, &

hanc similitudinem entitativam desumunt ferè ab ipsis prædicatis, quæ sunt communia. De cætero explicatio horum authorum est vaga, obscura, & indeterminata, prout patebit ex objectionibus.

Dico 1. *Differentia non desumitur à prædicato nobilissimo.* prob. concl. explicatur obscurum per obscurum, ergo.

Prob. 2. Non datur certa regula, quidnam sit prædicatum nobilissimum.

Prob. 3. Differunt aliqua specie, quæ non differunt in prædicato nobilissimo. prob. ant. canis, & bos differunt specie, quin differant in prædicato nobilissimo, ergo. prob. ant. prædicatum nobilissimum est sentire, at in hoc non differunt, ergo.

Confirm. 1. Angeli differunt specie, & tamen non differunt in prædicato nobilissimo. ergo. prob. ant. prædicatum nobilissimum est esse intellectivum, sed in hoc non differunt, ergo.

Confirm. 2. Peccata v. g. blasphemia, & odium Dei differunt specie, & tamen non differunt in prædicato nobilissimo, ergo.

Confirm. 3. Actus amoris supernaturalis, & spei supernaturalis differunt specie, & tamen non differunt in prædicato nobilissimo ergo. prob. ant. prædicatum nobilissimum in amore supernaturali est supernaturalitas: Sed in hoc non differt ab actu spei, ergo. M. prob. si prædicatum nobilissimum in actu amoris supernaturalis esset ratio amoris, tunc actus amoris supernaturalis non differret ab actu amoris naturalis, hoc non potest dici, ergo. M. prob. non differrent in prædicato nobilissimo. ergo.

Dico 2. *Differentia specifica non desumitur à judicio prudentum.* prob. concl. si differentia specifica datur à parte rei antecederet ad omne judicium prudentum, tunc non debet desumi à judicio prudentum. m. prob. à parte rei nemine cogitante verum est, hominem differre specie ab equo.

Prob. 2. Judicium prudentum debet habere fundamentum, quod sit regula prudentiæ: Sed illud fundamentum, seu regula non dependet à judicio prudentum; ergo nec ipsa differentia specifica.

Prob. 3. Si differentia specifica deberet desumi à judicio prudentum, tunc Angeli, & aliæ res differrent specie, & non differrent, hoc non potest dici, ergo. M. prob. judicium quorundam prudentum dicit v. g. molossus Anglicus differre specie à caniculo Parisiensi, & judicium aliorum prudentum negat, ergo.

Prob. 4. Si differentia specifica desumeretur à judicio prudentum, & à differentia notabili, tunc duo colores differrent inter se specie, & tamen non differrent specie ab aliquo ente tertio intermedio: Sed hoc implicat; ergo. prob. M. duo colores v. g. albedo, & flavedo haberent inter se differentiam notabilem & tamen non haberent differentiam notabilem cum colore aliquo intermedio, qui dubitatur, utrum magis cum albedine, quam cum diluta flavedine conveniat, ergo duo colores extremi haberent differentiam specificam inter se, quin eam haberent ab ente tertio.

Dico 3. *Differentia specifica non desumitur à diversitate in prædicato pluribus communicabili.* prob. concl. differunt aliqua in prædicato pluribus communicabili, & tamen non differunt specie, ergo hæc regula non est universalis. prob. ant. unio Petri, & unio Pauli, differunt in essentiali respectu ad suum principium, & individuum: Sed hoc prædicatum est pluribus communicabile, & tamen hæc uniones non differunt specie; ergo.



ergo. M. pat. quia unio, quæ datur inter animam, & corpus Petri habet essentialem respectum ad animam Petri, nec potest existere in Paulo. m. quoad primum membrum prob. hoc prædicatum est communicabile pluribus unionibus possibilibus inter animam, & corpus Petri, ergo. prob. ant. potuisset Deus loco hujus unionis producere aliam, ergo.

9 *Prob. concl. 2.* Dantur varia prædicata differentialia pluribus communicabilia, quæ tamen non constituunt diversam speciem, ergo. prob. ant. sic v. g. possunt animæ humanæ differre quoad varias perfectiones essentielles, quin tamen differant specie.

10 *Dico 4. Differentia specifica non desumitur à dissimilitudine entitativa.* prob. concl. potest dubitari de inæqualitate animarum quoad aliquam perfectionem essentialem, quin eo ipso possit dubitari de unitate specifica, animarum, ergo dissimilitudo entitativa non eo ipso constituit differentiam specificam.

11 *Prob. concl. 2.* Non repugnat v. g. alicui actui amoris adnasci per identitatem aliquam tendentiam majoris, vel minoris intensiōis, vel tendentiam puræ benevolentiae, vel tendentiam ex motivo beneficiorum, vel bonitatis divinæ, item possunt cum illo identificari infiniti alii respectus identificati cum actu amoris, adeoque esse entitative iidem cum actu amoris, quæ omnia non sufficiunt ad conflandam diversam essentiam Metaphysicam, aut speciem diversi amoris; ergo ex dissimilitudine entitativa, non potest colligi differentia specifica.

12 *Prob. concl. 3.* Non repugnat, ut naturæ v. g. caninæ ex diversis circumstantiis successive per identitatem adnascantur variæ proprietates inseparabiles v. g. odoræ vis, aut sagacitas insequendi feras, quæ tamen, cum semper perseverent in eadem linea, ac familia, adeoque identifcentur cum illa familia canum, non tamen mutant speciem illius familiæ, eo quod causa, & effectus constanter maneat in eadem specie.

## Solvuntur Objectiones.

13 *Obj. 1.* Prædicatum specificum est nobilius omnibus aliis prædicatis, ergo illa differunt specie; quæ differunt in prædicato nobilissimo, prob. ant. prædicatum specificum est determinativum omnium aliorum prædicatorum, ergo est nobilius, quia illud quod determinat, est nobilius eo, quod determinatur prob. ant. 2. prædicatum specificum perficit suum subiectum per modum formæ ultimæ, ergo est nobilius reliquis prædicatis, quia ultima perfectio, quæ dat esse toti composito, utique est nobilior reliquis perfectionibus, quæ nondum dant esse composito.

*Prob. ant. 3.* Prædicatum specificum tribuit speciem enti, ergo est prædicatum nobilissimum, quia unde ens habet suam speciem, inde habet suam maximam perfectionem.

14 *Resp. ad 1. neg. ant. ad prob. dist. M.* est nobilius prædicatum quatenus est determinativum con. M. quod est determinativum neg. M. sic enim accidentia etiam v. g. albedo determinant subiectum v. g. hominem ad esse album non est tamen determinativum nobilius ipso homine.

*Ad 2.* Idem respondeo, prout etiam ad tertium, quod enim perficit, & quod dat speciem enti, formaliter, ac reduplicative sumptum est nobilius suo subiecto, sicut albedo est nobilior ente non albo, quatenus est non album, sed tamen non est nobilior ente non al-

bo, quod est non album, v. g. homine. aliud exemplum potest haberi in statua, in hac enim ultima resectio tribuit speciem toti statuae, & tamen ultimus actus artificis statuarii, aut pictoris non est perfectior precedentibus.

*Dices 1.* Qui sequitur judicium prudentum, non potest errare, ergo qui sequitur differentiam specificam juxta illud judicium prudentum non errat.

2. In moralibus differentia specifica debet desumi à judicio prudentum, ergo etiam in Physicis.

3. Posset dici in composito naturali non dari partem essentialem stabilem, ergo necessario essentia stabilis tantum dependet à stabili judicio prudentum.

*Resp. ad 1. neg. ant. vel dist. ant. talis non errat errore morali transf. ant. quia etiam hoc est fallum, errore Physico neg. ant. nam judicium prudentum non est infallibile, ergo licet quis sequendo hoc judicium in uno, vel altero casu non ageret contra regulas honestatis, ageret tamen sæpè contra regulas veritatis.*

*Ad 2. c. ant. neg. conf. & paritatem disparitas est, quia essentia compositi moralis unice dependet à voluntate humana, ergo etiam differentia specifica compositi moralis unice dependet à voluntate, seu arbitrio humano; hinc à sensu contrario, sicut essentia compositi naturalis non dependet à voluntate humana, ita nec differentia specifica.*

*Ad 3. neg. ant. Suppono enim essentias esse immutabiles etiam à parte rei.*

*Obj. 3.* Species est, quæ de solo numero differentibus prædicatur, ergo differentia specifica est, quæ datur in prædicato pluribus communicabili.

2. Unio Petri differt specie ab unione Pauli, ergo nostra ratio nihil probat. prob. ant. unio Petri plus differt ab unione Pauli, quam ab alia unione Petri possibili, ergo differt specie. prob. con. ab alia unione possibili, tantum differt numero, ergo si plus differt ab unione Pauli eo ipso differt specie.

3. Quæcunque differunt in prædicato plusquam numerico non differunt solo numero, sed quæ non differunt solo numero differunt specie, ergo, quæ differunt in prædicato plus quam numerico differunt specie. m. prob. non datur differentia intermedia inter differentiam numericam & specificam, ergo.

*Resp. ad 1. dist. ant. Species est, quæ prædicatur de solo numero differentibus in quid essentialiter, ac definitivè con. ant. alio modo neg. ant. alioquin etiam risibilitas in homine esset prædicatum specificum.*

*Ad 2. transf. ant. neg. con. ad prob. neg. M. quia differentia numerica, seu individualis habet suam latitudinem, ita ut variæ differentiae, quæ non pertinent ad essentiam definitivam, tantum referantur ad prædicata differentialia, aut omnino negligantur, ita ut neque ad speciem, nec ad individuum annumerentur.*

*Ad 3. neg. M. ratio est, quia differentia numerica habet latitudinem. vel neg. m. ad prob. dist. ant. non datur differentia intermedia nominata, & speciali attentione digna con. m. innominata & speciali attentione non digna neg. m. Philosophi tantum recensuerunt illas differentias, quæ specialiter serviunt ad conclusiones scientificas, tales sunt differentia generica, specifica, & individualis; quæ differentia verò proprietatum essentialium, quæ reperitur in diversis compositis, nullam fecerunt mentionem, quia ista differentia,*

quali



quali pedissequa sequitur ad differentiam specificam, seu essentialem.

## QUÆSTIO X.

### Unde desumatur Differentia Specifica?

**D**ico primo. Differentia Specifica desumitur à prædicato essentiali per seriem connaturalem effectuum ejusdem generis constanter immobili. Explicatur, & simul probatur conclusio. Seriem effectuum voco familiam causarum v.g. hominum, ignium &c. arborum, ab uno communi stipite, ac principio descendentium. In tali serie effectuum ob varias circumstantias varia individuis adnascuntur prædicata, v.g. huic homini adnascitur ex dispositione organorum major quædam innata sapientia, bonitas &c. in cane alia latrabilitas, alia magnitudo, alius color, alia velocitas, alia innata ars: sic ergo reperiuntur aliqua prædicata inter eandem familiam causarum successu temporum varia; dico illa non pertinere ad differentiam specificam, etiam si entitative identificarentur cum ipsa essentia rei; e contra verò ea, ac sola prædicata pertinere ad differentiam specificam, quæ ob vim naturæ materiæ insitam nullis unquam circumstantiis mutari possunt, nempe ea, quæ in aliqua linea causarum constanter sunt immutabilia. prob. concl. in primis ab inductione, & secundo quia nulla alia hæcenus regula melior producta est.

**Dico secundo Individuatio desumitur ab essentiali relatione ad seriem proprietatum, accidentium, effectuum, ac circumstantiarum, rem per discursum sui temporis involventium.** Sensus est: quod Deus concurrente ad productionem cujusque rei prævideat omnes effectus, ac circumstantias, ad quas illa res aliquando relationem habitura est, igitur jam in sua æterna Sapientia ordinat rem ad omnes illos effectus, & circumstantias, & sicut rem in sua mente ordinat, ita à parte rei verum est rem à Deo sic esse ordinatam: itaque Deus rei inprimit ordinem, ac relationem, ad omnes illos effectus, ac circumstantias; hic solus ordo est incommunicabilis pluribus jam ex suo conceptu, adeoque est formale constitutivum individui.

**Prob. concl. 1.** Quia non potest assignari melius, ac intelligibilius.

**Prob. concl. 2.** Non potest aliud intelligi, quod sit incommunicabile pluribus.

**Prob. concl. 3.** Hæc relatio est aliquid possibile, est possibiliter formale constitutivum individui, id est, si existeret esset formale constitutivum individui; ergo. actu est. prob. conf. est impossibile, possibile esse duo formalia constitutiva ejusdem rei; ergo si hæc relatio est possibiliter formale constitutivum, eo ipso est unicuique constitutivum formale.

### Solvuntur Objectiones.

**Obj. 1.** Contra 1. concl. per hanc regulam non assignatur regula differentie specificæ quoad entia ingenerabilia, & incorruptibilia, ut sunt materia prima, cœli, Angeli, animæ.

**2.** Hoc ipsum quaeritur in quo consistat illa vis immutabilis per seriem circumstantiarum omnium.

**Resp. ad 1.** Neg. ant. nulla enim creatura est immutabilis præter Deum, adeoque omnis creatura habet seriem effectuum, vel secundum motum generationis, vel secundum motum augmentationis, vel motus loca-

lis, vel alterationis. Illa igitur, quæ in suo serie effectuum constanter retinent naturam suam, quatenus retinent, unum specie dicuntur; sic Angeli permutant sua officia, suas functiones, & quæcunque in iis mutabilia sunt, non pertinent ad speciem, quæ verò in aliquo Choro, seu familia Angelorum immutabilia sunt, pertinent ad speciem.

**Ad 2.** dico consistere eam vim in natura rei à Deo indita, ut sunt animalitas, & rationalitas, si has cognoveris, nosces etiam illam.

**Dices:** Cælum v.g. retinet immobiliter suam figuram rotundam, & alia accidentia, quin ab iis accidentibus desumatur differentia specifica; ergo non omne immutabile tribuit enti speciem.

**Resp. con. ant. neg. conf. & suppositum,** quod nos desumamus differentiam à prædicatis accidentalibus: dicit eim conclusio, illa prædicata, unde sumitur differentia, debere simul esse essentialia, & simul immutabilia.

**Obj. 2.** Pisces transeunt in naturam avium, sicque mutant speciem suam, idem fit in vermibus, dum v.g. araneæ mutantur in vermes, aut vicissim & vermes mutantur in volatilia; ergo non semper in una eademque familia effectuum servatur eadem species.

**2.** In brutis videmus novas subin nasci species, & monstra; ergo non semper causa servat identitatem specificam per seriem suorum effectuum.

**Resp. ad 1. & 2.** in his exemplis semper servari identitatem specificam, quando non interveniunt causæ æquivocæ, ac alterius speciei.

**Obj. 3.** Omnes species entium potuissent statim in prima creatione discerni, quando nondum sciebatur series effectuum, & hucusque actu fuere discretæ species sine hac nostra regula; ergo agnitum fuit aliud differentiale specificum, ergo datur aliud.

**Resp. dist. conf. datur aliud differentiale specificum quoad nos transf. conf. quoad se neg. conf.** nos pro differentiali specifico habemus diversam collectionem proprietatum sensibilium; hæc diversa collectio serè semper infert vim immutabilem constanter servandi naturam suam diversam à natura aliorum entium; sed hæc regula fallit quandoque, sicut actu fallit in verme, & volatili ex verme.

**Obj. 4.** Producitur aliquando substantia ab accidentibus, ergo series effectuum non infert unitatem specificam illius seriei.

**2.** Substantiæ producunt accidentia; ergo iterum non datur univocatio specifica inter causam, & effectum.

**Resp. con. ant. neg. conf. & suppositum,** quod nos dicamus ea præcisè esse eadem specie, quæ sunt in una serie causarum, sed dicimus illa esse eadem specie, quæ habent eadem prædicata essentialia in serie causarum constanter immobilia; accidens, & substantia nunquam habent eadem prædicata essentialia; multò minus constanter immobilia.

**Obj. 5.** Sæpè actus naturales influunt in actus supernaturales specie diversos, v.g. tendentia amoris ex suo genere naturalis influit in amorem supernaturalem Dei; ergo unitas seriei nec infert, nec tollit unitatem specificam.

**Resp. con. ant. neg. conf. & suppositum,** quod nos ab unitate seriei desumamus unitatem specificam; dicimus enim immobilitatem prædicati constanter ejusdem in serie effectuum arguere unitatem specificam, & ejusdem mutationem arguere differentiam specificam,



cam, videlicet talis prædicati, quod pertinet ad diversam seriem effectuum.

- 10 *Obj. 6.* Contra 2. ex hoc sequeretur, quod qualibet res, in primo momento jam sit determinata ad omnes effectus, adeoque primò sequitur, quod animæ non sit amplius liberum operari, vel non operari.

2. Causa jam erit ex se determinata ad omnes effectus, nec erit opus nova aliqua actione sublativa indifferentiæ.

3. Dabitur series causarum, & effectuum. 4. Creatura determinabit ad individuum, quæ omnia sunt falsa, maxime in sententia Recentiorum.

- 11 *Resp. ad 1. neg. seq.* quia Deus talem relationem individuam tantum imprimit animæ ex prævisione determinaturus liberæ, hinc qui cognosceret animam individualementem comprehensivè, eo ipso cognosceret omnes illius actus totâ vitâ futuros.

Ad 2. iterum neg. ant. quia hæc relatio individualis est prorsus diversa à sublativo indifferentiæ; relatio individualis est nuda relatio speculativa, sublativum autem indifferentiæ non est nuda relatio, sed dum respicit effectum, simul physicè ponit effectum, sicut enim in mente, aliud est præscientia futuri, aliud determinatio ad futurum, sic & relationes speculativæ, & practicæ aliud sunt. Relatio speculativa individualis tantum in speculo repræsentat futurum, non ponit.

Ad 3. Iterum neg. ant. uti etiam ad 4. quia series effectuum & determinatio ad individuum fundatur in sublativo indifferentiæ ad efficientiam, nostra autem relatio individualis non est activa, sed pura relatio speculativa.

- 12 *Obj. 7.* Si individuatio desumitur à serie effectuum, tunc illa individuatio est aliquid infinitum, per totam enim æternitatem erunt infiniti effectus.

2. Videtur impossibile, unum ens habere relationem semper actualementem, ad effectus, & circumstantias totius universi propè infinitas.

- 13 *Resp. ad 1. neg. ant.* in æternitate enim cessat tempus, adeoque motus: nos relationem individualementem restringimus ad seriem effectuum, & motum utique in tempore existentium à principio creationis, usque ad finem mundi, & sive Deus hanc, sive aliam mensuram individuationis ponere velit, illa ex sua natura erit incommunicabilis, quia est effectus decreti divini non volentis aliam causam similem ponere in similibus circumstantiis, imò nec valentis ponere duas causas similes in iisdem circumstantiis, quia non possunt concipi.

Ad 2. neg. ant. quia mundus per hanc solam relationem in omni ente resplendet totus, hinc qui unum individuum v. g. pulvisculum comprehensivè cognosceret, eo ipso comprehensivè cognosceret totum universum, & Deum, tanquam authorem naturæ, sicque suo modo verum est, omnia esse in omnibus, & in minimo puncto mundum.

## QUÆSTIO XI.

*Unde desumatur differentia specifica  
Compositorum maxime moralium?*

- 1 *Ico 1.* Differentia specifica, in compositis, tam naturalibus, quam moralibus non desumitur à diversitate partium etiam essentialium.

*Prob. concl.* arbor v. g. omnes suas partes habet diversas à partibus germinis, & tamen est idem numero ac specie cum germine.

*Dico 2.* Differentia specifica compositorum debet desumi à diversitate principii, pro diversitate temporum, aut locorum diversas partes essentielles exigentis immobiliter. hinc si idem principium exigeret pro diversitate temporum diversas partes essentielles, tunc diversæ partes essentielles non arguerent differentiam specificam.

*Prob. concl. negatvè,* quia non potest dari instantia, in qua hæc regula non procedat.

*Dico 3.* Differentia specifica compositorum moralium debet desumi à merito objectivo distinctionis moralis. *prob. concl.* meritum objectivum distinctionis moralis nil aliud est, quam diversitas, quæ sufficit ad prudenter constituendam diversam classem entium, etiam si non necessario illam constituat: Sed in tali diversitate potest constitui differentia specifica; ergo. Meritum objectivum non necessario debet attendi ab hominibus, ut referantur res diversæ ad diversam classem entium, quia dependet ab arbitrio hominum: utrum illam diversitatem velint considerare tanquam accidentalem, aut essentialem, adeoque ut meritum objectivum actu constituat differentiam specificam requiritur, ut actu attendatur, & assumatur ab hominibus.

*Dico 4.* Omne compositum tam naturale, quam morale potest esse totum successivum, cuius omnes partes essentielles non simul actu existunt. & hinc sequitur idem compositum successivè posse habere diversas partes essentielles, ita ut differat essentialiter à se ipso diversitate essentiali partium, non diversitate essentiali totius. *concl. pat. ex prima concl.*

*Dico 5.* Essentia seu species in composito morali non mutatur, etiam si mutantur partes essentielles. *prob. concl.* si potest manere idem principium exigitivum diversarum partium essentialium pro diversitate temporum, tunc non mutatur essentia, etiam si mutantur partes essentielles: Sed; ergo. *m. pat.* in hoc toto successivo quod est annus, annus enim nunquam mutatur, etiam si illius partes essentielles singulis momentis fluant, & mutantur durationes, tanquam partes constitutivæ annui temporis, dum una essentialiter succedit alteri.

*Dico 6.* In toto essentiali successivo illa partes actu constitutivæ essentiam rei, quæ pro illo tempore, & circumstantiis requiruntur ad constituendum totum. *prob. concl.* in hoc conceptu nulla datur inconvenientia. ergo.

*Prob. 2.* Ab inductione variorum talium compositorum successivorum. sic 1. templum consecratum est aliquod compositum morale, in quo intercedunt 1. structura lapidum ac lignorum. 2. inunctio murorum. 3. preces, & ceremoniæ: ex his partibus resultat hoc totum, quod nominamus templum consecratum, si tantum pars aliqua templi destruat, eaque novo edificio suppleatur remanet eadem consecratio, idem antiquum templum consecratum; successu temporis hinc inde destructis, ac reparatis partibus templi fieri poterit, ut de priori templo ne quidem unus super sit lapis, eo quod fortè extructum in augustiorem formam notabiles hinc inde accessiones subiecit, si tamen illa mutatio successivè fiat, ut nunquam simpliciter verum sit extrui novum templum, dicitur remanere idem, quod prius fuit, consecratum templum, eadem prior consecratio. adeoque mutatis partibus essentialibus omnibus, adhuc remanet eadem essentia. Alterum exemplum est in Romano Imperio, quod Hæreticis jam quarto



ſeculò interiſſe, Catholici verò permariſſe volunt. Hoc Romanum Imperium eſt aliquod compositum morale actione humana in unum corpus coadunatum. Si conſideremus hoc Imperium conferendo ejus initia cum ſtatu moderno præter Romanas Aquilas, & nudum nomen vix ullam partem antiqui illius Imperii reliquam reperiemus; interim ſucceſſio ininterrupta conſervavit identitatem eſſentialem, & effectus morales ad hanc identitatem conſequentes, videlicet jura, obligationes, quæ manſerunt in hodiernum diem. Simile exemplum præbent Authores de illa legione, quæ apud Perſas vocabatur quondam Immortalis, in qua non tantum homines, ſed & leges militares, & forma armorum, & quicquid demum ad illam conſtituendam ſerviebat ſucceſſu temporum mutatum eſt.

Similiter, cur poſt tot ſæcula de navi Theſei tabulam ſuperuiſſe credimus? durabat tamen navis illa, & monſtrabatur per plura ſæcula: fluvius Hæracliti fluit in omne fluibilis ævum ſemper idem, etiam repugnante Hæraclio; guttulam tamen vel unicam quis mihi æviternam daturus eſt? Roma eadem etiamnum ab orbe colitur, etiamſi in ruinis ſuis quoad par-

tes ſui conſtitutivas dudum ſepulta ſit. Sic: arbor latet in ſemine: quantum minantes ſyderibus Cedri à ſemine trahunt? quicquid creſcit, & alitur, patitur, ſuppletque ſuarum damna partium, & fortè doctam canunt indoctis fabulam, qui vel in ipſo homine, nescio quas, primigenias cordis particulas meditantur; ego verò, dum vitam rogo, Deum nunquam ſupplex rogaverim, ut has mihi particulas conſtantes, ac immutabiles ſervet, perinde cordi humano eſt, quidnam in conſortium gaudiorum ſuorum, pœnarumque perenne, vel periturum trahat. Interim in omnibus his objectis ſervatur conſtans identitas totius eſſentiæ, manet res eſſentialiter eadem, quamvis partium diverſitas perpetua ſuccedat. quoniam verò ita placet torrenti loquentium tribuere etiam compositis moralibus eſſentiæ, dicamus univerſum omnes illas eſſentias eſſe immutabiles immutabilitate totius, non immutabilitate partium; dicamus: identitatem ſalvari in merito objectivo, quod præbet fundamentum facile arbitrio hominum præſtandi identitatem. Hoc meritum manet ſemper etiamſi partes fluant, & ſecundum conditiones rerum non enarrabiles diſformi æqualitate formas diverſiſſimas rebus inducant.

## PRÆDICAMENTA.

**P**rædicamenta ſunt Prædicata Generalia quæ reperiuntur in omni re, & poſſunt prædicari de omni re. Ariſtotele placuit ea in decem claſſes diſtinguere; alii diſtinguunt in pauciores, alii in plures.

Diſtinguit igitur Ariſtoteles Prædicamenta

1. in Subſtantiam.
2. Quantitatem.
3. Qualitatem.
4. Locum.
5. Tempus.
6. Actionem.
7. Paſſionem.
8. Relationem.
9. Situm.
10. Habitum.

Finis hujus diviſionis apud Veteres erat, ut de omni re ex tempore aut diſſerere, aut probabiliter diſputare poſſent. hinc Ariſtoteles de prædicamentis fere nihil tradidit, niſi definitiones nominis, & diviſiones. non tamen videtur hæc diviſio eſſe accurata, quia omiſſa diviſione ſubſtantia, tantum in novem claſſes accidentia dividit; & inter hæc ipſa membra dividentia non omnia pugnant inter ſe, ſaltem ſufficienter: v. g. locus & ſitus, qualitas & habitus.

Ante-Prædicamenta Ariſtoteles egit de univocis, æquivocis, & analogis; hæc poſteri vocârunt Ante-Prædicamenta. Porphyrius verò Prædicamentis præmiſit quinque Prædicabilia ſeu Univerſalia, totidemque veluti Ante-Prædicamenta. Scholaſtici verò non contenti his Ante-Prædicamentis & Prædicamentis, innumeras alias quæſtiones, Metaphyſicas potius quàm Logicas, adjunxerunt, & in Ante-Prædicamentis de toto & parte, de Concretis,

R. D. Euſeb. Amore Philoſophia.

de Univocatione, de Poſſibilitate entium &c. tanquam aliis attributis generalibus omnium entium, agere cœperunt. Hos & nos ſequimur: adeoque

Quæritur Primò: Quæ ſit regula partis, & totius?

Secundò: Quæ ſit regula concretorum & denominationum?

Tertiò: An ens univocè conveniat Deo, ſubſtantia, & accidenti?

Quartò: In quo conſiſtat poſſibilitas entis?

Quintò: Quæ ſit natura Relationis?

De aliis Prædicamentis agetur in Phyſica.

### QUÆSTIO I.

#### Quæ ſit Regula partis?

**Notandum I.** Totum nihil aliud eſſe, quàm omnes partes ſimul ſumptas; ſic homo nihil aliud eſt, niſi corpus, anima, & unio; & domus nihil aliud eſt, quàm lapides, cœmentum, ligna, & horum combinatio &c. In homine corpus & anima vocantur partes *ut quod*, & unio vocatur pars *ut quo*, quia mediante unione conſtituitur totum; ſimiliter in domo lapides, ligna &c. ſunt partes *ut quod*, combinatio verò eſt pars *ut quo*. Hinc totum cognosci nihil aliud eſt, quàm cognosci omnes partes, nec aliter totum cognosci poterit, niſi cognoscantur omnes partes. Hoc verò ipſum difficulter ſtatuitur, quidnam ſumi debeat pro parte conſtitutiva rei, id eſt, quid ſit pars?

P

Notan.



2. *Notandum 2.* Hanc quæstionem in Moralibus esse alicujus momenti, quia in Moralibus sæpe quæritur quæ, & quot sint partes rei? v. g. Sacramentum Pœnitentiæ est aliquod totum, quæritur quot sint partes? Scotistæ assignant unam, alii duas, multi tres, aut quatuor, aut adhuc plures. Similiter Ecclesia est aliquod totum, quæritur, quanam sint partes constitutivæ? Hæretici assignant alias partes, alias Catholici; quidam pro articulis fundamentalibus constitutivis fidei requirunt tria, alii quatuor &c. quidam volunt Ecclesiam desisse in Romanam, eo quod desierit aliqua pars, vel accesserit nova pars. Similes quæstiones agitantur circa Romanum Imperium, circa Concilia Generalia, circa Sacramenta &c. dum v. g. quæritur, an intentio ministri sit pars Sacramenti? item circa Religiosos Ordines, & universim circa omne concretum quod habet diversas partes.

3. *Not. 3.* Partes esse vel *essentiales*, vel *integrales*, vel *accidentales*. *Pars essentialis* vocatur quæ requiritur ad constituendam essentiam rei; *pars integralis* vocatur, quæ exigitur ad constituendam integritatem rei; *pars accidentalis*, quæ omnino non exigitur, sed potest adesse vel abesse sine ulla subjecti corruptione: sic in homine corpus & anima sunt partes essentielles; pes humanus est pars integralis, quia licet sine pede posset existere homo, exigitur tamen à natura humana tanquam suæ naturæ complementum & perfectivum. Econtrà longitudo vel proceritas est accidentis, quia natura humana non exigit determinatam longitudinem sicut nec determinatam colorem.

4. *Dico 1.* *Non est bona regula partis qua dicitur: partem esse id, sine quo totum nec esse nec concipi potest.* Prob. con. Hæc regula non convenit soli; ergo non est bona. prob. ant. hæc regula convenit etiam Deo in ordine ad mundum, & tamen Deus non est pars mundi. ergo. prob. ant. mundus nec potest esse sine Deo, nec etiam potest concipi sine relatione ad Deum; ergo. ant. patet, quia Deus est causa conservativa mundi, & in mundo inter alias partes datur etiam relatio ad Deum, quæ sine suo termino concipi non potest. hinc etiam sequeretur ex Adversariorum sententia, Deum non posse annihilare mundum, quin destrueret seipsum, quia Deus non posset annihilare mundum, quin destrueret omnes partes mundi, hoc autem facere non posset quin destrueret se ipsum, utputa partem mundi. prob. ant. secundo. Actio non potest concipi sine agente, & tamen agens non est pars actionis; ergo illud non est pars sine quo alterum non potest concipi. Idem potest dici de modis & possibilitate entis, quia modus v. g. figura non potest concipi sine re habente figuram, nec rotunditas sine rotundo. similiter Petrus non potest concipi sine sua possibilitate, & tamen sua possibilitas non est pars Petri.

*Dico 2.* *Parse est id, quo solo non posito, non ponitur formaliter totum, & quo posito formaliter ponitur totum.* Sensus conclusionis est: quod pars sit id, quo solo non posito, non formaliter concipitur totum. formaliter enim ponere totum est nihil aliud, quam formaliter concipere totum. Prob. con. Hæc regula est universalis, clara, & facile applicabilis; ergo est

bona. ant. prob. ab inductione, & non potest afferri instantia in qua non procedat; sic enim anima est pars hominis, quia anima non posita non concipio hominem, & hac posita positis reliquis omnibus concipio hominem. Similis inductio fieri potest circa alia tota.

*Dico 3.* *In Moralibus ad distinguendas partes à non partibus possunt servire sequentia signa:*

1. Illud est pars, ad quod homines attendunt dum immediate cogitant aut loquuntur de re.
2. Illud est pars, ad quod homines attendunt dum requirunt causam immediatam effectuum & proprietatum moralium.
3. Illud est pars, ad quod homines attendunt dum loquuntur aut cogitant de subjecto denominationum moralium: exemplum habes in hoc toto, quod est templum, Respublica, Ecclesia, Sacramentum.

Prob. con. In toto morali partes dependent ab arbitrio hominum; ergo illud est pars, ad quod homines attendunt, dum agunt ex suo arbitrio, aut certe præsumuntur habere similia arbitria, qualia habuerunt primi authores talium compositorum moralium.

*Dico 4.* *Pars integralis est, qua in individuo vel specie non posita exigitur, non ponitur totum, & qua posita ponitur totum.* Exemplum habes in manu vel pede: si uni individuo hominis, v. g. Petro deesset manus, daretur quidem Petrus, si tamen natura Petri ne quidem exigeret manum aut pedem, non daretur natura humana in Petro. aut certè si ponatur Petrus non indigere manu, tamen species naturæ humanæ exigeret manum in genere ac universim. sensus proin est: illud quod non exigitur à toto non esse partem integram. Prob. con. pars integralis potest absolute abesse vel adesse in individuo, vel quoad speciem; ergo solum illud est pars integralis, qua non posita exigitur, non ponitur totum.

*Dico 5.* *In toto Materiali & Morali & successivo nulla pars in individuo est essentialis.* Prob. con. In corpore animalis v. g. nulla pars assignabilis est id, quo non posito non ponitur totum; ergo nulla est essentialis. ant. patet, quia nulla est assignabilis particula seu corpusculum in pede, cerebro, corde &c. quod per transpirationem non possit absumi. Idem patet in totis Moralibus & successivis, nam totum Morale v. g. Communitas aut Respublica quoad individua transit, & tamen manet totum: In toto successivo v. g. anno transeunt partes, nempe dies & horæ, & tamen nondum finitur annus. Similia exempla attuli Quæst. 11. de Universal.

*Dico 6.* *In toto successivo illud est pars, quo pro aliqua temporis differentia non posito pro illa differentia non ponitur totum.* Prob. con. Totum successivum pro diverso tempore habet diversas partes sui constitutivas; ergo solum illud est pars, quod pro aliqua temporis differentia absolute requiritur ad constitutionem rei. v. g. in herbis, arbore, corpore humano &c. licet quælibet pars posset abesse, si tamen magna collectio partium in hoc instanti desit, non erit herba, nec arbor &c. itaque hoc instanti illæ partes erunt essentielles.



## Solvuntur Objectiones.

10 *Objie. 1.* contra 2. *Concl.* Hæc regula non convenit soli: ergo. prob. ant. hæc regula partis convenit etiam toti composito: Sed totum non est pars; ergo. prob. M. solo toto non posito non ponitur totum, & hoc toto posito ponitur totum. ergo.

*Resp.* neg. ant. ad prob. n. M. ad prob. dist. ant. solo toto non posito non ponitur totum in sensu inclusivo con. ant. in sensu exclusivo n. ant. regula partis habet sensum exclusivum non inclusivum; sensus enim est, *sola parte non posita, & positis reliquis omnibus non ponitur totum*: quod autem iste sit sensus patet ex similibus propositionibus exponibilibus: sic enim quando dico: *Solus Petrus negavit Christum*; sensus est: Petrus negavit, & reliqui non negarunt; ergo etiam hic, quando dicitur *sola parte non posita*, sensus debet esse: *una parte non posita, & positis reliquis omnibus*. quia unius exceptio est non exceptorum positio, & unius solius negatio est reliquorum non negatorum affirmatio.

11 *Objie. 2.* Hæc regula supponeret etiam Deum esse partem creaturæ: Sed hoc est falsum; ergo &c. prob. M. solo Deo non posito non ponitur creatura; ergo hæc regula supponeret &c.

*Resp.* n. M. ad prob. dist. ant. solo Deo non posito non ponitur creatura causaliter. conc. ant. non ponitur creatura formaliter neg. ant. creatura non potest quidem existere, quin causetur à Deo, potest tamen concipi, quin concipiatur Deus.

12 *Dices 1.* Solo Deo non posito nec formaliter ponitur creatura: ergo. prob. ant. si creatura dicit intrinsecum respectum ad Deum, tunc nec ponitur formaliter; Sed creatura dicit intrinsecum respectum ad Deum; ergo solo Deo non posito nec formaliter ponitur creatura. m. prob. creatura est creatoris creatura, ergo. creatura dicit intrinsecum respectum &c.

*Resp.* n. ant. ad prob. d. M. si creatura dicit intrinsecum respectum ad Deum etiam denominativè sumpta c. M. si creatura tantum reduplicativè sumpta dicit intrinsecum respectum ad Deum n. M. & simili modo distincta m. neg. conf. creatura enim in quantum est creatura non potest quidem concipi sine Deo, sed illud, quod est creatura, potest concipi sine Deo, prout de facto concipitur à gentilibus seu ignorantibus.

13 *Dices 2.* Creatura nec denominativè sumpta potest concipi sine Deo; ergo. prob. ant. creatura essentialiter ducit in notitiam Dei. ergo. ant. patet, quia supponitur Deum non posse ignorari etiam à gentilibus.

*Resp.* n. ant. ad prob. tr. ant. d. c. ergo non potest concipi creatura sine Deo concomitanter cognito trans. formaliter cognito n. conf. Etiam si cognitio creaturæ vi luminis naturalis semper concomitanter ingeneraret menti cognitionem Dei, tamen cognitio creaturæ non esset formaliter cognitio Dei, sed esset cum cognitione Dei.

14 *Dices 3.* Creatura nec potest denominativè sumpta formaliter cognosci quin cognoscatur Deus; ergo. prob. ant. relatio creaturæ ad Deum etiam quæ talis est, non potest formaliter cognosci, quin cognoscatur Deus, sed ea relatio est creatura, & entitativè idem cum omni ente creato.

*Resp.* n. ant. ad prob. d. M. non potest cognosci relatio. R. D. Euseb. *Amor Philosophia.*

tio, quin cognoscatur Deus formaliter in obliquo c. M. quin cognoscatur formaliter in recto n. M. Hæc relatio creaturæ ad Deum cognoscitur in ordine ad Deum tanquam ad aliquod connotatum creaturæ extrinsecum, non verò cognoscitur in ordine ad Deum tanquam ad compartem creaturæ intrinsecam.

Potest etiam sic dist. Creatura non potest concipi sine Deo cadente extra totam formalitatem creaturæ conc. cadente intra formalitatem creaturæ n. unum relativum non potest concipi sine altero, sed alterum non concipitur in ipso relativo. Idem responderi debet ad similia objecta relativa v.g. ad unionem & actionem, unio enim est id, quod non potest concipi sine aliqua re unita v.g. sine anima aut corpore, etiam si nec anima nec corpus sit pars unionis, adeoque dum dicitur in conclusionem: *positis reliquis omnibus*, sensus est: *positis reliquis omnibus partibus*, quæ semper importantur in recto. *Alii respondent*, regulam partis esse intelligendam in hypothese possibili, nam verò in hypothese impossibili, ita ut sensus sit illud esse partem, quo solo non posito non ponitur totum, si possint poni reliquæ partes sine tali comparte.

*Dices 1.* Si regula partis est vera in sensu exclusivo, 15 tunc non est universalis: Sed; ergo. M. prob. si hæc regula est vera in sensu exclusivo, tunc erit sensus: *pars est id, qua sola non posita & positis omnibus aliis non ponitur totum*; Sed si hic est sensus, tunc non est universalis; ergo. prob. m. si hic est sensus, tunc debent posse poni omnes reliquæ partes, quin ponatur una pars: Sed hoc non est universale; ergo. m. prob. v.g. in homine non potest poni corpus & unio, & sola anima non poni, ergo non possunt reliqua omnia poni, & una pars sola non poni.

*Resp.* n. M. ad prob. trans. M. n. m. ad hujus prob. item tr. M. n. m. ad prob. d. ant. non potest poni corpus & unio realiter, & sola anima non poni c. ant. non potest poni corpus & unio formaliter & sola anima non poni n. ant. Possum dicere: corpus est alicui rei unitum, adeoque potest concipi corpus & unio, quin adhuc sciam, cuiam rei sit unitum, adeoque formaliter in intellectu non eo ipso ponitur anima; sic in triduo mortis Corpus Christi fuit unitum Divinitati, quin fuerit unitum animæ, & tunc ista abstractio erat etiam vera realiter.

*Dices 2.* Datur casus, in quo una parte non posita nec formaliter possunt poni reliquæ partes; ergo adhuc regula non est universalis? prob. ant. sola prima die anni non posita non possunt poni reliquæ dies anni etiam formaliter; ergo prob. ant. si dies subsequentes, v.g. secundus, tertius &c. essentialiter in suo conceptu supponunt diem præcedentem, tunc dies subsequentes nec possunt formaliter poni sine primo die: Sed; ergo. m. patet, quia duratio subsequens secundæ & tertiæ diei est essentialiter respectiva relatio ad durationem præcedentem, utpote cum sit annus aliquid physicè successivum.

*Resp.* n. ant. ad prob. d. ant. non possunt formaliter poni dies subsequentes sine præcedenti reduplicativè sumpti c. ant. denominativè sumpti n. ant. id est, possum cogitare de hodierno die non cogitando de hesterno; si autem cogito de hodierno die, in quantum est subsequens, tunc cogito quidem de hesterno, sed hesternus tantum importatur in obliquo, sicut supra dictum est contingere circa omne ens relativum.

P 2. *Obje.*



17 *Objic. 3.* Si Regula partis esset vera, tunc dies non esset pars anni: Sed; ergo. *M. prob.* si die sola non posita adhuc ponitur annus, & illa posita non eo ipso ponitur annus, tunc dies non esset pars anni: Sed; ergo. *m. prob.* dies hesternæ jam præterit, nec amplius ponitur, & tamen adhuc hodie ponitur annus; ergo.

2. Similiter voluntas, aut cæremoniæ creantis Nobilem, Magistrum, vel Doctorem &c. non esset pars hujus totius quod est esse Nobilem, vel Doctorem &c. Sed hoc est falsum; ergo *M. prob.* si his non positis adhuc ponitur totum quod est esse Nobilem vel Doctorem &c. tunc illa voluntas vel cæremoniæ creantis non essent pars: Sed; ergo. *prob. m.* quia Petrus adhuc est Nobilis, vel Doctor &c. etiamsi illæ cæremoniæ dudum disparuerint.

*Resp. ad 1. n. M.* ad prob. c. *M. n. m.* ad prob. c. ant. d. conf. ergo die non posita in statu, ponitur annus. c. conf. ponitur die ampliatiuè non posita n. conf. sensus est, quod annus comprehendat omnes dies (365.) sed tamen non pro tempore præsentis, pro quo importatur copula, id est, in statu, sed importat is omnes has dies pro diverso tempore partim præterito, partim futuro, & ideo annus existit in tempore præterito & futuro, sicque ponitur secundum diversas sui partes ampliatiuè, pro diversa temporum differentia. Idem *Resp. ad 2. neg. M.* ad prob. d. *M.* si his etiam ampliatiuè non positis ponitur totum, quod est esse Nobilem vel Doctorem c. *M.* si his tantum in statu non positis ponitur totum, quod est esse Nobilem vel Doctorem &c. potest esse pars n. *M.* & suppositum, quod hæ partes importentur in statu, quia totum morale aut successivum suas partes loco & tempore diversas humano arbitrio ac cognitione in unum totum colligit.

18 *Objic. 4.* Hæc regula non est clara, ergo prob. ant. si jam supponit cognitionem partis, tunc non est clara: Sed; ergo. *prob. m.* si supponit cognitionem totius, tunc eo ipso supponit cognitionem partis: Sed; ergo. *m. patet*, quia in definitione partis importatur totum. *M. prob.* cognitio totius non habetur sine cognitione partium, ergo si definitio supponit cognitionem totius, supponit etiam cognitionem partis. *Confirmatur*, quia dum dicimus positis reliquis omnibus, jam sensus est tacitè, positis reliquis partibus.

*Resp. n. ant.* ad prob. tr. *M. n. m.* ad hujus prob. d. *M.* si supponit cognitionem totius confusam ac rudem tantum. n. *M.* si supponit definitionem totius definitivam & claram c. *M.* Totum est sensibus notius, adeoque tantum quoad nos etiam est clariùs, quàm pars, licet pars naturâ sit notior, cum sit principium constitutivum totius, *Ad Confirm.* eodem modo *Resp.* quoad nos cognitionem confusam ac rudem partis esse clariorem cognitione distinctâ partis.

19 *Objic. 5.* Hæc regula non est utilis & applicabilis; ergo prob. ant. 1. Si ex hac regula occurrente dubio potest inferri utrumque contradictorium, tunc non est utilis in praxi: Sed; ergo. *prob. m.* Theologi actu inferunt contradictorium ex hac ipsa regula, ergo potest inferri. *prob. ant.* ex hac regula aliqui inferunt, quod v.g. intentio Sacerdotis sit pars Sacramenti, & ex hac ipsa alii inferunt, quod intentio non sit pars Sacramenti, ergo inferunt utrumque contradictorium. *prob. ant. 2.* hoc ipsum est in quæstione, an aliquid sit id, quo solo non posito

non ponitur totum, ergo hæc regula non tollit difficultatem. *prob. ant.* hæc non possum scire, nisi prius sciam, quales partes exigit totum. ergo.

*Resp. n. ant.* ad 1. *prob. c. M. n. m.* ad prob. d. Theologi inferunt utrumque contradictorium ex cognitione materiæ de se aliunde ambigua c. ant. ex defectu ipsius regulæ n. ant. In rebus obscuris contradictio non oritur ex imperfectione regulæ, sed ob defectum applicationis, quæ in una vel altera materia haberi non potest.

Ad 2. *prob. d. ant.* hoc ipsum est dubium, dubio se fundante in subiecta materia c. ant. dubio se fundante in imperfectione regulæ n. ant.

*Dices:* Eo ipso quod hæc regula non tollat difficultatem circa subiectam materiam, simpliciter nullam tollit difficultatem, ergo non est utilis.

*Resp. d. ant.* non est utilis, si etiam saltem occasionaliter nullam tollat difficultatem tr. ant. si tantum formaliter nullam tollat difficultatem n. ant. hæc est natura omnium regularum, ut tantum intellectui præbeant occasionem ordinatius examinandi ac cognoscendi subiectam materiam; sic loci Rhetorici aut loci topici secundum se non sufficiunt ad tollendam difficultatem perorandi aut disputandi, præbent tamen occasionem, & monent de modo perorandi aut disputandi; sunt enses, non verò brachium.

*Objic. 6.* Ex data regula sequuntur absurda; ergo. 21 *prob. ant.* sequeretur, tempus esse partem prandii: Sed hoc non est absurdum; ergo *M. pater*, quia solo tempore non posito non ponitur prandium. *m. prob.* si tempus esset pars prandii, tunc idem posset dici de prandio, quod de tempore, & sequeretur simul nos comedere tempus.

*Resp. n. ant.* ad prob. d. *M.* sequeretur, tempus esse partem prandii reduplicatiuè sumpti c. *M.* denominatiuè sumpti n. *M.* sensus est, quod comestio, quæ vocatur prandium, non involvat pro parte tempus, sed in quantum illa comestio potius est prandium quàm cœna, in tantum connotat tempus. ad prob. d. *M.* sequeretur nos comedere tempus, si comederemus prandium secundum id, quod dicit tantum denominatiuè n. *M.* si secundum id, quod dicit reduplicatiuè c. *M.* vel subd. si illud comederemus secundum id, quod dicit reduplicatiuè in obliquo c. *M.* si tantum secundum id, quod dicit reduplicatiuè in recto n. *M.*

*Dices:* Totum nihil aliud est, quàm omnes partes; 22 ergo denominatio, quæ convenit toti, convenit etiam omnibus partibus; atqui: esse comestibile convenit toti prandio, ergo etiam omnibus partibus.

*Resp. con. ant. d. c.* convenit omnibus partibus simul sumptis at ratione unius partis tr. c. seorsum sumptis at ratione cujuslibet partis n. c.

## QUÆSTIO II.

### Quæ sit Regula Concretorum, & Denominationum?

**C**oncretum voco, quod potest resolvi in partes. 1 Sic domus est concretum, quia potest resolvi in ligna, lapides &c. album potest resolvi in rem, quæ habet albedinem, & in ipsam albedinem; Musicus resolvitur in hominem & Musicam; & hom



homo resolvitur in humanitatem & partes, quæ habent humanitatem. *Abstractum* dico illam formam, per quam constituitur totum; sic humanitas dicit formam hominis, albedo dicit formam albi, Musica dicit formam Musici, & forma domus seu domitas est abstractum ipsius domus. *Denominatio* vocatur propositio, qua forma abstracta tribuitur subjecto; sic *paries albus* est denominatio, quia parieti tribuitur forma albedinis; & Petrus Musicus est denominatio, quia Petro tribuitur hæc forma abstracta, Musica.

Igitur omnis denominatio est aliquod concretum, & omne concretum ac denominatio dicit tria, nempe *formam, subjectum, & totum*. Ipsum totum v.g. Musicus vocatur denominativum, quia denominatur à Musica.

<sup>2</sup> Omnis denominatio ac concretum dividitur primo in *essentiale, & accidentale*. Essentiale est v.g. homo. Accidentale v.g. paries albus, quia in priori forma denominans seu humanitas subjecto denominationis est essentialis, in posteriori verò forma denominans scilicet albedo parieti est accidentalis.

Dividitur secundo concretum accidentale in *Concretum Essentialiter sumptum & Accidentaliter sumptum*, si enim hoc concretum accidentale paries albus sumatur reduplicativè, tunc albedo huic concreto est essentialis, si verò tantum sumatur denominativè, tunc albedo subjecto est tantum accidentalis.

Dividitur tertio: Concretum in *intrinsicum, extrinsecum, & partim in-partim extrinsecum*. Intrinsicum est, quando forma est intrinseca subjecto, seu inhærens subjecto, ut paries albus. *Extrinsicum* est, quando forma est extrinseca subjecto, ut paries visus. *Partim in-partim extrinsecum* est, quando forma subjecto partim est intrinseca, partim extrinseca, ut paries *A* similis parieti *B*, similitudo enim parieti *A* partim est intrinseca, partim verò extrinseca.

Dividitur quarto concretum in *Metaphysicum, Physicum, & Logicum*. *Metaphysicum* est, quando forma identificatur cum subjecto denominationis, ut humanitas identificatur cum homine. *Physicum*, est, quando forma distinguitur à subjecto, ut paries albus. *Logicum*, est, quando forma est extrinseca subjecto, ut murus visus.

<sup>3</sup> In præsentī materia tria difficilia sunt, & consideratione digna. 1. Quidnam importent concreta in recto, & quid in obliquo? 2. Unde desumatur concretorum multiplicatio? 3. Unde desumatur denominatio? circa primum ob ignorantiam concretorum multæ exortæ sunt hærefes: v.g. Arriani, quia in Christo non distinxerunt partem creatam ab increata, simpliciter totum Christum dixerunt esse minorem Patre, & totum Christum non esse æternum, sed productum. Nestoriani non admiserunt hanc propositionem: *Deus est homo*, quia hoc concretum *Deus-homo* ipsis videbatur in recto importare unitatem naturæ. Econtrà Eutychiani hoc ipsum concretum *Deus-homo* sic admiserunt, ut simul crederent, eo ipso importari unam naturam. Alii hoc concretum, *Deus passus*, unus ex Trinitate passus, unus ex Deitate passus retulerunt ad ipsam Deitatem, quia nescierunt formam denominationis referre ad unam partem concreti, nempe ad humanitatem Hominis-Dei. Eodem modo erraverunt, qui negaverunt Beatissimam Virginem esse Matrem Dei; & Sabelliani, qui ex unitate hujus

subjecti in hoc concreto, Deus Pater, Deus Filius, Deus Spiritus intulerunt unitatem ipsius concreti, substantiæ, ac personæ.

Similiter ex ignorantia denominationum erratur ab hæreticis, v.g. dum negant Ecclesiam Romanam esse Apostolicam, Sanctam, unam &c. eò quòd formam denominationis non desumant ab illa parte, unde deberet desumi. v.g. vident aliquot Romanos Pontifices, Episcopos &c. non esse sanctos, ergo nec Ecclesiam putant sanctam; similiter vident inter Scholasticos varias opiniones, ideo negant esse unam. Vident aliqua ceremonialia mutata, addita, vel ablata, ideo negant esse Apostolicam &c. Circa multiplicationem denique concretorum etiam oritur difficultas. v.g. in Theologia morali, dum quaeritur, an actus quo simul plures acciduntur, sit dicendus unum vel plura homicidia, vel an detractio, quæ simul pluribus detrahitur, sit unum vel plura numero peccata?

Dico 1. *Concreta accidentalia v.g. murus albus subjectum connaturaliter important in recto, formam verò in obliquo; econtrà essentialia concreta v.g. homo, tam formam, quam subjectum nempe corporeitatem, animalitatem & humanitatem important connaturaliter in recto*. Prob. conf. concipere aliquid in obliquo, est concipere rem cum relatione ad aliud, relatio verò ad aliud propriè non datur, nisi ad aliquid realiter distinctum, cum igitur in essentialibus forma non distinguatur à subjecto, sicut contingit in accidentalibus, non poterit forma concreti essentialis connaturaliter concipi in obliquo.

Dico 2. *Concretum substantiale connaturaliter importat omnes suas partes etiam realiter distinctas in recto*. Prob. conf. sic: v.g. homo importat corpus, animam, & unionem, & hoc concretum *Deus-homo* importat in recto Divinitatem & humanitatem.

Dico 3. *Dependet ex usu & intentione loquentium, & ex subiecta materia, an forma concreti importetur in recto vel obliquo*. Quamvis enim in concretis essentialibus convenientius, ac connaturalius partes importentur in recto, econtrà in accidentalibus forma in obliquo, id tamen non necessariò scrupulosè semper observari debet. Prob. conf. ex his principiis dependet, an propositio velit significare formam ut identificatam cum subjecto, an verò ut distinctam, ut homo, res & humanitas, vel res habens humanitatem: an verò velit significare compartem constitutivam totius, an verò formam accidentalem adventitiam, ut homo, corpus habens unitam animam, vel corpus, anima, & unio. Similiter ex his principiis dependet, an denotetur aliqua forma substantialis, an verò accidentalis; v.g. dum dico: corpus animatum vel corpus album. In omnibus his exemplis ex ipsa forma propositionis & modo loquendi non potest colligi, quidnam importetur per tale concretum; sed debet sensus desumi ex usu & intentione loquentium, vel ex subiecta materia.

Dico 4. *Ad multiplicationem concretorum requiritur, & sufficit multiplicatio subjecti*. Prob. conf. ab inductione. sic etiam si plures albedines existerent in uno muro, non diceremus dari plura alba; econtrà etiam si una tantum albedo existeret in pluribus muris, diceremus dari plura alba. Sic etiam, etiam si Pater & Filius, & Spiritus sint omnipotentes, non tamen sunt tres omnipotentes, sed unus omnipotens; quia in



hoc concreto *omnipotens* non multiplicatur subjectum denominationis seu Deitas, ex cuius parte se tenet omnipotentia.

In moralibus loco subjecti denominationis debet assumi meritum objectivum legum moralium, vel subjectum attentionis humanæ; si quando hoc meritum objectivum exigit multiplicari in mente legislatoris, tunc multiplicatur concretum, si verò non meretur multiplicari, tunc non multiplicatur concretum. v.g. an in homicidio triplici commissio per unum actum detur meritum multiplicandi pœnas aut censuras in homicidium tanquam in multa.

Dico 5. Regulæ denominationum sunt sequentes:

9 1. *Non potest dari tota denominatio, nisi dentur omnes partes*, nempe pro ea temporis differentia, pro qua totum exigit existentiam suarum partium, v.g. ubi datur murus albus, debet dari murus, albedo, & unio.

2. *Implicat perire aliquam denominationem, quin pereat saltem aliqua pars*. ratio est, quia si nulla pars periret, existerent omnes partes, adeoque etiam existeret totum, quod tamen supponitur perire. v.g. ubi perit denominatio murus albus, perit etiam vel murus, vel albedo, vel unio.

3. *Non potest dari nova denominatio quin detur nova pars*. quia quando datur nova denominatio, datur novum totum, & novum totum non datur, si nulla pars nova sit, v.g. non potest murus fieri albus, quin detur de novo vel albedo, vel unio albedinis ad murum nova.

4. *Non potest dari transitus subjecti ab una denominatione ad aliam sine nova parte*. ratio est, quia transitus ab una denominatione ad aliam ponit novam denominationem, & nova denominatio ponit novam partem, v.g. murus ex nigro non potest fieri albus sine nova albedine aut unione albedinis.

5. *Implicat formam denominantem poni in subjecto, & non tribuere illi denominationem*. ratio est, quia denominatio nihil aliud est, quam totum, & totum nihil aliud est, nisi complexum ex subjecto & forma denominante inter se unitis; ergo unio formæ cum subjecto dari non potest, nisi detur hoc totum, & hoc totum vocatur effectus formalis formæ denominantis, qui resultat ex unione formæ cum subjecto, v.g. non potest poni albedo in muro informativè, quin murus sit albus.

6. *Eadem forma diversis subjectis potest tribuere diversas denominationes, non tamen eidem subjecto*. sic eadem visio denominat murum visum & oculum videntem; eadem actio denominat rem, quæ patitur ipsam, & rem quæ agit, denominat agentem. ratio est, quia in omni denominatione non solum importatur habitudo formæ ad subjectum, sed tacitè etiam importatur habitudo specialis subjecti ad formam.

7. *Denominationes plerumque sumuntur à potiori*. v.g. quando dico, homo albus; quandoque à nobiliori, v.g. dum dico, homo redemptus; aliquando à materia v.g. dum dico, homo mortalis. aliquando à forma. v.g. dum dico, homo rationalis. aut à fine, v.g. homo beatus. aut à causa, v.g. homo creatus. aut à circumstantiis v.g. homo felix. aut à notiori, v.g. homo corporeus, & universim ab illa parte, quæ hîc & nunc specialiter substat attentioni hominum. Hæc regula probatur ab inductione prout cuilibet potest esse manifestum.

## Solvuntur Objectiones.

*Objic. 1. contra 1. concl.* Non potest dici, quòd concreta accidentalia in recto importent substantiam in obliquo accidens; ergo, prob. ant. in concreto etiam accidentali omnes partes debent importari in recto; ergo, prob. ant. ex priori quaestione tantum ideo Deus non dicitur esse pars mundi, quia non importatur in recto. ergo.

2. Potest dici, quòd concreta substantialia in recto importent substantiam, & in obliquo naturam substantiam, ergo.

3. Christus in recto tantum importat substantiam, & in obliquo naturam humanam; ergo idem important alia concreta substantialia. prob. ant. Christus importat in recto id quod est magis perfectum, & in obliquo id, quod est magis imperfectum, sed substantia & natura divina est magis perfecta, natura verò humana est magis imperfecta; ergo.

4. Quando dico: homo, idem dico, ac substantia habens humanitatem, ergo in recto importatur substantia, & in obliquo natura humana.

5. Potest dici, quòd illud importetur in recto, quod concipitur ut identificatum cum toto. ergo.

*Resp. ad 1. n. ant. ad prob. n. ant. ad hujus prob. d. ant.* dicitur Deus non esse pars mundi, quia importatur in obliquo, obliquitate cadente extra totam formalitatem ipsius mundi con. ant. obliquitate cadente intra formalitatem ipsius mundi n. ant. quando concipimus aliquod objectum, potest contingere, ut talis conceptus formalis sistendo intra limites hujus conceptus aliud importet in recto, aliud in obliquo; potest etiam contingere, ut extra totum conceptum objectivum formalem importetur aliquid aliud extrinsecum in obliquo tanquam aliquid distinctum à toto conceptu formali objectivo, & ad hanc obliquitatem pertinet Deus, non verò accidentia in aliquo concreto accidentali.

Ad 2. iterum n. ant. ratio est, quia alioquin totum substantiale quoad rectum nihil aliud esset nisi modus, nempe substantiam; & quando dicerem: homo discurrit, idem esset ac si dicerem: substantia naturæ humanæ discurrit.

Ad 3. n. ant. ad prob. iterum n. M. quia in recto importatur id, quod constituit totum in suo esse subsistendi, & quod identificatur cum toto, sive illud sit perfectum sive imperfectum, nihil interest, quia non est adeo imperfectum, ut non constituat rem in suo esse, adeoque Christus quoad rectum nihil aliud est, quam Personalitas Verbi, natura divina, & natura humana.

Ad 4. d. ant. idem est, ac si dicerem substantia habens humanitatem, quoad modum significandi tr. ant. quoad modum essendi n. ant. quia humanitas nihil aliud est quam forma constitutiva hominis, nempe anima, & corporeitas, quæ materiam primam substantialem determinant ad esse hominis, non tamen, quod illa substantia jam sit de se completa ac subsistens sine forma humana, adeoque hæc substantia homo, tanquam substantia completa pro suis partibus quoad modum essendi agnoscit etiam formam humanam seu humanitatem.

*Objic. 2. contra 3. Concl.* Potest dici, quòd tunc multiplicetur concretum, quando multiplicatur explicitum significatum concreti.



2. Theologi docent, quòd si Personalitas Verbi uniretur pluribus naturis humanis, non tamen darentur plures Christi; ergo concreta non multiplicantur ex multiplicatione subjecti.

Resp. ad 1. neg. ant. ratio est, quia in hoc concreto album explicitum significatum est albedo, & tamen etiam si multiplicetur albedo in eodem subjecto, non multiplicatur tamen concretum.

Ad 2. tr. ant. quod fortè est falsum neg. conf. & suppositum, quòd subjectum denominationis in hoc concreto esset natura humana, formale enim in hoc concreto est ratio Christi, cujus subjectum est Personalitas Verbi, & sic concretum hoc *Christus* diceret idem ac Verbum unitum humanitati.

Obj. 3. contra 7. concl. Datur denominatio nova sine nova parte; ergo. prob. ant. quando abscinditur pes, ponitur nova denominatio, & tamen non ponitur nova pars; ergo. ant. patet, quia nihil de novo ponitur, sed tantum quod prius erat, tollitur.

2. Tollitur prior denominatio, & tamen non tollitur aliqua pars; ergo. prob. ant. quando binarius additur unitas, tollitur prior denominatio binarii, & ponitur nova denominatio ternarii: Sed in hoc casu non tollitur aliqua pars; ergo.

3. Deus ex non creante fit creans, ex non amante amans absque sui nova parte; ergo ad novam denominationem non requiritur nova pars. ant. patet, quia ex una parte ante creationem mundi Deus non erat creans mundum, nec amans mundum, aut certè non erat amans v. g. peccatorem in statu peccati; ex altera verò parte ipsum objectum amoris aut creationis non est pars Dei creantis aut amantis, sed potius effectus.

Resp. ad 1. neg. ant. ad prob. dist. M. non ponitur nova pars Physica tr. Logica aut Metaphysica neg. M. ponitur enim in dato casu privatio aut negatio pedis, & hæc privatio concipitur per modum partis, quæ prius non erat.

Ad 2. Idem Resp. dist. non tollitur aliqua pars Physica tr. pars Logica aut Metaphysica negatur, nam binarius dicit duas unitates & insuper negationem tertiæ unitatis, hæc autem negatio tollitur per positionem tertiæ unitatis.

Ad 3. dist. ant. Deus fit ex non creante creans sine nova sui parte Physica c. ant. sine nova sui parte Logica neg. ant. nam pars Logica potest esse extrinseca subjecto denominationis, ut si dico, murus visus; pari modo dicitur Deus creans ab ipso objecto creationis, non ex aliqua nova actione sibi intrinseca.

12 Dices: Deus dicitur de novo creans, amans &c. denominatione sibi intrinseca non extrinseca; ergo. prob. ant. esse creantem, amantem &c. dicit aliquam actionem aut modum tendendi Deo intrinsecum; ergo.

Resp. neg. ant. ad prob. dist. ant. dicit aliquam actionem Deo intrinsecam absolutam neg. ant. respectivam, subd. respectivam ab æterno c. ant. respectivam pro æterno neg. ant. adeoque licet Deus ab æterno apud se foveat actionem creativam aut tendentiam amoris, per hanc tamen tendentiam ab æterno respicit suum effectum pro aliqua temporis differentia, & ideo homines in hac denominatione attendentes potius ad partem objectivam quàm subjectivam actualiter Deo non tribuunt hanc denominationem, nisi ponatur pars objectiva actu.

Dices 2. Petrus volens futuram ambulationem dicitur actu volens, etiam si non existeret ipsa ambulatio; ergo etiam Deus deberet ab æterno dici creans aut amans etiam si nondum existeret objectum creationis aut amoris. prob. con. sicut se habet volitio ad objectum volitum, ita etiam amor ad objectum amoris, aut creatio ad objectum creationis.

Resp. c. ant. neg. conf. & paritatem, quia in hoc casu hominibus placuit attendere ad esse subjectivum non autem ad esse objectivum, quia in hoc casu esse subjectivum nempe volitio aut notior est effectu nondum existente, aut certè æquè nota; cum igitur homines in suis denominationibus attendant ad partem notiolem, mirum non est, quod denominationem actualem tribuant existente parte denominationis sibi notiore, & ob hoc non denominant Deum creantem aut amantem ante existentiam ipsius effectus in hoc casu sibi notioris. ad prob. dist. sicut se habet volitio, ita se habet creatio &c. physicè c. moraliter neg. Denominationes dependent ab arbitrio hominum, inquantum volunt attendere ad partem denominationis aut notiolem, aut digniolem, aut potiolem.

Obj. 4. 1. Quando Deus condonat peccata, fit ex non condonante condonans sine nova parte; ergo datur denominatio sine nova parte. prob. ant. in hac denominatione nec ponitur necessario aliquid de novo ex parte Dei, nec ex parte objecti; ergo.

2. Petrus denominatur dexter & sinister sine nova parte; idem dic de Petro quando denominatur Nobilis, Doctor &c.

3. Deus dicitur recordari hominum sine nova sui parte. ergo.

4. Dantur diversæ denominationes, quin dentur diversæ partes; ergo in tali casu datur transitus ab una denominatione ad alteram diversam sine nova parte. prob. ant. hæ denominationes: Petrus videns murum, & murus à Petro visus sunt diversæ: Atqui hæ non habent diversas partes; ergo.

Resp. ad 1. dist. ant. fit ex non condonante condonans sine nova parte Physica tr. ant. sine nova parte Morali aut Logica neg. ant. quia in tali casu saltem ex parte objecti tollitur obligatio ad pœnam, & in præsentis providentia non fit nuda condonatio extrinseca, sed insuper gratiæ collatio, quæ utique est nova pars.

Ad 2. dist. ant. non datur nova pars intrinseca tr. ant. non datur nova pars extrinseca neg. ant. quia Petro dextro aut sinistro additur nova pars Logica ac extrinseca nempe situs, & Doctori aut Nobili adduntur jura ac privilegia. Potest etiam dici, quod illis adveniat nova pars intrinseca ac Physica, nempe relatio ad hunc vel illum situm, ad hæc vel illa connotata &c.

Ad 3. dist. ant. Recordatur sine nova parte ex parte Dei c. ant. nova ex parte objecti neg. ant. Deus dicitur recordari, cum de novo confert gratias, aut dum tollit pœnas, aut certè obligationem ad pœnas.

Ad 4. dist. Hæ denominationes sunt diversæ grammaticaliter c. philosophicè neg. eo ipso quod in his denominationibus tantum importentur diversa verba, non diversa objecta, hæc diversitas pertinet ad voces Grammaticales, non ad partes Logicas.

Obj. 5. Denominatio non desumitur ex ulla constanti regula; ergo nec potest dari regula. prob. ant. Christus v. g. dicitur passibilis à natura humana, dicitur infinitæ dignitatis ex natura divina, & tamen non dicitur æternus aut increatus à natura divina. Item Deus dicitur passus ob unionem cum natura passibi-



passibili, & tamen homo non dicitur æternus aut impassibilis ob unionem cum natura æterna aut impassibili; ergo in denominationibus frustranea est omnis regula.

*Resp. neg. ant. ad prob. c. ant. neg. conf. & suppositum*, quod hæ denominationes non possint revocari ad aliquam regulam; puto enim quod hæ denominationes sumantur à parte notiori, quæ magis substat attentioni hominum, & ideo Christus non dicitur æternus, quia id, quod immediatè in hoc concreto hominum attentioni objicitur, est natura humana creata. & ob eandem rationem Deus dicitur passus, quia in hac denominatione ob dispositionem hominum aliunde jam instructorum non objicitur humanis mentibus passio ut relata ad naturam divinam, sed humanam.

16 *Obj. 6.* Datur aliqua forma unita suo subiecto, quin illud denominet; ergo potest poni forma denominans, quin ponatur effectus formalis denominationis. *ant. prob. I.* Albedo unitur Angelo, & tamen Angelus non denominatur albus.

2. Species colorum v.g. albedinis, uniuntur speculo aut aëri, quin aër aut speculum sit albus.

3. Accidentia Eucharistica, v.g. rotunditas, albedo &c. uniuntur Christo, quin Christus sit albus aut rotundus.

4. Amor Dei detestativus peccati unitur intentionaliter peccato, quin denominetur peccatum amatum.

*Resp. neg. ant. ad prob. dist. albedo unitur Angelo transeunter c. perfectivè n.* Idem respondetur ad secundum, & tertium. nam hæc accidentia tantum conservantur à suis subiectis, non autem perficiunt suum subiectum; sicut Deus conservat mundum, sed tamen mundus non perficit Deum, quia non constituunt unum totum cum suo subiecto, id est, non habent communem actionem & passionem cum suo subiecto; nec enim uno patiente aut corrupto ad corruptionem disponitur alterum.

*Ad 4. d. ant. unitur suo subiecto averzivè c. prosecutivè n. vel subd. non denominat prosecutivè c. averzivè neg. ant.* quia ostensum est, quod eadem forma diversis objectis possit tribuere diversas denominationes secundum diversam objectorum habitudinem ad eandem formam; igitur diversitas denominationum extrinsecarum oritur ex diversitate subiectorum quæ denominantur, non ex diversitate formæ quæ denominat.

### QUÆSTIO III.

*An Conceptus Entis sit præcisus à suis inferioribus, & an univocè conveniat Deo, substantiæ, & accidenti?*

1 **D**ICO 1. *Conceptus entis est præcisus à suis inferioribus.* *Prob. Concl.* Si conceptus entis non exprimit Deum, nec substantiam, nec creaturam, nec accidens &c. tunc est præcisus à suis inferioribus: Sed, ergo. *m. patet ab experientia. M. prob.* quia præscindere est nihil aliud, quam inferiora distinctè non cognoscere, ut supponitur de præcisionibus objectivis.

*Prob. concl. 2.* Si conceptus entis non præscinderet, tunc vel formaliter diceret Deum, vel creaturam, vel substantiam, vel accidens &c. neutrum potest dici; ergo præscindit. *m. prob.* si conceptus entis formaliter diceret Deum, tunc non possem dicere, creatura est ens, hoc est falsum; ergo *M. prob.* si conceptus entis diceret Deum, tunc sensus esset: creatura est Deus: sed hoc non possum dicere; ergo.

*Prob. 3.* Omnes differentię entis possunt confusè cognosci sub conceptu entis; ergo etiam possunt præscindi seu abstrahi. *prob. ant.* possumus scire quod aliquid sit ens, dubitando an illud sit hoc vel illud ens, an sit substantia vel accidens; ergo.

*Prob. concl. 4.* Si omnes differentię entis habent aliquam similitudinem & convenientiam, tunc eo ipso fundant unum conceptum communem entis; ergo possunt abstrahi. *prob. ant.* omnes differentię entis, v.g. Deus, creatura, substantia, accidens sunt plus quam nihil, sunt aliquid melius non ipsis; ergo.

**DICO 2.** *Ens respectu entis positivi & negativi, possibilis & impossibilis, realis & rationis est tantum analogum.* *Prob. concl.* Analogum est, cujus idem nomen, sed tamen ratio significata diversa est: Sed ens respectu horum est idem nomen, sed tamen ratio ejus diversa; ergo. *m. quoad secundum membra. prob.* ratio entis positivi est existere, ratio entis negativi est posse existere: Sed existere & posse existere est ratio diversa; ergo. Eodem modo ratio entis possibilis est posse existere, ratio entis impossibilis est non posse existere: ratio entis realis est existere à parte rei, ratio entis rationis est non existere à parte rei.

*Prob. 2.* Si ens univocè conveniret enti positivo & negativo, tunc in sensu proprio simpliciter posset prædicari de utroque: Sed hoc non potest dici; ergo. *M. patet*, quia *to'* animal in sensu proprio potest prædicari de homine & equo. *m. prob.* non est verum in sensu proprio, *negatio est ens, ens possibile est ens &c.* ergo.

**DICO 3.** *Ens univocè convenit Deo, substantiæ & accidenti.* *Prob. concl.* Ens immediatè significat conceptum communem Deo, substantiæ, & accidenti; ergo illis convenit univocè. *conf. patet*, quia univoca sunt, quorum ratio seu conceptus est idem. *ant. prob.* sentimus nos habere eundem conceptum dum dicimus, Deus est ens, substantia est ens &c. ergo.

*Prob. concl. 2.* Si ens tantum conveniret Deo, substantiæ & accidenti, tunc non vi primæ institutionis significaret Deum, substantiam, & accidens: Sed hoc non potest dici; ergo. *m. prob.* non constat de secunda institutione, nec datur necessitas fingendi novam; ergo *prob. prior M.* Analoga non habent unam institutionem; ergo si ens esset analogum, tunc non vi primæ institutionis significaret sua analogata. *prob. ant.* quando dicimus v.g. prata ridet, hæc significatio analogica non provenit à prima institutione; ergo etiam significatio analogica entis, si qua esset, non proveniret à prima institutione.

*Prob. concl. 3.* Si ens esset analogum relatè ad Deum, substantiam, & accidens, tunc vel esset analogum analogiæ proportionis, vel analogiæ attributionis, neutrum potest dici, ergo. *m. quoad 1. memb. prob.* Analogiæ proportionis est, quæ fundatur in duorum similitudine: Sed ens non est analogum hac analogiæ ergo. *m. prob.* ens non habet proprietates ac signa hujus analogiæ; ergo. *ant. prob.* signa hujus analogiæ sunt, 1. ut analogiæ secundaria non proveniat à prima institutione vocis. 2. ut terminus analogus conveniat analogato primatio in sensu proprio, analogato secundario verò in sensu metaphorico. 3. ut analogatum secundarium ducat in notitiam analogati primarii, sed ens non habet hæc signa; ergo. *M. patet in metaphoris omnibus, m. prob.* ex una parte non constat de secunda institutione, ex altera parte in sensu proprio verum est, *accidens est ens*, & ex tertia parte concipiendo substantiam non sentimus nos duci in notitiam Dei.

*Prob.*



Prob. ead. *m.* etiam quoad 2. memb. Analogia attributionis est, qua analogatum secundarium denominatur per habitudinem ad formam sibi extrinsecam: Sed ens non est analogum hac analogia; ergo. *M.* patet in exemplo, quo dicimus eibum esse sanum, medicinam esse sanam, colorem esse sanum &c. hæc enim omnia dicuntur sana in ordine ad sanitatem, quæ forma non est in cibo, aut colore, aut medicina, sed in corpore humano, adque hæc analogata secundaria denominantur sana per habitudinem ad formam sibi extrinsecam. *m.* prob. substantia & accidens non dicuntur ens relatè ad existentiam sibi extrinsecam, ant. patet, quia esse ens est denominatio intrinseca.

Prob. 2. Ens non habet proprietates analogiæ attributionis; ergo. prob. ant. proprietates analogiæ attributionis sunt 1. Analogatum secundarium definitur per analogatum primum, v. g. medicina sana per corpus sanum. 2. Analogatum primum & secundarium non fundant communem conceptum, v. g. medicina sana & corpus sanum. 3. Terminus analogus non potest fieri medius terminus in syllogismo ob duplicem sensum: Sed has proprietates non habet ens; ergo. *m.* prob. ex una parte substantia existens non definitur per Deum existentem, ex altera parte non sentimus diversum conceptum prædicativum dum dicimus Deum esse ens, & dum dicimus, substantiam esse ens, & ex tertia parte terminus entis servire potest pro medio termino, v. g. in hoc syllogismo. Nullum ens est nihil, Deus est ens, ergo Deus non est nihil.

## Solvuntur Objectiones.

4 *Obj. 1. cont. 1. Conc.* Terminus transcendentalis non potest abstrahi ab eo quod transcenditur: Sed ens est terminus transcendentalis, & differentiæ sunt id quod transcenditur; ergo ens non potest abstrahi. *M.* prob. terminus transcendentalis essentialiter convenit rei, quæ transcenditur, & intrinsecè ab ea imbitur; ergo.

*Resp.* n. *M.* ad prob. c. ant. d. c. ergo non potest abstrahi realiter c. conf. formaliter neg. conf. licet enim ratio entis nunquam sit realiter sine suis differentiis, conceptus tamen entis saltem explicitè potest esse sine conceptu differentiarum explicito.

5 *Dices 1.* Ens nec formaliter abstrahit à suis differentiis; ergo nulla responsio. prob. ant. differentiæ formaliter non abstrahunt à ratione entis; ergo nec ratio entis formaliter abstrahit à differentiis. prob. conf. si differentiæ formaliter non abstrahunt à ratione entis, tunc est idem conceptus formalis differentiarum & entis: Sed si est idem conceptus, tunc etiam ratio entis formaliter non abstrahit à suis differentiis; ergo.

*Resp.* neg. ant. ad prob. tr. ant. n. c. ad h. prob. dist. *M.* & idem conceptus inadæquatus c. *M.* adæquatus neg. *M.* nam conceptus, differentiarum dicit duo, nempe rationem entis, & rationem differentiarum, adeoque includit rationem entis tantum concomitanter per modum partis; sic etiam conceptus hominis formaliter dicit corpus, & tamen conceptus corporis formaliter non dicit hominem; similiter bipalmarum formaliter dicit palmare, & tamen palmare formaliter non dicit bipalmarum.

6 *Dices 2.* Ratio entis & ejus differentiæ sunt formaliter & adæquatè idem; ergo. prob. ant. differen-

tia non possunt separari intentionaliter à ratione entis; ergo. prob. ant. ratio entis intentionaliter non potest separari à differentiis, ergo nec differentia à ratione entis.

*Resp.* neg. ant. ad prob. iterum n. ant. ad h. prob. d. ant. non potest separari separatione mutua c. ant. separatione se tenente ex parte entis n. ant.

*Dices 3.* Si differentiæ possunt abstrahi à ratione entis, tunc idem posset abstrahi à seipso: Hoc non potest dici; ergo. prob. *M.* ens & differentiæ sunt idem, ergo. prob. ant. differentiæ, ne quidem possunt cognosci ut distinctæ à ratione entis etiam formaliter; ergo.

*Resp.* neg. *M.* ad prob. d. ant. sunt idem actualiter tr. ant. idem potentialiter n. ant. licet enim ratio entis actu ne quidem formaliter distingueretur à differentiis, posset tamen distinguui; sicut enim idem objectum æquivalet pluribus perfectionibus, & ideo potest concipi diversis conceptibus inadæquatis, ita etiam conceptus differentiarum æquivalet pluribus perfectionibus, & ideo potest concipi ille ipse conceptus per diversos conceptus inadæquatos.

*Obj. 2. contra 3. Concl.* Ratio entis non abstrahit ab ente creato; ergo non convenit univocè enti creato & enti increato. prob. ant. conceptus entis est essentialiter conceptus entis finiti; ergo non abstrahit. prob. ant. ab experientia Atheorum, qui dicunt se non posse concipere aliter ens, nisi per modum finiti tantum.

2. Sapientia v. g. non abstrahit à sapientia creata vel increata; ergo nec ratio entis. prob. ant. sapientia est membrum dividens entis creati; ergo non abstrahit. prob. ant. prima divisio entis est in creatum & increatum, secunda divisio est entis creati in hoc & illud ens. v. g. sapientiam, fortitudinem.

*Resp.* ad 1. neg. ant. ad prob. d. ant. conceptus entis est alicujus entis finiti quoad objectum representationis tr. ant. quoad objectum verificationis n. ant. etiam si id, quod concipimus, conciperemus modò finitò, non tamen affirmaremus illud esse finitum, nec conciperemus illud finitum sub ratione finiti positivè, sed tantum negativè, id est, conciperemus indefinitum.

Ad 2. n. ant. ad prob. iterum n. ant. ad h. prob. d. ant. prima divisio est entis in creatum & increatum ordine concipiendi arbitrario c. ant. necessario n. ant. posset enim ens dividi in substantiale & accidentale Metaphysicum, in sapientiam, fortitudinem &c. abstrahendo ab ente creato vel increato.

*Dices:* Sapientia dicit proprietates sapientie creatæ; ergo non abstrahit ab ente creato. prob. ant. sapientia in suo conceptu objectivo dicit distinctionem à fortitudine: Sed hæc distinctio est proprietas sapientie creatæ; ergo. *m.* prob. sapientia increata non distinguitur à fortitudine increata, ergo.

*Resp.* neg. ant. ad prob. d. *M.* sapientia dicit distinctionem à fortitudine positivam neg. *M.* negativam subd. negativam formalem c. negativam realem n. *M.* quando enim concipio sapientiam & fortitudinem, non positivè affirmo quòd sint distinctæ, aut quòd à parte rei sint indifferentes ad distinctionem, sed habeo me negativè, nihil positivè affirmando nec negando de reali distinctione, licet illas distinguam formaliter.



10 *Obijc.* 3. Ratio entis non convenit Deo & creaturæ univocè; ergo. prob. ant. 1. Non datur proportio inter ens creatum & increatum; ergo nec univocus conceptus. prob. cons. in omnibus aliis univocè convenientibus datur aliqua proportio, inter Deum verò & creaturam, utpote finiti ad infinitum nulla est proportio.

2. Si Deus univocè conveniret cum creatura, tunc in Deo daretur aliqua formalitas, quæ formaliter & essentialiter non esset à se necessaria; Hoc non potest dici; ergo. M. prob. Si Deus conveniret univocè, tunc conveniret etiam in modo essendi essentiali cum creatura; Sed si hoc &c. tunc daretur formalitas, quæ non est essentialiter à se; ergo.

3. Si ratio entis Deo convenit in sensu proprio, creaturæ verò in sensu improprio, tunc eo ipso illis non convenit univocè: Sed; ergo. m. prob. Patres dicunt: Deum *proprie esse*, creaturas verò tantum esse improprie.

4. Deus est ens eminenter; ergo non convenit univocè cum creatura, quæ non est eminenter ens. prob. ant. Deus de se ipso ad Moysen dicit: *ego sum qui sum*; ergo dicit se eminenter ens, & quasi antonomastice, ac si in comparatione illius reliqua non sint.

5. Deus est supra omne ens, & supra omne id, quod nominari potest; ergo illi non convenit univocè ratio & nomen entis. ant. non solum patet ex SS. PP. passim, præcipuo Dionysio de divin. nomin. sed etiam ex Platone in dialogo de recta nominum ratione, ubi ostendit non dari proprium nomen seu conceptum Dei.

6. Communiter à Philosophis dicitur, quod Deus non sit in arbore prædicamentali; ergo non comprehenditur sub ratione entis.

7. Si Deus univocè conveniret cum creatura, tunc in nostro conceptu confunderetur cum creatura: Hoc non debet dici; ergo M. prob. juxta nos conceptus univocus nihil aliud est, nisi cognitio confusa singularium; ergo.

8. Si Deus conveniret univocè, tunc tolleretur infinita distantia inter Deum & creaturam: Hoc non potest dici; ergo. M. prob. ea quæ conveniunt univocè, prorsus nullam habent distantiam, multò minus infinitam.

9. Si Deus conveniret univocè, tunc in ratione entis esset similis creaturæ; Sed hoc non potest dici; ergo. m. prob. Si Deus esset similis creaturæ, tunc etiam creatura esset similis Deo: Sed hoc non potest dici; ergo.

10. Ratio entis inæqualiter convenit Deo & creaturæ; ergo non univocè. prob. ant. ratio entis convenit creaturæ per participationem, Deo convenit per essentiam, creaturæ convenit modo imperfecto, Deo modo perfecto, in creatura ratio entis est ab alio, in Deo à se; ergo.

11. Potest dici, quod ratio entis conveniat Deo analogicè analogia proportionis; ergo. prob. ant. possum dicere, sicut Deus est ens ita per imitationem creatura est ens; ergo.

12. Potest dici, quod ratio entis conveniat Deo & creaturæ analogicè analogia attributionis; ergo. prob. ant. potest dici, quod creatura sit ens cum quadam habitudine ad Deum; ergo. prob. ant. creatura dependet essentialiter à Deo; ergo est ens cum quadam habitudine ad Deum.

13. Ratio entis per prius convenit Deo, quàm

creaturæ; ergo eo ipso non convenit univocè. prob. cons. illa prioritas eo ipso est intrinseca conceptui de Deo sub ratione entis. ergo.

*Resp.* Hæc omnia posse solvi unicâ distinctione, 11 distinguendo statum realem à formali; omnia enim vera sunt in sensu reali, non autem in sensu formali.

Itaque *Resp.* ad 1. d. ant. non datur proportio quoad esse reale c. ant. quoad esse formale n. ant. nam conceptus entis secundum se non dicit imperfectionem, ideo hic conceptus non repugnat poni in Deo.

Ad 2. n. M. ad prob. d. Si conveniret cum creatura etiam realiter c. si tantum formaliter n. convenit Deus quoad hunc conceptum entis abstracti, & iste conceptus præscindit à modo aseitatis & à modo participationis; conceptus autem abstractus seu præcisivus nihil ponit in esse, nec ponit modum aseitatis, nec tollit, quia abstrahentium non est mendacium.

Ad 3. c. M. n. m. ad prob. d. ant. dicunt solum Deum proprie esse proprietate subsistendi tr. proprietate essendi n. ant. Patres sumunt *quod esse* pro subsistere independentem ab alio, & secundum hunc modum creaturæ proprie non habent esse.

Ad 4. d. ant. Deus eminenter est ens realiter c. ant. formaliter n. ant. ad prob. dico Deum respexisse ad suum statum realem, non autem ad formalem, quando dixit: *sum qui sum*; quia in illo casu voluit aliquid significare supra id, quod humana intelligentia comprehendere potest.

Ad 5. d. Deus est supra omne ens, & omne, quod nominari potest quoad esse specificum & reale c. quoad esse genericum & formale n. ant. nomina significant rem quoad esse specificum, adeoque quia proprius conceptus de essentia specifica Dei haberi non potest, non potest etiam haberi nomen Dei.

Ad 6. d. Deus non est in arbore prædicamentali quoad esse specificum c. quoad esse genericum n. ant. vel subd. quoad esse genericum reale c. quoad esse genericum formale n. si enim est imperfectio posse contrahi ad differentiam specificam, esse in potentia &c. id tantum verum est in sensu reali, & in hoc sensu ratio entis in Deo non est indifferens, nec potest contrahi, nec est in potentia ad esse specificum per actionem aliquam productivam.

Ad 7. d. Confunderetur Deus cum creatura in sensu reali n. in sensu formali subd. confunderetur quoad esse genericum c. specificum n. hæc confusio non dicit imperfectionem, quia conceptus genericus entis abstrahit ab ente perfecto & imperfecto.

Ad 8. n. M. quia hæc denominatio: *tollere infinitam distantiam* respicit statum realem ex usu loquentium, adeoque etiam si quoad nostrum modum concipiendi inter Deum & creaturam non detur distantia quoad unam formalitatem, simpliciter tamen verum non erit tolli infinitam distantiam.

Ad 9. iterum n. M. quia hæc denominatio respicit statum realem ex usu loquentium, adeoque etiam si Deus fundat quendam conceptum communem cum creatura, non tamen simpliciter erit similis creaturæ, quia non est similis secundum id, in ordine ad quod homines attendunt similitudinem, nempe secundum esse specificum ac reale.

Ad 10. n. ant. ad prob. d. Deus est à se, ita ut aseitatas explicitè importetur in conceptu entis n. ita ut abstrahatur c. nam iste modus existendi à se tantum se tenet ex parte rei, non ex parte communi conceptus.

Ad 11. n. ant. ad prob. d. ant. potest dici, quod sicut Deus



Deus est ens ita etiam creatura sit ens per imitationem univocam c. analogam tantum n. nam etiam duo perfecte similia imitantur se invicem absque eo, quod convenient analogice.

Ad 12. n. ant. ad prob. d. Creatura est ens cum habitudine ad Deum in sensu reali, c. in sensu formali n. quia conceptus entis nondum explicite significat istam habitudinem ac relationem dependentiam unius ab altero.

Ad 13. d. ant. Ratio entis per prius convenit Deo prioritatem reali c. ant. prioritatem formali n. nam in conceptu entis tantum exprimitur distinctivum à nihilo, & abstrahitur à prioritatem, quia unum ens per prius distinguitur à nihilo.

Obj. 4. Saltem substantia & accidens non conveniunt univocè in ratione entis; ergo. Prob. ant. 1. ens omnino non est genus; ergo nec convenit univocè substantiæ, ant. prob. author. Aristotelis 10. metaph. text. 10. ubi dicit, quod ens non sit genus. Prob. ant. 2. ens refertur ad unam quandam naturam, sicut sanum ad sanitatem, sed sanum refertur analogice; ergo & ens. M. est Aristotelis 4. metaph. text. 2. Prob. 3. accidens non est ens, quasi ipsum propriè sit, sed quia illo aliquid est; ergo. ant. est D. Thomæ in pluribus locis. Prob. 4. illa conveniunt analogice, quorum ratio est partim eadem, partim diversa, sed ratio substantiæ & accidentis partim est eadem, partim diversa; ergo. prob. m. ratio substantiæ seu definitio est, quod sit ens per se, & ratio accidentis est, quod sit ens per aliud; Sed hæc ratio partim est eadem, partim diversa; ergo.

Resp. ad 1. n. ant. ad prob. d. ens strictè sumptum non est genus tr. latè sumptum n. per ens strictè sumptum Antiquiores sæpe intelligunt substantiam, & substantia non est genus.

Ad 2. Eodem modo d. ens strictè sumptum c. latè sumptum neg.

Ad 3. Eodem modo d. quia D. Thomas per ens plerumque intelligit substantiam, quæ habet propriam existentiam & substantiam.

Ad 4. concessa M. n. m. ad prob. c. M. d. m. hæc ratio non est eadem in sensu reali c. in sensu formali n. m. nam ista diversitas non exprimitur in conceptu entis; hinc conceptus entis non est analogus, nam analogi sunt, quorum ratio per nomen significata seu explicite expressa partim est eadem partim diversa; ergo quandoque diversitas explicite non exprimitur, non obstat univocationi.

## QUÆSTIO IV.

I In quo consistat possibilitas entis?

Veteres Philosophi Græci nullam admisserunt possibilitatem entis propriè dictam, quia statuerunt mundum esse ab æterno, & nullum ens de novo produci: quæ enim nobis videntur produci de novo, ea dixerunt tantum nobis fieri visibilia, cum prius non fuerint visibilia, hoc autem fieri per novam combinationem entium existentium ab æterno. ratio illorum erat, quia ex nihilo nihil fit; diversimodè tamen explicarunt productionem eorum entium, quæ de novo incipiunt observari sensibus. Democritici hoc voluerunt per combinationem atomorum seu sim insensibilium, conjunctim verò sensibilium. Plato productionem nihil aliud esse judicavit, quam unionem animæ cum formis seu Ideis existentibus ab æterno. Aristoteles generales causas & species entium dixit esse ab æterno & necessarias eo ipso, quod possibiles sint, quia alias non possent redigi in actum ab alio. In-

R. D. Euseb. Amort Philosophia.

dividua verò de novo dixit produci, quia manente antiqua existentia & antiquo ente tantum incipit fieri nova forma in novo subjecto, quæ non habet novum esse, sed est tantum modus entis, non est ens, sed entis,

Scotus cum suis affectis possibilitatem entium constituit in esse relativo divinæ cognitionis, seu re ipsa in Ideis divinis relatis ad entia actualia: si bene inspicatur, possibilitatem entium tantum constituit in natura communi, quæ est eadem juxta Scotum in rebus materialibus, spiritualibus, creatis & increatis, quia v.g. Justitia creata convenit cum increata univocè, & sic de aliis entibus; igitur si aliqua talis natura existens in statu increato in mente divina, in quo statu acquirit nomen Ideæ, si inquam talis natura referatur ad statum creatum, eo ipso poterit vocari possibilis,

D. Thomas cum Thomistis possibilitatem entium vult consistere in omnipotentia divina; docet enim Deum cognoscere entia possibilia in se ipso seu in sua essentia, ita ut Deus intuendo suam omnipotentiam videat Petrum, Paulum, & omne ens possibile. Hæc opinio fundatur in 1. de causis, & in 12. metaph. ubi dicitur singularia ac individua à Deo cognosci tantum in causis generalibus, quamquam illa vetus opinio ab opinione D. Thomæ differat in hoc, quod juxta D. Thomam in omnipotentia divina cognoscantur etiam individua, non verò juxta opinionem Veterum. Hæc explicatio sententiæ Thomisticæ tantum attingit corticem non nucleum, videtur enim quoad rem ipsam D. Thomas idem docere cum Scoto. Admittit aliquam naturam præcisam formaliter & distinctam virtualiter ab omni alia individuatione. Hæc natura præcisa est suo modo natura communis & convenit saltem analogice, si non strictè univocè tam enti creato quam increato, igitur Deus intuendo suam omnipotentiam seu cumulum talium naturarum communium & perfectionum indefinitarum eo ipso etiam videt entia possibilia etiam creata.

Quarta opinio Recentiorum est, quod possibilitas entis consistat in intrinseca non-repugnantia terminorum; v.g. homo dicit animalitatem & rationalitatem, hi duo termini secundum suum esse objectivum ac in suo conceptu non dicunt contradictionem, ac propterea homo est aliquid possibile; quidquid sit hæc non-repugnantia, in illa consistit possibilitas entis intrinseca. Vocant hanc possibilitatem intrinsecam, ut detur diversitas à possibilitate extrinseca, quam etiam quidam Recentiores constituunt in omnipotentia divina, quæ utique rei possibili est aliquid extrinsecum.

Dico 1. Entia possibilia non habent esse Physicum extra Deum ab æterno, adeoque nec in illo consistit possibilitas entium. Prob. concl. 1. Omne ens finitum potest esse contingens; ergo est contingens.

Prob. con. 2. Omne ens potest esse dependens ab alio; ergo est dependens ab alio.

Prob. con. 3. Omne ens finitum potuit limitari ab alio; ergo fuit limitatum ab alio.

Prob. con. 4. Si entia jam haberent esse Physicum extra Deum, tunc entia simpliciter non producerentur, nec simpliciter annihilarentur: Hoc non potest dici; ergo, m. patet ex Scriptura.

Dico 2. Entia possibilia non habent esse Physicum in mente Dei. Prob. concl. si haberent esse Physicum in mente Dei, tunc haberent aliquod esse relativum ad statum creatum tanquam aliud ab essentia divina: Sed hoc non potest dici; ergo. M. patet, quia in Deo non datur possibilitas ad se ipsum, sed ad



aliud *m. prob.* illud esse relativum, esset aliquid necessarium, & tamen non pertineret ad essentiam divinam: Sed hoc non potest dici; ergo. *M. prob.* quoad 2. membr. esse relativum præsupponit essentiam; ergo. *prob. ant.* prius est esse in ordine ad se, quam referri ad aliud.

*Prob. concl. 2.* Si possibilitas entium consisteret in aliquo esse relativo increato, tunc deberet dari aliquis terminus illius relationis: Sed hoc non potest dici. *m. patet*, quia ille ipse terminus esset intrinsecè possibilis, non per relationem, sed per se ipsum. *M. prob.* non potest à Deo cognosci illud esse relativum nisi cognoscatur terminus relationis tanquam aliquid possibile; ergo.

7 Dico 3. *Possibilitas entis non dicit solam omnipotentiam divinam.* *Prob. con.* ens possibile est objectum divinæ omnipotentiae; ergo non est ipsa omnipotentia. *prob. conf.* ens possibile habet suam possibilitatem ex parte objecti.

*Prob. concl. 2.* Enti possibili & omnipotentiae divinæ conveniunt contradictoria; ergo ens possibile dicit aliud quàm omnipotentiam divinam, *prob. ant.* ens possibile producit, omnipotentia divina non producit; ergo.

*Prob. concl. 3.* Ens possibile mutatur intrinsecè, dum intrinsecè reducitur in actum; ergo ens possibile non dicit omnipotentiam, *prob. conf.* sola omnipotentia non reducitur in actum intrinsecè; ergo.

*Prob. concl. 4.* Actualitas est enti intrinseca, ergo etiam possibilitas est enti intrinseca, *prob. conf.* si possibilitas non esset intrinseca, tunc esse possibile vel actuale tantum esset denominatio extrinseca: Hoc non potest dici; ergo. *M. prob.* ens possibile intrinsecè non acquireret aliquod esse actuale post esse possibile; ergo.

*Prob. concl. 5.* Si ens possibile diceret omnipotentiam divinam, tunc ens possibile esset aliquid relativum ad Deum tanquam ad suam causam: Sed hoc non potest dici; ergo. *m. prob.* non sentimus nos tendere in Deum, dum affirmamus Anti-Christum esse possibilem; ergo.

*Prob. concl. 6.* Ens possibile differt ab ente actuali intrinsecè ex parte recti; ergo possibilitas non est enti extrinseca. *prob. ant.* ens possibile non differt ab ente actuali ex parte obliqui; ergo tantum differt ex parte recti. *prob. ant.* ens possibile & actuale ex parte obliqui dicunt eandem omnipotentiam; ergo ex parte obliqui non differunt.

*Prob. concl. 7.* Si ens possibile diceret omnipotentiam divinam, tunc committeretur circulus vitiosus in definitione omnipotentiae divinæ & in definitione entis possibili, hoc non potest dici; ergo. *M. prob.* ens possibile definiretur, quod sit terminus omnipotentiae, & omnipotentia divina definiretur, quod sit virtus productiva possibilibus; ergo omnipotentia divina definiretur per possibilia, & è converso.

*Prob. concl. 8.* Debet dari ratio, cur Hircocervus sit impossibilis, & Anti-Christus possibilis: Sed hæc ratio non est omnipotentia divina, sed intrinseca non repugnantia; ergo possibilitas non est omnipotentia, sed intrinseca non repugnantia. *m. patet*, quia Anti-Christus non ideo est possibilis, quia potest produci à divina omnipotentia, sed ideo potest produci, quia est possibilis.

*Prob. concl. 9.* Amabilitas objecti est aliud ab amore; ergo possibilitas est aliud ab omnipotentia. *prob.*

*conf.* eodem modo se habet omnipotentia ad possibilitatem, sicut amor ad amabilitatem.

Dico 4. *Possibilitas entis dicit intrinsecam non repugnantiam terminorum.* *Prob. con.* Illud dicit possibilitas entis, per quod habetur essentiale distinctivum entis possibilis ab impossibili: Sed hoc distinctivum habetur per intrinsecam non repugnantiam terminorum; ergo. *m. prob.* per illud habetur essentiale distinctivum entis possibilis ab impossibili, quod formaliter concipitur, dum concipitur ens possibile: Sed; ergo. *m. prob.* dum concipimus ens possibile, sentimus nos immediatè tantum tendere in non repugnantiam terminorum; ergo.

*Prob. concl. 2.* Illud dicit impossibilitas entis, per quod ens possibile fit objectum formale divinæ omnipotentiae: Sed per non repugnantiam terminorum fit objectum formale divinæ omnipotentiae; ergo. *prob. m.* per illud ens possibile fit objectum divinæ omnipotentiae, quod est ratio sub qua omnipotentia versatur circa ens possibile: Sed hæc est non repugnantia; ergo. *prob. m.* in tantum omnipotentia versatur circa Anti-Christum, inquantum non dicit repugnantiam terminorum; ergo.

*Prob. concl. 3.* Illud dicit possibilitas entis, ad quod intellectus attendit, dum iudicat rem esse possibilem: Sed hoc est non repugnantia terminorum; ergo. *m. patet* ab experientia. *M. prob.* illud ad quod intellectus attendit, dum iudicat rem esse possibilem, est formale motivum ac determinativum possibilitatis; ergo possibilitas nihil aliud dicit, nisi id, ad quod intellectus attendit.

## Solvuntur Objectiones.

*Obje. 1.* contra 1. *Concl.* Si ens possibile non haberet esse actuale ab æterno, tunc vera esset hæc propositio, non ens sit ens: Sed hoc non potest dici; ergo. *m. prob.* si vera esset hæc propositio, tunc vera etiam esset hæc, negatio entis convertitur in ens, hoc non potest dici; ergo. *m. prob.* unum contradictorium non convertitur in alterum contradictorium.

2. Si ens possibile non haberet esse actuale, tunc à transitu non entis ad ens nullum daretur medium commune utrique permutationis termino: Sed hoc non potest dici; ergo. *prob. m.* quando ex frigido fit calidum, manet id, quod fuit frigidum, commune medium calori & frigori; ergo.

3. Ens possibile plus dicit, quàm ens impossibile; ergo est plus quàm nihil, adeoque habet esse actuale. *conf. patet*, quia nihilum est minimum inter omnia, adeoque quod est plus minimò, jam non est nihilum. *ant. prob.* Anti-Christus est plus quàm Chymera.

4. Quidditas Petri actualis habet esse actuale; ergo etiam quidditas Petri possibilis. *prob. conf.* eadem est quidditas actualis & possibilis Petri; ergo si hæc habet esse actuale, etiam illa habebit esse actuale.

5. Si datur verificativum ab æterno huius propositionis, tunc etiam datur esse actuale: Sed; ergo. *M. prob.* illud verificativum non est nihil; ergo.

6. Non potest affirmari possibilitas Petri, quin eo ipso affirmetur esse actuale Petri; ergo habet esse actuale. *prob. ant.* non potest affirmari possibilitas Petri,



Petri, quin dicam, *Petrus est possibilis*; Sed si hoc, tunc non potest affirmari possibilitas Petri, quin eo ipso affirmetur esse actuale Petri; ergo non potest affirmari possibilitas Petri, quin eo ipso affirmetur esse actuale Petri. prob. *m. rō est*, jam importat existentiam; ergo.

7. Essentia sunt ab æterno; ergo habent esse actuale.

8. Dantur propositiones æternæ veritatis; ergo datur earum veritas, ergo etiam esse actuale.

9. Ex nihilo nihil fit; ergo esse possibile non præcedit esse actuale ant. prob. ex dictamine luminis naturalis & omnium Philosophorum veterum.

10 Resp. ad 1. d. M. Vera est hæc propositio non ens fit ens per conversionem improprie dictam c. M. per conversionem proprie dictam n. M. nam natura est tantum transitus à non termino ad terminum, & ideo non est verum, quod negatio entis convertatur in ens, conversio enim fit ab ente in ens.

Ad 2. c. M. n. m. & suppositum, quod in creatione proprie detur transitus, vel d. M. in omni transitu naturali datur medium commune c. M. in transitu supernaturali & excedente vires naturæ, n. M. in productione naturali v. g. ignis ex ligno non producit ignis simpliciter ex nihilo, sed ex subiecta materia, e contra in creatione, quæ excedit vires naturæ creatæ, simpliciter fit ex nihilo.

Ad 3. d. ant. Anti-Christus est plus quam Chymera potentialiter c. ant. actualiter n. ant. Anti-Christus actu æquè est nihil ac Chymera, sed habet plus potentia, vel potius potentiam ad plus nempe ad existentiam.

Ad 4. d. M. Eadem est quidditas Petri actualis & possibilis formaliter c. M. realiter n. M. nam quidditas Petri possibilis realiter est nihil, quidditas Petri actualis realiter est aliquid, & ideo Petrus possibilis distinguitur realiter ab actuali.

Ad 5. d. debet dari verificativum talium propositionum potentiale c. actuale n. vel subd. debet dari verificativum actuale actualitate potentia c. actualitate actus n. verificativum talium propositionum est sola potentia existendi, & potentia existendi nihil aliud est, quam non repugnantia terminorum, & non repugnantia est plura negatio, quæ actualiter est negatio.

Ad 6. d. ant. *rō est* importat existentiam potentialem tr. ant. actualem n. ant. nam quando dico: *Petrus est homo* non affirmatur humanitas de Petro in statu, sed ampliative; nec propositio est de secundo adjacentem ex communi acceptione hominum, sed est sensus: *Petrus, quandoque existit, est homo*, quin potius prout observat D. Thomas *rō est* est terminus æquivocus, aliquando significat existentiam, aliquando tantum habitudinem terminorum ad invicem, in nostro casu *rō est* habet sensum posteriorem, & significat habitudinem terminorum, non existentiam.

Ad 7. & 8. d. Essentia sunt ab æterno, & dantur propositiones æternæ veritatis in sensu aliunde evidenti c. in sensu aliunde non evidenti n. ut patet ex hermeneutica, axiomata sunt tantum vera in sensu aliunde evidenti, adducta verò axiomata aliunde evidenti non sunt, nisi in quantum essentia aut propositiones æternæ veritatis existunt potentialiter ab æterno, potentialitate relata ad objectum immutabile in statu reali. nec evidens est, aliquas veritates aut essentias dari ab æterno extra Deum.

Ad 9. d. Ex nihilo nihil fit naturaliter c. supernaturaliter n. mirum videri non debet, quod veteres, qui tantum respexerunt ad cursum naturæ ordinarium ac obvium, hoc principium inter luminis naturalis dictamina reposuerint, quia illi etiam hoc pro fundamento admiserunt, quod supra nos, nihil ad nos, ex quo sequitur, illos de productione supernaturali ne quidem cogitasse. Ceterum ex eo, quod nos nullam habeamus claram cognitionem hujus creationis ex nihilo, minime sequitur eam non dari, sicut cæcus malè negaret colores ex eo, quod illas non cognoscat, & malè negaretur v. g. horologium fuisse constructum arte humana, etiam si non cognosceretur ars, qua fuit constructa.

Objic. 2. Ens possibile essentialiter dicit relationem ad omnipotentiam; ergo eo ipso formaliter dicit omnipotentiam. prob. ant. ens possibile essentialiter dicit participationem ab aliqua causa; ergo dicit relationem ad omnipotentiam. prob. ant. ens possibile dicit contingentiam, & negationem necessitatis ad existendum; ergo.

2. Si hæc propositio: *Petrus est possibilis*; debet habere verificativum necessarium, eo ipso dicit aliquid increatum: Sed; ergo.

3. Non-repugnantia terminorum non est sufficiens constitutivum possibilitatis; ergo possibilitas dicit aliquid aliud quam non-repugnantiam terminorum. prob. ant. si posita non-repugnantia terminorum adhuc Petrus non est simpliciter possibilis, tunc non est adæquatum constitutivum possibilitatis: Sed; ergo. *m. prob.* sublata causa productiva non-repugnantia terminorum non est sufficiens exire in actum. ergo.

4. Ipsa non repugnantia terminorum non est possibilis sine Deo; ergo non-repugnantia terminorum non est formale constitutivum possibilitatis. prob. ant. nihil potest concipi nisi per Deum tanquam causam; ergo.

5. Si possibilitas consisteret in non repugnantia terminorum, tunc possibilitas rerum esset prior ad omnipotentiam divinam: Sed hoc non potest dici; ergo. *m. prob.* non potest dici, quod detur aliquod objectum limitans omnipotentiam divinam: Sed si possibilitas esset prior ad omnipotentiam divinam, crearetur objectum limitans &c. ergo.

6. Si possibilitas consisteret in non-repugnantia terminorum, tunc Deus videndo possibilitatem rerum videret aliquid aliud quam se ipsum; Sed hoc non potest dici; ergo. *m. prob.* Deus omnia vidit in se ipso; ergo.

Resp. ad 1. d. ant. Ens possibile realiter sumptum dicit relationem ad omnipotentiam divinam c. ant. formaliter sumptum n. idem Resp. ad prob. nam etiam si ens possibile excludat necessitatem existendi, & eo ipso non sit à se ipso, tamen ens possibile non necessario sub hac formalitate concipitur, licet re ipsa habeat hanc formalitatem.

Ad 2. d. M. Hæc propositio habet verificativum increatum negativum c. M. positivum n. M. non repugnantia terminorum est etiam increata, sed non habet esse positivum.

Ad 3. n. ant. ad prob. tr. M. n. m. ad prob. d. ant. sublata causa non-repugnantia terminorum est insufficientis exire in actum insufficientia extrinseca c. ant. insufficientia intrinseca n. ant. possibilitas de qua loquimur, solum attingit ipsam naturam rei secundum se, quandoque ergo in natura v. g.



Petri non reperitur repugnantia terminorum, dicitur illam esse possibilem, non respiciendo ad conditiones extrinsecas, quæ requiruntur ut exeat in actum, quod verò prolata hac voce tantum respiciamus ad esse intrinsecum, patet ab experientia, quia nos non sentimus cogitare aut inquirere de causa productiva.

Ad 4. d. ant. ipsa non repugnantia non est possibilis sine Deo possibilitate intrinseca n. possibilitate extrinseca c. vel subd. non est possibilis sine Deo possibilitate intrinseca positiva c. ant. negativa n. ant. etiam si forè sine Deo ne quidem existerent negationes entium, tamen plus non sequitur, quam Deum esse conditionem necessariam sine qua non, ad hoc ut creaturæ sint possibiles.

Ad 5. c. M. n. m. ad prob. d. daretur objectum limitans divinam omnipotentiam ultra id, ad quod se extendit omnipotentia divina c. citra id ad quod se extendit n. nam possibilitas rerum non restringit omnipotentiam, quia omnipotentia non potest se extendere ultra possibilitatem.

Ad 6. tr. M. n. m. ad prob. c. ant. d. c. ergo Deus non videt possibilitatem rerum in se ipso tanquam in termino c. c. non videt in se ipso tanquam medio n. c. hæc difficultas etiam solvi debet ab adversariis, & potest retorqueri: si Petrus est aliquid existens præter Deum, tunc Deus non videret Petrum in se ipso: Sed; ergo. nam etiam si Deus videat Petrum ut aliquid distinctum à Deo, tamen non videt illum per aliquid distinctum à Deo. Eodem modo Deus etiam videt negationes, ut aliquid distinctum à se ipso, sed non per aliquid distinctum.

13 *Dices:* Implicante Deo eo ipso implicarent omnes creaturæ; ergo possibilitas creaturæ non est prior ad omnipotentiam, sed posterior.

*Resp.* d. ant. implicare omnes creaturæ implicante Deo extrinseca c. ant. intrinseca n. ant. Implicante Deo Petrus non posset produci, interim tamen etiam si Deus diceret contradictionem & repugnantiam terminorum, Petrus non eo ipso diceret contradictionem.

14 *Objic. 3.* Non potest dici, quid sit ista non-repugnantia terminorum; ergo. prob. ant. si hæc non-repugnantia est in Deo, tunc eo ipso est ipse Deus, si est extra Deum, est omnino nihil ab æterno. Neutrum potest dici; ergo. prob. m. quoad 2. memb. pura negatione quidem potest concipi, nisi per aliquid positivum; ergo hoc non potest dici.

2. Possibilitas entis non dicit imperfectionem; ergo eo ipso est in Deo.

3. Id, sine quo Deus non potest existere, non est extra conceptum Dei: Sed possibilitas entis est id, sine quo Deus non potest existere; ergo.

4. Id, quod est melius & amabilius quacunque re creata, est ipse Deus: Sed possibilitas est melior & amabilior quacunque re creata; ergo m. prob. possibilitas rei est æterna; ergo est melior quacunque re creata.

15 *Resp.* ad 1. n. ant. ad prob. dico: istam non-repugnantiam esse puram negationem. ad prob. d. ant. pura negatio ne quidem potest concipi sine aliquo positivo ex parte objecti representationis c. ant. sine aliquo positivo ex parte objecti verificationis n. ant. verum quidem est, negationes non posse concipi ut sunt in se ipsis, nec ab homine, nec à Deo, sed semper concipiuntur vel per positionem

sue causæ aut effectus oppositi, aut omnino per enumerationis, illud igitur per quod concipiuntur, & quod est immediatum objectum representationis, est aliquid positivum; Sed id, quod per istud objectum representationis repræsentatur, verificativè est pura negatio; sic tenebras concipimus concipiendo spatium aut aërem, & non concipiendo lucem,

Ad 2. c. ant. d. conf. ergo existit in Deo, si verificativè esset aliquid positivum c. conf. si tantum sit aliquid negativum n. con. Hoc axioma, quod omne id existat in Deo, quod non dicit imperfectionem solum verum est in sensu aliunde evidenti, nempe si illud sit aliquid positivum.

Ad 3. d. M. si illud sit aliquid positivum c. M. si negativum n. M. non enim absurdum est, Deum non posse existere sine negatione alterius Dei.

Ad 4. c. M. n. m. ad prob. tr. ant. dist. conf. ergo possibilitas est melior simpliciter n. c. secundum quid subd. possibilitas est melior secundum quid bonitate negativa c. c. positiva n. c. ut enim habet vulgatum axioma: simpliciter melius est esse, quam non esse.

*Objic. 4. 1.* Si possibilitas consisteret in non-repugnantia terminorum, tunc idem Petrus actu existeret, & simul esset possibilis: Sed hoc non potest dici; ergo m. est clarè absurda, possibilitati enim succedit actus, & Petrus existens fuit translatus à statu possibilitatis ad statum existentie; accedit, quod possibilitas Petri sit æterna, & necessaria, existentiam verò Petri sit contingens & in tempore, adeoque ista duo simul non stant. M. prob. Petrus actualiter existens non habet repugnantiam terminorum; ergo in Petro adhuc datur possibilitas Petri.

2. Ratio, quæ probamus conclusionem, non est sufficiens; ergo. prob. ant. ratio nostra est hæc: in illo consistit possibilitas entis, per quod constituitur objectum divinæ omnipotentie; Sed; ergo m. prob. hæc ratio est similis huic argumentationi: in illo consistit murus albus, per quod murus est objectum potentie dealbative; Sed hæc est mala; ergo & prior.

*Resp.* ad 1. d. M. Verum est, Petrus esset possibilis possibilitate actuali c. M. potentiā n. M. nam datur duplex possibilitas, nempe ante existentiam actualem, & in ipso statu existentie, sed hæc due possibilitates distinguuntur realiter sicut ens & negatio entis. Quod verò detur duplex possibilitas, colligi potest ex communi axiomate, quod actus non tollat potentiam, v. g. dum ambulo, non amitto potentiam ambulandi. sic etiam Petrus dum existit, non amittit potentiam existendi, sed facit, ut possibilitas potentialis fiat possibilitas actualis.

Ad 2. n. ant. ad prob. c. M. n. m. ad prob. n. ant. disparitas est, quia murus albus non est denominatio intrinseca absoluta, neque ullam dicit relationem essentialē realem ad potentiam dealbativam, e contra ens possibile dicit realiter essentialē relationem ad causam productivam.

## QUÆSTIO V.

*In quo consistat Relatio?*

**A**cturi de Prædicatione, de sola relatione quæstionem instituimus. De quantitate enim, qualitate, actione, loco, tempore &c. agitur in Phis.



Physica, quia sunt proprietates corporis naturalis. De habitibus verò agitur in Ethica aut libris de Anima.

2 Relatio est habitudo unius ad aliud. v.g. similitudo inter duos muros vocatur duorum murorum relatio. In omni tali relatione dantur tria: *Fundamentum*, *Terminus*, & *Ratio fundandi*. In casu posito murus A est fundamentum, murus B est terminus, & ratio fundandi est albedo horum duorum murorum. Sic etiam creator habet relationem ad creaturam, fundamentum est creator, terminus est creatura, & ratio fundandi est actio creativa. Ratio fundandi dividitur in rationem fundandi adæquatam & non adæquatam, proximam & non proximam. Ratio fundandi adæquata dicitur, prout existit in duobus relationis terminis. v.g. si duo muri albi sunt similes, utraque albedo existens in duobus muris dicitur esse ratio fundandi adæquata. Ratio fundandi adæquata & proxima vocatur, quæ est applicata immediatè adtribuendam relationem similitudinis. Si v.g. darentur duo muri & duæ albedines extra murum, non darentur duo muri similes, quia albedo non est applicata ad muros; aut si albedo quidem existeret in duobus muris per unum localem, sicut existit in Eucharistia in corpore Christi, sed non informativè, albedo non diceretur proximè applicata adtribuendam similitudinem, & sic albedo non esset ratio fundandi proxima & adæquata.

3 Omnis relatio fundatur aut 1. in unitate & numero, aut 2. in actione & passione. 3. aut in mensura & mensurabili. Quæcunque enim relationem habent ad invicem, ideo habent, quia comparantur ad invicem vel per aliquam actionem, vel per mensuram &c.

Relatio æqualitatis, similitudinis, identitatis, propinquitatis, coexistentiæ, multiplicatis, dupli, tripli &c. pertinent ad primum principium, nempe ad unitatem & numerum. Sic 2. & 4. habent relationem in proportionem dupli, duo alba habent relationem unitatis, quia habent saltem specie unam albedinem.

Relatio causæ ad effectum, totius ad partes &c. pertinet ad secundum principium relationis, nempe ad actionem & passionem, ideo enim creator refertur ad creaturam, quia intercedit actio creativa. Ad mensuram & mensurabile pertinent omnia, quæ habent respectum ad invicem secundum æqualitatem: Sic scientia ad scibile se habet ut mensurabile ad mensuram, quia scientia debet conformari suo objecto tanquam suæ mensuræ. Talem relationem etiam habet intelligibile ad intellectum, visibile ad visum &c.

4 Relatio dividitur 1. in relationem realem & rationis.

Relatio realis est, quæ datur à parte rei saltem fundamentaliter sine intellectu fingente. talis datur inter duo similia. Relatio rationis est, quæ tantum datur in intellectu, talis datur in Deo relatè ad creaturam, quia Deus realiter non habet respectum ad creaturam saltem novam, sed tantum creatura ad Deum.

5 Relatio dividitur 2. in relationem secundum esse, & in relationem secundum dici. Relatio secundum dici idem est ac relatio rationis, & relatio secundum esse idem, ac relatio realis.

6 Relatio 3. dividitur in transcendentalem, & prædicamentalem. Transcendentalis est, quæ convenit cuicunque rei inseparabiliter. Prædicamentalis est, quæ

non convenit omni rei, aut certè separabiliter convenit. Sic creatura habet relationem transcendentalem ad Deum, quia convenit cuicunque rei inseparabiliter, econtrà similitudo inter duos muros est relatio prædicamentalis, quia est separabilis. cum alter murus possit destrui.

Relatio dividitur 4. in mutuam, & non mutuam. 7 Mutua datur inter duos muros similes. Non mutua inter ens & non ens. vel inter Deum & creaturam, quia creatura habet relationem ad Deum, sed non Deus ad creaturam, nisi secundum dici, ut aliqui volunt.

Quæstio jam versatur in eo, an relatio quælibet distinguatur à fundamento, termino, & ratione fundandi? Circa hanc quæstionem Thomistæ & Scotistæ dicunt, relationem esse entitativam quandam distinctam realiter à fundamento, termino, & ratione fundandi. Entitativam illam dicunt resultare posita ratione fundandi in utroque comparisonis termino. Ex RR. plurimi communiter defendunt, relationem nihil esse à parte rei, sed eam tantum consistere in ipso actu intellectus comparante unum correlative ad alterum; hinc docent, relationem quidem objectivè & materialiter consistere in fundamento, vel termino, vel ratione fundandi adæquata & proxima, vel in complexo ex fundamento, termino & ratione fundandi adæquata & proxima, eam verò formaliter consistere in actu intellectus comparativo. Ita sentit communis RR. Sed si bene inspiciatur Suarezius, longè aliam fovet sententiam, Suarezius enim admittit prorsus id, quod admittunt Scotistæ & Thomistæ, nempe aliquam perfectionem essentialiter relativam ad aliud, hoc solo discrimine, quod Suarezius dicat, hanc perfectionem relativam esse inseparabilem aliquando à fundamento, aliquando à termino, communiter autem à ratione fundandi; & quia inseparabilitas est signum identitatis realis, eo ipso dicit, quod relatio identificetur aliquando cum fundamento, aliquando cum termino, communiter verò cum ratione fundandi. Itaque Suarezius differt à Scotistis & Thomistis, quod illam ipsissimam relationem ac perfectionem, quam ipsi distinguunt realiter ob separabilitatem, is identificet ob inseparabilitatem. Ab aliis RR. etiam differt, quia dum illi negant dari à parte rei formalem relationem, seu respectum unius rei ad aliam, is reverà relationem formalissimè dicat dari à parte rei, quia mundus realis etiam in hac re est simillimus mundo intellectuali: sicut ergo in mundo intellectuali seu in mente dantur respectus rerum ad invicem, sic etiam dantur in mundo reale seu à parte rei. Ego cum Suarezio

Dico 1. Relatio non consistit in sola ratione fundandi. 9

Prob. concl. potest dari relatio, quin detur ratio fundandi; ergo non sunt idem. prob. ant. quando inter causam & effectum perit actio productiva, adhuc datur relatio, & tamen non amplius datur ratio fundandi; ergo. sic etiam inter artificem & artefactum v.g. sutorem & calceum datur relatio, etiam si cesset actio sutoris.

Prob. 2. In B. Virgine datur relatio Maternitatis, & tamen non datur amplius ratio fundandi; ergo ant. quoad 1. memb. est de fide, quoad 2. patet, quia ratio fundandi nihil aliud est, quam conceptio & partus Virginis.

Prob. 3. Potest dari ratio fundandi ut separata à funda.



fundamento & termino, quin detur relatio; ergo non sufficit ratio fundandi. prob. ant. si albedo muri existeret extra murum, non diceretur murus esse similis alteri, vel siquidem existeret in muro tantum per unionem localem, sicut existit in corpore Christi Eucharistico, pariter non darentur duo muri similes, sicut non potest dici corpus Christi muro esse simile in ratione albi.

- 10 Dico 2. *Relatio non identificatur formaliter cum ratione fundandi adequata & proxima.*

Prob. 1. Etiam adequata ratio fundandi in suo formali conceptu formaliter non dicit similitudinem; ergo in ea non consistit similitudo. prob. ant. possum cogitare de hoc muro albo, & de illo muro albo, quin explicitè cogitem hos duos muros esse similes; ergo.

Prob. concl. 2. Si conceptus formalis similitudinis plus dicit, quam adequatam rationem fundandi, tunc eo ipso similitudo objectiva formaliter non consistit in ratione fundandi; Sed; ergo. M. prob. si conceptus formalis plus dicit, tunc eo ipso debet dari novum verificativum conceptus formalis similitudinis: Sed si hoc, tunc in eo non consistit; ergo.

- 11 Dico 3. *Relatio non consistit formaliter in solo fundamento nec in solo termino.* Prob. con. fundamentum & terminus possunt esse & concipi; quin sit & concipiatur similitudo. ant. patet ex priori conclusione.

- 12 Dico 4. *Relatio non consistit formaliter in complexo ex fundamento, termino, & ratione fundandi.* Prob. conc. hoc complexum potest concipi, quin formaliter & explicitè concipiatur similitudo; ergo similitudo dicit aliquid aliud formaliter. ant. prob. possum cogitare hunc murum esse album, & illum esse album, quin explicitè cogitem de similitudine horum murorum; ergo. prob. ant. quando explicitè cogito de similitudine horum murorum, sentio me aliud cogitare, quam dum cogito de hoc muro albo, & de illo muro albo. ergo.

- 13 Dico 5. *Relatio non consistit in entitate distincta à fundamento, termino, & ratione fundandi.* Concl. est contra Thomistas & Scotistas, qui admittunt realem distinctionem. Prob. concl. nulla datur necessitas huius entitatis realiter distinctæ; ergo non datur. prob. ant. nec ratio nec experientia probat dari talem entitatem, ergo.

Prob. concl. 2. Non datur causa productiva vel destructiva huius entitatis; ergo. c. patet, quia illud non datur, cuius nulla est productio & corruptio. prob. ant. Ponamus in India dealbari murum, nostro muro similem, in hoc casu dabitur de novo similitudo inter hos duos muros, & tamen non dabitur causa productiva, quod probatur: Si non datur actio indistans, nec ullum aliud determinativum ad similitudinem muri Indici, tunc non datur causa productiva similitudinis in muro Indico: Sed; ergo. m. quoad secundum memb. probatur, si daretur determinativum, tunc esset ipsa albedo vel dealbatio muri Indici: Sed hæc non est determinativum; ergo. m. prob. hæc albedo & dealbatio potest dari quin detur similitudo; ergo. ant. prob. potest non existere murus in Europa, qui sit similis muro Indico, & in tali casu non dabitur similitudo in muro Indico.

Prob. concl. 3. Si daretur talis distincta entitas, tunc sequeretur, ad motum pulvis mutari totum universum, Cælum & terram, sed hoc est absurdum; ergo. M. prob. in toto universo deberet produci nova relatio propinquitatis aut distantie; ergo.

Prob. concl. 4. Si datur similitudo ad præteritum & futurum, tunc similitudo non semper consistit in entitate superaddita: Sed; ergo. m. prob. quia rosa huius anni est simillima rosæ anni præteriti M. prob. si datur similitudo ad præteritum & futurum, tunc non est necesse, ut aliquid de novo producat, si similitudo illa sit actualis, v. g. si rosa anni præteriti reproducere-tur supernaturaliter à Deo. ergo.

Dico 6. *Relatio formaliter sumpta non tantum datur in intellectu comparante, sed etiam à parte rei.* Prob. concl. 1. Formalis conceptus relationis est alius quam formalis conceptus fundamenti termini & rationis fundandi; ergo etiam relatio formaliter sumpta est aliud à parte rei. prob. conc. cuilibet conceptui correspondet suum proprium objectum; ergo si est alius conceptus relationis, etiam à parte rei relatio erit aliud. prob. ant. conceptus sunt signa vicaria sui objecti, ergo cuilibet conceptui correspondet suum proprium objectum.

Prob. concl. 2. Si affirmato fundamento termino, & ratione fundandi nondum formaliter affirmatur relatio, tunc est aliud à parte rei: Sed; ergo. m. patet, quia dum dico datur murus & albedo, nondum affirmo similitudinem muri cum altero muro. M. prob. si nondum formaliter affirmatur relatio, tunc eo ipso debet dari aliud verificativum, dum affirmatur illa relatio: Sed si hoc, tunc relatio est ad aliquid aliud à parte rei; ergo. M. prob. si nondum formaliter affirmatur relatio, tunc eo ipso non datur sufficiens objectum ad fundandam conformitatem, objecti cum intellectu dum affirmatur similitudo: Sed si hoc, tunc debet dari aliud verificativum; ergo.

Prob. concl. 3. Quodcumque datur nova denominatio, debet dari nova pars: Sed quando dico murus A. est similis muro B. datur nova denominatio, ergo etiam nova pars.

Prob. concl. 4. Si ex diversitate conceptuum, non posset inferri diversum verificativum à parte rei, tunc tolleretur omnis regula veritatis: Hoc non potest dici; ergo. M. prob. si non posset inferri diversum verificativum ex diversitate conceptuum, tunc tolleretur conformitas conceptuum ad objectum: Sed si hoc, tolleretur omnis regula veritatis; ergo si &c.

Prob. concl. 5. Quodcumque datur indifferentia in quacunque re à parte rei debet illa indifferentia tolli per aliquid positivum: Sed in muro & albedine datur indifferentia in ratione similitudinis; ergo. M. patet, quia murus potest esse similis vel non esse similis saltem formaliter. M. prob. si datur talis indifferentia, tunc non datur idem conceptus rei in statu indifferentiæ & post sublatam indifferentiam: Sed si non est idem conceptus, debet illa indifferentia tolli per aliquid positivum; ergo. m. prob. si non est idem conceptus, tunc etiam formaliter non est idem objectum; ergo.

Dico 7. *Relatio consistit in aliquo esse respectivo realiter identificato aliquando cum fundamento, aliquando cum termino, communiter vero cum ratione fundandi.* Sensus conclusionis est, quod relatio sit aliqua perfectio essentialis diversa ab aliis perfectionibus essentialibus, quæ fortè sunt aliquid absolutum; licet tamen diversa sit, non tamen distinguitur à parte rei ab aliis perfectionibus absolutis, nisi fundamentaliter tantum, quia inter perfectiones essentielles nulla datur à parte rei distinctio, nec Scotistica, nec Thomistica. Dico autem illam perfectionem relativam aliquando identi-



tificari cum fundamento, v. g. si creatura refertur ad Deum, hæc essentialis relatio identificatur cum creatura tanquam fundamento. Quando verò Deus refertur ad creaturam, tunc ista relatio identificatur cum creatura tanquam suo termino. Similiter potest dici, quòd causa referatur ad actionem vel ubicationem &c. per ipsam relationem essentialem actionis ad causam, non causæ ad actionem, vel referatur per relationem ubicationis ad rem ubicatam, non per rem ubicatam ad ubicationem. Cum ratione fundandi identificatur relatio, quando ratio fundandi est distincta à fundamento & termino, prout contingit inter duos muros albos, in his enim relatio identificatur cum albedine, quæ habet essentialem similitudinem, seu esse respectivum ad omnem aliam albedinem.

Conclusio sic explicata probatur primò. Relatio est, cujus totum esse est ad aliud: Sed hoc est esse respectivum; ergo.

*Prob. Concl. 2.* Si similitudo nihil aliud dicit, quàm convenientiam essentialem in qualitate aut quantitate tunc similitudo dicit aliquod esse respectivum identificatum cum ratione fundandi; Sed; ergo. *m.* prob. similia dicuntur, quorum una est v. g. albedo; ergo.

*Prob. Concl. 3.* Similitudo v. g. non potest concipi sine respectu unius ad aliud; ergo relatio dicit aliquod esse respectivum.

*Prob. Concl. 4.* In hoc relationis Systemate possunt omnia optimè explicari; ergo.

16 *Corollarium.* Ex hoc potest colligi universale principium Philosophiæ RRum, per quod distinguitur à Schola Thomistica vel Scotistica, videlicet hoc: quandocunque datur diversus conceptus, debet dari aliud objectum, & quidem si illud objectum est separabile à re, distinguitur realiter ab ipsa re, quando verò illud aliud objectum non est separabile à re, non distinguitur à parte rei ab ipsa re, nisi tantum fundamentaliter, inquantum facit, ut eadem res æquivalet diversis perfectionibus in aliis circumstantiis ac subjectis etiam realiter distinctis. Adeoque ex diversitate conceptuum etiam in hac Philosophia RRum, semper sequitur diversitas rerum fundamentalis, qua dantur plures perfectiones adeò diversæ in objecto, ac si essent realissimè distinctæ.

## Solvuntur Objectiones.

17 *Obj. 1. contra 5. Concl.* Relatio realiter distincta ex suo genere non repugnat; ergo potest etiam dari in creatis *conf.* patet, si enim ex suo genere non repugnat, tunc eo ipso fundat conceptum genericum, adeoque est unum aptum inesse multis, non multis increatis; ergo multis creatis. *ant. prob.* Personalitates divinæ, Paternitas, Filiatio, & Spiratio sunt relationes realiter distinctæ, à subjecto, termino &c.

2. Si non daretur relatio distincta, tunc ideo, quia deberent produci de novo innumera entia: Hæc ratio non obstat; ergo. *m.* prob. relationes etiam si essent distinctæ, non necessario producerentur de novo; ergo. *prob. ant.* potest dici, quòd hæ relationes tanquam proprietates sui subjecti producantur cum ipso subjecto; ergo. *prob. ant.* potest dari forma denominans, etiam si nondum actu detur denominatio; ergo etiam potest dari relatio, quin detur actualis denominatio. *prob. ant.* Deus est sua forma denominans in ratione creantis, etiam si ab æterno illi non conveniat actualis denominatio creantis.

3. Dantur modi in Schola RRum; ergo etiam possunt. *R. D. Euseb. Amort Philosophia.*

sunt dari relationes distinctæ in Schola Thomistarum. *prob. con.* est prorsus eadem ratio modorum & relationum; ergo. *prob. ant.* relatio est ens ad aliud, & essentialiter affixum suo subjecto; modus etiam est ens ad aliud, & essentialiter affixum suo subjecto; ergo est eadem ratio.

4. Datur necessitas modorum; ergo & relationum. *prob. conf.* non potest ostendi cur potius modi debeant realiter distingui à suo subjecto, & non etiam relationes, nec potest ulla alia assignari differentia v. g. inter modum ubicationis aut durationis, & inter relationem ubicationis aut temporis.

5. Dantur eadem absurda in modis, quæ in relationibus; ergo ex his absurdis nihil probatur. *prob. ant.* etiam modi v. g. ubicationis se extendunt per totum universum, & ad motum pulicis deberent produci innumeri modi seu novæ ubicationes, & entia totius universi acquirunt alium respectum ad pulicem, adeoque aliam novam ubicationem.

*Resp. ad 1. c. ant. d. conf.* ergo non repugnat in creatis 18 secundum suum statum essentialem *c. con.* secundum suum statum accidentalem *neg. con.* relatio ut sic est aliquod esse respectivum, & ut sic est unum aptum inesse multis, videlicet enti creato & increato; hoc esse respectivum est ipsa essentia relationis: sed utrum istud esse sit realiter distinctum vel indistinctum hoc non pertinet ad essentiam relationis, puta metaphysicam, quia potest intelligi totum esse respectivum quin intelligatur identitas aut distinctio illius à suo subjecto. In creatis hoc esse respectivum est inseparabile vel à fundamento, vel à termino, vel à ratione fundandi, & ideo realiter identificatur cum eis. In divinis verò hoc esse relativum non est quidem inseparabile à suo subjecto, sed tamen habet illam specialem energiam, è qua dependet totum universum, & ideo tribuitur huic relationi proprium esse subsistens, quod non competit relationi creatæ. Cæterum potest inverti argumentum, relatio à suo subjecto distincta essentialiter dicit mysterium; ergo non datur in creatis.

Ad 2. *n. ant. ad h. prob. d. ant.* potest dici, quòd hæc relatio sit composita cum ipso subjecto per modum proprietatis essentialis ac metaphysicæ *c. ant.* per modum proprietatis accidentalis aut physicæ *n. ant.* Eo ipso quod relationes producantur cum suo subjecto, sunt inseparabiles à suo subjecto, & si sunt inseparabiles eo ipso sunt identificate cum illo, adeoque tales relationes ad summum erunt proprietates metaphysicæ sicut risibilitas in homine. Ratio probationis addita non est contra nos, quia etiam in nostra sententia potest dari forma denominans, quin detur denominatio actualis si albedo non sit unita muro informativè, si verò est debite unita, tunc existente muro A jam datur esse respectivum ad omnem murum album, ubicunque & quandocunque existentem, id est, datur forma denominans similitudinis seu esse respectivum.

Ad 3. *c. ant. n. conf.* & patritatem, disparitas est, quia modi habent vim causalem in genere causæ physicæ, econtra relationes non habent vim ullius causæ. v. g. ubicatio, per quam sum in hoc potius loco quàm in alio non est pura relatio, quæ primùm resultat ex positione mei in hoc loco: sed ubicatio est illud ipsum, quod me ponit in hoc loco. Relatio non me ponit in hoc loco, sed primùm resultat tunc, postquam sum in hoc loco. Et ideo necessario debet dari aliqua causa quæ me nunc ponat in hoc loco. Hæc causa prius non dabatur antequam eram in hoc loco; igitur hæc



causa de novo datur & hanc causam voco *modum ubicationis*. Eodem modo discurrendum est de aliis modis.

Ad 4. n. ant. quia concessis modis non eo ipso datur actio indistans, & ad motum pulicis nulla alia produci- tur ubicatio nisi impulice tantum, neque necessario debet mutari totum universum, sicut illud deberet mutari, si darentur relationes; multiplicantur quidem entia admissis modis, sed non sine necessitate.

Ad 5. eodem modo Resp. sicut ad tertium, ratio necessitatis, ob quam admittuntur modi, est hæc: debet dari sublativum indifferentiæ causale, ob quod formaliter constituitur in hoc loco potius quam in alio. hoc determinativum causale non est solus Deus, nec solus homo; ergo aliquid distinctum ab illis. Ueberior explicatio modorum sequetur in Physica.

19 Obj. 2. contra eandem Concl. Non repugnat produci relationem in India, posito fundamento in Europa; ergo ratio nostra nihil probat. prob. ant. potest produci cognitio in Angelo existente in cælo, posito novo objecto in terra; ergo etiam potest produci nova relatio. c. prob. utraque tam cognitio quam relatio est aliquid respectivum essentialiter ad aliquid etiam distans.

2. Non necessario debet assignari causa productiva relationis; ergo etiam hæc ratio nihil probat. prob. ant. si relatio simpliciter non est ad aliquid, tunc non debet assignari causa productiva: Sed; ergo. m. prob. relatio tantum est *ad aliquid non aliquid*, tantum est *ad aliquid*, non *in aliquo*.

3. Illa quæ possunt separari distinguuntur realiter: Sed relatio potest separari à fundamento, termino & ratione fundandi; ergo. m. prob. potest dari murus A & albedo quin detur murus B, destructo muro A potest dari murus B quin detur murus A. jam sic in hoc casu ponitur fundamentum, terminus, & ratio fundandi quin detur relatio similitudinis; ergo.

4. Si in dato casu relatio non esset aliquid distinctum, tunc identificaretur cum ratione fundandi: Hoc non potest dici; ergo. m. prob. rationi fundandi seu albedini & relationi similitudinis conveniunt contradictoria; ergo. ant. prob. ponamus murum A habere albedinem ut octo, & murum B habere albedinem ut quatuor, hoc posito incipiat decrescere albedo muri A, igitur decrescet albedo, & tamen non decrescet similitudo, sed potius crescet similitudo; ergo illis conveniunt contradictoria, quia possum dicere albedo decrescit, similitudo non decrescit.

20 Resp. ad 1. neg. ant. ad prob. c. ant. neg. conf. & parit. disparitas est, quia cognitio Angelorum fit per immediatam intuitionem ac operationem Dei; contra effectus in inferioribus producuntur ministerio causarum secundarum naturalium; cognitio vero humana ne ipsa quidem potest produci, quin accipiat ab objecto aliquas species determinativas sui ad cognitionem. Circa relationem non emittuntur tales species ab Europa in Indiam, ut ibi producant relationem similitudinis. quia relatio non est aliquid activum, nec absolutum, igitur non est id, *ut quod* agit.

Ad 2. neg. ant. ad prob. c. M. neg. m. ad h. prob. d. ant. tantum est ad aliquid & non est aliquid inquantum  $\tau\delta$  aliquid sumitur prædicamentaliter, ut opponitur enti relativo c. ant. inquantum  $\tau\delta$  aliquid sumitur transcendentaliter ut opponitur nihilo neg. ant. nam relationes non sunt nihil, igitur si distinguuntur realiter à suo subiecto, eo ipso erunt aliquid.

Ad 3. tr. M. neg. m. ad prob. neg. ant. quod in hoc casu separatur relatio à fundamento, termino, & ratione fundandi, quia diximus dari relationem etiam ad præ-

teritum & futurum, adeoque murus A jam habet actuali relationem ad murum B futurum.

Ad 4. c. M. neg. m. ad h. prob. c. M. d. m. decrescit albedo, & non decrescit relatio formaliter tr. realiter neg. m. vel nego simpliciter, quod non decrescat relatio. Albedo habet aliquam relationem ad omnem albedinem, sive ejusdem gradus, sive diversi gradus. Sed ad albedinem ejusdem gradus habet esse respectivum diversum ab esse respectivo ad diversum gradum: igitur quando in posito casu decrescit albedo ut octo, tunc vel destruitur albedo ut octo, vel mutatur intrinsicè, vel tantum amittit aliquas partes? si destruitur, tunc etiam destruitur prior relatio, & produci- tur nova; si mutatur albedo intrinsicè, mutatur etiam relatio intrinsicè; si amittit aliquas partes, tunc etiam relatio amittit aliquas partes respectivas.

Potest etiam distingui sic: crescit similitudo augmento extrinseco tr. augmento intrinseco neg. ant. vel sic: crescit similitudo *augmento algebraico defectivo* c. ant. augmento physico n. ant. In Algebraicis consideratur etiam magnitudo defectuum & negationum, v. g. augmentum debiti dicitur crescere, quando decrescit pecunia: igitur hoc augmentum reverà est decrementum. pari modo similitudo dicitur crescere per decrementum partium in uno extremo concretirelativi.

Obj. 3. Contra eandem Concl. 1. Si relatio non esset aliquid distinctum, tunc omnino esset nihil: Hoc non potest dici; ergo. M. prob. si relatio non esset aliquid distinctum, tunc denominativum nihil acquireret novi: Sed si hoc, tunc relatio esset nihil; ergo.

2. Fundamentum, terminus, & ratio fundandi sunt adhuc indifferentia ad esse relativum; ergo datur aliquid tertium, quod tollat indifferentiam. c. posset probari ex eo, quia quodcumque duo sunt indifferentia, v. g. ad unionem, ut corpus & anima hæc indifferentia non tollit, nisi per aliquid tertium nempe per unionem. ant. prob. nec murus A albus, nec murus B albus habent essentiali respectum ad invicem; ergo.

3. Quodcumque datur nova denominatio, debet dari nova pars: Sed posita relatione v. g. similitudinis datur nova denominatio &c. ergo.

4. Relatio creatoris in Deo non transit, & tamen ratio fundandi transit, ac perit; ergo relatio est aliquid distinctum.

5. Denominationes relativæ non sunt extrinsecæ; ergo non dicunt aliquam formam extrinsecam, qualis posset esse ratio fundandi.

Resp. ad 1. neg. M. ad prob. d. M. nihil acquireret novi in relationibus essentialibus c. M. in accidentalibus n. M. vel subd. in accidentalibus nihil acquireret novi novitate realiter distincta ab accidente c. M. novitate formaliter distincta ab accidente n. M. quando murus ex non albo fit albus, acquirit duo, nempe albedinem quod est accidens, & respectum essentiali albedinis ad quodcumque album; ille respectus est novus muro, sicut & ipsa albedo, sed tamen tantum distingu- tur formaliter ab ipsa albedine.

Ad 2. d. ant. hæc omnia sunt indifferentia formaliter ad esse relativum c. ant. sunt realiter indifferentia neg. ant. nam murus & albedo formaliter quidem non sunt aliquid relativum, sed habent secum identificatum aliquid esse respectivum.

Ad 3. d. M. debet dari nova pars formaliter distincta tr. realiter distincta n. M. vel subd. debet dari nova pars late sumpta tr. M. strictè talis neg. M. potest dici, quod actualis denominatio possit tantum dependere à certa circumstantia vel connotato: illa circumstantia vel connotatum non est quidem pars strictè talis



talis totius denominationis, sed tamen purificat illam conditionem, sine qua non tribuitur denominatio: v. g. albedo habet respectum essentialem ad quodcunque album, si tamen non ponatur aliud album, non tribuitur priori albedini denominatio similitudinis; ergo propositio alterius albi habebit se per modum conditionis aut connotati.

Ad 4. d. ant. Relatio non transit formaliter c. ant. actualiter n. ant. quando enim perit ratio fundandi, tunc etiam perit actualiter relatio, licet quoad æstimationem hominum & moraliter ratio fundandi adhuc censeatur permanere, quia homines etiam ad illam præteritam respiciunt, v. g. dicitur Doctor respiciendo ad illas ceremonias per quas denominatur Doctor. Posset etiam distingui sic; transit ratio fundandi physicè c. moraliter. neg. in posito exemplo creatoris ne quidem physicè transit ratio fundandi, quia ad hanc etiam referri debet esse respectivum creaturæ ad Deum.

Ad 5. c. M. n. m. vel dist. esset extrinseca physicè con. moraliter. n. quia in compositis moralibus, qualia plerumque sunt tota relativa, partes totius sunt dispersæ per omnes differentias temporum & locorum, interim tamen hæ partes sunt intrinsece toti composito morali relativo, de cuius reduplicativè spectati essentia est habere illas partes: v. g. dicitur aliquis heros ab actione heroica, quæ licet nunc sit extrinseca subiecto denominationis, quod v. g. est Alexander, non tamen est extrinseca huic concreto, quod est Heros.

23 Obj. 4. contra eandem Concl. 1. Relatio ex suo genere est accidens, fundamentum aut terminus est substantia; ergo semper ab illis distinguitur.

2. Relatio dependet à substantia; ergo eo ipso distinguitur à quacunque substantia. ant. prob. relatio non posset existere nisi existeret substantia; ergo. prob. etiam prior conf. si relatio dependet à substantia, tunc etiam causatur à substantia, sed si causatur tunc distinguitur.

3. Ens dividitur in substantiam, & accidens, & accidens subdividitur in quantitatem, qualitatem, relationem &c. ergo relatio distinguitur à substantia. prob. conf. si ens sic dividitur tunc relatio & substantia sunt membra dividentia ejusdem divisi: Sed si hoc, tunc distinguuntur; ergo. m. prob. membra dividentia debent inter se pugnare; ergo.

4. Si relatio habet specialem effectum, quem nec habet fundamentum, nec terminus, nec ratio fundandi, tunc distinguitur ab illis: Sed, ergo. m. prob. relatio causat pulchritudinem totius universi, & hanc non causat fundamentum, terminus, & ratio fundandi; ergo. prob. ant. pulchritudo Universi tantum resultat ex proportionem, coordinationem, diversitate, similitudine, & habitudine partium ad invicem; ergo.

24 Resp. ad 1. d. ant. relatio est accidens Metaphysicum c. ant. Physicum neg. ant.

Ad 2. d. ant. Relatio dependet à substantia dependentia Metaphysica c. dependentia Physica neg. ant.

Ad 3. d. ant. Ens dividitur divisione Metaphysica c. ant. divisione Physica neg. ant. Per sensum Metaphysicum semper intelligo illum, qui convenit objecto secundum nostrum modum concipiendi. Nos per inadæquatos conceptus distinguimus perfectiones realiter identificatas, adeoque diversas formaliter; adeoque secundum hunc modum concipiendi dividimus etiam entia: quia modus loquendi, definiendi, dividendi &c. sequitur modum concipiendi.

Ad 4. dist. ant. Relatio habet specialem effectum  
R. D. Euseb. Amor. Philosophia.

formaliter c. ant. realiter specialem neg. ant. Concedo proin, pulchritudinem totius Universi, quæ est quidam splendor & character, ut sic dicam, Divinæ Sapientiæ, unice nasci ex relatione ac proportionem partium Universi, quæ utique non potuisset dari sine comparatione ac coordinatione alicujus vastissimi intellectus, quem vocamus Deum. Hæc coordinatio eodem modo in rebus ipsis existit, sicut prius existit in vastissimo illo intellectu coordinante omnia: datur proin coordinatio in rebus, & esse respectivum partium ad invicem: sed hoc esse respectivum tantum distinguitur à rebus ipsis formaliter non realiter, sicut animalitas & rationalitas distinguuntur formaliter, ita tamen, ut rationalitas formaliter, tantum habeat pro effectum rationationes; sic etiam relatio universi formaliter, causat pulchritudinem Universi, licet realiter res ipsæ causent hanc pulchritudinem, quæ habent secum identificatum esse respectivum, seu relationem partium Universi.

Obj. 5. contra 1. Concl. 1. Aristoteles relationem tantum constituit in ratione fundandi; ergo in illa consistit. prob. ant. si definitionem relationis tantum ingreditur ratio fundandi, tunc Aristoteles relationem &c. Sed; ergo. m. prob. Aristot. 5. Met. textu 105. relationem ita definit: *similia sunt, quorum qualitas est una & æqualia sunt, quorum quantitas est una*; ergo.

2. D. Thomas similitudinem tantum constituit in ratione fundandi; ergo. prob. ant. Opuscul. 48. cap. 2. de relatione ait: *Similitudo Socratis albi ad Platonem album est in albedine Socratis ut in fundamento, in albedine vero Platonis ut in termino.* ergo.

3. Alensis 5. Met. textu 20. distinguit relativum à relatione per hoc, quod relatio sit tantum ratio referendi unum ad aliud, relativum vero in se contineat duo, unum quod refertur ad aliud, & alterum quod est ratio referendi unum ad aliud.

Resp. ad 1. neg. ant. ad prob. c. M. neg. m. ad h. prob. c. ant. n. conf. quia hæc definitio non est ipsius relationis sed relativorum: vel posset distingui sic: constituit relationem in ratione fundandi realiter. tr. formaliter n. nam esse relativum, in quo formaliter consistit relatio, re ipsa identificatur cum ratione fundandi in relationibus accidentalibus, qualis est similitudo.

Ad 2. Idem resp. distinguendo: similitudo est in albedine realiter c. formaliter neg. quin hic textus potius est pro nobis, quia D. Thomas non dicit, quod similitudo sit ipsa albedo, sed quod sit in albedine; quasi diceret: illud esse respectivum, in quo consistit similitudo, continetur in albedine per identitatem, licet formaliter non sit albedo.

Ad 3. c. ant. neg. conf. quia etiam juxta nos relatio est ratio referendi unum ad aliud, sed formaliter, non radicaliter aut fundamentaliter, igitur posset distingui: juxta Alensem relatio est ratio referendi unum ad aliud immediata ac formalis c. ant. mediata ac radicalis neg. ant. & ideo etiam ratio fundandi est quidem ratio referendi unum ad aliud mediata ac radicalis non tamen immediata ac formalis, possum enim concipere albedinem quin concipiam relationem; adeoque relatio non est formalis ratio referendi unum ad aliud.

Obj. 6. contra eandem Concl. 1. In illo consistit formaliter relatio similitudinis à quo denominantur similia: Sed hoc est ratio fundandi; ergo. m. prob. duo vari denominantur similes ab albedine; ergo.



2. Ratio fundandi est ille nexus, per quem immediate refertur unum ad aliud; ergo in illa consistit. prob. ant. Creator refertur ad creaturam per actionem creativam; ergo.

3. Similitudo objectiva nihil aliud est, quam comparabilitas duorum ad invicem, seu capacitas referendi unum ad aliud: Sed hæc comparabilitas nihil aliud est, quam ratio fundandi: ergo. *m. prob.* habita sola albedine in duobus muris possum illos duos muros comparare ad invicem. ergo.

4. Ratio fundandi requiritur ad relationem, sed non requiritur ut conditio; ergo ut pars.

5. Illud est pars relationis, qua sola non posita positis licet reliquis omnibus formaliter non ponitur relatio: Sed tale est ratio fundandi; ergo. *m. prob.* ablata albedine perit relatio v. g. similitudinis; ergo.

28 *Resp.* ad 1. d. M. in illo consistit relatio similitudinis, à quo denominantur similia tanquam à forma denominante immediata, proxima, ac formali c. M. à quo denominantur similia, tanquam à forma denominante remota tantum neg. M. quando denominantur duo muri similes, tunc ideo denominantur, quia habent albedinem, igitur albedo est forma denominans, sed ad hoc ut sint similes, non sufficit habere albedinem, quia requiritur aliquod esse respectivum unius albedinis ad aliam: igitur etiam hoc esse respectivum est forma, à qua denominantur muri similes, albedo est forma remota, esse respectivum est forma proxima.

Ad 2. neg. ant. vel dist. est nexus per quem unum refertur ad aliud formaliter n. ant. realiter ac radicaliter c. ant. quia etiam in hoc casu actio creativa formaliter non dicit relationem in ratione producentis & producti, sed tantum producit rem: adeoque requiritur, ut in actione creativa detur duplex esse respectivum, unum per quod producit rem, alterum, per quod rem productam refert ad producentem; posterius esse respectivum formaliter consequitur ex priore. Posset etiam dist. sic: actio creativa est id, per quod creatura refertur ad Deum in uno genere relationis c. in altero genere n. ant. ut dixi, relatio producti resultat ex actione productiva, non autem est ipsa actio productiva.

Ad 3. neg. ant. quia relatio non est tantum comparabilitas, sed actualis respectus unius ad aliud, relatio enim est illud, quod concipimus in re: concipimus autem aliquod esse respectivum actuale ex parte objecti, non tantum potentiale.

Ad 4. c. M. n. m. quia in omnibus aliis effectibus habentur similia exempla, ut id, quod requiritur ad effectum, non necessario sit pars. sic corpus & anima requiruntur ad unionem, & tamen corpus non est pars unionis.

Ad 5. neg. ant. quia in definitione partis etiam hoc additur: *quo posito formaliter ponitur totum*: in presenti posita albedine nondum formaliter ponitur similitudo, quia possum cogitare de duobus muris albis, quin formaliter cogitem de eorum similitudine.

29 *Obj.* 7. contra 5. *Concl.* 1. Si relatio consisteret in aliquo esse respectivo identificato cum fundamento, aut termino, aut ratione fundandi, tunc non daretur ens absolutum: Hoc non potest dici; ergo, M. prob. omne ens absolutum essentialiter esset respectivum ad aliud; ergo.

2. Sequeretur, idem ens simul esse respectivum, & absolutum: Sed hoc est Chymera; ergo.

3. Tali modo confunderetur relatio prædicamentalis cum transcendentali; ergo.

4. Datur aliqua relatio simillima aliis relationibus, in qua nullum tale esse respectivum à parte rei fingi potest; ergo nulla ratione datur tale esse respectivum. prob. ant. relationes Arithmeticae v. g. dupli, tripli, aut numeri binarii, ternarii &c. non patiuntur aliquod esse respectivum in rebus ipsis; ergo.

*Resp.* ad 1. n. M. ad prob. d. omne ens esset essentialiter respectivum ad aliud secundum quid c. ant. simpliciter n. ant. denominatio entis absoluti aut relativi desumitur ab illis perfectionibus, ad quas homines solent attendere à priori, cum in hoc ente, quod est homo, aut equus &c. homines communiter non attendunt ad prædicata relativa sed ad prædicata absoluta, & ideo homo denominatur ens absolutum, licet prædicata absoluta & relativa re ipsa sint identificata.

Ad 2. tr. M. n. m. quia ratio absoluti & relativi non sibi opponuntur contradictorie, habent diversitatem non obstativam sed diversificativam.

Ad 3. n. M. quia inter relationem prædicamentalem & transcendentalem hæc intercedit distinctio: relatio transcendentalis inhæret fundamento aut termino, v. g. relatio creaturæ ad Deum; relatio autem prædicamentalis tantum inhæret essentialiter rationi fundandi separabili à fundamento & termino v. g. similitudo inter duos muros inhæret albedini quæ est separabilis à muro.

Ad 4. n. ant. ad prob. tr. ant. n. c. & suppositum, quod hæc relationes sint similes aliis relationibus, quia in his non affirmamus aliquod esse respectivum in rebus ipsis, sed tantum affirmamus seriem numerorum qua numeravimus unitates. Hoc dico ab experientia notum esse: & signum experientiæ est, quod numerum rerum non possumus enuntiare, antequam illas numeravimus; igitur non invenimus numerum in rebus ex primo statim intuitu rerum sed tribuimus rebus numerum per numerationem. Econtra in aliis relationibus v. g. similitudinis hanc similitudinem statim ex primo intuitu duorum murorum affirmare possumus, & per consequens similitudinem hanc invenimus in rebus ipsis, non verò negotiando primum per intellectum attingimus. Itaque si vis intelligere statum mundi realis quoad relationes rerum ad invicem, prius intue re mundum intellectualem: quidquid inveneris in mundo intellectualem ex parte objecti cognitionis, totum illud esse objectivum, transfer in mundum realem, & habes statum mundi realis, solam cogitationem seu tendentiam in objectum relinque in mente, quia in hoc solo differunt mundus realis, & intellectualis, quod hic, se & alia cognoscat, mundus autem realis nec se nec alia cognoscat.

Jam verò observabis, te in omni ente intelligere objectivè respectum ad quodvis aliud ens in Universo, ille respectus aliquando datur in substantia, aliquando in qualitatibus, aliquando in quantitate, aliquando in figura totius Universi continua, aliquando in ubicationibus, aliquando in durationibus. Respectus ille versatur solum in relationibus positivis non negativis, quia relatio similitudinis datur à parte rei, relatio autem dissimilitudinis non datur à parte rei, sed fit per intellectum comparantem.



# QVARTA PARS

## De tribus Mentis Operationibus.

**S**uperfunt quædam dubia speculativa de illis operationibus mentis, de quibus agunt Summulæ. In prima operatione veniunt voces & conceptus. In secunda, propositiones & veritas propositionum. In tertia, Syllogismus & scientia quæ acquiritur per Syllogismum. Queritur proin.

1. *An voces significant naturaliter, & an immediate significant conceptus?*
2. *In quo consistat veritas propositionum, & an propositio vera possit transire in falsam?*
3. *An ad inferendam conclusionem prærequiratur iudicium de bonitate consequentiæ?*
4. *An concessis præmissis necessitetur intellectus ad inferendam conclusionem?*
5. *An scientia, opinio, & fides possint simul stare?*

### QUÆSTIO I.

*An voces significant naturaliter & immediate conceptus?*

**1** **N**ota: Voces esse signa aut rerum, aut conceptuum: signum autem definitur ab Augustino lib. 2. de doctrin. Christian. cap. 1. esse id, quod præter speciem quam ingerit sensibus, facit aliud in cognitionem venire. v. g. hæc vox græca λόγος primò manifestat se ipsam, dein verò præter se ipsam manifestat aliquid aliud.

**2** Signum dividitur primò in *formale*, & *instrumentale*. Formale signum est ipse conceptus representativus objecti. Signum instrumentale est vox aut scriptura, quæ tantum significat objectum per institutionem hominum, non per similitudinem.

Dividitur secundo in *naturale* & *artificiale*. Signum naturale est, quod per connexionem naturalem significat aliquid aliud, ut fumus ignem. Signum artificiale est, quod ex sua natura nullam habet connexionem cum objecto quod significat, sed tantum ex institutione hominum, sicut hedera est signum vini vendibilis.

Dividitur tertio in *speculativum* & *practicum*. Signum speculativum est, quod tantum significat objectum, non autem causat objectum, sicut hedera est signum vini, vox objecti. Signum practicum, quod simul significat aliquid aliud, & simul id, quod significat, causat, sicut Sacramenta significant interiorem gratiam quæ confertur, v. g. Baptismus significat oblationem animæ, & simul causat illam gratiam.

Dividitur quarto in *rememorativum*, *demonstrativum*, & *prognosticum*. Signum rememorativum est, quod ducit in notitiam rei præteritæ, ut *numismata*, *statuæ*, *monumenta*. Signum demonstrativum est, quod ducit in notitiam rei præsentis sicut hedera relate ad vinum vendibile. Signum prognosticum est, quod ducit in notitiam rei futuræ, tale signum sunt v. g. *nubes* respectu pluviae venturæ.

**3** Dico 1. *Tradita definitio Augustiniana signi est bona.*

Prob. concl. ex una parte non potest ostendi notabile vitium, ex altera parte non potest asserri notabiliter melior; ergo est bona.

Dico 2. *Voces non significant ex sua natura, sed ex voluntate instituentium.* Prob. concl. voces nunc non habent vim significandi naturaliter, & non constat eas aliquando habuisse illam vim significandi naturaliter; ergo nunquam habuerunt talem vim. conf. patet, quia quælibet res præsumitur manere in eodem statu, quamdiu non probatur mutatio. ant. quoad primum memb. prob. si voces etiam nunc significant naturaliter, non absolute indigeremus Grammaticis, sed hoc est falsum, ergo.

Prob. concl. 2. Dantur diversissimæ voces, habentes eandem significationem, & vicissim dantur eadem voces habentes diversissimam significationem; ergo non possunt significare naturaliter. ant. prob. tam in diversis linguis, quam in eadem lingua.

Prob. concl. 3. Voces de se non sunt aptæ ad significandas res naturaliter; ergo. prob. ant. voces ex una parte non possunt significare aliud in objecto nisi sonum, & hunc ipsum non possunt assequi discernibiliter quoad nos; ergo non sunt aptæ. conf. patet, quia multa objecta non possumus concipere per sonum, v. g. pisces mutos, sed tantum per colorem, figuram, magnitudinem &c. ad quæ significanda magis servient Hieroglyphica Ægyptiaca, quam voces.

Dico 3. *Vis vocum significativa formaliter consistit in voluntate instituentium moraliter perseverante.* Prob. concl. Voluntate instituentium habita, formaliter habetur vis significativa vocum, & hac voluntate non habita, non habetur vis significativa; ergo in hac voluntate consistit.

Dices 4. *Voces immediate significant conceptus tantum quam objectum ut quo, res verò tanquam objectum ut quod.* Sensus conclusionis est, quod immediate per voces deveniamus in notitiam conceptuum loquentis, sed tantum tanquam objecti ut quo, quod nos ducit in notitiam alterius, sicut lumen est objectum oculi ut quo, quo mediante oculus ducitur in notitiam alterius objecti.

Prob. concl. Aristot. dicit, significatum vocum esse res, & esse conceptus; ergo necessario se habet unum ut quo alterum ut quod. prob. ant. quoad primum membrum. Aristot. I. Elench. c. 1. dicit: nos uti nominibus loco rerum, quia res ipsas non possumus in disputationem adducere; ergo voces sunt vicariæ objecti realis adeoque immediate significant res. prob. ant. etiam quoad secundum memb. ex lib. 1. Periherm. c. 1. ubi Aristot. dicit, sunt autem voces earum, quæ in anima sunt passionum notæ. Idem probatur ex S. Augustino l. 15. de Trinitat. c. 11. ubi dicit: Verbum quod foris sonat, signum est verbi, quod intus latet.

Prob. concl. 2. Prolata voce v. g. Petri sentio me immediate tendere in ipsum Petrum, & quando volo, sentio etiam me tendere in conceptum loquentis; ergo voces significant utrumque immediate nempe res, & conceptum loquentis.



## Solvuntur Objectiones.

7 *Obj. 1. contra 1. Concl. 1.* Signum non potest definiri; ergo. prob. ant. si signum posset definiri tunc deberet definiri per voces: Sed hoc non potest definiri; ergo. *m. prob.* si posset definiri per voces tunc signum posset definiri per signa: Hoc non potest dici; ergo.

2. Tradita definitio nec est clara nec est brevis; ergo.

3. Hæc definitio non convenit omni; ergo. prob. ant. non convenit signo quod ducit in notitiam sui ipsius; ergo non convenit omni. Porro talia signa sunt panes, aut calceus expositus à sutore vel pistore ad hoc, ut sint signum sui ipsorum vendibilium: pari modo quælibet res est signum sui ipsius, quia demonstrat se esse cognoscibilem, & cognitio reflexa est signum sui ipsius directæ.

4. Cognitio divina est signum manifestativum alterius, & tamen non ducit in notitiam rei distinctæ. ant. prob. quoad 2. memb. Deus per talem cognitionem potest cognoscere se ipsum per se ipsum; ergo.

5. Dantur signa ex consuetudine; ergo divisio signorum non est adæquata. ant. prob. v. g. apparatus mensæ est signum prandii.

8 *Resp. ad 1. neg. ant. ad prob. tr. M. neg. m. ad prob. d. m.* non potest signum definiri per signa aliunde ignota, c. *m.* aliunde jam nota n. *m.* nam una vox potest explicari per alias voces notiores. transmissi *M.* quia definitio mentalis non fit per voces.

Ad 2. d. non est clara claritate Grammaticali tr. claritate Logica n. Claritas Logica consistit in claritate conceptuum etiam si voces sint obscuræ, id est, parum notæ, modo tales voces aliàs obscuræ post factam explicationem pariant clarum conceptum.

Ad 3. neg. ant. ad prob. d. ant. datur signum, quod ducit in notitiam sui ipsius inadæquatè sumpti c. ant. adæquatè sumpti neg. ant. adducta exempla plus non probant, quàm calceum v. g. esse signum sui ipsius vendibilis, inadæquatè sumendo τὸ vendibile; adeoque calceus demonstrat voluntatem sutoris, & hæc voluntas est aliquid aliud quàm calceus.

Ad 4. d. Deus cognoscit se ipsum per se ipsum realiter c. formaliter n.

Ad 5. tr. ant. n. c. quia ista signa ex consuetudine revocantur ad signa artificialia.

9 *Obj. 2. contra 2. Concl. 1.* Loqui homini est naturale; ergo etiam significatio vocum est naturalis. ant. est Aristotelis, 1. Polit. contra 2. conf. prob. quando cunque finis est à natura debitus, etiam media sunt à natura debita: Sed si homini est naturale loqui, finis est loqui, & medium est significatio vocum; ergo.

2. Voces brutorum significant naturaliter; ergo etiam voces hominum. ant. patet, quia animalia se intelligunt etiam per voces inarticulatas.

3. Multæ voces habent explicatam convenientiam cum objecto quod significant; ergo omnes aliæ habent saltem implicitam convenientiam. ant. volunt patere ex istis vocibus, *rugitus, mugitus, hinnitus, strepitus, murmur* &c. & illo versu *Aneid. 8. Quadrupedante putrem sonitu* &c. c. prob. si aliquæ voces habent naturalem convenientiam, tunc datur saltem in hominibus naturalis inclinatio & conatus ad inveniendas voces convenientes suo objecto: Sed si datur talis inclinatio, tunc omnes aliæ voces saltem implicite habent aliquam convenientiam cum objecto; ergo. *m. pr.* si datur talis naturalis inclinatio, tunc etiam daba-

tur in primo homine: Sed si dabatur in primo homine, tunc habent convenientiam; ergo. *m. prob.* si dabatur in primo homine talis inclinatio, tunc etiam ipse voluit invenire voces convenientes objecto: Sed si voluit, tunc habet talem convenientiam; ergo. *m. pr.* potuit primus homo invenire tales voces convenientes objecto; ergo si voluit, tunc habent talem convenientiam.

4. In primo institutore vocum, & in ipsa institutione requirebatur specialis sagacia; ergo eo ipso requirebatur specialis proportio inter voces & objecta. prob. ant. primus homo Adamus laudatur in Scriptura Gen. 2. ob illam specialem sagaciam ac sapientiam; ergo. prob. ant. in illo cap. dicitur: *formatis Deus animalibus terra, & cunctis volatilibus cæli adduxit ea ad Adam, ut videret, quid vocaret ea? omne enim, quod vocavit Adam animæ viventis, ipsum est nomen ejus: appellavitque Adam nominibus suis cuncta animalia.*

5. Scripturæ quorundam gentium habent naturalem convenientiam cum objectis quæ significant; ergo etiam voces omnium gentium: prob. ant. ex Scripturis Ægyptiorum & Sinensium, quæ tantum sunt quædam symbola: item ex ipsa Scriptura linguæ Hebræicæ ut quidam volunt.

6. Tota Antiquitas credidit vocibus inesse quandam vim naturalem; ergo possunt habere specialem convenientiam aut disconvenientiam cum hoc vel illo objecto. ant. prob. ex ipsa scriptura approbante hanc opinionem, dum in psalmis dicitur: *surdus per modum aspidis obturantis aures suas ad vocem venefici incantantis sapienter.*

7. Si voces non significarent naturaliter, tunc primi institutores debuissent per alias voces manifestare significationem vocum, & sic in infinitum, sed hoc est absurdum; ergo.

8. Antiquitas credidit voces significare naturaliter; ergo præsumendum est, hoc illam habuisse à traditione, quia primis institutoribus fuit vicinior.

*Resp. ad 1. c. ant. neg. conf. ad prob. d. M. debentur media, nisi illa media possint sibi metipsis providere homines c. M. si possint providere neg. M. sic enim brutis Deus dedit tegumenta corporis, quia non possunt sibi ipsis conficere vestimenta, homini verò non dedit tegumenta, licet homini sit naturale se vestire: pari modo loqui est naturale homini, sed ipsi reliquit invenire significationem vocum.*

Ad 2. c. ant. neg. conf. quia voces hominum sunt articulatae, non verò brutorum. Articulate voces proveniunt ab arbitrio hominum, aut ab arte, non à natura; hinc etiam illæ voces quæ in homine articulate non sunt, significant naturaliter, v. g. particulae exclamativæ, aut clamor ejulantis.

Ad 3. tr. ant. neg. conf. ad hujus prob. d. M. datur aliqua inclinatio relatè ad aliqua objecta c. M. relatè ad omnia objecta neg. M. transeat, quod illa objecta quæ possunt discerni per diversum sonum, conemur etiam distinguere per voces æmulas illius objecti sonori. alia verò objecta quæ talem sonum non reddunt, aut quorum sonus saltem non est obviu, non possunt convenienter distingui per illum sonum.

Ad 4. d. ant. in institutione vocum requiritur specialis sagacia, fundata in specialibus regulis artis Grammaticæ c. ant. fundata in attemperatione vocum ad objecta neg. ant. ille enim, qui institutor linguæ futurus est, prævidere debet omnes illas regulas, per quas totius linguæ ars convenientius comprehendi potest. Debet proin ponere convenientes radices,

pauca



paucas, & quibus derivantur omnia reliqua nomina. contrarium enim factum est v. g. in lingua Sinen-  
sum.

Ad 5. tr. ant. neg. c. quia aptior scriptura quam voces, per scripturam enim possumus assequi magnitudinem, figuram, & motum objecti, non vero per voces.

Ad 6. d. Ant. Antiquitas credidit, vim inesse verbis ex superstitione c. ant. ex veritate neg. ant. ad prob. ex scriptura dissumptam dico, scripturam se accommodare errori populari, prout facit in innumeris aliis locis, v. g. in Evangelio laudat Dominus villicum iniquitatis, quod *prudenter* egisset. Ratio autem responsionis est, quia si hæ voces haberent vim naturalem (forte ob tacitam proportionem numerorum in objecto & vocibus reperibilem) tunc habent etiam illam vim de facto, habent etiam illam vim applicatæ à quocunque homine, sed hanc vim de facto non habent, nec à quocunque homine applicatæ. Dein qui usi sunt talium vocum energia, fuerunt gentiles, homines nullatenus omni exceptione majores: quin illi, quibus familiare est hoc axioma: *in herbis, lapidibus & verbis miram esse vim*, sunt suspecti de pacto cum dæmone, prout posset probari ab inductione, v. g. Cornelii Agrippæ & Theophrasti Paracelsi.

Ad 7. n. M. quia significatio vocum potest doceri per ostensionem illius rei, quæ significatur, prout de facto illam discunt infantes.

Ad 8. neg. ant. quia etiam si id docuerit Plato, negavit tamen Aristoteles, qui in suis lib. Periherm. admittit voces significativas ad placitum: illa verò quæ habentur à traditione, debent fundari in consensu, ita ut traditio sit uniformis & constans; adeoque etiam si Plato docuerit voces significare naturaliter, id non docuit ex traditione sed ex probabili saltem ratione, & ex suppositione vis contentæ in numeris.

11 Obj. 3. contra 3. Concl. 1. Si voluntas instituentis esset pars significationis vocum, tunc voces significarent naturaliter. Sed hoc non potest dici; ergo. M. prob. si voluntas esset pars, tunc aliqua pars vocis significativæ esset naturaliter connexa cum objecto: Sed si hoc, tunc significarent voces naturaliter; ergo. M. prob. voluntas instituentis essentialiter ac intrinsecè respicit objectum significationis; ergo.

2. Quando cogito de voce significativa ad placitum, non sentio me cogitare de voluntate instituentis; ergo.

3. Si voluntas instituentis esset pars vocis significativæ, tunc etiam manifestatio illius voluntatis deberet esse pars vocis significativæ: Sed hoc non potest dici; ergo. M. prob. etiam manifestatio illius voluntatis est id, quo solo non posito non ponitur significatio vocis; ergo.

4. Voluntas sutoris non est pars calcei, etiam si requiratur ad conficiendum calceum; ergo neque voluntas instituentis est pars vocis significativæ.

5. Vox significativa existit, & voluntas instituentis non existit; ergo non est pars, quia totum non ponitur, nisi positis omnibus suis partibus.

6. Etiam si primus institutor non vellet amplius per hanc vocem *homo* significare animal rationale, tamen adhuc significaret animal rationale; ergo ad vocis significationem constituendam non requiritur voluntas instituentis.

7. Primus instituens vult vocibus tribuere vim significativam, & non vult iis tribuere suam volun-

tatem, item habet pro objecto suæ voluntatis institutricis vim significativam vocum non verò habet pro objecto suam voluntatem; ergo vis significativa vocum aliud dicit, quàm voluntatem instituentis.

Resp. ad 1. neg. ant. ad prob. d. M. aliqua pars vocis significativæ reduplicativè spectatæ significaret naturaliter tr. M. pars vocis denominativè spectatæ significaret naturaliter neg. M. vox significativa dicit duo, nempe ipsum sonum, & iste sonus linguæ non significat naturaliter: & hoc volo dicere, dum dico, voces materialiter & denominativè spectatas non significare naturaliter. Alterum est ipsa accidentaliter institutio vocis, & voluntas instituentis: illa voluntas naturaliter significat hoc objectum consequenter ad suam institutionem, licet ponit antecederet dari alia voluntas.

Ad 2. d. ant. quando cogito de voce significativa materialiter spectata, non cogito de voluntate instituentis c. ant. formaliter & reduplicativè sumpta non cogito de voluntate instituentis subd. non cogito clare, distinctè, ac explicitè c. implicitè neg. quando enim cogito de voce significativa quæ tali, cogito de aliquo principio significationis, de aliquo jure, debito, ac obligatione significationis: illud principium re ipsa est voluntas instituentis.

Ad 3. neg. M. ad h. prob. d. ant. non posita manifestatione non ponitur realiter significatio vocis c. ant. non ponitur formaliter significatio vocis neg. ant. manifestatio illius voluntatis est tantum conditio, quæ requiritur, ut voluntas instituentis tribuat vim significativam voci, sicut applicatio ignis ad ignem est necessaria conditio ad hoc ut ignis accendat ignem. Interim sicut applicatio ignis non accendit lignum, sed ignis, ita etiam voluntas instituentis tribuit vim significativam vocibus, non verò manifestatio illius voluntatis, & ideo in conceptu formali virtutis significativæ non veniunt tales conditiones quæ sua vi nihil tribuunt, sed tantum partes constituentes totum.

Ad 4. c. ant. neg. conf. & paritatem, disparitas est, quia calceus non est totum morale, cujus effectus tantum dependeat à voluntate humana, calceus enim calceat pedem sive sutor velit, sive nolit; e contra voces non significant, si homo non velit.

Ad 5. d. ant. voluntas non existit physicè c. ant. moraliter neg. ant. quia ut dixi voluntas instituentis debet adhuc moraliter perseverare.

Ad 6. d. ant. habent adhuc voces suam significationem vi secundæ institutionis c. ant. vi primæ suæ institutionis neg. in tali enim casu deficiente voluntate primi instituentis succederet consensus gentium conspirantium per consuetudinem in talem significationem.

Ad 7. d. M. Primus instituens habet pro objecto vim significativam, & non habet pro objecto suam voluntatem reflexè tr. M. directè ac exercitè n. M. qui enim vult directè, etiam vult se velle, adeoque primus instituens, dum vult significationem vocum, directè vult hanc ipsam suam voluntatem, qua vult ut homines tendant in talia objecta auditibus talibus vocibus, & vult ut tendant in talia objecta vi hujus suæ voluntatis.

Obj. 4. contra 4. Concl. 1. Aliquæ voces immediate ac essentialiter significant solos conceptus; ergo omnes voces. conf. patet, quod enim uni in aliquo genere est essentialiter, est essentialiter omnibus in illo genere. ant. prob. istæ voces, *conceptus, cognitio, ita, non* &c. essentialiter significant conceptus; ergo.

2. Scriptu-



2. Scriptura immediate significat voces; ergo voces immediate significant conceptus. prob. conf. sicut se habet scriptura ad voces, ita se habent voces ad conceptus. sicut enim substituimus in defectum locutionis scripturam, ita quia non possumus immediate communicare nostros conceptus, substituimus ipsis conceptibus voces.

3. Convenientissimum erat, sic institui voces, ut immediate significant conceptus; ergo significant. ant. prob. convenientissimum erat ordinari aliquod medium ex sua natura ordinatum ad manifestandos nostros conceptus; ergo.

14 *Resp.* ad 1. d. ant. aliquæ voces immediate significant conceptum tanquam objectum loquentis tr. ant. significant ipsum conceptum loquentis subd. significant illum conceptum *ut quo*, c. *ut quod*. neg. quando enim loquor de cognitione Adami, per istam vocem *cognitio* significatur conceptus Adami tanquam aliquares, non meus conceptus, nisi *ut quo* tantum.

Ad 2. neg. ant. neque enim scriptura ideo adhibetur in defectu vocum ut significet voces, sed ut loco vocum immediate significet res.

Ad 3. neg. vel d. ant. conveniens erat institui voces ut significant conceptus *ut quo* c. ant. *ut quod* neg. ant.

15 *Obj.* 5. contra eandem concl. 1. si voces immediate significant conceptus & res, tunc omnes voces essent æquivocæ, hoc est absurdum; ergo. M. prob. omnium vocum ratio significata esset diversa, nempe conceptuum & rerum.

2. Si voces significant conceptus, falsa esset hæc propositio: *homo est animal* hoc non potest dici; ergo. M. prob. sensus esset: conceptus hominis esset conceptus animalis; ergo.

3. Aliquæ voces non significant essentialiter conceptus; ergo nullæ. conf. patet, quod enim uni in aliquo genere non est essentialiter, nulli in illo genere est essentialiter. ant. prob. voces phitaci aut dormientis non significant conceptus; ergo.

*Resp.* ad 1. neg. M. ad prob. d. M. qualibet vox significaret diversa in diverso genere significationis c. M. in eodem genere significationis n. M. voces æquivocæ significant diversa tanquam objectum *ut quod*, & quidem non significant diversa simul, & eodem tempore.

Ad 2. neg. M. ad prob. n. ant. sensus enim tantum est; conceptus repræsentativus hominis est etiam realiter repræsentativus animalis.

Ad 3. tr. ant. neg. conf. ad prob. d. ant. illæ voces non significant conceptum in actu secundo tr. ant. in actu primo neg. ant. nam illæ voces sunt significantivæ ad placitum, & de se aptæ significare res & conceptus.

4. An detur veritas de futuris contingentibus? posset etiam addi illa celebris quæstio: *an detur veritas?* sed hæc quæstio supponit plura.

Ut intelligas sensum harum quæstionum suppone 2 hanc propositionem: *murus est albus*; hæc propositio vera est, quæritur autem quid sit ista veritas? & quando affirmo hanc veritatem, quæritur, quidnam fiat in mente quid illi obversetur, & super quid cadat hæc affirmatio? pone ulterius te hanc propositionem, *murus est albus*, versare in mente per integram horam: interim dum occuparis in hac propositione pone murum denigrari, quæritur, an illa prior propositio, *murus est albus*, à vera transierit in falsam? Denique ponamus hanc propositionem, *murus erit niger*: hæc propositio versatur circa aliquod objectum contingens, quia potest fieri murum denigrari, & potest hoc non fieri: quæritur igitur, an jam nunc de facto hæc propositio determinate sit vera vel falsa quando dico; *murus erit niger*, an verò suam veritatem aut falsitatem primum incipiat acquirere quando denigratur murus.

Veritas communiter dividitur in *transcendentalem* 3 & *pradicamentalem*. Transcendentalis nihil aliud est, quam ipsum esse rerum, per quod sunt, quodcumque sunt, sic lignum est sua veritas transcendentalis, quia est reverà lignum. Veritas prædicamentalis tantum datur in propositionibus, non in rebus ipsis. Dividitur secundo veritas in *æternas* & *contingentes*. Æternæ veritates sunt, quæ versantur circa objectum necessarium quod nunquam potest se aliter habere. Contingens veritas versatur circa objectum contingens.

Dico 1. *Veritas formaliter est conformitas iudicii ad rem, realiter verò est complexum ex objecto, cognitione, & relatione cognitionis assimilativæ ad objectum.*

Prob. Concl. 1. Verum dicitur aliquod iudicium, eo quod res est, vel non est, ut habet Aristoteles; ergo veritas est ipsa iudicii ad rem conformitas.

Prob. Concl. 2. In omni veritate hæc omnia intercedunt, & non probatur intercedere plus; ergo veritas in his consistit.

Dico 2. *Affirmare veritatem nihil aliud est, quam affirmare unionem inter conceptum subjectivum & prædicativum cum esse relativo ad aliud.*

Prob. Concl. affirmatio non versatur immediate circa res nisi mediante conceptu subjectivo & prædicativo; ergo non potest affirmare identitatem subiecti cum prædicato nisi mediante conceptu.

Prob. Concl. 2. In hac sententia explicatur optimè, quomodo intellectus attingat rem, & in nulla alia hoc tam clarè explicatur; ergo.

Dico 3. *Propositio vera potest transire in falsam.* 6 Prob. Concl. ab authorit. Aristotelis, qui dicit: *oratio eadem permanens potest mutari de vera in falsam.*

Prob. Concl. 2. Authorit. D. Thomæ, qui 1. 2. Q. 12. Artic. 8. ad 3. expressè ait: *propositionem ex vera posse fieri falsam.*

Dices: Aristotelem & D. Thomam loqui de eadem propositione identitate specifica, non numerica. Sed *contra* est, Aristoteles & D. Thomas loquuntur de eadem propositione numericè tali; ergo. ant. prob. ex Hermeneutica. Aristoteles & D. Thomas loquuntur de identitate quam exigit subjecta materia, de qua communiter loquuntur Scholastici, & quæ est ac debet esse controversa: Sed subjecta materia tantum exigit tractari de identitate numerica de hac tantum loquuntur

## QUÆSTIO II.

### Quid & qualis sit veritas propositionum?

Quatuor potissimum considerari merentur in hac quæstione:

1. In quo consistat veritas?
2. Quid sit affirmare veritatem?
3. An propositio vera possit transire in falsam?



guantur communiter Scholastici, & hæc sola debet esse controversa; ergo.

Prob. Concl. 3. Hæc propositio, *nascetur Christus* in Veteri Testamento erat vera, & facta continuatione ejusdem numero propositionis in Novo Testamento foret falsa; ergo. Idem est de hac propositione, v. g. *Murus A est similis muro B.*, vel *idico, Petrus currit*, posito enim quod Petrus in primo instanti currat, in secundo verò non currat, aut quod in secundo instanti denigretur murus B, hæc propositiones in secundo instanti erunt falsæ.

Prob. Concl. 4. Si propositio eadem quoad sua essentialia constitutiva non mutatur mutato interim objecto, tunc eadem propositio vera potest transire in falsam: Sed; ergo. prob. m. propositio vera quoad sua essentialia constitutiva nihil aliud dicit, quam assensum ad conceptum subjectivum & prædicativum cum relatione ad aliud: Sed hic assensus non mutatur mutato interim objecto; ergo. m. patet ab experientia.

Dico 4. *Datur determinata veritas de futuris contingentibus.* Prob. Concl. Si hæc propositio v. g. *Petrus curret*, est determinatè vera vel falsa, tunc etiam datur determinata veritas: Sed; ergo. m. prob. si hæc propositio est contradictoria ad aliam, Petrus non curret, tunc est determinatè vera, vel falsa: Sed; ergo. m. prob. hæc propositio prorsus idem affirmat, quod altera negat; ergo est contradictoria.

Prob. Concl. 2. In Deo datur determinata veritas de futuris contingentibus; ergo etiam datur in homine. ant. supponitur, quia Deus ab æterno evidenter scit, an cursus Petri sit existiturus, vel non. conf. prob. in dato casu, homo idem affirmat, quod Deus affirmat; ergo si in Deo datur determinata veritas, etiam in homine datur. ant. prob. Deus dicit: *Petrus curret*, & homo dicit: *Petrus curret*; ergo.

Prob. Concl. 3. Si non daretur determinata veritas de futuris contingentibus, tunc ideo, quia non daretur determinatum verificativum hujus propositionis: Sed hæc ratio nihil probat; ergo. m. prob. datur tale verificativum; ergo. ant. prob. si datur conformitas iudicii ad objectum futurum, tunc datur determinatum verificativum: Sed; ergo. M. prob. quia verificativum aliud non necessario datur nisi illa conformitas. m. prob. datur similitudo ad objectum futurum; ergo etiam conformitas iudicii. ant. supponitur ex illis, quæ dicta sunt de relatione.

Prob. Concl. 4. Propositio potest esse vera, etiam si non existat objectum verificationis; ergo non repugnat propositionem contingentem determinatè esse veram. prob. ant. propositio de contingente præterito v. g. de excidio Troiæ est determinatè vera, etiam si non amplius detur illud verificativum; ergo.

Prob. Concl. 5. Propositio in sensu ampliativo vera verificatur, etsi non existat objectum pro illa temporis differentia, pro qua copula propositionis importatur; ergo etiam propositio de futuro contingente est vera, modò aliquando sit existiturum objectum.

## Solvuntur Objectiones.

Obj. 1. contra 1. Concl. 1. Si veritas nihil aliud esset, quàm conformitas iudicii ad rem, tunc veritas esset adæquatè intrinseca actui, hoc non potest dici; ergo. M. prob. conformitas est adæquatè intrinseca actui; ergo.

2. Accidens non est conforme substantiæ; ergo non potest dari conformitas iudicii ad rem. prob. conf. iudicium mentis est aliquod accidens, & res de qua

R. D. Euseb. *Amoris Philosophia.*

datur iudicium, sæpe non est substantia.

Resp. ad 1. d. M. tunc veritas esset adæquatè intrinseca actui secundum id, quod veritas dicit in recto c. M. secundum id, quod dicit in obliquo n. M. veritas dicit in recto conformitatem, & hæc conformitas se tenet ex parte actus, illud verò, ad quod datur veritas, importatur in obliquo.

Ad 2. d. ant. Accidens quæ tale non est conforme substantiæ tr. quod est tale. neg.

Obj. 2. contra 2. Concl. 1. Si veritas est ita intrinseca actui & essentialis, ut omnino non possit separari ab actu, tunc propositio vera non potest transire in falsam: Sed; ergo. m. prob. 1. bonitas & malitia actus est actui essentialiter intrinseca; ergo etiam veritas. prob. conf. sicut se habet bonitas ad actum voluntatis, ita se habet veritas ad actum intellectus.

2. Veritas est perfectio ipsius actus intellectualis; ergo est adæquatè intrinseca huic actui, conf. prob. forma denominationis extrinseca non perficit subjectum denominationis, v. g. cognitio non perficit murum cognitum, prout tamen veritas perficit actum intellectus.

3. Veritas est essentialis ac intrinseca actibus divinis; ergo etiam humanis. conf. prob. actus humani tantum imitantur actus divinos, in quantum possunt imitari; ergo.

4. Si actus verus intrinsecè differt à falso, tunc etiam veritas est intrinseca actui: Sed; ergo. prob. M. illud per quod aliquid differt intrinsecè ab altero, etiam ipsum est intrinsecum; v. g. si per rationalitatem intrinsecè homo differt à bruto, eo ipso rationalitas est intrinseca homini; ergo.

5. Actus verus certissimus est intrinsecè perfectior, quàm actus verus probabilis; ergo ipsa veritas & certitudo est intrinseca actui, ant. prob. actus fidei supernaturalis intrinsecè est perfectior, quàm actus fidei humanæ; ergo.

6. Si objectum tantum est mensura veritatis, tunc tota veritas se tenet ex parte actus non ex parte objecti: Sed; ergo.

7. Si veritas inadæquatè se teneret ex parte objecti, tunc veritas aliquando se teneret ex parte mendacii: Hoc est absurdum; ergo. prob. M. hæc propositio: *Mendacium est peccatum*, habet pro verificativo ipsum mendacium; ergo.

8. Si veritas se teneret ex parte objecti, tunc ipsum objectum posset dici formaliter verum, sicut actus dicitur formaliter verus: Sed hoc non potest dici; ergo.

Resp. ad 1. d. M. si veritas esset adæquatè intrinseca, tam ex parte recti, quàm ex parte obliqui c. M. si tantum ex parte recti n. M. ad prob. tr. ant. n. c. & paritatem, quia bonitas actus dependet à solo ordine ad ultimum finem, qui ordo est adæquatè intrinsecus actui, e contra veritas dependet à conformitate ad objectum, quæ saltem ex parte obliqui non est adæquatè intrinseca actui.

Ad 2. d. ant. Veritas est perfectio actus moralis c. ant. Physica subd. ex parte recti c. ex parte obliqui n. ant.

Ad 3. c. ant. n. c. & paritatem, quia actus divini non tantum habent conformitatem cum objecto futuro, sed etiam essentialiter exigunt ac ponunt illam conformitatem, cum scientia divina sit causa rerum, e contra actus humani, etiam si sint contingentem conformes suo objecto non ponunt illam conformitatem, & ideo illa conformitas non se tenet essentialiter ex parte actus, sed etiam ex parte objecti.

Ad 4. d. M. Si actus verus differt intrinsecè à falso etiam denominativè c. M. concretivè neg. M. actus verus



rus concretivè sumptus dicit actum & veritatem objecti, actus falsus dicit actum & negationem objecti, ista duo concreta differunt intrinsecè ex parte objecti, non ex parte actus, sicut etiam murus visus concretivè sumptus differt intrinsecè à muro non viso concretivè sumpto.

Ad 5. d. M. Si est perfectior intrinsecè in ratione veritatis c. M. si tantum est perfectior in ratione adhesionis vel relationis ad principium n. M. dico, quod actus fidei divinæ, & actus fidei humanæ quoad veritatem non differant, nisi tantum ratione principii, motivorum, & ratione adhesionis &c. quæ omnia non identificant eum actu aliquam conformitatem cum objecto, sed tantum identificant eum objecto aliam relationem, nempe relationem intrinsecam ad talia principia & motiva supernaturalia.

Ad 6. d. M. Objectum tantum est mensura extrinseca n. M. intrinseca c. M. objectum enim est pars veritatis, & metitur se ipsum.

Ad 7. d. M. Mendacium materialiter sumptum esset verificativum c. M. formaliter sumptum n. M. mendacium materialiter sumptum est nihil aliud, quam suum esse abstrahendo à bonitate morali. sicut igitur mendacium habet suum esse, ita etiam habet suam veritatem transcendentalem, per quam potest esse verificativum propositionis veræ.

Ad 8. d. M. Si veritas in recto considerata se teneat ex parte objecti c. M. si tantum in obliquo considerata se tenet ex parte objecti n. M. denominatio enim veri vel falsi ex arbitrio hominum refertur ad actum conformem per sui respectum ad aliud; objectum verò tantum est terminus illius conformitatis, & licet objectum sit conforme actui, tamen non est conforme per sui essentialem respectum ad actum, quia relatio scientiæ ad scibile, cognitionis ad cognitum non est relatio mutua.

14 Obj. 3. contra 3. Concl. Si propositio transiret de vera in falsam, tunc posset mutare essentiam: Sed hoc est falsum; ergo. prob. M. si propositio de vera transiret in falsam, tunc mutaret partem essentialem: Sed si hoc, tunc mutaret essentiam; ergo. prob. M. si propositio transiret de vera in falsam, tunc mutaret suum objectum: Sed si hoc, mutaret etiam partem essentialem; ergo. prob. m. objectum est essentialis pars propositionis veræ.

2. Non potest afferri exemplum propositionis veræ, quæ transiret in falsam; ergo prob. ant. si daretur exemplum, esset hoc, *Petrus currit*: Sed hæc propositio non transit de vera in falsam; ergo m. prob. posito casu quod Petrus in secundo instanti continuatæ propositionis non currat, tota propositio simpliciter est falsa; ergo prob. ant. posito tali casu tota propositio est copulativa, & una pars est falsa; ergo tota propositio est falsa. prob. ant. sensus propositionis est, Petrus in primo instanti currit, & in secundo instanti currit; ergo.

3. Non potest propositio manere eadem numero per plura instantia; ergo suppositum non subsistit. prob. ant. si propositio acquirit novum essentialem respectum in quocunque novo instanti, tunc non potest manere eadem numero: Sed; ergo. patet M. quia essentialis respectus non potest esse novus, quin sit nova entitas, quæ habeat illum respectum. m. prob. si propositio in quocunque novo instanti affirmat illud ipsum novum instans, quod prius affirmabat, tunc acquirit novum respectum essentialem: Sed; ergo. M. patet, quia actus intrinsecè respicit suum objectum, m. prob. quando dico: *Petrus nunc currit*,

sensus est: datur hoc instans, & in hoc instanti Petrus currit, & quando in secundo instanti dico: *Petrus nunc currit*, tunc sensus est: datur nunc secundum instans, & Petrus in hoc secundo instanti nunc currit; ergo.

Resp. ad 1. n. M. ad prob. d. M. tunc mutaret partem essentialem extrinsecam tr. M. intrinsecam n. M. vel subd. mutaret reduplicativè sumpta partem intrinsecam c. M. denominativè sumpta n. M. quando dico: *Petrus currit*: dantur duo, nempe actus, quo affirmo Petrum currere, & ipse Petrus currens: Petrus mutatur, actus non mutatur: Petrus est pars intrinseca propositioni veræ quæ tali, & ideo Petro non corrente perit hæc pars essentialis, & cum ipsa parte essentiali perit totum essentialia, nempe propositio vera quæ talis; sed propositio vera, quæ est vera, nempe ille actus mentis non propterea mutatur intrinsecè, etiam si Petrus cesset currere.

Ad 2. n. ant. ad prob. c. M. n. m. ad hujus prob. n. ant. ad hujus prob. c. M. n. m. ad prob. n. ant. quia qui profert hanc propositionem, non sentit se habere modum tendendi copulativum, sed dicit: *Petrus nunc currit*, nullo modo respiciendo ad secundum instans, & in secundo instanti dicit: *Petrus currit*, nullo modo respiciendo ad primum instans.

Ad 3. n. ant. ad prob. tr. M. n. m. ad hujus prob. d. M. si affirmat aliud instans etiam ex parte objecti representationis tr. M. si tantum affirmat aliud instans ex parte objecti verificationis n. M. quando dico: *Petrus currit*, idem sentio mihi obversari in primo instanti, & in secundo instanti, quia primum & secundum instans concipimus per eandem speciem expressam; igitur actus non mutatur intrinsecè quoad objectum representationis; interim tamen re ipsa substituitur aliud instans, quod voco objectum verificationis, sed quia hoc objectum immediate non attingitur ab actu, ideo etiam respectus ad hoc objectum non mutatur intrinsecè, sed extrinsecè tantum, nempe mutatur ex parte objecti, non ex parte subjecti. Posset etiam dist. sic: propositio acquirit novum respectum essentialem novitate termini & objecti respecti c. M. novitate essentiae & respicientiæ n. M.

16 Obj. 4. contra 4. Concl. Si daretur veritas de futuris contingentibus, tunc etiam daretur in hac propositione: *Petrus peccabit per negationem*: Sed in hac non datur; ergo prob. m. si in hac propositione daretur, tunc Petrus non esset liber ad peccandum: Sed hoc non potest dici; ergo. M. prob. si daretur determinata veritas, tunc necessarium foret Petrum peccare: Sed si hoc, tunc Petrus non esset liber; ergo. prob. M. si daretur determinata veritas, tunc non posset amplius falsificari hæc propositio: Sed si hoc, tunc necesse foret Petrum peccare; ergo. prob. M. si posset falsificari, tunc eo ipso prior propositio posset esse vera & non esse vera: Sed hoc est impossibile; ergo. M. patet, vera enim esset ut ponitur, & non esset vera, quia Petrus non peccaret.

Resp. in primis retorquendo in scientia divina, si 17 enim Deus sciret Petrum peccaturum, ex hoc argumento sequeretur, quod Petrus non amplius esset liber.

Resp. 2. c. M. n. m. ad prob. n. M. ad hujus prob. d. ant. necesse foret Petrum peccare necessitate consequente c. M. necessitate antecedente n. M. necessitatem consequentem voco, quæ oritur ex ipsa determinatione Petri, & hanc necessitatem admitto dari in peccato Petri, quia quodlibet dum est, necesse est esse, & supposito quod quis velit, necesse est ut velit. Per necessitatem antecedentem intelligo illam, quæ antecedit determinationem Petri: & talis necessitatem non



positionis non antecedit determinationem Petri adæquate spectata, sed consequitur ad determinationem Petri, non enim ideo peccabit Petrus, quia hoc Christus prædixit, aut quia ejus propositio est vera, sed ideo est vera quia peccabit Petrus. Veritas dicit duo, dicit actum quo affirmatur peccatum Petri, & dicit etiam ipsum peccatum Petri, peccatum non datur, actus datur, & quia in hoc actu datur relatio ad aliquid futurum, nempe conformitas cum veritate obiecti futuri, ideo jam datur determinata veritas, determinatione unius extremi, non alterius. Datur veritas inadæquate spectata non autem adæquate spectata quoad sua complementa extrinseca.

18 *Dices 1.* Si daretur determinata veritas, tunc etiam peccatum Petri foret necessarium necessitate antecedente; ergo nulla responsio. prob. ant. si posita tali veritate non potest Petrus agere vel non agere, tunc peccatum foret necessarium etiam necessitate antecedente: Sed; ergo. *m.* prob. si peccatum Petri est necessario connexum cum veritate præcedentis propositionis, tunc non potest agere vel non agere.

*Resp. neg.* ant. ad prob. c. *M.* neg. *m.* ad prob. d. *M.* si peccatum est necessario connexum necessitate connexionis antecedente ipsum peccatum c. *M.* si est connexum necessitate consequente neg. *M.* nam peccatum Petri non ideo est connexum cum propositione quia propositio est vera, sed ideo propositio est connexa cum peccato per sui veritatem, quia peccatum in aliqua temporis differentia verificat hanc propositionem.

19 *Dices 2.* Peccatum ideo poneretur quia propositio esset vera; ergo nulla responsio. prob. ant. si veritas propositionis consequeretur ad peccatum, & non vicissim, tunc Petrus posset mutare essentiam propositionis veræ; Sed hoc est impossibile; ergo. prob. *M.* Petrus posset non ponere illud verificativum prioris propositionis; ergo.

*Resp. neg.* ant. ad prob. dist. *M.* Petrus posset mutare essentiam propositionis veræ quæ est talis c. ant. quia talis subd. posset mutare essentiam antecedenter ad sui determinationem c. consequenter ad sui determinationem neg. propositio vera, quæ est vera, potest etiam esse falsa, & dependet ab arbitrio Petri, an velit talem propositionem verificare, an falsificare; sed supposito quod Petrus potius sit verificaturus hanc propositionem, tunc eo ipso redditur vera per ipsam determinationem Petri quæ prævidetur futura.

20 *Dices 3.* Ex hoc sequeretur, quod propositio vera dependeat à contingente determinatione Petri: Sed hoc non potest dici; ergo. *m.* prob. si dependeret à tali determinatione Petri tunc propositio esset conditionata: Sed hoc non potest dici; ergo. *m.* patet, quia propositiones conditionatæ nondum sunt determinatæ veræ, v. g. si dico *Petrus veniet, si erit tempestas serena*, vel *si voluerit*, tunc propositio non est determinatæ vera. *M.* prob. si propositio dependeret à determinatione Petri, tunc dependeret ab ista conditione, *si Petrus voluerit*: Sed si hoc, tunc esset conditionata; ergo.

*Resp. c. M.* neg. *m.* ad prob. neg. *M.* ad h. prob. d. *M.* tunc dependeret ab aliqua conditione absolute posita c. *M.* conditionatè posita neg. *M.* nam quando dico: *Petrus veniet*, hæc propositio non est conditionata, etiamsi dependeat ab aliqua conditione, nempe à voluntate Petri, quæ est aliquid contingens: ratio est, quia ista conditio non affirmatur conditionatè sed

*R. D. Euseb. Amori Philosophia.*

absolute; simili modo, quando Christus dixit ad Petrum, *ter me es negaturus*, hæc veritas dependet quidem ab aliqua conditione, nempe à determinatione Petri; sed hæc conditio non affirmabatur à Christo conditionatè, sed absolute.

*Dices 4.* Conditio contingens non potest affirmari absolute; ergo. prob. ant. si contingens non habet necessariam causam nec determinativum, tunc non potest affirmari absolute: Sed; ergo.

*Resp. neg.* ant. ad prob. neg. *M.* quia suppono, quod futura jam intimè sint præsentia scientiæ divinæ, præteritum enim, præsens & futurum habent aliquam differentiam in intellectu humano, sed relatè ad Deum nihil erit, nec quidpiam fuit, sed est tantum prout interim suppono notum ex Idea temporis.

*Obj. 5.* contra 4. Concl. Si non datur determinativum futuræ veritatis contingentis, tunc eo ipso non datur determinata veritas de futuris: Sed; ergo. *m.* prob. si peccatum in dato casu potest esse vel non esse, tunc eo ipso non datur determinativum futuræ veritatis contingentis: Sed; ergo. *m.* prob. peccatum est indifferens ad esse & non esse, & causa peccati etiam est indifferens ad ponendum peccatum vel non ponendum; ergo.

*Resp. dist. M.* si non datur determinativum etiam in sensu ampliativo tunc non datur determinata veritas c. *M.* si tantum non datur determinativum in statu tunc non datur determinata veritas subd. non datur determinata determinatione intrinseca propositionum c. *M.* extrinseca neg. *M.* quando dico, hanc propositionem *Petrus peccabit* esse determinatè veram, tria affirmo. 1. propositionem. 2. peccatum. 3. determinationem propositionis ad veritatem: determinationem hanc veritatis dico se tenere ex parte peccati futuri, & ideo determinativum debet sumi in sensu ampliativo ad tempus futurum; hoc ipsum tamen determinativum temporis futuri refundit denominationem extrinsecam in præcedentem propositionem, quæ existit in tempore præsentis vel præterito, & vi illius denominationis extrinsecæ denominatur vera.

*Dices 1.* Peccatum futurum non est determinativum propositionis veræ; ergo. prob. ant. si hoc determinativum hodie non datur, & tamen hodie datur propositio vera, tunc peccatum futurum non est determinativum propositionis veræ: Sed; ergo. *M.* prob. determinativum & determinabile sunt simul tempore; ergo.

*Resp. neg.* ant. ad prob. neg. *M.* ad h. prob. d. ant. determinativum & determinabile sunt simul tempore in denominatione intrinseca tr. ant. in denominatione extrinseca neg. ant. & retorqueo in propositione vera de contingente præterito, nam de facto hæc propositio *Petrus negavit Christum* est determinatè vera, etiamsi determinativum hujus propositionis veræ nempe negatio non sit simul tempore cum hac propositione præsentis.

*Dices 2.* Etiam in denominatione extrinseca determinativum & determinabile debent simul esse tempore; ergo. prob. ant. quodcumque datur denominatio, debent dari omnes partes denominationis, & quando datur veritas, debent dari omnia constitutiva veritatis; ergo.

*Resp. neg.* ant. ad prob. d. debent dari omnes partes & constitutiva in sensu ampliativo & pro illo tempore pro quo affirmantur c. ant. in statu neg. ant. & retorqueo iterum in propositione vera de contingenti præterito.



25 *Dices* 3. Debent dari omnes partes constitutivæ veritatis in statu; ergo. prob. ant. una pars debet dari in statu; ergo omnes partes ant. patet, actus enim verus debet dari in statu, nec sine tali actu vero datur vera propositio; ergo.

*Resp.* neg. ant. ad prob. c. ant. neg. conf. & paritatem, disparitas est, quia una pars affirmatur pro tempore præsentis, non autem aliæ partes: quando enim dicimus veram esse propositionem, affirmamus nunc dari propositionem, objectum verò propositionis non affirmamus, semper pro tempore præsentis.

26 *Obj.* 6. contra 4. *Concl.* Propositio determinatè vera de futuro contingenti non est determinatè vera per ipsum v. g. peccatum futurum, sed per decretum Dei; ergo saltem explicatio taliter determinatæ veritatis non subsistit. ant. prob. si determinata veritas requirit verificativum actuale, tunc eo ipso est determinatè vera propositio per decretum Dei: Sed; ergo. M. prob. quia non potest assignari aliud verificativum actuale nisi decretum Dei determinantis ad materiale peccatum. m. prob. si debet tolli indifferentia ad veritatem in tali propositione, tunc eo ipso debet dari verificativum actuale: Sed; ergo. m. prob. status objecti præcisè possibilis non tollit hanc indifferentiam; ergo si indifferentia debet tolli, debet dari verificativum actuale. ant. patet, quia quod possibile est, omnino non est, adeoque nec est sublativum indifferentiæ, cum nullius entis nullæ sint proprietates.

*Resp.* neg. ant. ad prob. d. debet dari verificativum actuale pro aliqua differentia temporis actuale c. M. pro præsentis actuale neg. M. ad rationem additam iterum dist. status objecti possibilis non tollit indifferentiam sublatione indifferentiæ intrinseca propositioni c. ant. sublatione indifferentiæ extrinseca neg. ant.

27 *Dices* 1. Ex hoc sequeretur dari actuale denominationem pro tempore præsentis, & tamen pro tempore præsentis dari actuale indifferentiam ad denominationem, sed hoc non potest dici; ergo. prob. M. si propositio nec esset determinata in se ad veritatem, nec ab objecto præcisè possibili, nec à causa alia determinante, tunc daretur denominatio, & tamen daretur indifferentia: Sed; ergo.

*Resp.* d. M. daretur actualis indifferentia in statu c. M. ampliativè neg. M. quia denominatio actualis non requirit existentiam formæ denominantis, quamdiu illa denominatio est extrinseca.

28 *Dices* 2. In dato casu saltem futuritio peccati esset determinata; ergo eo ipso per aliquam causam determinantem: Atqui alia non datur nisi decretum Dei; ergo.

*Resp.* d. ant. esset determinativa ampliativè c. in statu neg. futuritio peccati est nihil aliud, quam ipsum peccatum futurum, & peccatum futurum est sui ipsius determinativum, (ut suppono) adeoque non importatur in statu, sed pro tempore futuro.

### QUÆSTIO III.

#### Qua sit natura, & proprietates Syllogismi?

IN hac quæstione quatuor examinari solent.

1. In quo consistat essentia Syllogismi?
2. An ad inferendam Conclusionem prærequiratur iudicium prævium de bonitate consequentiæ?
3. An conclusio se reflectat supra præmissas?
4. An concessis præmissis intellectus necessitetur

ad Conclusionem?

Ut intelligatur sensus harum quæstionum, statue ante oculos mentis hunc Syllogismum;

Omnis homo est animal.

Petrus est homo.

ergo. Petrus est animal.

In hoc Syllogismo concurrunt 4. nempe *major, minor, & conclusio, & connexio ac forma hujus Syllogismi*. Quæritur proin an essentia Syllogismi consistat in omnibus tribus propositionibus, an verò in sola conclusionem, aut potius in sola illatione conclusionis ex præmissis?

2. In hoc ipso Syllogismo observabis, positis, præmissis intellectum iponte inclinari ad inferendam conclusionem, nempe ut dicas: *Petrus est animal*. Sed quandoque contingit, ut illa conclusio quæ inferitur, non inferatur legitime: v. g. in dato casu male inferrem, ergo Petrus est substantia. Quæritur proin, utrum ante illationem necessario debeat præcedere aliquod iudicium, quo iudicem, me legitime inferre conclusionem eo fine, ut sine scrupulo inferam conclusionem.

3. Observabis conclusionem ideo inferri, quia sequitur ex præmissis; quæritur proin, an in ipsa conclusionem semper cogitem de præmissis, ita ut præmissas considerem tanquam motivum conclusionis?

4. Observabis in posito exemplo intellectum non posse facile persuaderi, ut in conclusionem dicat; ergo *Petrus non est animal*, quæritur proin, an intellectus necessitetur ad hanc specie conclusionem *Petrus est animal*, an verò absolute possit ponere conclusionem specie diversam, aut omnino contradictoriam? quin etiam quæritur, an positis præmissis possim suspendere meum iudicium, & omnino nullam inferre conclusionem? & in hoc sensu quæritur, an intellectus necessitetur ad exercitium alicujus conclusionis?

Dico 1. *Syllogismus materialiter consistit in tribus propositionibus, formaliter verò in ipsa illatione conclusionis*. Prob. *Concl.* Si definitio Syllogismi pro genere importat tres propositiones, pro differentia verò illationem conclusionis, tunc Syllogismus materialiter consistit in tribus propositionibus, & formaliter in illatione: Sed; ergo M. patet, quia ut ait Aristoteles: genus desumitur à materia, differentia verò à forma. m. prob. definitio Syllogismi est hæc. *Oratio, in qua quibusdam positis necesse est aliud sequi, eo quod hæc sint*. Jam suis in hac definitione τὸ quibusdam positis & aliud sequi servit loco generis & τὸ eo quod hæc sint servit loco differentiæ: Sed prius dicit 3. propositiones, & posterius dicit illationem conclusionis; ergo.

Dico 2. *Ad inferendam conclusionem non prærequiritur iudicium de bonitate consequentiæ*. Prob. *Concl.* si posita sola apprehensione de bonitate consequentiæ conclusio est affirmabilis propter se ipsum, tunc non requiritur iudicium de bonitate consequentiæ: Sed; ergo. prob. m. si posita tali apprehensione conclusio incipit fieri evidens per se ipsam tunc est affirmabilis propter seipsam: Sed; ergo. m. prob. posita sola apprehensione de bonitate consequentiæ non repugnat conclusionem fieri evidentem per se ipsam; ergo.

Prob. *Concl.* 2. nec ratio nec experientia probat necessitatem hujus iudicii prævii de bonitate consequentiæ; ergo.

Prob. *Concl.* 3. Sola visio muri albi refundit talem evidentiam in objectum, ut murus albus sit affirmabilis propter se ipsum; ergo & sola apprehensio in conclusio-



clusionem potest refundere tantam evidentiam ut sit affirmabilis propter seipsam. ant. patet, quia posito sola visione sine ullo precedente iudicio quod bene videam, immediate affirmo murum album.

Prob. Concl. 4. Si praequeretur iudicium prævium, tunc esset pars Syllogismi: Sed hoc iudicium non est pars; ergo. M. patet, quia solo hoc iudicio prævio non posito non poneretur formaliter Syllogismus. m. prob. hoc iudicium prævium non ingreditur definitionem Syllogismi; ergo non est pars.

Prob. Concl. 5. Si praequeretur, iudicium prævium ad conclusionem, tunc etiam praequeretur iudicium prævium ad ipsum hoc iudicium prævium: Sed hoc est absurdum. m. patet, quia sic procederetur in infinitum. M. prob. possemus dubitare eodem modo, an iudicium prævium sit legitimum, sicut possumus dubitare, an conclusio sit legitima; ergo si ad conclusionem praequitur iudicium prævium, tale etiam praequitur ad ipsum iudicium prævium.

5 Prob. Concl. 6. Sæpe inferimus conclusionem hæsitantes de ipsa conclusione; ergo non requiritur iudicium prævium.

Dico 3. *Conclusio se non reflectit supra præmissas necessario.*

Prob. Concl. 1. Si posita sufficienti evidentia conclusionis conclusio est affirmabilis propter se ipsam, tunc conclusio se non reflectit necessario supra præmissas: Sed; ergo.

Prob. Concl. 2. Credimus existere Romam non reflectendo nos ad illa motiva propter quæ id credimus; ergo etiam possumus affirmare conclusionem, non reflectendo nos supra præmissas, ob quas inferimus conclusionem.

Prob. Concl. 3. Si præmissæ tantum applicant veritatem conclusionis intellectui, tunc intellectus se non reflectit necessario supra præmissas: Sed; ergo. in m. non apparet repugnantia, sicut enim fit in Geometricis, ut unum addicatur post alterum non ex altero, sic etiam potest contingere, ut conclusionem tantum discamus post præmissas non ex præmissis, quia per præmissas tantum removeretur obstaculum cernendi veritatem conclusionis, & resecta præmissarum veritate incipit apparere veritas conclusionis sicut fit in Geometricis. M. etiam patet in exemplo: v. g. quando campana vocat ad accurrendum pro extinguendo incendio, tunc campana mihi applicat veritatem incendii: Sed me non movet campana ad accurrendum, sed potius incendium; Ita etiam veritas conclusionis me movet ad assensum, non præmissæ, etiam si præmissæ mihi applicant veritatem conclusionis.

Prob. Concl. 4. Actus fidei divinæ assentitur objecto propter suam ipsius evidentiam; ergo etiam actus fidei aut scientiæ humanæ assentitur conclusioni propter suam ipsius evidentiam. ant. interim supponitur. conf. prob. hi actus non differunt in modo tendendi, sed tantum in modo existendi, quia æquè discernimus fidem humanam à divina, naturalem à supernaturali.

Prob. Concl. 5. In intellectu angelico unum objectum incipit apparere & affirmari post aliud, non ex alio; ergo idem potest fieri in intellectu humano, quia non datur minor incapacitas in intellectu humano ad assentiendum objecto evidenti, sed tantum datur minor applicatio evidentiae ad intellectum.

Prob. Concl. 6. In mundo reali unum objectum nascitur post alterum; ergo etiam in intellectu. v. g. unus dies succedit alteri, & illuminato hoc objecto

paulò post illuminatur aliud objectum visibile; ergo.

Prob. Concl. 7. Si conclusio reflecteret se supra præmissas tunc non tantum deberet se reflectere supra motiva inducentia ad assensum, sed etiam supra motiva absterrentia ab assensu: Hoc non fit; ergo neque illud.

M. prob. exigunt leges prudentiæ, ut non tantum considerentur motiva suadentia, sed etiam dissuadentia; ergo si considerantur illa per actum reflexum, per eundem debebunt considerari etiam hæc.

Dico 4. *Intellectus necessatur ad speciem conclusionis.* 6

Prob. Concl. Si non necessaretur quoad speciem, tunc intellectus posset assentiri falso ut falso: Hoc est impossibile; ergo. m. patet, quia objectum intellectus est verum, neque potest intellectus cogi, ut dicat album esse nigrum, vel ut dicat non esse diem præsentem Sole, vel ut neget bis quatuor esse 8. M. prob. si intellectus non necessaretur quoad speciem, tunc intellectus in dato Syllogismo posset dicere ergo *Petrus non est animal*: Sed si hoc, tunc posset assentiri falso ut tali; ergo. m. prob. in posito casu evidenter cognoscitur esse falsum, *Petrus non esse animal*.

Dico 5. *Intellectus non necessatur quoad exercitium conclusionis.* 7 Prob. Concl. si intellectum ad exercitium nec cogit evidentia objecti, nec imperium voluntatis, tunc non necessatur quoad exercitium: Sed; ergo. m. prob. evidentia objecti tantum cogit ad speciem assensus non ad iudicium, & de imperio voluntatis non constat.

Prob. Concl. 2. Potest intellectus diu acquiescere in simplici apprehensione ac consideratione muri albi, quin iudicet murum esse album; ergo etiam potest acquiescere in simplici apprehensione de veritate conclusionis quin iudicet conclusionem esse veram.

Prob. Concl. 3. Intellectus angelicus non cogitur ad iudicium de veritate objecti; ergo neque intellectus humanus. prob. ant. cognitio angelica tantum est intuitiva, non iudicativa; ergo.

Prob. Concl. 4. Iudicium tantum datur ad suppleendam ambiguitatem objecti; ergo non necessario datur circa conclusionem. prob. conf. in tali conclusione non datur ulla ambiguitas; ergo. ant. prob. circa evidentia sufficit cognitio intuitiva; ergo.

## Solvuntur Objectiones.

Obj. 1. Contra 1. Conc. si conclusio est effectus Syllogismi, tunc non est pars constitutiva Syllogismi: Sed; ergo. m. prob. ideo construitur Syllogismus ut obtineatur conclusio; ergo.

2. In illo consistit essentia Syllogismi, per quod Syllogismus redditur instrumentum scientificum: Sed per præmissas redditur tale instrumentum; ergo. M. prob. præmissæ habent vim probandi, non conclusio; ergo.

3. Aristoteles docet: Syllogismum tantum consistere in præmissis; ergo. prob. ant. 1. Priorum c. 25. dicit: Syllogismum constare tribus terminis, & duabus propositionibus; ergo.

4. Si diversitas conclusionum non mutat essentiam Syllogismi, tunc non est constitutivum essentiale Syllogismi: Sed; ergo. m. prob. Syllogismus in *Barbara* & *Baralipron* differunt quoad conclusionem, & tamen non differunt essentialiter.

Resp. ad 1. d. M. si conclusio est effectus Syllogismi physicus tunc non est pars Syllogismi tr. M. si tantum est effectus formalis neg. M. effectum formalem voco, qui resultat ex compositione & unione partium, v. g. ex unione lapidum resultat domus, igitur domus est effectus formalis lapidum, licet non sit aliud quam



quàm ipsi lapides. Tali modo ex tribus propositionibus fit conclusio seu connexio trium propositionum, sicut si dicerem: ex corpore & anima fit corpus animatum seu vivens effectus physicus vocatus, qui per actionem productivam distinguitur à sua causa, sic v. g. fruges sunt effectus physicus terræ, quia distinguuntur à sua causa.

Ad 2. c. M. n. m. ad prob. d. præmissæ habent vim probandi inadæquatam c. adæquatam n. quia nihil probarem per istas duas propositiones: *omnis homo est animal, sed Petrus est homo.*

Ad 3. n. ant. ad prob. d. dicit Syllogismum constare duabus propositionibus in sensu inclusivo tertiæ c. in sensu exclusivo tertiæ n. per hoc quod dicam hominem constare corpore & anima, non nego eum insuper constare unione. Sic etiam quando Aristoteles dicit, Syllogismum constare duabus propositionibus, non negat illum insuper tertiâ propositione constare. vel dist. sic: dicit Syllogismum perfectum constare duabus propositionibus n. ant. imperfectum subd. explicite c. implicite n. Syllogismum imperfectum vocat Enthymema, quod utique constat duabus propositionibus explicite positis, v. g. his: *Sol lucet, ergo dies est*, implicite tamen necessario debet subintelligi tertiâ propositio, quâ dicerem: *quodocunque Sol lucet, dies est: Sed nunc sol lucet; ergo dies est.*

Ad 4. d. M. si diversitas conclusionum etiam essentialis non mutat essentialiam Syllogismi c. M. si tantum accidentaliter non mutat essentialiam n. M. exemplum Syllogismi in *Barbara* & *Paralipon* tantum continet diversitatem conclusionum accidentalem & materialem non essentialiam ac formalem, quia hæc duæ conclusiones tantum differunt in quantitate, in quantum una est universalis, altera particularis.

10 *Dices*: Ex data responsione sequeretur non posse dari enthymema mentale constans tantum duabus propositionibus: Sed hoc est falsum; ergo prob. m. si illam tertiâ propositionem tantum possum apprehendere, tunc est falsum non posse dari enthymema mentale: Sed; ergo.

Resp. c. M. n. m. ad hujus prob. d. M. Si possum illam tertiâ propositionem tantum apprehendere in conclusione c. M. si illam tantum possum apprehendere in præmissis n. M. dico enim, quod etiam si illam tertiâ propositionem tantum apprehenderem in præmissis, eandem tamen in actu exercito ac realiter affirmarem in conclusione, etiam si de illa propositione explicite non cogitarem in conclusione.

11 *Objic.* 2. contra 2. concl. Si bonitas consequentiæ est motivum inferendi conclusionem, tunc eo ipso prærequiritur iudicium de bonitate consequentiæ: Sed; ergo. m. prob. si bonitas consequentiæ est motivum inferendæ conclusionis, tunc eo ipso debet cognosci & affirmari existentia hujus motivi: Sed si hoc, tunc eo ipso prærequiritur iudicium de bonitate consequentiæ; ergo. prob. m. sola apprehensio illius motivi, non determinat intellectum ad agendum ex illo motivo, quod debet affirmari, prob. ant. sola apprehensio est indifferens ad existentiam motivi, vel non existentiam; ergo.

2. Si bonitas consequentiæ evidenter intellectui proponitur, tunc eo ipso datur iudicium de bonitate consequentiæ: Sed; ergo. m. prob. intellectus necessario iudicat esse verum, quod evidenter proponitur ut verum. ant. patet, quia intellectus est potentia necessaria non libera in agendo.

Resp. ad 1. tr. M. n. m. quia ut dixi conclusio se 12 non reflectit supra præmissas, ita ut illas habeat formaliter pro motivo. Resp. 2. d. M. si bonitas consequentiæ est motivum conclusioni intrinsecum. tr. M. si est extrinsecum tantum n. M. per motivum extrinsecum intelligo illud, quod mihi applicat veritatem objecti. in hoc sensu lux esset motivum, ob quod murum dico esse album, quia lux est ratio applicans mihi evidentiam muri albi. Igitur præmissæ habent se per modum lucis detegentis veritatem conclusionis. Sicut igitur, dum affirmo, murum esse album, non requiritur iudicium prævium de existentia lucis, aut connexione illius cum muro albo, sic etiam postquam per præmissas detecta est veritas conclusionis, non requiritur illud iudicium de connexione præmissarum cum conclusione.

Ad 2. n. M. ad prob. d. ant. intellectus necessario credit esse verum necessitate speciei c. ant. necessitate exercitii n. ant. quando enim evidenter video esse diem, est quidem impossibile, ut dicam non esse diem, sed non est necessarium, ut eliciam aliquem actum, quo dicam esse diem.

*Obj.* 3. contra 3. Concl. 1. si præmissæ sunt motivum conclusionis, tunc eo ipso conclusio se reflectit 13 supra præmissas: Sed; ergo. prob. m. si præmissæ sunt motivum conclusionis, tunc eo ipso conclusio attingit præmissas: Sed si hoc tunc &c. ergo. m. patet, quia omnis actus attingit suum motivum adæquatam.

2. Id, unde conclusio sumit perfectionem, conclusio attingit intrinsecè: Sed præmissæ sunt id, à quo conclusio sumit suam perfectionem; ergo. m. prob. à præmissis conclusio sumit certitudinem; ergo & perfectionem.

3. Actus voluntatis intrinsecè attingit finem, ex quo operatur; ergo etiam conclusio intrinsecè attingit præmissas. prob. c. eodem modo se habent præmissæ ad conclusionem sicut finis ad actum voluntatis; ergo. ant. prob. ex Aristot. 7. Ethic. ubi dicit: quod sicut se habent præmissæ in speculativis, sic etiam se habeat finis in operabilibus.

Resp. ad 1. tr. M. n. m. quia ut dixi, præmissæ 14 proprie non sunt motivum conclusionis; sed tantum applicatio illius veritatis, quæ venit in conclusione.

Resp. 2. d. M. si motivum intrinsecum sunt præmissæ, tr. M. si tantum extrinsecum n. M. sensus distinctionis patet ex præcedentibus.

Resp. 3. dist. M. si præmissæ sunt motivum movens formaliter tr. M. si tantum sunt motivum movens realiter neg. M. motivum realiter movens voco, quod me movet ad actum, sed tamen non est ratio exeundi in actum cognita ut talis: sic v. g. habitus, passionis, gratiæ actuales &c. movent realiter ad actum voluntatis, & tamen non attinguntur intrinsecè ab actu voluntatis, quia non cognoscuntur ut moventes. Idem dico contingere in actibus intellectus, multa enim concurrunt ad obtinendum assensum, & multa ex iis, quæ concurrunt, realiter movent ad assensum, quia vel illustrent intellectum, vel refundunt evidentiam in ipsum objectum.

Ad 2. n. M. sic enim etiam actus voluntatis defumunt suam perfectionem à causis supernaturalibus, quas tamen intrinsecè non attingunt. v. g. actus fidei non se reflectit super illam gratiam, quæ tamen tribuit perfectionem huic fidei.



Ad 3. tr. ant. n. c. & parit. ad prob. d. habent se aliquo eodem modo c. a. habent se eodem omni modo n. a. omnis similitudo claudicat, & ut patet ex Hermenica, omnis similitudo tantum urgeri potest circa ea, circa quæ obvia est similitudo, aut in eo, in quo præsumitur instituta fuisse paritas. in præsentis conclusio dependet ex præmissis, & actus voluntatis ex fine, in hoc ergo est obvia paritas. Sed an conclusio intrinsecè attingat præmissas, sicut actus voluntatis intrinsecè attingit finem, non est obvia paritas, quia non est aliunde certa similitudo in hoc puncto.

- 15 *Ob. 4.* Contra eandem 1. si conclusio se, non reflecteret supra præmissas, tunc ideo primo, quia alias intellectus bis assentiretur præmissis, & illas bis repeteret. 2. Quia sic frustra ponerentur præmissæ, nec posset dari Syllogismus mentalis directus. 3. Quia alioquin ex vero nunquam posset sequi falsum, aut vicissim, cum semper in conclusione affirmaretur veritas aut falsitas præmissarum. 4. Quia conclusio esset æque certa ac præmissæ. 5. Quia medius terminus ingrederetur conclusionem, sed hæ rationes nihil probant; ergo.

*Resp.* Nos non esse usos hic rationibus.

- 16 *Ob. 5.* Contr. 4. conc. Potentia necessaria positis omnibus ad agendum in actu primo requisitis necessario agit, sed intellectus est: talis potentia, & concessis præmissis ponuntur omnia ad formandum iudicium requisita; ergo. *m.* quoad 2. memb. prob. ponitur evidentia objecti, ponitur applicatio potentia; ergo ponuntur omnia.

2. Voluntas necessitatur ad amorem boni sufficienter applicati; ergo etiam intellectus necessitatur ad assensum veri sufficienter propositi. c. patet, quia eodem modo se habet intellectus ad verum, sicut voluntas ad bonum. Verum est objectum intellectus, & bonum est objectum voluntatis. Summum bonum evidenter propositum non potest non amari, & verum evidenter cognitum non potest non credi.

3. Oculus necessitatur ad eliciendam visionem, si objectum coloratum sufficienter applicatur potentia visiva; ergo etiam intellectus necessitatur ad eliciendum assensum quando objectum verum sufficienter proponitur potentia intellectiva.

4. In aliquo casu sufficienter propositio objecto vero intellectus evidenter necessitatur ad eliciendum assensum; ergo in omni casu necessitatur. c. patet, si enim in uno casu intellectus necessitatur, tunc necessitatur propter essentialem connexionem objecti veri ad assensum, & si ideo necessitatur, tunc in omni casu necessitatur; ergo. ant. prob. intellectus non potest suspendere dictamen conscientia propositio actu evidenter peccaminoso; ergo intellectus necessitatur ad assensum c. patet, quia dictamen conscientia nihil aliud est, nisi iudicium de malitia actus; Simile argumentum posset forsitan formari circa assensum quem hæretici aut Athei præsumuntur habere de veritate nostræ fidei, quam primum enim illis incipit veritas nostræ fidei evidenter proponi, eo ipso præsumuntur habere, aliquod dictamen dictans, nostram fidem esse veram, & hoc dictamen nihil aliud est, quam iudicium de veritate evidenter cognita.

- 17 *Resp.* ad 1. tr. M. d. m. Quoad 1. memb. intellectus est potentia necessaria quoad primam opera-

tionem mentis c. etiam quoad secundam n. objecto vero evidenter propositio intellectus necessitatur ad cognitionem intuitivam illius veritatis, seu ad apprehensionem quæ pertinet ad primam operationem mentis, non autem necessitatur ad iudicium. Quia est superfluum iudicium circa ea, quorum habetur cognitio intuitiva, & hoc potest evidenter cognosci ab experientia. v. g. per totum diem evidenter videmus esse diem, & tamen per totum diem non formamus innumera iudicia, quibus affirmamus esse diem. Neque statim dum surgo, elicio hunc primum actum mentis, esse diem. & si continuari potest cognitio intuitiva quin continuetur iudicium, cur non etiam possit inchoari cognitio intuitiva, quin inchoetur tale iudicium.

Ad 2. n. c. & paritatem, disparitas est, quia amor est primus actus voluntatis, quo fertur in bonum, e contra iudicium non est primus actus intellectus, quo fertur in verum vel actum, sed apprehensio ac cognitio intuitiva. Posset proin inverti argumentum. voluntas non necessitatur ad illos actus, qui consequuntur ex amore; ergo ea neque intellectus necessitatur ad illos actus, qui consequuntur ex apprehensione.

Ad 3. c. ant. n. c. & paritatem, disparitas est eadem, quia visio est primus actus, potentia visiva, quæ non potest impediri ab actu suæ naturæ debito. Fundamentum totius responsionis est, quod in quacunque re primus actus sit à natura seu potius à causa naturæ, adeoque est impossibile, prout D Thomas in pluribus locis observat, ut primus actus sit liber, quia nempe ille primus actus est à causa imprimente & dante naturam: e contra omnes actus subsequentes non necessario sunt à natura, seu ab alia causa determinante vel necessaria vel libera.

Ad 4. n. ant. ad prob. n. m. Quod hoc dictamen conscientia semper sit aliquod iudicium, non enim repugnat, illud esse præcisè cognitionem intuitivam ipsius malitia, aut veritatis fidei. Verum quidem est, quod cum hac cognitione intuitiva (Deo ita permittente) sit conjuncta aliqua mentis amarities, vel perturbatio; ex hac proinde promissimum est resultare conatum illam avertendi; & ideo per discursum mentis objectum dijudicandi, non quod semper aut necessario sequatur tale iudicium.

*Ob. 6.* Contra eandem. Intellectus concessis præmissis non potest prudenter negare assensum; ergo eo ipso ab auctore naturæ compellitur. prob. conf. quod prudenter non potest fieri aut negari in objecto ordinantis, neque potest prudenter fieri aut negari in decreto ordinantis, adeoque author naturæ intellectum ita disponit, ut secundum has prudentia leges exeat in actum. ant. prob. intellectus ex una parte per talem assensum perficitur, ex altera verò parte nulla sentit defatigationem aut incommodum; ergo.

2. Habetur ob experientia, quod intellectus tantum hæsitat in inferenda conclusione, quando non sufficienter penetrat præmissas; ergo à sensu contrario eo ipso infert conclusionem sine hæsitatione quando sufficienter penetrat præmissas certas.

3. Si intellectus non necessitaretur ad assensum veritatis creatæ, tunc ideo quia illa veritas esset permixta alicui falsitati: Sed hoc non potest dici; ergo. m. prob. veritas evidens est veritas sine omni falsitate; ergo

4. Si aliquid deesset ad assensum, tunc deesset imperium voluntatis: Hoc non potest dici; ergo. prob. m. si ju-



si iudicium necessariò præcedit imperium voluntatis, tunc eo ipso ad omne iudicium non præcedit imperium voluntatis : Sed; ergo. *m. prob.* omne imperium voluntatis præsupponit cognitionem, & supponit iudicium practicum, quo iudicet ita esse volendum aut imperandum.

19 Resp. ad 1. n. ant. ad prob. n. ant. quoad 2. memb. quia sequeretur multiplicari entia sine necessitate, v.g. deberem per totum diem dicere : *Dies est.*

Ad 2. c. ant. n. c. vel dist. si ista obscuritas præmissarum est adæquata ratio hæsitacionis tr. si est tantum inadæquata n. c. vel dist. sic: ergo non hæsitat positivè c. negativè n. datur duplex hæsitatio, imprimis positiva, quando in utramque partem habeo rationem dubitandi, & sic ob positivum istud dubium suspendo iudicium, talis datur, quando non penetrantur præmissæ. Altera negativa hæsitatio est, quando suspendo iudicium non ob positivam rationem dubitandi, sed quia nolo, aut quia non sentio me moveri ad inferendum iudicium, aut quia offertur occasio aliud agendi. Talis hæsitatio datur etiam concessis præmissis evidentibus.

Ad 3. n. M. Sed potiùs ideo, quia veritas creata ut ut sine præmixtione falsi, non est tamen illa subsistens veritas, quæ est essentialiter veritas, est enim essentialiter apparens veritas; igitur sicut bonitas creata etiam sine præmixtione alicujus positivi mali non necessariò movet voluntatem, quia finita est, ita etiam veritas creata non necessariò movet assensum, quia non est id ipsum, quod quærit intimè & in secreto cordis tota natura animæ.

Ad 4. c. M. n. m. ad prob. d. M. debet præcedere aliquâ prioritate tr. M. omni prioritate n. M. dico enim ad omnem actum liberum præcedere quidem aliquod iudicium practicum, sed illud ipsum iudicium præcedi ab actu illo voluntatis, qui præceditur, quia habent mutuam prioritatem ad invicem: quin potiùs dicendum, illud iudicium practicum formaliter nihil aliud esse, quàm ipsum exercitium libertatis, & actum liberum, qui partim componitur ex actu voluntatis, & partim ex actu intellectus.

Dices: Plerique docent, intellectum esse potentiam necessariam in agendo; ergo.

Resp. d. ant. dicunt id quoad objectum specificum tr. ant. quoad exercitium actus neg. ant. quin D. Thomas 1. 2. Q. 12. A. 6. expressè ait: *quod omnis actus rationis quoad exercitium possit impediri.*

## QUÆSTIO IV.

*An opinio, scientia, & fides possint simul stare?*

1 Proprietates Syllogismi sunt *opinio, scientia & fides.* quando præmissæ tantum sunt probabiles, nascitur opinio, quando præmissæ sunt certæ, tunc nascitur scientia, & quando præmissæ sunt divinitus revelatæ, tunc nascitur fides. In præsentī quæritur:

1. An simul possint stare habitus opinionis, scientiæ & fidei circa idem objectum?

2. An in eodem intellectu simul possint stare actus opinionis, scientiæ & fidei circa idem objectum?

3. An idem actus possit simul esse actus opinionis, scientiæ, & fidei?

Pro explicatione harum quæstionum pone hanc veritatem: *Anima est immortalis.* Hæc veritas poterit tibi probari præcisè per motiva probabilia v.g. quia pleræque gentes, vel plerique Philosophi ita sentiunt, aut quia videtur, animam mereri aliquod præmium vel pœnam pro altera vita. Hæc motiva erunt probabilia, & si nulla alia motiva habeas, tunc actus erit præcisè actus opinionis, dum dico: *anima est immortalis.*

Pone ulterius te post talem habitum aut actum opinionis fieri Philosophum, & per certissimas demonstrationes convinci, animam esse immortalem: in tali casu ad motiva probabilia concurrunt demonstrativa, & opinioni succedit scientia.

Pone denique, te hanc veritatem doceri per legem Christianam, quam aliundè scis esse divinam; hoc posito scientiæ succedet fides, & quæritur, an eandem veritatem jam incipias credere ex omnibus illis motivis, quæ tibi successivè fuerunt proposita? nempe an simul possis dicere: *Anima est immortalis, quia illud suadent motiva probabilia, quia id evincunt demonstrationes, & quia id affirmat Deus?*

Dico 1. *Habitus opinionis, scientiæ, & fidei possunt simul stare.* Prob. Concl. si hi tres habitus sibi nec opponuntur ratione causæ, nec ratione finis, nec ratione actuum, tunc possunt simul stare: Sed; ergo. *m. prob.* quia eadem causâ concurrunt ad omnes tres habitus, est idem finis nempe veritas, & actus sibi invicem adminiculantur ad corroborandam veritatem.

Prob. Concl. 2. Si in casu posito non datur causâ destructiva prioris habitus opinativi & scientifici, tunc tres illi habitus possunt simul stare: Sed; ergo.

Dico 2. *Actus opinionis, scientiæ & fidei in eodem intellectu possunt simul stare.* Prob. Concl. 1. *Authorit. D. Thomæ 1. 2. Q. 67. A. 3. & 3. Q. 9. A. 2.* ubi id expressè docet.

Prob. Concl. 2. Non potest ostendi repugnantia; ergo.

Prob. Concl. 3. Simul stare actus opinionis, scientiæ & fidei nihil aliud est, quàm simul eodem tempore assentiri motivo probabili, certo, & revelato: Sed hoc non repugnat; ergo. *m. prob.* possumus eodem tempore assentiri duobus motivis diversis & inæqualiter certis; ergo etiam possumus assentiri certo & probabili.

Prob. Concl. 4. Si eadem conclusio simul potest niti præmissa probabili & certa, tunc à fortiori possunt simul stare actus probabilis & scientificus: Sed; ergo. *m. patet in hoc Syllogismo.*

Omnis, qui perseverabit, salvabitur:

Sed Petrus perseverabit; ergo

Petrus salvabitur.

M. est certa, *m.* est ad summum probabilis, & conclusio innititur utrique præmissæ.

Prob. Concl. 5. B. Virgo stans sub cruce simul potuit elicere actum fidei & actum scientiæ de crucifixione Filii Dei; ergo possunt simul stare. ant. prob. actum fidei potuit fundare in revelatione Dei, & actum scientiæ potuit fundare in visione oculari aut aliâs experimentalī.

Prob. Concl. 6. Si non possent simul stare actus opinionis & scientiæ, tunc ideo, quia hi duo actus involverent contradictoria v.g. hæc: *res certissime ita est, res fortasse non est*; ergo. prob. ant. ille actus tan-



tum diceret, res vi probabilis motivi non est certa, licet vi alterius motivi sit certa.

5 Dico 3. *Etiā in eodem actu possunt simul stare opinio, scientia & fides.* Prob. Concl. Si ex una parte idem actus potest respicere diversa motiva, & ex altera parte non datur specialis oppositio inter motiva opinionis, scientiæ, & fidei, tunc in eodem actu simul stant opinio, scientia & fides: Sed; ergo. *m.* quoad 1. membr. prob. ab experientia, quia quandoque credimus simul ob auctoritatem extrinsecam, & ob rationem intrinsecam; ob rationem moraliter certam aut etiam tenuiter probabilem; ergo. quoad 2. membr. prob. negativè.

Prob. Concl. 2. Actus v.g. contritionis potest procedere ex diversissimis motivis, v. g. naturali, ob impendentem Dei vindictam temporalem; & supernaturali, v.g. metum inferni, & ex amore Dei; ergo etiam idem actus intellectus potest dependere à diversissimis motivis, v.g. probabili, certo, & revelato.

Prob. Cl. 3. Syllogismus hypotheticus aut constans propositionibus copulativis quoad conclusionem simul potest inniti propositioni certæ & probabili, simul naturali & revelatæ; ergo illud potest fieri universim, ant. prob. ex hoc Syllogismo.

Si Deus voluit præservare B. Virginem à morte naturali, tunc fuit præservata:

Sed voluit; ergo

Fuit præservata.

*M.* est certa, *m.* est præcisè probabilis in hoc Syllogismo, conclusio probabilis pro motivo habet aliquid certum & aliquid probabile. Idem Syllogismus potest proponi categoricè sic:

Omnis homo nascitur & moritur:

B. Virgo fuit homo; ergo

Nascitur & moritur.

In hac conclusione, quæ potest æquivalere unico actui indivisibili, datur aliquid certum & aliquid probabile, certum quod fuerit nata, probabile tantum quod fuerit denata.

Prob. Concl. 4. Solent hæreticis aut gentilibus proponi motiva fidei partim probabilia, partim certa, & inter hæc partim physicè, partim theologicè certa; ergo supponimus eundem assensum posse simul inniti talibus motivis.

Prob. Concl. 5. Philosophus, qui habuit demonstrationem Dei, suscepta lege gratiæ poterit adhuc credere propter illas ipsas demonstrationes; ergo potest simul stare actus scientiæ & fidei.

## Solvuntur Objectiones.

6 Obj. 1. Contra 1. Concl. 1. Habitus vitii & virtutis circa idem objectum non possunt simul stare; ergo neque habitus opinionis, scientiæ, & fidei: prob. conf. datur tanta diversitas inter opinionem & fidem, quanta inter vitium & virtutem, quia hæretici & gentiles dicuntur opinione, fide Catholicæ.

2. Perfectum & imperfectum non possunt simul stare; ergo nec opinio & scientia, quia habitus opinionis deficit à perfectione scientiæ.

3. Via & terminus, medium & finis, tendentia & quies non possunt simul stare; ergo neque habitus opinionis & scientiæ. prob. conf. scientia se

R.D. Euseb. Amort Philosophia.

habet per modum termini & finis, opinio per modum medii, viæ, & tendentiæ ad scientiam.

Resp. ad 1. tr. ant. neg. conf. & parit. disparitas est, quia hi duo habitus virtutis & vitii tendunt ad actus è diametro oppositos, econtrà habitus opinionis & scientiæ tendunt ad eodem actus licet sub diversa ratione.

Ad 2. d. ant. Perfectum & imperfectum non simul stant, ubi imperfectum dicit puram negationem perfecti c. ant. ubi imperfectum dicit aliquid positivum neg. ant. quod perfectio & pura negationis perfectionis non simul stent concedo, adeoque nec scientia & negatio scientiæ simul stant: sed nego quod opinio sit pura negatio scientiæ, quia est tantum imperfecta scientia, non positivè negans aut excludens scientiam, sed tantum eam vi sua non ponens, sic calor candelæ stat cum calore Solis in eodem subjecto v.g. anima quæ sentit.

Ad 3. c. ant. neg. conf. ad prob. d. ant. Opinio est tendentia ad scientiam accidentaliter tr. essentialiter neg. ant. opinio enim est assensus præstitus motivo probabili, hic assensus non essentialiter tendit ad maiorem certitudinem, & si tenderet, eo ipso non excluderet scientiam.

Obj. 2. contra 2. Concl. lux & tenebræ non stant 8 simul in eodem subjecto; ergo neque scientia & fides in eodem intellectu. conf. prob. quia fides est obscura, scientia autem clara.

2. Samaritani habita fide non ampliùs habuerunt opinionem; ergo fides non stat cum opinione. ant. prob. Samaritani prius credentes in Christum ob testimonium mulieris, postmodum credentes ob revelationem Dei dixerunt: *jā non credimus propter tuum testimonium*; ergo.

4. Si fides staret cum scientia, tunc idem cognosceretur evidenter, & non cognosceretur evidenter, hæc sunt contradictoria; ergo. *m.* patet, quia scientia est evidens cognitio per causas primas, fides autem est cognitio obscura quasi in speculo ac ænigmate: fides enim, ut habet Apostolus, lucet in loco caliginoso.

5. Si fides staret cum scientia, tunc etiam in altera vita staret fides cum visione beatifica: Hoc non potest dici; ergo. *m.* patet, quia tunc videbimus eum sicuti est. *M.* prob. non potest ostendi major. repugnantia in hoc, quod beati simul credant existentiam Dei ob motiva credibilitatis, quod ostenditur in hoc, quod intellectus nunc credat & sciat dari Deum.

Resp. ad 1. c. ant. neg. conf. & par. Disparitas est, quia fides non est negatio claritatis, sed tantum non posito claritatis, tenebræ autem sunt pura negatio lucis. Fides tantum vi sui motivi non videt clarè objectum, non tamen obstat quin illud ipsum objectum clarè videatur per aliud motivum.

Ad 2. tr. ant. neg. conf. quia si non voluerunt, per hoc non probatur, quod non potuerint.

Resp. 2. d. ant. Non crediderunt fide supernaturali ac principaliter c. ant. non crediderunt fide naturali & secundariò ob sermonem mulieris neg. ant.

Ad 3. d. *M.* Fides non esset argumentum rerum non apparentium ex parte objecti materialis tr. *M.* ex parte objecti formalis neg. *M.* ponamus actum fidei, v. g. quo B. Virgo credit Christum crucifixum,



fixum, hic actus fidei pro objecto materiali quod creditur, habet crucifixionem Christi, & hæc utique est aliquid apparens. Hoc autem potest credere ob duplex motivum, quod voco objectum formale: 1. enim id potuit credere ob experientiam sensuum. 2. ob auctoritatem Prophetarum & Christi revelantis. Si assumat primum objectum formale, nempe experientiam sensuum, tunc illius cognitio fiet evidens etiam ex parte objecti formalis, quia sensus intuitivè proponunt rem. Si verò attendat ad alterum objectum formale nempe ad auctoritatem Prophetarum, tunc illius cognitio non fiet evidens ex parte hujus objecti formalis, adeoque fides erit de objecto non apparente ex parte hujus objecti formalis.

Ad 4. d. M. Idem cognosceretur evidenter & non cognosceretur evidenter relatè ad eadem objecta & motiva formalia neg. M. relatè ad diversa c. M. non repugnat eandem visionem esse evidentem per unum oculum, & non esse evidentem per alterum, esse evidentem per unum sensum, & non esse evidentem per alterum; sicut se habent diversi oculi aut diversi sensus respectu sensationis, ita se habent diversa motiva respectu intellectus.

Ad 5. neg. M. disparitas est, quia fides in altera vita non posset habere finem prudenter intendibilem, sicut tamen potest habere in hac vita, quando conjungitur cum scientia: nam etiam scientia in hac vita habet aliquam imperfectionem, quam potest supplere fides, eo quod possit aliquis opinari se habere scientiam quin habeat scientiam. In altera vita visio beatifica non errat. Dein in hac vita fides & scientia in intellectu humano mutari aut omnino extinguì possunt, igitur melius conjunguntur ambo actus, ut deficiente uno non deficiat alter.

10 Obj. 3. contra 3. Concl. Authorit. D. Thomæ & Aristotelis, qui negant posse simul stare opinionem & scientiam, quia *non contingit eundem opinari & scire*, ergo.

2. Si simul staret opinio & scientia, tunc simul staret formido & negatio formidinis: Hoc non potest dici; ergo. M. prob. ubicunque datur opinio, datur formido de opposito, & ubicunque datur scientia vel fides, datur negatio formidinis; ergo ant. patet in quibuscunque exemplis obviis, quando enim dico probabiliter venturam pluviam, tunc dico, forte tamen non erit ventura.

3. Si staret simul opinio & scientia, tunc firmiter adhærerem objecto, & non firmiter adhærerem: Hoc non potest dici; ergo. prob. M. per actum scientificum dicerem v.g. *Anima est immortalis*, & firmissimè adhærerem huic veritati, per actum opinionis dicerem: *forte non est immortalis*, forte Deus non est locutus, & sic fluctuarem, nec firmiter adhærerem.

4. In casu quod dico *lux est*, ego virgo cum scientia non stat opinio, ergo nec in alio actu scientifico. prob. conf. in alio quocunque actu æquè sum certus de objecto, ac sum certus, quod lux luceat, aut quod vivam.

11 Resp. ad 1. tr. ant. quoad 1. partem, nempe D. Thomam, nego id quoad Aristotelem. ad illius textum d. non contingit eundem simul opinari & scire circa opinionem exclusivè talem c. abstractivè talem neg. vel dist. sic: non contingit opinari formaliter & scire conc. ant. realiter neg. ant. nam quatenus habeo actum opinionis, eatenus formaliter non habeo

actum scientiæ. Si quis vellet esse contentiosus, posset etiam D. Thomas sic distingui: dicit non simul stare opinionem & scientiam ordinariè c. de possibili neg. ant.

Ad 2. neg. M. ad prob. neg. ant. quoad 2. memb. quia non semper datur formido, ubi datur opinio. Possum enim dicere me opinari venturam pluviam, etiamsi non sentiam me formidare de opposito nempe de serenitate. Formido igitur tantum est effectus opinionis, qui regulariter solet consequi ad opinionem, sed non necessariò consequitur, & quando consequitur, tunc præcisè consequitur ex defectu motivi scientifici.

Ad 3. d. M. Firmiter non adhærerem, si formido sit essentialis opinioni c. M. si non sit essentialis neg. M. quando enim dico venturam pluviam, non necessariò fluctuo, etiamsi hoc tantum sit probabile, adeoque defectus firmæ adhesionis non est essentialis opinioni, sed oritur hîc defectus ex defectu motivi scientifici, hoc proin concomitanter posito, tollitur simul defectus fluctuationis.

Ad 4. tr. ant. neg. conf. & parit. disparitas est, quia in aliis actibus scientificis solent simul intellectui proponi motiva probabilia, econtrà in priori exemplo nulla talia solent proponi, aut certè intellectus non est attentus ad talia objecta probabilia, sicut tamen potest esse attentus ad alia objecta scientifica.

Obj. 4. contra eandem 1. Si in eodem actu staret 12 scientia & opinio, tunc idem actus esset necessariò verus, & non esset necessariò verus, hæc sunt contradictoria; ergo. M. prob. idem actus versaretur circa objectum necessarium, & non versaretur circa objectum necessarium; ergo.

2. Si scientia & fides possent simul stare, tunc idem actus esset naturalis & supernaturalis, idem actus esset intrinsecè clarus & obscurus &c.

3. Si fides & opinio simul starent, tunc verum esset, nos illud opinari quod credimus, & quidem per actum fidei: Hoc est absurdum; ergo.

Resp. ad 1. d. M. Si idem esset necessariò verus, 13 necessitate se tenente ex parte objecti formalis, & non esset necessariò verus ex parte alterius objecti formalis c. M. ex parte ejusdem objecti formalis neg. M. objectum formale sunt motiva impellentia ad assensum fidei vel scientiæ, hæc motiva sunt diversa, partim necessariò concludentia, partim probabiliter tantum; ergo non datur contradictio, quia necessitas non cadit supra idem.

Ad 2. d. M. Idem actus esset naturalis & supernaturalis, clarus & obscurus relatè ad diversa objecta formalia c. M. relatè ad idem objectum formale neg. M. non repugnat, eundem actum habere aliquid à causa naturali, & aliquid à causa supernaturali, hoc enim fit in omni actu supernaturali, v.g. spei aut amoris supernaturalis, vitalitas & ipsa tendentia actus non excedit vires naturæ, licet relatio ad finem supernaturalem excedat vires naturæ.

Ad 3. d. M. Sequeretur nos opinari per actum fidei formaliter talem neg. M. realiter talem subd. relatè ad objectum opinionis c. relatè ad objectum fidei neg.

Obj. 5. contra eandem 1. In præsentia Solis non lucet candela, & ad existentiam caloris intensi cessat calor remissus; ergo ad præsentiam scientiæ cessat opinio.



2. Voluntas in præsentia summi boni negligit bonum finitum ; ergo etiam intellectus in præsentia veritatis certæ negligit probabilem.

3. Voluntas non potest simul amare & odire idem bonum propter diversa motiva ; ergo neque intellectus potest simul credere , scire & opinari idem objectum propter diversa motiva.

4. Idem non potest moveri simul motibus contrariis ; ergo neque idem intellectus potest moveri simul motivis certis & incertis.

5. Si idem intellectus posset simul moveri per motiva certa & probabilia , tunc idem intellectus esset simul certus & non esset certus , aut esset certus per actum opinativum : Sed hoc implicat ; ergo.

15 *Resp.* ad 1. tr. ant. neg. conf. & parit. disparitas est , quia in physicis non datur finis qualitatis remissæ in præsentia qualitatis intensæ , aut si datur finis , nego quod cesset qualitas remissa. e contra circa actus voluntatis & intellectus datur finis , quando intellectus aut voluntas se sinunt moveri à diversis motivis , quia per hoc obtinent majorem confirmationem veri , si non intensivam , saltem extensivam.

Ad 2. neg. ant. quia voluntas amando summum bonum , non desinit amare bonum finitum , quod habet affinitatem cum summo bono , ut patet in beatiss.

Ad 3. con. ant. neg. conf. & parit. disparitas est , quia amor & odium circa idem objectum sibi invicem opponuntur , non verò opponuntur opinio & scientia , cum tendant in confirmationem ejusdem veritatis.

Ad 4. con. ant. neg. conf. & suppositum , quod motiva opinionis & scientiæ moveantur in oppositum.

Ad 5. d. M. intellectus esset certus & non esset certus abstractivè & negativè tr. M. realiter ac positivè neg. M. opinio enim non dicit exclusionem certitudinis , sed tantum defectum , qui possit suppleri per alia motiva scientifica , simul cum actu opinativo concurrentia.

*Dices* : non possunt concurrere motiva opinativa & scientifica ; ergo. prob. ant. si habito motivo scientifico intellectus quiescit , tunc eo ipso non possunt concurrere motiva opinativa & scientifica : Sed ; ergo. m. prob. intellectus potest quiescere ; ergo.

*Resp.* neg. ant. ad prob. d. M. Si intellectus quiescit necessario ac essentialiter con. M. si tantum realiter neg. M. quando motiva opinionis præcedunt motiva scientifica , non datur ratio habendi illa pro motivis neglectis , igitur non universim intellectus quiescit in solis motivis scientificis.

# LOGICÆ

## FINIS.



# PHYSICA.

**P**hyficam in 6. partes divido. Prima continet varia Philosophorum veterum ac Neotericorum Systemata; quæ, quia communiter in scholis fufius tractari non solent, in Appendicem rejicere volui. poterunt tamen ex iis breviter discipulis explicari Systemata Gassendi, Cartesii, Nevvtoni, & Chymicorum, quia finè rudi horum notitia nec ista mea Physica intelligi poterit. Secunda pars Physicæ agit more consueto, de causis in genere. Tertia, de proprietatibus corporis naturalis. Quarta, de Cœlis. Quinta de elementis & mixtis ac meteoris. Sexta de Anima. Sit itaque

## PHYSICÆ GENERALIS PARS SECUNDA

DE

## CAUSIS.

## SECTIO I.

*De Principiis in genere.*

## QUÆSTIO I.

*Quid & quotuplex sit principium, causa, conditio &c.?*

- 1** *Principium* voco, unde aliquid est: hoc igitur nomine comprehenduntur simul causa materialis, formalis, finalis, & efficiens: nam id omne vocatur principium, à quo aliquid, ex quo aliquid est, per quod aliquid est, ob quod aliquid est, & universum omne id, à quo habet aliquid aliquam connexionem ac dependentiam, in quantum sit aut perseverat esse.
- 2** *Causam* voco id, quod vi suâ tribuit esse effectui: v. g. ignis est causa alterius ignis, quia alteri igni tribuit suum esse. Character causarum est, 1. quod concurrat ad effectum. 2. quod sit proportionata ad producendum effectum. 3. quod non possit assignari alia ratio, cur concurrat ad effectum, nisi quia producit effectum. Sic in dato exemplo, posito, quod ignis sit causa ignis, imprimis requiritur, 1. ut ignis concurrat seu adsit, dum producitur alter ignis. 2. ut aliundè constet, ignem non esse improporionatum ad producendum alium ignem. & 3. ut non possit assignari alia ratio, cur concurrat & adsit, quando producitur alter ignis, nisi ut illi tribuat suum esse.
- 3** *Conditionem* voco id, quod requiritur ad producendum effectum, sed vi suâ nihil contribuit ad effectum. v. g. in productione ignis approximatio est necessaria conditio, sed ipsa approximatio nullam habet vim ac fecunditatem ad producendum alterum ignem. Character conditionis est, quod concurrat ad effectum, sed tamen possit reddi ratio, cur concurrat, etiam si non

producat effectum. Sic in dato exemplo approximatio concurrat ad productionem ignis, & ratio, cur concurrat, potest reddi hæc, quia non est conveniens, ut actio agentis se extendat in distans.

*Dispositionem* voco id, quod concurrat ad effectum 4 preparando causam aut subjectum, in quo producitur effectus. Talis dispositio in productione ignis est v. g. introductio caloris in lignum, quod accendi debet. Character dispositionis est, quod vi suâ aliquid producat, non tamen ipsum effectum, sed tantum aliquid prævium ad ipsum effectum.

Principium dividitur in *intrinsecum* & *extrinsecum*, 5 *Principium extrinsecum* voco, quod non est pars ipsius effectus. Tale principium est causa finalis aut efficiens. *Principium intrinsecum* est, quod est pars effectus: tale principium est causa materialis & formalis v. g. materia & forma statuæ. Principia intrinseca strictè sumpta definiuntur ab Aristotele: quæ nec ex se invicem, nec ex aliis, sed ex quibus omnia fiunt. v. g. respectu statuæ principia intrinseca sunt lignum & forma v. g. Mercurii, non tamen propterea sunt principia strictè dicta, quia lignum fit ex aliis principiis; sed composita naturalia fiunt ex principiis primis, quæ non ulterius in principia simpliciora resolvi possunt. Si enim ipsa principia fierent ex aliis principiis, jam non essent principia, sed principjata. Dicuntur igitur principia, ex quibus omnia fiunt.

Dividuntur 2. principia in principia *in fieri* & *in esse*. v. g. principia statuæ *in esse* sunt materia & forma statuæ, quia his positis statua est, & habet suum esse. Principia verò *in fieri* vocantur, quæ requiruntur, dum fit statua, quando enim fit statua, tunc statua



statua nondum est. De his agemus quæstione sequenti.

- 7 *Causa* dividitur in physicam, metaphysicam, & moralem. *Causa physica* est, quæ causat rem à parte rei producendo aliquid à se realiter distinctum v.g. dum arbor producit fructus. *Causa metaphysica* est, quæ causat effectum tantum secundum nostrum modum concipiendi à se distinctum v.g. dum rationalitas causat risibilitatem. *Causa moralis* est, quæ causat aliquid totum, cuius partes uniuntur dependenter à voluntate humana v.g. dum Christus instituit Ecclesiam.

8 *Causa physica* dividitur in *materiam*, *formalem*, *efficientem*, & *finalem*; alii etiam addunt quintam, *Exemplarem*. v.g. in igne *causa materialis* est ipsa materia ligni, in quam introducitur forma ignis, nempe *id*, ex quo aliquid fit. *Causa formalis* est ipsa igneitas, quæ introducitur in materiam ligni seu *id*, quod tribuit denominationem & esse rei. *Causa efficiens* est, alter ignis, à quo fuit accensus seu *id*, à quo habet esse rei. *Causa finalis* est vel calefactio, vel illuminatio; nempe *id*, propter quod res acquirit esse. *Causa exemplaris* vocatur illa idea, quæ existit in mente artificis, v.g. authoris naturæ, ad cuius imitationem quælibet creatura producta est.

9 *Causa efficiens* dividitur ulterius in physicam simpliciter dictam, & in physicam simul, & intentionalem. 2. in mediatam, & immediatam, seu in remotam & proximam. 3. in totalem & partialem. 4. in causam efficientem in actu primo, & efficientem in actu secundo. *Causa physica simpliciter dicta* est, quæ immediate per suam actionem producit aliquem effectum, sicut ignis ignem. *Causa intentionalis* est, quæ, ut cognita, causat, seu quæ mediante cognitione producit aliquem effectum in voluntate humana; sic bonitas objecti, v.g. vini immediate causat sui speciem, ac cognitionem, sed ut cognita causat amorem aut appetitum in voluntate. *Causa immediata seu proxima* est, quæ immediate nulla mediante alia causa producit effectum; sicut si ignis A. immediate producit ignem B. si verò hic ignis B. producat ignem C. tunc ignis A. tantum erit causa mediata respectu huius tertii ignis C. *Causa totalis* est, quæ aut sola producit in aliquo genere causæ totum effectum, sicut ignis ignem; aut quæ sic agit, quali produceret totum effectum sola sine ullo respectu ad aliam concausam; sicut si duo ignes producerent eundem ignem, ita tamen, ut neuter ignium respiceret alterum ignem, neque attemperaret suam virtutem activam; si verò plures ignes concurrant ad producendum aliquem ignem, seque mutuo respiciant in producendo effectum, tunc quælibet eorum tantum erit *causa partialis*. *Causa efficiens in actu primo* est ipsa vis productiva cuiuslibet causæ, etiam tunc, quando actualiter non causat; sic ignis A. etiam si actualiter non producat alium ignem, erit tamen causa in actu primo seu possibiliter cuiuslibet ignis possibilis. Si verò causa actu producit effectum v.g. ignis ignem, tunc vocatur *causa in actu secundo*.

- 10 *Causa in actu primo* dividitur in causam in actu primo proximo, & in actu primo remoto.

*Causa in actu primo remoto* vocatur ipsa vis productiva, quando causa nondum est disposita aut applicata ad producendum effectum; sic ignis, etiam si non applicetur ad accendendum alium ignem, jam tamen vocatur *causa in actu primo remoto*. Quando verò

ille ipse ignis jam applicatur ligno, tunc dicitur *causa in actu primo proximo*, quia proximè est secuturus effectus, & quidem, si jam positæ sunt omnes dispositiones etiam ultimæ cum suis conditionibus ad producendum effectum requisitæ, tunc vocatur *causa in actu primo proximo proximè expectato*.

*Causa materialis* seu materia dividitur in materiam *ex qua*, in *quam*, in *qua*, & in materiam *circa quam*. Sed hæc divisio potius locum habet in artificialibus quàm naturalibus. Sic enim v.g. lignum est materia, *ex qua* fit statua, & simul est materia *in qua* fit statuæ forma; & simul est materia *circa quam* versatur statuaria. Materia *ex qua* semper est pars effectus, non verò materia *circa quam*; quia v.g. Oratoria versatur circa mundum, tanquam suam materiam. Sed mundus non est pars orationis.

## QUÆSTIO II.

Quanam sint principia corporis naturalis in fieri & esse?

*Notandum* 1. tribus modis posse institui quæstionem 1. potest quæri: quidnam debeam concipere, dum concipio aliquid fieri abstrahendo à productione naturali vel supernaturali. sic fit mundus, fit anima, fit ignis, quid est hoc: *fit*? 2. potest quæri: quidnam debeam concipere, dum concipio aliquid fieri naturaliter; v.g. fit naturaliter ignis, lux &c. quid est hoc: *fit naturaliter*? 3. potest quæri: quæ sit ratio, ut aliquid dicatur fieri naturaliter, seu quæ sit radix huius rei, quod ponatur actio productiva in natura. In primo sensu communiter instituitur à Peripateticis; sed tali modo quæstio est nullius momenti. In secundo sensu instituitur & disputatur ab aliis Peripateticis; sed sic iterum quæstio est exigui momenti, & potius quærentur tali modo principia metaphysica, quàm physica ipsius fieri. In tercio sensu instituitur ab Aristotele & nobis, & sic propriè loquendo quærentur principia physica ipsius fieri naturalis; & quæstio continet præcipuum aliquod fundamentum Philosophiæ Aristotelicæ.

*Not.* 2. Tria communiter admitti principia in fieri. 1. materiam. 2. formam. 3. privationem. Per privationem non intelligitur qualiscunque negatio, qualis etiam datur v.g. in lapide ad visionem, sed *negatio forme debite in subiecto apto*; qualis datur in oculo ad potentiam visivam; oculo enim debetur potentia visiva, & secundum se est subiectum aptum ad potentiam visivam. Sic etiam dum aliquid in natura producitur, datur 1. materia. 2. dispositio materiæ ad formam, vi cuius dispositionis materiæ debetur forma. 3. advenit ipsa forma materiæ sic dispositæ debita.

*Not.* 3. Quod Aristoteles privationi tantam adscribat vim in productione naturali, ut illi adscribat propemodum totam omnipotentiam naturæ, & dicat



errorem Veterum Philosophorum, qui, sicut Neoterici, non admittebant veram productionem naturalem, unice provenire ab ignoratione hujus principii. Dicebant Veteres *ex nihilo nihil fieri*; ergo non posse dari productionem novi entis. Hanc difficultatem resolvit Aristoteles ope suæ privationis. sic enim discurrebat: quando ex Architecto fit Musicus; tunc fit hoc totum, quod est esse Musicum. Hoc autem non fit ex Architecto per se; quia habet se per accidens, quod homo, qui fit Musicus, prius jam fuerit Architectus, aut Philosophus, aut aliquid aliud hujusmodi. Igitur *Musicum* fit quidem ex ente, sed non, in quantum est aliquod ens determinatum, sed in quantum est non Musicum. Igitur *Musicum* per se fit ex non ente, per accidens verò ex ente, puta Architecto aut Philosopho. Eodem modo fit in rebus naturalibus; quia forma non introducit, nisi in quantum forma deest in subiecto. Sed cum non introducatur omnis forma in omne subiectum, colligitur, in subiecto debere dari exigentiam hujus formæ ob bonum universi, & quidem talem exigentiam, ut, si non sequeretur forma, universum foret imperfectum, illa autem exigentia formæ datur tunc, quando in subiecto dantur tales dispositiones, ut detur summa proportio ad formam. Sic caput humanum exigit corpus humanum, & corpus humanum exigit caput, sic ut uno existente debeat existere alterum ob proportionem, ordinem, harmoniam, pulchritudinem, seu bonum universi. Si igitur bonum universi est vis totius naturæ, clarum est, quod privatio sit ratio totius efficacæ, & productionis naturalis, quia, ubi datur privatio formæ, tanta datur proportio in subiecto ad formam, adeoque ordo & exigentia ad formam, ut, si hæc non sequeretur, non daretur ordo seu bonum universi. Sic, inquit, L. I. Phys. c. 4. *Antiquorum dubitatio. Quærentes enim primi Philosophi naturam entium, ob inexperiencem depulsi sunt in viam aliam, dicuntque, neque fieri aliquid, neque corrumpi; quia aut ex eo, quod est, fieret, aut ex eo, quod non est: ex eo, quod est, non fit; sic enim jam est; & ex non ente aliquid fieri impossibile est. Ita illi, nos autem dicimus, ex Medico fieri album, non quatenus Medicus est, sed quatenus niger, sic ex non ente fit aliquid, quatenus non est. Hoc illi non distinguentes aberraverunt, & per hanc ignorantiam tam insipienter ignoraverunt, ut nihil opinati sint fieri, sed auferebant omnem generationem. Nos autem dicimus, nihil quidem fieri ex eo, quod simpliciter non est, sed tamen fieri ex eo, quod non est secundum quid, ex privatione enim aliquid fit. cum enim existat in natura aliquid divinum, & bonum, & appetibile; aliquid quidem contrarium dicimus esse, aliquid verò, quod naturæ optimum est, illud appetere & desiderare secundum suam ipsius naturam. Hucusque Aristoteles, qui per hoc satis ostendit, privationem, in quantum in materia proximè disposita ob proportionem, ordinem, ac bonum universi fundat exigentiam naturæ ad formam, sic esse principium physicum in fieri. datur enim quædam omnipotentia sapiens & provida, quæ posito uno termino proportionali, nempe materia disposita, tenetur producere alterum, vel, ut sic dicam, quartum terminum proportionalem, nempe formam, & quidem ob privationem ad hoc tenetur, nempe ob de-*

fectum illius termini exigit à natura in subiecto disposito.

Not. 4. Hic à me nondum determinari, quid sit materia, aut quid sit forma, aut quid sit actualis productio naturalis. Sed tantum suppono dari motum in natura, adeoque novum effectum, qualiscunque ille sit.

Dico 1. *Principia corporis naturalis in fieri tam physica quam metaphysica sunt materia, forma, & privatio.* v. g. dum ex ligno fit ignis, inprimis debet dari materia, ex qua fit ignis, cui in dato casu accidit esse lignum. 2. Debet dari forma v. g. igneitas, quæ debet introduci in subiectam materiam. 3. Debet in subiecta materia dari prævia dispositio, ac exigentia ad habendam formam igneitat, quia nisi igneitas exigatur per leges naturæ ob prævias dispositiones, naturaliter non fiet ignis. cum omnia fiant in numero, pondere, & mensura secundum certas proportionem; hanc tertiam conditionem comprehendo sub nomine privationis, quia ubi datur exigentia, datur etiam negatio formæ in subiecto apto. Prob. igitur Conclusio, I. non potest concipi corpus naturale in fieri, nisi concipiatur terminus à quo, terminus ad quem, & exigentia termini ad quem; ergo corpus naturale in fieri dicit materiam, formam, & privationem. ant. prob. quoad 1. membrum: naturaliter ex nihilo fit nihil juxta illud: *ex nihilo nihil, in nihilum nil posse reverti*: quoad reliqua patet in dato exemplo.

Prob. 2. Si ipsum fieri naturale essentialiter dicit exigentiam formæ introducendæ ac dispositionem ad illam formam, tunc fieri naturale eo ipso suo conceptu dicit privationem. Sed; ergo M. patet, quia exigentia est rei non habitæ exigentia, seu negatio formæ debitæ in subiecto apto. m. prob. non potest naturaliter aliquid produci sine dispositionibus præviis per se ordinatis ad formam introducendam; ergo. prob. ant. tota vis, series, & actio naturæ fundatur in debita proportionem ac ordine causæ ad effectum; ergo. prob. aut. aliud non deest sapientiam authoris naturæ; ergo.

Dico. 2. *Principia corporis naturalis in esse sunt materia & forma.* Prob. Conclusio: qualibet res potest resolvi in materiam & formam; ergo materia & forma sunt ejus principia. Conseq. patet, quia principium est, ex quo omnia fiunt, & in quod omnia resolvuntur. ant. prob. in omni re possum intelligere formam, ut separabilem à re; ergo. ant. prob. v. g. in arbore, & quovis corpore possum separare hanc formam partium ab ipsis partibus per contritionem &c. ergo.

## Solvuntur Objectiones.

Obj. 1. cont. 1. Concl. Privatio est non ens: Sed 3 non ens non est principium; ergo.

2. Privatio destruit ens; ergo non est principium. Prob. ant. privatio ignis tollit ignem; ergo.

3. Si privatio esset principium, tunc vel esset principium, dum lignum est, vel dum ignis est, vel in aliquo instanti intermedio? neutrum potest dici; ergo. m. prob. dum adhuc est lignum, nondum datur ignis, & lignum non habet privationem ignis, utpotè formæ sibi indebitæ. Item dum est ignis, non datur amplius ipsum fieri ignis; & ipse ignis



ignis non habet privationem ignis, neque etiam datur illa privatio in instanti intermedio, quia tale instans non datur: etsi daretur, deberet utique dari in aliquo subiecto. Sed in quo?

9 *Resp.* ad 1. d.M. Si privatio est non ens in non ente. c.M. si est non ens in ente, neg.M. quia dum est defectus in aliquo ente, tunc ille defectus fundat exigentiam ac ordinem naturalem ad tollendum hunc defectum; & exigentia ac ordo revera tollit defectum per positionem formæ; igitur privatio est per accidens principium formæ.

Ad 2. d. ant. Destruit ens negativè. c. ant. positivè neg. ant. defectus enim alicujus perfectionis, etiam si non sit possibilis cum ipsa perfectione, tamen concomitanter exigit poni illam perfectionem.

Ad 3. tr.M. neg.m. ad prob. dico, quod privatio sit principium ipsius ignis, in illo ipso instanti; in quo est ignis; & dico, privationem ignis & ipsum ignem dari in uno instanti, ita tamen, ut privatio sit naturā prior ad ipsum ignem. Ex hoc non repugnare, quod negatio ac positio formæ dentur in uno instanti, potest probari ex aliis exemplis, ubi ea, quæ videntur successiva, dantur in unico instanti, v.g. unus actus, quo in mente formo integrum syllogismum, dicit Majorem, Minorem, & Conclusionem; Major naturaliter præcedit Minorem; & Minor Conclusionem, interim tamen hæc omnia dantur in unico instanti.

10 *Obj.* 2. contra eandem. Privatio non est principium corporum cælestium; ergo non omnia fiunt per privationem. ant. prob. Corpora cælestia nunquam patiuntur privationem suæ formæ; ergo.

2. Principium est id, ex quo aliquid fit. Sed ex privatione nihil fit; ergo. m. patet, quia privatio nihil est, & ex nihilo nihil fit.

3. Si privatio foret principium in fieri, tunc aliquando deberent plures privationes assignari pro principio: Hoc est absurdum; ergo. M. prob. quando ex ligno fit ignis, tunc fit privatio ligneitatis, humiditatis, siccitatis &c. ergo.

4. Aristoteles dicit, quod privatio tantum sit principium per accidens; ergo simpliciter non est principium.

11 *Resp.* ad 1. c. ant. neg. conf. & suppositum, quod corpora cælestia naturaliter fiant, quia tantum creantur, non generantur; aut si de novo producuntur, tunc. neg. ant.

Ad 2. neg.M. Principium enim est, unde aliquid est, non determinando illud, ex quo aliquid est.

Ad 3. neg.M. ad prob. c. ant. neg. conf. & suppositum, quod questio sit de privatione formæ destruendæ; nos enim loquimur de privatione formæ introducendæ; & hæc in unica actione productiva tantum est unica; v. g. privatio ignis in dato casu. Deinde potest responderi, in illo instanti nullam dari privationem physicam formæ destruendæ, cum nulla ad eam dentur dispositiones, adeoque nulla etiam exigentia.

Ad 4. tr. ant. neg. conf. quia etiam principium per accidens potest simpliciter vocari principium, si specialiter mereatur considerari inter principia: in præsentem autem privatio meretur considerari, prout fuit ostensum. Dixi tr. ant. quia Aristoteles videtur etiam privationem numerare inter principia per se talia. Dicit enim in 1. Phys. in pluribus locis, quod ens per se fiat ex non ente v. g. Musicus per se

fit ex non Musico, per accidens autem tantum ex Architecto. Quodlibet enim fit, in quantum nondum est, & in quantum est, eatenus non amplius fit; ergo videtur, quod aliquid per se fiat per privationem.

*Obj.* 3. contra eandem. Si forma esset principium in fieri, tunc etiam compositum esset, principium in fieri. Hoc non potest dici; ergo. M. prob. est eadem ratio formæ & compositi; ergo. prob. ant. ratio, cur forma sit principium, est, quia est terminus actionis productivæ; & compositum etiam est terminus actionis productivæ; ergo.

2. Si forma esset principium, tunc vel esset principium, dum primo est, vel dum forma destruenda ultimo non est? neutrum potest dici; ergo. m. prob. dum forma primo est, jam non est in fieri, sed in facto esse; dum verò forma destruenda ultimo non est, tunc etiam jam est in facto esse, quod fit; ergo.

3. Contradictoriè opposita non possunt simul esse principia: Sed forma & ejus privatio est contradictoriè opposita; ergo.

4. Fieri aliquid dicitur, dum est in via ad formam: Sed esse in via ad formam nondum dicit ipsam formam; ergo neque ipsum fieri dicit ipsam formam.

*Resp.* ad 1. neg.M. ad prob. neg. ant. ad hujus prob. d. 13 ant. quoad 1. membr. forma est principium, quia est terminus immediatus ac formalis actionis productivæ c. ant. quia est terminus tantum mediatus ac ultimus neg. ant. dum enim aliquid fit, immediate tantum producit formam, & per formam fit compositum v. g. dum aqua calefit, immediate fit calor, & mediate per calorem fit calidum.

Ad 2. c. M. neg. m. ad prob. dico, formam, dum primo est, esse principium, sed relative sumptam, ad præviam privationem; quia licet jam sit in facto esse, tamen refertur ad præcedentem privationem, & in quantum refertur, eatenus est pars ipsius fieri. Adeoque eadem forma potest considerari in fieri, ut relata ad præcedentia, nempe ad sui privationem; & eadem potest considerari in esse ut relata ad suas proprietates tanquam ad aliquid subsequens ad sui existentiam.

Ad 3. d.M. Contradictoriè opposita non possunt simul esse tanquam pars ejusdem compositi c. M. tanquam terminus à quo, & ad quem ejusdem concreti. neg.M. Sic etiam actio & passio sunt contradictoriè opposita, sed tamen sunt simul natura & tempore: in præsentem forma & privatio formæ sunt simul tempore, sed non simul naturā.

Ad 4. c.M. d.m. esse in via ad formam non dicit ipsam formam tanquam constitutivum intrinsecum. tr. m. tanquam constitutivum extrinsecum n. m. ad fieri est terminus relativus; igitur dicit fundamentum & terminum relationis, nempe dicit actionem productivam, & terminum actionis productivæ; hunc terminum voco constitutivum extrinsecum: quia verò relatio non potest concipi sine termino, ideo etiam fieri non potest concipi sine forma.

*Obj.* 4. contra eandem. Illud est principium, 14 quod non fit ex alio: Sed forma est id, quod fit ex alio; ergo. m. prob. forma fit ex materia; ergo.

2. Materia fit ex partibus materiæ, sicut domus ex lapidibus; ergo materia non est principium.

3. Forma & materia fit ex genere & differentia,



ex essentia & existentia, ex substantialitate, corporeitate, individuatione; ergo nec forma, nec materia est principium, sed potius ista simplicia.

4. Potest dici, quod omnia componantur ex primalitatibus, essentialitatibus, formalitatibus, monadibus &c. ergo principia in fieri & esse non sunt materia & forma. ant. prob. omnia possunt secundum nostrum modum concipiendi resolvi in simplicia, quæ nequidem per intellectum possunt dividi; & hæc simplicia à quibusdam vocantur primalitates, monades.

5. Si materia & forma essent principia, tunc etiam materia & forma hominis essent principium: Sed hoc est falsum; ergo. m. prob. materia & forma hominis aut alterius individui non est id, ex quo omnia fiunt, quia ex corpore & anima humana non fit lapis.

6. Non dantur determinata principia; ergo frustra quaruntur. ant. prob. dantur aut infinita aut innumera principia; ergo. ant. prob. potest dici, quod lignum componatur ex particulis ligneis, ferum ex ferreis, caro ex carneis, & sic de aliis; ergo dantur infinita.

Resp. ad 1. d. M. Principium est, quod non fit ex alio tanquam inexistente, seu parte intrinseca. c. M. quod non fit ex alio tanquam comparte. neg. M. principium vocatur illud, quod non potest resolvi in plures partes, sicut domus resolvitur in lapides, lignum &c. forma autem est tale principium, quod non constat ex pluribus partibus sibi inexistentibus. Dein forma propriè non fit ex materia, quia materia non est pars formæ, sicut lapides sunt pars domus.

Ad 2. d. ant. Materia secunda fit ex partibus materiæ. c. ant. materia prima. neg. ant. materiam primam voco, quæ non potest ulterius resolvi in plures partes materiæ.

Ad 3. d. ant. Materia & forma componitur ex genere & differentiâ compositione metaphysica. c. ant. compositione physica. neg. ant. ut enim ostensum est in Logica, omnia ista prædicata tantum differunt secundum nostrum modum concipiendi, & non distinguuntur à parte rei. igitur in consideratione physica forma aut materia nullas habet partes.

Ad 4. neg. ant. quia tales perfectiones simplices tantum differunt secundum nostrum modum concipiendi; adeoque non sunt principia physica, sed metaphysica.

Ad 5. neg. M. quia, dum omnia dicuntur fieri ex materia & forma, hoc dicitur de materia & forma in genere considerata; & sensus est, quod omnia habeant aliquam formam & materiam.

15 Ad 6. neg. ant. Contrarium probabitur infra.

Obj. 5. contra eandem. Si forma esset principium in fieri, tunc ideo, quia requireretur ad ipsum fieri: Hæc ratio nihil probat; ergo. m. prob. plura requiruntur ad ipsum fieri, & tamen non sunt principia; ergo. ant. prob. Sic enim primò requiritur unio formæ ad materiam, præviæ dispositiones, duo instantia, causa productiva, finis, subsistentia &c. ergo.

Resp. neg. M. Ratio, cur forma sit principium, est, quia concipitur immediatè ac formaliter, dum concipitur ipsum fieri.

Obj. 6. contra secundam. Eadem sunt principia rei in esse & fieri; ergo malè assignantur diversa. prob. ant. res est eadem dum fit, & dum est; ergo etiam eadem sunt principia.

2. Etiam res, dum est, præsupponit præcedentem privationem, sicut præcedens privatio post se trahit formam; ergo si forma est principium in fieri, etiam privatio erit principium in esse.

Resp. ad 1. d. ant. Eadem sunt principia absolute considerata. tr. ant. relativè considerata. neg. ant. ut dixi, eadem est forma, dum fit, & dum est, secundum se, & absolute considerata; sed quando consideratur relativè pro instanti, dum primò est, tunc eo ipso refertur ad præcedentem privationem, & hæc relatio exprimitur per *ad fieri*.

Ad 2. d. ant. Forma relativè considerata præsupponit privationem. c. ant. absolute. neg. ant. vel subd. præsupponit illam privationem realiter. tr. ant. formaliter. neg. ant. quando considero formam secundum se, v. g. ignem, non eo ipso considero præcedentem privationem ignis, quæ fuit in ligno; adeoque forma absolute considerata non dicit privationem.

### QUÆSTIO III.

#### An aqua sit rerum omnium principium?

**N**otandum 1. Duplicem esse in hac re extremè oppositam sententiam; aliqui dicunt, nullam omnino dari aquam propriè dictam, sed tantum aquam consistere ex minimis globulis durissimis, qui suâ volubilitate nobis aquam exhibent; sicut arena in horologio arenario nobis aliquid fluidum exhibet. Ita docet Cartesius, & Neoterici ferè omnes. Altera sententia dicit, nihil dari nisi aquam, quæ tamen possit in varia corpore solidiora concrefcere; sic concrefcit in glaciem absque eo, quod amittat naturam aquæ. Hujus sententiæ fuit primus Philosophorum Thales Milesius, cujus argumenta refert Aristoteles 1. Metaphys. Ad eandem accedere videtur Hartæckerus, nostro ævo Philosophus celeberrimus in suo opere *conjectures physiques*.

Not. 2. Posse inter has duas sententias extremè oppositas mediam statui, quæ diceret, primum elementum Cartesianum consistere non in globulis solidis, sed in minimis particulis verè fluidis, quæ suam figuram accommodent omnibus corporibus duris, ita tamen, ut illæ particulæ nunquam amittant suam fluiditatem. Sed hoc ipso aqua non foret rerum principium, sed tantum repletet poros corporum.

Not. 3. Me per aquam intelligere illud ipsum primum elementum Cartesianum, ita tamen, ut illud admittam verè fluidum, id est, ex talibus minimis particulis constantem, quæ figuram suam accommodent vicinis corporibus. Sic differo à Cartesianis. Dein admitto has particulas aquæ posse amittere suam fluiditatem, tunc videlicet, quando earum communicatio tollitur cum suo elemento, seu aura æthereâ, quæ sola est principium motus in universo; potest autem hæc incorporatio seu fixio primi elementi tunc fieri, quando pori corporum



porum sic obstruuntur per solidiores particulas, ut nulli relinquuntur pori extimi vacui pro ingressu primi elementi, seu aquæ. Per hoc ergo differo à media illa sententia. 3. Denique ego voco illam mutationem, qua particula fluida sunt fixa, substantialem, qua in illo ipso mutationis momento datur in his particulis ordo ad alias operationes, qui ordo à me vocatur forma substantialis, & creditur esse modus realiter distinctus à materia. His prolatis.

*Dico: Aqua non est rerum principium.* Prob.

Conclusio 1. Illa Hypothesis, quæ dicitur, primum elementum Cartesianum esse perfecte fluidum, easque particulas posse amittere suam fluiditatem, & eam mutationem fieri per novum ordinem substantialem rei, est possibilis, & simplicissima, & consentanea experientiæ; ergo debet admitti. ant. patet ex eo, quia potest concipi, & quia admittit pauca principia, & quia nullum potest ostendi experimentum, cui non consentiat. Hæc est probatio præcipua. Reliquæ probationes, quas subijcio, & quæ communiter afferuntur, ut habeant vim, in hunc sensum reduci debent; alias non facio meas. Itaque

*Prob. Cancl. 2.* Si aqua est generabilis & corruptibilis, tunc non est principium corporum naturalium; Sed; ergo. *m.* patet ab experientia sensuum, quia aqua convertitur in ignem, aërem, terram, lignum &c. item fit aqua ex humido aëre, aut ex resolutione corporum, ut ostenditur in ipsis argumentis Adversariorum. *M.* prob. si generabilis est & corruptibilis, tunc aqua fit ex alio, & resolvitur in aliud: Sed si fit ex alio, & resolvitur in aliud, tunc non est principium; ergo. Hoc argumentum quoad rem est etiam ipsius Aristotelis contra Thaletem; querit enim, an potius illud sit principium, ex cuius resolutione fit aqua, an verò id, quod fit ex aqua; verum enim est, aquam fieri ex aëre & à terra &c. sicut verum est ex aqua fieri aërem & terram.

*Prob. 3.* Si principia corporum naturalium sunt invicem contraria, tunc non sola aqua est rerum principium: Sed; ergo. *M.* patet, quia aqua non est sibi contraria, nec pugnat secum ipsa. prob. *m.* si principia non essent contraria, tunc nec daretur generatio nec corruptio: Hoc est falsum; ergo. *M.* prob. si principia non essent contraria, tunc unum non destrueret alterum: Sed si hoc, non daretur corruptio; ergo.

*Prob. 4.* Si principia rerum apparent sub diverso statu sensibili, tunc non datur unum rerum principium: Sed; ergo. *M.* prob. si corpora naturalia apparent sub diverso statu sensibili, tunc eo ipso corpora naturalia differunt specie: Sed si differunt specie, non datur unum rerum principium; ergo. *m.* patet, quia differre specie, est differre in prædicato essentiali, & si differunt in prædicato essentiali, verum non est, omnia nihil aliud esse, quam aquam, tantum accidentaliter secundum diversum gradum humiditatis alteratam. *M.* prob. si corpora habent diversum statum sensibilem, tunc eo ipso datur diversa huius status sensibilis radix exigitiva: Sed si hoc, non datur unum principium; ergo. *m.* patet, quia admissa radice exigitiva jam debent admitti formæ substantiales, sicque etiam materia prima.

*R. D. Euseb. Amoris Philosophia,*

*Prob. 5.* Datur diversa collectio accidentium in diversis corporibus; ergo etiam datur diversum principium. ant. supponitur. conf. prob. si datur diversa collectio accidentium tum debet dari causa exigitiva huius collectionis productiva & conservativa: Sed si hoc, tunc debet dari diversum etiam essentialiter principium; ergo. *M.* prob. natura nihil operatur sine exigentia alicujus causæ motivæ; ergo. ant. fuit probatum in priore questione, ubi fuit ostensum, quod privatio sit principium rerum. Exemplum autem potest haberi in aqua, quæ constanter conservat humiditatem, frigus, quantitatem, etiamsi interdum amittat humiditatem per glacem, & incalcescat, aut rarefiat per ignem; debet enim dari causa, quæ restituat aquæ suas proprietates sensibiles, nempe ipse intrinsecus ordo, ac vis partium.

*Prob. 6.* Aqua non est sufficiens causa proprietatum sensibilium, quæ reperiuntur in universo; ergo non est adæquatum principium. prob. ant. aqua non est naturalis causa frigoris, & caloris, humiditatis, & siccitatis, albi & nigri &c. ergo. ant. prob. idem nec exigit, nec producit, nec conservat qualitates contrarias; ergo. ant. patet, quia hæc qualitates ex eodem subiecto se mutuo expellunt.

*Prob. 7.* Si aqua esset rerum principium, tunc esset id, ex quo ut inexistente omnia constant: Sed hoc non potest dici; ergo. *M.* est definitio principii. *m.* prob. si aqua inexistisset suis principiis, tunc ignis esset aqua, & terra esset aqua, & aër esset aqua, & omnia essent aqua: Sed hoc est falsum; ergo. *m.* prob. ex communi sensu; aliud enim intelligitur per ignem, quam per aquam; ergo hæc omnia non sunt aqua. conf. prob. communis sensus circa ea, quæ potest intelligere, non fallitur: Sed tale aliquid est ignis & aqua; ergo.

## Solvuntur Objectiones.

*Argumentum 1.* Id, ex quo omnia fiunt, est rerum principium: Sed ex aqua omnia fiunt; ergo. *m.* prob. ab inductione; sicut enim nutrimentum omnium rerum est humidum; v. g. nutrimentum arborum & plantarum est aqua pluvia; nutrimentum animalium est cibus resolutus in aliquid humidum, seu fluidum; dein humida v. g. sanguis, sunt principia caloris in animali, adeoque etiam principium augmentationis, & totius substantiæ. Semina etiam rerum omnia sunt humida ex prima sua origine. Ulterius metalla fiunt ex aliquo humido v. g. cuprum, ferrum, stannum, argentum, & plumbum fit ex mercurio; mercurius autem est aliquid humidum, quoniam etiam resolvi potest in puram aquam, prout ostendit Helmontius. Ligna sunt per aquam pluviam, quia aqua pluvia ascendit per radices, & expansa per totum truncum, ultimo indurefcit in lignum. Fructus arborum ab initio sunt tantum aliquis succus, & succus ab initio est adhuc longè humidior, quin imò nihil aliud est, quam aliqua pluvia per radices delata ad extremitates arboris. Lapides ab initio nihil aliud sunt, quam aqua; sic enim aqua fit lutum, & ex luto fit lapis: hinc etiam in illis locis vel montibus, ubi aqua destillat per subiecta saxa, brevi tempore lapides sumunt incre-



mentum; & quandoque mediis in lapidibus inveniuntur ossa piscium & animalium, ligna, & aliæ materiæ, quæ non potuissent contineri in tali lapide, nisi lapis fuisset prius aliquid humidum. Lapidescunt etiam, qui crescunt in hominibus, probant hos lapides concrefcere ex humido. Ipsa terra tantum fit ex aqua; hoc probat Bøylus experimento 9. ubi ostendit, se per artem Chymicam ex aqua pluvia reddidisse albicantem pulverem serè in tanta quantitate, in quanta prius erat aqua pluvia; idem experimentum ajunt instituisse Kircherum. Gemmæ ab initio nihil aliud sunt, quàm aliquid humidum, quia nihil aliud sunt, quàm species vitri; vitrum verò fit ex humido, ut patet ex arte vitriaria; & Chymici, qui conficiunt gemmas artificiales, eodem modo procedunt, sicut vitriarii: quid ergo superest, quod non fit ex aqua? ipsum corium nihil aliud est, quàm cutis, & cutis fit ex humido; Papyrus nihil aliud est, quàm pannus lineus, & linum fit ex humido, pannus verò fit ex pilis animalium, & pili iterum ex humido: quin imò ipsa ossa sunt ab initio aliquid humidum, ut patet ex ossibus infantum, & præcipue ex ovis Gallinaceis, ex quibus & in quibus exsurgunt ossa & caro; quin ipsa ovicrustula ab initio nihil aliud est, quàm membrana humidissima.

12 *Argumentum 2.* Id, in quod omnia resolvuntur, est rerum principium: sed omnia resolvuntur in aquam: ergo aqua est principium. ant. prob. Helmentius innumeris experimentis Chymicis, per quæ resolvit metalla, lapides, ligna, ossa &c. in aquam. Habet autem duo resolvendi media; primum est ignis, alterum est aliquis liquor, qui omnia dissolvit, hunc vocat Alkaëst, seu menstruum immortale seu ignem Gehennæ. Per hoc menstruum resolvit imprimis metalla in aquam limpidissimam, & sic etiam omnia alia corpora. Præter istud experimentum Helmontii dantur adhuc alia experimenta magis obvia; sic enim imprimis omnia metalla liquefiunt, & post liquefactionem possunt converti in mercurium, & mercurius potest converti in aquam. ossa & lapides possunt sic emolliri, ut fluant; vitrum potest denuò resolvi per artem vitriariam in suum primum humidum; salia resolvuntur per aquam; reliqua corpora per aquam fortem, & plurima corpora per putrefactionem in aquam abeunt.

13 *Argumentum 3.* Antiqui crediderunt omnia fieri ex aqua; ergo stat præsumptio pro hoc principio; hoc argumentum iterum proponit Aristoteles pro Thalete: dicit enim antiquos Poëtas Oceanum & Thetin habuisse pro primis Parentibus, sicque voluisse indicare, aquam esse primum rerum principium; Dii quoque, ut ait, tantum per stygem jurare consueverunt, quo nempe voluerunt significare, stygem seu aquam esse omnium honorabilissimum, adeoque antiquissimum, & eo ipso omnium rerum principium.

14 *Argumentum 4.* Corpora solida non subsistunt sine humidis, humida sunt longè subtiliora solidis; ergo censendum, solida potius fieri ex humidis, quàm vicissim. Prob. ant. solida corpora non possunt tam exactè sibi invicem conjungi, quin relinquant aliqua spatiola vacua; ergo eo ipso debet

dari aliquid humidum, quod repleat illa spatia vacua. Hoc argumentum est Hartsoekerii.

*Argumentum 5.* Hæc hypothesis, aquam esse rerum principium, est simplicissima, captu facilissima, & ad explicandas productiones corporum aptissima; ergo debet præferri reliquis. ant. prob. quia imprimis non admittit principia parum consentanea; dein facillimè concipi potest, quod denter diversi gradus humiditatis, v.g. in aqua, lacte, oleo, melle, cera, pice, succo, glutine, carne, ligno, lapide, metallis &c. potest enim dici, quod hæc omnia tantum differant in gradu humiditatis, quia unum facilius terminatur terminis alienis, quàm alterum, & eo ipso possunt etiam effectus naturales facillimè explicari. Sic enim, dum aqua resolvitur in aërem, nihil aliud fit, quàm ut aqua acquirat majorem gradum humiditatis, quia aër est humidior, quàm aqua; econtrà quando aqua convertitur in succum, nihil aliud fit, quàm ut aqua acquirat minorem gradum humiditatis; & sic eadem aqua eundo per diversos gradus humiditatis induit formas innumeras instar Prothei. hoc argumentum posset urgeri, & proponi ab hujus sententiæ Patronis.

*Argumentum 6.* Videtur etiam Scriptura aquam statuere pro primo rerum principio; ergo. prob. ant. Scriptura in Genesi rerum omnium tantum ab initio nobis proponit aquam, & abyssum; dicitur enim; *Spiritus Dei ferebatur super aquas.* Dicitur etiam, quod *Deus divideret aquas ab aquis*, & tertio dicitur, quod separaverit aridam ab aqua, & quod tunc primum cæperit *apparere arida*; quod nihil aliud est, quàm quod cæperit *esse arida*, quia tunc temporis, cum solus existeret Deus, *apparere* coram Deo est nihil aliud quàm primum *esse* coram Deo; sic ergo antecederet nihil existit nisi aqua.

*Resp. ad 1. tr. M. neg. m.* & dico, aquam tantum esse universale naturæ vehiculum, quæ primogenias virtutes distribuit per minimas cujuscunque rei partes; v. g. in aqua pluvia dico latere partes terrestres, & varia rerum semina, quæ proinde distribuuntur per terram, & per intimas partes cujuslibet corporis. In exemplis adductis dico vel aquam destrui, & aqua destructa produci novum aliud corpus, vel aliis corporibus destructis de novo produci aquam. Non nunquam etiam illud, quod videtur esse aqua, reverà non est aqua, sed tantum habens unam vel alteram proprietatem aquæ v.g. dum mercurius arte Chymica resolvitur in aquam, aut in pulverem, retinet suam gravitatem, & post exiguan mutationem iterum induit priorem formam mercurii; ex quo proin patet, mercurium non desuisse esse mercurium, sed tantum simulasse aquam. Denique etiam hoc advertendum est, Chymicos Helmontianos plura promittere, quàm præstare in opere; menstruum enim immortale Helmontii tantæ virtutis non est, ut omnia metalla possit resolvere in aquam; neque enim certo quopiam experimento constat, quempiam resolvisse aurum, aut talcum. Verum quidem est, aurum fuisse resolutum in minimas particulas auri fluido innatantes; sed illæ particule manserunt semper aurum, nec quispiam adhuc invenit aurum potabile in eo sensu, ut desierit esse aurum.

Ex quo patet responsio ad 2.



Ad 3. tr. ant. neg. conf. Illa enim Veterum opinio oritur probabiliter à traditione diluvii universalis, à quo Gentiles communiter cæperunt suarum fabularum Epocham, inter quas non debet quæri veritas.

Ad 4. c. ant. neg. conf. ex hoc enim, quòd probetur necessitas aquæ in universo, non probatur aquam esse rerum principium.

Ad 5. neg. ant. quia, ut ostensum est, id, quod in hoc casu vocatur diversus gradus humiditatis, non est diversus gradus. Sed essentialiter diversa forma, ac diversa species, v.g. ignis & aqua non tantum differunt in isto gradu humiditatis. Sed insuper causant diversas proprietates, & stabiliter habent diversam collectionem accidentium, & nos id non vocamus aquam, quod habet tales proprietates; ordo enim ad seriem stabilis collectionis accidentium à me vocatur forma substantialis.

Ad 6. neg. ant. ad prob. dico, per illas aquas tantum intelligi subtilem ætherem, qui fuit permixtus corporibus sublunaribus, & sui commixtione constituit primigenium chaos; signum hujus veritatis est, quòd in eadem Scriptura dicatur, Deum separasse illas aquas, quæ sunt supra firmamentum, ab iis, quæ sunt sub firmamento; per hoc enim non ostenditur, istas aquas esse incorruptibiles, ita, ut non possint amittere suam fluiditatem, quod tamen requiritur ad rationem principii strictè accepti.

## QUÆSTIO IV.

*An quatuor elementa sint principia corporis naturalis, an infinita, an nullum?*

**I**N hac quæstione dicam 1. quænam elementa antiqui, qui docuerunt post Thaletem, pro principiis admiserint. 2. Quomodo ex suis elementis mundum construxerint. 3. Quænam ex his opinionibus jam exoleverint, & cur? 4. In quo sensu à quibusdam Modernis elementa statuuntur pro principiis. 5. Dicam elementa non esse rerum principia.

1. *Aerem* rerum esse principium dixerunt Anaximenes, & Diogenes; horum posterior dixit, nihil dari nisi ærem & vacuum, quando vacuum se commiscet aëri, tunc aër rarefit, & ex rarefactione aëris diversimoda dixit nasci infinitos mundos; fortè suos mundos eodem modo conflare voluit, sicut pueri suos mundos aëreos, bullas.

2. *Ignem* pro principio statuit Hippasus Metapontinus, & Heraclitus Ephesius; horum rationes non recenset Aristoteles, nisi hanc, quòd ignis sit omnium rerum subtilissimum penetrans omnia, adeoque sit id, in quod ultimo omnia resolvantur.

3. *Terram* nullus Philosophorum pro principio admisit, ut testatur Aristoteles, propter suam crassitudinem, nisi fortè pro Patronis haberi mereantur Poëtarum antiquissimus Hesiodus, & Pherecides, ille enim dicebat, primum fuisse chaos, dein terram spatiosam, atque amorem. Hujus Poëtæ opinio referente Aristotele in populo communissima esse cepit, quia, ut ait, rudi ingenio vulgi est accommodissima; plebi enim tolentia est dicere, omnia ex terra facta

esse; Pherecides scripsit libellum, cujus titulus: *Jupiter & tempus idem, & tellus erant semper*. Rationes ab Aristotele nullæ recensentur, & solum fuerunt fundatæ in præjudicio vulgi: *omnia ex terra facta esse*.

*Ignem & terram* simul Parmenides pro principiis habuit; ratio ejus erat, ut saltem haberet duo principia, unum activum, & alterum passivum; ignis enim suo calore esset principium activum, & terra suo frigore esset principium passivum.

*Omnia quatuor elementa* simul esse rerum principia, Empedocles asseruit; ratio illius erat; quia ex his elementis omnia componuntur, & in eadem omnia resolvuntur. Empedocli annumerari meretur Xenophanes, qui admisit quatuor elementa, ex quibus dicebat fieri infinitos mundos, Deum verò esse mentem mundi.

*Infinita elementa* admisit Anaxagoras; dicebat enim, ab initio omnia fuisse confusa, dein ea in ordinem fuisse redacta ab aliqua mente, ita tamen, ut omnibus rebus inessent omnia v.g. ligno inesset ferrum, lapis, ossa, caro; itaque consequeretur, *ex quolibet fieri quodlibet*, quia omnia insunt omnibus. Carnem dicebat fieri ex particulis carneis, ferrum ex particulis ferreis, ignem ex particulis igneis, quæ particulæ laterent in quavis etiam minima materiæ particula; ejus fundamentum fortè erat, quia videbat, ex qualibet re fieri aliam rem. Ejus doctrina comprehenditur his verbis: *omnia simul erant, dein accessit mens*.

Anaxagoræ consentit Anaximander, & hic enim admittit primum elementum immensum & infinitum, licet non dicat, quale sit illud elementum. Nullum elementum admisit Melissus; hic enim dixit, prorsus nihil de novo fieri, adeoque nec requiri elementum, aut principium; credidit enim totum mundum esse unum quid, unam rem, unum ens, unam substantiam; & cum sit unum quid, ac maneat unum quid, impossibile est illud mutari aut aliquid fieri præterquam id, quod jam est. Aristoteles vult, Melissum tantum dixisse, totum istum mundum esse unum quid in ratione entis; sed meritò suspicari licet, melius referente opinionem Melissi Platone, eum sic intellexisse mundum esse unum quid, ut sit unum per modum unius mentis; hæc enim opinio, ut constat ex historia Philosophiæ Veterum, communissima erat apud Veteres, id testante Platone; adeoque videtur origo illius opinionis meritò referenda esse ad Melissum, prout non obscure indicat Plato. Rationes hujus Philosophi subtiliores ac intricatiores sunt, quam ut hoc loco examinari possint; revera enim convenit cum Spinosa, aut cum Sinensibus quibusdam, dicentibus, Deum esse ipsam naturam, secundum esse ipsum Deum, se in varias formas transformantem per sui conversionem ad se ipsum ope cognitionis, quod evidenter falsum est ex lumine naturæ, quia datur distinctio entium.

Quoad 2. Nempe quomodo isti Veteres Philosophi ex suis elementis mundum construxerint, id recenset Aristoteles. Et Melissum quidem missum facit, eo quòd destruat naturam, utpote qui tollit principium motus; reliquos verò omnes dicit mundum construere *conjunctione & separatione, combinatione & dissolutione*; quando enim conveniunt in debita proportionem elementa, aut partes elementorum,







12 Recentiores moderni, qui defendunt quatuor elementa Empedoclis, plerumque hunc in modum sentiunt; ponunt imprimis quatuor ista elementa vulgaria, terram, aquam, aërem, ignem esse ingenerabilia & incorruptibilia, ita, ut aqua semper maneat aqua, & terra maneat terra, licet in adeo tenues particulas dividantur, ut sensum effugiant, v.g. dum extinguitor ignis in candela, dicunt ignem non destrui, sed dispergi, ita, ut particula igneæ sic dispersa post separationem jam amplius cerni desinant ob sui exilitatem. tales autem minimas particulas vocant *minima elementaria*, *corpuscula elementaria*. 2. Volunt omnia quatuor elementa per compositionem corporum fieri partes corporis, ita, ut v.g. lignum nihil aliud sit quam quatuor elementa commixta in proportionem debita; Et sic etiam alia corpora, v.g. metalla, animalia, plantas, tantum resultare ex diversa combinatione, ac quasi dosi quatuor elementorum. 3. Volunt corpora mixta tantum differre per hoc, quod in uno prædominetur hoc, in altero verò prædominetur aliud elementum v.g. in metallis & lapidibus prædominaretur terra, in plantis & arboribus terra & aqua essent ferè in eadem dosi ac quantitate; in animalibus verò prædominaretur aër aut ignis. Contra hos modernos Empedoclistas, quatenus in suis elementis admittunt formam substantialem, & accidentia Peripatetica, procedent nostra argumenta, tanquam argumenta ad hominem; qui enim haberent alium conceptum elementorum, refutabuntur infra in turba Cartesianorum, aut Atomistarum.

13 Dico: *Quatuor elementa non sunt principia corporum naturalium*. Prob. Concl. si quatuor elementa sunt generabilia & corruptibilia, tunc non sunt principia: Sed; ergo. *m. patet* ab experientia sensuum; videmus enim aquam evaporare & mutari in aërem; videmus etiam terram mutari in ignem, & ignem denuò dissolvi in aërem. Potest proin formari hoc *argumentum*: elementa corrumpuntur quoad sensum; ergo etiam re ipsa corrumpuntur. Prob. *conf.* si corrumpuntur quoad sensum, tunc pereunt omnia accidentia sensibilia: Sed si hoc, tunc corrumpuntur quoad rem ipsam; ergo. *m. prob.* si pereunt accidentia sensibilia, tunc perit etiam radix horum accidentium: Sed si hoc, tunc pereunt quoad rem ipsam; ergo. *M. prob.* talis radix datur, & destructis accidentibus non est ratio, cur maneat illa radix; ergo. *Potest etiam argumentum sic proponi*: elementa possunt corrumpi; ergo corrumpuntur. prob. *conf.* si possunt corrumpi, tunc non est ratio negandi, quod sensus vera nuntient, dum nuntiant corrumpi elementa; ergo. prob. etiam *M. primi Syllogismi*: si elementa sunt generabilia & corruptibilia, tunc eo ipso datur commune subjectum formarum elementarium: Sed si hoc, tunc elementa non sunt principia; ergo. *M. patet*, quia elementa non fiunt absolute ex nihilo, nec redeunt in nihilum; manent proin secundum aliquam sui partem, nempe secundum materiam, quæ sit subjectum transmutationis, & in qua successive ponantur diversæ formæ elementares. *m. prob.* si datur commune subjectum formarum elementarium, tunc eo ipso illud commune subjectum est immediate capax etiam aliarum formarum non elementarium: Sed si hoc, tunc quatuor elementa non sunt principia; ergo. *m. prob.* si illud commune subjectum est immediate capax aliarum forma-

rum non elementarium, tunc eo ipso immediate recipit illas formas non elementares: Sed si hoc, tunc elementa non sunt principia; ergo. *m. patet*, quia in tali casu jam dantur composita ac corpora naturalia, quæ non componuntur ex formis elementaribus; ergo. *M. prob.* quod contingenter prout est fieri, & quod sensus nuntiant fieri, hoc præsumitur fieri: Sed si illud subjectum est capax formarum non elementarium, contingenter prout est fieri, ut illas immediate recipiat, & sensus hoc præcisè nuntiant; ergo. *M. patet* ex legibus contingentium, & quia sensus tamdiu præsumuntur esse regula veritatis, quamdiu non probantur fallere, cum utique regulariter vera nuntient. *m. prob.* in innumeris circumstantiis in natura obviis necessario occurrit occasio proxima immediate recipiendi formam non elementarem; ergo. quoad 2. verò membrum ea *m. patet*, quia dum video lignum & lapidem, non video formas elementares v.g. aëris aut ignis.

Prob. 2. Elementa non manent formaliter in mixtis; ergo non sunt rerum principia. prob. *conf.* si elementa non manent formaliter in mixtis, tunc eo ipso datur in mixtis aliqua forma specialis mixti, quæ est radix exigitiva suarum proprietatum: Sed si hoc, tunc elementa non sunt principia; ergo. *M. supponitur. m. prob.* si in mixtis datur forma, quæ sit radix exigitiva suarum proprietatum, tunc eo ipso datur aliquod principium potens propagare speciem: Sed si hoc, tunc elementa non sunt principia; ergo. *m. prob.* si quolibet species se sola est potens propagare speciem, tunc omnia mixta non constant ex elementis, sed producuntur à sibi simili. Prob. etiam ant. primi Enthymematis: si elementa manerent formaliter in mixtis, tunc arbores, lapides, pisces & animalia &c. nihil essent, quam pura aqua: Sed hoc est falsum; ergo. *M. prob.* Ponamus 1. experimentum Helmontii: sumplit aliquot libras terræ, huic inferuit furculum ilicis etiam ponderantem aliquot libras; iussit hunc furculum irrigari sola pluvia, post breve tempus furculus ita crevit, ut jam pondere habuerit plus, quam centum libras. ponderavit etiam terram, & invenit terram ne quidem unicâ uncia immutata esse: in hoc casu constat, arborem solâ aquâ fuisse nutritam, adeoque incrementum suum debere soli aquæ: si igitur elementa, ex quibus omnia fiunt, manerent formaliter, sequeretur hanc arborem nihil aliud esse, quam aquam: Sed nos non vocamus lignum aquam. 2. Experimentum habetur in illis petris stillantibus, quæ reperiuntur in Gallia, & alibi, ubi aqua decidua ex altissimis petris in subjecta saxa decedit, mutatur in lapides. Simile exemplum habetur in vicinis montibus, ubi reperiuntur integræ petræ eodem modo pendentes, quo modo in hyeme à tectis dependent glaciales pugiones; illæ petræ habent eandem formam, & dubitare non licet, has petras formatas esse ex aqua; interim tamen tam duram habent consistentiam, & tantam siccitatem, ut omnia metalla & omnes alios lapides duritie & siccitate superent. 3. Experimentum habetur in piscibus. Boyleus in dubiis Chymicis part. 6. narrat: pisciculum fuisse inclusum in vitro, in quo inclusus per tres annos vixerat, & immaniter auctus fuit ex sola aqua nullo accedente nutrimento; igitur sequeretur, piscem nihil aliud esse, nisi aquam.

Prob. 3. Si elementa manerent formaliter in mixtis, tunc non daretur contrarietas: Sed hoc est



falsum; ergo. M. prob. si elementa manerent formaliter, tunc particula calidæ & frigidæ v.g. ignis & aquæ per commixtionem & juxtapositionem tantum haberent aliquam viciniam: Sed si hoc, tunc non daretur contrarietas; ergo. m. prob. quando in uno loco est ignis, & in altero aqua, non datur contrarietas; ergo neque inter illas particulas. ant. est evidens, nisi enim ignis introducat calorem in aquam, tunc non erit contrarius aquæ, & si particula calidæ non introducant calorem in particulas frigidas juxta se positas, pariter non erunt contrariæ; si verò dicatur, quod particula calidæ agant in frigidas, & vicissim, tunc eo ipso hæ particulae jam mutantur, alterantur, adeoque contingenter destruantur, quia id possibile est.

16 *Confirmatur*: Contrarietas tantum versatur circa commune subiectum, & circa idem commune tertium; ergo si ignis & aqua non litigant de eodem subiecto, tunc non erunt contraria. ant. probat Aristoteles hoc exemplo: si unus velit tendere Thebas, & alter Athenas, non erunt contrarii, similiter si unus velit habere pecuniam, & alter cibum, non erunt contrarii; sed contrarietas tantum erit, si ambo velint habere eandem pecuniam, aut si is, qui vult ire Thebas, prohibeatur ab altero ire Thebas; ergo inter ignem & aquam tantum erit contrarietas, si forma ignis & aquæ velint esse in eodem subiecto, de quo litigant.

Prob. etiam m. primi Syllogismi: vera contrarietas circa idem subiectum ex una parte potest dari, ex altera parte communis sensus judicat illam dari, & ex tertia parte eam probat experientia; ergo falsum est non dari talem contrarietatem. Quoad 3. membrum possumus id probare 1. ex communi sensorio, quo simul discernimus calorem & frigus; in hoc communi sensorio, necesse est simul recipi calorem & frigus successivè. Item sentimus in eadem parte manus calorem & frigus successivè, sentimus etiam dolorem ex ista contrarietate; ergo necessariò oppositio qualitaturn versatur circa idem, alioquin non esset causa doloris. Denique quando aqua convertitur in glaciem, hæc glacies iterum potest verti in aquam; aqua in terram, terra in ignem; in hoc casu diversissimæ qualitates & formæ, nempe frigus, calor, siccitas, necessariò versantur circa idem subiectum, quia pervadunt totum subiectum.

17 Prob. Concl. 4. Si elementa essent principia, vel essent elementa visibilia, vel invisibilia: neutrum potest dici; ergo. prob. m. quoad 2. memb. de invisibilibus nec ratione, nec experientia constat; ergo. Igitur prob. quoad 1. memb. aqua v.g. communis non est pars ferri candentis, calcis vivæ, metalli fusi; nec ignis vulgaris potest esse pars maris glacialis, aut glaciei sexaginta ulnas densæ; quomodo enim ignis vulgaris esse posset tamdiu in glacie millenaria.

18 Prob. Concl. 5. Non datur ratio habendi elementa pro principiis; ergo prob. ant. tota ratio est educitio elementorum è mixtis v.g. è ligno accenso: hæc ratio nihil probat; ergo. m. prob. id quod educitur ex altero, non necessariò præcontinetur in illo; nec est necessariò principium illius; ergo. prob. ant. 1. Si id, quod educitur, deberet contineri, tunc totus ignis deberet contineri in pulvere pyrio: hoc est impossibile, alioquin se proderet;

& si dicas, ignem esse inclusum quasi in carceribus, quos non posset egredi nisi per ignem extinsecum auxiliarem, carceres perumprentur, prout fingit Honoratus Fabri, tunc admittis pro principio aliquod genus ignis invisibilis non visibilis, de quo nec constat ratione, nec experientia: ignis enim visibilis in talibus carceribus includi non potest maxime in tanta quantitate, in qua solet foras prorumpere; nec una scintilla addita augere potest tam enormiter summam particularum ignearum; neque est necesse, ut quis talia figmenta refutet, quia nullum est periculum, ne forte illa mundus credat.

Prob. ant. 2. Educuntur aliqua è mixtis, quæ non sunt illorum elementa; ergo. prob. ant. è mixtis educuntur sal, sulphur, mercurius &c. Sed hæc juxta Empedoclistas non continentur, sed primum producuntur; ergo.

Prob. ant. 3. Producuntur aliqua de novo in ipsi mixtis, quæ non sunt illorum elementa; ergo. ant. prob. in caseo annoso producuntur vermes; ergo.

Prob. ant. 4. Si id, quod educitur, deberet esse rei elementum, tunc tota res simul deberet esse ignis & aqua: Sed hoc non potest dici; ergo. prob. M. Helmontius per suum liquorem menstruum, quem vocat Gehennæ ignem, plurima corpora convertit in aquam, & illud ipsum corpus potest converti in ignem; ergo.

Prob. Concl. 6. Dantur diversissimæ species elementorum, & non potest dici, quænam earum sit elementum; ergo nulla. prob. ant. sic enim alia est aqua marina, fontana, pluvialis; alius est ær æthereus, alius est crassior; ignis, alius est solaris, alius candelæ, alius chymicus. prob. etiam quoad 2. memb. neutra harum specierum participat definitionem principii; ergo prob. ant. neutra inest singulis mixtis, neque omnia determinatè resolvuntur in aquam fontanam, aut marinam, aut pluviam.

Prob. Concl. 7. Elementa sensibilia non sunt simplicia, sed mixta, & de elementis insensibilibus nihil constat; ergo elementa non sunt rerum principia. prob. ant. aqua v.g. quæ videtur, potest resolvi in oleum, spiritum, salem, ut probant Chymici; dein ex aqua nascuntur vermes; aqua natrit, & in aqua etiam limpidissima salia, & alia mixta resolvuntur; ergo aqua non est simplex, nec pura, sed mixta.

Prob. Concl. 8. Ignis non est aptus ad constitutum aliquod mixtum; ergo non est elementum. ant. prob. 1. Ignis non potest contineri terminis, quia est fluidus, & quidem essentialiter. 2. Ignis dissolvit heterogenea, ut patet ex ejus definitione; calor enim est, qui separat heterogenea. 3. Ignis non est ubique præsens in productione mixtorum; ergo non potest esse generale principium. 4. Non datur specialis locus pro igne sensibili; ergo non est universale principium. ant. patet, quia illa fabula, quod ignis sit super aërem, est potius risu & commiseratione, quam refutatione digna. Hæc sunt argumenta contra Elementaristas Peripateticos, qui admittunt quatuor elementa vulgaria esse rerum principium; contra alios enim, qui non sunt Peripatetici, non sunt efficacia. Sed hi alio loco refutantur.



## Solvuntur Objectiones.

22 *Obj. 1.* id, ex quo omnia primò componuntur, & in quod ultimò resolvuntur, est rerum principium: Sed hoc sunt quatuor elementa; ergo. *m.* quoad 2. memb. prob. in unico serè & obvio exemplo, quod pro se adducunt Elementarii. Ponitur lignum viride; in ejus combustione inprimis prodiit vapor, & fumus seu fuligo, quæ statim ascendit sursum in aërem veluti reditura ad suum principium, sicut flumina revertuntur in mare; igitur è ligno jam prodiit primum elementum, nempe aër, qui secum sursum avehit fuliginem. 2. In ligno accenso passim conspicitur erumpens aqua, sibilans, & ebulliens; habetur proinsecundum elementum nempe aqua. 3. Lignum resolvitur in cineres, & hi cineres possunt nominari terra. 4. Ignis ubique conspicitur per totum lignum denominari.

*Resp. tra. M. neg. m.* ad prob. neg. ant. & suppositum, quod ista fuligo, aqua, ignis &c. sint ipsius ligni elementa. Primò enim tantum potest asserri per modum exempli ipsum lignum, metalla verò aurum, argentum, vitrum, talcus venetus nullum produnt vestigium aut aëris aut aquæ; ergo signum est illam aquam aut aërem tantum latuisse in poris ipsius ligni paulò latioribus quàm in metallis, non verò esse generale principium aut ligni aut metalli. 2. Ex dato exemplo potius posset inferri, lignum esse elementum elementorum, quia ex ligno fiunt elementa. 3. Id, quod educitur, non necessariò præexistit in illo, à quo educitur, sed potuit contingere, ut in ipsa educatione de novo fuerit productum, prout patet ex nostris probationibus.

23 *Dices:* Id, quod educitur è re, necessariò præexistit in re; ergo. ant. patet, quando enim funditur aliqua massa mixta ex auro, plumbo, argento &c. omnes censent, aurum, quod educitur, præexistisse in illa massa; ergo. *Resp. neg. ant.* ad exemplum adductum nego paritatem; imprimis enim in nostro casu non constat, quod quatuor elementa tali modo sint ingressa in lignum, sicut ante commixtionem vidimus aurum & argentum separatim ingredi massam vel eandem, vel aliam consimilem. 2. Aliundè constat, quod ignis possit aliquid producere; ergo non repugnat in combustione ligni per accidens produci aquam aut aërem, quod, quo modo fiat, postea videbimus. Certè in calcinationibus producuntur de novo particule vitreæ, quæ non præexistiterunt in composito. 3. Ignis etiam intensissimus non elicit ex auro & argento quatuor elementa; ergo etiam non elicit è ligno, sed tantum dispellit humiditatem intra poros ligni latentem. 4. Si terra esset elementum ligni, quia ex ligno producuntur cineres, tunc potius deberet dici, vitrum esse elementum ligni, quia ex cineribus ultimò producitur vitrum. 5. Fuligo, quæ educitur in aërem, potest ulterius resolveri in oleum, spiritum, salem; ergo ista potius essent elementa & principia rerum.

24 *Obj. 2.* Possibile est, ex quatuor elementis omnia componi; ergo actu componuntur. cons. patet, quia non sunt multiplicanda entia sine necessitate, nec debent fingi innumerabiles productiones formarum & mixtorum; ergo.

2. Quatuor elementa ubique sunt præsentia, & non potest reddi ratio, cur adsint in productioni-

bus entium, nisi quia sunt rerum principia; ergo sunt.

3. Omnia mixta participant proprietates elementorum saltem in aliquo gradu; ergo participant ipsa elementa, quia proprietates non sunt sine suis principiis, & composita tantum trahunt naturam ingredientium, ut patet in cibis, qui saporem, odorem, & alias proprietates participant à partibus ingredientibus.

*Resp. ad 1.* neg. ant. ob rationes in probationibus adductas.

Ad 2. iterum neg. ant. quia ignis non est ubique præsens, & aliorum elementorum potest reddi ratio, cur sint præsentia, etiam si non sint rerum principia. aër enim & aqua est præsens, ut advehant diversas particulas seminales, aut alias corpori producendo idoneas; terra denique requiritur, ut ministret rebus aliquod subjectum constans seu primam materiam.

Ad 3. dist. ant. Participant proprietates elementorum mediàtè tr. ant. immediatè neg. ant. nam quando forma mixti semel acquisivit proprietates sibi proprias, tunc illas non desumit ulterius ab ipsis elementis, sed est per se ipsam potens propagare suam speciem.

*Dices:* Rationes nostræ non probant elementa generalia corrumpi; ergo possunt manere elementa. prob. ant. in dato casu v.g. pulveris pyrii potest dici 1. quod non producatur tantus ignis, qualis esse videtur, sed tantum appareat tam magnus ob celerimum motum igniculorum; sicut si titio agatur in circulum, videtur totus circulus esse igneus ob celerimum motum titionis, licet titio vix sit centesima pars illius circuli. 2. Quod igniculi in aëre latentes tantum colligantur, & spontè convolent ad cognata corpuscula. 3. Potest dici, quod aliqui igniculi de novo producantur; ergo.

*Resp. neg. ant.* ad prob. *Resp. imprimis* tot igniculos non tantum posse apparere, quia effectus probat hos ignes non fuisse apparentes; ignis enim ille, si quando coarctatur intra cuniculos, rumpit mœnia, & sternit turres: hi effectus non sunt apparentes; ergo nec causa. Ad 2. non videtur dari causa in universo, quæ in momento incensionis colligat omnes igniculos per aërem dispersos; si enim igniculi tam promptè convolant ad unicum igniculum è pulvere pyrio prorumpentem, cur non convolant ad eundem igniculum postmodum liberè in aëre vagantem; aut cur non coeunt igniculi totius mundi, si unus convolat ad alterum, ita, ut totus mundus ardeat; aut cur non convolant ad lumen longè majus candelæ, quàm ad igniculum unius granuli pulveris pyrii. Ad 3. si producitur unus igniculus, non stat major ratio pro æternitate alterius igniculi, maximè cum major pars post se trahat minorem.

*Dices 2.* Potest dici, quod elementa saltem manent in statu refracto, id est, amissis suis aut remissis qualitativibus. *Resp. neg. ant.* quia, ubi non datur collectio proprietatum sensibilium, nec datur amplius principium, quia esset superfluum pro hoc statu, & si quando hoc principium acquirit suas proprietates semper in promptu est causa productiva ipsius principii; ut postmodum videbimus.

*Obj. 3.* Aliqua elementa manent in mixtis; ergo omnia. ant. prob. in vino manet aqua formaliter; ergo. prob. ant. si successivè affundatur tanta copia aquæ



aqua, tunc vinum totum fiet aqua, aut certe aqua fiet sensibilis; ergo aqua manet formaliter. prob. conf. si aqua sit sensibilis, tunc prima guttula non est conversa in vinum, nec secunda, nec tertia; ergo manet formaliter. ant. prob. si prima guttula fuisset conversa in vinum & secunda & tertia, tunc etiam millesima gutta & sic in infinitum; ergo.

27 *Resp.* neg. ant. ad prob. dici potest, non fieri perfectam mixtionem, sed tantum juxtapositionem, & eodem ferè modò, ac si oleum affundatur aquæ & lacti; & ratio est, quia nec aqua nec vinum statim dissolvitur in minimas partes, sed tantum successive; supposito verò, quòd aliquando perfectè commiscerentur, prout nos suo loco dicemus, tunc dicerem destrui utrumque, & fieri aliquid tertium, aut eam esse naturam istarum proprietatum, ut immediate dependeant à quantitate dimensionum minimarum partium, cujus dispositiones sive inimicæ sive amicæ inhaerent suo subjecto.

28 *Obijc.* 4. Potest dici, quòd elementa sint incorruptibilia quoad speciem, licet non quoad individuum; ergo adhuc participant definitionem principii. ant. prob. quia semper manet aer, licet permixtus partibus heterogeneis.

2. Potest dici, quòd elementa saltem mediata sint rerum principia, quia sunt id, ex quibus nascuntur ipsæ species entium; sunt etiam reparativa ac constitutiva omnium specierum in mundo; nec enim præsumendum est Deum creasse tam vasta corpora per mundum expansa, nisi ut serviant omnibus.

*Resp.* ad 1. tr. ant. neg. conf. hæc enim incorruptibilitas specifica convenit etiam omnibus mixtis, plantis, & animalibus, quin sint rerum principia.

Ad 2. neg. ant. quòd elementa sint causa specierum; quia uticunque convenient quatuor elementa, non fiet arbor, aut canis; igitur elementa habent alios fines; de quibus suo loco.

## QUÆSTIO V.

### *An principia Chymica sint rerum principia.*

1 **P**ER principia chymica intelligitur mercurius, sulphur, sal, phlegma, caput mortuum, præcipue verò sal & sulphur, de quibus Parte primâ Append.

2 Mea quidem Sententia est, in omnibus quidem mixtis dari ista principia vel omnia vel aliqua, non tamen ea esse ingenerabilia & incorruptibilia. Salia enim per hoc fiunt, quòd primum elementum scilicet materia subtilis fluida amittat suum motum, & cum motu suam fluiditatem, v.g. si una guttula primi elementi sit conclusa à materia ramosa, aut aliis particulis solidis, ut non possit facile moveri à materia subtili, dico, quòd illa guttula primi elementi eo ipso fiat immobilis, consistens, adeoque dura & sicca. In hoc statu habebit naturam salis, vel figuræ quadræ, vel hexagonæ &c. pro diversitate videlicet pororum, aut spatii in quo conclusa erat; in hoc statu salis tam diu manebit, donec adveniat illi tam vehemens impetus ac motus, quàm vehemens erat ille, quem ab initio juxta primam suam naturam habuit. ubi

verò talis impetus vel per calorem Solis vel per calorem ignis advenit, tunc iterum corrumpitur natura salis, & induit iterum naturam sulphuris seu primi elementi. Semper autem hanc mutationem voco substantialem, quia per eam mutationem materiæ advenit novus ordo ad novam seriem operationum diversæ generis; hic novus ordo exigit novam collectionem accidentium & effectuum, eorumque est causa, quia nihil casu fit; & vocatur forma substantialis rei.

Dico: *Elementa chymica non sunt rerum principia.* 3  
Prob. Concl. si datur generatio & corruptio substantialis Peripatetica, tunc elementa chymica non sunt rerum principia: Sed; ergo. m. partim fuit ostensa quæst. 3. partim probabitur in sequentibus. M. prob. si datur generatio substantialis, tunc eo ipso datur materia indifferens ad omnes formas: Sed si hoc, tunc &c. ergo. m. prob. si datur materia communis indifferens ad omnes formas, tunc eo ipso elementa chymica sunt corruptibilia: Sed si hoc, tunc non sunt rerum principia; ergo.

Prob. 2. Non datur medium sufficienter invenire 4  
direrum principia per ignem; ergo principia inventa per ignem non sunt omnium rerum principia. prob. ant. ignis in diversis circumstantiis, & in diversa intensione reddit prorsus diversa principia; ergo. prob. ant. sic enim ignis alia reddit principia in aëre aperto, alia in hoc quàm in illo gradu, ut probat Boyleus.

Prob. 3. Dantur plures formæ substantiales specie 5  
diversæ quàm quinque; ergo non dantur tantum quinque principia. prob. ant. si dantur plures diversæ combinationes proprietatum sensibilibium, quàm quinque, tunc etiam dantur plures formæ substantiales: Sed; ergo. m. est evidens, quia tot ferè sunt combinationes specie diversæ, quot sunt diversa mixta v.g. alia est collectio accidentium in igne, alia in lapide, alia in auro, aut plumbo. M. prob. cuilibet collectioni accidentium respondet determinata radix exigitiva illarum proprietatum; ergo. ant. prob. quia collectio accidentium non ponitur, nisi in natura detur causa formaliter exigitiva & conservativa illius collectionis; ergo. ant. prob. ex ipso conceptu productionis & conservationis naturalis; quia naturaliter nihil fit nisi ad exigentiam alterius ob connexionem universi, ut de privatione fuit dictum.

Prob. 4. Principia chymica possunt resolvi in 6  
alia principia; ergo non sunt simplicia. ant. probat Boyleus in suo Chymico Sceptico plurimis experimentis: sic enim cineres resolvantur in vitrum, fuligo ligni resolvitur in oleum, in sulphur & mercurium, oleum vitrioli in sulphur, butyrum Antimonii resolvitur in calcem, & omnia salia ac sulphura constant partibus heterogeneis, quia, si operationes continuentur, fatentibus ipsis Chymicis adhuc obtinentur sulphura simpliciora. A priori verò constat, quòd ipsa ingredientia, ex quibus v.g. componuntur salia aut spiritus, jam sunt diversæ naturæ v.g. sal Amoniacum.

Prob. 5. Quinque elementa chymica non eliciuntur 7  
ex omnibus corporibus, quæ tamen constat esse mixta; ergo non sunt universalia elementa. prob. ant. ex auro, argento, mercurio, talco veneto, lapide ossifrago, ostrocola pura, & fusibili arena non possunt elici salia & sulphura; ergo.

Prob. 6. E plurimis mixtis eliciuntur alia principia, 8



pia, quàm chymica; ergo. prob. ant. per menstruum Helmontii ex ipsis carbonibus elicitur aqua; item metalla, lapides per eundem liquorem resolvuntur in substantias similes, quæ, ut testatur Helmontius, multum differunt à vulgaribus principiis chymicis quoad omnes proprietates. Alia talia experimenta adducit Boylius in suo Chymico Sceptico.

9 Prob. 7. Illa elementa Chymicorum non semper separantur, sed etiam aliquando producuntur de novo per ignem; ergo. prob. ant. in multis operationibus chymicis multæ adhibentur additiones quæ possent aut aliquid de novo producere, aut certè esse sufficiens principium illorum elementorum. 2. Constat, multa sæpe produci, quæ non continentur in altero, unde educuntur v. g. per ignem interdum tanta obtinetur quantitas phlegmatis, quæ non potest contineri. Sæpe etiam constat per mixtionem quorundam corporum mixtorum produci novas species, quæ non possunt amplius dissolvi etiam per artem chymicam. 3. Qualitates quas Chymici tribuunt suis principiis, non repugnat produci per ignem; ergo non repugnat etiam produci ipsa elementa chymica. ant. prob. qualitates illæ sunt fluiditas, odor, sapor, inflammabilitas, activitas, commiscibilitas; Sed hæc omnia possunt produci per ignem; ergo. Omnia hæc pluribus experimentis probat Boylius loco citato.

10 Prob. 8. Ipsa principia chymica, quæ ab ipsis referuntur ad eandem speciem, differunt specie; ergo non essent tantum quinque principia sed longè plura. ant. prob. sic enim mercurius metallorum, differt specie à mercurio vegetabilium; salia non tantum differunt, sed etiam sunt contraria inter se; sic enim pugnant acida cum alcalicis, quædam salia figunt, alia resolvunt.

11 Prob. 9. Elementa chymica non sufficienter distinguuntur inter se; ergo ne quidem ex hoc capite possunt admitti. prob. ant. lic enim quoddam phlegma non est insipidum. Ipsi Chymici admittunt sulphur metallorum non inflammabile, & in vegetabilibus mercurius nullo modo ostenditur differre aut à phlegmate aut à sulphure.

12 Prob. 10. Ex eo, quod elementa chymica per artem non possint resolvi, non probatur ea esse simplicia; ergo. ant. prob. constat etiam, aliqua mixta artificialia adeo tenaciter servare unionem partium, ut ne quidem ulla arte possint dissolvi.

13 Prob. 11. Si darentur quinque elementa chymica tunc totum physicum non esset unum per se, sed unum per accidens. Hoc non potest dici; ergo. M. patet; nam unum per se voco, quod habet aliquam causam per se ordinantem ac unientem diversas partes in unum compositum, & quidem ex natura ipsarum partium; jam verò in toto chymico illa quinque elementa non haberent aliquam causam retinentem ac coordinantem illa elementa. m. prob. in natura nihil fit sine aliquo principio formaliter exigitivo illius effectus, qui ex sua natura non necessario producit; cum igitur similtas partium diversarum ex sua natura non detur, sed potius ponatur ex aliqua providentia, necessario debet præcedere aliqua causa formaliter exigitiva illius similtatis, quæ sit objectum divinæ providentiæ naturaliter nihil ordinantis nisi ad exigentiam alicujus causæ.

14 Prob. 12. Principia chymica non sunt principia  
R. D. Euseb. Amort *Philosophia.*

omnium corporum naturalium; ergo non sunt principia physica. ant. prob. non sunt principia corporum cœlestium, aut ipsorum elementorum vulgarium. v. g. aquæ.

15 Prob. 13. Principia chymica non sufficiunt ad explicandos omnes effectus naturales; nec sunt sufficiens radix omnium proprietatum sensibilium; ergo. prob. ant. per principia chymica non explicatur gravitas corporum, virtus magnetica; ergo.

16 Prob. 14. Eadem principia chymica successive subeunt varias mutationes sensibiles & non potest dici, in quo statu sensibili sint rerum principia. ant. patet ex aqua transeunte per vitæ, quæ induit varios gradus humiditatis, sapores, odores &c.

## Solvuntur Objectiones.

17 *Obj.* 1. Leges providentiæ jubent, ut in quolibet mixto concurrant quinque principia; ergo concurrunt. prob. ant. imprimis requiritur aliqua terra loco basis; dein requiritur aliqua aqua per modum glutinis, quæ partes terrestres uniat. 3. Requiritur aliqua pars, quæ possit intimè resolvi, ut impleat spatiola vacua intra terræ poros, eaque debet esse in aqua resolubilis. 4. Requiritur aliquod principium activum, quæ partes moveat, & ad actionem impellat. 5. Requiritur aliqua pars volatilis, quæ per totam massam discurrendo separet impertinentia, totumque fermentet.

2. Datur aliqua ars chymica, & dantur Chymici; ergo etiam dantur principia. prob. conf. si datur ars chymica, tunc eo ipso datur ars separandi mixta in sua principia ultimo sensibilia seu physica; Et si dantur Chymici, eo ipso dantur periti hujus artis; ergo necessario hi poterunt resolvere mixta in sua principia physica; maxime cum cuilibet in sua arte sit credendum, & hi Chymici testentur se invenisse tot principia.

*Resp.* ad 1. neg. ant ad prob. d. ant. Debent dari tales partes dependentes ab aliquo principio communi productivo & conservativo talium proprietatum. c. ant. independentes à tali principio. neg. ant. nempe in mixto debet dari aliqua forma seu vis, quæ intrinsecè exigat poni tam diversas proprietates in suo mixto; v. g. in ligno datur humiditas, datur aliqua siccitas, dantur partes salinosæ, & sulphureæ, & volatiles; sed dico has proprietates non convenire casu, aut fato aut arte, aut extrinsecò tantum imperio, sed ita convenire ob existentiam naturæ. Suppono enim nihil fieri in mundo sine aliqua prævia exigentia, adeoque ista diversa principia non convenire sine aliqua exigentia. Ubi nam est illa exigentia? & quid est? dico eam esse aliquam vim, aut quocunque vocetur nomine, residentem in tali mixto, quæ exigat. Poni tam diversa principia in uno composito, si illam vim concipere vis per modum cujusdam ordinis, harmoniæ, aut proportionis rebus insitæ, non sum contrarius, sed cave, ne illum ordinem voces ordinem; quia per ordinem simpliciter ac nudè sumptum intelligitur ordo accidentaliter quoad situm; sed voca formam substantialem.

Ad 2. d. ant. Datur chymica ars relatè ad principia secunda. tr. ant. relatè ad prima principia. neg. ant. quia ista instrumenta chymica non possunt eo  
X  
per-



pertingere, quod penetrat ratio. Chymici resolvunt mixtum in principia sensibilia, quæ concesserim fortè non esse plura quàm quinque saltem notabiliter diversa; interim ratio requirit aliquod principium insensibile, quod vi ac energia sua sit ratio, cur principia sensibilia in tali mixto concurrant, & illud principium insensibile voco formam substantialem.

18 *Obj. 2.* Id, in quod omnia physice resolvuntur, est rerum principium; Sed in principia chymica omnia physice resolvuntur; ergo. *m. prob. constat,* quod peritiores Chymici possint etiam resolvere ipsum aurum, vitrum, & alia, quæ habentur pro irrefolubilibus; ergo. *ant. probant imprimis Boylius, & Hombergerus;* hi enim docent, vitrum evaporari in furnis vitriariis, & aurum per vitra caustica omnino fuisse destructum aut certè vitrificatum, aut in crystallos solutum.

2. Non est credibile, tot mixta, quia ferè omnia tam uniformiter resolvi in quinque principia, nisi omnia possint absolute resolvi, aut nisi illa principia sint omnium rerum principia.

3. Ipsa principia chymica non possunt ulterius resolvi nisi in alia principia physica etiam chymica; ergo ultimatò non possunt statui alia principia, nisi ipsa principia chymica licet vulgaribus simpliciora.

*Resp. ad 1. d. M. Id,* in quod omnia ultimatò resolvuntur c. M. in quod tantum immediatè resolvuntur neg. M. & suppositum, quod physice resolvi sit idem ac sensibilibiter resolvi, quia ut probavimus, in physica dantur etiam principia insensibilia, in quæ sine dubio mixta resolvi non possunt resolutione sensibili, sed quæ cognoscatur tantum per rationem.

*Ad 2. tr. ant. d. conf. ergo sunt principia immediata tr. conf. ultima. neg. conf. etiam si enim etiam vitrum & aurum possent resolvi in principia chymica, non tamen propterea essent neganda principia insensibilia, à quibus producantur, conserventur ac uniantur ipsa sensibilia. Sed nec hoc ipsum verum est, vitrum & aurum posse resolvi, quia licet evaporent & destruantur, tamen per hoc non probatur, ea resolvi in partes Heterogeneas. Crystallisationem auri ab Homberg factam ostendit Hartskerus fieri à particulis aëris inducentibus auro crustam, prout ipsemet expertus est simili modo procedendi per vitrum causticum Hassiacum.*

*Ad 3. tr. ant. quod verum non est. d. conf. ergo sunt principia immediata tr. conf. ultima. neg. conf.*

19 *Obj. 3.* Quandocunque pluribus insunt eadem proprietates, tunc debent reduci ad aliquod commune principium, quod omnibus inest; sed omnibus mixtis insunt hæ proprietates, odor, sapor, solubilitas, inflammabilitas, volatilitas &c. ergo debent reduci ad commune principium. *Subsumo:* Hæc principia non sunt alia, nisi mercurius, sulphur, sal, terra damnata; quia sal est principium saporis & solubilitatis, sulphur est principium odoris & inflammabilitatis, mercurius volatilitatis; ergo. *prob. M.* quando in pluribus animalibus sentimus similem motum progressivum, tunc inquirimus commune principium, nempe animam, & quando in pluribus invenimus calorem, pariter huic calori assignamus pro principio ignem.

2. Saltem fatendum est dominari in mixtis principia chymica & in iis plurimas contineri qualitates, ac virtutes medicas; ergo adhuc debent haberi pro principiis.

*Resp. ad 1. neg. M.* Quia color imprimis non habet commune principium; convenit enim mercurio, sulphuri, sali, quin & phlegmati; eodem modo volatilitas convenit mercurio, sulphuri, & sali, quia dantur etiam salia volatilia. Multò minùs Chymici sunt solliciti, ad inveniendum commune principium gravitatis, vocis, soni, & centum aliarum qualitatum.

*Ad 2. tr. ant. d. conf. ergo sunt principia particularia. tr. conf. generalia neg. conf. vel subd. sunt immediata tr. conf. ultima. neg. conf.*

*Obj. 4.* Rationes nostræ nihil probant; ergo. *prob. ant. Potest dici elementa chymica esse quidem absolute generabilia & corruptibilia, sed tamen rarissime corrumpi; ergo secundum statum physicum adhuc possunt haberi pro principiis.*

2. Potest dici, quod elementa chymica componentur ex atomis Gassendi & materia Cartesii & tamen manere secundum quid ingenerabilia; ergo.

3. Saltem possunt haberi pro materia secunda adeoque pro materia utili in physica; ergo simpliciter debent statui pro materia.

*Resp. ad 1. neg. ant. ad prob. neg. ant. quia si semel sunt corruptibilia, semper sunt corruptibilia; & si semper sunt corruptibilia, præsumendum est, quod corrumpantur, quando secundum statum sensibilem videntur corrumpi.*

*Ad 2. neg. ant. contrarium probabitur in sequentibus; quin tr. ant. neg. conf. quia, ut ostendit Boylius, eo ipso, quod elementa chymica consent ex atomis, possunt variè dissolvi ac combinari, & in alia composita construi.*

*Ad 3. tr. ant. neg. conf. Quia in Physica non quærantur principia immediata, sed ultima, in quæ ultimo res resolvuntur, & hæc sunt insensibilia.*

## QUÆSTIO VI.

### An Atomæ Gassendi sint rerum Principia?

**Q**uomodo Gassendus per atomos naturales effectus explicet, dictum est parte prima in Append.

*Dico: Atomæ non sunt rerum principia. Prob. I.* *Concl. 1.* Per atomos non bene explicantur omnes effectus naturales; ergo non sufficiunt pro rerum principiis. *ant. patet ex innumeris inductionibus:* sic enim non explicatur virtus magnetica; non explicatur incrementum frugum; v. g. ex grano tritici nec etiam dispositio partium in corpore viventium, quia generales leges motuum non sufficiunt ad causandum istum ordinem; adeoque datur in natura alia causa determinans ad istos effectus, aut si ita vis, ordinem; & hæc causa determinativa non est Deus, quia Deus non operatur naturaliter nisi ad exigentiam naturæ, & alterius causæ determinantis: ut fuit ostensum.

*Prob.*



2 Prob. 2. Hypothesis corpuscularia non probatur; ergo non est absolute assumenda. ant. patet, quia figura atomorum nullo experimento aut ratione determinari potest, nec ulla hypothesis potest poni, quin idem effectus naturalis possit æque probabiliter explicari per aliam æque verisimilem hypothesis; rationes verò Gassendi non sunt demonstrativæ, quin nec probabiles, quia probatio vacui per Machinam Pneumaticam per injectionem salium aut motum sola auræ ætheris assertionem solvi potest; aut potest etiam dici, quod in sensu Peripatetico detur rarefactio, & condensatio, compressio & elasticitas.

3 Prob. 3. Hypothesis Gassendi non est vera; ergo. ant. prob. hypothesis illa non admittit accidentia realia, nec formam substantialem; ergo. prob. conf. dari accidentia realia probabimus in tertia parte Physicæ, & dari formam substantialem ultro consequitur ex accidentibus realibus, ut proximè demonstrabitur.

4 Prob. 4. Hypothesis corpuscularia non decet leges divinæ providentiæ; ergo. prob. ant. non decet leges divinæ providentiæ, ut ex solo motu & figura partium per se sequatur omnium corporum generatio & alteratio; ergo. prob. ant. unicum principium motus propinquum est necessitati & fato, ergo non decet leges providentiæ hoc uti principio. conf. prob. leges Sapientiæ exigunt, ut in omnibus operibus plus reluceat particularis Sapientiæ ac providentiæ, quam universalis necessitatis; ergo ant. patet, quia homines, qui attendunt ad sibi obvia, referunt pariter effectus ad causas sibi obvias, adeoque si non immediatè relucet leges particularis providentiæ, sed tantum generalium legum alicujus primi mobili, homines non ducentur in cognitionem illius providentiæ; illud verò, quod hypothesis corpuscularia propinquior sit fato & necessitati, quam providentiæ, patet ex eo, quia positis semel generalibus legibus motuum, non opus foret particulari providentiæ, quia spontè consequuntur omnes effectus sine speciali providentiæ in quavis specie entium.

5 Prob. 5. Datur melior hypothesis; ergo. ant. probabitur infra.

6 Prob. 6. Potest mutari figura, motus, soliditas, magnitudo, & omnes proprietates sensibiles atomorum; ergo atomi non sunt rerum principia. ant. prob. talis mutatio potest concipi, & non apparet in ea repugnantia; ergo. cur enim non possim concipere figuram alicujus cubi mutari, cum eodem modo concipiam cubum cereum per modum alicujus corporis simplicis, quo modo concipio atomum simplicem. conf. prob. si proprietates sensibiles atomorum possunt mutari, tunc eo ipso mutantur; Sed si mutantur, tunc atomi non sunt principia; ergo. m. patet; quia in tali casu ipsæ atomi essent corruptibiles, ac consequenter non daretur materia communis capax plurium formarum, & Peripatetica. M. prob. si proprietates sensibiles atomorum possunt mutari, tunc eo ipso in quibusdam circumstantiis primum est illas mutari: Sed si hoc, tunc mutantur; ergo. M. prob. si possunt mutari, tunc in quibusdam circumstantiis potest produci effectus per immediatam mutationem atomorum, qui alioquin non posset produci sine multis motibus, sepa-

ratione, combinatione, & prolixa ac laboriosa operatione: Sed si hoc, tunc primum est illas mutari; ergo. m. patet, quia, quod fieri potest paucioribus, non fit pluribus, & ubi sufficit ordinatum divinæ omnipotentis imperium, non opus est multis machinis. M. verò patet in exemplo, quo fit transmutatio elementorum.

Prob. 7. Hypothesis particularis corpuscularia ne quidem ad captum melius explicat effectus, quam Philosophia Peripatetica; ergo. ant. prob. omnes explanationes corpusculares ultimato redeunt ad hoc, quod hic & nunc concurrant tales atomi, & quod certo modo combinentur: qualis verò sit illa combinatio, quinam concursus, ne quidem ullo probabili indicio possunt demonstrare, nisi in paucissimis effectibus, ubi tantum probabiles afferunt rationes. Conf. Philosophia corpuscularia nec servit Medico, ut felicius sanet, nec Chymico, ut melius dissolvat; ergo non servit ad explicandos effectus naturales.

## Solvuntur Objectiones.

Obj. 1. Per solas atomos possunt omnia explicari; ergo hæc hypothesis est tenenda; quia entia non sunt multiplicanda sine necessitate, neque etiam natura operatur frustra. ant. prob. ab inductione.

2. Illa hypothesis est tenenda, quæ est simplicissima: Sed talis est hypothesis corpuscularia; ergo. M. prob. hypothesis simplicissima maxime decet divinam Sapientiam; ergo. ant. prob. Sapientiæ est ad obtinendum finem eligere media propinquissima, paucissima, & tendere viâ brevissimâ.

3. Illa principia sunt tenenda, quæ sufficiunt & vera sunt: Sed talia sunt atomi & vacuum; ergo. m. prob. ab inductione quoad 1. memb. quoad 2. verò ab experientia; sic enim omnia corpora possunt dividi in partes minimas, ut patet ex tritico, quod communiter in farinam, & ex luto, quod abit in pulverem: vacuum verò probatur ex motu, ex injectione salium, & ex Machina Pneumatica.

Resp. ad 1. neg. ant. quia non assignant causam ipsius combinationis tam ordinatæ, quæ reperitur in animalibus & in plantis.

Ad 2. tr. M. neg. m. quia ex solo motu atomorum non possunt consequi tam ordinatæ combinationes, quæ reperiuntur in plantis & in animalibus; si verò dicatur, quod Deus ista ordinet, tunc non querenda est natura aut causa rerum in creatis; Sed claudantur Scholæ & dicatur: Deus omnia fecit. Dixi. tr. M. quia illud tantoperè jactatum principium, quod hypothesis simplicissima elegi debeat, non necessariò est verum, cur enim non possit Deus multiplicare causas & species entium ad demonstrandam suam fecunditatem & omnia præcontinentem bonitatem multiplicando entia etiam sine necessitate, non tamen sine bonitate. Dein non implicat Deum habere plures hypothesis, quarum quælibet in suo genere est simplicissima.

Ad 3. tr. M. neg. m. ad prob. dico, illas minimas partes, in quas corpora dividuntur, non esse atomos, quia sunt generabiles & corruptibiles, adeoque



adeoque divisibiles in materiam & formam. Vacuum verò non satis probari illis experimentis, jam fuit ostensum.

## QUÆSTIO VII.

*An elementa Cartesii sint rerum principia?*

9 *Obj. 2.* Potest Deus condere universum conformiter ad Systema corpusculare; Et hoc decet Sapientiam, nec id repugnat naturæ; ergo nulla datur ratio negandi hoc Systema. ant. quoad 1. memb. prob. negativè, quoad 2. membr. prob. ex eo, quia quidquid est possibile, in certis circumstantiis non repugnat produci à Sapientia divinæ; alioquin idem esset possibile, & non esset possibile, cum in nullis circumstantiis posset produci. quoad 3. memb. verò prob. hunc in modum. Si Deus potest condere tale universum, tunc eo ipso omnes effectus naturales eo modo, quo de facto nobis obversantur, possunt dependere à Systemate corpusculari: Sed si hoc, tunc non repugnat; ergo.

2. Pleraque in mundo fiunt mechanicè; ergo omnia. conf. patet, quia natura semper servat analogiam in operandi modo; similium effectuum dantur similes causæ; & modus operandi naturæ tam est uniformis, quam potest esse uniformis. ant. prob. in plerisque entibus v.g. animalibus & plantis dantur certæ combinationes partium, & exactè servantur leges motuum; ergo.

3 Non dedecet divinam Sapientiam operari modo mechanico juxta præviam dispositionem materiæ, quam ipse posuit; ergo.

Resp. ad 1. d. ant. potest Deus condere tale universum, ita, ut dentur etiam eadem dictamina ac principia lumine naturæ nota. neg. ant. ita, ut non darentur. tr. ant. suppono, dari in nobis aliquod lumen primitivè à Deo nobis impressum, quod nos inclinet ad determinata quædam judicia circa veritatem rerum. Illud lumen est immediatè à Deo, adeoque non potest inclinare ad judicia erronea; jam verò sentimus inclinari humanum intellectum ad judicandum dari quædam qualitates sensibiles, & dari causam creatam cujusvis mixti aut combinationis: sentimus, inquam, hanc inclinationem, quia omnes homines ita judicant, si sibi solis relinquantur, & judicium uniforme, quod non eget discursibus, præsumitur fundari in inclinatione, aut lumine naturali.

Ad 2. neg. ant. ad prob. d. ant. dantur illæ combinationes cum qualitatibus sensibilibus & cum radice qualitatuum tr. ant. sine his qualitatibus & radice neg. ant. dico *transeat*; quia omnes conatus Philosophorum proferendi aliquas leges motuum generales fuerunt hætenus frustranei, ne dicam, ridiculi: idem suo loco demonstrabimus.

Ad 3. tr. ant. neg. conf. quia si Deus voluisset operari modo mechanico, daretur in nobis alia inclinatio ferendi aliud judicium circa veritatem rerum.

**D** E his Principiis actum est parte primâ. Dico: *Elementa Cartesiana non sunt rerum principia.* Prob. Concl. 1. Hypothesis Cartesii positive non probatur; ergo non est absolutè tenenda. ant. patet, quia ipse Cartesius eam nudè pro hypothesi, non pro veritate ponit; si verò dicatur eam esse simplicissimam adeoque optimam & veram, jam præcedenti quæstione responsum est, Deum non teneri sequi hypothesin simplicissimam, aut certè habere alias infinitas hypotheses, quarum quælibet in suo genere est simplicissima.

Prob. 2. Hypothesis Cartesii non est vera; ergo 2. prob. ant. hæc hypothesis non admittit accidentia absoluta Peripatetica, nec formam substantialem, nec veras motuum leges, & insuper fundatur in Systemate Copernicano; ergo non est vera, conf. probabitur suis locis.

Prob. 3. In hac hypothesi causa non assignatur effectuum naturalium; ergo. prob. ant. in hac hypothesi non assignatur causa tantæ coordinationis partium in plantis & animalibus; ergo. ant. patet, quia omnibus his motuum legibus Cartesianis non potest explicari, quomodo producatur v.g. arista, arbor, corpus animalium in sua membra providissimè distinctum; multò minùs possunt explicari per leges mechanicas operationes brutorum v.g. apum, canum, & aliorum animalium disciplinæ capacium, ex quibus apparet summa similitudo cum operationibus rationis; insuper apparet dolor & connaturalis compassio unius ad alterum, & ipsorum hominum ad animalia.

Prob. 4. Hoc Systema non solvat omnia mysteria fidei; ergo. prob. ant. hoc Systema non potest satis explicare, quomodo Christus in Eucharistia habeat corpus, & tamen non habeat extensionem corpori connaturalem; ergo. ant. prob. juxta Cartesium de essentia materiæ est sua extensio in longum, latum, profundum; si ergo in corpore Christi nulla materiæ particula amittit suam extensionem, aut Christus erit in quantitate connaturali, quod repugnat sensibus, aut omnes partes erunt compenetratæ, quod & ipsum repugnat Cartesianis principiis, aut certè Christus fiet monstrum, cum oculus sit in pede & pes in oculo.

Prob. 5. Ipsa elementa Cartesiana sunt generalia & corruptibilia; ergo. prob. ant. potest in elementis Cartesianis destrui quantitas, figura, soliditas, siccitas; ergo. prob. ant. id potest concipi, & idem contingens est aliquando fieri in natura; ergo. ant. patet quoad 2. membr. quia immediatius & facilius est non nunquam transire de siccitate in humiditatem, à figura rotunda in quadratam; ergo. Cæterùm contra hanc sententiam Cartesii etiam urgent argumenta allata contra Empedoclistas, Thalesianos, Chymicos, & Atomistas.

Objectiones non sunt speciales, quæ in præcedentibus non fuerint solutæ.



# SECTIO SECUNDA

DE

## Principio materiali & formali in specie.

### QUESTIO I.

#### An detur materia & forma Peripatetica?

**P**eripatetici agnoscunt duo principia corporis naturalis in esse, nempe materiam & formam; his verò principiis eas adscribunt proprietates ac characteres, de quibus pauci conveniunt: in hoc verò conveniunt communiter, quòd tam materia quàm forma sint aliquid insensibile, aliquid incompletum, & insufficiens ad existendum se solis. Materia communiter definitur *nec esse quid nec quale, nec quantum nec aliud eorum, quibus ens determinatur, sed omnium horum subjectum*; adeoque nullâ specie rebus sensibilibus propria intelligibilis. Forma verò vocatur *id, quod tribuit speciem enti, seu illa radix insensibilis exigitiva accidentium sensibilibus*. Queritur proin, an dentur duo talia principia sensibus incognita & naturæ necessaria?

**Dico: Principia corporis naturalis in esse sunt materia & forma Peripatetica.** Prob. Concl. 1. non tantum ab autoritate Aristotelis & Divi Thomæ, sed à sensu communi omnium ferè Scholarum etiam hujus temporis in publicis Academiis. Quod enim est conforme sensui communi Doctorum, intelligi potest; quod intelligi potest, etiam dari potest; quod dari potest, & censetur dari, non repugnat universali hominum experientiæ, sed potius aut fundatur in experientia sensuum, aut in lumine & dictamine naturali, aut in ratiocinio per tot ingenia discusso; ergo si ex sensu communi Doctorum datur materia prima & forma, vehementer præsumendum est eam dari. Sed ne videamur rem conficere autoritate, unico argumento utor. Datur extensio indefinita, & in hac extensione indefinita datur ordo ad variam figuram & motum; ergo datur materia & forma substantialis Peripatetica. conf. patet, quia infra ostendam, per materiam Aristotelicam nihil aliud intelligi, quàm extensionem indefinitam, & per formam substantialem nihil aliud intelligi, quàm illam vim, quæ datur in partibus materiæ ad hoc, ut habeant talem motum, talem figuram, talem fluiditatem aut soliditatem seu constantiam figuræ, vel ut habeant talem situm in mixtis. ant. conceditur quoad 1. membr. à Cartesio, & Gallendo, quorum uterque admittit extensionem seu spatium reale indefinitum. quoad 2. memb. prob. possibilis est talis ordo, &, ut detur, conveniens est sapientiæ conditoris, & quòd detur, est præjudicium naturæ, & positò, quòd detur, admittitur hypothesis omnium optima, consentanea sensui, rationi, & fidei; ergo datur. Reliqua argumenta subsequenter, in quantum cum hoc argumento conveniunt, admitte; in quantum non

conveniunt, puta esse argumenta ad hominem respectu quorundam.

Prob. 2. Datur in natura aliqua vis insensibilis; ergo eo ipso datur etiam materia & forma substantialis. ant. prob. datur aliquod principium motus, datur ordo & vis resistendi aut continuandi motum in materia; ergo datur aliquod principium insensibile. ant. conceditur à Leibnizio & prob. principium motus nec est sola materia extensa, nec solus Deus, ergo datur aliud principium intensibile. Prob. etiam consequentia primi antecedentis: si datur aliquod principium insensibile, tunc eo ipso potest dari principium cujuscunque qualitatis sensibilis determinatè sumptæ: Sed si hoc, tunc etiam datur materia & forma Peripatetica; ergo in M. non apparet repugnantia, adeoque est possibilis, & si est possibilis eo ipso datur hoc systema intellectuale; quia systema intellectuale potissimum imitatur exemplar mentis divinæ, ducit viâ brevissimâ, maxime commendat leges divinæ Sapientiæ particularis, & modo concipiendi humano, ad quem nos ducit lumen naturale à Deo inditum, est maxime analogum.

Prob. 3. Possibile est dari formam substantialem & materiam Peripateticam; ergo dantur. prob. conf. si possibile est dari hanc formam & materiam, tunc possibile est effectus naturales dependere ab his causis: Sed si hoc est possibile, tunc dantur; ergo. m. prob. si possibile est dependere effectus naturales ab his causis, eo ipso habent essentialem dependentiam; Sed si hoc, tunc dantur; ergo. m. patet, quia essentialiter rerum non possunt mutari. M. etiam constat ex eo, quia dependentia est rebus intrinseca, adeoque essentialis.

Prob. etiam primum ant. si est possibile dari aliqua entia insensibilia de se insufficientia ad existendum, tunc possibile dari formam substantialem & materiam Peripateticam: Sed; ergo. m. prob. quoad utrumque membrum, quòd nempe possibilia sint entia insensibilia, & quoad 2. quòd illa entia sint insufficientia ad existendum se solis. Quoad 1. sic: sunt possibiles qualitates respectivè insensibiles relatè ad quoddam genus hominum v.g. ad cæcos, surdos &c. ergo etiam sunt possibiles perfectiones absolute insensibiles respectu omnium quinque sensuum; quia si possibilis est qualitas, quæ non possit sentiri ab uno vel altero homine ob defectum sensuum particularem, cur non possit dari perfectio, quæ non possit sentiri ab omni homine ob defectum sensuum generalem? adeoque posset dici, quòd materia & forma substantialis non sint absolute insensibiles, sed tantum respectu hominum in præsentī statu, in quo tantum habent quinque sensus, adeoque carent sexto sensu relatè ad formam & materiam Peripateticam: hunc sensum si velis vocare intellectum, mihi perinde est. Conf. potest dari qualitas respectivè insensibilis, quæ sit causa innumerorum effectuum naturalium; ergo etiam



etiam potest dari perfectio absolute insensibilis, quæ sit causa omnium effectuum naturalium. ant. prob. v.g. calor potest non sentiri à frigidis & tamen idem calor, qui non sentitur à talibus, est causa plurimorum effectuum naturalium. Prob. etiam quoad 2. memb. dantur multa entia, quæ præcisè ex defectu finis desinunt existere; ergo etiam possunt dari entia insensibilia, quæ dum se solis non habent finem, se solis sunt insufficientia ad existendum. ant. prob. v. g. ex sono, motu &c. quorum destructionis nulla est ratio, quàm quia deest causa conservativa, sicque deest finis.

¶ Prob. 4. Dantur accidentia Peripatetica; ergo etiam datur forma substantialis Peripatetica. ant. probabitur in tertia parte Physicæ tam ex ratione, quàm etiam ab autoritate. conf. prob. si dantur accidentia absoluta, tunc etiam debet dari radix exigitiva, directiva, ac conservativa horum accidentium: Sed si hoc, tunc debet dari forma substantialis; ergo. M. prob. si dantur accidentia, tunc debet dari causa, cur v.g. in ligno convenient potius hæc accidentia quàm alia; cur producantur in ligno hi odores, hi sapores, hi colores, tales soni, & quidem tali ordine &c. sed hæc causa est radix exigitiva, de qua est quæstio; ergo. m. prob. hæc causa est insensibilis; ergo quidquid sit, est illa ipsa radix, de qua est quæstio. ant. prob. nullum accidens sensibile, nec quantitas, nec figura, nec motus habet proportionem sensibilem ad omnia talia reliqua accidentia tam conservanda quàm producenda; ergo illa proportio, vis, ac causalitas est necessario aliquid insensibile.

6 Prob. 5. Datur generatio & corruptio substantialis in sensu Peripatetico; ergo etiam datur forma substantialis & materia Peripatetica. conf. patet, quia corrumpi in sensu Peripatetico nihil aliud est, quàm produci aliquod ens de novo destructo altero. ant. prob. si fit mutatio totius in totum nullo sensibili remanente, tunc datur generatio & corruptio substantialis in sensu Peripatetico: Sed; ergo. m. prob. quando v.g. ex ligno fit ignis, in hoc casu nulla remanet proprietas sensibilis ligni quoad sensus, & non constat positivè, quod illa proprietas ligni remaneat quoad se; ergo fit mutatio totius in totum nullo sensibili remanente. cons. patet, quia tamdiu sensus pro regula veritatis haberi debent, quamdiu non probatur contrarium positivè; & etiam si in una vel altera circumstantia fallant, tamen ea fallacia non debet trahi in sequentiam; quia præsumptio sumitur à plerumque contingentibus: igitur etiam si sæpè fallant, non tamen plerumque fallunt; quod autem positivè non probetur contrariam, videbimus ex solutione objectionum.

7 Prob. 6. Datur vera contrarietas in universo; ergo etiam datur materia & forma substantialis Peripatetica. ant. patet ex contrarietate motuum v.g. sursum & deorsum; caloris & frigoris, salis & dulcis &c. prob. conf. si datur contrarietas, tunc eo ipso datur pugna de communi subjecto; sed si datur pugna, etiam datur materia & forma; ergo. m. prob. si datur pugna inter qualitates sensibiles, tunc eo ipso datur etiam convenientia unius qualitatis cum præexistente subjecto, quin detur convenientia alterius qualitatis cum illo præexistente subjecto: Sed si hoc, tunc datur materia

Peripatetica; ergo. M. patet, quia qualitates contrariæ non subsistunt in quocunque subjecto, sed tantum cum subjecto secum conveniente. m. prob. si qualitates exigunt convenientiam cum subjecto præexistente, tunc eo ipso in materia datur aliqua convenientia cum qualitatibus, quæ est corruptibilis & generabilis, adeoque quæ non est ipsa materia: Sed si hoc, tunc datur materia & forma Peripatetica; ergo. M. prob. si qualitates exigunt convenientiam cum subjecto præexistente, tunc eo ipso in subjecto præexistente respectu contrariarum qualitatum prærequiruntur diversæ convenientiæ: Sed si hoc, tunc eo ipso illa convenientia est generabilis & corruptibilis, adeoque non est ipsa materia; ergo. m. prob. idem subjectum est susceptivum contrariarum qualitatum, adeoque est etiam susceptivum diversarum convenientiarum seu formarum substantialium, quarum essentia consistit in eo, ut sint ratio conveniendi, producendi, ac conservandi potius hanc collectionem accidentium quàm aliam. Notandum autem, quod omnis contrarietas reducat ad unam primam contrarietatem v.g. si quæro, cur in hoc subjecto potius existat calor, quàm frigus, ratio mihi dicat, id ideo evenire, quia subjectum est magis dispositum ad calorem quàm frigus vel ratione sui vel ratione causæ; ratione sui quidem, si calor sit permanens sicut in igne; ratione causæ verò extrinsecæ, si non sit permanens. Jam si ulterius quæram, cur in subjecto detur dispositio ad calorem potius, quàm ad frigus, etiam deo recurrere ad alias causas inter se contrarias; adeoque ultimò deveniam ad tale principium, quod ob diversam sui constitutionem sit causa omnium contrariarum qualitatum, & illud ultimum principium dico esse insensibile, & voco formam substantialem.

Prob. 7. Composita naturalia sunt unum per se; ergo eo ipso constant ex materia & forma Peripatetica. ant. prob. si primum esse rerum naturalium intrinsecè ordinatur ad hanc vel illam speciem entium, tunc eo ipso composita naturalia sunt unum per se: Sed; ergo. m. prob. si author naturæ res naturales ex nullo alio fine creavit, nisi in ordine ad constituendam hanc vel illam speciem, tunc eo ipso intrinsecè ordinantur ad hanc vel illam speciem: Sed; ergo. M. patet, quia prima ordinatio rei est ipsa essentia ac determinatio intrinsecæ. m. prob. si Deus creat per providentiam particularem, tunc eo ipso author naturæ res ex nullo alio fine creavit nisi ad constituendam hanc vel illam speciem; Sed; ergo. m. est evidens; quin imò perfectius est immediate agere per providentiam particularem respiciendo ad singula, non tamen excludendo providentiam generalem. Vis hujus argumenti consistit in eo, quod Deus immediate creaverit hanc vel illam portionem materiæ ad hanc vel illam speciem, adeoque impresserit etiam ordinem, vim, ac radices, ut in tali specie omnes partes sive accidentales sive essentielles unum sint, e contra in compositis per accidens artifex non imprimit materiæ intrinsecam vim ac ordinem, ut vi illius virtutis impressæ partes unum sint; sed tantum sunt unum ex ministerio extrinsecæ partibus non essentialibus; quin imò illæ partes habent immediate suam finem naturalem, etiam si non ordinentur ad invicem artificialiter. Pari modo dico in rebus naturalibus Deum



non creasse aliquam materiam, ut ex illa posset fieri quodlibet, ita, ut primum deinde illa materia indigeat providentiâ particulari in hoc vel illo casu, quo ex illa construendum est aliquod totum; sed dico materiam jam fuisse creatam per illam providentiâ particularem, ut nullâ amplius egeat alterâ extrinsecâ providentiâ ac quasi secundâ; sed sufficit prima particularis providentiâ, vi cuius habet intrinsecam vim constituendi vi suâ hoc vel illud compositum: quamvis hæc determinatio particularis perpetuò in materia mutetur.

9 Prob. 8. Datur differentia specifica & essentialis inter composita; ergo etiam datur forma substantialis Peripatetica. ant. prob. differentia specifica ac essentialis est diversitas in prædicatis essentialis: Sed hæc datur inter corpora naturalia; ergo. prob. m. si corpora naturalia conservant suam speciem & producant sibi simile, tunc datur diversitas essentialis: Sed; ergo. M. prob. si conservant suam speciem, tunc combinatio principiorum specificorum non dependet ab aliquo casu accidentali: Sed si hoc, tunc differunt essentialiter; ergo. Hoc argumentum tangit discrimen inter composita essentialia & accidentalia aut artificialia, v.g. domus est compositum accidentale, quod quidem differt ab horologio, sed tantum accidentaliter, quia combinatio principiorum in domo non est ab intrinseco sed extrinseco; & ideo, quia non habet principium sui intrinsecum conservativum & propagativum, domus non producit domum, nec destructis partibus se ipsam reparat, quia nempe nullum habet principium intrinsecum sui specificum seu speciei constitutivum. Conf. aliter differunt composita naturalia & aliter accidentalia; ergo etiam habent aliud principium specificum. ant. patet, in naturalibus species parit speciem, & in accidentalibus species non parit speciem; ergo datur aliud principium specificativum.

10 Prob. 9. Si in compositis naturalibus datur radix conservativa & exigitiva determinatæ collectionis accidentalis sensibilium; tunc etiam datur forma accidentalis: Sed; ergo. M. prob. si datur talis radix, tunc etiam datur causa insensibilis omnium sensibilium: Sed si hoc, tunc datur forma substantialis; ergo. M. prob. nulla qualitas sensibilis est per se & sua virtute sensibilibus causa omnium accidentium sensibilium; ergo si datur causa omnium sensibilium, eo ipso illa causa est insensibilis. Prob. etiam m. argumenti principalis v.g. in exemplo aquæ. Aqua semper reparat suum frigus & suam humiditatem; ergo eo ipso datur in aqua radix conservativa & reparativa suarum qualitatum. ant. patet, quia aqua congelata in glaciem recedente frigore iterum redit ad humiditatem, & remota paululum ab igne denuò amittit calorem, & acquirit connaturale frigus. Idem potest observari in aliis corporibus naturalibus v.g. mercurius redactus in pulverem, aquam, crystallos, denuò acquirit formam mercurii, arbor reparat ramos & folia.

11 Dico 2. Inmixtis viventibus ac sensitivis datur forma realiter distincta à materia nempe anima. Prob. Concl. 1. Scriptura sæpe tribuit brutis animas; ergo habent animas; prob. conf. Scriptura potest sumi in sensu proprio; ergo si tribuit, tunc habent animas.

12 Prob. 2. Si bruta habent consimilia organa & consimiles operationes cum homine, tunc habent etiam consimilem animam: Sed; ergo. M. prob. si

enim habent consimilia organa, tunc etiam habent consimilem causam, & consimilem finem & consimilia media. m. patet ab inspectione, quia habent prorsus similes oculos, & aures humanis similes.

Prob. 3. Si possemus dubitare de anima brutorum, 13 possemus etiam dubitare de anima hominum: Sed hoc est falsum; ergo. M. prob. posset æquè dici aliquos homines tantum apparenter ita discurre, tantum apparenter sentire, & aliunde constat à Deo posse creari machinam, quæ eliciat apparenter similes motus, sicut elicit homo, prout de facto dicunt Leibniziani re ipsa per suam harmoniam præstabilitam.

Prob. 4. In brutis datur imaginatio, amor, ira; 14 ergo etiam datur anima. prob. ant. in brutis dantur eadem signa imaginationis antecedentia, concomitantia, & subsequencia, quæ dantur in homine; ergo etiam datur ipsa imaginatio. conf. patet ex ipso principio Adversariorum, quod natura servet analogiam in suo modo operandi, adeoque ubi dantur similes effectus, dantur etiam similes causæ, aut vicissim, ubi dantur similes causæ, dantur etiam similes effectus: adeoque etiam ubi dantur similes dispositiones, signa, proprietates, ibi dantur similes causæ, & similes effectus.

Prob. 5. Sensus communis judicat dari in brutis 15 animas, & non potest ostendi origo erroris communis; ergo eo ipso dantur tales animæ. conf. prob. sensus communis, qui non positivè ostenditur errare, præsumitur fundari in aliqua inclinatione dictaminis naturalis, aut in communi lumine rationis, ut fuit ostensum in Logica.

Prob. 6. Dantur multi effectus in brutis, qui 16 non possunt sufficienter explicari per sola principia mechanica; ergo datur aliquod principium sensitivum. ant. prob. dantur aves, canes, simiæ &c. capaces disciplinæ; ergo eo ipso requiritur aliquod rude principium cognoscitivum; quia principia mechanica non possunt esse proportionata ad infinitos effectus diversissimos; sicut horologium non potest esse ita versatile per aliquam disciplinam, ut producat innumeros effectus.

Conf. Quando canis subsistit intrivio, tunc videtur insistere viæ mediæ, aut si in duabus viis nullum reperit sui Domini vestigium, sine ullo prævio odoris experimento aggreditur tertiam viam: jam verò hæc operatio canis non habet ullum determinativum nisi principia rationis aut phantasie; ergo datur phantasia in cane. prob. ant. determinativa extrinseca sunt prorsus æqualia respectu cujuscunque viæ; ergo. Alia exempla communiter afferuntur hæc: quando v.g. canis videt frustum carnis è fenestra in platea, tunc non se præcipitat per fenestras, ita, ut tendat viâ brevissimâ, sed decurrit per scalas. Jam in hoc casu præcisè aspectus frusti carnis secundum leges mechanicas non determinaret canem ad currendum per scalas, sed determinaret ad immediatam unionem & attractionem canis ad frustum carnis, adeoque se præcipitaret per fenestras. Similiter etiam si equus circa profundam fossam inveniat fœnum optimum, non tamen se præcipitabit in fossam, etiamsi urgeatur vi; ergo nuda attractio fœni non est causa, cur accurrat equus sed potius phantasia; idem contingit in cane, qui semel exceptus verberibus postea timet accurrere ad frustum carnis frustra renitentibus legibus mechanicis.



## Solvuntur Objectiones.

17 *Obj. 1. contra 1. Concl.* Illud non datur, cuius existentia non probatur, cuius natura est inexplicabilis, & cuius Patroni ipsimet inter se non conveniunt: Sed talis est forma & materia Peripatetica; ergo, prob. *m.* quoad omnia membra. Forma & materia Peripatetica tantum probatur ab autoritate, aut generabilitate & corruptibilitate principiorum elementarium: Sed hæc nihil probant; ergo, *m.* prob. ex una parte autoritas non potest haberi pro communi, quia authores illi non sunt liberi, & plerumque nequidem intelligunt sententiam Adversariorum, tales autem, ut fatetur Ptolomæus dissertatione de probabilitate, nullam prorsus fundant probabilitatem. Ex altera verò parte principia elementaria non sunt generabilia & corruptibilia; ergo, prob. hoc ant. si istam generabilitatem nec evincit ratio, nec sensus, tunc non sunt generabilia & corruptibilia: Sed; ergo, *m.* prob. quoad 2. memb. sæpissimè quoad sensus producuntur novi effectus, quin ulla fiat formæ substantialis corruptio ac generatio; ergo ex sensibus non potest colligi generabilitas aut corruptibilitas elementorum. ant. prob. innumeris exemplis; sic enim v.g. lutum mutat statum sensibilem, & convertitur in lateres, quin inducat novam formam substantialem; arenulæ in animalibus convertuntur in calculum; cineres in vitrum; aqua convertitur in vapores; vapores condensantur in nives; nix resoluta denuò convertitur in glaciem, & glacies denuò resolvitur in aquam. Corallium, ut communiter creditur, dum est subtus aquam, est mollis ac tenera planta, extracta verò in ærem abit in lapidem, quod nullum suæ prioris humiditatis præbet indicium; argentum vivum abit in fumum, redigitur in pulverem, induratur in solidum metallum, & resolvitur in liquorem limpidissimum &c. Tales transmutationes, in quibus nullum remanet sensibile, possunt asserri mille, & tamen non datur substantialis corruptio; ergo.

*Resp. c. M. neg. m.* ad prob. quoad 1. memb. dico, auctoritatem illam saltem fundare præsumptionem, pro conceptu materiæ & formæ substantialis non impossibili; quod enim plerique ratione inquirunt, præsumitur dari prius in conceptu, deinde in re. Dein illi authores, si non amplius sunt liberi, fuerunt tamen prius liberi ante tria vel quatuor sæcula. Quoad 2. membr. neg. ant. ad prob. d. ant. dantur tales transmutationes, ubi tamen ratio habet positivum fundamentum negandi transmutationem substantialem in tali casu. c. ant. ubi nullum tale fundamentum positivum habet neg. ant. in omnibus istis transmutationibus possumus observare, quod corpora transmutata vel denuò redeant ad suum pristinum principium & statum, aut certe quod non amiserint omnes qualitates sensibiles, aut quod modus transmutationis quoad sensus cognitus non arguat mutationem intrinsecam, adeoque ratio eo ipso infert non esse perditam illam radicem proprietatum sensibilibus insensibilem.

*Obj. 2. contra eandem.* Non potest dici, quid sit ista Peripatetica materia & forma; ergo, prob. ant. si esset substantia tunc, vel esset completa vel incompleta: Neutrum potest dici; ergo.

2. Si materia Peripatetica non est quid, tunc eo ipso est nihil: Sed; ergo, *m.* patet ex confessione Peripateticorum.

3. Si daretur forma substantialis, tunc vel crearetur vel generaretur: Neutrum potest dici; ergo, primum non convenit cum Systemate Peripatetico, & secundum non potest dici, quia id, quod non continetur in altero, non potest educi ex illo, adeoque creatur.

4. Si daretur materia & forma Peripatetica, tunc non essent quantæ: Hoc est impossibile; ergo. *M.* patet, quantitas distingueretur ab illis; ergo de se non essent quantæ. *m.* prob. non potest concipi mundus, lignum, arbor, equus, homo cum sola materia & forma Peripatetica sine quantitate; ergo.

*Resp. ad 1. c. M. neg. m.* & dico, quod sit substantia incompleta, id est, de se insufficiens ad existendum non ratione suæ entitatis, sed ratione finis; cum enim de se nec materia nec forma se solis constituent opus in natura completum, ideo etiam seorsim nec exigunt à Deo produci, nec conservari suam existentiam, licet dum simul sunt, exigant & suam existentiam, & simul existentiam proprietatum sensibilibus. Tale principium insensibile voco substantiam incompletam.

Ad 2. d. *M.* Si materia non est quid etiam incompletum aut entitativè con. *M.* si tantum non est quid completum physicè. neg. *M.* quando dicitur materiam non esse quid, tantum negatur esse id, cum quo hic & nunc comparatur prima materia; sed quando de materia est quæstio in Physica, tantum comparatur cum substantiis completis se solis sufficientibus ad existendum ingenerabilibus & corruptibilibus, quales nempe admisserunt Veteres Philosophi; ergo etiam tantum negatur esse talis substantia completa.

Ad 3. c. *M. neg. m.* & dico, quod forma substantialis generetur & educatur à potentia materiæ; hoc autem educi non esteductio mechanica, sicut vini ex dolio; sed philosophica, quæ consistit in hoc, ut forma acquirat à Deo existentiam ob exigentiam naturæ, seu ob dispositionem materiæ potius ad hanc vel illam formam; quia ut ostensum est, privatio est principium in fieri, in quantum in materiâ ad formam disposita datur existentia formæ. Hanc exigentiam dico esse causam, ut producat formam à Deo, & ideo ista formæ productio non vocatur creatio sed generatio; ordo verò, quem habet materia ad formam sic existentiam, vocatur causalitas materiæ.

Ad 4. c. *M. neg. m.* quia etiam non quantum potest esse principium quanti: sicut Deus potest esse principium extensionis aut figuræ triangularis, etiam si ipse non habeat figuram triangularem: item unum potest habere cum altero proportionem, adeoque exigere existentiam alterius, etiam si ipsum non sit alterum v.g. organum ligneum habet proportionem cum Musica, etiam si ipsum lignum non sit Musica; item leges motuum petunt, ut posito uno motu sequatur alius motus, etiam si unus motus non sit alter motus, denique juxta Adversarios in mente excitantur variæ affectiones incorporeæ v.g. voluptas, dolor præcisè ad motum alicujus entis corporei, & vicissim ex istis affectionibus internis sequuntur motus exteriores manuum & oculorum & linguæ, etiam si causa non habeat similitudinem cum effectu; igitur potest dari quædam proportio inter quantum & non quantum. Verum de his omnibus agetur uberius de natura materiæ & formæ in particulari.



*Obj. 3.* Contra eandem. Si daretur forma substantialis tunc foret spiritualis aut omnino spiritus: Hoc est falsum; ergo. *M. prob.* si illa forma haberet proprietates spiritus, tunc esset spiritus: Sed; ergo. *m. prob.* proprietates spiritus sunt 1. Ut nullo sensu sit perceptibilis. 2. Ut nullam habeat extensionem quoad se. 3. Ut sit indivisibilis. 4. Ut sit penetrabilis cum quocunque corpore. 5. Ut sit pure activus tantum constans formam activam, nulla autem materia passiva. Sed has omnes proprietates habet forma substantialis ut distincta à quantitate; ergo.

2. Si forma substantialis esset materialis, tunc ideo, quia dependet à materia: Hæc ratio nihil probat; ergo. *m. prob.* ex eo, quod creatura dependeat à Deo, non denominatur divina; & accidens ex eo, quod dependeat à substantia, non potest vocari substantiale.

3. Si forma esset materialis tunc ideo, quia est principium affectionum sensibilibus: Hæc ratio nihil probat; ergo. *m. prob.* multa dantur principia affectionum sensibilibus, quæ propter ea non sunt materialia. *prob. ant.* Deus, spiritus, & anima, sunt principia affectionum sensibilibus etiam si non sint materialia; ergo.

4. Si sensus nullum inveniunt distinctivum inter spiritum & formam substantialem Peripateticam, tunc non habet distinctivum: Sed; ergo. *m. patet,* quia sensus in forma substantiali nec invenit quantitatem, nec qualitatem, nec aliud sensibile. *M. prob.* distinguimus spiritum à corpore per hoc, quod minimum habeat sensibilitatis; hinc dum volumus concipere spiritum, concipimus id, quod minimum habet sensibilitatis v. g. aërem aut ignem.

5. Si forma substantialis esset materialis, tunc etiam materia esset formalis aut omnino rationalis: Hoc est absurdum; ergo. *M. prob.* si forma est materialis tunc ideo quia dependet à materia; sed etiam materia dependet à forma & ab anima rationali; ergo.

6. Omnis substantia spiritualis est spiritus; ergo etiam omnis substantia materialis & materia: sublimo: atqui si est materia tunc etiam forma substantialis materialis est ipsa materia; ergo.

7. Si forma substantialis esset materialis ob dependentiam à materia tunc ista denominatio *esse materiale* tantum foret denominatio extrinseca: Hoc non potest dici; ergo. *m. prob.* esse spirituale est denominatio intrinseca; ergo etiam esse materiale est denominatio intrinseca.

8. Eo modo se habet materia & materialitas sicut se habet animal & animalitas; sed animal & animalitas non distinguuntur; ergo etiam materia & materialitas non distinguuntur; adeoque nec ipsa materialitas formæ distinguitur à materia & ab ipsa forma.

9. Si materia & forma essent materiales, tunc possent cognosci per species proprias: Sed hoc est falsum; ergo. *M. prob.* tota ratio, cur spiritus non possint cognosci per species proprias, est eorum spiritualitas; ergo ubicunque non datur spiritualitas, cessat impedimentum cognoscibilitatis per species proprias.

*Resp. ad 1. neg. M. ad prob. c. M. neg. m. ad prob. d. ant.* proprietates spiritus sunt adæquatè illæ quæ hic ponuntur *neg. ant. inadæquatè. neg. ant. juxta*

*R. D. Euseb. Amoris Philosophia.*

communem loquendi modum illud vocatur spiritus quod non limitatur aut circumscribitur dimensionibus quantitatis & aliis circumstantiis ejus virtutem & actionem limitantibus. Illa ergo omnia, quæ referuntur ad tale ens, dicuntur proprietates spiritus; etiam si illud ipsum, quod convenit spiritui, possit etiam convenire alicui enti materiali, sicut est indivisibilitas, penetrabilitas, simplicitas, imperceptibilitas.

*Ad 2. tr. M. neg. m. ad prob. c. ant. neg. conf. & paritatem;* disparitas est, quia creatura & accidens dependent à Deo aut substantia tanquam ab aliquo termino sibi & suo toti extrinseco, non autem tanquam à parte secum constitutiva unius totius: forma enim v. g. ligni dependet à materia tanquam parte secum constitutiva ligni.

*Ad 3. d. M. Forma esset materialis,* quia est principium affectionum sensibilibus essentialiter & ex fine primario *c. M. quia est principium tantum accidentaliter. neg. M.* spiritus enim per hoc differunt ab ente materiali, quod illi non necessario & essentialiter producant affectiones sensibiles, sed tantum pro suo arbitrio; ens materiale vero ideo existit, ut producat affectiones sensibiles ac materiales, & ideo ab hoc suo effectu merito acquirit denominationem.

*Ad 4. neg. M. ad prob. dico,* quod sensus tantum possint judicare de proprietatibus sensibilibus, & exinde ratio formet judicium de ipso principio harum affectionum sensibilibus; si invenit, quod principium essentialiter producat ipsas affectiones sensibiles, tunc verum est, quod per sensus occasionaliter deveniamus in notitiam entis materialis.

*Ad 5. neg. M. ad prob. d. M. forma est materialis,* quia dependet à materia tanquam subjecto contrahente & indifferente *c. M. quomodocunque, neg. M.* nam licet etiam materia dependeat à forma, sine qua Deus illi non daret existentiam, tamen hæc dependentia non fit per aliquid, quod proprii requiratur ad existentiam materiæ, aut quod contrahat materiam, ad aliud subjectum indifferens; in presenti vero homines in suis denominationibus præcisè voluerunt attendere ad subjectum denominationis, non ad formam denominantem.

*Ad 6. c. ant. neg. conf. & parit. disparitas est,* quia omnis substantia spiritualis est incorruptibilis & ingenerabilis, adeoque est substantia simplex nullis constans partibus, & eo ipso est substantia completa, simul totum, & simul pars sui ipsius, simul spiritus & simul spiritualis; e contra substantia materialis est corruptibilis constans partibus, nempe formam & materiā, & ideo potest dari substantia incompleta, nempe pars substantiæ, adeoque substantialis & materialis, quin sit determinate ipsa materia.

*Ad 7. d. M. Esset denominatio extrinseca secundum id,* quod dicit in obliquo *c. M. secundum id,* quod dicit in recto ac simpliciter *neg. M.* dependentia formæ à materia in recto nihil aliud est quam aptitudo ac capacitas formæ ad hos vel illos effectus producendos dependenter à dispositionibus materiæ, adeoque etiam intrinsecè non exigit operari, & nequidem propriam exigit existentiam, nisi relatè ad materiam: igitur forma substantialis etiam intrinsecè dependet à materia.

*Ad 8. neg. M. Nam hæc denominatio esse materiale* partim dicit aliquid intrinsecum, partim extrinsecum; dicit enim dependentiam à materia; depen-



dependentia est forma intrinseca, materia est formæ extrinseca; econtrà animalitas est animali adæquatè intrinseca.

Ad 9. neg. M. ad prob. d. ant. Spiritus non possent cognosci per species proprias ideo quia sunt spirituales, ita, ut hæc ratio sit adæquata, formalis ac immediata neg. ant. ita ut tantum sit ratio mediata ac fundamentalis c. ant. nempe spiritus ideo quia sunt spiritus, regulariter non producant affectiones sensibiles, & ideo ne quidem sunt cognoscibiles per accidens; econtrà formæ substantiales producant tales affectiones sensibiles & quidem constanter ac per se, ergo sunt cognoscibiles per accidens, licet non sint cognoscibiles per se ope sensuum.

20 Obj. 4. Formæ substantiales sunt superflue; ergo. prob. ant. 1. omnes effectus naturales possunt explicari per principia mechanica, ut patet ab inductione.

2. Potest Deus creare tales machinas, quæ producant eosdem effectus quos producant formæ substantiales; ergo.

3. Composita naturalia etiam de facto sequuntur leges mechanicas & sunt machinæ; ergo. ant. prob. v. g. in animalibus & homine datur ordinatissima dispositio solidorum & fluidorum juxta optimas leges mechanicas, ergo.

4. Ipsa forma & materia Peripatetica dividuntur in partes minutissimas, quæ non operantur nisi post combinationem mechanicam & juxta leges mechanicas; ergo datur de facto id, quod se solo sufficit sine formis Peripateticis ad producendos effectus naturales.

5. Ad omnem actionem formæ substantialis Peripateticæ prærequiruntur etiam tales dispositiones etiam mechanicae, quæ se solis sufficerent ad producendum ipsum effectum; ergo forma substantialis est superflua. ant. patet, v. g. in homine vel arbore; sic enim, alimentum, quod intus sumitur, non convertitur in substantiam aliti nisi postquam alimentum per leges mechanicas fuit resolutum in partes minutissimas, & per machinas hydraulicas deportatum ad intimas partes corporis aliti: hoc autem posito pars alimenti non amplius eget aliqua forma substantiali, quæ convertat alimentum in substantiam aliti.

Resp. ad 1. neg. ant. ad prob. neg. ant. Quia non potest explicari illa vis, unde bonum, prout loquitur Aristoteles, nempe illa vis, quæ coordinet partes, easque pro commoditate totius compositi immediatè convertat, conservet, ac retineat.

Ad 2. tr. ant. neg. conf. Quia de facto lumen naturale aliud dicitur.

Ad 3. c. ant. neg. conf. Quia illa principia mechanica non sufficiunt adtribuendum debitum ordinem ipsis partibus, & ad producendum aliud simile; quia ordo mechanicus non parit ordinem. ratio est, quia ille ordo v. g. horologii pro sua causa tantum habet ordinationem immediatam artificis ordinatoris; adeoque cum illa ordinatio se non extendat ad alia horologia, nisi quæ immediatè substant hujus actioni, ordo ille non est activus, sed tantum passivus. Econtrà in rebus naturalibus v. g. plantis & animalibus videmus aliquem ordinem partium, qui non tantum se habet passivè respectu sui artificis, sed etiam activè, cum planta producat plantam.

Ad 4. d. ant. Datur aliqua dispositio mechanica inter partes formæ & materiæ per modum dispositionis c. ant. per modum causæ & radices neg. ant. cum enim forma substantialis nihil aliud sit, quam illa vis & ordo omnium partium alicujus compositi, impossibile est dari illum ordinem, nisi secundum certas dispositiones ac proportionibus, ex quibus omnibus resultat ordo. De facto auctori naturæ placuit, ordinem illum ac vim alligare proportionibus mechanicis, & ideo mirum non est, quod forma substantialis Peripatetica in omnibus sequatur, concomitetur, & antecedit leges mechanicas, eo ipso quod ordo alligetur istis legibus.

Ad 5. neg. ant. Quia ipsæ dispositiones ac operationes mechanicae non possent producere sui simile; quin ne quidem possent subsistere in suo esse, nisi daretur aliqua vis ac ordo detinens principia mechanica in sua activitate.

Obj. 5. Non requiritur radix affectionum sensibilibus; ergo neque forma substantialis. prob. ant. in artificialibus non requiritur talis radix, & tamen Deus conservat illum ordinem artificialem; ergo neque id requiritur in natura. conf. prob. ars imitatur naturam; & si Deus operatur naturaliter sine prævia radice exigitiva, cur non possit operari naturaliter in ipsis operibus naturalibus sine tali radice exigitiva.

2. Potest dici, Deum operari naturaliter omnes effectus naturales juxta exigentiam legum naturalium, quas ipse sibi posuit; igitur non tollitur natura.

Resp. ad 1. neg. ant. ad prob. d. ant. Deus conservat illum ordinem artificialiter per accidens c. ant. per se, neg. ant. id est, Deus conservat v. g. in horologio ferrum, lignum, argentum, quod est suum opus, hoc conservat per se, eo ipso, quod illud produxerit juxta exigentiam naturæ, sed quia per accidens huic materiæ conjunctus est aliquis ordo artificialis, ideo & hunc conservat tantum concomitanter. Econtrà si in ipsis naturalibus non daretur radix exigitiva ac conservativa, nullam haberet rationem ac determinativum creatum ad operandum in natura.

Ad 2. neg. ant. Quia illæ leges naturæ tantum forent inscriptæ in mente divina, adeoque Deus non determinaretur ad operandum objectivè nisi à se ipso: de facto autem ponimus Deum operari juxta exigentiam naturæ tanquam exigentiam alterius rei à Deo distinctæ. Hunc modum determinandi concipit sensus communis, est possibilis, nec fundari constat illum in falso præjudicio; ergo præsumitur dari talem modum determinandi, quia præsumitur modum illum concipiendi activitatem creatam fundari in dictamine luminis naturalis, quod est quædam congenita nobis revelatio divina, id fatente ipso-met Cartesio.

Obj. 6. Contra 2. Concl. Ex non viventibus potest fieri vivens; ergo etiam ex principis mechanicis non viventibus potest resultare tale vivens.

2. Levit. 17. dicitur: *Anima omnis in sanguine est*; ergo anima nihil aliud est quam ipse motus sanguinis.

Resp. ad 1. d. ant. Potest fieri vivens ex non viventibus dispositivè c. ant. formaliter neg. ant. etiam si enim animæ essent divisibiles in minimas



mas particulas, tamen adhuc verum esset, quamlibet particulam esse adhuc animulam; licet non posset exercere omnes suas functiones ob defectum debitarum dispositionum. Reliquæ partes quæ ad vitam concurrunt, tantum concurrunt dispositivè, quia auctori naturæ placuit operationes vitales, prout sunt perceptio, sensatio, augmentatio, alligare principis mechanicis.

Ad 2. c. ant. neg. conf. esse enim in sanguine potest habere diversum sensum, & quilibet est non raro usitatus. 1. Enim dicitur aliquid esse in alio tanquam in suo habitaculo. 2. Dicitur aliqua forma esse in alio, tanquam in suo subiecto informationis ut albedo in muro. 3. Dicitur aliquid esse in alio per specialem operationem quam ibi exercet, sic Deus dicitur esse specialiter in cælo, templo &c. 4. Dicitur aliquid esse in alio tanquam totum in suis partibus aut vicissim. Jam verò quilibet horum sensuum est possibilis: inter plura verò contingenter possibilia non potest unum inferri determinatè: ergo ex vi textus non potest unus inferri sensus determinatè: sed supposito, quod quis inferatur, ille ex veritate aliunde cognita determinari debet, nos verò veritatem primi aut tertii sensus aliunde probatam supponimus.

## QUESTIO II.

### Quid sit Materia Peripatetica?

**D**ico 1. *Materia prima nec est quid nec quale nec quantum, nec aliquid eorum, quibus ens determinatur, neque negationes eorum, sed horum omnium subiectum.* Altera definitio est: *Materia prima est subiectum primum uniuscujusque ex quo aliquid fit, cum insit non secundum accidens, & si corrumpitur, in hoc abibit ultimum.* Pro explicatione harum definitionum Aristotelicarum, quas Aristoteles ponit in physicis, pone v. g. lignum; in hoc reperies aliquam quidditatem nempe ligneitatem, per quam distinguitur à lapide, ferro &c. 2. Reperies aliquas qualitates, v. g. colorem, saporem, duritiem &c. 3. Reperies aliquam determinatam quantitatem v. g. pedalem aut bipedalem. 4. Reperies etiam aliquas relationes v. g. ad hunc locum; reperies aliquas negationes v. g. quod lignum non sit lapis; dico materiam primam nihil esse horum; hæc enim omnia sunt corruptibilia manente eadem materia: subtrahere proinde omnes has affectiones sensibiles, residuum est ipsa materia prima. Hæc explicatio pertinet ad primam definitionem negativam.

Altera definitio habet hunc sensum: pone idem lignum, & concipe illas affectiones sensibiles non fundari supra nihilum, sed supra aliquod subiectum; si enim quæram, ubi sit color ligni, dices, eundem pro subiecto habere lignum; si autem quæram, quodnam ipsa ligneitas habeat subiectum, cum utique ligneitate destructa per ignem remaneat aliquid, quod se habeat per modum materiæ ligni; nihil verò relinquitur nisi aliquid nescio quid, quod nunquam corrumpitur, sed omnibus formis sibi invicem succedentibus præstat esse subiectivum: igitur ex materia aliquid fit tanquam sub-

jecto, & materia inest omnibus essentialiter & tanquam pars, quando verò corrumpuntur, materia ultimò relinquitur. Hic est sensus secundæ definitionis.

Jam prob. Concl. *Materia est id ex quo omnia 2* fiunt & in quod omnia corrumpuntur. Sed id nec est quid nec quale &c. ergo. *m. prob.* idem quod omnia corrumpuntur, non habet ullam formam sensibilem, quia alioquin illa ipsa forma materiæ esset corruptibilis, ergo.

Ex his colligitur 1. *Essentiam materiæ consistere in hoc, quod sit subiectum primum omnium transmutationum naturalium.* 2. *Materiam esse puram potentiam ad omnes formas naturales.* 3. *Materiam esse eandem specie in sublunaribus, quia si materia differret à materia, differet utique per aliquam formam.* 4. *Materiam esse ingenerabilem & incorruptibilem, quia si ipsa corrumperetur, deberet dari alia materia ex qua produceretur & in quam corrumperetur.* 5. *Materiam esse substantiam, quia est pars constitutiva substantiæ seu entis existentis per se.*

Dico 2. *Materia tantum est substantia incompleta 3*

Prob. Concl. substantia incompleta nihil aliud est quam ens cum alia comparte ratione sui exigens existentiam seu existens per se: Sed tale aliquid est materia prima; ergo est substantia incompleta. *M. est definitio nominis. m. prob.* si ex una parte materia prima non dependet ab existentia alterius re prioris se & ex altera parte non potest existere se sola, tunc materia prima est tale ens: Sed; ergo. *m. prob.* per solam materiam non obtineretur finis in natura & licet se sola non posset existere, tamen etiam ejus existentia non producitur & conservatur ab ullo alio ente, quod simpliciter possit vocari ens seu principium affectionum sensibilem.

### Solvuntur Objectiones.

*Obj. 1.* Ejusdem rei non possunt esse plures definitiones; ergo alterutra ex datis definitionibus non est bona.

2. Prima definitio est tantum negativa; ergo. non est bona. conf. prob. definitio negativa non explicat quidditatem rei, quia tantum dicit, quid non sit res, nunquam verò explicat, quid sit res.

3. Si materia prima non est quid, eo ipso non potest definiri; ergo. ant. prob. si non est quid, tunc non habet quidditatem: Sed si non habet quidditatem, non potest definiri; ergo. *m. prob.* quia definitio est oratio explicans, quod quid erat, esse rei.

*Resp. ad 1. d. ant.* Non possunt dari plures definitiones positivæ tr. ant. negativæ. neg. ant. nam potest explicari per unam definitionem quid sit res, & per alteram, quid non sit res. vel d. sic: Non possunt dari plures definitiones metaphysicæ tr. ant. physicæ. neg. ant. in Physica tantum considerantur proprietates alicujus rei in ordine ad explicandam naturam rei & in ordine ad effectus naturales; in ordine autem ad hos potest res eadem diversimodè considerari; in Metaphysica verò consideratur ipsa



essentia rei, quæ sicut est unica, ita etiam unicam exigit definitionem,

Ad 2. neg. ant. Quia non est purè negativa, cum addatur etiam prædicatum positivum; nempe quod materia sit commune subiectum.

Ad 3. d. ant. Quod non est quid etiam entitati- vè non potest definiri c. ant. quod non est quid tantum quidditate physicè completa; neg. ant. licet enim materia non sit quid in determinata specie entium physica, tamen non est nihil, sed est quid completum quidditate metaphysica; & ideo adhuc constat genere & differentia.

5 *Obj. 2.* Si materia distinguitur à spiritu & ab ipsis formis substantialibus tunc eo ipso est quid & in determinata specie entium. Sed; ergo.

*Resp. d. M.* Est in determinata specie entium generalissima aut metaphysica, c. M. particulari specie entium aut physica, neg. M. distinctivum enim materiæ specificum est hoc, non habere determinatum specificum in linea specierum physicarum.

6 *Obj. 3.* Si materia generatur in Eucharistia tunc simpliciter est generabilis & corruptibilis: Sed; ergo. *m. prob.* quando ex Hostia consecrata generantur vermes, eo ipso etiam generatur materia vermium; ergo.

2. Creatura potest producere formam; ergo potest producere materiam. *prob. conf.* qui potest plus, potest etiam minus, & materia est minus quam forma; ergo si creatura potest producere formam, potest etiam producere materiam.

*Resp. c. M. neg. m. ad prob. c. ant. neg. conf.* in hoc enim casu creatur materia à Deo & ex præsupposito creatæ materiæ generatur forma substantialis vermium, & hoc nos vocamus generari vermes.

Ad 2. c. ant. neg. conf. ad prob. d. ant. Si plus & minus sunt in eodem genere, c. ant. si non sunt in eodem genere, neg. ant. v.g. Architectus potest artificialiter producere domum, & tamen non potest artificialiter producere calceum; calceus utique est minus quam domus; ergo si is, qui potest plus, non potest id, quod est minus, si minus sit in diverso genere; pari modo forma est prorsus in diverso genere; forma est in genere actûs, materia est in genere potentiæ; forma per se requiritur ad constituendum totum, materia tantum requiritur ad productionem totius, ne forma fiat ex nihilo, sed fiat ob proportionem juxta exigentiam naturæ.

7 *Obj. 4.* Forma est corruptibilis; ergo etiam materia est corruptibilis. *prob. conf.* si forma est corruptibilis, tunc est corruptibilis propter formam; Sed si hoc, tunc etiam materia est. M. pater, quia forma non posset corrumpi, nisi haberet materiam, in quam corrumperetur, & in quam abiret ultimum. *prob. m. propter quod unumquodque tale, illud magis tale;* ergo si forma est corruptibilis propter materiam, tunc etiam materia est corruptibilis.

2. Si materia esset incorruptibilis tunc esset nobilior formâ, quinimo esset æque perfecta ac anima rationalis: Hoc est absurdum; ergo. M.

*prob.* materia esset æquè immortalis ac ipsa anima rationalis; ergo.

3. Si totum est corruptibile tunc etiam materia est corruptibilis: Sed; ergo. M. *prob.* corruptibilitas totius provenit à corruptibilitate partium; ergo.

*Resp. ad 1. c. ant. neg. conf. ad prob. tr. M. neg. m. ad hujus prob. d. ant. propter quod unumquodque tale formaliter, illud magis tale c. ant. propter quod unumquodque tale tantum causaliter aut efficienter neg. ant. v.g. si murus est albus formaliter propter albedinem, verum est, quod albedo sit magis alba, quam murus; & si Petrus amandus propter virtutem, utique virtus magis amanda; quia nempe in his denominationibus formaliter importatur forma denominans, & ratio formalis sub quo. Econtrâ quando tantum importatur causa efficiens aut occasionalis per illam particulam propter, tunc axioma non est verum. v.g. Lapis est talis propter Deum tanquam causam effectivam, sed Deus non est magis lapideus, quam lapis; vel si Petrus dolet pedes propter lapidem, in quem offendit, lapis non magis dolet quia in his denominationibus tantum importatur causa occasionalis aut alterius generis.*

Ad 2. d. M. Materia esset nobilior & perfectior secundum quid tr. M. simpliciter. neg. M. licet enim materia habeat unam perfectionem, per quam eum forma aut cum anima rationali sit in perfectionum æquilibrio, per hoc tamen nondum æquis passibus ambulat, quia exceditur in plurimis aliis perfectionibus; sic etiam si lapis diutius duret, quam homo aut canis, non tamen propterea est simpliciter perfectior aut nobilior quam homo.

Ad 3. neg. M. aut retorqueo in anima rationali. ad prob. d. ant. totum est corruptibile ob corruptibilitatem partium disjunctivè sumptarum c. ant. distributivè sumptarum. neg. ant. ad corruptionem totius sufficit corruptio unius partis, resoluta enim una parte resolvitur totum, ut patet ex regula partis.

*Obj. 5.* Si ad corruptibilitatem totius sufficit corruptio unius partis, eo ipso materia est corruptibilis; ergo. *prob. ant. potest destrui una pars materiæ, quia potest separari; ergo est corruptibilis. prob. conf. separata una parte domus eo ipso corrumpitur domus; ergo etiam separata una parte materiæ v.g. in ligno corrumpitur tota materia.*

2. Saltem materia à Deo potest destrui; ergo simpliciter potest corrumpi, quia illud dicitur simpliciter possibile, quod non excedit omnipotentiam divinam.

3. Materia est subiectum formæ corruptibilis ergo etiam ipsa simpliciter est corruptibilis. *prob. conf. omne subiectum informationis participat denominationem formæ denominantis. ergo. ant. patet ex hoc exemplo, quando dico: murus est albus. tunc murus denominatur disgregativus visus, sicut ipsa albedo denominatur disgregativa visus.*

*Resp. ad 1. neg. M. ad prob. neg. ant. & causalem, ad prob. dist. ant. separata una parte etiam physicè cor-*



corrumpitur domus c. ant. tantum localiter, neg. ant. physice separari est destrui unionem partium, & hujus unionis destructionem suppono etiam dari in compositis naturalibus. vel tr. ant. neg. conf. & parit. quia in compositis naturalibus partes seorsim sumptæ non habent finem in natura; quæ enim finem haberet anima canis aut arboris seorsim sumpta? ergo separatis partibus etiam debent destrui partes? quia igitur nulla pars materiæ seorsim ponitur absque omni forma, ideo etiam nunquam corrumpitur.

Ad 2. c. ant. neg. conf. & suppositum, quod talis destructio esset naturalis: à Deo destrui nihil aliud est, quam annihilare; annihilare autem non est corrumpi, ut hic terminus à Philosophis accipitur.

Ad 3. c. ant. neg. conf. ad prob. d. ant. subjectum denominationis participat formalem denominationem suæ formæ c. ant. denominationem non formalem sed tantum realem. neg. ant. v. g. murus, quando denominatur albus ab albedine, potest quidem dici albus, sed non denominatur accidens ab albedine, etiam si albedo sit essentialiter accidens, vel dist. sic: Subjectum participat denominationem formæ, cujus est capax. c. ant. cujus non est capax. neg. ant. v. g. anima denominat corpus, & hominem vivum, sed non denominat corpus & hominem immortalem.

Obj. 6. Si materia haberet actum, tunc eo ipso non esset pura potentia: Sed habet actum; ergo. m. patet, quia non est nihil.

2. Si materia est simplex, tunc vel tota est actus, vel tota est potentia: Neutrum potest dici; ergo.

Resp. ad 1. dist. M. Si habet actum specificum in entibus. c. M. si tantum habet entitativum neg. M. ille actus, quem habet materia, nondum est sufficiens ad hoc, ut materia se sola subsistat in rerum natura, adeoque non est actus specificus alicujus entis potentis per se subsistere.

Ad 2. tr. M. neg. m. & dico, quod tota materia sit actus, & tota potentia sub diverso tamen respectu; respectu suæ entitatis tota materia est actus metaphysicus, quia est undequaque ens: respectu verò formæ tota materia est potentia physica, quia illi undequaque deest forma; sicut murus secundum se respectu albedinis est pura potentia, quia illi undequaque deest albedo.

10 Obj. 7. contra 2. Concl. implicat substantia incompleta; ergo vel materia prima non datur, vel non est substantia incompleta. prob. ant. cuius substantiæ positæ extra suas causas, & habenti esse physicum completum nihil deest intrinsecum; ergo.

2. Non potest dici, in quo consistat hæc incompletio; ergo. prob. ant. si hæc incompletio consistit in essentiali ordinatione materiæ ad formam, tunc eo ipso hæc incompletio est materiæ extrinseca: Sed hoc non potest dici; ergo. m. prob. si hæc incompletio est extrinseca, tunc materia non est intrinsece incompleta; ergo.

3. Non datur accidens incompletum; ergo neque substantia incompleta. prob. conf. unum accidens æquè ordinatur ad aliud, aut ad substantiam, sicut materia ad formam.

4. Esse incompletum & esse substantiam sunt termini repugnantes; ergo. prob. ant. esse substan-

tiam est esse ens per se, & esse incompletum est indigere alio; ergo.

5. Si materia esset incompleta, tunc vel esset incompleta in ratione entis vel in ratione substantiæ? Neutrum potest dici; ergo. m. prob. implicat habere aliquid incompletam existentiam: quod verò in ratione substantiæ non sit incompleta, prob. ratio substantiæ est indivisibilis sicut ratio hominis aut leonis; ergo nequit participari incompletè, sicut non datur incompletus homo, aut leo; vel enim simpliciter non participat definitionem hominis, vel completè participat.

6. Si materia esset substantia incompleta, tunc vel deesset complementum intrinsecum vel extrinsecum? Neutrum potest dici; ergo. m. prob. quoad 1. memb. materiæ nihil deest in ratione materiæ; ergo nihil deest intrinsecum. Quoad 2. verò memb. sic infero: si materiæ deest complementum extrinsecum, tunc tantum est incompleta in ratione totius, non in ratione substantiæ; ergo.

7. Si daretur substantia completa & incompleta, tunc substantia reciperet magis & minus: Sed hoc est falsum; ergo. m. patet ex communi axioma:

8. Materia divinitus separata à forma simpliciter est substantia; ergo jam secundum se est substantia completa.

9. Materia habet adæquatum & completum distinctivum ab accidentibus; ergo jam est completa in ratione substantiæ. prob. conf. distinctivum cujusunque rei ab altera debet esse adæquatum & completum; ergo.

Resp. ad 1. neg. ant. ad prob. d. ant. nihil deest intrinsecum entitativè c. ant. exigitivè. neg. ant. materia enim prima habet existentiam & aptitudinem ad recipiendam formam, & suum distinctivum tam à nihilo quam ab accidentibus; hæc omnia habet completè & adæquate: quia verò cum his omnibus perfectionibus adhuc est insufficiens ad constituendum ullum gradum in entibus, aut operandum, ideo habet intrinsecam exigentiam ad habendam formam; cum igitur hæc intrinseca exigentia præ omnibus aliis perfectionibus ob proportionem universi in materia prima sit consideratione & attentione digna, ideo etiam ab hac exigentia accipit denominationem, & vocatur incompleta; sicut aliquod opus statuarii aut artificis tandiu dicitur incompletum, donec acceperit ultimam perfectionem. Si verò quæras, quid sit illa ipsa exigentia materiæ, dico, quod nihil aliud sit, quam ordo rebus impressus ad formam; quid verò sit ipse ordo, quivis intelligit, dum intelligit suam ordinationem; sicut enim se habet ordinatio in ordinantæ, sic etiam ordo ordinatus habet se per identitatem in rebus ordinatis; ordo proin ille materiæ ad formam identificatur cum materia, & vocatur exigentia materiæ.

Ad 2. neg. ant. contrarium jam fuit ostensum.

Ad 3. c. ant. neg. conf. & parit. quia illa intrinseca exigentia accidentium ad dependendum ab aliis de facto non substat specialiter attentioni hominum; & ideo etiam de facto non accipit denominationem, licet accidens semper possit vocari incompletum. Ratio verò, cur non substat attentioni hominum, est fortè, quia talia accidentia saltem in



uno vel altero casu non substant aliis accidentibus, aut non habent perpetuam coherrentiam cum iisdem.

Ad 4. neg. ant. ad prob. dist. ant. esse substantiam est esse ens per se perfecte radicali ac fundam. mentali c. ant. perfecte actuali & adæquata, neg. ant. sic enim termini *esse ens per se* adhuc abstrahunt, an illud ens, quod est per se, sit per se solum, aut per se concomitanter, nempe abstractum à sensu & exclusivo & inclusivo.

Ad 5. c. M. neg. m. ad prob. dico: materiam esse incompletam in ratione substantiæ; ad rationem additam dist. ratio substantiæ est indivisibilis entitativè c. exigitivè neg. quinimo etiam definitiones possunt participari inadæquatè, sicut corpus mortuum potest dici inadæquatè homo juxta illud Vulpis ad statuum: *huic homini aliquid deest*.

Ad 6. c. M. neg. m. & dico, quod materiæ desit complementum extrinsecum, nempe forma. Complementum istud est materiæ extrinsecum; sed ipsa exigentia complementi est materiæ intrinseca, & ideo etiam denominatio est intrinseca.

Ad 7. dist. M. tunc substantia incompleta recipit magis & minus c. M. completa, neg. M. nam illud axioma Aristotelis tantum est verum in sensu aliundè evidenti; non est autem aliundè evidens substantiam genericè & abstractivè sumptam non recipere magis & minus, quin ipse Aristoteles dicit, quod forma sit magis substantia, quàm materia.

Ad 8. dist. ant. materia separata est simpliciter substantia incompleta. c. ant. completa. neg. ant. nam materia illa in statu separationis adhuc habet exigentiam formæ & quidem à fortiori.

Ad 9. dist. M. tunc materia est completa entitativè c. M. exigitivè. neg. M. licet enim distinctivum cujuslibet rei ab altero debeat esse completum entitativè, ita, ut actualiter detur, non tamen illud distinctivum est completum exigitivè; sicut enim homo, qui distinguitur à bruto, habet omnia ad suam speciem requisita, tamen nondum habet illud, quod exigit naturaliter nempe beatitudinem. Pari modo dico dari exigentiam in omnibus rebus, ratione cujus materia potest dici incompleta.

### QUÆSTIO III.

*An Materia habeat propriam existentiam?*

E T

*An possit existere sine omni forma?*

**T**Homistæ volunt materiam primam secundum se non habere propriam existentiam, sed eam unice accipere à forma. Ratio ipsorum est, quia Deus non tribuit existentiam enti nisi jam proximè completo, perfecto, & expedito ad operandum; igitur non tribueret existentiam materiæ, nisi ratione formæ, quæ est ultima perfectio, efficacia, ac vis exeundi in actum. Verum cum ista

Sententia necessario supponat distinctionem essentiali ab existentia, ea per se corrumpit in Systemate Recentiorum; & hinc prorsus inutiliter hic de novo instituitur quæstio, cum sine illo supposito prorsus nugatoria sit omnis disputatio.

Dico 1. *Materia habet propriam existentiam distinctam ab existentia formæ.* Alii proponunt hanc conclusionem his verbis: *Materia prima habet actum entitativum metaphysicum*, id est, existentiam. Prob. Concl. 1. Essentia & existentia identificantur; ergo materia prima habet existentiam propriam. prob. conf. materia prima habet propriam essentiam; ergo etiam existentiam.

Prob. 2. Si materia prima secundum se terminat actionem productivam, tunc etiam habet actum & existentiam propriam: Sed; ergo. m. patet, quia materia prima terminat actionem creativam, qualem non terminat forma. Prob. etiam M. terminus actionis productivæ est existentia; ergo. prob. ant. essentia rerum sunt ab æterno; ergo terminus actionis tantum est existentia.

Prob. 3. Si forma præsupponit materiam, tunc etiam præsupponit existentiam materiæ: Sed; ergo. prob. M. si forma præsupponit materiam, tunc illam præsupponit ut condistinctam à nihilo: Sed si hoc, tunc eo ipso præsupponit existentiam materiæ; ergo.

Hoc ultimum argumentum fortè permovit Albertum Magnum, & alios Antiquiores, quos fortè non male sequerentur Thomistæ, ut in materia prima admiserit aliquod perpetuum esse, quod quidem sit distinctum à materia, quod tamen præsupponatur ad formam, & quod posita formâ concedatur materiæ propter formam; quia alioquin illi adimeretur, nisi forma determinaret Deum ad conservandum illud esse sub nova individuatione.

Dico 2. *Materia non potest naturaliter existere sine forma.* Prob. Concl. 1. Res non potest existere sine eo, ad quod naturaliter ordinatur: Sed materia naturaliter ordinatur ad formam; ergo.

Prob. 2. Omnis illa materia, quæ subjacet sensibus, existit cum forma, & non potest afferri alia materia, quæ existat sine forma; ergo materia non potest existere sine forma. prob. conf. si nulla potest afferri materia, quæ existat sine forma, tunc est de natura materiæ existere cum forma: Sed si hoc, tunc materia non potest existere sine forma; ergo. M. prob. inductio generalis est legitima, quando argumentum procedit in hoc vel illo, & non potest afferri instantia.

Prob. 3. Quod convenienter non fit, simpliciter dicitur non posse fieri: Sed materiam existere sine forma convenienter non fit; ergo. m. prob. si in casu separationis non datur finis naturalis prudenter intendibilis, tunc id convenienter non potest fieri: Sed; ergo.

Prob. 4. Quod regulariter non fit, præsumitur non posse fieri: Sed regulariter materia nunquam separatur à forma; ergo. M. prob. quod plerumque fit, naturâ fit, ut habet axioma; ergo. ant. prob. natura in modo operandi semper sibi ipsi est similis; ergo quod plerumque fit, semper fit, adeoque naturâ fit. Intelligi autem volo hoc ultimum argumentum in illo casu, ubi non datur specialis ratio, aut urgens necessitas recedendi à modo operandi in statum uniformi, ac regulari, qui ob ipsam suam



suam uniformitatem præsumitur universaliter esse intentus à natura.

8 Dico 3. *Materia potest supernaturaliter existere sine forma & vicissim.* Est contra Thomistas & prob. 1. materiam existere sine forma & vicissim non involvit contradictionem; ergo potest materia existere sine forma; ant. prob. negativè.

Prob. 2. Illa possunt existere separata, quæ habent distinctas existentias: Sed; ergo. M. prob. illa, quæ habent distinctas existentias, habent etiam distinctas actiones productivas & conservativas: Sed si hoc, tunc possunt existere separata; ergo.

9 Prob. 3. Accidens potest existere separatum à substantia; ergo etiam materia à forma, & forma à materia. prob. cons. accidens magis dependet à substantia, quàm materia à forma; ergo. ant. prob. si accidens est remotius à modo existendi per se quàm materia, tunc accidens magis dependet à materia: Sed; ergo.

## Solvuntur Objectiones.

10 Obj. 1. contra 1. Concl. Existencia est ultimus actus; ergo materia non habet propriam existentiam. cons. prob. materia nondum habet ultimum actum; ergo. ant. prob. materia nondum habet ultimum complementum; ergo. Prob. etiam ant. principale. Si existencia tantum convenit enti proxime expedito ad operandum ac habenti seriem prædicamentalem, tunc est ultimus actus entis: Sed; ergo. m. prob. non decet, ut Deus det enti existentiam, nisi videat, cuinam enti tribuat illam existentiam; ergo. cons. patet, quia sicut se habent prædicata essentialia in intellectu primi ordinantis, ita se habent eadem illa prædicata in entitate rei dependente ab ordinatione ordinantis.

Resp. dist. ant. existencia est ultimus actus formaliter ac metaphysicè consideratus c. ant. realiter ac physicè, neg. ant. per actum formaliter ac metaphysicè ultimum intelligo illum, qui est ultimus secundum nostrum modum concipiendi, quem modum etiam assignamus primo ordinanti; sed realiter ac physicè non est sic: quia Deus non eodem modo concipit subordinationem prædicatorum essentialium, sicut nos illam concipimus, sed concipit omnia prædicata simul, prout decet omni-scium; Dein etiam si eodem modo conciperet subordinationem prædicatorum essentialium, tamen non sequeretur existentiam esse ultimum actum realiter ac physicè; quia juxta nostra principia modus essendi non sequitur modum concipiendi quoad distinctionem rerum.

11 Obj. 2. Si materia sine forma non est posita extra omnes suas causas, tunc eo ipso non habet existentiam sine forma: Sed; ergo. M. patet, quia existencia est positio rei extra omnes suas causas. m. prob. materia sine forma non habet causam formalem; ergo.

2. Si forma est primus actus materiæ, tunc eo ipso forma non præsupponit existentiam in materia: Sed; ergo. m. est commune axioma Philosophorum. M. prob. si forma præsupponeret existentiam in materia, tunc eo ipso præsupponeret aliquem actum: Sed si hoc, tunc forma non est primus actus; ergo.

3. Si existencia est actus perfectior quàm forma, tunc eo ipso non præcedit, sed sequitur formam: Sed; ergo. m. prob. ordine naturæ imperfectum præcedit perfectum, & summa perfectio est ultima perfectio. Prob. etiam M. principalis: Si existencia supplet id, quod deest formæ, tunc est actus perfectior: Sed; ergo. m. prob. existencia dat esse formæ; ergo.

Resp. ad 1. dist. M. Si materia non est posita extra suas causas etiam metaphysicè ac entitativè c. M. si tantum non est posita physicè neg. M. metaphysicè poni extra causas est distingui à nihilo, & hoc assequitur materia per existentiam. Physicè poni extra causas est habere omnes conditiones ad subsistendum in universo & in determinata specie entium; & hoc assequitur materia per formam & accidentia.

Ad 2. dist. M. Si forma est primus actus materiæ etiam metaphysicus, c. M. si tantum est primus actus physicus, neg. M. axioma illud Philosophorum tantum est intelligendum de actu physico; & si illi Philosophi hoc axioma intellexissent in alio sensu, prout aliqui intellexerunt, tunc dicerem in hoc sensu non fundari aliquod axioma, quia axioma debet præferre sensum aliunde evidentem.

Ad 3. dist. M. Si existencia est etiam physicè perfectior actus c. M. si metaphysicè, neg. M. perfectio duplici modo potest considerari, prout nempe aliquod ens positivum consideratur comparativè ad nihilum, & sub hac consideratione existencia est perfectior formâ. Altero modo potest considerari perfectio prout ens existens consideratur comparativè ad alia entia jam existentia, in quantum plus vel minus participant immensitatem perfectionum divinarum; & sub hac consideratione existencia non est perfectior quàm forma, quia existencia est tantum prædicatum generalissimum, quod non tam propinquè sub specie infima accedit ad id, quod est in entibus nobilissimum, nempe ad speciem perfectissimam. Nec obstat, quod solus Deus det esse rei tanquam effectum generalissimum; quia id non arguit nobilitatem existentia, sed tantum generalitatem ac necessitatem. sunt autem illa, quæ sunt in entibus ignobiliora per sepe magis generalia & necessaria.

Obj. 3. Si existencia materiæ non habet finem, 12 tunc non datur: Sed; ergo. m. prob. finis existentia est operari: Hunc finem non habet; ergo. m. patet, quia materia non est activa. M. prob. ex communi axiomate: *esse est propter operari.*

2. Si materia in genere substantia est actuabilis, tunc eo ipso non includit actum: Sed; ergo. m. patet, quia materia est substantia incompleta. M. prob. si materia in genere substantia est actuabilis, tunc eo ipso est in potentia ad actum substantia: Sed; ergo.

3. Si materia haberet existentiam, tunc omnis forma materiæ superveniens esset accidens: Hoc non potest dici; ergo. M. prob. si materia haberet existentiam, tunc omnis forma superveniret enti jam in suo esse constituto: Sed si hoc, tunc esset accidens; ergo. m. prob. per hoc distinguitur forma accidentalis à substantiali, quod illa tribuat esse rei; hæc verò jam præsupponat esse rei; illa simpliciter tribuit esse, hæc verò tantum dat tale esse.



4. Si forma denominat materiam existentem, tunc eo ipso materia non habet existentiam propriam: Sed; ergo. M. patet, quia forma denominans non præsupponitur in subiecto denominationis; v.g. albedo non præsupponitur in muro, antequam albedo denominet murum album, *m. prob.* si existentia forme recipitur in materia, tunc eo ipso forma denominat materiam existentem: Sed; ergo. M. prob. forma non potest recipi in subiecto, quin illi tribuat suum effectum formalem seu denominationem; ergo neque existentia forme potest recipi in materia, quin illam denominet materiam existentem. ant. patet in receptione albedinis, quæ non potest recipi à muro, quin illum denominet album.

*Resp.* ad 1. dist. M. Si non habet finem etiam metaphysicum aut immediatum c. M. si tantum non habet finem mediatum aut physicum neg. M. per finem mediatum ac physicum intelligo illum finem, ad quem ultimatò ordinatur, ut operetur in universo. Per finem immediatum & metaphysicum intelligo illum, ad quem ordinatur, dum constituit compositum potens operari in universo; materia prima quidem se sola non est potens operari, sed fit potens per suum compositum, quod constituit; sicut aliqua rotula horologii, seorsim sumpta non habet finem ultimum, quia se sola non potens est producere effectus horologii, interim tamen immediatè ordinatur ad tale compositum, quod est potens producere illos effectus, & ob hoc ipsum accipit ab artifice suam existentiam artificialem.

Ad 2. d. M. tunc materia non includit actum in ratione substantiæ completæ seu substantialitatis tr. M. non includit actum in ratione entis seu entitatis neg. M. materia enim in illo genere, in quo est actuabilis, potest recipere actum, nempe in genere substantiæ; in ratione verò entis non est actuabilis, sed jam actuata. Vel dist. M. sic: tunc materia non includit actum physicum, tr. M. actum metaphysicum, neg. M. Dixi *transcat*; quia etiam includit actum physicum, sed adhuc incompletum.

Ad 3. neg. M. ad prob. dist. M. Si superveniret enti jam in suo esse physico constituto, c. M. tantum in suo esse metaphysico constituto, neg. M. similes formulæ loquendi tantum fundantur in doctrina Divi Thomæ & Veterum Thomistarum, quam ipsi recentiores Thomistæ vel nolunt amplecti, vel omnino non intelligunt: nempe ex mente Divi Thomæ discrimen inter accidens & substantiam erat hoc: Substantia habet propriam existentiam, eamque accipit à forma substantiali; econtrà accidens omnino non habet propriam existentiam, sed eam accipit & participat ab ipsa substantia, in qua est. In hoc proin Systemate verum est, omne illud esse accidens, quod supervenit enti jam in suo esse constituto; nos verò, cum identificemus existentiam cum essentia, non possumus huic Systemati insistere, sed cum summa reverentia Divum Thomam dimittimus ipsis Thomistis, quem utinam sequerentur.

Ad 4. tr. M. neg. *m.* ad prob. neg. M. ad prob. dist. ant. forma denominans physica non potest recipi in subiecto, quin illi tribuat suam denominationem. tr. ant. forma metaphysica neg. ant. forma physica est, quæ realiter distinguitur à subiecto denominationis; forma metaphysica est, quæ realiter

non distinguitur à subiecto denominationis. Talis forma metaphysica est etiam existentia; igitur suum effectum formalem tantum tribuit subiecto denominationis, cum quò identificatur nempe cum forma; illum verò effectum tantum tribuit materiæ, quia respectu illius existentia identificata cum forma se non habet per modum subiecti. Dein potest retorqueri argumentum contra Recentiores Thomistas, qui deferuerunt prædictum Systema D. Thomæ & attribuerunt accidentibus propriam existentiam; talia igitur accidentia Thomistica recipiuntur in substantia, & tamen non denominant substantiam existentem.

*Obj.* 4. contra 2. Concl. Materia prima actu existit sine forma; ergo potest existere sine forma. conf. patet, quia ab actu ad potentiam est bona argumentatio. ant. prob. ex Genesi: materia prima ab initio erat inanis & vacua; ergo sine forma. ant. prob. quia dicitur; quòd terra fuerit inanis & vacua: Sed illa terra erat materia prima; ergo. Hoc argumentum videtur etiam esse conforme menti quorundam Patrum, qui istam inanitatem & vacuitatem referunt ad formam, terram verò ad materiam.

2. Corpus Christi in sepulchro actu fuit sine forma; ergo materia potest esse sine forma. prob. ant. corpus illud in sepulchro non habuit formam corporeitatis, quæ non datur; nec formam cadavericam, quia illud corpus non fuit corruptum, nec animam rationalem; ergo nullam.

3. Anima rationalis, quia est incorruptibilis, potest esse sine forma; ergo etiam materia, quia est incorruptibilis, potest esse sine forma.

*Resp.* ad 1. neg. ant. ad prob. neg. ant. ad hujus prob. c. M. neg. *m.* vel dist. *m.* illa terra erat materia secunda c. *m.* materia prima neg. *m.* sensus tam Scripturæ quam Patrum tantum est, quòd ab initio creata fuerit aliqua terra adhuc informis relatè ad formas mixtorum vel viventium, quæ tunc non erant productæ; sed non erat informis relatè ad formam aliquam elementarem, qualem habet terra, quin eo ipso, quòd vocetur terra, jam est quid, jam est quantum, & quale; ac consequenter illa terra primigenia non est, quod nos vocamus materiam primam.

Ad 2. neg. ant. ad prob. neg. ant. quoad 1. memb. corpus enim Christi revera fuit corpus, adeoque habuit formas illas partiales, quas assumendo corpus assumpsit, & quas resuscitando corpus nunquam dimisit.

Ad 3. c. ant. neg. conf. & suppositum, quòd sit opus disparitate; quia illud argumentum in nulla fundatur paritate, neque enim incorruptibilitas animæ & materiæ reddit easdem pares etiam in ordine ad finem subsistendi in universo, unde desumitur existentia vel non existentia alicujus entis. Universaliter argumentum à pari tunc solum potest institui, quando inter duo aliundè probatur aut supponitur aliqua convenientia in plurimis prædicatis aut proprietatibus, à quibus licet argumentari ad aliquod prædicatum aut proprietatem cum prioribus connexam. In præfenti quidem assertur convenientia quoad prædicatum incorruptibilitatis, sed sufficientia existendi non est per se connexa cum prædicato incorruptibilitatis, sed cum sine tribuente sufficientiam ad existentiam.



14 *Obj. 5. contra 3. Concl.* Si materia posset existere sine forma, tunc esset ens in actu, & non esset ens in actu: Hoc est impossibile; ergo. prob. M. quoad 2. memb. si materia esset sine forma, tunc eo ipso posset esse ens sine actu: Sed; ergo. M. prob. actualitas cujuslibet rei est forma illius rei; ergo.

2. Si materia esset sine forma, tunc esset in determinata specie, & simul non esset; Hoc iterum est impossibile; ergo. M. prob. quoad 2. memb. specificativum cujuslibet rei est forma illius rei; ergo.

3. Si materia non est prudenter intendibilis sine forma, tunc non potest poni sine forma: Sed; ergo. prob. m. si res non est prudenter intendibilis sine suo fine, tunc etiam non est prudenter intendibilis sine forma: Sed; ergo. M. prob. finis materiæ est forma; ergo.

*Resp. ad 1. dist. M.* tunc materia esset in actu metaphyfico, & non esset in actu physico. c. M. esset & non esset in actu physico, neg. M. forma quidem est actualitas physica cujuslibet rei, quia per formam fortitur gradum in entibus; sed illa forma non distinguit rem a nihilo, nec constituit rem in ratione entis: igitur non est actualitas metaphysica, quia objectum metaphysicæ est ens in ratione entis.

Ad 2. neg. M. quoad 2. memb. ad prob. dist. ant. species desumitur à forma vel physica vel metaphysica. c. ant. à forma physica. neg. ant. nam prædicatum specificum desumitur à prædicato essentiali, quod non necessario distinguitur realiter à re maxime in entibus simplicibus, quale est materia; quinimo posset idem retorqueri in accidentibus, quæ non per aliam formam constituuntur in hac specie. Quid igitur si dicerem, etiam materiam esse aliquam formam quoad gradum specificum & modum essendi? nam etiam si materia non determinet aliud prius se, tamen determinat aliud posterius se nempe formam; & hanc determinat formaliter, quia illam denominat materialem.

Ad 3. c. M. neg. m. ad prob. dist. M. si res non est intendibilis sine fine suo etiam physico, c. M. si tantum non est intendibilis sine fine suo metaphyfico, neg. M. Finem physicum voco, quem Deus cursu ordinario naturæ intendit, dum producit & conservat ens. Finem metaphysicum voco, quem Deus absolute potest intendere spectando capacitatem entis. v. g. finis accidentium physicus est, ut perficiant suum subjectum, & sine hoc fine possunt conservari in Eucharistia; finis verò metaphysicus horum accidentium est, ut serviant ad excitandum sensum aut ad velandum mysterium, & ex hoc fine conservantur in eadem Eucharistia.

15 *Dices:* Non potest ostendi ullus finis etiam metaphysicus à Deo prudenter intendibilis, si vel materiam vel formam conservaret separatim; ergo. prob. ant. si esset aliquis finis, tunc is esset, ut Deus ostenderet suam omnipotentiam: Sed hoc non potest dici; ergo. m. prob. nunquam operatur omnipotentia sine sapientia; ergo.

*Resp. neg. ant. ad prob. dico:* Deum posse habere alium finem, qui non dicit contradictionem; ex eo verò quod non videamus dari alium finem, non potest negari, dari posse alium finem; quia etiam de facto Deus multa operatur ob fines nobis incognitos, quin etiam humano modo incognoscibiles. Potest etiam dici: Deum posse habere hunc finem

R. D. Euseb. Amor Philosophia.

v. g. si vellet in Eucharistia conservare materiam panis, quin conservet formam panis, aut vicissim, prout non nemo somniavit teste Bellarmino, in hoc casu conservaretur materia sine forma, aut forma sine materia: finis hujus conservationis posset esse, ne postmodum, quando corrumpuntur species, Deus necesse haberet, ut creet novam materiam, sicque non multiplicaret actiones sine necessitate, quamvis de facto aliter voluerit.

*Obj. 6.* Si materia posset existere sine forma, tunc Deus posset supplere defectum causæ formalis: Hoc non potest dici; ergo. M. patet, quia materia est causa materialis, & forma est causa formalis. m. prob. Deus non potest facere calidum sine calore; ergo Deus non potest supplere defectum causæ formalis.

2. Materia non potest existere sine omni forma accidentali; ergo neque sine forma substantiali, ant. est evidens, quia utique materia non potest existere sine omni relatione, sine loco, tempore &c. conf. prob. materia magis dependet à forma substantiali quam accidentali; ergo. ant. prob. forma substantialis habet se per modum finis, & forma accidentalis habet se per modum medii.

3. Ens accidentale v. g. horologium non potest existere sine forma accidentali; ergo neque ens substantiale sine forma substantiali.

4. Materia non potest existere sine suis proprietatibus; ergo neque sine forma substantiali. conf. prob. materia magis est unum quid cum forma, quam cum suis proprietatibus.

*Resp. ad 1. dist. M.* Deus posset supplere defectum causæ formalis materialiter sumptæ vel æquivalenter aut eminenter, c. M. posset illum defectum supplere formaliter aut causæ formalis formaliter sumptæ, neg. M. dico: quod Deus spoliando materiam omni forma substantiali posset illi unire prædicatum longè nobilius, quam est esse unitum formæ, v. g. servire ad finem supernaturalem; in hoc casu Deus non dat materiæ formaliter effectum causæ formalis, dat tamen illum effectum eminenter.

Ad 2. c. ant. neg. conf. & parit. disparitas est, quia illa accidentia, à quibus dependet materia, simul connectuntur cum toto universo, & cum ipso autore universi; igitur mirum non est, quod Deus non possit destruere illa accidentia; econtra forma substantialis tantum connectitur cum hac vel illa materia; nec illa corrupta necesse est destrui universum, & authorem universi; igitur mirum non est, si perditio tangere possit solam formam.

Ad 3. c. ant. neg. conf. & parit. quia ens accidentale totum suum esse habet in aliquo esse respectivo, quod utique non potest separari ab ente absoluto; licet & hoc ipsum negare audeat Scotus, quando defendit, quod relationes possint divinitus existere separatim.

Ad 4. dist. ant. Materia non potest existere sine proprietate essentiali, c. ant. sine proprietate accidentali, neg. ant. proprietas essentialis est prior forma substantiali, quia identificatur cum materia, & proprietas accidentalis re ipsa est separabilis à materia, sicut est quantitas dimen-



iva, saltem determinatè sumpta, quamvis non possit existere sine omni quantitate indeterminata.

- 17 Dices: Deus non potest spoliare creaturam perfectione sibi debita, nisi eam compenset per aliam perfectionem: Sed materiam in tali casu non potest spoliare formâ, ita, ut eam compenset; ergo. M. prob. si Deus spoliaret creaturam non compensando defectum, tunc creatura relinqueretur defectuosa: Hoc non potest dici; ergo.

Resp. neg. M. ad prob. dist. ant. Relinqueretur defectuosa physicè, c. ant. metaphysicè, neg. ant. Physicè defectuosum voco, cui deest aliqua perfectio, ad quam naturaliter ordinatur, sicut oculus cæcus, cui deest potentia visiva. Metaphysicè defectuosum voco, cui deest perfectio essentialis aut accidentalis ab authore naturæ intentâ. Tale defectuosum metaphysicum implicat, quia intentio Dei nunquam frustratur; intentio vero naturæ frustratur sæpissimè non tantùm supernaturaliter, sed etiam naturaliter, ut patet in monstris.

- 18 Obj. 7. Juxta nos materia prima est extensio indefinita, & extensio indefinita non potest existere sine aliqua quantitate determinata; ergo nec sine forma.

2. Juxta nos forma substantialis est modus aliquis, nempe ordo ad seriem operationum; sed modus non potest existere separatus à suo subiecto, quia definitur modus esse entitas essentialiter affixa suo subiecto.

Resp. ad 1. c. ant. neg. conf. quia potest materia ordinari ad quantitatem aliquam determinatam, quin eo ipso ordinetur ad seriem operationum & effectuum naturalium. adeoque talis materia separata haberet quidem aliquam quantitatem determinatam, separabilem à se, ne esset infinita, sed non ordinaretur talis materia per formam ad seriem effectuum naturalium, sed esset substantia simplex.

Ad 2. c. M. d. m. Non potest esse separatus ab omni subiecto inhesionis c. m. à subiecto informationis, neg. m. talis forma separata divinitus adhuc inhaereret accidentibus, nempe quantitati, colori &c. quamvis enim hæc accidentia non informantur à tali forma, sed tantùm producerentur, tamen illis inhaereret; sit omnes etiam Modalistæ concedunt, quòd actio creativa veleductiva recipiatur in suo effectu, tanquam in subiecto inhesionis, quamvis sit naturâ prior ad hoc subiectum. Igitur si Deus vellet accidentibus alligare eandem vim ac ordinem ad seriem operationum & effectuum, quam alligat materiæ, daretur forma substantialis separata à materia.

## QUÆSTIO IV.

*An materia appetat formas nobiliores præ ignobilioribus?*

- 1 QUAERITUR, an materia appetat formas nobiliores? sicut si quæreres, an ligna ætopica appetant principatum; quæritur itaque, an materia potius appetat esse aurum quàm plumbum, an animam leonis quàm leporis &c. Tota quæstio est purè metaphysica, sicut si ex illa metaphora, quòd prætata rideant, occasionem sumeres quærendi, an

alacrius rideat Narcissus, quàm Hyacinthus.

Appetitus communiter dividitur in appetitum elicitum, & innatum. Appetitus elicitus est, qui elicitur ab aliqua potentia intellectiva libera tendente in bonum cognitum sub ratione boni. Appetitus innatus seu naturalis est nihil aliud, quàm naturalis exigentia seu ordo cujuslibet rei ad suum finem; sic lapis dicitur appetere centrum terræ, & aqua dicitur appetere frigus.

Dico: *Materia prima non appetit formas nobiliores præ ignobilioribus.* Prob. Concl. materia primâ non ordinatur magis à natura ad formas nobiliores quàm ignobiliores; ergo neque appetit potius formas nobiliores quàm ignobiliores. ant. prob. si magis ordinaretur, tunc ista majoritas ordinationis vel esset intensiva vel extensiva neutrum potest dici; ergo. M. patet, quia non datur alia magnitudo nisi melis aut virtutis. m. prob. materia extensivè se extendit ad longè plures formas ignobiliores quàm nobiliores; ergo. quòd verò illa majoritas non sit intensiva, pateret eo, quia intentio non cadit super ipsam ordinationem, quæ non suscipit magis & minus. prob. etiam conf. primi enthymematis: appetitus materiæ nihil aliud est, quàm ordinatio materiæ; ergo si hæc non est major ad formas nobiliores, etiam ille non erit major. ant. prob. per appetitum materiæ plerique hoc intelligunt, & in sensu dubio standum est acceptioni plurimum.

Prob. 2. Si appetitus materiæ æquè satiatur per formas ignobiliores, tunc non magis appetit nobiliores: Sed; ergo. m. prob. si materia æquè actuatur aetuatione physica per formas ignobiliores, tunc appetitus materiæ æquè satiatur per formas ignobiliores: Sed; ergo. m. patet, quia aetuatio materiæ physica est illius informatio, & è statu substantiæ incompletæ ad statum substantiæ completæ traductio. M. prob. materia nihil aliud appetit nisi actuari physicè; ergo.

Prob. 3. Si materia naturaliter unitur omnibus formis, tunc eo ipso æqualiter appetit omnes formas: Sed; ergo. M. prob. si naturaliter unitur omnibus formis, tunc illi non irrogatur injuria, nec infertur violentia, quando unitur formis ignobilioribus: Sed si hoc, tunc æqualiter appetit omnes formas; ergo. M. patet, quia violentia est contra naturam cujuslibet rei. m. prob. si materia appeteret formas nobiliores, eo ipso fieret contra ipsius exigentiam, dum unitur ignobiliori, quia non impleteretur ejus exigentia; ergo.

Prob. 4. Si materia appeteret formas nobiliores, tunc eo ipso appeteret formam nobilissimam: Hoc non potest dici; ergo. M. prob. si omnes rationes Adversariorum probant, quòd deberet appetere formam nobilissimam, tunc appeteret: Sed; ergo. m. etiam prob. primi Syllogismi: id non appetit materia, quòd non potest prudenter appetere: Sed formam nobilissimam non potest prudenter appetere; ergo. m. prob. forma nobilissima ex una parte est improporcionata materiæ, quia intercedit disparitas conditionis, ex altera verò parte forma illa nobilissima non nisi in casu rarissimo potest obtineri à materia, & ex tertia parte illa forma nobilissima nunquam obtineretur ab infinitis ferè partibus materiæ unicè illam exigentibus; ergo.

Prob. 5. Decet materiam perfectè servare 7 leges obedientiæ naturalis; ergo est indifferens ad



ad omnes formas, sicut Religiosus ad omnes functiones; ant. prob. materia prima est subiectum omnium formarum habens se purè passivè; ergo.

## Solvuntur Objectiones.

8 *Obj. 1.* Materia prima omnino non appetit formas; ergo hæc questio est de subiecto non supponente. prob. ant. si materia prima appeteret formas, tunc appeteret vel præsentem vel absentem vel unam vel infinitas: Neutrum potest dici; ergo. *m.* prob. id quod habetur, non appetitur; ergo materia non appetit formam præsentem: si verò appeteret absentem, tunc vel illam appeteret ex fastidio præsentis, vel ex alio motivo: Neutrum potest dici; ergo. quòd verò innumeras non appetat, probatur ex eo, quia infinitum non satiat appetitum.

*Resp.* neg. ant. ad prob. dico, quòd appetat omnes formas disjunctivè, adeoque præsentem, absentem, & infinitas; non tamen appetit præsentem quæ talem nec infinitas collectivè sed disjunctivè. ad prob. dist. appetitus elicitus non est alicujus præsentis appetitus, c. appetitus innatus, neg. appetitus elicitus fertur in suum objectum per cognitionem, quod consideratur tanquam aliquid absens; econtrà appetitus innatus fertur in suum objectum per ordinationem naturæ, quæ ordinatio etiam refertur ad præsens.

9 *Obj. 2.* Si forma nobilior est majus bonum materiæ, tunc eo ipso materia magis appetit formam nobiliorem; Sed; ergo. *M.* patet, quia sicut se habet bonum, ita appetitus. *m.* prob. si materia magis perficitur à forma nobiliore, tunc forma nobilior est majus bonum materiæ: Sed; ergo.

2. Materia magis appetit formas substantiales, quàm accidentales; ergo etiam magis nobiliores.

3. Materia secunda magis appetit formam accidentalem nobiliorem; ergo etiam materia prima magis appetit formam substantialem nobiliorem.

*Resp.* ad 1. tr. *M.* neg. *m.* ad prob. dist. *M.* Si materia magis perficitur etiam intrinsecè c. *M.* si tantum extrinsecè. neg. *M.* licet enim forma nobilior addat materiæ aliam perfectionem, quàm forma ignobilior, illa tamen perfectio non reddit materiam perfectiorem in ratione materiæ; sicut divitiæ, dignitas, genus, vestes &c. non reddunt perfectiorem hominem in ratione hominis, licet superaddant homini aliquam perfectionem extrinsecam, sicut forma materiæ.

Ad 2. tr. ant. neg. conf. disparitas est, quia materia immediate ordinatur ad formas substantiales, & tantum mediatè ad accidentales; igitur sicut ordo materiæ ad formas substantiales est immediatior, ita etiam appetitus est major, quia hæc denominatio rectè potest desumi ab illo immediato appetitu materiæ ad formas substantiales.

Ad 3. tr. ant. neg. conf. disparitas est, quia materia secunda determinatè tantum exigit formam nobiliorem, necessest indifferens ad plures formas, sicut materia prima.

10 *Obj. 3.* Si materia haberet appetitum elicitum, tunc eo ipso appeteret formam nobiliorem; ergo etiam appetit formam nobiliorem, licet habeat appeti-

tum innatum. ant. patet ex sensu communi; homines enim solent appetere nobiliora. conf. prob. si appetitus innatus in omnibus est conformis elicitò, in quantum potest esse conformis, tunc eo ipso appetitus innatus appetit formam nobiliorem: Sed; ergo. *m.* prob. appetitus innatus nihil aliud est, quàm imago appetitus elicitò in primo ordinante; ergo.

2. Famelicus appetit nobiliores cibos: intellectus nobiliorem veritatem: & anima nobiliorem felicitatem; ergo etiam materia appetit formam nobiliorem.

*Resp.* ad 1. neg. ant. ad rationem additam d. communis sensus appetit nobiliora, si illa nobiliora intrinsecè perficiant subiectum c. secus, neg. revera enim etiam in appetitu elicitò homines non appetunt nobiliora ad suum finem ultimum impertinentia v.g. non appetunt magnitudinem immensam quoad corpus, nec appetunt alas &c. sed quia homines appetunt immensam aliquam felicitatem, & per cognitionem suam confusam non discernunt verè summum ab apparenter summo, ideo appetitu suo ardentè feruntur in quævis obvia, quæ in quovis genere ipsis apparent summa v.g. in genere voluptatis & honoris: si verò revera agnoscerent hæc se impertinentè habere ad verè summum, ultio quiesceret appetitus; nam in appetitu innato nulla datur cognitio confusa, quia appetitus innatus est imago appetitus primi ordinantis; quinimo est ipsa ordinatio objectiva primi ordinantis; sicut igitur primus ordinans perfectè scit, quid materiæ conveniat in ordine ad suum bonum & finem ultimum, ita non potest præsumi, quòd materia appetat formas ad suum finem impertinentes; tales autem sunt formæ nobiliores, quia materiæ officium est servire universo indifferenter, & quibuscunque formis.

Ad 2. tr. ant. neg. conf. disparitas est, quia famelicus dicit aliquod compositum, quod habet commixtos varios appetitus, nempe unum satiandi famem, servandique naturam, alterum verò appetitum, quo simul fertur in summum bonum, quale illi apparenter offertur vel in pretio vel in voluptate cibi nobilioris. Ideo contingit, ut famelicus qui talis per accidens ac concomitanter appetat nobiliores cibos, nempe in quantum tendit ad bonum, non in quantum famelicus; econtrà materia non habet duos appetitus, & si haberet, tamen non inveniret majorem rationem boni in formis nobilioribus, quia nullam habet cognitionem confusam sicut famelicus; intellectus quidem appetit nobiliorem veritatem, & anima majorem felicitatem, quia finis horum est summa veritas & summa felicitas; igitur mirum non est, quòd tamdiu non quiescant in suo appetitu, donec apprehendant summum. materia verò statim in quavis forma jam apprehendit summum suum bonum, quia attingit finem ultimum, ad quem immediatè à primo ordinante ordinatur.

*Obj. 4.* Materia interdum est disposita ad determinatam formam; ergo illam determinatè appetit. conf. patet, quia dispositiones ad formam fundant aliquam exigentiam illius formæ.

2. Si materia non appeteret formas nobiliores, tunc exigeret formam tantum indeterminatam: Hoc dici nequit; ergo. *m.* prob. forma indetermi-



nata est nihil, & nihil non potest appeti; ergo.

*Resp.* ad 1. c. ant. dist. conf. ergo illam determinationem appetitu innato appetit, neg. conf. acquisito, c. conf. per appetitum innatum habet materia se indifferenter ad quasvis dispositiones, & ad quamlibet formam, adeoque non potius ordinatur ad hanc, quam ad illam, sed per ipsas dispositiones acquirit aliquem ordinem potius ad hanc, quam illam formam. Hunc ordinem voco acquisitum appetitum.

Ad 2. dist. M. tunc appeteret formam indeterminatam indeterminatione se tenente ex parte materiae, c. M. indeterminatione se tenente ex parte formae, neg. M. materia, quantum est de se, non potius ordinatur ad hanc, quam ad illam formam, sed quando ordinatur, & per dispositiones preparatur, tunc eo ipso ordinatur ad formam determinatam, sicut etiam propositio contingens v.g. aliquis homo currit, est indeterminata indeterminatione praepositionis, non objecti.

## QUAESTIO V.

### An in materia prima dentur dimensiones interminatae?

**H**aec quaestio videtur continere fundamentum totius Philosophiae Aristotelicae, sed hodie à nemine examinatur. Sensus quaestionis est, an materia prima habeat aliquam extensionem indefinitam, vel an omnino consistat in extensione indefinita. Si hoc adverterent Peripatetici, facilius convenirent cum Cartesianis saltem quoad modum explicandi physicum. *Dimensiones interminatae* vocantur, quae nondum habent determinatam magnitudinem aut figuram v.g. tricubitalem, rotundam &c. ultrò enim conceditur has dimensiones seu quantitates esse accidens realiter distinctum à materia prima. Igitur solum est quaestio, an materia prima sit quanta seu extensa secundum longum, latum, & profundum, ita tamen, ut nec habeat determinatam longitudinem, nec determinatam latitudinem, nec profunditatem.

**2** Dico: *Materia prima habet dimensiones interminatas.* Prob. Concl. 1. Si potest habere has dimensiones, tunc habet: Sed; ergo. m. non habet repugnantiam. M. prob. omnis illa proprietas materiae est tribuenda, per quam absolute convenit cum ente sensibili, & quae tamen non repugnat; ergo. ant. patet, quia non debent fingi entia intelligibilia, si nulla est necessitas.

**1** Prob. 2. Si ex materia sit corpus, eo ipso est extensa: Sed; ergo. M. prob. si ex materia sit corpus, tunc est corporea & corpus: Sed si hoc, tunc est extensa; ergo. M. patet, quia ex incorporeo non fit corpus, nec ex non corpore corpus.

**4** Prob. 3. Ab autoritate omnium ferè Philosophorum, ipso Divo Thoma non excepto, si bene intelligatur. Licet enim in suis opusculis videatur ex instituto impugnare hanc sententiam Averrois, tamen nihil impugnat, nisi malam explicationem, quam aliqui huic sententiae tribuerunt. Dein etiam non constat certò, illud opusculum esse Divi Thomae.

Aristoteles lib. 3. de caelo. text. 29. c. 9. sub finem

materiae primae attribuit magnitudinem; sic enim ait: *Possibile quidem est aliud corpus ex alio fieri, v.g. ex aëre ignem, omnino verò ex nulla praexistente alia magnitudine (fieri corpus) impossibile est.* Alexander in suis Commentariis hunc textum ita explicat, quod scilicet materia Aristoteli non videatur actu incorporea, quia totaliter generari aliquid ex nulla praexistente magnitudine actu, hoc est, corpore, impossibile est. Id magis elucet ex verbis Aristotelis immediate sequentibus, quibus eam sententiam, quae materia dicitur incorporea, deducit ad hoc absurdum, nempe dari aliquod spatium inane separatum. *maxime, inquit, ex eo quidem, quod potentia est corpus quoddam (tale enim est v.g. lignum) actu fit corpus; verum si id, quod potentia est corpus, non est prius actu aliud corpus, erit inane separatum.* Lib. 1. de gener. & corrupt. text. 29. c. 5. iterum materiae adscribit aliquam extensionem. *non vero, inquit, puncta oportet statuere neque lineas esse corporum materiam: illud autem, cujus haec sunt extrema, est materia, nempe linea & puncta sunt extrema aliquus extensionis.* Lib. 4. Phys. c. 4. text. 15. describit analyticam methodum investigandi genuinam materiae naturam, dubitat, an non locus, quatenus est intervallum magnitudinis, sit materia; cum hoc continueatur ac definiatur à forma, & tale sit etiam materia, & quid indeterminatum est; tunc addit sequentia: *cum terminus & affectiones globi detractasuerint, nil relinquitur praeter materiam.*

Pacius in Comment. id sic explicat: *Si quis à globo sive sphaera per intellectum detrahat terminum, id est, superficiem & affectiones, nihil aliud manebit quam rudis materia, id est, trina illa dimensio interminata.*

Lib. 3. Phys. c. 10. text. 65. Aristoteles materiam & infinitum pari passu incedere non una tantum paritate expressè docet; quid est autem infinitum, nisi extensio indefinita? *infinitum, inquit, est perfectionis magnitudinis materia.* Sive ut Pacius interpretatur: *infinitum rationem habet materia; materiam namque per se est infinita seu non finita, sed finitur & terminatur per formam, sicut jam forma est terminus materiae.*

Lib. 4. Phys. c. 12. text. 76. & 77. Aristoteles dicit, nullam fore differentiam inter corpus & spatium, si à corpore separantur reliquae affectiones, adeoque corpus consistere in trina dimensione. *molem illius cubi, inquit, etiamsi separaretur ab omnibus aliis, & neque sit gravis neque levis, tamen occupaturam aequale inane, & in eadem levi atque inanis parte sibi aequale futurum.* Potest etiam huc referri, quod Aristoteles habet l. 1. de caelis c. 1. ubi corpus definit per trinam dimensionem.

Averroes, vulgò Commentator, de quo communiter dicitur: *dixit Averroes; ergo. Aristoteles.* Et: *dixit Aristoteles; ergo & Averroes.* Ex instituto probat, materiam habere dimensiones interminatas in lib. de substantia orbis sic ait: *quoniam (Aristoteles) invenit omnes formas communicari in dimensionibus nondum terminatis per formam, intulit, quod prima materia nunquam denudatur à dimensionibus non terminatis; quia si denudaretur, tunc corpus fieret ex non corpore, & dimensio ex non dimensione; & sic forma corporeitatis essent contraria, & sibi succedentes in materia, sicut de facto loquimur de formis substantialibus.* Et hoc totum (esse in materia dimensiones interminatas) convenit sensui; videtur enim, quod forma caliditatis, quando agit in aquam, incipit aqua augeri & crescere in dimensionibus, & appropinquare dimen-



dimensionibus aeris; cum igitur pervenit ad maximam quantitatem aque, tunc subjectum ejus denudatur à forma aque & dimensionibus aque, & recipit formam aeris & dimensionibus aeris. dimensiones autem simplices, quae simpliciter appellantur corpus, nunquam denudantur à materia prima, sicut nec alia accidentia communia, & quia illa forma corporeitatis seu forma dimensionis non terminata existit in materia primitus & continuo in illa succedit; nec est possibile materiam recipere duas alias formas in eodem subjecto habentes quantitatem terminatam; ideo impossibile est à subjecto denudari formam aut subjectum à forma. Pergit dein Averroes omnes effectus naturales explicare per istas dimensiones interminatas materiae.

Jacobus Zabarella inter latinos interpretes facile Princeps in suis libris Physicorum fusè probat, materiam primam habere dimensiones interminatas, ubi poterit videri.

Græci interpretes ferè omnes eandem tenent sententiam. Sic Joannes Grammaticus dicit: materiam in prima sua notione, hoc est, nudè sine formis consideratam nihil aliud esse, quàm corpus, quod corpus, sive ipsam trinam dimensionem indefinitam. Simplicius 1. Phys. text. 15. & 96. ipsum corpus vocat substantialem quantitatem. Ammonius in Cat. quant. materiam ac corpus vocat spatium suum naturam finibus exemptum, indistinctum, interminatumque. ut & Themistius 1. Phys. text. 15. & Philoponus ibidem text. 62. loquuntur. Alexander Aphrodisæus lib. 1. nat. c. 3. aperitè facit: materiam, quae secundum se est expers omnis quantitatis & figurae, esse tamen corpus sine actu.

Okamus Princeps Nominalium in suis Lib. identificat quantitatem cum materia, idque fusè probat. Hos authores secuti sunt quidam Recentiores Authores, ut Sonertius, Andreus, Cesalpinus, Celsus, Mancinius. Videatur etiam de hac re R.P. le Bossou Can. Reg. ad S. Genovesam in suo libro gallico, quem intecribit Paralellum inter principia Aristotelis & Cartesii. Et Sturmius in sua Physica tom. 1.

5 Prob. 4. Si detractis omnibus reliquis proprietatibus in materia adhuc remanet extensio saltem indefinita; tunc est de essentia materiae: Sed; ergo, m. prob. quando v.g. à lapide separamus rotunditatem, duritiem, colorem, adhuc tamen remanet extensio, & hac ablata nihil omnino remanet quoad nostrum modum concipiendi; ergo.

## Solvuntur Objectiones.

6 Obj. 1. Materia nec est quid, nec quale, nec quantum; ergo non habet quantitatem indefinitam.

2. Quantitas indefinita omnino nihil est; ergo non convenit materiae primae.

3. Si materia haberet dimensiones interminatas, tunc jam esset ens actu: Hoc non potest dici; ergo.

4. In Eucharistia remanet extensio panis ac ejus dimensiones & tamen non remanet materia panis; ergo.

5. Aristoteles & Averroes tantum loquuntur de dimensionibus materiae realiter ab illa distinctis, sed tamen semper inhaerentibus materiae; ergo ex illis nihil probatur.

Resp. ad 1. d. st. ant. materia non est quantum quantitate determinata c. ant., indeterminata. neg.

ant. verba Aristotelis debent concordari cum ipso Aristotele, qui, ut ostensum est, in pluribus aliis locis materiae tribuit quantitatem indeterminatam.

Ad 2. neg. ant. quod enim potest concipi, non est nihil, quinimo extensio indefinita, si relinqueretur sibi ipsi, eo ipso esset infinita, sed tantum finitur per figuram & modum quantitatis determinatae; hinc non datur extra mundum extensio aliqua realis, aut spatium reale, quale confingit Gasendus.

Ad 3. d. M. Materia jam esset in actu metaphysico, c. M. in actu physico, neg. M. per hoc enim, quod materia habeat dimensiones interminatas, nondum constituit aliquod compositum naturale activum ac in specie determinata entium.

Ad 4. dist. ant. remanet extensio panis determinata ac finita. c. ant. indefinita, neg. ant. nihil enim videmus remanere nisi rotunditatem & magnitudinem seu superficiem extrinsecam; ista autem superficies extrinseca est aliquid absolutum, & realiter distinctum ab extensione indefinita; est enim ipsa quantitas realis, ut ostendetur Part. 3. Phys. Gen. q. 2.

## QUAESTIO VI.

*Quanam sit materia secunda corporum naturalium?*

**M**ateria secundam voco substantiam completam ex materia & forma, quae tamen servit ad constituendum aliud compositum naturale v.g. materia secunda animalium aut tertia sunt sanguis, ossa, caro, nervi &c. quae omnia, licet jam sint substantia completa, tamen sunt id, ex quo componitur animal.

Dico 1. Datur aliqua materia secunda corporum naturalium. Prob. Concl. 1. Si ex diversis compositis naturalibus extrahuntur substantiae prorsus homogeneae, tunc datur aliqua materia secunda: Sed; ergo. M. patet, id enim, ex quo totum componitur, & in quod resolvitur, est illius compositi materia. m. prob. v.g. ex omnibus vegetabilibus & animalibus extrahuntur principia chymica; ergo.

Prob. 2. Authoritate Aristotelis, qui in plurimis locis loquitur de materia aliqua tanquam substantia completa. Sic lib. 2. de Anima c. 2. comparat formam sanitati & materiam subjecto sanitatis; constat autem subjectum sanitatis esse substantiam completam. Eodem lib. & cap. formam comparat figuram & materiam ceram: iterum autem evidens est ceram esse substantiam completam. In 7. Metaph. formam comparat figuram sphaericae, & materiam aeri. Eodem lib. summa 2. c. 1. dicit: maxime substantia subjectum primum esse videtur; tale enim quodam modo materia dicitur, quodam modo vero forma; tertium vero, quod ex his est, dico esse materiam quidem, ut as, formam vero figuram, id, quod ex his vero est totum, statuum. Eodem lib. cit. c. 20. text. 59.



materiam comparat elementis, ac syllabis Alphabeti, quæ utique sunt substantia completa. cum verò, inquit, quod ex aliquo compositum, ita, ut unum totum sit, non est ut cumulus, sed ut syllaba; syllaba verò non est ipsa elementa, nec idem quod B. & A. nec caro ignis & terra; dissolutis namque his hæc quidem amplius non sunt, ut caro & syllaba, elementa verò ignis & terra sunt.

Lib. 8. c. 6. text. 11. expressè docet materiam secundam, dum sic dicit: *De naturali autem substantia oportet non latere, quod etsi ex eadem omnia prima aut eisdem tanquam primis & eadem sit materia tanquam principium illis quæ fiunt, est tamen quadam cujusque propria.* Pituita prima materia ipsa dulcia aut pinguis, bilis vero amara. Contingit autem una existente materia diversa fieri propter moventem causam, ut ex ligno sit arca & lectus, quorundam diversa materia necessario ut ferra nunquam fiet ex ligno, nec est hoc in causa movente.

Eodem L. 8. c. 8. text. 15. sic ait: *Quæ igitur hujus causa est, ut quod potentia est, actu sit, in quibuscunque generatio est? nulla enim alia causa, ut actu sphaera sit, quæ potentia sphaera erat, sed hoc erat ipsum, quod erat esse; utrique est autem materia quadam intelligibilis, quadam sensibilis.* Et text. 16. materiam ultimam & formam dicit idem esse: ergo Aristoteles in omnibus suis explicationibus admittit aliquam materiam secundam.

4 Dico 2. *Materia secunda universalis omnium corporum naturalium sunt minima corpuscula.* Per corpuscula hic intelliguntur partes minimæ corruptibiles & generabiles, quæ ob hanc ipsam causam non possunt vocari atomi aut elementa Cartesiana; licet quoad varietatem figuræ, exilitatem & motum in plurimis conveniant cum atomis aut elementis Cartesu: in hoc saltem verò differunt, quod possint amittere suam figuram, & fluiditatem & ordinem ad seriem effectuum.

5 Prob. Concl. Id, in quod omnia resolvuntur, est omnium corporum materia: Sed in talia corpuscula omnia resolvuntur: ergo. m. prob. variis experimentis.

1. *Ex resolutionibus corporum.* v. g. pulvis excusus vestibis aut confusa arida terra gleba in quandam veluti pulveream nubem abit. Dispersus fumus ex ardenti pice vel ligno totas ædes & plateas replet, & licet eminè spectatus videtur aliquid esse continuum, tamen evidenter constat ex particulis actu separatis minutissimis; sic etiam grana frumenti & species aromatum in pulveres farinaceos conteruntur.

2. *Ex suffibus & odoramentis,* quæ subtilissima nobis suppeditant corpuscula, dum habitu suo visibili diffunduntur; sic unicum granum incensæ thuris totum cubiculum suis corpusculis ex se visibiliter egredientibus replere potest adeò, ut si cum P. Lana calculum instituas & cubiculum in longitudinem & latitudinem 20. in altitudinem 15. pedes excurrere supponas, & insuper mille tantum particulas fumosas contineri in spatio unius v. g. pili supponas, tunc prodibit numerus corpusculorum 75000000000000. hoc est, septingentorum quinquaginta bimillionum, quæ tamen omnes uno exiguo thuris granulo erant conclusæ. Si ad invisibiles verò odorum exhalationes respicias, reperies res fragrantissimas, quæ per continuos non solum dies, sed

etiam septimanas per decem vel viginti leucas diffundunt sua corpuscula, infinitam ferè continere copiam. Sic de rore marino scribitur, quod navigantibus in Americam jam incipiat sentiri adhuc aliquot dierum itinere ab America remotis, & corvi dicuntur advolare ad cadavera etiam ultra maria. Alia odorifera v. g. una chariophilorum uncia in libero aëre suspensa intra sex dierum spatium septem solum grana de pondere suo amisit; ex quo proin colligere licet pari calculandi methodo, quod talia corpora contineant innumeras milliones corpusculorum.

3. *Ex tincturis.* Quia Boylius observavit, unum granum cupri aut æris in aqua forti, aut quod melius, in spiritu salis Amoniaci dissoluti tantam aquæ copiam viridi colore imbuiere potest, ut illa sic colorata constaret ducentis quinquaginta sex millibus, octingentis & sex, quarum singulæ sua magnitudine æquarent molem ipsius grani cupri, & ad aquam in pari mole adhuc tingendam sufficerent. Idem observavit P. Lana, quod tantum gummi lac, quantum exiguo juglandis cortici implendo sufficiat, tantam aquæ copiam intenso satis colore tingat, ut mille foliis papyraceis undique colorandis sufficiat in hoc casu ex ejusdem calculo puncta colorata essent mille milliones, in unico tantum folio, adeoque in mille foliis 1000000000000. hoc est, decies centena millia millionum; quod si igitur tingens pigmenti massa in centies mille particulas seorsim vix sensibiles divisâ, unamquamlibet partem taliter insensibilem sumat, tunc etiam adhuc tales particulæ erunt decies millies millenis vicibus majores quàm unica pigmenti particula, quæ unicum punctum coloratum papyri tinxit.

4. *Ex quorundam corporum solidorum stupenda extensibilitate,* quæ tanta est, ut ex Boylii calculo unum auri granum divisibile sit in quingenties mille quadratula distinctè adhuc visibilia si pollex in centum tantum partes supponatur divisus, eorum numerus ad ducentas milliones assurgat, si divisio pollicis supponatur facta in ducentas partes, quod certè adeò difficile non est, ab unico auri granulo cederet extensibilitas ad triginta octo millia Germanica. Alii probant hanc extensionem ex filis ex auro vel argento ductis, quæ si dividantur in cylindros iterum ex unico granulo prodeunt aliquot milliones.

5. *Ex minutis in animalium corporibus observabilibus.* Acarus enim animalculum est tantæ exilitatis, ut vix oculo nudo sit perceptibilis; at verò hic acarus inter caseorum veterascentium scrobem microscopiorum ope distinctè cernitur; cujus non caput solum & pedes sed etiam corpus villosum intueri liceat; aliud genus animalculorum acarum multò minus refert Boylius in aceto subinde conspiciendum, quin & Levenhœchius in unica guttula aquæ putrefactæ observavit aliquot centena millia animalculorum desuper instituto calculo. Quibus addi potest vermiculus à P. Lana observatus, nudo quidem oculo invisibilis, per microscopium à se elaboratum sub figura ac magnitudine grani tridici conspectus, hoc microscopium lineam trecenties, superficiem verò nonagies mille vicibus auget, corpus verò viginti septem millies mille vicibus; adeoque hoc animalculum totidem vicibus minus erat unico granulo tritici; interim habebat plures pedes vix numerabiles



ob velocitatem motus, singuli pedes crassitudinem fili serici non excedebant, prout videbantur per microscopium, & consequenter hi pedes tantæ erant subtilitatis, ut eorum viginti septem milliones sufficerent requiritæ ad unius serici crassitiem oculo inermi exhibendam; quod si quis insuper advertat, quantula sit proportio ovi ad ipsum animalculum (nam & ipsa animalcula nascuntur ex ovo) & insuper exilitatem vasorum in tali animalculo reperibilem, & ipsos succos nutritios & spiritus animales, qui per nervos huius animalis circulantur, vix ulla dabitur explicatio etiam per calculum huius exilitatis. Superiunt quidem adhuc innumera alia exempla, quibus probatur exilitas corpusculorum, in quæ omnia resolvuntur, sed iis, qui rationem habent, non est opus innumeris inductionibus

6 Dico 3. *Materia tertia viventium sunt principia chymica maxime sal & sulphur.* Prob. Concl. Si in ista principia omnia prædicta corpora resolvuntur immediate, tunc sunt materia corporum: Sed; ergo. de m. testantur Chymici maxime Academia Regia, quæ multa plantarum & animalium millia accurata analysi resolvit.

## Solvuntur Objectiones.

7 *Obj. contra 1. 2. & 3. Concl.* Si datur materia secunda & tertia tunc vel illa materia esset ingenerabilis & incorruptibilis vel non? neutrum potest dici; ergo. secundum est contra nos. primum prob. Si est generabilis tunc quælibet species corporum naturalium habet propriam materiam: Sed si hoc, tunc non datur materia secunda & tertia; ergo. m. patet, quia materia secunda & tertia debet aliquo modo adhuc esse generabilis. M. prob. Si materia illa est generabilis tunc eo ipso quælibet forma substantialis exigit dispositiones sibi proprias: Sed; ergo.

2. Ipsa principia chymica non sunt ejusdem speciei ac uniformia; ergo non possunt poni pro aliqua generali materia. ant. patet ex iis, quæ dicta sunt contra Chymicos.

*Resp.* ad 1. c. M. neg. m. & dico, quod sit generabilis. ad hujus prob. d. M. quælibet species exigit materiam propriam aliquantulum tantum quoad nos diversam à materia aliorum corporum c. M. notabiliter quoad nos diversam neg. M. nam etiam si quælibet planta aut quodlibet animal habeat peculiare sulphur & sal, ea tamen diversitas quoad nos vel omnino non est sensibilis vel parum est sensibilis, & ideo in consideratione physica, in qua debent omnia explicari quoad nos, & ad caput, merito considerari debet ista materia tertia saltem quoad nos generalis.

Ad 2. d. ant. Non sunt uniformia quoad se. c. ant. quoad nos, neg. vel subd. non sunt uniformia diffinitate non notabili, c. ant. notabili, neg. ant.

## QUÆSTIO VII.

*Quid sit forma substantialis & an detur in mixtis non animatis?*

1 **N**Otandum. Per mixta animata intelligi homines, bruta, arbores, plantæ, quia habent vitam saltem vegetativam. 2. Per mixta non animata

intelligi metalla, fossilia & alia composita non vegetantia, ut sunt lapides &c.

Dico 1. *Forma substantialis est nihil aliud quam ordo materia impressus ad seriem determinatam effectuum.* 2 Id sic explico: quando Deus creavit partes materiæ primæ, materiam subtilem nempe, materiam secundæ elementi globosam, & materiam ramosam cum salibus; tunc vidit Deus, quid posset fieri ex partibus materiæ, & quale systema corporum omnium convenientissimum ex iis prodire posset. Igitur etiam vidit quod hæ partes posset mutare figuram suam, & quod posset mutare magnitudinem seu superficiem, & quod posset mutare fluiditatem in consistentiam aut vicissim, vidit etiam, quod hæ partes posset acquirere motum, & posset acquirere situm ordinatum in plantis & animalibus; vidit etiam, quod talis figura, talis magnitudo, talis soliditas, talis motus partium in plantis & animalibus foret convenientissimus; vidit etiam Deus, quod hæ partes materiæ pareant suo imperio & ordinationi, si eas ad talem figuram, motum, situm &c. ordinet. Denique vidit, quod ille ordo, quem Deus in sua mente partibus materiæ tribuit, sit alia idea, quam præcisè idea partium materiæ, quæ intelligi potest sine tali ordine. Adeoque vidit etiam Deus, quod iste ordo objectivus in ideis divinis, qui est objectum ordinationis divinæ, posset superaddi partibus materiæ, & ab iis separari. Hic ordo partibus materiæ impressus vocatur à me forma substantialis rei.

Prob. Concl. 1. Illi, qui admittunt formas substantiales, per has nihil intelligunt aliud, quam radicem exigitivam omnium proprietatum & effectuum sensibilem, in composito reperibilem. Sed talis radix est iste ordo; ergo. m. prob. est impossibile posito ordine ad tales effectus & operationes non poni ipsos effectus; ergo hic ordo est ipsa radix ac forma substantialis à Peripateticis stabilita. Et sic tandem est resoluta tota difficultas Neotericorum, dum dicunt, non posse intelligi, quid sint formæ substantiales. Sunt enim id ipsum, quod in tuis ideis tibi obversatur, dum non tantum intelligis ordinationem mentis, sed etiam ordinem objectivum in rebus, cujus utique habes aliam ideam, quam rerum, quæ ordinantur, & quæ ordinate sibi invicem succedunt. Est ergo forma substantialis modus aliquis, sed realiter distinctus, & vocatur substantialis, quia est causa operationum in substantia reperibilem.

Dico 2. *Forma substantialis est substantia incompleta.* 4 Ab Aristotele definitur, quod sit ratio ejus, quod quid erat esse rei. ergo. Si quæras cur lignum sit lignum & cur habeat esse ligni seu cur habeat quidditatem ligni? tunc respondeo, quia habet formam ligni; ergo forma est ratio ac conceptus quidditatis & existentiae ligneæ; seu quod ideam est, est ratio ac conceptus ejus, quod quid erat, esse ligni; à Recentioribus verò communiter definitur, quod sit ratio exigitiva omnium proprietatum sensibilem, in composito naturali reperibilem. Prob. Concl. Si forma essentialiter exigit aliquam materiam tanquam compartem constitutivam compositi, tunc eo ipso est substantia & simul est incompleta: Sed; ergo. m. patet ex dictis de materia prima. M. prob. si exigit talem compartem tunc est intrinsicè insufficiens ad existendum se sola: Sed si hoc, tunc est incompleta; ergo.

Prob.



Prob. 2. Si etiam in mixtis inanimatis dantur aliæ proprietates totius & aliæ proprietates partium, tunc eo ipso datur etiam alia vis distincta à vi partium: Sed; ergo. *m. prob. v. g. vis medica causandi talem effectum in corpore, ita qualitas occulta v. g. magnetis, aut soliditas, durabilitas, malleabilitas, gravitas &c. non provenit ab aliqua virtute partium, quia partes seorsim sumptæ non habent illam vim. Neque etiam potest dici, quod effectus talium mixtorum tantum sit aggregatum plurimum effectuum, quorum quilibet provenit à determinata parte mixti, quia in effectu nulla apparet distinctio partium.*

Prob. 3. Si etiam mixta non animata sunt generabilia tunc eo ipso habent formam distinctam: Sed; ergo. *m. patet, quia sunt corruptibilia. M. prob. si sunt generabilia, tunc eo ipso produciuntur à sibi simili: Sed; ergo. m. prob. compositum accidentale v. g. horologium, quod non habet vim intrinsecam coordinandi suas partes & eisdem communicandi proprietates, non producit sibi simile horologium; ergo.*

7 Prob. 4. Datur forma in mixtis animatis: ergo etiam in mixtis inanimatis. *prob. conf. natura eodem modo operatur circa non animata, sicut operatur circa animata; ergo. prob. ant. talia mixta sunt immediate opera naturæ & ex altera parte constat, quod natura amet operari uniformiter, quantum potest; ergo.*

8 Prob. 5. Etiam in mixtis non animatis datur radix exigitiva & conservativa suarum proprietatum; ergo etiam datur forma substantialis. *prob. ant. mercurius quascunque subeat mutationes tamen accedente dispositione congrua adhuc se restituit ad statum pristinum. ant. prob. ab experientia, etiam si enim mercurius mutetur in pulverem, in aquam, in crystallos, in varia metalla, semper tamen potest iterum detractâ larvâ reduci ad formam mercurii.*

## Solvuntur Objectiones.

9 *Obj. 1. contra 2. Concl. Forma mixtorum inanimatorum tantum consistit in combinatione & esse respectivo partium; ergo non est substantialis. ant. prob. autoritate Aristotelis, qui comparat formas naturales cum formis artificialibus; ergo. dicitemus lib. 1. Phys. c. 3. textu 63. sunt autem, quæ simpliciter sunt, partim figura mutatione ut statua ex ære; quadam adjectione, ut ea, quæ augentur; nonnulla ablatione, ut ex lapide mercurius; alia compositione, ut domus; alia variatione, ut quorum materia mutatur. Et 7. Metaph. c. 2. ait: quadam compositione materia dicuntur (ea esse, quæ sunt) v. g. quæ mixtione constant, ut melieratum; quadam clavo & contabulatione, ut arca; quadam vinculo, ut fascis; quadam complicatione, ut limen & superliminare, aliqua positione, ut prandium; quadam loco, ut venti, aliqua sensibilibus affectionibus v. g. duritie, mollietia, densitate, & raritate, siccitate & humiditate, & aliqua quidem quibusdam horum, aliqua his omnibus unitim sumptis.*

Prob. ant. 2. Aristoteles comparat formas naturalium corporum Musicæ & numeris; ergo sicut hæc tantum consistunt in esse respectivo, ita & illæ. *ant. prob. ex 8. Metaph. c. 3. ubi ait: forma sunt ut numeri. Et 1. Phys. c. 7. forma est unum quid, ut ordo*

*vel Musica. Item 2. Phys. c. 3. forma est ratio ipsius, quod quid erat esse rei; uti ipsius diapason duo ad unum & omnino numerus & partes. Hoc est, ratio ejus, quod quid est ut octava in Musica, quæ consistit in proportionis dupla, ut duo ad unum.*

Prob. ant. 3. Juxta Aristotelem forma non fit, sed compositum; ergo tantum consistit in esse respectivo: si enim esset aliquod ens substantiale utique fieret. *Ant. prob. ex 1. Phys. c. 7. ubi ait: Omne quod fit, semper compositum est. Item 7. Metaph. c. 8. manifestum est, inquit, quod neque species fit aut quodcumque nominare oporteat formam, nec forma est generatio. Item 8. Metaph. c. 3. forma non fit, nec generatur, fit autem, quod ex illis componitur. Idem dicit 12. Metaph. nempe quod neque materia fiat, neque forma; idque 7. Metaph. c. 8. sic explicat: sicuti facere aneam spheram non est vel ipsum æs vel ipsam rotunditatem facere, sed æs rotundum.*

*Resp. ad 1. neg. ant. ad prob. quoad 1. d. ant. Aristoteles comparat formas naturales artificialibus quoad prædicata generica c. ant. specifica. neg. ant. prædicatum genericum est ratio modi, quia tam forma artificialis quam naturalis est modus seu ordo aliquis; sed ordo artificialis non habet tantam vim. Quod verò Aristoteles non intendit omnimodam paritatem, patet ex ipsis adversariorum principiis, qui saltem admittunt formas in viventibus; nam Aristoteles generaliter etiam has formas comparat formis artificialibus.*

*Ad 2. d. ant. Formæ habent se ut numeri & ut Musica in hoc, quod sunt modus indivisibilis realiter distinctus à partibus, c. ant. in hoc, quod habeant eandem vim, neg. ant. Aristoteles in iis locis tantum vult contra Veteres probare, quod formæ sint aliquid distinctum à combinatione partium; sicut Musica non est illæ partes organicæ, ex quibus resultat Musica. Organum est aliquid divisibile, Musica vero est aliquid indivisibile: similiter numeri v. g. centenarius resultat ex partibus realiter distinctis v. g. ex centum hominibus; ipsa tamen ratio numeri in mente est indivisibilis; pari modo in aliquo composito naturali dantur quidem diversæ partes & datur combinatio partium, sicut admiserunt Veteres, sed ex hac ipsa combinatione partium resultat aliqua forma substantialis distincta à partibus & indivisibilis. igitur paritas est pro nobis. Dein posset iterum retorqueri totum argumentum in formis viventium, quas & ipsas Aristoteles comparat Musicæ & numeris.*

*Ad 3. d. ant. Solum compositum fit ut quod, c. ant. ut quod, neg. ant. nam ut D. Thomas advertit, illud proprie dicitur fieri, quod est terminus generationis & habet esse nempe subsistens. Nam actio productiva tantum terminatur ad suum finem ultimum, quod est compositum: & hinc actio productiva formæ non quiescit in ipsa forma, quia sola forma non esset utilis in materia; ergo producendo formam ducit ad aliud, & mediante formâ producit aliud, nempe totum compositum. Igitur forma se habet per modum medii seu ut quo respectu actionis productivæ; compositum verò habet se per modum termini seu ut quod, quia compositum proprie est utpote ratione substantiæ in suo esse subsistens.*

*Obj. 2. SS. Augustinus, Basilius, & Gregorius Nazianzenus formas mixtorum tantum constituunt in esse*



esse respectivo; ergo non habent aliud esse. prob. ant. hi Patres productionem, corruptionem, & mutationem mixtorum & omnes proprietates tantum adscribunt mutationi & commixtioni proprietatum sensibilibus; ergo. ant. prob. S. Augustinus lib. de immort. animæ ita dixerit: *si cera ex albo nigrum colorem ducat non minus cera est* (& post multas similes recensitas mutationes subjungit) *at si eorum, que in subjecto sunt (accidentium) tanta mutatio fieret, ut illud, quod subesse dicitur, dici jam omnino non posset: veluti si cum calore ignis cera in auras discedit & tantam mutationem patitur, ut intelligatur mutatum esse subjectum, quod cera erat, cera jam non est.* S. Basilius in Hexa. Hom. 1. sic dicit: *quodsi terra singulas quas obtinet qualitates magnitudinem, gravitatem &c. ratiocinando coneris auferre, ipsa in nihilum abit.* & in Epist. ad Fratrem docet: *Individuum substantiale esse quendam concursum proprietatum.* S. Gregorius in lib. de Opif. hominis ait: *omnis materia qualitatibus quibusdam prædicta est, quibus si res ipsa privetur, non jam ratione comprehendere poteris.* Ex his igitur patet, præter concursum proprietatum sensibilibus nullam aliam dari formam.

Resp. neg. ant. ad prob. d. ant. adscribunt ista qualitatibus dispositivè. tr. ant. formaliter neg. ant. vel sic: adscribunt ista qualitatibus tanquam causæ remotæ, mediatae, ac se sola insufficienti, tr. ant. tanquam causæ adæquatæ, proximæ & sufficienti. neg. ant. volunt dicere, quod subtractis qualitatibus aut mutatis subtrahetur & mutetur etiam forma substantialis, sed consecutivè tantum, non eo ipso. Dein etiam si hi Patres aliqua incidenter admiscuerint ex Physica, tamen non intendunt tractare eas materias accuratè.

Obj. 3. Non debet admitti nova entitas ferè imperceptibilis, plurimisque difficultatibus obnoxia, nisi nos cogat manifesta necessitas; sed forma mixti inanimati est imperceptibilis & nulla nos cogit necessitas; ergo. prob. m. si omnia composita naturalia possunt explicari per analogiam cum compositis artificialibus aut accidentalibus tunc nulla nos cogit necessitas: Sed; ergo. prob. m. sic enim primo in factitiis lapidibus v. g. lateribus coctis datur eadem proprietas, idem usus, idem nomen, quod datur in lapidibus naturalibus; nec etiam requiritur alia causa productiva nisi arctior arenularum conglutinatio, positio compressior, & humorum dissolutio vel per ignem vel per aërem vel aliam causam; sic etiam calculi animalium ad sui productionem aliud non requirunt quàm concretionem & cohesionem arenularum diuturno tempore factam; cur igitur alia sit forma in lapide naturali, quàm isto artificiali?

2. Quando glebæ æstivo Sole tostæ frequenti concalcatione concitantur in nubem pulveream, nascitur nubes nec requiritur forma substantialis; ergo etiam quando aqua eodem æstivo Sole quasi tosta dissolvitur in minimas particulas & ascendit in forma vaporis aut nebulae, non requiritur forma substantialis nubis; similiter quando producitur figura globi; columnæ, statuae &c. non datur forma substantialis; ergo neque talis requiritur in dente, costis, maxillis, & omnibus aliis organis

humani corporis, cum omnia ista organa habeant similitudinem cum artificialibus.

Resp. ad 1. c. M. neg. m. ad prob. neg. m. ad hujus prob. tr. ant. neg. conf. & parit. disparitas est, quia illa composita artificialia vel accidentalialia non simpliciter & absolute exiguntur à natura ad constitutionem universi; etiam si enim non daretur lapis lateritius, calculus in animalibus, nubes pulvereæ, columna, statua &c. tamen adhuc mundus iste corporeus esset perfectus, & haberet omnes species entium ad sui perfectionem, conservationem, & mutuam partium actionem requisitas, & ideo non datur in natura aliqua vis, per quam producantur ista composita accidentalialia; quin etiam supposito, quod unum vel alterum ex his compositis requireretur ad perfectionem universi, natura jam præordinasset aliquam causam liberam productivam talium compositorum nempe hominem; aliter contingit in compositis naturalibus; illa enim absolute axiguntur ad constitutionem ac perfectionem universi, & hoc colligo à posteriori. quia Deus voluit producere has species entium, ut ejus opera essent bona. Igitur species horum compositorum necessario debent constanter conservari in universo, ne universum præter intentionem conditoris evadat imperfectum: inde consequitur, quod etiam in natura debeat dari aliqua vis seu causa ordinans, quæ ita exigit coordinationem partium materialium, & proprietatum sensibilibus, ut illæ species entium conserventur & propagentur. Alias si Deus generationem talium entium vellet permittere concursui contingentis rerum, posset contingere, ut non daretur causa & concursus, sicque mundus relinqueretur imperfectus. Igitur naturalia & artificialia per hoc differunt, quod in his ordo partium sit ex causa contingente extrinseca, in illis verò causa necessaria ac stabili; nempe ab ordine naturæ rebus indito, res non sunt aliæ, sed causæ tantum sunt aliæ; ordo etiam ac operatio partium idem est in naturalibus ac artificialibus, saltem frequenter, sed ordo in his est accidentalis, in illis verò illam vim seu ordinem voco formam substantialem, quæ inest rebus ipsis suam speciem conservantibus & propagantibus.

Obj. 4. Non potest explicari productio, conservatio, & destructio formarum substantialium in mixtis non animatis; ergo non dantur. prob. ant. hæ formæ producuntur facillimè, adeoque innumerabiles & inter dispositiones etiam contrarias; & quandoque ubi nulla datur causa productiva; ergo. prob. ant. v. g. constat ab experientia, quod corallium nascatur in fundo maris, & quod adhuc delitescens in mari sit vera planta, molle ac tenerum corpus, decerptum verò & aëri expositum mutatur in concretum, quod nec in igne, nec in aliis chymicis solutionibus ullum prodit naturæ liquosæ iudicium, sed potius more aliorum lapidum calcinatum in acidis liquoribus solvitur. Aqua ope caloris in nebulas ac nubes, dein iterum in pruinas & nives convertitur, quæ omnes species entium deberent esse quoad formam diversæ. Denique alia metalla vel salia per ignem convertuntur in aquam, cum tamen ignis habeat dispositiones prorsus contrarias ad aquam, & ignis non possit esse causa productiva aquæ.



*Resp. neg. ant. ad prob. c. ant. neg. conf.* adducta exempla omnia possunt explicari ope unius principii, quod unicum bene notari debet. Dicimus materiam habere dimensiones interminatas; inde consequitur, quod quantitas dimensionum sit prima proprietas ac dispositio materiæ, adeoque juxta diversam dispositionem quantitatis dimensionum secundum magnitudinem, situm, figuram consequuntur omnes aliæ qualitates, dispositiones, & eo ipso formæ substantiales: sicut igitur contingit facillime mutari quantitatem dimensionum partium materialium alicujus compositi, ita facillime contingit etiam mutari formas substantiales: nec semper requiritur, ut adsit aliqua causa productiva univoca formæ substantialis; dummodo adsit aliqua virtus ab ipsa causa relicta, nempe proportionem partium; quin potest dici, quod forma diversæ speciei possit producere aliam positæ dispositionibus materiæ modo det unam vel alteram perfectionem ipsi effectus nempe ordinem proportionum, secundum quas communicantur materiæ omnes formæ tam accidentales quam substantiales. In particulari verò id, quod de corallio dicitur, licet alioquin non foret sine omni exemplo, à plurimis tamen oculatis testibus negatur, cum constet in littoribus Indiciis, Siculis, corallium etiam sub aqua habere eandem duritiem. Si autem verum est, debet dici, in poros per aërem introduci salia, nempe nitrum; salia autem sunt principium soliditatis. Quod metallum convertatur in aquam, fit ex hoc, quia affluxus subtilis materiæ per ignem facit ramenta metalli natari in secundo vel primo elemento.

- 13 *Obj. 5.* In artificialibus datur eadem vis proprietas, quæ datur in naturalibus; ergo etiam datur eadem causa ac forma. *prob. ant.* ab experientia vitrioli, de quo testatur Boyleus, quod vitriolum martis habeat easdem qualitates, quas habet vitriolum naturale, nempe transparentiam, frugilitatem, solubilitatem in aqua, viriditatem, fusibilitatem, saporis stipiditatem, peculiarem figuram, nigrum colorem, in infusione gallarum, emeticam virtutem &c. fit autem hoc vitriolum artificiale è ferri peripsematibus, si istis affundatur aliquantum vitrioli, aut spiritus salis & solutio aqua dilata postmodum phyltrata crystallizetur. Plura talia exempla occurrunt in Boyleo.

*Resp. d. ant.* Hæc composita habent eandem vim secundum id, quod habent naturale, c. ant. secundum id, quod habent artificiale, *neg. ant.* suppono, quod omnia composita artificialia constent ex principiiis chymicis, quæ sunt tertia materia corporum. Principia ista chymica habent vim naturalem, & sunt composita naturalia; manent etiam formaliter in mixtis, licet subordinentur ad formam totius mixti, à qua exiguntur. Igitur mirum non est, quod ars possit quandoque dissolvere corpora naturalia, destruere formam mixti, & partes resolutas de novo in unum corpus componere; sed tamen hoc corpus artificiale, licet ex sui genere exigatur à natura, non habet formam substantialem, & ideo etiam non habet vim propagandi speciem, qualem habet vitriolum naturale in mineris sub terra, ubi constat ab experientia, quod minere vitrioli exhausta post multorum annorum curriculum de novo scateant vitriolo.

## QUÆSTIO VIII.

### An dentur formæ partiales?

**S**tatus quæstionis versatur circa omnia composita naturalia, maxime autem viventia; pone v.g. in homine ab initio produci corpus, manus, pedes, cor, cerebrum, ossa &c. hæc utique habent aliquam materiam & formam substantialem: si autem corpori jam formato insuper uniatur anima rationalis, etiam anima esset aliqua forma; & sic in homine jam dantur duæ aut tres aut quatuor formæ substantiales, nempe forma cerebri, forma cordis, forma ossium &c. & forma animæ. Hæ igitur formæ vocantur partiales.

Observa, à Recentioribus communiter admitti, formas partiales, sicut & Scotistæ videntur easdem admittere, dum in homine præter animam rationalem admittunt formam corporeitatis. Thomistæ verò rejectis formis partialibus admittunt formam cadavericam. Dicunt enim primitus in hominis formatione produci corpus sine anima, seu embryonem, in quo datur v.g. cor, cerebrum, manus, pedes &c. in hoc embryone dicunt dari aliquam formam substantialem, quam vocant formam embryonis: sed quamprimum unitur huic embryoni anima rationalis, statim evanescit prior forma & anima rationalis induit quasi priorem formam fungitur officio prioris formæ, ut proin in homine vivente nihil aliud detur nisi materia prima Peripatetica, accidentia, & anima rationalis. Cum vero videant post mortem recedente anima rationali adhuc remanere aliquod corpus, quod utique habet aliquam formam substantialem, ideo asserunt istam formam corporis de novo produci post mortem hominis, & hanc novam formam vocant formam cadavericam, seu formam cadaveris.

Dico: *Dantur formæ partiales, adeoque nulla datur forma cadaverica.* *Prob. Concl. 1.* Datur idem numero corpus in sepulchro, quod dabatur in vita; ergo dantur formæ partiales. *conf. patet*, quia si datur idem numero corpus, tunc dantur etiam eadem numero constitutiva, nempe eadem accidentia & eadem forma, quod Adversarii admittere non possunt. *prob. ant. 1.* sensus communis judicat dari idem numero corpus, quod dabatur in vivis; ergo, *ant. prob.* sensus communis judicat corpus in sepulchro eo modo esse idem, quo modo est idem in infantia & senectute: Sed hoc est idem numero corpus; ergo.

*Si dicas:* Tantum sensum communem indoctorum judicare, quod sit idem numero corpus. *Contrà est:* Sensus communis indoctorum hoc judicat; ergo est idem numero corpus. *prob. conf.* quandoque objectum controversum non est supra capacitatem & sphaeram etiam indoctorum, tunc sensus communis etiam indoctorum fundat præsumptionem: Sed; ergo. *prob. m.* ex una parte non potest ostendi moralis difficultas aut ulla pars objecti controversi quæ non possit attingi etiam ab indoctis, ex altera parte interest generis humani, ut mox videbimus, ut rerum identitas etiam cognoscatur ob indoctis; ex tertia verò parte dantur positiva argumenta, quod indocti in multis etiam actibus cognoscant rerum identitatem; ergo. *ant. prob.* quo-



quoad 3. memb. ex eo, quia homines discernunt inter substantiam & accidentia, dum dicunt v. g. ille ego, qui quondam &c. & etiam ipsi Thomistæ concedunt indoctis potestatem judicandi de individuatione, dum individuationem desumunt à materia signata seu collectione accidentium sensibilibus ut multi volunt.

Prob. ant. 2. In corpore, quod jacet in sepulchro, dantur eadem proprietates numericae, quæ dabantur in vivo corpore: ergo est idem numero corpus, prob. ant. proprietas numerica corporis est, quod sit objectum adorationis, cultûs, dignificationis: Sed hoc manet etiam in cadavere; ergo. prob. M. sola materia prima non est objectum talis adorationis; ergo. alioquin deberet etiam adorari materia transubstantiata aut cibus à Christo primum sumendus, aut ab alio Martyre, quia utique talis cibus habet relationem ad formam futuram, qualem habet materia cadaverica ad formam præteritam. *m.* autem prioris syllogismi probatur: homines colunt ossa Martyrum & Nicodemus inungit corpus Christi, putans se venerari idem corpus, quod fuit in vivis; ergo.

Prob. ant. 3. Si non esset idem numero corpus in sepulchro, tunc Christus assumpsisset in illo triduo mortis formam cadavericam & prius in embryone formam embryonis, quàm postmodum iterum dimississet: Sed hoc non potest dici; ergo. *m.* prob. juxta Theologos, quod Christus semel assumpsit, nunquam dimisit; ergo.

*Si dicas*: id tantum intelligendum est de iis, quæ assumpsit per unionem hypostaticam. Contrà est: quod universalitas axiomatis sine necessitate restringente æque possit extendi ad ea, quæ assumpsit etiam in triduo mortis aut in embryone, cum sine dubio etiam in triduo mortis verbum habuerit unionem hypostaticam ad corpus jacens in sepulchro.

Conf. De Christo scriptum est, quod corpus ejus non visurum sit corruptionem; videret autem corruptionem, si aut desineret status, quem habuit corpus in vivis resolvendo illud usque ad materiam primam, aut si denuò amitteret illam ipsam formam cadavericam, quam habuit in sepulchro.

Prob. ant. 4. Si in sepulchro non maneret idem numero corpus tunc in triduo mortis Apostoli non potuissent conficere veram corpus Christi per consecrationem: Sed hoc est falsum & contra judicia Theologorum; ergo. *m.* prob. quia verba Christi sunt indefinita: quotiescunque enim, dicit, hoc faceritis, in mei memoriam facietis.

Prob. ant. 5. Si non maneret idem numero corpus, tunc neque maneret eadem collectio accidentium sensibilibus: Hoc est falsum; ergo M. prob. quia individuatō desumitur à collectione accidentium, ut multis Thomistis placet. *m.* prob. datur eadem quantitas, humiditas, durities ossium &c. ergo.

Prob. ant. 6. Bona est argumentatio, quando dico: remanent species panis & vini in Eucharistia: ergo remanent eadem numero. Ergo etiam bona est argumentatio quando dico: remanet corpus Christi in cruce vel sepulchro; ergo remanet idem numero. Quod autem remaneat corpus Christi in cruce vel sepulchro, patet ex Scriptura, quia Joa. 20. dicitur, Judæos sollicitos fuisse, ne remanerent corpora in cruce, &

alibi, quod corpus Christi fuerit depositum, inunctum &c. ergo eo ipso remansit.

Prob. Concl. 2. Si non darentur formæ partiales, tunc falsa essent verba consecrationis: Sed hoc non potest dici; ergo. prob. M. si non darentur formæ partiales, tunc *vi verborum* immediate in altari poneretur etiam anima Christi: Sed hoc est falsum; ergo. *m.* patet ex Tridentino Sess. 13. ubi dicitur, quod *vi verborum* sub speciebus panis tantum ponatur corpus Christi, concomitanter vero sanguis & anima. prob. M. si non darentur formæ partiales, tunc anima esset constitutivum corporis: Sed si hoc, tunc etiam *vi verborum* poneretur anima. ergo. M. patet, quia sola materia prima cum accidentibus non est constitutivum corporis; alioquin in Eucharistia maneret aliquod constitutivum ipsius panis, nempe accidentia.

Prob. 3. Non datur forma cadaverica; ergo dantur formæ partiales. prob. ant. non datur causa productiva formæ cadavericæ; ergo. prob. ant. si nec Deus nec astra nec accidentia in cadavere residua sunt sufficiens causa productiva, tunc nulla datur: Sed; ergo. *m.* prob. quoad 1. memb. Deus naturaliter nihil producit nisi juxta exigentiam causæ secundæ & talis exigentia ad formam cadavericam non datur; ergo. ant. prob. quoad 2. memb. ex una parte nulla datur necessitas hujus formæ, ex altera verò parte non dantur dispositiones accidentales exigitivæ hujus formæ; ergo. ant. quoad 2. memb. prob. si darentur dispositiones, tunc ea ipso hæc dispositiones, possent producere ipsam formam cadavericam in principiis Thomisticis, in quibus accidentia possunt producere substantiam, & sic non esset necesse recurrere ad Deum. Dein nec potest dici, quod accidentia ipsius corporis viventis residua, quæ remanerent post mortem, producant formam sibi contrariam, nec etiam potest dici, quod accidentia pro priori ad formam cadavericam producta connaturaliter ad formam cadavericam producant ipsam formam cadavericam; quia non datur aliquod instans, in quo accidentia sint priora ad suam causam conservativam & productivam nempe formam. Neque etiam potest dici, quod accidentia contraria corpori viventi introducta adhuc in corpore vivente producant formam cadavericam, quia illa accidentia, cum sint producta adhuc in corpore vivente, non dominantur accidentibus adhuc corporis viventis in momento mortis exstantibus.

Prob. ant. etiam quoad 2. memb. quod nec astra producant formam cadavericam. Si astra producerent hanc formam, tunc vel producerent juxta exigentiam vel non? Neutrum potest dici; ergo. Si secundum; tunc ista productio non est naturalis, quia principium in fieri est etiam privatio in productione naturali: si primum, tunc vel producant formam cadavericam juxta dispositiones ultimas, vel juxta remotas: Neutrum potest dici; ergo. Si secundum, tunc etiam de facta posset in hyeme produci rosa, quia aliquando in radice datur adhuc residua dispositio remota ad rosam: si primum, tunc deberent produci diversissimæ formæ cadavericæ juxta diversam exigentiam ultimarum dispositionum, quia aliqui moriuntur frigore, alii nimio calore absque eo, quod in ipsa forma cadaverica talium enecatorum hominum reperiatur diversitas.



Prob. Concl. 3. Si in productione formæ cadavericæ recurritur ad Deum, vel astra, tunc cessat in Philosophia argumentum: *à non causa*. Sed hoc est falsum; ergo. *m.* patet, quia circa gradus intensio- nis heterogeneos, circa divisionem animatum, circa species intellectuales post mortem, circa formas elementares in mixtis quæritur causa productiva, nec sufficit dicere: omnia Deus aut astra produ- cunt, alioquin juxta Caramuelem claudi deberent Scholæ

Prob. 4. Si astra producerent formam cadaveri- cam, tunc vel omnia, vel unicum tantum? Neu- trum potest dici; ergo. si enim omnia, tunc multi- plicantur causæ sine necessitate; si unicum tantum, quid fiet, si illud astrum occidat?

7 Prob. 5. Si astra sunt causa, tunc illis adscribi- tur aliqua virtus sine ratione & experientia: Sed hoc est absurdum; ergo.

8 Prob. 6. Ante extremum diem stellæ de cælo ca- dent, & tamen adhuc non desinent produci formæ cadavericæ; ergo.

9 Prob. 7. Aliarum rerum productio principaliter non dependet ab astris; ergo nec formæ cadavericæ: *consl.* prob. decet divinam providentiam non minus pro- videre de causis secundis circa effectum tam constan- tem ac immobilem, qualis est forma cadaverica, quam circa alios effectus, cum utique omnia fiant in numero & mensura,

10 Prob. 8. Virtus productiva formæ cadavericæ non fuit identificata cum astris aut illis indita ante lapsum Adami; ergo nunquam fuit indita. prob. ant. astra fuerunt producta vi alicujus decreti absoluti prioris ad decretum puniendi lapsum Adami per mortem; ergo per decretum creativum astrarum non fuit il- lis indita aliqua virtus producendi formam cadave- ricam.

Prob. etiam ant. quoad 3. memb. quod nec dispo- sitiones seu accidentia in cadavere residua sint causa productiva formæ cadavericæ. Juxta Thomistas re- solutio fit usque ad materiam primam; ergo non dantur talia accidentia residua. Nec etiam potest dici, quod accidentia hominis moriturientis in ulti- mo suæ corruptionis momento producant formam cadavericam; quia causa & effectus sunt simul in eodem momento. Accedit, quod illa prævia ac- cidentia sint diversissima & contraria inter se; ergo non producant effectum homogeneum nempe formam cadavericam, quia idem semper facit idem, & contrariarum causarum contrarii sunt effectus.

11 Prob. Concl. 4. *Datur alia Lex in membris nostris repugnans legi mentis nostræ*; Ad Rom. 4. ergo. prob. *consl.* Si datur talis Lex tunc etiam datur causa exi- gitiva proprietatum, quæ non est ipsa anima: sed si hoc, tunc dantur formæ partiales; ergo. *M.* prob. anima non est causa proprietatum inter se pugnan- tium ac contrariarum. Nec etiam potest adscribi ista repugnantia habitibus accidentalibus; quia non darentur universales in omnibus hominibus & con- stantes habitus in natura hominum, nisi haberent aliquam causam universalem.

Prob. 5. Forma embryonis non destruitur; ergo eo ipso dantur formæ partiales. prob. ant. non da- tur causa destructiva: ergo. prob. ant. si nec datur contrarium, nec negatio finis tunc non datur causa destructiva: Sed; ergo. *m.* patet quoad 1. memb.

quia adveniens anima non exigit operationes con- trarias huic formæ quoad operationes vitales. Quo- ad 2. membr. prob. forma embryonis est radix exi- gitiva, conservativa & reparativa proprietatum in corpore organico & non constat dari in anima hanc virtutem conservativam & reparativam; ergo non datur negatio finis. *m.* prob. quoad 2. memb. si Deus non habuit finem identificandi cum anima talem potentiam conservativam & reparativam tunc non identificavit: Sed; ergo. *m.* prob. in natu- ra nulla datur exigentia aut necessitas ad identifi- candam talem potentiam cum anima rationali; ergo nec datur finis. ant. prob. datur aliud præsens medium per se ordinatum ad conservationem & re- parationem proprietatum in corpore organico nempe forma embryonis; ergo.

Prob. 6. Si datur forma cadaverica, non potest 12 reddi ratio corruptionis in cadavere; ergo non da- tur. prob. ant. si datur forma cadaverica, eo ipso illa forma debet esse conservativa & reparativa pro- prietatum in cadavere reperibilium: Sed si hoc, tunc non potest reddi ratio; ergo. econtrà si admit- tantur formæ partiales, facilis potest reddi ratio hujus corruptionis, quia illæ formæ partiales non sunt subordinatæ ad invicem, sed tantum sunt sub- ordinatæ formæ principali, quæ cum discesserit, mirum non est, quod etiam illæ diffiluant & inter se pugnantes pereant.

Prob. 7. Si non dantur formæ partiales, non 13 potest reddi ratio, cur maneant eadem proprietates in cadavere, quæ erant in corpore vivo v. g. ea- dem humiditas, durities ossium, proportio partium, virtus medica in herba resecta; ergo. prob. ant. fit contra usum naturæ ut corruptio aut generatio ver- setur inter terminos homogeneos aut univocos; ergo nulla potest reddi ratio, cur idem fieret in cor- ruptione hominis; destrueretur enim corpus & pro- duceretur prorsus consimile corpus, sicut si quis de- strueret domum, ut ædificaret aliam domum pro- fus consimilem aut omnino deteriorem.

Prob. 8. Si datur forma cadaverica, tunc ali- 14 quando deberent produci in mostra cadaverica: Sed hoc est contra experientiam; ergo. prob. *M.* in omni alia productione naturali aliquando producun- tur monstra; ergo etiam si produceretur forma ca- daverica, idem fieret. ratio autem est, quia con- tingentia non procedunt uniformiter; igitur neces- se est dispositiones ad effectum prævias in innume- ris circumstantiis aliquando fallere.

Prob. 9. Si non darentur formæ partiales, tunc 15 in sensu obvio non salvantur quædam testimonia Scripturæ: Patrum, & Ecclesiæ: Sed hoc non potest dici; ergo. prob. *M.* 1. Gen. 2. dicitur: *hoc nunc os ex ossibus meis*. Hoc autem non esset verum, si Adamicum os fuisset corruptum & aliud de novo productum. 2. Si non dantur formæ partiales tunc v. g. Christus nihil haberet à B. Vir- gine nisi tantum materiam primam, quam etiam ha- bent omnes homines à cibo corrupto in stomacho: Sed hoc non potest dici; ergo. *m.* patet, quia Chri- stus carnem suam traxit ac lumpfit, sicut & alii ho- mines. *M.* prob. quia B. Virgo Christo nihil dedisset, quod esset constitutivum hominis; neque enim de- disset animam, neque accidentia, quia hæc juxta



Thomistas producantur ab ipsa anima à Deo creatas neque etiam dedisset unionem, quia Thomistæ nullam unionem admittunt realiter distinctam à corpore & anima, aut certe dare unionem non est dare naturam humanam. sicque ulterius non esset verum, quod homo hominem generet, aut saltem in brutis, ubi anima non creatur à Deo, id longè majori ratione esset verum. 3. In Symbolo Athanasii Ecclesia fatetur, quod homo ex anima rationali & humana carne subsistens sit; ergo eo ipso caro humana cum omni suo constitutivo condistinguitur ab anima, ac per consequens anima non est constitutivum carnis humanæ. 4. S. Hieronymus dicit, Christum non fore dicendum verum hominem, nisi carnem traxisset ex carne humana, quod & ipsum, prout ostensum est, non esset verum.

Prob. 10. Si non dantur formæ partiales, nulla est ratio, cur cerebrum v.g. dicatur principium humiditatis, & cor dicatur principium caloris condistinctis inter se principiis: Sed debet reddi ratio; ergo. *m.* patet, quia autoritas Majorum & omnium fere antiquorum Philosophorum istam officiorum distinctionem introduxit. *M.* prob. si non dantur formæ partiales, tunc sola anima est in cerebro principium humiditatis, & in corde principium caloris velut in quadam officina; igitur non ipsa officina esset principium.

### Solvuntur Objectiones.

16 *Obj. 1.* Autoritas Aristotelis & D. Thomæ: si caro viva & caro mortua tantum conveniunt æquivocè, tunc non est eadem caro: Sed; ergo. *m.* est Aristotelis lib. 2. de gen. animalium. c. 1. ubi dicit, quod caro corrupta tantum sit æquivocè caro. Divus Thomas verò in sua summa p. 1. q. 70. a. 4. in Corp. dicit: simpliciter impossibile esse aliam in homine esse formam, præter intellectivam rationem; quia anima non daret simpliciter esse. Si insuper alia forma jam prius dedisset aliquid esse, & anima non esset forma substantialis, & in productione hominis non daretur generatio simpliciter, sed tantum secundum quid, quia non fieret simpliciter animal, sed tantum animal vivens aut rationale.

*Resp.* tr. *M.* neg. *m.* ad prob. dist. ant. Aristoteles dicit, quod caro corrupta concretivè sumpta sit æquivocè talis, c. ant. denominativè. neg. ant. Admittit Aristoteles duas animas in homine, unam rationalem, alteram sensitivam; animam rationalem seu intellectum dicit non esse immixtum materiæ, animam verò sensitivam esse immixtam materiæ; hæc anima sensitiva facit, ut caro actu peragat functiones carnis, nempe sensationes & motus, adeoque anima sensitiva abeunte caro non est amplius in suo officio; sicut si ensi detraho formam ensis, non erit ensis, sed ferrum tantum; per hoc tamen non sequitur, quod caro non habeat alteram formam, quæ adhuc est principium suarum proprietatum, mobilitatis, sensibilitatis &c. Hunc esse sensum patet ex textu. sic habet: non est facies nisi animam habeat aut caro: sed corrupta æquivocè dicitur facies aut caro, perinde quasi lapidea ac lignea facta sit. Et quemadmodum non securum nec aliud instrumentum dixerimus factum esse ab igne solo, sic non pedem nec manum, eodemque modo nec carnem quidem; nam ejus quoque aliquid officium est; dura igitur, mollia,

lenta, frigida, & quicunque alii effectus partibus insunt animatis, a caliditate, frigiditateque effici possunt; at ratio quæ jam caro aut osest, non potes, sed à motu proficiscente efficitur ab eo, quod genuit; quomodo in iis quoque agitur, quæ arte efficiuntur; ferrum enim durum aut molle efficitur calore vel frigore; at verò ensis à motu instrumentorum, qui artis obtinet rationem; ars enim principium formæque ejus, quod efficitur, est, sed in alio. motus autem nature in ipso est ab altera profectus natura, quæ actu obtinet formam. Ita Aristoteles.

Ad Authoritatem D. Thomæ resp. dist. ant. est impossibile in homine esse aliam formam formaliter substantialem, tr. ant. materialiter substantialem. neg. ant. vel dist. sic: est impossibile aliam esse formam substantialem. tr. ant. subsistentem. neg. ant. Pro intelligentia hujus distinctionis nota, Divum Thomam idem admittere, quod nos vocamus animam rationalem & formas partiales; sed id, quod nos vocamus partiales, ipse tantum vocat essentias aut formas accidentales, quia more illorum temporum nomine formæ substantialis tantum comprehenditur illa forma, quæ tribuit subsistentiam toti composito, aut si fieri potest existentiam omnibus partibus compositi communem; nunc verò jam usus invaluit illud omne comprehendere sub nomine formæ substantialis, quod est radix certæ collectionis accidentium. Divum Thomam verò ita sentire, patet ex opusc. 45. de pluralitate formarum, ubi sic habet: sequitur de secunda via, quæ sumitur ex potestate essentiali formæ substantialis ex hoc scilicet, quod qualibet forma substantialis constituit ens simpliciter; & ne fiat disceptatio de vocabulo, voco ens simpliciter illud, quod est hoc aliquid & subsistens; hoc aliquid ens subsistens à nullo dependet in essendo, quod autem dependet, est ens secundum quid. Sic ergo ostensum est, quod omnes formæ substantiales faciunt rem subsistere. Ulterius considerandum est, quod omne, quod advenit rei subsistenti, oportet esse accidens. Hucusque D. Thomas.

Igitur admitto in homine unicam esse formam subsistentialem seu formaliter substantialem, quæ tribuit esse subsistens, seu subsistentiam toti composito scilicet homini, & hæc forma substantialis est sola anima rationalis; interim dantur plures formæ in homine, quæ participant subsistentiam ab anima rationali, has voco formas subsistentes seu materialiter substantiales, quia non subsistunt per se, sed per aliam formam; si has formas juxta modum loquendi Divi Thomæ potius velis simpliciter vocare accidentales quàm substantiales, non negas rem, sed litigas de nomine: nos loquimur cum communi.

*Obj. 2.* Nulla est necessitas formarum partialium; 17 ergo non dantur, quia entia non sunt multiplicanda sine necessitate. prob. ant. si anima habet vim conservandi & reparandi accidentia corporis organici, tunc nulla datur necessitas formarum partialium: Sed; ergo. *m.* prob. anima habet vim reparandi calorem vitalem, motum &c. ergo etiam habet vim reparandi alia accidentia. Conf. si anima exigit omnia accidentia corporis organici, tunc eo ipso est causa horum omnium accidentium: Sed si hoc, nulla est necessitas formarum partialium; ergo. *m.* prob. in anima exigere effectum idem est ac producere effectum.

*Resp.* neg. ant. ad prob. c. *M.* neg. *m.* ad hujus prob. tr. ant. neg. conf. disparitas est, quia eousque se extendit virtus animæ rationalis, quousque deficit virtus formarum partialium: cum igitur formæ parti-



les ex sua natura non sint aptæ ad producendum calorem, & motum, eo ipso exigunt aliam causam, quæ producat illum calorem. Dixi tr. ant. quia dantur Philosophi, qui dicunt, calorem immediate produci à motu rapidissimo partium aut spirituum, qui sunt pars subtilior sanguinis, & hoc etiam convenit rationi, quia si calor dependeret ab anima, cur non reparat illum calorem vitalem in senibus? igitur potius anima dependet à calore vitali, quàm calor ab anima. Quod attinet motum liberum corporis organici, etiam ille immediate non dependet totaliter ab anima, ut enim videbimus de anima, ea tantum habet vim motricem in exiguam quandam collectionem spirituum reperibilem in cerebro, quidein secundum varias sui determinationes movent reliquum corpus, si enim motus dependeret immediate ab anima, cur paralytici, qui adhuc habent sensum in membris, non movent membra, in quibus tamen est anima?

Ad Conf. dist. M. Si anima exigit immediate collectionem accidentium, c. M. si tantum exigit mediate, neg. M. anima tantum competit velle, intelligere, & dirigere corpus organicum per motus spirituum; quia tamen illa directio fieri non potest nisi positis debitis dispositionibus, ideo tantum exigit illas mediate; si enim immediate exigeret, utique produceret suas dispositiones sibi connaturales; sicut reliquæ formæ substantiales producunt omnia illa accidentia, ac dispositiones, quas connaturaliter exigunt, sicut ignis, qui nunquam impeditur à producendo calore connaturali, quem immediate exigit.

18 *Obj. 3.* Si dantur formæ partiales, falsum est illud principium: corruptio unius est generatio alterius & vicissim: Hoc non potest dici; ergo. M. prob. si dantur formæ partiales, tunc quidem homo corrumpitur, sed non datur nova alterius entis generatio; ergo.

*Resp.* dist. M. Falsum est, quod corruptio inadæquata sit generatio, c. M. quod corruptio adæquata sit generatio alterius, neg. M. Adæquatam corruptionem voco, quando corrumpuntur omnes partes compositi. Inadæquatam voco, quando partes compositi tantum separantur, aut tantum destruitur una vel altera forma totius compositi: in hoc posteriore casu non est aliunde evidens, quod corruptio unius sit generatio alterius; adeoque in hoc casu illud axioma non procedit, quia axiomata tantum urgent in sensu aliunde evidenti: sed & ratio illius axiomatis plus non probat; ratio enim illius est, quia materia nunquam naturaliter existit sine forma; igitur si fiat corruptio omnium formarum in materia reperibilem, necesse est produci aliam formam.

19 *Obj. 4.* Si darentur formæ partiales, anima tantum esset accidens: Sed hoc non potest dici; ergo. prob. M. si darentur formæ partiales, anima superveniret enti jam in actu: Sed si hoc, tunc esset accidens; ergo. m. patet, quia accidens definitur, quod supervenit enti in actu. M. prob. formæ partiales sunt ens in actu & eadem jam præexistunt in embryone, quando creatur anima.

2. Si anima non daret esse simpliciter homini, tunc tantum esset accidens: Sed; ergo. M. patet, quia accidens definitur, quod tribuit tantum esse secundum quid, sicut albedo non simpliciter facit, ut murus sit, sed ut albus sit; nec facit murum esse ens in actu, sed supervenit muro existenti in actu.

m. prob. anima non tribueret corpori simpliciter existentiam nec faceret, ut sit corpus, sed tantum ut esset corpus vivum; ergo.

*Resp. 1.* Retorquendo in verbo divino, quod supervenit naturæ humanæ, quæ utique in Christo etiam habet propriam existentiam, ut ipsimet Thomistæ Recentiores ferè omnes fatentur, aut certè habet propriam formam & animam rationalem. item retorquetur in oculo, manu v.g. D. Damasceni per miraculum de novo superveniente enti in suo esse constituto. *Resp. 2.* neg. m. ad prob. dist. M. si supervenit enti in actu simul physico ac metaphysico, c. M. si tantum superveniret enti in actu metaphysico, neg. M. Actum metaphysicum voco existentiam, actum metaphysicum subsistentiam voco; igitur anima rationis supervenit corpori habenti quidem propriam existentiam, in suo gradu specifico, sed nondum habenti propriam subsistentiam; sicut verbum divinum supervenit naturæ humanæ propriam habenti naturam & existentiam, non tamen subsistentiam. Si verò naturam in suo gradu specifico constitutam vocare velis actum physicum sic: d. M. anima est accidens, si supervenit enti in actu ultimo, c. M. si tantum supervenit enti in actu remoto, neg. M. ultimus actus est subsistentia.

Ad 2. eodem modo dist. M. si anima non tribuit esse subsistens, c. M. si tantum non tribuit esse metaphysicum aut physicum specificum. neg. M. anima enim simpliciter facit, ut homo sit in suo esse subsistens, licet non faciat, ut v.g. ossa, manus, pedes, cerebrum, cor &c. habeant suam existentiam aut formam specificam cerebri, cordis &c.

*Obj. 5.* Si anima est radix omnium formarum partialium, tunc eo ipso sola anima est forma substantialis: Sed; ergo. m. patet, quia anima exigit corpus organicum ac consequenter est radix exigitiva formarum partialium. prob. M. si anima est radix formarum partialium, eo ipso illæ dependent in existendo ab anima rationali: Sed si hoc, tunc sola est forma substantialis; ergo. m. prob. quidquid ab altero dependet in existendo, est accidens; ergo si formæ partiales dependent in existendo ab anima rationali, eo ipso sunt accidens; ergo. prob. ant. quantitas v.g. quæ in Eucharistia non dependet ab ulla forma substantiali, postmodum verò, quando creatur aliqua materia & forma substantialis, à qua incipit dependere, statim iterum fungitur officio accidentis, licet prius existerit quodam modo substantiali, ut loquitur D. Thomas & Bellarminus.

*Resp.* neg. M. ad prob. neg. M. quia non omne, quod ab altero exigitur, dependet ab illo in existendo; licet enim aliquando non habeat alium finem, nisi ut ministerialiter serviat formæ principali, habet tamen suum proprium finem ad aliud tempus vel præteritum vel futurum, in quo non servit formæ principali, v.g. forma ossium habet etiam suum finem post mortem. Dein possunt assignari duo fines formarum partialium, quorum quilibet per se est sufficiens, ut determinet Deum ad tribuendum his formis propriam existentiam; primus finis est, ut serviant animæ rationali & eatenus tantum funguntur suo officio per modum accidentis, cuius esse est ab alio seu dependenter ab alio, ob quod nempe accipit existentiam: alter finis est, ut sint radix certæ collectionis accidentium, & eatenus non se habent per modum accidentis, quia ex sua essentia determinant ad alia accidentia,



dentia ; adeoque vi sua merentur existentiam non respiciendo ad animam rationalem.

21 *Dices* : Formæ partiales essentialiter in existendo dependent ab anima rationali ; ergo adhuc sunt accidentia. prob. ant. si non habent alium finem durante vita proprium substantiis, nisi ut serviant animæ rationali, tunc essentialiter in existendo dependent ab anima rationali : Sed ; ergo. *m.* prob. si haberent alium finem, tunc illam, vi cujus essent radix certæ collectionis accidentium, sed vel hunc non habent, vel si habent, sic finis non est proprius substantiæ ; ergo. *m.* prob. quoad 2. memb. etiam alia accidentia sunt radix exigiva certæ collectionis aliorum accidentium ; ergo. prob. ant. v.g. quantitas est principium reliquorum accidentium etiam juxta nos, & qualitates primæ sunt principium qualitatum secundi & tertii ordinis ; ergo.

*Resp.* neg. ant. ad prob. d. M. Si formæ partiales nullum alium habent finem etiam pro alia temporis differentia, tr. M. si tantum pro hac temporis differentia nullum habent alium finem, neg. M. licet enim formæ partiales in homine præsentem animam absolute non essent necessariae (quod tamen negamus) essent tamen necessariae absente anima in embryone & cadavere ; & hoc etiam patet in aliis exemplis, quod quædam virtutes in rebus naturalibus lateant, quæ non semper pro omni temporis differentia sunt necessariae aut actu operantur, sicut sunt virtutes medicæ. Pari modo circa substantias proportionaliter est discurrendum. *Resp.* 2. neg. *m.* quoad 2. memb. ad hujus prob. dist. ant. accidentia sunt radix omnium accidentium etiam quantitatis, neg. ant. al. quorum tantum subd. sunt radix dispositiva, c. ant. sunt radix vi sua productiva, neg. ant. potest enim dici, quod omnia accidentia producantur à sola substantia licet producantur à substantia mediantibus aliis accidentibus tanquam dispositionibus.

22 *Dices* 2. Non repugnat eandem formam modo existere accidentaliter, alio vero tempore substantialiter ; ergo etiam formæ partiales possunt denominari accidentales in vita, substantiales post mortem. prob. ant. non repugnat ut conservatio alicujus formæ pro aliqua temporis differentia dependeat à aliqua forma, & pro alia temporis differentia non dependeat ; ergo.

*Resp.* neg. ant. quia dependentia essentialis est rebus intrinseca, adeoque semper eadem : deinde iste modus loquendi non est receptus.

23 *Obj.* 6. Si dantur formæ partiales, tunc homo non est aliquid unum : Sed hoc est absurdum ; ergo. M. prob. unitas totius habetur per formam ; ergo. ant. patet, ab inductione ; sic enim Respublica non censeretur esse una, nisi haberet unam quandam formam regiminis, nec censeretur esse unus homo, qui haberet plures animas.

2. Si dantur formæ partiales, tunc homo non est unum per se : Sed hoc est absurdum ; ergo. *m.* patet, quia homo utique habet partes ex sua natura ordinatas ad invicem. M. prob. formæ illæ partiales seorsim essent per se subsistentes, haberent proprium finem, adeoque non essentialiter sed accidentaliter ordinarentur ad invicem, sicut lignum & lapis, ex quibus utique non fit unum per se.

3. Si non est una forma in homine, tunc etiam homo non est unum specie : Sed hoc est falsum ; ergo.

M. prob. quilibet forma tribuit suum gradum specificum ; ergo.

*Resp.* ad 1. dist. M. Homo non esset unum quid unitate partium, c. M. unitate totius, neg. M. in composito enim attenditur forma principalis, cui subordinantur reliquæ. & sic dist. unitas habetur à forma principali, c. ant. subordinata, neg. sic enim etiam in Republica forma totius dependet à subordinatione aut unionem privatarum communitatum & societatum, quæ habent suam privatam formam.

Ad 2. neg. M. ad prob. dist. conf. ergo ordinantur essentialiter ad se invicem essentiali fine adequato, c. conf. essentiali fine inadæquato, neg. conf. lignum & lapis omnino nullam habent proportionem naturalem, coordinationem, aut subordinationem : formæ autem partiales sunt aptæ natæ ad constituendum unum, sine quo suo essentiali fine inadæquato non conservantur diu in natura. Potest etiam dici, quod unio modalis faciat unum per se, de qua in sequenti Quæstione.

Ad 3. d. M. Non esset unum specie unitate specifica partium, c. M. unitate specifica totius, neg. M. quia ut suppono de differentia specifica, unitas specifica non desumitur à qualibet forma, sed à principali forma, supposito, quod desumatur à forma, quod tamen ipsum falsum est.

*Obj.* 7. Si darentur formæ partiales, tunc illæ 24 manerent incompletæ substantialiter post mortem : Sed hoc est absurdum ; ergo. prob. M. si non haberent suum complementum animam rationalem, tunc manerent incompletæ : Sed ; ergo.

2. Si anima esset forma corporis, tunc vel in ratione corporis vel in ratione viventis. Neutrum potest dici ; ergo. Si tantum in ratione viventis, tunc non est ratio, cur corpus absente vita corrumpatur ; si vero in ratione corporis, tunc formale constitutum corporis non sunt formæ partiales, sed anima.

*Resp.* ad 1. dist. M. manerent incompletæ in ratione viventis, c. M. in ratione corporis, neg. M. homo potest considerari sub duplici ratione substantiæ, in quantum nempe habet gradum genericum corporis, & in quantum habet gradum differentialem viventis : gradus ille genericus etiam est suo modo specificus & substantialis, & ideo habet suam formam, per quam constituitur sub hoc gradu generico in ratione substantiæ completæ.

Ad 2. c. M. neg. *m.* & dico, quod anima tantum compleat hominem sub ratione viventis. ad rationem additam, neg. ant. ratio enim corruptionis in corpore humano est defectus subordinationis in principiis inter se contrariantibus.

*Obj.* 8. In cadavere datur specialis collectio accidentium, quæ non reperitur in corpore vivo ; ergo etiam datur specialis forma, quæ vocetur cadaverica. prob. ant. in cadavere loco caloris datur frigus, loco rubedinis pallor & loco sensibilitatis rigor & inflexibilitas.

*Resp.* dist. ant. Datur specialis collectio accidentium eorum, quæ non sunt propria corpori, c. ant. propria, neg. ant. calor aut rubedo non sunt proprietates corporis, sed tantum corporis vivi : frigus provenit à quiete partium & pallor à quiete spirituum, quæ omnia possunt adesse vel abesse à corpore in ratione corporis.



## QUÆSTIO IX.

*An detur unio modalis realiter ab extremis distincta?*

1 **U**nio modalis vocatur ille nexus, qui intercedit inter materiam & formam substantialem v.g. inter corpus & animam. Quæstio quidem procedit de omni composito naturalitatem substantiali, quam accidentali, sed specialiter urgetur in composito humano inter corpus & animam rationalem. Vocatur ista unio *modalis* à modorum Patronis, quia credunt hanc unionem esse certum modum seu entitatem realiter ab extremis distinctam.

2 Modus verò communiter describitur esse *entitas respectiva essentialiter affixa suo subiecto*; & extendit se modus ad omnem illam denominationem, quæ respondetur ad quæstionem, *quomodo res sit*; v.g. dum dicitur Petrus esse in hoc loco, hæc locatio est aliquis modus Petri, & vocatur *ubicatio*; quando dicitur Petrus existere in hoc tempore, ea existentia est aliquis modus, & vocatur *duratio*, quando dicitur Petrus agere, tunc illa actio est aliquis modus &c. Hinc ulterius patet, cur modus dicatur essentialiter affixus suo subiecto, quia nec ubicatio nec actio etiam per absolutam Dei potentiam dari potest, quin sit alicujus rei locatæ aut agentis actio vel ubicatio.

In præsentī materia quæritur, an vinculum inter corpus & animam realiter seu modaliter à corpore & anima sit distinctum. Thomistæ, Scotistæ, & inter Neotericos non pauci id negant; potius enim credunt animam immediate per se ipsam uniri corpori, positis nempe dispositionibus, Decreto Dei non impediendi hanc unionem, & intimam præsentia inter corpus & animam, quæ omnia comprehenduntur nomine actus primi proximi proxime expediti, ad hoc, ut anima operetur in corpore: Caterum in modo loquendi ut plurimum variat; aliqui enim constituunt unionem in sola anima & corpore; alii verò constituunt unionem in duobus extremis & actu primo proximo proxime expedito. Melius fortè dicerent unionem consistere in mutua actione seu actuali communicatione inter corpus & animam: hæc enim mutua actio ut præcedens ab extremis ex sua natura ad invicem coordinatis, fortè non incongruè diceretur unio naturalis, sicut Thomistæ dicunt, quod Angeli existant in loco per operationem, per quam operantur in loco, & per quam uniuntur ipsi loco solo hoc discrimine, quod hæc unio inter Angelum & locum sit accidentalis, ea verò, quæ est inter corpus & animam sit substantialis. Verum missis his sententiis.

3 Dico: *Unio modalis distinguitur realiter à corpore & anima*. Ita Recentiores ferè omnes. Prob. Concl. 1. si unio nec inadæquatè identificatur cum quovis extremo seorsum sumpto, tunc distinguitur adæquatè ab omnibus extremis simul sumptis: Sed; ergo. M. patet, quia inadæquatè identificari nihil aliud est, quàm esse partem totius adæquatè sumpti. m. prob. si unio formaliter non dicit in recto aliquod concretum, tunc non identificatur inad-

æquatè cum extremis: Sed; ergo. m. patet, quia dum formaliter concipio unionem, non sentio explicitè in recto importari aliquas partes vel heterogeneous vel homogeneas; si enim conciperem homogeneas, eo ipso conciperem plures uniones: si verò conciperem heterogeneous, tunc non omnes essent in specie ac gradu, in quo est unio, M. prob. si unio formaliter in recto non dicit aliquod concretum, tunc etiam eo ipso à parte rei non est aliquod concretum: Sed si hoc, tunc non identificatur cum extremis; ergo. M. prob. ex una parte objectum formale est conforme conceptui formali, in quantum potest esse conforme; & ex altera parte in præsentī casu objectum formale potest esse conforme conceptui formali; ergo. ant. quoad 2. memb. prob. negativè. quoad 1. positivè: quando mens affirmat rem sic esse, prout concipit, tunc ex instinctu naturali tantum vult objecto asserere conformitatem, quantum possibile est; ergo.

Prob. 2. Si unio est separabilis à corpore, anima, & actu primo proximo proxime expedito, tunc realiter distinguitur ab illis: Sed; ergo. m. prob. post mortem datur corpus, datur anima, & aliæ dispositiones, & tamen non datur unio; ergo. ant. quoad 3. memb. prob. in cadavere dantur omnes dispositiones organicæ prærequisite ad accidentia vitalia producenda per unionem animæ, vel saltem possunt supernaturaliter poni, quin anima sit unita corpori; ergo. 2. Unio absolute est separabilis; ergo actu separatur, ant. prob. si unio formaliter ab extremis distinguitur, & actu primo proximo, tunc absolute est separabilis: Sed; ergo. m. patet, quia concipiendo corpus & animam & actum primum proximum non eo ipso formaliter concipio unionem. prob. M. si unio formaliter distinguitur ab extremis, tunc conceptus objectivus unionis potuit absolute à Deo creari ut separabilis: Sed si hoc, tunc est actu separabilis; ergo. M. prob. non repugnat per se quamcunque perfectionem formaliter ab altera diversam creari separabiliter, si aliunde habeat finem in natura; ergo. prob. ant. quævis perfectio formaliter ab altera diversa habet se in intellectu, sicut se habent diversa sensibilia in sensu, v.g. quantitas & color; nec etiam potest ostendi repugnantia. prob. m. prioris Syllogismi. Si Deus potuit creare unionem separabilem, tunc actu id fecit: Sed; ergo. M. prob. si Deus potuit, tunc id fecit, quod est conformius nostro modo concipiendi & exigentiæ naturali: Sed si hoc, tunc actu creavit separabilem unionem; ergo. m. prob. nos concipimus unionem per modum formæ inhærentis animæ aut corpori tanquam subiecto denominationis, & dispositiones non dicunt ex sua natura essentialē relationem unitivam inter corpus & animam; ergo. ant. prob. quoad 2. membr. calor in homine, quantitas, & alia accidentia sunt ejusdem speciei & naturæ cum accidentibus aliorum corporum; ergo non habent essentialē exigentiam ad hoc, ut Deus secum identificet aliquam relationem unitivam inter corpus & animam.

Confirm. 1. Possunt dari corpus & anima & actus primus proximus quin detur unio; ergo adhuc est separabilis. prob. ant. in Divo Paulo potuit dari corpus dispositum & anima, quin dabatur unio



unio; ergo. prob. ant. in illo raptu ad tertium cœlum corpus non fuit mutatum in cadaver; ergo corpus finit eodem modo dispositum. Si dicas: non potuisse fieri, ut anima Pauli separaretur à corpore positis omnibus dispositionibus. Contrà est: potuit Divus Paulus de hoc dubitare; ergo etiam id potuit fieri. prob. ant. Divus Paulus dicit se raptum esse usque ad tertium cœlum, sed tamen ignorare, an id factum sit in corpore vel extra corpus. Caterum adverte, hoc argumentum etiam applicari posse contra formas cadavericas; corpus enim Pauli non induit novam formam cadavericam in illo raptu.

6 *Confirm. 2.* Anima v.g. Petri nunc existens in cœlo potest esse intimè compenetrata cum corpore hominis viventis, quia sit unita illi corpori viventi; ergo unio est separabilis ab extremis & actu primo proximo. ant. patet, potest enim demon esse compenetratus cum corpore, & ex permissione divina ibi exercere motus & actiones; ergo illud etiam poterit anima gloriosa.

7 *Dices:* In tali compenetratione deesse decretum Dei unitivum; ergo non poni actum primum proximum proximè expeditum. Sed contrà est: ponitur hoc decretum; ergo. prob. ant. si ponitur omne objectum reale seu effectus realis huius decreti, tunc ponitur etiam ipsum decretum: Sed; ergo. M. patet, quia decreta Dei tantum specificantur à suis effectibus seu complementis, quos producant. m. prob. in hac compenetratione non potest assignari aliquis effectus realis, qui detur respectu animæ informantis, & non etiam detur respectu animæ taliter compenetrantis; ergo.

8 *Confirm. 3.* Si decretum Dei creandi corpus, animam, & actum primum proximum non habet pro objecto formali creationis unionem, tunc unio est separabilis realiter ab his extremis: Sed; ergo. m. patet, quia dispositiones præviæ tantum determinant Deum ad uniendum corpus animæ seu ad infundendam animam corpori; ergo ipsa actualis infusio seu coadunitio non est formaliter actus primus proximus. M. prob. si Deus non habet pro objecto formali creationis unionem, dum creat extrema, tunc etiam nullum habet determinativum identificandi unionem cum extremis: Sed si hoc, tunc realiter est separabilis; ergo. m. patet, quia Deus naturaliter nihil facit nisi aliqua causa naturali determinante. M. prob. non potest assignari tale motivum determinans Deum; ergo. prob. ant. si esset aliquod determinativum, tunc vel esset natura dispositionum, vel natura corporis & animæ? Neutrum potest dici; ergo. m. prob. dispositiones pro priori determinant Deum ad sui productionem, & habent finem adæquatam in natura, quin determinant Deum ad identificandam secum unionem; corpus verò & anima non habent secum identificatam unionem.

9 *Confirm. 4.* Si unio non esset separabilis à dispositionibus, tunc vel identificaretur cum omnibus dispositionibus, vel cum aliqua tantum? Neutrum potest dici; ergo. prob. m. non potest assignari illa dispositio; ergo. positivè verò probatur ab inductione: nec identificatur cum calore nec cum frigore, nec cum humiditate, nec cum siccitate &c. ergo. prob. ant. potest dari unio, quin detur aliqua harum dispositionum, & vicissim

potest dari aliqua harum dispositionum, quin detur unio; ergo. prob. ant. v.g. in paralytico datur unio cum brachio, quin detur aptitudo ad motum, & aliquando in membro datur summum frigus, quin desinat unio.

*Confirm. 5.* Si unio consistit in extremis & dispositionibus, tunc vel illæ dispositiones sunt pars unionis vel tantum conditio: Neutrum potest dici; ergo. quod non sint pars, contra Thomistas probatur ex eo, quia hæ dispositiones primum consequuntur ad animam rationalem, cuius sunt accidentia; quod verò non sint conditio, probatur ex eo, quod in solo corpore & anima non consistat unio, quia habito corpore & anima non habetur unio, ut patet in anima separata.

*Dices:* Unionem quidem identificari cum corpore & anima, sed actualem denominationem non haberi nisi positis certis dispositionibus. Sed contrà est: si unio identificatur cum corpore & anima, tunc iis præcisè habitis deberet dari denominatio: Sed hoc est falsum; ergo. M. prob. si unio identificatur cum corpore & anima, tunc corpus & anima essent subiectum denominationis, unio autem esset forma denominans, & hæc unio sufficienter inhaereret suo subiecto utpote per identitatem; ergo his præcisè habitis deberet haberi denominatio.

*Confirm. 6.* Si unio esset inseparabilis à dispositionibus, tunc hæ dispositiones vel consisterent in proprietatibus cadaveri propriis seu corpori? vel consisterent in proprietatibus corporis viventis? Neutrum potest dici; ergo. m. prob. anima non unitur præcisè habitis dispositionibus cadavericis aut corporeis: proprietates verò vitales in corpore primum dependent ab anima, ut unita corpori, & sic consequuntur, non præcedunt.

12 *Prob. 3.* Si positis extremis & actu primo proximo anima rationalis adhuc est indifferens ad unionem, tunc debet dari sublativum indifferentiæ realiter distinctum ab illis: Sed; ergo. M. patet, quia nullus effectus naturalis sequitur sine aliquo determinativo ad illum effectum seu sublativo indifferentiæ. m. prob. si positis extremis & actu primo proximo nondum intelligitur essentialis connexio inter corpus & animam, tunc anima adhuc est indifferens ad unionem: Sed; ergo. m. prob. dispositiones seu actus primus proximus non dicunt illam connexionem: corpus & anima etiam non dicunt illam connexionem; ergo. prob. ant. dispositiones ad animam præviæ habent immediatum finem essentialem alium, quam dare connexionem inter corpus & animam; ergo. prob. ant. illæ dispositiones vel sunt proprietates formarum partialium, vel sunt præviæ ad formas partiales; ergo habent alium finem essentialem. prob. conf. finis essentialis accidentium est perficere suum subiectum seu principium; quod verò anima non habeat talem connexionem essentialem cum corpore probatur: si anima contraturaliter potest existere quin uniatur corpori, tunc non habet contraturalem seu essentialem connexionem cum corpore: Sed; ergo. m. prob. anima ex sua natura est immortalis, & existit sine violentia nunc in cœlo, etiamsi non uniatur corpori; ergo.



13 *Dices* : Positis extremis & actu primo proximo extrema esse quidem indifferentia ad unionem formaliter, non verò realiter. Sed contrà est : si sublativum indifferentiæ reale nec identificatur cum extremis, nec cum aliqua dispositionum assignabili, tunc non tollitur indifferentia realiter : Sed ; ergo. *m. prob.* si sublativum reale indifferentiæ nec exigit identificari cum extremis, aut dispositionibus, tunc non identificatur : Sed ; ergo. *m. prob.* quævis forma denominans ad summum exigit identificari cum subiecto denominationis : ergo si unio identificatur, eo ipso non identificatur cum dispositionibus, quæ non sunt subiectum denominationis utpote non unitæ. Sed nec exigit identificari cum corpore aut anima, alioquin etiam in anima & corpore separato daretur reale determinativum ad unionem, quod est contra rationem substantiæ conaturaliter existentis sine tali unionem.

24 *Prob. 4.* Si datur stabilis communicatio inter corpus & animam, tunc etiam debet dari stabilis causa hujus communicationis : Sed ; ergo. *m. patet*, quia durante vita anima operatur in corpore, & corpus per sensus operatur in animam. *M. prob.* ubicunque datur stabilis effectus, debet etiam dari causa per se illius effectus ; ergo.

25 *Si dicas* : Hanc communicationem consequi ad actum primum proximum. Contrà est : si actus primus proximus per se operatur alium effectum immediatum, tunc ista communicatio non est proprius effectus actus primi proximi : Sed ; ergo. *m. patet*, quia actus primus proximus consistit in certis accidentibus, quorum quodlibet habet suum proprium effectum. *M. prob.* si actus primus proximus habet alium effectum immediatum, tunc relatè ad istam communicationem mutuam inter corpus & animam non se habet per modum causæ, sed tantum per modum dispositionis : Sed si hoc, tunc &c. ergo. *M. prob.* illud non est causa, cujus est reddere aliam rationem, cur concurrat ad effectum, quin producat ipsum principalem effectum : sic enim calor concurrat quidem ad producendum ignem, sed quia potest reddi ratio, cur concurrat, etiam si non producat principalem effectum, ideo non dicitur, quòd secunditate propriâ & vi suâ producat effectum ; & ob hoc præter calorem debet dari alia causa per se ipsius ignis, saltem in esse etiam juxta Thomistas. Pari igitur modo dispositiones quidem requiruntur ad ponendam communicationem mutuam stabilem ac naturalem inter corpus & animam, sed eadem non sunt causa per se hujus communicationis ; igitur requiritur aliud determinativum, nempe unio.

26 *Prob. 5.* Si per unionem datur nova denominatio in corpore & anima, tunc etiam datur nova pars : Sed ; ergo. *m. prob.* sic v.g. anima Lazari vel Christi in triduo mortis non denominabatur unita corpori, in resurrectione verò iterum de novo denominabatur unita, & fortè nullis præviis dispositionibus vitalibus in corpore resuscitando. *M. prob.* si datur nova denominatio, tunc eo ipso homines concipiunt aliquam formam denominantem de novo advenientem subiecto : Sed si hoc, tunc datur nova pars ; ergo. *M. patet*, quia non est ratio, cur prius non denominent subiectum, nisi defuisset aliqua forma inhærens subiecto, quando denomina-

tio est intrinseca. *m. prob.* si homines concipiunt aliquam formam advenientem subiecto, tunc etiam affirmant rem ita se habere sicut concipiunt : Sed si hoc, tunc re ipsa advenit ; ergo. *m. prob.* affirmatio vera ponit obiectum in tantum conforme conceptui, in quantum potest esse conforme ; Et in hoc casu potest esse conforme ; ergo si affirmant novam formam advenire, re ipsa advenit.

*Dices* : Hanc denominationem non esse intrinsecam, sed extrinsecam subiecto denominationis. Sed contrà est : si in hac denominatione, cum dicitur : *corpus unum animæ*, mens non necessariò & essentialiter dicitur in notitiam alicujus formæ subiecto denominationis extrinsecæ, tunc non est extrinseca : Sed ; ergo. *M. patet*, quia in omni alia denominatione extrinseca impossibile est concipere formam denominantem, quin concipiam aliquam formam extrinsecam, ut patet in hac denominatione : *murus visus, murus cognitus* &c. *m. prob.* quando dico : anima Lazari est unita corpori, non necessariò cogito de dispositionibus in corpore Lazari ante resurrectionem præviis, quia Deus uniendo animam potest producere has dispositiones tanquam consequentes ad unionem, vel saltem concomitantes.

*Prob. 6.* Si extrema & actus primus proximus non sunt sufficiens verificativum hujus propositionis, *anima unita corpori*, tunc unio est aliquid distinctum : Sed ; ergo. *m. prob.* si extrema & actus primus proximus nondum formaliter dicunt conceptum unionis, tunc non sunt sufficiens verificativum : Sed ; ergo. *m. patet*, quia possum formaliter ac explicitè concipere hæc tria, quin formaliter ac explicitè cogitem de unionem ; possum adhuc abstrahere de hoc, an anima actualiter communicet cum corpore, sicut possum abstrahere, an ignis Babylonicus actualiter urat tres pueros, quando video illum ignem esse dispositum ad urendum. *M. prob.* si extrema & actus primus proximus nondum dicunt formalem conceptum unionis, tunc ipsis affirmatis mentaliter, non eo ipso affirmatur unio : Sed si hoc, tunc non est sufficiens verificativum ; ergo. *m. patet*, quia posito verificativo ut cognito eo ipso potest etiam affirmari illud verificativum.

*Dices* : Extrema & actum primum proximum non esse formale verificativum hujus propositionis, sed tantum reale. Sed contrà est : nec sunt verificativum reale ; ergo. *prob. ant.* si verificativum formale non est identificatum cum extremis & actu primo proximo, tunc nec sunt verificativum reale : Sed ; ergo. *m. prob.* si verificativum formale intelligitur ut separabile & de novo adveniens, tunc non identificatur cum illis : Sed ; ergo. *m. patet* ex præmissis, quia concipimus unionem ut de novo advenientem corpori & animæ, non cogitando de actu primo proximo.

*Confirm.* Potest dari actus primus proximus & extrema, quin detur etiam realiter unio ; ergo non sunt sufficiens verificativum. *prob. ant.* etiam posito actu primo proximo potest adhuc impediri actualis communicatio inter corpus & animam ; ergo. *prob. ant.* in igne Babylónico potuit impediri actualis ignis ipsius actio in tres pueros positis licet omnibus dispositionibus ; ergo idem est de extremis, nec etiam aliundè potest ostendi implicantia circa hanc separabilitatem.

*Dices* :



21 *Dices* : In tali casu possibili eo ipso non poni actum primum proximum proxime expeditum, quia non ponitur decretum Dei permissivum aut determinativum ad actualem communicationem inter corpus & animam. Sed contra est: Hoc decretum Dei eo ipso daretur ad actualem communicationem, si non haberet aliud pro objecto nisi corpus, animam, & actum primum proximum, & etiam se ipsum, ut directe respiciens corpus, animam, & actum primum proximum, ut prius jam fuit ostensum.

22 *Prob. 7.* In resurrectione mortuorum dabitur unio distincta; ergo etiam nunc datur. *conf. patet*, quia ista duo concreta: *anima unita corpori*, & *anima reunita corpori* sunt ejusdem speciei, adeoque habent easdem partes essentielles, eadem constitutiva, idem specificativum. *Prob. ant.* in resurrectione mortuorum non dabuntur illæ dispositiones & actus primus proximus, qui nunc dantur; ergo debet admitti aliud uniens ab isto moderno actu primo proximo distinctum. *ant. patet ex illo S. Pauli*, ubi dicit, surgere corpus spirituale, adeoque gloriosum, & quoad omnia accidentia ab isto corpore moderno diversum; cumque illa accidentia sint supernaturalia, non possunt esse naturale determinativum ad effectum naturalem, qualis est unio.

23 *Dices*: Loco moderni actus primi proximi futurum alium actum primum proximum, & tunc in illo actu primo proximo constituendam fore unionem. Sed contra: anima non unitur corpori indifferenter per diversum actum primum proximum; ergo. *prob. ant.* si uniretur indifferenter per diversum actum primum proximum, tunc anima non essentialiter & naturaliter respiceret hunc potius actum primum proximum quam illum, & vicissim hic actus primus proximus non essentialiter respiceret animam: Hoc non potest dici; ergo. *M. patet*, quia anima indifferenter uniretur corpori posito quocunque actu primo proximo. *m. prob.* anima non unitur nisi detur essenziale sablativum indifferentiæ ex sua natura determinans animam ad agendum & communicandum corpori; ergo. *ant. prob.* quia omnis naturalis effectus debet fieri juxta exigentiam alienius causæ ita determinantis, ut illa posita non possit fieri contrarium; posset autem fieri contrarium, si in tali resurrectione darentur duo corpora, aut replicaretur idem corpus hoc modo, ut unum corpus habeat actum primum proximum veterem, & alterum corpus habeat actum primum proximum novum; in hoc enim casu anima in natura non inveniret determinativum, quod illam determinaret potius ad hoc, quam ad illud corpus: neque etiam decretum Dei inveniret tale determinativum, adeoque si Deus operetur naturaliter siue supernaturaliter debet ponere aliud determinativum.

24 *Prob. 8.* Unio hypostatica est realiter distincta ab extremis; ergo etiam nostra. *ant.* à multis Adversariis admittitur. *conf. prob.* si datur ista unio, tunc modus realiter distinctus ex suo genere non implicat: Sed si hoc, tunc datur etiam in nobis; ergo. *m. prob.* si talis modus ex suo genere non implicat, tunc potest in natura exigentia ad talem modum dari: Sed si hoc, tunc datur; ergo. *m. patet*, quia actus primus proximus petit poni omnia illa, quæ possunt poni ad perfectionem majorem hominis. *M. prob.*

R. D. Euseb. Amort Philosophia.

talis modus possibilis ex suo genere non diceret aliquid supernaturale; ergo. *prob. ant.* unio hypostatica non habet rationem supernaturalitatis secundum gradum genericum in ratione entis modalis, sed tantum quoad gradum specificum; ergo.

## Solvuntur Objectiones.

*Obj. 1.* *Authoritas Aristotelis & D. Thomæ*, si materia & forma se ipsis uniantur, tunc non datur unio realiter distincta; Sed; ergo. *m. prob.* si nihil aliud facit, ut sint unum nisi materia & forma, tunc se ipsis uniantur: Sed; ergo. *m. prob. ex 8. Metaphys. textu 15.* ubi, cum quæssisset Aristoteles, quid sit id, quod ex materia & forma facit unum? Respondet, nullam aliam esse causam, nisi quia materia est potentia, forma verò actus. verba ejus sunt: *quod si hoc quidem materia, hoc verò forma, profecto nulla dubitatio videtur esse id, quod queritur.* & *text. 16.* addit causam: *quod hoc quidem potentia, hoc verò actus.*

2. *Cera & figura ceræ* non uniantur per unionem distinctam; ergo neque corpus & anima. *prob. conf.* corpus & anima eodem modo uniantur ut cera & figura; ergo. *ant. prob. ex lib. 2. de anima text. 6.* ubi ait: *unde nemo potest querere, an unum sint anima & corpus, sicut neque ceram & figuram.*

3. Si inter animam & corpus non datur medium, nec unitas nisi per formam, nec aliud uniens nisi agens, tunc non datur unio realiter distincta; Sed; ergo. *m. prob. ex D. Thomæ qui 1. p. q. 2. 6. in Corp. sic ait*: *forma per se ipsam facit rem esse in actu, cum per essentiam suam sit actus, nec dat esse per aliquod medium, unde unitas rei compositæ ex materia & forma est per ipsam formam, quæ secundum se ipsam unitur materia ut actus ejus; nec est aliquod aliud uniens nisi agens, quæ facit materiam esse in actu.*

*Resp. ad 1. dist. M.* Si materia & forma uniantur se ipsis etiam formaliter, tunc non datur unio distincta, c. M. si tantum uniantur se ipsis causaliter, neg. M. Aristoteles & Divus Thomas semper habent pro generali principio, quod in natura nihil fiat sine naturali exigentia, & ideo in omnibus effectibus querunt aliquam causam per se à natura ordinatam, proportionatam, natam aptam, & determinativam ad effectus: igitur cum communio inter materiam & formam etiam sit effectus naturalis, querunt causam productivam ex sua natura determinatam ad hunc effectum: hæ causæ sunt materia & forma.

*Ad 2. neg. ant.* quia licet sit minor ratio in unionem accidentali, potest tamen dici, quod multæ probationes adductæ pro conclusione (licet non omnes) probent etiam unionem accidentalem v. g. inter ceram & figuram. *Resp. 2.* tamen, *tr. ant. neg. conf. ad prob. neg. ant. ad hujus prob. tr. ant. neg. conf.* quia Aristoteles non instituit comparisonem in modo unionis, sed tantum in unionem: dicit, quod anima & corpus æquè uniantur accera & figura; sed non dicit, quod eodem modo uniantur; certe non omni eodem modo.

*Ad 3. dist. M.* Si non datur medium etiam formaliter aliud, tunc non datur unio distincta, c. M. si tantum non datur causaliter aliud. *neg. M.* explicatio patet ex prima responsione; & ipse Divus Thomas se explicat de unionem causalit, dum dicit, non dari aliud uniens nisi agens seu causam productivam, in qua utique non consistit illa unio, quæ controversatur.



26 *Obj.* 2. Unio modaliter distincta repugnat; ergo. prob. ant. 1. Si daretur, tunc eo ipso distingueretur realiter non modaliter; ergo. prob. ant. si daretur, tunc esset res strictè dicta; ergo etiam distingueretur realiter.

2. Si daretur, tunc vel esset substantialis vel accidentalis? Neutrum potest dici; ergo. prob. *m.* si est accidentalis, tunc eo ipso non est constitutiva totius, quod est homo, adeoque tantum consequitur ad unionem, non autem constituit unionem, quia unio præcedit ipsum esse hominis; ergo. prob. ant. omne accidens dependet à substantia jam subsistente, adeoque à partibus jam unitis; si verò est substantialis, tunc est ens per se subsistens: Hoc repugnat; ergo. *m.* prob. unio est modus essentialiter affixus suo subjecto; ergo.

3. Si datur unio, tunc vel est pars, vel tantum conditio totius? Neutrum potest dici; ergo. prob. *m.* si esset pars, tunc eo ipso esset pars *ut quod*: Hoc implicat; ergo. *m.* patet, quia unio tantum se habet *ut quo*. *M.* prob. omnes partes totius importantur in recto; ergo est pars *ut quod*. ant. prob. possum dicere, homo est anima, corpus, & unio.

4. Si datur unio, tunc vel est materialis, vel spiritualis? Neutrum potest dici; ergo. *m.* prob. si est materialis, tunc non potest ligare spiritum seu animam; si verò est spiritualis, tunc non potest ligare corpus seu aliquid materiale; ergo.

5. Si datur unio distincta, tunc vel refidet in anima vel in corpore? Neutrum potest dici; ergo. *m.* prob. quidquid dicatur, verum erit dicere, quod forma denominans non erit in uno ex subjectis denominationis, v. g. si unio est in anima, tunc unio non erit in corpore, quod tamen dicitur unitum animæ; & si dicatur unio esse in corpore, non erit in anima, quæ tamen denominatur unita corpori; aut omnino admitti debebunt duæ uniones, quarum una est in corpore, altera in anima, quæ tamen & ipsæ habent sua inconvenientia.

*Resp.* ad 1. neg. ant. ad prob. quod ista distinctio sit strictè realis; sed distinctio strictè realis subdividitur in duas diversas species secundum diversitatem entium realium diversimodè à suo subjecto dependentium; ut videlicet hæc duæ species inter se etiam nominibus discernantur, visum est iis, penes quos est potestas loquendi, unam speciem simpliciter vocare realem, alteram simpliciter modalem: neque hoc absurdum est, cum in simili plura habeantur exempla v. g. omnis actio humana seu volitio est aliquis appetitus, id est, amor, & tamen inter species illas amoris datur aliqua volitio, quæ simpliciter vocatur amor, ut condistinguat ab aliis volitionibus; item omne peccatum vocatur superbia, & tamen inter illas species superbiæ aut inobedientiæ generalis datur aliquod peccatum, quod simpliciter vocatur superbia aut inobedientia, ut condistinguat ab alio peccato, quod simpliciter non vocatur superbia aut inobedientia, v. g. nimia abjectio, aut irrationalis subiectio.

Ad 2. c. *M.* neg. *m.* & dico, quod unio sit substantialis. ad prob. dist. ant. substantia completa est ens per se subsistens. c. ant. incompleta. neg. ant.

incompleta enim substantia potius deberet definiri sic: quod sit ens se ipso insufficiens ad existendum, sed tamen cum aliis compartibus sufficiens ad existendum per se perfectitate totius, id est, habens finem ratione sui in quantum est principium subsistens reliquis accidentibus. Cæterum non debet insisti verbis sed sensui, qui dependet ab acceptione & intentione loquentium.

Ad 3. c. *M.* neg. *m.* & dico, quod sit pars *ut quo*. ad prob. dist. ant. quælibet pars totius debet venire in recto in consideratione metaphysica. c. ant. & in hac unio est pars *ut quod*, in consideratione physica, neg. ant.

Ad 4. & 5. dico, quod unio tam existat in corpore, quàm in anima, adeoque sit materialis & spiritualis: unio existens in corpore ad animam est materialis; & unio existens in anima ad corpus est spiritualis. Si dicas exinde consequi dari duas uniones in homine; id distingo: duas incompletas, c. completas, neg. quia eo ipso, quod unum extremum non possit referri ad alterum, quia illud alterum reciproce referatur ad suum coextremum, necesse est ponere duas formas denominantes in duobus extremis, ita tamen, ut hæc duæ formæ denominantes compleant totum in ratione totius seu uniti. Sic & ipsi Adversarii Thomistæ & Scotistæ admittunt unam similitudinem realiter distinctam inter murum A. & murum B. & tamen illam entitatem, in qua consistit relatio similitudinis, ponunt in utroque extremo nempe in muro A. & B.

*Obj.* 3. Nulla datur necessitas unionis distinctæ; 27 ergo non datur. prob. ant. rationes adductæ eam non probant; ergo. prob. ant. 1. Si indifferentia tollitur per actum primum proximum, tunc hæc ratio nihil probat; Sed; ergo. *m.* prob. si per actum primum proximum tollitur indifferentia ad ipsam unionem modalem, tunc etiam tollitur ad ipsam communicationem inter corpus & animam: Sed; ergo. prob. *M.* non requiritur minus sublativum indifferentiæ ad productionem entitatis modalis, quàm ad productionem operationis vitalis; ergo. Hinc Adversarii nostrum argumentum petutum à sublatione indifferentiæ semper solent retorquere in productione ipsius unionis modalis.

2. Potest dici, quod unio sit quidem separabilis à corpore & anima secundum id, quod unio dicit in obliquo, non verò secundum id, quod dicit in recto; ergo ex separabilitate nihil probatur.

3. Potest dici, quod decretum Dei unitivum à decreto Dei non unitivo distinguatur per hoc, quod decretum Dei unitivum velit corpus & animam in ordine ad operationem mutuam; econtra verò decretum Dei non unitivum velit corpus & animam in ordine ad alium finem; ergo ex decreto Dei nulla ostenditur necessitas admittendi unionem distinctam.

*Resp.* neg. ant. ad prob. 1. neg. ant. ad hujus prob. dist. *M.* si indifferentia per actum primum proximum etiam tollitur formaliter, c. *M.* si tantum tollitur casualiter, neg. *M.* actus primus proximus tantum est causa determinativa ac exigitiva alicujus communicationis inter corpus & animam: sed non est



ipsa connexio, neque etiam essentialiter fundat aliquam connexionem; hinc necessario debet dari aliqua entitas vi essentialis suae exigitiva ac unitiva corporis cum anima; id est, vi suam determinans corpus & animam ad agendum in se invicem stabiliter: igitur tota difficultas eo redit, ut intelligamus in natura dari aliquid vi sua connectens duo extrema de se separabilia, & ut probemus illud determinativum esse ipsa separabile ab extremis. Caterum non debet determinativum formale dari ad ipsam unionem, quia sic in nostro conceptu non datur actio ad actionem, unio ad unionem &c. ita non datur à parte rei; sed consequuntur determinativum causale tantum.

Ad 2. neg. ant. Ratio est, quia unio secundum suum conceptum formalem non dicit aliquem obliquum, sed est aliquid indivisum in se, sicut albedo, aut aliud accidens, insuper intelligitur existere in subiecto denominationis, adeoque etiam semper denominaret suum subiectum, sicut albedo, visio, amor denominat suum obiectum. Alioquin possem etiam dicere albedinem identificari in recto cum muro, visionem cum oculo, amorem cum anima, sed tamen subiecto non competere denominationem non existente obliquo v.g. visionis aut amoris.

Si dicas: aliunde constare, quod visio de novo adveniat oculo, amor animae; id verò non constare, quod unio de novo adveniat animae aut corpori. Contrà est: non constat visionem de novo advenire oculo aut animae amore, nisi quia concipimus visionem & amorem etiam secundum rectum ut aliquid diversum ab oculo & anima, quod idem contingit in unionem.

Ad 3. neg. ant. Ratio est, quia Deus non vult corpus & animam in ordine ad communicationem mutuam, quin detur in natura aliquid praeivum formaliter exigitivum huius communicationis mutuae; cum prius jam sit ostensum, Deum naturaliter nihil producere sine exigentia naturali, in quantum ea est possibilis. Hinc si Deus non vellet unionem distinctam antecedenter ad communicationem mutuam, Deus non haberet exigitivum formale ipsius communicationis, & sic decretum unitivum non distingueretur à decreto non unitivo in via naturae.

## Q U A E S T I O X.

*An in composito physico detur tertia Entitas Scotistica?*

Scotistae praefer corpus, animam, & unionem (quam tamen ipsi admittunt tantum per modum relationis) in homine admittunt insuper alium integrum hominem, qui tamen nullis constat partibus: homo quidem ille habet omnes perfectiones hominis, sed tamen est entitas simplicissima, quia eminentialiter continet existentiam, substantialitatem, corporeitatem, vitalitatem, animalitatem, rationalitatem, & individuationem cuiuslibet hominis; quem constituit. Hinc ob suam perfectionem ista tertia entitas adeo est potens, ut emanet à se perfectiones hominis non tantum eminentialiter sed etiam formaliter tales nempe animalita-

tem, rationalitatem &c. & cum his suis gradibus metaphysicis tali modo emanatis constituat unum quendam hominem omnino distinctum à corpore, anima, & unionem: in hoc homine dicunt Scotistae consistere id, quod nominamus hominem, ita tamen, ut totus iste homo funditus pereat in morte hominis, quia destruitur hoc totum, quod est homo. Ad hanc verò doctrinam communiter à Scotistis non bene digestam devoluti sunt sui Patroni ex suis Metaphysicationibus seu conceptibus abstractis; videbant enim se habere alium conceptum, dum concipiunt hominem ut sic: & dum concipiunt animam & corpus cum unionem; & isti suo conceptui abstracto ideo à parte rei voluerunt correspondere aliud obiectum reale, nempe hominem metaphysicum, qui nihil aliud est quam aliquod aggregatum ex gradibus metaphysicis & tertia entitate, quae est quasi Regina, radix, mater, ac principium illorum graduum.

Quod verò dicunt de homine, proportionaliter dicunt de omnibus aliis compositis; & dicunt omne compositum in ratione totius distingui à partibus & consistere in modo totalitatis superaddito seu tertia entitate.

Dico: Non datur tertia entitas Scotistica. Prob. 3. Concl. 1. nulla est necessitas; ergo.

Prob. 2. Si daretur tertia entitas, daretur etiam in homine duplex rationalitas: Hoc est absurdum; ergo. m. patet, quia una rationalitas nullam habet actionem praesente altera. M. prob. si daretur tertia entitas tunc illa à se emanaret gradum rationalitatis metaphysicum & non emanaret animam rationalem: Sed si hoc, tunc daretur duplex rationalitas; ergo. m. prob. etiam in anima datur rationalitas, illa nempe, quae manet etiam in anima separata.

Prob. 3. Si daretur tertia entitas tunc per veram productionem produceret gradus metaphysicos: Hoc non potest dici; ergo. m. conceditur à Scotistis. M. prob. si emanat gradus metaphysicos tunc illi gradus absolute fuerunt nihilum: Sed si hoc, tunc illos producit; ergo.

Prob. 4. Si daretur tertia entitas, tunc esset simplex & non esset simplex: Sed hoc est impossibile; ergo. M. prob. esset simplex, ut volunt Scotistae, & non esset simplex ut probatur: si huic entitati conveniunt contradictoria à parte rei, tunc non est simplex: Sed; ergo. m. prob. haec entitas v.g. hominis conveniret à parte rei cum tertia entitate equi & non conveniret: Sed convenire & non convenire sunt contradictoria à parte rei; ergo. m. admittitur à Scotistis circa gradus metaphysicos. M. prob. tertia entitas hominis emanat animalitatem, in quo convenit etiam tota entitas equi, & tertia entitas equi non emanat rationalitatem, in quo disconvenit; ergo.

Prob. 5. Habita anima & corpore & unionem formaliter ponitur totum & his non positis non ponitur totum; ergo non datur alia totalitas. prob. ant. unio est formalis totius compositio; ergo.

Prob. 6. Si daretur tertia entitas, tunc vel esset pars totius, vel non esset pars: Neutrum potest dici; ergo. m. prob. si est pars, tunc eo ipso non est ratio formalis constitutiva totius: Si est totum, tunc datur totum sine partibus; ergo.



## Solvuntur Objectiones.

- 8 *Obj.* 1. *Authoritas Aristotelis* : sex non est bis tria, & syllaba *Ban* non est *B* & *A*, sed aliquid aliud; ergo juxta Aristotelem totum est aliquid aliud quàm corpus, anima, & unio. 2. Si compositum distinguitur à materia & forma, tunc etiam distinguitur ab omnibus partibus; Sed; ergo. *m.* prob. Aristoteles dividit substantiam in materiam, formam, & compositum; ergo. ita Aristoteles §. *Metaph.*

*Resp.* ad 1. d. ant. Non est bis tria seorsum sumpta, c. ant. simul sumpta, neg. ant. simultas enim dicit aliam relationem & ideo etiam formaliter dicit aliud quàm partes secundum se abstrahentes à relatione simultatis. Caterum potest hoc argumentum retorqueri: sex non est bis tria; ergo etiam datur tertia entitas in numeris, syllabis, & omni alio composito accidentali, quod non admittunt Scotistæ.

Ad 2. d. M. Si compositum adæquatè distinguitur à materia & forma, c. M. sit tantum inadæquatè, neg. M. compositum enim dicit materiam, formam, & unionem, adeoque saltem inadæquatè distinguitur à materia & forma.

- 9 *Dices*: Saltem ista divisio non esset bona; ergo id non potest dici: prob. ant. in ista divisione unum membrum includeretur in altero, nempe materia & forma in composito.

*Resp.* neg. ant. ad prob. d. ant. includeretur unum membrum in altero objective, c. ant. formaliter, neg. ant. suppono hanc divisionem tantum esse divisionem nominis, & hanc acceptionem verborum voco formalem: clarum autem est, quod unum ex his tribus vocabulis adeoque ejus significatum formale non includatur in altero.

- 10 *Obj.* 2. Datur oppositio relativa producentis ad productum inter partes & inter totum; ergo distinguuntur adæquatè. prob. ant. partes sunt causa totius; ergo.

2. Partes etiam collectivè sunt causa totius; ergo eo ipso distinguuntur à toto. prob. ant. partes separatæ non sunt causa totius; ergo tantum collectivè sumptæ.

3. Vera est hæc causalis: ideo datur totum quia dantur partes. ergo partes sunt causa totius.

4. Vera est hæc propositio: materia est causa totius: forma est causa totius, & unio est causa totius. ergo omnes partes simul sumptæ sunt causa totius.

5. Materia unita forma, forma unita materia, materia & forma unita fundant eundem conceptum objectivum; ergo sicut unum est causa totius ita & alterum. subsumo: atqui hoc quod est esse materiam unam formæ est causa totius; ergo etiam alterum, quod est esse materiam & formam unitam est causa totius.

6. Partes distributivè & collectivè sumptæ à parte rei sunt eadem; ergo si distributivè sunt causa totius, etiam erunt causa totius collectivè sumptæ. prob. ant. distributio & collectio tantum se tenet ex parte nostri intellectus nec immutat objectum; ergo.

*Resp.* ad 1. neg. ant. ad prob. d. ant. partes sunt causa totius intrinseca, c. ant. extrinseca, neg. ant. causa est terminus æquivocus; aliquando enim significat terminum extrinsecum, nempe causam efficientem; aliquando autem significat partem consti-

tutivam totius, quæ formaliter posita eo ipso formaliter ponitur totum. Igitur in præsentī eo ipso quod partes sint causa intrinseca seu pars constitutiva totius, totum formaliter non distinguitur à partibus simul sumptis.

Ad 2. neg. ant. Nihil enim est causa sui ipsius. ad prob. d. ant. partes separatæ non sunt causa totius in statu separationis, c. ant. in statu unionis, neg. ant. hic modus loquendi est similis isti: cæci vident, claudi ambulant, in quo fit distractio ab uno tempore ad aliud; sic etiam verum est, partes separatæ sunt causa totius pro tempore seu statu unionis, in quo non sunt separatæ.

Ad 3. c. ant. d. conf. ergo partes sunt causa totius causalitate Logica, tr. conf. causalitate Physica aut Metaphysica, neg. conf. Causalitatem Logicam voco, quando una propositio causalatur seu deducitur ex altera ob connexionem, quam habent ad invicem, vel ob identitatem; sic verum est: dies est; ergo Sol lucet. quin dies sit causa Solis; & verum est: Petrus est homo; ergo est animal rationale, aut vicissim, etiam si ista duo non distinguantur ab invicem.

Ad 4. tr. ant. neg. conf. vel retorqueo; verum est: Petrus est unus homo, Paulus est unus homo; ergo omnes isti sunt unus homo. Igitur in denominationibus debet attendi, an forma per denominationem importata possit distribui in singulos, vel non. si ipsa denominatio importat collectionem, non potest distribui, & similiter si subjectum denominationis importat collectionem, prædicatum verò non importat collectionem, pari modo procedit denominatio. Sic etiam in præsentī verum est, materia non est totum, sed pars, forma non est totum, sed pars, & unio non est totum, sed pars; non tamen licet inferre; ergo materia, forma, & unio simul sumpta non sunt totum sed pars, quia mutatur suppositio.

Ad 5. tr. ant. & conf. neg. ant. subsumpt. materia enim unita formæ nisi sumatur denominativè ac materialiter est ipsum totum non pars totius.

Ad 6. d. ant. Partes distributivè & collectivè sumptæ sunt eadem à parte rei secundum id, quod dicunt in recto, c. ant. secundum id, quod dicunt in obliquo, neg. ant. dum enim affirmo partes collectivè sumptas simul affirmo unionem, quæ secundum nostrum modum concipiendi potest importari in obliquo.

*Obj.* 3. Omnis effectus naturalis debet habere unam causam adæquatam: sed compositum est effectus naturalis; ergo. subsumo. non datur alia causa nisi tertia entitas; ergo. M. prob. si effectus naturalis existit unitivè in sua causa tunc effectus naturalis habet unam causam adæquatam: Sed si hoc &c. ergo. *m.* patet, quia causa alicujus effectus debet præcontinere omnes perfectiones illius effectus ut ut compositi. M. prob. si effectus existit unitivè in sua causa tunc etiam existit unitivè in intentione primæ causæ: Sed si hoc, tunc habet unam causam; ergo. *m.* prob. intentio primæ causæ non fertur in effectum nisi juxta exigentiam causæ secundæ, quæ virtute sua fertur in effectum & ordinatur ad effectum.

2. Si non daretur aliqua causa, per se omnium perfectionum in uno composito, tunc totum esset unum per accidens: Sed hoc non potest dici; ergo. M. prob. non daretur ratio in natura vi sua determinans ad hoc; ut tales perfectiones vel uniantur



vel identifcentur in hoc composito : sed hoc non potest dici ; ergo.

3. Datur forma substantialis seu radix exigitiva certæ collectionis accidentium ; ergo etiam datur radix exigitiva certæ collectionis prædicatorum essentialium, quia non minus debet reddi ratio in natura, cur convenient talia prædicata essentialia in tali composito, quàm cur convenient accidentalia.

Resp. c. m. & conf. nego subsumpt. & dico, quod causa adæquata totius in ratione totius sit ipsa unio modalis ; quæ est ratio ponendi corpus & animam & vi suâ tollit indifferentiam ad ponenda extrema. Resp. 2. neg. M. ad prob. neg. m. ad rationem additam dico, quod id tantum procedat circa effectus simplices non autem circa compositos.

Ad 2. neg. M. ad prob. d. M. esset unum per accidens nisi daretur unio modalis distincta, tr. M. secus,

neg. M. unio enim est formalis ratio, cur convenient hæ partes essentielles in uno composito ; hinc uniones diversorum specie compositorum etiam differunt specie, cum intrinsicè exigant poni diversas partes essentielles in tali composito.

Ad 3. c. ant. neg. conf. & parit. disparitas est, quia diversa accidentia etiam post sui productionem sunt separabilia, adeoque debet dari radix conservativa & reparativa. Econtrà prædicata essentialia identifcantur inter se, adeoque ex natura sua post primam sui productionem perseverant. In prima verò productione non indigent alia causa determinante nisi causa univoca, vel actione productiva, quæ est determinativum formale, cur in effectu convenient per identitatem hæ & non aliæ perfectiones.

## SECTIO TERTIA

DE

### Principiis extrinsecis, causa efficiente, finali & exemplari.

#### DEFINITIONES.

**C**ausa efficiens definitur, quod fecunditate sua producit effectum, ut ignis ignem, vel ut Aristoteles definit : *Causa efficiens est id, unde principium motus & quietis.* quot enim diversi dantur effectus, tot dantur mutationes seu motus, & principium hujus mutationis in fieri & esse est causa efficiens, quies designatur per *esse* & motus per *fieri*, quia natura quiescit in suo termino nempe in existentia sui effectus.

2. *Causa universalis* est, quæ influit in omnes effectus naturales ; talis causa est Deus, & respectu inferiorum cælum.

3. *Causa particularis* vocatur, quæ influit tantum in aliquos effectus, & tales causæ sunt omnes causæ sublunares. Huc pertinet divisio causæ in primam & secundam ; *causa prima* vocatur Deus ; *causa secunda* vocatur quælibet creatura.

4. *Causa principalis* est, quæ producit effectum principalem propriâ virtute sicut ignis ignem, & faber lignarius arcam &c. qui vi suæ actionis introducit formam in effectum.

5. *Causa instrumentalis* est, quæ, dum actione sibi propria producit effectum proprium, simul per hunc suum effectum producit ministerialiter effectum principalem. Seu causa instrumentalis est, cujus actio propria subordinatur ac ministerialiter servit ad actionem principalem. v. g. cultri actio est tantum secare, sed hæc illius actio ab artifice assumitur ac dirigitur ad introducendam formam mercurii in lignum ; item in ferra, dolabra, quibus exemplis utitur D. Thomas.

6. *Causa univoca* est, quæ est ejusdem speciei cum effectu sicut ignis ad ignem ; *equivoca* verò est, quæ est diversæ speciei, uti si Sol producat aurum, Sol erit causa æquivoca ad aurum.

*Causa totalis* est, quæ vel sola producit effectum vel producit totum effectum vel ita producit effectum, ac si sola produceret, aut sic agit quasi totum effectum produceret v. g. si unus ignis producat ignem, ignis erit causa totalis. Econtrà si duo ignes producant ignem, duo illi ignes erunt *causa partialis* nisi ita operentur, ac si unus ignis solus produceret alterum, quod fiet, si ignis productus ita essentialiter dependeat à quolibet duorum ignium seorsum sumpto, ut respiciendo unam causam per actionem productivam non solum per eam actionem respiciat alteram concausam.

*Causa per se* vocatur, quæ vi sua producit effectum. *Causa vero per accidens* vocatur ; quæ tantum ratione alicujus circumstantiæ, accidentis, aut adjuncti, non verò vi sua producit effectum. v. g. ignis est causa per se ignis, quia vi sua producit ignem ; econtrà fornax non est causa per se ignis aut caloris, sed tantum ratione ignis accidentaliter sibi adjuncti, cum verò in dignoscenda causa per se & causa per accidens innumeri soleant committi errores, in hunc finem servire poterunt sequentes regulæ.

1. *Causa per se* est, quæ operatur ex intentione naturæ. intentio enim naturæ nunquam fertur ad aliquem effectum, nisi etiam ad illum effectum ordinet aliquam causam, & nunquam ordinat causam ad effectum, nisi illi causæ det vim per se sufficentem ad illum effectum.

2. *Causa per se* est, quæ à natura ordinatur ad suum effectum ; quia ordinari à natura & habere vim intrinsicam ad suum effectum inter se aut synonyma aut convertibilia.

3. *Causa per se* est, quæ ordinatur ad effectum in natura per se requisitum. ratio est, quia natura non patitur mundum esse defectuosum in aliqua specie per se requisita ad perfectionem mundi : igitur si effectus est in hoc genere necessarius, consequitur etiam



etiam in natura dari aliquam causam semper vi sua productivam hujus effectus : nisi enim daretur talis causa posset contingenter sequi & contingenter non sequi, quia concursus accidentalis causarum secundarum non semper fit, quia contingenter fit.

4. Quando dispositiones alicujus causæ tantum primario ordinantur ad certum effectum, tunc illa causa per se ordinatur ad illum effectum. ratio est, quia dispositiones & accidentia alicujus causæ tantum ordinantur ad finem illius causæ.

5. Quando effectus regulariter aut ferè semper sequitur ex aliqua causa, tunc illa causa est causa per se illius effectus. ratio est, quia juxta Aristotelem : *quod semper aut ferè semper fit, natura fit.* Et hoc axioma fundatur in eo, quod effectus, qui semper fit, præsumatur habere aliquam causam per se ordinatam à natura ad illum effectum; cum utique causæ accidentales non semper habeant illam dispositionem accidentalem, ratione cujus accidentaliter producerent effectum.

6. Quando effectus à natura prudenter est intendibilis, tunc habet etiam causam per se. ratio est, quia ubicunque natura reperit suum finem, objectum seu motivum, ex ipso agit in ordine ad illum finem: igitur quando potest prudenter producere effectum, eo ipso illum producit & ordinat ad illum aliquam causam per se.

7. Quando interest naturæ effectum fieri vel ejus contrarium non fieri, eo ipso datur causa illius per se.

8. Quando per se fit antecedens, etiam id, quod per se consequitur, censendum est fieri per se.

9. Quando causa per se ponitur etiam causatum per se ponitur.

10. Quando effectus regulariter sequitur ex causa per se intenta à natura, etiam effectus per se intenditur à natura.

11. Quando causa disponit directe ad effectum & non potest reddi alia ratio cur disponat, tunc est causa illius per se.

12. Quælibet causa, cujus non potest assignari alius effectus per se producit effectum directe contrarium. ratio est, quia quælibet res in natura habet aliquem effectum adquem ordinatur, seu effectum per se.

13. Cujus finis per se est intendibilis à natura, etiam ipsum per se est intendibile, adeoque habet causam per se.

14. Cujus contrarium est malum in natura, ipsum est per se intentum à natura.

10 *Causa moralis* vocatur, quæ non influit physice in effectum sed tantum directive per imperium voluntatis, in quantum vult fieri effectum, sic qui mandat homicidium, est causa moralis homicidii. Etiam hæc causa dividitur in causam per se & in causam per accidens. Et quia in his nominibus committuntur innumeræ fallaciæ, juvabit bene nôsse distinctionem inter causam per se & causam per accidens quoad causas morales, ad hoc servient regulæ sequentes.

1. Qui vult antecedentia, vult etiam per se regulariter consequentia. ratio est, quia id, quod regulariter consequitur ob naturam antecedentium utique præcognitam.

2. Quod est per se causa causæ, etiam per se est causa causati.

3. Quod semper vel regulariter sequitur ex effectu directe volito intenditur per se. ratio est, quia effectus regulariter consequens jam continetur in dispositionibus suæ causæ; sicut igitur natura causæ & effectus naturalis non separantur; ita non possunt dici separata in intentione hominis, quæ est conformis aut debet esse conformis intentioni naturæ.

4. Quæ semper sunt connexa cum effectu directe volito etiam per se intenduntur. ratio est, quia connexorum eadem est ratio, eadem connexio in natura; adeoque etiam est connexio in voluntate, quæ est conformis aut debet esse conformis ad naturam.

5. Quantum meretur universalitas consequentiarum ex aliqua causa in æstimatione morali, tantum etiam per se meretur ipsum consequens. ratio est, quia objectum tantum in æstimatione morali valet, quantum valet bonum vel malum essentiale connexum cum illo; hinc quia bonum vel malum per se est & debet esse objectum causæ moralis, necesse est omne illud esse per se objectum causæ moralis, quod per se est connexum cum bono vel malo intendibili ab eo, qui providet de bono communi.

6. Quando universalitas consequentiæ non est contra bonum à primo ordinante intendibile, tunc nec consequens, nec antecedens per se est objectum causæ moralis. ratio est, quia illud se habet accidentaliter ad causam moralem, quod se habet accidentaliter ad intentionem primi ordinantis.

7. Quid quid est objectum per se relatè ad intentionem primi ordinantis, etiam per se est objectum relatè ad causam moralem. ratio est, quia causa moralis in tantum considerat objectum, in quantum est à primo ordinante intendibile vel non intendibile.

8. Quantum meretur universalitas consequentiæ in intentione primi ordinantis, tantum etiam meretur causa moralis ratione consequentis. ratio est, quia in tali casu consequens censetur per se esse volitum à causa morali.

9. In quantum causa moralis respicit per se primum ordinans, in tantum respicit objectum ordinantis.

10. Causa moralis per se opposita vel conformis primo ordinanti etiam per se respicit effectum, qui subjacet ordinanti. Hæc de definitionibus causarum. Possent quidem afferri plures v. g. de causa mediata, immediata, libera, necessaria, sed harum definitiones aliunde notæ esse possunt.

## Q U Æ S T I O I.

### *An detur virtus activa in creatis?*

Hæc quæstio summi est momenti, quia multi sunt, qui aut expresse in terminis aut re ipsa negant omnem vim activam in creatis. Hinc forte etiam non paucæ hæreses & confusiones linguarum in Ecclesia Dei exortæ sunt. v. g. Cartesiani in toto mundo reali nihil admittunt activitatis præter motum localem, & hunc ipsum motum localem, si severè examinantur, fatentur unice provenire à

Deo



Deo, quid igitur restat activitatis? num in anima rationali? sed hanc ipsam docent moveri à Deo, trahi ab objectis, & suis ponderibus ferri, quocunque fertur. Quid igitur mirum, si hoc tempore, quo Gallia & Belgium Cartesianis repletur, tot in Ecclesia lites circa libertatem & gratiam, quarum vis vix non unice adscribitur Deo.

<sup>2</sup> Dantur quidem aliæ opiniones Philosophorum, qui videntur adscribere aliquam vim rebus creatis, sed & hi re ipsa negant illam vim. sic plurimi ex Neoterici fatentur quidem animam habere vim volendi, intelligendi, sentiendi &c. sed has volitiones, sensationes &c. negant esse aliquid novum ens, adeoque etiam in hoc casu creatura nihil de novo producit. Putant enim hi authores, volitiones, sensationes &c. tantum esse modificationes animæ rationalis, sicut figura est modificatio ceræ; quam dicunt pro libitu mutari sine productione novi entis. Alii sed pauciores putant, objecta immediata ac species cognitionum & sensationum ne quidem existere in anima, eo quod etiam in hac vita omnia videamus in Deo, ita, ut illud objectum, quod videmus, tantum sit ipse Deus. Etiam hi utique nullam admitterent veram activitatem nec in mundo reali, nec in mundo intellectuali seu anima; & hi pro ducere habent P. Malebranche. Qui sequuntur Leibnizium, admittunt virtutes dynamicas; sed has ipsas virtutes ita immiscet omnibus rebus creatis, ut nihil de novo producat, sed tantum de novo illarum virtutes primitus creatæ aut increatæ sub sensu cadunt: igitur vis dinamica non producit aliam vim, & consequenter etiam alia creatura nihil producit. Denique Atomistæ admittunt vim innatam ipsis atomis, quæ tamen nec producat de novo, nec aliquid producat de novo.

<sup>3</sup> Dico: *Datur vis activa in creatis.* Idem clarum hujus virtutis activæ habes probatione 9. Prob. Concl. 1. Sacra Scriptura tribuit vim activam rebus creatis & verba illa possunt sumi in sensu proprio; ergo. prob. ant. ex 1. Gen. ubi dicitur: *protulit terra herba virentem & facientem semen & lignum pomiferum faciens fructum.* Et Luc. 2. dicitur: *videte ficulneas & omnes arbores, cum jam producant ex se fructum.*

<sup>4</sup> Prob. 2. Anima habet vim activam; ergo etiam reliqua entia. *conf.* patet; quia id, quod ex suo genere non repugnat intra sphaeram creaturarum, potest esse commune omnibus, ubi non ostenditur specialis repugnantia. ant. prob. ex Trid. Sess. 6. Can. 4. damnante eos, qui dicunt, liberum hominis arbitrium nihil omnino agere sed habere se passivè mortuo modo.

<sup>5</sup> Prob. 3. Producitur in mundo motus, sonus, lux, calor, frigus &c. ergo etiam datur vis activa in mundo. ant. patet ab inspectione sensuum. *conf.* prob. si ista de novo producantur, tunc producantur ob connexionem quam habent cum aliis causis creatis: Sed si hoc, tunc datur virtus creata; ergo. prob. *m.* connecti cum altero in existendo est produci ab illo; ergo.

<sup>6</sup> Prob. 4. Communis sensus judicat dari virtutem activam, nec repugnat illud dari, quod sensus communis judicat dari, & denique convenientius est illud dari, quod sic non repugnat dari; ergo datur. ant. quoad 1. membr. prob. communis sensus judicat eodem modo v. g. ab igne pro-

duci ignem sicut judicat à Deo produci motum aut alium effectum. Item ant. prob. quoad 2. membr. negativè, & etiam positivè, quia si non repugnat ens infinitum producat aliquid ex nihilo, non videtur etiam repugnare aliqua participatio illius infiniti entis secundum virtutem productivam. Quoad 3. membr. prob. convenientius est; mundum produci perfectius quàm imperfectius; ergo convenientius est, dari virtutem activam.

Prob. 5. Anima producit actus immanentes: ergo <sup>7</sup> etiam aliæ causæ possunt producere effectus transeuntes & ad extrà. ant. patet in volitionibus, cognitionibus &c. *conf.* prob. non est majoris virtutis producere effectum ad extrà separabilem à causa quàm inseparabilem; ergo.

Prob. 6. Virtus productiva est communicabilis <sup>8</sup> creaturæ; ergo actu communicatur. prob. ant. si connexio, proportio, & ordo rerum in intellectu divino habet esse objectivum tunc eo ipso est etiam communicabilis creaturæ: Sed; ergo. *m.* patet, quia illa connexio etiam à nobis potest concipi ut se tenens ex parte rerum creatarum. *M.* prob. illa connexio non potest concipi nisi in quantum potest etiam produci; ergo.

*Conf.* Ratio sufficiens producendi unam creaturam <sup>9</sup> post alteram in intellectu divino se tenet ex parte ipsius creaturæ; ergo etiam virtus activa. *conf.* prob. quia posita ratione sufficienti est impossibile non produci alterum.

Prob. 7. Non daretur virtus activa, tunc equus <sup>10</sup> propriè non curreret, sed moveretur à Deo: Hoc non potest dici; ergo. *M.* prob. plumbum non potest dici currere, quando præcisè moveretur ab altero.

*Conf.* Præsentia motoris non fundat principium <sup>11</sup> motus in ipso mobili; ergo etiam ad præsentiam Dei non fundaretur principium movendi in ipsa creatura, consequenter creaturæ non possent dici *se movere.*

Prob. 8. Si non daretur virtus activa tunc non esset <sup>12</sup> ratio tot organorum v. g. in animalibus. Sed; ergo. *M.* prob. si non daretur vis creata tunc Deus omnes istos effectus posset producere absque istis organis; ergo non esset ratio multiplicandi ista instrumenta respectu Dei sine necessitate; sicut non est conveniens, ut Musicus secum sumat instrumenta, si posset producere eandem harmoniam sine instrumentis.

Prob. 9. Virtus activa nihil aliud est quam essen- <sup>13</sup> tialis connexio unius entis cum altero quoad existendi subsequentiam. Sed hæc datur; ergo. *m.* patet, quia datur in intellectu divino objectivè aut ex natura rei. *M.* prob. si posita illa connexione necessario positio uno ente sequitur alterum, tunc virtus activa nihil aliud est: Sed; ergo. *M.* & *m.* prob. ex ipsa hypothefi Adversariorum; si enim ponamus non dari vim activam creatam tunc vel debet substitui omnipotentia Dei aut aliquod factum; sed horum utrumque nihil aliud est, quàm connexio unius cum altero, cur enim produceretur aliquid à fato, nisi quia daretur rerum fatalis connexio? aut cur produceretur aliquid ab omnipotentia, nisi quia datur necessaria connexio creaturæ ad omnipotentiam? si ergo hæc connexio datur in ipsis rebus per identitatem, necesse est etiam illud dari in ipsis rebus per identitatem, quod tu vocas fatum, ego verò virtutem activam. Aut si ponas aliquam virtutem increatam seu omnipotentiam, tunc quæro, quomodo ex ista omnipotentia prodeat ens, quod erat



nihilum? non poteris aliud respondere aut concipere clarè & distinctè nisi quia datur objectorum inter se connexio nempe inter voluntatem creantis & inter objectum creabile: cur igitur non possit dari similis connexio inter alia objecta etiam creata?

### Solvuntur Objectiones.

14 *Obj. 1.* Si omnia operatur Deus, tunc non datur virtus creata? Sed; ergo. *m.* patet ex Isa. 26. ubi dicitur: *omnia opera nostra operatus es in nobis Domine.* & 1. ad Cor. 12. ubi dicitur: *omnia operatur in omnibus.* *M.* prob. si omnia operatur Deus, tunc ipse solus est sufficiens determinativum ad existendum: Sed si hoc, tunc non datur; ergo. *m.* prob. si Deus est sufficiens determinativum, tunc actio creata nihil invenit, quod sibi relinquatur ad producendum; nec indiget effectus ejus opera: igitur effectus essentialiter non dependet à creatura & per consequens nec producitur; quia habere essentialem connexionem ac dependentiam & produci ab altero sunt synonyma.

2. Ipsa actio creata foret à Deo; ergo non agit simpliciter creatura sed Deus. prob. conf. quando baculus recipit motum ab homine etiam si baculus tali motu suo moveat alterum baculum, tamen motus alterius baculi non adscribitur primo baculo: Sed si hoc, tunc &c. ergo.

*Resp.* ad 1. d. M. Si Deus omnia operatur per modum causæ adæquatæ, c. M. si tantum per modum causæ inadæquatæ, neg. M. ad rationem additam d. M. tunc Deus est sufficiens determinativum secundum leges providentiæ, alicujus extraordinariæ, ut. M. secundum leges providentiæ modernæ, neg. M. vel sic: Est sufficiens determinativum in via supernaturali, c. M. in via naturæ, neg. M. supposito enim, quod Deus voluerit producere mundum, quantum possibile est, perfectum, eo ipso voluit etiam huic mundo concedere principium motus seu vim motricem ab intrinseco: & hoc posito actio divina concurrens & omnes effectus intrinsecè respicit concursum creaturæ, quem liberè voluit respicere, dum agit.

Ad 2. c. ant. neg. conf. ad prob. c. ant. neg. conf. & parit. disparitas est, quia motus baculi non est ab intrinseco baculo: ecentrè verò actio creaturæ in ordine ad effectum sibi naturalem, est à vi intrinseca, quam illi Deus voluit concedere. Hinc si ego possem concedere vim intrinsecam baculo se ipsum movendi, tunc in tali casu etiam posset motus baculi adscribi ipsi baculo, cum quælibet actio adscribatur illi principio, ubi est vis activa.

15 *Obj. 2.* Si creatura potest dare existentiam tunc neque datur vis activa in creatis: Sed; ergo. *m.* prob. si creatura non est sibi sufficiens, ad existendum, tunc nec potest dare existentiam alteri: Sed; ergo. *m.* patet. quia indiget conservari à Deo.

2. Si productio totius entis jam supponeretur ad actionem creatam, tunc non datur vis creata: Sed; ergo. *m.* prob. si actio divina præsupponitur ad actionem creatam, tunc etiam productio jam præsupponitur: Sed; ergo. M. prob. actio divina est ipsius entis productio; ergo.

3. Effectus non dependet essentialiter à creatura; ergo nec producitur à creatura. prob. ant. si non indiget actione creata, tunc essentialiter non dependet ab actione creata: Sed; ergo. *m.* prob. creatura jam sufficienter produceretur per actionem divinam; ergo.

4. Illa actio, quæ essentialiter actum agit, implicat: Sed; ergo. *m.* prob. actio creata adhuc determinaret ad existendum, cum tamen pro priori naturæ actio divina jam determinasset ad existendum; ergo.

5. Decet Deum omnia solum producere; ergo. id fit. prob. ant. id magis commendat independentiam Dei & dependentiam creaturæ; ergo.

6. Omnis actio creata consistit in motu & motus non est à virtute intrinseca creaturæ; ergo nulla actio est à creatura. prob. ant. omnis actio potest explicari per solum motum partium; ergo.

*Resp.* ad 1. c. M. neg. *m.* ad prob. d. M. si non est sufficiens sibi ad existendum etiam insufficientia inadæquata, c. M. si tantum non est sufficiens insufficientia adæquata, neg. M. sicut creatura se sola non sufficit, ut sit, ita se sola non sufficit, ut altera creatura sit. Et si concurrat actio Dei tunc suppletur insufficientia inadæquata.

Ad 2. c. M. neg. *m.* ad prob. neg. M. ad hujus prob. d. ant. actio divina est ipsa productio inadæquata, c. ant. adæquata, neg. ant. ut enim ostensum est, Deus non voluit producere effectum naturalem sine cooperatione naturæ; sicut ergo in hoc esse objectivo actio divina naturæ præcedit actionem creatam, ita à parte rei præcedit, licet ipsa prior actio intrinsecè respiciat posteriorem creatam; sicut illam respicit in intellectu divino seu mundo intellectuali. servit enim hic illa generalis regula; *res eo modo sunt in se, quo modo sunt in mente divina: Et res eo modo sunt in mente divina, quo modo à nobis concipiuntur.* Si aliunde non ostendatur imperfectio, aut repugnantia in nostro modo concipiendi, quia ob naturam veritatis intellectus humanus, divinus, & mundus realis in tantum sunt conformes, in quantum possunt esse conformes.

Ad 3. neg. ant. ad prob. d. M. Si effectus non indiget produci à creatura indigentia etiam extrinsecâ, neg. M. si tantum non indiget indigentia intrinsecâ, neg. M. ponamus v. g. ignem; hic ignis quoad sua prædicata intrinseca non dicit repugnantiam sive producat à solo Deo sive etiam à creatura, interim si Deus non velit solus producere ignem, tunc ignis non poterit produci nisi etiam producat à creatura; adeoque in hac hypothese indiget creaturâ; cum tamen hæc exigentia fundetur in voluntate Dei & in actione Dei, quæ est igni extrinseca, voco hanc exigentiam extrinsecam, & in hoc casu actio creata est ipsa dependentia effectus à sua causa seu formalis ac essentialis ratio effectui dependendi à sua causa, qui alioquin intrinsecè non dependeret à tali causa. Cæterum potest etiam dici, quod in præfenti providentia effectus naturalis habeat respectum essentialem ad suam causam etiam creatam.



Ad 4. c. M. neg. m. ad prob. d. ant. actum ageret si actio divina non essentialiter respiceret conactionem seu concursum creaturæ. c. ant. secus neg. ant. vel sic : si actio divina tribuit sufficientiam adæquatam ad existendum, c. ant. secus, neg. ant.

Ad 5. neg. ant. ad prob. neg. ant. quia magis sal-  
vatur dependentia creaturæ, si plus & perfectius de-  
pendeat, id est, si etiam dependeat in agendo : si-  
cut major est independentia Regis à quo dependent  
etiam omnes homines, quam independentia figuli,  
à quo tantum dependet lutum licet magis obediens  
quam homines.

Ad 6. neg. ant. Contrarium patebit ex sequen-  
tibus.

Obj. 3. Creatura non est intimè præsens passo seu effectui ; ergo non producit effectum, prob. ant. creatura non existit in eodem loco cum suo passo ; ergo cum nihil possit agere ubi non est, ita etiam creatura non poterit agere in passo, ubi non est.

2. Creatura non potest tollere infinitam distan-  
tiam ; ergo neque potest tollere differentiam inter  
ens & non ens prob. conf. inter esse & non esse  
datur infinita distantia ; ergo, prob. ant. inter ens  
& non ens omnino nulla datur proportio ; ergo.

3. Si creatura aliquid produceret, tunc produce-  
ret aliquid ex nihilo : Hoc non potest dici ; ergo.  
m. patet, quia producere ex nihilo est creare, quod  
competit soli Deo.

4. Si creatura aliquid ageret tunc semper age-  
ret : Hoc est falsum ; ergo. prob. M. si essentia  
creaturæ semper est eadem tunc etiam semper idem  
ageret : Sed ; ergo.

Resp. ad 1. d. ant. Creatura non est intimè præ-  
sens passo immediate suppositi, tr. ant. immedi-  
ate virtutis, neg. ant. immediatio suppositi voca-  
tur intima præsentia totius substantiæ. Immedi-  
atio virtutis vocatur intima præsentia alicujus quali-  
tatis aut actionis procedentis à causa : sic ignis ali-  
quantulum remotus à ligno quoad suam substan-  
tiam non est intimè præsens ligno immediate  
suppositi, est tamen ligno præsens immediate  
virtutis nempe per calorem, qui est virtus ignis.  
Cæterum etiam non requiritur ad causandum inti-  
ma præsentia, sed tantum continguitas causæ ad  
effectum, quia datur etiam actio ad extra.

Ad 2. neg. ant. Nam ratio infiniti non repug-  
nat in illis, ubi infinitum non dicit specialem rep-  
ugnantiam, qualem dicit infinitum quoad nume-  
ros. Potest etiam d. ant. Non potest tollere infinitam  
distantiam inter terminos positivos, c. ant.  
inter terminum positivum & negativum, neg. ant.  
Dein non necessario datur infinita distantia, ubi  
nulla datur proportio ; potest enim etiam posito quo-  
cunque minimo prædicato v.g. existentie poni pro-  
portio & sic tolli tota distantia.

Ad 3. neg. M. Contrarium in sequenti quæstio-  
ne patebit.

Ad 4. neg. M. ad prob. d. M. Si etiam dantur  
semper eadem dispositiones & conditiones, c. M. se-  
cus, neg. M. ratio enim ordinis in universo exigit, ut  
una creatura habeat essentialem connexionem cum  
altera tantum in certis circumstantiis : igitur nun-  
quam ponetur actio productiva seu formalis con-  
nexio nisi in illis ipsis circumstantiis ; quia in-  
ter intellectum divinum, humanum & mun-

dum realem in hoc casu datur summa confor-  
mitas.

## QUÆSTIO II.

*Quotuplex & qualis sit actio creata,  
præsertim eductio rerum è po-  
tentia subjecti?*

Actiones causarum variæ sunt. 1. Creatio. 1  
2. Transubstantiatio. 3. Generatio. 4.  
Augmentatio. 5. Alteratio. 6. Motus Localis  
seu motio. 7. Resultatio. 8. Emanatio. Et for-  
te etiam hæc non sufficiunt, quia productio alicujus  
actûs immanentis v. g. volitionis, ad nullam harum  
actionum commodè reduci potest.

Creatio est productio effectûs tam ex nihilo sui quam  
ex nihilo subjecti. v. g. quando fuit productus mun-  
dus aut prima materia, tunc nulla fuit præcedens  
materia, ex qua potuisset produci prima materia.  
Igitur mundus absolute fuit nihil tam in se, quam  
in sua materia seu subjecto, cum nullum tale fue-  
rit. Dicitur etiam creatio esse productio totius entis à  
non esse ad esse. quia in tali ente creato etiam pro-  
ducitur ipsum subjectum à quo dependet. Divus  
Thomas & Albertus Magnus creationem in hoc di-  
stinguunt à productione naturali, quod in produ-  
ctione naturali ipsum esse seu existentia præsuppo-  
natur in materia ; Deus verò creando rem det  
ipsum esse suo effectui, & eatenus *to esse* seu exi-  
stentia esset effectus solius Dei & effectus formalis  
creationis.

Transubstantiatio est actio, quâ tota substantia con-  
vertitur in aliam substantiam tam secundum formam  
quàm secundum materiam v. g. substantia panis con-  
vertitur in corpus Christi tam secundum formam  
quàm secundum materiam. Bellarminus illius ef-  
ficientiam constituit in hoc, quod hæc actio respiciat  
duos terminos positivos & non tendat ad nihilum  
sed ad ens, per quod distinguitur ab annihilatione.  
Alii ejus essentiam constituunt in hoc, quod hæc  
actio adhuc respiciat commune tertium utrique ter-  
mino ; tale commune tertium juxta ipsos essent  
accidentia. Sed hoc posterius requisitum non vide-  
tur ulla absoluta necessitate fuisse introductum.

Generatio, puta, *substantialis*, est conversio totius  
in totum nullo sensibili remanente, prout eam definit  
Aristoteles : live nec agnovit creationem, nec tran-  
substantiationem, sed tantum affert quatuor species  
actionum, nempe generationem, augmentatio-  
nem, alterationem & motum. Dicitur *conversio*  
*totius in totum*, quia dum generatur ignis ex ligno,  
lignum convertitur in ignem secundum omnes par-  
tes ligni. Additur *nullo sensibili remanente*, quia in  
mutatione substantiali accidentia sensibilia mutan-  
tur saltem quoad sensum.

Augmentatio est actio ad incrementum vel de-  
crementum sui subjecti, in quantum magnitudi-  
ne ac mole augetur vel minuitur, ut si crescit  
animal vel decrescit. definitur : *est motus secun-*  
*dum quantitatem.*

Alteratio vocatur actio productiva vel destructiva  
qualitatum sensibilibum vel etiam insensibilibum, &  
in hoc convenit cum augmentatione, quod tantum



fit mutatio accidentalis. Differt autem, quod illa fit mutatio in quantitate, hæc fit mutatio in qualitatibus.

*Motus* est translatio corporis ab uno loco in alium, quæ etiam fit per aliquam actionem habentem talem vim transferendi.

- 7 *Resultatio* vocatur productio entitatum modalium aut relationum realium, quæ non producuntur per aliquam actionem strictè dictam sed tantum disuntur resultare positis certis dispositionibus, eò quod tales entitates resultantes essentialiter ac intrinsecè respiciant suum subiectum, quin egeant aliqua actione determinante. Fortè etiam ideo dicuntur resultare quia non præcontinentur univoce in sua causa à quæ producuntur, neque essentialiter existunt à sua causa.
- 8 *Emanatio* vocatur aliqua productio effectus immanens inseparabilis à sua causa etiam per potentiam Dei absolutam, ita, ut productio causæ eo ipso sit etiam productio effectus. Sic Scotistæ dicunt emanari à tertia entitate gradus metaphysicos; Thomistæ dicunt ab anima emanari potentias, & Recentiores nonnunquam dicunt ab igne emanari calorem innatum, & à Sole lucem pariter innatam: Nolunt autem has productiones simpliciter vocare actionem, quia causa non tam producit, quàm exigit comprouduci hos effectus sibi essentialiter debitos.
- 9 *Eductio* effectus è potentia materiæ vel è potentia subiecti vocatur omnis productio naturalis, in qua effectus non producitur ex nihilo sed ex aliquo præexistente subiecto; sic ex ligno fit ignis seu educitur forma ignis: ex eodem ligno per alterationem educitur calor, & ex eodem ligno per augmentationem educitur quantitas, dum crescit lignum: idem fit, dum lignum emanat à se suam duritiem, vel dum elicitur motus localis ex ligno. Circa hanc educationem maxima est difficultas, quomodo distinguatur à creatione. Habet quidem aliam definitionem quàm creatio, quia eductio definitur, quod sit *productio effectus ex nihilo quidem sui, non tamen ex nihilo subiecti*, quod hoc ipsum videtur Neotericis tantum esse discrimen quoad modum loquendi, non quoad rem ipsam.
- 10 Cæterum actioni etiam opponitur destructio v. g. creationi opponitur annihilatio, quæ vel est cessatio actionis conservatiuæ vel actio aliqua positiva tendens ad non esse si datur talis actio. Corruptio substantialis vel accidentalis fit, dum aliqua res iterum transit in potentiam materiæ vel sui subiecti; sic visio, quando desino videre redit in potentiam oculi, & motus lapidis, quando desinit moveri, redit in materiam lapidis, & calor ignis, quando desinit esse, dicitur redire in materiam ligni, quæ utique ut jacent sunt locutiones prorsus metaphoricæ.
- VI Dico: *Eductio naturalis re ipsa distinguitur à creatione*. Ideam claram hujus educationis habes priori quaestione probatione 9. est enim nihil aliud, quàm ordo causarum & effectuum, qui ordo fundatur in proportionem materiæ dispositæ ad talem motum aut operationem.

Prob. Concl. Si actio creativa & eductiva distinguuntur intrinsecè tunc etiam distinguitur creatio & eductio: Sed; ergo. m. prob. si actio creativa intrinsecè non respicit aut præsupponit condiciones, dispositiones, & subiectum, quas tamen præsupponit actio eductiva, tunc intrinsecè distinguuntur; Sed; ergo. m. prob. possibilis est talis actio, quæ intrinsecè respiciat præexistentes condiciones, dispositiones &c. & nulla alia talis potest assignari nisi actio aliqua naturalis, quæ vocatur eductiva; ergo.

Quod si quæras, cur actio creata ita intrinsecè respiciat ac præsupponat præexistentes condiciones? communiter respondetur, quod actio creaturæ essentialiter sit imperfectior, quàm actio creatoris. Sed non sufficit hoc responso. Hoc ipsum enim quaeritur, cur actio creaturæ toto genere differat ab actione creationis, cum utique existentia creaturæ producendæ & producentis non differat toto genere ab existentia creatoris, prout etiam juxta Scotum iustitia v. g. creata univoce convenit cum iustitia increata. Igitur hoc discrimen altius repeti debet.

Fortè melius diceretur, quod actio creaturæ ideo sit dependens à subiecto, quia tantum producit effectum dependentem à subiecto, cum igitur actio sit analogica suo effectui, consequens est actionem eodem modo respicere subiectum, sicut ipse effectus; in quantum actio illa producit effectum in ordine ad suum subiectum. Sed nec ista responsio sufficit, quia hoc ipsum quaeritur, cur effectus creaturæ dependeat ab aliquo subiecto, effectus verò Dei non dependeat ab aliquo subiecto. Si dicas, ideo: quia formæ dependent à materia, quæ sola est generabilis, quaero, cur ergo in natura indigemus materiâ? si dicas, ideo: ne formæ fiant ex nihilo, hoc ipsum est in quaestione, cur creatura nihil possit producere ex nihilo seu independentem à materia? Dein si actio ex eo est eductiva ac dependens à materia, quia effectus est dependens à materia, sequeretur Deum non posse creare calorem, aut aliud accidens, quia illud essentialiter dependet aut certè exigit dependere à subiecto.

Igitur responderi debet, actionem creatam ideo dependere ab aliquo subiecto, quia principium naturale in fieri est privatio. Vi hujus principii nullus effectus producitur naturaliter, nisi detur aliqua ratio sufficiens, fatum, necessitas, essentialis exigentia, determinatio, connexio, ac proportio inter duos terminos positivos; si proin aliquid desit in his terminis contra debitam proportionem, eo ipso exigitur supplementum illius defectus, igitur debet aliquid produci vi illius proportionis fundatæ tamen in aliquo defectu seu disproportione; cum igitur effectus dari non possit in non ente, necessarium est, ut detur aliquod ens, quod habeat illum defectum, & hoc vocamus materiam primam, quam & vis productiva & actio ob datam rationem respicit.



## Solvuntur Objectiones.

*Obj. 1.* Ex dolio vacuo non potest educi vinum; ergo neque ex materia potest educi forma substantialis. prob. conf. in materia æquè parùm datur de forma, ac in dolio vacuo de vino; ergo.

2. Si materia nihil conducit ad productionem formæ, tunc forma non educitur ex materia: Sed; ergo. *m.* prob. materia tantùm se habet passivè; ergo.

3. Causalitas materiæ respectu formæ nulla est; ergo forma in sui productione non dependet à materia. prob. ant. causalitas materiæ est posterior productione formæ; ergo. prob. ant. causalitas materiæ est receptio formæ: Sed hæc est posterior; ergo. *m.* patet, quia prius est esse quàm recipi.

4. Quod introducit in aliud, non educitur ex illo: Sed forma introducit in materiam; ergo. *M.* patet, quando enim in domum introducit Petrus, non eo ipso educitur ex domo.

*Resp.* ad 1. c. ant. dist. conf. ergo non potest educi educatione mechanica, c. conf. physica, neg. conf. educitio physica non præsupponit actum, sed ponit actum, qui educitur. Et si dicas, e dolio vacuo ne quidem educatione physica educi posse vinum; ergo neque ex materia formam, nego conf. & parit. disparitas est, quia actio productiva vini non est apta nata respicere dolium, sed vitem ob prævias dispositiones; econtrà actio productiva formæ respicit dispositiones materiæ prævias.

Ad 2. tr. *M.* neg. *m.* ad prob. c. ant. d. conf. ergo nihil conducit activè, c. conf. passivè, neg. conf. ipsa causalitas passiva est vera causalitas, quando est immediatum motivum naturæ producendi formam substantialem.

Ad 3. neg. ant. ad prob. tr. *M.* neg. *m.* ad hujus prob. c. *M.* dist. *m.* receptio formæ est posterior ordine in hætionis & executionis, c. *m.* ordine intentionis, neg. *m.* hanc distinctionem ponit Divus Thomas, quando explicat mutuam prioritatem inter materiam & formam; sensus est, quod causa efficiens & actio productiva sibi prospiciant de aliquo subiecto, quod non solum exigit formam, sed etiam in quod possit introduci forma. Igitur ordine intentionis existentia subiecti seu materiæ est prior ad actionem; sed, dum actu introducit forma ac executive, prius est esse formam ac illam recipi seu in hætere subiecto.

Ad 4. dist. *M.* quod introducit mechanice, c. *M.* quod introducit philosophice ac physice, neg. *M.* De sensu horum verborum constat ex dictis.

*Obj. 2.* Si forma nec virtualiter, nec formaliter, nec eminentialiter continetur in materia prima, tunc non educitur ex illa: Sed; ergo. *m.* prob. materia est infinites imperfectior, quàm quælibet forma, quia est minimum in entibus, & ut Philosophi dicunt, prope non ens: igitur ens perfectius in illa contineri non potest. *M.* prob. si formæ non continentur in materia, tunc materia non potest dare formam: Sed si hoc, tunc non datur eductivè; ergo. *M.* patet, quia nemo dat, quod non habet.

2. Si forma posset educi ex materia, tunc etiam spiritus posset educi ex corpore: Sed hoc est

falsum; ergo. prob. *M.* non datur minor improprio inter materiam & formam, v.g. animam equi, quàm inter corpus & spiritum.

3. Non est ratio, cur è materia potius educatur hæc forma, quàm alia; ergo non potest educi una præ alia. ant. prob. latent in materia infinitæ formæ, & illa nescit discernere, quàm debeat educere; ergo.

4. Si educerentur formæ ex materia, tunc successivè posset educi infinitæ, & materia nunquam posset exhaustiri: Sed hoc est falsum; ergo. *m.* prob. si materia non posset exhaustiri, tunc esset infinitæ virtutis, sicut ait Aristoteles de celis, in quibus putat dari virtutem se movendi tempore infinito.

*Resp.* ad 1. dist. *M.* si formæ non continentur virtualiter &c. in materia tunc non possunt educi per participationem, c. *M.* per dependentiam, neg. *M.* modò explicentur hi termini *eductio* & *receptio* facile intelligitur nullam prærequiri præcontinentiam.

Ad 2. neg. *M.* ad prob. dist. ant. non datur minor improprio quoad prædicata absoluta tr. ant. quoad prædicata relativa, neg. ant. corpus & spiritus habent aliqua prædicata absoluta, v.g. quod spiritus sit potentia intellectiva, corpus verò sit quantum impenetrabile, & quoad hæc prædicata minùs differunt corpus & anima, quàm materia & forma. Interim corpus & anima habent etiam aliqua prædicata relativa v.g. quod sint producta per creationem, & eatenus magis distant inter se quàm materia & forma, quia actio productiva corporis non est essentialiter respectiva ad spiritum aut vicissim; econtrà actio productiva formæ est essentialiter respectiva ad materiam & vicissim, ut ostensum est.

Ad 3. neg. ant. quia privatio est principium, quæ politis his dispositionibus potius exigit hanc poni formam, quàm aliam.

Ad 4. c. *M.* neg. *m.* ad prob. dist. *M.* esset infinitæ virtutis, si causat per participationem & vim activam, c. *M.* si tantùm causat per receptionem, neg. *M.* etiam si materia recipiat successivè infinitas formas per hoc tamen non acquirit aliquam perfectionem, quia nullam præcontinet, quam recipit.

*Obj. 3.* Si materia potest continere diversas formas, tunc etiam eadem causa poterit continere diversos effectus: Hoc est falsum; ergo.

2. Saltem non repugnaret aliquod accidens spirituale educi ex materia: Sed hoc est falsum; ergo. *M.* prob. posset actio productiva talis accidentis dependere à materia; ergo.

3. Si forma est nihilum etiam materiæ, tunc etiam producitur ex nihilo materiæ: Sed; ergo. prob. *m.* forma actualis non identificatur cum materia; ergo.

4. Si forma educitur ex materia, & redit in potentiam materiæ, tunc etiam potest dici, quod effectus educatur è sua causa, & redeat in potentiam suæ causæ: Sed hoc est falsum; ergo. *m.* prob. si hoc posset dici, tunc creatura non simpliciter produceretur ex nihilo, quia non produceretur ex nihilo Dei aut suæ causæ; neque etiam annihilaretur simpliciter, quia rediret in potentiam Dei.

*Resp.* ad 1. neg. *M.* & parit. quia causa efficiens debet vel eminentialiter vel formaliter præconti-



nere effectum; non vero causa materialis. ratio est, quia causa productiva dat perfectiones effectui, causa vero materialis non dat illas perfectiones, sed tribuit illis suum subjectum, ut possint subsistere.

Ad 2. neg. M. ad prob. neg. ant. ratio est, quia causa conformatur suo effectui, & qualis est effectus, talis etiam est actio: cum igitur accidens spirituale exigit dependere à subjecto spirituali, etiam actio illius productiva tantum exigit dependere à subjecto spirituali.

Ad 3. dist. M. Si forma est nihilum etiam sui subjecti causaliter, c. M. si tantum est nihilum subjecti entitative, neg. M. quando dicitur: formam non esse nihilum subjecti, sensus tantum est, quod possit produci per actionem dependentem à subjecto vel materia.

Ad 4. dist. M. Posset etiam dici effectum educi à sua causa, si actio productiva dependeat à causa tanquam subjecto aut objecto præsupposito ad causam, c. M. si tantum dependeat à causa tanquam principio, neg. M. per hunc terminum educi, tantum significatur relatio actionis productivæ ad subjectum exigitivum effectus. Potuisset quidem hic terminus adhiberi ad significandam etiam relationem ad suam causam, sed non fuit adhibitus in hoc sensu, & ideo non habet hunc sensum, adeoque nec potest id dici.

17 Obj. 4. Si materia esset id, ex quo educitur effectus, tunc ideo, quia requireretur ejus præsentia ad productionem formæ: Hæc ratio nihil probat; ergo. m. patet. M. prob. materia per se non tollit difficultatem producendi effectum; ergo tantum requiritur ejus præsentia.

2. Datur aliquis effectus, qui non potest dependere à materia; ergo productio non ideo est naturalis, quia à materia dependet actio productiva, prob. ant. in Eucharistia producitur calor, frigus, & alia accidentia, quin producantur ex aliqua materia; ergo. Nec potest dici, quod aut accidentia aut productio talium accidentium sit supernaturalis, quia nulla est necessitas multiplicandi miracula.

3. Si effectus tantum ideo educitur, quia actio productiva dependet à materia, tunc volitiones & intellectiones creantur: Sed hoc est falsum; ergo. M. prob. harum actio productiva non dependet à materia, sed à puro principio activo nempe anima.

Resp. neg. M. ad prob. dist. ant. materia non tollit difficultatem directè, tr. ant. indirectè, neg. ant. facta enim hypothesi, quod actio naturalis præquirat subjectum exigitivum effectus, eo ipso materia ponit illam conditionem, sub qua causa exit in effectum, & sic indirectè tollit difficultatem.

Ad 2. dist. ant. in Eucharistia productio accidentium non dependet à materia propriè dicta, tr. ant. à materia impropriè dicta, neg. ant. nam quando producitur calor, tunc illius actio productiva dependet à quantitate dimensiva, quæ in hoc casu sustinet munus materiæ: neque per hoc calor differt specificè & essentialiter ab alio calore, qui educi-

tur ex materia prima, quia ista differentia non est aliquod prædicatum per seriem calorum constanter immobile.

Ad 3. neg. M. nam educi nihil aliud est, quam actionem productivam dependere ab aliquo subjecto, sive illud sit subjectum spirituale, sive materiale, sive substantiale, sive accidentale, nihil interest, modo aliunde non derur inconvenientia.

Obj. 5. Potest dici: actionem productivam sufficienter dependere vel à causa productiva, vel ab ipso effectui, in quo recipitur, vel ab accidentibus disponentibus ad effectum; ergo nulla est ratio requirendi materiam.

2. Si forma educitur à materia, tunc eadem forma posset simul creari & educi ex materia: Hoc est impossibile; ergo. M. prob. v.g. si Deus vellet producere formam ignis per actionem creativam in præsentia alterius ignis pariter exercentis suam causalitatem, tunc illa forma ignis à Deo crearetur, & ab igne educeretur ex materia; ergo.

3. Omnes creaturæ sunt tantum creatæ à Deo: Sed omnes effectus naturales sunt creaturæ Dei; ergo. m. patet ex communi sensu & usu loquendi.

Resp. ad 1. neg. ant. ratio est, quia causa non exit in actum, nisi ob exigentiam alicujus entis dispositi ad effectum.

Ad 2. neg. M. ratio est, quia in dato casu Deus non posset creare formam ignis, cum ponantur præviæ dispositiones ad ignem. Si vero Deus non vellet attendere ad illas dispositiones, tunc instituitur alia quæstio, an per absolutam Dei potentiam idem effectus possit creari & educi; & ad hanc quæstionem dic, quod vis.

Ad 3. dist. M. Omnes creaturæ strictè dictæ à creandis tantum creantur à Deo, c. M. creaturæ à creatore dictæ, neg. M. istud vocabulum *creatura* potest entibus attribui ex duplici ratione, respectu, aut relatione: nempe vel in ordine ad actionem creativam vel in ordine ad creatorem; de facto dum homines hominant creaturam, tantum concipiunt relationem ad creatorem, nec ulterius inquirunt aliam rationem fundandi, utrum nempe creator per actionem creativam vel educivam produxerit effectum. Potest etiam dici: omnem actionem Dei esse creativam, nullam educivam.

Obj. 6. Si forma redit in potentiam materiæ, 19 Deus nunquam posset annihilare formam, nisi simul destruat materiam: Hoc est absurdum; ergo.

2. Si forma per materiam non mutatur intrinsecè, nec ullum accipit subsidium in productione, tunc illius vis productiva non dependet à materia: Sed; ergo.

Resp. ad 1. neg. M. ratio est, quia si Deus destrueret formam nulla exigente causa productiva, eo ipso annihilaret formam; hoc enim intelligimus per *annihilare* nempe corrumpere rem absque eo, quod actio destructiva tendat ad productionem alterius entis.

Ad 2. dist. M. Si nec accipit subsidium indirectè, c. M. si tantum directè, neg. M. Sensus patet ex dictis.



## Q U Æ S T I O III.

*An Deus concurrat ad omnes effectus  
in esse & conservari?*

**I**Nter Scholasticos solus Durandus negare ausus est concursum Dei immediatum ad omnes effectus naturales; putabat enim ignem v. g. dum produci-  
tur, produci à solo igne, minimè verò à Deo, & postquam productus est, etiam ejus conservatio non dependet à Deo. Simili modo de omnibus aliis effectibus ferendum esset indicium. Verùm hæc opinio, licet in multis opportuna esset ad explicandos varios effectus maximè circa actus liberos semper ab omnibus Scholis rejecta est.

Divus Thomas & Scotus non solum defendunt concursum Dei immediatum, verùm etiam eundem in suo Systemate satis ad captum explicant. Putant enim existentiam à parte rei distingui ab aliis perfectionibus; hanc existentiam ita distinctam ponunt unicè produci à Deo, ita, ut creatura non det esse seu existentiam, sed tantum det tale esse seu determinet ad hanc vel illam essentiam, v. g. quando produci-  
tur ignis, tunc existentiam dat Deus, ignis verò facit, ut igneitas accipiat existentiam à Deo in ligno, vel alio subiecto; cum igitur existentia unicè sit à Deo, clarum est in hoc Systemate Deum concurrere in esse & conservari ad omnes effectus.

**2** Dico I. *Deus concurrit immediate ad omnes effectus in esse.* Ideam claram hujus concursus habes prob. 10. est enim nihil aliud, quam ordinatio activa, qua Deus rebus imprimit suum ordinem. Prob. Concl. 1. ex Scriptura. Sacra Scriptura adscribit effectus immediate Deo; ergo. prob. ant. Isa. 26. dicitur: *omnia opera operatus es in nobis Domine.* & 1. Cor. 12. *omnia operatur in omnibus.* & Joa. 1. *omnia per ipsum facta sunt & sine ipso factum est nihil.* & Job. 16. *manus tua fecerunt me & plasmaverunt me.* & Joa. 5. Christus dicit: *Pater meus usque modo operatur & ego operor.*

**3** Prob. 2. Si creatura non habet adequatam sufficientiam adtribuendam alteri enti existentiam, tunc necessariò Deus immediate concurrit: Sed; ergo. *m. prob.* si creatura non habet adequatam sufficientiam adtribuendam propriam existentiam, tunc neque habet talem sufficientiam adtribuendam suam existentiam alteri: Sed; ergo. *M. patet*, quia nemo dat, quod non habet. *m. prob.* nulla creatura sibi sufficit ad existendum; ergo. ant. patet, quia quælibet creatura habet existentiam ab altero.

**4** *Confirm.* Si in tota collectione entium naturalium non datur adequata sufficientia ad existendum, tunc requiritur in productione cujusunque existentie concursus alicujus entis potentioris existentis extra illam collectionem: Sed; ergo. *m. prob.* illa sufficientia non reperitur in singulis intra collectionem; ergo neque reperitur in tota collectione.

**5** Prob. 3. Si causa creata est indifferens ad agendum vel non agendum, nisi detur decretum Dei aut aliud sublativum indifferentie ex parte Dei, tunc necessariò requiritur concursus Dei in productione entium: Sed; ergo. *m. prob.* posito quocunque actu primo proximo potest impediri effectus per solam negationem decreti divini; ergo.

*Confirm.* Si ipsa actualis determinatio ad agendum

non continetur in causa creata, tunc ponitur à causa increata: Sed; ergo. *m. prob.* potest causa creata intelligi, quin etiam existere sine illa determinatione; ergo.

Prob. 4. Causæ creatæ tantum sunt instrumenta Dei; ergo non agunt sine concursu Dei, cons. patet, quia instrumentum non agit sine actione artificis. ant. prob. si causæ secundæ non habent vim vi sua solâ producendi effectum, tunc tantum sunt instrumenta Dei: Sed; ergo. *m. prob.* concipiendo ignem applicatum ad lignum, nondum concipio totam fatalem necessitatem aut connexionem inter nihil & productionem novi ignis; ergo vis illa non est in ipso igne. ant. prob. necessitas est indispensabilis connexio, adeoque æterna, sed non est æterna in ente creato; ergo non est ipsum fatum & omnipotens necessitas extrahens à nihilo, quod non erat. quin dicendum, quamlibet causam tantum ideo habere vim producendi effectum, quia connexio, quam causa & effectus habent inter se, est analogia connexioni æternæ, quæ est in mente divina inter res creandas, & in quibus simul datur fatum, necessitas, omnipotentia.

Prob. 5. Operari est aliqua perfectio, quæ non continetur in causa secunda; ergo requiritur concursus causæ primæ. prob. ant. causâ secunda non operatur essentialiter; ergo.

Prob. 6. Creatura non dat simpliciter esse effectui, sed tantum tale esse; ergo effectus simpliciter in esse tantum dependet à Deo. prob. ant. si in tota natura non reperitur determinativum ad *τὸ esse* simpliciter, tunc creatura non simpliciter dat esse: Sed; ergo. *m. prob.* determinativum hoc non potest esse aliqua perfectio minus universalis, nec etiam perfectio æque universalis, & universalis determinativum non datur in natura; ergo. prob. ant. quoad 2. & 3. memb. Quoad 1. memb. patet, quia id, quod est minus universale, non est ratio alteri existendi in natura, cum magis universale aliquando sit non existente minus universali. Prob. igitur sic: non datur prædicatum generalius quam *τὸ esse*, & *τὸ esse* non determinat ad se ipsum; ergo. Hæc probatio in Systemate Divi Thomæ & Scoti, in quo existentia distinguitur ab essentia, satis clara est; at verò in nostro Systemate indiget explicatione.

Notandum ergo, quod in natura non solum debeat dari ratio, cur hic & nunc producat hic vel ille effectus, sed etiam debeat dari ratio, cur hæc vel illa perfectio etiam ex suo genere detur in universo. Quando loquimur de illo determinato effectui, cur producat, semper recurrimus ad exigentiam illius effectus, quæ reperitur in subiecto disposito; quando verò queritur, cur hæc vel illa perfectio ex suo genere reperiat in universo, debet dari alia ratio, & fatendum est, nullam aliam posse dari nisi subordinationem essentiarum ac specierum in universo, ita, ut perfectio ex sui genere universalior exigat aliam perfectionem sibi proportionatam minus universalem, & per hoc sit ratio, cur in universo ordinato existat hæc vel illa perfectio. Hæc subordinatio vocatur subordinatio causarum per se talium. Jam si applies hanc doctrinam ad existentiam, nullam reperiess perfectionem universaliorē determinantem in universo, ac per consequens necesse est rationem ac determinativum per se seu causam per se, cur existentia in universo sit, & cur in singulis sit,



lit, esse solum Deum tanquam causam universalissimam.

8 Prob. 7. Ex una parte Deus potest concurrere ad omnes effectus, & ex altera parte id Deo est eligibilis; ergo. prob. ant. quoad 2. memb. si id perfectius commendat absolutum Dei Dominium in omnes creaturas, tunc est eligibilis: Sed; ergo.

Prob. 8. Si creatura non est ex se ipsa determinata ad producendum suum effectum, tunc indiget concursu Dei: Sed; ergo. *m. prob.* si creatura non est determinata adtribuendam unam perfectionem effectui, tunc etiam simpliciter non est determinata ad producendum totum effectum: Sed; ergo. *m. prob.* individuatō est aliqua perfectio in effectu: Sed ad hanc producendam creatura non est determinata; ergo. *m. prob.* si infinita individua seu individuationes sunt possibilia & determinatio creaturæ non pertransit infinitum, tunc creatura non determinat ad individuationem: Sed; ergo.

9 *Confirm.* Si creatura est indifferens ad hunc vel illum ignem producendum, tunc creatura non determinat ad individuationem effectus: Sed; ergo. *m. patet*, quia igni perinde est siue producat ignis A. siue ignis B. modo posito actu primo proximo producat ignis.

10 Prob. 9. Si Deus non concurreret, tunc aliqua creaturæ simpliciter nunquam dependerent à Deo: Hoc est absurdum; ergo. *m. patet*, quia Deus est primum ens, sine quo non producit aliud ens. *M. prob.* talis creatura nec dependeret in fieri, nec in esse; ergo nunquam.

11 Prob. 10. Si providentia primæ mentis omnia intelligentis & ordinantis se immediate extendit ad omnes creaturas in fieri, esse, & conservari, tunc etiam concursus seu actio Dei immediate se extendit ad omnes creaturas in fieri, esse, & conservari: Sed; ergo. *m. patet.* datur enim providentia, quod interim supponitur. *M. prob.* quod est ordinatio in mente primi ordinantis, est actio extra mentem ordinantis; ergo. ant. prob. non potest intelligi, quid sit actio, nisi aliqua realis ordinatio, & realis ordinatio nihil aliud est quam aliquid analogatum aut univocum ordinationi, quæ est in mente ordinantis.

12 Dico 2. *Deus immediate conservat omnes creaturas.* Prob. Concl. 1. autoritate Scripturæ, quæ tribuit Deo perpetuam actionem in creaturas; productio autem non est perpetua sed conservatio. Prob. ant. ex priori textu citato Joa. 5. & Sap. 11. dicitur: *quomodo posset aliquid permanere nisi tu voluisses, aut quomodo quod à te vocatum non esset, conservaretur.* Item Act. 17. dicitur: *in ipso vivimus, movemur, & sumus.*

13 Prob. 2. Si creaturæ dependent à Deo in esse, tunc etiam in conservari: Sed; ergo. *M. patet*, quia *ratio esse semper datur, quamdiu datur creatura; si ergo ratio esse semper pendet à Deo, etiam pendet in conservari;* quia conservatio nihil aliud est quam continua ipsius esse productio, & exemplum hujus habetur in luce, quæ pendet in conservari à Sole vel alio igne; item in speciebus intentionalibus existentibus in speculo vel oculo, quæ ponuntur vel tolluntur posito vel ablato objecto; in omnibus enim his exemplis tota ratio existendi istis effectibus est sua causa, & hoc est dependere in esse. *m. prob.* si non datur ratio sufficiens existendi pro quacunque temporis differentia, nisi determinet Deus, tunc creaturæ dependent in esse à Deo: Sed; ergo.

Prob. 3. Si creaturæ non perseverant ultra actionem sui productivam, tunc necessario dependent à Deo in conservari: Sed; ergo. *M. patet*, quia post actionem productivam primam, nulla datur actio creata. quæ v.g. conservet lignum. *m. prob.* nullares perseverat ultra actionem sui productivam; ergo. prob. ant. si actio non determinat pro illa temporis differentia, pro qua actio non existit, tunc cessante actione etiam cessat effectus: Sed; ergo. *m. prob.* actio non agit, dum non est; ergo etiam non agit pro tempore, pro quo non est.

*Confirm.* 1. Actio non agit pro illa loci differentia, in qua actio non est; ergo etiam non agit pro illa temporis differentia, in qua actio non est, ant. patet, quia non datur actio in distans.

*Confirm.* 2. Numquam constat cessante actione manere effectum per se ab actione intentum; ergo. prob. ant. si id constaret, tunc id constaret v.g. ab exemplo Mercurii, qui perseverat in statua etiam post actionem artificis: Sed hoc nihil probat; ergo. *m. prob.* si actio artificis non est causa per se illius, quod perseverat, tunc id nihil probat: Sed; ergo. *m. prob.* statuarius non est causa ligni, sed tantum actionis, & de figura, quæ producitur per actionem artificis non constat, quod perseveret vi actionis existentis in statuario, alioquin posset statuarius dare existentiam figuræ, quin dependeat aliunde à subjecto existente, quam ab actione artificis. Hinc haberi debet pro universali principio: effectum per se non manere ultra actionem causæ per se.

Prob. 4. Si præcisè voluntate divina cessante, cessat esse effectus, tunc eo ipso effectus conservatur à Deo: Sed; ergo. *M. patet*, quia si cessante voluntate divina cessat effectus, eo ipso illa voluntas est per se potens servare, vel non servare effectum. *m. prob.* per voluntatem Dei ponitur effectus; ergo præcisè illa cessante etiam cessat effectus.

*Confirm.* Deus ad destructionem entis non indiget actione positiva destructiva effectus; ergo. ant. prob. nulla ostenditur hujus novæ actionis necessitas.

Prob. 5. Si effectus est indifferens ad existendum vel non existendum pro instanti proxime sequenti, tunc indiget actione Dei determinante ad existendum pro illo instanti: Sed; ergo. *m. patet*, quia lignum v.g. in suis prædicatis essentialibus nullam dicit necessitatem existendi pro illo instanti, & spectatā suā essentiā non repugnat non existere in illo instanti; ergo spectatā suā essentiā est indifferens ad existendum vel non existendum. *M. prob.* si creatura est indifferens, tunc indiget novo aliquo determinativo pro illo novo instanti ad existendum: Sed si hoc, tunc indiget actione Dei; ergo. *m. prob.* non datur ullum aliud determinativum creatum; ergo.

Prob. 6. Nostræ cognitiones vel potius objecta cognitionum intellectualia dependent in conservari à mente; ergo etiam totus mundus dependet in conservari à Deo. prob. ant. sicut se habent nostræ species ad mentem, ita se habet totus mundus ad primam mentem; ergo.

Hæc omnium optima probatio, ad quam omnes reduci debent, est ultima prioris conclusionis.

### Solvuntur Objectiones.

*Objic.* 1. Si Deus potest communicare creaturæ virtutem se sola producendi effectum, & illud convenientius est, tunc actu talem virtutem communicat.



nicat: Sed; ergo. *m. prob.* quoad 1. memb. negative, quoad 2. prob. decet liberalitatem Dei, ut communicet creaturæ, quæcunque serviunt ad maiorem ornatum universi & commendandas perfectiones divinas; ergo.

2. Non decet Deum concurrere ad quosvis effectus etiam vilissimos; ergo. *ant. prob.* non decet aliquem Regem sectari minima & curare abjecta; ergo. *ant. patet*, quia id esset contra auctoritatem Regis.

3. Si Deus concurreret ad omnes effectus, tunc Deo possent adscribi effectus & actiones turpissimæ: Hoc est absurdum; ergo. *M. prob.* si Deus concurreret ad omnes effectus, tunc in ludendo, dormiendo, bibendo non minus ageret Deus, quam homo: Sed; ergo.

*Resp.* ad 1. c. *M. neg. m.* ad 1. memb. ratio patet ex probationibus.

Ad 2. *neg. ant.* ad *prob. tr. ant. neg. conf. & parit.* disparitas est, quia in humanis ob limitationem virium est impossibile omnibus esse intentum; hinc jure merito licet inferre: *qui curat minima, negligit maxima*; quia pluribus intensus minor est ad singula sensus; & hæc est ratio, cur constituant suam auctoritatem, qui dum curare deberent maxima, curant minima. Hoc verò non urget in Deo. Alia disparitas est, quia in humanis cura minimorum semper conjuncta est cum familiaritate & consequente contemptu in subditis; Econtrà verò in Deo nulla est hujus formido aut periculum, cum illi semper præsto sit magno argumentorum pondere tueri suam auctoritatem. Tertiò potest dici, quòd sectari minima per se sit summè decens bonitatem divinam, quæ in omnia dispensat thesauros non solum bonitatis transeuntis, sed etiam providentiæ permanentis.

Ad 3. *dist. M.* effectus turpissimi possent adscribi Deo efficienter ac causaliter, *tr. M.* formaliter, *neg. M.* bene enim advertendum est ad id, ad quod homines attendunt, dum alicui tribuunt effectum; denominationes enim nihil aliud significant, quam quod homines concipiunt, dum loquuntur; nam in his similibus denominationibus, dum aliquis dicitur ludere & bibere, homines nihil aliud concipiunt, quam subiectum hujus denominationis in ordine ad certa connotata, quæ soli creaturæ competunt; igitur hæc denominationes non conveniunt Deo, quia non convenit Deo id, quod homines concipiunt, dum alicui tribuunt has denominationes.

*Obj. 2.* Si Deus concurreret ad omnes effectus, tunc Deus concurreret etiam ad peccatum v.g. ad furtum &c. Hoc est falsum; ergo. *M. prob.* Deus non minus operaretur in ipsa volitione hominis quam homo in ablatione pecuniæ v.g. fur &c. ergo.

2. Si Deus concurreret, tunc vel produceret totum effectum, vel tantum partem effectus? Neutrum potest dici; ergo. *m. prob.* si producit tantum partem, tunc sola creatura producit alteram partem, & sic creatura jam aliquid producit sine concursu Dei, si verò producit totum effectum, quid opus est creaturâ?

3. Si Deus concurret cum creatura, tunc vel concurret per eandem actionem, vel per diversam actionem? Neutrum potest dici: si enim concurret per eandem actionem, tunc creatura æquè efficaciter agit ac Deus, quia agit per eandem actionem, ac proinde non indiget Deo. Si verò agit per diversam

*R. D. Euseb. Amort Philosophia.*

actionem, tunc vel illæ actiones sunt diversæ speciei vel non? si diversæ, tunc etiam deberent esse diversi effectus; si ejusdem sunt speciei, tunc actio creaturæ est æquè efficax & potens quam actio Dei.

*Resp.* ad 1. *dist. M.* Deus concurreret ad peccatum secundum id, quod peccatum dicit materialiter, c. *M.* secundum id, quod peccatum dicit formaliter, *neg. M.* vel *dist.* sic: Deus concurreret, ut determinatus, c. *M.* ut determinans, *neg. M.* Sensus prioris distinctionis est, quòd in omni peccato dentur duo, nempe aliquid positivum, quod vocatur materiale peccati, alterum negativum, quod vocatur formale peccati, v.g. in furto pecunia & ablatio pecuniæ est aliquid positivum; manus aliquid est, quæ auferit pecuniam, motus seu approximatio manuum aliquid est, nempe entitas modalis, & pecunia aliquid est, nempe substantia, hæc omnia simul sumpta sunt id, quod vocatur materiale peccati, seu quasi materia peccati; sed revera non sunt peccatum secundum se & ut sic sumpta; quia ablatio pecuniæ & ipsa voluntas ablationis est aliquid indifferens ad bonum vel malum, cum utique aliquando etiam possit esse bona talis ablatio, quinimò juxta imperium Dei, ad hoc totum materiale peccati Deus concurret. Sed in furto concurret etiam aliquid negativum, quod facit, ut ablatio pecuniæ sit peccatum, nempe defectus ordinis ac subordinationis ad legem æternam Dei, si enim in his vel illis circumstantiis ablatio pecuniæ non sit juxta legem æternam Dei, tunc in ablatione datur aliqua difformitas ad legem æternam Dei, seu defectus conformitatis ad legem æternam Dei; verbò, negatio conformitatis ad legem æternam Dei: hæc negatio conformitatis, non est aliquid positivum, & tamen hæc negatio conformitatis ad legem æternam Dei est ratio, cur ablatio pecuniæ sit peccatum; verbò, hæc negatio conformitatis est ipsa forma peccati seu formale peccati. Et ad hoc formale Deus non concurret, quia non determinat ad id, ex quo sequitur ista negatio, nempe ad actum positivum. Sensus alterius distinctionis est, quòd Deus quidem agat in peccato, sed non peccando, quia, ut ita dicam, non consentit ad peccandum; licet enim creaturæ promiserit suum generalem concursum, non tamen prædeterminat creaturam, sed sinit se quasi determinari à creatura; sicut si aliquis tibi ducat manum in scribendo, scribis quidem, sed tibi opus non est altero ad scribendum, qui ducat manum; ita etiam creatura quasi cogit Deum vi promissionis generalis sibi factæ ad concurrendum, licet Deus non nisi, ut ita dicam, invitatus concurrat.

Ad 2. dico, quòd Deus producat totum effectum, nec tamen actio creaturæ est superflua, quia servit ad perfectionem universi.

Ad 3. dico, creaturam & Deum concurrere per eandem actionem; ad rationem additam distingo: actio creaturæ esset æquè efficax realiter, c. formaliter, *neg.* nam nisi simul Deus determinaret ad actionem, tunc illa actio realiter non daretur, & ideo eadem actio, in quantum respicit creaturam, formaliter non est ita potens, prout est potens, in quantum respicit Deum. Possset etiam dici, quòd concurrant per diversas actiones ab invicem dependentes ita, ut actio creaturæ subordinetur actioni creatoris, nec tamen propterea erunt diversæ speciei, licet differant essentialiter in consideratione physica.

*Obj. 3.* contra 2. *Concl.* Si longè est perfectius 2. l.

*Dd*

*produ-*



producere opus, quod non dependet à suo artifice, tunc Deus etiam producit tale opus: Sed; ergo. *M. prob.* quidquid est perfectius, sine hesitatione tribuendum est Deo; ergo.

2. Artefacta humana non indigent conservatione sui artificis; ergo neque divina. *ant. patet in domo, horologio &c. conf. prob.* opus divinum non est minus perfectum quàm domus vel horologium.

3. Res simul creata manet in statu existentiae, nisi positivè destruat; ergo non indiget conservatione. *ant. prob.* quælibet res manet in suo statu, nisi mutetur ab alio; ergo. *ant. patet*, quia nihil mutat se ipsum.

*Resp.* ad 1. *tr. M. neg. m.* quia hoc tantum provenit ex imperfectione artificis, quod illius opus non dependeat in existendo & conservando; si enim v. g. aliquis Architectus posset construere domum, quæ dependeret in conservando ab ipsius libero arbitrio, sine dubio construeret talem domum. quod igitur eligibilis est homini, est etiam melius, & nisi aliunde dicat imperfectionem, tribuendum est Deo.

Ad 2. *c. ant. neg. conf. & parit.* disparitas est, quia ista independentia artefacti à suo artifice est aliqua imperfectio saltem in artifice; nam tale artefactum præsupponit in artifice defectum potentiae ad conservationem artefacti; hinc artifex non potest pro suo libitu destruere aut corrigere artefactum, si ab alio contrario patiat, quia nempe artefactum non dependet ab ipsius arbitrio, nisi in fieri tantum.

Ad 3. *neg. ant. ad prob. neg. ant. ad hujus prob. c. ant. neg. conf.* nam si aliqua res perseveraret sine ulla nova determinatione in suo statu, eo ipso mutaret se ipsum, quia daret sibi ipsi aliquam novam determinationem ad novam differentiam temporis, pro qua prius non habuit determinationem, ut existeret.

22 *Obj. 4.* Si creatura indigeret conservatione, tunc anima rationalis non esset ex sua natura immortalis: Hoc est falsum; ergo. *M. prob.* si anima rationalis in tali casu esset æquè corruptibilis respectu Dei ac alia creatura, tunc non esset immortalis: Sed; ergo. *m. prob.* anima rationalis præcisè subtracta conservatione recideret in nihilum; nec habet majus jus ad dictam conservationem, quàm alia creatura; ergo.

2. Si creatura conservaretur à Deo, tunc vel conservaretur per novam actionem vel per actionem primò productivam? Neutrum potest dici; ergo. *m. prob.* nova actio etiam est nova productio; nova autem productio non est conservatio, sed rei destructæ reproductio; prior autem actio primò productiva non amplius datur, quia v. g. mundus non amplius fit, sed factus est.

*Resp.* ad 1. *neg. M. ad prob. c. M. neg. m.* ad hujus prob. *neg. ant. quoad 2. memb.* anima rationalis tantum per hoc dicitur immortalis ex sua natura, quia spectatis ejus proprietatibus Deus invenit finem hanc animam conservandi, si autem Deus habet finem naturalem in conservando, eo ipso conservat illam ita exigente ordine naturæ.

Ad 2. *c. M. neg. m. ad prob.* potest dici, utrumque & quidem si poneretur à Deo nova actio, dicendum foret, hanc actionem non esse rei reproductivam; quia simpliciter est respectiva alterius

actionis præviæ habentis eundem terminum nempe existentiam objecti producti; si verò Deus conservaret mundum per illam ipsam actionem, quæ primò produxit mundum, tunc dicendum foret, mundum quidem continuo fieri, non verò fieri, prout iste terminus communiter sumitur pro translatione à statu nihili ad statum existentiae; sed terminus iste deberet sumi philosophicè, in quantum importat determinationem ad existendum pro novo instanti, pro quo resex sua natura non est determinata. Et sic in hoc casu idem esset conservatio & productio, formaliter tamen distinguuntur, quia eadem actio ut præsupponens actionem præviæ per nostros conceptus refertur ad diversa connotata temporis, & eatenus etiam ipsa productio formaliter præcedit conservationem prioritatem obliqui seu temporis, non verò prioritatem recti seu ipsius actionis.

*Obj. 5.* Potest dici: voluntatem Dei conservandi mundum esse tantum conditionem respectu illius conservationis; ergo simpliciter conservatio non dependet à Deo.

2. Sensus & ratio possunt versari circa mundum, etiam si nihil cogitent de conservatione mundi; ergo ista conservatio est tantum fictitia. *prob. conf.* si nos ita possumus versari circa mundum, tunc etiam Deus potest ita versari circa mundum: Sed si hoc, tunc Deus non conservat mundum; ergo.

*Resp.* ad 1. *neg. ant. ratio est*, quia voluntas Dei est ipsa Omnipotentia; ea verò nihil vult nisi quod producit, si efficaciter vult; nostra verò voluntas non ponit rem, quam vult, quia non potest illam ponere; igitur voluntas Dei non est pura conditio, quia habet objectum volitum, quod tantum ideo existit, quia est volitum.

Ad 2. *tr. ant. neg. conf. ad prob. neg. M. & parit.* disparitas est, quia nostri sensus & ratio non exhauriunt totam cognoscibilitatem objecti, sed inter mille attributa vix cognoscunt unicum; econtrà cognitio divina cognoscit totam cognoscibilitatem objecti, & ideo etiam cognoscit dependentiam creaturæ à sua voluntate, sine qua nihil existit.

## QUESTIO IV.

*An actio sit modus realiter ab extremis distinctus?*

**T**Riplex potissimum actio considerari mere-  
tur 1. Actio creativa, per quam res producitur ex nihilo à Deo. 2. Actio immanens, per quam producitur aliquis effectus inhærens ac immanens suæ causæ v. g. quando ignis producitur in se ipso calorem, tunc calor productus inhæret etiam igni, & intantum est effectus immanens: quando anima rationalis producit intra se cognitiones & volitiones, tunc isti effectus utique manent in anima, & inhærent animæ, & eatenus cognitiones ac voli-



volitiones vocantur effectus immanens, & actio productiva horum effectuum etiam vocatur actio immanens seu actio ad intra. 3. Actio ad extra, quæ producit effectum causæ intrinsicæ ac separabilem à sua causâ; sicut quando ignis calefacit aut incendit lignum, hæc calefactio ligni aut combustio est effectus extrinsecus igni, & talis actio vocatur actio ad extra.

2 Dico I. *Actio creata ad extra distinguitur realiter ab extremis.* Prob. Concl. I. Si causâ est indifferens ad hunc effectum & vicissim effectus est indifferens ad hanc numero causam, tunc debet dari actio distincta: Sed; ergo. *m.* patet, quia causâ in suo essentiali conceptu non dicit essentialem connexionem ad hunc effectum potius quàm alium: potest enim ignis A producere infinitos ignes, & ex sua natura non est determinatus ad producendum potius ignem B. quàm ignem C. ita vicissim ignis C. ex sua natura non est determinatus ad hoc, ut producat ab igne B. potius quàm ab igne B. M. prob. si causâ est indifferens, tunc debet dari sublativum indifferentiæ: Sed; ergo. M. patet, quia naturaliter nihil fit, nisi detur determinativum sufficiens. *m.* prob. non datur aliud sublativum indifferentiæ, nisi actio distincta; ergo. prob. ant. hoc sublativum nec est causâ, nec effectus, nec actus primus proximus, nec ista simul sumpta; ergo. prob. ant. possum concipere causam formaliter agentem, etiam si formaliter non concipiam actum primum proximum; ergo actus primus proximus non est pars sublativi indifferentiæ. Similiter possum concipere causam & effectum non referendo illa ad invicem; ergo etiam in his non consistit sublativum indifferentiæ.

3 Si dicas: Hoc sublativum quidem distingui à causâ vel effectû, sed tantum formaliter, sicut diximus de relatione. Contrâ est: illud ipsum, quod distinguitur formaliter, & concipitur ut separabile à re distinguitur realiter à re; sed actio distinguitur formaliter ab extremis, & simul concipitur ut separabilis; ergo. *m.* quoad 2. memb. prob. id quod nominamus actionem, concipimus per modum formæ denominantis, advenientis & abeuntis à re; ergo.

4 Prob. 2. Quando causâ agit, datur nova denominatio intrinseca subjecto denominationis; ergo etiam debet dari nova pars. subsumo: nulla alia potest assignari, nisi actio distincta; ergo. prob. subsumptum: illa nova pars revera advenit de novo subjecto denominationis; ergo. prob. ant. illa nova pars primum concipitur in subjecto denominationis, dum actu agit causâ.

5 Prob. 3. Actio est realiter separabilis ab extremis; ergo realiter distinguitur. prob. ant. si hæc actio non esset separabilis, tunc ipsa actualis connexio ac esse respectivum causæ ad effectum identificaretur vel cum causâ vel cum effectû? Neutrum potest dici; ergo. *m.* prob. Deus non habet finem identificandi hanc actionem cum causâ, antequam actu detur effectus; dein limitaretur potentia causæ naturalis, quæ non posset producere alium effectum, nisi quem actu producit, cum in tali hypothesi causâ non haberet secum identificatam aliam potentiam nisi in ordine ad effectum, quem actu producit. Eodem modo est discurrendum de effectû; ad quid enim Deus identificaret cum ligno actionem productivam ligni, quæ proin adhuc perseveraret, quando lignum est in via corruptionis?

R. D. Euseb. Amori Philosophia,

Prob. 4. Actio formaliter distinguitur ab extremis, & secundum suum esse objectivum concipitur ut inherens extremis & ut separabilis ab extremis; ergo distinguitur. prob. conf. potest à parte rei conceptus objectivus actionis in omnibus esse conformis conceptui formali hujus actionis; ergo est conformis; quia tanta est admittenda conformitas inter conceptum objectivum & formalem, quanta est possibilis.

Prob. 5. Posita causâ & actu primo proximo nondum verum est causam agere; ergo ad hoc, ut causâ agat, requiritur aliud verificativum, prius ad effectum & posterius ipso actu primo proximo. ant. prob. quando datur actus primus proximus, potest adhuc supernaturaliter impediri productio effectus; ergo. conf. verò prob. sic: si nondum est verum causam agere, tunc in hac propositione: *Causâ agit*; affirmamus formaliter aliquid aliud, quàm causam & actum primum proximum: Sed si hoc, tunc datur aliquid aliud; ergo. *m.* prob. quando affirmamus formaliter aliquid aliud, tunc affirmamus illud aliquid ut adveniens post actum primum proximum; ergo.

Prob. 6. Si actio non esset realiter distincta, tunc decretum Dei tendens in actum primum proximum sine effectû, & decretum Dei tendens simul in actum primum proximum & effectum, ac denique decretum Dei simul tendens in actum primum proximum & effectum & dependentiam effectus à sua causâ non distinguerentur inter se: Atqui ista decreta Dei distinguuntur; ergo. *m.* prob. quia Deus potest velle actum primum proximum sine effectû, & potest etiam velle actum primum proximum & effectum, sed tamen independentem ab isto actu primo proximo, si videlicet ad præsentiam ignis Deus vellet motu proprio accendere lignum sine concursu ignis proxime dispositi ad accendendum lignum, M. prob. In his tribus decretis daretur idem objectum ex parte causæ agentis; ergo etiam daretur idem decretum.

Prob. 7. Solus Deus est suum agere; ergo omnis actio distinguitur ab agente.

Prob. 8. Quando anima ex non amante fit amans, tunc amor distinguitur ab anima; ergo etiam, quando causâ ex non agente fit agens, actio distinguitur ab agente. Si dicas: per se patere, amorem esse separabilem ab anima. Eodem modo etiam est evidens, actionem secundum nostrum modum concipiendi esse separabilem; alioquin posset etiam dici amantem tantum denominari amantemposito certo actu primo proximo in intellectu & posita præsentia intentionali objecti.

Dico 2. *Etiam actio creativa distinguitur realiter à Deo & creatura.* Prob. Concl. Deus essentialiter non ordinatur ad creaturam; ergo illius actio distinguitur à Deo; quod verò illa actio adæquate non identificetur cum creatura, probatur ex eo, quia actio creativa est prior ad creaturam, & habet oppositionem relativam producentis ad productum.

Dico 3. *Actio immanens non distinguitur realiter à causâ & effectû.* Conclusio procedit v.g. de cognitione, volitione, & sensatione respectu animæ rationalis vel de calore v.g. respectu ignis. Prob. Concl. si ex una parte effectus intrinsece ac essentialiter respicit hanc numero causam, & ex altera parte causâ essentialiter ac intrinsece respicit hunc specie effectum, tunc posito actu primo proximo non est opus alio



determinativo distincto: Sed; ergo. *m. prob.* volitio v.g. Petri non potest procedere, nisi ab anima Petri & vicissim anima Petri ex sua natura jam est determinata ad producendam aliquam cognitionem vel volitionem.

## Solvuntur Objectiones.

13 *Obj. 1.* Si daretur actio distincta, tunc deberet produci etiam ipsa actio per aliam actionem: Hoc non potest dici; ergo. *m. patet*, quia non datur actio ad actionem, ut habet axioma; alioquin enim procederetur in infinitum. *M. prob.* causa etiam est indifferens ad producendam illam ipsam actionem; ergo.

2. Etiam in effectibus immanentibus causa est indifferens ad producendum effectum immanentem; ergo pugnat eadem ratio. Subsumo: si pugnat eadem ratio, tunc etiam in utroque casu asseri vel negari debet actio distincta. *ant. prob.* causa v.g. anima Petri est indifferens ad producendam hanc vel illam volitionem, quin potest absolute impediri à Deo illa volitio; ergo.

*Resp. ad 1. neg. M. ad prob. neg. ant. ratio est*, quia anima vel quæcunque alia causa jam ex sua natura est determinata ad producendam aliquam actionem; si igitur ex parte effectus nulla detur essentialis indifferencia ad hoc, ut dependeat ab hac vel illa causa, nulla requiretur actio distincta. In presenti autem casu actio modalis vi essentialis suæ jam est determinata ad producendum ab hac vel illa causa, & ideo posito actu primo proximo resultat per suam essentialiam, & est determinativum sui ipsius inæquatum ad existendum, quia ejus essentialitas est formalissime illud ipsum, quod concipimus, dum concipimus connexionem unius ad alterum.

*Ad 2. neg. ant. vel dist. Causa est indifferens tantum indifferentiâ causæ, tr. ant. indifferentiâ effectus, neg. ant.* nam v.g. volitio Petri necessario procedit à Petro, etiam si non procedat necessario quoad gradum suum genericum.

14 *Obj. 2.* Potest Deus producere effectus per solam virtutem inditam causæ secundæ; ergo actio distincta redundat. *prob. ant.* potest Deus statim in prima productione v.g. ignis illi identificare determinativum ad producendum effectum pro quacunque differentia temporis; ergo.

2. Si causa immediate influit per se ipsam in effectum, tunc non influit per actionem distinctam: Sed; ergo. *m. prob.* causa per se ipsam exercet causalitatem, & continet in se ipsa vim causandi.

3. Posito actu primo proximo ad producendum primum effectum causa jam est sufficienter determinata ad producendum effectum; ergo non indiget determinativo distincto. *prob. ant.* posito actu primo proximo causa jam est sufficienter determinata ad producendam actionem; ergo etiam est determinata ad producendum effectum. *prob. conf.* etiam actio est quidam effectus causæ, nec requiritur major vis ad producendum effectum actionis, quam ad ipsam actionem; quia actio est quasi causa effectus, adeoque ejusdem perfectionis cum effectum.

*Resp. ad 1. neg. ant. ad prob. neg. ant.* quia spectata natura rerum, Deus nihil operatur, nisi exigente

aliqua causa naturali: jam verò in prima productione ignis nondum datur aliquod determinativum naturale ad identificandam actionem seu determinationem, vi cujus primum post aliquod tempus produceretur alius ignis. Igitur supponimus, nullam dari seriem causarum & effectuum, ita, ut quælibet causa, prout volunt Thomistæ, tantum habeat vim producendi illos effectus, quos actu producet, quia in tali hypothese Deus præordinaret pro suo libitu virtutem causarum sine ullo determinativo creato actu existente, sed tantum ex determinativo primum futuro, quod asserendum non est, quamdiu potest haberi determinativum creatum actu existens.

*Ad 2. tr. M. neg. m. vel dist. causa immediate influit per se ipsam inmediate actionis, c. m. inmediate virtutis, neg. m.* ex communi usu loquendi dicitur aliquid immediate agere, quando immediate ponit actionem productivam effectus. *Ad probationem additam dist. ant.* causa per se ipsam habet virtutem producendi effectus materialiter & efficienter, *c. ant. formaliter, neg. ant.* causa præcipue ordinatur ex sua essentialitate ad producendum effectum, sed non actualiter est determinata ac connexa cum illo effectum, nisi detur determinativum distinctum.

*Ad 3. neg. ant. ad prob. c. ant. neg. conf. & parit.* disparitas est, quia posito actu primo proximo ad ipsum effectum, nec ex parte effectus, neque ex parte causæ intelligitur formaliter essentialis connexio inter causam & effectum, eo quod hæc duo extrema sint aliquid absolutum, non relativum: e contra quando ponitur actus primus proximus ad ipsam actionem, tunc ex parte actionis jam intelligitur essentialis connexio ad suam causam, quia actio in suo formali conceptu dicit aliquod relativum ad causam.

*Obj. 3. contra 2. Concl.* Si actio creativa non habet subjectum, tunc etiam non habet existentiam in rerum natura: Sed; ergo. *M. patet*, quia actio creativa est aliquis modus, qui essentialiter dependet à suo subjecto. *m. prob.* si ista actio haberet subjectum, tunc vel haberet subjectum creatum vel increatum? Neutrum potest dici; ergo. *m. prob.* subjectum increatum aliud non datur nisi Deus, & in Deo non recipi potest actio creativa; ergo. *ant.* quoad 2. membrum certum est de fide, quia Deus est immutabilis, adeoque nullius accidentis susceptivus. Quod verò nullum detur subjectum creatum pro actione creativa probatur: si actio creativa est prior omni ente creato, tunc non habet subjectum creatum; Sed; ergo. *m. patet*, quia causa est prior suo effectum. *m. prob.* omne subjectum præsupponitur ad suam formam; ergo. *ant. prob.* omnis forma recipit existentiam à suo subjecto & dependet in existendo à suo subjecto; ergo si forma dependet à suo subjecto, tunc subjectum est causa suæ formæ, adeoque prius.

2. Si creatura per se ipsam essentialiter dependet à Deo, tunc non indiget actione creativa distincta: Sed; ergo. *M. prob.* si essentialiter dependet à Deo, tunc se habet ad Deum sicut actio modalis ad suam causam: Sed si hoc &c. ergo. *m. prob.* actio modalis tantum ideo non indiget actione distincta, quia dependet essentialiter à sua causa.

3. Effectus immanens non producitur per actionem



nem distinctam; ergo neque creatura à Deo. prob. conf. sicut effectus immanens per se ipsum essentialiter respicit suam causam, ita creatura per se ipsam respicit Deum; ergo.

Resp. ad 1. c. M. neg. m. & dico ad prob. quòd habeat subiectum creatum nempe creaturam, quæ per illam actionem producit. ad prob. neg. M. vel dist. si actio est prior ad subiectum creatum etiam prioritatem temporis, c. M. si tantum est prior prioritatem naturæ, neg. M. Prioritas naturæ consistit in eo, ut sit ratio existendi alteri, etiamsi ipsum non possit existere sine altero; sicut si manu pulso januam, actio est quidem prior passionem, sed tamen actio non potest existere sine passionem; similiter si volo movere pedem vel manum, tunc volitio determinat spiritus animales, & spiritus animales determinant manum vel pedem, in hoc casu determinatio activa est prior determinatione passiva; sic etiam Deus, quando vult producere mundum, videt illum non posse produci sine aliqua actione; cum tamen pro illa actione requirat aliquod subiectum, potest pro illa actione assumere ipsam creaturam, quæ producit per actionem; si ista coordinatio est possibilis in mente primi ordinantis, tunc etiam est possibilis extra mentem ordinantis in ipso mundo, quia mundus talis est, qualis intelligitur esse à primo ordinante. Posset etiam dici: dari mutuam prioritatem inter actionem creativam & inter creaturam, quia unum non est sine altero.

Ad 2. dist. M. Si creatura essentialiter dependet à Deo mutuâ relatione, c. M. si tantum dependet à Deo relatione sui ad Deum, non verò mutuâ Dei ad creaturam, neg. M. actio revera tantum ideo requiritur, ut Deus, qui nullam habet intrinsecam connexionem, ordinationem, aut relationem recipiendam in creatura, incipiat per istam actionem habere aliquam relationem recipiendam activè in creatura; adeoque actio creativa non tollit indifferentiam creaturæ seu effectus, sicut contingit in actionibus causarum secundarum, sed tantum tollit indifferentiam causæ nempe Dei; non sic quidem, quasi Deus non identificaverit ab æterno secum determinativum ad creationem mundi, sed quia illa determinatio activè ac formaliter non recipitur in mundo, sicque istum non attingit.

Ad 3. c. ant. neg. conf. ad prob. neg. ant. ratio disparitatis est, quia effectus immanens jam procedit ab aliqua causa ex sua natura ac intrinsecè ordinata ad producendum talem effectum in ratione generica vel specifica consideratum, adeoque aliud non requiritur determinativum, nisi effectus intrinsecè ac essentialiter respiciens talem causam. Econtrà Deus ex sua natura non ordinatur ad creaturam; igitur ut respiciat creaturam ex sua parte requiritur aliud determinativum. Altera disparitas est, quia actus vitales sunt aliqua actio agentis, adeoque in suo conceptu jam habent determinativum ad hanc causam.

16 Dices: Deus ad producendum effectum non requirit aliud determinativum, nisi intrinsecam dependentiam à se; ergo prob. ant. quando Deus producit actionem creativam, non requirit aliud determinativum, quàm dependentiam actionis à se; ergo neque requirit aliud determinativum, si sine actione creativa immediatè produceret effectum essentialiter dependentem à se.

Resp. neg. ant. ad prob. c. ant. neg. conf. disparitas est, quia actio creativa in suo essentiali conceptu habet se activè; econtrà dependentia creaturæ à Deo tantum se habet passivè; actio creativa habet se quidem etiam passivè, quia est effectus Dei dependens à Deo, sed formaliter etiam est determinatio Dei activa tendens in aliud.

## QUÆSTIO V.

An possit dari duplex actio totalis?

Sensus quæstionis est: an per absolutam Dei potentiam possint concurrere plures causæ ad eundem effectum; v. g. duo ignes ad producendum ignem tertium, ita tamen, ut quilibet ignis, sine ullo respectu ad alterum, producat illum ignem tertium. Adeoque hic non vocatur illa causa totalis, quæ sola producit effectum, neque illa actio vocatur totalis, quæ sola influit in effectum, v. g. si unus ignis producat ignem, neque etiam illa vocatur causa totalis, quæ producit totum effectum seu omnes perfectiones in effectu reperibiles, sic enim, etiamsi defacto dico, ignes producant ignem tertium, & quilibet ignis producat totum ignem tertium, per hoc nondum erunt causæ totales; similiter etiamsi Deus concurret cum creatura ad producendum effectum eundem, & etiamsi Deus & creatura tribuerent omnes perfectiones effectui, per hoc tamen nec Deus nec creatura erunt causæ totales; ratio est, quia actio creaturæ intrinsecè respicit concursum seu actionem Dei; & vicissim actio Dei respicit actionem creaturæ; & sic hæc duæ actiones se invicem respicientes, ac quasi contemperantes vocantur actiones partiales: si verò darentur duæ actiones, quarum nulla respiceret alteram, tunc vocarentur actiones totales. Procedit autem quæstio tantum de duabus actionibus causarum secundarum realiter distinctis à suo subiecto, quia respectu Dei nulla creatura potest habere rationem causæ totalis ad suum effectum, cum in agendo essentialiter dependeat à concursu Dei.

Dico: Supernaturaliter possibilis est duplex actio totalis. Prob. Concl. 1. negativè, quia in hoc nulla potest ostendi repugnantia.

Prob. 2. Si hæc actio nec ratione sui nec ratione finis involvit contradictionem, tunc est absolute possibilis; Sed; ergo. m. quoad 2. memb. prob. potest v. g. hic esse finis alicujus actionis totalis, ut idem effectus eò gloriosius possit adscribi duplici causæ v. g. unio hypostatica potuisset produci per actionem totalem à Beata Virgine, & simul per aliam actionem totalem ab Angelo.

Prob. 3. Potest dari duplex ubicatio totalis; ergo etiam potest dari duplex actio totalis, ant. supponitur v. g. in replicatione Divi Antonii, Laurentii, Justiniani. conf. prob. ubicatio totalis ideo est possibilis, quia habet aliquam finem sibi extrinsecum: Sed talem etiam habet actio totalis; ergo.

Prob. 4. Possibilis est duplex causa totalis in actu primo; ergo etiam possibilis est duplex causa totalis



totalis in actu secundo. ant. patet, quia v.g. quilibet ignis in actu primo est potens se solo producere alium ignem, conf. prob. si possibilis est duplex causa totalis in actu primo, tunc etiam non repugnat à Deo permitti cuilibet causæ suam actionem: Sed si hoc &c. ergo.

5 Prob. 5. Potest dari duplex moralis causa totalis; ergo etiam duplex causa physica totalis. ant. patet in exemplo, v.g. dum datur elemosyna ex duplici motivo, v.g. aliquid merendi, & simul ex motivo obtinendi sanitatem, conf. prob. si est possibilis duplex causa moralis, tunc absolute in intellectu potest concipi duplex finis adequatus ejusdem rei: Sed si hoc, tunc etiam datur duplex causa totalis physica; ergo. *m. prob.* si datur duplex motivum ejusdem rei, potest etiam vice versa dari unus effectus duplicis motivi; ergo etiam duplex causa, & si in mundo intellectuali hoc est possibile ita, ut formaliter non dicat contradictionem, etiam erit possibile in mundo reali, quia inter ista duo tanta datur conformitas, quanta potest dari.

6 Prob. 6. Quando plures Sacerdotes cum Episcopo consecrant eandem hostiam, tunc potest dici, quod quilibet Sacerdos actione totali ponat præsentiam Christi; ergo. ant. prob. quilibet Sacerdos habet eandem vim finè respectu ad alterum, ac si seorsim consecraret; ergo.

7 Prob. 7. Causa totalis in actu primo seorsim habet vim producendi actionem totalem; ergo etiam simul sumptæ habent eandem vim. prob. conf. simultas non impedit, quin quælibet causa absolute tantum agat, quantum potest agere, nisi ob harmoniam universi in moderna providentia Deus voluisset actionem unius causæ esse respectivam alterius suæ concausæ.

## Solvuntur Objectiones.

8 *Obj. 1.* Actio totalis nihil aliud est, quam complexum ex causa, actu primo proximo & effectu: Sed non potest dari duplex complexum; ergo neque duplex actio totalis.

2. Illa est causa totalis, quæ exhaurit totam causabilitatem effectus; Sed non potest dari talis duplex actio; ergo. *m. prob.* tota causabilitas effectus jam exhauritur per unam actionem.

3. Illa est causa totalis, quæ sola producit totum effectum: Sed implicat dari duplicem causam solam; ergo.

4. Non potest dari duplex exhaustio ejusdem poculi, vel duplex mors totalis ejusdem hominis; ergo neque duplex actio productiva totalis ejusdem effectus.

*Resp. ad 1. neg. M.* quia actio distinguitur modaliter à complexo horum omnium.

*Ad 2. neg. M.* quia causa totalis est, quæ producit totum effectum finè respectu ad aliam causam, licet effectus etiam producat ab alia causa.

*Ad 3. neg. M.*

*Ad 4. tr. ant. neg. conf. & parit.* disparitas est, quia mors est tantum aliqua negatio alicujus rei; similiter etiam exhaustio poculi est pura negatio; sicut igitur negatio non habet entitatem ac existen-

tiam, ita nec propriè habet unitatem, ac proinde dualitatem; aut si habet unitatem, eam præcisè habet à suo subjecto, quod si multiplicaretur, etiam multiplicaretur negatio.

*Dices:* Saltem non potest dari duplex anima rationalis in uno corpore, quarum utraque actione totali producat idem opus meritum aut demeritorium, alioquin ob unum opus præmiarentur aut punirentur duo.

*Resp. neg. ant.* aut si id est impossibile, tunc illud est impossibile ob extrinsecam repugnantiam, quæ non reperitur in duplici actione totali secundum se.

*Obj. 2.* Si actio duplex totalis non habet finem, tunc eo ipso implicat: Sed; ergo. *m. prob.* si id, quod obtinetur per unam actionem, etiam obtinetur per alteram, tunc non habet finem: Sed; ergo. *M. prob.* non esset prudens finis, si adhiberentur mille equi ad trahendam paleam.

2. Si duæ actiones totales haberent aliquem finem, tunc haberent finem extrinsecum actioni: Sed hoc non sufficit; ergo. *m. prob.* si sufficeret finis extrinsecus, tunc propter talem finem extrinsecum posset Deus replere totum mundum muscis & crabronibus: Hoc non potest dici; ergo. *prob. M.* etiam in hoc casu posset Deus ostendere suam Omnipotentiam; ergo.

3. Si Deus non potest prudenter habere finem in duplici actione totali, tunc simpliciter non habet finem: Sed; ergo. *m. prob.* si Deus idem potest obtinere per unam actionem, tunc non habet prudenter finem in duplici actione: Sed; ergo.

4. Si non omnes perfectiones divinæ concurrentes ad aliquem effectum habent finem in duplici actione totali, tunc simpliciter Deus non habet finem: Sed; ergo. *prob. m.* perfectiones divinæ concurrentes ad quemlibet effectum sunt Omnipotentia, Sapientia, Bonitas, Providentia, & inter has Sapientia non habet finem; ergo. *m. prob.* si Sapientia Divina semper præsupponit in suo objecto finem intrinsecum ac proportionem, tunc non invenit in actione duplici totali: Sed; ergo. *m. prob.* Sapientia Divina non inveniret finem intrinsecum in duplici actione, sed illi deberet dari finem extrinsecum.

*Resp. ad 1. c. M. neg. m. ad prob. neg. M.* ad prob. neg. ant. v.g. si Deus ad lusum suæ Omnipotentiae vellet ostendere suam vim in minimis vel attrahendis vel retrahendis; dein etiam si duplex actio totalis non habeat specialem finem, tamen habet eundem finem, quem habet altera actio, & ideo formalissimè est in quæstione, an eadem res possit habere duplicem causam totalem, sicut est in quæstione, an duæ causæ totales possint habere eundem finem totalem.

*Ad 2. neg. M.* quia finis extrinsecus non excludit finem intrinsecum, dico tamen, quod duæ causæ totales habeant eundem finem intrinsecum; dein si idem corpus replicatum potest pati à diversis causis, cur non possit recipere existentiam à diversis causis. *Resp. 2. neg. m. ad prob. c. M. neg. m.* quia non implicat ob aliquem finem extrinsecum soli Deo cognitum repleri mundum istis muscis & crabronibus, sicut non est indecens repleri Ægyptum cyniphis & muscis.



Ad 3. c. M. neg. m. ad prob. c. M. neg. m. quia prudentia est ratio mediorum ad finem; sicut igitur prudentis est invenire plura media, si insuper possit habere aliquem finem extrinsecum, ita prudentis est, invenire plures causas.

Ad 4. c. M. neg. m. ad prob. neg. ant. quoad 2. memb. ad prob. dist. ant. Sapientia jam præsupponit finem semper etiam distinctum à fine alterius actionis, neg. ant. abstrahendo, an ille finis sit distinctus, c. ant. quando enim Deus videt se per duplicem actionem producere posse eundem effectum, tunc etiam Sapientia Divina in qualibet harum actionum reperit dari finem, etiam si non reperiatur speciale finem ab altera actione distinctum. Potest etiam dici, quod argumentum petitur à defectu finis tantum sit negativum, adeoque non positivè probat implicantiam aut impossibilitatem. quod vero hoc argumentum tantum sit negativum, ex eo ostenditur, quia, etiam si nos non videamus finem, positivè tamen non demonstratur, etiam Deum non posse videre finem, multa enim nos non videmus, quæ propterea tamen non sunt impossibilia.

Obj. 3. Si daretur duplex actio totalis, tunc idem effectus essentialiter ac intrinsecè dependeret à duplici actione totali: Hoc est impossibile; ergo. prob. m. dependere à duplici causa nihil aliud est, quam ita esse insufficiens ad existendum, ut non existat sine altera causa: Hoc verò est impossibile; ergo. m. prob. una actio totalis jam per se est sufficiens adtribuendam effectui existentiam sine concursu alterius causæ; ergo.

2. Si una actio totalis tollit adæquatam insufficientiam ad existendum in effectu, tunc effectus intrinsecè non dependet ab ulla alia actione: Sed; ergo. M. prob. si una actio totalis tollat adæquatam insufficientiam, tunc effectus non dicit indigentiam alterius actionis; ergo.

3. Si non potest dari duplex sublativum indifferentiæ ad existendum, tunc etiam non potest dari duplex actio totalis: Sed; ergo. m. prob. si datur tantum una indifferentia ad existendum in effectu, tunc non potest dari duplex sublativum indifferentiæ: Sed; ergo.

4. Si posset dari duplex actio totalis, tunc etiam posset dari triplex & centuplex: Hoc est absurdum; ergo.

5. Si posset dari duplex causa totalis, tunc etiam in eadem causa posset dari duplex actio totalis: Hoc adhuc est absurdus; ergo.

Resp. ad 1. c. M. neg. m. ad prob. neg. M. quia etiam si per unam actionem effectus non indigeat alia actione, sitamen datur alia actio, etiam dependet ab illa actione non ob suam indigentiam, sed ob determinationem Omnipotentis.

Potest etiam dici, quod in tali casu effectus indigeat duplici causa totali non indigentia antecedente liberam determinationem Omnipotentis, sed consequente; postquam enim Deus voluit effectum producere per duplicem causam totalem, eo ipso etiam identificat cum effectu intrinsecum respectum ad duas actiones totales, & iste respectus potest vocari duplex indigentia.

Ad 2. dist. M. Si una actio tollat adæquatam insufficientiam etiam consequentem ad sensum compositum duarum actionum, c. M. si tantum tollit insufficientiam antecedentem, neg. M. effectus per se

quidem tantum indiget una actione, sed antecederet ad actionem, sicut non habet existentiam, ita propriè loquendo, neque habet insufficientiam, sed ejus dependentia & insufficientia tantum consequitur ad actionem, cum autem in casu posito datur respectus ad duplicem actionem, implicat per unam actionem poni effectum, adeoque implicat tolli adæquatam insufficientiam consequentem ad actionem saltem realiter.

Ad 3. c. M. neg. m. ad prob. dist. M. si tantum datur una indifferentia antecedenter & consequenter ad actionem, c. M. si tantum datur una antecedenter, neg. M. sicut dixi, antecederet ad actionem nec datur existentia in effectu, nec propriè indifferentia; igitur si velimus scire, an illa indifferentia sit una vel duplex, debemus attendere ad statum rei consequentem post actionem; quando datur una actio totalis, datur etiam una indifferentia seu respectus ad unam actionem, secus verò, si dentur duæ actiones.

Ad 4. c. M. neg. m. Ad 5. Idem Resp. absurdum enim esse nihil aliud est quam esse contra rectam rationem. In casu posito, etiam si effectus & ista duplex actio videatur esse contra rationem saltem humanam, eò quod nos non videamus finem, non tamen eo ipso positivè probatur, quod sit contra Rationem Divinam, quod deberet positivè probari. Accedit, quod neque sit contra rationem humanam multiplicare tot actiones, quia etiam ratio humana dicit aliquando pro demonstrando lusu Omnipotentiae, & ad ostendendas vires agendum esse id, quod alioquin nullum haberet finem.

## Q U Æ S T I O VI.

### An detur actio in distans?

IN hac questione iterum occurrunt nomina, quæ prius sunt explicanda.

*Sphæra activitatis* vocatur illa distantia, ad quam se extendit activitas cujusque causæ; v.g. lampas noctu lucet, & diffundit lucem ad distantiam v.g. centum aut ducentorum pedum per circuitum; ultra illam distantiam lux successivè decrevit, usque dum omnino evanescat, nec amplius cerni possit; totum illud spatium, per quod lux se diffundit, vocatur *Sphæra activitatis*. Similem sphaeram habet ignis, cujus calor se non extendit, nisi ad certam v.g. à fornace distantiam.

*Agere inmediate* dicitur aliqua causa, quando per suam intimam præsentiam producit aliquem effectum intimè sibi præsentem; sicut si ignis per se ipsum accendat alium ignem.

*Agere inmediate* virtutis dicitur aliqua causa, quando in intermedio producit aliquem effectum, à quo postmodum producat in loco remoto alius effectus; sicut si ignis producat calorem in cubiculo, & ille nimis calor deinde causet vel sudorem vel dolorem capitis: hunc enim effectum ignis non producit per se ipsum, cum non sit præsens, sed per calorem, qui dicitur quasi virtus ignis. Alii agere inmediate suppositi volunt idem esse, ac agere per virtutem substantiæ; agere verò inmediate virtutis esse agere mediantibus accidentibus, ita, ut *inmediatio* ac medium non referatur ad medium loci ac distantiae, sed ad medium virtutis activæ residentis in substantia vel accidente vel alia causa.



4 *Existere in intermedio intentionaliter* dicitur aliqua causa, quando in intermedio non producit effectum sibi aut effectui principali homogeneous; v.g. color muri producit in oculo sui species, & tamen in intermedio aëre nec datur color muri v.g. albedo; nec etiam dantur in aëre species tales, quales dantur in oculo. Ideo color muri dicitur in aëre intermedio *existere intentionaliter*, quia datur aliqua vis diffusa à muro per aërem, per quam vim sic diffusam producantur species in oculo. Alii melius explicant *non existere intentionaliter in intermedio*, dum dicunt effectum in intermedio productum, quamvis sit homogeneous, non tamen *existere* ibi informative habendo communem actionem ac passionem cum suo subiecto. Econtra si in intermedio aëre datur effectus aut informative, aut ex priori explicatione homogeneous cum causa & effectui principali, tunc dicitur *formaliter existere in intermedio*; sicut si ignis producit calorem in intermedio aëre, producit calorem homogeneous.

5 *Agere uniformiter difformiter* dicitur causa, quando pro diversa distantia producit uniformiter diversum effectum; sicut lampas pro diversa distantia uniformiter remissius lucet, v.g. ad distantiam unius pedis uniformiter lucet ut octo; ad distantiam duorum vel trium pedum uniformiter lucet ut septem, & sic ulterius uniformiter decrecendo.

In præsentia, quaestio est: an causa naturalis ita possit agere in loco remoto, ut prorsus nihil agat in intermedio nec formaliter nec intentionaliter.

6 Dico 1. Non datur naturaliter actio in distans. Prob. Concl. illa virtus, cujus in natura nulla datur necessitas ac exigentia, & quæ est contra modum operandi à natura usitatum, non datur: talis est virtus agendi in distans; ergo. *m.* prob. quoad 1. negative, quoad alterum patet, quia ferè omnes causæ naturales indigent sui propinqua applicatione ad passum. *M.* prob. in natura nihil sit, nisi sic exigente natura; & natura amat analogiam suarum operationum, quantum possibilis est; ergo. ant. quoad 2. prob. ab inductione, quia natura operatur in uno loco, sicut operatur in altero, & sicut non multiplicat entia sine necessitate, ita etiam non multiplicat diversas operandi species ac modos actionum sine necessitate.

7 Prob. 2. Si daretur actio in distans, tunc non est ratio, cur in omnibus ferè effectibus requiratur applicatio causæ ad passum: Sed talis debet dari; ergo. *M.* prob. posset natura etiam in omnibus istis effectibus agere in distans.

8 Prob. 3. Si daretur actio in distans, tunc nulla daretur regula discernendi effectus magicos aut superstitiosos ab effectibus naturalibus: Hoc est falsum; ergo. *m.* patet, quia sicut datur distinctivum inter hos effectus, ita etiam debet dari criterium, cum intersit generis humani nolle hoc criterium. *M.* prob. in omni effectui utut superstitioso in Europa posset dici existere aliquam causam in India, quæ hîc & nunc producat talem effectum.

9 Prob. 4. Si daretur actio in distans, tunc nunquam essemus certi de causa effectus: Sed; ergo. *M.* prob. in omni effectui possemus dubitare, an forte non sit productus ab aliqua causa in India, quam non videmus.

10 Prob. 5. Creatura est limitata quoad locum; ergo etiam quoad sphaeram activitatis.

Dico 2. *Actio in distans potest dari supernaturaliter.* 11 Prob. Concl. Si connexio causæ & effectus essentialiter non dicit ullam propinquitatem aut diffusionem virtutis per intermedium, tunc potest dari supernaturaliter: Sed; ergo. prob. *m.* connexio causæ & effectus in suo conceptu omnino abstrahit ab omni loco.

Dico 3. *Non requiritur naturaliter diffusio virtutis formaliter in intermedio.* 12 Prob. Concl. Color objecti non producit formaliter in intermedio species visivas aut colorem sibi similem; ergo hoc non requiritur.

Prob. 2. Potest aliqua actio causæ per intermedium diffusa æquè esse connexa cum effectui principali, ac est ipsa causa; ergo non requiritur diffusio formalis. prob. ant. illa actio per intermedium potest producere effectum non pro intermedio, sed pro alio loco; sicut aliquis potest orare in templo, sed non pro templo; ergo.

Confirm. Si causa principalis potest actionem suam producendi effectum communicare alteri enti à se distincto & diversæ speciei, tunc non requiritur formalis per intermedium: Sed; ergo. in *m.* non apparet implicantia.

Dico 4. *Omnis diffusio per intermedium consistit in motu locali.* 14 Prob. Concl. Nunquam constat effectum produci naturaliter in loco remoto nisi vel propagetur motus per intermedium aut emittantur aliquæ partes à causa ad terminum sphaeræ activitatis; ergo. ant. prob. in calore, sono, luce, odore &c. in quibus omnibus effectibus vel movetur ipsum intermedium motu subtilissimo minimarum partium, vel diffunduntur à causa principali aliquæ partes, quibus inest vis producendi effectum sibi similem.

## Solvuntur Objectiones.

Obj. 1. contra 1. Concl. Unguentum armarium, 15 pulvis sympatheticus, virga corylacea, magnes actu agunt in distans naturaliter; ergo potest naturaliter dari talis actio. ant. prob. si viri probi testantur hos effectus fieri uniformiter sine ulla circumstantia superstitiosa, tunc datur: Sed; ergo. de *m.* potest legi Schotus in Magia medica,

Resp. neg. ant. ad prob. dico: Si vera sunt illa experimenta, id non fieri per actionem in distans, sed per diffusionem minimarum partium per intermedium; quia nempe in intermedio producent aliquam actionem intra sphaeram suæ activitatis, & illa actio postmodum habet vim in corpore disposito ponendi effectum principalem. Verùm & hi ipsi effectus non nituntur veritate, quia aut tantum procedunt in casu raro, aut non sine suspitione superstitionis, ut dicetur in Physica Particulari. Pro nunc sufficiat in genere scire, hoc unguentum sive spectetur materia, sive applicatio, sive circumstantiæ, sive finis, sive author, undique sapere superstitionem, & ut habeas generalem regulam, quid habendum sit pro effectui naturali aut superstitioso, ponamus imprimis pro certo, illud esse superstitiosum, quod non habet vim naturalem ad producendum effectum, nec etiam vim supernaturalem; an aliquid habeat vim supernaturalem, id debet constare vel ex Scriptura, vel traditione Ecclesiæ; & quidquid habet talem vim, illam vel habet à Christo, vel ab Ecclesiâ. Circa



vim naturalem potest vel physica vel morali certitudine vel probabilius constare, dari in tali re vim naturalem, vel non dari. Quandocunque probabilius constat in tali re non dari vim, tunc habenda est pro superstitiosa. Item quando causæ adscribitur effectus eâ universali infallibilitate effectus, quem nec habet ex principio naturali vel supernaturali, iterum est superstitiosa, licet enim tales res interdum habeant aliquam vim, tamen non habent illam, quæ illis adscribitur, eâ infallibilitate & universalitate. An verò rei adscribatur talis vis, debet desumi ex æstimatione morali hominum, talem rem applicantium ex singulari appretiatione, singulari encomio, singulari studio rem conservandi, obtinendi, ex aliis rebus proferendi; si enim talis æstimator prudenter non potest fundari in virtute præcisè naturali fallibili & limitata ad unum vel alterum effectum, tanta æstimatione non dignum, censendum est rem esse superstitiosam quoad illum valoris excessum. In præsentis, quod attinet unguentum armarium, probabilius constat, quod nullam vim naturalem habeat.

1. Quia Deus non præsumitur alligasse vim naturalem talibus causis & conditionibus, quæ non servantur ad specialem finem à natura intendibilem, & quæ sunt connexæ cum iis circumstantiis, quas non est conveniens Deum eligere pro suis effectibus, cum commendent malitiam utentium, præbeant occasionem ob sui similitudinem ad tuendas alias operationes æquæ superstitiosas & tuendi ob suam analogiam quoslibet effectus minimè divinos; decet autem Deum non communicare operibus tenebrarum.

2. Si in similibus circumstantiis similes causæ non operantur similem effectum, tunc effectus præsumitur esse superstitiosus: Sed hoc fit in præsentis; ergo. *m. prob.* quia alia medicinx sive ex regno minerali, sive ex vegetabili, sive animali, non operantur ad tantam distantiam & in consimili applicatione, licet in omnibus aliis æqualem, aut etiam maiorem habeant vim, quam habent partes constituentes unguentum armarium. 3. Si circumstantiæ & materia unguenti armarii sæpe concurrunt potius cum effectibus superstitiosis quam cum effectibus naturalibus, tunc potius etiam in hoc casu pro superstitione stat præsumptio. Sed; ergo. *prob. m. v. g.* ad unguentum armarium adhibetur cerebrum humanum, sanguis & pinguedo; ligantur etiam certis ritibus arma; sed hæc omnia plerumque concurrunt cum effectibus magicis.

16 *Obj. 2.* Dantur plurimi alii effectus, qui non possunt explicari sine actione in distans; ergo. *prob. ant.*

1. Magnes attrahit ferrum, & electrum festucas ac paleas nihil agendo per medium.

2. Basiliscus aspectu enecat hominem, quin imò se ipsum quando sibi ipsi objicitur in speculo.

3. Vetula solo intuitu fascinant teneros infantes ut misere contabescant.

4. Aspectus lupi efficit raucedinem in conspiciente.

5. Bufo arefactus, si sacco pendeat ex collo unius de grege, pulsatur luem à grege.

6. Buto vivus hiante rictu lusciniam ex arbore detrahit ac devorat.

7. Torpedo manum piscatoris stupefacit, similiter & alios pisces reddit immobiles ac postmodum devorat.

R. P. Euseb. Amort Philosophia.

8. Remora itidem piscis integras naves sistit & à cursu suo remoratur.

9. Ad imaginem rei terribilis cor comprimitur; ad rei jucundæ imaginem cor dilatatur.

10. Ignis stupam remotam accendit.

11. Struthio Camelus solo aspectu sua ova excludit.

12. Aqua in lebece igni admota sæpe præ fervore superius ebullit, tum tamen infundo adhuc frigida, uti & ipse fundus, ita etiam charta oleo superfusa.

13. Uno hiantes os hiat & alter.

14. Lapides habent diversam vim conciliandi amorem, odium.

*Resp.* In omnibus his effectibus, si revera ita effectus se habeant, eos non fieri per actionem in distans, sed per emissionem alicujus qualitatis seu actionis in intermedio consistentis in motu, vel per emissionem corpusculorum.

*Resp. ad 1.* Magnetem attrahere ferrum per motum materiæ globosæ cochleatæ, quæ movetur per universum, ut tuo loco demonstrabitur; electrum autem habet continuam vim, ubi fuerit calefactum, movendi sibi vicinam aërem ac rarefaciendi, & ideo vicina palea moventur versus electrum utpote à densiori in rarius.

Ad 2. dico: Radios simul secum à Basilisco deferre partes venenatas, quæ prima impressione receptæ possunt in aliquo causare necem.

Ad 3. dico: Mirum non esse, vetulas, quæ etiam non sunt sagæ, fascinare infantes, quia infantes sunt tenerrimæ dispositionis; & ideo phantasia ex aspectu talium vetularum pulsa, potest contingenter tam profundè recipere illam sibi tristem ideam, ut infans perpetuò illi inhæreat & contabescat.

Ad 4. dico: Ad hunc effectum, qui non est constans in uno vel altero casu concurrere speciales dispositiones v. g. terrorem, suppressionem spirituum, & dispositionem aëris, ut proin lupus tantum sit causa per accidens.

Ad 5. De hoc effectu non constat, & si constat, bufo potest attrahere per modum materiæ alcalicæ particulas venenatas aëris & sic præmunire à lue.

Ad 6. dico: Bufonem continuò à se emittere vapores venenatos, qui si ascendant in arborem, poterit luscinia vertigine acta decidere.

Ad 7. dico: Torpedinem à se emittere quosdam spiritus acidos in manus piscatoris, qui dum suis subtilissimis salibus ob specialem suam conformationem subeunt, implent nervorum poros & sic impediunt recursum spirituum.

Ad 8. dico: De hac remora nihil certi constare, si tamen daretur talis pisciculus tantæ virtutis, dicendum foret, id fieri per aliquam causam per accidens, cum qua ille pisciculus connectitur, v. g. cum speciali dispositione ventorum, aëris, aquæ, torrentium in fundo maris transeuntium aut alterius materiæ motui navis resistente; sicut enim quidam pisciculi tantum sunt conspicui, dum est pluvia tempestas, ita potest contingere in tali circumstantia propè navim conspici remoram: Alius modus explicandi hunc effectum esset possibilis, si ponatur remora esse pisciculus, cujus tanta sit velocitas, ut multis millionibus partium velocitatis in suo motu superet alios pisces; vel si antecederet sine remissione supponatur fuisse in motu per longissimum

Ee

tempus



tempus v.g. per annum integrum; hoc enim posita in remora quantitas motûs erit major, quàm esset quantitas motûs in navi, adeoque listet navem, ut suppono ex principiis Nevvtonianis.

Ad 9. dico: Ad conceptum rei terribilis colligi in arctum humanos spiritus ob attentionem & naturalem propensionem se tuendi, ex hac autem collectione spirituum in cerebro ultro consequitur eos recedere à corde & sic cor comprimi; cuius contrarium fit circa objectum jucundum. Potest etiam dici, quòd circa objectum terroris ob inertiam animæ sistatur motus spirituum, & sic videatur cor comprimi ob defectum activitatis.

Ad 10. dico: Ignis stupam accendit vel per motum vicinæ in intermedio materiæ v.g. fumi aut materiæ subtilis; vel per emissionem corpusculorum igneorum.

Ad 11. dico: Struthionem excludere vel calore in ipsis ovis jam existente, vel vicino calore aëris vel calore proprio; igitur struthio dum aspicit, non aspectu excludit, sed expectat tantum, dum excludantur, ut ea custodiat.

Ad 12. dico: Calorem provenire à motu partium, & hunc motum partium dependere à duplici causa nempe ab applicatione moventis & à dispositione mobilis ad motum, licet igitur in lebe aut charta inferiores partes aequè sint applicatæ principio moventi, nempe igni, tamen illæ partes inferiores minus sunt dispositæ ad motum ob propinquitatem corporis minus apti ad motum. Dum econtrà partes superiores quasi in libero aëre facillimè ad motum rapidissimum cieri possunt.

Ad 13. dico: Id esse consuetudinis, quam contraxit ille, qui ex alterius aspectu movetur ad actus, ad quos natura pronior est.

Ad 14. dico: Tales lapides posse à se emittere quædam corpuscula cor vel dilatantia vel contrahentia vel omnino ad motum perturbatum concitantia; sicut & Musica motu vicino aëris concitat ad liberiores motum & agitat sibi analogos spiritus. Sed quoad hanc vim lapidum totum est superstitio ex datis regulis.

17 *Obj. 3.* Si datur sphaera activitatis, tunc eo ipso causa alicubi agit, ubi non est; ergo. ant. prob. v.g. ignis in distantia duorum pedum producit calorem & ibi non est, ubi producit calor; ergo.

2. Angeli de facto agunt in distans; ergo. ant. prob. Angeli loquuntur ad invicem nihil producendo in intermedio; ergo.

3. Applicatio causæ ad effectum tantum est conditio; ergo aliquando etiam naturaliter potest non dari sicut aliæ conditiones.

*Resp.* ad 1. d. ant. causa agit, ubi non est immediate suppositi, c. ant. immediate virtutis, neg. ant. quando ignis producit calorem ad distantiam duorum pedum, tunc in intermedio producit calorem sibi vicinum seu motum rapidum materiæ, ille calor iterum producit alium calorem seu motum, & sic usque ad terminum actionis productivæ. In tali casu calor diceretur virtus, suæ causæ, quæ producit alium calorem. Verum melius dicitur ignem producere aliquam actionem in intermedio, quæ se extendit ad distantiam duorum pedum, hæc

actio in intermedio existens dicitur virtus suæ causæ.

Ad 2. neg. ant. Angeli enim, quando loquuntur ad invicem vel agunt in intermedio, vel manifestant suos conceptus per visionem intuitivam Dei omnibus Angelis communem; vel potest negari, quòd Angeli propriè sint in loco, ac consequenter deberet negari, quòd Angeli distent inter se.

Ad 3. c. ant. neg. conf. quia etiam conditio ob exigentiam universi potest esse essentialis ac inseparabilis à suis conditionatis.

*Dices:* Si ignis produceret calorem in intermedio, 18 & ille calor produceret alium calorem, tunc causa nunquam ageret uniformiter difformiter: Hoc est falsum; ergo. M. prob. si calor produceret alium calorem, tunc eo ipso produceret sibi similem calorem: Sed; ergo.

*Resp.* neg. M. ad prob. d. M. produceret sibi similem calorem in subiecto aequè disposito, c. M. difformiter disposito, neg. M. quando calor producit calorem, tunc in subiecto loco dispositionis ad calorem prærequisitæ debet dari motus rapidissimus partium: cum igitur ille motus partium eò sit debilior, quo magis recedit à communi centro motûs, mirum non est, quòd etiam successivè decreseat calor semper proportionalis rapidissimo motui partium. Idem contingit circa omnes alias qualitates successivè intra suam sphaeram activitatis decrescen-tes, quia prima dispositionum materialium ad omnes qualitates est motus & figura partium successivè decrescens.

*Obj. 4.* cont. 2. Concl. Nihil agit ubi non est; 19 ergo. neque supernaturaliter datur actio in distans. prob. ant. nihil agit, nisi ubi datur virtus activa; ergo.

2. Nihil agit, quando non est; ergo neque aliquid agit, ubi non est.

3. Quidquid agit, immediate tantum agit, quantum potest: Sed tantum potest agere in contiguum; ergo.

4. Si posset dari actio in distans supernaturaliter, tunc posset esse vera opinio, quòd Christus existens in calo verè manducetur in terra, & tangatur à gustu humano sine ulla sua reali præsentia. Sed hæc opinio est falsa; ergo. M. patet, quia Christus in tali hypothese tantum ageret in distans sine sua applicatione ac præsentia locali.

*Resp.* ad 1. d. ant. nihil agit ubi non est immediate virtutis. c. ant. immediate suppositi, neg. ant. si enim v.g. Deus vellet, ut ignis existens in Europa produceret ignem in India, tunc Deus identificaret cum igne Europæo aliquam connexionem cum igne Indico; vel saltem produceret in India actionem essentialiter respectivam ignis Europæi; & hoc non implicat, quòd actio existens in India respiciat ignem in Europa, quàm parum implicat ut anima existens in India cogitet de Europa, quia effectus reales in tantum sunt conformes relationibus intentionalibus, ac respectui mentali, quantum possunt esse conformes. In tali igitur casu daretur ignis in Europa, sed illius virtus in India.

Ad 2. tr. ant. neg. conf. disparitas est, quia causa non potest concipi agere, dum non est, econtrà potest



potest concipi agere, ubi non est immediatione suppositi: Dixi, tr. ant. quia potest etiam hoc defendi; sicut enim non implicat, ut nunc ego cogitem de re, quæ jam fuit, ita non implicat, ut actio productiva effectus respiciat causam quæ jam fuit; actio enim nihil aliud est, quàm duarum rerum connexio; sicut igitur hæc connexio potest in mundo intellectuali seu formaliter poni inter absentia loco & tempore, ita etiam potest realiter poni.

Ad 3. c. ant. neg. conf. Quia etiam si ageret in locum contiguum, per hoc non impeditur, quin dicat connexionem cum re non contigua.

Ad 4. d. M. Opinio ista posset esse vera præcisè spectata Omnipotentia Divina. c. M. spectata Voluntate Divina. neg. M. Deus potuit tali modo instituire Sacramentum, sed aliter illi placuit & hoc suæ Ecclesiæ dixit. veld. M. sic: Posset esse vera in alia providentia. c. M. in moderna. neg. M. sensus est idem, qui prioris responsionis.

Obj. 5. Si causa posset agere, quando non est; tunc posset agere quando non amplius existit virtus productiva: Sed hoc implicat in terminis; ergo.

2. Si causa posset agere quando non est, tunc posset dare existentiam, quam ipsa non habet: Hoc iterum implicat; ergo. M. prob. ignis qui existit ante mille annos nunc non habet existentiam, & tamen talis ignis posset nunc hodierno igni dare existentiam.

3. Operari sequitur ad esse; ergo implicat aliquam causam operari, quando non est, quia ubi non datur antecedens, nec datur consequens.

4. Si causa posset agere quando non est, tunc etiam homo posset absolute peccare & damnari quando amplius non est: Hoc est falsum; ergo.

5. Causa non potest agere priusquam est; ergo nec potest agere, quando amplius non est, ratio enim, cur prius non possit agere, solum est, quia non habet existentiam: & eadem ratio datur, quando amplius non est; ergo.

Resp. ad 1. d. M. Tunc causa posset agere, quando non amplius existit productiva virtus virtute suppositi. c. M. virtute actionis. neg. M. si enim Deus voluisset nunc producere ignem dependentem ab igne, qui existit ante mille annos, tunc revera actio productiva hodierni ignis respiceret ignem existentem ante mille annos; igitur existeret virtus ignis, quæ hodie existit, licet non existeret causa seu ignis ille existens ante mille annos.

Ad 2. d. M. Daret existentiam quam non habet pro differentia temporis consequente, c. M. quam non habet pro differentia temporis antecedente, neg. M. Sicut ego nunc possum de re cogitare futura vel præterita, ita potest etiam causa existens respicere rem futuram vel præteritam.

Ad 3. Operari sequitur adesse pro ea temporis differentia pro qua semper ponitur esse, neg. ant. pro quacunque alia, c. ant. Operationem consequi ad esse nihil aliud est, quàm eandem connecti cum re quæ aliquando existit.

Ad 4. neg. M. ratio est, quia hinc datur implicatio extrinsecaratione finis & aliarum conditionum ad talem effectum concurrentium; dein actio libera non potest poni extra subiectum, cujus est actio, quia est actio immanens.

Ad 5. c. ant. neg. conf. & parit, disparitas est; quia hoc posterius potest concipi, non autem prius.

R. D. Euseb. Amort Philosophia.

actio enim dicit connexionem inter duos terminos positivos, qui non darentur in priori casu; sicut enim anima potest cogitare de re quæ non est, sed tamen non potest cogitare, si ipsa anima omnino non sit; sic etiam qualibet causa potest dicere respectum ad effectum futurum, licet non posset dicere respectum, quando ipsa causa non est. Dein in omni sententia debet admitti aliquis respectus realis seu relatio ad aliam rem, quæ nondum est; cur igitur excipiatur?

## QUÆSTIO VII.

### An simile agat in simile?

Sensus quæstionis est: an duo corpora quoad qualitates similia vel ejusdem speciei possint se invicem intendere, perficere, vel corrumpere? v. g. Si duo ignes sibi invicem propinqui possint se quoad calorem intendere, vel an duæ aquæ in eodem gradu calidæ aut frigidæ possint se invicem quoad frigus vel calorem perficere.

Dico: Simile non agit in simile. Prob. Concl. 1. 2 Si simile ageret in simile, tunc unum daret alteri quod alterum jam habet: Hoc est absurdum; ergo. prob. M. v. g. si calidum ageret in calidum, tunc illi daret calorem, quem alterum jam haberet; ergo.

Prob. 2. Si duo similia non habent contrarietatem, 3 tunc neque habent actionem inter se: Sed; ergo. prob. M. si non habent contrarietatem, tunc uni non deest, quod habet alterum: Sed si hoc, tunc non habent actionem inter se; ergo. m. prob. si uni nihil deest eorum, quæ habet alterum, tunc non datur privatio adeoque nec actus naturalis

Prob. 3. Si simile ageret in simile, tunc in eo- 4 dem igne pollenteriam existere plures formas ignis: Hoc est absurdum; ergo. M. prob. posset semper per applicationem ignis produci nova forma ignis; ergo.

Prob. 4. Si simile ageret in simile tunc, v. g. calidum ut quatuor alteri calido ut quatuor vel daret calorem ut tria vel ut quinque? Neutrum potest dici; ergo. prob. m. calidum ut quatuor jam habet calorem ut tria: ergo calidum ut quatuor non recipit calorem ut tria; Sed neque potest dici secundum, quia calidum ut quatuor non continet calorem ut quinque; ergo non potest dare calorem ut quinque.

Prob. 5. Constat ab experientia ex affusione a- 5 quæ calidæ ad calidam ejusdem intensiōis, aquam non fieri calidiorem; ergo.

Prob. 6. Si simile ageret in simile tunc duo cali- 6 da ut unum possent se intendere in infinitum usquedum fieret ignis: Hoc autem est falsum; ergo. prob. M. calidum ut unum agendo in alterum calidum illud redderet calidum ut duo, & vicissim hoc calidum ut duo etiam suam causam redderet calidam ut duo; hæc verò causa calida ut duo alterum redderet calidum ut tria & sic in infinitum.



## Solvuntur Objectiones.

7 *Obj. 1.* Constat ab experientia simile agere in simile; ergo. ant. prob. 1. Flamma v. g. minor posita supra maiorem extinguitur; ergo in hoc casu flamma agit in flammam illam extinguen- do.

2. Radii solares reflexi aut refracti in arctius punctum coeunt se invicem intendunt in foco.

*Resp.* ad 1. neg. ant. ad prob. dico: flammam non extinguere flammam sed motum turbati à motu, vel minorem vorticem abripi à maiore; sicut interdum contingit, aquam infusam in vorticem alicujus torrentis subito abripi ab illo vortice ac veluti deglutiri. Idem contingit circa flammam, quæ pro sui dispositione supponit motum rapidissimum partium; cum verò motus flammæ majoris sit intensior, etiam rapit intra suam sphaeram vicinas partes liberrimo motu agitata. Alii dicunt flammam minorem extinguere per fumum vel minoris vel majoris flammæ.

Ad 2. Eodem modo *Resp.* per se non intendi calorem sed motum partium: lux enim & calor lucis pro sui dispositione prærequirit motum materiæ subtilis; si illa materia sit nimium dispersa, etiam quantitas motus ducta in quantitatem materiæ eò erit minor in majori spatio, & ideo etiam minor erit lux & calor, quando verò per speculum aut vitrum causticum motus subtilis materiæ cogitur in arctius punctum, tunc in illo puncto ob proquinquitatem partium quantitas motus eò erit major.

8 *Obj. 2.* Minus intensum potest agere in magis intensum: ergo à fortiori simile potest agere in simile. prob. ant. candela intendit lumen Solis in cubiculo aliquantum ab accessu Solis remotiori.

2. Lux Solis impedit lucem candelæ plena meridie; ergo lux Solis agit in lucem candelæ.

3. Ex illa experientia, qua duo ignes respectu alicujus objecti in certa distantia positi in parietem à tergo positum projiciunt duas umbras, clarum est, actionem unius ignis impediti ab altero igne, ne illustret partem signatam umbris.

*Resp.* Ad omnes has experientias distinguendo. c. ergo lux agit in lucem indirecte ac per accidens, c. conf. per se, neg. conf. quia in primo casu motus subtilis materiæ in cubiculo radiis solaribus minus accessso adhuc debilis est, poterit adhuc intendi per motum candelæ ac ejus partium. Suppono autem, lucem semper esse proportionalem motui subtilis materiæ. In altero casu motus subtilis materiæ plena in meridie adeo rapidus est, ut illum flamma assequi non possit, & ideo illæ partes, quæ alioquin agerentur à motu flammæ abripiuntur motu subtilis materiæ, & sit una lux Solis & candelæ. In tertio casu iterum patet, lucem pendere à motu cujusdam subtilis materiæ, quæ in objectum corpus impulsâ utrinque agendo vortices versùs murum defert motum perturbatum vorticis; hic itaque motus perturbatus luminis in muro receptus impedit reflexionem ordinatam lucis receptæ à secundo lumine.

9 *Obj. 3.* Aër reddit frigidior aquam, quàm sit ipse aër; ergo.

2. Candens ferrum accendit stupam in summo calidam, cum tamen non accendat ferrum; ergo calor ferri candentis intendit calorem stupæ.

3. Non repugnat possum recipere v. g. duos aut tres calores; ergo. prob. ant. materia retinet capacitatem ad innumeras formas & qualitates.

4. Inter similia minor est resistentia; ergo facili- or actio.

*Resp.* ad 1. neg. ant. quia aër non reddit aquam frigidior, sed avehit ab aqua vapores calidos, quibus ablatis aqua seipsam restituit ad frigus sibi congenitum; vel intrudit in aquam particulas glaciales aut nitrosas, impedièntes motum liberum subtilis materiæ.

Ad 2. c. ant. neg. conf. quia candens ferrum non accendit stupam per calorem sed per ignem, & per igneas particulas, quas ferrum candens continet.

Ad 3. neg. ant. ad prob. d. ant. materia est capax plurium formarum capacitate remota, c. ant. capacitate proxima subd. est capax plurium formarum diversæ rationis, c. ant. formarum ejusdem rationis, neg. ant. exigit bonum materiæ, ut non multiplicentur in infinitum formæ essentialiter superflue in eodem subjecto, & ideo non possunt naturaliter dari plures formæ sive accidentales sive substantiales in eodem subjecto. Dein posset d. sic: Materia est capax plurium formarum capacitate intrinseca, c. ant. capacitate extrinseca, neg. ant. Materia de se posset recipere mille calores, sed quia calor non participatur à materia nisi mediante motu materiæ, qui in uno subjecto unius est, ita ob hanc alligationem caloris ad motum simul ac semel tantum potest participari unus calor à materia: pari proportionaliter modo est discurrendum de aliis formis sive accidentalibus, sive substantialibus.

Ad 4. c. ant. neg. conf. quia actio non tantum dependet à dispositione negativa, sed etiam à positiva. Minor resistentia tantum est unicum requisitum & quidem negativum ad ponendam actionem, quod tamen non sufficit, quia ad quamlibet formam debet concurrere positiva dispositio exigentia seu privatio formæ.

*Obj. 4.* Quando duo corpora mota eadem velocitate moventur, & uni alterum impingitur, celerius movebitur.

*Resp.* Id fieri ob novum impetum, ab homine, non à corpore mobili incussum; homo autem potest producere intensiorem motum, & sic non est causa similis.

## Q U Æ S T I O VIII.

*An causa essentialiter connectatur cum possibilitate effectus?*

Sensus quæstionis est: an qualibet causa v. g. Deus 1 aut Sol intrinsicè ac essentialiter respiciat suos effectus, & ita quidem, ut si etiam unicus effectus possibilis v. g. unica musca implicaret, eo ipso etiam implicaret causa v. g. Deus aut Sol.

Dico 1. *Omnis causa tam creata quàm increata habet relationem transcendentalem ad effectus posibles.* 2 Prob. Concl. Si causa non potest concipi nec esse sine possibilitate effectus tunc dicit relationem transcendentalem ad effectus posibles: Sed; ergo. m. prob. causa non potest concipi nisi concipiatur virtus producendi effectum: Sed hoc non potest concipi sine effectus possibili; ergo. m. patet, quia effectus importatur in obliquo.

Dico 2. *Implicante uno effectu possibili, eo ipso 3 etiam implicat causa.* Alii proponunt hanc conclusionem aliis verbis, dum dicunt: *Causam connecti essentialiter cum possibilitate effectus etiam in individuo,* & sensus est, quod ex infinitis effectibus: quos Deus potest



potest producere, si tantum unus per hypothesein impossibilem impossibilitaretur, eo ipso etiam impossibilitaretur Deus, ita, ut si v.g. musca hæc vel illa diceret contradictionem, eo ipso etiam diceret contradictionem Deus.

Prob. Concl. 1. Si implicante v.g. muscâ implicat una quædam perfectio divina, tunc implicante muscâ etiam implicat Deus: Sed; ergo. prob. *m.* implicante muscâ eo ipso etiam in Deo implicaret potentia productiva identificata cum Deo: Sed hoc est aliqua perfectio Dei; ergo. *M.* prob. implicante uno correlativorum etiam implicat alterum; sed musca & potentia productiva muscæ sunt correlativa; ergo. *M.* patet, quia correlativum in suo essentiali conceptu etiam dicit alterum correlativum, adeoque sublato illo altero correlativo tollitur etiam formalis conceptus primi correlativi.

Prob. 2. Si effectus in individuo sunt possibiles, tunc etiam in individuo essentialiter connectuntur cum sua causa: Sed; ergo.

Prob. 3. Si implicante muscâ non simul etiam implicaret Deus, tunc vel in Deo daretur causalitas muscæ vel non daretur? Neutrum potest dici; ergo. si non daretur causalitas muscæ tunc etiam non daretur Omnipotentia, si autem daretur, tunc daretur ad impossibile potentia; quod implicat in terminis.

Prob. 4. Si implicante muscâ non etiam implicaret Deus, tunc Deus cognosceret aliquid incognoscibile: Hoc implicat; ergo. *M.* prob. Deus cognosceret suam potentiam productivam muscæ, & hæc esset aliquid incognoscibile; ergo. ant. prob. quoad 2. membr. si illa potentia non est affirmabilis à Deo tunc etiam est incognoscibilis: Sed; ergo. *m.* prob. non est in tali hypothesei affirmabilis productibilitas muscæ; ergo neque est affirmabilis potentia productiva muscæ.

## Solvuntur Objectiones.

Obj. 1. cont. 2. Concl. Potest dici, quod implicante per impossibile muscâ jam antecedenter ad hypothesein impossibilitatis etiam non fuisset identificata cum Deo potentia productiva muscæ; ergo non eo ipso impossibilitaretur Deus; sicut ex eo, quod Deus potuerit non identificare secum volitionem producendi mundum, non sequitur, quod in tali casu Deus non daretur.

2. Potest dici, quod implicante muscâ daretur quidem potentia productiva muscæ secundum id, quod dicit in recto, non verò secundum id, quod dicit in obliquo; ergo sublato uno correlativorum non tollitur alterum correlativum secundum id, quod dicit in recto; simili modo posset etiam dici: Deum cognoscere suam potentiam productivam muscæ secundum id, quod dicit in recto, licet eam non cognoscat secundum id, quod dicit in obliquo.

Resp. ad 1. d. ant. Posset hoc dici in hypothesei impossibilitatis antecedentis ad aternitatem Dei, tr. ant. consequentis, neg. ant. si enim per impossibile fingatur muscam esse impossibilem, & hanc ejus impossibilitatem esse priorem ad existentiam divinam, tunc utique potuisset Deus secum non identificare potentiam productivam muscæ; sed ex hoc ipso sequeretur, Deum non esse illum Deum, quem concipimus esse cumulum perfectionum; quia ille Deus non

identificasset secum aliquam perfectionem secum comparabilem quam absolute potuisset identificare; & illa perfectio nihil mutaret in Deo, si identificaretur cum Deo, sicut altera volitio producendi alium mundum, quæ limitaret Deum, si esset de perfectionibus essentialibus Dei.

Resp. 2. neg. ant. quia hæc identificatio divinarum perfectionum præsupponens possibilitatem aut alium statum possibilem, est fictitia; perfectiones enim Dei non dependent à quocunque statu possibilitatis, sed ponunt possibilitatem extrinsecam entium, licet nos à posteriori ea possibilitate nobis nota arguamus ad potentiam divinam.

Ad 2. neg. ant. quia implicante obliquo implicat etiam rectus, quando rectus consistit in esse relativo ad obliquum. Sic implicante objecto visionis aut cognitionis, eo ipso etiam implicat visio aut cognitio, quia visio est alicujus visio, & cognitio est alicujus cognitio; idem dic de potentia productiva muscæ, quæ in suo formali conceptu dicit esse ad aliud.

Obj. 2. Si implicante muscâ, implicaret Deus, tunc Deus non esset ens necessarium: Hoc est falsum; ergo. *M.* prob. si existentia Dei in tali hypothesei dependeret à creatura, tunc Deus non esset ens necessarium: Sed; ergo. prob. *m.* existentia Dei dependeret à possibilitate muscæ & musca esset creatura.

2. Si possibilitas muscæ independenter à Deo est contingens, tunc etiam Deus esset aliquid contingens: Sed; ergo. *m.* prob. possibilitas muscæ potest poni vel non poni; ergo.

3. Deus absolute non connectitur cum creatura actu existente; ergo neque connectitur cum creatura possibili.

Resp. ad 1. neg. *M.* ad prob. tr. *M.* neg. *m.* ad hujus prob. d. ant. musca esset creatura quoad statum actuale, c. ant. quoad statum possibilitatis, neg. ant. possibilitas enim rerum consistit in non contradictione seu non repugnantia terminorum, quæ ab æterno tantum est aliquid negativum. Si dicas: etiam hoc ipsum absurdum esse, quod existentia Dei dependeat ab aliquo negativo, d. illatum: Absurdum est, Deum dependere ab aliquo negativo dependentia reali ac physica, c. illatum, dependentia à subsistendi consequentia, neg. illatum. Deus à parte rei non dependet à possibilitate rerum, quia ipse est prior rerum possibilitate; interim quoad nos legitime inferimus à possibilitate rerum creaturarum potentiam divinam, ita, ut quoad nos seu à subsistendi consequentia exinde dependeat. Dein potest dici, quod hypothesis ista impossibilis destruat se ipsam, ita, ut involvat contradictoria; nec id mirum est, quia universim uno absurdo dato sequuntur plura, & ex uno impossibili sequuntur alia; igitur etiam mirum non esset, si ex implicantia muscæ per hypothesein impossibilem sequeretur dependentia Dei à creatura; & sic eo ipso illa hypothesis præsupponeret aut poneret longè alium Deum, quam vult ponere, nempe Deum, quem nunc cognoscimus ut cumulum perfectionum.

Ad 2. c. *M.* neg. *m.* possibilitas enim est necessaria; cum essentia rerum sint ab æterno.

Ad 3. c. ant. neg. conf. disparitas est, quia perfectiones divinæ possunt intelligi sine creatura actu existente, non verò sine possibili, ut ostensum est.



9 *Obj.* 3. Si Deus implicaret implicante muscâ, tunc Deus dependeret à nihilo : Hoc est falsum ; ergo. *M. prob.* Deus dependeret à possibilitate muscæ & hæc foret nihil ; ergo.

2. Deus est ipsa possibilitas rerum ; ergo etiam si implicaret possibilitas muscæ Deo extrinseca tamen non repugnaret possibilitas muscæ extrinseca ; ergo.

3. Si implicante muscâ adhuc maneret Deus omnipotens, tunc non implicaret Deus : Sed ; ergo. *m. prob.* si Deus posset adhuc producere, quidquid vellet, tunc maneret omnipotens : Sed ; ergo. *m. prob.* Deus in tali casu non vellet producere muscam.

*Resp.* ad 1. d. *M.* Dependeret à nihilo dependentiâ à subsistendi consequentia, tr. *M.* dependentiâ physicâ. neg. *M.* si enim non daretur Deus, neque daretur actuabilitas nihili identificata cum nihilo, adeoque ex non existentia nihili quoad nostrum modum concipiendi etiam non daretur Deus.

Ad 2. d. ant. Deus est ipsa rerum possibilitas formaliter. neg. ant. causaliter, tr. ant. aut c. ant. neg. conf. & inverte argumentum : Deus est rerum possibilitas ; ergo sublata possibilitate muscæ tollitur etiam Deus.

Ad 3. c. *M.* neg. *m.* ad prob. d. *M.* Si Deus posset producere quidquid vellet, & quidquid etiam deberet posse velle, c. *M.* si tantum posset producere quidquid vellet coactè, neg. *M.* alioquin etiam si implicaret totus mundus & omnes creaturæ, Deus maneret omnipotens, posset enim producere quidquid vellet ; quia in tali casu non vellet producere mundum ; si non potest producere mundum, sic etiam in nostro casu verum quidem esset, quod non vellet producere muscam impossibilem, interim deberet velle suam potentiam posse exercere circa muscam, ne esset impossibilis.

10 *Obj.* 4. Si ex possibilitate vel impossibilitate rerum possibilium liceret arguere ad Omnipotentiam Divinam, tunc Angelus naturaliter posset cognoscere totam Divinam Omnipotentiam : Hoc est falsum ; ergo. *M. prob.* Angelus potest naturaliter cognoscere omnes res posibles ; ergo.

*Confirmatur* : Si ex rebus creatis possibilitaretur vel impossibilitaretur Omnipotentia Divina, tunc Angelus naturaliter posset cognoscere Sacrosanctam Trinitatem : Hoc est falsum ; ergo. *M. prob.* si posset cognoscere Omnipotentiam, tunc posset cognoscere omnes perfectiones divinas : Sed ; ergo. *M. prob.* omnes perfectiones effectus possibilis resplendent in Omnipotentia Divina ; ergo.

*Resp.* neg. *M.* ad prob. c. *M.* neg. *m.* quia effectus posibles sunt infiniti, & horum aliqui sunt etiam in serie rerum supernaturalium, quorum cognoscibilitas non debetur intellectui angelico.

Ad *Confirmat.* idem *Resp.* Posset etiam dici SS. Trinitatem plus dicere quam solam Omnipotentiam, adeoque etiam si Angelus posset exhaustire Divinam Omnipotentiam, non tamen eo ipso comprehenderet Trinitatem.

11 *Obj.* 5. Potest dici, quod Omnipotentia Divina non determinatè respiciat quamlibet muscam in individuo ; ergo. *prob. ant.* 1. Si aliæ potentia tantum indeterminatè respiciunt suum terminum, tunc idem potest dici de Omnipotentia : Sed ; ergo. *m. prob.* v. g. materia prima tantum indeterminatè respicit & exigit aliquam formam ; & corpus locatum indeterminatè exigit aliquem locum ; ergo etiam

Omnipotentia tantum indeterminatè ac disjunctivè respicit aliquam muscam.

2. Deus non dat individuationem muscæ ; ergo neque respicit muscam in individuo.

3. Si Omnipotentia respiceret muscas in individuo tunc haberet plura objecta : Hoc est falsum ; ergo. *m.* patet, quia unius potentia est unum objectum.

4. Si Deus attenderet ; ad numerum ac individua tunc etiam deberet producere plures mundos : Sed hoc est falsum ; ergo.

5. Si Deus respiceret muscam in individuo, tunc in Deo tot darentur potentia, quot essent posibles effectus : Hoc est falsum ; ergo. *prob. M.* in quolibet effectu daretur specialis ratio exeundi in actum aut terminandi potentiam ; ergo etiam in ipsa potentia deberet dari diversa ratio seu diversitas potentiarum.

*Resp.* ad 1. neg. ant. ad prob. d. ant. potentia passiva aut creatæ disjunctivè respiciunt terminum, tr. ant. increatæ, neg. ant. disparitas autem inter potentiam creatam & increatam est, quia sola potentia creata determinat ad individuum, quod proin etiam respicit.

Ad 2. c. *M.* neg. *m.* Contrarium patebit ex sequenti quaestione.

Ad 3. c. *M.* neg. *m.* ad prob. d. ant. unius potentia unum est objectum unitate formali, c. ant. unitate materiali aut numerica, neg. ant. & retorqueo : unius potentia unum est objectum ; ergo etiam potentia visiva tantum unus murus est objectum.

Ad 4. neg. *M.* quia potest habere rationem quiescendi in uno mundo, etiam si posset producere plures ; ex Adversariorum verò sententia sequeretur non posse plures mundos produci, quia Deus non posset attendere ad gradum numericum & multiplicationem individualement.

Ad 5. neg. *M.* quia multiplicitas potentiarum non desinitur à quacunque diversa ratione, sub qua potentia exit in actum, sed à ratione specifica ; Omnipotentia Divina solum specificatur ab actione creativa ; omnis reliqua diversitas sub qua Omnipotentia Divina attingit suos effectus, habet se solum materialiter.

## QUÆSTIO IX.

*Quis determinet ad speciem & individuum ?*

*Notandum* 1. In quolibet effectu contineri plura prædicata, nempe generica, specifica, & individualia, quin imò integram seriem Prædicamentalem, v. g. in homine reperitur existentia, corporeitas, animalitas, rationalitas, Petreitas, quaritur proin, quam causam determinativam habeat quodlibet prædicatum in Petro reperibile. Sic etiam fit in aliis compositis naturalibus v. g. in igne, in quo reperitur existentia, essentia ignis, & individuatio ignis. Omnia hæc prædicata aliàs etiam vocantur gradus metaphysici, & ideo etiam realiter identificantur ; quia tamen formaliter distinguuntur, ideo quæritur, an eadem causa efficiens determinet ad unum gradum, quæ determinat ad alterum.



*Notandum 2.* Etiam in effectu supernaturali plerumque reperiri varia prædicata, quorum alia ex sui genere tantum sunt naturalia, alia vero supernaturalia; ut proin etiam effectus supernaturalis sit aliquod mixtum metaphysicum ex variis gradibus metaphysicis partim naturalibus partim supernaturalibus, & ideo secundum diversa prædicata tales effectus habent etiam diversas causas partim naturales partim supernaturales. Et hoc bene debet notari, ne si fiat sermo de effectu supernaturali obliviscamur causarum naturalium tanquam ad effectum supernaturalem ineptarum.

*3 Notandum 3.* Omnes gradus metaphysicos quoad causalitatem phylicam posse considerari ut realiter distinctos, licet re ipsa realiter identificentur; quia per suam identitatem non amittunt propriam naturam, quam haberent seorsum, si non identificaretur; & ideo durante identitate, quam habet unus gradus metaphysicus cum altero, adhuc formaliter retinet suam proportionem, connexionem, ordinem, ac capacitatem & habitudinem, quam habet ille gradus vel relatè ad causam, vel relatè ad effectum, quam non habet formaliter alter gradus realiter secum identificatus. Sicut quando in medicina miscentur invicem varia ingredientia, quodlibet tamen ingrediens habet peculiarem suam vim, suam peculiarem causam, peculiarem relationem & effectum; ita etiam servant suas proprietates gradus metaphysici, hoc solo discrimine, quod ingredientia pharmaceutica tantum uniantur separabiliter, contra gradus metaphysici per unam existentiam continuativè uniantur inseparabiliter, id est, identificentur.

*4 Notandum 4.* Etiam si gradus metaphysici participant mutuo ad invicem in uno vel altero communem denominationem ob identitatem realem, tamen quoad denominationem relativam in ordine ad diversa connotata, effectus, ac causas non participant communem denominationem; sic v. g. verum est dicere, essentia ignis & individuatio ignis sunt aliquid unum creatum; existunt in hoc loco, tempore, sunt producta ab alio igne, & producant alium ignem. Sed si specialiter referam individuationem ignis ad alterum ignem, non est verum dicere, quod individuatio sit à determinatione alterius ignis, licet essentia ignis sit à determinatione alterius ignis; quando nam verò gradus metaphysici sibi invicem communicent communem denominationem, quando nam verò eam non communicent, unicè attendendum est ad intentionem & usum loquentium; si enim denominatio talis sit, ut in illa respiciatur ad identitatem talium graduum metaphysicorum, tunc illi gradus communicant sibi invicem eandem denominationem, eamque parviuntur; quando verò in denominatione tantum attenditur ad peculiarem vim aut proprietatem, quam gradus metaphysici servant, etiam durante identitate, tunc talis denominatio non convenit per communicationem omnibus gradibus metaphysicis ejusdem compositi.

*5 Notandum 5.* Sicut in uno composito dantur varii gradus metaphysici, ita etiam debet dari causa determinativa non tantum totius compositi, sed etiam singulorum graduum metaphysicorum in tali composito reperibilium; debet enim dari ratio sufficiens determinans Deum, cur voluerit cum hoc composito identificare hunc vel illum gradum metaphysicum; nec sufficit dicere, talem esse essentiam hujus

compositi, essentia enim nihil aliud est, quam mixtum ex variis gradibus metaphysicis; & hoc ipsum quæritur, cur Deus voluerit identificare hunc vel illum gradum, seu cur voluerit talem essentiam constantem tot perfectionibus, nec paucioribus, nec pluribus hinc & nunc producere; cumque sciamus, Deum nihil naturaliter producere, nisi exigente ac determinante causa naturali, quæritur jam, an causa naturalis revera determinet Deum ad hanc potius perfectionem quam aliam cum effectu identificandam.

Dico 1. *Ad exercitium cause determinat actus primus proximus proximè expeditus.* Prob. Concl. 1. Actus primus proximus est sufficiens determinativum ad hoc, ut causa actu agat sex exerceat causalitatem; & non constat de alio determinativo; ergo determinat.

Prob. 2. Actus primus proximus ponit sufficientem connexionem seu proportionem inter causam & effectum; ergo determinat ad producendum effectum. prob. ant. actus primus proximus facit, ut in his vel illis circumstantiis detur conveniens ordo ac habitudo inter causam & effectum; ergo.

Dico 2. *Ad speciem effectus determinat Deus & creatura simul.* Prob. Concl. 1. Constat creaturam habere vim determinandi ad speciem; ergo determinat. prob. ant. datur activitas in creatis; ergo etiam constat, creaturam habere talem vim determinandi. ant. supponitur ex 1. Sect. hujus quæstionis. conf. prob. activitas nulla datur, nisi saltem detur determinatio ad speciem; ergo.

Prob. 2. Si creatura posito tali actu primo proximo exigit poni talem perfectionem, tunc determinat ad speciem: Sed; ergo. M. patet, quia qualibet perfectio in effectu reperibilis constituit effectum. prob. m. si creatura habet proportionem cum tali effectu posito tali actu primo proximo, tunc exigit illum poni: Sed; ergo.

Prob. 3. Datur privatio; ergo etiam datur determinatio ad speciem effectus. prob. conf. datur privatio tunc etiam datur exigentia hujus determinati specie effectus. Sed si hoc &c. ergo.

Prob. 4. Datur in natura ratio sufficiens, cur potius ponatur hic effectus, quam alius; ergo datur determinatio ad speciem. ant. patet, quia aliàs natura esset tantum unum per accidens, nec partes essent connexæ ex sua natura ac habitudine ad invicem. conf. prob. illa ratio sufficiens est ipsum determinativum ad speciem; ergo.

Dico 3. *Ad individuum solus Deus determinat.* Prob. Concl. 1. Si in natura non datur ratio exigendi potius hoc individuum quam aliud, tunc solus Deus determinat ad individuum: Sed; ergo. M. patet, quia ratio exigendi & determinativum sunt idem. m. prob. si natura perinde est potius poni hunc numero ignem quam alium tunc in natura non datur ratio exigendi potius hunc effectum: Sed; ergo. m. prob. ignis A. idem præstat.

Prob. 2. Communis sensus judicat, gratias agendas esse Deo ex eo, quod ex infinita hominum collectione potius me quam alium determinaverit ad existendum: Sed non essent gratiæ agendæ, nisi solus Deus determinaret ad individuum: ergo m. prob. si etiam natura determinaret ad individuum, tunc natura præstaret hoc beneficium, non Deus, nisi ut determinatus à creatura,

Prob.



- 13 Prob. 3. Si etiam creatura determinaret ad individuum, tunc sequitur, non potuisse produci in tali actu primo proximo alium ignem vel alium hominem: Hoc non potest dici; ergo. *m.* prob. ignis habet potentiam ad quemcunque ignem possibilem: ergo.
- 14 Prob. 4. Si creatura determinaret ad individuum, tunc anima rationalis quandoque haberet essentialem exigentiam ad corpus monstruosum: Hoc est falsum; ergo. *m.* patet, quia nulla exigentia naturalis est contra ordinem naturæ. *M.* prob. si creatura ad individuum determinaret, tunc eo ipso qualibet res haberet essentialem respectum ad sua principia individuantia: Sed si hoc &c. ergo. *M.* patet, quia individuatō est gradus metaphysicus, adeoque dicit aliquid intrinsecum rei individuali, ad minimum aliquam relationem ad principia individuantia. *m.* prob. principia individuantia animæ rationalis quandoque essent dispositiones monstruosæ existentes in corpore.
- 15 Prob. 5. Si daretur series causarum & effectuum in individuo, tunc eo ipso in prima productione ignis, Deus jam identificasset cum igne potentiam ad determinatos effectus v.g. ad ignem A. & B. Sed hoc non potest dici; ergo. *M.* patet, quia respectus ad principia individuantia identificantur cum qualibet re; consequenter etiam activitas causæ respiciens potius hunc quam illum effectum in principis Adversariorum identificaretur cum sua causa, utpote qui non distinguunt actionem ab agente. *m.* prob. si in prima productione ignis nondum datur determinativum in natura identificandi cum igne potius respectum ad ignem A. quam ad ignem B. tunc hoc non potest dici: Sed; ergo. *M.* patet, quia ipsi Adversarii etiam quoad individuum volunt habere determinativum creatum; ergo tale etiam deberent habere circa potentiam causæ respicientis potius hoc, quam illud individuum. *m.* prob. in prima productione ignis nondum datur actus primus proximus ad effectum hujus ignis, nempe ad ignem primum post annum producendum.
- 16 Prob. 6. Si creatura determinaret ad individuum, tunc iste mundus à Deo potuisset produci, ne quidem unico momento prius vel posterius: Hoc est absurdum; ergo. *M.* prob. iste mundus acciperet suam individuationem ab his circumstantiis loci & temporis; ergo si unico momento prius fuisset productus, non esset amplius hic mundus, sed alius.
- 17 Prob. 7. Si creatura determinaret ad individuum, tunc homines differrent specie: Hoc est falsum; ergo. *M.* prob. si creatura determinaret ad individuum, tunc homo æthiops & Europæus haberent essentialem exigentiam ac respectum ad actum illum proximum seu ad circumstantias loci & temporis, quo distinguuntur; ergo. Duo ultima argumenta sunt tantum argumenta ad hominem.
- 18 Dico 4. *Ad diversa predicata specifica ejusdem effectus possunt determinare diverse causæ.* Prob. Concl. 1. Non potest ostendi implicantia; ergo.
- Prob. 2. Si gradus metaphysici stante identitate possunt servare suam propriam naturam, tunc etiam possunt determinari à diversis causis: Sed; ergo. *m.* prob. in aliquo continuo quantitatis aut coloris partes continuæ identificatæ servant diversam suam naturam; ergo etiam in fieri potest in aliis gradibus metaphysicis. ant. prob. in exemplo v.g. alicujus trapezii, in quo continentur diversi anguli ac partes po-

testativæ, ut ut identificentur inter se. Item colores quandoque ita inter se continuantur, ut colori viridi proximè succedat cæruleus quin distinguantur inter se; v.g. si in aliquo agro vel lacu colores diverſi sentiri obvertantur. Aliud exemplum manifestius habetur in speciebus impressis aut expressis alicujus integræ civitatis aut regionis; in tali specie representantur diversa objecta, & ideo species continet diversas partes potentiales: interim hæc species in se est unica; & omnes partes hujus speciei identificantur inter se. quin imò D. Thomas dicit, quod supremus Angelus omnia videat per unam speciem, quæ inferiores Angeli vident per diversas species. Similem diversitatem cogitare reperiri inter gradus metaphysicos, qualis reperitur inter partes diversas talis speciei; & sicut diversa objecta visa aut cognita possunt determinare ad diversas partes potentiales, talis unius speciei, ita etiam diversa causæ possunt determinare ad diversos specie gradus ejusdem effectus.

Dico 5. *Ad quemlibet gradum specificum etiam in defectu causæ univocæ determinat eorum, astra & totus mundus secundum suas partes effectum univocales.* Ad intelligendam hanc conclusionem ponamus, ignem produci in absentia alterius ignis; in tali casu ad gradum specificum ignis dico determinare mundum secundum illas partes, quæ in mundo sunt igne nobiliores & univocales.

Prob. Concl. Si determinatio ad speciem effectus nihil aliud est quam exigentia hujus specie effectus tunc etiam totus mundus potest determinare ad speciem effectus: Sed; ergo. *m.* supponitur. *M.* prob. in defectu etiam causæ univocæ revera totus mundus exigit in tali actu primo proximo poni hunc specie effectum; ergo. ant. prob. mundus exigit complementum universi in quocunque casu, in quo alioquin natura foret defectuosa; ergo. Dixi autem ad effectum solum determinare partes mundi univocales, quia illæ solæ partes præsupponuntur ad gradum specificum entium in inferiori classe existentium.

## Solvuntur Objectiones.

Obj. 1. cont. 2. Concl. Deus determinat ad speciem; ergo solus determinat ad speciem: prob. conf. si Deus determinat ad speciem, tunc superflua est determinatio creaturæ; ergo.

2. Si etiam creatura determinat, tunc determinat Deum ad determinandam hanc speciem: Sed si ipsa determinat Deum, tunc sola creatura determinat; ergo. *m.* prob. quando per baculum determinatum à manu movetur lapis, simpliciter per solam manum movetur lapis.

3. Solae creatura præcontinet formaliter perfectionem sui effectus; ergo ipsa sola determinat.

4. In causâ liberis, sola causa secunda determinat ad speciem actus; ergo idem fit in causis necessariis. ant. prob. quia soli voluntati est adscribenda determinatio, quæ se determinat potius ad speciem odii quam amoris.

Resp. ad 1. c. ant. neg. conf. ad prob. neg. ant. quia ideo requiritur creatura, ut determinet Deum ad condeterminandam eandem speciem, quam determinat creatura.



Ad 2. c. M. neg. *m.* ad prob. c. ant. neg. conf. & parit. quia baculus tantum se habet passivè, e contra Deus etiam activè manu tollit insufficientiam baculi ad movendum lapidem, creatura non tollit insufficientiam Dei, sed eum determinat ad tollendam creaturæ insufficientiam in ordine ad hunc speciem effectum.

Ad 3. tr. ant. neg. conf. quia ad causandum non requiritur formalis præcontinentia, alioquin in anima deberent contineri cognitiones & volitiones, quas per centum annos est elicitura.

Ad 4. c. ant. neg. conf. & parit. disparitas est, quia circa causam liberam non potest haberi determinativum creatum aliud, ut aliunde supponitur.

11 *Dices:* Ipse Deus dedit creaturæ suæ determinativum ad determinandam potius hanc quam illam speciem; ergo pro priori adhuc verum est, quod solus Deus determinet ad speciem, non verò creatura.

*Resp.* c. ant. dist. conf. Deus pro priori determinat ad speciem prioritate ac ordine intentionis, c. conf. ordine executionis, neg. conf. Deus, dum producit ignem, tunc identificat cum igne ipsam determinationem, quæ ignis potius determinat ad producendum potius ignem, quam aquam, tunc igitur intentio Dei jam fertur ad producendum ignem; sed quando actu ponuntur dispositiones ad producendum ignem, tunc illæ dispositiones determinant Deum ad exequendum id, quod primitus intendit.

12 *Obj.* 2. contra 3. Concl. Creatura determinat ad speciem; ergo etiam determinat ad individuum. prob. conf. ratio individui & speciei realiter est eadem; ergo. ant. patet, quia gradus metaphysici realiter identificantur. conf. prob. si est eadem realiter ratio, tunc idem debet posse de uno, quod potest dici de altero; ergo.

2. Creatura in actu secundo determinat ad individuum; ergo etiam determinat in actu primo. ant. patet, quia producendo speciem re ipsa etiam producit individuum. conf. prob. eadem est potentia, qualis est actus; ergo.

3. Etiam si pauperi perinde sit accipere de centum denariis hunc vel illum, tamen determinat ad unum; ergo etiam causa physica potest determinare unum individuum, quod vult producere.

4. Si determinatio ad individuum absolute debetur naturæ, tunc etiam in natura datur causa determinativa ad hunc effectum: Sed; ergo. M. prob. Deus omnibus effectibus absolute naturæ debitis præordinavit aliquam causam; ergo.

*Resp.* ad 1. c. ant. neg. vel dist. conf. ergo determinat ad individuum realiter, c. conf. formaliter, neg. conf. Sensus hujus distinctionis est, quod creatura determinet ad id, quod secum habet identificatum gradum individualement, sed non determinat, qualis debeat esse ille gradus individualis.

Ad 2. c. ant. neg. conf. ad prob. dist. ant. eadem est potentia, qualis est actus realiter, c. ant. formaliter, neg. ant. sensus est, quod qualibet potentia producendo rem constantem ex pluribus perfectionibus eo ipso producat omnes perfectiones, licet illa potentia formaliter ratione sui tantum exigeret unam vel alteram perfectionem.

Ad 3. c. ant. neg. conf. & parit. disparitas est, quia hoc pertinet ad causam liberam, ut cessante alio determinativo eligat circa objecta indifferenter proposita.

Ad 4. neg. M. ad prob. dist. ant. Deus præordinavit causam ad quemlibet effectum absolute naturæ debitum, si ille effectus aliunde sit determinabilis, & ha-

R. D. Euseb. Amort Philosophia

beat in se rationem determinabilitatis, c. ant. secus, neg. ant. gradus specificus cujuslibet entis est determinabilis à creatura, quia habet talem proportionem cum sua causa, quam non habet ulla alia species; e contra gradus individualis nullam habet objectivam determinabilitatem, cum unus non habeat majorem proportionem ad causam suam, quam alter; nec ullam etiam habeat præferibilitatem, ob quam potius naturæ debeatur hic quam ille gradus individualis.

*Obj.* 3. contra eandem. Si creatura non determina- 23 ret ad individuum, tunc ordo individuorum tantum esset per accidens: Hoc est absurdum; ergo. M. patet, quia in natura nulla daretur causa per se determinans potius ad hoc individuum quam aliud. *m.* prob. Deus omnia sapienter præordinavit, & nihil sine ratione produxit.

2. Si datur series causarum & effectuum in primo ordinante, tunc etiam datur in mundo: Sed; ergo. M. patet, quia mundus est imago Dei, & ut ait Plato, animal simillimum Deo. *m.* prob. in Deo tantum datur unicum decretum creandi unum post alterum secundum ordinem rerum, quem habent inter se in mente divina; ergo, prob. conf. si individua non haberent ordinem per se cum universo, tunc deberent per diversa distincta decreta determinari: Sed; ergo.

3. Si non daretur series causarum & effectuum, tunc vera esset hæc propositio: *Deus aliquid facit sine omni ratione*: Hoc est falsum; ergo. M. prob. Deus præferret hoc individuum alteri, & tamen nullam haberet rationem præferendi hoc individuum alteri.

4. Si Deus determinaret ad individuum, tunc id etiam faceret in actu libero: Hoc est falsum; ergo. *m.* prob. si Deus determinaret ad individuum peccati, eo ipso determinaret ad ipsum peccatum: Sed; ergo.

*Resp.* ad 1. neg. M. ad prob. dist. ant. non daretur causa per se in ipso individuo, tr. ant. in primo ordinante, neg. ant. Deus enim determinando potius ad hoc, quam illud individuum respicit ad abyssum suæ Sapientiæ, nempe ad connexionem collectionis finitæ entium possibilem cum collectione finita aliorum entium possibilem. *Resp.* 2. c. M. neg. *m.* ad prob. dist. ant. Deus omnia producit secundum ordinem specificum, c. ant. individualement, neg. ant.

Ad 2. neg. ant. ad prob. dico: In primo ordinante dari quidem ordinem ad individua, sed tantum arbitrium ex determinatione Dei, & sic in quantum ille ordo ex arbitrio Dei determinabilis prævidetur à Deo ut possibilis, eatenus etiam comprehenditur decreto Dei creandi mundum.

Ad 3. neg. M. quia stat pro ratione voluntas, & ratio Dei hoc potius individuum sumendi quam aliud est exercitium suæ libertatis, & inter prima contingentia in Deo.

Ad 4. c. M. neg. *m.* ad prob. dist. M. Deus determinaret ad peccatum quoad gradum individualement, c. M. quoad gradum specificum, neg. M. malitia enim peccati non consistit in hoc, quod eliciendo actum odii eliciam potius hoc odium, quam illud. hoc enim Deo perinde est; sed consistit in hoc, quod eliciam potius speciem odii quam amoris, & supposito, quod me jam determinaverim ad speciem odii, Deus huic actui identificat potius hunc gradum individualement quam alium.

*Obj.* 4. contra eandem. Si creatura non determina- 24 ret ad individuum, tunc daretur distinctio virtualis aut formalis ex natura rei inter gradus metaphysicos: Hoc non potest dici; ergo. M. prob. si creatura non de-



terminaret ad individuum, tunc de gradu individuali & specifico possent verificari contradictoria: Sed si hoc &c. ergo. *M. prob.* produci ab hac causa & ab hac causa non produci sunt contradictoria: Sed hæc possent verificari; ergo. *m. prob.* gradus individualis non produceretur à creatura & gradus specificus produceretur à creatura; ergo.

2. Independentem ab operatione intellectus non est verum creaturam non determinare ad individuum; ergo. id simpliciter non est verum. *ant. prob.* independentem ab operatione intellectus non est verum gradum individuale non determinari à creatura; ergo neque verum est creaturam non determinare ad individuum.

3. Si perfectiones haberent diversas causas, tunc etiam eadem causa posset producere diversos effectus: Hoc est falsum; ergo. *M. prob.* diversæ perfectiones, quæ respiciunt diversas causas, possunt etiam respicere diversos effectus; ergo.

*Resp. ad 1. neg. M. ad prob. neg. M. ad hujus prob. dist. M.* produci & non produci realiter sunt contradictoria intrinseca, c. *M.* formaliter tantum, *neg. M.* nam idem effectus re ipsa ob identitatem perfectionum respicit causam, à qua producitur, licet non habeat omnes suas perfectiones ob exigentiam cuilibet causæ; sicut autem hoc potest concipi, quod diversæ causæ exigant diversas perfectiones, ita etiam potest fieri, ut eadem massa perfectionum intra se identificet ex suo genere diversas perfectiones, sicut fit in speciebus impressis.

*Ad 2. c. ant. neg. conf. ad prob. dico,* non esse eandem significationem verbi passivi & activi; quando enim dico, perfectionem determinari ab hac causa, tunc illam sumo realiter, in quantum identificatur cum aliis perfectionibus, & eatenus non est verum, unam perfectionem determinari ab una causa, quin determinetur ab altera, quando autem dico creaturam determinare ad unam perfectionem, quin determinet ad alteram, tunc dico à creatura exigi talem perfectionem, abstrahendo, an re ipsa identificetur cum aliis perfectionibus à sua causa.

*Ad 3. c. M. neg. m.* quia id non implicat, ut eadem res producat diversos effectus secum non pugnantes.

25 *Obj. 5. contra 5. Concl.* Totus mundus non est proxime applicatus ad producendum quemlibet effectum in defectu causæ univocæ; ergo in tali casu non producit effectum.

2. Totus mundus non præcontinet perfectiones cujuslibet effectus; ergo non producit quemlibet effectum. *ant. patet;* quia astra non sunt animata, ut contineant animam canis.

3. Si totus mundus produceret quemlibet effectum in defectu causæ univocæ, tunc musca Europæa etiam produceret aurum in mineris Peruanis in America, aut ignem in India: Hoc est absurdum; ergo.

4. Si totus mundus in defectu causæ univocæ produceret quemlibet effectum, tunc eundem etiam produceret in præsentia causæ univocæ: Hoc iterum est paradoxum: ergo.

5. Si totus mundus produceret quemlibet effectum, tunc deberet dari medium commune actionis communis totius universi: Tale non datur; ergo.

*Resp. ad 1. dist. M.* Totus mundus non est applicatus immediate suppositi, c. *M.* immediate virtutis, *neg. M.* suppono enim in mundo dari nullum vacuum, adeoque universum scaturire entibus se se comprimantibus: igitur certum est, per contactum corporum quodlibet corpus communicare cum toto universo ob mutuam compressionem, actionem, &

reactionem, prout ferunt leges motuum & corporum trahentium aut retrahentium; sicut enim equus trahens currum, etiam retrahitur versus currum ab ipso curru mediante fune, ita etiam extremum corpusculum; quod est in supremo cælo, urget omnia corpuscula versus centrum terræ, aut versus alia loca, vicissim verò ipsum repellitur à centro per resistantiam corporum in intermedio. Aliud exemplum communis actionis partium totius universi habes in globulis continuæ serie positis, quorum si impellatur extremus communi actione moventur omnes: item si sphaera concava v.g. vesica impleatur densa aëre, tunc quælibet pars aëris compressi urget versus alteram, quia quocumque aperitur vesica, totus aër illic, quæ data porta ruit, quod est signum totius conatus aëris in vesica reperibilis; igitur etiam in universo per modum & conatum partium una pars sufficienter est applicata alteri.

*Ad 2. c. ant. neg. conf.* quia ad productionem non requiritur, ut causa formaliter præcontinet perfectiones sui effectus, modo exigit poni effectum; exigere enim effectum & producere sunt idem in natura.

*Ad 3. d. M.* Musca posset producere aurum actione propriâ, *neg. M.* actione communi, c. *M.* tantum est absurdum, quod musca ob se ipsam exigit perfectionem auri in India; non verò est absurdum, quod musca tanquam pars universi cum reliquo toto universo exigit complementum universi, quale etiam potest esse aurum.

*Ad 4. neg. M.* quia in præsentia causæ univocæ non est necesse, ut recurratur ad providentiam naturæ seu totius universi, quæ tantum tunc incipit supplere defectum causæ univocæ, quando natura exigit, ut universum exigit. Cæterum etiam non esset absurdum admittere, quod totum universum actu influat in omnes effectus, id enim admittunt Veteres Peripatetici & Antiperipatetici Neoterici; hi ob compressionem universi dicunt dari perpetuam actionem & reactionem inter omnes partes universi; Veteres verò dixerunt, quod Sol & cælum influant in omnes effectus sublunares; Divus Thomas verò & Aristoteles dicunt cessante motu cælorum illo ipso momento cessaturam omnem generationem & alterationem in universo.

*Ad 5. neg. ant. & dico:* hoc commune medium omnium actionum in universo esse materiam lucis seu quintam essentiam aut auram ætheream seu materiam subtilem expansam à summo cælorum usque ad centrum terræ juxta sententiam Sancti Augustini de Gen. ad litt. cum igitur illa materia omnia penetrans corpora sit in perpetuo motu instar torrentis ob motum cælorum rapidissimum, mirum non est, quod ex hoc motu possit actio omnium partium in universo communicari in distans distantia suppositi; neque difficile est concipere ex illo motu ac impressione, quam materia ætherea recipit in India, posse eandem auram commoveri in Europa, quia hæc est lex corporum se se comprimantium, ut moto uno extremo eo ipso etiam moveatur alterum, licet ob condensationem & rarefactionem vis motrix decessat in infinitum proportionem ductæ in quantitatem motus & distantiam. Cæterum virtus immediate activa & passiva ac receptiva multarum qualitaturn est figura ac proportio universi perpetuo resultans ex compressione & actione omnium partium universi, & eadem figura ut representans proportionem & eandem proportionem sustentans est causa omnium mutationum, quæ non habent causam univocam.

QUÆ.



## QUÆSTIO X.

*An accidentia producant substantiam?*

**1** **M**ultæ substantiæ in sui productione non habent causam univocam, saltem apparenter quoad sensus v.g. ignis elicitur è silice vel è ligno vel è sæno madido, cum tamen in his non adsit ignis. Similiter producuntur herbæ & zizania in illis locis, ubi nullum erat talium herbarum vestigium: idem contingit circa insecta seu animalia imperfecta, v.g. nascuntur vermes in cæso, vel in ligno putrido, item in aceto, quin etiam in corpore humano, ut vermes, pediculi, pulices, cum tamen in omnibus istis effectibus nulla appareat causa univoca. Dubitatur proin, an forè talium effectuum & consequenter omnium non sint causa ipsa accidentia disponentia materiam ad formam substantialem talium herbarum aut animalium.

**2** Triplex est sententia: Thomistæ unanimiter dicunt, tales substantias & universim omnes unice produci ab accidentibus, nempe à calore, frigore, humiditate, siccitate, motu, figura, ac dimensionibus materiæ. Alii econtrà, inter quos Scotistæ, defendunt tales effectus & universim omnes unice produci ab aliqua substantia univoca seu ejusdem speciei cum effectu, ita, ut ignis producatur ab igne, herba ab herba, vermis à verme; quia tamen tales causæ univocæ non semper sunt applicatæ immediate suppositi, ideo Scotistæ admittunt actionem in distans, v.g. dum dicunt, à Sole produci aurum in visceribus terræ, quo non potest penetrare, dicunt Solem agere in distans.

Tertia sententia est eorum, qui admittunt, accidentia simul cum substantia influere in effectum, v.g. dum ab igne producit ignis, dicunt duplicem esse causam hujus novi ignis, nempe ignem ipsum & calorem ignis; nam ignis cum suo calore producit ignem.

**3** Thomistarum Sententia, quod nempe sola accidentia producant substantiam, etiam multis Recentioribus, uti ipsi Suarezio placuit; verum non est una omnium explicatio; quidam enim dicunt, quod accidentia tantum instrumentaliter producant substantiam; alii verò dicunt, quod accidentia principaliter producant substantiam. Quidam volunt, quod accidentia producant substantiam in virtute substantiæ, cujus hic & nunc suppleant defectum; alii verò dicunt, quod accidentia virtute propria producant substantiam.

Suarez cum quibusdam Recentioribus dicit ab accidentibus ita produci substantiam instrumentaliter, ut adhuc causa principalis nempe causa univoca debeat suppleri vel per influxum cælorum, vel per causam primam supplemtem defectum causæ univocæ. Alii econtrà negarent, opus esse tali supplemento extrinseco minime necessario.

Cum plerumque in hoc conveniant, quod accidentia agant instrumentaliter, sciendum est *quod instrumentaliter* aliter sumi in Systemate Thomistarum, aliter in Systemate Recentiorum, aut Thomistarum Recentium. Divus Thomas cum Veteribus Thomistis generationem substantialem sic explicat, ut dicat: nihil aliud fieri nisi compositum, formam substan-

tialem non fieri per se, sed per accidens, in quantum nempe forma de se indefinita accipit existentiam in hoc vel illo subiecto proxime ad formam disposito; & ideo in his principiis disponere subiectum, & producere formam sunt synonyma: ita, ut motus generationis materialiter aliud non sit, quam motus alterationis seu dispositio subiecti. Econtrà Recentiores, qui tumentur etiam formam produci per se, eo ipso requirunt distinctam actionem ad productionem formæ substantialis diversam ab actione alterationis, & in his principiis actio propriè accidentium per se tantum terminaretur ad consimilia accidentia; quia tamen cum hac actione accidentium connaturaliter semper connexa est actio substantialis productiva substantiæ, ideo accidentia exigunt poni hanc suam conactionem, & ob hanc connexionem dicuntur instrumentaliter producere substantiam, sicut etiam fit in actione instrumentali mechanica, v.g. dum culter exercet suam actionem, quæ est scindere, concomitanter secum habet actionem artificis cultrum dirigentis ad introducendam formam statux.

Dico: *Accidentia se solis sine adminiculo substantia* **4** *instrumentaliter producant substantiam.* Sensus est: quod accidentia disponant subiectum ad formam substantialem, & hanc dispositione positâ simul cum toto universo exigant poni formam substantialem, sive adsit causa univoca sive non: hanc exigentiâ positâ dico eo ipso resultare actionem productivam formæ substantialis, quæ in tali casu simul respicit accidentia, & simul totum universum tanquam exigitivum suæ existentiae & ipsius formæ; adeoque nulla requiritur actio ipsius substantiæ, quæ immediate terminetur ad suum effectum substantialem, sed tantum actio accidentium & universi.

Prob. 1. autoritate Aristotelis: Si accidentium **5** est actio, tunc etiam accidentium est generatio; Sed; ergo. *m. prob.* actio est contrariorum inter se: Sed sola accidentia sunt contraria inter se; ergo. *M. prob. ex lib. 1. de Gen. c. 7.* ubi dicit: actionem tantum esse inter contraria. 2. Si sola forma substantialis omnino nihil agit, tunc sola accidentia producant substantiam: Sed; ergo. *m. prob. ex Lib. de sensu & sensibili*, ubi Aristoteles ait: *ignem nihil agere aut pati, quatenus est ignis, sed quatenus habet contrarietatem, id est, diversitatem accidentium.* Hunc textum sic explicat Alexander, dum ait: *ignem juxta Peripateticam Sententiam non edere actionem, quatenus est ignis, sed quatenus calidus est.* Et Averroes 7. Metaph. dicit: ejusdem esse virtutis præparare materiam & inducere formam, cum ultima dispositio materiæ sit ipsa forma, juxta vulgatum axioma Peripateticorum.

Prob. 2. autoritate D. Thomæ, qui **1. p. q. 105. 6** *a. 1.* dicit: accidentia posse agere instrumentaliter ad formam substantialem. Melius verò in aliis locis id colligitur ex toto Systemate D. Thomæ, dicit enim: formam propriè non fieri, sed tantum accipere existentiam ac individuationem in subiecto, quod disponitur ad formam; igitur disponere materiam & introducere formam Divo Thomæ sunt synonyma. Dein de accidentibus Eucharisticis dicit: quod illa accidentia, dum corrumpuntur, naturaliter possint producere vermes & alias substantias.

Prob. 3. Si accidentia habent vim determinandi **7** causam primam ad concursum generalem producendi substantiam, tunc etiam habent vim producendi



substantiam: Sed; ergo. prob. M. producere rem nihil aliud est, quàm exigere effectum, & mediante actione connecticum effectui. *m.* etiam prob. accidentia se ipsis sunt ratio constitutiva privationis, quæ est principium in fieri; ergo habent vim determinandi primam causam.

8 Prob. 4. Si actio generativa ex sui genere non est distincta ab actione alterationis, tunc accidentia possunt producere substantiam: Sed; ergo. *m.* prob. actio generativa nihil aliud est, quàm ultima dispositio materiæ: Sed illa non distinguitur ab actione alterationis; ergo. prob. M. ex Aristotele 7. Metaph. ubi dicit: quòd ultima actio seu dispositio æris ad spheram sit ipsa introductio spheræ in ær.

9 Confirm. Principium veterum Philosophorum, quòd formæ resurgent ex ipso motu materiæ, non convincitur esse contra rectam rationem; ergo standum est illi principio. ant. prob. potest dici: quòd polito certo motu & figura materiæ eo ipso detur vis ac ordo ad certam formam; ergo.

10 Prob. 5. Si actio generativa essentialiter versatur inter contraria, tunc illa actio tantum convenit formis accidentalibus: Sed; ergo. M. patet, quia substantiæ non sunt inter se contrariæ, sed tantum qualitates sensibiles, ut docet Aristoteles de Prædicamentis. *m.* prob. nec ratione, nec experientia constat, quòd alia detur actio, quàm illa, quæ subijcitur sensibus, & quæ versatur inter contraria; ergo.

11 Confirm. Tantum contrarietas in natura est ratio totius generationis; ergo ibi primò invenitur actio generativa, ubi primò invenitur contrarietas. ant. prob. nisi detur defectus in natura, non datur etiam exigentia ad effectum, & nisi detur spoliatio, non dabitur in natura ullius formæ productio, cum utique natura jam ex se esset perfecta, nec egeret productione ullius formæ, nisi daretur destructio alterius formæ aut talis dispositio, in qua jam datur defectus formæ.

12 Prob. 6. Substantiæ ex se ipsis non sunt activæ; ergo tota ratio agendi est in accidentibus, prob. ant. si substantiæ essent activæ ex se ipsis, tunc sine ullis dispositionibus, saltem aliquando, possent producere effectum: Hoc est falsum; ergo. M. prob. non potest ostendi essentialis dependentia universalis virtutis activæ à dispositionibus, si substantia ex se ipsa est activa; ergo.

13 Prob. 7. ab experientia: Sæpe producuntur effectus sine ulla causa univoca; ergo. ant. prob. v. g. producuntur vermes in caseo, producuntur herbæ ex terra virgine, uti & alia insecta: atqui in hoc casu non datur causa univoca; ergo. prob. *m.* si daretur causa univoca, tunc essent semina: Sed hæc non sunt; ergo. *m.* prob. si illa semina non vivunt, tunc non sunt causa univoca: Sed; ergo. *m.* prob. si non datur vestigium operationis vitalis v. g. in caseo recenti, tunc non vivunt: Sed; ergo. Verum minor probabitur melius suo loco, interim supponitur.

14 Prob. 8. Si accidentia non possent producere substantiam, tunc ideo, quia accidentia non præcontinent perfectiones substantiæ, aut quia non sunt causa univoca, aut quia sunt aliquid ignobilius substantiæ, ita, ut neque eminentialiter præcontineant substantiam: Hæc ratio nihil probat; ergo. prob. *m.* producitur aliquando in natura effectus

à causa longè ignobiliore & non univoca nec præcontinent perfectiones sui effectus; ergo. ant. prob. v. g. Musica, lux &c. producitur ab organo ligneo infinities imperfectiore quàm ipsa Musica; nec potest dici, quòd lignum præcontineat perfectionem Musicæ, quia lignum versatur longè in alio genere entium, nec per se est causa ipsius Musicæ, cum id conveniat omnibus aliis materiis nempe metallis & lapidibus; simili modo ergo deberet dici, animam alicujus insecti ex suo genere non differre à Musica, quia resultat ex organis bene dispositis, & hoc solum est discrimen inter animam bruti & Musicam, quòd anima sit radix etiam aliarum perfectionum.

Prob. 9. Ille modus operandi rebus convenit, qui naturæ est melior ac exoptabilior: Sed talis est iste modus operandi, ut accidentia producant substantiam; ergo. *m.* prob. si in multis casibus non tam commodè potest haberi præsentia substantiæ, sicut datur præsentia accidentium, tunc est melior: Sed; ergo.

Prob. 10. Accidentia Eucharistica actu producunt substantiam naturaliter; ergo possunt alia accidentia idem producere. conf. patet, quia illa accidentia sunt eadem, quæ fuerunt in substantia panis. ant. est Divi Thomæ, & prob. ab experientia: species Eucharisticæ producunt vermes, & nutriunt; ergo. prob. ant. si in hoc casu nulla datur miraculi necessitas, tunc nutriunt naturaliter: Sed; ergo. M. patet, quia miracula non sunt multiplicanda sine necessitate.

Prob. 11. Nulla datur implicantia in ista virtute accidentium; ergo possunt producere substantiam, quia absolute illud omne censendum est possibile, in quo nulla ostenditur contradictio.

## Solvuntur Objectiones.

Obj. 1. Si accidentia producerent substantiam, tunc darent effectui perfectionem, quam ipsa non habent: Sed hoc implicat; ergo. M. patet, quia substantiæ darent gradum substantialitatis, & calor v. g. daret rationem ignis, aut rationem viventis, quando producit ignem aut animal. *m.* prob. nemo dat, quod non habet; ergo.

2. Id, quod omnino non est, non dat esse; ergo id, quod non est substantia, etiam non dat esse substantiæ, conf. prob. accidens respectu substantiæ eo modo se habet, sicut non esse ad esse; ergo. prob. ant. accidens tam parum habet esse substantiæ, quàm parum id, quod non est seu non esse, non habet esse.

3. Si effectus profluit à virtute activa causæ, tunc etiam debet contineri vel formaliter vel eminentialiter in sua causa: Sed; ergo. Atqui subsumo: substantia nec eminentialiter, nec formaliter continetur in virtute activa accidentium; ergo.

Resp. ad 1. d. M. tunc darent perfectionem, quam non habent educativè seu per educationem, c. M. creativè, neg. M. similiter dist. ant. ad prob. nemo dat, quod non habet per creationem, c. ant. non dat per educationem è potentia materiæ, neg. ant. vel subd. non dat illud per educationem, ubi non datur privatio, c. ant. secus, neg. ant. In hac quaestione totum Adversariorum præjudicium fundatur in conceptu erroneo actionis productivæ creatæ; supponunt enim, quòd producere nihil aliud sit, quàm ali-

quid



quid communicare effectui; hoc verò omnino falsum est, solus enim Deus per actionem creativam in sensu proprio ac rigore communicat effectui suas perfectiones; e contra creatura nihil aliud facit, nisi ut ob proportionem totius universi posito actu primo proximo per se ipsam exigit effectum, & eo ipso per se ipsam connectatur cum effectui; hæc connexio est ipsa actio productiva creata.

Ad 2. c. ant. neg. conf. & parit. quia inter esse & non esse nulla datur proportio, adeoque implicat dari etiam exigentiam aut connexionem inter terminos non positivos; diximus enim, connexionem illam, dependentiam, seu seriem causarum & effectuum unice fundari in proportionem totius universi, quæ proportio non potest dari inter non ens & ens, licet possit dari inter non substantiam & substantiam, inter ignobilius & nobilius. ad prob. dist. ant. accidens habet non esse substantiæ secundum suum esse negativum, c. ant. secundum suum esse positivum, neg. ant. in quantum accidens non est substantia, eatenus non habet proportionem cum substantia, sed in quantum est aliquid positivum, nempe dispositio proportionalis ad substantiam.

Ad 3. dist. M. quod profuit à virtute activa causæ creativæ, c. M. educitivæ, neg. M. ratio, cur in creatione debeat præcontineri effectus formaliter, aut eminentialiter, est, quia in tali casu non daretur aliqua vis productiva talis perfectionis in effectu reperibilis, nisi præsupponeretur aliquid præcontinens illam perfectionem; e contra in actione creata nulla talis præcontinentiæ est necessitas, nec etiam id probat ratio, cum sit aliquid imperceptibile, & arguat Omnipotentiam.

Obj. 2. Si accidens posset producere substantiam, tunc in nullo effectu naturali opus esset confugere ad causam primam: Hoc est contra omnes; ergo. M. prob. semper posset dici, hunc vel illum effectum fuisse productum ab accidentibus; ergo.

2. Si accidens non deberet præcontinere perfectionem sui effectus, tunc ex rebus creatis non liceret argumentari ad perfectionem causæ primæ: Hoc est falsum; ergo. M. prob. si accidens non deberet præcontinere perfectionem sui effectus, tunc etiam Deus non deberet præcontinere perfectionem sui effectus: Sed si hoc &c. ergo.

3. Ex nullo evidenti principio evertitur sensus communis, quod ex perfectione effectus sit legitima illatio ad perfectionem causæ; ergo verus est communis sensus.

Resp. ad 1. tr. M. neg. m. quia non omnes Thomistæ aliquando recurrunt ad Deum. Resp. 2. neg. M. & dico, aliquando in creatis non haberi sufficiens determinativum ad hanc vel illam formam substantialem etiam ex proportionem totius universi, v.g. dum nascitur monstrum, in tali casu licet accidentia & dispositiones habeant proportionem ad formam monstruosam, illam tamen nec causa univoca, nec totum universum exigit, & in defectu talis exigentiæ Deus supplet defectum causæ secundæ.

Ad 2. neg. M. ad prob. neg. ant. & parit. quia accidens non producit effectum suum creativè nulla præcedente dispositione ac proportionem, sicut producit Deus; igitur Deus producit effectum, necessario debet præcontinere effectum, quia non est excogitabilis ullus alius modus producendi, nisi per præcontinentiam aut per educationem è potentia

materiæ vi proportionis; igitur in productione divina cessante altero membro hujus divisionis recte arguitur ad primum.

Ad 3. neg. ant. quia evidens est dari connexionem connaturalem inter terminos proportionales; igitur in quacunque serie effectuum ordinata posito uno terminorum proportionalium necesse est poni alterum, & hæc necessitas, connexio, accolligatio est ipsa actio productiva creata seu educitio è potentia materiæ. Resp. 2. nego suppositum, dari talem communem sensum, quia omnes fatentur, ex ligno produci Mulicam, à semine & Sole produci muscas, vermes, quæ tamen non præcontinent perfectiones sui effectus, Mulicam & vitam.

Obj. 3. Si accidens produceret substantiam, tunc sufficeret effectum produci per causam mediatam: Hoc non potest dici; ergo. M. patet, quia in efficientia accidentium nulla datur causa principalis immediata. M. prob. si sufficeret effectum produci à causa mediata, tunc quodcumque accidens posset producere quemcumque effectum possibilem: Hoc est falsum; ergo.

2. Si accidens produceret substantiam, tunc esset causa instrumentalis, non principalis: Hoc non potest dici; ergo. m. prob. si accidens tanquam causa instrumentalis posset producere effectum, tunc nulla esset ratio, cur in natura ferè universum simul concurrat causa univoca: Sed; ergo.

3. Si accidens produceret substantiam, tunc illam produceret in virtute substantiæ: Hoc est absurdum; ergo. m. prob. producere substantiam in virtute substantiæ nihil aliud est, quàm esse subordinatum substantiæ: Sed id, quod est subordinatum substantiæ, non potest producere substantiam; ergo. m. prob. id, quod subordinatur Deo, non eo ipso potest omnia producere in virtute Dei, quæ potest producere ipse Deus; ergo etiam accidens subordinatum substantiæ non potest producere substantiam in virtute substantiæ.

Resp. ad 1. dist. M. sufficeret produci effectum per causam mediatam solâ causalitate mediata, neg. M. simul etiam causalitate immediata, c. M. quando enim accidentia producant substantiam, tunc accidentia vi proportionis, quam habent cum effectu, producant substantiam immediate, & illa causa, quæ fuit causa accidentium, simul potest dici mediante suo effectu, nempe mediantibus accidentibus influere in effectum. Ad prob. neg. M. quia non omne accidens v.g. albedo in Eucharistia, habet immediatam proportionem ad quemlibet effectum.

Ad 2. c. M. neg. m. ad prob. neg. M. & dico: quod ideo requiratur causa univoca, quia requiritur causa ipsorum accidentium; sicut enim accidentia habent proportionem cum effectu seu substantia, & ob hanc proportionem producant substantiam, ita ob eandem proportionem cum tali substantia producantur ipsa accidentia à tali substantia. Igitur causa univoca requiritur, ut producat medium terminum proportionalem inter primum & quartum nempe ipsa accidentia, quæ sunt medius terminus proportionalis inter causam & effectum.

Ad 3. c. M. neg. m. ad prob. neg. ant. & dico: producere substantiam in virtute substantiæ nihil aliud esse quàm producere substantiam vi proportionis ad substantiam, sicut enim accidentia habent proportionem ad substantiam, à qua producantur,



ita habent proportionem ad substantiam, quæ ab ipsis producitur; cum autem proportio sit ipsa virtus ac potentia naturæ, ita accidentia, quæ agunt in vi hujus proportionis terminatæ ad substantiam, sic rectè dicuntur agere in virtute substantiæ.

21 *Obj. 4.* Si accidens ageret in virtute substantiæ, tunc ageret per virtutem à se distinctam: Hoc est impossibile; ergo. *M. prob.* virtus substantiæ est identificata cum ipsa substantia; ergo. *ant. prob.* omnis virtus activa est identificata cum eo, quod habet virtutem; ergo.

2. Si accidens ageret in virtute substantiæ, tunc substantia deberet habere virtutem agendi: Hoc juxta nos est falsum; ergo. *prob. M.* nemo agit authoritate illius, qui nullam habet authoritatem; ergo si accidens agit in virtute substantiæ, substantia debet habere virtutem agendi.

3. Si accidens ageret in virtute substantiæ, tunc vel ageret in virtute substantiæ ut sic, vel in virtute substantiæ individualis? Nentrum potest dici; ergo. *m. prob.* substantia ut sic nihil est, nec etiam potest dici, quod rana producat ab accidentibus in virtute ranæ ut sic; si verò ageret in virtute substantiæ ac ranæ individualis, quænam esset illa ex omnibus ranis?

4. Si accidens ageret in virtute substantiæ, tunc ideo, quia ageret in bono substantiæ: Hoc nihil probat; ergo. *m. prob.* etiam dispositiones purè requisitæ ad productionem substantiæ agunt in bonum substantiæ, & tamen non agunt in virtute substantiæ; ergo.

*Resp. ad 1. neg. M. ad prob. neg. M. ad prob. dist. ant.* virtus cujuslibet causæ est identificata cum ipsa causa circa effectus immanentes, c. *ant.* circa effectus extrinsecos, *neg. ant.* virtus enim substantiæ sunt ipsa accidentia, quæ referuntur ad effectus extrinsecos causæ; ut enim ait D. Thomas: prius est esse, quàm operari. Substantia est constitutiva ipsius esse, ideo ex sua essentia non respicit ad extrà per operationem aut per virtutem activam: sed quiescit in se ipsa; igitur potentia ac virtus activa ad extrà debet distingui à causa.

Ad 2. *dist. ant.* debet substantia habere virtutem vel per essentiam, vel per proprietatem, c. *ant.* per essentiam, *neg. ant.* substantia exigit habere virtutem agendi ad extrà, licet illa virtus sit tantùm accidens seu proprietas distincta à substantia. Ad *prob. dico*, neminem posse agere authoritate illius, qui nullam habet authoritatem vel physicè vel moraliter; interim tamen exercitus agit authoritate Regis, quia ipse Rex per se ipsum non potest agere; sicut igitur exercitus est Regis potentia, sic accidentia sunt virtus activa substantiæ.

Ad 3. *tr. M. neg. m. & dico*, quòd accidens agit in virtute substantiæ ut sic, & ista substantia juxta nos comprehendit omnia individua, v.g. homo ut sic dicit omnes homines singulares, & rana, ut sic dicit omnes ranas singulares. Sicut igitur conceptus universalis faciendo universale repræsentat omnia singularia licet confusè, ita accidentia realiter repræsentant quæcunque substantiam potentem agere per ista accidentia.

Ad 4. *neg. M.* ut enim dixi, agere in virtute substantiæ nihil aliud est, quàm habere proportionem, vim ac connexionem cum substantia.

22 *Obj. 5.* Si accidens produceret substantiam, tunc

saltem virtualiter deberet præcontinere perfectiones substantiæ: Hoc non potest dici; ergo. *m. prob.* si accidentia continerent virtualiter perfectiones, substantiæ, tunc ideo, quia possent producere substantiam: Hoc est absurdum; ergo. *m. prob.* quia tali modo committitur circulus, & fit petitio Principii.

2. In nullo casu evincitur à solis accidentibus produci substantiam; ergo nulla est necessitas aut ratio tribuendi talem vim accidentibus. *prob. ant.* quando formæ inanimatæ producantur, potest dici, quòd lateant in mixtis partes homogeneæ cum effectu v.g. quòd in ligno & silice lateant particule igneæ; circa insecta verò potest dici, quòd nascantur ex semine, prout demonstrat Kircherus & alii Recentiores; vel potest dici, quòd in semine detur virtus plastica, prout defendit Divus Thomas. Igitur ubique datur causa productiva substantiæ, quin opus sit accidentibus.

3. Si per accidentia posset produci substantia, tunc etiam per sola accidentia aliquando possent produci animalia perfecta: Hoc est falsum; ergo.

4. Si accidentia possunt producere substantiam, tunc etiam per artem possent produci omnia accidentia, ac consequenter substantiæ, aurum, plantæ, animalia &c. Hoc est falsum; ergo.

5. Si per accidentia possunt produci insecta, tunc per dæmonem possent produci omnia animalia tam perfecta, quàm imperfecta, eadèmq. mortua possent per dæmonem revivificari: Hoc est falsum; ergo. *M. prob.* dæmon habet potestatem in omnia accidentia, quia habet potestatem in primum accidens, nempe in motum & figuram materiæ.

*Resp. ad 1. tr. M. neg. m. ad prob. neg. M.* si enim accidentia habent proportionem cum substantia, tunc etiam potest dici, quòd præcontinueant virtualiter perfectiones substantiæ: idem enim est præcontinere, quàm esse causam; quòd autem sint causa non ex eo fuit ostensum, quia præcontinent, sed quia habent proportionem. Cæterum posset etiam dici, accidentia non differre à substantia nisi quoad modum essendi seu potius subsistendi, prout actu defendit Zabarella. In hac hypothesi calor intensus summè foret ignis, quia talis calor habet propriam subsistentiam, & eo ipso per identitatem exigit habere alia accidentia.

Ad 2. *neg. ant. ad prob. nego*, quòd semina vivunt, aut quòd tales particule in sensu Adversariorum universim lateant in mixtis. Quòd autem virtutem plasticam attinet, illa virtus nondum est in genere ac specie viventium; quomodo ergo posset producere animam viventis, & quidem ex sui destructione? Itaque hæc doctrina Divi Thomæ conformis est nostræ Sententiæ, dum illud accidens vel forma, quæ vocatur virtus plastica, producit substantiam viventem haud dubiè ob proportionem & ordinem partium talem effectum exigentium.

Ad 3. *dist. ant.* Possent produci perfecta animalia, si naturaliter possint concurrere talia accidentia, c. *ant.* secùs, *neg. ant.* quòd autem non possint concurrere talia accidentia, patet ex eo, quia accidentia disponentia ad animal perfectum jam sunt aliquod totum constans ex innumeris partibus, & quidem ordinatissimum, adeoque requirit aliquam providentiam ac causam per se; illa causa per se, sicut etiam quoad animalia imperfecta non datur nisi in aliqua materia per privationem ad formam dispo-



disposita. hanc verò materiam nec ars, nec casus, nec fortuna, nec dæmon, aut Angelus disponere potest. Et ratio est, quia nulla ordinata dispositio in serie rerum naturalium fit, nisi detur ordo in tota natura, adeoque coordinatio totius universi, & talis ordo non datur sine primo ordinante; igitur impossibile est de novo producere ordinem naturæ, nisi illum præordinaverit natura naturans seu Deus. omnis enim alius ordo, quem ponit aut casus, aut dæmon aut homo est, præter ordinem naturæ in natura, adeoque non operativus.

Ad 4. & 5. Ex hoc ipso patet responsio. Igitur universum notandum est, opera naturæ, quæ requirunt ordinem partium, aut totius ad universum per se à natura intentum non posse fieri ab arte aut dæmone. Et hi sunt limites virtutis, quam habet dæmon in naturalia, ut tantum possit operari ea, quæ sunt præter ordinem naturæ; si & ipsa Deus permiserit, potest applicate activa passivis, & eos motus locales producere, qui non requirunt providentiam, seu cognitionem, & vim directivam universi; qualis tamen requiritur in omni composito naturali.

## Q U Æ S T I O X I.

### An detur mutua natura prioritas?

**I**nter causas tam morales quam physicas aliquæ præcedunt suum effectum tempore; aliæ verò tantum naturâ. Tempore præcedit illa causa, quæ prius existit, antequam existit effectus. Sic Sol jam existit ante plura sæcula, & tamen hodiernus dies, qui à Sole producit, nondum existit ante plura sæcula; itaque Sol eatenus præcedit tempore hodiernum diem.

**2.** Naturâ præcedere dicitur illa causa, quæ cum suo effectu existit eodem tempore, ita tamen, ut unum dependeat ab altero in existendo; sic calor & ignis, lux & Sol existunt in eodem momento temporis eo ipso quod Sol in primo statim momento suæ existentia producat lucem; attamen existentia caloris dependet ab igne, & existentia lucis statim in primo momento dependet ab existentia Solis.

In effectibus, qui sunt simul tempore, sed non simul natura distingui solent plura signa rationis v.g. Sol, lux, species visiva lucis, cognitio lucis, & amor lucis dantur simul in eodem momento temporis, ita tamen, ut semper unum prius sit naturâ ad alterum; in primo enim signo naturæ datur Sol, in secundo lux; in tertio signo naturæ datur species visiva lucis, in quarto datur cognitio lucis, & in quinto datur amor lucis; Quidam solent distinguere inter se signa naturæ & signa rationis. Per signa naturæ intelligunt illam prioritatem, quâ unum naturâ præcedit alterum, sicut fit in dato exemplo lucis; per signa rationis intelligunt illam prioritatem, quæ tantum consistit in nostro modo concipiendi, licet fortè cum fundamento in re; sic inter cognitiones & volitiones divinas concipimus aliquam prioritatem, licet una re ipsa non præcedat alteram nec tempore nec naturâ.

**3.** Prius naturâ definitur communiter, quod ut aliunde existens præsupponitur ad alterum. Verum hæc definitio jam laborat communi præiudicio, quod unum

non possit esse prius ad alterum, nisi sit aliunde existens. Altera definitio est, illud esse prius naturâ, quod est ratio existendi alteri, sicut Sol est ratio existendi luci.

In præsentī igitur est quæstio: an duæ causæ ita possint se invicem mutuo producere, ut prima sit causa secundæ, & secunda sit causa primæ, & hoc tam in moralibus quam physicis? Alii quidem restringunt quæstionem ad idem genus causæ, dum quærunt: utrum possit dari mutua naturæ prioritas in eodem genere causæ?

Dico 1. Datur mutua natura prioritas in causis moralibus. Prob. Concl. ab inductione. 1. Si Deus dicat Antichristo: damnaberis, quia blasphemabis erga Deum, & dein Antichristus propter hoc ipsum blasphemet contra Deum, quia Deus fecit tale decretum damnationis ob suam prævisam blasphemiam: intalicasu dabitur mutua prioritas inter decretum damnandi & inter blasphemiam Antichristi, blasphemiam enim datur ob decretum divinum, & divinum decretum datur ob blasphemiam Antichristi.

2. Donet aliquis Rex militi gladium aut equum sub hac conditione: si in pugna se strenuè gesserit: ille miles hoc ipso gladio vel equo usus se strenuè gerat in pugna, & per hoc mereatur absolutam donationem gladii aut equi; in hoc casu donatio Regis erit causa actionis heroicæ, & actio heroica erit vicissim causa absolutæ donationis.

3. Dantur duo Corydones; unus dicat: non deponam pileum, nisi prius deponat alter; eodem modo dicat secundus: si unus deponat, deponet propter alterum, & sic dabitur mutua naturæ prioritas.

4. Deus vult salvare homines propter eorum bona opera, & vicissim bona opera hominis dantur, quia Deus vult salvare hominem. Suppono enim, quod merita hominis concedantur homini per gratiam, & hæc concedatur ex absoluto decreto salvandi hunc vel illum hominem seu ex prædestinatione, licet hæc ipsa prædestinatio non terminetur executive ad salvationem nisi per bona opera.

Prob. Concl. 2. Si aliqua causa moralis taliter potest intendere duos effectus, ut unum veli propter alterum, tunc in intentione talis causæ moralis unus effectus erit prior ad alterum naturâ: Sed; ergo. M. patet, quia in tali causa unus effectus non habet existentiam, nisi dependenter ab altero. m. prob. quando Princeps conscribit exercitum, tunc in sua intentione simul comprehendit Ducem, Capitaneum, Decurionem, & Gregarium militem, ita tamen, ut non habeat rationem conducendi unum, nisi in ordine ad alterum; intentio enim Ducis determinat ad conducendum militem gregarium, & intentio militis gregarii determinat ad intentionem conducendi Ducem.

Dico 2. Datur mutua natura prioritas etiam in causis physicis saltem in diverso causarum genere. Prob. Concl. ex communi axiomate: causæ sunt sibi invicem causæ; ergo habent etiam prioritatem inter se.

Prob. 2. Si dico: possunt ab invicem dependere in existendo, tunc etiam possunt habere mutuam prioritatem inter se: Sed; ergo. m. prob. si unum potest esse ratio existendi alteri, & hoc vicissim primo, tunc unum potest dependere ab altero & vicissim. Sed;



Sed; ergo. *m. prob.* potest fieri, ut neutrum ex duobus secundum se habeat finem in natura, nec etiam unum sit dignius aut prius altero in tempore; ergo. In antecedente non apparet implicantia.

9 *Prob.* 3. Materia & forma, accidens & substantia, actus & habitus actu habent prioritatem mutuam; ergo ea potest dari, quia ab actu ad potentiam bona est argumentatio. ant. *prob.* quoad 1. Materiam non debetur existentia naturaliter nisi ratione formæ, & vicissim formæ non debetur existentia, nisi dependenter à materia; ergo forma dependet in existendo à materia, & materia dependet in existendo à forma.

*Prob.* etiam quoad 2. Accidens v. g. calor producit substantiam nempe ignem, & vicissim ignis producit conservativè eundem calorem, à quo ipsemet fuit productus; ergo.

*Prob.* etiam quoad 3. Actus v. g. charitatis dependet ab habitu charitatis in eo, qui habet talem habitum saltem inchoativè, & vicissim ille ipse habitus conservatur, perficitur, ac intenditur ab eodem actu, quem elicit; ergo datur mutua prioritas inter actum charitatis & habitum charitatis.

## Solvuntur Objectiones.

10 *Obj.* 1. contra 1. *Concl.* In exemplis adductis non datur mutua naturæ prioritas; ergo nullibi. *prob.* ant. 1. Si in exemplo Antichristi decretum Dei non est prius peccato Antichristi, nec aliunde existens, tunc illud decretum non est prius ad peccatum: Sed; ergo. *m. prob.* illud peccatum dicitur inferre peccatum tantum necessitate consequente ad peccatum; ergo.

2. Si donatio equi vel gladii non est absolute antecedens ad ipsam actionem heroicam militis, tunc non est simpliciter prior ad ipsam actionem: Sed; ergo. *m. prob.* ponitur illa donatio tantum esse conditionata.

3. Si daretur mutua naturæ prioritas in causis moralibus, tunc etiam in hoc exemplo, quando ex motivo sanitatis sumitur medicina, ita, ut sanitas sit ratio sumendi medicinam, & vicissim sumptio medicinæ sit causa sanitatis: Sed in hoc non datur; ergo. *m. prob.* in hoc exemplo sanitas non est causa sumptionis medicinæ, sed spes sanitatis; ergo.

*Resp.* ad 1. neg. ant. ad *prob.* dist. ant. Decretum Dei non est prius ad peccatum prioritatem intentionis, c. ant. prioritatem existentie, neg. ant. etiam si Deus non absolute decernat damnationem Antichristi sine prævisione ipsius peccati, tamen prius decernit, antequam existat peccatum & existentia prior decreti potest esse causa moralis existentie peccati saltem occasionalis.

Ad 2. dist. ant. Illa donatio non est absolute existens in mente donantis, c. ant. in mente sperantis, neg. ant. ille enim, qui sperat futuram donationem, in sua mente habet pro objecto illam donationem, & ideo illa donatio habet existentiam objectivam in mente sperantis, & eatenus determinat ad actionem heroicam.

Ad 3. tr. *M. neg. m.* ad *prob.* dist. ant. Sanitas non determinat ad sumptionem medicinæ quoad esse physicum, c. ant. quoad esse morale ac intentionale, neg. ant. Esse intentionale datur in intellectu illius, qui sperat sanitatem.

*Dices:* Ex his sequeretur, quod donatio equi, aut sanitas realis & actualis non esset prior actione heroica, vel sumptione medicinæ; ergo adhuc non datur mutua prioritas. *prob. conf.* si illa donatio non est prior, tunc non potest dici, quod idem sit prius & posterius: Sed; ergo. *prob.* *M.* donatio intentionalis & sanitas intentionalis tantum est prior, & non posterior, donatio verò realis & sanitas realis tantum est posterior, & non prior; ergo.

*Resp.* dist. ant. Sequeretur, quod donatio realis & sanitas realis tantum sit posterior secundum suum esse physicum, c. ant. secundum suum esse morale subd. quod tantum sit posterior objective sumpta. tr. ant. subjective sumpta in mente donantis, neg. ant. notandum est, quod sanitas moraliter sumpta, sicut & donatio, dicat duo, nempe rem & cognitionem rei; finis enim est, qui ut cognitus movet; igitur illa sanitas realis futura determinat ad cognitionem, & mediante cognitione determinat ad actionem, & mediante actione determinat ad se ipsam, & eatenus sanitas est prior se ipsa ut determinabili, & est posterior se ipsa ut determinante, est prior relatè ad intentionem, posterior relatè ad executionem.

*Objic.* 2. contra 2. *Concl.* Si daretur mutua naturæ prioritas in causis physicis, tunc idem posset esse causa sui ipsius: Hoc implicat; ergo. *m. patet*, quia solus Deus est à se ipso. *M. prob.* si daretur mutua prioritas in causis physicis, tunc aliqua res posset esse causa suæ causæ: Sed si hoc, tunc posset esse causa sui ipsius; ergo. *m. prob.* quidquid est causa causæ, est etiam causa causati; ergo si aliquid est causa suæ causæ, tunc est causa sui ipsius.

2. Si posset dari mutua naturæ prioritas, tunc non amplius posset demonstrari Deus: Hoc est falsum; ergo. *M. prob.* si posset dari mutua naturæ prioritas, tunc una creatura posset producere alteram, & hæc vicissim posset producere primam: Sed tali modo non posset demonstrari Deus; ergo. *m. prob.* si creaturæ producunt se invicem, tunc non est necesse, ut suam existentiam ab aliquo ente extra collectionem omnium creaturarum recipiant; ergo.

3. Si datur mutua naturæ prioritas, tunc oppositio relativa producentis ad productum non esset amplius signum distinctionis realis: Hoc est falsum; ergo. *M. prob.* si daretur mutua prioritas, tunc idem esset produciens se ipsum & productum; ergo opponeretur sibi ipsi, & tamen non esset distinctum à se ipso.

*Resp.* ad 1. dist. *M.* Tunc aliqua res posset esse causa sui ipsius inadæquata, c. *M.* adæquata, neg. *M.* quia in tali causa una res essentialiter indigeret existentia alterius causæ, cui ipsa non potest dare adæquatam sufficientiam ad existendum. Potest etiam negari *M.* ad *prob.* tr. *M.* neg. *m.* ad *prob.* dist. ant. quidquid est causa causæ, est etiam causa causati, si illa causa posset esse per se existens, c. ant. secus, neg. ant. quando enim duæ res non habent sufficientiam ad existendum seorsim, tunc ipsa præcisè tollit insufficientiam ad existendum alteri, etiam si non tollat propriam insufficientiam, vel dist. ant. sic: Quidquid est causa causæ per actionem aliquam productivam, est etiam causa causati, c. ant. si tantum est causa causæ per suam essentiam, neg. ant. ratio disparitatis est, quia effectus, qui producitur per actionem productivam suæ causæ, eo ipso fit in dependens à sua causa; & sic quidquid producit, effectus



effectus independens à sua causa immediate adscribitur causæ; e contra quando duæ res per suam essentiam seu essentialem coordinationem producant se invicem sine actione distincta, tunc ratio causandi cuilibet est sua essentia, quæ non terminatur ad se ipsam quoad suam existentiam naturalem sed ad alteram partem.

Ad 2. neg. M. ad prob. d. M. Creaturæ possent se invicem producere tribuendo sibi invicem tantum inadaquatam sufficientiam ad existendum, c. M. ad aequatam, neg. M. productio naturalis & causalitas mutua tantum constituit in eo, & unum exigit existentiam alterius vi proportionis, quam habet ad alterum; etiam si non habet sufficientiam ad suis viribus tribuendam existentiam alteri enti, quam exigit, & ideo adhuc requiritur existentia Dei, unde participant suam existentiam creaturæ determinantes ad mutuam coexistentiam.

Ad 3. neg. M. ad prob. nego, quod causa sit sui ipsius causa, aut quod habeat ad se ipsam relationem producentis; alioquin deberet distinguere: oppositio relativa ad terminum extrinsecum non est signum distinctionis, neg. M. ad terminum intrinsecum, c. M. si enim idem produceret se ipsum tunc referretur idem ad se ipsum seu ad suum esse intrinsecum, & sic illud axioma tantum deberet intelligi pro illis casibus, pro quibus potest intelligi.

13 *Obj.* 3. cont. 2. *Concl.* Quando oculus causat visionem, est impossibile, ut vicissim visio causet oculum; ergo in Physicis non potest dari mutua causalitas.

2. Si daretur mutua naturæ prioritas in causis physicis tunc nunquam daretur viciosus circulus in demonstrationibus: Hoc est falsum; ergo M. prob. semper posset dici, causam A. esse propter causam B. & vicissim causam B. esse propter causam A.

3. Aristoteles in lib. *Post.* rejicit mutuam naturæ prioritatem; ergo non datur. ant. prob. Aristoteles dicit, hanc argumentationem seu demonstrationem esse malam; quando dico: B. est propter A. & A. est propter B. sic enim facile esset omnia demonstrare.

*Resp.* ad 1. d. ant. Hoc non est verum secundum leges Providentiæ modernæ, c. ant. in alia Providentiæ, neg. ant. cur enim repugnaret oculus, cui nulla deberetur existentia nisi propter actualem semper visionem? si autem hoc repugnet, id præcisè ideo repugnat, quia per oculum de facto intelligimus id, cui debetur existentia independentem à visione.

Ad 2. neg. M. ad prob. neg. ant. quia quando dantur duæ causæ positæ extra suas causas, & habentes jam propriam substantiam, impossibile est, ut producant se invicem; juxta nos autem tantum datur mutua naturæ prioritas inter duas causas constituentes unum compositum.

Ad 3. neg. ant. ad prob. d. ant. Dicit Aristoteles hanc demonstrationem esse viciosam in causis adæquatis & habentibus propriam substantiam, c. ant. secus, neg. ant. Aristoteles tantum vult demonstrare duos v. g. ignes, quorum unusquisque est subsistens in se non posse se invicem producere.

14 *Obj.* 4. contra eandem. Prius naturæ est, quod ut aliunde existens præsupponitur ad alterum: Sed implicat in terminis, ut id, quod est aliunde existens dependeat ab illo altero; ergo.

2. Si daretur mutua naturæ prioritas, tunc nunquam posset perveniri ad prima principia: Hoc est falsum; ergo M. prob. semper posset principia sibi invicem esse principia, quia indigerent aliquo extrinseco priori principio; ergo.

3. Si daretur naturæ prioritas, tunc idem esset prius se ipso: Hoc implicat; ergo. prob. M. si idem esset prius priori se, tunc esset prius se ipso: Sed; ergo. m. patet, quia causa esset priori suo effectui & effectus esset vicissim prior suæ causæ.

4. Si daretur naturæ prioritas tunc eidem rei convenirent contradictoria: Hoc implicat; ergo. M. prob. idem esset dependens ab altero & independens, idem esset prius & posterius altero: sed hæc sunt contradictoria; ergo.

*Resp.* ad 1. neg. M. quia nos dedimus aliam definitionem.

Ad 2. d. M. Non posset perveniri ad prima principia, si principia etiam adæquata alicujus suppositi possint sibi invicem esse principia, c. M. secus, neg. M. ut enim dixi, tantum partes alicujus suppositi possunt esse sibi invicem causæ, in quantum exigunt mutuam coexistentiam.

Ad 3. neg. M. ad prob. d. M. Si esset prius prioritate temporis, c. M. prioritate tantum naturæ, neg. M. prioritas naturæ tantum dicit existentiam ad existentiam alterius entis, & hæc exigentia suo modo est prior nostro modo concipiendi cum fundamento in re.

Ad 4. neg. M. ad prob. neg. ant. quoad 2. memb. quod nempe causa sit independens à suo effectui, similiter nego, causam esse posteriorem suo effectui, in quantum refertur ad effectum: Dein esse prius & posterius sub diversâ ratione non sunt contradictoria. sicut animam esse rationalem & sensitivam non sunt contradictoria, licet esse sensitivum non sit esse rationale.

*Obj.* 5. contra eandem: Si possit dari mutua natura prioritas, tunc posset dari mobile perpetuum: Hoc repugnat juxta leges mechanicas; ergo. M. prob. quia corpus mobile posset movere alterum, & hoc alterum vicissim posset movere primum reciprocatione perpetua.

2. Mutua naturæ prioritas non probatur exemplis communiter asserti solitis; ergo non datur. prob. ant. inter illa exempla etiam sunt sequentia:

1. Quando ventus aperit fenestras & sic ingreditur apertis fenestris in cubile; in tali casu apertio fenestrarum est prior ad ingressum venti, & ingressus venti est prior ad apertionem fenestrarum.

2. Quando piper calefacit stomachum, vicissim etiam piper calefit à stomacho.

3. Quando iuxta se ponuntur plures carbonem, tunc unus carbo conservat alterum, & calor unus est causa caloris in altero ac vicissim.

4. Quando in hyeme confricamus manus, tunc manus dextera calefacit sinistram & vicissim.

5. Ferrum ignitum immissum aquæ frigidæ calefacit aquam frigidam, & vicissim ferrum frigescat ab aqua.

6. Duo ligna sibi invicem inclinata se mutuo sustentant, sicut etiam lapides fornicum.

7. Motus unius rotæ est causa motus in altera rota & vicissim. Jam hæc omnia exempla non probant mutuam prioritatem; ergo. prob. m. potest dici: quod in plerisque his exemplis duæ causæ in se invicem agant secundum diversas partes; ut consideranti patebit. Sic poterit dici: aliam partem venti movere & aperire fenestram, aliam vero partem ingredi apertam fenestram. Similiter poterit dici: alium calorem introduci in suum passum, & vicissim à passu alium calorem reintroduci in agens; & sic de cæteris.

*Resp.* ad 1. neg. M. quia in mobili perpetuo deberet dari motus ad extrâ, in quo casu non admittimus mutuam naturæ prioritatem.



Ad 2. tr. ant. neg. conf. quia nos non sumus usi his exemplis. Dein nisi timeretur jactura temporis, posset etiam in his omnibus exemplis convenienter defendi mutua naturæ prioritas.

## Q U Æ S T I O XII.

*An causa agens debeat esse distincta à passo?*

*An repatiatur à passo?*

**I**co 1. *Causa agens habens partes vel Physicas vel Metaphysicas non necessario distinguitur à passo.* Partes Physicas voco, quæ distinguuntur realiter ab invicem sicut partes corporis humani v.g. manus, pedes. Partes Metaphysicas voco, quæ distinguuntur per nostrum modum concipiendi, sicut sunt potentia volitiva & intellectiva in anima.

Prob. Concl. 1. Datur augmentatio; ergo causa agens non distinguitur à passo. ant. prob. in augmentatione una pars corporis organici nutrit alteram partem, & nutriendo agit in alteram partem: Sed in tali casu idem est agens & passum; ergo. *m.* prob. tam pars nutrienda quam pars nutrita sunt pars ejusdem totius agentis in seipsum; ergo. sic v. g. natura humana crescit, & convertit cibum in sui substantiam ac consequenter agit per stomachum sanguinem & spiritus, & eadem natura patitur, dum v. g. cartilaginee convertuntur in ossa aut sanguis in substantiam carnis.

2. Prob. 2. Quando anima volendo determinat se ad cognitionem, aut cognoscendo se determinat ad volitionem, tunc agit in se ipsam; ergo agens non distinguitur à passo.

3. Dico 2. *Causa agens agendo semper repatiatur à suo contrario.* Prob. Concl. 1. Quando calidum ut seipsum agit in frigidum ut sex, tunc calidum amittit aliquot gradus sui caloris; ergo. prob. ant. si calidum in primo instanti non statim destruit omnes gradus frigoris, tunc amittit aliquot gradus caloris: Sed; ergo. *m.* patet ab experientia, *M.* prob. si calidum non statim destruit omnes gradus frigoris, tunc illi gradus frigoris adhuc residui exercent suam activitatem erga calidum: Sed si hoc, tunc &c. ergo. *M.* prob. quælibet causa agit, quantum potest agere: Sed illi gradus frigoris residui adhuc possunt agere; ergo.

4. Prob. 2. ab experientiis. 1. Quando ferrum candens mittitur in aquam frigidam, tunc ferrum candens agit & patitur; agit calefaciendo aquam & patitur ab aqua, dum extinguitur & restituitur frigori.

2. Quando haustus aquæ frigidae refrigerat stomachum, tunc agit in stomacho refrigerando, & vicissim patitur à stomacho recipiendo calorem ab illo.

3. Quando aqua frigida miscetur calidæ tunc frigida agit in calidam refrigerande, & vicissim patitur à calida calefiendo, ut sic fiat aliquod medium nempe aqua tepida.

5. Prob. 3. Omnis actio fit mediante motu intestinalium partium; ergo omnis actio patitur à suo contrario. ant. supponitur, quia quantitas & motus partium est prima dispositionum materialium. conf. prob. omnis motus patitur resistantiam à subiecto recipientem motum; ergo. Hinc etiam abiit in axioma apud Neotericos: *Omni actioni contraria est reactio.*

6. Dico 3. *Causa agens etiam intenditur à suo contrario.* Prob. Concl. Datur Antiperistasis; ergo. ant. prob. quando in hyeme aquæ subterraneæ emanant

aquam calidam in fontibus, id nullam habet causam, quam frigus, quod hyeme circumstat aquas subterraneas, & sic intendit calorem.

Prob. 2. Quando aqua fervens Soli exponitur, tunc illa aqua citius se restituit ad suum pristinum frigus; sed hujus nulla est ratio, nisi quia ob præsentiam caloris solaris frigus aquæ congenitum veluti per Antiperistasin intenditur.

Prob. 3. Quando æstate per diem calor est intensior, tunc eo ipso est majus periculum grandinis seu partium glacialium, & hujus nulla alia est ratio, nisi quia partes frigoris in aëre residuæ intenduntur à suo contrario.

Prob. 4. Quando frigent manus, tunc attritione nivis iterum restituuntur pristino calori, & hujus nulla alia est ratio, nisi quia circumstantes nix poros in manu apertos constringit & sic intendit calorem in manu residuum.

Prob. 5. Manus ambusta sentit dolorem, si subito mergatur frigida; e contra senatur ac relevatur, si detineatur ad præsentiam ignis; ratio alia non est, nisi quia aqua frigida intendit calorem ambustæ manibus & sic causat dolorem.

Prob. 6. Hyeme fames & concoctio solet esse major quam in æstate, ratio est, quia frigus circumstantis corpus humanum in hyeme intendit calorem in stomacho, & sic intendit concoctionem.

Prob. 7. Calx excitat calorem & ignem ad effusionem aquæ frigidae; ergo calor intenditur à suo contrario.

Prob. 8. Febres calidæ frequentiores sunt in autumno quam in æstate; ratio est, quia calor causans febrem ob frigus autumnale intensior est quam in æstate præente calore Solis.

Prob. 9. Quando hyeme manus lavantur frigida tunc sentiunt se fortiores ad perferendum frigus, quam si laventur calida; ratio est, quia aqua frigida constringendo poros intendit calorem nativum; quia semel concitatus non tam citò desistit à motu intestinalium partium; e contra si laventur aqua calida, calor nativus non intenditur, & eo ipso frigori extrinseco facilius in prædam relinquitur. Ex his patet, istam intensionem à contrario tantum fieri per accidens, nempe mediante alia causa concurrente non semper, sed frequenter per accidens.

## Solvuntur Objectiones.

*Obj.* 1. contra 1. Concl. Calor non agit in se ipsum; ergo neque alia agunt in se ipsa, ant. patet, quia duæ aquæ calidæ non intendunt se invicem, nec simile agit in simile. conf. prob. etiam calor habet partes aut physicas aut metaphysicas, nempe gradus caloris.

2. Si omnis actio est aliquis motus, tunc non datur actio ejusdem in se ipsum: Sed; ergo. *M.* prob. omnis motus est alicujus alterius distincti à re, quæ movetur; ergo. ant. prob. ex communi axioma: quidquid movetur, movetur ab alio.

3. Si idem posset agere in se ipsum tunc posset dari mobile perpetuum: Hoc implicat; ergo.

*Resp.* ad 1. c. ant. neg. conf. ad prob. d. ant. calor habet partes ejusdem rationis, c. ant. diversæ rationis, neg. ant. calor enim nullas habet partes nisi gradus caloris, & quilibet gradus est calor; cum igitur simile non agat in simile, hæc diversitas non sufficit, ut calor agat in se ipsum.

Ad 2. d. *M.* Si omnis actio est motus etiam localis, tr. *M.* si tantum est motus generationis, aut altera-



alterationis vel augmentationis, neg. M. adductum axioma tantum procedit de motu locali. Dixi: *transseat*. Quia etiam si omnis actio sit motus localis, aut cum motu locali, tamen adhuc verum erit axioma, quia daretur sufficiens distinctio moventis à re mobili distinctione partium moventium & motarum; licet idem totum respectu diversarum partium sit movens & motum v.g. si manus sustollat lallum caput.

Ad 3. d. M. Posset dari mobile perpetuum si agens agat in se ipsum actione & passione ejusdem rationis. c. M. si tantum agat in se ipsam actione & passione diversarum rationis. neg. M. in mobili perpetuo deberet potentia motrix movere se ipsum iisdem viribus & eodem motu, quo moveret aliud; e contra in aliis actionibus & reactionibus aliud sit per actionem directam, & aliud sit per reactionem, ut patet in adductis exemplis.

Obj. 2. contra 2. Concl. Calidum ut septem non amittit suum gradum quando miscetur cum calido ut sex; ergo. ant. prob. si facilius servat suum gradum quam illum inducit, tunc non amittit suum gradum: Sed; ergo.

2. Omnis actio supponit agens fortius passio; ergo calidum ut septem non patitur à frigido ut sex. prob. ant. ex communi axioma: quod omnis actio sit in proportionem majoris inæqualitatis.

3. Si agens repateretur à passio, tunc nunquam sibi assimilaret passum: Hoc est falsum; ergo. M. prob. si agens nunquam retineret omnes suas perfectiones in ultimo instanti assimilationis, tunc nunquam assimilaret sibi passum: Sed; ergo. m. prob. calidum ut septem amitteret unum vel alterum gradum caloris, & sic habendo tantum quinque gradus non posset aquam reddere calidam ut septem.

Resp. ad 1. neg. ant. ad prob. neg. M. quia etiam si facilius servet suum gradum caloris, quam illum inducat in aliud subiectum, tamen etiam id, quod facilius servatur, facilius amittitur, quando reactio est fortior.

Ad 2. neg. ant. ad prob. d. ant. omnis actio est in proportionem majoris inæqualitatis quoad effectum principalem, c. ant. quoad secundarium, neg. ant. sensus est: quod causa fortior ultimato obtineat effectum, licet etiam ipsum agens principale à suo contrario patiat. 16

Ad 3. neg. M. ad prob. d. M. si calidum ut septem amitteret perfectiones & ipsam etiam radicem perfectionum, c. M. secus, neg. M. principium caloris est substantia exigens calorem vel ut octo vel ut septem; hæc substantia manet, etiam si aliquot gradus caloris deperdat; quamprimum vero invenit subiectum dispositum, tunc non solum recuperat gradus caloris sibi debitos, sed & illos communicat subiecto disposito.

Obj. 3. contra eandem: Si agens repateretur, tunc nunquam agens applicaretur effectui summè intensum: Hoc est absurdum; ergo. M. prob. semper agens antequam actu produceret effectum, amitteret à reactione contrarii aliquos gradus suæ intensiois; ergo.

2. Si in causa activa vis resistiva passio est fortior quam actio patientis, tunc non repatur à passio: Sed; ergo. m. prob. vis activa in causa agente est fortior quam in patiente; ergo etiam vis resistiva est fortior, quia per eandem vim quis resistit, per quam agit.

3. Si agens repateretur, tunc idem posset moveri motibus contrariis: Hoc implicat; ergo. prob. M.

R. D. Engeb. Amort Philosophia.

quando movens impingeret in aliud versus Orientem, semper repelleretur versus Occidentem; ergo tale movens simul moveretur versus Orientem & Occidentem.

Resp. ad 1. d. M. Nunquam applicaretur agens summè intensum in secundo aut tertio instanti actionis, tr. M. in primo instanti, neg. M. in primo enim instanti nondum causa agens perdidit ullum gradum suæ intensiois. Dixi: *transseat*; quia causa agens etiam in secundo instanti amissis aliquot gradibus retinet summam intensioem radicalem, licet non retineat formalem.

Ad 2. d. M. Si vis resistiva est major etiam viribus partium. tr. M. si tantum est major viribus totius. neg. M. quando calidum ut septem agit in frigidum ut sex, tunc calidum est quidem fortius, quam frigidum, si comparatur totum ad totum; si vero v.g. quinque gradus frigoris comparentur ad unum gradum caloris, tunc fortius est frigidum, quam calidum. Igitur si quinque gradus frigoris incipiant agere in unum gradum caloris ratione dispositionum aut condicionum non satis defensum à suis reliquis compartibus, tunc frigus obtinebit victoriam.

Ad 3. neg. M. ad prob. d. ant. si repelleretur movens versus Occidentem etiam positivè. c. ant. si tantum negativè, neg. ant. quando enim aliquid movens versus Orientem impingit in aliud mobile, tunc illud movens habet aliquas partes impetûs, seu totidem gradus virium motricium. Sed quando impingit ob resistantiam corporis, deperdit aliquot gradus sui impetûs, ita, ut alterum mobile non destruat totam directionem versus Orientem, & vicissim producat aliam directionem versus Occidentem, quo posito moveret positivè versus Occidentem, sed reagendo facit, ut movens tardius moveatur versus Orientem.

## QUÆSTIO XIII.

### Quid & quotuplex sit causa Idealis & Finalis?

Idea seu causa Idealis vocatur, ad cujus imitationem producit effectus; sicut si artifex v.g. statuarius aut pictor prius in sua mente efformet aliquam imaginem, cui vult assimilare statuum, aut imaginem, talis enim artifex perpetuo respicit ad illam ideam, quam sibi prius efformavit, ut eandem assequatur in opere.

Simili modo etiam Deus censetur in mente sibi efformasse ideam totius mundi & omnium ejus partium, ad cujus imitationem produxit hunc mundum. Plato non contentus istis ideis existentibus in Mente Divina & similitudine rerum creaturarum ad Mentem Divinam insuper docuit, ut vult communis persuasio, has ideas propriè participari à rebus creatis, sicut albedo participatur à muro, & sic per sui participationem esse veras causas ac partes constitutivas totius universi & omnium compositorum naturalium.

Talis causa idealis, quæ interim supponitur non participari nisi tantum per imitationem, in quantum determinat artificem universi ad efformandum opus suæ menti simillimum: Vocatur etiam à Philosophis causa exemplaris.

Finis seu causa finalis vocatur id, cujus gratiâ aliquid fit; v.g. quando ob sanitatem sumitur medicina, sanitas est finis, & gratiâ sanitatis sumitur medicina.



De ratione finis est, ut sit aliquod bonum seu appetibile à voluntate, quia nemo illud appetit, quod apprehendit ut malum. Cum verò triplex sit bonum nempe honestum, utile, & delectabile; ita etiam triplex constituitur finis.

3 *Finis honestus* est, cujus bonitas appetitur juxta leges rectæ rationis. *Finis utilis* est, cujus bonitas appetitur in ordine ad allequendam aliam majorem bonitatem; sic v. g. appetitur pecunia non propter se, sed propter aliud; nempe propter commoditatem vitæ vel honores, vel aliquid aliud allequendum. *Finis delectabilis* est, cujus bonitas appetibilis ratione sui delectat; sic si quis laborat ob allequendam aliquam commoditatem vitæ; talis finis per se est delectabilis.

4 *Finis dividitur in finem qui, finem cui, & finem quò.*  
*Finis qui* vocatur, quod est objectum appetitus seu quod appetitur; ut si appetitur sanitas aut pecunia, ea erunt finis *qui*.

*Finis cui* vocatur, in cujus utilitatem cedit bonum quod appetitur; ut si Petrus appetat pecunias aut sibi aut alteri. Petrus aut alter, cui appetit, erit finis *cui*.

*Finis quò* vocatur, mediante quo obtinetur fructio boni, quod appetitur; & revera talis finis *quò* vel est ipsa possessio boni, vel medium ad ipsum bonum, quo pervenitur ad bonum.

5 *Finis ulterius dividitur in finem per se & per accidens.*

*Finis per se* vocatur illud bonum, quod ratione sui appetitur; sicut voluptas appetitur ratione sui; cibus autem aut pecunia non sunt finis per se, sed per accidens, quia non appetuntur ratione sui; sed ratione alterius, nempe ratione voluptatis, aut alterius commoditatis inde provenientis.

*Finis rursus dividitur in finem operantis & in finem operis*; *Finis operis* vocatur, ad quem opus ex sua natura ordinatur; sic finis horologii est monstrare horas. *Finis operantis* vocatur, quem artifex sibi ipsi constituit; v. g. finis statuati est lucrum, honor &c.

6 *Finis etiam dividitur in proximum, remotum, & ultimum.* *Finis proximus* est, ad quem res immediate ordinatur v. g. calceus immediate ordinatur ad calceationem. *Finis remotus* est, ad quem res mediate ordinatur; sic calceus, qui immediate ordinatur ad calceationem, mediate ordinatur ad motum progressivum. *Finis ultimus* est, ad quem res ultimato ordinatur, & hic est tantum finis unicus, quia implicat dari plures fines, quorum neuter ultimato ordinatur ad alium; sic finis calcei ultimus, qui mediate ordinatur ad motum progressivum, est, ut serviat ipsi homini per motum progressivum ad possessionem summi boni.

7 Denique finis dividitur in primarium & secundarium. *Primarius* est, qui appetitur principaliter ratione sui, & talis homini est sui salvatio. *Secundarius* est, qui tantum concomitanter appetitur, ut si homo appetat beatitudinem, primario appetit essentialia beatitudinis, secundario verò etiam appetit connexa cum illa beatitudine, & gaudia accidentalia.

## Q U Æ S T I O XIV.

*Quenam sit causalitas finis in rebus naturalibus?*

I Dico 1. *Res naturales agunt propter finem.* Prob. Concl. Si author naturæ agit propter finem, tunc etiam res naturales agunt propter finem; Sed; ergo. *m.* supponitur, & potest fieri manifesta consideranti. *M.* prob. si author naturæ agit propter finem,

tunc quælibet res habet ordinem, relationem, aspectum ad finem, ad quem ab autore naturæ intenditur: Sed si hoc, tunc agunt propter finem; ergo. *m.* est explicatio terminorum. *M.* prob. si author naturæ agit propter finem, tunc ordinando res ad finem, eo ipso illis imprimit ordinem ac proportionem ad suum finem: Sed si &c. tunc agunt propter finem; ergo.

*Confirmatur:* Res ex sua propria determinatione à Deo indita executive agunt ad illum finem, ad quem à Deo ordinantur; ergo simpliciter verum est, quod agant ad finem.

Dico 2. *Causa exemplaris est causa, in quantum est 2 objectum cognitionis, & cognitio illius est pura conditio.* Prob. Concl. Objecta ut cognita dirigunt ad effectiorem operis; ergo illa objecta secundum se sunt causa operis, conf. prob. si objecta ut cognita movent, tunc eodem modo determinat ad effectiorem, quo modo determinat bonitas objecti cognita ad sui prosecutionem: Sed in hoc casu cognitio est conditio & objectum causæ; ergo.

Prob. 2. Causa efficiens non intendit objectum 3 assimilare cognitioni, sed objecto tantum cognitionis; ergo non dirigit ad effectiorem operis ipsa cognitio, sed objectum cognitionis.

Prob. 3. Illud est causa per se dirigens ad effectiorem operis, ad quam respicit ille, qui producit opus: Sed is tantum respicit ad ideam seu ad objectum cognitionis, non verò ad ipsum cognitionem; ergo.

Dico 3. *Finis exercet veram causalitatem non tamen 5 moralem nec physicam sed objectivam.* Prob. Concl. Si finis influit in effectum ut respectus per actionem productivam, tunc exercet veram causalitatem; Sed; ergo. Quod autem non exercent moralem, probatur ex eo, quia causa moralis tantum antecedit effectum, v. g. voluntas præcipientis, ut ædificetur domus, antecedit constructionem ipsius domus, non subsequitur; E contra simul antecedit & simul subsequitur finis, est enim prior in intentione & ultimum in executione. Quod autem finis non exercent causalitatem physicam sumendo hunc terminum rigore, patet ex eo, quia causa physica dando existentiam debet habere existentiam, qualem tamen finis non habet.

Dico 4. *Ratio causandi in fine tantum est bonitas cog- 6 nita ipsius objecti, non verò cognitio illius bonitatis.* Prob. Concl. Sola cognitio objecti non est practica, nec determinat ad amorem vel prosecutionem sui objecti; ergo id, quod determinat in hoc concreto, bonitas cognita, non est cognitio, sed ipsa bonitas,

Prob. 2. Illud exercet rationem causæ finalis, quod 7 cognoscitur, & ejus gratiâ aliquid fit: Sed cognitio non cognoscitur, nec ejus gratiâ aliquid fit; ergo.

## Solvuntur Objectiones.

Obj. 1. contra 1. Concl. Res naturales non cog- 8 noscunt finem: ergo non agunt propter finem. prob. conf. agere propter finem tantum dicuntur illa, quæ se ipsa dirigunt in finem.

2. Sagitta vel globus è solopeto emissus non dicitur agere propter finem seu centrum, ad quod dirigitur; ergo neque res naturales agunt propter finem, versus quem ordinantur à primo ordinante instar sagittæ, ut explicat D. Thomas.

3. Si res naturales agerent propter finem, tunc etiam agerent propter ultimum finem: Hoc non potest dici; ergo. *m.* prob. si agerent propter ultimum finem, aliquid mererentur: Hoc est falsum; ergo.



4. Si res naturales agerent propter finem, tunc sæpe intentio naturæ tenderet in peccatum: Hoc non potest dici; ergo. prob. M. finis multarum rerum naturalium est servire ad peccatum; ergo. prob. ant. finis ignis est urere & incendere domum, quod ab incendiariis factum est peccatum; ergo.

5. Herba v. g. est indifferens ad quemcunque finem, ad quem absolute potest dirigi; ergo non ordinatur à natura ad determinatum finem. conf. patet, quia alioquin intentio naturæ sæpe frustraretur, quod est contra prima principia; vel agendo contra intentionem naturæ sæpe quis peccaret v. g. si natura ordinaret herbam ad medicinam, & ego contra ordinationem naturæ illam ordinarem ad cibum vel ad ornatum pavimenti. prob. ant. herba potest servire ad varios fines nempe ad medicinam, cibum, ornatum &c. ergo.

Resp. ad 1. c. ant. neg. conf. ad prob. neg. ant. verum quidem est, quod actio in finem supponat cognitionem ordinantis in finem, sed non est necesse, ut illa cognitio detur in ipsa re ab intrinseco tendente in finem.

Ad 2. c. ant. neg. conf. & parit. disparitas est, quod nos non possimus sagittæ aut globo imprimere intrinsecum ordinem ac intrinsecam tendentiam versus centrum; & ideo, quia natura sagittæ aut globi non tendit ab intrinseco versus centrum sed per impetum acquisitum, non dicuntur agere propter centrum, aut ad centrum.

Ad 3. tr. M. neg. m. ad prob. d. ant. mererentur si agerent propter finem ultimum se ipsas ordinando ad finem, c. ant. secus, neg. ant.

Ad 4. neg. M. ad prob. d. ant. multæ res naturales serviunt ad peccatum ex intentione ac ordinatione sibi extrinseca & accidentali, c. ant. intrinseca, neg. ant. finis v. g. ignis est urere, sed quando incendiarius hanc actionem assumit in illis circumstantiis, in quibus datur defectus subordinationis ad finem ultimum, tunc actio ignis est quidem bona, sed defectus subordinationis est malus, & hic non est essentialis igni, sed accidentalis. Interim tamen etiam in his circumstantiis ignis intrinsece appetit urere, in quibus subordinatur ultimo fini.

Ad 5. neg. vel d. ant. Herba est indifferens ad quemcunque finem sibi accidentalem, c. ant. sibi essentialem, neg. ant. finis essentialis cujuslibet rei tantum est unicus, ut suppono posse demonstrari. Finis vero accidentalis cujuslibet rei potest esse multiplex v. g. finis essentialis cujuslibet herbe est, ut exerat suam vim in dispositionibus sibi congruis; actio proin herbe est unica, & finis unicus; sed ille finis, quem sortitur ex ordinatione hominum, est illi accidentalis; à natura enim herba immediate ordinatur non tam ad medicinam quam cibum. Ad rationem additam dico, intentionem naturæ quoad finem intrinsecum nunquam posse frustrari; quia cessante fine intrinseco natura subtrahit suo enti existentiam.

9 Obj. 2. contra 2. Concl. Si idea foret causa, tunc vel illa ipsa, quæ fit in opere, vel alia distincta? Neutrum potest dici; ergo. m. prob. illud ipsum, quod fit, non dirigit operantem in ordine ad se ipsum, & alia idea distincta non dirigit ad id, nisi sit similis objecto.

2. Causa exemplaris pertinet ad causam efficientem; ergo male contradistinguitur ab illa, prob. ant. si Ideæ Divinæ sunt causæ effectrices rerum, tunc pertinent ad causam efficientem: Sed; ergo. m. est in terminis Dionysii Areopagitæ de Divinis Nominibus cap. 4.

3. Ideæ Divinæ sunt ipsa cognitio Divina; ergo verum est, quod ratio causandi circa causam exemplarem sit ipsa cognitio Ideæ. ant. prob. ex D. Thoma in Summa q. 15. art. 2. ubi dicit, quod Deus, in quantum cognoscit essentiam suam ut sic imitabilem à tali creatura cognoscat eam ut propriam rationem & ideam hujus creaturæ.

Resp. ad 1. tr. M. neg. m. & dico, quod objectum secundum statum intentionalem sit causa sui secundum statum realem accepti.

Ad 2. neg. ant. ad prob. d. M. Ideæ Divinæ sunt causæ effectrices rerum exemplariter ac idealiter, c. M. efficienter, neg. M. juxta modum loquendi etiam utitatum omne illud dicitur effectivum rei, quod aliquo modo concurret ad effectiorem rei, & eatenus etiam Ideæ Divinæ sunt effectrices rerum.

Ad 3. d. ant. Ideæ Divinæ sunt ipsa cognitio realiter, c. ant. formaliter, neg. ant. textus Divi Thomæ tantum probat, quod Essentia Divina & Ideæ Divinæ identificentur inter se.

Obj. 3. cont. 3. Si finis esset causa rerum, tunc deberet realiter causare: Hoc non potest dici; ergo. m. prob. finis realiter non causat, quando est, nec quando non est; ergo. prob. ant. quando est, non amplius causat, utpote jam existens, & quando non est, nulla est ipsius realitas, adeoque nec realis causalitas.

2. Si finis esset causa, tunc deberet causare per prædicata realia: Hoc non potest dici; ergo. m. prob. finis sæpe non habet prædicata realia; ergo. prob. ant. finis bonitas est sæpe tantum apparens.

3. Finis non est principium, ut patet ex terminis; ergo neque est causa, quia omnis causa est principium.

Resp. ad 1. tr. M. neg. m. ad prob. d. ant. finis realiter non causat dum non est physicè, c. ant. objectivè, neg. ant.

Ad 2. d. M. Deberet causare per prædicata realia realitate objectiva, c. M. physica, neg. M. quando bonitas objecti est tantum apparens, tunc illa bonitas habet saltem esse reale objectivum, per quod causat, seu esse reale secundum statum intentionalem.

Ad 3. d. ant. Finis non est principium grammaticaliter, tr. ant. philosophicè, neg. ant.

Obj. 4. contra eandem. Deus est finis sui ipsius, & tamen non est causa sui ipsius; ergo finis non habet rationem causæ.

2. Omnis causa distinguitur ab effectu; ergo finis non est causa sui ipsius, quia non distinguitur à se ipso.

3. Aliquando in fine nulla reperitur bonitas; ergo bonitas objecti non est ratio causandi. prob. ant. potest aliquis appetere quid impossibile v. g. ut fiat Angelus, sed in hoc nulla datur bonitas; ergo. m. prob. nullius entis nulla est bonitas.

4. Potest aliquis interimere se ipsum vel appetere non esse; sed etiam in hoc fine nulla reperitur bonitas; ergo. m. patet, quia non esse est non ens, adeoque nec bonum nec malum.

Resp. ad 1. d. M. Deus est finis sui ipsius per identitatem, c. M. per tendentiam ad finem, neg. M. Deus quiescit in se ipso, adeoque habet se per modum finis jam possessi, & acquisiti; alia vero causæ tendunt in finem primum acquirendum, & hi fines sunt causæ sui ipsius.

Ad 2. d. ant. Causa adæquata distinguitur ab effectu adæquato, c. ant. inadæquato, neg. ant. si datur mutua naturæ prioritas non est necesse, ut tota causa etiam adæquate sumpta distinguatur ab effectu suo inadæquate sumpto; sic materia prima est simul causa & simul



& simul effectus, in quantum dando existentiam formæ dat sibi ipsi existentiam. Igitur effectus materiæ adæquatus non est sola materia sed insuper forma; sic etiam finis non præcisè causat per se ipsum, sed causando sui cognitionem causat se ipsum; id est, sumptus secundum statum intentionalem causat se secundum statum realem.

Ad 3. neg. ant. ad prob. d. m. In objecto impossibili nulla datur bonitas realis, c. m. objectiva, neg. m. bonitas illa huius objecti etiam impossibilis non est, impossibilis in quantum movet, & in quantum cognoscitur.

Ad 4. c. M. d. m. Non datur ulla bonitas realis in non ente, c. m. objectiva, neg. m. vel d. sic: Nulla datur bonitas positiva, c. m. negativa, neg. m. ille qui se interimit, apprehendit sui non existentiam ut majus bonum quam ipsam existentiam, & sic datur saltem apparens bonitas, quæ, in quantum apparet, non est impossibilis, nec tantum apparens. Si verò aliquando appetitur, non esse ut vera bonitas v. g. à damnatis juxta illud Christi: *Bonum ei fuisset, si non fuisset natus homo ille*, tunc dicendum esset dari bonitatem negativam seu absentiam malorum, quæ comparata ad illas pœnas videtur magis eligenda, quam illa bonitas cum tanto malorum pondere.

12 *Obj. 5. contra 4.* Si cognitio variat vim motricem causæ finalis, tunc etiam ipsa cognitio habet vim causando: Sed; ergo. prob. m. in quantum cognitio clarè repræsentat bonitatem objecti, eatenus objectum fortius movet; si verò cognitio obscurè proponat bonitatem sui objecti, tunc & ipsum objectum remissius movet.

2. In quod constituit causam intentionalem in ratione causæ intentionalis, est etiam ipsum ratio causæ intentionalis: Sed finis est causa intentionalis & cognitio constituit finem in ratione causæ intentionalis; ergo.

3. Multi quiescunt in sola cognitione sui objecti; ergo solus finis non exercet causalitatem, nisi cognitio practica exerceat causalitatem, adeoque etiam cognitio est numeranda inter causas.

*Resp. ad 1. neg. M.* nam & pura conditio variat vim activam causæ; sic major vel minor applicatio ignis variat vim activam ignis, quin ipsa applicatio sit causa; tali modo etiam cognitio est pura applicatio objecti ad voluntatem.

Aliud exemplum datur in frigore, quod variat vim caloris absque eo, quod producat calorem. Similiter vitrum pro diversa sui densitate variat in activam lucis, quin vitum producat lucem.

Ad 2. neg. M. & retorqueo: Id, quod constituit ignem applicatum in ratione ignis applicati est constitutum ignis applicati: Sed applicatio est talis; ergo, directe d. M. sic: illud est constitutum causæ intentionalis reduplicative sumptæ, c. M. denominative sumpto, neg. M. causa intentionalis quæ talis dicit causam objectivam ut jam applicatam ad producendum effectum, & eatenus cognitio est illius pars.

Ad 3. c. ant. neg. conf. vel d. conf. Cognitio habet aliquam vim, si objectum habeat adæquatam sufficientiam ad effectum, c. conf. secus, neg. conf. nam causa intentionalis etiam posita applicatione & toto actu primo proximo non necessario producit suum effectum, prout faciunt aliæ causæ naturales; ratio est, quia illud subjectum, in quod finis operatur, nempe voluntas, est causa libera.

13 *Obj. 6. contra eandem:* Si aliquis finis non necessario determinat ad prosecutionem sui ipsius, tunc

finis nullam exercet causalitatem: Sed; ergo. prob. m. si daretur amor puræ benevolentiae, tunc datur aliquis finis, qui non determinat ad sui prosecutionem seu affectionem: sed; ergo. prob. M. in amore puræ benevolentiae amans sine ullo suo commodo movetur à fine seu objecto amoris, & quiescit in solo amore sui objecti; ergo.

*Resp. 1. tr. M. neg. m.* & dico amorem absolutum puræ benevolentiae esse impossibilem, ut aliunde suppono. *Resp. 2. neg. M.* quamvis enim possibilis sit amor puræ benevolentiae saltem conditionatus, si Deus pro suo cultu exigeret suam annihilationem, aut exinanitionem, tamen etiam pro illo casu aliquid operaretur finis, nempe annihilationem.

## Q U Æ S T I O .XV. Quomodo inter causas numeranda sint natura, violentum, ars, fortuna, casus, fatum?

I Nter celebriores causas vulgus numerare solet fortunam & fatum. Philosophi verò contenti nominibus omnia tribuunt naturæ. Si enim quæras à populo: quænam hujus aut illius eventus causa sit: dicent fortunam; & ut Plinius ait: *in omnibus negotiis humanis unica invocatur fortuna, unica nominatur, & in tota ratione bonorum unica fortuna utramque paginam facit:* adeo, ut Veteres Romani Fortunæ tanquam Deæ templum construxerint. Sed ut sapienter Juvenalis observat Satyr. 17, nos te facimus Fortuna Deam. Quidam Neotericorum putant, hunc immanem errorem provenisse ex eo, quia homines, dum causam rei ignorant, facile abstracta nomina fingant, ne suam ignorantiam prodere cogantur, & ideo subjiciunt abstractis nominibus aliquid nescio quid, quod velut anchoram spei ignorantiae & asylum amplexantur.

Philosophi verò, qui adeo amant pro causa asserere naturam, ideo amant ista abstracta nomina, quia ignorant naturam. Tales enim si interroges, cur v. g. magnes trahat ferrum? dicent: quia est talis natura. Si quæras, quomodo fiat, ut marmor sit adeo durum? dicent: quia est talis natura; & sic in omnibus solam sciendo naturam in tota natura nihil sciunt.

*Natura* ab Aristotele 2. Physic. definitur: *quod sit principium motus & quietis in eo, in quo primo est ab intrinseco.* Aristotelici enim in qualibet re admittunt aliquam vim, quæ sit causa omnium alterationum, augmentationum, generationum, ac etiam motuum localium: v. g. lapis movetur deorsum, & si quæras, cur moveatur deorsum? respondent: lapidem ex sua natura movere deorsum, id est, dari in lapide ab intrinseco principium tendendi deorsum. Illud ipsum autem principium motus est etiam principium quietis, quando videlicet lapis obtinet suum centrum, in quo quiescit.

Idem contingit, dum crescit planta, arbor, aut animal; si enim quæras, cur crescat arbor aut animal? respondent: quia natura plantæ aut animalis est talis naturæ, ut possit acquirere vi sua majorem extensionem; & hoc fit ab intrà, non ab extrà, sicut quando augetur acervus lapidum ab extrinseco acquirens augmentum sui. Similiter fit etiam circa alterationes; si enim quæras, cur aqua acquirat suum frigus pristinum? etiam hujus rei natura aquæ in causa est.

Neoterici longè aliam sibi fingunt naturæ notionem, multi enim prout Atomistæ & Cartesiani naturam nihil aliud esse ajunt, quam aptam combinationem partium, & ad motus secundum leges mechanicas adaptatam; hinc natura plantæ nihil aliud est, quam



quàm certa coordinatio partium, vi cuius possit per introspectionem aut potius intrusionem augeri substantia plantæ. Et lapis non movetur à sua natura deorsum, sed premitur versùs centrum ab alio principio extrinseco v. g. de super premente aëre. Igitur universim principium motûs apud Neotericos non est ab intrinseco tam parùm, quàm horologii motus est ab ipsa natura intrinseca horologii.

5 Inter ipsos verò Neotericos sunt, qui nomine naturæ intelligunt substantiam universi agiliorem, v. g. aliquam auram ætheream, quintam essentiam, aut ignem aliquem activum, qui penetrando omnia omnibus rebus motum & activitatem tribuat, adeoque principium motûs in Horum sententia esset aliqua substantia expansa per universum, sed commixta omnibus individuïs.

Sunt alii, qui nomine naturæ intelligunt aliquam substantiam intelligentem, & hi in triplici classe constituti sunt: in prima classe veniunt, qui Deum & naturam pro eodem sumunt. Putant enim, vim expansam per universum effectricem & motricem omnium esse commixtam cum universo, ac partem illius veluti formam corporis, sicut anima est forma corporis humani.

In secunda classe consistunt, qui naturam idem esse putant ac aliquam mentem universalem, quæ dum se ipsam intelligit, se movet intrâ se ipsam, & format illas imagines, quæ dum nobis apparent, à nobis vocantur res.

In tertia classe sunt, qui admittunt animam universi, quæ quidem non est ipse Deus, sed tamen aliquid proximum Deo. Hi enim naturam nihil aliud esse dicunt, quàm illam ipsam animam universi: Hæc anima esset creata, suo modo immaterialis, & ut aliqui volunt etiam provida ac intellectiva. Henricus Morus, qui tenet eam sententiam, hanc animam describit per modum alicujus intelligentiæ, cujus ministerio Deus utatur in motu rerum naturalium, sicut utitur ministerio Angelorum in motu Cælorum. Alii verò hanc animam mundi nihil aliud esse dicunt, quàm ejus subtiliorem substantiam ac quintam essentiam penetrantem omnia, quæ & ab aliquibus vocatur lux primigenia, ab omnibus verò vocatur illa anima: *Archæus mundi*.

6 Proprietates naturæ communiter recensentur. 1. Natura nihil facit frustra. 2. Opus naturæ est opus intelligentiæ. 3. Natura semper facit optimum. 4. Natura horret vacuum. Hæc & similia axiomata indigent explicatione, ut vera sint, & potius conveniunt naturæ naturanti, quàm naturæ naturatæ; nisi dicas: hunc mundum, in quantum exprimit mentem conditoris, eandem participare denominationem, quæ convenit ipsi menti conditoris.

7 *Fortuna* definitur esse *causa per accidens in iis, quæ raro contingunt secundum præelectionem eorum, quæ alicujus gratia fiunt*. Sic si fodias terram & præter spem tuam invenias thesaurum, id fortunâ fieri dicitur; vel si eas in forum coëmendi merces gratiâ & tibi occurrat debitor solvens debita, etiam hic occurus fortunæ in acceptis refertur.

In his enim vel similibus 1. reperitur aliqua actio humana, quæ dependet ab electione hominum. 2. Intercedit aliquis finis in ordine ad quem per se ordinatur illa actio. 3. Intercedit aliquis effectus positus à causâ libera, ad quem obtinendum prior actio non ordinatur, & sic effectus sequitur præter intentionem agentis, si raro sequatur, vocatur *fortuna*.

8 Casus vocatur, *causa per accidens in iis, quæ alicujus gratia fiunt non secundum electionem sed à natura*. v. g. si

è tecto decidat tegula, & occidat Petrum, id casu fieri dicitur: tegula enim decidit, quia naturali sua gravitate deorsum fertur, & tendit ad centrum, nulla hominum id consulente aut eligente; quia autem motus deorsum per se à natura non ordinatur ad occasionem hominis, occurus istæ causæ naturalis casualis dicitur: idem fit, quando scintilla ignis decidit in terram & accendit domum. Bene tamen notandum est, quòd in utroque casu sive aliquid fortuna sive casu fieri dicatur, semper intercedit causâ per se; quidquid enim præter intentionem alicujus causæ fit, fit etiam juxta *intentionem* alicujus causæ per se; sic enim ille, qui defodit thesaurum in terra, ex intentione illum defodit & non per accidens. Similiter scintilla decidens in terram per se, ex intentione naturæ accendit lignum, licet ex intentione non accendat lignum hoc vel illud, vel quatenus est domus. Hoc enim sicut ligno est per accidens, ita etiam naturæ.

*Fatum* vocatur *causarum & effectuum inimpedibilis ac immutabilis connexio*. Hoc fatum antiquiores partim adscribebant Deo, partim astris, partim ipsi naturæ; eò quòd crediderint cuncta fieri lege immutabili. Qui fatum adscribunt Deo, illi Deum putant agere necessariò, eoquòd vel non habeat libertatem, vel quòd necessariò agat id, quòd est optimum. Gentiles plerumque crediderunt Deum agere necessariò, ipsùmque à fato regi, ita, ut nec Diï quicquam possint contra fata. Aristoteles cum aliis Philosophis omnem prorsus Deo ac Diis abnegavit libertatem. Quidam Christianorum concesserunt quidem Deo liberum arbitrium, sed tale, ut quidquid ejus Divina Sapientia dictaret esse optimum, id Deus necessariò faceret. Inter hos numerari merentur Raymundus Lullus & Leibnizius.

Qui etiam fatum inquirunt in astris, docent astra esse causam omnium inferiorum non tantum rerum naturalium sed etiam actionum humanarum, quæ alioquin à nobis vocantur libera. Hic accensendus est Divinus Plato, qui juxta revolutionem astrorum computat revolutionem omnium inferiorum; ex quo enatus est ille magnus annus Platonicus seu periodus triginta sex millium annorum, quibus evolutis redeunt ad eundem situm, adeoque est mundus rediturus ad pristinum statum. Hæc Secta fuit defensa à Gnosticis & aliis Hæreticis, & hoc ævo defenditur ex parte à nonnullis simplicioribus Astrologis. Verum hæc sententia evertitur ab ipsis observationibus corporum cælestium, eorumque motuum, qui juxta modernos Astronomos nunquam per innumera annorum millia reditura sunt ad pristinum statum; maxime si in iis aliqua producantur de novo miraculosè, vel in terra, quæ Plato non prævidit.

Cum verò etiam apud Christianos nonnunquam fatum numeretur inter causas, & ita explicandum est, ut per id intelligatur *causarum & effectuum* naturalium dependenter à voluntate Dei libera inimpedibilis ac immutabilis nexus, nempe inimpedibilitate ac immutabilitate consequente ad Præscientiam Divinam & ad Decretum Divinum.

*Violentum* vocatur, *quod est ab extrinseco contra inclinationem naturæ cujuslibet rei*, ut si lapis projiciatur sursum, hic motus est ab extrinseco adveniens lapidi, quia naturâ suâ nititur deorsum.

*Præternaturale* vocatur, quod est præter intentionem naturæ, ita tamen, ut non sit contra exigentiam naturæ, nec juxta exigentiam naturæ, v. g. si in hyeme à dæmone produceretur rosâ, hæc rosâ esset hyeme præternaturalis; natura enim neque exigit hyeme rosam, neque etiam impedit fieri rosam, si dentur dispositiones ad rosam; neque enim ullares naturales exigat



exigit contrarium rosæ, aliàs in tali casu daretur violenta productio rosæ.

Omnes effectus præternaturales tantum consistunt in eo, quod non fiant illo tempore, loco, aut circumstantiis, in quibus alioquin natura solet producere hos eosdem effectus; si verò ab aliqua causa sive materiali sive spiritali, v.g. dæmone aut Angelo ponantur eadem dispositiones, quas alioquin poneret natura, tunc effectus produceretur etiam præter legem ordinariam naturæ juxta exigentiam subjecti dispositi.

Supernaturale vocatur, quod transcendit exigentiam totius naturæ creatæ; transcendere enim vires naturæ & transcendere exigentiam naturæ sunt synonyma. Hinc resuscitatio mortui, gratia sanctificans, dicitur effectus supernaturales, quia in nullis circumstantiis alicui enti creato debetur resuscitatio aut gratia sanctificans, eo quod harum defectu non pareretur eo ipso natura defectum.

12 *Monstrum* vocatur effectus naturalis à recta & solita secundum speciem dispositione degenerans. Sic si corpori humano jungatur caput equinum, hoc vocatur monstrum, quia differt specie tam ab homine quam ab equo; e contra si homo sit tantum staturæ insolitæ, cæcus, claudus, id non vocatur monstrum, quia non degenerat à specie humana. Omne monstrum dicitur fieri præter intentionem naturæ, & esse effectus per accidens, quia illæ dispositiones, in quibus nascitur monstrum, non dependent ab ulla causa per se ad hoc ordinata à natura, sed conveniunt illæ dispositiones ex concursu diversarum causarum non ordinarum ad hoc, ut concurrant.

13 *Ars* vocatur habitus vera cum ratione effectivus; numeratur etiam inter causas, in quantum producit motum, qui est prima dispositio omnium transmutationum naturalium, & in quantum applicat activa passivis v. g. ignem ad lignum. Quæri solet an per artem possit produci forma substantialis v. g. auri, sed hæc quæstio nullam habet difficultatem in præsentī loco, ubi tantum quæritur, an ars possit per se producere formam substantialem, quod omnino ab omnibus negatur. Caterum verò ars possit applicare talia activa passivis, ut fiat aurum, vel utrum possit producere alias dispositiones accidentales in ordine ad formam substantialem auri, melius examinabitur, ubi agetur de metallis. Alii Authores occasione hujus causæ artificialis hoc loco solent tradere multa de magia naturali seu de arte producendi miros effectus, qui hominibus videntur transcendere vires naturæ, aut exinde videntur mirabiles, quod homines ignorent causam. Verum agere de hac magia naturali non est Philosophi, sed alterius, qui pascit sensus; Philosophus respicit rationem, qui verò talia cupit legere adeat Schotum, aut alios similes libros eorum, qui è Mathematicis tantum sumpserunt curiosa.

14 *Quæritur 1.* An natura sit ipse Deus? vel aliqua substantia intellectiva, vel aliqua anima mundi in sensu explicato? vel ipsa combinatio partium secundum leges mechanicas apta pati & communicare motum? Vel an natura sit aliqua forma substantialis universalis omnium partium universi, aut utrum tantum sit ipsum compositum ex materia & forma in entibus particularibus?

*Resp.* Deum non esse naturam, quia ejus distinctio à mundo probabitur suo loco; Deus enim est ens infinitæ perfectionis, quale non est mundus, neque etiam natura consistit in anima separata, & nescio, quo Archo, aut in combinatione mechanica partium; quia, ut ostensum est, datur in rebus activitas ac vis propagandi speciem, & radix exigitiva ab intrinseco certæ collectionis accidentium. Multum autem pro-

pendeo in eam sententiam: totum universum habere unam quandam formam substantialem; sicut ipsum corpus plantarum & animalium, in quo omnes partes heterogeneæ conservantur ab uno principio illa tamen forma substantialis universi nihil aliud est, quam ipse ordo partium à Deo impressus & semper proportionalis legibus ac proportionibus Arithmeticis, Geometricis, & Musicis; cum & in compositis particulis per formam substantialem nunquam aliud intelligam.

*Quæritur 2.* An detur causa per accidens? *Resp.* Respectu Dei nec casu nec fortunâ aliquid fieri, quia quidquid sit, ex destinatione certissimæ providentiæ fit: igitur casus aut fortuna locum tantum habent respectu causarum secundarum, quarum providentiæ sæpe fallitur, dum effectus præter intentionem causæ proximæ insperatus subsequitur. Exemplum hujus rei D. Thomas dat in duobus servis & domino, si dominus his duobus servis præcipiat, ut uterque se in locum quemdam destinatum conferat diversa tamen via, & neutro de alterius mandato confisco; concursus talium servorum in destinato loco ipsis quidem servis casu accidisse putabitur, id verò minime accidit casu respectu domini. Sic quoque nihil effugere potest Providentiæ supremæ mentis omnia prospicientis & ordinantis.

*Quæritur 3.* Quid possit ars, quæ dicitur simia naturæ? *Resp.* Eandem nihil posse producere præter motum localem in materia, & quidquid dependet à motu materiæ, dependet etiam ab arte mediante motu; hoc solum est discrimen inter artem & naturam, quod natura etiam possit disponere ac movere localiter partes minimas, & insensibiles nostris sensibus, nempe juxta leges harmonicas; ars verò tantum pertingat ad eas partes, ad quas pertingunt sensus, & ideo, quia natura plerumque alligavit effectus naturales motui minimarum partium; ars plerumque in operibus naturæ parum proficit.

*Quæritur 4.* Cur Deus permittat fieri monstra? *Resp.* Id fieri propter fines prudenter à Deo intendibiles; sicut fit in omnibus aliis operibus divinis, quorum plures dari possunt fines. Quidam Authores hujus rei assignant hos fines: 1. Ornatum universi, ut ex diversitate rerum eò gratius reddatur universum; dum contraria juxta se posita magis elucescunt. 2. Ut creaturæ agnoscant se indigere creatore; si enim creator universum operaretur juxta mensuram rationis humanæ, id potius tribueretur constanti necessitati, quam arbitrarie liberalitati. 3. Ut alii, qui acceperunt à Deo donum naturæ, agnoscant magnitudinem beneficii, & id in amoribus computent, quod tot aliis negatum est. Potuerit Deus ista intendere, quod forte verum est, hæc tamen omnes rationes minime sunt sufficientes, & mirum est, plures Philosophos etiam Catholicos confugere ad istas rationes, quas melius darent Semipelagiani & Gentiles, quam Christiani: ratio enim vera alia esse non potest, nisi ea, quam reddit Divus Augustinus, nempe: hæc omnia mala poenam esse peccati originalis; & universum tenenda est hæc regula: quidquid in natura occurrit mali, non est ab authore boni, sed vindice mali, quidquid Deus ab initio creavit, bonum erat, neque enim decuit eum, qui naturam non erat invidus, quidquam detrudere suis operibus, cujus defectu non essent bona; at postquam universa humanæ corruptionis massa generali damnationi subjecta est, etiam elementa, & tota rerum natura, quæ prius erat imago bonitatis, conversa est in ministram justitiæ, & non cessat lege in fatigabili punire, quod contra legem æternam delictum est.



# PHYSICÆ GENERALIS

## PARS TERTIA.

### SECTIO I.

#### De Proprietatibus Corporis Naturalis.



Proprietates Corporis naturalis sunt

1. Quantitas, 2. Tempus, 3. Locus, 4. Motus localis, 5. Qualitates sensibiles. *Circa quantitatem quaeritur* 1. An sit distincta à corpore naturali? 2. An continuum sit divisibile in infinitum? 3. An continuum constet ex punctis Zenonisticis? &c. 4. An possit dari infinitum actu? 5. An infinitum actu possit dari in mente Dei.

*Circa tempus tantum quaeritur*: quid sit? *Circa locum quaeritur*: quid sit, & an idem possit existere in duplici loco? *Circa motum quaeritur*: quid sit, & quæ sit causa motus?

*Circa qualitates quaeritur in specie;*

1. Quid sit calor, frigus, humiditas, siccitas?
2. Quid sit lux & color?
3. Quid sit sonus?
4. Quid sit sapor & odor?
5. An dentur qualitates occultæ?

Cum tamen omnia ista sint accidentia corporis naturalis, quærendum prius est: an dentur talia accidentia realiter distincta à substantia?

### QUÆSTIO I.

*An dentur Accidentia realiter distincta à substantia?*

**D**ico: *dantur.*

Prob. Concl. 1. Sensus communis jus dicat dari accidentia, & non potest ostendi falli sensum communem in hoc casu; ergo dantur. Prob. ant. sensus communis judicat dari aliquod simile illis speciebus, quas habemus in mente de luce, sono &c. ergo datur aliquod accidens realiter distinctum à substantia. prob. conf. solus motus æris aut subtilis materiæ non est aliquid simile illis ideis, quas habemus in mente de luce, sono, &c. Hæc ratio sola est invictissima demonstratio contra Neotericos, ut ostensum est in Vindiciis Phil. Peripat.

Prob. Concl. 2. Dantur accidentia supernaturalia; ergo & dantur accidentia naturalia. conf. ex eo pollet probari, quia in serie entium supernaturali deberent potius dari entia perfectiora, quam in serie entium naturali. ant. prob. dantur habitus infusi, v.g. habitus charitatis, gratia, lumen, gloria &c. Sed hæc omnia sunt accidentia; ergo. *m.* est omnium Theologorum. *Confirmatur.* Dantur in mundo intellectuali nempe in anima accidentia, volitiones, sonus, sapor &c. ergo etiam in mundo reali.

R. D. Euseb. Amort Philosophia.

Prob. Concl. 3. In Eucharistia remanent realia accidentia substantiæ panis, & tamen non remanet substantia panis; ergo accidentia panis realiter distinguuntur à substantia panis. prob. ant. Ex definitionibus Ecclesiæ, maxime Conciliorum Lateranensis, Constantiensis, Viennensis, Colonienfis & Tridentini. *Concilium Lateranense*, & *Tridentinum* dicunt: *remanere duntaxat species panis & vini*; ergo remanent accidentia panis eo modo, quo non remanet substantia panis. *Concilium vero Constantiense* sessione 8. damnat hanc propositionem Wicleffi ordine secundam; *accidentia panis non remanent sine subjecto. Jam sic*: Si accidentia panis eo modo remanent, quo non remanet substantia panis, tunc distinguuntur: Sed; ergo. *m.* prob. si duntaxat remanent accidentia panis, tunc aliquo modo remanent accidentia panis, quo non remanet substantia panis: Sed; ergo. *m.* prob. species panis & accidentia panis sunt synonyma: Sed species duntaxat remanent; ergo. prob. ant. illud sunt species panis, quod prius fuit in pane: Sed id, quod prius fuit in pane, sunt accidentia; ergo. prob. *M.* species sunt id, quod remanet, nihil enim dicitur remanere, quod prius non fuit.

Item si contradictoria Wicleffi est hæc: *accidentia panis remanent sine subjecto*, tunc ista propositio est definita: Sed; ergo. prob. *m.* Non potest ostendi alia contradictoria.

Dices: Contradictoriam propositioni Wicleffianæ esse hanc: *vel non dantur accidentia, vel si dantur, non remanent sine subjecto, vel non datur etiam ipsum subjectum.*

Sed contra est. Si in propositione damnata datur tantum unicum objectum affirmationis controversum, tunc illa propositio pro contradictoria non habet disjunctivam: Sed; ergo. *M.* patet, si enim propositio tantum habet unicum objectum affirmationis, tunc propositio non est copulativa, sed simplex, simplex autem propositio non habet pro contradictoria disjunctivam. *m.* prob. in propositione damnata Wicleffus non voluit affirmare præsentiam panis, sed tantum negare accidentia absoluta; ergo. ant. prob. ex eo, quia Wicleffus jam in prima propositione statuerat præsentiam panis, & inconueniens est dicere, quod Concilium voluerit bis damnare eundem errorem. Dein constat, quod Wicleffus specialiter impugnauerit doctrinam scholasticorum asserentium, dari accidentia realia separata. dixit enim: *stercus esse melius Sacramento Catholicorum*, quia stercus est substantia, Sacramentum autem Catholicorum tantum est accidens; ergo conueniens erat huic assertioni opponere specialem definitionem, & sic tam propositio damnata, quam ejus contradictoria veriantur

H l

tantum



tantum circa idem punctum controversiæ, nempe circa accidentia realia separata.

6 *Prob. Concl. 4.* Sensus totius Ecclesiæ est, dari accidentia in Eucharistia; ergo illud est proximum fidei. ant. colligitur ex consensu omnium ferè Theologorum. conf. prob. quod uniformiter docetur in Ecclesiâ, semper præsumitur vel fuisse traditum, vel posse deduci ex propositione revelata, vel inspiratum per mentes Doctorum Ecclesiæ; ergo.

7 *Confirmatur.* Si non darentur accidentia, tunc diu errasset tota Ecclesiâ in puncto satis notabili: Hoc est absurdum; ergo. *m. prob.* quia consensus Ecclesiæ semper fundat præsumptionem pro speciali providentia dirigente Ecclesiâ; si enim Deus quotidie inspirat multa singulis fidelibus, cur non aliquando aliquid inspiraret de articulis fidei iis, quos prævidet fore Duces Ecclesiæ.

8 *Prob. Concl. 5.* Sententia negantium accidentia absoluta Romæ est confixa; ergo ad nimum temerarium est, aut periculosum in fide eam amplecti. conf. patet, quia non solent configi sententiæ, nisi præjudicent moribus aut fidei. ant. prob. Maignani ipse fatetur suam Philosophiam & opinionem Romæ fuisse proscriptam ratione accidentium Eucharisticorum; ergo. ant. patet ex Theologia Maignani de Speciebus Eucharisticis, ubi fatetur, suam sententiam fuisse confixam; eadem etiam prohibita fuit in Capitulo Generali sui Ordinis Minimorum.

9 *Prob. Concl. 6.* Datur lux, calor; ergo & reliqua accidentia. prob. ant. lux & calor penetrat per vitrum; ergo est accidens absolutum, quia corpus nequit penetrare corpus: Sed hæc probatio est nulla, & facile potest solvi; hinc.

10 *Prob. Concl. 7.* Possunt dari accidentia absoluta; ergo dantur id judicante sensu communi. prob. ant. hæc accidentia possunt dari in mente; ergo etiam possunt dari extra mentem. *Item* hæc accidentia possunt produci in mente dependenter à motu corporum; ergo etiam possunt produci extra mentem dependenter ab eodem motu corporum.

11 *Dices:* Hæc accidentia in mente nihil aliud esse, quam ipsam perceptionem, seu sentationem, hæc autem non esse accidens absolutum, sed modalitatem mentis, ac modificationem.

*Sed contra est.* Accidentia sensibilia sunt potius objectum sensationis & perceptionis; ergo non sunt ipsa sensatio.

## Solvuntur Objectiones.

12 *Obj. 1.* Nulla est necessitas horum accidentium; ergo non dantur, quia entia non sunt multiplicanda sine necessitate. prob. ant. omnia possunt explicari sine istis accidentibus; ergo.

2. Sensus communis in plurimis errat; ergo exinde non probatur existentia accidentium. ant. prob. v. g. in exemplo iridis, ubi homines credunt, dari colores, cum juxta plerosque Philosophos nulli dentur. *Item* homines plerique crediderunt, dari idola, & tamen non dantur. In Physicis sensus communis judicat, Solem non esse tam magnum, licet Mathematici demonstrent oppositum.

3. Sensus per sæpè mentiuntur; ergo etiam à sensibus non probatur existentia accidentium. prob. ant. sensus dicunt, baculum in aqua esse fractum, & quandoque in ægris nuntiant omnia objecta esse imbuta

flavedine, lingua quandoque etiam dulcia amara putat, & exeunt à balneo sensus aërem frigidum esse dicunt; ergo.

4. Non datur aliquod accidens in particulari, quod non possit explicari per solum motum & figuram materiæ; ergo. prob. ant. potest dici lucem consistere in pressione subtilis materiæ, colores in modificatione lucis, sonum in undulatione aëris, calorem in motu rapidissimo partium; ergo.

*Resp. ad 1. neg. ant. ad hujus prob. neg. ant.* quia 13 non potest explicari, quomodo in mundo detur aliquid simile nostris ideis ac speciebus impressis, si in mundo tantum datur motus partium, nec potest dari ratio, unde veniant nobis talia judicia de existentia accidentium, aut unde ab extra adveniant species in mentem, si extra mentem non datur aliquid simile illis speciebus in objecto, prout tamen judicat sensus communis dari & advenire ab extra. Dein non esset ratio, cur posito tali motu partium in cerebro, potius in mente producatur species lucis, quam species dulcedinis, soni &c.

Ad 2. trans. ant. neg. conf. vel dist. ergo à sensu communi nihil probatur, ubi per positivas demonstrationes corrigitur sensus communis, c. secus, neg. sensus communis præsumitur fundari in lumine naturali omnibus indito. Igitur nili positivè ostendatur hic & nunc sensum communem fallere, manet pro sensu communi præsumptio; atqui in nostro casu non afferatur talis demonstratio, quia dicere, quod iste sensus communis oriatur à præjudiciis in infantia haustis, est præcisè asserere, non probare; nec videtur etiam, quod in infantia adeo prona fuerit mens, objecta referendi ad mundum corporeum, quæ non sunt in mundo corporeo; cur enim infans non referret simili modo in objectum doloris aut voluptatis ipsum dolorem aut voluptatem, cum utique cum idea objecti simul obversetur idea doloris aut voluptatis? denique si tale judicium proveniret ab errore hominum, vel esset talis error liber, vel necessarius? si necessarius, deberet adscribi Authori naturæ. Si esset liber, non esset iste error universalis in omnibus hominibus; cum actus liberi sint contingentes, & contingentia non procedant uniformiter, ut demonstratur in Arte Critica.

Ad 3. trans. ant. neg. conf. vel dist. Sensus non sunt regula veritatis, quando per positivas demonstrationes corriguntur, c. secus, neg. ex eo enim, quod in uno vel altero casu Petrus mentitur, non sequitur eum semper mentiri: idem cogita de sensibus. Universum nota, sensus nunquam falli circa proprium objectum, semper enim verum est, oculum, vel aurem, vel gustum sic affici, prout afficitur circa motum, figuram, colorem, saporem. Sed intellectus errat, dum credit, semper has sensationes immediate provenire ab objecto sine mutatione, & alteratione harum qualitatum per intermedium. Communiter quidem ac regulariter non est magnum discrimen inter qualitates, prout reperiuntur in objectis, & eas, prout incidunt in sensus, sed aliquando notabiliter mutantur in intermedio aëre, vel in ipso organo sensus, ut non sincere deferentur ad mentem, reperiuntur tamen adhuc extra mentem, ubicunque reperiuntur, vel in radiis Solis, ut colores, vel in aëre, ut sonus &c.

Ad 4. dist. ant. Omnia possunt explicari per motum & figuram partium quoad causam materiale, c. ant. quoad causam formalem, neg. ant. accidentia dicunt duo, nempe materiam & formam, lux v. g. est aliquid corpus



corporis lucidi lux ; corpus illud est materia lucis, & eatenus materia lucis dicit motum & figuram partium, nempe pressionem subtilis materiæ ; sed cum illo motu partium simul conjungitur aliqua alia forma à figura & motu partium prorsus diversa, nempe lux formaliter sumpta, simili modo, quando ex aëre & organo resultat Musica, datur motus materiæ, & hic motus est materiale Musicæ. Ipsa Musica est aliquid prorsus diversum à figura & motu partium organi & aëris.

4 *Obj. 2.* Ex Eucharistia non probatur existentia accidentium ; ergo prob. ant. 1. Potest dici : post consecrationem remanere corpuscula accidentalia panis, prius latentia in poris substantiæ panis ; ita referente Raynaudo quidam Atomistæ, maxime Siculi.

2. Potest dici : in Eucharistia remanere superficiem panis destructâ substantiâ, & in superficie ita exprimi modificationem panis, ut videatur remanere panis. Ita Cartesius.

3. Potest dici : remanere solam quantitatem panis, & quantitatem ita modificari, ut exprimat omnes modificationes panis. Ita Pater Josephus Vogler.

4. Potest dici : impressiones substantiæ panis remanere in vicino ambiente aëre, quæ expriment omnes modificationes panis in superficie extrinseca panis. Ita quidam Veteres apud D. Thomam.

5. Potest dici : ipsum Corpus Christi gloriosum ita imitari modificationes panis, ut imprimat easdem species panis in sensum, prout imprimit panis. Ita quidam Recentiores.

6. Potest dici : remanere species intentionales panis seu species impressas à pane in oculum &c. Ita Maignanus &c.

5 *Resp. ad 1. neg. ant.* quia hæc sententia revera admittit remanere aliquam substantiam, & quidem totam illam, quæ prius erat subiecta sensibus, deberent enim remanere omnia corpuscula, quæ prius videbamus, & tangebamus. Caterum hanc sententiam ex instituto refutat Raynaudus in suis *exuviiis panis & vini*.

*Ad 2. neg. ant.* quia superficies non est accidens absolutum juxta Cartesium, sed tantum modus rei, qui non potest separari à re, quod si esset separabilis, hæc superficies nihil aliud esset, nisi quantitas absoluta peripatetica.

*Ad 3. neg. ant.* quia quantitas modificata non est aliquid simile illis speciebus, quæ incurrunt in sensus.

*Ad 4. neg. ant.* quia in Concilio dicitur : remanere accidentia panis, modificatio aëris vicini non est accidens panis. Si verò dicatur : accidentia panis subiectari in vicino aëre, id non dicitur convenienter ad mentem Concilii Constantiensis, ubi accidentia dicuntur remanere sine subiecto.

*Ad 5. neg. ant.* quia Corpus Christi non est accidens panis, nec illa modificatio est sine subiecto.

*Ad 6. neg. ant.* quia species intentionales non sunt accidentia panis, nec propriè remanent, cum semper de novo producantur. Dein per has species intentionales tantum illaderentur sensus nostri, sicut quando dæmon movet nostram phantasiam se transfigurando in Angelum lucis ; tali enim modo etiam Christus se fingeret esse panem aut vinum commovendo nostram phantasiam, & imprimendo species panis & vini, quod non est conforme sensui fidelium.

16 *Obj. 3.* Potest dici : quod in Eucharistia remaneant solus calor & impetus ; ergo prob. ant. calor &

*R. D. Euseb. Amort Philosophia.*

impetus habens omnem activitatem, quam haberent accidentia panis ; ergo si sic remanent, sufficienter explicatur mysterium Eucharisticum. Ita Hon. Jaby.

2. Potest dici : quod accidentia tantum remaneant apparenter, aut eadem specie ; ergo prob. ant. etiam in Physicis dicitur aliquid remanere, etiam si non remaneat idem numero ; sic enim post mortem dicuntur juxta Thomistas remanere durities ossium, & alia accidentia corporis humani, etiam si fiat resolutio usque ad materiam primam.

3. Juxta D. Thomam in Rhythmo, sensus gustus in hoc Sacramento fallitur ; ergo non remanent. prob. consi. si remanerent accidentia, tunc sensus haberent suum objectum proprium ; ergo non fallerentur, quia revera videret visus albedinem, gustus sentiret laporem. Et aliunde axioma est in Philosophia : quod sensus circa proprium objectum non fallantur.

*Resp. ad 1. neg. ant.* quia impetus est modus, nec est sine subiecto ; dein in calore & in impetu non consistit rotunditas, gravitas, sapor, odor, frigus &c. cum utique calor non sit aliquid simile frigori.

*Ad 2. neg. ant.* quia verba sumenda sunt in sensu proprio & usitato ; licet enim *re remanere* aliquando sumatur pro identitate specifica, regulariter tamen sumitur pro identitate numerica : si igitur pro illo sensu stat præsumptio, qui regulariter subijcitur verbis, clarum est, quod etiam pro identitate numerica circa Species Eucharisticas stet præsumptio.

*Ad 3. dist. ant.* Sensus falluntur circa objectum suum per accidens, c. ant. per se, neg. ant. sensus per se tantum habent pro objecto accidentia sensibilia substantiæ, & circa hæc non falluntur in Eucharistia. Ipsemet enim D. Thomas in sua Summa probat dari accidentia realia in Eucharistia præcisè ex eo, quia sensus judicant, dari talia accidentia.

Alterum objectum sensuum est substantia insensibilis, & hæc tantum attingitur per accidens à sensibus ; sensus enim ubicunque reperiunt accidentia sensibilia, judicant latere substantiam, & cum idem judicent in Eucharistia, falluntur, nisi corrigantur per fidem.

*Obj. 4.* Concilium Constantiense non probat accidentia realia ; ergo prob. ant. propositio damnata Wicleffi est implicite copulativa, & illius contradictoria est disjunctiva ; ergo nihil probatur. Prob. ant. sensus propositionis damnatæ est : *accidentia manent, & manet subiectum accidentium*, huic verò contradictoria est : *vel non manent accidentia, vel non manet subiectum accidentium* : Atqui hæc nihil probat ; ergo.

2. Petrus de Aliaco Cardinalis Cameracensis, qui interfuit Concilio, quinimò direxit totum negotium damnationis Wicleffianæ, testatur, Ecclesiam nihil definiisse contra accidentia realia, sed eadem præcisè posse defendi *probabiliter tanquam commune dogma philosophicum*. Idem testatur, posse dici : *accidentia realia remanere sine subiecto*, tantum esse definitum in sensu conditionato, si dantur accidentia realia ; ergo cum hæc conditio nondum sit definita, nec erit definitum absolute accidentia manere sine subiecto.

*Resp. ad 4. neg. ant. ad prob. dist. ant.* Propositio damnata est copulativa quoad modum enuntiandi, trans. quoad punctum controversiæ, neg. ant. Contradictoria cujusque propositionis tantum est æstima-



mandat à puncto controversæ, circa quod versatur affirmatio & negatio, in propositione damnata etiam si implicite dentur plura objecta affirmationis, unicum tamen erat controversum, nempe modus existendi sine subiecto. Cum igitur hunc modum negaverit Wicleffus, contradictoria eundem affirmare debet.

Ad 2. dico: Petrum de Aliaco nullam prorsus facere mentionem de Concilio Constantensi, quinimò librum illum scripsit longè ante Concilium, cum prius docuerit in Sorbona, & jam senex præfuderit in Concilio. Quod verò attinet assertionem huius Cardinalis, ipse non dicit, tantum conditionatè esse definitum, accidentia realia remanere sine subiecto, sed refert tantum responsionem aliorum, quos tamen ipse refutat; cum ipsemet dicat doctrinam Ecclesiæ esse, remanere accidentia sine subiecto, & ideo positivè statuit remanere accidentia sine subiecto, ut ait: *ob doctrinam Ecclesiæ & commune assertum Philosophorum.*

20 *Obj. 5.* Ex dictis sequeretur, opinionem negantium accidentia realia esse periculosam in fide, proximam hæresi &c. Hoc non potest dici; ergo. *m. prob.* hoc dicere est contravenire decretis Romanorum Pontificum prohibentium inurare censuram cuiusvis Propositioni Doctoris Catholici; ergo. *prob. ant.* dicere opinionem esse temerariam, periculosam &c. sunt censuræ in Bullis Pontificum usitate; ergo.

2. Potest dici, supernaturaliter posse aliquid esse verum, quod naturaliter est falsum; ergo. etiam si supernaturaliter possent dari accidentia realia, id tamen in Philosophia naturali non est asserendum.

3. Omnia accidentia supernaturalia possunt explicari vel per modificationem animæ, vel per inhabitationem ipsius Spiritus Sancti in animâ; ergo. *ant. prob.* potest dici, quod gratia sanctificans nihil aliud sit, nisi præsentia Sancti Spiritus in animâ juxta illud, Templum enim Spiritus Sancti estis vos.

21 *Resp. ad 1. trans. M. neg. m. ad prob. neg. ant.* quia Summi Pontificis tantum prohibent censurare propositionem alioquin non prohibitam in Ecclesia, si verò aliqua opinio Romæ sit proscripta, eo ipso est suspecta, adeoque periculosa, nec Roma prohibet dicere verum.

Ad 2. *neg. ant.* Idem est purum figmentum, nec id congruit principiis Neotericorum, qui in omnibus quærunt claram ideam; quis autem clarè possit concipere idem posse esse, & non esse, naturaliter esse, & supernaturaliter non esse?

Ad 3. *neg. ant.* Quia gratia sanctificans est potius effectus Spiritus Sancti, quam ipse Spiritus Sanctus; nam Spiritus Sanctus non dicitur inhabitare per sui præsentiam, alioquin inhabitaret etiam corda impiorum, sed dicitur inhabitare per gratiam, quæ est aliquid distinctum à Spiritu Sancto & animâ. Verum quid de his argumentis theologicis sentiendum, quantumve probabilitatis aut certitudinis habeant, examinavi in speciali tractatu de Accidentibus Eucharisticis nondum edito.

22 *Obj. 6.* Implicat accidens; ergo. *prob. ant.* tale accidens foret substantia, & non substantia: Hoc non potest dici; ergo. *prob. ant.* quoad 1. memb. tale accidens per se opponeretur nihilo, & per se haberet propriam existentiam; ergo esset substantia seu ens per se.

2. Tale accidens nec esset corpus, nec esset spiri-

tus; ergo nihil. *conf. prob.* quia non datur medium inter spiritum & inter corpus.

3. Si calor distingueretur ab igne, humiditas ab aqua, tunc ignis non esset calidus, nec aqua esset humida de se: Hoc est absurdum; ergo. Si autem ignis est intrinsecè calidus, non indiget calore distincto.

*Resp. neg. ant. ad prob. neg. M. quoad 1. memb. ad prob. dist. ant.* per se opponitur nihilo dependenter à suo subiecto, c. independenter, *neg.* accidens tam in esse, quam in conservari, dependet ab alio, quia ratione sui non habet ordinem ac finem in entibus; cum igitur accidenti ratione sui non debeatur existentia, ideo dicitur dependere ab alio.

Ad 2. *c. ant. neg. conf.* quia datur medium inter corpus & spiritum nempe res indifferens ad utrumque statum, quando inhæret rei spirituali, est spiritualis, quando inhæret corpori, est corporea, ac materialis.

Ad 3. *c. M. neg. m.* Sæpe enim causa effectus non præcontinet formaliter effectum; sic organum est sonorum præcisè, in quantum est causa soni. tali modo etiam ignis est calidus. consistit enim in motu & figura partium, ex quibus resultat calor, sicut ex motu & figura organi resultat sonus.

*Obj. 7.* Non potest explicari productio,eductio, & materialitas accidentium; ergo non dantur.

2. Non possumus clarè concipere, quid sit calor extra mentem; ergo id non est asserendum.

3. Si lux, calor &c. posset esse accidens, tunc etiam anima tam hominum quam brutorum posset esse aliquid accidens organorum corporis, sicut sonus est accidens organi in templo.

*Resp. ad 1. neg. ant. de eductione egimus prius.* Materialitas verò accidentium consistit in unione accidentium cum materia; sicut lignum dicitur calidum per unionem cum calore.

Ad 2. *neg. ant.* Si enim clarè possum concipere, quid sit lux aut calor in mente, eo ipso possum etiam concipere, quid sit extra mentem, accidentia enim ubicunque sunt, sunt similia sibi ipsis.

Ad 3. *dist. ant.* Posset illud dici, nisi detur ratio aliunde probans animas brutorum & hominum esse substantiales, c. secus, *neg.* verum quidem est, quod non implicet aliquid corpus, cui eodem modo accidunt perceptiones, sensationes, appetitus, voluntas, dolor &c. sicut organo ligneo accidit sonus; sed in moderna providentia organo viventium debentur eæ operationes stabiliter, adeoque per exigentiam alicujus formæ substantialis. Quod verò operationes animæ rationalis non possint esse in materia, patet, quia sunt liberæ, adeoque meritoria, quod non est in materia.

## QUÆSTIO II.

### *An Quantitas distinguatur realiter à Substantia.*

**Q**uantitas ab Aristotele definitur in Lib. de Præ. 1 dicam. quod sit id, unde aliquid quantum dicitur, quæ definitio est haud dubiè solem definitio nominis, seu nuda explicatio vocis. Quantum verò



ab Aristotele Lib. 5. Met. C. 13. definitur, quod sit id, quod est divisibile in ea, quæ insunt, quorum utrumque unum quid, & hoc aliquid aptum est esse. Sic v. g. lignum, quod est aliquid quantum, est divisibile in plures partes, quæ actu insunt ligno, quælibet talis pars est unum quid, & potest ex eo aliquid fieri.

2 Itaque per quantitatem intelligitur extensio rei in longum, latum, & profundum, quæ ab aliis vocatur: *Trina dimensio rei*. Hanc non solum identificant Neoterici cum materia prima, & substantia, sed Cartesius insuper dicit, essentiam corporis consistere in hac trina dimensione. Fuerant etiam inter Peripateticos insignes Aristotelis interpretes, qui eandem quantitatem identificant cum materia prima, inter quos Zabarella, & Princeps Nominalium Okamus.

3 Quantitas seu extensio distinguitur in externam & internam. Externa est, quam videmus, & palpamus. Interna est, quam nec videmus, nec palpamus. Sic corpus Christi in Eucharistia dicitur habere quantitatem internam, non externam, in quantum videlicet habet distinctionem debitam membrorum inter se, sine ulla confusione capitis cum pede aut oculorum cum auribus. Cum verò hæc fortè mira videri possent, mihi videatur, hanc quantitatem internam nullam aliam esse, quàm eam, quæ reperitur in idea seu specie interna mentis alicujus viri, domus, civitatis. Vir enim ille, vel domus intellectualis habet quantitatem suam, quamvis utique anima pueri quoad quantitatem externam non commensuretur viro adulto, aut domui. Itaque quantitas etiam interna est vera extensio, sed visibilis aliis oculis, quàm his oculis materialibus, corporeis oculis. Alii tamen per quantitatem internam videntur intelligere non actuale aliquam extensionem, sed tantum destinationem ad aliquam extensionem. Sic v. g. Corpus Christi in Eucharistia, in quantum exigit connaturaliter aliquam sui extensionem, & situationem suarum partium, juxta tales Authores, diceretur habere quantitatem internam.

4 Proprietates quantitatis sunt 1. *Divisibilitas*, omne enim quantum vel per conceptum, vel à parte rei est divisibile in plures partes. 2. *Mensurabilitas*. 3. *Impenetrabilitas*, quia quantitas habet vim repellendi alia corpora, saltem pro cursu naturæ ordinario, ea vis vel est identificata cum quantitate, ut multi putant; vel est realiter distincta à quantitate, ut alii sentiunt, ita, ut sit etiam separabilis à quantitate.

Si dicatur: eam vim esse identificatam cum quantitate, debet dici, quod ea vis impediatur à suo effectu, quando Deus permittit compenetrationem corporum: Sed enim Deus potest impedire, ne ignis exerat vim ad urendum in fornace Babylonica; Ita etiam potest impedire vim quantitatis, ne repellat alia corpora à suis dimensionibus.

5 Dico: *Quantitas tam interna quàm externa distinguitur realiter à substantia*. Per quantitatem intelligo superficiem corporis, seu terminum extensionis indefinitæ; cum enim corpus ex quavis parte habeat terminum suæ extensionis ac magnitudinis, illum terminum superficiem voco; & siquidem sit visibilis, ita ut in oculos projiciat sui speciem sub determinato angulo, voco eam superficiem quantitatem externam; si verò non sit visibilis, aut appa-

reat sub alio angulo, sicut Corpus Christi in Eucharistia, voco eam quantitatem internam, ut proinde quantitas interna & externa non differant entitative, sed tantum effective, in quantum operantur diversos angulos. Porro superficiem concipio tantum accidens absolutum, quia concipiendo terminum corporeum non necessario illud, quod latet sub tali magnitudinis termino. Jam verò Conclusio sic explicata contra Cartesianos, qui dicunt essentiam corporis consistere in trina dimensione externa, probatur.

In Sacramento Eucharistiæ remanet quantitas panis, & non remanet substantia panis; ergo quantitas est separabilis à substantia, adeoque distincta.

Prob. Concl. 2. Potest dari spatium imaginatum cum trina dimensione saltem per conceptum, quando datur corpus; ergo corpus & extensio non sunt idem. prob. ant. si Deus destrueret omnem ærem ex hoc hypocausto, tunc adhuc remaneret extensio, & dimensiones hypocausti, & tamen juxta hypotheseon non daretur ullum corpus in hypocausto, ergo prob. ant. si posita ista annihilatione non eo ipso cohererent omnes muri, nec acquirerent minorem dimensionem, tunc adhuc manerent dimensiones in hypocausto; Sed; ergo.

Prob. Concl. 3. Datur aliqua quantitas seu extensio trine mensurabilis, quæ non est corpus; ergo essentia corporis non consistit in trina dimensione. prob. ant. Species Eucharisticæ habent extensionem, & trinam mensuram, quin sint corpus; ergo.

Prob. Concl. 4. Datur aliquod corpus, quod non habet trinam dimensionem; ergo essentia corporis non consistit in trina dimensione externa. prob. ant. Corpus Christi sub minima particula hostiæ est verum corpus, & tamen nullam habet extensionem externam; ergo.

Prob. Concl. 5. Anima rationalis & Angelus habent aliquam extensionem, & tamen non sunt corpus; ergo, ant. prob. quia Angelus quandoque apparet sub specie hominis, nec est infinitæ magnitudinis, nec nullibi, igitur implet spatium, seu habet extensionem; ergo non omnis extensio constituit corpus.

## Solvuntur Objectiones.

Obj. 1. Nulla est necessitas quantitatis distinctæ; ergo non datur. prob. ant. substantia per se ipsam est sufficienter quanta; ergo, prob. ant. si substantia habet partem extra partem, tunc est per se ipsam quanta: Sed; ergo. m. prob. tota ratio, cur Angelus non dicatur habere quantitatem, est, quia non habet partem extra partem; ergo.

2. Potest in Eucharistia manere effectus quantitatis, quin maneat ipsa quantitas; ergo nec ex Eucharistia elicitur necessitas quantitatis distinctæ. prob. ant. in Eucharistia actu remanet frigus, etiam si non remaneat radix exigitiva frigoris; ergo eodem modo potest manere figura, impenetrabilitas &c. quin maneat quantitas.

3. Potest dici, quod in Eucharistia remaneat quantitas identificata cum accidentibus panis & vini; ergo substantia panis non necessario distinguitur à sua quantitate.



12 *Resp.* ad 1. neg. ant. ad prob. neg. ant. ad prob. trans. *M.* neg. *m.* si enim nulla datur ratio coordinandi partes quoad situm localem, substantia non habebit partes extra partes. Dein potest negari *M.* ad prob. neg. ant. Angelus enim revera habet quantitatem, sed ideo non dicitur habere, quia illam pro suo arbitrio mutat, eò quòd substantia Angeli nullam determinatè exigat quantitatem.

13 Ad 2. c. ant. neg. conf. & paritatem, quia quantitas est ipsum aliquod accidens, & ideo supposito, quòd maneant accidentia, etiam remanet quantitas. Dein quantitas debet remanere, quia debet dari ratio, cur species Eucharisticæ retineant priorem figuram, magnitudinem, impenetrabilitatem ac divisibilitatem, ne opus sit confugere ad nova miracula.

14 Ad 3. neg. ant. quia non dicuntur remanere quantitates accidentium, sed quantitas panis & vini.

16 *Obj.* 2. Si quantitas distingueretur à substantia, tunc etiam substantia posset existere separata à quantitate: Hoc implicat; ergo. *M.* prob. substantia separata adhuc haberet distinctionem partium, & eundem situm partium; ergo eo ipso quantitatem; ergo.

2. Si substantia non esset intrinsecè quanta, tunc totus mundus de se non esset major unicâ arenulâ: Hoc est absurdum; ergo. *M.* prob. totus mundus secundum se separata quantitate non haberet majorem quantitatem, quàm arenula, si & ab ipsa separaretur quantitas.

3. Si conceptus formalis quantitatis non potest separari à conceptu totius mundi, tunc quantitas non distinguitur à mundo: Sed; ergo. *m.* prob. si per impossibile separaretur quantitas à mundo, non eo ipso mundus contraheretur in unicum punctum indivisibile Zenonicum; ergo ne quidem per conceptum à mundo poterit separari quantitas.

4. Si à leone & lepore separaretur quantitas, nullam haberent amplius distinctionem, nec essent discernibiles: Hoc est absurdum; ergo.

17 *Resp.* ad 1. neg. *M.* ad prob. c. ant. si substantia separata haberet distinctionem partium, etiam àctualiter, trans. ant. si tantum habeat distinctionem partium potentia, neg. ant. vel sic. Si habeat distinctionem partium etiam quoad se àctu, c. exigitivè, tunc neg. si enim à ligno separaretur quantitas, tunc illius partes exigent tamen adhuc intrinsecè habere quantitatem ac distinctionem partium; si tamen possunt dari sine omni quantitate interna, quod infrâ negabimus.

Ad 2. dist. *M.* Mundus non esset major de se àctualiter ac formaliter, c. exigitivè, neg. *M.* mundus enim semper exigeret habere majorem quantitatem, quàm arenula, etiam si àctu non esset major saltem quoad extensionem externam.

Ad 3. c. *M.* neg. *m.* ad prob. neg. *m.* & suppositum, quòd mundus nullam habens quantitatem habeat respectum ad locum extrinsecum, adeoque nec esset in puncto, nec sub ullis dimensionibus, sed haberet se per modum alicujus mundi intellectuâlis existentis in anima, qui neque est in puncto, neque etiam sub dimensionibus terminatis externis, sed tantum haberet extensionem internam, mutabilè singulis momentis.

Ad 4. dist. *M.* Nullam haberent discernibilitatem quoad nos, trans. quoad se, neg. *M.* essentia enim leonis semper exigeret majorem quantitatem etiam externam, & illa, qui posset cognoscere essentiam, posset etiam cognoscere istam leonis existentiam, per quam discerneretur ab essentia leporis.

18 *Obj.* 3. Substantia per se ipsam est divisibilis; ergo

etiam per se ipsam est quanta, prob. ant. substantia etiam separata à quantitate non eo ipso amitteret diversum situm partium, quia non eo ipso mutaretur quoad locum, si mutaretur quoad quantitatem: Sed si hoc, tunc esset divisibilis; ergo.

2. Quantitas non facit partes, sed invenit partes; ergo non tribuit divisibilitatem partibus, prob. ant. partes sunt subjectum quantitatis: Sed quantitas non facit suum subjectum; ergo.

*Resp.* ad 1. neg. ant. ad prob. neg. *M.* amittere enim quantitatem nihil aliud est, quàm amittere respectum, seu ordinem ad diversum locum sive intrinsecum, sive extrinsecum.

Ad 2. dist. ant. Quantitas non facit partes essentialiter spectatas, c. accidentaliter sumptas, neg. ant. sicut enim albedo non facit murum, sed facit murum album, ita quantitas non facit partes, sed facit partes quantas, quæ sine quantitate non sunt divisibiles, quia sine quantitate non habent respectum ad locum extrinsecum.

*Obj.* 4. Si quantitas foret distincta à substantia, tunc vel esset ipsa extensio, & ipsa impenetrabilitas vel non? Neutrum potest dici; ergo. *m.* prob. si dicatur, quòd sit ipsa impenetrabilitas, quomodo ergo dico: quanta sunt penetrabilia? si dicatur, quòd sit aliquid distinctum, quomodo ergo quantitas ratione sui est principium impenetrabilitatis & extensionis?

2. Non potest dici, quis sit effectus formalis quantitatis; ergo. prob. ant. non est impenetrabilitas, quia datur quantitas sine impenetrabilitate, neque est extensio externa, quia datur quantitas interna in Corpore Christi Eucharistico sine illa extensione, neque etiam divisibilitas, quia datur quantitas in Angelo, quin detur divisibilitas.

*Resp.* ad 1. c. *M.* neg. *m.* & dico, quòd quantitas sit ipsa extensio, ea extensio habet vim repellendi & excludendi alia corpora à propriis dimensionibus, & sic est causa impenetrabilitatis secundum cursum naturæ ordinarium, nisi Deus impediat hanc vim quantitatis.

Ad 2. neg. ant. & dico, quòd effectus formalis quantitatis sit extensio, cui aliquando accidit, quòd sit visibilis & externa; aliquando verò non.

*Obj.* 5. Si requireretur quantitas distincta, tunc ideo, quia substantia non est immediatè receptiva accidentium, sed mediante quantitate: Hæc ratio nihil probat; ergo. *m.* prob. substantia est immediatè receptiva quantitatis; ergo etiam reliquorum accidentium.

2. Quantitas successiva non distinguitur à motu; ergo neque quantitas permanens distinguitur à substantia. prob. ant. quantitas successiva est duratio: Sed; ergo.

3. Intensio rei non superaddit rei aliquid distinctum; ergo neque extensio rei superaddit rei extensum aliquid distinctum.

*Resp.* ad 1. trans. *M.* neg. *m.* ad prob. c. ant. neg. conf. & parit. ratio est, quia omnium effectuum naturalium tamdiu debet assignari causa, quamdiu potest haberi, reliquorum accidentium potest haberi causa nempe quantitas dimensioniva, quæ est prima dispositionum materialium; ergo debet haberi. Hoc igitur est esse receptivum accidentium mediante quantitate, nempe per diversam dispositionem quantitatis producere diversa accidentia.

Ad 2. neg. ant. Similiter etiam ad prob. duratio enim est modus realiter distinctus à re durante.

Ad 3. trans. ant. neg. conf. & parit. quia nullum habetur



habetur exemplum, quod intensio possit separari à re intensa, contrarium habetur de extensione in Eucharistia.

*Obj. 6.* Id, per quod distinguitur res materialis à spiritali, est de essentia rei materialis: Sed hoc est quantitas; ergo. *m. prob.* ex communi conceptione hominum; omnes enim homines concipiunt materialia per modum rei extensæ, spiritum verò per modum rei non extensæ.

2. Si daretur quantitas distincta, tunc illa ipsa quantitas nec haberet figuram, nec foret extensa, nec foret quanta, nec foret impenetrabilis: Hoc est absurdum; ergo. *m. patet.* quia absurdum est dicere, quod albedo non sit alba. *M. prob.* quantitas foret tantum causa figuræ, extensionis externæ, impenetrabilitatis; ipsa verò nec esset extensa, nec impenetrabilis, quinimò compenetraretur ipsa cum subiecto; ergo.

3. Absurdum est, murum esse album per aliquid antecedens, vel consequens ad albedinem; ergo etiam absurdum est dicere, murum esse quantum per aliquid antecedens ad extensionem externam & figuram.

*Resp. ad 1. c. M. neg. m. ad prob. dist.* Homines concipiunt rem materiale ut extensam, radicaliter, aut per modum proprietatis. *c. secus, neg.* Homines enim indocti, quando concipiunt essentiam rerum, solum attendunt ad potentiam, non ad actum, sicut quando hominem concipiunt risibilem. E contra indocti quando concipiunt essentiam rerum, plerumque tantum concipiunt proprietates. v. g. dum concipiunt hominem, potius concipiunt animal implume bipes, quam animal rationale.

*Ad 2. dist. M.* quantitas non esset quanta & c. formaliter, c. eminentialiter ac causaliter, *neg.* sic etiam ignis non est formaliter calidus, sed causaliter, in quantum causat calorem.

*Ad 3. c. ant. neg. conf.* disparitas est, quia circa quantitatem datur diversa acceptio hominum ejusdem verbi, quod non contingit circa albedinem, homines enim plebei per quantitatem intelligunt id, quod est sensibile, nempe figuram, extensionem externam, impenetrabilitatem, quæ tantum sunt effectus quantitatis physice. Docti verò intelligunt causam horum effectuum, nempe extensionem internam, quæ utique est antecedens ad quantitatem plebejam externam.

*Obj. 7.* Prima passio cujuslibet rei non potest separari à re, sed quantitas est prima passio rei materialis; ergo. *M. prob.* ab inductione, v. g. risibilitatis.

2. A substantia spiritali non separatur sua proprietates; ergo neque à substantia materiali quantitas.

3. Implicat dari extensionem internam sine extensione externa; ergo distinctio extensionis in internam & externam est ficticia. *prob. ant.* implicat partem esse extra partem in ordine ad se, & non in ordine ad locum extrinsecum; ergo. *prob. ant.* implicat aliquid existere in ordine ad se, & non in ordine ad ullum locum extrinsecum; ergo etiam implicat partem esse extra partem & c.

*Resp. ad 1. dist. ant.* Prima passio metaphysica non separatur à re, c. physica, *neg.* risibilitas est affectio metaphysica tantum distincta formaliter.

*Ad 2.* Eodem modo dist. supposito enim, quod in Angelis dentur accidentia absoluta, non implicabit ea existere separatè.

*Ad 3. dist. M.* Implicat rem non existere in ordine ad locum extrinsecum respectivè ad quemcunque intellectum, trans. respectivè ad nos, *neg. M.* Bene notandum est, à nulla re separari posse omnem quantitatem internam seu extensionem partium respectivè cogno-

scibilem ab aliquo intellectu, licet illa quantitas non sit apta movere nostros sensus, nisi ad species vitivas sub minori angulo; igitur erit pars extra partem in ordine ad se relatè tantum ad nos; sicut enim non potest separari omnis ubicatio, aut omnis duratio, ita etiam omnis extensio interna.

*Obj. 8.* Potest dici Corpus Christi in Eucharistia habere aliquam extensionem externam, sed parvam; ergo adhuc essentia corporis potest consistere in trina dimensione.

2. Habita trinâ dimensione intelligitur corpus ex communi sensu hominum; ergo.

3. Non habemus aliam ideam claram corporis, & hæc idea sufficit ad explicandam naturam, proprietates & omnes affectiones corporis; ergo.

*Resp. ad 1. neg. ant.* Quia id repugnat communi Theologorum & rationi; cur enim Christus contraheretur ad punctum minimum, & sic fieret monstrum? habet quidem aliquam extensionem, sed non extensionem puncti relatè ad oculos Beatorum, nullam tamen relatè ad oculos hominum.

*Ad 2. neg. ant.* Quia in communi conceptione hominum tantum attinguntur proprietates corporis.

*Ad 3. neg. ant.* quoad 2. membrum contrarium patet ex probationibus.

*Obj. 9.* Extensio non est accidens; ergo corpus. *prob. ant.* extensio, quæ datur in spatiis imaginariis, aut in hypocausto destructo aëre, non est accidens; ergo nulla extensio, *prob. ant.* accidens non potest esse sine subiecto: Sed illa extensio est sine subiecto; ergo.

2. Si extensio & corpus distinguerentur, tunc posset dari triangulum, quod non esset æquale duobus rectis: Hoc est falsum; ergo. *prob. M.* si à triangulo v. g. ligneo detraheretur quantitas, non amplius haberet duos rectos; ergo.

3. Si posset separari quantitas à re quanta, tunc posset dari motus instantaneus, ita, ut in unico instanti homo existens in India moveretur in Europam: Sed hoc est falsum; ergo. *m. patet,* quia utique deberet transire per medium, adeoque numerare plura instantia. *M. prob.* si quantitas separaretur à mundo, non amplius distaret India ab Europa; ergo.

4. Non potest dici in quonam alio prædicato consistat essentia corporis; ergo in extensione.

*Resp. ad 1. neg. ant. ad prob. dist.* Illa extensio non est accidens realiter, c. secundum nostrum modum concipiendi, *neg.* in hoc enim casu licet in intermedio nihil detur, concipimus tamen extensionem alicujus rei extensæ.

*Si dicas:* ergo nulla dabitur extensio re ipsa in dato exemplo hypocausti, adeoque etiam nostra probatio supponens dari extensionem erit nulla.

*Resp.* Sufficere, quod detur extensio secundum nostrum modum concipiendi, & capacitas recipiendorum corporum trine mensurabilis.

*Ad 2. dist. M.* Posset dari triangulum, quin sit æquale duobus rectis actualiter, & quoad nos, c. radicaliter & quo ad se, *neg. M.* si enim detracta quantitate remanet triangulum eo ipso quoad se & respectu alicujus intellectus retinet suam figuram, adeoque proportionem.

*Ad 3. trans. M. neg. m.* non enim implicat motus instantaneus, licet in dicto casu transiret ex India in Europam per plurima media, non tamen numeraret plura instantia, sed signa rationis.

*Ad 4. neg. ant.* Dicitur enim, essentiam corporis consistere in hoc, quod sit radix omnium proprietatum, & affectionum in corpore reperibilium; alii dicunt, quod corpus sit compositum ex materia & forma; & quidam



ex Neotericis constituit essentiam corporis in virtute activa, energia, ac virtutibus Dynamicis, quia omne corpus habet virtutem resistendi, & movendi.

### QUÆSTIO III.

*An continuum sit divisibile in infinitum, & an sit possibile infinitum Categorematicum?*

- 1 **T**otum vocatur, quod est divisibile in partes, ut domus. Totum aliud est *Discretum*, aliud *Continuum*.
- 2 *Discretum* vocatur, quod constat partibus heterogeneis, ut corpus humanum constat capite, manibus, pedibus &c. & domus constat ex ligno & lapide. Alii totum discretum describunt, quod sit id, quod constat partibus sensibilibiter distinctis, ut strues lignorum.
- 3 *Totum Continuum* vocatur, quod constat partibus homogeneis, sensibilibiter non discretis, ut aqua, lignum, ferrum &c.
- 4 *Continuum* definitur, quod *terminatur termino communi*. Vel sic: *cujus extrema sunt unum*. v. g. partes aquæ terminantur per vasis latera, veluti termino communi omnium guttularum in vase reperibilem, quin ipsæ guttulæ habeant inter se limites seu terminum, quo una guttula possit discerni ab altera. Vel sic: unius guttulæ extremum idem est cum extremo alterius guttulæ sine ullo apparenti discrimine, & ideo extrema guttularum unum sunt.
- 5 *Contiguum* definitur, quod *non terminatur termino communi*. Vel sic: *cujus extremum non est idem cum altero*. Sic in strue lignorum ligna tantum sunt contigua, non verò continua, quodlibet enim lignum habet proprios terminos seu limites, quibus distinguitur ab altero, & ideo vocantur contigua, quæ sunt juxta se posita sine ullo intermedio.
- 6 *Continuum permanens* vocatur, cujus omnes partes actu existunt, sic aqua, lignum, ferrum est continuum permanens, quia non existit aqua, nisi simul existant omnes illius partes.
- 7 *Continuum successivum* vocatur, cujus partes sunt successivæ, nec existunt simul in eodem tempore; tale continuum est annus, qui constat pluribus partibus ininterrupta serie sibi invicem succedentibus, aliqua etiam tota moralia possent annumerari continuo successivo.
- 8 *Infinitum* definitur, esse id, *cujus semper est aliquid extra accipere*, quia in infinito nunquam pervenitur ad finem, sed sumpta quacunque collectione partium semper adhuc extra illam collectionem potest numerari ac sumi alia pars.
- 9 *Infinitum Categorematicum* vocatur, cujus omnes partes simul actu existunt, v. g. si darentur infiniti homines in hoc momento, tunc infinita ista collectio vocaretur *infinitum actu*, seu *infinitum categorematicum*.
- 10 *Infinitum syncategorematicum* vocatur, cujus omnes partes non existunt simul, sed successive. Sic si ab æterno fuisset mundus in tempore infinito, tunc in isto infinito tempore eo ipso exstiterent infinita instantia, infiniti homines, & adhuc infinitiores capilli. Istud infinitum instantium, & hominum vocaretur infinitum syncategorematicum, quia nunquam fuisset actu verum, quod existant infiniti homines aut instantia. Tale infinitum sine dubio dabitur per æternitatem in futurum; Si hoc infinitum re-

feratur ad tempora antecedentia, vocatur infinitum syncategorematicum *à parte ante*, si verò referatur ad tempora subsequentia, vocatur infinitum *à parte post*.

*Infinitum terminatum* vocatur, quod habet terminos. *Interminatum* vocatur, quod quidem non concipitur, ut actu infinitum, sed tantum quoad nostrum modum concipiendi concipitur sine terminis, vel quod est capax extensionis infinitæ.

*Pars aliquota* vocatur, quæ aliquoties sumpta mensurat totum, seu exhaurit totum, sic duo sunt pars aliquota numeri denarii, quia numerus binarius quinque sumptus exhaurit numerum denarium.

*Pars aliquanta* vocatur, quæ non exactè exhaurit totum, licet aliquoties sumatur. Sic numerus ternarius est pars aliquanta numeri quinarium.

*Punctum* definitur, quod est magnitudo sine dimensionibus. Vel ut alii: parvitas sine magnitudine.

*Linea* definitur esse fluxus puncti, & *Superficies* definitur esse fluxus lineæ. Hunc fluxum linearum & punctorum Neoterici de infinito adhibent familiariter in omnibus explicationibus continui. Verum nunquam satis explicant, an illas explicationes habeant præcisè pro conceptibus abstractis, an vero pro veritatibus physicis.

Dico 1. *Continuum dividitur in partes actu distinctas*. Prob. Concl. Ecclesia distinguit actu partes hostiæ consecratæ: Sed hæc est aliquod continuum; ergo. M. prob. Juxta Concilium Tridentinum actu dantur particule hostiæ consecratæ; ergo. prob. ant. Tridentinum dicit: Christum latere *sub quavis* etiam minima hostiæ consecratæ *particula*.

Prob. Concl. 2. Experientia demonstrat illa, quæ videntur esse continua, constare actu ex partibus distinctis; ergo. prob. ant. sic v. g. in unica aquæ guttula per microscopium possunt discerni varia animalcula, & in ligno, quod videtur esse continuum, videntur dari diversissimæ partes instar sylvæ. Sic etiam pannus à longè visus non videtur constare ullis partibus, quibus videtur constare propè visus.

Prob. Concl. 3. Si continuum non constaret partibus actu distinctis, tunc idem posset separari à se ipso: Hoc implicat; ergo. M. prob. si continuum non constaret partibus &c. tunc lignum divisum in duo separaretur à se ipso, in quantum prius duo frustra relecta fuerunt idem cum toto & inter se.

Prob. Concl. 4. Si continuum esset divisibile sine partibus actu distinctis, tunc in divisione ligni deberet de novo creari materia prima: Hoc implicat; ergo. m. patet, quia creatio est supra vires naturæ. prob. M. in divisione ligni destrueretur prior materia; ergo deberet alia de novo creari. ant. prob. si in divisione destrueretur prior individuatō materiæ, tunc etiam destrueretur ipsa materia: Sed; ergo. M. patet, quia individuatō identificatur cum materia, & cum quavis alia re. m. prob. si post divisionem dantur duo individua, quorum neutrum habet priorem individuationem, tunc destrueretur prior individuatō: Sed; ergo.

Prob. Concl. 5. Si ea, quæ sunt eadem, possent per divisionem distingui, tunc etiam materia & forma possunt identificari, & postmodum per divisionem separari: Hoc implicat; ergo.

Prob. Concl. 6. Heterogenea non possunt identificari, & postmodum per divisionem separari; ergo



neque partes homogeneæ possunt in ligno identificari & per divisionem separari.

22 Prob. Concl. Si continuum posset dividi in partes virtualiter distinctas, tunc separabilitas non esset signum distinctionis realis: Hoc est falsum; ergo. M. prob. in dato catu quando dividitur lignum, separaretur una pars ab altera, & tamen illa pars prius non fuisset distincta ab altera; ergo.

23 Prob. Concl. 8. Est contra sensum communem, continuum constare partibus tantum in potentia; ergo. prob. ant. est contra sensum communem in divisione ligni aut chartæ de novo produci omnia frustra ligni aut chartæ; ergo etiam prius, quia in sententia Adversariorum necessario debet admitti de novo produci totum lignum.

24 Dico 2. Continuum non est divisibile physice in infinitum.

Prob. Concl. Si continuum esset divisibile in infinitum, tunc deberent in continuo dari partes actu infinitæ: At hoc implicat; ergo. M. patet, quia illæ partes, in quas continuum dividitur, debent esse actu distinctæ. m. prob. implicat infinitum categorematicum; ergo. ant. prob. 1. Implicat dari aliquid totum, quod ne quidem Deus numerando posset exhaustire: Sed hoc foret infinitum categorematicum; ergo. quia si Deus aliquando perveniret ad finem, tunc eo ipso jam esset infinitum clausum terminis.

25 Prob. ant. 2. Non potest dari numerus infinitus determinatus; ergo neque infinitum categorematicum, prob. ant. implicat numerus cui non possit addi unitas, aut alius numerus.

26 Prob. ant. 3. Implicat partem esse æque magnam ac totum, aut totum non esse majus sua parte: Sed hoc sequeretur, si daretur infinitum categorematicum; ergo. m. prob. in qualibet parte etiam minima ligni lateret æquè aliud infinitum partium ligni, ac in integra sylva, prob. ant. si etiam minima pars esset divisibilis in infinitum, tunc lateret integrum infinitum.

27 Prob. ant. 4. Implicat unum infinitum esse majus altero, sed hoc sequeretur; ergo. m. patet, quia infinitum integræ sylvæ utique foret majus infinito tantum unius particulæ ligni. M. prob. si daretur unum infinitum majus altero, tunc uni infinito jam posset aliquid addi, nempe excessus majoris infiniti: Sed hoc implicat; ergo.

28 Prob. ant. 5. Implicat infinitum clausum terminis: Sed hoc daretur in infinito categorematico; ergo. m. prob. particula v.g. ligni haberet suos limites, esset collectio unitatum, cui aliquid posset addi; ergo.

29 Prob. ant. 6. Si darentur infinitæ partes actu, tunc non daretur motus: Hoc est falsum; ergo. prob. M. si darentur infiniti partes tunc etiam omnes illæ deberent pertransiri: Hoc est impossibile; ergo. m. patet, quia infinitum non potest exhaustiri nec numerando, nec mensurando, nec pertransiendo.

30 Prob. ant. 7. Si darentur infinitæ partes, tunc per unam malam muscæ posset tegi totum cælum: Hoc est absurdum; ergo. prob. M. si ala muscæ laterent infinitæ partes, tunc tamdiu posset continuari divisio, donec tegatur totum cælum; ergo. Similis absurditas est, quod in pede muscæ lateant plures partes, quam arenæ in littore maris, & quod in grano tritici æquè tot reperiantur partes ac in universo. Verum impossibilitas infiniti categorematici, quæ interim

supponitur ac insinuat, ex instituto probatur suo loco.

Dico 3. Inter partes continui datur unio modaliter ab illis distincta.

Prob. Concl. Debet dari ratio, cur partes totius continui stabiliter serviant eidem formæ principali: At hæc est unio; ergo.

### Solvuntur Objectiones.

Obj. 1. Contra primam.

Si in continuo darentur partes actu, tunc Christus in unica hostia millies deberet existeret: Hoc est falsum; ergo. M. prob. in Hostia ad minimum dantur millæ particulæ; ergo si sub unaquaque lateret Christus, lateret millies.

2. Si in ligno v.g. bipalmari jam daretur actualis distinctio partium, tunc non esset unum lignum, sed duo, aut mille ligna: Hoc est contra communem sensum; ergo.

3. Aristoteles in definitione continui dicit partem tantum esse aptam aliquid esse; ergo partes continui nondum actu sunt lignum.

4. In homogeneis numerus nascitur ex divisione; ergo in continuo non dantur actu partes individualiter, seu numero distinctæ.

Resp. ad 1. d. M. Christus deberet latere millies, si illæ particulæ etiam sunt separatae quoad nos, c. si tantum quoad se, neg. M. existentia enim Christi non replicatur, nisi quoad nos multiplicentur partes continui seu hostiæ consecratae. Dein juxta nos continuum est, cujus partes habent unionem modalem.

Ad 2. dist. Deberent dari duo ligna quoad se, c. quoad nos, neg. sensus communis tantum respicit objecta in ordine ad sensus; quibus illa objecta substant. Igitur id vocat sensus communis unum quid, quod relate ad sensus est unum, nos respicimus objecta relate ad intellectum.

Ad 3. dist. Partes continui tantum sunt aptæ aliquid esse quoad nos, c. quoad se, neg. ant. Etiam Aristoteles in suis definitionibus plerumque tantum attingit proprietates sensibiles rei; igitur in quantum pars continui aliquid sensibilibus actu vel potentia est, in tantum decitur simpliciter actu vel potentia illud esse nempe relate ad sensus.

Ad 4. dist. Nascitur numerus ex divisione quoad nos, c. quoad se, neg. quando lignum dividitur, tunc post divisionem quoad nos sensus apparent duo ligna, quæ prius quoad nos videbantur esse unum lignum, sed quoad se idem erant ante divisionem, quod post divisionem, excepta sola unione modali, quam post divisionem amiserunt.

Obj. 2. contra 2. Concl. Aristoteles dicit continuum esse divisibile in infinitum; ergo. prob. ant. 8. Phys. dicit: in continuo sunt quidem infinita dimidia non actu sed potestate. Idem dicit D. Thomas, & alii Antiquiores.

2. Euclides demonstrat lineam esse divisibilem exactissime in duas partes æquales: Atqui si laterent partes actu non infinitæ, id esset falsum; ergo. prob. m. si non latent partes infinitæ, possibile est latere partes inæquales v.g. septem aut novem, ac in hoc casu linea non esset exactè bifariam divisibilis; ergo.

3. In Geometria demonstratur quamcunque datam lineam esse divisibilem in infinitum; ergo.



Tab. I prob. ant. ponantur duæ parallelæ v. g. A. B. & C. D. inter has parallelas circa medium erigatur perpendicularis E. F. jam à puncto A. ducantur lineæ secantes perpendicularem in subjectam alteram lineam parallelam v. g. in puncta G. H. I. clarum est, si parallelæ, C. D. prolongetur in infinitum etiam duci posse infinitas lineas secantes à puncto A. quæ omnes secabunt perpendicularem, quin illam unquam exhauriant.

35 *Resp.* ad 1. neg. ant. ad prob. dist. Sunt infinita dimidia metaphysicè aut mathematicè talia, c. physicè talia, neg. licet enim quoad nostrum modum concipiendi possimus dividere continuum in infinitum, non tamen sequitur naturam propterea sequi nostros conceptus, quia est ultra vires naturæ, quoad hoc parere Mathematicis. Quod verò Aristoteles non admittat infinitas partes actu patet ex eo, quia negat infinitum, quod verò non dicat latere in sensu physico virtualiter ac in potentia infinitas partes, colligitur ex illo textu 8. *Physic.* ubi dicit: *Si quis continuum in duo dimidia dividerit, idem perinde est, ac numerare, qui autem numerat res, non distinguit, sed distinctas considerat.*

Ad 2. dist. Demonstrat Euclides lineam esse mathematicè divisibilem, c. physicè. neg. sicut enim ego non possum dividere inæqualia in partes æquales si effugiant meum sensum ita etiam natura non dividit inæqualia in æqualia, quia hoc est ultra illius virtutem ut ostensum est.

Ad 3. dist. Demonstrant lineam esse divisibilem mathematicè, c. physicè, neg. sicut enim tales lineæ quoad nostros sensus non multiplicantur in infinitum nisi se confundant, ita etiam natura sistere debet in divisione quando devenit ad minima physica, licet concipere ea possimus divisibilia per creationem minimarum partium ab altiori virtute in infinitum.

36 *Obj.* 3. contra eandem. In hac propositione, qua dico: Idem dividitur in duo, non servaretur constantia subjecti; ergo non verificarentur de eadem re contradictoria, nec idem separaretur à se ipso; ergo. prob. ant. ante divisionem subjectivè ponitur unum individuum post divisionem subjectivè ponuntur duo individua.

2. In divisione non necessario deberet de novo creari aliqua pars; ergo hæc ratio nihil probat, prob. ant. in divisione manet idem, quod fuit prius excepta sola individuatione; ergo.

3. Si in potentia materiæ latet forma substantialis, tunc etiam in potentia materiæ potest latere unitas vel dualitas: Sed; ergo. atqui si latet dualitas potest naturaliter per divisionem è potentia materiæ educi dualitas; ergo.

4. Quod est virtualiter multiplex, potest fieri actu multiplex, sed continuum est virtualiter multiplex; ergo. patet *m.* quia quodlibet continuum continet tantum quantitatis, quantum continerent partes aliquotæ seorsim sumptæ. *M.* prob. non datur virtus ad impossibile; ergo.

*Resp.* ad 1. dist. ant. In hac propositione non servatur constantia subjecti & simul servaretur, c. tantum non conservaretur, neg. Eo ipso, quod Adversarii dicant manere eandem rem post divisionem, debent simul etiam defendere, quod maneat constantia subjecti, an consequenter manet constantia & non manet constantia subjecti, quæ sunt contradictoria.

Ad 2. neg. ant. ad prob. iterum, neg. ant. quia in omnium sententia tam *RR.* quam etiam *TT.* individuatō tanquam gradus metaphysicus realiter identificatur cum qualibet re, tolli igitur individuationem per divisionem idem est ac tolli totam rem, & de novo produci aliam.

Ad 3. neg. *M.* Ratio est, quia è potentia materiæ illud non potest educi, quod non est distinctum à materiæ cum nihil educatur ex se ipso, dualitas autem vel unitas est prædicatum essentiale ac gradus metaphysicus identificatus cum materiæ.

Ad 4. d. *M.* Quod est virtualiter multiplex virtute multiplicatis, c. *M.* multiplicitate virtutis, neg. *M.* In aliquo continuo dantur æquivalenter plures partes: adeoque datur multiplicitas virtutis, in quantum totum continuum idem præstat, quod præstarent plures partes seorsim sumptæ: Sed ex hoc non sequitur dari in continuo virtutem ad producendam multiplicatem, eo ipso, quod hic effectus sit impossibilis.

*Dices:* Si juxta leges naturæ minima pars materiæ destrueretur, & loco illius producerentur duæ alie, tunc productio non esset creatio sed divisio; ergo. prob. ant. posset dici hanc productionem adhuc fieri juxta exigentiam causarum naturalium; ergo non esset creatio, licet non esset educio ex subjecto.

*Resp.* neg. ant. ad prob. c. ant. neg. conf. quia sola exigentia effectus non sufficit ad hoc, ut actio productiva distinguatur à creatione, aliàs etiam anima rationalis non crearetur, sed educeretur: Nos ergo vocamus hanc actionem creativam, cujus in natura nulla datur exigentia fundata in privatione ac dispositione.

*Resp.* 2. neg. ant. ad prob. neg. ant. quia cum omnes effectus naturæ possint solvi sine tali actione & divisione, eo ipso non datur ejus exigentia.

*Obj.* 4. contra 3. Conclusionem.

Si in continuo daretur unio modaliter distincta eo ipso deberent dari multa millia unionum in unico grano tritici: Hoc est absurdum; ergo. prob. *M.* in grano tritici dantur multa millia partium, quarum singulæ sunt unitæ; ergo etiam deberent dari multa millia unionum.

2. Si daretur unio modaliter distincta, tunc illa deberet singulis momentis destrui & de novo produci: Hoc est absurdum; ergo. prob. *M.* singulis momentis in continuo aliæ partes abeunt, aliæ partes succedunt; ergo cum novis partibus simul deberet produci nova unio.

*Resp.* ad 1. dist. *M.* Deberent dari multa millia unionum ex parte materiæ, c. ex parte formæ, neg. *M.* forma principalis in aliquo continuo se habet sicut anima rationalis in corpore. Unica anima unitur per unam unionem innumeris partibus corporis, & innumeræ partes corporis per innumeras uniones uniuntur uni animæ rationali. Idem fit in continuo, nec absurdum est ita multiplicare uniones ac entitates modales, quia nihil est naturæ nimium, quod servit ad finem naturæ.

Ad 2. dist. *M.* Unio deberet singulis momentis destrui ex parte materiæ, c. ex parte formæ, neg. ut dixi; forma in continuo se habet ut anima in corpore. Anima per sui unionem indifferenter respicit omnes partes corporis; e contra partes corporis, quando abeunt aut de novo adveniunt, secum unionem aut tollunt, aut afferunt; pari modo in continuo partes quando



quando adveniunt per unionem sui cum toto sua servitia formæ principali offerunt. Forma verò manet eadem veluti domina in eadem domo servis & ancillis annuatim servitia mutantibus.

## QUÆSTIO IV.

*An continuum constet ex punctis Zenonicis terminantibus, copulantibus, punctis physicis, aut inflatis?*

**1** *Punctum Zenonicum* vocatur, quod est indivisibile etiam per intellectum, adeoque est punctum mathematicum, quod nullam habet magnitudinem in natura, ac proinde nec habet extremitates, nec medium, quia alioquin foret divisibile, hæc puncta admisit Zeno, Plato, & plures ex Antiquioribus, nec pauci ex Neotericis.

**2** *Punctum terminans* vocatur, quod ponitur in extremitate cujusque corporis ac terminat superficiem. Putant enim aliqui corpus veluti comprehendi aliquā fasciā constante ex meris punctis Zenonicis & indivisibilibus v.g. si ponamus globum, tunc in medio globi nulla darentur puncta Zenonica, sed solum in extremitate globi, in superficie, qua tangitur, darentur puncta vix non infinita, quæ ambitu suo constituerent figuram sphericam.

**3** *Puncta copulantia* vocantur, quæ connectunt partes continui, putant enim aliqui continuum constare ex pluribus partibus, quarum extremitates quasi vestiuntur innumeris punctis Zenonicis. Horum sententia vix differt à sententia admittentium puncta terminantia.

**4** *Puncta Physica* vocantur, quæ licet habeant magnitudinem ac figuram, tamen ob sui unitatem, à natura non possunt dividi in plures partes, nisi per intellectum: talia puncta forent atomi, si darentur; ab aliis verò qui non admittunt atomos, vocantur *minima naturalia*. Proprietas horum punctorum est, quod non possint mutare suam quantitatem, nec crescere, nec minui, & ideo habent fixam magnitudinem.

**5** *Puncta inflata* vocantur, quæ habent aliquam magnitudinem, ac figuram, ita tamen, ut possint mutare suam quantitatem, crescere & minui pro exigentia circumstantiarum, & ideo ob hoc augmentum quantitatis fortè per invidiam vocata sunt puncta inflata, aut puncta *instantia*. Rectius dicerentur *minima corpuscula physica*.

**6** Dico 1. Continuum non constat ex punctis Zenonicis. Prob. Concl. Ex punctis Zenonicis non fit quantum; ergo neque fit continuum, quod est quantum, prob. ant. si ista puncta non sunt quanta, tunc ex illis non fit quantum: Sed; ergo. M. prob. non quantum additum non quanto non facit quantum, sicut non materiale additum non materiali non facit materiale, & nihilum additum nihilo facit nihil.

Prob. 2. Si omnia puncta Zenonica se compenetrant, tunc non constituunt continuum: Sed; ergo. M. prob. si se compenetrant, tunc unum non ponitur extra aliud, nec pars ponitur extra partem: Sed tali

R. D. Euseb. Amori Philosophia.

modo non fit continuum; ergo. Prob. etiam m. prioris syllogismi, puncta Zenonica non habent duo latera; ergo si ponantur tria puncta, punctum intermedium non tangeretur ex parte laterum, adeoque compenetrabitur.

Prob. Concl. 3. Si continuum componeretur ex 8 punctis Zenonicis, tunc diagonalis non esset longior lateribus, hoc est falsum; ergo. M. prob. posset ex quolibet puncto lineæ diagonalis demitti lineæ perpendicularis ad lineam laterum: Sed tali modo diagonalis non esset longior lineæ laterum; ergo. m. prob. in dato casu tot deberent dari puncta in lineæ laterum, quot dantur lineæ perpendiculares & lineæ perpendiculares tot darentur, quot dantur puncta in diagonali; ergo. Sequeretur ulterius, diagonalem esse commensurabilem lateribus, quia posset enumerari quam proportionem diagonalis habeat cum lineæ laterum in partibus aliquotis: At hoc videtur paradoxum in Mathesi; ergo.

Dico 2. Continuum non componitur ex punctis terminantibus aut copulantibus.

Prob. Concl. Illa puncta nihil superadderent corpori, cujus sunt puncta terminantia; ergo sunt superflua. prob. ant. illa puncta compenetrarentur cum corpore; ergo. ant. prob. si illa puncta non habent duo latera quorum uno possint tangere corpus tunc compenetrarentur: Sed; ergo.

Prob. 2. Si darentur talia puncta Zenonica sive in 10 superficie, sive intra superficiem, tunc motus aquilæ non foret velocior motu testudinis: Hoc est absurdum; ergo. prob. M. si in dicta hypothesi aquila & testudo æquali tempore pertransirent puncta æqualia, tunc motus aquilæ non esset velocior: Sed; ergo. m. prob. motus unius est æque continuus ac motus alterius & in uno puncto non potest aquila citius transire quam testudo, quia est punctum indivisibile.

Prob. Concl. 3. Si ponamus globum perfecte rotundam, talis volvendo se in superficie describeret lineam constantem ex meris punctis terminantibus: Hoc est impossibile; ergo. m. prob. quia in intermedio hujus lineæ non possent dari puncta terminantia.

Proc. Concl. 4. Si darentur puncta terminantia 12 tunc possent produci infinita: Hoc non potest dici; ergo. m. patet, quia non potest ostendi causa productiva horum punctorum, M. verò posset probari ex divisione lineæ in infinitum, quam Adversarii dicunt levari posse bisariam in infinitum.

Prob. 5. Si Deus destruat puncta terminantia in 13 lineis, globis &c. adhuc tamen dabitur eadem longitudo, eadem rotunditas, & eadem proprietates in globo aut lineæ; ergo puncta sunt superflua.

Prob. 6. Continuum est divisibile lineæ istis punctis; ergo. prob. ant. si independenter ab his punctis manet distinctio partium, tunc totum sine his est divisibile: Sed; ergo.

Dico 3. Continuum constat ex punctis inflatis seu corpusculis minimis.

Prob. Concl. Si quantitas punctorum minimorum est separabilis à re, tunc potest augeri vel minui quantitas: Sed; ergo. in M. non videtur ulla implicatio.



## Solvuntur Objectiones.

16 *Obj. 1.* contra primam Conclusionem. Si ponatur globus perfectè rotundus, tanget planum in puncto; ergo dabitur punctum indivisibile seu Zenonicum, prob. ant. si ponatur planum tangi secundum latitudinem, eo ipso globus non erit perfectè rotundus contra hypothesin.

2. Corpora tantum se invicem tangunt secundum superficiem, non secundum profunditatem; ergo tangunt se in puncto indivisibili, prob. ant. si corpora se tangerent etiam ex parte alterius lateris respicientis introrsum, tunc non esset verum, quod corpora se tangant tantum secundum superficiem.

*Resp.* ad 1. dist. ant. Globus tangit planum in puncto mathematico, neg. physico, c. ant. vel sic; In puncto formaliter, c. realiter, neg. Quodlibet minimum corpusculum est divisibile in plura secundum modum nostrum concipiendi; & sic potest fieri, ut formaliter tantum attingatur una pars plani, quin à globo attingatur totum planum.

Ad 2. Eodem modo dist. tangunt se in superficie formaliter, c. realiter, neg.

18 *Dices:* Globus tangit planum tantum in puncto etiam realiter; ergo. prob. ant. ille contactus est independens à nostro modo concipiendi, & antecedit omnem operationem intellectus; ergo.

19 *Resp.* neg. ant. ad prob. c. ant. dist. conf. ergo. fit tantum in puncto etiam realiter, fundamentaliter tali, c. actualiter tali, neg. conf. Id est, ex modo tangendi ante omnem operationem intellectus verum est intellectum posse exinde sumere fundamentum distinguendi unum punctum ab altero etiam si actualiter non sit distinctum.

20 *Dices 2.* Si omnia puncta continui identificarentur tunc deberent habere consensum in omni prædicato, & quod dicitur de uno, deberet quoque posse dici de altero: A hoc non fit; ergo. *m.* prob. quando globus tangit planum, non potest de quolibet puncto dici quod tangatur à globo, vel tangat; ergo.

21 *Resp.* d. *m.* Non potest hoc dici formaliter, c. realiter, neg. quando enim dicimus planum tangi in puncto, tunc si verè concipimus, concipimus totum planum in ordine ad unam differentiam loci, in ordine ad quam tangitur planum, & hoc est concipi formaliter.

22 *Obj. 2.* contra primam & secundam Conclusionem. Potest dici, quod in motu aquilæ aut testudinis interponantur morulæ in punctis intermediis ita tamen, ut testudo subsistat vel in pluribus punctis, vel tempore longiori; ergo ex illa ratione nihil probatur.

2. Potest dici, quod globus describendo lineam sæpius subsulter, & sic non describat lineam continuam; ergo neque ex hoc aliquid probatur.

23 *Resp.* ad 1. neg. ant. Ratio est quia motus videtur esse continuus sine morulis, dein morulæ istæ respiciunt vel essent maximæ moræ, & millies plus testudo quiesceret quàm moveretur. Denique licet id forte possit fingi in animantibus, in quibus datur principium motus & quietis, id tamen minime potest fingi in duobus lapidibus in æquali celeritate versus centrum tendentibus, quomodo enim lapis molaris in medio aëre quiesceret, dum tendit versus centrum?

Ad 2. neg. ant. quia nulla datur causa hujus subsultationis, quæ deberet fieri in singulis punctis terminantibus, nec aliquando unum punctum fieret intermedium continuo ordine inter antecedentia & consequentia.

*Obj. 3.* contra 3. Conclusionem.

Si continuum componeretur ex minimis corpusculis, tunc illa forent physice indivisibilia: Hoc non potest dici; ergo. prob. *m.* si forent indivisibilia, tunc addita non facerent quantum: Sed; ergo. *M.* prob. indivisibile additam indivisibili non facit majus; ergo.

2. Si illa corpuscula forent indivisibilia, tunc se invicem compenetrarent: Hoc non potest dici; ergo. *M.* prob. si forent indivisibilia, tunc unum tangeret alterum secundum se totum: Sed si hoc &c. ergo.

3. Tale corpusculum tangeretur à multis circumjacentibus; ergo non est indivisibile.

*Resp.* ad 1. c. *M.* neg. *m.* ad prob. neg. *M.* ad 2. prob. dist. indivisibile metaphysicum aut mathematicum additum indivisibili non facit majus, c. physice indivisibile, neg. quod enim physice indivisibile est, jam habet quantitatem.

Ad 2. neg. *M.* ad prob. dist. tunc unum tangeret alterum secundum se totum realiter, c. formaliter, neg. *M.* etiam si ponatur unicum corpusculum tangere alterum secundum se totum realiter, non tamen obstat, quin respiciat idem totum diversa loca tanquam diversa connotata & sic formaliter non tangatur secundum se totum. Quoad hunc effectum corpora se habent sicut spiritus: v.g. anima rationalis, quæ est tota in toto corpore, etiam si secundum partem superiorem, quæ respicit caput, formaliter non sit in pede.

Ad 3. c. ant. dist. conf. ergo non est indivisibile mathematicè & metaphysicè, c. physice, neg.

*Obj. 4.* contra eandem.

Idem corpusculum deberet alterum tangere, etiam in diversis locis realiter sumptum; ergo. prob. ant. verum est dicere, quod pars v.g. dextra realiter non tangat id, quod est ad sinistram.

2. Saltem superficies est etiam metaphysicè indivisibilis in continuo; ergo. prob. ant. in superficie non possunt distingui duæ superficies, quantum una respicit interius, altera exterius; ergo. prob. ant. illa superficies quæ respiceret interius non tangeretur, adeoque non est illud, quod vocamus superficiem.

*Resp.* ad 1. neg. ant. ad prob. dist. Verum est dicere, quod ex parte dextra non tangat id, quod est ad sinistram quoad obliquum, c. quoad rectum, neg. ant. dicere enim partem dextram non respicere sinistram nihil aliud est, quàm quod eadem res respiciat locum dextrum, & quod locus dexter non sit sinister.

Ad 2. neg. ant. ad prob. dist. Non dantur duæ superficies realiter, c. formaliter, neg.

*Obj. 5.* contra eandem. Si minima physica essent indivisibilia physice, tunc corpus non distingueretur à spiritu: Hoc est falsum; ergo. *M.* prob. corpus tam parum haberet partes, quàm spiritus; ergo.

2. Si minima essent indivisibilia, tunc etiam posset poni aliquod triangulum v.g. Isosceles indivisibile: Hoc est falsum; ergo. *m.* probatur, tale triangulum Isosceles v.g. si haberet Basim 20. punctorum & latera 40. punctorum necessario posset dividi in lineas 38. aut 39. punctorum; ergo. prob. ant. lineæ parallelæ Basi semper decrescunt unico puncto respectivè ad Basim, ergo.

*Resp.* ad 1. neg. *M.* ad prob. c. ant. neg. conf. quia 29 distinctio corporum à spiritu non consistit in indivisibilitate, sed in impenetrabilitate & aliis proprietatibus.

Ad 2. c. *M.* neg. *m.* ad prob. neg. ant. ad prob.



prob. dist. Hæ lineæ decreverent decremento metaphyfico, c. ant. phyfico, neg. ant. sicut enim eadem anima existens in oculo non est minor, quam anima existens in toto capite ita linea versus apicem trianguli non est minor in sensu reali quam linea versus Basin.

30 *Obj. 6.* Si darentur minima physica physicè indivisibilia, tunc motus aquilæ non esset velocior motu testudinis: Hoc est falsum; ergo. M. prob. aquila deberet æquali tempore pertransire totidem puncta seu corpuscula, quot pertransit testudo; ergo. prob. ant. aquila singulis instantibus pertransiret totum corpusculum, & testudo etiam unico instanti pertransiret integrum corpusculum.

2. Si corpusculum foret indivisibile, tunc exterior limbus rotæ non posset moveri velocius, quam limbus rotæ interior: Hoc est absurdum; ergo. prob. M. quodcumque limbus exterior pertransiret aliquod corpusculum, tunc etiam interior deberet aliquod transire: Sed si hoc &c. ergo. prob. M. quando limbus exterior pertransiret aliquod corpusculum, eo ipso absolvitur instans & absoluto instanti etiam interior limbus transiret integrum corpusculum; ergo. prob. ant. quoad 2. membrum, si interior limbus in uno instanti non transiret integrum corpusculum, tunc moraretur in unico corpusculo per plura instantia: Hoc est absurdum; ergo.

31 *Resp. ad 1. neg. M. ad prob. dist.* Aquila pertransiret integrum corpusculum in unico instanti metaphyfico, c. phyfico, neg. Notandum est, quod instantia sint proportionalia viribus motuum & capacitati subjecti: Hinc aquila potest absolvere plura instantia dum interim testudo tantum absolvit unicum instans. Hæc instantia temporis cuius rei peculiaris vocantur instantia metaphysica. Hæc vero omnia instantia coexistunt simul eidem instanti phyfico seu sensibili relatè ad nos; hinc quia aquila in unico momento temporis sensibili conficit mille momenta metaphysica, dum interim testudo vix conficit decem, mirum non est, quod velocitas aquilæ se habeat sicut centum ad unum.

Ad 2. neg. M. ad prob. c. M. neg. m. ut enim in responsione ad primum dictum est; eodem momento temporis phyfico diversa mobilia absolvunt diversa instantia, limbus rotæ exterior v. g. in unico momento temporis phyfici absolvit centum instantia, & ideo pertransit centum corpuscula. Eodem vero momento temporis limbus rotæ interior absolvit momenta temporis metaphysici decem, & ideo pertransit decem corpuscula.

32 *Dices:* Velocitas major aquilæ aut rotæ quoad limbum exteriorem non debet mensurari à diverso tempore; ergo. prob. ant. Velocitas definitur, esse transitus majoris spatii sub æquali tempore; ergo.

33 *Resp. dist. ant.* Non debet mensurari per diversa tempora physica, c. metaphysica, neg. definitio velocitatis tantum respicit tempus physicum ac sensibile quoad nos, in cuius unico instanti dantur plurima instantia in diversis corporibus secundum capacitatem cuiusvis corporis.

34 *Dices 2.* Ex dictis sequeretur, quod centum instantia aquilæ, & decem instantia testudinis coexistant eidem instanti temporis phyfici: Hoc est absurdum; ergo. prob. m. est absurdum, quod instantia coexistent instanti simul præterito, & præsentanti & futuro; ergo.

35 *Resp. c. M. neg. m. ad prob. dist.* Idem instans

non coexistit præterito &c. physicè tali, c. metaphysicè tali, neg. & retorqueo in aternitate Dei, qui coexistit præterito, præsentanti & futuro.

*Dices 3.* Sequeretur ulterius, unicum instans esse majus altero: Hoc est absurdum; ergo. M. patet, quia unicum instans temporis deberet durare per centum instantia v. g. aquilæ. m. prob. si unicum instans foret majus altero, non daretur communis mensura temporis; ergo. prob. ant. omnia instantia deberent mensurari per aliud instans, cuius valor exprimeret, quantum unum instans foret majus altero.

*Resp. c. M. neg. m. ad prob. neg. ant. ad prob. iterum, neg. ant. & dico,* quod ista diversa instantia sint incommensurabilia, quodlibet enim instans est sui ipsius mensura & non alterius, quia est diversæ rationis sicut sapor, odor, lux, sonus &c. sunt incommensurabilia.

*Dices 4.* Si aquila in unico instanti pertransiret partem, tunc esset in loco adæquato & simul in pluribus locis: Hoc non potest dici; ergo. prob. M. in quocumque corpore sit, erit simul ex parte dextra, & ex parte sinistra; ergo.

*Resp. trans. M. neg. m.* Sicut enim indivisibilitas non est distinctivum inter corpus & spiritum, ita neque existentia in pluribus locis extrinsecis est distinctivum inter corpus & spiritum.

*Obj. 7. contra eandem.* Si darentur puncta inflata, tunc essent spiritualia: Hoc est absurdum; ergo. prob. M. mutarent quantitatem sicut spiritus; ergo.

2. Sequeretur, quod gigas posset constare unico puncto: Hoc est falsum; ergo. prob. M. si potest contrahi quodlibet corpus ad minorem quantitatem, non repugnat, quin contrahatur ad punctum; ergo.

*Resp. ad 1. neg. M. ad prob. c. ant. neg. conf.* Quia mutare quantitatem non est proprietas spiritus, nec distinctivum à corpore; sed mutare quantitatem juxta arbitrium mentis.

Ad 2. c. M. neg. m. Quia si Corpus Christi potest latere sub particula, cur gigas non posset contrahi in punctum? quinimò de facto integra arbor latet in grano, quo casu nihil aliud fit, nisi ut eadem substantia habeat minorem quantitatem.

## Q U Æ S T I O V.

*An sit possibile infinitum syncategorematicum, categorematicum, & creatura perfectissima?*

**I**nfinium vocatur, cuius secundum quantitatem accipientibus, semper aliquid est extra accipere. Id est, in quo sumpta quacunque collectione potest adhuc poni major collectio.

*Infinium dividitur* in infinitum simpliciter, & le-cundum quid.

*Infinium simpliciter* vocatur, quod in tota linea entis, & in omni genere est infinitum, ut Deus, qui habet omnes perfectiones, & infinites perfectiores quam creatura.

*Infinium secundum quid* vocatur, quod tantum in una linea entis est infinitum, v. g. si aliquid esset infinite magnum, sed non infinite sapiens, vel si aliquid esset infinite sapiens, sed non infinite potens.

*Dividitur ulterius* in infinitum quoad extensionem, intensiorem, & multitudinem.

*Infinium extensivè est*, quod habet magnitudinem infinitam, ut si mundus non haberet terminos.



- 7 *Infinitum intensivè est*, quod habet intensiorem infinitam. si calor esset infinites intensus.
- 8 *Et quoad multitudinem infinitum est*, quod habet numerum infinitum, ut si darentur infiniti homines.
- 9 Dividitur 3. in infinitum *Categorematicum* & *Syncategorematicum*. Illud est, cujus omnes partes actu existunt. Hoc verò, cujus omnes partes tantum existunt successivè, ut prius dictum est.
- 10 Solent circa infinitum admitti sequentia axiomata tanquam evidenter nota.
1. Finitum additum finito non facit infinitum.
  2. Infinitum non potest esse utrinque terminatum & clausum terminis.
  3. Detrahendo finitum ab infinito, remanet infinitum.
  4. Nullum infinitum potest esse majus altero.
  5. Implicat numerus finitus maximus.
- Ratio horum omnium petitur ex definitione infiniti, quia semper in infinito licet aliquid extra accipere, ita, ut exauriri non possit.
- 11 *Dico 1. Possibile est infinitum syncategorematicum.* Prob. Concl. Datur infinita series successiva cognitionum & volitionum in Angelis; ergo datur infinitum syncategorematicum, ant. prob. Angeli existunt per omnem æternitatem; ergo.
- 12 Prob. 2. Datur Omnipotentia Divina; ergo & infinitum syncategorematicum, prob. Concl. si datur Omnipotentia tunc sunt infiniti effectus possibiles, qui successivè poterunt produci: Sed si hoc &c. ergo.
- 13 Prob. Concl. 3. Concilium Constantiense damnavit propositionem Wicleffi, quæ dixit: *Deum non posse creare animas ultra certum numerum*; ergo dantur successivè infiniti effectus possibiles.
- 14 *Dico 4. Infinitum categorematicum repugnat.* Prob. Concl. Repugnat infinitum, quod detracta parte adhuc remanet infinitum, sed tale foret infinitum categorematicum; ergo. *m. patet*, quia si detracta parte non remaneret infinitum, eo ipso infinitum posset exauriri, quod est contradefinitionem infiniti. *M. prob.* si possibile foret tale infinitum, tunc pars foret æqualis toti: Hoc implicat, ergo. *M. prob.* detracta parte etiam ipsum infinitum reliquum foret pars respectivè ad totum ante detractiorem partis: Sed huic foret æqualis; ergo. *m. prob.* adhuc foret infinitum; ergo.
- 15 Prob. Concl. 2. Si daretur infinitum categorematicum, tunc etiam daretur numerus finitus maximus: Hoc est impossibile; ergo. *M. prob.* tot darentur numeri, quot darentur individua: Sed individua constituerent numerum maximum finitum; ergo. *m. prob.* daretur aliquando numerus ultimus; ergo.
- 16 Prob. Concl. 3. Si daretur infinitum categorematicum, tunc aliquando Deus exauriret suam Omnipotentiam, nec ultra illam collectionem posset aliquid aliud producere: Hoc est absurdum; ergo.
- 17 Prob. Concl. 4. Si daretur infinitum categorematicum v.g. hominum, tunc daretur unum infinitum majus altero: Sed hoc &c. ergo. *M. prob.* in infinito hominum daretur etiam infinitum oculorum, capillorum, & hoc foret majus infinito hominum.
- 18 *Dico 3. Repugnat creatura perfectissima aut imperfectissima.* Per creaturam perfectissimam intelligo illam, qua nulla alia possibilis est perfectior. Per crea-

turam imperfectissimam intelligo illam, qua nulla alia possibilis imperfectior.

Prob. Concl. 1. Si daretur creatura perfectissima, tunc involveret numerum finitum maximum in perfectionibus: Hoc implicat; ergo. *m. patet*, quia cuilibet numero finito potest addi alius numerus. prob. *M.* talis creatura haberet perfectiones adhuc finitas; ergo. ant. prob. quia non datur infinitum categorematicum.

Prob. Concl. 2. Si talis creatura posset fieri perfectior, tunc non esset perfectissima: Sed; ergo. prob. *m.* talis creatura posset adhuc acquirere majorem independentiam potentiam &c. ergo. prob. ant. talis creatura non foret omnipotens, nec foret absolute independens saltem à Deo; ergo posset acquirere majorem &c.

Prob. Concl. 3. Si daretur creatura perfectissima, tunc daretur infinitum categorematicum: Hoc repugnat; ergo. prob. *m.* Abalietas est radix limitationis adeoque restrictio infiniti in omni genere ac linea entis: Sed in tali creatura daretur Abalietas; *m. patet*, quia esset à Deo.

Prob. Concl. 4. Si daretur creatura perfectissima, tunc aliquando exauriretur Omnipotentia Divina, ejusque infinita communicabilitas ac participabilitas: Hoc implicat; ergo. *m. patet*, quia Deus est infinitus, & infinite etiam communicabilis. *M. prob.* Deus ultra illam creaturam perfectissimam non posset producere aliam perfectionem; ergo. Eodem modo etiam probatur proportionaliter, quod repugnet creatura imperfectissima, quia cuivis enti potest addi nova connexio ad plura mala.

*Dico 4. Repugnat ulla res seu permanens seu successiva æterna a parte ante.*

Prob. Concl. Si daretur aliquid æternum, tunc eo ipso darentur etiam infinita instantia, infinitæ horæ, dies, & anni: Hoc implicat; ergo. *m. patet*, quia daretur infinitum categorematicum, quod ex secunda Conclusionem repugnat. *M. prob.* si daretur res æterna, tunc fuisset producta à Deo & haberet Principium: Sed si hoc, tunc darentur infinita instantia, horæ, & dies &c. ergo. *M. prob.* si illa res haberet initium, tunc eo ipso tota series horarum aut dierum posset numerari & sumi collective: Sed si hoc, tunc darentur dies infiniti; ergo.

Prob. Concl. 2. Si daretur res æterna, tunc foret possibilis alia res ante æternitatem: Hoc implicat in terminis; ergo. *M. prob.* si daretur res æterna, tunc esset possibilis alia res ante illam rem; ergo etiam esset possibilis alia res ante illam æternitatem. conf. patet, quia res æterna & ipsa æternitas æquali passu ambulant, & quod potest esse prius ad unum, potest etiam esse prius ad alterum. ant. prob. Non potest concipi ulla res, quin possit concipi alia res ante illam rem; ergo.

Prob. Concl. 3. Si daretur res æterna, tunc Deus non potuisset ante illam rem creare aliam rem: Hoc est &c. ergo.

Prob. Concl. 4. Si daretur res æterna, tunc illa non esset ex nihilo: Hoc implicat; ergo. prob. *M.* si daretur res æterna, tunc non præcessisset nihilum ad rem æternam; ergo.

Prob.



Prob. Concl. 5. SS. Patres sapius ex eo, quod aliquid sit æternum, inferunt; ergo est Deus; ergo hæc argumentatio est bona. Atqui non esset bona, si daretur possibiliter alia res æterna; ergo.

## Solvuntur Objectiones.

Obj. 1. contra 1. Conclusionem.

Si daretur infinitum syncategorematicum tunc omnis multitudo finita successiva posset numerari: Hoc non potest dici; ergo. M. patet, quia quidquid finitum est, potest numerari. m. prob. si omnis multitudo finita posset numerari, tunc addendo ad omnem multitudinem finitam vel unicam unitatem fieret infinitum: Hoc implicat in terminis; ergo. M. prob. addendo ad totam multitudinem finitam non fieret finitum; ergo infinitum, prob. ant. jam ponitur in hypothesi, quod ante additionem jam fuerit sumpta tota multitudo finita.

2. In infinito syncategorematico dantur eadem difficultates, quæ dantur in infinito categorematico; ergo. prob. ant. etiam in infinito syncategorematico hominum possibilium infinitum capillorum aut oculorum possibilium erit majus, quam infinitum hominum possibilium; ergo.

3. Etiam in infinito syncategorematico possibile est aliquid infinito addere; ergo si ob hanc rationem oppugnat infinitum categorematicum, etiam repugnabit syncategorematico. prob. ant. in infinito v. g. hominum potest addi infinitum v. g. lapidum aut stellarum; ergo.

Resp. ad 1. dist. M. Tunc omnis multitudo finita distributive sumpta posset numerari, c. collective sumpta, neg. M. & suppositum, quod tota multitudo finita aliquando possit sumi collective, implicat enim aliquando deveniri in infinito ad ultimam collectionem finitam, cum semper sit aliquid extra accipere.

Ad 2. neg. ant. ad prob. neg. suppositum ant. quod omnes capilli & homines possibiles possint aliquam desumi collective aut numerari, si autem numerari non possunt, tunc nunquam potero dicere, an dentur plures capilli, quam homines: & si nunquam potero sumere totam collectionem capillorum, aut hominum, nunquam etiam potero dicere, an hoc totum sit majus altero, eo quod nullum detur totum.

Contrarium contingeret in infinito categorematico, quod simul actu existeret, haberet suos terminos, initium & finem, adeoque deberet posse numerari & sumi collective.

Ad 3. neg. ant. ad prob. neg. suppositum ant. quod infinitum hominum possit aliquando sumi collective. In hoc enim casu quando comparentur inter se duo infinita v. g. hominum & lapidum eo ipso comparatur totum infinitum hominum ad totum infinitum lapidum & hoc ipsum nego esse possibile, quod possit sumi totum infinitum seu collective.

Dices: Infinitum syncategorematicum potest sumi collective; ergo. prob. ant. si est verè aliquod totum, tunc potest sumi collective. Sed; ergo. m. prob. si habet partes, tunc est verè totum, sed; ergo. M. patet, quia totum nihil aliud est quam omnes partes. m. prob. partes infiniti syncategorematici sunt omnia entia possibilia; ergo.

Resp. neg. ant. ad prob. dist. M. Si est aliquod totum instantaneum, c. sitantum est totum successivum, neg. M. in toto enim successivo nunquam possunt omnes partes sumi, adeoque nec totum.

Obj. 2. contra 1. Si daretur infinitum syncategorematicum, tunc daretur totum, quod essentialiter diceret exclusionem alicujus partis, hoc implicat in terminis; ergo. m. patet, quia totum nihil aliud est, quam omnes partes, M. prob. infinitum syncategorematicum semper posset adhuc habere etiam partem extra; ergo.

2. In infinito syncategorematico hominum aliquis homo necessario esset Chymera: Hoc implicat; ergo. M. prob. in hoc infinito aliquis homo necessario non existeret, sed id quod necessario non existit est Chymera, ergo. M. prob. non possunt in hoc infinito omnes homines existere; ergo aliquis necessario non existeret.

3. Si daretur finitum syncategorematicum etiam in perfectionibus vel imperfectionibus, tunc vera esset hæc propositio, omnis creatura possibilis potest adhuc superari in perfectione ab alia creatura: At hoc implicat; ergo.

Resp. ad 1. dist. Totum diceret exclusionem alicujus partis indeterminatæ, trans. determinatæ, neg. vel sic dist. Totum successivum diceret talem exclusionem, trans.: totum instantaneum, neg. Vel etiam potest negari suppositum, quod infinitum syncategorematicum possit unquam sumi totaliter, collective, seu per modum totius, quia implicat omnes illius partes esse actuatæ.

Resp. ad 2. neg. M. ad prob. d. M. Aliquis homo indeterminatus, necessario non existeret, c. determinatus, neg. vel sic: Aliquis homo necessario non existeret necessitate extrinseca, c. intrinseca, neg. Chymera vocatur id, quod vi suæ essentialitæ repugnat existere ut vulpanser, tale ens non foret homo, etiam si ob infinitam potentiam aliquis homo indeterminatus non possit produci.

Ad 3. neg. suppos. M. Quod creaturæ possibiles possint sumi collective; si autem sumatur omnis creatura possibilis distributive, tunc vero erit major, quia omnis creatura determinatè sumpta potest superari ab alia in perfectione.

Obj. 3. contra 2. Actu datur infinitum categorematicum in mente Dei, & de hoc verificantur omnes contradictiones, quæ pugnant contra alia infinita, ergo. prob. ant. in mente Dei dantur v. g. infiniti homines, infiniti oculi, infiniti capilli & verum est dicere, quod infinitum capillorum sit majus infinito hominum, verum etiam est dicere: quod subtrahendo quamcunque collectionem finitam adhuc in mente Dei remaneat infinitum hominum aut capillorum possibilium; ergo verificantur eadem contradictiones.

2. Si daretur infinitum hominum & capillorum, tunc infinitum capillorum formaliter & in ratione infiniti non esset majus infinito hominum etiam formaliter sumpto in ratione infiniti; ergo illa ratio nihil probat. ant. prob. infinitum hominum etiam nec posset pertransiri, nec posset numerari, nec comparari cum infinito capillorum; ergo ad summum esset infinitum capillorum materialiter majus quam infinitum hominum.

3. Majus



3. Majus & minus, æquale & inæquale, non habent locum in quantitate infinita; ergo non potest dici, quod unum infinitum foret majus altero, ant. prob. majus & minus, æquale & inæquale tantum sunt proprietates entis finiti; ergo. prob. ant. major & minus tantum dicunt relationem ad aliquam communem mensuram duorum, quorum quodlibet exhaustitur per mensuram illam; ergo.

35 *Resp.* ad 1. neg. ant. Contrarium patebit ex sequentibus.

Ad 2. neg. iterum ant. Si enim unum infinitum excedit alterum in individuis ac materialiter, eo ipso etiam excedit in ratione infiniti ac formaliter, quia individua infiniti & ipsum infinitum formaliter sumptum re ipsa non distinguuntur.

Ad 3. c. ant. neg. conf. eo ipso enim, quod majus & minus non habeant locum in infinito probatur repugnare infinito, cui essentialiter convenirent proprietates repugnantes infinito, clarum autem est in infinito categorematico majus & minus &c. debere dari si datur tale infinitum.

36 *Obj.* 4. contra 2. In infinito syncategorematico unum infinitum est majus altero; ergo id etiam non repugnat in infinito categorematico. prob. ant. in infinito syncategorematico plures dantur horæ, quam dies, capilli, quam homines; ergo.

2. Infinita distantia inter Deum & creaturam est major in una creatura quam in altera; ergo etiam unum infinitum potest esse majus altero. prob. ant. musca, aut lapis habent majorem distantiam à Deo, quam Angelus & homo; ergo.

3. Potest homo quoad suam essentiam excedere infinitas alias creaturas possibiles; ergo etiam potest unum infinitum excedere aliud infinitum. ant. prob. homo est perfectior quam infinitæ species animalium, lapidum, metallorum possibilem &c.

4. Potest dari infinitum clausum terminis; ergo etiam infinitum categorematicum non repugnat esse clausum. prob. ant. inter lapidem & leonem datur infinitum intermedium specierum possibilem quoad perfectionem, sed tale infinitum foret clausum terminis; ergo. m. prob. in hoc infinito unus terminus foret leo tanquam ens in hoc infinito perfectissimum, alter terminus foret lapis in hoc infinito ens imperfectissimum; ergo.

37 *Resp.* ad 1. neg. ant. ad prob. neg. suppos. Quod horæ aut dies, capilli aut homines aliquando possint numerari & sumi collectivè, adeoque non poterit dici, utrum sint plures vel non, etiamsi in quacunque collectione finita plures sint capilli quam homines; & si posset sumi infinitum collectivè, tunc ultro concederem: in hoc infinito dari plures capilli quam homines.

Ad 2. dist. ant. Hæc distantia est major in musca quam in homine magnitudine perfectionis aut imperfectionis in lapide reperibilis, c. magnitudine distantia, neg. Nos enim distantiam vocamus magnam & magnitudine termini qui distat à Deo; hinc homo minus distat, quia plus habet perfectionis quam lapis, interim tamen non potest dici, quod homo magis propinquet Deo, mensurando perfectiones divinas, quam lapis.

Ad 3. dist. ant. Homo excedit alias creaturas infinitas possibilem excessu intrinseco, c. excessu comparativo, neg. vel sic excedit infinitas alias distributivè sumptas, c. collectivè sumptas, neg. ant. & suppos. quod pos-

sint sumi collectivè; nos enim, quando dicimus, hominem esse perfectiorem quam infinita alia entia non numeramus illa infinita, sed sumimus illa syncategorematicè per collectiones finitas in infinitum, seu potius indefinitum.

Ad 4. neg. ant. ad prob. c. M. d. m. Sed hoc est infinitum syncategorematicum; c. categorematicum, neg. nunquam enim verum erit dicere, quod species inter leonem & lapidem mediæ actu existant & claudantur terminis. Sed nec in ipso statu suo possibilitatis claudantur terminis, quia nec possibiliter sumi possunt collectivè.

*Obj.* contra 2. Intellectus & voluntas terminantur ad objecta infinita, ergo datur infinitum vel eo parte termini vel ex parte intellectus. ant. prob. objectum voluntatis sunt bona infinita, & objectum intellectus est omne verum; ergo.

2. Si datur infinitum syncategorematicum, tunc datur infinitum in potentia; ergo etiam datur infinitum actu seu categorematicum. prob. conf. omnis potentia debet posse redigi in actum; ergo.

3. Gratia Christi fuit infinita sive extensive sive intensivè; ergo. prob. ant. Gratia Christi se potest extendere ad infinitos homines; ergo est infinita.

*Resp.* ad 1. d. ant. Intellectus &c. distributivè sumpta, c. collectivè sumpta, neg. quinimò intellectus & voluntas proprie tantum respicit unum objectum, nempe verum & bonum.

Ad 2. d. ant. Datur infinitum in potentia similitate potentia, c. potentia simultatis, neg. possibile quidem est produci effectus distributivè infinitos, nunquam tamen illi possunt produci simul in eodem tempore.

Ad 3. d. ant. Gratia Christi fuit infinita moraliter, c. entitativè ac physicè, neg. Gratia Christi moraliter apud Deum tanti fuit pretii ut Deus illam acceptaverit pro infinita multitudine hominum si daretur, sed entitativè tantum fuit ens finitum, quo potuisset dari aliquid perfectius.

*Obj.* 6. contra 2. Potentia Dei est infinita; ergo etiam est possibilis effectus infinitus. prob. conf. cuius potentia debet correspondere effectus proportionatus; ergo.

2. Deus potest nunc simul producere, quidquid potest simul producere: Sed Deus potest nunc simul producere quancunque hominem possibilem; ergo potest producere simul omnem hominem possibilem.

3. Producat Deus nunc potentia, quot nunc potest producere, jam vel erunt illa finita vel infinita: si infinita, habetur intentum, si finita; tunc falsum est Deum produxisse tot entia quot potuit producere, quia ultra illa finita potuit adhuc producere alia.

*Resp.* ad 1. c. M. d. conf. ergo debent correspondere infiniti effectus syncategorematicè tales, c. categorematicè, neg. Potentia enim Dei æquè respicit effectus syncategorematicè possibiles, ac respicit effectus actu existentes. Dein potest negari, quod infinitum categorematicum sit effectus proportionatus Omnipotentia Dei, quia est chymera, & exhaustit Omnipotentiam, adeoque destruit Omnipotentiam.

Ad 2. dist. M. Deus potest simul producere, quidquid potest simul producere etiam similitate effectus, c. similitate potentia, neg. Deus potest produ-



cere infinitos homines, & simul in eodem instanti habet potentiam ad quemcunque hominem distributivè sumptum, sed non habet potentiam ad producendum quemcunque hominem simul ac collectivè sumptum.

Ad 3. neg. suppos. quòd Deus unquam tot entia possit producere, quot absolutè potest producere, quia datur aliquis terminus indefinitus, tamen à sola voluntate Dei determinabilis, quam simultate temporis potest producere, alioquin sequeretur, quòd Deus possit etiam producere numerum finitum maximum, sumat enim Deus tot numeros, quod potest sumere. Si hic numerus est finitus, tunc eo ipso per additionem poterit fieri major, & falsum erit Deum sumplisse tot numeros, quot potuit sumere.

42 *Obj.* 7. contra eandem. Infiniti effectus possibiles actu habent producibilitatem; ergo etiam omnes actu possunt produci. prob. conf. non repugnat quemlibet effectum reduci in actum.

2. Ubicunque Deus est, ibi potest aliquid operari; ergo eo ipso possibile est infinitum. prob. conf. Deus est in locis infinitis, quia est immensus; ergo si ubique operatur, ubi est, prodibit effectus infinitus.

3. Si Deus esset causa necessaria, tunc simul actu produceret, quidquid absolutè posset producere; ergo idem potest stante quòd sit causa libera. prob. conf. libertas non tollit à Deo perfectionem, sed auget perfectionem.

43 *Resp.* ad 1. dist. ant. Datur producibilitas ex parte objecti, c. ex parte potentiae, neg. Potentia enim non tantum respicit quemlibet effectum distributivè sumptum, sed collectiones finitas in infinitum.

Ad 2. dist. ant. Deus potest aliquid operari, ubi est, per ubicationem creatam, c. per immensitatem suam, neg. ratio est, quia immensitas divina non dicit magnitudinem infinitam, sed virtutem ad quamcunque magnitudinem finitam in infinitum, & ideo falsum est, quòd Deus sit in locis infinitis, est enim in se ipso, & in mundo, & nullibi alibi.

Ad 3. neg. suppos. ant. quòd tunc Deus esset infinitae potentiae, si enim omnia produceret, quae potest producere, nihil ulterius relinqueretur producendum, adeoque jam exhausta esset potentia, & sic non esset Deus.

44 *Obj.* 8. contra eandem. Deus idem potest, quod possent infiniti ignes, si darentur: Sed tales infiniti ignes possent producere infinitos ignes; ergo & Deus.

2. Actum dantur infinitae privationes formarum; ergo etiam possunt dari infinitae formae, ant. patet. In ligno, ubi datur privatio auri, lapidis &c.

3. Nulla collectio finita entium possibilem est impossibilis cum alia collectione; ergo non repugnat simul produci omnes collectiones finitas entium possibilem.

4. Haec argumentatio est bona, quâ dico: Petrus est risibilis, Paulus est risibilis &c. ergo omnes homines &c. ergo etiam haec argumentatio est bona, quâ dico: Petrus potest actu produci, Paulus potest actu produci; ergo omnes homines possibiles possunt actu produci.

45 *Resp.* ad 1. trans. M. m. & totum, & nego suppos. quòd ex aliquo conditionato impossibili sequatur aliqua conclusio absoluta. si enim daretur infinitum categorematicum, utique posset producere aliud infinitum, quia ex uno absurdo sequeretur alterum;

R. D. Euseb. Amori Philosophia.

sed cum tale non detur, etiam Deus de facto non potest producere infinitum, quia non potest id, quod posset aliqua chymera.

Ad 2. neg. ant. Si strictè sumantur privationes; si verò per privationem nihil aliud intelligatur, quam negatio formae, verum quidem erit dari negationes infinitas, sed non omnes negationes collectivè sumptae possunt actu tolli per positionem formae ob infinitam perfectionem potentiae productivae.

Ad 3. dist. ant. Nulla collectio est impossibilis cum altera, ratione sui, c. ratione potentiae productivae, neg.

Ad 4. c. ant. neg. conf. disparitas est, quia in posteriori casu fit transitus à sensu distributivo ad collectivum, quod in priori argumentatione non fit; sicut ergo mala est argumentatio: possum tollere unam libram, & secundam & tertiam; ergo possum tollere omnes libras etiam si mille: simili modo in nostro casu Deus potest producere Petrum, Paulum &c. sed non omnes simul.

*Obj.* 9. contra 3. Deus est causa infinite perfectae; 46 ergo etiam potest producere effectum infinite perfectum. prob. conf. Deus non est minus potens, quam causae secundae, quae producunt sibi simile in perfectione; ergo.

2. Deus potest creare creaturam perfectissimam, quam potest creare; ergo potest creare creaturam infinite perfectam. prob. conf. si illa creatura, quam Deus absolutè potest creare, foret finita, tunc falsum est, quòd sit absolutè perfectissima inter eas, quas potest creare.

3. Implicat omnes creaturas esse excedentes, & excessas in perfectione; ergo datur creatura, quae aliquando non exceditur ab alia creatura.

*Resp.* ad 1. c. ant. neg. conf. ad prob. dist. ant. Non 47 est minus potens, si haec potentia dicat perfectionem, c. si imperfectionem, neg. productio animalis, cujus alterius sibi similis dicit aliquam exigentiam ac indigentiam alterius; provenit etiam à defectu conservationis, vi cujus nulla res existit per se ipsam, sed indiget, ut sui speciem in individuo deficientem conservet per aliud individuum; supponit etiam haec productio, quòd res produciens non sit sui ipsius finis, sed ordinetur ad aliud. Denique longè perfectius est, neminem habere similem in perfectione. Potest etiam dici, quòd potentia Dei tantum se extendat ad possibilia, non verò ad chimeras, quale esset alter Deus.

Ad 2. neg. ant. & suppos. quòd inter creaturas possibiles etiam à Deo possit institui comparatio, si sumantur collectivè, adeoque Deus nunquam poterit dicere, hanc vel illam creaturam inter omnes possibiles esse perfectissimam.

Ad 3. dist. ant. Non possunt omnes creaturae collectivè sumptae esse excedentes & excessae, c. distributivè sumptae, neg. ant. & suppos. quòd aliquando possint sumi collectivè.

*Obj.* 10. contra eandem. Si non esset possibilis 48 creatura perfectissima, tunc Deus non posset facere absolutè optimum: Hoc est falsum; ergo.

2. In omnibus creaturis reperitur summa cum Deo propinquitas; ergo datur aliquando creatura, quae non potest dari alia propinquior Deo. ant. prob. si non daretur summa propinquitas in omnibus creaturis possibilibus, tunc daretur aliqua creatura possibilis, quae nondum fuisset numerata inter omnes possibiles: Hoc est contra hypothesein; ergo.



Saltem ex hypothesi quòd Deus posset collectivè sumere omnia possibilia, possibilis est creatura perfectissima; ergo simpliciter id non est negandum, quia ignoramus, quid Deus possit aut non possit de potentia absoluta.

- 49 *Resp.* ad 1. dist. M. Deus non posset facere optimum materialiter, c. formaliter, neg. M. commune est axioma tam apud Patres, quàm Physicos, quòd Deus & natura semper faciant optimum, id verò tantùm est intelligendum de *optimo formaliter* tali. Optimum formaliter dicitur, quòd est conforme intentioni, & ideis ac causæ exemplari sui authoris, & quidem in ordine ad fines secundùm leges summæ Sapientiæ respectivè optimos; sic pictor pingens diabolum juxta leges artis facit optimum absolute, licet entitativè ac materialiter possit facere objectum nobilius, simili modo Deus produciens muscam in mundo entitativè ac materialiter non facit optimum, cum utique leo sit quid melius muscâ, formaliter tamen musca est quid optimum bonitate finis, & imitationis ad ideas divinas.

Ad 2. dist. ant. Datur summa propinquitas ad Deum in omnibus creaturis collectivè sumptis, c. distributivè sumptis, neg. & suppos. quòd aliquando possint sumi collectivè. Deus enim intuendo infinitam multitudinem creaturarum possibilitum non potest dicere, quænam sit sibi propinquissima, quia nec ipse reperit finem in creaturis possibilibus.

Ad 3. trans. ant. neg. c. quia ex aliquo conditionato nihil absolute sequitur, nisi purificetur conditio, hæc autem secundùm mensuram nostræ rationis non purificatur in Deo, & ideo præsumendum est, eam absolute non purificari, licet fortè nos fallat mensura nostræ rationis.

- 50 *Obj.* 11. contra eandem. Actu datur creatura perfectissima; ergo eadem est possibilis. prob. ant. unio hypostatica inter humanitatem Christi & Verbum Divinum. item Maternitas Beatissimæ Virginis est aliquid absolute perfectissimum, quia est absolute impossibile, ut detur aliquid perfectius hac relatione ad Deum. Omnis enim alia relatio, quàm potest habere creatura non dignificat creaturam ultra elevationem finitam.

2. In ratione visionis nulla potest esse perfectior quàm visio Dei: Sed hæc datur; ergo.

3. Gratia habitualis est participatio naturæ divinæ: Sed nihil potest dari perfectius ista participatione; ergo.

- 51 *Resp.* ad 1. neg. ant. ad prob. dist. Unio hypostatica & Maternitas Beatissimæ Virginis sunt aliquid perfectissimum ex parte unius termini, c. ex parte alterius, neg. ant. vel unio hypostatica &c. sunt aliquid perfectissimum terminativè, trans. entitativè, neg. ant. vel sic: Formaliter, trans. materialiter, neg. ant. Dico enim, si Deus voluisset assumere naturam angelicam, unionem hypostaticam simpliciter futuram fuisse perfectiorem, quia donominatio relationis desumitur à perfectione non tantùm unius sed utriusque termini. Potest etiam dici: quòd illa ipsa relatio, quam habuit humanitas Christi ad Verbum Divinum, aut Dei Genitrix ad Filium quoad entitatem non fuerit perfectissima, quia potuisset produci alia unio, aut relatio majoris perfectionis.

Ad 2. dist. M. Visio Dei est perfectissima terminativè, trans. subjectivè ac entitativè, neg. M. vel sic: Secundùm id, quòd dicit increatum, c. secundùm id, quòd dicit creatum, neg. M. Visio enim Dei,

supposita, quòd sit aliquid creatum potest intendi in infinitum. Hinc Beatissima Virgo habet perfectionem Visionem, quàm alius homo & possibilis etiam esset perfectior Visio Dei, quàm illa, quam de facto habet Beatissima Virgo, cum utique Deus non potuerit Beatissimæ Virgini concedere visionem perfectissimam, eò quòd Deus non possit pertingere in infinitum visionum possibilitum.

Ad 3. dist. M. Est participatio Naturæ Divinæ terminativè, causaliter, aut effectivè, trans. formaliter, neg. M. nempe gratia sanctificans nihil aliud est quàm accidens, quòd nos facit dignos fruitione Dei ac participatione fructiva Naturæ Divinæ, interim potest dari gratia entitativè major ac perfectior, prout de facto fuit major in Beatissima Virgine quàm in alio homine.

*Dices:* Saltem possibilis est species perfectissima; ergo. prob. ant. visio Dei v. g. in specie visionum est perfectissima; ergo.

*Resp.* dist. ant. Species generica & subalterna est possibilis perfectissima, trans. infima, neg. Dico enim quòd etiam in ipsa visione beatifica denitur infinitæ species infimæ, quarum quælibet est perfectior altera.

*Obj.* 12. contra 4. Motus nunquam incepit, nec potest incipere; ergo necessariò mundus est ab æterno, prob. ant. si motus inciperet, tunc mobile, quòd non movetur, acquireret motum ab eo, quòd non habet motum: Hoc non est impossibile, m. patet, quia omne movens dum movet, movetur, & omne movens movetur ab alio; ergo omnis motus præsupponit alium motum.

2. Si aliquando incepisset tempus, tunc etiam aliquando non fuisset tempus: Hoc est &c. ergo. prob. m. si tempus aliquando non fuisset, tunc in aliquo tempore non fuisset tempus: Sed hoc implicat in terminis; ergo. M. prob. illud priùs seu *τὸ aliquando* jam dicit tempus; ergo.

3. Non est assignabile tempus, quo non potuerit existere mundus; ergo potuit existere ab æterno.

*Resp.* ad 1. neg. ant. ad prob. neg. m. quia motus provenit à primo motore, qui non movetur, ut implemet ponit Aristoteles, si igitur ille primus motor habeat libertatem, poterit aliquando movere, & non movere adeoque poterit fieri ex non movente movens.

Ad 2. trans. M. neg. m. ad prob. neg. M. ad prob. dist. ant. *τὸ aliquando* dicit tempus secundùm nostrum modum concipiendi, c. secundùm modum existenti, neg. sicut extra mundum concipimus spacia imaginaria per modum entis; ita etiam ultra fines temporum concipimus negationem temporis per modum temporis, sed mens non assentitur imaginationi, & phantasmati: nec affirmat existere, quòd concipiunt ac repræsentant phantasmata ut existentia.

Ad 3. dist. ant. Non est assignabile tempus determinatum, c. indeterminatum, neg. ant. verum quidem est, quòd mundus potuerit existere ante quodvis assignabile instans, sed non potuit existere ante omne instans collectivè sumptum, quia non possunt sumi collectivè.

*Obj.* 13. contra eandem. Deus potest operari semper quando est: Sed est ab æterno; ergo etiam potest operari ab æterno.

2. Si Deus nihil potuisset producere ab æterno, tunc



tunc ex necessitate debuisset esse otiosus ab æterno, sed debuisset necessariò expectare certum tempus ad producendum mundum, sicut homines debent captare occasionem: Sed hoc &c. ergo.

3. Ratio creati & æterni non pugnant ad invicem; ergo possunt simul stare, prob. ant. in conceptu entis æterni non involvitur ratio increati, nec in conceptu entis creati excluditur ratio æterni; ergo. prob. ant. creatum adhuc dependeret à Deo & differret à Deo; ergo.

7 Resp. ad 1. neg. suppos. M. quòd *to* semper dicat aliquod tempus, quando prædicatur de Deo. Verum quidem est, quòd Deus semper fuerit, & ab æterno, sed ista vox non dicit aliquod tempus æternum, sed dicit præcisè existentiam Dei & non coexistentiam temporis creati.

Ad 2. neg. M. & suppos. quòd ante creationem temporis aliquid fuerit temporis aut durationis. Hinc vera est hæc propositio: *Deus nequidem unico instanti mundo fuit prior*, quia non fuit instans ante mundum. Æternitas Dei nihil aliud est quàm ipse Deus, & Deus non dicit tempus. Potest etiam dici, quòd mundus & tempus comparatum ad Deum coexistent Æternitate Dei, & eodem modo existant, ac si existerent ab æterno, licet mundus tantum quoad nos inceperit ante aliquot millia annorum. Deo enim perinde est, operari nunc, vel operatum esse, sed est esse tantum, & coexistere respectu Dei.

Ad 3. dist. Non pugnant inter se formaliter, c. realiter, neg. implicat creaturam esse ab æterno non ratione creaturæ, sed ratione Omnipotentia Divinæ, quæ intra se habet infinita instantia, quorum unum ex sua essentia semper est prius ad alterum. In quocunque ergo instanti producendo Deus incipiat, dabitur initium instantibus, & tamen possibile erit instans prius.

18 Obj. 14. Mundus fuit semper producibilis & ab æterno; ergo non repugnat mundum fuisse productum ab æterno, prob. c. quandocunque datur potentia potest etiam dari actus.

2. Si mundus non fuisset producibilis ab æterno, tunc ideo, quia causa deberet præcedere effectum, hæc ratio &c. ergo. m. prob. Sol est causa lucis & tamen non præcedit lucem, hinc si Sol fuisset ab æterno, etiam lux esset ab æterno, eodem modo dic. Deum se habere ad mundum, sicut Solem ad lucem.

3. Deus semper poterit agere à parte post; ergo etiam semper potuit agere à parte antè.

4. Mundus contingenter est in tempore; ergo potest esse in tempore & non in tempore seu ab æterno; ergo.

19 Resp. ad 1. dist. ant. Semper fuit producibilis in quocunque instanti determinato, c. indeterminato, neg. ant. idest, nullum est assignabile instans ante quod non potuerit produci mundus. Simili modo respondetur, quando dicitur. Deum ab æterno habuisse potentiam producendi mundum, quia respondetur eum habuisse potentiam ab æterno non pro æterno, neque pro omni instanti etiam indeterminato, ut ut habuerit potentiam producendi mundum pro quolibet instanti determinato.

Ad 2. neg. M.

Ad 3. c. ant. neg. conf. disparitas est, quia à parte post nullum sequitur absurdum nec infinitum categorematicum clausum terminis, prout sequeretur in infinito à parte antè.

R. D. Euseb. Amori Philosophia,

Ad 4. dist. ant. Mundus est contingenter in tempore, ita ut hoc contingenter appellet ad existentiam mundi; c. ita ut appellet ad modum existendi, neg. ant. Contingens est mundum existere, supposito autem quòd contingenter existat, non est contingens quòd in tempore existat.

## QUÆSTIO VI.

### Utrum detur infinitum categorematicum saltem in Mente Dei?

Certum est apud Catholicos, Deum simul & actu 1 cognoscere objecta possibile infinita, quia cognitio Dei actu est, quidquid est, nec audiendus est Poiretus hæreticus de Origine Idearum, qui dicit: Deum semper sibi de novo creare illa objecta, quæ vult cognoscere, quasi pro lusu suæ Omnipotentia, sicut homo, quando aliquid cognoscit, efformat sibi ipsi suas species de novo.

Queritur autem, an Deus illa objecta infinita ita 2 cognoscat simul, ut simultas non tantum cadat supra cognitionem, nec tantum supra existentiam objectorum in Mente Dei, quæ utique simul existunt, sed utrum illa simultas cadat supra modum se repræsentandi Menti Divinæ, sic, ut Deus omnia possibile comprehendat sub uno numero objectivo.

Dico: Non datur infinitum categorematicum in 3 Mente Dei collectivè sumptum.

Prob. Concl. Si daretur tale infinitum v. g. hominum, tunc de facili posset Deus infinito hominum addere infinitum v. g. leonum: At hoc &c. ergo. m. prob. si Deus posset infinito hominum addere infinitum leonum, tunc posset etiam infinito hominum addere aliud infinitum hominum, nempe tot homines, quot possibile sunt leones: At hoc implicat in terminis; ergo.

Prob. Concl. 2. Si daretur tale infinitum, tunc 4 pars esset æqualis toti, daretur numerus maximus, & sequerentur omnia absurda, quæ pugnant contra tale infinitum; ergo.

Prob. Concl. 3. Si Deus cognoscit collectivè omnia 5 possibile, tunc vel videt Deus, quòd ista possibile exhaustiant suam Immensitatem, vel non? si hoc videt, tunc eo ipso Deus est exhaustibilis, & possibile erit creatura proxima Deo. Si verò id non videt, tunc eo ipso Deus cognoscit infinito entium possibile addi posse aliquam perfectionem, eo quòd sua immensitas nondum sit exhausta.

Prob. Concl. 4. Si est possibile infinitum in Men- 6 te Dei collectivè, tunc etiam erit possibile infinitum extra Mentem Dei, seu realiter: Hoc non potest dici; ergo. prob. M. quidquid Deus cognoscit esse objectum suæ cognitionis est producibile à Deo, si simul cognoscitur; ergo.

### Solvuntur Objectiones.

Obj. 1. Deus cognoscit simul omnia objecta possi- 7 bilia simultate cognitionis; ergo etiam cognoscit ea simul simultate objectorum possibile seu per modum



modum collectionis, Prob. Concl. Si Deus ea cognoscit simultate cognitionis, tunc ejus cognitio est collectio omnium objectorum possibilium: Sed si hoc &c. ergo.

2. Deus ita cognoscit omnia possibilia, ut sciat extra objecta cognita nihil aliud esse possibile: Sed si hoc, tunc cognoscit illa collectivè; ergo. *m.* patet, quia si scit nihil aliud esse possibile, eo ipso distinguit collectionem possibilium à non possibilibus. *M.* patet. Hæc duæ propositiones, quibus dico: *Extra totam collectionem omnium possibilium, est adhuc aliquid possibile. Et extra collectionem omnium possibilium non est aliquid possibile.* Sunt contradictoriæ; ergo necessario Deus cognoscit unam harum esse veram: non primam; ergo secundam.

3. Omnium eorum, quæ non est aliud, potest fieri collectio: Sed objecta cognita à Deo sunt id, extra quod non est aliud cognitum; ergo. *M.* prob. de iis, extra quæ non est aliud potest formari propositio universalis; ergo.

8 *Resp.* ad 1. c. ant. neg. conf. ad prob. dist. ant. cognitio Dei est collectio omnium possibilium collectivè subjectiva, c. collectione objectiva, neg. ant. quando v. g. cognosco turbam hominum unico intuitu, tunc in mea cognitione colliguntur omnes illi homines & simul existunt simultate ac collectivè subjectiva: quia tamen cognoscendo hos homines nondum scio quot sint, nisi illos numerem, ideo potest dici, quod hos homines non cognoscam simultate ac collectivè objectiva, eo quod simulatas ac collectivè objectiva nihil aliud sit, quam numerus objectivus, aut relationes numerorum in illo objecto reperibiles. Pari modo dico Deum clarissimè ac distinctissimè cognoscere omnia objecta possibilia, & quidem in unico instanti, ita, ut simul habeant existentiam seu collectivè existent in mente Dei. Deus tamen illa objecta non potest numerare, quia sunt sine numero, sicut implicat in animali irrationali videre rationalitatem, & quod nulla detur.

Ad 2. dist. *M.* Deus scit, extra omnia possibilia distributivè accepta nihil aliud esse possibile, c. extra illa collectivè accepta, neg. *M.* Etiam si Deus non numeret sua objecta, tamen potest scire se cognoscere omnia, quia certus esse potest de perfectione suæ cognitionis, & adæquatione suæ mentis ad objecta, etiam si illa non numeret, sicut si ante oculos meos ponantur aliquot denarii, certus esse possum quod illos omnes videam, etiam si non sciam, quot sint, eo quod illos non numeraverim.

Ad 3. neg. *M.* quia non omnium extra, quæ non est aliud, potest iniri numerus, collectio autem & numerus idem sunt.

9 *Obj.* 2. Si non daretur infinitum in Mente Dei, tunc objectum cognitionis infinitæ tantum esset objectum finitum: Hoc non potest dici; ergo. *M.* prob. Deus non posset dicere se cognoscere objectum infinitum; ergo. prob. ant. Deus tantum posset dicere se cognoscere v. g. aliquam collectionem hominum

finitam, & ultra hanc collectionem aliam finitam; ergo.

2. Si Deus tantum cognosceret distributivè objecta possibilia, tunc Deus non sciret, utrum sint omnes v. g. homines, quos deberent cognoscere: Hoc &c. ergo. prob. *M.* si Dux exercitus tantum distributivè cognoscit milites non ineundo numerum illorum, nondum scit an adsint omnes milites; ergo.

3. Quando Deus producit aliquod ens v. g. hominem, tunc eligit illum ex omnibus possibilibus hominibus: Sed si hoc, tunc cognoscit collectivè omnia possibilia; ergo. prob. *m.* si Deus eligit hominem ex omnibus possibilibus, tunc eo ipso comparat illum cum omnibus possibilibus: Sed; ergo. *m.* prob. comparatio non potest institui cum omnibus nisi omnia sumat collectivè; ergo.

*Resp.* ad 1. dist. *M.* Cognitionis infinitæ esset objectum finitum quoad modum tendendi, trans. existendi, neg. Deus cognoscit collectiones finitas distributivè infinitas, & sic distributivè existunt in Mente Dei, sed modus cognoscendi divinus non refertur ad illa objecta nisi juxta capacitatem objecti, nempe modo finito. ratio est, quia illa objecta non sunt capacia alicujus numeri infiniti, & ideo in illa tendendo etiam Deus non potest cognoscere numerum infinitum.

Ad 2. neg. *M.* ad prob. c. ant. neg. conf. disparitas est, quia Deus non cognoscit objecta dependentia à numeratione, sed dependentia à sua essentia, quæ illum reddit certiore, quod objecta omnia cognoscantur etsi non numerentur, quin etiam in humanis possumus scire, nos cognoscere omnia v. g. denarios etsi non sumantur collectivè seu per numerum.

Ad 3. neg. *M.* ad prob. neg. *m.* ad prob. neg. ant. possumus enim v. g. inter denarios eligere eum qui mihi videtur melior, etiam si non sciam, cum quot denariis illum comparaverim, quem eligo. Potest comparari cum omnibus distributivè acceptis, seu cum singulis, non tamen cum omnibus collectivè sumptis.

*Obj.* 3. Etiam si objecta possibilia non possint simul existere, possunt tamen simul cognosci etiam simultate objectiva, ergo. prob. ant. etiam si 12. menses anni non possint simul existere, possunt tamen simul cognosci per modum collectionis; ergo.

2. Si non existerent collectivè in Mente Dei, tunc deesset aliqua pars ex illa collectione entium possibilium: Hoc &c. ergo. *M.* prob. quandoque in humanis non datur collectio, præcisè ideo non datur, quia deesset aliqua pars; ergo.

*Resp.* ad 1. dist. ant. possunt sumi per modum collectionis, si possit iniri numerus, c. secus, neg. ant. duodecim menses possunt numerari, non verò objecta possibilia in Mente Dei.

Ad 2. neg. *M.* ad prob. c. ant. neg. conf. disparitas est, quia omnis collectio, quæ in humanis datur, constat finito numero, aliter est de collectione in Mente Dei.



# SECTIO SECUNDA

DE

## Tempore, Loco & Motu Corporum Naturalium.

### QUÆSTIO I.

#### Quid sit Tempus?

<sup>1</sup> **T**empus formaliter distinguitur à quacunque re existente in tempore. Quando enim quærimus in quo tempore existerit v. g. Noë & diluvium, sentimus nos aliud concipere, dum concipimus v. g. ab orbe condito annum 1556. quàm concipiendo ipsum diluvium & Noënum tantum. Verum quid sit illud, quod ut sic diversum concipimus haud facile explicari potest. Hinc & S. Augustinus L. 11. Confess. c. 14. *Quid est tempus? inquit, quis hoc facile, breviterque explicaverit? quis vel cogitationeprehenderit? quid verò familiarius, & notius in loquendo commemoramus quàm tempus? & intelligimus utique, dum loquimur, & intelligimus, cum alio loquente ita audimus; quid est ergo tempus? si nemo ex me quærat, scio, si quærenti explicare velim, nescio.*

<sup>2</sup> Aristoteles definit tempus L. 4. *Physic. quod sit numerus motuum secundum prius & posterius.* Sensus est: quod tempus sit quasi quædam numeratio eorum successuum, quæ secundum motum localem reperiuntur in rebus naturalibus v. g. hoc tempus ab orbe condito nempe annus 5722, vel 1722. à N. C. est numerus tot revolutionum solarium vel aliorum corporum, secundum quas unum est prius altero, & hinc motus solaris habetur quasi mensura communis temporis quoad nos.

<sup>3</sup> *Numerus motuum* seu tempus à multis dicitur tantum existere in anima, ubi enim non est intellectus, nec datur numerus nec numeratio saltem formaliter, in horum proin sententia tempus non est extra animam, nisi fundamentaliter tantum, in quantum corpora & revolutiones corporum præbent intellectui fundamentum unum referendi ad alterum.

<sup>4</sup> Thomistæ communiter tuentur, tempus dari à parte rei, & nihil aliud esse, quàm seriem causarum & effectuum se invicem respicientium, ille respectus inherens rebus ipsis foret ipse numerus realis, ad quem respicientes dicimus aliquid existere in tempore hoc vel illo.

<sup>5</sup> Veteres Thomistæ non pauci uti & quidam RR. describunt tempus per modum alicujus spatii intra se ipsum successivi simul creati, ad cujus partes positivas aut virtuales corpora naturalia referuntur. Hoc proin tempus foret creatum ab initio mundi, & nunc ea corpora, quæ de novo produciuntur, non acquirunt novum tempus, sed respectum ad tempus prius existens secundum aliquam partem virtuales temporis.

<sup>6</sup> RR. seu Schola Societatis tempus constituunt in durationibus successivis seu instantibus continua serie instar fluminis decurrentibus & delabentibus. Hinc

in ista sententia hodiernus v. g. 28. Jan. dies constaret 24. horis, horæ constarent minutis, & minuta secundis, tertiis &c. quando igitur devenit ad minimas partes temporis vel mathematicè vel saltem physicè indivisibiles, eas instantia vocant. Docent hæc instantia consistere in entitate modali, quodlibet instans est dissimile omnibus aliis instantibus vel antecedentibus vel subsequenter, quodlibet instans dicit essentialem respectum ad instans immediate præcedens & ad instans immediate subsequens: hinc instans hodiernum non potuit existere heri, quia hoc instans hodiernum dicit essentialem respectum ad instans præcedens & subsequens.

Cæterum nec ipsis RR. conveniunt, an hæc instantia sint mathematicè indivisibilia per modum puncti Zenonici vel non.

Tempus dividitur in *Imaginarium* & *Reale* Imaginarium vocatur, quod v. g. existit ante mundum, & quilibet illud tempus concipit conformiter ad sua principia, vel per modum entitatum modalium fluentium, ut RR. vel per modum numeri realis ac connexionis causarum & effectuum, vel per modum spatii temporanei, vel per modum relationis ad mensuram extrinsecam temporis v. g. motum solis imaginarii.

Reale tempus vocatur, quod existit à parte rei 8 ut v. g. annus, dies &c.

Tempus ulterius dividitur in *Physicum* & *Metaphysicum*. *Physicum* vocatur, quod concipitur tanquam mensura communis quoad nos omnium successuum in universo, sic concipimus plura facta, aut res gestas in eodem anno vel in eodem die, motum v. g. volucrum & motum testudinis referimus ad duo vel tria v. g. instantia, & in eodem instanti physico numeramus motum testudinis per duo & motum aquilæ per mille.

Tempus metaphysicum vocatur, quod mensurat 10 successiones rerum quoad se; sic clarum est, quod aquila in eodem instanti physico conficiat v. g. mille pedes geometricos, dum interim testudo vix conficit unum. Jam si quis posset numerare omnes illas mutationes, quæ intercedunt in motu aquilæ de loco in locum, talis deberet numerare tot instantia, quot mutationes. In hoc sensu quilibet res habet sibi proprium tempus, saltem materialiter, fundamentaliter & objective.

Dividitur etiam tempus in *angelicum*, *humanum* &c. 11 Angelicum vocatur illa mensura, sub qua mensurantur successiones cognitionum, & volitionum, aut aliarum operationum angelicarum; sicut enim nos v. g. mille motus aquilæ ac mutationes quoad locum referimus ad unum instans temporis, ita etiam operationes angelicæ successivæ referuntur ad aliquam mensuram durationis, quoad



quod creditur ut plurimum differre à nostra mensura temporis; hæc mensura vocatur *Ævum Angelicum*.

- 12 Potest ad hoc ævum revocari tempus animarum separatarum existentium in Cœlo, Purgatorio aut Inferno.

- 13 Denique dividitur tempus in *Extrinssecum* & *Intrinssecum*.

*Tempus extrinssecum* vocatur illa mensura actionum & mutationum, quæ desumitur ab aliqua regula communi v. g. motu solari aut horologii, in quantum enim numeramus revolutiones Solis aut horologii, eatenus comprehendimus sub duratione unius diei actiones, aut mutationes rerum.

- 14 Tempus *intrinssecum* vocatur fluxus instantium insensibilium, quæ mensurant mutationes rerum quo ad se.

- 15 Dico 1. *Tempus non consistit in motu aut in serie causarum & effectuum.* Prob. Concl. Id quod existit in tempore & est indifferens ad quodcunque tempus, non est ipsum tempus: Sed tale est motus &c. ergo. *m.* prob. motus Solis potest existere vel in hoc anno vel in illo; ergo.

- 16 Prob. Concl. 2. Datur tempus etiam si non detur rerum successio. prob. ant. si Deus crearet aliquod corpus sine ullo motu, illud adhuc posset perseverare & durare per plura annorum millia, etiam si non existeret aliud corpus, ad cuius motum haberet respectum; ergo.

- 17 Prob. Concl. 3. Possunt dari ejusdem rei diversi motus & diversæ actiones, etiam si non dentur ejusdem rei diversa tempora; ergo. prob. ant. potest anima eodem momento discurre v. g. per syllogismum & tamen eodem momento tantum elicere unam volitionem, sed discursus syllogisticus dicit diversas actiones, & volitio tantum unicam; ergo.

- 18 Prob. Concl. 4. Potest series effectuum ac motuum, quæcunque determinabilis fieri quocunque tempore determinabili; ergo tempus non est ipsa series. prob. ant. possunt v. g. revolutiones Solis etiam mille fieri unicâ horâ; ergo.

- 19 Dices 2. *Tempus consistit in durationibus successivis modalibus realiter distinctis à subjecto.* Prob. Concl. Tempus dicit aliquid formaliter distinctum à re existente in tempore, & id quod dicit formaliter distinctum concipitur ut separabile à re; ergo realiter distinguitur, ant. ad 1. membrum, patet ad secundum probatur. Concipitur eadem res ut manens in diverso tempore; ergo tempus concipitur ut separabile à re.

- 20 Prob. Concl. 2. Si qualibet res est indifferens ad hoc, ut existat sub hac vel illa differentia temporis, tunc debet dari sublativum indifferentiæ realiter distinctum: Sed; ergo. *m.* patet, quia Petrus potuit existere ante centum vel mille annos. *M.* prob. si res est indifferens, tunc natura ordinat rem per se ad hanc potius differentiam temporis quam aliam: Sed si hoc &c. ergo. *m.* prob. nulla ordinatio naturæ datur sine causa per se formaliter determinante ad effectum; ergo.

- 21 Dico 3. *Instantia modalia non sunt mathematicè indivisibilia.* Prob. Concl. Partes continui non sunt mathematicè indivisibiles; ergo. neque partes temporis,

Prob. Concl. 2. In hac hypothese optimè explicatur omnes proprietates temporis; ergo hæc hypothese est præferenda. prob. ant. ex hac hypothese explicatur quomodo diversæ series causarum & effectuum sint commensurabilia, in quantum comprehenduntur sub eodem instanti temporis, item explicatur, quomodo diversa tempora v. g. angelicum, humanum, & animarum separatarum commensurari possent ab aliqua parte temporis, in quantum comprehenduntur sub eodem instanti divisibili, si verò instantia forent indivisibilia, tunc tempus angelicum & humanum jam per se essent æquale, cum unum minimum non sit minus altero.

Prob. Concl. 3. Si minima temporis forent indivisibilia etiam mathematicè, tunc nunquam exurgeret quantum temporis, nec etiam posset ab uno die pervenire ad alterum: Hoc est falsum; ergo. *M.* prob. si ista minima &c. tunc inter unum diem & alterum deberent intercedere infinita minima temporis: Sed si hoc &c. ergo.

Dico 4. *Æternitas non consistit in durationibus modalibus, sed in duratione unica, seu quasi præsentia infinita bonorum aut malorum.* Prob. Concl. Post hoc sæculum non erit tempus amplius, ut dicitur in Apocalypsi; ergo nec existent durationes, at his sublati nil superest nisi unicum instans seu tempus præsens, verbo præsentia aut bonorum aut malorum.

## Solvuntur Objectiones.

*Obj. 1.* contra primam Conclusionem & secundam. Tempus à parte rei omnino nihil est; ergo tantum consistit in operatione mentis numerantis teriem motuum aut affectuum, prob. ant. Aristoteles 4. Physic. dicit: *quod pars temporis aliqua jam fuerit, aliquaprimum est futura, & aliqua pars simpliciter non est, sed abijt & fuit.*

2. Nunquam potest dici, *tempus est*; ergo simpliciter nihil est. prob. ant. dum loquimur, jam præterit ipsum tempus de quo loquimur, & falsum est esse, cujus totum esse est in prætereundo.

3. Aristoteles definit tempus per numerum, sed numerus à parte rei nihil est; ergo nec tempus, *m.* prob. Aristoteles 4. Physic. dicit: *quod si nihil aptum est natura ad numerandum quam anima, & quidem ea pars (animæ) quæ vocatur intellectus, impossibile est, tempus esse, cum anima non sit.*

4. D. Thomas in 4. Physic. Lect. 13. dicit: *Tempus complementum accipere ab intellectu; ergo extra intellectum nondum completum est tempus.*

*Resp.* ad 1. neg. ant. ad prob. dist. Aliqua pars non est, sed fuit respectivè ad res permanentes, c. respectivè ad nihilum, neg. Durationes possunt comparari ad duo extrema inter se opposita, nempe ad res permanentes, & ad non entia, respectu horum aliquid sunt, respectu illorum verò simpliciter non sunt.

Ad 2. neg. ant. ad prob. dist. dum loquimur tempus jam fuit immediate post primum instans ceptæ locutionis, c. in ipso primo instanti locutionis, neg.

Ad 3. dist. ant. Aristoteles definit tempus per numerum objectivum, c. formaliter, neg. vel sic: Definit per numerum quoad nos, trans quoad



quoad se neg. Numerus objectivus est quælibet res numerabilis ab intellectu, & taliter numerabiles etiam sunt durationes. Numerus formaliter est ipsa numeratio mentis.

Ad 4. dist. S. Thomas dicit: tempus accipere complementum ab intellectu accidentale vel extrinsecum, trans. essentiale & intrinsecum, neg. cum durationes ad hoc à Deo ordinentur, ut illas numeremus, & numerando distinguamus tempora, recte dicit D. Thomas ab intellectu sumi complementum seu finem temporis, sed etiam si nec Deus, nec Angelus, nec homo numeraret duratione, hujus mundi, verè tamen daretur tempus, & semper verum esset, mundum jam durasse per tot annorum millia.

7 *Obj.* 2. contra 2. Potest dici, quod motus Solis, aut cognitiones supremi Angeli sint mensura omnium inferiorum existentium vel in mundo angelico, vel in mundo corporeo; ergo non est opus durationibus distinctis.

2. Aristoteles dicit: quod tempus tantum differat ratione à motu; ergo. prob. ant. ex 4. Physic. c. II. ubi dicit: *Prius & posterius re quidem ipsa & subiecto idem sunt, quod motus; ratione verò diversa sunt, & motus non sunt;* ergo.

8 *Resp.* ad 1. neg. ant. quia ipsi hi motus solares aut cognitiones angelicæ indifferentes sunt, utrum peragantur parvo vel majori tempore, quia revolutiones Solis etiam mille possunt absolvi spatio unius diei, aut mensis, aut anni.

Ad 2. neg. ant. ad prob. c. ant. neg. conf. tempus enim non præcisè idem dicit ac prius & posterius, sed dicit numerum eorum, quæ quoad naturam suam habent prioritatem aut posterioritatem ad invicem.

9 *Obj.* 3. contra eandem. Potest dici: quod tempus consistat in successivis operationibus animæ mundi; ergo. prob. ant. Plato definit tempus: *esse vitam animæ mundi.*

2. Plotinus Platonius L. 7. *Æneade* 3. definit tempus: *esse actum vite animæ in transitorio motu ex alia vita in aliam perpetuo procedentem;* ergo cum aliunde constet vitam mundi, & animæ consistere in successivis motibus, recte dicitur tempus consistere in illis successivis motibus.

3. Non potest reddi in alia hypothese ratio cur tempus v. g. animarum separatarum in purgatorio illis videatur tam longum, nisi consistat tempus in successione actionum & passionum; ergo.

30 *Resp.* neg. ant. ad prob. dist. ant. Tempus est vita animæ mundi materialiter, c. formaliter, neg. tempus enim realiter pro suo subiecto habet rerum mutationes. Formaliter verò metitur illas mutationes mensura omnium rerum communi.

Ad 2. Eodem modo distinguo.

Ad 3. neg. ant. Ratio cur tempus illis animabus videatur tam longum, nulla alia est, nisi quia revera est tam longum. Potest enim Deus illis animabus conjungere durationem tam longam, quæ æquivalet multis millibus durationum ac instantium nostri temporis. Interim possibile est illam ipsam durationem diversi ordinis commensurari unico instanti nostri temporis, aut si velis aliam rationem; dic tempus illud videri tam longum ob majorem numerum motuum seu mutationum, quas animæ separatæ numerant in se ipsis, sicut & ægroti numerant successionem dolorum per noctem, & ob hoc nox vide-

tur illis instar diei. In hac hypothese animæ separatae ideo crederent tempus esse tam longum, quia crederent tot mutationibus & numeris correspondere tot instantia, qualiter iis correspondere expertæ sunt in hac vita: Sed re ipsa fallerentur.

*Obj.* 4. contra eandem. Nulla est necessitas durationis distinctæ; ergo. prob. ant. potest dici, quod actus primus proximus ad existendum in his circumstantiis & coexistentia cum his vel illis entibus sit sufficiens determinativum ad hanc vel illam differentiam temporis; ergo.

2. Non potest assignari causa productiva, tot millionum entitatarum singulis momentis producendarum; ergo. prob. ant. causa productiva debet esse ejusdem speciei; cum effectu, sed nulla datur causa ejusdem speciei; ergo. prob. m. unum instans non est ejusdem speciei cum altero quinimò unum instans dicit essentialem oppositionem cum altero. similiter non potest assignari causa destructiva; ergo.

3. Si darentur talia instantia, tunc unicum instans diceret simul præteritum, præsens, & futurum: Hoc implicat; ergo. M. prob. tale instans haberet initium, medium & finem: Sed principium potest considerari per modum præteriti, respectu medii: At finis potest considerari per modum futuri; ergo.

4. Si posset dari unum instans majus altero, tunc posset dari instans tam magnum ut comprehendat aliquot annorum millia: Sed hoc &c. ergo. m. prob. si hoc potest dici, tunc melius cum antiquis Thomistis diceretur: totum tempus ab initio mundi jam fuisse creatum, ita tamen, ut comprehendat omnes annos, & rerum mutationes.

*Resp.* ad 1. neg. ant. ad prob. neg. ant. Ratio est, quia posito actu primo proximo esse adhuc est indifferens ad existendum vel in hoc, vel in illo tempore, neque enim datur essentialis connexio in natura inter actum primum proximum, & effectum: Si autem natura ordinat actum primum proximum ad hoc ut effectus existat in tempore, eo ipso debet dari ordo inter actum primum proximum & effectum; hunc realem ordinem dico esse ipsissimum determinativum seu instans temporis.

Ad 2. neg. ant. ad prob. trans. ant. neg. suppositum, quod in productione debeat assignari causa univoca, ut fuit ostensum de actibus productivis substantiæ, vis enim producendi consistit in ordine existendi, quem natura prædefinit, si igitur connaturali ordine instans posterius præsupponit prius, consequens est, ut vi ipsius ordinis instans antecedenter producat consequens.

Ad 3. dist. M. Daretur præteritum &c. in sensu metaphysico, c. physico, neg. sicut dictum est de partibus continui, quod sint mathematicè divisibiles in infinitum, ita contingit circa instantia temporis, ex eo tamen, quod nos per intellectum minima continui aut temporis dividamus in infinitum, plus non sequitur, quàm quod natura potuerit ita dividere; licet actu non voluerit.

Ad 4. trans. M. neg. m. ad prob. neg. ant. Ratio est, quia talis duratio simplex ac indivisa non sufficienter est conformis dictamini rationis, ac sensui communi, vi cuius unum tempus concipitur abire, alterum advenire; nec etiam potest explicari, quo-



quomodo illa duratio in se indivisa transeat de sub-  
jecto in subjectum, & cum una sit in effectibus, ta-  
men determinationibus tam multiplex sit.

- 33 *Obj. 5.* contra 4. Si æternitas diceret præsentiam bonorum aut malorum, tunc non daretur infinitum syncategorematicum à parte post: Hoc est falsum; ergo. M. prob. ubi datur præsentia, non datur successio & mutatio; ergo.

2. Si æternitas esset præsentia bonorum aut malorum, tunc actu daretur infinitum bonorum aut malorum: Hoc est falsum; ergo. m. patet, quia non datur infinitum categorematicum, M. prob. per totam æternitatem successivè nobis obvenient infinita bona aut mala; ergo si omnia essent præsentia actu, infinita essent præsentia.

- 34 *Resp. ad I. dist. M.* Non daretur infinitum syncategorematicum quoad successionem temporis, c. quoad successionem partium, aut objectorum, neg. quando v. g. nos simul ex altathuri consideramus desuper pertranseuntes in via, videmus unum esse priorem, alterum posteriorem, pari modo contingit in æternitate, ubi quidem objecta quoad naturam suam habebunt prioritatem ad invicem, sed hæc omnia mensurabuntur ab unico instanti mensurante collectiones finitas in infinitum; sicut enim cognitio Dei non sumit omnia collectivè, ita etiam instans illud non respicit omnia objecta collectivè.

Ad 2. neg. M. quia infinitum categorematicum dicitur simul existentia non tantum simultate temporis, sed & naturæ in illa æternitate transibunt operationes, sed anima omnes intuebitur ut *Nunc* existentes, nunquam ut præteritas, nunquam ut futuras, sicut nunc ictum oculi, aut motum brachii consideramus sub unico *Nunc*.

## QUÆSTIO II.

### Quid sit Locus?

- 1 *L*ocus ex acceptione communi dicitur situs, & relatio quoad situm ad alia corpora. Sic si quæram: ubi sit Petrus? respondetur, quod sit v. g. in cubiculo respectivè ad alias partes domus. Si quæram: ubi sit domus Petri? respondetur, v. g. in hac vel illa platea respectivè ad alias plateas civitatis: Si quæram: ubi sit illa civitas? v. g. Monachium? respondetur, quod in Bavaria. Interroganti de Bavaria ubi sit? respondetur in Germania, & sic ulterius procedendo quodcumque inquiri locum aliqujus rei, nihil aliud inquiri quàm situm ac viciniam respectu aliorum corporum.

- 2 Locus ex acceptione Aristotelis & Philosophorum definitur: *quod sit superficies corporis ambientis immobilis.* Sensus est: locum esse immediatam viciniam corporum, intra quæ quælibet res continetur, sic gladius est in vagina, vinum in dolio, & quando gladius mittitur in vaginam, mittitur in locum suum: Similiter vinum respectu dolii, à quo continetur ac ambitur, alium locum non habet, quàm superficiem dolii. Dicitur verò hæc superficies immobilis, quia sublato vino & etiam ipso dolio, non aufertur locus ipse, sed succedit aer in ipsissimum locum sublato dolii.

In hoc proin consistit præcipua difficultas, quomodo locus possit esse immobilis. Si enim locus iden-

tificatur cum quocunque corpore, impossibile est locum esse immobilem, impossibile etiam esset corpus moveri de loco in locum, quia locus sequeretur illud corpus, cum quo identificatur. Si autem locus non identificatur cum corpore, quæritur, quid sit cum nihil videatur esse in mundo saltem fixum ac per se subsistens nisi sit corpus.

Prima opinio est Veterum maxime Epicuri & Democriti, uti etiam Gassendi cum Atomistis, quod locus sit aliquod spatium creatum aliquo modo corporeum, aliquo modo incorporeum. Hoc spatium recipit omnia corpora per compenetrationem & in quantum res potius est in hac quàm illa parte spatii, eatenus in hoc loco esse dicitur. Verum hoc spatium est tantum imaginarium, non reale, ut esse reale vult Gassendus, quia non habet sufficiens distinctivum partium, adeoque nec explicat differentiam horum.

Alter opinio est Thomistarum, qui definiunt locum per relationem ad aliud corpus vel vicinum vel ut alii volunt, per relationem ad aliquod corpus immobile; hinc locus nihil aliud esset in priorum sententia, quàm contactus corporum continentium seu ambientium; & in hac sententia immobilitas loci non esset realis, sed imaginaria tantum.

In sententia posteriorum locus diceret relationem ad aliqua puncta cæli immobilia v. g. duos polos, in quantum enim res majorem vel minorem distantiam habet ad polos immobiles, in tantum in hoc vel illo loco esse dicitur. Huic sententiæ etiam accedunt nonnulli R.R.

Verum nec ista sufficit, quia nemo cogitat de polis, dum de loco cogitat, quinimò ea, quæ differunt à quocunque puncto determinabili, possunt habere æqualem distantiam ad illud punctum sicut peripheria circuli ad centrum, & tamen habere diversum locum inter se, ut partes peripheriæ. Quinimò Sol nunquam acquireret diversum locum, si moveretur in Æquatore æquali distantia ad polos.

Tertia opinio est quorundam R.R. qui locum definiunt per relationem ad certam partem potentialem immensitatis divinæ, in quantum enim res refertur ad hanc particulam Immensitatis Divinæ, quæ esset v. g. Europa, eatenus res diceretur esse in Europa; sed hæc partes Immensitatis Divinæ aut sunt fictitiæ aut si fictitiæ non sunt, etiam particula illa Immensitatis Divinæ per aliquid sibi analogum in mundo reali possibiles sunt. Sicut enim Deus potest communicare suas perfectiones creaturis; ita etiam posset communicare mundo reali illas particulas immensitatis per assimilationem & sic producere locum realem; nec cogitando de loco cogimur cogitare de Immensitate Dei.

Quarta opinio est R.R. qui definiunt locum per ubicationes seu entitatus modales, per quas quodlibet corpus determinatur potius ad hunc quàm ad illum locum. Est enim ubicatio aliqua perfectio modalis essentialiter inhærens subjecto, quæ habet duplex officium juxta communem operationem: in primis determinat rem ut sit potius hic, quàm alibi & hoc est aliquid absolutum, quia ubicatio per se ipsam intrinsecè differt ab omni alia ubicatione sine ullo respectu ad viciniam corporum. Secundo, ut hæc ubicatio corpus determinet ad viciniam potius horum, quàm aliorum corporum, & hoc est aliquid relativum in ubicatione. Melius dicitur, ubi-



ubicationem esse modum essentialem respectivum ac determinativum ad systema corporum in universo, & sic ego sumo.

8. Locus dividitur in communem & proprium.

2. Intrinsecum & extrinsecum.

3. Adæquatum & inadæquatum.

9. Locus communis est, qui convenit rei cum aliis corporibus; sic Petrus est in Bavaria & Paulus est in Bavaria, Bavaria proin est locus communis Petri & Pauli. Econtra Petrus v. g. est Monachii, Paulus Pollingæ, & sic quilibet habet locum proprium, licet & hic ipse locus proprius v. g. Pollinga sit adhuc locus communis pluribus aliis corporibus, & si quis velit invenire locum soli Paulo proprium, nihil inveniet, quàm illud spatium, quo circumscribitur ipsum corpus Pauli.

10. Locus intrinsecus nihil aliud dicitur, quàm spatium, quod implet corpus sine respectu ad viciniam corporum, diversimodè tamen explicatur in diversorum hypothese. RR. qui admittunt ubicationes, per locum intrinsecum intelligunt ubicationem intrinsecam, quæ facit, ut sim hîc non respiciendo ad ullum corpus extrinsecum, & talem ubicationem internam dicunt esse possibilem sine ubicatione externa. Alii verò melius per locum intrinsecum nihil aliud intelligunt, quàm ipsum corpus, quod ab intrinseco exigit poni in loco extrinseco, seu in vicinia corporum. Multis etiam non placet ista divisio, quia putant locum intrinsecum nihil esse nisi figmentum, & quod in loco extrinseco non est, juxta hos nullibi est, & eatenus vera est propositio Aristotelis, & Veterum quod ipse locus & universum in loco non sit, quia extra universum non datur locus extrinsecus.

11. Locus adæquatus dicitur, in quo existunt omnes partes alicujus rei, sic angelus, anima, aut pars materiæ simplex existit ubique in loco adæquate & totaliter. Econtra totum constans partibus realiter distinctis quoad situm non existit in loco adæquato secundum omnes partes, quia in alio loco inadæquato existit caput, & in alio loco inadæquato existit pes.

12. Dico: Locus consistit in ubicationibus modaliter distinctis à re locata. Prob. Concl. Locus formaliter distinguitur à re locata &c. & id quod concipitur ut formaliter aliud, concipitur ut separabile à re; ergo. ant. prob. quando dico, Petrum existere hîc, plus dico, quàm Petrum existere; ergo. Probatur etiam quoad 2. membrum, quando dico: Petrum existere hîc, aut moveri de loco in locum, concipio aliquid separari à Petro non concipiendo connotata, aut viciniam corporum &c. ergo locus concipitur ut separabilis à re.

13. Prob. Concl. 2. Qualibet res est indifferens ad hunc vel illum locum; ergo debet dari sublativum indifferentiæ, ut sit potius in hoc quàm in illo loco, conf. prob. quodcumque res est indifferens, debet naturâ tollere indifferentiam per positivam aut actionem, aut formam, ut patet in aliis indifferentiis naturæ.

14. Prob. Concl. 3. Esse in loco est determinatio physica; ergo quodcumque datur nova denominatio ubicati, debet etiam dari nova forma physica denominans.

15. Prob. Concl. 4. Si locus consisteret in vicinia corporum ambientium aut relatione ad illam, tunc

R. D. Euseb. Amori Philosophia.

cælum & mundus non esset in loco: Hoc est absurdum; ergo. M. patet, quia extra universum non datur corpus ambiens.

Prob. Concl. 5. Non potest dari aliquid immobile præter ubicationes modales respectivè ad systema universi quoad situm partium principalium immobile; ergo nec locus, prob. ant. v. g. Petrus est mobilis & aër vicinus domus, quin tota regio aut insula est mobilis; ergo.

## Solvuntur Objectiones.

Obj. 1. Potest dici: locum esse inadæquate separabilem à re locata; ergo ratio nostra nihil probat, prob. ant. quando Petrus est in loco, & movetur in alterum, tantum mutatur Petrus quoad obliquum acquirendo nova connotata, non verò quoad rectum, sicut quando Petrus ex dextro fit sinister.

2. Potest dici, quod superficies corporis continentis tantum concipiatur ut immobilis, quin revera sit immobilis; ergo & illa ratio nihil probat.

3. Concipiendo viciniam corporum jam formaliter concipitur locus; ergo. prob. ant. si hoc præcisè posito implicat Petrum non esse in loco, tunc posita ista vicinia jam formaliter est in loco: Sed; ergo.

Resp. ad 1. neg. ant. quia id, quod concipimus ut separabile à re locata præcisè se tenet ex parte recti, hoc patet ex illa hypothese, qua ponitur existere tantum unicum corpus v. g. Petrus, in hoc casu dicerem, Petrum esse hîc, nec implicat, tunc concipere Petrum ut moventem pedes, aut extendentem brachia, quo casu concipitur motus de loco in locum, & tamen nulla concipitur vicinia corporum, seu connotata extrinseca; ergo diversa loca, quæ in hoc casu concipiuntur ut separabilia à Petro, præcisè concipiuntur se tenere ex parte recti; in quantum concipio in Petro actualem respectum ad aliud systema corporum possibile. Simili modo potest concipi, quod totum universum à Deo transferatur ab hoc loco in alium nempe in spatia imaginaria, aut quod è summo cælo emittatur sagitta in spatia imaginaria: In quibus casibus locus separatur à re sine ullis connotatis extrinsecis actualibus.

Ad 2. neg. ant. Ratio est, quia quidquid authoraturæ concipit ut requisitum ad constitutionem naturæ re ipsa producit, & quidquid est objectum humani intellectus, & propositionis veræ præsumitur dari in natura, cum igitur motus ab uno loco in alium non possit concipi aut affirmari, quin affirmetur aliquid immobile, præsumitur dari aliquid immobile.

Ad 3. neg. ant. ad prob. c. ant. neg. conf. ex eo enim, quod posita ista vicinia & contactu corporum detur etiam ubicatio modalis, non sequitur, quod in ista vicinia consistat ubicatio modalis, sicut ex eo, quod detur consequens, recte inferitur, quod detur antecedens, licet antecedens & consequens diversæ sint v. g. impossibile est in corpore humano dari naturaliter calorem vitalem, sensationes motuum organorum &c. quin detur anima in corpore, falsum tamen est, quod anima consistat in motu corporis aut calore vitali. Pari modo dico, ubicationem esse causam, cur res sit in ista vicinia corporum, & non in alia; vicinia autem corporum est effectus ubicationis, non ipsa ubicatio.

L1

Obj.



19 *Obj. 2.* Detracta ubicatione modali adhuc verum esset dicere, quod Petrus sit hic & alicubi; ergo. datur locus, quin detur ubicatio, ant. prob. impossibile est ut res nullibi sit, & impossibile est, ut Petrus non possit demonstrari digito; ergo detracta ubicatione adhuc esset in loco.

2. Esse in loco est prædicatum essentiale, inseparabile à re: Habere ubicationem modalem est tantum prædicatum accidentale; ergo non sunt idem.

3. Differentiæ locorum tantum consistunt in denominatione extrinseca; ergo & ipse locus tantum consistit in tali denominatione extrinseca, prob. ant. differentiæ locorum sunt v.g. dextrum, sinistrum, sursum, deorsum &c. Sed hæ differentiæ tantum constituuntur in denominatione extrinseca; ergo. *m.* prob. per hoc aliquid dicitur dextrum, aut sinistrum, quod sit positum mihi ad dextram vel sinistram, & aliquid dicitur sursum vel deorsum quod appropinquet vel centro terræ, vel cælo.

20 *Resp. ad 1. dist.* Detracta ubicatione manet locus fundamentaliter; c. formaliter, neg. in isto casu, Petrus non potius esset hic quam alibi re ipsa & actu, licet forte exigeret potius hanc ubicationem quam illam: Possem quidem demonstrare Petrum demonstratione substantiæ, non tamen demonstratione loci.

2. Ad 2. dist. ant. quoad 1. membrum, esse in loco est prædicatum essentiale fundamentaliter, c. formaliter, neg. exigit quidem qualibet res esse in loco, sed utrum per absolutam Dei potentiam non possit esse sine omni loco, actu & formaliter, non vacat examinare.

Ad 3. dist. ant. differentiæ locorum denominative, neg. ant. reduplicative, c. ant. quandoque in loco consideratur id, quod est dextrum & sinistrum, sursum, vel deorsum, & quodcumque consideratur in quantum est sursum & deorsum, ponamus v.g. lapidem esse deorsum, tunc habebit locum quoad se & etiam si destruat terra & cælum respectu quorum dicitur deorsum, tamen lapis servabit suum locum: igitur id, quod est deorsum, non habet suum locum à forma extrinseca aut connotatis, ad quæ refertur, actualibus sed per actualem determinationem ad systema corporum possibile.

21 *Obj. 3.* Si darentur ubicationes modales, tunc multiplicarentur entia in infinitum sine necessitate & causa productiva: Hoc est &c. ergo. ant. prob. in unico v.g. saltu pulicis deberent produci novæ ubicationes sine numero, & quis producit illas?

2. Si darentur ubicationes, vel illæ producuntur quando corpora nondum sunt in loco, vel quando jam sunt in loco, in quem transeunt? Neutrum potest dici; ergo. *m.* prob. quoad 1. membrum, si producit ubicationem, quando nondum v.g. sum in loco, tunc forma denominans me esse in hoc loco datur, quando nondum sum in loco, si vero primum producit, quando jam sum in loco altero, tunc pius esse in loco, quam habere ubicationem.

3. Si daretur ubicatio in Petro distincta, tunc etiam ipsa ubicatio esset in loco, sicut ipse Petrus, quinimo esset mobilis cum ipso Petro, sicut omne aliud accidens inhaerens Petro: Hoc &c. ergo. *m.* prob. si ipsa ubicatio est in loco tunc est in loco per aliam ubicationem; hæc altera iterum erit in loco per aliam, & sic in infinitum: Hoc &c. ergo.

22 *Resp. ad 1. neg. M.* ad prob. dico, quod causa

productiva sit ipsa substantia per sua accidentia, in quantum enim res est apta esse in hoc vel illo loco, in hac vel illa vicinia corporum, in tantum exigit esse in hac vicinia corporum, & in quantum hoc exigit vi suæ proportionis, in tantum natura dat connexionem cum hac vicinia corporum; hæc connexio connaturaliter consequens ad præviam dispositionem est ipsa ubicatio.

Ad 2. neg. *m.* & dico: quod producantur in illo ipso instanti, in quo jam sum in loco, ita tamen, ut ubicatio sit natura prior ad viciniam corporum: sic Sol & Lux sunt in eodem tempore, Sol tamen est natura prior: pari modo actio præcedit passionem & effectum, est tamen simul in tempore cum ipso effectu; cum igitur vicinia corporum sit effectus ubicationis, mirum non est, quod sit simul tempore. & bene notandum est, quod ubicatio sicut & alii modi non sunt præcisa forma denominans, ut albedo respectu corporis albi; sed sint simul vis activa, vi cuius unares transfertur ab una denominatione ad alteram.

Ad 3. neg. *M.* Quia non datur actio ad actionem, nec igitur ubicatio ad ubicationem, ubicatio Petri existit quidem in Europa, sed non per modum rei locatæ, sed per modum rei locantis.

### QUÆSTIO III.

#### *An possit dari compenetratio corporum?*

**C**ompenetratio corporum dicitur: quando plura corpora existunt in eodem loco v.g. si centum homines possent existere in eodem thorace vel sacco, vel si centum v. g. mensuræ vini existerent in fasculo unius mensuræ capaci. Hæc vero existencia plurium corporum in eodem loco non deberet fieri per compressionem illorum corporum; sed per omnimodam commensurationem totius cum toto, & partium cum partibus: similiter compenetratio fieret, si quis transiret per murum omnino incorruptum, sicut Angeli.

*Dico 1. Compenetratio corporum naturaliter non est possibilis.* Prob. Concl. Id quod nunquam in natura cernitur fieri, præsumitur, in natura non posse fieri, sed compenetratio nunquam cernitur fieri; ergo. *M.* prob. quod nunquam cernitur fieri etiam in circumstantiis innumeris, in quibus posset fieri, non est iuxta intentionem naturæ; ergo. ant. prob. quæ natura sunt, etiam regulariter sunt in circumstantiis sibi connaturalibus.

Prob. Concl. 2. Compenetratio corporum non habet finem in natura; ergo non datur naturaliter, prob. ant. si daretur compenetratio corporum, tunc impediretur omnis mutua actio corporum in invicem, consequenter alteratio, generatio & corruptio: Sed hoc est contra finem naturæ; ergo. *M.* prob. si daretur compenetratio unum corpus non resisteret alteri: Sed si quis vellet v.g. percutere murum malleo; transiret per murum, quasi aërem diverberans: Sed; ergo.

*Dico 2. Compenetratio saltem est possibilis supernaturaliter.* Prob. Concl. Compenetratio supernaturaliter actu datur; ergo potest dari. quia ab actu ad potentiam est bona argumentatio, prob. ant. compenetratio datur.



5 1. Ingressu Corporis Christi ex utero Beatissimæ Virginis, utpote illæsa virginitate, juxta illud, quod sit Virgo ante partum, in partu, & post partum.

6 Prob. 2. Corpus Christi exivit sepulchro adhuc clauso, quia primum Angelus removit lapidem post Christi Resurrectionem.

7 Prob. 3. Christus intravit januis clausis, & stetit in medio Discipulorum; ergo.

8 Prob. 4. Christus Corpore suo penetravit Cælos utique clausos; quia non potest fingi aliquid ostium.

9 Prob. 5. Inter dotes Corporis gloriosi numerantur subtilitas seu virtus compenetrætionis, vi cujus Corpus gloriosum potest transire alia corpora.

10 Prob. Concl. 6. Non potest ostendi repugnantia; ergo. prob. ant. potest absolute separari quantitas externa, seu potius effectus quantitatis ab ipsa substantia, sed impeneirabilitas est effectus quantitatis; ergo potest separari.

## Solvuntur Objectiones.

1 *Obj. 1.* contra primam. Datur actu naturaliter compenetratio corporum; ergo. potest dari prob. ant. 1. sagæ v. g. penetrant januis clausis in cubicula, cellas vinarias: Sed hoc adhuc fit naturaliter; ergo.

2. Fulmen transit per vaginam illæsam, & consumit ferrum in vagina; ergo penetrat per vaginam. Similia habentur exempla fulminis in aliis rebus clausis, quin tamen vas, in quo fuerant clausæ, læderetur.

3. Substantia ignis compenetratur cum substantia ferri; ergo. prob. ant. ferrum est ubique ignitum, tam intus, quàm extra.

4. In spongia compenetratur aqua cum ipsa substantia spongiæ, quia spongia est ubique intus & extra madefacta.

5. Vas cineribus repletum adhuc tantundem capit aquæ, ac si cineribus non fuisset repletum; ergo etiam hîc fit compenetratio aquæ cum cineribus.

6. Dantur aliqui liquores menstrui corrosivi, qui tingunt vitrum aut marmor per totum corpus tam intus quàm extra, ut testantur pictores Angli; ergo etiam hîc fit compenetratio liquorum in marmore & vitro.

12 *Resp. ad 1.* neg. ant. In hoc enim casu sagarum varia à variis reponitur solutio, quidam ut plerique Galli credunt hæc omnia esse fictitia, prout etiam ex instituto probat quidam liber recenter editus, & Pater Malebranche. Hæc opinio est conformis Concilio Ancyrano paulo ante Nycænum habito, in hoc enim expresse præcipitur omnibus Sacerdotibus, ut incukent populo, tales translationes sagarum præcisè esse phantasticas, in quantum dæmon aut vehemens imaginatio illudit nostris sensibus internis, ut ea putentur fieri in corpore, quæ præcisè in mente variis phantasmatibus delusa fiunt. Alii dicunt translationem corporum saltem aliquando fieri: Sed in casu non nisi raro, & tunc quidem vix poterit afferri exemplum, in quo sagæ transeant januas clausas. Si verò sagæ putant se transformatas in feles, aut volucres, id dicendum præcisè in imaginatione consistere, quia utique retinent rationem humanam. Si

R. D. Euseb. Amort Philosophia.

aliquando deferantur in cellam vinariam, id fieri potuit referendo januas, aut potuit dæmon subito tollere obstantes partes muri, easque denuo restituere.

Ad 2. neg. ant. Dico enim partes fulminis adesse subtiles, ut facillimè possint transire per poros alicujus corporis; cujus pori non adesse angusti sunt quàm primum verò reperiunt in corpore poros suum transitum impediētes, illud in momento dissolvunt. Quandoque materia fulminis est subtilior, quandoque crassior pro diversitate hujus dispositionis etiam contingit, ut aliquid fulmen non lædat lignum, aliud non lædat ferrum, salia v. g. tabaci Hispanici celerrimè transeunt ad cerebrum, salia verò tabaci communis per poros odoratus non tam facile transeunt. Spiritus vini rectificati in momento totum hominem occupant, cerevisia vix extimas partes occupat, sic & aliud fulmen de vite, aliud cerevisiarum puta.

Ad 3. neg. ant. Dico enim in ferro nondum esse formam substantialem iginis, sed ad summum aliquas particulas, quarum sensatione creditur totum ferrum esse ignitum, ceterum in toto ferro est calor ut septem, qui producit ignem in ligno combustibili, quin absolute non repugnaret in ferro dari duplicem formam, unam ignis, alteram ferri, aliquo modo tamen subordinatos.

Ad 4. neg. ant. Quia aqua tantum recipitur in poris spongiæ, & hinc impletis illis poris eo ipso spongia acquirit majores dimensiones, quod non fieret in casu compenetrætionis,

Ad 5. neg. ant. Quia ab experientia constat, quòd cineres repleant spatium, si colligantur in unam massam & ibi clarum est, quod è suo loco expellant aquam. Idem fit in aliis experimentis, quando aquæ immittuntur aurei, aut salia, in hoc enim casu licet ad modicam quantitatem immixtis aliis corporibus non crescat notabiliter magnitudo aquæ, tamen non fit compenetratio, sed tantum pristini aeris cum aqua commixti expulsiō, & hoc colligitur ex bullulis in superficie aquæ quandoque conspicuis. Idem fit, quando aqua infunditur recentibus cineribus, tunc enim salia in cineribus contenta elusa, & per aquam imbibita occupant poros aquæ, quos alias occuparet aer, sic quidem fit, ut vas recipiat tantundem ferme aquæ, sed non tantundem aeris.

Ad 9. dico: Liquores corrosivos transire per poros vitri, aut marmoris, aut si non inveniunt viam, sibi ipsis faciunt viam, corrodingo partes marmoris, & poros excavando.

*Obj. 2.* contra 2. Concl. Expulsiō unius corporis à loco alterius est formalis effectus quantitatis; ergo non potest dari quantitas, quin detur illius expulsiō, conf. patet, quia effectus formalis est inseparabilis à re, sicut facere album est inseparabile ab albedine.

2. Si duo cubi essent compenetrati, nullum daretur distinctivum inter illos: Hoc implicat; ergo. prob. M. distinctivum corporum intelligitur esse sola quantitas dimensiva.

3. Si daretur compenetratio, tunc idem esset compenetrabile & non &c. Hoc; ergo &c. prob. M. cubus A. compenetratus à cubo B. respectu hujus esset penetrabilis, & respectu alterius corporis esset impenetrabilis; ergo.

*Resp. ad 1.* neg. ant. quia, ut jam fuit dictum de 14

Ll 2

quan-



quantitate, quantitas non est ipsa impenetrabilitas, sed causa impenetrabilitatis, in quantum habet vim repellendi alia corpora à propriis dimensionibus, ea autem vis potest impediri à Deo.

Ad 2. neg. M. ad prob. neg. ant. quia juxta nos individuatio non desumitur à materia signata certis dimensionibus, sed à perfectione essentiali identificata cum re, ac respectiva serie effectuum & circumstantiarum. quia etiam in sententia ipsius D. Thomæ manet distinctio individuorum, etiamsi non datur actu diversitas dimensionum, quia in duobus cubis v.g. habentibus actu eandem dimensionem, datur tamen diversa exigentia ad diversam dimensionem, & hæc diversa exigentia est ipsum distinctivum individuorum.

Ad 3. dist. Esset penetrabile & non &c. respectu diversorum, c. ejusdem, neg. non implicat, ut idem corpus habeat eandem ubicationem cum secundo, & non habeat eandem cum tertio.

- 15 *Obj. 3. contra eandem:* Id, quod est naturaliter penetrabile, non potest supernaturaliter fieri impenetrabile; ergo nec id, quod est naturaliter impenetrabile, potest supernaturaliter fieri penetrabile: prob. ant. anima vel Angelus est aliquid penetrabile: Sed hic nec supernaturaliter potest fieri impenetrabilis; ergo.

2. Diversæ partes temporis non possunt simul existere in eodem tempore; ergo nec diversæ partes quantitatis possunt simul existere sub eadem quantitate, ant. patet, quia dies hesternus & hodiernus non possunt compenetrari aut existere simul; ergo.

3. Si posset dari compenetratio, tunc etiam posset dari inter partes ejusdem continui totius: Hoc &c. ergo. m. prob. in toto continuo essentialiter pars est extra partem; ergo.

4. Si datur compenetratio, totum non esset majus sua parte: Hoc &c. ergo. M. prob. in compenetratione partium continui omnes partes simul sumptæ non excederent spatium seu magnitudinem unius partis; ergo.

- 16 *Resp. ad 1. neg. ant.* quia suppono etiam animam aut Angelum posse fieri impenetrabilem non tantum supernaturaliter, sed etiam naturaliter, si velit, quia in potestate spirituum est assumere quantitatem, & ubicationem, quam volunt.

Ad 2. c. ant. neg. conf. disparitas est. quia partes temporis dicunt aliquid successivum, adeoque essentialem oppositionem in ratione temporis, partes verò quantitatis dicunt aliquod totum instantaneum, adeoque simultaneum.

Ad 3. c. M. neg. m. ad prob. dist. ant. Pars est extra partem naturaliter, radicaliter aut fundamentaliter, c. supernaturaliter actualiter aut formaliter, neg. semper quidem partes v. g. arboris etiam compenetratæ exigenter habere diversum situm, seu diversas ubicationes, sed Deus non necessario attendit illam exigentiam naturæ.

Ad 3. dist. M. Totum non esset majus suæ parte actualiter, trans. radicaliter & exigitivè, neg. vel sic: Totum non esset majus magnitudine molis, c. magnitudine virtutis & substantiæ, neg. In hoc casu quando partes continui compenetrantur, omnes partes exigenter majorem ubicationem, quam unica pars, sed illa exigentia non necessario exauditur à Deo, potest etiam dici, quod in toto dentur plu-

res perfectiones, quam in unica parte, & ideo totum esset majus unica parte magnitudine virtutis seu perfectionis.

## QUÆSTIO IV.

*An possit dari replicatio corporum?*

**R**eplicatio vocatur existentia ejusdem corporis in pluribus locis v. g. si Petrus existeret Romæ & Monachii simul in eodem tempore, diceretur esse replicatus. Si simul quis existeret in tribus locis deberet dici triplicatus.

Replicatio dividitur in *definitivam* & *circumscriptivam*.

*Definitiva* vocatur existentia definitiva corporis in pluribus locis. Definitivè autem dicitur existere in loco, ut habet Suarez Tract. de Ang. L. 4. c. 1. n. 8. quando res finito loco adest cum certo magnitudinis termino, sive habeat commensurationem cum loco sive non. Ego definitivam existentiam definio: esse illam, quam habet res sine actione & passione cum vicinis corporibus, Definitionem bonam proba, quia convenit omni & soli. Hæc replicatio est de fide in Eucharistia, quia idem Corpus Christi ponitur in omnibus illis locis, ubi ponitur consecrata Hostia, & hinc de illa existentia non solet institui Quæstio: an sit possibilis?

*Circumscriptiva* vocatur existentia ejusdem corporis in pluribus locis, porro existentia circumscriptiva à Suarezio l. c. dicitur illa, quando hæc tria concurrunt, 1. quod res locata extrinseca superficie comprehendatur, aut comprehendi possit. 2. ut repleat totum locum mole sua. 3. Ut naturaliter nullum locum secum compatiatur. Brevius eam sic definio, *existentia circumscriptiva est, quam habet cum actione & passione respectu vicinorum corporum*. Sic Corpus Christi in Eucharistia aut Angelus nec agit conaturaliter nec patitur à vicinis corporibus, saltem modo corpore.

*Dico 1. Naturaliter non est possibilis replicatio circumscriptiva.* prob. Concl. 1. Talis replicatio foret superflua; ergo. prob. ant. Natura ubique est sufficiens ad producendos effectus sine tali replicatione causarum; ergo.

Prob. 2. Talis replicatio foret naturæ incommoda; ergo. prob. ant. facta quandoque replicatione v. g. Solis nasceretur ingens confusio, cum utique mundus non patiatur duos Soles.

*Dico 2. Potest replicatio circumscriptiva supernaturaliter dari.* Prob. Concl. Potest dari supernaturaliter definitiva replicatio; ergo etiam circumscriptiva, ant. patet ex Eucharistia, conf. prob. non datur ulla difficultas in circumscriptiva, quæ non debeat solvi etiam in definitiva; ergo.

Prob. Concl. 2. Compenetratio est possibilis supernaturaliter; ergo etiam replicatio circumscriptiva. prob. conf. si illa compenetratio est possibilis, tunc quantitas dimensiva non est signum identitatis aut distinctionis corporum naturaliter: Sed si hoc &c. tunc est possibilis replicatio; ergo. M. patet, quia in compenetratione datur una quantitas seu dimensio & tamen non datur una individuatio. m. prob. præcipua ratio adversariorum, cur hæc replicatio sit impossibilis, desumitur à distinctione quantitatis;

ergo



ergo. si hæc non est signum distinctionis corporum, erit possibilis replicatio.

9 Prob. Concl. 3. Replicatio actu datur; ergo potest dari. prob. ant. 1. quando Christus apparuit D. Paulo, fuit simul in cælo & in agro Damasceno; ergo. prob. quoad 1. quod fuerit in cælo patet, quia Christus à D. Paulo in Epistola ad Hæbr. dicitur: *manere in cælis*. Quoad 2. prob. quia Christus fuit locutus cum D. Paulo & quantitativè fuit circumscriptus per modum hominis loquentis cum alio.

Ant. prob. 2. Beatissima Virgo D. Antonius, S. Franciscus Xaverius, Laurentius Justinianus &c. sæpe visi sunt in pluribus locis non solum definitivè sed & circumscriptivè, id est, in sua quantitate agendo & loquendo.

Prob. Concl. 4. In replicatione ista non potest ostendi implicancia; ergo.

## Solvuntur Objectiones.

Obj. 1. contra 2. Circumscriptivè existere in pluribus locis dicit contradictionem; ergo. prob. ant. circumscriptivè existere est ita circumscribi à loco, ut nihil corporis sit extra illum locum: Sed implicat corpus esse in pluribus locis, & tamen nihil esse extra locum unum.

2. Quod circumscribitur loco est in suo termino: Sed quod est in suo termino non potest esse in pluribus locis; ergo. M. patet, quia Petrus habens magnitudinem determinatam, eo ipso illa magnitudine terminatur, m. prob. quod est in suo termino non est extra illum terminum: Sed; ergo.

3. Quantitas dimensiva non potest replicari; ergo neque corpus servans illam quantitatem dimensionalem potest replicari; ergo. ant. prob. quantitas est ipsum distinctivum corporum; ergo. prob. ant. non habemus aliud signum distinctionis inter duo ova nisi diversam quantitatem dimensionalem.

3 Resp. ad 1. neg. ant. ad prob. neg. ant. fit enim petitio principii, se replicationi circumscriptivæ in ipsa definitione addantur tales clausulæ.

Ad 2. dist. ant. Illud est in suo termino intrinseco, c. extrinseco, neg. vel simpliciter, neg. m. quia hoc ipsum quæritur, utrum eadem res possit habere plures terminos.

Ad 3. neg. ant. Contrarium suppono ex Logica, ubi ostenditur individuationem non desumi à materia signata, adeoque non implicat ipsam quantitatem replicari sicut alias perfectiones individuales.

4 Obj. 2. contra 2. Si posset dari replicatio tunc separabilitas non esset evidens signum distinctionis: Hoc &c. ergo. prob. M. Petrus posset esse separatus à se ipso & tamen non distingueretur à se ipso; ergo.

2. Si daretur replicatio tunc idem Petrus esset unus, & non unus: Hoc implicat; ergo. M. prob. esset unus ut ponitur, & non esset unus, quia posset numerari bis; ergo.

3. Si daretur replicatio tunc esset Petrus indivisus in se, & non esset indivisus in se: Hoc; ergo. prob. M. esset indivisus ut ponitur, & divisus ut probatur quia divisio desumitur à quantitate, quæ utique esset divisa, si Petrus existeret Romæ & Pollingæ.

5 Resp. ad 1. neg. M. ad prob. dist. ant. Petrus esset separatus à se ipso separatione loci, c. individui, neg. Petrus in dicto casu haberet duas ubicationes loco di-

versas, & eo ipso infertur, quod hæ ubicationes sint realiter distinctæ: quia verò ubicationes distinctæ naturaliter non conveniunt nisi individuis distinctis, ideo ex diversitate ubicationum recte infertur diversitas suppositorum, licet id, si referatur ad providentiam extraordinariam non necessario verum sit; si enim possum cogitare simul existentem Romæ & Pollingæ, cur id Deus non possit facere?

Ad 2. neg. M. ad prob. dist. Posset numerari bis dualitate numerationum, c. dualitate rei numeratæ, neg. etiam si enim Petrus existens Romæ & Pollingæ posset in utroque loco numerari, tamen in neutro loco verum esset dicere, quod ista unitas Petri existens Romæ sit alia ab unitate existente Pollingæ.

Ad 3. neg. M. ad prob. dist. quantitas esset divisa divisione ubicationum, c. quantitatis, neg. quantitas enim Petri replicati nunquam separatur à se ipsa quoad suum esse intrinsecum, sed tantum acquirit novam ubicationem.

Obj. 3. Non potest replicari effectus formalis quantitatis; ergo neque ipsa quantitas. prob. ant. effectus formalis quantitatis est unitas & indivisio in se ipsum: Sed hæc non potest replicari; ergo. 16

2. Implicat Petrum distare à se ipso: Sed hoc fieret in replicatione; ergo. m. prob. si Petrus existeret Romæ & Pollingæ, utique intercederet inter Petrum & Petrum intervallum multorum milliariarum: Sed intercedere tale intervallum nihil aliud est quam distare Petrum à se ipso; ergo.

3. Si daretur replicatio, fallum esset hoc principium quæ sunt præsentia uni tertio, sunt præsentia inter se: Sed hoc &c. ergo. M. prob. si Petrus existeret Romæ & Pollingæ, Pollingæ esset præsens Petro, & Roma esset præsens Petro, & tamen Pollingæ & Roma non essent præsentia inter se; ergo.

Resp. ad 1. neg. ant. ad prob. potest negari, M. & m. fallum enim est, quod formalis effectus quantitatis sit unitas, ut suppono ex iis, quæ dicta de individuatione. Fallum etiam est, quod ipsa unitas non possit replicari, ex replicatione enim unitatis non fit dualitas, sed tantum ejusdem unitatis duplex ubicatio. 17

Resp. ad 2. dist. M. Posset Petrus distare à se ipso reduplicativè sumpto tr. M. denominative sumpto, neg. M. Petrus ubicatus seu existens Pollingæ denominativè dicit se ipsum; reduplicativè vero dicit se ipsum, & ubicationem; igitur si simul existat Romæ distabit à se ipso quoad ubicationem, non verò quoad substantiam & alia accidentia replicata. Ad prob. potest negari, ant. quia inter Petrum, & Petrum simpliciter nullum intercedit intervallum, quia Petrus nunquam separatur à se ipso, intercedere intervallum tantum dicitur inter duo distincta, quando unum ita est in loco, ut non sit in altero.

Ad 3. tr. M. neg. m. Hoc enim Principium etiam est in aliis fallum v. g. si sint tres homines v. g. Christus in medio & duo Latrones, unus ad dextram, alter ad sinistram, verum erit dicere, quod sint duo Latrones præsentia aut vicini aut contigui medio, & tamen non sint præsentia inter se, quia possunt duo esse contigua uni tertio seu medio, quin inter se sint contigua.

Obj. 4. Si posset dari replicatio, tunc Bavaria posset esse vicina Indiæ, & omnibus partibus mundi: Hoc &c. ergo. m. prob. quia necesse est dari fines & limites provinciarum. 18



2. Si daretur replicatio posset unicum granum ita replicari, ut in toto agro tempore messis tantum meteretur unicum granulum: Hoc &c. *m. prob.* quia ex unico granulo non possent conservari tot homines.

3. Si daretur replicatio, tunc pars posset esse æqualis toti: Sed hoc &c. *ergo. M. prob.* si replicaretur v.g. magnitudo palmaris, fieret magnitudo bipalmaris: Sed in hoc casu bipalmare esset æquale palmari.

19 *Resp.* ad 1. c. *M. neg. m.* ad prob. dist. debent habere limites naturaliter, c. supernaturaliter, *neg.* quin imò etiam si replicaretur Bavaria, tamen haberet suos limites, ubicunque existeret.

Ad 2. c. *M. neg. m.* ad prob. dico: tale granulum suffecturum ad nutrimentum plurium hominum, quia si multiplicaretur causa, etiam multiplicantur effectus seu nutritio.

Ad 3. dist. *M.* Pars posset esse æqualis toti quoad nos, trans. quoad se, *neg. M.* suppositum, quod in tali casu bipalmare habeat se per modum totius, palmaris verò per modum partis, quia sumeretur idem per modum duorum, & ille, qui sciret intercessisse replicationem, non sumeret bipalmare pro duobus, sed pro uno. Idem autem est semper æquale sibi ipsi, quotiescunque sumatur.

20 *Obj. 5.* Ex ista replicatione sequuntur plurima absurda; *ergo. prob. ant. 1.* in data hypothesis Petrus replicatus posset sibi ipsi in angusta via occurrere v.g. Pollingam tendendo Romam, & Roma tendendo Pollingam posset sibi occurrere in faucibus Alpium, quis autem alteri cederet?

21 *Prob. ant. 2.* Idem posset moveri motibus contrariis, Petrus enim posset sursum & deorsum per scalas ascendere & descendere.

22 *Prob. ant. 3.* Idem Petrus posset in uno loco calefieri & in altero frigescere, si enim replicaretur v. g. in Æthiopiam & Laponiam, hic frigeretur, ibi caleficeret.

23 *Prob. ant. 4.* Idem Petrus posset simul currere & quiescere, stare & sedere &c. saturari & esurire.

24 *Prob. ant. 5.* Idem Petrus posset simul in uno loco vivere, & in altero mori, si enim occideretur Pollingæ, non eo ipso occideretur Romæ, quia non datur actio indistans.

25 *Prob. ant. 6.* Idem Petrus posset salvari & damnari, si enim v.g. in uno loco, ubi licitum est vesci carnibus, vesceretur carnibus, adhuc salvaretur, si verò in altero loco sit dies Jejunii idem agendo nempe vescendo carnes damnaretur.

26 *Prob. ant. 7.* Idem Petrus posset pugnare secum ipso, & se ipsum occidere dum tamen sui ipsius aggressor simul viveret & moreretur.

27 *Resp.* ad 1. *neg. ant.* ad 1. dico: Petrum in tali casu, quando sibi ipsi occurreret, posse etiam determinare se ipsum, ex quam parte velit sibi ipsi cedere.

Ad 2. Concesso, quod idem possit moveri motibus contrariis, non erit absurdum etiam Petrum moveri talibus motibus.

Ad 3. dico: In Petro replicato posse poni etiam contrarias, qualitates, quæ formaliter non se mutuo tollunt. Hinc Petrus posset simul sentire frigus & calorem, sicut idem homo quandoque secundum quid gaudet, & secundum quid dolet.

Ad 4. dico: Ista omnia tantum dicere diversum situm, aut ad summum motus inter se contrarios, in quibus omnibus non ostenditur implicantia.

Ad 5. *neg. ant.* quia mors & vita se mutuo formaliter tollunt. quando enim ponitur mors, non amplius ponitur Petrus, & si non ponitur Petrus non potest etiam replicatus esse Petrus, adeoque in dicto casu Petrus moreretur Romæ sine ullo vulnere ob identitatem Petri Romani cum eo, qui occiditur Pollingæ.

Ad 6. dico: In Petro replicato non posse poni actus voluntatis inter se oppositos, adeoque non posset Petrus in uno loco se conformare legi, & in altero se non conformare. Ratio verò, cur in Petro possint poni qualitates contrariæ, frigus & calor; & tamen non possint poni volitiones contrariæ, est, quia volitiones se mutuo tollunt etiam formaliter.

Ad 7. *neg. ant.* quia ut dixi in Petro non possunt poni volitiones contrariæ, adeoque nec pugnantes inter se.

## Q U Æ S T I O V.

### An in Natura detur Metus Vacui?

**V**acuum nihil aliud est, quam locus ex pers omni corpore; & ideo agendo de loco, etiam debet tractari de vacuo. Quod vacuum naturaliter non datur, jam ostensum fuit contra Gassendum; quod verò vacuum supernaturaliter sit possibile, ostensum fuit contra Cartesium. In præsentî quæritur, cur in natura non detur vacuum; an forte id proveniat ex aliquo naturali horrore seu metu vacui, prout dicunt Peripatetici antiquiores omnes. Recentiores verò, inter quos etiam multi Peripatetici; hunc metum vacui habent pro figmento, & hinc in omnibus effectibus qui vulgo adscribi solent horrore vacui; assignant, aliam causam physicam & proximam. Totares dependet à pura explicatione nominis; si enim per metum vacui intelligatur aliquod spectrum, nescio quod, distinctum ab ordine partium in universo, nemo jam dubitat, non dari metum vacui; si verò per metum vacui intelligatur ipsa dispositio rerum & virium, quæ sic à Deo ordinata est, ut non sequatur vacuum quæstio everitur, an ea dispositio consistat in principiis mechanicis generalibus, an verò in ipsa natura singularum partium; si reperitur in ipsa natura partium, dicetur propriè dari metus vacui.

*Dico 1. Datur in natura metus vacui.*

*Prob. Concl.* Metus vacui in natura nihil aliud est, quam dispositio omnium causarum impediendum vacuum: Sed hæc dispositio datur; *ergo. m. patet.* quia non datur vacuum naturaliter, adeoque etiam necessariò datur dispositio partium, ne detur vacuum.

*Prob. Concl. 2.* Metus vacui nihil aliud est, quam exigentia universi, vi cuius datur talis coordinatio partium, ne unquam detur vacuum: Sed talis exigentia datur; *ergo. m. prob.* quidquid in natura sit, ob aliquam exigentiam sit; *ergo. ant.* supponitur ex iis, quæ dicta sunt de causis.

*Dico 2. In omnibus effectibus, qui adscribuntur metui vacui, potest assignari causa propinquior.* *Concl.* probatur ab inductione & solutione objectionum. Quod verò assignari debeat talis causa propinqua, patet ab omnibus aliis effectibus, in quibus quæritur causa propinqua; hinc si quæro, quæ sit causa fulminis, non sufficit dicere Deus & natura hoc fecit. Sed debeo explicare partes, materiam, & dispositiones fulminis. Pari modo, si quæro, cur in natura non detur vacuum, non debet dici: *natura horret vacuum, natura hoc impedit;* sed debent explicari illæ dispositiones, quibus natura utitur ad impediendum vacuum.



## Solvuntur Objectiones.

5 *Obj. 1.* Dantur plurima experimenta, quæ non possunt explicari sinè metu vacui; ergo frustra quærentur aliæ causæ propinquiores; ergo.

6 *Prob. Ant. 1.* In Tubo Torricelliano Mercurius  
fig. 2. ad certam altitudinem suspensus præcipitatur in momento si in superiori parte vitri immittatur liber accessus aëris. ratio hujus alia reddi non potest, nisi quia Mercurius ex metu vacui tamdiu remansit suspensus, donec soluto illo motu per accessum aëris tenderet deorsum.

7 2. Digitus superiori parti tubi 40. pollices longi ea adhæret pertinaciâ, ut totus tubus cum Mercurio pendulo possit attolli sursum. Cur autem corpus tam grave appressum digito, tamdiu penderet in libero aëre, nisi metueret vacuum, si subito à digito avulsus caderet deorsum.

8 3. Si Mercurius probe fuerit purgatus, tunc in tubo sex circiter pedes longo omnino non descendit, etiam si immittatur in exhaustum. quæ causa, cur maneat ita suspensus, nisi quia deficientibus exhalationibus Mercurius non habet, unde possit replere  
fig. 3. superiorem partem Tubi Torricelliani.

9 *Resp. ad 1.* Mercurium in Tubo Torricelliano suspendi ob externam gravitatem aëris, seu potius ob elasticitatem aëris externi, posito igitur, quod aër externus sit æqualis ponderis cum Mercurio suspenso in Tubo Torricelliano, tunc servabit æquilibrium cum Mercurio: quod verò aër sit gravis & elasticus, monstrabitur, quando agetur de Elementis. Hoc igitur posito, quando pars superior Tubi Torricelliani aperitur, eo ipso aër Mercurio incumbens sua gravitate deprimet Mercurium seu potius tollet æquilibrium inter aërem ad Mercurium.

Ad 2. dico: Tubum manere affixum digito ob viam elasticam aëris, qui apprimat tubum digito; dum enim non potest se insinuare inter tubum & digitum, non potest gravitas tubi deorsum tendere, cum non habeat supra se corpus æquali elasticitate premens deorsum.

Ad 3. neg. experimentum, quia alii experti sunt oppositum, aut si in aliquo casu extraordinario id accidat, fieri poterit, hydrargyrum sustentari à lateribus, quibus particulae firmius adhærent, ut contingit in tubis angustioribus.

10 *Obj. 2.* Suspendium Mercurii in Tubo Torricelliano non provenit à gravitate aëris; ergo à metu vacui, ant. prob. 1.

Si sumantur tubi diversæ magnitudinis v.g. Diametri palmaris aut bipalmaris, tamen Mercurius manet suspensus in utroque tubo ad eandem altitudinem nempe 26. aut 27. circiter pollicum, sed si istud suspendium proveniret à gravitate aëris, Mercurius in tubo capaciorem deberet profundius descendere ob majorem sui gravitatem respectu aëris externi.

11 2. Si tubus 20. digitos altus totus non repléatur Mercurio, tunc Mercurius totus descendit in subiectum vas; atqui in hoc casu deberet altius manere suspensus, quia in hoc casu Mercurius est minoris ponderis, quam si totus repléatur.

3. Si externa aër premeret introrsum Mercurium, tunc ad orificium tubi deberet sentiri gravitas externi aëris præmentis. Atqui hoc non fit; ergo.

fig. 4. 4. Si Tubus Torricellianus includatur Recipienti aut alii vasculo clauso, Mercurius adhuc remanet

suspensus, etiam si nullum habeat communicationem cum externo aëre; ergo Mercurius non suspenditur à gravitate aëris extrinseci.

5. Si Mercurius detineretur à gravitate aëris, tunc Mercurius deberet altius attolli v.g. in Barometro, quando aër est gravior; Sed hoc non fit; ergo. m. prob. quando aër est pluviosus, tunc utique est ipsior & gravior, & tamen in hoc casu descendit Mercurius in Barometro,

*Resp. ad 1.* Dico cuivis columnæ Hydrargyri respondere æqualem columnam aëream desuper incumbentem & prementem; hinc etiam si in tubo capaciorem plus intro Mercurii, non propterea descendit profundius, quia illi applicatur tantumdem aëris, quantum ipsum continet & molis; sicut enim libra, etiam si uni lanci imponatur corpus gravius, non tamen propterea descendit profundius si in lance opposita imponatur æqualis ponderis corpus.

Ad 2. dico. In tali casu in superiori parte tubi adhuc remanere aërem, qui sua elasticitate deprimit subiectum Mercurium, quia elasticitas aëris aut est ipsa gravitas aëris, aut saltem est proportionalis gravitati.

Ad 3. dico: Ideo nos non sentire gravitatem aëris, quia sumus in æquilibrio, sicut si in libra detur æquale contrapondium, non sentimus gravitatem corporis in una lance existentis, etiam si supponamus digitum lanci, quia nempe vis tendendi deorsum impeditur à contrapondio, ne sentiat; tali modo digitus existens in orificio tubi non sentit aërem, quia aër à lateribus premens sustentat ipsum aërem digito incumbentem; tale quid contingit in fornibus ædificiorum, ubi non sentitur gravitas lapidum capiti impendentium, eo quod lapides ex omni latere mutuo se sustentent.

Ad 4. dico: In recipiente adhuc dari aerem elasticum, cujus elasticitas aut est æqualis aut proportionalis gravitati aëris extrinseci, & ideo est sufficiens ad sustentandum Mercurium in tubo.

Ad 5. dico: Tempore pluvioso aërem esse quidem densiorem, sed non propterea esse graviorem, quia, ut ostenditur in Mechanicis, fluida gravitant secundum altitudinem, ita, ut quo aliquod corpus fluidum est altius, eo ponderet gravius. Hinc si in syphonibus recurvis diversæ tamen amplitudinis immittatur aqua, hæ duæ aquæ, quarum una exstat in tubo angustiore, altera in ampliore, servabunt inter se æquilibrium ad eandem altitudinem, cum igitur tempore pluvio plerumque spirent venti meridionales, qui Atmosphæram volvunt instar æquoris versus Septentrionem, minuitur altitudo Atmosphæra: Sed quando spirant venti septentrionales tunc exoneratur æquor aëreum, quod est versus Septentrionem altius in nostrum aërem, & sic per istam inundationem crescit altitudo nostræ Atmosphæra, prout pluribus demonstrabitur infra de Elementis.

*Obj. 3.* Si Mercurius detineretur à gravitate aëris, tunc aperta parte superiore tubi digitus non deberet urgeri introrsum, quia aër internus sua elasticitate aut saltem externus æquiponderans Mercurio deberet digitum detinere in æquilibrio: Sed hoc non fit; ergo.

2. Ut monstrat Heron & Porta, aqua potest per syphones recurvas ab una valle in alteram deduci supra montes; at hoc fieri non posset, si aëris libra quidomni tantum proveniret à vi ac gravitate aëris, quia



quia hac gravitas non se extendit ad quamcunque altitudinem.

- 13 *Resp.* ad 1. Quod digitus urgeatur introrsum, quia parte superiore tubi tantum existit materia subtilis, aut certe non tantum existit aeris, quantum aëri extrinsecus possit fervare æquilibrium sive spectetur elasticitas, sive gravitas.

Ad 2. Nego experimentum, quia nunquam fuit hoc monstratum in effectu, quin potius contrarium. Quod enim ascensus liquidorum tantum fiat, quæ ad certam altitudinem, patet ab innumeris experimentis, in quibus omnibus fuit observatum, altitudinem esse majorem quo corpus liquidum ascendens minus habet gravitatis, hinc aqua fontana ascendit ad altitudinem circiter 32. pedum, alii liquores v. g. cerevisia vel vinum ascendit ad minorem altitudinem quàm aqua, sed ad majorem quàm Mercurius, & hoc universaliter fit secundum proportionem gravitatis corporum.

- 14 *Obj.* 4. In doliis vini, in clepsydris, irrigatoriis, si superius claudantur, nihil effluit; ergo id non potest provenire à gravitate aeris quia aer non premit sursum, sed deorsum.

2. Cucurbitulæ à scarificantibus applicatæ excitant tumorem in carne, si vero id proveniret à gravitate aeris, deberet caro potius premi introrsum quàm extrorsum, igitur ille tumor provenit à metu vacui.

3. Duo plana oleo inuncta, ne possit subintrare  
fig. 4. aer, difficillime avelluntur. Idem contingit in hemisphætiis, ut dicuntur, Madeburgensibus, seu in duobus alicujus globi dinadiis partibus, ita complanatis, ut exactissimè sibi congruant; hæ enim etiam si sedecim equi adhibeantur, ut easdem divellant, non possunt divelli; sed in hoc casu nulla adest extrinseca vis impediens divulsionem; ergo solum divulsionem impedit metus vacui.

- 15 *Resp.* ad 1. Vinum in dolio suspendi ob elasticitatem aeris externi, cum enim extrinsecus omnia plena sint aere, idem resistit, sicut aer intrinsecus in solibus resistit volenti aperire valvulas; igitur cum gravitas vini major non sit, quàm pressio in valvulas solium, mirum non est, quod impediatur descendere in aerem externum.

Ad 2. dico: In cucurbitulis omnino nullum dari metum vacui, quia dum applicantur adhuc plenæ sunt aere, licet rarefacto ab igne, hinc fit, ut & caro & sanguis prematur ab aere totum corpus humanum pervadente versùs aërem magis rarefactum qui est in cucurbitulis.

Ad 3. dico: Hemisphæria non divelli ob extrinsecus prementem aerem; & id manifestum fit ab experimento in machina pneumatica, ubi hæc hemisphæria ultro sine ulla vi ab invicem divelluntur, quia nempe machina per suctiones continuas fuit exhausta ab omni aere saltem crassiore.

- 16 *Obj.* 5. Vesica aliquantum madefacta expanditur  
fig. 3. in Exhausto; At hoc fieri non potest à pressione aeris; cum in Exhausto nullus sit; ergo à metu vacui.

- fig. 3. 2. Embolus post iteratas suctiones & aerem jam exhaustum accedente quacunque vi extrinseca non potest ulterius moveri: At extrinsecè nihil impedit; ergo ejus motum tantum impedit metus vacui.

- fig. 3. 3. Si Exhaustum denuò aperiatur & applicetur os

orificio, per quod subintrat externus aer, periculum est, ne quis subito exanimetur, ut constat ab experientia; sed in hoc casu aer, qui ab homine trahitur intra orificium *Exhausti*; non premitur ab aliqua vi, alioquin homo deberet sentire illam vim; ergo à metu vacui. Simile quid contingit, quando orificio *Exhausti* opponitur digitus, tunc enim sentiet attrahi digitum, & tamen non sentiet vim prementem extrinsecam; ergo iste effectus non provenit à gravitate aeris extrinseci.

4. Datur vera attractio; ergo idem potest contingere in allatis experimentis, ant. patet ab Elychniis vel aliis tenuibus tubulis ferè capillaribus, à quibus omnibus attrahitur oleum sine ulla vi extrinseca.

*Resp.* ad 1. Vesicam expandi ab elasticitate aeris in vesica residui; quando enim aer exhauritur in *Exhausto*, eo ipso cessat pressio aeris extrinseci in vesicam, & ob hoc aer interius cessante pressione expanditur sicut contingit in lana v. g. vel squamma, quæ durante pressione implet exiguum spatium, cessante verò pressione se restituit ad majorem extensionem. Quod verò expansio vesicæ proveniat ab elasticitate, patet, si illa eadem vesica in libero aere applicetur ad ignem vel deferatur in excelsum montem, in quo pressio aeris externi non est adeo magna, in his calibus nullus datur metus vacui extra vesicam ut opus sit ista distensione, & tamen vesica expanditur.

Ad 2. dico: Embolum non posse ulterius moveri ob elasticitatem aeris externi, quæ est ingentium virium, quas omnes exerit in casu, quo non premitur vicissim ab alio aere æqualium virium. Suppose in duabus lancibus libræ esse duos montes; servabunt æquilibrium, & poterunt ab infante moveri montes sursum & deorsum, sed si ex una lance tollatur mons, alter ingenti impetu deorsum tendet; sic & aer ingenti vi tendit in omnem partem ob elasticitatem, ex qua non reperit resistantiam, & contrapondium.

Ad 3. dico: Vim illam urgentem introrsum non provenire à gravitate aeris alia, nisi ab elasticitate, & hinc, quia aer se tantum expandit, non sentitur pressio.

Ad 4. dico: In istis tubulis capillaribus tantum provenire attractionem à pressione & elasticitate aeris extrinseci, cum enim in istis minimis tubulis etiam minor detur resistantia, eo major erit pressio aeris extrinseci versùs hos tubulos; hinc fit, ut & oleum ab aere elastico externo simul produratur versùs partem, in qua est major rarefactio & minor resistantia.

*Obj.* 6. Si omnia proveniunt ab elasticitatibus, cur non Atmosphæra expanditur in superiores partes ætheris, ubi nullam invenit resistantiam?

2. Si per superiorem partem Tubi Torricelliani potest intrare materia subtilis, cur non posset tantundem intrare materiæ subtilis, ut adimpleat totum tubum? cur enim pondus Mercurii non possit aerem externum eousque comprimere, ut materia subtilis ab aere expressa redeat in locum Mercurii deciduis?

3. Si Mercurius detinetur à gravitate aeris extrinseci quasi in æquilibrio, tunc sequitur totam columnam acream cum Mercurio æquibrantem non esse majoris ponderis quàm ipsum Mercurium suspen-



## QUÆSTIO VI.

## Quid &amp; qualis sit motus?

suspensum in Tubo Torricelliano: at hoc dici non potest; ergo. si enim columna æreanon est majoris ponderis, tunc ad summum v. g. esset unius libræ; si verò columna ærea tantum est unius libræ, cur in hemisphæriis Madeburgensibus 16. equi non possunt superare & tollere gravitatem columnæ æreæ hemisphæriis incumbens, cum utique 16. equi tollere possint libram?

4. Etiam si in hemisphæriis majoribus proveniret cohesio à gravitate æris, tunc tamen proveniret cohesio in minimis particulis seu corpusculis physice indivisibilibus? si enim dantur corpuscula aliqua plana, quæ perfectissime sibi congruunt, quomodo poterunt ea separari sine vacuo, cum utique motus æris, qui subintrat post avulsionem horum corpusculorum non sit instantaneus ut simul esse possit circa extrema corpusculorum, & circa medium?

5. Constat, viribus humanis ærem posse comprimi in minimum spatium, prout patet ex sclopeto pneumatico; cur ergo in applicatione 16. equorum non posset aliquantum condensari ær externus nisi metueret vacuum?

Resp. ad 1. ærem esse elasticum, sed eam elasticitatem esse majorem, quo ær est terræ propior, quia magis comprimitur propè terram ab incumbente pondere superioris æris; cum ergo in superiore regione æris non habeat supra se alium ærem, quo possit comprimi, nulla vel exigua erit ibi æris elasticitas, adeoque non est mirum, quod non dissolvatur. Exemplum habetur in acervo lancæ, in quo inferiores partes fortius premunt & premuntur, quam superiores.

Ad 2. dico: Compressionem à Mercurio deciduo in ære causatam tantum fieri usque ad certam distantiam, & intra sphæram, ut ita dicam, elasticitatis, sicut enim in lana compressa partes comprimendi manui viciniore arcibus comprimuntur, quam partes remotiores ita fit in ære, qui tantum comprimitur à Mercurio secundum datam proportionem molis, gravitatis & distantiae, exinde fit, ut materia subtilis non possit exprimi ex ære, & intrudi in superiora Tubi Torricelliani, nisi in quantum gravitas Mercurii est potens comprimere tantum & non plus æris.

Ad 3. dico: Resistentiam illam, quæ sentitur in hemisphæriis Madeburgensibus, provenire ab elasticitate æris, quo duo hemisphæria tam arcte comprimuntur, cum enim in intermedio ob exactam planitiem nullus reperiatur ær, nullum datur contrapondium, quo vis æris externi elastici servetur in æquilibrio.

Ad 4. dico: In separatione minimarum partium, aut mutari naturam partium ut ex solidis fiant liquida, aut eam tantum separari horizontaliter secundum parallelas ad superficiem, non verò secundum perpendiculares. Sic fiet, ut non sequatur vacuum.

Ad 5. dico: Ærem posse comprimi in quantum ex ære extruditur subtilis materia sicut comprimitur squama, aut lana, quando ex illis exprimitur aqua. Sed quia vis elastica æris ob ejus altitudinem est ingens, non poterit vinci nisi viribus hominum aut equorum in auxilium veniat pondus alterius æquilibrantis æris, cum ergo in his hemisphæriis cesset actio æris æquilibrantis, mirum non est, quod 16. equorum robur non possit vincere pondus incumbens undique elastici æris.

R. D. Enseb. Amort Philosophia.

Motus ab Aristotele dividitur in Generationem.<sup>1</sup>  
2. Alterationem. 3. Augmentationem.  
4. Motum localem. Quod detur motus generationis, alterationis, & augmentationis &c. ex præmissis jam ultro sequitur: ostensum enim est in natura mutari totam substantiam acquirendo novam formam substantialem, seu mutari totum in totum nullo sensibili remanente, & hoc est dari generationem. Ostensum etiam est, dari accidentia & qualitates sensibiles, quæ si dantur, necessario etiam mutantur v. g. dum ex calido fit frigidum, & hoc est dari alterationem. Denique ostensum est dari quantitatem & figuram realiter à suo subjecto distinctam, quæ proin etiam exigente natura mutari possit in quacunque parte materia: & hæc mutatio vocatur augmentatio vel diminutio. Igitur quæstio solum est de motu locali.

Motus localis ab Aristotele definitur quod sit *actus entis in potentia, quatenus est in potentia*.<sup>2</sup> Quando enim mobile v. g. lapis movetur ab uno loco in alium, tunc verum est dicere, quod lapis, dum movetur, nondum actu habeat illam formam, cujus acquirendæ gratia movetur, clarum enim est, id quod movetur, dum movetur, nondum esse in termino; hinc dicitur, quod motus sit aliquid, quod est in potentia, nondum verò in termino; mirabile verò videtur, quod motus dicatur esse actus entis in potentia, cum utique actus & potentia repugnent, non enim aliquid potest esse actu album, & tantum esse in potentia album. Igitur actus & potentia in definitione dicuntur respectu diversorum, nam motus actu transtulit lapidem ab uno loco in alterum, & etiam actu exigit novam translationem seu novam ubicationem, ad quam lapis est in potentia, & illud ens, quod dedit novam ubicationem, & quod exigit aliam novam ubicationem est ipse motus, seu actus entis in potentia, quatenus est in potentia.

Neoterici, quibus non placet definitio Aristotelis, putant se clarius definire motum localem, dum dicunt: *Motum esse translationem corporis ab uno loco in alium*, & revera nihil est clarius, cum utique hanc intelligant omnes rustici: Sed hæc definitio, cum non dicat, quid sit illa translatio, nec attingat formalem causam translationis, nihil novi dicit, quo distinguat rusticum à Philosopho. Econtra definitio Aristotelis, dum dicit, motum esse actum entis in potentia, simul attingit naturam translationis ob potentialitatem seu exigentiam ipsius mobilis.

Cartesiani tradunt adhuc aliam definitionem & dicunt: *motum esse translationem corporis & viciniam corporum in viciniam aliorum corporum*: dum enim lapis emittitur è manu, utique relinquit viciniam, & successive acquirit aliam viciniam v. g. corpus D. Stephani, in quod abjicitur: Sed hæc definitio in primis quod contineat vitium commune Neotericorum in priori definitione allatum, insuper deficit in universalitate; sic enim, qui veheretur in rheda selloria, non moveretur, quia non transferretur à vicinia corporum; vel si quis navigaret in Indiam, talis non posset dici moveri, eo quod servet viciniam ligni, in quo vehitur.

Cartesiani forte hoc admitterent, quia hanc definitionem studio excogitarunt ad explicandos textus

M m

scripturæ,



Scriptura, ex quibus nostri tuerentur terram stare, moveri Solem.

Cartesius enim sentiens oppositum cum paucis, loqui tamen voluit cum pluribus, dixit proin terram stare, moveri Solem, quia vi suæ definitionis terra non transfertur à vicinia corporum ambientium puta Atmosphæræ aëris; eò quod terra in aëre inclusa cum ipso aëre revolvatur circa Solem. Verùm significatio verborum pendet ab arbitrio hominum, adeoque ab arbitrio Peripateticorum Veterum, & plurium.

- 5 Proprietates motus à Neotericiis assignantur 1. quod omnis motus sit rectilineus, quia putant ab uno puncto ad alterum tantum posse duci rectam lineam adeoque etiam motum ab uno puncto ad alterum debere esse rectilineum.
2. Quod omnis acceleratio motuum fiat per additionem partium velocitatis, seu motuum: Sed in hoc non explicant, quid sint illæ partes.
- 6 Dico 1. *Motus recte definitur, quod sit actus entis in potentia, quatenus in potentia.* Prob. Concl. Est possibilis aliqua causa in natura, quæ intrinsece exigat positionem mobilis in alio loco: Sed talis causa est ille ipse actus, & per hanc bene definitur motus; ergo.
- 7 Prob. Concl. 2. Non potest ostendi vitium; ergo.
- 8 Dico 2. *Motus est entitas modalis essentialiter exigiva ubicationum sibi invicem succedentium.* Prob. Concl. Causa illa ubicationum in motu succedentium concipitur ut aliquid formaliter distinctivum à mobili & ut separabile à re; ergo.
- 9 Dico 3. *Divisio motus in generationem, alterationem, augmentationem & motum localem est bona.* Prob. Concl. Datur mutatio substantialis, accidentalis &c. ut fuit ostensum; ergo. Hanc conclusionem Neoterici negant, dum dicunt, omnem motum esse motum localem, adeoque negant divisionem esse bonam.
- 10 Dico 4. *Non omnis motus est rectilineus.* Prob. Concl. Si circumagatur aliquod corpus per circulum eo ipso describitur circulum, etiam mathematicè perfectè rotundum: Sed tali modo etiam motus erit rotundus; ergo.
- 11 Prob. Concl. 2. Non potest ostendi implicantia in corpore perfectè sphaerico circumacto circa centrum; ergo.
- 12 Dico 5. *Motus acceleratio aut intensio non fit per additionem partium velocitatis.* Prob. Concl. Hæc locutio nullum habet sensum; ergo.

## Solvuntur Objectiones.

- 13 *Obj. contra 1. 2. & 3.* Tradita definitio non comprehendit actum intellectionis, volitionis; ergo non convenit omni. Quia etiam hi actus aliquo modo sunt motus animæ in se ipsam ut habet Plato in Timæo.

2. Generatio est motus instantaneus; ergo non est actus entis in potentia quatenus in potentia, quia in unico instanti non datur exigentia ad novam mutationem.

- 14 *Resp. ad 1. dist. conf.* ergo definitio non convenit omni, cui convenit ratio motus localis, neg. cui convenit tantum motus intellectualis, c. in præfenti tantum definitur motus localis. Dein in actibus

intellectus non relinquitur subiectum in potentia seu imperfectum prout fit in mobili, quando enim intellectus rem cognoscit, actu jam cognoscit, nec exigit aliam cognitionem, lapis verò qui movetur ab uno loco in alterum, in medio nunquam quiescit, adeoque exigit novam formam: Hoc proin, quod relinquitur imperfectum, in præfenti definitur.

Ad 2. c. ant. neg. suppos. quod hic definitur motus generationis; motus ut sic, qui dividitur quadrupliciter, non definitur esse actus entis in potentia &c. Sed deberet definiri esse mutatio entis corporei.

## QUÆSTIO VII.

### Quid sit causa motus?

Neoterici volunt omnem motum localem esse ab intrinseco ita, ut nihil moveat se ipsum, v. g. dum lapis descendit deorsum, dicunt lapidem non ex sua natura moveri deorsum; sed à desuper premente aëre, aut alia causa extrinseca: dum vero corpora animalium moventur v. g. motu progressivo, dicunt etiam illum motum non provenire à Principio intrinseco corporis, sed tantum ab ambiente aëre aut alia causa, sicut horologia moventur à pondere. Atomistæ quidem admittunt motum innatum ipsis atomis, sed & ille ipse motus fortè tantum provenit à perpetua actione Dei moventis corpora secundum leges sibi cognititas.

Dico: *Immediata causa motus est ab intrinseco in motibus naturalibus.* Prob. Concl. Est possibilis in natura aliqua exigentia ubicationum sibi succedentium; ergo etiam est possibilis motus ab intrinseco.

Prob. Concl. 2. Si motus esset ab extrinseco, tunc v. g. lapis deberet moveri à desuper incumbente aëre: Hoc non potest fieri &c. ergo, m. prob. si moveretur ab aëre, quis moveret ipsum aërem?

Prob. Concl. 3. Etiam si nullus daretur aër supra lapidem molarem, ille tamen caderet deorsum, nec maneret suspensus in vacuo, prout patet ex exhausto, in quo etiam plumæ & alia levissima corpora instar lapidis molaris ingenti celeritate decidunt, prout testatur de la Hire in Acad. Reg.

## Solvuntur Objectiones.

*Obj. 1.* Omne movens movetur ab alio; ergo nihil movetur ab intrinseco, ant. prob. partim ab inductione, partim etiam ratione, quia nihil mutat se ipsum.

2. Si aliquid moveretur ab intrinseco, tunc etiam deberet habere intellectum: Hoc est absurdum; ergo. Prob. M. nihil potest moveri versùs suum terminum, nisi cognoscat terminum; cur enim lapis moveretur deorsum, si non scit suum centrum potius esse positum infra se, quàm supra se? Dein: cur accedendo propius ad terram moveretur velocius, si non cognosceret suum centrum esse propinquius?

3. Moveri ab intrinseco est aliquid vitale; ergo non convenit corporibus non viventibus, prob. ant. quidquid movetur ab intrinseco potest etiam quiescere ab intrinseco: Sed hoc est aliquid vitale; ergo. M. patet,



patet, quia natura eadem est Principium motus & quietis ab intrinseco.

6 *Resp.* Ad 1. dist. ant. Omne movens movetur ab alio causaliter c. formaliter neg. Concedo, illum motum, qui est in lapide, provenire ab alia causa, quæ non est lapis, quia ut ait D. Thomas, motus gravium &c. est à sua causa, quia illa causa, quæ dedit lapidi naturam, dedit etiam lapidi motum deorsum; bene enim notandum est, quod prima actio cujuslibet entis sit à causa productiva; motus seu tendentia deorsum est prima actio gravium, adeoque est à causa productiva gravium. Hoc Principium naturæ exinde profluit, quia quicquid producit, in ordine ad aliquem finem producit, adeoque ordinatur ad illum finem, ordinari verò ad finem, imprimi ordinem ad finem, tendere in finem vi illius ordinis sunt synonyma.

Ad 2. neg. M. Quia res naturales licet non habeant intellectum, sunt tamen perfectissima imago ejus rei, quæ est in intellectu agentis, ita, ut totus mundus dici possit intellectus realis per se subsistens. Sicut igitur in intellectu Divino unum ordinatur ad alterum, ut Lapis ad suum centrum, & propinquiore centro cum majori velocitate ordinatur, ita revera lapis habet illum ordinem, & vi illius ordinis movetur etiam cum augmento velocitatis, quamvis ea major velocitas pro sui dispositione habeat plures impetus aeris elastici semper densioris versus centrum, hinc si lapis decideret in vacuo, non velocius moveretur, quamvis propius accederet ad centrum.

Ad 3. neg. ant. Vitalia enim non solum sunt Principium motus & quietis, sed sunt Principium motus & quietis circa operationem tendentem ad perfectionem suæ naturæ, sic plantæ crescunt ab intrinseco, & proferunt fructus ab intrinseco, sed lapis in se ipso nec mutatur ab intrinseco, nec acquirit novam perfectionem sibi inhaerentem per motum.

7 *Obj.* 2. Aristoteles L. 8. Physic. c. 4. dicit: sicut in navibus, ita & in animalibus videtur id diversum, quod movet & quod movetur; ergo nihil movetur à se ipso.

2. Idem Arist. c. 2. de somno & vigilia dicit: animal semper excitari ab ambiente videlicet aere, aut æthere.

3. Anima non movet corpus ex se ipsa; ergo nihil aliud est Principium motus, quia si animæ non convenit movere, multò minus id convenit corporibus. ant. prob. anima non potest pro suo libitu sistere, v. g. pulsus arteriæ aut motus cordis; ergo.

8 *Resp.* Ad 1. c. ant. neg. conf. quia in animalibus anima movet corpus, & anima utique est aliquid diversum ab eo, quod movetur, corpore.

Ad 2. dist. Excitatur ab ambiente dispositivè c. efficienter neg. excitari nihil aliud est, quàm reassumere motum organorum in corpore, ille verò motus reallumitur posita debita dispositione nempe disjectis vaporibus & aere extrinseco libere organa pervadente. Motus animalium se habent, sicut motus horologii, multa requiruntur, ut moveatur; unus defectus sistit totam machinam; aer vel æther se habet instar ponderum; anima, quæ movet spiritus animales, se habet instar perpendiculi.

Ad 3. neg. ant. ad prob. c. ant. neg. conf. motus etiam cordis & arteriæ est naturalis corpori vi. R. D. Euseb. Amort Philosophia.

venti, nec dependet à libera determinatione, sicut motus spirituum, aut alii motus in corpore dependentes ab anima.

## QUÆSTIO VIII.

### Quæ sit Causa Projectilium.

**P**rojectilia vocantur, quæ moventur non ex sua natura, sed aliqua vi extrinseca, ut lapis, sagitta, aut globus versus scopum excussus. talis motus plerumque est violentus, semper verò præternaturalis.

Violentus vocatur, qui fit nullam vim conferente 2 passo, quando enim lapis jacitur sursum, lapis nihil confert ad hunc motum, sed patitur impetum jacentis.

Præternaturalis vocatur, qui fit præter exigentiam mobilis, ut si lapis jaciatur deorsum, velocitas lapidis erit major, quàm eam exigeret gravitas lapidis, secundum hunc excessum velocitatis motus projectileum erit præternaturalis.

Motus projectileum universum provenit ab aliquo impetu seu ab aliqua vi projectileibus impressa.

Impetus innatus vocatur, qui convenit mobili ex sua natura, talis est in lapide versus centrum aut appetitum animalium versus objectum appetibile.

Impetus elicitus vocatur, qui convenit projectileibus per aliquam vim primum acquisitam. & talis impetus acquisitus v. g. in lapide excusso sursum semper est violentus aut præternaturalis.

Motus projectileum à Neotericis plerumque adscribitur elasticitati aeris irruentis à tergo corpori mobili & vi summa sese restituentis in locum à projectilei derelictum.

Atomistæ verò eundem motum solent adscribere atomis ex impetu sibi innato per vacuum hinc inde motis, quæ si irruant in quodcunque corpus mobile, idem secum ad quamcunque metam deferunt.

Peripatetici verò motum projectileum adscribunt qualitati impressæ à projiciente v. g. à manu; hæc qualitas est entitas intrinsece exigitiva ubicationum sibi invicem succedentium aut relationum secundum ubi usque ad determinatum scopum recipientium. Videtur, quod etiam Veteres hunc ipsum statum quæstionis jam insinuare voluerint, dum quæsierunt, an motus dari posset in vacuo, si enim motus potest dari in vacuo, clarum est, eundem non provenire ab elasticitate aeris, eò quod talis penatur non dari in vacuo. si verò non possit dari in vacuo, indicium est, motum non provenire à qualitate impressa, quæ etiam dari posset in vacuo.

Dico: Motus projectileum provenit à qualitate impressa.

Prob. Concl. Possibilis est talis qualitas essentialiter exigitiva ubicationum sibi invicem succedentium; ergo recte illi adscribitur. ant. prob. possibilis est ordo corporis mobilis ad ubicationes continua serie sibi successivas; ergo etiam qualitas. ant. prob. potest concipi talis ordo; ergo. Sicut enim in mundo intellectuali hic ordo non est nihil, & tamen est diversus à quacunque re habente ordinem, ita etiam potest huic conceptui respondere objectum reale, ut conformis sit mundus realis mundo intellectuali.



- 11 Prob. Concl. 2. Motus projectilium non provenit à recurrente aere elastico ad tergum projectilium; ergo à qualitate. prob. ant. quando projicitur lapis à manu, tunc aer anterior lapidi resistit, adeoque non movet lapidem: à tergo vero lapidis nullus intercedit aer inter lapidem & manum intermedius; ergo neque movetur lapis ab aere adeoque nullo.
- 12 Tanca est vis projectilium, ut non possit adscribi aeri; ergo. prob. ant. globus v. g. tormenti bellici perfringit in momento muros &c. Sed aer non necesse habet perfringere muros, quia posset à tergo globi cedere versus latera, si igitur aer ex sua natura non habet tantum impetum, nec poterit illum communicare globo tormenti bellici.
- 13 3. Si ponatur incendi pulvis pyrius & elasticitas illius pulveris se expandentis in tormento bellico, excutietur globus, & exploderetur tormentum etiam si nullus foret foris aer v. g. posset in spatia imaginaria in summitate coelestium emitti globus aut sagitta, quia sic potest concipi.
- 14 4. Si ponatur aer elasticus, non minus resistet aer anterior, quam urgebit aer posterior; ergo æquponderantibus viribus aeris anterioris & posterioris globus quiescit in medio.
- 15 5. Si projectile moveretur à recurso aeris versus tergum, tunc recursus illius aeris esset prior ad motum projectilium, eo ipso quod causa hujus motus: Sed hoc non potest dici; ergo. m. prob. recursus aeris in locum à lapide v. g. derelictum primum consequitur ad motum lapidis, non antecedit; ergo ant. patet, quia derelictio loci est prior, quam recursus ad eundem locum.
- 16 6. Quando aliqua rota, aut turbo agitur in circulum non per exiguum temporis spatium, non potest dici, quod aer se restituat in tergum corporis mobilis, nec potest concipi, quomodo aer agat in circulum seu turbinem nisi ipse aer agatur in circulum, sed à quo volveretur ipse aer?
- 17 7. Si mobile moveretur ab aere, tunc globus ligneus major quam globus ferreus deberet fortius & longius explodi quam globus ferreus minor; Hoc est falsum; ergo M. prob. globus ferreus sustineret majorem vim aeris prementis & minorem aeri præberet resistantiam ob minorem gravitatem; ergo. Nec potest dici: quod in globo ligneo dentur plures pori, ob quod aer transiens non imprimat tot impetus, quot imprimit globo ferreo, quia aer crassus elasticus non potest transire in momento per poros globi lignei, & materia subtilis quæ potest transire, non est elastica nec assignatur pro causa motus projectilium.
- 18 8. In Exhausto motus pendulorum sunt æque continui ac in libero aperto aere; ergo saltem ille motus non provenit à recurso aeris.

## Solvuntur Objectiones.

- 19 *Obj. 1.* In sclopeto pneumatico aer habet vim tanta vi explodendi globum, quantam vim habet pulvis pyrius; ergo eandem vim potest etiam habere extra sclopetum pneumaticum.
2. Datur aliquod sclopetum etiam pneumaticum per modum exhausti, è quo si extrahatur aer, & de novo subito immittatur aer extrinsecus, ille tanta vi irruit in sclopetum, ut explodat globum

eadem vi, quæ pulvis pyrius. Ita testantur Acta Anglicana.

3. Aer in Exhaustum tanta vi irruit, ut si latera exhausti v. g. vitrea sint figuræ quadræ, in momento in mille partes dissolvatur ipsa machina; ergo idem aer potest habere vim perfringendi muros.

4. Potest dici: quod per impetum projicientis tollatur æquilibrium inter aerem anteriorem & posteriorem, igitur aer posterior suâ elasticitate non tantum se restituet in locum derelictum; sed & urgebit illud corpus tamdiu, donec aer anterior iterum recolligat vim priorem restituendi.

*Resp.* Ad 1. neg. paritatem. in sclopeto enim pneumatico aer includitur, & ideo elasticitate suâ necessario protrudit globum. econtrâ in libero aere non datur ratio, cur aer vim suam exerat tantum versus unam partem.

Ad 2. Est eadem disparitas, quia in illo sclopeto revera fuit aer exhaustus, contrarium verò fuit in libero aere.

Ad 3. Idem Respondeo.

Ad 4. neg. ant. Quia etiam posito, quod tollatur æquilibrium aeris, tamen non potest concipi, quod illud æquilibrium tamdiu tollatur, nec potest concipi, quod aer anterior tamdiu non se recolligat ad priorem resistantiam.

*Obj. 2.* Qualitas illa non potest explicari; ergo. ant. prob. 1. Non potest dici, à quo vel quando producat, quando enim v. g. fundæ circumacta extrudit lapidem vel producit ille impetus ab ipsa fundæ vel à manu? Neutrum potest dici; ergo. m. prob. quia nec fundæ nec manus continet illum impetum; aliâ & ipsa deberet moveri. Dein si ista qualitas producit in ultimo instanti excussionis; ad quid opus est circumactione fundæ, vel motu manuum? si verò producit durante motu manuum, tunc effectus non est instantaneus, quod implicat.

2. Hæc qualitas vel differt à gravitate, vel non?

3. Vel fit cum resistantia, vel non, si cum resistantia, non sentitur. si sine resistantia, tunc motus projectilium non erit violentus.

4. A quo movetur ipsa qualitas?

5. Cur qualitas perit, & à quo destruitur si non habet contrarium, nec partes, nec patitur intensiorem, nec remissionem?

*Resp.* Ad 1. Hanc qualitatem produci in ultimo instanti excussionis partim à manu, partim à fundæ, præcedens motus requiritur in quantum præexigitur dispositio ne quidquam in universo fiat sine ordine ut enim suo loco dicam, probabilius est vel motum in universo fieri secundum certas proportionales, vel geometricas, vel arithmeticas, vel omnino musicas. hæc verò proportionales eo ipso quod debeant esse continuæ progressionis, requirunt seriem quorundam motuum ac partium materiæ.

Ad 2. Dico: Hanc qualitatem non differre genere à gravitate, sed tantum specie infima, in quantum respicit alium locum, & aliam causam.

Ad 3. Dico: impetum produci etiam sine resistantia, motus tamen erit violentus, quia fit nullam vim conferente passo.

Ad 4. Dico: qualitatem moveri à se ipsa, in quantum exigit seriem ubicationum sibi invicem succedentium.



succedentium: in quantum igitur producit ubicationes successivas, in tantum ipsa qualitas movetur, ut ita dicam ab ipsis ubicationibus, quas producit.

Ad 5. Dico: Qualitatem destrui ob defectum finis, impetus enim, quando primò fuit productus tantum exigit finitam collectionem ubicationum sibi invicem succedentium, his proin evolutis dicit: *sat vixi*.

Obj. 3. Non possunt explicari omnes proprietates motuum per istam qualitatem impressam; ergo.

Ant. prob. 1. Ista qualitas non potest urgere corpus, quia compenetratur cum corpore, adeoque transiret sicut spiritus.

2. Hæc qualitas non est causa determinationis ac directionis; ergo. prob. ant. manente eodem impetu in corpore reflexo datur diversa directio.

3. Per hanc qualitatem non explicatur motus pendulorum.

4. Resp. ad 1. neg. ant. urgere enim corpus nihil aliud est quam exigere novas ubicationes. Potest etiam distingui, non urget corpus mechanicè per tactum c. physicè per exigentiam neg.

Ad 2. neg. ant. omnis enim impetus exigit determinatam collectionem ubicationum sibi invicem succedentium: quando igitur corpus impingit in aliud, non cessat illa exigentia sed tantum determinatur ab objecto corpore secundum certas proportionales ad alias ubicationes.

Ad 3. neg. ant. Dico enim pondus pendulorum, quando primò decedit acquirere impetum exigitivum certæ collectionis ubicationum, dum igitur impeditur illas ubicationes omnes viâ directâ evolvere, acquirit novam determinationem versùs aliam viam, usque dum evolvat numerum omnium ubicationum.

## QUÆSTIO IX.

### Quanam sint Leges Motuum?

1. **L**eges motuum vocantur illæ regulæ, quas Author naturæ in movendis corporibus sibi ipsi præscripsit, tales leges à Neotericis afferuntur sequentes.

1. *Omnis motus est rectilineus.* Hæc lex falsa est, quia ostensum est concipi posse motum etiam sphericum, adeoque non repugnat existere.

2. *Quodlibet corpus movetur à quolibet.* Sensus est: quod corpus quantumvis magnum, v. g. mons, aut mundus possit moveri à minimo corpore v. g. arenula, si hæc in illud impingat, ratio est, quia quælibet moles materiæ est purè passiva sine ulla resistantia, seu *iners*, adeoque illa indifferentia tollitur per quemcunque motum. Hæc lex est falsa, quia in materia non datur pura *inertia nature*, sed gravitas certa, vis movendi, quiescendi, & resistendi. quia ita potest concipi in mundo intellectuali.

3. *Omne corpus perseverat in suo statu quiescendi aut movendi* v. g. Si corpus semel moveatur, movebitur in infinitum, nisi motus destruat à contrario, ratio est, quia nihil mutat aut destruit se ipsum. Hæc lex falsa est, quia omnis motus est ordo rationis ad terminum mobili impressus; implicat enim, ut intellectus movens ordinet mobile ad terminum infinitè distantem, adeoque acquisito

termino cessabit ordo & motus ob defectum finis.

4. *Corpora in gyros acta nuncuntur à centro motus recedere.* Hujus exemplum habetur in funda, ubi sentitur conatus lapidis recedendi à funda. Aliud habetur in fluidis v. g. in aqua, quæ etiam ascendit ad latera, si revolvatur circa centrum in aliquo vase; & si fortè ligna innatent aquis, eadem recedunt à centro motus. Hæc lex fortè vera est in motibus violentis, qualis est in funda, non autem est vera in motibus spontaneis seu naturalibus, qualis fortè est in corporibus celestibus, quia potest in mundo intellectuali concipi motus perfectè circularis.

5. *Corpora in gyros acta abeunt secundum tangentem* v. g. Lapis à funda emissus describet tangentem respectu circuli in quo fuit circumacta funda. Etiam hæc lex non est vera in motibus naturalibus, quia in his corpora non nituntur à centro motus recedere.

6. *Actiōi semper æqualis est reactiō seu passio;* 7 hinc si digitus premit lignum, æqualiter premitur vicissim à ligno, & si equi trahant currum, eodem vicissim æqualiter retrahuntur in currum. Ob hanc legem putant Neoterici partes totius mundi in se invicem habere continuam pressionem mutuam, ut proin mirum non sit, si aliqua parte cesset illa pressio, quod totum quasi Universum versùs illam partem premendo irruat.

Hæc lex est falsa, quia opus Universi non est opus Mechanicum, ubi omnia sunt in statu violento, sed est opus rationis, ubi omnia secundum ordinem vel moventur ad terminum, vel quiescunt in termino.

7. *Summa motuum æstimari debet secundum quantitatem materia in velocitatem ducta,* ponantur duo corpora, quorum unum habet duas partes materiæ, & hoc vocetur A. alterum habeat 4. partes materiæ, & hoc vocetur B. Jam si corpus A. habeat 4. partes velocitatis, & corpus B. tantum habeat duas partes, tunc summa motuum erit æqualis in utroque corpore. Ratio hujus legis alia non est, nisi præcisè aliquod abstractum figmentum partium velocitatis, quæ veluti cum partibus materiæ multiplicari debeant secundum leges arithmeticas; sed hæc lex falsa est, quia motus non exsurgit ex partibus velocitatis, sed ex ordine, quem corpus habet ad ferriem ubicationum, & ille ordo est indivisibilis. In mundo intellectuali concipio majorem vel minorem velocitatem, quin necessariò concipiam tales partes velocitatis.

8. *Commutatio motus post occursum corporum est proportionalis quantitati partium velocitatis in materiam ducta,* v. g. Si corpus B. corpori A. dupliat impingat in illud corpus A. tunc corpus A. movebitur post occursum duplo majori velocitate, quam ante occursum movebatur corpus B. cum enim corpus B. ponatur v. g. habere duas partes velocitatis, harum unam partem communicabit corpori A. jam si illa pars velocitatis ducatur in materiam, eo ipso velocius movebitur, quam corpus B. quia invenit minus materiæ.

9. *Corpora elastica in occursum tantum sibi invicem communicant de motu, quantum ante occursum habuerunt: simili modo tantum invicem destrunt de summa motus, quantum prius habuerunt.*



Hæc lex probati solet ex motu duorum pendulorum v. g. globorum, quorum unum impingitur in alterum, si enim illi duo globi è filo pendentes, & post delapsam in se invicem impingentes, sint æqualis magnitudinis & ponderis, unum destruet motum alterius, & vicissim per elasticitatem per solam resistantiam iterum communicabit alteri globo eundem motum, cui resistit. Hæc lex est falsa, quia omnis motus habet certum terminum, adeoque implicat in pendulis, semper reproduci eundem motum in infinitum, quonecessario deberet consequi in Neotericorum sententia, nisi aer aliquid motus destrueret, ut ipsi volunt.

11 10. Si corpora elastica ponantur in continua serie secundum proportionem geometricam, nascetur summa velocitas absolute in natura possibilis.

Demonstratio hujus legis etiam si habeat aliquid veritatis, tamen falsa est prolixior, quam ut hic asferri possit, verum quia dependet à lege nona, quæ falsa est, non est opus eam pluribus referre & reflexere.

12 11. Omne corpus viribus conjunctis describit diagonalem Parallelogrammi tempore quo latera describerent suam lineam viribus separatis v. g. si in adjacent. ita figura corpus A moveatur ab A in B, aliud 7. verò moveatur ab A in C. si mutuò invicem occurrant, in puncto A describet hoc corpus lineam AD nec requireret majus temporis spatium ad describendam lineam AD, quam requireret ad describendam lineam AB.

13 12. Si vires conjunctæ fuerint inæquales, tunc diagonalis sequetur impressionem majorum virium. patet ex inspectione figuræ 7.

14 13. In gravibus spatia, quæ decurrunt, se habent ut quadrata temporum v. g. decidat lapis ex turre centum pedes alta, si in primo instanti confiniat 1. pedem eo ipso confiniat in secundo instanti 4. & in tertio instanti 9. in quarto sedecim pedes, in quinto 25. pedes, quia si tempora ista quadrentur, tunc fiet in secundo instanti numerus quaternarius, in tertio verò numerus 9. &c.

15 14. Projectilia in suo motu describunt parabolas fig. v. g. si excutiat globus è tormento bellico, globus iste non perveniet ad suum terminum linea recta, sed linea aliquantum curva, quæ accedit ad parabolicam figuram, & hoc fit ob leges gravitatis globum deorsum prementes, ut proin fiat motus compositus, ut dictum lege undecima.

16 15. In pendulis oscillationes sunt Isochrone. hinc fig. si pendulum ex altitudine decem pedum demittatur, & illæ oscillationes continuentur per horam integram, ultima oscillatio non fiet minori tempore, quam prima, & hinc si longitudo pendulorum ita temperetur cum appenso pondere, ut prima oscillatio insumat secundum minutum temporis, tale pendulum erit loco optimi horologii, quod monstrabit etiam secunda temporis.

17 16. Area, quas describunt corpora in gyros acta, fig. sunt temporibus proportionales v. g. si corpus sphericum dividatur in 6. partes, tunc spatium, quod continetur intra ambitum circuli vocatur area circuli, & hinc si corpus, quod movetur in circulo, in unico minuto percurrat aream 60. graduum, eo ipso secundo instanti percurrat aream 120 graduum. Hæc lex circa figuras circulares videtur vera, sed circa figuras Eclipticas potest vocari in du-

bium, eo ipso enim, quod motus corporum, quæ moventur in Eclipsi proveniat ab aliqua vi extrinseca, non verò à vi centripeta, poterit dici: vim illam extrinsecam esse æqualem quantacunque sit area describenda circa focos Eclipticos. Vide Systema Nevvtonianum.

## QUÆSTIO X.

Unde sit motus pendulorum, reflexio, refractio, elasticitas, & Acceleratio Corporum.

Pendula vocantur corpora, quæ filo v. g. appensa, per continuas oscillationes ascendendo & descendendo describunt arcus semi circuli æquali tempore. Circa hæc quæritur, quænam sit illa vis, quæ corpus appensum tam grave urgeat sursum, an forte attractio funis? an propria gravitas? an motus aeris vel alia causa.

Reflexio corporum vocatur, quando corpus v. g. 2. pila in murum injecta retro reflectitur versùs projicientem. Circa hanc quæritur: an corpus reflexum quiescat in corpore, à quo reflectitur? quæritur etiam, quænam sit causa hujus reflexionis, an murus v. g. quiescens, quæ cum non habeat motum, non videtur posse communicare motum, an verò causa illius sit elasticitas corporis reflectentis?

Refractio fit, quando aliquod corpus mobile à 3. via recta detorquetur in obliquam v. g. si globus aut lapis oblique projiciatur in aquam versùs determinatam metam, non ibit linea recta, sed per aquæ resistantiam detorquebitur in obliquum.

Elasticitas vocatur vis corporum corpus impingens, reflectentium, aut quando compressa sunt, se ad pristinum statum restituentium, hinc si lamina chalybea, aut squama comprimatur, cessante pressione se iterum restituent ad pristinum statum.

Acceleratio corporum datur in gravibus v. g. è turre deciduis, quo enim longius durat ille motus, eo celerius feruntur, & eo major est illorum impetus. quæritur proin, an illa intensio motus proveniat ab aere vel alia causa.

Dico 1. Motus pendulorum provenit ab impetu gravitatis in primo instanti acquisito. Sensus est: quod pendulum in primo instanti acquirit aliquam qualitatem seu impetum, qui exigit determinatam seriem ubicationum sibi succedentium, quibus evolutis quiescit, quod enim ille motus pendulorum non possit provenire ab undulatione aeris jam supra fuit ostensum; quod verò non proveniat ab attractione funis, exinde colligitur, quia funis est indifferens ad quamcunque differentiam loci, & si attraheret, directè attraheret.

Dico 2. Reflexio & refractio corporum provenit ab impetu prius acquisito, ita ut sola directio proveniat à corpore resistente in medio. Cum enim ille impetus exigit determinatam seriem ubicationum, quæ non destruitur à corpore quiescente in medio, non est opus confugere ad morulas tremorem, aut elasticitatem corporis intermedii.

Dico 3. Elasticitas provenit à minimis Physicis elasticis intra poros corporum reclusis, ut demonstrat P. de Schales, observatur enim, quod corpora eadem modo sint elastica, modo non sint elastica: sic idem ferrum, quod subito ex igne imittitur in aquam frigidam sit elasticum, quod prius non erat elasticum, quia



nempe in hoc casu obstruuntur pori, ne minimæ particulæ primò elasticæ evagentur. Sic & alia corpora v. g. laria compressa, si nimium conteratur, ruptis poris cessat esse elastica. Alii verò elasticitatem adscribunt configurationi pororum liberum influxum materiæ subtili permittentium, si proin per compressionem materia subtilis exprimatur, & tamen relinquatur eadem pororum dispositio, mirum non est, quòd cessante pressione materia subtilis denudò irrumpendo corpus in statum pristinum restituat.

*Dico 4. Acceleratio corporum provenit occasionaliter à resistentia aëris & elasticitate tam ipsius aëris quàm corporis gravis decidentis.* Quando enim corpus elasticum descendit, eo ipso comprimit aërem, & ab aëre comprimitur, itaque, dum tam aër, quàm corpus elasticum se iterum restituant, sibi invicem imprimunt novos impetus, & sic acceleratur motus. Alii verò adscribunt hanc accelerationem iteratis impulsibus, quos corpus grave recipit ab aëre desuper incumbente.

## SECTIO TERTIA

DE

### Qualitatibus Corporum Naturalium.

#### QUÆSTIO I.

##### Quæ sit divisio qualitatium?

**1** Peripatetici dividunt qualitates in primas, secundas, tertias, & occultas.

**2** *Primæ qualitates*, ex quibus reliquæ omnes oriuntur, sunt quatuor qualitates elementares, nempe calor, frigus, humiditas, siccitas.

**3** *Secundæ qualitates*, quæ ex combinatione primarum qualitatium oriuntur, sunt gravitas, levitas, durities, mollities, raritas, densitas, asperitas, levitas, elasticitas, frangibilitas, ductibilitas, tensibilitas, volatilitas &c.

**4** *Tertiæ qualitates* vocantur, quæ oriuntur ex varia combinatione primarum, & secundarum qualitatium, tales sunt lux, color, sonus, odor, sapor.

**5** *Quaræ qualitates* vocantur, quæ nullum habent speciale nomen, talis est virtus attractiva in magnete, electo, virtus medica in herbis &c.

**6** *Qualitates primæ seu elementares à Peripateticis dicuntur esse accidentia absoluta, nempe secundum esse formale. Calor definitur, quòd sit qualitas congregans homogenea & separans heterogenea.* Hæc definitio sumitur ab effectu, quando enim aliqua massa conflata ex pluribus metallis immittitur in fornacem, per calorem dissolvitur massa, & congregantur particulæ homogeneæ v. g. aureæ, quæ prius in massa erant dispersæ. Verum hic effectus non est universalis, sed tantum communiter contingens.

**7** *Frigus* definitur, quòd sit *qualitas tam homogenea quàm heterogenea congregans*, quia frigus condensat v. g. aquam, & omnes illius partes heterogeneas in unam massam.

**8** *Humiditas* definitur *ratione cuius corpus facile terminatur terminis alienis.* Sic enim aqua, aër & alia humida suam figuram facillimè accommodant figuræ aliorum corporum, quibus infunduntur, aut circumfunduntur.

**9** *Siccitas* definitur, quòd sit id, *ratione cuius corpus difficulter terminatur terminis alienis.* Sic enim lapis suam figuram non accommodat figuræ aliorum

corporum, sicut solet aqua aut aliud corpus humidum.

*Durities* vocatur, ratione cuius corpus non facillè cedit pressioni aliorum corporum, sicut lapis non cedit pressioni alterius lapidis.

*Mollities* vocatur, *ratione cuius corpus cedit pressioni aliorum corporum*, sicut cera recipit figuram, & retinet figuram corporum imprimantium.

*Raritas* vocatur, *ratione cuius corpus habet multum extensionis sub eadem quantitate materiæ*, v. g. Si aqua ebulliens incipiat acquirere majores dimensiones, retinet priorem quantitatem licet acquirat majorem extensionem.

*Densitas* vocatur, *ratione cuius corpus habet parum extensionis sub eadem quantitate materiæ*, v. g. si aër comprimatur in sclopeto pneumatico, ille acquirat minorem extensionem, licet non amittat quantitatem priorem suæ materiæ.

*Asperitas* vocatur inæqualitas partium in corpore continuo. E contrario levitas vocatur æqualitas partium in corpore continuo, qualis datur in polito marmore.

*Gravitas* vocatur, ratione cuius corpus habet multum materiæ, & tendentiæ versùs centrum, qualis est in terra & lapide.

*Levitas* vocatur, ratione cuius corpus habet parum materiæ, & multum tendentiæ in locum superiorem, qualis est in aëre.

*Elasticitas* vocatur vis expansiva, qualis datur in chalybe compresso, aut aëre incluso in aliqua vesica, quæ si comprimatur, iterum se ipsam restituit ad pristinam figuram.

*Frangibilitas* vocatur, ratione cuius corpus facillimè dividitur in plures partes ope percussionis, talis datur in vitro, aut siccis lapidibus.

*Ductibilitas* vocatur, ratione cuius corpus potest tendi sine ulla fractione; talis datur in auro, quod etiam potest duci in fila aurea. Idem est de tensibilitate vel malleabilitate.

Verum hæ omnes definitiones sicut & pleræque aliæ definitiones Aristotelis qualitatem sensibilibium videntur esse definitiones nominis; & licet verum sit, non posse dari definitionem qualitatum sensibilibium



lium formaliter sumptarum; tamen potuisset dari alia definitio, & descriptio qualitatum materialiter sumptarum earumque causæ & proprietates accuratius examinari.

## Q U Æ S T I O II.

*Quid sit calor, & quæ ejus proprietates?*

<sup>1</sup> **D**ico 1. *Calor formaliter sumptus est accidens absolutum transiens.* Sensus est: quod calor resultet ex motu materiæ sicut v. g. sonus resultat ex motu organorum aut instrumentorum musicorum; & sicut ille sonus nascitur & perit cum ipso metu instrumentorum, ita dico: quod calor formaliter sumptus oriatur & pereat cum aliquo motu materiæ.

<sup>2</sup> Concl. Prob. ex communi sensu; quandocunque sentimus calorem, credimus dari aliquid simile in corpore calido illi rei quam vocamus calorem in mente: Sed illud est accidens absolutum; ergo.

<sup>3</sup> **D**ico 2. *Calor potentialis & materialiter sumptus tantum consistit in dispositione materiæ ad motum rapidissimum partium.* Sensus est: quod sicut sonus potentialiter sumptus consistit in dispositione organorum ad talem motum, ex quo resultat sonus, ita calor potentialis consistat in dispositione materiæ ad talem motum partium, ex quo resultat calor, & hinc illa corpora, quæ causant calorem, vocantur potentia calida v. g. spiritus vini aut vinum ipsum.

<sup>4</sup> **D**ico 3. *Calor materialiter sumptus consistit in motu rapidissimo partium expansivo, v. g. Si partes aliqujus ligni incipiant per motum intestinum velocissime agitari, & simul per influxum subtilis materiæ incipiant hæ partes expandi, tunc dico oriri calorem.* Hæc hypothesi probatur ex eo, quia optime convenit cum omnibus experimentis circa corpora calida: In omnibus enim calidis datur motus rapidissimus partium, & simul datur expansio partium. Sic

<sup>5</sup> 1. In flamma videmus sensibilem motum; sentimus etiam partes olei successivè consumi & partes ligni per vaporem dissolvi, & in auras abire, implicat autem partes illas dissolvi sine motu rapidissimo, & violenta avulsione, ex qua necessario consequitur motus rapidissimus.

<sup>6</sup> 2. In fervente aqua aut oleo sentitur sensibilis motus partium partim heterogenearum, partim etiam homogenearum.

<sup>7</sup> 3. Circa odorifera non expelluntur vapores odoriferi sine calore, cum ergo calor expellat partes ad loca remotissima, necesse est calorem consistere in vehementi impetu & motu partium.

<sup>8</sup> 4. Calor disponit corpora ad fermentationem, v. gr. carnes putrescunt in æstate, quod non fit in hyeme, sed in fermentatione & putrefactione fit dissolutio omnium partium, quæ utique non fit sine motu rapidissimo partium.

<sup>9</sup> 5. Attritio corporum aliquantum durorum causat calorem, sic ligna sibi invicem attrita se invicem incendunt, serra continuo ductu incalescit, molidina & currus à motu rotarum incenduntur; sed in omnibus his intercedit motus partium.

<sup>10</sup> 6. Quando calx aquâ perfunditur, excitatur calor ob dissolutionem partium, & perturbatum motum irrupentis aquæ.

<sup>11</sup> 7. Quando miscentur acida cum sulphureis & limatura ferri cum aqua aut nitro, simul sentitur motus partium & calor.

**D**ico 4. *Effectus caloris est separatio partium; exinde vero consequitur expansio, & interdum partium homogenearum collectio.* Id patet ex omnibus experimentis calidorum. Quod verò partium homogenearum collectio tantum sequatur per accedens, probatur ex commixtione argenti cum auro, quæ commixtio fit ope caloris, ita ut partes auri intimè commisceantur cum partibus argenti: Similiter partes ciborum per calorem non congregantur, sed permanent permixtæ in chylo & sanguine; contra frigus sapissime homogenea congregat, & heterogenea segregat. Sic enim in alembico per frigus congregantur vapores homogenei, & partes sanguinis heterogeneæ separantur, quando emissus sanguis exponitur frigido aëri.

**D**ico 5. *Causa caloris est 1. vehemens affluxus subtilis materiæ seu auræ æthereæ: id enim manifestum est, ex actione Solis in sublunaria, ratio est, quia subtilis materia vehementi affluxu subit poros corporum, & ubi primò invenit resistantiam, agit partes, adeoque innumeris reflexionibus causat motum rapidissimum subtilissimarum partium.* Quinimo probabilius omnis calor in toto mundo provenit ab affluxu subtilis materiæ diversimode admissio aut intercepto.

2. *Ignis*, id patet ab experientia, ratio est, quia ignis nihil aliud est, nisi vortex subtilis materiæ in quo dissolvuntur partes corporum combustibilium, quando igitur subtilis materia circumquaque tendit versùs vorticem, vicissimque ab eodem repellitur, causatur ob innumeras reflexiones in vicino aëre motus, partium & calor.

3. *Corpuscula varia figuræ ad motum apta* neque enim calor consistit tantum in motu corpusculorum sphericorum aut triangularium, quia omnia corpora sunt capacia caloris, licet illa corpora in quibus partes vel ob figuram, vel ob texturam, vel ob magnitudinem ad motum sunt ineptiores, etiam sint minus in potentia calida.

4. *Fermentatio*, quando enim per calorem aëris aut vicini ignis materia subtilis subintrat poros corporum, necessario dissolvuntur partes illius corporis, si textura non sit firmissima; & hæc lenta dissolutio conjuncta cum calore vocatur fermentatio; talis datur in funibus humidis aut sceno madido interdum sponte accensis, neque enim fingenda sunt late-re corpuscula ignea, sed sufficit, quod aura æthereæ omnia penetrans perpetua alluvione partes ad motum sollicitet, & hinc quia impeditur à libero transitu pororum ob vapores & humores in poris latentes, causat violentam commotionem partium ad eundem dispositarum.

5. *Attritio*, talis fit in lignis & confricatione corporum, si non sint omnino mollia, ratio est, quia in omni motu rapidissimo necesse est inveniri vehementem impetum partium commoventium, & vehementem resistantiam partium emotarum, talis autem reperitur in corporibus duris, si affricentur.

6. *Intrusio corpusculorum igneorum.* Cum enim corpuscula ignea aliquanto tempore servant suum motum, eo ipso etiam illum communicant corpori, in cuius partes intruduntur. Talis datur, dum v. g. vestes apponuntur fornaci, quia ab experientia constat, quod è linteo fornaci apposito & in locum obscurum excusso sensibilibiter excutiantur scintillæ igneæ seu corpuscula ignea è fornace in linteum introducta.



ducta. Talis intrusio corpusculorum igneorum etiam reperitur in omnibus calcinatis corporibus, quæ post calcinationem sunt graviora ob participationem corpusculorum igneorum; sic plumbum calcinatum augetur multis granis; dux drachmæ calcis vivæ augentur viginti novem granis, drachma argenti augetur 6. granis, lamina cuprea unius uncie augetur 30. granis. 4. drachmæ limaturæ chalybis augentur 6. granis: Ita constat ab experientia Boylei & Academiæ Regiæ.

Datur aliud experimentum calcinationis in Phosphoro Dononienſi, qui post calcinationem, & affricciónem causat calorem intensissimum.

7. *Mixtio acidorum & alcalicorum.* Hæc causa caloris ante omnes alias digna est consideratione, quia ex hac quoad nos maximè in humanis corporibus & animalibus dependet productio & moderatio caloris; sic primo:

*Oleum vitrioli affusum aquæ frigidæ triplæ aut quadruplæ causat calorem.* Idem facit, si affundatur capiti mortuo, vitrioli è quo oleum vitrioli fuit extractum, si verò idem oleum effundatur in glaciem, oritur simul calor & fumus in glaciæ.

2. *Limatura chalybis mixta cum aqua frigida;* stannum purum mixtum cum stanno sublimato & aqua dilutum; spiritus nitræ effusus in ferrum aut lignum; dimidia libra florum sulphuris mixta cum dimidia libra limaturæ chalybis & aqua frigida; aliquot uncie olei vitrioli, cum uncis thebinthinæ; sal tartari aqua dilutus, excitant calorem, ob solum motum partium seu potius ob impeditum interfluxum subtilis materiæ, eò quòd per hanc commixtionem obstruantur pori, vel ideo quia alcalica imbibunt spiritus acidus, & ob vehementem intrusionem spirituum nascitur agitatio partium ac calor.

8. *Corpora potentia calida,* talia sunt omnia sulphurea, ut spiritus; maximè etiam odorifera & radices. Ratio est, quia in his aut latet plurimum subtilis materiæ aptioris ad motum, aut certè datur talis constructio pororum, qui transitum subtilis materiæ nec omnino impediunt, nec libere permittant.

9. *Sudorifera seu diaphoretica,* talia sunt pleraque corpora salsa, spiritus, tincturæ, acida &c. Ratio est, quia ista corpora salsa poros aperiunt, & hinc agitatori subtilis materiæ aut viam aperiunt, aut etiam aliquando implendo poros sua dissolubilitate transitum ejusdem materiæ aliquantum impediunt.

10. *Venti Australes.* Ratio est, quia hi venti à regionibus australibus secum afferunt ingentem copiam vaporum aut aliarum partium potentia calidarum.

11. *Reflexio radiorum solarium,* quia quo plures concurrunt radii, eo impetus subtilis materiæ est concitator.

12. *Therma calida* v. g. Carlinæ, quia aquæ è mineris subterraneis eductæ secum afferunt partes minerales, partim acidas, partim alcalicas, è quarum commixtione aliquamdiu servatur calor, neque enim dici potest, quòd calor talium thermarum unicè proveniat ab ignibus subterraneis, quia solus calor aquæ non esset causa tantæ salubritatis.

13. *Instrumenta chymica* producendi calorem, talia sunt finus, arena, lapides, cineres, aqua tepesacta, cæmentatio calcinatio &c.

14. *Instrumenta Physica,* talia sunt specula ustoria, & vitra caustica de quibus videri potest Academia Regia.

R. D. Euseb. Amort Philosophia.

Dico 6. *Disruptiva caloris sunt* 1. Cessatio motus aut affluxus subtilis materiæ, qualis datur in hyeme.

2. *Prohibitio aeris externi,* ut contingit in febricitantibus, aer enim externus admittus obstruit poros, & sic impediendo transitum subtilis materiæ calorem reddit intensiorem.

3. *Pororum aperiio,* talis fit, quando per salia aut alia aperiencia silitur ebullitio vel aquæ vel sanguinis &c.

4. *Suffocatio seu pororum obstructio,* quæ fit, dum omnino intercluditur liber transitus aeris & circulatio subtilis materiæ. talis fit, quando aqua convertitur in glaciem.

## Problemata circa calorem. Solvuntur 2.

*Quæres* 1. Cur idem aer, qui uni videtur calidus v. g. intranti balneum, exeunti videatur frigidus.

2. Cur lapis Bononienſis calcinatus per affricciónem inducat intensissimum calorem, alii verò lapides etiam calcinati non inducant illum calorem.

Cur Phosphorus Hombergeri admisso aëre subito incalascit, & inflammetur?

*Resp.* ad 1. Id fieri ob diversos motus ab eodem aëre in diversis corporibus productos, cum enim exeunti è balneo partes sint in perpetuo motu & pori corporis sint aperti, libere ingrediens aer per poros corporis derepente sistit motum partium. Econtra intranti balneum pori nondum sunt aperti, & ideo aer calidus eosdem aperiendo vehementi impetu concitat partes corporis.

Ad 2. dico: In lapide Bononienſi dari talem texturem & dispositionem pororum, ut concitata per affricciónem una parte ab aura ætherea facillimè possint agitari reliquæ partes.

Ad 3. dico: Phosphorum illum consistere in partibus partim sulphureis, partim salinosis, quando igitur admittitur aer, ob dispositionem pororum tam subito intercluduntur pori hujus phosphori, ut aura ætherea interclusa vehementi impetu omnia dissolvat, & motu rapidissimo concutiat.

*Quæres* 2. Cur aqua per motum etiam rapidissimum non incalascit nisi accedente igne?

2. Quomodo possit mensurari gradus caloris?

3. Quomodo possit semperari gradus caloris?

*Resp.* ad 1. Id fieri, quia pori in aquis ob suam magnitudinem semper permittunt liberum transitum subtili materiæ, nec eandem multum reflectunt resistendo cum impetu.

Ad 2. dico: Id fieri ope instrumenti, quod vocatur Thermometrum. vid. Barn. B. Sect. 69. 79. & 82. & 89. cujus descriptionem habet in Physica infra part. 3. de Elementis.

Ad 3. dico: Calorem temperari posse vel per subtractionem causæ v. g. aeris & excitantis materiam ad motum, ut fit in furnis chymicis. Secundo, minuendo materiam ad motum dispositam, ut fit in missione sanguinis. Tercio, materiæ moventi apponendo motum contrarium, sic calor in æstate minuitur potu spiritus vini aut vini. Quarto, aperiencia pororum. Quinto, præcipitatione materiæ causanti calorem nempe per salia resolvendo cohesionem talium calidorum cum partibus in quibus insunt. Sexto,



suffocatione pororum. Septimò additione corporum potentia frigidorum, ut sunt salia.

45 *Quæres 3.* Cur idem calor aliqua induret, alia verò emolliat?

46 2. Cur idem calor aliqua distendat, & explicet, alia verò compliceat.

47 3. Cur per eundem calorem sequatur in animalibus virium defatigatio; in plantis verò virium & nutrimenti refectio?

48 4. Cur in æstate prædominante calore concoctio sit debilis, in hyeme verò, ubi desinunt nutriri plantæ, concoctio sit fortior?

49 5. Cur ad calorem plerumque sequatur voluptas, rarò ad frigus?

50 *Resp.* ad 1. Per calorem moveri & dissipari partes cuiuscunque mixti, in quantum possunt moveri & dissipari, in his igitur mixtis, in quibus humor non habet firmam cohesionem cum textura partium, eo ipso omnino expellitur humor, & corpus induratur. In aliis verò corporibus, in quibus humor est tenacior, per calorem copiosius subintrat aura ætherea, nec interim expellitur humor, & inde fit emollitio.

51 Ad 2. dico: Ea corpora, in quibus aer intercluditur, sequi expansionem ob ejus elasticitatem, in aliis verò corporibus, ubi aer omnino expellitur, sequi complicationem ob ætiores cohesionem partium solidarum.

52 Ad 3. dico: In animalibus vires consistere in cohesione partium totius corporis humani; quando autem intensior calor aperit poros, dissipantur partes, per quas connectitur textura totius corporis, & exinde fit defatigatio. In plantis verò cum textura partium sit crassior, non tam facile per calorem potest dissolvi illa textura; sed tantum per auram ætheream subinferuntur partes nutritioni convenientes.

53 Ad 4. dico: In æstate per calorem dissipari præcipuas partes sulphureas ad concoctionem destinatas.

54 Ad 5. dico: Voluptatem consequi, quia calor moderatus magis convenit cum vita hominis, seu motu partium. frigus verò & quies partium magis convenit cum morte.

### QUÆSTIO III.

*Quid sit frigus & quæ ejus proprietates?*

1 *Dico 1.* Frigus formaliter sumptum est accidens absolutum. Sensus est, quod sicut in organo ad motum sequitur sonus, ita ad motum partium materiæ sequatur aliquod accidens, quod vos non vocamus frigus. Prob. Concl. Sicut prius de calore ex communi sensu.

2 *Dico 2.* Frigus materialiter consistit in motu perturbato crassiorum partium. Prob. Concl. Quia in omni frigore sentitur affectio v.g. aeris crassioris ac densioris ob privationem liberi affluxus auræ ætheræ.

3 *Dico 3.* Causa efficiens frigoris est, 1. abitus subtilis materia, quando enim desinit aura ætherea movere partes, tunc & illæ quiescunt, aut saltem tantum perturbato motu moventur, prout tempore hyemis.

4 *Materia prohibetur liberum transitum aura æthereæ, tales sunt nix, glacies, marmor, metalla, pulveres ex cornu cervi, oculi cancrorum &c.*

cum enim hæc omnes materiæ valde sint compactæ, eo ipso non admittunt liberum transitum auræ ætheræ.

3. *Nitrum aut partes nitrosæ aeris; nihil enim inducit majus frigus, quam nitrum, & aer omnia frigidificat.*

4. *Venti è regionibus Borealibus.* Huc etiam pertinent folles illi, aut *Æoli*, qui reperiuntur in agro Romano, & ex monte Cælio deducuntur in urbem Interamnem, quibus proin in cellas vinarias derivatis cives illius loci solent liquores conservare in frigore.

5. *Salia, ut sunt sal ammoniacum, vitriolum &c.* cum enim salia sint exuta partibus sulphureis, mirum non est, quod inducant sensum frigoris.

*Dico 4.* *Effectus frigoris sunt congelatio.* Ea fit, quando incipit expelli aura æthereæ intra partes minimas; tunc enim una pars subitò etiam secum conjungit alteram, donec incipiat formari filum glaciale. Dein addendo filum ad alterum successive construitur integrum corpus glaciale. Ita monstrat experientia, ut ostendunt Burdegaleses. Nunc glacies semper incipit versùs latera vasum, in quibus detineatur liquor.

2. *CrySTALLISATIO*, quæ nihil aliud est, quam artificialis chymica congelatio; quando enim salia volatilia liquida deferuntur in locum frigidum, subitò ex una vel altera parte excluditur aura æthereæ, & sic in integra serie particularum secundum lineam rectam desinit agere aura æthereæ, ac incipiunt formari fila glacialis.

3. *CONGLACIATIO* artificialis, quæ fit ope nitri salis communis, aluminis aut vitrioli, si enim vasi circumponatur nix sale permixta, interius conclusus liquor incipiet converti in glaciem. Quinimò Boyleus vasi, in quo detinebatur therebyntina immisit aliud vas aqua plenum, quod non obstante fluxu therebyntinæ fuit conversum in glaciem. Idem assumpsit duas libras aquæ communis, in qua dissolvit unam libram salis ammoniaci, aquæ taliter exsatiatæ imposuit phialam vini, & expertus est, vinum induisse tantum frigus, quo majus non indueret, media hyeme.

4. *Corporum fractio ac perruptio.* Testatur enim Academia Regia, sclopetum satis densum undique clausum mediâ hyeme expositum aëri fuisse disrumpum; & in vitris experientia monstrat, eadem si impleantur aqua, claudantur, & aëri exponantur, in hyeme disrumpi, ratio est, quia partes vel ferti vel vitri ob expulsum subtilem ætherem coëundo eo ipso aliqua parte rumpuntur, sicut recentia ligna fornaci exposita agunt fissuras & rimas; vel etiam potest dici, quod ob motum perturbatum partium corpus acquirat majorem extensionem, sicut fit in lignis extra ordinem positis.

5. *Coagulatio*, quæ datur in oleo, lacte. ratio est, quia abeunte subtili materia moles partium occupat minus spatium.

6. *Condensatio*, qualis datur in aëre, ut videre est in thermometro, ratio est eadem.

7. *Durities*, talis datur in gleba terræ, glacie, ligno &c. testantur, qui profecti sunt in regiones septentrionales, glaciem in laminas scissam habere eandem duritiem tam respectu cultri, quam respectu ponderum, quam habent laminæ lignæ; & in quibusdam locis Borealibus arbores tantæ sunt duricie tempore hyemis, ut nullo modo admittant securim.



5 8. *Fissio*, talis datur in glacie, aut etiam trabibus, prout videre est in lacubus hyeme concretis; constat enim glaciem dissilipi magno cum fragore. Idem fit in domibus ligneis Russiæ.

6 9. *Spiritusorum liquorum excretio*, constat enim si dolia vel cerevisiæ vel vini in Regionibus Borealibus exponantur intenso frigori, partes activas à reliquis secerni, & confidere versùs medium dolii; quæ proin pars est longè activior, quàm reliquæ partes. Paracelsus docuit hoc modo pirari posse quoddam genus spirituum, quod ipse vendicat esse saluberrimum.

## Solvuntur Problemata.

7 *Quæres* 1. Cur in locis à Polo remotioribus v.g. in Ukrania, aut etiam Chyna sit majus frigus quàm in quibusdam locis Polo propinquoioribus. Constat enim, quod Peckinia congelentur omnes, quod non fit in aliis locis sub eodem parallelo.

8 2. Cur idem aër causet frigus in cibis & pletisque aliis corporibus, cur tamen idem aër admissus causet calorem in febricitantibus.

9 3. Cur frigus præservet corpora à prutredine; constat enim cadavera in locis Borealibus etiam per plures menses servari incorrupta tempore hyemis.

10 *Resp.* ad 1. Id fieri vel ob propinquiores montes, vel ob salia copiosiora sub terris latentia; vel à propinquitate marium; vel à ventis frigidioribus in eas regiones delatis, vel etiam à defectu reflexionum solarium, quæ in aliis sub eodem Parallelo sitis ob inclinationem collium possunt esse copiosiores, vel quia aliæ terræ abundant exhalationibus sulphureis aut pinguibus.

11 Ad 2. dico: Aërem in febricitantibus intendere calorem per obstructionem pororum vel per intromptionem & immersionem materiæ cum fermento febricitantium homogeneo. Econtra idem aër obstruendo poros aut compescendo motum in aliis corporibus minus intensum, quàm in febricitantibus intendit frigus.

12 Ad 3. dico: Per frigus expelli materiam subtilem & sedari motum partium: Hoc autem composito impossibile est dissolvere partes, quod fieret per fermentationem aut putrefactionem.

13 *Quæres* 2. Cur idem frigus extinguat calorem rubeum tempore autumnii in vegetantibus, cum tamen idem frigus inducat rubedinem in vultu animalium.

14 2. Cur calidus potus Thee sistat calorem & effervescentiam sanguinis post copiosorem summptionem vini.

15 3. Cur glacies tecta stramine conservetur etiam per æstatem, cum tamen stramen alioquin promoveat calorem & fermentationem in agris, & in hortis conservet arbores à nimio frigore.

16 *Resp.* ad 1. Id fieri, quia in vegetantibus concrescit humor à frigore, adeoque cessant reflexiones illæ ab humore in lucem factæ, in quibus tamen consistit rubedo; in viventibus verò resistente calore intrinseco ob motum partium potius cietur humor, & reflexiones lucis sub certis angulis producantur.

17 Ad 2. dico: Id fieri quia effervescentia sanguinis provenit à rapidissimo motu partium sulphurearum intra massam sanguinis circulantium; calidus verò potus aut aperit poros, ut per evaporationem

abeant, aut certè motu adhuc rapidiore sistit motum partium crassiorum, sed minus fortium.

Ad 3. dico: Id fieri, quia in siccis straminibus subtilis materiæ intra poros ubique vacuos per continuas reflexiones & reciprocaiones amittit vim cum impetu irruendi in glaciem, sicut aqua trans-eundo per vias ubique impeditas amittit vim suam, & eadem est causa, cur arbores conserventur. quia calor internus tam facile dissipari non potest, dum habet, ubi se detineat.

*Quæres* 3. Cur massa fermentacea sali commixta & pedi applicata sistat inflammationem pedum, aut cur farina triticea, aut charta cærulea, membris Crysielade inflammatis medeatur?

Cur oleum condensatus à frigore, aqua verò congelata rarefiat à frigore? si enim tempore hyemis vas aquâ plenum cum operculo exponatur intenso frigori, aqua crescit & exibat ultra orificium elevando operculum, dum interim oleum in alio vase coit in arctius spatium.

3. Cur spiritus & olea vel omnino non, vel difficulter congelantur?

*Resp.* ad 1. Id fieri, quia per salia & farinam motus subtilis materiæ imbibitur & derivatur in se; semper enim fluida fortius agunt in corpora ubi major invenitur resistentia: vel quia humores morbi imbibuntur aut deficientur per farinam.

Ad 2. Id fit, quia in oleo ob tenaciores partes non turbatur ordo partium, sed tantum expellitur subtilis materia. Econtra in aqua insuper turbatur ordo partium.

Ad 3. dico: Id fieri, quia subtilitas partium impedit, ne materia subtilis possit omnino expelli.

*Quæres* 4. Cur subito putrescant corpora semel congelata, & subito per calorem resoluta v.g. cadavera, aut poma.

2. Cur membris frigore constrictis, si subito admoveantur igni aut calori, imminet gangrænae periculum.

3. Cur membra frigore contracta, si subito admoveantur igni, tantopere & cum tanto dolore intumescant.

*Resp.* ad 1. Id fieri, quia per gelu semel fuit turbatus ordo partium: Hoc autem semel turbato & subito intromissa materia subtili facillimum est resolvere partes, quæ resolutio vocatur putrefactio.

Ad 2. Idem respondeo, quia gangræna est aliqua species fermentationis & putrefactionis.

Ad 3. dico: Frigore turbatis partibus facile etiam fit, ut intromissa subito materia subtili ordo ille adhuc magis perturbetur & simul per rarefactionem intumescant membra.

*Quæres* 5. Cur membris frigore læsis nocivus sit calor vehemens; econtra verò instar remedii sit, si membra illa laventur aqua gelida aut nive.

2. Cur homines frigore vix non enecati denuo reviviscunt, si immittantur aquæ gelidæ, ita, ut glacie instar crustæ, aut thoracis tegantur toto corpore, dein verò lecto fotti, & oportunis remediis sudorem mittere permittantur.

3. Cur aqua, quando incipit converti in glaciem prius in superficie tegatur tenui lamina, & eadem instar colliculi assurgat circa medium, ita, ut si acuperforetur, aqua intus conclusa erumpat instar fontis salientis.

4. Cur omnes liquores, quando congelantur primi-



primitus in parte superiore, nunquam verò ex parte fundi, licet æquè frigidi, glaciem induant.

45 *Resp. ad 1.* Id fieri, quia turbatis partibus impossibile est, eas subito restitui ad pristinum situm, adeoque per vehementem calorem major sit partium turbatio, quàm compositio. E contra si illa membra aqua gelida laventur, situs partium semel turbatus æquali motu restituitur in suum situm, aut certè per novum motum partium elicitur calor vitalis, qui moderato motu concutiendo partes restituit.

46 *Ad 2.* Idem respondeo.

47 *Ad 3.* dico: Id fieri, quia aqua per frigus ob turbatum motum partium rarefit, & sic necessario surgit in colliculos.

48 *Ad 4.* Id fit, quia ex illa parte, quæ proximus est aër, facilius est actio & commixtio partium nitrosarum aëris cum fluidis, scimus autem, à nitro promoveri glaciem.

## QUÆSTIO IV.

*Quid sit Humiditas & Siccitas, & quæ earum Proprietates?*

1 **V**ariæ sunt opiniones circa humiditatem. Peripatetici dicunt, eam consistere in qualitate, cuius corpus facile est terminabile terminis alienis. 2. Cartesiani eam desumunt à subtili materia, in qua reliquæ partes mixtorum dicuntur innatare, & talia corpora sunt aër, aqua &c. diversitas horum liquidorum tantum ab iis desumitur ex diversa proportionem partium subtili materiæ innatantium. Verum cum Cartesiani plerumque materiam subtilem dicant consistere in minutissimis globulis, non videtur ab iis admitti ullum corpus perfectè humidum. 3. Alii admittunt, omnem materiam esse primò humidam, ita, ut diversæ partes tantum differant in gradu humiditatis. 4. Sunt etiam qui dicunt aliquas partes materiæ esse humidam, alias verò siccitas, sed tamen incorruptibiliter. 5. Chymici siccitatem desumunt à salibus, quæ videntur corpora fixiora; humiditatem verò à spiritibus & partibus sulphureis. 6. Atomistæ desumunt humiditatem à figura & textura partium, quando enim in corporibus reperiuntur multa spatiosa vacua, motum partium non retardantia, & illæ partes habent figuram sphaericam vel octaedram vel hexaedram &c. ob facilitatem motus resultat humiditas. 7. Inter Neotericos non pauci desumunt humiditatem à fluxu continuo aëris corpora penetrantis, siccitatem verò à compressione externi aëris partes in firma consistentia detinentis.

2 *Dico 1.* Dantur partes corporum ex sua natura humida. Prob. Concl. Si non dantur tales partes, necessariò deberet admitti vacuum intra minimos globulos subtilis materiæ: Sed hoc non datur; ergo.

3 Prob. Concl. 2. De facili potest concipi, posse mutari figuram partium, & ea mutatio convenit naturæ; ergo.

4 *Dico 2.* Materia subtilis nunquam amittit humiditatem primogeniam. Prob. Concl. Debet dari materia, quæ possit replere poros corporum: Sed talis nunquam amittit suam humiditatem; ergo.

*Dico 3.* Partes mixtorum aliquando amittunt, aliquando acquirunt humiditatem. Prob. Concl. Aliquando natura exigit, ut partes mutant figuram, aut eandem tenaciter retineant; ergo. prob. aut. quando v. g. vehementi impetu obstant partes solidæ, necesse est, aut frustraneum esse impetum, aut incurvari partes; ergo.

*Dico 4.* Causa humiditatis est solus motus & impetus. Prob. Concl. Quando posito impetu pars mota impeditur, videtur natura exigere, ut potius pars mutet figuram, quàm ut impetus sit in natura frustraneus, quod autem natura exigit, fit; ergo.

*Dico 5.* Siccitatis causa est solus materia subtilis habitus. Prob. Concl. Quando cessat materia subtilis agitare partes, tunc illæ partes, ne detur in natura vacuum sibi invicem accommodant figuram sequæ contingunt ex illa configuratione resultet corpus ordinatum interviens naturæ, natura exigit illam configurationem adeoque figura partium fiet stabilis, & dabitur siccitas.

*Dico 6.* Fluiditas mixtorum plerumque dependet ab interfluxu subtilis materiæ. Prob. Concl. Hæc materia omnia penetrat, & potest conciliare mixto fluiditatem; ergo id fit. Dixi tantum id regulariter fieri v. g. in metallis fusis; per hoc tamen non nego partes aquæ & aëris habere humiditatem primogeniam.

*Dico 7.* Durities corporum tantum provenit à partium siccitate se invicem complicantium. Hæc conclusio est contra illos, qui eam desumunt à quiete, aut figura partium, aut à pressione aëris. Prob. Concl. Durities invenit resistantiam separationis in ipso corpore, ergo debet dari firma radix hujus resistantiæ; qualis est siccitas.

Circa proprietates humiditatis observari merentur diversæ causæ producendi humiditatem.

1. *Talis est aqua*, quæ affusa corporibus iisdem sæpe conciliat humiditatem, sic multa corpora v. g. saccharum, sal commune, ligna & lapides convertuntur in aquam. Ratio est, quia partes aquæ ob copiosum interfluxum subtilis materiæ sunt ferè in perpetuo motu, & ideo perpetuo impetu agunt in ea corpora, quæ sibi immerguntur; igitur ille impetus sollicitabit partes solidiorum corporum, easque dissolvit, ut nateant, & aliquando etiam mutant figuram.

2. *Calor sæpe est causa humiditatis & fluiditatis* sic elicit sudorem ex humanis corporibus qui tamen copiosus cum sit, ut plurimum videtur produci ab ipso calore. Similiter per calorem Solis à glebis hyemæ durissimis eliciuntur vapores & aquæ; vitra quoque, metalla, arenæ & quæque corpora ope ignis possunt ad fluorem reduci. Ratio est, quia ignis vehementi suo impetu agitando partes eandem cogit mutare figuram: hoc est, esse humidam, vel quia ingerendo plus subtilis materiæ cogit natate partes corporis.

3. *Frigus non minus est causa humiditatis*, sic enim sudor quam primum deferitur ad partes frigidæ aëris condensatus in guttulas. Vapor per distillationem in superiora delatus à frigore alembici concrevit in liquorem, & vapores à terra delati in superiorem partem aëris frigidam resolvuntur in pluvias: aër in rupes frigidæ impulsus concretus defluit instar rivuli, & quam primum venti frigidiore



diores immittuntur aëri humido, sic pluvia. Solent etiam parari quædam artificiosæ urnæ, quæ terræ immixtæ suo frigore convertunt vicinas partes aëris in aquas, si hoc verum est, possent hæc urnæ servire obfessis in penuria aquæ.

14 4. *Attractio*, qualis datur in spongia, linteo, charta bibula, in quibus totum corpus successivè induit humiditatem ob continuam attractionem; ratio est, quia humida sunt in perpetuo motu, & ideo trahuntur in eos poros, in quibus minorem reperiunt resistantiam.

5 5. *Menstrua* & corrosivi spiritus sunt inter præcipuas causas humiditatis, sic ignis gehennæ Helmontii, qui nihil aliud est, quam quidem corrosivus liquor, omnia convertit in liquorem; tale menstricum est etiam aqua fortis, & aqua regia: hæc resolvit aurum; illa verò reliqua metalla. Verum quidem est, quod in his casibus tantum fiat resolutio partium; non verò alteratio: sed non videtur esse impossibile aliquando etiam fieri omnimodam alterationem siccitatis in humiditatem partium.

16 6. *Contusio* etiam aliquando inducit humiditatem; sic albumen ovi paullo contusum incipit converti in liquorem satis limpidum: ratio est, quia vel intermiscetur copiosa subtilis materia, vel ob iteratos impetus mutatur figura partium.

17 7. *Specula ustoria* & vitra caustica in momento resolvunt omnia in liquorem & fusionem: experimenta possunt videri in Academia Regia.

18 8. *Fermentationes*, & omnia, quæ sunt causa caloris; sic enim per putrefactionem successivè resolvuntur corpora in liquidam substantiam.

19 9. *Aer*, qui admissus subito nonnulla corpora resolvit in liquores v.g. salia.

20 10. *Salium commixtio*; sic enim facilius procuratur fluiditas in metallis & aliis mixtis, ut notunt Chymici.

21 11. *Oleorum commixtio*; si sulphur non tam facile liquefit, nisi in oleo.

22 12. *Ignis vehemens actio*; sic quod metalla diutius detinentur in igne, eo major fit liquiditas vel partes se facilius accomodant modulis.

23 13. *Univerſim illorum liquorum commixtio*, qui sunt apti penetrare poros; sic gemmæ nonnullæ dissolvuntur in aceto, aut sanguine.

24 14. *Effectus humiditatis sunt* 1. *Mutus intestinus partium*, quia facillime cedunt pressioni subtilis materię partes humidæ.

25 2. *Mollities corporum*, quia hæc partes facilius cedunt pressioni, quæ minus tenaciter retinent figuram.

26 3. *Partium separatio*; totius corporis fermentatio ac resolutio, quia dum humor per poros redeundo eandem motu suo impellit, necessario separantur, nisi firmiter juniantur.

27 4. *Pororum obstructio*, quando enim humor est tenacior, aut pori angustiores, exinde oritur pororum obstructio.

28 5. *Corporum expurgatio* & elutio; quia partes humidæ facillime secum evehunt partes heterogeneas corporis.

29 6. *Communicatio partium unius corporis in aliud*, quia humor est vehiculum minimarum partium; hinc per vapores & exhalationes facillime commu-

nicanter humano corpori salubria aut noxia effluvia aliorum corporum.

7. *Corporum inflammatio*, quæ oritur ex obstructione pororum, dum eosdem liquor obsidet; materia enim subtilis intra poros contenta fortius agit, dum liber exitus & via impediuntur.

8. *Frigus*, quia è partibus humidis facilius separatur materia subtilis, eo quod partes firmiter non connectantur, & sic abeunte aura ætherea ob mutabilitatem figuræ in unum coeunt.

9. *Viscositas corporum*, quia humiditas facilius retinet figuram corporum & pororum intra quos continetur, dum destituitur motu subtilis materię.

*Causa siccitatis est* 1. *Caloris remissio*, ut fit in metallis, oleis, aut aliis corporibus liquidis.

2. *Frigus*, ut fit in iis, quæ per frigus indurantur in glaciem, aut lapides, aut vitrum.

3. *Intensior calor*, sic enim ovum induratur ab igne, & mercurius, si per aliquot septimanas detineatur in furnis chymicis desiccatur in pulverem.

4. *Aer*, sic enim corallia, dum adhuc deliteſcunt sub aquis, adhuc sunt mollis substantiæ, concrescunt verò in aëre. Idem fit in vestibis madi-dis desiccatis ab aëre.

5. *Venti maxime Boreales*, quia suo intenso frigore congelant & exsiccant.

6. *Agitatio corporum*, sic albumen ovi aliquantæ agitatione induratur; & lac perpetua agitatione exsiccat in butyrum.

7. *Distillatio*, sic oleum therebinthinum per iteratas distillationes mutatur in pulverem.

8. *Liquorum commixtio* maxime acidorum, sic spiritus vini rectificatissimus, & spiritus urinæ dephlegmatus in momento constituunt consistentem substantiam instar nivis aut glaciæ; tali etiam modo albumen ovorum cum spiritu salis modica quantitate commixtum, aut cum oleo virioli, aut etiam crudo sale, induit duriciem & siccitatem.

9. *Evaporatio seu humiditatis separatio*, sic omnia salia in aquis dissoluta, quando aquæ evaporantur, relinquuntur in fundo.

10. *Aqua*, sic enim aqua commixta cum gypſo, & aqua marina convertit substantias in lapides; ligna enim aquæ marinæ immixta indurantur in lapides.

11. *Coagulatio*, quæ promovetur per acida; sic enim in confectione butyri lac facilius coagulatur, quando illi immiscetur aut aliquis liquor acidus è fructibus, aut acetum, aut liquor limonum.

12. *Spiritus vini* aut alii liquores adstringentes ut vinum; sentitur enim notabilis desiccatio membrorum, quando copiosius bibuntur taliter desiccantes potus.

13. *Spongia* aut alix chartæ abstergentes; cum enim ista corpora intra se imbibant liquores, desiccantur alia corpora.



## Solvuntur Problemata.

- 46 *Quæres 1.* Cur plumbum citius liquefeat quam butyrum, si in eadem quantitate in diversis falsis exponantur igni ejusdem intensiōnis.
- 47 2. Cur myrrha contrita aut aurum in filamenta ductum, si concludatur in albumine ovi sub cineribus exsiccatō & reponatur in locis subterraneis frigidioribus, convertatur in oleum, quod quidam vocant aurum potabile.
- 48 3. Cur salia albumini ovorum permixta inducant siccitatem, cum tamen eadem salia in plerisque aliis corporibus sint causa humiditatis.
- 49 *Resp. ad 1.* Id fieri, quia particula ignea habent majorem proportionem cum poris plumbi, quam butyri, & id à posteriori cognoscitur.
- 50 *Ad 2.* dico: Id fieri posse, quia albumen ovi modificando motum subtilis materiæ poterit eundem communicare materiæ auri aut myrrhæ.
- 51 *Ad 3.* dico: Id fieri, quia salia cum albumine mixta excludunt actionem aëris, à quo alioquin salia resolvuntur, id verò non fit in aliis corporibus. Hinc sentitur notabile frigus, & virtus sedandi calorem in ovorum albumine.
- 52 *Quæres 2.* Si plumbum fundatur, & ante refrigerationem illi imprimatur fovea, ac postmodum eidem adhuc calenti infundatur Mercurius, is subito amissa fluiditate consistit. Cur id?
- 53 2. Cur pingua & corpora polita admittant tam difficile humorem & liquores aliorum corporum.
- 54 3. Cur olea tam difficile miscentur cum aliis liquoribus, & cur oleosa corpora tam difficile exsiccantur.
- 55 *Resp. ad 1.* Id fieri posse ob commixtionem partium plumbicæ Mercurio, quo casu replentur pori mercuriales & impeditur recursus subtilis materiæ.
- 56 *Ad 2.* dico: Id fieri, quia oleosa & pingua habent figuram partium plerumque sphericam, & ideo reliqui liquores, quorum figura est mutationi acivis obnoxia, non retinentur sicut in aliis corporibus minus glabris.
- 57 *Ad 3.* est eadem ratio, & hinc oleosa tam difficile exsiccantur, quia aër humidus non commiscetur cum oleosis, adeoque nec illas partes oleosas secum avehit.
- 58 *Quæres 3.* Quomodo possit construi hydrometrum.
- 59 *Resp.* Hoc require in Physica Particulari interim id fieri posset primò chordis aut funibus tensis, quia per humiditatem tenduntur, adeoque si implicentur tracheis aut rotulis, ex earum conversione gradus humiditatis signari possunt.
- 60 2. Aristis, si inferantur dorso grani avenacei; nam tempore humiditatis & ipsæ circumaguntur.
- 61 3. Laciniis, chartulis pergamenis aut pellibus ovinis, qui tempore humiditatis relaxantur, tempore verò siccitatis contrahuntur.
- 62 4. Asserculis alneis aut populeis, si enim plures sibi invicem imponentur, aëre humido intumescunt & se comprimunt, aëre verò sicco relinquent spatiosa vacua.
- 63 5. Spongiis sale commixtis aut lanugine serica; si enim ista imponentur lanci in æquilibrio cum alio pondere, aëre humido deprimuntur, & sicco elebuntur, ex quibus omnibus facile colligi potest methodus mensurandi gradus humiditatis.

## Q U Æ S T I O V.

*Quæ sit Natura Rarefactionis, Condensationis, Indurationis, Emolitionis &c.*

**D**ico 1. Rarefactio aliquando fit expansione minimarum partium, aliquando verò intrusione subtilis materiæ, aut aeris, aut expansione liquorum intra poros corporis latentium.

2. Prob. Concl. Hæc hypothesis est possibilis, & optimè convenit cum experimentis; ergo. Quod verò sit possibilis, probatur, quia quantitas cujusque rei, cum sit accidens mutari, augeri, & minui potest.

*Dico 2.* Omnia corpora naturalia possunt rarefieri & condensari. Id probatur ab inductione sic:

1. Armilla ærea, si includatur cylindro æreo, ac postmodum intenso calori exponatur, adeò rarefiet, ut vix à cylindro illo ob arctam compressionem separari possit. Si verò armilla in cylindro refrigeretur, adeò condensabitur, ut post condensationem amittat  $\frac{2}{1000}$  sui Diametri.

2. Si globus plumbeus appendatur filo æreo & infra filum ponatur alia lamina in ea distantia, ut ferè tangat globum plumbeum pendentem; & opponatur candela filo æreo, illud tantopere rarefiet, ut globus tangat omnino laminam subjectam. Si verò hoc filum denuo refrigeretur, per condensationem illius elevabitur denuo globus plumbeus supra laminam.

3. Virga chalybea unius pedis, si exponatur intenso frigori, post intensissimum calorem, amittit ferè sexagesimam partem suæ longitudinis.

4. Instrumenta astronomica & musica, si è locis calidis deportantur in loca frigida, aut vicissim, sentiunt notabilem alterationem quoad compressionem suarum partium.

5. Plumbum liquefactum notabiliter implet majus spatium, quam dum est condensatum.

6. Aqua, ut probat Verulamius, per rarefactionem implet centuplo majus spatium, quam dum est condensata.

7. Unicum granulum pulveris pyrii, ut monstrat (P. Lana) post incensionem implet 125000. majus spatium, adeoque 4. granula implent 500000. majus spatium.

8. Aër, ut expertus est Boyleus, post rarefactionem non adeò magnam implet 500000. aut 600000. majus spatium.

*Dico 3.* Causa rarefactionis est 1. Calor ut sentitur in aëre & liquidis.

2. Frigus, ut sentitur in glaciè intra vasa vitrea contracta aut in manu tumefcente à frigore.

3. Humiditas ut patet in spongiis, panibus bis coctis, aut aliis homore maceratis, aut januis & valvis ædium, quæ ita intumescunt ab aëre humido, ut vix aperiri ac claudi possint.

4. Agitatio, sic butyrum, albumen ovorum, olea &c. per iteratam agitationem aliquantum ex crescunt ad majorem molem.

*Dico 4.* Effectus rarefactionis sunt 1. Ingens vis premendi aut perfringendi. sic enim, si in vasibus includantur fabæ aut alia grana, eaque humectentur, adeò intumescunt, ut aut perfringant latera, aut elevent operculum etiam maximi ponderis v.g. 50. librarum, ut expertus est Boyleus.



- 17 2. *Partium cohesio ac compressio*, & exinde consequens pororum obstructio &c. id pater in lignis v.g. januis arcte ob humiditatem latera premensibus.
- 18 3. *Elevatio ponderum*, & exinde consequens motus, de vesicis constat, quod tallant ingentia pondera, hinc mirum non est, quod etiam in animalibus producantur motus à rarefactione partium.
- 19 Dico 5. *Causa indurationis est*, 1. calor, sic enim ova longius excocta & vitello privata si aliquamdiu suspendantur in aëre, convertuntur in satis duram substantiam pellucidam instar vitri.
- 20 2. *Frigus*, sic enim omnia liquefacta per frigus redeunt ad pristinam duritiem, & ferrum candens, quando subito immittitur aquæ frigidae, acquirit magnam duritiem.
- 21 3. *Salia nerosa*, sic enim fabri ferrarii peritiores, dum volunt majorem duritiem conciliare ferro, id candefactum immittunt fuligini, sali communi, equorum ungulis, urinæ, argillæ, & aquis frigidis, maximè etiam si addant sal ammoniacum.
- 22 4. *Aqua calida respectu eorum corporum*, quorum poros intrare non potest. sic enim stannum, caseus, creta, lapides, globi argillacei in aquis calidis diutius detenti induunt longè majorem duritiem.
- 23 5. *Intrusio corpusculorum intra poros* sic carnes falsæ, aut fumigatæ fiunt etiam duriores, sicut teralimosa, cui immittuntur trabes ligneæ, acquirit majorem consistentiam.
- 24 6. *Petrificatio per aquas*, dantur enim in pluribus locis tales aquæ, quæ aut destillatæ mutantur in lapides, aut alia corpora inducunt crustâ lapideâ.
- 25 7. *Compressio*, sic enim nives manu compressæ coeunt in satis duram substantiam, & filamenta inter se contexta convertuntur in funes & rudentes ferè inflexibiles.
- 26 8. *Aer*, sic enim succinum Europæum inter aquas adhuc dicitur esse mollis substantia, expositum verò aëri durefcit. Idem fit circa plurimas herbas & etiam circa crustam ovorum.
- 27 9. *Exhalatio*, qualis fit in spissationibus succorum fructuum, &c. quando enim humor per calorem expellitur, corpora redeunt ad majorem consistentiam.
- 28 10. *Acidorum liquorum commixtio*, sic si spiritus vitrioli commisceatur sanguini, consistit instar glaciei, ut tentavit Boylius in canibus infuso spiritu vitrioli derepente enecatis.
- 29 Dico 6. *Causa emolliationis est* 1. ignis & calor prout fit in coctione corporum duriorum.
- 30 2. *Frigus* prout fit in coagulatione fluidorum.
- 31 3. *Humectatio* prout fit in corporibus detentis sub aquis.
- 32 4. *Maceratio per humorem*, sic enim aurum per macreationem & contusionem in aquis potest converti in fluidum, & fructus per macreationem reducuntur in mollem substantiam.
- 33 5. *Relaxatio* prout fit in funibus & rudentibus resoluta textura.
- 34 6. *Tusio & agutatio*. sic enim fructus ut poma per compressionem & tusionem manuum fiunt molliora.
- 35 7. *Pinguum inundatio aut commixtio*, sic corium per unguenta redditur flexibilius & ferrum, si post candefactionem immergatur sebo aut alijs oleosis materiis, redditur mollius.

8. *Variorum liquidorum commixtio*, sic enim per liquores menstruos etiam ossa durissima aut lapides emolliuntur.

9. *Per machinam papinianam*, per quam etiam ossa durissima intra breve spatium emolliuntur. Ea verò consistit in tribus vasculis intra se invicem positis æreis aut certè ferreis. In primo vasculo quod præ reliquis debet esse æreum, immittitur aqua, in secundo vasculo, quod debet esse perforatum, ponitur tertium vasculum, & in hoc ponuntur ossa aut aliæ materiæ, quando igitur hoc totum compositum apponitur igni & vascula omnia exacte claudantur, ne in interiore vase admittatur aqua, tantus orietur calor in aëre interioris vasculi, tantaque ejus rarefactio, ut perfringendo poros ossum statim relaxet eorum texturam.

### Solvuntur Problemata.

*Quæstio* 1. Unde proveniat tanta durities in lachrymis, ut dicuntur: Hollandicis, consistunt in vitro recenter è fornace vitriaria in aquam frigidam projecto, guttulæ enim illæ vitreæ in aqua destillatæ tam cito concrescunt in formam lachrymarum, & in tam duram substantiam, ut nequidem malleo possint perfringi, si impetus ille mallei feratur in corpus harum lachrymarum, si verò ex parte colli tantum levi vi auferatur extima pars, tunc in momento totum corpus dissolvitur in tenuissimos pulveres.

2. Cur si faber candentem chalybem ex igne immediate demergat in aquam frigidam, is acquirit fragilem substantiam? Si verò aliquantum expectet tenendo chalybem supra aquam, & postmodum extinguat chalybem, is acquirit tenaciorem substantiam? si verò eundem chalybem iteratis vicibus immittat igni, redditur flexibilioris substantiæ, & si jungatur cum materiis unctuosiss, fit mollioris substantiæ.

3. Cur omnia alia corpora, antequam liquefiant emollescant, glacies verò sine emolliatione immediate liquefcat?

*Resp.* ad hunc effectum explicandum non esse opus qualitate occulta, potest enim dici per fragefactionem tam subito expelli subtilem materiam è partibus in superficie harum lachrymarum positis, ut partes vitri immediate se contingant sicut duo hemisphæria Magdeburgensia; materia proin subtilis cogetur cedere versùs collum harum lachrymarum, & dum ex illa parte expellitur, etiam relinquitur ex illa parte faciliorem aditum igitur si pars extima colli perfringatur, materia subtilis violenter tendet iisdem viis intra corpus vitri, per quas fuit expulsa, cumque violentus imperus irruentis materiæ tollat æquilibrium partium, mirum non est, quod totum corpus facessat in pulveres.

Ad 2. dico? Id fieri, quia ex varia commixtione liquorum elasticorum, aut pororum obstructione corpus fit mollius aut durius; per ignem enim partes ferri ob motum rapidissimum magna sui parte positæ sunt extra ordinem, si proin, antequam restituantur ordini, ferrum immergatur aquis frigidis, illa inordinatio permanebit in ferro, & inde confurgit fragilitas.

Ad 3. dico? In aquis nullas dari partes tenacioris texturæ, porosque esse longè liberiores, quàm in alijs corporibus; quando igitur subtilis materia ingreditur glaciem, nulla facta resistentia tenaciorum partium glaciem subito dissolvit sine emolliatione.



- 44 *Quæres 2.* Quomodo omnia acida v. g. succus prunorum, spiritus vitrioli, sulphuris corallia &c, inducant coagulationem & consistentiam; e contra alii spiritus v. g. cordibenedicti, ceraforum nigrorum, universim verò omnia amara, ut bilis, sal amoniacum, & salia volatilia inducunt fluiditatem.
- 45 2. Si rarefactio contingit per immisionem peregrinæ materiæ; quomodo ergo rarefiunt Species Eucharisticæ, in quibus nulla datur substantia.
- 46 3. Si fabæ v. g. rarefiunt per intromissionem corpusculorum, aut aliorum humorum, cur non dicitur etiam vinum rarefieri per immisionem aquæ, cum diluitur.
- 47 4. Unde provenit tanta vis rarefactionis v. g. in pulvere pyrio & fabis, si præcisè ea rarefactio proveniat ab intrusione auræ ætheræ, quæ posset ubique penetrare.
- 48 *Resp.* ad 1. Id fieri, quia amara habent vim dissolvendi partes ob improportionem texturæ & figuræ corpusculorum; e contra verò acida & austera eo ipso, quod astringant, etiam indurant.
- 49 Ad 2. dico: Rarefactionem Specierum Eucharisticarum fieri per expansionem quantitatis, non per intromissionem corpusculorum.
- 50 Ad 3. tantum ea dicimus rarefieri, quæ acquirunt majorem quantitatem sine notabili alteratione, aut additione partium sensibilium.
- 51 Ad 4. Vis illa elasticitatis in rarefactione provenit à pressione impedita subtilis materiæ; hanc pressionem etiam potest impedire unicum granulum pulveris pyrii, si aliquot illius partes occludant poros, his proin subito aut oclusis aut reclusis fit tremor in subtili materia, & impetus illius se re-stituentis producit illos effectus rarefactionis.

## Q U Æ S T I O VI.

### Quomodo fiat intensio Qualitatum?

- 1 **I**ntensio dicitur fieri, quando qualitates sunt sensibiliores; sic calor successivè intenditur in manu, ligno &c. sonus intenditur aut remittitur vel per majorem conatum & impulsu, vel successivè remittente tremore instrumentorum, & fidium, impetus quoque projecti lapidis successivè remittit primas vires, & pondera cadentia, quo propius accedent terræ, eo feruntur cum majori impetu ac velocitate.
- 2 Omnis intensio communiter solet mensurari per gradus, sicut gradus caloris in thermometro: sed quia illi gradus possunt dividi in infinitum, solent Philosophi omnes illos gradus revocare ad octo, ita ut gradus octavus sit ultimus. In hoc proin numerandi modo poterit fieri, ut primus gradus jam contineat aliquot myriades partium caloris, secundus verò gradus contineat totidem alias myriades & sic de aliis.
- 3 Gradus intensionis alii dicuntur homogenei, alii heterogenei. *Homogenei* vocantur, qui sunt ejusdem speciei. Gradus *Heterogenei* vocantur, qui differunt in perfectione essentiali, sicut res diversæ speciei.
- 4 Thomistæ dicunt: Intensionem fieri per majorem radicationem in subiecto; quid verò sit illa radicatio, nullibi satis explicant. Fortè possent dicere, eam radicationem consistere in dispositione

materiæ secundum motum & figuram partium in ordine ad qualitatem. Possent etiam dicere: facta tali dispositione subiecti qualitatem aliquo modo mutari intrinsecè ac entitativè: sed tamen absque mutatione existentia ac individuationis; nolunt tamen Thomistæ hoc dicere, sed manent intra terminos generales dicendo eam radicationem consistere vel in intimiore unione cum subiecto, vel in majori participatione existentia à subiecto, vel in majori inhesionem existentia in subiecto, vel generatim in meliore dispositione subiecti.

Recentiores plerumque dicunt intensionem fieri s vel per gradus homogeneos, vel per heterogeneos, dum enim incipit augeri calor in aqua, illi, qui defendunt gradus homogeneos, dicunt primo gradui caloris addi secundum, tertium, centesimum & millesimum &c. ita ut confluat integer exercitus talium graduum caloris, quorum quilibet est ejusdem speciei cum altero, & ejusdem fortitudinis, sicut milites in exercitu, sicut tamen integer exercitus fortius agit, quàm unus miles, ita dicunt mille gradus caloris fortius agere in nostros sensus, quàm unicum.

Qui verò defendunt gradus heterogeneos, dicunt ab initio produci gradum valde debilem, deinde verò fortiorem, ac denique aliquem fortissimum, qui instar Goliathi sit loco integri exercitus; hi proin gradus sunt diversæ speciei, & producto gradu perfectiore cessat gradus imperfectior, quia nullum habet finem. Aliqui tamen etiam hos manere volunt in præsentia gradus perfectionis. Alii Recentiores, inter quos etiam sunt nonnulli Thomistæ dicunt intensionem fieri per *depositionem subiecti à suo contrario*. Putant enim v. g. in aqua tepida adhuc multos latere gradus frigoris, & quamdiu hi adsunt, calor impeditur à sua activitate, ne possit tantopere sentire: Sed quando illi gradus frigoris expelluntur magis ac magis; tunc etiam calor sine ulla alia mutatione incipit fortius agere in sensus, sicut aliquis homo ægrotus, quo magis depuratur à partibus & liquoribus nocivis sanitati, eo magis crescit in viribus non acquirendo novas vires: sed illas, quæ prius impediabantur, de novo exerendo. Aliud exemplum habetur in homine ligato, qui quo magis exiit vinculis, eo agit fortius.

Neoterici aut omnino nullas admittunt quantitates; aut dicunt eas intendi per *modificationem*. Ea verò modificatio dicitur consistere partim in depuratione à suo contrario, partim in additione graduum, partim verò in aliqua mutatione intrinseca sine productione novæ entitatis; sicut enim modificatur cera in varias figuras sine productione novæ entitatis, ut ipsi putant, ita proportionaliter putant aliquo modo modificari posse reliquas qualitates illo ipso modo, quo sentimus. Ad hanc modificationem etiam pertinet melior dispositio subiecti, motus aut figura partium.

*Dico 1. Intensio non fit per majorem radicationem in subiecto.* Prob. Concl. Hæc major radicatio non consistit in dispositione subiecti, quia gratia sanctificans potest intendi etiam dormiente homine nulla nova accedente dispositione subiecti; ergo.

Nec potest fieri per majorem inhesionem aut unionem cum subiecto, quia in quo consistit illa major unio? & si datur major unio, per hoc non mutatur



natura qualitatis, prout tamen ea mutatio sentitur experimentaliter.

9 Dico 2. *Intensio non fit per depurationem à suo contrario.* Prob. Concl. Aliquæ qualitates intenduntur, quin habeant contrarium; ergo. ant. prob. sic enim lux etiam in ipsa meridie, ubi nulla potest fingi noctis particula intendi potest in aëre. Gratia sanctificans & charitas infusa aut acquisita, intenditur in sanctis & Beatissima Virgine, ubi tamen nullum datur contrarium.

10 Prob. Concl. 2. Depuratio à suo contrario est tantum mutatio contrarii, & recessus: Sed hoc formaliter in suo conceptu nondum dicit mutationem qualitatis intensæ.

11 Prob. Concl. 3. Simul in eadem anima potest intendi dolor, & voluptas, tristitia, & gaudium; ergo depuratio à contrario formaliter non constituit intensiorem. prob. ant. Sicut enim in Christo datur visio beatifica, & Passio Crucis.

In Paulo sicut abundant Passiones, ita & consolationes. Idem homo ex una parte potest sentire calorem, ex altera frigus, & quidem utrumque per intensiorem.

12 Prob. Concl. 4. Id, quod sentimus in intensiōe qualitatum, habet aliquod objectum sibi simile extra mentem: Sed depuratio contrarii non est aliquid simile; ergo.

13 Dico 3. *Intensio non fit per gradus homogeneos.* Prob. Concl. Si darentur gradus homogenei, multiplicarentur entia sine necessitate: Sed, ergo. prob. M. in intensiōe v.g. calidi ut 7. jam deberent dari aliquot milliones graduum, cum tamen sufficiat una entitas; ergo.

14 Prob. Concl. 2. Gradus homogenei additi non faciunt magis calidum; ergo. prob. ant. ubi caliditas aut uniones additæ non augent unionem, nec faciunt magis unitum.

15 Prob. Concl. 3. Si darentur gradus homogenei, tunc non esset ratio, cur unus potius esset primus aut secundus, aut tertius, aut ultimus; nec est ratio, cur potius producat hic quam alius; eodem modo nec datur ratio, cur destruat in remissione caloris potius gradus millesimus, quam centesimus: Sed; ergo.

16 Prob. Concl. 4. Plures acus inter se compenetrati non magis pungunt quam una; ergo nec centum gradus caloris ejusdem rationis inter se compenetrati magis calefaciunt quam unus; ergo.

17 Prob. Concl. 5. Centum muri albi inter se compenetrati non faciunt magis album; ergo nec calida aut calores compenetrati.

18 Prob. Concl. 6. Si darentur gradus homogenei, tunc omnes simul sumpti non possent producere effectum perfectiorem, quam possent producere singuli gradus: Sed hoc est falsum; ergo. m. patet, quia calor ut septem producit in anima longè perfectiorem sensationem & speciem impressam caloris quam primus gradus. M. probatur, centum ignes non possunt producere perfectionem effectum specie diversum, quam possint producere singuli ignes, idem contingit in aliis causis naturalibus.

19 Prob. Concl. 7. Si darentur gradus homogenei, tunc ignis posset intendere calorem in infinitum: Hoc est falsum &c. ergo. M. prob. Ignis semper posset producere novos gradus ejusdem rationis, quos prius produxit, maxime cum subjectum sem-

R. D. Euseb. Amort Philosophia

per sit magis dispositum & virtus ignis semper sit sibi similis. ant. prob. Ignis semper potest producere novos & novos ignes in infinitum, si invenit subjectum dispositum; ergo idem contingeret circa gradus homogeneos.

Prob. Concl. 8. Si dantur gradus homogenei, non est ratio, cur ignis aliquando producat per calorem intensissimum, aliquando vero per calorem minus intensum in diversis subjectis, sed debet dari; ergo. M. prob. non esset ratio, cur ignis aliquando producat v.g. à mille gradibus homogeneis, aliquando à 10000.

Prob. Concl. 9. Arcus, impetus, cognitio, amor, gratia, &c. non intenduntur per gradus homogeneos; ergo. ant. prob. quo ad 1. sic enim arcus dum curvatur, necessario indiget majori curvatura, quæ specie differt à minori curvatura. Quoad secundum verò major impetus necessario indiget majori conatu, qui specie differt à minori conatu. Quoad 3. etiam si rusticus millies dicat, tres angulos æquales esse duobus relictis in triangulo, per additionem tamen tot propositionum non acquirit majorem claritatem; ergo intensio claritatis specie differt à priori claritate. Quoad quartum scilicet, etiam si homo tepidus millies dicat ad Deum: *amo te*, ille tamen amor nunquam erit tam intensus, quam unicus actus in Seraphinis aut Beatissima Virgine; ergo intensio amoris non provenit per additionem graduum aut actuum ejusdem rationis. Quoad quintum gratia fortior & victoriosa differt specie à mille gratiis non victoriosis Judæ concessis; ergo & vis gratiæ non dependet ab additione. Idem potest dici de gratia sanctificante, quæ utique specie est perfectior in Beatissima Virgine, quam in infante recentem mortuo.

Dico 4. *Intensio non fit per modificationem qualitatibus.*

Prob. Concl. Non potest fieri mutatio sine productione novæ entitatis; ergo ista modificatio est fictitia. prob. ant. quandoque datur mutatio, datur etiam nova denominatio; ergo & nova entitas. Prob. Concl. Quando datur nova denominatio, tunc datur etiam novus conceptus: Sed quando datur novus conceptus, debet dari nova entitas; ergo. prob. m. quando datur novus conceptus, debet etiam dari aliquid simile huic conceptui, seu verificativum conceptus, quod prius non dabatur; ergo. prob. ant. quia propositio vera dicit summam conformitatem objecti cum cognitione, dicit etiam rem de novo ita se habere, sicut conceptus representat rem de novo se habere.

Dico 5. *Intensio fit per gradus heterogeneos.* Prob. Concl. Hoc modo potest fieri intensio, & hic modus est naturæ convenientior; ergo. ant. prob. sunt possibiles formæ accidentales specie diversæ in quocunque genere accidentium, ergo etiam possunt modo connaturali produci. ant. prob. dantur species representativæ talium formarum specie diversæ; ergo & formæ diversæ. Vel sic possunt concipi tales formæ specie diversæ; ergo. ant. prob. quia species caloris ut septem, dum tangimus ferrum candens, experimentaliter est altioris perfectionis & alterius prædicati plusquam numerici, quam dum tangimus aquam tepidam.

Prob. Concl. 2. Si non dantur gradus heterogenei, tunc calor lucernæ foret ejusdem perfectionis



nis ac calor Solis : Hoc est falsum ; ergo.

- 26 Prob. Concl. 3. Si calor intensior operatur effectum perfectiorem, tunc & ipse est species perfectior quàm calor remissior. Sed ergo. *m.* prob. partim quia calor ut septem tanquam causa instrumentalis producit ignem, partim quia idem calor ut septem in anima producit longè nobiliores sensationes. con. prob. tota collectio causarum ejusdem speciei non producit perfectionem, quam non habet tota collectio, sicut centum pauperes nullum habentes obulum non possunt dare obulum. Idem constat ex inductione omnium aliarum causarum, quæ utcumque multiplicatæ nunquam producunt effectum specie diversum à singulis : Hoc ultimum argumentum est saltem argumentum ad hominem.

## Solvuntur Objectiones.

- 27 *Obj. 1.* contra 5. Non potest ostendi causa productiva aut destructiva graduum heterogeneorum ; ergo. ant. prob. quando gradus caloris intenduntur, tunc deberent gradus remissiores destrui, quia nullus est finis illorum : Sed non destruuntur ab igne, neque à contrario ; ergo. Similiter quando incipit in aqua remitti calor, quis destructo calore perfectiore produceret calorem imperfectiorem ? non ignis, quia nullus adest, neque aqua, quia aqua contrariatur calori, & potius nititur producere frigus.
- 28 2. Ab experientia constat, quòd per additionem plurium ignium ejusdem speciei intendatur calor ; ergo idem fit in additione graduum homogeneorum.
- 29 3. Integer exercitus est longè majoris virtutis & fortitudinis, quàm unicus miles in ordine ad vincendos hostes, & obtinenda spolia ; ergo idem potest contingere circa gradus homogeneos in ordine ad expellendam formam oppositam & subjiciendum subjectum formæ propriæ.
- 30 *Resp.* ad 1. neg. ant. Causa destructiva est negatio finis sine ullo contrario ; & si etiam diceretur, stante gradu perfectiore remanere gradus imperfectiores, nihil diceretur repugnans. Causa verò productiva in remissione aquæ est ipsa aqua mediante motu & dispositione suarum partium, sicut enim aqua concurret ad conservandum calorem, eidemque communicat existentiam licet violenter ; sic etiam destructo gradu perfectiore concurret ad producendum calorem imperfectiorem ob dispositionem ad calorem, cum enim in aqua tam cito non cesset motus perturbatus partium, qui exigit calorem, sicut motus organorum exigit sonum, ideo etiam aqua tenetur concurrere ad exigentiam horum dispositionum ad producendum calorem.
- 31 Ad 2. dist. ant. Intenditur calor, per se, neg. per accidens c. per additionem ignium simul causatur motus subtilis materiæ concitator, & huic motui respondet etiam calor intensior.
- 32 Ad 3. eodem modo dist. Exercitus enim eo ipso, quod requirat plures actiones in ordine ad obtinendam victoriam etiam requirit plura subjecta operantia. Ratio est, quia effectus ab exercitu intentus non est unus, sed consistit in complexo & concreto plurimorum effectuum particularium ; In

nostro verò casu effectus caloris nempe ignis & species imptellæ sunt effectus in se indivisus.

*Obj. 2.* Quando cibus miscetur in majori copia saccharum aut salia ; eo magis intenditur faldedo aut dulcedociborum ; ergo idem fit in aliis.

2. Quando globo ligneo aut alii corpori mobili incutiuntur, plures impetus, eo feruntur velocius ; ergo ex additione impetus nascitur intensio.

*Resp.* ad 1. dist. per accidens c. per se, neg. ex commixtione majoris copię tantum magis elicitur & actuatur vis singularum partium, de cætero, quòd additio sacchari non augeat dulcedinem, constat ex eo, quia sive multum, sive parum ingeram linguæ, sentio eandem dulcedinem.

Ad 2. dico : Id fieri non per additionem impetus ad impetum : sed per productionem novi impetus specie diversi ; sicut enim facilius movetur, quod jam sponte currit aut movetur, ita alter impetus primò additus ob meliorem dispositionem subjecti producit etiam meliorem effectum vicibus impellentibus congruum.

*Dico :* Etiam in hac sententia multiplicantur entia saltem quoad species sine necessitate, quia singulis momentis deberent produci nova entia specie diversa ; ergo.

*Resp.* neg. ant. Quia naturæ perinde est, sive producat hanc speciem, sive illam, cum non requiratur major conatus. Econtra verò multum interest sapientissimæ Providentiæ, ne multiplicet entia sine necessitate, ubi datur via brevior manente eodem conatu ac potentia.

## Q U Æ S T I O VII.

*An dentur Qualitates occultæ, & Quænam?*

**I**N natura dantur varii effectus extraordinarii circa quos nulla observatur sensibilis proportio inter causam & effectum ; tales effectus dantur, 1. inter ea, quæ dicuntur habere *Sympathiam* seu quandam naturalem amicitiam. 2. Inter ea, quæ dicuntur habere *Antipathiam* seu naturalem inimicitiam. 3. Circa *fascina*. 4. Circa influxus syderum. 5. Circa virtutes medicas. 6. Circa virtutes venenorum : Causæ proin talium effectuum communiter à Peripateticis refunditur in qualitatem occultam, seu virtutem, cujus natura & proportio cum suo effectu nobis est incognita. Neotericis verò, quia omnia putant se posse explicare per leges mechanicas has qualitates habent pro asylo ignorantiz.

*Dico 1. Dantur qualitates occultæ.*

Prob. Concl. Qualitas occulta est vis activa rebus insita, quæ secundum proportionem vel mathematicas, vel mechanicas nobis tamen incognitas producit effectum : Sed talis vis datur ; ergo. *M.* est definitio arbitraria, *m.* prob. ab inductione, non enim omnes effectus possunt explicari sine vi activa rebus insita, nec etiam possunt accurate illæ leges mechanicae secundum quarum proportionem producantur effectus, explicari.

*Dico*



3 Dico 2. In omni affectu præter qualitates occultas datur etiam mechanismus & proportionem in motu & figura partium inter causam & effectum. Prob. Concl. ab inductione omnium horum effectuum in quibus omnibus potest assignari aliqualis proportio.

## Sympathia.

- 4 1. Gallinæ ad suos pullos, parentes ad filios habent naturalem inclinationem.
- 5 2. Pavones cum columbis præcipuè habent mutuum consensum.
- 6 3. Hedera adhæret arboribus.
- 7 4. Vitis cum olea & myrthus cum ficu naturaliter consentit.
- 8 5. Magnes naturaliter trahit ferrum.
- 9 6. Electra aliquantum incallescunt attrahunt paleas, sicut & lapides succinum.
- 10 7. Argentum aqua forti in minimas partes resolutum, si illi immergatur lamina cuprea undique adhæret cupro.
- 11 8. Mercurius undique sequitur aurum, & si aliqua virga aurea tantum extrema parte immergatur Mercurio, tota virga obducitur mercurio.
- 12 9. Scorpius supra vulnus contritus denuo retrahit venenum, quod in vulnus immiserat.
- 13 10. Lapis Indicus, qui communiter creditur desumptus esse à capite serpentis Indici, imbibit omnia venena, si imponatur vulnere, nec dimittit illa venena, nisi eluatur calido lacte.
- 14 11. Virga corylacea inclinatur ad metalla & latentes aquas.
- 15 12. Oscitante uno oscitat & alter.
- 16 13. Cerafa embrioni per imaginationem matris impressa, si deintempore æstivo cerafa in hortis rubescant, etiam ipsa rubescunt in corpore.
- 17 14. Ova, quibus incubare solet gallina, omnino fiunt sine omni fructu, si in loco propinquo assentur aliud ovum.
- 18 15. Ubra vaccarum, aut intestina hominum inflammantur, si in loco vicino aut lac vaccarum aut excrementa hominum concrementur.
- 19 16. Veruccæ, lardo inunctæ, si lardus clavo defigatur in loco calori Solis exposito, ultro cessant.
- 20 17. Instrumenta, aut chordæ unisonæ vel etiam habentes proportionem diapason, seu octavæ mutuò sonant, aut tremorem concipiunt, si tantum tangatur unica, modo illæ chordæ sint super eodem plano continuo, & solido.
- 21 18. Tale experimentum etiam habetur in scyphis vitreis, si enim supra vitrum, cui infusa est aqua, circumagatur digitus aliquantum madefactus incipiet aqua intra vitrum crispari & subsultare; jam si talia octo vitra in continua serie ejusdem magnitudinis ponantur, ita tamen, ut aqua infusa taliter temperetur, ut octo illa vitra habeant præportionem tonorum à primis usque ad octavum; & dein digitus in uno dicto modo circumagatur, in omnibus aliis vitris habentibus consonantiam, crispabitur aqua, dum intrin in vitris nullam habentibus consonantiam quiescit.
- 22 19. Pulvis sympatheticus & unguentum aromaticum medentur in locis remotis.

R. D. Euseb. Amor Philosophia

Resp. ad 1. Id provenire ad similem texturam motuum & figuram partium, & hinc ob harmoniam talium partium nascitur major etiam convenientia actionum & passionum. Idem fit in secundo, tertio, & quarto.

Ad 5. Id explicabitur, quando ex instituto agetur de magneta.

Ad 6. Id jam fuit explicatum de actione in distans.

Ad 7. 8. 9. & 10. dico: Id fieri per attractionem; attractionis autem leges & modus explicati sunt de actione in distans.

Ad 11. 12. Ibidem data fuit responsio.

Ad 13. dico: Id fieri ob dispositionem aeris, quæ in corporibus servantibus eandem texturam partium etiam producit similes effectus.

Ad 14. dico: Id fieri ex apprehensione & phantasia Gallinæ forte ex odore assati ovi perturbata.

Ad 15. dico: Eandem intercedere causam, alioquin non succedet effectus.

Ad 16. dico: Verrucas posse sanari per solam inunctionem, reliqua esse superflua.

Ad 16. dico: Id fieri per motum localem, qui reperitur in aere, dum sonat chorda, si ergo ille motus aeris inveniat subiectum similiter dispositum, illud movebit secundum leges motuum harmonicas, quas Deus & natura sequitur, sic etiam legitur Tridenti in Ecclesia majori ad sonum certæ fistulæ in organo moveri aliquem lapidem in Ecclesia.

Ad 18. Redditur eadem ratio.

Ad 19. Fuit responsum circa actionem in distans.

## Antipathia.

1. Vitis cum brassica & lauro, quercus cum olea vel juglande tantam habent invicem inimicitiam, ut in vicinia plantatæ simul salvæ esse non possint.

2. Ovis habet naturalem horrorem à lupo, felis à cane, pullus à milvo, columba ab accipitre, etiam si non videantur ab invicem.

3. Duo magnetes, si polus arcticus admoveatur polo meridionali alterius magnetis, se invicem repellunt.

4. Tauri concitantur ad iram ostento colore rubro.

5. Elephantes ad gallopavones habent naturalem aversionem.

6. Quidam homines non possunt videre sine horrore feles, caseos, mures evaginato gladios.

7. Mercurius nunquam potest commisceri cum aqua, nec spiritus vini cum sale tartari aeris humiditate soluti.

8. Occisor, quando ducitur ad corpus occisi, tantam habet antipathiam, ut corpus dudum demortui mittat sanguinem. Talia exempla circumferuntur plurima.

9. Pellis cervina, quando immittitur vasi cum bubula, semper petit superiora.

10. Fulmen fugit à lauro.

11. Aquæ rosarum distillatæ amittunt omnem odorem tempore, quo alioquin florere solent rosæ. Eodem modo vina & cerevisia turbantur, quo tempore florent vites & hordea, ita quidem, ut vina Hispanica in Angliam deportata incipiant fermentare.



rare citius vel tardius, quo citius vel tardius in Hispania incipiunt florere vites.

46 12. Pellis vitulina expansa supra tympanum silet, si in vicinia aliud tympanum pelle lupina tectum pulsetur.

47 Resp. ad 1. Id fieri, quia pori unius adimunt succum alteri.

48 Ad 2. Id fieri ex effluviis odoriferis, quæ movent sensum & phantasmia ovis vel lupi.

49 Ad 3. respondebitur de Magnete.

50 Ad 4. dico: Id fieri ex reflexione radiorum modificata per calorem rubeum, tales enim radii certo modo modificari possunt oculo esse instar spiculorum.

51 Ad 5. & 6. dico: Eam aversionem provenire ex impressionibus, tenero adhuc cerebello factam, quando igitur similia effluvia ac impressiones fiunt in organa, relegunt illa priora vestigia, & ob habitum causant eosdem effectus, quos imprefferunt tenero infanti.

52 Ad 7. dico: Id fieri ob volubilitatem & lævigationem partium, aut liberè poros transcurrentium, aut omnino intra poros non receptorum.

53 Ad 8. Si vera sunt illa experimenta, dico id aliquando fieri ex effluviis acidis aut sulphureis cum alterius sanguine permixtis, sicut igitur commixtio acidorum & alcalicorum causat fermentationem, ita fit in presenti. Potest etiam fieri, ut id permittatur ex concilio & speciali permissione judiciorum divinatorum.

54 Ad 9. Id fieri ex levitate ponderis pellis cervinæ.

55 Ad 10. Si lauri sunt tutæ à fulmine, id provenit ex pororum dispositione partes sulphureas minimè recipientium, aut ob Atmosphæram effluviis à lauro ignes fulminis extinguentem, aut aliò dirivantem.

56 Ad 11. dico: Eam rosarum privationem fieri à calore æstivo, similiter dico: turbationem vini aut cerevisiæ nasci à dispositione aëris.

57 Ad 12. Si verum est experimentum; potest id fieri ob proportionem harmonicam, quorum una in casu dissonantiæ & motum perturbatum partium silet tonante altero.

## Fascina.

58 1. Incantationes serpentum sola pronuntiatione verborum sistunt iras belluarum & venena serpentum.

59 2. Quædam herbæ dicuntur habere virtutem fugandi dæmones & sagas, ita, ut naturalem iisdem incutiant horrorem.

60 3. Solus sonus citharæ ut in Davide fugat dæmonia à Saulo.

61 4. Fumus à felle & jecore piscis fugat dæmonium ut in Tobia.

62 5. Massæ fœtitiæ defendunt domos à sagis & maleficiis.

63 6. Quædam herbæ aut radices reddunt hominem adversus omnia vulnera securum & impetibilem.

64 7. Dantur quædam virgulæ aut aliæ res, quæ naturaliter produnt furta, aut defossa maleficia.

65 8. Dantur philtrea aut ligaturæ, quibus per se fascinantur sine ope dæmonis homines.

9. Dantur sigilla, annuli, aut alia talismanna, quibus inest mira vis ad ciendos effectus in homines aut præstandam virtutem bellicam.

10. Datur granum ossifragum, quod à pecoribus comestum repente enervat vires instar maleficii,

11. Remora potest sistere naves.

Resp. ad 1. dico: Incantationes illas serpentum aut fieri ope dæmonis, aut per alia media simul cum verbis adhibita procurari illos effectus. Nec obstat, quod in Scriptura dicatur, quod serpentum incantatio fiat sapienter, quia illa vox non sumitur in sensu morali, sed præcisè significat artem veneficam adhiberi in illis incantationibus.

Ad 2. dico: Id omnino esse impossibile ut sagæ horreant aliquas herbæ; neque enim dæmon quidquam amisit in naturalibus, nec sagæ immutantur quoad corpus; sed tantum quoad dispositionem animæ; cum igitur angeli non horreant tales herbæ naturaliter, nec putandum est illas horrere dæmones; si verò dicatur Deum & naturam ita disposuisse etiam media contra sagas & dæmones, id præcisè fingitur nec ab ullo hominum ab Orbe condito id unquam fuit assertum, nisi à viris aut aperte superstitiosis aut valde simplicibus; neque enim possunt adducere ullum celeberrimum Philosophum aut Doctorem Ecclesiæ; etsi semel hoc admitteretur daretur ansa omnibus superstitionibus; nec prætermittendum est, quod aliqui observarunt, talia media nunquam adhiberi à sanctis Episcopis aut aliis Religiosis aequè doctis & pro salute hominum sollicitis.

Ad 3. dico: Id factum divinitus ob significationem mysticam.

Idem respondeo ad 4. Legimus enim in Scriptura plurima à Deo adhibita esse signa externa, seu Sacramenta, aut Sacramentalia quæ non ipsa causant; sed significant effectum.

Ad 5. & 6. dico: Ea esse superstitiosa, si enim dæmon & sagæ adeo horrent fœtorem, non eundem tantopere amarent in aliis. Et experientia monstrat in domibus, ubi ista asservantur, præ omnibus aliis locum esse maleficiis.

Ad 7. Hæ virgulæ sunt aperte superstitiosæ & aperte insaniunt, qui ista approbant.

Ad 8. & 9. Eadem semper fuerunt reprobata ab omnibus Theologis nullo excepto.

Ad 10. dico: Ea prorsus falsa esse, nimis simpliciter talia creduntur à non Philosophis.

## Influentia Syderum.

1. Tales sunt Lunæ in maria ob fluxum & refluxum.

2. Lunæ in herbæ, quæ crescente Luna crescunt, decrecente decrescunt.

3. Constellationes & aspectus, quæ dicuntur causare tempestates, ventos, pestes, & omnia malorum genera, quorum causam aut remedium ignorant imperiti Medici.

4. Horoscopi seu domus cælestes, quæ in momento nativitatis instar intimi concilii deorum designant fata hominum.

5. Tabulæ sumendi medicinam aut mittendi sanguinem, & quæ sunt similia.

Sed ut brevis sim, Resp. quoad 3. 4. 5. hæc omnia esse



esse imperitorum somnia, si quis venerit, & fuerit Astronomus, ille solus patienter audiendus, est: sed nullus jam est in orbe Astronomus, qui istas nugæ non rideat. Quo ad 1. & 2. videbimus de Cælis & Elementis.

## Virtutes Herbarum & Venenorum.

1. Vis medica herbarum tam diversos producit effectus, ut etiam in his opus habeant confugere ad asylum ignorantie; tales virtutes sunt in Emeticis, Catharticis, Diaræteris, Diaphoreticis, Cardiacis, Narcoticis &c. aut in aliis morborum Antidotis.

2. Venenum tarantulae, quæ est genus animalis in Sicilia & agro Neapolitano, instar araneæ: quando hoc animal suum virus immittit vel extremis digitis, tanta ejus est vis, ut homines cogantur ad mortem usque ridere & saltando mori, nec datur aliud facile remedium, nisi harmonia musica.

3. Venenum, quod communicant canes rabidi in eos, quos attingunt & mordent; tanta hujus veneni est vis, ut homines cogantur latrare instar ca-

num, spumate præ siti vix non mori, & præ furore in obvios desævire.

4. Venenum pestiferum, quod communicatum sanguini sine remedio intra paucas horas hominem conficit.

Resp. ad 1. Virtutes herbarum immediate provenire à principiis chymicis, mediate verò à figura, motu & textura partium, quod, qua ratione in singulis herbis medicis verum sit, potest & debet explicari in Physica particulari Medicorum.

Ad 2. dico: Illo veneno tarantularum tantopere resolvi sanguinem intra præcordia & tantopere relaxari vim motricem nervorum, ut laxatis hinc inde viis spiritus, quaquaversum per corpus sine ordine ferantur. Quam primum verò per harmoniam musicam ob proportionem naturalem spirituum cum motu undulante aeris redigantur ad motus unisonos, quiescunt in ordine.

Ad 3. & 4. dico: Illud veneni genus consistere in motu perturbato minimarum mollecularum, spirituum & partium sulphurearum, quando igitur hæ partes inveniunt partes unisonas in humano corpore easdem concitant in consimiles motus, ex quibus necesse est prodire consimiles effectus.

# PHYSICÆ PARTICULARIS PARS PRIMA

## De Cælis.

### De Cælis quæritur.

1. Quæ fuerint præcipua Philosophorum de Cælo ac Mundo Systemata?
2. An Systema Terræ quiescentis sit cæteris verosimilius?
3. An possit assignari ratio Physica omnium motuum in systemate Terræ quiescentis?
4. An Cæli sint fluidi vel solidi?
5. An Cæli sint corruptibiles?
6. An mundus sit unicus, & an in Planetis sint incolæ?
7. Quæ sit magnitudo Universi, & præcipuarum ejus partium?
8. An astra moveantur ab intelligentiis?
9. Quid sentiendum de influxu Cælorum genethliaco?
10. Quid sentiendum de influxu Cælorum universali?

### QUÆSTIO I.

Quæ fuerint præcipua Philosophorum de Cælo & Mundo Systemata?

Systemata de Universo sunt sequentia.

1. *Aegyptiacum*, seu *Chaldaicum*. Ponit Terram in medio. 2. Lunam. 3. Solem. 4. Martem. 5. Jovem. 6. Saturnum. Venerem & Mercurium circumagat circa Solem. vid. fig.

2. *Anaximandri*, Græci Philosophi. 1. Terra. 2. Mercurius. 3. Venus. 4. Mars. 5. Jupiter. 6. Saturnus. 7. Luna. 8. Sol.

3. *Platonicum*. Ponit 1. Terram. 2. Lunam; 3. Solem. 4. Mercurium, 5. Venerem, 6. Martem. 7. Jovem. 8. Saturnum. Dicitur de Platone, quod in senectute amplexus sit Systema Terræ motæ; sed id nullo idoneo teste probatur.

4. *Systema Martianum*. Ponit 1. Terram. 2. Venerem. 3. Mercurium. 4. Martem. 5. Jovem. 6. Saturnum. 7. Lunam. 8. Solem.

5. *Ptolomaicum*, quod secuti sunt ferè omnes Philosophi & Astronomi à temporibus Ptolomæi usque ad tempora Tychonis, nempe usque ad sæculum XVI. vid. fig. Ponit 1. Terram. 2. Lunam. 3. Mercurium. 4. Venerem, 5. Solem, 6. Martem. 7. Jovem. 8. Saturnum.

6. *Plutarchicum*. Ponit 1. Terram. 2. Lunam. 3. Venerem. 4. Mercurium. 5. Solem. 6. Martem. 7. Jovem. 8. Saturnum.

7. *Porphyrianum*. Ponit 1. Terram. 2. Lunam. 3. Solem. 4. Venerem. 5. Mercurium. 6. Martem. 7. Jovem. 8. Saturnum.

8. *Ptolomaicum Epicyclum*. In hoc Systemate singulis Planetarum circulis, Terræ concentricis, assignantur alii circelli minores, in quibus Planetæ circumaguntur. Cum enim observatum fuerit, Planetas aliquando fieri Terræ propiores; aliquando verò remotiores, ea major vel minor Planetæ à Terra distantia per hos circellos, seu cyclos explicata est, fig.



9. *Ptolomaicum Epicyclum*. Differt à priori Systemate, quòd loco unius circelli duos superimponat, cum inæquales motus Planetarum, maxime in stationibus & retrogradationibus, sufficienter explicari non poterant per unum cyclum; cogitatum est de altero circello, in quo Planeta revolvitur; ille verò circellus revolvitur in majore circello, qui revolvitur in circulo maximo. fig. 14.

10. *Ptolomaicum per circulos deferentes*. Ponit circulos Planetarum, veluti duos annulos, sic innecti ad alterum circulum ejusdem secum magnitudinis, ut unus, in quo Planeta revolvitur, deferatur ab altero. fig. 15.

11. *Beyrbachianum*. Sequitur Systema Ptolomaicum: sed hoc discrimine, quòd ponat cælum solidum, in quo dentur magna spatia circularia, in his revolvuntur alii circuli minores, in quibus circumaguntur simul Planetæ. fig. 16.

Hæc omnia Philosophorum & Astronomorum Systemata falsa esse, nemo hodie harum rerum peritus dubitat, neque enim circuli Planetarum possunt esse concentrici; neque cæli possunt esse solidi. Epicycli, & Epicycli, & circuli deferentes nec habent rationem physicam in vasto cælorum æthere, nec etiam satisfaciunt observationibus, ut ex Astronomia certum esse suppono. Itaque alia systemata nova excogitata sunt.

12. *Copernicanum*. Excogitatum, seu potius renovatum à Nicolao Capernico Canonico Regulari Warnaviensi in Brussia. Celeberrimus hic Astronomus, cui à Concilio Lateranensi IV. sub Julio II. & Leone X. commissa est correctio Calendarii. Hoc Systema suum Romæ publice edidit, non tanquam verum, sed tantum per modum nudæ Hypothesis, quæ serviat optimè ad explicandos motus cælorum. Ponit Solem quiescere in medio Universi: circa Solem ponit revolvī 1. Mercurium. 2. Venerem. 3. Terram nostram. 4. Martem. 5. Jovem. 6. Saturnum. Terram, dum intra annum circa Solem circulum suum absolvit, ponit quotidie circumagi circa centrum suum, sicut intra 24. horas instar turbinis hunc suum motum vertiginis absolvat: ex hoc motu vertiginis fieret, ut dum caput nostrum simulcum Terra quotidie roteretur in circulum, crederemus, circa nos moveri Cælum, prout accidere solet, qui circa unum punctum celerrimè se circumagunt; Lunam ponit moveri circa Terram, tanquam Planetam secundarium; sicut exhibet fig. 17.

13. *Copernicanum correctum*. Differt à priori in hoc, quòd pro circulis Planetarum substituat Ellipses, in quarum uno foco existit Sol, adeoque Sol non existit perfecte in medio Universi, aut saltem Planetarum. Hoc Systema nunc sequuntur omnes, quotquot receperunt Systema Copernicanum. fig. 18.

14. *Copernicanum Physicum*. Tria sunt Systemata Copernicana Physica. 1. Cartesii, de quo actum est in Systemate Cartesiano p. 4. 2. Newtoni, de quo eodem loco dictum est. 3. Vallemotii, qui anno 1707. edidit tale Systema, quale exhibet fig. 19. Ponit circa solem varios vortices densitate & gravitate diversos; & in singulis vorticibus ponit alios minores vortices, quasi epicyclos, in quibus Planetæ revolvuntur circa Solem.

15. *Tychonicum*, inventum ac denominatum à Tychone Brache, Comite Daniæ, qui vixit ad finem sæculi 16. Ponit Lunam & Solem circumagi circa Terram, quiescentem in medio, sed reliquos Planetas dicit revolvī circa Solem. fig. 20.

16. *Tychonicum correctum*. Recentiores Astronomi servarunt quidem Systema Tychonicum, sed circulis substituerunt Ellipses, sic ut Sol circa Terram, & reliqui Planetæ circa Solem moveantur in Ellipsis.

17. *Systema Semi-Tychonicum, seu Riccioli*. Ponit Terram in medio; circa Terram movetur Sol, Jupiter, Saturnus: circa Solem verò Mercurius & Venus, & Mars. fig. 21.

18. *Systema G. Honorati Fabry*. Ponit in medio Universi Terram, tanquam centrum gravitatis commune respectu omnium Planetarum: Dicit Planetas instar lapidis per impetum innatum versus hoc suum centrum decidere; sed postquam ad dimidiam altitudinem, unde delapsi sunt, deciderint, reflectuntur ad pristinam altitudinem; dumque Planetæ in eo perpetuo descensu ad centrum, atque ascensu pergunt simulque ab Ortum Occasum communi motu obripiuntur, describunt lineam, cordi humano similem, prout in fig. cernitur.

19. *Systema Galleti Prapostri Avenionensis* ad S. Symphorosam. Dicit Planetas superiores, Martem, Jovem, & Saturnum nihil esse reale; sed eos consistere in nuda apparentia: vult enim imaginem Solis è concavitate cælorum reflexam in oculis nostris formare imaginem Martis, Jovis, & Saturni, prout ex legibus opticis evincere conatur, & adjecta figura innuit, ubi Sol est in A. Saturnus in B. Jupiter in C. Mars in D. fig. 22.

20. *Systema Cassini Senioris*. Ponit Solem moveri circa Terram in circulo, vel Ellipsi non multum diversa à circulo; circa Solem verò ponit omnes Planetas moveri in spirali, qualem figura exhibet. ex. 24.

Hæc sunt celebriora de Universo Systemata. Legi quidem & alia; quale est: Lunam in medio Universi quiescere, ac circa eam revolvī Terram. 2. Terram quidem in medio Universi quiescere: sed eam moveri motu vertiginis quotidie circa axem proprium. 3. Solem esse in medio Universi, sed eum adhuc moveri in aliquo circulo motu annuo circa centrum Universi imaginarium. Verum ista nec habent, nec merentur eximii nominis patronos.

## Q U Æ S T I O II.

*An Systema Terra quiescentis sit Copernicano Systemate verosimilius?*

**D**ico: Terra stat. Prob. Concl. 1. S. Scriptura expressis verbis dicit: Terram stare, moveri autem Solem; nec ulla cogit necessitas, ut recedamus à sensu verborum obvio ac proprio; ergo dicendum, quòd Terra stat. prob. ant. quoad 1. membr. Eccles. 1. Terra autem in æternum stat. Proverb. 3. Deus firmavit Orbem Terrarum. Psal. 92. Deus firmavit Orbem.



*Orbem Terræ, qui non commovebitur.* & Psal. 103. *Dens fundavit Terram super stabilitatem suam.* Eccl. 1. *Sol corritur & occidit, & in locum suum revertitur, ibique renascens gyrat per Meridiem, & flectitur ad Aquilonem; lustrans unversam in circuitu pergit spiritus, & in circulos suos revertitur.* Josue 10. *Tunc locutus est Josue, dixitq; : Sol contra Gabaon ne movearis, & Luna contra vallem Aialon, steteruntq; Sol & Luna. stetit itaque Sol in medio Cæli, & non festinavit occumbere spatio unius diei.* Isaïa 38. *Reversus est Sol decem lineis.* Itaque Scriptura in sensu proprio accepta ostendit, moveri Solem. Et hinc Urbanus VIII. prohibuit sub excommunicatione Systema Copernicanum, tanquam temerarium, & S. Scripturæ quoad sensum proprium contrarium, donec à Copernicanis afferatur aliqua demonstratio, quæ cogat in te tanti momenti recedere, à sensu proprio Scripturæ, judicio totius Orbis consecrato. Ita enim explicat mentem Bullæ Pontificiæ P. Fabri, Societatis Jesu, Romæ ad S. Petrum Pœnitentiarius, dum cuidam Copernicano in hæc verba rescribit: *Ex vestris Corypheis non semel quesitum est; utrum haberent aliquam pro Terræ motu demonstrationem? nunquam ausi sunt id asserere: nil igitur obstat, quin loca illa in sensu litterali Ecclesia intelligat, & intelligenda esse declaret, quamdiu nulla demonstratione contrarium evincitur, quæ si forte aliquando à vobis excogitetur (quod vix crediderim) in hoc casu nullo modo dubitavit Ecclesia declarare, loca illa in sensu figurato, & improprio intelligenda esse, ut illud Poeta: Terræq; urbesq; recedunt.* Rescriptum istud insertum est anno 1665. Actis Societatis Regiæ Anglicanæ, Mense Junio.

2. Prob. Concl. 2. Si Terra moveretur, tunc quotidie intra 24. horas rotaretur circa axem suum proprium: Hoc non potest dici; ergo. *m. prob.* si Terra rotaretur circa axem suum proprium, tunc per leges motuum Cartesianas omnia Terræ corpora niterentur à centro motus recedere, adeoque turres, & ædificia disjicerentur in ærem; ipse verò aer dissolveretur in ætherem: Hoc est contra experientiam; ergo. *m. patet*, quia in rota vel funda celeriter circumacta omnia recedunt à centro motus, & quidem corpora solidiora velocius, quàm liquida: sicut enim aer non detinet lapidem in funda, sic nec aura æthereæ posset detinere partes nostri aeris cum Terra circumacti, quin instar plumarum dispergeretur in auram ætheream.

3. Prob. 3. Si Terra quotidie moveretur circa axem proprium, tunc deberent spirare perpetui venti Orientales: Hoc est falsum; ergo. *M. prob.* si sic moveretur Terra tunc aer non posset assequi motum Terræ secundum omnes suas partes æqualiter: Sed hoc posito deberent spirare perpetui venti Orientales; ergo. *m. patet*, quia sic aer tardius moveretur in Orientem, quàm nos in Terra positi, adeoque perpetuò secaremus ærem instar cursoris velocissimi, aut instar sagittæ, sicque ob aeris resistantiam, dum credimus nos quiescere, putaremus, ærem moveri, ac impingi in nostras facies, quod vocamus ventum. *M. prob.* ex eo, quia idem contingit in rota celeritè circumacta, ut liquida rotæ in hærentia non assequantur motum rotæ; *Dein* ex eo, quia partes aeris à terra remotiores non in hærent Terræ; *Tertiò*, quia partes aeris non sunt omnes ejusdem gravitatis & crassitudinis, adeoque non possunt omnes recipere eundem impetum; *Quartò*, quia interdum in uno meridiano, aut climæte aer

supra Terram altius attollitur, quàm in alio; adque illa columna ærea ob diversam sui altitudinem & densitatem non potest servare æqualem semper impetum; fiet ergo, ut dum una columna ærea movetur celerius vel tardius, etiam in vicino aëre debeat propagari inæqualitas motus; ex quo nascentur perpetui venti. Simile argumentum est, dum dicitur 1. quòd stante motu Terræ nubes perpetuò deberent moveri in Occidentem, eò videlicet, quòd aer cum suis nubibus non assequeretur velocitatem Terræ in Orientem nobiscum properantis; sic qui secundo fluvio vehitur, putat litora retrocedere. Hoc argumentum potest confirmari ex ipsa Copernicanorum Regula; quòd nempe in revolutione plurium corporum circa commune centrum ita se habent quadrata temporum, ut cubi distantiarum. Si ergo aer aliud corpus est, quàm Terra, & hæc duo corpora nullo vinculo invicem colligata sunt, deberet quadratum revolutionis in aëre majus esse, quàm quadratum revolutionis in Terra; adeoque aer, & ærea corpora deberent tardius moveri in Orientem, quàm nos constituti in Terra.

4. Prob. 4. Si Terra moveretur quotidie motu vertiginis, tunc non omnia corpora ex altà tutri delapsa deciderent perpendiculariter, sed longè plura delaberentur versus Occidentem: Hoc est contra experientiam; ergo. *M. prob.* non omnia corpora recipiunt à Terra æqualem impetum, quia v. g. ferrum, lignum, lapis, pila sunt diversæ densitatis; ergo si in libero aere sunt separata à Terra, non possunt æqualiter per impetum acquisitum assequi motum Terræ. Ex eodem argumento sequeretur, quòd lapis è tutri demissus debeat luto imprimere curvam; item, quòd corpora perpendiculariter furtim ejecta non amplius deberent recidere perpendiculariter, sicut si curru celeritè vecti aliquid sursum ejicimus, non recidit in currum.

5. Prob. 5. Si daretur motus Terræ annuus circa Solem, tunc stella, quæ regit alteram uno anni tempore, non deberet eam tegere altero anni tempore; aut si duæ stellæ sunt sibi vicinæ, quales sunt in nebuloſa Ursæ Majoris, deberet per 25. annum mutari earum apprens distantia; ut patet ex fig. hoc autem non fit, prout plurimum annorum experientia circa varias stellas expertus sum; ergo.

Reliqua argumenta contra Systema Copernicanum legi possunt in Tract. de Cœlis.

## Solvuntur Objectiones.

Obj. 1. Datur parallaxis annua; ergo datur motus Terræ annuus. *ant. prob.* ex observationibus Flamstedii, & Cassini Junioris; quorum prior observavit, stellam polarem nobis videri altiore 45. secundis in hyeme, quàm in æstate alter verò observavit, Striam 6. secundis in iis circumstantiis videri altiore: Hoc autem fieri non potest ex alia causa, quàm quòd Terra per suum motum propius ad unam stellam accedat uno tempore quàm alio.

2. Non potest explicari statio, & retrogradatio Planetarum tam connaturaliter, prout fit in Systemate Copernicano. *fig.*

3. Lumen à satellitibus Jovis post eorum Eclipsin nonnunquam decem minutis tardius defectus ad Terram, quàm alio tempore; hujus anticipationis & retardationis non potest dari alia causa, quàm quòd Terra nonnunquam integra orbitæ annuæ diametro sit remotior à Jove; sicque illud lumen debeat longiorem conficere viam.

Resp.



Respondeo ad 1. posse dici, quòd stella polaris & Sirius habeant motum proprium, qualem etiam in multis stellis fixis reperiri v.g. in Cygno, Hydra, Balena, ex observatis astronomicis constat, & ostendi Tract. de Cœlis Sect. 3. c. 10. Alias Responsiones ad hanc objectionem ibidem reperies l. 1. c. 1. & 2.

fig. 24. & 28. Ad 2. dico: Has stationes & retrogradationes explicari per Systema Cassini fig. & ex meo Systemate, dum planeta ad conum refracto lucis delatus premitur versùs medium rarius, sicque movetur in signa antecedentia.

Ad 3. dico: Hanc retardationem luminis fieri etiam tunc, quando terra est Jovi propior, ut liquet ex observationibus Maraldi; itaque ea retardatio non est proportionalis distantiae terræ & ejus motui.

8. *Obj. 2.* Systema Copernicanum est omnium simplicissimum, & ex illo à priori potest reddi ratio omnium phænomenorum cœlestium; ergo est præferendum.

2. Nevvtonus ex legibus gravitatis ostendit, quòd terra suspendi debeat inter Martem & Venerem, ut revolvatur circa Solem.

3. Cùm quadrata temporum in planetis circa commune centrum revolventibus se habeant ut cubi distantiarum, & quadratum revolutionis annuæ terrestris sit perfectè proportionale ad ejus distantiam à Sole; censendum est, quòd revolvatur circa Solem, ut servetur analogia in natura.

4. Reliqui Planetæ, Sol, Venus, Mars, Jupiter, revolvuntur circa axem proprium; ergo & Terra.

9. *Resp. ad 1. neg. anti.* Quia nullam reddit rationem, cur v.g. axis Terræ perpetuo maneat ad axin Æquatoris parallelus; cur in motu Terræ annuo nulla detur Nodorum motus sensibilis, proût tamen datur in reliquis Planetis; cur Venus & Mars nullos habeat satellites, & tamen terra in intermediotalem habeat, nempe Lunam; cur Planetæ collocentur in Ellipsis; cur potius Sol existat in hoc foco suæ Ellipseos, quàm in altero; cur Stellæ Fixæ multæ habeant suam revolutionem, & tamen Sol noster nullam habeat periodum annuam; cur Cometæ non soleant propius accedere ad Terram si Terra est in Cœlo inter Venerem & Martem, quo nonnunquam descendunt Cometæ; cur in Terra nulla detur variatio inclinationis ad Eclipticam, cur magnitudo Planetarum non sit eorum distantis proportionalis; cur Planetæ non decendant in Solem, cùm infra se aura ætherea semper sit rarior, quò propius acceditur ad Solem. Hæc & multa alia non possunt explicari à priori in Copernicano Systemate.

Ad 2. *neg. anti.* Demonstratio Nevvtoni supponit, vires centripetas aut centrifugas, adeoque vires gravitatis aliundè esse cognitæ; nempe ex motus celeritate, & curvatura orbitæ, in qua resolvuntur. Ex his verò principiis non demonstratur gravitas corporum, quia potest motus circularis non provenire ab extrinseco, sed ab intrinseco per impetum quasi innatum; proût contra leges Nevvtonianas ostendi P. 2. Phys. Gen. Si autem motus circularis potest provenire ab intrinseco, potest etiam dari in eadem orbita & revolutione diversa gravitas corporum, si ponatur fluidum, in quo revolvuntur, esse diversæ densitatis, & corpora, quæ revolvuntur, diversæ soliditatis.

Ad 3. dico: Eam regulam Keplerianam; si vera est, tantum veram esse quoad Planetas circa

commune centrum revolventes; circa Planetas autem habentes diversa centra motus, absolutè falsa est. Itaque cùm analogia naturæ non requirat, ut omnes Planetæ habeant commune centrum; eadem analogia etiam non requireret, ut terra habeat commune centrum in Sole.

Ad 4. dico: Hanc revolutionem circa axem in Planetis esse potius argumentum pro Terræ quiete, quàm pro Systemate Copernicano; quia in hoc Systemate nulla potest assignari conveniens hujus revolutionis causa, dum interim nos facilem damus, dicendo: quòd fluidum, in quo Planeta defertur, celerrimè sub Planeta transeat, sicque instar torrentis Planetam in se natantem invertat ac volvat; ut solent lignei globi volvi in fluminibus, si habeant inæqualitates aliquas. Econtra Copernicanidicere non possunt cur Sol vertatur circa axem proprium; multò minus ullam habet verosimilitudinem, quòd Episcopus Certienfis, & alii Copernicani dicunt; nempe à revolutione Solis stimulari omnes reliquos Planetas ad similem motum vertiginis. Quomodo enim Sol motu vertiginis poterit concitare Planetas adeò remotos ad similem motum, cùm globus aut turbo circumactus non concitet alium globum etiam vicinissimum? & si concitaret Sol Planetas ad motum vertiginis, cur hic motus adeò tardus est in Terra & Marte vicinis Soli, utpotè indigens 24. horis, dum intereà motus vertiginis in Jove plus duplo celerior est, utpotè qui 9. horis absolvitur? quæ causa tantæ celeritatis in Planetarè remoto? hinc rimas agit Systema Copernicanum & Nevvtonianum. Accedit, quòd illa revolutio Planetarum nondum demonstrata sit; absolutè enim defendi potest, maculas Solis, Martis & Jovis esse separatas à suis Planetis, sicque instar satellitum revolvi circa suos Planetas.

*Obj. 3.* Mersennus in Epistola ad Cartesium testatur: globum tormenti bellici perpendicularitè explosi; non amplius recidisse perpendicularitè, imò ne quidem eundem amplius esse inventum; ergo signum est, quòd globus reciderit versùs Occidentem, dum morante globo supra aërem, intereà Terra versùs Orientem promota est.

2. Observatur in omnibus ferè Terræ motibus, reciprocationes ædium fieri versùs Orientem & Occidentem, raro verò à Meridie ad Septentrionem; atqui hujus non est convenientior causa, quàm motus terræ diurnus; sic enim si lapidi coticulari celerrimè circumacto agglutinatum prius fuerit corpus, & gluten resolvatur; motus corporis ac titubatio fiet secundum directionem lapidis circumacti.

3. Meteora altiora v.g. dracones volantes, aut trabes volantes, ferè semper moventur ab Oriente in Occidentem, & quidem motu celerrimo: Sed & hujus rei nulla datur convenientior causa, quàm quòd juxta leges motuum Cartesianas talia meteora ab aëre nostro per motum diurnum circumacto velut è funda excutiantur, sicque terrâ versùs Orientem circumacta, abeant secundum tangentem versùs Occidentem.

*Resp. ad 1.* Globum talem tormenti bellici certo recidere; ita vigesies ter expertus est Cartesius, & anno 1725. probarunt Argentorati quidam Officiales Regis Galliar. Quòd verò talis globus plerumque recidat versùs Occidentem, in causa est, quòd



quod in superiori regione aëris plerumque spirant venti Orientales, dum nempe aër motu suo sequitur Solem, & per se motus ætheris diurnus ab Oriente versùs Occidentem etiam aëri aliisque corporibus in utrumque indifferentibus, qualia sunt corpora perpendiculariter excussa, facile similem directionem imprimat.

Ad 2. dico: Multos exitissz Terræ motus, ubi reciprocationes factæ sunt à Meridie in Septentrionem; igitur non potest afferri sufficiens inductio casuum consimilium, in quibus plerumque factæ sint in Occidentem. Aut si similem inductionem habes, nomina casus & testes; & dic, v. g. intra decem casus vix una vice factæ sunt in Septentrionem. Sed hos non reperies me sponse.

Ad 3. idem dico: Quod de globo tormenti bellici. Dein si tales materiæ excuterentur ex aëre tanquam è funda, deberent esse frequentiora talia meteora, quia tali modo excuterentur etiam subinubes & aliæ exhalationes. Dein visa sunt talia phænomena etiam quandoque versùs Orientem, vel versùs Meridiem, quod nunquam fieret, si Terra se haberet instar fundæ,

12 *Obj. 4.* In superiore regione aëris ferè perpetuò spirant venti Orientales; idem fit intra Tropicos. Hujus rei non potest dari expeditior causa, quam quòd Terra moveatur versùs Orientem.

2. Sub Æquatore, & intra Tropicos horologia pendula celerius peragunt suas vibrationes, adeoque est minus pondus in pendulo, quam versùs polos. Hujus iterùm melior causa dari non potest, quam quòd motus Terræ diurnus in Æquatore & intra Tropicos sit rapidissimus, adeoque quòd vires centrifugæ ibi sint maximæ, quæ proin aliquid minuant de pondere penduli.

3. Terra dicitur habere figuram Ellipticam, cujus axis major est sub Æquatore; hujus ratio facile dari potest ex motu Terræ diurno, quo fit, ut omnes partes Terræ tendant versùs Æquatorem, ubi motus est rapidissimus.

13 *Resp. ad 1.* Ventos illos oriri ex motu ætheris ab Oriente in Occidentem, qui proin etiam communi motu totius Universi secum rapit partes superiores aëris. Quòd verò motus Terræ horum ventorum non possit esse causa, ex eo demonstratur, quia aliàs à fortiori deberent per dimidium annum spirare venti Meridionales, & per dimidium annum venti Septentrionales; cum Terra per motum annum incomparabiliter celerius moveretur versùs Meridiem, aut Septentrionem, quam per motum vertiginis diurnum in Orientem. Dein, si motus hic Terræ diurnus est causa ventorum Orientalium jam eo ipso verum est, quòd aër non assequatur velocitatem Terræ, adeoque sequuntur omnia illa, quæ in probatione conclusionis ex eainæqualitate motuum deduximus.

Ad 2. dico: Eam diminutionem gravitatis non esse proportionalem distantis ab Æquatore, prout tamen deberet esse proportionalis, si proveniret à motu Terræ diurno. Itaque dicendum, eam diminutionem provenire ex eo, quia aër intra tropicos est agitatior ob actionem ætheris majorem intra tropicos; si autem aër est agitatior, eo ipso impedit actionem gravium, & videntur esse minus gravia. hinc in Exhausto plumæ instar lapidis decidunt, quia cum nullam reperiant resistantiam aëris, respectivè crescit eorum gravitas.

R. D. Euseb. Amort Philosophia.

Ad 3. dico: Hoc prorsus esse falsum, ex observationibus enim Cassini constat, axem majorem Terræ esse versùs polos.

*Obj. 5.* Rationes, quibus conclusionem probavimus, nil probant; ergo. Prob. ant. potest dici, quòd simul aër moveatur cum ipsa Terra; adeoque non erit necesse, ut lapis decadat obliquè, aut ut sentiat resistantiam aëris; sic enim, si domus aliqua transferretur ab uno loco in alium, non sentiretur ab incolis resistantia aëris, nec etiam lapis in cubiculo decideret obliquè.

2. Potest dici: quòd aër quidem ab initio in primis Terræ revolutionibus fecerit aliquam resistantiam; sed successivè induerit eosdem cum Terra motus; sic enim videmus, quòd fluida successivè eosdem induant motus, quos habent corpora, circa quæ circumfluunt.

3. Potest dici: quòd licet superior aër faciat aliquam resistantiam, tamen aër inferior crassior adeò inhæreat Terræ, ut eadem celeritate cum Terra moveatur. Sic etiam in fluminibus contingit, ut pars fluminis longè celerius & rapidius feratur, quam pars fundo propior.

4. Potest dici: quòd tota Atmosphæra aëris tam exigua habeat proportionem addiametrum Terræ, ut vix sit trecentesima illius pars; si enim altitudo aëris vix est quinque milliarius, & diameter Terræ 1800. milliarius, clarum est, quòd aer se habeat ut  $\frac{1}{360}$  circiter ad Terræ diametrum; adeoque

se habebit instar guttulæ, quæ existit in rota celerimè circumacta; quæ utique nullam facit resistantiam, sed servat motum communem cum rota.

*Resp. ad 1.* Aërem circa Terram non includi tanquam in aliqua domo; adeoque non est paritas. Certè Adversarii ipsimet admittunt tantam aëris libertatem & mutabilitatem, ut totam Atmosphæram dicant premi à Luna, deprimi, & attolli, sicque mediante pressione aëris premi etiam Oceanum versùs littora. multò ergo majorem aër pressionem patietur per eandem Lunam & alias causas, si per revolutionem diurnam columna aliqua aërea; cæteris altior tendat in oppositum Lunæ.

Ad 2. dico: Prorsus hoc esse contra experientiam; quamvis enim globum integro mense circumagam in aqua, aqua propterea non movebitur eadem celeritate, qua movetur ipse globus circulariter. Dein hoc argumentum convincitur esse falsum ex motu Lunæ; cum enim Luna juxta Copernicanos motum suum habeat à motu Terræ diurno, & tamen adeò parum assequatur celeritatem Terræ, ut quotidie tardet 346. gradibus, evidens est, quòd non omnia fluida circa corpus circulariter motum successivè induant eosdem motus; itaque deberet proportionaliter etiam aër noster relinquì versùs Occidentem saltem aliquot gradibus.

Ad 3. dico: Aërem inferiorem, eo ipso quòd sit crassior, tardius assecuturum motum Terræ; & paritas à flumine potius confirmat nostram sententiam; sicut enim aqua non adhæret fundo, sed habet motum proprium; ita multo magis id verum erit de aëre, cujus partes sunt minus tenaces; & sicut pars prope fundum ob crassitudinem partium movetur tardius, ita etiam aër Terræ propior tardius movebitur. Denique, etsi evinceretur, quòd



aër Terræ vicinior velocius assequeretur motum Terræ, quàm superior, non tamen per hoc satisfiat argumento nostro, quo id solùm agitur: aërem nec superiorem nec inferiorem perfectè assecuturum vertiginem Terræ.

Ad 4. dico: Inprimis etiam in guttula adhuc observari resistantiam, ut cuiusvis observanti pater. Dein non est paritas quoad effectus adhesionis inter guttam respectu molaris lapidis, & inter aerem respectu Terræ; quia aliàs sequeretur, mille guttulas aquæ perpendiculariter sibi impositas respectu Terræ tam firmiter constitutas, ac consistunt duæ guttulæ respectu rotæ. Denique sicut guttula aquæ brevi desiccatur per aerem, si celerrimè circumagatur rota, ita etiam tota Atmosphæra aeris brevi desiccaretur per auram ætheream, si circumageretur Terra.

16 *Obj. 6.* Potest dici: quòd partes aeris servant inter se tam perfectum æquilibrium, ut partes Orientales minimè possint vincere Occidentales, aut vicissim; ergo cum nunquam incipiat motus ex alterutra parte, habebimus aerem quietum, non obstante motu Terræ.

2. In navibus celerrimè motis, qui sunt in prora, continuato aliquantisper motu nullam ampliùs sentiunt resistantiam aeris; ergo etiam si aer non assequeretur motum Terræ, nullam tamen sentiremus illius resistantiam ob consuetudinem. Idem experimentum habetur in iis, qui citissimis feruntur equis.

3. Si è navi celerrimè mota ejiciatur sagitta perpendiculariter, ea iterùm recidit in locum, unde emissæ est, prout dicitur id experimentum instituisse Gassendus, Massiliæ coram præfectis regiis. Similiter si è summitate talis mali in navi demittatur lapis, is perpendiculariter decidit; ergo etiam in aere nostro idem futurum est, quamvis instar navis Terra nostra moveatur, quia videlicet corpora mota omnibus sibi corporibus adherentibus imprimunt communem impetum. Sic enim quodlibet corpus grave in curru vel navi horizontaliter positum. Si de repente sistatur currus vel navis, perget adhuc moveri horizontaliter ea motus velocitate, quæ priùs movebatur currus vel navis; ergo idem fiet in lapide sursum projecto, ut moveatur simul cum Terra eo impetu, quam semel recepit à Terra.

17 *Resp. ad 1.* Eo ipso, quòd detur perfectum æquilibrium inter partes aeris, poterunt eo facilius emoveri à vi extrinseca ætheris penetrantis aerem, resistantis, ac respectivè ad Terram immobilis, sic enim lantes perfectè æquilibrantes facillimè emoveantur. Quòd verò detur resistantia in æthere, patet eo, quia ex materia lucis per vitrum causticum trajecta propellit leviora corpora.

Ad 2. dico: Quamvis in vultu non sentiatur resistantia aeris, ea tamen sentitur in velis, aut in vestimentis taliter equitantium. Itaque simili modo omnes capilli, & vestimenta, & alia similia deberent tendi versùs Occidentem.

Ad 3. dico: Id fieri in navi propterea, quia vela detinent aerem, ne liberè transeat; sic ergo consistente intra velorum parietes aere mirum non est, quòd sagitta & lapis perpendiculariter decadat. Sed ubi per vela non formatur aliqua stabilis Atmosphæra, aut vortex aeris: Hoc non procedit, neque enim sagitta è curru ejecta iterùm perpendiculariter

recidit. Paritas desumpta ex communicatione impetus potius confirmat quàm labefaciat nostram sententiam; quia ex hoc ipso exemplo constat, quòd corpora diversæ gravitatis & densitatis non recipiant æqualem impetum, v. g. si pila, pluma, lignum, lapis, ferrum imponantur rotæ, horizontaliter, circumactæ, ac subito sistatur rota, non erit eadem celeritas in pila, pluma, ligno, ferro; itaque nec corpora diversæ densitatis perpendiculariter ejecta eodem impetu assequerentur motum Terræ.

*Obj. 7.* Scriptura in plurimis locis loquitur improprie, v. g. dum tribuit Deo manus, oculos, pedes &c. ergo idem potest dici in præsentī, dum dicit: stare Terram.

2. Spiritus S. in Scriptura non voluit nos docere Physicam, sed viam salutis; ergo ex Scriptura nihil probatur in Philosophicis.

3. Scriptura in pluribus locis proponit objecta tantùm, prout cadunt sub sensus, v. g. dum Josue dicit: *Sol contra Gabaon ne movearis, & Luna contra vallem Aialon.* Neque enim Sol potius movetur contra Gabaon, quàm contra aliam provinciam: sed tantùm id fit apparenter.

4. Potest simpliciter dici: quòd Sol moveatur: quia movetur circa axem proprium, & hoc suo motu est causa, quòd moveantur Planetæ, ac Terra motu vertiginis, adeoque si Josue voluit, ut staret Terra, rectè jussit stare Solem;

5. Potest dici: Solem moveri, & Terram quiescere, in quantum Terra non transfertur è vicinia corporum ambientium.

*Resp. ad 1.* dist. conf. ergo idem potest dici: Si noscogat aliqua necessitas recedendi à proprietate verborum, conc. secus, neg. conf. Est generalis regula, verba S. Scripturæ tamdiu debere sumi in sensu proprio, quamdiu possunt sumi; adeoque nisi detur urgens ratio recedendi ab ea proprietate verborum, sumi debent in sensu proprio, in præsentī casu non datur sufficiens ratio ab ea proprietate recedendi, quia nulla datur demonstratio pro opposita sententia. Quamvis enim circa alia objecta minus sensibus & animo fidelium obvia, quæque non attingunt per connexionem verosimilem fundamenta religionis levior ratio sufficiat ad recedendum à proprietate verborum, etiam non demonstrativa; in iis tamen punctis, quæ constituunt fundamenta Religionis, aut cum iis connexa sunt, censetur Spiritus S. propriissimè fuisse locutus, nisi ex subjecta materia statim cuius patet, locutionem esse impropiam. nam, ut patet ex Critica, omnis metaphora vel auxesis non sensibilis est mendacium. Jam verò motus Terræ est tale objectum, qui videtur verosimiliter inferre pluralitatem mundorum, adeoque turbare mysterium Incarnationis; improprietas etiam verborum non fuisset sensibilis, cum nemo habere potuerit argumentum ex observationibus novis pro motu Terræ; adeoque Spiritus S. decepisset in re magni momenti in materia Religionis.

Ad 2. dist. Non voluit nos docere Physicam in iis, quæ non sunt connexa cum materia Religionis. con: in iis, quæ sunt connexa. neg. ant. si Deus nunquam voluisset attingere Philosophica, non dictasset primum Caput Genesis. Itaque quando Deus nos aliquid docet in Philosophicis, præsumendum est potius rem pertinere ad illustrandam & complandam



nandam materiam religionis, quàm locutionem esse impropriam.

Ad 3. idem respondeo, quod ad primum.

Ad 4. neg. ant. quia etiam in hypothesi Terræ motæ non debuisset Josue inhibere motum Solis, sed Terræ tantum. cum enim miracula non sint multiplicanda sine necessitate, suffecisset, sistere motum vertiginis Terræ. Dein, jam supra ostensum est, quàm fanum sit, cogitare, quòd Sol suo motu vertiginis sit causa vertiginis in omnibus Planetis, cum in similibus casibus prorsus repugnet experientia, quod turbo circumactus circumagat alium turbinem centum milliariis à se distantem in India.

Ad 5. dico: Definitionem motûs Cartesianam, quòd sit translatio corporis in aliam viciniam corporum, esse falsam, ut ostensum est de motu. Definitiones nominum explicare debent sensum verborum receptum, non verò possunt tribuere novum sensum; prout annotavi in Logica contra Arnaldum.

20 *Obj. 8.* Natura semper agit via brevissima, & in compendio; ergo agit juxta Systema Copernicanum, quod est simplicissimum.

2. Coquus non circumagat focum circa verum, & circa cibos; ergo nec Deus circumagat Solem circa Terram.

3. Corpori nobilissimo, quale est Sol, debetur locus nobilissimus, nempe medium Universi; sicut candelabrum ponitur in medio.

4. Si moveretur Sol & totum Universum, tunc daretur motus incredibilis astrorum, isque prorsus inutilis; nam si verum est, quod vult Cassinus Junior, quòd Sirius, stella omnium vicinissima distet à Terra 438000000. diametrorum terrestrium: hoc sydus intra unius horæ spatium conficeret 6000000. milliarium Germanicorum, & inter unicum minutum conficeret iter centum millium milliarium: Sed quid opus tam stupendis motibus, cum omnia possint præstari per unius Terræ vertiginem diurnam?

21 *Resp. ad 1.* trans. ant. neg. conf. quia Systema Copernicanum non est aliquid simplex; sed quid intricatissimum. Quamvis in nostro Planetarum vortice videatur multa explicare compendiosè, & ordinatè, eum tamen ordinem amittit, quando transitur ad stellas fixas, cum enim admittat tot universa, quot sunt stellæ fixæ, nullam inter tot universa potest invenire ordinem, nullam subordinationem, nullam communem finem universalem Physicum, ad quem omnes partes creaturæ referantur; dum econtra nos ex Angelis, astris, Planetis, & hominibus facimus unum quid, cujus omnes partes habeant subordinationem & actionem ad invicem, ut postea videbimus quæstione sequente.

Ad 2. dico: Nec assari Planetas, nec comedi, ut Sol servire debeat instar foci; sed habet se instar facis, quæ præire debet viventibus, & instar primi mobilis respectu Planetarum, & viventium.

Ad 3. dico: Ibi locum esse nobilissimum, ubi Sol versatur. *Veros habitante Camillo tunc ibi Roma fuit.*

Ad 4. dico: Motum illum rapidissimum esse causam omnium motuum in inferioribus; eundemque servire ad stupendum concentum cælorum, in quo beatitudinem suam accidentalem habent Beati.

## QUÆSTIO III.

*Quodnam Systema Universi Physici, cum sit cæteris verosimilius?*

**I**N Systemate Terræ quiescentis tria solum novi systemata Universi physica, seu talia, ex quibus redditur ratio physica omnium effectuum in Universo.

Primum est Veterum, qui dicebant: cælos esse solidos; sicque pro quovis Planeta assignabant alium circulum crystallinum; quot numerantur circulos, tot etiam numerabant cælos; adeoque juxta numerum Planetarum numerabant septem cælos; dein cælum syderum pro octavo, & cælum novum empyreum, ubi est ignis; his altius est primum mobile, cujus revolutione omnes inferiores cæli seu circuli circumaguntur. Verum, licet numerus cælorum & denominatio rectissima sit, cum & D. Paulus se in tertium cælum raptum allerat, soliditas certè cælorum à nemine hodie, nisi à rei astronomicæ prorsus ignatis & in hac re Idiotis defenditur. Itaque hoc systema dimittamus.

Secundum est P. Honorati Fabry, qui vult omnes 2 Planetas perpetuo versùs Terram decidere; sed fig. iterum reflecti ad pristinam altitudinem. Verum cum 22. principium illud de reflexione à centro ad pristinam altitudinem nec certum sit ratione, nec munitum exemplo in natura; nec huic Systemati immorandum reor. Principia enim, quibus inædificantur systemata, debent omnium esse certissima, nec tantum possibilia; sed & actu existentia in casibus ac exemplis naturæ non controversis.

Tertium est P. Chastel Societatis Jesu, qui anno 3 1724. & 1725. hujusmodi systema universalis gravitatis edidit, ut dicat, omnia corpora totius Universi in eo loco esse posita, quo vi gravitatis suæ continent, adeò ut, si omnia perturbarentur ac commiscerentur in pristinum chaos, omnia iterum sua sponte reditura sint ad situm sibi connaturalem. Motus omnium corporum in universo etiam vegetationis, & respirationis &c. explicat per turbationem æquilibrii; indè fit, ut omnia in Universo perpetuò fluctuent, & nitantur redire ad pristinum æquilibrium; quod tamen nunquam fiet, quia Deus incutiendo novos impetus Universum semper conservat in hac fluctuatione, nec unquam finit illud redire ad pristinum perfectum ac quietum æquilibrium; hæc summa est illius Systematis. Verum, si Deus omnes effectus voluisset alligare huic fluctuationi, non fuisset opus motu circulari cælorum. Cum ergo talis motus stupendus cælorum non possit esse frustraneus in natura, videtur mihi convenientius, ex illo potius motu circulari, quàm ex fluctuatione universali reperere omnes effectus Universi.

Itaque etiamnum in hæreo Systemati, quod 1723, 4 edidi. Suppono 1. dari in Universo partes gravitate diversas, ut est Terra, aqua, oleum, ær.

2. Eam diversitatem se extendere usque ad Cælum Beatorum, sic ut supra ærem sit aliud quid levius ære, quod vocamus ætherem, aut subtilem materiam; & sic ulterius.

3. In his liquidis natæ Planetas.

4. Singula liquida coire ad centrum proprium; ut guttulæ aquæ vel mercurii.



5. Ex concentratione liquidorum circa corpus densius formari Ellipfin. ut fit in albumine ovi circa vitellum.

6. Materiam subtilem per revolutionem universi reflecti circa Aequatorem intra Tropicos à summo cœlorum usque in terram, sic tamen ut impetum moderentur sydera & Planetæ.

7. Ex reflexione hujus materiæ versùs terram nascitur actualis gravitatio omnium corporum versùs terram; in quantum enim corpora recipiunt plures impetus hujus materiæ, & in quantum reperiunt sub se minus grave, intantum vis gravitatis major est. Itaque gravitas corporum intrinseca est ea dispositio, quâ corpora sunt apta recipere plures impetus materiæ subtilis, & fortiores, & majori duritie seu resistentia.

8. Eadem subtilis materia instar torrentis delabentis intra Tropicos in terram deflectit ibi necessariò cursum suum versùs polos, ubi est minor resistentia; & sic conciliat motum materiæ magneticæ tendentis versùs polos.

9. Eadem materia perpetuâ agitatione suâ est causa omnium motuum in plantis, & animalibus, quia hi omnes dependent à gravitate, & calore, quorum utrumque dependet à motu subtilis materiæ.

fig. 28. Exactiorem hujus systematis delineationem quære in Ph. N.

## QUÆSTIO IV.

### An Cœli sint solidi?

1. **D**ico: Cœlos esse fluidos. Conclusio de facto est apud omnes Astronomos certa. prob. 1. Si cœli essent solidi, tunc non permitterent liberum transitum Cometis: sed hoc est falsum; ergo. M. prob. quia Cometæ sunt corpora nonnunquam milies majora terrâ nostrâ, talia autem corpora utique non possunt sine compenetracione transire per crystallos cœlestes. m. patet ab observationibus recentioribus Astronomorum, ex his enim constat, quòd Cometæ à regione suprema Planetarum descendant ad suum Aphelium usque ad regionem Martis, Veneris, & etiam Lunæ.

2. Prob. 2. Si cœli essent solidi, non posset salvari ingens excentricitas, & Ellipses Planetarum; constat enim, quòd Saturnus, & Jupiter in suis Apheliis sint in immensam distantiam remotiores à Terra, quam in suis perigeis.

3. Prob. 3. Si cœli essent solidi, non posset salvari, quomodo Mercurius, Venus, & Mars aliquando descendant infra Solem, & aliquando ascendant supra Solem, sic ut Mars aliquando tantum distet à terra 13000. aliquando autem 50000. semidiametris terræ; & ne tunc quidem, quando est in suo perigeo, vel apogeo, semper habet eandem à terra distantiam: sed major est illius propinquitas ad terram, quando est in oppositione ad Solem, quàm dum est in conjunctione.

4. Prob. 4. Ex observationibus Mataldi constat, plurimas stellas fixas habere motum proprium, in quantum aliquando propius accedendo ad terram sunt visibiles, aliquando verò invisibiles: hoc iterum non contingeret si cœli essent solidi.

5. Prob. 5. Si cœli essent solidi, tunc inevitabiliter reflecterent & refrigerent lucem: hoc est falsum; ergo. M. patet, quia materia lucis tantum potest penetrare per poros vitri aut crystalli, non autem com-

penetratur cum corpore; adeoque inevitabiliter multum lucis reflectitur ab omni vitro, in quantum magna illius pars impingit in texturam partium solidam; & hoc ipsum evidens est per experientiam, quia nisi multum lucis reflecteretur à vitro, vitrum non foret visibile. prob. m. si radii reflecterentur à convexitate cœlorum, tunc 1. nunquam noctu haberemus tantas tenebras, quas experimur, quia radii Solis sub terra transeuntis reflecterentur tanquam è speculo ex parte opposita cœli in nostros oculos. 2. Videremus etiam noctu Solem, utpote in speculo. 3. Nasceretur ingens confusio radiorum reflexorum ex Cyclis, & Epicyclis; atque sic quotidie nova & admiranda phænomena in cœlo. Verum hæc solum nota & aperta sunt peritis in rebus mathematicis; si quis tueri voluerit oppositum, suadeo, ut cum tali homine non litigetur, ob reverentiam.

## Solvuntur Objectiones.

Obj. 1. Jobi 42. dicitur, quòd cœli tanquam 6  
are fusi sint: Sed nihil est ære solidius; ergo nec cœlis. 2. Si cœli essent liquidi, tunc cuivis syderi deberet assignari bajulus, qui deferret illud in suo ambitu, ne decideret in terram: Sed hoc dici non debet, quia faciliori modo potest obtineri motus cœlorum, si motor sedeat in Oriente, & sic circumagat suos circulos.

3. Si cœli essent liquidi, tunc syderatam stupenda celeritate secundo vasta cœlorum æquora ederent immanem strepitum; si enim globus tormenti bellici intra unum minutum tantum percutrit tria milliaria Gallica, ut 1706. vult Academia Regia de Eclips. & tamen tantum in ære edit sibilum, quanto majorem ederent Planetæ, cum Saturnus intra unum minutum percurreret 50000. Sol 5000. milliaria Germanica? maximè cum sint incomparabiliter majora corpora non solum globo tormenti bellici, sed & universa terra nostra.

Resp. ad 1. dist. Cœli sunt ære fusi in ordine ad 7  
orationem precantis. c. in ordine ad motus syderum. neg. Job tantum conqueritur, quòd cœli sibi sint adeo duri, dum preces suæ non exaudiuntur, ut patet legenti contextum.

Ad 2. dico: Planetas suspendi in æthere, ut naves onerariæ suspenduntur in æquore; sicut ergo navis non indiget bajulo, ita nec Planetæ: si supponantur Planetæ intus esse vacui ab ambiente crassiore æthere, & in superficie tantæ esse densitatis, ut ad interiora non possit per poros intrare æther exterior, facile continget, ut quantitas Planetæ levior sit simili quantitate vicini ætheris: ob similem enim causam etiam vesicæ, & globi vitrei, aut cuprei etiam natant in aqua; & nubes in ære:

Ad 3. dist. Fieret sibilus, nisi simul cum Planetis circumagantur & moveantur superna maria. c. secus. neg. quando navis defertur secundo flumine, non fit strepitus, quia flumen ipsum movetur cum navi; sic etiam, dum totum universum revolvitur, simul rotantur fluida cœlorum usque ad nostrum ærem, qui ultimò aliquid participat de illo motu. & quamvis inæquali celeritate deferantur Planetæ & eorum Atmosphæræ, non tamen id faciet strepitum, quia & aqua sub navi oneraria celerius transit, quàm ipsa navis oneraria, ut patet ex aliis corporibus



bus levioribus in eadem aqua prope navem onerariam transeuntibus; nec tamen propterea sit strepitus.

8 *Obj. 2.* Si cœli essent liquidi, tunc Planetæ secundo ætherem ubique in transitu causarent ingentes vortices, sicut quando per aquam celerrimè traducimus baculum: Sed hoc est falsum, quia aliàs per reflexiones & refractiones deberent sentiri tales vortices.

2. Si cœli essent liquidi, pateret nobis prospectus usque ad cœlum empyreum: Sed hoc est falsum; ergo.

3. Si cœli sunt liquidi, non potest explicari, quomodo simul idem planeta moveatur in Orientem & Occidentem.

9 *Resp. ad 1.* Ut priùs, simul moveri maria illa ætherea cum planetis, ut contingit in nave oneraria, quæ defertur in flumine. Caterum non est certum, saltem aliquando in cœlo causari tales vortices; quia fortè talium argumentum est, quòd nonnunquam in occultatione fixarum per Lunam observata sit aliqua Atmosphæræ species; & quod bene notandum est, id tantùm observatum est in immersione stellarum non verò in emersione; immersio reperitur ex parte anteriore Lunæ secundum ejus motum proprium, ubi dari deberet vortex, si quis daretur. Similiter in Eclipsibus Lunaribus totalibus tantùm ante initium obscuræ usque ad immersionem totalem observatur antecedere Lunam quædam densa umbra, quæ etiam observatur aliquantulum extendi extra Lunam; & ea umbra non observatur in emersione Lunæ in parte Occidentali Lunæ, quod fortè iterum pro causa inadæquata habet talem vorticem, maximè dum Luna transit prope conum umbræ terrestris, ubi per se jam datur talis vortex circa latera, ut alibi observavi, & probatur ex umbra duplici ejusdem corporis oppositis duabus candelis.

Ad 2. neg. ant. Quia in ære & æthere dantur innumerae partes solidæ, quæ prohibent transitum subtili materiæ lucis, sicque terminant visum; sic & prospectus eripitur, si invicem imponentur plura elatra, aut vitra.

Ad 3. neg. ant. Moveri enim in ortum motu proprio nihil aliud est, quàm tardius moveri in Occasum, ut norunt tyrones in Astronomicis.

10 *Obj. 3.* Si cœli essent liquidi, tunc motus syderum non posset esse tam regularis ac constans. qualis observatur jam à tot sæculis. quæ enim constantia ac uniformitas fingi potest in fluctibus æquoris?

2. Saltem stellæ fixæ non poterunt natæ in liquido, cum nihil in undis fixum sit.

3. Si cœli non essent solidi, tunc illæ aquæ, quæ juxta S. Scripturam sunt supra firmamentum, aliquando deciderent instar pluvix: dicitur autem Daniel. 3. *Benedicite aquæ omnes, quæ super cœlos sunt, Domino.*

4. Genesis 8. Tempore diluvii dicuntur fuisse apertæ cataractæ cœli: *Clausi sunt fontes abyssi, & cataractæ cœli, & prohibita sunt pluvix de cœlo;* eg. datur aliquod solidum repagulum inter nos & cœlum.

11 *Resp. ad 1.* Motus syderum esse tam regulares ob vires æquilibrîi & gravitatis constantes in corporibus cœlestibus ob defectum causatum universalium turbantium hanc æqualitatem; Si enim Deus mari dicere potuit, ut in Job scriptum est; *huc venies, & non procedes amplius, & hic conteres tumentes fluctus tuos;* cur non putuerit sic disponere

gravitatem Planetarum, & æquilibrîum fluidorum, ut constanter servarent situm suum.

Ad 2. dico: Jam per observationes demonstratum esse, plurimas stellas non esse fixas. itaque eadem natura est in cæteris.

Ad 3. dist. Si essent aquæ ejusdem naturæ cum nostra c. secus. neg. aquæ illæ cœlestes ita vocantur, quia sunt fluidæ, non verò ideo, quòd sint humidæ. Sicut ergo aer non decidit ob fluiditatem suam, ita non est periculum in æthere.

Ad 4. dist. Apertæ sunt cataractæ cœli ærei. c. cœli syderei. neg. cum enim in eodem textu dicantur pluvix è cœlo cadere, quæ haud dubie ex ære decidunt; etiam cataractæ ad illud cœlum referendæ sunt; cumque ex subiecta materia cuivis evidens sit, in ære non dari cataractas propriè dictas, neminem later: hoc dici per metaphoram. Imò ex hoc ipso, quòd aquæ illæ descenderint per modum pluvix, constat, quòd non descenderint per modum alluvionis, prout fieret, si aperirentur cataractæ propriè dictæ.

## QUÆSTIO V.

*An Cœli sint corruptibiles?*

Veteres plerumque supposuerunt, cœlos esse incorruptibiles, adeò ut multi ex iis docuerint, cœlos constare ex materia specie diversa à materia sublunarium, quæ est utique subiectum formarum corruptibilium. Imò aliqui Veterum voluerunt, cœlos esse corpora simplicia, quæ non amplius componuntur ex materia & forma. Verùm ea cœlorum incorruptibilitas vehementer in dubium revocata est, postquam à Recentioribus Astronomicis non solum observatæ sunt maculæ in Sole, sed & in Marte & Jove, & multæ aliæ apparentes alterationes cœlorum.

*Dico: Nandum est demonstrata corruptibilitas etiam accidentalis tantum cœlorum.* Sensus est, quòd nondum adsint observationes, ex quibus certò interri possit, dari aliquam alterationem in cœlis. Concl. Prob. ex solutione objectionum.

## Solvuntur Objectiones.

*Obj. 1. ex Luna.*

1. Luna habet montes, sicut Terra nostra, ut cuiusvis evidens est inspicienti Lunam in quadraturis majore aliquo telescopio; imò verò ii montes in Luna altiores sunt nostris montibus, ut iterum evidens est ex umbra talium montium distinctissimè visa; ergo cum in nostra terra montes sint principium alterationum, etiam erunt tale principium in Luna.

2. In Luna dantur acus & maria, plerumque enim ab Astronomis supponitur maculas Lunæ esse maria, quæ dum intra se absorbent radios solares, præbent speciem nigredinis. Creditur etiam, terram nostram præbituram eandem apparentiam, quàm præbet Luna, si inspiceretur è Luna. atqui materia sunt principium evaporationum & alterationum.

3. Constat ex observationibus, maculas nonnullas, in Luna aliquando apparuisse claras, aliquando obscuras; & Hevelius testatur, Lunam eodem telescopio, & in eadem constitutione aëris observatam non fuisse tam claram, ut aliàs.

*Resp. ad 1.* Montes illos lunares toto anni tempore semper apparere eodem modo, ut norunt omnes, & ipsemet expertus sum; hoc autem non fieret, si daretur alteratio; nostri enim montes



montes aliquando nivibus cadent, aliquando herbis virescunt, & sæpe nubibus obducuntur, quorum neutrum fieri in Luna, patet ab observatione. Montes ergo in Luna & aliis Planetis habent pro fine 1. ut ob suam inæqualitatem ab æthere facilius deferantur & abripiantur in occasum. 2. Ut influxum radiorum solarium, qui sunt causa omnium vegetationum in Terra, secundum diversitatem ad diversas herbas & animantia requisitam attemperent & combinent. 3. Ut totum corpus lunare, quod servit Terræ pro luminari, fiat visibile. Si enim globus lunaris foret undique æqualis & pollitus, tantum videretur in puncto unico, ut notum est ex Optica, & aliquo modo patet insipientibus à longe globos cupreos deauratos turrium, dum ex iis radii Solis reflectuntur; tantum enim apparent per modum unius puncti luminosi.

Ad 2. neg. ant. Hæc enim maria lunaria sunt referenda ad aniles fabulas. Insipienti Lunam in quadraturis evidens est, in luna non dari maria, nec ullam heterogeneitatem partium; quia undique distinctissime apparet instar fusi argenti. Itaque illæ lunares maculæ, quæ tantum videntur in oppositione per telescopia, non autem in quadraturis, nihil aliud sunt, quam partes Lunæ magis scabræ, quæ dum dispergunt lumen, minus luminis deferunt ad oculum. Hujus signum est, quod oculo inermi circa quadraturas appareant eadem maculæ, quæ apparent in oppositione, quamvis per telescopia eæ maculæ prorsus dispareant.

Ad 3. dico: Id provenisse ex diversa liberatione Lunæ, vel ex diversa positione Solis, vel ex diversa distantia Lunæ à Terra vel à Sole, quæ omnia possunt mutare reflexionem radiorum solarium & lunarium.

5. *Obj. 2.* Circa Lunam datur Atmosphæra sicut talis datur circa Terram nostram; ergo etiam datur alteratio in Luna, quia in Atmosphæra ascendunt ac iterum ex ea descendunt vapores. ant. prob. 1. in Eclipsibus solaribus nonnunquam observatus est annulus rubens circa Lunam. 2. In iisdem Eclipsibus observati sunt tremores radiorum solarium circa Lunam. 3. Quando stellæ occultantur per Lunam, quandoque ante occultationem induunt figuram ovalem. 4. Luna quando sereno Cælo disparuit in Cælo. 5. Luna in Eclipsibus Lunaribus aliquando apparet rubra. Atqui hæc omnia proveniunt ab Atmosphæra Lunæ, in quantum vel refringit radios Solis & syderum, vel in quantum obducitur nubibus aut vaporibus.

6. *Resp. neg. ant. ad prob. 1.* dico: Similem annulum observari circa quemvis globum, si sic interponatur inter oculum & Solem, ut tegat Solem; sicut ergo circa globum non datur Atmosphæra, ita nec circa Lunam.

Ad 2. dico: Tremorem provenire ab undulatione & diffractione radiorum solarium, dum stringunt limbum Lunæ, sic enim, si radius solaris per foramen obscuri cubiculi immitritur in conum vel cylindrum, idem fit.

Ad 3. dico: Ex centum observationibus dari nonaginta novem, in quibus stellæ in instanti sine ulla mutatione motûs, figuræ, aut coloris occultantur; itaque ille casus rarus potest habere pro causa vitrum telescpii, vel reflexionem à montibus Lunæ specialem; in quantum enim radii directi & re-

flexi se invicem tangunt; in tantum oblongam reddunt figuram stellæ.

Ad 4. dico: Id evenisse, in quantum Luna in Eclipsibus induit colorem similem Cælo, vel in quantum extra Eclipses Cælum induit colorem similem Lunæ, utrumque provenit à dispositione nostri aëris, ut patebit ex sequenti.

Ad 5. dico: Colorem Lunæ provenire ex dispositione nostri aëris diversa, nempe vel illius in quo fit observatio, vel illius per quem transeunt radii solares in Lunam refracti, id ex eo evidens est, quia in eadem Eclipsi Lunari in diversis Provinciis observatus est diversus color Lunæ; & ex eo, quia si ille color proveniret à vaporibus lunæ, maneret etiam ante & post immersionem saltem uno vel altero momento, quod tamen certum est non fieri.

*Obj. 3.* Dantur maculæ solares, quæ plerumque 7 post duos vel tres menses iterum disparent, aut convertuntur in faculas; ergo dantur alterationes in Sole.

*Resp.* Inprimis certum esse, quod hæ maculæ non sint affixæ corpori solari; sed quod habeant motum proprium distinctum à corpore solari; dein etiam certum est, quod maculæ intra centum annos redeuntentes sæpe habuerint eandem figuram; ut constat ex observationibus; itaque verosimile est, maculas solares consistere in quibusdam Massis opacis, quæ vel natant in Sole fluido sic ut aliquando mergantur, aliquando autem iterum è fundo emergant, vel quæ gyrantur circa Solem, sic tamen, ut non fiant visibiles, nisi tunc, quando plures convenerint. si enim duo primi satellites Saturni sunt adeo propinqui ad Saturnum, ut non nisi rarissime & non nisi ingentibus telescopiis à Saturno discerni possint, cur non possit idem contingere circa Solem?

*Obj. 4.* Dantur maculæ in Marte, Jove, & satellitibus tam Jovis, quam Saturni. Illæ maculæ mutantur in diversas figuras; aliquando etiam disparent per plures annos: interdum in Jove dantur tres, interdum quatuor, aut quinque fasciæ: satellites aliqui interdum omnino disparent; ergo dantur alterationes in Planetis.

*Resp.* Vix dubium esse posse, maculas in Marte 10 provenire ab umbra alicujus corporis, cum habeant ductus rectilineos, & in omnibus imitentur leges umbrarum, ut patet intuenti earum figuras. In Jove fasciæ probabilius proveniunt ab annulis, qualis datur in Saturno, vel proveniunt à diversa libratione Jovis, ejusque diversa positione ac distantia ad Terram vel Solem; vel, si verum fuerit, quod suspicatur Cassinus, fluidam quandam materiam reperiri in Jove, quæ in diversos alveos influat juxta diversam librationem aut positionem Jovis, iterum non probatur ulla alteratio cælorum. In satellitibus Jovis & Saturni possunt reperiri maculæ, ut in Luna, Sole, Marte, vel Jove, quin propterea sequatur aliqua alteratio.

*Obj. 5.* In Cometis observantur ingentes mutationes; sic enim caput Cometarum aliquando igneum est, aliquando cinereum, aut nigrum; cauda Cometarum instar fumi ex titione mutatur motu, figura, deneitate, colore: plerumque disparet ante caput Cometæ; & magnitudo earum aliquando tanta est, ut extendantur ad 60. gradus; sic corpus cubicum Cometæ, qui 1708. apparuit, æquavit 990. milliones millia.



milliarium cubicorum. Atqui hæc omnia videntur provenire ab evaporatione Planetarum, adeoque ab eorum alteratione.

12 *Resp.* Caput Cometarum esse corpus, quod est concreatum cum mundo, ut cæteri Planetæ; id colligitur ex reditu eorundem Cometarum, & de facto admittitur à plerisque Astronomis. Cauda Cometarum potest consistere partim in aliqua Atmosphæra, quam secum trahit Cometa, partim in aliqua materia crassiore, natante in æthere, quam Cometa in suo transitu invenit. Itaque possit dici: omnem mutationem in Cometis reperibilem consistere in rarefactione, condensatione, & motu, ac concursu duarum rerum, nempe Cometæ capitis, & nubium hinc inde in æthere vagantium.

13 *Obj.* 6. Aliquæ stellæ pereunt, & aliæ de novo oriuntur, quia illæ disparent, hæc autem de novo observantur.

14 *Resp.* Certum esse ex observationibus, eas stellæ, quæ habebantur pro deperditis, iterum rediisse. easque habere regulares periodos. Idem ergo fieri censendum est circa omnes stellæ, quæ subin disparent, ut iterum redeant, postquam propius ad Terram denuo redierint. Itaque ex nulla causa demonstratur corruptibilitas cælorum.

## QUÆSTIO VI.

### An Mundus sit unus?

1 **U**T omittam Veteres, qui admisserunt infinitos mundos, Democritum & Anaxagoram, inter Neotericos dantur aliqui, qui existimant, tot dari Terras habitabiles, quot dantur Planetæ; quinimò tot dari Systemata Planetaria, quot dantur stellæ, in quantum stellæ comparant Soli, circa quarum unamquamque tot revolvantur Planetæ, quot revolvuntur circa nostrum Solem.

2 *Dico: Mundus est unicus.* Prob. Concl. 1. Si darentur plures mundi, eo ipso darentur infiniti mundi: Hoc implicat; ergo. *m.* patet ex impossibilitate infiniti Categorematici quæ hîc supponitur. si enim darentur infiniti mundi, eo ipso darentur plures lapides, quàm mundi, adeoque posset Deus adhuc creare alios mundos, videlicet tot, quot actu existerent lapides, & sic jam prior numerus mundorum jam habuisset finem acterminum adeoque non fuisset infinitus, *M.* prob. si in Deo non datur ratio sufficiens ad condendos duos mundos, quæ non etiam detur ad condendos tres, & sic ulterius, tunc si darentur plures mundi, eo ipso darentur infiniti mundi: Sed; ergo, Major est argumentum ad hominem contra eos, qui dicunt: Deum semper obligari ad faciendum id, in quo datur ratio sufficiens, *m.* prob. ratio condendi duos mundos vel esset motivum magis se communicandi, vel magis commendandi suam Omnipotentiam & Majestatem: hoc motivum autem semper urgeret in pluribus mundis in infinitum.

3 Prob. Concl. 2. ratione S. Thomæ. Deus non condit aliquod totum, nisi omnes totius partes coordinentur in unum Systema entium ordinatissimum; ergo neque condit aliquod Universum entium, cuius omnes partes non coordinentur ad invicem, & subordinentur ad unum finem physicum communem omnium partium; quia cum natura & Deus in

operando sequatur Analogiam, & uniformitatem, recte etiam de Divina Sapientia sentimus, ut quem adhibet modum operandi in operibus particularibus, eundem sequatur in Universo. Jam vero in omnibus operibus particularibus eum adhibet modum, ut omnes totius partes simul coordinentur ad invicem, & simul subordinentur ad eundem finem, v. g. partes in corpore humano, vel planta non sunt unum per accidens; sed habent perfectissimum ordinem ad invicem, & subordinationem; similiter partes Terræ nostræ habent ordinem & subordinationem ad invicem, dum Elementa ordinantur ad fossilia & vegetationes, fossilia & vegetantia ad usus animalium & hæc ad usus animæ rationalis; si ergo in operibus particularibus datur hæc methodus Sapientiæ Divinæ, eadem debet dari in partibus Universi. Atqui si darentur plures mundi, non daretur ea coordinatio, & simul subordinatio omnium partium in Universo; ergo. *m.* prob. quia si darentur in omnibus stellis nova Systemata Planetaria, & novi mundi, nec operarentur in invicem, sic ut unum indigeret altero, nec etiam unum subordinaretur alteri, sic ut serviet alteri. Hæc ratio D. Thomæ aliis verbis ab ipso proposita est efficax; solet autem ab eo sic proponi: Deus non attendit in productione entium ad multitudinem materialem, sed ad formalem, nempe ad multitudinem specierum, omniumque entium subordinationem ad invicem. Huc pertinet ratio Kircheri, quæ dicit: quod mundus sit aliquod contractum maximum, seu compendium omnium possibilium creaturarum in mente Dei; adeoque cum impossibile sit, dari plura talia compendia omnium creaturarum possibilium, etiam impossibile erit, supposita hac voluntate Dei, dari plures mundos.

Prob. 3. Non datur ratio multiplicandi mundos 4 corporeos, si dantur innumeri mundi intellectuales, quales sunt mentes Angelicæ & humanæ, in quibus ea omnia, quæ reperiuntur in mundo materiali, longè perfectiori modo continentur & fiunt: atqui tales dantur; ergo. *M.* patet, quia mundus materialis non est propter seipsum conditus: sed propter intellectuales creaturas, quæ in se ipsis continent innumeros mundos, non opus est, nisi ut detur tantum unus mundus corporeus per modum exempli cæterorum possibilium. *m.* constat ex principiis ipsis multorum Adversariorum, qui addicti sunt Philosophiæ Leibnizianæ; & ex natura rei, hinc & S. Gregorius Nazianzenus orat. 38. ubi agit de creatione Agelorum, ait: *Sic ipseur & ob has causas intellectus mundus (ὁ νοῦς ὁ κόσμος) ab eo creatus est.* Et Plato & S. Augustinus etiam mentes humanas vocant intellectuales mundos l. 1. retract.

Prob. 2. Sententia de pluralitate mundorum fuit Apostolis, Patribus, Theologis, & Ecclesiæ incognita, eaque talis est, ut si esset vera, debet esse cognita; ergo est falsa, temeraria, & periculosa. ant. quoad 1. membr. patet, quia nullibi, ubi loquuntur de universalitate creaturarum, loquuntur de alio mundo. Quoad 2. membr. prob. hæc sententia de pluralitate mundorum est connexa cum Christo Mediatore nostro, coram quo juxta Apostolum curvatur omne genu cælestium, terrestrium, & infernorum, cui est primogenitus omnis creatura, qui est caput non tantum hominum, sed & Angelorum, & cui data est omnis potestas in Cælo & in Terra; Itaque pluralitas mundorum æquæ



æque deberet esse cognita, ac est cognita existentia Angelorum in ordine ad intelligendam missionem & Majestatem Christi, veri Dei & Domini nostri.

### Solvuntur Objectiones.

6 *Obj. 1.* Si Planetæ à Deo ita sunt conditi, ut sint proximè apti ad inhabitandum, tunc habitantur: Sed; ergo. *M.* patet, quia Deus & natura nil faciunt frustra, nec ponunt dispositiones ad effectum, nisi intendant ipsum effectum. *m.* prob. Planetæ habent montes, maria, Atmosphæram, quæ omnia connectuntur cum evaporationibus, & vegetatione plantarum & animalium. Dein Jupiter, & Saturnus & Mars habent suas alterationes; ergo.

2. In Jove & Saturno reperiuntur satellites seu lunulæ; sicut circa Terram nostram reperitur Luna; atqui tales lunulæ possunt habere alium finem, quàm ut luceant incolis Jovis & Saturni, sicut nobis luceat Luna.

3. Si Planetæ quoad exteriorem formam sunt similes Terræ nostræ, tunc etiam sunt similes quoad formam interiorem: Sed; ergo. *m.* patet ex figura Planetarum, cui similem habet figuram Terra nostra, si videretur ex Luna, vel Planetis. *M.* prob. quando videmus duo animalia v. g. duos canes quoad exteriorem formam similia, tunc si unum aperiat, & in eo interius reperiantur viscera, cor, pulmones &c. judicamus, quòd etiam in altero animali intus similia reperiantur; ergo, dum in Terra reperimus intus animalia & homines, simile quid de Planetis cogitandum est.

7 *Resp. neg. ant.* Certum enim est, quòd in Planetis non reperiatur Atmosphæra; ergo nec possunt dari evaporationes, adeoque nec circulatio humorum; adeoque nec generationes & corruptiones, nec vegetationes, Maria Lunæ jam suprà ostendi esse figmenta; nec ea probantur dari in Marte & Jove; in Saturno autem nec est eorum vestigium alterationes in Planetis, ut suprà vidimus, nondum sunt demonstratæ; & si tales evincerentur, potius probaretur, non dari incolas in Planetis, quia tam ingentes mutationes, quales dantur in Marte & Jove, redderent successivè totum Planetam aquis obrutum, adeoque inhabitabilem.

Ad 2. dico: Lunulas illas Jovis & Saturni servire ad hoc, ut hi Planetæ detineantur in suo æquilibrio; cum enim constet ex Statica, quòd corpora circa commune centrum, æquilibrantia omnem suam gravitatem transferant in commune centrum, necessariò fiet, ut pondus omnium satellitum Saturni transferatur in Saturnum, & pondus satellitum Jovis transferatur in Jovem, & pondus Planetarum revolventium circa Solem transferatur in Solem. Itaque sicut salii, & funambulones se detinent in centro gravitatis per baculum plumbo infusum, aut sicut statuæ in apice detineri solent per appensos utrinque globos plumbeos ope fili ferrei extensi; ita Jupiter & Saturnus detinentur in viis suis per pondus suorum satellitum. Nec obstat, quòd satellites aliquando reperiuntur in linea recta ex eadem parte Jovis vel Saturni, quia per ætherem, cui insunt suis radiis, aut suo corpore, totum Planetam circumplectuntur undique; sicque in eum ex omni parte gravitant. Certè radii cujuslibet Planetæ sunt præcipuum gravitatis & æquilibrii instrumentum; eum enim radii premant infinitas quasi partes æthe-

ris, vicissim à tot partibus ætheris premuntur. Planeta, ab iisdemque veluti tot fulcris, quot dantur radii, in suo situ detinentur, ne decendant in suum centrum. Igitur lux satellitum non habet pro fine necessario, ut illuminet: sed ut satellites, & Planetam in suo æquilibrio conservet.

Ad 3. Nego, Terram nostram habere eandem exteriorem formam, quàm habent Planetæ: evidens enim est, Terram nostram non posse Luna visam habere eandem formam, quàm habet Luna in quadraturis. Vidi aliquoties vicinas Terras ex alto montis vertice, nunquam habuit speciem Lunæ. Dein in Terra nostra non sunt tantæ mutationes, quales observantur in Marte & Jove; neque possent apud nos consistere sine exterminatione propè omnium hominum, prout factum est tempore diluvii; itaque cum illæ mutationes in Planetis sint frequentes, & periodicæ, & propè universales, non consistunt cum similitudine ad Terram. Denique observo ad similitudinem in forma exteriore non sufficere solam magnitudinem & opacitatem quarundam partium; alias ob talem similitudinem exteriorem deberemus in cane picto, aut sculpto judicare, in eo etiam reperiri viscera, cor, & pulmones. Si aliquando in Planetis observaretur vicissitudo tempestatum nubes, Atmosphæra, incendia &c. tunc tandem posset oriri suspicio de incolis: Sed hæc omnia latent in Lunæ concavo, nec adhuc observata sunt.

*Obj. 2.* Si non dantur incolæ in Planetis, non potest assignari finis, cur Deus condiderit tot Planetas tam immensa corpora, eaque vacua? aut cur Deus voluerit inter Cælum & Terram relinquere tam vastam eremum sine incolis?

2. Planetæ & alia similia corpora in æthere nec serviunt Beatis in Cælo, nec Angelis, nec hominibus in Terra; ergo serviunt suis incolis. *ant. prob.* quia Beati & Angeli non sunt in Cælo Planetarum & syderum: sed in Cælo empyreo; in nos terrestres homines nulla aut valde exigua respectivè nulla redundat ex tot stellis utilitas, cum per quinque annorum millia plurimæ ex his stellis ne quidem hominibus cognitæ fuerint, v. g. satellites Jovis & Saturni; dein quotidie detegantur novæ stellæ telescopiis. Quòd verò tam innumeræ stellæ requirantur ad hoc, ut concilient motum sublunariis, videtur esse figmentum gratuitum. ad quid enim unico punctulo necessaria foret tam terribilis machina?

3. Longè magis decet infinitam Majestatem Dei, ut sibi creet plures creaturas rationales, quæ illum laudent & colant. In Terra enim nostra tam pauci sunt electi, ut videantur nimis contemptibilis numerus ad dignè commendandam infinitam Majestatem Dei.

4. Cur Deus in sola Terra nostra quærat suam Gloriam, cum eam obtineri possit ex tam innumeris stellis & Planetis?

5. Sapiens. 14. dicitur: *Non esse vacua Sapientia opera Dei.* Sed quòd Deus omnia exornaverit & repleverit sapientia; sic aquas maris replevit piscibus, aërem volucribus, terram animantibus & hominibus; cur ergo vocos relinqueret cælos, eximia opera manuum Dei?

*Resp. ad 1.* Fines hujus Systematis à me assignatos esse in Systemate Planetaria, ubi eos require. Si illos non recipis, nemo tibi prohibet, si cogites, hos



hos cælos esse ipsum locum multorum Angelorum, vel Beatorum; neque enim est adhuc de fide certum, prout Suarez & Vasquez & alii in Tract. de Angelis observat, quod non dentur aliqui Angeli, qui habeant tenuia & ærea corpora; quamvis enim hi Theologi dicant, *temerarium* esse ita sentire, simul tamen expresse docent, id non esse contra fidem. Interea verò, quia nollem me fundare in hac responsione, neque etiam eam approbare, hoc solum nota: in tornatoria magnum esse apparatus ad hoc, ut prodeat minuta valde Imago Cæsaris; quid igitur mirum, si & in mundo tot Deus milliones filorum disposuit, quot stellas posuit, ut ex iis tenatur in terris alimentum, & tegumentum homini, ut prodeat Imago Dei. Radii cujuslibet stellæ habent suum motum proprium distinctum à radiis aliarum stellarum, ob diversam videlicet eorum à Terra distantiam: hoc demonstratum est; insuper omne movens aliquid movet; igitur nullius stellæ etiam minimæ radius datur, qui non aliquid moveat in Terra; hoc iterum demonstratum est: si omnes radii omnium stellarum aliquid movent, necesse est, ut omnes motus minimorum partium in Terra dependeant à tali complicatione radiorum, adeoque etiam à tali positione syderum: hoc iterum demonstratum est. Ergo talis combinatio omnium minimarum partium, earumque motus est opus Divinæ Providentiæ, necessarium est, ut etiam dispositio talis omnium syderum ideo à Deo intenta sit, ut per eam producantur hi effectus in Terra, & non alii. Habes ergo effectum totius nostri syderis cæli demonstratum, certò intentum à Deo; & dignum Divina Providentiâ, talemque qui non potuit prodire ex alia complicatione radiorum, & causarum universalium, stantibus præsentibus legibus motuum. Itaque frustra quærantur alii fines.

Ad 2. Idem respondeo.

Ad 3. Majestatem satis commendari per naturam intellectualem, qualis est angelica: poterit Deus creare tot Angelos, ac mundos intellectuales, quot voluerit; ea gloria, quam Deus ex hominibus sperare potest, valde exigua est, nec ob tantillum gloriæ dignum est, ut eam Deus multiplicet. Accedit, quod Deus multiplicando creaturas rationales in bonum, malumque versatiles non tam multiplicaret gloriam suam quam peccata & inhonorationem sui, & interitus, & infernalium tormenta; adeoque ea multiplicatio nec Deo, nec hominibus exoptabilis est; sed Deus satis egit producendo unum mundum hominum pro exemplo, & ne ista notabilis pars quamvis infima & miserrima creaturarum rationalium possibilitatem cogeretur latere in suo nihilo, nisi saltem produceretur unum illius individuum.

Ad 4. Idem respondeo.

Ad 5. dico: Non esse vacua opera Divinæ Sapientiæ, cum jam ostensum sit, nostrum hoc systema cælorum habere fines sapientissimos, nempe conservationem hominis, sic ut ii effectus, qui defectu providissimè concurrunt ad conservationem hominis, sine tali situ syderum, & sine tali complicatione radiorum, & causarum universalium absolute haberi non possint.

10 *Obj. 3.* In Scriptura tribuuntur stellis eæ proprietates, quæ non conveniunt, nisi tantum creaturis rationalibus, ergo vel stellæ sunt *animatæ*, vel saltem dantur creaturæ rationales in stellis, ant.

R. P. Euseb. Amort Philosophia.

prob. 1. Baruch 3. dicitur: *Stella dederunt lumen suum in custodiis suis; vocata sunt, & dixerunt; adsumus, & luxerunt eum jucunditate, qui fecit illas.*

2. Job. 38. dicitur: *Ubi eras, cum ponebam fundamenta Terræ, & me laudabant astra matutina, & jubilarent omnes Filii Dei.* 3. In Psalmis sæpe dicitur: *quod cæli laudent Deum, & enarrent gloriam ejus.* 4. In Apocalypsi dicitur, quod Lucifer, quando de cælis decidit, *secum traxerit tertiam partem stellarum.*

*Resp.* ad hoc dist. tribuuntur ista stellis per metaphoram, conc. per proprietatem. neg. in Scripturis sæpe tribuuntur creaturis irrationalibus actus interni obedientiæ, & reverentiæ, aliarumque virtutum, quando repræsentant tales actus internos in figura, vel similitudine. Sic dicitur iisdem Psalmis: *Benedicite fontes Domino; benedicite maria & flumina Domino; benedicite montes & colles Domino &c.* idem dicitur de igne, æstivo, frigore, sylvis &c. quin tamen liceat cogitare, hæc omnia esse animata, aut in iis residere Deos præsides, Neptunum, Laurentii Nymphas, & Tyberim Patrem.

Ad 4. dico: Non inconsuetum esse, quod Angeli ob naturalem splendorem suæ naturæ, aut claritatem suæ perspicaciæ vocentur stellæ. Hinc & Apocal. 22. de Christo dicitur, quod *ipse sit stella matutina.* & Gregorius Naz. orat. 38. de Creatione Angelorum loquens ait: *Atque ita secundi splendoris procreati sunt, primi splendoris administrari.* Sed & illud observo, non utique homines à Lucifero & stellis detractos esse; sed eas naturas, quæ à nobis vocantur Angeli. Certè eas naturas, quæ existerent in Planetis, si vera esset Adversariorum opinio, non posse convenire specie cum homine, videtur esse certum ex rationibus physicis, in Sole enim, Mercurio, & Venere esset nimius calor pro hac constitutione nostri corporis, in Jove autem & Saturno esset nimium frigus. Itaque si modestius & aliquantulum tutius errare velis, eos cælorum incolas non debes vocare homines, sed Angelos, ac cum antiquioribus multis defendere, quod Angeli habeant corpora, sed ab humanis corporibus prorsus diversa, & ad propagationem speciei prorsus inepta; præterea dicendum foret, eos non esse amplius in statu viæ, sed termini; sic quamvis teneres sententiam temerariam, non tamen teneres tam periculosam.

*Obj. 4.* Ipsemet Christus dicit, quod reliquerit 12 nonaginta novem oves in deserto, quæ non indigent pœnitentiâ; ergo in vasto cælorum deserto dantur adhuc plures homines.

2. SS. Patres, uti S. Augustinus, sæpe vocant Angelos & dæmones *animalia aerea*; ergo non est incredibile, à talibus animalibus habitari Planetas.

*Resp.* ad 1. Per ovas illas intelligi Angelos, non homines, ita explicant SS. Patres, & ita colligitur ex ipsis circumstantiis; cum enim loquatur de talibus ovibus, quæ non indigent pœnitentiâ, clarum est, eum loqui de tali genere ovium, quæ non amplius sunt in statu viæ, sed in statu termini. impossibile enim est, dari homines, quorum intellectus est versatilis, & voluntas usque ad mortem ambulatoria, quia ex tot millionibus unus vel alter peccet contingenter; quia contingentia non procedunt uniformiter: si autem tales oves adhuc sunt peccabiles, & peccant, utique indigent pœnitentiâ. Itaque, si non indigent pœnitentiâ, non sunt naturæ versatilis, ut est

humana.



humana; sed angelicæ, quæ est voluntatis inflexibilis in bono vel malo.

Ad 2. dist. Vocant illa animalia ex suppositione, quod habeant tenuia corpora. trans. ex suppositione quod habeant naturam æqualem naturæ humanæ, qualis adhuc est in statu viæ. neg. certum enim est, quod nullus SS. Patrum somniaverit in Planetis homines, nisi solus Origenes, qui ob hoc ipsum suum Systema transmigrationis animarum ab una stella in aliam, aut in terram à communi sensu Ecclesiæ recessit, & à SS. Doctoribus rejectus est.

## QUÆSTIO VII.

*Quenam sit magnitudo, distantia, ac ordo partium Universi?*

**P**RO mensura magnitudinis solet assumi semidiameter terræ, quæ aliquoties sumpta mensurat distantias & magnitudinem omnium Planetarum. in determinatione verò ipsius terræ semidiametri Antiquiores non conveniunt ob defectum observationum; nunc verò, postquam Cassinus senior sumptibus Regis duxit lineam meridianam à *Dunkirchen* usque in *Perpignan*, quæ transit Parisiis per Observatorium Regium, ex hujus ingentis lineæ mensura, multorum annorum labore tandem accuratè inventa, facile inventa est totius terræ circumferentia, adeoque etiam semidiameter terræ. Hac methodo inventa est terræ semidiameter pedum Parisiensium 123249600, quorum 22824. conficiunt unum milliare Germanicum. Milliare autem Germanicum correspondet quatuor minutis in circulo maximo, & quindecim milliaria Germanica correspondent uni gradui; sic ut totus terræ ambitus habeat 5400. talia milliaria, diameter terræ 1700, semidiameter fere 850; seu accuratè diameter terræ erit 1719. milliarium Germanicorum, semidiameter 860.

**2** *Area maxima* terræ, nempe in Æquatore, vel in quovis meridiano habebit 2322444 quadrata milliaria, & tota superficies terræ habebit milliaria quadrata 9289776. adeoque si unum milliare Germanicum quadratum capit 50000. homines, tota terræ superficies capiet homines 46448800000. supponitur enim diameter cuiusvis circuli ad ejus peripheriam se habere ut 100 ad 314. & quadratum diametri ad aream circuli ut 1000 ad 785, & area circuli ad superficiem globi ut 1. ad 4. & cum diametri cubus ad soliditatem globi se habeat ut 300 ad 157. erit soliditas totius terræ quadratorum milliarium 2658312465.

**3** *Distantia Planetarum* à terra media est à me determinata in Tr. de cœlis. ubi reperies distantiam Lunæ in semidiamentris terræ 59. Solis 33000. Martis 52000. Jovis 180000. Saturni 345000. Distantia fixarum stellarum hactenus nulla certa methodo determinari potuit. Cassinus eam putavit se invenisse 347000000. semidiamentrorum terrestrium. Hoc solum certum est, hanc distantiam non esse certam. Cassinus ju-

nior eam ponit 4000000. semidiamentrorum terrestrium: Ricciolus 1000000. aut 2000000. Itaque in hoc non multum errabimus, si credamus distantiam stellæ proximæ ad terram esse 2000000 semidiamentrorum terrestrium ad minimum; remotiorum verò stellarum sextæ, septimæ, & minoris adhuc magnitudinis distantiam sextuplo aut septuplo esse majorem, ut earum distantia sit 14000000.

*Celeritas syderum* tanta est, ut intra horam ab Oriente in Occidente percurrant multas semidiamentros terræ, adeoque plura milliaria milliarii Germanicorum. Luna 15. Sol 8000. Mars 12000. Jupiter 40000. Saturnus 87000. adeoque cum semidiameter terræ habeat 860. milliaria Germanica, Luna intra horam decurret viam 12900. milliaria, Sol viam 6880000. milliaria, stella verò septimæ magnitudinis, quæ intra horam decurrit 3500000. semidiamentros terræ, intra horam decurret 3010000000. milliaria, idest 3010. milliones milliarii.

*Magnitudo Planetarum* talis est: Diameter Lunæ 5 ad diametrum terræ se habet ut  $\frac{1}{17}$  seu  $\frac{1}{17}$ . Solis ut 100. seu juxta alios ut 152. ad 1. Martis ut  $\frac{1}{15}$ . Mercurii ut  $\frac{1}{18}$ . Veneris ut  $\frac{1}{25}$  ad 1. Jovis ut 28. ad 1. Saturni ut 20. ad 1. & Saturni annuli ut 45. ad 1. De stellis fixis nil certi constat, conjectura tamen est, eas esse æquales nostro Soli.

Hæc de magnitudine Universi nobis cogniti: quanta enim sit magnitudo cœli empyrei, temerarium est judicare. Juvat tamen exclamare cum Baruch Propheta, *O Israel, quam magna est domus Dei nostri, & ingens locus possessionis ejus!*

## QUÆSTIO VIII.

*Quid sentiendum sit de intelligentiis, Astrorum motoribus, & de anima mundi?*

**O**MNIUM Veterum unanimis opinio fuit. **1** *Astra* moveri ab intelligentiis, quas nos vocamus Angelos. Alii longius progressi non solum astris concesserunt motores, sed & animam; in quantum voluerunt, quod astra informantur & animentur ab intelligentiis, sicut corpus nostrum informatur & animatur ab anima rationali. Denique nonnulli toti Universo adjudicarunt aliquam animam, quam vocant *Animam mundi* seu *Archæum*. Huic ultimæ sententiæ accessit Plato. ubi tamen notandum est, ab iis, qui admittunt animam mundi, non eodem modo explicari proprietates hujus animæ. Aliqui enim voluerunt, eam esse intellectivam, ut sunt Angeli. alii voluerunt eam esse quidem spiritualem, sed necessariam in agendo. Chymici, & ipsi enim crepant animam mundi, per hanc animam nihil aliud intelligunt, quam subtiliorem partem Universi, quæ reliquis partibus conciliet activitatem; sic partes spirituosæ in Plantis & herbis vocarentur anima plantæ.

Dico **1.** *Astra non informantur ab intelligentiis.* **2** Prob. Concl. Terra nostra non informatur ab aliqua anima; ergo multo minus astra, quæ longè minoræ habent diversitatem organorum & effectuum, quàm terra prob.



probat. in Terra nulla deprehenditur operatio vitalis, nec ratiocinatio, nec sentatio, nec vegetatio, nec ulla alia operatio, quæ non possit provenire vel ex prima dispositione Terræ facta à Deo, vel ex causis particularibus vitalibus; ergo. *Confirm.* In omnibus viventibus datur ordinatio partium, & earum reparatio; sed in Terra nunquam contigit, vel novum membrum totius Terræ ex principio intrinseco accreverit, vel ut aliqua pars Terræ per motum Terræ corrupta ad pristinum ordinem redierit; ergo non latet in Terra aliqua forma substantialis, cujus est, ordinare omnes partes totius.

3 *Dico 2. Non datur anima mundi.* Prob. Concl. ex priori conclusione. *Confirm.* Quia non possunt ostendi oculi, aures, manus, pedes, & caput hujus Universi; ergo in illo non datur anima sensitiva, si autem non datur sensitiva, nec dabitur vegetativa nec rationalis: vegetativa quidem, quia non crescit, nec reparat partes suas hoc universum; nec rationalis, quia si anima non reciperet cognitionem per sensus, non esset necesse, ut alligaretur corpori per modum formæ dependentis à corpore in operando; sed sufficeret, si assisteret per modum motoris. Idem ergo sufficeret in universo, si intelligentiæ assistant partibus universi per modum motorum.

4 *Dico 3. Cæli moventur ab intrinseco.* Prob. Concl. Potest concipi motus perfectè circularis; ergo etiam potest concipi vis motrix ab intrinseco ad motum perfectè circulaem, atqui si potest concipi, etiam exigitur à natura, ut illi conveniens; & si exigitur, datur, quia Deus in mundo omnia facit juxta proportionem, convenientiam, seu exigentiam rerum.

5 *Dico 4. Astra & consequenter omnia in Universo moventur ab intelligentiis directivè & conservativè.* Sensus est: quòd ipsa vis motrix cælorum, quia Cæli moventur ab intrinseco, & omnes dispositiones ad totum Systema motuum in Universo requisitæ ministrentur, exigantur, & imprimantur ab Angelis. Prob. Concl. Si Systema motuum in toto mundo reali eodem modo potest dependere à mundo intellectuali, sicut motus nostri corporis dependent ab anima rationali, quin tamen vicissim intelligentiæ in suis operationibus dependant ab ipso mundo reali; sicut anima rationalis dependet à corpore, tunc intelligentiæ erunt verè motores Universi tam directivè, quàm conservativè: Sed; ergo, in m. non apparet repugnantia, quia dependentia unius ab altero nihil aliud est, quàm ordo & subordinatio unius ad alterum. M. prob. Si Systema motuum in Universo potest dependere à mundo intellectuali, tunc in mundo reali non datur exigentia ad motum, nisi dependenter à mundo intellectuali; sed si hoc, tunc intelligentiæ erunt verè motores Universi, ergo. M. prob. in natura nulla causa exigit moveri à se ipso, aut à solo Deo, quamdiu adhuc est possibilis alia causa secunda, à qua convenienter possit moveri; ergo. Hoc ipsum argumentum est Aristotelis, D. Thomæ, & Scoti, qui probant, quòd semper unum debeat moveri ab alio, quousque possibile est aliquod movens, donec deveniatur ad primum motorem; & hinc isti Authores inculcant subordinatio nem causarum inter se in Universo, in quantum semper una entium species exigitur ab alia universaliori, & idem est de motibus in Universo, qui dependent à directione intellectuali Angelorum, sicut

R.D. Euseb. Amort Philosophia.

motus nostri corporis dependent à directione intellectuali animæ rationalis.

## Solvuntur Objectiones.

*Obj. 1.* Nulla est necessitas motorum cælestium; 6 ergo non dantur, prob. ant. astra sufficienter moventur à viribus innatis, vel principiis mechanicis.

2. Si astra moverentur ab intelligentiis, quæ sunt agentia libera, tunc major in earum motibus observaretur difformitas, qualis observatur in operationibus humanis.

*Resp. ad 1. neg. ant.* Ratio jam fuit assignata, 7 ordo ac subordinatio causarum per se in Universo, vi cujus nulla exigit operari, nisi ut rota à causa altiore. dum enim Deus ex se ipso quasi evolvit seriem rerum creabilium, eo ipso non confusè sed ordinatè ista collocat, & eodem ordine omnia retrahit per operationes in se ipsum. Itaque Universum non est totum per accidens, ut strues lignorum, sed unum per se, & sic dum unum quodvis ordinatur ad alterum & ad totum Universum, impossibile est, ut unum quodvis non operetur in alterum; adeoque multò magis impossibile est, ut entia Universi perfectiora, qualia sunt Angeli, non operentur in inferiora, influendo in motum, & per motum in reliquos effectus.

Ad 2. dist. Observaretur difformitas si in Angelis daretur voluntas moraliter flexibilis. trans. secus. neg. ant. Angeli in eo, quod semel liberè statuerunt vel receperunt, non mutantur; quia ergo Angeli semel statuerunt parere Voluntate Dei, & se conformandi ordini totius Universi, semper manent in ea voluntate movendi astra & mundum juxta ordinem mundi rectissimum, æternum ac immutabilem.

*Obj. 2.* Si cæli moverentur ab intrinseco, tunc 8 illa vis motrix cælorum esset infinita: Hoc non potest dici; ergo. prob. M. illa vis tanta esset, ut posset movere cælos tempore infinito, quia motus circularis nullum habet contrarium, à quo aliquando destrueretur.

*Resp. neg. M. ad prob. neg. ant.* quia vis illa motrix essentialiter ordinatur à Deo ad collectionem revolutionum finitam, cum nequid in Mente Dei possit concipi infinitum categorematicum; adeoque illis revolutionibus evolvis cessaret illa vis motrix ex defectu causæ conservativæ, vel ex defectu finis.

## Q U Æ S T I O IX.

### De influxu Cælorum Genethliaco.

1 **Q**ui Planetis adscribunt proprietates determinatas, quibus in inferiora influant, haud dubie inter eximie simplices, aut certè inter stultos referendi sunt; cum omnibus de facto Astronomis certum sit, nec probabile reperiri argumentum, quo determinato astro determinata proprietas, adscribi possit. Verum quia stultorum infinitus numerus, & hos patienter miremur potius, quàm refellamus.

2 Itaque in hoc Astrologorum agmine meritò primi sunt, qui Planetis ac syderibus eam adscribunt in sublunaria Omnipotentiam, ut etiam homini in primo nativitatæ suæ momento legem vitæ ac fortunæ imprimant. Ante omnia jubent erigi *Horoscopus*, seu figuram constitutionis cælestis, quæ in momento nativitatæ extitit, In hunc finem dividunt

Cælum



cœlum in duodecim plagas, quas domos vocant, quasdam earum faustas, alias infaustas nominant. Quærent dein, qualis Planeta in momento nativitatæ in cœlo tenuerit dominantem; & si Planeta dominans pro eo momento in domo infausta reperi- tus fuerit, ominantur omnia infausta. meliora ve- rò promittunt, si Planeta dominans in domo bea- tiore fuerit. Præterea considerant naturam planetæ pro illo momento dominantis, ut exindè de ho- minis nascentis genio, conditione, ac fati pro- pria attingant. nec denique negligunt attendere ad situm reliquorum etiam Planetarum, quem *Aspectum* vocant; quærent, an hic Aspectus fu- erit triangularis, quadrus, sexangularis, &c. & ex diverso tali reliquorum Planetarum aspectu ad Planetam dominantem moderantur vires illius, vel beneficas, vel veneficas.

3 Dico. *Prædictiones Genethliacæ non solum sunt superstitiosæ, sed & aperte fatuæ.*

Prob. 1. Si astra haberent vim talem contro- versam, tunc eadem fata evenirent omnibus, sub eodem sydere natis: Hoc est falsum; ergo. *m. prob.* ab exemplo geminorum, v. g. Esau & Jacob, qui & propensiones, & fortunam habuerunt diversissi- mam. Item, in eodem momento, quo nascitur Infans Regi Hispaniæ, nascitur etiam soboles in spem miseriarum Codro.

4 Prob. 2. Divisio domorum cœlestium est pror- sus commentitia; ergo & fata, quæ his super- struuntur. prob. ant. nec umbra ullius verisimili- tudinis afferri potest, cur hæc domus cœlestis po- tiùs fausta, quàm infausta sit; ergo. *Si dicas:* Sic statuisse Veteres Astrologos, nixos experientia. Ostendam Veteres nec habuisse unquam, nec ha- buere potuisse experientiam.

5 Prob. 3. Si Planetæ dominantes agerent in in- fantem, tunc in eundem sæpe agerent, quando sunt sub Horizonte in hemisphærio inferiore: Hoc est falsum; ergo. *M. patet*, quia cùm dominium Planetarum mutetur vel singulis annis, vel singulis diebus, vel singulis horis, evidens est, dari per annum, diem, horam aliquot nativitates, dum in- terim Planeta est sub Horizonte. aut certè, si Pla- neta dominans tantùm agit, dum est supra nostrum Horizontem, ii qui nascuntur apud Antipodas v. g. in Insulis Philippinis, aut in regno Peruano, & Nova Francia, erunt exempti à fato syderis. *m. prob.* Sol & Luna, quorum sentimus influxus, non agunt in nos, quando sunt sub Horizonte. immò sentiunt defectum huius influxus plantæ & ani- malia, si diu cœlum tegatur nubibus. Quæ igitur fides vaticinio Astrologi, dum nescio, an non for- tè in momento nativitatæ spissa nubes se astro op- posuerit. Dein si tanta est vis Planetarum ex mu- tuo ad invicem Aspectu, cur Astrologi negligunt considerare Aspectum Planetæ ad Infan- tem? sit sanè Jupiter in domo fausta; sed quid, si Aspectus ad infan- tem trigonus, aut quadrus sit?

6 Prob. 4. Nulla potest reddi ratio, cur Plane- tæ omnem suam vim exerant in momento nativi- tatæ, cur eam non exerant in momento concep- tionis? cur non in momento, quo corpori à Deo in- funditur anima rationalis? si enim Planetæ agunt per qualitates adeò occultas & subtiles, ut per cor- pus infantis penetrent, cur non penetrant etiam per uterum maternum, dum infans est in utero ma-

terno? Si actio planetæ dominantis in momento nativitatæ per nubes, domos, & conclavia agit in corpusculum infantis, cur secunda & tertia post nativitatem hora non etiam reliqui Planetæ possint similem tentare impressionem, destruendo quali- tatem prioris Planetæ?

Prob. 5. Si fata hominum penderent ab Horo- scopo, tunc qui habent similia fata, deberent habe- re etiam eundem Horoscopum: Sed hoc est falsum; ergo. *m. prob.* multi simul pereunt naufragio, in- cendio, peste, pugna, cùm tamen diversissimis tem- poribus nati sint.

Prob. 6. Dantur aliæ causæ eorum effectuum, qui adscribuntur Horoscopo; ergo non reperiun- tur in astris determinatis. ant. prob. constat ab ex- perientia, quòd fortes gignantur fortibus, nec Pla- neta mutant has leges naturæ sensibilibiter.

Prob. 7. Nulla datur experientia, cui Astrologi in construendo Horoscopo hætenus inniti potue- runt; ergo tota ars vana est. prob. ant. si nullæ hæ- tenus ante sæculum 17. reperiuntur tabulæ Astro- nomiciæ, quæ in determinando vero situ Planetæ non aberraverint ad minimum tribus aut quatuor horis, tunc etiam non datur experientia cui Astro- logi inniti possint: Sed; ergo. *m. patet* ex iis, quæ dicam in Tractatu de Cœlis separato, ex quo con- stat: Astronomos in situ Veneris & Mercurii deter- minando adhuc sæculo 17. aberrasse integris ho- ris, immò & diebus. *M. non minus evidens est*, si enim non potest pro momento nativitatæ accuratè reperiri situs Planetæ, tota ars vana est.

Prob. 8. Totum suppositum huius artis, de- sumptum à numero septenario Planetarum, & situ domorum cœlestium falsum est; ergo & ipsa ars. prob. ant. supponitur ab Astrologis, dari septem Planetas; sed hoc post detectos satellites Jovis & Saturni constat falsum esse. si enim secundarii hi Planetæ nihil operantur, etiam Venus, & Mercurius, qui sine controversia sunt satellites Solis, nihil operentur, prout supponunt Astrologi. Si verò ali- quid operantur, etiam operantur satellites Jovis & Saturni, quorum operatio cum Astrologis incogni- ta fuerit, non potuerunt scire veram & adæqua- tam effectuum causam, prout ad experientiam re- quiritur. Dein supponunt Astrologi, domos suas duodecim reperiri in Zodiaco juxta ordinem duo- decim signorum Zodiaci, jam verò signa illa duo- decim sunt tantùm puncta imaginaria in cœlo, prout constat tyronibus Astronomiæ. Ipsæ constellatio- nes, quæ tribuerunt suum nomen iis signis, dudum à pristino loco jam ferè triginta gradibus recesserunt, nec suas secum tulerunt domos, nisi more climacum repant in cœlo.

Prob. 9. Horoscopi famosiores hætenus erecti reperti sunt plerumque deceptorii; ergo nullam merentur fidem. prob. ant. ab inductione pluri- morum eventuum, quos prædixerunt Astrologi, ipse Cardanus, huius superstitionis non ignobilis patro- nus, fatetur, inter centum eventus prædictos vix decem esse secutos, & Joannes de Hemminga erexit triginta Horoscopus, qui omnes monstrarunt alios eventus, quàm qui secuti sunt. Huc pertinent ali- qua exempla:

1. Cæsari navigaturo in Africam ab Astrologis prædictum erat, profectionem minimè felicem fu- turam. Contrarium probavit eventus.

2. Zita



2. Zita Arragonum Principi Astrologi promiserunt Imperium, si everteret Christianorum templa. Conditione impleta intra annum mortuus est.

3. Nicetas refert, Branæ Alexio prædictam esse victoriâ, si cum hostibus congrederetur tempore prædefinito. Congressus est, & cum toto exercitu periiit.

4. Joannes Galleacius Dux Mediolanensis, dum illi Astrologus prædiceret celerem mortem, sibi verò longam vitam, iussit strangulari vatem.

5. Picus Mirandolanus refert, virum quendam divitem ab Astrologo ad statum sui mutationem spe melioris fortunæ inductum, mutasse quidem professionem suam; sed & fortunam, dum bonis omnibus exutus est.

6. Astrologi tempore Alexandri. 6. anno 1495. futuram eo anno prædixerunt mortem Pontificis. Cum verò illo anno non moreretur singulis dein annis usque ad annum 1503. construxerunt alios Horoscopus, omnes fatales Pontifici. Cum verò eousque se spe sua frustratos cernerent, mutarunt Horoscopus, & promiserunt Pontifici longam vitam. hoc ipso tamen anno adhuc mortuus est.

7. Francisco II. Galliarum Regi prædixerunt, annum 1561. usque ad annum 1571. prosperè cessurum. Obiit tamen adhuc anno 1560.

8. Carolo V. multa prædixerunt Astrologi; adeò tamen fuerunt infelices in divinando, ut ne unum quidem eventum attigerint.

12 Prob. 10. Regulæ hujus artis carent omni fundamento; ergo. ant. prob. ab inductione aliquot talium regularum. Sic:

1. Dicunt: Planetas esse potentiores in domo propria in exaltatione & triplicitate. Hæc regula vana est, in primis enim domus Planetarum sunt tantum aliquid imaginarium; & secundò Aspectus trigonus Planetarum est iterum nuda relatio situs, quæ non habet ullam connexionem cum effectu aliquo Physico in aliis operibus naturæ.

2. Dicunt: Quòd Planetæ superiores in longiora tempora protrahant suos effectus ob motum illorum tardiorum. Hæc regula falsa esse convincitur ex operibus naturæ ubique obviis; motus enim tardior in impetu, in sono, & aliis corporibus non producit effectum diuturniorem; & quando in fistulam remissius impellitur aer, sonus non primùm exit post duos menses.

3. Vis Planetarum dum sunt retrogradi aut stationarii dicitur esse fortior, quia diutius morando in uno loco agunt fortius. Hæc regula falsa est, quia Planetæ, quando sunt retrogradi, sunt prope oppositionem ad Solem; in hac autem positione eorum vis impeditur à radiis solaribus, ex opposito tendentibus.

4. Planetæ dicuntur esse fortissimi in oppositione, dein in conjunctione; minus esse fortes in quadraturis & debilissimi in sextantibus. Hæc regula est plane ridicula, dum eandem vim adscribit oppositioni, & conjunctioni. In conjunctione ad Solem Planetæ superiores sunt in immensa distantia remotiores à terra, quàm in oppositione, quomodo ergo poterit esse eadem vis?

5. Caput & cauda Draconis, quando conjunguntur cum Planetis, dicuntur habere miram vim. Sed hoc iterum imperitissimum est, cum caput illud & cauda Draconis tantum sint aliquid imaginarium.

6. Permutationes Absidum post se trahunt mutationes regnorum & religionis. Sed quàm hoc stultum

est, cum mutationes illæ Absidum sint perpetuæ, nec tamen perpetuò mutantur regna?

7. In prima domo dicuntur Planetæ habere vires maximas. Cur istud? & cur illa domus vocatur prima, cum idem habeam jus vocandi ultimam?

8. Domus 7. 10. 11. & 12. post se trahunt violentos casus. Quæ verò est connexio eorum signorum cum violentis casibus. Septima domus incidit in Libram, quid æquius & moderatius?

9. Qui natus fuerit, in meridie Equinoctii, eo ipso magnus evadet. Quæ iterum connexio? unum Equinoctium est ascendens, alterum est descendens; & illud ipsum, quod est nobis ascendens, populis trans Equatorem est descendens; cur ego semper & omnibus Magna promittit?

10. Sol in Leone non permittit hominem mendicare. An ergo à medio Julii ad medium Augusti nulli nascuntur pauperes?

11. Qui quarta Luna nascuntur, plerumque infelices. Si quarta Luna adeò infelix est, octava Luna haud dubiè est duplo infelicio.

12. Qui nascuntur, quando Luna multum luminis recipit à reliquis Planetis, famosi & celebres evadent. At, qui non plus famæ adipiscuntur quàm Luna luminis à Planetis, excepto Sole, haud dubiè latebunt profunda nocte sepulti.

## Solvuntur Objectiones.

Obj. 1. Plurimi eventus prædictionibus Astrologorum responderunt; ergo datur aliqua vis in astris.

Resp. c. ant. neg. conf. quia omnes illi eventus vel possunt provenire à fortuito concursu causarum, vel à providentia dæmonis. si enim & homo quandoque id agit dolosus, ne videatur semper fallere, quanto credibilis, etiam dæmonem operatione sua id agere aliquando, ut Astrologorum autoritate teneatur, & suam. Cardanus testatur, inter centum prædictiones vix decem repertas fuisse veras; nunquid artis est magnæ, inter decem mendacia semel immiscere verum? Pater de Chales testatur, se à viro fide digno accepisse, quòd, dum Avenione Astrologum in erectione sui Horoscopi inviseret, illum cum diabolo loquentem, & ob proditum secretum egregiè multatum invenerit. Et Pater Gihelinus testatur, Horoscopum quendam pro quadam muliere ab Astrologo erectum; qui in omnibus vera nuntiasse putabatur, ne in minimo quidem puncto conformem fuisse cum Themate Cœli.

## QUÆSTIO X.

### Quid sentiendum de influxu syderum Aereoscopico?

Sunt, qui licet rideant Horoscopus, multum tamen tribuunt Planetis circa mutationem aeris, sic ut ex situ Planetarum venti, pluviae, ætus, frigus, pestes, morbi &c prædici possint. Tales prædictiones reperti primùm hoc año in Calendario Aulico cujusdam aulae Germanicæ. Miror sanè! Nullum enim facile quis in toto orbe doctum Astronomum reperiet, qui non simplicitatem hanc indignanter respiciat, indignam docto.

Dico: Ex positione syderum ne quidem probabiliter aliquid de futura qualitate aeris prædici potest.

Prob. 1. Totum fundamentum hujus artis caret prorsus omni ratione; ergo. prob. ant. 1. hæc ars supponit certas quasdam proprietates Planetarum, nempe quòd Saturnus sit frigidus & siccus, quòd



quod Jupiter sit temperatè calidus & humidus. quod Mars sit in summo calidus & siccus. quod Sol sit moderate calidus & siccus. quod Mercurius sit versatilis, nempe aliquando siccus ob Solis viciniam, & aliquando humidus ob Terræ propinquitatem. denique quod Venus sit Planeta calidus & humidus. Sed hæc omnia dicuntur sine omni prorsus ratione; & sunt potius fabulæ puerorum, quàm conjecturæ Philosophorum. Cum enim omnes Planetæ sint nihil aliud, quàm massa quædam de se opaca, ut est Terra nostra, cur unus sit calidus, alter humidus? Mercurius, quando transit sub Sole, est instar puncti nigri minimi; & hoc punctulum nigrum ac opacum in aërem nostrum calorem suum imprimat? pudeat imperitiæ.

2. Supponit hæc ars, singulis annis, diebus & horis præesse unum Planetam, qui dominetur; quæso, si unus Planeta dominatur per annum, quomodo singulis horis possunt mutare sceptrum? aut quæ potest assignari vel probabilis ratio hujus domini, ac vicissitudinis? an quia sic ab aliis Astrologis doctus es? Sic etiam responderent omnes, qui erroribus ducuntur, & fabulis.

3. Prob. 2. Ars hæc nulla potest niti experientia; ergo est prorsus fabulosa. prob. ant. ad experientiam requiritur, ut sæpius recurrentibus iisdem positionibus syderum redeant iidem constanter effectus: Sed hoc fieri non potest in præsentia materia; ergo. *m.* prob. ab origine mundi usque ad hæc tempora nec rediit unquam eadem positio syderum; & si redisset, fuisset tamen Astrologis incognita; ergo. ant. quoad 1. membr. certum est apud Astro-nomos. Quoad 2. memb. prob. Præterito sæculo fuerunt detecti de novo novem Planetæ, nempe quatuor satellites Jovis, quinque satellites Saturni; fuit etiam hoc sæculo relictus reditus Cometarum, & motus proprius fixorum multarum stellarum; si ergo ista omnia ignorarunt Astrologi, evidens est, quod ignoraverant thema genuinum Cæli, & positionem syderum.

4. Prob. 3. Inter tales prædictiones longè plures re-pertæ sunt falsæ, quàm veræ; ergo non faciunt præsumptionem veritatis. prob. ant. 1. Picus Mirandulanus, qui scripsit librum contra Astrologi-am judiciariam, testatur, se inter 130. dies vix re-perisse sex, qui responderint themati Cæli: Hoc testi-monium est omni exceptione majus, cum hic Princeps vix habuerit unquam sibi eruditione ac scientia pa-rem. 2. P. Zhan, qui scripsit fusissimè de hac arte, testatur, se per quinque annos continuos observasse thema cælorum; dispositionem tamen aëris ferè semper fuisse difformem legibus astronomicis. 3. Ipsi Astrologi non conveniunt inter se in suis præ-dictionibus. hinc Gallus quidam sibi coëmit tot calendaria, ut singulis diebus potuerit unum seli-gere; conformem Cælo, quo factum, ut diceret, suum calendarium toto anno esse conformem Cæ-lo. 4. Morio Ferdinandi secundi Imperatoris sem-per prædixit tempestatem à diametro aliam, quàm prædixerant Astrologi, & plus tandem reperit fi-dei, quàm isti. 5. D. Ambrosius in Libris Hexa-meron testatur, tempore siccitatis ab Astrologis præ-dictam esse indubitatam ad Novilunium pluviam; nullam tamen secutam esse. 6. Anno 1524. ab Astrologis ob magnas Planetarum conjunctiones in Aquario prædicebantur integræ ac certa diluvia,

sic ut multi jam sibi paraverint navigia.. annus tamen erat serenissimus. Similiter Anno 1586. ob conjunctiones omnium Planetarum prædicebantur venti & procellæ; cum tamen annus totus ad ludi-brium Astrologorum pacatè riserit.

## Q U Æ S T I O X I.

*Quid universim de influxu Cælorum sentiendum?*

**D**ico 1. *Influxus cælorum ac syderum consistit in sola actione lucis.* Prob. Concl. Hujus solius actionis demonstrata est existentia, & hoc sufficit ad explicandos omnes effectus; ergo.

**Dico 2.** *Actio lucis consistit materialiter in pres- sione sola subtilis materiae.* Conclusio hæc suppo-nitur interim ex iis, quæ dicuntur de anima, & luce.

**Dico 3.** *Actio lucis à summitate Cælorum pene- trat per omnia corpora usque ad centrum Terræ.* Prob. Concl. Dantur in omnibus corporibus pori; hi pori debent repleri ab aliqua subtili materia; ea materia ob motum corporum cælestium necessa-riò est in perpetua agitatione ac fluctuatione; in motu autem hujus materiæ consistit actio lucis; ita-que necessarium est, quod actio lucis diu noctuque penetrat à summo cælorum usque ad centrum Ter-ræ, quamvis ille motus oculis humanis noctu sit im-perceptibilis. Hæc Conclusio est S. Augustini in Libris de Genesi ad Litteram; prout infra dicitur de lumine.

**Dico 4.** *Motus cælorum est causa omnium gene- rationum, alterationum, augmentationum, & mo- tum in Universo, sic ut si unico momento cessaret motus Cælorum, eo momento cessarent omnes gene- rationes, alterationes, ac motus in universo.* Hæc doctrina est D. Thomæ in multis locis. Prob. Concl. Motus cælorum est causa, quod subtilis materia in toto Universo sit in perpetuo motu; perpetuus motus subtilis materiæ est causa omnium generationum, alterationum; ergo. *m.* quoad 2. memb. prob. in omni generatione ac alteratione fit motus minimarum partium, dum aliqua separan- tur, aliæ adveniunt, ac in debito ordine collocan- tur; motus autem minimarum partium provenit à subtili materia; ergo. Hinc & D. Thomas docet, quod influxus cælorum communicetur mediante æthere, seu quinta essentia, quæ re ipsa nihil aliud sunt, quàm subtilis materia.

**Dico 5.** *Actio lucis potest esse causa caloris, frigo- ris, humiditatis & siccitatis.* Prob. Concl. Actio lucis consistit in impressione subtilis materiæ; hæc si fuerit vehemens, fiet motus rapidissimus partium, ex quo resultat qualitas caloris. Si motus subtilis materiæ remissior causet motum perturbatum par- tium, fiet frigus; motus verò ille perturbatus fit, quando extruditur magna pars subtilis materiæ è poris corporum, inordinatè coëuntibus arctius par- tibus. Dum enim aliqua pars subtilis materiæ re- linquitur, & ea partes inordinatè coëunt es emover, fit motus perturbatus partium. Denique si subtilis materia habet vires medias; sic ut emovere quidem possit humores, quamvis non possit eas dissipare, excitatur humor, & plerumque à Plenilunio, hic effectus sequitur.

*Dico*



Dico 6. *Actio lucis probabilis in toto Universo sequitur leges harmonicas, sicut omnes motus in Universo, generationes, alterationes, augmentationes, & motus locales fiant secundum leges harmonicas; adeoque si Deus respectu Beatorum his legibus harmonicis voluit alligare eandem qualitatem, quam alligavit motibus harmonicis aeris diffractioni respectu nostratum aurium, totum Universum præbebit Beatis perpetuum concentum, singulis momentis novum, quod foret opus dignum Majestate Dei. Prob. certum est, quod modificatio lucis secundum diversos colores fiat secundum leges harmonicas, prout infra ex Nevvtono monstrabitur de coloribus; omnis autem actio lucis est aliqua modificatio lucis secundum diversos colores; ergo omnis actio lucis fit secundum leges harmonicas. m. prob. modificatio lucis secundum diversos colores consistit tantum in separatione ac majori vel minore refractione lucis: Hoc autem intervenit in omni actione lucis; ergo. m. est demonstrata à Nevvtono de coloribus ubi ostendit, in omni refractione, quæ haud dubiè datur in omni actione lucis, etiam intervenire aliquam refractionem, eò quod radii lucis in omni superficie per aliquot tenues extimas laminulas penetret, utpote pellucas, & vitro simillimas. Confirmari potest à pari. fluidum crassius, nempe aer, in sua diffractione sequitur leges harmonicas; ergo & fluidum subtilissimum sequitur suas leges harmonicas respectu aliorum sensuum. Idque eò credibilis fit, quod videamus magnam analogiam inter radios aeris, & inter radios lucis: radii lucis per speculum concavum reflexi efformant in puncto reflexionis seu in foco, in quo iterum coeunt, imaginem sui principii, à quo exierunt; similiter radii aeris in concavo ædificio, aut saltu excepti ac reflexi in foco efformant imaginem vocis undè exierunt, quod vocatur Echo. Confirmatur 2. ex eo, quia leguntur varii effectus Musicæ, maximè quoad motum spirituum in humano corpore; spiritus autem animales in humano corpore sunt id, quod subtilitate proximè accedit ad subtilitatem subtilis materiæ; ergo motus harmonici communicantur etiam subtili materiæ.*

8 Dico 7. *Hinc patet, præcipuum influxum cælorum expectandum esse à Sole & Luna, quæ sunt duo majora Luminaria. Cum enim omnis influxus cælorum dependeat à luce, necessè est, ut exinde potior veniat influxus, undè major lucis copia manat. Id confirmat experientia, quæ constat, quod ossa, capilli & similia in Plenilunio concipiant majorem humorem, dum v. g. barba constanter sentitur eo tempore magis resistere novaculæ, & arbores in Plenilunio cææ brevi putrescere.*

9 Dico 8. *Ex diversa positione Planetarum & syderum possunt quidem provenire diversi effectus in aere, & vegetabilibus. sed hi effectus per astrologiam ne quidem probabiliter prædicti possunt. Prob. Concl. Complicatio radiorum cælestium, ex qua proveniant omnes motus in inferioribus, quotidie est alia; ergo per nullam constantem experientiam determinatus effectus uni cuidam determinatæ causæ sæpius recurrenti adscribi potest.*

10 Prob. 2. *Omnium effectuum naturalium dantur causæ immediatæ, & dispositiones immediatæ, ad*

quarum naturam sequitur natura effectus; ergo determinatus effectus non tam debet adscribi syderibus, quàm causis immediatis, ant. patet ab experientia. Sic arbor surgit juxta naturam surculi ac feminis; fructus nascuntur juxta naturam arboris: quod quis seminat, hoc & metet; nec unquam sydera mutant naturas specierum; itaque ridiculi sanè sunt, qui dum vident effectum extraordinarium, v. g. pestem, id adscribunt influxui syderum, nec cogitant de causa proxima ac immediata.

Prob. 3. *Astrologia damnata est à Concilio Brauarenensi I. Can. 9. & 10. Item à Toletano I. ubi dicitur: Si quis Astrologiæ existimat esse credendum, Anathema sit.*

Eandem damnavit Sixtus V. in Bulla, quæ incipit: *Cæli & terra.*

Dico 9. *Concursus Planetarum cum signis Zodiaci nullam habet vim. Adeoque prius vana sunt, dum Lunæ tribuitur vis, eò quod v. g. fit in Aquario vel in piscibus. Prob. Concl. Signa Zodiaci sunt tantum puncta imaginaria in collo, ut tyronibus Astronomiæ notum est; ergo non possunt Lunæ demere aut conferre aliquam vim.*

Dico 10. *Dies Critici, ut vocantur, nullam tribuunt infaustis syderibus vim. Prob. Concl. Dies vel anni Critici vocantur septenarii & novennarii v. g. annus 7. 9. 14. 18. 21. 27. 28. &c. 49. 63. Sed hi utique nullam habent vim; ergo. m. prob. hi anni differunt ab aliis annis per solam relationem numericam, cui nec ratione nec experientia constat inesse universalem vim; ergo nec habet vim circa actiones ac fata hominum, ant. constat, quia non censetur septimum nummum, septimum haustum, septimum passum. &c. esse infeliciorem cæteris. Confirmatur. fausti vel infausti eventus hominum, immò etiam morbi plerumque dependent ab actionibus humanis liberè positis; ergo non possunt habere universalem causam uniformem, qualis foret relatio septenaria.*

Dico 11. *Tabula pro sectione vitiæ, quæ solet esse in Calendariis, est tantum pro pueris, rusticis & simplici plebe. Patet ex dictis, quia fundatur in numero dierum à Novilunio, qui nullam habet vim.*

Dico 12. *Quamvis Cometa regulariter non sint signa prognostica malorum vel bonorum eventuum, videntur tamen insigniores quidam Cometa nuntiaffe hominibus mali imminenti viciniam. Si enim Deus ante extremum diem constituit ponere signa in Sole & Luna; non alienum est ab ejus Providentia, si dicatur, Cometæ eo fine aliquo inter reliquos in Cælo collocatos esse, ut instar indicis in horologio, aut instar excitatorii in horologio monerent homines, vigilandum esse. Itaque non obstat, quod Cometæ sint corpora mundo concreta, quia & index horologii ab artifice comproductus est cum horologio, sed in sua tempora ac horas destinatus. Datur Deus, datur Providentia, datur lingua & in collo, quæ Deus loquitur gentibus intelligibiliter omnibus; dantur & inspirationes populis, quæ doceantur, quid significant, quæ signa esse voluit Deus.*



# PARS SECUNDA

DE

## Elementis.

**1** *Elementa* vocantur quatuor illa notissima corpora; *Ignis, Aer, Aqua, Terra.*

**2** *Situs* horum Elementorum ab Antiquioribus tali ordine fuit constitutus, ut circa infirmum locum sit *Terra*; dein *Aqua*, quæ duo corpora juxta Veteres sunt gravia. Post Aquam sequitur Regio *Aeris*, & supra Regionem aeris colloceatur ignis; hæc duo corpora credebantur esse levia.

**3** *Proprietates* quatuor Elementorum constituebantur quatuor qualitates Elementares; *calor, frigus, humiditas, siccitas.*

*Igni* tribuebatur calor in summo & siccitas in excellenti. *Aeri* humiditas in summo, & calor in excellenti. *Aqua* frigus in summo, & humiditas in excellenti. *Terra* siccitas in summo, & frigus in excellenti. Sensus est: quod calor v. g. in igne sit in summo gradu, siccitas verò, licet non sit in summo gradu, tamen prædominatur præ aliis qualitatibus, ita, ut igni conveniat in gradu valde excellenti.

**4** *Effetus* Elementorum credebantur esse omnia mixta sublunaria v. g. lapides, metalla, plantæ &c. quinimò ipsa communis terra, maria, & aer jam numerabantur inter mixta, in quantum Aqua Elementaris longe credebatur esse purior illâ aquâ usuali, quam videmus.

**5** Dissidebant tamen inter se, an hæc Elementa manerent actu & formaliter in mixtis, ita, ut v. g. lapis sit compositum ex quatuor Elementis actu inexistens.

**6** Neoterici vix in ullo conveniunt cum Antiquis, imprimis enim impugnant numerum Elementorum, & rident sphaeram illam igneam positam supra regionem aeris. Verum si bene inspicatur Aristoteles, ille non dicit, supra aerem positum esse ignem formaliter talem, sed tantum potentialiter, nempe aliquam subtiliorem materiam, quam ipsam Neoterici dicunt esse causam ignis; Secundo impugnant situm horum Elementorum, ratione gravitatis, eo quod omnia Elementa dicant esse gravia.

Dei Proprietatibus Elementorum sentiunt ignem non esse in excellenti siccum, neque aerem calidum, multo minus aquam esse frigidam in summo.

Igitur in præsentī materia querendum:

1. An Elementa sint generabilia & corruptibilia?

2. An Elementa ræneant formaliter in mixtis?

3. An Elementa gravitent in locis propriis?

4. An ignis sit gravis?

5. An Aer sit gravis?

6. An Aer sit calidus?

7. An Aer sit elasticus?

8. Quænam sit natura Elementorum singularum in specie?

### QUÆSTIO I.

*An Elementa sint generabilia & corruptibilia?*

**1** *Ita? Elementa esse generabilia & corruptibilia.*  
Prob. Concl. 1. Si accidentia Elementorum

sunt generabilia &c. tunc etiam Elementa: Sed; ergo. *m. prob.* accidentia Elementorum sunt calor, frigus, humiditas, siccitas &c. sed hæc sunt generabilia; ergo. *m. prob.* ab inductione; sic enim è ligno aut terra sit ignis, & Elementum frigidum acquirit calorem in summo. Vicissim intensissimus ignis extinguitur in hypocausto, & illud ipsum Elementum post aliquot horas incipit fieri frigidum. Prob. etiam *M. si* accidentia sunt generabilia, tunc etiam generabilis est radix exigitiva accidentium: Sed si hoc &c. ergo. *m. prob.* radix accidentium & ipsa collectio accidentium habent eundem finem; ergo destructo uno perit etiam alterum.

**2.** Sensus judicant generari & corrumpi Elementa, nec datur positiva ratio convincens sensus de errore; ergo corrumpuntur; quia sensus tam diu debent haberi pro regula veritatis, quam diu non convincuntur erroris, cum utique plerumque non fallant, & judicium sensuum ferè semper conjunctum sit cum sensu communi hominum, utique ex dispositione & coordinatione naturæ. ant. verò prob. dum vel aqua convertitur in aerem, vel terra in ignem &c.

**3.** Si Elementa non essent generabilia, tunc v. g. in pulvere pyrio deberet latere totus ignis, qui elicitur: Sed hoc est falsum; ergo. *m. prob.* si lateret tanta copia, tunc etiam exereret suam vim, nec posset constringi à partibus heterogeneis, quia actio ignis non omnino extinguitur.

**4.** Prob. 4. Non possunt explicari varia experimenta in hypothesi Elementorum incorruptibilium; ergo. prob. ant.

1. Quando ex oleo ignis, successivè consumuntur tot partes olei, ut conficiant plures milliones intra unicam horam partium ignis, id observante Patre de Lana; Sed in hoc casu, si latuissent hæc particulae, cum oleum alioquin sit corpus calidum, non potuissent impedire actionem ignis.

2. Rectificatus spiritus vini totus in flammam abit, adeoque totus spiritus vini debuisset nil aliud esse quam pura flamma; sed hoc non potest dici; quia utique flamma à se ipsa impediri non potuit, quin exereret suam vim producendo calorem & lucem: & posito etiam, quod in spiritu vini lateant adhuc partes heterogeneæ, tamen clarum est, quod prædominentur partes igneæ, quoad numerum, igitur etiam quoad actionem. Dein spiritus vini est corpus potentiâ calidum, adeoque frigus in illo prædominans fingi non potest, nec impedire activitatem ignis.

3. Vipera dicuntur longo tempore nutriri ab aëre, adeoque in earum substantiam vertitur aer per sui corruptionem; jam in hoc casu dici non potest, quod substantia viperarum lateat in aëre, alioquin etiam homines attrahendo aerem attraherent lethale venenum cum vipera.



4. Libra mercurii conversa est à Chymicis in libram aquæ; adeoque totus mercurius cum omnibus suis partibus transit in naturam aquæ; sed dici non potest, quod idem mercurius sine ulla mutatione suarum qualitatum tantoperè mutet naturam, aut quod tota aqua lateat in mercurio; alioquin mercurius defuisset antecederet esse durum librarum, nempe unius librarum ratione aquæ, & alterius librarum ratione mercurii.

5. Liquor menstruus, seu ut vocatur, ignis Heliomontianus, omnia convertit in aquam; nec potest dici, quod tota illa aqua lateat in vicino aëre, & partes corporis dissoluti abierint, quia nullus sentitur evaporatio, & partes pristinae per novam conversionem iterum in pristinam formam restitui possunt.

6. Kircherus & Boyleus libram v. g. aquæ converterunt in integram libram terræ; nec dici potest, id factum per segregationem partium terrestrium, quia implicat in eodem corpore simul prædominari partes terrestres & aquas.

7. Terra cedit in alimentum lupis & aliis etiam belluis, sed id fieri non posset sine mutatione substantiali.

8. Narratur de quodam Italo, qui tempore morbi intra sexaginta dies reddidit triginta sex libras puræ aquæ, neque hoc explicari potest per conversionem vaporum in aere volitantium; alioquin ille effectus deberet esse frequentior.

9. Prob. 5. Natura quandoque exigit mutationem substantialem elementorum; ergo datur. ant. prob. quandoque in innumetis circumstantiis datur talis complicatio ac combinatio minimarum partium, ut ordo ac proportio secundum leges naturæ servari non possit, quia aliqua partes aut inducant aliam figuram, aut motum; ergo eo ipso natura exigit in his circumstantiis immediate mutari naturam elementorum.

6. Prob. 6. Natura longè est perfectior, si possit etiam mutare naturam elementorum; ergo mutat, quia nulla est neganda perfectio, quæ congruit naturæ. ant. prob. si artifex immediate sine refectione partium posset introducere novam figuram in statuam, foret majoris potentia; ergo etiam natura.

7. Prob. 7. Mundus realis tam est conformis mundo intellectuali & id tali, quam potest esse conformis; sed in mundo intellectuali immediate concipitur mutatio elementorum sine combinatione partium; & hoc est possibile in mundo reali; ergo &c.

## Solvuntur Objectiones.

8. Obj. 1. Nulla est necessitas multiplicandi tot entia in transmutatione elementorum; ergo non datur. ant. prob. quia omnia possunt explicari sine transmutatione. & id quidem probatur ab inductione:

1. Aer nullo experimento ostenditur converti in aquam; ergo. prob. ant. quando aer convertitur in vapores, nihil aliud fit, quam collectio particularum aquearum; ergo. ant. prob. juxta Aristotelem 1. Metaph. c. 4, vapor nihil aliud est, quam aquæ disgregatio.

R. D. Euseb. Annot. Philosophia.

2. Si sumatur vas conicum vitreum, illique immittatur vel nix vel glacies aqua mixta, ita tamen, ut vas exponatur libero aeri in loco radiis solaribus vicinior; ne radii ferire possint ipsius vas conicum, sensibilibiter colligentur vapores aëris circa superficiem vitri. Nec etiam aliquando aërem in terram conversum esse, ullo experimento ostensum est; etiam si enim intra concava testæ aer circuletur, non tamen ostenditur terram propterea aliquid augmenti ab aere accipere. Quod aer non convertatur in ignem, probatur ex eo, quia alioquin ignis nunquam decellet pabulum, sed posset nutriri à vicinia aeris.

Probatur etiam de aqua, quod nullam subeat mutationem substantialem. Sic 1. si assumatur uncia aquæ, eaque ponatur in phiala vitrea duos pedes alta, tunc sub cineribus calidis aliquantulum quidem elevabitur versus partem superiorem phialæ, vapor tamen ille denuo recidet in formam aquæ. Similiter si aqua commisceatur cum terra tenuissima eam converti in terram, sed fieri latum. Quando ex aqua pluviali nascuntur salices aut alie arbores, non necesse est illud fieri præcisè per aquam, sed per particulas aquæ immixtas. Sic etiam vitriolum exutum suo spiritu aut oleo, recipiat partes dispersas, si exponatur aeri. & nitrum similiter recuperat partes dispersas ac crescit ex aere, ut patet ex maceris aut rudibus, ubi crescit nitrum.

Probatur denique circa terram & ignem, quod nullam subeant corruptionem. Sic enim Carthages Angliæ & Hollandiæ seu limus è terris illis effossus, quando assumitur loco lignorum, per ignem quidem deperdit partes sulphureas & volatiles, nunquam tamen secundum partes fixas convertitur in ignem.

Resp. neg. ant. Ad probationes dico: etiam si aliquando tantum fiat combinatio aut separatio partium, id tamen non posse fieri universaliter in omni effectu naturali: quomodo enim in aere laterent partes tam diversorum metallorum, quorum effluvia tam Sensibilia non sunt, quomodo etiam lateant partes tot plantarum, arborum, animalium, cum animalia & plantæ ex India ad nos delatæ etiam crescant ex aere nostro & nostris aquis?

Obj. 2. Potest dici: ignem dividi in minimas particulas, uti & reliqua elementa, ex quorum proin combinatione prodeunt tam diversi effectus. ant. suadetur multis experimentis, è quibus constat divisio & combinatio minimarum partium. Sic

1. Si Camphora dissolvatur in spiritu vini in notabili quantitate. Spiritus vini adeo manet pellucidus, ac si esset purissima aqua; ergo etiam in aliis corporibus possunt esse immixta elementa, quin sentiantur.

2. Ex centum libris sanguinis bubuli eliciuntur ad minimum sex librarum niri; ergo sicut in sanguine se nullo indicio prodit nitrum, ita etiam in mixtis non necessario se produnt elementa.

3. Ignis est corpus fluidum subtilissimarum partium, ita ut intra horæ quadrantem Patet Lanna observaverit avolare à candela 25000. particulas.

R r

4. Aqua



4. Aqua potest dividi in tenuissimas particulas: ergo etiam ignis, ant. colligitur desiccatione humidorum.

5. Corpora odorifera longissimo tempore quaquaversum emittunt sua effluvia; ergo necesse est latere minimas particulas.

6. Effectus, qui dependent ab Antiperistasi v. g. calor fontium in hyeme, non potest explicari, nisi dicatur particulas igneas contrahi in arctius spatium.

7. In calce viva, dum affunditur aqua, se produnt igniculi violenta tumultuatione & incallescuntia.

8. Calor, dum suum effectum extendit in distans, id non præstat sine igniculorum effluviis; dum enim vento flante calor tantum sentitur versus illam partem, in quam conspirant venti, signum est, quod calor sit aliquid corporeum, quod vento per motum localem transferri potest à loco in locum.

9. Si ex candela non emitterentur quaquaversum igniculi, non esset ratio, cur ex parte superiore sentiat calor intensior, quam versus latera, quia calor intra suam sphaeram deberet vi uniformi agere difformiter.

10. Ignis longè est intensior tempore hyemis, quam in æstate; nulla alia potest esse ratio, nisi quia igniculi per æstatem nimium disperguntur in vicino aere.

11. Stupa aut naphtha interdum accenditur in aliquali ad ignem distantia: ergo necessario ex igne versus stupam debent emitti aliqua corpuscula ignea.

12. Corpora calida refrigerantur per agitationem aut sufflationem, prout fit in agitatione recenter coctæ cerevisiæ, aut dum cibi calidi & offa agitantur cochleari. Si vero calor consisteret in accidenti, non verò in igniculis, nihil proficeret illa agitatio.

13. Aqua calida remota ab igne aliquamdiu retinet calorem; sed id fieri non posset, nisi in aqua daretur caloris principium, nempe igniculi.

14. Kircherus testatur, ova coqui posse, si in funda circumagantur in aere: ergo necessario in aere latent partes igneæ.

15. Multæ dantur particulae mixtorum, quæ non sentiuntur; ergo idem iudicium ferendum de particulis Elementorum ant. constat v. g. ex auro dissoluto in aqua regia aut veneno in aconito.

16. Si quis etiam libero oculo videre velit aliquot milliones igniculorum in aere volitantium; Pater de Lana jubet accendi spiritum vini mixtum cum therebinthina aut sulphure in aliquo hypocausto, ita tamen, ut bene obserentur omnes aditus & exitus: post aliquantum temporis, si cum face accensa introcas in hypocaustum obscurum, senties igniculos turmatim convolare ad facem accensam.

17. Sylvæ æthiopiarum accenduntur quandoque à ventis calidioribus; ergo necessario cum illis ventis ex aliis locis deferuntur igniculi.

18. In montibus Peruanis tanta observatur igniculorum copia, ut homines in illis montibus itinerantes toti quandoque videantur ignei.

19. In locis palustribus non raro observantur corpora lucida, quæ nihil aliud sunt, quam particulae igneæ à densiore aere collectæ: ergo cum ex tot experimentis constet partes Elementorum quoad sensus corruptas adhuc superesse, nulla est ratio sensuum testimonio concludere corruptibilitatem Elementorum.

*Resp.* Ad omnia hæc experimenta, partes Elementorum plerumque quidem corrumpi, sed quandoque ob defectum causæ destructivæ aut præsentiam causæ conservativæ non corrumpi; & hinc si in casu particulari non corrumpuntur, id non fundat præsumptionem contra corruptibilitatem Elementorum, eo quod præsumptio desumatur à communiter contingentibus & universali dispositione causarum Elementarium.

*Resp.* 2. In nullo horum casuum probari existentiam igniculorum; potest enim dici: in omnibus his casibus produci ignem ope accidentium; hinc quia remanent aliqua accidentia ignis in particulis, quæ prius fuerunt ignis, possunt etiam se ipsas reducere ad formam ignis accedente motu rapidissimo subtilis materiæ.

*Resp.* 3. Formam ignis & aliorum Elementorum ultimatò dependere à motu & figura partium tanquam prima dispositionum materialium; cum igitur effluvia quarundam partium ad motum illum Elementarem aptarum possint contineri in mixtis, poterunt etiam accedente motu producere formam ignis.

*Obj.* 3. Non potest assignari causa productiva, aut destructiva formarum Elementarium; ergo non corrumpuntur, ant. prob.

1. Dum terra per ignem convertitur in aquam, nullæ adsunt dispositiones ad formam aquæ; ergo, prob. ant. ignis introducit in terram interissimum calorem, qui est summè contrarius aquæ.

2. Quando è filice elicitur ignis, in filice nulla præcedit dispositio ad ignem, quia frigus & durities lapidis, uti & gravitas summè contrariantur igni.

3. Montanæ crystalli, axes rotarum, & molendinorum, ossa leonum, hederæ & laurus in America &c. ex mutua attritione concipiunt ignem. Similiter ferrum ex repetitis malleorum ictibus candescit; funes & trochleæ ultro accenduntur. Si in his omnibus nulli præexisterent igniculi, nulla posset assignari causa, cur præcisè ad dispositionem motuum, reliquis dispositionibus ad omnem formam indifferentibus produceretur ignis.

4. Phosphori quidam liquidi ex mutua confusione inflammantur; sed liquor humiditate suæ & frigore sensibili non est dispositio ad ignem. Idem fit in confusione aliorum liquorum acidorum cum alcalicis.

*Resp.* neg. ant. in omnibus his effectibus causa productiva ignis est motus partium rapidissimus; cum igitur accidentia possint producere substantiam, etiam hic motus partium poterit numerari inter causas formarum Elementarium.

*Obj.* 4.



14 *Obj. 4.* Dantur transmutationes mixtorum nullo sensibili accidente remanente, quin tamen fiat corruptio substantialis; ergo ex corruptione proprietatum sensibilibus non bona est illatio ad corruptionem formarum substantialium in Elementis. ant. prob. ab inductione. Sic;

1. Boyleus testatur, se ope salium Chymicorum mutasse aurum in crystallos, quin tamen forma auri fuerit corrupta.

De mercurio notum est, quod operatione chymica possit converti in liquorem, in pulverem, in vitrum, in crystallos, & tamen ab omnibus istis formis inter se diversissimis potest reduci ad pristinam formam mercurii.

2. Camphora admixto oleo vitrioli convertitur in rubicantem liquorem, facta autem agitatione & dilutione per aquam iterum præcipitatur, & induit pristinam formam.

15 *Resp. dist. ant.* Potest dari corruptio proprietatum sensibilibus aliquarum tantum c. ant. omnium, neg. ant. in adductis exemplis semper adhuc remanent aliquæ proprietates auri & mercurii v. g. gravitas. Dein ex hoc ipso, quod corpora ista redeant ad pristinam formam, colligitur radicem illarum proprietatum non esse corruptam, quod non fit in aliis exemplis in probatione adductis; in quibus non datur regressus ad pristinam formam.

16 *Obj. 5.* Fumus potest latere in immensa copia sub pice, quin ullum sui prodat indicium; ergo idem potest dici de Elementis.

2. Potest dici: quod ignis ob nimiam compressionem partium non possit exercere suam vim; ergo.

3. Potest dici: quod igniculi ita sint dispersi, ut semper intermediæ sint particule aliorum Elementorum, & ob hoc æquilibrantibus viribus sint in statu inertiae.

4. Potest dici: ad solvendos igniculos unicuique superesse medium, nempe præsentiam alterius ignis; sic enim etiam nives & glacies non solvuntur, nec exerunt suam vim, nisi solvantur radiis solaribus. Aurum solvitur tantum per aquam regiam; liquefactio vitri fit solo igne, & ingens sclopetorum vis dependet ab unico repagulo.

17 *Resp. neg. ant.* Ratio est, quia in adductis exemplis tanta sentitur igniculorum copia, ut non possint produci præcisè per disgregationem partium, sicut fumus. Dein si igniculi tantum essent compressi, cur impedirentur ab actione caloris, cum utique calor semper sit activus?

18 *Obj. 6.* Inter Elementa non probatur tanta inimicitia, ut se invicem omnino destruant; ergo. prob. ant.

1. Aqua, terra, & aer longo tempore possunt detineri in vitro sine mutua contrarietate & corruptione.

2. Potest dici: quod contrarietas Elementorum quoad proprietates tantum tendat ad attemperationem qualitatum ob bonum universi.

3. Ignis residuus in calcinatis corporibus probat eundem non esse contrarium terræ etiam purissimæ.

4. Phosphorus Bononiensis debet detineri sub R. D. *Enseb. Amore Philosophia.*

aquis ad hoc, ut conservet suos igniculos; ergo aqua non est tantoperè contraria igni.

5. Ne quidem integra maria extinguunt vel tenuescunt scintillas, quæ observantur ex motu remorum; ergo aqua non habet vim in minori quantitate extinguendi alium ignem.

19 *Resp. neg. ant.* ad prob. dico: alterationem Elementorum eo ipso tendere ad corruptionem Elementorum; quia alteratio est dispositio ad novam formam; quod verò aer, aqua, & terra aliquando se non destruant, id fit ob defectum alterationis; & hic defectus provenit à prima dispositione materiali, nempe motu & figura partium.

Phosphorus conservatur in aquis, non propterea quod igniculi indigeant aquis ad sui conservationem; sed quia aquæ impediunt transitum aeris externi, qui secum aveheret partes Phosphori. Idem fit in scintillis, si quæ dantur in mari.

10 *Obj. 7.* Potest dici, omnia corpora posse transmutari præcisè ex diversa combinatione partium vel triangularium, vel quadrarum, vel Poligonarum.

2. Potest dici: proprietates Elementares indigere ad sui activitatem motu materiæ tanquam dispositione; igitur ex defectu dispositionum possunt Elementa v. g. ignis manere sine omni activitate.

3. Potest dici: activitatem Elementorum, humiditatem & siccitatem dependere à subtili materia se immiscente Elementis; ergo.

21 *Resp. Ad 1. & 3.* In hac hypothesis nulla omnino admitti accidentia absoluta, nec activitatem in natura præter motum localem; & ideo jam sunt rejecta.

Ad 2. dico: Si accidentia dependent à motu partium in agendo, tunc etiam dependent in essendo; igitur motu cessante destruantur, & cum ipsis perit radix accidentium.

## QUÆSTIO II.

*An Elementa maneant formaliter in mixtis?*

1 *Q*Uæritur, an in quovis mixto v. g. ligno, planta &c. actu insit ignis, aer, aqua, terra, ita quidem, ut hæc Elementa non tantum lateant in potis, sed etiam diversa sui mixtione constituent ipsum compositum.

Multi tuentur, Elementa non quidem manere actu quoad proprietates sensibiles & in omni suo vigore, sed manere qualitatibus suis aliquantum corruptis, seu in statu refracto.

Alii volunt Elementa manere etiam sensibiliter quoad qualitates; licet ob exiguitatem minimarum partium à nobis non sentiantur.

Thomistæ verò communiter defendunt, omnia Elementa funditus corrumpi, & ex iis constari aliquam tertiam formam vel plantæ vel ligni &c. Verum huic opinioni alligantur præcisè ob univocitatem formarum substantialium in uno composito; nos, qui tuemur formas partiales, possumus



mus quidem admittere funditus corrumpi formas elementares, ita tamen, ut in uno eodemque mixto dentur diversissimæ formæ, quæ resultant ex corruptione Elementorum.

2 Dico 1. *Elementa non manent formaliter in mixtis ne quidem in statu refracto, seu Metaphysico, ut quidam volunt.* Prob. Concl. 1. autoritate Aristotelis, qui lib. 1. de generat. textu 84. dicit: *non manere Elementa in mixto, ut corpus & album; ergo cum corpus & album maneant actu, Elementa non manent actu.* Idem lib. 2. de generat. dicit: *quæ miscentur, corrumpunt ad invicem excellentias suas; ideo utrumque non est simpliciter actu.*

3 Prob. 2. Corruptuntur in mixtione accidentia Elementorum; ergo etiam ipsa Elementa. prob. conf. Si corruptuntur accidentia, tunc in primis non datur finis formæ substantialis; & ex altera parte necessario datur alia forma exigitiva oppositarum qualitatum; ergo, prob. ant. finis formæ substantialis est tantum operari ad intrinsecas qualitates immanentes; ergo.

4 Prob. 3. Si Elementa manerent formaliter, tunc mixtum non esset totum per se: Hoc est falsum; ergo. prob. M. Elementa non intrinsecè ordinantur ex sua natura ad constituendum hoc mixtum; neque etiam forma mixti ex sua natura exigeret formas Elementares cum suis proprietatibus; ergo.

5 Prob. 3. Si formæ Elementares manerent actu, tunc nullum mixtum foret homogeneum: Sed hoc est falsum; ergo. M. prob. quia in una parte mixti esset forma ignis, & non forma aeris; in altera parte esset forma aeris, & non ignis. m. etiam prob. juxta Aristotelem mixtum est, cujus quilibet pars est mixta. lib. 1. de generat. cap. ultimo.

6 Prob. 5. Si Elementa manerent formaliter, tunc quodlibet animal nihil aliud esset, quam ipsum Elementum quo vescitur: Hoc est absurdum; ergo. sic enim piscis nihil esset nisi aqua, aut certe in pisce deberet dari plurimum ignis & aeris, cujus nullum est indicium.

7 Prob. 6. Si Elementa manerent formaliter, tunc semper essent in statu violento: Hoc non potest dici; ergo. M. patet, quia ignis v. g. in pisce non posset exerere suam vim. m. prob. mixta naturalia quoad omnes partes sunt effectus naturæ; ergo quoad omnes partes sunt ex sua natura apta constituere hoc totum.

8 Prob. 7. Si Elementa manerent formaliter, tunc quodvis mixtum destrueretur à se ipso ob contrarietatem suarum partium: Hoc est absurdum; ergo. m. prob. forma mixti intrinsecè exigit partes aptas ad sui conservationem; ergo.

9 Prob. 8. Elementa sunt absolute generabilia & corruptibilia, & forma mixti exigit partes ac proprietates diversas à proprietatibus Elementorum; ergo corrumpuntur; quia nihil in natura exigit conservationem formarum Elementarium, dum sunt in mixto.

10 Dico 2. *In mixtis dantur formæ partiales distinctæ à formâ mixti, & in has transformantur formæ Elementares, dum corrumpuntur.*

Prob. Concl. 1. Autoritate Aristotelis, qui dicit lib. 1. generat. textu 48. *quæ miscentur, cor-*

*rumpunt ad invicem excellentias; ideo utrumque non est simpliciter actu, sed fit quid medium; ergo Elementa mutantur in naturam mediam inter naturam Elementi & mixti.*

Prob. 2. Ab experientia: In mixtis reperiuntur innumeræ partes, quæ nec simpliciter sunt aqua, nec terra, nec aer &c. ergo dantur tales formæ partiales. prob. ant. è principiis Chymicis v. g. sale, sulphure, mercurio, quæ, licet infinitam habeant diversitatem quoad accidentia & effectus, tamen revera sunt pars mixtorum.

## Solvuntur Objectiones.

Obj. 1. Contra 1. Concl. autoritas Aristotelis, 12 qui lib. 1. de generat. textu 84. dicit: *Elementa non manent ut corpus & album, sed neque corrumpuntur, salvatorem enim virtus eorum.*

2. Aristoteles comparat Elementa materie primæ; sed hæc utique actu & formaliter inest composito.

3. Aristoteles definit Elementum, quod sit id, ex quo inexistente aliquid fit; ergo actu inest.

4. Lib. 2. Phys. dicit: causam materialem mixtorum esse Elementa eo modo, quo æstatuatur; sed æs statuatur actu & formaliter inest.

5. Lib. 1. de gen. textu 84. dicit: in dissolutione mixtorum separari Elementa.

6. Loc. cit. textu 83. dicit: oportet, ut sit separabile cum existentia in mixto utrumque Elementum.

7. Aristoteles lib. 1. de gen. c. 20. definit mixtionem, quod sit miscibilium alteratorum unio; ergo Elementa tantum alterantur, & eo ipso quod uniantur, actu existunt; quia corpus & anima corrupta uniri non possunt.

8. Loc. cit. textu 82. dicit: quod uno corrupto vel utroque Elemento mixtio esse non possit.

9. Lib. 2. de Anima textu 29. probat. dari animam, ut Elementa contineri possint; ergo necessario actu dantur.

10. Lib. 3. Phys. textu 45. Aristoteles probat dari quatuor Elementa, quia mixta in totidem Elementa resolvuntur.

Resp. Ad 1. dist. ant. Elementa latè accepta non 13 corrumpuntur tr. ant. stricte accepta, neg. ant. Elementa latè accepta vocantur omnes partes constitutivæ totius alicujus mixti, quæ aliquam habent similitudinem ad quatuor Elementa vulgaria. Verum autem est, quod in omni mixto dentur aliquæ partes, quæ habent similitudinem cum terra, aqua, aere, vel igne.

Ad 2. 3. 8. 4. & 9. idem respondeo.

Ad 5. 6. & 10. dist. ant. Separantur è mixtis Elementa separatione Physica c. ant. separatione Mechanica, neg. ant. Separatio Physica fit per novam productionem rei. conservando tamen aliquas proprietates sensibiles prioris rei; separatio Mechanica fit per novam tantum locationem rei. Vel dist. ant. sic: separantur è mixtis Elementa sic dicta per anticipationem c. ant. formaliter talia neg. ant. quando dicimus, in agro florere triticum, haud dubie loquimur per anticipationem, quia triticum, dum est in flore, formaliter nondum est; sed est



sed est in agro materia proximè disposita ad formam tritici recipiendam. Sic etiam, quando dicuntur è mixtis separari Elementa, sensus tantum est, quod separantur ex partibus, quæ proximè convertentur in terram, aquam, vel aerem.

Ad 7. dist. ant. Mixtio est unio Elementorum alteratorum abstrahendo à corruptione. c. ant. excludendo corruptionem. neg. ant. quando Aristoteles tradit definitionem mixtionis, nondum voluit definire an revera corrumpantur vel non; id enim poterat esse controversum; & de hoc postea ex instituto acturus erat. Posuit ergo in definitione, quod certum erat; nempe quod alterentur; utrum tantum alterentur, nondum dixit.

14 Obj. 2. Cont. eandem. Si Elementa non manent formaliter, tunc si vino successivè affundatur integrum mare, debet converti in vinum: Hoc est falsum; ergo. M. prob. affusa primaguttula vinum eam convertet in sui substantiam; idem faciet de secunda, & millesima &c.

2. In dissolutione mixtorum non posset ostendi causa productiva Elementorum, v. g. dum ex accensoligno educitur vapor instar aeris, humiditas instar aquæ, cineres instar terræ: Sed; ergo.

3. In dissolutione mixtorum naturalium conspicitur eadem Analysis, quæ reperitur in dissolutione mixtorum artificialium; ergo sicut in his partes resolubiles latent actu, ita in illis. ant. prob. ex variis resolutionibus v. g. ligni, sanguinis humani, vitrioli, ex quibus omnibus videntur elici aer, aqua, & terra, sicut in dissolutione metallorum mixtorum eliciuntur metalla homogenea,

4. In priori quæstione multis experimentis ostensum est, igniculos actu latere in mixtis; ergo.

15 Resp. neg. M. ad prob. dist. ant. primaguttula convertetur in vinum sub aliis tamen formis partialibus. c. ant. cum iisdem. neg. ant. in omni enim mutatione substantiali intercedit actio & passio; sicut igitur vinum destruit proprietates aquæ, ita aqua vicissim destruit aliquas proprietates vini. Exinde prodit vinum speciei diversum à priori vino, quia recepit alias formas parciales, quæ semper continuata affusione pergunt propius accedere ad naturam aquæ, donec omnino extinguatur forma vini, & deminetur forma aquæ.

16 Si dicas: Destructa primaguttula vinum se posse reducere ad pristinum statum; sicut aqua calefacta se iterum restituit ad pristinum frigus; ergo acquisito pristino vigore poterit denuo affundi nova guttula & sic in infinitum.

Resp. dist. ant. Vinum poterit se restituere ad statum pristinum posita priori dispositione materiæ & formis partialibus iisdem c. ant. his non positis. neg. ant. diximus nullum accidens produci sine aliqua dispositione materiæ, nempe motu & figura. adeoque sine hac dispositione nulla causa poterit producere accidentia ad intrinsecum, neque se ipsam ad priorem collectionem accidentium reducere. Cum igitur particulis aquæ inhæreant priores dispositiones materiæ, ideo retinent etiam proprietates aquæ saltem aliquas, & hoc ipsum est ratio, cur Ari-

stoteles partes mixti simpliciter nominet Elementa.

Ad 2. neg. ant. Causa productiva Elementorum, si quæ in resolutione producuntur, sunt accidentia & dispositiones materiæ; v. g. pars aquæ, quæ in mixto retinuit priorem dispositionem materiæ, in resolutione vi illius dispositionis iterum induit formam aquæ.

Ad 3. neg. ant. ratio est, quia forma mixtorum exigit alterationem Elementorum; adeoque corruptionem, non item hoc exigit forma artificialis. Dein verum non est, quod in resolutionibus mixtorum eliciantur Elementa strictè dicta, quia illi spiritus, qui producuntur per operationes Chymicas, habent proprietates diversissimas à proprietatibus Elementorum. Neque etiam dici potest, ex omnibus mixtis elici Elementa, v. g. ex auro nec aer, nec aqua, nec ignis elicitur.

Ad 4. neg. ant. vel si in aliquo casu laterent igniculi, si laterent in poris mixtorum, nec essent pars mixtorum.

## QUÆSTIO III.

*An Elementa gravitent in locis propriis?*

**L**ocus proprius Elementorum vocatur, dum sunt in sua regione, aqua in mari, aer in libero aere, & terra, dum est in terra. Quod Elementa gravitent, dum sunt extra suam regionem, v. g. dum lapis est in aere, aut aqua, patet ab experientia; an vero idem lapis adhuc habeat conatum tendendi deorsum, & actualem pressionem versùs centrum, etiam si nullum reperiat corpus infra se levius, modo quæritur.

Dico: *Elementa non gravitant in locis propriis?*

Prob. Concl. Si gravitarent in loco proprio, tunc perpetuo essent in statu violento; hoc non potest dici; ergo. M. patet, quia semper detinerentur extra suum centrum contra naturalem inclinationem. m. prob. quamdiu nulla datur necessitas detinendi corpus in statu violento, tamdiu natura non præsumitur illud detinere in statu violento; Sed nulla datur; ergo.

Prob. 2. Elementa aliquando sunt in loco proprio, & tunc nec moventur à vi extrinseca, nec à vi intrinseca versùs centrum; ergo non gravitant; ant. prob. datur aliquis locus, ad quem à primo ordinante naturaliter ordinantur Elementa; ergo sunt in loco proprio.

Prob. 3. Finis Elementorum est tantum conglobari circa centrum; ergo quiescunt in hoc fine. ant. prob. primus ordinans non tenetur Elementa ordinare ad alium finem; ergo.

Prob. 4. Si Elementa semper tenderent ad centrum, tunc Deus ordinaret Elementa ad finem impossibilem: Hoc est falsum; ergo. M. patet, quia impossibile est, ut omnia Elementa confluant ad centrum. m. prob. omnis ordinatio



naturæ est efficax efficiâ effectûs, quia est actio Omnipotentis.

Prob. 5. Gravitatio Elementorum est superflua in loco proprio; ergo non datur. ant. prob. Elementa possunt quiescere, nec tenentur tendere ad quietem impossibilem; ergo.

7 Prob. 6. Corpus æquale in gravitate specifica cum aqua non descendit in aquis; ergo nec ipsa aqua, cum semper sit sui similis, non descendit ad centrum in seipsa. ant. prob. v. g. si lignum aut etiam lamina plumbea in eadem gravitate, quam habet subjectum pondus aquæ, innatat aquis, non submergitur.

8 Prob. 7. Si aqua gravitaret in loco proprio, tunc plumbum immisum aquis deberet magis gravitare in aqua, quam in aere; Hoc non fit; ergo. *m.* patet ab experientia; si frustum plumbi appensum filo æquibretur aliquando in libero aere, aliquando verò tum est in aquis, ita tamen, ut contrapondium sit extra aquam. *M.* prob. pondus acquireret ab aquis viribus conjunctis majorem impetum versùs centrum; ergo.

9 Prob. 8. Si ponatur vas sphericum v. g. æreum in libero aere repletum aere, idem ponderat, ac si idem vas immergatur aquæ ac repleatur aquis: Sed hoc fieri non posset, si aqua gravitaret in loco proprio; ergo. *m.* prob. aqua, quæ replet vas sphericum, utique majoris esset ponderis, quam aer replens illud vas in aperto aere; ergo.

10 Prob. 9. Situla aquâ plena, quamdiu est sub aquis, facillimè attrahitur, nec præbet sensum sui ponderis, nisi dum primò effertur in aerem; ergo aqua, quamdiu est intra regionem aquæ, nullam habet gravitatem.

11 Si dicas: Situlam detineri à subjectis aquis ac veluti elevari à pondere aquarum infra situlam se intrudentium, idemque fieri in pluribus exemplis:

*Resp.* Ex hoc tantum sequi, quòd Elementa habeant vim se conglobandi circa centrum, non verò gravitandi: ex vi autem se conglobandi tantum sequitur vis elevandi corpora per suffusio-nem, quæ sunt in eadem mole leviora.

12 Prob. 10. Herbæ nascuntur sub aquis verticaliter: hoc autem fieri non posset, si aquæ perpetuò gravitarent tanto pondere in subjecta corpora leviora.

13 Prob. 11. Boylius & alii sumpserunt vas cylindricum, cujus interior diameter sit 62. partium; huic cylindro immittatur orbis ligneus, cujus diameter sit 61. partium. Jam si orbis ligneus bacillo detineatur in fundo, & postmodum infusâ aquâ cesset pressio bacilli, orbis ligneus emerget ad aquæ superficiem. Si verò aqua gravitaret in subjectum orbem ligneum, impossibile foret hunc orbem aliquando emergere ex aquis; quia longè majori pondere aquarum urgeretur versùs centrum, quam elevaretur sursum.

14 Prob. 12. Urinatores sub aquis non sentiunt pondus aquarum; neque urgentur ab aquis versùs fundum; at si aquæ gravitarent in loco proprio, utique magis sentirent pressionem columnæ aquæ, directè impendentis, quam pressionem aquarum versùs latera tantum indirectè agentium.

## Solvuntur Objectiones.

*Obj. 1.* Uter inflatus vel vesica plus ponderat 17 quam vacuus; ergo aer inclusus habet aliquid ponderis.

2. Vesicæ deportatæ in altiores montes notabiliter expanduntur; sed hujus ratio alia non est, nisi quia gravitatio aeris in montibus est minor & ob hoc cessante pressione extrinseca liberius expanditur aer in vesica contentus.

3. Mercurius suspenditur in tubo præcisè ob gravitatem externi aeris; & si loco mercurii in subjecto vase ponatur aqua, tunc totus mercurius decidet in subjectum vas, & loco mercurii ascendit in tubum aqua; ergo aer externus habet actuale conatum premendi subjecta corpora.

4. In syphone recurvo aqua æquilibratur, & si ex altera parte officio apprimatur digitus, aer externus non permittet delabi pondus suspensæ aquæ.

*Resp.* ad 1. Vesicam inflatam plus ponderare, 16 quia in ea aer est compressus, adeoque densior; ideo petit locum inferiorem. vel potest dici: quòd partes terrestres in aere contentæ addant aliquid ponderis aeri, vel potest dici, quòd aer inclusus non sit in regione propria.

Ad 2. dico: Expansionem vesicæ non fieri ob defectum pressionis extrinsecæ provenientis à gravitate aeris; sed quia aer in regione superiori ex sua natura exigit rarefieri ob affluxum copiosioris autæ æthereæ & subtilis aeris se intrudentis in vesicam.

Ad 3. dico: Si mercurius suspenditur à gravitate aeris, in tali casu aer non gravitat in aerem, sed in mercurium; & licet aer non gravitat in loco proprio, sed nititur se restituere in spatium ab aere derelictum. nego proin, aerem esse in suo loco connaturali, quando mercurius suspenditur.

Ad 4. Idem respondeo; gravitat enim aer in aquam se prementem, & eidem resistit, ne à loco suo connaturali exturbetur.

*Obj. 2.* Aqua gravitat in loco proprio; ergo 17 etiam Elementa. prob. ant. ampulla vitrea sub aquis reclusa plus ponderat, quam in libero aere.

2. Si in tubo aliquantum longiore fiant aperturæ secundum diversum gradum altitudinis, tunc infusâ aquâ majori impetu erumpet quoad aperturas inferiores, quam superiores; sed hujus ratio alia non est, quam quòd partes aquæ superiores actualiter premant inferiores.

3. Aqua nescit, an infra se sit corpus levius vel gravius; ergo semper gravitat.

4. Gravitās aquæ non destruitur per hoc, quòd illa aqua projiciatur in flumen vel mare; ergo aqua adhuc gravitat in mari.

5. Non potest reddi ratio, cur aquæ ubique servant æquilibrium in toto mundo, nisi una pars gravitet in alteram; ergo.

*Resp.* Ad 1. Vel neg. ant. vel si id verum est, am- 18 pulla vitrea aliquantulum plus ponderat, quia aqua in ampulla contenta non est in loco proprio.

Ad 2. dico: Id fieri, quia partes aquæ inferiores actione communi fortius agunt ad se conglobandum circa centrum, non autem



## QUÆSTIO IV.

## An aer sit calidus?

ex eo, quia partes inferiores premuntur à superioribus.

Ad 3. neg. conf. quia opus naturæ est opus intelligentiæ, adeoque relationes reales perpetuæ harmoniæ determinant effectus juxta exemplar Divinæ Sapientiæ.

Ad 4. neg. ant. quia gravitas in loco proprio non habet finem.

Ad 5. dico: Id fieri ob æqualem vim se conglobandi circa centrum commune; quæ vis non est vis gravitatis, quæ directe tendit ad centrum, adeoque etiam si aquæ agant invicem quoad æquilibrium, non tamen sequitur, quod illa actio sit actio gravitatis.

19 *Obj.* 3. Urinatores sentiunt gravitatem aquæ: ergo gravitat. prob. ant. urinatores, si apponant corpori cucurbitulas, sentiunt eas tanta vi apprimi corpori, etiam si tantum descenderint octo aut decem passus, ut dolorem exinde non possint ferre, isdem sæpius ex auribus & naribus exprimitur sanguis.

2. Potest dici: quod effectus in probationibus adducti præcisè proveniant ab æquilibrio aquarum secundum altitudinem gravitantium.

3. Ampullæ vitreæ clausæ aliquando franguntur, si detineantur ab aquis; ergo aqua in illas gravitat.

4. Experimentum de orbe ligneo etiam deberet solvi in nostra hypothesi, quia aquæ incumbentes orbi ligneo etiam in nostra hypothesi deberent gravitare in illum orbem, vel quia non sunt in loco proprio, vel quia sub se habent corpus levius.

20 *Resp.* Ad 1. neg. ant. ad prob. dico: id fieri ob vim aeris aquam prementis se conglobandi, adeoque elevandi aerem rarefactum intra cucurbitulas contentum, quæ cum non sint pars corporis humani nec ab eo habeant vim resistendi aeri, causant dolorem; quod verò illa cucurbitularum appressio à gravitate aquæ provenire non possit, manifestum est, quia aquæ gravitant secundum altitudinem; cum igitur aqua ad octo aut decem passus tanti ponderis non sit, ut possit tanta vi agere, querenda erit alia causa.

Ad 2. neg. ant. quia æquilibrium aquarum secundum altitudinem gravitantium non posset elevare situlam 50. v. g. librarum, quando illa situla vix aquam supra se habet ad unum aut alterum pedem, adeoque vis non est versus centrum, sed lateralis se conglobandi circa centrum.

Ad 3. dico: Si id verum est, provenire à raritate aeris in ampulla contenti, neque enim pondus aquarum æqualiter ubique prementium tantarum esset virium, ut frangeret ampullam; aer autem rarior fit ob calorem sub aqua latentem.

Ad 4. dico: Aquam agere in orbem ligneum actione communi totius, non actione particulari singularum partium, quia proportionales, in quibus fundatur tota gravitatis actio, non reperiuntur in singulis partibus, sed in tota massa.

**D**ico: Aer ex sua natura est frigidus? Prob. 21

Concl. aer, quandocunque relinquitur suæ propriæ naturæ, imprimit sensum frigoris; ergo, ant. prob. 1. aer in altissimis montibus, ubi est extra actionem radiorum solarium à terra se reflectentium, sentitur esse frigidus; ita, ut in Tauro monte, Atlante in Africa &c. Dicantur esse perpetuæ nives, aut certè venti spirant tam frigidi, ut tolerari non possint.

2. Aer nocte relinquitur suæ propriæ naturæ: sed tunc est frigidus.

3. In Septentrione, ubi est idem aer quoad naturam specificam cum nostro, relinquitur, sibi ipsi, quia removetur à radiis solaribus, & tamen ibi est frigidus.

4. In Provinciis Æquatori subjectis v. g. in Africa noctes sunt frigidissimæ; sed si aer esset calidus, nullibi magis, quam ibi, dum nocte sibi relinquitur, deberet esse calidus.

Prob. 2. Si aer non esset frigidus ex sua natura 22 tunc illius frigus proveniret ab exhalationibus terrestribus & marinis. Hoc non potest dici; ergo, m. prob. 1. Exhalationes non sunt in tanta copia, ut possint replere totam Atmosphæram aeris usque ad superiorem regionem.

2. Exhalationes, quæ à terra aut mari sunt, plerumque sunt potentia calidæ; quia consistunt in partibus magis actuosis.

3. In Hybla, monte ignivomo fiunt exhalationes potissimum igneæ, & tamen Hybla perpetuis tegitur nivibus, & frigus ibi est sævissimum.

4. In æstate exhalationes sunt copiosiores. & tamen frigus propterea non est intensum.

5. Si frigus proveniret ab exhalationibus tunc aer terræ vicinior deberet etiam esse frigidior, quia plures propè terram dantur exhalationes; at hoc non fit, quia in vallibus plerumque intensior est calor, & citius solvuntur nives.

6. In ipsis aquis frigus est tolerabilior, quam in jugis montium; ergo exhalationes aquarum non sunt causa illius frigoris.

Prob. 3. Aer servit ad temperandum æstum. 23 dum flabello impellitur in faciem; ergo continet frigus, & quidem si condensatus habet plus frigoris necessariò ex additione aeris ad aerem nascitur illud frigus, adeoque simpliciter non est calidus.

## Solvuntur Objectiones.

*Obj.* 1. Aristoteles & Peripatetici ponunt aerem 24 esse calidum in excellenti; ergo licet.

2. Si aer non esset calidus in excellenti, tunc nulli Elemento competeret talis calor; Hoc est falsum; ergo, m. prob. calor tanquam potissimum instrumentum naturæ, debet connaturaliter habere aliquod principium non solum in summo gradu, sed etiam in excellenti.

3. Calor



3. Calor est prima dispositio ad aerem, & optime convenit cum proprietatibus aeris; ergo etiam ipse aer est calidus, prob. ant. per calorem aqua mutatur in aerem, dum per rarefactionem à dimensionibus aquae transit ad dimensiones aeris: similiter aer est levis & rarus, quæ proprietates plerumque concomitantur calorem.

25. *Resp.* ad 1. dist. ant. Dicunt aerem esse calidum potentia c. ant. actus neg. ant. voluit tantum, quod aer præ reliquis elementis sit aptior ad concipiendum calorem extrinsecum vel Solis vel ignis; citius enim calebit aer, quam aqua.

Ad 2. dist. M. Nullo elemento conveniret calor in excellenti quoad actum c. M. quoad potentiam neg. M. responsio patet ex dictis.

Ad 3. c. ant. dist. conf. ergo est calidus potentia c. conf. actu, neg. conf. proprietates aeris tantum habent affinitatem cum calore, utrum autem ille calor debeat esse intrinsecus vel extrinsecus, aeri perinde est. Dein nec levitas, nec raritas essentialiter convertitur cum calore, quia; ut ostensum est, etiam frigus rarefacit corpora; quod verò in corporibus terrestribus calor inducat raritatem, id tantum fit ob separationem partium, ad eoque calor tantum est causa per accidens rarefactionis.

26. *Obj.* 2. Ea, quæ nascuntur in aere, sunt calidi temperamentis, ut aves, ergo etiam ipse aer est calidus, prob. con. juxta Aristotelem quodlibet trahit naturam ab elemento, in quo nascitur.

2. Aer est plenus exhalationibus & vaporibus; ergo potest ab his provenire frigus aeris, ant. prob. sic enim vitriolum orbatum oleo & spiritu eundem recuperat, si exponatur aeri, prob. ant.

2. Terra nitrosa extra omni nitro illud ipsum recuperat ex vicinia aeris.

3. Novacula de chalybe Damasceno non acquirunt vim, nisi aliquanto tempore exponantur aeri, ut testatur Boyleus.

4. Constat varia dari effluvia corporum, & utrum aerem dependenter ab his effluviis esse salubriorem; ergo.

27. *Resp.* ad 1. neg. ant. neque enim potest demonstrari, quod aves sint temperamentis actu calidi; deinde etiam in locis Septentrionalibus dantur animalia reliquis calidiora, quin illum calorem habeant à calore sui aeris.

Ad 2. dist. ant. Aer plenus est exhalationibus, ita tamen, ut illæ non sufficiant ad producendum frigus. c. ant. secus. neg. ant. ratio responsionis petitur ex probatione; ex quo patet responsio ad 3. & 4.

## QUÆSTIO V.

### An aer sit Levis?

1. **L**evitas est vis recedendi à centro terræ; alia est absoluta; alia respectiva.

*Absolutam* vocant, vi cuius corpus sine ullo respectu ad aliud nititur occupare locum à centro remotiorem.

*Respectivam* vocant, vi cuius corpus quidem nititur tendere ad centrum terræ, sed tamen ob corpora graviora in medio intercedentia cogitur occupare locum altiore; v. g. globum est corpus grave, sed tamen habet levitatem respectivam ad aquam; similiter lignum est quidem corpus grave, sed ab aqua, cui immittitur, elevatur sursum.

Dico: *Aer est simpliciter levis, sed tamen respectu gravi.* Sensus est: quod aer in moderno systemate corporum simpliciter exigit conglobari circa terram in loco remotiore, quam aqua & terra, qui locus est nobis superior; sed si inveniat corpus se rariius, nititur illud elevare supra se eà vi, quæ est proportionalis gravitati corporum, desumptæ ex densitate materiae, & actione communi utriusque corporis.

Prob. Cont. 1. ab auctoritate Aristotelis, qui Lib. 4. de Cælis textu 24. dicit: in sua regione omnia gravitatem habent præter ignem, etiam aer; signum huius est, quia plus trahit uterque materiam, quam vacuum. 2. Idem loc. cit. text. 28. dicit: aer & aqua & levitatem & gravitatem habent. & text. 39. si subtrahatur terra, fertur, quod deinceps est deorsum, aer in regione utraque aqua autem in eam, in qua est terra; ergo ex mente Aristotelis aer habet aliquam gravitatem, licet ipso attestante simpliciter sit levis.

Prob. 2. Aer ex sua natura fertur ad illum locum, ad quem à primo ordinante aptus est ordinari; ergo aer respectu corporis rarioris fertur deorsum, & respectu corporis densioris feretur sursum, hoc est, erit simul gravis & levis.

Prob. 3. Ille locus, ad quem aer ex sua natura fertur simpliciter respectu nobis est sursum; ergo simpliciter respectu nobis tendendo in sursum erit levis, etiam si respectu superiorum corporum rariorum tendat deorsum.

## Solvuntur Objectiones.

*Obj.* 1. Aer simpliciter est gravis; ergo prob. ant. uter inflatus plus trahit, & globus exhaustus est levior si ponderetur; ergo aer est gravis, prob. con. quando globus exhaustus, tunc inest minus aeris, adeoque deberet etiam minus levitas; econtra in utre inflato ob condensationem aeris inest plus aeris, adeoque ob additionem levitatis ad levitatem deberet esse levior.

2. Aer tendit deorsum, etiam usque ad centrum terræ, si profundius excaventur terræ; ergo non tendit ad suum locum seu regionem aeris, sed ad centrum terræ.

3. Si aer non esset gravis, tunc ideo, quia tendit sursum; hæc ratio nihil probat; ergo, m. prob. etiam in statera pondus tendit sursum, si in lance opposita imponatur majus pondus. Similiter lignum ex aqua emergit sursum, quia ab aqua attollitur, sicut si lignum gravius attollat aquam. Denique Florentini construxerunt cylindrum, cujus basi affixerunt laminam æream perfectè



perfectè politam; base hac perfectè conjunctâ cum fundo alicujus vasis, cylinder ligneus non attollitur, etiamsi vasi infundatur mercurius; ratio est, quia mercurius ob basis planitiem nequit se insinuare, ut attollat cylindrum ligneum; ergo clarum est lignum non suâ spontè ferri sursum.

6 *Resp.* Ad 1. neg. ant. ad prob. nego, quòd ex additione aeris ad aerem debeat nasci major levitas, quia ex additione graduum homogeneorum juxta nos non fit intensio; dico proin, globum exhaustum esse leviozem, quia aer rarior petit locum sibi proprium, nempe regionem superiorem aeris; contrarium exigit aer condensatus in utre, qui ex inflatione necessariò fit crassior.

Ad 2. c. ant. neg. conf. quia locus proprius aeris est ubique, ubi non est terra; ob proportionem enim densitatis cum aqua & terra exigit iisdem succedere in locum, & conjungi in vicinia ob vim se conglobandi circa centrum.

Ad 3. tr. M. neg. m. ad prob. c. ant. neg. conf. hæc enim experimenta tantùm probant aliquid attolli sursum per motum violentum, quin sit leve ex sua natura. At supponendum non est, aerem esse in perpetuo statu violento. Experimentum Florentinorum tantùm probat, cylindrum ligneum ob basis planitiem non posse attolli sursum ob metum vacui in eo sensus, quem explicavimus, nempe in omni occasione vacui partes minimæ deberent ex pressione mutare suam figuram, ac distendi, ne detur in natura vacuum.

7 *Obj.* 2. Si aer esset levis, tunc deberet illius motus esse celerior in fine versùs superiora: At hoc non fit; ergo. m. prob. si in tubo vitreo includatur oleum, aut aqua, & in superiore parte relinquitur aliquantum aeris, inverso tubo senties ascendere bullam æream, ita tamen, ut in fine motus illius sit tardior.

2. In Exhausto manifestè sentitur multis indicis actualis gravitatio aeris; sic enim 1. operculum difficillimè remouetur præcisè ob vim exterioris aeris prementis in illud operculum. 2. Si in Exhausto ponatur materia combustibilis, quæ postmodum vitro caustico accendatur, fumus non ascendet sursum, præcisè ob defectum aeris sua gravitate non attollentis fumum. 3. Si è vase inæqualium laterum extrahatur aer, vas dissiliet in mille frusta, nec occurrit alia causa, nisi pressio externi aeris, quam vas ob inæqualitatem laterum ferre non potest; hinc si vas sit sphericum non diffringitur. 4. Vesica in Exhausto expanditur, & attollit pondera sibi incumbentia, nempe ob cessantem pressionem aeris.

3. In tubo Torricelliano mercurius suspenditur à gravitate externi aeris, ut ostensum est de metu vacui; ergo.

8 *Resp.* Ad 1. motum esse tardiozem in fine per accidens, quia nempe aer gravatur particulis olei aut aquæ, quas in ascensu suum avehit.

R. D. Enseb. Amort Philosophia.

Ad 2. neg. ant. difficultas, quæ reperitur in remotione operculi, præcisè provenit à vi se conglobandi & elevandi corpora leviora; & hoc patet ex eo, quia si operculum sit à latere, e. i. eadem pressio, ut perfringat illud. Ad prob. 2. *Resp.* fumus in Exhausto ideo non ascendit, quia non miscetur particulis aeris fumum sursum deferentibus; vel quia non datur corpus æreum respectivè grave. ad prob. 3. Vas inæqualium superficialium frangitur à vi conglobandi & elevandi omnia leviora. ad prob. 4. Vesica verò expanditur ab elasticitate aeris interni, quæ se exerit, dum in altiori loco intruditur aura ætherea.

Ad 3. dist. ant. Mercurius suspenditur à gravitate aeris proveniente à vi se conglobandi: con. ant. à conatu tendendi ad centrum neg. ant. aer præcisè nititur elevare supra se auram ætheream in parte superiore tubi superstitem; & quia immediatè in illam non potest agere, agit in mercurium.

*Obj.* 3. Aer simpliciter est levis & nullo modo 9 gravis: ergo non est vera conclusio. prob. ant. vapor, qui est gravior aere, ascendit sursum: ergo non tollitur sursum ab ipso aere, adeoque aer est levis.

2. Aer in tubo vitreo inclusus simul cum aqua aut oleo ascendit conicè; ergo ipse aer potius agit in aquam aut oleum per modum cunei, quàm aqua aut oleum agendo in aerem, eumque sursum tollendo.

3. Si in tubo vitreo simul includatur aqua, oleum, & aer, citius ascendet aer quàm oleum: ergo ascensus ille non provenit à gravitate aquæ tollentis oleum aut aerem, sed à nativa levitate.

4. Motus aeris in fine in tubo vitreo prædicto est celerior; ergo.

5. Si in aliquo vase cylindrico lignum detineatur in fundo, & postmodum affusa aqua cesset pressio in lignum, simulque in fundo permittatur effluere aqua, adhuc tamen lignum feretur sursum; ergo motus ligni non provenit à pressione aquæ, sed à nativa levitate respectiva aquarum.

*Resp.* Ad 1. dist. ant. vapor est gravior aere ex 10 suo genere. c. ant. in individuo. neg. ant. sensus est: quòd æqualis moles vaporis sit gravior, quàm consimilis moles aeris; sicut æquale pondus in auro, & argento ex suo genere arguit majus pondus in auro, quàm argento; econtrà si sumatur major moles argenti, quàm auri, tunc aurum erit levius argento; & hoc est esse levius in individuo. Idem fit in vapore, in quo includitur longe plus aeris, quàm vaporis. Hinc si aliquando posset ex globis vitreis tenuitatis ac densitatis minimæ educi aer, posset fieri, ut aer subulior inibi inclusus simul secum avehat versùs superiora globos vitreos.

Ad 2. 3. 4. & 5. Exindè solum probari aerem esse levem simpliciter, non tamen probari eundem nullo modo esse gravem.



## QUÆSTIO VI.

*An aer sit Elasticus?*

**D**ico. 1. *Aerem esse elasticum.* Id probatur variis experimentis.

1. E sclopeto pneumatico; in hoc enim aer per compressionem condensatus, si iterum relinquitur pristinae libertati, tanta vi erumpit, ut excutiat globum eadem vi, quâ solet agere sclopetum oneratum pulvere pyrio.

2. Ex æolipilis seu globis concavis apud aurifabros usitatis, si hi globi aliquanto tempore detineantur in aere frigido, & postmodum imponantur igni, aer interior contentus per apertum orificium instar venti servit artifici.

3. E vesicis vel ad ignem vel in Exhausto vel in Barometro, vel in jugis montium se expandentibus. si enim vesica aliquantulo aere adhuc plena & clausa apponatur ad ignem, ex nimia distensione rumpitur.

4. Si vesica, in qua vel minimum aeris residui relinquitur, includatur Exhausto, post iteratas suctiones adeò extenditur, ut attollat etiam non levia pondera.

5. Si tubus Barometri superiore parte habeat figuram sphericam paulo ampliorem, eidemque includatur vesica clausa, inverso tubo & mercurio descendente inflabitur vesica.

6. Similiter vesica in valle montium vix parùm continens aeris turgebit in apice montis.

**Dico 2.** *Aer in suo statu connaturali ac libero non est elasticus per modum lane compressæ. ac per violentiam.*

Prob. Concl. 1. Si aer taliter detineretur in statu violento, tunc totus aer vi suâ propriâ resolveretur in superiores regiones auræ ætheræ, ex qua parte minorem invenit resistantiam: Sed hoc non fit; ergo. M. prob. quia nihil id impedit, quinimò perpetua inundatio subtilis materiæ, & conatus recedendi à centro, qui admittitur ab Adversariis, eam restitutionem aeris potius promoverent.

**3** Prob. 2. Si aer densitatem suam haberet à compressione superioris ætheris, tunc nulla in Luna aut cæteris Planetis admitti posset materiæ densitas: Hoc non potest dici; ergo. M. prob. quia nulla daretur vis urgens versùs centrum in regione subtilis ætheris.

**4** Dico 3. *Causa elasticitatis in aere est calor, compressio, & attractio.* Prob. Concl. nullum potest ostendi experimentum aeris elastici, in quo non concurrat aliqua harum causarum; ergo.

Si verò quæras, quomodo calor aut compressio producat elasticitatem aeris, dico, id fieri. 1. hoc modo, quòd aeri in quavis regione, quâ detinetur, debeat certa extensio, ac vires resistendi pressioni vicinorum corporum; quando igitur pressio extrinseca fortior vi restituta privat aerem quantitate sibi connaturali, idem aer per formam suam ac exigentiam intrinsecam se restituit ad pristinam quantitatem. Similiter quando è vicinia aeris tolluntur corpora aeri confinia,

ne detur vacuum, qualibet pars aeris supplet eorum defectum, & induit majorem quantitatem, cessante autem metu vacui redit aer ad pristinam quantitatem. hæ mutationes aeris præcisè sunt ob ordinem & proportionem partium universi, ad quam necesse est consequi mutationem etiam quantitatis ordini alligatam. Tertio modo fit, quòd aura æthereæ aliquando violentè intrudatur aeri, sicque distendatur; & hic modus potius est effectus rarefactionis quàm elasticitatis.

## Solvuntur Objectiones.

**Obj. 1. cont. 1.** Si aer esset elasticus, tunc ob illius perpetuam pressionem ac vim se restituendi è butyro deberet exprimi humor serosus, aut certe per expulsionem auræ ætheræ habentis minorem resistantiæ vim, deberet corpus in artius spatium comprimi.

2. Si aer elasticus, tunc perpetuò premeret versùs partes rariores v.g. versùs eos, ubi dominatur calor, & raritas aeris. Hoc non potest dici; ergo. m. prob. si ita premeret, tunc animalia maximè debiliora v.g. muscæ deberent sentire illam pressionem aeris; Hoc non fit; ergo.

3. Si aer esset elasticus, tunc ingens pondus aeris ad minimum his mille librarum perpetuò incumbere in musculos respiratorios: Sed hoc non potest dici; ergo. m. prob. muscoli non sunt tantarum virium, ut possint à se amoliri tantum pondus.

**Resp.** Ad 1. neg. M. vel dist. nisi vis aeris elastici esset æqualis ex omni parte c. M. secus neg. M. sicut enim in fornice omnes partes se ipsas detinent, ne urgeantur nativo pondere, ita etiam partes aeris æquilibrantur, quando idem corpus urgent ex omni parte. Dein vis elastica partium in butyro aut seroso humore est æqualis elasticitati aeris; in æquilibrio proin illarum virium neutra cedit alteri. Posset etiam dici in hoc casu locum non habere elasticitatem aeris, quia hæc nulla est, quando nulla datur causa elasticitatis: quando autem aer est in loco proprio, nec comprimitur à vi extrinseca, quia Elementa non gravitant in loco proprio, nec etiam reperitur specialis calor aut attractio.

Ad 2. tr. M. neg. m. ad prob. dist. M. nisi vis rarefactionis sit æqualis elasticitati c. M. secus neg. M.

Dico proin, aerem rarefactum in corde detinere in æquilibrio aerem extrinsecum, & ideo non sentire pressionem aeris. Potest etiam dici, in hoc casu omnino nullam dari pressionem aeris extrinseci, quia aer non est in statu violento, adeoque si tendit versùs cor, illuc tendit per attractionem non violentam, sed per ultroneam & connaturalem suctionem, quæ nullam causat violentam pressionem.

Ad 3. neg. suppositum, quòd aer sit in statu violento & incumbat terræ per modum additorum sibi invicem ponderum. si aer quid confert ad motum musculorum, id præcisè facit per rarefactionem



nem aeris intra poros musculorum contenti, aut per dissolutionem partium sanguinis in partes minimas spirituosas, quæ dein suo motu naturali tendunt versùs musculos. Blandè quidem aer urget versùs partes quascunque tum mundi tum animalium etiam internas, sed per calorem modestissimum, & præcise tanta pressione, quæ sufficit ad hoc, ut aer ubique se insinuet & compleat ordinem universi.

## QUÆSTIO VII.

### Quanam sit natura ignis?

1 Ignem homines vocant illud Elementum, quod lucet & urit; aliud verò intelligunt Philosophi; dum per ignem nil aliud intelligunt, quàm corpus activum, quod est causa suo motu rapidissimo illius objecti, quod in communiacceptione vocatur ignis. Hinc Philosophi quærunt, in quo consistat natura hujus ignis.

2 Multi volunt illum consistere in particulis pyramidalibus; quidam in globulis subtilissimis; alii in spiculis, aut aliis partibus angularibus aptis ad divisionem ac separationem partium.

3 Dico 1. *Ignis materialiter consistit in motu rapidissimo partium proveniente à subtili materia.*

Prob. Concl. in omni igne iste motus reperitur, nec constat de alia dispositione materiæ; ergo in hoc consistit, ant. prob. ignis revocatur ad tria genera nempe ad *ignem lucentem*, & *urentem*, prout fit in candela. 2. *Ad ignem urentem & non lucentem*, prout fit in ferro ignito aut igne sub cineribus delitescente. 3. *Ad ignem lucentem & non urentem*, prout contingit circa ignes fatuos seu lambentes, qui noctu volant per aera. Jam in omnibus his ignibus reperitur aliquis motus partium; ergo. In candela enim ille motus est sensibilis, dum successivè abripiuntur partes olei. in ferro ignito aut carbonibus etiam per ignem successivè coguntur avolare partes activiores; & circa ignes fatuos constat, quòd tantùm oriantur ex intercepta subtili materia à pinguioribus aeris particulis.

4 Dico 2. *Ignis formaliter sumptus consistit in forma substantiali inherente partibus materiae agitatae.* Prob. Concl. in igne datur collectio proprietatum & accidentium; ergo & forma.

Dico 3. *Locus ignis est supra aerem in regione suprema cælorum.* Prob. Concl. ignis philosophicè nihil aliud est, quàm motus subtilis materiæ: Sed hic est supra aerem; ergo.

5 Prob. 2. Autoritate Aristotelis, qui lib. 1. Meteor. c. 4. ait: in medio igitur & circa medium est gravissimum & frigidissimum segregatum terra & aqua; circa hoc autem aer, & quod propter consuetudinem vocamus ignem (puta philosophicè) non est autem ignis (puta vulgaris) excessus enim calidi & veluti fervor est ignis.

Hinc patet: cur in suprema regione systematis mundani ponatur cælum Empyreum, seu igneum.

R.D. Euseb. Amore Philosophia.

Dico 4. *Ignis vulgaris non est supra aerem sed 6 in terra visceribus:* Prob. Concl. 1. si supra aerem esset ignis vulgaris, tunc deberet lucere & urere: Sed hoc non potest dici; ergo. m. prob. si luceret, impediret transitum radiorum syderum; & si ureret, indigeret pabulo, quod non datur in suprema regione.

Prob. 2. Constat in terræ visceribus esse locum 7 proprium igni vulgari; ergo non est quærendus alius locus maximè sine fundamento, ant. prob. ex montibus ignivomis & fodinis metallorum; Sic Ætna in Sicilia; Vulcanus in Insulis Liparis; Vesuvius in Campania; Hecla in Islandia. sæpe eruant ingentia ignis flumina.

Circa fodinas autem observant foliores, quòd quò altius tendunt in terræ inferiora, eò sentiat major calor; prout expertum se testatur Marinus in auri fodinis Hungaricis 450. pedes profundis; ubi tantus erat calor, ut vix pedem in terram demittere permetteret.

Dico 5. *Ignis ex sua natura est levis.* Prob. 8 Concl. 1. ex lib. 4. Esdræ c. 4. ubi Angelus Uriel proponens quæstionem indissolubilem, ita Esdræ alloquitur: *vade mihi, pondera pondus ignis*; si autem ignis foret gravis, facile potuisset respondere; prout se nunc respondere posse jactant Neoterici.

Prob. 2. Autoritate Aristotelis, qui id expressè 9 se asserit; & sensu communi omnium hominum, qui non est deferendus sine necessitate.

Prob. 3. Ignis subtracto impedimento & nullâ 10 aliâ occurrente causâ sensibili extrinsecâ sursum fertur; ergo est levis, ant. prob. è scintillis è flamma excussis; item è particulis in vino commixtis, quæ non contentæ superiore locò in dolio sicut oleum, aut alia levior materia à pondere gravioris fluidi ad superiora delata, insuper rumpunt operculum, & libero cælo eluclantur in regionem propriam.

Dico 6. *Ignis vulgaris materialiter sumptus habet gravitatem.* Prob. Concl. Hic ignis simul dicit partes subjectæ materiæ ad motum rapidissimum aptæ; ergo, cum hæc materia gravitatem habeat, habebit etiam gravitatem ignis.

Prob. 2. A plurimis experimentis, in quibus 12 corpora post calcinationem reperta sunt graviora; probabiliter ob particulas igneas in eam materiam delatas. Sic:

1. Si plumbum redigatur in cineres ad centum partes gravitatis adduntur octo aut decem.

2. Creta calcinata sumit notabile augmentum, quàm priùs habuerat.

3. Cuprea unius uncie lamina capellæ imposita & ardentiori igne citra fusionem cruciata augeatur 30. granorum pondere.

4. Eadem in ramenta comminuta & tribus in crucibulo horis torta 49. granorum auctarium accipit.

5. Stanni uncia duabus horis calcinata drachmæ pondere aucta est.

6. Metallum quodlibet solidum ab igne liquato metallo ejusdem alioquin secum speciei innatat, adeoque metallum igne fufum gravius est non fuso. Nec potest dici, quòd pondus calcinatorum corporum proveniat à fumo vel aliis evapora-



porationibus in metalla liquefacta adactis, quia Boylius deprehendit augmentum illud ponderis metallis accrescere brevissimo tempore etiam per vitrum & ab igne defæcatissimo v. g. spiritu vini; ex quibus videtur evinci, quod ipsa materia subtilis incorporata aliis corporibus ac conclusa mutet suam naturam & induat gravitatem.

## Solvuntur Objectiones.

13 *Obj. 1.* Contra 3. Ascensus ignis non probat levitatem; ergo. prob. ant. potest dici: ignem attolli à gravitate aeris; ergo.

2. Ignis ex sua natura non ascendit; ergo non est levis. prob. ant. si in aliquo ampliore vase ponatur spiritus vini, & in medio collocetur aliqua candela, ita tamen, ut aliquantulum supra spiritum vini emineat, pariter accensus tam spiritu quam candela senties flammam è candela non ascendere, ut aliàs solet, conicè, quia nempe in vicinia corporis æquè levis non cogitur relinquere nativum motum gravitatis versus inferiora.

3. Gravitas calcinatorum non tantum provenit à particulis corporum combustorum, sed à particulis ignis; ergo ipse ignis est gravis.

14 *Resp.* Ad 1. neg. ant. ad prob. neg. ant. quia aer non esset gravior igne, si ignis foret gravis; ut patet è calcinatis corporibus; licet enim in his corporibus ante calcinationem plurimum fuerit aeris, non tamen propterea habuerunt tale augmentum ponderis, quale acceperunt ab igne.

Ad 2. neg. ant. ad prob. c. ant. neg. conf. ratio enim, cur ignis in dicto casu non ascendat conicè, est vicinia corporis levioris, nempe subtilis materiæ copiosioris quam in fumo candelæ occupantis per totum circuitum spatia superioris aeris; si augmentum aliquid probaret, tunc ignis candelæ in dicto casu omnino non deberet ferri sursum, quia à nullo corpore graviore elevaretur & averteretur sursum.

Ad 3. neg. ant. Particulæ enim ignis sunt adeo subtiles, ut secum abripiant etiam partes minutissimas corporis combustibilis. Vel si hoc non placet, potest dici: ab igne conciliari metallis majorem gravitatem per alterationem minimarum partium, quoad quantitatem, motum, & figuram.

## QUÆSTIO VIII.

### *Quæ circa Elementum terræ sint notanda?*

1 *Quæres 1.* Quid sit terra?

Dico: Terram esse concretum ex materia ramosa & salibus secundum leges naturæ in varia corpora distributum. Hinc nullum datur purum Elementum terræ, quod non sit in aliqua classe specifica mixtorum; nihil enim in terra reperitur, nisi lapides, metalla, lutum, & alia, quæ habent propriam formam & differentiam.

2 *Quæres 2.* Quenam sit partium terrestrium coordinatio?

*Respondeo:* In superficie quidem terræ nihil aliud cerni nisi formam quandam corporis humani, in quo in debita proportionem conjunguntur partes solidæ cum fluidis, & solidæ junguntur nexu perpetuo cum laxioribus.

Hinc per modum Sceleti terrestris sumi possunt juga perpetua montium, quæ dum incipiunt in extrema Asia tendunt continuis nexibus in Europam. Idem fit in montibus Europæ v. g. Apeninno ab Italia se porrigente in Hispaniam, & versus Septentrionem in Germaniam ac Poloniam, Quod hi montes etiam penetrent ad profunda terræ, habetur ab observatione quorundam, vel in mari, vel in fodinis contignationes montium observantium, adeoque montes sunt instar ossium in homine. vide P. Scherer. Cæterum crusta exterior ac cutis terræ, ut patet ex observationibus Comitæ Martillii in Mediterraneo, constat ex argilla. Secunda cutis ac crusta sunt lapides & arena; tertia sunt mera falia scilicet Petræ salis. quarta sunt Petræ.

*Quæres 3.* Quenam sit forma terræ interior?

*Respondeo:* Ejusdem nullum certum dari indicium; multi in medio terræ conglomerant ignes, & iisdem utuntur ad productionem metallorum aut aliorum fossilium, quinimò ad productionem omnium vegetabilium in terra; sed non videtur actio ignis tam esse efficax, ut sine destructione totius terræ operetur perpetuè ad tantam distantiam, quin consumat se ipsum. Alii intra terras ponunt ingentes abyssos aquarum, ut iisdem tanquam vehiculis communicatio omnium rerum deportetur non solum ad intimos recessus montium, sed & per evaporationem in superficiem terræ tribuant fecunditatem vegetabilibus; sed nec de his aquis habetur certa demonstratio. Sunt, qui terram dividunt in tres aut quatuor quasi contignationes, & intra terræ concava fingunt stotidem novos orbes sua opinione etiam habitabiles; sed deficit in his terris lumen & ratio.

*Quæres 4.* An præsens terra forma sit orbi congenerita?

*Respondeo:* Id non videri; tanta enim videtur partium in terra confusio, ut vix adscribi possit primæ conditioni. Dein impossibile videtur ex universali diluvio non omnia fuisse susceperunt, ob fermentationem aquarum aut supra elementarium, aut raritatem elementarium, cum enim aquæ elementares non suffecerint diluvio, necesse erat aut rarefieri maria in vapores, aut demitti quasdam aquas subtiliores è cælis, quidquid dicatur, producet fermentationem, adeoque labefactionem partium in universa terra.

Huic consentiunt antiquitates noviter detectæ in variis orbis partibus etiam in profundis montium v. g. dum navis in montibus Helvetis reperta est ad insignem profunditatem cum ossibus majoribus hominum. Possent adduci talia antiqua monumenta plus quam sexcenta.

*Quæres 5.* Quæ utilitas tot montium?

*Respondeo:* Eos servire inprimis ad contignandas partes laxiores terræ.

2. Ad hoc, ut sint principium fontium & circulationis aquarum; cum enim motus aquarum depen-



dependeat ab altitudine, undè fluunt, necesse est dari aliquas partes elatiores terræ; in quas aquæ vel per evaporationem, vel per intrusionem evehæ iterum in planities subjectas decurrunt.

3. Ut sint principium varietatis climatum & temperamentorum in aere; montes enim ob frigus aeris superiores intra se detinent nives, & per hoc sunt perpetuum principium ventorum & pluviarum, quas in vicinas regiones exonerant.

4. Ut sint perpetuum principium metallorum; cum enim genesis metallorum fundetur in exhalationibus subterraneis ad frigidiorē aerem delatis, non poterat aptior materia metallorum creari à Deo, quàm montes, undè educitur aurum &c.

5. Ut distinguant regiones & nationes tanquam muro invictissimo; verum tales fines non sunt con-naturales ipsi exigentiæ naturæ, quæ respicit ad feriem causarum necessariorum, non verò ad effectus causarum liberarum.

6. *Quæres 6. Quanam sit altitudo montium?*

*Respondeo:* Altissimos, quorum habetur notitia, non excedere dimidiam milliaris Germanici perpendiculariter; pro omnium altissimo habetur mons Picus in Insulis Canariis, in cujus vertice reperitur fons frigidissimus.

7. *Quæres 7. Cur aliqui montes sint ignivomi?*

*Respondeo.* Id provenire à materia bituminosa, oleosa, aut sulphurea in illis montibus successivè aucta, per internos meatus marium, v.g. mons Ætna existit in locis mari vicinioribus, & terra, in qua existit, abundat bitumine; hinc etiam in Italia reperitur plurimum bituminis maxime in regno Neapolitano.

8. *Quæres 8. Unde oriatur fragor, cineres, & lapides à montibus ignivomis in viciniam delati?*

*Respondeo:* Ab initio, quando bitumen incipit fermentari, sine inflammatione oritur ebullitio: & fragor ob perruptas partes & meatus montium; quamprimum verò perruptis illis partibus incipit bitumen communicari cum libero aere, oritur inflammatio, & partes cinereæ à priori inflammatione adhuc residuæ ejaculantur in aerem.

9. *Quæres 9. Unde oriatur motus terræ?*

*Respondeo:* Id posse provenire à pluribus causis.

1. Possunt provenire à rarefactione aeris intra specus subterraneos inclusi.

2. Possunt provenire ab æstuantis maris intra antra subterranea vi ac intrusione.

3. Possunt provenire à ruina quarundam partium inferioribus partibus terræ.

4. Possunt oriri à materia bituminosa aut sulphurea intra specus subterraneos accensa. Hæc posterior causa videtur plerumque habere locum in locis Mediterraneo vicinis, ubi terræ motus observantur frequentiores; cum enim in illis partibus plurimum reperitur bituminis, dubium non est, etiam intra terram reperiri consimilem materiam; econtrà in locis Septentrionalibus rarissime dantur motus terræ ob defectum materiæ sulphureæ.

10. *Quæres 10. Cur subito aliquando in medio mari*

*orientur montes; alii verò subito intereant aut resolvantur in cineres?*

*Respondeo:* Id posse provenire ab aliquo motu terræ, quo necesse est notabilem partem terræ sursum projici, aliam verò subsidere. Cineres, qui ejaculantur vel adhuc residui sunt à combustione aliqua antiquiori, vel oriuntur ex inflammatione bituminis causante illum motum terræ.

*Quæres 11. An motus terræ arte exhiberi possit, ut promittit Kircherus?*

*Respondeo:* Non videri id posse fieri sine manifesto periculo subversionis ædium; etiam si enim accenderetur in infima parte ædium bene oclusa aliqua materia sulphurea, tamen vix posset vis illius sulphuris tam accuratè attemperari, ut præcisè causaret aliquam agitationem murorum sine omnimoda perruptione.

## QUÆSTIO IX.

*Qua circa Elementum aquæ notanda sint?*

*Quæres 1. Cur aqua marium salsa sit, fluminum vero dulcis?*

*Resp.* Omnes aquas ex sua natura salvas esse, quia ob vim elixivalem necessario intra se imbibunt salia totius terræ, quam intus eluunt maria. Dulcedo fontium & fluminum tantum oritur vel à distillatione, vel à filtratione, vel ab evaporatione; cum enim partes salinosæ graviores sint, quàm reliquæ partes aquarum non possunt elevari in regionem aeris, & ibi per pluvias iterum resolvi in terram.

*Quæres 2. Quo fine maria sint tanta densitatis & salsedinis?*

*Resp.* Id fieri posse ex pluribus causis.

1. Ut serviant commerciis, quæ naves onustiores non possent detinere in aquis fluminum levioribus, quin statim peterent fundum.

2. Ut humano generi exhibeant sal in usu communi utile & necessarium.

3. Ut tribuant fecunditatem terris, per quas intra meatus subterraneos transeunt, & in quibus deponunt sua salia.

4. Ne totum mare converteretur in vapores per nimium æstus solarem, si aquæ illius levitate sua essent similes aquis fluminum.

*Quæres 3. Quid sit fluxus ac refluxus seu æstus marium?*

*Resp.* Per hunc refluxum intelligi quotidianam intumescantiam maris, vi cujus aquæ elevantur ad altitudinem solito majorem, ac proinde necessario causant quotidianam alluvionem in terris mari vicinioribus.

*Quæres 4. Quanam sit causa huius reflexus?*

*Resp.* Plerumque pro causa assignari Lunam, quæ dum incumbit mari Atlantico aut Oceano intra Tropicos, mole sua premit aerem, & aer premit Oceanum versùs Polos; ex hoc proinde fit, ut æstus marium tantum sentiat, quando Luna est in Meridiano supra Oceanum; fit etiam, ut hic refluxus aliquo tempore tardius deveniat ad regiones Septentrionales. Verum



rum non videtur pressio Lunæ, quomodo-  
que explicetur, posse causare tantam vim pre-  
mendi maria. Videtur potius intumescencia ma-  
ris provenire à materia luminis è Luna in subje-  
ctum mare demissa quæ proin in mari causat ali-  
quam fermentationem ac consequentem intume-  
scentiam.

**Quæres 5. Quanam circa refluxum dentur nota-  
biliora phenomena?**

*Resp.* Notandum esse 1. quòd refluxus in pleni-  
luniis, noviluniis maxime æquinoctialibus sit om-  
nium maximus. ratio est, quia radii solares aut  
directi aut reflexi, tunc omnium fortissime  
agunt in maria, adeoque ob intrusionem subtilis  
materiæ copiosiore, causatur major fermenta-  
tio. Nec obstat, quòd radii solares per  
se non causent æstum maris, quia radii sola-  
res nisi modificentur ab effluviis lunaribus ob  
suam subtilitatem liberè transeunt per poros ma-  
rium.

2. Meretur notari, quòd refluxus contingat  
bis de die; sex enim horis datur affluxus, sex  
horis refluxus, & idem contingit aliis sex  
horis affluendo vel refluendo, dum Luna est  
in meridiano Antipodum: ratio hujus phænomeni  
potest esse, quia maria habent communica-  
tionem inter se in toto mundo, adeoque si  
in nostro meridiano ob suam intumescencia ur-  
gentur versùs latera, necesse est, ut etiam eo-  
dem tempore ex parte opposita, ubi còeunt  
maria tam versùs Orientem, quàm occidentem  
oriri majorem aquarum copiam. Potest etiam  
dici: quòd semper in parte opposita Lunæ de-  
tur aliqua pressio aeris, vi cujus sic compressus  
incumbat æquori, & sic aquas premat versùs  
latera.

3. Notandum, quòd refluxus marinus sit in  
littoribus Oceano expositis major; minor verò in  
littoribus Maris Mediterranei: ratio est, quia  
aditus, quo Mare Mediterraneum apud Gadita-  
num Isthmum communicat Oceano, adeo est an-  
gustus, ut non multum possit recipere de pressione  
Oceani. Multò minor refluxus est, aut ferè nul-  
lus in Mari Baltico & Caspio.

**Quæres 6. Cur in Epiro fluxus & refluxus obser-  
vetur sexies per diem?**

*Resp.* Plinium affirmare hunc fluxum esse perpe-  
tuum, ita, ut agitur fluvius tanquam à vento  
per diem & noctem: si verò id proveniat ab  
æstu marino, sciendum, in Epiro dari commu-  
nicationem subterraneam cum Oceano, ita tamen  
impeditam, ut motus Oceani non nisi per diver-  
sos anfractus in Epirum deferri possit; inde prove-  
nit motus inconstans & perpetuus.

**Quæres 7. Cur affluxus & refluxus sit diversus  
tam quoad tempus, quàm quoad proprietates, licet  
detur in eodem meridiano. v. g. in Guineis littori-  
bus affluxus durat per quatuor horas; refluxus  
per octo. In Insulis Britannicis affluxus durat 7.  
horis; refluxus 5. horis. Idem contingit in  
aliis littoribus tam Europæis, quàm Americ-  
anis?**

*Resp.* Id provenire à situ fluminum, mare intra  
se recipientium, tardius verò remittentium; vel  
provenit à situ montium aut rupium intra mare  
æstum aliquanto retardantium.

**Quæres 8. An maria fluant ad Septentrionalem &  
Polum, ita, ut regurgitentur per Polum Austr-  
alem?**

*Resp.* De his omnibus nullum certum haberi  
fundamentum, constat quidem, naves attrahi  
versùs Polum Arcticum, sed id potest provenire  
à fluxu Oceani, & æstu marino semper versùs il-  
las partes aliquantum fortiori ob angustias regio-  
nis Polaris: quòd verò asserant, Monachum  
quemdam Oxoniensem delatum ad Polum Arcti-  
cum, non habetur è documentis authenticis.  
Quòd nautæ versùs Polum Antarcticum nondum  
tam longè provexerint rem nauticam, non prove-  
nit à maris resistantia, sed à vi ventorum in illis  
partibus naves periculo exponentium.

Hinc etiam sine fundamento dicitur mare transire  
per mediam terræ à Polo Arctico ad Antarcticum;  
quænam esset enim hujus perpetui mobilis causa,  
cum mare & omnia fluida tendant ad æquilibrium  
partium?

**Quæres 9. Unde proventiant vortices Norvve-  
giani?**

*Resp.* Vortices illos, qui attrahunt ad se & ab-  
sorbeant navigia, & quandoque etiam ad ingentem  
altitudinem ejiciunt aquas, posse provenire ab æstu  
marino vi alicujus communicationis subterraneæ  
cum Oceano; quando enim Oceanus intra specus  
subterraneos cum magna vi intruditur, quærit ex-  
itum, & ubi invenit, partim ejaculatur aquas,  
partim verò ubi iterum subsidunt, resorbet aquas,  
quas excusserat.

**Quæres 10. Cur in mari Ethiopico & Indico tan-  
ta sit ventorum & tempestatum vehementia, cum ni-  
hil tale observetur in Mari Pacifico?**

*Resp.* Id provenire ab exhalationibus vicinarum  
regionum, quando enim exhalationes deferuntur  
in aerem, producant inæqualitatem caloris aut fri-  
goris,

**Quæres 11. An detur communicatio omnium ma-  
rium, lacuum, fontium, ac fluminum cum Oceano?**

*Resp.* Probabilius eandem dari, quia etiam in re-  
motissimis lacubus aliquando observatur species  
quædam æstus marini. Et licet alii fontes tantum  
mediate dependeant ab Oceano, possunt tamen  
mediate reduci vel ad aquas subterraneas, vel ad  
aquas pluviales, quarum maxima pars dependet ab  
exhalationibus marium.

**Quæres 12. Quomodo possit ex aqua marina elici  
sal commune seu usuale?**

*Resp.* Id variis modis fieri, solent enim in littori-  
bus alicubi deponi salia, ut sit circa Mediterra-  
neum, alicubi verò sumitur aqua marina & per ex-  
halationes ope Solis aut ignis in fundo relinquitur  
sal usuale.

**Quæres 13. Quomodo aqua marina possit reddi  
dulcis?**

*Resp.* Aliquos effodere puteum, cujus fundus  
ejusdem sit altitudinis, cujus alioquin esse solet  
mare quietum extra æstum marinum; superior ve-  
rò pars putei præcisè habeat eandem altitudinem,  
quàm habere solet Oceanus, dum æstus marinus  
summam habet altitudinem. quando igitur supe-  
rior pars Oceani tempore æstus marini exoneratur  
in puteum, inibi subidentibus salibus fit aqua dul-  
cis. Alii percolant aquas marinas per arenam, in  
quibus relinquitur fædus. Plerique verò  
distillant



distillant aquas marinas, & hoc modo redditur præ reliquis modis aptior ad bibendum.

14 *Quæres 14. An terra sit altior Oceano?*

*Resp.* Terram esse altiorē, licet aqua sit Elementum levius, ratio est: quia si maria altiora forent terris ob leges æquilibrii inundarent totam terram. nec obstat, quod navigantibus, dum propinquant littori, littus videatur habere situm depressiorem; id enim provenit ob figuram rotundam orbis terræque; neque enim habent aquæ situm horizontalem, sed conglobantur in orbem.

15 *Quæres 15. An successivè tota terra denuò inundanda sit à mari?*

*Resp.* Id non videri; licet enim successivè decreverent juga montium, tamen nunquam ea pars, quæ minuerentur montes, deportaretur in fundum Oceani; nec etiam ex eo, quod aliquæ regiones, prout factum circa mare Germanicum, intra aliquot sæcula subierint leges Oceani, quia etiam ex aliis regionibus maria longius recesserunt, prout factum cernitur in Mediterraneo, circa ostia Nili, quæ jam longè sunt remotiora, quàm olim ab urbe Cairo aut columna Pompeji.

16 *Quæres 16. An ex incremento falsedinis in mari cognosci possit ætas mundi?*

*Resp.* Hanc methodum niti falso supposito, quod maria ab initio mundi fuerint dulcia; & etiamsi de facto augetur falsedo maris annis singulis, non tamen propterea colligi posset ulla proportio hujus annui incrementi vel Arithmetica vel Geometrica, quia posset fieri, ut in locis subterraneis uno anno plùs resolvatur petrarum salinarum per elixivationem, quàm altero anno.

17 *Quæres 17. An mare augeatur per aquas fluminum?*

*Resp.* Licet quotidie immensa copia aquarum deferatur in mare, id tamen non augeri, quia datur perpetua circulatio in corpore terrestri sicut in corpore humano. sicut proin sanguis non augetur in corde, etiamsi singulis momentis in illud deferatur nova pars sanguinis, ita sit circa aquas marium. Dein plurimùm evaporatur è mari fortè in dimidia ratione aquarum in mare se præcipitantium; v. g. Tamesis instituto calculo reperitur quotidie exonerare in mare Britannicum 203000000. doliorum; ex altera verò parte deprehensum est unicuique gradum quadratum aquæ marinæ quotidie per evaporationem mediocrem evaporare 33000000. doliorum; sumpserunt enim aliquod vas repletum aqua marina, quod exposuerunt gradui caloris respondenti cum calore aeris externi, & invenerunt eam aquæ evaporatæ copiam, quæ in gradu quadrato tot conficeret milliones doliorum.

18 *Quæres 18. Cur superiores partes fluminum citius fluant, quàm inferiores; sentiunt enim, qui adverso flumine natant majorem resistantiam in superiore parte, quàm inferiore?*

*Resp.* Id provenire ex constructione partium in fluido reperibilium; cum enim hæ partes considerari possint per modum arenæ aut tritici sibi incumbentium, necessariò consequitur, partes superiores ad motum reddi aptiores,

*Quæres 19. Cur è mari ejiciantur cadavera?*

19

*Resp.* Id fieri ob elasticitatem aeris intra vesicam aut pulmones submersorum hominum contenti. hinc, si rumpatur vesica, cadavera quantocytus petunt fundum.

*Quæres 20. Cur acus innatat aquis, quamprimùm verò vel modicum deprimitur sub aquas, petit fundum?*

*Resp.* Id fieri ob cohesionem partium in liquidis; quamprimùm verò illa cohesio semel fuerit perrupta, acus gravitate sua descendet.

*Quæres 21. Unde proveniat tanta inundatio in Nilo tempore æstivo?*

21

*Resp.* Probabilius eandem provenire à copiosis pluviis in Africa & Æthiopia tempore æstivo frequentibus.

*Quæres 22. Undè sit origo fontium maxime in excelsis jugis montium?*

22

*Resp.* Originem desumi posse à diversis causis.

1. Possunt oriri à resolutione nivium, quas quamprimùm imbiberint terræ, possunt iterùm reddere in superficie montium.

2. Possunt oriri à pluviis fortè in receptaculis montium aliquanto tempore asservatis; constat enim etiam in excelsis montibus dari locus, qui proin possunt aliis montibus in æquilibrio positus providere de origine fontium.

3. Possunt oriri à quibusdam receptaculis aquarum in nonnullis excelsioribus montibus v. g. Pyreneis, quamprimùm enim per violentam agitationem marium aquæ fuerint delatæ in ista receptacula, poterunt longo tempore inibi conservari, & aliò derivari.

4. Possunt oriri à condensatione vaporum aeris, quia frigus colligit humores, & ex collectis plurimis guttulis possunt oriri fontes ab initio minores, dum crescant ex additione.

5. Possunt deferri per ignes subterraneos ope evaporationis in superiores partes montium, ubi tanquam in Alembico vapores denuò condensantur in aquas; constat enim in locis subterraneis ubique ferè ad aliquantam profunditatem in montibus reperiri calorem simul & aquas.

6. Potest fieri, ut aqua marina violento impetu in specus subterraneos delata ibidem condenset ærem nullo alio reperto exitu; quamprimùm igitur obstruuntur viæ, per quas aqua fuit delata, in specus subterraneos aer se restituet & protrudet aquas per rimas montium in partes superiores.

7. Potest fieri, ut aliqui montes in locis remotioribus à mari non sint altiores ipsis maribus aut certè fluctibus ad altitudinem ferè montium evectis.

*Quæres 23. Quenam sit causa thermarum, aut aliarum aquarum acidularum?*

23

*Resp.* Causam esse partes aut metallicas, aut sulphureas, aut salinas terrarum, per quas transcunt. Ex commixtione enim talium partium oritur aut calor aut aliæ qualitates sanitati corporis conducibiles.

*Quæres 24. Quomodo examinari aut cognosci possit natura aquarum salubrium?*

24

*Resp.* Ad hanc naturam cognoscendam notandum, aquam esse corpus heterogeneum, mixtum ex spiritu æthereo. seu materia subtili, à quo ut plurimùm dependet ejus motus, 2. ex Elemento aqueo. 3. Ex Elemento



Elemento terrestri ac salino principio; hinc omnis differentia aquarum petenda est ex diversitate mixtionis horum trium principiorum. Quæ igitur copioso gaudent spiritu, sunt optimæ; pro cognoscendo hoc spiritu primò debent esse leves, & levitas examinatur, si tubulum vitreum aqua repletum immittas alterius generis aquæ; levior enim aqua in hoc casu ascendet super aliam. 2. Illæ gaudent copiosiore spiritu, quæ ad eundem ignem coctæ citius avolant per evaporationem. 3. Quæ citius incallescunt, & citius refrigerantur. 4. In quibus plures assurgunt bullæ, si in vitro ex fonte hauriantur; hinc acidulæ in Lagena tertia sui parte repleta post agitationem aperto orificio tanto impetu erumpunt. 5. Quæ in Exhausto copiosiores emittunt bullulas.

Salubres præterea sunt, quæ oriuntur è collibus sublimioribus, fundo arenoso, & pura argilla, maximè ad Solis ortum: quæ sunt dulces & satæ frigidæ, hyeme calidæ, per arenas enim & argillam aquæ depurantur quasi per filtrum. 2. Salubres sunt aquæ pluviales tum ad quotidianum usum, tum ad coctionem, quia aqua pluvialis est distillata, & purificata à particulis terrestribus, abundantque sale sulphureo. 3. Salubres sunt, quæ saponem faciliè admittunt, & in extergendis linteorum sordibus se approbant. 4. Eæ, in quibus pisa & legumina faciliè coquuntur, & ex quibus præstantes coquuntur cerevisiæ. 5. Quæ diu servantur immunes à corruptione. 6. Quæ abundant particulis martialibus. Econtrà pro insalubribus habentur aquæ nivales, aut quæ ex locis nitrosis, lutosiis, aut ubi alumen, æs, ferrum &c. nascitur, prodeunt.

Aquæ medicatæ observantur plerumque esse majoris efficaciæ ad fontem. 2. Si officina non sint clausa in valis, quibus transferuntur, omnis sapor & virtus perit. 3. Lagena aut vitra, in quibus deferuntur, semper debent esse plena; omnia enim spirituosas ab externo aere corrumpuntur. 4. In aere calido facilius amittunt virtutem, quàm in frigido; hinc transferendæ sunt de nocte, vel ad auroram. 5. Coctæ amittunt omnes vires; hinc multi fontes per admixtionem pulveris gallarum in atramentum mutantur; statim autem acin-caluerint, tingendi facultas expirat, manifesto indicio, quòd cum spiritu etiam minerale abscedat. 6. Acidulæ ebulliunt ad mixturam fortis vini, & eo magis, quò sunt meliores, quia scilicet acidum vini cum alcalino Elemento in aquis latente conficitur. 7. Superior aqua in lagena cum vino mixta fortiozem ebullitionem facit, quàm quæ est in fundo. 8. Pigmentum est dari aquas medicatas, quæ contineant aurum, argentum, stannum, antimonium. metalla enim nisi soluta sint, non possunt ingredi aquam; neque etiam in aquis continetur ferrum, nitrum inflammabile, aut amoniacum sal, quod est præcisè opus ar-

tis, sal verò alcalicum continetur in aquis, quia in magna copia extrahitur ex aquis Empsenlibus aut Carolinis.

Quænam verò aliæ partes contineantur in aquis medicatis, his indiciis cognoscitur. 1. Si argillæ rubræ & boli rubicundi in terra, ubi aquæ transeunt, inveniuntur, aquæ erunt martiales, nec dubitandum, exindè aquas ferream induere naturam; talis quoque aqua ingressum habet in ferrum; quoniam si ferrum candens in aqua illa extinguitur, particulas ferreas in se recipit, quod cognoscitur ex virtute roborante & astringitiva.

Cognoscuntur quoque ferratæ aquæ ex sapore constringente, ex flavescente ochra, quam in canales, per quas fluunt, deponunt; hæc ochra probè priùs depurata, & extremo igne tosta magneti promptè accedit, & tales aquæ saluberrimæ sunt.

2. Vitriolum inesse aquis cognoscitur, si aqua mixtione pulveris gallarum fiat purpurea; si verò aqua fiat nigra, vitriolum inerit majori copia; si inest vitriolum volatile, aqua frigida mixta pulveri gallarum induet atrum colorem, sed non contra; similiter fiet nigra, si immiseris ei folia quercus, cortices granatorum, extractum herbæ thæe; si drachmam unam concharum ustarum uni harum aquarum libræ immiseris, & per aliquot dies bene servaveris ac aliquoties agitaveris, subtilis ochra flavescens præcipitatur ad fundum; similiter hic martialis & ochreus pulvis præcipitabitur, si lagenam istis aquis plenam per aliquod tempus reposueris.

3. Salia inesse cognoscuntur aquis vel per distillationem, vel per evaporationem, vel per mixtionem; sic enim sal commune ex leni distillatione reliquitur in fundo, & excoctum accipit varias figuras; indicium aquæ forti eam armat, ut solvat aurum, turbat quoque & præcipitat Lunam solutam in forma pulveris albi. Sal alcali fixum per evaporationem elicitur; aquæ alcalicæ per immersionem spiritus vitrioli effervescent; aciditatem huic acido demunt, & exurgit sal instar vitriolati tartari. hoc sal syrupo violarum viridem calorem inducit, mixtum verò cum sale amoniaco volatile hujus liberat; cum sulphure & nitro debita quantitate mixtum dat pulverem fulminantem.

4. Aquis sulphura inesse cognoscuntur, quando aquæ argentum inficiunt colore fusco vel nigro, & in evaporatione relinquunt concretum inflammabile, quod cum sale tartari transeat in Hepar sulphuris, seu substantiam rubicundam male olentem.

5. Terræ calcaris inesse aquis cognoscuntur ex lacteo colore ab affuso oleo tartari per deliquium, vel immissa solutione sacchari Saturni, & hæ non sunt optimæ notæ. Si aquis insunt terræ pingues vel argillaceæ, deprehenduntur per evaporationem,



# PARS TERTIA

DE

## Generatione & corruptione.

**EX** Elementis generantur varia mixta. 1. Fossilia. 2. Metalla. 3. Meteora. 4. Plantæ. 5. Animalia. De horum omnium natura disputatur.

1. An in corruptione fiat resolutio usque ad materiam primam?

2. An arte possit confici aurum?

### QUÆSTIO I.

*An in generatione ac corruptione substantiali fiat resolutio usque ad materiam primam?*

**Q**ueritur: an v. g. Dum ex ligno fit ignis, aut dum cibus mutatur in substantiam aliti, nulla omnino remaneant accidentia eadem numero in corpore ac mixto, in quod fit mutatio. Thomistæ licet affirmant remanere eadem accidentia specie, negant tamen eadem esse numero; hinc dum v. g. homo moritur, sublata forma substantiali putant materiam spoliari omnibus accidentibus, quæ erant in corpore vivo, ac loco eorum à forma cadaverica produci alia cum accidentibus prioribus eadem specie.

**Dico:** In corruptione substantiali non semper fit resolutio usque ad materiam primam. Prob. Concl. 1. auctoritate Aristotelis, qui lib. 2. de generat. c. 4. ait: *quando aqua corruptum fuerit frigidum, id est, frigus, ignis autem siccum, aer erit; relinquatur enim huius quidem calidum, illius autem humidum.* id est, quando aqua aut ignis mutatur in aërem, tunc in aëre adhuc remanet calor aliquis ignis, & aliqua humiditas aquæ.

Jam sic: Si in productione aëris ex aqua aut igne adhuc remanet calor ignis aut humiditas aquæ, tunc non datur resolutio usque ad materiam primam: Sed; ergo, *m.* est Aristotelis ex adducto textu. 2. Idem Aristoteles lib. 1. de generat. c. 1. textu 24. universum docet, quod, quando quantitas aliqua est communis rei genitæ & corruptæ, maneat eadem in regenita, quæ fuit in corrupta, perinde ac homo ex non Musico fit Musicus. Jam sic: si in corrupto manet eadem quantitas, tunc non fit resolutio &c. Sed; ergo, *m.* prob. quantitas eodem modo remanet ac homo, dum ex non Musico fit Musicus; ergo.

**Prob. 2.** Auctoritate D. Thomæ, quia 3. part. q. 9. art. 3. ad 2. ait: *per calorem disponitur materia ad suscipiendam formam ignis, quæ tamen adveniente calor non cessat; sed remanet quasi quidam effectus talis formæ.* Jam sic: si calor in igne non est verus effectus ipsius ignis, tunc jam præexistit ante formam ignis: Sed; ergo, *m.* prob. D. Thomas dicit: *R. D. Euseb. Amort Philosophia.*

quod calor sit tantum quasi effectus formæ ignis, simulque expressè asserit, quod remaneat ille calor, qui fuerat dispositio ad ignem.

*Si dicas:* S. Doctorem loqui de calore specie 4 eodem, non numero eodem; *contra est*, quod verbum *remanere* ex communi usu loquendi importet plerumque identitatem numericam; neque enim dicitur remanere instans temporis ex eo, quod proximo momento producatur aliud instans. Dein si D. Thomas loqueretur de identitate specifica, non obtineret suum intentum loco citato: Sed hoc non potest dici; ergo, *M.* prob. D. Thomas loco citato vult ostendere scientiam Christi infusam manere cum visione beatifica utique eandem numero, & dicit hanc scientiam eodem modo manere, sicut manet dispositio cum forma. Si igitur dispositio non maneret eadem numero, claudicaret paritas. Dein S. Thomas lib. 4. contra gentes c. 81. docet: in cadavere humano manere easdem numero dimensiones, & ex eo infert, posse idem numero corpus resurgere; ergo saltem non fit resolutio dimensionum in materia.

*Si dicas:* D. Thomam hoc argumento non niti 5 tanquam suo, sed tanquam supposito Averrois, qui admittebat easdem numero dimensiones remanere post mortem, & tamen negabat resurrectionis possibilitatem id sine fundamento dicitur, quia ex contextu non colligitur, quod B. Thomas utatur argumento præcisè ad hominem.

**Prob. 3.** Sensus judicant in corruptione substan- 6 tiali remanere eadem accidentia: nec datur ulla necessitas recedendi à iudicio sensuum; ergo remanent. cons. patet, quia tamdiu debet stari iudicio sensuum, quamdiu non convincuntur erroris. Ant. prob. v. g. in homine corrupto remanet extensio partium, figura, cicatrices, eadem durities ossium &c. & in lepore occiso, v. g. apparentia plurimorum accidentium sensibilis est eadem, ergo.

**Prob. 4.** Si accidentia producunt substantiam, 7 tunc remanent etiam cum ipsa substantia: Sed; ergo. *M.* patet, quia inter causam & effectum nulla datur oppositio, vi cuius effectus destruat causam. *m.* prob. accidentia corrupti fundant privationem formæ; ergo sunt causa productiva substantiæ.

**Prob. 5.** Si fieret resolutio usque ad materiam 8 primam tunc prorsus perirent omnia accidentia, quæ fuerant in corrupto: Hoc est falsum; ergo. *m.* prob. si perirent omnia accidentia, tunc nulla esset causa, propter quam materiæ debeatur potius hæc forma, quam alia: Hoc non est verum; ergo, *m.* patet, quia forma non productur, nisi ad dispositionem sui subjecti. *M.* prob. corruptis omnibus accidentibus nulla amplius existit causa

T:



causa productiva substantiæ, aut determinativam ad novam formam; ergo.

- 9 Si Dicas: Productionem novæ formæ adscribendam esse materiæ sigillatæ. *Contra est*, quod materia sigillata nihil aliud sit, quàm materia vestita his dimensionibus & accidentibus; ergo si fit resolutio usque ad materiam primam, perit etiam sigillum materiæ.
- 10 Si Dicas: Deum producere nova accidentia prioribus simillima, quæ dein determinent subjectum ad novam formam. *Contra est*, quia Deus non operatur sine exigentia causarum secundarum & sine concursu causarum secundarum; nec decet recurrere ad Deum, ubi nulla est necessitas.
- 11 Si Dicas denique: Accidentia corrupti in ultimo suo instanti producere nova accidentia sibi consimilia. *Contra est*, quia nulla causa in ultimo suo instanti producit effectum, dum non amplius existit, quando verum erit dicere, productum esse effectum. Dein nullum effectum constat unquam connecti cum sua causa physicè jam destructa; ergo.
- 12 Prob. 6. Omnis dispositio debet coëxistere cum forma, ad quam datur dispositio; ergo etiam accidentia disponentia corruptum ad formam remanent cum ipsa forma: ant. patet ab inductione causarum naturalium. sic enim non producit, pluvia, nisi actu detur humiditas & calor in aëre.
- 13 Si Dicas: Accidentia, quæ reperiuntur in genito, esse priora ad formam, adeoque eadem considerari posse ut ultimam dispositionem ad formam. *Contra est*, quod in primis hæc prioritas quoad causalitatem Physicam non possit admitti esse mutua, prout tamen deberet esse, si accidentia physicè producerent formam substantialem, & ipsa accidentia producerentur vicissim ab ipsa forma substantiali utpotè à qua conservantur. Dein quaeritur, ad qualem dispositionem producat ipsa illa dispositio Thomistica, si illa dispositio prævia consistit in accidentibus corruptis, eo ipso verum erit aliquam dispositionem non coëxistere cum forma, ad quam datur dispositio, quod falsum esse ostendit argumentum.
- 14 Prob. 7. Si accidentia in corrupto nullam habent causam destructivam, tunc manent in genito: Sed ergo. *m. prob.* accidentia non tendunt ad propriam sui destructionem producendo effectum; ergo in productione nullum habent contrarium.

## Solvuntur Objectiones.

- 15 *Obj. 1.* Autoritas Aristotelis, qui definit generationem esse mutationem totius in totum nullo sensibili remanente; ergo si nullum remanet sensibile, nullum etiam remanet accidens, quod est sensibile. 2. Aristoteles lib. 1. Phys. de materia prima loquens ait: si quid corrumpitur in hoc abibit ultimum. Jam sic: si in generatione & corruptione nullum remanet sensibile, & materia prima ultimo remanet, tunc fit resolutio usque ad materiam primam: Sed; ergo. *m. patet ex Aristotele.* *M. prob.* si remaneret accidens, tunc remaneret aliquid sensibile, & præter materiam primam remaneret aliquid ultimo in corruptione.

*Resp. ad. 1. d. ant.* Generatio est mutatio nullo subjecto sensibili (accidentium remanente c. ant. nullo accidente neg. ant. sensus definitionis ex Aristotele desumptæ est tantum, quod in corruptione substantiali totum substantiale sensibile non remaneat; nullo verò modo Aristoteles negat remanere aliquod sensibile accidentale; quin potius id manifestè remanere supponit. Posset etiam negari simpliciter tradita definitio, utpotè quæ nullibi reperitur in Aristotele; si verò ex Aristotele colligeretur aliqua definitio, dicendum esset, quod generatio sit mutatio totius in totum nullo sensibili remanente, ut *subjecto eodem*: Verum audiamus ipsum textum Aristotelis. lib. 1. de generat. c. 4. sic habet: *De generatione autem atque alteratione, quomodo inter se discrepent, agendum est, nam hæc mutationes inter se diversas esse dicimus, cum subjectum quidpiam sit, alterum verò sit affectio & qualitas, quæ de subjecto dicitur, & à suo subjecto diversa sit. Alteratio sanè est, quando sensibile subjectum permanens in suis mutatur affectionibus, sicut corpus idem permanens, modo sanum modo ægrum est: atque as, licet idem maneat, modo rotundam, modo angularem figuram refert. At cum totum mutatur nec sensibile quidpiam, ut subjectum idem permanet v. g. cum ex tota aqua aër, aut ex toto aëre aqua fit, hujus generatio est, illius verò corruptio. Caterum in hisce, si qua affectio eadem remaneat in eo, quod ortum est, quæ prius erat in eo, quod interiit v. g. cum ex aëre fit aqua, aëris perspicuitas aut frigus in aqua remaneat, requiritur, ut id, quod generatur, non indifferenter utramque affectionem nempe frigus & calorem in se recipiat. Ex hoc textu clarè colligitur, quod aliquando remaneat eadem qualitas, & dum Aristoteles dicit, nullum sensibile remanere, tantum intelligit subjectum accidentium, ut sit in alteratione.*

*Ad. 2. d. ant.* In hoc abibit ultimum tanquam actus in suam potentiam qualificatam c. ant. tanquam in potentiam omni forma exutam, neg. ant. Ex hoc, quod omnes formæ resolvantur in materiam, non sequitur, quod resolvantur in materiam spoliata omni forma etiam accidentali.

*Dices:* Aristotelem manifestè dicere, quod destructis primis substantiis nihil remaneat; ergo nec forma accidentalis. *Resp. d. ant.* dicit: quod nihil remaneat substantiæ secundæ c. ant. nihil accidentium, neg. ant. sensus Propositionis Aristotelicæ est: quod sublato Socrate, qui vocatur prima substantia, etiam tollantur prædicata generica, nempe animal vivens &c.

*Obj. 2.* Autoritas D. Thomæ, qui in lib. 1. 18 de generat. lect. 10. ait: *Dicendum, quod non maneat idem numero accidens, sed quod prius erat, corrumpitur per accidens ad corruptionem sui subjecti.*

*Resp. 1. d. ant.* Non manet idem numero accidens, quod dependet à forma c. ant. à materia. neg. ant. Divus Thomas distinguit duo genera accidentium; aliqua dependent à dispositione materiæ, aliqua ab activitate formæ, v. g. in homine calor & motus & rubedo dependet à forma substantiali nempe anima; hæc accidentia non manent eadem numero.



numero, sed corrumpuntur cum toto. Dantur verò insuper v. g. durities ossium, dimensiones corporis, quæ dependent à dispositione materiæ, aut à formis partialibus, & hæc manent eadem numero.

*Resp. 2.* d. ant. Non manet idem numero extrinseco. c. ant. intrinseco. neg. ant. vel sic: non manet idem numero quoad nos. tr. ant. quoad se. neg. ant. Divus Thomas accidentibus tribuit duplicem gradum quasi individualem, nempe Physicum & Metaphysicum; quoad individuationem Physicam individuatione accidentium consistit in eorum relatione accidentali ad hoc totum in suo esse subsistens, in quo etiam subsistunt accidentia, hæc individuatione seu relatio accidentium non manet, adeoque nec manet hoc concretum idem numero accidens puta in sensu Physico & quoad nos. Interim tamen quodlibet accidens habet suum identificatum gradum individualem seu Metaphysicum quem nunquam amittit, adeoque intrinsece, entitative, quoad se manet idem numero accidens.

20 *Obj. 3.* Si accidens non potest migrare de subiecto in subiectum, tunc corrumpitur corrupto toto: Sed; ergo. m. prob. accidens essentialiter inhaeret suo subiecto, à quo producitur & conservatur. prob. etiam M. subiectum accidentium tantum est compositum seu totum; ergo toto corrupto tollitur etiam subiectum accidentium. prob. ant. 1. Totus homo denominatur quantus; ergo subiectum quantitatis est homo, & non tantum materia. 2. Forma perficitur ab accidentibus; ergo accidentia recipiuntur in forma tanquam in suo subiecto. 3. Subiectum inhaerentis juxta D. Thomam est ens actu; ergo cum materia non sit ens actu, sed tantum compositum, subiectum accidentaliter erit totum compositum. 4. Sola materia non est subiectum quantitatis; ergo nec cæterorum accidentium: ant. prob. quia quantitas est proprietas corporis, non materiæ.

21 *Resp. neg. M. & m. vel d. m.* Accidens non migrat de subiecto adæquato in subiectum adæquatum tr. m. de inadæquato ad subiectum inadæquatum. neg. m. si diceretur, accidentia recipi simul in materia, & forma tanquam in subiecto adæquato, tunc materia foret subiectum inadæquatum, & forma esset subiectum inadæquatum, nec repugnaret accidens migrare ab una forma ad aliam. Ad M. & ejus probationes nego, quod subiectum accidentium sit forma, aut totum compositum ratione formæ. Totus quidem homo denominatur quantus, sed quantitas inest soli materiæ, cujus est proprietas; materia optime dici potest ens actu in sensu Metaphysico; forma potest perfici ab accidentibus, etiam si non sit eorundem subiectum, quia debet distinguí inter perfectionem inhærentem & adhærentem; in secundo genere perfectionis adhærentis sunt accidentia respectu formæ, licet enim etiam forma perficitur à materia; forma principalis perficitur à formis partialibus, & accidentia perficiuntur ab invicem, quin sint invicem sibi subiectum.

22 *Obj. 4.* Si in resolutione maneret eadem quantitas & alia accidentia, tunc materia firmius uniretur cum accidentibus, quam cum forma substantiali: Hoc non potest dici; ergo. M. patet.

R. D. Euseb. Amort Philosophia.

quia recedente forma substantiali adhuc uniretur materia cum accidentibus. m. prob. compositum substantiale firmius est, quam compositum accidentale.

*Resp. d. M.* materia uniretur firmius ex sua natura & accidentium neg. M. per accidens. c. M. nunquam accidentia exigunt inhære materia per se & ex natura sua, nisi dependenter ab aliqua forma, adeoque tantum est per accidens, quod remaneant corrupta forma, cum advenit nova alia forma.

*Obj. 5.* Si forma est prior accidentibus, tunc illa sublata tolluntur etiam accidentia: Sed; ergo. M. patet, quia remoto priore etiam removetur posterius; sicut remoto corde remonentur operationes vitales, & sublato Sole tollitur lux. m. prob. forma substantialis est actus primus, accidentia autem tantum sunt actus secundus.

2. Forma tribuit simpliciter esse v. g. esse hominis; accidens autem tantum tribuit secundum quid v. g. esse album.

3. Materia prius respicit formam substantialem & postmodum primum respicit ac recipit formas partiales.

4. Forma substantialis recipitur in ente nondum actuato, accidens autem supervenit enti in actu.

*Resp. d. M.* si forma substantialis est prior accidentibus etiam in genere causæ dispositivæ c. M. si tantum est prior in genere causæ conservativæ neg. M. accidentia disponunt materiam ad formam, & eatenus accidentia sunt priora quam forma substantialis; sed quia accidentia essentialiter dependent in esse & conservari ab aliqua forma substantiali, ideo in genere causæ conservativæ forma est prior accidentibus. Ad prob. m. idem Respondeo, semper distinguendo, quod nempe forma sit accidentibus prior, actus primus, simpliciter tribuens esse &c. in ratione causæ conservativæ &c.

*Obj. 6.* Sensibus non competit judicare de individuatione; ergo ex judicio sensuum non probatur remanere eadem numero accidentia. ant. prob. sensus non possunt discernere duo ova inter se perfecte similia.

*Resp. d. ant.* sensibus non competit judicare de individuatione immediate c. ant. mediate. neg. ant. ex eo enim, quod sensus nullum inveniant distinctivum, ratio legitime infert nullum dari distinctivum.

## QUÆSTIO II.

An arte possit confici aurum?

Inter metalla primum locum obtinet aurum, & propterea Chymici fuerunt solliciti de indaganda illius natura; quæsierunt, an posset resolvi seu corrumpi, aut utrum ex aliis metallis per transmutationem substantialem posset artificialiter confici aurum. In sententia Peripateticorum deberet transitus fieri ab una forma substantiali ad alteram, quod fieri non posset sine applicatione causarum naturalium, eo quod ars nullam possit de se producere formam substantialem. In sententia verò Neotericorum, qui negant formas substantiales, in tali transmutatione plus fieri non deberet, quam alia



alia combinatio minimarum partium, quod non videtur excedere limites artis loquendo de aboluta potentia.

22 Dico: *Non potest arte confici aurum.* Prob. Concl. 1. ii, qui in rebus Chymicis hactenus fuerunt omnium peritissimi, ignorarunt hanc artem; ergo probabilius non datur. ant. prob. Inter peritissimos ab ipsis Adversariis numeratur Salomon, hic tamen non habuit hanc artem, quia aurum suum classe annuatim iussit afferri ex Ophir, quo labore non fuisset opus. Dein in senectute imposuit gravissima tributa populo, quo iterum non fuisset opus alicui Alchymiae perito. Inter Recentiores verò sine dubio pro peritissimis habentur Kircherus, Boyleus, Lemery, qui tamen ultrò fatentur, se non videre ullum modum, quo perveniant ad tamdiu quæsitum regulum auri.

3 Prob. 2. Ii, qui hactenus numerabantur inter Adeptos, plerique fuerunt impostores; ergo nulla stat præsumptio pro aliis, quorum nomen & ars ignota est. ant. prob. ex plurimis experimentis: sic in Aula Florentina inventus est, qui dum coram Duce instituere iussus erat suæ artis experimentum, iussit sibi afferri pulverem à pharmacopœo, quem ipse ille Chymicus priùs pharmacopœa vendiderat. Assumpto hoc pulvere quoad speciem referente colorem nigrum, qui tamen revera erat aurum, per commixtionem cum aliis metallis protulit tantundem auri, quantum ponderi ipsius pulveris par erat. Postquam verò iussus erat conficere maiorem auri copiam, deficiente pulvere defecit ars & fraus detecta est.

Hartsækerus refert aliud exemplum, quòd nempe quidam talium Adeptorum sumperit aliquam copiam argenti, quam cum præcipitato mercurio seu cinobero in crucibulo fulam apparenter mutavit in satis magnam copiam auri; verum postquam per continuatum calorem externa superficies, quæ pars mercurii obducta erat, resoluta fuit, pariter fraus detecta est.

4 Prob. 3. Ex iis, qui hactenus habiti sunt pro Adeptis, plerique quæsierunt Patronos in aulis Principum, ut spe lucri extorquerent summam aliquam pecuniæ, quæ non fuisset opus, si ipsi non indignissent talibus subsidii ad confectionem auri.

5 Prob. 4. Nullum constat factum esse divitem hac arte; ergo non datur.

6 Prob. 5. In confectione prætensa auri plerumque adhibentur corpora metallica, in quibus universim latent aliquæ auri particule; ut monstrat experientia; ergo etiam si aliquæ eliciantur auri particule per artem Chymicam, non ex eo probatur confectum esse aurum ab ipsa arte.

7 Prob. 6. Incertum est, an natura producat aurum; ergo multò magis incertum erit, an id possit ars. ant. prob. nullo experimento. constat mineras auri aliquando exhaustas iterum de novo à natura fuisse restitutas; ergo.

8 Prob. 7. Si figura & ordo partium in auro reperiibilis non potest mutari per artem aut produci, tunc nequit fieri aurum: Sed; ergo m.

prob. in auro datur figura partium diversissima à partibus aliorum metallorum, & ordo partium non est confusus sed regularis: sed talis ordo non potest provenire ab arte, quia ars nequit disponere de minimis particulis, earum figura aut ordine; sic si aliquis projiceret mille taxillos in mensam, etiam si per mille annos continuaret, non tamen obtineret aliquem regularem situm aut ordinem partium omnium; qualis tamen datur in partibus auri. Idem contingit in dispositione ordinata partium arboris aut plantarum, aut animalium, quæ per artem contingenter in tali ordine constitui non possunt. Vel ut Origenes contra Celsum c. 1. observat, si quis infinities effunderet modicum tritici, nunquam tamen granula tritici obtinerent prorsus eundem uniformem ac regularem situm partium; itaque à pari quomodocunque ope ignis agentur inter se particule aliorum metallorum, aut minima naturalia, nunquam tamen contingenter prodibit ordo metallicus auri in massa notabili, nisi natura in dispositionibus naturalibus ob proportionem harmonicas universi exigat illum ordinem.

Prob. 8. Si aurum à natura producit, tunc non nisi lentè & per multa tempora producit dispositiones ad ultimum effectum; ergo ars imitando naturam non poterit intra tam exiguum temporis spatium obtinere eundem effectum. ant. patet, ab experientia minerarum, quæ non tam citò restituntur à natura, imò verò in mineris Hispanicis jam per duo annorum millia effoditur mercurius in forma cinobris, & tamen per tanta annorum spatia ne quidem unica particula conversa est in aurum.

Prob. 9. Aurum in genere metallorum requirit selectum diversissimarum partium ad constitutionem auri concurrentium; ergo non poterit produci aurum nisi in montibus, ubi reperitur ingens chaos partium innumerarum, ex quibus possit institui selectus pro confectione paucularum particularum auri. ant. prob. ex differentia partium auri cum partibus aliorum metallorum, sicut igitur fieri non potest, ut ex particulis prorsus irregularis figuræ aut crassissimis fiat corpus regulare ac subtile, ita etiam fieri non poterit, ut ex particulis physicè indivisibilibus aliorum metallorum irregularis tamen figuræ & crassioribus per combinationem aliam fiat aurum.

Prob. 10. Aurum non potest destrui per artem; II ergo neque potest produci per artem. ant. patet ab innumeris experimentis, in quibus tamen omnibus natura auri sine corruptione inventa est. v.g. si aurum dissolvatur per aquam regiam remanent tamen particule auri; & vitro caustico Tschirnhauseri, quod exstat in Aula Principis Casselani, & quod in diametro æquale est vitro caustico Academiæ Regiæ, aurum nunquam converti potuit in crystallos, prout in præsentia Principis Hassiæ expertus est Hartsækerus.

Prob. 11. In Jure Canonico prohibentur monetæ ex auro Alchymico; ergo præsumitur omne aurum factitium esse spurium.

Prob.



13 Prob. 12. Ea, quæ in quovis genere sunt perfectissima, non nascuntur extra matricem propriam; ergo neque aurum, quod in genere metallorum est perfectissimum, ant. prob. ab inductione; sic enim etiam insecta & animalia alia nascuntur extra uterum maternum, tamen perfectiora non nascuntur extra uterum maternum.

14 Prob. 13. Omnes modi hactenus prolati ab Alchymicis nullam habent proportionem inter causam productivam auri & effectum; ergo omnibus illis modis non poterit produci aurum. ant. prob. ab inductione; in omnibus hucusque productis methodis seu processibus, ut vocant, ad productionem auri ex parte materiæ vel sumitur aliud Metallum, vel mercurius vel vitriolum; ex parte verò formæ quæritur aliquis subtilis spiritus, qui prædictas materias mutet in aurum; spiritus ille subtilis, cui Chymici tribuunt mille nomina, vel educitur ex vitriolo vel ex ipso auro, vel ex aliis terris, in quibus speratur prædominari ille spiritus; sed hæc omnia non habent proportionem cum productione auri; spiritus enim ille vel è vitriolo vel ex ipso auroeductus non poterit tam subito mutare figuram & texturam reliquorum metallorum, earumque partes resolutas in novum regularem ordinem auriformem restituere; sed ad summum poterit se insinuare in poros aliorum metallorum, sicque illis tribuere quasdam proprietates & colorem auri; sicut si v. g. partes atramenti se insinuant in partes aquæ, quam reddunt opacam, & nigram, quin propterea mutet naturam aquæ; præcipitato enim atramento iterum redit natura pellucida aquæ. Dein frustra quæritur ille spiritus seu sulphur metallorum, quia vel est accidens in hærens ipsi materiæ, vel consistit in aliquo spiritu universalis, qui non poterit per fixationem concludi in ullo corpore; sed nec ille spiritus & sulphur metallorum consistit in sale auri aut aliorum corporum, prout Neoterici Alchymistæ plures volunt, quia salia seu crystalli tantum dissolvunt corpora aut præcisè replent poros corporum, non autem mutant naturam corporum. Hoc quod est verum, est fortè possibile, dari quædam salia subtilissima vel ex terra, vel ex metallis vel ex ipso auro elicit, quæ, si ita placent, vocentur anima mundi aut anima auri, sed illa omnia salia, dum instar aquæ fortis aut regię dissolvunt alia metalla, iisque acquirunt per insinuationem sui in poros aliam formam auriformem, non tamen quoad substantiam mutant magnitudinem aut plexum minimarum partium physicè indivisibilium. Accedit, quod pleræque descriptiones Alchymicorum nitantur tam falsis & ridiculis suppositis in Philosophia experimentalis, ut à nullo vel parum perito Philosopho ullo modo admitti possint. Sic multorum adhuc in hærent divisioni vulgari & proprietatibus præteritis quatuor Elementorum; aliqui aliquem Archæum mundi supponunt; & plerique habent sua peculiaria principia nullaliter Philosophorum aut Chymicorum cognita.

## Solvuntur Objectiones.

Obj. 1. Experientia probat, actu confectum esse aurum; ergo potest confici. ant. prob. ex innumeris historiis, quæ circumferuntur ab Alchymicis; sic asserunt Raymundum Lullum Regi Angliæ confecisse 12000000, aureorum pro expeditione in Terram Sanctam.

2. In Aula Florentina reperiri clavem dicitur dimidiâ sui parte aurea, altera autem adhuc ferrea, quæ à quopiam Adepto studiosè in eo statu fuerit relicta ad demonstrandam veritatem artis; simile quid refertur de Theophrasto Paracello, quod nempe dimidiam partem alicujus frusti ferrei converterit in aurum, altera parte adhuc relicta in natura ferrea.

3. In Antiquario Cæsareo dicitur exstare nummus aureus eadem arte in aurum conversus.

Resp. Ad. 1. historiam illam de Raymundo esse manifestè confictam; qui hanc asserunt, ignorant, quis fuerit Raymundus Lullus; Vir enim ille Doctissimus, qui pro Sancto colitur in Hispania & Insula Majorcana, plurimum laboravit pro Ecclesia & fide propaganda; sed tamen ob defectum subsidiorum in plurimis conatus illius caruerunt successibus; fuit enim pauperissimus, si habuisset artem, sine dubio plura præstitisset.

Ad. 2. De clave Florentina, potest dici: aliquem impostorem sumpsisse clavem jam prius dimidiâ sui parte auream, alterâ ferream, ita tamen, ut clavem per artem illam tota obtinuerit formam exteriorem auri, detracto postmodum fuco per eandem artem homines putaverunt dimidia parte conversam esse in aurum; idem potest dici ad experimentum Paracelsi, de quo constat, quod & ipse Salisburgi vitam planè pauperem transegerit.

Ad. 3. De aureo Cæsareo, uti de similibus aliis nondum constat, quod sint verum aurum, etiam si sustineant vulgares probationes; Kircherus testatur sibi oblatas esse plures tales materias, quæ habebantur pro auro factitio, se tamen rigorosiori examine, quod describit in suo mundo subterraneo, deprehendisse in materiis illis minimè reperiri veram naturam auri. Hinc Jus Canonicum non sine causa edidit decretum, ne aurum factitium reciperetur in usu civili, eo ipso enim supponit, dari tale aurum factitium, quod exterius mentiatur formam auri, nec de facili detegi possit vitium, alioquin non indigerent homines tali lege pro cautione.

Obj. 2. Possunt produci per artem alia metalla; ergo etiam aurum. ant. dicitur patere ab experientia, quia potest produci argentum; imò verò cuprum & chalybes producuntur de facto in officinis publicis per artem in Gallia.

2. Possunt per artem produci varia fossilia v. g. gemmæ, vitriolum &c. ergo & aurum.

3. Auri natura est corruptibilis per artem; ergo & producibilis. ant. prob. ex tinctura auri seu medicina universalis, in qua dicitur aurum esse resolutum etiam per sui destructionem. Dein in Academia Regia legitur per vitrum causticum aurum conversum fuisse in crystallos seu salia, quod utique est destructio auri.



<sup>18</sup> *Resp.* ad. 1. & 2. neg. ant. quoad argentum, quia in omnibus istis effectibus ars non assequitur omnes proprietates, quas alioquin tribueret natura; cum peritiores optimè nōrint distinguere effectus artificiales à naturalibus. Optima probatio talium fictitiorum metallorum est, quæ desumitur à quantitate materiæ & pondere simul sumptis; metalla enim fictitia in eadem massa v. g. globi fusi in eodem modulo ex argento fictitiæ aureo nunquam habent idem pondus, quod habent alii globuli verè aurei fusi in eodem modulo. Quod attinet ad cuprum & chalybem, tantum est differentia accidentalis inter ferrum & chalybem & etiam cuprum, quia tantum differunt per differentiam majoris partis sulphuris & salium intra poros latentium; prout ipsemet hujus artis inventor tomul. 7. exposuit.

Ad. 3. neg. ant. ad prob. dico: tinturas illas tantum consistere in mixtione liquorum cum minimis particulis auri, quod tales tinturæ minimè possint haberi pro vero auro porabili revera corrupto; nimium probat experientia; novi, qui usi fuerunt hac medicina, & censuerunt morbum

sumpsisse potiùs incrementa, quàm decrementa. Crytalli, quæ cohæserunt particulis auri, in experimento Academia Regiæ non provenerunt ex corruptione auri, sed ex alteratione aliarum particularum cum auro commixtarum, prout ostendit Hartækerus.

*Dices:* Hombergerus in Academia Regia testatur per vitrum causticum argentum revera conversum esse in aurum.

*Resp.* Hombergerum hoc solum testari ex satis magna quantitate argenti prodiisse tandem granulum auri exiguum, quod facile potuit latere in ipsomet argento. Dein illud ipsum granulum licet habuerit speciem auri, ob exilitatem tamen non potuit subire omnes probationes aliàs requisitas maximè illam, quam suprà descripsimus. Tertio dici potest, quod concorporatio subtilis materiæ intra aliquas particulas argenti potuerit tribuere particulis illis novum pondus & novum colorem, & novas etiam proprietates, absque eo, quod tota textura fuerit perfectè similis texturæ auri, quæ ex ordinatione naturæ habet determinatam materiam secundam & ordinem & formas partiales.

## De Meteoris.

**P**ostquam egimus de Elementis, nunc considerandum, quinam insigniores effectus in singulis occurrant. Ea, quæ apparent in aëre, vocantur Meteora, eò quod citò transeant, & tantum videantur quasi in transitu. Huc pertinent.

1. Phænomena ignea. 2. Noctacula Borealis.
3. Halones, & Parhelia. 4. Iris. 5. Fulmina.
6. Nives, pluvix, grandines. 7. Venti. 8. Barometra.
9. Thermometra. 10. Hydrometra.
11. Anemometra. 12. Hyetometra.

### C A P. I.

De Phænomenis igneis, qualia sunt dracones volantes, trabes.&c.

**T**riplicis generis apparent phænomena ignea in aëre. 1. Ignis fatuus, Gallis, *faux brulants* Germanis, *Eternbutz*, *Geurigermann*. 2. Dracones, vel trabes volantes. 3. Cometæ.

*Ignes fatui* consistunt ex materia mucosa, ac veluti gelatinosa, quæ noctu lucet instar ligni putridi, aut instar lambiridum. Id certum esse, multorum constat ab experientia, ante quorum oculos ac pedes tales ignes deciderunt. Ipsemet novi virum doctum ac fide dignissimum, qui in autumno nocte serena ingentem talem massam gelatinosam, quæ in aëre volitans præbebat speciem magni ignis, ad pedes suos decidisse narravit; sed quamprimum terram attigit, statim ejus fulgor disparuit. Formantur per exhalationes terræ pingues, frigore nocturno instar pinguedinis condensatas. Incrementum earum fit per ipsum motum in aëre; sicut enim

pila nivis volutata in nive sibi adjungit perpetuò novam collectionem partium; ita pile talis concretæ pinguedinis volutata in aëre impingit perpetuò in novas sibi consimiles moleculas, easque sibi adjungendo crescit in molem. Lumen eorum habet eandem causam, quàm habet lumen in ligno putrido, aut aliis phosphoris; quando enim radii subtilis materiæ per partes sphericas alicujus corporis sic refringuntur, ut efforment Solis imaginem in suo foco, fit lumen sine calore; hoc fit in ligno putrido, partibus mercurii, & hac gelatinosa materia, quia omnes humores concentrantur & induunt figuram sphericam, dum guttatim ab invicem separantur; ut evidens est in guttis pluvix.

*Dracones volantes* vocantur globi ignei post se trahentes caudam, ac celerrimè per aërem moti.

*Trabes* vocantur ignes oblongi sine capite ac cauda similiter per aërem acti. Talia phænomena jam observata sunt ante Aristotelem, ut ipse refert de Meteoris. Sed postremis his temporibus observationes accuratius institutæ, sic ut exinde talium phænomenorum magnitudo ac altitudo supra terram eorumque natura colligi possit.

*Prima observatio* ex accurratoribus facta est anno 1637. Aquis Sextiis à Gassendo. movebatur phænomenon ab Ortum in Occasum per totam Occidentiam in forma trabis igneæ.

Alterum hujus generis phænomenon visum est Bononiæ anno 1676. 31. Martii hor. 7. cum semisse, hujus caput magnitudine apparente Lunam æquabat, & instar Solis, qualis esse solet post pluvias in aëre adhuc vaporoso, lucidum apparebat, ac longam post se trahens caudam scintillantem ortu celerrimo ab Ortum in Occasum spatio fere quadrato



tuor minorum abreptum est. Prope Horizontem terra instar ignis rubescentis colorem induit; tunc magnus fragor secutus est, qualem ignes missiles disruptis chartis edere solent. Cælum statim nubibus obductum pluvias effudit, cum antea non quatuor menses per pluisset, eadem hora in multis Italix ac imprimis Toscanix locis idem phænomenon cum ingenti fragore disparuit. Idem phænomenon describitur à Petro Cavina in Dissertatione Epistolari ad Magliabekium his verbis: Faventiæ splendens Luna sereno cælo improvisus splendor inopinata luce oculos perstrinxit; erectis ad cælum oculis se obtulit à parte orientali æstiva fax seu lampas ardens plenæ lunæ apparenter similis, quæ motu progressivo in Meridianum assurgens post se caudam trahebat trium fere tallium diametrorum. Radios undique ceu sibilu quodam evibrans, & in Occidentem Hybernum conversa, acin multam à Meridiano elongationem progressa, ubi in nubem quandam illisa est, cum magno sonitu evanuit. Hoc phænomenon non tantum Faventiæ, sed & Romæ, Florentiæ, ac Venetiis & in aliis Italix civitatibus eadem horâ visum fuisse, testatur idem Author. & in Germania Treviris idem observatum esse testatur P. Zhan in sua specula Physico-Mathem.

Kircherus in Epistola ad Cavinam loquitur de simili phænomeno eodem anno viso juxta observationem Montershii. Octava, inquit, die Aprilis unâ circiter horâ noctis (id est, horâ septimâ) ex atra & caliginosa nube erumpens primo fusi coloris globus deinde fulgore sic crevit, ut quamlibet scripturam quivis comodè legere posset. Tanta dein motus velocitate progressus est, ut caudæ post se tractæ strepitum quivis percipere posset, ac secus ac si candens ferrum per frigidam traducatur. Præterea tam vicinum videbatur phænomenon Horizonti, ut alibi Horizon ardere videretur. Strepitum edidit majoris tormenti bellici non absimilem, quo & urbem totam tremore concussit adeò vehementi, ut terræ motum omnes evenisse arbitrarentur. Tandem relicto per triduum durante sulfure disparuit.

Quartum phænomenon refert P. Zhan loco cit; ad annum 1688. post mediam, inquit, noctem ingruente die 27. Aprilis manè ab hora 2. usque ad 3. & ultra in cælo phænomenon igneum miro fulgore albicans in Ortum & Meridiem comparuit in forma trabis. Incensione facta globus igneus exarsit, qui cum maximo fragore, qualis solet audiri è tormentis bellicis, in terram decidit. Secuta dein est illius trabis igneæ quædam contractio, & in arcum transformatio cum illustri & igneo fulgore, cujus aspectu homines territi proximas ædes in mediis flammis consistere putarunt, quousque tandem appropinquante diurna luce evanuit. Secutum est manè frigus acerrimum, pruina, & glacies à Meridie verò venti vehementius terram concusserunt. Phænomenon hoc visum est in Franconia.

Quintum Phænomenon observatum est 1704. Massiliæ à P. Laval, de cujus morte nuper secutâ hodie per P. Nicasi epistolam nuntium accipio. Relationem observationis misit 1705. Cassino, quæ sic habet: Anno 1704. 26. Decembris hora 5. cum semisse vespere, MonsPELLii verò hora 5.

cum quadrante, visa est trabs ignea, luminosa valde ac splendida lento motu ab Ortu in Occasum ferri. Ventus tunc erat Orientalis. Quantum ex visu conjici poterat, luce accedebat ad lucem Veneris; tandem se ad latitudinem duorum ad summum milliarium mari immerisit. Ante hanc trabein Massiliæ visæ sunt similes aliæ duæ, habentes eundem motum ab Oriente in Occidentem.

MonsPELLii verò eadem horâ, quâ prius dictum, visus est globus igneus è cælo cadere non procul ab urbe. Aër erat serenus & tranquillus, color flavus valde debilis tingeat Occasum ad altitudinem plus quàm decem graduum. Ita refertur in Acad. Reg. 1705.

Sextum phænomenon anno 1719. 22. Februarii vespere post horam septimam in Germania, Hungaria, Italia, & Gallia visum est. Idem observatum est hîc Pollingæ. Cum enim præfato die & anno quadrante post septimam nocte suda lux insolita toto cælo diffusa oculos perstringeret, erectis oculis trabs ignea, quam Draconem volentem vocant, propè supra verticem perpendiculariter transire visa est. Motum direxit versùs Occidentem hybernum. Caput erat lucidissimum figuræ rotundæ per modum globi ignei, cujus diameter apparens æquabat diametrum Lunæ, qualis esse solet, dum est in suo Apogeo, seu dimidii pedis. Cauda dragonis longitudine apparente æquabat circiter ulnam, seu tres pedes; latitudo circiter æquabat tres pollices. Lux caudæ erat fulgentissima, & in fine desinebat ampliori syrmate, quasi per modum facis scintillantis. Color tam capitis; quàm caudæ erat subpallidus; videbatur tamen multum trahere de immixto flammis sulfure. Velocitas motus erat æqualis velocitati Sagittæ. Duratio totius phænomeni erat unius tantum minuti. Ubi in Occidentem longè promotum est, auditus est ingens fragor qualis esse solet è tormentis bellicis, & quot fenestræ concussæ sunt, eo momento phænomenon disparuit.

Ut jam inveniantur altitudo hujus phænomeni, seu distantia à terra, nota debet esse parallaxis illius. Ex relatione, quàm ex aliis locis accepi, colligo eandem non fuisse magnam. Monachi videbatur transire prope Zenith cum aliquali declinatione versùs austrum. Jam si ea declinatio ponatur decem graduum, & phænomenon Pollingæ ponatur fuisse verticale, ex differentia latitudinis locorum & angulo recto, & angulo parallactico in prima & secunda figura altitudo phænomeni reperitur fuisse hexpedarum Parisienium 190257. seu milliarium Germanicorum 282. posito autem angulo paral-  
Fig. 29

lastico quinque graduum invenitur altitudo hexpedarum 220700. seu milliarium 58.  
 Ulterius ex nota distantia phænomeni ab oculo, & angulo recto, & angulo visionis in prima suppositione reperitur longitudo capitis hexpedarum 316, seu  $\frac{1}{2}$  milliari Germanici, longitudo caudæ verò hexpedarum 1910. seu  $\frac{1}{2}$  milliari Germanici. Cùm  
Fig. 30
 que prima suppositio juxta observationes habitas non longè recedat à veritate, tuto supponi potest magnitudinem veram phænomeni non fuisse multò minorem. Restat, ut explicetur motus phænomeni ab Oriente in Occidentem. Copernicani putant, se hoc explicare posse per revolutionem terræ diurnam, si enim in adjecta fig. aliqua exaltatio fig.
 pona. 31.



ponatur semel emergere ex nostra Atmosphæra aëris, v.g. ad punctum A, clarum est, exhalationem illam, dum terra nostra in Ortum rapitur, ituram apparenter versùs Occidentem. Insuper applicari poterit principium Carthesianum, quod projectilia abeant secundùm curvarum tangentes, ut fieri solet in funda. Verùm hæc explicatio vera esse non potest, non solùm propterea, quòd supponat motum terræ, sed etiam ex eo, quia in hypothesi terræ motæ debuisset phænomenon tendere versùs Occidentem activum, quod factum non est, cum iverit versùs Occidentem hybernium. Quòd autem tendere debuisset versùs Occidentem æstivum, ex eo clarum est, quia motus terræ mensè Februarii erat in Austrum, & quidem longè celerior, quàm in Orientem, ergo contrariò phænomenon evectum supra aerem debuisset relinqui ac excuti versùs Septentrionem.

Itaque respondeo, motum illum potuisse provenire à triplici causa. 1. Id fieri potuit ex continua actione ventorum orientalium in superioribus regionibus aeris perpetuò spirantium. 2. Id provenire potest ex principio motùs. cum enim talia phænomena probabilius excutiantur à montibus ignivomis, si supponatur fistula talis montis directà versùs Occidentem, fiet, ut explosio phænomeni semper fiat versùs Occidentem. 3. Potest dici: phænomenon, ubi supra aerem evectum est, illapsum esse auræ æthereæ, quæ cum primo mobili perpetuo movetur ab Oriente versùs Occidentem. Denique 4. dici potest: talia phænomena semper sequi motum Solis. cum enim materiæ fluidæ vel natantes in fluido semper tendant versùs medium rarius, mirum non est, quòd talia phænomena post Occasum Solis circa horam septimam mensibus hybernis tendant in Occidentem.

Ortus ipse phænomeni vel provenire potest ab exhalatione materiæ sulfureæ ex montibus ignivomis in Archipelago, qui ibi ab anno 1700 leguntur sæpius ad ingentem altitudinem evehisse suas flammæ. Vel poterit oriri per modum fulminis; cum enim ex infrà dicendis de fulmine constet, in aere dari particulas nitrosas disseminatas, quæ nonnunquam calore vehementiore agitatae & à ventis frigidioribus in arctius coactæ, aguntur in vortices, fit, ut efforment globum igneum, qui, ubi facilius exitus, & minor resistentia, cum impetu erumpit. Id forte confirmari potest ex eo, qui illo anno 21. Februarii, id est, uno die ante observationem, nivibus solutis gleba terrestris jam suum colorem atrum in agris induit, quod aliis annis fieri non solet ante Veris initium. Id signum est, exhalationes nitrosas tunc præmatùrè fuisse copiosiores, quæ delatæ in aerem superiorem frigidiorum colligi ac ad fermentationem, indeque consequentem accensionem disponi potuerunt, ut constat ex principiis Chymicis per commixtionem acidorum & Alcalicorum fieri posse.

Hæc, quæ de phænomeno præsentis diximus, facile cum proportionem ad Cometas aëreos applicari possunt.

## CAP. II.

## De Noctiluca, seu lumine Boreali.

NOctiluca vocatur lumen, quod diffunditur per aërem quandoque noctibus frigidioribus versùs Septentrionem. Observari cœpit frequenter isto sæculo, maxime in regionibus Septentrionalibus Suecia, Anglia, Gallia, Germania. Durat subin per plures horas; figuram plerumque habet arcuatam, ut cernitur in fig. 32.

Descriptionem & observationes Physicas hujus phænomeni exhibet Maraldus in Academia Regia 1721. rei summa huc redit.

Talis arcus luminosus, instar Iridis quoad figuram, primò observatus est à Gregorio Turonensi anno post Christum natum 584. ejaculabatur etiam tunc ille arcus à se radios, ob quod fateatur, se ingenti exindè horrore perculsum esse. Idem arcus sequenti anno 586. rediit.

Anno 1554. 1556. 1560. idem phænomenon observatum est in Germania à Fritschio, & Fincelio. Aliud à Gassendo 1621. Aliud 1707. Hafnia & Berolini. Aliud 1710. Gieslæ à Liebknecht. Ab anno 1716. usque ad annum 1721. in Observatorio Regio Parisiensi plus quàm viginti talia phænomena conspecta sunt.

Observant iidem Academici, anno præcedente plerumque fuisse siccitatem ac sterilitatem extraordinariam. Sic Gregorius Turonensis testatur, anno 583. tantam fuisse sterilitatem, ut fame propè interierit Gallia. Ad annum 1583. similem sterilitatem annotat Zahn in sua Oeconomia mundi. 1706. præcessit similis sterilitas in Gallia. Et anno 1719. usque ad annum 1721. longè minor observata est quantitas pluviae, quàm prioribus annis.

De causa talis phænomeni Philosophi hæcenus variè sunt ratiocinati. Quidam existimarunt: hoc lumen provenire à splendore halicum in Mari Germanico in magna multitudine existentium; ex iis enim talem splendorem in vicinum aerem per modum Auroræ diffundi posse.

Alii existimant: hoc lumen provenire à particulis mercurii seu argenti vivi, quod copiosius reperitur in locis Septentrionalibus; cum enim constet, mercurium in nonnullis barometris noctu diffundere lumen, simile lumen dispergi posse arbitrantur ab effluviis mercurialibus. Plerique putant: hæc phænomena consistere in accensione cujusdam materiæ sulfureæ; legi horum aliquem, qui asserat: se in observatione talis phænomeni percepisse odorem sulfuris, sed falluntur hi omnes insigniter. Halices nec sunt ubique in Gallia & Germania præsentis; & ubi sunt præsentis in Mari Germanico, non causant talia nautis quotidiana phænomena; neque etiam per totam Germaniam, ubi differentia latitudinum est magna, posset altitudo arcus luminosi apparere sub eadem altitudine ac longitudine. Particulæ mercuriales sunt



sunt plures in Hispania, ubi eruitur mercurius in magna quantitate, quàm in Germania; effluvia etiam deberent esse plura ob maiorem calorem, nec tamen ibi frequentiora sunt talia phænomena, licet aliàs habeant noctes frigidissimas. Similiter hoc phænomenon non consistere in accensione sulfuris, vel ex hoc solo potuisset colligi, quòd nunquam in hoc phænomeno visus sit ignis, sed tantum lumen pallidum; radii etiam omnes movebantur secundum lineam rectam, quod iterum certum est signum; id provenire ab aliqua reflectione, idipsum certum redditur ex observatione similis phænomeni hîc à me Pollingæ ante octo annos nempe anno 1721. 1. Februarii institutæ. ex qua simul refellitur error Sociorum Academia Regiæ Parisiensis, qui putant, talia phænomena habere ingentem altitudinem supra terram, eò quòd sine notabili parallaxi arcus luminosus sub eadem altitudine in diversis Galliæ Provinciis conspectus sit infirma sanè ratio, quæ ex arcu Iridis in diversis Provinciis sub eadem altitudine viso facile refellitur. sed observationem ipsam testem habeamus.

Itaque 1721. 1. Februarii ab hora 7. usque ad 11. hîc Pollingæ observavi versùs Septentrionem arcum luminosum, albicantem, ac splendidum, de reliquo Iridi simillimum. Idem visus est eodem tempore in variis Germaniæ, & Galliæ Provinciis: Situs erat Equatori parallelus & Meridiano Pollingano perpendicularis. Altitudo arcus erat ferè 11. graduum. Chorda Horizontalis ab Oriente versùs Occidentem porrecta obtendebat angulum visorium plus quàm centum graduum. Sub arcu spissa caligo totum inferius segmentum repleverat, quamvis aliàs collum serenum nec caliginosum fuerit; per ipsam illam tamen densam caliginem tralucebant, præ reliquis duæ stellæ è dextro humero Persei. Scenâ hoc modo fixâ quadrante post Nonam exoriens subito ventus aliud oculis spectaculum objecit. Splendor enim candentis Iridis dissolvi, & loco prioris arcus erigi luminosæ columnæ, ac undique radiorum vibratorum agmina prodire cœperunt. Inter singulas lucis columnas intermediæ erant striz seu fasciæ caliginosæ densissimæ obscuritatis, ex quo manifestum est, lucem aliò derivatum fuisse, ut fieri solet in omni refractione, dum lucem refractam circumdant limites obscuri. Sic ergo arcus durante quadrante in mille formas distractus est. sed composito iterum post quadrantem vento denuo pristina Iris priori vultu, ac eodem candore, atque eadem altitudine ante oculos stetit. Quadrante post decimam rediit prior radiorum hinc inde vagantium confusio, quâ iterum ut prius sedata tandem circa mediam secundam integer lusus inconstantis lucis disparuit. Notari meretur, quod arcus splendore suo in subiectam planitiem oculo vicinam integrum tractum luminis ad spatium dimidii miliaris constanter projecit, eo prorsus modo, quo vitra solent per reflexionem lumen regerere; tractus ille luminis uno vel duobus apparenter pedes latus semper erat arcui & Equatori parallelus. Illi qui erant versùs Austrum Pollinga diffiti, & no-

R. D. Enseb. Amori Philosophia.

stro territorio in valle sito altiores, nil viderunt, nisi tantum lumen Horizonti vicinum; quotquot tamen illud phænomenon observarunt, illud omnes observarunt recta versùs Septentrionem. Omnium vero circumstantiarum primaria est, quòd hoc idem phænomenon desuper ex cacumine montis Pleissenbergensis septingentis circiter pedibus Parisiensibus verticaliter alti observatum sit. Ex hac enim observatione demonstratum est, talia phænomena non habere notabilem altitudinem, nubium altitudinæ majorem. Itaque Viri Religiosi ac docti, qui ex Canonica Rottenbuecheni cacumen illius montis incolunt, observarunt præfato die ab hora 9. usque ad medium noctis, quòd nubes lucidissima infra montem totam vicinam regionem, adeoque etiam subiectam vallem, in qua Canonica nostra Pollingana sita est, versùs Septentrionem contegeret. Arcus quidem ex illo cacumine observabatur nullus, sed lux ex illa nube tam clara prorupit, ut etiam libri ad illam lucem legi possent. Observarunt etiam, nubem illam lucidissimam quandoque instar maris fuisse agitaram. Ex quo evidens est, talia phænomena consistere in nube quadam circiter quingentos Parisienses pedes alta, quæ dum lucem instar Iridis reflectit, efformat arcum illum luminosum. Verosimillimum est, phænomenon consistere in filamentis glacialibus, seu particulis glacialibus cylindris, lucem reflectentibus, ac in aere fluctuantibus. In hac hypothesi omnes proprietates phænomeni optimè possunt explicari; & ipsa hypothesis nihil admittit, cujus existentia non probetur. quòd enim præfato die existerint in aere particule glaciales cylindricæ, ex eo ostenditur, quia eo die dabantur omnia, quæ ad formandas tales particulas requisita sunt. die enim præcedente erat intensus calor, quo solutis jam diu antea nivibus educebantur è terra exhalationes nitrosæ volatiles, ingruente nocte simul tam aere frigus ingruit; ut necesse fuerit vapores nitrosos congelari subito in aere. Jam verò in omni congelatione ab initio formati filamenta glacialia, constat ex genere omnis congelationis & crystallisationis, quam eruditè explicat dissertatio de formatione glaciæ ab Academia Burdegalensi annuo præmio donata. Denique quòd particule glaciales copiosius reflectant lucem in aere residuam, notum est ab experientia; quando enim in hyeme aerem humidum ac calidum subito occupat frigus nocturnum, videmus muros totos respergi talibus particulis glacialibus, quæ splendent etiam in tenebris. Ratio verò, cur talia phænomena tantum videantur versùs Septentrionem, est, quia versùs meridiem tempore hyemali conspiciuntur stellæ plures, & fulgidiores, ut constat ex globo cœlesti, quàm versùs Septentrionem, v. g. Orion, qui solus continet plus quàm tria stellarum millia. Igitur mirum non est, quòd confusus stellarum magis Australium splendor à particulis glacialibus post unam refractionem reflexus denuo secunda vice refringatur in oculum, sicque

U n



sicque exhibeat formam lucentis Iridis. Nec à vero multum aberrabit, qui diceret, phænomenon maxima ex parte provenire à refractione ac reflexione radiorum Orionis. hora enim nona Orion erat ferè in Meridiano; cum ergo Orion sit propè in ipso Equatore, cujus altitudo apud nos est  $42^{\circ}$ . & facile sic nubes collocari potuit, ut angulus reflexionis esset  $11^{\circ}$ . Id confirmatur ex eo, quia altitudo phænomeni Giesæ, ubi latitudo est  $4^{\circ}$ . ferè major, altitudo arcus visa est aliquot gradibus major. Item ex eo, quia juxta motum Orionis versùs Occidentem observatus pariter à me est motus phænomeni versùs Orientem, sic ut arcus, qui hora nona erat Equatori parallelus, post duodecimam jam ultra  $30^{\circ}$ . versùs Orientem recesserit. Quod attinet colorem hujus Iridis candidum, is necessariò provenire debuit ex confusione tot radiorum cælestium; ut enim ostendit Nevvtonus de coloribus, albedo oritur ex confusione omnium radiorum. Colores prodeunt ex separatione radiorum; ea verò separatio non fit per materias adeò densas, ut sunt glacies, hinc & anno 1720. manè oriente Sole in Autumno sereno undique cælo observavi arcum Iridis album, natum ex nebula, quæ aliquot priùs momentis totam viciniam sic obtexerat, ut ad aliquot passus nullum objectum discerni posset. Altitudo illius Iridis erat circiter  $42^{\circ}$ .

Superest, ut explicem etiam columnas lucidas, quæ ex arcu surgere videbantur. Facilis solutio. Columnæ illæ nunquam erigebantur, nisi flante vento. ventus particulas cylindricas glaciales, quæ priùs situ Horizontali innatabant aeri, turbatas erigebat verticaliter; itaque necessarium erat, ut & radii reflexi repræsentarent columnam erectam verticaliter. Sicut enim turbata ac agitata unda reflectit radios solares diversimode, ita necesse est fieri in particulis glacialibus concitatis à vento spissior caligo sub arcu, per quam tralucebant stellæ provenit ex eo, quia radii alioquin rectà ad illud aeris spatium directi per refractionem aliò abducebantur. Sic & contingit, quando radii solares transmittuntur per vitrum causticum, ut focus luminosum eingat annulus obscurus.

### C A P. III.

#### De Halonibus & Parheliis.

**H**Alones vocantur circuli, qui Solem aut Lunam quandoque ambiunt. Parhelia vocantur soles apparentes, qui præter verum quandoque in cælo conspiciuntur. Sic dicuntur, eo quòd παρὰ τὸν ἥλιον cernantur.

Circa Halones observatur 1. quòd in eorum circulorum centro semper existat Sol aut Luna; adeoque semper sequantur motum sui astri in cuius centro existunt.

2. Quòd circuli illi varios induant colores. Ex-

terior limbus cæruleus plerumque videtur aut flavus; interior verò ruber.

3. Spatium aeris intra circulum contenti obscurius esse videtur aere existente extra circulum; & ubi est color vividior, ibi in vicinia etiam major est obscuritas.

4. Quamvis Halones quoad colorem aliquantulum convenient cum Iride, ab hac tamen multum differt. Irides enim nunquam cernuntur, nisi in eo loco, in quo est pluvia; Halones verò nunquam apparent in eo loco, ubi est pluvia.

5. Distantia horum circulorum seu peripheriæ à suo centro habet quandoque 20. 30. 40. &c. gradus circuli maximi, prout ex pluribus talium Halonum observationibus expertus sum. Addo unius descriptionem, qui observatus est Parisiis 1667. 12. May sub horam 9. ante Meridiem. Diameter circuli erat  $44^{\circ}$ . latitudo limbi  $36^{\circ}$ ; partes limbi superior & inferior tinctæ erant coloribus rubro & flavo; eæque distinctæ erant inter se colore purpureo. Color rubes erat intra circulum flavum; aliæ partes erant tantum albicantes, nec satis clarè apparebant. spatium intra Halonem erat paulo obscurius aere externo præsertim circa colores vivacissimos. Altitudo Solis initio observationis erat  $46^{\circ}$ . In aere ferebantur tenues & albæ nubes, quibus distinguebatur cæruleus cæli color. Splendor Solis minuebatur, nec major erat, quam dum Eclipsin patitur. tempestas erat pro eo anni tempore frigidior; & nocte præcedente gelasse affirmabant. Halo is eodem colore ac splendore conspectus est ab hora 9. usque ad dimidiam decimam. Tunc enim colores fieri cœperunt languidiores, donec tandem hora 2. pomeridiana phænomenon disparuerit, licet paulo ante finem apparitionis colorem suum recuperaverit.

Ut talium phænomenorum reddatur ratio, supponi potest; eo tempore aerem plenum esse particulis glacialibus; ita enim fiet, ut Sol vel Luna per tales particulas adhuc visa suos radios refringat circulariter, sicque circulum efformet. sit enim in fig. A. Sol. E. oculus C B D tres lentes fig. 33 glaciales; radius B E rectà tendet in oculum; radii verò C D transibunt refracti itaque radius D E in ea positione dabit colorem flavum vel rubrum, prout juxta systema colorum Nevvtonianum major vel minor fuerit refractionis. Dumque idem præstant omnes aliæ particule glaciales in æquali distantia circa Solem positæ, necessariò prodibit circulus coloratus circa Solem.

Circa Parhelia observatur 1. quòd plerumque, quando videntur plures soles in cælo, etiam videatur circulus albicans, parallelus Horizonti, & transiens per Solem. Ratio hujus redditur; quia Parhelia oriuntur ex refractione radiorum solarium per glaciales particulas in aere volitantes. Cum autem ipsæ glaciales particule visibiles sint, & in certa positione ad Solem instar speculi lumen Solis reflectant ad oculum, clarum est, quòd, sicut in priori phænomeno circa Halones dictum est, in determinata solum distantia ac positio-



positione radium reflexum ad oculum deferant; dumque idem præstant aliæ particulae in eadem distantia ac positione ad Solem constitutæ, necessariò efformant circulum ac quasi albicantem Halonem circa Solem. Situs Horizontalis circuli est tantum apparens, quia particulae glaciales oculo propiores ac reipsa inferiores videntur tamen habere propè eandem altitudinem, ac habent remotiores reipsa altiores.

Secundò observatur, quòd soles apparentes spurii, quorum aliquando apparent duo vel tres, semper cernantur existere in ipsa peripheria præfati circuli. Ratio est, quia tales particulae glaciales ex ea parte, quæ planities suas in certa positione obvertunt Soli & oculo, habent se instar vitri polygoni, quod multiplicat objecta.

Tertiò. In iis circulis quandoque conspiciuntur colores. Ratio est, quia radii Solis per particulas glaciales diversimodè refringuntur, sicque necessariò prodeunt colores juxta systema colorum Nevvtonianum.

Quartò. Cum Parheliis frequenter circa Solem cernantur Halones. Ratio est, quia ambo nascuntur ex particulis glacialibus tantum figura, densitate, ac positione diversis. Vide figuram aliquot talium Parheliolorum ex P. Zahn, utque ea melius intelligas, sit in fig. Sol in A. 34. oculus in C. materia glacialis supra oculum & caput observatoris D B E F G. itaque radii solares directi transibunt irrefracti in oculum, sicque oculus videbit Solem constitutum in A. econtrà radius A D. refringetur ex D. versùs oculum C, sicque imago Solis apparebit in D. sic ex illa parte in oculum deferantur radii ex quovis Solis puncto sensibili prodeunt; ut sit in vitris polygonis.

Quod dictum est de Parheliis, intelligi etiam debet de Parfeliis, seu pluribus lunis; sic hoc anno, quo frigus erat intensissimum, apparuerunt tres lunæ in Hungaria; una plena; reliquæ duæ verò semiplenæ. Sicut enim per vitrum polygonum aliquod objectum ex una planitie vitri videtur totum, ex alia tantum dimidium, ita contingit circa Solem vel Lunam, quando cernuntur per glaciem aeris polygonam. Vide fig.

fig. Illud solum addo; glaciem in aere formari ac detineri posse in magna etiam mole; id non solum constat ex grandine, qui nonnunquam lapides glaciales magnitudinis extraordinariæ defert, sed etiam ex eo, quia hoc ipso anno 1729. in Norvvegia tantæ molis glacies è cælo decidit sæviente enormiter hyeme, ut plures domus penitus obruerit,

## C A P. IV.

### De Iride.

Circa Iridem observatur. 1. Eam nunquam cerni, nisi in regione Soli opposita, sic ut spectantibus Sol à tergo sit. 2. Iridem in nullo loco reipsa existere, nisi ubi cadunt pluviae.

R. D. Euseb. Amort Philosophia.

3. Ordinem colorum in Iride constanter esse hunc, ut extremus sit croceus, aut flavus, secundus ruber, tertius viridis, quartus violaceus vel cæruleus; qui tamen colores non habent in omni Iride eandem vivacitatem. 4. Quandoque apparent duæ Irides. Tunc verò superior refert colores inverso ordine, eosque longè pallidiores, quàm in inferiore. Itaque color croceus qui in inferiore Iride est primus, in superiore est ultimus. 5. Arcus Iridis semper quidem est perfectè rotundus, sed non semper apparet tam magnum illius segmentum ut exhibeat figuram perfectè circularem. 6. Latitudo arcus semper apparet eadem. 7. Iris maxima seu maximæ altitudinis spectatur, quando Sol est in Horizonte; quo verò altius Sol supra Horizontem attollitur, eo minor est altitudo Iridis. 8. In nostro Horizonte Iridis nunquam multò excedit 42. gradus.

Ut horum omnium reddatur ratio, duæ famosiores dantur hypotheser. Prima est Nevvtoni de coloribus, ubi ostendit, colores nasci ex separatione radiorum jam antecessenter coloratorum; cum enim radii colorati juxta diversitatem suorum colorum habeant diversam refrangibilitatem, sit, ut radii hi diversimodè refringantur per guttulas pluvias, sicque prodeant separatim diversi colores; prout ibi fusiùs explicatum ac probatum reperies.

Cartesius docet: Iridem fieri per duas refractiones & unam reflexionem radiorum solarium. Sit in fig. Sol A B, guttulas pluvias repræsentet fig. globus vitreus C D E H G K. Hic globus undique obducatur cerâ, & relinquantur tantum duæ aperturæ C E. intromittatur radius A C. per aperturam C. si globus vitreus fuerit aqua repletus, refringetur radius A C, in D. & à D. reflectetur in E. ab E. refringetur in oculum F. Reperit Cartesius, radium sic bis refractum & semel reflexum referre colorem rubrum; aut si aperturæ paululum fuerint contractiores, radius referet colorem flavum vel cæruleum. Idem expertus est circa radium B H. intromissum per aperturam H. is enim ab H. refringetur in I, ab I reflectetur in K. & à K. reflectetur in G. per aperturam G. refractus descendet in oculum F. ubi iterum refert colorem rubrum, & paululum contractiore apertura colorem flavum vel cæruleum. Gradus in utroque casu Cartesius dimensus est 42°. usque ad 52°. Si itaque pro globo vitreo ponantur in aere guttulae pluviae, idem præstabunt, ut cernere est in fig.

Iridem artificialem exhibent prismata, vel etiam aqua ore in minimas guttulas manè oriente Sole à tergo posito sursum explosa ac dispersa. ratio semper est eadem.

Quod hîc dictum est de colore Iridis, idem dicendum est proportionaliter de colore nubium, vaporum, vel aeris. Quando enim cælum refert colorem cæruleum, censendum est, radios lucis eodem modo per vapores diffringi, quo diffringuntur in Iride eâ parte, quæ refert colorem cæruleum. Quando manè rubet cælum, censendum est in aere latere vapores seu bullulas aqueas, quæ eodem modo refringunt radios, quo fit in Iride; dumque altius surgente



Sole rumpuntur, per modum pluviae decidunt. Econtrà, quando nocte rubet cœlum, eadem bullulæ frigore nocturno condensatæ per modum roris decidunt, & sic serenum futurum proximo die insequente indicant.

## CAP. V.

## De Fulmine.

**D**E Fulmine duo quæri possunt. 1. Quomodo nascantur? quæ causa? quæ materia? 2. Ubi nascantur? utrum in aere, vel in terra?

Verosimile videtur, fulmina oriri ex commixtione acidorum cum Alcalicis; ex hac enim commixtione facile oritur accensio, ut notum est ex principiis Chymicis. cùm enim aer abundet nitro, & spiritus nitri constituat acidum, quod cum Alcalicis commixtum est causa inflammationis, non est quærenda alia causa fulminum, & sulfuris in fulmine reperibilis.

Ortus fulminum plerumque videtur fieri in aere, quamvis nonnunquam etiam fiat in terra vel prope terram. quando enim exhalationes nitrosæ copiosius replent aerem, prout fieri solet ubi metitur fœnum, tunc particulæ nitrosæ instar pulveris pyrii, qui ex nitro conficitur, per aerem disseminatæ, & ope ventorum in arctius spatium collectæ facile per fermentationem cum Alcalicis concipiunt ignem. Hoc systema de ortu fulminum probatur sequentibus experimentis.

Primo enim constat, per artem construi posse *aurum fulminans*, ut vocatur, quod ipsum consistit in commixtione acidorum cum Alcalicis. Fit enim hoc modo: Solvatur aurum aquâ regiâ, & præcipitetur ope olei tartari. Pulvis qui fundum petit, sensim exsiccatus, non modo admoto igne incenditur, sed etiam calore mediocri ignis excitatum fragorem ingentem edit.

Idem aurum fulminans minore sumptu paratur hoc modo: Sumantur tres drachmæ nitri, sesquidrachma tartari, & una sulfuris: Hæ misceantur, & unâ in pulverem tenuissimum contuadantur. Is pulvis impositus alicui cochleari supra carbones accenditur & fragorem ingentem edit.

Secundum experimentum præbet Scipio Massæus in Epistola anno 1723. ad Valisnerium data, ubi sic refert: Cùm nuper per Etruriam iter faciens in Castellum Lunensis agri diverteretur, quod Itali sua lingua Fordinuovo appellant, coorta paulò antè tempestate pluvia & satis turbulenta nova res planè, ac improvisa accidit. ex improviso enim in ipso conclavi ardere vividissimum ignem è cæruleo subalbicantem versùs pavimentum conspicio. Videbatur motu intestino vehementissimo agitari. Cæterum ipsius flammæ corpus, quod nonnullam habebat extensionem, hære per aliquot momenta sine motu progressionis, appropinquare dein ad nos subtiliori exerta lingua, rursusque insistere & in

majorem dilatari flammam apparebat. Perinde ut accenso pulveris nitrati cumulo propagati ignem per lineam ejusdem pulveris ad alium cumulum videmus. Indè sensi post humeros præterire meos, tenui & sursum tendente tractu, cecideruntque in caput nostrum aliquot frustra ruderis de fornice. Dein rumorem audivimus in superiori conclavi, fortè propter ingentem tabulam de pariete avulsam, & puncto temporis strepitum ac fragorem in sublimi, differentem ab illo reboante tonitruorum murmure. Itaque existimo, collecta in aere conclavis pavimentum versùs satis magnâ copia vaporum nitrosorum & sulfuris, concitatisque iis in motum vehementem mutumque attrictum tanquam fermento quodam accensos primùm fuisse vapores illos in loco maximæ congeriei, deinde progressam flammam ad aliam congeriem proximam, veluti secundum quendam ignis globum effecisse. Ac simili modò pleræque generari fulmina existimo. Constat quædam loca præter cætera subiecta esse fulminibus, frequenterque tangi, insigni testimonio est ipsum Castellum Fordinuovo, quod ob eam rem pane deseruerunt domini. Ita Marchio Massæus.

Tertium experimentum habetur ex Epistola Abbatis Hieronymi Lioni inserta Diario Italico tom. 32. sic habet: Cœnante me in loco proximo tempestas subito coorriebatur sævissima, quæ magnopere attentionem excitabat nostram; ventus, tonitrua, fulmina sine intermissu. Locus, ubi sedebam, oppositus fenestræ erat, quam, quod minus à vento verberabatur, apertam esse volueram, ad observandum finem tam fœdi initii. Dum commodissimè observo, quæ sequuntur, subito accendi flammam vividissimam conspicio, duos paulò minus cubitos supra terram, tenui tractu ascendentem, & citius quàm natro evanescentem, relicto terribilissimo fragore.

Quartum exemplum refertur à Professore Mathematicum Massihenſi Societatis Jesu in Actis Trevoltiensibus 1727. sic habet: Descendebat quidam à Monte Provincie satis alto, uno comitatus socio. Aer erat serenus, sed calidissimus. Primùm quidem circa medium montis advertebant nebulam, quæ totam terram contexerat; è medio nebulæ conspiciebant prodire ignes, qui hinc indè in nubibus circumvagabantur; simul audiebatur fragor tonitruum. Dum profundius descendunt in nebulam viderunt globos copiosos in turbinem actos hinc indè agitari per nebulam; ac simul senserunt frigus acerrimum. Globi ignei in nebula volitantes referebant colorem sulfuris. Subin plures globi in vorticem acti jungebantur in unicum, & tunc cum fragore tota massa dissoluta est.

Ex his omnibus patet, fulmina oriri ex commixtione partium, maximè nitrosarum.

Quintum experimentum præbet Epistola Pagliorini ad Marchionem Massæum, quæ extat in Diario Italico tom. 34. Serum, inquit, erat diei, cùm in cella vinaria Dominorum Benedictorum hujus civitatis nobilium, certum vini genus trans-



transfundendum esset in dolium, sedecim cados Romanos capiens. Quod priusquam fieret, lotura quadam præparandum esse dolium ratus, is cui res illa erat demandata, quinque circiter vini cantharos in parvo aheno ad ignem ferverecit, mox ope infundibili per epistomium vasis cætera curatè clausi crebrisque circulis ferreis muniti ingerendos, quod simul fieri cæptum est, levis circa infundibulum emicat flamma. Homines novitate rei percelluntur; neque tamen eo secius collecto animo universum vinum ferverefactum immittunt. Id verò vix intraverat, cum vastissimus exoritur fragor, qualis ferè tonitruum aut bombardarum esse solet; totamque cellam ignis occupat. Foramen circa fundum dolii factum est tres uncias palmi Romani patens, lignaque lacerata magno impetu ad murum oppositum sunt projecta, tantaque fuit vehementia concussionis, ut in superioribus ædium partibus moveri terra crederetur.

Similes effectus narrantur in Annalibus Physico-Medicis Vratislaviensibus 1718. de igne è forno pistoris excurrente, postquam nimis resinoso ac arido ligno erat infartum. Item de balsamo sulfuris terebinthinati, de quo Hoffmannus in Observ. Phys. Chym. & Boyle in Novis Experimentis narrat per commixtionem spiritus nitri valde acris, & spiritus vini rectificatissimi subito tantam fuisse excitatam flammam, ut domus ardere putaretur.

Restat, ut pauca dicam de miris effectibus fulminum. Hi præcipuè in eo consistunt, quòd in momento dissolvant durissimas materias, easque prorsus inæqualiter. Legitur ferrum fuisse dissolutum in vagina, vaginâ illæsâ; & quæ sunt similia. Hi effectus explicari possunt, si dicatur, fulmina se habere per modum aquæ regię, vel aquæ fortis; aqua fortis dissolvit omnia præter aurum & vitrum; eaque componitur ex spiritu nitri. Aqua regia dissolvit aurum, eaque tantum differt à spiritu nitri, quòd illi additum sit sal Ammoniacum. Cum igitur fulmina etiam componantur ex spiritu nitri, fieri poterit ut facile dissolvat occurrentes sibi materias. & si pori fuerint in materia adeò laxi ac magni, ut partes seu salia fulminis facile transire possint, transibit fulmen illæsum. Si verò pori sint angustiores, in momento dissolvetur corpus à fulmine. Immo cum & ipsa salia, è quibus fulmina componuntur, plurimum inter se subtilitate differant, fiet, ut idem genus materiæ v.g. lapis, vel aurum ab uno fulmine dissolvatur, ab alio autem illæsum transeat.

## CAP. VI.

### De Ventis.

Constat, ventosidem esse in aere, quod fluitus in mari. Mare agitur ac volvitur per ventos; ipse verò aer ex qua causa moveatur,

nunc inquirendum est. Mihi videntur esse due ventorum causæ, Sol & Luna.

Primo enim Sol potest esse causa ventorum, in quantum per rarefactionem aerem distendit. ex hoc enim fiet, ut aer sic distensus per rarefactionem aerem vicinum propellat ac moveat. Et hæc causa est, cur sub Tropicis spirent ferè perpetui venti Orientales. Ulterius ex hac ipsa causa sequitur, quòd aer densior per suam elasticitatem semper debeat tendere versùs partes aeris rarefactas. Itaque Occidente Sole aer Orientalis per suam elasticitatem movebitur versùs Occidentem. Denique Sol excitando è mari, vel stagnis copiosos vapores facile tollit æquilibrium aeris, eosque versùs eam plagam distendit, ex qua minorem reperit resistentiam. Hinc cum è mari Occidentali excitantur tales vapores, qui versùs Orientem minores reperiunt montes, vel aerem rariorem ac subtiliorem quàm versùs Occidentem, ubi aer ex effluviis crassis Oceani est densior, oritur ventus Occidentalis, usque tamdiu spirabit, quamdiu vapores illi à Sole elicit suam fermentationem absolverint.

Ex Luna verò ventos oriri eo modo arbitror, quo per Lunam causatur aestus maris; ventos enim regulares per modum aestus aeris considero. Sicut mare quotidie, ubi Luna in meridie transit, premitur, ac versùs littora emoveatur, sic & per eandem Lunam aer premi, ac versùs plagas remotiores emoveri potest, ut fluxum ac refluxum æquoris imitetur suus fluxus ac refluxus aeris.

Difficile quidem est, hunc fluxum ac refluxum aeris intra justum systema concludere, plerumque tamen à vero non multum recedit, si teneatur hoc systema.

1. Luna paulò post primam quadraturam, & paulò antè ultimam quadraturam plerumque excitat ventos, quando est vicina suo Apogeo.

2. Id majori vehementia fit, quando Sol est in suo Apogeo vel Perigeo, aut in Apogeo vel Perigeo Lunæ.

3. Circa æquinoctia ob fluxum aeris ex Septentrione in Austrum, vel ex Austro in Septentrione venti diutius durant.

4. Circa novilunia & plenilunia rarè contingunt venti, nisi quando contingunt circa Apogæum Lunæ.

Ut verò hujus regulæ usus sit facilior, quærat in fig. locus Solis, qui facile reperitur, si sumatur dies mensis cujuslibet in E. 37 elliptica juxta signorum ordinem adscriptus. 2. Quærat Apogæum ac Perigeum Lunæ juxta tabulam hinc adjectam, addendo ad radicem semper gradus correspondentes mensibus, & decendiis, quorum unum tantum habet gradum unicum. 3. Quærat locus Lunæ ex tabulis, vel Calendario ut constituatur in debito aspectu ad Solem. 4. Quærat æquatio Apogel ex hac ipsa adjecta tabula. Ad hanc verò invenien-



dam prius nota esse debet distantia Lunæ à Sole; hæc invenitur numerando gradus à loco Solis usque ad locum Lunæ per signorum consequentia, aut subtrahendo locum Solis à loco Lunæ. 5. Locus Apogei Lunæ dirigatur versus gradum Eclipticæ in quo est. Si notum fiet, utrum quadraturæ Lunæ longè distent ab Apogeo Lunæ vel non. Si quadraturæ distant ab Apogeo ultra quadrantem, non habent magnam vim.

Ratio autem horum omnium est, quia æquilibrium aeris tunc tollitur, quando vel mutatur pressio Lunæ in aerem, vel quando mutatur affluxus radorum in aerem. Jam verò in prima quadratura incipiunt radii Lunæ immergi in aerem; in ultima quadratura incipiunt ex ea emergere, ut consideranti patet. Pressio etiam Lunæ major est in Apogeo, quia tunc illius pressio recipitur ex opposito, nempe ex parte perigei, ubi datur minus materiæ, & sic facilius recipit pressionem; quando etiam Luna est remota ab Apogeo 90°, seu tribus signis, facilius tollit æquilibrium pressionis, & tunc etiam frequenter oriuntur venti.

Quia tamen, ut supra dixi, hoc systema ventorum nondum numeris omnibus absolutum est, addam observationes cujusdam Neoterici, quas de Ventis suæ Physicæ inseruit L. 3. C. 5. sic habet:

1. Ventum nihil aliud esse, præter fluxum aeris, & vaporum quos secum desert, satis quidem notum est; sed plurima sunt ventorum phænomena, quorum causa & ratio non sunt faciles inventu, ut ex hoc Capite liquebit. Difficillimum item est causam & originem eorum accurate describere. Ut quid possit hoc in negotio fieri ostendamus, considerabimus primùm ventos in genere, quatenus constantes aut variabiles sunt; deinde varia eorum phænomena singillatim expendemus; denique de prima eorum origine agemus.

2. Venti dividi possunt in constantes & variabiles, quorum illi, in certis terræ partibus, quotannis certo tempore flant, & cadunt; hi verò usque adeò variant, ut nihil sit earum certi. Cum facilius sit invenire causam constantis effectus, quàm variorum, à constantibus ventis initium faciemus. Ante omnia observandum constantes & periodicos ventos, non nisi in amplissimis maribus, deprehendi. \* Oceanus autem in tres partes dividi potest. Prima est marium Atlantici & Æthiopici; altera Oceani Indici; tertia Maris Meridiani vel Pacifici. Quamvis hæc maria sint in Meridiana plaga, trans Tropicum Capricorni, conjuncta; sunt à Septentrione sejuncta, amplissimis terrarum spatium, quod ad dividendos ventos satis est. Prima pars est inter Africam & Americam; secunda inter Africam, littora Asiæ, insulas Indicas, & Novam Hollandiam; tertia denique inter Insulas Philippinas, Sinam, Japoniam, & Novam Hollandiam ad Occasum, littora verò Americana ad Ortum. Pro divisione illa marium, in tres quoque partes constantium ventorum dividitur historia.

3. In maribus Atlantico & Æthiopico, per totum annum, Subsolanus spirat, sine ulla alicujus momenti mutatione; nisi quòd nonnullis in locis ad Septentrionem vel ad Austrum inclinat, quod

\* Edm. Hallejus in *Act. Philos. Londin.* anni 1686, num. 183. Vide Tab. IV.

sequentibus observationibus distinctius explicabitur. Ad littora Africana, statim ac quis Canarias Insulas præternavigavit, & circa 28. gradum latitudinis Septentrionalis pervenit, satis vehementem Aquilonem experitur, qui aliquanto magis quandoque ad Septentrionem vel ad Subsolanum inclinat. Comitatur is ventus eos, qui ad Austrum cursum dirigunt, usque ad 10. gradum Septentrionalis latitudinis, si centum circiter milliariis à Guineæ littoribus absint. Inde ad 4. gradum ejusdem latitudinis occurrunt loca in quibus summa est malacia, aut aquæ sunt turbines.

4. Qui ad Caribas Insulas feruntur, quo magis accedunt ad littora Americana, animadvertunt Aquilonem magis ac magis ad Subsolanum inclinari, ut quandoque sit Subsolanus. Sed ut plurimum à Subsolano aliquantum ad Septentrionem declinat. Quando verò ad Subsolanum cursus dirigitur, ejus venti vehementia paulatim minui deprehenditur.

5. Tractus maris, per quos venti constantes aut variabiles flant, ampliores sunt ad Americana littora, quàm ad Africana, cum enim venti constantes nulli sentiantur ab iis qui Africana legunt littora, donec 28. latitudinis gradum præternavigarint, ad Americana ad 30. 31. & 32. gradum flant. Trans Æquatorem idem experientia compertum est, nam ad promontorium Bonæ Spei fines ventorum constantium sunt 3. aut 4. gradibus Æquatori propiores, quàm ad Brasiliensia littora.

6. A 4. gradu latitudinis Septentrionalis ad fines, de quibus modò diximus, qui trans Æquatorem sunt, ventus semper est inter Subsolanum & Austrum, & Subsolano etiam ferè propior. Observandum tamen ad Africana littora Austro, ad Brasiliensi Subsolano propiorem esse ventum, ut ferè plane Subsolanus sit. Cum eo venit, procellosus est & vehemens, nubes cogit, & creat in iis locis pluviam; sed quo magis ad Austrum accedit, eo est serenius cælum, & ventus tenuior. Verùm rarò eò inclinat.

7. Tempestates mutationem aliquam in constantibus ventis efficiunt, cum enim Sol maxime remotus est ab Æquatore ad Septentrionem, Euronotus in tractu Oceani, qui est inter littora Guineense & Brasiliense, magis ad Austrum accedit, & Aquilo magis ad Subsolanum. Vice versa quando Sol ad Tropicum Capricorni properat, Euronotus sit Subsolanus propior, & Septentrioni Aquilo.

8. Observandum tamen in Atlantico Oceano tractum esse, ubi Austus aut Libonotus perpetuò spirat; nempe secundum Guineensia littora, per spatium quod porrigitur, per 500. milliaria, eoque amplius, à monte qui *Sierra Ligna* dicitur, ad insulam *S. Thomæ*. Nam Libonotus constans, iis qui Æquatorem præternavigarunt 80. aut 100. milliariis à Guineensi littore remoti, magis ad Austrum accedit. Qui magis Africæ adpropinquant animadvertunt Australem, aut pane Australem fieri ventum, & quando adpellunt, Favonium, aut Favonio proximum esse. Hi venti spirant ad Africana littora, quando venti constantes, flant, sæpe enim malacia est, aut turbines qui ex omnibus cæli partibus spirant, aut Subsolani, qui maximas tempestates creant.



9. Ad Septentrionem Æquatoris, inter 4. & 10. gradum latitudinis, atque inter Meridianos Promontorii Viridis, & Insulæ ejusdem Promontorii omnium maximè ad Orientem porrextæ, tractus est maris in quo neque constans, neque variabilis ventus flare dici potest; æterna enim illic est malacia, quæ non turbatur nisi Fulgure, Tonitru & pluvia tam crebra, ut propterea ei loco *Pluvius*, nomen inditum sit. Quidquid illic sentitur venti, subito oritur, inæquabili flatu spirat, & per breve tempus, neque per magnum maris tractum, adeò, ut singulis horis, sæpe sit novus ventus, cui succedit malacia, antequam alius oriatur. Sæpe in classe, cujus naves invicem cernuntur, singulæ naves suum habent ventum. In hoc loco, per sex gradus omnibus velis naves in ulteriora tendant oportet; & deficiente vento, per integrum mensem illic moratæ dicuntur.

10. Ex tribus posterioribus observationibus, rationem cognoscimus duarum rerum, quas navigantes in Guineam, aut Orientalem Indiam deprehendunt. Altera est, quamvis mare sit arctius inter Guineam & Brasiliensia littora, cum id intervallum 500. milliaria non superet, naves, quæ ad Austrum cursum dirigunt, ægrè eum tractum præternavigare, præsertim mensibus Julio & Augusto. Cujus rei hæc est causa, quod Euronotus tunc temporis ultra solitos fines spirat, sive ultra 4. gradum latitudinis Septentrionalis; & præterea usque adeò ad Austrum converitur, ut quandoque planè Auster fiat, & quandoque etiam ulterius ad Favonium circumagatur. Nihil possunt nautæ aliud facere, nisi ut sequantur ventum; si verò ad Africam cursus dirigatur, navigantes magis ac magis ad Subsolanum converti ventum sentiunt; sed tunc timendum eis est, ut littora Brasiliensia præternavigare queant, aut ne in vada quæ illic sunt impingant. Contrà si ad Vulturum tendas, ad littora Guineensia accedis, à quibus recedere non potes, nisi ad Insulam usque S. Thomæ, Subsolanum versus naviges; quod semper faciunt qui Guineam petunt, & mirum prorsus videretur, nisi ventorum ratio nota esset. Cum enim ad id littus acceperunt, ventum aut Africum, aut Libonotum habent, quo spirante ad Septentrionem Guineæ, cursus dirigi nequit. Sed ad ventum secundum propius navigantes in Indiam non possunt accedere, quam si Austrum aut Euronotum habeant. Hi quidem venti à terra expellunt, sed quo magis eos sequuntur in Indiam navigantes, eo magis contrarios experiuntur. Quando littori propiores sunt, possunt tendere ad Austrum, sed si remotiores sint, non est commodior ventus Euronoto, aut etiam Vulturno; quibus plerumque cursum dirigunt ad Insulam S. Thomæ, & ad Lopesium promontorium, ubi cum ventus sit verè Vulturhus, eo utuntur, ut eant ad Favonium, usque ad 3. aut 4. gradum latitudinis meridianæ, ubi perpetuus est Euronotus.

11. Propter constantes hosce Ventos, quicumque in Virginiam cursum dirigunt, quam celerrime ad Austrum progredi nituntur, ut vehementiorem ventum, quo ad Occidentem ferantur, nancisci queant. Eadem de causa, qui ex America in Europam redeunt, conantur quam citissime possunt 30. gradum latitudinis adsequi, ubi variabiles venti esse incipiunt; quamvis plerumque sint inter Favonium

& Austrum venti, qui eam partem Atlantici Oceani perflant.

12. Sunt quidam in Caribis Insulis procellosissimi venti, quos *Ouraganos* vocant, & qui circa Augustum mensem eas Insulas vexant. Verum huc illi non pertinent, seu quia neque sunt diuturni, neque per amplum terræ spatium sentiuntur, seu quia semel quotannis non redeunt; quandoquidem uno anno aliquot interdum eas oras devastant, interdum plures, sine ejusmodi procellosis ventis, præterlabuntur anni.

13. Quidquid hætenus dictum est, intelligendum de iis ventis, qui in mari remotis à terra sentiuntur; neque enim de ventis qui terram perflant paucis agere possemus, propter summam varietatem, respectu frequentiæ, durationis, vehementiæ, & locorum in quibus sentiuntur. Montes, valles, sylvæ, terrarum dispositio, quæ aptiores, aut ineptiores sunt calori reflectendo, condensatio exhalationum & vaporum tantas in iis creant mutationes, ut investigationum, si hæc singillatim excutienda essent, nullus finis esset futurus.

14. In Indico Oceano, ut ad secundam partem veniamus hujus tractationis, venti sunt partim perpetui, partim periodici; per sex nimirum menses, ab uno cardine flant, & per sex sequentes ab opposito. Tempora quibus flant, & pars cæli undè spirant, variis in tractibus Oceani, non facile potuerunt, nisi post multas observationes, notari. Ii venti *Monsones* ab Indis vocantur, inversa, ut putant, Arabica voce *Saumon*, quæ mutationem venti significat. Nos *reflabros* ventos, Apulejana voce, vocabimus.

15. Inter decimum & 30. gradum latitudinis Meridianæ, sive inter Madagascaris Insulam & Novam Hollandiam, ventus constans est Vulturhus, qui illic per totum annum spirat, ut in Mari Æthiopico sub iisdem latitudinis gradibus, sicut antea diximus.

16. Vulturhus spirat per sex Menses, à Junio ad Novembrem, per Oceanum Indicum; quibus elapsis, qui sunt inter 3. & 10. gradum latitudinis Meridianæ, circa promontorium Septentrionale Madagascaris Insulæ, & qui sunt inter 2. & 12. gradum circa Sumatram & Javam, sentiunt Coram oriri, aut aliquem ventum ex iis qui sunt inter Septentrionem & Favonium, qui per sex alios menses ab initio Decembris ad Majum flant. Idem est rellaber ventus, ad Insulas usque Moluccas, ut postea dicemus.

17. Ad Septentrionem tertii gradus latitudinis Meridianæ, venti inter Septentrionem & Subsolanum positi, ab Octobri ad Aprilem flant in sinibus Arabico, Persicoque, & per totam longitudinem maris Indici, quæ inter Africana littora ad Sumatram porrigitur. Aliis verò sex mensibus ab Aprili ad Octobrem, ex contrario cardine spirant venti inter Favonium & Austrum. Atque hi sunt alii vehementiores, magnasque pluvias creant, cum contrarii serenum cælum faciant. Observatu tamen dignum est; ventos neque tam vehementes, neque tam constantes esse in Bengalensi sinu, quam in Indico Oceano, ubi certus ferè temper spirat ventus. Observandum quoque ventos inter Favonium & Austrum ad Africana littora magis ad Austrum accedere, in India verò magis ad Favonium.



18. Est tractus matis ad Austrum Æquatoris, qui est iisdem reflabris ventis obnoxius. Is est inter continentem Africam & Insulam Madagascaris, atque inde ad omne spatium quod porrigitur ad Æquatorum usque. Ab Aprilis usque ad Octobrem est vehementior Libonotus, quem quo magis in Septentrionem progrediuntur navigantes, eò magis ad Favonium accedere deprehendunt, ut tandem Africus fiat; qui ventus, ut dictum est, eo tempore anni, spirat ad Septentrionem Æquatoris. Ad ventos quod attinet, qui per alios sex menses, ab Octobri ad Aprilem, flant in eo mari, minus sunt noti, quia nautæ Europæi ex India redeunt inter Madagascaris Insulam & Africam non transeunt. Hoc unum constat in vicinia, ventos esse ferè Subsolanos, qui tamen ad Austrum & Septentrionem aliquantum declinant.

19. Ad Orientem Sumatræ & Malacæ, ad Septentrionem Æquatoris, juxta littora Cambajensia & Sinensia, reflabri venti sunt ferè ad Septentrionem & Austrum; hoc est, Aquilonem valde ad Septentrionem, Libonotum valde ad Austrum accedere. Hi venti porrigitur in Orientem usque ad Philippinas Insulas, & in Septentrionem, usque ad Japoniæ altitudinem. Septentrionales Monsiones, in illis maribus, incipiunt spirare Octobri aut Novembri; Australes verò Majo, & per totam æstatem flant. Observandum tamen cardines ex quibus in hisce maribus flant venti, non ita constanter esse eosdem ac in iis maribus, de quibus diximus. Austri sæpe ad Subsolanum accedit; quod videtur oriri ex plurimis illis promontoriis, quæ in ea maria extenduntur, multisque Insulis per ea sparsis.

20. Sub eodem Meridiano, sed ad Austrum Æquatoris, inter Sumatram & Javam ad Occidentem, Novam verò Guineam ad ortum, iidem sunt reflabri venti Septentrionales & Australes; ubi tamen est hoc discrimen, quod ventus Septentrionalis ad Favonium inclinet, Australis ad Subsolanum. Sed venti non sunt constantiores in hoc mari, quàm in superiori; neque mutatio eodem tempore fit ac in Sinensi Oceano, sed mense aut quadraginta diebus serius.

21. Hi contrarii venti non subito sibi invicem, nullaque interposita mora, succedunt. Alicubi est malacia per breve tempus, alicubi varii venti. Observandum præterea extremum tempus reflabri venti Occidentalis, qui Coromandelensia littora perflat, & Australis, qui in Sinensi Oceano spirat, obnoxium esse procellis, quarum tanta est vehementia, ut *Ouvragans* Americæ ferme æquet, & illo tempore periculosissimam per illa maria navigationem reddat.

22. Tertium mare, aut Oceani tertia pars, quæ Pacifica vocatur, amplitudinem duarum aliarum æquat, quippe quæ ab Americano littore occiduo, in eandem cœli plagam per 150. gradus porrigitur. Soli Hispani hoc mare navigant, dum eunt ex Hispania Nova in Insulas Manilhas, & quidem eadem semper viâ, adeo, ut non æquè accurata ventorum illic spirantium tradi possit historia. Verùm ex variis relationibus Hispanicis, aliisque colligere possumus, ventos illic flantes similes esse iis, qui Oceanum Atlanticum perflant. Venti, qui spirant ad Septentrionem Æquatoris, sunt inter Septentrionem & Subsolanum; qui verò flant ad Austrum Æquatoris

sunt inter Subsolanum & Austrum. Tanta constantia & æquabilitate ex utraque parte Æquatoris spirant, ut rarò necesse sit omnia adhibere vela, utque intra decem Hebdomadas vastissima illa maris hujus extensio peragretur. Ignoræ sunt etiam in eo mari procellæ, neque in ullo mari æquè commoda est navigatio; cum in eo navigantes certum semper ventum, neque eum æquo vehementiorem habeant. Quo factum est, ut multi crediderint, non esse opus longiori tempore, in Japoniam & in Sinam navigantibus, si per Fretum Magellanicum eo contendant, quàm si per Mare Æthiopicum & Indicum, circumacto Bonæ Spei promontorio, navigationem instituant.

23. \* Ea est ratio Maris Pacifici, si procul à littoribus consideretur; ad littora enim sunt varii venti, & cum flant qui sunt inter Austrum & Subsolanum, aut inter Austrum & Favonium, mare est ad littora propter summam agitationem periculosissimum; vel minimo enim vento summopere agitur. Quandoque cecidit ventus, etiam vehementissimus, subito tanta est maris malacia, quanta posset esse quando per longum tempus nullus spiravit; cum Mare Atlanticum, per aliquot dies, postquam cecidit ventus, pergat moveri. Mare Pacificum à terra remotius temper est, ut diximus, æquabili vento actum, sine procellis, ad littora verò multò magis æstuat; cum in Atlantico contrario modo res se habeat, nam ad littora ferè semper est tranquillum, cum in alto gravissimæ sint procellæ.

24. Limites ventorum constantium, in Mari Pacifico, iidem sunt ac in Atlantico, porrigiturque ex utraque Æquatoris parte ad 30. gradum latitudinis. Hispani enim ex Manilibus Insulis in Americam redeunt utuntur Australi Monsione, qui per æstatem in illis maribus spirat, & cursum dirigunt ad Septentrionem Æquatoris, ad altitudinem usque Japoniæ; ut nanciscantur varios ventos, quorum ope ad Orientem ferantur. *Schootenius*, alii que qui per Magellanicum Fretum navigarunt, invenerunt limites Libonoti, in eadem latitudine Australi. Præterea inter ventos qui in Mari Æthiopico, & ventos qui in Pacifico spirant, hoc simile est, quod ventus ad littora Peruviana, ut ad Angolensia ex Australi cardine spiret, ferè semper.

25. Ex hac ventorum constantium historia, sex potissimum exsurgunt Problemata, quorum solutionem quarunt Physici: 1. Quare venti ex orientali cardine perpetuò spirent, in maribus Atlantico, Æthiopico & Pacifico, inter 30. gradum latitudinis Septentrionalis & Australis? 2. Quare eos limites nunquam transiliant hi venti? 3. Quare Libonotus littora Guineensia constanter perfleret? 4. Quare in Septentrionalibus partibus Indici Oceani, venti qui per sex menses iidem sunt, ac in aliis maribus, convertantur in contrariam partem & ex opposito cardine spirent, per sex alios menses? 5. Quare in constantibus ventis, qui ad Septentrionem Æquatoris flant, semper à Subsolano ad Septentrionem inclinent; contra verò qui ad Austrum Æquatoris spirant à Subsolano ad Austrum inclinent? 6. Quare in Sinensi Oceano venti multò magis à Subsolano in Septentrionem declinent, quàm alibi?

26. Ad  
\* *Voyage fait à la Mer du Sud, anno 1684. par Ravenet de Lussan.*



26. Ad classem constantium ventorum referri possent nonnulli, qui certis temporibus etiam regiones nonnullas perflant. In Græcia & Italia aliisque regionibus vicinis \* „ exortum Caniculæ diebus „ octo ferme Aquilones præcedunt, quos Prodro- „ mos appellant. Post biduum autem exortus, iidem Aquilones constantius perflant his diebus, „ quos Etesias appellant; nec ulli ventorum magis „ statim sunt. Post eos rursus Austri frequentes, usque „ ad sidus Arcturi, quod exoritur undecim diebus „ ante Æquinoctium Autumni. Cum hoc Corus „ incipit. Corus autumnat, huic est contrarius „ Vulturnus. Post id Æquinoctium, diebus fere „ quatuor & quadraginta, Vergiliarum occasus hyemem inchoat; quod tempus in III. Idus Novembris incidere consuevit. Hic est Aquilonis hybernici, multumque æstivo illi dissimilis, cujus ex adverso est Africus. Ante brumam autem, ait tandem *Plinius*, sed falso, septem diebus totidemque „ postea, sternitur mare Halcyonum fortura, unde „ nomen hi dies traxere, reliquum tempus hyemat. Verum hoc observandum discriminis, inter constantes maris & terræ ventos, quod marini multo constantiores sint terrenis, neque adversis procellis tam sæpe turbentur, imò verò quibusdam in locis nunquam.

27. Ad variabiles verò ventos quod attinet, hi in terra potissimum sentiuntur, atque in mari trans limites constantium ventorum, ad Septentrionem & ad Austrum, hoc est, in parte frigidioris Oceani, & per omnes Oceani qui illic sunt sinus, quorum potissimi sunt Mare Mediterraneum, & Mare Balticum.

28. \*\* „ Veteres quatuor omnino ventos servavere, „ ait *Plinius*, per totidem mundi partes, (ideo nec „ Homerus plures nominat) heberi, ut mox judicatum est, ratione. Sequuta ætas octo addidit, nimis subtili & concisa. Proximis inter utraque mendia placuit, ad brevem ex numeris multo Veteribus peritiores, Horizontali circulo in 32. partes æquales diviso, præter quatuor ventos Cardinales, viginti octo alios nominarunt; quod navigationi utilissimum, ad Physicam non multum facit, nisi quod ex omnibus partibus cæli spirare ventos sciendum est.

29. Inter variabiles ventos, alii ubique per omnes terras flant, alii verò in quibusdam terris potissimum noti & frequentes sunt. Sed nulli sunt celebriores iis qui *Oxragani* vocantur, & in Insulis Caribis potissimum spirant, quandoque frequentius, quandoque rarius, nullis statis temporibus. Tanta est eorum vehementia, ut quicquid stat prosterant, arbores evellant, domos evertant, naves si quas deprehendunt aut mirum in modum circumagant, aut in mare, vel in terram deferant; imò verò aliquando in aërem attollant, per quem gravissima onera interdum vehunt. Non est eorum flatus æqualis, sed per impetus qui subinde oriuntur & concidunt; neque late flant, per amplissimum terrarum tractum, sed nunc intra exiguum spatium, nunc paullo latius. Durant tantum per aliquot dies, & interdum per aliquot dumtaxat horas. Quamvis autem in America frequentiores sint ejus-

R.D. Euseb. Amori Philosophia.

modi venti procellosi, quam alibi; attamen Europa & Asia eorum immunes prorsus non sunt, quod ex Historiis & Itinerariis plurimis constat.

30. In omnibus ventis, tam constantibus quam variabilibus, hæc observanda; alios nimirum exsiccare, alios madefacere, alios congregare nubes, alios dissipare & serenitatem creare, alios esse calidos, alios frigidos. Neque eorum una eademque est ubique ratio, nam qui in aliis regionibus frigidi sunt, in aliis calent; qui hic exsiccant, alibi madefaciunt; & vice versa, ut aliquot exemplis postea ostendemus.

31. Hæc sunt potissima in ventis observanda phaenomena; nam si singula excutienda essent, opus esset integro volumine; præterquam quod de multis, quæ hac de re feruntur, constare prius oporteat, quam eorum causæ investigentur. Plurima enim dicuntur, quorum, quia falsa sunt, nullæ possunt inveniri causæ. Itaque iis missis, eorum tantum, quæ adlata sunt, causas quæremus, & à constantibus quidem ventis initium faciemus.

32. Ventus\* recte decursus aeris esse censetur, adeoque ubi motus aeris in certam partem perpetuus est & certus, ex constanti atque immutabili causa oriatur necesse est. Nonnulli existimant motum telluris quotidianum circa axem suum, qui ad Orientem sit, causam esse perpetui Subsolanis; quia dum globus in eam partem rapitur, aeris levissimi & fluidissimi particule retrorsum manent, & ad Occidentem moventur respectu superficiei Terræ. Videtur hæc opinio Experientia firmari, quia in iis demum locis est Subsolanus perpetuus, quæ prope Equatorem sunt, & intra eos Parallelos, ubi motus Terræ rapidissimus est. Sed perpetua malicia quorundam Maris Atlantici tractuum, non procul ab Equatore, Occidentales venti littorum Guineæ, restabrique Occidentales, qui in Indico Oceano sub Equatore spirant, satis ostendunt, hanc hypothesein defendi non posse. Præterea aer, qui gravitate suâ superficiem Terræ premit, eique adhæret, eundem celeritatis gradum acquireret, ac partes superficiei Telluris; tam ratione motus quotidiani Terræ circa axem suum, quam motus annui circa Solem, cum hic motus sit circiter trigiesies rapidior priori.

33. Alia ergo quærenda causa, quæ possit eum effectum constanter edere, nec sit iisdem difficultatibus obnoxia, & quæ agat secundum proprietates notas aeris & aquæ, legesque motus corporum fluidorum. Ejusmodi est actio radiorum solarium in aerem & aquam, conjuncta cum soli natura, & situ vicinarum terrarum continentium. Observandum ergo 1. ex Staticis Legibus aerem, qui minus est calore rarefactus, ac proinde gravior, fluere oportere ad loca ubi magis rarefactus est, & levior, ut omnes ejus partes sint in æquilibrio. 2. Cum Sol perpetuo moveatur in Occidentem, & ea pars vertus quam movetur aer, sit magis rarefacta, quando Sol est in Meridiano, hæc fertur cum Sole in Occidentem; ac proinde tota massa aeris inferioris eo defluit. Sic creatur ventus Orientalis constans, qui postquam movit omnes aeris partes, quæ vastæ Oceani extensioni incumbunt, motum illum conservat, ad reditum usque Solis; quo tempore tantumdem re-

cupe-

X x

\* Ex Edm. Hallejo.

\* *Plinius Hist. Nat. Lib. II. c. 47.*

\*\* *Hist. Nat. Lib. II. cap. 47.*



cuperat, quantum amittere potuit, quo fit, ut spiraret Orientalis ventus perpetuus.

34. Ex hac hypothese sequitur, ventum declinare oportere ab Oriente ad Septentrionem, cis Aequatorem, & trans ad Austrum; prope enim Aequatorem multo rarior est aer, quam in remotioribus locis. Ejus rei ratio est, quod in plagis quae Aequatori subjacent, Sol bis quotannis verticalis sit, neque ab iis recedat plusquam 23. gradibus, in qua distantia cum calor sit instar sinus anguli incidentiae, non multum differt à calore perpendicularibus radiis creato. Sed sub Tropicis, quamvis aliquamdiu Sol verticalis sit, attamen cum illinc 46. gradibus recedat, ea distantia creat speciem quamdam hyemis; quā ita refrigeratur aer, ut calor æstivus nequeat eundem caloris gradum ei reddere, qui est sub Aequatore. Ideoque aer ad Septentrionem & Meridiem situs, cum densior sit eo, qui Aequatori subjacet, utrimque versus Aequatorem decurrat necesse est. Hic motus conjunctus cum eo, quo tota massa aeris ab Oriente in Occidentem rapitur, causa est omnium effectuum, qui in constantibus ventis deprehenduntur; adeoque si mari tota tegetetur globi superficies, ubique iidem essent venti, qui in Atlantico & Æthiopico mari spirant.

35. Sed cum mare amplissimis terrarum tractibus dividatur, ratio habenda est naturae terrarum, & altitudinis montium, quae varietatem maximam in ventis creare videntur. Regiones Tropicis vicinae quae planae sunt, humiles, & arenosae, ut Libyae interioris deserta, sunt obnoxiae calori incredibili iis qui non senserunt, cum propter directos Solis radios, tum propter calentes arenas. Aer autem eo summo calore rarefactus, cedat necesse est aeri frigidiori & densiori, qui eo ad servandum æquilibrium defluit. Hæc videtur esse causa cur ad Guineensia littora ventus ferè semper inter Austrum & Favonium spiret, cum in tractibus à terra remotioribus sit perpetuus Euronotus.

36. Difficile non est intellectu interiorem Africam summo æstu aduri, quā magis ad Aequatorem vergit, cum Septentrionales ejus partes usque adeo fervidae sint, ut Veteres, quibus hæ notæ erant, regiones inter Tropicos sitas præ nimio calore habitari posse non crederent. Hinc etiam videtur fieri, ut malacia sit perpetua, in eo tractu Oceani cui *Pluvius* nomen factum est, & de quo egimus, cum de Atlantici Maris ventis verba faceremus. Cum enim sit situs inter Occidentalem ventum, qui littora Guineæ perflat, & constantem Orientalem qui per illa maria aerem ad Occidentem defert, aer interpositus, qui æqua vi in utramque partem tendit, manet in æquilibrio. Cum præterea pondus Atmosphæræ minuat ventis perpetuis, qui illinc in contrarias cœli plagas spirant; non potest aer sustinere vapores copiosos quos admittit, qui proinde in pluvias densati recidunt.

37. Dum autem aer frigidus & densatus pondere suo premit calidum & rarum, oportet hunc, pro ratione rarefactionis, altius ascendere versus summas Atmosphæræ partes; deinde æquilibrii causa quaquaversum recidere, adeo, ut in altissimis aeris regionibus sit contrarius aeris decursus à calidioribus partibus ad frigidiores. Sic veluti per circulum, si in partibus superioribus aeris, ventus sint inter Se-

ptentrionem & Subsolanum, ventus debet esse in inferiore regione inter Austrum & Favonium, & vice versa. Neque hæc est mera conjectura, quando enim transiliuntur limites constantium ventorum, sæpe animadvertunt nautæ momento temporis ventum in punctum contrarium, ut loquuntur, desilire. Atque hoc ipsum Phænomenis reflaborum ventorum optimè convenit, quæ hac hypothese facillimè explicantur, alioqui explicatu difficilima.

38. Posico ergo in summa regione in circulum, quemadmodum diximus, agi aerem, in memoriam revocandum ad Septentrionem Indici Oceani, terrarum esse usque ad 30. gradum, quibus limites constantium ventorum occupantur; nempe Arabiam, Persidem, Indiam, &c. Hæ autem regiones, propter eandem rationem, quàm de æstu interioris Libyæ agentes adduximus, sunt interlerandis caloribus obnoxiae, cum Sol ad Tropicum Canceri pervenit, adeoque iis pæne verticalis est. Contra temperatiores sunt, cum Sol ad alterum Tropicum discessit. Hanc in rem aliquid conferunt altissimi montes ad Septentrionem horum littorum siti, qui sæpe hyeme nivibus teguntur, ubi aer ad Austrum veniens refrigeratur. Hinc sequitur, ex regula posita, aerem ab Aquilone versus Mare Indicum fluentem, nunc calidiorem, nunc frigidiorum esse, eò qui circulatione ex Libonoto defluit; ac proinde decursum inferiorem aeris modò esse ad Libonotum, modò ad Aquilonem.

39. Manifestum est nullam aliam causam horum esse querendam, ex temporibus, quibus hi venti oriuntur. Mense Aprili, cum Sol incipit incendere regiones quæ sunt ad Septentrionem Aequatoris, Australis reflaber ventus oritur, & per æstatem ad Octobrem usque spirat. Cum verò Sol trans Aequatorem rediit, ad Septentrionem oritur frigus, atque ad Meridiem augetur calor, Aquilo flare incipit, & per totam hyemem ad Aprilem usque durat. Propterea etiam ad Meridiem Aequatoris, inter Madagascaris Insulam & Africam, Corus Euronoto succedit, cum ad Tropicum Capricorni ab Aequatore Sol procedit.

40. Cum hæc sit constantium ventorum naturæ explicatio verisimillima, quæ nobis innotuerit; hæc tamen gravissima occurrit difficultas, quare cum in Indico Oceano venti mutantur semel quotannis, nulla talis fiat in Æthiopico Oceano, iisdem sub gradibus, mutatio? nam constat, per totum annum, ventum inter Austrum & Subsolanum illic flare. Hæc & alia terrarum vicinarum varietatibus fieri videntur, sed eas varietates indicare, quamvis nobis notissimæ essent, difficillimum esset; quia vastissimarum terrarum naturas & asperitates varias animo omnes descriptas habere, rationemque simul distantiarum considerare accuratè vix possumus.

41. Nulla etiam probabili conjectura adsequi possumus, quare fines constantium ventorum circa globum sint ubique ad 30. gradum latitudinis, qui gradus raro ab iis ventis transiliatur. Quis etiam certò dixerit, quare partes tantum Septentrionales Maris Indici sint reflabris ventis obnoxiae, cum in  
ejus



ejus Australibus partibus, venti perpetuò sint inter Austrum & Subsolanum? Videtur quidem oriri ex terrarum dispositione, quibus ad Austrum non ita coarctatur Mare Indicum, ac ad Septentrionem nisi nos fallunt Tabulæ Geographicæ. Sed cum hac in re multa nobis lateant, quæ necessaria essent ad eas solvendas difficultates, præstat interea dum innotescant *intexuv.*

42. Ad Aquilones quod attinet, quos Etesias Græci vocant, qui per mensem Augustum & finem Julii, in Græcia, Italia aliisque regionibus flant, ut ex *Plinio* vidimus; videntur ex eo oriri, quòd Sol qui tempore Solstitii Tropicum nostrum attingit, aerem non modo regionum quibus perpendiculariter imminet, sed & vicinarum ad Septentrionem ita calefaciat; ut aer ille mirum in modum ad superiorem aeris regionem ascendat, aerque adeò Septentrionalis, qui gravior & densior est, eò decurrat. Postquam verò aer magna copia illuc decurrit & à Sole rarefactus est, hoc ad Austrum amplius recedente, pondere suo, veluti circulo actus, per superiorem regionem in Septentrionem recidit, Australemque ventum creat, quem Etesias succedere observavit *Plinius*, ferè ad Æquinoctium Autumnale.

43. Inde contrario refluxu aeris & vaporum ad Septentrionalem mundi plagam nimia copia aggregatorum, nascitur Corus, qui est inter Septentrionem & Favonium. Fluxus ille aeris, ut *Plinio* verbo utar, *autumnat*; inde per Hyemen spirant Aquilones, qui ex Nova Zembla, & Aquilonariibus *Moscovix* partibus ad nos flant. Hi cum ex amplissimis terris nive & glacie adstrictis veniant, maximum secum deferunt frigus; & eo quidem tempore flant, quia altera parte aeris seu sinistra, si ad Septentrionem spectes, exhausta, illinc ubi est gravissimum frigus, adeoque aer densissimus, fiat fluxus necesse est. Prior autem Corus est, quàm Aquilo; quia ex ea parte, quæ ad nos deferretur Corus, sunt patentissima maria, per quorum superficiem facilius labitur ventus; quàm per asperitates terrarum, quæ ex Aquilonis cardine ad nos porriguntur.

44. Hæc eadem ratio ostendit quare constantiores sint venti marini, quàm terrestres. Nimirum maris æquor lambentibus nulla occurrit asperitas, quæ eorum cursum tardet, aut alio convertat; at terram perflantes incidunt in montes, valles, sylvas, aliaque quibus aliorum flecti, & tardari queunt. Ex mari præterea vapores ferè æqualiter hauriuntur; sed ex terra, pro vento flante, major aut minor eorum egeritur copia, quo fit, ut aeris fluxus varie possit mutari.

45. Hinc fit etiam, ut tantopere varient in terra venti, qui singillatim referri nequeunt, atque ad examen revocari; nisi situs & ratio terrarum omnium describeretur, quod fieri nequit, cum nemini sint satis comperta. Satis erit summam monuisse montes & sylvas, calorem & frigus, humiditatem aut siccitatem regionum infinitam illam in iis parere varietatem, quæ ad certas regulas revocari nequit.

46. Si quærantur rationes procelloforum ventorum, quales sunt in America Ouragani, vix quoque singulorum accuratè reddi posse videntur. Sed primum in memoriam revocandum est, eandem

esse omnium liquidorum rationem, ac proinde in aere motum extraordinarium posse creari, eodem modo quo in aqua excitatur. Excitatur autem motus in aqua violentior, varique in ea turbines, si ex alto cadat, aut si plures aquæ defluxus contrarii concurrant. Videmus hoc in Torrentibus è rupibus cadentibus, & in fluviorum confluentibus, ubi mirum aquæ motum deprehendimus. Si ergo simile quidpiam in aere fiat, oportet sævas excitari ventorum tempestates. Potest verò hoc fieri, si vapores, majori numero quàm solent, in locum quempiam incidant vento acti; quem facile præterlabi nequeant, propter montes in quos incidunt, aut oppositos ventos. Exempli causa, ventus inter Septentrionem & Subsolanum positus deferat ex Africa ingentem copiam vaporum in Caribas Insulas, incidatque in continentem Americam; potest fieri non modo, ut fluxui venti montes & sylvæ Panamensis Isthmi resistant, adeoque vapores ibi glomerent, sed etiam, ut in littore Americæ occiduo flet contrarius ventus inter Austrum & Favonium, qui vapores contrario motu actos illuc vehat. Cum hoc evenit, necesse est circa Caribas Insulas, & in illo toto sinu qui est inter Meridianam, & Septentrionalem Americam, mirum in modum æstuet aer & vapores in orbem acti quaquaversum ruant, quod in aqua fieri constat. Videmus enim in duorum fluminum confluentibus aquis, si paulò rapidiori cursu eò deferantur ubi miscentur, viros excitari vortices, qui materias injectas circumagunt, absorbentque ac revolvunt.

47. Hinc intelligimus quare fiat, ut corpora gravia in aerem quandoque evehantur Ouragani turbine, deinde in terram abjiciantur. Circumactus enim aer maxima vi è terræ superficie vicibus ad nubes ascendit, atque iterum descendit, aut quaquaversum spargitur. Quamadmodum etiam non uno continuo impetu maris commoti aquæ littora premunt, sed undis quatum aliam alia sequitur advehuntur, ut distinctis ictibus terræ adlidantur: sic quoque venti cursus, quando vehementior est, variis flatibus constat:

--- ut unda impellitur unda,

Urgeturque eadem veniente, urgetque priorem.

48. Eiusmodi Tempestates late admodum non grassantur, quamvis incerti sint earum fines, quia vicino aere leniter cedente, quo latius motus pervenit eo est minor. Sic lapide in aquam magna vi dejecto, videmus aquam eo in loco vehementer agitari, & in orbem moveri; sed quo magis à centro motus orbiculares distant undæ, eo lenius eas recedere. Ut enim ejusmodi motus in aqua non sunt diuturni: sic nec in aere, eadem de causa.

49. Quamvis oriantur ubique aliquando inusitata ventorum procellæ, aere & vaporibus in unum locum contrariis flatibus actis, attamen frequentiores sunt circa Caribas Insulas, præsertim quando Solem habent Verticalem, mensibus Junio & Augusto, quia Sole illic aerem rarefaciente, flati venti eò deferunt magnam aeris & vaporum copiam, quæ intra Sinum Americanum coacta, circa Insulas vicinas mirum in modum æstuat. Quando Sol est cis Æquatorem, ut antè diximus, aeris in locis magis rarefit, potestque interdum fieri, ut Euronotus, qui constanter trans Æquatorem flat, limitibus suis quandoque egressus Æthiopici Maris vapores eò ferat,



rat, quo jam Atlantici Maris vapores delati sunt: & cum à lictoribus Americæ retineantur, circa Caribæ Insulas necessario circumgantur.

50. Quamquam hæc non sunt absõna, attamen pro compertis haberi non possunt; nisi pluribus experimentis constaret, eo tempore quo *Ouragani* oriuntur, circa Insulas Caribæ ventos omnes ex vicinis maribus cum in locum concurrere; quod nobis nondum constat, nec experientia cognosci nisi difficulter potest.

51. Nunc ut ad phænomena communia ventorum veniamus: 1. Sicci videntur esse, qui quam minimam vaporum copiam secum devehentes, cum incidunt in humida corpora, humoris particulas ex iis divellunt. Sic in Hollandia Septentrio & Oriens, atque interpositæ cæli plagæ ventos emittunt sicciore. Ex Septentrionali nimirum Oceano, qui est sub frigidioribus climatibus, magna vaporum non egeritur copia, si conferatur cum ea, quæ ex aliis Oceani partibus calore evehitur. Si à Septentrione ad Orientem deflectamus, vastissimi sunt terrarum tractus, in quibus media etiam æstate modicus est calor. Reliqui verò venti, & præsertim Occidentales humidi sunt, quod veniant ex iis locis, undè æstus magnam vaporum copiam evehit. Occidentalis potissimum Oceanus ventis, qui illinc spirant ad nos, tot vapores suppeditat, ut ferè semper pluvii sint. At alibi aliter, pro terrarum situ, se res habet. Auctor est \* *Plinius*, *Austrum Africa esse serenum, Aquilonem nubilum*; quod arida Africæ deserta eos non emittant vapores, qui pluvias magnas creare possint; cum ingentes ex mari Mediterraneo, quod ad Aquilonem est, evehantur.

52. 2. Venti congregant nubes, qui secum magnam vaporum copiam adferunt, quæ conjuncta iis, quæ ex nostra regione evehuntur nubibus cælum implet. Contrà serenitatem creant, qui multos vapores secum non advehentes, alio etiam eos qui nobis imminet avehant. Hujusmodi sunt hîc quos antea diximus siccos, contrà verò nubili, quos humidos esse observavimus.

53. Calidi sunt venti, qui ex regione calente spirant, frigidi qui ex frigidiore; undè facile est intelligere calidos esse ventos, qui aerem & vapores vi Solis vario motu actos secum devehunt: contrà verò frigidos, qui aerem & vapores, aut minus motos, aut motu ad rectam lineam accedente secum agunt. Hinc videmus vento excitato paullo vehementiore, excitari etiam frigus, & contrà cessante omni vento, æstate molestissimum esse calorem. Similiter flatu follis, aut alio vehementiore, flamma exstinguitur, contrà tenuiore vento augetur. Nimirum vehementior flammam omnem in unam partem rejicit, in qua nisi sit alimenti copia major, incumbentis aeris vi suffocatur; tenuis verò ventus flammæ motum in omnes partes auget, facitque ut materiæ, quæ uritur, plures particulas divellat.

54. Caterum ut omnis calor venti, aut fri-

gus oritur è calore aut frigore regionis ex qua fiat: ita nec ubique venti iidem calidi aut frigidi sunt. Trans Æquatorem, contraria omnino est ventorum ratio; cum enim hic frigidi sunt, qui ex Septentrionis cardine spirant, illic ex Meridie flantes frigidiores sunt. Scilicet ut calidi sunt hic australes, non quod ex ea cæli plaga spirent, sed quia aerem Sole imminente calefactum advehunt: eadem de causa Septentrionales Antipodibus nostris calidiores sunt.

55. Ex iis quæ hæcenus dicta sunt, satis liquet causam venti esse Solem, & motum vaporum. Sed si excipiamus constantes illos & periodicos ventos, quibus perflatur Oceanus, ceterorum fines indicari non possunt, adeo, ut possimus ostendere ubi orientur, & ubi desinant. Non possumus etiam causam ostendere, ob quam per certam æstatem flaverit ferè Occidentalis, exempli causa, ventus, per aliam verò Orientalis. Fortasse hæc aliaque indicari possent, si per plures annos in variis regionibus magna diligentia venti, eorumque mutationes observarentur; quod enim nobis varium, & sine lege videtur esse, fortè certas vias habere deprehenderetur; aut saltem quàm late pateant ventorum flatus sciremus. Sed sine ejusmodi experimentis nihil est quod adfirmemus.

56. Sunt qui velint aquas in terræ visceribus latentes ope ignium subterraneorum in vapores mutari, undè sit, ut per rimas terræ exeuntes ventum creent. Quia autem sunt sæpe montes ita siti, ut in unam tantum partem vapores illos defluere permittant, ideo volunt ventorum vehementiam illac derivari. Experimento *Æolipyla* hoc confirmare nituntur. Est vas æneum, cui est tenuissimum foramen, & in quod hæc arte aqua intromittitur. In ignem vas conjicitur, adeo, ut aer quo plenum erat summo pere dilatatus partim exeat per id foramen quod diximus. Tum in aquam frigidam vas immittitur, quo fit, ut reliquus aer condensatus locum faciat aquæ, quæ per foramen subit. Quo facto, *Æolipyla* iterum igni imponitur, atque aqua in vapores resoluta instar venti ex *Æolipyla* exit.

57. Verum nullus ab iis ostenditur locus, undè tanto impetu ventorum exeat materia. Nonnullis quidem è specubus \* ajunt oriri ventos, sed ut verum hoc habeatur, ubique ferè oportet esse talia loca cum rarissima memorentur. Præterea in locis ejusmodi specubus vicinis, perpetuo iidem flarent venti, aut saltem frequentissimi essent, quod nusquam observatum. Itaque præstat fateri variabilitatem illorum ventorum rationem & peculiare causas nobis esse ignotas; præsertim cum in medio mari ejusmodi flent venti, extra constantium fines. Copia major aut minor vaporum, tempestatesque variæ magnum in aera æstum creant; cujus rationem fortè is demum videret, qui totum aerem simul cerneret, & quæ in eo fiant mutationes nosset, quod supra humanam sortem positum est.

CAP.

\* *Hist. Nat. Lib. 2. c. 47.*

\* *Plinius Lib. 11. c. 45.*



## CAP. VII.

## De Pluvia &amp; Nivibus.

*Quæres 1.* Quid sint vapores, ex quibus oriuntur pluviae?

*Resp.* Vapores consistunt in bullulis aquæ, calore Solis resolutæ. Idem talium bullularum habemus in his bullulis, quæ ex sapone constantur, vel in globis vitreis, qui etiam constantur ex vitro liquido, ex quo patet, quod sicut in bullulis saponaceis continetur aer; sic etiam in bullulis vaporum contineatur aer: & sicut aer in bullulis saponaceis crusta veluti contingitur; sic etiam aer intra bullulas vaporum contentus materia vaporum incrustatur. Fiunt ergo vapores, dum aer intra poros aquæ contentus rarefit, sicque distensus ac varie contortus sibi met per affricationem agglutinat particulas aquæ, eo modo, quo guttula aquæ in farinam delapsa sibi met agglutinat particulas farinæ, sicque induit crustam farinaceam.

Cæterum existentia talium bullularum demonstratur ad oculum, si lebes aqua plenus in obscuro cubiculo supra ignem sinatur evaporari, & in vapores intromittatur radius solaris per foramen, cujus diameter sit circiter duarum linearum; si hoc posito vapores inspiciantur Microscopio, apparent meræ bullulæ.

*Quæres 2.* Quid sit pluvia? *Resp.* Pluvia consistit in bullulis vaporum diffractis. Diffringuntur autem vel per calorem Solis, vel per contusionem impetumque ventorum, aut per motum perturbatum aeris intra bullulas contenti ex condensatione frigoris proveniente. Idea iterum habetur in bullulis saponaceis, quæ dum confringuntur, coeunt in unam guttulam saponaceam: quod si plures tales guttulæ decidendo sibi invicem junguntur, tunc fit pluvia, eo deorsum; quo plures coadunantur.

*Quæres 3.* Quid sit ros? *Resp.* Ros nihil aliud est, quam bullulæ vaporum nocte ingruente deciduæ, quæ dum in gramen vel aliud objectum impingunt, diffringuntur, & sic afficiant minutissimas quasdam aquæ guttulas. Quia verò lentè decidunt, ac perpendiculariter, non junguntur plures vaporum bullulæ, sic ut efficere possint sensibilem pluviam.

*Quæres 4.* Quid sit nebula? *Resp.* Nebula consistit in talibus vaporum bullulis, quarum exterior crusta est paulò crassior adeoque gravior, quam ut superiorem regionem aeris petere possit. & hinc tales nebulæ copiosius contingunt in Martio vel Octobri, ubi calor Solis tantus non est, ut bullulas vaporum, ac effluvia terrestria sufficienter attenuare possit.

*Quæres 5.* Quid sint nives? *Resp.* consistunt in crustis bullularum vaporis diffractarum, quando ob nimium frigus congelantur in aere. Crustæ verò illæ vel pelles bullularum propterea sunt crassiores in hyeme, quia & effluvia terræ sunt crassiora.

*Quæres 6.* Quid sit pruina? *Resp.* Idem est, quod ros. ab eo solum in hoc differt, quod crustæ bullularum sint crassiores; & quod guttulæ ex ruptis bullulis in terram impactæ per frigus nocturnum congelantur.

*Quæres 7.* Quid sit grando? *Resp.* Consistit in bullularum diffractarum pelliculis frigore conglaciatis.

eo verò major est grando, quo plures tales pelliculæ vento frigido concitatiore aduniantur.

*Quæres 8.* Quomodo pluvia sit causa fecunditatis? *Resp.* Id fit ex eo, quia pluvia consistit in pelliculis bullularum diffractarum; quæ, sicut ex bullulis diffractis oriuntur; sic etiam facile iterum in bullulas reduci possunt. Quando igitur aqua pluvia intra poros plantarum recepta iterum induit naturam bullularum, secum simul totum vegetabile corpus distendit, sicque relinquit intra poros spatium, ut partes adgenerandæ in debito ordine collocari possint, prout ordo naturæ exigit.

*Quæres 9.* Qualis sit proportio bullularum vaporis ad aquam? *Resp.* Cum bullulæ saponaceæ in diametro quandoque decies, quandoque vigesies aut trigesies excedant guttulam saponaceam, ex qua fiunt, idem in bullulis vaporum fieri censendum est. Ex hoc autem, si supponatur diameter bullulæ duodecies major diametro guttulæ, sequitur, spheram totius bullulæ se habere ad guttulam ut 900. ad 1.

*Quæres 10.* Quænam sit proportio gravitatis vaporum ad aerem. *Resp.* Cum ex priori responsione constet, vapores ad aquam in minima proportionem se habere, ut 900. ad 1. & aliunde ex ponderatione inflatorum uterum constet, gravitatem aeris ad gravitatem aquæ se habere, ut 1. ad 800, sequitur gravitatem vaporum ad gravitatem aeris se habere ut  $\frac{1}{800}$  ad  $\frac{1}{800}$ .

*Quæres 11.* Qualis sit quantitas vaporum? *Resp.* Ex observationibus constat, ducentos pollices quadratos per calorem ejus intensificationis, qualis esse solet in æstate, intra duas horas amitti  $\frac{1}{3}$  unius pollicis. adeoque intra duas horas evaporari ex aqua  $\frac{1}{16000}$  totius quantitatis quadratæ.

## CAP. VIII.

## De Barometris.

DE Barometris & Thermometris ante aliquot annos in vernacula inserui dissertationem Parnasso Boico, quam hîc adjungo. Illud solum addo, in constructione talium instrumentorum nullam sperandam esse perfectam scientiam nisi per experientiam. In vitris hermetice sigillandis optimè quis utetur fistula vitrea, quæ hoc modo paratur: Sumitur tubulus vitreus, qui per ignem in colliquationem circa medium cogitur; durante colliquatione diducitur in duas partes tubulus vitreus; tunc ubi filamentum vitreum exinde prodiens effractum fuerit, dabit foramen valde angustum pro conflandis vitris aptum. In ipsa conflatione fistula sic immittenda candelæ, ut aer ex igne eliciat conum igneum; vitrum conflandum applicandum est ad apicem coni cærulei, donec intense rubescat vitrum, tunc enim conflabitur. Illud etiam addo, prodiisse interea tractatulum cujusdam Neoterici, in quo ostendit, ad hoc, ut Barometrum luceat, relinquendum esse parum aeris in superiore parte tubi. Verùm dubito an non



hic incidat fallacia accidentis, ut lux non tam adscribenda sit comixtioni aeris, quàm puritati mercurii. Cæterum dissertatio mea de Barometro sic habet,

### De Barometro.

**D**E Barometro explicandum est. 1. Quis inventor? 2. Quæ utilitas? 3. Quomodo construatur? 4. Quænam sint regulæ Meteoroscopicae. 5. Quænam sit causa physica talium effectuum. 6. Varia curiosa de Barometro recensentur.

Inventio debetur Galileo, Torricello, & Paschalio. Galileus, celebris Mathematicus Magni Ducis Hetruriae primus observavit, aquam in syphone recurvo non ascendere, nisi ad altitudinem circiter 32. pedum; reliquam superiorem syphonis partem manere vacuum: exindè conclusit, naturam non horrere vacuum nisi ad altitudinem 32. pedum. Torricellus Galilei discipulus & successor aliud anno 1643. instituit experimentum; sumpsit tubum vitreum quatuor pedes altum; unâ tantum sui parte apertum, hunc mercurio repletum in aliud vas mercurio plenum immisit; & advertit, mercurium è tubo vitreo descendere, & in superiori parte vacuum relinquere. anno 1644. hoc experimentum ex Italia in Galliam ad Reverendum Patrem Mercennum Ordinis Minimorum Parisios perscriptum est, qui idem per totam Galliam divulgavit. M. Petit Præfectus fortificationum recognitâ certiore reddit Paschalium, qui anno 1646. cum Petit Rothomagi experimentum iteravit, & Italice conforme esse deprehendit. Paschalius pluribus aliorum experimentis tentatis anno 1647. libellum ea de re composuit, quem per totam Europam sparsit. Eodem anno inauduit, Torricellum suspicari, suspensionem mercurii gravitati aeris adscribendam esse; hinc de novo plura reassumpsit experimenta, quibus in suspitione Torricelliana obfirmatus audacter asseruit, ea, quæ hætenus metui vacui adscripta fuerunt, gravitati tantummodo aeris adscribenda esse Vid. Act. Acad. Reg. 1706. f. 561.

Utilitas Barometrorum varia est. 1. Possunt exindè probabiliter prædici tempestates aeris. 2. Probatur gravitas aeris, quâ semel cognitâ plurimorum effectuum naturalium ratio reddi potest. 3. Cognoscitur exindè gravitas aeris in particulari quoad singula climata; & annos; quâ re cognitâ de sanitate climatum, & temporum conjectura sumi potest. 4. Possunt servire ad dimetiendam altitudinem Atmosphærae seu aeris terram ambientis. 5. Serviunt ad dimetiendas altitudines montium. 6. Indicant, quantum una regio habeat altiorem situm præ alia regione. 7. Indicant, quantum altitudine superet quævis terra planitiem maris, aut al-

terius aquæ. 8. Serviunt ad conjiciendum de figura terræ. 9. Serviunt in mari ad cognoscendas subitas mutationes aeris, ut in tempore contrahantur vela. 10. Serviunt ad cognoscendas mutationes ventorum, quæ hætenus visæ sunt irregulares, suo tamen tempore repetitis observationibus videri poterunt æquè regulares, ac mutationes syderum. Prima utilitas etiam in vulgus nota est; & eadem ratio est de nona. Secunda & tertia perspecta est Philosophis & Medicis. Quis enim dubitet gravitatem aut levitatem aeris multum familiaritatis habere cum respiratione, & sanitate corporum? demonstrationem reliquarum utilitatum reservabo ad quæstiones curiosas de Barometro.

Constructio fit hoc modo: 1. Mercurius purgetur à sæcibus. Hoc verò fit vel ope corii mundi, per quod filtratur; vel ope aquæ fortis, quæ affusa intra breve tempus consumit fæces; vel ope spiritus vini, in quo tamdiu lavatur, donec nullas in spiritu deponat fæces; vel ope cinerum quercinorum, in quibus aliquamdiu agitatur; vel ope retortæ per distillationem chymicam. 2. Seligatur tubus vitreus, cujus vitrum sit mundum sine multis bullis; longitudo non multum excedat triginta pollices Parisienses; diameter interior habeat duas aut tres lineas pollicis Parisiensis; capsula, in quam mercurius delabitur eam habeat amplitudinem, ut descensus mercurii per duos pollices nullam in capsula inducat notabilem mutationem altitudinis in mercurio; ipse denique tubus bene expurgetur linteo puro, & exsicceetur vel per ignem, vel per aerem siccum uno vel altero die, si prius spiritu vini fuerit lavatus. 3. Infundatur tubo vitreo superius hermeticè clauso mercurius, ut totus repleatur; & ita obvertatur, ut pars inferior tubi aperta semper circumfundatur mercurio in capsula stagnante; si durante inversione tubi nullæ trans mercurium ascendant bullæ aeræ in superiorem tubi partem, recta erit operatio; si verò ascenderent bullæ aeræ, iteranda foret hæc tertia operatio. 4. Affigatur in afferculo scheda mutationes tempestatum indicans; ita tamen fiat divisio, ut scala non excedat duos pollices Parisienses. Cæterum divisio hujus scalæ est arbitraria. 5. Pro observationibus tamen non adhibentur tales schedæ; sed altitudo mercurii incipiendo à superficie stagnantis in capsula mercurii mensuratur per pollices & lineas pedis regii Parisiensis, qui proin inscribantur afferculo à tergo tubi vitrei. 6. Pro examine Barometri moveatur mercurius in tubo usque ad summam; si promptè ascendit, sine bulla aeris & ad eundem gradum descendit, signum est vacuum superius in vitro carere aere; adeoque Barometrum esse bonum.



Regulæ ad præcognoscendas tempestates sunt sequentes. 1. Succutiat aliquantulum Barometrum ante observationem, ut mercurius agitato competentem situm obtineat, constat enim mercurium per concussionem nonnunquam dimidiâ lineâ ascendere vel descendere. 2. Observetur altitudo mercurii; summa altitudo potest esse circiter 28. pollicum cum dimidio; altitudo media est circiter 27. pollicum cum dimidio; altitudo infima potest esse circiter 26. pollicum cum dimidio in mensura pedis Parisiensis; adeò, ut differentia altitudinis summæ & infimæ sit fermè 2. pollicum. 3. Quando mercurius obtinet summam altitudinem, vix unquam pluit; sed ferè semper est serenum; adeò, ut tunc probabilitas serenæ tempestatis habeat se ut  $\frac{7}{8}$ . 4. Quando mercurius ascendit ultra dimidiam altitudinem, frequentius quidem serenum est; aliquando tamen pluit, maximè in æstate; tunc ergo probabilitas serenæ tempestatis se habet ut  $\frac{7}{8}$ .  $\frac{7}{8}$   $\frac{1}{8}$ . 5. Quando mercurius infimum locum obtinet ferè semper pluit, aut nix cadit, adeò, ut tunc probabilitas tempestatis pluviosæ aut nivosæ sit ut  $\frac{9}{10}$ . 6. Quando mercurius descendit ultra suam dimidiam altitudinem, longè frequentius pluit, aut nix cadit; adeò, ut tunc probabilitas tempestatis pluviae sit ut  $\frac{9}{10}$ . 7. Mercurius regulariter descendit flantibus in superiori regione aeris ventis Australibus humidis regulariter & calidis. 8. Mercurius regulariter ascendit flantibus in superiori regione ventis Septentrionalibus siccis communiter & frigidis. 9. Quando descendente mercurio in inferiori regione aeris spirant venti humidi & calidi, vel sine ventis jam præexistit humiditas & calor, semper pluit; 10. Quando in inferiori regione descendente mercurio spirant venti sicci & frigidi, non semper pluit. 11. Quando descendente mercurio, in inferiori regione aeris existit humiditas & frigus infallibiliter tempore hyemis nix cadit. 12. Quando ascendente mercurio in inferiori regione aeris existit humiditas & calor, frequentius pluit. Cæterum dispositio inferioris aeris quoad humiditatem & calorem ex Hydrometro, & Thermometro cognosci potest.

Causa motuum mercurii in Barometro à variis assignatur varia. aliqui pro causa assignant elasticitatem aeris, qui dum tempore sereno dilatatur, mercurium cogit ascendere; dum verò tempore pluvio condensatur, permittit mercurio descensum. Leibnitius putat tempore sereno aerem ideo esse graviolem, quia tunc vapores humidi unum continuum cum aere constituunt, adeoque gravitate communi agendo in mercurium augent pondus aeris; quando verò vapores humidi tempore pluvio condensantur in guttas, tunc separantur à mas-

sa aeris, nec ulterius communi gravitate cum aere gravitant in mercurium; hinc aere tunc existente leviolem descendit mercurius; opinio hæc confirmatur ab experientia; aqua enim contenta in aliquo tubo longiori minus ponderat in ipso actuali descensu plumbi vel lapidis per aquam, quàm dum plumbum vel lapis adhuc ope ligni natantis suspenditur in aqua. Vid. Acta Acad. Reg. 1711. Idem deberet contingere in præcipitatione Chymica vasculi altioris. Quia tamen mercurius descendit, antequam actu pluat, non videtur levitatem aeris desumendam esse ab actuali casu guttarum & vaporum. Omnium optimam causam mutationum in Barometro assignat de La Hire in Actis Acad. Reg. 1705. dum ait: omnem mutationem provenire à ventis, qui spirant in superiori regione aeris; venti Meridionales altitudinem Atmosphæræ nostræ minuunt; ideo minuunt etiam gravitatem aeris, ob quod mercurius descendit; econtrà venti Septentrionales altitudinem Atmosphæræ nostræ augent; ideo augent etiam gravitatem aeris, ob quod mercurius ascendit; cur verò posita minori altitudine regulariter pluat, reddit eam rationem, quòd immixta altitudine & gravitate aeris inferior aer non tam arcte ampliùs à superiori pondere comprimatur; & ideo immixta simul densitate aeris vapores humidi ac guttæ pluviales deficiente sustentaculo ex aere delabuntur. Si quæras: quomodo à ventis Septentrionalibus altitudo Atmosphæræ nostræ augeatur, à Meridionalibus verò minuat? respondet id explicari posse, si dicatur, Atmosphæram aeris versùs Polos altiorem esse quàm versùs Equatorem, adeò ut Atmosphæra aeris habeat figuram sphæroidalem seu ovatam, cuius major axis coincidat cum axe mundi. Hoc posito, necesse est, ut, dum altior Atmosphæra Septentrionalis se in nostras regiones exonerat, nostra Atmosphæra crescat quoad altitudinem; econtrà dum Atmosphæra Meridionalis Atmosphæram nostram versùs Septentrionem propellit, necesse est, hanc nostram imminui. Cæterum quòd Atmosphæra aeris versùs Septentrionem altior sit, ac versùs Equatorem depressior, putat se colligere ex altitudine observata Barometrorum intra Tropicos, & in regionibus Septentrionalibus. constat enim mercurium habere minorem altitudinem intra Tropicos, quàm Parisiis. Sic Malacæ sub gradu 2. latitudinis summa altitudo non excedit multùm 26. pollices cum dimidio Act. Acad. Reg. 1709. f. 312. summa altitudo Cayennæ erat 27. pollicum, & unius lineæ; dum interim Parisiis constanter excedit 28. pollices. Act. Acad. Reg. 1712. f. 147. Item colligitur ea altitudinum diversitas ex eo, quia differentia altitudinum mercurii major est in locis Septentrionalibus, quàm Meridionalibus, ut infra explicabitur. Verùm neque ista

Hypo-



Hypothesis de La Hiriâna probat omnia sua postulata existere; neque enim demonstratur Atmosphæram in Suecia altiore esse, quàm Parisiis; refraction quidem in Suecia est major, quàm Parisiis, sed ea debetur majori densitati aeris, non necessario majori altitudini; Mercurius quidem altior est Parisiis, quàm intra Tropicos, sed non est major in Suecia quàm Parisiis, prout deberet esse, si altitudo Atmosphæra foret major. Vallerius observavit in introitu Minerarum Falhunenium Suecia cælonivoso altitudinem mercurii tantum fuisse 26. pollicum 9. linearum in mensura pedis Parisiensis. V. acta 1712. f. 140. differentia altitudinum in mercurio in Suecia major esse potest propterea, quia aer ibi est densior, adeoque etiam elasticitas major.

Restat, ut nunc aliqua curiosa Problemata ac quæ sita resolvamus.

Quæritur ergo 1. quæ ratione altitudo montium & locorum ex Barometro investigari possit? *Resp.* Mercurium eo magis descendere quò ad altiore locum defertur; hinc si ab experientia notum sit, quantum mercurius singulis hexapedis descendat, facile ex descensu mercurii altitudo loci sciri poterit. Academia Regia Parisiensis observavit in altissimis Galliæ montibus & locis altitudinem mercurii simul eodem tempore, quo eà altitudo

observata est in observatorio Parisiensi, cujus altitudo & differentia à littore maris ipsis cognita est, esse 46. pedicarum, & quatuor linearum in altitudine mercurii; ex his invenerunt differentiam unius lineæ quoad altitudinem mercurii communiter correspondere cum 10. pedicis, seu hexapedis, cum uno pede. seu 61. pedibus. Alibi verò invenerunt eam correspondere cum pedicis 11. 12. 13. aut omnino 14. ut ex adjecta observationum & altitudinum tabulâ colligitur. In columna prima continentur loca observationum varia. In secunda continetur altitudo illorum locorum supra mare. In tertia altitudo mercurii in prædictis locis. In quarta altitudo mercurii in littore maris. In quinta differentia altitudinum ejus, quæ in littore maris, & in data altitudine. In sexta, pedicæ & pedes, qui correspondent uni lineæ altitudinis mercurii decidenti. Ubi nota pedicam continere 6. pedes. pedem 12. pollices, pollicem duodecim lineas, lineam sex puncta. Proportio Regii pedis Parisiensis ad Monacensem Architectonicum est quàm proximè ut 13. ad 12. Item nota observationem 2. 5. & 7. factam esse in mineris Sueciæ descendendo 82. pedicis Galliis in profundum minerarum

1	Ped. 2	Poll. 3	4	5	6
I	28			2 $\frac{1}{4}$	12 $\frac{1}{2}$
2	41 $\frac{1}{2}$	26. 9. $\frac{1}{10}$	27. 1. $\frac{1}{20}$	4	10. $\frac{1}{2}$
3	46			4. $\frac{1}{6}$	11. $\frac{2}{3}$
4	64			4 $\frac{1}{2}$	14 $\frac{1}{2}$
5	82. $\frac{1}{3}$	26. 9. $\frac{1}{10}$	27. 5	8	10. $\frac{1}{2}$
6	85. $\frac{1}{3}$			6. $\frac{3}{4}$	12. $\frac{2}{3}$
7	129. $\frac{2}{3}$	26. 5	27. 5	12	10. $\frac{2}{3}$
8	178. $\frac{1}{2}$			16	10. $\frac{5}{6}$
9	257	26. 4. $\frac{1}{2}$	28. 2	21. $\frac{1}{2}$	12
10	277	26. 4. $\frac{1}{2}$	28. 2	19. $\frac{1}{2}$	14. $\frac{1}{2}$
11	408	25. 5.	28. 1. $\frac{1}{2}$	32	12. $\frac{3}{4}$
12	648	23. 8. $\frac{1}{3}$	27. 7	46. $\frac{1}{2}$	14.
13	810	22. 4. $\frac{1}{2}$	28. $\frac{1}{6}$	55. $\frac{1}{5}$	14. $\frac{1}{3}$
14	844	23. 4	28. 2. $\frac{1}{6}$	58	14. $\frac{3}{4}$
15	851	23. 4	28. 2	58	14. $\frac{1}{2}$
16	1047	22. 2	28. $\frac{1}{2}$	70. $\frac{1}{2}$	14. $\frac{5}{6}$



Ex his observationibus jam facile colligitur ex altitudine Barometri, quantum altius quævis regio aut terra sita sit, quàm mare. Ponitur enim altitudo media mercurii in littore maris esse 28. Pollicum. altitudo media mercurii cujusvis alterius loci etiam

nota esse potest, si conferantur altitudo summa & infima. Si ulterius cuius lineæ mercurii assignentur 61. pedes, ita tamen, ut quoad singulas lineas augeatur illa mensura uno pede, innotescet altitudo loci, prout ex adjecta tabula colligi potest.

Altitudo Mercurii.		Altitudo aëris aut loci supra mare.		Altitudo aëris aut loci respondens singulis lineis.	
Poll.	lin.	Perd.	Ped.	Perd.	Ped.
28.	--			10	--
	11	10	1	10	1
	10	20	3	10	2
	9	31	--	10	3
	8	41	4	10	4
	7	52	3	10	5
	6	63	3	11	--
	5	74	4	11	1
	4	86	--	11	2
	3	97	3	11	3
	2	109	1	11	4
	1	121	--	11	5
27.	--	133	--	12	--
	11	145	1	12	1
	10	157	3	12	2
	9	170	--	12	3
	8	182	4	12	4
	7	195	3	12	5
	6	208	3	13	--
	5	221	4	13	1
	4	235	--	13	2
	3	248	3	13	3
	2	262	1	13	4
	1	276	--	13	5
26.	--	290	--	14	--
25.	11.	304	1	14	1
24.	10.	318	3	14	2

Quæres 2. quomodo ex Barometro altitudo Atmosphæræ investigari possit? Resp. ex præmissa tabula constare, quod mercurius in littore maris suspendatur 28. pollicibus seu 336. lineis. Singulis lineis correspondent 61. pedes in progressionem arithmetica, ita tamen, ut differentia terminorum sit 1. sumatur dimidium terminorum 168. hoc dimidium multiplicetur per numerum terminorum auctum unitate 337. productum dividatur per 6. ut fiant perdica. quotiens dabit perdicas 9436. hæc addita 3360. perdicijs, quæ debentur 336. lineis in ratione decimali, fient 12796. perdica, seu sex milliaria Gallica cum dimidia, altitudo Atmosphæræ quæ sita. Fatendum tamen est, hanc progressionem omnino incertam esse, ut ipsimet fatentur Parisienses, quia fortè in superiori regione aëris pro descensu unius lineæ mercurii plures requiruntur perdica, quàm assignantur in dicta progressionem. De La Hire in Actis Acad. Reg. 1713. ex refractione radiorum tempore crepusculi colligit altitudinem Atmosphæræ R.D. Euseb. Amort Philosophia.

esse 35362. Perdicarum, seu paulò plus, quàm 16. milliaria Gallica, cui aliqui tribuunt 2000, alii 2200, alii 2282. perdicas. Meteora ostendunt altitudinem Atmosphæræ adhuc esse majorem. Meteorum igneum, quod 1676. in Italia apparuit, probavit M. Montanari Professor Bononiensis altum fuisse 15. milliariibus Gallicis, & meteorum igneum quod 1719. 22. Febr. apparuit facile probari posset habuisse altitudinem longè majorem.

Quæres 3. An Barometra in diversis Provinciis eodem die eandem subeant mutationes. R. Barometra in diversis Regnis eodem die ferè easdem subire mutationes, prout monstrant observationes simul eodem die Parisiis, Genuæ, Tigurini, Upsmunsteri in Anglia, & alibi habitæ. Ubi tamen observatur 1. Eas mutationes, tunc maximè esse universales, in omnibus Regnis, quando sunt promptæ ac subitæ. 2. Quando in duobus Regnis mercurius eodem die descendit, ita tamen, ut in uno loco fuerit tempestas serena, in altero nubila ac pluviosa, in loco pluvioso magis descendit; &



econtrà, si utrinque ascendit, magis ascendit in loco, ubi erat serenum. 3. Variationes Barometri, quæ simul in diversis Provinciis contingunt, majores sunt in locis Septentrionalibus, quàm in Meridionalibus. 4. Mercurii variatio sapissime in diversis Provinciis eadem est, etiamsi alii sint venti in inferiore regione aëris, & alia dispositio aëris quoad calorem & frigus. 5. Variationis conformitas in Provinciis major est circa mediam altitudinem mercurii, quàm circa infimam & summam, idque sive mutatio sit subita, sive lenta, ex quo colligitur altitudinem montium per Barometrum faciendam esse, quando habet altitudinem mediam, ut mutationes sint sensibiliores. Vide AQA 1699. 1703. 1709.

Quæres 4. Quanta sit mutatio Barometri in Provincia? Resp. Differentiam inter altitudinem summam & infimam majorem esse in regionibus Septentrionalibus, quàm Meridionalibus; intra Tropicos ea differentia vix excedit quinque aut sex lineas. Parisiis in observatorio est unius pollicis, & 4. 5. 6. 7. 8. aut 9. linearum, ut adjecta tabula monstrat. Columna prima monstrat annum observationis, secunda altitudinem summam, tertia diem quarta durationem altitudinis per dies, quinta ventum, sexta altitudinem minimam, septima diem illius altitudinis, octava ventum, nona durationem altitudinis, decima differentiam altitudinis maximæ & infimæ.

1	2	3	4	5	6	7	8	9	10
1700	28. 3.	21. Nov. 31. Dec.			26. 9.	14. Jan. 14. Dec.			I. 6
1701	28. 4.	1. Jan.	30	ONO W	26. 8. $\frac{1}{2}$	26. Nov.	S		I. 8
1702	28. 2. $\frac{1}{2}$	9. Feb.			26. 10.	6. Mart.			I. 4. $\frac{1}{2}$
1703	28. 2. $\frac{1}{3}$	11. F.		S	26. 5.	20. D.	S		I. 9. $\frac{1}{3}$
1704	28. 4. $\frac{1}{6}$	10. D.	20		26. 6. $\frac{1}{2}$	3. Jan.			I. 9. $\frac{1}{2}$
1705	28. 3. $\frac{1}{6}$	25. D.			26. 11.	25. D.			I. 4. $\frac{1}{6}$
1706	28. 3. $\frac{1}{2}$	26. F.	2.	N. NO	26. 8. $\frac{1}{2}$	19. D.	S O		I. 7.
1707	28. 1. $\frac{1}{2}$	10. Mart.		W NO	26. 9.	22. D.	S W		I. 4. $\frac{1}{2}$
1708	28. 3. $\frac{1}{4}$	21. N.		W N	27. 1.	4. D.	S W		I. 2. $\frac{1}{8}$
1709	28. 1. $\frac{1}{6}$	17. N.		NNO	26. 9. $\frac{1}{2}$	10. Jan.	S O		I. 4. $\frac{1}{2}$
1710	28. 3. $\frac{1}{2}$	19. Jan. 31. Dec.		N	26. 7. $\frac{1}{2}$	16. D.	S		I. 8.
1711	28. 3. $\frac{1}{6}$	3. Jan.		S	26. 10.	7. Mart.	S		I. 4. $\frac{1}{3}$
1712	28. 5.	21. Jan.	30	N O	26. 9. $\frac{1}{3}$	10. D.	S		I. 7. $\frac{2}{3}$
1713	28. 4. $\frac{2}{3}$	10. F.		N O	26. 10. $\frac{2}{3}$	6. N.	O. W SW		I. 6.
1714	28. 4. $\frac{1}{2}$	26. N.		NO	26. 10.	29. O.	S		I. 6.
1715	28. 5.	7. D.			27. 1. $\frac{1}{2}$	9. May.			I. 3. $\frac{1}{2}$
1716	28. 3. $\frac{1}{2}$	22. Jan. 1. Dec.		SO	26. 9. $\frac{1}{2}$	6. D.	SSO		I. 6.
1717	28. 3.	16. F.		NO	26. 9.	1. Jan.	S		I. 5. $\frac{1}{2}$

Quæres 4. An omnia Barometra inter se consentiant? Resp. Barometra utcumque bene facta non accurate inter se consentire, idque variis ex causis. 1. Potest contingere, ut mercurius unius Barometri gravior sit mercurio alterius Barometri; & sic mercurius gravior in eodem loco & tempore plus descendet, quàm mercurius levior. 2. Potest contingere, ut in vacuo unius Barometri plus insit aëris, quàm in vacuo alterius Barometri, adeoque etiam mercurius magis descendet, maximè quando ille aër rarefit per calorem externum. An verò insit vacuo multum aëris pot-

est cognosci, si illi vacuo admoveatur manus calida; si mercurius descendit, est certum signum insit aërem, adeoque Barometrum esse vitiosum notabiliter. 3. Potest contingere, quòd in vitro unius Barometri insint majores pori, aut plures Bullæ, quæ continent & transmittunt aliquid externi aëris. 4. Potest aër unius regionis esse gravior aëre alterius regionis, etiamsi cæteroquin altitudo Atmosphæræ esset eadem. 5. Possunt vel in vitro, vel in Barometro latere vapores, aut linguores ex spiritu vini, aut facès, quæ primùm reolvuntur in vacuo Barometri; vel possunt ex facès aliqua-



aliqualem aëri externo permittit transitum saltem versùs latera vitri. Ex omnibus his causis inæqualia esse Barometra experientia docuit. De La Hire in eodem Observatorii loco habuit duo Barometra optimè, & ex eodem mercurio facta, in quorum tamen uno mercurius constanter per 20. annos tribus lineis altior extitit, quàm in altero. Singulare anomaliz Barometrorum exemplum est, quod habetur in Actis Acad. 1705. Cancellario Galliz Barometrum erat, quod constanter mercurium novemdecim lineis plus demittebat, quàm alia Barometra; & ne quis suspicaretur mercurium hujus Barometri fuisse graviorem, idem mercurius intromissus in alia Barometra inventus est habere eandem altitudinem, quam habent alia Barometra; econtrà, quando mercurius aliorum Barometrorum intromissus est in vitrum Cancellarii, pariter novemdecim lineis constanter descendit; post plurimas evacuationes & repletiones ejusdem vitri tandem mercurius casu in eadem altitudine, qua sit in aliis Barometris substituit. M. Homberg effectum adscripsit spiritui vini, quo vitrum elutum erat, quia eundem effectum in aliis vitris spiritu vini elutis expertus est. M. Amontons effectum adscripsit poris amplioribus vitri, quos per innumeras vitri repletiones & evacuationes dicit tandem obstructos esse; pro stabilienda sua opinione intromisit fistulæ ferreæ sclopeti mercurium, & expertus est, mercurium statim usque ad 23. pollicem descendere, ac successivè eundem omnino totum effluere, ex quo conclusit, aliquid aëris saltem tenuioris transire per poros ferri.

Quæres 5. An etiam calor & frigus agant in Barometrum, in cujus vacuo nullus deprehenditur aër, aut Bulla aëris? Resp. Calorem & frigus attollere posse mercurium tribus lineis, aut demittere, etiamsi nullatenus mutetur gravitas aeris. Constat enim mercurium in maximo calore rarefieri centesima decima quinta sui parte, seu  $1\frac{1}{10}$ , adeoque per calorem 28. pollices & novem lineas mercurii rarefieri & augeri tribus lineis. Vid. Acta 1704.

Quæres 6. Quomodo hæc anomalia Barometrorum orta ex calore & frigore corrigi possit, ut innotescat sola gravitas aeris? Resp. Id fieri posse ope Thermometri. Supponatur Thermometrum constructum esse tempore summi frigoris; supponatur etiam à summo frigore usque ad summum calorem à Thermometro percurri 96. gradus; ergo clarum erit, quòd, dum Thermometrum ascendit 96. gradus, mercurius augeatur & ascendat tribus lineis, quæ proin debent attribui rarefactioni mercurii, non gravitati aeris, adeoque, ut habeatur gravitas aeris, in summo calore dum Thermometrum ascendit 96. gradus, debent ab altitudine mercurii subtrahi tres lineæ. In alio situ Thermometri dic: ut se habent 96. gradus Thermometri, ad 3. lineas subtrahendas mercurii, ita se habent gradus Thermometri præsentis v.g. 45. Ad lineas  $1\frac{1}{2}$  subtrahendas ab altitudine mercurii observata. Si verò in tuo Thermometro differentia inter summum calorem &

summum frigus non sit divisa in 96. gradus, oportebit fieri reductionem hoc modo: ut se habet divisio mei Thermometri v. g. 30. ad 96. ita se habet gradus v. g. 15. ad 45. quo invento ex priori regula invenitur altitudo mercurii vera correspondens gravitati aeris. Vid. Acta 1704.

Quæres 7. Quodnam genus Barometrorum sit optimum? Resp. Optima esse Barometra simplicia prout communiter habentur. Duplicia enim Hugeniana, licet sensibilibus ostendant mutationes mercurii, magis subjecta sunt alterationi ob alterationem liquorum; magis etiam sunt obnoxia rarefactioni ob rarefactionem liquorum; ac denique minus serviunt ad observationes, eo quòd in constructione talium Barometrorum in diversis regionibus non possit observari uniformitas. Barometra inclinata languidiorem & minus mobilem reddunt mercurium; constat enim omnem mercurium successu temporis vitro affricare faces, quæ facilius deponuntur in vitro inclinato, quàm erecto.

Quæres 8. Unde fiat, quòd aliqua Barometra in tenebris agitata emittant lucem, adeoque fungantur officio Phosphori? Resp. Lucem eodem modo orti ex motu subtilis materiæ, sicut sonus exoritur ex motu & percussione aeris; sicut ergo dantur organa, fistulæ, & alia instrumenta musica, per quæ aer transmissus percussus edit sonum; ita natura præparavit poros quorundam corporum, per quos subtilis materia transmissa & percussa edit lucem; hæc enim vocatur subtilis materia, quæ transire potest poros omnium corporum lapidum, vitri, & metallorum. Dicendum ergo est, inter alia corpora etiam mercurium esse tale organum lucis, cujus pari tam arctè, ordinate, & convenienter dispositi sint, ut materiam subtilem undè denum agitatum instar organi aut fistulæ transmittant & ad motum lucis concitent: hoc posito ponamus in Barometro vacuum superius ab omni aere crasso, quantum possibile est, repurgatum, adeo ut illud superius spatium à subtili materia totum repleatur; ponamus etiam mercurium ab omni humiditate, facibus, & aere liberatum, adeo ut pori in mercurio ordinatè dispositi liberum permittant instar fistulæ materiæ subtili transitum. Si agitur fortiter ac iteratis vicibus Barometrum, superius vacuum subtili materia plenum fungetur folium officio; sicut enim per folles intromittitur in organum aer, ita per agitationem Barometri subtilis materia in superiori vacuo contenta impelletur in mercurium, è quo dum per ascensum iterum ejicitur, fit lux, sicut ex organo sonus. Parum autem interest, sive dicatur subtilem materiam è mercurio ejici per reflexionem, sive per compressionem mercurii, sive per suctionem, sive per refractionem; fortè concurrunt omnes hi quatuor modi. Aliqui hunc Barometri effectum explicant per igniculos, quos putant contineri in mercurio, maximè per destillationem purgato. Hombergerus in Actis Acad. Reg. 1701. testatur pleraque Barometra, quorum mercurius purgatus est per ignem ope distillationis, facta esse luminosa. Verùm hæc opinio non subsistit, quia igniculi successivè dispergerentur, adeoque lumen Barometrorum brevi languesceret, quod est contra Experientiam; dein



mercurius in aliis Barometris spargit lumen etiam si non transierit per ignem. Bernoullus in Actis 1700. putat: lucem Barometrorum oriri ex congressu primi elementi cum secundo elemento Cartesiano; putat enim per poros mercurii tantum transire posse primum elementum seu subtilem materiam, per poros autem vitri paulò ampliores transire posse etiam secundum elementum seu materiam paulò crassiorem; igitur si in vacuo Barometri expulsi fuerit omnis aer crassus, & mercurius in superficie omni pellicula fuerit exutus, nullum erit impedimentum, quin primum & secundum elementum liberrimè confluentur, & motu rapidissimo lucem producant. Verùm hæc primi & secundi elementi conflictatio videtur tam parùm esse necessaria ad producendam lucem, quàm parùm necessaria est secundi & tertii elementi Cartesiani conflictatio ad producendum sonum. Lieb knechtus in sua Dissertatione de Noctiluca Mercuriali 1716. edita, putat radios insensibiles lucis seu subtilis materiae etiam noctu in aëre & ubivis delitescere, atque à stellis parùm peragitatos à mercurio instar speculi concavi colligi, & eatenus fieri sensibiles. Id confirmari videtur ex eo, quia mercurius Barometri communiter tantum in descensu effundit lumen, in quo descensu ejus superficies induit figuram concavam. At vero hæc opinio refutata est 1716, à Barthio, qui ostendit, in plurimis aliis experimentis mercurium effundere lumen, etiam si nullam habeat figuram concavam. Fortè dici posset: immediatum organum lucis, esse minimas guttulas sphaericas mercurii, quæ, dum subtilem materiam lucis transmittunt, eandem simul instar vitri convexi refringunt; igitur per talem refractionem efformabitur tenuis imago Solis, adeoque lux: neque finguntur istæ guttulæ mercurii sphaericæ. Lieb knechtus testatur se unicam mercurii guttulam, cujus diameter erat sex linearum divisisse in tales guttulas 100000000, adhuc microscopio discernibiles: constat ulterius: mercurium per agitationem in tales minimas guttulas dissilire saltem prope superficiem; nulla igitur alia re ad producendam lucem opus erit, quàm folle aliqua, quæ subtilem materiam coacervatam per guttulas mercurii, tanquam per vitrum causticum adigat; & in hunc finem servit vacuum Barometri.

Quæres 9. Quomodo Barometrum, ut lucem emittat, parari debeat? Resp. In confectioe talis Barometri observanda esse sequentia. 1. Mercurius optimè purgetur vel per distillationem, vel per spiritum vini. 2. Caveatur ne ulla in mercurio, aut tubo remaneat humiditas. Hinc tam mercurius, quàm tubus linteo extergendus; & confectio Barometri melius sereno cælo peragitur; si tubus lavatus fuerit per spiritum vini, melius desiccatur per aerem siccum, quàm per ignem. 3. Caveatur ne simul cum mercurio aer, sudor, aut fæces intrent, aut fumus. Hinc Bernoullus implevit tubum utraque parte apertum suctione unica, & sic primum tubum hermetice clausit; alii extrahunt aerem ex Barometro & mercurio per recipientem; aut carbone aut ferro ignito expellunt bullas à mer-

curio Barometri, antequam fuerit inversum. 4. Cavendum, ne mercurius rite purgatus diu relinquantur in aëre, aut ne multum transeat per aerem, dum tubo immittitur, aut ne tractetur manibus. Constat enim mercurium, nisi optimè fuerit purgatus, in aëre contrahere pelliculam quasi argenteam, quæ si ad superficiem mercurii in Barometro ascendat, obstruit poros mercurii; immò etiam guttula mercurii puri, si ad altitudinem unius pedis demittatur per aerem in alium mercurium purum, jam relinquit aliquam maculam. hinc vel parandum est vitrum utrinque apertum, ita tamen, ut in superiori parte orificium sit angustum instar acus, quod alio clavo vel acu vitreo facile obstrui & hermetice post suctionem mercurii claudi possit, in quo casu vitrum inclinari debet, ut mercurius per suctionem facile attrahi possit; vel paratus tubus debet esse aliquantulum amplior, ut mercurius non guttatim, sed continuo tractu defluat. 5. Quando tubus hermetice clauditur, cavendum, ne superior tubi concavitas induat figuram irregularem, aut conicam, quia sic difficulter ex tubo expelleretur aer; hinc prius emolliantur latera tubi, dein consentur diametraliter, non versùs latera. 6. Quia ad excitandam lucem quandoque agitatio debet esse fortior, ideo inferius capsula claudatur & obsignetur glutine expice & pulvere lateritio. Hæc omnia si bene observentur, dicunt communiter obtineri phosphorum in Barometris, ita tamen, ut illud lumen per diem in cubiculo obscuro non statim videatur, donec circiter post quadrantem horæ retina oculi exuatur luminis diurni impressione.

## G A P. IX.

### De Thermometris.

**D**E Thermometris quaritur. 1. Quid sit Thermometrum? 2. Quæ ejus utilitas. 3. Quis ejus inventor? 4. Quomodo construatur? 5. Qualiter in praxi eo utendum. 6. Quæ aliàs de illo scitu digna?

*Punctum 1.* Quid sit Thermometrum? Resp. est instrumentum dimetiendi gradus caloris & frigoris; gradus autem caloris mensurari possunt variis mediis. 1. Ex rarefactione corporum, v.g. aeris, aqua, metallorum &c. 2. Ex liquefactione corporum, v.g. Hyæri, ceræ, metalli &c. sicut enim calor omnia extendit, ita etiam multa corpora liquefacit. 3. Ex gravitate vel levitate corporum, calor enim omnia corpora reddit leviora; econtrà frigus eadem reddit graviora. 4. Ex elasticitate corporum, calor enim ingentem vim habet corpora extendendi. Itaque Thermometrum est instrumentum agnoscendi gradum caloris vel ex rarefactione, vel ex colliquatione, vel ex levitate, vel ex elasticitate corporum.

*Punctum 2.* Quæ verò utilitas Thermometri? Resp. Has esse utilitates. 1. Ut quoad judicium sensuum de calore reddamur immunes. Idem  
entia



enim aër egredienti à balneo videtur frigidus, dum econtrà ingredienti apparet esse calidus. 2. Ut calorem diversarum regionum ad invicem comparare possimus, & exindè salubres pro tuenda sanitate, aut dijudicandis effectibus naturæ regulas deducere. Quamvis enim aliquis ex Russia veniat, & dicat, fuisse moderatum frigus in sua patria, non tamen exindè colligere possumus, an non fortè illud frigus moderatum Russis sit intollerabile Italo. 3. Ut calores diversorum annorum inter se comparari possint; exindè enim per observationes discimus, quinam effectus, sterilitates, morbi, &c. ad talem gradum caloris secuti fuerint; & sic in futurum de eventibus probabilem sumere conjecturam. 4. Ut Medici per Thermometra manui applicata agnoscant, vim naturalis caloris residentis in homine, & sic de illius constitutione judicent. 5. Ut per illud corrigatur altitudo mercurii in Barometro. 6. Ut habeatur accurratio in processibus Chymicis. Potissimus error in operationibus Chymicis est, quòd non adhibeatur iustus gradus caloris. Leguntur quidem in libris Chymicorum varii processus, sed sæpe, cum non determinetur gradus caloris, exindè nil certi colligitur. 8. Ut per illud corrigantur pendula. Cum enim constet, horologia, in quibus est pendulum, mutari per frigus & calorem; ea inæqualitas anticipationis vel retardationis per Thermometra corrigi potest. 8. Utile est etiam in æconomicis. exindè enim mensurari potest calor vel frigus eorum locorum, in quibus esculenta, poculenta, aut aliæ merces, ad quarum conservationem frigidior aër requiritur, detinentur. Coquo, pistori, & multis aliis artificibus utile est, nosse propius, calorem attemperare pro opere.

*Punctum 3.* Quis fuerit Inventor Thermometri? Resp. Multi pro inventore habent Cornelium Drebelium Agricola in Hollandia, qui vixit circa annum 1620. De La Hire in Actis Academiae Regiæ 1706. inventionem adscribit Sanctorio Medico in Istria, qui erat Drebelio coetaneus. Cuicumque autem ex his, siue ambobus debeat inventio, genus Thermometri, tam Drebellianum, quàm Sanctorianum idem est: consistit enim utrumque in rarefactione seu extensione aeris. Communiter hoc genus vocatur simpliciter Drebellianum. Secundum genus Thermometri vocatur Florentinum; consistit in rarefactione seu expansione spiritus vini Querikii in suis Experimentis Magdeburgicis impressis anno 1672. testatur: hoc genus Thermometri inventum esse ante 30. annos, id est, circa annum 1642. D. Petrus in suis Dissertationibus Academicis hujus generis inventionem tribuit Academiae Florentinæ, quæ & illius descriptionem edidit, sub titulo: *Saggi di natura li Esperienze*. Nempe Academia Florentina anno 1642. invenerat Barometrum, & cum ex eo detegerentur vitia Thermometri Drebelliani, id in causa erat, cur de novo genere cogitaret. Tertium genus Thermometri recensetur à du Hamel Authore Philosophiæ Burgundicæ, quæ prodit 1678. Non equidem prodit authorem; ipsum tamen hoc genus Thermometri consistit in diversa gravitate spiritus vini, qui per calorem fit levior. Quartum genus Ther-

metri adducitur ab Authore Tractatus Gallici de Barometris & Thermometris. Fundatur in elasticitate inclusi aeris, qui mercurium in tubo recurvo diversimodè attollit. Non nominat inventorem, sed solum dicit, aliquos Neotericos priora Thermometrorum genera sic emendare voluisse. Quintum genus est Domini Amontons Socii Academiae Regiæ Parisiensis, qui 1702. invenit Thermometrum, alio quodam modo infra describendo fundatum in elasticitate aeris. De La Hire 1708. illud ipsum ad faciliorem formam reduxit. Sextum genus produxit D. Nuguet 1706, prout legitur in Actis Academicæ ad illum annum. Fundatur simul in expansione, & simul in elasticitate aeris, in quantum primum genus Drebellianum, & quantum in uno Thermometro conjunxit. Verùm D. Amontons ostendit, se jam anno 1694. hoc genus excogitasse, ac illud ob suas difficultates rejecisse. Septimum refertur in *Transactionibus Philosophicis Anglicanis* ad annum 1701; & recensetur in Acad. Reg. 1703. fundatur in diversa vi liquefactiva. Sumitur lamina ferrea ignita, quæ ut habet diversos gradus caloris, sic etiam diversa corpora liquefacit. Post tot inventiones prodit in Actis Eruditorum Lipsiensibus 1719, mense Martio, *Thermometrum æreum à Theodoro Balthasare Med. D. recens inventum*. Verùm hæc inventio sera nimis erat, idem enim est, quod jam quarto genere recensui.

*Punctum 4.* Quomodo construendum Thermometrum Drebellianum? Resp. Sumatur tubus vitreus desinens in globum vitreum, cujus capacitas circiter decies major sit capacitate tubi. Id tentare licet mercurio vel aqua communi. Quod si globus tantum sexies circiter major foret, longitudo tubi minuenda fovet. Si capacitas tubi examinatur aqua communi, antequam repleatur spiritu, desiccandus prius est per aërem tubus spatio bidui aut tridui. 2. Ad finem tubi, postquam prius per ignem incurvatus fuerit, collocetur aliud vasculum, in quod extremitas tubi inferri possit. 3. Tubus cum suo globo vitreo calefiat; dein extremitas tubi immergatur in liquorem coloratum; globus vitreus refrigeretur v. g. linteo madido; & liquor coloratus ascendet in tubum. 4. Ubi tinctura seu liquor posito jam summo gradu frigoris ad supremam partem tubi ascenderit, tubus affigatur asserculo, & conficiatur in ea scala graduum frigoris & caloris divisa in partes 96. & confectum erit Thermometrum. Potest Thermometrum Drebellianum etiam aliis variis modis construi. 1. Potest tubus vitreus inferri vitro, in quo relinquatur tantum aeris, quantum conficit decem partes ejusdem aeris in tubo residui; os vitri occludatur resinâ; extremitas tubi immergatur liquori ut prius; & ascendet liquor in vitrum. 2. Potest tubus vitreus in varias duci figuras v. g. serpentis, trianguli &c. effectus tamen semper idem. Hoc genus Thermometri est imperfectissimum, quia permittit liberum accessum aeri externo. Indè enim fit, ut sæpe in Thermometro aer contrahatur ob majorem pressionem ac gravitatem aeris externi, sicque credatur crescere frigus, cum tamen revera crescat calor.



calor. Alterum perfectius genus Thermometri, nempe Florentinum, hoc modo construitur. 1. Sumitur tubus vitreus desinens in globum vitreum, cujus capacitas ad capacitatem tubi se habeat circiter ut 4846. ad 848. seu ut 48. ad 8, seu ut 6. ad 1. Si major foret proportio, augenda foret longitudo tubi, si minor, v. g. ut 6. ad 2. minuenda esset. 2. Tubus dividitur in partes 848. & incipiendo à globo sumuntur 628. partes 3. Ubi desinunt 628. partes, ibi usque ad globum totum spatium dividitur in 96. partes. 4. Globus repletur spiritu vini eousque, donec spiritus vini in aqua calida, in qua butyrum facile liquefit, ascendat ad gradum 90. vel donec idem spiritus calore moderatæ manus ascendat ad gradum circiter 82. Si spiritus altius ascenderet, diminui deberet spiritus; si minus ascenderet, augendus esset. 5. Tandem tubulus hermeticè clauditur; & tale Thermometrum satis conveniet cum eo Thermometro, quod est in Observatorio Parisiensi, ex quo has mensuras ac proportionem desumpsit.

*Punctum 5.* Quaratione construendum 3. & 4. genus Thermometri? Resp. Sumitur vitrum plenum spiritu vini, immergitur globulus vitreus habens annexum tubulum in suos gradus divisum. Si frigus fuerit intensius, materia spiritus condensatur, & sic globulus non tam profundè mergitur. Sed per calorem spiritus rarefit, & globulus profundius mergitur. Quartum genus Thermometri nihil aliud est, quàm Barometrum utrinque clausum hermeticè, sic tamen, ut supra mercurium inferius relinquatur notabilis quantitas aëris. fiet enim, ut aëre rarefacto cogatur mercurius altius ascendere.

*Punctum 6.* Quomodo construendum Thermometrum D. Amontons? Resp. Sumit globum vitreum cum suo tubulo, cujus diameter ad diametrum globi se habet ut 1. ad 32. requiritur enim, ut diameter tubi sit valde exigua. 2. Incurvat tubum proxime ad globum, simulque apertum tubum erigit. 3. Pro constructione accipit diem, in quo mercurii altitudo in Barometro habet 28. pollices, quia eo die aër in globo vitreo Thermometri construendi contentus tantum comprimitur, quantum gravitas aëris in Barometro ostendit. 4. Ponit globum in aquam ferventissimam, ut aër in illo extendatur quantum fieri potest. Tunc infundit in tubum mercurium, sic tamen, ut aër in globo contentus amplius non exeat. In infundendo mercurio eousque pergit, donec altitudo mercurii fuerit 27. pollicum. 5. Tubo sic constituto jungit alium tubum; & tandem infundit mercurium, donec veniat ad altitudinem 45. pollicum à priore altitudine, id est, 72. pollicum ab infimo. 6. Ablato superiore tubo, gradus in inferiore tubo sic computat, ad altitudinem mercurii in hoc Thermometro addit altitudinem mercurii in Barometro, summa designat gradum caloris. v. g. si altitudo mercurii in Thermometro fuerit 31. pollicum 5. linearum; altitudo vero mercurii in Barometro 27. pollicum, 7. linearum, erit gradus caloris 59. pollicum. Verum in hac constructione multa opus est accurratione, quæ non facile obtinetur.

*Punctum 7.* Qualiter reliqua Thermometra construenda? Resp. Sextum genus à Nugueti 1705. inventum consistit in duplici Barometro Hugueniano. Sumuntur quatuor tubi ad invicem verticaliter pa-

rallelli, in quorum extremitatibus duo globi vitrei. In primo tubo datur dimidia pars vacua ab aëre, ut solet in aliis Barometris, dein mercurius replet huius tubi dimidium, usque ad dimidium tertii. residuum tertii & quarti tubi replet aër crassius. hic aer quando extenditur, elevat mercurium; quando frigore contrahitur, sinit illum delabi. Septimum genus Anglicanum hoc modo usurpatur & fit. Sumitur ferrum ignitum; sinitur refrigerari; post aliquot minuta adhuc liquefaciet plumbum, post quadrantem adhuc solvet ceram, sed non amplius plumbum. numerantur ergo minuta temporis, intra quæ quævis materia à ferro ignito adhuc incenditur vel colliquefit. calor dein talis ferri candentis pro quovis dato minuto sumitur pro mensura caloris.

*Punctum 8.* Qualiter utendum Thermometro? Resp. Collocandum Thermometrum in loco, in quo illud non exponitur immediate ventis & radiis solaribus. Observatur optimè ante ortum Solis, quo tempore est frigus diurnum intensius, & hora 2. vel 3. pomeridiana, quo tempore est major calor diurnus; quando annotantur gradus caloris, simul annotentur venti, & aliæ dispositiones aëris. Utile etiam fuerit, singulis annis conferre Thermometrum cum aliquo invariabili gradu caloris vel frigoris; v. g. cum calore aquæ ferventis, quæ in toto orbe creditur habere eundem gradum, nec ubi semel summum aliquem gradum caloris recepit, majorem recipit; vel cum calore aquæ ferventis, in qua liquefit butyrum, vel cum calore profundæ cellæ, aut cavernæ, in quibus toto anni tempore solet perseverare idem gradus caloris, prout contingit in caverna Observatorii Parisiensis, in quam Thermometrum deportatum semper tenet gradum medium nempe 32.

*Punctum 9.* Qualis spiritus vini adhibendus pro Thermometris Florentinis. Resp. Censetur communiter bonus spiritus vini, si incensus totus in auras, nec relinquit aquam in vase. Verum Geoffredus in Acad. Reg. 1718. meliorem invenit methodum, probandi spiritum vini. Jubet vasculum stanneum, in quo detinetur spiritus vini, poni in alio vase, in quo est aqua frigida, ea sic moderabitur calorem spiritus vini accensi, ut partes aquæ in vasculo relinquat, dum ille interim in auras abiit. Sic ergo agnoscitur, quantum aquæ contineatur in spiritu vini, & cujus sit bonitatis. ea exprimitur, si dicatur v. g. in spiritu vini contineri  $\frac{1}{100}$ ,  $\frac{1}{200}$ , vel  $\frac{1}{300}$  partem aquam, seu phlegma.

*Punctum 10.* Qualiter tingenda aqua vel spiritus vini? Resp. Aqua pro Thermometro Drebelliano sic tingitur. solvitur parum aurichalci aqua forti, & aqua forti sic imbuta colore commisceatur cum duabus tertis aquæ communis. Spiritum vini alii tingunt croco, a quo subtiliores partes per spiritum eliciuntur. Si radix anchusæ 12. horis relinquatur in spiritu vini, prodit color rubeus. Idem fit per radicem curcumæ, vel per folia melonum, si extracto in posteriore casu affundantur aliquot guttæ spiritus vitrioli, aut olei tartari. Potest in similibus locis spiritus vini adhiberi aqua calida. Si flores veneris contriti solvantur in spiritu vini, & effundatur spiritus salis Ammoniaci, prodit color cæruleus.

*Punctum 11.* Utrum deret in mundo unus quidam uniformis gradus caloris, ad quem omnia Thermometra rectificari possint? Resp. Quidam putant, mensuram universalem desumendam esse à frigore glaciæ. Sed de la Hire in Actis Academiæ 1711. ostendit, frigus crescere ad majorem gradum, quàm est in glaciæ. Ex quo colligit aerem transire per glaciem, eò quòd permiserit Thermometrum torum congelari in aqua, & tamen spiritus vini



vinum non congelatus majus postea frigus ostenderit. Alii pro constanti gradu frigoris assignant illud momentum, quo aqua incipit congelari. nam Thermometrum Parisiense constanter tenet 32. gradum eo tempore, quo auri incipiunt fieri glacies. Verum hæc mensura non potest esse in omnibus Provinciis eadem; quia sicut diversi liquores, aqua, oleum, vinum ex diverso frigore congelantur, ita etiam diversæ aquæ in diversis Provinciis non congelantur eodem gradu frigoris. Colbertus quondam Minister Regis Christianissimi consuluit, ut in omnes Provincias unum deferretur Thermometrum, Parisiensi æquale; & sic utique facillime obtineretur una mensura graduum caloris. Ipsa Academia Regia Parisiensis habet constantem gradum in specu subterranea observatorii, cujus profunditas in terram est 14. pedicularum, seu 72. pedum Parisiensium; fundus in specu servat ferè libellam cum sequana, quia Observatorium in monte Parisino situm est. In hac specu Thermometrum Florentinum tam in æstate quàm in hyeme habet constanter gradum 48. quin in illo Thermometro accuratè est medium inter summum frigus & summum calorem, utpote Thermometro in 96. partes diviso. Verum tales specus non serviunt pro universali mensura, quia in diversis cavernis etiam ad eandem profunditatem reperitur diversus gradus caloris aut frigoris. Reperitur in Comitatu Franciæ specus, in qua Thermometrum decem gradibus profundius descendit, quàm in hyeme. D. Amontons in hac re expertissimus asserit, aquam ferventem esse universalem mensuram caloris, quia, postquam fervere incæpit, & bullæ aëreæ expulsæ sunt, quantocunque igne urgeatur, non concipit majorem ampliùs calorem.

*Punctum 12.* Quod genus Thermometrorum optimum sit? Resp. Drebellianum est imperfectissimum, quia in illud agit etiam gravitas aëris; & sic fieri potest, ut crescente gravitate aëris mutetur Thermometri altitudo, quin tamen propterea in aëre mutetur calor. In Thermometro Florentino notatur hoc vitium, quod inprimis vis expansiva spiritus vini successivè in eodem Thermometro decreseat; quamvis in actis Acad. Reg. 1716. legatur, Parisiense Thermometrum jam per 40. annos invariatur mansisse, dum interim Wolfius in suis Experimentis testatur, suum post 14. annos jam notabiliter defecisse. Accedit quod difficile sit in hoc genere construere æqualia Thermometra, sic ut in diversis Provinciis ad invicem comparari possint. Testatur Wolfius, eadem quamvis ejusdem magnitudinis & divisionis nequidem in eodem loco inter se consensisse, fortè quia non erant tubi ejusdem latitudinis, nec spiritus ejusdem bonitatis. Tertium rejicitur universaliter. Quartum genus in eo habet vitium, quod vis expansiva aëris compressi à gravitate mercurii non crescat quoad altitudinem æqualiter per æquales gradus caloris. Quando aër per primum gradum caloris se ad majus spatium expandit, accedente secundo gradu non ampliùs habebit vires, ut se extendat ad duplo majus spatium. In quinto genere Amontoni negatur fundamentum totius constitutionis, supponit, quod aqua fervens, cui ab initio suum Thermometrum imponit, elasticitatem

aëris augeat una tertia illius parte; nam, cum aër, antequam applicatur aquæ ferventi, jam possit antecederenter habere diversum calorem, aut ob diversam crassitiem, vel loci altitudinem habere diversam elasticitatem maximè in diversis Provinciis. Itaque contenti esse debemus mediocritate in omnibus cum nihil sit ex omni parte perfectum. Excogitavi quidem aliud genus Thermometri, sed & ipsum non omni prorsus difficultate carer. Consistit in eo: Computetur quantitas cujuslibet datæ materiæ ad calorem aquæ ferventis calefactæ ac expansæ; computetur autem in lineis cubicis, dein quovis tempore notetur, quot lineis cubicis illa quantitas materiæ à summa illa expansione deficiat. Vel poterit quantitas materiæ per aquam ferventem calefactæ dividi in mille partes, ac dein exprimi gradus caloris in particulis millesimis, quibus ab illo summo calore deficit. In hunc finem poterit sumi tubus vitreus angustus, positus ferè horizontaliter, ne expansioni obstet gravitas. Pro materia extensionis sumi potest vel spiritus vel aqua communis, vel etiam mercurius, quem per aquam ferventem notabiliter extendi reperi.

## CAP. X.

## De Hygrometro, Hyetometro, Anemometro.

**H**ygrometrum est instrumentum, quo mensuratur humiditas vel siccitas aëris. Hyetometrum, quo mensuratur quantitas pluviae. Anemometrum, quo mensuratur vis ventorum. Quò pertinet etiam *Plagioscopium*, quo mensuratur directio vel situs ventorum.

Hygrometrum hoc modo parari potest facillime: *Fig. 38.* Accipe frustum chordæ maximæ (eine starke Saiten) imponatur aquæ, in qua multi cineres clavellati sunt soluti, ita ut aqua salibus cinerum elixivatis satiata sit. Stet ita per dies duos aut tres; tunc eximatur; suspendatur chorda ubi volueris, clavo uni extremo infixio, ut firmiter affixapendeat, alteri extremo annectatur pondus circiter unius libræ cum brachio horizontaliter prominente. Ducatur tunc chorda in gyrum, ut bene contorta siccescat ad fornacem, & brachium ponderi affixum recursum seu retorsionem impediat impingendo ad parietem. Chorda exsiccata spithamæ longitudinis rigida recta & stabilis erit. Ejus unum extremum immittatur in centrum seu axem cylindri lignei A. & glutine firmetur. Ex cujus alterius baseos centro erecta prodeat acicula chalybea. B. hæc per duas lamellas orichalceas C. & D. in situ parallelo positas, & utrasque foraminulo pertusas transmittatur. Superius indice ex materia leviori E. ornatur, ut in circulo subjacente F. gradus monstrare possit ad libitum designandos, alterum chordæ extremum pyxidis fundo I. infigatur cuneolo H. ligneo adacto, & hygrometrum erit paratum. dum enim chorda per humiditatem vel siccitatem aëris contorqueatur, index chordæ impositus circumeundo gradus signat.

Haben-



Habentur varia alia hygrometrorum genera v. g. ex gravitate lanæ, serici, squamæ &c. pariter talibus exsatiatæ. Cum enim tales materiæ humorem aeris contrahant, fiunt humiditate aeris graviores; itaque lanci impositæ pro diverso statu aeris mutant æquilibrium. Vel funes aut chordæ, quæ crescunt longitudine per humiditatem. Itaque si appendantur illis leviora pondera, ex earum longitudine scitur, quanta sit humiditas aeris.

Hyetometrum hoc modo constructur. Fornicetur brochus seu infundibulum stanneum quadratum, cujus labra exactè pedem æquent. Apertum os & quadratuna corpus pyramidale definat in contractum canalem conicum. Totius brochi altitudo proportionata sit hiatui oris, & sit ferè alta unum pedem. Canalis conicus in imo sit perforatus foraminulo pisi majoris magnitudinem non multum excedente, applicetur huic canalis vitreus sat amplius, hujus tamen extremum sit contractius, clausum epistomio vas sic constitutum exponatur libero aëri: aqua pluvia, vel nix prius calore in aquam resoluta per epistomium apertum effundatur in aliquam mensuram continentem aliquot pollices cubicos, vel unicum pollicem cubicum; & sic notata per totum annum quantitate pluviae innotescet, quot pedes cubici per annum deciderint. In Academia Regia Parisiensi observatum est, in

annis siccioribus quantitatem pluviae per annum fuisse 16. 17. 18. pollicum cubicorum, in annis humidioribus 19. 20. 21. pollicum.

Anemometrum fit hoc modo, constructur axis mobilis cum ventilabro, appenso pondere in axe. Quando ventus est validior, major fit rotatio, & altius attollitur pondus. Sed hoc instrumentum est exiguae utilitatis ob varias causas irregularitatum in ventis. Utilius est Anemoscopium. Describuntur in plano 32. plagæ ventorum; in medio erigitur versatilis index ejus latitudinis, ut facile à vento moveri possit; singulis diebus notatur plaga opposita illi, quam signat. Verum quia in locis humilioribus facile reflectuntur irregulariter venti, melius fit, si tales indices erigantur in summitatibus ædificiorum, & axis versatilis per rectum porrigatur in cubiculum, ubi in plano per alium indicem axi eidem affixum plagæ monstrari possunt.

Itaque, qui his observationibus indulgere voluerit, conficiat tabulam, in cujus prima columna notetur dies, in secunda hora observationis, in tertia altitudo Barometri, in quarta altitudo Thermometri, in quinta gradus hygrometri, in sexta plaga ventorum, in septima violentia ac vis ventorum, in octava tempestas, imbres, nubes, sudum, gelu &c.

## De Plantis & Animalibus.

### CAP. I.

#### De Plantis.

**L**USTRATIS corporibus, quorum contextus simplicior videtur; nunc ad ea, quæ pluribus organis constant, & à Philosophis *Viventia* solent vocari, veniendum est. *Viventia* ergo dicuntur, quorum organa, succis permeantibus, vegetantur, aluntur, & crescunt; eaque in duo genera dividuntur, Plantas nimirum, & Animalia. Illæ terræ radicibus inhaerentes succos, quibus aluntur, inde trahunt, neque alio sine periculo transferri possunt. Animalia verò, quæ cibum ore acceptum in stomachum demittunt, quaquaversum moventur, eoque motu delectantur. Est etiam, in horum corpore major organorum copia; qua re fiet, ut de Plantis prius agamus, pro nostra Methodo, quâ semper ex facilioribus ad difficiliora gradum facere conati sumus.

2. Planetarum ergo partes varias, earumque inter se dispositionem, qualis ope Microscopii cernitur, describemus, deinde earum usum investigabimus; ut quomodo vegetentur, alantur & crescant intelligamus.

Fig. 41. 3. I. \* Ut à Caule, sive Trunco initium faciamus, primum conspiciendum se in eo præbet Cortex. Externa hujus superficies constat sacculis, sive utriculis, qui truncum, annuli instar, cingunt. Hi sacci, qui ut plurimum liquore quodam turgent, quan-

doque eum effundunt; & flaccidiores fiunt, corticemque constant tenuem & siccum, qui in Prunis & Malis potissimum observatur.

4. Postquam verò tenuis ea superficies sublata est, occurrunt varii ordines lignearum fibrarum, quæ retis instar inter se implicantur, & quarum aliis aliæ superimpositæ sunt, ut ceparum phylaræ. Intervalla fibrarum sensim minuuntur, prout ligno propiores fiunt; adeo ut nulla pæne vacua cernantur, in interiore corticis parte. Hæ fibræ, in minores resolutæ, sunt instar fascium aliarum fibrarum concavarum, & turgentium liquore, qui ex aliis in alias transit. Interdum rectâ per truncum adscendunt, interdum obliquè serpunt, & sese aliis, ita, ut rere conficiant, conjungunt.

5. Ad intervalla quod attinet, quæ inter eas fibras conspiciuntur, referta sunt utriculis, de quibus diximus, qui præterea solent ipsas fibras cingere. In Cerasis, aliisque arboribus, cernuntur varii ordines, sat densi, utriculorum, qui porriguntur ad lignum, per spacia, quæ inter ligneas fibras inter sunt. In Quercu, Populo alba, & Castanea, cernuntur varia corpora talis similia. nisi quod paulo longiora sunt. Constant variis ordinibus utriculorum, horizontaliter dispositorum, & inter fibras sitorum, quibus arctissime adhærent.

6. Superficies externa arborum earum, quæ asperissima est, constat variis foliis & surculis ex arbore prodeuntibus; unde fit, ut in teneris ramis asperitates quædam conspiciantur, quæ secundum longitudinem ramorum ordine constanti porrectæ sunt.

\* Ex Marcell. Malpighii Anatome Plantarum.



sunt. Sed præter partes corticis memoratas, in cortice Ficus, & Cupressi, singularis species vasorum cernitur, quæ sunt in medio cortice, & succum instar lactis emittunt. Ceteroqui, quamquam est magna in arborum & Plantarum aliarum cortice diversitas, quoad magnitudinem & situm fibrarum & utrium inter se collatorum; attamen in iis, quæ diximus, ferme inter eas convenit. Observandum etiam, hæc fibras constare quadrangulis concavis, ex superiore & inferiore parte apertis, quibus inter se connectuntur.

7. Jam si quærat, quis sit harum partium usus, videtur per fibras ascendere succus, quo arbores & Plantæ aluntur, & sustineri asperitatibus, quæ in iis sunt; ubi quadrangula illa corpora, quorum meminimus, conjunguntur. Ex ergo internæ fibrarum asperitates sunt instar valvularum, quibus singulæ succi guttæ, dum ascendunt, sustentantur, quasi per gradus, donec ad summam pervenerint arborem. Præter eas fibrarum internas asperitates, calor diurnus, frigusque nocturnus, & vis elastica aëris, ventorumque motus multum conducunt ad evehendum humorem ad summam arbores. Utriculi vero transversî, qui fibris adhærent, excipiunt liquorem; qui in utriculos effunditur, & in iis cum veteri succo fermentatur, ac subtilior factus arborescunt. Quæ de causa in utriculis nonnullarum plantarum, præter inutilium aut superfluarum liquoris particulæ transpirationem, is succus varias *precipitationes* patitur. Sic liquorum ex Plantis educorum, & vasibus, ubi fermentarunt, inclusorum, *tartarea* particulæ precipitantur, & lateribus vasorum adhærent. Hinc fit, ut in cortice Populi & Quercus, occurrant corpora talorum instar, quæ constant multis ordinibus utriculorum plenorum indurata quadam facie; quales sunt tartaræ particulæ, quæ dolis vinaceis adhærent. Hac eadem de causa, cortex Plantarum facilius inflammatur, quàm truncus; quia, cum sit major copia succi in cortice, quàm in ligno, plures etiam in cortice sunt particulæ tartaræ, quæ facile inflammantur.

8. Conspiciunt Physici succum, quo turgent utriculi, instar *chylî* esse, quo alitur arbor; quia ea vascula, quæ sunt quasi venæ, aut quasi nervi, humefaciunt non tantum corticem, sed etiam lignum, & omnes alias Plantarum partes; & quia succus utriculorum concoctior est eo, qui ex ipsis ligneis fibris manat.

9. Præter eum usum corticis, in nutritivo succo concoquendo, credibile est eum ad incrementum arboris inservire; quod, ut ex sequentibus liquebit, ita fit. Quotannis novum rete implicitarum fibrarum gignitur, & horizontalium utriculorum; quod rete, dum paulatim solidius fit, tandem ligni substantiam constat trunco adjunctum, gignitur enim in intimo cortice.

10. Hinc colligimus, corticem illum internum esse ex primariis Plantæ partibus, cum arbores vivas servet; ut cernere est in Salicibus, Populis & Oleis, quarum lignum sæpe prorsus putrefactum est, dum cortex succo tumens vivas arbores servat. Illæ arbores crescunt, germinant, ramos, frondes & fructus emittunt. Ideoque rerum naturæ opifex interiori cortici exteriorem, quasi vestem, quæ conservaretur, circumdedit: quemadmodum inter-

rior cortex lignum tuetur. Solæ Plantæ, quæ non perennant unicum corticem tennem, & fibratum fascies exiguos & paucos habent; sed diuturnioribus Plantis sunt in cortice interiori plures fibrarum crescentium, & tempore duritiem contrahentium ordines.

11. II. Demto cortice, occurrit *Lignum*, quod pluribus etiam partibus constat. Potissima sunt concavæ fibræ, quasi variis vesiculis contextæ, & juxta trunci longitudinem porrectæ, quemadmodum corticis fibræ. Cùm inter se relinquant intervalla, in hisce quoque cernuntur transversî utriculi, qui ad medullam usque lignum penetrant. Inter fibras concavas aliæ sunt, quæ *spirales* dici possunt & *tracheæ*, non tanto quidem numero ac aliæ; sed quæ multo majores, & hiare deprehenduntur, quando lignum horizontaliter secatur. Variæ quidem sunt hæ, sed pleræque in orbem circa centrum serpunt. Non sunt æquales ubique, sed per intervalla arctiores videntur, & constare utriculis, ad ovi figuram accedentibus, haud aliter ac *trachea arteria* animalium. Interdum polygoni cernuntur utriculi, interdum corulci & laeves sunt, ac subinde obturati, quod in Insectorum pulmonibus etiam cernitur. Sæpe in una spirali fibra, plures sunt utriculorum ordines, qui se invicem constringunt.

12. Cùm resolvuntur hæ fibræ in partes, quibus constare videntur, deprehendimus eas constare quasi lamina tenui, arcta, pellucida, atque ad argenti colorem accedente. Ea lamina ita in spiram est complicata, ut ejus ora intrinsecus, atque extrinsecus asperet fibræ, ubi inferior pars superiori committitur. Trachea arteria animalium perfectorum constat annulis distinctis; sed tracheæ fibræ arborum sunt similes insectorum tracheis, quæ conflatae sunt longa fascia, in spiram complicata, & veluti tenuissimis squamis constante. Quod mireris, si quæ tracheæ fibræ parsex herbis, aut certis arboribus hyeme revellatur, sat diu *peristaltico* motu agi videtur.

13. Præter fasciculos ligneorum & spiraliū fibrarum, in Ficu, & Cupressi, & Apio sylvestri, cernuntur varii ordines tuborum, qui vomunt lacteum liquorem, fere instar butyri crassum. Unde colligere est, in truncis arborum, ex quibus lac, resina, aut gummi fluit, similes esse tubos, qui eos liquores effundant. Plures cernuntur circa Tracheas, quæ in putaminibus Amygdalarum sunt, qui resinæ genus quoddam emittunt.

14. III. Inter corticem & lignum, præsertim in Quercu & Populo, cernitur materia quædam alba & tenera, quæ *alburnum* dicitur. Videtur ea tantum esse cortex, cujus fibræ sunt propiores, & qui sensim ligneæ substantiæ miscetur. Fortasse fibrarum contextus, qui, crescente arbore, quotannis trunci cylindro adduntur, in cortice tenuioribus filamentis latent; sed paulatim expediuntur, & crassiores fiunt, quod in variis insectis, ut sunt Campe, animadvertitur. Fortè alburnum duratur in lignum, succo, quo imbuitur. Sic ossa, quæ constant laminis decussatim contextis, durantur succo illius adfluente; quod videre est potissimum in dentibus, qui duplici lamina constant; quarum exterior reticularis & fibrosa est, neque aliud videtur, præter extensionem filamentorum pellis; interior verò, quæ



à radice ad extremos dentes pertinet, est duplicata, & quasi in cirros inflexa. Sed dentalis succus adfluens hæc indurat & occultat.

15. IV. In media substantia lignea est *Medulla*, quæ constat variis ordinibus globulorum concavorum, & membranula rectorum, quod perspicue cernere est in medulla Nucis & Sambuci. In hac, inter medullam & lignum, sunt varii ordines fibrarum concavarum, quibus peculiaris continetur succus; qui facile cernitur, cum concrevit, aut niger fit. In tenerioribus surculis, medulla non est plane in centro; sæpissime hexagona est, & cortici propior, quàm planta meridiei obversa est. Prout verò lignum augetur, medulla minuitur.

16. Quamvis autem non sit eadem prorsus omnium Plantarum dispositio, natura in omnibus aliquantum variante; attamen ex innumerarum examine deprehenderunt Physici, convenientiam quamdam inter omnes Plantas esse: quòd in *Anatomia Plantarum* prolixè ostendit *Marcellus Malpighius* Italus, cui conjungendus *Nehemias Grevius* Anglus.

17. V. Ex innumeris experimentis constat, truncorum partem ligneam contextam esse fibris perpendicularibus, concavis & lævibus, fibris item tracheis, tubisque singulis Plantis peculiaribus, ac denique utriculis, qui horizontali linea à cortice ad medullam penetrant inter fibrarum interstitia. Quamvis enim Plantarum teneriorum caules duritie lignum non æquent, neque contextus fibrarum, quibus constant, corpus cylindricum efficiat; attamen fasciculi fibrarum, qui perreptant earum caules, similes sunt arborum firmiterum fibris.

18. Hæ autem fibræ trunci plenæ sunt succo, similiei, quo fibræ corticis turgent, & corticis quidem fibræ fibris ligneis connectuntur, & sensim duritiem similem contrahunt. Sæpe etiam paullo longior fibra, partim lignea est, partim corticis naturam alio in loco servat. Mirum ergo videri non debet, si eâ parte, quâ laceratus est arboris cortex, non amplius crescat arbor; sed cortex circumquaque augeatur, instar labiorum vulneris, & tandem eum locum contegat; ita tamen, ut cavitās, quam nunquam prorsus replet, supersit.

19. Hinc colligere est, esse *Anastomoses*, sive meatus, per quos succus ex singulis fibris in vicinas transit; cum, sectis nonnullis horizontaliter, ut pars superior ab inferiori divulsa sit, superiores tamen non siccentur fibræ, sed & postea crescant; quod fieri nequit, nisi à vicinis succum aliquem trahant. Videmus præterea augmentum arborum fieri non modo ex inferioribus partibus ad superiores, sed etiam horizontaliter; cum pars corticis lacerata est; tum enim cortex, qui est ad latera, invicem accedit, non minus ac superior & inferior. Tunc etiam fibræ, & utriculi mirè torquentur, cum nativum situm obtinere nequeant.

20. Succus, quo turgent fibræ, ex radicibus ad summam arborem adscendit, quamvis nullæ sint valvulæ, quod manifestum erit plantanti, exempli causa, salignum ramum, ut summa pars rami terræ infigatur, reliqui à terra exstent. Hi enim rami non minus crescent, quàm si aliter conversi fuissent, & susculi ex iis orientes cælum etiam respiciunt. Attamen rami sic plantati tam crassi non fiunt, ac si inferior pars terræ impacta fuisset.

21. Reperiuntur etiam utriculi horizontales partis ligneæ pleni succo, ex aliis in alios transeunte, & variis coloribus, pro Plantarum varietate, tincto. Cum recisus est arboris truncus, hi utriculi crassiores, & ampliores fiunt; quod in Quercu potissimum observare licet. Videntur ii utriculi constare membrana tenuissima, quæ tempore incrassescit; quandoquidem, succo exhausto, superest pellicula mollis & flaccida. In ligno putrido cernuntur etiam vasa, quorum contextus ambit utriculos; & simile quiddam in medulla Sambuci, & aliis animadvertitur. Quo credibile fit ex iis vasibus succum, quo turgent in eos transire.

22. Utriculi tam in arborum truncis, quàm in caulibus aliarum Plantarum, adnexi sunt perpendicularibus fibris corticis & partis ligneæ, quamvis in situ aliquod sit discrimen. In arboribus utriculi angulos rectos cum perpendicularibus fibris faciunt, dum eas horizontaliter secant; sed in Plantis tenerioribus, cum fibræ non sint perpendiculares, utriculi etiam incertis ordinibus per eas repunt. Cernitur quoque nexus utriculorum cum fibris in Galis multò clarius; atque hæc opinio firmatur quoque contextu florum & foliorum, ut postea dicemus.

23. Præterea observandum, Plantas, quibus multa medulla inest; utriculos habere, qui à cortice perveniunt ad medullam, atque in hanc liquorem suum effundunt; cum in Plantis magis ligneis, ordines utriculorum instar radiorum rotæ circiter siti, semper ad medullam usque non percingant, sed in media substantia lignea sæpe deficient; unde etiam quandoque alii oriuntur, atque ad centrum porriguntur. Ceterum tanta est utrorumque utriculorum copia, ut reliqua arborum vasa numero & magnitudine ferè æquent. Eadem etiam natura omnium horumce utriculorum esse videtur; & deprehenditur quoque medulla surculorum teneriorum, similis esse interiori cortici, qui mox in lignum convertitur, ut & exteriori, cum ejus indurata sunt fibræ. Quamobrem in solis tenerioribus ramis perpetua deprehenditur medulla, quæ in truncis duriorum & paullo majorum arborum nulla est.

24. Arbusta quædam, quæ diu non vivunt, multam habent medullam; fortasse ut copiosus humor quo aluntur amplius spatium habeat, in quo excoquatur, & facilius transpiret. Itaque, ut brevi tempore crescant, sic etiam brevi tempore intereunt; quia humor ille, quo eorum turgent medulla, non eandem soliditatem Plantis illis creat, quæ nascitur ex ordinibus horizontalibus (quibus aliarum truncus partim constat) utriculorum cum perpendicularibus fibris contextorum. Quo fit credibile, eorum arborum medullam nihil esse, præter congeriem utriculorum adnexorum paucis fasciculis fibrarum inæqualiter per caulem sparfarum.

25. Verisimile est, ut jam observavimus, succum, qui per fibras ligneas adscendit, exundare & concoqui in utriculis, sicuti in cortice. Quemadmodum autem in perfectis animalibus, novum alimentum chyli subit pristinum sanguinem, variis fermentis prægnantem, ut *lympha* &c. & cum hoc totum corpus pererrat; qua peragratiōe ingreditur varios poros carnis & viscerum, ubi fermentis, quæ illic



hic sunt, adsumtis, tandem acquirit dispositionem idoneam ad functiones animales conservandas: sic in Plantis novus succus ex ligneis fibris in horizontales utriculos effusus, in iis invenit succum jam tempore coctum, cui conjunctus instar fermenti evadit. In hisce ergo utriculis, succus fermentatione coctus, quasi in receptaculis servatur; ut suppediter alimentum gemmis novis & foliis, quæ protrulura est arbor.

26. Hoc admisso, possumus dicere, Cepas, & bulbosas quasvis Plantas esse, quasi truncos, terra abditos, & fermentato succo plenos; non modo, ut suppeditet materiam foliorum, quæ certo tempore à Plantis emitti solent, sed ut novum succum subeuntem excoquat. Fortè eadem de ratione surculus exiguus, alterius arboris trunco insitus, fructus profert diversæ naturæ ab iis, qui ex trunco, quo alitur, nascuntur. Vix videtur is effectus ad varietatem pororum posse referri, quâ sola mutetur natura succi, qui ex trunco in surculos transit. Vetus humor, horizontalibus utriculis inclusus, multum ad hoc conferre videtur; & quo vehementius ejus fermentum est, eò majorem mutationem in novi succi coctione creare potest.

27. VI. Diximus in lignea substantia, non secus ac in foliis & floribus, esse fibras spirales vel tracheas, nunc plures, nunc pauciores, & quæ semper ambiuntur fasciculo lignearum fibrarum, in trunco arborum. Descripsimus etiam trachearum illarum dispositionem, unde intelligere possumus, quemadmodum animalia perfecta summam tracheam arteriam habent, constantem annulis cartilagineis, musculis & membranis conjunctis; ita tamen, ut in infima ejus parte, quâ per pulmonem spargitur, nulli annuli occurrant, sed variæ tantum laminæ, quarum alias aliæ subire possunt, quemadmodum squamæ, iterumque, ubi necesse est, extendi: sic nos cernere in Plantis & Insectis, loco annulorum, laminam spiralem in unaquaque trachea, quæ extenditur & contrahitur; prout arbores incurvantur aut eriguntur, & prout aëre inclusos, elasticaque vi præditi, pelluntur. Hæ fibræ ferè recta linea, ex radicibus per truncum adscendunt, & per ramos sparguntur, atque illinc per folia, ubi in speciem retis contextuntur.

28. Usque adeo necessaria est omnibus viventibus respiratio, ut magna illa, quæ est in viventibus, varietas non obstat, quominus omnia pulmones habeant, quamvis figuræ & magnitudinis diversissimæ. Verum perfectissimis animalibus pulmones simpliciores & expeditiores sunt, quales sunt hominum & quadrupedum. Reliqua impediores & majores habent, atque hoc quidem ordine, initio facti ab iis, quibus minus impediti sunt: aves, pisces, ostrea, aliæque conchylia, insecta; inter quæ Papiliones tantis pulmonibus præditi sunt, ut octo-decim eorum inveniantur rami, qui per omnia eorum membra sparsi sunt. Ultimum locum obtinent, inter Ventia, Plantæ, quibus tantus *Trachearum* numerus inest; ut ne minimæ quidem partes, excepto cortice, iis careant.

29. Omnia hæc pulmonum genera, nescio quid ex liquoribus, quibus ambiuntur, vitæ necessarium trahunt. Animalia perfecta, & ipsa Insecta id ex aëre ducunt. Pisces & Conchylia id ab aqua, in

qua natant, secernunt. Plantæ verò, quæ non minus ac animalia vivunt, id nanciscuntur ex terra, aëre, & aqua, unde per poros radicum, ubi ampliores & plures sunt Tracheæ, in eas transit. In animalibus terrestribus, massa omnis sanguinis per pulmones meat, ut aliqua ejus rei particula adficiatur; quod in piscibus etiam animadvertere est. Sed in Insectis pulmones per totum corpus sparsi deferunt, quod ex aëre traxerunt, in singula eorum membra, quemadmodum arteriis eò devehitur sanguis. Credibile etiam est, in Plantis ligneas fibras & horizontales utriculos ex Tracheis ducere vaporem, qui per earum tunicas percolatur; cum ligneæ fibræ Tracheas, hederæ instar, circumdant.

30. Ad usum respirationis in Plantis, quod attinet, non videntur alia de causa aëre indigere ea viventium genera; nisi quia, cum succus, quo aluntur, fluidus esse debeat, per Tracheas colantur partes quædam subtiliores aëris, quæ, cum sint in maximo motu, fluiditatem succi Plantarum conservant. Præterea, cum necesse sit, eum succum fermentatum esse, ejusmodi subtilissimi fortè nitri, particulae fermentationem illam juvant. Alioqui succi sale terrestri prægnantes, quibus Plantarum vasa distenta sunt, facillimè coagularentur, nisi materia quædam externâ vehementius commotâ agerentur.

31. Aër autem Plantarum Tracheis inclusus eadem ferè mutationes ac externus patitur: ut constat, humorem ligneis fibris contentum, haud aliter ac externum mutationibus tempestatum adfici. Hunc videmus frigore concrefcere, eaque rarefactione vasa, quibus continebatur effringere; unde fit, ut in durissimis etiam arboribus ingentes rimæ, secundum trunci longitudinem, reperiuntur. Similiter aër, quem Tracheæ claudunt, variè adficiatur, necesse est, pro tempestatum varietate; imò verò pro mutatione, quæ vicibus noctis & diei in aëre externo creatur. Quemadmodum etiam in Animalibus dilatatio & compressio pulmonum interviunt ad impellendum in vasa lactea chylum, aliosque succos per similia vasa: sic in Plantis dilatatione Trachearum ligneæ fibræ comprimuntur, ut necesse sit, eas succum, quo turgent, in vicinas partes emittere; contrà verò Trachearum contractione, alia vasa laxiora fiunt, & novum succum admittere possunt. Succo autem perpetuo impleri vasa Plantarum, vel inde liquet; quod si viride lignum incendamus, magnam aquæ copiam ex eo fluere, cernamus.

32. VII. Præter fibras ligneas, Tracheasque, & horizontales utriculos, diximus, variis in Plantis cerni vasa peculiariora, lacteo humore, aut etiam bitumine, vel quopiam alio succo plena. Cernuntur quidem facillime ea vasa in Plantis, quæ ejusmodi lac, aut resinam ejiciunt; sed in aliis summa tenuitate fit, ut cerni nequeant, nisi fortè liquores, quos emittunt, colore aliquo sint tincti. Cum tamen inter corpora ejusdem generis, videamus, semper esse quamdam Analogiam; videntur hæ Plantæ, non minus ac aliæ, peculiariora habere vasa, quibus continetur alimentum optimè concoctum, & maxime iis proprium. Cum is succus sit crassior, & concoctior reliquo, non absurde credideris, peculiaritate eum esse singularum Plantarum alimentum.

Sic



Sic in Abiete, & Terebinthina crassior & concoctior est succo, qui in aliis vasibus invenitur. Certè trunci dispositio ab ea conjectura aliena non est; fibræ enim ligneæ succum suum in utriculosejiciunt; neque aliud est vas, præter id, quod diximus, aptius ad excipiendum utriculorum liquorem, eumque quaquaversum deferendum; cum circa utriculos variis ramulis serpat, & per totam Plantarum substantiam sparsum sit.

33. Hic autem succus interdum instar aquæ pellucidus est, quandoque lutei coloris aliquando crassior, aut dilutior; ut tot sint ejus genera, quot Plantarum. Cum ad singulas partes delatus fuit, in iis coagulatur, eaque ratione eis augmentum creat. Quo est aquosior, qualis conspicitur in Salice & Populo, eo facilius in vaporem abit, minusque aëris inclementiæ resistit. In Quercu, omnes ordines fibrarum & utriculorum, quasi glutine quodam, sunt connexi, & quidem tenacissimo; quo fit, ut lignum ejus sit solidissimum, ægrè scindatur, ac aëri & aquæ facile resistat. In Ceraso, Pruno, Pyro, omnibusque resiniferis arboribus, sæpe contingit, succo illo in vapores elapso, nihil superesse præter compagem exiguorum tuborum, valorumque rotundorum.

34. VIII. Explicatis iis, quæ in trunco, & ramis arborum deprehenduntur, supersunt Radices; sed non opus est iis immoremur, quandoquidem eadem habent vasa ac truncus aut caulis, quanquam nonnulla quandoque est varietas, sed exigui momenti.

35. Ad usum radice quod attinet, satis constat, per eam subire succos, quibus Plantæ aluntur; attamen nondum poris, per quos ingreditur humor, ne ope quidem Microscopii, potuere invenire. Sed cum massa terræ constet variis particulis salinis, metallicis & vitreis; liquor ei admixtus sæpe dissolvit salinas particulas, & proprio pondere, vique elastica aëris, subit poros, quos patentes offendit; quod eo facilius fit, quod, ubi summæ partes tuborum humore exhaustæ sunt, sequuntur guttæ ex inferioribus; quæ ipsa tuborum dispositione in superiora facile ascendunt, unde fit, ut radices humore pristino vacuæ facile alterum excipiant, hiantibus poris.

36. In Animalibus, cibi solidi, ope fermentationis, in stomacho vertuntur in liquorem, miscenturque eorum particulæ; & si quæ cum aliis consistere nequeunt, præcipitantur. Deinde liquores illi incidentes in venas lacteas apertas, sponte eas subeunt, chylusque ea ratione a crassioribus seceratur partibus. Idem fit in terra, quæ Plantis est instar stomachi; salia enim & mineralia, quæ in ea sunt, solutâ aquâ pluvîâ, prægnantiaque particulis aëris, & fermentata calore Solis, varias patiuntur præcipitationes, & figuras sæpius mutant; donec in hiantes poros incidentia eos, ut diximus, subeant.

37. Verùm quæritur, quæ demum sint fibræ, quæ eos succos admittunt. In Plantas, quarum radices plenæ sunt filis, credibile est hac succum ingredi; quia ea filamenta sunt tubuli, qui facile admixtere possunt particulas fluidas, quarum magnitudo & figura ab iis non dissentit. Sed cum omnes

Plantæ ejusmodi filis non sint ornata, per corticem radice succi forte etiam subeunt, & sic in horizontales utriculos, quibus constant involucra bulbosorum quarundam Plantarum, ut Ceparum, irrum-punt. In Rapis quidem, præter utriculos, cernuntur fibræ transversæ, quarum extrema pars in corticem desinit, & qua etiam terræ succi ingredi possunt.

38. Cum plantantur rami saligni, aut populei, aut palmites, deprehenduntur succi ingredi, non modo per fibras horizontaliter sectas, sed etiam per ipsum corticem, unde in utriculos transversos defluunt. Ut celerius radices agant, varie inciditur cortex, atque in orbem etiam, ut lignum cernatur, detrahi solet. Dein plantatus ramus, ex parte, quæ supra incisionem est, radices emittit, quod hoc pacto fieri videtur. Succus, qui horizontales utriculos subiit, fermentatione eos tumefacit, quo fit, ut perpendiculares fibræ præter solitum compressæ incurventur, & ramos etiam extra truncum protrudant; cum succus, quo turgent, compressis fibris contineri nequeat.

## C A P. II.

### De Plantarum incremento & semine.

1. **E**X iis, quæ jam diximus, non difficile est intelledu Plantarum incrementum, atque inde gradus ad earum natales fieri non ægrè potest. Attamen quia res digna est, quæ singillatim explicetur, paullo copiosius eam persequemur; & pauculis quidem de motu succi in arboribus dictis, ad gemmas, folia, flores, fructus, & ramos progrediemur.

2. I. Ut succi in arboribus motus deprehendere-tur, \*viri eruditi sæpius secuerunt corticem arborum, in trunco & ramis, adeo, ut in orbem esset detractus, & superior pars corticis ab inferiore transverso digito, aut aliquanto plus distaret. Semper animadversus est cortex superior, unâ cum ligno, quod tegebat, aliquamdiu crescere; dum inferioris partis nullum cerneretur incrementum, donec tandem arbor interiret. Atque hoc experimentum mensibus Martio & Aprili, quibus maximè arbores succo turgent & vegetantur, sæpius sumtum est.

3. Hinc collegere 1. aut totum succum, aut maximam ejus copiam, ascendere per ligneam partem arboris; non verò per corticem, aut inter corticem & lignum. Certè si per corticem adscenderet, aut inter corticem & lignum, pars arboris, quæ infra sectionem est, maximè cresceret; dum superior, aut eodem in statu maneret, aut siccaretur; quia in inferiore hæret totus succus, aut maxima ejus pars; quo succo alitur, vegetatur atque augetur arbor.

4. Collegere 2. incrementum arborum in crassitiem fieri, ope succi descenditis, è superioribus arboris partibus, non verò adscendentis ex inferioribus. Alioquin non minus crescerent partes, sectione inferiores, quàm superiores.

5. Collegere hinc 3. perpetuam esse succi, per ætatem, circulationem, dum succus arborum caloreagi-

\*Vid. Act. Philos. Lond. an. 1687. num. 187.



reagitur; cùm eo tempore arbores crecant, non minus ac vere.

6. At facile non est ostendere, quibus tubis adscendat succus, quibusve descendat, neque enim per eosdem adscendere ac descendere potest. Videmus in animalibus sanguinem arteriis in extrema à corde vehi, venis verò ab extremis ad cor referri, nec ullum est eam re amplius dubium. Constat allatis experimentis, in Plantis circulationem fieri, sed quis dixerit, utrum succus per ligneas fibras, an per tracheas, an per vasa horizontalia referatur? Crediderim tamen, ex ligneis fibris in utriculos succum ita effundi, ut ex superioribus utribus in inferiores decidat, quamvis via describi fortè nequeat. Quod eò nititur, quod suprà à nobis de internis lignearum fibrarum asperitatibus dictum est, quibus fit, ut succi facile adscendant, difficulter verò descendant, per eas fibras. Ut ergo in corpore humano vivente omnia sunt, ut loquuntur Medici, *οὐπὸς καὶ ἐνὶ πόρῃ*: sic in Plantarum corpore, dum vivit, multi fortè ductus aperti sunt, qui in mortuo cerni nequeunt.

7. Succo ergo ita per arboris corpus delato, alitur & vegetatur arbor. Dum varios arborum poros permeat, tenuissima ejus pars videtur fibras & utriculos, prius quidem formatos, sed tenuitate sua Microscopiorum aciem fugientes, subire, eosque inflare paullatim, ut jam novus ordo fibrarum & utrium, inter corticem & lignum, videatur nasci. Quotannis nova corticis texta concoctiore succo indurantur, & ligneæ parti conjunguntur.

8. Ad caules verò herbarum quod attinet, cùm per unum tantùm annum durent, nihil simile in iis fit. Cùmque fasciculi fibrarum lignearum & trachearum, qui per totum caulem sparsi sunt, non admodum densi sint, neque firmi contextus, nodis sunt muniti, quibus firmantur. Idem animadvertitur variis in arbutis, quamvis interna nodorum dispositio in omnibus, propter eorum soliditatem, cerni nequeat.

9. Hi autem nodi sunt novi contextus fibrarum lignearum & trachearum, qui extra caulem prominent, ad edenda nova folia, aut gemmam protrudendam. Cùm ad hoc necessaria sit magna alimenti copia, & caulis etiam firmitas major, in eo contextu cernitur magnus fibrarum numerus; quarum aliæ cortici adfixæ hærent, aliæ verò aut folium, aut gemmam formant. In arboribus verò, cùm rami protruduntur ex internis fibris, prodit contextus fibrarum, qui cylindrum trunco similem conflatur.

10. II. Ut à *Gemma* incipiamus singillatim incrementum arborum describere, observandum est, primò gemmas arborum, non paullò postquam protrudi cœperunt, sed aliquot tantùm postea mensibus, frondes, flores aut ramos edere. In Italiæ benigniori cœlo, mense Junio gemmæ protrudi incipiunt, ut sequente dumtaxat vere quod abscondunt, excludant; & cauda quidem, seu petiolus foliorum, qui, quæ gemmæ adhæret, latior est, ei est involucri loco. Herbarum etiam æstate pullulant, gemmasque suas diu sub terra occultant.

11. In gemmis integræ continentur Plantæ, ex iis prodituræ. In iis ope Microscopii cernitur caulis exiguus, qui constat ligneis & tracheis fibris, quæ instar medullæ ex media Planta, cui gemma inhæ-

ret, prodeunt, & ejus tantùm fibrarum extensio videntur. Truncus verò suppeditat gemmæ præterea corticem, quo involvitur, & qui in varia folia potest dividi, quorum aliis alia, squamarum instar, imposita sunt. Hæc folia fibras ligneas & tracheas, quibus constant, trahunt ex trunco, & textæ sunt lanugine in Nuce & Vite, cùm in Populo aliisque arboribus viscoso liquore sint illitæ. Hæc autem omnia simul, in gemmam collecta, conflant conicum corpus, non aliter in herbis, ac in arboribus dispositum. In Cepis verò formantur gemmæ in ipso Ceparum centro; in Alliis autem, loco gemmarum, sunt varia capita, quorum unumquodque complectitur Plantam integram cum radicibus. Est quidem sat magna singularum partium, figuræ & situs respectu, in variis Plantis varietas; attamen in potissimis omnes consentiunt, ut ex multarum examineprehenderunt Physici.

12. Gemmæ omnes, ut eas cum Animalium generatione conferamus, sunt instar *fœtus*, qui intra corticem, quasi intra *uterum*, continetur; donec ad certam magnitudinem pervenerit, quam cum consequutus est, foras exit. In Animalibus perfectis augetur fœtus, non novorum membrorum formatione aut accessione, sed tantùm tenuiorum auditione, si cornua & dentes excipias. In Insectis novæ, quæ videntur succrevisse partes, antequam cernerentur oculis, in iis erant, sed tenuiores & aliis impeditæ; at crescendo expediuntur, quod in alis, aliisque nonnullis membris, animadvertere est. Idem cernere licet in gemmis, quæ continent integram Plantam, sed veluti conglomeratam, & quæ nonnisi tempore explicatur. Sic in Erucis cernuntur primùm partes veluti inchoatæ, & fluidæ, pelliculisque inclusæ, donec crassiores & firmiores evadant; quod cùm consequutæ sunt, pelliculæ illæ exuuntur. Externa quoque folia, quæ gemmam tegunt, sunt tantùm ad tempus, aut formam mutant, quod in variis Plantis contingit. Hinc folia non modo integumentum sunt interiorum gemmæ partium; sed succus, quo turgent utriculi, quibus referta sunt, postquam in iis satis concoctus fuit, regreditur in gemmam, novaque protrudit folia.

13. Ea de ratione, folia illa non habent tantùm unicam costam mediam, ut folia, quæ ad justam magnitudinem pervenire, sed varios fasciculos fibrarum; qui à basi foliorum porrecti finiuntur utriculis iis adnexis. Itaque ea folia non diu durant, aut enim succo exhausto decidunt, aut inserviunt conflandæ perpetuorum foliorum caudæ.

14. Horum quoque diuturniorum foliorum digna est consideratu formatio. Primùm enim cernitur costa succo plena, cui sunt utrimque plurimæ adnexæ fibræ, ex quibus membranulæ utrium postea pendent; quamvis nullæ initio cernantur, sed tantùm, postquam succus eas subiens explicat & dilatat flaccidas membranulas, quæ postea latitudinem foliorum conflant.

15. Si quæramus, quo tempore formentur gemmæ, eas protrudi comperiemus, cùm major succi copia, partesque ejus vehementius commotæ fibras vi flectunt, atque ex trunco erumpere cogunt; adeò, ut duplicibus fibris factis, eæ, quæ protruduntur, novo indigeant cortice, quo vestiantur. Ex hoc autem cortice prodeunt folia, quibus gemma invol-



involvitur. Atque hoc contingit, non modò in veteribus truncis, sed in teneris etiam ramis; ubi vehementia fermentati succi facile fibras, quibus constant, perrumpit. Hinc videmus, media æstate, qua succi vi Solis è terra in Plantas eliciuntur, & agitantur, primum nasci gemmas; deinde sequente vere, quo novi succi major copia accedit, cum terra adhuc madet hiberno humore, erumpere in flores, folia &c.

16. Quamvis res plerumque ita se habeat, nascanturque plures gemmæ tempore solito, quàm alio; atamen cum copiosus est succus, etiam alieno tempore gemmæ prodeunt. Atque hoc potissimum animadvertitur, in ramis & truncis cæsis, ubi copiosior est succus, cum in partes resectas non amplius spargatur. Hinc in Italia, vere adulto, putantur Roseta, collectis primum Rosis; ut ab eo tempore gemmas protrudant, Rosasque Autumno iterum edant.

17. III. Gemmæ, jam extra arborem aliquantum prominentes, *Folia* habent, quibus extremæ earum partes teguntur; eaque folia sunt dumtaxat fibræ & utriculi, qui eo usque continuantur. Cortex arboris protensus contextum cylindricum fibrarum lignearum constat, quo etiam tracheæ continentur; quibus omnibus collectis, constat foliorum cauda. Fasciculi earum fibrarum deinde dilatantur; atque ex costa, quæ per folii longitudinem porrecta est, prodeunt fibræ lignæ & tracheæ, quæ junctæ iis partibus, quibus anastomoses habent, contextu suo folium formant, unà cum utriculis; qui implent spatia inter fibras relictæ, & pro varietate foliorum, variis præditi sunt figuris. Hæc autem omnia, in foliis, tecta sunt tenuissima pellicula spinulis horrente, aut subtilissima lanugine. Extremæ partes foliorum, quæ inæquales sunt, constant fasciculis fibrarum, quæ hic illic prominent, adjectis protuberantibus corpusculis; quæ viscidum succum, dum tenera sunt folia, vomunt, sed quæ æstate siccantur. In nonnullis foliis, utriculi sunt oleoso quodam liquore turgentes; atque in nonnullis aliis, ut in foliis Ficuum & Mororum, perspicue cernitur vas lacte distentum, inter alias fibras: neque aliarum arborum foliis analogum quodpiam vas deesse videtur.

18. Folia autem Autumno cadunt, cum ea petioli pars, quæ trunco adhæret, corrupta est. Sed antequam hoc fiat, succus utriculorum in vapores abit, & qui est in fibris putrescit, fortasse quia sat multas volatiles particulas non habet. Ceterum ille succus in foliis concoquitur, quemadmodum in reliquis arborum partibus.

19. Jam si quæzatur Foliorum usus in Plantis, coniecere Physici, folia id ipsum arboribus esse, quod cutis est Animalibus. Pellis animalium constat nervis, arteriis, venis, vasibus lymphaticis, tendonibus & glandulis. Partes succi nutritivi, quæ eo influunt, novam illic figuram adipiscuntur; superfluous humor secernitur tubis, qui facile cernuntur; variæque nova fermenta illac percolantur, adeo, ut succus in partes Animalium interiores regressus ea alere, vitamque eorum tueri possit. Quamobrem dum laborat cutis, reliquum etiam totum corpus ægrotat, quod in morbis cutis cerne-  
re est. Similiter videmus, omnia Plantarum vasa in foliis delinere, ut per illa superfluous humor exun-

det. Quinimò, ut in cute, sic in foliis, pili exigui conspiciuntur.

20. Ea conjectura, examine animalium minus perfectiorum, firmari potest. Constat Insecta, quæ proxime Plantis, in Viventium ordine, superiora sunt; sat magnam humoris copiam cuti vicinam habere; & tam sæpe deponere cutem, aut saltem cuticulam, ut in perpetua mutatione esse videantur. Sic Plantæ quotannis folia abjiciunt, aut si non abjiciunt intra id tempus, quod in semper viridibus cernitur, in quendam *marasimum* prolabantur; quo fit, ut æstate sequente, succrescentibus novis loco cedant.

21. IV. Videntur ab omnium rerum Opifice non alia de causâ dati arboribus ramis, quàm, ut generent veluti ova, unde novæ Plantæ nascantur. *Flos* est veluti uterus, qui ea ova complectitur, & qui ea in aërem suo tempore edit. Vicinus est gemmæ, & per hyemem una latet, donec æstatis calore excludatur. In Plantarum simplicissimis, primum occurrit gemma, in qua latet semen ovalis figuræ, quamvis ejus caro, seu *pericarpium*, cum primum formatur, non appareat. Folia involucri, quo gemma tegitur, paullo inferius, quasi corticis continuatio, prodeunt. Atque hinc exeunt floris folia, quæ constant etiam extensione fibrarum lignearum & trachearum, variisque utriculorum ordinibus. Circa ea folia tuberculi, fungorum instar, conspiciuntur, aut pili, qui viscosum liquorem vomunt. Hinc etiam nascuntur filamenta & columellæ, quæ in mediis floribus cernuntur, & in extrema parte farinaceam substantiam habent. In aliis Plantis, folia & filamenta prodeunt sub corpore ovali, in quo semen later, ita, ut id involvant.

22. Conjiciunt Physici, ut modò innuimus, totum quidem florem esse instar uteri, qui semen, quasi særum, continet; sed eo officio singulari ratione fungi exiguam columnam, quæ è medio flore prominet. Est concava, & habet vesiculam, liquore plenam, ubi sunt principia seminis; & in quo paulatim augetur, & maturescit. In Animalibus oviparis, uterus una cavitate constat, cui adnexa est tantum unica tuba; cum in viviparis, sint duo ovaria & duæ tubæ: sic in Plantis, quandoque est unus uterus, unumve ovarium, cujus tuba est aperta; quandoque verò plures uteri, plurave ovaria. Extrema pars earum tubarum ornata est exiguis canalibus; per quos viscosus succus, terebinthinæ instar, manat. Qua re fit, non modò, ut nutritivus succus purgetur, sed & insectis aditus in uterum præpediatur. Est enim foramen, quæ aër subit, ut copiosior & facilior sit superfluous transpiratio. Uteri hujus conservandi causa, videntur aliæ florum partes formatae.

23. Dubitant Physici, an florum folia inserviant etiam concoctioni succi nutritivi, anve ex iis in uterum redeant, prout de aliis gemmarum foliis antea dictum est? an vero ad purgandos dumtaxat superfluo humore Plantarum succos, ut semen maturescere & indurari possit? Fortè utrumque usum ea præstant folia.

24. V. Semen, unde nascuntur Plantæ, quando maturum est, inclusum cernitur peculiaribus involucribus, quæ ei etiam uteri usum præstant. Multis in Plantis semen usque adeo crescit, ut fructus evadat,



quo vesci solemus. Ii fructus, ut plurimorum examine liquet, fibris, & utriculis succo turgentibus constant, quamquam fibrarum & utriculorum situs omnibus idem non est. Alii fructus habent Pericarpium; aut carnem mollem, quæ circumdat semen propriè dictum, ut ficus, racemi, cerasa, poma &c. In aliis ea caro paullatim indurefcit, & lignea tandem evadit, quod videmus fieri in fructibus Nucis, Cupressi, Pinus &c. In Plantarum nonnullarum fructibus semen est exterius, caro interior, ut in Fragaria &c. Denique usque adeò fecunda & varia est Natura, in seminum & fructuum dispositione, ut omnia eorum discrimina notari nequeant.

25. Cùm manifesta analogia, inter Animalia & Plantas, plurimis in rebus deprehendatur, hac quoque in re planè singularis est; quod in variis cernere liceat speciem quamdam *umbilici* pertusi, ut in Cucurbitis. Is umbilicus sensim porrectus, quæ definit, format involucrium, quod *Amnion* analogum est. Semen seu fœtus paullatim expeditur, & primum, ad extremum Amnion cernitur. Conspiciuntur illic ante omnia duo folia aperta, aut separata, & corpusculum adnexum in acumen desinens; quod sit credibile illic esse exiguam Plantam trunco, radice & duobus foliis constantem. Ac sanè cùm fœtus ille, nonnullis in Plantis, in quibus dilucidius cernitur, diligenter consideratur, in eo eadem partes, ac in Planta, undè natus est, inveniuntur.

26. Crescente Amnion, crescit etiam fœtus, & variis quidem in Plantis circa Amnion cernuntur ordines utriculorum, qui videntur esse loco involucri, quod in Animalibus *Chorion* dicitur. Sed in fructibus folliculo contentis, cernitur tantum liquor, qui tamen membranæ illius loco esse videtur. Fontem habet is liquor in alia parte Plantæ, quæ, servata analogia Animalium & Plantarum, *Secundina* dici potest, undè versùs fœtum fluit.

27. In leguminibus hæc *Secundina* initio est tumidior, quemadmodum & *Chorion* in Plantis, in quibus conspicuum est. Sed crescente Amnion, duæ illæ partes minuuntur, ac tandem Amnion planè in incremento Plantæ absorbetur. Qua de causa nonnulli crediderunt, humorem seminalem ex *Secundina* in umbilicum fluere, deinde per Amnion spargi, ubi prima Plantæ initia formantur.

28. Videtur Amnion crescere non solum ope succi, qui per umbilicum subit, sed etiam humoris per *Chorion* percolati, quia paullatim Amnion obliteratur. Et cùm Planta seminalis umbilico careat, per quem humorem quo alitur excipere possit, cumque intervallum, quod est inter ejus folia, plenum sit succo Amnii contigui; fortasse succus percolatus per *Chorion* & Amnion tenuissimæ illius Plantæ folia subit, atque indè in truncum delabatur. Non desunt etiam Anatomi, qui existiment, partem succi, quo alitur fœtus, per ejus pellem subire.

29. VI. Procreatio verò Plantæ seminalis intra uterum, etiamnum inter arcana, quæ nulla arte cognosci potuerit, recensetur. Sæperami ex arbore resecti, & plantati, fructus & semina emittunt; undè apparet, in singulis variarum Plantarum partibus, id esse, quod ad ea emittenda postulat. Exiguæ etiam Plantæ, in gemmis prius latentes, quotannis prodeunt, & Plantas ita propagatione con-

servant. Conjiciunt nonnulli particulas, quæ augmento Plantæ inserviunt, in horizontalibus utriculis eam figuram induisse, qua sit, ut simul junctæ novam formant Plantam; hoc est, congeriem fibrarum perpendicularium, quibus adnexi sunt varii utriculorum ordines.

30. Non sine admiratione simile quidpiam spectamus, in metallorum & salium concretionibus, in fungis, atque in arborum extraordinariis tumoribus, ubi similis semper partium dispositio cernitur. Posset ergo fieri, ut succus nutritivus Plantarum eandem dispositionem servaret, postquam earum vasibus egressus est, quàm antea habuit; adeò, ut cùm sit in Plantis, prout debet esse, ut formet ramum aut saltem gemmam, ejus particulæ egressæ eodem ordine & modo, quo antea, coeant, & formet, quod vulgo semen Plantæ vocatur, antea quandoque *seminalem Plantam* diximus. Propterea extrema radix hujus Plantæ semper est versa ad ostium fibrarum, ex quibus est nata, & reliquæ, quæ sunt veluti ramorum initia, magis illinc recedunt. Cernimus in remotiore hac parte exiguam gemmam duobus latioribus foliis, quibus seminis caro formatur, cinctam. Semen ergo nihil esse videtur præter gemmam, quæ ex Planta decedit, atque in terra solum germinare potest.

31. Verùm ad conservandum semen, non modò est uterus, de quo diximus, sunt præterea duo involucria; quæ cernuntur, postquam semen est à capsula evulsum. Exterius est firmius, & instar cartilaginis contextu omnium vasorum, quæ in Planta cernuntur, constantis. Interius est spongiosum, & plerumque tubulis pertusum, aut aliquod aliud & ostium habet, quo succum extrinsecus trahit. Hæ partes possunt Plantarum *Secundina* vocari, ut antehac fecimus.

32. Ceterum, quamvis in Plantis omnibus analogum quidpiam cernatur: attamen est summa inter eas varietas, in forma uteri, in involucriis, & modo, quo partes illæ augentur, quæ omnia in hoc opusculo persequi non possumus.

33. VII. Olim & hodie multi existimarunt, plurimas Plantas sponte nasci, cùm quia in illis nullum potuerunt semen animadvertere, tum etiam, quia sine humana cura, in locis, in quibus nemo eas sevit, crescunt. Sed primò potest esse semen Plantarum ita exiguum, atque in iis Plantæ partibus, ut inveniri non potuerit. Secundò, quamvis humana manu semina in terram coniecta non fuerint, nihil obstat, quo minùs ope venti sparsa in ea loca sint, in quibus ea Plantæ sine hominum cura crescunt.

34. Duo posteriorem hanc sententiam mirè confirmant. Primum est, quod numquam nasci in iis locis Plantas ignotas, sed semper solitas in regione crescere, videamus; quod non fieret, si, sine semine, concursu fortuito succorum terræ, Plantæ formarentur. Cùm enim nihil earum formam disponderet, constanti quadam ratione; consequens esset, ut plantæ formarum, numquam conspectarum, quotidie à terræ gremio ederentur. Alterum est petitum ex sumto, circa hanc rem, certissimo experimento. Cùm in superficie telluris possint esse, ut diximus, varia semina, ventis hac illac sine humana opera sparsa; effossa est profundior humus, ex fossa aliquot pedes alta; deinde ea terra vasis est injecta, quod rigatum & campana vitrea tectum, ne

quid



quid seminis posset ingredi, aëri & Soli expositum est; & sæpius etiam remota aliquantulum vitrea campana, ut aër subire posset. Si Plantæ sponte nascerentur, in ea terra natæ essent, non minus ac in ea, quæ ex superficie soli desumpta erat; quod tamen nunquam factum est, quamvis per plures menses vasa Soli exposita fuissent, & rigata aqua puteali. Igitur Plantas omnes ex seminibus nasci, quamquam ob tenuitatem semper conspicua non sunt, credibile est.

35. VIII. Semina matura in terram decidunt, aut in eam conjiciuntur, ubi humore per poros accepto tumescunt, & germinant; calore Solis humorem agitante. Duo folia seminalia, de quibus diximus, quæ analogæ sunt albumini ovi, aut ei rei, quæ in animalibus viviparis placenta dicitur; ea, inquam, folia humorem ex terra trahunt. Is humor, pinguior succos seminis solvens, suppeditat Plantæ materiam, unde crescat & alatur.

36. Hac autem viâ feruntur terræ humores Exteriùs involucri seminum subeant, deinde interiùs per tubulos, quibus est pertusum, ut diximus, aut per exiguum foramen, quod sæpe in seminibus cernitur, unde in seminalia folia ingrediuntur. Tum folia illa colorem mutant, & præter modum inflantur, donec deficiente humore siccentur & concidant; quod fit, ubi Planta ad modicam magnitudinem pervenit. Ea verò folia, si antea evellantur, quam sponte aruerint, ægerime Planta crescit.

37. IX. Eo modo augentur Plantæ, quarum semina in terram projecta sunt, sed aliquid dicendum præterea de iis, quæ in aliis Plantis nascuntur & crescent, quales sunt Quercuum Viscus, Muscus, & Fungi. Hæ ergo Plantæ sunt aliis veluti insitæ, & conjunctis vasibus suis Plantarum, quibus inhaerent fibris, idem alimentum trahunt. Nonnullæ sparsæ semine speciem suam conservant & propagant, ut Quercuum Viscus. Aliarum nullum adhuc animadverti potuit semen, ut Fungorum, & Mucilaginis. Hanc enim deprehendit Microscopium congeriem plantularum esse violacei coloris, & quandoque crystalli instar pellucidarum. Ad fungos quod attinet, notum est, eos ex variis materiis nasci, ac potissimum ex ligno; nec quidquam in iis cerni potest, præter ingentem fibrarum numerum, quæ ex ligno prodeunt, & quæ in fasciculum, quo earum caulis formatur, colliguntur.

38. Oportet tamen aut hisce Plantis semen esse, præ tenuitate inconspicuum, aut ramis huc illuc vento delatis eas propagari. Succus, qui earum utriculis continetur, fermentatur accedente novo succo, & dum erumpit, fila quædam effingit, quæ attolluntur, prout succo pelluntur ac sustentantur. Deinde simul juncta fila illa caulem efficiunt, qui, ubi copiosius deest alimentum, externo aëre pressus, tandem inflectitur; qua inflectione, capita fungorum formantur. Videtur ergo ventus fungorum particulas varia in loca deferre; quæ si incidunt in lignum humidum, radicibus illic actis, crescunt in fungos.

39. X. Postquam descripsimus contextum & incrementum Plantarum, Coronidis loco, aliquid de earum morbis, & interitu dicendum est. Cum vita Plantarum constet motu succorum, quibus aluntur, per organa earum aperta & rectè disposita, quo fit, ut frondes & ramos emittant; morbi earum omnes

videntur oriri, aut ex corruptione succorum, quibus aluntur, aut ex organorum perniciæ. Non possumus hæc singillatim persequi, satis erit quædam summatim monuisse, unde de omnibus iudicium ferri possit.

40. Potest mutatio succo Plantarum inferri variis modis, quibus fiat, ut in morbos incendant, aut etiam intereant. Si Planta quæpiam tenuioris contextûs, & calido cælo adsueta plantetur in loco frigido, Septemtrionibusque exposito; brevi tempore incrassescit succus, contrahuntur tubi, quo fit, ut lentius & difficilius moveatur, ac tandem obturatis meatibus coaguletur; quo facto, nullo novo succo per clausas fibras succedente, intereat Planta necesse est. Gelu etiam hyemale coagulat quandoque arborum succum, eoque concrezione rarefacto, perfringit plurimas fibras; unde fit, ut sequente vere, corrupto succo, luxatisque fibris, arbor vix ulla folia emittere possit, aut plane arescat.

41. Potest fieri, ut Planta iis in locis plantetur, aut feratur, quæ non suppeditent ei satis magnam copiam succi, quo possit ali; aut succum nimis falsum, aut vitio alio laborantem. Sic Salices & Populi, quæ humidis locis veniunt, quia indigent magna humoris copia, si transferantur in loca sicca, brevi tempore intereunt. Vice versa Pinus & Abies, quæ in aridis crescunt locis, indigentque succo minus copioso, sed concoctiori, si ad fluvium plantentur, aut intereunt, aut nunquam ad eam magnitudinem perveniunt, quam in montium jugis adtingunt, aut tamdiu non vivunt. Videmus etiam, in bituminoso & falso solo, neque magnas, neque longævas arbores nasci; quia falsioribus succis, aut oburantur tubi, per quos defluunt, aut nimis fermentantur, aut vasa arborum perfringuntur. Quod in hoc nostro Amstelodamensi solo cernere est; in quo neque magnas arbores, neque longævas videmus. Plurimæ etiam à trunco ad summos ramos, teguntur mucico, hoc est, exiguis foliis, quæ nascuntur ex succo undequaque erumpente. Asperitimum etiam habent corticem, & rimis nimium hiantem, propter fermenta succi vehementiora, quæ earum fibras perumpunt.

42. Organa arborum vi externa franguntur, ut si rami majores, aut nimia copia relescentur, aut cortex detrahatur, adeo, ut succi circulatio commodè fieri nequeat. Tunc temporis laborare necesse est arbores, paucioresque ramos emittere, pauciores etiam frondes; aut externa vi aëris, in viscera admixta, corrumpi. Quemadmodum autem vulnera in animalibus, si nimis magna non sint, neque sanguinis circulationi obstant, diligenter curata sanantur: ita etiam vulnera arborum, crescente cortice, aut aliter inflexis fibris, quandoque curantur. Sed ut, si in animalibus nimia subito sanguinis effundatur copia, aut sistatur ejus circulatio, vel multum impediatur, oriuntur gravissimi morbi aut subita sequitur mors: Idem etiam in Plantis animaladvertere est. Quia per corticem fit descendens, & nutritivi succi circulatio, si detrahatur, eâ circulatione impedita, brevi tempore Arbor interit; succus enim, qui per ligneam partem ascendit, alenda Arbori non sufficit.

43. Tandem mors arboribus, aut majore & subitanea vi morbi, aut senio venit, ut animalibus. Ea



nihil est, præter cessationem circulationis succi nutritivi, per ea organa, per quæ solebat ferri; adeò, ut definat Planta quidquam protrudere, siccetisque, aut putrescat. Hoc autem evenit vi subita, aut externa, aut interna; aut ipsa circulatione diuturna organa teruntur, & varie vitiantur, ut tandem munibus suis fungiamplius nequeant. Atque hoc etiam modo intereunt Animalia, alia aliis citius, prout organa firmiora iis sunt, aut infirmiora, aut prout externa vis serius aut citius admoveatur.

44. Qui plura de Plantis vult, adeat duos Scriptores, antea à nobis nominibus adpellatos,

## CAP. III.

## De Zoophytis &amp; Insectis.

1. **I**n Nitio hujus Libri, paucis potissima discrimina Plantarum & Animalium descripsimus, eaque in situ & motu sita esse diximus. Plantæ, nimirum terræ adhærentes, succum, quo aluntur, radicibus trahunt; neque alio, nisi vi aliena, transferuntur. Animalia verò solidiori cibo pleraque vescuntur, ore eum sumunt, & quaquaversum vagantur.

2. Philosophi tamen inter hæc media quædam Viventia poni posse observarunt, quæ ideo Græci *ἑμιόφυτα* vocarunt, quasi *Animalia plantas*; quòd cum ore alimentum sumant, neque radicibus terræ adhæreant, attamen membrana conchæ adnexa ab ea numquam discedant, ut Ostrea, Limachæ aliæque conchyliorum genera. Hæc nullo motu gaudent, nisi quòd concham, si clausa sit, aperire possunt, aut corpus ex concha exserere, eamque circumferre rependo; qua in re, à Plantis differunt. Hoc etiam est inter eas discrimen, quòd cum Plantæ ex ea terræ parte cui radicibus hærent, alimentum trahant, Zoophyta ex conchis nullum ducant succum, sed eas tantum munimenti instar habeant. Cum horum maximè mobilia lentè moveantur, constantque corpore molli & viscida carne composito, sine ejusmodi tutamine nimis sæpe eliderentur.

3. *Insecta* vocantur minora animalia, seu volucra, seu reptantia, qualia sunt muscarum infinita genera, vermes, formicæ, minoraque animantia, quibus potissimum *Insecti* nomen convenit. Hæc *ἰντομα* à Græcis dicta sunt, quia habent in corpore varias *ἐντομὰς*, sive incisuras.

4. Horum genera, quæ innumera sunt, nec satis digesta à Physicis, lustrare aut describere non adgrediemur. Nondum sat multa experimenta collecta sunt, ut possit quidquam absoluti, in hoc rerum genere, fieri. Præterea cum constet, ut inter Plantas, sic inter Animalia, quamdam esse Analogiam, satis erit postea perfectiora descripsisse, ex quibus de ceteris judicium ferri aliquatenus poterit. Interea, ut antehac fecimus, ubi de Plantis loquebamur, varia etiam de animalibus minus perfectis adspargemus.

5. Physici veteres, ut Plantas varias sine semine oriri putabant: ita etiam sola putrefactione, sive fermentatione, nasci Insecta existimabant. In hanc opinionem inciderant, quòd ex carnibus putrefa-

ctis vermes exire, dein muscas evolare cernerent. Videbant etiam in Plantis tumores oriri, ex quibus postea pertulis varia animalculorum genera erumpebant; quod, solâ fermentatione succi acidioris, fieri censebant. Ob hæc aliaque id genus experimenta, minus perfecta animalia calore Solis potissimum generari contendebant Philosophi.

6. Sed cum tutum non sit credere ejusmodi viris, qui quam primum universam naturam in numero habere volebant, ideoque plurima temere solebant affirmare; recentiores Physici rem, ut par erat, ad examen revocaverunt. Horum aliquot experimenta, de Insectorum generatione, profereamus; undè liquebit, ea ex seminibus, aut ovis, non secus ac reliqua viventia, nasci.

7. I. Ineunte \* ætate, vir diligentissimus in Etruria tres serpentes, quos *Angues Esculapii* vocare solent, occiderat, eosque ut putrescerent in cistulam apertam conjecerat mortuos. Haud multò post vidit eorum carnes scatere vermiculis conicæ figuræ, nullo pedum in iis vestigio apparente. Hi vermiculi carnes serpentium continuo vorare cœperunt, nec eorum corporum moles dumtaxat, sed etiam numerus quotidie augeri videbatur, aliique aliis majores erant. Eo in loco manserunt, donec caro aliqua fuit serpentium adhærens ossibus; sed postquam carne nudata fuere ossa, omnes abierunt.

8. Verum ut videret quid fieret iis vermibus tres ejusdem generis serpentes 11. Junii occidit & vasi vitreo eorum cadavera injecit; quo aperto, post triduum in putrescente carne innumeros vermiculos vidit. Absumpta carne, sine dubio abiissent, si qua via iis patuisset, sed cum nulla esset qua evaderent rima, 19. ejusdem mensis, plurimi cœperunt veluti sopiri, nec loco moveri. Deinde corrugati, atque in se collecti sensim ovi figuram induebant, donec 21. ovi candidioris instar prorsus evassissent. Is color postea in aureum, deinde subrubrum, ac tandem in quibusdam in nigricantem mutatus est. Ea autem ova, quæ initio mollia erant, paulatim dura & fragilia evadebant.

9. Curiosius consideratis rubicundis illis & nigricantibus ovis, aliquod inter ea discrimen animadvertum est. Omnia quidem annulis inter se compositis constare videbantur, sed nigrorum annuli magis erant distincti; rubicunda verò tam altas strias non habebant, erantque ferè polita. Utrisque erat, in altero extremo, concavitas exigua, sed in nigris major, & quidem qualis adparet in pomis, qua parte petiolo detracta sunt.

10. Hisce ovis separatis, atque in duo vasa vitrea charta clausa conjectis, post octiduum, ex uno quoque rubro ovo, rupto putamine, exibat musca coloris cinerei. Ea primum veluti torpebat, neque alas exsererat; sed intra octo minuta alæ illæ exseriebantur, explicatæque, pro corporis magnitudine, ei aptabantur. Dum inciperet moveri musca, pro livido accinereo colore, quo corpus ejus tinctum antea erat, viridem eumque vividissimum induebat; atque usque adeò augebatur, aut inflabatur ejus corpusculum, ut jam quo modo tam parvo ovo contineri potuisset, vix intelligeretur.

11. Ex

\* Aristoteles de Hist. Anim. Lib. I. c. I.

R. D. Euseb. Amort Philosophia.

\* Francisc. Redus de generat. Insectorum.



11. Ex ovis verò nigris, post quatuordecim demum dies, nigræ muscæ, eæque majores erumpabant, albore undulatæ, piloso ventre, & in imo rubente; quales cernuntur circa macella, & morticinam æstate volitare. Cùm primùm nascerentur, deformes erant, & torpebant, neque alas explicabant, sed intrâ pauca minuta volucres fiebant. Fuere & nonnulla ova nigra, ex quibus, post vigesimum tantum diem, exclusæ sunt alius generis muscæ, neque iis, quæ vulgò circa mensas volitant, neque majoribus illis nigris similes, quarum descriptionem habet *Fr. Redus*.

12. II. Hisce experimentis sumtis, sex vasa paravit vir acutissimus. In primum conjecta sunt duo serpentium memoratorum cadavera: in secundum, pullus columbinus: in tertium, caro vitulina: in quartum, equina caro: in quintum, capo: in sextum, cor vervecis. Omnia, intrâ viginti quatuor horas, aut paulò majore intervallo, vermes ediderunt; qui post quinque aut sex dies, in ova mutati sunt.

13. Ova ex vermibus, in carnibus serpentinis, enata, rubicunda erant, atque intrâ dies duodecim muscas alias cærulei, alias violacei coloris emisserunt. Ex columbinis carnibus non modò rubicunda, sed etiam nigra ova orta esse videbantur; & ex rubicundis quidem, post octiduum, muscæ virides, ex nigris verò die decimo quarto, quâ parte acutius ovum erat, erupere nigri culices albo colore undulati. Eodem tempore, ejusdem generis culices prætextati è reliquis ovis nati sunt, nullo discrimine; nisi quòd ex corde vervecis, nonnulli etiam violacei & cærulei coloris prodierunt.

14. III. Media æstate, pisces aliquot ex Arno flumine, qui *Barbi* dicuntur, in cistulam apertam conjecti, post quatuor horas innumerabilem minutissimorum vermium copiam edidere. Præterea circa commissuras cistulæ interiores, & circa vermes innumera etiam erant ova adfixa, & veluti conglomerata; quorum alia candida, alia crocea videbantur; fracto verò putamine, liquorem candicantem emittebant, albumine ovorum avium tenuiorem, & minus viscosum.

15. Sequentie die, ex omnibus illis ovis enati erant vermes, vacuatæque liquore putamina, eo quò generata fuerant hærebant loco. Vermes, qui pridie ejus diei nati fuerant, duplo tunc majores erant, & postero die, quod miraculo erat, tantæ erant magnitudinis, ut singuli septem circiter grana pondere æquarent; cùm antea viginti quinque, aut triginta vermes simul unius grani pondus non excederent. Tot majorum & minorum Vermium examina, brevissimo tempore, quidquid supererat carni in piscibus absumserunt, ossibus accuratissimè denuclatis. Cùm postea obturata diligenter cistula evadereniterentur, sed frustra, quinque vel sex diebus, post natales, in ova transformabantur. Deinde circiter post octiduum, varii generis muscæ ex iis exibant, nisi quòd nonnulla nigra ova, post tertium & vigesimum demum diem, exclusæ sunt, cùm in aliud vas priùs fuissent translata. Ingens ex iis nigrorum culicum prodiit numerus, qui ovorum numerum quàm longissimè superabat. Itaque aperto vase, & fractis aliquot ovis, unumquodque putamen deprehensum est 25. aut 30. aut etiam 40. completi culices.

16. Eadem hæc experimenta, in multis aliis carnium generibus, sumta sunt, & in iis nasci semper visa sunt muscarum examina, eaque variorum generum, nunc plura, nunc pauciora. Quod fortè cùm olim animadvertissent, qui insecta ex putrefactione nasci censebant, in illa sententia mirum in modum confirmari sibi videbantur. Sed sequentia experimenta contrarium ostendunt.

17. I. Qui hæc experimenta sumsit, semper animadvertibat, antequam vermes è carnibus exire viderentur, volitare atque in iis residere muscas ejusdem speciei, cujus postea examina inde evolabant. Itaque mense Julio, in vasa quatuor amplioris orificii, immisit serpentem unum, pisces aliquot fluviatiles, & carnem vitulinam, eaque diligenter charta occlusit, ne ulla subire posset musca. Vasa item quatuor alia cepit, in quæ easdem carnes conjectit, atque hæc aperta reliquit. In utrisque putrefacta brevi est caro, & in apertis quidem vermes paulò post, cùm liberè ingressæ essent muscæ, conspecti sunt; at in oclulis nullus vermis conspectus est, quamquam per plures menses Soli manerunt exposita. Pisces, exceptis spinis, in aquam fæculentam & turbidam erant conversi. Tum scæcis residens aqua limpida fiebat, nisi quòd in superficie tabefactæ pinguedinis guttulæ quædam natarent. Ex serpentis etiam cadavere multa aqua manavit, sed ipsum illæsum remansit, non secus ac si necens in vas conjectum fuisset. Anguillæ exiguae aquæ copiam emittebant, sed tumidæ factæ, amissæque pristina figura, tandem in glutinosam quamdam massam abibant. Vitulina verò exsiccata est. Neque ulli umquam in hisce carniū generibus, oclulis vasibus contentis, conspecti sunt vermes.

18. II. Similia plurima, eodem eventu, experimenta sumta sunt; & ne quid intentatum prætermitteretur, non semel aliquot frustra carnis vasibus inclusa in terram defossa sunt, nec ulli in iis generati sunt vermes, cùm carnes muscis expositæ semper verminarint.

19. III. Non exigua vermium in bubula carne generatorum copia occisa distributa postea est in duo vasa, quorum unum clausum, alterum apertum fuit. In clauso nihil generatum umquam est, in aperto verò novi vermes nati, qui in ova conversi in muscas ordinarias abibant. Idem evenit, oclulis plurimis muscis, & in duo vasa similiter divisis.

20. IV. Ne quis fortè diceret, ideo generationem nullam in oclulis vasibus esse factam, quòd aër in vasa clausa ingredi non posset, idem tentatum est in vasibus tenuissimo carbaso, per quem meare aër facile poterat, dum excluderentur muscæ, involutis. Nec ulli tamen vermes illic generati sunt, quamquam carnes per plures hebdomadas servatæ erant.

21. Cùm vas involutum carbaso immisissum esset majori vasi muscario, quo æstate ad servandam carnem uti solent, sæpe conspectæ sunt muscæ, vermesque vagari circa ea vasa, carnis odore allecti, & omnia tentare, ut per carbaso laxiora ad eam pervenirent. Sed modò non ingrederentur, nulla animalia in putrefactis carnibus umquam nata sunt.

22. Hinc & ex aliis plurimis experimentis, merito collegere viri docti, ex ovis à muscis depositis,



aut etiam vermibus, quos calidissimo tempore anni majores emittunt muscæ; nasci vermes in carnibus; adeoque frustra eos esse, qui putrefactioni eam generationem tribuerent. Nec certè ulla proferuntur experimenta contraria, quæ si ad examen revocentur falsa non comperiantur, ut ostendit prolixè *Fr. Redus*.

23. Neque in carnibus modò deponunt ova aut vermes, sed in aliis omnibus corporibus, circa quæ volitant, & potissimum in iis, quibus vesci solent. Sic caseus, qui partim vermiculosus erat, divisus adeò, ut pars non corrupta seorsim poneretur in vase puro, corrupta in alio, nullos parte sana vermes, nullasve muscas edidit; sed ex vermiculosa natæ sunt innumera nigricantes muscæ. Hinc colligere Physici, ne in caseo quidem vermes nasci, nisi qui à muscis geniti sunt.

24. Nasci etiam ex putrefactione vulgò credebantur vermes in foliis, fructibusque, cum ex arbore evulsis, tum etiam arbori in hærentibus. Ut à prioribus initium faciamus, pluribus constat experimentis, in variis fructibus putridis numquam esse natos vermes aut muscas: si modò servati & putrefacti essent in loco, in quem muscæ pervenire non possent; unde colligere est in iis eodem modo infecta nasci, ac in carnibus & caseis putridis. Experimentum tantum unum proferemus, unde hallucinatio fortè nata est.

25. \* In cucurbita cruda, vel cocta, apertoque aëri exposita ordinariæ muscæ nasci sæpe sunt conspectæ ratione jam exposita. Sed quandoque singulare quiddam contigit, quod animadversione dignum est. In cucurbita cocta, ovisque permixta, nati plurimi vermiculi, cum tempus quietis & eorum in ova transmutationis instaret, ita se volutarant, ut hac pulve cooperti globulis similes facti essent; ex quibus postea muscæ nascebantur, adeò, ut qui sub pulve ova latere non observasset, ex terrestribus globulis musca natas esse non ægrè credidisset. Atque hinc fortasse Veteres tanto consensu ex limbo, quem Nilus abiens in Ægypto relinquit, innumera nasci infecta prodiderunt; quasi ex limbo ipso formarentur, cum ova dumtaxat in eo latentia calore Solis excludantur.

26. In fructibus arboribus in hærentibus, earumdemque foliis sapissime latent papilioes, seu in fructibus ipsis abditæ, seu in foliis tuberculo quodam sint involuti; quorum multa genera apud laudatum Scriptorem legere licebit. Hinc plurimi credere ex fructibus illis aut foliis nasci, sola fermentatione, ea infecta, quæ ex iis prodire cernuntur.

27. Sed omnia illa nascuntur ex muscarum ovis, in iis locis depositis. Quicumque accurata eos fructus eave folia lastrabit sapissime ova illa, antequam excludantur, inveniet, unde postea examina papilionum prodeunt. Initio Maji \*\* vir diligentissimus in foliis Sambuci invenit ingentem ovorum copiam, eorumque minutissimorum & flavi coloris. Ex illis ovis, post paucos dies, innumeri prodire vermiculi, qui folia Sambuci sibi apposita avidissime deglutierunt. Creverunt sensim, flaviq; coloris evaserunt, multis maculis rubris distincti. Cauda dimidiam lunam referebat, caput acuminatum, & tenuissimum. Crustas quasdam, pedum loco, ex

imo ventre producebant. Eorum deinde maxima pars vigesimo Maji immobilis siebat, à cibo omni abstinebat, nec eo minus initio colorem & figuram servabat. Sed primo Junii, sex vermes corrugati in ova mutabantur ferruginei coloris. Ex uno, duodecimo Junii, musca prodit, ordinariis minor, alis duabus cartilagineis, candidis, & corporis longitudinem superantibus; pedibus flavis sex; & cornibus duobus coloris ferruginei, è capite nonnihil prominentibus. Dorsum ejusdem coloris erat, sed dilutioris, cui subjecta macula flava. Venter flavi coloris vividioris, & transversis lineis distinctus. Statim ac nata erat, excrementum deponebat candidum, & biduo post moriebatur.

28. Similia in aliis ovis, quamquam diversi generis erant muscæ, observata sunt; nec mirum, cum muscæ arbores circumvolitent, ab iis variis in partibus deponi ova. \* Sed ea infecta non ubique deponunt omnia. Duriora enim, & quæ continent succum, quo animal nutritur, in quamvis arboris partem deiciunt. Nec interest siccam esse, unde fit, ut in Ulmis aliisque arboribus, in partibus siccis, innumera inveniantur ova; ex quibus, cum pertusa sint, apparet, animalia prodissile. Molliora verò ova inveniuntur dumtaxat in foliis; vel si majore indigeant humore, muscæ ea immittunt in teneras arborum gemmas, quas perforant terebra sua; quæ est cuspis concava, qua dum terebrant, ova emittunt. Si non sint gemmæ, in quas eas inferant ova, in flores, in fructus, in frondes, & quasvis alias teneras arboris partes ea immittunt.

29. Ut quomodo hoc fiat intelligi possit, sciendum basin terebræ esse ovario muscarum conjunctam; & cum sit concava, ova in variis tubis sparsa, per eam cavitatem ex eorum corpore prodeunt. Neque conjectura hæc est Physicorum, vir accuratissimus muscam vidit gemmæ quernæ incumbentem, quæ contracto corpore reliquo terebram exserebat, atque in gemmam immittebat. Dum hoc ageret musca, tumorem vidit, qui hoc spectabat circa basin terebræ, qui tumor cessavit & cæpit denuo, idque aliquoties. Deinde sublata illinc musca, invenit in gemma tenuissima ova pellucida, iisque quæ in tubis muscæ supererant, simillima.

30. Infecta hæc terebra armata eam facile incurvant, & erigunt; & videntur ejus ope lacerare pellem Plantarum, aut fructuum, quorum humore vescuntur. Cum in ea terebra sit liquor acidus, fermentationique creandæ aptus; quando guttulam ejus in teneram Plantæ partem effundunt, succus nutritivus alieno liquore auctus, præter modum fermentatur, creatque Plantæ tumorem. Sic cum Vespæ aliquem pupugit, effuditque in vulnus, quod aculeo fecit, aliquantulum liquoris quo turget, fermentatio, quæ illic excitatur, carnes tumefacit. Idem accidit in Plantis, ubi fermentatio, quæ fit in transversis utriculis, eos inflans, creat tumores, qui *Gallæ* vocantur. Non amplius ergo mirum videbitur, si dixerimus, Infecta quæ ex foliis, gallis aut fructibus prodeunt, nequaquam ex eorum substantia corrupta, sed ex ovis illic depositis nasci.

31. Cum per omnia Insectorum genera ire non liceat, sitque aliquid in omnibus analogum, describemus hîc, ex *Fr. Redo*, Insectum ex Locustarum specio

\* *Fr. Redus de Gener. Insect. p. 135.* \*\* *Fr. Redus*



specie, quod Tusci *Cavallucum* nunc vocant. Id est duplicis generis, nam alia sunt viridia duabus lineis parallelis, per latera & totam longitudinem corporis porrectis; alia coloris ferruginei. Caput habent summæ tenuitatis, & os, quale locustarum esse solet. Passu incedunt gravi & lento; pedes eis sex, & singuli pedes flexuras sex habent. Anteriores pedes ei committuntur, supra quam caput adnexusum est, subjecti sunt. Omne spatium, quod est inter posteriores pedes & extremam caudam, aliquot habet seu nodos, seu annulos, seu *εἰσώμας*, & ab ultimo nodo porriguntur subtilissimi aculei duo. Universum eorum corpus quinque digitorum transversorum longitudinem non excedit, & plerumque ejusdem ubique crassitie est; si femellas excipias, quarum uterus quandoque majori ovorum copia tumet.

32. Tam masculi, quam femellæ, exuvias quotannis integras deponunt, haud aliter atque serpentes, aranei, Insectaque alia. Hæc autem spolia sunt tantum subtilissima tunica, qua totum corpus tegitur.

33. Hæc externa est dispositio, sic autem se habent viscera. Est canalis ab ore, per totam corporis longitudinem, ad foramen ultimo caudæ nodo vicinum porrectus, qui œsophagi, stomachi & viscerum loco est. Circa id intestinum, varia cernuntur tenuissima filamenta, quæ venarum & arteriarum vices præstare videntur. A medio corpore ad extremam usque caudam, ingens est ovorum numerus, inter se colligatorum, neque tenuissimi grani milii magnitudinem superantium. Alia mollia, alia dura sunt; illa sunt flava, & pellucida, duriora verò intus flava putamen habent nigrum. Ova illa mollia & dura interdum septuaginta numerata sunt.

34. Hæc autem animalcula, ut pleræque muscæ, dentis visceribus, vivere sat diu possunt. Capite etiam abscisso non minus vivunt, quamvis caput ipsum brevi intereat. Per quinque aut sex dies, truncus variè movetur, sine capite, excrementa egerit, & ova deponit. Ex membris autem abscissis fluit liquor viscosus, qui illis est loco sanguinis; quo fit, ut capita abscissa iterum truncu aptari & hære queant, quia veluti glutine retinentur. Sed ideo putandum non est capita vitam recuperare, aut ex truncu quidquam in ea transire & vice versa, nam brevi postea truncus omni alimento destitutus concidit.

35. Ex hisce colligere possumus, eos toto cælo aberrasse, qui crediderunt ex putrefactione Insecta nasci; sed si quærat, qualis ergo sit prima eorum in ovis formatio, rem nobis latere fatebimur. Sunt quidem, qui in ovis formata ajunt animalcula omnia, sed quæritur iterum, quomodo formentur alia animalia quæ ex iis nascuntur, quæ in ovis latent. Quidam eo devenerunt, ut dicerent à Deo, initio rerum, primis animalibus indita fuisse corpora omnium animalium, quæ umquam nascitura erant; adeo, ut ovaria eorum omnia individua specierum omnium complecterentur, quæ labentibus sæculis, cum nasci dicuntur, conspicua dumtaxat fiunt, incremento paulatim adsumto.

36. Sed quamvis divisibilitas materię in infinitum possibile hoc esse ostendat, præstat nihil hæc de re definire. Nam qui solo calore, mechanicis

quibusdam legibus formari animalia censuerunt, si & conjecturam meram, & rem æquè facilem intellectu proferunt; ac si quis diceret, projectis in aërem pulveris granis, *Æneidos* paginam, postquam ceciderunt, descriptam posse cerni.

37. Hoc unum fortè dicere possumus, corpora Insectorum esse veluti sacculos, aut velicas coarctatas, antequam nascantur, sed succis & aëre subeuntibus inflari subito sacculos; quo fit, ut muscæ tam brevi tempore crescant, ut vix credibile sit ex ovis tantæ tenuitatis eas prodiiisse.

## C A P. IV.

### De Reptilibus, & præsertim de Anguib.

1. **R**eptilia & Pisces, ex æquo pedibus carent, magna saltem ex parte; si enim Lacertas excipias, serpentium varia genera, vermes, lumbricique omnes pedibus sunt destituti. Sed Pisces in aqua sola vivunt, ut diu ex eaeducti vivere nequeant, reptilia verò per terram serpunt, & ut quædam sunt aquaticalia: alia aqua, non nisi potus causa, utuntur. Nos hic neutrorum plenam historiam tradere adgrediemur, sed quæstiones dumtaxat nonnullas eo pertinentes delibabimus.

2. Serpentes nobis erunt instar omnium Reptilium, & quæ potissima in iis observanda occurrent paucis trademus. Alia eorum generationem, alia anatomiam corporis, alia motum, alia denique venenum spectant. Non immorabimur iis, quæ habent cum reliquis animalibus communia, qualis est ratio nutritionis, quam, ubi de humano corpore sermo erit, oratione persequemur.

3. Sunt qui \* ex medulla spinali hominum putrefacta nasci angues scripserint; & ut miraculo fides fieret, hominem facinorosum fuisse, ut hoc eveniret, voluerint. Sed fabulam esse dudum observarunt Eruditi. Alii ex serpentis cadavere putrefacto nasci alios serpentes prodiderunt, quod vermes ex muscis in iis natos vidissent, & temere angues credidissent.

4. Verius Plinius Lib. X. c. 62. quamquam admistit etiam aliquot fabulis: »In terrestribus ova »pariunt serpentes. Coeunt amplexu adeo circumvolutæ sibi ipsæ, ut una existimare biceps »possit. Viperæ mas caput inserit in os, quod illa »abrodit voluptatis dulcedine (*falsum hoc esse recentiores plurimi iteratis experimentis deprehenderunt.*) »Terrestrium eadem sola intra se parit ova unius »coloris & mollia, ut pisces. Tertio die intra uterum catulos excludit, deinde singulos singulis diebus parit, viginti ferè numero (*quandoque etiam plures.*) Itaque ceteræ tarditatis impatientes per- »rumpunt latera (*hoc falsum esse, qui rem experti sunt, contendunt*) occisa patente. Ceteræ serpentes »contexta ova in terra incubant, & fœtum sequente excludunt anno.

5. Quidam \*\* existimarunt serpentes, quod venati sint, nigrum habere cerebrum, sed falsum esse, expe-

\* Plin. Lib. X. c. 66. *Alian. Hist. Anim. Lib. I. c. 51.*

Vide ex Franc. Redum de Gen. Insec. p. 96.

\*\* Vide Red. Obser. de Viperis p. 209.



experientia docuit, cum album sit in viperis. Vannum etiam quod iisdem observatum, cerebrum viperarum non superare pondus quatuor granorum milii, cum sit triplo gravius.

6. Ventriculus omnibus ferè serpentibus laxiori intestino similis est, & uno ductu è faucibus ad caudam producit. Quo fit, ut quod vorant facci instar absorbeant; & sæpe ita distendantur eo, quod vorarunt, nec sat citò concoquere possunt, ut immobiles fiant. \* Prodiderunt testes *dutintai* esse in Insula Java serpentes, quas *Boas* vocant, tanta alvi capacitate, ut integros apros hauriant, & in Ternata captam esse, quæ ultra quadraginta pedes longa esset. Habuit Medicus, qui in Java vixit, serpentis, quem ipse cum aliis occiderat, exuvias 36. pedes longas. Quo factum est, ut fides adhiberetur Plinio, qui auctor est \*\* in Italia adpellatas *Boas*, in tantam magnitudinem exire, ut Claudio Principe occisa in Vaticano solidus in alvo spectatus sit infans. Sunt nimirum earum corpora instar sacci, qui facile dilatatur. Ante Plinium, scripserat *Megasthenes*, in India serpentes in tantam magnitudinem adolescere, ut solidos haurirent cervos, taurosque; & propterea mendacii inculatus fuerat, sed perperam.

7. Scripserant nonnulli, neque renes, neque ureteres in serpentibus comparere, sed accuratiores alii \*\*\* eas partes deprehenderunt. Et urinarii quidem ductus à renibus separati dehiscunt, non in intestinum rectum, sed in tenue foramen situm in femellis inter utrumque orificium uteri. Itaque lotium quidem emittunt, sed excrementis mistum, ut aves, aliaque ovipara animalia.

8. Multiplicia sunt in illis uteri cornua, in quibus ingens ovorum copia, eorumque quasi rudimenta inveniuntur, instar globulorum glutine quodam invicem adhærentium. Itaque pleræque, ut diximus, serpentes sunt oviparæ, exceptis pauculis, & præsertim Viperis.

9. Omnibus serpentibus sunt à cervice ad extremam caudam vertebræ & costæ frequentes ac solidæ. Anteriores & mediæ corporis partes spiritu adducto præter modum turgent, & validioribus costis instructæ non tantum ad insidiosos saltus, sed & ad deglutiendam facile prædam multum conferunt. Harum enim crebrarum costarum & vertebrarum ope, vehementius multò fugunt, & in ventriculum exsuctam prædam demittunt, quam si minus crebræ forent: vertebrarum quoque vi facile eriguntur & sustentantur, earumque multitudine corpus in gyros quosvis haud ægre colligitur.

10. Rependo posteriores earum partes contractæ subsistunt, dum anteriores progrediuntur sese extendentes & vice versa. Aliæ verò reptilia, veluti undulatum, sese movent; dum variæ corporis partes simul explicantur, & contrahuntur. Sed cum lumbrici & serpentium aliquot genera non celerimè moveantur, sunt serpentes nonnulli, quorum crates costarum & vertebrarum adeò est firma & expedita, ut sagittæ ferè instar irati ferantur, præsertim in calidioribus regionibus.

11. Hoc quoque dignum est observatu, partes cor-

poris Viperarum, tam externas quàm internas, postquam in varia frustra sectum est, diutissime moveri, quod hac de causa fieri videtur. Sunt nimirum serpentium carnes multò compactiores, quàm aliorum animalium; undè fit, ut id, quod motum in animalibus creat, quidquid tandem sit, serius evanescat, aut elabatur ex carnibus serpentinis, quàm ex aliis mollioribus.

12. Eadem, ut videtur, de causa, ut hoc obiter dicamus, \* Viperæ aliæque serpentes non aliquot tantum dies aut hebdomadas, sed plures etiam menses sine ullo cibo in vase clausæ servantur. Per octo, novem & plures quoque menses servatæ omnem suum vigorem non amiserant; cum & mordere possent, & veneno interficere. Si ex earum corpore multa transpirarent, brevi tempore exhaurirentur, ciboque ut reficerentur indigerent; sed ex compacta illa carne, pauca elabuntur.

13. Cum sint plurimæ serpentes & in Europa, & in aliis regionibus venenatæ, ab Eruditis quæsitum est, quam in resitum esset id venenum, & qua ratione interficeret. Circa hæc in varias itum est sententias, quarum potissimas recensebimus, ostendimusque, quid experimentis variis ea de re competiri potuerit.

14. Multi crediderant fel Viperarum sedem esse veneni, quod per subtilissimos ductus à vesica fellea ad earum dentes transmitteretur. Imò verò dixant, fel illud haustum præsentissimum esse venenum. Verum plurimis præsentibus Viperarius Magni Etruriæ Ducis fel Viperæ mistum aquæ, sine ullo incommodo, hausit. Datum etiam est felibus, canibus, gallis gallinaceis, pavonibus aliisque bestiis hauriendum, nec ullo modo nocuit. Est etiam vulneribus variorum animalium adfusum, sine ulla noxa; quod ideo factum, quia sæpe contingit, ut ore sumta nihil noceant, vulneri instillata occidant venena, quale est oleum Tabaci.

15. Cum observatum esset, dentes Viperarum vaginis quibusdam tectos esse, in quibus vaginis stagnat humor oleo amygdalarum dulcium simillimus, isque humor, cum Viperæ mordent, necessaridè effundatur, dum vaginæ comprimuntur; nonnulli existimant, eum liquorem ex felle eò deferri, & lethalem esse ore sumtum. Sed iisdem experimentis, deprehensa est ejus opinionis falsitas. Non modò is liquor epotus est ab hominibus & brutis, innoxiusque fuit, sed etiam capita aliquot Viperarum semiviva, & confossà variis modis, ut omnis sanies exiret, sic in aquam conjecta sunt; quæ turbida data est hædo & anati sine periculo.

16. Verum hoc non satis erat, ut liqueret venenatum non esse eum humorem, nisi & vulneribus instillaretur sine noxa. Varii ergo pulli gallinacei & columbini vulnerati sunt novacula, instillatusque in vulnera viperinus ille liquor, & omnes quidem intra tres aut quatuor horas obierunt. Neque Viperarum dumtaxat vivarum liquor pullos extinxit, sed idem contigit, adfuso vulneribus eò, qui ex palato & gingivis Viperarum, aliquot ante diebus mortuarum, expressus fuerat.

17. Hinc ergo plerique collegerunt, venenum Viperarum non esse aliud quidquam præter eum succum,

A a a 3

cum,

\* Jac. Bontius Hist. Nat. Lib. V. c. 3.

\*\* Hist. Nat. Lib. VIII. c. 14.

\*\*\* Guil. Piso Hist. Nat. & Medica Lib. V. c. I. Fr. Redi Observ. de Viperis p. 109.

\* Fr. Redi Observ. de Viperis p. 169.



cum, qui in illorum gingivis latet, & qui, cum mordeat in vulnus quod faciunt, influit, sanguinique mistus certò occidit; quamvis alias in stomachum demissus innoxius sit. Eadem ratio esse videtur omnium aliorum serpentium, quæ mordendo lethifera vulnera inferunt.

18. Nec videtur ex felle profuere ille succus, nam præter experimentum allatum, 1. fel Viperarum est vitidis coloris satis vividi, humor verò ille ferè sine colore. 2. Fellis est sapor amarus & vellicans, hujus verò humoris dulcis, nec multum diversus ab oleo amygdalarum dulcium. 3. Nulli tubi potuerunt inveniri, qui ex felle ad os Viperarum eum succum vehant. Habet quidem fellis vesica meatus, per quos fel in intestina effundat, sed nullos per quos in superiores partes mittat; si enim prematur vesica, ut simul inferiores meatus claudantur, fel nullum exire potest in superiores partes: contrà verò si inferiora versùs prematur, paulatim fel omne in intestina effunditur. Itaque ille humor generatur in capite, & per salivales ductus in palatum & gingivas Viperarum fertur. Ac sanè in fundo singularum vaginalium cernuntur duæ glandes, per quas humor potest percolari.

19. Confirmatur hæc sententia ratione, qua morsus Viperarum curari possunt. Præscribunt inter alia Medici scarificationem, qua ex tempore sanguis aliqua copia elicitur, aut applicationem cucurbitæ, aut jejunæ Hirudinis, aut exsuctionem vulneris ab homine. Quibus rationibus humor ille, antequam toti massæ sanguinis misceatur, elicitur. Neque sugenti periculum ullum imminet, quandoquidem animalia morfu Viperarum occisa, sine ullo periculo comeduntur.

20. Antequam ad rationem, qua venenum in sanguinem agit, deveniamus; paucis Viperarum dentes, per quorum superficiem labitur, describemus. Viperæ \* ergo utriusque sexus habent tantum duos majusculos dentes, qui *canini* vocari solent, & qui ex osse superioris maxillæ eminent; unus ex hoc, alter ex illo latere. Sunt tecti vaginalis, non dissimilibus iis quas habent feles, & in quas ungues solent recondere. Intrà vaginas, ad radices duorum majorum dentium, enascuntur alii minores, ad septenum quandoque numerum, & dispari magnitudine. Dentes majores duritie non æquant, neque ita adhærent maxillæ; quo fit, ut facile excidant, cum majores dentes sine vi non possint evelli.

21. Hi majores dentes sunt concavi à radicibus ad acumen, quod microscopio deprehenditur, & in exsiccatis etiam nudis oculis cernitur. Qua de causa malleo contusi facile in longitudinem finduntur, & in tres aut quatuor oblongas particulas dividuntur.

22. Hinc factum, ut nonnulli crediderint dentes esse receptaculum veneni, atque ex eorum cavitate in vulnus descendere. Sed contrarium liquet, cum apprehensæ viperæ os vi aperitur; tum enim etiam si dentes sunt vagina tecti, venenatus ille liquor incipit per dentis superficiem, à radicibus ejus ad acumen defluere.

23. Cum dentes non contineant venenum, sola etiam punctione non nocent. Homines & bruta

eos sæpe, sine noxa deglutierunt. Iis animantia varia sunt puncta, postquam detracti erant, hominumque manus eos tractantium læsæ, sine ullo periculo, quia succus ille venenatus omnis absterlus erat. At resectum Viperæ caput, dum aliquis in eo esset motus, neque dentes evulsi, necdum os probe purgatum fuisset, demorsa animalia sæpe occidit.

24. Ut nobis constat, Viperarum morsum esse lethalem: ita nihil est minus notum ratione, quæ eorum venenum in venas illaplum mortem tam subitam inferat. Certum est quidem, oportere venenum sanguini misceri ut noxium sit; sed quam mutationem inferat sanguini ignotum est, neque experimentis ullis inveniri potuit. Nonnulli crediderunt coagulari sanguinem, aut in altero ventriculorum cordis, aut in omnibus venis; quia animalium eo veneno occisorum interdum sanguis concretus erat. Verum in aliis contrarium sæpe deprehensum est, ut si aliquot experimentis standum esset, æquè posset dici Viperinum venenum occidere nimium resolvendo sanguinem, aut eum subito incendiendo.

25. Ut sciamus, quid oriatur ex mistura duorum liquorum, & quare id fiat, oportet naturam illorum liquorum nobis esse plenissime perspectam. Nota esse debent magnitudo, figura, & motus particularum, quibus constant, ut intelligamus quomodo inter se componi queant; & alia fortasse sunt, quæ ne suspicamur quidem, quibus tamen ignotis, ulterius progredi non licet.

26. Hæc cum ita sint, atque experimentis comprobata esse videantur à viro diligentissimo, alius \* tamen in eum insurrexit, negavitque 1. ullo modo venenatum esse succum, qui ex gingivis Viperarum defluit, & innoxiam dumtaxat salivam esse contendit. 2. Idem Viperarum venenum situm esse vult in spiritibus quibusdam animalibus, vehementissimo motu actis, atque ex irritata dumtaxat Viperæ effluentibus. 3. At etiam demorforum à Viperæ animalium sanguinem semper coagulatum à se deprehensum fuisse, aut coagulationi proximum.

27. Ut primum ostenderet, dixit Columbæ vulnus inflatum sub alis, & femore, eodemque momento utrique vulnere adfusas guttulas liquoris flavii expressi ex gingivis duarum iratarum Viperarum. Postea autem confutam fuisse, vulneraque obligata, ne liquor ille efflueret. Attamen nullum commodum sensitse columbam, in inspectis postea vulneribus deprehensum liquorem illum coagulatum, & vulnera postea sua sponte curata fuisse.

28. Respondit Gallo Pharmacopolæ Medicus Italus, opus esse arte, ut in sanguinem læsi animalis immittatur liquor viperinus. Nam si vulnus nimis angustum est, subire non potest; si amplius æquo, vix potest impediri copiosa effusio sanguinis, qui secum viperinum succum avehit & absterget. Ac sane repetitis Florentiæ experimentis anno 1670. eadem comperit, quæ antea exposuimus. Itaque oportet aut Lutetiæ non satis commodè facta experimenta, aut Italicas Viperas alterius esse naturæ ac Gallicas; quorum prius multò verisimilius est, ne dicamus Pharmacopolam hominem esse vanum.

29. Se-

\* Fr. Redus. p. 200.

\* Moses Charras in Novis Experimentis circa Viperarum Lutetiæ editis an. 1669.



29. Secundo loco, ex irritata dumtaxat Vipera, adeoque viva, spiritus lethiferos exire volebat *Charraſius*. Ait ſe curaffe ut una eademque Vipera aliquoties morſu adpeteret fruſtum panis, compreſſis ejus maxillis ſingulis vicibus; totiesque id eſſe à ſe repetitum, ut non ſolum liquor ille totus exhauriretur, ſed etiam ut ſanguis ex gingivis profluere. Deinde eandem illam Viperam fuiſſe irritatam, & momordiſſe; Columbam, quæ ſequi horio poſt mortua eſt. Addit etiam morſam Columbam à Vipera non irritata, quamvis aſſeſſet ei ſuccus ille flavus, nihil mali eſſe paſſam.

30. Sed primum difficile eſt judicatu, an totus ille ſuccus exhaustus ſit, nec ne; facile enim poteſt fieri ut aliqua ejus ſuperſit copia, cum exhaustus creditur. Deinde plura experimenta iterum magna cura repetita opponit *Charraſio Redus*, quibus conſtitit ei mortuarum Viperarum ſuccum non minus occidere ac vivarum, ſi vulnere immittatur. Apud ipſum Scriptorem legi poterunt; unum dumtaxat memorabile proferemus. Collectus fuerat in vaſe vitreo liquor omnis venenatus, qui potuit ex capitibus ducentarum quinquaginta Viperarum exprimi. Liquor ille quamdiu ſervatus primum inſtar glutinis factus eſt, & colorem ſuccini imitabatur. Intra triginta dies plane exſiccatus erat, ut friabilis fieret, & facile in pulverem redigeretur. Hic autem pulvis vim lethiferam non amiſerat, etenim animalia, quæ læſa data opera fuerant, & quorum eò inſperſa ſunt vulnera, interierunt.

31. Ad ultimum quod attinet, circa coagulationem ſanguinis, id neque eſt perpetuum, neque ſatis certum indicium. Multis enim, qui morbo, aut alia morte interierant, inventus eſt ſanguis coagulatus.

32. Inter reptilia ſunt *Limaces*, qui ex ovibus etiam, ut reliqua, naſcuntur, quod in Epistoſa Italica Bononiæ Anno 1683. edita probavit *Antonius Felix Maſſilius*, quæ anno ſequenti Latine verſa & edita eſt Auguſtæ Vindelicorum.

## C A P. V. De Piſcibus.

1. Piſces in varia genera ſolent dividi, prout habitant mare, amnes aut ſtagna; vel prout ſquamis aut molliore pelle teſti ſunt; vel denique ratione magnitudinis. Sed cum hæc omnia accidentalia ſint, neque per ſe magnam mutationem diſpoſitioni partium internarum, quibus conſtant, adferant, ea omitemus. Tanta eſt Piſcium copia, totque genera per omnes orbis terrarum aquas ſparſa, ut quaſierint Veteres terreſtriane, an aquatilia animalia plura eſſent, & adhuc lis ſit ſub judice.

2. Nos hinc non tentabimus Anatomiam pleniorrem Piſcium dare, cum nondum ſat multa exſtent experimenta, ex quibus tota hauriri, obſervatis variorum Piſcium diſcriminibus, poſſit; præterquam quòd hujus Opusculi brevitatis hoc non patitur. Adiri à Curioſis poterit Tertia Pars Anatomies Brutorum *Ger. Blaſii*, ubi plurimorum Piſcium diſſectiones habentur. Nos hinc potiſſimas dumtaxat partes delibabimus.

3. Cum \*Piſcium capita, corpori collata, ſint majora quam ceterorum animalium; tamen mul-

tò minus iis ineſt *Cerebrum*, quam ceteris. Duæ enim tenues moles in anteriore capitis parte poſitæ, locum cerebri tenent. *Medulla oblongata* in Piſcibus, ſimili omnino ratione ac in avibus, duas inſignes protuberantias, intus cavas, habet; ac ſane ſi ex cerebro deſtillant tenuiſſimi vapores, qui *Spiritus animales* dici ſolent, eorumque ope animalium motus fiat, cavilla in Piſcibus & avibus iis excipiendis & demittendis eſſe debuerunt paria. Nam ut Piſces natant in aqua, corporis totius impulſu, & agitatione pinnarum, quibus aquam ſecant: ita & aves in aëre veluti natant, impetu quodam, ſoloque alarum remigio utentes, provehuntur, immotis pedibus. In \**Cane Carcharia*, cujus pondus ter mille libras ſuperaverat, cerebrum vix tres uncias æquabat. In Piſce ex Canum genere, qui eviſceratus quindecim libras ſuperabat, & una cum viſceribus viginti ſex libras æquabat, inventum eſt cerebrum, cujus pondus vix erat trium denariorum.

4. In \*\* Piſcibus ſunt odoratus foramina utrimque gemina, quæ clauduntur membranula vicina ſi obtendatur, aperiuntur ſi recedat. Deſinunt ea foramina in rotundam quamdam cavitatem. Simillima ſunt in avibus, ex utraque roſtri parte, ſed ad pulmones uſque porriguntur.

5. In *Oculis* Piſcium hoc ſingulare eſt, ut ſint aut prorſus ſphærici, aut ad ſphæricam figuram accedentes, quod plurimis, & vulgaſſimis experimentis conſtat. Ac ſane niſi eſſent ejus figuræ, in aqua pænè cæcutirent, ut rationes opticae, quas hic non attingemus, oſtendunt.

6. *Nervi optici* \*\*\* reliquorum animalium multiplici quadam materia conſtant; binis nempe membranis, quæ deſinentes formant duas tunicas corneam & uveam, & medulla quadam, quæ in retinam abit. Hæc à cerebro ita porrigitur, ut videatur tantum Cerebri medulla compaſtor & denſior; atque in tenuiſſima fila reſolvitur. At ſi inſpiciantur Piſces, res alio modo ſe habere deprehenditur. In *Xiphia*, qui ingentem oculum habet, opticus nervus ſolitatis quidem membranis involutus eſt; ſed non ſolidus & continuus in interiore parte, nec filamentis diſtinſtus, inter quæ pori cernantur, nec cavitatem ullam præditus. Meditullium alba cerebri ſubſtantia eſt, eaque veluti in extenſam placentam denſata & compreſſa; vel, ſi mavis, craſſior lamina pia matre involuta, & conſpicuas plicas circumducta. Ea quandoque totam nervi diametrum, recto tramite decurrens, occupat; quandoque in gyros intra nervi tunicas fleſcitur. Singulae plicarum circumvolutiones pia cinguntur matre, per quam vagantur ſanguinea vaſa facile conſpicua, quæ undique propagines emittunt, quibus id involucrium firmatur. Extrinſecus dura mater omnia veſtit, à qua optici nervi robur & firmitas potiſſimum oritur, iſque in faſciculum veluti colligitur. Quod liquebit, ſi duram matrem, juxta longitudinem, ſecueris, nerveasque fibras quibus conjunguntur membranæ laceraris; tum enim nervus opticus in inſignis latitudinis placentam, aut craſſiorem membranam vaſculis irrigatam laxatur. Unde factum, ut dubitarint nonnulli, an retina ſit peculiaris mem-

\* *Nicol. Steno in Cap. Libro de Myologia addito.*

\*\* *Corn. Viſt Schneider. Lib. III. de Cathar. c. 2.*

\*\*\* *Marcell Malpighius in libro de Cerebro.*

\* *Th. Willis de An. Brutor.*



membrana, an verò cerebri dumtaxat extensio. Hæc autem non in Xiphia tantum, sed etiam in Thynno, aliisque majoribus piscibus, constanter observata sunt.

7. Aliud præterea \* discrimen ab aliis observatum; cum nimirum in ceteris animalibus nervi optici ad utrumque oculum tendentes, sint ad se invicem inclinati, nec tamen prorsus conjuncti, sed tantum summa superficie tenus; in Piscibus decussatum è cerebro veniunt. Nervus enim, qui ex dextra oblongatæ medullæ parte oritur, in sinistram oculum definit; & contrâ, qui è sinistra parte oritur, ad dextrum porrigitur.

8. In Piscibus observatu dignæ sunt Branchiæ ad Capitis latera, per quas aqua ore excepta ejicitur. \*\* *Ostreorum* Branchiæ sic describuntur, quæ longè maximæ sunt, cum per dimidiam partem ostrei extensæ, cuncta alia viscera & panè membra magnitudine superent. Branchiarum cirri quatuor sunt, & singulis veluti binilobi; quorum superior latior & crassior, inferior tenuior & contractior est. Unaquæque duplicata est, & geminas pinnarum series coalescentes continet. Ad singulas branchias arteria & vena pertinent, quæ per cirros veluti reptantes propagines exiles utriusque generis per omnes fimbrias emittunt. Inter hæc vasa sunt foramina varia, quæ ductibus manifestis aquam muscutorum circularium inferiori commissura absorptam, in pinnarum interstitia devehunt. Branchiarum motus ipso conspectuprehenditur, nam muscoli circulares, qui eas complexi conchæ adhærent, laxati ad extremos concharum margines pertingunt; quo tempore, laxæ etiam branchiæ aqua imbuuntur. Contracti verò muscoli introrsum adducuntur, simulque ex branchiis modò admissa aqua excernitur. Existimant nonnulli, admissione illa, & reiectione aquæ, aërem aquæ mistum ab Ostreo separari & absorbere. Alii partes aquæ nitrosas, aut subtiliores, quæ spirituum loco sint.

9. Hinc † conjecere viri docti, Branchias Piscibus esse pulmonum loco; in quibus sanguis, qui multis vasibus eò deferretur, refrigeretur. Ac sanè ut aërem in pulmones adducimus, & rejicimus: sic Pisces aquam in os admissam per Branchias revolvunt. Atque hoc confirmatur ingenti copia vaporum, quæ in Branchiis cernuntur, & eò deferre sanguinem videntur, eadem de causa, ob quam per animalium perfectiorum pulmones transit.

10. Sic describuntur vasa Branchialia *Sturionis* & *Aselli*. †† Aorta corde egressa, & versus mentum ascendens, ramos ad dextram lavamque emittit. Horum quisque illico divisus ad duo latera Branchiæ fertur, ubi singuli illi arteriosi rami iterum dividuntur, & Branchiam non procul ab olsea basi trajiciunt, actandem plurimos ramusculos emittunt, qui per latera Branchiæ sparguntur. Aortæ, in Branchias ascendenti, Venæ Cavæ truncus ascendens junctus est, & unâ progreditur. In Branchiarum pinnis propagines venosæ minores, majoresque ductus basi propiores, propaginibus & ductibus arteriosis comites se præbent, usque respon-

dent. Si enim ductus majores aperias, cum venosis, tum arteriosis, foraminum in pinnas ducentium series adparebit. Liquor etiam niger in arterias injectus, per Venas redit. Pars tamen dumtaxat illius liquoris per foramina in pinnas fertur; pars verò altera canales recta permeat, & deinde in Aortæ truncum descendentem influit. Undè colligere est, sanguinem in Piscibus, unoquoque circuitu ferè totum intrâ Branchias transire, ab arteriis in venas delatum.

11. Hinc gravis etiam injecta suspicio eos ipsos Pisces, qui pulmonibus carere videntur, *respirare* tamen, seu aut nitrosum quid, aut aëreum in venas trahere ex aquæ poris. Ac sanè si aquæ, ubi sunt Pisces, incipiant putrescere, aut si nimio calore, vel frigore particule aëreæ vel nitrosæ abigantur, aut corrumpantur, intereunt Pisces. Si nimis angusto loco claudantur, aut si plures sint quàm par est, in Piscinâ; etiam si aquæ eos omnes facile contegant, & locum motui liberrimum præbent; attamen moriuntur, quia non est in ea aqua tot Piscibus sat magna pabuli illius vitalis copia.

12. Quam in rem singulare experimentum adferemus. \* Cum sumta esset Phiala sat ampla, & dimidia ex parte repleta aquâ, ut circiter *Pintam* contineret, in eam per collum satis latum demissus est *Gobius*; qui celerissimo motu per aquam agitabatur, dum Phiala aëri aperta fuit exposita. Deinde intrâ Machinam Pneumaticam posita Phiala, aër ambiens cœpit hauriri, & eo usque exhaustuserat, ut vigesima circiter pars superesse judicaretur. Paullò post hæc sunt observata: 1. Cum collum Phialæ longum esset, cernebatur quidem magna copia bullarum circa Piscem; sed reliqua aqua nullam spumam emittebat, nec multas bullas. 2. Piscis diu evomebat & ore & Branchiis ingentem copiam bullarum; & si parumper quiesceret, novæ bullæ adhærebant pluribus corporis ejus partibus, in primis pinnis & caudæ. Tum si natans eas bullas dissiparet, denuoque quiesceret, novæ bullæ circa eum cernebantur. 3. Toto ferè illo tempore hiabat, branchiasque motitabat, ut solebat, antequam Phiala inclusa esset, sed sub finem, quandoque neque aërem hiantie ore captabat, neque ullum emittebat. 4. Tandem supinus cernebatur, nec eo minus velociter natabat, imò verò paullò post celerius movebatur, quasi bullis illis emissis levatus. 5. Tribus horis, postquàm inclusa Phiala fuerat, motum omnem amiserat *Gobius*, & ferè rigidus videbatur. Tum verò aër & aqua extrinsecus, aperta machina, intromissa sunt, quibus refocillatus æquè ac antea moveri cœpit, & per decem dies in Phiala vixit.

13. Hinc credibile fit, per poros Branchiarum partes quasdam aëreas in corpora Piscium subire, adeò, ut iis tumeant; quandoquidem exhausto vicino aëre, ex Piscium corpore bullæ egrediuntur aëreæ. Ex autem cavitates, per quas aër admittitur, videntur iis esse loco pulmonum; & fortè etiam illac regreditur.

14. Quamvis in plerisque Piscibus non cernantur *Pulmones*, quia aërem purum non ducunt; sunt tamen multi pulmonibus præditi, ut *Balanæ*, *Phocæ*, *Delphini*, aliique. Verùm hi Pisces in summa aqua passim versantur, ut aërem capient, neque in fun-

\* *Th. Willsius de An. Brut.* \*\* *Id. Ibid.* † *Nic. Steno de Rata Anat.* †† *Th. Willis de An. Brut.*

\* *Ex Rob. Boyle in Act. Lond. anno 1670. Tit. VII.*



fundo diu manere possunt. Videntur aërem pulmonibus excipere, deinde aquam subire, sub qua paulatim eum expirant; eoque prorsus reddito, ad summam aquam redire.

15. Digni sunt observatu pulmones Ranarum, facileque id potest fieri, propter structuræ simplicitatem, & quia membranae, carnesque, quibus constant, pellucidæ oculos in intimas partes non ægre admittunt. \* In Rana ergo, scisso juxta longitudinem abdomine, erumpunt pulmones utrimque cordi adhærentes; qui non ut in ceteris animalibus illico flaccescunt, sed tensi perdurant, quo fit, ut sub aqua Rana aliquamdiu manere possint. Primo intuitu, nihil aliud esse videntur præter membraneas vesicas, maculis ordine dispositis distinctas, ut corium Piscis, qui *Squatina* dicitur. Figura & extimis protuberantiis referunt pomum pineum. Sed si accuratius, ope Microscopii, inspiciantur omnia, non maculae cernuntur, sed ingens vasculorum copia, ex vena & arteria pulmonaribus prodeuntium; & quæ ita miscentur, ut rete inter se conficiant. Cavitas pulmonum non est lævis, sed variis alveolis ferè hexagonis, quos parietes distinguunt, aspera.

16. Cor \*\* aliquot Piscium habet tantum unum Ventriculum, quod in Raia, Rana, Testudine, aliisque amphibiiis observatum est. Unde sanguinis circulationem paullo aliter in hominibus & animalibus perfectis fieri, quam in variis Piscibus liquet. Sic non totus planè sanguis per pulmones Ranarum, aut branchias Raiarum transit, sed ea pars quæ illac fertur reliquæ mista eam recreat.

17. Uterus Piscium non multum abhorret ab utero Avium, de quo postea; sed omnium Piscium non est æquè similis. Raia uterus maximè adfinis est Gallinarum utero. Habet enim Ovarium duplex, quod in commune receptaculum vicibus ovum unum effundit.

18. Ovarium \*\*\* in Ranis femellis duplex cernitur, quod in Serpentinibus, Lacertis & Salamandris, qui eas dissecuerunt, animadvertunt. In media alba substantia puncta sunt nigricantia, quæ fetum Ranarum constituunt. Striæ adiposæ copiosis ovarii propaginibus adnectuntur. † Alius qui Piscem ex Canum genere anatomico cutio secuit, curiosisque oculis lustravit, Ovarium etiam in utroque latere unum vidit, quibus plurima ova continebantur, magnitudine, colore, & figura discrepantia. Alia erant alba, alia aquea, alia flavescantia, alia rotunda, alia oblonga, alia multis tuberculis inæqualia. Sacculis duobus longis similia erant Ovaria. Oviductus item geminus erat, licet utrique & exitus ad podicem idem fuerit, & idem in abdomine infundibuli ostium. †† Similia sunt in Raia observata, sed ova ††† sunt singularis figuræ (quod tamen in aliis etiam Piscibus marinis observare est.) Sunt nimirum quadrata & oblonga, testamque molli lanugine vestitam habent, ex cujus quatuor angulis totidem lingulae exeunt. Aperta testa exhibet albumen tenue, vitellum vero puniceum est coloris, cum cicatrice insigni. Ad ingressum Ovarii sunt duo corpora albicantia & glandulosa, quæ succum al-

bum sat magna copia evomunt, qui videtur albuminis & testæ, quando induratus est, materia.

19. Omnium Piscium, exceptis Crustaceis, caro & ossa sunt ut in aliis animalibus disposita, aded, ut ossa carne semper tegantur. Partes etiam internæ, à capite ad extremas partes, circiter eundem ordinem servant. Verum in Astaco, \* Cancro, Gammaro, Squilla, &c. qui sunt retrogradi, inversus etiam est ordo. Neque enim ossa teguntur carnibus, sed carnes ossibus. Pedum, capitis, dorfi, caudæ, aliarumque partium motricium, aut mobilium musculi ferè omnes (exceptis temporalibus) integumentis crustaceis includuntur. Providentia Divina ita formati sunt, quia cum inter scopulos & aspera saxa vivant, & fluctu impellente vehementius quandoque iis allidantur, crusta, ut vitales essent, veluti πανπλία muniri eos oportuit. Ne autem crustacea integumenta membranas ut carnes subjectas asperius comprimant, aut constringant, intrinsecus musco crasso purpureo, tamquam molli panno, vestita sunt. Ut ossa & carnes inverso situ sunt: ita & interiores partes se habent. Hepar, stomachus & uterus capiti propiora sunt, cor imo dorso adnectitur. Quin & medulla spinalis non dorso & supra viscera, sed infra, inferiori corporis parti incumbit, ac Sterni ossibus, sive commissuris, includitur.

20. Tam pauci Nervi \*\* è Piscium cerebro exeunt, & per corpus sparguntur, ut non videantur eorum motibus sufficere. Sed tantus è spinali medulla prodeuntium numerus est, ut planum compositum ex eorum sectionibus transversis longè superet spinalis medulla transversim secta planum; unde omnium nervorum extremitatem non esse in cerebro, credibile est, adeoque omnes motus Piscium à cerebro non pendere; quod circa alia animalia vulgò creditur. Idem confirmari videtur spinalis medullæ crassitie, quæ in Piscibus eadem permanet toto Spinæ ductu; cum tamen, si nervi per eam à cerebro usque descenderent, oporteret eam sensim magis magisque attenuari, quandoquidem, quod est caudæ propior, eo plures nervos emisit.

21. Alii Pisces sanguinem habent, seu purpureum liquorem per venas & arterias fluentem; alii loco sanguinis, liquorem instar aquæ. Sed præter vasa, quæ venarum & arteriarum vice funguntur, \*\*\* habent etiam nonnulli, ut qui sunt testacei generis, tubos apertos, quibus aqua ad ultimos ferè eorum recessus vehitur. Quod videtur ideo à Creatore omnium factum, quia cum sæpe in sicco maneant, & aqua interea indigeant, ut vivere possint, utriculos ea plenos in corpore suo habeant necesse est. Illo penù durante, in aperto aëre, æquè ac sub aqua vivunt, sed illo exhausto, brevi moriuntur, nã iterum aqua integantur.

22. Digna est quæ observetur, in Piscibus plurimis, sanguinis circulatio, aut ejus liquoris, qui loco sanguinis est; cum, ut jam obiter observavimus, careant altero cordis ventriculo. Sic aperto Ostreo, infra ventriculum, occurrit Pericardium, ubi est Cor albicans, unaque auricula ampla & nigricante præditum.

\* M. Malpighi in Ep 2. ad A. Borellum. \*\* Olaus Jacobæus in Tr. de Ranis. Nic. Steno Ep. de Raia.

\*\*\* Jacobæus Ibid. † Steno de Cane Carcharia.

†† Steno in Diss. Raia. ††† Gualtherus Needham.

R. D. Euseb. Amor. Philosophia.

\* Th. Willisus de Anima Brutorum. \*\* Steno de Carcharia. \*\*\* Willisus de Anim. Brutor.



ditum. Referato Pericardio, cor pulsans conspicitur, & singulis Diastolis humorem vitalem à vena Cava admittens; deinde singulis Systolis in Aortam Cava admittens; deinde singulis Systolis in Aortam e regione sitam eum propellens. Aorta exceptum humorem per tripartitos ramos corpori dividit. Pars superius fertur ad caput, hepar, & stomachum; pars in musculum rectum reflectitur; sed longè maxima magno Aortæ trunco ad Branchias, ut diximus, delata, illic in ductus minutissimos & numerosissimos dividitur.

23. Postquam ad extremas partes ita delatus est sanguis, aut humor qui sanguinis loco est, per Aortæ ramos, regreditur per Cavæ rivulos. Conspicuum hoc est in pulmonibus Ranarum, quibus etiam est unicus cordis ventriculus.

\* Aperta Rana, & etiamnum vivente, ope Microscopii, sanguinis contrarii motus cernuntur. Per ramulos enim arteriæ in pulmonis varias cellulas delatus, aut eas uno vel altero ramo pertransit, aut è ramis definentibus in eas depluit, & per sinus varios circumductus undique spargitur; donec veniens ad loca, in quibus resorbentes venarum ramuli hiant, in eos incidat, & sic ad cor referatur. Alii rami arteriarum sunt cum venarum ramis ita contexti, ut Anastomasi jungantur, & immediate sanguis ex arteriæ ramulo in venæ ramulum effundatur.

24. Hinc quidem colligere est, sanguinem Piscium non semper totum per pulmones transire; sed tanta copia eo defertur, ut id quod respiratione trahit, non difficulter reliquæ sanguinis massæ adfundat. Plurima alia non injucunda in iis, à viris harum rerum studiosis, observata sunt, quæ brevitatibus causa non attingimus. Superest dumtaxat, ut de eorum generatione pauca quædam addamus.

25. Inter Pisces, quemadmodum inter serpentes, alii sunt ovipari, alii vivipari. Qui\*\* pilo vestiuntur animal pariant, ut ait *Plinius*, ut *Pistis*, *Balæna*, *Vitulus*. Hic parit in terra, pecudum more, secundos partus reddit. Parit nonnumquam geminis plures, educatque mammis fortum, nec ante duodecimum diem deducit in mare, ex eo subindè adsuefaciens. † Delphini pariant catulos, decimo mense, ætivo tempore, interim & binos. Nutriunt uberibus, sicut balæna, atque etiam gestant fœtus infantia infirmos.

26. Alii ova emittunt variis temporibus, & variis modis, ut observantur naturæ rerum curiosi, quibus tamen per omnia credere necesse non est. †† Pleraque fœminæ innumerabilia in mari, stagnis ac fluviis ova ejiciunt, quorum maximam partem mares ejusdem generis, aut aliorum, devorant. Quod nisi fieret, implerentur omnes aquæ piscibus. Quæ non absumentur, calore excluduntur, alia citius, alia ferius, pisciculi que ex ovis elapsi magna celeritate natate incipiunt, sine ulla matrum cura. ††† Torpedo octogenos fœtus habens invenitur, eaque intra se parit ova præmolliâ, in alium locum iteri transferens, atque ibi excludens. Simili modo omnia, quæ cartilaginea adpellantur. Ita fit, ut soli piscium & animal pariant & ova concipiant. Silurus solus omnium edita custodit ova, sæpe &

quinguenis diebus, ne absumentur ab aliis. Ceteræ fœminæ in triduo excludunt, si mas attigit. Hæc *Plinius*.

27. Idem auctor est, Ranas parere minimas carnes nigras, quas gyrinos vocant, oculis tantum & cauda insignes: mox pedes figurantur, cauda findente se in posteriores. *Mirumque*, inquit ille, *semestri vita resolvuntur in limum, nullo cernente, & rursus vernis aquis renascuntur quæ fuere; natura perinde occulta ratione, cum omnibus annis id eveniat.*

28. \* Sed *Plinium* in multis falli & generationis ordinem invertere, docuit experientia. Sperma Ranarum, è lacu sumtum, vitreo vase exceptum, radiisque solaribus expositum, sequens exhibet spectaculum: I. Cernuntur ova, in quibus mediis est globulus nigricans, instar seminis Cataputiæ minoris. Ei globulo est, intra putamen ovi, liquor albicans circumfusus. II. Adparet fissura quædam, in medio globulo nigro. III. Pars anterior globi obtusa manet, posterior acuitur, & aliquantum loco movetur, relinquitque exiguum cavitatem. IV. Ranula erumpit ex ovo, &, cauda remigante, in aquis natat. Est instar vermiculi crassi, obtusoque capite. V. Nescio quid quod ex capite (& protuberans primum conspicitur,) sensim evanescit. VI. Oculi adparent, adhibito Microscopio, satis amplii. VII. Rotundum cernitur oris vestigium, quo injectum gramen attingunt, & forte aliquatenus sugunt. VIII. Appendicula, intestino similis, in aquam delapsa, cedit illis in alimentum. Sunt qui existiment, excrementum esse ranularum, quod iterum sorbeant & concoquant. IX. Maculæ adparent per cutem sparsæ, striæque in cauda. X. Pedes posteriores erumpunt, quorum digiti etiamnum sunt tenui membrana involuti. Anteriores, in membrana interea latitantes, dissectione cernuntur. XI. Pedes anteriores expediuntur, eoque tempore Ranula, cui cauda est longa, quatuorque pedes, Laccertæ haud absimilis est. XII. Cauda sensim angustior fit, & Ranæ corpus, quod membranula involutum erat, eam exiit. XIII. Cauda tandem deponitur, Ranæque expeditior facta, millam postea mutationem patitur.

29. Verum quidem est, quod ait *Plinius*, Ranas instante hyeme in limum resolvi; tum etiam frigore enectæ putrescunt. Sed falsum est, easdem vere sequente nasci, quæ enim tum cernuntur, ex ovibus ætate antecedente depositis nascuntur, cum calor aëris ea potest excludere.

30. Sunt\*\* qui mirabiliora narrant de Piscibus in terra natis, & fodiendo inventis, quod in Melita Insula fieri & deprehendi ajunt. Sed primò vix est credibile, eos Pisces in terra esse natos, cum in dura nasci nequeant, neque etiam in molli qua diluerentur. Secundò potuit, ubi terra compactior est, elim fuisse stagnum, quod exsiccatum fuerit piscibus in luto hærentibus; quibus postea superimposita fuerit terra, undè fit, ut fodientibus sese offerant.

31. Non potest objici soliditas eorum corporum, quæ quandoque æquat lapidum duritiem; aut mollietates, quæ in pulverem facillè quandoque comminuntur. Facillè enim potest fieri, ut salia terrestria aut minerales succi, ita poros piscium subeant; ut eos

\* *Malpighius* in Ep. 2. ad *Borell.* \*\* *Lib. IX. c. 15.*

† *Ibid. c. 8.* †† Vide ejusdem *Lib. cap. & seq.* ††† *Ibid. c. LI.*

\* *Olaus Jacobus* in descript. Ranæ. \*\* *Nic. Steno* in Ep. de Cane Carcharia.



ut eos indurent, instar lapidis, nam & multa alia falsis fontibus immisla lapidescunt. Facile etiam contingit, ut exsiccentur tantum, adeo, ut vehementius compressi in pulverem abeant. Ossis igne diutius cocta, cornuaque cervi philosophice, ut loquuntur, calcinata, magnitudinem quidem & figuram servant non admodum mutatam; quamvis friabilia sint, ut ex tactu liquet.

## CAP. VI.

## De Avibus.

1. **E**Xternis etiam quibusdam accidentibus *Aves* in varia genera dividuntur. Prima distinctio, iudice *Plinio*, \* pedibus maxime constat; aut enim aduncos ungues habent, aut digitos, aut palmipedum in genere sunt, uti *Anseres* & aquaticæ ferè aves. Aduncos ungues habentes carne tantum vescuntur, ex parte magna. Verum hæc omittemus, quæ ad corporis Avium intimam dispositionem cognoscendam nihil faciunt; eaque trademus, quæ præ ceteris in avibus singularia sunt.

2. Ut à capite incipiamus, partibus externis omisiss, \*\* si os effractum sit, conspiciendam se præbet *dura mater*, quæ totam cerebri massam arctè complectitur. In anteriore parte, ubi cerebrum in duo hemisphæria dividitur, sinus est in longum extensus, qui tamen nulla falce in interstitia demissa, minus profunde cerebrum subit. Deinde ubi hæc membrana cerebrum, & cerebellum separat, duo sinus ad latera formantur, quibus quartus, ut in aliis animalibus, addendus, sed magis ad posticam capitis partem vergens.

3. *Dura mater* amota, occurrit *pia mater* valde tenuis, neque crebris vasorum plexibus, ut in aliis animalibus, distincta, sed subtilissimo fibrarum contextu constans. Ambit cerebri superficiem planam & æquabilem, nullisque gyris & anfractibus præditam.

4. Si ad ipsum cerebrum accedamus, præterquam quod desunt avibus *corpus callosum*, *sornix* & *corpora striata*; cerebri figura, in volucribus, collata quadrupedum & hominis cerebro, inversa videtur. Cum enim in homine & brutis corticalis pars cerebri exterior sit, cui substrata est medullaris; in avibus inferior cerebri compages quæ mole crassiori constat, corticis loco est, membrana verò extima & superior ventriculorum concamerans, medullaris est. Ventriculi, in hominis & quadrupedum cerebris, infra & prope fundum; in Avibus superius, & juxta oram anteriorem, siti sunt.

5. Discriminis hujus quidam hanc rationem excogitarunt, quod in cerebro perfectiorum animalium non modo oriuntur spiritus animales, sed etiam variè moveantur, multiplicesque usus præstent. In parte nimirum corticali gignuntur, atque in medullari, quæ subiecta & satis ampla est, circumaguntur, variisque cientur motibus. In Avium verò cerebro locus quidem est satis patens generandis spiritibus animalibus, sed vix in eo circumagi possunt. Nempe, inquiunt, Avium cerebra mune-

ribus Phantasie aut Memoriae non multum occupari videntur. Existimant eos, ad tuendas functiones animales, in medulla oblongata potissimum versari, atque inde per reliquum corpus defluere. Ac sanè ad medullam oblongatam duæ sunt, ut jam diximus, insignes protuberantiae; quæ tantæ sunt cum reliquis cerebri partibus collatæ, ut panè alterum cerebrum videantur.

6. In medio caudice medullari, cui protuberantiae memoratæ utrimque adnascuntur, rima est ad infundibulum pertingens, ad quam utriusque ventriculi orificia dehiscunt, ut videantur serositates illac è cerebro defluere. Conjiunt nonnulli, hæc cavas prominentias, in volucribus, *corporis callosi* vicem supplere, atque in iis variè spiritus animales moveri. Cum autem in Avibus spirituum animalium usus totus ferè, ut judicant, ad facultates sensitivas & locomotivas pertineat, non ad Memoriam aut Phantasiam; præcipuus eorum locus ibi esse debuit, unde quam citissime in reliquum corpus defluere possint, nec ullus alius aptior est cavitatibus illis medullæ oblongatæ adherentibus.

7. Sed cum varia hæc sumantur quæ incerta sunt, quæ de facultatibus, nimirum, dicuntur opes spirituum animalium functiones suas exercentibus, ne jam de formatione eorum spirituum, & receptaculis quibus continentur dicam; conjectura hæc non est eodem loco habenda, ac quæ oculorum constant testimonio. Cavendum in primis, ne res ipsas hujusmodi conjecturis accommodemus, cum conjecturas ad res exigere oporteat, quod tamen sæpe faciunt Philosophi.

8. *Arteria Carotides*, quæ ad Avium majorum cerebrum sanguinem evehunt, usque adeo exiles sunt, ut nulla sit proportio inter eas, & perfectiorum animalium arterias. Trunci earum intra *Calvariam*, sine divaricatione ulla, in plexus retiformes, eodem quo in aliis animalibus modo, juxta glandulam pituitariam adscendunt, & recta cerebrum petunt, vasorumque exiles quasdam propaggines cum ad externum ejus ambitum, tum per interiores recessus distribuunt.

9. Ad latera rostri, *Nares* in Avibus animadverti observavimus antea. Præter tubum, qui ad pulmones pertingit, \* in intimis earum partibus, cernuntur tubuli membranacei, vesicarum instar. Ad summam partem, ex anteriore parte cerebri, duo feruntur nervi, quorum membrana ex membranis cerebri, medulla ex ipso Cerebro trahitur. Hi nervi usque ad initium rostri porriguntur. Itaque tubuli illi videntur esse, in Avibus, organa olfactus, postquam enim odorata corpuscula ad eas pervenerunt, eas subire videntur, & nervos eo usque porrectos agitare. In hominum verò & quadrupedum capite, supra narium tubos, os est cribrosum, multis foraminibus insigni; quibus non duo, sed plures, iique admodum exiles nervi feruntur, & tunicæ narium intima operienti inferuntur; quo fit, ut ea narium membrana sensui odoris aptissima sit.

10. Itaque hoc quoque, ratione ossis cribrosi & nervorum olfactoriorum, est inter homines & aves discrimen. In homine per foramina ossis cribri-formis ex integumentis cerebri plures quidem, sed

\* *Plinius Hist. Nat. L. X. c. 11.* \*\* *Th. Willisus de Cerebro.*

*R. D. Euseb. Amort Philosophia.*

\* *Conrad. Vic. Schneiderus de Osse Cribri-formi.*



exiliores descendunt nervi ad intimam narium membranam. At in avibus duo sunt dumtaxat in osse anteriore cerebri foramina, per quæ duo nervi ad rostrum feruntur, sed, pro mole Avis, majores, quàm singula nervorum humanorum fila.

11. Si cranium Avium pluribus foraminibus pateret, irrupentis aëris copia offendi posset cerebrum, volatusque impediri. Imò foramina illa in Aquilis, arte aucta, dicuntur ob stare, quo minis tam alte sese effere queant. Ac sanè si nimiam aëris copiam volantes, adverso vento, naribus exciperent, vix possent cursum tenere.

12. Consideratu digna est avium *Trachea Arteria*, ad quam aër ex naribus fertur. \* Cum in hominibus & in quadrupedibus, musculos vocis formandæ necessarios cernamus summæ Tracheæ adnexos, in Avibus, juxta longitudinem sæpe protensi sunt; & plura etiam sunt in Aquila musculorum paria, paullo supra Arteriæ divaricationem. \*\* Observatus est in nonnullis musculus, è faucibus ad summum thoracem porrectus. Ubi desinit Trachea fit ossea, ampliaturque in receptaculum aëris ingens. Mox dividitur in duos ramos cartilagineos, deinde membranaceos.

13. In Cygno mirabilis est asperæ Arteriæ structura. † Per colli longitudinem juxta Oesophagum porrigitur, donec ad Sternum perveniat, in cuius capsulam se incui vo flexu recondit. Postquam verò pervenit ad imam hanc cavitatem, reflectitur, egrediturque angustius Sterni, atque in claviculas medias ascendit, quibus ut fulcro nixa ad thoracem flexitur. Si contigerit Cygnum, aut ætatis, aut naturæ vitio, carere Sterni capsula; aspera Arteria recta procedit, breviorque est quàm in aliis Cygnis. Antequàm autem ad Thoracem & illic sitos pulmones perveniat, laryngem format cum osse Hyoide, lata membrana vestito, & fistulam referente. Postea, priusquàm pulmones subeat, in duos ramos divaricatur (quod & in aliis Avibus observare est) Bronchiis non ab similes, tumidiore medios, & quapulmonibus viciniore sunt angustiores.

14. Humana quidem aspera Arteria in ramos & Bronchia dividitur, sed postquam pulmonum substantiam ingressa est. At ejusmodi esse debuit Cygnorum Trachea, ut possent vivere, quemadmodum vivunt. Cum enim è stagnorum fundo victum petant, nec tamen aquam subeant toto corpore; indigebant primùm longissimo collo, ut eò pertingere possent, corpore exstante ex aqua. Deinde cum sæpe per dimidiam ferè horam, collum in fundum aquæ extendant, pedibus in altum elatis cœloque obversis; ex ea Arteriæ parte, quæ est in Sterni capsula, quasi ex penu quodam, spiritum hauriunt. Denique copioso aëre opus erat pulmones per bifidos ramos implente, ut tantùm corpus vesicæ instar aquæ supernataret.

15. Adnexi sunt Trachæ *Pulmones*. In †† Anatibus pulmonum munere funguntur vesicæ membranaceæ, ad ventris inferiora porrectæ, quod flatus vehementior per Tracheam immisus ad oculum ostendit. Quod proximè Trachæ conjunctum id rubicundioris coloris est, & dorso adheret; atque

hoc propriè dictus *Pulmo* habetur. \* In Aquila similiter pulmo est coloris rubri, qui ad renes usque descendit extremis Bronchiis, & abdominis mediam capacitatem late occupat; adeò, ut aër per utrumque foramen immisus, quod vix pilum admittens in abdomen hiat, quaquaversum hujus cava impleat. Quod etiam in aliis Avibus cernitur.

16. Neque hoc frustra machinatus est rerum omnium Opifex, magna enim illa aëris copia, quæ turgent Avium corpora, multò leviora sunt, quàm si exigui essent pulmones, & corpus totum crassioribus & compactioribus carnibus constaret. Præterquàm quòd pennæ levissimæ sunt, quæ aërem verberant, ne corpus quidem, pro sua amplitudine, grave est; quia tam solidum non est, ac Quadrupedum corpora.

17. Non defuerunt, qui contulerint *Ventriculorum* & intestinorum, in variis animalibus, dispositionem, \*\* qui poterunt ab harum rerum curiosioribus consuli. Cum nulla ferè avis tam singularem ventriculi dispositionem nata sit, ac Gallinæ, ejusdemque generis aves, quæ granis vescuntur, eam hîc paucè describemus, omisiss aliis Avibus.

18. Geminò † ventriculo instructa est Gallina, quorum tamen alter, nempe superior, nonnisi improprie ita vocari queat. Est membranaceus saccus, qui à medio colle ad Sternum usque porrigitur, & qui esca tumidus facile potest cerni & tractari in vivo animali. *Ingluvies* solet adpellari, estque comparata, non ad coquendum atque in chylum resolvendum alimentum, sed ad excipienda frugum grana, & aliquatenus emollienda, ut postea in ventriculo propriè dictum demittantur.

19. Plerorumque animalium ventriculi tenuibus constant membranis foris candicantibus, intus verò crusta villosa, molli & lubrica obductis. At Gallinæ ventriculus carne solida compactus est, & colore rubicundo, ejusque interior superficies inæqualibus ac duris cartilaginibus incrustata exasperatur.

20. Latitudo duplo major est, quàm longitudo; & quamvis totius ventriculi insignis sit magnitudo, attamen propter carniæ crassitiem, ne nucem quidem admittere potest. Totius machinæ figura est ovali proxima, atque utrimque nonnihil depressa, protuberantibus in media quasi collibus quibusdam. Extrema semicircularia sunt, & æqualia, ac in obtusam & rubicantem oram finiuntur.

21. Constat totus stomachus duobus paribus musculorum, quorum exterius crassius, interius verò tenuius; & membrana nervis & tendonibus constata. Est consideratu dignissimus fibrarum in eo situs, quem tamen brevitatîs causâ, omitemus, cum præsertim facile in elixa ea parte Gallinæ cerni possit. Musculorum junctorum ea est facies, ut duobus corporibus semi-lunaribus cornua sibi mutuo obvertentibus adsimilari queant.

22. Sublatis duobus musculis, adparet Membrana nerveo-tendinosa; crassa & densa eorin loco, ubi par musculorum laterale adnatum hæret, in fundo autem

\* Nicol. Steno in Myolog. Aquilæ. \*\* G. Blasius in descript. Anatis. † Th. Bartholinus in Cygni Anat. †† G. Blasius in Anat. Anatis.

\* Olai Borrichii Aquilæ Anatome. \*\* Nehem. Greuv in Comparativa Anatomia Ventr. & Intest. Anglice edic. anno 1682. † Joan. Peyerus in Anat. Ventr. Gallinæ.



autem & dorso reliquisque ventriculi confiniis, tenuis & delicata, sed intrinsecus crusta quadam villis perpendicularibus constante munita.

23. Ventriculo secundum longitudinem aperto, cernitur ea crusta in utroque pariete, dura & crassa; adeo, ut callosa aut veluti cornea videatur, & sub-larei coloris sit. In exteriori superficie cavitates habet, quibus adnectuntur transversus muscoli. In interiore verò sunt sulci transversus, quibus sit utrimque asperitima. Inter hosce sulcos continetur esca, hoc est, granorum particulæ comminutæ, admixtis plurimis lapillis duris & splendentibus, plerumque albis. Quandoque etiam vitrea, imò & acicularum frusta illic inveniuntur.

24. Hæc est ipsius stomachi descriptio, sed præterea duo in eo considerata sunt foramina; alterum nempe in quod definit *Oesophagus*, & per quod alimentum concoquendum decedit in ventriculum; alterum per quod concoctum in intestina descendit, quod *Pylorus* solet vocari.

25. *Oesophagi* extremitas, antequam ventriculum subeat, in quemdam quasi bulbum rubentem extuberat; quem si extrinsecus inspiciamus, variis orbiculis atque circellis, per membranam musculosam transparentibus, constare videbimus. Si membrana illa, quæ fibris circularibus & rectis tenuissimis contexta est, auferatur, tum tota circulatorum illorum compages cerneretur; carunculis subrubentibus, oblongis, teretibus, densisque ordinibus musculosæ membranæ imbricati adpositis, coagmentata. Earum caruncularum bases, extrinsecus, instar circulatorum, transparent per membranam.

26. Carunculæ illæ aut, si glandulas mavis, juxta longitudinem dissectæ cave deprehenduntur, earumque extremi apices in gulæ cavitate patentibus ostiis hiant. Si bases earum prefferis, mucum subviscidum & albicantem effundunt apices, eoque etiam liquore madent interni glandularum parietes. De hujus succi usu postea videbimus.

27. Alterum orificium, quo transitus concoctis cibis in intestina patet, est ejusdem propè altitudinis & ex ampla cavitate in *Pylorum*, fibris rectis & circularibus præditum, inque intestina ductu nonnihil retorto desinentem, arctatur. Est autem veluti quoddam sepimentum transversum, inter utrumque orificium, idque protuberans; quo in loco nonnumquam grana optimè comminuta, aut liquor turbidus invenitur.

28. Sunt etiam in ventriculo *Gallinæ* *Venæ*, *Arteriæ* & *Nervi*, sed de quibus nihil dicemus, quia hoc singulare non habent. Præstat summam observare rerum omnium Opificem, singularum specierum ventriculos ita elaborasse, ut aptissimi sint excipiendo alimento ei speciei convenienti, respuant verò victus animalis constitutioni contrarios. Quod exemplo memorato manifestius fiet, si singularum partium usum quæserimus. Cum enim *Gallinæ* vescantur grani variorum frugum, ita dispositus est earum ventriculus, ut *Mola vivens* dici possit; quemadmodum ostendit partium, quibus constat, examen.

29. *Mola* in tres partes potest dividi, in *Infundibulum*, *Molam*, & *Incraniculum*, quæ partes in *Gallinæ* stomacho inveniuntur. *Infundibulum* vocari potest glandulosus Bulbus, de quo diximus, in quo

sæpe magna est granorum copia, & qui ostium, per quod introitus in molam patet, constituit. Hujus *Infundibuli* munus est deglutita, vel ex *Ingluvie* suppeditata grana excipere eaque aliquamdiu adservata in ventriculum demittere. Ne autem, pondere granorum, plura simul illabantur, quàm probè comminui possunt, fibris quibusdam musculosis orificium hoc in orbem cinctum est; quarum contractione, quæ pondere pleni ventriculi sit, & incumbentia grana sistuntur ac sustinentur, & regurgitationi jam illapso rum obviam itur.

30. Præterea escam, hoc in loco, ideo nonnihil morari necesse est, ut priusquàm ventriculum subeat, liquore è glandulis, quæ illic sunt, fluente imbuatur. Si quæratur, quis sit succi illius usus? credibile est adhiberi ad ficiora alimenta mollienda ac diluenda, & fortè etiam ad ea fermentanda. Certe nisi sit liquor quispiam subtilis, & cujus partes facile motum concipiant, & ea quibus adfunduntur perindè adficiant: vix ac ne vix quidem licebit intelligere, qui aut grana frugum, aut carnes, aut aliud quodvis alimentum, tam brevi tempore dissolvantur, & in tenuissimum Chylum convertantur. Solo profecto calore fieri hoc non posse, variis experimentis constat.

31. Sunt qui crediderint acidum esse eum liquorem, sed cum gustu, tum etiam aliis experimentis contrarium liquet. *Margaritæ* enim, quæ acidis facillimè dissolvuntur, *Gallinæ* deglutientiæ datæ postea ex earum stercorebus integræ sublatae sunt. Attamen videtur omnino concoctionem juvare is succus, quandoquidem non in *Gallinarum* dumtaxat, sed & in aliarum Volucrum ventriculis glandulæ illæ concavæ reperiuntur. Et cum illa pars plurimis arteriis & nervis semper instructa sit, fortasse ex nervis eo defluit, ut ex arteriis etiam, liquor aliquis subtilissimus, qui id quod diximus præstat.

32. Sunt etiam in aliorum animalium, hominumque intestinis plexus glandulosi, iis quos descripsimus per similes, nisi quod sint minores. Fortè utrorumque aut idem, aut similis est usus. Cumque homo aliaque animalia, ut *Castores*, glandulas ipsi ventriculo implantatas gerant; videntur eæ in *Gallinæ* aliarumque Avium ventriculis, extra sitæ esse, singulari de causa. Nimirum callositas interna membranæ stomachi, lapilli quæ in ejus sulcis occurrunt apices glandularum laderent, easque tandem attritu planè deleterent.

33. In ipsa *Mola* sunt musculorum, ut diximus paria duo, & membrana callosa, qua introrsum stratus & ventriculus. Cum muscoli motui membrorum sint comparati, credibile quoque est, musculos stomachi *Gallinarum* motui ejus, & terendis granis, inservire. Dum itaque musculus dextri lateris oblique deorsum movetur, musculus sinistri lateris sursum agitur & vicissim. Qui reciproca agitatione, aliquamdiu durante, effracto granorum cortice medulla exprimitur, & in farinam commolitur. Tum liquori è glandulis memoratis stillanti permixta, in pulvem tenuem ac liquidam abit; ex qua chylus in intestinis postea fit, futurum sanguinis & partium solidarum alimentum. Si accuratius inspicatur horum musculorum dispositio, aptissima



hisce effectibus edendis comperietur, quod brevitatís causa omittimus.

34. Musculi verò dorsum atque fundum ventriculi stipantes: contrario lateralibus fungi munere videntur. His enim callosam ac ferè corneam utrimque membranam conjungentibus, & sic interjecta grana adherentibus; illi sese, cum opus est, contrahentes superficies membranæ dimovent, ut hians stomachus cadentia ex infundibulo grana densò excipiat. Præterea superior, dum constringitur, infundibulum claudit, impeditque quo minus id quod mola injectum est regurgiet. Inferior verò contractus obstat quo minus esca, nondum satis concocta, in intestina decidat. Cum verò in pulsem redactum est alimentum, ita forte moventur ii musculi, ut id in intestina impellant.

35. Quis calli, aut corneæ duritiei membranæ usus sit, partim dictum est. Superior enim & inferior, impetu musculorum, inter se commissa grana frugum adherunt & frangunt. Sulcis etiam ac prominentiis quibusdam exasperantur, ut adtritio inter tot veluti scopulos vehementior sit. Adherentur quidem ipso ulu ex prominentiæ, sed fibris è membrana nerveo-tendinosa, suppullulantibus, sensimque obrigescentibus reparantur: quemadmodum adritos dentes reparari experientia constat.

36. Cavitatem, quæ est inter utramque membranam, recipiendo granorum, lapillorumque demisso comparatam esse res ipsa ostendit. Exigua proinde est, & instar rimæ, nec eo minus septa & constricta musculosis fibris, ne plus in eam ingeratur, quàm commodè simul digeri potest. Nimio infarcto cibo, musculis ab officio cessantibus, quandoque Gallinæ intereunt; quod extraordinario cibi pondere, aut simili violenta de causa fieri necesse est.

37. Ad id quod cavitare continetur quod adtinget, duplicis id est generis, esca nempe, aliæque quæ alere Gallinam non possunt, qualia sunt lapilli, frustula vitrea & ferrea. Neque temerè hæc videntur deglutire, quippe quæ sunt ad commolenda tritici grana adtritio aptissima. Nam non quosvis lapillos, aut calcem Gallinæ vorant, sed durissimos quosque, splendentes, & crystallinos, qui adherendo non ita facile consumuntur.

38. *Incerniculi* aut *receptaculi* nomine venit ventriculi fundum, Pylorus, cum suo antro & intestinis. In has enim partes comminuta alimenti massa concidit, & à fursure & admistis quisquiliis percolatione purgatur. Est autem Pylori sedes elata, & descensus ex eo mollior, ne frumentum è mola præcipiti lapsu excidat antequàm comminutum sit. Ob id limes etiam est interpositus, quo, ceu pariete intergerino, ne adtrita cum integris commisceantur provisum est. Fibrarum etiam dispositio ostendit ostium Pylori non semper diductis faucibus patere; sed aliquantum dumtaxat dehiscit, ne vel nimium uno impetu delabatur, vel quod nondum satis est subactum.

39. Cum per ventriculi partes sparserit Naturæ Opitex venas, arterias & nervos, horum usus quaritur, non qui communis est cum reliquis animalis membris, sed ventriculo singularis. Ventriculo venæ & arteriæ alimentum præbent copiosum, si-

ri enim nequit, quin perpetuo motu multum substantiæ suæ amittat, quam proinde oportet perpetuò reparari. Nervi spiritibus videntur implere fibras ventriculi, easque magis intendere, tum etiam perpetuò movere.

40. Hæc potissimum singularia observata sunt in Gallinarum ventriculo; cujus fabricam qui novit, simul intelligit dispositionem ventriculorum totius gallinæ gregis, Meleagridum, idem Anatum, Anserumque domesticarum & sylvestrium, in quorum stomachis similia cernuntur.

41. *Renēs*\* Columbarum, diligenter inspecti, deprehensi sunt constare singuli tribus glandulis rotundis, secundum longitudinem inter se conjunctis; per quarum extimam superficiem ductus fertur, qui in Intestini Recti extrema desinit, eoque vehit album quoddam, & liquidiusculum excrementum; quod mistum crassioribus purgamentis, per Intestinum eo delatis, simul egeritur. Atque hoc commune est omni Avium generi, cui cum desit Vesica, album illud corporis recrementum per Renes deferitur in Intestinum rectum, unde foras ejicitur.

42. Vas illud, quod in Renibus avium animadvertitur, illis est instar *Ureteris*: \*\* qui sic describitur ab iis, qui accuratius id lustrarunt. Per totam Renum concavam longitudinem vas quoddam excurret subalbum, à quo hinc inde rami prodeunt, qui sensim latiores, tubæ instar, facti, innumeras vasorum alborum collectiones admittunt à peripheria progressus; ita ut dubius hæreas, an hæc candentia vasa à pelvi, quasi digiti à manu, prodeant, an verò latiores sint pelvis portiones, in quas, ut in infundibula, copiosas illa vasa serositates urinæ effundant.

43. *Uteri* \*\* Gallinæ substantia est carnosissima & crassissima, pluribusque & majoribus plicis firmata. Figura ejus interna est ovalis, adeò, ut videatur esse *modulus*, ut loquuntur, in quo ovum eam figuram nanciscitur. Eo enim in loco ovum perficitur; albumine cingitur, & testa contegitur.

44. Est in superiore parte Uteri processus quidam, qui *Oviductus* vocari potest, ob causam quam postea videbimus. Is prout adscendit altius, sensim gracilescit, minoribusque & paucioribus plicis constat; donec tandem in membranas abiens infundibulum constituat, quod totum Ovarium complectitur. Quamvis contractus quatuor digitos transversos vix excedat, attamen explicatus tres Hollandicæ ulnæ quadrantes excedit. Unà cum Utero, membrana dorso alligatus est; ne loco motus, & implicitus aliis visceribus vitellorum transitum moretur, utque liber & apertus eos molliter excipiat.

45. Oviductus & Uterus duabus constant membranis, quarum exterior lævis, interior verò corrugata est, & multo tenuiùque albumine madet; unde vitellus descendens augetur, circumpositoque paulatim albumine perficitur. Hujusmodi est constitutio Uteri & Oviductus in Gallina, quæ etiamnum ova parit; sed in effecta, adeò minuti sunt, ut tenuissimas membranas referant, neque amplius flexuoso, sed recto ductu ad Ovarium tendant. Oviductus

\*Olaus Borrich in anatomia Columbe. \*\*M. Malpighius de Renibus. \*\*\*Regn. de Graef.



Atque etiam pars inferior ita in effertis clausa est, ut quæ prius ovis patuerat, ne vehementi quidem flatu aperiat.

46. *Ovarium*, sive locus in quo vitelli continentur, situs est infra jecur, ad spinam dorsii supra arteriam magnam descendentem. Nihil est præter membranam omni vasculorum genere laxè intertextam, in qua est infinita propemodum vitellorum multitudo, quæ in acervum conglomerata cernitur. Hi sunt rotundæ figuræ, & cujusvis magnitudinis, idque inter minimum & maximum interest discrimen, quod est inter granum sinapis, aut etiam decuplo minus, & fructum nucis juglandis aut mespili.

47. Hi autem vitelli, non sunt perfectorum ovorum loco habendi, sed tantum primordia, sive rudimenta ovorum; quæ in racemo eo ordine eaque magnitudine disposita sunt, ut quotidie ejecto ovo succedat alterum. Nullum enim ovum in Ovario cinctum est albumine, vitelli tantum cernuntur, qui prout mole augentur, è mediis aliis veluti erumpunt; ut liberius crescant, dum minora in medio racemo sub majoribus latent. Dum ita augentur singuli vitelli, præter tunicam propriam, aliam ab ovario mutuuntur, quæ illos extrinsecus complectitur; si eam partem excipias quæ remotissima est ab eo loco, in quo ovum veluti petiolo racemo adhæret. Hoc clarè liquet, si immisso in petiolum tubulo, flatu exterior tunica distendatur, quæ in ovis nondum sat maturis interiori arcte est conjuncta, in maturis verò ita dissolvitur, ut vitellus sua sponte cadat, aut contractis exterioris membranæ fibris expellatur. In Gallina delapsus ex

Ovario Oviductu excipitur, & per eum ad Uterum fertur; remanente exteriori tunica, cum petiolo racemo adfixa. Hæc autem sensim evanescit, quemadmodum in effertis Gallinis totum solet Ovarium, cujus loco nescio quid glandulosum remanet.

48. Postquam *Ovum* ad justam magnitudinem crevit, egerit à Gallina, quæ deinde ei debet incubare aliquamdiu, ut calore suo commoveat materiam quæ putamine continetur, donec paulatim veluti emergat pullus; quæ de re multi copiose scripserunt, quorum scripta integra, aut in compendium redacta habet *Ger. Blasius* ad calcem P. 2. *Anatomes Brutorum*.

## CAP. VII.

### De Animalibus perfectioribus, & potissimum de Homine.

Non est sat magnum inter Quadrupedes & Homines, ad corpus quod attinet, discrimen, ut de illis necesse sit seorsim agere. Itaque de humano tantum corpore agemus, & quæ de hoc dicemus, saltem potissima quæque, de reliquis perfectioribus animalibus dicta esse censi poterunt. Nec tamen plenam humani corporis Anatomiam tradere adgrediemur, res enim est majoris operæ, quam ut in hoc compendium inseri possit. Satis nobis erit, si quæ dicemus manuductionis loco hæc studia primum salutantibus esse possint.

## S E C T I O I.

### D E

### Structura Corporis.

#### §. I.

#### De Ossibus.

SI corpori carnem, omnemque molliorem substantiam detraxeris, remanet Systema ossium, seu *Sceletum*, quod dividitur in tres partes, *Caput*, *Truncus*, & *Artus* seu manus & pedes. Fig. 42.

*Caput* dividitur in *Cranium*, quod continet cerebrum, & *faciem*, quæ inter frontem, aures, & mentum porrigitur.

*Cranium* constat duabus laminis, quarum interior durior ac fragilior ac multis sulcis exarata. Inter has duas tabulas latet substantia spongiosa, medullarem suberuentum succum ad Cranii nutritionem continens, medullium hoc vocatur *Diploë*.

*Cranium* tribus suturis in partes distinguitur :

prima est *Coronalis*, quæ ab uno tempore ad alterum per transversum supra frontem excurrentes *os frontis*, cum *syncipitis* ossibus jungit secunda est *Lamboidalis*, quæ à basi *Occipitis* posteriore & inferiorem capitis partem constituentis ad utramque aurem oblique ascendit, & os occipitis à temporum ossibus & syncipitis distinguit, eademque conjungit. Tertia est *sagittalis*, quæ synciput per longitudinem summi capitis in duas partes dextram & sinistram distinguit.

*Cranium* proin dividitur 1. in *Os frontis* seu *Puppis*, quod in infantibus sutura sagittali ad nasi summitatem excurrente plerumque in duo dividitur. 2. In duo ossa *syncipitis*, superiore Capitis sede locata, ossibus frontis, occipitis, & temporalibus coherentia : habent figuram convexam & semicircularem. 3. In *Os Occipitis*, quod habet figuram triangularem à parte postica; habet novem sinus, duos processus majores, & quinque foramina. 4. In *Ossa*

*Tem-*



*Temporum*, quæ utrinque laterales capitis regiones occupant; exterior pars vocatur: *Os squamosum*; interior, auditus organum continens, vocatur: *Os Petrosus* & *Lapidosum*. Ossa temporum habent figuram semicircularem, duos sinus, & duos processus; horum primus externus *Processus mammillaris* vocatur. alter externus ab auris meatu antrorsum fertur, & per suturam oblongam cum esse maxillæ superioris jungitur, & vocatur: *Os jugale*. Tertius internus *Petrosus* continens organum auditus; in eo latent tres cavitates *Tympanum*, *Labyrinthus*, & *Cochlea*, necnon quatuor ossicula, *Incus*, *Malleus*, *stapes*, & *os orbiculare*.

Ad *Cranium* refertur 1. *Os Cuneiforme*, situm est in media capitis basi, eique ossa *Cranii*, & maxillæ superioris undique circumstant, habet varios processus, sinus, & foramina. 2. *Os cribrosum* in media frontis basi inter utriusque oculi convexam partem situm; natium summmitati incumbit & ossi frontis, & maxillæ superiori jungitur.

*Faciem* maxima ex parte constituunt: 1. *Maxilla superior*; quæ inferiores, & laterales orbitæ oculorum partes necnon nares, palatas, palatum, ac dentium superiorum ordinem comprehendit. 2. *Maxilla inferior*, quæ mobilis est. Habet duos processus, intus cavitates, quatuor foramina, varios sinus, & alveolos pro dentibus. 3. *Dentes*, durissimam nocti substantiam, nonnisi aliquot postnativitatem mensibus erumpunt. circa septimum & octavum annum permutantur; succedentibus novis crescunt toto vitæ tempore. Plerumque quindecim aut sexdecim in singulis maxillis reperiuntur; *incisores* sursum & deorsum interdum tres, interdum quatuor sunt; sequuntur *acuti seu Canini* duo utrinque à lateribus; qui falsò creduntur cum oculo habere connexionem. Reliqui sunt *Molares*.

In secunda *Sceleti*, parte seu *Trunco*, consideranda veniunt *Vertebra spina*, *ossa sacrum*, & *Couygis*, *Costa*, *Sternum*, *Clavicula*, *Scapula*, & *ossa innominata*.

Compages vertebrarum *spina dorsi* vocatur; singulæ constant uno osse ad faciliorem motum cartilagine invertito; in medio excavantur ad descensum medullæ spinalis, septem habent processus numerantur autem totius spinæ vertebræ viginti quatuor, scilicet colli septem, dorsi duodecim, lumborum quinque; quibus fundamenti instar subjicitur *os sacrum* cum suo appendice osse *Couygis*.

*Os sacrum* sub vertebris consistit immobile, atque basis instar molem sustentat; eo quinque sexve ossibus vertebrarum æmulis constituitur, quæ in angustum paulatim contrahuntur.

*Os Couygis* sacro ossi instar appendicis adhæret, eique mediante glutinosa cartilagine nexu admodum laxo conjungitur. Usus ejus est, sustinere rectum intestinum.

*Spina* è superiore parte adherent *Costa* thoracem obvallantes, osses sed intus spongiosæ,

curvantur instar arcus, numerantur utrinque duodecim; quæ perveniunt ad *os sternum*, vocantur *Costa vera*, reliquæ *spuriæ* seu *mothe*.

Usus costarum est servare thoracem & supremam infimæ ventris partem. 2. Eadem ab injuriis defendere. 3. Respiratorios musculos sustinere, iisque inservire.

*Os Testoris*, quod *Sternum* dicitur, quia in medio costarum sternitur, est substantiæ fungosæ; in modo natis ex octo ossibus cartilagine junctis compactum esse liquet; infimum *os Cartilago mucronata* seu *ensiformis* dicitur; frequenter extrorsum, nonnunquam introrsum incurvatur non sinè ventriculi ac vicinarum partium damno &c.

*Clavicula* scapulam cum sterno claudunt ac firmant; sunt duo ossicula quorum utrinque unum transversim pectori superiori imminet inter humeri articulum, & ossis sterni summmitatem; est substantiæ fungosæ; figuræ flexuosæ; serviunt ad firmiores brachiorum motus; hinc in brutis deficiunt.

*Scapula* utrinque una costis dorsalibus superioribus instar scuti incumbit; estque os latum ac tenue, & quodammodo triangulare, intus nonnihil concavum, exterius gibbum, ad humeri tutam cum clavicula articulationem & musculorum implantationem comparatum. Sita est inter primam & quintam thoracis vertebra; habet tres Processus.

*Ossa innominata* vocantur duo, quorum utrinque unum ossis sacri lateribus, intercedente cartilagine per ligamentum validissimum connectitur; construuntur autem singula tribus ossibus *Ilio*, *Coxendice* & *Pubis*.

*Os Ilium*, cui ab ileo intestino ei proximo nomen impositum superior & latissima ossis innominati pars est; insignem habet amplitudinem nonnihil concavam.

*Os Coxendicis* vel *Ischium* est inferior & exterior ossis innominati pars eaque crassa & firma; in hoc ampla & profunda cavitas reperitur; *Acetabulum* & *Pyxis dicta* intrâ quam globosum femoris caput reconditur, è qua si excidat, luxatio fit.

*Os Pubis* vel *Pectinis* anterior & tenuior ossis innominati pars; Tertia pars *Sceleti* sunt *Artus* pedes & manus, quæ constant *humero*, *cubito*, & *extremis manibus*.

*Os Humeri* unum est, magnum, validum, teres, & inæquale, parte postica versus cubitum nonnihil depressum & planum articulatur cum scapula, & cubito. *Cubitus* componitur duobus ossibus, sibi mutuò accumbentibus, ita ut extremitates conjungantur.

*Manus extrema* distinguitur in *Carpum*, *Metacarpium*, & *digitos*. *Carpus* est superior pars octo constans ossiculis. *Metacarpium* quatuor constat ossibus *digitorum phalanx* adnumerato pollice quindecim absolvitur ossibus, quippe singulos tria ossa perficiunt.

*Femur* constat unico osse robusto, laxo nexu superiori capite inseritur *Coxendici*.

*Femori*



*Femori* subiecitur *crus* constans duobus ossibus, quorum primum amplum ac validum vocatur *tibia*; innectitur femori, & extenditur usque ad talos. Alterum cruris os vocatur *fibula* est debilius ac tenuius; capite superiore usque ad genu non asurgit, sed infra tibie appendicem subsistit.

*Ossium pedis extremi* tres sunt classes *Tarsi* seu *Pedii*, *Metatarsi* seu *Metapedii*, & *digiti*. *Tarsus* septem constituit ossibus, quorum primum *Astragalus* seu *Talus* appellatur ex capite superiore tibie sinum inferiorem ingreditur. Secundum os est *Calx* seu *Calcaneus* os tarsi maximum, ob longum, versus posteriora protensum ut homo firmitus talo insisteret. Omnia tarsi ossa validis ligamentis sibi invicem, & vicinis ossibus connequantur *Metatarsum* quinque perficiunt ossa valida & fistulosa, in medio à se invicem sejuncta, sursum raso, deorsum digitis excipiuntur. *Digitorum pedis* numerantur ossa quatuordecim è quibus duo pollicis ossa magnitudine excellunt; ceteri digiti tribus constant ossibus.

Præter ossa enumerata reperiuntur adhuc ossa *Sesamoidea*, minima quædam ossicula rotunda, intus fungosa, maxime in hærent tendinibus musculorum ad articulos ossium reliquorum.

Advertendum, etiam in infantibus plurima ossa nondum apparere, aut ea tantum esse cartilaginea usque ad suam ætatem.

Ad ossa referuntur *Cartilago* & *Ligamenta*. *Cartilago* est substantiæ lævis ac flexilis. Non habet medullam; sed tamen in os convertitur; ejus usus est. 1. Ut copioso lubrico humore partibus conciliet facilem motum. 2. Ut ossa conjungat. 3. Ut solidorum impetum eludat. 4. Ut partes ab injuriis externis defendat. 5. Ut prominentias suppleat, & cavitates majores efficiat. *Ligamentum* est solidæ ac albæ substantiæ inter membranam & cartilaginem mediæ, lævæ & flexilis; ambit ferè omnes articulos eosque connequit; est pro partium colligendarum diversitate variæ figuræ.

Si jam consideremus totum hoc sceletum, vitæ, & quidquid humanum est, fundamentum; videbimus, quod oriatur & occidat, & in serie infinita motuum vix portionem habeat; subiecitur legibus universi, quas patitur plerumque sibi adversas, necesse est; totum quantum est, de se nec agit, nec sentit, nec beatum nec miserum dici potest. Hæc ejus aptitudo, posse ordinari ac regi; posse moveri, & ad aliquam seriem transeuntium rerum applicari; non ad quietem & fruitionem, sed ad inquisitionem comparatum est; sceletum quamdiu durat, tamdiu durat inquisitio; & nisi quis felicitatem in aliquantula serie ac affluxu rerum transeuntium constituere velit, planè hoc humanum sceletum non est domus sed specula ruitura querendæ, & machina interitura rapiendæ beatitatis.

## S. II.

### De Nervis, Musculis, Fibris, & Membranis.

Cum sceletum ratione sui nec agere nec moveri possit, omnibus ossibus funes alligari debent. *R. D. Euseb. Amor. Philosophia.*

buerunt, quibus possent moveri; funes hi sunt *Nervi*. Et quia funium multitudo ac crassities non conveniret simplici humanæ machinæ; ideo funibus inferi debuerunt tenuiores, breviores, ac subtiliores funiculi; funiculi hi sunt *fibræ*. Et quia funes non movent, nisi per attractionem, ubique in toto corpore funes cum funiculis ita connecti debuerunt ut facile attraherentur; naturæ placuit attractione illam obtinere per intumescientiam funiculorum seu fibrarum sicut & mechanica novit attollere ingentia pondera per funium humectationem & inde consequentem turgescientiam; quare toto corpore undique disposuit certos quosdam fibrarum plexus, quorum intumescencia ad nutus sequeretur attractio ac motus ossium. Plexus illi vocantur *Musculi*. Denique quia decuit instrumenta motus servari ab injuria libera, ossa, & musculos vestivit natura *Deus membranâ*.

Igitur *Nervi* sunt substantia alba densa, constans fig. 43. ex multis filamentis tenuibus, sibi invicem per membranulas connatis; nulla conspicua cavitate, sed poris subtilissimis ad spirituum animantium transitum prædita. Magnitudo nervorum varia est, pro organorum ad quæ excurrunt, & actionum diversitate; omnes oriuntur è medulla cerebri oblongata, tam intra cranium, quam in spinæ cavitate contenta; ex illa autem medulla egrediuntur per foramina cranii, & vertebrarum, sed non omnes eodem loco; alii inferius, alii superius. Usus nervorum est spiritus animales ad partes deferre, ut per eorum influxum sentiant & moveantur; inseruntur propterea musculis & membranis: quare sunt motus instrumentum mediatum; nam & ipsi nervi simul cum membris tantum moventur per musculos.

Numerantur nervorum paria seu conjugationes triginta novem, cum uno nervo impari; scilicet novem paria è medulla cerebri intra cranium orta; triginta extra illud è medulla spinali per foramina vertebrarum prodeuntia nempe cervicis paria octo; thoracis duodecim, lumborum quinque; ossis sacri quinque; huic numero adjiciendus est nervus sine pari exiens è fine spinalis medullæ. Quantum ad nervorum divaricationes ut & ramulos numerus est incomprehensus.

Primum & secundum par nervorum cervicis in musculos colli & occipitii, inque cutem faciei & capitis absumitur: Nervi brachiorum oriuntur è spinali medulla per communia vertebrarum foramina, in quodvis brachium feruntur nervi sex;

Nervi crurum & pedum à lumborum quatuor paribus inferioribus, & ossis sacri tribus superioribus propagantur.

*Musculus* est compositum è fibris, carne, arteriis, venis, nervis, tendine, & membrana. Nervus ingreditur caput musculi ut per eum diffundat spiritus; tendo annectitur caudæ, ut illius ope fiat attractio. Arteriæ, venæ, & membranæ tantum serviunt ad conservationem ac nutritionem musculorum, non verò ad eorum actionem immediatam.

*Musculi* multis modis variant, ratione substantiæ, quod alii sint carnosii alii membranosi, vel seminervi. 2. Ratione quantitatis, quod sint crassi, tennes, longi, breves, lati, rotundi. 3. Ratione figuræ, quod figuram habeant teretam, planam, cucullarem, &c. 4. Ratione sitis, quod sint



sint interni, obliqui, recti, orbiculares, & transversi. 5. Ratione *orthis*, quod ab ossibus, cartilaginibus, aut tendinibus enasci dicantur. 6. Ratione *implantationis* quod alii uno, alii gemino, vel triplici tendine enasci dicantur. 7. Ratione *coloris*, quod sint rubentes, candicantes aut lividi. 8. Ratione *coalescentiæ* quod alii cum hac illave parte, alii cum uno aut pluribus aliis musculis coalescant. 9. Ratione *usûs*, quod alii sint flectentes, alii extendentes adducentes, vel abducetes, levatores depressores, vel rotatores.

Musculi capitis sunt universim nonaginta novem; motus totius capitis quaquaversum peragitur novem musculorum paribus; musculi, qui partes capitis movent varii sunt: frontis duo, palpebrarum quatuor, oculorum duodecim aurium octo, membranarum tympani quatuor, nasi octo, buccarum & labiorum quindecim, maxillæ inferioris decem, linguæ decem, ossis hyoidis octo.

Simili ratione musculi per omnia membra distribuuntur, quorum tamen situm, actionem, & connexionem præstat magis tunc considerare, quando ad eos nos ordo operationum detulerit.

Igitur sceletum vestitum nervis & fibris necdum sedes beatitudinis dici potest; motus hæc omnia, non quietis instrumenta sunt, quantumcunque tempore sunt. Siquid nobis cum motu beatitudinis aut voluptatis advenit, illud quoque cum motu aufugit; & utinam cum harum partium motu voluptas & dolor æqua portione permixta essent; plus semper in omnibus imperiis aut dolor aut certe vacuitas voluptatis obtinuit; igitur hæc omnia ut instrumenta ulterius ordinari necesse est; si non ordinantur, possibile quidem est quiescentem aliis hominibus minus esse miserum; cum aliquando beatum fore, impossibile est.

### S. III.

#### De vasis ad operationes vitales inservientibus.

Cum sceletum nervis, fibris, ac musculis investitum aptum esset ad varios motus, etiam principium movens advenire debuit; illud principium immediatum sunt spiritus animales, substantia quædam subtilis, fluida, ac mobilissima, quorum affluxu muscoli turgescetes movent: iidem spiritus ubicunque sunt, sensum tribuunt, ubi verò desunt, sensus pariter deest, ut patet in apoplecticis, sunt igitur animæ directricis nuntii, legati, ac referendarii; referunt animæ statum totius regni animalis in corpore: iidem iussa animæ exequuntur intra limites & vias definitos; à quocunque hi motus spirituum proveniant, sive ab anima assistente directrice, sive à legibus naturæ pro diversis circumstantiis diversimodè omnia ordinantis, constat tamen eos sensationum & operationum vitalium instrumentum esse immediatum; Hinc vasa quædam in homine parari debuerunt, in quibus

conservarentur, repararentur, perficerentur, ac dirigerentur, quæ proin vasa, eorumque cum spiritibus, musculis, fibris, ac nervis connectio considerari debet.

Præcipuum in quo spiritus generantur, conservantur, & diriguntur est *cerebrum*; Cor autem cerebro ministrat sanguinem aptum ad spirituum generationem materiam per arteriam *Carotidem* & *Cervicalem*.

*Cerebrum* est substantiæ albæ, humidæ, ac mollioris, filatæ, ex innumeris filamentis contextæ ut maximè in plicibus observare licet. Involvitur aliqua membrana, quæ vocatur *dura Mater* vel *Meninx* sanguis partim unâ cum arteriis, partim per poros effusus cerebrum ingreditur. Sanguinis per dictas arterias in cerebrum infusum, & in spiritus excocti residuum in Meningum, & venas, & sinus deponitur, ad jugularium venarum ramos internos, indeque ad cor deferendum. Nullum nervum, nullum etiam motum habet, excepto, quod arterioso fervidoque sanguine corde per arterias in substantiam ejus impulsio mox dilatetur per Systolem, eodemque sanguine refrigerato, per Diastolen mox iterum concidat; hic motus servit ad hoc, ut recipiat arteriosum sanguinem, residuumque ad Meningem & venas propellat.

Dividitur *cerebrum* in dextram, sinistramque regionem intercedente duræ Meningis falcata duplicatura. Hoc cerebrum expanditur à fronte per synciput; habet præcipue quatuor cavitates, quæ vocantur *Ventriculi*, in quibus recipitur aliquis plexus fibrarum è subtilissima membrana à pia matre producta, plurimis minutis glandulis & vasculorum ramulis contextus; vocatur *choroides*; desert hic plexus in cerebrum serosas & pituitosas partes ad spirituum animalium confectionem; recipit partes inutiles, easque separat, ac ad glandulas nasium, & oris desert. In tertio & quarto ventriculo à parte posteriore sitis reperiuntur duo meatus ad infundibulum, & glandulam pituitariam tendentes: duo oblongi monticuli ex plurimis fibris & stivis compositi, è quibus egrediuntur nervi optici: dantur ibi etiam quatuor protuberantiæ, superiores vocantur *Nates inferiores testes*; constant innumeris tenuissimis fibrillis, & sunt principium medullæ oblongatæ. Inserviunt visui, quia ex iis egrediuntur nervi visorii. Versus quartum ventriculum reperitur *glandula pinealis*, pini turbinato fructui similis; est substantiæ duriusculæ, quæ tamen citò flavescit, & in cadaveribus humanis nonnihil colliquata vix apparet; membrana tenui & sublutei coloris involvitur, mucrone suo sursum seu potius antrorsum spectat; basi insistit substantiæ cerebri: superius plexu choroidis contegitur & vena per medium choroidis decurrente, nonnunquam in ea repertæ arenæ; usus ejus ignoratur.

In posteriore & inferiore calvariæ parte, scilicet intra *Occipitis* amplos sinus reconditum est *cerebellum*, quasi parvum & privatum cerebrum dictum; medullæ oblongatæ unitur; infima sede



sede spinali medullæ committitur; non differt à cerebri substantia, nisi quod sit firmior; spectantur innumeræ lamellæ frondes, ramique arborum immixtis arteriis, per quas sanguis ei affunditur. Arabes ob maiorem ejus densitatem in eo memoriæ sedem constituerunt; in inferiore ejus parte retegitur quartus ventriculus, quem *Cisternam* vocant.

*Medulla oblongata* vocatur medulla, quamdiu intrâ Cranium detinetur; ubi verò in fistula spinæ recipitur, usque ad os sacrum porrecta, vocatur *spinalis*; in ejus dissectione punctula sanguinea passim apparent; est fibrosa, quasi ex innumeris filamentis contexta; ab hac medulla omnes nervi originem sumunt; intrâ Cranium habet sinum instar calami scriptorii partem inferiorem quarti ventriculi constituentem, quo usque ad mediam ferè crassitiem manifeste dividitur in dextram, sinistramque partem; obducitur duabus membranis, sicut cerebrum; illæ innumeris arteriis respersæ sunt, per quas sanguine vitali perfundantur; residuum sanguinis per venas absorbetur & ad cor denuo defertur.

Ex cerebri medulla globosa oriuntur *Processus Papillares* vel *mamillares* intus cavi, ad evacuationem servientes. E medulla oblongata oriuntur *Nervi optici*, qui constant filamentis sunt intus cavi, post conjunctionem in media via iterum separantur. Ex eadem oriuntur duo nervi oculum moventes, & olfactorii, gustatorii, auditorii, & vocales, sex recurrentes, quorum caput tamen in larynge est, & linguam moventes.

Itaque cerebrum ita comparatum est, ut qualitate sua specifica à sanguine dissolvere possit partes falsas & sulphureas, ex quibus dein fiant spiritus animales quaquaversum mittendi.

46. *Cor* præcipuum pariter spirituum vitalium principium, in medio thoracis suspensum est; est substantiæ firmæ fibris intertextæ habet figuram pyramidalem inversam; tunica propria tenui ac valida investitur; in adultis plerumque sex digitis longum, quatuor latum est. Cingitur per modum coronæ à vasis coronariis, seu *Arteriis & venis coronariis* quæ etiam ramos à basi usque ad conum demittunt, serviunt ad nutritionem extimarum cordis partium; non constat à corde recipi aliquos nervulos, hinc neque constat, an aliquid sentiat.

Cor perpetuò movetur contractionis & dilatationis, qui motus vocantur *systoles* & *diastoles*: habet enim cor intus cavitatem, intrâ quam per orificium recipit guttas sanguinis; compressione verò facta eas denuo per alterum orificium emittit; in quem finem comparatæ sunt in corde valvulæ duæ, quæ impediunt regressum sanguini; non autem egressum. An ille motus cordis proveniat à spiritibus animalibus per nervos modò in internas modò in externas fibras influentibus, an à sanguinis in cordis ventriculis fermentatione, rarefactione ac dilatione, an à subtili aura æthereâ, an à spiritu quodam sanguinis, an à

respiratione pulmonum incertum est. Hic motus servit ad sanguinem per arterias in omnes partes corporis propellendum ut sic sanguinis partes aliquæ in spiritus. aliæ verò in substantiam aliti convertantur, reliquæ verò partes denuo ad cor redeant, circulatione perpetua perficiendæ.

Partes Cordis sunt *Auricula dua* seu orificia duo, unum in dextrum cordis ventriculum excipiens venam Cavam; alterum in sinistrum cordis ventriculum excipiens venam pulmonariam; sunt substantiæ nervosæ, contrahuntur & dilatantur ut cordis ventriculi, sed diverso tempore. nam cum diastole ventriculorum semper concurrat systole auricularum; præparant sanguinem in ventriculis recipiendum, & fortè sunt ejus mensura.

Habet etiam Cor *ventriculos duos* dextrum & sinistrum distinctos *septo medio*, carnoso, crasso, ac denso in his ventriculis sæpe generantur peregrina corpora, frustula adiposa &c.

Ventriculis cordis adherent quatuor magna vasa, scilicet vena cava, arteria pulmonaria, vena pulmonaria, & arteria aorta. *Vena cava* magna recipit chylum, & sanguinem ex omnibus venis totius corporis, eumque infundit in dextrum cordis ventriculum; exinde sanguis extruditur in *arteriam pulmonarem*, quæ eum devehit in pulmonem plurimis ramulis; sanguis ita in pulmonem effusus absorbetur à ramis *venæ pulmonariæ*, indeque ad sinistram cordis ventriculum defertur, è quo expellitur denuo in *Arteriam magnam* seu *aortam*, omnium arteriarum, excepta pulmonaria & trachea, radicem.

Patet itaque, qua ratione in corde materia ad spirituum generationem apta præparatur, & per Aortam, indeque per Carotidem in cerebrum propellatur, unde ope spirituum tota machina motibus arbitrariis naturæ, aut animæ rectori moveatur.

At quàm ostendunt hæc duo præcipua vitæ, & operationum vitalium vasa, sedem beatitudinis in corpore collocari non posse; læsis enitè his duobus vasis statim omnes motus & vita concidunt; è filamentis fortè tenuissimis etiam cor, non tantum cerebrum constat; si proinde penderet felicitas universa, si à corpore deperderet; & quis hominum est, cui harmonia horum suorum felicitatis instrumentorum perpetuò suaviter canat? in infantia disciplina jûgo flecti necesse habet: in juventute præparantur ad laborem, in virili ætate laborant, in senectute infirmantur; omni tempore elementorum inconstantia, hominum malitia, calcar cupiditatum, ædium ipsius voluptatis turbat machinæ tranquillitatem; sequitur proinde miseram esse hominis conditionem, ac non nisi ad majores misérias destinatam, siquidem in hac tantum vita sperantes foremus.



## §. IV.

*De vasis ad conservationem hominis conducentibus.*

**H**omo ossibus, funibus, & spiritibus motricibus superstructus necessario à corruptione præservari debuit; cumque author naturæ videret in elementis ambientibus multas contineri partes nocivas humanæ machinæ, eam undique carne circumtexit; dein verò, cum videret partes hujus machinæ ab ipso eorum motu atteri, ac consequente exindè motu dissolvi, ad reparationem earundem partium vasa quædam per corpus disposuit, per quæ alimentum intus sumptum undique distribueretur, & ut alimentum hoc debitè præpararetur, alia vasa disposuit, in quibus partes alimenti utiles ab inutilibus lecerentur, ac perficerentur.

fig. Inter hæc vasa primùm considerari potest *Stomachus*, in inferiore trunci parte immediatè sub thorace ac pectore suspensus; incumbit spinæ ad primam lumborum vertebra; est sacculus constans triplici membrana, exteriori crassa, interiori rugosa, media fibris variis in orbem, obliquum & rectum exporrectis distincta ad ciborum retentionem & expulsionem servientibus, figuræ est oblongæ, in homine est unicus.

Dividitur in fundum seu cavitatem & duo orificia, sinistrum ex superiori parte, & dextrum ex inferiori. Sinistrum proprio nomine appellatur *Stomachus*; situm est circa undecimam thoracis vertebra, ibique cibos admittit. Dextrum vocatur *Pylorus*, quod per ascensum in loco elato cibos ad intestina expellit ope fibrarum.

*Nervos* recipit à sexto Nervorum pari; hi scinduntur in duos ramos exteriorem & interiorem; externi mox simul coeunt, & in unum nervum coalescunt qui stomachum interiorem, partemque ventriculi superiorem multis propaginibus perreptat. Interni etiam simul concurrentes unum nervum constituunt, qui ventriculi fundum circumdat, plurimasque fibras in illud mittit per hos nervos copiosi spiritus ad ventriculum defluunt, tribuuntque ei acutum sensum, itemque tribuitur fibræ vis se contrahendi. Reperitur etiam in ventriculo arteria, quæ in illum deferit sanguinem alimentarium; sanguis residuus absorbetur à plurimis venarum ramis, qui in quatuor venas *Gastricam*, & *ramum pyloricum*, seu vas venosum &c. coeunt illam deferunt versùs hepar. Aliqui credunt per hoc vas venosum à liene deferri in ventriculum acidum quendam succum ad cibi appetentiam excitandam.

*Officium* stomachi est, ut cibum ab ore receptum coquat in chylum seu pulmentum, aut succum lacteum; cibis proin ope fermentationis, aut liquoris dissolventis dissolvi debet. Liquor dissolvens vocatur *Gastricus* isque vel la-

tet in glandulis stomachi vel aliunde advehitur; fames excitatur à particulis acerbis fermentaceis ventriculi tunicæ adhaerentibus; qui ubi nihil ad corrodendum inveniunt, membranam vellicant. Fermentationem promovent saliva & bona mastucatio, & convenientes liquores pro diversitate subjectorum diversi; nil interest, quis cibus ante alium sumatur, quia omnia confunduntur. Chylus ita præparatus deferitur ad intestina.

Dextro ventriculi orificio *Pyloro* continuantur *Intestina* membranacea chylo ducendo, fœcibusque continendis & emittendis destinata: eorum longitudo sexies circiter æquat longitudinem hominis cuius sunt; ea longitudo servit ad hoc, ut chylus in iis flavæ bilis & succi pancreatici admixtione melius fermentaretur; sicque subtiliores partes à venis lacteis absorberentur; resperguntur variis fibris, nervis, arteriis, venis. Habent motum peristalticum à contractione fibrarum versùs inferiora, qui tamen motus aliquando mutatur versùs superiora.

Dividitur intestinum in *Crassum* & *tenuis*; tenue umbilicalem regionem occupat, & dividitur in *duodenum*, *Jejunum*, & *Ileon*; *duodenum* *Pyloro* continuum à duodecim digitorum mensura ita denominatur vestrum dextrum renem reflexum, ac latiori pancreatis extremitati adhærens, vertebis lumborum & reni sinistro per ligamenta membranacea connectitur ac deorsum sub colo definit.

*Jejunum* ita dictum, quòd plerumque vacuum reperiatur tum propter lacteorum vasorum illud ingredientium maximam copiam. tum propter chyli à bile succoque pancreatico per suos ductus proximos proximè influentibus promptiorem effervescentiam seu à fœcibus separationem & in vasa lactea ingressum; longitudine duodecim palmos circiter æquat; multis gyris intortum sub pancreate prope spinam in umbilicali regione, imprimis versùs sinistram latus situm est.

*Ileon* seu *volvulus* à circumvolutione ac gyrorum multitudine dicitur; sub umbilico ad ilia & coxas utrinque situm longitudine circiter viginti duos palmos æquat.

Intestinum *Crassum* insequens dividitur in *cæcum*, *Colon*, & *Rectum*. *Cæcum* longitudine æquat quatuor digitos, ejus usus ignoratur. *Colon* maximè cavum, novem palmos longitudine habet; incipit circa os Ilium dextrum; proximo ibidem reni se jungens hinc sursum assurgit, & facto sub jecore flexu, & transversim sub fundo ventriculi pergit, & à sinistris lieni renique sinistro tenuibus membranæ adhæret; circa jecur à transudante per folliculum testis bile luteo colore tingitur. Superiora ventris occupat ut fœces collectæ facilius excernantur & ut coctionem ventriculi suo calore adjuvet; in hoc Colo fœces detinentur hunc in finem plurimas cellulas fœcum remoras obtinuit. *Rectum* intestinum in coxarum antrum declive recto ductu descendens in ano definit. Unius & dimidii palmi-



mi longitudinem ac circiter trium latitudinem habet; crassitie omnia intestina superat; ossibus sacro & Coccygis adhæret; atque in viris radici penis, in mulieribus utero mediante musciosa substantia connectitur; finis ejus *anus* seu *podex* dicitur; habetque tres musculos, unum *sphincterem* constringentem; duos *Levatores* seu relaxantes.

*Mesenterium* est membranosa pars in medio ventris inferioris sita, non solum vasis ad intestina deducendis, ac abducendis dicata, verum ipsa etiam intestina omnia ferè colligans, ne multiplices eorum gyri, cum valetudinis vitæque periculo confundantur & intricentur, in plicas innumeras contrahitur; exoritur circa supremam & tertiam lumborum vertebra quibus nexu admodum firmo cohæret; glandulas habet plurimas exiguas & molles, per quas venæ lacteæ transeunt ut chylus succo acidulo perficiatur; modò non nimia acedine coaguletur.

*Nervos* recipit ab internorum nervorum sexti paris plexu, atque hinc in membranosa sui parte satis sentit; *arterias* recipit à ramo arteriæ magnæ mesenterio dextro sinistroque; *venas* obtinet plurimas inter membranas ejus decurrentes.

*Mesaraicas* dictas; hæ sanguinem per arterias ad mesenterium impulsam in portæ venam infundunt, inde ad hepar deferendum.

*Pancreas* est corpus globulosum laxum & informe ad primas lumborum vertebra sub posteriore parte ventriculi ejusdemque fundo situm, membrana tenui investitum; figuram habet oblongam & depressam; latiore sui parte hepatis confinia accedens; circa primam lumborum vertebra ventriculo substernitur, meatumque bilarium ac portæ truncum includens duodeno intestino jungitur; hinc lienem versùs extenditur, & sensim attenuatur; substantia ejus tota glandulosa est, constatque ex multis quasi nodulis seu globulis per intercedentia vasa, plurimasque fibrillas coherentibus; color est pallidus; frequentissimè longitudine trium aut quatuor digitorum, latitudine duorum cum semisse nervis exilibus donatur à sexto pari, *arterias* recipit ab arteriæ cœliacæ ramo sinistro; *venas* ad rami splenicum prope portam emittit in ejus medio reperitur unicus ductus cujus orificium hiatu mediocriter amplo in duodenum, quatuor circiter digitorum à Pyloro intervallo, aperitur per hunc ductum pancreaticum manifestus liquor sublympidus & quasi salivofusus nonnihil austerus ac leviter subacidus in duodenum emittitur, ubi per causatam effervescentiam in alimentis partes chyli utiles ab inutilibus separat.

*Vasa lactea* sunt vasa tenuia pellucida, simplicia tenuia donata, per mesenterium dispersa, numero infinita, chylo vehendo dicata; ab intestinis versùs magnam Mesenterii glandulam progrediuntur, inde mox ad magnum chyli receptaculum sub glandula illa latens desitura; multas obtinent valvulas, chyli ab intestinis introitum admittentes, regressum impediunt; quòd chylum ex intestinis ferant, cernere licet, si ali-

quot post pastum horis inspiciantur. Recipiunt chylum per ejus effervescentiam aut compressionem intestinorum.

*Ductus thoracicus* est vas è lumborum regione, secundum spinæ dorsi longitudinem, usque ad venam subclaviam extensum, per quod chylus è lacteis mesentericis in hoc effusus, cum eoque lymphæ ad subclaviam venam deferuntur.

*Receptaculum chyli* est hujus ductus origo seu principium ipso ductu multo capacius; hujus receptaculi situs est sub cœliaca & emulgentibus circa lumbares vertebra; interior cavitates interduos digitorum anteriorum articulos capit; in hoc innumeri rami lactei, & vala lymphatica se exonerant.

*Ductus thoracicus* tenui ac pellucida membrana sicut & ipsum receptaculum constat, spinæ circiter mediæ incumbens circa quintam & sextam thoracis vertebra versùs sinistram latem deflectens ad subclaviam ascendit, ibique sex circiter foraminulis aperitur, in interiore subclaviæ cavitate unâ latiusculâ valvulâ contextis, per quam chylo regressus intercludatur. In humano corpore interdum duo vel tria reperiuntur chyli receptacula, & tunc totidem ascendunt ductus thoracici, qui in progressu uniantur. Ipse ductus habet interius multas valvulas regressum chylo intercludentes, hic ductus non facile apparet quando est chylo vacuus. Chylum ad subclaviam deferri, ex eo patet, quòd ductus in vivis animalibus ligatus infra ligaturam intumescat, superius flavescat; & si lac infundatur chyli receptaculo, illud cernitur in subclaviam, ac inde in dextrum cordis ventriculum deferri, & è corde per vulnus infictum effluere; nec est ratio, cur dicatur aliqua pars chyli aliò deferri, licet in prægnantibus aliqua pars ad uterum pro foetu, & in lactentibus aliqua pars pro alimento infantis deferatur.

*Vasa lymphatica* constant ex pellucida ac tenuissima pellicula, liquorem quandam tenuem, pellucidum ad vasa chyli fera & venas deferente. Numerus eorum innumerabilis est; habent valvulas progressum lymphæ permittentes, regressum impediunt; oriuntur ex glandulis, ubique in corpore aliquæ sunt plurimæ egrediuntur ex hepate, ex liene, ex pulmone &c. quæ non solum in receptacula chyli, sed etiam in venas aperiuntur. An verò *lymphæ* sit aqua à nutritione residua, an sit sanguinis halitus concretus in rorem, an sit spirituum animalium coagulum ope acidi in glandulis reperti, an sit succus alimentarius nervorum, membranarum, tendinum, venarum &c. an sit liquor fermentaceus ex serosa sanguinis parte in glandulis conglobatis separatus: late fuso ac volatili perfusus, & nonnullis sulphureis particulis imprægnatus, pro certo determinari non potest.

*Hepar seu Jecur* est viscus in dextro hypocondrio sub diaphragmate situm vastæ magnitudinis, incumbens dextro ventriculi lateri; est substantiæ mollis & rubicundæ, instar concreti sanguinis. Colorem tantum mutuatur à copioso sanguine ei infuso, suspensum connectitur diaphragmati.



phragmati. *Nervulos* recipit exiles quatuor, duos à sexto pari, tertium à stomachico, & quartum à costali. *Arteriolas* obtinet exiguas à cœliaco ramo; *Venas* habet duplices superiore parte vena cava ei annectitur, in quam plurimæ radices per ejus substantiam quaquaversum dispersæ sanguinem exonerant; hic radicibus inferiore parte occurrunt ramuli venæ portæ, qui similiter per totum parenchyma decurrunt. His valis adjungitur *porus biliaris*, qui per hepatis dispergitur innumeris radicibus, bilem è sanguineo fermento separatam suscipientibus, quibus adhuc intermischentur aliæ tenuissimæ radices postea simul cœcutes, & uno tubulo biliaris ad vesiculam felleam deferentes. Verùm hepatis officium est, sanguinem sulphureo rore humectare, atque unâ cum liene illius & chyli fermentum conficere, sinè quo sanguis spirituosus fieri non potest. Microscopio observatur jecoris substantiam in homine ex lobulis contextam, hosque ex glandulosis acinis compositos esse qui racemorum congeriem exhibent & propria circumambiente membrana investuntur, ac continuatis per transversum membranosis nexibus firmanantur, ita ut intermedia spatia inter lobulorum latera emergant observatur insuper vasorum portæ, cavæ, & pori bilarii ramulos per omnes etiam minimos lobulos æquali numero decurrere, & venæ portæ propagines arteriarum vices gerere, tantamque esse portæ cum poro biliaris societatem, ut amborum ramuli arcte eodem contineantur involucro.

Ad bilis evacuationem in dextra & cava hepatis parte duo meatus insculpti sunt, scilicet *vesica biliaris* & *Porus biliaris*; per hunc bilis fœculentior & mixtior in intestina pronit. In illam verò tenuis bilis confluit, quæ aliquamdiu ei inhærens, morâ illâ ex partis proprietate, magisque ex inhærente ei residuo liquore acriorem ac magis fermentativam qualitatem acquirit.

*Vesica biliaris* superiore mediaque sui parte connectitur sinui hepatis reliqua parte Colon intestinum attingit; defertur bilis in folliculum per multas exiguas radices è hepate in unum cœcutes. Bilis est tantum una: licet in *poro biliaris* sit tenuior ex *poro* videtur continuo in intestina descendere sed non è *vesicâ*. Generatur ex particulis sanguinis sulphureis, seu suboleosis facta permixtione cum subacidi liquoris in liene particulis color flavus est, sapor amarus ac subacris, substantia fluida; licet hæc omnia aliquando in morbis per admixtionem reliquorum humorum mutetur.

Usus bilis hætenus incognitus est aliqui eum destinant fœcibus excernendis per fluiditatem illis conciliatam; alii volunt esse balsamum sanguinis aut hepatis conservando ea à putredine & coagulatione.

Lien sive *Splen* est viscus sub diaphragmate inter ventriculum & costas situm; connectitur

diaphragmati, & reni sinistro per tenues membranaceas fibrillas. Plerumque habet longitudinem sex digitorum; latitudinem tritum. Tegitur duplici membrana quæ habent arterias, venas, & nervos ab iis, quæ interiorem substantiam pervadunt; fibras obtinet innumeras tenues & validas; venam magnam ex ima parte emittit, quæ dicitur *Ramus splenicus*, ea ad venam portæ exoneratur. A sexto paris ramo recipit binos nervorum ramulos. Ejus substantia duriuscula & firma est observantur in ea multe glandulæ conficit ex sanguine arterioso per cœliacam eo devescto materiam subacidam, è qua cum sulphureis particulis in hepate rursus specifico modo excocta sanguinis chylique fermentum biliosum conflatur. quod aliquando exsiccum fuerit, pro fabula habendum.

*Serum* est pars aquosa cibi & potus sanguini admiscetur, ut ei tenuitatem conferat, excernitur per oculos, nares, os, poros cutis, renes, & vesicam.

*Reνες* duo investuntur duplici membrana; habent singuli arteriam & venam; per arteriam *emulgentem* sanguis copiosus ex aëstæ trunco in renes defertur; hujus sanguinis à nutritione residuum per *venam emulgentem* valvula munitam defertur ad cavam. Renum substantia est fibrosa; interius continetur *pelvis seu infundibulum* seu sinus membranaceus ex uterere in cavo renis expanso factus, apertis atque latis ramis, quibus singulis imponuntur *Caruncula* papillares instar glandularum.

Actio renum est, ut serosam humiditatem è sanguine separet, & in vesicam per renum glandulas, fibrillas urinarias, indeque per uterem demittat; difficile est explicatu quomodo serum, & interdum etiam res solidæ per poros renum transcant; sed id fortè contingit quòd quædam venæ lactæ immediate ad vesicam & uterum deferantur; id quod confirmatur variis experientiis, in quibus lac cum urina excretum. Nulla convincit ratio, semen in renibus preparari, cum nec communicationem cum testibus habeat. Dantur quoque duæ glandulæ tuniæ renum incumbentes, substantiæ renum non absimiles; harum usus ignoratur; habent cavitatem, in qua fœculenta materia detinetur.

*Ureteres* sunt canales è renum substantia egressi, serum in renibus transcolatum ad vesicam deferentes; constant alba duplici membrana, quæ ab aliis una creditur; est fibrosa, & nervosa; arteriis, venisque, & nervis à sexto pari prædita.

*Vesica urinaria* constat triplici membrana; habet *Musculum involventem* cujus contractione urina detritur habet arterias, venas, & nervos à sexto pari, & medulla ossis sacri.

A vasis alimentorum præparatoriis & excretoriis deveniendum ad vasa, quibus alimentum excoctum per totum corpus distribuitur; postquam



quàm igitur chylus per ductum thoracicum delatus est, per venam subclaviam & cavam in dextrum cordis ventriculum; exinde defertur cum sanguine ad pulmones.

nor pars sursum ascendit, major versùs inferiora delabitur.

*Vena* est econtrà canalis membranaceus sanguinem ad cor denuo deferens unica constat molli tunica; habent valvulas sanguini regressum ad cor permittentes innumeras; magnitudo venarum diversissima est; multæ suis extremitatibus cum arteriarum sinibus per anastomosis cœeunt; plurimorum verò capillares fines in partium substantia evanescunt; videntur per radices à partium substantia exurgere & tandem in caudicem, seu venam cavam excrelescere, sicut arbor; & sanguinem è partibus, quasi succum è terra exugere. Licet & hoc incertum. Secundùm diversas partes, quibus annectuntur, sortiuntur diversa nomina; in eo omnes conveniunt, quòd sanguinem ad *Venam cavam* ultimam deferant, à qua sanguis denuo ad cor redit.

Quare de sanguinis circulatione minime dubitandum, hujus rei sunt tria potissimum argumenta. 1. Sanguis è corde in artetias propulsi copia quæ tanta est, ut ne centesima quidem ejus pars ab alimentis ministrari possit, quæ æquè procedit in homine pasto ac in jejuno. 2. Situs valvularum in venis qui talis est, ut sanguis possit libere fluere ad cavam; nihil verò à cava ad venas; id flatu experiri licet. 3. Ligatura in venæ sectione; subtus quam vena intumescit; & supra quam detumescit. Accedit quòd hæc circulatio per liquores & hydrargitum jam ad oculum demonstrata sit.

Igitur Tot sunt vasa conservationi machinæ corporeæ per ministrationem alimenti destinata; sapienter quidem & provide non sine intellectus technici ministerio; at quot & quantis casibus hæc conservatio subjecta est, quæ tot subsidiis indiget? Quid est hæc conservatio, nisi continua ab ortu ad Meridiem & à Meridie ad Occasum mutatio? Ipsa alimentorum ministratio vasa suæ conservationis atterit; nec jam partes conservativæ mentis notitiæ, aut imperio subjectæ sunt; rapiuntur tantùm & trahuntur à legibus elementorum, quocunque trahunt. Frustra igitur tantum temporis terimus, ut aliquanto conservationem protrahamus nostram, si non quærimus aliquid beatitatis, quod conservari mereatur & possit, conservatio planè nos beatos non facit nec igitur ratione sui expetenda est; quod si verum est, beatitatem in hac vita vix ullam reperiri; sed eam sperandum esse, quid ni Philosophus ad mortem festinet neglecta conservatione, ut beatus sit?



## DE ANIMA.

Animam Aristoteles vocat L. 2. de Anima; *Id, quo primò vivimus, movemur, sentimus, & intelligimus*, potuisset etiam addere, *quo primò volumus*. Sensus est: quòd anima sit illud principium operationum vitalium, motuum, sensationum &c. quæ vel collectivè, vel distinctivè in viventibus reperiuntur.

Ex hac notione animæ in genere sumptæ consequitur divisio hujus Tractatus de Anima. Primò enim agendum est de anima in quantum est principium *Operationum vitalium* in genere. 2. In quantum est principium *sensationum*. 3. In quantum est principium *intellectionum*, & *volitionum*.

## S E C T I O I.

### D E

*Anima ut principium operationum vitalium in genere.*

### QUÆSTIO I.

*Quid, & Quotuplex sit Anima?*

**D**ico I. Cum Aristotele: Anima in genere est *actus primus corporis organici potentia vitam habentis*. Genus in hac definitione est *actus primus*, per quod anima convenit cum aliis formis Substantialibus; reliqua verò ponuntur loco differentia: Sensus definitionis est, quòd anima sit radix, ac principium effectuum vitalium, & quidem in corpore proxime ad operationes vitales dispositum; hinc etiam in cadavere detur aliqua forma Substantialis, seu radix collectionum accidentium, & licet in cadavere adhuc dentur organa, saltem pleraque, tamen simpliciter hoc corpus organicum non est ad operationes vitales dispositum, id est, non habet potentia vitam.

**2** Dico 2. *Anima recte dividitur in vegetativam, sensitivam, & rationalem*. Vegetativa reperitur in plantis, & arboribus; Vegetativa, & sensitiva simul reperitur in brutis, vegetativa & sensitiva, & rationalis reperitur in homine.

Probatur Conclusio 1. negativè, quia non potest ostendi vitium.

**3** Probatur 2. positivè. Si datur essentialis diversitas in operationibus vitalibus, tunc etiam datur diversitas essentialis in principiis; ergo cum diversitas effectuum sit triplex, etiam triplex erit genus animarum.

### Solvuntur Objectiones.

**4** *Obj. 1.* Contra primam. Definitio animæ non convenit omni; ergo. prob. ant. 1. Anima rationalis non est actus primus; ergo. prob. ant. anima rationalis supponit in corpore organico formas partiales; ergo. 2. Anima separata non est. actus primus corporis organici; ergo. 3. Dantur animalia, quæ nullum habent actum, & tamen habent animam; ergo non omnis anima est actus. prob. ant. Glyres dormiunt tota hyeme, simili-

liter ursæ dicuntur quadraginta diebus manere sine cibo, & potu. Hirundines, & Muscæ per hyemem nullum produunt indicium vitæ, & tamen redeunte calore Solis probant se non amisisse animam.

*Resp. ad 1. neg. ant. ad prob. dist. ant.* Anima rationalis supponit alium actum constitutivum corporis c. constitutivum hominis, aut viventis neg. Anima rationalis primò facit, ut corpus vivat, & ideo in ratione viventis dicitur esse actus primus. Non enim dicitur actus corporis organici, qui constituat corpus organicum, sed qui perficiat corpus organicum ad esse vivens.

*Resp. ad 2. dist.* Anima separata non est actus primus corporis organici in actu secundo c. in actu primo neg. anima enim semper exigit uniti corpori, etiam si actu non sit unita corpori, & ideo respiciendo ad essentialiam exigentiam animæ rationalis rectè dicitur esse actus primus corporis organici.

*Resp. ad 3. dist. ant.* Aliqua animalia nullum habent actum secundum. transf. actum primum. neg. quando enim anima dicitur actus primus, per hunc actum non intelligitur aliquis motus, aut alia operatio vitalis, sed tantum intelligitur radix actualis operationum vitalium, & motuum, quæ exercet suum effectum, quando primum ponuntur dispositiones. Potest igitur dici in muscis, & hirundinibus per hyemem remanere animam, seu illud principium operationum vitalium, quod fundatur in organizatione partium. Dixi transeat, quia posset negari animam remanere in talibus animantibus, & insistendo huic responsioni deberet dici, animam in insectis & brutis imperfectis destrui, & produci juxta dispositionem corporis organici ab accidentibus.

*Obj. 2.* Contra 1. In definitione animæ etiam ingreditur definitum; ergo non est bona. prob. ant. in definitione hac ponitur vita & vita non intelligitur sine anima; ergo. 2. Anima est actus carnis, & ossium, sed sola caro & os non est corpus organicum; ergo non semper anima est actus corporis organici.

*Resp. ad 1. neg. ant. ad prob. dist.* Vita non intelligitur sine anima conceptu Metaphysico c. ant.



ant. conceptu Grammaticali neg. ant. Vox hæc vita in vulgo, ac Grammaticaliter notior est, quàm vox animæ Philosophicè sumpta.

Resp. ad 2. trans. ant. dist. conf. Anima non est actus corporis organici organizatione partium trans. totius, neg.

8 Obj. 3. contra 2. Plantæ non vivunt, nec habent animam; ergo divisio animæ in vegetativam est superflua. prob. ant. ex Scriptura in qua Genesis 7. dicitur tempore diluvii cuncta, in quibus datur spiraculum vitæ, mortua esse, & tamen aliunde constat, plantas, & arbores in Noëmo non fuisse translata in Arcam, nec interiisse; ergo plantæ non habent animam viventem, aut spiraculum vitæ. 2. Plantæ nascuntur ex non viventibus; ergo non vivunt, quia nemo dat quod non habet. prob. ant. plantæ nascuntur ex terra, aut etiam ex influxu syderum; terra tamen & sydera non vivunt. 3. Nulla deprehenditur in plantis operatio, quæ non possit provenire à principio extrinseco, quin indigeat ulla anima; ergo. prob. ant. In plantis tantum cernitur quidam plexus partium, & augmentatio, sed hæc omnia possunt explicari per combinationem partium.

9 Resp. neg. ant. ad prob. dist. Scriptura dicit: omnia interiisse in quibus datur spiraculum vitæ sensitivæ c. vegetativæ neg. Ipsam verbum spiraculum à Scriptura tantum solet accommodari sensitivis, non verò vegetativis; quod verò Scriptura non neget vitam in plantis constat ex aliis textibus. Sic psalmo 77. dicitur: *Occidit in grandine vineas eorum*, quod autem occiditur vivit. Item 1. ad Corinth. 15. quod plantas non vivificatur, nisi prius moriatur; ergo supponitur vivificari id, quod plantarum est.

Resp. ad 2. dist. Plantæ fiunt à non vivente dispositivè c. efficienter, neg. terra enim tantum subministrat materiam ad productionem plantarum; forma verò plantarum, & dispositio partium non fit à terra, sed ab alio principio ejusdem speciei cum effectu, & signum hujus est: quia non omnis fert omnia tellus.

Resp. ad 3. neg. ant. nam tam ordinata dispositio partium, qualis reperitur in plantis, non potest provenire à casu, aut concursu contingentium partium universi, adeoque requirit aliquod principium, quod tribuat ordinem, & operationem partibus in vegetativis; & signum est hujus, quod ea, quæ fiunt ab extrinseco, v.g. horologia, non producant sibi similia, ut vegetativa.

10 Obj. 4. contra 2. Dantur plures species viventium, quàm tres; ergo etiam dantur plures species animarum. prob. ant. aliqua animalia augentur, & moventur, quin sentiant; alia sentiunt, quin moveantur; alia simul moventur, & sentiunt ut bruta; alia verò tantum intelligunt, quin sentiant, ut Angeli, qui à Patribus vocantur animalia. Prob. ant. quoad 2. membrum.

Ex Zoophytis, seu plantanimalibus, dantur enim aliquæ arbores, & plantæ, quæ dicuntur habere sensum, si tangantur; idque colligi, quod soleant contrahere sua folia, & ramos, si tanguntur.

2. Dantur etiam animæ in Metallis, sed hæc nec pertinent ad sensitivam, nec vegetativam; ergo. M. prob. quia in Metallis dantur venæ, & crescunt ab intrinseco.

R. D. Euseb. Amort Philosophia.

3. Aristoteles enumerat quatuor genera animarum, nempe vegetativam, loco motivam, sensitivam, & intellectivam.

Resp. neg. ant. ad prob. dico: Ista Zoophyta simpliciter pertinere ad animam sensitivam, nec obstat, quod loco moveri non possint, quia potentia loco motiva tantum est ministerialis ad animam sensitivam; adeoque non ingreditur conceptum Metaphysicum animæ sensitivæ.

Resp. ad 2. neg. ant. & suppono: Metalla non vivere; venæ, quæ interdum reperiuntur vel in Metallis, vel in lapidibus, non sunt organa nutritionis, sed tantum partes heterogeneæ nondum perfecte conversæ in naturam lapidum, aut Metallorum. Quod verò aliqui magneti ob vim loco motivam tribuerint animam, caret fundamento; cum ille effectus qualitati occultæ adscribi possit, prout etiam dici posset de Zoophytis, dependentem tamen à principiis Mechanicis.

Resp. ad 3. dist. Aristoteles enumerat quatuor species accidentaliter diversas, trans. essentialiter diversas neg. Aristoteles tantum enumerat effectus præcipuos animæ viventis; non verò intendit exactam divisionem.

## QUÆSTIO II.

### An in viventibus dentur plures Animæ?

Plures Antiquiores admiserunt pluralitatem animarum in eodem vivente v.g. homine.

Plato in Timæo admittit tres animas, vegetativam in hepate, sensitivam in corde, rationalem in cerebro; alii omnes tres in eadem parte constituunt. Manichæi ut est apud S. Augustinum Lib. de duabus animabus c. 12. duas in homine agnoscebant animas, utramque rationalem, quarum una omnis noxæ, expers condita sit à bono Deo; altera verò à malo Deo, vel Demone. Okanus, & Mirandulanus admittunt duas; unam corruptibilem, alteram immortalem.

Neoterici etiam passim, quoad modum loquendi saltem, admittunt duas animas; licet quoad rem ipsam tantum admittant unicam, nempe rationalem; modus verò loquendi, quoad admittunt etiam animam vegetativam, nihil aliud significat, quàm dari combinationem certam Mechanicam partium, quæ cum sit apta ad producendos motus, ab illis vocatur anima.

Contra hos omnes Peripatetici communiter tantum admittunt unicam, quæ siquid sit vegetativa, sensitiva, & rationalis, ita ut in se contineat omnes illas perfectiones, quas contingere tres animæ, si essent distinctæ.

Dico: Tantum datur unica in homine anima. Prob. Conclusio in primis ex octava Synodo Generali canone 18. ubi Adversariorum Sententia videtur esse in terminis proscripta; dicitur enim: *Apparet quosdam in tantum impietatis venisse, ut homines duas animas habere dogmatizent; tales igitur impietatis inventores, & similiter sapientis, cum Vetus, & Novum Testamentum, omnesque Ecclesie Patres unam rationalem animam tantum habere*



bire affectum, Sancta, & Universalis Synodus anathematizat, Et licet hoc decretum tantum videatur attingere Manichæos, qui tempore ista-va Synodi in Oriente, & paulo post in Occidente repullularunt, tamen adeo est Generale, ut facile comprehendat etiam aliorum Philosophorum opiniones, qui admittunt duas animas, unam sensitivam, alteram rationalem. Sollet enim spiritus Sanctus non raro Patribus Conciliorum inspirare tales terminos, qui plus significant ac reipsa velint, quam ipsimet Patres intendunt.

3 Prob. Conclus. 2. Ex D. Augustino, vel potius Gennadio, qui in Libro de Ecclesiasticis Dogmatibus cap. 15. ad dogmata Ecclesiæ pertinere ait unitatem animæ, sic enim loquitur: *Neque duas animas dicimus esse in homine, unam animale, qua unitur corpori, & immixta sit sanguini, alteram spirituale, qua rationem ministrat; sed dicimus unam esse, & eandem animam in corpore, qua corpus sua societate vivificet, & semetipsam sua ratione disponat.* Et licet hoc opus fortè non sit D. Augustini ob aliquos errores in illo contentos, repræsentat tamen sensum veteris Ecclesiæ universalem, quoad articulos, tunc non controversos intrâ Ecclesiam.

4 Prob. Conclus. 3. Si darentur plures animæ, tunc homo simul esset brutum, & homo: Hoc est absurdum; ergo M. prob. secundum animam sensitivam haberet omnia constitutiva bruti; ergo.

5 Confirmatur. Illa augmentatio D. Augustini contra Apollinarem, qua probat Christum, si assumpsisset animam sensitivam, sine anima rationali revera fuisse futuram belluam, est bona; ergo etiam nostra argumentatio erit bona.

6 Prob. Conclus. 4. Si daretur anima sensitiva in homine distincta à rationali, tunc etiam data fuisset in Christo: Hoc non potest dici; ergo M. prob. Illa anima sensitiva Christi necessariò in monte Christi debuisset destrui, ut sit in aliis hominibus: Sed hoc non potest dici, quia aliàs verbum aliquid dimississet, quod semel assumpsisset, contra communem Theologorum.

7 Prob. Conclus. 5. Nulla est necessitas plurium animarum; ergo. prob. ant. anima rationalis potest æquè fungi officio animæ sensitivæ, & vegetativæ; ergo.

8 Prob. Conclus. 6. Si darentur plures animæ, tunc anima rationalis non esset forma corporis humani: Hoc non potest dici, ut infra dicetur; ergo M. prob. si darentur plures animæ, anima rationalis tantum eliceret cognitiones, & volitiones, nec dependerent ab anima rationali aliæ operationes vitales; ergo.

9 Prob. Conclus. 7. Operationes animæ rationalis impediuntur ex applicatione ad functiones animæ sensitivæ; ergo eadem anima est sensitiva, & rationalis, quia alioquin anima rationalis non impediretur fungi suo officio; dum sensitiva fungitur suo.

## Solvuntur Objectiones.

Obj. 1. Illa non possunt identificari, quibus 10  
conveniunt prædicata contradictoria; Sed talia sunt anima sensitiva, & rationalis; ergo M. prob. anima sensitiva est corruptibilis; anima rationalis non est corruptibilis: anima sensitiva est inseparabilis à corpore; anima rationalis est separabilis à corpore; anima sensitiva in operando dependet ab organis sensuum; anima rationalis non dependet. 2. Anima sensitiva post mortem non identificatur cum anima rationali; ergo neque in vita. prob. ant. anima sensitiva in statu separationis nullas potest exercere operationes, cum corpus nec nutriatur, nec sentiat calorem, aut frigus; ergo.

Resp. ad 1. c. M. neg. M. ad prob. dist. primum membrum. Anima sensitiva est corruptibilis, &c. ratione subjecti, quod respicit c. ratione sui neg. Similiter anima sensitiva est inseparabilis à materia formaliter, & reduplicative sumpta c. materialiter, & quæ est talis; neg.

Resp. ad 2. dist. ant. Anima sensitiva qua talis non manet post mortem c. quæ est talis neg. ad prob. dico: functiones illius animæ sensitivæ, quæ est talis, fore intellectiones, & volitiones, adeoque non erit frustranea, sicut non est frustranea potentia videndi in homine cæco, nec potentia liberandi damnatos in Deo, etiam si illa potentia nunquam amplius possit exire in actum.

Obj. 2. Anima sensitiva, aut vegetativa est 12  
separabilis ab anima rationali; ergo distinguuntur. ant. prob. 1. post mortem remanent operationes animæ sensitivæ, v. g. in illo experimento, quod refert cardinalis de Aquirre, dum caput hominis recentem abscissum momordit digitum ejusdem, qui linguam ejus tangebatur. prob. ant. 2. Idem Cardinalis memorat, caput resectum in terram decidens adhuc pronuntiasse Sanctissimum Nomen Jesu. prob. ant. 3. Dentes unguis, capilli, barba non raro crescunt in hominum cadaveribus. prob. ant. 4. Cor humanum è corpore recens extractum sæpe legitur per breve tempus pulsus regulares edidisse. prob. ant. 5. Corpora hominum post resectionem capitis visa sunt adhuc edere saltus, moveri, & ambulare. Igitur post mortem adhuc remanet aliqua anima vegetativa, aut sensitiva.

Resp. neg. ant. ad prob. dico: Omnes illos effectus adscribendos esse vel animæ rationali adhuc residuæ in trunco, vel capite; vel spiritibus animalibus adhuc in cadavere residuis, vel denique formis partialibus.

Obj. 3. Dantur in homine diversæ operationes; ergo etiam dantur diversa principia, seu diversæ animæ, quia ex diversitate operationum bona est argumentatio ad diversitatem principiorum. ant. p. tet, quia nutrir, crescere, sentire calorem & frigus, intelligere, & velle, sunt utique diversa. 2. Anima rationalis non potest immediate uniri 14  
corpo.



corpori, nisi mediante aliqua anima sensitiva & vegetativa; ergo hæc datur. ant. prob. Ea, quæ valde distant in perfectione, non possunt immediate inter se uniri; talia autem sunt anima rationalis, & corpus; ergo.

15 *Resp.* ad 1. trans. ant. dist. conf. ergo dantur diversa principia, si illa diversitas operationum est in diversis suppositis c. secus neg. si enim sufficeret qualiscunque diversitas operationum ad asserendam diversitatem principiorum, tunc etiam deberet dari alia anima pro actibus intellectus, alia pro actibus volitionis; alia anima pro oculo, alia anima pro dente, alia in homine sene, alia in infante.

*Resp.* ad 2. neg. ant. ad prob. dist. ant. Anima distat à corpore in perfectione entitativa c. in ratione actus, & potentia neg.

16 *Obj.* 4. Si anima rationalis simul esset sensitiva, & vegetativa, tunc etiam esset forma corporis in ratione sensitivi, vel vegetativi: At hoc non potest dici; ergo. *m.* prob. forma corporis in ratione vegetativi est materialis, & extensa; quæ non possunt convenire animæ rationali. 2. Anima sensitiva contrariatur animæ rationali; ergo anima sensitiva distinguitur ab anima rationali, quia nihil contrariatur sibi ipsi, nec elicit operationes inter se contrarias. ant. prob. ex Apostolo, ex quo constat dari luctam inter carnem, & spiritum, inter partem sensitivam, & rationale.

17 *Resp.* ad 1. c. M. neg. *m.* ad prob. dist. forma corporis est extensa &c. ratione sui subjecti c. ratione sui neg.

*Resp.* ad 2. dist. ant. anima sensitiva contrariatur animæ rationali contrarietate operationum c. contrarietate principiorum neg. eadem anima operatur diversos effectus pro dispositione sui subjecti; cum igitur in corpore dentur formæ partiales, quarum dispositiones opponuntur dispositionibus ad eliciendas operationes rationales requisitis; mirum non est, quod anima ad unum intenta impediatur ab altero. Hinc etiam pars sensitiva dicitur repugnare parti rationali, non repugnantia principii sensitivi, sed repugnantia dispositionum ex parte subjecti; sic etiam eadem anima modo operatur odium, modo amorem, nunc elicit sensationem frigoris, postmodum caloris; contraria nempe juxta dispositiones contrarias.

### QUÆSTIO III.

*An in eodem vivente dentur successive plures animæ?*

1 **P**lures, maxime inter Thomistas defendunt in Embryone ab initio dari animam vegetativam, dein sensitivam, tertio rationalem, seu cognoscitivam. Aristoteles, & Averroes videntur addidisse quartam animam, nempe intellectualem.

R. D. *Enseeb. Amore Philosophia.*

ctum, quo nomine intelligunt aliquam mentem universalem, quæ in omnibus hominibus intelligat, & tamen maneat unica.

*Dico:* Non dantur successive plures animæ. 2

*Prob. Conclus.* Si jam ab initio facta dispositione ad operationes vegetativas corpus est determinatum ad animam rationalem. tunc statim ab initio Embryoni infunditur anima rationalis: Sed; ergo. *m.* prob. Organizatio illa specialis, quæ reperitur in Embryone non ordinatur ad ullum aliud genus animalium, quàm rationalium; ergo. prob. ant. Effectus vegetativi, & sensitivi statim differunt in homine, à vegetatione, & sensatione aliorum animalium; ergo etiam dispositiones.

*Prob. Conclus.* 2. Anima rationalis potest ab initio informare Embryonem; ergo informat. ant. prob. anima potest informare ossa, crines, ungues &c. licet in iis non possit exercere operationes rationales; ergo idem poterit fieri in Embryone.

*Prob. Conclus.* 3. Nulla est ratio multiplicandi animas; ergo datur tantum unica. prob. ant. 1. negativè. dein positivè. Si daretur ratio, tunc esset hæc, quod anima ab initio non possit exercere suas operationes rationales: Hæc ratio nihil probat; ergo. *m.* prob. hæc ratio nimium probat, quia probat animam rationalem ne quidem reperiri in infantibus usque ad septimum annum, aut saltem non eam reperiri quadragesimo, aut octogesimo die post conceptionem, quod tamen omnes admittunt; ergo nihil probat &c.

*Prob. Conclus.* 4. Anima rationalis non debet expectare perfectam dispositionem ad operationes proprias animæ rationalis. prob. ant. si expectaret illas dispositiones, tunc non crearetur, sed educeretur è potentia materiæ, quia præcederet privatio ad animam rationalem, & exigentia illius ob dispositionem materiæ.

*Prob. Conclus.* 5. Embryo quamprimum elicit motum, seu operationem animæ sensitivæ, debet baptizari juxta Rituale Romanum Jussu Pauli V. editum; ergo quodcumque datur anima sensitiva, datur etiam anima rationalis, alioquin frustra baptizaretur.

*Prob. Conclus.* 6. Si daretur successio animarum, tunc homo prius esset planta, postea brutum, & tandem homo: Hoc est absurdum; ergo. *m.* prob. quia alioquin forma illa plantæ, vel bruti, quamprimum habet perfectam organizationem, posset se conservare, nec tenderet ulterius ad formam nobiliorem in propriam sui destructionem. Dein non potest dici, qualis homo sit planta, vel quale brutum?

*Prob. Conclus.* 7. Post mortem recedente anima rationali nulla remanet amplius anima sensitiva, vel vegetativa; ergo neque datur talis anima adveniente anima naturali.



## Solvuntur Objectiones.

- 9 *Obj. 1.* SS. Canones supponunt fœtum in utero occidi posse prius, quàm sit animatus anima rationali; ergo. prob. ant. ex capitulo, *Sicuti causa 22. Q. 2.* ubi dicitur: non committi homicidium ab eo, qui fœtum in utero occidit ante infusionem animæ rationalis, eò quòd nondum dici possit, natum esse hominem. Alii addunt cap. *Quòd verò*, in quo similia habentur.
2. Aristoteles dicit: *de anima, non simul sit animal, & homo*; ergo prius datur anima sensitiva, quàm rationalis. 3. D. Thomas in pluribus locis tuetur successionem animarum, dicit enim 1. p. Q. 190. à 2. ad 2. *dicendum, quòd anima existat in Embryone, à principio quidem nutritiva, post sensitiva, & tandem intellectiva, & sic per multas generationes, & corruptiones pervenitur ad ultimam formam substantialem tam in homine, quàm in animalibus.* Idem L. 2. contra gentes c. 89. ait: *Anima vegetabilis, quæ primo est, cum Embryo vivit visa planta corrumpitur & succedit anima perfectior, quæ est nutritiva, & sensitiva simul, & tunc Embryo vivit visa animali, hac corrupta succedit anima rationalis ab extrinseco immissa.*
- 10 *Resp. ad 1. neg. ant. ad prob. dist.* dicunt fœtum posse occidi causaliter, c. formaliter, neg. causaliter dicitur fœtus occidi, quia ponitur causa, ne recipiat vitam; sic dicitur Deus occidisse in grandine vineas, quamvis vineæ non vivant, sed tantum sint causa vitæ in vitibus. Cæterum ipsi Canones protestantur, se nolle in hac controversia quidquam decidere. Solum volunt, eum non habendum esse pro homicida in foro pœnitentiali, aut externo, qui fœtum destruit nondum informatum anima rationali.
- Resp. ad 2. dist.* Non simul sit animal, & homo quoad operationes, c. quoad principia constitutiva, neg.
- Resp. ad 3. dist. conf.* ergo datur successio quoad operationes, c. quoad principia constitutiva, neg. S. Thomas loco citato contra gentes refert opinionem quorundam dicentium, quòd eadem virtus plastica prius vocetur anima vegetativa, dein sensitiva, nec eam sententiam quoad hoc rejicit; ergo datur tantum corruptio virtutis plasticæ, quæ est anima improprie dicta. Hinc potest dist. datur successio animæ improprie dictæ, c. proprie dictæ, neg. anima enim rationalis succedit virtuti plasticæ, quæ transeunter & in fieri potest elicere vegetationes, ac etiam sensationes, sed quia non est stabile harum principium, non est anima proprie dicta. Potest etiam dici: virtutem plasticam esse tantum accidens embryoni, & sic facile possunt dari variæ virtutes plasticæ, ad invicem successivæ, ut sic proprie dentur multæ corruptiones.
- 11 *Obj. 2.* Embryo non est dispositus ad animam rationalem; ergo non statim informatur. prob. ant. In Embryone nondum dantur caput, pedes, ossa, membra, nervi &c. ergo. 2. Embryo adhuc est indifferens ad animam rationalem, vel irrationalem; ergo non habet determinativum ad animam. 3. Sæpe nascuntur monstra ex Embryo-

ne; ergo non præsumitur fuisse anima rationalis in illo.

*Resp. ad 1. dist.* Embryo non est dispositus dispositione perfecta, c. imperfecta, neg. vel sic: Embryo non est dispositus ad animam rationalem in ordine ad omnes illius operationes, c. in ordine ad aliquas, neg. potest enim dici, quòd positis dispositionibus ad aliquos actus nutritionis, & augmentationis statim uniatur anima corpori, & quòd anima sibi ipsi perfectam organizationem producat: quòd autem non requiratur perfecta organizatio, ipsi Adversarii admittere debent, qui concedunt, trigésimo, aut quadragésimo die uniari animam corpori, licet tunc Embryo magnitudinis vix æquet formicam.

*Resp. ad 2. neg. ant.* Quia etiam dispositio organorum ad animam vegetativam in homine longe alia est, quàm in aliis brutis.

*Resp. ad 3. c. ant. neg. conf. & dico:* id fieri vel per expulsionem animæ rationalis, vel per primam malam conformationem Embryonis.

*Obj. 3.* Natura semper progreditur ab imperfectioribus ad perfectiora; ergo etiam in animatione debet progredi ab anima vegetativa ad sensitivam & tunc primum ad rationalem. 2. Si non daretur animarum successio, tunc male esset proviſum innumerabili multitudini animarum per multiplices abortus sine baptismo decedentium: At hoc non decet Divinam Providentiam; ergo. 3. Anima rationalis non potest conservari in corpore tam malè disposito, quale est embryo; ergo neque poterit in corpus tam malè dispositum introduci.

*Resp. ad 1. dist. ant.* Progreditur ab imperfectioribus &c. ubi in natura datur ex gentia ad media participantia de extremis, c. secus, neg. Inter quolibet extrema dantur infinita media possibili, quæ omnia à natura debent pertransiri, si procederet argumentum; igitur ordo iste naturæ debet restringi ad species à natura exigitas, quales non sunt anima vegetativa, & sensitiva in Embryone.

*Resp. ad 2. neg. M. vel dist.* esset malè proviſum &c. dispositione primi ordinantis, neg. ex culpa Adam, c. Anima enim rationalis ex conditione primæ creationis non erat subiecta his periculis, quibus nunc est exposita; periculum ergo interitus non est adscribendum Deo.

*Resp. ad 3. c. ant. neg. conf. & retorqueo,* anima sensitiva, & vegetativa non possunt conservari in corpore tam malè disposito, quale est Embryo; ergo neque poterunt introduci. Igitur dicendum plus requiri ad conservationem rei, quàm ad primam productionem, in prima enim productione, cum natura adhuc sit in via ad sui perfectionem, non exigit perfectionem, quando vero est in suo termino perfectionis, deficiente præcipua perfectione frustratur sine suo, & perit.

*Obj. 4.* In aliis animalibus datur successio animarum; ergo etiam in homine. prob. ant. ab inductione; sic enim quidam pisces mutantur in aves, & quædam araneæ in vermes, vermes in mûscas,



*Resp. neg. ant. ad prob. dico:* hanc metamorphosin esse tantum accidentalem, quia eadem anima potest operari diversa in corpore diversimodè disposito; vel, si tuearis hanc mutationem esse substantialem; dicam, mutationem illam tantum fieri in formis partialibus, non in principalibus; quamquam etiam hoc non repugnet, si probaretur corpora animalium horum successivè mutari substantialiter, quod non fit in Embryone.

## QUÆSTIO IV.

*Quanam partes corporis informantur ab Anima, seu vivant?*

**I**N hac Quæstione tria possunt esse controversa. 1. Quid sit vita in actu. 2. An corpus revera informetur ab anima. 3. Quanam partes informantur ab anima.

Plato, qui admittit plures animas, negat animam rationalem uniri toti corpori per modum formæ, sed per modum aurigæ dirigentis corpus.

Aristoteles etiam juxta Averroem admisit aliquem intellectum separatum universalem, qui licet sit unitus corpori, tamen eidem non est immixtus, aut unitus per modum formæ.

2. Cartesius admittit quidem animam rationalem uniri corpori, sed tantum in glandula pineali, seu parte aliqua cerebri, in qua putat concurrere nervos totius corporis, ut exinde anima regere possit totum corpus.

Alii verò communiter admittunt animam uniri toti corpori à planta pedis usque ad verticem, licet dubitent, an uniatur etiam ossibus, sanguini, cartilaginibus, dentibus, capillis &c.

3. *Dico 1.* Vita in actu secundo, seu operatio vitalis est motus ab intrinseco rei secundum dispositionem suæ naturæ existentis. Hæc definitio probatur, quia non potest ostendi vitium, sed quia tantum grammaticaliter est obscura, indiget explicatione. Dicitur proin, quod omnis motus, seu mutatio cujuslibet rei, quæ provenit ab intrinseco principio illius rei, quæ jam ponitur in statu perfetto suæ naturæ debito, debeat dici operatio vitalis; hinc motus gravium, v. g. lapidis ad centrum non est operatio vitalis, quia licet ille motus sit ab intrinseco, tamen non convenit rei existenti in termino suæ naturæ, eò, quod hæc tendentia non superveniat naturæ lapidis, sed constituat ipsam naturam lapidis, & non tam fit à lapide, quam à causa lapidis, quæ causando lapidem simul illi hanc tendentiam imprimit: Econtrà motus progressivus animalium, augmentatio, sensatio, intellectio, volitio sunt operationes vitales, quia homo, vel animal jam existens in statu suæ naturæ debito ab intrinseco est causa illarum operationum.

4. *Dico 2.* Sanguis non vivit. Prob. Conclusio. Nulla in sanguine deprehenditur operatio

vitalis; ergo. prob. ant. in sanguine nec deprehenditur intellectio, nec sensatio, nec nutritio, seu augmentatio, nec motus; ergo nulla in sanguine deprehenditur operatio. prob. ant. quoad 1. memb. quia sanguis sive sit bonæ, sive malæ dispositionis, non mutat naturam cognitionis, sicut dispositio cerebri. Prob. quoad 2. memb. ex eo, quod nullus conqueratur de dolore sanguinis. Prob. quoad 3. membr. quia in sanguine nulla deprehenduntur organa nutritionis, nempe venæ, arteriæ, nervi &c. sed omnia sunt per juxtapositionem, sicut Danubius non potest dici nutriri ex eo, quod accipiat augmentum à Lyco, aut aliis fluminibus in eundem delatis. Prob. quoad 4. membr. motus sanguinis non provenit ab intrinseco, sed à violenta trusione per motum cordis, quod idem fit in phlebotomia.

Prob. Conclusio 2. Datur transfusio sanguinis; ergo sanguis non vivit. ant. patet, ab innumeris experimentis in quibus ista transfusio contra varios morbos maxime epilepsin cum successu fuit adhibita, prob. consequ. 1. quia sanguis transfusus non videretur tam citò recipere animam rationalem pro sui forma si prius habuisset pro forma animam vituli, aut ovis, cum utique eadem materia non sit disposita, ad formas adeò diversas. Dein sanguis transfusus, dum decurrit per tubulum, licet non sit separatus à reliqua massa sanguinis, tamen privaretur animâ informante, aut certe deberet informari à duplici anima, nempe cum anima hominis, & vituli, cum quorum sanguine continuatur.

Prob. Conclusio 3. Sanguis non habet sufficientem continuationem cum aliis partibus viventibus; ergo. conf. patet. quia anima non unitur partibus per saltum, aut per replicationem existendo in duobus locis partium viventium, & tamen non existendo in intermedio nempe partium non viventium, ant. prob. ex Aristotele Lib. 2. de animalibus, ubi dicit: *Non est sanguis continuus carni, neque cognatus sed in corde, ac venis quasi vasis continetur.*

Prob. etiam ratione. Sanguis semper protrahitur, dein non apparet major continuatio sanguinis, quam lymphæ, bilis, chyli, seri, aut aliorum liquorum. Denique hæc continuatio interrumpetur millies partim à valvulis per venas dispositis, partim per ventriculos cordis, in quibus sanguis separatur à reliqua massa sanguinis, partim ab immensa copia particularum heterogenearum, quæ miscentur cum sanguine, constat enim cum sanguine circulari chylum, lympham, bilem, aut alios liquores, ut longè major sit copia talium liquorum, quam puri sanguinis, igitur contingenter fiet, ut hæ partes non informatæ ab anima aliquando separent partes sanguinis à reliquis partibus viventibus.

Prob. 4. Si animatur sanguis, tunc etiam animantur cæteri liquores v. g. saliva, lymphæ, bilis, aquæ chrySTALLINÆ, serum, succus pancreaticus, aqua stagnans in picardio, humor salinosus in ventriculo, liquor oleosus &c.



at hoc non admittunt Adversarii; ergo. M. prob. hi liquores non sunt minus apti ad continuationem cum corpore, nec minus utiles ad integrum corporis statum, nec minus gaudent propriis ductibus; ergo.

8. Prob. Conclus. f. Sanguis non est pars constitutiva corporis; ergo non est informata ab anima: ant. prob. si posito corpore non eo ipso ponitur sanguis, tunc non est pars constitutiva corporis: Sed; ergo. m. prob. in Eucharistia, quando vi verborum consecrationis ponitur corpus Christi, non eo ipso ponitur vi verborum Sanguis Christi; ergo. prob. ant. Ex Trident. quod ait: Sanguinem Christi non poni vi verborum, sed tantum per concomitantiam ob connectionem.

9. Dico 3. *Anima est forma corporis humani.*

Prob. Conclusio ex Concilio Viennensi Generali sub Clemente V. ubi hæc Conclusio in terminis est definita, dicit enim Concilium: *Doctrinam omnem, seu positionem temere asserentem, aut vertentem in dubium, quod substantia animæ rationalis, seu intellectualis, verè, ac perfectè humani corporis non sit forma, velut erroneam, ac veritati Catholicæ inimicam hoc Sacro approbante Concilio reprobamus, definientes, ut cunctis nota sit fidei sincera veritas, ac præcludatur universis erroribus aliis, quod quisquis deinceps asserere, defendere, seu tenere pertinaciter præsumpserit, quod anima rationalis, seu intellectiva non sit forma corporis humani per se, & essentialiter, tanquam hæreticus sit censendus.*

10. Prob. Conclusio 2. Anima ex sua natura ordinatur ad operandum in corpore; ergo est illius forma; quia illud voco formam, quod ex sua natura est principium præcipuorum effectuum in aliquo toto, cui unitur.

11. Dico 4. *Hepar, Pulmones, Cor, Vena, Arteria, Membrana, Nervi, Viscera, Stomachus, Ossa, Dentes, Capilli, & Ungues &c. vivunt.*

Prob. Conclusio. Si hæc omnia sentiunt, aut saltem ab intrinseco crescunt, tunc vivunt: Sed; ergo. m. prob. saltem quoad 2. membrum ab inductione. sic enim omnia ista habent suos nervulos, venas, & arteriolas, unde recipient alimentum, & vitales spiritus; habent certum magnitudinis terminum, quem non transgrediuntur; retinent certam figuram, crescunt proportionaliter juxta exigentiam suæ naturæ; etiam si à principio sui augmenti nempe stomacho unum sit remotius altero. Ossa habent suam medullam, quâ nutriuntur: Dentes crescunt ab intrinseco, ut observari potest in brutis. Capilli habent suas radices, bulbos, potos, medullam, ut observari potest in microscopio. Ungues etiam crescunt ab intrinseco, ut colligitur ex mota macularum à radice versus extremitates successivè progredientium. Hæc autem omnia non fierent, si sine ullo principio antiquante crescerent per additionem, & juxtapositionem, prout fit in lapidibus, qui nec certam figuram habent, nec terminum magnitudinis, nec venas, aut arterias.

## Solvuntur Objectiones.

Obj. 1. contra 1. Conclus. Definitio vitæ non convenit vitæ divinæ; ergo non convenit omni. ant. prob. vita illa definitur esse motus, motus autem, seu mutatio non convenit Deo; ergo. 2. Ignis movetur ab intrinseco ad accendendum lignum, & quidem juxta dispositionem suæ naturæ; ergo non convenit soli.

Resp. ad 1. negando suppositum, quod Deus vivat vitâ univocè conveniente cum vita vegetativa, sensitiva, vel rationali, quæ sola hîc definitur.

Resp. ad 2. dist. ant. Ignis movetur ab intrinseco ad extrâ c. ad intrâ, seu ad perfectionem suæ naturæ neg. ant. ignis enim dum accendit lignum non perficit seipsum, adeoque non operatur juxta dispositionem suæ naturæ, quæ tantum tendit ad perfectionem propriam saltem primario, & per se.

Obj. 2. contra 2. Conclus. Scriptura affirmat, sanguinem vivere, seu informari ab anima; ergo vivit. ant. prob. ex Levit. 17. ubi prohibetur Judæis comedere sanguinem, quia anima carnis in sanguine est. 2. Sanguis est pars integralis humani corporis; ergo etiam informatur à communi forma. ant. prob. ex communi judicio hominum, qui non judicarent esse integrum corpus humanum, in quo deficeret omnis sanguis.

Resp. ad 1. neg. ant. ad prob. neg. causalem, quod ideo nempe prohibeatur comestio sanguinis, quia sanguis vivit, aliis debuisset etiam Deus prohibere comestionem carnis, quæ sine dubio vivit: Ad ipsum verò Textum principalem. Resp. dist. anima carnis in sanguine est causaliter c. formaliter neg. Sic v. g. dicitur aliquid esse in manu Dei, quia manus Dei causat effectum, vel conservat; hic modus loquendi Scripturæ est familiaris, ut effectum, aut conservationem adscribat ipsi causæ. Cum igitur dubium non sit, animam, & conservationem vitæ ut plurimum dependere à sanguine, mirum non est, quod vita eodem modo sit in sanguine, sicut vita nostra est in manu Dei. Resp. 2. dist. anima carnis in sanguine est mysticè, c. physicè, neg. Hæc responsio est D. Augustini, qui per sanguinem in Veteri Testamento Deo Sacrum significari ait Sanguinem Christi, in quo sine dubio est vita mundi, & omnis anima hominum in scriptura nomine carnis venientium.

Resp. ad 2. transf. ant. dist. cons. ergo vivit sanguis si sit pars integralis principalis, c. si tantum sit pars integralis secundaria. neg. Dantur duo genera partium in corpore humano, nempe partes constitutivæ totius, seu solidæ, quæ sunt partes principales. Datur insuper aliud genus partium, nempe partes ministeriales, ordinatæ ad conservationem totius, hæc partes sunt fluidæ, & non vivunt.

Dices: Verba scripturæ esse accipienda in sensu proprio, quamdiu possunt sumi, atqui hîc possunt sumi; ergo. 2. Si anima esset in sanguine cau-



ne causaliter tantum, tunc eadem ratione anima posset dici esse in aere, quia etiam aer est causa conservativa vitæ.

*Resp.* ad 1. c. M. neg. m. & dico, ipsum textum in Hebraico inspectum esse hunc: *anima carnis est sanguis*, quæ verba sine dubio non possunt sumi in sensu proprio.

*Resp.* ad 2. dist. M. Si etiam aer sit causa conservativa immediata c. si tantum remota, neg. effectus tantum adscribitur causæ à qua principaliter dependet, & immediatè, ut patet ab inductione; sanguis autem est illud, quod suo motu, & circulatione mediatè subministrat materiam spirituum vitalium. Dein in questionibus de nomine non procedit paritas à modo loquendi: sic dicuntur chyrothecæ, eò quod tegant manus, seu chyras, & tamen ob paritatem rationis non licet dicere calceos, pedothecas, eò quod tegant pedes.

17 *Obj.* 3. contra 2. Juxta Tridentinum sanguis ponitur per concomitantiam cum corpore Christi ob connexionem partium; ergo etiam sanguis est pars corporis, adeoque vivit. 2. D. Thomas dicit: sanguinem pertinere ad integritatem hominis, & ideo etiam totum sanguinem resurrexisse cum Christo, ita, ut guttulæ illæ sanguinis, quæ asservantur in reliquiariis non sint de sanguine Christi, sed de sanguine à quibusdam miraculosis imaginibus Christi crucifixi effuso.

18 *Resp.* ad 1. c. ant. dist. conf. ergo est pars minus principalis c. Principalis neg. consequ.

*Resp.* ad 2. c. ant. neg. conf. etiam si enim sanguis Christi resurrexisset cum Christo, non tamen sequeretur propterea, eundem fuisse unitum cum anima Christi, quia etiam cicatrices vulnorum surrexerunt cum Christo, quin sint pars constitutiva corporis viventis.

19 *Obj.* 4. contra eandem. Sanguis Christi revera fuit unitus verbo; ergo etiam fuit unitus cum anima Christi. ant. prob. ex definitione Clementis VI. & Pii II. qui illud expressè definierunt, tum etiam ex eo, quia alioquin sanguis Christi non posset adorari cultu Patriæ, nisi fuisset unitus verbo. prob. sequela. si sanguis non fuisset unitus animæ Christi, tunc verum esset, 1. quod verbum assumpsisset naturam irrationalem. 2. quod verbum assumpsisset duas naturas. 3. quod Deus factus esset sanguis: At hæc non possunt dici; ergo, M. probatur quia sanguis non unitus animæ Christi constitueret specialem naturam, distinctam à natura humana. *Resp.* c. ant. neg. c. ad prob. neg. triplicem sequelam. quia natura dicit principium operandi completum, quale non est sanguis, utpote essentialiter ordinatus ad corpus. Denominatio etiam totius non tribuitur partibus; hinc non dicitur, *verbum caput factum est*. Plura de hac re vide in Theologia de Incarnatione.

20 *Obj.* 5. contra eandem. Si sanguis non viveret, tunc homo esset tantum totum per accidens: Hoc non potest dici; ergo, M. prob. homo com-

poneretur ex diversis partibus nullo modo per se unitis in forma constitutiva totius; ergo. 2. Aristoteles, & D. Thomas asserunt sanguinem esse partem principalem hominis; ergo.

*Resp.* ad 1. dist. M. esset totum per accidens, nisi saltem illæ partes subordinentur ad formam principalem c. secus, neg.

*Resp.* ad 2. Aristotelem, & D. Thomam nullibi determinare, an sit pars principalis, vel secundaria sanguis, quin immò nonnunquam videntur potius negare esse partem hominis.

*Obj.* 6. contra eandem. Hepar vivit; ergo etiam sanguis. prob. consequ. Hepar nihil aliud est, quam concretus sanguis; ergo. 2. Dantur fibræ in sanguine; ergo etiam operationes vitales, quia fibræ sunt medium, & instrumentum operationum vitalium, ant. prob. in primis ex Aristotele Lib. 2. animalium cap. 4. Item ex Libris Medicorum, qui dividunt sanguinem in fibrosam, & serosam partem, ac denique ab ipsa experientia. si enim emissus sanguis diluatur aqua calida, tunc sanguinis assiduam refert substantiam quandam reticularem.

*Resp.* ad 1. c. ant. neg. conf. ad prob. neg. ant. quia constat hepar non differre à pulmonibus, si per excoctionem peritam separaretur sanguis ab hepate.

*Resp.* ad 2. neg. ant. Aristoteles tantum loquitur de fibris per immutationem talibus, non naturæ, quia in sanguine emissio dantur quidam continui tractus imitantes figuram fibrillarum. Idem debet dici de divisione Medicorum; quod verò sanguis referat figuram reticularem, non provenit à textura, & plexu fibrillarum tanquam tot funiculorum, sed à propinquiore juxtapositione globulorum sanguinis extruso sero, in quo natabant illi globuli. Constat enim certissimis experimentis, sanguinem nihil aliud esse, quam aliquot minutissimos globulos humido seroso innatantes, ut potest observari per microscopia: Quid igitur mirum, si hi globuli juxta se ordinate positi, referant figuram reticularem, cum ex globulis omnes textura, & modi combinationum constitui possint, ut patet ex Geometria.

*Obj.* 7. In sanguine apparent operationes vitales; ergo. prob. ant. sanguis recipit omnes motus, & impressiones ab anima secundum varias passiones, timoris, gaudii, iræ, verecundiæ &c. ergo necessariò unitur intimè cum anima. ant. patet. quia in timore sanguis redit ad cor; in ira verò protruditur in extimas partes, quin imò, Aristoteles definit iram accensionem sanguinis circa cor. 2. Spiritus vitales vivunt; ergo etiam sanguis. consequ. patet, quia spiritus vitales non differunt à sanguine nisi per subtilitatem, sunt enim excoctus sanguis. ant. prob. quia sunt ministri omnium operationum vitalium, in passionibus animæ recipiunt omnes motus, quin etiam in iis recipiuntur species phantasticæ.

*Resp.* ad 1.



25 *Resp.* ad 1. neg. ant. ad prob. c. ant. neg. conf. alioquin etiam baculus, qui movetur ad imperium animæ deberet informari ab anima.

*Resp.* 2. neg. ant. ad prob. neg. conf. quia organa operationum vitalium, ac instrumenta præsupponuntur ad operationem vitalem; non verò sunt subjectum illarum operationum. *Resp.* 2. transf. ant. neg. conf. quia spiritus vitales habent majorem continuitatem suarum partium in nervis, quam sanguis in venis.

26 *Obj.* 8. Ossa vivunt, & adeps, quin anima in iis exerceat operationem vitalem; ergo idem potest fieri in sanguine. 2. Ungues, & capilli vivunt; ergo etiam sanguis, quia est longè nobilior pars, quam unguis, & capilli.

27 *Resp.* ad 1. neg. ant. Anima enim exercet operationes vegetativas, saltem conservando ossa.

*Resp.* ad 2. neg. conf. & paritatem. quia licet sanguis sit nobilior pars secundum quid, tamen non est nobilior simpliciter ob defectum principii vitalis, neque omne illud est nobilius, quod est magis necessarium.

28 *Obj.* 9. contra 4. Conclus. Dentes non habent sufficientem continuitatem cum alveolis; ergo non vivunt. ant. prob. quia de facili excidunt è suis alveolis. 2. Etiam lapides habent certam figuram, & terminum magnitudinis, sic enim reperiuntur lapides exactè referentes figuram cubicam, & notas alvarum in agro Badensi, alii cernuntur in specu Panormidano referre figuram dentium, alii habent figuram tibiarum, vertebrarum, aliorumque ossium, scilicet in Insula Melitensi, & Kyemenfi reperiuntur in magna copia lapides referentes figuram linguæ aspidum; ergo ex regulari figura non probatur vita in dentibus. 3. Ungues, & capilli tantum sunt excrementa corporis; ergo non vivunt.

29 *Resp.* ad 1. neg. ant. Quia dentes habent suas radices, quibus exsugunt succum ab alveolis.

*Resp.* ad 2. neg. conf. Disparitas est, quia illa figura lapidum non est connaturalis ipsis lapidibus, alioquin conveniret omni lapidi, utpote proprietatis lapidum; signum ergo est, quod illæ figuræ tantum proveniant à figura corporum in lapides conversorum, constat enim varia vegetabilia v. g. ossa, & ligna, aut linguas posse converti in lapides.

*Resp.* ad 3. neg. ant. capilli enim & unguis sunt ductus evaporationum, ne tam citò dissipentur à vicino aere.

30 *Obj.* 10. Capilli non habent certam figuram, nec magnitudinis terminum; ergo ex hac ratione nihil probatur. ant. prob. sic enim in microscopio observatur aliquos capillos esse triangulares, alios quadrangulares, & vix unum esse similem alteri, quod verò non habeant magnitudinis terminum, constat ex longitudine crinium v. g. Absalonis, cujus casaries singulis annis tantum capiebat incrementum, ut ducentos siclos ponderaret. 2. Ungues & capilli crescunt etiam post mortem; ergo ipsorum incrementum non provenit à principio vitali. ant. prob. ab experientia. Sic Barzæ Medicus scripsit, ultra 25. annos asservatum à se fuisse cadaver aromatis, & balsamo conditum, cujus unguis, & capilli sæpius resecti semper redierint ad pristinam longitudinem. Is-

brandus refert à se visum cadaver hominis pridem sepulti, cujus crines ultra humeros, barba ad umbilicum usque defluxerant, cum tamen vivens custos capillos, brevem barbam aluisset. 3. Sic capilli animarentur ab anima, tunc in resectione capillorum semper fieret homicidium, ac mutilatio, utpote partis vivæ resectio: sed; ergo.

*Resp.* ad 1. neg. ant. licet enim differant in figura accidentaliter, non tamen differunt substantialiter, sic enim etiam homines differunt quoad magnitudinem, & figuram, & tamen dicuntur habere ex suo genere certum magnitudinis terminum.

*Resp.* ad 2. c. ant. neg. conf. vel dist. Non provenit à principio vitali univoco in vita, & post mortem c. æquivoco neg. Hujus augmenti post mortem potest triplex assignari causa; in primis potest dici: quod humores corrupti adhuc pergant per suos ductus capillitios, & ungulares evaporari ex humano corpore, cum verò delati in frigidam regionem aeris subito concrecant, ideo mutantur in densiorem substantiam, & per juxtapositionem efficiunt augmentum capillorum, & unguium. 2. Potest dici: quod ex corruptione humani cadaveris fiat aliquod vegetabile, quod cum habeat dispositiones humano corpori analogas, producit etiam effectus humano corpori analogos, neque id mirum videri debet, cum ab innumeris experientiis constet, in humanis corporibus etiam vivis adhuc nata esse vegetabilia v. g. plantas. 3. Potest dici: quod in radicibus capillorum, & unguium nascatur post mortem ex putridis humoribus certum genus animalium, quod reperiendo dispositiones humano corpori cognatas idem operetur, quod operabatur anima rationalis in vita, nec figmenta sunt ista animalia. Sicut enim constat ex corpore humano generari vermes, pediculos, pulices &c. ita poterit fieri post mortem: quin immò Levenhœckius observavit in poris corporis humani actu latere innumera animalcula.

*Resp.* ad 3. neg. M. resectio enim partium superfluarum non vocatur mutilatio.

## QUÆSTIO V.

### An animæ sint divisibiles?

**T**ria sunt genera animarum, rationalis, sensitiva, & vegetativa. De rationali nunc videtur certum esse, quod sit indivisibilis; de vegetativa certum est, quod sit divisibilis, quia constat quamlibet partem plantarum adhuc exercere operationes vitales, & producere plantam sibi conspecificam. De anima sensitiva multi distinguunt. aliqui enim de anima sensitiva brutorum perfectorum tenent, esse eandem indivisibilem, de anima vero brutorum imperfectorum seu insectorum, qualia sunt vermes, muscæ, &c. concedunt esse divisibiles.

*Dico* 1. Anima brutorum perfectorum sunt indivisibiles. Prob. Conclusio. Si animæ brutorum perfectorum non habent partes actuales, tunc sunt indivisibiles: sed; ergo. M. patet. de continuo; ubi ostensum est idem non posse dividi à se ipso. m. prob.



prob. si animæ brutorum sunt totæ in toto, nec habent quantitatem determinatam, tunc non habent partes actu: Sed; ergo. *m.* prob. quantitas est tantum proprietates materiæ; ergo.

3 Prob. Conclusio 2. Si animæ brutorum essent divisibiles, tunc non esset ratio, cur unâ parte operante impediretur altera pars ab operatione, nec esset ratio, cur dolente unâ parte doleret etiam altera: Sed hujus rei debet dari ratio; ergo. *M.* prob. Si animæ essent divisibiles, tunc deberent dari tot animæ, quot deberent dari partes, adeoque unâ dolente, non necessario doleret altera.

4 Prob. Conclusio 3. Si animæ essent divisibiles tunc deberent dari multæ milliones animarum in quovis animalculo: Hoc non potest dici; ergo. *M.* prob. deberent dari tot animæ, quot darentur minimæ particulæ in materia corporis organici: At tales particulæ sunt innumeræ; ergo. *M.* prob. si semel concedatur quod aliqua pars animæ possit informare duas particulas materiæ, tunc nulla est ratio, cur non possit informare tres, aut quatuor, adeoque totum corpus.

5 Prob. Conclusio 4. Nulla est necessitas tot partium, & animarum in uno corpore; ergo tantum datur unica. Conf. patet, quia semper identitas melior est distinctione; adeoque natura, quæ semper facit optimum, tamdiu utitur identitate, quamdiu potest uti. Accedit, quod entia non sint multiplicanda sine necessitate, ant. prob. si potest concipi anima sensitiva informans totum corpus, tunc nulla est necessitas talis distinctionis: Sed; ergo. *m.* prob. possumus formaliter concipere animam rationalem secundum partem sensitivam, non concipiendo partem rationalem: Atqui secundum hunc gradum perfectionis poterit se Deus communicare brutis; ergo.

6 Prob. Conclusio 5. Aristoteles negat dari partes in animabus brutorum; ergo. prob. ant. Aristoteles lib. de ortu, & interitu docet accretionem animalium perfectorum fieri, manente, quod augescit, eodem secundum partes formales, non autem secundum materiales, nempe quod in augmentatione animalium corpori accedant novæ partes materiæ, non autem novæ partes formæ.

7 Prob. Conclusio 6. Si animæ essent divisibiles, tunc facta separatione membrorum possent permanere illæ animæ: Sed hoc non fit; ergo. *M.* prob. tota ratio cur dicantur animæ brutorum imperfectorum esse divisibiles, est, quia facta separatione adhuc deprehenduntur operationes vitales in partibus relictis; ergo idem deberet fieri in brutis perfectis.

8 Prob. Conclusio 7. Si datur modus operandi indivisibilis in brutis perfectis, tunc etiam modus essendi est indivisibilis: Sed; ergo. *m.* prob. quælibet operatio sensitiva in brutis perfectis respicit integram harmoniam corporis organici, & cooperationem partium; ergo modus operandi totius corporis organici est intrinsecè indivisibilis.

9 Prob. Conclusio 8. Si animæ essent divisibiles, non daretur sufficiens ratio, cur bruta ha-

beant certum terminum magnitudinis; at hujus debet dari ratio; ergo. *M.* prob. in hypothese divisibilitatis semper posset accrescere ipsi animæ nova pars, & sic in infinitum.

Prob. Conclusio 9. Si anima est divisibilis, tunc vel eadem animæ pars est simul cognoscitiva, & appetitiva, vel non? Neutrum potest dici; ergo. *m.* prob. si dicatur, quod una sit appetitiva, altera cognoscitiva, sequeretur falsificari illud principium, quo dicitur: *Idem debet esse, principium cognoscitivum, & appetitivum* in uno eodemque subjecto. 2. Sequeretur partem appetitivam ferri in aliquid incognitum, alia enim pars in ove cognosceret lupum, & alia pars animæ, quæ non cognosceret lupum, fugeret lupum. Si verò dicatur, quod eadem pars sit simul cognoscitiva, & appetitiva, tunc quæro, an omnes partes animæ, tam ex, quæ in capite resident, quam illæ, quæ vivunt in extremitate capilli cognoscant idem objectum, vel non? Si cognoscerent omnes, tunc sequeretur, quod una pars in ove cognoscat caput lupi, altera pedem sinistrum, altera dextrum, & sic nulla pars animæ haberet integram speciem lupi, adeoque non fugeret lupum, sed pedem lupi. Si verò omnes animæ cognoscant idem objectum, totaliter cessat tota ratio multiplicandi tot animulas in eodem corpore, quia unica potest regere totum corpus.

Prob. Conclusio 10. In hypothese animarum divisibilium non potest explicari, quomodo animula residens in vertice capitis determinet animulam residentem in calcaneo ad capeffendam fugam à lupo: Sed; ergo. *M.* prob. una animula non esset subjecta alteri, nisi ratione unionis ad invicem, quæ semel admittâ non implicat animam residentem in capite immediate uniri ipsi calcaneo.

Prob. Conclusio 11. Animæ indivisibiles brutorum non repugnant; ergo defacto dantur. ant. prob. partim negativè, partim positivè, quia nempe etiam ens materiale potest esse indivisibile, licet habeat quantitatem, & magnitudinem, prout minima Physica actu sunt indivisibilia; dein fortè dici potest: animas brutorum in nullo differre ab anima rationali, nisi quoad perfectionem cognitionis, & finem in quantum anima rationalis cognoscit entia abstracta, Deum, & principia honestatis morales; non verò animæ brutorum, & ideo etiam sint corruptibiles ob defectum finis. *Probat*ur, & *Confirmatur*, quidquid est possibile naturaliter, & pertinet ad perfectionem universi exigitur à natura, adeoque datur; ergo si animæ indivisibiles sunt possibiles, sine dubio pertinent ad perfectionem Universi, & dantur, maxime quia decet in natura reperiri varietatem, & præcipuas species entium. *Probat*ur consequentia secundò, quia ut Aristoteles habet, natura semper facit optimum, & ob hoc lib. 1. de juventute, & senectute c. 1. postquam dixerat, animalia imperfecta assimilari multis animalibus in unum coadunatis, statuit maximam unitatem in brutis



brutis perfectis, *optime* inquiens *constituta animalia hoc non patiuntur, propterea quod natura ipsorum ut possibile est, maxime una est*,

13 Prob. Conclusio 12. Si animæ essent divisibiles, non posset reddi ratio, cur animal in periculis exponeret partem unam pro defensione alterius: Sed; ergo. prob. M. in hypothesei divisibilitatis quælibet pars animæ haberet æquale jus ad defensionem proprii membri, nec tenetur cooperari ad destructionem sui ipsius, ut servet alteram partem.

14 Prob. Conclusio 13. Partes animæ, si hæc foret indivisibilis, deberent esse homogeneæ: Sed hoc non potest dici; ergo. M. patet. quia alioquin vera ratio animæ non reperiretur in partibus heterogeneis. m. prob. partes homogeneæ non possunt habere operationes in singulis corporis membris; ergo. aut. patet. quia non potest anima videre in pede. Conseq. prob. quælibet forma absolute exigit subjectum dispositum ad omnes suas operationes, & si non invenit tale subjectum disponit sibi ipsi suum subjectum; ergo.

15 Dico 2. *Anima brutorum imperfectorum non sunt divisibiles.* ant. prob. quia pugnant pleraque argumenta pro animabus brutorum imperfectorum, quæ pro animabus perfectorum.

Prob. Conclusio 2. Nulla est necessitas multiplicandi entia; ergo.

16 Prob. Conclusio 3. Argumenta, quibus adversarii probant divisibilitatem in brutis imperfectis, non satis probant illam divisibilitatem; ergo. ant. prob. Argumenta illa petuntur ab operationibus vitalibus, quæ deprehenduntur post divisionem insectorum in partibus resectis: Sed tales non probant &c. ergo. m. prob. Omnes illæ operationes possunt adscribi spiritibus vitalibus adhuc intrâ poros resectarum partium conclusis; vel potest dici: quod sensationes illæ, quæ deprehenduntur in partibus resectis, tantum sint aliquod accidens non proveniens à principio vitali, sed ab organica dispositione partium; ergo. ant. prob. si illæ operationes provenirent à principio vitali, tunc deberent diutius durare, tamdiu nempe, quamdiu manet organizatio partium. At hoc non fit; ergo.

## Solvuntur Objectiones.

17 Obj. 1. contra 1. Conclusionem. Si brutorum perfectorum animæ essent indivisibiles tunc existerent totæ in toto, & totæ in qualibet parte: Sed hoc non potest dici; ergo. m. prob. hic modus existendi convenit tantum animæ rationali, & spiritibus, & est tantæ perfectionis, ut non debeat tribui entibus materialibus, nisi efficaciter probetur: Sed hoc non fit; ergo. M. prob. modus existendi totaliter in toto spatio tantum tribuitur animæ rationali, quia est spiritualis, & immortalis. prob. eadem M. quoad 2. membrum. Dantur aliqua animalia, præsertim marina tantæ magnitudinis, ut æquent etiam magnitudi-

nem Insulæ, prout S. Basilii testatur de nonnullis balenis, & Lypsius asserit, in Bibliotheca Constantinopolitana asservatum fuisse Draconis intestinum, centum viginti pedes longum, cui tota Homeri Ilias, & Odisea litteris aureis erant inscripta; ergo esset magnæ perfectionis, si aliqua anima indivisibiliter coextenderetur tanto spatio, cui nequidem coextenderetur anima rationalis.

Resp. c. M. neg. m. ad prob. neg. M. quoad utrumque membrum. In primis enim constat, quod etiam corpora simplicia habeant aliquam extensionem adeoque existant tota in toto spatio sicut spiritus, dein eo ipso, quod iste modus existendi conveniat etiam corporibus simplicibus, perfectio tanta non est, utpote cum sit communis etiam entibus vilissimis v. g. minimis corpusculis: quod verò dicitur: nequidem animæ rationali concedi tantam extensionem, id verum est de hac vita, non de altera, quin potius tenendum animam in altera vita tantam extensionem habere posse, quantam non habet totum universum. Accedit, quod magnitudo molis tantum proveniat ab imperfectione, non à perfectione, quia perfectius est in paucis, & minimis perfectum esse; magnitudo corporum regulariter tantum impedit magnitudinem animæ.

Obj. 2. contra 1. Conclus. quandocunque 19 constat aliquod prædicatum convenire ferè omnibus inferioribus sub aliquo genere contentis, tunc censendum est illud prædicatum convenire omnibus in illo genere contentis; sed divisibilitas est prædicatum conveniens ferè omnibus animalibus; ergo. M. patet. ab inductione; quia ex iis, quæ plerumque vera sunt, inferuntur Conclusiones universales. m. prob. omnia ferè entia materialia sunt divisibilia non solum vegetativa, sed etiam sensitiva imperfecta; ergo.

Resp. trans. M. neg. m. ad prob. neg. ant. & dico: prorsus nullum ens materiale divisibile esse, quando devenitur ad simplicia. Cum igitur probatum sit, animas brutorum esse simplices, eo ipso erunt indivisibiles. Dein posset inverti argumentum sic: Illud prædicatum, quod in quacunque specie entium convenit uni, necessario convenit omnibus: Sed in specie animalium indivisibilitas convenit uni; ergo omnibus. m. prob. quia indivisibilitas saltem convenit animæ rationali in specie animarum; nec ostenditur, cur ista indivisibilitas potius pertineat ad rationem differentialem, quam ad rationem genericam animæ, ut sic.

Obj. 3. Si anima esset indivisibilis, tunc ad generatis novis partibus v. g. dum resecto digito, vel excussis dentibus nascuntur novi, anima deberet etiam informare illas partes: Hoc non potest dici; ergo. m. prob. si anima non potest educi ex illa nova parte materiæ, neque etiam transire ad illam, ut jam præexistens, tunc non poterit illam informare: Sed; ergo. m. quoad utrumque membrum prob. in primis enim nulla forma con-



## QUÆSTIO VI.

## An animæ humanae sint æquales in perfectione.

ma conservatur à materia, nisi ab illa educatur. Ex altera verò parte non datur informis transitus ab uno subiecto ad alterum.

21 *Resp.* c. M. neg. *m.* ad prob. c. M. neg. *m.* quoad 2. membrum, ad huius prob. dist. non datur transitus de subiecto adæquato in adæquatum, c. ab inadæquato, ad inadæquatum, neg. nulla in hoc apparet implicantia, ut aliqua forma in se simplex possit successivè uniri diversis partibus materiæ, & in conservando dependere ab aliquo ente, à quo non dependet in producendo.

22 *Obj.* 4. contra 2. Conclusionem. Si in partibus divisibilibus brutorum imperfectorum adhuc remanent principia vitalia, tunc eo ipso datur divisibilitas animarum. Sed; ergo. *m.* prob. in partibus resectis manent adhuc operationes vitales, & omnia accidentia, quæ fuerunt in partibus unitis; ergo etiam manent principia vitalia 2. In Adversariorum sententia non posset reddi ratio, cur v. g. in verme dissecto adhuc ambæ partes animentur; vel enim ambæ partes retinent priorem animam, vel acquirunt novam? Si priorem tunc eo ipso illa anima erit divisa; si verò novam acquirunt, tunc in primis non est ratio cur antiqua anima deserat illam partem, præ hac, vel illa parte, neque potest assignari causa productiva huius novæ animæ.

23 *Resp.* ad 1. c. M. neg. *m.* ad prob. dist. manent operationes vitales quæ sunt tales, transf. quæ tales, neg. supposito enim, quòd in partibus resectis deprehenderetur vera sensatio. vel augmentatio, dicerem hanc sensationem esse accedens non vitale. sicut enim in corpore quanto potest dari color, aut sonus, ita non implicat posse dari sensationem sine anima proprie dicta, prout suprà de virtute plastica dictum est.

*Resp.* 2. dist. Manent hæ operationes stabiliter neg. transeunt c. quodcumque datur aliqua collectio accidentium stabilis, tunc queritur radix exigitiva illorum accidentium; igitur cum collectio operationum vitalium non sit stabilis in membris resectis, non est opus querere principium vitale.

*Resp.* ad 2. neg. suppositum, quòd ambæ partes animentur, quia, ut dixi, operationes illæ vel tantum consistunt in motibus provenientius à virtute spirituum vitalium. vel si sunt veræ sensationes, dico illam sensationem residuam non esse operationem proveniente à principio substantiali. Si enim S. Justinus, Origenes, & plures SS. Patrum hunc errorem imputarunt Aristoteli, quòd crediderit, animam esse tantum accedens in corpore, non implicat, transeuntis dari sensationes, non provenientes à principio non substantiali.

24 *Dices.* Inauditum est dari sensationem non proveniente ab anima proprie dicta.

*Resp.* neg. aut. In primis enim ipse Aristoteles referente S. Justino Martyre animam sensitivam numeravit inter accidentia. Idem non impossibile visum fuit Platoni, & ratio contrarium non evincit, quòd transeunt non possit dari sensatio sine principio stabili.

R. D. Euseb. Amore Philosophia.

**T**homistæ, licet concedant animas hominum esse ejusdem speciei, negant tamen animas illas esse ejusdem perfectionis etiam essentialis, quia nempe in ipsorum sententia differentia specifica non desumitur à quacunque diversitate essentiali.

*Dico:* Animas hominum esse ejusdem perfectionis essentialis. Prob. Conclusio. Si essent inæquales in perfectione essentiali, tunc eo ipso differrent specie. Hoc non potest dici; ergo. M. prob. ad hominem; quæcumque differunt in prædicato plusquam numerico, differunt etiam specificè. ut constat ex Logica, vel ut volunt Thomistæ, quæ differunt per formam, differunt specie; ergo.

Prob. Conclusio 2. Nulla est necessitas multiplicandi gradus perfectionis in animabus humanis; ergo ista multiplicitas non datur.

Prob. Conclusio 3. Si differrent in perfectione, tunc ideo, quia differrent in suis effectibus. Hæc ratio nihil probat; ergo. *m.* prob. illa diversitas effectuum potest refundi in diversam dispositionem subiecti, nempe in organa humani corpori; ergo.

Prob. Conclusio 4. Illa diversa collectio accidentium arguit diversitatem essentialem principiorum, quæ ita reperitur in uno supposito, ut non possit reperiri, in altero: Sed nulla collectio accidentium datur in uno homine, quæ non possit reperiri in altero; ergo. *m.* pater, quia non esset contra essentialiam Midæ, si haberet Sapientiam Salomonis.

Prob. Conclusio 5. Si animæ differrent essentialiter, tunc aliqui essent essentialiter stupidi, amentes, aut ingeniosi. M. prob. illa diversitas stupiditatis, & ingeniorum proveniret à perfectione, vel imperfectione essentiali ipsarum animarum.

Prob. Conclusio 6. Dantur immediatæ causæ inæqualitatis perfectionum in dispositionibus hominum; ergo frustra recurritur ad aliam causam, nempe ad essentialiam animæ. ant. pater, quia illa diversitas potest provenire vel à dispositione parentum, vel à situ loci, victu, educatione &c.

Prob. Conclusio 7. Si diversitas operationum in diversis hominibus argueret diversitatem essentialem principiorum, tunc idem homo deberet essentialiter differre à se ipso: Hoc est falsum; ergo. M. prob. in uno eodemque homine successive dantur diversæ operationes, aliæ nempe in senectute, aliæ in puero, quin imò major est diversitas in eodem homine quadrienni, & centenario, quam inter Midam, & Salomonem.

*Dico* 2. Possibiles sunt animæ inæquales in perfectione essentiali, quin differant specie.

E c c 2

Prob.



Prob. Conclusio. Ex ipsa natura differentiae specificæ in Logica traditæ.

## Solvuntur Objectiones.

- 10 *Obj. 1. contra 1. Conclusionem.* Salomon habuit perfectiorem animam, quam alii homines; ergo sunt inæquales. ant. prob. Ipse de se scribit Salomon Sap. 8. *puer eram ingeniosus, & sortitus sum animam bonam, & cum essem magis bonus, veni ad corpus incoquinatum;* ergo cum ista Salomon de se ipso dicat, veluti per excellentiam, comparative habuit animam optimam.
- 11 *Resp. dist. ant. habuit animam perfectiorem perfectione accidentali, c. perfectione essentiali, neg. perfectio accidentalis consistit in dispositione organorum, & proclivitate naturæ, quæ tantum residet in corpore.* In versione Vatabli non reperitur nomen animæ, seu indolis, dicitur enim: *Eram autem puer ingenio dextro præditus, bonamque sortitus indolem, immo bonus ipse cum essem, corpus incontaminatum adeptus sum:* Indoles autem utique respicit dispositionem corporis.
- 12 *Dices.* Salomon de se ipso dicit, quod jam tunc antequam venerit ad corpus habuerit animam meliorem, dicit enim: *dum essem magis bonus, veni ad corpus;* ergo excessus bonitatis non debet desumi à dispositione corporis. ant. magis patet ex versione Septuaginta virali, ubi sic habetur: *παῖς ἦμην ἐνφυῖς λογὸς τὸ ἐλάχιστον ἀγαθὸς μᾶλλον δὲ ἀγαθὸς ὢν ἤλθον εἰς σῶμα ἀμικτών.*
- 13 *Resp. dist. Anima Salomonis melior existens venit ad corpus adventu operationis, c. adventu substantiæ, neg. sæpe enim illud dicitur venire, quod incipit operari, sic Deus dicit Exodi 20. veniam, & benedicam tibi: item Regum cap. 3. dicitur: Venit Deus in castra Israël nempe per operationem, similiter dicitur, quod rediit in hominem spiritus, aut quod revixerit, quando ex magna passione timoris, aut tristitiæ restituitur ad pristinam tranquillitatem: pari quoque modo Salomon dicit, quod anima illius jam in pueritia melior cæteris, in juventute exercendo operationes adhuc meliores, progressa sit ad corpus incoquinatum. Denique si hic textus deberet accipi in suo rigore tunc probaret animam jam extitisse ante unionem cum corpore, quod numeratur inter errores Origenis, cum igitur nec ipsi Adversarii accipi velint in suo rigore, nec id à nobis exigere debent.*
- 14 *Obj. 2.* Sorbona nostram sententiam vocat erroneam, hoc articulo à se statuto: *Si quis dicat omnes animas ab origine esse æquales, errat, quia alias anima Christi non esset perfectior anima Jude;* Hi articuli sunt à Sorbona reprobati circiter ante trecentos annos. 2. Constans operationum diversitas in diversis suppositis arguit diversitatem principiorum: Sed in diversis hominibus datur constans operationis diversitas. M. prob. quia non potest probari specifica brutorum diversitas, nisi ex diversitate operationum. 3. Si

diversitas operationum in hominibus non argueret diversitatem principiorum, tunc non posset convinci falsitatis sententia Pythagoricorum dicentium in brutis, & hominibus dari easdem animas: Sed hoc est absurdum; ergo, M. prob. Pythagorici semper possent respondere diversitatem operationum tantum provenire à diversitate organorum, & dispositionum, non à diversitate animarum.

*Resp. ad 1. neg. ant. vel dist. Sorbona negat animas esse æquales accidentaliter, c. substantialiter neg. Illo tempore, quo hic articulus fuit statutus, solum erat controversum, an animæ humanæ in primo momento creationis suæ accipiant æqualia dona accidentalia. Hoc autem ipsi admittimus, quod anima Christi, Beatissimæ Virginis, & aliorum acceperit majora dona accidentalia. Quod verò Sorbona non adoptaverit hanc sententiam Thomisticam, patet ex plurimis Auctoribus ejusdem Facultatis tenentibus oppositum.*

*Resp. ad 2. dist. M. Diversitas substantialis arguit diversitatem principiorum, c. tantum accidentaliter, neg. nam specifica differentia brutorum non probatur ex qualicunque diversitate, sed ex collectione accidentium in unum aliquem finem principalem conspirantium; sic canis Anglicus, & catellus non differunt specie, etiam si constanter servant aliquam diversitatem; quia tamen collectio accidentium in his canibus conspirat in eundem finem operationum, ideo non arguimus diversitatem principiorum essentialium. Dein invenitur argumentum constans operationum diversitas arguit diversitatem specificam principiorum; ergo etiam inter animas hominum deberet dari differentia specifica, quod nec ipsi Adversarii admittunt.*

*Resp. ad 3. neg. M. quia illa diversitas animarum probatur ex collectione accidentium ad diversos fines conspirantium: homines quantumcunque diversi sint, habent tamen eundem finem, nempe operationem summi boni; non ad eundem finem conspirant operationes brutorum.*

*Obj. 3.* Ideo judicamus lupum, & ovem differre essentialiter, quia nunquam videmus lupum assumere proprietates ovis, nec vicissim; ergo cum videamus æthiopem nunquam assumere colorem, & proprietates Europæi. Idem debet fieri judicium. 2. quodocunque perfectior est actus primus proximus consequitur perfectior effectus, sed respectu unius animæ datur perfectior actus primus proximus; ergo etiam ipsa anima debet esse perfectior.

*Resp. ad 1. invertendo argumentum; ergo etiam 17 animæ hominum differunt specie.*

*Resp. 2. dist. Idem debet sumi judicium circa hominem respectu formarum partialium, c. respectu formæ principalis, neg. cum enim diversitas Europæi, & æthiopis constanter dependeat à dispositione corporum, dici potest, corpora quidem differre specie ob differentiam formarum partialium, non tamen animas differre in perfectione essentiali.*

*Resp. 3. Non universim verum esse, quod nunquam detur transitus à proprietatibus æthiopum ad*



ad proprietates Europæorum, vel vicissim, sic constat fœminam, quæ sæpius in cubiculo con-  
jecerat oculos in effigiem Æthiopis peperisse pro-  
blem nigram, huc etiam facit testimonium Mar-  
gravii in historia rerum Brasiliicarum, qui narrat  
in Brasilia se vidisse juvenem candidissimum ex  
parentibus æthiopibus; ergo diversitas tantum  
est accidentaliter, utpote, quæ possit abesse, vel  
adesse sine subjecti corruptione.

*Resp.* ad 2. dist. Sequitur perfectior effectus  
accidentaliter, c. substantialiter, neg. accidentia e-  
nim non operantur ultra sphaeram specificam à  
natura sibi constitutam.

18 *Obj.* 4. Una anima operatur perfectius, quàm  
altera; ergo etiam ipsa erit perfectior, conf. prob.  
quævis res talis est, qualiter operatur; ergo si una  
anima operatur perfectius, quàm altera &c. 2. In  
Angelis ex modo operandi perfectiori recte inferitur  
major perfectio in uno Angelo, quàm in altero;  
ergo idem debet fieri in homine. ant. prob. sic e-  
nim credimus Cherubinos esse altioris ordinis, &  
perfectioris, quia amant perfectius; idem fit cir-  
ca alios Angelos, qui obeunt munia perfectiora v.  
g. circa Michaëlem, aut Raphaëlem &c. 3. Ar-  
gumentum negativum, quo utimur, eò quòd nul-  
la sit necessitas multiplicandi perfectiones, est pri-  
mo occupantis; ergo exinde nihil probatur. ant.  
prob. potest etiam in Adversariorum sententia di-  
ci. quòd nulla sit necessitas tribuendi tantam per-  
fectionem animæ Judæ, & Nabalis, quanta tri-  
buitur animæ Christi, & Salomonis. 4. Non ef-  
fet actus prudentiæ, si œconomus singulis servis  
tribueret æqualia talenta, & pro singulis mercibus  
exenderet eandem summam pecuniæ; ergo  
etiam non decet auctorem naturæ singulis anima-  
bus tribuere eandem perfectionem.

19 *Resp.* ad 1. c. ant. neg. conf. ad prob. dist.  
quævis res talis est, qualiter operatur, saltem  
accidentaliter, c. essentialiter, neg. sicut enim da-  
tur perfectio accidentaliter, & essentialiter, ita etiam  
datur modus operandi perfectior essentialiter, &  
accidentaliter, ut patet in habitibus acquisitis aut  
dispositionibus innatis. Argumentum retorque-  
ri potest, in diversis operationibus hominis suc-  
cessivè perfectioribus.

*Resp.* ad 2. c. ant. neg. conf. & paritatem,  
quia Angeli non habent corpus, ex cujus diversa  
dispositione possit oriri diversitas operationum,  
omnis ergo diversitas notabilis, quæ reperitur in  
Angelis saltem connaturaliter radicem suam habet  
in natura nobiliori, vel ignobiliiori.

*Resp.* ad 3. neg. ant. ad prob. neg. ant. & sup-  
positum, quòd anima Christi, aut Salomonis es-  
sentialiter, ac intrinsecè habeat tantam perfectio-  
nem, quantam supponunt Adversarii: Igitur  
nos non adscribimus majorem perfectionem ani-  
mabus Judæ, & Nabalis, quàm adscribunt ipsi  
Adversarii, ac consequenter nullam admittimus  
perfectionem, quam non admittunt ipsi Adver-  
sarii.

*Resp.* ad 4. Retorqueo argumentum, non esset  
actus prudentiæ, si œconomus multiplicaret ex-  
pensas, ubi nulla est necessitas; ergo neque esset  
actus prudentiæ in auctore naturæ, si multiplica-  
ret perfectiones in animabus hominum sine neces-

sitate. Respondeo autem directè c. ant. neg.  
conf. quia in animabus hominum nulla est neces-  
sitas concedendi plures perfectiones essentielles  
pro obtinendis opera ionibus nobilioribus sicut ta-  
men datur necessitas circa res œconomicas.

*Obj.* 5. Genera possunt contrahi per differen- 20  
tias specificas inæqualis perfectionis; ergo etiam  
species possunt contrahi per individua inæqualis  
perfectionis. conf. prob. negativè, quia nec ex  
parte Omnipotentis Divinæ, nec ex parte anima-  
rum ostendi potest implicantia. 2. Anima ho-  
minum separatæ connaturaliter ex gunt elicere  
operationes diversas, ac perfectiores in anima  
perfectiori; ergo inæqualitas operationum non de-  
pendet radicaliter à dispositione corporum. 3.  
Prædicata essentialia hominis sunt, animal, &  
rationale: Sed hæc prædicata possunt stare cum  
inæqualitate perfectionis; ergo. m. prob. hæc  
prædicata actu stant cum inæqualitate perfectio-  
nis in brutis, & Angelis, quia unum animal est  
perfectius altero, & unus Angelus magis partici-  
pat rationalitatem, quàm alter. 4. Si anima ho-  
minis unius connaturaliter exigit operationes no-  
biliiores sine respectu ad corpus, tunc etiam est  
intrinsecè perfectior, quàm anima alterius homi-  
nis: Sed; ergo. m. prob. anima naturaliter est  
immortalis, & corpus est naturaliter mortale, quin  
naturaliter possit resuscitari; ergo si anima se-  
cundum statum naturalem exigit nobiliores opera-  
tiones, non poterit illud exigere per dependentiam  
à corpore.

*Resp.* ad 1. c. ant. neg. conf. ad prob. dico: 21  
dari implicantiam non ex parte Omnipotentis,  
sed ex parte animarum, in quantum defacto in  
natura nulla datur necessitas, adeoque nec exi-  
gentia ad eam multiplicationem perfectionum, ubi  
autem nulla datur exigentia naturæ, ibi impli-  
cat naturaliter aliquid fieri, quamvis posset fieri  
supernaturaliter.

*Resp.* ad 2. dist. ant. una anima exigit nobilio-  
res operationes exigentia accidentali, c. essentiali,  
neg. si enim animæ hominum nunquam fuissent  
in corpore, neque etiam à Deo accepissent dona  
accidentaliter inæqualia, tunc neque in statu sepa-  
rato exigerent inæquales operationes.

*Resp.* ad 3. c. M. dist. m. reperiuntur cum in-  
æqualitate perfectionum specificè diversa, c. es-  
sentialiter non verò specificè diversa, neg. m. bru-  
ta enim inter se differunt specie, nec tantum sunt  
inæqualia in perfectione.

*Resp.* ad 4. neg. m. ad prob. nego suppositum  
quòd anima exigit nobiliores operationes in uno  
homine, quàm altero, adeoque superfluum est  
probare, quòd illas exigit independentè à cor-  
pore; etiam si dici posset animam semper exigere  
unionem cum corpore, ejusque resuscitationem,  
aut conservationem, quin naturaliter possit obti-  
nere finem suum, quem exigit, eò quòd hæc exi-  
gentia non fundetur in actu primo proximo, ac dis-  
positionibus ad resuscitationem.



## QUÆSTIO VII.

*An potentia realiter distinguantur ab Anima?*

**P**otentia numerantur innumera, præcipue sunt potentia volitiva, seu appetitiva, quia potest homo velle, potentia intellectiva, rememorativa, sensitiva, locomotiva, potentia visiva, auditiva &c. Et universim respectu omnium suarum operationum specie diversarum dicitur anima habere diversas potentias etiam specie diversas. Quæritur proin, an hæc potentia in quantum resident in ipsa anima, distinguantur ab anima. dubium enim esse non potest, quin potentia v. g. visiva, ut residens in oculo, potentia auditiva, ut residens in aure, potentia locomotiva, ut residens in pede &c. realiter distinguatur ab anima. Verum præter potentiam istam organicam, seu corpoream, materialem, ac instrumentalem necessario præsupponitur alia potentia visiva, auditiva & locomotiva in anima; & de his solis quæritur. Thomistæ universim has potentias realiter distinguunt ab anima. sicut enim anima indiget oculo ad videndum exteriora objecta, ita dicunt animam indigere alio quodam organo, ac instrumento ad sentiendas species visivas, &c. Scohistæ verò has potentias tantum distinguunt formaliter ex natura rei.

**2 Dico: Potentia non sunt realiter distinctæ ab anima.** Prob. Conclusio. Nulla est hujus distinctionis necessitas; ergo.

Prob. Conclusio 2. Si animæ potentia essent realiter distinctæ ab anima, tunc ideo, quia nulla substantia esset immediate operativa: Sed hæc ratio nihil probat; ergo. *m.* prob. potest substantia esse operativa immediate saltem ad intrā; ergo, ant. prob. Ipsi Adversarii debent admittere, quod anima immediate producat potentias, vel ut alii loquuntur, emanet; ergo jam debet admitti: substantiam immediate esse operativam ad intrā.

**3 Prob. Conclusio 3.** Actus vitalis ex mente Adversariorum non potest procedere à principio non vitali; ergo nec potest procedere à potentiis realiter ab anima distinctis. prob. conf. potentia distinctæ ab anima non vivunt, nec sunt principium vitale, aliās essent tot animæ, quot essent potentia.

**4 Prob. Conclusio 4.** Si anima non se habet merè passivè respectu suarum operationum vitalium, tunc concurret immediate ad suas operationes vitales: Sed; ergo. *m.* prob. si anima tantum se haberet merè passivè, tunc respectu operationum moralium nec esset immediate capax divinæ amicitia, nec laude digna, nec vituperio: Hoc est falsum; ergo. *M.* prob. si anima tantum se haberet passivè, tunc tam parum contribueret ad opus bonum, quàm lapis; ergo.

**5 Prob. Conclusio 5.** Si potentia distinguerentur ab anima, tunc anima eodem modo se ha-

beret, dum operatur, & non operatur, Hoc est falsum; ergo. *m.* est contra concepium principii activi. neque enim id, quod agit, præcisè denominatur per formam extrinsecam, ut murus albus, sed necessariò per se ipsum mutatur, dum ex non operante fit operans, sicut & cytharædus ex directione artis in motum localem non præcisè influit per potentiam à se distinctam, sed immediate.

## Solvuntur Objectiones.

**Obj. 1.** Omnis substantia creata utitur ad 6 operandum instrumentis à se distinctis; ergo etiam anima; ant. prob. ab inductione. sic ignis utitur calore ad calefaciendum, lapis utitur gravitate ad tendendum deorsum. 2. Si potentia non distinguerentur, tunc etiam post mortem adhuc identificarentur cum anima rationali: Hoc est falsum; ergo. *m.* prob. post mortem in anima rationali non ampliùs datur potentia visiva, & auditiva, aliàs posset videre, & audire.

**Resp. ad 1. dist. ant.** Omnis substantia utitur 7 instrumentis distinctis à se respectu operationum ad extrā, transf. respectu operationum ad intrā neg. ant. exempla in probatione adducta tantum versantur circa operationes ad extrā.

**Resp. ad 2. c. M. neg. m.** ad prob. dist. potentia visiva, auditiva &c. non dantur in anima secundum id, quod dicunt in obliquo, c. quod dicunt in recto neg. ant. Potentia visiva v. g. dicit principium visionis mediante oculo. Principium post mortem datur, medium verò illud videndi nempe oculus non datur.

**Obj. 2.** Potentia locomotiva non potest esse 8 identificata non anima; ergo nec ceteræ. ant. prob. si hæc potentia foret identificata cum anima, tunc anima nunquam defatigaretur in movendo corpore: At hoc est falsum; ergo. *M.* patet quia spiritus nunquam defatigatur. *m.* etiam patet ab experientia, quia corpus ægrum difficilius movetur, quàm sanum. 2. Illud, quod est indifferens ad diversos actus debet determinari ad unum actum per aliquid superadditum: Sed anima est indifferens ad diversos actus, nempe volitionis, cognitionis &c. ergo. Subsumo atqui aliud determinativum non datur nisi potentia; ergo.

**Resp. ad 1. neg. ant. vel dist.** Potentia loco- 9 motiva non est identificata cum anima secundum id, quod dicit in obliquo, c. quod dicit in recto, neg. ant. In obliquo dicit dispositionem spirituum, nervorum, & musculorum, quæ sunt instrumenta motus, in recto verò dicit solam animam ut potentem determinare spiritus. Secundum rectum nunquam defatigatur anima, quia verò in organis deficiunt spiritus, ideo ex parte corporis datur defatigatio.

**Resp. ad 2. c. M. c. m. c.** totum, ad subsumptum neg. ant. & dico: determinativum illud partim esse objectum, partim species impressas, partim verò organa corporis.

**Obj. 3.** D. Thomas expresse dicit: potentias 10 distingui



distingui ab anima; ergo. 2. Patres dicunt: intellectum, memoriam, & voluntatem esse unam animam, sicut tres personæ sunt unus Deus, sed tres personæ distinguuntur realiter inter se; ergo etiam hæc tres potentia.

11 *Resp.* ad 1. dist. ant. D. Thomas dicit: potentias distingui ab anima formaliter, c. realiter, neg. ant. neque enim Divus Thomas ullibi addit, quod distinguantur realiter, & argumenta etiam illius plus non probant, quam quod distinguantur formaliter v. g. dicit: quod anima prius sit, & ordinetur ad seipsam, antequam ordinetur ad extrâ, adeoque indigeat speciali determinativo operandi ad extrâ; quilibet autem videt hanc diversitatem non esse realem, sed tantum intentionalem, sicut etiam in Deo potentia operandi ad extrâ realiter non distinguitur à Deo.

*Resp.* ad 2. Inverto argumentum: sed Personæ Divinæ non distinguuntur realiter à natura divina; ergo nec tres potentia intellectus, memoria, & voluntas distinguuntur à natura animæ rationalis.

*Resp.* 2. dist. M. Dicunt hoc Patres facta comparatione operationum ad unum principium, c. potentiarum, neg. M. vel subdist. facta comparatione inadæquata, c. adæquata, neg. Patres dum explicant Mysterium SS. Trinitatis utuntur exemplis creaturarum, non quasi vellent invenire Trinitatem creatam, alioquin male procederet paritas, eo quod in homine potius daretur quaternitas, aut quinternitas, quam Trinitas, cum utique in homine dentur potentia non tantum tres, sed quatuor, quinque, aut centum. Tota proin paritas videtur in eo consistere, ut utantur his potentiis tanquam distinctis saltem formaliter, reipsa tamen identificatis cum anima.

12 *Obj.* 4. Etiam si potentia distinguerentur ab anima, tamen actus moraliter boni, vel mali possent tribui animæ; ergo illud argumentum nihil probat. ant. prob. 1. Sufficit, ut anima saltem denominative dicatur velle, vel intelligere ad hoc, ut sit digna præmio, vel supplicio; ergo. ant. prob. murus verè est albus, etiam si sit tantum denominative albus; ergo etiam anima verè erit digna præmio, etiam si tantum denominative velit. 2. Etiam in nostra sententia anima nullo modo mutatur secundum se ipsam, dum vult vel intelligit, sed tantum acquirit aliud quod accidens; ergo etiam in sententia Thomistarum non debet requiri, ut anima aliter se habeat secundum se ipsam. 3. Ignis verè dicitur calefacere v. g. lignum, etiam si non calefaciat per se ipsum, sed per calorem à se distinctum; ergo etiam anima potest dici bene, vel male agere, etiam si non agat per potentias à se distinctas, quia quod quis agit per alium, per se ipsum fecisse censetur, ut habet regula juris. 4. Corpus verè punitur, vel præmiatur in altera vita, etiam si nec immediate nec formaliter quid agat laude, vel vituperio dignum, utpote cum sit purum instrumentum, ac necessarium in agendo; ergo idem poterit dici de

anima, supposito, quod sit subiecta potentiis, sicut corpus est subiectum animæ. 5. Peccatum Adami tribuitur posteris, & peccata filiorum parentibus, etiam si posteri non immediate influxerint in peccatum Adami; ergo etiam peccatum potentiarum poterit imputari animæ, etiam si hæc non immediate influat in peccatum.

*Resp.* ad 1. neg. ant. ad prob. neg. ant. quia circa entia libera, quando agitur de causis non attenditur ad ordinem naturæ, sed ad libertatem; sicut proin ignis nil meretur vel demeretur per hoc, quod jam intrinsecè habeat respectum ad calorem, ita neque posset imputari animæ. Dem juxta Thomistas ignis jam habet intrinsecum respectum ad calefactionem, quam mediante calore producit, & ideo vi hujus essentialis respectus merito potest dici, quod sit causa, seu principium calefactionis; Econtrà Thomistæ non possent dicere: quod anima habeat essentialem respectum ad actus liberos.

*Resp.* ad 2. c. ant. neg. conf. & paritatem juxta nos enim anima est immediatum principium illorum actuum, qui illi adscribuntur, & ideo non requiritur, ut anima intrinsecè se aliter habeat.

*Resp.* ad 4. transf. ant. neg. conf. & paritatem, quia actio vitalis, quæ elicitur in corpore, sive in vita, sive post mortem est mixta ex passione, & actione immediata principii vitalis, adeoque dum punitur corpus principaliter punitur anima, quæ sentit in corpore. Hinc non punitur ens, quo quis interficit alium, quia licet habeat rationem instrumenti; tamen non habet rationem immediati subiecti ad operationem vitalem. Cum igitur anima respectu potentiarum non sit tale subiectum, quod patiatur respectu actuum liberorum, aut vitalium, non poterit in hoc comparari cum corpore. Dixi transf. quia potest dici: quod corpus nihil patiatur sub ratione corporis, sed quod sola anima patiatur in corpore, & à corpore.

*Resp.* ad 5. c. ant. neg. conf. & paritatem, quia ex peccato Adami relinquitur effectus in posteris, nempe vel macula originalis, vel quodcunque demum odio divino dignum. Si verò potentia distinguerentur ab anima, eadem non mutarent animam, neque corrumpere opus Dei, cum supponatur anima de se nec agere, nec ullo modo immutari in illa sententia.

## QUÆSTIO VIII.

### De Nutritione, & Augmentatione.

*Quæst.* 1. An detur vera nutritio, & augmentatio; sunt enim, qui dicunt: incrementum viventium tantum provenire à juxtapositione partium. Sunt etiam, qui licet concedant, dari veram augmentationem per conversionem alimentorum in substantiam alii, id tamen solum concedunt usque ad annos consistentiæ, ut dicitur, seu ad ætatem virilem perfectam, quæ ætate dicunt alimenta id tantum præstare, ut partes continua corruptione deperditas suppleant, & corporis diminutionem longius impendant sine conversione substantiali. Sed dicendum cum



communi, etiam usque ad senectutem dari veram nutritionem, quia adhuc in illa ætate constat ope medicamentorum aliquas partes jam fere arefactas ad pristinum juventutis vigorem restitui. Accedit, quod ex ipso supplemento partium deperditarum colligatur necessitas conversionis substantialis alimentorum in naturam partium deperditarum.

2. *Quæres 2.* An mutatio alimentorum in chylum, & chyli in sanguinem sit substantialis.

*Resp.* Hanc mutationem probabiliter tantum esse accidentalem. Ratio est 1. Quia in natura quotidie contingunt mutationes ejusmodi corporum, quæ tamen tantum sunt accidentales. Sic lacinia discoloris aqua, & calce mixta, insuper malleorum agitatione contusa reddunt in pristinis papyraceis citra productionem novæ substantiæ massam candidam, quæ dein sola partium mixture transit in subtilissimam chartam. 2. Quando grana tritici compressionem molarum rediguntur in farinam, & farinæ partes cum aqua permixtæ coquantur in clibano, panis efficitur, in quo maxima quidem reperitur cum tritico diversitas, nulla tamen substantialis mutatio. 3. In vitriariis officinis producuntur vitra ex cineribus, nitro, vel sale, quin etiam metalla si redigantur in calcem, in fornacibus vitriariis abeunt in coloratum vitrum, quin tamen necesse sit asserere in his mutationibus produci novam formam substantialem. 4. In Chymicorum furnis per distillationem obinetur copiosissimus liquor. Item corpora duriora, ut corralia, margaritæ &c. beneficio spirituum solvuntur in aquas, olea, tinturas, & alios humores colore diversos, & tamen in his nulla fit mutatio substantialis, quia partes resolutæ ope præcipitationis possunt statim reduci ad pristinam massam. 5. Quando cerevisia coquitur ex hordeo, & aqua, nulla fit mutatio substantialis; ergo cum neque in chylo, neque in sanguine appareat major accidentium diversitas, quàm in his mutationibus, nec ulla alia ratio suadeat fieri mutationem substantialem, ea non erit asserenda.

3. *Quæres 3.* Quænam sit immediata materia nutritionis? aliqui statuunt quatuor humores saltem secundariò inter quos est primò Sanguis. secundò Melancholia. tertio Pituita. quartò Bilis. Alii pro materia nutritionis assignant succum nervosum; alii verò serum chylosum, seu lympham ex variis partibus heterogeneis mixtam, & ope vasorum transcollatoriorum segregatam.

*Resp.* Quatuor humores non servire pro materia nutritionis: Sic enim 1. animal, quod fame perit, plurimum adhuc sanguinis in vasibus continet, adeoque sanguis non servit pro nutritione. 2. Melancholia verò est humor acidiusculus, qui ob acrimoniam suam nutritioni ineptus est, eo quod partes potius abraderet, quàm apponeret. 3. Pituita dicitur humor quodammodo crudus, & semicoctus, ulteriori coctione magis perficiendus; sed talis humor est nutritioni ineptus. 4. Bilis corporis partes, si

eam nutrirer, inficeret flavedine; neque obstat, aliqua edulia amara esse, quia non servantur immediatè ad nutritionem. Quod verò succus nervosus non sit materia nutritionis, probari potest ex eo, quia non apparet hic succus in omnibus partibus nutritis. Dein si succus nervosus esset materia nutritionis, frustra arteriarum, & venarum suos ramusculos dispergerent per totum corpus, si non iidem tanquam canalibus deportaretur materia nutritionis. Igitur restat solum serum chylosum, & hoc immediatè nutrir corpus. Prob. 1. quia corpus debet nutrir partibus similaribus, seu analogis cum corpore humano, tales autem partes in nullo humore repetiuntur, nisi in sero chyloso. 2. Corpora fame enecata solo hoc destituuntur sero chyloso. 3. Serum hoc nutritum mediocri ignis calore condensatur in offam gelatinosam. 4. Sanguis per venarum sectionem ex corporibus obesis, & carnosis emissus copiosius serum obtinet, è macilentis verò, è gracilibus emissus minus, & longè flavidius subministrat. 5. Partes nutritæ simili succo albido, & chyloso semper madent. 6. Carnes inter assandum talem succum fundunt. Ex quibus proin omnibus colligitur, sanguinem tantum esse materiam remotam nutritionis, in quantum perficit partes nutritas, easque motu suo circulari ad partes devehit.

*Quæres 4.* Quisnam sit modus nutritionis.

*Resp.* In veteri Schola Peripateticorum sequentem esse modum. Deficiente in partibus alimonia facultas attractrix ex venis allicit sanguinem, hunc debite retinet retentrix, nec prius dimittit donec ab alteratrice specificè, & sufficienter alteratus fuerit, tunc per facultatem nutriticem apponitur, & in aliam substantiam convertitur. In tertia hac coctione per expultricem residuum ad transpirationis viam interim ablegatur, quod si ita non plus alimenti apponatur, quàm fuerit deperditum, totum alimentum à facultate nutritiva convertitur, & si plus fuerit apportatum, corpus augebitur. Recentiores verò omnia explicant per combinationem, & segregationem partium Mechanicam: postquam enim chylus post aliquot fermentationes, circulationes, resolutiones, & percolationes sufficienter attenuatus, & in minimas moleculas divisus fuerit, constituit massam lacteam, mollem, gelatinosam, pinguem, subtilem, ac spirituosam, & in hoc statu ex arteriis capillaribus per minimos tribulos ac porulos defertur in cavernulas partium nutriendarum; in iis cavernulis tamdiu detinetur, quamdiu secundum leges motuum Mechanicas figuræ, & texturæ partium naturam suam accommodaverit. Interim quod reliquum est, defertur per cæcos mæandros ad extremitates vasorum lymphaticorum, vel absorbetur à venis capillaribus, ut delatum ad cor ulteriori circulatione perficiatur.

*Quæres 5.* Ubi prima fiat chylicationis præparatio?

*Resp.*



*Resp.* Eandem fieri in ore. Ratio est, quia ad chylicationem requiritur alimentorum in minimas particulas divisio, hæc divisio fit partim comminutione, partim fermentatione; sed utrumque fit in ore, in primis enim comminutio fit per dentes, quorum alii carpunt, alii scindunt, & dissecant. Cæteri contundunt, & ad fermentationem præparant: cibus verò comminutis commiscetur saliva, optimum fermentum. Hinc dantur ductus innumeri salivales, quibus lingua, buccæ, ac palati caro ferè tota perfunditur, non in alium finem à natura intentum, nisi ut subministrant liquorem fermentitium: hinc etiam manducantes occulto naturæ ductu identitem sollicitant linguæ palatum, ut ex glandulis eliciatur saliva. Patet etiam, quòd saliva sit dissolvens aliquod universale proveniens ex alimentis acidis salis, & sulphureis, figit enim mercurium instar menstrui acidi; dissolvit sulphura instar salium, inaviscat in morem sulphuris, dissolvit salia in morem aquæ, pastum farinæ fermentat, scabiem tollit, candenti ferro inspersa maculam relinquit, ut mirum non sit, si tantam in solvendis cibus virtutem exercent. Ulterius ipsa experientia monstrat, quòd bolus bene masticatus, & saliva rite imbutus in loco calido manifestè fermentetur. Denique si saliva non conduceret ad fermentationem ciborum, sed esset purum excrementum, non esset ratio, cur bruta, quæ sputando nihil excernunt, eam deglutterent, neque esset ratio, cur graminivora pleaque donentur multiplici ventriculo, lepus tamen unico contentus sit, nisi quòd salivæ copia, qua propter infinitas glandulas est repletus, obeat ventriculorum vices. hinc Arabes id sumpserunt pro axiomate: *qui amat animam suam, bene masticaet.* Et patet ab experientia, verum esse axioma, deficiente enim masticatione chylus fit crudior, & nascuntur innumera morborum genera. Natura propterea in animalibus cibo crudiori vescentibus ordinavit; ut cibos jam ad stomachum dimissos denuo regurgitent ad os, ac bina, ternave masticatione contentantur.

**Quæres 6.** Ubi fiat secunda alimenti præparatio, seu chylicatio?

*Resp.* Eandem fieri in ventriculo, ubi cibi rediguntur in Massam fluidam, albam, lactis formem seu pulfaceam; cibum enim ingestum ventriculus statim arctè complectitur, & fermento suo idem in cremorem fluidum, & subcineritium resolvit, quòd verò hæc resolutio fiat in ventriculo probatur ex observationibus in canum dissectione factis, quibus compertum est, lac, & jacula per integram horam in ventriculo morari, quin etiam per plures dies, si sint solidiora alimenta donec perfectionem suam adepta egrediantur è ventriculo. Eodem modo observatum est panem v. g. prima hora atquantum immutari, secunda hora evadere raræ, & madidæ spongiæ similem, tertia hora eundem in minima frustula dividi, dein inter quartam, & quintam horam concoctum per

R. D. Euseb. Amari Philosophia.

pylorum elabi. Carnem verò sex, vel septem horas; & si sit bubula octo horas requirere, antequam rite immutata transeat ad intestina, sed hoc ordinariè tantum fieri censendum est, & pro diversitate fermenti diversimode. Memorat enim Riolanus in Duce Byronæo, qui duabus ante mortem horis large fuerat epulatus, ventriculum fuisse vacuum.

**Quæres 7.** An causa chylicationis sit calor ventriculo innatus, prout Peripatetici existimant. aut, an saltem aliquid contribuat ad concoctionem.

*Resp.* 1. Causam chylicationis non esse calorem. Id probatur 1. Si calor foret causa chylicationis tunc ubi est calor major, ibi etiam melior esset chylicatio, & vicissim: At hoc est falsum; ergo. m. prob. ab experientia, qua comperimus in febribus calore plurimum aucto digestionem aboleri, & prosterni. Econtrà in Bullimia digestionem augeri calore neutiquam aucto.

Prob. 2. Calor ventriculi est valde remissus, ut patet ex iis, quæ vomitu rejiciuntur semi digesta, sed talis calor non sufficit ad redigendum cibos in pulmentum; alioquin longè celerius id præstaret ferventissimus calor ollæ ferventis.

Prob. 3. In piscibus, ranis, serpentibus, & ejusmodi animalibus frigidis ventriculus vel ipso contactu frigidus percipitur, & tamen voracissimi sunt; devorant integros pisces, ut Lucius, & digerunt crudissimam ciborum coluviem. Deo Afello Marino narrat Pater Pressanus tantam ejus ventriculo inesse vim frigoris, ut vix illam admota manus sustineat, licet omnia ferè digerat.

Prob. 4. Omnia acida à Galenicis dicuntur frigida; appetitum tamen excitant, & digestionem promovent.

Prob. 5. Hypochondriaci, quorum ventriculus dicitur frigidus, fortiter appetunt, & citò digerunt.

Prob. 6. Si ope solius caloris fieret digestio alimenta quædam concreverent potius, quam resolverentur, ut ova; alia assarentur, ut carnes ab avibus prædatricibus, quæ nunquam bibunt.

Prob. 7. Si calor solus omnia concoqueret, nullus foret finis tot glandularum, quæ liquorem gastricum in ventriculo suppeditant; neque foret finis salivæ per palatum in œsophagum continuo descendens.

*Resp.* 2. Calor aliquo modo promover digestionem. Probatur 1. Calor actualis adjuvat digestionem, & fermentationes artificiales; ergo etiam potest adjuvare naturales. aut. patet. ab experientia Chymicorum. Sic enim ope caloris Boyleus elixavit ossa animantium, ita, ut post quatuor horas instar casei edi potuerint, id ipsum factum est in cornu cervino post horas sex Mariæ balneo imposito.

Prob. 2. Vitia, ac debilitas ventriculi communiter corriguntur calidis fomentis, & medicamentis.

Prob. 3. Hyeme dominante Borea, vel in locis Septentrionalibus felicior est ciborum concoctio.

F f f



etio, quia poris oclusis intrâ coë. cetur stomachalis calor.

Prob. 4. Si quis à prandio studiis incumbat, depravatur chylicatio ob avocatos ad cerebrum, ut communis fert opinio, spiritus calidos.

Prob. 5. Natura stomachum inter calida viscera medium constituit, non alio fine, nisi, ut foveatur calore.

9. *Quæres* 8. Quænam sit præcipua causa chylicationis?

*Resp.* Hujus causam esse præcipuam liquorem gastricum seu fermentum stomachale, vicus in ventriculo sit fermentatio.

Probatur prima pars, quod reperiatur tale fermentum in digestionem ciborum. sic enim primò, qui lac jejunos sumit, & illud iterum evomit in lingua percipit acidum, & lac videbit semicaesatum, seu coagulatum, quod non posset fieri, nisi acidum fermentum lateret in ventriculo.

Prob. 2. Potest fieri chylus artificialis naturali persimilis per menstrua, sive acida volatilia adjuvante moderato calore, ut testatur Boyleus; ergo credendum, quod simili fermento in ventriculo generetur chylus naturalis.

Prob. 3. In morbis, ubi abolita est chylicatio, hæc reparatur à sumptione acidorum volatiliū, ut constat ex praxi medica; ergo ubi chylicatio non est abolita, tale acidum jam inesse censendum est.

Prob. 4. In dissectionum animalium stomachis manifestè deprehenduntur frustra alimentorum acida.

Prob. 5. Panis est cibus, cujus nunquam fastidio corripimur sani, & cujus appetitum ulimò amittimus ægri, & convalescentes primò recuperamus; sed nulla hujusmodi est convenientior ratio, quàm quod in pane sit spiritus acidovolatilis, qualem exhibent Chymicorum officinæ, adeoque naturæ stomachi optimè conveniens.

10. Probatur etiam secunda pars, quod nempe ope illius fermentationis fiat chylicatio. 1. Ex chilo elaborandi sunt spiritus, & omnis generis humores naturales; Atqui hoc fieri melius non potest, nisi ope fermentationis; ergo, *m. prob.* ab experientia Chymicorum, ut enim eliciantur à quacunque materia spiritus, ea primitus debet subijci fermentationi, aut putredini per artem Chymicam.

Prob. 2. In chylicatione debent separari partes utiles ab inutilibus: Sed hoc iterum melius non potest fieri nisi per fermentationem; ergo, *m. patet* ex ipsa natura fermentationis, in qua mixtum in minimas partes resolvitur.

Prob. 3. Aliquot à pasto horis reperitur in dissectionis corporibus massa, quæ in ventriculo retinet speciem instar farinæ subactæ, quando in fermentatione instituta est dissectio.

Prob. 4. Alimenta, quò magis apta sunt ad fermentationem, ut lac, fructus, mustum &c. eò magis inflant, & distendunt ventriculum, id quod quandoque colligitur ex crebris rustibus.

11. *Quæres* 9. Quo abeat chylus, dum egreditur è ventriculo?

*Resp.* Omnis chylus ex intestinis abit in venas lacteas, & ad mesenterii glandulas deportatur, in quibus probabiliter affluente recenter aliqua lymphæ ulteriori fermentatione perficitur: à glandulis

pergit ad commune receptaculum Pequeti, & ab hoc receptaculo per ductum thoracicum ascendit ad venam axillarem, & exindè in venam cavam ingressus miscetur sanguini. Hæc via chyli probatur ex sequentibus. 1. Venæ lacteæ tribus, aut quatuor post pastum horis turgent humore. 2. Finia chylosita disparent ut ne quidem videantur: quæ causa est, cur per tot sæcula latuerint. 3. Nunquam in iis observatur sanguis. 4. Sunt instructæ variis valvulis, quibus facilem chyli ingressum concedunt, regressum negant. 5. Durante concoctione ligatæ versùs intestina intumescunt.

De receptaculo Pequeti probat experimentum Lotteri. Si receptaculum chyli aperiatur in cane, & plaga pectoris denuo consuatur, chylus in pectus extrâ vasabitur ad unam, alteramve libram, & animal fame, interibit, etiamsi intereà turgenti venæ lacteæ.

De ductu thoracico constat. 1. Ex colore lacteo aliquot à pastu horis observabili, cum ante pastum pelluceat ob lympham. 2. Ex valvulis. 3. Ex ligatura. 4. Ex disruptione, ut supra de receptaculo.

De commixtione chyli immediata cum sanguine probatur. Sanguis quatuor, aut quinque horis post pastum è venâ extractus copiam lactescentis chyli, sanguinis coagulo supernatantem exhibet, quod non fit, si phlebotomia in jejuno instituatur. Experti sunt alii crudum chylum è corde dissecti canis exuisse.

*Quæres* 10. Quænam sit officina sanguinis?

*Resp.* Officinam sanguificationis neque esse hepatis, ut hætenus creditum est, neque etiam cor, nec ullum aliud viscus determinatum; sed sit sanguis per motum suum intestinum, & progressivum. 1. Pars probatur ex præcedenti conclusione, quia chylus non deferitur ad hepar, sed ad venam subglaviarum, ubi cum sanguine miscetur. Secunda pars probatur ex eo, quia chylus è corde egressus observatur adhuc crudus, & lacteus; ergo in corde non fuit conversus in sanguinem. Prob. 2. Chylus in corde nullam moram trahit; ergo non poterit tam subito converti in sanguinem. Tertia pars sic probatur. Sanguificatio est chyli subactio, resolutio, subtilisatio, & exaltatio, ut possit cedere in succum nutritium, constituere materiam spirituum, & humorum, atque rubrum inducere colorem, sed talis elaboratio optimè fit per motum progressivum, per quem depuratur, & transcolatur.

*Quæres* 11. Si saliva non est merum excrementum, cur ergo eam expuimus? 2. Si in ore prima chylicatio fieri debet, cur in quibusdam animalibus non datur masticatio, eò quod dentibus tantum utantur ad cibum corripendum? 3. Aves non habent dentes, & tamen bene digerunt; cur ergo requiruntur in homine?

*Resp.* ad 1. Salivam habere plures fines; præcipuus illius finis est, ut fermentet alimentum, & resolvat minimas partes ciborum, simulque ex iisdem salia, & saporificas qualitates eliciat, per quod proin saliva segregat partes, & utile ab inutili, per hoc ipsum tamen separat partes per transpirationem, aut circulationem sanguinis ad poros delatas, easdemque ad palatum revehendo parat ad separationem à partibus naturæ analogis, & propter hoc expuitur saliva, ut cum eadem secerantur partes inutiles.

Ad 2. & 3. Dico: à natura talibus animalibus



concessos esse plures stomachos in defectum masticationis; aves verò, quæ ob defectum dentium non masticant ex instinctu naturæ devorant lapillos, per quos in stomacho instar dentium comminuunt alimenta; undè observat Harveus, quòd aves ejusmodi lapillæ longo usu attritos, ac lævigatos iterùm rejiciant.

## QUÆSTIO IX.

### An detur circulatio sanguinis.

**S**Uppositis iis, quæ de structura organorum humani corporis dicta sunt.

**I Dico. Datur circulatio sanguinis.**

**Prob. Conclusio 1.** Sanguis è corde expellitur in arterias, ex arteriis propellitur in venas, & è venis tendit ad cor; ergo necessariò datur circulatio sanguinis, seu reditus ad cor. ant. quoad 1. membr. prob. si cor per motum diastole dilatatur, & per systole contrahitur, tunc eo ipso sanguis expellitur è corde in arterias: Sed; ergo. *m.* pater ab experientia *M.* prob. quando cor dilatatur, tunc non datur vacuum in cordis ventriculo: Sed sanguis; ergo per contractionem cordis necessariò extruditur.

**2.** Prob. ant. 2. Cor in diastole notabiliter intumescit, in systole flavescit, & fit angustius: Atqui hæc diversitas oriri non potest, nisi à sanguine vel recepto, vel expresso; ergo. Prob. ant. 3. in animali occiso, si cordis mucro refecetur, & digitus immittatur vulnere, in motu systoles, tam arcte sentitur comprimi, ut totum exinaniri necesse sit. Prob. ant. 4. si prope cor ligetur, aut comprimatur vena cava, statim versùs cor evacuat, & inanitur; si verò comprimatur, aut ligetur aorta, citissimè cor usque ad livorem intumescit, & est suffocationis periculum. Prob. ant. 5. quando secatur minima arteria, dicto citius profluit sanguis, imò potest intrà spatium semihoræ, vel quadrantis sic universus cruor educi: quod non est ignotum lanionibus, qui cæsis ovibus dissecant cervicalem arteriam, ut brevissimè sanguis omnis extrahatur; quòd si autem jugulum non secuerint, priusquam cor pulsare desierit, vix mediam partem elicient; ergo signum est singulis pulsibus cordis sanguinem protrudi. Prob. ant. 6. ligata prope cor aorta statim, Charotides, aut jugulares arteriæ videntur inanes, sic etiam extincto animali parum sanguinis reperitur in arteriis, plurimum verò in venis, quia sanguis ex arteriis movetur in venas, ut si novus sanguis non continuò per systolem allabatur arteriæ, cito vacuentur. Prob. ant. 7. In omni syncope v.g. timore repentino, & toties, quoties cor languidius pulsatur, hæmorrhagia ledatur, & cohibetur.

**3 Probatur etiam 2. pars.** Nisi sanguis ex arteriis transiret ad venas, tunc vel rumperentur arteriæ per novum affluxum sanguinis, è corde, vel sanguis ex arteriis extra vasatur in fibrosam carnis substantiam ibidem deberet stagnare, & corrumpi, quod est contra experientiam.

**4 Probatur etiam 3. pars.** Quòd sanguis è venis iterùm redeat ad cor. Si canis vivo omnino dissecetur vena cava, nihil ferè cruoris ex trunco, hoc est, ex parte cordi viciniore effluit, ex ramo autem

R. D. Euseb. Amoris Philosophia.

effluit totus; ergo sanguis venosus tendit ad cor. Prob. 2. Si in phlebotomia ligetur brachium supra sectionem, venæ tumescunt infra ligaturam, detumescunt autem supra ligaturam versùs cor. At brachium solùm ideo ligatur supra sectionem, ut sanguis venosus à partibus externis ad cor ascendens sistatur; ergo eo ipso sanguis nititur redire ad cor. Prob. 3. Ligetur brachium ligatura mediocri, & tamdiu ligatum teneatur, donec omnes venæ apprime turgeant, infraque ligaturam cutis insigniter rubeat; tunc verò immergatur brachium aquæ gelidæ, donec collectus infra ligaturam sanguis satis refrigerescat: soluta ligatura senties ex sanguine frigido revertente, quàm celeri cursu sursum ad cor properet, & quam mutationem reversus in cor faciat, ut mirum non sit quosdam soluta ligatura post phlebotomiam in deliquium incidisse, ob sanguinem nimis refrigeratum; & plurimos febricitantes missis in gelidam manibus, ac pedibus cordis refrigerium acquisivisse; ergo sanguis è venis tendit ad cor. Prob. 4. Si sanguis è venis non tenderet ad cor, tunc sanguis ex arteriis in venas transmissus vel remaneret in venis, vel non? Neutrum potest dici; ergo. si permaneret tunc perpetuo affluxu rumperentur venæ; si non permaneat, proxima, & faciliori viâ redibit ad cor, cum in nullo alio loco reperiat ampliorem exitum. Prob. 5. In venis stantur valvulæ apertæ versùs cor; econtrà verò impediunt reditum à corde; ergo signum est, quòd sanguis tendat ad cor: ant. prob. ex nodulis conspicuis, si digito sanguinem in brachio deorsum urgeas. Prob. 6. Sanguis è venis emissus non descendit ab humeris supra ligamen; ergo tantum movetur è venis versùs superiorem partem nempe truncum.

**Prob. Conclusio 2.** Maxima sanguinis copia per motum cordis identitè expellitur, nec potest explicari, undè tanta sanguinis copia proveniat, aut quo deveniat; ergo circulatur. ant. quoad 1. membr. prob. sic enim motus, seu pulsus cordis, & arteriarum in homine sano singulis minutis numerantur septuaginta, aut septuaginta quinque, ex quo regulari motu quidam tentavit invenire novum genus horologii. In febricitantibus quandoque intrà minutum numerantur centum, aut centum viginti pulsus, adeoque intrà horæ spatium ad minimum numerantur tria, aut quatuor millia pulsuum, in aliquibus Harveus ad octo millia observavit. Quovis verò motu systoles saltem scrupulus unus expellitur moderatissimo computu: Wallæus enim in hoc quatuor drachmas (drachma continet tres scrupulos) per unum motum systoles expelli putat, adeoque computu inito intrà minutum ad minimum septuaginta scrupuli expelluntur è corde, intrà horam verò tria aut quatuor millia, & intrà viginti quatuor horas plusquam ducentæ quadraginta libræ medicæ sanguinis trajiciuntur. Jam si ponamus in homine centum sexaginta librarum reperiri, tredecim libras sanguinis, ut quidam observant, necesse erit, totum sanguinem aliquoties ad minimum decies per diem circulare.

**Probatur etiam 2. pars ant.** Si posset dici undè proveniat tanta sanguinis copia, tunc dici deberet, quòd proveniat ex alimento: Sed hoc fieri non potest; ergo. *m.* prob. ex alimento non possunt fieri ducentæ quadraginta libræ, aut si sanguis decies



circuletur, adhuc plures, cum nullus tot libras unquam absumpserit intra diem, neque etiam tota corporis moles tot libras ponderet. & etiam si vera foret hypothesis opinantis, in motu systoles, & corde non plus egredi, quam unam guttulam & cor intra horæ spatium tantum pulsaret bis milies, adhuc tamen bis mille pulsibus transmittentur tot guttulæ, ut intra viginti quatuor horas plus quam octo libræ trajicerentur, si ponatur sexaginta guttulas facere unam drachmam. quod ipsum ex alimento provenire non potest, maxime in hominibus biduo, aut triduo jejnantibus.

7. Prob. Conclusio 3. Ex systemate, & situ valvularum; sunt autem valvulæ nihil aliud, quam per tennes partes satis tamen firmæ, fortes membranulæ, seu pelliculæ; sitæ sunt tum in corde, tum in venarum cavitatibus; potissimum in venis artuum, brachiorum, & crurum; ita tamen dispositæ sunt, ut versus cor, & truncum inclinentur, atque promptissime sanguini, dum à ramis ad cor movetur, transitum permittant; contrà verò negent iter sanguini à trunco versus ramos; imò nec flatu fortissimo, aut impulsu in oppositam partem flecti possunt. Jam sic: Data circulatione expedita est ratio structuræ, & sitûs valvularum; e contrà negata circulatione ratio videtur impossibilis; ergo. prob. ant. In systemate Circulatorum est ratio, cur primò valvulæ concedant sanguini transitum versus cor; negent verò transitum à corde versus ramos, quia juxta circulatores sanguis debet fluere versus cor, non verò fluere à corde ad ramos. 2. Potest explicari, cur valvulæ arteriæ magnæ, & pulmonaris præbeant exitum sanguini à corde; negent verò reditum, quia per arterias cor sanguinem dimittit, & per venas admittit. In systemate Adversariorum tam sanguis venosus, quam arteriosus tenderet à corde ad ramos, & à trunco versus artus, adeoque nullus esset finis valvularum. Rursus in principiis anticirculatoriis sanguis arteriosus cum spiritu vitali tenderet à corde ad pulmones per venam pulmonarem; atqui cum hoc motu iterum non convenit situs, & structura valvularum, utpote, quæ omnem sanguini regressum per eandem denegant.

8. Prob. Conclusio 4. Hypothesis circulationis convenit melius cum experimentis variis; ergo est præferenda. ant. prob. 1. Sic facilis est ratio, cur omnes arteriæ ligatæ turgeant versus cor, & flaccescent versus ramos, cum in venis contrarium contingat. Prob. 2. Cur si in phlebotomia brachium stringas ligatura stricta, & sic aliquamdiu serves, versus manum nuspiam pulset arteria, & manus incipiat sensim aliquantum frigescere, cur etiam vena secta in hoc casu modicum sanguinis suppeditet, quod si verò ligaturam strictam tollas, arteria in carpo pulset, statim coloretur iterum manus, & moto ad arteriam digito præter habentem sanguinem in magna copia quasi fluctus sentias. Prob. 3. Cur facta sectione venæ non eodem tenore sanguis fluat, sed hæreat subinde, aut saltuatim exiliat, nam eodem tenore ab arteriis non suppediatur, nec eadem copia ex carnibus exurgitur, & hinc etiam ope tussis muscoli concitantur, ut sanguis copiosius urgeatur in venas. Idem fit ope baculi. Prob. 4. Cur venenum digito instillatum

brevi interficiat hominem, quia spiritibus in vena infectis cruor congelatur, & impedita circulatione alicubi restagnat; vel quia venenum à venis capillaribus absorptum ad cor derivatur; Hinc observatum est, quod per immixtum spiritum vitrioli in sanguinem sanguis subito congelatur. Prob. 5. Cur ex ictibus, contusionibus, & jugillationibus oriuntur tumores, & ulcera; quia laceratis, aut contusis vasis capillaribus plus sanguinis effunditur in carnem quam ut debito tempore remeare possit ad venas, & hinc oritur putredo, aut sanies &c. In sigillationibus verò sanguis extravasatus tandem tamen discutitur, quia sensim à venis resorbetur, & ad cor circulator. Prob. 6. Si venam Portam feces in animali etiam de mortuo; & intro per syphonem post exhaustum sanguinem mittas alium coloratum liquorem, vel mercurium, ille primo transit in cavum, & dextrum cordis atrium, mox circulator per pulmones; hinc in sinistrum cordis ventriculum, ex hoc in aortam, & omnes corporis partes deferitur; ergo datur via ad circulationem; adeoque nullo impediante ipsa circulatio. Prob. 7. Ligatâ venâ cava cujusvis animalis vivi juxta cor, ut nil illuc in cor migret, & confestim rescindantur arteriæ jugulares illæis tamen utrinque venis, videbis omnes arterias expanitas, sed non pariter venas, manifesto argumendo, nullibi sanguinem è venis in arterias, nisi cordis ventriculo derivari. Prob. 8. In Gallia, Anglia, aliisque Regionibus in usu fuit Chirurgia infusoria, quæ ex uno homine in alium, ex uno animali in aliud sanguis transfunditur, imò etiam per venas, & non oesophagum Medicinæ hauriuntur: Atqui hoc fieri non posset, nisi sanguis circularetur.

## Solvuntur Objectiones.

Obj. 1. Non quolibet cordis pulsu expellitur sanguis in arteriam; ergo probationes non subsistunt. ant. prob. 1. Corda evulsa v. g. viperæ, anguillæ, ranæ, &c. pulsant sat longo tempore, nullum tamen sanguinem expellunt. Prob. ant. 2. ut Wallæus ipse magni nominis circulator affirmat, in animalibus languidis sæpe aliquot pulsus intercedunt, donec stilla promanet à corde. Prob. ant. 3. Dexter ventriculus est longe capaciôr, quam sinister; ergo si quovis pulsu sanguinem expellit dexter, ac postea resorbet sinister iste brevi plus nimio turgebit. Prob. ant. 4. Si sanguis aliquamdiu in ventriculis potest melius elaborari vel coqui, & tali modo cor deberet assimilari ollæ succentæ, quæ licet aliquando aperiatur, ut emittat vapores, retinet tamen intra se substantiam. Posset proinde dici: situm valvularum habere illum finem ut impediant reditum talium vaporum è corde emissorum.

Resp. neg. ant. ad prob. 1. & 2. Nego hîc esse<sup>10</sup> disputationem de motu cordis in animali mortuo. Ad 3. dico: necesse non esse ut dexter ventriculus in systole omnem sanguinem excutiat: Sed posse aliquam partem adhuc retineri. Potest etiam dici: aliquam portionem sanguinis; antequam è dextro cordis ventriculo per pulmones commeat in sinistrum, cedere in pabulum pulmonibus,



aut in vaporem facessere. Denique potest dici: sinistrum cordis ventriculum tantum ideo esse angustiores, ut sanguinem eo fortius comprimat, & versus aortam vehementiori impulsu protrudat. Ad 4. dico: sanguinem melius perfici circulatione, adeoque non est necesse ad ista intricata effugia.

*Obj. 2.* Etiam si quavis systole trajiciatur aliquid in arterias, necesse tamen non est, ut transeat integra massa; ergo ratio nostra secunda non subsistit. prob. ant. cum sanguis ut Læwenheckius expertus est Microscopio, tam exilibus constet globulis, ut illorum 25000. non excedant granulum arenæ, unica sanguinis gutta poterit ita rarefieri ab intensissimo cordis æstu, ut ad plures pulsus, & ad distensionem totius aortæ abunde sufficiat, neque etiam obstat, quod in sectis animalibus tanta profiliat ex corde sanguinis copia, hoc enim tribuendum potius est dolori, & perturbato cordis motui, quam naturæ.

*Resp. neg. ant. ad prob. neg.* hanc rarefactionem, quia contrarium plane suadent ea, quæ in prima probatione adduximus.

*Resp. 2.* Si sanguis ita rarefieret, aut ebulliret in sinistro cordis ventriculo, profecto notaretur aliquod indicium in sectionibus vivorum, at in istis aperto pectore non percipitur tantus æstus; neque ille sanguis, qui protruditur in arteriam, est æreus, spumofus, aut ebulliens, alioquin dum emititur, deberet per condensationem coire ad minorem quantitatem.

*Resp. 3.* Cordis interior structura, cum sit admodum musculosa multisque fibris instructa, repugnat tantæ sanguinis raritati.

*Resp. 4.* Corda ranarum, piscium &c. ut in squilla pisciculo Anglicano, & aliorum frigidorum animalium in motu systole intense pallent, in diastole recuperant ruborem: Atqui hoc non potest esse à calore ejusmodi cordis utpote frigidi; ergo ab extrusione, & receptione sanguinis.

*Resp. 5.* Quando secatur arteria, sanguis dicto citius saltatim profilit, & intra quadrantis horæ spatium totus omnino sanguis evacuabitur, qui utique debet per cor transire, atqui hic non adeo dolor & motus cordis notabilis depravatus.

*Obj. 3.* Ligetur brachium bis, & inter utramque ligaturam vena secetur, nihilominus hæc intumescet, & magnam sanguinis copiam fundet. Jam sic: in nostra hypothese explicari non potest, unde in hoc casu tanta sanguinis copia proveniat, non ab humeris, aut partibus extimis, quia juxta nos & valvulæ, & vincula obstant: non à manu seu partibus externis, quia saltem moratur vinculum, sed neque totus sanguis continetur in tam exiguo spatio, quod inter vincula interjacet. 2. Data circulatione si brachium aliquamdiu ligatum teneatur intumesceret in immensum: Hoc est contra experientiam; ergo. prob. M. quia singulis pulsibus emitteretur sanguis ex arteriis in venas, à quibus cum ulterius pergere nequit, necessario accresceret in immensum.

*Resp.* Retorquendo in Adversarios juxta quos sanguis deberet non obstante ligatura ab humeris affluere,

*Resp. 2.* Iterum retorquendo in casu, quo arteria ligatur.

*Resp. 3. neg. m.* & dico: sanguinem ad sectam majorem venam ex minoribus venulis, quæ cum majori communicant, in has per occultas anastomoses derivari; hujus signum est, quod in hoc casu sanguis calidior, & majori cum impetu fluat. Cæterum, quod arteriæ cruorem, quem in unam partem deferre satis non possunt, derivent dein copiosius in alteram, plurimis exemplis est clarum: sic ligata in cane vivo arteria cervicali, statim major pulsus in axillari percipitur, si arteriam descendantem in thorace compresseris, illico sanguis in caput ubique propellitur.

*Resp. ad 2.* Raro ita stringi brachium, ut nullus omnino sanguis possit remeare; quod si quandoque stringeretur arctissime, præsentissimum foret inflammationis, & gangrenæ periculum, & in hoc casu sanguis quæreret novas alias vias, per quas posset redire ad cor.

*Obj. 4.* Valvulæ in viventibus non ita arcte clauduntur, ut non paulisper hient, aut in oppositam partem declinent; ergo potest sanguis per venas communicari ad artus, & partes. 2. Valvularum usus tantum est, ut impendant refluxum sanguinis descensum, & confluxum in venarum virtutum.

*Resp. 1. neg. ant.* quod est contra experientiam, & gratis fingitur. Harveus testatur venas majores, quando inflantur nunquam permittere transitum aëri; e contra si minores inflentur, illico permittunt aëri transitum ad venas majores.

*Resp. ad 2. neg. ant.* Præter superius enim dicta quæro 1. Cur valvulæ non aequè sint in arteriis, ubi pariter timendus foret nimius ejus affluxus. 2. Cutitæ sint etiam in emulgentibus, & mesenterii ramis, cum tamen in his venis nullum possit esse nimii affluxus periculum. 3. Cur valvulæ tam promptè aperiunt viam versus truncum & cor?

*Obj. 5.* Nullus est usus, aut finis circulationis ant. prob. 1. possunt dari liquores, ut oleum, vinum, lac, qui citra putredinis metum stagent in vasis, quidni & sanguis? certe Robertus Boyle duas, aut tres sanguinis uncias per annum servavit fluidas, & incorruptas in phiala hermetice clausa. Accedit, quod in sanguine detur spiritus, & aura vitalis, quibus assidue ventilatur, ac à putredine præservatur. Prob. ant. 2. Potest sanguis à dextro cordis ventriculo communicari sinistro per septi transversii porositates; ergo non est opus tantis per pulmones ambagibus.

*Resp. ad 1. neg. ant.* Finis est multiplex. 1. Hoc perenni motu sanguis conservat fluiditatem & calorem, nam ubique quiescit in vase non optime clausa, qualia vasa sunt venæ, mox coagulatur, & in serum fluidum, ac grumum spissorem facit, nec sufficit aura vitalis communicans cum sanguine; palustris enim aqua, licet sæpissime, ab aëre ventiletur, putredinem tamen non potest effugere, sicut aqua fluvialis, quæ perpetuo movetur. 2. Cum sanguis ex heterogeneis partibus coalescat, & semper nova materia illi addatur, necessario debet in vasis corporis humani partibus



veluti totidem officinis Chymicis ulterius elaborari, excrementa deponere propter superfluas, & iteratis distillationibus perfici. 3. Nisi partes corporis extremæ allapsu novi sanguinis moverentur, statim algerent, tabescerent, & idoneo carerent alimento; novus autem sanguis allabi non potest, nisi vetus relegatur ad priorem scaturiginem.

*Resp.* ad 2. neg. ant. Septum enim pertusum non est saltem sensibilibus poris; hinc non est querenda via incognita, & insensibilis, ubi patens est via per arteriam pulmonarem.

19 *Obj.* 6. In multis venarum ramis præsertim cruralibus dantur varices, seu tumores intra tunicas; sed hæ non possunt stare cum circulatione. Nam primò ideo nascuntur, quia copiosior sanguis descendit per venas ad pedes, & alicubi restagnat. 2. Quia viam obstruerent ascendenti sanguini. 3. Varices cruales juxta Principem Medicorum indicant in infanientibus dissolutionem amentia, quia melancholica fæx è partibus centralibus per venas descendit ad partes ignobiliores.

20 *Resp.* c. M. neg. m. ad 1. rationem dico: quòd causa varicum sit crassior sanguis tum gravitate propria tum externo impetu depressus, nec luititallis varix motum sanguinis sursum.

*Resp.* ad 2. dist. rationem; obstruunt viam & c. ita ut non ita expedite transeat, c. ut nullus transeat, neg. si enim omnis intercluderetur via, certum foret inflammationis, & gangrenæ periculum, in quo casu ultro concedimus circulationem impediri in parte inflammata.

Ad 3. rationem dico: quòd cruor vitilatus, ac melancholicus initio detrudatur per arterias, inde progrediatur ad venas, ubi suomet pondere, & innata gravitate facile detinetur donec tandem copiosius congestus circa valvulas restagnet.

21 *Obj.* 7. Sanguis celerius movetur per arterias, quàm per venas: Hoc iterum non convenit cum circulatione. 2. Sanguis venosus est diversus ab arterioso, at si daretur circulatio, non posset esse diversus, cum idem sanguis ex arteriis transeat in venas, M. prob. si pungatur arteria absque ligatura, in momento profilit sanguis vividus, roseus, & spiritibus plenus; si verò aperiatur vena arteriæ vicina, prodibit torpidus cruor, sanguis niger, & opacus; ergo.

22 *Resp.* ad 1. dist. celerius movetur sanguis per arterias majores quàm per venas, c. per arterias minores, & capillares, neg. impulsus enim, quem sanguis à corde acquirit, paulatim remittit, ita, ut in capillaribus arteriis sit remissior, licet ex legibus fluidorum plurimi demonstrent sanguinem celerius fluere in ductibus angustioribus, quàm in latioribus.

*Resp.* ad 2. neg. M. ad prob. dist. conf. ergo est diversus à venoso sanguine accidentaliter, c. substantialiter, neg. fluiditas, & rubedo non probat diversitatem substantialem, eò quòd annotante Harveo omnis sanguis percolatus tenuior, & fluidior, ac rubicundior sit, ut patet ex hæmorrhagiis Navium.

23 *Dices.* Undè ergo tam subito tanta diversitas inter unum, & alterum cruorem.

*Resp.* Exinde, quòd spiritus, quorum copia abundat arteriosus sanguis, facile dissidentur tum in

ostii, tum in poris arteriarum. 2. Quòd cum arterioso sanguine commixti sint alii humores v. g. nutritius, spirituosus, lymphaticus, subtilissimus, qui ad venosum genus non pertingunt, sed vel in tubulis partium pro nutritione remanent, vel per vasa lymphatica aliò divertunt. 3. Quòd venæ per spongiosos viscerum, & carnis meatus ac poros colligant multam illuviem; non igitur mirum sanguinem venosum accidentaliter diversum esse à sanguine arterioso.

*Obj.* 8. In circulationis systemate sanguis deberet ex pedibus ascendere: Hoc est incredibile; ergo. 2. Humores excrementitii, imò subinde pravi, & maligni sæpissimè deberent cor subire: Hoc est falsum, & absonum; quantas enim inde noxas cor non persentisceret vitæ fons delicatissimus. 3. Cum semihorulæ spatio tota peragatur circulatio, febrilia symptomata sæpius per diem deberent redire: Hoc non fit, aliquæ enim febres tridui, aliquæ quadridui spatium requirunt.

*Resp.* ad 1. c. M. neg. m. Sanguis potest ascendere eò quòd à subsequente sanguine continuo trahatur, & à nisu, ac motu fibrillarum oscillatorio adjuvetur. Exemplum habes in fontanis aliisque hydraulicis machinis.

*Resp.* ad 2. In ordine ad humores excrementitios dist. M. nisi tales humores quoad majorem partem secernerentur in visceribus, c. secus, neg. M. De aliis humoribus conceditur, quòd circulentur per cor, quantas autem tragædias ludant in corpore in febribus malignis, nemo ignorat. Cæterum cor non est viscus adeò delicatum, ut quicunque humores crudiores modum naturæ haud nimium excedentes absque sensibili læsione ferre nequeat.

*Resp.* ad 3. Circa febrium symptomata potest dici: quòd consistat in obstructione quorundam vasorum sanguinis circulationi intervenientium, obstructio verò illa oritur ex particulis vitiosis aut alio modo malignis, quamprimum hæ particulæ coæcervantur, incipit stagnare sanguis, atque inflammari donec violento impetu angustias iterum perumpat; quòd verò febres certo tempore redeant, id fit, quia particulæ illæ crassiores pro diversa sua gravitate tardius, aut lentius allequuntur motum sanguinis, donec iterum redeant. Alii aliis modis febricem symptomata explicant, potest enim oriri ex contractione fibrillarum circa venas capillares, adeoque sanguini transitum prohibente. Potest denique oriri à partibus massam sanguinis fermentantibus, quæ dum ad certam quantitatem excreverint, producant fermentationem, & incalcescentiam.

*Obj.* 9. In sectione venarum fit delectus venarum, & sanguis in hac potius, quàm illa parte secatur, sic v. g. dum sanatur angina inciditur potius vena brachii, quàm pedis, ut sanguis in faucibus peccans in aliam partem derivetur. 2. In dissectionibus anatomicis arteriæ cum sinistro cordis ventriculo multum sunt exinanitæ, non item venæ, & dexter cordis sinus. 3. In animi pathematibus v. g. pavore sanguis retrocedit ad cor, ut omnes fatentur: Sed horum omni-



omnium non potest reddi ratio in circulatorio systemate; ergo.

27 *Resp.* ad 1. Ex opinione Medicorum modernorum scrupulosum venarum delectum in phlebotomia esse supervacaneum, si tamen foret aliquis usus, dicendum esset plurimas dari partes heterogeneas in sanguine, quarum aliquæ ob suam fluiditatem celeriter transeunt per arterias, & venas; aliæ verò ob gravitatem suam diutius morantur in venis suæ naturæ analogis, quibus proin per sectionem hujus potius, quàm alterius venæ mederi potest. Cæterum hujus delectus etiam hæc est ratio, quia sanguis totius corporis cum magno impetu versùs illam partem tendit ubi vena aperitur; hinc non debet secari vena in ea parte ubi est inflammatio, sed in parte opposita, ut eo sanguis derivetur.

*Resp.* ad 2. c. M. neg. m. & dico: hoc provenire ex eo, quòd pulmones ablata post mortem respiratione subsideant ac proin nihil sanguinis ad sinistram cordis ventriculum, & arterias transmittant. In iis, qui submersi suffocantur, arteriæ, & sinister cordis ventriculus adhuc reperitur sanguine plenus. Accedit quòd hujus effectus ratio multò minus possit reddi in sententia Adversariorum.

*Resp.* ad 3. neg. M. Velenim sanguis ad cor regreditur sua sponte, vel illuc attrahitur ab ipso corde: Neutrum potest convenienter dici; ergo. pallor verò, qui in paventium vultu conspicitur non proficiscitur ex recessione sanguinis, sed à fuga spirituum, quibus retrocedentibus constriunguntur arteriæ capillares, ex quo proin sanguis in externas partes nequit deferri.

28 *Obj.* 10. Non potest concipi quo pacto sanguis arteriarum communicetur venis; ergo. prob. ant. 1. Extremi venarum ramusculi nullam habent sensibilem communicationem cum arteriarum ramusculis, alioquin nunquam deponeretur sanguis ex arteriis ad nutriendas partes, dein arteriæ sæpius desinunt, ubi nulla notantur venarum exordia, neque dici potest, quòd sanguis ex arteriis effusus ingrediatur extremitates venarum, quis enim illum attrahit, aut impellit.

29 *Resp.* 1. Retorquendo, si nulla datur communicatio inter arterias, & venas, non poterit per venæ sectionem omnis sanguis evacuari.

*Resp.* 2. Tres vias dari, quibus sanguis posset deferri ex arteriis ad venas, nam primò in quibusdam partibus, ut cerebro, pulmonibus &c. ramusculi venarum prorsus innexi sunt ramusculis arteriarum. Aliqui rami nullatenus quidem committuntur, sed dum ex arteriis sanguis in partes fibrosas, seu tubulos effunditur una ejus portione relicta altera percolatur & partim ad glandulas devolvitur, partim ad transpirationem ablegatur, partim rependo per tubulos, seu fibras tubulosas carnis à venis capillaribus absor-

betur, vel premente à tergo novo sanguine, vel musculorum, & fibrarum nisu, & motu oscillatorio ad capillares venas intruditur, analogiam habes in aqua pluviali, quæ per abditos terræ poros in venam, ac fontem perennem confluit, aut in plantis, in quibus nutritius humor non alia ratione subit radices, & digeritur.

*Obj.* 11. Non potest assignari causa efficiens perpetui motus circulatorii in sanguine; ergo non datur. prob. ant. 1. Sola systolis impulsio non est efficax ad propellendum sanguinem, quia ligato brachio sanguis supra ligaturam liberè pergit ad centrum, adeoque non movetur impulsu systolis, cum nullus à tergo urgeat sanguis. Præterea fidem omnem excedit, quòd unicus scrupulus, qui trajiceretur ex corde in arterias, concitare possit tam æquabili motu tantam sanguinis massam. prob. ant. 2. Motus sanguinis nequit adscribi contractioni, & dilatationi vasorum, nam fibræ, tam in venis, quàm arteriis porriguntur à centro versùs extremas partes, adeoque si arteriæ beneficio fibrarum movent sanguinem à trunco ad ramos, etiam venæ movebunt sanguinem, &c. Sed neque motus sanguinis oriri potest à compressione partium vicinarum, aut musculorum, quamvis enim sit assidua agitatio musculorum in thorace propter respirationem, tamen alii muscoli sæpius otiantur, & sola thoracis compressio pertingere vix potest ad omnes venas, aut arterias toto corpore dispersas.

*Resp.* in primis. Difficultatem omnibus solvendam esse, quis enim movet sanguinem, quando ferè totus semihoræ spatio prolicitur, ex arteria, aut vena?

*Resp.* 2. neg. ant. Quia movetur per arterias per impulsum systolis, quo sanguis in arterias dilatatas cum impetu intruditur, ita ut arteriarum diastole fiat cum cordis systole; hunc motum dein promovent ipsa vasa à latere suo, dum enim arteriæ vi protrusi sanguinis plusquàm situs earum naturalis exigat, laxentur, ideo quamprimum se restituunt, non aliter quàm chordæ vel membranæ fortiter tensæ, atque unà novo nisu ac impulsu sanguinem provehunt, qui dum per obstantes valvulas redire nequeat, antrosum ire compellitur ex arteriis in venas, nec id mirum, cum utique unda undam trudere valeat. Aliud exemplum habetur in foliis, in quibus per motum diastoles intro attrahitur aer, aut aliud liquidum: pari ergo modo dici potest, quòd dum cor per motum diastoles aperitur, necessitatio sanguinem à venis attrahit.

*Obj.* 12. Sanguis in vena porta contentus non circulator, quia effusus sanguis in omnes partes ibi remanet ad nutritionem.

*Resp.* neg. ant. Contrarium ostenditur per experientiam.



## S E C T I O II.

D E

*Anima sensitiva.*

## QUÆSTIO I.

*De sensibus & speciebus impressis.*

**Quæres 1.** *Quot dentur sensus? Resp.* Sensus externos dari quinque; sensus autem internos quatuor. Sensus externi numerantur 1. Visus, 2. Auditus, 3. Odoratus, 4. Gustus, 5. tactus. Per visum discernuntur colores tanquam objectum per se; secundariò verò magnitudo & motus tanquam objecta per accidens. Per auditum sentiuntur soni primariò & per se; secundariò verò humiditas aut siccitas, magnitudo & textura partium tanquam objecta per accidens. Odoratus objectum per se sunt odores, secundariò verò & per accidens principia Chymica mixtorum, maximè sulphurea. Objectum gustus per se primariò sunt saporès, secundariò verò & per accidens principia Chymica mixtorum, maximè salia fixa. Objectum tactus per se est calor & frigus, & magnitudo totius, secundariò verò motus & figura minimarum partium.

**Quæres 2.** *An revera idem sensus v. g. visus, possit discernere inter objectum primarium, & secundarium, & sic de aliis? Ratio dubitandi est, quia videtur oculum tantum judicare posse de coloribus. Resp.* Judicium tam de objecto primario quàm secundario pertinere fundamentaliter ad sensus; formaliter verò ad animam intellectivam. Ratio est, quia omnes qualitates sensibiles per se sunt connectæ cum motu & figura partium; à quibus etiam dependet ipsa sensatio in quolibet organo sensorio.

**Quæres 3.** *Quid sentiendum de illorum sententia, qui cum omnibus Neotericis tantam admittunt unicum sensum, nempe sensum tactus?*

*Resp.* Fundamentaliter omnem sensationem tantum esse quemdam sensum tactus; id non tantum asserunt Neoterici, sed & Augustinus & Aristoteles & omnes qui fuerunt ante Aristotelem. Modus quo id verum est, consistit in hoc, quod ab objectis extrinsecis moveatur medium vel aer, vel ipsa immediata organa corporea; vel quod saltem ab objectis extrinsecis in sensum immittantur aliqua effluvia corporea, quæ immediatè tangant organum sensuum; hoc verò organum per talem contactum objectorum extrinsecorum ad motus sibi analogos concitato, producantur in anima vel etiam in sensibus qualitates sensibiles, quas nos vocamus vel colores, vel sonos, vel odores, vel saporès vel calores &c.

**Quæres 4.** *Quot dentur sensus interni? Resp.* Dari quatuor. 1. Sensum comunem: 2. Phantasiam seu imaginationem. 3. Æstimatoriam. 4. Memoriam.

*Sensus communis* vocatur, quo cognoscimus objecta omnia reliquorum sensuum. v. g. per oculum cognoscimus solum colorem, per aures etiam cognoscimus solum sonum, per nares solum odorem objecti, dein verò conferendo omnia ista objecta interdum præferimus unum alteri; necesse igitur est, ut illa cognitio appetitativa plurimum simul cognoscat colores, sonos, odores &c. & cum potentia illa

dijudicativa non resideat in oculo, neque in aure neque in naribus, necesse est dari alium quandam sensum interiorem seu communem.

*Phantasia* vocatur illa vis non solum cognoscendi omnia objecta reliquorum sensuum, sed etiam illa ad invicem conferendi & combinandi. v. g. si aliquando cognovimus aurum, & montem, possumus illa in phantasia ad invicem combinare, fingendo montem aureum.

*Æstimatoria* vocatur illa facultas, quæ non tantum discernimus diversa objecta, quod fit per sensum communem, neque etiam tantum conferimus illa objecta ad invicem diversimodè combinando quod fit per phantasiam, sed quæ insuper cognoscimus bonitatem objecti, proportionem, & motiva allicientia vel abstrahentia ab objecto.

*Memoria* vocatur illa facultas, quæ species tam sensuum externorum quàm internorum facillimè iterum resuscitantur.

**Quæres 5.** *In quamam parte capitis resideant illi sensus interni? Cum enim sensus externi habeant diversas regiones in corpore, videtur similis distributio etiam convenire sensibus internis.*

*Resp.* Probabilius nullam circa sensus internos fieri distributionem partium. Fuere quidem, qui pro sede sensus communis & æstimatoriæ assignarunt glandulam pinealem cum Cartesio, sed illa non videtur satis disposita ad recipiendas tam varias impressiones. Alii pro sede memoriæ assignarunt septum lucidum aut retiforme intra cavitates cerebri, sed septa illa videntur potius esse retinaculum corporis callosi, quàm immediatum subiectum tam innumeratum impressionum. Arabes sensum communem locarunt in anteriore capitis parte, phantasiam in medio cerebri, memoriam verò in posteriore parte cerebri seu in cerebello; sed etiam hæc divisio nititur meris conjecturis. Id solum constat, læsio cerebri quibuscunque demum modis, lædi etiam sensus internos, v. g. memoriam aut phantasiam. Fortè tamen ex dispositione ætatum & statuum corporis humani sumi posset conjectura pro qualitate sensuum internorum. v. g. in senibus memoria redditur debilis ob exsiccationem humidi radicalis in cerebro. Econtrà ex abundantia humorum sulphureorum turbatur phantasia, prout patet in lunaticis, vel ebriis, ex quo proin posset colligi sensus internos, si non residerent in humidis partibus cerebri retiformis, plurimum tamen dependere ab humoribus vigorem cerebri conservantibus.

**Quæres 6.** *An sensus communis, phantasia, & æstimatoria, sint discursiva? Cum enim ex combinatione plurium objectorum nascatur experientia & inductio, atque ad inductionem consequatur electio; videtur locum habere discursum. Resp.* Has potentias nondum esse rationales, sed etiam reperiri in brutis & infantibus, & aliis hominibus non habentibus usum rationis v. g. ebriis & dormientibus. Ut hoc intelligatur, supponendum est, rationem discursivam versari circa universalia, sensus verò circa particularia. Cum igitur sensus communis & phantasia adhuc possint habere pro objecto res

mate-



inateriales sine ulla abstractione unius partis ab altera, non videtur esse concedendum, dari usum rationis in his sensibus. v. g. si canis videat frustum carnis per oculos, & per nares deferantur qualitates odoris ad sensum communem, cui imprimuntur, & præterea alio tempore idem canis videat umbram alicujus frusti in flumine, resuscitantur illæ species impressæ communi sensui interno, & sine ulla abstractione circumstantiarum determinabitur æstimatoria ad accursum, homo vero, qui viso aliquo frusto carnis sibi ipsi imprimit speciem, eandem distinguit ac separat ab his circumstantiis individuantibus, & facit universale.

7 *Quæres 7. An ad sensum internum requirantur species? Resp.* Sine dubio illas requiri, quia juxta analogiam effectuum naturalium tam diu debet assignari causa univoca, quamdiu potest assignari. Cum igitur in intellectu producantur species rerum sensibilium dependenter à sensibus tam externis, quam internis, videtur admittendas esse consimiles species rerum sensibilium in sensibus.

8 *Quæres 8. An præter species rerum sensibilium simul imprimantur cerebro quedam impressiones Mechanicae veluti totidem vestigia rerum sensibilium?*

*Resp.* Ad species in cerebro producendas etiam requiri certam figuram ac certum motum partium in cerebro; sicut enim aliæ qualitates dependent à dispositione materiæ secundum quantitatem, notum & figuram partium, ita à consimili dispositione dependent species sensibiles in cerebro. & hæc veritas propius inspicienti videbitur indubitata. Cur enim multitudo specierum inducit confusionem, si non cuilibet speciei correspondet specialis aut particula aut dispositio cerebri? Cur etiam cerebro viribus aliquantulum suis destituto similiter corumpuntur species, nisi species sequantur dispositionem cerebri, sicuti harmonia Musica sequitur dispositionem & motum organi.

9 *Quæres 9. Quid sit species impressa? Resp.* per speciem impressam intelligi illam, quæ ab objecto extrinseco accedente motu partium imprimatur cerebro, ita ut nihil operetur humana libertas ad ejus productionem; sicut enim in Camera obscura vitro optico depinguntur species in adverso pariete cui quasi imprimuntur, ita etiam depinguntur in cerebro eadem species, & eatenus impressæ vocantur. Notandum verò duplices admitti species impressas aut omnino triplices. primò enim ab objecto extrinseco imprimatur species in oculum vel aurem &c. secundo, ab oculo vel aure ulterius eadem species imprimatur in cerebrum seu sensum communem, & tertio species impressa cerebro ultimò imprimatur menti seu animæ, quæ eatenus habet se per modum tabulæ rasæ recipientis omnes species. in quantum verò anima sic impressas species recipit vocatur intellectus patiens, quia patitur quasi receptas species.

10 *Quæres 10. Quid sint species expressæ? Resp.* per speciem expressam intelligi illam similitudinem ac imaginem objecti, quæ formatur ab ipsa anima adeoque liberè per actualem cognitionem, licet enim v. g. oculo imprimatur similitudo muri, & illa species muri ulterius imprimatur cerebro, atque adeò ipsi animæ, non tamen eo ipso anima necessarîo cognoscit murum, quia potest fieri, ut, dum anima habet speciem muri sibi impressam,

illius attentio feratur ad alia objecta, vel ideo, quia fortè species impressæ tantum allervantur in anima tanquam in aliqua arca reclusæ, & quasi in thesaurario memoriæ. Cum igitur ad actualem cognitionem objecti præter speciem impressam requiratur aliqua cognitio seu actus mentis, sibi ipsi effingens novam similitudinem ad ipsum objectum, necesse est admitti speciem expressam, vi cujus anima cognoscat ipsam speciem impressam.

*Quæres 11. An species expressa realiter distinguatur à specie impressa? Sunt enim inter thomistas non pauci, qui has duas species realiter identificant, eò quod putent ad actualem cognitionem plus non requiri, quam ut anima per attentionem seipsam convertat ad speciem impressam, sicut plus non requiritur ad actualem visionem muri, quam ut oculus se convertat ad murum. Alii contrà ita distinguunt speciem impressam ab expressa, ut in omni actuali cognitione dicant formari novam speciem assimilativam speciei impressæ. Suarez qui distinguit realiter speciem expressam ab impressa, dicit tamen speciem expressam realiter identificari cum actuali cognitione, seu cum illo actu, quo anima tendit in speciem impressam. adeoque ipsa actualis tendentia seu attentio ad speciem impressam miro quodam modo foret simul repræsentativa speciei impressæ & objecti cogniti. Cum Suarezio sentimus & nos, ita tamen, ut actualis cognitio contineat duas formalitates formaliter inter se distinctas, nempe rationem tendentis, & rationem imaginis formaliter similis objecto.*

*Quæres 12. An necessario debeant admitti species impressæ in anima; an verò sufficiat animam converti ad sua phantasmata quæ adhuc sunt materialia & residentia in cerebro, dum actu intelligit?*

*Resp.* Possè quidem admitti, species impressas dari in ipsa anima, quamvis earum existentia demonstrari non possit. Fieri tamen non potest, ut ille species impressæ si dantur, conserventur in anima, quin simul actu conserventur in phantasmate. adeoque sequitur, earundem specierum, quæ non proveniunt à sensibus, & quæ nullam habent conjunctam impressionem in cerebro, nullam dari memoriam in anima, adeoque etiam species illas servire non possè ad ullum discursum, aut cognitionem discursivam.

*Quæres 13. An species habeant se per modum objecti ut quod, an verò per modum objecti ut quo?*

*Resp.* Species impressas semper se habere simul per modum objecti ut quod, & per modum objecti ut quo. ita ut actu repræsentent ut se ipsas, in potentia verò repræsentent objectum sensibile. Est contra Suarezium & plurimos. De specie verò expressa dicendum, quòd semper se habeat per modum objecti ut quo tantum, ita ut nunquam cognoscatur à mente nisi in actu exercito tantum.

*Quæres 14. Quid sint species intentionales? 14*

*Resp.* per has intelligi illas formas accidentales rerum sensibilium, in quantum non existunt actualiter & formaliter, sed tantum virtute & potentia, quando enim v. g. colores propagantur per aquam aut aërem usque ad oculum, verum non est, quòd colores actu sint in aëre aut aqua, quia alias aqua deberet esse rubra aut alba, sed tantum verum est, quòd ab objecto extrinseco per aërem propagetur aliqua virtus ut Peripatetici loquuntur, vel aliquis motus, ut loquuntur Neoterici, vi cujus deinde



in oculo actualiter producaturspecies consimilis albedini rubedini. Quia licet explicant species intentionales, dum v. g. dicunt, quod dantur quidem species in intermedio, sed non informative, non satis explicant suam mentem.

## QUÆSTIO II.

### An dantur species intentionales?

1 **D**ico quod dantur. Prob. Concl. 1. per species intentionales nihil aliud intelligitur, quam vis aliqua ab objecto sensibili propagata per medium usque ad organum sensorium: Sed talis datur; ergo. *m. prob.* 1. Objectum sensibile debet esse conjunctum cum sensu, neque datur alius modus se conjungendi, nisi mediatione virtutis; ergo. ant. quoad 1. memb. patet, quia non datur actio in distans. quoad 2. dum prob. si daretur alius modus, tunc consisteret in emissionem quarundam formarum accidentalium: Sed talis non datur; ergo. *m. prob.* tales formæ accidentales emissæ ab objecto v. g. colorato necessario corrumpere diaphaneitatem medii, nempe aëris aut aquæ, & sic fieret omnium colorum confusio; ergo.

2 **Prob. Concl. 2.** Si species in intermedio habent actionem & passionem, tunc dantur: Sed; ergo. *m. prob.* v. g. in speculo species cujuslibet objecti patiuntur reflexionem; à vitris vero opticis convexis v. g. perspicillis pro diversa sui distantia contrahuntur in arctius spatium: denique in obscuro conelavi species intromissæ recipiuntur in papyro, ergo clarum est, quod habeant aliquam actionem & passionem.

3 **Prob. Concl. 3.** Si non darentur species intentionales, tunc non darentur causa productiva specierum in sensibus: Sed hoc non potest dici; ergo, *M. prob.* quia illæ species necessario deberent habere determinativum sibi propinquum à quo saltem virtualiter imprimantur in sensus.

4 **Prob. Concl. 4.** Si non darentur species intentionales, tunc vox ab ore emissæ non ubique audiretur tota in toto auditorio: Hoc est falsum; ergo, *M. prob.* si non darentur tales species, tunc formatio illius vocis fieret per modificationem aëris vel aliud medium fictamen, ut illud medium esset divisum in minimas partes: Sed tali modo tantum audiretur particula vocis; ergo.

### Solvuntur Objectiones.

5 **Obj. 1.** Non potest explicari, quæ sit natura specierum intentionalium; ergo non dantur. prob. ant. hæ species vel sunt corporeæ vel incorporeæ, vel divisibiles vel indivisibiles? Neutrum potest dici; ergo. non sunt divisibiles, quia in qualibet parte interjecti medii reperiuntur totæ & integræ, sicut vox & imago objecti; item si essent divisibiles, deberent esse quantæ, adeoque commensurate objectis; hoc vero posito non possent ingredi sensorium. neque etiam potest dici, quod sint indivisibiles, quia alioquin forent quid spirituale, & sic non possent lādere sensum, prout tamen fit ab intensa luce aut sono. Item si sunt indivisibiles, quomodo possunt repræsentare rem extensam & indivisibilem?

*Resp. neg. ant. ad prob. dico:* Has species esse di-

visibiles & corporeas. ad prob. dico: divisibilitatem non obstat integritati specierum in qualibet minima parte objecti; simul enim Sol in qualibet parte aëris producit lucem sibi univocam, ita etiam quilibet sonus aut color producit consimilem sonum sibi univocum in qualibet parte sphaeræ suæ activitatis juxta leges harmonicas, prout producuntur per motum cerebri in anima.

**Obj. 2.** Non potest ostendi origo & causa istarum specierum, nec etiam potest explicari propagatio earum; ergo non dantur, ant. prob. videtur imperceptibile, quod corpora plerumque inertia & otiosa ad tantam distantiam tam incessanter tam excellentes formas ex se producere possint. Dein quibus vehiculis ad nos usque pervenirent? an solitariae prorumpunt, an continua productione & multiplicatione entium diffunduntur in puncto temporis? cum tamen non detur motus instantaneus.

*Resp. neg. ant. ad prob. neg. ant.* Dum enim objecta in sententia adversariorum possint usque ad sensum pertingere mediante motu intermedii, eo ipso nobis ostenditur vehiculum, quo species deportantur ab objecto ad sensus, nos enim id solum agimus, ne motus, quem Adversarii admittunt, pergat sine comite, eo quod supponamus accidentia inseparabiliter inherere dispositioni materiæ.

**Obj. 3.** Nulla est necessitas specierum intentionalium; ergo non dantur. ant. prob. potest dici, quod omnia objecta agant in sensorium per realem contactum; ergo. ant. prob. ab inductione, sic enim species, quæ intromittuntur in oculum vel obscurum Conclave, non distinguuntur à luce modificata, quæ cum sit substantia, agit per contactum in oculum. Similiter sonus identificatur saltem materialiter cum motu aëris tremulo vel undulante; talis autem aer utique agit in auditum per realem contactum. Objectum odoratus sunt exhalationes sulphureæ ab objecto ope caloris resolutæ, & in organum odoratus intromissæ; idem potest dici de particulis sulphureis vel salinis quoad gustum.

*Resp. neg. ant. ad prob. trans. ant. neg. conf.* nos enim ipsi admittimus, quod objecta sensuum agant per realem contactum in sensus; negamus tamen, quod illa media sensum contingentia sint sine comite, seu virtute effectiva specierum in sensibus.

**Obj. 4.** Si darentur species intentionales, tunc eo ipso in aëre nasceretur confusio v. g. colorum: Hoc est falsum; ergo. *M. prob.* per quodlibet punctum intermedii aëris simul deberent transmitti species intentionales, nigredinis, albedinis, rubedinis, &c. Sed tali modo nasceretur confusio; ergo.

*Resp. 1. neg. M. ad prob. neg. iterum M.* quia species intentionales non ponuntur in quolibet puncto intermedii aëris.

*Resp. 2. trans. M. neg. m.* quia potest dici, quod eadem pars aëris recipiat diversas impressiones, & eatenus etiam possit imprimere idem punctum diversas species in oculum, dummodo illi colores non insint aëri actu, sed potentia.



## QUÆSTIO III.

## An dentur species impressæ?

**1** Neoterici, sicut negant accidentia realia, ita etiam negant species impressas accidentium realium. Putant enim ab objecto extrinseco usque ad sensum tantum propagari motum aut effluvia; & ex illo in anima resuscitari Ideas, quas nos vocamus species. Peripatetici vero communiter non solum admittunt species dari in cerebro & aliis sensibus, sed insuper volunt eadem asservari in memoria.

**2** Dico 1. Species impressæ formaliter non asservantur sive in memoria sive in phantasia. Prob. Concl. quia nulla est necessitas talium specierum.

**3** Prob. Concl. 2. Species rememorativæ se habent ad dispositionem cerebri, sicut sonus ad dispositionem Organi: Sed hic non asservatur; ergo neque ille.

**4** Dico 2. Species rememorativæ materialiter asservantur, & consistunt in dispositione cerebri organica. Prob. Concl. Si sine ullo objecto extrinseco excitantur in mente species, tunc necessario asservatur dispositio ad illas species: Sed; ergo. *m.* pater; v.g. ex somniis aut facultate imaginativa clausis licet oculis.

**5** Dico 3. In actuali sensatione dantur species impressæ etiam formaliter. Prob. Concl. 1. à sensu communi hominum, qui putant se habere objectum reale, dum imaginantur absentia aut præterita.

**6** Prob. Concl. 2. In animalibus datur phantasia consimilis phantasie hominum, quin tamen detur anima consimilis; ergo species phantastica, aut sensibus impressæ dantur etiam extra animam rationalem.

**7** Prob. Concl. 3. In objecto reali dantur accidentia sensibilia; ergo etiam in cerebro possunt dari species accidentium, seu entia vicaria accidentium.

## Solvuntur Objectiones.

**8** Obj. 1. contra 1. Concl. Communis sensus Peripateticorum est, dari species rememorativas formaliter; ergo non est temerè recedendum.

2. Si non darentur formaliter, tunc nulla daretur causa productiva talium specierum, dum clausis oculis operatur facultas phantastica.

Resp. ad 1. neg. ant. licet enim inter Modernos plurimi ita sentiant, non tamen ea sententia debet attribui scholæ toti Peripateticorum. Testatur contrarium Picus Mirandolanus, qui in suis nongentis propositionibus inter propositiones Alberti Magni refert etiam sequentes. 1. Species intelligibiles non sunt necessariae, & eas ponere non est bonis Peripateticis consentaneum. 2. Stat, speciem, cuius dicimur reminisci, totaliter esse perditam.

Ad 2. neg. ant. Pro causa productiva assigno ipsam dispositionem subjecti. Et mirum videri debet, quod Peripatetici solliciti sint de causa productiva specierum, cum ipsi nullam aliam causam productivam assignare possint ipsius objecti realis

R. D. Eusebi. Amort Philosophia.

verb. gr. harmoniæ in Organo. Neque enim quispianquam unquam somniavit harmoniam habere causam univocam.

Obj. 2. contra tertiam 1. Non potest explicari officium specierum impressarum; ergo non dantur; ant. prob. non potest dici, quod concurrant ad ipsam sensationem; quia potest dici, quod sensatio immediate producatur à dispositione organica cerebri, à qua producuntur species,

2. Si daretur species impressæ objecti externi, tunc etiam deberet dari species impressæ ipsius sensationis existentis in oculo: Hoc est absurdum; ergo. *m.* patet, quia dum sentimus colorem, non sentimus nos sentire colorem.

3. Si darentur species impressæ, tunc deberent dari innumerae: Hoc est falsum; ergo. *M.* patet, quia una species impressæ deberet dari in oculo, alia in nervo optico; tertia in cerebro, quarta in anima &c. ergo. *m.* prob. si darentur plures species, deberent etiam dari plures sensationes illarum specierum, deberet enim anima eandem speciem sentire in oculo, & alteram sentire in nervo optico, & tertiam in cerebro, sicut eadem anima sentit alium calorem in pede, alium in manu, & alium in capite. Item deberent dari plura objecta nostrarum sensationum, eò quod hæ species impressæ sint objectum ut quod. Adeoque dum sentimus unum solem, deberemus sentire ad minimum quatuor soles: Sed; ergo.

Resp. ad 1. neg. ant. ad prob. tr. ant. dist. conf. 10 ergo non requiruntur ad sensationem ratione causæ productivæ, tr. ratione objecti sensationum, neg. sensatio enim est alicujus rei sensatio, adeoque debet habere objectum reale tam à parte rei quam in facultate imaginativa, ne fiat illusio.

Ad 2. neg. *M.* quia sensatio se tantum habet per modum objecti ut quo, adeoque non habet se per modum imaginis cognitæ, sed per modum tendentiæ in imaginem.

Ad 3. neg. *M.* Potest enim dici: quod species in oculo nervo optico, & aliis organis remotioribus nondum extent formaliter, sed tantum sint intentionales. Neque in hoc apparet implicantia.

Resp. 2. dist. *M.* Darentur plures species impressæ ut quo; tr. *M.* ut quod, neg. *M.* potest enim dici: quod species impressæ oculo aut nervo optico non ducant in notitiam sui ipsarum, sed tantum in notitiam objecti realis, & ideo etiam non percipiuntur plures, dum sentiuntur. Resp. 3. dist. *M.* darentur plures species mediatae, c. immediatae, neg. *M.* potest dici: quod sensatio tantum immediate referatur ad ultimam speciem, non vero ad speciem remotiorem quæ non est immediate applicata ipsi sensationi; & in hac hypothesis deberet dici: in oculo, aut nervo optico nondum dari sensationem formaliter talem. Resp. 4. tr. *M.* neg. *m.* potest enim dici: omnes species impressas sentiri unicâ sensatione, adeoque quasi actione communi tendendo in plures illas, confundi in unam speciem, aut saltem reputari pro una. Hinc si sensatio turbatur v. g. in ebriis dum attentio animæ organica dividitur, nonnunquam fit, ut appareant plures soles aut alia objecta, etiam si indivisa, quia nempe anima attendit divisim ad speciem objecti duplicem, in utroque oculo positam.

Ggg 2

Obj. 3.



11 *Obj. 3.* Si darentur species impressæ, tunc eo ipso haberent se per modum objecti ut quod, & deberent etiam ipsæ cognosci: Hoc est falsum, ergo. M. prob.

1. Species illæ se haberent objectivè ad sensationem aut imaginationem: Sed id quod se habet objectivè, est objectum ut quod; ergo.

2. Species impressæ haberent se per modum imaginis repræsentativæ alicujus objecti realis, sed imago habet se ut quod, ut patet ex imagine Cæfaris; ergo.

3. Si species non cognoscerentur, ut quod, tunc essent nobis incognitæ: Hoc non potest dici; ergo. m. prob. si species impressæ forent nobis incognitæ, tunc non possent nos ducere in cognitionem alterius rei incognitæ: Hoc est falsum; ergo. M. patet, quia per unum incognitum non cognoscitur alterum incognitum.

4. Species dicuntur esse vicariæ sui objecti; ergo sicut objectum habet se ut quod, ita etiam species gentes vicem objecti debent se habere ut quod.

12 *Resp. trans. M. neg. m.* ut enim dixi, non implicat species cognosci, ut quod, imò verò videtur id potius esse consentaneum rationi & experientiæ. *Resp. 2.* neg. M. ad 1. prob. dist. M. haberent se objectivè secundario tr. primario neg. secundario possunt species esse objectum cognitionis reflexæ, & eatenus habent se objectivè. primario verò ac directe tantum habent se per modum medii dicentis in notitiam alterius rei. sicut dum illuminatur intellectus vel oculus, non intelligitur ipsum lumen, sed in lumine & per lumen aliæ veritates panduntur.

Ad 2. neg. M. vel dist. habent se per modum imaginis ut quo c. ut quod neg. imago ut quo vocatur omne id, quod ducit in notitiam alterius rei, sicut v. g. Deus per suam essentiam dicitur perfecte cognoscere lapidem, quin tamen in Deo dicatur esse imago perfecte similis ipsi lapidi. Sed hæc responsio tantum est ex principiis aliorum; juxta nos autem dicendum, imaginem ut quo etiam esse simillimam objecto quidditativè, sed tamen eandem non cognosci secundum prædicata sua individualia sed tantum generica & communia cum objecto. Attento verò tota in tali casu fertur ad circumstantias individuantes ipsius objecti realis.

Ad 3. prob. neg. M. licet enim species non haberent se ut quod, cognoscerentur tamen directe prorsus eodem modo, quo lumen cognoscitur ab intellectu aut ab oculo, dum videtur objectum illuminatum, licet ipsum lumen non habeat se per modum objecti ut quod. Simili modo sentimus directe & in actu exercito non sentire & vivere, licet reflexè non habeamus pro objecto vitam aut sensationem.

Ad 4. dist. ant. dicuntur vicariæ sui objecti in modo repræsentandi. tr. in modo existendi neg. ant. vel subdist. in modo existendi secundum rationem genericam, tr. secundum rationem individua-lem, neg.

## QUÆSTIO IV.

### Quid sit Lux?

1 **P**ostquam egimus de speciebus rerum sensibilibus in genere, nunc agendum de speciebus sensibi-

libus in particulari. Primo loco considerari meretur lux, quæ ab Aristotele definitur: esse *actus perspicui quatenus est perspicuum*. Aristotelicæ huic definitioni Conimbricenses substituerunt aliam, ut putarunt, clariorem, dicendo: lumen est *actus, quo formaliter perspicuum constituitur actu perspicuum, seu illustratum*. Alii sic definiunt: quod sit *qualitas corporis lucidi visu perceptibilis, quæ non tantum in se est lucidum, sed & alia illuminare aptum*. Veram omnes hæc definitiones vel sunt tantum nominis, ut ostendant in quibus circumstantiis utamur nomine lucis, vel ad summum sunt descriptivæ; lux verò ipsa cum in se sit aliquid simplicissimum, nec ullas habeat partes, sentiri quidem & intelligi potest, definiri non potest.

Major quæstio est: an lux sit corpus vel tantum accidens? & an habeat esse reale in medio, prout vult D. Thomas, an verò habeat tantum esse intentionale, prout vult Ægydius, an simul utrumque, ut Scotus & Durandus. Neoterici, qui negant omnia accidentia absoluta, eo ipso etiam negant lucem esse accidens. Et Gassendus quidem statuit lumen esse effluvium quoddam instar torrentis à Sole in terram effusum, quod circulatione perpetua denuo refluat in Solem, sicut flumina redeunt ad mare, Cartesius lumen constituit in pressione rectilinea subtilis materiæ, quæ in partibus subtilis materiæ continua serie juxta se positis à Sole in instanti extenditur usque ad oculum. Honoratus Fabri admittit quidem lucem esse qualitatem absolutam, eam tamen à calore primigenio non distinguit.

*Dico 1. Lux formaliter sumpta est accidens absolutum.* Prob. Concl. si datur aliquid simile nostris Ideis, dum concipimus lucem, tunc est accidens absolutum distinctum ab omni motu materiæ: Sed; ergo. m. constat ex communi sensu hominum, qui hic & nunc non ostenditur falli. M. prob. motus cujuscunque materiæ non est formaliter aliquid simile Ideæ lucis; ergo. ant. prob. quia possum concipere motum cujuscunque materiæ, quin concipiam lucem.

*Dico 2. Lux materialiter sumpta consistit in pressione rectilinea subtilis materiæ.* Explicatur conclusio. & supponitur imprimis, ætherem non implere solum immensa cælorum spatia, sed & pervadere corpora omnia tam in cælo, quam in terra, & sub terra existentia, quia necesse est, ut pori repleantur ab aliqua materia subtiliore. Supponitur secundo, Solem, stellas, & ignem, ceteraque corpora lucida esse massas quasdam plenas subtilissimâ materiâ, in quibus dum eadem materia instar vorticis non solum agitur, intrâ se, sed etiam perpetua suâ agitatione quaquaversum emittitur: Dico proin ex agitatione hujus ætheris in Sole causari agitationem subtilis materiæ etiam in locis vicinis ad Solem, cumque illa materia Soli vicina non habeat quod retrocedat necessariò motum suum secundum lineam rectam usque ad terras & oculum extendit. Cum hoc motu subtilis materiæ semper conjuncta est qualitas lucis sicut cum motu organorum conjuncta est qualitas harmoniæ Musicæ. Conclusio sic explicata probatur.

1. Autoritate Aristotelis, qui l. 2. de anima c. 5 7. dicit: *Aerem & aquam esse corpora pellucida*, non



non quatenus aer & aqua, sed quia natura in his quaedam eadem inest, quæ in æthereo illo supero corpore. Qualis verò sit illa natura, quæ in aqua & aëre inest, paulò post explicat, dum subjungit; quòd sit ignis aut tale quid, quale est superum corpus seu æther. E mox clarius explicat dum sic ait: *Lumen nec ignem esse, nec corpus, nec effluxionem corporis, sed ignis vel alicujus talis præsentiam in eo quod est pellucidum.* Gemellus hic locus reperitur in l. de sensu c. 3. ubi huc digitum intendens inquit: *De lumine dictum est, quòd sit color perspicuus secundum accidens; cum enim inest quid igneum in perspicuo, præsentia quidem ejus lumen est, privatio verò tenebra.* In Problemate 58. Quest. 1. rationem redditurus, cur lumen non penetret per multa corpora opaca, per quæ tamen penetrat sonus? hanc reddit: *Luminis quidem unus est motus secundum rectitudinem; quando igitur prohibetur secundum rectam lineam illati, propterea quòd non (pori) corresponsdeant, impossibile est perspicere.* idem in l. de sensu textu 73. ait: *Color movet pellucidum ut aërem, ab hoc autem, cum sit continuus, movetur sensorium.*

6 *Prob. Concl. 2. Autoritate Patrum præsertim D. Augustini & Damasceni, prout illos refert Bartholomæus Angly qui vixit jam sæculo 13. de rerum proprietatibus l. 8. c. 40. Damascenus quidem dicit: Lumen propriam hypostasim seu substantiam non habere secundum suum esse formale, idem tamen lumini concedit proprietates corporeas. Augustinus verò supra Genesin sic dicit: Lux est substantia corporea summè simplex in genere corporum, summè multiplex in efficacia, summè mobilis & absoluta penetrationis & minima resistentia, summè disparia & contraria generans & concilians, summè convertibilis, summè naturalis, principium motus & origo. Item: Substantia colorum est verè lux, quæ in corporibus obtinet primum locum; semper lucet invisibiliter etiam in tenebris, sed non semper illuminat visibiliter; unde virtutem lucis sentit omnis creatura invisibiliter operatur virtus lucis sensum & motum in animalibus, ut dicitur in libro fontis vite. Dicit etiam alibi, quòd nisi stellarum lux de nocte subtilisaret densitatem aëris, destrueretur omne corpus animatum. & tamen certum est, stellarum lucem non semper videri de nocte. impressio autem & operatio lucis est manifesta in mari, quia fluit & refluit per applicationem Luna. In visceribus etiam terre, ubi non attingit lumen, virtus lucis operatur. & breviter præsentia lucis est necessaria in omni mixto corpore, per quam contraria in elementis uniuntur. lux itaque à summo cælo usque ad centrum mundi est diffusa, quæ in sua substantia & radice una est & simplex: hæc est primogenita lux, quæ creata fuit die primo, quæ corpori solari quarto die, & ceteris cælestibus superfertur, unde Sol, & sydera primævi luminis vehicula sunt; ista lux ubique attingit, & omnia corpora perficit ac disponit; una est in substantia, quæ non continetur accidentaliter ab aliquo corpore inferiore, sed magis continet omnia corpora, respectu quorum penitus formalis est, licet in se sit materialis & situialis, & ideo lux cum sit materialis habet potentialiter partem extra partem. Huc usque Bartholomæus Anglus ex Augustino, Damasceno, & aliis;*

7 *Prob. Concl. 3. In hac hypothesi optimè explican-*

tur omnes proprietates lucis, in aliorum verò sententia non explicantur eadem; ergo est præferenda. prob. ant. ab inductione.

*Proprietas prima.* est illa, quam observavit P. Grimaldus, ac refert in suo opere de coloribus. Intromisit nempe in conclave obscurum radium Solis, huic obvertit aliquem tenuem cylindrum ligneum; sensit materiam luminis circumvolvi cylindro ligneo instar aquæ decurrentis in flumine & impactæ in obicem quendam; advertit insuper materiam lucis quaquaversum perpendiculariter reflecti à cylindro ligneo; sicut aqua reflectitur à tali obice in flumine. Ex hoc proin constat materiam lucis esse fluidum quoddam subtilissimum,

*Proprietas secunda* est, quam observavit idem Grimaldus & B. Nevvton, quòd nempe lux deflectat à lateribus alicujus v. g. foraminis per quod transmittitur, in quantum nempe radii non tam copiosè transmittuntur versùs latera quàm circa medium.

*Tertia* est, quòd lux per vitrum causticum coacta in focum fortiter repellat papyrum aut alia leviora corpora; ergo necessario consistit in pressione alicujus subtilis materiæ;

*Quarta* est motus rectilineus lucis, ut patet ex 10 radiis solaribus aut candelæ, in cubiculum obscurum intromissis per aliquam rimam. Atqui si lux non semper sequeretur motum rectilineum cujusdam materiæ, non esset ratio, cur quodlibet punctum lucis non ageret in tota peripheria uniformiter difformiter, sicut agunt aliæ qualitates; cum utiq; activitas cujuslibet puncti lucis se habeat æqualiter in omnem partem sphæræ suæ activitatis.

*Quinta* est turbatio luminum, si plura simul concurrant. Sic enim si 3. candelæ ponantur in certa distantia ad aliquod objectum, à quolibet horum luminum projicietur umbra in adversam parietem & impediuntur reliqua 2. lumina ne illuminent partem umbrosam, etiam si in intermedio nullum sensibile reperiatur impedimentum; ergo signum est, quodlibet luminum causare aliquem vorticem circa objectum, motum subtilis materiæ turbantem quo impeditur actio reliquorum luminum. Similis turbatio fit, dum lumen candelæ propemodum extinguitur à lumine Solis, etiam si enim in cubiculum obscurum directè intromittatur radius Solis, & oblique radius candelæ, nulla tamen sentietur actio candelæ. Si lux consisteret in sola qualitate, nulla hujus rei daretur ratio.

*Sexta* est actio lucis per totam sphæram suæ activitatis si non ponatur obex. hujus enim ratio est, quia pressio materiæ hujus instar vorticis in omnem partem est æqualis à suo principio.

*Septima* est reflexio lucis. Quamprimum enim 13 incurrit in obicem, resilit & repercutitur, licet id fiat diversimodè pro diverso situ corporis reflectentis. Sic etiam copiosius reflectitur à pariete albo, quàm à nigro. Notari etiam meretur ordo reflexionis, quia angulus incidentiæ & reflexionis semper sunt æquales, prout patet ex speculo, aqua, aut alia superficie lævigata. Si verò lux esset tantum accidens non daretur ratio, cur instar corporum repellatur à corpore, & quidem sub certo angulo.

*Octava.* Lumen reflexum ab obice colorato secum 14 defert colorem obicis, & alias affectiones illius corporis; si enim ex charta rubra Soli obversa lux reflectatur in parietem vel chartam albam, hæc illu-



illuminabitur & rubescet. Accidens autem non inducit aliud accidens.

15 *Nona.* Per diem in omnem partem defertur aliquid luminis ope multarum reflexionum. v. g. in cubiculum, etiamsi Sol non directe radios immitat cubiculo; ergo necessario lux ab objectis reflexa patitur motum sicut omnia alia corpora.

16 *Decima.* Lux oculos lædit sensibiliter si fuerit intensa, sed nuda qualitas non posset mutare situm aut ordinem partium in oculo. Imò deberet potius esse gravior si est intensior, sicut v. g. voluptas major & gravior est intensa, quam remissa.

17 *Undecima* est refractionis luminis. radius enim ex uno medio diaphano in aliud penetrans diversa densitatis non rectè pertransit, sed refringitur eo modo, quo baculus dimidia sui parte aquæ immersus fractus apparet.

18 *Duodecima* est diffusio luminis quasi momentanea, quod non fit in aliis qualitatibus v. g. sono. Sint enim duo homines magno intervallo inter se distiti, & à tertio quodam homine æqualiter distantes, quodsi tertii clamantis vocem primus vel secundus percipiens, eodem momento lucernam aperiat, eodem etiam momento alter clamorem audiet & lucernam videbit, quod fieri non posset, nisi lumen in momento diffunderetur. Dicitur autem hanc diffusionem luminis esse quasi momentaneam, quia etiam lux habet suas morulas, ut patet ex *anticipatione* & *retardatione luminis* satellitum Jovis. Quando enim est prope conjunctionem cum Sole, adeoque à terra remotissimus, tunc lumen satellitum ex umbra Jovis emergentium 16. circiter tartius defertur ad oculum observatoris, quam dum est in oppositione, adeoque prope Solem.

19 *Decima tertia.* Lumen, quò magis recedit à lucido, eo fit debilius & remissius. quia nempe sicut fit in undulante aqua motus undulationis est eò remissior, quò est à centro undulationis remotior. Si verò quodlibet punctum lucis produceret aliam lucem sibi univocam, nunquam desineret actio lucis, maximè cum lux non habeat contrarium positivum.

20 *Decima quarta.* Lux nonnunquam reperitur æstivis noctibus undiq; deflagrare, ut patet è squammis quorundam piscium, ex lignis putridis, et lampyridibus, quæ animalia æstivis noctibus aliqua sui corporis parte vivum splendorem emittunt. His annumerantur muscæ noctilucæ quorum genus aliquod in Insula *Barbados* nocti itinerantibus servit instar lucernæ, ac tanta est, ut etiam lectioni ac scriptioni serviat. Insuper & pili in felium dorso perfricti versus caput in tenebris; & adamantis cujusdam nobilioris genus, quod presum acuminatis ferramentis scintillas igneas in tenebris emittere videtur, ut observavit Boyle. Jam autem hæc lux in mediis tenebris cum aliam causam non agnoscat, non potest melius explicari nisi ex motu partium partim proveniente à frictione, partim verò ac dispositione earum ad motum facili. Prout etiam in muscis noctilucis Microscopio observatur vehemens motus intestinalis partium. Ligna verò putrida motum suarum partium probant ex ipsa sui corruptione, quæ nihil aliud est, quam intestina dissolutio partium.

21 *Decima quinta.* Quod lux possit parari ex quacunque materia, & in eadem assevari. Id patet ex plurimis Phosphoribus seu noctilucis, qui processu Chymico sic disponuntur, ut in tenebris accedente aliqua agi-

tatione & motu partium lucem emittant. Tales Phosphori partim sicci sunt, partim liquidi. Solidi Phosphori, si aliquæ partes illius ex vitro hermetice sigillato aut aliàs bene munito protrahantur in librum aërem, & supra chartam ceruleam ponantur, remotis candelis non solum instar lampyridum splendent, verum etiam affixæ digito similem fulgorem albicantem inducunt. Liquidi Phosphori in phiala vitrea conclusi, quamprimum leviter commoventur in obscuro loco, flammæ speciem subito excitant, quæ tamen mox evanescit, usque dum cessat agitatio. Et si vel unica guttula agitati liquoris in manu aliquantulum agitetur ac dilatetur, pariter ceruleam flammam instar ardentis spiritus vini spargunt. Aliud genus Phosphori parat D. Lemry ex quacunque materia vegetabili aut animali; si enim hæc materia arte Chymica aliquamdiu per ignem excoquatur, redditur liquor vel pulvis qui in vase bene clauso, si post aliquantum temporis denovo emittatur in auras, lucem & flammam præbet. Observatur quoque, Barometra nonnulla, motu agitata, lucem spargere. Aurora borealis, quæ in multis Regionibus maximè Septentrionalibus frequentet observatur per integras regiones, lucem emittit. Lapis Bononiensis exhibet simile lucis phenomenon, & foditur lapis ille in agro Bononiensi, qui certa methodo calcinatus, ubi solaribus radiis notabili temporis spatio fuerit expositus, sic illos intra se imbibit ac colligit, ut inde retractus, & in locum obscurum translatus instar pruinæ candentis luce tamen satis debili relucescat, donec successivè iterum extinguatur. Aliud genus Phosphori paravit Hoffmannus, qui admissio externo aëre in fumum abiit non sine luce. Boyleus refert: certum genus liquoris à se fuisse paratum, qui Soli expositus per diem, noctu relucebat in tenebris. Smaragdus etiam observatur ex igne splendorem suum mutuasse, sicut si materia illa, quæ Smaragdi nomine à Chymicis quibusdam significatur, supra lumina argentea aut cuprea in notas ad literas disponatur, & sub eorum carbonibus aut alius ignis supponatur, scriptura rutilans legi possit. Hæc autem omnia genera phosphorum lucem suam non habent aliunde, nisi à motu subtilis materiæ, quia vel in his omnibus necessaria est agitatio vel frictio vel communicatio cum Sole & aëre. Neque putandum est, lucem tanquam accidens inherere his materiis, alioquin semper lucerent. Sed id præcisè fit ut poriarum corporum ita disponantur, ut transitum subtilis materiæ partim admittendo, partim impediendo eandem ad velocissimum motum sollicitent.

*Decima sexta.* Quod lux durissima etiam corpora intra pauca momenta dissolvat, sive per *specula ustoria* sive per *vitra caustica*, ita ut etiam lapides, ferrum, aurum &c. resolvantur in cineres, aut mutantur in vitrum, aut dispergantur in aërem. Hoc verò fieri non posset, nisi lucem semper concomitaretur motus alicujus subtilis materiæ, quæ se insinuando in poros corporum eadem dissolvat.

*Decima septima.* Quod transeat per vitrum, & absque calore eosdem effectus operetur, quos operatur cum calore. Sic enim observavit D. Mariotte Acad. Reg. Scientiarum Socius, speculum concavum metallicum æquè urere si contegatur lamina vitrea, ac sine vitro. Interim ignis vulgaris lumen transit, per vitrum, non tamen calor transit. Per idem enim speculum



concavum vitro denotatum grandior ignis calorem vix tolerabilem ad 2. vel 3. pedum intervallum producit, lamina verò vitrea tectum producit quidem ad eandem distantiam lumen cum notabili claritatis augmento, calorem verò nullum sensibilem efficit. ex quo concluditur, materiam lucis esse longe subtiliorem, quàm materiam caloris crassioris.

## Solvuntur Objectiones.

24 *Obj. 1.* Contra 2. *Concl.* Si lux materialiter consisteret in motu rectileno subtilis materiæ, tunc radii lucis inter se confunderentur, nec oculus observare posset, undè procedat motus principium: Hoc fieri non debet; ergo.

2. Si ex quolibet motu subtilis materiæ produceretur lux, tunc quacunque agitatione aëris deberet lucere aër: Hoc non fit; ergo. M. prob. quia non potest agitari aër, quin simul agitetur subtilis materia.

3. Subtilis materia non est apta ad deferendum motum à Sole in tam longinqua spatia usque ad terram; ergo. ant. prob. subtilis materia vel posset retrocedere in regiones Planetarum non illuminatas à Sole tam intensè, vel per condensationem posset eludere pressionem Solis, sicut solet fieri in aqua undulante.

25 *Resp.* ad 1. neg. M. quæ falsà est, nisi fortè supponeretur localis emotio subtilis materiæ; si enim præcisè supponatur nifus ac pressio ejusdem, intelligi facile poterit, quòd eadem particula possit recipere diversas impressiones ac impetus. *Resp.* 2: Possè dici, in quolibet minimo puncto Physico nobis sensibili reperiri innumeras minutiones particulas, adeoque mirum non esse, quòd in unico puncto sensibili secundum diversas ejus partes dari possint diversæ directiones lucis, seu radiorum solarium. Huc spectat experimentum Cartesii, in quo tres homines per trium tabularum quoad extremitates conjunctorum orificia instantes sentiunt pressionem cujusvis alterius eodem momento, & versus omnes 3. plagas.

Ad 2. neg. M. ad prob. dist. Cum aëre moveretur subtilis materia motu communi seu *motu raptus c. motu proprio* neg. si enim alicui pomò sint infixæ acus, vel in curru aut navi deferantur homines, fieri poterit, ut homines moveantur motu communi, quiescant tamen motu proprio. idem fit circa subtilem materiam, quæ non producit lucem nisi motu rectilineo suarum partium urgeatur à fonte luminis.

Ad 3. neg. ant. quia supponitur à materia subtili repleti totum Universum à supremo cælo usque ad centrum terræ; igitur ex quacunque parte prematur non poterit retrocedere in aliud locum. *Elasticitas* in materia lucis potest quidem admitti, sed ea est proportionalis viribus motricibus quæ sunt in Sole aut aliis ignibus.

## QUÆSTIO V.

### In quo consistant colores?

UT paucis rem totam comprehendam, summum dico: materiam subtilem seu materiam lu-

cis à Sole effundi in totum mundum, & vehementi pressione versùs omnia objecta infusam ab eadem denuo reflecti & refringi: cum reflexione & refractione dico semper conjunctam esse qualitatem absolutam seu *Colores*. Igitur veniente luce redit etiam rebus suus color, *ablata verò luce nullus omnino rebus color inest* nisi fundamentaliter, inquantum manet textura pororum ac partium apta reflectere & refringere subtilem materiam lucis. sicut enim in Organo non moto nullus inest sonus, sic noctu non agitata per reflexionem subtili materia nullus omnino est in rebus color. Ipsa verò refractiones subtilis materiæ ea lege fieri demonstrantur & conjungi cum qualitatibus, ut *radii lucis colorati servant proportionem harmonicam*. Ut verò distinctius procedatur.

*Dico 1. Colores non identificantur secundum suum 2 esse formale cum modificatione lucis, sed consistunt in qualitate absoluta realiter distincta à luce modificata.*

*Prob. Concl.* Datur aliquid simile nostris Ideis ac speciebus impressis: Sed hoc non est lux modificata; ergo. M. patet ex consensu hominum & dictamine naturæ, quod hîc & nunc non demonstratur fundari in præjudicio seu errore. m. prob. lux modificata nihil aliud est, quàm motus subtilis materiæ aut qualitas locis verè cum subtili materia commixta: Sed hoc totum non est aliquid simile coloribus; ergo.

*Dico 2. Colores secundum suum esse formale non 3 insunt rebus ipsis, sed tantum materia lucis quam sequuntur.* *Prob. Concl.* Sublata luce nulla amplius supersunt vestigia colorum, neque etiam ratio probat manere colores, quin potius experientia probat oppositum; ergo. ant. patebit ex probatione sequentis Conclusionis.

*Dico 3. Colores inseparabiliter sequuntur modifi- 4 cationem subtilis materiæ seu lucis, sicut sonus sequitur motum aëris.* *Prob. Concl. 1.* Ab experientia, quia colores variant pro diversa modificatione lucis manente eodem objecto. Sic:

1. Liquores colorati variant pro diversa sui profunditate. v. g. solutio notissimi in officinis pigmenti *Tourne sol* seu Heliotropii dicti in exigua aqua sub spissitudine 2. aut 4. lineatum quasi nigra apparet; supra albam chartam sub unius lineæ profunditate violacea; sub dimidiæ lineæ altitudine carulea; sub minima verò spissitudine omnis coloris expers videtur. Idem in aliis omnibus liquoribus observare licet, v. g. in vino aut cerevisia secundum diversam profunditatem aut immisionem radiorum consideratis; ergo cum objectum idem maneat, & in diversa profunditate solum fiat diversa refractione lucis, signum est, colorem non inesse objectis, vino aut cerevisiæ, sed tantum luci.

2. Colores nusquam apparent absente lumine, nec est ratio cur colores non ex se generent species intentionales, sicut sonus aut odor aut calor etiam de nocte, si inesset color rebus. intensio verò lucis semper intensiorem causat colorum, defectus obscuriorem; hinc si corpus unius ejusdemque coloris partim Soli opponatur, partim in umbra delitescat, pars à Sole illustrata longè alium habet colorem, quàm averia, quæ propius accedit ad nigredinem, si color fuerit medius v. g. ruber



ruber aut viridis. hinc etiam fenestrarum pictarum colores intus prospicienti vivacissimi apparent, v. g. cerulei, foris autem inspecti debiles sunt & obscuri; ac propemodum nigri. Ad lucem candelarum longè alius est, vestium scænicarum color quam ad lumen Solis. Picturæ Bhoygii operis acu factæ, & diurno luminis expositæ non allequuntur eam venustatem ac laudem, quam ad nocturnas faces merentur. Color viridis ad lucernam ægrè discernitur à ceruleo, & lacinia sericæ color sæpe planè alius ad lucernæ lumen quam in Solis splendore apparet, v. g. ceruleus intensissimè niger apparet. Adde quod ex Anglia prodierit ars pingendi imagines æri incisæ, quæ Soli expositæ magnam colorum varietatem exhibent, sed in umbra vel ad candelam ne vestigium quidem coloris demonstrant; illa ars consistit in hac, quod cæta salia sic sinantur imbibi à poris metalli, ut tantum possint reflectere ac refringere intensiores Solis radios, non verò candelæ. Item aqua ligno nephritico tincta, & in phiala vitrea contenta, apparet aurea, si phiala statuatur mediâ inter oculum & fenestram, si verò oculus statuatur mediis inter phialam & fenestram, apparet color ceruleus: quod si per obscuri cubuli foramen radios solares admittas, & phialam partim inter conum lucidum partim extrâ constituas; magnam colorum varietatem simul in eodem objecto intueti licebit; si insuper liquorem acidum eidem infuderis, in momento ceruleus color evanescet, & aureus ex omni parte videtur; si verò oleum tartari aut solutionem salis volatilis miscueris, è vestigio color ceruleus restituetur, aureo penitus extincto. In omnibus his experimentis objectum manet idem, & tantum mutatur reflexio lucis ob diversam densitatem liquorum, atque ob dispositionem pororum radios absorbentium vel refringentium.

6 *Prob. Concl. 2.* Colores mutantur non mutato objecto colorato; ergo color non est qualitas objecti sed alterius cuiusdam materiæ abeuntis & redeuntis. ant. prob. ex sola attritione, vitrum, Crystallus &c. facessunt in pulverem albissimum. pix nigra trita colorem habet flavum. Saccharum tritum candidius est quam non tritum. Pharmacopola albissimum pulverem obtinent ex Smaragdīs viridibus, & rubris granulatis; ex vitriolo ceruleo & minio ceruleo per solam corporum in liquoribus mensuris solutionem & præcipitationem. Quodvis marmor etiam nigrum, contritum est candidissimum. Cornua quando adhuc integra sunt nigra apparent, limæ verò subjecta aut vitro rasa scrobem relinquunt candidam, jam vetò sola contritio aut ratio non alterat objectum.

7 *Prob. idem ant. secundo.* Mutatur color ex commixtione corporum & liquorum, dum enim pigmenta seu liquores diversi coloris miscentur, ordinariè in momento prodit color tertius, & quidem stabilis. Sic ruber color & flavus commixti dant aurantium. ruber cum ceruleo in modica quantitate dat purpureum, in abundantiori verò quantitate violaceum. ceruleus cum flavo viridem, albus cum nigro cinereum, cum flavo pallidum, cum rubro carneum. Sic etiam charta pigmento tournefol tincta adeoq; ceruleo, succum Cytrini coloris exhibent. In herbis colorem pro diversitate succi induci conspicimus; rubrum v. g. si imbibant aquam aluminis: Si laccam succo

cytrino alperleris color sanguineus mutabitur in carneum. Tinctura violarum cerulea, oleo vitrioli suffusa purpurascit, cui si guttas quasdam spiritus cornuævi addas, color purpureus in viridē transit. Si aqua, quam liguim Brasyllicum rubore tinxit, parum aceti distillati infundas, liquor instar vini albi limpidissimus apparet, sed si infundas guttas olei tartari, apparet sub colore purpureo, si commisceas spiritum vitrioli, pallidè flavescit instar vini Hispanici, si plumbi salis deliquio solutum adjicias mixtura candescit. In omnibus his mixtionibus non est censendum in momento adeò alterari objectum & quidem integrum; cum tamen mutetur color.

*Prob. ant. 3. Ex affricu corporum* aut contritione. Si crocus affricetur panno ceruleo apparebit viridis. Adeps candidus corio inunctus magnam sibi nigredinem Adsciscit, eamque corio conciliat. Calx argenti in aqua forti exsolui nivea omnino, ubi cuti madidæ affrictea fuerit nigro colore hanc inficit qui vix elui potest. Inter sexcenta alia simillima, quæ afferri possent experimenta, in quibus ex sola liquefactione, dissolutione, confusione corporum, aut evaporatione liquorum novus color producitur, duo præcipuè hic notanda sunt: Si ferrum instar speculi exactissimè politum detineatur aliquantulum in prunis candentibus, evadit primum aurei coloris, inde violaceum suscipit, postea fit ceruleum, ac tandem fulvidam induit nigredinem. Si verò interim extractum exponatur frigori, retinet in superficie constanter illum colorem; quem habuit cum primo incepit refrigerari. 2. Si aliqua quantitas plumbi mundioris intenso igne fundatur & projiciatur in vas ferreum, superficies plumbi videbitur exornata splendidissimo colore, qui mox locum dat alteri, hunc excipit tertius; tetrimum fugabit quartus; atque sic ordine celerrimo se consequuntur alii colores plurimi, donec metallum deservescens incipiat refrigerari, ac retineat colorem, qui casu tunc adfuit cum primo incepit refrigerari. In omnibus his experimentis subjectum manet idem, nec fingi potest tam velox mutatio totius temperamenti, ac primarum qualitatum in corpore colorato, quam velox est mutatio colorum. Igitur colores non sequuntur dispositionem sui subjecti permanentem; sed reflexionem luminis modificatam transeuntem.

*Prob. Concl. 4.* In opposita sententia conservantur colores permanentes absque causa exigente, vel perpetuo debet fieri recursus ad Deum; Utrumque est absurdum; ergo. M. prob. unico exemplo calcinatorum corporum quæ plerumque sunt alba; hunc enim candorem non conservant ipsa corpora v. g. substantia nigri marmoris. eo quod tales substantiæ plerumque exigant alios colores; neque etiam temperamenti primarum qualitatum, quia mutato quantumcunque temperamento semper manet idem color, nisi mutetur textura partium; v. g. si ve urgeat æstus, si ve frigus sæviat, calcinata semper remanent alba.

*Prob. Concl. 5.* Si darentur colores permanentes, tunc sæpe destruerentur & prouiderentur sine sufficienti causa: Hoc non potest dici; ergo. M. prob. ab exemplis partium adductis partim adducendis, v. g. cerevisia quando comitibet in spumam induit colorem album, & destruitur antiquus color: Atqui in hoc casu non datur causa destructiva; ergo. M. prob. si in hoc casu prior color cerevisiæ non destruitur, non est ratio quare non videatur, & quare non emit-



tat sui species ad oculum; cur enim non retineret suam activitatem, cum medium, nempe aer sit idem, & applicatio eadem. Prob. etiam *m.* causa conservativa coloris deberet esse ipsa forma cerevisiæ: sed hæc permanet dum spumat cerevisia. Item causa destructiva rubedinis & productiva albedinis vel deberet esse agitatio liquoris, vel calor ab agitatione productus? Neutrum potest dici; ergo. Non agitatio, quia motus per se nec producit, nec destruit colorem, alias corpora agitata semper amitterent colorem. Non calor, quia vel nullus, vel exiguus ab agitatione producitur, & si produceretur, tamen constaret, quod per calorem cerevisia appositæ igni non amittat suum colorem. Neque etiam dici potest, ab intercepto aëre produci colorem, aer enim cum ex natura sua sit diaphanus & excolor, non poterit in subiecto extrinseco producere colorem. Item illa mutatio fit in liquoribus tam calidis quam frigidis, tam in vase clauso quam aperto. Igitur proprietates aëris nullam habent connexionem cum productione albedinis in spuma. Hoc argumentum etiam applicari poterit in productione colorum ex attritione, confusione &c. de quibus supra.

Prob. Concl. sexto: Colores apparentes non sunt qualitas subiecti cui insunt; ergo neque colores permanentes. ant. plerumque admittunt Adversarii: quia verò id aliqui negant, prob. 1. Colores apparentes sunt v. g. Iridis, producti vel à natura in nubibus, vel per artem ope trigoni, vel per aquam in minimas guttulas ore, vel in fontibus dispersam, aut etiam in globo vitreo Cartesii ubi exhibentur, colores Iridis; jam verò in his omnibus casibus colores non insunt subiecto; ergo. *m.* prob. sumamus globum vitreum aqua repletum, prout sumpsit D. Cartesius, totus ille globus circumducatur cerâ aut aliâ materiâ opacâ prout de Iride dictum est, in hoc casu radius reflexus exhibet colorem rubeum Iridis: evidens autem est, quod color non insit vitro, neque aquæ, aut particulis metallicis ut aliqui fingunt in aqua latentibus, quia impossibile foret, si in aqua laterent particulæ metallicæ heterogeneæ, aliquando non obversari alium colorem quam rubeum. Si verò particulæ essent homogeneæ, impossibile foret colorem illum particularem rubeum nunquam obversari in alio situ ejusdem globi. Denique affusa quacunque aqua etiam distillata constanter apparet idem color; ergo non potest ille color provenire à particulis homogeneis in aqua latentibus, cum impossibile sit in tot specie diversis aquis etiam distillatis, latere ejusdem generis particulas. Prob. ant. 2. sumatur aqua cujuscunque specie, etiam distillata, & ex ore compressis dentibus dispergatur in aërem in plagam Soli oppositam, videbitur Iris, simillima Iridi naturali, prout etiam fit in fontibus eum in finem constructis. In hoc casu iterum fingi non potest colores inesse ipsis aquis; implicat enim positum tam diversis dispositionibus in aqua, constanter produci eundem effectum, cum nullum habeatur exemplum in tota natura, ut effectus idem eodem modo producatur à causis diversis divetissime dispositis. Prob. ant. 3. si sumatur Trigonum vel Prismâ, & obvertatur Soli vel oculo, videbitur ex adversa parte in quocunque objecto maximè al-

bo apparere Iris, impossibile autem est, tam diversos colores actu inesse vitro vel objectis in quibus apparent; ergo evidens est colores consequi inseparabiliter modificationem lucis. Si autem in apparentibus habetur, certa causa colorum, non debet quæri alia causa incerta in permanentibus, cum natura in effectibus ejusdem generis semper adhibere soleat causas ejusdem generis.

Prob. Concl. septimò. Species colorum tantum sequuntur lucem modificatam; ergo & ipsi colores quorum sunt species. ant. prob. 1. nisi species exceptæ in charta in obscuro cubiculo unice dependerent à luce modificata, non esset ratio cur immisso copiosiore lumine statim evanescant: visibilia enim omnia eo melius apparent quò fortius illustrantur, & lumen nec per se, nec per aliud destruere valeat qualitates aliorum corporum à se independentes; ergo si lumen destruit species, eo ipso species dependent à lumine. Prob. ant. 2. quando per lentem chrystallinam species visoriarum trajiciuntur in chartam valde vicinam, nihil in illa præter lumen apparet, si verò charta magis removeatur, radii apparent colorati; hoc verò non accideret, si species non dependerent à modificatione lucis. Prob. ant. 3. si medium per quod transeunt species, illustratur pluribus radiis à corpore colorato reflexis species illius corporis sunt etiam vivaciores, si verò medium illustratur paucissimis radiis reflexis, illustretur tamen uberimis radiis directis ac transversis, non augebitur vivacitas specierum; hoc autem explicari non potest, nisi species sequantur radios ab objecto reflexos.

Prob. Concl. octavò. In objecto colorato præfente colore apparente non adsunt colores proprii; ergo nunquam adsunt proprii. ant. prob. cum v. g. in muro albo per trigonum depingitur Iris, desinit videri albedo muri albi; ergo etiam cessant species coloris permanentis. Jam verò quis illas destruit? non lux, hæc enim est potius amica quam contraria speciebus absolutis, & universaliter loquendo, lux per se non destruit ullam qualitatem absolutam. Si verò fingas illas species adhuc dari, non tamen videri, nulla poterit reddi ratio, cur non determinant ad visionem. Prob. ant. 2. Ingruente nocte mutantur species colorum, color viridis apparet ceruleus, & ceruleus videtur esse violaceus, & violaceus niger. Sed hoc in opposita sententia est inexplicabile; quomodo enim lux remissa vel privatio lucis facere poterit ut species mutent suam essentiam, dum illæ quæ natæ sunt representare viridem, exhibent colorem ceruleum? Prob. ant. 3. si per trigonum inspiciantur objecta colorata præsertim candida, statim mutantur species, & objecta non apparent sub propriis, sed sub peregrinis coloribus; ergo vel species priores mutant naturam, & representant colorem quem prius non representarunt, vel certe in vitro destruuntur priores species & producuntur novæ, utique dependentes à luce modificata.

Dico 4. Color objectivus tantum consistit in diversa textura partium. Constat enim qualibet corpora habere minimas particulas, quoad sensum insensibiles, magnitudine & figura diversas; igitur necesse est, etiam poros corporum esse divetios, aliquos



aliquos quidem magnos, alios parvos, hos situ recto, alios verò obliquo; & inde fit ut materia subtilis in hos poros delapsa partim quidem absorbeatur, & per innumeras reflexiones intra poros elidatur, partim verò per reflexionem ad oculum remittatur, in qua reflexione radii lucis pro diversa sui distantia diversimodam etiam constituent combinationem lucis cum intermixtis umbellis seu tenebris. Dico proin, in quantum corpora apta sunt, diversimodè reflectere lucem, in tantum etiam habent fundamentaliter diversum colorem. Conclusio sic explicata probatur. Corpora quæ diversimodè excipiunt, reflectunt aut refringunt lucem, necessariò differunt in superficie, textura, raritate, aut densitate partium; sed corpora quæ differunt in colore excipiunt diversimodè, reflectunt aut refringunt lucem; ergo corpora colore diversa habent illam diversam texturam. M. est certa ex Optica, ubi enim non est inæqualis incidentia radiorum, nequit esse inæqualis reflexio. m. prob. Corpora alba & nigra diversimodè reflectunt lucem; ergo & cetera corpora, quæ constanter in colore differunt, ant. prob. sic enim *alba* disgregant visum, seu corrugant *uveam* & explicant *pupillam*, sed hoc non aliundè contingit, quàm ex copiosiore reflexione luminis, cum constet pro varia lucis copia variari amplitudinem pupillæ. Prob. m. secundò. Alba cum magis illustrentur, eò magis apparent alba; econtrà nigra majori luci expolita minus apparent nigra; sed hoc non contingeret, nisi candor eximiam, nigredo mediam posceret reflexionem luminis. Prob. m. tertio. Albedo si maximè sit illustris, oculos perstringit, & viat, prout experiuntur diu inter nives ambulantes; sed hoc non provenit à speciebus albedinis. quid enim molestiæ crearent hæc species? sed adscribendum potius est uberrimæ luci, quæ nimio sui illapsu fibras retinæ explicat, rarefacit ac distendit. Prob. m. quarto. Charta candida exceptam lucem obscuro cubiculo immissam in viciniam splendidam regerit. Charta verò nigra vel nihil vel parum lucis in oppositam partem reflectit, species etiam immissas pessimè exhibet. Prob. m. quinto. In alba ceteris paribus ad majorem distantiam videntur, quàm nigra, & in pari distantia viciniora apparent alba quàm nigra. Prob. m. sexto. In crepusculis præ omnibus aliis coloribus citius se prodit albus. Prob. m. septimò. Peristromata nigra totum cubiculum obscurius, parietes albi verò illustrius reddunt; hæc omnia non eveniunt nisi propter copiosiore reflexionem luminis in albis, minorem verò in nigris. Quæ hîc de albis & nigris corporibus dicta sunt, omnia vel pleraque de intermediis coloribus cum proportionem locum habere testantur Boyle, qui etiam deprehendit, omnes colores plus luminis quàm nigrum, minus verò quàm candidum reflexisse.

15 Prob. ulterius Concl. 2.. Corpora diversa, diverso colore imbuta diversimodè incallescunt, cum eodem temporis spatio solaribus radiis exponuntur: quod plurimis experimentis comprobatum est, & quibus nigrum specialiter & album concernentia hîc annotare utile fuerit. Sic:

1. Specula ustoria longo temporis spatio non

valent accendere, imò nec decolorare chartam albam, dum econtrà chartam atramento illitam non exsiccant tantum, sed & statim inflammant, quia nempe à nigris corporibus plus lucis imbibitur quàm reflectitur.

2. Si lateres partim albo, partim nigro, partim rubro colore inficias, & Soli flagranti objicias, atra brevi temporis spatio incalescunt, inde rubra, sed alba diutissimè frigida comperies.

3. Si pannum nigrum ferventi æstui exponas, maximum statim colorem senties, sed pannum album & linteamina vis Solis exsiccabit quidem, nullum tamen ferè colorem in illis percipies.

4. Cubicula obducta nigris peristromatis calidiora esse solent, sicut etiam nigra vestimenta majore æstu, quàm alba, indutos urgent. Manus chyrotheæ nigræ immissa calenti Soli exposita, subito calescit, & fortius, quàm si nuda manus vel chyrothea alba, utut tenui corio confecta, superinducta exponeretur.

5. Ova studiosè denigratas si in calenti climate exponantur æstuant Soli, brevi temporis spatio asfantur, non idem ova candida.

6. Speculum concavum ex nigro marmore positum parvulam collustrantis Solis imaginem exhibet, longè aliter quàm in aliis speculis, quæ oculos perstringunt. Idem speculum nigrum licet fuerit satis amplum longo temporis spatio vix accendat frustum ligni, quod tamen aliud multò minus speculum ejusdem formæ in ictu oculi accendit. Atqui diversitas hæc non oritur ex diversa temperie corporum, cum utique pannus albus & niger, charta candida & nigra, lateres dealbati & denigrati non necessariò differant temperamento; sed oritur potius ex eo, quod corpora nigra suis innumeris cavernulis, striis ac poris suis captivos absorbeant radios Solis, illosque proin non multum reflectant, alba verò & his contigua illos extrorsum repercutiant.

Prob. Concl. 3. Colores permanentes corporum solidorum, quæ consequenter habent diversum colorem, possunt absolute tactibus discerni; ergo eo ipso differunt in textura & asperitate partium, ant. quamvis paradoxum gravissimis probatur testimoniis. Primum est P. Francisci Grimaldi lib. 1. de lumine propòsit. 43. sic ait: Ante non adeò multos annos venit ad aulam Magni Ducis Hetruriæ Vir, qui oblevatis quantumlibet oculis, & capite aliorum verso, quidquid ei tangendum offerebatur, solo tactu enuntiabat, quo illud colore tinctum esset. Singulare verò suæ artis specimen dedit in velo serico, quod variis in partibus varios exhibebat colores. Idem Grimaldus alium quoque cognovisse se dicit, & quidem cæcum, qui solo tactu colores equorum dicebatur cognoscere. Tertium est P. Honorati Fabri, qui de coloribus propòsit. 77. refert, se vidisse cæcum eâ facultate præditi, ut diversa lævigati marmoris frusta quoad colorem tactu discerneret. Similia de Comite Mansfeldio narrat Kerchmannus & Balduinus in Historia Anatomica Centuria 30. Historia 54. Denique refert Boyle, D. Joannes Baptista du Hamel & plurimi alii, quod non ita pridem vixerit aliquot mil-



milliaribus ab Ultrajecto ad Mosam vir triginta annorum nomine Jean Vermaisen, rigorose examinatus, qui cum nondum adhuc biennis ex variorum morbo in cæcitatem omnimodam incidisset, tactu tamen tam exquisito pollebat, ut jejunos colores simplices sat bene digitis exploraret, & quamvis interdum errare sit deprehensus, præmonebat tamen qualis generis forent illi colores quos fatebatur ægrè à se dignosci, insuper testatus sciscitanti, omne colorum discrimen ex majore minoreve asperitate corporum se deprehendere.

*Prob. Concl. 4.* Quandocunque datur mutatio colorum, datur etiam mutatio superficierum aut texturæ partium; ergo. ant. prob. sic enim vitrum sola attritione fit opacum, liquores Chymici quàm plurimi seorsum pellucidi, per commixtionem opacantur. Nix, cera, butyrum, adeps, & aliqua metalla quando liquantur inducunt aliquam diaphaneitatem, neque potest afferri ulla ratio, nisi quia in his casibus mutatur textura partium.

### Solvuntur Objectiones.

*Obj. 1. contra 1. Concl.* sensus communis hominum sæpè fallit; ergo ex isto non probatur existentia colorum. ant. prob. sic primò homines credunt etiam sanguinem v. g. esse rubicandum, cum tamen constet ex Microscopiis, illum nihil aliud esse nisi fluidum quoddam pellucidum in quo natant innumeri globuli rubri. Eodem modo homines sibi persuadent granulum v. gr. Italicæ Tabaci undique fuscum esse, cum tamen Microscopia doceant variis illud coloribus ornari. Omnes censent, viridem quo v. g. libri obducuntur, esse colorem homogeneum, cum tamen Microscopiis levi negotio deprehendi possit, quòd ex particulis flavis & ceruleis constet.

*Resp. tr. ant. dist. conf.* ergo ex illo nihil probatur, ubi demonstratur fallere, c. conf. secus, neg. conf. quia saltem plerumque non fallit. Dein fallitur etiam circa magnitudinem corporum, & tamen datur extra mentem.

*Obj. 2. contra 2.* In Eucharistia post consecrationem manent colores panis & vini, & tamen non manet ordo, superficies & textura corpusculorum; ergo color non dependet ab illa textura.

2. Colores panis & vini Eucharistici manent post consecrationem tam de die quàm de nocte, dum nempe de nocte asservantur in ciborio; ergo colores sunt aliquid permanens, nec fugiunt cum luce.

*Resp. c. ant. dist. conf.* ergo non dependent à textura etiam supernaturaliter, c. conf. naturaliter, neg. conf. sicut enim colores naturaliter non possunt existere sine subiecto, cum tamen supernaturaliter possint existere sine subiecto, ita discutendum est de textura partium, ut enim D. Thomas ait: esse rerum magis dependet à primo conservante, quàm à causa secunda, ac proinde licet causæ secundæ subtrahant suum influxum & conservationem specierum, non tamen desinit Auctor totius entis ministrare esse suum accidentibus.

Ad 2. dist. ant. colores manent fundamentaliter & in actu primo, c. formaliter & in actu secundo, neg. manet quippe in Eucharistia virtus determinativa lucis ad producendos colores ac

species in oculum, in quocunque consistat illud determinativum nos dicimus illam remanere in quantitate dimensiva, quæ remanet. Quòd verò colores non maneant in actu secundo, supponere videtur, ipsa Ecclesia, dum ad laudem feriā quartā capit: *rebusque jam color redit vultu nitentis fideris.*

*Obj. 3. contra 3.* Si veri colores essent inseparabiles, ter conjuncti cum modificatione lucis, tunc non forent ita stabiles ac fixi: Hoc est falsum; ergo M. prob. singulis ferè momentis mutatur lux; ergo.

2. Potest notabiliter variari lux, quin notabiliter varietur color; ergo colores non dependent à lumine. ant. prob. quia sive in Meridie, sive tempore crepusculi inspiciantur objecta alba aut nigra, retinent eundem colorem.

3. Sæpe augetur lux, quin augeatur color; ergo. ant. prob. v. g. rubedo & nigredo aucta luce decrescunt; ergo.

4. Colores apparentes pro diversitate situs semper apparent diversi, colores verò permanentes non mutantur pro diversitate situs; ergo est alia ratio colorum apparentium quàm permanentium.

5. Carbones contusi in pulverem non mutant nigredinem, etiam si aliter reflectant lucem; ergo ex diversa reflexione non sequitur diversitas colorum.

*Resp. ad 1. dist. M.* Colores non essent stabiles, 21 nisi esset stabilis textura partium, c. secus, neg. ad probationem additam dist. mutatur singulis momentis lux accidentaliter, c. specificè, neg. additio luminis ad lumen non mutat colorem ut videbimus in Quest. sequenti, sed tantum separatio radiorum heterogeneorum.

Ad 2. Eodem modo *Resp.* sicut etiam ad 3.

Ad 4. neg. conf. Diversitas quæ provenit ex diversitate situs in coloribus apparentibus, simul conjungitur cum diversitate radiorum jam separatorum, ut interim supponitur; corpora verò stabilia possunt in omnem viciniam reflectere radios ejusdem generis.

Ad 5. neg. causalem antecedentis. neque enim pulvis carbonum mutat texturam minimarum partium prout fit in aliis corporibus contusis.

*Obj. 4.* Est incredibile, quòd corpora, quæ habent diversos colores, habeant etiam diversas superficies ac texturas partium; ergo. ant. prob. marmor album & nigrum utrumque lævigatum licet differant in colore, non tamen videntur differre in textura & superficie.

2. Oculum colorem à colore discernit non tamen superficiem à superficie; ergo est major diversitas inter colores, quàm inter superficies.

3. Ex nostra sententia sequitur, quòd corpora, quòd similia sunt in coloribus, eò similiorem habeant texturam partium: Sed hoc est incredibile; ergo m. prob. marmor nigrum quoad texturam partium non tam bene convenit cum atramento nigro, aut panno nigro, quàm cum marmore albo; ergo.

Prob. ad 1. neg. ant. ad prob. iterum neg. ant. 23 quia reflexio radiorum solarium, quæ minor est in marmore nigro, sufficienter probat diversitatem texturæ. Accedit, quòd lapidæ majorem sentiant difficultatem in poliendo marmore nigro quàm albo.



Ad 2. c. ant. neg. conf. ex eo enim, quòd colores tanquam effectus sint sensibiles, non sequitur etiam causam debere esse sensibilem, ut patet ab innumeris exemplis.

Ad 3. dist. M. sequitur corpora quoad texturam similia, habere texturam similiorem secundum quid c. simpliciter neg. potest enim radiorum intra poros separatio vel reflexio à nigris corporibus nasci ex diversissima textura partium. Primo potest hoc oriri ex magnitudine pororum. 2. Ex multiplicitate pororum licet minimorum. 3. Ex configuratione pororum v. g. sexangularem aut quadrangularem. 4. Ex recto aut obliquo situ pororum. 5. Ex diversa densitate partium intra poros radios refringentium aut reflectentium.

24 *Obj. 5.* Potest stabiliter mutari color in eodem subiecto, quin mutetur dispositio quantitatis & partium configuratio, ant. prob. quando cancri coquantur, testa induit rubedinem quin induat novam texturam partium. Idem fit in foliis arborum.

2. Vitra & metalla, etiam antequàm liquefiant ab igne, sæpe jam incipiunt esse rubra; ergo rubedo non adscribenda est novæ texturæ.

3. Chameleon timidissimum animal pro varietate subiectorum quibus infidet varios induit colores, quin induat novam texturam cutis.

4. Est incredibile pilos diversi coloris differre in configuratione partium; quomodo enim ii, qui intra noctem incanuerunt tam repente mutant texturam capillorum.

25 *Resp. neg. ant. ad prob. dist. testa non induit novam texturam positivè, c. negativè, neg. constat enim per excoctionem talium rerum exhalari quasdam partes sulphureas aut mercuriales intra poros delitescentes: iis verò evaporatis necesse est dari aliam refractionem lucis intra poros evacuatōs talium corporum.*

Ad 2. neg. conf. Quia dum incipiunt liquefieri, partes jam actu sunt in motu, adeoque extra situm naturalem.

Ad 3. tr. ant. neg. conf. Potest enim dici, cutem Chameleontis esse lævem & pellucidam instar speculi, lucem & quosvis colores vicinos reflectentis & repræsentantis.

Ad 4. neg. ant. ut enim constat ex Levvenhætkio, capilli adeo differunt in externa figura Microscopio inspecta, ut vix unus alteri sit similis? Quid igitur mirum, si differant etiam quoad internam texturam. Dum verò mutatur tam subitò color capillorum, tantum exhalantur partes sulphureæ, & sic exarescentibus talibus capillis fit negativè alia textura partium.

26 *Obj. 6.* Omnes liquores habent eandem superficiem perfectissimè planam, quin habeant eundem colorem; ergo ex diversa superficie non debet desumi diversitas colorum.

2. Colores permanentes habent infinitam varietatem, quin textura partium sit infinities diversa; ergo.

3. Color colori est contrarius quia unus tollit alterum, lux luci non est contraria; ergo colores non sequuntur lucem.

27 *Resp. dist. ant. liquores habent eandem superfi-*

ciem externam sensibilem, c. internam ac insensibilem, neg. constat enim etiam in liquoribus dari poros ut probat Aristoteles ex transmissione soni per liquida, & aliis innumeris experimentis ostendi potest. Igitur radii solares pro diversitate talium pororum etiam diversimodè reflecti aut refringi debent.

Ad 2. neg. ant. quoad 2. memb. textura enim partium habet infinitam varietatem. Primo ex varietate figurarum quoad minimas particulas. 2. Ex diversa magnitudine partium. 3. Ex diversa propinquitate. 4. Ex diverso situ. 5. Ex diverso motu partium. 6. Ex diversa densitate liquorum intra poros latentium.

Ad 3. dist. lux luci non est contraria per se ac formaliter, tr. per accidens aut materialiter, neg. sic enim etiam aqua aquæ non est contraria nec ligno lignum, nec clavo clavus, & tamen unus clavus expellit alterum. Item unus tonus destruit alterum tonum debiliorem, & lux Solis tollit lumen candelæ nempe ratione motûs, qui accedit luci.

*Obj. 7.* Si colores sequuntur motum lucis, tunc 28 v. g. nigredo proveniret à lumine: Hoc est absurdum, quia tenebræ non habent pro causa lucem, nec sunt lux; ergo.

2. Non potest divinari ex quali modificatione lucis resultent colores; ergo.

*Resp. ad 1. dist. Nigredo proveniret à luce materialiter sumpta, c. formaliter sumpta, neg. eadem enim materia quæ est causa illius qualitatis, quam nos lucem vocamus, est etiam causa alterius qualitatis quam nigredinem dicimus. Est autem conveniens, illam materiam denominare ab effectu nobiliore, nempe à luce.*

Ad 2. neg. ant. ut enim patebit ex sequentibus, modificatio illa consistit in certis refractionibus.

## QUÆSTIO VI.

*A quali modificatione lucis dependant colores?*

**D** Isaacus Nevvton invenit modum demonstrativum, quantum quidem ipsi putant, exhibendi naturam colorum. Ostendit proinde omnes colores præcipuè consistere in separatione radiorum subtilis materiæ; radii enim Solis sunt heterogenei, ac diversæ refrangibilitatis, & ob hoc ipsum, dum transeunt per corpus diaphanum, ab invicem separantur, postquam igitur separati sunt per refractionem, taliter separati deferuntur, ad oculum, & imprimunt diversas species colorum. Corpora verò opaca constant diversis minimis particulis pellucidis, radios solares refringentibus adeoque etiam separantibus. Quando igitur fit, ut v. g. à marmore radii Solis intra poros separati, partim transmittantur, partim verò ad oculum reflectantur, fieri pariter potest, ut reliquis radiis heterogeneis absorptis soli radii v. g. rubei vel cerulei, vel flavi reflectantur. Singulas has propositiones experimentis demonstrat.

Dico 1. Quæcunque differunt colore, differunt etiam refrangibilitate radiorum. Demonstratur duobus experimentis. Sumatur v. g. planum M, N per medium



medium divisum, & in aliquot areas distinctum v. g. DG, SE, HG, FI &c. sumatur *Prisma*, horizontaliter versum illud planum directum; si per *Prisma* inspiciantur omnes illæ areæ diversis coloribus tinctæ, videbuntur colores qui erant inter se paralleli ac horizontales, esse à se invicem divisi, ita ut unus appareat altior alio, quod utique fieri non posset, nisi unus color præ alio fortius refringeretur.

Experimentum 2. sumi potest in eodem plano diversis coloribus distincto, si ope vitri convexi hi colores projiciantur in adversam parietem, unus quidem claritatem suam ac vivacitatem habebit in majore distantia à vitro refringente, quam alius.

3 Dico 2. *Radii solares habent diversam refrangibilitatem.* Conclusio demonstratur experimentis.

Primo intromittatur radius per foramen cubiculi obscuri in *Prisma* A. B. C. & videbis, hunc radium dividi in plures alios, ita ut pars radii KH deferatur in B, pars verò radii alius deferatur in F. Idem fit de aliis partibus ejusdem radii intermediis, ubi simul observandum, singulos radios ita divisos ac in varios colores distinctos formare figuram circularem, manifesto indicio, quemlibet radium habere & sphaeram & motum proprium.

4 Dico 3. *Radii homogenei non possunt amplius ulla modificatione mutari in alium colorem.* Demonstratur experimentis.

Primo intromittatur radius per obscurum cubiculum in subjectum per *Prisma* A. B. C. in hoc *Prismate* separabuntur radii ab invicem, & efformabunt diversos colores in adverso pariete; si verò quicumque radii impediuntur transire per vitrum statim sentietur non tantum defectus illius radii, sed etiam defectus coloris radio correspondentis in adverso pariete.

Si rursus talis radius ab aliis separatus transmittatur per foramen alterius obscuri cubiculi, & facta nova depuratione partium hujus radii idem mediante *Prismate* deferatur in alium parietem v. g. M. N. talis radius non efformabit plures radios, sed tantum colorem sibi respondentem, nec mutabit amplius illum colorem, quocumque derivetur, aut quomodocumque per *Prisma* inspiciatur. Quin insuper hic radius, si v. g. sit flavus, objecta rubra v. g. purpuram tinget colore flavo, manifesto indicio, colorem deferri in objecta à radiis solaribus, & quidem immutabilibus.

5 Dico 4. *Colores, adeoque radii solares colorifici sunt inter se musice proportionales.* Demonstratur experimentis.

Separantur radii solares ope *Prismatis*, & sic separati in adversam parietem deferantur, ubi efformabunt diversas illas sphaerulas, seu circellos coloratos prius descriptos, simulque efformabunt colores Iridis inter se distinctos. Jam dividatur planum A. F. M. I. in quo exhibentur illi colores, in totidem partes, in quot colores illi distinguuntur. Notetur proin linea recta a. b. γ δ. ε. ζ. η. θ. ι. κ. λ. μ. imagini in transversum ducta, ubi notantur colorum confinia, nimirum coloris rubri M. a. b. F. aurei a. γ. θ. β. flavi γ. ε. ζ. δ. viridis ε. η. ζ. δ. Cerulei η. ι. κ. θ. Indici γ. λ. μ. κ. & violacei λ. G. A. μ. atque hac quidem operatione perfecta inventum est, latera M. G. & F. A. à lineis

transversis per modum chordæ Musicæ divisa se habere in *proportione Musica*. Sic enim G. M. ad λ. M. habere se ut 1  $\frac{853219}{9643516}$  atque adeò representare chordas clavis & toni *tertia minoris*, *quarta*, *quinta*, *sexta majoris*, *septima*, & *octava supra* istam clavem. Jam autem intervalla M. a. a. γ. γ. ε. η. η. ι. ι. λ. & λ. G. erunt ipsa spatia, quæ colores singuli rubeus, aureus, flavus, viridis, ceruleus, Indicus & violaceus occupant.

Qui plures demonstrationes desiderat, legat & intelligat *Nevvtonum*.

## C A P. VII.

### In quo consistat natura soni?

Dico 1. *sonus formaliter consistit in qualitate absoluta realiter distincta à motu aeris.* D. Concl. Datur à parte rei aliquid simile speciebus impressis dum percipimus sonum: Sed tale quid non est motus aeris; ergo. M. patet ex sensu communi hominum, qui hinc & nunc non convincitur errare. m. est evidens, quia possum concipere hunc motum, quin concipiam sonum.

Dico 2. *Sonus materialiter consistit in motu undulante aeris.* Conclusio quoad rem ipsam est omnium ferè Antiquorum; quoad modum verò differunt inter se Auctores. Aliqui enim sic explicant hunc motum aeris, ut credant, particulas aeris per collisionem corporum dispergi, sicut gutta aquæ dispergitur in mille guttulas. Alii volunt, aërem cum corpore sonoro collisum, crispari instar fluctuum, cuidam repagulo aut obstaculo illisorum. Alii verò volunt, etiam à corpore sonoro emitti quasdam particulas sonoras. Inter tot opiniones tamen præferri debet illorum opinio, qui ex collisione corporum nempe aeris impulsu in fistulam, dicunt moveri aërem, sicut movetur unda alicui corpori vel illisa, vel à corpore v. g. lapide in lacum injecto divisa, in quo casu per totam viciniam corporis illidentis dantur indicia undulationis, ac veluti radiorum quaquaversum emissorum.

Conclusio sic explicata probatur. In omni sono datur undulatio aeris, & hæc sufficit ad producendum sonum; ergo sonus materialiter in hoc consistit, ant. prob. aër est corpus fluidum; ergo ex collisione corporum necessario repellitur & undulatur. Cum igitur ad omnem sonum requiratur collisio corporum cum aëre, etiam requiretur undulatio aeris.

Prob. Concl. 2. In hac sola hypothese optime explicantur omnes proprietates soni; ergo convenit cum legibus naturæ.

## Solvuntur Problemata.

1. Cur sonus non moveatur in instanti, cum tamen lux tam celeriter transeat medium? aut quænam est ratio, cur sonus uno minuto secundo conficiat iter 1200. pedum, uno verò minuto primo 15. milliaria, atque adeò unâ horâ ad 90. milliaria. Idem ita se habere observarunt Peralcius, Merfenus, Academici Florentini, P. de Lana.



Cum enim duo observatores cum suis, pendulis instructi, alter ex distantia 1200. alter ex distantia 2400. hexapedatum ignem explosi tormenti simul spectassent, ab eo momento usque ad perceptionem subsequenti soni numeravit prior 7 posterior 14. minuta secunda.

*Resp.* Id fieri, quia sonus sequitur undulationem ætis, sicut ergo annuli undantis aquæ requirunt certum temporis spatium, dum deferuntur ad litora, ita fit in aëre.

6 2. Cur in corpore sonoro saepe observetur tremor corporis, si sonus tantum consistit in motu aëris? Sic enim ad oculum observantur vibrare longiores chordæ in chelibus dum pullantur, & tandiu turare sonum, quamdiu durant vibrationes. Fluida etiam in scypho contenta, digito celeriter supra marginem circumducto subsultant. Campana malleo percussa, si manu tangatur, sensibilem tremorem habet, qui & plerumque diu durat cessante motu. hinc impedito illo tremore vel campana lana obducta, vel circumductis stropholis, vel nive imposita, impeditur etiam sonus.

*Resp.* Id fieri, quia undulatio aëris à diversis causis fieri potest, nempe ex collisione sensibili vel insensibili corporum aut particularum cum aëre. Quando non datur collisio manifesta totius corporis cum aëre, debet saltem dari collisio insensibilis intestina partium cum aëre; hinc in fidibus tensis testudinis aut cymbali etiam cessante motu, quando admoventur unguis, resuscitatur tremor, adeoque aëris percussio & sonus.

7 3. Cur in Exhausto cesset sonus, & desinant pulsare horologia?

*Resp.* Id fieri quia in Exhausto etiam cessat undulatio aëris utpote Exhausti.

8 4. Quanam sit causa Echonis?

*Resp.* Causam genuinam hujus ante aliquot annos demonstratam esse apud *Academiam Burdegallensem*. Causa autem consistit in reflexione radiorum sonorum à corpore sonoro mediante undulante aëre procedentium. Cum enim hi radii ab aliquo corpore concavo sic reflectuntur, ut iterum coeant in uno quopiam foco, eo ipso etiam in illo foco efformant imaginem primæ vocis unde processerant. Igitur radii sonori eodem modo se habent sicut radii lucis; hi enim dum emergunt de foco seu potius in ipso foco efformant imaginem objecti, radii vero sonori efformant imaginem vocis.

9 5. Cur sub aquis sonus tantum percipiatur obruse, quin imò, ut Gallendus testatur, quidam urinator in mari 10. orgias demersus ne quidem audivit explosionem tormentorum?

*Resp.* Id fieri, quia in aquis dantur tantum exigui & pauci pori, per quos possit transire undulatio aëris. Hinc etiam fit, quod vas intra aquam collisum longè alium reddat sonum, quàm extra aquam.

10 6. Cur sonus, siue sit intensior, siue non, feratur equali velocitate per intermedium, prout experimentis comprobatur est?

*Resp.* Id fieri, quia undulatio aëris diversitatem suam potissimam non desumit à viribus corporum impellentium, sed à figura & magnitudine partium, aërem scindentium.

7. Cur sonus etiam sequatur propagationem aliarum qualitatuum sphericam, cum tamen lux vadat recto itinere?

*Resp.* Id fieri, quia aqua in omnem partem exerit suam undulationem, ut ab experientia constat.

8. Cur agitationes sonoræ etiam diversissimæ, ac in diversis locis factæ eodem momento temporis percipiuntur, ita, ut non impediant se invicem in intermedio?

*Resp.* Id fieri ob exilitatem & multitudinem minimarum partium, quæ tamen tanta non est, ut exhausti non possit. hinc si concurrant plures tales agitationes, sine dubio se impediunt.

9. Cur venti & alii motus aëris impetuosiores impediant transmissionem soni, cum tamen non impediant actionem lucis.

*Resp.* Id fieri, quia venti consistunt plerumque in partibus aëris aut nimium rarefacti, aut nimium condensati, adeoque à massa reliqui aëris aliquantulum distincti. hinc non communicat cum motu reliqui aëris, sicut aqua undæ undulanti affusa turbat annulos, nec recipit communem undulationem.

10. Unde proveniat mirabilis sonorum propagatio per tubos acusticos aut alios canales. Constat enim ope talium instrumentorum etiam ad distantiam milliaria vocem distinctè percipi posse?

*Resp.* Id provenire ex multiplicatione radiorum soni. Illa enim instrumenta ex arte constructa sunt, ut radii sonori ex ore prodeuntes à lateribus semper in unum focum reflectantur.

11. Cur sonus de nocte facilius percipiatur, quàm per diem?

*Resp.* Quia de nocte aër plerumque plurimum habet quietis, nec turbatur ejus undulatio per actionem lucis, & per effluvia aliarum corporum.

12. Cur per flammam & fumum sonus difficilius propagetur quàm per alia corpora.

*Resp.* Quia lux consistit in motu rapidissimo partium accedente colore, adeoque turbat motum undulantem aëris.

13. Cur clarius audiatur loquens de loco superiore, quàm de inferiore?

*Resp.* Quia vox à superiori loco delata in terram, reflectitur ab ipsa terra, sicut etiam radii solares intensiores sunt prope terram.

14. Quanam sit proportio harmonica, de qua jam toties egimus?

*Resp.* Proportionem harmonicam consistere vel in magnitudine, vel in densitate, vel in longitudine, vel in intensione corporum, & quidem ea ratione, quam exhibent numeri ordine Arithmetico sumpti. 1. 2. 3. 4. 5. 6. 7. 8. 9. &c. Sic tamen, ut semper prior sit respectu secundi per modum numeratoris ad denominatorem. Ita enim fit:  $\frac{1}{2}$   $\frac{2}{3}$   $\frac{3}{4}$   $\frac{4}{5}$   $\frac{5}{6}$  &c.  $\frac{1}{2}$  est Octava,  $\frac{2}{3}$  Quinta,  $\frac{3}{4}$  Quarta,  $\frac{4}{5}$  Ditonus seu tertia major,  $\frac{5}{6}$  tertia minor. Aliæ proportionales semper residuæ sicut v. g. ad Quintam  $\frac{1}{5}$  est Duodecima, residuum ad Quartam nempe  $\frac{1}{4}$  est Decima - quinta, residuum ad Ditonum nempe  $\frac{1}{12}$  est Decima - septima &c. Quæ omnia ex adjecta figura melius cognoscuntur.

Vi hu-



VI hujus tabulæ, si sumas duas chordas æqualis crassitie, quarum una sit duplo longior altera, dabunt Octavam, & si altera chorda in longitudine

conficiat duas tertias, dabunt Quintam &c. idem fiet si sumas duo metalla, quorum unum ad alterum in pondere sit duplo gravius, aut  $\frac{2}{3}$  &c.

I	Octava.								
2									
I	Duodecima.	2	Quinta						
3		3							
I	Decima quinta	2	Octava.	3	Quarta.				
4		4		4					
I	Decima septima	2	Decima-major	3	Sexta major	4	Ditonus.		
5		5		5		5			
I	Decima nona.	2	Duodecima	3	Octava.	4	Quinta	5	Tertia minor
6		6		6		6		6	

## QUÆSTIO VIII.

### Quæ sit natura Saporum, & Odorum?

**D**ico 1. Sapores & odores formaliter, consistunt in qualitate absoluta realiter distincta à motu & figura partium. Prob. Concl. quia debet dari aliquid simile speciebus impressis, cum tamen motus & figura partium toto cælo ab iis differant.

**D**ico 2. Sapores materialiter consistunt in diversa figura, magnitudine ac motu partium terrestrium, nempe Salium Chymicorum. Prob. Concl. quia hæc hypothese optime explicat omnes proprietates saporum, ut patebit ex sequentibus.

**D**ico 3. Odores materialiter consistunt in figura, magnitudine, ac motu partium sulphurearum cujusque corporis. Dum enim hæc partes per exhalationem deferuntur ad organum odoratus, secum simul deferunt qualitates odorum. Prob. Concl. quia hæc hypothesis optime explicat omnes proprietates odorum. Igitur primo inter has proprietates saporum & odorum est ingens eorum varietas, quæ ad novem communiter species revocatur.

Sapor enim primus est aeris, qualem ex naturalibus habet piper, raphanus, arsenicum, ex artificialibus vero mercurius sublimatus, aquæ stygiæ, butyrum antimonii &c. 2. Est amarus qualis est in absinthio, myrrha, aloë, bile &c. 3. Est salis, qui datur in sale communi, & aliis generibus

salium fossilium. 4. Est acidus quem sentimus in pomis citrinis, aquis medicatis acidulis, spiritu vitrioli &c. 5. Est austerus seu astringens, notabilis in gallis, alumine, vitriolo &c. 6. Est acerbus austero affinis & in fructibus immaturis, præsertim pomis & piris sylvestribus, item in cerevisia occurrens. 7. Est acidus ut in vino, succis expressis pomorum & pitorum. 8. Est dulcis, qualis est lactis, mellis, sacchari. 9. Est unctuosus quem olivæ maturæ, therebynthina, succinum, terræ quædam pingues, animalium medullæ & pinguedines monstrant, posset etiam addi decimus, insipidus, in aqua communi, aut ovi crudalalbumine notandus. Omnes alii sapores ex his compositi sunt, & possunt explicari per hoc, quod sapores v. g. acres consistant in partibus aculeatis, angularibus, quæ inæqualitate suæ superficiei, dum intrâ poros linguæ recipiuntur, nervulos pungunt. Econtrâ dulces possunt constitui in partibus magis sphericis, quædam recipiuntur intrâ poros, nullas partes vehementer afficiunt aut disrumpunt.

Ea vero, quæ in saporibus observatur varietas, eodem modo etiam reperitur in odoribus, nec alia est differentia odorum & saporum, nisi quod sapores sint magis fixi in corporibus, odores verò consistant in effluviis delatis ad organum sensorium.

Secunda proprietas est, quod tam sapores, quam 4 odores sensibiliores evadant per comminutionem & subactionem corporum. Sic odores qui insunt liquidis corporibus, acutiores evadunt ac excitantur per agitationem corporum vel per calorem,



rem, hebetantur verò frigore, & nimia agitatione prorsus dissipantur. Sic constat Jasminum & alios flores sereno cœlo calidisque diebus odores suos copiosius diffundere, tempore frigido ac pluvio paricus, similiter canes venatici felicius investigant feras in aëre humido quàm sicco. Ligna odorata, succinum & similia magis olent dum calent, & in regionibus calidis odores auctiores deprehenduntur, contusa lilia pessimè olent, & vinagenerosiora ac liquores distillati plus odoris præbent calefacti quàm frigidi, imò verò vasis clausis prorsus nihil odoris diffundunt per intermedium. Horum omnium ratio est, quia minimæ particulæ non afficiunt sensus nisi mediante motu, per quem applicari debent; si verò hæc qualitates non dependerent à motu partium, nulla posset reddi ratio horum omnium.

5 *Tertia* proprietas est, quòd odores diffundantur cum halitu seu effluviis, ut patet ex thure accenso & aliis suffutibus. Alii verò odores invisibiliter & successivè exhalant; hinc fit, ut qui longius distant, tardius etiam percipiant quàm viciniore, & debilius.

6 *Quarta* proprietas est, quòd odores in mediocri distantia plerumque gratius aspirent & suavius, quàm si immediate naribus applicentur. Id quod patet ex applicatione rosarum, violatum, liliorum &c. cuius ratio est, quia motus partium sensibus impressus moderatior est circa medium quàm in principio, si verò qualitas illa non dependeret à motu partium, nulla posset reddi ratio, cur qualitas sit perfectior dum longius recedit à suo principio.

7 *Quinta* proprietas consistit in effectibus odorum. talis est sternutatio ex pluribus odoratis. Nonnunquam eliciuntur lachrimæ ex applicatione ceptum, quandoque exinde nascitur cerebri confortatio v.g. ex balsamis, ejusdemque læsio ex venenatis ac fœtidis; cuius ratio dependet ex proportionem vel impropotionem partium cum poris cerebri; ad quos illi odores seu effluvia per nares deferuntur.

## Solvuntur Objectiones.

8. *Obj. 1.* In Eucharistia non manet figura & motus partium, & tamen manet odor & sapor; ergo ab his non dependet. 2. In corpore sapido datur actualiter sapor, & tamen partibus quiescentibus non datur actualis motus partium.

*Resp.* c. ant. dist. conf. ergo sapor non dependet supernaturaliter à motu & figura partium c. naturaliter, neg.

Ad 2. neg. ant. quoad 2. memb. Vel si non datur motus partium, datur tamen figura, quæ semper est principium saporis & odoris.

## QUÆSTIO IX.

*In qua parte fiat sensatio?*

**Q**uæstio procedit tam de sensibus internis quàm de externis. Circa sensus internos quæritur, an perceptio seu sensatio fiat potius in corde quàm in cerebro. Et de sensibus externis quæritur in qua parte v.g. oculorum aut aurium &c. fiat immediate visio vel auditio. Ad hoc verò intelligendum, præintelligi debet structura & organi-

zatio sensuum. De cerebro quidem & cordea etiam est in præcedentibus de corpore humano. Sequitur nunc descriptio sensuum externorum.

*Oculus* habet figuram globosam non tamen perfectè sphæricam. Constat tribus humoribus, & tribus tunicis. Tunica, ut vulgò creditur, ex optico nervo ducunt originem, ac prima quidem quæ Duræ matris est proles, instar capsulæ bulbum involvit, & posteriore sui parte, quæ firmior est, penitus opaca, vocatur *Sclerotis*, T. R. i. e. dura, anteriore verò parte, quæ vehit tesra & politica cornea fræteola pellucet, *Cornea* nuncupatur, est B D. Sclerotidem ambit *Adnata* seu membrana quædam albuginea, quæ ex peri-cranio ducta firmè adhæret oculi parietibus.

Cornea oculo est necessària, quòd oculus undequaque per loca pulverulenta circumgestatus pulvisculos adhærentes molestè ferret, horumque plurium collectione visioni obscuritas induceretur; præterea id maximè cavet, ne subsequens oculi tunica *uvea* mollis ac tenuis ab aëris exsiccantis immediato contactu arefcat, & sic ad functionem suam inhabilis reddatur.

Alterà tunica, quàm Pia-mater progignit, parte sui posteriore *Choroides* anteriore verò parte vocatur *Uvea*. vide K. eò quòd uvæ nigræ formam, à qua pedunculus est avulsus, figuram quàm proximè æmuletur, foramen verò quod in uvæ medio stat apertum *Pupilla* vocatur. Pupillam ambit fimbria, seu limbus uvæ, qui propter varios circulos *Iridis* nomen obtinuit.

Tertia tunica est membrana, ex medullari nervi optici substantia derivata. Minor ea est ceteris tunicis, tenuis ac mollis, nec omnino diaphana, nec penitus opaca, sed opacatur ex *Choroide*, non aliter ac in speculo vitrum à plumbo subiecto, contextitur ex innumeris filamentis per modum retis, & ideo *retina* nomen accepit.

Tribus tunicis tres respondent humores, *aqueus*, & *chrySTALLINUS* & *vitREUS*. Aqueus occupat spatium K. inter corneam & uvæ foramen, sed de aqua præter liquidam & fluidam substantiam nihil habet naturæ, nam acerrimo frigori expositus vix congelatur. Ejus officium est, ceteros humores paulò densiores humectare; si particulæ crassiusculæ in eo natent, semper videntur oculis obvolitare muscæ, calices, aut festucæ, si crassiores, etiam integræ trabes semper præ oculis apparent. In hoc etiam casu ex his particulis generatur pellicula, & visus per cataractam aboletur, licet inter recentiores multi defendant, hanc pelliculam rarissimè reperiri. Aqueum humorem excipit chrySTALLINUS, qui glacialis instar gemmæ pellucidus, ac ceteris quidem humoribus clarior, tamen mollis, propriæ membranæ nempe *Araneæ* involvitur; situs ejus est è regione pupillæ, figuræ potissimum lenticularis ut in L. in myopiis, qui distantia objecta confuse propinqua verò distinctè vident, globosior est; in presbytiis, qui propinqua confuse, remotiora distinctius vident, planior est, aut propter ætatem flaccidior. In illis radii propter nimiam refractionem, quam patiuntur in humore chrySTALLINO, citius coeunt in retina, & sic confusam objecti imaginem exhibent; ideoque myopes indigent perspicillis concavis quibus radii magis divaricentur. In Presbytiis radii minus refracti tardius coeunt, ac proin presbyti indigent con-



convexis peripiciliis, quibus radii nimium distracti iterum colligantur in angustius spatium. Humor vitreus à tergo chrySTALLINI in M. reliquam oculi cavitatem usque ad retinam occupat, à vitro fusò non multum abhorrens suo nitore; vitrea tunicella, quam *Vitream* vocant, coëretur; est fluidior chrySTALLINO; minus tamen fluidus quam aqueus; molle suo triplo vel quadruplo aqueum, quintuplo vel sextuplo chrySTALLINUM superat; ad chrySTALLINUM concavus est, ubi eundem velut annulus gemmam excipit, ad retinam convexus, ejus usus est transmittere radios, & distendere tunicas.

4 Oculi sic constituti continuantur cum cerebro per duos nervos, qui dicuntur *nervi optici*, seu visorii & per eos tanquam canaliculos deferuntur spiritus animales à cerebro ad oculum, & ab hoc ad sensum communem. Hinc quando turbatur cerebrum, prout contingit in ebriis, etiam dispositio visus male se habet.

Præterea in oculo reperiuntur 6. musculi, ut per eos in omnem partem expeditius circumagatur. Ex quibus omnibus patet, oculum esse parvam Camera Obscuram, in suo omnia, quæ in dicta camera exhibentur, longè perfectiore gradu inveniuntur. Nam primo oculus ad præsentiam splendoris potest coarctare pupillam, ut inmittatur lumen debilius. 2. Oculus ope fibrillarum potest humorem chrySTALLINUM magis conglobare vel complanare. 3. Retina oculi in qua recipiuntur species habet figuram concavam, quod ipsum plurimum juvat, ad formandam distinctam imaginem.

5 Secundum inter sensus externos locum obtinet *auditus*, cujusque in aure residentis structura non minus miranda est quam oculi. Sunt autem in qualibet aure tres partes considerandæ. 1. Est auricula cum anteriore antro & tympano. 2. Est antrum interius cum duplici ostiolo. 3. Quam labyrinthi quidam nomina insigniunt, variis ductibus, nervis, ac cochleis absolvitur. *Auricula* verò non tantum ornatus gratia, quod aliqui putarunt, à natura fuit concessa, sed potissimum, ut undulantes in aëre sonos excipiat, unde quibus hoc pars abscissa est, confuse duntaxat, ad modum fluctuantis undæ, vel strepentis, cicadæ, voces cum murmuræ percipiunt; est substantiæ cartilagineæ, si enim foret osseæ, facile frangeretur, si verò mollior, conchæ figuram non servaret, sed flaccida consideret.

6 Aurē externam excipit *antrum interius* seu *meatus acusticus*, partim ut aër frigidior aliquantum temperetur; partim ut vehementior sonus vim suam perderet, aut etiam ut sonus per tot gyros reflexus augetur. In ultima parte meatus acustici datur *tympanum* membranaceum subtilissimum, siccissimum, & firmissimum: membranaceum, ut pro ratione sui stringi posset & ampliari: tenuissimum, ut sonum facile transmitteret: siccissimum, ut melius perfonet: firmissimum ut duret adversum externas vires aëris. Tympano conservando natura tria officula intus apposuit, quæ non ab usu vel officio, sed à figura *malleus*, *incus*, & *stapes* appellantur.

7 Secundam organi auditus partem, constituit *antrum interius*, quod immediate tympano subnectitur, quod veteres aëre congenito & immobili refertum esse crediderunt. In hujus extremo pariete est foramen ovale tenni membranulâ obductum, quod *feneſtram*

nuncupant. Per hoc foramen ad intimam *ſensuſu* sedem perducitur.

8 *Tertia* & præcipua organi auditus pars retro *ſeſt* hestram ovalem polita *labyrinthus* nominatur. Hanc partem D. du Verney distinguit in tres camerationes, quarum primam *vestibulum* vocat, secundam *semicircularem*, quæ tres circulos aut semicirculos complectitur. Terciam *cochleam*, quæ triplici testudine, vel tribus spiraliſis tractibus in se circumducitur. In labyrintho duo insignes videntur nervi, durior unus, mollior secundus. Mollior qui verè acusticus est, extra labyrinthum non procedit prout procedit durior, & in tres ramos, quorum unus ad vestibulum, alter ad canalem semicircularem porrigitur, tertius in basi cochleæ terminatur.

9 *Tertium* organum sensuum externorum sunt *Nares*. Compoſuntur ex carne, cartilagine, & ossibus. Distinguntur in duo foramina, quæ propriè nares appellantur. Interjecta cartilago *interſeptum* vocatur. Porro memorata foramina duplici via procedunt, unâ videlicet superiore ad cerebrum, altera verò inferiore ac plexuosa ad finem palati, ob quod potus aliquando per nares effluit, serviunt verò cordi ad refrigerandum pectus per inspiratum aërem. Inferiores narium anfractus succingit tenuissima membrana, quæ luci exposita, infinitis prope nervulis venulis & arteriis distincta apparet, sub illa verò latet caro quædam papillosa quasi ex multis papillis coagmentata, quæ in hominibus diffculter, facilius in bobus & vitulis reperitur. Demum in supremis narium cavitatibus observatur os quoddam spongiosum ac pertusum innumeris foraminibus, quorum duo postrema ad medium usque superciliorum protensa desinunt in ipsam cerebri substantiam infra duas carunculas quæ propter similitudinem figuræ, *processus papillares* vocantur.

10 *Gustatus* organum est *Lingua*, vertitur exterius membrana, quæ cuticulæ vices obit, & in iis, qui calidissima deglutiunt callosa, in ceteris ordinariè tenuis est & porosa, ut promptius admittat lapida corpuscula. Huic subjicitur glutinosa substantia, quæ eâ partē, ubi cuticulam attingit alba est, parte autem opposita nigrescit. Intima linguæ membrana tendinosa est, & quam plurimis instructa papillis nerveis, quæ per muscolam substantiam ad exteriorem linguæ superficiem subrepunt. His autem sensuum organis explicatis:

11 *Dico 1. Perceptio interna fit in cerebro.* Dispositivè, ac primariò, sic ut nulla sensatione in cerebro excitata nec reliqua membra sentiant. Prob. Concl. quando mens aliò intendit; res quæ alias sunt in conspectu; non cernuntur: econtrà in somno ubi sensus exteriores non sentiuntur, datur tamen perceptio; ergo signum est, quod principalis sentiendi facultas insit cerebro.

12 *Prob. Concl. 2.* Quando cerebrum læditur phrenesi; vel apoplexia aut similibus morbis, tali morbo corrupti nullam omnino sensationem vitalem advertunt, etiamsi quoad sensus externos vel pungantur, aut omnino corpus dissecetur.

13 *Prob. Concl. 3.* Cum circumductis funiculis valide obligatur brachium, manus nihil potest vitaliter tangere, nec experiri dura aut mollia, etiamsi homo manum



ximè attendat ad objecta; ergo anima non sentit in manu sed in cerebro.

- 14 *Prob. Concl. 4.* Quando disrumpitur spina dorsi, anima nihil sentit tactu per eas corporis partes, ad quas pertinent filamenta nervea profecta ab inferiore parte medullæ spinalis abscessâ, adeoque non habent communicationem cum cerebro; ergo iterum anima non sentit in pede aut inferiore corpore, sed tantum in cerebro.

- 15 *Prob. Concl. 5.* Interdum contingit, ut cubito diutius innixi stuporem in digito auriculari sentiamus, eò quod nervus qui in eum digitum definit, nimium compressus eodem modo sensorium commune afficiat, ac si in digito ipso premeretur.

- 16 *Prob. Concl. 6.* Si recidatur in medio brachii nervus unus ex illis, qui ad extremos usque digitos pertingunt, & in loco sectionis applicetur objectum doloriferum v. g. ignis, sentitur dolor non tamquam in brachio existens, sed eodem modo ac si extremus digitus combureretur. Similiter dicitur, eos, quibus manus aut tibia præcisa est de acerrimo dolore & in manu aut in pede, queri solitos, quasi adhuc integras haberent eas partes.

- 17 *Prob. Concl. 7.* Qui longo baculo tangit objectum, discernit & afficitur, sentitque, prout extrema baculi incurrunt in objectum durum vel molle, ex eo tantum, quod modificatio illa per baculum propagetur ad manum; ergo eodem modo intelligi potest, sensationem non fieri quidem in organo externo, licet sentiamus quæ sunt in organis externis.

- 18 *Dico. 2. Visio neque fit in Cornea, neque in humore chrySTALLINO, neque in tunica Sclerotica, multo minus in conjunctione nervorum, neque in Choroide, sed in Retina.*

- Prob. 1. pars.* Quia si macula pupillam tegat, radii corneam ferient, sed absque visione. Secundo quia alias semper viderentur objecta lateraliter. Tertiò. Non foret distincta visio, cum ab eodem objecti puncto plures radii in diversa puncta corneæ, & a pluribus objectis in idem corneæ punctum incidant.

- 19 *Prob. 2. pars. 1.* Quia nullus in corpore humor sentit. 2. Si fieret visio in chrySTALLINO, eo ipso fieret in toto chrySTALLINO cum homogœneus sit: Atqui non potest fieri in tota, nam in una parte radii distraherentur, in altera confunderentur, in tertia distinguerentur. 3. Nulli radii hic sistunt, sed ulterius ad retinam tendunt.

- 20 *Prob. 3. pars.* Quia radii sistunt in retina vel saltem in Choroide, nec ultra trajiciuntur propter opacitatem Choroidis. Secundo, quibusdam deficit nervorum conjunctio, non verò potentia videndi.

- 21 *Prob. 4. pars.* Quia magna vel etiam potissima pars specierum sistit in retina. Secundo Choroides non immediate continuatur cum cerebro. Tertiò in media Choroide est exiguus meatus, per quem oculi bulbo opticus nervus inseritur; ergo latet semper magna pars objecti, quæ directè obverteretur visui.

- 22 *Prob. ultima pars. 1.* negativè, quia nulla alia sedes visionis ante retinam assignari potest. 2. In ea parte propriè fit visio, in qua distinctissime ac clarissime describitur per species imago objecti: Hoc fit in retina; ergo. 3. Si oculus bubulus resecta in parte sui anteriore cornea tunica, utpote in mortuo animali turbida & corrugata, & in parte posteriore Choroidis & Sclerotica parte notabili, salva tamen ad-

huc retina in obscuro conclavi foramini adaptetur, non minus in retina quam in charta omnes species exigua figura, sed distinctissime & inverso ordine cernuntur.

*Dico 3. Auditio non fit in tympano, prout vult P. Fabri, nec in tribus ossiculis, aut in aere implantato prout veteres, nec in spiritibus animalibus, qui nervorum poros implent, sed in ultima membrana cochleæ, ex fibrillis nervi acustici contexta.*

*Prob. 1. pars.* Auditio etiam fieri potest post perfractum utriusque auris tympanum, prout expertus est Willisius in cane per 3. circiter menses adhuc audiente; similem historiam refert Lemryus. 2. Auditus perfectè debet communicare cum cerebro, tympanum autem non habet perfectam cum eo communicationem. 3. Frustra forent tot nervi & Mæandri post tympanum, si auditio jam fieret in ipso tympano.

*Prob. 2. pars.* Hæc ossicula non colliduntur, prout sibi aliqui imaginantur, cum hæc ossicula per mutuum coarticulationem merè cohæreant. 2. Non in omnibus animalibus ea tria reperiuntur. 3. Ossia non sentiunt. 4. Non posset dici, in quem finem essent illæ partes quæ labyrinthum sequuntur.

*Prob. 3. pars.* Aër ista in interna auris concha continè ablumitur & restauratur ab externo aère, cum ex antro manifestum pateat ostiolum aut meatus, qui ad palatum terminatur, ut inde novum aerem suscipiat, & veterem expurget. 2. Aër est substantia incapax omnis sensationis. 3. Aër non est pars viventis.

*Prob. 4. pars.* Spiritus animales non sentiunt. 2. Cum spiritus toto corpore diffusi sint, ubique etiam perciperent sonum. 3. Similiter & fingi posset, quod spiritus animales et videant, olfaciant & gustent.

*Prob. ultima pars. 1.* ex refectione aliarum opinionum. 2. Hæc membranula perfectè communicat cum cerebro, ut inde accipiat & determinet spiritus animales. 3. In hac ultimò appellit sonus post tot ambages, cuniculos & anfractus. 4. Sic intelligitur quomodo ab hac membranula per novum auditorium propagetur impulsus sonorus ad sensorium commune. 5. Sic maxime patet usus omnium partium. Auris enim externa colligit sonum, membrana tympani reddit eundem magis vel minus intensum, ossicula sustentant, dilatant, & constringunt tympanum; aër ulterius provehit sonum: Mæandri temperant, refringunt reflectunt, & membranula nervea ultimò eum percipit.

*Dico 4. Olfactio non fit in cerebri atriculis anterioribus, nec in processibus papillaribus, sed in membrana nares interius investiente.*

*Prob. 1. pars. 1.* Adæquatum organum olfactus sunt nares; ergo etiam in his debet fieri sensatio. 2. Objectum odorabile ventriculós hosce non immediate attingit. 3. Cerebrum est sensus communis sedes, non autem sensus cujusdam externi.

*Prob. 2. pars.* Nullus potest ostendi aditus, quò odorifera effluvia ad hos processus papillares pertingere possent, impediuntur enim ab osse spongioso, cujus apertura versus nares sunt exiles, & mollibus ac spongiosis carnibus sic stipantur, ut aëri externo nullum concedant aditum, sed in inspiratione penitus occludantur. 2. Odorifera ore conclusa nihil impressionis sensitivæ ad hos processus transmittunt, etiam si patula satis via ad narium basin exhalationibus odoriferis



riseo concedatur. 3. Processus illi perpetim excrementis abundant pituitosis & cerebro collectis, idq; etiam in canibus exquisito odoratu pollentibus. 4. Animalia, quæ sunt odoratu sagaciora, sunt ut plurimum magis nasuta, quam illa qui compressas à natura nares habent; hæc enim plerumque vel nullo vel debili sunt olfactu, quamvis in iisdem magna sit processuum papillariorum varietas, luculento argumento, olfactum potius in naribus, quam in istis carunculis residere.

30 *Prob. 3. pars. Ex mirabili ejus textura, quæ eo ipso singulari cuideus usui destinata videtur. 2. Ex communicatione cum cerebro. 3. Ex destillationibus, quæ cum fortè tunicam illam obsident, olfactum penitus obtundunt. 4. Ex eo, quod in canibus venaticis sagacissimo odoratu præditis processuum mamillariorum fibrillarum papillas olfactorias constituentes, majore numero conspiciantur quam in homine.*

31 *Dico 5. Gustus organum principale sunt papillæ nerveæ in lingua compage observabiles.*

*Prob. 1. Hæc papillula gaudent peculiari structura, videlicet vel pyramidalis, vel qualis concharum esse solet, qualis verò in toto corpore non observatur. 2. Ubi magis abundant papillulae, prout in apice, basis lateribus, & parte anteriore, citior & acutior est gustus; ubi verò rariores sunt, prout in medio linguae, mediocris est gustus; ubi omnino deficiunt, prout in partibus linguae interioribus, omnino nullus est gustus. 3. Papillæ hæc immediate communicant cum nervis; ergo verisimile est in illis fieri gustus impressionem. 4. Omnibus animalibus insunt vel in lingua, vel in palato prout in piscibus, quorum lingua est olfacta & inflexibilis.*

## Solvuntur Objectiones.

32 *Obj. 1. contra 1. Concl. Marci 2. Cogitationes malæ adscribuntur cordi, dum Christus dicit: ut quid cogitatis mala in cordibus vestris. ergo organum cogitationum non est cerebrum, sed cor.*

2. Cor per varios affectus & passiones variè afficitur, & aliquando etiam læditur. Unde solemus dicere: nos ex intimo corde dolere vel gaudere &c. ergo appetitus non est in cerebro, sed in corde.

3. Aristoteles memorat, arietem immolandum abscisso capite aufugisse, sed non potuisset aufugere, nisi sensus internus, & ab eo dependens appetitus residerent in corde.

33 *Resp. ad 1. His per cor intelligi animam more Scripturæ usitato: sic enim Deus dicitur expelli à corde, utique ab anima?*

Ad 2. neg. conf. argumentum tantum probat connexionem cordis cum affectionibus animæ. Sic v. g. in gaudio cordilatur ad liberalius subministrandos spiritus vitales, qui juvent ad continuandum gaudium: updè & nimium gaudium nocere potest. Econtrà per tristitiam circulatio sanguinis impeditur, retardantur spiritus, & cor contrahitur, ut proin verum sit, nos ex intimo corde dolere vel gaudere, quatenus in corde causa aut effectus gaudii ponitur.

Ad 3. neg. conf. quia potuit id fieri per reliquias spirituum vitalium; aut potest dici: in trunco productam fuisse animam aliam, non substantialem sed accidentalem ipsi corpori, sicut harmonia est accidens organo.

R. D. Euseb. Amort Philosophia.

*Obj. 2. contra 2. 3. & 4. Concl. Aristot. L. 1. Meteor. c. 4. adducit experimentum de Antipheronte, qui semper idolum sui videbat in aere: & causam reddidit, quod visus propter imbecillitatem non posset reddere perspicuum aërem. Dein L. 5. de generat. animalium ait: oculos prominentes non posse tam procul cernere, quam eos qui sunt cavi, quia istorum motus in calum nempe aërem non dissipatur, sed recta meat; ergo Aristoteles visionem constituit in emissionem radiorum, & non in receptionem specierum in retina.*

2. Si visio fieret per receptionem radiorum, non possent res adeo magnæ in tam exili oculo videri secundum suam naturalem magnitudinem.

3. Oculos aliquid extra se agere certum est, nam qui contuentur oculos lippitudine vel ophtalmiâ laborantium, facile contrahunt idem malum. Basiliscus solò interim venenato aspectu. Ejusmodi homines qui visu fascinant recenset Plinius L. 7. accedit, quod oculi lassentur, dum plura & diu respiciunt.

35 *Resp. Ad 1. Aristotelem aliud non voluisse, nisi quod Antipheron oculos habuerit tam imbecilles, ut quæcunque aëris densitas ei potuerit esse pro speculo. Oculi cavi ex ejusdem Philosophi sententia melius rident, quia magis in illis colliguntur species.*

Ad 2. retorqu. In Camera Obscura, in qua objecta quamvis magna, rediguntur in exiguum spatium, & tamen certum est à linteis non emitti species.

Ad 3. Dico experientias illas vocari posse in dubium, vel si veræ sint, committitur fallacia accidentis: nocumentum enim, quod contrahitur ab aspectu, non provenit ab emissionem radiorum, sed à phantasia aspicientis, vel ab effluviis objecti visi.

36 *Obj. 3. contra 2. Quædam animalia noctu vident, ut feles, mures, vespertiones &c. & inter homines non pauci præditi fuerunt simili virtute visiva. Sic Suetonio teste Tiberius Caesar expergefactus noctu non aliter quam in media luce omnia contuebatur, & Willsius novit quemdam calidiori cerebro præditum, qui post uberem vini potum in tenebris distinctè legebat; ergo visio potius fit per emissionem radiorum.*

*Responderi potest, ab ejusmodi lucifugis animalibus projici radios, quibus proximus aër illustratus regeat species ad oculum.*

Responderi tamen potest forte melius, causam nocturnæ visionis ut plurimum nasci ex oculi structura. Imprimis enim in noctilucis animalibus & felibus humores & cornea præter ordinem relucet, ita ut tenuissima lux illis sufficiat non secus ac conclavi, cujus fenestræ constanter vitro pellucidiore. Præterea capacissimam habent pupillam, adeo, ut totus ferè oculus appareat esse pupilla. Quin & uvæ limbus cum cornea non coheret ut pupilla magis luxari vel constringi possit; hinc lux nocturna, cum maxime dispersa sit, ab amplissima pupilla sufficienter colligitur. Rursus in noctilucis animalibus chrySTALLINUS humor à cornea remotior est, unde sicut latior pupilla pluribus radiis patet, sic remotior chrySTALLINUS etiam plures radios admittit. Quod vero nimia lux colligatur ab his animalibus colligitur ex eo, quia prædicta animalia interdiu vel nihil vel parum vident.



37 *Obj.* 4. contra 2. Læso humore chryſtallino ſtatim amittitur viſio, & hæc pars nullo colore tinſta ad viſionem maxime idonea eſt; ergo.

2. Si fiat viſio in tunica retina, omnia objecta debent videri inverſa: Sed hoc repugnat experientia; ergo. prob. M. in retina ſpecies apparent inverſæ; ergo.

3. Retina cum medullari ſubſtantia cerebri nullam habet ſimilitudinem; ergo non eſt apta ad viſionem.

4. Retina non ſiſtit ſpecies; ſed per eam tralucet ad choroidem: hinc in felium oculis lux cerulea cernitur, eò quòd in iis choroides ceruleo colore ſit infecta. In canum oculis noctu micans flamma conſpicitur, eò quòd choroides ſit ſplendida ac candida, candida verò lumen fortius regerant. In hominibus verò & avibus nunquam is fulgor apparet, quia choroides eſt nigra, & nigra lumen abſorbent.

38 *Reſp.* ad 1. Etiam lente vitrea læſa non amplius depingi objectum, quin tamen in illa depingatur objectum.

Ad 2. neg. M. ad prob. c. ant. neg. conſ. objectum enim eo in loco videtur, in quem dirigitur linea viſualis à retina puncto reducta. Sed linea viſualis, quæ ducitur ab infimo puncto retina, dirigitur ſuſum, & linea quæ ducitur à ſupremo puncto, dirigitur deorſum. Hinc ſi murus in quem projicitur ſpecies inverſa, haberet ſenſum, etiam ipſemet videret objectum erectum.

Ad 3. tr. ant. neg. conſ. neque enim requiritur

omnimoda cum cerebro analogia, ut patet ex organis aliorum ſenſuum.

Ad 4. neg. ant. Etiamſi enim vitrum raſum non ſit penitus opacum, ſiſtit tamen ſpecies. Sic etiam vitrum omnino diaphanum, dum à tergo ponitur opacum, recipit ſpecies.

*Obj.* 5. Experimentum celebre Dni. Mariotte, 39 ſapius in Regia Pariſienſi Academia tentatum. Si nempe charta in orbem ſecta parieti affigatur ad oculi altitudinem ex certa diſtantia nempe 9. aut 10. pedum, ſub obtutum non cadet; idque contingit, etiamſi chartaceus orbis diametrum habeat unius pedis: Sed hujus alia ratio non eſt, niſi quod radii viſcales incident in partem choroidis perfractam, quam occupat optici nervi baſis.

2. Si choroides eſt viſionis ſedes, facillime poteſt explicari, cur in loco obſcuro ampliari, aut in luce intenſa multum arctari ſoleat; choroides enim juxta diverſum luminis illapſum fibras uveæ, cum qua conſtituit unam tunicam, adducit aut relaxat. Si verò retina ſit viſionis ſedes, quo pacto pupilam ampliabit, aut contrahet?

*Reſp.* Ad 1. Hoc experimentum non ſemper ſuccedere, & hinc effectus ille in ſpeciem refractionem radioſum ab objecto albo emiſſorum reſundi debet. Conſtat enim albedinem nihil aliud eſſe, quam radios omnium colorum in unum conſuſorum. Hinc fieri poteſt, ut in caſu præſenti à circumſtantibus objectis ſecum confundantur.

Ad 2. Dico, uveam per fibras cum retina connexam eſſe.

## S E C T I O III.

D E

### Anima intellectiva, & Volitiva.

#### QUÆSTIO I.

##### An bruta habeant animam intellectivam?

**I**N hac quæſtione hoc ſolum forte difficile fuerit, intelligere ſtatum quæſtionis, nempe quid ſit habere rationem, intellectum &c. quidve ſit diſcurrere? Plato & alii animam intellectivam à ſenſitiva in hoc diſtinguunt; quòd anima intellectiva verſetur circa univerſale, anima verò ſenſitiva circa particulare. Alii aliud diſcrimen assignant in hoc, quod animæ ſenſitivæ, quidquid operentur, & percipiunt id faciant ex inſtinctu naturæ, non comparando media ad finem, nec cognoscendo proportionem mediorum cum fine. Sic v. g. dum oves fugiunt lupum, ſpecies impreſſa lupi naturaliter determinat ovem ad fugam abſque eo, quod ovis cognoscat mala, aut pericula ex vicinia lupi ſibi iminentia; ſic etiam aves, dum colligunt paleas ad nidificandum; id non facerent ob cognitam proportionem palearum cum nido, ſed ex determinatione naturæ. Poſſet tamen adhuc ſtatui aliud diſcrimen inter animam ſenſitivam, & intellectivam, quod animæ ſenſitivæ

quidem cognoscant proportionem mediorum cum fine, in quantum actu illis obſervantur, totus tamen ille ſimplex intuitus haberet ſe potius per modum viſionis, quam per modum diſcurſus, & cognitio illa brutorum non verſatur circa integras propoſitiones à particularibus rebus abſtractas, ſed circa particularia tantum, & eatenus tertium hoc diſcrimen aliquatenus conveniret, cum diſcrimine, quod assignat prima opinio. Ariſtoteles in lib. de anima ſubſcribit primæ, & tertiæ huic ſententiæ, dum ait: intellectum verſari circa univerſalia, ſenſum verò circa particularia; & hoc ipſo, quòd bruta nequeant abſtrahere à particularibus, omnes hæcenus Peripatetici negant bruta habere animam intellectivam. Quia verò, nescio quo errore prioris ſæculo illud diſcrimen, quod ſententia ſecunda assignat à multis receptum eſt; inde contigit, ut reſpectivè ad hanc definitionem animæ diſcurſivæ multi Neotericorum brutis assignarent animam intellectivam licet imperſectè: inter quos etiam eſt Author Philoſophiæ Burgundicæ. Quidquid tamen ſit de re, loquendum eſt cum primis.

Dico: Bruta nulla ratione, aut intellectu ſunt prædita. Probatur ex Scriptura, ubi dicitur: nolite fieri ſicut equus & mulus, quibus non eſt intellectus.

Prob.



*Prob. Concl. 2.* Si bruta gauderent ratione, homo, & brutum non differrent essentialiter, adeoque homo male definiretur animal rationale, item bruta etiam essent facta ad imaginem Dei, & gauderent libertate: Sed hæc sunt falsa; ergo. *M. prob.* quia homo tantum ideo dicitur factus ad imaginem Dei, quia habet animam rationalem, ac naturam intellectualem. *prob.* etiam quoad secundum membrum; quæ habent rationem, etiam habent rationalem appetitum scilicet voluntatem; adeoque & libertatem, quia ratio, & vis discursiva est radix libertatis, *prob.* etiam *m.* quia hoc est contra communem persuasionem, & si bruta essent libera, possent agere secundum honestatem virtutis, & inhonestatem oppositam; adeoque etiam mereri, & demereri, quod admittere nemo potest, nisi velit cum Mahomete etiam brutis cælum aperire.

*3. Prob. 3.* Si bruta haberent rationem, vel possent è contradictoria mediis inferre iudicium mediatum, vel immediatum? Neutrum potest dici; ergo, non immediatum quia iudicium immediatum non requiritur nisi in ordine ad mediatum; non mediatum, quia tali modo possent conferre plura media inter se, & sic haberent libertatem.

*Not. tamen:* me non negare brutis conceptum intuitivum plurimorum mediorum ad finem, ita ut bruta etiam cognoscant proportionem mediorum ad finem, hoc solum nego, bruta habere vim distinguendi prædicata objectorum particularium, eademque sic abstracta comparandi; sufficit enim brutis, quod cognoscendo plura objecta & media ad finem à potentiori objecto determinentur necessario ad illud amplexandum.

*4. Prob. Concl. 4.* Si brutis inesset ratio, tunc statim eam exercerent initio, dum nata sunt: Hoc admitti non potest citra contumeliam humani generis, cui tardior est rationis usus; ergo. *M. prob.* araneæ statim ab ortu suo norunt texere telam, & insidiantur muscis, apes, & formicæ statim initio vitæ suæ providentiam ostendunt, & sic de cæteris; ergo.

*5. Prob. 5.* In brutis non dantur indicia rationis; ergo non discunt, ant. *prob.* signa discursus & rationis sunt primo, quod aliquis ex ratione se paulatim perficiat; quia per varios discursus novas identidem veritates, ac conclusiones colligit, & sic viam sibi sternit ad novas, & reconditas artes. 2. Quod vim suam exerat in omni materia, nullique certæ sit alligatus; & hinc, quod observat Aristoteles, soli homini concessa est manus tanquam instrumentum instrumentorum. ut, quod ubique sagaciter ratio invenit, id manus rationis administra mandet executioni. 3. Quod moderate agat, ac tranquille, quia per discursum occurrunt varia media, proportionibus, & motiva, ut proin opus sit tempore, ac deliberatione ad agendum, atqui nil horum apparet in brutis; non enim perficiunt se paulatim in suis operationibus, hirundo non perfectius construit centesimum nidum, quam secundum, araneæ non texunt pejorem telam hodie, quam post annum; apes ab initio tam dulce mel elaborant, quam in senecta. Nec exerunt vim suam in omni materia; sic araneæ solum suam norunt telam texere, avis unaque non efformat, nisi proprios nidos, alienis verò nunquam videtur locare operam; bruta unius speciei unifor-

miter semper operantur, nisi mutantur circumstantiæ; sic omnes alveoli sunt sexangulæ, omnes hierundinum nidi ex eadem materia, felis semper suspensio gressu, & corpore ad quietem compolito insidiatur aviculis, & muribus, neque ut inter homines contingit, ut alius sit mitis, alius crudelis, sic una felis parcat muribus, alia non. Omnes vulpes sunt subdolæ, omnes canes fideles. Denique quoad tertium omnia bruta sine ulla deliberatione præcipitia rapiuntur in opus, nec tam agunt, quam aguntur. Sic enim canis dum investigat feram præceps fertur, prout determinatur ab odore illius, similiter feles nunquam deliberat an parcendum sit muri, vel non: vulpes nunquam consulunt, an abstinendum sit à Gallinis, vel non.

*6. Prob. 6.* Si haberent bruta rationem tunc haberent perfectam: Hanc non habent; ergo nullam. *M. prob.* ex præstantia operationum, quas bruta exercent, ut nec ab hominibus prudentissimis aut sagacissimis expectari possent. quis enim ratione assequitur labores apum v. g. artem architectonicam, & regimen politicum? cum enim Rex foras progreditur, plebs illum inniversa comitatur, senio, vel ætate fractum levant, & succollant cæteræ; quoque concesserit, ibi castra locant universæ; illo comprehenso totum examen tenetur: subordinatio summa est. Seniores tanquam emeritæ, & ætatis beneficiò laboribus immunes stipant Regem, quæ his ætate proximæ sunt, conficiunt mel, & ceram, juniores mittuntur in agros, & colligunt succos. Fuci verò, qui sunt veluti apum mediastini minoribus cellis instructi sunt, & convolvunt aquam, ac victum: Rex autem subditorum officinas lustrans omnia sigillatim arbitrat, eodem loco, vel tempore comedunt omnes, eodem tempore cubitum concedunt, appetente vespere minus minusque strepunt, donec una circumvolitans quietem imperet, ubi verò diluculavit, rursus una cæteros excitat. Hæc certè apum politia, si rationem probat, perfectissimam probat, & prorsus admirandam, cum contingenter & constanter tot apum ingenia in idem conveniant; adeoque cum hoc sperandum non sit, censendum est, bruta agere ex impetu naturæ.

## Solvuntur Objectiones.

*Obj. 1.* Bruta discunt; ergo habent rationem. ant. *prob.* sic enim canis delatus ad trivium, ubi duas semitas olfactu investigavit, & per has herum transisse non deprehendit, tertiam sine hæsitatione ingreditur; ergo utique discunt, ut quasi dicat, unâ viâ ingressus est herus, eum non ingressum primâ, & secundâ monstrat experientia; ergo tertiâ.

Vulpes antequam transeant fluvium hyeme glacie constrictum prius glaciei aures admovent, ut ex strepitu aquæ inferant glaciem ferendo corpori partem, vel imparem esse.

Lipius de Elephante testatur, quod, dum vas æneum à fabro repetere iussus dubitaret, an illud probe fuerit resectum, accessit iterato fluvium, ac infusa aqua periculum fecit, num aliquâ parte rimas ageret.

*Resp. neg. ant. ad prob. dico:* canem tertiâ



viam ingredi ductu odoris. Vulpes & Elephas ex speciebus rememorativis earum rerum, quæ factæ sunt, ad consimiles actiones fugiendas, vel imitandas determinantur.

- 8 *Obj. 2.* In brutis est prudentia; ergo & ratio. ant. prob. testatur Aristoteles in principio Metaphys. apes, & formicas habere prudentiam.

2. In brutis datur docilitas; ergo & ratio. ant. prob. sic enim Psittaci discunt humanas voces: Elephantæ, prout Plinius testatur, discunt litteras præscribere, ad numerum saltare &c. quin visus etiam Elephas, qui scite tractare noverat vexillum militare, exonerare sclopetum &c.

*Resp.* dist. ant. inest prudentia innata, c. acquisita, neg. ant. Deus enim ita disposuit organa talium brutorum, ut apprehensis speciebus suo objecto convenientibus statim apprehendant proportionem omnium mediorum ad finem, ad quæ proin eligenda non deliberant, sed ex instinctu nature aguntur, sicut homo non deliberat ad eligendam vitam, aut existentiam suam, eo quod hoc medium ad ejus felicitatem ab ipsa natura homini sit prædefinitum ad 2. trans. ant. neg. conf. tota enim docilitas brutorum consistit in capacitate retinendi seriem quandam specierum suo objecto convenientem, quæ dein series successive se evolvit, dum bruta per species rememorativas ad id excitantur. Sic etiam pueri discunt memoriter v. g. Linguam Græcam, & recitant historias, etiam si ratio nil cooperetur.

- 9 *Obj. 3.* Bruta possunt dono libertatis; ergo & rationis ant. prob. Sic enim bruta sunt indifferentia ad agendum vel non agendum; equus nemine incitante est indifferens ut lentius vel velocius incedat, ut moveatur, aut quiescat 2. Varietas in operando supponit libertate, brutis autem animantibus inest magna varietas in operando, nam idem canis alio latratu feram vicinam significat, alio indicat se vestigia amisisse, alio blanditur hero, alio furem persequitur.

3. Si ponatur casus, quod brutum æqualiter fame, ac siti vexetur, & inter panem, ac potum æqualis spatii distantia collocetur, brutum non peribit fame, & siti, sed eliget alterutrum ex his.

- 10 *Resp.* neg. ant. ad prob. dico: equum determinari ad eundum, vel quiescendum ab objecti sui apprehensa bonitate, cum enim quodlibet bonum particulare contingenter à bruto apprehensum impleat totam capacitatem potentie appetitivæ, ideo necessitatur illa potentia ad eligendum illud bonum.

Ad 2. Dico: canem videre variam proportionem sui latratûs cum fine sibi proposito, & ideo ex simplici intuitu diversæ proportionis, sequitur etiam diversus effectus.

Ad 3. dico: juxta leges contingentium aliquando bruto potum, aut alimentum vivacius fore proponendum, adeoque etiam determinabitur à bonitate objecti fortius movente.

- 11 *Obj. 4.* Bruta agunt ex arte; ergo & ex ratione. ant. prob. sic enim Polemicam exercent græves instruendo aciem ordinatissimam, hirundines Architectonicam, uti & apes, Textoriam araneæ; accipitres Aucupatoriam, &c.

2. Virtus supponit rationem: Sed in brutis datur virtus; ergo. m. prob. Sic fidelitas datur in canibus in columbis simplicitas &c.

*Resp.* dist. ant. bruta agunt ex arte ingenerata, c. ant. acquisita, neg. ant. ut enim supra dictum est, species in cerebro brutorum per simplicem apprehensionem connaturaliter imprimunt simplicem intuitum proportionis mediorum cum fine, & cognita illa proportionem simul cognoscitur bonitas objecti, quæ in brutis cum impleat totam capacitatem potentie volitivæ necessitat ad sui prosecutionem.

Ad 2. dist. m. datur in brutis virtus naturalis, c. m. acquisita, neg. m. Deus enim impressit brutis talem dispositionem cerebri, ut ex apprehensione specierum sibi proportionalium, simul apprehendatur bonitas resultans ex actione virtutis; bonitas autem illa apprehensa necessitat brutum.

*Obj. 5.* Bruta se reflectunt ad actus præteritos, 12 & ex præteritis inferunt, quid modo faciendum sit; ergo habent cognitionem illativam. ant. pat. ex mulo Thaletis portante salem per aquam, ut solveretur.

2. Bruta non minus sua sensa sibi invicem per voces communicant quam homines: Hoc autem supponit rationem; ergo. M. prob. sic aves suo pipitu famem parentibus indicant, agnus inter sexcentas oves statim distinguit matris balatum. Albertus Magnus accidisse refert, quod passer nidum hirundinis occupavit, cui expellendo, cum hirundo non sufficeret, lugubri stridore socios evocavit, idque effecit, ut hirundines colligerent lutum, atque uno impetu nidum obstruxerint.

*Resp.* neg. ant. mulus enim Thaleris v. g. tantum apprehendit proportionem aquæ, & alleviandi sui ponderis, iisdem speciebus iterum excitatis bonitas objecti apprehensa illum determinavit ad prosecutionem ejusdem objecti.

Ad 2. trans. M. neg. m. possunt enim bruta sibi invicem certis signis significare simplices apprehensiones, & appetitus à natura inditos.

- Obj. 6.* Agere propter finem, & eligere media 12 ad finem conducentia supponit rationem: Sed bruta agunt propter finem; ergo. m. prob. ex astutia animalium; sic cum à canum velocitate minimum appetuntur lepores. seniores per medios aliquando greges ovium penetrant, quò vervecinus odor vincat odorem leporum.

Cervus dolosus alium sibi fesso supponit, qui venatores exerceat. Canes Egyptii non nisi carptum ex Nilo bibunt, ut effugiant crocodillos, seppia pisciculus, ubi se advertit pei à piscatoribus, effuso atramento, quod sanguinis loco continet, aquam infuscat; Vulpes se mortuam simulat, ut descendente milvum capiat, ac devoret, & quæ sunt similia: atqui in his omnibus bruta assumunt medium utilius, præminus utili, nec præsumendum omnes has fallacias esse impressas species ab ipso Deo.

2. Sensus internus hominum discurrit; ergo & sensus internus brutorum, quia unus proinde est materialis, ac alter. ant. prob. ex dormientibus, qui sæpe discurrunt, & syllogizant.

*Resp.*



*Resp.* ad 1. dist. Allumunt medium utilius ex instinctu naturæ, c. ant. ex electione, neg. ant. bruta habent diversas species, adeoque etiam diversam contingentem combinationem specierum; potest igitur fieri ut pro diversitate apprehensionis determinentur à bonitate objecti ad diversa media. Ad 2. neg. ant. quia potest dici: quod etiam in dormientibus tantum dentur diversæ apprehensiones vel c. ant. neg. conf. quia potest dici: quod in dormientibus non operetur sola phantasia, sed etiam intellectus, impeditus tamen ab exercitio libertatis, quia non potest se reflectere ad prima rationis principia, quæ illum à particularibus ducant ad notitiam principiorum universalium.

## QUÆSTIO II.

### *An intellectus humanus indigeat speciebus impressis spiritualibus?*

**T** Res sunt in hac parte sententiæ. Prima est Durandi & aliorum, qui universaliter negant species intelligibiles distinctas à phantasmate; ita ut anima à corpore separata foret instar tabulæ rasæ, nisi in momento separationis Deus aut natura suppleat defectum specierum.

Secunda docet in quidem vita dari species rememorativas intellectionum aliquando elicitarum, directe tamen ad ipsas intellectiones nullas concurrere alias species, nisi species phantasmatum.

Tertia sententia docet, ad quamvis electionem concurrere speciem distinctam à speciebus phantasmatum.

**2. Dico 1. Dantur in anima species intellectuales rememorativa intellectionum præteritarum.**

Prob. Concl. Anima recordatur intellectionum prohibitarum tam in hac vita, quam post mortem. De hac vita constat ab experientia, de altera vita testatur Historia Evangelica Epulonis.

2. Si anima debet determinari ad cognitionem rememorativam, tunc etiam debent dari species rememorativæ. M. prob. illud quod determinat debet existere in ipsa anima, quia anima excitat memoriam.

**3. Dico 2. Dantur in anima etiam species directæ.**

Prob. Concl. Anima tam in hac, quam in altera vita indiget determinativo ad cognitionem: Sed tale non sunt species phantasticæ; ergo. m. prob. determinativum ad cognitionem debet esse intrinsecum subjecto determinato; ergo.

**4. Dico 3. Species intellectuales nunquam dantur actu in anima ante actualem cognitionem, sed tantum virtualiter sicut sonus in Organo.** Prob. Concl. quia nulla est necessitas tot entium.

Prob. Concl. 2. Quia daretur magna confusio tot specierum in mente; quod autem dentur virtualiter prob. sic: anima post mortem adhuc habet cognitionem præteritorum; ergo debet determinari ab aliqua virtute specierum phantasticarum in mente relicta. ant. prob. ex revelatione & illo S. Hieronymi: *discamus in terris, quorum scientia nobis perseveret in cælis.*

## Solvuntur Objectiones.

**Obj. 1.** contra 1. Concl. Nulla est necessitas specierum rememorativorum in hac vita; ergo non dantur. ant. prob. potest intellectus ad intellectionem cujuscunque objecti sufficienter determinari à phantasmate; ergo non indiget alio determinativo. ant. prob. potest anima à phantasmate sufficienter determinari ad producendas species intellectuales; ergo potest sine his immediate determinari, ad ipsam cognitionem.

2. Potest dici: quod species rememorativæ in altera vita producantur, vel à Deo, vel à dispositionibus cerebri; vel quod anima separata omnia videat in Deo; ergo.

*Resp.* dist. ant. Nulla est necessitas specierum actualium, c. ant. virtualium, neg. ant. nisi enim à speciebus phantasticis animæ impressa foret aliqua virtus, non posset anima se convertendo ad species phantasticas hanc potius præ illa eligere.

Ad secundum neg. ant. quia non est recurridum ad causam dubiam, vel ad Deum, ubi potest haberi causa naturalis sufficienter proportionata.

**Obj. 2.** contra 2. & 3. Concl. Multa intelligimus; quorum nullas habemus species; v. g. dum cognoscimus Deum, Angelos, & substantias separatas; ergo non indigemus speciebus intellectualibus.

2. Angeli non indigent speciebus; ergo neque homo. ant. prob. Angeli cognoscunt propriam suam substantiam sine ulla media specie; quia intellectus Angelicus est immediate applicatus ad suam substantiam, item Angeli cognoscunt alios Angelos; eorumque conceptus, nulla interveniente specie; ergo idem fieri potest in nobis.

3. Deus producit species intellectuales in anima; infantis mortui; ergo idem poterit fieri in anima adulti.

*Resp.* ad 1. trans. ant. neg. conf. si enim Deum & Angelos cognoscimus per species alienas, eo ipso cognoscimus alia objecta per species proprias, quæ respectivè ad Deum vel Angelum dicuntur alienæ; universim enim quidquid aliterum est alteri, cuidam rei proprium est. Dixi: trans. ant. quia juxta nos etiam aliqua prædicata, Dei, & Angeli cognoscimus per species proprias, v. g. existentiam, justitiam &c.

Ad 2. dist. ant. nam Angeli non indigent speciebus actualibus, tr. virtualibus, neg. ant. nam etiam Angeli, dum invicem loquuntur, imprimunt ordinem in intellectum audientis, vel vident conceptum loquentis in Deo; dum verò intelligunt seipsos, id quidem fit sine specie etiam virtuali; sed hoc idem fit etiam in anima hominis, quæ, ut D. Thomas, testatur: se ipsam & operationes suas intelligit sine speciebus phantasticis.

Ad 3. c. ant. neg. conf. disparitas est, quia in adultis nulla est necessitas recurrendi ad Deum.

**Obj. 3.** contra 2. & 3. Si darentur species intellectuales, tunc vel essent corruptibiles, vel incorruptibiles: Neutrum potest dici; ergo. m. prob. nullum accidens est incorruptibile. Si verò dicatur quod sint corruptibiles, quis destruet ens spirituale?

2. Non



2. Non potest dici, quid sint species virtuales in anima. Tettio: non potest explicari, quomodo ex-  
citantur illæ species.

*Resp. neg. m. & dico:* esse utrumque, prout eas vult anima, si enim vult retinere eas species, tunc habent finem; & perseverant; si vero anima non vult iis uti, non habent finem, & intereunt.

*Ad 2. neg. ant. & dico:* impressiones modo proportionali dari eundem in modum, quo dantur in cerebro, quia suppono animam esse mundum quendam pro voluntatis arbitrio mutabilem, adeoque etiam possunt dari similia vestigia, ac dimensiones quantitativæ, sed mutabiliter juxta arbitrium mentis.

*Ad 3. neg. ant. & dico:* species intellectuales excitari per immediatam conversionem mentis ad se ipsam; cum igitur corpus & anima sint veluti duo automata inter se prorsus similia, hoc solo discrimine, quod unum sit spirituale, alterum materiale, necesse est, ut uno pulsato, pulsetur & alterum, & inde sit, ut excitatis speciebus in cerebro, seu propriè loquendo, actuatis, etiam actuentur species in anima & vicissim. Caterum excitatio spirituum plurimum dependet à principiis Mechanicis, quia species inter se connexæ sunt secundum suum materiale, velut annuli, aut catenulæ, aut tanquam undæ relegentes sibi nota vestigia.

### QUÆSTIO III.

#### Quodnam sit objectum intellectus?

**O**bjectum potentia vocatur, quod reducit potentiam in actum, informando illam, aut excitando: sic color informat oculum, sonus aurem, calor potentiam tangendi, & formæ rerum existentium dum informant intellectum, faciunt, ut intellectus actu intelligat, uti etiam D. Thomas docet: *Tunc aliquis dicitur intelligere, aut cognoscere, cum forma rei cognita est in intelligente.*

**Dico 1. Objectum adaquatum potentia intellectiva est ens in tota sua latitudine,** consequenter etiam, spiritualia, & materialia, substantia & accidentia, universalia, & singularia cadunt sub potentiam intellectivam. *Prob. Concl.* Si forma cujuslibet entis potest poni in intelligente, tunc omne ens est objectum potentia intellectiva; Sed; ergo *m. prob.* non implicat essentiam cujuslibet rei vel univocè, vel analogicè abstrahi à circumstantiis, & sic acquirere existentiam in intellectu, notandum autem hinc sermonem esse de cognitione propriè tali, non tantum per species alienas sed & proprias.

**Dico 2. Objectum potentia intellectiva est ens, ut verum.** Seu ut ens possibiliter existens. *Prob. Concl.* quia nullius entis possibilis nulla datur forma, adeoque nulla cognitio: alii quidem aliter explicant *to verum* dicendo: verum esse, in quantum aliquid est objectum potentia cognoscitivæ; verum, quialiter explicant, committunt circulum.

**Dico 3. Objectum intellectus etiam in hac vita sunt entia spiritualia.** *Prob. Concl.* autoritate D. Thomæ de mente humana, ubi probat animam intelligere se ipsam, & suas operationes per se ipsam & per suas operationes sine aliis speciebus.

**Prob. Concl. 2. Ex ipsa ratione D. Thomæ.** Si

anima, & ea quæ sunt in anima sunt immediatè applicata potentia intellectivæ, tunc cognoscuntur per se ipsa; Sed; ergo *M. patet.* quia ad cognitionem plus non requiritur, quam ut forma rei cognitæ vel entitativè vel abstractivè sit in intelligente.

*Prob. Concl. 3.* ab experientia: habemus enim cognitionem de actibus internis, v. g. de actu compassionis misericordiæ, amoris, gaudii &c. item cognoscimus, quid sit voluptas, & dolor, atqui hæc omnia non cognoscimus per species rerum sensibilium; tendentia enim, illa mentis, de qua nobis experimentaliter constat, seu affectio non est aliquid simile bovi, aut asino, aut stipiti.

### Solvuntur Objectiones.

**Obj. 1. contra secundam & tertiam.** Intellectus etiam cognoscit negationes, ac privationes, v. g. umbram, ac tenebras, cecitatem &c.; ergo ens non est adaquatum objectum intellectus. **2.** Si ens in tota sua latitudine cognoscitur, tunc naturaliter posset cognosci Deus, & mysteria fidei: Sed hoc est falsum; ergo *M. prob.* quia etiam Deus, & illa mysteria sunt aliquod ens.

*Resp. ad 1. dist.* Cognoscit negationes per modum alicujus entis positivi; c. ut sunt in se ipsis, neg. ant. notum enim est Philosophis non entia cognosci per modum entium, v. g. tenebras per modum coloris nigri.

*Ad 2. dist. M.* Possit Deus cognosci naturaliter in hac vita, neg. *M.* in altera vita, sub. dist. supposita applicatione supernaturali objecti ad potentiam, c. *M.* secus neg. *M.* dico enim: intellectui secundum se nullum objectum esse supernaturale, tantum dicitur supernaturale, quidquid est supernaturale, ratione applicationis; quia per vires naturæ objectum non applicatur potentia; cum enim humano intellectui partim in hac vita, partim etiam in altera vita non debeat cognitio omnium rerum, ideo non datur in natura virtus intellectui ingenerans formam talium rerum. Supposito autem, quod Deus velit intellectui largiri formam cujuscunque objecti, humanus intellectus non est illius incapax. tota elevatio humani intellectus quæ indiget ad cognoscendum Deum, consistit in applicatione, ac ordine ad Deum; hunc ordinem concedo esse accidens supernaturale, nempe lumen gloriæ. Caterum Deus ut Author naturæ hand dubiè cognoscitur naturaliter.

**Obj. 2. contra secundam & tertiam:** si ens verum esset objectum intellectus humani, tunc humanus, & Angelicus intellectus non differrent specie. Hoc est falsum; ergo *M. prob.* hi intellectus haberent idem objectum; notum autem est, potentias specificari à suis objectis; sic enim oculus differt specie ab aute, ob diversitatem specificam objectorum.

**2.** Est commune axioma, nihil esse in intellectu, quod prius non fuit in sensu; ergo saltem in hac vita non cognoscuntur spiritualia.

**3.** Si cognoscimus etiam in hac vita animam, Angelos, Deum &c. posset etiam dici, qualem habemus speciem animatum; aut Angelorum: Sed hoc non potest dici; ergo. confirm. quia non potest dici, quod Deus comprehendi possit ulla specie creata.

*Resp. ad 1. neg. M.* ad prob. dist. haberent idem objectum sub diversa ratione, c. *M.* sub eadem ratione, neg. *M.* intellectus humanus habet pro objecto

verum



verum modo discursivo intellectus Angelicus habet pro objecto verum modo intellectivo, sine multis discursibus, & hoc intelligendum est de modo operandi ordinario, nam & homo multa intelligit, & Angelus forte circa multa discurret, saltem dæmones, qui sequuntur probabilia ac incerta.

Ad secundum dist. ant. nihil est in intellectu in sensu accommo, c. strictè, neg. ant. contrarium patet ex probationibus.

Ad tertium dist. M. possemus edicere, qualem habeamus speciem inadaquatam, c. adæquatam, neg. M. quod enim de substantiis separatis saltem aliquid intelligamus, in omnium sententia concedi debet: v. g. Scotista dicunt cum suo Scoto, quod perfectiones divinæ, nempe existentia seu ratio entis, ratio potentia, formalitas iustitiæ conveniant univocè cum perfectionibus creatis, nemo autem negare potest, nos propriè cognoscere rationem entis, potentia, aut iustitiæ creatæ. Thomista dicunt, perfectiones divinas saltem analogicè convenire cum creatis, & de perfectionibus Angelorum concedunt multa illorum prædicata convenire univocè cum substantiis materialibus; ergo sicut cognoscimus rationem entis in materialibus, ita etiam in spiritualibus, & divinis; maxime id verum est, de visione beatifica, ubi Thomista concedunt, essentiam divinam immediatè esse applicatam intellectui, ac per se intelligibilem sine alia forma, si autem Deus non foret objectum potentia intellectiva, ne quidem supernaturaliter, posset per se ipsum fieri intelligibilis; sicut Deus non potest facere ut lapis, aut auris videat, oculus verò, vel lignum audiat.

## QUÆSTIO IV.

### Quodnam sit objectum voluntatis?

**V**oluntas definitur esse appetitus rationalis, seu inclinatio in bonum, per rationem apprehensum. Objectum voluntatis vulgò dicitur omne bonum, quod non potest definiri, nisi ut appetibile. Quæritur autem: utrum objectum voluntatis non sit, nisi bonum.

**Dico 1. Objectum voluntatis quoad actus persecutivos nunquam potest esse malum, sub ratione mali, sed necessariò est aliquod bonum, vel certè malum, sub ratione boni.**

Prob. Concl. Experimur voluntatem nunquam amare objectum, aut eligere, nisi in eo bonitatem aliquam inveniatur, ergo signum est, quod non possit prosequi malum qua tale.

**Prob. Concl. 2. à priori.** Omnis appetitus essentialiter ordinatus, & datur in bonum suppositi, cui inest; ergo implicat ut feratur in malum sub ratione mali. ant. est evidens; sic enim appetitus innatus in rebus inanimatis semper suapte natura tendit in bonum sui suppositi; ergo etiam appetitus elicitus datus est animantibus ad appetendum suum bonum modo perfectiori. ant. prob. si appetitus elicitus tenderet persecutivè in malum sub ratione mali, tunc non ageret in bonum sui suppositi, sed in ejus destructionem, consequenter raperetur extra suum objectum formale; ergo necessariò debet ferri in malum sub ratione boni. m. prob. 1. quia est contrarietas omnium entium propensionem per suas potentias directè appetere sui destructionem. Prob. 2. implicat, ut appetitus sensitivus feratur in malum, sub ratione mali,

R. D. Euseb. Amort Philosophia.

cum enim naturaliter operetur, semper tendit ex inclinatione naturali, quæ, cum essentialiter debeat esse prudens, utpote ab Authore naturæ rebus sensitivis indita, ad malum esse, non potest, sed necessariò ad bonum sub ratione boni & quidem ad bonum sui suppositi. Sed; ergo etiam appetitus rationalis, seu voluntas libera ex nativa sua propensione necessariò debet ferri ad bonum ut sic: cum non minus datus sit à Deo in bonum suppositi. Undè si contingit, ipsum persecutivè tendere in malum v. g. appetendo sui annihilationem, vel damnationem, necessariò rapitur in ipsum sub ratione boni & sic et ipsa malum, apprehensum tamen sub ratione boni, appetit, juxta illud: *quisquis amat ranam* &c. &c.

**Prob. 3.** Nemo potest non appetere non esse beatus, sed tendens in malum ut malum appeteret non esse beatus; ergo implicat tendere in malum, ut malum, adeoque appetitus in illud fertur sub ratione boni.

**Prob. 4.** Quod quis appetit, illud quærit, & eo invento quiescit ac delectatur; sed nemo sibi malum quærit in eoque gaudet, & quiescit; ergo.

**Prob. 5.** Intellectus non potest approbare falsum quatale; ergo nec voluntas amare malum quatale, sicut enim falsum qua tale est extra adæquatam, & specificam rationem intellectus, cujus objectum est verum saltem apparens, ita malum qua tale est extra adæquatam rationem voluntatis, cujus objectum, quatenus est persecutiva, est bonum, saltem apparens.

**Dico 2. Objectum voluntatis quoad actus averfivos potest esse malum, ut malum, adeoque necesse non est, ut actus averfivus mali sit semper persecutivus boni oppositi, licet actus averfivus etiam procedat ex naturali appetitu boni.**

Prob. Concl. Quando nobis proponitur aliquod malum, experimur, statim nos illud averfari nil reflexe cogitando de bono opposito; ergo.

**Prob. Concl. 2.** Odium est verus actus voluntatis distinctus ab amore, & proprium habet objectum distinctum ab objecto amoris, illud verò objectum non potest esse aliquod bonum ut sic, sed malum, vel bonum, sub ratione mali; ergo objectum voluntatis, quoad actus averfivos est malum ut sic.

**Prob. Concl. 3.** Potest dari purus actus amoris, qui non sit simul odium mali oppositi; ergo potest etiam dari actus purus odii, qui non sit simul actus amoris, nam disconvenientia, & malitia objecti potest æquè statim determinare ad actum odii, ac convenientia; & bonitas ad actum amoris.

**Prob. Concl. 4.** Si voluntas odio habens malum, semper simul amaret bonum oppositum, vel amaret eodem actu bonum, quo malum odit, vel diverso, non eodem, quia non potest idem actus respectu ejusdem esse simul actus amoris, & odii, si diverso; ergo semper verum est, quod actus odii sit purè averfivus.

## Solvuntur Objectiones.

**Obj. 1. contra 1. & 2.** Potest voluntas creata tam esse perversa ut eliciat hunc actum: utinam nulum in me esset bonum, ut tanto magis displicerem Deo. Item potest libertatis exercendæ gratia appetere malum, sub ratione mali. Atqui in priori casu averfatur bonum, ut bonum, in posteriori appetit malum, ut malum; ergo conclusiones non sunt essentialiter veræ.

**Resp. c.** M. quoad primum membrum. neg. m. Kkk tali



tali enim voluntati bonum repræsentatur ut malum, quia repræsentatur ut objectum divinæ complacentiæ, quod ipsa averfatur tanquam suum malum, quia vellet nullo modo placere Deo, sed solum magis displicere, econtrâ illud objectum, prout est displicens Deo, repræsentatur sibi ut bonum ob aliqualem dulcedinem vindictæ erga eum, quem odit, si nempe extinguit in se omne bonum. Quoad secundum membrum simpliciter nego, id fieri posse, quia cum actus appetitivæ potentiæ sint essentialiter medium, quo volumus nobis bonum, tanquam finem nostrum, implicat, ut præcisè causa sui elici possit; in eoque potentia appetitiva quiescere; cum omne medium suam amabilitatem, & appetibilitatem participet à fine, propter quem intenditur medium, quod sublato fine caret omni appetibilitate.

6 *Obj. 2.* contra 2. Quando voluntas aliquod malum averfatur, non averfatur illud, nisi propter aliquod bonum, quod sit motivum odii, sicut quoties odio habetur medium impediens finem, amatur finis; ergo objectum voluntatis etiam in actu averfivo non est nisi bonum.

2. Nullus actus intellectus potest esse mera negatio, & dissensus, cum enim dico homo, non est lapis, objectum illius actus non est solus homo, nec solus lapis, sed etiam negatio lapidis, quam negationem utpote veram affirmat intellectus.

*Resp.* Ad 1. dist. ant. voluntas nunquam averfatur malum, nisi propter aliquod bonum radicaliter, seu naturaliter volitum, c. ant. formaliter volitum, neg. ant. non negamus voluntatem, quando odit malum, eo ipso amare bonum oppositum radicaliter, quatenus odium est radicalis amor boni appositum, neque negamus actum averfivum procedere ex actu naturali prosecutivo boni, sed negamus, illam tendentiam in malum esse simul prosecutivam formaliter boni appetiti liberè, & explicitè voliti.

Ad 2. neg. ant. quia potest dici: nos non affirmare negationem explicitè, si tamen negatio illa attingatur directè, dico illam attingi per solam apprehensionem simplicem, acquiescentem in objecto cognito; hæc acquiescentia æquivaleret quidem affirmationi; sed non est formaliter affirmatio. Posset etiam dari disparitas dicendo: quod intellectus solus motivum suum faciat sibi præsens, adeoque debet illud attingere, voluntati autem motivum sit præsens ab intellectu, ideo necesse non est, ut voluntas qua talis attingat formaliter suum objectum.

## QUÆSTIO V.

*Quale bonum sit objectum voluntatis;*

*& à quali bono necessitetur voluntas?*

1 *Dico:* Objectum voluntatis est bonum ut sic, seu bonum universale. Prob. Concl. Motivum voluntatis humanæ est bonitas objecti abstractivè sumpta, sed bonitas abstractivè sumpta est bonum ut sic universale &c. ergo, *m. prob.* bonitas abstractivè sumpta est sine permixtione mali, adeoque sine limitatione, adeoque infinita, verbo, ipsa essentia bonitatis.

2 *Dico 2.* Voluntas à bono universali necessitatur ad sui volitionem, adeoque humana voluntas non habet libertatem ad appetendum summum bonum, vel non appetendum. Prob. Concl. Si appetitus summi boni est naturalis, & impressus ab authore naturæ, tunc homo circa illum non habet libertatem: Sed; ergo. *m. prob.* si voluntas humana ab Authore naturæ movetur ad aliquem finem, tunc eo ipso appetitus

summi boni est impressus ab authore naturæ. Sed; ergo. *m. patet* quia omnia entia naturalia, inter quæ etiam est anima ordinantur à primo ordinante ad aliquem finem, adeoque ex sua natura potius tendunt in hunc finem, quam alium; sicut ergo in aliis entibus ordinatio primi ordinantis rapit rem naturalem ad suum finem positus dispositionibus, ita etiam fit circa naturam rationalem; *M. prob.* non potest assignari alia actio impressa ab authore naturæ, quæ voluntas moveatur ad suum bonum, nisi appetitus boni.

*Dico 3.* Voluntas non necessitatur ad bonum particulare; etiam si illa bona sint inæqualis perfectionis. v.g. quamvis unum objectum habeat mille gradus bonitatis, alterum, verò tantum unicum.

Prob. Concl. Si qualiscumque bonitas particularis non habet adæquatam rationem motivi; tunc non necessitat voluntatem: Sed; ergo. *m. prob.* quia bonitas creata est limitata; adeoque non est bonum ut sic.

*Dico 4.* In omni actu voluntatis etiam libero concurrat appetitus summi boni necessarius. Prob. Concl. Si in omni actu voluntatis operatur voluntas, tunc operatur ex motivo voluntatis: Sed; ergo. *M. prob.* quia voluntas quodcumque operatur; operatur etiam ut principium naturale.

Prob. Concl. 2. Voluntas non exit ad electionem mediorum, nisi ex appetitu finis; ergo etiam non eligit bonum particulare, nisi ex naturali appetitu boni universalis. conf. prob. electio boni particularis habet se per modum medii ad bonum universale; ergo. ant. prob. non potest voluntas assequi bonum universale, nisi mediante bono particulari.

*Dico 5.* Non potest dari appetitus absolutus boni sive particularis, sive universalis, nisi in quantum illud est homini bonum. Prob. Concl. Quia omnis actus voluntatis est essentialiter appetitus quidam, appetitus autem vult frui illo, quod appetit, ut ex terminis notum est. Dico autem, absolutus; quia non nego possibilem, et etiam meritorium esse actum voluntatis conditionatum, quo homo vellet carere omni bono proprio, si Deus exigeret. Cæterum omnes hæ conclusiones probantur ex ipso lumine naturali, & harmonia omnium dictaminum naturæ, ut constat ex autoritate omnium Doctorum, qui hætenus fuerunt in mundo, vix ullo excepto, hos inter tantum afferro tres: Platonem, Aristotelem, & D. Thomam.

Plato de amore, naturam boni sic explicat: *Qui amat bona* inquit, *quid appetit?* adesse, inquam, *quid huic erit, cui bona aderunt?* felix, inquam, erit. *possessione autem bonorum beati sunt, quicumque beati, neque requirere ulterius opus est, ad quid felix esse velit, qui felicitatem operatur, sed finem jam habere* Responsio videtur? vera loqueris inquam, hanc voluntatem amoremque cunctis censet hominibus esse communem, omnesque velle bona sibi semper adesse? Communem planè inquam, paulo post, dum quærit, quinam veri amatores nuncupandi sint, an ii qui dimidium sui perquirere videntur. Respondet: *Ego autem neque dimidium, neque totius amorem assero, nisi aliquo pacto sit bonum, quandoquidem & manus & pedes, si videntur mala hominis, ac perniciet esse, vel à se ipsis homines abscindere volunt, non enim suum quisque diligit, nisi forte quispiam quod suum est, bonum vocet, quod verò malum potius alienum, quippe cum nil aliud, præter bonum homines ament, simpliciter ergo dicendum, homines bonum amare, sed & semper adesse vellet: est igitur summum amor appetitio, quæ bonum sibi semper quis esse cupit.*

Idem Plato de summo bono ipsius boni conditionem sic describit: *ipsius boni conditionem perfectum esse aut*



imperfectum necesse. Protagoras. omnium o Socrates perfectissimum. Socrates quid verò, sufficiensne bonum est? Protagoras. quid ni? & in hoc ipso ab omnibus, quæ possunt differre, cunctis præstet necesse est. Socrates. hoc quoque de illo maxime, ut arbitror, necessarium est asserere, quod omne cognoscens, venatur id ipsum, & appetit, comprehendere cupiens, & circa se habere, ceterorumque nihil curat, præterquam, quæ una cum bonis perficiuntur. Dein cum ostenderet, voluptatem non esse ipsum summum bonum dicit: semper aliquid dari, quod propter aliud sit, & aliquid, quod propter se sit, hoc igitur, quod est ultimum in eo, quod propter se sit, dicit esse summum bonum.

6 Aristoteles I. Ethicorum, cap. I. sic ait: Omnis ars, omnisque discendi via, actio item, atque electio bonum quoddam expetere videntur, quæ propter bene id bonum esse asseruerunt, quod omnia expediunt. Et cap. 2. Si igitur agendarum rerum finis aliquis est, quem propter ipsum, & propter quem alia volumus, neque omnia ob aliud eligimus, in infinitum enim fieret progressus, vanusque appetitus noster, perspicuum est, eum summum bonum, atque optimum fore. Et cap. 4. nunc jam repetit a oratione dicamus, quoniam omnis cognitio, omnisque electio bonum quoddam appetit. Quidnam illud sit, quod civilem appetere dicimus? quippe illud, quod omnium agendorum bonorum summum est. Cap. 7. finem cuiusvis actionis & bonum idem ostendit. Quid igitur uniuscuiusque bonum est, an id, cuius gratia cetera aguntur, hoc autem est in medicina sanitas, in arte militari victoria, in edificatoria domus, in omni demum actione finis ipse, cuius gratia reliqua omnia omnes agunt; quare si quis communiter agendorum omnium finis est ad agendum, bonum erit; at optimus finis perfectum quid esse videtur, quod semper per se nunquam ob aliud expetendum est, ejusmodi autem videtur felicitas maxima esse, hanc enim propter se ipsam, et nunquam ob aliam expetimus. At honorem, voluptatem ac virtutem omnem etiam ipsa felicitatis causa expetimus; ex his felices nos futuros existimantes. Idem alio in loco sic habet: naturalis est per cupiditatem iucundæ rei appetitus, ac natura omnia ad bonum festinant. Eth. L. 3. c. 2. probat nos necessitari ad appetitum boni; dum ait: voluntas finis magis est, electio verò eorum, quæ sunt ad finem, sic sani esse volumus, eligimus verò ea, quibus sani esse valeamus, felices quoque esse volumus, atque ita dicimus; dicere verò, eligimus felices esse, minime convenit. Lib. I. de Arte Rhet. c. 5. ferè autem & unicuique privatim, & publicè omnibus finis quidam est, ad quem collinantes alia prosequuntur, alia fugiunt, is verò, ut nunc verbo dicam, felicitas, aut ejus pars aliqua est. Ex quibus omnibus patet, lumine naturali notum esse bonum solum in omni profus actione humana esse unicum objectum voluntatis.

7 D. Thomas: cui potissimum hac in parte insistimus, ostendit. Primò, objectum voluntatis esse bonum ut sic, seu universale. Secundò, in illud necessario ferri voluntatem. Tertio, sine illius appetitu nullam omnino dari volitionem. Quarto, illud appeti tanquam perfectivam, ac bonum ipsius hominis, quæ omnia ex sequentibus textibus clare probantur. I. p. q. 2. a. 1. in C. Primus motus voluntatis & cuiuslibet appetitivæ virtutis est amor, amor autem respicit bonum in communi.

I. p. q. 103. a. 2. in C. Finis universalis rerum omnium est quoddam bonum universale; bonum autem universale est, quod est, per se, & per suam essentiam bonum, quod est ipsa essentia bonitatis.

I. 2. q. 1. a. 2. ad 3. Objectum voluntatis, est finis, & bonum in universali.

I. 2. q. 10. a. 1. in C. Principium motuum voluntatis. R. D. Euseb. Amor Philosophia.

luntariorum oportet esse aliquid naturaliter volitum, hoc autem est bonum in communi in quod voluntas naturaliter tendit.

I. 2. q. 9. a. 1. in C. Bonum in communi, quod habet rationem finis est objectum voluntatis.

I. 2. q. 1. a. 6. in C. Quidquid homo appetit, appetit sub ratione boni, quod quidem, si non appetitur ut bonum perfectum, quod est ultimus finis, necesse est, ut appetatur, ut tendens in bonum perfectum.

I. 2. q. 2. a. 5. in C. Cum unumquodque appetat suam perfectionem, illud appetit aliquis ut ultimum finem, quod appetit ut bonum perfectum, & completivum sui ipsius.

I. 2. q. 1. a. 7. in C. Quantum ad rationem finis ultimi omnes conveniunt in appetitu finis ultimi, quia omnes appetunt suam perfectionem adimpleri, quæ est ratio finis ultimi.

I. 2. q. 1. a. 6. in C. Ultimus finis hoc modo se habet in modo appetituum sicut se habet in aliis motionibus primum movens. Manifestum est autem, quod causa secundæ moventes non moveant, nisi secundum quod moventur à primo movente, unde secundum appetibilia non movent appetitum nisi in ordine ad primum appetibile, quod est ultimus finis.

I. p. q. 83. a. 1. ad 5. Homo naturaliter appetit ultimum finem, scilicet beatitudinem, qui appetitus naturalis est, nec subiacet libero arbitrio.

I. 2. q. 10. a. 2. ad 3. Finis ultimus ex necessitate movet voluntatem, quia, est bonum perfectum, & similiter illa, quæ ordinantur in hunc finem sine quibus finis haberi non potest, sicut esse, & vivere, cognitio veri, & huiusmodi.

In quartum Sent. dist. 49. q. 1. a. 3. voluntas non potest in oppositum ejus, ad quod ex divina impressione determinatur scilicet ad oppositum finis ultimi.

I. p. q. 19. a. 3. ad 4. Voluntas, quæ ex se non est contingens, ex se necessitatem, & habitudinem necessariam habet ad proprium suum objectum, & in C. quantumcunque ponatur natura aliqua perfecta corporalis, vel spiritualis; non potest in suum actum procedere, nisi moveatur à Deo, hoc enim manet verum in appetitu finis ultimi, cum enim voluntas nil possit velle, nisi incipiat ab appetitu finis ultimi; solus autem Deus ad illum actum moveat, & applicet, voluntas non potest in illum suum actum exire, nisi Deus prius illam ad volendum ultimum finem moveat, & applicet.

I. p. q. 105. a. 4. in C. Velle nil est aliud, quam inclinatio quædam in objectum voluntatis, quod est bonum universale.

I. p. q. 9. a. 6. ad 3. Deus movet voluntatem hominis, sicut universalis motor ad universale objectum voluntatis, quod est bonum, & sine hac universali motionem homo non potest aliquid velle.

I. 2. q. 17. a. 9. ad 2. A voluntate finis naturaliter desiderati derivatur electio eorum, quæ sunt ad finem.

I. 2. q. 8. a. 2. in C. Voluntas in ea quæ sunt ad finem non fertur, nisi quatenus fertur in finem, unde hoc ipsum, quod in eis vult, est finis.

I. 2. q. 10. a. 2. in C. Voluntas naturaliter tendit in finem suum ultimum, omnis enim homo vult naturaliter beatitudinem, & ex hac naturali voluntate eausantur omnes aliæ voluntates, cum quidquid homo vult, velit propter finem, dilectio igitur boni, quod homo naturaliter vult, sicut finem, est dilectio naturalis; dilectio ab hac derivata, quæ est boni, quod diligitur propter finem, est dilectio electiva.



1. p. q. 63. a. 4. C. Voluntas dicitur de fine, qui propter se appetitur, eligere autem, est appetere aliquid propter alterum consequendum, unde propriè est eorum, quæ sunt ad finem.

1. p. q. 83. a. 3. C. Proprium objectum electionis, est illud, quod est ad finem, hoc autem, in quantum huiusmodi habet rationem boni, quod dicitur utile.

1. p. q. 15. a. 3. in C. Appetitus in ultimum finem tendit naturaliter, unde & applicatio motus appetitivi in finem apprehensum non habet rationem consensûs, sed simplicis voluntatis; hæc autem, quæ sunt post ultimum finem, in quantum sunt ad finem, sub consilio cadunt, & sic potest de iis esse consensus in quantum motus appetitivæ applicatur ad id, quod consilio iudicatum est, motus vero appetitivus in finem, non applicatur consilio, sed magis consilium ipsi, quia consilium præsupponit appetitum finis.

1. 2. q. 9. a. 3. C. Voluntas per hoc, quod vult finem, movet se ipsam ad volendum ea, quæ sunt ad finem. Ibid. ad 1. voluntas in quantum actu vult finem, reducit se de potentia ad actum respectu eorum, quæ sunt ad finem, ut scilicet ea actu velit ibidem ad secundum. Actus voluntatis, quo vult finem, aliquando est in ipsa voluntate, per hunc autem modum movet se ipsam, unde non sequitur, quod semper se ipsam moveat.

1. p. q. 105. a. 3. ad 3. Voluntas quidem movetur ab intellectu, secundum rationem objecti, à se ipsa vero quantum ad exercitium actus secundum rationem finis.

1. 2. q. 1. a. 6. ad 3. Virtus primæ intentionis, quæ est respectu ultimi finis, manet in quolibet appetitu cuiuscunque rei.

1. p. q. 82. a. 2. ad 1. Voluntas in nil potest transire, nisi sub ratione boni, sed quia bonum est multiplex propter hoc non ex necessitate determinatur ad unum.

## Solvuntur Objectiones.

8. *Obj. 1.* Si bonum universale esset objectum voluntatis necessario volitum, tunc etiam dæmones blasphemando Deum amarent summum bonum nempe ipsum Deum; Hoc est absurdum; ergo.

2. Sequeretur non dari actum indifferenter in genere moris; vel enim quidquid eligitur ordinatur ad bonum ut sic verè tale vel non? si non ordinatur ad bonum verè tale, actus est inordinatus, si verò ordinatur ad bonum, revera tale eo ipso est bonus: Sed hoc non debet dici; ergo.

3. Sequeretur, quod omnis actus humanus, aut esset amor Dei laudabilis, si est bonus, aut amor mundi vituperabilis, si est malus: atqui hoc est falsum, quia damnatum est inter propositiones Quesbelli. quod non detur medium inter amorem Dei laudabilem, & amorem mundi vituperabilem.

4. Sequeretur, omnem actum peccatoris, & omnem actum infidelium esse peccaminosum, quia nunquam constituit rationem finis ultimi in Deo: sed hoc est damnatum inter propositiones Baii, quod omnes actiones infidelium sint peccata.

9. *Resp.* ad 1. dist. M. sequeretur quod Deus ametur à dæmonibus dilectione naturali, tr. M. dilectione libera; neg. M. vel sic: diligitur Deus, ut realiter cognitus, c. M. ut formaliter cognitus, neg. M. quod enim etiam dæmones in ipso actu blasphemix tendant naturali appetitu in Deum testatur S. Augustinus de Civ. Dei & id inter præcipuas censendum est, quod tota natura dæmonum, & damnatorum motu perpetuo violentissi-

mo naturali rapiantur in bonum, cuius tamen possessio ipsis est impossibilis.

Ad 2. c. M. neg. m. id enim cum D. Thoma & omnibus Thomistis, & pluribus Recentioribus suppono esse omnium certissimum.

Ad 3. neg. M. vel dist. ellèt amor Dei, vel amor mundi realiter talis, tr. M. formaliter talis, neg. M. ille enim amor naturalis, quo ferimur in bonum non debet simpliciter ac formaliter vocari amor Dei, quia actus morales specificantur ab objectis liberè volitis, in hoc autem erravit Quesnellus & alii, quod non distinxerint actus morales per objecta liberè volita, sed naturaliter volita.

Ad 4. neg. M. quia etiam peccator potest actum ordinare ad ultimum finem, etiam si nondum habeat sufficientem unionem cum ultimo fine, in quantum nempe exercet actum vel dispositivum ad illam unionem, vel etiam tendentem ad illum unionem. Posset tamen Responderi dist. semper peccant habititaliter, c. actualiter, neg. id est, omnes actiones peccatorum & infidelium sunt perpetuum peccatum habituale, quia deest ordo ad finem ultimum, non tamen debet dici illas actiones esse nova peccata, quia denominantur actus à malitia, & advertentia formaliter, ac explicite nova.

*Obj. 2.* Si implicat actus voluntatis sine appetitu boni proprii, tunc implicat illæ formulæ divini amoris, in quibus abdicatur omne desiderium propriæ felicitatis ac æternæ beatitudinis, ut quis placeat Deo: Sed hoc non debet dici; ergo.

2. Implicaret etiam ille actus Divi Augustini, quod dixit, se, si foret Deus, assumpturum naturam Augustini, ut Deum, si ille haberet suam naturam humanam, faceret Deum: Sed; ergo.

3. implicaret omnis actus benevolentix, quo amico volumus bonum, non ut nobis bonum, adeoque tolleretur omnis vera amicitia, quæ ut Cicero de amicitia scribit: non quarit sua, nec propter indigentiam inventa est.

*Resp.* ad 1. dist. M. implicarent nisi haberent sensum tacitè conditionatum, c. M. dum talem sensum habent, neg. M. quando utimur talibus formulis non abdicamus à nobis actuale vel habituale desiderium beatitudinis; hoc enim foret contra Bullam Innocentii XI I. sed tantum ostendimus paratum animum abdicandi etiam hoc desiderium ac bonum, si Deus ita vellet, aut si unum bonum sine altero eligendum esset. Actus ergo illi sunt conditionati non absoluti.

Ad 2. c. M. neg. m. & suppositum, quod S. August. unquam elicerit hunc actum, nullus enim potest proferri testis idoneus, qui hoc de S. Augustino prodiderit. Dein si quis sanctorum eliciisset talem actum, respondendum esset, quod in similibus Respondit S. Theresia: tales actus esse sanctam insaniam.

Ad 3. neg. M. ad prob. dist. benevolentia non quarit suum bonum distinctum ab ipsa voluntate animi, quæ reperitur in ipsa amicitia, c. indistinctum, neg. ut enim ipse Tullius dicit: *Amicitiam non spe mercedis adducti, sed quod omnis ejus fructus in ipso amore inest expetendam putamus.* Et de societate amicorum loquens ait: *Si quos inter societas aut est, aut fuit, aut futura est, eorum est habendus ad summum natura bonum, optimus, perfectissimusque comitatus: hæc est, inquam, Societas, in qua omnia insunt, quæ putant homines expetenda, honestas, gloria, tranquillitas animi, atque jucunditas, ut cum hac adsint beata vita sit, et sine his esse non possit, quod cum optimum maximumque sit, si id volumus adipisci, virtuti opera*



operanda est, omnino est amans sui virtus, optimè se ipsam novit, quamque amabilis sit intelligit. Ex quibus omnibus patet, eos ipsos, qui eliciunt actus benevolentiae desinteressatos, in hoc ipso tamen quærere suam voluptatem, quam Deus cum tali actu honestatis providè conjunxit.

## QUÆSTIO VI.

### Qualis in homine detur Libertas?

**Q**uæritur an detur in homine libertas simpliciter, prout eam negârunt Lutherus & Calvinus, dein vero postquam libertas semel evicta est, quæritur, qualis detur. An videlicet tantum detur libertas à coactione, non verò libertas à necessitate, prout docuit Jansenius, & ejus asseclæ, putarunt enim nos quidem à nemine cogi, nec à Deo, nec à fato, nec influxu cælorum, nec ab alia causa ad hoc vel illud agendum, positis tamen dispositionibus, inclinationibus, & prævio judicio rationis voluntatem necessariò eligere, ad quod positis omnibus in actu primo requisitis fortius inclinatur. Verum si bene inspiciatur hæc sententia, nec Jansenius à Luthero, nec hic à Jansenio differt, cum utique etiam Calvinus & ejus asseclæ pluribus locis expresse testentur, se tantum negare libertatem à necessitate, nullo verò modo negare libertatem à coactione. Meretur autem hæc sententia specialem discussionem, eo quòd plurium errorum ferax sit, nec solum eam sequuntur hæretici, sed quoad rem ipsam, quantum quidem mihi moraliter certum est, imperitior quidam ex Thomistis. Ut verò hæc sententia melius intelligatur, sciendum: ab adversariis determinationem voluntatis vel constitui in ipso judicio rationis contingente, quo præfertur unum bonum alteri, & practicè judicatur esse præeligibilius alteri. Vel constituitur ea determinatio in voluptate prædominante, quæ tanquam pondus quoddam voluntatem ad hoc potius, quam illud bonum trahit juxta illud, trahit sua quemque voluptas, sicut ovis offenso ramo trahitur, non cogitur, licet enim in tali casu voluntas non cogatur, necessitatur tamen ad sequendum id, ad quod trahitur fortius, vel denique constituitur ea determinatio in præmotione quadam voluntatis ad hoc vel illud bonum vel impressa ab astris vel impressa ab ipso Deo.

**Dico 1. Datur libertas.** prob. 1. author. Ecclesiæ, quæ contra Manichæos, & Lutherum maxime in Concilio Tridentino hoc definivit, ibi enim anathema dicit Luthero asserenti: liberum arbitrium esse figmentum, & titulum sine re.

**Prob. 2.** Author. S. Script. Eccl. 15. dicitur: ante hominem vita, & mors, bonum & malum, quod placuerit dabitur illi. Item, cap. 31. laudatur justus, qui potuit transgredi, & non est transgressus, facere mala, & non fecit. Gen. 4. dicitur: sub te erit appetitus tuus, &c. quæ propositiones essent falsæ, si homo non haberet libertatem.

**Prob. Concl. 3.** Omnes homines concipiunt aliquid, quod vocant libertatem, & dicunt dari aliquid, quod ab ipsis vocatur libertas; ergo extremæ dementiæ est, id non vocare libertatem.

**Dico 2. Datur etiam libertas indifferentia, seu libertas à necessitate.** Prob. Concl. autoritate Ecclesiæ, quæ inter quinque propositiones Jansenii etiam damnavit hanc: *ad merendum, & demerendum in statu nature lapsæ non requiritur in homine libertas à necessitate, sed sufficit libertas à coactione.*

**Prob. Concl. 2.** Si non daretur libertas à necessitate, tunc etiam in dormientibus daretur libertas; item in beatis & brutis: Hoc est falsum; ergo. prob. M. quidquid

agiunt beati, dormientes, bruta non agunt coactè adeoque haberent libertatem à coactione quòd enim beati ad visionem intuitivam Dei non cogantur, sed libenter eam velint, omnes admittunt. Quod si dicas in brutis non dari voluntarium. Resp. quid dein? sed nec datur coactio appetitus in brutis, in beatis verò, & dormientibus sine dubio datur voluntas, nec tamen datur libertas.

**Prob. Concl. 3.** Si sufficeret libertas à coactione, tunc etiam sufficeret ad peccandum, etiam si homo in aliqua quæstione facti v. g. an hodie sit dies jejunii inculpabiliter ignoraret legem: Sed hoc est falsum; ergo.

**Prob. Concl. 4.** Si non daretur libertas à necessitate, tunc Deus esset author peccati, & prædestinaret hominem ad æternam damnationem: Hoc est falsum, & contra Calvinum jam definitum ab Ecclesiâ; ergo. M. prob. quia actus peccati necessariò consequeretur ad dispositiones prævias, quæ ponuntur à solo auctore naturæ.

**Prob. Concl. 5.** Est possibilis major libertas, quam præcisè à coactione; ergo datur. prob. conf. si homines loquuntur de aliqua re, & eandem concipiunt, in quantum est possibilis, præsumendum est Deus contulisse libertatem conformem humano conceptui, & etiam posset à priori probari, quia necesse est ut det Deus homini sufficientem notionem libertatis aut necessitatis, utpote necessarij medij ad merendum, vel demerendum.

**Confirm.** Omnes homines tam docti, quam indocti, id quod est necessarium, & inimpedibile non dicunt esse liberum, ant. prob. quia ex hoc ipso capite aliqui antiquiores negarunt libertatem, quia putarunt actum hominis ob leges Providentiæ esse inimpedibilem, & homines putant se excusatos, si aliquid admittant, quod impedire non possunt; ergo clarum est, quòd homines habeant aliam notionem libertatis possibilis, quam præcisè à coactione.

**Dico 3.** Voluntas liberè etiam eligit non solum inter bona æqualia, sed etiam inter bona inæqualia potest eligere minus bonum. prob. Concl. sic enim possumus eligere inter ova similia, aut nummos, aut poma similia.

**Prob. 2.** Potest Deus ex individuis possibilibus eligere unum licet sit ratio, aut etiam non sit, præferendi unum alteri.

**Prob. 3.** Omne bonum potest absolutè movere voluntatem ad sui prosecutionem; ergo etiam in conjunctione cum altero bono, cum non perdat bonitatem suam, aut eligibilitatem ex præsentia alterius.

**Prob. 4.** Deus non semper tenetur eligere majus bonum absolutè tale, & materialiter tale; ergo nec homo. ant. prob. quia Deus utique potuisset producere perfectiorem mundum, & perfectiores creaturas; ergo.

## Solvuntur Objectiones.

**Obj. 1.** contra 1. Deus præscit omnes nostras actiones antequam illas exerceamus; ergo non sumus liberi. prob. conf. scientia Dei est necessariò vera; ergo est determinate connexa cum suo objecto; ergo non est conjungibilis cum actione opposita, ac proin voluntas creata supposita præscientiæ divinæ non potest esse libera, vel indifferens ad actum, vel omissionem illius.

2. Deus quemvis hominem potest infallibiliter salvare, si velit; ergo etiam debet esse possibile tale medium, cui homo non possit resistere, si liberè velit non salvari.

3. Ad Rom. 7. dicitur, non quod volo bonum hoc ago, sed quod nolo malum, hoc facio; ergo.

**Resp.** ad 1. neg. conf. ad prob. dist. præscientia Dei est necessariò vera necessitate consequente, c. antecedente, neg. scientia Dei non infert actum, sed actus infert scientiam, nec obstat, quòd scientia per totam æternitatem



præcellerit actum, quia respectu Dei nil est præteritum, aut futurum, sed omnia illi sunt præsentia, & blasphemiam respectu Dei non est futura v. g. Antichristi, sed est tantum. facile tamen posset concipi, quod actus Deo præsentissimus possit Deum determinare objective ad scientiam actus.

Ad 2. tr. ant. dist. conf. ergo debet dari tale medium indeterminatum, c. determinatum, neg. conf. id est, Deus ex infinitis mediis, quæ habet poterit applicare illud, quod est habiturum effectum, cum igitur juxta leges contingentium implicet, ut ex infinitis mediis nullum medium habeat effectum, etiam dispositio divina salvandi hominem frustrari non poterit.

Dixi. tr. ant. quia hæc propositio licet in aliquo sensu sit vera: nunc tamen est Constitutionem Unigeniti: in terminis est damnata. Damnatur enim illa Questioni propositio: quem Deus vult salvari, infallibiliter salvatur.

Ad 3. dist. ant. dicit hoc de actibus voluntatis, neg. ant. de actibus appetitus sensitivi, c. ant. ex eo, quod homo non habeat dominium absolutum suarum passionum, non sequitur defectus libertatis in voluntate.

8 *Obj. 2.* contra 2. author. S. Augustini, & D. Thomæ: S. August. enim in pluribus locis, ubi explicat libertatem, nullam aliam assignat radicem, nisi rationem voluntarii: voluntarium autem datur etiam in iis actibus, qui sunt præcisè liberi à coactione. Et D. Thomas in viginti textibus, qui hinc adduci possent, naturam liberam non aliter, definit, quam quod sit potentia activa, *ex sua natura non determinata ad unum.*

2. Potest stare libertas cum necessitate in Christo; ergo etiam in aliis hominibus, ant. prob. Christus v. g. liberè obedivit Patri, quia meritorie obedivit & tamen non potuit non obedire, quia non potuit peccare; ergo tota libertas in Christo fuit voluntarietas seu libertas à coactione.

3. In Deo datur libertas præcisè à coactione, non tamen datur libertas à necessitate; ergo eadem sufficit in homine, ant. prob. quia omnes volitiones divinæ v. g. volitio mundi sunt identificatae cum Deo, adeoque sunt ipse Deus; ergo etiam ens necessarium, sicut est ipse Deus.

9 *Resp. ad 1.* dist. ant. D. August. & D. Thomas radicem libertatis assignat voluntarietatem; non coactionem, aut indeterminationem naturæ tanquam radicem remotam, c. proximam, neg. ipsimet enim hi authores in aliis textibus libertatem refundunt in omnimodam indifferentiam humani arbitrii.

Ad 2. neg. ant. ad prob. dist. Christus non potuit peccare spectando impedimentum extrinsecum, c. spectando naturam, neg. licet enim etiam quivis homo non posset peccare si semper sibi haberet infallibiliter assistentem gratiam congruam, adeoque unio naturæ humanæ cum Verbo, cum non mutarit in Christo naturam de se indifferentem ad peccatum, sed solum contulerit infallibilitatem non peccandi, quæ suo modo potest vocari impossibilitas.

Ad 3. neg. ant. ad prob. dist. Volitiones Dei sunt necessariæ necessitate consequente, c. antecedente ad sui determinationem, nego. Dico enim: Deum potuisse ab æterno secum identificare volitionem creativam mundi, vel non identificare.

10 *Ob. 3.* contra tertiam Concl. Voluntas non potest præferre unum alteri sine motivo præferendi: Atqui inter duo bona æqualia non datur ratio præferendi unum alteri; ergo voluntas inter bona æqualia non potest unum præferre alteri.

2. Juxta Aristotelem, & D. Thomam: ab eo qui ad utrumque est indifferens, non sequitur aliqua actio, nisi

inclinetur ab uno ad aliud: Sed voluntas ex duobus bonis æqualibus est indifferens; ergo.

*Resp. tr. M.* dist. *m.* inter duo bona æqualia non datur motivum unum præferendi alteri iudicio speculativo, tr. *m.* iudicio practico, neg. *m.* ex parte objecti intellectus non invenit quidem motivum præferibilitatis in uno, quod non invenit in altero, sed ex parte sua invenit motivum se determinandi ad unum, ne cogatur inter duo bona ob defectum motivi carere utroque motivum; ergo practicum est exercitium libertatis, & hic stat pro ratione voluntas.

Ad 2. dist. *M.* ab indifferenti ad utrumque indifferentia naturæ non sequitur actio, c. *M.* indifferentia rationis, neg. *M.* in naturalibus quidem, ubi effectus necessario consequitur ad suam causam semper debet dari sublativum indifferentiæ antecedens ad actionem, sed in entibus liberis sublativum indifferentiæ est ipsa actio, quæ æquivalet simul effectui, & ipsi sublativo indifferentiæ.

*Obj. 4.* contra tertiam. Voluntas non potest privare suppositum aliquo bono proximè obtinibili, sed eligendum minus bonum præ majori privaret suppositum tali bono; ergo *M.* patet quia voluntas nunquam potest facere electionem in evidens præjudicium sui suppositi: excessus bonitatis in majori bono esset aliquod bonum proximè sine ullo motivo absterrente obtinibile.

2. Malum, quæ malum non est eligibile, sed minus bonum quæ tale est malum respectu majoris boni; ergo non est eligibile. *m.* prob. minus bonum quæ tale est mera carentia bonitatis, sed mera carentia bonitatis est malum; ergo.

*Resp. ad 1.* dist. *M.* Voluntas non potest suppositum privare bono proximè obtinibili formaliter illud intendendo, c. materialiter permittendo, neg. *M.* voluntas nunquam potest intendere suum proprium damnum, nisi ex motivo majoris boni, interim tamen ex motivo minoris boni potest negligere bonitatem majoris boni præcisè habendo se permissivè, quia majus illud bonum non habet sufficientes vires movendi voluntatem.

Ad 2. tr. *M.* neg. *m.* ad prob. tr. *M.* dist. *m.* carentia bonitatis formaliter volita est malum, c. *m.* tantum materialiter volita, neg. *m.* qui enim eligit minus bonum non eligit illud, in quantum habet defectum; aut negationem boni, sed in quantum ipsum est bonum.

*Obj. 5.* contra tertiam. Voluntas necessario amat bonum simpliciter; ergo etiam necessario amat majus bonum. prob. conf. sicut se habet simpliciter ad simpliciter, ita se habet magis ad magis.

2. Amor practicus conformatur amori speculativo, sed voluntas speculativè, seu per simplicem complacentiā magis amat majus bonum; ergo etiam practice majus amat.

3. Excessus bonitatis in majori bono habet rationem puri boni, sed purum bonum necessitat voluntatem; ergo & majus bonum.

*Resp. ad 1.* c. ant. neg. conf. ad prob. dist. sicut se habet simpliciter ita magis &c. objective, c. ant. subjectivè, aut effectivè, neg. ant. majus bonum ex sua parte habet majorem vim movendi voluntatem, sed ex parte subjecti, quod movetur excessus ille virium motricium habet se impertinenter. Igitur potest inverti argumentum, majus bonum non magis habet vim necessitandi voluntatem, quam minus bonum; ergo simpliciter non necessitat. ant. prob. majus bonum nullam habet vim necessitandi; ergo nec habet magis vim.

Ad 2. dist. *M.* amor practicus necessario conformatur amori speculativo quoad iudicium practicum objectivum, c. subjectivum, neg. concedo, quod etiam actus tendens in minus bonum magis appetit majus bonum



bonum majoritate objecti, non tamen magis id amplectitur majoritate se tenente ex parte voluntatis seu affectus.

Ad 3. dist. M. Excessus majoris boni abstractivè sumptus sic se habet, tr. realiter ac concretivè sumptus, neg. si bonitas sumatur abstractivè etiam minus bonum erit purum bonum, sed actus voluntatis practicus electivus non habet pro objecto bonum universale abstractum, sed bonum particulare identificant cum defectibus.

14 Obj. 6. contra 3. juxta Aristotelem 3. Eth. cap. 3. quod ceteris ex consultatione prætulimus, id solum eligibile est: Sed intellectivus in consultatione seu judicio comparativo semper præfert majus bonum præfertim homogeneum; ergo hoc solum est eligibile,

2. Voluntas est potentia cæca; ergo sequitur ductum intellectus; Atqui intellectus semper ducit ad majus bonum, & quidem necessariò; ergo etiam voluntas necessariò sequitur majus bonum.

Resp. ad 1. dist. Id solum eligibile est ceteris paribus prudenter, c. ant. imprudenter aut ceteris imparibus etiam prudenter, neg. M. voluntas ut prudenter agat, quandoq; etiam respicit aliqua connotata objectorum inter quæ eligit; cum igitur fieri possit, ut cum minori bono connexum sit objectum magis eligibile, etiam ipsum minus bonum magis eligibile erit & tamen in hoc actu voluntas non habet pro objecto illud innotatum, sed minus bonum.

Ad 2. tr. ant. dist. conf. Voluntas sequitur ductum intellectus practicum, tr. speculativum, neg. id est determinatio voluntatis sequitur ultimum judicium; quo intellectus & voluntas, communi determinatione dicunt hoc esse faciendum, non tamen voluntas semper sequitur judicium speculativum, alioquin nemo dixisset, *video meliora proboque deteriora sequor*.

## QUÆSTIO VII.

### An detur prædeterminatio Physica?

1 **N**Or. 1. Quod prædeterminatio Physica à variis variè describatur: potissimum coincidunt in hoc, quod sit *qualitas vialis à Deo voluntati impressa præcedens actum, inimpedibilis, & essentialiter inferens actum*. Dicitur esse *qualitas vialis*, eo quod transeat quasi in momento, & totum ipsius esse sit in via ad actum liberum, sicut juxta nos actio potest dici qualitas vialis ad terminum, aut sicut motio localis, est qualitas vialis. Dicitur 2. *à Deo voluntati impressa* quia Deus per hanc qualitatem voluntatem determinat ad actum amoris, vel odii: sicut manus determinat lapidem per qualitatem impressam ad suum terminum. Dicitur 3. *præcedens actum*, quia est causa actus liberi. Antiquiores Thomistæ poluere præmotionem se tenere ex parte actus primi proximi præcedentis ad actum liberum. Recentiores verò Thomistæ illā ponunt ex parte actus intermedii inter actum primum, & secundum, & novissimi Thomistæ omnino illam collocant ex parte actus secundi, seu ex parte ipsius actus liberi; ita tamen, ut saltem naturā præcedat actum liberum, licet non præcedat tempore. Dicitur 4. *inimpedibilis*, quia voluntas nullo modo potest impedire præmotionem, nec potest Deum determinare potius ad dandam sibi præmotionem amoris, quam odii. Dicitur 5. *essentialiter inferens actum*, quia posita præmotione est impossibile non poni actum, quia est causa essentialiter connexa cum suo effectu, nempe cum actu libero.

**Not. 2.** Quod prædeterminatio Physica duplici modo possit considerari in sententia Thomistarum. Primo modo, prout refertur ad essentiam actus liberi. Secundo modo prout refertur ad existentiam actus liberi. Cum enim Thomistæ realiter distinguant essentiam, & existentiam cujuslibet entis, clarum est, in eorum sententia etiam realiter distingui essentiam & existentiam actus liberi. Dicunt ergo veri, & genuini Thomistæ, actum formaliter, seu secundum essentiam consideratum esse ex determinatione creaturæ, sed secundum existentiam consideratum esse à determinatione Dei. Alii Thomistæ imperitiores ita explicant prædeterminationem Physicam, ut dicant: Deum determinare non solum determinatione ad actum liberum sub ratione entis, seu existentia, sed etiam sub ratione talis entis, seu essentia. Contra priores, ac veros Thomistas nil aliud habeo, nisi quod neque essentiam realiter distingui ab existentia. Posteriores verò non veros Thomistas dico non solum errare, sed etiam coincidere cum Janseñistis, & hos solos in hac questione impugno. Ut verò recte intelligatur hoc discrimen inter veros & non veros Thomistas; ad veros Thomistas illos refero, qui sequuntur in hac re explicationem Gonetii. in Tract. de Deo. disput. 4. n. 200. sic ait: *Licet Deus prædeterminet ad materiale peccati, cum quo ipsa malitia, & deformitas habet indissolubilem nexum, non tamen propterea est causa peccati, quia Deus nunquam determinat voluntatem ad materiale peccati, nisi ut objective, & in genere cause materialis, & occasionalis determinatus ab eadem voluntate, quæ ex propria malitia & defectibilitate providetur se ipsam determinatura ad formale, vel ad materiale formaliter sumptum, & quatenus fundat ipsam malitiam, & deformitatem. Unde talis determinatio, & applicatio ad materiale est à Deo veluti invito, & coacto, & solum tanquam à causa prima, & universali provisorie, qui debet subministrare omnibus causis secundis præsertim liberis media necessaria ad agendum, & ad attingendum in suis operationibus, & effectibus rationem entis, & actualitatem existentia, & operationis, inter quæ media, unum ex præcipuis est applicatio ad actum, & qui debet etiam permittere aliquos defectus non solum in ordine naturali, sed etiam in ordine morali, ut hinc magis reluceat, & manifestetur perfectio sua justitia, & misericordia, & pulchritudo totius universi. Licet ergo voluntatem applicet ad materiale peccati, quia tamen ad hoc movetur, & determinatur ab ipsa voluntate humana se ipsam prius naturā determinante ab ipsum formale, vel materiale formaliter sumptum, hinc sequitur malitiam, & deformitatem peccati, quæ ad illud materiale consequitur, non esse attribuendam Deo moventi, & applicanti, sed voluntati, illum objective, & materialiter determinanti ad talem motionem, & applicationem. Ex qua Responsione, quam Joannes à S. Thoma, & Vincentius Beronius tradunt, & probabilem reputant Salmanticenses in Tract. de Voluntate Dei omnes adversariorum impetus totaliter infringuntur, omniāq; illorum tela, & sophismata facile eluduntur. Hucusque Gonetius. Hunc ergo cum Thomistis veris dimitto, & contra solos imperitiores, quicumque, & ubicunque illi sint,*

*Dico: Non datur prædeterminatio Physica ad speciem actus.* Hanc conclusionem pluribus argumentis evinco.

**Argumentum 1.** Prædeterminatio Physica in sensu talium imperitiorum Thomistarum est hæresis Janseñistarum proxima, id est, moraliter certum est, quod



cum illa coincidat; ergo non est amittenda; ant. sic demonstratur: si est moraliter certum quinque propositiones Jansenii esse hæreticas in sensu talium Thomistarum, tunc prædeterminatio Physica hæresi Jansenistarum proxima est: Sed; ergo. *m. prob. est certum*, quinque propositiones Jansenii esse hæreticas in sensu à Jansenio intento; ergo etiam moraliter certum est, quinque propositiones Jansenii esse hæreticas in sensu talium Thomistarum, prout quidem à talibus Thomistis explicantur. *conf. prob. est moraliter certum*, sensum à Jansenio intentum esse ipsissimum sensum talium Thomistarum; ergo. *ant. prob. ipse Jansenius suismet verbis nullum alium sensum nisi talium Thomistarum subicit*; ergo. *ant. prob. ab inductione.* Circa primam suam propositionem Jansenius tom. 3. libr. 2. cap. 21. sic habet: hæc sunt, quæ Ecclesia in Clavino quantum ad hanc materiam gratiæ & liberi arbitrii improbat; Primum est, quod Calvinus neget esse in homine boni, & mali electionem. Secundum est, quod Calvinus doceat, gratiam ita movere hominem, ut non sit ei liberum resistere, sic enim loquitur: voluntatem Deus movet, non qualiter multis sæculis traditum est, & creditum, ut nostræ postea sit electionis motioni, aut obtemperare, aut resistere: Augustinus verò ita: ita Dominus movet voluntatem, ut quamvis infallibiliter convertatur, & operetur, possit tamen motioni Dei resistere, aut obtemperare, seu ut Concilium Tridentinum loquitur: ille dissentire si velit; potentia enim non volendi non repugnat actuali gratiæ, motioni & consensui, quamvis fieri nequeat, ut actualis dissensus cum actuali Dei motione jungatur. Ita Jansenius: & ita tales Thomistæ: qui docent per præmotionem Physicam infallibiliter hominem operari, quamvis fieri nequeat cum illa promotione jungi dissensus. *Idem Jansenius* sentit, ac declarat multis aliis capitibus, v. g. 20. ubi ait: Dicimus ergo liberum arbitrium quantumcunque vehementi, atque efficaci gratiæ delectatione præventum, atque determinatum ad faciendum bonum, adhuc tamen posse bonum non tantum non facere, sed etiam malum, verum enim est istud, non quidem in sensu composito, ut vulgo dici solet, sed in sensu diviso, nimirum, quia eodem tempore quo voluntatis arbitrium sub gratiæ delectatione est, in eadem voluntate datur potestas illud non faciendi, imò peccandi, non quod cessatio ab actu, quem tunc elicit, aut actuale peccatum cum gratiæ delectantis influxu consistere possit, quod sensus compositus postulare, sed quia cessandi & peccandi potestas cum eadem gratia simul in eodem voluntatis arbitrio conjungi potest: nam quamvis duo actus contrarii sint oppositi, & in eadem voluntate simul esse non possint, potestas tamen ad opposita non sunt oppositæ, nec sibi invicem, nec actibus oppositis, & in eodem simul subjecto, sive agente, sive quiescente commorantur, sic ergo voluntas quantumcunque gratiæ suavitate capiatur, potest non agere id, quo rapitur, quia veram non agendi potentiam etiam sub gratia rapiente retinet, quamvis fieri nequeat, ut ipsa non actio cum gratiæ operatione in eadem simul voluntate copuletur; sic etiam juxta Tridentinum, homo recipiens inspirationem illam obijcere potest, & liberum arbitrium à Deo motum potest dissentire. si velit, ita Jansenius: Idem docent tales Thomistæ: quando enim ipsis obijcitur, quod præmotio non relinquat in homine indifferentiam ad utrumque; dicunt, quod homo possit agere oppositum stante præmotione in sensu diviso, non verò in sensu composito, in quantum nempe datur in homine potestas abjecta priori præ-

motione recipiendi aliam præmotionem ad actum oppositum.

Circa secundam propositionem suam Jansen. c. 27. sic ait: non moveat quemquam, quod constat, multos divinitus mente collustrari, imò verò & in ipsa voluntate motibus divini gratiæ percelli, qui tamen ab ejus interna suaione, & inclinatione dissentiant, ut propterea falsum putet, gratiam in eo, cui datur, semper operari effectum, ob quem datur: considerandum est enim, multipliciter esse divini gratiæ effectus, sicut & voluntatis, est enim velle perfectum, & est imperfectum, quod velleitatem appellare solent; & hoc ipsum diversos gradus habet, donec ad ipsam primam, tenuissimamque boni complacentiam veniatur, hæc ergo primus est cælestis illius roris effectus, quem ad minimum in omnibus operatur, in quibus eum infundit Deus, nam quemadmodum inundatio divini gratiæ totam hominis voluntatem secum impetuosi cujusdam torrentis instar rapit, sic omnia cordis humani retinacula, quibus terrenis rebus irretitur, velut violenta quadam tempestate disrumpit, ita plenus ille velut auræ tenuis afflatus complacentiam quandam voluntatis tenuissimam rei tam pulchræ, quæ simul obijcitur contemplandæ temperatam suaviter impetrat, & celerrimè quasi furtim post se rapit. Hæc igitur gratia, quamvis non sufficiat, ut homo mandatum Dei operetur, eum super omnia diligat, ut speret, ut credat, ad hoc proin sit inefficax, ad hoc tamen facit aliquid, & est efficax, ut istarum vel alterius cujusdam cælestis rei liberas quasdam non voluntates, sed velleitates, & complacentias excitet, quas nisi divinitus infundantur, obtinere humana potestate nemo potest. Sic videmus plurimos, qui necdum ab immunditiis carnis se continere possunt vehementer tamen optare continentiam, huiusmodi vota divini gratiæ sunt munera, & majoris gratiæ provocativa, quamvis nullo modo veræ, perfectæque continentiæ comparandæ sint. Ita Jansen. ita tales Thomistæ, qui universim distinguunt inter gratias efficaces, & inefficaces per hoc, quod gratia efficax sit efficax ad observanda mandata, gratia autem inefficax sit infallibiliter efficax ad quasdam velleitates, seu complacentias circa ipsum bonum.

Circa tertiam propositionem Jansen. Tom. 3. L. 8. c. 20. sic habet: quæres fortassis utrum igitur nulla indifferentia sive contrarietatis, sive contradictionis sit in libero voluntatis arbitrio post peccatum, quamdiu in mortalitate vivimus? si enim non adest indifferentia contrarietatis, quomodo possumus hinc semper bene, & male vivere? si non adest contradictionis, quomodo ergo dicitur: qui potuit transgredi & non est transgressus, facere mala, & non fecit? Respondeo: quamdiu hinc vivimus sive in fidelitate aut gratiam, sive jam adsit gratia, dari indifferentiam aut contrariam, hoc est, ad volendum faciendumque bonum, & malum, eamque semper libero inesse arbitrio, sed non eo modo, quo quidam putant, qui, quibuscunque arbitrium sive gratiæ, sive peccati delectationibus imbuatur, existimant, cum utraque ejus dispositione fieri posse, ut utrumlibet velit, sive bonum, sive malum pro illa sola scilicet innata indifferentia voluntatis, quæ sub quacunque dispositione actum præveniente se sua libertate in utramvis partem flectit. Talis enim indifferentia contrarietatis, ab August. constantissimè negata fuit, & à Pelagio contentiosissimè postulata. Alio igitur sensu liberi arbitrii ante gratiam, quemadmodum alio etiam sensu sub gratia indifferentiam contradictionis, & contrarietatis habet, ita ut videlicet quibus-



quibuscunque positis, quæ ad agendum bonum vel malum requisita sunt, possit liberum arbitrium in hac vita facere bonum & malum, facere alterutrum, & non facere. Dicimus igitur liberum arbitrium, quantumcunque vehementer atque efficaci gratiæ delectatione &c. ut supra num. 4. quæ de re, qui plura vult, Auctores, qui de Physica determinatione tractant, consulendi sunt. Hoc est igitur, quod Augustinus tradit, quando toties docet, concupiscentiam, & ignorantiam, per quam nunc omnia peccata committuntur, non auferri ex nobis, quamdiu versamur in hac mortali vita; hinc enim fit, quod in nobis non solum ipsa potentia voluntatis, quæ de se ad malum flexibilis, sed etiam pondus ad peccandum remanet, quod est peccandi potestas perfectissima; quæ certe non solum adest, inestque voluntati, quando gratiæ delectatione caret, sed etiam quando intima ejus suavitate efficaciter trahitur, propter quam sanè liberum arbitrium rectissime dici potest peccare posse. licet fieri nequeat, ut ipsum peccatum simul in sensu composito cum gratiæ operatione societur. Hoc sensu S. Prosper ait: qui ad obediendum sibi ipsum velle sic donat, ut etiam à perseverantibus illam mutabilitatem, quæ potest nolle non auferat, quibus verbis significat, manere in sanctis illam mutabilitatem, quæ potest in tentatione mutari propter pugnam videlicet carnis, & spiritus, hucusque Jansenius: & id ipsum docent tales Thomistæ: dum indifferentiam voluntatis nullam aliam admittunt, quam præcisè eam, quæ consistit in capacitate voluntatis recipiendi aliam præmotionem, seu gratiam.

7 Item L. 6. c. 34. sic ait: Inter actum liberum, & statum libertatis præmagna differentia est, aliter Deus, aliter Angeli, & viatores, aliter beati, aliter damnati, aliter Christus Dominus in via constitutus liber fuit, nec ullo pacto, quæ in uno statu libertatis adsunt, aut etiam requisita sunt, ad alterum extendenda sunt. Hominum igitur viatorum non solum conditionis expertem esse libertatem, sed etiam. NB. necessitatis immutabilis voluntatiæ cum Scriptura & Patribus & Catholica fide fatemur. Ea perlibenter Jansenius admittit libertatem etiam à necessitate, ut ne quidem in modo loquendi differat à talibus Thomistis.

8 Idem L. 8. c. 20. Quamdiu hic vivimus semper inest indifferentia libero arbitrio, sed non eo modo, quo isti Scholastici putant, quos supra diximus (intelligit Recentiores) qui, quocunque modo arbitrium sive gratiæ, sive peccati delectationibus imbuatur, semper existimant, cum utraque ejus dispositione posse fieri, ut utrumlibet sive bonum, sive malum pro illa sola scilicet innata indifferentia voluntatis, quæ sub quacunque dispositione actum præveniente se se sua libertate in utramque partem flectit.

9 Circa 4. propositionem sic ait L. 8. c. 6. in hoc ergo propriè Massiliensis error situs est, quod aliquid primæviæ libertatis reliquum putent, quod, sicut Adam si voluisset poterat perseveranter operari bonum, ita lapsus homo saltem credere posset, si veller, neuter tamen absque interiori gratiæ adiutorio, cujus usus, vel abusus relictus esset in uniuscuiusque potestate & arbitrio.

R.D. Euseb. Amor Philosophia.

Circa 5. Propositionem ait L. 3. c. 20. ex quibus omnibus jam satis arbitror patere argumentum istud, quod Christus pro omnibus passus, & mortuus est, vel redemptionem se pro omnibus dedisse dicitur, nil omnino pro auxilio sufficienti suppeditando facere, nec etiam juxta doctrinam antiquorum pro omnibus omnino passus, & mortuus est. eodem cap. se explicans admittit, Christum pro omnibus mortuum esse sufficienter non efficaciter: ex quibus omnibus Jansenii textibus facile patet, nil omnino dici à talibus Thomistis, quod non possit admitti à Jansenio, aut vicissim.

Argumentum 2. Prædeterminatio tollit libertatem; ergo non datur. ant. prob. si prædeterminatio tollit formale constitutivum libertatis, tunc tollit libertatem: Sed; ergo. m. prob. si prædeterminatio omnibus prædicatis voluntariis actibus extrinsecus, quàm intrinsecus imponit necessitatem oppositam libertati, tunc tollit formale constitutivum libertatis: Sed; ergo. m. prob. si prædeterminatio imponit eandem necessitatem, quæ entia necessaria opponuntur liberis, tunc imponit omnibus prædicatis actibus voluntarii necessitatem oppositam libertati: Sed; ergo. m. prob. si prædeterminatio omnibus prædicatis actibus voluntarii imponit formale constitutivum entis necessarii ut distincti à libero, tunc imponit eandem necessitatem, quæ entia necessaria opponuntur liberis: Sed; ergo. m. prob. formale constitutivum entis necessarii ut distincti à libero est sola inimpedibilis causalitas ab aliquo saltem natura priori se: Sed; ergo. M. prob. formale constitutivum dicitur, quod importatur in ipso conceptu rei, sed sola inimpedibilis causalitas ab aliquo saltem natura priori se importatur in conceptu entis necessarii; ergo. m. prob. id solum importatur in conceptu rei, quod solum omnes homines concipiunt ductu naturæ, dum rem concipiunt, sed concipiendo ens necessarium quæ tale omnes concipiunt solum inimpedibilem causalitatem; ergo. m. prob. omnes Philosophi, tam ii qui negant libertatem, quàm ii, qui admittunt libertatem unice respexere ad inimpedibilem hanc causalitatem ab aliquo priori se; ergo concipiendo ens necessarium quæ tale tantum concipiunt inimpedibilem causalitatem, dum voluntatem inter entia necessaria collocant, aut esse negant. ant. prob. ii, qui negant libertatem ideo tantum negant, quia actus voluntatis aut ob connexionem causarum, aut ob fatum, aut ob influxum siderum habent causalitatem inimpedibilem, non verò ideo, quia abnegant homini judicium rationis indifferens in sensu talium Thomistarum; aut quia negant certum modum actus voluntarii solis talibus Thomistis liberum. Econtra ex iis, qui concedunt libertatem, alii quidem negant Providentiam aut concursum Dei immediatum, alii verò omnes negant necessitatem influxus astrorum, aut fati; ergo omnes dum loquuntur de necessitate, aut libertate, unice loquuntur de inimpedibili causalitate.

Probatur. m. 2. Id solum importatur formaliter in conceptu rei, quo solo posito res ponitur, & quo solo non posito, non ponitur res, sed posita causalitate inimpedibili ponitur necessitas, & hac non po-



sita non ponitur; ergo. *m. prob.* quia posita hæc causalitate in actu voluntatis v. g. beatorum aut aliorum motu primo in objectum tendentium, eo ipso ponitur necessitas.

13 *Prob. m. 3.* Si necessitas ut opposita libertati non consisteret formaliter in causalitate inimpedibili, tunc etiam in aliis entibus, esset absolutè compossibilis cum modo, aut formalitate libertatis; Sed hoc est falsum; ergo. *m. patet.* quia entia necessaria in agendo v. g. bruta nunquam habent modum libertatis, aut formalitatem, neque potest dici: quòd id fiat ob defectum cognitionis, quia cognitio non est formale constitutivum libertatis, adeoque etiam sine hac posset dari formalitas libertatis.

14 *Prob. m. 4.* Si necessitas opposita libertati non diceret causalitatem inimpedibilem, tunc necessitas tantum diceret aliquid negativum, nempe defectum formalitatis liberæ: Sed hoc est falsum; ergo. *M. pater,* quia non posset assignari in quoniam alio prædicato positivo consisteret necessitas causarum naturalium. *m. prob.* necessitas dicit aliquid prædicatum positivum; ergo. *ant. prob.* quidquid necesse est fieri, ob causam, aut connexionem causæ cum effectu necesse est fieri: Sed hoc est aliquid positivum; ergo.

Argumentum istud potest proponi variis modis, v. g. sequenti: si prædeterminatio tollit formale distinctivum inter entia libera & necessaria in quacunque formalitate actus voluntarii tunc tollit libertatem: Sed; ergo. *m. prob.* formale distinctivum inter entia libera & necessaria consistit in causalitate inimpedibili vel impedibili: Sed hanc tollit prædeterminatio; ergo.

15 *Argumentum 3.* Possibilis est alia quædam libertas major, quam illa talium Thomistarum; ergo talium Thomistarum prædeterminatio tollit genuinam libertatem. *prob. conf.* illa sola libertas datur, quæ est summa; & possibilis; ergo. *ant. prob.* homines concipiendo libertatem concipiunt maximam, quæ absolutè potest concipi; ergo omnis alia libertas nulla est, & qui aliam admittit, eo ipso tollit genuinam. *Prob. etiam primum ant.* si non datur contradictio in determinatione formali entis creati intellectualis, tunc possibilis est major libertas, quam quæ subiacet prædeterminationi: Sed; ergo. *m. prob.* possibilis est determinatio formalis entis increati nullo alio determinante; ergo etiam possibilis est determinatio formalis entis creati nullo alio determinante. *conf. prob.* non est major ratio, cur formalis determinatio essentialiter spectata referatur ad essentiam entis increati ratione decreti divini, quam ad ens creatum in tempore; ergo. *ant. prob.* ex una parte illa determinatio ex parte divini decreti spectata est primò contingens, ex altera verò parte non implicat determinationem illam habere suum esse objectivum ab ente creato; ergo. *ant. quoad 2. membr. prob.* ex una parte Deo ab æterno sunt omnia præsentia, ex altera verò parte, etiam si non essent præsentia, non implicaret actum mentis divinæ habere suum esse specificativum à contingentia entis futuri.

16 *Argumentum 4.* Si prædeterminatio posset stare cum libertate, tum etiam fatum, aut influxus astrorum inimpedibilis posset absolutè stare cum

libertate: Sed hoc est falsum; ergo. *m. constat* ex sensu omnium Doctorum, & Thomistarum, quia Astrologiam judicariam in quantum astruit imperium in actus liberos reprobant, eo, quòd tollat libertatem, & omnes, qui hæc tenent impugnant hæreticos, omnia referentes in influxus astrorum, aut fatum, potissimum ex eo capite eos impugnant, quòd tolleretur libertas. *M. prob.* si Patroni fatorum, aut influxuum posset ducere ab his non imponi necessitatem antecedentem, sed consequentem: Item astra non solum facere, ut homo agat, sed etiam ut liberè agat &c. tunc non posset demonstrari talium fatorum falsitas; quinimò si datur prædeterminatio consentaneum est Philosophiæ Thomisticæ astra habere imperium inimpedibile, eo quòd qualitas illa prævia inimpedibilis æquè possit dependere ab influxu astrorum, & dispositione cerebri, sicut alii motus voluntatis necessarii, ac inimpedibiles dependent. Accedit, quod sicut datur series causarum in mundo, & omnia dependent à decretis divinis absolutis, ita etiam posset series actuum humanorum dependere non tantum à decretis divinis absolutis, sed etiam à serie causarum naturalium.

*Argumentum 5.* Si præmotio non tollit libertatem, tunc 1. etiam vincula, quibus alligatur captivus, non tollunt libertatem eundi: Hoc est falsum; ergo. *M. prob.* Illa vincula non tollunt potentiam voluntatis de se indifferentem, & iudicium rationis indifferens ad eundum, in quibus tales Thomistæ constituunt libertatem; ergo. 2. Status damnationis in Dæmonibus non tolleretur libertatem amandi Deum, non blasphemandi, aut poenitendi: Sed hoc est falsum juxta Thomistas; ergo. *m. patet,* quia D. Thomas docet Angelos esse inflexibiles, adeoque necessitari Dæmones ad blasphemandum. *M. prob.* status ille damnationis nec tollit potentiam naturalem in dæmonibus, nec primum iudicium indifferens ad utrumque in quibus Thomistæ constituunt libertatem; ergo. *ant. quoad 2. membr. prob.* Dæmones inflexibilitate sua inhaerent primo iudicio, quo semel se determinaverunt: Sed primum illud iudicium est indifferens; ergo. 3. Homo, qui putaret se esse liberum ad appetendum bonum ut sic, haberet libertatem: Sed hoc est falsum juxta D. Thomam; ergo. *M. prob.* quia talis homo haberet iudicium indifferens ad appetendum bonum, vel non appetendum; ergo.

4. Christus absolutè haberet libertatem peccandi: Sed hoc est falsum; ergo. *m. patet,* quia omnes tenentur dicere Christum esse impeccabilem. *M. prob.* in Christo daretur naturalis voluntatis indifferentia ad utrumque, & daretur etiam indifferentia iudicii peccandi in sensu diviso ab unione hypostatica, sicut homo habet iudicium indifferens non amandi Deum in sensu diviso à præmotione ad amorem.

Neque dicas: in Christo illud iudicium non esse indifferens, quia videt se non posse dividi ab unione: licet enim hoc prævideat, non tamen hoc dicit contradictionem evidentem, quòd aliquis homo theandricus possit dividi ab unione hypostatica, & in hoc casu proinde procederet argumentum.



5. In beatis suppositâ illâ sententiâ, quod ad formalem beatitudinem non requiratur certitudo de perpetuitate, posset dari libertas ad amandum Deum: Hoc est falsum; ergo. M. prob. in taliter beato daretur natura indifferens, & etiam iudicium indifferens ad non amandum in sensu diviso à visione beatifica.

19 Neque dicas: nunquam posse poni sensum divisum; quia multi Theologi defendunt Moysen, & D. Paulum, aliosque Sanctos actu habuisse visionem beatificam ad tempus tantum; ergo potuerunt habere iudicium indifferens ad non amandum Deum in sensu diviso ab illo statu.

20 *Argumentum 6.* Si daretur præmotio, tunc Deus esset author peccati: Sed; ergo, M. prob. si Deus poneret causam Physicam actûs peccaminosi inimpedibilem tr. &c.: Sed; ergo, M. prob. in æstimatione morali esse auctorem peccati nil aliud est, quàm ponere causam Physicam inimpedibilem; ergo. cons. constat ex eo, quia æstimatione moralis in hoc casu non fallitur, cum enim sensus communis hominum necessariò notam debeat habere regulam de imputabilitate actuum humanorum, etiam lumine naturali notum esse debet, quid sit esse auctorem peccati, ant. prob. Omnes qui facti sunt Deum esse auctorem peccati, tantum ideo hoc facti sunt, quia putaverunt Deum ponere causam Physicam actûs peccaminosi inimpedibilem, & quicumque ab Ecclesia creduntur facere Deum auctorem peccati, nil dixerunt, quod re ipsa non dicunt, aut necessariâ consequentiâ tenentur dicere tales Thomistæ; ergo, in æstimatione morali idem est ponere causam Physicam inimpedibilem, & esse auctorem peccati. *ant. prob. ab inductione.* Primus enim fuit Simon Magus, aut quicumque alius, qui, ut Irenæus L. I. de hæresibus, cap. 29. testatur: *Docuit Deum esse auctorem peccati, non tamen docuit Deum velle, aut imperare, aut etiam efficere mala, sed ea tantum ratione peccatorum nostrorum causam esse, quod eam naturam nobis dederit, quæ non possit non peccare, & tamen ut Vincentius Lyrensis in suo commonitorio habet, Simon iste Magus Apostolica distinctione percussus ausus est dicere: Deum esse authorem malorum, scelerum, impietatum, flagitiorumque nostrorum;* ergo juxta Irenæum, & Lyrensem. Idem est, ponere causam inimpedibilem malorum, & esse authorem peccati.

21 Prob. ant. 2. Catholici bene imputant Zwinglio, Calvino, Beza, quod faciant Deum authorem peccati; & tamen illi nil aliud docent, quàm tales Thomistæ; ergo in æstimatione morali idem est, dicere Deum esse auctorem peccati, & eum ponere causam inimpedibilem peccati. *ant. prob. ex variis textibus horum hæresiarcharum.* Sic Calvinus L. de Prædestinatione ait: Inter omnes pios fixum hoc, & confessum esse debet, non esse, cur suis peccatis socium homines Deum adscribant, vel ullo modo secum involvant ad partem culpæ sustinendam; ergo cum iusta de causa, licet nobis ignota à Domino procedant, quæ scelerosata ab hominibus flagitia perpetrantur; etiam si rerum omnium prima causa sit ejus voluntas, peccati tamen eum esse auctorem nego. Turpi quidem & iliberali calumniâ nos gravant, qui

Deum peccati auctorem fieri obtendunt, si omnium, quæ aguntur causa est ejus voluntas.

*Zwingslius.* De providentia cap. 5. sic habet. Porro injustitiam in sese nobis ostendere Numen cum nullâ ratione possit, ut quod undique verum bonum, Sanctum naturâ sit, per creaturam injustitiæ exemplum produxit, non quasi creatura illam suo Marte produxerit, quæ nec est, nec vivit, nec operatur sine Numine, sed quod Numen ipsum author est ejus, quod nobis est injustitia, illi verò nullatenus est. Et, cap. 6. quod Deus operatur per hominem, homini vitio vertitur, non etiam Deo.

*Calvinus de Prædest.* Hinc certè jam colligere promptum est, quam inane, & fluxum sit illud divinx justitiæ patrociniû, quæ mala sunt, non ejus voluntate, sed permissu duntaxat fieri: equidem quatenus mala sunt, quæ malo animo peccant homines, ut statim planius exponam Deo minime placere fateor, sed quod otiosum ea permittere fingunt, quæ Scriptura non tantum eo volente, sed auctore fieri pronuntiat, nimis frivolum est effugium.

*Theodorus Beza ad Castalionem.* Quærenda, inquit, est vitii origo in instrumentorum spontaneo motu, quo fit, ut Deus justè decreverit, quod illi injustè fecerunt? At enim dices: non potuerunt resistere Dei voluntati, id est, decreto. Fateor; sed sicut non potuerunt, ita etiam noluerunt; verum non poterant aliter velle? Fateor quoad eventum, & energiam, sed voluntas tamen Adami coacta non fuit. Idem in suis aphorismis: quidquid agit Deus, bonum est, cum à summo bono nihil mali possit proficisci: omnia autem efficit, omnia igitur bona sunt, quatenus à Deo efficiuntur, & discrimen illud boni, & mali instrumentis tantum locum habet.

Item agit Deus sui operis respectu, permittit verò ejus operis respectu, quod mala ipsa instrumenta sponte peragunt, sive quatenus activa sunt, non passiva instrumenta, ut ultata verba in schola retineantur, justè tamen permittit, quod ista injustè agunt, quoniam peccata, quatenus à Deo nolente permittuntur, peccata non sunt, sed istæ eadem actiones, quatenus à Satana, & à malis proficiscuntur, eatenus demum peccata sunt, quæ Dominus justè suo tempore ulciscitur, nunquam enim Dominus peccata, quatenus peccata sunt permittit, imò semper prohibet, ac verat.

Prob. ant. 3. Si Deus non esset auctor peccati, 22 tunc nec homo esset auctor peccati: Sed hoc est falsum; ergo. m. prob. si homini non est liberum quod agit, sed necessariò id facit, tunc non est auctor peccati: Sed; ergo. M. prob. ex S. Augustino, qui Lib. de vera Religione, cap. 14. ait: Ita manifestum est peccatum non esse, quod non est voluntarium (liberum) ut nulla hinc Doctorum paucitas, nulla indoctorum turba dissentiat: Tales servos suos esse Deus judicavit, si ei servirent liberalliter, quod nullo modo fieri posset, si non voluntate, sed necessitate servirent. Item: quod autem homini, aut perverso Angelo persuasum dicitur, etiam ad hoc utique voluntate consentit. nam si necessitate id fecisset, nullo peccati crimine teneretur. Item de corrept. & gratia, cap. 1. si Adam hoc adiutorium defuisset, ut



sinè divino adjutorio manere non posset, si vellet, non utique sua culpa cecidisset, adjutorium quippe defuisset, sinè quo manere non posset.

23 Prob. ant. 4. Si Deus prædeterminat voluntatem ad actum peccati, tunc eo ipso vult, & imperat peccatum, & eo ipso prædestinat ad damnationem, Sed; ergo. *M.* patet, quia si Deus vult peccatum, nulla est ratio, cur se excuset, aut cur illi non possit imputari. *m.* prob. si posita prædeterminatione nulla est formalitas in actu positiva, vel negativa, quæ non sit juxta intentionem Dei, tunc eo ipso Deus vult & imperat peccatum: Sed; ergo. *m.* quoad primum membrum patet, quia omne esse positivum est ex prædeterminatione. Quoad 2. membr. prob. Omne negativum, quod necessariò consequitur ad esse positivum rerum naturalium est juxta intentionem Dei; ergo & omne negativum in actu peccati. ant. prob. sic enim tenebræ, non sunt præter intentionem Dei, etiam si sint aliquid negativum.

24 *Confirmatur.* Omnes circumstantiæ, & conditiones, à quibus dependet esse negativum peccati sunt juxta intentionem Dei; ergo etiam ipsum esse negativum exindè consequens est circa intentionem Dei.

25 Prob. ant. 5. Si Deus non est Auctor peccati, tunc neque homo esset auctor peccati: Hoc est falsum; ergo. prob. *M.* si Deus non est auctor peccati, tunc ideo, quia esse negativum est præter intentionem Dei: Sed illud esse negativum est etiam præter intentionem hominis; ergo. *m.* est *D. Thomæ*, qui dicit neminem intendere in actu peccati aversionem à Deo, sed tantum intendere aliquod bonum positivum, quod juxta Thomistas non est malum.

26 Prob. ant. 6. Si Deus prædeterminat ad actum peccati, tunc ageret contra se ipsum, eundem actum prohibendo, & eundem intendendo: Sed hoc est absurdum; ergo.

## Solvuntur Objectiones.

27 *Obj. 1.* Janſenius tantum admittit libertatem à coactione, Thomistæ verò etiam admittunt libertatem à necessitate; ergo non conveniunt cum Janſenio.

2. Janſenius gratiam, & ejus efficaciam constituit in aliqua voluptate delectante, Thomistæ verò in præmotione physicè determinante, quin necessarias habeant illas illecebras gratiæ. Dein Janſenius non requirit suam necessitatem gratiæ in omni statu naturæ etiam integræ; econtrà Thomistæ præmotionem requirunt in omni statu, & in omni natura etiam integræ; ergo Thomistæ non admittunt sensum à Janſenio intentum.

*Resp.* ad 1. dist. Tantum admittit Janſenius &c. quoad modum loquendi, transf. quoad sensum intentum, neg. Contrarium enim patet ex adductis verbis Janſenii, num. 7. ubi expressè ait, se admittere libertatem à necessitate. Igitur sic argumentor: Si Janſenius idem intelligit per libertatem à coactione, quod tales Thomistæ intelligunt per libertatem à necessitate, tunc conveniunt cum sensu, à Janſenio intento: Sed; ergo. *m.* patet ex probationibus,

Ad 2. transf. ant. dist. conf. ergo non conveniunt tales Thomistæ cum Janſenio quoad modum gratiæ, c. conf. quoad substantiam, & efficaciam gratiæ, neg. conf. Janſenius admittit præmotionem Physicam, negat tamen in hac præmotione formaliter consistere id, quod vocamus gratiam; dicit enim: ante præmotionem efficacem in eo homine, quem Deus vult movere, poni illecebras gratiæ, quas necesse non fuisset ponere saltem extraordinariè in statu naturæ integræ.

Igitur sic argumentor: Si gratia Janſenii est damnata, in quantum præsupponit præmotionem Physicam, tunc est damnata in sensu Thomistico: Sed; ergo. *m.* prob. si gratia Janſenii tantum est damnata ratione efficaciar, & applicationis, tunc est tantum damnata, in quantum præsupponit præmotionem: Sed; ergo. *M.* prob. Janſenius efficaciam intrinsecam gratiæ, & immediatam applicationem adscribit præmotioni Physicæ, in quantum consequitur ad illecebras gratiæ; ergo.

*Resp. 2.* Ad secundum. Eo ipso, quod damnata sit gratia Janſenii, à fortiori damnanda esse gratiam talium Thomistarum, quæ longè majorem infert necessitatem. Cum igitur gratia Janſenii nec physicè influat, nec in omni statu requiratur, clarum est, quod minorem voluntati inferat necessitatem, quàm gratia talium Thomistarum. Hæ Responsiones etiam serviunt, quando tales Thomistæ volunt se distinguere à sententia Calvinii, & aliorum Hæreticorum, cum quibus conveniunt, si non in modo loquendi, certè quoad sensum. Hinc Cardinalis Perronius publicè professus est, se velle efficere, ut sectarii omnes in tota Europa subscribant, prædeterminationi Thomisticæ, si voluerint, facta hac confessione tales Thomistæ acquiescere. quin imò Recentiores Calvinistæ expressè testantur senil aliud docere, quàm Thomistæ, ut ex pluribus illorum libris liquet; id enim dicunt, quia non intelligunt sententiam verorum Thomistarum, sed tantum imperitiorum, contra quos hic agimus.

*Obj. 2.* Potest dici: præmotione Physica necessariari voluntatem humanam in sensu composito, non tamen in sensu diviso; sicut enim omne, dum est, necesse est fieri, ita etiam stante præmotione dum jam est actus, necesse est dari actum. Pari modo in sensu composito potentiæ liberæ, cum actuali sessione necesse est hominem sedere, & impossibile est in tali sensu composito sessionis hominem ambulare, licet in sensu diviso à sessione homo nec necessariò sedeat, nec impossibile sit hominem ambulare.

2. Potest dici: hominem prædeterminatum ad actum amoris habere potentiam liberam ad actum odii in sensu diviso, licet non habeat potentiam ad oppositum in sensu composito.

*Resp.* ad 1. neg. ant. vel dist. Si homo etiam habeat potentiam ad hoc, ut se ipsum dividat, c. ant. secus, neg. ant. quin potius sic argumentor: si sensus compositus dicit actum consequentem impedibiliter ab aliquo naturâ priori se, tunc sensus compositus tollit libertatem actus: Sed; ergo. *M.* jam fuit probata, *m.* patet.

Item: Si divisio à sensu composito vel exercitium potentiæ indifferentis non est in libertate hominis, tunc sensus compositus tollit libertatem; Sed;



Sed; ergo. *m. patet.* quia non est in potestate hominis ponere aliam præmotionem. *M. patet. m. prob.* si divisio à sensu composito dependet inimpedibiliter ex aliquo naturâ priori ad divisionem, vel actuale exercitium, tunc non est in libertate hominis: Sed; ergo.

Idem: Respondeo etiam ad secundum.

29 *Obj. 3.* Prædeterminatio non solum facit, ut homo agat, sed etiam ut liberè agat, nec solum ponit actum, sed etiam ponit modum, nempe modum libertatis; ergo prædeterminatio non tollit libertatem, sed magis eam confirmat.

2. Illa necessitas, quam ponit prædeterminatio tantum est consequens, non verò antecedens ad actum: Sed necessitas consequens non tollit libertatem; ergo neque illa necessitas, quam ponit prædeterminatio, tollit libertatem. *m. patet.* quia etiam Recentiores debent admittere necessitatem consequentem, eò quod actus voluntatis, dum est, necessariò est. *m. prob.* si prædeterminatio non tenet se ex parte actus primi, sed ex parte actus secundi, tunc necessitas tantum est consequens: Sed; ergo. *m. est assertio Thomistarum.* *M. prob.* si prædeterminatio se tenet ex parte actus secundi, tunc non antecedit actum secundum, seu ipsum exercitium libertatis: Sed potius est pars ipsius actualis exercitii in libertate; ergo illa necessitas, quam ponit præmotio tenet se ex parte actualis exercitii, adeoque est consequens.

*Resp. Ad 1. neg. ant.* Hoc enim dicere est affirmare Chimæram, præmotio enim poneret modum liberum agendi, & non poneret, faceret, ut homo liberè ageret, & non liberè ageret, hoc autem est esse Chimæram. *M. quoad 1. membr. est assertio Thomistarum.* quoad secundum. *prob.* si in modo illo agendi liberè ex parte cuiuslibet prædicati, aut formalitatis assignabilis datur formale sublativum libertatis, tunc eo ipso non poneret modum libertatis: Sed; ergo. *m. prob.* si in illo modo libertatis quælibet formalitas consequitur inimpedibiliter ex aliquo naturâ priori se, tunc datur formale sublativum libertatis: Sed; ergo.

*Ad 2. trans. M. dist. m. necessitas consequens ad formale exercitium voluntatis non tollit libertatem, c. m. necessitas consequens ad actuale exercitium etiam determinationis divinæ, neg. m.* ponitur enim in sententia Recentiorum necessitas consequens ad ipsam determinationem voluntatis humanæ, in sententia verò Talium Thomistarum ipsa determinatio consequitur necessariò ad prædeterminationem,

Vel dist. *M.* Si illa necessitas est consequens ad determinationem creaturæ, c. si tantum est consequens ad actum primum, neg. *M.* supposito enim, quod ex parte actus secundi dentur duo, quorum unum est prius naturâ, poterit quidem fieri, ut totus actus secundus habeat necessitatem consequentem ad actum primum, interim tamen ex parte ipsius actus secundi poterit id, quod est prius naturâ altero habere necessitatem ad id, quod est posterioris naturâ.

*Resp. 2. ret.* Si illa necessitas, quæ lux oritur è Sole, est tantum consequens, ad actum secundum, tunc necessitas emanandi lucem non tollit libertatem lucendi: Sed; ergo. *m. prob.* lux non est posterior tempore, sed tantum naturâ,

Argumentum eodem modo potest formari circa proprietates, quas Thomistæ volunt emanare ab essentia v. g. intellectum, & voluntatem ab anima, Igitur sic argumentor: si necessitas consequens Thomistica, quæ reperitur in actu libero, consequitur inimpedibiliter ex aliquo naturâ priori ad actum, tunc tollit libertatem: Sed; ergo.

*Obj. 4.* Potest dici: in voluntate dari potentiam possibilitatis ad actum oppositum, licet non detur potentia futuritionis: Item dari potentiam activam, non tamen potentiam acturam. Item dari potentiam capacitatis, non tamen positionis: Item dari potentiam, quæ potest velle, quæ tamen nunquam volet: Sed talis potentia sufficit ad libertatem; ergo.

2. Libertas potest definiri potentia activa ex sua natura non determinata ad unum, sed talis potentia non tollitur per prædeterminationem; ergo neque tollitur libertas.

3. Potest dici ad libertatem sufficere, modo voluntas non necessitetur ab objecto, licet determinetur à ratione.

4. Potest dici: etiam si intellectus non possit præmotionem concordare cum libertate, non tamen sequi, nullam dari concordiam, sicut ex eo, quod intellectus humanus non possit explicare Trinitatem, non sequitur eam esse negandam.

*Resp. ad 1. neg. ant.* potentia enim ad impossibile non datur, quod autem non sit possibilis actus liber probatum est. hinc sic argumentor, si actus oppositus, ad quem refertur potentia, non est liber, tunc neque potentia salvat libertatem: Sed; ergo. *m. prob.* si ille actus sequitur inimpedibiliter ex aliquo naturâ priori se, tunc non est liber: Sed; ergo.

*Ad 2. neg. ant.* Quia etiam potentia appetitiva in brutis non est determinata ad unum, licet propterea non habeant libertatem.

*Ad 3. neg. ant.* Quia ex probationibus constat libertatem non posse stare cum quacunque necessitate inimpedibili.

*Ad 4. neg. ant.* Quia naturam libertatis omnes cognoscunt lumine naturali, adeoque libertas non est tale mysterium, cujus proprietates nequeant intelligi.

*Obj. 1.* Potest dici: Deum tantum determinare ad materiale peccati, non tamen ad formale; ergo Deus non erit author peccati. *ant.* explicatur. in quolibet actu peccaminoso dantur duo, quorum unum est aliquid positivum, alterum est tantum aliquid negativum. Positivum est ipsa Entitas volitionis, seu prosecutio alicujus objecti, quæ entitativè, ac physicè non est mala: negativum est aversio à summo bono, seu defectus ordinis ad finem ultimum. Potest igitur dici: quod Deus in voluntate producat Entitatem Physicam, & conversionem ad bonum, non tamen producat aversionem à summo bono.

2. Potest dici: Deum quidem operari actum peccaminosum modo effectivo, non tamen modo defectivo, quia in Deo non datur illa negatio ordinis ad ultimum finem, neque Deus vult malitiam peccati.

*Resp. Ad 1. neg. ant.* Idem. respondeo ad 2. ratio



2. ratio negandi patet ex probationibus. Igitur sic argumentor: si non esset præter intentionem Dei etiam formale peccati, tunc Deus esset author peccati: Sed; ergo. *m. prob.* omnia, quæ concurrunt ad formale peccati sunt juxta intentionem Dei; ergo & ipsum formale peccati. Dein si creatura non determinat ad formale peccati, tunc Deus determinat: Sed; ergo. *m. prob.* Creatura non est libera ad impediendum formale peccati; ergo etiam non determinat.

33 *Obj.* 6. Sententia Recentiorum est novum inventum Molinae; e contra prædeterminatio est dogma Ecclesiae per quindecim sæcula; ergo hoc est præferendum.

2. Si Deus non prædeterminat ad actum voluntatis, tunc homo se ipsum discerneret, & principium boni esset à determinatione voluntatis humanae: Sed. hoc est falsum, contra Scripturam, & Pelagianismum sapit; ergo.

3. Si Deus non determinaret ad omnem actum, tunc falsum esset, quod Cor Regum sit in manu Dei, & quod possit illud convertere quocunque voluerit: Sed hoc est contra Scripturam; ergo. *M. prob.* posset voluntas humana semper se non determinare ad id, quod Deus vult.

4. Si non daretur prædeterminatio, tunc homo posset eludere omnia auxilia divina, etiam infinita: Sed hoc est falsum; ergo. *M. prob.* quia posset quocunque auxilio posset homo se determinare, vel non determinare.

34 *Resp.* Ad 1. neg. ant. quoad utrumque membrum, neque enim ante sæculum decimum sextum quidquam auditum est de prædeterminatione in sensu Bannezii sumpta, sicut nihil auditum est de scientia media, aut systemate libertatis Molinae; interim tamen systema Molinae quoad rem ipsam antiquum est, & prædeterminatio quoad rem ipsam nova. Molina id tantum fecit, ut veritates hinc inde in Patribus dispersas in unum systema collegit.

Ad 2. neg. *M.* In nostra enim sententia, etiam si determinatio adscribenda sit arbitrio humano, non tamen illi adscribenda principaliter, quia auxilia divina ad omnem actum concurrentia in primis voluntatem sanant, dein sanatam excitant, & modo quodam circumstantiis congruo obtinent actum voluntatis infallibiliter, & certissime, qui alioquin inter infinitos possibiles prorsus esset contingens. & hoc causa est, cur principium justificationis, & electionis non sit à nobis etiam in statu naturæ integræ. Quod verò naturam lapsam attinet, Pelagiani non in hoc fuerunt hæretici, ut vult Jansenius, quod admiserint gratiam versatilem, cui humana voluntas posset resistere; sed in hoc fuerunt hæretici, quod meritum adscriperint electioni, ac determinationi creatæ, saltem in principio fidei, prout postmodum docuerunt Semipelagiani. Igitur ultro admitto Pelagianos à D. Augustino convictos tandem admisisse etiam interiorem gratiam ad omnes actus liberos, quia tamen habuerunt alium conceptum justificationis, & negarunt Adamum nobis nocuisse, ideo meritum non adscripserunt gratiæ, sed determinationi creatæ. Etiam inter Adversarios non fatentur quidam magnum esse discrimen inter sententiam Recentio-

rum, & Pelagianam, & Semipelagianam, prout Henricus à Sancto Ignatio fateretur.

Ad 3. neg. *M.* ad prob. dist. Homo potest omnia auxilia eludere determinatè sumpta, c. indeterminatè sumpta, neg.

*Idem Resp.* ad 4. Quod enim homo non possit eludere infinita auxilia etiam ex legibus contingentium constat, quia contingentia in infinitis circumstantiis non procedunt uniformiter; igitur, cum Deus Omniscius provideat in quibus circumstantiis voluntas contingens auxiliis suis assensum præbitura sit, facillimè poterit obtinere assensum ponendo illas circumstantias.

*Obj.* 7. Autoritas D. Thomæ, cui potissimum Adversarii innituntur. Hic inter plures alios textus expresse ait, quod Deus inclinet, determinet, moveat, ad omnem actum voluntatis. Quæst. 2. 2. de voluntate, art. 9. ait: Ex parte voluntatis mutare actum voluntatis non potest, nisi quod operatur intrà voluntatem, & hoc est ipsa voluntas, & id, quod est causa esse voluntatis, quod secundum finem solus Deus est, unde solus Deus inclinationem voluntatis potest transferre de uno in aliud, secundum quod vult.

*Opusc.* 3. cap. 139. Actus voluntatis à solo Deo est, qui solus causa est rationalis naturæ voluntatem habentis, inde patet, quod non est contra arbitrii voluntatem, si Deus voluntatem hominis moveret, sicut non est contra naturam, quod Deus in rebus naturalibus operatur.

*Resp.* neg. ant. ad prob. dist. Deus movet &c. voluntatem ad exercitium, c. ant. ad specificationem actus, neg. ant. Dico enim voluntatem non exire in actum, nisi in quantum Deus applicat voluntatem ad agendum, sed facta applicatione voluntas se determinat ad hoc, vel illud.

*Resp.* 2. dist. Deus præmoveret, aut prædeterminat in ordine ad bonum universale, c. ad bonum particulare, neg. ut enim prius vidimus, in omni actu voluntatis dantur duo appetitus saltem formaliter distincti; quorum unus refertur ad bonum universale, alter ad bonum particulare; Deus autem, sicut est auctor voluntatis creatæ, ita etiam movet voluntatem ad hoc suum objectum seu bonum universale. Quod verò hæc sit mens D. Thomæ patet ex pluribus textibus. v. g. in quantum dist. 49. q. 1. a. 3. q. 2. a. 1. ait: potentia rationalis se habet ad opposita in his, quæ ei subsunt, & hæc sunt illa, quæ per ipsam determinantur, non autem potest in opposita illorum, quæ sunt ei ab alio determinata, & ideo voluntas non potest in oppositum ejus, ad quod ex divina impressione determinatur, scilicet in oppositum finis ultimi, potest autem in oppositum eorum, quæ ipsa sibi determinat, sicut sunt ea, quæ ordinantur ad finem ultimum, quorum electio ad ipsam pertinet. Item. 1. prob. qu. 19. a. 3. ad quintum: Voluntas, non oportet, quod determinetur ab aliquo exteriori ad effectum, sed determinat se ipsam ad volendum, ad quod habet habitudinem non necessariam.

Item in 1. sent. dist. 39. quæst. 1. art. 1. Ipsa potentia voluntatis, quatenus in se, est indifferens ad plura, sed quod determinatè exeat in hunc actum, vel illum, non est ab alio determinante, sed ab ipsa voluntate.

Item.



Item q. 3. de potentia. art. 3. ad. 13. Voluntas dicitur habere Dominium sui actus, non per exclusionem causæ primæ, sed quia causa prima non ita agit in voluntatem, ut eam de necessitate ad unum determinet, sicut determinat naturam, & ideo determinatio actus relinquatur in potestate rationis, & voluntatis.

Resp. 3. dist. Deus movet voluntatem efficienter, c. formaliter, neg. ant. sensus est: quod Deus determinet actum voluntatis ad existendum, voluntas verò humana determinet actum suum ad tale esse, quin potius, ut ipse actus voluntatis formaliter determinet se ipsum ad hoc, ut talis sit.

37 Obj. 8. Si Deo tanquam causæ primæ in ratione entis omnia immediatè subordinantur, atque à Deo dependent, tunc Deus determinat etiam ad actum voluntatis: Sed; ergo. m. supp. quia Deus est primum ens, & prima causa rerum omnium. M. prob. si Deo omnia essentialiter subordinantur, tunc etiam Deus debet exercere actualem influxum, ac causalitatem in omnia creata: Sed si hoc, tunc Deus prædeterminat; ergo. m. prob. non potest intelligi causalitas, subordinatio, influxus, ac dependentia effectus à sua causa, quin actualiter causa determinet ad effectum.

Resp. dist. M. Tunc Deus determinat ad actum voluntatis efficienter, c. M. formaliter, neg. M. Dico enim: Deum tanquam primam causam rerum omnium dare existentiam omnibus creaturis, & hoc quidem privativè, ita ut solus Deus det existentiam, adeoque Deus non solum dat efficienter posse operari, sed etiam dat ipsum operari, in quantum producit ipsum actum, quia tamen in actu non solum datur esse, sed etiam tale esse, seu essentia specifica actus, ideo non tantum debet requiri causa existendi, sed etiam causa taliter existendi: causam existendi dico esse Deum, causam verò taliter existendi dico esse creaturam, seu potius ipsum actum voluntatis essentialiter spectatum, neque enim potest reddi ratio, cur essentia rerum tales sint, nisi quia tales sunt; v. g. nec Deus facere potest, ut Essentia albedinis, non sit essentia albedinis, ita neque Deus potest facere, ut essentia amoris in hoc actu non sit essentia amoris.

38 Obj. 9. Causa secunda non agit, nisi mota à prima causa; ergo motio causæ primæ debet præcedere actionem causæ secundæ: Atqui si præcedit eo ipso datur præmotio; ergo, ant. prob. ex Aristotel. 7. Met. cap. 1. ubi ait: quidquid movetur ab alio: Atqui causa secunda agendo movetur; ergo movetur ab alio, nempe Deo.

2. Causæ secundæ non operantur, nisi applicentur ad operandum à causa prima, sed non applicantur sine impressa qualitate, sicut artifex malleum applicat; ergo neque operantur sine qualitate impressa.

3. Causa prima in operando præcedit causas secundas, easdemque ad operandum excitat; ergo eo ipso Deus præmover voluntatem creatam.

39 Resp. Ad 1. dist. ant. Causa secunda non agit nisi mota efficienter, c. formaliter, neg. ant. ad prob. Aristot. idem respondeo, vel dico: illud axioma esse intelligendum de naturis corporeis, non autem de intellectualibus. Quod verò non omne movens moveatur ab alio saltem formaliter, facile

potest intelligi ex natura primi moventis, primum enim movens determinatur à se ipso; igitur etiam imago primi moventis movet se ipsam, saltem quoad formalitatem actus, licet existentiam acquirat à primo movente.

Ad 2. c. M. dist. m. Applicatio non potest intelligi sine impressa qualitate ad existentiam effectus, transf. m. ad formalitatem effectus, neg. m. Deus quidem voluntatem applicat etiam ad hoc particulare bonum,tribuendo effectui existentiam, non tamen est causa, cur actus formaliter respiciat hoc potius objectum præ alio.

Ad 3. dist. ant. Prima causa præcedit secundas efficienter, c. formaliter, neg. ant. sicut enim Deus à priori non habet causam, cur essentia albedinis sit essentia albedinis, ita etiam à priori non habet causam, cur essentia huius actus sit potius essentia amoris, quam odii, licet in his ipsis circumstantiis Deus velit dare existentiam, qualiscunque sit contingenter essentia actus.

Obj. 10. Deus est primum liberum; ergo etiam 40 debet exercere suam libertatem in ipsam formalitatem actus: Atqui hanc non exercet, nisi prædeterminando ad formalitatem actus; ergo.

2. Libertas creata etiam actualiter spectata quoad omnem formalitatem est aliquis effectus creatus; ergo quoad omnem formalitatem dependet à libera determinatione Dei tanquam causa naturā priori se.

Resp. Ad 1. dist. ant. Deus est primum liberum in linea causæ efficientis, c. ant. in linea causæ formalis, neg. ant. Deo quidem est liberum producere quemvis effectum, vel non producere, ut verò effectus talis sit, Deo non est liberum, v. g. non est Deo liberum, ut essentia albedinis non sit albedo, pari modo in actu voluntatis Deo quidem est liberum dare existentiam amoris, vel non dare; supposito autem, quod velit dare existentiam, cuiusque actui, non est ipsi liberum dare existentiam actui odii, supposito quod actus habeat essentiam amoris contingenter.

Ad 2. c. ant. dist. conf. ergo actus voluntatis quoad omnem formalitatem dependet à determinatione Dei efficienter, c. formaliter, neg. conf.

Dices: à Deo saltem dependet dare suam ex- 41 istentiam potius essentia amoris, quam odii; ergo ab ipsius prædeterminatione dependet, cur actus potius habeat formalitatem amoris, quam odii.

Resp. transf. ant. dist. conf. Dependet ab ipso antecedenter ad scientiam mediam, neg. conf. consequenter, c. conf. supposito, quod Deus velit dare existentiam cuilibet formalitati actus, non amplius ipsi est liberum subtrahere existentiam amoris, nisi prævideat in hoc vel illo casu impediri posse essentiam amoris ab alio actu primo proximo.

Obj. 11. Si non daretur prædeterminatio, tunc 42 causa secunda prædeterminaret ad actum, & quod determinaret causam primam ad concurrendum: Sed hoc est falsum; ergo. m. prob. 1. Hoc modo causa secunda esset primum movens, & primum determinans ad agendum, prob. m. 2. primum liberum determinaretur à secundo libero. 3. Deus deberet expectare quid voluntas sit, vel non sit futura. 4. Actio causæ secundæ esset prior actione causæ primæ. 5. Causa principalis scilicet Deus subordi-



ordinaretur causæ instrumentali scilicet creaturæ.  
6. Actio nostra magis esset in potestate nostra, quam in potestate Dei. 7. Deus donaret nobis suam Omnipotentiam eodem modo, quò aliquis donat alteri villam, aut librum. Item Deus subiceret nobis suam Omnipotentiam, sed hæc ultimæ propositiones sunt damnatæ ab Innocentio XI.; ergo.

43. Resp. dist. causa secunda prædeterminaret ad actum formaliter, c. efficienter, neg. M. idem. Respondeo ad probationes, primam & secundam.

Ad 3. dist. Deus deberet expectare quid voluntas sit actura formaliter, c. efficienter, neg. M.

Ad 4. dist. Actio causæ secundæ esset prior formaliter, c. efficienter, neg. Ad 5. & 6. idem respondeo.

Ad 7. neg. M. Quia Deus habet omnimodam potestatem concedendi existentiam actui, vel non concedendi, adeoque habet adhuc in sua potestate

44. Dices: Saltem determinatio creaturæ formaliter spectata esset aliquod prædicatum non causatum à Deo, quia esset prius determinatione Dei: Sed hoc non potest dici; ergo.

Resp. dist. M. Esset prædicatum non causatum causalitate formali, c. causalitate Physica, & efficiente, neg.

Dico enim: inter determinationem creaturæ ad taliter existendum, & inter determinationem Dei ad existendum dari mutuam prioritatem. Si quidem, mutua prioritas locum habet in causis diversi generis, hinc mirum non est, quòd actio Dei sit prior determinatione creaturæ in genere causæ efficientis, quin pro illo priori Deus sit causa talis determinationis.

45. Obj. 12. Principium indifferens ad agendum, vel non agendum non agit, nisi determinetur ab alio; ergo etiam anima rationalis non agit eligendo, nisi ad hoc determinetur à Deo, ant. prob. nihil tollit suam propriam indifferentiam, quia nihil mutat se ipsum, & idem manens idem semper facit. Idem.

2. Quod est in potentia ad actum, non erit in actu, nisi reducatur in actum ab eo, quod est actu, sed anima est in potentia, neque habet actum; ergo.

Resp. Ad 1. dist. ant. Principium indifferens passivum non intellectuale, non tollit propriam indifferentiam, c. principium activum, neg. ant. Et retorqueo argumentum in liberis decretis divinis, Deus enim ab æterno est indifferens ad creandum mundum, vel non creandum, & tamen hæc illius indifferentia non tollitur ab alio, igitur principia hæc adducta non procedunt, nisi in illis entibus, ubi contingentia locum non habet.

Ad 2. dist. Quod est in potentia passiva tantum, c. activa, neg. M. ob eandem rationem, & retorquetur idem in decretis divinis.

46. Obj. 13. Si non daretur prædeterminatio, tunc nulla esset ratio, cur in anima resulter actus v.g. potius amoris, quàm odii: Sed hoc est absurdum; ergo.

2. Actus liber esset prorsus contingens, & casu fieret: Hoc est absurdum; ergo. M. prob. quia nulla à priori posset reddi ratio, cur anima hoc velit, nisi ille contingens actus voluntatis.

3. Animæ non esset liberum impedire suum actum, quia contra casum nulla datur providentia, & ille actus, qui in anima esset contingens non posset à priori impediri.

Resp. ad 1. dist. M. Nulla esset ratio effectiva, c. formalis, neg. actus enim voluntatis est ipsum formale determinativum voluntatis, cur anima potius hoc velit, quàm illud, neque, necesse est à priori dari aliam causam huius determinationis, alioquin procederet in infinitum.

Ad 2. trans. M. neg. m. quia non est absurdum in Deo decreta illius esse contingentia; ergo multò minus erit absurdum eodem esse contingentia in homine. Posset tamen negari major, quia illud tantum dicitur casu, ac contingenter fieri, quod sit sine cognitione finis: Igitur in anima actus liber nullam quidem habet sui causam, adeoque est contingens, fit tamen cum cognitione finis, adeoque non casu.

Ad 3. neg. M. Eo ipso enim, quòd anima nullum habeat determinativum ad actum antecedens actum, debet dici libera.

Obj. 14. Nihil interest, an prima contingentia actus liberi referatur in ipsum actum voluntatis, vel in defectum materiæ taliter possibilis, vel in decretum Dei præmoventis; ergo voluntas humana adhuc est sufficienter libera, nec debet conqueri de præmovere divina ant. prob. anima humana qualiter debet expectare sortem contingentem, sive ab actu suo formaliter determinante, sive à dispositione naturæ, sive à decreto Dei, quin immò melius esset tantum dependerè à decreto Dei, quàm à se ipso & actu libero contingente.

2. Si actus liber non necessario habet aliquod determinativum formaliter distinctum à se, tunc poterit etiam dici: mundum & omnia creata nullum habere formale determinativum distinctum à se ad sui existentiam: Sed hoc est contra leges Providentiæ; ergo. M. prob. posset eodem modo dici essentiam mundi contingenter ab æterno esse talem, qualis est, adeoque determinare Deum ad tribuendam existentiam.

3. Quidquid dependet à Deo debet referri in Deum tanquam in causam, cur hoc potius sit, quàm illud. sed tota formalitas actus liberi dependet à Deo; ergo. M. prob. non potest concipi ultimum prædicatum habens aliquam vim naturæ priorem ad essentiam divinam tribuentem omnibus rebus existentiam, & largientem essentiam; ergo.

Resp. Ad 1. trans. ant. neg. conf. Etiam si enim anima rationali perinde foret referre actum suum in Deum vel in dispositionem naturæ, non tamen id perinde est Deo. qui non iuste prohiberet, aut puniret, quod ipse decerneret, neque id etiam perinde foret universo, & possibilitati entium. quæ privarentur aliqua natura libera possibili.

Ad 2. neg. M. ad prob. neg. ant. Dico enim: in omnibus entibus tale dari determinativum, & talem naturam, qualis potest concipi, cum igitur possint concipi entia non intellectualia dependere ab intellectualibus, necessario dependant, & ideo quia mundus est ens non intellectuale, nec datur aliud intellectuale ens, nisi Deus, qui comprehendit omnia, possibilitas rerum exigit, ut mundus dependeat ab intellectu divino.



Ad 3. dist. M. Deus est causa, cur hoc potius sit, quàm illud in genere causæ efficientis, c. formalis, neg. M.

Ad prob. etiam dist. nihil est prius essentia divina, & Deus largitur omnibus rebus essentiam efficienter, c. formaliter, neg.

49 *Obj. 15.* Præmotio non tollit libertatem; ergo datur. ant. prob. operatio divina in entibus necessariis non tollit vim connaturalem, & modum agendi connaturalem; ergo & operatio divina in voluntate humana non tollit modum operandi liberum.

2. Si præmotio tolleretur libertatem, tunc Deus per omnem suam Omnipotentiam non posset agere in voluntatem humanam, nisi destruendo illam; Hoc est absurdum; ergo.

3. Libertas nihil aliud est, quàm potentia activa, quæ positivis omnibus ad agendum requisitis potest agere, vel non agere; Sed stante præmotione manet hæc potentia; ergo. m. prob. positivis omnibus ex parte actus primi potest voluntas in actu secundo obtinere præmotionem ad hoc vel illud; ergo.

4. Stante præmotione datur adhuc in voluntate indifferentia non solum potentia, sed etiam iudicii; ergo adhuc datur libertas. ant. prob. stante præmotione iudicium dicit, objectum esse eligibile, vel non eligibile.

50 *Resp. ad 1. neg. ant. ad prob. c. ant. neg. conf.* quia hoc diceret contradictionem. Idem respondeo ad secundum.

Ad 3. dist. M. Libertas est potentia, quæ potest agere, vel non agere positivis omnibus etiam prioritatem naturæ, c. tantum prioritatem temporis, neg. ratio distinctionis patet ex probationibus.

Ad 4. dist. Manet indifferentia iudicii Chymerica, c. vera, neg. vel sic: Manet indifferentia iudicii ad actum liberum à coactione, c. à necessitate, neg. ant.

Supposito enim, quod iudicium rationis verum dicat, debet etiam dicere: se hinc & nunc habere præmotionem hanc esse essentialiter illativam actus, & impedibilem, quo casu iudicium non potest dicere, se esse liberum à necessitate, sed tantum à coactione.

Igitur sic argumentor: si iudicium indifferens non affirmat libertatem à necessitate, tunc etiam non ponit libertatem: Sed; ergo. m. patet ex probationibus.

51 *Obj. 16.* Deus determinat ad individuum actus, & tamen non tollit libertatem; ergo neque etiam tollit determinando ad speciem. prob. conf. inter gradum specificum & individualem juxta Recentiores nulla datur distinctio nec intrinseca, nec extrinseca & ne quidem præcisio objectiva tam in homine, quàm in Deo; ergo Deus determinando ad unum gradum, determinat etiam ad alterum.

2. Etiam juxta recentiores præcedit actum liberum iudicium practicum essentialiter illativum actus; ergo non omne antecedens, ac essentialiter illativum actus tollit libertatem.

3. Dantur gratiæ efficaces, seu auxilia, quæ infallibiliter inferunt actum; ergo eadem vis potest adscribere præmotioni.

4. Decretum Dei absolutum prædestinandi v.g. Petrum non dependet à prævisione ullius actus liberi. R. D. *Enseb. Amort Philosophia,*

beri, & tamen non tollit libertatem: Sed tale decretum est antecedens ad actum liberum, essentialiter inferens actum liberum, impedibile, & essentialiter connexum cum actu libero; ergo non omne antecedens impedibile tollit libertatem.

5. Dicitur existere declaratio Cardinalium, quod non omne antecedens essentialiter inferens actum tollat libertatem; ergo nihil vincitur contra præmotionem.

*Resp. ad 1. Cant. neg. conf. ad prob. dist. ant. 52* identificantur hi gradus realiter, c. formaliter, neg. Dico enim: gradus Metaphysicos considerari debere tanquam revera distinctos, ita ut etiam seorsim terminent cognitionem divinam, & humanam formaliter, licet in consideratione reali unum non separaretur ab altero.

Ad 2. trans. ant. dist. conf. non omne antecedens impedibile tollit libertatem, c. ant. impedibile, neg. conf. Dico: actum liberum habere duas formalitates, secundum unam formalitatem est actus potentia appetitiva, secundum alteram formalitatem est actus rationis, in quantum unum rationaliter præfertur alteri, ut docet Aristoteles, & D. Thomas: inter has duas tamen formalitates una præcedit alteram prioritatem naturæ, nempe actus rationis, qui vocatur iudicium practicum; igitur iudicium practicum non præcedit actum liberum, quia est ars actus liberi, licet præcedat prioritatem naturæ suam compartem. Idem non potest dici de præmotione, eo quod non sit pars actus liberi, quantum est ex parte nostra spectati.

Ad 3. c. ant. neg. conf. Juxta nos enim efficacia gratiæ consistit partim quidem in speciali proportionem dispositionum ad actum liberum, partim verò in hoc, quod gratiæ substant scientiæ medicæ divinæ, vi cujus Deus prævidet hominem cooperaturum huic gratiæ.

Ad 4. trans. M. quæ videtur esse neganda in communi sententia Recentiorum. neg. m. quoad eam partem, quod non sit impedibile, vel dist. m. Illud decretum essentialiter infert actum connectione præscientiæ, c. connexionem Physicam, neg. m. Deus enim cum sciat habere se infinita media salvandi hominem, potest à priori facere decretum infallibile salvandi hunc hominem, licet interim efficacia executionis non dependeat à causa aliqua Physica necessitante ad actum, sed ad præscientiam mediam.

Ad 5. neg. ant. Quod existet talis declaratio, vel dist. non omne essentialiter inferens actum mediante præscientia tollit libertatem, c. mediante causalitate Physica, neg. ant.

## QUÆSTIO VIII.

### *In quo consistant habitus?*

**H**abitus definitur esse qualitas difficulter mobilis, nata ex actibus frequentatis, & inclinans ad actus consimiles. Dicitur difficulter mobilis, quia difficulter amittitur, aut acquiritur.

Habitus dividitur in naturalem, & supernaturalem. Naturalis est dispositio ad genus actionis à natura indita. Acquisitus verò est dispositio orta



ex actibus libere positis, & hinc in brutis non dicuntur esse habitus acquisiti, quamquam possit esse quæstio de nomine.

Habitus *naturalis*, qui inclinatur ad actus naturales, habitus verò *supernaturalis*, est facultas eliciendi actus supernaturales. vel saltem tendentes ad finem supernaturalem. De his omnibus quæritur, an hi habitus consistant in qualitate distincta ab actibus, speciebus rememorativis, & impressionibus vel organicis, vel mentalibus.

2 Dico 1. *Habitus tam naturales, quam supernaturales formaliter consistunt in qualitate distincta.* Prob. con. si debet dari radix per se exigitiva actuum ab habitu provenientium, tunc debet dari aliqua qualitas per se effectiva horum actuum: Sed; ergo. M. pat. quia nec species rememorativæ, nec impressiones per se, ac formaliter ordinantur ad seriem actuum consimilium, eo quòd sint unum totum per accidens. m. prob. quotiescunque in natura datur aliquis effectus stabilis, tunc etiam debet dari principium per se formaliter exigitivum talium effectuum: Sed circa habitus dantur effectus stabiles; ergo. M. pat. tam ab inductione à posteriori, quàm etiam à priori, in quantum conveniens est effectum intendi à natura, qui regulariter contingit in bonum naturæ.

3 Dico 2. *Habitus materialiter consistunt in impressionibus, vestigiis, ac speciebus rememorativis ad actus consimiles disponentibus.* Prob. Concl. si ex viribus, & numero talium dispositionum regulariter consequuntur actus consimiles, tunc habitus materialiter in his consistunt: Sed; ergo. m. pat. ab experientia, quoniam dispositiones fortius trahunt, eo voluntas regulariter sequitur. hinc si species vivacius repræsentant Bonum, si sapius idem proponunt, si objectum dulcius allicit, eo ipso fortius inclinatur voluntas.

4 Dico 3. *Habitus crescunt, vel decrescunt secundum vires, aut numerum dispositionum materialium.* Prob. Concl. ab experientia. qualitas enim in qua habitus consistit nullas habet vires sine dispositione materiali. universim autem circa augmentum, aut decrementum habituum tantum attendi debet ad illa principia. 1. Spiritus relegendi nota vestigia. 2. Quæ semel sunt conjuncta semper manent conjuncta. 3. Quæ junguntur cum dissimilibus, aut disparatis, dissinguntur pariter inter se, ab his enim principiis dependet regimen omnium habituum.

5 Dico 4. *Habitus supernaturales plerumque dantur sine dispositione materiali, & ideo fit, ut habitus supernaturales tantum dent posse, non autem facile posse.* Prob. Concl. partim ab experientia, partim à ratione. Habitus supernaturales simpliciter tantum tribuunt ordinem ad finem supernaturalem: Sed ille ordo potest dari sine dispositione materiali; ergo. m. pat. quia potest dari ordo ad effectum remotissi-

mum, saltem ex ordinatione Dei licet adhuc dentur paucæ dispositiones. M. prob. non potest formari ullus alius conveniens conceptus habituum supernaturalium. Nec aliter possunt explicari proprietates horum habituum; ergo. ant. prob. de habitibus supernaturalibus dicitur, quòd infundantur cum gratia justificante habitus omnium virtutum. Evidens autem est, quòd non infundatur facilitas omnium virtutum; ergo ad summum infunditur aliquis ordo, ad merendum finem supernaturalem per actus virtutum, si qui fortè eliciantur.

Dico 5. *Habitus distinguuntur vel à diversitate dispositionum materialium, vel à diversitate objectorum non coordinatorum, aut subordinatorum inter se.* Prob. Concl. quia dispositiones materiales habituum habent se respectivè, sicut diversæ potentia sensitivæ circa actus sensuum. quando verò sine dispositione materiali datur præcisè ordo ad effectus, & actus consimiles, tunc diversitas habituum dependet à diversitate ordinis, ac radices exigitivæ, in quo proin casu attendi debet diversitas objectorum.

## Solvuntur Objectiones.

Obj. 1. contra primam. Nulla est necessitas qualitatis distinctæ; ergo non datur. ant. prob. habitus speciebus rememorativis rite coordinatis, & aliis dispositionibus habetur facilitas eliciendi actus consimiles; ergo.

2. Non potest ostendi causa productiva hujus qualitatis; ergo non datur. ant. prob. non potest dici, quòd producat per unicum actum, nec poterit dici, quòd producat per actus frequentatos; ergo. ant. prob. unicus actus non differt ab aliis, & ultimus non est majoris virtutis quàm primus; ergo. neque etiam actus frequentati concurrunt ad illius productionem, quia major pars horum actuum non amplius existit.

3. Voluntas non potest inclinari à tali qualitate incognita, sed tantum inclinatur à bonitate objecti cognita; ergo facilitas habituum potius consistit in actibus frequentatis, & speciebus rememorativis.

Resp. ad 1. neg. ant. contrarium patet ex probationibus.

Ad 2. neg. ant. & dico: Habitum produci ab impressionibus in cerebro relictis, quamprimum enim incipiunt tales dispositiones, ut natura possit exigere actus consimiles, tunc sine alio conatu mentis resultat aliquis ordo ad actus consimiles, qui sua sponte inclinatur voluntatem, aut aliam potentiam.

Ad 3. dist. ant. Voluntas non potest inclinari à tali qualitate per se, trans. ant. per accidens, neg. ant. dico enim illam qualitatem efficere consimilem excitationem specierum, & per hoc inclinare potentiam ad actus consimiles.



# METAPHYSICA.

Metaphysica vocatur illa scientia, quæ traditur post Physicam. Ejus objectum ab Aristotele ponitur *Ens in ratione entis*, id est, omnia entia, Deus, Angeli, animæ, mundus, in quantum sunt ac existunt. Per hoc ergo Metaphysica distinguitur à Physica, quod Physica hæc omnia entia consideret, in quantum sunt principium motus seu mutationum; Metaphysica verò consideret eadem entia secundum sua prædicta intrinseca, abstrahendo ab eorum operatione vel mutatione.

## QUÆSTIO I.

### *Æssentia & existentia distinguantur?*

**1** Per æssentiam hîc intelligitur qualibet perfectio sive substantialis, sive accidentalis, prout abstrahit ab actuali existentia. Thomistæ volunt, quod æssentia distinguatur realiter ab existentia; Scotistæ verò, quod solum distinguatur formaliter ex natura rei.

**2** Dico. *Æssentia & existentia non distinguuntur realiter, neque formaliter ex natura rei, sed tantum distinctione rationis ratiocinata. Ita Recentiores communiter.*

Prob. Concl. 1. Si daretur hæc distinctio, tunc multiplicarentur entia sine necessitate: Hoc non potest dici; ergo. *M. prob.* si sine tali distinctione potest explicari natura æssentiæ, tunc ponendo distinctionem multiplicarentur entia sine necessitate: Sed; ergo. *m. prob.* intellecta præcisè æssentia rei creatæ ut connotante in obliquo actionem productivam intelligitur existentia; & intellectâ eadem æssentiâ ut non connotante actionem productivam intelligitur pura æssentia rei: Sed tali modo explicatur natura æssentiæ & existentia; ergo.

**3** Prob. 2. Si æssentia jam per se intrinsecè & seclusa omni alia forma est aliquid reale actu positum extra suas causas, & distinctum à nihilo, tunc nulla est necessitas existentia distinctæ: Sed; ergo. *m. prob.* si æssentia rei per se & intrinsecè non esset aliquid reale distinctum à nihilo, aut positum extra causas tunc esset purum nihil: Sed hoc est falsum; ergo. *M. patet*, quia non datur medium inter nihil, & inter id, quod est aliquid. *m. prob.* implicat, ut id, quod in se est purum nihil, fiat formaliter aliquid per entitatem à se distinctam; ergo. Prob. eadem *m. 2.* Si æssentiæ rerum secundum se forent nihil, aut certè secundum se non haberent existentiam, tunc per se non essent minus nihil, quam fuerint ante suam productionem: Sed hoc est in terminis absurdum; ergo. Prob. rursus ea. *m. 3.* Si æssentiæ non forent secundum se aliquid, tunc etiam non essent activæ secundum se: Sed hoc est falsum; ergo. *m. patet*, quia non sola existentia est operativa, sed æssentia habens existentiam; alioquin sicut entia creata habent eandem existentiam, ita etiam haberent eandem operationem. *M. prob.* nullius entis nulla est actio aut passio; ergo.

**4** Prob. 3. Si existentia esset forma realiter distincta ab æssentia tunc vel afficeret æssentiam intrinsecè ei in hærendo vel tantum extrinsecè eandem denominando? Neutrum potest dici; ergo. *m. prob.* si existentia tantum denominaret extrinsecè æssentiam, tunc haberet se sicut visio ad murum, aut amor ad Deum: Hoc est falsum; ergo. *m. prob.* existentia debet immutare æssentiam eam transferendo è statu nihili ad statum creatum, quod non facit visio in muro, aut amor in Deo amato: si verò dicatur.

*R.D. Enseb. Amore Philosophia.*

tur existentiam in hære æssentiæ, eamque afficere intrinsecè, tunc eo ipso æssentia ut condistincta ab existentia est secundum se ens actuale: Hoc non potest dici; ergo. *M. prob.* id, quod est purum nihil, non potest esse subiectum Physicum alterius formæ realiter à se distinctæ. Dein vel esset subiectum receptivum, vel sustentativum? non sustentativum, quia est impossibile existere causam per suum effectum, qualiter tamen æssentia deberet esse causa existentia, si esset subiectum sustentativum, neque receptivum; aliàs omnes istæ formæ, nempe existentia independentes à subiecto creative conservarentur, quod est falsum.

Prob. 4. Si existentia v. g. hominis est distincta ab æssentia hominis, tunc vel illa existentia hominis habet aliquam æssentiam secundum se, vel nullam? si nullam, tunc existentia nullum etiam habet conceptum objectivum; nec est aliqua perfectio, neque erit aliquid possibile. Si verò ipsa existentia habet aliquam æssentiam ac definibilitatem, tunc vel æssentia existentia possibilis distinguitur ab existentia existentia actualis, vel non distinguitur? Neutrum potest dici; ergo. *m. prob.* Si illa existentia non distinguitur à sua æssentia, tunc eo ipso datur aliqua æssentia possibilis non distincta ab existentia actuali; & eo ipso corrumpunt omnia argumenta Adversariorum. Si verò distinguitur existentia existentia ab ipsa existentia, tunc proceditur in infinitum, eo quod illa existentia existentia iterum fuerit aliquando possibilis &c.

## Solvuntur Objectiones.

*Obj. 1.* Potest dici, quod existentia sit formalis sui determinatio ad existendum; ergo non indiget alia existentia ad sui activationem. ant. prob. à pari: modi Recentiorum v. g. unio aut actio sunt taliter formalis sui determinatio, ut non indigeant alia unione ad sui unionem, aut actione ad sui productionem; ergo etiam poterit dici, quod existentia rei sit formale determinativum, quod non determinatur à Deo ad existendum; sed quo determinatur cætera.

**2.** Potest dici: quod existentia non sit ens *in quo* sed *in quo* tantum. quo nempe mediante æssentia sit; ergo non indiget ulla actione productiva ad sui productionem.

*Resp.* ad 1. tr. ant. neg. conf. quia existentia illa, utique formaliter determinet ad existendum, tamen erat aliquando simpliciter possibilis, adeoque respectu illius producant omnia argumenta Adversariorum, prout videbimus.

Ad 2. tr. ant. neg. conf. Quia, etiam si existentia se habeat *in quo*, verum tamen est, quod non fuerit ab æterno; maximè cum existentia creata & increata tantum convenient analogice juxta Thomistas. Quod verò additur de modis, non probat paritatem inter existentiam & modos, quia modi nullam dicunt indifferentiam ad id, ad quod determinantur,

M m m 2

etiam



etiam in suo formali conceptu; econtrà existentia etiam in suo formali conceptu dicit indifferentiam ad existendum vel non existendum, eo ipso, quod non sit necessàriò ab æterno.

- 8 *Obj. 2.* Illa realiter distinguuntur, de quibus ante omnem operationem intellectus verificantur contradictoria: Sed de essentia & existentia verificantur; ergo. *m. prob.* ab inductione. Essentia Petri est æterna, existentia Petri non est æterna. Essentia Petri est necessaria & independens à Deo, existentia Petri est dependens à Deo & non necessaria. Essentia Petri est objectum verificativum propositionis æternæ veritatis: Existentia Petri non est tale verificativum. Essentia Petri non est Deo libera, existentia Petri est Deo libera. Essentia Petri non est donum Dei, existentia Petri est donum Dei. Essentia Petri non est participata à Deo & irrecepta, existentia verò est participata ac recepta à Deo; ergo.

*Resp. neg. ant. ad prob. dist. 2. memb.* existentia actualis, non est necessaria, æterna &c. *c. ant.* existentia possibilis, *neg. ant.* vel sic: *dist. 1. memb.* Essentia possibilis, est necessaria, *c. ant.* essentia actualis, *neg. ant.* quando loquimur de essentia vel existentia, possumus utramque considerare in duplici statu; nempe in statu possibilitatis & in statu actuali: si considerentur in statu possibilitatis de utraque verum est, quod sit æterna, necessaria &c: si verò considerentur in statu actuali, de utraque verum erit, quod sint contingentes, participata &c, hoc solum observandum est, quod utraque in statu possibilitatis considerata simpliciter vocetur essentia; utraque verò in statu actuali considerata vocetur existentia, & prædicta contradictoria cadunt quidem super eandem rem, sed in diverso statu consideratam.

*Resp. 2.* Retorquendo circa ipsam existentiam; essentia enim existentia est æterna, non participata, non libera Deo; econtrà existentia existentia est contingens, participata, ac libera Deo.

*Resp. 3. dist. ant.* essentia est æterna &c. secundum statum conditionatum, *c. ant.* secundum statum absolutum, *neg. ant.* sensus est: quod v. g. essentia hominis, supposito, quod existat, semper ab æterno, & in æternum sit futura ejusdem naturæ, adeoque sub conditione, quod existat æternum sibi similis.

- 9 *Obj. 3.* Separabilitas est evidens signum distinctionis realis: Sed inter essentiam & existentiam datur separabilitas; ergo. *m. prob.* 1. mortuo vel destructo aliquo ente perit existentia & manet essentia.

2. Essentia Petri hodie eadem est, quæ fuit heri: existentia non est eadem, quia fortè non est, aut certè nova est.

3. Accidentia Eucharistia post consecrationem habent eandem essentiam, non tamen eandem existentiam; prius enim habuerunt existentiam dependentem à subjecto substantiali, postea habent independentem.

4. Objectum verificativum formale hujus propositionis: *Antichristus est homo.* Est separabile ab objecto verificativo hujus propositionis: *Antichristus existit.* Sed verificativum prioris propositionis est essentia; posterioris verò existentia; ergo.

5. In reproductione rerum producit nova existentia, & tamen non producit nova essentia; ergo.

*Resp. c. M. dist. m.* Inter existentiam actualem & essentiam possibilem datur separabilitas, *c. m.* inter existentiam actualem & essentiam actualem, *neg. m.* vel sic: datur separabilitas inter existentiam possibilem & essentiam actualem, *c. m.* inter existentiam possibilem & inter essentiam possibilem, *neg. m.* sicut enim existentia possibilis non distinguitur ab essentia possibili, ita etiam existentia actualis non est separabilis ab existentia actuali. Ad prob. 1. idem *Resp. dist. ant.* mortuo homine perit existentia actualis, *c. ant.* possibilis, *neg. ant.*

Ad 2. *neg. ant.* absolute; sicut enim non est alia essentia, ita neque est alia existentia.

Ad 3. & 4. idem *Resp. dist. ant.* objectum verificativum in statu possibilitatis est separabile ab altero objecto verificativo, *c. ant.* objectum verificativum formale in statu actuali consideratum, *neg. ant.*

Ad 5. *dist. ant.* Non producit nova essentia novitate specifica, *c. ant.* novitate actionis aut durationis, *neg. ant.* existentia tantum ideo dicitur nova, quia essentia comparata ad actionem productivam etiam potest dici nova. Cæterum retorqueo in essentia existentia; sic enim argutor: si destructa existentia ignis perit existentia existentia & manet essentia existentia, tunc datur separabilitas inter existentiam & essentiam existentia: Sed; ergo.

*Obj. 4.* Quidquid est indifferens, debet determinari per aliquid superadditum; & ubicunque datur nova denominatio, debet dari nova pars: Sed essentia rei creatæ est indifferens ad existendum vel non existendum; & actuata existentia Petri datur nova denominatio; ergo.

2. Quidquid est indifferens ad esse tale vel non esse tale, non determinatur ad esse tale per se ipsum; sed essentia rei creatæ est indifferens ad esse existentem, vel non existendum; ergo. *M. prob.* implicat indifferens, quæ sit determinatio sui ipsius.

*Resp. 1.* Retorquendo utrumque argumentum in essentia existentia, quæ est indifferens ad existendum, vel non existendum, quin determinetur ad existendum per existentiam sibi superadditam.

*Resp. 2. dist. M.* quod est indifferens, debet determinari per aliquid superadditum formaliter à se distinctum, *tr. M.* realiter à se distinctum, *neg. M.* transeat ergo, quod prædicatum existentia & reliqua prædicata sint formaliter in suo conceptu distincta, licet unum nunquam possit concipi sine altero, nego tamen, has perfectiones inter se esse separabiles, & ideo in nostro systemate nego illas esse distinctas.

Ad 2. *dist. M.* Non determinatur per se ipsum formaliter, *tr. M.* realiter, *neg. M.* sensus distinctionis patet ex data explicatione.

*Resp. 3. dist. m.* Essentia possibilis est indifferens ad existendum vel non existendum, *c. m.* essentia actualis, *neg. m.* quodocunque enim essentia est indifferens ad existendum, tunc etiam ipsa existentia est indifferens ad existendum, & in hoc casu nequidem formaliter distinguuntur essentia & existentia, sed fundarent eundem conceptum objectivum in ordine ad diversos status ac connotata.

*Obj. 5.* Quod potest negari de altero, distinguitur ab il-



ab illo: Sed existentia potest negari de essentia; ergo. *m. prob. 1.* vera est hæc propositio: *Antichristus non existit.* Sed sic negatur existentia de essentia; ergo. *m. prob.* nomine Antichristi intelligitur ejus essentia.

2. Vera est ista propositio: essentia ut in statu essentiali non est existentia ut in statu existentiali; ergo.

3. Polle existere non est actu existere: Sed polle existere refertur ad essentiam, actu existere ad existentiam; ergo.

14 *Resp. c. M. neg. m. ad 1. prob. c. M. dist. m.* essentia possibilis negatur de existentia actuali, *c. m.* essentia actualis, *neg. m.*

*Ad 2. c. M. dist. m.* negatur existentia de essentia possibili, *c. m.* de actuali, *neg. m.* idem *Resp. ad 3.* sensus distinctionis patet ex prædictis.

15 *Obj. 6.* Cuilibet creaturæ accedit existentia: Sed id, quod accedit, non est identificatum cum eo, cui accedit; ergo.

2. Dum existentia essentiae supervenit, aliquid de novo accedit essentiae, & sit aliquid novum in rerum natura; ergo aliud est essentia, aliud existentia.

3. Potens videre & non videre non est sua visio; ergo potens esse & non esse non est suum esse: Atqui essentia est potens esse & non esse; existentia vero est esse; ergo essentia non est existentia.

4. In conceptu definitivo rei ponitur tota quidditas, essentia & substantia rei: Sed in nullius rei definitione ponitur existentia; ergo existentia non est de essentia.

5. Existentia rei creatæ per aliud nihil habetur quam per ejus actionem productivam: Sed actio productiva distinguitur ab essentia.

16 *Resp. ad 1. dist. M.* cuilibet creaturæ possibili accedit existentia possibilis, *neg. M.* actualis, *c. M.* vel sic: accedit existentia per modum accidentis Metaphysici, *c. M.* per modum accidentis Physici, *neg. M.* sic enim animalitati accedit rationalitas, quin rationalitas realiter distinguitur ab animalitate.

*Ad 2. dist. ant.* Essentiae possibili aliquid de novo accedit, *c. ant.* actuali, *neg. ant.* nempe accedit essentiae possibili essentia actualis seu existentia. hinc fit aliquid novum respectu essentiae possibilis, non tamen respectu essentiae actualis.

*Ad 3. c. ant. & conf. dist.* subsumptum; ergo essentia possibilis non est existentia, *c. essentia actualis, neg.*

*Ad 4. dist. M.* In definitione ponitur tota essentia Metaphysica, *c. M.* Physica, *neg. M.* per essentiam Metaphysicam intelligitur genus & differentia, quæ prædicata non exhaustiunt totam naturam rei realiter & physice consideratam; hinc etiam non est mirum, quod formaliter definitionem non ingrediatur existentia.

*Ad 5. neg. M. vel dist. M.* Existentia habetur per actionem productivam causaliter, *c. M.* formaliter, *neg. M.*

17 *Obj. 7.* Mundus nunc actu existens est idem cum mundo qui aliquando erat pure possibilis: Sed mundus pure possibilis non habet secum identificatam existentiam; ergo nec mundus nunc actu existens.

2. Si existentia est identificata cum essentia, tunc existentia est actus simpliciter infinitus: Hoc est falsum; ergo. *M. prob.* ens, quod neque est receptum, neque receptivum, est actus simpliciter illimitatus, adeoque infinitus: Sed existentia identificata cum essentia foret ens neque receptum, neque receptivum; ergo, *M.* est axioma saltem Thomisticum, *m. prob.*

existentia neque reciperet essentiam, neque reciperetur ab essentia; ergo,

*Resp. ad 1. dist. M.* Mundus nunc existens est idem cum mundo possibili formaliter, *c. M.* est realiter idem, *neg. M.* fundant quidem eundem conceptum hi duo mundi, sed non habent eandem entitatem.

*Ad 2. neg. M. ad prob. tr. M. neg. m.* ad hujus prob. *tr. ant. dist. conf.* ergo existentia nec foret recepta, nec receptiva respectu essentiae, *c. conf.* respectu perfectionum accidentalium, *neg. conf.* supposito enim, quod tota quidditas jam existat, debent tamen insuper recipi in substantia rei accidentia substantiae, adeoque existentia substantia est receptiva accidentium.

*Resp. 2. dist. M.* Ens nec receptum nec receptivum formaliter est actus illimitatus, *c. M.* est realiter illimitatus, *neg. M.* quamvis enim nos concipiamus existentiam ut irreceptam, tamen non sequitur, quod non sit recepta aut recipiens respectu alicujus compartis v. g. materiae aut accidentium, quæ realiter distinguuntur. Posset etiam dici: existentiam à nobis concipi ut receptam ab essentia ut proin nec formaliter sit actus illimitatus.

*Obj. 8.* Si existentia identificaretur cum essentia, tunc homo essentialiter existeret: Hoc est falsum; ergo. *m. patet*, quia solus Deus existit per suam essentiam, *M. prob.* essentialiter existere nihil aliud est, quam esse identificatam essentiam cum existentia; ergo.

2. De solo Deo verum est: ego sum, qui sum; ergo solus Deus habet secum identificatam existentiam.

*Resp. ad 1. neg. M. ad prob. neg. vel dist. ant.* essentialiter existere est habere identificatam existentiam etiam formaliter, *c. ant.* tantum realiter, *neg. ant.* Deus enim in suo formali conceptu dicitur existentiam, & ideo ejus essentia Metaphysica est etiam formaliter ipsum existere.

*Ad 2. c. ant. dist. conf.* ergo solus Deus habet etiam formaliter secum identificatam existentiam, *c. conf.* tantum realiter, *neg. conf.* vel sic; ergo solus Deus habet identificatam existentiam necessitate existendi, *c. conf.* necessitate identitatis, *neg. c.* solus Deus necessario quidem existit; sed quod ejus existentia necessario sit identificata cum essentia, hoc non soli Deo convenit, sed etiam creaturæ.

## QUÆSTIO II.

In quo consistant negationes?

**D**ico 1. Negationes non consistunt in aliquo ente positivo. Est contra Scotistas & aliquos Recentiores. *Prob. Concl. 1.* Si negationes consisterent in ente positivo, tunc vel esset aliquod ens strictè dictum, vel aliquod ens medium inter purum nihil & inter ens strictè dictum: Neutrum potest dici; ergo. *m. prob.* non sunt ens strictè dictum, quia ens non est negatio entis saltem sui ipsius; neque etiam sunt ens medium; quia quidquid simpliciter participat aliquam perfectionem divinam, & existentiam, est ens strictè dictum.

*Prob. 2.* Si negationes sunt vera entia realia, tunc defacto datur infinitum entium etiam categorematicum: Hoc est falsum; ergo. *m.* supponitur ex his, quæ dicta sunt de infinito, *M. prob.* negationes defacto sunt infinitæ, nempe negationes infinitarum creaturarum possibilium.

*Prob. 3.* Si negationes sunt ens positivum, tunc præter Deum datur aliquod ens ab æterno: Hoc est erroneum; ergo. *m.* supponitur, *M. prob.* negationes jam daban-



dabantur ab æterno; ergo si negationes sunt ens, etiam entia dabantur ab æterno.

- 4 Prob. 4. Antequam produceretur Petrus, datur negatio Petri; producto autem Petro destruitur negatio Petri, & mortuo Petro iterum datur negatio Petri. jam sic: mortuo Petro producitur nova negatio vel antiqua? Neutrum potest dici; ergo. *m. prob.* non producitur antiqua, quia reproductio ejusdem rei est naturaliter impossibilis; neque etiam producitur nova; alioquin debuisset dari negatio hujus ipsius negationis novæ, & sic procederetur in infinitum.

- 5 Dico 2. Negationes neque formaliter identificantur cum aliquo ente positivo seu creato seu increato.

Prob. Concl. 1. Si negationes incipiunt vel desinunt, quin formaliter incipiat aut desinat ens positivum, tunc non identificantur formaliter cum ente positivo: Sed; ergo. *m. prob.* per creationem mundi definit negatio mundi, & tamen non formaliter definit aliquod ens positivum; ergo.

- 6 Prob. 2. Si negationes identificarentur cum ente positivo tunc vel cum creato vel increato? Neutrum potest dici; ergo. *m. prob.* non cum creato, quia ab æterno dabatur negatio mundi, & tamen non dabatur ens positivum creatum; neque cum increato, quod probatur: multæ negationes denominant hominem malum, turpem, impium, cæcum, mortuum &c. sed id, quod denominat hominem, non formaliter identificatur cum ente increato; ergo. *m. prob.* impietas, cæcitas &c. non potest existere in Deo; ergo.

- 7 Prob. 3. Si negatio identificaretur cum decreto divino, nempe cum nolitio divina, tunc ideo, quia talis nolitio indispensabiliter excluderet positionem mundi. Hæc ratio nihil probat; ergo. *m. prob.* id, quod nolitio divina excludit est potius effectus nolitiois, quam ipsa nolitio; ergo negatio mundi non est ipsa nolitio mundi.

- 8 Prob. 4. Ex S. Augustino, qui negationes dicit esse purum nihil. Sic enim lib. 5. de gen. c. 5. ait: *Non enim fecisset Deus tenebras; dictum est enim, quoniam species ipsas fecit Deus. non privationes, que ad nihilum pertinent.* & c. 4. *ubi lux non est, tenebra sunt, non, quia sunt aliqua tenebra, sed ipsa lucis absentia dicuntur tenebra.* item l. 3. de lib. arbit. c. 8. *non esse non est aliquid sed nihil.*

## Solvuntur Objectiones.

- 9 Obj. 1. contra 2. Si negationes sunt verificativum propositionum, tunc sunt aliquod ens positivum: Sed; ergo. *M. patet;* quod enim nihil est, non potest esse verificativum propositionis. *m. prob.* quando dico: *alter mundus non existit:* propositio est vera, & negatio alterius mundi verificat hanc propositionem; ergo.

2. Si propositiones sunt indifferentes ad esse verum & non esse verum, tunc debent determinari per aliquid positivum: Sed propositiones negativæ sunt indifferentes; ergo.

3. Ab æterno verum fuit dicere: homo non est leo; ergo etiam verificativum debuit dari ab æterno.

- 10 Resp. ad 1. dist. M. Si negationes etiam formaliter sumptæ sunt verificativum, c. M. si tantum realiter sumptæ, neg. M. dico enim, negationes formaliter sumptas nequidem posse concipi, eo quod nihil sint; adeoque formaliter sumptæ nec sunt verifica-

tivum propositionum. Interim concipimus in omni negatione etiam aliquem modum essentialiter exclusivum entis, cujus datur negatio; modus ille exclusivus entis negati realiter reperitur vel in causa, vel in subiecto, vel in concomitantibus ad eam rem, quæ negatur.

Ad 2. dist. M. Debent propositiones determinari per aliquid positivum ex parte causæ vel subiecti, unde dependet negatio, c. M. ex parte ipsius negationis formaliter sumptæ, neg. M.

Ad 3. c. ant. dist. conf. ergo verificativum realiter sumptum debuit dari ab æterno, c. conf. formaliter sumptum, neg. conf. ab æterno negationes sicut nihil fuerunt, ita neque potuerunt concipi à Deo, ut sunt in se ipsis, sed tantum prout sunt in sua causa: ut D. Thomas asserit; Deus enim intelligendo se ipsum videt decreta sua essentialiter exclusiva eorum entium, quorum affirmatur negatio: simili modo Deus intuendo essentialiter suam videt exemplar naturæ humanæ diversum à naturæ leonis; & ideo videt etiam in natura humana modum essentialiter exclusivum cujuscunque alterius naturæ non humanæ. Dico proin negationem formaliter quidem non consistere in hoc modo positivo exclusivo, realiter tamen per negationem nihil aliud intelligi.

Obj. 2. Negationes possunt esse objecta sensuum, 11 phantasiæ, intellectus, & voluntatis; ergo non sunt purum nihil conf. patet, quia nihil non est objectum cognitionis aut voluntatis, ant. prob. imprimis quod sint objectum sensuum habetur ex Aristotele dicente, visionem esse lucis & tenebrarum; item ex umbris, quæ possunt videri & videntem terrere: Sed tenebræ & umbræ nihil sunt quam negatio.

2. Quod sint objectum phantasiæ, docet Tygris, dum ad cavernam rediens cognita absentia catulorum in furorem agitur.

3. Quod sint objectum intellectus sic prob. si in negationibus potest aliquid affirmari vel negari, tunc sunt cognoscibiles & objectum intellectus: Sed; ergo. *m. prob.* possum dicere: Chymæra est nihil: Negatio non est aliquid; ergo.

4. Quod sint objectum voluntatis ex eo ostenditur, quia conducunt ad felicitatem, sicut negatio peccati: possunt etiam amari; aut possunt retardare à felicitate, uti negatio gratiæ, ommissio Sacri. Sunt etiam odibiles, & Deus potest velle subtractionem bonorum, aut auxiliorum.

Resp. dist. M. Si sunt objecta sensuum etiam secundum id, quod dicunt formaliter, c. M. si tantum secundum id, quod dicunt realiter, neg. M. ut enim dixi, negationes formaliter sunt nihil, & ideo nec à Deo, nec ab Angelo possunt concipi, realiter verò sunt modus essentialiter exclusivus entis, cujus datur negatio; ille modus potest concipi, ubicunque datur. Hinc dico ad 1. in aëre videri aliquem modum exclusivum lucis seu rem habentem illum modum; licet fortè possit dici, umbram tantum esse tenuem lucem. Tygris apprehendit objecta habentia modum exclusivum suorum catulorum. Intellectus apprehendit modum entium exclusivum eantium. Idem facit voluntas mediante intellectu.

Obj. 3. Denominatio realis habet formam denominantem realem: Sed esse cæcum vel tenebrosum sunt denominationes reales; ergo. Atqui forma denominans cæcum est cæcitas, & forma denominans tenebrosum sunt tenebræ; ergo cæcitas & tenebræ sunt aliquid reale.



2. Quod incipit esse, realiter existit: Sed negationes incipiunt esse; ergo, *m. prob.* noctu incipit negatio lucis; ergo.

3. Quod perficit aliquod subjectum, existit realiter: Sed negationes nonnunquam perficiunt subjectum; ergo, *m. prob.* negatio doloris perficit corpus, negatio sexti digiti perficit manum.

14 *Resp.* ad 1. tr. M. dist. *m.* esse cæcum &c. sunt denominationes reales secundum id, quod dicunt realiter, c. *m.* formaliter, neg. *m.* dico enim, in hoc concreto cæcum dari tria. 1. Oculum. 2. Modum essentialiter exclusivum potentie visivæ. 3. Defectum potentie visivæ; defectus potentie visivæ est ipsa cæcitas formaliter sumpta: & eatenus cæcitas non potest concipi nec à Deo nec ab Angelo. secundum modum verò exclusivum potentie visivæ potest concipi cæcitas per modum formæ denominantis.

Ad 2. dist. M. Quod incipit esse etiam formaliter. tr. M. quod tantum realiter incipit, neg. M. vel sic: illud existit secundum id, quod habet realiter, c. M. quod habet formaliter, neg. M. in aere nunquam incipit negatio lucis, nisi in quantum incipit modus exclusivus lucis.

Ad 3. tr. M. dist. *m.* negationes perficiunt subjectum secundum id quod dicunt realiter, c. *m.* quod dicunt formaliter, neg. *m.* in quantum datur in corpore modus exclusivus morborum, in tantum perficitur corpus; non verò in quantum iste defectus morborum existit in corpore.

## QUÆSTIO III.

### In quonam consistat subsistentia?

1 IN quolibet ente præter gradus Metaphysicos & naturam specificam dicitur etiam dari subsistentia; quod ut intelligas, ponamus v. g. in homine aliquot ossa, quæ utique habent naturam osseam; quia verò natura ista ratione sui in mundo non habet finem, ideo quælibet ossa particularia ordinantur ad construendum aliquod Sceleton, neque subsistunt in seipsis, quasi ratione sui illis debeatur ultimatò existentia. Ulteriùs Sceleton seu systema ossium habet etiam naturam aliquam, ita tamen, ut hæc ipsa natura ordinetur ad aliud, nec subsistat in se ipsa; ordinatur enim ad constituendum corpus humanum; propterea Sceleton nondum habet subsistentiam. Ponamus jam integrum corpus humanum omnibus numeris absolutum cum omnibus suis formis parialibus; habebimus iterum integram aliquam naturam nempe naturam corporis humani, hæc tamen natura nondum habet subsistentiam; quia corpus ordinatur ulterius ad constituendum hominem. Ponamus denique jam hominem integrum corpus nempe & animam cum unionem, habebimus integram naturam humanam; si hæc natura potest ordinari ad constituendum aliud compositum tunc nequidem ista natura habebit subsistentiam in se; prout defacto contigit in Christo; si verò Deus non velit ulterius ordinare naturam humanam ad constituendum aliud compositum, tunc tandem dicitur naturam humanam habere subsistentiam, vi cuius subsistat in se ipsa, nec ordinetur ulterius.

2 2. Ex ista consideratione Philosophi intulerunt omnem naturam esse de se indifferentem ad subsistendum vel non subsistendum, eò quòd exemplum Christi demonstrat omnem naturam adhuc posse

ordinari ad unionem cum alio digniori se. *Quæ-* runt verò, an hoc sublativum indifferentiæ quo Deus permittit naturam in se subsistere, sit aliquid positivum. Plures volunt: subsistentiam nihil aliud esse, quàm ultimam existentiam. & hoc dicunt Thomistæ: Alii volunt subsistentiam esse puram negationem unionis cum alio digniori se. Modalistæ verò eandem constituunt in modo superaddito.

*Dico:* Subsistentia consistit in aliquo modo superaddito. *Prob.* Concluf. 1. ex ratione: Si subsistentia concipitur ut aliquid formaliter distinctum à natura, & hoc formaliter distinctum concipitur ut separabile à natura, tunc distinguitur: Sed; ergo. *m. prob.* concipiendo quæcumque naturam nondum concipio eandem subsistentem, & in natura humana v. g. Christi concipio eandem etiam ut separabilem imò actu separatam à natura humana; ergo. Hoc argumentum potest proponi variis modis v. g. 1. Si natura est indifferens ad subsistendum vel non subsistendum tunc debet dari aliud sublativum indifferentiæ: Sed; ergo. M. prob. si natura humana est indifferens ad subsistendum vel non subsistendum, tunc natura humana tamdiu non operabitur, donec Deus determinet, ut operetur: Sed tali modo debet dari sublativum indifferentiæ; ergo. *m. prob.* objectum hujus voluntatis divinæ non est natura, nec operatio naturæ; ergo aliquid determinativum reale ad operandum. aut. quoad 2. memb. prob. quodcumque in natura datur stabilis effectus, v. g. operatio naturæ, etiam debet dari stabile principium seu determinativum, tanquam objectum voluntatis divinæ; ergo sola operatio naturæ stabilis non est immediatum objectum voluntatis divinæ. 2. Ad hoc, ut concipiam naturam subsistentem, non sufficit, ut eam concipiam non unitam alteri, sed etiam, ut non amplius unibilem alteri: Sed hoc exclusivum unibilitatis est separabile à natura; ergo.

*Prob. 2.* Si Patres & Doctores concipiunt subsistentiam per modum entis distincti à natura, tunc præsumitur esse distincta: Sed; ergo. M. patet, quia præsumitur modum concipiendi esse conformem modo existendi. *m. prob.* si Patres & Doctores loquuntur de subsistentia eodem modo, quo modo loquuntur de aliis formis distinctis, tunc etiam concipiunt subsistentiam ut aliquid distinctum: Sed; ergo. M. patet, quia sensus propositionum desumitur ab usu vel earundem vel consimilium propositionum. *m. prob.* Patres & Doctores dicunt. 1. Verbum assumpsisse naturam humanam, non tamen personam humanam; assumpsisse verbum naturam, non tamen eandem assumpsisse hypostasin naturæ.

*Prob. 3.* auctoritate D. Thomæ, qui 1. p. q. 2. a. 3. § ait: In substantiis materialibus naturam & suppositum differre; in imaterialibus idem esse, quia nempe à materialibus est separabilis subsistentia, ab imaterialibus autem inseparabilis. 2. Idem 3. p. q. 2. a. 2. in Corp. ait: suppositum significatur ut totum habens naturam ut partem formalem & perfectivam sui: adeoque subsistentia per modum partis superadditæ constituit totum. 3. Idem 3. p. q. 16. a. 12. in Corp. ait: in Christo non esse personam causatam ex principiis humanæ naturæ, quia nempe subsistentia provenit à verbo. 4. Idem lib. 4. contra gent. c. 43. & 3. p. q. 4. a. 1. ad 3. docet: verbum non potuisse assumere naturam Angelicam aut



aut naturam hominis præexistentem sine corruptione personalitatis, quæ fuisset reperta in homine. Item 2. 2. ad 3. ait. Verbum assumpsisse personam hominis impediendo ejus personalitatem: Jam sic: si hic modus similis est aliis propositionibus, in quibus D. Thomas loquitur de rebus distinctis, tunc etiam in hac parte loquitur de rebus distinctis: Sed; ergo. *m.* posset probari ab inductione.

6<sup>a</sup> Prob. 4. Personalitas divina est adæquatè positiva & distincta à natura divina ad minimum formaliter; ergo etiam personalitas creata est aliquid distinctum realiter. *conf. prob.* personalitas creata & increata conveniunt inter se univocè in ratione personalitatis, nec aliunde ostenditur esse disparitatem nisi quod personalitas divina sit inseparabilis à natura divina, personalitas verò creata sit separabilis.

7<sup>a</sup> Prob. 5. Ex duobus entibus completis nequit fieri unum per se: Sed natura humana habens omnia sua constitutiva est aliquid ens completum; ergo nequit fieri unum totum per se theandricum; si ergo hoc sit, clarum est, naturam humanam nondum esse in se ipsa completam, adeoque non habere identificatam substantiam.

8<sup>a</sup> Prob. 6. Si substantia non distinguitur, tunc verbum assumpsisset totum hominem; Hoc est falsum; ergo. *m.* supponitur, quia verbum tantum assumpsit naturam humanam, non autem hominem, *M. prob.* verbum assumpsisset omnia constitutiva realia hominis; ergo.

2. Sequeretur naturam humanam naturaliter exigere negationem unionis hypostaticæ: Hoc est absurdum; ergo. *M. prob.* natura humana exigeret negationem unionis cum alio digniori se; ergo etiam exigeret negationem unionis hypostaticæ, *ant. prob.* natura humana in suo genere jam esset completa, adeoque exigeret negationem unionis cum alio digniori se.

3. Sequeretur eundem hominem habere plures substantias inter se diversissimas: Hoc est absurdum; ergo. *M. prob.* idem homo haberet negationem unionis cum Deo, & aliam negationem unionis cum Angelo, & aliam negationem cum Spiritu Sancto; ergo.

### Solvuntur Objectiones.

9<sup>a</sup> *Obj. 1.* Nulla est necessitas modi substantialis distincti; ergo. *ant. prob.* si esset aliqua necessitas, tunc ista, quod actiones juxta Philosophum sint suppositorum, aut quia substantia est ultimum naturæ complementum positivum; Sed ex his nulla datur necessitas; ergo. *m. prob.* antiqui Philosophi agnoverunt sufficiens operationum principium, etiam si non distinxerint suppositum à natura individuali; ergo. Dein privationes & negationes possunt aliquid complere; sicut privatio corporis naturalis in fieri & negatio impedimentorum complet causam ad operandum.

2. In eo consistit substantia naturæ creatæ, quo præcisè intellecto intelligitur natura subsistere, & quo non intellecto, non intelligitur natura subsistere; sed intellecta præcisè negatione unionis cum digniori se intelligitur natura subsistere; ergo. *m. prob.* per illud intelligitur natura subsistere, per quod intelligitur singularis per se subsistens & in-

communicabilis pluribus: Sed taliter intelligitur per negationem unionis cum digniori se; ergo. *M. prob.* ex ipsa definitione naturæ individuæ, lex personæ; definit enim Boëthius personam, esse rationalis naturæ individuam substantiam.

*Resp. ad 1. neg. M.* ad prob. neg. *M.* nos enim attulimus alias probationes. Dein actiones non tantum adscribuntur suppositis, sed etiam naturis; alioquin in Christo tantum daretur una operatio, quod pertinet ad errores Monothelitarum.

Ad 2. c. *M. neg. m.* ad prob. c. *M. neg.* vel dist. *m.* per negationem unionis sit natura incommunicabilis illative & logicè c. *m.* physicè, neg. *m.* negatio enim unionis est adhuc indifferens ad unionem cum digniore; ergo non ponit positivam incommunicabilitatem.

*Obj. 2.* Si substantia naturæ superadderet entitatem positivam, tunc vel esset substantia, vel accidens? Neutrum potest dici; ergo. *m. prob.* non esset accidens: quia esset complementum substantiæ. neque etiam est substantia, alioquin vel esset pars essentialis vel integralis? Neutrum potest dici; ergo. *m. prob.* ex symbolo Divi Athanasii, ex Conciliis & Patribus, ex quibus constat: verbum assumpsisse naturam humanam cum omnibus suis partibus essentialibus integralibus & proprietatibus naturalibus sine ulla diminutione; ergo si substantia foret pars naturæ humanæ, eam non assumendo Christus non assumpsisset omnes partes naturæ humanæ; assumpsisset naturam cum diminutione, nec esset totus homo ac perfectus sicut alii homines.

*Resp. c. M. neg. m. & dico:* substantiam esse substantiam ut quo seu constitutivum substantiæ quæ talis, ad prob. dico: substantiam esse partem integram naturæ, non tamen in ratione naturæ, sed in ratione subsistentis. Ad hujus prob. distinguo *ant. Patres dicunt:* verbum assumpsisse naturam humanam perfectam ac sine diminutione in ratione naturæ, c. *aut. in ratione subsistentis. neg. ant. contrarium enim patet ex ipsis textibus Patrum.*

*Obj. 3.* Divus Thomas substantiam constituit in negatione unionis cum alio digniori se; ergo. *ant. prob.* ex 3. p. 2. 2. ad 5. ubi ait: *dicendum,* quod hoc, quod facit conjunctum ex anima & corpore esse hominem, non est præter animam & corpus & unionem aliquid positivè; sed ex hoc ipso quod ipsum compositum ex anima & corpore non adjungatur alteri subsistenti in natura composita, sequitur, quod conjunctum sit homo; unde etiam si Christus humanam naturam, quam assumpsit, deponeret, ex hoc ipso esset illud conjunctum ex duabus substantiis. Idem opusc. 3. c. 40. In aliis hominibus unio animæ & corporis constituit hypostasim & suppositum, quia nihil aliud est præter hæc duo; in Christo autem præter animam & corpus advenit tertia substantia scilicet divinitas. Item 1. p. q. 2. 2. ad 3. humana natura non est persona, quia est assumpta à digniore scilicet verbo. item 3. p. q. 2. 2. ad 3. non quodlibet individuum in genere substantiæ etiam in natura rationali habet rationem personæ, sed solum id, quod per se existit, non autem illud, quod existit in perfectiori. Item 3. p. q. 4. 2. ad 2. naturæ assumptæ non deest propria personalitas propter defectum alicujus, quod ad perfectionem naturæ humanæ pertineat, sed propter additionem alicujus, quod est supra naturam humanam,



nam, quod est unio ad personam divinam. lib. 4. contra gent. c. 43. derogaretur perfectioni incarnationis, si aliquid eorum, quæ naturalia sunt, homini deesset. q. 9. de potent. a. 1. ad 4. substantia ideo dicitur subsistere, in quantum non est in alio. & lib. 1. contra gent. esse per se in substantia non videtur importare nisi negationem termini; dicitur enim ens per se per hoc, quod non est in alio.

Resp. dist. ant. Divus Thomas desumit subsistentiam à negatione unionis cum digniori se arguitive, c. ant. formaliter, neg. ant. vult enim D. Thomas ex negatione unionis semper legitime inferri posse subsistentiam naturæ non unitæ, licet subsistentia formaliter non consistat in illa negatione. Eodem modo distingo omnes textus v. g. substantia non videtur importare nisi negationem termini causaliter, c. formaliter, neg. vel sic: est negatio positiva, c. negativa, neg. negatio positiva est exclusiva unibilitatis.

## QUÆSTIO IV.

*An Deus possit demonstrari à posteriori?*

**1** **D**ico: *Potest Deus demonstrari à posteriori: id est, ex effectibus* Prob. Concluf. 1. ex Scriptura: Divus Paulus Rom. 1. dicit: *Quod notum est Dei, manifestum est in illis* (hominibus) *Deus enim illis manifestavit; invisibilia enim ejus à creatura mundi per ea, quæ facta sunt, intellecta conspiciuntur; sempiterna quoque ejus virtus & divinitas, ita, ut sint inexcusabiles.* Sap. 13. dicitur: *à magnitudine speciei & creatura cognoscibiliter poterit creator horum videri;* ergo Scriptura supponit Deum demonstrari posse ex effectibus. Hinc etiam D. Thomas lib. 1. contra gent. c. 12. sententiam oppositam, quæ licet Deum non neget, negat tamen eum demonstrari posse, vocat erroneam & manifestè falsam.

Prob. 2. Afferendo illa argumenta, quibus demonstratur Deus.

**2** **A**rgumentum 1. Cartesii: Evidens est me existere; ergo etiam evidens est Deum existere. Prob. conf. ego existens evidenter sum productus; ergo existit Deus. prob. conf. si sum productus tunc datur ens productum & eo ipso datur ens impro ductum: Sed ens impro ductum est Deus; ergo. M. prob. si datur ens productum vel est productum à se ipso vel ab alio? Neutrum potest dici; ergo. non à se ipso, quia nullum ens potest primo seipsum producere; si verò ab alio, vel est productum à producto vel ab impro ducto? si ab impro ducto datur Deus, si ab ente producto, quæritur, à quonam illud ens fuerit productum, si iterum ab alio, proceditur in infinitum, quod admitti non potest; tali enim modo nunquam invenitur causa productiva. Dein si omnibus Philosophis videtur evidens in causis per se non dari processum in infinitum: tunc etiam est evidens, circa productionem entium non dari processum in infinitum: Sed; ergo. Adverti autem, in causis per se à nullo Philosophorum admitti processum in infinitum; in his enim nec ipse Aristoteles, quanquam admiserit mundum esse ab æterno, admisit processum in infinitum, sed demonstravit primum motorem.

**3** **A**rgumentum 2. Mens humana certa est, quod cognoscat multas perfectiones, quas ipsa non habet, & quod tam ipsa quàm alia entia per singula momenta conserventur; ergo etiam certa est, quod

R. D. Euseb. Amori Philosophia.

tam ipsa quàm alia entia habeant existentiam ab alio ente. Prob. c. non datur alius modus continuandi existentiam contingentem, quæ potest esse & non esse: nisi illam haberent ab alio, quæcunque conservantur. Prob. conf. 2. Si entia non haberent existentiam ab alio, tunc darent sibi ipsi suam existentiam: Sed hoc non potest dici; ergo. m. prob. non potest idem esse conservans & conservatum; ergo. ant. prob. quia imprimis ista relativa inter se opponuntur; dein conservatio est iterata productio; sicut ergo nihil potest se producere, cum non sit prius se ipso, ita nihil poterit se conservare. Prob. conf. 3. si mens existentiam suam & perfectiones non haberet ab alio, tunc daret sibi omnes perfectiones, quas cognoscit & quas appetit: Sed hoc est falsum; ergo illas accipit ab alio.

**A**rgumentum 3. Datur materia prima; ergo datur Deus. ant. patet, quia nullus negat mundum ex quacunque demum materia seu Peripatetica seu Neotericorum coaluisse. conf. prob. materia prima non est à se sed ab alio; illud aliud est Deus; ergo. M. patet, quia materia nullam habet vim scriptam producendi. m. prob. materia nec potest esse ab aliquo corpore particulari, nec ab universa natura; ergo tantum provenit à voluntate alicujus entis infiniti. ant. prob. tam corpus quàm natura sunt tantum posteriora ipsa materiâ primâ; ergo materia non est producta ab ipsa natura. ant. patet, quia omne corpus constituitur ex materia.

**A**rgumentum 4. Datur ens necessarium: Sed ens necessarium est Deus; ergo datur Deus: m. patet, quia ens necessarium est ens incausatum, independens, adeoque infinite perfectum. M. prob. si non daretur ens necessarium, nullum omnino ens daretur, imò nec dari posset: Hoc est falsum; ergo. M. prob. si non daretur ens necessarium, tunc omne ens esset indifferens ad esse & non esse: Sed si hoc, tunc nullum ens daretur; ergo. m. prob. quod est indifferens ad esse & non esse non determinat se ipsum ad esse nisi determinetur ab alio. Prob. 2. prima M. si non datur ens necessarium, tunc omnia contingentia existunt: Hoc est falsum; ergo. m. prob. si omnia contingentia existerent, tunc possibile esset omnia redigi in statum, in quo omnino nihil existeret: Hoc est falsum; ergo. M. patet, quia nulla daretur necessitas existendi. m. prob. si aliquando omnino nihil existeret, tunc etiam aliquando foret possibile nihil existere: Hoc in terminis implicat; ergo. M. prob. si aliquando nihil existeret tunc ea quæ dicuntur possibilia, non possent produci & redigi in actum: Sed quæ nunquam possunt produci, eo ipso sunt impossibilia; ergo. M. patet, quia nihil unquam aliquid produceret.

**A**rgumentum 5. Debet dari ens summe & infinite perfectum: Sed ens summe & infinite perfectum est Deus; ergo. M. prob. possibile est ens summe & infinite perfectum; ergo datur ens summe & infinite perfectum. ant. patet, quia cuilibet enti desunt perfectiones non tot quin plures. conf. prob. si possibiles sunt perfectiones infinitæ tunc etiam sunt producibiles: Sed si sunt producibiles, eo ipso datur ens infinite perfectum; ergo. M. patet, quia possibile non est, quod produci non potest. m. prob. infinitæ perfectiones produci non possunt nisi ab ente perfecto; ergo.

**A**rgumentum 6. Mundus & singulæ ejus partes referunt opus intelligentiæ; ergo datur aliquod ens

N n n

sum.



summè intelligens & providum. ant. prob. mundus & omnes illius partes habent subordinationem providam, & fines sapientissimos; ergo referunt opus intelligentiæ. ant. prob. ab inductione omnium partium universi; sic enim motus astrorum ordinatissimus nullam patitur vicissitudinem sed motu æquabili designat tempora; in elementari mundo v. g. flumina serviunt irrigandis terris, & ut etiam partes remotiores possint attingere, per calorem resolvuntur in vapores & pluvias. Plantæ pascunt animalia & conservant eorum corpora. singulis plantis Deus indidit semina ad conservationem speciei. In singulis plantis & animalibus datur certa magnitudo & figura. Ante omnia verò mirabilis est structura interna corporis organici animalium, ubi omnia referuntur ad suos fines, qui non possunt ordinari nisi ab intellectu provido.

*Confirmatur 1.* Si hic mundus non esset opus intelligentiæ, tunc longè plura occurrerent monstraturæ & corpora inordinatissima: Hoc non fit; ergo. M. prob. in iis, quæ casu fiunt, inter mille combinationes vix una obtinet regularem situm.

*Confirmatur 2.* Si quis deportaretur in insulam, in qua videret ædificia, hortos, aut alia manuum humanarum opera, stultum foret illa attribuire casui, non requiringdo causam intellectualem; ergo & homo delatus in hunc mundum videns opera, quæ habent ordinatissimam dispositionem, non potest omnia adscribere nisi menti universali, omnia ordinanti ac disponenti.

8 *Argumentum 7.* Datur aliquis Legislator summus; ergo etiam datur Deus. ant. prob. datur naturale dictamen agnoscendi aliquem Legislatorem; ergo datur Legislator. ant. patet, quia homines etiam barbari verentur occidere v. g. Parentes, & agnoscunt esse illicitum occidere innocentem, conf. prob. natura illa quæ dicit legem naturalem est satis potens, quia est universalis, & operatur in mentibus omnium; est etiam provida, quia disponit homines ad vitam civilem; ergo eo ipso verum dicitur, cum nullam habeat rationem in hominibus imprimendi tam uniformiter errorem universalem.

*Confirmatur 1.* Evidens est existere remuneratorem hominum & vindicem: Sed hic est Deus; ergo. M. prob. evidens est, quod non sit perinde esse sceleratum ac esse probum, & à fortiori evidens, non esse meliorem conditionem hominis impii quam probi; ergo etiam evidens est dari remuneratorem. conf. prob. quia plerumque in hac vita particularis remuneratio saltem externa non est major in probis quam improbis.

*Confirmatur 2.* Repugnat lumini rationis generi humano ad rectè vivendum necessarium esse universalem errorem: Sed talis foret necessarius, si non existeret Deus; ergo. m. prob. non posset conservari societas humana nisi homines crederent esse Deum; ergo.

## Solvuntur Objectiones.

9 *Obj. 1.* Id, quod est evidens, non potest ab homine rationis compote negari: Sed existentia potest negari etiam à sapientibus; ergo. m. prob. multi etiam Docti negarunt existentiam Dei.

2. Si posset demonstrari Deus, tunc daretur aliqua demonstratio, quæ nullam pateretur commo-

dam solutionem: Sed talis de facto non datur; ergo. m. prob. partim ex responsionibus Atheorum, partim ab objectionibus infra offerendis. Hæc obiectio fuit Vanini Athei, qui in Italia docuit demonstrationes Dei hucusque allatas nullam habere vim demonstrandi Deum.

*Resp. ad 1. dist. M.* Quod est evidens evidentiâ distinctâ non potest ab homine negari, c. M. quod est evidens evidentiâ confusâ, neg. M. evidentiâ confusam voco, quæ provenit à dictamine rationis, quin tamen omnia demonstrationis membra in ordinem redacta sint; ut intellectus fiat imperturbabilis: cum igitur illa evidentiâ, quæ agnoscimus Deum, plerumque tantum sit naturalis, mirum non est, quod potuerit perturbari, & à sapientibus etiam negari.

*Resp. 2. dist. M.* Quod est evidens, non potest negari ab eo, qui habet demonstrationem, c. M. qui caret demonstratione, neg. M. multa Theoremata in Geometria sunt evidentiâ, quæ tamen negabuntur ab iis, qui vel demonstrationem nunquam habuerunt, vel non ritè penetrarunt. Idem contingit omnibus talibus Atheis.

*Resp. 3. dist. M.* Quod est evidens non potest negari à sapiente in quantum se reflectit ad demonstrationem quam habet, c. M. in quantum se non reflectit, neg. M. potest enim per objecta sensibilia maxime circa res ac quæstiones intricatas sic perturbari intellectus, ut non recordetur clarè ac distinctè totius demonstrationis, quam aliàs si ordinatè sumeret argumenta, haberet in promptu.

Ad 2. neg. m. Responsiones enim nullam habent probabilitatem, proat videbimus.

*Obj. 3.* Si Deus posset demonstrari ex creaturis tunc ex contingenti posset inferri ens necessarium: Hoc est falsum; ergo. m. prob. ex necessario non potest inferri contingens; ergo neque ex contingenti potest inferri necessarium.

2. Existentiâ contingentis non necessario est connexa cum ente necessario; ergo ex contingenti non potest inferri necessarium. ant. prob. ipsa existentia contingentis non est necessaria; ergo neque connexio entis contingentis cum ente necessario est necessaria.

*Resp. ad 1. dist. M.* Ex contingenti posset inferri necessarium conditionatè, c. M. absolute, neg. M. omne enim dum est, necesse est esse; ergo supposito, quod sit ex contingenti, quod est, poterit inferri ens necessarium.

Ad 2. dist. ant. Ens contingens non est connexum cum ente necessario absolute, tr. ant. conditionatè neg. ant. supposito enim, quod ens contingens sit, quia eatenus jam necessario est, etiam legitime inferatur dependentia entis contingentis ab ente necessario, quia illa dependentia est æternæ veritatis.

*Obj. 3.* Si Deus posset demonstrari, tunc non potest existentia Dei credi fide divina: Hoc est falsum; quia Paulus dicit: oportet credere Deum, quia est; ergo. M. prob. scientia & fides non possunt simul stare.

2. Non datur proportio inter ens finitum & infinitum; ergo ex creaturis non potest demonstrari Deus.

*Resp. ad 1. neg. M.* ad prob. neg. ant. & suppositum ex Logica.

Ad 2. dist.



Ad 2. dist. ant. Non datur proportio perfectio-  
num, c. ant. non datur proportio causalitatis & de-  
pendentiae, neg. ant.

13 *Obj. 4.* Si daretur Deus, tunc eo ipso daretur in-  
finitum bonum: Hoc non datur; ergo, *m. prob.* si  
daretur infinitum bonum, tunc esset summe communi-  
cativum sui: Hoc non potest dici; ergo, *m. prob.* si  
esset summe communicativum, tunc non darentur  
tot mala in mundo.

2. Si daretur Deus, tunc daretur etiam Providen-  
tia: Hæc non datur; ergo, *m. prob.* Deus in hoc  
mundo non punit impios & sinit opprimi bonos.

3. Si daretur Deus, tunc esset summe potens:  
Hoc non est; ergo, *m. prob.* si esset summe potens,  
tunc non permetteret tam innumeras suas offensas,  
nec permetteret per tot annorum millia tantam  
potestatem spiritibus reprobis; ergo.

14 *Resp. ad 1. c. M. neg. m. ad prob. c. M. neg. m.*  
ad hujus prob. dist. ant. non darentur tot mala ex  
intentione, c. ant. ex permissione, neg. ant. univer-  
sim omnia mala tantum proveniunt ex peccato vel  
Angelorum vel hominum; cum enim creaturæ il-  
læ habeant libertatem se ipsas separandi à bono, de-  
cuit bonitatem divinam creaturas illas sic possibiles  
condere, & decuit Justitiam separationem contin-  
gentem à bono, quam Deus non fecit, permissione  
malorum plectere.

Ad 2. c. M. neg. *m. ad prob. dist. ant. permit-*  
tit hoc Deus sic exigente Justitia, c. ant. ex defectu  
bonitatis, neg. ant. dum enim ex peccato originali  
omnes ad massam damnationis pertineant, eo ipso  
etiam justum est, ut omnes homines suis actionibus  
ac voluntatibus permittat, ex quo necesse est conse-  
qui bonorum oppressionem; quidquid Deus boni-  
tatis impertitur, jam id ultra meritum totius dam-  
natæ massæ est.

Ad 3. c. M. neg. *m. ad prob. dist. m. summe*  
potens non toleraret tot sui injurias si exinde pate-  
retur aliquod detrimentum intrinsicum, c. M. si  
tantum exinde habeat occasionem exercendi Justi-  
tiam. neg. M.

## QUÆSTIO V.

*An existentia Dei possit demonstrari  
permisso processu in infinitum?*

Supposito, quod mundus existeret ab æterno,  
sicque in serie causarum procederetur in infi-  
nitum, queritur tamen, an non obstante tali hypo-  
thesi adhuc posset demonstrari Deus. Notandum  
tamen est, hunc processum non ita permitti in data  
hypothesi, ut in ipsa hypothesi jam inventiatur cau-  
sa sufficiens singulorum entium in particulari;  
quod nempe ignis A. pro causa adæquata sufficien-  
te habeat ignem B. & ille ignem C. &c. sed tantum  
permittitur processus in infinitum, abstrahendo, an  
in illa serie infinita causarum quælibet causa habeat  
adæquatam sufficientiam ad producendum suum  
effectum, an verò illam sufficientiam habeat ab ali-  
quo ente reperibili extra infinitam collectionem  
causarum.

2 *Dico: Potest Deus demonstrari etiam permisso pro-*  
cessu in infinitum. Prob. Concl. Si permisso pro-  
cessu in infinitum datur infinita collectio causa-  
rum, quæ nondum habet adæquatam sufficientiam  
R. D. Euseb. Amore Philosophia.

ad existendum, tunc eo ipso adhuc demonstratur  
Deus; Sed; ergo, M. patet, quia in tali hypothese  
necessariò deberet recurri ad aliquam causam uni-  
versalem, quæ non continetur in infinita serie cau-  
sarum naturalium, prob. *m. quoad 1. membr.* quod  
nempe daretur infinita collectio: si infinitum à par-  
te ante jam est actu positum, tunc eo ipso daretur  
infinita collectio: Sed; ergo, M. prob. partes actu  
positæ live existant actu live non existant actu, pos-  
sunt æquivalere infinito existenti actu; ergo etiam  
possunt sumi collectivè. ant. prob. si v. g. singulis  
durationibus à parte ante infinitis fuisset productus  
tantum unus pulvisculus, tunc jam actu existe-  
rent infiniti pulvisculi, qui utique possent sumi col-  
lectivè; ergo quælibet infinita series à parte ante æ-  
quivaleret infinito categorematico actu. Prob. 2.  
memb. quod nempe illa infinita collectio non ha-  
beat adæquatam sufficientiam ad existendum: si sin-  
gula collectionis membra nullam habent sufficien-  
tiam ad existentiam à se ipsis, tunc neque tota infi-  
nita collectio habet illam sufficientiam adæquatam:  
Sed; ergo, *m. prob.* omnia collectionis membra  
omnem suam existentiam, entitatem, adeoque  
etiam sufficientiam habent ab alio; ergo à se ipsis  
nullam habent sufficientiam ad existendum ne qui-  
dem inadæquatam. Prob. etiam M. prioris Syllo-  
gismi. 1. à pari: quando v. g. infinitæ lampades  
distributivè sumptæ non habent ignem, tunc neque  
tota infinita collectio lampadum habet ignem, sed  
indiget accendi ab alio igne; ergo si singulæ crea-  
turæ nullam habent sufficientiam ad existendum,  
tunc etiam tota infinita collectio non habet illam  
sufficientiam. Similiter si singula mendicabula  
non habent obolum, tunc neque infinitus exercitus  
mendicabulorum habebit obolum; ergo idem est  
de creaturis non habentibus seorsim sufficientiam  
ad existendum. Prob. M. 2. ratione: collectio  
plurium entium non ponit novum prædicatum,  
sed tantum addit prædicata prius existentia; ergo si  
sufficientia ad existendum non reperitur in singulis  
creaturis, tunc ex additione infinita nulla creatura  
ponitur sufficiens ad existendum. Argumentum  
hoc potest & solet proponi aliis variis modis v. g.  
si singula individua infinitæ collectionis sunt con-  
tingentia, tunc etiam tota collectio est contingens:  
Sed; ergo, verum omnia talia argumenta redeunt  
in idem.

## Solvuntur Objectiones.

*Obj. 1.* Potest dici: adæquatam sufficientiam ad  
existendum reperiri in natura seu in individuis va-  
gè sumptis; ergo in infinita collectione omnium  
entium datur adæquata sufficientia ad existendum.  
ant. prob. potest dici: collectionem infinitam en-  
tium finitorum ex se ipsa habere possibilitatem.  
nec dari possibilitatem entis infiniti, à quo possit  
produci; ergo collectio infinita entium finitorum  
habet ex se ipsa necessitatem existendi, cons. prob.  
si non haberet necessitatem ex se ipsa, tunc omnino  
foret impossibilis, eo quod non possit produci ab al-  
lio: Hoc est in terminis falsum; ergo.

2. Potest dici: quod adæquata sufficientia ad exi-  
stendum vel necessitas existendi reperitur in omni-  
bus individuis disjunctivè sumptis; ergo non est  
necessarium, ut singula individua determinatè  
sumpta habeant à se sufficientiam ad existendum.



ant. prob. si daretur infinita collectio calamorum vel oculorum, necessitas quæ datur in tota collectione, tantum reperitur in singulis disjunctivè sumptis; ergo idem potest dici de creaturis.

4. *Resp.* ad 1. neg. ant. ad prob. imprimis nego, possibile esse tale infinitum, quod tantum transmittitur pro hypothese. Dein si etiam daretur, non sequitur ens possibile habere ex se sufficientiam ad existendum, eo ipso quod inter entia possiblea reperitur possibilitas causæ primæ, à qua possunt produci reliqua entia finita.

Ad 2. neg. ant. ad prob. c. ant. neg. conf. & parit. disparitas est, quia necessitas, quæ reperitur in calamo ad scribendum, nunquam debet determinata esse in uno calamo, sed sufficit determinatio extrinseca; in ipsa enim actuali inscriptione verum est, hunc calamus determinatè non esse necessarium. Econtrà existentia debet esse determinatum quid & intrinsecum in quolibet ente actu existente. Dein invertito paritatem: si calamus tantum est disjunctivè necessarius, tunc in infinita collectione calamorum nullus calamus poterit se ipsum determinare ad scribendum, sed indiget determinatione alicujus hominis; ergo etiam disjunctiva necessitas ad existendum in creaturis non potest determinari ab aliqua creatura sed ab ente increato.

5. *Obj.* 2. Si in singulis infinitæ collectionis individuis reperitur sufficientia inadæquata ad existendum, tunc eo ipso infinita collectio habet adæquatam sufficientiam ad existendum: Sed; ergo. *m.* prob. si singula individua possunt communicare suam existentiam & sufficientiam ad existendum alicui suo effectui, tunc habent saltem inadæquatam sufficientiam ad existendum: Sed; ergo.

2. Permissio processu in infinitum eo ipso singulis effectibus assignatur sua causa; ergo non est recurrendum ad aliquod ens infinitum.

3. Si infinita collectio produceretur ab alio ente tunc eo ipso deveniretur aliquando ad primam aliquam creaturam, quæ non esset producta ab alia creatura. Hoc non potest dici; ergo. *m.* prob. qui permittit processum in infinitum, eo ipso non admittit primam aliquam creaturam, quin sit producta ab alia creatura; ergo.

6. *Resp.* ad 1. tr. M. neg. *m.* ad prob. dist. M. Habent inadæquatam sufficientiam, si illam sufficientiam quam communicant effectui, habeant à se ipsis, c. M. si non habeant à se ipsis neg. M. ostensum enim est, omnem causam esse causatam ab alia, adeoque etiam omnem sufficientiam ad existendum haberi ab alio.

Ad 2. dist. ant. Singulis effectibus assignatur causa abstrahendo tamen, an sufficientia causandi sit ab aliquo intra vel extra collectionem, c. ant. simul permittendo, quod causa illa habeat sufficientiam ab aliquo intra collectionem, neg. ant. si enim aliquando permetteretur Adversarius causam vel à se ipsa vel ab alia creatura habere omnem sufficientiam ad existendum, cessaret questio.

Ad 3. neg. M. eo ipso enim, quod collectio sit infinita nunquam daretur primum, ac proin in illa hypothese impossibili collectionis infinitæ Deus sic produceret totam collectionem infinitam, ut nunquam deveniretur ad primum. *Resp.* 2. dist. M. deveniretur ad primum respectu Dei tale, tr. M. quoad nos tale, neg. M. sicut infinitum à finito non potest pertransiri, ita quoad nos nunquam daretur pri-

um; licet interim Deus, qui est infinitus, pertransiendo infinitum inveniret tale infinitum clausum terminis, adeoque etiam posset determinari primum. *Resp.* 3. tr. M. neg. *m.* ad prob. dist. ant. qui permittit processum simul permittit quamlibet creaturam produci ab alia directè, c. ant. permittit hoc reflexè, neg. ant. Dico proin, quod hunc processum in infinitum taliter permittamus, ut facta aliquantula reflexione supra illius statum eo ipso destruatut totus ille processus directè transmissus; & hoc contingit in omni hypothese, quæ destruit se ipsam; v. g. si alicui permitterem possibilitatem montis sine valle; ac dein vellem indagare naturam talis montis, reflexè, cognoscerem talem montem, revera non esse montem, idem contingit de processu in infinitum.

*Obj.* 3. Series infinita causarum & effectuum non potest sumi collectivè; ergo corrumpit totum nostrum argumentum, quo dicimus, omnia entia simul sumpta, id est, collectivè sumpta non habere sufficientiam ad existendum. prob. ant. si in infinito semper est aliquid extrà accipere, tunc infinita series non potest sumi collectivè: Sed; ergo. 2. Nostrum argumentum procedit à sensu distributivo ad collectivum: Sed ista argumentatio non est bona; ergo. M. patet, quia ex eo, quod singula entia non habeant sufficientiam ad existendum, inferimus, quod tota collectio non habeat sufficientiam ad existendum. *m.* prob. falsæ sunt hæc illationes quando dico: singulæ unitates non sunt quaternarius; ergo omnes hæc unitates non sunt quaternarius. Singulæ partes non sunt totum; ergo tota collectio partium non est totum. Singuli homines habent unam animam; ergo tota collectio hominum habet unam animam. Singuli milites in exercitu sunt insufficientes ad obinendam victoriam; ergo etiam tota collectio militum est insufficientis.

*Resp.* ad 1. neg. vel dist. ant. infinita series non potest sumi collectivè veritate absoluta, c. ant. conditionata, neg. ant. sicut enim uno absurdo dato sequitur alterum, ita uno impossibili concesso sequitur alterum. Processus in infinitum est aliquid absurdum & impossibile: hoc tamen concesso sequitur etiam alterum impossibile, quod nempe infinitum sumi possit collectivè.

Ad 2. c. M. neg. *m.* ad prob. c. ant. neg. conf. disparitas est, quia in priori acceptione additur aliquid præexistens ad præexistens, ubi verò ex neutra parte aliquid præexistit, nihil potest addi per collectionem plurium. Hinc *Resp.* 2. tr. M. dist. *m.* argumentatio à sensu distributivo ad collectivum non est bona, ubi aliquid additur ex collectione plurium, c. *m.* ubi nihil additur, neg. *m.*

*Obj.* 4. Potest dici: infinitam collectionem accidentium habere sufficientiam ad existendum, etiam si singula entia non habeant talem sufficientiam; ergo. prob. ant. potest dici: quod infinita instantia à parte antè non supponant aliud instans ante se, etiam si singula instantia supponant aliud instans ante se; ergo à pari possunt etiam infinita entia habere sufficientiam, quin singula entia habeant illam sufficientiam.

2. Potest dici: quod entia aliqua ex infinita collectione producant se mutuo, & quod illa reliquis tribuant sufficientiam ad existendum; ergo. ant. prob. non implicat mutua naturæ prioritas etiam



etiam in genere Physico v. g. inter materiam & formam, quæ sunt sibi invicem causæ.

10 *Resp.* ad 1. neg. ant. ad prob. tr. ant. neg. conf. disparitas est, quia instantia sibi invicem addita augent quantitatem continuam temporis; plura vero entia insufficientia ad existendum non augent sufficientiam, quam nullam habent.

Ad 2. neg. ant. ad prob. dist. ant. Potest dari mutua prioritas in genere causæ materialis & formalis, tr. ant. in genere causæ efficientis subd. datur mutua prioritas existentia aliunde dependentis, c. ant. independentis, neg. ant. supposito, quod darentur aliqua causæ primæ finitæ. quarum una exigeret existentiam alterius vi essentia suæ, non tamen posset dare existentiam alteri independentem ab aliquo ente, quod est extra collectionem talium causarum; quod nempe vi essentia habeat à se adæquatam sufficientiam ad existendum. neque potest concipi, ut nondum habens existentiam, nequidem inadæquatam, exigat existentiam alterius rei.

## QUÆSTIO VI.

*An Deus possit demonstrari à priori, vel quasi à priori?*

1 **A** Priori Deus demonstrari diceretur, si posset demonstrari existentia alicujus perfectionis prioris ad essentiam divinam; sive deinde illa esset prior prioritate reali sive Logica, Prioritate reali aliqua perfectio diceretur esse prior, si aliqua perfectio esset naturæ prior ad essentiam divinam; sic natura Solis est prior ad naturam lucis quamvis sint simul tempore: prioritate Logica diceretur aliqua perfectio esse prior, si secundum nostrum modum concipiendi vel loquendi aliqua perfectio esset prior ad essentiam divinam, si nempe essentia divina primum inferretur ex alia perfectione; sic v. g. potentia intellectiva in homine inferretur ex ipsa natura animæ rationalis. Demonstrari quasi à priori Deus diceretur, si evidenter notum esset existere aliquod prædicatum cum Deo convertibile, quin existentia illius prædicati inferretur ex existentia creaturarum. Sic si Deus demonstraretur ex eo, quod detur aliquid æternum, & dari aliquid æternum non demonstraretur ex creaturis. eo ipso demonstraretur existentia Dei per aliquod prædicatum convertibile cum Deo, adeoque quasi à priori.

2 *Dico: Deus nequidem potest demonstrari quasi à priori, multo minus à priori.* Prob. Conclus. Quia nullum potest afferri argumentum taliter demonstrativum quasi à priori.

## Solvuntur Objectiones.

3 *Obj. 1.* Argumentum Perezii. Nullum bonum est chymæra: Sed ens carens omni defectu est bonum; ergo ens carens omni defectu (id est Deus) non est chymæra: Atqui si ens carens omni defectu non est chymæra, eo ipso necessario exi-

stitit; ergo existit Deus. ant. subsumpt. prob. ens carens omni defectu haberet maximum defectum, si non haberet existentiam; ergo eo ipso, quod careat omni defectu, non caret existentia.

*Resp.* dist. M. Nullum reale bonum est chymæra, c. M. nullum bonum intentionale, neg. M. vel subd. nullum bonum absolute positum, c. M. tantum conditionate positum, neg. M. verum quidem est, quod ens carens omni defectu, supposito, quod existat extra intellectum, neque sit chymæra, neque careat existentia: Sed hoc non est per se notum; quod ens carens omni defectu non sit aliquid fictum in intellectu.

*Resp. 2.* dist. M. Nullum bonum est chymæra impossibilitate intrinseca, c. M. extrinseca, neg. M. impossibilitas intrinseca dicit repugnantiam terminorum, quam forte non habet ens carens omni defectu; sed non est à priori notum, quod omne id, quod in se nullam dicit contradictionem, etiam nullam dicat impossibilitatem extrinsecam, vel ob defectum causæ productivæ, vel ob defectum determinativi ad existendum.

*Obj. 2.* Argumentum ejusdem: nihil est imperfectum ex eo, quod non pervenit ad hoc, ut sit chymæra: est tamen aliquid imperfectum ex eo, quod non pervenit ad hoc, ut sit optimum; ergo ens optimum seu habens omnes perfectiones non est chymæra.

*Resp.* dist. conf. Ens optimum non est chymæra impossibilitate intrinseca, c. conf. impossibilitate extrinseca, neg. conf. ad summum probatur, ens optimum seu habens omnes perfectiones nullam dicere contradictionem terminorum; licet propterea evidens non sit, ens illud optimum vel ex se ipso habere determinativum ad existendum vel habere aliam causam.

*Obj. 3.* Argumentum P. Spiznagl. carentia omnis imperfectionis non est impossibilis; ergo existit. Atqui carentia omnis imperfectionis est Deus; ergo existit Deus. Prima consequentia est certa; si enim talis carentia non existeret, manifestè esset chymæra; quia esset carentia, & non esset carentia omnis imperfectionis. Esset talis carentia, ut ponitur; & non esset talis carentia, quia haberet defectum existentia, qui defectus esset utique imperfectio: pariter est evidens quod carentia omnis imperfectionis sit Deus, seu ens absolute optimum, & simpliciter infinite perfectum; quia, si non esset tale ens, hoc ipso iterum esset & non esset carentia omnis imperfectionis; esset, ut ponitur: non esset, quia haberet defectum alicujus boni, & quia esset limitata in perfectione, quod est habere imperfectionem. Prob. ergo ant. 1. quidquid in suo essentiali conceptu necessario involvit aliquam imperfectionem, non potest verè esse carentia omnis imperfectionis: Sed omne impossibile in suo essentiali conceptu involvit aliquam imperfectionem; ergo nullum impossibile potest verè esse carentia imperfectionis; ergo per legitimam conversionem esse carentiam omnis imperfectionis non est impossibile.

Prob. ant. 2. Si carentia omnis imperfectionis est impossibilis, tunc est carentia omnis imperfectionis & non est: Hoc implicat; ergo carentia omnis imperfectionis non est impossibilis. prob. M.



impossibilitas est maxima imperfectio; ergo si carentia omnis imperfectio est impossibilis, habet maximam imperfectioem, & consequenter non est carentia omnis imperfectioem.

Prob. ant. 3. Nulla imperfectio potest verè à se excludere omnem imperfectioem: Sed omne impossibile est aliqua imperfectio; ergo nullum impossibile potest à se verè excludere omnem imperfectioem.

6 *Resp.* imprimis retorquendo argumentum: Nulla imperfectio est verè creatura perfectissima: Sed impossibile est aliqua imperfectio; ergo nullum impossibile est verè creatura perfecta; ergo per legitimam conversionem creatura perfectissima non est aliquid impossibile: & sic demonstrari posset possibilem esse negationem omnis negationis, & Mystrium Sanctissimæ Trinitatis.

*Resp.* 2. dist. ant. Carentia omnis imperfectioem non est impossibilis formaliter ac intrinsecè, tr. ant. realiter, neg. ant. etiam si enim carentia imperfectioem in suo conceptu non dicat contradictionem, non tamen propterea habebit determinativum ad existendum. Deinde non est ex terminis evidens, quòd formaliter in conceptu non possint fingi etiam chymæra, adeoque etiam chymæra in conceptu formaliter non dicat contradictionem, quia est aliquid possibile formaliter.

7 *Obj.* 4. Argumentum P. Joachimi Kreitmaj, qui in suis Theſibus nititur destruere suppositum Athei, quòd omne ens essentialiter ac necessariò sit imperfectum, hoc medio: Implicat omne ens possibile esse imperfectum; ergo necessariò aliquid est possibile non imperfectum, adeoque infinite perfectum. prob. ant. quidquid est imperfectum, evidenter ideo est imperfectum, quia caret aliqua perfectione absolute & in se possibili; ergo evidenter falsum est, quòd omne ens possibile sit imperfectum; M. patet, quia evidens est nullum ens ideo esse imperfectum, quia non est chymæra. m. prob. quia evidenter falsum est, ultra omne ens possibile seu ultra omnem perfectionem possibilem esse aliquam perfectionem possibilem, quòd tamen fieri deberet, si omne ens possibile careret aliqua perfectione possibili,

*Resp.* dist. ant. Omne ens possibile collectivè sumptum non est imperfectum, tr. ant. distributivè sumptum, neg. ant. & suppositum, quòd possit sumi collectivè; nunquam enim in infinito entium finitorum reperietur aliquid ens infinite perfectum, licet fortè in illo cumulo infinito darentur divisi omnes perfectiones posibles.

8 *Dices* 1. Si infinita possiblea non possunt sumi collectivè, tunc etiam permissio processu in infinitum non poterit Deus demonstrari: Hoc est falsum ex præcedente quæstione; ergo. M. prob. argumentum illud non stringit nisi supponamus seriem infinitam à parte antè sumi posse collectivè; ergo.

*Resp.* neg. M. ad prob. tr. ant. neg. conf. & paritatem; series enim à parte antè si existisset posset sumi collectivè, quia jam actu foret posita; infinitum verò entium possibilem nunquam posset sumi collectivè, quia nunquam actu foret ponendum.

9 *Dices* 2. De tota collectione impossibili potest absolute demonstrari, quòd sit imperfecta: Sed de collectione entium possibilem non potest demonstrari quòd sit imperfecta; ergo non est impossibilis,

*Resp.* tr. M. dist. m. non potest hoc demonstrari quoad impossibilitatem formalem, c. m. realem, neg. m. totum discrimen entium possibilem & impossibilem quantum à priori notum est, solum versatur in conceptibus, nec demonstratur hoc discrimen, quòd formaliter reperitur in conceptibus, verificativè & realiter reperiri à parte rei.

*Dices* 3. Saltem omnia possiblea distributivè sumpta sunt imperfecta; ergo adhuc datur existentia entis infinite perfecti; adeoque etiam si omnia possiblea non possint sumi collectivè, adhuc tamen potest demonstrari existentia Dei. ant. patet 6. prob. si singula sunt imperfecta, tunc evidenter debet esse possibilis adæquata & univoca ratio, ob cujus negationem singula sunt imperfecta: Sed adæquata ratio, ob cujus negationem singula sunt imperfecta, non potest esse ens imperfectum; ergo. m. patet, quia id, ob cujus defectum alia omnia sunt imperfecta, non potest esse imperfectum, alioquin haberet defectum sui ipsius.

*Resp.* c. ant. neg. conf. ad prob. neg. M. potest enim dici, quòd singula sunt imperfecta; quia habent defectum plurimarum perfectionum, ac diversissimarum, quarum tamen singula sunt finita; & contrarium non est per se à priori notum. *Resp.* 2. tr. M. neg. m. fortè enim univoca illa ratio, ob quam omnia sunt imperfecta, est tantum ratio bonitatis aut perfectionis, finita tamen.

*Obj.* 5. Argumentum aliorum quorundam Recentiorum, Vel datur aliqua veritas, vel non datur? Neutrum potest dici; ergo datur veritas. m. prob. si dicatur dari veritatem habetur intentum; si verò dicatur, non dari veritatem, eo ipso datur hæc veritas, quòd non detur veritas. Jam sic; vel illa veritas est imperfecta, vel infinite perfecta? si infinite perfecta, est Deus, si imperfecta, tunc ideo, quia habet negationem ulterioris perfectionis possibilem; de hac iterum redit quæstio, an sit infinite imperfecta, vel perfecta? & sic in infinitum: Sed hoc non potest dici; ergo. m. prob. si omnes veritates in infinitum sunt imperfectæ, tunc tota collectio est imperfecta: Sed hoc est falsum; ergo. m. prob. quia collectio perfectionum possibilem non habet carentiam alicujus perfectionis possibilem. Alii hoc argumentum aliter proponunt dicendo: dari principia per se nota v. g. quòd idem non possit simul esse & non esse; adeoque debeat dari verificativum, & sic posito verificativo ponitur aliud, usque dum deveniatur ad verificativum quòd est infinitum. Alii verò dicunt sic: datur aliquid possibile; possibile debet habere causam productivam; ergo ultimò debet dari causa productiva omnium possibilem, quæ est Deus.

*Resp.* neg. M. Si enim dicam, me hoc nescire, nihil dicam contra id, quòd evidenter & à priori notum est; sicut etiam aliqui Scepticorum actu negarunt, quòd sciant, an detur veritas. *Resp.* tr. M. & m. neg. m. subsumpt. dico enim veritatem possibilem esse aliquid finitum, ad prob. dist. ant. implicat, ut omnes veritates posibles collectivè sumptæ sint imperfectæ, tr. ant. ut distributivè sumptæ sint imperfectæ, neg. ant. & suppositum, quòd omnia possiblea possint sumi collectivè. *Resp.* 3. transmissio toto argumento nego suppositum, quòd hæc demonstratio sit quasi à priori; eo ipso enim, quòd hoc argumentum ab existentia entis finiti procedat, ad existentiam entis infiniti, potest dici, quòd argumentum sit quasi



sit quasi à posteriori. Nec obstat, quòd existentia entis finiti quasi à priori nota sit; ad summum enim sequitur, existentiam entis finiti posse demonstrari quasi à priori, non verò, quòd existentia entis infiniti possit immediate demonstrari quasi à priori nullam supponendo existentiam entis finiti; aut certè ultimatò quæstio foret de nomine. Hæc ultima Responsio optima est, quia ultro admitto, existentiam Dei esse notam per se, videlicet ex solo lumine naturali, sine ulla probatione; sed cum talis notitia Dei fundetur in hac ipsa evidentia luminis naturalis, hanc notitiam voco demonstrationem Dei à posteriori, seu ex re creata.

## QUÆSTIO VII.

### An Deus sit infinite perfectus?

1 Dico 1. *Eo ipso, quòd sit à se, Deum esse etiam infinite perfectum.* Prob. Concl. Si Deus est à se, tunc ipse nullam habet causam sui efficientem, sed ipse est causa omnium; ergo est infinite perfectus, prob. conf. id, quòd nullam habet causam, non potest esse limitatum ab alio; ergo eo ipso habet omnes perfectiones, & tribuit omnes perfectiones suis effectibus.

2 Prob. 2. Si Deus non esset infinite perfectus tunc vel ideo, quia non posset aut non vellet sibi dare omnes perfectiones? Neutrum potest dici; ergo. non secundum, quia nulla est ratio unam perfectionem sibi denegandi; nec primum, quia potentia entis necessarii à nullo restringitur. Alii probant ex eo infinitas perfectiones Dei, quia ens necessarium non potest esse objectum odii aut displicentiae, adeoque habet omnem perfectionem sine ullo defectu. ant. probant ex eo, quia nulla potest dari ratio, ut aliquis velit illud non existere per displicentiam, quòd existit necessariò; sed hæc argumentatio non videtur habere vim, quia posset prudenter displicere malum etiam necessarium.

3 Dico 2. *Deus tantum est unus.* Prob. Conclus. Quæ aliunde est certa ex Scriptura, à ratione sic: non datur determinativum in ente necessario ad sui multiplicationem; ergo implicat plures esse Deos. prob. ant. si ens necessarium sibi ipsi est sufficiens & habet in se omnes perfectiones, tunc non datur determinativum ad sui multiplicationem; Sed; ergo. m. fuit ostensa in præcedente conclusione.

4 Prob. 2. Si darentur plures Dii, tunc haberent aliquod distinctivum, quòd, dum reperitur in uno, non reperiretur in altero: Sed hoc est impossibile; ergo. m. prob. illud distinctivum esset aliqua perfectio: Sed implicat aliquam perfectionem reperiri in uno Deo, quæ non reperiretur in altero; ergo. m. prob. quia Deus est ens infinite perfectum.

5 Prob. 3. Ponamus præter Deum nostrum dari adhuc alium Deum nostrum per omnia simillimum infinite felicem, liberum, creatorem & dominatorem universi &c., vel erit alter ille Deus subiectus voluntati Dei nostri vel non? si est subiectus, non est Deus; si verò non est subiectus, tunc ob æqualitatem potentiae poterit voluntate sua impedire decreta alterius Dei; sicque unus Deus dependebit à libero arbitrio alterius, quòd est absurdum.

6 Dico 3. Deus est substantia simplicissima omnis compositionis ex partibus realiter distinctis expers. Conclusio, quæ pariter ex Concilio Lateranensi est de fide, prob. ratione sic: quòd componitur ex par-

tibus realiter distinctis necessariò est imperfectum; Sed implicat Deum esse imperfectum; ergo. prob. M. totum quòd componitur ex partibus, necessariò continet imperfectiones suarum partium; ergo est imperfectum; quòd autem partes sint imperfectæ, constat ex eo, quia una pars est limitata & non continet perfectionem alterius partis v. g. oculus non est auris &c.

Dico 4. *Deus est purissimus spiritus, incorporeus & omnis materia expers.* Prob. Concl. Omne corporeum habet partes: Deus verò non habet partes ut conclusione tertia probatum est; ergo.

Dico 5. *Deus est propriè æternus & immortalis.* 8 Prob. Concl. Æternitas est existentiae duratio permanens ac independens tota simul, sine omni successione & effluxu ex præterito in præsens ad futurum: Sed talis duratio convenit Deo; ergo. m. prob. successiva duratio in iis tantum rebus locum habet, quæ patiuntur mutationem aut suarum partium aut totius: Sed in Deo non datur talis mutatio; ergo. Porro ex hac ipsa immutabilitate sequitur Deum esse immortalem.

Dico 6. *Deus est immutabilis.* Prob. Conclus. 1. 9 Deus non habet partes; ergo est immutabilis. conf. patet, quia omnis mutatio vel est mutatio totius, quæ non convenit Deo, cum sit immortalis; vel est mutatio partium, quas non habet.

Prob. 2. Si Deus esset mutabilis, tunc vel illi deesset aliqua perfectio vel per mutationem decederet aliqua perfectio: Hoc non potest dici; ergo. m. prob. quia Deus essentialiter habet omnes perfectiones, adeoque sine ulla novitate partium. Hinc etiam infertur à Philosophis, Deum esse purissimum actum, in quo nulla datur potentialitas, quæ indigeat redigi in actum, quia omnis transitus e potentia ad actum est aliqua mutatio,

Dico 7. *Deus est omnipotens & omniscius.* Prob. 10 Concl. Si non esset omnipotens aut omniscius, tunc possibilis esset major perfectio, quàm illa, quæ reperitur in Deo: Hoc non potest dici; ergo. m. prob. quia Deus est determinativum sui ipsius necessarium ad omnem perfectionem possibilem, eo quòd sit omnium causa.

Dico 8. *Deus est immensus & consequenter ubique.* 11 Prob. Concl. Si non esset immensus tunc posset mutari nempe de loco in locum, & daretur in Deo potentialitas redigibilis in actum: Sed hoc est falsum; ergo.

Prob. 2. Esse immensum nihil aliud est quàm esse essentialiter ubique, ubicunque datur loci differentia aut res existens: Sed ibi datur Deus; ergo. m. prob. ubi datur effectus etiam debet dari causa; ergo. Hinc essentia Dei dicitur intime omnia penetrare, sic ut omnia sint nuda & aperta oculis ejus.

Dico 9. *Deus est optimus, veracissimus, sanctissimus &c.* Prob. Concl. Si Deo deesset aliqua hujusmodi perfectionum, tunc eo ipso possibilis esset major perfectio, quæ non daretur in Deo: Hoc est impossibile ex præmissis; ergo.

## Solvuntur Objectiones.

Obj. 1. contra 1. Concl. Essentia Angeli nullam habet causam limitantem, nequidem ipsum Deum, & tamen illa essentia est limitata; ergo etiam si Deus sit ens à se non limitatum ab alio, poterit tamen esse limitatus ex sua essentia.

Resp. tr. ant. dist. c. ergo Deus poterit esse limitatus si ipse



si ipsius essentia exigat limitari, prout exigit essentia Angeli, c. conf. secus, neg. conf. quando concipimus essentiam Angeli, jam concipimus finitum quid; dum verò concipimus essentiam Dei, jam concipimus aliquid indefinitum, quòd à parte rei necessàriò est infinitum, si non limitatur ab alio.

- 14 *Obj. 2. contra 2.* Deus est infinitum bonum; Sed omne bonum est communicativum & quidem infinito modo, si est bonum infinitum; ergo etiam Deus est infinito modo communicativus sui: Atqui si non existerent plures Dii, non communicaret se Deus infinito modo; ergo.

2. Si unus Deus posset ratione naturali demonstrari, tunc Gentiles adeò experti in Philosophicis non constituisent tantam Deorum multitudinem: Sed; ergo.

*Resp. ad 1. dist. m.* Omne bonum est communicativum sui pro capacitate recipientis, c. m. ultra illam capacitatem, neg. m. quidquid enim recipitur per modum recipientis recipitur; adeoque si impossibile sit, creaturam esse illimitatam, Deus non poterit se communicare creaturæ suæ modo illimitato seu infinito.

*Ad 2. dist. M.* Non constituisent tantam Deorum summorum multitudinem, c. M. secundariorum & subordinatorum, neg. M. omnes enim ferè Gentes agnoverunt inter suos Deos aliquem summum, & idèò, quoad hoc, quòd detur unus summus Deus, conveniunt omnes nationes, quamvis illi summo Deo subordinarint seu intelligentias quasdam nempe Angelos, aut Heroes quosdam, iisque indiderint nomen Dei; ut ostendit Cicero de nat. deor. S. Aug. de civ. Dei & Lactantius.

- 15 *Obj. 3. contra 3.* Omne agens agit sibi simile; ergo si effectus Dei est compositus, etiam causa erit composita: Atqui effectus Dei sunt compositi; ergo.

2. In Scriptura dicitur Deus habere oculos, dexteram; ergo habet partes.

*Resp. ad 1. dist. ant.* Omne agens agit sibi simile assimilatione analogica, c. ant. assimilatione univoca, subd. univocatione ipsarum perfectionum simplicium, tr. ant. univocatione totius & modi existentialis, neg. ant. Dico enim, causam, quæ unitivè plures continet perfectiones, easdem communicare posse divisim, sicque status ille divisus ipsarum perfectionum constituet totum dissimile toti.

*Ad 2. dist. ant.* dicitur hoc metaphoricè, c. ant. propriè, neg. ant. quòd verò ibi sensus metaphoricus locum habeat ex eadem scriptura in plurimis locis patet, dum insinuat Deum esse purissimum spiritum omnia penetrantem, adeoque incorporeum & sine partibus.

- 16 *Obj. 4. contra 4.* Omnis duratio ex sua natura est divisibilis & successiva; ergo si Deo convenit aliqua duratio, eo ipso convenit successiva.

2. In Apocalypsi dicitur: qui est, qui erat, & qui venturus est; ergo de Deo prædicantur differentiae temporis.

3. Verum est dicere, quòd Deus longius duraverit hodie, quàm præterito sæculo.

- 17 *Resp. ad 1. dist. ant.* Omnis duratio creata est divisibilis, c. increata, neg. ant. increata enim duratio seu æternitas tantum convenit cum creata duratione analogicè, quin imò non est propriè duratio, sed esse tantum.

*Ad 2. tr. ant. dist. conf.* Deo conveniunt differen-

tiae temporum per coexistentiam, c. conf. per successionem, neg. conf. vel sic: conveniunt quoad nos, c. conf. quoad se, neg. conf. in quantum Deus coexistit omnibus temporibus, in tantum etiam dicitur à nobis fuisse, esse, & futurus esse; sed illa differentia potius versatur in nostro modo concipiendi, quàm successivo modo existendi.

*Ad 3. dist. ant.* Deus longius duravit hodie quàm heri quoad nos, tr. ant. quoad se, neg. ant. quin imò cum ista duratio videatur importare modum intrinsecum existendi per durationes successivas, simpliciter potest negari, quòd longius duraverit hodie quàm heri.

*Obj. 5. contra 5.* Deus in tempore creavit mundum & denominatur creator; ergo de novo accipit relationem ad mundum, adeoque est mutabilis.

2. Deus aliquando sciebat Christum nasciturum, antequam nasceretur. Sed de facto non amplius scit Christum esse nasciturum; ergo scientia Dei mutatur.

3. Gen. 6. dicitur: Deum pœnituisse, quòd creaverit hominem. & 1. Reg. 15. quòd constituerit Saul in Regem; ergo mutatur etiam quoad voluntatem.

4. Deus multa prædixit, quæ non evenerunt. Sic 4. Reg. 20. quòd Ezechias Rex statim esset moriturus. item Jonæ 3. quòd Ninive post 40. dies esset subvertenda; ergo aliqua decrevit, quæ postea noluit fieri mutato decreto.

5. Creaturæ existunt & non existunt per volitionem Dei; ergo sicut creaturæ transeunt ab esse ad non esse, ita etiam volitio Dei transit ab esse ad non esse.

6. Agens liberum mutare potest decretum suæ voluntatis: Sed Deus est agens liberum; ergo.

*Resp. ad 1. dist. conf.* ergo Deus de novo accipit relationem sibi extrinsecam, c. conf. intrinsecam, neg. conf. dico enim, Deum denominari creatorem partim denominatione intrinseca partim extrinseca; in quantum enim volitio creandi mundum ab æterno cum Deo identificata existit in Deo, eatenus relatio non est nova. In quantum verò objectum hujus volitionis æternæ incipit esse in tempore, in tantum aliquid extrinsecum respicit Deum novitate creaturæ non creatoris. Dico enim, creationem mundi non esse ita novam Deo quasi aliquod intervallum temporis intercesserit inter primam Dei existentiam & inter creationem mundi.

*Ad 2. c. ant. dist. conf.* ergo scientia Dei mutatur extrinsecè, c. conf. intrinsecè, neg. conf. Deus enim cui omnia sunt præsentia, etiam omnia intuetur ut præsentia; interim tamen videt Nativitatem v. g. Christi existere in revolutione v. g. solari quater millesima; hoc verò videre, quatenus Deus respicit Adamum, est videre aliquid futurum; idem verò videre, quatenus Deus respicit ad Antichristum, est videre aliquid præteritum.

*Ad 3. dist. ant.* dicitur Deum pœnituisse metaphoricè, c. ant. propriè, neg. ant. ut enim ait S. Augustinus, apud Deum pœnitere non est mutare voluntatem sed mutare effectus divinæ voluntatis.

*Ad 4. neg. ant.* Deus enim res prædicit non absolute sed conditionatè; & hinc non posita conditione non falsificatur præsagium.

*Ad 5.*



Ad 5. c. ant. neg. c. & suppositum, quod Deus velit aliquid non esse; Deus enim simpliciter vult res esse; & dum res non existunt, non vult eas esse, ita tamen, ut hæc differentia voluntatis tantum sit extrinseca respectu diversorum effectuum.

Ad 6. dist. M. agens liberum defectuosum potest mutare decretum, c. M. perfectum. neg. M. Deus enim sicut in unico instanti prævidet omnia, quæ aliquando est effecturus, ita etiam illo ipso decreto discernit in unico instanti omnia. Dein mutatio entis liberi tantum locum habet, ubi datur successio temporis, qualis tamen non datur in Deo.

20 Obj. 6. Si Deus est ubique, admittendum est, quod sit etiam in rebus vilissimis: Hoc est absurdum; ergo.

2. Si Deus est ubique, tunc etiam acquirit præsentiam in rebus, quæ recentere existunt; ergo est mutabilis.

Resp. ad 1. dist. M. Deus est in rebus vilissimis per operationem, c. M. per unionem localem, neg. M. unio localis ibi datur, ubi datur mutua actio & passio rerum sibi præsentium saltem aliqua nempe quoad motum localem, ubi verò tantum datur actio, nulla verò reactio, ibi non est absurdum admittere præsentiam Dei.

Ad 2. dist. M. Deus acquireret novam præsentiam novitate creaturæ, c. M. novitate creatoris, neg. M. creatura enim acquirit respectum novum ad Deum; Deus verò non acquirit respectum novum ad illam creaturam novam, quia Deo ab æterno sunt omnia præsentia, præterita & futura.

21 Obj. 7. Si Deus in quovis genere perfectionis est infinitus, tunc quævis perfectio divina non tantum in suo genere sed in omni genere perfectionis est aliquid infinitum; Hoc est falsum; ergo. m. prob. Sapientia Dei tantum est sapientia, non verò potentia, & sic de aliis; ergo quælibet perfectio non est infinita in omni genere perfectionis.

Resp. dist. M. quælibet perfectio est infinita realiter, c. M. formaliter, neg. M. perfectiones divinx, dum uniuntur per identitatem cum aliis perfectionibus, manent tamen id, quod sunt, nec transeunt in naturam perfectionis, cum qua identificantur.

## QUÆSTIO VIII.

In quonam prædicato consistat essentia Dei?

1 Dico 1. Essentia Dei Metaphysica consistit in prædicato aseitatis. Prob. Concl. per prædicatum aseitatis Deus primò distinguitur ab omni alio ente, & hoc prædicatum est radix omnium perfectionum in Deo reperibilium; ergo in hoc consistit essentia Dei. ant. quoad 2. membr. jam fuit probatum in antecedenti, quia ex eo, quod Deus existat, eo ipso habet omnes perfectiones illimitatas formaliter emanatas à sua propria existentia, eò quod ratio existendi tribuat actum omnibus perfectionibus. Quoad 1. membr. prob. ex Scriptura: nam Exodi. 3. Deus per prædicatum aseitatis se distinguit ab omnibus aliis entibus dicendo: ego sum, qui sum; quod nihil aliud est quam dicere: ego sum, cui tò esse convenit per memetipsum.

2 Dico 2. Deus rectè definitur esse ens intellectivum à se. Prob. Concl. ex S. Thoma; qui 1. p. q. 3. a. 2. ait: ex eo, quod homo sit intellectivus, illum

R. D. Euseb. Amor Philosophia,

esse ad imaginem Dei; ut autem aliquid propriè sit ad imaginem alterius, docet S. Thomas, unum sic debere assimilari alteri, ut illi non tantum conveniat secundum genus, sed etiam secundum speciem, non enim posset dici, quod vermis sit imago hominis, etiam si fortè oriretur ex homine.

## Solvuntur Objectiones.

Obj. 1. contra 1. Implicat produci idem à se ipso; ergo implicat ens à se; ergo in prædicato aseitatis non potest constitui essentia Dei.

2. Esse à se est prædicatum negativum; ergo hoc prædicatum non explicat, quid Deus sit, sed quid non sit. ant. prob. esse à se nihil aliud est, quam non esse ab alio; ergo est aliquid negativum.

3. Repugnat aliquam essentiam constitui ex genere universalissimo & differentia infima: Sed ens à se foret talis essentia; ergo. m. prob. ens est genus universalissimum; à se verò jam pertinet ad substantiam individualement; ergo.

Resp. ad 1. tr. ant. neg. cont. & suppositum, quod 4 idem sit esse à se & produci à se ipso: esse à se dicitur, quod in se ipso habet determinativum ad existendum; produci verò dicitur, quod prius non fuit.

Ad 2. neg. ant. ad prob. neg. ant. esse enim à se est habere in se ipso determinativum ad existendum; & hoc est aliquid positivum; non esse ab alio formaliter non importat determinativum ad existendum, quia est non ens, & res possibiles non sunt ab alio.

Ad 3. tr. M. neg. m. ad prob. neg. ant.

Obj. 2. Aseititas non est prædicatum nobilissimum Dei; ergo non constituit formalem conceptum Dei, cons. patet, quia Deus est ens, quo melius excogitari non potest, adeoque debet etiam constitui per prædicatum nobilissimum. ant. prob. nobilissimum prædicatum est esse ens in ratione essendi infinitum. Prout etiam D. Thomas 1. p. q. 13. a. 1. insinuat.

2. Melius Deus definiretur cum S. Damasceno, Pelagus substantia; vel cum aliis: cumulus perfectionum.

3. Aseititas non distinguit Deum formaliter à non Deo; ergo non est formale constitutivum Dei. ant. prob. aseititas est communis omnibus perfectionibus divinis, etiam si illæ perfectiones formaliter non sint Deus; ergo.

Resp. Ad 1. neg. ant. ad prob. neg. ant. & suppositum, quod esse à se & esse ens in ratione entis infinitum multum differant; quin imò ipse D. Thomas perfectiones divinas infinitas desumit ab aseititate.

Ad 2. dist. ant. Deus melius definiretur definitione Physica, c. ant. Metaphysica, neg. ant. in definitione Metaphysica semper quæritur illud prædicatum, quod est radix omnium prædicatorum in definito reperibilium; in definitione verò Physica magis quærentur perfectiones constitutive rei consideratæ ad integram & ad æquatam comprehensionem rei; ergo, cum ostensum sit, aseitatem esse radicem divinarum perfectionum, consequitur, in aseititate consistere essentiam Metaphysicam Dei.

Ad 3. neg. ant. ad prob. dist. ant. perfectiones divinx realiter consideratæ habent aseitatem, c. ant. formaliter consideratæ, neg. ant. si enim hæc perfectiones considerentur reduplicativè & formaliter,



maliter, quatenus sunt divina, eo ipso considerantur ut à se & ut perfectiones Dei, non alterius entis.

- 7 *Obj. 3.* Non magis à prædicato aseitatis inferitur æternitas, immensitas &c. quàm ex æternitate aut immensitate aseitas; ergo aseitas non est radix reliquarum perfectionum in Deo.

*Resp.* dist. ant. Non magis hoc inferitur illatione à subliſtendi consequentia, c. ant. illatione Metaphysica, neg. ant. interdum ex effectu inferitur causa v.g. ex risibilitate legitime inferitur rationalitas; interim tamen rationalitas est radix risibilitatis, adeoque illatione Metaphysica solum inferitur risibilitas ex rationalitate, æternitas ex aseitate &c.

## QUÆSTIO IX.

*Utrum anima rationalis sit spiritalis, vel corporea?*

- 1 **C**um Metaphysica consideret ens in ratione entis, ac maxime entia abstracta, Deum, intelligentias, & animam in statu separato consideratam, etiam de anima ac illius proprietatibus, quatenus in statu separato à corpore separari potest, agendum est. In præſenti verò observandum, quòd multi ex Philosophis animam aliquo modo fecerint materialem & corpoream: hinc quidam illorum asserunt, animam non naturâ sed gratiâ immortalem. De facto tamen certa est sententia, animam esse spiritualement, prout opponitur ens spirituale enti materiali. Non tamen conveniunt etiam Moderni Philosophi in conceptu entis materialis, in quantum enti spiritali opponitur. Sunt, qui ens materiale vocant, quod est compositum ex pluribus partibus integrantibus, localiter expansis. Alii definiunt ens materiale, quod per se connaturaliter penetrari non potest cum ente ejusdem speciei à se diviso. Quidam vocant ens materiale, quod vel naturaliter est impenetrabile, vel naturaliter connectitur cum ente impenetrabili. Alii per ens materiale intelligunt ens quantitativum, quod naturaliter connectitur cum quantitate. Denique alii ens materiale dicunt, quod ex sua natura habet Physicam & perpetuam dependentiam à re sensibili; cui definitioni patrocinari videntur sacre litteræ Luc. 24. ubi, cum Christus post resurrectionem suam discipulis appareret, illique exterriti putarent se spiritum videre, non alio argumento probavit se non esse spiritum, quàm ex eo, quòd sensibile ac palpabile ejus corpus fuerit. Mihi præplacet illa opinio, quæ dicit ens corporeum ac materiale esse, cujus quantitatis mutatio dependet à constantibus legibus naturæ, sive dein habeat quantitatem, sive non. E contra spirituale esse, cujus mutatio dependet ab arbitrio mentis, etiamsi habeat quantitatem etiam determinatam.

- 2 Dico: *Anima rationalis non est materialis, sed pure spiritalis.* Prob. Concl. autoritate S. Scripturæ, in qua anima frequenter appellatur spiritus. Sic Matth. 25. dicitur: *Spiritus promptus est.* & Matth. 27. *emisit spiritum.* quod idem reperitur Joan. 29. & Luc. 23.

- 3 Prob. 2. Ex Concilio Lateranensi sub Innocentio tertio ubi dicitur: *Deus suo Omnipotentis virtute ab initio utramque condidit creaturam spiritualem & corpoream, angelicam videlicet & mun-*

*danam & dein humanam quasi communem ex spiritu & corpore constantem.* Idem habetur in Concilio Lateranensi sub Leone decimo; & sexta Synodo Const. act. 1. ubi definitur; verbum assumpsisse carnem & animam rationalem atque incorpoream. Idem docent multi Patres, apud Suarium.

Prob. 3. Anima habet omnes proprietates spiritus; ergo est spiritalis. ant. prob. ab inductione; inprimis enim non componitur ex partibus integrantibus, sicut corpus ex membris, alioquin non regeret omnia membra; nec idem ens intelligens impleteret officium omnium membrorum, sicut una pars in corpore non dirigit omnia alia membra; nec unum implet omnium reliquorum officium; anima verò ubique totum agit. 2. Anima non est impenetrabilis cum alia anima aut cum corpore, quia in obsessis compenetrantur plures cum anima spiritus, & defunctorum animæ sæpe compenetrant sua priora corpora. 3. Nec est sensibilis, nec habet perpetuam connexionem cum re sensibili, cum sit immortalis. 4. Non est etiam quantitas determinata, quia anima manens eadem intelligit & comprehendit omnem quantitatem per cognitionem, sive incipiat habere corpus majus sive minus per mutilationem.

Prob. 4. Nulla substantia materialis ordinatur ad cognitionem & amorem boni infiniti: Sed anima rationalis ordinatur ad cognitionem talis boni; ergo. M. prob. omne materiale est limitatum tam subjective, quàm objective; ergo non se extendit ad infinitum.

Prob. 5. Potentiæ materiales offenduntur ac læduntur à nimia perfectione sui objecti: Anima verò non læditur à perfectione sui objecti; ergo non est materialis. ant. quoad 1. membr. patet v.g. ab oculo vel aure; oculus enim læditur à nimia luce, auris à nimio sono. quoad 2. membr. prob. anima non sentit difficultatem ex præſentia summi boni, nec læditur evidentia veritatis quantumcunque magna. Dein in sensibus videntur operationes animæ rationalis esse meliores, licet potentiæ materiales sint deteriores.

Prob. 6. Operationes animæ rationalis sunt spirituales; ergo & ipsa anima. ant. prob. actiones animæ sunt volitiones & intellectiones: Sed hæc sunt spirituales; ergo. m. prob. inprimis quia intellectiones & volitiones evidenter differunt à quacunque re quantà corporea. Dein intellectiones rimantur intimam essentiam corporum, versantur circa infinitum, circa increatum, circa æterna, circa honestum & inhonestum, verum & falsum &c. ergo eo ipso non versantur circa objectum corporeum, cum utique honestas, veritas &c. non sit corpus.

Prob. 7. Anima rationalis non satiatur ulla re materiali accorporea; ergo non habet ullam proportionem cum re corporea, adeoque nec ipsa est corporea. ant. patet, quia anima non satiatur ulla felicitate rerum sensibilium, conf. prob. bonum cuiuslibet rei debet esse proportionatum cum illa; ergo quare cum anima nolit limitari iis circumstantiis corporeis, quibus definiuntur corpora ac circumscribuntur, signum est, quòd anima aliquid sit majus toto ente corporeo, totoque universo, ut revera omnes perfectiones mundi corporei nimis angustæ sint pro mente intellectiva infinites pro-



permodum illimitatiore ac continente plures mundos ejusdem rationis cum universo, sed perfectiores ac liberiores.

## Solvuntur Objectiones.

9 *Obj. 1.* Autoritas Concilii Nicæni, quod Angelos dicit esse corporeos, adeoque etiam animas rationales. Verba Joannis Episcopi coram toto illo Concilio perorantis sunt hæc: de Angelis Catholica Ecclesia sentit, non esse corporis expertes, verum tenui corpore præditos æreæ seu igneo. Orationem verò hanc totum Concilium approbavit.

*Resp. neg. ant. ad prob. d. ant.* Ecclesia sentit: Angelos non esse corporis intellectualis expertes ac dependentis ab arbitrio mentis, c. ant. corporis independentis ab arbitrio mentis, neg. ant. quod enim veteres Patres non pauci crediderint, Angelos habere corpora, id sic intelligendum est, quod crediderint Angelos habere quantitatem dependentem ab arbitrio mentis, quæ juxta beneplacitum illorum spirituum possit mutari, & induere quamcunque formam etiam corpoream. Hinc

*Resp. 2. dist. ant. sentit* Ecclesia Angelos habere corpus intelligendo per corpus quantitatem dimensionem, tr. ant. intelligendo organizationem quantitatis dimensionem, neg. ant. quandoque enim nomine corporis non intelligitur corpus organicum, quale habent animalia; sed intelligitur quælibet res quanta. Hinc quia in sententia Recentiorum & nostra Angeli habent quantitatem, per quam sunt in determinato loco, hoc modo loquendi latius dici potest eos habere corpora.

*Resp. dist. ant.* Ecclesia sentit Angelos habere corpora quandoque accidentaliter, c. ant. connaturaliter, neg. ant. potest dici: quod Patres tantum voluerint Angelos interdum apparere in corporibus aut assumere corpora.

*Resp. 4. Nego,* quod Concilium Nicænum approbaverit orationem Joannis Episcopi, in quantum assererat Angelos esse corporeos; tantum enim in questione erat, utrum Angeli essent depingendi in forma corporea; conclusionem, quod essent depingendi, approbaverunt; causalem verò, quod ideo sint depingendi in forma corporea, quia sunt corporei, non approbavit Concilium.

*Resp. 5. dist. ant.* Concilium illam opinionem approbavit approbatione doctrinali & humana, c. ant. divina aut conciliari, neg. ant. notum enim est Theologis & pro axioma concessum, Conciliorum conclusiones ac decreta esse de fide, rationes verò conclusionum ac definitionum non esse de fide. Quod Concilium Nicænum statuerit Angelos esse colendos & depingendos in forma corporea, pertinet ad conclusionem; quod verò statuerit ideo Angelos esse depingendos in forma corporea, quia sunt corporei, pertinet ad causalem ac rationem definitionis, quæ non est de fide. Adeoque illa decisio est autoritatis humanæ, cui autoritatem hujus temporis Theologorum & Conciliorum sequiorum opponere licet. Adeoque talia acta Conciliorum nihil aliud sunt quam id, quod in modernis Conciliis v. g. Tridentino fuit actum in sessionibus privatis per modum tractatus præviæ sessionis publicas Con-

R. D. Euseb. Amort Philosophia.

ciliares; & sic soli Canones veterum Conciliorum cum suis causalibus sunt definiti.

*Obj. 2.* Si anima esset spiritualis tunc ideo, quia tantum haberet proportionem cum ente spirituali nullam verò cum materiali: Hæc ratio nihil probat; ergo, m. prob. potest cognitio finita attingere objectum infinitum, etiam si nullam habeat proportionem cum illo; ergo etiam anima poterit habere cognationem cum ente spirituali, licet ipsa non sit spiritualis, prob. conf. non est major distantia inter ens materiale & spirituale, quam inter finitum & infinitum.

2. Anima assidue dependet à materia; ergo etiam est materialis, ant. prob. anima in produci & fieri dependet à materia; ergo etiam in conservari, adeoque semper. non enim potest dari ratio, cur non aliquando creetur aliqua anima extra corpus si ejus esse non dependet à corpore.

3. Anima in operando dependet ab organo corporeo; ergo etiam in essendo, ant. prob. quia v. g. ingenium, inclinationes, & omnes actiones animæ rationalis modum & perfectionem ac vires suas habent à corpore.

*Resp. Ad. 1. c. M. neg. m. ad prob. c. ant. neg.* 11 conf. ad prob. dist. ant. non est major distantia entitativa, c. ant. proportionis, neg. ant. nam si attenditur ad proportionem, debet attendi solum ad habitudinem terminorum, quam habent duo extrema inter se, nec interest, quantum differant in perfectione entitativa;

Ad. 2. neg. ant. ad prob. dist. ant. Anima in produci dependet à materia quoad potentiam vegetativam ac sensitivam, tr. ant. quoad potentiam volitivam & intellectivam, neg. ant. ratio cur anima in produci dependeat à corpore, solum est, quia Deus voluit identificare cum isto ente intellectivo potentiam vegetativam & sensitivam; ergo in corpore necessario prærequiruntur dispositiones ad actum talium potentiarum; quia verò illæ dispositiones corporeæ non pertingunt ad potentiam intellectivam & volitivam, quam Deus voluit identificare cum anima sensitiva, ideo simpliciter dispositiones corporeæ non pertingunt ad entitatem animæ rationalis, non sunt causa in fieri, adeoque anima indiget creari, & ob hoc ipsum non dependet à corpore.

Ad. 3. dist. ant. Anima dependet in operando à corpore accidentaliter, c. ant. essentialiter, neg. ant. anima enim cum habeat pro fine suo longè nobiliores operationes, quam eas, quas exercet in corpore, habet finem suum saltem essentialem, etiam si non operetur in corpore. Ad summum probatur, quod anima semper ordinetur saltem secundario & connaturaliter ad habendum corpus per modum proportionis.

*Obj. 3.* Operationes mentis fatigant corpus & 12 vicissim operationes corporis fatigant mentem, juxta illud Scripturæ: Terrena inhabitatio depriimit sensum multa cogitantem; ergo mens dependet à corpore, adeoque ipsa est corporea, conf. prob. corpus non potest fatigare, nec agere in spiritum.

2. Licet anima cognoscat entia spiritualia v. g. Deum & Angelos, ea tamen cognoscunt tantum modo



modo materiali v. g. instar hominum; ergo ex cognitione entium spiritualium non probatur animam esse spirituales.

3. Ex eo, quod voluntas possit contemnere spiritualia, non bene inferitur, quod ipsa non sit spiritualis; ergo etiam ex eo, quod possit contemnere sensibilia, non bene inferitur, quod ipsa non sit sensibilis aut materialis.

*Resp.* Ad 1. dist. ant. Operationes corporis fatigant mentem tantum indirecte, c. ant. directe, neg. ant. indirecte aliquid fatigatur, cum corrumuntur instrumenta operandi, qualia instrumenta respectu animæ sunt organa interna; in se autem mens semper manet sibi similis & eundem virum.

Ad 2. neg. ant. Sicut enim anima se ipsam intelligendo non intelligit aliquid corporeum, ita neque intelligendo Deum necessario sibi format peregrinam speciem, quando ergo Deum intelligit per speciem peregrinam hominis, id non necessario fit.

Ad 3. c. ant. neg. conf. & paritatem; disparitas est, quia bona est argumentatio ab eo, quod est majus ad id, quod est minus: Anima potest contemnere materialia entia; ergo bene inferitur, quod habeat aliquid majus; interim ex eo, quod contemnat id, quod est majus, non recte inferitur eam non habere id, quod est minus. Dein sicut ex eo, quod anima contemnat materialia, recte inferitur, quod habeat aliquid de spiritu, ita etiam ex eo, quod contemnat spiritualia, recte inferitur quod habeat aliquid de bestiis, nempe animam sensitivam seu animalitatem.

## QUÆSTIO X.

*An possit demonstrari immortalitas animæ?*

1. **I**mmortale dicitur tripliciter: 1. Quod à nulla vi simpliciter destrui potest; & in hoc sensu solus Deus est immortalis; cum utique omnes creaturæ simpliciter à Deo destrui possint. 2. Dicitur immortale, quod naturaliter non potest destrui nec à contrario, nec ex defectu finis; & in hoc sensu Angeli dicuntur immortales. 3. Dicitur aliquid immortale, quod naturaliter est quidem corruptibile, ex speciali tamen Dei gratia præservatur à corruptione; tali modo fuissent homines immortales in Paradiso; & in hoc sensu etiam quidam de anima sentiunt, eam ex sua natura quidem corruptibilem esse, sed tamen per Dei gratiam conservari.

Dico: *Evidens est, animam hominis naturaliter esse immortalem.* Prob. Concl. variis demonstrationibus:

2. *Argumentum 1.* Quod Clemens Rom. l. 3. re-

cog. restatur se accepisse à Divo Petro: si Deus est justus, tunc anima est immortalis: Sed; ergo. M. prob. si Deus est justus, non debet permittere, ut gravissima scelera semper maneant impunita, nec ut servorum suorum fidelia merita non præmientur: Sed hoc fieret, si anima non esset immortalis; ergo. m. prob. videmus sceleratos in vita abundare bonis fortunæ, probos econtrà & sanctos assidue vexari à malis, versari in gravissimis doloribus, morbis &c. denique aliquos vitam finire inter blasphemias & vitia atrocissima, alios econtrà finem suum coronare heroicis virtutum actibus. Jam si anima non esset immortalis ac superstes post vitam manerent in tali casu vitia impunita & virtutes sine præmio.

*Argumentum 2.* Si anima non est immortalis, tunc virtus esset vitium & vitium esset virtus: Sed hoc est evidenter falsum; ergo. M. prob. si quis pro Patria, Republica, Religione, aut Deo mortem oppeteret, talis virtus heroica foret vitium; ergo. ant. prob. virtus est dispositio perfecti ad optimum, per quam anima disponitur ad supremum suum bonum; econtrà vitium est dispositio ad pessimum: Sed in tali casu daretur dispositio ad pessimum nempe ad interitum; ergo virtus illa foret vitium. Econtrà si quis se ipsum occideret, id foret virtus maxima, eo quod se liberaret à malis vitæ præsentis.

*Argumentum 3.* Quod omnium ætatum, locorum, & nationum hominibus notum est, lumine naturali notum & certum est: Sed animam esse immortalem omnibus notum est; ergo. M. patet, quia juxta Philosophum 10. Ethic. quod universa videtur, verum est. Et Seneca ait: Nemo omnes, omnes neminem, singuli singulos fallunt. Ratio autem hujus est, quia lumen naturæ est quasi revelatio naturæ, quæ vincit omnia obstacula circa ea objecta, quæ debent esse revelata ac nota hominibus. m. prob. omnes nationes docuerunt animas puniri post mortem, & illi ipsi, qui admiserunt transmigrationem animarum, eo ipso admiserunt animas esse immortales.

*Argumentum 4.* Evidenter repugnat generi humano, necessarium esse universalem errorem ad socialiter vivendum: Sed si anima non esset immortalis, necessarius foret talis error; ergo. M. patet, quia natura satis potens est ad præstandum bonum illud, quod conducit ad conservationem suarum partium naturæ. m. prob. si homines non essent persuasi de immortalitate animarum, sine ullo amplius fræno prorumperent in omnia vitiorum genera, sicque tolleretur vita socialis.

*Argumentum 5.* Inter duo judicia, quorum unum est propemodum omnium & fundamentum honestatis, alterum quod est paucorum & quidem sceleratorum, necessario prius est verum: Sed talia sunt duo judicia de immortalitate animæ & oppositum illius; ergo. M. prob. iterum ex viribus naturæ, quæ sibi ipsi per instinctum naturalem hominibus inditum non contradicit.



7 *Argumentum 6.* Ex terminis est absurdum, non esse medium aptius perveniendi ad familiaritatem cum Deo quàm summum contemptum Dei: Sed hoc fieret si anima non esset immortalis; ergo. *m.* prob. familiaritas cum Deo cognoscitur ex revelatione mysteriorum, si autem anima esset mortalis, tam grande mysterium de mortalitate animæ Deus revelasset solis impiis, nulli autem bonorum.

8 *Argumentum 7.* Appetitus naturæ non sunt universaliter frustanei; ergo anima est immortalis, ant. supponitur, quia instinctus naturæ proveniunt ab omnipotente natura, seu authore potius naturæ, quæ potest producere ad finem, ad quem impellit, conf. prob. instinctus naturæ ducit hominem ad appetendam immortalitatem & fruitionem boni cujusdam immortalis; ergo si instinctus non est frustraneus, debet anima esse immortalis, ant. patet non solum in bonis, sed etiam in impiis, qui vellent æternum vivere, ut possent in æternum peccare. Alii, qui sectantur honores, variis monumentis appetunt nomen suum commendare Posteritati; & quantum in ipsis est, voto suo inscribere æternitati; ergo omnia appetunt immortalitatem.

9 *Argumentum 8.* Anima vi primariorum suarum operationum est prorsus exempta à rebus materialibus, & miscetur tantum æternis; ergo & ipsa est immortalis, ant. prob. non tantum ex appetitibus, qui se extendunt ad præsens, præteritum, & futurum, sed vel maxime ex intellectio-nibus; anima enim intellectu suo comprehendit omnia, non limitatur loco, nec tempore; ergo etiam unio totius naturæ intellectu alis ac ordo maxime est cum æternis. Hoc argumentum permovit Aristotelem & Averroem ad hoc, ut admitterent aliquem intellectum separatum æternum. Hoc ipsum argumentum præcipuum est, quo utebatur Plato in Apologia Socratis, & Divus Augustinus pro immortalitate animæ.

10 *Argumentum 9.* Anima rationalis non corrumpitur à contrario, nec ex defectu finis, nec ex defectu causæ conservantis; ergo est immortalis, ant. prob. quia non videtur, quale sit animæ contrarium; finis verò animæ rationalis est frui bono & intelligere verum, quod poterit dari etiam extra corpus. Neque deest causa conservativa, ubi non deest exigentia naturalis ad conservationem aut finis.

## Solvuntur Objectiones.

11 *Obj. 1.* Juxta Stoicos virtus sibi ipsi est sufficiens præmium, & vitium sibi sufficiens supplicium. Neque enim gravius malum dicitur esse ipso peccato, aut majus bonum honestate ac virtute. Præterea Sancti multi ita loquuntur, quod omnis animus inordinatus etiam secluso ulteriori supplicio sit sui ipsius carnifex; idem videtur confirmari experienciâ ex sceleratis hominibus, qui quandoque conscientiam criminum eò adiguntur, ut malint vitam abrumpere gladio

vel loqueo, quàm diutius perferre lanienam conscientia.

*Resp. 1.* neg. ant. Etiam si enim virtus sit aliquod sui præmium & vitium aliquod si supplicium, non tamen illa est omne præmium, aut istud omne supplicium. Nec certò sufficeret ad alliciendum vel absterrendum homines à vitiis & peccato.

*Resp. 2.* dist. ant. Virtus est sui præmium jam præsupposita aliunde spe immortalitatis, c. ant. seclusa illa spe, neg. ant. tota enim voluptas, quâ virtus fruitur, tacite innititur spei alicujus alterius præmii in altera vita; & vicissim laniena conscientia tacite fundatur in metu justæ vindictæ aut indignationis æternæ Dei. Quod si verò illa spes aut metus desineret, profectò stultum foret turbari à scelere & habere remorsum conscientia. Adeoque in mente humana latent aliqua secreta dictamina naturæ, quæ dum mentem monent de bonis aut suppliciis futuris, virtutem aut vitium solatio aut pœnâ commiscunt. Horum indicium est, quod si scelerati eò semel devenerint, ut omnino opprimant illa arcana dictamina naturæ, parum amplius sentiant molestem illum remorsum conscientia. 2. Multi finiunt vitam inter infandes scelerum actus, nihil proin tales ultra metuerent nec debitam suis criminibus pœnam reciperent. 3. Quo major est flagitiorum cumulus, eò major deberet esse pœna: Sed contrarium accidit, hanc enim omnium minimè persentiunt, qui summa libertate in vitiorum omnium cœno se volutant; quin imò tales plerumque plus voluptatis aut doloris ex ipsa flagitiorum suorum recordatione percipiunt. Falsum ergo est virtutem aut vitium sibi ipsi sufficiens præmium esse aut supplicium.

*Obj. 2.* Posset Deus hominem punire vel præmiare ultimo vitæ momento, afficiendo nempe animam tanta voluptate, aut tam acerbis doloribus, quæ æquivalent ponderi virtutis aut scelerum. Item potuisset Deus jam anticipatò homini tribuere mercedem, aut irrogare pœnam juxta prævisionem meritorum aut demeritorum ponendorum adhuc per vitam; eo ferè modo, quo Deus Progenitoribus Christi contulit beneficia propter futura merita Christi; ergo non est necesse animam esse immortalem.

*Resp. 1.* tr. ant. neg. conf. Non enim quaestio est, quid Deus potuerit, sed quid voluerit. Quod autem defacto condignè præmiare non voluerit homines in hac vita, constat ab experientia: Nam multi moriuntur evomendo horrendas blasphemias; alii subitanea morte, dum dormiunt, abripiuntur; quidam, qui innocentissimam egerunt vitam, in ultimo articulo patiuntur extremas angustias: dici ergo non potest in momento ultimo vitæ bonos recipere præmia, aut impios supplicia.

*Resp. 2.* neg. ant. Quia talis instantanea voluptas quantumcunque magna non esset sufficiens ad alliciendos homines ad virtutem; neque instantaneum supplicium quamvis esset infinitum, sufficeret



ad absterrendos peccatores. Dein setiamsi concesserim in hac vita Deum bonos præmiare intertis deliciis centuplo maioribus, quàm mererentur omnia eorum bona opera, illud tamen præmium, licet sit condignum operi, non tamen condignum est intentioni conditoris & naturæ, eò quòd Deus naturam rationalem sic instituerit, ut appetat aliquod majus bonum, illudque infinitum ac æternum.

- 12 *Obj. 3.* Potest dici: animam post hanc vitam esse quidem superstitem sed tantum ad aliquod tempus v. g. ad aliquot annorum myriades, usque dum in Regno illo millenario acceperit condignum præmium aut supplicium.

*Resp. neg. ant.* Ratio negandi est, quia licet tale supplicium aut præmium condignum foret operi & proportionatum meritis, neutrum tamen proportionatum foret intentioni conditoris & appetitui naturali. Deus enim voluit, ut homo appetat immortalitatem & bonum quoddam, quo majus excogitari non potest; qui ab hoc se separat, eo ipso se separat ab omni bono & eo ipso incidit in seriem malorum sine omni bono, qualis tamen series malorum non esset si haberet finem. Secunda ratio negandi est, quia anima semel unita suo fini inamissibiliter adhæret suo fini; finis enim animæ rationalis est bonum universale in quo non datur defectus ullius bonitatis; adeoque nec causa tristitiæ ex amissionis metu; si enim anima frueretur bono tantum ad aliquod tempus, merito contristaretur, dum hora illa beatitudinis inciperet effluere; nec in ipso bono universali haberet omne bonum, eò quòd in illo deesset constantia ac Perpetuitas. Tertia ratio negandi est, quia anima rationalis, postquam soluta fuerit à corpore, exempta quoque est à legibus ac serie temporum; neque enim datur tempus, ubi non datur Periodus revolutionum mundanarum; si itaque in anima separata tempus non est aliud nisi æternitas seu duratio tota existens simul simultate omnium suarum partium; adeoque in anima separata nihil dari potest nisi vel omnium bonorum, vel omnium malorum præsentia; in quacunque anima inciderit, semper in illa erit ob defectum temporis vel successioneis.

- 14 *Obj. 4.* Bonum honestum est amabile propter se & Deus se solo propter se ipsum dignissimus, cui omnis cultus ac reverentia exhibeatur; ergo ad inflammandos hominum animos non opus est præmiis, nec suppliciis.

2. Qui amat bonum majus propter minus, amat præposterè; ergo etiam amat præposterè, qui Deum aut virtutem amat propter præmium.

3. Agens ex motivo præmii aut beatitudinis habet se ipsum pro fine cui, ac Deum pro fine qui: Hoc non debet dici; ergo, *m. prob.* plus amatur finis cui quàm finis qui; ergo absurdum est dicere, quòd Deus indiderit homini appetitum amandi virtutem propter præmium ac beatitudinem.

*Resp. Ad. 1. dist. ant.* Bonum honestum est amabile propter se amore amicitiae, *c. ant.* amore be-

nevolentiae tantum, *neg. ant.* amor amicitiae dicitur duos amores, amorem scilicet concupiscentiae & benevolentiae. Per amorem benevolentiae volumus amico bonum; per amorem concupiscentiae volumus nobis bonum, quòd autem in amore Dei semper hi duo amores concurrant ostensum est de anima.

*Ad. 2. c. ant. dist. conf.* ergo qui Deum & virtutem amat propter præmium creatum, præposterè amat, *tr. conf.* propter præmium increatum, *neg. conf.* majus enim bonum est Deus possessus, quàm sola virtus.

*Ad. 3. dist. M.* Homo haberet se pro fine cui utilitatis, *c. M.* pro fine cui excellentiae, *neg. M.* hoc non est absurdum, quòd homo Deum summè appetit, eidemque omnem cultum velit; dum interim se ipsum non quidem appetiando sed pro minimo bonorum omnium habendo vult fruitione illius boni beatus esse.

*Obj. 5.* Communis persuasio hominum, quæ datur in mundo de immortalitate animarum, potuit nasci ex traditione; ergo non habet fundamentum undequeque certum, *conf. prob.* multæ dantur traditiones, quæ diu credebantur esse veræ, quæ tamen defacto demonstrantur esse falsæ.

*Resp. 1. neg. ant.* Ratio est, quia hîc non agitur de quæstione facti, quæ egeat traditione: Sed agitur de dubio rationis, quod ex principiis naturalis luminis resolvi potest.

*Resp. 2. neg. conf. ad prob. dist. ant.* Multæ traditiones deprehenduntur esse falsæ in quæstione facti, *c. ant.* in dubio rationis, *neg. ant.* impossibile est plerosque homines errare in illa quæstione, in qua lumen rationis necessariò debuit manifestare sufficienter veritatem; in tali enim quæstione non tam attenditur ad traditionem, quàm ad naturalem evidentiam.

*Obj. 6.* Quod viris doctis videtur falsum, non potest esse certum: Atqui immortalitas animæ Aristoteli & aliis Doctis viris visa est falsa; ergo.

*Resp. 1. dist. M.* Quod doctis viris videtur falsum in quæstione purè doctrinali & scholastica non potest esse certum, *tr. M.* in quæstione morali, *neg. M.* in quæstionibus moralibus pertinentibus ad regulas morum, easque primas, in quibus lumen naturale omnibus hominibus dicitur, quid sit verum, aut faciendum, non magis attendendum est ad iudicium alicujus Philosophi, quàm ad sensum communem hominum, eò quòd definitio talis quæstionis non pertineat specialiter ad forum Philosophicum. Talis autem est quæstio de immortalitate animæ, quæ cum sit fundamentum totius doctrinæ moralis, lumine naturali nota esse debet.

*Resp. 2. dist. M.* Quod viris doctis videtur falsum, non potest esse certum, nisi certò constet hîc & nunc niti eos falsis principiis, *tr. M.* si hoc constet, *neg. M.* in præsentia materia Aristoteles unice ninitur suo supposito, quòd nempe detur aliquis intellectus universalis & immortalis; sicque ipsa anima tantum sit accidens in corpore, dum interim ille intellectus universalis peragit omnes cognitiones abstractivas. Hoc autem admissio utique



utique nulla erit necessitas admittendi immortalitatem animæ. Quod verò ista supponat Aristoteles nempe intellectum universalem, & animam esse ens, constat ex Justino Martyre, ubi agit contra Aristotelem; Origine & aliis Antiquioribus, qui melius intellexerunt supposita & doctrinam Aristotelis.

*Resp. 3.* dist. M. Quod viris doctis videtur indubitato falsum non potest esse certum tr. M. quod tantum videtur dubie falsum, neg. M. Aristoteles ipsemet videtur dubitasse de immortalitate animarum & mortalitate; cum nullibi clarè se determinet pro alterutra parte: mirum autem non est, quod viri etiam docti quandoque dubitent de veritatibus alioquin certis, dum suis discursibus involuti obliviscuntur primorum principiorum.

*Resp. 4.* dist. M. Quod viris doctis videtur falsum non potest esse certum si ex instituto examinent illam veritatem & omnia argumenta veritatis, tr. M. si tantum incidenter de illa loquantur, neg. M. mirum non est, quod doctis subinde incidunt dubia de veritate alias certa; igitur etiam mirum non est, si aliquando loquantur dubie de veritate alias certa, nondum tamen ex instituto examinata; imò constat, esse hoc familiare Aristoteli, quod circa multas veritates Physicas loquatur Problematicè in principio operis, de quibus certa tamen statuit in fine totius discursus. Hinc quia Aristoteles in iis quidem, quos habemus, libris, ex instituto nullibi examinat immortalitatem animæ & argumenta pro eadem, potuit contingere, ut aliquando de illa dubie fuerit locutus, aut eam etiam negaverit nondum instituto sufficiente examine.

*Resp. 5.* dist. M. Quod viris doctis videtur falsum in ea materia, in qua merentur fidem & auctoritatem non potest esse certum, tr. M. secus, neg. M. potest aliquando contingere, ut vir doctus excellat in una materia, non item in altera; hinc si aliunde constet, virum quantumvis doctum sæpius errare in hac vel illa materia, nullam fundabit præsumptionem veritatis pro ea veritate, hoc autem revera contigit Aristoteli in materia connexa cum immortalitate animæ; constat enim eum de anima, de providentia, de dispositione universi docere plures errores reprobos ab Ecclesia, prout videri possunt in Justino Martyre.

*Resp. 6.* dist. M. Quod viris doctis videtur falsum, non potest esse certum nisi pro opposito stet in immensum major auctoritas, c. M. secus, neg. M. possibile enim est, in quacunque demum materia etiam errare doctum; si igitur v.g. tres tales Docti comparentur ad triamillia Doctorum, in oppositum habebit se probabilitas taliter errantium ut unum ad mille, erit proin nulla probabilitas.

*Resp. 7.* tr. M. neg. m. Quia plures Peripatetici confidenter putant se demonstrare, Aristotelem in hac re non errasse, de quo possunt videri Suarius, Toletus, Conimbricenses. Quod verò attinet, reliquos Philosophos negantes immortalitatem animæ, ii tantum referri debent ad Epicuri de grege porcos.

17 *Obj. 7.* Non potest demonstrari ex ratione, quod pro peccato gravi, momentaneo tamen, debeat supplicium æternum, aut pro operibus honestis et-

iam momentaneis debeat præmium æternum; ergo neque demonstratur animæ immortalitas, ant. prob. quia non videtur cur pro opere unius momenti aut horæ non sufficiant saltem aliquot annorum millia. Accedit, quod æternitas pœnarum aut præmiorum sit inter difficiliora Dei Mysteria, quæ quoad rem ipsam negata etiam sunt à Platone, Platonis & Origine.

2. Multi hominum acquiescunt appetitu suo in bono minime æterno; ergo non est necessarii Deus talibus æternum conserve esse, iisque conferat bonum æternum.

*Resp. 1.* ad. 1. tr. ant. neg. conf. Quia etiam si supplicium aut præmium non deberet esse æternum, anima tamen adhuc foret immortalis, eò quod post statum præmii aut supplicii exigeret novam occasionem merendi; & in malis quidem, ut obtinerent sortem meliorem, in bonis verò, ut sortem amissam recuperarent, prout defuncti illud amiserunt Pythagorei, Platonici, & plerique populi in Asia.

*Resp. 2.* neg. ant. Quia si præmium non esset æternum, simpliciter non satiaretur appetitus tendens in bonum universale, adeoque in bonum indeficiens: qualis enim foret beatitudo quantumvis centum annorum millibus circumscripta, si evoluta illo spatio privaretur ens bono quod unicè appetit: Deinjam diximus statum hunc æternum provenire ex ipsa natura rerum, eò quod post mortem sublato tempore tantum dentur duo, nempe præsentia omnium bonorum aut præsentia omnium malorum sine durationibus temporis. Itaque qui se à cumulo bonorum segregat, meretur utique seriem malorum, quam ipse eligit, cum se à fonte omnium bonorum separat.

Ad. 2. dist. ant. Multi acquiescunt in bono non æterno per appetitum elicatum, c. ant. per innatum, neg. ant. ut enim ostensum est, natura semper appetit bonum universale in anima intellectiva; igitur unienda est anima, quando pervenerit ad terminum separatum à tempore, aut cum bono universali, aut cum malo universali.

*Obj. 8.* Solus Deus ab Apostolo, 1. Thim. 6. dicitur habere immortalitatem; ergo.

1. In Concilio Constantiensi 6. art. 11. docet Sophronius Patriarcha in Epistola à Concilio approbata animam non esse immortalem per naturam, sed per gratiam; ergo.

3. Susceptivum contrariorum est corruptibile: Sed anima est susceptiva contrariorum; ergo. m. prob. anima suscipit virtutem, vitium, errorem, veritatem, opinionem, scientiam; ergo.

*Resp. ad. 1.* dist. ant. Solus Deus habet immortalitatem absolutam & rigorosè sumptam, c. ant. Philosophicam ac naturalem, neg. ant. Jam enim in prænotandis dictum est, quod *immortale* sumi tripliciter; primò quidem, quod nulla absoluta potentia destrui potest, & hoc est solus Deus; altero verò modo, quod exigit non destrui, & hoc est anima.

Ad. 2. dist. ant. Concilium docet, animam esse immortalem per gratiam universalem ac latè dictam, c. ant. per gratiam particularem ac strictè dictam, neg. ant. Sophronius enim ipsam creationem & conservationem Dei vocat gratiam, & quia anima est creata, & conservatur à Deo, propterea



pterea dicit, animam esse immortalem per gratiam; non verò negat, animam hoc exigere, ut semel creata etiam conservetur æternum.

Ad 3. dist. M. susceptivum contrariorum in genere Physico est corruptibile, c. M. contrariorum in genere moris, neg. M.

20 *Obj. 9.* Multa entia corrumpuntur, quæ nec habent partes, nec contrarium, nec etiam defectum finis; ergo etiam anima poterit tali modo corrumpi. prob. ant. ex actibus vitalibus, sono, impulsu &c.

2. Corpus naturaliter est corruptibile; ergo etiam anima, prob. conf. anima essentialiter per modum formæ ordinatur ad corpus & exigit habere corpus; ergo hoc deficiente irrecuperabiliter per naturam adest sufficiens causa corruptionis naturalis in anima.

*Resp. 1.* neg. ant. quoad 3. memb. nempe quod non adsit defectus finis in qualitativis naturalibus, quando desinunt.

*Resp. 2.* neg. conf. & parit. disparitas est, quia tales formæ sunt accidentales essentialiter affixo subjecto; anima verò est forma substantialis non affixa suo corpori.

Ad 2. c. ant. neg. conf. ad prob. dist. ant. anima essentialiter exigit corpus pro statu viæ. c. ant. pro statu termini, neg. ant. dico enim, animam sine omni detrimento carere posse suo corpore in statu beatitudinis, ita, ut nec connaturaliter exigit resurrectionem corporis. Dein posset dici: animam quidem appetere etiam naturaliter resurrectionem sui corporis, aut ejus conservationem,

quamvis eò per vires naturæ præstari non possit. Sic defendunt aliqui ab anima rationali appetitionem intuitivam Dei, quamvis eò naturaliter per vires naturæ obtineri non possit.

*Obj. 10.* Deus naturaliter producit omnes hominum animas ex nihilo; ergo potest illas etiam naturaliter redigere in nihilum, conf. prob. non requiritur major vis ad subtrahendam conservationem, quàm ad dandam actionem productivam; ergo.

2. Nulla creatura habet jus adversus Deum ad exigendam sui conservationem; ergo poterit anima naturaliter destrui.

3. Non implicaret, si Deus damnatis gratuito condonaret peccata, eosque ex gratia annihilaret; ergo possunt naturaliter destrui animæ.

*Resp. Ad. 1.* c. ant. dist. conf. Potest illas naturaliter destruere spectando præcisè capacitatem creaturæ, tr. conf. spectando intentionem creatoris, n. c.

Idem respondeo ad 2. & 3. Deus enim creando rationales creaturas vult, ut sint immortales; & quatenus substant huic decreto divino, non possunt destrui, nisi Deus subvertere velit decretum suum. Imò nec convenienter potest mutare illud decretum, nisi contraveniat intrinsicæ exigentiæ naturæ rationalis, quæ juxta ordinem divinæ sapientiæ cui parere vult ipse Deus, miscetur æternitati; adeoque Deus omnia emanat à se ipso, omniaque iterum retrahit ad se ipsum, dum creaturas rationales toto naturæ suæ impetu urget ad unionem secum ipso, ubi uniuntur cum bono æterno etiam ipsæ permanentur æternæ.





# VINDICIÆ PHILOSOPHIÆ PERI- PATETICÆ & GENERALIA FVNDAM- ENTA.

## PROOEMIUM.

**V**eritas Peripateticæ Philosophiæ dependet ab existentia Materiæ primæ Aristotelicæ, formarum substantialium, accidentium absolutorum, relationum, modorum, qualitarum, habituum, ac reliquarum entitatarum, quarum in mundo reali existentia universim negatur à Neotericeis. Causam sui erroris Neoterici sumunt ex duplici principio. 1. Quòd negent, ullam nos habere claram ac distinctam ideam, ut loquuntur, talium entium abstractorum, ac spiritualium. hinc millies inculcant, nihil in Philosophia admittendum, nisi ejus claram ac distinctam habeamus ideam. 2. Quòd negent, dari aliquid simile nostris ideis in mundo reali, præter corpus trinè mensurabile, motum, figuram, ac texturam partium. hinc formas Aristotelicas, accidentia, qualitates, relationes, modos &c. ad solos mentis liberè, quod voluerit, fingentis conceptus ablegant; dum dicunt Peripatetici, se habere longè alium conceptum v. g. de sono, colore, relationibus, modis, formis denique omnibus, quàm dum concipitur motus, figura, ac textura partium; respondent, nihil dari in mundo reali simile his abstractis conceptibus. Itaque tota Neotericeorum Philosophia eversa, & veritas Peripatetica demonstrata erit, si duo ostendam. 1. Quòd multa entia spiritualia, & abstracta cognoscamus clarissimè ac distinctissimè, non tantùm per species alienas rerum sensibilibum, sed etiam per species proprias, ut sunt in seipsis. 2. Quòd *Mundus intellectualis & Mundus realis sint simillimi*; inquantum nempe dantur in mundo reali objecta prorsus simillima nostris speciebus ac conceptibus. Hæc duo fundamenta sunt Philosophiæ Peripateticæ, nostris speciebus ac conceptibus ignorantur, non est mirum, quòd sæpe contra quæ dum à multis etiam Peripateticorum ignorantur, non est mirum, quòd sæpe contra Neotericos infelicitè pugnent. Si enim hæc duo principia semel stabilita fuerint, nil difficultatis superest, ut omnium formarum, accidentium, qualitarum, modorum, ac entitatarum innumerarum, quas Scholæ amant, proberetur existentia; si enim monstravero, me de his rebus habere conceptum; eo ipso ostensum erit; hoc conceptu cognosci entia illa abstracta, ut sunt in seipsis; simul etiam ostensum erit; In mundo reali dari objecta simillima his nostris conceptibus. Quòd si insuper invenero, illa objecta conceptui simillima in mundo reali separari à sua substantia, exindè patebit omnium illarum formarum, relationum, modorum, ac entitatarum à suo subjecto realis distinctio. Ac denique, si deprehendero, omnes illas formas, relationes, modos, ac entitatas communicari materiæ secundùm dimensiones quantitatis, ut loquitur D. Thomas, seu quod idem est, secundùm diversum motum, figuram, ac ordinem partium, ut loquuntur



Neoterici, habebimus perfectam Philosophiæ Peripateticæ cum Mechanicis Neoterico-  
rum principiis concordiam. Sint igitur in hoc Philosophiæ Proœmio sequentes qua-  
tuor quæstiones.

1. An aliqua entia spiritualia & abstracta non tantum cognoscantur per species alie-  
nas rerum sensibilium, sed etiam per species proprias, ut sunt in seipsis?
2. An species rerum sint formaliter similes objectis?
3. An & quomodo Philosophiæ Peripatetica cum Mechanicis Neoterico-  
rum principiis conciliari possit?
4. An ex universali deceptione sensuum Philosophiæ Peripatetica everti possit?

## QUÆSTIO I.

*An aliqua entia spiritualia & abstracta non tantum cognoscantur per species alienas rerum sensibilium, sed etiam per species proprias, ut sunt in seipsis?*

**D**ico: Multa entia spiritualia & abstracta non tantum cognoscuntur per species alienas sensibilium, sed etiam per species proprias, ut sunt in seipsis. Conclusio probatur ratione & auctoritate; ratio contra Atheos, Protestantes, & Neotericos valeat; auctoritas verò contra illos Peripateticos, qui non satis consequenter ad suæ scholæ principia nihil nisi per species rerum sensibilium intelligi arbitrantur.

*Argumentum 1. ab experientia.* Quando cognoscimus actus nostræ aut alienæ voluntatis, v. g. amorem, iustitiam &c. aut affectiones mentis, v. g. voluptatem, dolorem &c. ipsam denique cognitionem, non cognoscimus eas per species alienas rerum sensibilium; non per species hominis straminei, aut lignei; nec per species rubri vel albi, quadrati vel rotundi, aut alterius rei purè sensibilis; ergo ea cognoscimus per species proprias, ut sunt in seipsis.

*Argumentum 2. à ratione.* Dantur aliquæ res, quæ cognoscuntur per species proprias, ut sunt in seipsis, v. g. figura rotunda, aut magnitudo rei; & tales res censentur propterea cognosci ut sunt in seipsis, quia forma rei, species, ac similitudo est immediatè præsens & applicata intellectui cognoscenti; ergo, si ipsum objectum cognitum, v. g. amor, iustitia, cognitio, voluptas &c. est immediatè per seipsum præsens ac applicatum intellectui cognoscenti, erit cognitum, ut est in seipso.

*Argumentum 3. à ratione.* Si prorsus omnia entia spiritualia & abstracta cognosceremus tantum per species alienas rerum sensibilium, tunc tam parùm de illis cognosceremus, quàm parùm cognoscit cæcus de coloribus, dum illi proponuntur per alienas species: sed hoc non potest dici; quia id inprimis est contra sensum communem, quod v. g. actus internos animæ tam parùm cognoscamus, quàm parùm cæcus cognoscit colores. Dein idem est contra appetitum naturalem sciendi omnibus hominibus inditum, qui, cum sit summè potens & providus, nunquam inclinat ad impossibile. Appetitus autem ille fertur ad cognoscendas res, ut sunt in seipsis, maximè ad cogno-

scendos intimè actus internos, & quidditates rerum, & primas veritates, quarum genuina ac sine alieno facio cognitio est summè homini necessaria.

*Argumentum 4.* Ab auctoritate & ratione D. Thomæ. Qui de Malo. q. 6. ad 18. sic habet: »Dicendum, quod principium humanæ cognitionis est à sensu; non tamen oportet, quod, quid, quid ab homine agnoscitur, sit sensui subiectum, vel per effectum sensibilem immediatè cognoscatur; nam & ipse intellectus intelligit semetipsum per actum suum, qui non est sensui subiectus. Similiter & interiores actus voluntatis intelligit, in quantum per actum intellectus quodammodo movetur voluntas.» Ex hoc ergo sic licet argumentari. Actus interni non sunt subiecti sensibus; ergo nec imprimunt sui speciem in sensus; ergo nec possunt nobis representari per species phantasticas sensibilium. *Siquis dicat:* per actus internos posse simul concomitanter in phantasia excitari species sensibilium. Respondeo quærendo 1. quænam ergo species, & quarum rerum sensibilium connexionem connaturali excitarentur, dum elicio actum internum voluntatis, aut intellectus? dum v. g. facio propositionem æternæ veritatis: *Idem non potest* simul esse, & non esse? Quæro 2. si connexionem connaturali simul excitantur species phantasticæ, sic, ut per has omnia objecta intelligi debeant, quomodo anima non dependeat à sensibus? *Si dicas:* animam, dum vult intelligere suos actus internos, sibi ipsi efformare speciem rei sensibilis, cuius voluerit, eamque substituere actui interno. Id planè ridiculum est; si enim animæ arbitrium est, actui interno substituere speciem alienam cuiusvis rei sensibilis, cur v. g. actui amoris non substituitur speciem trunci aut lapidis? si verò id animæ non est arbitrium, ut substituatur quæcumque speciem, clarum est, quod deberet substituere speciem talis rei sensibilis, qua similitudine quam proximè accedit ad actum internum. Sed qua ratione anima poterit assequi hanc ipsam analogiam inter rem sensibilem & actum internum, si nunquam vidit ullum actum internum?

*Argumentum 5.* Ratione D. Thomæ. Actus interni omnino non cognoscuntur per aliquas species à se distinctas, sed cognoscuntur per essentiam suam; quia cum immediatè applicentur intellectui, non indigent specie sui vicaria; ergo multò minùs requirunt, ut cognoscantur per species alienas rerum sensibilium. D. Thomas de Verit. q. 10. a. 9. ad 1. sic habet: »Cum dilectionem cognoscimus, ipsam dilectionis essentiam considera-

mus,



„mus, non aliquam ejus similitudinem, ut in  
„imaginaria visione accidit. Ibidem ad 2. „Di-  
„cendum, quod pro tanto dicitur, quod mens  
„nihil melius novit eo, quod in ipsa est quia  
„eorum, quæ extra ipsam sunt, est necesse,  
„quod in se habeat aliquid, unde in eorum no-  
„ticiam devenire potest; sed in eorum, quæ in  
„ipsa sunt, actuale cognitionem devenire  
„potest ex his, quæ penes se habet. Ibidem  
„ad 4. „Dicendum, quod habitus non cogno-  
„scantur per aliquam ejus speciem à sensu ab-  
„stractam. Item art. 8 ad 1. „Dicen-  
„dum, quod intellectus noster nihil actu  
„potest intelligere, antequam à phantasmatibus  
„abstrahat: nec etiam potest habere habitualem  
„noticiam aliorum à se quæ scilicet in ipso non  
„sunt, ante abstractionem prædictam, eo quod  
„species aliorum intelligibilium non sunt ei in-  
„natæ; sed essentia sua sibi innata est, ut non eam  
„necesse habeat à phantasmatibus acquirere. Ibi-  
„dem ad 2. „In visione intellectuali aliquis in-  
„spicit ipsam essentiam rei sine hoc, quod si-  
„quis inspicit ipsam similitudinem rei, quamvis  
„quandoque per aliam similitudinem illam es-  
„sentiam aspiciat; quod etiam experimento pa-  
„tet; cum enim intelligimus animam, non con-  
„fingimus nobis aliquod animæ simulacrum;  
„quod intueamur, sicut in visione imaginaria;  
„sed ipsam essentiam animæ consideramus. Ibi-  
„dem. „Dicendum, quod species illa, per quam  
„justitia cognoscitur, non est aliud, quam ratio  
„ipsa justitiæ; hæc autem species vel ratio non  
„est aliquid à justitia abstractum. Idem habet  
„q. 10. a. 8. ad 1. & a. 9. ad 4. „Dicendum,  
„quod habitus non cognoscitur ab anima per ali-  
„quam ejus speciem à sensu abstractam

*Argumentum 6. ex ratione S. Augustini.* Mul-  
ta veniunt in animum nostrum non per januas sen-  
suum; ergo nec repræsentantur per species &  
imagines sensibilium. Hanc rationem S. Augusti-  
nus l. 10. Confess. c. 9. sic proponit: „Res  
„(sensibiles) non intromittuntur in memoriam,  
„sed earum solæ imagines capiuntur. At cum au-  
„dio, tria genera esse quæstionum, an sit, quid  
„sit, quale sit, sonorum quidem, quibus hæc  
„verba confecta sunt, imagines teneo; res ve-  
„rò ipsas, quæ illis significantur sonis, neque  
„ullo sensu corporis attingi, nec uspiam vidi, &  
„in memoria recondidi non imagines earum, sed  
„ipsas; quæ undè ad me intraverint, dicant si  
„possint, nam percurro januas omnes carnis meæ,  
„nec invenio, quæ earum ingressæ sint. quippe  
„oculi dicunt, si coloratæ sunt, nos eas nun-  
„tiavimus, aures dicunt, si sonuerunt, à nobis  
„indicatæ sunt. nares dicunt, si oluerunt, per  
„nos transierunt. dicit etiam sensus gustandi,  
„si sapor non est, nihil me interroges. tactus  
„dicit, si corpulentum non est, non contrecta-  
„vi; si non contrectavi, non indicavi. unde  
„ergo hæc intraverunt in memoriam meam?  
„nescio quomodo. nam cum ea didici, non cre-  
„didi alieno cordi, sed in meo recognovi, &  
„vera esse approbavi. ibi ergo erant, & ante-  
„quam ea didicissem. Ibidem c. 11. „Quocir-  
„ca invenimus, nihil esse aliud discere ista, quo-

rum non per sensus haurimus imagines, sed sine  
„imaginibus, sicut sunt per seipsa, intus cerni-  
„mus, nisi ea, quæ indispositè memoria conti-  
„nebat, cogitando quasi colligere. Ibidem.  
„c. 12. „Item continet memoria numerorum  
„dimensionumque rationes & leges innumerabi-  
„les, quarum nullam corporis sensus impressit,  
„quia nec ipsæ coloratæ sunt, aut sonant, aut  
„olent, aut gustatæ, aut contrectatæ sunt. vidi  
„lineas fabrorum vel etiam tenuissimas, sicut  
„filum araneæ; sed illæ aliæ sunt, non sunt ima-  
„gines earum, quas mihi nuntiavit oculus car-  
„nis. novit eas, quisquis sine ulla cogitatione  
„qualiscunque corporis intus agnovit eas. sensu  
„etiam numeros omnibus sensibus corporis, quos  
„numeramus, sed illi alii sunt, quibus numera-  
„mus, nec imagines istorum sunt, rideat me  
„ista dicentem, qui eos non videt, & ego do-  
„leam ridentem me. Ibidem c. 13. „Affectio-  
„nes quoque animi mei eadem memoria conti-  
„net; nam & lætatum me fuisse reminiscor, &  
„tristitiam meam præteritam recorder; & me  
„aliquando timuisse recolo, & pristinæ cupidita-  
„tis sum memor aliquando. Et c. 14. de memo-  
„ria profero, cum dico: quatuor esse perturba-  
„tiones animi, cupiditatem, lætitiā, metum,  
„tristitiā; & quidquid de his disputare potue-  
„ro, ibi invenio, quid dicam, atque inde pro-  
„fero. non ea loqueremur, nisi in memoria no-  
„stra harum rerum ipsarum notiones inveniremus,  
„quas nulla janua carnis accepimus, sed eas ipse  
„animus per experientiam passionum suarum sen-  
„tiens memoriā commendavit. Et c. 15. „Sed  
„utrum per imagines an non? quis facile dixerit?  
„nomino quippe lapidem, nomino Solem, cum  
„res ipsæ non adsunt sensibus meis, in memoria  
„sanè præsto sunt imagines earum; nomino do-  
„lorem corporis, nec mihi adest, cum nihil  
„dolet; nisi tamen adesset imago ejus in memo-  
„ria mea, nescirem, quid dicerem, nec eum  
„disputando à voluptate discernere. nomino sa-  
„lutem corporis, cum salvus sum corpore; adest  
„mihi quidem res ipsa; verumtamen nisi & ima-  
„go ejus inesset in memoria mea, ullo modo re-  
„cordarer, quid significaret hujus nominis sonus.  
„nec ægrotantes, agnoscerent salute nominatā;  
„quid esset dictum, nisi eadem imago vi memo-  
„riæ teneretur, quamvis ipsa res abesset à corpo-  
„re, nomino numeros, quibus numeramus. en!  
„adsunt in memoria mea, non imagines eorum,  
„sed ipsi. nomino memoriam, & agnosco, quod  
„nomino. & ubi agnosco, nisi in ipsa memoria?  
„num & ipsa per imaginem suam sibi adest, ac  
„non per seipsam? Et c. 17. „Quid ergo sum  
„Deus meus? quæ natura mea? varia, multimo-  
„da, & immensa vehementer. ecce in memoriā  
„meā campis seu per imagines, sicut omnium  
„corporum, seu per præsentiam, sicut artium, seu  
„per nescio quas notiones vel notationes, sicut  
„affectionum animi, discorro Et c. 21. & 22.  
„Cum te Deum meum quæro, vitam beatam quæ-  
„ro. nonne ipsa est beata vita, quam omnes vo-  
„lunt, & omnino, qui eam nolit, nemo est? ubi  
„noverunt eam, quod sic volunt eam? ubi vide-  
„runt, ut amarent eam? utrum in memoria?  
„nunquid ita, ut meminit Carthaginem, qui vidit?



„non, vita enim beata non videtur oculis corporis, quia non est corpus, nunquid sicut meminimus numeros? hos enim, qui habet in notitia, non querit adipisci, nunquid sicut meminimus eloquentiam? non, quamvis enim hoc nomine audito recordentur ipsam rem, qui etiam nondum sunt eloquentes, tamen per corporis sensus alios eloquentes animadverterunt. beatam verò vitam nullo sensu corporis in aliis experimur, nunquid sicut meminimus gaudium? fortasse ita, nam gaudium meum etiam tristis memini, sic, ut vitam beatam miser; neque unquam corporis sensu gaudium meum vel vidi vel audiui, vel odoratus sum, vel gustavi vel tetigi; sed expertus sum in animo meo, quando lætatus sum, & adhæsit ei notitia memoriæ meæ, ubi ergo expertus sum beatam vitam, ut recorder eam, & amem & desiderem? necego tantum, sed omnes se beatos esse velle consonant, atque ipsum gaudium vitam beatam vocant, quæ quoniam res est, quàm se expertum non esse nemo potest dicere, propterea reperta in memoria recognoscitur, quando beatæ vitæ nomen auditur. Ex his textibus clarum est, quod S. Augustinus species, aut notationes earum rerum, quæ insensibiles sunt, ut sunt, v.g. beata vita, memoria, metus, tristitia, lætitia, cupiditas, numeri, veritates propositionum &c. non desumat à sensibus, aut speciebus phantasticis rerum sensibilibus, sed ab experientia animi, & ab intima præsentia talium rerum in animo.

*Argumentum 7.* Datur aliqua lux interna animi, diversa à luce huius mundi sensibilis; ergo etiam dantur alia objecta insensibilia in animo, quæ immediate retegantur per illam lucem. ant. patet ab experientia, dum sæpe dicimus, aliquas veritates clarè aut obscure cognosci. Hoc argumentum S. Augustinus L. de Magistro c. 12. sic proponit: „Omnia quæ percipimus, aut sensu corporis, aut mente percipimus, illa sensibilia, hæc intelligibilia, sive ut more Authorum nostrorum loquar illa carnalia, hæc spiritualia nominamus. cum de his, quæ aliquando sensimus, quæritur; non jam res ipsas, sed imagines ab eis impressas, memoriæque mandatas loquimur; is autem, qui audit, si ea sensit, recognoscit ablatis secum & ipse imaginibus. cum verò de iis agitur, quæ mente conspiciamus, id est, intellectu atque ratione, ea loquimur, quæ præsentia contuemur in illa interiore luce veritatis, qua ipse, qui dicitur, homo interior illustratur & fruatur. tunc auditor, si & ipse illo secreto ac simplici oculo videt, novit, quod dico, sua contemplatione, non verbis meis; docetur enim non verbis meis, sed ipsis rebus, Deo intus pandente manifestus. Idem L. de Immortalit. animæ. c. 6. „Incumbendum omnibus ratiocinandi viribus video, ut ratio, quid sit sciatur. ratio est aspectus animi, quo per seipsum, non per corpus verum intuetur; aut est ipsa veri contemplatio non per corpus, aut ipsum verum, quod contemplatur. quoquolibet modo autem se habeat, non posset animus verum contemplari per seipsum, nisi aliqua conjunctione cum eo. nam omne,

„quod contemplatur, seu cogitatione capimus; aut sensu, aut intellectu capimus; sed ea, quæ sensu capiuntur, extra etiam nos esse sentiuntur, & locis continentur, ea verò, quæ intelliguntur, non quasi alibi posita intelliguntur, quam ipse, qui intelligit animus, simul enim etiam intelliguntur non contineri loco.

*Argumentum 8.* Ex eo, quod animus cognoscat veritates æternas ac immutabiles, rectè inferitur, quod ipsa anima his objectis intimè jungatur, sicque sit æterna ac immortalis. atqui hoc non fieret, si has veritates æternas tantum reciperet, per species rerum sensibilibus corruptibilibus,

S. Augustinus L. de Immort. animæ c. 10. sic habet: „Quis bene se inspiciens non expertus est, tanto se aliquid intellexisse sincerius, quanto removere intentionem mentis à corporis sensibus potuit? quod si temperatio corporis esset animus, non utique id posset accidere; non enim ea re ullo modo se ab eodem corpore ad intelligibilia percipienda conaretur avertere. ad hæc ea, quæ intelligit animus, cum se avertit à corpore, non sunt profecto corporea. hæc autem, quæ intelliguntur, cum animus ea intuetur, satis ostendit, se illis esse conjunctum, miro quodam & incorporali modo, non localiter, namque aut in illo sunt, aut ipse in illis. non igitur animus mori potest.

*Argumentum 9.* Multa objecta, v. g. numeros &c. longè aliter intelligimus, quàm aliàs intelliguntur objecta sensibilia; ergo talia objecta non intelliguntur per species rerum sensibilibus.

S. Augustinus L. 2. de Libero arbitrio. c. 8. per modum dialogi cum Evodio sic discurret: „Augustinus. Dic mihi, utrum inveniatur aliquid, quod omnes sua ratione & mente communiter videant? Evodius. immò multa esse video, è quibus unum commemorari satis est. quod ratio & veritas numeri omnibus præstò est, ut omnis eam computator suâ intelligentiâ conetur eam apprehendere. Augustinus. rectè sanè. tamen, si tibi aliquis diceret, numeros istos non ex aliqua sua natura, sed ex iis rebus, quas sensu corporis attingimus, impressos esse animo nostro, quasi quasdam imagines quorumque visibilibus, quid responderes? an tu quoque id putas? Evodius. Nullo modo id putaverim. non enim, si sensu corporis percepi numeros, idcirco etiam rationem partitionis numerorum vel copulationis sensu corporis percipere potui, hac enim luce mentis refello eum, quisquis vel in addendo vel in subtrahendo, dum computat, falsam summam renuntiaverit, & quidquid sensu corporis tango, veluti est hoc cælum, & hæc terra, & quæcunque in eis alia corpora sentio, quamdiu futura sunt, nescio. septem autem, & tria decem sunt, & non solum nunc, sed etiam semper. hanc ergo incorruptibilem numeri veritatem dixi mihi & cuilibet ratiocinanti esse communem. Augustinus. non resisto tibi verissima & certissima respondenti. sed ipsos quoque numeros non per cor-



„corporis sensus attractos esse, facile videbis, si  
 „cogitaveris, quemlibet numerum tot vocari, quo-  
 „ties unum habuerit. unum verò quisquis verissi-  
 „mè cogitat, profecto invenit, corporis sensibus  
 „non posse sentiri: quidquid enim tali sensu at-  
 „tingitur, jam non unum, sed multa esse convin-  
 „citur, quantulumcumque illud corpusculum sit,  
 „habet certè aliam partem dextram, aliam fini-  
 „stram, aliam superiorem, aliam inferiorem; alias  
 „finales, aliam mediam, in quo tamen non possent  
 „tam multa numerari, nisi illius unius cognitione  
 „discreta. ubicunque autem unum noverim, non  
 „utique per corporis sensum novi, quia per cor-  
 „poris sensum non novi nisi corpus, quod verè pu-  
 „teque unum non esse convicimus. porro si unum  
 „non percipimus corporis sensu, nullum nume-  
 „rum eo sensu percipimus; nullus enim est exiis,  
 „qui non tot vocetur, quoties habet unum, cuius  
 „perceptio corporis sensu non fit. hoc ergo, quod  
 „per omnes numeros esse immobile conspicimus,  
 „(unum), undè conspicimus? non enim ullus ul-  
 „lo corporis sensu omnes numeros attingit; in-  
 „numerabiles enim sunt. undè ergo novimus per  
 „omnes hoc esse, aut qua phantasia vel phantasma-  
 „te tanquam certa veritas numeri per innumera-  
 „bilia tam fidenter nisi in interiore luce conspici-  
 „tur, quam corporalis sensus ignorat? his docu-  
 „mentis coguntur fateri, quibus pertinacia caligi-  
 „nem non obducit, rationem & veritatem nume-  
 „rorum ad sensus corporis non pertinere, & omni-  
 „bus ad videndum communem esse.

*Argumentum 10.* Multa cognoscimus, quæ eo  
 modo objectivo, sub quo cognoscuntur, tantum  
 sunt in mente Dei, v.g. sapientia, ac veritas im-  
 mutabilis; sed hoc non potest fieri per species rerum  
 sensibilem, per quas omnia objecta repræ-  
 sentantur sub modo objectivo finito ac limitato.

S. Augustinus L. 2. de Libero arbitrio c. 9. ad  
 Evodium sic pergit. „Augustinus. Quæscite, quid  
 „de ipsa sapientia putas esse existimandum? ut  
 „enim constat, nos beatos esse velle, ita nos con-  
 „stat velle esse sapientes, quia nemo sine sapientia  
 „beatus, nemo enim beatus, nisi summo bono,  
 „quod in ea veritate, quam sapientiam vocamus,  
 „cernitur & tenetur. sicut ergo antequam beati fi-  
 „mus, mentibus tamen nostris impressa est notio  
 „beatitatis, ita etiam, priusquam sapientes sumus,  
 „notionem sapientiæ in mente habemus impressam.  
 „nam si eam nullo modo animo cerneret, nullo  
 „modo scires velle te esse sapientem. volo, jam  
 „dicas mihi, utrum etiam sapientiam, sicut nume-  
 „ri rationem atque veritatem omnibus ratiocinan-  
 „tibus communem se præbere arbitraris? an quo-  
 „niam tot sunt mentes hominum, quot sunt ho-  
 „mines, tot putas esse sapientias, quot potuerunt  
 „esse sapientes? Evodius. Si summum bonum  
 „omnibus unum est, oportet etiam veritatem, in  
 „qua cernitur & videtur, id est, sapientiam esse  
 „omnibus communem. Augustinus. hoc non-  
 „dum tenemus. Et c. 10. Quod unum verum  
 „videmus ambo, nonne nostrum commune est?  
 „v.g. justè esse vivendum; & hujusmodi viven-  
 „di regulas, & lumina quædam virtutum commu-  
 „niter adesse ad contemplandum eis, qui hæc va-

„lent sua mente conspicere, certissimum esse  
 „concedis. manifestum, has regulas ad sapien-  
 „tiam pertinere. C. 12. Quapropter nullo mo-  
 „do negaveris incommutabilem veritatem, quam  
 „non possis dicere tuam, vel meam, sed omni-  
 „bus incommutabilia vera cernentibus tanquam  
 „publicum lumen præstò esse, seque præbere  
 „communiter. C. 14. Veritatis & sapientiæ  
 „pulchritudo nec peragitur tempore, nec mi-  
 „grat locis, nec subjacet sensibus, omnibus pro-  
 „xima est, omnibus sempiterna; nullo loco est,  
 „nusquam deest; foris admonet, intus docet; ab  
 „ipsa una fiunt singuli sapientes, quid igitur aliud  
 „agimus, dum studemus esse sapientes, nisi ut  
 „quanta possumus alacritate ad id, quod mente  
 „contingimus, totam animam nostram colligamus,  
 „& ponamus ibi, & stabiliter infigamus, ut ex-  
 „tata omnium temporum & locorum affectioni-  
 „bus apprehendat id, quod unum atque idem  
 „est. quoque te verteris, te sapientia intus re-  
 „vocat, ut quidquid te delectat in corpore, &  
 „per corporeos illicit sensus, videas esse nume-  
 „rosum, & quæras, undè sit, & in teipsum re-  
 „deas, atque intelligas, te illud, quod attingis  
 „sensibus corporis, probare aut improbare non  
 „posse, nisi apud te habeas quasdam pulchritu-  
 „dinis leges, ad quas referas, quæ pulchra sentis  
 „exterius. intueri cælum & terram, & quæ in  
 „eis sunt, formas habent, quia numeros habent;  
 „& formatum corporearum artifices in arte ha-  
 „bent numeros, quibus coaptent opera sua, &  
 „tamdiu manus movent, donec illud, quod for-  
 „matur foris, ad eam, quæ intus est, lucem nu-  
 „merorum relatum absolutionem impetret, pla-  
 „ceatque interno judici supernos numeros intu-  
 „enti. transcede ergo ipsum animum artificis,  
 „ut numerum sempiternum videas, jam tibi sa-  
 „pientia de interiore sede fulgebit. Similia plu-  
 „ra habet S. Augustinus c. 15. 16. 17. Et de Relig.  
 c. 32. 33. 34. sic habet: „Respondeat, ubi videat  
 „ipsam unitatem, aut undè videat? si his corpo-  
 „reis oculis, non verè diceres; nam istis corpo-  
 „reis oculis non nisi corporea vides: mente igi-  
 „tur eam videmus; sed ubi eam videmus? non  
 „continetur loco; & cum adest ubique judican-  
 „ti; nusquam est per spatia locorum, & per po-  
 „tentiam nusquam non est. omne corpus verum  
 „corpus est, sed falsa unitas; non enim summè  
 „unum est; porro utcumque unum esse non pos-  
 „set, nisi ab eo haberet, quod summè unum est.  
 „O animæ pervicaces, date mihi, qui videat sine  
 „ulla imaginatione visorum carnalium; date mihi,  
 „qui videat omnis unius principium non esse,  
 „nisi unum solùm, à quo sit omne unum; qui  
 „videat date, non qui litiget; date, qui resi-  
 „stat sensibus carnis. lux vera est, per quam  
 „illud unum vides, quo judicas unum esse, quid-  
 „quid aliud vides.

*Argumentum 11.* Multi viri docti senserunt, se  
 percipere objecta incorporea sine ullis rerum sen-  
 sibilem imaginibus.

S. Augustinus Epist. 28. ad S. Hierony-  
 mum sic habet. „Anima intelligitur propriam  
 „quandam habere naturam, quæ veraciter



„non possit in aliqua phantasia corporalium imaginum, quas per carnis sensus percipimus, cogitari, sed mente intelligi, vitæque sentiri. Epistola 71. & 72. hæc quæstio ex instituto examinatur. Nebridius Augustino sic scribit: „Mihi „ita videretur, quod omnis memoria sine phantasia esse non possit. sed dicis; quid cum recordamur nos intellexisse, aut cogitasse aliquid? „contra hæc ego respondeo, & dico, propterea „hoc evenisse, quia cum intelleximus, vel cogitavimus corporeum ac temporale aliquid, genuimus, quod ad phantasiam pertinet; nam aut verba intellectui, cogitationibusque nostris adiunximus, quæ verba sine tempore non sunt, & ad sensum vel phantasiam pertinent; aut tale aliquid intellectus noster cogitatione passus est, quod in animo phantasticam memoriam facere potuisset. de hac re, quid sentias respondebis. Huic interrogationi Nebridii Augustinus sic respondet: „Memoria tibi nulla videtur esse posse „sine imaginibus, vel imaginariis visis, quæ phantasiam nominare voluisti. ego aliud existimo. „si enim æternitas semper manet, nec aliqua imaginaria figmenta requirit, quibus in mentem „quasi quibusdam vehiculis veniat, potest esse „quarundam rerum sine ulla imaginatione memoria. — intelligas velim, cum tam multos „animi motus esse sentias expertes omnium, de quibus nunc quæris imaginum, quolibet alio „motu animam fortiri corpus, quam sensibilem „cogitatione formarum. quamobrem nullam cum „istis infernis umbris copules amicitiam, neve „illam, quæ copulata est, cunctis divellere.

Et Epistola 112. De videndo Deo ad Paulinam. c. 16. 17. 18. sic habet: „Jam in hac tota disputatione nostra considera, quid videris; & ea, quæ „vera esse vidisti, discerne, unde videris? utrum „recolendo, illa te vidisse per corpus, sicut corpora cælestia, vel terrestria? an verò ea nunquam corporalibus attigeris visibus, sed sola „mente inuens vera & certa esse perspexeris, „sicut voluntatem tuam? & cum hæc ita discreveris, etiam id attende, ut discernas; quamvis enim alia corpore, alia mente videamus, horum „tamen duorum generum discretio videtur mente, „non corpore, & ea, quæ mente conspiciuntur, „non indigent ullo corporis sensu, ut ea vera esse „noverimus. quæ per corpus videntur, mens eorum imagines, id est, incorporeas similitudine, „corporum incorporaliter commendat animæ; & „cum volet, etiam ista duo discernit, quid in „specie corporali foris reliquerit, quid ei intus „simile inspicat, & illud absens, hoc præsens „esse dignoscit. quæ cum ita sint, obsecro, cum „ab exterioribus interiora distinguis, cumque „istis foris relictis in illis intrinsecus demoraris, „& ea suis quibusdam incorporalibus finibus judicas, in nulla te putas, an in aliqua luce „versari? ego enim existimo, quod tanta tibi „& talia videri sine luce non possunt. ipsam igitur lucem, in qua cuncta illa perspicis, intrinsecus, & vide, utrum ad eam possit accedere „nullius corporeorum radius oculorum. profecto „non potest. attende etiam, utrum in ea videas

„nulla locorum spatia, vel intervalla. responde, nihil ibi tale, ut arbitror invenis, sed vigilanter „abigis ab aspectu intimo, quidquid imaginum „corporalium exterioris hominis sensus invenit. „sed fortè difficile est. irruit enim de consuetudine „ne corporalis vitæ in ipsos quoque interiores oculos turba phantasmatum in similitudinibus corporum. proinde si non potes aciem mentis tuam „à corporearum similitudinum quasi nubilo perspicue serenare, eas ipsas apud te ipsam vigilanter attende. intueri cælum & terram, easque „imagines cæli & terræ, quæ ante oculos cognitionis productæ sunt, vide similitudines „corporum esse, non corpora. sic ergo judica, si ea, „quæ in animo nostro sunt corporibus, locisque „simillima, non tamen locorum spatiis atque finibus continentur, quanto magis illa, quæ nullam gerunt similitudinem corporum, charitas, „gaudium, longanimitas, pax, benignitas, bonitas, fides, mansuetudo, continentia, nulla „locorum spatia tenent, nulla intercapedine separantur; nonne omnia in uno sunt sine angustia, & sine terminis mota sunt, sine circuitu „regionum? aut dic, in quo loco videas charitatem, quæ tamen intantum tibi cognita est, inquantum eam potes mentis acie contueri, „quam non ideo magnam nosti, quia ingentem „aliquam molem conspiciendo lustrasti, nec ut eam cernas, corporalium lumen erigis oculorum; nec ut eam fortiter teneas, corporalium „vires præparas lacertorum; nec cum tibi venit „in mentem, sentis ejus incessum. Ecce, etiam „charitas, quantulacunque in nostra voluntate „consistit, nobisque conspicua est, nec in loco „videtur, nec corporalibus oculis quæritur, nec „circumscribitur visu, nec tactu tenetur, nec auditur assatu, nec sentitur incessu, quanto magis „Deus ipse? si interior homo noster jam in tali „luce habitat, quo nullus oculorum corporalium „sensus accedit; si ea, quæ in illa luce cordis „oculis intuemur, & discernuntur inter se, & nullis locorum spatiis separantur, quanto magis „Deus? arbitror, te jam concedere, rectè dictum „esse, quod Deus nec in loco videtur, sed mundo „corde. Et Epistola 218. ad Nebridium. „Illud, „quod intelligere appellamus, duobus modis in „nobis fit; aut ipsa per se mente atque ratione intrinsecus, ut cum intelligimus, esse ipsum „intellectum; aut admonitione à sensibus, ut „cum intelligimus, esse corpus, in quibus duobus generibus illud primum per nos, id est, „de eo, quod apud nos est, Deum consulendo; hoc autem secundum de eo, quod à corpore sensuque nuntiatur, nihilominus Deum „consulendo intelligimus.

*Argumentum 12.* Multa intelligimus sine proprietatibus rerum sensibilem, nempe sine loco, situ, tempore, figura, lineamentis; ergo non per species rerum sensibilem.

S. Augustinus Epistola 222. ad Consentium sic ait: „Quæ æterna permanent, partim „sunt invisibilia, sicut justitia, sicut sapientia, partim



„partim visibilia, sicut Christi immortale jam corpus: Sed invisibilia intellectu conspiciuntur, ac per hoc & ipsa modo quodam sibi congruo videntur; & cum videntur, multò certiora sunt, quàm ea, quæ corporis sensus attingit; sed ideo dicuntur invisibilia, quia oculis istis mortalibus videri omnino non possunt. visibilia cum imaginamur, satis novimus, nobis nota non esse. nam & Antiochiam cogito incognitam, sed non sicut Carthaginem cognitam, iustitiam verò & sapientiam & quidquid ejusmodi est, non aliter imaginamur, aliter contuemur, sed hæc invisibilia simplici mentis intentione intellecta conspiciamus sine ullis formis & molibus corporalibus, sine ullis lineamentis, figurisque membrorum, sine ullis localibus finibus, sine spatis infinitis; ipsumque lumen, quo cuncta ista discernimus, in quo nobis satis apparet, quid corporis sensus attingat, quid imaginetur animus simile corpori, quid omnium corporum dissimilimum intelligentia contempletur, hoc ergo lumen, ubi hæc cuncta dijudicantur, non utique sicut hujus solis fulgor per localia spatia circumquaque diffunditur, sed intelligibiliter lucet, tamque nobis certum est, quàm nobis efficit certa, quæ secundum ipsum cuncta conspiciamus. Cum igitur tria sint genera rerum, quæ videntur, unum corporalium, sicut hoc cælum & terra, & quidquid in eis corporalis sensus cernit & tangit. Alterum simile corporalibus, sicut sunt ea, quæ spiritu cogitata imaginamur, seu recordata, seu oblita, quasi corpora contuemur, unde sunt etiam visiones, quæ vel in somnis, vel in aliquo mentis excessu his quasi localibus quantitatibus ingeruntur. Tertium ab utroque discretum, quòd neque sit corpus, neque habeat ullam similitudinem corporis, sicut est sapientia, quæ mente intellecta conspicitur; & in cujus luce de his omnibus veraciter judicatur, in quo istorum genere credendum est, esse ipsam, quam nosse volumus, Trinitatem? si in aliquo, utique in eo, quod est reliquis duobus præstantius, sicut sapientia. si autem aliquis splendor ejus in nobis est, quæ dicitur sapientia nostra, quantumcunque ejus per speculum & in ænigmate capere possumus, oportet eam, & ab omnibus corporibus, & ab omnibus corporum similitudinibus secernamus.

*Argumentum 13.* Veritates æternæ, primæ regulæ honestatis, & quædam perfectiones divinæ intelliguntur ut objectivè distinctæ à rebus sensibilibus, iisque altiores; ergo ut tales non repræsentantur per species rerum sensibilibus.

S. Augustinus l. 1. de doctrina Christi. c. 8. & 9. sic docet: „illi soli possunt non indigna de Deo existimare, qui vitam ipsam cogitant, & quæcunque corporis forma occurrerit, aliud esse ipsam, aliud vitam, qua vegetatur, intelligant, eamque illi moli, quæ ab illa vegetatur, & animatur, præferunt deinde ipsam vitam pergunt inspicere, & si eam sine sensu vegetantem invenerint, qualis est arborum, præferunt ei sentientem, qualis est pecorum; & huic rursus intelligentem, qualis est hominum; quàm cum adhuc mutabilem viderint, etiam huic aliquam incommutabilem

„coguntur præponere, illam scilicet vitam, quæ non aliquando disipit, aliquando sapit, sed est potius ipsa sapientia, quam si non viderent, nullo modo vitam incommutabiliter sapientem commutabili vitæ anteponerent ipsam quoque regulam veritatis, quæ illam clamant meliorem, incommutabilem vident, nec uspiam nisi supra suam naturam vident, quandoquidem omnibus ad contemplandum communiter, atque incommutabiliter præsto est, & hæc qui non videt, cæcus est in Sole; qui autem videt, ac refugit, consuetudine umbrarum carnalium invalidam aciem mentis gerit.

*Argumentum 14.* Ex cognitione nostræ animæ rectè ascenditur ad cognitionem Dei. Hoc autem non rectè fiet, si ea, quæ sunt in anima, tantum cognoscerentur per species alias rerum sensibilibus.

S. Augustinus l. 8. de Trinit. c. 5. & 6. sic habet: „Quomodo eam Trinitatem, quam non novimus, credendo diligimus? an secundum specialem, generalemve notitiam, secundum quam diligimus Apostolum Paulum? qui etiam si non ea facie fuit, quæ nobis occurrit de illo cogitantibus, & hoc penitus ignoramus, novimus tamen, quòd sit homo. quid igitur de illa Trinitate sive generaliter sive specialiter novimus, ut per regulam similitudinis impressam notitiam illam quoque talem credamus, & ex paritate diligamus? an quemadmodum diligimus in Christo, quòd resurrexit? resurgere est à morte ad vitam redire. Quid sit mori, & quid sit vivere scimus; quia & vivimus, & mortuos vidimus, an diligimus, quòd Trinitas Deus? sed Deum nullum vidimus. redi ergo mecum, & consideremus, cur diligamus Apostolum Paulum. Nunquidnam propter humanam speciem, quam notissimam habemus? non utique: sed id, quod in illo amamus, amamus animum justum. & quia scimus, quid sit animus, & quid sit justus, & animus quidem, quid sit, non incongruè nos dicimus ideo nosse, quia & nos habemus animam, neque enim unquam oculis vidimus, & ex similitudine visorum plurimum notionem specialem, generalemve percepimus, sed potius, ut dixi, quia & nos habemus, quid enim tam intimè scitur, seque ipsum esse sentit, quàm id, quo etiam cætera sentiuntur, id est, ipse animus? nam & motus corporum, quibus præter nos alios videre sentimus, ex nostra similitudine agnoscimus, quia & nos ita movemus corpus vivendo, sicut illa corpora moveri advertimus. Neque enim, cum corpus vivum movetur, aperitur ulla via oculis nostris ad videndum animum, rem scilicet, quæ videri oculis non potest; sed illi moli aliquid inesse sentimus, quale nobis inest ad movendum similiter molem nostram, quod est vita & anima. Animum igitur cujuslibet ex nostro novimus, non enim tantum sentimus animum, sed etiam scire possumus, quid sit animus consideratione nostri. Habemus enim animum: Sed quid sit justus, unde novimus, si justus non sumus? Num quis oculis vidit? at oculis non vidit, nisi corpora; justus autem non est, nisi animus; sicut autem animus non videtur oculis, ita nec pulchritudo ejus. Ubi ergo novit, quid sit justus? an signa quædam per motum corporis emicant, quibus ille aut ille homo esse justus apparet: Sed unde



„undè novit illa signa esse animi iusti, nesciens  
 „omnino quid sit iustus? in nobis ergo novimus,  
 „quid sit iustus; & si interrogem alium, quid sit  
 „iustus; apud seipsum quærir, quid respondeat; &  
 „quisquis hinc verum respondere potuit, apud se-  
 „ipsum, quid responderet, invenit. Et Carthagi-  
 „nem quidem, cùm eloqui volo, apud meipsum  
 „quæro, ut eloquar, & apud meipsum invenio.  
 „phantasiam Carthaginis, sed eam per corpus ac-  
 „cepi, id est, per corporis sensum, sic & Alexan-  
 „driam cùm eloqui volo, quam nunquam vidi,  
 „præstò apud me est phantasia ejus, cùm enim au-  
 „dissem, magnam esse urbem; sinxi animo meo  
 „imaginem ejus, quam potui. Non autem ita  
 „quæro quid sit iustus, nec ita invenio, quasi tale  
 „aliquid oculis viderim, aut ullo corporis sensu di-  
 „dicerim; cùm enim dico, iustus est animus, non  
 „aliquam rem absentem cogito, sicut Carthagi-  
 „nem; aut fingo, ut possum, sicut Alexandriam,  
 „sed præsens quiddam cerno, & cerno apud me,  
 „et si non sum ipse, quod cerno; & quisque is me  
 „audiat, apud se & ipse hoc idem cernit, et si non sit  
 „& ipse, quod cernit. Num est alius animus iustus  
 „in animo non iusto? aut si non est; an illud,  
 „quod videt, veritas est interior præsens animo,  
 „qui eam valet intueri? quod undè potuerunt,  
 „nisi inhærendo eidem ipsi formæ, quam intuen-  
 „tur? & undè inhæretur illi formæ, nisi amando?  
 „homo ergo, qui creditur iustus, ex ea forma dili-  
 „gitur, quam cernit & intelligit apud se ille, qui  
 „diligat, ipsa verò forma non est, quomodo aliun-  
 „dè diligatur.

*Argumentum 15.* Anima se amat; ergo etiam  
 se novit; non autem nosset se, si nullas de se ha-  
 beret species, nisi alienas rerum sensibilibus.

S. Augustinus l. 9. de Trinit. c. 3. 4. 5. & 6. sic habet:  
 „Mens amare seipsam non potest, nisi etiam se no-  
 „verit; nam quomodo amat, quod nescit? Siquis  
 „dicit, mentem se credere esse talem, quales aliàs  
 „experta est. undè mens aliam mentem novit, si  
 „seipsam non novit? mens ergo, sicut corporea-  
 „rum rerum notitias per sensus colligit, sic incor-  
 „porearum rerum per semetipsas; ergo & semet-  
 „ipsam per semetipsam novit, quoniam est incor-  
 „porea; nam si non se novit, non se amat. sicut  
 „autem duo quædam sunt, mens & amor ejus, cùm  
 „se amat, ita quædam duo sunt, mens & notitia  
 „ejus, cùm se novit. igitur ipsa mens, & amor, &  
 „notitia ejus tria sunt, & hæc tria unum sunt. Mens  
 „cùm seipsam cognoscit, non se superat notitia  
 „sua, quia ipsa cognoscit, & ipsa cognoscitur; cùm  
 „ergo se totam cognoscit, neque secum quidquam  
 „aliud, par illi est cognitio sua; quia neque ex alia  
 „natura est cognitio ejus, cùm seipsam cognoscit.  
 „Mens cùm se totam novit, hoc est, perfectè no-  
 „vit, per totum ejus est notitia ejus, & cùm se  
 „perfectè amat, per totum ejus est amor ejus. No-  
 „titia, quamvis referatur ad mentem cognoscen-  
 „dam, tamen & ad seipsam nota & noscens dicitur.  
 „non enim sibi incognita est notitia, quæ se mens  
 „ipsa cognoscit. ita se tota mens amat, & totam  
 „novit, & totum amorem suum novit, totamque  
 „amat notitiam suam, quando tria ista ad seipsa  
 „perfecta sunt. Sed cùm seipsam novit humana  
 „mens, & amat seipsam, non aliquid incommuta-

„bile novit, & amat. Aliter autem humanam  
 „mentem generali cognitione definit, qualis esse  
 „semper rationibus esse debeat.

*Argumentum 16.* Anima habet summum deside-  
 rium seipsam noscendi; hoc autem desiderium,  
 cùm sit naturale, debet impleri. Non impleretur  
 autem, si se minus cognosceret, quàm res sensibi-  
 les v. g. albedinem, quas cognoscit per species  
 proprias. immò, quamcunque anima de seipsa for-  
 maret peregrinam speciem, non posset scire, an illa  
 species aliena sit similis alicui animæ, cùm nullam  
 unquam noverit.

S. Augustinus l. 10. de Trinit. c. 3. sic ait:  
 „Quid amat mens, cùm seipsam quærir, ut  
 „noverit, dum incognita sibi est? ecce, enim  
 „mens semetipsam quærir, ut noverit, & in-  
 „flammat hoc studio, amat igitur; sed quid a-  
 „mat? seipsam? quomodo, cùm se nondum no-  
 „verit; nec quisquam possit amare, quod nescit?  
 „an ei fama prædicavit speciem suam, sicut de ab-  
 „sentibus solemus audire? fortè ergo se non amat,  
 „sed quod de se fingit, hoc amat, longè fortasse  
 „aliud, quàm ipsa est. aut si se mens sui similem  
 „fingit, & ideo cùm hoc figmentum amat, se amat,  
 „antequam noverit, quia id, quod sui simile est,  
 „intuetur. novit igitur alias mentes, ex quibus se  
 „fingat, & genere ipso sibi nota est? cur ergo,  
 „cùm alias mentes novit, seipsam non novit, cùm  
 „seipsa nihil possit sibi esse præsentius? quod si  
 „oculis corporis magis alii oculi noti sunt, quàm  
 „ipsi sibi; non se ergo quærat nunquam inventu-  
 „ra; nunquam enim se oculi præter specula vide-  
 „bunt: nec ullo modo putandum est, etiam rebus  
 „incorporeis contemplandis tale aliquid adhiberi,  
 „ut mens tanquam in speculo se noverit. An in  
 „ratione veritatis æternæ videt, quam speciosum sit  
 „nosse semetipsam, & hoc amat quod videt, stu-  
 „detque in se fieri. & hoc quidem permirabile est,  
 „nondum se nosse, & quàm pulchrum sit se nosse,  
 „jam nosse. An cum se nosse amat, non se, sed ipsum  
 „nosse amat? ubi ergo nosse suum novit, si se non no-  
 „vit? nam novit, quod alia noverit, se autem non  
 „noverit; hinc enim & novit, quid sit nosse. Quo  
 „pacto igitur se aliquid scientem scit, quæ seipsam  
 „nescit; neque enim alteram mentem scientem scit,  
 „sed seipsam, scit igitur seipsam. dein cùm se quærir,  
 „ut noverit, quærentem se jam novit. jam se ergo  
 „novit. quapropter non potest omnino nescire  
 „se, quæ dum se nescientem scit, se utique scit.  
 „si autem se nescientem nesciat, non se quærir, ut  
 „sciat. quapropter eo ipso, quod se quærir, magis  
 „se sibi notam quàm ignotam esse convincitur;  
 „novit enim se quærentem, atque nescientem, dum  
 „se quærir, ut noverit. Quid ergo dicemus? an  
 „quod ex parte se novit, ex parte non novit? sed  
 „absurdum est, dicere; non eam totam scire, quod  
 „scit, cùm ita dico tantum; scit: sed, quod scit tota  
 „scit, cùm itaque aliquid de se scit, quod nisi tota  
 „non potest, totam se scit. scit autem, se aliquid  
 „scientem, nec potest quidquam scire, nisi tota;  
 „scit se igitur totam. Dein, quid ejus ei tam  
 „notum est, quàm se vivere? non potest autem &  
 „mens esse, & non vivere. sicut ergo tota  
 „mens est, sic tota vivit: novit autem vivere se;  
 „totam igitur se novit. Postremo, cùm se nosse  
 „mens quærir, mentem se esse jam novit, alioquin



utrum se quærat, ignorat, & aliud pro alio  
forſitan quærit, fieri enim poteſt, ut ipſa non  
ſit mens, atque ita, dum mentem noſſe quæ-  
rit, non ſeiſpſam quærat. Quapropter quo-  
niam cùm quærit mens, quid ſit mens, no-  
vit, quòd ſe quærat, profeſſò novit, quòd  
ipſa ſit mens; porro ſi hoc in ſe novit, quod  
mens eſt, & tota mens, totam ſe novit. Sed  
Ecce; non ſe noverit eſſe mentem; cùm au-  
tem ſe quærit, hoc tantummodo noverit, quòd  
ſe quærat. poteſt enim & ſic aliud pro alio  
quærere, ſi hoc nescit. ut autem non aliud  
pro alio quærat, procul dubio novit, quid  
quærat; at ſi novit, quid quærat, & ſeiſpſam  
quærit, ſeiſpſam utique novit. Quid ergo ad-  
huc quærit? quòd ſi ex parte ſe novit, ex  
parte autem adhuc quærit, non ſeiſpſam, ſed  
partem ſuam quærit; cùm enim ea ipſa dici-  
tur, tota dicitur. Deinde, quia novit, non-  
dum ſe à ſe inventam totam, novit, quanta ſit  
tota, atque ita quærit, quod deſt; quemad-  
modum ſolemus quærere, ut veniat in mentem,  
quod excidit, nec tamen penitus excidit, quia  
poteſt recognoſci, cùm venerit, hoc eſſe,  
quod quærebatur. Sed quomodo mens veniat  
in mentem, quaſi poſſit mens in mente non  
eſſe? huc accedit, quia ſi parte inventa non  
ſe totam quærit, tamen tota ſe quærit. to-  
ta ergo ſibi præſto eſt, & quid adhuc quærat,  
non eſt. cùm itaque tota ſe quærit, nihil  
ejus deſt; aut ſi non tota ſe quærit; aut pars,  
quæ inventa eſt, quærit partem, quæ nondum  
inventæ eſt; non ſe ergo mens quærit, cujus  
ſe nulla pars quærit; pars enim, quæ inventa  
eſt, non ſe quærit; pars autem, quæ nondum  
inventæ eſt, nec ipſa ſe quærit. Ut quid ergo  
præceptum eſt ei, ut ſeiſpſam cognoscat? cre-  
do, ut ſeiſpſam cogitet, cùm aliud ſit ſe non  
noſſe, aliud ſe non cogitare. neque enim mul-  
tarum doctrinarum imperitum Grammaticum di-  
cimus, cùm eam non cogitat. Et l. 7. & 8.  
Qui videt mentis naturam non eſſe corpoream,  
videt ſimul, eos, qui opinantur corpoream,  
non ob hoc errare, quòd mens deſit eorum no-  
titia, ſed quòd adjungunt ea, ſine quibus nul-  
lam poſſunt cogitare naturam; ſine phantaſis  
enim corporum nihil omnino eſſe arbitrantur,  
ideoque non ſe, tanquam ſibi deſit, requirunt.  
Quid enim tam cognitioni adeſt, quam id  
quod menti adeſt? aut quid tam menti adeſt,  
quam ipſa mens? & quid tam in mente, quam  
mens eſt? ſed quia ſenſibilibus, id eſt, corpora-  
libus cum amore allueſcenda eſt, non valet ſine  
imaginibus eorum eſſe in ſemetipſa. Hinc ei  
oboritur erroris dedecus, dum rerum ſenſarum  
imagines ſecernere à ſe non poteſt, ut ſe ſolam  
videat. co hæſerunt enim mirabiliter glutino  
amoris, & hæc eſt ejus immunditia. quoniam  
dum ſe ſolam nititur cogitare, hoc ſe putat eſſe,  
ſine quo ſe non poteſt cogitare. Cùm igitur  
ei præcipitur, ut ſeiſpſam cognoscat, non ſe  
tanquam ſibi detracta ſit, quærat; ſed id, quod  
addidit, detrahat. Cognoscat ergo ſemetipſam,  
nec quaſi abſentem ſe quærat, ſed intentionem  
ſtatuat in ſemetipſam, & ſe cogitet; ita videbit,  
quòd nunquam ſe non amaverit, nunquam nescie-

rit; ſed aliud ſecum amando cum eo ſe conſu-  
dit, & concrevit quodammodo; atque ita, dum  
ſicut unum diverſa complectitur, unum putavit  
eſſe, quæ diverſa ſunt. Non itaque velut ab-  
ſentem ſe quærat cernere; ſed præſentem ſe cu-  
ret diſcernere; nec ſe, quaſi non noverit, cog-  
noſcat, ſed ab eo, quòd alterum novit, dig-  
noſcat. Cùm dicitur menti, cognosce teipſam,  
eo icſtu, quo intelligit, quod dictum eſt, te-  
ipſam, cognosceit ſeiſpſam, nec ob aliud, quàm  
eo, quo ſibi præſens eſt. non ergo adjungat  
aliud ad id, quòd ſeiſpſam cognosceit, cùm v. g.  
mens aërem ſe putat, aërem intelligere putat;  
quia non omnis mens ſe aërem eſſe exiſtimat, ſe-  
tamen intelligere ſcit; aërem autem ſe eſſe non  
ſcit, ſed putat. Secernat, quod putat, cernat,  
quod ſcit; hoc ei remaneat. Non omnis mens  
aërem ſe eſſe exiſtimat, ſed aliæ ignem, aliæ  
aliud corpus; omnes tamen ſe intelligere nove-  
runt, & eſſe & vivere. Item velle ſe ſciunt.  
Removeamus à conſideratione noſtra omnes no-  
titias, quæ capiuntur extrinſecus per ſenſus cor-  
poris; & ea, quæ poſuimus, omnes mentes de  
ſeiſpſis noſſe, certasque eſſe, diligentius attenda-  
mus. Utrum enim aëris ſit vis intelligendi, vo-  
lendi, vivendi, dubitaverunt homines: vivere  
ſe tamen, & intelligere, & velle, & cogitare,  
quis dubitet? quandoquidem etiam ſi dubitat,  
vivit; ſi dubitat, undè dubitet, meminit; ſi du-  
bitat, dubitare ſe intelligit; ſi dubitat, cogitat;  
ſi dubitat, ſcit ſe nescire; ſi dubitat, certus eſſe  
vult; ſi dubitat, judicat, non ſe temerè conſen-  
tire oportere. Quisquis igitur aliundè dubitat,  
de his omnibus dubitare non debet, quæ ſi non  
eſſent, de ulla re dubitare non poſſet. Qui pro-  
in mentem temperationem corporis eſſe putant,  
non advertunt, mentem noſſe ſe, etiam cùm quæ-  
rit ſe, nullo autem modo rectè dicitur, ſciri ali-  
qua res, dum ejus ignoratur ſubſtantia. Qua-  
propter cùm ſe mens novit, ſubſtantiam ſuam  
novit. Per phantaſiam imaginariam cogitat  
ignem, vel aërem, vel hoc vel illud corpus; ſi-  
quid autem horum eſſet, aliter id, quàm cætera  
cogitaret, non ſcilicet per imaginale figmentum,  
ſicut cogitantur abſentia, quæ ſenſu corporata  
eſtæ ſunt, ſed quadam interiore præſentia; non  
enim quidquam eſt illi ſeiſpſa præſentius, ſicut  
cogitat vivere ſe, & meminiffe, & intelligere, &  
velle ſe; novit enim hæc in ſe; nec imagina-  
tur, quaſi extra ſe illa ſenſu tetigerit, ſicut cor-  
poralia quæque tanguntur; ex quorum cognitione  
nihil ſibi affingat, quidquid ei de ſe re-  
manet, hoc ſolùm ipſa eſt. Et c. l. i. »Qua-  
propter mentem ipſam in memoria & intelli-  
gentia ſuiipſius ſic reperimus, ut quoniam ſem-  
per ſe noſſe, ſemperque ſeiſpſam velle compre-  
hendeatur, ſimul etiam ſemper ſui meminiſ-  
ſe, ſemperque ſeiſpſam intelligere & amare com-  
prehenderetur, quævis non ſemper ſe cogita-  
ret diſcretam ab iis, quæ non ſunt, quæ ipſa eſt.  
Similia habet de Genefi ad Litteram C. 21.

Argumentum 17. Si noſtros conceptus non  
cognoscimus ut ſunt in ſeiſpſis, multò minus alia  
cognoscimus ut ſunt in ſeiſpſis, cùm illa alia uti-  
que tantum per conceptus, & in conceptibus



cognoscamus : Sed hoc est falsum, quia utique aliquid verè cognoscimus, ut est in se ; ergo. S. Augustinus l. 14. de Trinit. c. 5. & 6. sic habet : „Diximus, hominis mentem nosse semetipsam ; „nihil enim tam novit mens, quàm id, quod sibi „præstò est ; nec menti quidquam magis præstò est ; „quàm ipsa sibi. quid itaque dicendum est de infantis „mente ? an etiam ipsa se nosse credenda est, sed „intenta nimis in eas res, quas per corporis sensus „cœpit delectatione sentire, non ignorare se potest, sed cogitare se non potest ? quòd autem „aliud sit, non se nosse ; aliud se non cogitare, „jam ostendimus. Sed ætatem hanc omittamus. „tantùm certos nos esse iussuerit, quòd cùm „homo de animi sui natura cogitare potuerit, atque invenire quod verum est, alibi non inveniet, quàm penes seipsum ; inveniet autem non quod nesciebat, sed undè non cogitabat. quid enim scimus, si quod est in nostra mente, nescimus, cùm omnia, quæ scimus, non nisi mente scire possimus ? tanta est tamen cogitationis vis, ut nec ipsa mens quodammodo se in conspectu suo ponat, nisi quando se cogitat. mens igitur, quando cogitatione se conspiciat, intelligit se, & recognoscit. gignit ergo intellectum hunc, & cognitionem suam ; res quippe incorporea intellecta conspiciuntur, & intelligendo cognoscuntur. nam ita sanè gignit istam notitiam suam mens, quando cogitando intellectam se conspiciat, tanquam sibi antè incognita fuerit. sed ita sibi nota erat, quemadmodum notæ sunt res, quæ memoria continentur, etsi non cogitentur.

*Argumentum 18.* Datur aliqua lux sensuum, in qua objecta sensibilia immediatè videntur, ut sunt in seipsis ; ergo etiam datur aliqua lux mentis, in qua immediatè videntur intelligibilia, ut sunt in seipsis. S. Augustinus l. 12. de Trinit. c. 14. sic ait : „Ad sapientiam pertinent ea, „quæ nec fuerunt, nec futura sunt, sed sunt & „propter æternitatem, in qua sunt ; & fuisse, & „esse, & futura esse dicuntur sine ulla mutabilitate temporum ; non enim sic fuerunt, ut esse desinerent, aut sic futura sunt, quasi nunc non sint ; sed id ipsum esse semper habuerunt, semperque habitura sunt. manent autem non tantumquam in spatiis locorum fixa, veluti corpora, sed in natura incorporali sic intelligibilia præstò sunt mentis aspectibus, sicut ista in locis visibilia vel contrectabilia corporis sensibus, non solum autem rerum sensibilibus in spatiis positarum sine spatiis localibus manent intelligibilis, incorporalesque rationes ; verum etiam motionum in temporibus transeuntium sine temporali transitu stant etiam ipsæ utique intelligibiles non sensibiles. ad quas mentis acie pervenire paucorum est, non tamen sicut manet quadrati corporis incorporalis & incommutabilis ratio, sic manet in ea hominis cogitatio, si tamen ad eam sine spatii localis phantasia potuit pervenire. Plato persuadere conatus est, disciplinam esse recordationem ; sed potius credendum est, mentis intellectualis ita conditam esse naturam, ut rebus intelligibi-

libus naturali ordine subiecta ista sic videat in quadam luce sui generis incorporea, quemadmodum oculus carnis videt, quæ in hac corporea luce circumjacent, cujus lucis capax, eique congruens creatus est ; ergo ad sapientiam pertineat æternarum rerum cognitio intellectualis.

*Argumentum 19.* Sententia, quæ docet, animam non posse cognosci, nisi per species rerum sensibilibus, præbet occasionem errori, quòd anima & Deus sint corporei ; ergo est periculosa. S. Augustinus l. 10. de Genesi ad litt. c. 24. sic discurret : „Nulla propior natura est, quàm diligenter inspecta possit Deus incorporaliter cogitari, quàm ea, quæ ad ipsius imaginem facta est ; & nihil vicinius, immò nihil consequentius, quàm ut creditò, quòd anima corpus sit, etiam Deus corpus esse credatur. Propter hoc corporalibus assuefacti sensibus nolunt animam aliud esse, quàm corpus, ac per hoc etiam timent, de Deo credere, quòd corpus non sit. ita enim feruntur in phantasias vel phantasmata imaginum, quæ cogitatio de corporibus versat, ut his subiectis tanquam per inana pereundum sit, reformident. ita necesse est, ut & iusticiam & sapientiam pingant quodammodo in cordibus suis cum formis & coloribus, quas non possunt incorporare cogitare. nec tamen dicunt, dum iusticiam moventur, quem colorem, quam staturam, quæ lineamenta, vel quales formas conspexerint. Sed de his jam aliàs multa diximus.

*Argumentum 20.* Juxta receptam doctrinam humana visio dividitur in eam, quæ fit per sensus ; & alteram, quæ fit per phantasiam ; ac tertiam, quæ fit per intellectum ; sed hæc divisio foret mala, si omnis visio intellectualis fieret per phantasiam. S. Augustinus l. 12. de Genesi ad litt. c. 3. sic habet : „Si ea, quæ Paulus vidit in raptu, extra corpus visa sunt, adhuc quæri potest, utrum imagines corporum fuerunt ; an ea substantia, quæ nullam corporis similitudinem gerit, sicut Deus, sicut ipsa mens hominis, vel intelligentia, vel ratio, sicut virtutes, prudentia, iustitia, castitas, charitas, pietas, & quæcunque aliæ sunt, quas intelligendo & cogitando enumeramus, discernimus, definimus, non utique intuentes lineamenta earum, vel colores, aut quomodo sonent, aut quid redoleant, aut quid in ore sapiant, aut quid contrectantibus de calore vel frigore, molitudine, seu duritia, lenitate seu asperitate renuntient, sed alia quadam visione, alia luce, alia rerum evidentia, & ea cæteris longè præstantiore & certiore. Dein c. 6. „Quod non imagnaliter, sed propriè videtur, & non per corpus videtur, hoc eâ visione videtur, quæ omnes ceteras superat harum differentias explicare conabor. Ecce, in hoc uno præcepto, cùm legitur, diliges proximum tuum tanquam teipsum, tria genera visionum occurrunt ; unum per oculos, quibus ipsæ litteræ videntur ; alterum per spiritum hominis, quo proximus & absens cogitatur. tertium per contuitum mentis, quo ipsa dilectio intellecta conspiciuntur, in his tribus generibus primum manifestum est omnibus, in hoc enim videtur cælum & terra, &



„ra, & omnia, quæ in eis conspicua sunt oculis nostris. nec illud alterum, quo absentia corpora cogitantur, difficile est insinuare; ipsum quippe cælum & terram, & ea quæ in eis videre possumus, etiam in tenebris constituti cogitamus, ubi nihil videntes oculis corporis, animo tamen corporales imagines intuemur seu veras, seu fictas, sicut imaginatio imaginari poterit. Tertium verò illud, quo dilectio intellectualis conspicitur, eas res continet, quæ non habent imagines sui similes, quæ non sunt, quod ipsæ. nam homo vel arbor vel Sol & quæcunque alia corpora seu cælestia seu terrestria & præsentia videntur in suis formis, & absentia cogitantur imaginibus animo impressis, & faciunt duo genera visorum; unum per corporis sensus, alterum per spiritum, quo illæ imagines continentur. Dilectio autem nunquid aliter videtur præsens in specie, qua est, & aliter absens in aliqua imagine sui similis? non utique. sed quantum mente cerni potest, ab alio magis, ab alio minus ipsa cernitur. primum ergo appellemus corporale, quia per corpus percipitur, & corporis sensibus exhibetur. secundum spirituale; & utique non est corpus, quamvis corpori similis sit imago absentis corporis, nec ille ipse obtutus, quo cernitur. C. 10. Tertium verò intellectuale mentis est proprium, ac excellentius est. C. 11. Tria ista genera visionum, corporale, spirituale, & intellectuale singillatim consideranda sunt. jam superius exemplum proposuimus, quo in una sententia omnia tria videntur genera. cum enim legitur; diliges proximum tuum tanquam teipsum, corporaliter litteræ videntur, spiritualiter proximus, intellectualiter dilectio conspicitur; sed & litteræ absentes possunt spiritualiter cogitari, & proximus præsens corporaliter videri; dilectio autem nec per substantiam suam potest oculis corporeis cerni, nec per imaginem corpori similem spiritu cogitari, sed sola mente, id est, intellectu cognosci & percipi. L. 12. de Genesi ad litt. c. 23. similiter discurret his verbis: Quod autem nunc insinuare satis arbitror, certum est, esse spiritalem quandam naturam in nobis, ubi corporalium rerum formantur imagines, sive cum aliquod corpus sensu corporis tangimus, & continuo formatur ejus similitudo in spiritu, memoriaque reconditur; sive cum absentia corpora jam nota cogitamus, ut ex eis formetur quidam spiritualis aspectus, quæ jam erant in spiritu, antequam ea cogitamus; sive cum eorum corporum, quæ novimus, sed tamen esse non dubitamus, similitudines, non ita ut sunt illa, sed ut occurrit, intuemur; sive cum alia, quæ non sunt, vel esse nesciuntur, pro arbitrio & opinione cogitamus; sive neque id agentibus, neque volentibus nobis variæ formæ corporalium similitudinum versantur in animo &c. hæc igitur natura spiritualis, in qua non corpora, sed corporum similitudines exprimuntur, inferioris generis visiones habet, quam illud mentis & intelligentiæ lumen, quo & ista inferiora judicantur, & ea cernuntur, quæ neque sunt

R.D. Euseb. Amoris Philosophia.

„corpora, neque ullas gerunt formas similes corporum, velut ipsa mens, & omnis animæ affectio. quo enim alio modo intellectus nisi intelligendo conspicitur? ita & charitas, gaudium, pax, longanimitas, benignitas, bonitas, fides, mansuetudo, continentia, & cætera hujusmodi, quibus propinquatur Deo, & ipse Deus. quanquam itaque in eadem anima fiant visiones, seu quæ sentiuntur per corpus, seu quæ spiritu videntur similia corporum, seu cum mente intelliguntur, quæ nec corpora sunt, nec similitudines corporum, est tamen aliud aliò præstantius. præstantior enim est visio spiritualis, quam corporalis, & rursus præstantior intellectualis, quam spiritualis; corporalis enim sine spirituali esse non potest; quandoquidem momento eodem, quo corpus sensu corporis tangitur, fit etiam in animo tale aliquid; non quòd hoc sit, sed quòd simile sit; neque enim corpus sentit, sed anima per corpus. non potest itaque visio corporalis fieri, nisi etiam spiritualis simul fiat: at verò spiritualis visio sine corporali fieri potest, cum absentium corporum similitudines in spiritu apparent, & finguntur multæ pro arbitrio. item spiritualis visio indiget intellectuali, ut dijudicetur; intellectualis autem illa spirituali inferiore non indiget; quapropter arbitror spirituales visionem inter intellectualem & corporalem medietatem obtinere. C. 25. Illud autem anima similitudinibus rerum. fallitur in visione corporali, cum in ipsis corporibus fieri putat, quòd sit in corporis sensibus; sicut navigantibus videntur in terra moveri, quæ stant. in visione autem spirituali, id est, in corporum similitudinibus, quæ spiritu videntur, fallitur anima, cum ea, quæ sic videt, ipsa corpora esse arbitratur, vel quòd sibi sinxerit, hoc etiam in corporibus putat. at verò in intellectualibus visis non fallitur; aut enim intelligit, & verum est; aut si verum non est, non intelligit. C. 26. Quapropter cum rapitur anima in ea visa, quæ spiritu cernuntur similia corporibus, ita ut omnino à sensibus corporis avestatur, jam divinæ admonitionis est, ut se non corpora, sed visa corporum similia spiritualiter noverit cernere. porro autem, si quemadmodum raptus est à sensibus corporis, ut esset in istis similitudinibus corporum, quæ spiritu videntur, ita & ab ipsis rapiatur, ut in illam quasi regionem intellectualium vel intelligibilium subvehatur, ibi sine ulla corporis similitudine perspicua veritas cernitur. C. 31. Sic etiam in illo genere intellectualium visorum alia sunt, quæ in ipsa anima videntur, velut virtutes, quibus vitia sunt contraria, ut pietas, fides, spes, patientia; istæ quippe & hujusmodi virtutes etiam ipsæ intellectualiter videntur; neque enim aut corpora sunt, aut species habent similes corporum.

Hæc argumenta, ex ratione & autoritate S. Thomæ, & S. Augustini petita, docili sufficiunt. hinc plura omitto, quæ tum ex his ipsis authoribus, tum aliis SS. Patribus adducere possem v. g. ex S. Augustino l. 4. de Consensu Evangel. c. ult. l. 83. Quæst. q. 6. & 46. & 64. l. 2. ad Simplic.



plic. q. 1. de fide Invisibilium. de Civitate Dei l. 8. c. 6. & 7. & l. 11. c. 2. & 26. &c.

*Argumentum 21. ex rationibus & autoritate Scoti, qui Omnium Operum tomo 3. in tract. de rerum principio. quæst. 15. num. 16. & sequentibus sic habet: „Quod anima se intuitivè cognoscit, videtur expressis sentire Augustinus in „Epistola ad Paulinum. c. 2. ubi ait: Sensibus „mentis videmus vitam nostram, voluntatem, inquisitionem, scientiam, & habitus; hæc enim intuitu „mentis conspiciamus; sicut enim hanc lucem corporis „sensu, sic & meam voluntatem plane video, quia „præsto est animi mei sensibus, atque intus mihi præsens est. Quod etiam intellectus non solum per „actus, sed etiam intuitivè videat suos habitus, „expressè dicit Augustinus 13. de Trinit. c. 1. si „dem porro ipsam, inquit, quam videt quisque in „corde suo esse, si non credit, aliter novimus; non „sicut corpora, quæ videmus oculis corporeis, & per „ipforum imagines, quas in memoria tenemus, etiam „absentia cogitamus; nec sicut ea, quæ non videmus, „ex iis quæ vidimus, cogitatione utrumque formamus, & memoria commendamus, nec sicut hominem vivum, cujus animam etsi non videmus, ex „nostra conjicimus. non sic videtur fides in corde, in „quo est, ab eo cujus est, sed eam tenet certissima scientia. Item Augustinus in Epistola ad Nebri- „dium videtur dicere contra illud, quod intellectus non apprehendit se, nisi per species abstractas à phantasmatibus rerum corporalium. „dicit enim, quod intelligere non fit in nobis ex „conjunctione sensuum, sed intrinsecus ipsa mente nostrum intelligimus intellectum. Item 7. „super Genesin c. 14. loquens de sensibus corporis ait: Cum igitur his quasi nuntiis accipiat anima, quidquid eam corporalium non latet; ipsa verò „usque adeo aliud quiddam sit, ut cum vult intelligere vel divina, vel Deum, vel omnino etiam seipsam, suasque considerare virtutes, ut aliquid veri, „certique comprehendat, ab hac ipforum quoque luce „oculorum se avertat, eamque ad hoc negotium non „tantum nullo adjumento, verum etiam nonnullo „impedimento esse sentiens se in obtutum mentis attollat. habetque ipsa innumerabilia longe dissimilia „cum cuncto genere corporum, quæ non nisi intellectu atque ratione conspiciat, quo nullius sensus carnis aspirat. Planè patet, quod dicit, quod anima nec se, nec virtutes suas aliqua specie corporali aspiciat. Experimentum etiam videtur „ad hoc facere; nam dum in voluntate nostra „oritur ipsum velle, experior ipsum velle, & „quod sensu interiori sentio ipsum velle; ergo „tale velle sensus interior intuetur. Item, si „anima esset in corpore, quo nullo modo posset uti, non apprehenderet species sensibiles. „ut enim dicit Augustinus l. 6. Musica c. 11. „impossibile est cæcum à Nativitate fingere imagines coloris. Certum est autem, quod talis „anima in tali corpore se apprehenderet, ut patet per Avicennam 6. Natural. tract. 1. c. 1. „ubi dicit; quod si crearetur unus homo & poneretur per impossibile in aëre, ita quod ejus „membra non sibi cohærerent, sed omnia essent distincta, nec aliquod de suis membris*

„perciperet, nec de aliis, non dubitaret, sed affirmaret se esse. Ex quo patet, quod anima „in corpore apprehendit se esse, & nullâ specie „receptâ indiget. & quia apprehensio quia est, „quærit quid sit, non necessariò indiget specie „alicujus exterioris corporis, sed per actus suos „intimos, quos experitur in se, ut se vivere, „velle, desiderare, & similia, dum venit in sui „notitiam.

Et est advertendum, quod de cognitione ista „possumus loqui dupliciter; vel quoad hujus inquisitionis initium, & inchoationem, qua anima inquit de se, vel quoad hujus cognitionis „terminum, & consummationem. si loquamur „primo modo, sic anima prius cognoscit actus „suos, utpote velle, intelligere, desiderare, & „similia; & ex notitia actuum sine aliqua alia „specie cognoscit se esse, & de actibus suis, „quia sunt, & qui sunt. undè impossibile est, „quod anima se, vel habitus suos intueatur, nisi „prius etiam habita notitia de actibus suis sensu „interiori, quo experimentatur actus suos interioriores spirituales, sicut sensa corporali particulari experimentatur res corporales exteriores. Hucusque Scotus, qui eò loci fusè explicat suam mentem,

## Objectiones.

*Obj. 1. Scotus in libros sententiarum docet; animam se non posse cognoscere sine speciebus rerum sensibilibus; ergo malè attrahitur in probationes. ant. prob. in 2. sent. dist. 3. quæst. 8. §. ad argumenta principalia. ad 2. sic habet. „Intellectus noster pro statu isto non est natus „moveri immediate, nisi ab aliquo imaginabili „vel sensibili extra prius moveatur. non enim „potest statim intelligere se nullo alio intellectu; „quia non potest statim moveri à se propter ordinem potentiarum ejus necessarium pro statu „isto ad imaginabilia.*

*Resp. Scotum hîc solum docere, quod anima nullam possit elicere cognitionem, quin prius ad cognoscendum exciteretur à sensu vel phantasia; quod & nos docemus; non tamen propterea negat, quod anima cognoscat ipsam cognitionem, & reliquos actus internos in seipsis. num. 25. de rerum principio q. 15. sic habet: „In hoc residet hujus quæstionis inquisitio, quod „anima humana cognoscit se esse, & corpori inesse per actus suos intrinsecos, & extrinsecos „absque specie; illos autem actus cognoscit „absque specie sola mentis experimentatione, ita „quod isti actus absque omni specie sunt ratio cognoscendi, quod ipsa est etiam in corpore. Postea considerat conditionem actuum, „quid sint, quo cognito cognoscatur quid sit potentia, à qua actus procedit; ita ut prima notitia, quid sit actus, sit sibi ratio absque omni specie cognoscendi, quid ipsa sit. cognito „ergo,*



„ergo, quid sit potentia cognoscitur substantia  
„animæ, quid sit: intuitivè se aspicit, dum se  
„à formis & imaginibus corporalibus abstrahit.  
„hanc autem intuitivam cognitionem sui & ha-  
„bituum ejus puto fieri per speciem differen-  
„tem ab actu, ita quòd anima unicà cognitio-  
„ne intuitivâ se & suos habitus cognoscit per  
„speciem non impressam propriè (nam ita dici-  
„tur respectu rerum extrinsecarum) sed per ex-  
„pressam, quam ex reflexione sui ipsius supra  
„se exprimit. Si verò dicatur, quòd anima  
„est sibi præsens, & habitus sunt sibi præsentes.  
„dicendum, quòd licet sint præsentes pro  
„eo quòd non distant ab ea, tamen non sunt  
„sibi præsentes in ratione cognoscibilis nisi eam  
„moveant.

*Obj. 2.* D. Thomas negat, mentem posse cog-  
nosci nisi tantum per species rerum sensibilium.  
De verit. quest. 10. art. 8. C. sic dicit: „Cogni-  
„tio, quâ natura animæ cognoscitur, potest con-  
„siderari quantum ad apprehensionem, & quan-  
„tum ad iudicium. si consideretur quantum ad  
„apprehensionem, sic dico, quòd natura animæ  
„cognoscitur per species, quas à sensibus ab-  
„strahimus. Et q. 10. a. 6. C. Verum est,  
„quòd scientiam à sensibilibus mens nostra ac-  
„cipit.

*Resp.* D. Thomam loco citato seipsum expli-  
care, dum docet, quòd anima se non cognoscat,  
nisi occasione præcedentis cognitionis sensibili-  
um. Postquam enim anima per objecta sen-  
sibilia fuit excitata ad eliciendam aliquam cog-  
nitionem circa res sensibiles, tunc anima pri-  
mum incipit cognoscere suam cognitionem, &  
alios actus internos consequentes ad cognitio-  
nem; sed eam cognitionem suam, & alios actus  
internos subsequentes non cognoscit per species  
rerum sensibilium, sed in seipsis. De veritate.  
quest. 10. art. 6. ad. 2. sic habet: „Per formam,  
„quæ à rebus accipitur, sensus manuducitur in  
„cognitionem exteriorum accidentium; intellectus  
„verò pervenit ad nudam quidditatem rei secer-  
„nendo eam ab omnibus materialibus conditio-  
„nibus; undè pro tanto dicitur cognitio mentis  
„à sensu originem habere, non quòd omne il-  
„lud, quod mens cognoscit, sensus apprehen-  
„dat; sed quia ex his, quæ sensus apprehendit,  
„mens in aliqua ulteriora manuducitur. Et  
„art. 8. C. ait: Quantum ad apprehensionem di-  
„co, quòd natura animæ cognoscitur per spe-  
„cies, quas à sensibus abstrahimus; sicut enim  
„materia prima est in potentia ad omnes formas  
„sensibiles, ita intellectus noster ad omnes for-  
„mas intelligibiles; & ideo sicut materia non  
„est sensibilis, nisi per formam; ita intellectus  
„non est intelligibilis nisi per speciem superin-  
„ductam; undè mens non potest seipsam intelli-  
„gere, ita quòd seipsam immediatè apprehendat;  
„sed ex hoc, quòd apprehendit alia, devenit in  
„sui cognitionem. sic igitur patet, quòd mens  
„cognoscit seipsam quodammodo per essentiam  
„suam, quodam verò modo per speciem, quo-  
„dam verò intuendo inviolabilem veritatem.

Cæterum quòd D. Thomas doceat, etiam es-  
sentiam seu quidditatem rerum sensibilium in-  
telligi sine phantasmate, ex sequentibus patebit.  
in Summa part. 1. q. 17. a. 2. ad 1. , & p. 1.  
q. 17. a. 2. ad 3. , & p. 1. q. 17. a. 2. C. ,  
& p. 1. q. 85. a. 6. C. & p. 1. q. 57. a. 1.  
ad. 2. , & p. 1. q. 58. a. 5. C. & p. 1. q. 17.  
a. 3. C. sic habet: „Circa propria objecta sen-  
sibilia sensus non habet falsam cognitionem, &  
„hinc falsitas non dicitur esse propria sensui,  
„quia decipitur circa proprium objectum. un-  
„dè etiam intellectus circa proprium objectum  
„non fallitur; quia sicut res habet esse per pro-  
„priam formam, ita virtus cognoscitiva habet  
„cognoscere per similitudinem rei cognitæ; undè  
„sicut res naturalis non deficit ab esse, quòd  
„sibi competit secundum suam formam, ita vir-  
„tus cognoscitiva non deficit in cognoscendo, re-  
„spectu illius, cujus similitudine informatur.  
„sicut autem sensus directè informatur similitu-  
„dine propriorum sensibilium, ita intellectus in-  
„formatur similitudine quidditatis rei; undè cir-  
„ca quod quid est intellectus non fallitur, sic-  
„ut nec sensus circa sensibilia propria. Et  
„p. 1. q. 58. a. 5. C. sic ait: „Objectum intel-  
„lectus. 3. *De anima*, tantum ponitur, quòd  
„quid est, apprehendendo essentias rerum. in  
„hunc modum dicitur, quòd intellectus circa  
„proprium objectum, nempe, quòd quid est,  
„semper verus sit, & intelligendo quidditates  
„simplices non est falsus, quia vel totaliter non  
„atinguntur, & nihil intelligimus de eis, vel cog-  
„noscuntur ut sunt. Et p. 1. q. 84. a. 7. C. ,  
„& 1. p. q. 85. a. 5. ad 3. , & p. 1. q. 85. a. 1.  
„C. & ad 1. & 2. & 5. sic habet: Objectum  
„humani intellectus proprium est quidditas seu  
„natura in materia corporali existens, non ta-  
„men sicut est in tali materia; cognoscere au-  
„tem id, quod est in tali materia, est abstrahe-  
„re formam à materia individuali, quam repræ-  
„sentant phantasmata. dicendum verò, quòd in-  
„tellectus noster abstrahat species intelligibiles à  
„phantasmatibus, inquantum considerat naturas  
„rerum in universali; dico enim, quòd ea, quæ  
„pertinent ad rationem speciei cujuslibet rei ma-  
„terialis, puta lapidis aut hominis, aut equi, pos-  
„sunt considerari sine principiis individualibus,  
„quæ non sunt de ratione speciei; & hoc est ab-  
„strahere universale à particulari, vel speciem  
„intelligibilem à phantasmatibus, considerare sci-  
„licet naturam speciei absque consideratione in-  
„dividualium principiorum, quæ per phantaf-  
„mata repræsentantur, observandum autem, quòd  
„in definitionibus ponatur materia; & ideo in-  
„tellectus abstrahit speciem naturæ à materia sen-  
„sibili individuali, non autem à materia intelli-  
„gibili communi, sicut ens, unum, substantia,  
„quæ possunt esse absque omni materia.

*Obj. 3.* Si discursus S. Augustini esset bonus,  
tunc sequeretur 1. quòd anima deberet se sem-  
per cognoscere, quia semper est sibi præsens.  
2. Quòd anima semper debeat se totam agno-  
scere, quia non habet partes. 3. Quòd Philo-  
sophus non habeat perfectiorem animæ notitiam,  
quàm



quàm infans in utero materno in primo momento, quo anima vel creatur, vel incipit sentire. sed hæc omnia sunt falsa.

*Resp.* Ad 1. juxta S. Augustinum animam solum tunc à seipsa cognosci quando actu de se cogitat, id est, quando actu gignit cognitionem sui ipsius; tunc enim verum est, quod anima non possit se ignorare, quia objectum cognitionis est intimè præsens cognitioni. cum autem illa cognitio non necessario exprimat omnes perfectiones animæ, aut non necessario convertatur ad omnes perfectiones animæ ut formaliter, clare, ac distinctè cognitæ, non sequitur, quod anima semper se totam cognoscat, nisi realiter tantum. & cum illa cognitio excitari debeat per sensus, & ad varias animæ perfectiones converti per discursum, non sequitur, quod anima infantis habeat tam perfectam sui notitiam, quàm anima Philosophi, nisi habitualiter tantum, inquantum anima infantis habet in seipsa media aquirendi sui notitiam. ex quo patet responsio ad 2. & 3. Hanc esse mentem S. Augustini, patet ex sequentibus. l. 9. de Trinit. c. 3. 4. 5. 6. dicit: „Duo sunt, mens & notitia ejus, cum se novit. & l. 14. de Trinit. c. 5. & 6. „tanta est cogitationis vis, ut nec ipsa mens se „quodammodo in conspectu suo ponat, nisi „quando se cogitat. mens igitur, quando se cogitatione conspiciat, gignit intellectum hunc & „cognitionem suam. nam ita sanè gignit istam „notitiam suam mens, quando cogitando se intellectam conspiciat, tanquam sibi ante incognita fuerit; sed ita sibi nota erat, quemadmodum notæ sunt res, quæ memoria continentur, etsi non cogitentur, (nempe habitualiter) Et de Trinit. l. 9. c. ult. „Liquido tenendum est, quod „omnis res, quamcunque cognoscimus, congenerat in nobis notitiam sui; ab utroque enim „notitia paritur, à cognoscente, & cognito. itaque mens, cum seipsam cognoscit, sola parens est notitiæ suæ, cognitum enim & cognitor ipsa est.

*Obj.* 4. Impossibile est, quod anima aliquid cogitet, quin simul volvat in cerebro signa quædam suorum conceptuum, nempe vel ipsa verba, quibus tacitè nobiscum loquimur, vel alias notas eorundem conceptuum; ob quod dicitur, in iis hominibus non deprehendi usum rationis, qui à nativitate simul muti ac surdi sunt. Ergo nequit anima quidquam intelligere sine speciebus rerum sensibilibus.

*Resp.* Me non negare, quod anima, dum cogitat, semper volvat in cerebro quasdam notas suorum conceptuum; sed cum notæ illæ non sint signa naturalia, quæ sua similitudine representent objectum, sed tantum signa ex beneplacito ac institutione hominum, non cognoscuntur objecta in his signis, sed cum his signis, v.g. pulsus campanæ in turri est signum incendii, hedera vini vendibilis, vox Petrus cujusdam hominis; nec tamen cognoscimus incendium per species campanæ, nec vinum per spe-

cies hederae, nec hominem per species vocis; tanquam per medium in quo; sed tantum tanquam per medium, cum quo simul cognoscitur significatum. Quod dicitur de mutis ac surdis, verum non est. ipsemet novi talem puerum, qui monstrat operationes planè non nisi provenientes ab usu rationis. cur enim talis homo non possit sibi metipsum formare notas eorum conceptuum, qui ipsi nascuntur ex usu reliquorum sensuum?

*Obj.* 5. Aristoteles 3. de anima dicit: Intellectus nihil intelligit sine phantasmate; ergo nec se ipsum. Atqui phantasma tantum habetur per species rerum sensibilibus; ergo.

*Resp.* Animam nihil intelligere sine phantasmate, id est, sine notis ac signis suorum conceptuum, prout object. 4. explicatum est. sed ex hoc non sequitur, quod omnia cognoscantur in ipso phantasmate, tanquam in imagine objecti.

*Obj.* 6. Aristoteles 3. de anima dicit: quod intellectus seipsum cognoscat, sicut & alia. sed alia non cognoscit per essentiam suam, sed per species rerum sensibilibus.

*Resp.* Intellectum se cognoscere, sicut alia, in quantum etiam se cognoscit per cognitionem à se distinctam, sicut alia. quoad modum verò cognitionis non instituitur paritas.

*Obj.* 7. Ea, quæ per essentiam suam ac intuitivè videntur, cognoscuntur certissimè, & sine errore; sed taliter non cognoscitur ab omnibus anima, cum multi illam putaverint esse aërem, aut ignem &c.; ergo non ab omnibus videtur anima intuitivè.

*Resp.* Neminem errare circa id, quod de anima cognoscit. omnes cognoscunt 1. se sentire, velle, cognoscere, vivere &c. 2. se posse sentire, posse velle. itaque omnes intuitivè vident actus suos, & potentias; sed in hoc errant, quod his rebus intuitivè cognitis jungant alias naturas, v.g. aërem, aut ignem. licet enim præsumi possit, quod Deus cum iis perfectionibus, quas circa animam cognoscimus, identificaverit alias perfectiones nobis incognitas, non tamen rectè creditur, eas perfectiones incognitas esse naturam aëream, vel igneam. Cunque perfectiones illæ, quæ in anima sunt nobis incognitæ, longè plures sint, quàm eæ, quas cognoscimus, simpliciter dici debet, essentiam animæ ac quidditatem esse nobis incognitam. nos enim, qui animam tantum cognoscimus per actus suos, nullam aliam animæ perfectionem cognoscimus, nisi relativam ad actus, nempe potentias animæ; alias perfectiones animæ absolutas v.g. pulchritudinem, magnitudinem &c. omnino non cognoscimus.

*Obj.* 8. Anima nostra est forma conjuncta materiæ; sed omnis hujusmodi forma cognoscitur per abstractionem formæ à materia, & à materialibus conditionibus; ergo anima cognoscitur per speciem abstractam à materia & rebus sensibilibus.

*Resp.*



*Resp.* Animam quidem esse conjunctam materiæ, sed non representari animæ, ut idem cum materia, sicut alias formas, quæ, dum sunt in materia, tantum per sensus exteriores deteguntur; ut sic represententur simul cum materia, in qua sunt. Quodsi verò anima representaretur ut immersa materiæ, ne sic quidem cognosceretur per species rerum sensibilium; quia cognosceretur per speciem abstractam à materiæ, id est, separatam à cognitione ac speciebus materiæ, non enim illæ species debent vocari abstractæ à materiæ tantum, quæ sunt desumptæ ac mutuo acceptæ à rebus sensibilibus, sicque translatae ad rem aliam non sensibilem; sed etiam illæ species dicuntur abstractæ à sensibilibus, & à materiæ, quæ conveniunt rei immersæ materiæ, quæ tamen separantur à speciebus ipsius materiæ, sicque separatæ ac velut abstractæ intelliguntur; quod contingit circa omnes formas ac perfectiones ex suo genere immateriales, sed tamen conjunctas cum materiæ; quando enim cognoscuntur sine materiæ, in qua sunt, intelliguntur immaterialiter, secundum se, ac intuitivè.

*Obj. 9.* Intelligere non est actus animæ tantum, sed conjuncti, ut dicitur l. i. de anima. nunquam enim cogitamus, quin simul operetur cerebrum; cujus signum est, quod per cognitiones quamvis abstractas defatigetur cerebrum; immò sentimus majorem defatigationem cerebri post studium ac cognitionem rerum abstractarum, quam post cognitionem rerum sensibilium; ergo clarum est, quod in cognitione rerum insensibilium operetur phantasia.

*Resp.* Jam supra ad object. 4. nos explicasse, quomodo cum cognitione rerum immaterialium semper in cerebro volvantur notæ ac signa talium conceptuum; non sic, quasi illæ notæ forent imago ac species objecti, sed quod moneant mentem de priori conceptu, dum opus erit. In hoc ergo consistit defatigatio cerebri, dum consideramus res abstractas; quod difficile sit, semper, ad tam novos ac multiplices conceptus abstractos cerebro imprimere identidem novas notas ac signa.

*Obj. 10.* Potentiæ cognoscuntur per actus; actus cognoscuntur per objecta; ergo ultimato essentia animæ cum suis potentiis & actibus cognoscitur per objecta actuum, quæ sunt res sensibiles.

*Resp.* Prima objecta actuum potentiæ intellectivæ & volitivæ fortè quidem esse singularia sensibilia; sed postea ipsimet actus, nempe cognitio & volitio, incipiunt esse objectum aliorum actuum; si itaque hi actus reflexi supra actus directos intelliguntur per objecta, clarum est, quod actus directi tanquam objectum actuum reflexorum debeant esse cogniti in seipsis, inquantum ab iis præscinditur objectum sensibile.

*Obj. 11.* Sicut se habet sensus ad sensibile, sic se habet intellectus ad intelligibile: Sed inter

sensum & sensibile requiritur aliqua distantia. sic v. g. oculus non potest videre seipsum per essentiam suam; ergo nec intellectus potest se intelligere per essentiam suam.

*Resp.* Tunc requiri distantiam inter objectum & sensum, quando impressio objecti in sensum fit per motum localem, prout contingit circa visionem. Sed non hoc idem fieri debet, ubi potentia non dependet à motu locali objecti per intermedium, prout contingit in intellectu & phantasia, quæ sæpe de seipsa somniat aut cogitat. Disparitas est, quod sensus se habeant passivè recipiendo impressionem ab objecto; intellectus se habeat activè, semetipsum convertendo ad objectum.

*Obj. 12.* Juxta commune axioma; *Nihil est in intellectu, quod prius non fuit in sensu*; ergo est anima.

*Resp.* Hoc axioma tantum intelligendum esse de rebus sensibilibus, quæ nunquam intelliguntur, nisi prius sentiantur; sic cæcus nunquam intelliget colores, nisi eos videat.

*Obj. 13.* Si anima cognosceret seipsam intuitivè, tunc eodem modo cognosceret Angelos & Deum; sed hoc non potest dici; alias frustra nobis proponeremus Angelos & Deum sub humana specie.

*Resp.* Eas perfectiones, quas cognoscimus de anima, etiam à nobis cognosci de Angelis, aut Deo. Sed sicut de anima tantum cognoscimus paucas perfectiones relativas ad actus, v. g. potentiam volitivam, intellectivam &c. sic de Angelis, aut Deo tantum paucas similes perfectiones cognoscimus. Sicut ergo intellectus pauculis perfectionibus de anima nemo potest dicere, se comprehendisse naturam, essentiam, ac quidditatem animæ simpliciter, sic nec ob paucas perfectiones naturæ angelicæ cognitæ potest dici, eandem naturam simpliciter cognitam fuisse; ideo rectè proponitur populo sub specie humana.

## QUÆSTIO II.

*An mundus realis sit simillimus mundo intellectuali?*

**V**idimus in præcedente quæstione, à nobis non solum cognosci res materiales, sed & spirituales. Nunc examinandum, an mundus realis sit per omnia similis nostris conceptibus, quos formamus de mundo, & quos propterea voco mundum intellectualem; ex hujus enim quæstionis resolutione dependet totum systema Philosophiæ Peripateticæ; si enim ille mundus, qui depingitur in mente nostra, est simillimus mundo reali, clarum est, quod in mundo reali debe-



debeant reperiri eadem formæ, accidentia, modi, relationes, ac mutationes earum, qualiter reperiuntur in mundo intellectuali. Porro similitudo hæc mundi realis & intellectualis vel potest esse per analogiam, sicut ovis, leo, petra, & similes figuræ habent similitudinem cum Christo; vel potest esse similitudo entitativa, ac formalis; qualis datur inter duo entia, quæ specie, & univocè conveniunt, sicut v. g. Angelus & lapis univocè conveniunt quoad existentiam, homo & equus quoad rationem animalis, duo ova quoad albedinem, vel rotunditatem.

Dico I. *Mundus realis est simillimus mundo intellectuali*, id est, nostri conceptus conveniunt cum objectis, quæ representantur.

*Argumentum 1.* Possibilis est talis similitudo mundi realis cum intellectuali; ergo datur. In antecedenti non potest ostendi implicantia, ut patet ex solutione objectionum. *conseq. prob.* Si talis similitudo est possibilis, tunc coipso hypothesis Peripaterica erit omnium hypothesum optima, ac Deo dignissima: Sed si hoc, coipso datur, ergo M. prob. hæc sola hypothesis exhibet mundum simillimum mundo ideali, qui est in mente divina, Angelica, & humana; simulque præbet minimam deceptionis occasionem homini; ergo est optima; quia nihil potest esse melius, nisi quod est simillimum causæ ideali.

*Argumentum 2.* Datur veritas; ergo etiam datur similitudo conceptuum cum objectis, quæ representantur ut existentia extra nos. *conf. prob.* veritas est summa & omnimoda similitudo conceptuum ad objecta sine ulla dissimilitudine; ergo si datur veritas, etiam dabitur similitudo ad objecta vera, quæ representantur ut existentia extra nos, quia si talis similitudo non esset perfecta fundans eundem conceptum ex parte terminorum consimilium, jam non esset omnimoda similitudo. *ant. prob.* quando dicimus nos habere conceptum verum rei, aut rem esse veram, dicimus rem sic se habere à parte rei extra mentem, prout representatur in mente: Atqui hoc non contingeret, si non daretur omnimoda similitudo inter conceptus & objecta, ergo *m. prob.* quando dicimus, objectum sic se habere à parte rei extra mentem, prout representatur in mente, coipso dicimus, omnes partes nostrorum conceptuum objectivas esse similes objecto secundum omnes suas partes hic & nunc representatas considerato: Atqui hoc non contingeret, si non daretur omnimoda similitudo; ergo M. prob. quando dicimus, objectum sic se habere, prout representatur in mente, coipso tacite affirmamus propositionem hanc copulativam: Hæc pars nostrorum conceptuum est similis objecto, & illa, & ista &c. ergo *ant. prob.* à pari. quando dico: *Petrus gladius velociter currit*, coipso affirmo tot veritates, in quot hæc propositio

est resolvable; ergo etiam dum dico: tem se habere, prout representatur in mente, affirmo similitudines tot partium in quot partes objectum vel conceptus est resolvable; sic etiam dum dico: unam imaginem esse simillimam alteri, aut ovum ovo simillimum, nullam excipio perfectionem utriusque capacem similitudinis.

Itaque solam probandum est primum antecedens: quod detur veritas respectu eorum objectorum, quæ representantur tanquam existentia extra mentem in mundo reali. Sic probatur: ea, quæ existunt in mente, sunt indimè cognita, ut patet ex prima questione; ergo solum illa pertinent ad mentem, quæ sic representantur, ut non possint representari tanquam existentia extra mentem; econtrà, quæ non taliter representantur tanquam actus mentis, certissime non sunt tantum in mente. itaque voluptas, dolor, sentatio &c. cum nunquam possint representari tanquam existentia in objecto causante dolorem, vel voluptatem, pertinebunt ad mentem, ejusque erunt affectiones; econtrà color, lux, cum possint representari ut existentia in objecto, coipso non erunt purus actus vitalis & affectio mentis, sed aliquid ex sua natura commune menti & objecto. Cum ergo Deus sequatur naturam & aptitudinem rerum, dabitur veritas respectu talium objectorum, ut eodem modo sint extra mentem, quo modo sunt in mente.

*Argumentum 3.* Talia sunt objecta mentis, qualia per simplicem apprehensionem sine compositione & discursu intelliguntur; sed objecta sensuum sine compositione aut discursu statim per primam apprehensionem intelliguntur ut existentia extra mentem; ergo, *m. prob.* non sentimus, ullum nos ferre iudicium de modo existendi v. g. albedinis in muro; ergo non nos componimus albedinem cum muro, sed albedo ut jam composita cum muro ingeritur menti, & sic ingesta apprehenditur. *Confirm.* quando intelliguntur à nobis actus interni, simul etiam intelligitur eorum modus existendi essentialis, activus, vel passivus; ergo si intelliguntur tales formæ rerum sensibilium, ut advenientes, ut receptæ, ut impressæ, ut afficientes animam tanquam recipientem, & se habentem passivè, erit impossibile, quod hic modus existendi non sit essentialis formis sensibilibus; & sic certò advenient menti ab extrâ.

*Argumentum 4.* Si non daretur perfecta similitudo mundi realis cum mundo intellectuali, tunc deciperentur omnes homines à Deo, dum universim omnes antecederet ad omnem discursum sine hesitatione affirmant, dari in mundo v. g. colorem, sonum, & similes alias formas sensibiles, aut insensibiles, quales apprehenduntur ut existentes in mundo; sed hoc



non potest dici, cum Deus non sit causa erroris, maxime talis, qui difficulter posset deponi; ergo. M. prob. illud universale hominum iudicium non potest habere aliam causam, quam universale quoddam lumen naturale, in quo videtur ea veritas. Si enim haberet aliam causam, v.g. præcipitantiæ mentis, prout vult Cartesius, qua iudicamus v.g. colorem esse cum corporibus conjunctum, eo quod menti simul cum idea corporum innascatur idea colorum; si, inquam, haberet hanc causam, vel ea præcipitantiæ iudicii haberet causam necessariam, vel contingentem? si haberet causam necessariam, iterum Deus esset causa erroris. Si haberet contingentem, non deberet error esse universalis, eo quod contingentia non procedant uniformiter.

Item, si hic error proveniret à iudicio erroneo, & non à simplici apprehensione; tunc vel motiva hujus iudicii sunt omnibus demonstrativa & evidentia, vel non? si sunt omnibus hominibus demonstrativa, iterum Deus esset Author hujus erroris, eo quod poneret omnia illa motiva demonstrativa. Si non sunt demonstrativa, deberet saltem intellectus dubitare, formidare de opposito, & aliquando suspendere iudicium, & interrogatus hæsitare aliquantulum: sed hoc iterum non fit; omnes enim clamant, dari in mundo colorem, & sonum vocis simillimum illi, quem intelligimus, dum videmus, vel audimus. Aliter contingit circa objecta, in quibus intervenit humanus error; vel enim occasiones erroris sunt tantum particulares respectu paucorum hominum, qui delati ad eas errandi ac ferendi iudicium erroneum occasiones errant; vel in iisdem occasionibus erroris positi non iudicant omnes eodem modo; vel iudicant hæsitanter. v.g. si apparet baculus fractus in aqua, vel omnes stellæ in æquali distantia &c. si interrogem rusticum, aut puerum, utrum revera baculus sit fractus, vel an revera omnes stellæ sint in æquali à terra distantia, deliberabit prius, & si feret iudicium, nil certi statuet, aut certe non omnes homines id pro certo habebunt. Itaque universale hominum iudicium de conformitate mundi realis cum intellectu non provenit ex iudicio humano, sed ex apprehensione, quæ semper provenit à lumine naturali.

*Argumentum 5.* Datur aliquod lumen internum mentis, in quo videntur multæ veritates; ergo etiam illæ veritates, quæ dirigunt ac movent totum hominem cum omnibus suis appetitibus antecederent ad omnem discursum, & operationem hominis, videntur in illo lumine, quod est revelatio Dei naturalis. Atqui æstimabilitas rerum sensibilibus ob earum pulchritudinem, earum appetibilitas ob eandem pulchritudinem, cognoscibilitas Dei ex

pulchritudine mundi &c. sunt tales veritates; ergo. m. prob. sic omnes iudicant verum esse, quod Sapient. 13. scribitur: Solem & Lunam Deos putaverunt, quorum si specie delectati Deos putaverunt, sciant quanto his dominator eorum speciosior est. Speciei enim generator hæc omnia constituit à magnitudine enim speciei & creaturæ cognoscibiliter poterit creator horum videri.

*Argumentum 6.* Si mundus realis non est per omnia similis mundo intellectuali, tunc Neoterici non poterunt ex ratione naturali demonstrare existentiam mundi; sed poterit dici, vel nos omnia videre in Deo, prout voluit P. Malebranche, vel poterit dici, nihil aliud dari, quam unam mentem, prout voluit Protagoras apud Platonem, Spinoza, & Athei; vel denique poterit dici, nihil aliud dari quam infinitas animas, prout non ita longè abest à systemate Leibnizii. Quomodo enim evinces, dari mundum materiale? videamus probationes vestras ex Cartesio, qui l. 2. Princip. Philosoph. num. 1. sic habet: „Etiā nemo non sibi satis persuadeat, res materiales existere, quia tamen hoc à nobis paulò antè in dubium revocatum est, & inter primæ nostræ ætatis præiudicia numeratum, nunc opus est, ut rationes investigemus, per quas id certò cognoscatur, nempe quidquid sentimus, procul dubio nobis advenit à re aliqua, quæ à mente nostra diversa est; neque enim est in nostra potestate efficere, ut unum potius quam alterum sentiamus, sed hoc à re illa, quæ sensus nostros afficit, planè pendet. Quæri quidem potest, an res illa sit Deus, an quid à Deo diversum; sed quia sentimus, sive potius à sensu impulsu clarè ac distinctè percipimus materiam quandam extensam in longum, latum, & profundum, cujus variæ partes variis figuris præditæ sunt, ac variis motibus cientur, ac etiam efficiunt, ut varios sensus habeamus colorum, odorum, doloris &c. si Deus immediatè per seipsum istius materiæ extensæ ideam menti nostræ exhiberet, vel tantum si efficeret, ut exhiberetur à re aliqua, in qua nihil esset extensionis, nec figuræ, nec motus; nulla ratio potest excogitari, cur non deceptor esset putandus. ipsam enim clarè intelligimus tanquam rem à Deo, & à nobis sive à mente nostra diversam, ac etiam clarè nobis videre videmur, ejus ideam à rebus extra nos positis, quibus omnino similis est, advenire. Atque ideo concludendum, rem quandam extensam existere. Ita Cartesius. Nemo autem non videt, totum argumentum Cartesii posse retorqueri in aliis formis rerum sensibilibus, quæ etiam repræsentantur ut existentes in mundo reali, v.g. video materiam extensam in campis & sylvis, sed video ex parte hujus materiæ colorem viridem;



dem : si hic non est extra mundum intellectualem, nec illa demonstrabitur esse extra ideas, quæ sunt in mente Dei, vel mea. Multò minus poterunt mihi demonstrare existentiam mundi realis Leubniziani, nisi simul admittant in eodem mundo existentiam omnium formarum, quæ intelliguntur in illo mundo : semper enim posset in illo systemate dici, extensionem & reliquas proprietates mundi realis esse tantum affectiones substantiæ cogitantis, & modificationem Monadum, in quibus continetur mundus idealis. Si enim in anima, & Monade continetur totus mundus idealis, cur non possit à me videri ille mundus idealis ? si autem potest videri ille mundus idealis, unde ostendent, à me videri alium mundum realem ? Itaque aut totus mundus objectivus intellectualis collocandus est realiter & corporaliter extra mentem, aut non dabitur ullus mundus realis.

*Argumentum 7.* Totus ille mundus objectivus, quem concipio ut existentem in mente, potest concipi, ut ponibilis per Omnipotentiam extra mentem ; ergo ab illa Omnipotentia fuit positus extra mentem. prob. conf. si ille mundus est ponibilis extra mentem, tunc potest etiam dari lumen naturale, in quo Deus nobis manifestet hanc primam veritatem contingentem, quod nempe actu posuerit hunc mundum extra mentem : Sed si potest dari tale lumen, tunc Deus actu posuit illum mundum extra mentem ; ergo. *m. prob.* si potest dari tale lumen, tunc luminis illius officium & character erit, ut persuadeat veritates contingentes statim primo aspectu sine ullo motivo, easque persuadeat omnibus, & persuadeat invincibili inclinatione sine ulla hæsitazione ac formidine ; si autem hic est character & officium luminis naturalis, tunc actu Deus posuit extra mentem totum mundum intellectualem objectivum ; ergo. *m. prob.* si hoc est officium & character luminis naturalis, tunc persuasio omnium hominum antecedens omnem discursum, firma, & sine ullo motivo assumpta circa hanc veritatem contingentem, quod mundus realis sit creatus conformiter ad mundum objectivum intellectualem, non potest referri ad aliam causam nisi ad lumen naturale ab Omnipotente inditum ; sed si hanc habet causam, eoipso positus est ille totus mundus extra mentem ; ergo.

*Argumentum 8.* Ratio rejiciendi universale hominum præjudicium, quod mundus realis sit per omnia simillimus mundo objectivo intellectuali, est prorsus frivola ; ergo. ant. prob. Ratio illud præjudicium rejiciendi est hæc ; quod nempe, prout Cartesius & Arnoldus author *Artis cogitandi*, asserunt, habeam quidem claram ideam coloris, lucis, soni &c. dum ea concipio ut existentia in mea mente ; nullam verò eorundem amplius claram ideam habeam, dum ea concipio ut existentia extra me, & in-

ter corpora. Jam verò quid posset esse miserabilius hac ratione ? cur enim non habeam claram ideam cubi v. g. rubei, aut albi ? Cur non possim concipere aliquid ex suo genere non corporeum, nec extensum, sed spirituale, quod tamen ob fines naturæ soli Deo & Philosophis cognitos sit perpetuò conjunctum, & alligatum rei extensæ & corporeæ ? cur possim concipere animam humanam spiritualement propter connexionem naturalem coextensam esse cum glandula pineali, vel cum cerebro, vel cum toto corpore, & non possim concipere albedinem, lucem, Musicam, & similia entia ex suo genere non corporea esse tamen coextensa cum corpore ? & si sunt coextensa, cur non possint etiam ipsa vocari corporea, supposito, quod in existendo unice dependeant à corpore ? denique, si ob motum spirituum in nervis sensoris v. g. opticis aut acusticis possunt in anima excitari hæ formæ, & intereunte illo motu iterum perire in anima, cur Deus non potuerit dependenter ab eodem motu minimarum partium producere easdem formas in ipso corpore & mundo reali ? somnia ergo sunt miserissima, dum Neoterici dicunt, se non posse concipere, quid sint illæ formæ in mundo reali, an sint spiritus, vel corpus ; En ; dicimus, has formas esse ex suo genere non potius corporeas, quam incorporeas, quia possunt conjungi cum corpore & cum spiritu ; quando verò Deo placuit, eas conjungere & comproducere cum motu corporum, rectè dicuntur corporeæ, quia ad corpus pertinent, licet quoad se extensæ non sint.

Dico 2. *Similitudo inter mundum intellectualem ac realem est perfectissima, formalis, univoca, ac quidditativa* ; sensus est, quod species rerum intellectuales, quibus repræsentantur objecta, sint prorsus ejusdem naturæ cum ipso objecto, quantum considerantur ex suo genere ; in individuo enim habent aliam naturam, in quantum in mente contrahuntur ad subiectum spirituale, extra mentem verò ad circumstantias materiales ; in mente dependent ab arbitrio mentis, extra mentem dependent à legibus naturæ independenter ab arbitrio mentis. Hoc totum est discrimen inter mundum objectivum intellectualem, & mundum realem, quod ille possit mutari pro arbitrio humano ; hic tantum mutetur juxta ordinem immobilem semel à Deo definitum.

Conclusio non est quidem omnium Peripateticorum, quia tamen veritati est conformior, & Neotericis convenientissimum modum explicat, quo mundus intellectualis est similis mundo reali, huc referri debuit. Quod si tamen Neoterici nolint admittere hanc conclusionem, & similitudinem formalem, non propterea infringitur perfecta similitudo mundi intellectualis cum mundo reali ; quia ea similitudo, quam habent nostræ ideæ cum substantia extensa, est per-



perfecta similitudo, quamvis non diceretur esse similitudo formalis, univoca, & quidditativa; talis ergo similitudo etiam posset dari quoad reliquas partes objectivas mundi intellectualis, cum partibus homologis mundi realis. Verum ego probo eam similitudinem esse formalem.

*Argumentum 1.* Communis sensus hominum judicat dari univocam similitudinem inter conceptus & objecta; ergo datur, ant. prob. communis sensus judicat conceptus nostros per hoc esse veros, quod habeant summam conformitatem ac similitudinem, quanta est possibilis, cum objecto; sed talis summa similitudo possibilis est formalis ac univoca; ergo.

*Confirm.* S. Augustinus & S. Thomas, qui representant sensum communem hominibus à natura inditum, docent, quod veritas sit summa similitudo possibilis; ergo. S. Augustinus de vera Relig. l. 36. dum probat, secundam personam in Trinitate, esse ipsam veritatem, id ex eo ostendit, quia est ipsa similitudo Dei Patris. „Manifestum est, inquit, esse aliquid, quod illius unius Dei ita simile sit, ut hoc omnino impleat, ac sit id ipsum; & hoc est veritas verbum Deus. Cætera illius unius similia dici possunt, inquantum sunt, intantum enim & vera sunt: hæc autem ipsa ejus similitudo, & ideo veritas; ut enim veritate sunt vera, quæ vera sunt, ita similitudine similia sunt, quæcunque similia sunt; ut ergo veritas forma verorum est, ita similitudo forma similitudinis est. quapropter vera, quoniam intantum vera sunt, inquantum sunt, intantum autem sunt, inquantum illius unius similia sunt, ea forma est omnium quæ sunt, quæ est summa similitudo principii, & veritas est, quia sine ulla dissimilitudine est. S. Thomas part. 1. q. 16. art. 1. & 2. C. dicit: „Quia cognitio est, secundum quod cognitum est in cognoscente, terminus cognitionis, quod est verum, est in ipso intellectu, secundum quod conformatur rei; & ideo res naturales dicuntur veræ, secundum quod assequuntur similitudinem specierum, quæ sunt in mente divina. Intellectus est verus, inquantum habet similitudinem rei cognitæ, quæ est forma intellectus, inquantum est cognoscens, & propter hoc per conformitatem intellectus & rei veritas definitur. Unde conformitatem istam cognoscere est veritatem cognoscere. Et p. 1. q. 17. a. 2. & 3. C. Sensus proprii sensibilis falsus non est; similitudo enim proprii sensibilis in sensu inest. Sicut res habet esse per formam, ita virtus cognoscitiva habet cognoscere per similitudinem rei cognitæ; nec virtus cognoscitiva deficit in cognoscendo respectu illius rei, cujus similitudine informatur. Sicut autem sensus directe informatur similitudine propriorum sensibilibus, ita intellectus informatur similitudine quidditatis rei. Et p. 1. q. 17. a. 4. C. Et 1. 21. a. 2. C. & 1. R. D. Euseb. Amort Philosophia.

„16. a. 1. C. ait: „Sicut verum ponit acceptionem adæquatam rei, ita falsum acceptionem rei non adæquatam; veritas enim consistit in adæquatione intellectus & rei. Intellectus autem, qui est causa rei (nempe divinus) comparatur ad ipsam rem, sicut regula & mensura, e converso autem est de intellectu, à quo res non dependet tanquam causa, (tunc enim res sunt mensura intellectus). Quando igitur res sunt mensura & regula intellectus, veritas consistit in hoc, quod intellectus adæquatur rei: sed quando intellectus est regula & mensura rerum veritas consistit in hoc, quod res adæquantur intellectui. Ad veritatem rei pertinet definitio Augustini talis. „Veritas est summa similitudo principii, quæ sine ulla dissimilitudine est. Quod autem dicitur, quod veritas est adæquatio rei & intellectus, potest ad veritatem rei & intellectus referri.

*Argumentum 2.* Si non daretur univoca similitudo inter conceptus & objecta, tunc tantum daretur similitudo analogica analogiæ proportionis, qualis datur inter semen arboris, & arborem, prout hanc similitudinem explicat Suarez in Metaphysica: Sed hoc non potest dici; ergo. m. prob. si inter conceptus & objecta tantum daretur talis similitudo, tunc tam parum cognosceremus objecta ex nostris conceptibus, quam parum quis cognoscit arborem Indicam nunquam visam ex solo semine illius arboris, aut Musicam nunquam auditam ex aspectu notarum Musicarum: Sed hoc non potest dici; ergo. m. patet, quia tali modo non possem dicere, rem ita se habere, sicut concipitur, cum utique arbor non sic se habeat, sicut repræsentat semen.

*Argumentum 3.* Cæco non potest in esse representativo proponi lux in oculum, nisi per formam lucis univocam in oculo; nec surdo sonus in aurem, nisi per formam univocam soni in aurem; ergo nec intellectui cæco poterit in esse representativo proponi objectum, nisi per formam univocam cum objecto.

*Argumentum 4.* Si dantur qualitates formaliter extra mentem in mundo reali v. g. lux, color, sonus &c. tunc deferuntur formaliter usque ad sensum v. g. oculum vel aurem; ergo nulla est ratio, cur non etiam formaliter propagentur usque in animam, quia non datur major incapacitas in anima, quam in corpore ad recipiendas has formas, ex suo genere non tam corporeas quam spirituales. Si autem propagantur usque in animam formaliter, eo ipso sunt intelligibiles; quia, ut supra dictum est ex D. Thoma, eodem modo informatur intellectus à forma intelligibili, sicut sensus informatur per similitudinem suorum objectorum.

*Argumentum 5.* Si nostræ species intellectuales non essent formaliter similes objecto, tunc haberent



rent aliqua prædicata, secundum quæ non essent formaliter similes objecto: Sed hoc non potest dici; ergo. *m. prob.* si species intellectuales haberent talia prædicata differentialia ab objecto, tunc vel anima cognoscit, quod hæ species secundum sua prædicata differentialia sint similes objecto, vel cognoscit, quod eatenus non sint similes? Primum dici non potest, quia implicat, ut unum sit aut agnoscat alteri rei simile secundum prædicata differentialia ab illa re; sic enim hominem non dicimus similem equo secundum prædicatum differentiale, nempe rationalitatem, sed secundum animalitatem; ergo relinquatur, quod anima agnoscat, suas species non esse similes objecto secundum prædicata differentialia, sed secundum prædicata non differentialia. Jam verò in illis prædicatis tandem aliquando non differentialibus ab objecto, quatenus sunt non differentialia, consistit ratio speciei impressæ vel expressæ; ergo clarum est, species, quatenus referunt similitudinem objecti, esse formaliter similes objecto.

*Argumentum 6.* Omnis vera similitudo duorum fundatur in univoca convenientia duorum quoad unum vel alterum prædicatum, in quo constituitur similitudo; ergo etiam similitudo specierum intellectualium cum objecto debet constitui in tali similitudine ac univoca convenientia, ant. prob. tum ex ipsa definitione similitudinis; similia enim ab Aristotele dicuntur, quorum qualitas est una, aut ratio eadem; tum ab ipsa inductione; sic enim duo muri dicuntur similes, ubi est una albedo formaliter; imago Cæsaris dicitur esse similis Cæsari, ubi dantur eadem proportionibus partium inter se, & idem vultus color &c. Et universim, quæ similia sunt, uno communi conceptu comprehendi possunt; sicut ergo, quæ sunt similia uni tertio, sunt similia inter se, ita etiam duo similia, quatenus comprehenduntur uno communi conceptu, eatenus inter se formaliter unum esse debent.

*Argumentum 7.* Si species intellectuales non haberent univocam convenientiam cum objecto, tunc ideo, quia objectum esset materiale, species verò sunt aliquid spirituale; objectum esset substantia; species verò sunt accidens &c. Sed hæc non tollunt univocam convenientiam; ergo. *m. prob.* datur univoca convenientia inter animalitatem hominis, & animalitatem bruti, etiam si animalitas in bruto sit materialis & corruptibilis, in homine verò spiritualis & incorruptibilis, utpote identificata cum anima rationali. Similiter conveniunt univocè in ratione entis accidens, substantia, corpus, spiritus, creatura, Deus, etiam si in his rebus ratio entis contrahatur ad diversissimas differentias; ergo similiter poterit in speciebus intellectualibus & objecto dari una quædam ratio univocè eadem.

*Argumentum 8.* Si species intellectuales non essent formaliter similes objecto, tunc cognoscerentur ab anima, ut habentes adæquatam dissimilitudinem cum objecto quoad omnem formalitatem in sua entitate reperibilem: Sed hoc dici non potest, ergo. *m. prob.* si species intellectuales haberent quoad omnem suam formalitatem dissimilitudinem formalem cum objecto, tunc non possent cognosci ab anima ut simillimæ objecto in esse repræsentativo: Sed hoc non potest dici; ergo. *M. prob.* omnis similitudo in esse repræsentativo fundatur in aliquo prædicato reali ac entitativo, reperibili ex parte utriusque termini; ergo. prob. ant. omnis similitudo in esse repræsentativo debet generare animo eandem cognitionem, quam generaret ipsum objectum, si adesset in mente; Hoc autem fieri non posset, nisi repræsentans & repræsentatum haberet aliquod prædicatum reale commune; ergo. *m. prob.* si repræsentans & repræsentatum non haberet aliquod prædicatum commune, tunc cognitio, qua cognoscitur immediatè species repræsentans, non esset similis cognitioni, qua immediatè repræsentatur objectum: Sed hoc est falsum; ergo. *M. prob.* quia quæ sunt dissimilia inter se, quatenus sunt dissimilia, non possunt esse similia eidem tertio. *Confirm.* Species in esse repræsentativo esse similes objecto non potest habere alium sensum, nisi unum ex his duobus, quod nempe vel in se contineant prædicatum univocè conveniens cum objecto, sic, ut intuendo species eo ipso intuear aliquid univocum cum objecto; vel quod hæ species propter analogiam suam cum objecto excitent aliam speciem aut cognitionem verè similem objecto? Neutrum potest dici. si enim primum dicitur, habetur intentum; si secundum, iterum quæritur, qualis sit illa similitudo cognitionis aut alterius speciei cum objecto? si univoca, habetur intentum; si analogica, iterum illa analogia debet in anima excitare aliam speciem vel cognitionem, qua non tantum per analogiam cognoscatur objectum, sed verè ut in se, & sic in infinitum. Sicut enim imago Cæsaris, quæ dicitur habere analogiam cum vero homine, præter sui speciem, quam excitat in sensibus, simul per ipsam analogiam excitat in anima aliam speciem veri hominis, distinctam à specie imaginis, ita species intellectuales, si tantum repræsentarent objectum per analogiam, deberent excitare aliam quandam veram speciem objecti tanquam analogati primarii.

*Argumentum 9.* Si cognoscendo objectum, v. g. murum, non discernimus murum objectivum intellectualem à muro reali, tunc inter species objecti, quatenus sunt repræsentativæ, & inter ipsum objectum, quatenus est repræsentatum, non datur ulla diversitas formalis: Sed; ergo. *m. patet* ab experientia, quia  
anima



anima non videt duo objecta, unum murum representantem, alterum representatum, sed ita videt unum murum, ut nesciat, an ille murus, in quem immediate tendit, sit potius realis, vel intellectualis. *M. prob.* si non discernimus inter murum intellectualem & realem, tunc revera in muro intellectuali non intelligitur diversitas à muro reali; si non intelligitur, tunc non datur; quia ex prima questione suppono, actus internos, dum cognoscuntur, cognosci, ut sunt in seipsis, quatenus cognoscuntur.

*Argumentum 10.* Si species intellectuales non haberent univocam similitudinem cum objecto, tunc nunquam satiaretur naturalis appetitus sciendi: Sed hoc non potest dici, quia illa natura, quæ nobis appetitum sciendi indidit, est omnipotens & provida in mente Dei; ergo. *M. prob.* noster appetitus sciendi vult eodem modo cognoscere objecta externa, prout sunt in seipsis, sicut cognoscimus nostros actus internos, prout sunt in seipsis. Item, vult ea cognoscere, sicut in sensibus cognoscuntur formæ accidentales lux, color, sonus &c. Item vult ea objecta cognoscere per talem similitudinem, qualis datur inter duos muros albos: Sed si talem cognitionem appetit, planè non satiaretur, nisi per similitudinem suarum specierum cum objectis formalem; ergo.

*Argumentum 11.* Sunt possibile objecta perfecte cognoscibilia; ergo necessariò datur cognoscibilitas objectorum per similitudinem specierum cum objectis formalem. *conf. prob.* Nihil est perfecte cognoscibile, nisi per imaginem, qua non est possibilis perfectior: Sed talis est per similitudinem formalem; ergo. *M. prob.* si objectum esset perfecte cognoscibile per imaginem, qua adhuc esset possibilis perfectior, tunc per illam perfectiorem imaginem deberet posse in objecto reteri aliqua perfectio, quæ non fuit representata per priorem imaginem: Sed hoc non potest dici, quia ponitur objectum fuisse perfecte cognoscibile, & perfecte cognitum per priorem imaginem; ergo. *M. prob.* quodcumque mihi aliquod objectum perfectius representatur, quam prius, semper video aliquam perfectionem, quam prius non vidi.

*Argumentum 12.* Si species intellectuales non haberent formalem similitudinem cum objecto, tunc, si cæcus, aut Angelus, aut anima separata Deo dante videret meas species intellectuales tanquam objectum ut quod, non videret in his speciebus objectum earum, prout est in se: Sed hoc est absurdum; quia si ego intuendo meas species meque ad eas convertendo video objecta, prout sunt in se, cur non etiam Angelus, aut alia anima intuendo easdem species videat objecta prout sunt in se?

ergo. *m. prob.* quia intuendo has species tantum videret analogiam ad aliud, sibi aliàs incognitum, ac nullo alio modo visum. *Confirm.* Si non daretur formalis similitudo inter ideas, & objecta, tunc nec Deus, nec beati intuendo ideas, quæ sunt objectivæ in mente Dei, cognoscerent res, prout sunt in seipsis: Sed hoc est falsum; ergo.

*Argumentum 13.* Si species intellectuales non haberent formalem similitudinem cum objecto, tunc tantum essent signum objecti, sicut v. g. fumus est signum ignis: Sed hoc non potest dici, ergo. *m. prob.* signum tantum ducit in notitiam rei jam aliundè notæ; nunquam enim ex fumo cognoscerem ignem, nisi jam aliàs vidissem ignem; sed species intellectuales non possunt esse signum rei jam aliundè notæ, cum utique objecta nisi per species cognosci non possint.

*Argumentum 14.* Quando concipio murum album, possum dicere, hoc objectum esse prorsus eodem modo formali possibile extra mentem, quo mihi observatur in mente; ergo etiam optamus talem similitudinem, adeoque etiam Deus conformiter ad hunc appetitum innatum fecit talem similitudinem. *Confirm.* quando dico: Murum A esse album sicut murum B; & dum dico, murum A esse album sicut representat meus conceptus, non sentio me aliam concipere similitudinem muri A ad murum B, quam muri A ad meum conceptum; ergo sicut illa similitudo muri ad murum est formalis, ita etiam est formalis similitudo muri ad conceptum.

*Argumentum 15.* Si creaturæ habent formalem similitudinem ad ideas, quæ sunt in mente Dei objective, tunc eandem habent ad species nostras intellectuales: Sed; ergo. *m. prob.* si creaturæ non essent formaliter similes ideis, seu rationibus æternis, quæ sunt in mente Dei, tunc Deus nesciret, quid produceret; sciret quidem, qualiter creaturæ appareant in sua mente, sed qualiter appareant ac sint extra suam mentem, & quales sint in seipsis, prorsus nesciret, quia nihil haberet, per quod agnosceret illam differentiam inter creaturas, & suas ideas. Si dicatur, quod Deus hanc differentiam agnoscat intuitive, inquantum videt, suas ideas non esse aliquid creatum; quæro, an Deus hoc videndo, videat suas ideas in aliquo prædicato convenire cum creaturis, vel non? si videat, eas in nullo prædicato convenire, quomodo ergo sciet, quid sint creaturæ, cum illud distinctivum creaturæ ab ideis divinis per nullam aliam ideam representari possit, nisi de hac ipsa idea, quomodo creaturæ similis sit, & sic in infinitum questionem redire velis. Si



autem Deus videt, suas ideas in aliquo prædicato formaliter convenire cum creaturis, habetur intentum.

*Argumentum 16.* Ratio albedinis objectiva in mente Petri potest per formalem similitudinem existere in mente Pauli; ergo etiam poterit per formalem similitudinem existere à parte rei. ant. patet, quia conceptus seu species albedinis in Petro, & species albedinis in Paulo univoce ac formaliter conveniunt. consi. prob. si ratio albedinis potest univoce existere in mente Petri, & mente Pauli, tunc illa ratio albedinis est ex suo genere multiplicabilis; sed si hoc, tunc potest etiam formaliter existere à parte rei; ergo. m. prob. si ratio albedinis est multiplicabilis, tunc potest identificari cum quibusvis aliis prædicatis sibi non repugnantibus; sed si hoc, potest etiam existere à parte rei, ac identificari cum prædicatis materialibus; ergo. M. prob. quando-cunque aliqua ratio est ex se multiplicabilis, potest etiam identificari cum omnibus prædicatis sibi formaliter non repugnantibus, sic v. g. animalitas identificatur in bruto cum irrationalitate, in homine verò cum rationalitate; ratio amoris aliquando identificatur cum actu naturali, aliquando cum supernaturali; aliquando cum tendentia odii in peccatum, aliquando cum affectu misericordiarum.

*Argumentum 17.* Homines credunt, se habere per suos conceptus talem notitiam objectorum realium extra mentem, qualem notitiam habent de cognitionibus, & affectionibus mentalibus aliorum hominum: Sed hanc notitiam habent per conceptus formaliter similes objecto; ergo. M. patet, quia judicamus, in aliis hominibus dari v. g. prorsus similem visionem & conceptum muri albi, qualis datur in nobis; judicamus etiam, in aliis hominibus dari prorsus formaliter similes volitiones, similes delectationes, similem amorem, similem dolorem, similem compassionem, similem modum dubitandi, inferendi, concludendi, quia alias sequeretur tot specie diversos dari modos dubitandi, dolendi, amandi, volendi, quot dantur homines.

## Solvuntur Objectiones.

*Obj. 1. contra 1. Conclus.* Omnia in mundo reali possunt explicari per motum, figuram, ac texturam partium, ut interim supponitur; ergo nulla est necessitas formarum talium accidentalium, quales dantur in mundo intellectuali.

*Resp. neg. ant.* Quia duo non possunt explicari per sola principia Mechanica. 1. *Ornatus mundi*, nempe lux, color, sonus &c. quia solus motus materiæ nec est lux, nec color, nec sonus, sed sola ordinata dispositio ad has formas, quæ ornant mundum. 2. *Ordo partium*

in viventibus, plantis, & corporibus animalium. impossibile enim est, ut per sola principia Mechanica ex semine v. g. arboris, tritici, vel animalis exurgant constanter ac uniformiter tam ordinata corpora. Et si hic ordo poneretur immediate à Deo, tamen non posset explicari iudicium universale hominum, quo judicant dari aliquid simile nostris ideis in mundo reali.

*Obj. 2.* Sensus communis, & sensus nostri sapissime falluntur, ut posset demonstrari ab inductione. v. g. judicamus in Iride dari colores, aut cælum esse cæruleum, quin tamen in guttulis pluviae aut in aëre ullibi detur color. Itaque sensus nobis non sunt collati ad ferendum iudicium de natura rerum in se, sed tantum ad manifestandam habitudinem objectorum cum nostro humano corpore.

*Resp. neg. ant.* Contrarium patebit ex Physica. Quod attinet colores Iridis & cæli cærulei, dico, similes formas, ut sunt lux, color, sonus, semper conjunctas esse cum serie motuum materiæ; hinc fieri ut idem radius solaris secundum diversam sui longitudinem visus actu contineat diversos colores; idem contingit in radiis sonoris seu undulantibus aëris; sicut enim idem corpus humanum secundum diversas partium suarum series continet diversas sensationes animæ visiones, auditiones &c. ita mundus hic corporeus secundum diversas suarum partium series continet actu diversas formas; & quando eadem pars materiæ pertinet ad mille diversas series, intantum etiam actu diversas formas continet, quæ ibi manifestantur, ubi tota motuum aut partium series existit, aut sentiri incipit. Plenus igitur est mundus, & quælibet pars materiæ formis, sed tantum videntur, dum sensui applicatur series motuum materiæ correspondens tali formæ. Quod si Newtono licuit asserere in radiis solaribus jam actu latere omnes colores, qui tamen præcisè appareant, dum illi radii debite ab invicem separantur, cur mihi non liceat asserere, in iisdem radiis subtilis materiæ in data serie motuum constantibus actu conjunctas esse formas lucis & coloris omnes, quarum quælibet appareat, dum sensui illa series motuum applicatur, cui forma correspondens coextenditur?

*Obj. 3. contra 2. Conclus.* Sententia docens, species intellectuales esse formaliter similes objecto, non videtur habere patronos in Schola Peripatetica; ergo pro Peripatetica non est habenda.

*Resp. neg. ant.* Nulli enim sunt rigidiores Peripatetici, quam Thomistæ; & hitamen ipsi tenent hanc sententiam, ut pro multis tantum paucos adducam, audiamus in primis P. Gonet. de Deo. disp. 2. art. 2. n. 3. ubi sic habet: „Notandum, vel potius „supponendum ex libro de Anima, quod species lap-



„lapidis v. g., à qua intellectus constituitur in  
 „actu ad intelligendum lapidem, continet in  
 „se formam & naturam lapidis eandem realiter  
 „cum illa, quæ in lapide invenitur, non qui-  
 „dem sub modo materiali, hoc enim est im-  
 „possibile, sed intelligibili & repræsentativo.  
 „Hæc suppositio, quæ est fundamentum plu-  
 „rium, probatur ex D. Thoma. 2. de anima.  
 „lect. 24. & 7. Metaphys. lect. 6. ubi dicit:  
 „Speciem rei intellecta esse quidditatem ejus. & l. 4.  
 „Cont. Gentes. c. 14. ait: *Quoddam verbum no-*  
 „*stri intellectus ex ipsa re intellecta habeat, ut in-*  
 „*telligibiliter eandem numero naturam contineat.*  
 „Ergo species residens in intellectu est ejusdem  
 „naturæ cum re intellecta, non esse naturali,  
 „sed intelligibili, & intentionali. Probatur se-  
 „cundò ratione. Omnis repræsentatio fundatur  
 „vel in continentia eminentiali objecti repræ-  
 „sentati, ut contingit in essentia divina, quæ  
 „repræsentat creaturas; vel in dependentia ab  
 „objecto præsentato, ob quam effectus suam  
 „causam repræsentat, vel in convenientia for-  
 „mali, sed species repræsentat suum objectum,  
 „& non ratione continentie eminentialis: spe-  
 „cies enim, quæ est accidens, non continet e-  
 „minenter substantiam. Nec ratione solius de-  
 „pendentie; aliàs habitus existentes in intel-  
 „lectu essent species objectorum; ergo ratione  
 „convenientie in forma repræsentata. sed non  
 „ratione convenientie analogicæ, aliàs repræ-  
 „sentaret solum gradum analogicè communem;  
 „nec ratione convenientie genericæ; aliàs so-  
 „lùm repræsentaret genus; ergo ratione conve-  
 „nientie specificæ; & consequenter species re-  
 „præsentans hominem in esse intelligibili est e-  
 „jusdem speciei cum homine, vel potius ipsa  
 „hominis quidditas seu species.

„Confirmatur. Imago artificialis hominis cum  
 „illo convenit in figura, & imago naturalis in  
 „substantia, ut patet in filio, qui est imago  
 „naturalis patris; ergo etiam imago intentio-  
 „nalis hominis, qualis est species, debet cum  
 „illo in essentia convenire. Ex his intelliges  
 „dictum Aristotelis 3. de anima. tex. 37. di-  
 „centis: *Animam esse quodammodo omnia*, quia  
 „scilicet ratione specierum intelligibilium in se  
 „continet naturas & quidditates omnium re-  
 „rum, non in esse naturali, sed intelligibili  
 „& intentionali, cui etiam concordat celebre il-  
 „lud dictum Commentatoris dicentis; *ex intelle-*  
 „*ctu & re intellecta fieri magis unum, quam ex ma-*  
 „*teria & forma.* Materia enim non transit in  
 „formam, nec econtra forma in materiam; sed  
 „ex unione utriusque resultat tertium composi-  
 „tum. At verò ex specie in esse repræsentati-  
 „vo considerata & ex intellectu non resultat  
 „unum tertium, sed potius intellectus transit in  
 „rem intellectam media specie intelligibili. Un-  
 „dè Aristoteles 3. de anima laudavit Anaxago-  
 „ram, eò quòd dixerit, intellectum nostrum  
 „esse immixtum omni esse specifico ad differen-  
 „tiam puræ potentie in ordine naturali, quæ  
 „ratione suæ limitationis est quidem nata reci-  
 „pere omnem actum sui generis, non tamen

„alicui per identitatem admiscetur. Ita Gonet.  
 „Huc addo P. Mezger in Universitate  
 „Salisburgensi Professore celeberrimo, qui de vi-  
 „sione Dei disp. 7. art. 1. §. 1. num. 2. sic ha-  
 „bet: Suppono, speciem impressam quidditati-  
 „vè repræsentantem aliquod objectum in esse re-  
 „præsentativo & intelligibili continere ipsam natu-  
 „ram objecti, ac proindè in hoc esse intelligibi-  
 „li esset ipsummet objectum: cum enim finis  
 „speciei impressæ, ejusque officium sit, ut ob-  
 „jectum, quod seipsò intra intellectum sisti, ei-  
 „que uniri nequit, tanquam vicaria ipsius intel-  
 „lectus uniat, ipsumque intellectualiter trans-  
 „formet; ut enim inquit Philosophus 3. de ani-  
 „ma; Anima intelligendo fit quodammodo  
 „omnia, propterea debet secum asferre omnia  
 „quidditativa prædicata objecti; nec tantum, ut  
 „volunt Recentiores, esse virtualis, sed etiam  
 „formalis similitudo objecti; siquidem objectum  
 „non propter aliquam imminientialem & causa-  
 „lem continentiam, sed propter formalem con-  
 „venientiam tanquam imago adæquata repræsen-  
 „tat, quod nequaquam præstaret, nisi totam res  
 „repræsentatæ quidditatem contineret, eaque de  
 „causa S. Doctor, 7. Metaph. lect. 6. speciem im-  
 „pressam rei intellectæ quidditatem appellat. Ita  
 „præfatus Author. fusè verò nostram sententiam  
 „probat Author Compendii Theologiæ Salmanti-  
 „censis in tract. de Deo.

Obj. 4. Si species albedinis & nigredinis, calo-  
 ris & frigoris haberent formalem similitudinem  
 cum objecto, tunc in anima haberent eandem  
 contrarietatem, quam habent à parte rei: Sed hoc  
 est falsum; ergo.

Resp. dist. M. haberent eam contrarietatem,  
 si existerent in anima secundum modum essendi  
 naturalem, c. si tantum ibi existunt, secun-  
 dum modum essendi intentionalem & intellectu-  
 alem, neg. calor existens in subiecto materia-  
 li, habet pro sui conditione ac dispositione mo-  
 tum rapidissimum partium; frigus econtra quie-  
 tem vel motum perturbatum partium; itaque  
 calor existens in hoc suo statu naturali repugnat  
 frigori ob repugnantiam sui subiecti; si verò ca-  
 lor & frigus sint separata ab omni materia, non  
 repugnant sibi invicem; immò sapius solet fieri,  
 ut eadem anima simul actu sentiat utramque qua-  
 litatem.

Obj. 5. Si calor, frigus, rubedo &c. Formali-  
 ter essent in anima, tunc anima posset denomina-  
 ri calida, frigida, rubea, alba, sonora &c. Sed hoc  
 est falsum; ergo.

Resp. neg. M. Quia ad hoc ut forma deno-  
 minet suum subiectum, non sufficit quòd formali-  
 ter uniatur suo subiecto, sed quòd illi uniatur  
 tanquam pars, habens communem actionem &  
 passionem cum subiecto, ut sit perfectio sub-  
 jecti existens subiectivè, non objectivè in subiecto.  
 aliàs enim species rubedinis excepto in speculo  
 deno-



denominarent vitrum rubrum; accidentia Eucharistica unione locali unita Corpori Christi id denominarent rotundum; & figura quadrata, triangularis, aut rotunda, quæ utique formaliter est in intellectu, denominaret animam quadram, aut rotundam. Itaque ea, quæ sunt objectivè in mente divina, aut humana, non denominant subiectum, quia non considerantur tanquam pars illius habens communes actiones aut passionem; neque enim conservatio & natura animæ dependet ab existentia harum specierum.

*Obj. 6.* Species intellectuales habent intrinsecam relationem ad objectum; Atqui nihil habet relationem ad seipsum; ergo non sunt quidditivè idem cum objecto.

*Resp.* dist. M. habent relationem secundum suum statum naturalem aut intentionalem spectatæ, c. secundum se, neg. sicut enim albedo unius muri habet relationem ad albedinem alterius muri, licet formaliter sit una albedo; sic & quidditas v. g. rubedinis in statu intentionali sumpta habet relationem ad rubedinis quidditatem in materia sumptam. Responsio est P. Gonetii l. 11. num. 9. ubi ait: „Ad hoc ut species dicat ad objectum relationem realem similitudinis, non requiritur, quod ab illo distinguatur realiter in natura & quidditative, sed solum in modo habendi naturam in esse intentionali, qui distinguitur à modo naturali, sub quo in ipso objecto invenitur; non enim fundat relationem illam natura, ut præscindit ab illis modis essendi, sed prout illis affecta & modificata.

*Obj. 7.* Species quibus concipimus Deum, Angelum, Spiritum; non sunt formaliter Deus, Angelus, Spiritus; & species, quibus concipimus perfectiones divinas, aut angelicas, non sunt formaliter divinæ, aut angelicæ; ergo species non habent formalem similitudinem cum objecto.

*Resp.* c. ant. dist. conf. ergo species ut contracta ad statum naturalem vel intentionalem non habent univocam similitudinem, c. abstractendo ab hoc statu, neg. sic enim etiam animalitas humana & equina non convenirent univocè, si considerantur reduplicativè, concretivè, ac qua tales. Pari modo species intellectuales, qua tales, non sunt divinæ, aut vicissim; & abstractivè ac quidditivè consideratæ iterum non sunt divinæ, aut angelicæ, quia abstractivè acceptæ abstrahuntur ab omni statu. Dum verò dicitur, quod species Dei aut Angeli ne quidem essentialiter ac quidditivè sint Deus aut Angelus, id propterea verum est, quia tales conceptus nostri tantum exhibent pauculas perfectiones Dei aut Angeli, easque potissimum relativas ad extrinsecam v. g. misericordiam, iustitiam, potentiam &c. quæ proin consideratæ ad reliquas perfectiones

Dei nobis incognitas ac absolutas vix sunt minima pars perfectionum divinarum; sicut ergo ille non diceretur simpliciter nosse linguam Græcam vel Hebræicam, qui tantum nosset aliquot verba vel phrasas illius linguæ, ita non dicitur nosse simpliciter essentiam Dei aut Angeli, qui tantum cognoscit aliquot illius perfectiones; quamvis hæc cognoscantur per conceptum univocum. Sic Recentiores docent, nos habere conceptum univocum entis respectu Dei & creaturæ, etiam si non admittant, per talem conceptum simpliciter cognosci quidditatem & essentiam Dei.

*Obj. 8.* Nostri conceptus non sunt corporei, nec tricubitales, sicut est lignum tricubitale, quod concipimus, iidem nec sunt calidi, nec frigidi, ut est calor, aut frigus; ergo non sunt formaliter similes objecto.

*Resp.* c. ant. dist. conf. ergo non sunt formaliter similes reduplicativè ac secundum statum realem consideratæ, c. conf. abstractivè acceptæ, neg. conf. semper argumentum potest retorqueri in animalitate equi, quæ etiam non est rationalis, licet univocè conveniat cum animalitate hominis, quæ est rationalis. Dico ergo, esse specificum cujuslibet naturæ secundum se, nec esse corporeum, nec incorporeum, nec tricubitale nec cubitale, sicut ratio entis secundum suum genericum nec est corporea nec incorporea, sed potest contrahi ad utramque differentiam. Esse tricubitale convenit quantitati secundum suum statum naturalem ac realem, in quo contrahitur ad eas circumstantias, ad quas non contrahitur in intellectu, licet sit formaliter eadem quantitas. Similiter esse calidum vel frigidum est denominatio subiecti, in quo calor vel frigus est contractum ad eas circumstantias, in quibus habet communem actionem & passionem cum subiecto. Calor autem objectivus in mente Dei vel hominis non est sic limitatus ad animam, nec anima ad calorem, nisi dum passivè recipit, ac coipso patitur calorem.

*Obj. 9.* Si conceptus nostri essent simillimi objectis, tunc sicut conceptus sunt realiter inter se diversi, sic etiam prædicata ejusdem entis deberent inter se esse realiter distincta: Sed hoc est falsum; ergo.

*Resp.* dist. M. Si conceptus forent simillimi objectis etiam secundum statum realem, c. si tantum secundum statum formalem, neg. distinctio convenit perfectionibus secundum circumstantias, ad quas contrahuntur; si contrahuntur ad circumstantias, in quibus sunt separabiles, sunt distinctæ realiter; si verò contrahuntur ad circumstantias, in quibus non separantur, non sunt distinctæ realiter, etiam si propterea suam naturam specificam, formalem, ac quidditivam non exuant.



*Obj. 10.* Possumus recordari prateritæ tristitiæ, voluptatis, gaudii, caloris, frigoris &c. etiam si in animo non habeamus formalem tristitiam, gaudium &c. ergo species non sunt formaliter similes objectis. *Resp.* dist. ant. possumus talium recordari, quin illa habeamus in animo subjective, tr. quin habeamus illa objective, neg. subjective dicimur tales formas habere, dum illas passive recipimus sicut habeant communem cum suo subiecto actionem & passionem, quatenus subiecti conservatio aut felix status exinde dependet. Objective vero esse dicuntur in animo, quatenus hæ formæ habent se magis passive, quam active, dum nempe animus in illas tendit per tendentiam cognitionis aut volitionis. Quando ergo tristitia, calor &c. habent se objective, ac passive, recipiendo in se ac terminando tendentiam mentis, non sentiuntur à nobis, sed intelliguntur. Verum quidem est, quod in hac vita vix unquam habeamus claram ideam voluptatis, caloris, tristitiæ, doloris &c. nisi quando illa actu sentimus: sed hoc non est ex natura rerum intelligibilium, sed natura intellectus humani conjuncti cum corpore; dum enim non excitantur idæ nostræ, nisi concomitante motu spirituum in cerebro; his commotis facile fit, quod simul qualitates cum motu tali connexæ imprimantur in ipsam animam.

*Obj. 11.* Calor, frigus, tristitia, dolor &c. non sunt formaliter in Deo; ergo nec in anima. *Resp.* dist. ant. non sunt formaliter in Deo subjective, c. objective. neg. vel subdist. non sunt objective in Deo secundum statum naturalem, c. intentionalem, neg. Deus in sua essentia non patitur has formas, sed per suam essentiam tendit in has, sic ut tam ipsæ hæ formæ, quam tendentia in has formas distinguantur formaliter ab essentia divina. Quando igitur essentiæ omnium rerum sunt formaliter in ideis divinis, & objective in mente Dei, non habent statum suum connaturalem, sic ut sint limitatæ ad circumstantias particulares, ac veluti præcisæ à cumulo infinito perfectionum divinarum: sed manent in mente divina illimitatæ.

D. Augustinus in hanc rem affert hanc paritatem; quod sicut cibus non est dulcis in stomacho, sed tantum in ore, sic etiam formæ sensibiles non pariant sensum, in quantum reconduntur in memoria quasi in stomacho aliquo. Sed nos inhaeremus priori explicationi.

*Obj. 12.* Individuatio est essentialiter perfectio immultiplicabilis; ergo nequit per modum naturæ communis existere formaliter in objecto, & simul in intellectu. *Resp.* dist. ant. est immultiplicabilis pro statu reali, c. pro statu intentionali, neg. Individuatio tantum dicit relationem rei ad circumstantias ex arbitrio Dei essentialiter immutabili determinatas ac immultiplicabiles; potest autem Deus decernere; formam in his circumstantiis realibus sumptam non fore multiplicandam in æternum, quin propterea decernat, eandem formam se non multiplicaturam in mente hominum.

*Obj. 13.* Actio creativa mundi non potest esse formaliter ab æterno in Deo, aliàs Deus ab æterno produxisset mundum; ergo nec alia objecta.

*Resp.* dist. ant. non est subjective in Deo, tr. objective, neg. juxta me actio creativa mundi est modus accidentalis, receptus in ipso mundo, & compositus cum mundo; hæc actio agnoscebatur ab æterno esse producenda cum mundo, & sic erat objective in mente Dei. Quod tamen hæc actio foret ipsa Omnipotens Voluntas Dei, dicendum esset, eandem extitisse ab æterno, non pro æterno; sicut possum aliquid hodie velle castitudo implendum.

*Obj. 14.* Species substantiæ non est substantia; ergo differunt toto genere; adeoque non conveniunt formaliter. *Resp.* c. ant. dist. conf. ergo differunt genere subalterno, c. summo ac generalissimo, neg. quælibet perfectio secundum se est indifferens ad statum intentionalem, vel realem; adeoque est indifferens ad statum accidentalem vel substantialem; secundum se est tantum in genere generalissimo entis; & prout potest poni in statu intentionali ac contrahi ad circumstantias intellectuales, eatenus potest fieri accidens; in quantum vero potest contrahi ad circumstantias mundi realis, potest fieri substantia.

*Obj. 15.* Species oblivionis non sunt oblivio, species negationum non sunt negatio; nec species hircocervi aut alterius chymæ sunt chymæ; ergo non omnes species sunt formaliter similes objecto.

*Resp.* dist. ant. Hæ species non sunt id, quod repræsentant, secundum quod habent aliquid negativum, c. secundum quod habent aliquid positivum, neg. in omnibus his speciebus repræsentatur aliquid positivum cum defectu; positivo objecti semper correspondet aliquid positivum formaliter simile in speciebus; negativo objecti etiam correspondet talis defectus seu non repræsentatio in speciebus; & sic est perfecta conformitas.

Itaque rectè constituuntur duo mundi, nempe mundus intellectualis, & realis, eò quod inter se sint simillimi; nec iste modus loquendi novus est; cum S. Augustinus L. 1. Retract. c. 3. dicat: „Duos mundos, unum sensibilem, alterum „intelligibilem non ex Platonis aut Platoniorum „persona, sed ex mea commendavi. Nec Plato „erravit, quia existere mundum intelligibilem „dixit; si ipsam rem velimus attendere, mundum quippe ipse intelligibilem nuncupavit rationem sempiternam, atque incommutabilem, quæ fecit Deus mundum. „ Idem repetit L. 3. de ordine Cap. 17. ubi ait: „Plato sensit duos esse „mundos, unum intelligibilem, in quo veritas habitaret; istum autem sensibilem. Itaque illud verum; hunc verò ad illius imaginem factum.

Quod si & anima juxta Aristotelem intelligendo quodammodo sit omnia, haud dubie videndo & intelligendo Deum, adeoque continendo quodammodo omnia, verè beata erit. Contemnendus ergo est hic mundus, quo non nisi intelligendò fruimur, dum intus in mundo versamur; in quo certiora, veriora, & puriora parantur gaudia; & eligenda magis Philosophia Scholastica, quæ mundum hunc animatum excolit, quàm Neotericorum experimentalis, quæ in externo paululum perscrutando tota occupatur.



## QUÆSTIO III.

*An & quomodo Philosophia Scholastica cum Mechanicis Neotericorum principiis conciliari possit?*

**C**ontemnant Neoterici Philosophiam Scholasticam, quia in hac nil nisi abstractas formas, qualitates, modos, & entia metaphysicè reperiri existimant; his ergo sua principia Mechanica captu faciliora, & experimentis congruentiora præferunt. Errant verò imperitissimè, dum cum formis abstractissimis optimè conciliari principia Mechanica nesciunt. Conciliarunt cum suis formis abstractis principia Mechanica Plato & Platonici, dum ideas rerum omnium abstractissimas mediantibus formis mathematicis uniri materiæ docuerunt. Aristoteles licet non crediderit, has formas abstractas, ut voluit Plato, existere extra singularia; has tamen in singularibus secundum dispositionem Materiæ Mechanicam existere, ubique palam monstravit; adeò ut R. P. le Bossu Canonici Regularis & Bibliothecarius ad S. Genovefam in libro;

*Parallelum inter principia Aristotelis & Cartesii*, Gallicè edito Aristotelem easdem cum Cartesio Hypotheses adoptasse crediderit. Averroes, D. Thomas, & Zabarella, qui sunt primarii Aristotelis interpretes, eandem secuti viam ubique cum formis abstractis Mechanica principia conjunxerunt. Hoc præsentis quæstione probandum suscipio; ut meritò propter imperitiam suam ridendi sint Neoterici, qui dum unam Philosophiæ partem sibi arripiunt, nempe Mechanicam, alteram verò diviniorem, nempe Metaphysicam, ignorant, Scholasticos aspernantur, qui ambas tenent.

Plato de quatuor elementis & generatione totius universi in Timæo sic discursit. „Principio quod ignis & terra, aqua, & aer corpora sint, nemo utique dubitabit. Omnis autem corporis species profunditatem habet. Profunditatem verò planis constare necessarium est. Rectitudo porro planæ basis ex triangulis constituitur, atque trianguli omnes ex duobus initium habent, habentibus utrisque rectum angulum unum, acutos duos. Propositi sint nobis duo trianguli, unus Isosceles æqualibus lateribus constans; alter verò sit ille, qui longius latus semper brevioris lateris potentia triplo majus habet. Ex his quatuor elementa generantur. Tria quidem ex uno inæqualia habente latera; quartum verò ex triangulo Isoscele componitur. Prima species latus oblongius brevioris latere duplo majus habet &c. Secunda ex eisdem triangulis, sed secundum æquilateros triangulos octo constitutis unum facientibus solidum angulum &c. At tertium ex elementis bis sexaginta copulatis, & angulis solidis duodecim &c. Verùm Isosceles triangulus quarti generavit naturam ad centrum rectos congregans angulos unumque quadrangulum æquilaterum faciens. Terræ ergo cubicam speciem assignemus; pyramidis species solida elementum

„sit ignis; secundam speciem aëri, aquæ tertiæ assignemus. „ En! principia Platonis in elementis Mechanica, ex quibus in eodem Timæo omnia corpora naturalia modo prorsus Mechanico componit. Num vero à principiis elementorum Mechanicis separavit formas abstractas? minime. Videamus, quomodo cum his elementis suas ideas conjunxerit. In eodem Timæo sic habet: „Inquirendum de igne, & reliquis, quæ elementa vocantur, quid istorum aquam potius, quàm terram vocare oporteat. Principio id corpus, quod modo aquam nominavimus, quando in solidam concrevit materiam, lapis & terra fieri videtur; quando verò diffluit, aer; item aer exustus ignis efficitur. Ignis extinctus aerem creat; aer crassior factus in nubes concrevit &c. Atque ita videmus hæc omnia circuitu sibi invicem fomenta generationis præbere. Quæ cum nunquam eadem appareant, quis unum potius quàm alterum poterit appellare? quare non est utique ignis hoc aliquid, sed tale, id est, igneum quiddam; nec aqua hoc aliquid, sed tale quid, id est, aqueum. Igitur hujusmodi omnia neque hoc, neque illud, sed tale potius. Quamobrem, quod sensibus manifestum est, nec terram, nec aerem, nec ignem, nec aquam dicamus, sed matrem, receptaculum, quæ omnium. Fateri oportet, esse speciem quandam, quæ semper eadem sit, sine ortu & interitu. Sed est aliud, quod ejus similitudinem gerit, genitum, sensibus manifestum, quod sustentatur ab ætherio. Tertium genus omnibus, quæ gignuntur, semdem exhibet. „ En! quomodo Plato elementis Mechanicis dicat imprimi similitudinem Idearum, sicque cum illis conjungi. Cur non cum iisdem simili modo formæ Peripateticæ conjungi possint?

Aristoteles non solum tradidit principia generalia Philosophiæ experimentalis Mechanicæ, sed & in Physica particulari plus, quàm plerique ex Neotericis, præstitit. Quis unquam legit ejus *Historiam animalium & plantarum*, qui non obtuforescat immensam eruditionem & incredibilem in experimentis instituendis industriam? quàm accuratè describit anatomiam omnium propè animalium, & plantarum, omniaque Mechanica in his viventibus organa! quomodo ergo obstitit Philosophia Scholastica Aristotelica iis, quæ Neoterici in Physica Particulari jactant, studiis? Scripsit Aristoteles 873. Problemata, quæ omnia pertinent ad Physicam Particularem, & plerumque solvuntur non secundum principia abstracta Metaphysica, sed Physica, aut Mechanica. Scripsit præterea librum de Mechanicis quæstionibus, alium de admirandis auditionibus; plures de sensu, de Meteorologicis, & aliis Physicæ Particularis objectis; ubique sequitur experimenta & principia Mechanica; sonum dicit fieri ex undulatione aeris, colores ex radiis mixtè proportionalibus, corpus definit, quod est trine mensurabile; admittit subtilem materiam, seu ætherem, quæ repleat totum mundum; docet ex motu cælorum & hujus ætheris seu subtilis materiæ moveri omnia inferiora; elementis figuram & subtilitatem partium mutabilem non denegat; si ergo motus ac mutationes omnium corporum & singularum minimarum partium à motu subtilis materiæ, & ætheris fieri asserit, ordinatè tamen juxta



juxta ordinem totius universi; si hunc ordinem totius universi pro causa omnium motuum agnoscit; si hunc ordinem universi ut receptum in omnibus entibus bonum naturæ, ac ipsam naturam vocat. Si proin naturam totius universi, & naturam cujuslibet causam omnium mutationum vocat, an propterea recedit à principiis Mechanicis? in hoc solo differt Aristoteles à Neotericis, quod causam omnium motuum in ipso universo reperiatur, nempe ordinem harmonicum totius universi, impressum toti mundo, & singulis ejus partibus, dum interim Neoterici pro causa hujus motus agnoscunt solum Deum; & quod Aristoteles figuram minimarum particularum mobilium mutabilem agnoscat, dum Neotericeam immutabilem volunt. Cæterum, quod Philosophia Peripatetica non impediat utilem profectum in Physica experimentalis, patet ex P. Kircher, de mundo subterraneo; ex P. de Lana, in Magisterio Artis & naturæ; ex P. Grimaldo, de coloribus; ex P. Fabri, de Plantis, & animalibus, & fossilibus. Ex Scoto, de Meteorologicis, ex Bartholomæo Anglo, de rerum proprietatibus, & centum aliis Peripateticis, enutritis in Philosophia Scholastica. Itaque frustra horrent Neoterici Philosophiam Peripateticam, quod putent in ea impediri profectum in Physica. Non Scholæ & formarum abstractarum, sed hominum vitium est, si frequenter apud Peripateticos negliguntur omnes Physicæ particularis hyporheses, & principia Mechanica. Verum requires, unde ostendam, quod Aristoteles concepiat corpus, ut trinè mensurabile; & quod admittat, ex motu cælorum mediante motu ætheris seu subtilis materiæ moveri omnia, &c.? id ex textibus hinc adducendis, quorum plures afferri possent, ostendo. L. 1. de cælo. c. 1. sic habet: „Corpus est, quod omnique divisibile est: magnitudinis autem ea quidem, quæ ad unum, linea; quæ autem ad duo, planum; quæ verò ad tria, corpus, propterea quod ipsa tria omnia sunt, & ipsum ter omniquaque, quapropter corpus utique solum erit à magnitudinibus perfectum; solum enim terminatum est tribus; omnes enim habet dimensiones.” Et L. 1. Meteorolog. c. 3. & 4. „Dictum est prius de primo elemento, quale est, & quare totus mundus illo corpore plenus est. Et hanc opinionem non solum nos habemus; videtur enim antiqua existimatio hæc, & priorum hominum, dictus enim æther antiquam accepit appellationem. Cum autem fertur primum elementum circulo, id quod propinquum est, motu segregatum accenditur, & facit caliditatem. Fluit autem aer circulariter, quia simul trahitur totius circulatione; ignis enim cum eo, quod sursum est, elemento, cum igne autem aer continuus est.” L. 2. de anima c. 4. docet hunc ætherem esse in aere, aqua, ac aliis perspicuis corporibus, actum verò seu motum hujus ætheris lumen esse.

Averroes, fidelis interpret Aristotelis non solum cum formis abstractis conjungit principia Mechanica, sed vult dimensiones interminatas cum materia prima identificatas esse, & secundum R. D. Euseb. Amore Philosophia.

dimensiones materiæ fieri omnes mutationes corporum. De substantia orbis sic habet. „Difficile est imaginari primam materiam nisi in ordine ad alterum, ut dicit Aristoteles. & quando invenit substantiales formas dividi secundum divisionem subjecti; divisionem autem non videtur convenire subjecto, nisi in quantum habet quantitatem, sciret insuper, principium eorum, quæ sunt in quantitate, esse tres dimensiones, quæ dicuntur corpus; rursus, cum videret, in his dimensionibus communicari formas omnes, quarum quælibet habet quantitatem terminatam propriam, intulit, dimensiones terminatas ultimo actu esse non posse, nisi postquam forma substantialis esset in actu. & quoniam invenit omnes formas communicari in dimensionibus nondum terminatis per formam, intulit, quod prima materia nunquam denudatur à dimensionibus non terminatis; quia si denudaretur, tunc corpus fieret ex non corpore, & dimensio ex non dimensione, & hoc totum convenit sensui. Videtur enim, quod forma caliditatis, quando agit in aquam, incipit aqua augeri & crescere in dimensionibus, & appropinquare dimensionibus aeris. Cum igitur pervenit ad maximam quantitatem aquæ, tunc subjectum ejus denudatur à forma aquæ, & quantitate dimensionibus aquæ propria, & recipit formam aeris, & quantitatem dimensionum propriarum formæ aeris. & similiter facit contrarium forma frigiditatis in aere, scilicet, quod dimensiones aeris non cessant diminui, donec spoliatur à sua forma, & recipiat formam aquæ. Dimensiones autem simplices, quæ appellantur corpus simpliciter, nunquam denudantur à materia prima, sicut nec alia accidentia communia. Declaratum est igitur, quod causa corruptionis entium est contrarietas existens in eorum formis; causa verò hujus totius contrarietatis in formis est, quod hoc subjectum recipit primitus dimensiones recipientes dimensionem terminatam.

D. Thomas ne ipse quidem aliam fovet de principiis rerum naturalium sententiam. Docet, in materia dari dimensiones interminatas; has fieri terminatas per quantitatem; quantitatem esse primam dispositionum materialium, ita ut non tantum in quantitate recipiantur omnia accidentia, sed etiam juxta modificationem ac mutationem quantitatis mutantur, ac producantur omnia reliqua accidentia. Et quia in quantitate primò recipitur motus, docet, ex motu cælorum mediante æthere seu subtili materia omnibus inferioribus fieri omnes mutationes, generationes, alterationes, augmentationes, & motus locales, ita ut si unico instanti cessaret motus cælorum, eo momento cessarent omnes motus in universo. His positis quid deest principiis Mechanicis? an quod motuum partium admittat ordinatum juxta leges motuum fundatas in ipsa exigentia naturæ, & quod motui partium conjungat qualitates sensibiles, propterea ineptior pro explicanda natura haberi debet? profecto, si D. Thomas in deducendis explicatis principiis Mechanicis diu immorari noluit, non ideo id contigit, quod ea ignoraverit, aut à Philosophia



Peripatetica aliena duxerit, sed quia circa meras incertas hypotheses tempus terere noluit, sed Medicis, aut hominibus sæculi hanc curam relinquere.

In 4. sentent. dist. 44. q. 1. art. 1. qq. 1. ad 3. sic habet: „Dicendum, quod illud, quod intelligitur in materia ante formam, remanet in materia post corruptionem; oportet autem, ut Commentator dicat, in materia ante formam intelligere dimensiones non terminatas, secundum quas attendatur divisio materiæ, ut diversas formas in diversis partibus materiæ recipere possit, unde & post separationem formæ substantialis à materia adhuc dimensiones illæ manent eadem, & sic materia sub illis dimensionibus existens formam accipit.

In 4. sent. dist. 11. q. 1. a. 1. qq. 3. ad 4. „Dicendum, quod dimensio, quæ præintelligitur ante formam substantialem in materia, non habet esse completum quia non est dimensio terminata. Dimensiones terminatæ habent certam mensuram & figuram.

In 4. dist. 12. q. 1. a. 2. qq. 4. c. Sicut Commentator dicit, in materia oportet intelligere dimensiones interminatas ante adventum formæ substantialis; alias non posset intelligi divisio materiæ, ut in diversis partibus materiæ diversæ formæ essent; huiusmodi autem dimensiones post adventum formæ substantialis accipiunt esse terminatum & completum, quidquid autem intelligitur ante adventum formæ substantialis in materia, hoc manet idem numero in generato. Dimensiones autem illæ interminatæ se habent ad genus quantitatis, sicut materia ad genus substantiæ.

In 4. dist. 12. q. 1. a. 3. qq. 1. ad 3. „Dicendum, quod forma substantialis materialis aliquo modo habet ordinem ad dimensiones; cum dimensiones interminatæ præintelligantur in materia ante formam substantialem. Et art. 2. qq. 6. c. Varietas dimensionum, quam facit additio & divisio, est quantum ad determinationem ipsarum, non quantum ad indeterminatum esse earum, secundum quod competit eis subsistere.

3. part. q. 77. art. 2. c. „Prima dispositio materiæ est quantitas dimensiva; unde & Plato posuit primas differentias materiæ magnum & parvum, & quia primum subiectum est materia, consequens est, quod omnia alia accidentia referantur ad subiectum mediante quantitate dimensiva, ratione cuius quidam posuerunt dimensiones esse substantias corporum.

In 4. sent. dist. 12. q. 1. art. 1. qq. 3. c. Prima dispositio materiæ est quantitas, quia secundum ipsam attenditur divisio ejus, & indivisio, unde omnia alia accidentia mediante quantitate in substantia fundantur, & quantitas est prior eis naturaliter.

L. 4. Cont. Gentes c. 63. „Inter accidentia quidam ordo considerandus est; nam inter omnia accidentia propinquius inhaeret substantiæ quantitas dimensiva; deinde qualitates in substantia recipiuntur quantitate mediante.

Quodlib. 6. art. 19. c. „Dicendum, quod cælum influat in inferiora, quia totum universum est unum unitate ordinis. In cælo sunt duo motus, quorum unus est ab Oriente in Occidentem per Po-

los Æquinoctialis; & iste causat perpetuitatem in inferioribus motibus, alius motus est per Polos Zodiaci; iste motus causat differentiam motuum in istis inferioribus.

In 2. sent. dist. 2. q. 2. art. 3. c. „Non ponimus aliquod corpus habere influentiam in aliud, nisi per motum, quia ut in l. de Causis dicitur, etiam anima non imprimit in res, nisi movendo eas. Nullum autem corpus movet, nisi motum, ut à Philologis probatum est; cælum enim per motum suum causat generationem & corruptionem in istis inferioribus, unde dicitur in 8. Phys. quod motus ejus est, sicut vita existentibus omnibus; unde dicit Rabbi Moyses, quod cælum in universo est sicut cor in animali, cuius motus si ad horam quæ esseret, animalis vita finiretur. . . Et ad 3. lumen cæli non est causa in istis inferioribus, nisi supposito motu.

L. 3. Cont. Gent. c. 8. 4. „Nullum corpus agit, nisi per motum, quæ igitur sunt extra motum, non possunt esse causata à corporibus cælestibus; sed ea, quæ sunt circa intellectum, sunt omnino extra motum per se loquendo; impossibile ergo est, quod corpora cælestia sint per se causa eorum, quæ sunt circa intellectum. Amplius, si nihil causatur ab aliquo corpore, nisi in quantum movet, dum movetur, oportet, omne illud, quod recipit impressionem alicujus corporis, moveri; nihil autem movetur, nisi corpus, ut probatur in 6. Phys. oportet ergo omne id, quod recipit impressionem alicujus corporis, esse corpus, aut virtutem corpoream; ostensum est autem, quod intellectus neque est corpus, nec virtus corporea; impossibile est igitur, quod corpora cælestia directe impriment in intellectum.

1. Part. q. 115. art. 3. c. & ad 2. Motus horum inferiorum corporum reducuntur in motum corporis cælestis; principia activa in istis inferioribus non inveniuntur, nisi qualitates activæ elementorum & huiusmodi, quæ sunt calidum & frigidum, & huiusmodi; huiusmodi accidentia se habent, sicut materiales dispositiones ad formas substantiales naturalium corporum. materia autem non sufficit ad agendum, & ideo oportet super has materiales dispositiones ponere aliquod principium activum mobile, & huiusmodi sunt corpora cælestia, & ideo quidquid in istis inferioribus generat & movet, est sicut instrumentum cælestis corporis.

L. 1. de Cælo. lect. 4. Aristoteles ponit, quod ignis & superior pars aeris feruntur circulariter motu firmamenti. Illa circulatio ignis vel aeris non est ei naturalis, quia non causatur ex principio intrinseco; neque est per violentiam, sive contra naturam, sed est quodammodo supra naturam, quia talis motus inest eis ex impressione superioris corporis, cuius motum ignis & aer sequuntur secundum circulationem completam, quia hæc corpora sunt cælo propinquiora. Aqua vero secundum circulationem incompletam, scilicet secundum fluxum & refluxum maris. Terra vero à cælo remotissima nihil à tali permutatione participat, nisi secundum solam alterationem partium ipsius; quod autem inest inferioribus corporibus ex impressione superiorum, non est eis violent-



violentum, nec contra naturam, quia naturaliter apta sunt moveri à superiori corpore.

Similia habet D. Thomas in aliis plurimis textibus, ex quibus manifestum est, quod omnes mutationes formarum & qualitatum ultimato delinunt à motu, & dimensionibus materiæ, quæ duo sunt Neotericorum Mechanica principia, jejuna nimis, quia destituta ornatu, & ordine. D. Thomas iis superaddit qualitates pro ornatu, formas verò pro causa ordinis, seu potius ipsum ordinem activum partium.

Possem nunc adjungere textus aliorum Peripateticorum insignium v. g. Zabarellæ, & P. Honorati Fabri, qui & ipsi omnes mutationes formarum attribunt dimensionibus materiæ, & motui locali. Zabarella L. 2. Phys. c. 17. multis argumentis conatur evincere, tres dimensiones esse identificatas cum materia prima. A motu cælorum docet effici motum inferiorum, & à motu per attritionem partium nasci calorem, ex quo oriuntur cæteræ qualitates, prout ostendit in libro *de calore cælesti*. P. Honoratus Fabri, qui & ipse dimensiones identificat cum materia prima, calorem & impetum dicit esse omnium rerum principia, quod & ipsum sensisse prius videtur Thomas Campanella. Si his omnibus viris cum suis principiis licuit manere inter Scholasticos, cur Neotericis impossibile videatur, esse bonum Philosophum & simul Peripateticum? an tam parum ingenii aut eruditionis habent, ut nullam formarum cum legibus motuum reperiunt concordiam? hanc ergo ipsis præfens Philosophia exhibet, cujus totum Syttema his paucis Theſibus conſtringo.

1. Mundus realis est perfectè similis mundo intellectuali.

2. Ea similitudo mundi realis & intellectualis est formalis ac perfectissima, qualis datur inter ideam trianguli, & figuram ipsam triangularem.

3. Hinc quæcunque sunt diversa in mundo intellectuali, etiam sunt modo simillimo diversa in mundo reali.

4. Sed ea lege, ut illæ perfectiones, quæ repræsentantur ut separabiles in mundo reali, dicantur esse distinctæ realiter; ex verò perfectiones quæ repræsentantur, ut inseparabiles inter se in mundo reali, dicantur tantum distinctæ vel virtualiter, prout loquuntur Thomistæ, vel fundamentaliter, seu formaliter, prout loquuntur Recentiores.

5. Sentimus, nos habere diversos conceptus dum concipimus lucem, colorem, sonum, ac reliquas qualitates, & dum concipimus purè substantiam extensam; eaque concipimus ut separabilia à substantia extensa.

6. Itaque qualitates sensibiles sunt realiter distinctæ à substantia extensa.

7. Sentimus etiam, nos habere alium conceptum, dum concipimus substantiam extensam, & dum in ea substantia concipimus ordinem ad aliam talem substantiam, v. g. ordinem ad aliud per motum, per situm, per tempus, per unionem, & similes modos, aut relationes.

8. Itaque etiam omnes relationes aut modi separabiles à substantia extensa erunt realiter distinctæ à substantia.

9. Si quæras, quid ergo sint in mundo reali hæ

qualitates, aut modi? responderetur; eas id ipsum esse, quod sunt in mundo intellectuali, hoc solo discrimine, quod sicut in mundo intellectuali oriuntur dependenter ex motu spirituum & cæcæ in phantasia; ita in mundo reali non solum oriuntur ex tali motu, sed etiam conjungantur cum eo motu partium.

10. Sentimus, nos habere diversum conceptum, dum concipimus substantiam extensam indefinitam, seu sine determinata figura, ac limitatione; & dum concipimus substantiam extensam cum figura, ac dimensionibus terminatis; idque separabiliter.

11. Itaque figura ac quantitas determinata distinguuntur realiter à substantia extensa indefinita.

12. Substantiam extensam indefinitam vocamus *Materiam primam*.

13. Materia prima divisa in partes, habens figuram, ac quantitatem, necessariò habet ordinem partium.

14. Ordo partium materiæ necessariò est in ali, qua determinata proportionem vel Arithmetica, vel Geometrica, vel Musica, vel alia possibili homini adhuc incognita.

15. Itaque ordo partium materiæ, & proportio idem sunt.

16. Omnis proportio est continua; sic ut series antecedentium determinatè exigat seriem determinatam consequentium, in eadem proportionem progredientium.

17. Ordo inter seriem antecedentium & seriem consequentium est in mundo intellectuali activus, ita ut intellectus posita serie terminorum proportionalium vi ipsius ordinis ad seriem consequentium determinetur ad ponendam seriem consequentium.

18. Itaque etiam in mundo reali ordo inter seriem antecedentium & consequentium erit activus, ita ut ordo antecedentium intrinsecè exigat à Deo poni ordinem consequentium.

19. Ordo partium materiæ in quovis toto, quatenus est proportionalis ad seriem proportionalium terminorum consequentem; id est, quatenus est activus, *forma substantialis* vocatur.

20. Itaque forma substantialis ex ipsa natura activa proportionum erit radix exigitiva suarum proprietatum, & productiva effectus sibi consimilis.

21. Et quia omnis mutatio partium materiæ sit vel per motum localem, vel per mutationem figuræ in partibus, clarum est, quod prima mutatio ex legibus proportionum causata in corporibus per formam substantialem debeat fieri per motum localem partium, vel mutationem figuræ.

22. Cum autem mutatio figuræ sit & ipsa per motum localem partium figuræ, clarum est, quod ultimato omnes mutationes naturæ fundentur in motu locali partium seu Physicarum, seu Metaphysicarum materiæ.

23. Cum autem omnes motus fiant juxta leges proportionum in quavis causarum & effectuum serie particulares, impossibile est, omnes motus fieri juxta leges motuum generales.

24. Itaque dispositio ordinatissima partium materiæ, in seminibus, herbis, plantis, animalibus



non fit juxta generales leges motuum in universo, sed juxta leges motuum cuius progressioni proportionum in hac vel illa specie correspondentium.

25. Verum ergo erit, à planta produci plantam, ab animali animal, quia causa effectus non residet in generalibus legibus motuum, sed in ipso ordine partium activo, qui reperitur in causa, & ex legibus progressionum exigit terminum sibi proportionalem.

26. Dicamus ergo simpliciter, dari materiam primam Peripateticam habentem secum identitatem dimensionum interminatas; dari etiam formam substantialem cujuslibet speciei ac compositi naturalis, quæ sit radix activa, suarum proprietatum conservativa ac productiva similium. Dari insuper quantitatem & motum materiæ, secundum quarum diversitatem correspondentem semper alicui progressioni proportionum Deus naturæ largiatur ornatum, nempe qualitates sensibiles.

27. Sic qualitas lucis poterit correspondere pressionibus subtilis materiæ; colores poterunt coniungi cum radiis ejusdem subtilis materiæ musicè proportionalibus; sonus cum undulatione aeris, calor cum motu rapidissimo partium, & sic de aliis.

Hac ratione conciliatum erit Systema Peripateticum cum principiis Mechanicis Neotericorum.

## QUÆSTIO IV.

*An ex universali deceptione sensuum Philosophia Peripatetica everti possit?*

**A**N fieri id possit, ex sequenti demonstratione patebit.

## DEMONSTRATIO

*Quòd ex universali deceptione sensuum Philosophia Peripatetica everti non possit.*

Cum Refutatione

R. P. Nicolai Mallebranche.

## PROOEMIUM

**O**Mnium argumentorum, quæ hæcenus contra Philosophiam Peripateticam prolata reperi, fortissimum est, quod ex universali deceptione sensuum ducitur. Si enim demonstratum est, nunquam eos v. g. colores in objectis reperiri, quos

oculus in objectis esse nuntiatur; si idem demonstratum est circa sapores, odores, & alias qualitates sensibiles, quis tuto affirmabit, ullam extra mentem reperiri qualitatem sensibilem? Certè in hoc argumento lateret non contemnenda difficultas. Ut ergo pateat hujus quoque vanitas, afferam intergrum Librum I. ex Tractatu R. P. Nicolai Mallebranche, quem *de inquirenda veritate* inscripsit ac edidit. Nullus enim authorum illud Neotericorum argumentum fortius intorsit, quam iste Cratorii Berulliani Presbyter, qui anno 1715. 13. Octobris, apud Gallos famâ singularis doctrinæ clarus obiit. Hinc & D. Deslandes membrum Academiæ Regiæ in Epicedio inter alia sic illi accinit inferias.

Senex colende, jure sapientum decus,  
Livoris atros temne morsus invidi  
Te certa clarum fama per populos manet,  
Tuumque fastis nomen addet Gallicis.  
Ergo superbam pone mentem Græcia,  
Et somniantum parce mirari sitophas,  
Jecos aniles, atque inepta jurgia,  
Fastidiosis quæ bibuntur auribus.  
Vale Cleanthes, Cyniceque, & loquax Plato,  
Tuque ô Stagiræ fabulator credule:  
Valete cuncti, quos Lycæum aut Porticus  
Fovère quondam venditantes nœnias,  
Potiora noster dogmata excudit Sophus,  
Miræque verum nudat elegantia.  
Euclidis ille fretus arte nobilis,  
Recti tenacem consulens Cartesium,  
Sophiam indecora solvit arctam compede,  
Audax vetusta riserat mendacia,  
Nihilque famæ aut nomini authorum dabat,  
Veritatis candidæ studio inclytus  
Feliciter nobis, sibi que profuit.  
Has discipulus Magistro laudes consecrat.

Videamus ergo, quomodo vir tanti apud suos encomii universalem sensuum deceptionem, & ex universali sensuum deceptione Philosophiæ Peripateticæ falsitatem adstruat; ubi audierimus attentè illius argumenta omnia, ad finem per modum reflexionum respondebo ad singula. Itaque I. I. de inquirenda veritate, c. 5. hoc pro Axiomate ponit: De rebus, quales in se sunt, ope sensuum tuorum, cave, ne unquam judices; tuis solum utaris, ut cognoscas, quo modo res mutua relatione sibi invicem respondeant. Sensus inquit, nostri eo consilio non dati sunt nobis, ut res, quales in se sunt, cognoscamus, sed duntaxat, quatenus nostræ conservationi vel utiles sunt vel noxiæ. non à sensibus, sed à voluntate nostra adjudicandum promptiori decipimur. Dum lumen cernimus, id quod cernimus, verè quidem lumen est; dum calorem sentio, calorem me revera sentire sine erroris periculo credere possum: Sed si calorem, quem ego sentio, extra mentem subsistere puto, tum erro, & quidem gravissimè, ut infra patebit. Tum ad probandum universalem errorem sensuum sic pergit ac, 6. usque ad c. 20.



P. Mallebranche C. O. D. I. P.

## De Inquirenda veritate

## LIBRI I.

## CAP. VI.

*I. De erroribus visus respectu extensionis in seipsa considerata. II. Errores illi ad objecta invisibilia extenduntur. III. De erroribus oculorum nostrorum circa extensionem respectivam.*

**V**isus ceteros sensus, ordine, dignitate, & extensione sua superat, adeo ut si sensus nobis darentur ad veritatem cognoscendam, visus ceteris in hac disquisitione, præiret, & præcelleret. Si igitur auctoritatem quam in rationem usurpant oculi, evertamus, nullis amplius ni fallor, opus erit argumentis, quibus erroris nostri convincamur, & impostero sensibus nostris cauti diffidamus.

Jam igitur ostensuri sumus, visus nostri testimonio, nequaquam circa rerum veritatem, sed tantum circa vitæ nostræ conservationem, fidendum esse; ab oculis nostris in omnibus generatim nos decipi, nempe in corporum quantitate, figuris, motibus, in luce & coloribus, quibus exceptis nihil oculis nostris usurpamus. Demonstrabimus præterea hæc omnia non actu esse, qualia nobis apparent, neminem esse qui falsis eorum speciebus non decipiatur, & ex hoc errore in errores alios innumeros non incidat. Ab extensione inchoaturi, argumenta quibus eo adducimur, ut credamus, ipsam revera non esse, ut se nobis præbet, in medium proferamus.

Per spicillis quorum autor nobis fuit Galilæus, animalcula, ipsa arenulâ penè invisibili, longè immò centies exiliora, sæpius visa sunt. Atomis illæ viventes non secus ac cetera animalia, gradiuntur. Habent igitur crura & pedes, ossa quibus crura sustineantur, musculos quibus moveantur tendines, & innumeras fibras in unoquoque musculo, sanguinem denique aut spiritus animales subtilissimos & tenuissimos, quibus muscoli impleantur & vicissim moveantur. Hæc enim si non adsint, qui illa vivere, nutriri, ex uno loco in alium transire, pro variis objectorum impressionibus, concipiat? Immo potius fieri nequit ut ipsi anatomici & naturæ investigatores, numerum, varietatem, exilitatem omnium partium, ex quibus hæc corpuscula, ut vivant omnesque vitæ functiones obeant, necessario constare debent, imaginari possint.

Imaginatio tantâ tenuitate stupet & absorbetur; partes imperceptâ & furtivâ serie dilabentes, non potest arripere, & ipsi rationi id nos evidenter docenti, sensus & imaginatio reluctantes, animum nostrum sæpius suscendunt.

Visus noster angustis circumscriptus limitibus, objecto tamen limites figere non debet. Extensioni fines præscribit quidem; sed idem extensionem hisce finibus includi quis frustra concluderet. Infinita aliquatenus dici potest. Atque hæc tenuissima materiæ particula, quæ nostros fugit oculos, orbem, in quo totidem res quamvis pro rerum proportionem longè tenuiores, quot in hoc ingenti orbe continentur, etiam contineri possent.

Hæc animalcula ab aliis animalculis minimis, sibi quæmadmodum ipsa nobis, ob stupendam parvitatem imperceptis, fortè excedunt. Quod nobis est acarus, illud sunt acaro ejusmodi animalcula perquam tenuissima. Nec impossibile est dari in naturâ animalcula his tenuiora, & in infinitum usque tenuiora, illâ tam dissimilari acari cum homine proportionem servata.

Materiæ divisibilitatem in infinitum demonstrationibus evidentibus & Mathematicis, possumus demonstrare; quidni igitur animalia parva & minima ad infinitum usque dari posse, vel ipsa insurgente imaginatione, crederemus? In eum duntaxat usum comparavit materiam Deus, ut ex ea, mirabilia ederet opera; cum autem certum sit nullam esse partem, licet inter minimas sit minima, ex qua Deus pro sua infinita potentia, non possit ejusmodi animalcula erui, cur istam potentiam infinitam, definimus? cur imaginatione nostrâ finitâ, istius opificis & potentiam & industriam metiendo, ideam quam opificis summè perfecti habere nos decet, temere extenuamus.

Jam experientiâ duce errorem exuimus, & illud quidem non levem. Hæc enim experientia animalcula acaro millies tenuiora dari posse edocti sumus. Cur his adhuc exiliora non dari crederes? Id si credas, gratis certè credes. Quin ego longè facilius existimem his à nobis jam perceptis, multo minora posse reperiri. Animalcula non desunt microscopiis, microscopia desunt animalculis. Hoc est nulla sunt microscopia ita tenui partium configuratione formata, ut animalcula illa nobis exhibere possint.

Cum per hyemem, germen ex tulipæ bulboeductum per vitrum convexum, aut solis oculis intueor, in illo germine, folia quæ tempore verno virescere, folia quæ florem constituere & adornare debent, hoc spatium quo semen includitur, & sex columellas quæ illud spatium in interiori tulipæ parte cingunt, nulla difficultate deprehendo. Ex quibus, germen ex tulipæ bulboeductum, totam ipsam tulipam includere, nemo est qui non colligat.

De semine synapi, de acino pomi, & generatim de quibuslibet arboribus & plantis, quamquam res oculis, ne vel ipsius microscopii ope, usurpari nequeat, idem est judicium: nec singulas arbores, in seminis sui germine, compendio se contineri, absurdum est dicere.

Nec id modò. Ne *ἀπορρίψω* quidem cuiquam videri debet, si dicamus in uno  
gero



germine dari posse arbores infinitas; illud enim germen arborem illam cujus semen est non solum continet, verum etiam innumera alia semina, quæ novas arbores & nova arborum semina, possunt includere. Quæ iterum quantumvis minuta minutissima, poterunt adhuc alias arbores, aliæque semina primis non minus secunda, complecti. Adeo ut, hoc, quod nec insulsum nec ludicrum cuiquam, nisi infinitæ Dei potentia mirabilia ideis sensuum & imaginationis metiatur, videri debet, posito principio, haud absurde dici possit, in uno pomi acino, pomos, poma, pomorumque semina, in sæcula prope infinita dari, proportionem pomi perfectæ, cum pomo in semine suo, servata; adeo ut naturæ partes hac in re illæ sint. Nempe, arbores illas evolvit & explicat, incrementum conspicuum arbori illi quæ est extra semen suum, ministrando, dum incrementa impercepta quidem, sed realia tamen & magnitudini suæ accommodata largitur arboribus illis quæ in semine suo esse concipiuntur. Possunt enim esse corpora adeo minuta, ut in fibras arborum illarum, quæ in semine suo esse concipiuntur, sese insinuent, ac illis alimenta præbeant.

Quod de plantis eorumque germinibus dictum est, ad animalia ipsorumque germen pari jure transferri potest; in tulipæ germine, tulipam integram vides. Vides pariter in ovi recentis, cui non incubuit gallina, umbilico seu germine, pullum fortè omnino conformatum. In ovis ranarum cernuntur ipsæ ranæ, & cum satis sagacitatis & experientia accedet; alia præter hæc cernuntur animalia in suo germine. Sed quocunque tandem procedat visus, ne tamen ibi subsistat mens nostra, quæ aciem suam longius proferre potest, quam oculi corporei possunt suam. Quid obstat igitur quo minus credamus, omnia corpora hominum & animalium, quæ ad finem usque sæculorum generabuntur ab ipsa mundi creatione, producta fuisse? hoc est foeminas primorum animalium, fortè creatas fuisse, cum omnibus animalibus ejusdem speciei; quæ genita sunt, & quæ impofterum generanda erant.

Idud mentis cogitatum à vero fortè non ita abludit, ut amplius urgeri non posset. Sed in Dei opera penitus introspicere meritò extimescimus. Nihil in iis præter infinitates videas. Non modò sensus nostri, nostraque imaginatio angustioribus circumscribuntur limitibus ut ea possint attingere, sed mens ipsa quantumvis pura puta materiaque expert, hebetior debiliorque est, ut vel in minimum inter Dei opera, possit penetrare, ad unius atomi, ut sensuum more loquar, conspectum, ipsius acies obtunditur, hebescit, perstringitur, stupet. Sed hoc saltem mens sensibus & imaginatione præstat, quod scilicet suam infirmitatem, Deique magnitudinem agnoscat, quodque infinitum, quo absorbetur, percipiat. At verò sensus nostri, & imaginatio nostra opera Dei deprimunt nosque in impudentem atque cæcam injectos confidentiam, in errorem etiam præcipites agunt. Oculi enim nostri nullam in nobis ingignunt ideam,

eorum omnium quæ microspiorum ope, vel ipsi ratione conspiciamus, corpora acaro aut animalculo illo quod Midam vocant minora, visu nostro non cernimus. Si ipsius testimonio fides adhibeatur, acarus dimidiatus, est purum nihil Midas ipsi est instar puncti Mathematici si divinis annihilas. Visus igitur noster extensionem, ut non in se est, sed duntaxat ut est respectu corporis nostri, nobis repræsentat. Quia autem dimidiatus Midas corpori nostro nec prodesse nec officere potest, illum visus noster nobis prorsus eripit.

Si verò oculi nostri ad microspiorum exemplar essent conformati, seu potius si acaros aut Midas magnitudine non excederemus, de ipsa corporum magnitudine aliâ prorsus ratione judicaremus. Nam procul dubio hæc animalcula oculos habent ita dispositos, ut objecta quibus circumdantur, videant; & suum ipsorum corpus majus ipsis videri debet quam nobis alioqui impressiones vitæ conservandæ necessarias accipere non possent, & oculi quibus prædita sunt, ipsis forent inutilia.

Sed ut rem omnino excutiamus; attendendum est oculos nostros nihil aliud revera esse præter perspicilla quædam naturalia, ipsorum humores idem esse cum vitro perspicillorum, & juxta crystallini humoris figuram, ipsius à tunica retina distantiam objecta multifariam à nobis videri; adeo ut non possis tuto asserere duos homines, objecta cum eadem magnitudine videre, quia duos homines vix comperias, quorum oculi eodem modo sint conformati.

Apud omnes optices peritos hæc propositio admitti debet, objecta scilicet æquidistantia, eo majora videri, quo figura quæ in intima oculi parte exprimitur major est. Jam autem in eorum oculis quorum humor crystallinus convexus magis est, figura minores pro convexitate exprimi, pro certo constat. Quorum igitur visus obtusus objecta eminus non potest conspiciere, cum crystallinum humorem habeant magis convexum, objecta etiam minora vident, quam ii qui eodem, quo cæteri homines pollent visu, aut quam senes, qui perspicillis inter legendum utuntur, & qui objecta eminus probe prospiciunt.

Hæc omnia Geometricè demonstrari nullo negotio possent; iisque probandis diutius immoraremur, si quemquam laterent. Qui verò ea doceri cupient, quamplurimos Autores qui de hisce egerrunt, consulant.

Cum igitur duos homines vix reperias, qui objecta cum eadem magnitudine, videant; cumque ut plurimum eadem objecta sinistro conspectu oculo eidem homini majora appareant, quam cum ea adspicit dextro, ut observatum videmus in Diario Doctorum Romæ mensis Januarii 1669. cuivis clarè patet hac in re iudicium sensuum nostrorum esse incertissimum. Rationem igitur satius est nos consulere. Illa enim comperiemus primò nos nihil quicquam circa corporum magnitudinem absolutum posse definire; secundò nos nullam extensionis pedalis, aut ipsius corporis nostri ita certam ideam

Germen ovi est macula illa candida quæ conspicitur in ipsius ovi vitello. V. lib. de formatione pulli in o. vo. Viri clarissimi Malpighi. Vid. miraculum naturæ Svammerdam.



nobis efformare posse, ut illud quale est illa idea nobis exhibeat. Corporum omnium minimum, si unicum esset, parvum non fore, ratio evincit; cum corpus illud innumeris constet partibus, quarum unaquæque, Deo sic volente terram posset efficere, quæ respectu aliarum partium simul junctarum, nihil esset nisi punctum. Mens itaque humana tantam non potest sibi efformare ideam, ut vel minorem extensionem possit capere aut complecti. Mens enim finita, qualis est nostra, ideam infinitam non potest suscipere.

Mens quidem rationes quibus hæc infinita ad se invicem referuntur hoc e. g. illo duplo majus esse, & decempedam esse quantitatem decempedum cognoscere potest. Sed quid in se sint, nullâ potest ideâ comperire.

Sed esto; mens has suscipere possit ideas, quæ corporum extensionem exæquent aut dimetiantur. Rem enim secus se habere vix cuiquam persuadere queas; quid demum hoc dato non concessio colligere possis, videamus. A Deo scilicet nos non decipi, oculos quibus nos munivit perspicillis non esse similes quæ objecta vel augent vel extenuant; ac proinde oculos nobis res quales in se sunt repræsentare.

Nos equidem nunquam fallit Deus, sed errorum nostrorum nobismet ipsis sæpe sumus autores, judicia de rebus nimis præcipitata ferendo. Sæpe enim objecta quorum idea nostro impressa est cerebro non solum actu existere, verum etiam hæc ideis nostris planè similia esse judicamus. Licet plerumque non modò sint absimilia, sed etiam non existant.

Ex eo quòd rei alicujus idem habeo, non sequitur rem istam existere, minus verò rem istam ideæ meæ similem esse. Ex eo quòd Deus hanc ideam sensibilem magnitudinis nobis impresserit, cum decempeda oculis nostris obversatur, non sequitur decempedam illam extensionem, eâ quæ nobis repræsentatur, majorem non habere. Nam primò eandem istius decempedæ ideam sensibilem non habeat omnes homines, quippe qui oculis eodem modo dispositis non præditi sint. Secundò idem homo variam habet ideam ejusdem decempedæ, prout illam intuetur oculo dextro aut sinistro, ut dictum est. Denique sæpenuerò contingit ut idem homo varias ejusdem objecti pro variis temporibus habeat ideas: prout illud vel propinquius vel remotius esse opinatur. Ut alibi sumus exposituri.

Corpora igitur secundum veram magnitudinem suam à nobis videri, falsò huc usque præjudicavimus. Cum enim oculi nostri in eum finem nobis tantum concessi sint, ut corpus nostrum foveamus, munus sibi demandatum ritè quidem obeunt, dum in nobis efficiunt ideas ipsi corpori accommodatas.

Sed ut quid de extensione corporum, ex oculorum nostrorum testimonio, judicare nos decet, doceamur. Hoc liceat nobis animo fingere. Deus scilicet cælum, & terram, ex materiæ portione ad pilæ palmariæ magnitudinem accedente, velut in sinopsin quandam contraxerit, in illa terra homines collocaverit, servatis iisdem quæ

in hoc universo deprehenduntur proportionibus; homunciones illi sese invicem, partes corporis sui, & animalcula etiam sibi infesta sæcè conspicerent. Quorsum enim aliqui ipsorum oculi. Hoc igitur supposito, homunciones illi ideas magnitudinis corporum longè diversas haberent, ab illis quas nos habemus; parvum enim orbem suum, qui nobis esset pila, velut spatia quædam infinita haberent, non secus ac nos de orbe quem incolimus judicare solemus.

Vel si id facilius à nobis concipi possit. Pingamus Deum terram hæc nostrâ infinitis ampliorum spatiis creâsse, adeò ut hæc nova terra nostrâ sit; id quod nostra erat illi parvæ de quâ antea. Præterea supponamus Deum eandem in hujusce nòvi orbis partibus servasse proportionem, quam in hoc nostro servavit; homines hujusce novi mundi, spatia quæ inter terram nostram & stellas maxime distitas intercedit, magnitudine suâ excessuros esse liquet; adeò ut si easdem quas habemus corporum ideas, ipsi haberent, quædam corporis sui partes discernere non possent, aliàs verò cum immani crassitudine cernerent; objecta igitur cum eadem magnitudine quâ nos ipsos visuros esse, nemo sanus cogitaverit.

Ex duabus suppositionibus antea dictis, homines magni aut parvi mundi, magnitudinis corporum ideas, ab iis quas nobis efformamus, diversas sibi efformaturos esse manifestò liquet, si saltem supponas ipsorum oculos, objecta circumjacentia, pro corporis proprii ratione, ipsis repræsentare. Si autem homines illi oculorum testimonio freti, corpora eandem quàm oculis usurpant, habere magnitudinem, audacter assererent, hallucinarentur haud dubiè; id tamen non mihiote jure quo nos possent asserere atque propugnare. Jam igitur illorum exemplo moniti teneamus, nos de magnitudine corporum quibus circumdamur, esse per quam incertos, & visu nostro nihil posse comperire, præter relationem, sive potius corporum istorum cum nostro convenientiam. Oculos nostros denique, in eum usum non fuisse comparatos, ut ab illis rerum veritatem edoceamur, sed tantum ut utilia à noxiis secernere queamus.

Sed non modò circa objecta visibilia oculis suis credunt homines, verum etiam circa invisibilia. Quæ non vident, continuò non existere arbitrantur, oculis suis perspicacitatem penè infinitam arrogantes; hoc præjudicio præditi innumeriorum effectuum naturalium causas ignorant. Illa enim effecta facultatibus quibusdam & qualitibus imaginariis non rarò tribuunt, horum causas reales, quæ in variis corporum configurationibus consistunt nescientes.

Quia, exempli gratiâ, æris, flammæ, multò magis lucis, & aliis cujusdam materiæ subtilioris particulæ ipsos fugiunt, tum hæc particulas vel non existere, vel nullâ vi aut actione pollere facile autumant. Undè fit ut ad qualitates occultas, facultatesve imaginarias, hæc omnia effecta quorum particule ille imper-



imperceptæ genuina sunt causa, explicaturi, confugiant.

Ut rationem qua hydraulis fursum elevatur aqua, explicant, horrorem vacui nobis obtrudere malunt, quam ad aëris gravitatem confugere; maris æstum lunæ qualitatibus quam aëris terram ambienti pressioni, tribuere exoptant magis: fingere in Sole facultates attractivas elevandis vaporibus aptas, quam vapores illos, soli impulsioni à partibus materiæ subtilis, quam Sol indefinenter respergit, factæ, tribuere satius existimant.

Illorum sententia, qui nihil admittunt præter sanguinem & carnem ut motuum quibus animalia moventur, ipsorum habituum, & memoriæ corporeæ hominum rationem reddant, ipsis debet ludibrium; quippe qui cerebrum oppidò parvum concipientes, illud tantæ capacitatis esse non existiment, ut vestigia rerum innumerabilium conservare possit; animam in bestiis, quæ nec sit spiritus nec corpus concipiant necne, admittere qualitates & species intentionales, ad explicandum habitus & memoriam hominum, aut similia quorum in mente nostrâ nec vola nec vestigium reperitur fingere malunt.

Si singulos errores ex hoc præjudicio natos enarrare aggredieremur, nullus dicendi foret finis. Ex illo omnes penè qui admittuntur in Physica errores, manarunt. Et si quis rem attentius velit considerare, non poterit quin obstupescat.

Sed quamvis his insistere non sedeat animo, aspernationem tamen illam, quâ homines insecta quædam, & animalcula, ex materia illâ quam corruptam vocant oriunda despiciunt silentio prætermittere non possumus; aspernatio cerè illa iniqua est, & solius ignorantix atque præconceptionis fructus. In natura nihil est aspernabile. Deus ipse in operibus suis nihil desiderat, cur igitur illa nos non magni faceremus? minimi culices animalia grandiora perfectione suâ exæquant, ipsorum membra cum eadem proportionem adtemperata sunt, quid? ornamentis quibusdam ipsorum parvitatem Deus compensasse videtur. In ipsorum caput oculos injice, cristas, coronas, aliæque id genus ornamenta, conspicias, quæ artem hominum luxuriantem longius exuperant. Et homines illos in Magnatum Principumque aulis versantes ausim provocare, nihil sanè oculis suis quantumvis luculentum & magnificum, usurparunt, quod ad decorem qui in muscæ capite perspicillo conspicitur, accedat.

Hæc equidem tenuissima sunt, sed quis non miretur tot mirabilia in tam exiguo spatio contineri posse? Ist hæc autem licet vulgaria, non est quod quis in minimo habeat pretio, numerus de perfectione nihil detrahit; quin imò eò se præbet magis admirandum Deus, quod hæc animalcula creando, numerum penè innumerabilem mirabilium tam magnificè tamque copiosè ediderit.

Hæc omnia tamen adeò pulchra, visum nostrum fugiunt; ipse imbecillitate suâ, nos eò adducit, ut opera Dei prorsus stupenda de-

spiciamus. Quia animalcula illa respectu corporis nostri sunt tenuissima, quasi absolute & ἀπλῶς parva essent, aut esse possent, imprudentes despiciamur.

His igitur edocti exemplis, ne imposterum sensuum impressionibus, circa corporum magnitudinem fidem adhibeamus incautam. Cum, verbi gratiâ, avem dicemus esse parvam, id à nobis absolute ne intelligatur; nihil enim in se aut magnum est, aut parvum. Avis cum musca collata magna est; quod si parva videatur dum illam cum corpore confers, ne statim credas illam reverâ parvam esse. Corpus enim nostrum, cæterorum corporum non est mensura. Sed res ut certior evadat. Corpus nostrum cum terræ globo componatur, tunc minimum videbitur. Iterum terram, cum circulo illò quem Sol aut ipsa terra circa se invicem describunt composito, & circulum illum cum spatio quod inter nos & stellas fixas interjacet; & sic deinceps spatia ad infinitum usque, ut fieri potest, imaginator, magnitudinem corporum respectivam esse hoc pacto, nullo negotio comperies.

Verum nequidem credendum est, sensus nostros nos accuratè docere relationem quam ad nostrum habent, cætera corpora. Accurationem enim in cognitionibus sensuum, quæ vitæ conservandæ duntaxat inserviunt, frustrâ quæras; Proportionem quidem illam satis accuratè judicamus, cum corpora nobis propinqua sunt. Sed quo plus à nobis recedunt, eo minus etiam à nobis cognoscuntur, quia nempe minus ad nos referuntur; idea aut sensus magnitudinis, qui in nobis corporis cujuslibet præsentia excitatur, statim atque ita recedit ut nobis nocere non valeat, in nobis extenuatur. Vice versa idea illa crescit statim atque illud corpus ad nos accedit, aut potius statim atque relatio quam illud corpus ad nostrum habet, augetur. Denique si relatio illa omnino desinat, hoc est, si quoddam corpus à nobis tanto distat spatio, vel adeò exiguum est, ut nobis nocere non possit, illud pariter sentire desinimus; visu igitur relationem quæ est inter cætera corpora & nostrum, imò relationem quam inter se invicem habent, judicare interdum possumus; sed ipsa ejusdem esse magnitudinis, quæ nobis apparet, non est quod credamus.

Oculi nostri exempli gratia, Solem & Lunam quasi quantitatem pedalem aut bipedalem duntaxat haberent, nobis repræsentant. Sed hæc æstra tam arcto constringi spatio non est arbitrandum, ut Epicurus & Lucretius arbitrati sunt. Eadem Luna oculis nostris, stellis maximis, major videtur; ipsam tamen longè minorem esse, nemo est qui inficietur. Sic, ut ex quotidiana constat experientia, duorum aut plurium corporum magnitudinem sæpe non possumus conferre, quia scilicet ipsorum distantiam non satis accuratè assequi possumus. Quid plura? vix de proportionem duorum corporum nobis proximorum possumus judicare; & postquam ipsa manibus diu libra-

vimus,



vinus, dubie sapiusculè hæremus, ut id facile patet, cum quis nummos duos penè æquales inter se compositurus est. Alterum enim alteri subijci necesse est, ut quis major quisve minor sit, tutius cognoscatur. Oculi igitur nostri non modò nos circa corporum magnitudinem decipiunt, verum etiam circa mutuam ipsorum relationem.

## C A P. VII.

*I. De erroribus oculorum nostrorum circa figuras. II. Nos de minimis nullam habere cognitionem. III. Cognitionem quam de maximis habemus non esse accuratam. IV. Quædam judicia naturalia, quibus errorem vitamus, explicantur. V. Eadem ipsa judicia in occasionibus quibusdam singularibus nos decipere.*

**I.** **V**isus noster circa figuras, quàm circa quodlibet aliud, in errorem nos rarius inducit, figura enim in se & absolute considerata nihil est, ipsius natura, in sola relatione quæ est inter partes spatium aliquod terminantes, & punctum quod in illo spatio concipitur, quodque sicut in circulo vocare possumus, centrum figuræ, consistit; adeò ut figura sit propriè magnitudinis determinatio. Multifariam tamen circa figuras erramus, nec ullam quidem sensibus accuratè cognoscimus.

**II.** Omnimodam extensionem ab oculis nostris non conspici, sed eam solum quæ cum corpore nostro aliquà proportionem convenit, statim probavimus, unde etiam omnes minimorum animalium, ut & corporum tum durorum tum liquidorum partes à nobis non videri, liquidò patuit. Cum igitur partes illas ob nimiam exilitatem non possimus percipere, figuras quoque partium illarum nos fugere necesse est, cum figura corporum nihil aliud sit quàm ipsorum terminus. Jam igitur innumeras figuras, oculi nostri nobis non exhibent. Undè fit, ut mens ipsorum capacitati plus æquo fidens, remque satis non expendens, hæc figuras non existere sæpius existimet.

**III.** Corporum verò visui nostro accommodatorum, quæ sane præ cæteris pauca sunt, figuram aliquatenus quidem, sed nunquam accuratè sensibus nostris apprehendimus. Ne visu quidem, an rotunda & quadrata figura, quæ ambæ figuræ sunt omnium simplicissimæ, non sit Ellipsis & Parallelogramma, quamquam istas figuras præ manibus & ob oculos habeamus, certiores tamen evadere possumus.

Nec id modo; si linea longior sit, an illa sit accuratè recta an verò secus judicare penes nos non est, nisi amissim habeamus. Quid amissim narro? ne quidem teremus an ipsa amissis sit ritè constituta. Ni tamen, ut vel pueri norunt, lineam cognoscas illam aliam figuram cognoscere frustra speres.

Illud est quòd de figuris nobis ita propinquis, R.D. Euseb. Amort Philosophia.

ut eas oculis usurpemus, manibusque teramus, dicendum superpetit. Verùm si eas supponis distitas; Quàm variè in oculorum nostrorum internam partem sese projicient? Illud enarrare foret inutile. Si quis hæc sibi confirmari cupiat, adeat Optices peritos, figurasque quæ in tabulis reperiuntur, ipse examinet. Si enim Pictores, figuras illas, ut in statu genuino & naturali spectatoribus appareant, immutare coguntur, & circum, exempli gratià, Ellipseos adinstar pingere, quis hinc, visum nostrum circa objecta non picta, errare non colligat? sed errores illi novis sensationibus castigantur, quæ veluti judicia quæ dari naturalia haberi, & judicia sensuum appellari, fortè non immeritò possent.

**IV.** Cum exempli gratià, cubum conspiciamus, ipsius latera sese nunquam ita in oculos nostros projiciunt, ut in ipsorum internâ parte imaginem similis magnitudinis efficiant. Quippe imago uniuscujusque lateris quæ in retinâ sive nervo optico pingitur, cubo juxta Opticæ leges picto, similis est; undè fit ut sensatio quam in nobis excitat illa imago cubi latera inæqualiter nobis repræsentare deberet, quandoquidem illæ in cubo picto inæquales sunt. Illas tamen facies videmus æquales sine erroris discrimine.

Id autem ex judicio quodam naturali oriri, quis fortè dicere posset: Facies, scilicet, cubi maxime distitas non debere, in internâ oculorum nostrorum parte imagines formare æqualis magnitudinis ac facies quæ sunt maxime propinquæ. Quia verò sensus sentiunt tantum, nunquam verò propriè loquendo judicant, constat judicium illud nihil aliud esse præter sensationem compositam, quæ proinde nonnunquam falsa esse potest.

Quia tamen, id quod in nobis nihil aliud est præter sensationem; respectu Autoris Naturæ quæ illam in nobis excitat, veluti quoddam judicium haberi potest: de sensationibus, tanquam de judiciis naturalibus, nonnunquam loquor, quia hæc formula loquendi ad id videtur aptior, ut ratio dictorum reddatur; ut in Capite nono sub finem, & in multis aliis locis videre est.

Quamvis autem hæc judicia sensus nostros multifariam castigent & emendent, nosque ab innumeris vindicent erroribus, occasionem tamen errandi nobis aliquando præbent. Si, exempli gratià, turris campanariæ, ponè ingentem murum aut ponè montem sita, apicem prospicio, tum mihi, propinquius parvusque satis videbitur. Quòd si deinceps ipsum in eadem quidem distantia situm videamus, sed ita tamen ut multa terrarum jugera, multæque domus inter me & ipsum interjaceant, tum & remotior & major mihi apparebit. Quamvis utroque modo, projectio radiorum è turri emissorum, sive imago turris quæ fit in intimâ oculi mei parte, eadem prorsus sit. Cur apex ille nobis major videatur hæc causa proferri potest; hoc scilicet judicium naturaliter ferimus: nempe si tot terræ inter nos & turrim campanariam interjaceant, certè remotior & ideo celsior esse debet.



Quod si vice versâ nullas terras inter oculos nostros & turrim campanariam deprehendamus, quamvis porro multas interponi, ipsamque turrim esse remotissimam non ignoremus, quod notatu dignum est, proxima tamen & brevissima, ut dixi, nobis videbitur. Et id pariter fit iudicio quodam menti nostræ veluti nativo, quo turrim illam non plus sexcentis passibus distitam iudicans, illam quoque sub hac distantia & figura sibi pingit. Imaginatio enim nostra ampliorem extensionem inter objecta & oculos nostros interjectam non solet sibi repræsentare, nisi aliis objectis interjacentibus visu sensibili perceptis, aliquid ulterius imaginetur.

Vide Caput 9, sub Epigram.

Nec aliam ob causam, Luna in ortu suo aut in occasu longè grandior nobis videtur, quàm cum supra horizontem nostrum elevata eminet. Quippe propter ipsius elevationem nulla inter ipsa & nos objecta cernimus, quorum magnitudinem dimetiri possumus, ex quorum collatione de Lunæ magnitudine queamus iudicare. At paulò post ipsius ortum, vel cum ad occasum vergit, inter ipsam & nos, multos videmus campos, quorum magnitudinem propemodùm cognoscentes, pro illa magnitudine Lunam remotiorem, ac proinde grandiorem esse iudicamus.

Et observandum est ipsam, cum supra capita nostra eminet, quamvis ratione certò sciamus esse remotissimam, à nobis tamen videri quasi minima esset & proxima. Quia nimirum ejusmodi iudicia naturalia visus, ejusdem visus perceptionibus duntaxat nituntur, & à ratione corrigi non possunt; adeò ut iisduducibus sæpe in errorem incidamus iudicia libera ipsis consentanea ferentes. Cum enim iudicamus ut sentimus, semper fallimur cum econtrà nunquam fallamur dum iudicamus ut concipimus. Corpus enim corpus solum docere potest, at Deus veritatem usquequaque docet, ut alibi demonstrabo.

Falsa hæc iudicia non modò circa corporum distantiam & magnitudinem, quod istius quidem non est capitis, verum etiam circa figuram nos decipiunt. Solem, verbi gratiâ, Lunam, cæteraque corpora sphaerica remotissima, tanquam plana essent, & circulorum adinstar, videmus. Quia à nobis tantoperè distant, ut discernere non possumus, an parsilla quæ è regione nostri sita est, aliis partibus sit propinquior; undè fit ut illam æquidistantem iudicemus. Eadem de causa stellas omnes & cæruleum illum colorem qui in cælo apparet à se invicem æqualiter distantia, ac veluti in fornice quodam accuratè convexo collocata existimamus. Quia mens nostra ubi inæqualitatem non agnoscit, æqualitatem supponere solet, quam tamen, nisi evidentiam convicta, non deberet admittere.

Errores visus nostri circa corporum figuras fufius non explicamus, curiosis ad Optices peritos ablegatis. Et certè hæc scientia, nihil præter oculos fallendi rationem docet. Totaque ipsius solertia in eo versatur, ut nos in iudicia naturalia, de quibus supra intempestivè facienda, impellat.

Idque tot rationibus fieri potest, ut inter omnes figuras, nulla sit quæ mille modis non possit pingi, adeò ut visus haud dubiè in errorem labatur. Sed hæc excutiendi tempus non est. Hæc dicta sufficiant ut oculis nostris circa ipsas corporum figuras diffidere, assuescamus; licet circa figuras rarius quàm circa quodlibet aliud, decipiant.

## C A P. VIII.

*I. Ab oculis nostris nos non doceri magnitudinem aut celeritatem motus in se considerati. II. Durationem ad motum cognoscendum necessariam, nobis ignotam esse. III. Exempla errorum visus nostri circa motum & quietem.*

JAm præcipuos & generaliores visus nostri errores circa extensionem & figuras deteximus, nunc verò ejusdem visus errores circa materiæ motum emendare par est. Quod nullo fiet negotio, si ad ea quæ de extensione præmissa sunt, attendamus. Tanta enim est inter hæc duo, convenientia atque relatio, ut si circa corporum magnitudinem erramus, circa ipsorum motum, errandi ineluctabilis incumbat necessitas.

Sed ut omnia clarè & distinctè à nobis dicantur, prima fronte amovenda venit æquivocatio, quæ est in voce motus. Vox enim illa duo vulgò significat. Primò vim illam, quæ in corpore moto inesse, motumque efficere creditur: Secundò translationem continuam corporis alicujus, ab alio corpore quod in quiete esse concipitur, recedentis, aut ad illud accedentis.

Quum, exempli gratiâ, globulum quendam motum suum alteri globulo communicasse dicimus, tum motus primo sensu sumitur. Si verò simpliciter dicimus globulum esse in maximo motu, tum motus sumitur secundo sensu. Uno verbo iste terminus, *motus*, denotat simul causam & effectum quæ duo tamen toto genere differunt.

Circa vim motum corporibus indentem, ipsaque transferentem, gravissime nec sinè periculo errare mihi videntur Philosophi. Speciosi illi termini, *natura*, scilicet, & *qualitates impressæ* quorum inventi sunt? nisi ut Doctorum illorum *servum* ignorantiam, impiorumque licentiam prætexant, ut facile esset probatu. Sed de illa vim corpora movente verba faciendi hîc non datur locus, in ipsa enim nihil est visibilis, jam autem de erroribus visus nunc agitur. Res igitur suo tempore fiet.

Motus, secundo sensu accepto hoc vocabulo, scilicet, pro translatione corporis ab alio corpore recedentis, est aliquid visibile, de quo hoc capite nobis agendum est.

Visum nostrum, non corporum magnitudinem in se, sed tantùm relationem illam quæ sibi invicem & corpori nostro respondent, nobis exhibere, capite 6. demonstrasse mihi video. Undè colligo, nos velocitatem aut tarditatem ipsorum motus accuratè cognoscere non posse, sed duntaxat relationem sive convenientiam mutuam



tuam quæ est inter motus istorum corporum, & præcipue inter motum illum quo corpus nostrum moveri solet. Quod sic probe.

Non possumus judicare de intentione motus aliqujus corporis nisi ex spatio, quod illud ipsum corpus emensum est, id clarum est. Si igitur oculi nostri veram spatii confecti longitudinem nobis non ostendunt, profecto nec veram motus intentionem ipsi patefacere poterunt.

Istud argumentum omnem vim suam desumit, ex iis quæ jam de extensione dicta & demonstrata sunt. En tibi unum quod nihil habet prius undè dependeat: Illud est igitur quod dico. Licet clare cognosceremus longitudinem spatii confecti, non tamen inde sequeretur, nos posse eadem ratione cognoscere intentionem motus,

Motus intentio seu velocitas duo includit. Primo translationem corporis ex uno loco in alium, ut Lutetiam, San-Germainum. Secundo tempus quod in illa translatione insumptum est. Jam autem ut scias, an quis motu rapido, an verò lento istud itineris emensus fuerit, non sufficit si teneas accuratè intercapedinem quæ exstat inter Lutetiam & San-Germainum, quantum præterea in eo itinere temporis spatium insumperit, sciendum est. Itineris ergo longitudinem posse cognosci non inficior: sed visu seu aliâ quavis ratione, tempus quod in illo itinere conficiendo consumptum est, veramque durationis magnitudinem posse cognosci, pernego.

Nec aliam ob causam unâ horâ quatuor diuturnitate suâ nobis ex æquare interdum videtur, & vice versâ aliâ quatuor horæ sine sensu præterlabuntur. Quum, verbi gratiâ, voluptate perfunderis, tum singulæ horæ momentaneæ sunt, quia scilicet, tempus dulci quadam & imperceptâ celeritate effluit. Quum verò animus merore confectus est, vel dolore quodam vehementissimo afflictus, tunc dies annorum ad instar produci videntur; mentem enim tam operosâ durationis tædet; durationem illam eò sentit facilius, quo ipsi attentius incumbit. At verò per gaudium sive per voluptatem; animus à semetipso præcisus, & in unum voluptatis objectum defixus tedium molliter fallit. Quemadmodum enim picta tabella, singula seorsim in eâ speculanti, grandior videtur, aut sicut caput muscæ microscopii ope undequaque circumspectum, maximum apparet; sic mens, dum suæ durationis partibus attentior adhæret, ipsam longiorem experitur, & apud se sentit.

Quibus positis, Deus mentem nostram durationis partibus ita potest adjungere, multas brevissimo temporis spatio sensationes in eâ excitando, ut unicâ horâ multa sæcula implere videatur. Quemadmodum enim nullæ sunt atomi in corporibus, nullum pariter est temporis punctum indivisibile; & quemadmodum minima materiæ particula in infinitum divisibilis est, sic partes durationis in partes breviores, & brevissimas ad infinitum possent dividi, ut demonstratu facile est. Si igitur mens durationis suæ partibus ita attendere, ut sensationes in eâ excitarentur, quæ vestigia

satis profunda relinquerent, illa sanè duratio ipsi multò longior videretur.

Sed quid plura? horologiorum usus, durationem accuratè non cognosci satis superque probat. Si enim motus velocitas, non cognita prius durationis longitudine, cognosci nequit, hinc sequitur intentionem motus absolutam non posse accuratè cognosci, si prius longitudo durationis absoluta non cognoscatur.

Quia verò relationes aliquot durationum, sive rationes aliquot quibus tempora sibi invicem respondent, cognosci possunt, sic relationes aliquot motuum, sive rationes quibus motus sibi invicem respondent, cognosci queunt. Quemadmodum enim, annum Solarem longiorem esse Lunari cognoscere potes; sic tormentarium globum celeritate velocius ferri facile comperias; eded ut, si velocitatem motus absolutam & in se nos non edoceant oculi nostri, illo tamen ope intentio motus respectiva quâ ratione scilicet motus hic cum illo conveniat, nobis innotescit. Quod corporis nostri conservationi sufficit.

Nos visu nostro circa corporum motum decipi multoties quidem agnoscimus, nec rarò quæ nobis moveri videntur quiescunt, & vice versâ quæ videntur quiescere, moveri tamen sæpius contingit. Quum, verbi gratiâ, navi velociter & æquabiliter vectæ insideo, terræ & urbes recedere mihi videntur, illæ scilicet moveri videntur, dum navis quiescit.

Pariter, homo quispiam super Planetâ Martis constitutus, Solem, Terram, ceterosque Planetas cum stellis fixis, intra 24. aut 25. horas, quo temporis spatio Mars circa axem suum movetur, circulum suum agere, visu suo judicaret. Terra tamen Sol, stellæque circa hunc Planetam non feruntur; adeo ut homo ille quiescentia moveri crederet; ipseque dum moveretur, quiescere sibi videretur.

Cur homo navi insidens ab errore oculorum suorum facilius sese expediret, dum alter in planeta Martis constitutus falsæ opinioni suæ præfractè adhæreret, hîc non explico. Nemo est qui hujusce rei causam per se non agnoscat. Sed ut causa illa facilius innotescat. Hîc exemplo attendendum est; Pingamus hominem in navi summo sopitum, derepente expergesceri, quid si expergesfactus, nihil præter summum alicujus navis malum ad se accedentem videret? certe si nec vela turgida, nec nautas operi instantes nec ullam aut in se aut in navi in qua sedet, agitationem successioneve deprehenderet, ultra ex duabus navibus moveretur dubius ambigeret; & hujusce rei compendiendæ causa oculos suos, ipsamque rationem suam frustra consulere.




## CAP. IX.

*Idem argumentum tractatur. I. Erro-  
res visus nostri circa motum genera-  
liter demonstrantur. II. Cognoscen-  
dam esse objectorum distantiam, pri-  
us quam de ipsorum motus velocitate*

*judicium fiat. III. Rationes quibus  
distantiæ cognosci possunt examinan-  
tur.*

**O**Mnes errores, in quos visus noster circa  
motum nos injicit hoc exemplo, veluti ar-  
gumento generali, demonstrari possunt.



**A**, Sit oculus spectatoris, **C** verò objectum quod ab **A** fati diffitum suppono. Hoc posito illud est quod dico, quamvis objectum in **C** positum immotum maneat; illud tamen ita potest conspici ut ad **D** recedere, & etiam ad **B** accedere videatur, quamvis objectum ad **D** recedat ita tamen videri potest, ut immotum in **C**, & etiam ad **B** accedere censeatur. Et vice versâ, quamvis ad **B** accedat, ita tamen potest videri, ut in **C** immotum manere, necnon etiam ad **D** tendere credatur. Quamvis objectum à litera **C** usque ad literam **E**, vel **H**, vel **G**, vel **K** progressum fuerit, illud tamen à **C**, usque ad **F**, vel usque ad **I**, tantum promovisse credere possumus. Et econtrâ quamvis objectum à **C**, usque ad **F**, aut usque ad **I** motum fuerit, illud tamen usque ad **E**, aut **H**, vel ad **G**, aut **K**, motum existimari potest; Quod si objectum moveatur per lineam à spectatori oculo æqualiter distantem, hoc est per circumferentiam cujus spectator sit centrum; quamvis objectum à **C** in **P** moveatur, à **B** tamen ad **O** duntaxat illud moveri quis posset credere, ut econtrâ quamvis ex **B** ad **O**, tantum moveatur. ita tamen conspici potest, ut à **C** ad **D** moveri credatur.

Si ultra objectum C, aliud objectum M, verbi gratia, reperiat, quod quamvis versus N, moveatur immotum tamen existimetur: licet objectum C immotum maneat, vel saltem multò tardius moveatur versus F, quàm M, versus N; versus Y moveri videbitur, & vice versa, si &c.

II.  
Cognoscen-  
dam esse  
objectorum  
distantiam  
priusquam  
de ipsorum  
motus velo-  
citate iudi-  
cium fiat.

Has omnes propositiones, si ultimam, quæ difficultate caret excipias, hoc uno nos scilicet de distantia objectorum tuto non posse judicare, demonstrari, liquido pater; si enim de distantia certum judicium ferre nequimus, hincliquet nos non posse tenere, an C versus D progres-

sum fuerit, an vero ad B accesserit, & sic de ceteris.

Ut autem comperiamus, an judicia, quæ circa  
objectorum distantiam ferimus, sint certa, quâ ra-  
tione ad ejusmodi judicia procedamus, animadver-  
tendum est; si ad illa, ratione incerta procedi-  
mus, certè judicia errore vacua esse non po-  
terunt. Jam autem variis rationibus ad illa judicia  
nos accingimus, quæ nobis excutiendæ sunt.

Prima, quæ & universalior & sæpe tutior ratio  
est, quâ distantiam objectorum possimus digno-  
scere, est angulus quem formant radii ex oculis  
nostris emissi, cujus anguli caput sive apex. est  
objectum ipsum; hoc est, objectum est punctum  
in quo radii angulum efficientes, concurrunt.  
Cum angulus ille maximus est, objectum etiam  
proximum videmus, cum verò angulus minimus  
est, tum etiam videmus objectum maximè dissi-  
tum. Mens igitur nostra de objectorum proxi-  
mitatè aut distantia judicat, prout situs oculorum  
nostrorum, variis anguli istius mutationibus im-  
mutatur. Quemadmodum enim cæcus, duos  
baculos rectos quorum longitudinem nequidem  
cognosceret, præ manibus tenens, Geometria  
tamen quadam naturali, distantiam alicujus  
corporis, illud scilicet corpus duobus baculis  
suis attingens, juxta dispositionem & dis-  
tantiam manuum suarum, aliquatenus saltem digno-  
scere posset; ita mens de objecti cujuspiam di-  
stantiâ judicat ex oculorum suorum dispositione;  
quæ dispositio diversa est, secundum magnitudi-  
nem aut parvitatem anguli cujus ope objectum illud  
videt, hoc est, secundum objecti propinquitatem &  
distantiam.

Hoc facili experimento quivis rem poterit clare percipere. De extremo filo suspendatur annulus, ita ut ipsius interna capacitas nobis



non sit adversa; vel terræ intrudatur baculus, dum alium baculum in extremo recurvum præ manibus gestabis; Postea verò tribus vel quatuor passibus ab annulo, aut à baculo in terram infixo secede; alterum oculum manu tuâ occludes, altera verò manu annulum trajicere vel baculum baculo quem in manu gestas ad altitudinem oculi aut circiter, transversum ferire conator. Quod primò facillimum existimasti id centies tentatum te non tamen potuisse assequi miraberis. Quod si baculo deposito annulum digito transversum agere velis; rem quamvis proximis, non sine difficultate poteris efficere.

Sed cum dixi, annulum esse trajiciendum, baculumque ferendum, utrumque in transversum positum esse intellexi; res enim alioqui esset facillima, & facilius quidem altero oculo clauso quam si utrumque aperires; hoc pacto enim ictus, facilius dirigeretur.

Cur autem annulum illum, altero duntaxat oculo aperto, vix potes trajicere, hæc est causa, nimirum altero oculo clauso, angulus de quo supra, nobis non innotescit. Ut enim anguli magnitudinem cognoscas, non sufficit cognoscere magnitudinem basis istius anguli, & magnitudinem alterius ex illis duobus angulis quem efficit alterum latus in basi; quod ex præcedenti experimento clarum est; sed præterea necesse est cognoscere alterum angulum, quem efficit alterum latus in basi, aut longitudinem alterius ex lateribus. Quod accurate dignosci nequit, nisi alterum oculum aperias. Quocirca mens Geometriâ suâ naturali, ut distantiam annuli cognoscat, uti nequit.

Dispositio igitur oculorum, quæ comitatur angulum radiorum visualium, qui in objecto occurrunt & secantur, ratio melior est & universalior quàm mens ad dijudicandam rerum distantiam utatur. Si igitur angulus ille manifestò non immutatur quum objectum paulò distitum est, sive ad nos accedat, sive à nobis recedat; ex hoc ipso inferre poteris hanc rationem dijudicandæ objectorum distantia, vitiosam & falsam esse.

Hunc autem angulum non mediocriter mutari, quum objectum ab oculis nostris uno pede distans ad quatuor pedes transfertur nemo non videt, at verò si à quatuor pedibus ad octo pedes transferatur, tum mutatio non erit adeò manifesta; si ab octo pedibus ad duodecim, minus; si à mille pedibus ad centum pedum millia, tum penè impercepta fiet mutatio; mutatio denique illa, si ulterius, vel in spatia usque imaginaria transferatur objectum, impercepta prorsus fiet. Adeò ut si spatium memorabile inter A & C intercedat, mens hac ratione, an objectum sit propinquum literæ B, an verò literæ D, cognitura non sit.

Hanc ob causam, Sol & Luna nubibus involvi nobis videntur, quamvis ab iis, infinitis propemodum distent spatiis; eodem adducti præjudicio, singula alstra æquidistantia cometasque stabiles, & sub finem cursus sui penè immotos, imaginamur. Ipsos etiam cometas post aliquot menses penitus dissipari, arbitramur, quia

nempe à nobis, per lineam rectam & oculorum nostrorum respectu directam, recedunt; atque hoc pacto in ingentia illa spatia, unde non redeunt, nisi post multos annos vel etiam post multa sæcula sese recipiant, & oculis nostris subducunt.

Secunda ratio quæ mens utitur, ut cognoscat objectorum distantiam, consistit in oculorum dispositione diversa, ab ea quam supra exposui. Ut secunda illa ratio explanari possit id cognitum velim; nimirum; Figura oculi, juxta diversam objectorum distantiam, diversa quoque necessario debet esse. Quum enim homo quispian objectum sibi proximum videt, oculi apertius longiores esse debent, quàm quum objectum remotius est, ut enim radii istius objecti in nervum opticum coincidunt, quod quidem, ut fiat visio, necesse est; sanè distantia inter nervum opticum & crystallinum, major esse debet.

Si equidem crystallinus convexior fieret, quum objectum propinquum est; id perinde esset ac si oculus extenderetur; sed crystallinum facile mutare posse convexitatem suam, credibile non est; præter quam quod, oculum extendi sive producti, experimento manifesto patet. Anatomia enim docemur quosdam esse musculos, qui oculum circumdant, istosque musculos oculum prementes sentimus, cum aliquid cominus spectamus.

Sed quo pacto id fiat tenere hinc nil opus est, satis est, si sciamus oculi dispositionem immutari; sive à musculis illum circumdantibus prematur, sive nervuli correspondentes ligamenti illis *ciliaribus*, quæ crystallinum inter alios oculi humores suspensum tenent, remittantur, ad augendam crystallini convexitatem, vel intendantur ad ipsam minuendam.

Mutatio enim, qualiscunque tandem illa sit, eò tantum fit, ut radii objectorum in nervum opticum recta coincidunt. Jam autem sive objectum quoddam quingentis aut sexcentis passibus, sive decies mille leucis à nobis distet, cum eadem prorsus oculorum dispositione à nobis prospicitur, nullà in musculis oculum circumdantibus aut nervis qui ligamenti *ciliaribus* crystallini correspondent, memorabili immutatione facta; radiique objectorum in retinam sive in nervum opticum accuratissime coincidunt. Mens igitur objecta decem aut etiam centum millibus leucarum distita, quingentis aut sexcentis tantum passibus distare judicat, cum scilicet de istorum objectorum distantia, ex solâ illâ oculorum dispositione, de quâ loquutus sum, judicium fert.

Hanc tamen rationem, mentem in judiciis suis adjuvare certum est, cum objectum est propinquum. Si, exempli gratia, objectum semipede duntaxat distet, ipsius distantiam, dispositione musculorum oculos nostros ut longiores fiant, prementium, facile discernimus; atque hæc dispositio non sine dolore aliquo comparatur. Si idem objectum duobus pedibus distet, distantiam illam adhuc discernimus, quia dispositio quamvis non amplius dolorem, sensum tamen quandam in mente gignit. At si ob-



objectum illud aliquot pedibus adhuc amoveatur, dispositio musculorum mentem nostram adeò debiliter afficit, ut iudicio nostro circa distantiam objecti, quicquam opitulari desinat.

Ambæ igitur illæ rationes cognoscendæ objectorum distantia quas jam eparravimus, prorsus inutiles sunt, cum objectum illud sexcentis aut circiter passibus distat; nec etiam quamvis objectum propius admoveatur, tutæ haberi possunt.

*Tertiaria ratio qua de objectorum distantia iudicium fertur.*

Tertia ratio consistit in magnitudine imaginis, quæ in internâ oculi nostri parte pingitur, quæ objecta nobis repræsentat; imaginem istam minui, recedente objecto, nemo est qui diffiteatur. Sed quo objectum quod situm suum mutat remotius est, eò magis, imaginis diminutio impercepta est. Cum enim objectum quodpiam ab oculis nostris jam satis distat, ut sexcentis, verbi gratiâ, passibus, aut alio quovis spatio simili pro objecti ipsius magnitudine; objectum illud, inquam, non mediocriter potest recedere, nullâ tamen in illius objecti imagine sensibili immutatione factâ, ut demonstratu facile est. Tertia igitur illa ratio, eodem quo priores, laborat vitio.

Præterea observandum est mentem, objecta illa remotiora non judicare, quorum imago picta in retinâ, minor est. Quum, exempli gratiâ, hominem & arborem, & utrumque centum passibus à me distitum, aut plures in cælo stellas adspicio, hominem arbore, stellasque minores, majoribus esse remotiores, statim non iudico quàmquam hominis & stellarum imagines in retinâ pictæ, minores sunt imaginibus arboris & stellarum majorem. Insuper objecti magnitudo cognoscenda est, ut ipsius distantia aliquatenus saltem cognoscatur. Quia autem compertum mihi est, domum homine majorem esse, licet imago domus, hominis imagine major sit, domum tamen homine idè propinquiorem esse, non iudico. De stellis res pariter se habet. Illas oculi nostri in eadem distantia positas nobis exhibent: nonnullas tamen aliis longè remotiores esse, per quam verosimile est. Cum igitur innumera sint objecta, quorum magnitudinem non cognoscimus, innumera pariter esse, quorum distantia nos latet, credere par est.

De objecti alicujus distantia, ex vi quâ in oculos nostros agit, etiam judicamus; objectum enim remotum, objecto propinquo longè debilius agit; necnon ex distinctione & perspicuitate cum quâ imago objecti pingitur in oculo, cum enim objectum distitum est, tum oculus ut illud videat, latius patere debet, undè sit ut radii in oculum confusius coincidant. Hanc ob causam objecta subobscura, aut minùs distinctè à nobis conspecta, diffusa videntur, cum econtrâ, corpora lucida, & distinctè à nobis visa, propinqua videantur. Hisce posterioribus rationibus, certum circa objectorum distantiam, stabiliri non posse iudicium, liquidò patet; quocirca iis non immoror ad ultimam, quæ imaginationem magis adjuvat, & quâ mens objecta esse diffusa facilius iudicat, rationem progressus.

Sexta igitur & præcipua ratio, in eo posita est, quòd objectum solum, & à cæteris semotum, menti non exhibeat oculus; quin singula objecta, quæ inter nos, & objectum illud circa quod præcipuè versatur, interjacent, ipsi conspicua præbet.

Quum verbi gratiâ, turrim campanariam satis distitam prospicio, eodem oculi jactu, multasteras multasque domus interjectas, ut plurimum video. Quia autem de illarum terrarum illorūque ædificiorum distantia iudico, turrim campanariam his remotiorem animadvertens, protinus & remotiorem, & ampliorem, & celtiorem, quam si sola appareret, ipsam iudico. Imago tamen quam turris illa in interna oculi parte efformat, sive terræ & ædificia intersint, sive non, ejusdem semper est magnitudinis, dummodò ut supponimus, illam ex eodem loco vel saltem æquè distanti respiciamus. Corporum igitur magnitudinem, ex ipsorum distantia dijudicamus; ac proinde corpora inter nos & objecta visus nostri interposita, imaginationem nostram in iudiciis circa distantiam ferendis, mirum in modum sublevant. Non secus ac de durationis nostræ magnitudine, aut de tempore quod, post aliquid à nobis gestum, præterit, iudicamus, ex confusâ rerum post novissimam illam actionem gestarum aut continuas à serie cogitatarum, recordatione. Hæc enim aut cogitationum aut actionum nostrarum series, mentem nostram in dijudicanda temporis cujuslibet vel etiam, aliquâ saltem ex parte, durationis nostræ longitudine, adjuvat, vel potius confusa harum omnium cogitationum sese mutuo excipientium, recordatio, nihil aliud est præter ipsum de duratione nostrâ iudicium. Quemadmodum vitio confusa terrarum quæ inter nos & turrim campanariam interjacent, nihil aliud est præter ipsum de distantia turris, iudicium.

Hinc percipere facile est, cur Luna sub ortum nobis grandior appareat, quam quum supra horizontem eminet. Cum enim oritur Luna multis leucis distans immò ultra horizontem sensibilem aut terras quæ visum nostrum terminant, sita nobis videtur. At verò, cum directè supra horizontem nostrum eminet, tum semilevica tantum, vel septies ædificiis nostris sublimior videtur. Itaque illam prope horizontem sitam longè grandior iudicamus, quam cum ab illo valde diffusa est; quia nempe illam orientem iudicamus longè remotiorem, quam cum jam supra horizontem nostrum editissima eminet.

Non pauci equidem Philosophi illud effectum vaporibus è terra ascendentibus tribuunt. Nec ab illis hac in parte dissentire velim, quòd scilicet vapores objectorum radios frangentes; illa majora nobis exhibent. Nec præterea diffiteor, majorem esse numerum vaporum inter nos & Lunam cum oritur, quam cum supra horizontem eminet; ipsamque idè, si à nobis semper æquè distaret, paulò majorem sese præstituram, quàm reverà se præstat. Interea tamen hæc refractionis radiorum Lunæ, omnium illarum mutationum, quæ in ipsius magnitudine



dine conspiciendas se præbent, causa dici nequit; hæc enim refractione non obstat quo minus, imago illa quæ in internâ oculorum nostrorum parte, cum Lunam videmus orientem, pingitur, sit minor quàm imago quæ efformatur, cum Luna jamdudum orta supra caput nostrum eminet.

Astronomi, quorum est Planetarum diametros metiri, quo magis Luna ab horizonte recedit, ac proinde quo minor illa videtur, eo magis ipsius diametrum augeri observant; itaque diameter imaginis, quæ in internâ oculorum nostrorum parte pingitur, minor est, cum Lunam videmus majorem. Re verâ Luna oriens à nobis terræ semidiametro remotior est, quàm quum supra verticem nostrum linea perpendiculari eminet. Nec aliam ob causam ipsius diameter augetur, cum supra horizontem ascendit, tum enim ad nos accedit.

Cur igitur illam, dum oritur, majorem videmus? non certè propter refractionem radiorum, à vaporibus terræ factam, cum imago ex istis radiis efformata minor sit; sed id oritur ex iudicio naturali, quod de ipsius distantia ferimus, quia nempe trans terras à nobis longè distitas, ut jam dictum est, posita videtur. Rem sanè stupendam! Philosophos hujusce erroris sensuum nostrorum causam inventu difficiliorum existimare, quàm maximas Algebræ æquationes.

Hæc ratio, quæ de alicujus objecti distantia, ex ipsâ rerum inter nos & illud objectum interjectarum distantia judicamus, utilitate suâ, cæterarum rationum de quibus supra inutilitatem, non raro supplet. Hæc enim postremâ ratione, quædam objecta multis leuicis à nobis distita esse, facile judicamus, quod aliarum rationum ope judicare non licet illam tamen si expendas, multis vitiis scatere, comperies.

Ac primò quidem hæc ratio, circa res duntaxat quæ super tellure posita sunt, non verò circa res quæ sunt in aëre vel in cælis, nisi rarò admodum, & inutiliter ut plurimum, usu venit. Secundo in tellure, eâ ratione uti non datur, nisi circa objecta, aliquot tantummodò milliaribus distita. Tertiò, si inter nos & objectum contemplandum, vel valles, vel montes, vel aliud quodlibet simile, intersint, hæc ratio erit inutilis. Denique nemo est, ut puto, qui plus satis non sit expertus, quàm incerta sint iudicia quæ circa objectorum distantiam ferimus ex sensibili rerum interpositarum visu. His etiam fortè diutius æquo immeror.

Hæc igitur sunt rationes, quibus de objectorum distantia judicamus. Ex vitiis deprehensis, jam colligere est, iudicia iis innixa esse per quam incerta.

Undè nullo negotio præcedentes propositiones meas demonstrare possum. Objectum G ab objecto A satis distitum supposui; Ergo multoties admoventi potest ad D, aut accedere ad B; ita tamen ut nemo mutationem illam agnoscat; quandoquidem non sit tuta ratio dijudicandæ ipsius

R.D. Enseb. Amort Philosophia.

distantiæ. Immo objectum illud versùs D, accedere potest, cum ad B accedere censetur; quia imago objecti nonnunquam in retina augetur, sive ob trepidationes quasdam quæ nonnunquam fiunt in nervo optico, sive quia aër, inter objectum & oculum interjectus, radios interdum magis refrangit, seu tandem quia impressio, quam unio radiorum non satis accurata agit in retinam, ad partes quasdam, quæ ipsâ tamen affici non deberent, transit, quod non unâ de causâ contingere potest. Itaque objectorum imago tum major facta, eò adducit mentem, ut credat objectum accedere. De cæteris propositionibus idem esto iudicium.

Priùs quàm huic capiti finem imponam, istud observatum velim; scilicet, vitæ nostræ conservationi perquam utile esse, ut eo accuratius motum aut quietem corporum cognoscamus, quo corpora illa propius ad nos accedunt; hanc verò accuratorem non ita esse utilem, cum objecta à nobis distita sunt. Ex hac enim observatione, illius quod de omnibus sensibus in genere protuli, veritas patet; sensus scilicet nostros, res nobis patefacere, duntaxat quatenus nobis sunt utiles, non verò quales in se sunt. Motum enim & quietem corporum, ut jam dictum est, eò accuratius cognoscimus, quo magis ad nos accedunt; de iis verò, sensuum nostrorum ope judicare definimus, cum ita à nobis recesserunt, ut corpori nostro nec utilia nec noxia esse amplius possint. Ut, verbi gratiâ, cum à nobis sexcentis aut circiter passibus recedunt, si saltem alicujus sint magnitudinis; vel etiam si propius adsint, quum sunt minora, aut denique longius, si sint majora.

## CAP. X.

*De erroribus circa qualitates sensibiles.*

*I. Distinctio animæ & corporis. II. Organa sensuum explicantur. III. Cui corporis parti anima immediate uniatur. IV. Quid objecta externa agant in corpus. V. Quid in mentem, & cur mens non percipit motus fibrarum corporis. VI. Quatuor in unaquaque sensatione vulgo confunduntur.*

Superioribus capitibus, iudicia quæ ex oculorum nostrorum testimonio, circa extensionem, figuram & motum corporum, formamus, nunquam esse accurate vera, probavimus. Illa tamen non esse usquequaque falsa fatendum est. Hanc saltem includunt veritatem, extensionem, scilicet figuras, motus, qualiacunque tandem illa sint, extrâ nos esse.

Multa equidem videmus, quæ nec sunt, nec unquam fuerunt, ac statim atque aliquid extra nos videmus, illud reverâ extra nos existere, frustra colligeremus. Ab ideâ, menti hominis cujuspiam præsentis, ad actualem rei illius quam idea repræsentat existentiam, nulla est necessaria consequentia, ut vel ex somniantibus aut delirantibus plus satis liquet. Cum tamen extensionem, figuras, motus videmus, illa ut plurimum reverâ esse extra nos, asserimus.

U u u

re re

Vide Illu-  
strationes.



rere tutò possumus. Hæc non tantùm imaginaria, verum etiam realia sunt, nec fallimur, cùm ipsis existentiam realem & ab intellectu nostro independentem tribuimus, quamquam id probatu sit perquam difficillimum.

Judicia igitur, quæ circa extensionem, figuras, & motus corporum, à nobis feruntur, aliquam includere veritatem, constat. Verùm res secùs se habet de judiciis, quæ circa lucem, colores, sapes, odores, ceterasque qualitates sensibiles decernimus; illa enim, ut in hoc primo libro conspicuum erit, semper falsa sunt.

Lux à coloribus hic à nobis non disjungitur; tum quia reapse inter se non valde differunt, tum etiam quia seorsim explicari non possunt. De cæteris etiam qualitativis sensibilibus in genere, eodem tempore quo de hisce duabus, agetur; quippe quæ omnes eodem principio sint à nobis explicandæ. Infrà dicendis, utpote superius dicta & pondere & utilitate suâ longius exuperantibus, enixè attendendum est.

*Distinctio  
animæ &  
corporis.*

*Ideam hic  
voco quic-  
quid est  
objectum  
mentis  
immediat-  
um.*

Ac primum lector, duas ideas quæ menti nostræ insunt, quarum prior corpus, posterior spiritum seu potius substantiam immaterialem aut incorpoream, nobis repræsentat, apud se reputasse & expendisse supponimus; utramque ab ipso suis proprietatibus positivis apprimè distinguere; ipsum, uno verbo, hanc veritatem altè imbibisse, extensionem scilicet, à cogitatione esse distinctam atque diversam. Vel supponimus lectorem, quosdam Divi Augustini locos, ut, verbi gratia 10. cap. libri decimi de Trinitate, quantum & decimum - quartum caput libri de Quantitate mentis, aut Meditationes Viri clarissimi Cartesii; id præcipuè quod ad distinctionem corporis & animæ seu mentis spectat; aut denique sextam dissertationem de Distinctione animæ & corporis viri cl. De Cordemoy, attentè legisse.

*II.  
Organorum  
sensuum  
applicatio.*

Præterea lector anatomix organorum sensuum, peritus esse debet. Ipsam nempe non debet latere, organa illa constare ex tenuibus fibris, è medio cerebro originem suam ducentibus, quæ hinc in singula membra sensu prædita disperguntur, ac denique, nullâ interruptione factâ, ad externas usque corporis nostri partes extenduntur. Illarum autem fibrarum, dum vigilamus aut prospera utimur valetudine, alterum extremum moveri nequit, quin extremum oppositum, protinus moveatur, propter ipsarum perpetuam intentionem; quemadmodum funis contenti, alterum extremum, altero immoto, movere non potest; Quod à lectore etiam resciri velim.

Insuper neminem fugere debet, hæc fibræ bifariam moveri posse, scilicet per extremum illud quod est extra cerebrum, vel per extremum illud quod est intra cerebrum. Si fibræ illæ ab objectis extrinsecus afficiuntur ita ut ipsorum agitatio ad cerebrum usque non perveniat, ut sit per somnum, tum ex illa agitatione mens nullam novam recipit sensationem. Si verò tenues illæ fibræ spirituum animalium concursu, aut ab

alia quavis causâ intrinsecus in cerebro moveantur, tum mens aliquid percipit, quamvis fibrarum illarum partes extra cerebrum sitæ, & per omnes corporis nostri partes dispersæ, omnino quiescant, ut iterum in somno contingit.

Nec abs re erit hic etiam obiter unum observare, quod experientia duce cognoscimus. Nos scilicet in quibusdam corporis nostri partibus penitus refecatis, dolorem interdum sentire. Quia, scilicet, fibræ cerebri, quæ istis partibus correspondent, eodem modo ac si revera partes illæ sauciarentur commotæ in mente nostra, partium illarum quas fingit imaginatio, occasione, dolorem realem excitant. Hæc enim, mentem, in illa cerebri parte in qua hæc sensuum organa originem suam sortiuntur, immediatè residere; evidenter demonstrant: ibi, scilicet, quæcumque objectorum occasione in ista parte vertuntur, sentit, nec etiam quod extra hanc partem cerebri agitur, nisi fibrarum illarum intervento potest percipere. Hoc posito & clarè intellecto, quomodo fiat sensatio nullo negotio comperies, sed rem uno exemplo dabo claram.

Quum acûs cuspidem manui meæ applico, cupis illa movet & dividit fibras carnis meæ. Fibræ illæ hinc ad cerebrum usque porriguntur, & dum vigilo, satis intenduntur, ut externæ partes, immotis internis cerebri partibus, moveri non possint. Extrema igitur fibrarum cerebri etiam moventur; jam autem si fibræ manûs mediocriter moveantur, tum & fibræ cerebri mediocriter movebuntur. Quod si motus ille ita vehemens sit ut aliquid in manu disrumpat, tum etiam in cerebro vehementior & violentior sentietur.

Pariter, si manum ad ignem admoveas, particulas ligni, quas innumeras indefinenter & vehementer pellit, ut id ratio deficiente visu demonstrat, fibras concutit, & ipsis aliquam agitationis suæ partem impertiuntur. Si illa agitatio temperata est, temperata pariter erit agitatio fibrarum cerebri quæ manui respondent. Si autem agitatio illa ita violenta est in manu, ut in ea particulas aliquas discepat, ut sit cùm in aliqua corporis parte combureris, tum etiam agitatio internarum cerebri fibrarum & vehementior & violentior erit: illud est quod in corpore nostro agitur, cùm ab objectis afficimur, jam videamus quid menti nostræ contingat.

Mens autem, in illa cerebri parte, ex qua omnes nervorum nostrorum fibræ principium suum ducunt, præcipuè, si fas sit ita loqui, sita est. Ibi verò constituta fuit, ut singulas corporis nostri partes foveat atque tutetur, ac proinde omnes quæ in illis fibris sunt mutationes, ipsam accipere par est; ut mutationes corporis constitutioni congruas, ab iis quæ ipsi officiant discernere valeat; ipsi enim, si eas accipiant & sine ulla ad corpus relatione cognosceret, foret inutile. Quapropter, quamvis omnes illæ fibrarum mutationes in motibus duntaxat reverà consistant, qui in se plerumque non differunt, nisi quatenus sunt vel plus vel minus vhe-



vehementes; mens tamen de iis, quasi essentialiter differrent, judicare tenetur. Licet enim in se parum differant, si tamen conservationem corporis respicias, eas essentialiter differre haud dubie comperies.

Motus, exempli gratiâ, dolorem pariens, non valde ut plurimum differt, ab illo motu, qui titillationem excitat; inter hosce duos motus essentialem existere differentiam haud opus est; quamvis titillatio & dolor, quæ ambo illi motus in mente excitant, necessariò inter se differant. Quippe commotio fibrarum unde oritur titillatio, menti denunciat validam corporis constitutionem, quâ objecti impressioni ita resistere potest, ut ne ex ejusmodi impressione, quicquam detrimenti patiatur, timendi non detur locus. Verùm motus unde oritur dolor, cum paulò violentior sit, aliquam corporis fibrâ rumpere potest; cui malo ut consulat mens, molestiâ aliquâ sensatione, moveri par est. Itaque, quamquam motus qui in corpore excitantur in se reverâ non differant, nisi quatenus, alii aliis vehementiores sunt, illos tamen, si vitæ nostræ conservationem respicias, essentialiter differre agnosces.

Hanc ob causam, mens nostra commotiones quæ ab objectis excitantur, in carnis nostræ fibrâ non percipit; ipias cognoscere foret inutile; quippe quæ ab iis non posset accipere, an objecta nos circumcingentia, corporis nostri compagem vel conservarent vel destruerent: sed iis accititur sensationibus, quæ essentialiter differunt, quæque objectorum qualitates, quatenus saltem corporis interest, ipsi indicantes, ipsam etiam distinguere docent, an objecta illa corpori possent officere.

His adde quod, si mens nihil perciperet, præter id quod in manu agitur, momento combustionis; si nihil præter motum aut divisionem aliquot fibrarum; id certè susque deque haberet; quin ejusmodi motibus nonnunquam forte, repente quodam acto impetu delectaretur. Vesporum illorum adinstar, quos per furorem, omnia subruere juvat.

Vel non secus ac captivus, carceris sui claustra dirui, non agro cerneret animo, vel etiam spe libertatis adductus gauderet. Ita, si solam partium corporis nostri divisionem perciperemus, dum comburimur, felicitatem nostram in eo non esse positam, ut corpore quod nos à beatitudine nostra potius amovet, includamur, statim arbitantes, ipsius destructionem exoptaremus.

Unde liquet, autorem unionis animæ cum corpore, summâ instituisse sapientiâ, ut dolorem tum sentiremus, cum in corpore talis contingit mutatio, ut ex ipsâ detrimentum patiatur; ut, verbi gratiâ, cum acus carni infigitur, aut cum ignis ipsius partes dividit; titillationem verò aut sensationem quamlibet jucundam experiremur, quum motus illi temperati sunt; Et hæc omnia quidem, sine ulla perceptione eorum quæ reverâ in corpore nostro aguntur, aut motuum fibrarum, de quibus antea.

Primò, quum dolorem & voluptatem, quæ toto genere differunt, sentimus, objecta quæ  
R. D. Enseb. Amori Philosophia.

istis sensationibus occasionem præbuerunt, facilius dignoscimus. Secundò, hæc ratio, quæ movemur, an corporibus nos ambientibus, adherere, an verò ab iis recedere debeamus, brevior est, mentisque Deo comparatæ capacitatem minus occupat. Denique, cum dolor & voluptas, sint modificationes mentis quas cum respectu ad corpus suum percipit, quæque illam magis afficiunt, quàm cognitio motuum aliquot fibrarum; hinc fit ut ad istas sensationes sollicita attendat, unioque inter utramque hominis partem ætior evadat. Ex his igitur liquet, sensus nobis concessos fuisse, non ut ab iis veritatem doceamur, sed tantum ut eorum ope vitam nostram conservemus.

Quod de titillatione & dolore dictum est, de omnibus sensationibus in genere intellectum velim, ut infra clarius patebit. Ab hisce duabus sensationibus, potius quàm ab aliis initium duximus, tum quia vividiores sunt, tum quia rem præstant clariorem.

Nos circa lucem & colores, nec non generatim circa omnes qualitates sensibiles, ut circa frigus, calorem, odores, sapores, sonum, dolorem, voluptatem, innumeros errores admittere, jam facile est demonstratu. Quid si singulos errores nostros, circa omnia sensuum objecta expedire, esset animus. Multi certè anni, re adhuc infectâ, præ ingenti illorum errorum numero, consumerentur. De iis igitur generaliter dicere sufficiat.

In omnibus penè sensationibus, quatuor licet diversa confunduntur, quia scilicet, simul & vix in instanti aguntur. Atque illud est cæterorum errorum sensuum principium.

Primum quod confunditur, est actio objecti, hoc est, in calore, exempli gratiâ, impulsio & motus particularum ligni in fibras manûs.

Secundum est passio organi sensûs, hoc est, agitatio fibrarum manûs orta ex impulsione particularum ignis, quæ agitatio ad cerebrum usque pervenit, alioqui enim mens nil sentiret.

Tertium est passio, sensatio, aut perceptio mentis, hoc est, id quod quilibet sentit, quam ad ignem accedit.

Quartum est judicium, quod mens judicat, id quod sentit esse in manu sua & in igne. Judicium autem illud naturale est, vel parius nihil aliud est præter sensationem compositam, hæc verò sensationem, seu hoc judicium naturale, aliud judicium liberum semper comitatur, quod mens ferre ita consuevit, ut ab eo vix temperare queat.

Hæc quatuor, ut videre est, longè diversa sunt, nec tamen vulgò distinguuntur; unio scilicet actæ quæ est inter mentem & corpus, nos hæc impedit, quo minus hæc distinguere valeamus, quippe propter hanc tam ætiam unionem, proprietates materiæ, à proprietatibus mentis live substantiæ incorporeæ, sejungere vix possumus.

Nemo tamen est, qui ad rem attendens, non videat, ex hisce quatuor quæ in nobis aguntur, dum aliquo objecto afficimur, dum priora  
ad cor-



ad corpus, duo verò posteriora ad mentem duntaxat pertinere. Si saltem priusquam ad hanc lectionem se accinxerit super mente & corpore aliquandiu fuerit meditatus, ut præsuppositum est. Sed hæc seorsim sunt explicanda.

## CAP. XI.

*I. De errore quem admittimus, circa actionem objectorum in fibras externas sensuum. II. Causa huius erroris. III. Objectio cum responsione.*

**I**N hoc capite & in tribus sequentibus, de hisce quatuor, quæ confundi, & tanquam simplex esset sensatio haberi mox diximus, agetur. Errores, quos hac in re erramus, generali tantum ratione explicabuntur; nullus enim esset dicendi finis, si eos sigillatim enumerare aggredermur. Qui tamen dicenda seriò expendet, omnes errores sensuum nostrorum, nullo negotio deprehendet. Verum id ab illo vehementer exoptem, ut nempe suprâ dictis, & infrâ dicendis attentus incumbat.

*I. De errore qui admittitur circa actionem objectorum in fibras sensuum nostrorum.*

Quod primum confunditur in unaquaque sensatione, est actio objectorum in fibras externas corporis nostri. Nullam fere admitti differentiam, inter sensationem mentis, & ipsam objectorum actionem, pro certò constat; nec res comprobatione indiget. Plerique Homines, calorem, in igne à quo excitatur, esse arbitrantur, lucem esse in aëre, & colores in objectis coloratis. De motibus corpusculorum quæ istas sensationes excitant, ne per somnium quidem cogitantes.

*II. Huius erroris causa.*

Dolorem esse in acu quâ punguntur, haud equidem existimant, quemadmodum calorem esse in igne credunt. Quia nempe acus & ipsius actio sub visum cadunt, particulæ verò ligni ex igne emissæ, motisquæ quo manus nostras movent, visum nequaquam feriunt. Cum itaque nihil videamus, quod manus nostras attingat, dum calefimus, calorem tamen in iis sentiamus, hunc calorem esse in igne, in illo nihil aliud deprehendentes, spontè nostrâ iudicamus.

Plerumque igitur sensationes nostras objectis tribuimus, quum causæ istarum sensationum nos latent. Quia verò dolor & irritatio corporum sensibilium actione excitantur, ut verbi gratiâ, acu aut pennâ, quas videmus & tangimus, hanc ob causam, in hisce objectis quicquam esse quod sensationibus nostris simile sit, non imaginamur.

*III. Objectio.*

Nihilominus tamen, combustionem non esse in igne, sed tantum in manu, iudicamus; quamquam hæc combustio, non secus ac calor, quem igni tribuere solemus, à ligni particulis produciatur. Sed huiusce iudicii hæc est causa: combustio, scilicet, est quoddam doloris genus; jam autem, cum multoties, dolorem non esse in corpore externo à quo excitatur, senserimus; idem de combustionis iudicium, nullo negotio facimus.

Ad hoc iudicium hac etiam de causâ impellimur; dolor scilicet, aut combustio mentem nostram corporis nostri partibus, attentissimam præbeat, quæ attentio ab alia quavis cogitatione mentem deterret; quo pacto sensationem ex combustionis ortam, objecto sibi præsentissimo arrogat. Quia autem paulò post combustionem vestigia quedam in parte combusta reliquisset, comperimus hoc experimento, combustionem esse in manu, certiores adhuc evadimus.

Hoc tamen non obstat quò minùs hoc axioma generale admittatur. Nos, scilicet, vulgò tribuere sensationes nostras objectis, quotiescunque illa objecta motu partium quarundam invisibilium, in nos agunt. Nec aliam ob causam, colores, lux, odores, sapores, sonus, cum aliis quibusdam sensationibus, in aëre, aut in objectis externis, à quibus excitantur, inesse vulgò creduntur; quia, nempe, istæ omnes sensationes, motu corporum quorundam imperceptorum in nobis excitantur.

## CAP. XII.

*I. De erroribus circa motus fibrarum sensuum nostrorum. II. Hosce motus nobis esse imperceptos vel à nobis confundi, cum sensationibus nostris. III. Res experimento probatur. IV. Tria sensationum genera. V. Errores quos secum ducunt.*

**Q**UOD secundò in unaquaque sensatione deprehenditur, est commotio fibrarum nervorum nostrorum, quæ cerebrum pertingit. In eo autem erramus, quòd scilicet hanc commotionem cum sensatione mentis nostræ semper confundamus; quodque cum nullam commotionem sensibus deprehendimus, nullam reverà esse statim iudicemus.

Commotionem, exempli gratiâ, quam ignis excitat in fibris manus nostræ cum sensatione caloris confundimus, caloremque in manu nostrâ esse dicimus. Quia autem commotionem illam quâ objecta visibilia nervum opticum, in internâ oculi parte positum, movent, non sentimus, nervum illum non moveri, nec coloribus quos videmus obduci existimamus; quin objectum externum hisce misceri coloribus censemus. Colores tamen nervo optico æquè fortiter ac vividè impressos esse, ac objectis visibilibus, experimento sequenti patebit.

Sumatur oculus bovis recens jugulati, detrahantur pelliculæ illæ, quæ pupillæ adversæ sunt, juxta nervum opticum, & in earum loco, charta quedam valde pellucida, supponatur. Hoc facto, oculus ille fenestræ cuiusdam foramini applicetur, ita ut pupilla aëri obijciatur, posterior verò oculi pars includatur intra cubiculum, quod ita clausum & obturatum esse debet, ut per obscurum sit. Tunc omnes objectorum, quæ extra cubiculum posita sunt, colores in interna oculi parte



parte resperfos conspicies; sed ita tamen ut objecta resupina appareant. Quod si colores non sint satis vivi, oculus erit extendendus, ipsius lateribus compressis si, nempe, objecta, quæ in interna oculi parte pinguntur, sint propinquiora; si verò remotiora, oculus erit contrahendus.

Si igitur sensus nostri, veritatis inveniendæ causâ nobis essent concessi, aut si rationem, in judiciis nostris circa objecta sensuum, ducem sequeremur, colores in interna oculorum parte judicare aut sentire haud dubiè deberemus, quemadmodum calorem in manibus nostris esse judicamus.

At verò ut hujusce judiciorum nostrorum, circa qualitates sensibiles, ut ita dicam, anomaliz, sive irregularitatis, causa aliqua afferatur, animadvertendum est, mentem corpori tam arctè unitam esse, & ex quo peccavit, adeò carnalem, ut ita loquar evasisse, ut ipsi corpori multa tribuat, quæ sua sunt, utque vix ac ne vix semetipsam à corpore suo discernere queat, adeò ut ipsi non modò, sensationes omnes, de quibus jam agitur mentio, verum etiam vim imaginandi, & ipsam quandoque ratiocinandi facultatem tribuat. Non paucis enim Philosophis ingenium fuit adeò stolidum & præposterum, ut mentem nihil aliud esse crederent, præter delicatissimam & subtilissimam corporis partem.

Cuius Tertullianum attentè legenti, res manifestò patebit. Ipse enim se cum multis aliis Authoribus, in hac esse sententia proficitur. Nec quemquam de sua sententia ambigere sivit, cum in Libro quem de Anima composuit, probare conatus fuerit; nos eò, ut animam credamus corpoream, fide, scriptura, necnon revelationibus specialibus adduci. Ejusmodi opinionibus confutandis non immoror, quippe qui jam supposuerim Lectorem meum legisse quosdam libros Divi Augustini, aut Viri Clarissimi Cartesii, ubi hujusce sententiæ ineptia satis demonstratur, & distinctio extensionis à cogitatione, & mentis à corpore immotis stabilitur fundamentis.

Tanta est igitur mentis cæcitas, ut ipsa se fugiat, propriasque sensationes sibi ipsi non asserat. Verùm ut id clarius explicetur; tria sensationum genera in mente distinguenda veniunt. Nonnullæ, scilicet, validæ sunt & vividæ; Nonnullæ debiles & languidæ; Nonnullæ denique inter utrasque mediæ.

Sensationes validæ & vividæ, ex sunt quæ mentem commovent, & vehementer excitant, quia ipsi vel jucundissimæ sunt, vel molestissimæ: hujus generis sunt, dolor, titillatio, frigus acris, ingens calor, ex denique omnes in genere, quæ non modo vestigia quædam in cerebro imprimunt, verum etiam quæ spiritus animales versùs internas corporis partes movent mittuntque, hoc est quæ ita movent spiritus, ut ex hoc motu, excitari possint affectus seu passionēs, ut infra patebit.

Sensationes debiles & languidæ, ex sunt quæ mentem leviter attingentes, ipsi nec jucundæ,

nec molestæ sunt, ut lux mediocris, omnes colores, sonus lenes qui audiri solent, &c.

Sensationes denique inter utrasque mediæ, ex sunt quæ mentem mediocriter afficiunt, ut lux præfulgida, sonus vehemens, &c. Jam autem sensatio debilis & languida primò media, ac deinde vivida fieri potest. Sensatio, exempli gratiâ, quæ ex luce oritur, debilis est, cum lux è face emissâ languescit, aut cum fax ipsa procul sita est, sed hæc sensatio media fieri potest, si propius admoveatur fax; at verò validissima & vividissima evadit, si facem ita appropinques, ut oculi perstringantur; ut id etiam continget si Solem prospicias. Sensatio igitur lucis juxta varios gradus, valida, debilis aut media esse potest.

Hæc sunt igitur mentis nostræ judicia circa hæc tria sensationum genera; ex quibus videre est, ipsam, impressiones sensibiles, aut judicia naturalia sensuum, cæco quodam impetu, sequi; adeò ut per omnia objecta excurrrens, in ipsa, quæ sua sunt, transferre non dubitet.

Priores sensationes mentem adeò vividè afficiunt ut non possit, quin eas, veluti suas, agnoscat, adeò ut ipsas non modò in objectis verum etiam in corporis, quod ut sui ipsius partem habet, membris inesse judicet. Undè fit ut frigus & calorem non solum in glacie aut in igne, sed & in manibus suis esse censcat.

Sensationes verò languidæ, mentem adeò leviter attingunt, ut eas nec suas esse judicet, nec in seipsâ, nec in corpore suo, sed in objectis duntaxat esse censcat. Non aliâ de causâ, objecta externa luce & coloribus exornamus, dum iis mentem & oculos nostros spoliamus; quamvis hanc lucem hosque colores in idea materiæ nequaquam includi ipsa ratione comperiamus; & quamvis experientia doceamur, nos ita æquo jure posse judicare hanc lucem & hosce colores esse in oculis nostris, ac ea judicamus in objectis; si quidem ea in oculis nostris cernimus æquè ac in objectis, ut ex oculo bovino in fenestrâ collocato probavi.

Cur autem, colores, odores, sapes, cæterasque sensationes, ut quasdam mentis nostræ modificationes, primo intuitu non habeamus; hæc est causa: quia nempe ideam mentis nostræ claram & distinctam non habemus. Cum enim rem quampiam, ex idea quæ rem istam repræsentat cognoscimus, tum omnes istius rei modificationes clarè cognoscimus. Nemo est, exempli gratiâ, qui non fateatur, rotunditatem esse modificationem quandam extensionis, quia, scilicet, nemo est qui extensionem, ex idea clara quæ ipsam repræsentat, non cognoscat. Cum itaque mentem nostram non per ideam suam, ut alibi id explicabo, sed tantum internâ quadam conscientiâ cognoscamus; certè non possumus comperire ex simplici apprehensione, sed tantum ratiocinio, an albedo, verbi gratia, lux, colores, & cæteræ sensationes debiles, sint vel non sint modificationes mentis nostræ. Ad sensationes verò vividas, ut dolorem & voluptatem, quod attinet; illas quidem in nobis esse facilè judicamus, quia nempe



nempe ipsis vividè afficimur, nec, ut à nobis, tanquam nostræ, agnoscantur, ipsarum ideis indigamus.

At circa sensationes medias, mens non parùm ambigit. Hinc enim ad judicia naturalia sensuum propendens, à se ipsâ quantum potest, hæc sensationes amover, ut eas objectis tribuat; illinc verò, non potest, quin eas, ut suas agnoscat & sentiat; potissimum quum sensationes illæ ad validas & vividas accedunt. Sic igitur in suis judiciis procedit; si à sensatione satis vividè attingitur; tum sensationem illam in corpore suo, non secus ac in objecto esse judicat. Si ab eâ leviter duntaxat attingitur tum eam in objecto duntaxat judicat; quòd si sensatio illa inter utrasque accuratè media est, tum mens, si sensus solos habeat magistros, quo se vertat incerta est.

Si exempli gratiâ, candelam eminus prospicio, mens mea lucem in solo objecto residere, judicat. Si verò candelam illam ad oculos meos quàm proximè admoveo, tum mens lucem non in objecto tantum, sed etiam in oculis esse judicat. Quod si candelam ab oculis amoveo ad pedis distantiam, tum mens an lux illa in solo sit objecto, aliquandiu incerta hæret. Sed nunquam eò adducitur quo tamen adduci deberet, ut, nempe, lucem nec esse, nec esse posse materiæ proprietatem aut modificationem, sibi que soli pertinere, apud se reputet; quia, scilicet, ratione suâ hujusce veritatis assequendæ causa non utitur, sed sensibus duntaxat, qui unius corporis conservationis causâ comparati, veritatem nunquam aperiunt.

Cur autem mens objectum sensibile contemplatura, ratione, hoc est, purâ intellectione suâ non utatur, hæc est causa. Nimirum, rebus purâ intellectione perceptis non commovetur, cum è contra rebus sensibilibus vehementissimè commoveatur. Mens enim neglectis iis rebus quibus non commovetur, iis solùm attendit quibus vehementer commovetur; judicia igitur sua libera, ad judiciorum naturalium sensuum normam plerumque dirigit.

Ut igitur rectum lucis & colorum, cæterarumque qualitatum sensibilibum feratur judicium, sensus coloris, à motu nervi optici sedulo distinguendus est, animadvertendumque motus & impulsionem esse proprietates corporum, quæ proinde in objectis & in organis sensuum esse quidem possunt; at verò lucem & colores, esse modificationes mentis ab aliis longè diversas, quæque proinde ideas etiam longè diversas efformant.

Rusticus enim, exempli gratiâ, colores equidem videt, & eos à qualibet aliâ re discernere novit. Nullum etiam motum in objectis coloratis nec in internâ oculorum suorum parte deprehendit. Ergo color non est motus, seu est quid à motu diversum. Pariter, Rusticus calorem quidem sentit, illumque, à qualibet aliâ re, quæ non sit calor, dignoscere potest, fibras tamen manûs suæ fuisse motas, nequaquam cogitat; calor igitur ille quem sentit non est motus, cum ideæ caloris & motus diversæ sint, alteramque sine alterâ possit habere. Nullam enim aliam affer-

re potes causam, cur quadratum non sit rotundum, quam quia idea quadrati diversa est ab idea rotundi, & quia de quadrato cogitare potes, non cogitato rotundo.

Si tantillum attendas facile comperies, non necessarium esse, ut causa quæ hujus vel illius rei sensationem in nobis excitat, rem illam in se continet. Quemadmodum enim, cum oculis manu mea percussis lucem video, non necesse tamen est ut lux sit in manu mea. Sic cum manus ad ignem admovens calorem sentio, non necesse est ut sit calor in igne. De cæteris qualitatibus sensibilibus res eodem modo se habet; ut illas sentiam, non opus est eas objectis inesse. Objecta illa aliquam in fibris carnis meæ commotionem excitare satis est, ut mens mea ipsis unita, aliqua sensatione modificetur. Nulla est analogia inter motus & sensationes; concedo. Sed nulla pariter est analogia inter corpus & substantiam immaterialem; jam autem cum natura sive Creatoris voluntas has duas substantias, quantumvis naturâ suâ oppositas, conjungat; ipsarum modificationes, inter se reciprocari non mirum est; id sic se habere necesse est, ut duæ illæ substantiæ unicum component totum.

Verum enim verò, cum sensus ad corporis nostri conservationem aptari fuerint, non frustra est, quòd eorum ope, de qualitatibus sensibilibus ita judicemus. Dolorem & calorem in corpore nostro sentire, longè utilius nobis est, quam si istas sensationes in solis objectis esse judicaretur. Cum enim dolor & calor membra nostra lædere possint; mentem nostram moveri par est, cum iis affluatur, ut huic malo occurrat.

Res verò de coloribus aliter se habet: cum enim internam oculi partem, in quam coeunt, non possint lædere, haudquaquam opus est, ut sciamus ipsos in ea esse pictos. Colores illi ad id tantum necessarii sunt, ut distinctius objecta cognoscamus, nec aliam ob causam sensuum nostrorum testimonio freti, illos solis tribuimus objectis. Judicia itaque, quæ per impressionem sensuum ferimus, sunt rectissima, si solam corporis conservationem respicias. Incertissima tamen, sunt immò falsissima, si ad veritatem spectes, ut jam patuit, clariusque infra patebit.

### C A P. XIII.

- I. De natura sensationum.
- II. Circa ipsas ignorantiam nostram non eam esse quam credimus.
- III. Objectio cum responsione.
- IV. Cur nullam sensationum nostrarum cognitionem nos habere existimamus.
- V. Omnes homines eorundem objectorum occasione, iisdem affici sensationibus, falso credi.
- VI. Objectio cum responsione.

**Q**uod tertium in unaquaque sensatione reperitur, seu id quod sentimus, cum exempli gratiâ,



I. gratiâ, prope ignem sumus, est *Modificatio mentis nostra orta ex eo quod in corpore, cui unita est, agitur.* Hæc modificatio jucunda est, cum id quod in corpore agitur, circulationi sanguinis, cæterisque vitæ functionibus conducit; illa verò modificatio est molesta & à priori prorsus diversa, cum id quod in corpore agitur, ipsum infestare & comburere potest, hoc est quando motus corporis, aliquas ipsius fibras rumpere possunt, idque vulgò dicitur, dolor seu ustio, & sic de cæteris sensationibus. Sed hæc sunt quæ vulgus circa istud opinatur.

II. Ac in eo primùm errat quòd, se nullam sensationum suarum cognitionem habere immeritò credat: Innumeros quotidie videas homines circa doloris, voluptatis, cæterarumque sensationum naturam valde sollicitos; quamvis ipsas in sola mente esse ac nihil aliud esse præter mentis modificationes non negent. Ejusmodi homines non possum quin mirer. Res quæ ipsos latere non possunt, edoceri tamen volunt; quis enim dolorem sentiens, quid sit dolor, penitus ignoret?

Qui, verbi gratiâ, in manu utitur, dolorem quo tunc afficitur à luce, colore, sono, saporibus, odoribus, voluptate, & ab alio quovis dolore, apprimè distinguit: Illum dolorem ab admiratione, desiderio, amore, nullo negotio discernit. Iterùm illum à quadrato, circulo, motu, quàm facillimè dignoscit. Quid plura? Illum denique ab omnibus iis quæ non sunt ille dolor, diversum sentit. Si autem nullam doloris cognitionem haberet, quî, quæso, illud quod sentit ab omnibus suprà dictis diversum esse, certè & evidentè cognosceret?

Id igitur quod immediatè sentimus quum colores videmus, aut alio quovis afficimur, aliquatenus à nobis cognoscitur; nec certè, si id non cognosceremus ullum objectum sensibile cognosceremus. Aquam, verbi gratiâ, à vino non possemus distinguere, nisi sensationes ab aqua ortas, à sensationibus à vino ortis, diversas sentiremus; & ita de cæteris quæ sensuum ope cognoscimus.

III. Quod si me urgeas, à me exigendo, ut quid sint dolor, voluptas, color tibi explicem; me id verbis exprimere non posse fateor. Sed quid inde? id non obstat quonimus, dum colorem video, aut dum comburor, id quod sentio aliquatenus saltem non cognoscam.

Cur autem sensationes verbis exprimi non possint ut cætera, hæc est causa, ab hominum, scilicet, voluntate pendet, ideas rerum quibuslibet nominibus ex arbitrio alligare. Cælum nuncupare possunt *Ouranon Schamajim*, Græcorum & Hebræorum exemplo. Verùm isti homines sensationes suas verbis, aut ulli alii rei, pro lubitu non alligant: frustra de coloribus coram illis loquaris, eos non vident, nisi oculos aperiant. Nullos gustant saporis, nisi aliqua in ordine librarum linguæ & cerebri fiat immutatio. Uno verbo sensationes non pendunt ab hominum voluntate. Solusque ipsarum author eas in mutuâ convenientiâ seu correlatione quæ inter modificationes mentis & modificationes corporis deprehenditur, conservare potest. Si igitur

tur quis, calorem aut colorem sibi à nâc repræsentari cupit, ut id faciam frustra verbis utar; sed motus quibus hæc sensationes alligavit natura, in ipsius sensuum organis excitari opus est, ad ignem admoveatur, pictasque videat tabellas oportet.

Atque hæc est causa, cur nunquam possis notificare cæcis, quid per rubrum, viride, flavum, intelligas. Cum enim à quoquam non possis intelligi, nisi, qui te audit, easdem tecum ideas habeat: certè, cum colores non verborum sono, aut motui nervi aurium, sed motui nervi optici alligantur, illi colores non possunt repræsentari cæcis, quia ipsorum nervus opticus objectis coloratis commoveri nequit.

IV. Aliquam igitur habemus sensationum nostrarum cognitionem. Jam videamus cur tamen illas nos non cognoscere credimus, atque ideo ipsarum cognitionem quaerimus. Hæc est hujus erroris causa.

Mens, ex quo peccavit, facta est veluti corporea, inclinatione saltem suâ. Amor ille quo sensibilia complectitur unionem sive convenientiam suam cum rebus *intelligibilibus* (aut spiritualibus, aut incorporeis) indefinenter minuit. Quæ sensus non ferunt, ipsi protinus fastidium tediumque patiunt. Imagines quasdam quibus ea sibi repræsentet in cerebro formare nititur, istique conceptionis generi à creatione suâ ita assuevit, ut ea quæ non imaginatur, sese non cognoscere credat.

Non pauca tamen sunt, quæ cum corporea non sint, imaginibus corporeis menti repræsentari nequeunt, ut v. g. mens nostra cum modificationibus suis. Quum igitur mens nostra, naturam suam, suas sensationes sibi repræsentare vult ipsarum corpoream imaginem efformare conatur. In omnibus entibus corporeis seipsam disquirat. Et sibi ipsi modò hujus modò illius naturam affingit; modò aërem, modò ignem, modò quandam partium corporis harmoniam sese existimat esse. Cum igitur seipsam inter corpora invenire suasque modificationes, quæ sensationes sunt, modificationum corporis adinstar imaginari velit, non mirum est, si erret, ac seipsam penitus ignoret.

Quod mentem etiam eò adducit, ut sensationes suas imaginatione percipere velit, illud est; ipsas, scilicet, in objectis esse, immò ipsorum objectorum modificationes esse judicat; unde fit ut eas, tanquam aliquid corporeum & imaginabile habeat. Sensationum igitur suarum naturam, in solo motu qui eas excitat aut in alia quadam corporis aliqujus modificatione consistere cenet. At verò cum comperit id diversum esse ab eo quod sentit, quod nec corporeum est, nec imaginibus corporeis potest repræsentari, anxia hæret, eoque adducitur ut credat se non cognoscere suas sensationes.

Illos verò, qui quamvis irritò non se macerent molimine, ut mentem ipsiusque modificationes corporeis imaginibus sibi repræsentent, & anxii tamen sunt circa sensationum naturam, scire decet; mentem nostram, ipsiusque modificationes, per ideas non cognosci, si saltem ideæ vocabulum suo vero sensu, quem



tertio libro determino & explico, sumatur, sed tantum sensu quodam interno seu mavis conscientia; cum igitur optant sibi explicari sensationes per ideas, id optant, quod penes nullum hominem est. Homines enim nos docere non possunt, formando in nobis ideas rerum, sed eas tantum excitando, quas jam habemus.

Secundus error, quem circa sensationes admittimus, in eo consistit, quod eas objectis tribuamus. Is autem capite XI. & XII. explicatus fuit.

V. *Omnes homines eorundem objectorum occasione sensibus falsè credi.* Tertius in eo consistit quod iudicemus, omnes eandem de iisdem objectis habere sensationes. Existimamus, exempli gratia, omnes videre cælum cæruleum, prata virentia, & cuncta objecta, qualia ea nos videmus; & sic de cæteris qualitatibus sensibilibus. Immo non paucis mirabuntur, me res, juxta ipsorum opinionem extra dubitationis aleam positas, in dubium tamen revocare. Animum tamen asserere, hanc ipsorum opinionem, nullo legitimo niti fundamento: & quamvis eos non possis erroris mathematicè convincere, possem tamen id demonstrare, quod scilicet, si non errant, id sane fortunæ acceptum referre debeant. Nec etiam desunt rationes quibus ipsos reapse errare, possum affirmare.

Ut propositionis meæ veritas pateat, id quod suprâ probavi revocandum est in memoriam, sensationes, scilicet, à causis sensationum valde differre. Quis enim, hoc posito, non videat, motus eisdem fibrarum internarum nervi optici, easdem sensationes in diversis hominibus posse non excitare, sive eosdem exhibere colores. Motus enim qui in hoc sensationem cærulei, excitaverit, in illo viridis aut fusci, sive novam prorsus & incognitam sensationem excitabit.

Id fieri posse constat, nec contrarium ullâ solidâ ratione demonstrari potest; rem tamen sic non se habere, verosimilius mihi videtur. Satiùs est existimare Deum in unione qua mentes & corpora univit, semper æqualiter agere, ipsumque easdem ideas easdemque sensationes, similibus fibrarum internarum cerebri multorum hominum motibus, alligare.

Jam igitur id apud omnes constat, eosdem, scilicet, motus fibrarum quæ in medium cerebrum coeunt, easdem in omnibus hominibus excitare sensationes; certè si eadem objecta, eosdem in cerebro motus non excitant, easdem proinde in mente non excitabunt sensationes. Jam autem, cum organa omnium hominum non sint eodem modo disposita, profectò nec easdem, ex iisdem objectis, omnes excipere debent sensationes.

Ictus pugni, exempli causâ, quibus animi gratiâ & in mutuæ benevolentiae symbolum sese confricant bajuli, alios homines possent graviter lædere. Idem ictus variè igitur movet hominem robustum puerum tenerum, & foeminam delicatulam, ac in iis proinde longè diversas excitat sensationes. Cum itaque non sint fortè duo homines, quorum organa eodem prorsus modo

conformata dici possint; vix pariter reperies duos homines eadem objecta, eodem prorsus modo sentientes.

Nec aliundè est stupenda illa inclinationum varietas quæ inter homines deprehenditur. Alii Musicam deperiunt, alii verò illam negligunt. Ac inter Musicæ amatores alii hoc alii verò illo Musicæ genere delectantur; pro varietate prope modum infinita fibrarum nervi auditus, sanguinis & spirituum. Quantum, exempli gratiâ, differt Musica Gallorum, Italarum, Sinarum, & aliarum gentium? ac proinde quantum differunt sensationes variorum istorum populorum circa varia Musicæ genera, variis etiam temporibus eodem conventu sive eadem Symphonia variè afficiuntur. Si enim imaginatio spirituum rapidè fluentium copia æstuet, tum Musica licentiotâ & dissonans, molliori & ad normam Mathematicam exactâ arridet magis. Id jam experientiâ probatum, ratione confirmare non foret difficile.

De odoribus res non secus se habet, qui citrii floris odore gaudet, rosæ odorem fortè refugiet, & contrâ.

Circa sapes non minor est varietas quàm circa alias sensationes. Condimenta variè parata esse debent, ita ut diversis hominibus placeant, vel ut iidem homini variis temporibus grata sint.

Sunt quos dulce juvat, dum alii acido delectantur; quidam vino gaudent, dum alii illud horrescunt. Ac idem homo cui vinum videbatur jucundissimum dum sanus erat, illud febricitans amarum reperiet. Et sic de cæteris sensibus. Omnes tamen homines voluptate gaudent, sensationibus jucundis delectantur. In hoc inter se optimè consentiunt, iisdem igitur sensationibus non afficiuntur ex iisdem objectis, cum ea non pari prosequantur amore.

Cur igitur homo quispiam, se dulci delectari dicit? quia nempe sensatio quam in ipso excitat dulce, ipsi jucunda est. Cur verò alter, se dulci non gaudere dicit, quia reverà eadem ac prior non afficitur sensatione. Atque cum dicit se dulci non gaudere, non idem est ac si diceret, se eadem sensatione non gaudere, quàm alter, sed tantum se eadem illa non affici. Improprie igitur loquitur qui dicit se non amare dulce; aptius loqueretur si diceret se non amare saccharum, mel, &c. quæ cæteris dulciora videntur. In iis verò se non eundem deprehendere saporem, quia nempe fibræ linguæ diversè dispositæ sunt à fibris cæterorum hominum.

Sed exemplum istud erit clarius. Ex viginti hominibus unum fingamus, qui manibus algeat, quique ignoret voces quibus utuntur Latini, ut sensationes frigoris & caloris exprimant, cæteri verò manus habeant calidissimas. Si per hyemem iis admooveretur aqua frigidiuscula lavandi ergo, quibus essent manus calidæ, sese vicissim lavantes, aptè quidem dicerent; hæc aqua nimis frigida est, id mihi molestum est. Qui verò manibus alget, ad lavandum sese accingens; nescio, inquireret, cur aquam frigidam fugiatis, ego verò frigore & lavatione ista delector.



Ex hoc exemplo liquido patet, hunc hominem qui, se frigus amare profiteretur, idem significasse ac si dixisset, se amare calorem, ipsumque sentire, ubi cæteri frigus experiuntur.

Pariter cum quis dicit, amaris gaudeo, dulcia non possum ferre, idem est ac si diceret se iisdem non affici sensationibus, quibus afficiuntur, ii qui dulcibus delectantur, amara verò horrent.

Sensatio igitur cuiuspiam jucunda, jucunda quodque erit iis omnibus qui eadem afficiuntur, sed eadem objecta illam in omnibus non excitant, propter diversam organorum sensuum dispositionem. Quæ observatio in Phisicis & Moralibus non levis est momenti.

Unum hæc solutu non difficile quis fortè posset objicere, eosdem homines cibos quòs modò cum voluptate comedebant, nunc horrere, sive quia inter manducandum impuri aliquid irrepsit, quod fastidium creavit, sive ob morbum ex cibo illo immoderate sumpto contractum, sive alià quavis de causâ. Illi homines, inquires, iisdem quibus antea non amplius gaudent sensationibus; iisdem enim afficiuntur cum adhuc iisdem utantur cibis; eas tamen jucundas non amplius experiuntur.

Ut huic objectioni respondeam, animadvertendum est, istos homines, dum cibos gustant, quos horrent, fastidiuntque, duabus sensationibus longè diversis affici; sensatione, scilicet, cibi quem comedunt, ut supponit objectio & sensatione fastidii, quæ inde oritur, quòd immunditiem quam cibis intermixtam deprehenderunt apud se imaginentur. Cum, nempe, duo motus in cerebro eodem tempore excitati sunt, alter sine altero non excitatur amplius, nisi tempus memorabile abhinc effluxerit, sic, quia, sensatio jucunda sine sensatione illa injucunda, nunquam excitatur, & quia res quæ eodem tempore fiunt, confundere solemus hanc sensationem quæ antea jucunda erat, injucundam existimamus, adeò ut si injucunda existimeretur, id ex eo oriatur, quòd cum alià confundatur, quæ plus parit fastidii, quàm hæc voluptatis.

Colores, & alias quasdam sensationes, quas debiles & languidas nuncupavi, easdem non esse, in omnibus hominibus probare difficilius est. Iste enim sensationes mentem adeò leviter attingunt, ut non possis distinguere utra sit jucundior, quemadmodum in saporibus aut aliis sensationibus vividioribus, distinguis, nec proinde diversitatem sensationum, ex varietate voluptatis aut fastidii quæ in diversis hominibus deprehenderentur, agnoscere. Eadem tamen ratio, quæ cæteras sensationes in diversis hominibus non esse similes demonstramus, in sensationibus colorum esse quoque diversitatem ostendit. Quis enim inficietur, multam esse varietatem in organis visus multorum hominum, non secus ac in organis auditus aut gustus? perfecta enim similitudo in nervo optico omnium hominum nullâ ratione alleri potest; Cum in rebus Naturæ & præcipuè in materialibus infinita sit varietas.

R. D. Euseb. Amert Philosophia.

Omnes igitur homines eosdem colores in iisdem objectis non videre, verosimile est.

Nunquam tamen, aut vix unquam, ut puto, contingit ut homines album & nigrum sub alio colore quo nos, videant, quamvis illud non æqualiter album aut nigrum conspiciant. Colores verò medios, ut rubrum, flavum, & cæruleum, & eos potissimum qui ex hisce tribus constant, quod spectat; perpauci sunt qui de iis eandem prorsus habeant sensationem. Nonnulli enim reperiuntur qui corpora quædam altero oculo conspicientes, illa vident flava c. 9. Si verò eadem objecta altero conspiciant oculo, illa videbunt viridia aut cærulea. Si tamen illi homines coelites nati supponerentur, vel iis oculis instructi, quibus id quod viride dicimus, cæruleum viderent, objecta sub iisdem coloribus ac nos sese cernerè crederent; quippe qui viride aut cæruleum id dicitari audivissent, quod flavum aut rubrum viderent.

Ex eo etiam probare possemus eosdem homines eadem objecta sub eodem colore non cernere, quòd, juxta quorundam observationes, eisdem colores omnibus non æquè arrideant; si enim sensationes eadem essent, certè omnibus hominibus æquè arriderent. Quia verò in hoc argumentum, quædam non levia responso mox datò freta objici possunt, ab illo, utpote non satis solidè, abstinemus.

Nec reverà æquè frequens est ut colorem alteri postponas, ac frequens est, ut hoc sapore magis quàm illo delecteris. Cujus differentia hæc est causa, sensationes, scilicet, colorum ad id non excitantur, ut judicemus an corpora nobis alendis sint apta, necne. Id autem voluptate & dolore duobus genuinis boni & mali characteribus indicatur. Objecta quatenus colorata, nec bona nec mala sunt ad edendum si objecta quatenus colorata, nobis jucunda aut injucunda viderentur ad ipsorum præsentiam semper moverentur spiritus animales, quorum agitatio passiones excitat, mens enim affici non potest, quin commoveatur bona odio, mala verò amore sæpe prosequeremur; vitamque hoc pacto non diù conservaremus. Quid plura? sensationes colorum in nobis excitantur, dumtaxat ut corpora discernamus & à se invicem distinguamus. Quæ distinctio perinde fit, si herbam videas rubram, ac si illam viridem videres, dummodò illam semper sub eodem colore videas.

Sed hæc de sensationibus dicta sufficiant; jam de judiciis naturalibus, & de judiciis liberis, quæ ipsa comitantur agamus. Illud est quod quarto confundimus cum tribus de quibus supra.

## C A P. XIV.

I. De falsis judiciis quæ sensationes nostras comitantur, quæque cum iis confunduntur. II. Falsorum illorum judiciorum causa. III. Errorem in sensationibus nostris non depre-



*deprehendi, sed tantummodo in istis  
judiciis.*

I.  
*De falsis  
iudiciis  
quæ sensa-  
tiones no-  
stras comi-  
tantur,  
quæque  
cum iis à  
nobis con-  
funduntur.*

**N**on paucos, opinor, repugnantes habebit hæc nostra generalis propositio, quâ nos nullam habere sensationem rerum externarum, quæ unum aut plurima non includat iudicia, asserimus. Plerique, ne vel ullum existimant comperiri iudicium verum aut falsum in sensationibus nostris. Illi igitur homines huiusce propositionis novitate attoniti; hæc secum. At vero qui ista? hunc murum esse album non iudico, illum tamen album clarissime video dolorem esse in manu mea non iudico, illum tamen in manu mea certissime sentio. Quis res adeo certas in dubium revocet, nisi objecta sentiat, aliter ac ego ea sentio? Immo ipsorum in præjudiciis infantia tenacitas ipsos fortè ulterius adducet; nec immerito sanè eos inter moderatos ac sui compotes accenseas, sit hac in te dissentientes non contemnant contumeliisque non lacessant.

Sed quid mentis nostræ cogitatis tam infaustum auguramur eventum? ipsa potius in tantam lucem edamus, tamque validis stabiliamus argumentis, ut nemo quantumvis pervicax ex oculis apertis positus possit adoriri, quin protinus vincatur. Nobis incumbit probandum, nullam esse sensationem rerum externarum, quæ aliquod iudicium falsum non includat. Quod sic probatur.

Mentes nostræ non eam habent capacitatem quæ possit implere ingentia illa spatia quæ inter nos & stellas fixas exstant; nemo est ni fallor qui id neget; licet ipsi concederem mentem esse quid extensum; hoc posito, non est quod quis credat mentes nostras in cœlis esse, dum in illis vident stellas. Nec ipsas etiam mentes è corporibus ad mille passuum spatium transmeare, ut domos ad eam distantiam videant, credibile est. Mentem igitur stellas & domos ubi non sunt videre necesse est, cum è corpore suo non egressa, videat tamen illas domos & stellas, extra suum corpus positas. Cum autem stellæ quæ menti immediate uniantur, quas solas mens videre potest, non sint in cœlis, hinc sequitur omnes homines qui stellas in cœlis vident, quique deinde eas in cœlis esse sponte iudicant, duo falsa iudicia ferre, quorum alterum naturale est, alterum verò liberum. Alterum est iudicium sensuum, sive sensatio composita ex qua iudicandum non est. Alterum est iudicium liberum voluntatis, à quo possumus abstinere, quodque ideo suspendere debemus, ut error vitetur.

II.  
*Falsorum  
iudiciorum  
causa.*

Sed cur eadem stellæ quas immediate videmus, extra mentem & in cœlis esse credantur, hæc est causa. Quia nempe penès mentem non est eas pro lubitu videre. Eas enim duntaxat percipit, cum in cerebro excitantur motus quibus ideæ istorum objectorum naturâ alligantur. Quia autem mens organorum motus non percipit, sed suas tantum sensationes, & quia præterea suas sensationes in se à seipsa non excitari pro certo habet; eò adducitur ut ipsas

extrinsecas & in causâ quæ eas ipsi repræsentat, esse credat, ac ista iudicia, statim atque objecta percipit, ferre ita consuevit, ut ab iis vix possit desinescere.

Ut suprâ dicta penitus exigerentur & explicarentur, ostendenda esset inutilitas innumerabilis istius minorum entium numeri, quæ species & ideæ vulgò dicuntur, quæque cum nihil sint, omnia tamen repræsentant, quæ pro lubitu creamus & destruimus, quæque imaginatio nostra commenta est, ut eorum quæ non intelligimus rationem reddamus. Demonstrandum esset quàm solida sit eorum sententia, qui existimant Deum esse verum patrem luminum, qui solus omnes homines illuminat, sine quo veritates etiam simplicissimæ intelligi non possent, & ipse Sol quantumvis in se lucidus nobis non afflueret; quique præterea existimarunt, nullam naturam à Creatoris voluntate diversam agnoscentes, ideæ quæ nobis creaturas repræsentant, nihil aliud esse præter perfectiones Dei, quæ creaturis illis, aliqua convenientia, respondent, illasque repræsentant.

Denique ut hæc clariora evaderent quid per illud quod ideæ vocamus intelligatur, explicandum esset. Sed hæc diutius nos detinerent. Hæc ad tertium librum remittimus ordinis causâ. Jam sufficiat, si exemplum unum certum & manifestum afferam, in quo plurima iudicia cum eadem sensatione confusa sive mixta deprehenduntur.

Nemo est, ut puto, qui Lunam prospiciens, illam à se mille passibus aut circiter distitam non videat; quique illam orientem vel occidentem, maiorem non videat quàm cum supra horizontem eminet, nec in ista sua sensatione ullum esse iudicium arbitratur; nisi tamen esset iudicium quoddam in sensatione sua inclusum, Lunam ad eam distantiam quæ ipsi apparet, non videret; & præterea illam videret minorem cum oritur, quàm cum supra horizontem eminet, illam enim maiorem videmus dum oritur, quia duntaxat ipsam remotiorem iudicamus, iudicio quodam naturali, de quo capite sexto actum est.

Sed præter iudicia nostra naturalia, quæ sensationes compositæ haberi possunt, in omnibus penè sensationibus iudicium quoddam liberum deprehenditur, iudicio enim non tantum naturali homines iudicant dolorem, exempli gratiâ, esse in manu, verum id etiam iudicant, iudicio libero, eum dolorem in manu non sentiunt modo, sed & credunt inesse atque ejusmodi iudicia tam altas egerunt radices, ut ab iis vix temperare possint. Hæc tamen iudicia in se falsissima sunt, quamquam conservationi vitæ utilissima. Sensus enim, nihil nos nisi ratione corporis, docent; & cuncta iudicia libera sensuum iudiciis conformia, à vero sunt alienissima.

Verum ut hæc omnia, nullâ eorum redditâ ratione, vel saltem nullâ patefactâ viâ quâ ipsorum causâ possit inveniri, non prætermittamus duo esse entium genera hîc tenendum est; entia, scilicet, quæ mens nostra immediate videt, & entia quæ non nisi horumce priorum opæ, cognoscit. Cum, verbi gratiâ, Solem orien-



orientem percipio, primò percipio solem illum quem immediatè video; quia verò priorem illum solem idèò tantum percipio, quòd aliquid sit extra me, quod motus quosdam in oculis meis & in cerebro excitet, tum judico priorem illum solem qui in mente mea est, extrinsecus esse, & actu existere.

Contingere tamen potest, ut priorem illum solem qui menti nostræ intimè unitur, videamus altero supra horizontem non eminente, vel etiam non existente. Pariter priorem illum Solem majorem videre possumus, dum alter oritur, quàm quum supra horizontem eminet. Quamvis autem verum sit, priorem illum solem quem immediatè videmus, majorem esse dum alter oritur; hinc tamen non sequitur alterum illum solem reverà majorem esse. Solem enim reverà orientem, propriè non videmus, cum à nobis infinitis propè distet spatiis, sed priorem illum videmus, qui reapse major est, qualis nobis videtur. Quæcunque enim immediatè videmus, ea semper reipsa videmus ut sunt: & in eo tantum fallimur, quòd existimemus, id quod immediatè à nobis videtur, esse in objectis externis quorum interventu illud videmus.

Pariter quum priorem illum Solem menti nostræ immediatè unum percipientes, lucem videmus, non fallimur si credamus id quod à nobis videtur esse lucem, Res est indubitata, Sed in eo vertitur error, quòd sine ratione, immò etiam contra rationem, lucem illam quam immediatè videmus, existere in sole extra nos posito pertendamus. Res sic se habet de cæteris objectis sensuum.

III. Ex supra dictis nemo est qui non facile comperiatur, inter omnia quæ in unaquaque sensatione deprehenduntur, errorem duntaxat reperiri in judiciis, quibus sensationes nostras in objectis esse judicamus.

Primò enim, non error quidem est, ignorare actionem objectorum consistere in motu quarundam partium istorum objectorum, motumque illum ad organa sensuum transire, quæ duo in singulis sensationibus ante omnia reperiuntur. Rem enim ignorare, & circa illam errare, toto cælo differunt.

Secundò, in eo quod tertio in singulis sensationibus deprehenditur, quod est ipsa sensatio, non erramus. Dum sentimus calorem, lucemque, colores & alia objecta videmus, nos ea videre verum quidem est, licet phrenesi laboraremus. Omnes enim delirantes haud dubiè vident, id quod vident ipsorumque error in solis judiciis consistit, quibus id quod vident revera extra se existere, judicent, eo ipso quod illud videant extrinsecus positum.

Illud judicium libertatis nostræ consensum secum fert, ac proinde nos in errorem injicit. Et ab ipso quantum in nobis est, abstinere par est, juxta canonem initio hujusce libri traditum. De ulla re scilicet nunquam judicare debemus quando à judicio possumus abstinere, & ad illud evidentià ac certitudine non adigimur, ut hinc contingit. Licet enim consuetudine altè inhærente, eò propendeamus, ut sensationes nostras in

R.D. Euseb. Amori Photosophia.

objectis esse judicemus, calorem, verbi gratià, esse in igne, & colores in tabulis pictis, nullà tamen ratione certà & evidenti ad id credendum impellimur. Adeò ut errori ultrò nos mancipemur, perverso libertatis usu, cum ejusmodi judicia liberè formamus.

## C A P. XV.

*Speciales visus errores explicantur, ut errorum generalium sensuum sint exemplum.*

Jam igitur ni fallor, viam satis facilem patefecimus, ad cognoscendos errores sensuum nostrorum circa qualitates sensibiles in genere, de quibus actum est desumptà luminis & colorum, quæ primò explicari ordo postulabat, occasione. Nunc singulos errores, in quos sensuum ductu incidimus sigillatim examinare operæ pretium foret. His tamen non immorabimur, quia supra dictis cuilibet attento abundè satisfactum putamus. Errores tantum generales, in quos visus noster, nos circa lumen & colores injicit, proferemus, quo exemplo omnes cæterorum sensuum errores faciliè discas.

Quum aliquandiu Solem conspeximus, hæc sunt quæ in oculis & in mente nostra aguntur, atque hi sunt errores quos erramus.

Qui prima tenent Dioptrica elementa, nec mirabilis oculorum nostrorum structuræ sunt imperiti, non ignorant radios Solis in *crystallino* aliisque humoribus aliquantum refrangi, ac deinde coincidere in *retinam* seu nervum opticum, quæ (retina) totam internam oculi partem tapetis instar sternit, non secus ac radii Solis per vitrum convexum permeantes coeunt in *focus*, seu punctum comburens hujus vitri ad distantiam duorum, trium Charta bi- aut quatuor digitorum, pro ipsius convexitate, gra faciliè Jam autem, ut experientià docemur, si in *foco* comburi- istius vitri fragmentum aliquod panni aut chartæ tur, sed o- nigræ collocetur, radii Solis adeò vehementer a- pus est vi- gent in pannum aut chartam, ipsiusque particu- tro magis las tanto impetu exagitant, ut eas rumpant & ad arendam chat- tum aut cineres redigant. tam al- bam,

Ex quâ experientià illud colligere est, si scilicet nervus opticus esset niger, & si pupilla, aut uveæ foramen, quo lux in oculos transit, ita dilataretur, ut facilem permetteret radiis Solis transitum; cum è contra coarctetur ut transitum illum præcludat; retina nostra eodem modo afficeretur, quo pannus aut charta nigra; ipsiusque fibræ tantoperè agitantur ut brevi frangerentur & urerentur. Nec aliam ob causam, plerique homines, si solem tantillum respiciant, gravi afficiuntur dolore, quippe pupillæ foramen ita non possunt claudere, ut fat radiorum non ingrediantur, ad agitandas vehementer fibras nervi optici, nec sine ruptionis periculo.

Mens nihil eorum quæ diximus cognoscit, dumque solem adspicit, nec nervum opticum,

X x x 2

ntc



nec motum in eo excitatum percipit. Sed id non est error, est tantum simplex ignorantia primus ipsius error in eo est, quod iudicet dolorem quem sentire esse in oculo.

Si postquam Solem conspicatus fueris, locum per obscurum oculis apertis subeas motus ille fibrarum nervi optici qui radiis Solis excitatus fuerat minuitur, ac paulatim immutatur; nec alia potest concipi mutatio in oculis. Illud tamen non est quod mens percipit, percipit duntaxat lumen quoddam albicans & flavum; ac secundus ipsius error in eo est, quod lucem illam quam videt in oculis aut in muro proximo esse iudicet.

Denique agitatio fibrarum retina semper decrescens, paulatim cessat; cum enim corpus aliquod commotum est, nihil in eo concipere potes, præter motus sui diminutionem, illud verò non est quod mens in oculis percipit. Colorem illum qui albus erat, aureum, postea rubrum ac tandem cæruleum fieri observat, atque error quem hac in re admittimus, in eo consistit, quod iudicemus in oculo nostro, aut in muro nobis proximo, mutationes fieri quæ longè aliter differunt quàm secundum magis & minus, quia scilicet color aureus, cæruleus & ruber longè aliter differunt quàm secundum magis & minus.

Hi sunt aliquot, ex erroribus nostris circa lucem & colores; atque isti in alios nos conjiciunt, ut infra patebit.

## C A P. XVI.

*I. Errores sensuum nostrorum nobis esse loco principiorum generalium & fecundissimorum, ex quibus falsas conclusiones elicimus, quæ suo loco principiorum vicem gerunt. II. Differentiarum essentialium origo. III. De formis substantialibus. IV. De quibusdam erroribus Philosophiæ Scholasticæ.*

**I.** Dummodò quæ jam explicata sunt in viros præiudiciis vacuos, & attentos incidant, naturam sensationum nostrarum erroresque generales qui in iis reperiuntur satis superque demonstrabunt. Jam restat ut ostendamus, homines hisce erroribus generalibus usos esse, quasi principiis quibusdam indubitatis, quibus omnia explanare voluerunt; ex iis erroribus innumeras deduxisse consequentias; ex quibus iterum veluti ex principiis quibusdam novas adhuc collegerunt consequentias; atque hoc pacto scientiæ illæ imaginariæ, inanes ac omni destitutæ realitate conflatae sunt, quas homines cæco quodam impetu cōstantur, quæque spectrorum adinstar eos pudore suffundunt qui miserè sese ab iis deludi sinunt. Undè illud ineptiæ genus quæ tot homines eo adduxit ut vanis sese pascant chimæris & illusionibus. Sed hæc exemplis sunt illustranda.

Jam probavimus hunc morem apud nos inva-

luisse, ut sensationes nostras objectis tribuamus; utque colores, odores, sapores, cæterasque qualitates sensibiles in objectis coloratis odorantibus, &c. esse iudicemus; In hoc nos errare comperimus; Jam restat ut demonstremus; nos hoc errore uti, tanquam principio ex quo falsas ducimus consequentias; quas deinde consequentias veluti alia quædam principia habemus, quibus ratiocinia nostra fulcimus: Uno verbo incumbit nobis explicandum, quo ordine procedat mens nostra in investigandis specialibus quibusdam veritatibus, ubi semel hoc falso principio, *sensationes*, scilicet, *nostras esse in objectis*; ita imbuta est, ut illud indubitatum existimet.

Verum ut id fiat manifestius, aliquod corpus sumamus, cujus naturam investigare propositum sit; videamus quo modo se gereret, quilibet qui ad mellis & salis naturam cognoscendam se accingeret. Primum cerè utriusque colorem, odorem, saporem, cæterasque qualitates sensibiles consideraret; quænam sint mellis, quænam verò salis qualitates; quæ in re inter se convenient, quæ in re discrepent; & quam habeant analogiam cum qualitatibus cæterorum corporum. Hoc facto, ad hunc modum ni fallor ratiocinaretur, si saltem sensationes esse in objectis pro certo crederet.

Quæcunque sentio inter gustandum, videndum & tractandum mel & sal illud, sunt in melle & in sale illo. Jam autem certum est id quod sentio in melle, essentialiter differre ab eo quod sentio in sale, albedo salis à colore mellis haud dubiè longè aliter differt quàm secundum magis & minus; & sic dulcedo mellis, à pungente salis sapore; ac proinde differentia essentialis inter mel & sal debet esse, cum id quod in utroque sentio non mediocriter tantum sed essentialiter differat.

Hoc primum. Namque ille homo non alio modo potest iudicare, mel & sal essentialiter differt; nisi quia species sive indicia externa unius, à speciebus sive indiis externis alterius essentialiter differunt; hoc est quia sensationes mellis à sensationibus salis essentialiter differunt; alio, inquam, non potest iudicare modo quia tantum iudicat ex impressione quam utrumque in sensus facit. Suam igitur conclusionem habet, veluti novum quoddam principium, ex quo alias deducit conclusiones, ad hunc modum.

Cum igitur mel & sal cæteraque corpora naturalia à se invicem essentialiter differant; illi haud dubiè toto cælo errant, qui nos eo adducere velint, ut credamus, totum discrimen quod intercedit inter hæc corpora, consistere duntaxat in varia particularum ex quibus constant configuratione. Cum enim figura non sit essentialis corporibus, cerè licèt figura particularum illarum quas in melle imaginantur, immutaretur mel semper esset mel, licèt ipsius partes salis partium figuram accepissent. Undè prorsus necesse est, ut substantia quædam sit, quæ materiæ primæ omnibus corporibus communi adjuncta, differentiam essentialem inter ipsa constituat.

Hoc modo sit secundo procedens homo ille *formas substantiales*, egregium illud & felix ingenium



genti humani commentum, eduxit substantias sanè fecundas, quæ cum in sola Philosophi nostri imaginatione existant quicquid in natura conspiciamus producant tamen? sed jam quibus proprietatibus, ens illud rationis suæ liberaliter sit ornaturus, videamus, cæteras enim substantias suis proprietatibus essentialibus, ut iis novum illud ens induat, spoliare non dubitabit.

Cum igitur pergat, unumquodque corpus naturale ex duabus constet substantiis, alterâ quæ melli, sali, cæterisque corporibus communis est; a terâ verò, quæ efficit, ut mel sit mel, sal verò, sal, & ut cætera corpora sint id quod sunt; hinc sequitur, primam substantiam, quæ est materia, cum non habeat contrarium, & ad omnes formas sit indifferens, sine vi & actione esse debere, quippe quæ nihil habeat à quo sibi præcavere opus sit. Cæteræ verò substantiæ, quæ sunt formæ substantiales, qualitatibus atque facultatibus stipari & muniri perpetuo debent, ipsas oportet, indefinenter excubias agere ne forte de improvviso occupentur, suæ conservationi perpetuo consulant, imperium in materias vicinas proferant, victorias denique suas, quantum in se est, longè lateque proferant, necesse est. Si vi & actione carerent, ab aliis formis subito oppressæ annihilarentur, pugnent igitur indefessæ, & adversus formas illas sibi insidiantes, antipathias & odia internecina foveant æquum est.

Quod si forma aliqua materiam aliâ formæ, forma cadaveris, exempli gratiâ, corpus canis occupet; forma illa, canis formam annihilare non contenta, ut odium expleat suum, omnes qualitates formæ sibi inimicæ affectas destruat oportet. Protinus, cadaveris pili albescere debent albore, qui novam denotet creationem; sanguis rubescere rubore non suspecto, totum illud corpus iis institui par est qualitatibus, quæ formæ suæ fideles, ipsam tuteantur, quantum quidem possunt id facere qualitates cadaveris mox interituræ. Quia verò pugna aliquis tandem debet esse finis, tunc etiam quietis habent locum; hanc ob causam, ignis, verbi gratiâ, suum habet centrum, quo levitate suâ & propensione naturali perpetuo tendat, ut quiescat, urere desinat, suum etiam calorem deponat, quo hîc in terris, sui conservationis duntaxat gratiâ sese muniebat,

Illæ sunt, magnâ saltem ex parte, consequentiæ, quæ ex postremo hoc principio, dari, scilicet, formas substantiales, deduci solent. Philosophum equidem hæc consequentiæ æquo liberiorius, & majori ingenuitate colligentem fortè introduximus, hæc enim ab aliis magis serio dici solent,

Innumeras alias consequentiæ quotidie deducunt Philosophi, pro ingenio & indole, pro fecunditate aut sterilitate imaginationis; hæc enim duntaxat à se invicem differunt,

Hæc substantias chimericas impugnare foret inutile, quippe quæ ab aliis jam fuerint exactæ, formas substantiales in rerum natura

nunquam extitisse, ipsasque in hunc duntaxat finem fictas fuisse, ut ex iis fluant innumerae consequentiæ, falsæ, ridiculæ & contradictoriæ, satis superque probatum est. Ipsarum originem in mente humana invenisse sufficiat, & ostendisse eas omnem suam haurire realitatem, ex præjudicio omnibus hominibus communi quo, *sensationes esse in objectis* falso judicant. Qui enim supra dicta attentè expendet, nempe, corporis nostri conservationi conducere, ut sensationes habeamus essentialiter diversas, quamvis impressiones objectorum in corpus nostrum oppido parum differant; facile intelliget, tantam in objectis sensuum diversitatem falso existimari.

Verum, ut id obiter dicam, non est quod in hisce terminis, *forma & differentia essentialis* quicquam desideremus. Mel haud dubiè formâ suâ mel est, & hoc pacto à sale essentialiter differt. Sed hæc forma, sive hæc differentia essentialis in varia partium configuratione duntaxat consistit. Hæc variâ configuratione mel est mel, & sal est sal, & quamvis materiæ in genere sit accidentale tantum, ut habeat configurationem partium mellis aut salis, ac proinde ut habeat formam mellis aut salis, essentielle tamen est melli & sali, ut sint id quod sunt, habere hanc aut illam partium configurationem. Quemadmodum sensationes frigoris, caloris, voluptatis & doloris menti quatenus mens est non sunt essentielles, sed tantum menti quatenus istis afficitur sensationibus, his sensationibus dicitur sentire calorem, frigus, voluptatem, dolorem, &c.

## CAP. XVII.

1. Aliud exemplum ex Ethica desumptum, ex quo patet sensus nostros nihil in his offerre præter falsa bona.
- II. Deum solum esse nostrum verum bonum.
- III. Errorum Epicureorum & Stoicorum origo.

Principium illud, quo *sensationes in objectis* esse statuuntur in Physica errores innumeros propagare non invalidis demonstravimus argumentis. Jam quædam ex Ethica depromamus, in qua idem illud præjudicium cum hoc, *objecta sensuum*, scilicet *solas esse & veras sensationum nostrarum causas*, conjunctum, in leviores non injicit errores.

Inter homines, plerosque videas bonis sensibilibus addictos; alii Musica, alii cupediis, alii aliâ qualibet re delectantur. Ut autem hæc objecta bona esse persuaderentur, hæc tecum reputâsse necesse est. Sapores illi qui in conviviis voluptatem pariunt, soni qui aurem molliter & jucundè demulcent & cæteræ voluptates quibus aliâ afficimur, procul dubio in objectis sensibilibus continentur, vel saltem eas objectorum ope sentimus, nec denique sine illis eas sentire possumus. Jam autem voluptatem esse bonam, dolorem verò malum nemo est qui inficietur, hujusce rei intus consci sumus, ac proinde

Cap. 10. tit. v.

Exemplum ex Ethica deductum ex quo patet sensus nostros nihil offerre præter falsa bona.



ac proinde objecta quæ passiones sive affectus movent bona sunt perquam realia, quibus, ut felicitatem consequamur, incumbere nos decet.

sibilia non posse esse bona respectu mentis nostræ, & cætera quæ explicuimus.

Stoici contrà, pro certo habentes voluptates sensibiles esse in solo corpore & in solius corporis usum, mentemque suo peculiari & proprio potiri debere bono, beatitudinem in virtute ponebant. Jam autem hæc est ipsorum erroris origo.

Existimabant scilicet, voluptatem & dolorem sensibiles vel quæ ex rebus sensibilibus ortum ducebant, non esse in mente, sed in corpore duntaxat. Et ex hoc falso iudicio principium statuebant, cujus ope falsas colligebant conclusiones, ut verbi gratia, dolorem non esse aliquid mali, voluptatem non esse aliquid boni, voluptates sensuum in se non esse bonas, ipsas esse communes hominibus & belluis, &c. Quamquam tamen Epicurei & Stoici in multis sint hallucinati in nonnullis tamen à ratione non abluferunt. Beatorum enim beatitudo in virtute omnibus numeris perfecta, hoc est in cognitione & amore Dei & in voluptate ipsos nunquam deferente tantum consistit.

Maneat igitur altâ mente repositum objecta externa nihil in se jucundi aut molesti includere; ipsa non esse causas voluptatum nostrarum. ipsaque à nobis non nisi immeritò timeri aut amari posse; Deum solum esse timendum & amandum; quippe qui solus nos punire aut remunerare, dolore aut voluptate afficere valeat, in Deo solo denique, & ex Deo solo nos sperare posse voluptates, in quas motu tam vehementi, tam naturali, tamque legitimo, propendemus.

## CAP. XVIII.

*I. Sensus nostros nos in errores injicere etiam circa res non sensibiles. II. Exemplum ex hominum commercio & consuetudine mutuâ deductum. III. Ex habitu externo & sensibili iudicium non esse statuendum.*

**S**ensuum nostrorum errores circa objecta sensibilia, ut circa lucem, colores cæterasque qualitates sensibiles fusè satis explicuimus. Jam videamus errores in quos ab ipsis circa objecta non sensibilia, quæque ideò ipsorum non sunt veluti jurisdictionis conjicimur, dum scilicet ab attenta illorum objectorum consideratione nos deterrent, eò nos adducendo ut de illis objectis juxta ipsorum testimonium judicemus. Sed istud indiget explicatione.

Attentio & applicatio mentis ad ideas claras & distinctas quas de objectis habemus, ita necessaria est ad cognoscendam veram ipsorum naturam, ut nihil sit magis. Quemadmodum enim alicujus opificii pulchritudinem videre frustra pertendas, nisi oculos apertos in ipsum attente

**Explicabo** in ultimo libro quo sensu objecta agunt in corpore.

Sic plerumque ratiocinamur etiam in eo. Itaque, quia credimus sensationes nostras esse in objectis, vel saltem objecta ea pollere virtute, quâ eas in nobis possint excitare, veluti bona nostra habemus ea quæ infra nos subfidentia, in corpora nostra duntaxat ad plurimum possunt agere, & aliquos motus in fibris excitare, sed quæ in mentes nostras nunquam agere, nec in illis ullum voluptatis aut doloris sensum excitare queunt.

**II.** Certè, si mens nostra non est quæ in seipsam agit, occasione eorum quæ in corpore geruntur; Deus solus est qui hac polleat virtute. Si mens sibi ipsi voluptatem aut dolorem, pro varietate motuum fibrarum corporis non creat, ut verosimile est ipsam id non facere, cum sæpius dolorem & voluptatem præter consensum sentiat; ubi tanta vis est ut hæc sensationes in ipsa excitare possit, si Autem naturæ excipias?

**Deum solum esse nostrum verum bonum omnique objectis sensibilibus non posse in nobis excitare voluptatem.**

Solus Deus sanè verum nostrum bonum est. Ipse solus iis omnibus quibus affici possumus voluptatibus, nos perfundere potest, & per sui cognitionem & amorem duntaxat illas in nobis excitare decrevit: Voluptates quas cum motibus corporis nostri conjunxit, ut ipsius conservationi consuleremus, exiguæ sunt, debiles, breves; licet ipsarum, tanta fuit vis peccati! mancipia facti simus. At verò voluptates, quibus Electos suos in cælis afficiet, longè vividiores & perfectiores erunt. Deus enim nos eo consilio condidit ut ipsum cognoscamus & amemus. Cum enim ordo naturæ postulet, ut quo majora sunt bona, eo majori afficiamur voluptate. Certè voluptas eorum qui Deo fruuntur cæteras voluptates infinitis superabit parasangis, quippe qui supra omnia longissimè emineat.

**III.** Quod de errorum nostrorum circa bonum causâ mox dictum est, falsitatem opinionum Stoicorum & Epicureorum de summo bono, satis superque demonstrat. Illud Epicurei in voluptate constituiebant. Quia verò voluptas in vitio æque ac in virtute sentitur, immò sæpius in priori quàm in posteriori, ideò in omne voluptatum genus ruere habiti sunt illi Philosophi.

**Errorum Epicureorum & Stoicorum origo.**

Hæc autem est prima ipsorum erroris causa, Falsò, scilicet, judicantes esse aliquid jucundi in objectis sensuum, aut saltem objecta veras esse voluptatum quibus afficiebantur causas: sensu præterea quodam interno convicti, voluptatem esse aliquid sibi bonum, dum illa potirentur; in omnes passiones, ex quibus nihil incommodi percipere poterant, prorumpere non dubitabant. At verò si ratione ritè uti fuissent, voluptatem quæ ex rebus sensibilibus percipitur, in hisce rebus esse non posse, ut in sua causa, nec alio quovis modo, comperissent; ac proinde bona sen-



attentè defigas. Ita mens pleraque cum mutuis relationibus videre nequit, nisi ea attentissimè consideret. Jam autem ab attentione ad ideas claras & distinctas nullà alià re magis depellimur quàm sensibus nostris, ac proinde nullà alià re à veritate magis amovemur, & in errorem conjicimur.

Ut hæc à nobis concipiantur: Sciendum est, tres percipiendi rationes, quæ sunt sensibus, imaginatione, & intellectu puro, mentem æqualiter non tangere, atque ideò ipsam non æqualem attentionem præbere iis omnibus quæ harum rationum ope percipit, iis enim quibus vehementer afficitur valdè, iis verò quibus leviter afficitur, parum attendit.

Quod verò per sensus percipit ipsam vehementer afficit, attentamque proinde præbet: quod per imaginationem cognoscit ipsam levius attingit; quod denique per seipsam sive independentem à sensibus & imaginatione percipit, ipsam vix excitat. Quis enim, mentem levissimo dolore quam meditatione profundissimà magis moveri, non est expertus?

Hujusce rei hæc est causa; sensus, scilicet, objecta veluti præsentia repræsentant, imaginatio verò ea veluti absentia duntaxat exhibet. Jam autem ordo postulat ut ex multis bonis aut multis malis menti objectis, præsentia illam moveant magis & sistant quàm absentia; mentem enim citò determinari hac in re opus est. Sic punctuuncula attentior est quàm sublimibus speculationibus: voluptates etiam & dolores hujusce sæculi ipsam vehementius percellunt quàm dolores infandi & voluptates infinitæ æternitatis.

Sensus igitur mentem objectis quæ ipsi offerunt summopere applicant. Cum autem finita sit, nec multa simul possit liquidò percipere, id quod intellectus ipsi repræsentat non potest clarè percipere dum sensus ipsi aliquid considerandum obijciunt; Ideas igitur claras & distinctas intellectus rerum veritati assequendæ idoneas prætermittit, ut unicè incumbat ideis sensuum confusis, quæ illam vehementer movent, ipsique res non ut in se sunt, sed duntaxat ut sunt relatè ad suum corpus, repræsentant.

Si, exempli gratià, quis ad veritatem quandam explicandam se accingat; voce utatur, sensuque sua ac internas animi conceptiones, motibus & modis sensibilibus exprimat, necesse est. Mens autem multa eodem tempore distinctè concipere nequit. Undè fit ut iis quæ sensuum ope ad ipsam deveniunt attentissima, vix rationes sibi propositas expendat. Sed voluptati sensibili quæ ex numerosa periodorum concinnitate, ex mutua inter gestus & res voce prolata convenientià ex oris elegantia & liberalitate, ex forma denique externa & habitu loquentis percipit, tota penè adhæret. Interea tamen, re audita judicare satagit: sic fert mos.

Undè fit ut judicia pro diversis sensuum impressionibus, diversa pariter futura sint.

Si verbi gratià, Orator mentem suam expeditè exprimat, si periodos numerosè componat, si in ore liberalitatem quandam & ingenii acumen ferat, si claro sanguine oriundus, si magno incedat comitatu, si verbis gravitatem quandam & auctoritatem conciliet; si cuncti sileant attentisque auribus adsint, si existimatione clareat, atque virorum primi ordinis consuetudine utatur, si denique eò felicitatis pervenerit ut sibi favorem existimationemque capter, Tum quæcunque dicet rectissimè dicet. Quid plura? ipsius etiam ornatus nonnihil probabit.

At verò si iis non sit ornatus dotibus, demonstret quantum voluerit, nil tamen probabit; elegantissima proferat, ne auscultabitur quidem attentione solis rebus sensibilibus defixa, auditor ad hominis tam incompositi conspectum nativè pene commotus, & in id unum incumbens, mentem ab ipsius cogitatis avertet. Cælitium illud sordidum & contritum oratori ipsiusque dictis contemptum apud omnes pariet, ipsiusque habitus Philosophum cogitandum redolens eò impellet auditores, ut sublimes veritates plebeculæ captum superantes, deliriorum & ineptiarum loco habeantur.

Hæc sunt hominum judicia, oculi & aures non verò ratio de rerum veritate judicant, ubi tamen sola ratio judicium ferre potest; Quia, nempe, solis sensibilibus & jucundis modis attenti ad veritatem adipiscendam sedulam seriamque vix unquam conferunt operam.

De rebus tamen judicare ex externa specie, veritatemque adspernari, quia iis non instructa est ornamentis quæ nos juvant; quid ab æquitate magis abludit. Philosophos virosque cordatos hæc jucundas agendi dicendique rationes potius quàm veritatem ipsam exquirere, & vanum verborum sonum rerum soliditati anteponeere pudeat, solum vulgus indoctum, animæ carnis & sanguinis, numerosis periodis, figurisque & motibus quæ affectus excitent, capiuntur:

*Omnia enim stolidi magis admirantur amantque  
Inversis quæ sub verbis latitantia cernunt  
Veræque constituent, quæ belle tangere possunt  
Aures, & lepido quæ sunt fucata sonore.*

At viri sapientes adversus vim malignam, fortesque istorum sensibilibus modorum illecebras sese præmuniunt. Sensus quidem ipsis ut cæteris hominibus, quippe qui etiam homines sint, nonnunquam faciem faciunt; sed ipsorum testimonium generosè despiciunt. Illustre illud judicium Areopagi æmulant exemplum, qui caudicibus istis pellacibus verbis, figurisque fallacibus uti interdicebant; ipsosque nunquam nisi in loco tenebricoso audiebant; non verborum & gestuum venustas veritati pallium obduceret, ipsosque à rerum soliditate detereretur.

CAP.

M.  
Habitui  
externo &  
jucundo  
non fident  
dum esse.



## CAP. XIX.

*Duo alia exempla. I. Prius de erroribus circa naturam corporum. II. Posteriorius de erroribus circa qualitates, eorundem corporum.*

**I**nnumeros errores ab intenta mentis applicatione ad ea quæ sensuum ope percipit, & à negligentia in qua versatur circa res ipsi ab intellectu propositas, tanquam à prima causa manare, mox demonstratum est. Hujusce rei exemplum non adspernandum ex mutuo hominum commercio & consuetudine depromptum ad Ethicam faciens, tradidimus. En tibi alia ex rerum naturâ deducta, quæ in Physica observare necesse est.

**I.** *Errores circa naturam corporum.* Inter errores illos quos in Physica erramus, error quo plus substantiæ corporibus quæ sensus ferunt, quàm iis quæ vix sub sensum cadunt inesse imaginamur, non est postremus. Plerique existimant in auro & in plumbo plus esse materiæ quàm in aëre & in aqua. Et ipsi pueri qui aëris effecta sensibus non deprehenderunt, illum nihil habere realitatis autumant.

Aurum & plumbum sunt gravissima & durissima corpora sensusque maximè ferunt, aqua verò & aër vix sub sensum cadunt. Hinc concludunt priora longè plus habere realitatis quàm posteriora. De rerum veritate judicant per impressionem sensuum quæ nos nunquam non decipit; dum ideas claras & distinctas mentis quibus nunquam fallimur, negligunt; quia scilicet id quod sensibile est nos afficit & applicat, quod verò intelligibile soporem creat.

Hæc falsa judicia pertinent ad substantiam corporum, adsunt circa qualitates eorundem corporum.

Homines ut plurimum ita sunt comparati, ut objecta quæ in ipsis sensationes jucundiores excitant, perfectiora cæteris judicent & puriora; quæ in re consistat materiæ perfectio & puritas nesciunt, nedum solliciti.

**II.** *Errores circa ipsorum qualitates & perfectionem.* Ajunt, exempli gratia, lutum esse impurum, aquam verò limpidam esse purissimam. Verum cameli aquâ lutosâ gaudentes, & animalia quæ in luto degunt, secus sentirent. Belluæ sunt, fateor; sed homines qui viscera rusticulæ avis, & Martis excrementa amant, non censent quicquam in iis esse impuri, quamvis id de cæterorum animalium excrementis dicant. Moschus denique & electrum apud omnes magno habentur pretio, quamvis nihil aliud esse præter excrementa existimentur.

Non aliter certè judicamus de perfectione & puritate materiæ quàm relatè ad sensus nostros;

cùm autem sensus diversi sint in omnibus hominibus, ut fusè explicatum est, diversa admodum pariter esse debent judicia de perfectione aut puritate materiæ. Libri itaque qui quotidie de perfectionibus imaginariis, quas nonnullis corporibus tribuunt, componuntur, non possunt quin stupenda errorum farragine scateant; cum ipsorum ratiocinia falsis, confusis, & incertis sensuum ideis nitantur.

Philosophi non debent affirmare, materiam esse puram aut impuram, nisi prius quid per voces illas, purum & impurum, intelligant, certò & accuratè teneant. Res enim eloqui, nec eas intelligere, hoc est, ideas non habere distinctas, quæ terminis respondeant, turpe est. Quod si utrique hoc vocabulo ideas claras & distinctas alligassent, id quod purum dicitant sæpe impurissimum esse, quod vero ipsis impurum videtur purissimum tamen esse deprehenderent.

Si, exempli gratia, decernerent materiam illam esse purissimam & perfectissimam, cujus partes sunt tenuiores & ad motum aptiores, aurum, argentum, margaritæ essent corpora admodum imperfecta, aër verò & ignis corpora perfectissima, caro corruptioni propinqua & male olens, ad perfectionem tenderet. Et fœtens cada-ver perfectius esset carne integrâ.

Quod si vice versâ statuerent corpora illa esse omnium perfectissima, quorum partes crassiores, solidiores, motuque difficiliore, terra esset auro perfectior, æque aër & ignis corpora essent omnium imperfectissima.

Quod si quis terminis *puri* & *perfecti* ideas distinctas de quibus verba feci alligare recuset, alios potest substituere terminos, sed si hæc voces solis notionibus sensibilibus definire velit, omnia perpetuò confundet, quia significatio terminorum quibus exprimuntur nunquam erit determinata. Omnes homines, ut id jam probavimus, varias de iisdem objectis habent sensationes: Ergo hæc objecta ex sensationibus quas in nobis excitant, judicari non debent, nisi quis obscuritatè & confusione gaudeat.

Sed, ut penitiùs rem intròspiciamus nullà certè datur materia cæteris materiæ portionibus perfectior, nequidem cælorum materia. Cuiuslibet materiæ tota aptitudo in eo mihi videtur consistere, quod varios motus variasque figuras possit recipere; Jam autem ipsius motus & figuræ sint regulares, ut ita loquar, aut irregulares id ipsi perinde est. Solem esse perfectiorem aut lucidiorem luto, formasque illas egregias quas nobis animi gratia pingunt fabulæ & carmina, cadaveribus esse præstantiores non comperimus. Id à sensibus nostris fallacibus accepimus; Nec est quod quis hîc quicquam obganniat; Cuiuslibet enim ad rationes supra allatas attento cavillationes & exclamationes omnes, ridiculæ & frigidiusculæ proculdubio videbuntur.



Qui sentiunt tantum, nec aliâ ratione res percipere assueverunt, Solem esse luce plenum existimant; Qui verò sentiunt simul & ratiocinantur, aliter censent: dummodo saltem iudicium sagacitate suâ sentiendi facultatem aquet. Sententiam haud dubiè mutarent qui sensibus pertinacius adhærent, si suprà dicta seriò meditarentur. Verùm illusionibus sensuum nimis indulgent; ipsorum servitio jam dudum assuefacti mentis suæ oblii sunt, ita ut omnes perfectiones quas in corporibus videre sibi videntur ab ipsa pendere non attendant.

Nec verò huiusce commatis homines adorimur; laudent aut vituperent, id nobis perinde est; auscultare recusant; qui igitur possent iudicare? sat erit nobis si veritatis causam agamus nobisque illorum conciliemus approbationem; qui in id seriò incumbunt, ut ab erroribus sensuum sese expediant, & luminibus mentis rectè utantur. Hos enixè rogamus, ut hæc nostrâ cogitata attentè, quantum in iis erit meditentur, ac postea iudicent. Damnent, probent ipsis iudiciis licem relinquimus; Quippe meditatione suâ eò deveniunt, ut summum jus in cogitata nostra ipsis denegari merito non possit.

## CAP. XX.

*Huiusce primi Libri conclusio. I. Sensus nobis tantum concessos fuisse in usum corporis nostri. II. Ipsorum testimonio diffidendum esse. Illum non parum promovisse, qui ritè atque opportunè dubitare didicit.*

**E**Rrores generales in quos sensus nostri, sive circa propria ipsorum objecta, sive circa res quæ solo intellectu percipiuntur, nos conjiciunt, satis clarè ni fallor aperuimus. Qui supradictis tantillum attendet, nullum ut puto, admittet errorem, cujus causam facile non deprehendat.

**I.** Vidimus præterea sensus nostros nos tutissime & accuratissime docere analogias sive convenientias omnium corporum cum nostro; quamquam ut id etiam vidimus, eorum ope non possimus doceri quid hæc corpora sint in semetipsis. Diximus etiam illum suis male uti sensibus qui eos ad alios convertit usus, quam ad valetudinis & vitæ conservationem; adeò ut ipsos prorsus adspernari debeat; quàm sibi in mentem imperium arrogant. Id primum & præcipuum est quod ex primo hoc libro retineri velim. Ut scilicet aliè imbibamus, sensus nostros, nobis in eum duntaxat utum esse concessos, ut vitam nostram conservemus. Illud nobis radicè inhæreat, ut deinceps ignorantiam fugaturi, ad alia confugiamus auxilia.

**II.** Quod si nonnulli sint (ut erunt sanè & quidem æquo plures) quos suprà dicta non potuerint convincere veritatis harumce propositionum, id saltem ab iis impetrare liceat, ut duntaxat sensibus suis aliquantum diffidere discant; si ipsorum testimonium falsitatis & fallaciæ omnino arguere non sustineant, de istorum tamen testimoniorum veritate dubitare non reculent.

R. D. Enseb. Amori Philosophia.

Quid? Quæ jam dicta sunt nonne satis habent momenti ut suspicionem scrupulumque viris non obesse naris injiciant; ipsosque proinde eò adducant, ut libertate suâ, rectius quam antea usi sunt, nunc uti recordentur? certè si semel de sensuum testimonio dubitare non reformident, assensum facilius cohibebunt, erroresque quibus hætenus obnoxii fuerant minori negotio in posterum vitabunt, dummodo imprimis canonis initio traditi memores sint. Hic est: *Ne assensum plenum unquam præbeas nisi propositionibus evidentissime veris, & quibus assensum tuum non potes denegare, quin certò agnoscas te perperam usum libertate tuâ, si deneges.*

Porro ne quis mediocriter se promovisse putet, si solum dubitare didicerit. Dubitare cum iudicio & ratione, ita me Deus amet non leve est. Etenim ut rem ingenuè fatear, dubitare & dubitare duo sunt, varæ sunt dubitandi rationes. Nonnulli feroci & abrupto, alii cæco & maligno impetu ducti; alii denique per inconstantiam quandam, & quia tantum sic libuit, dubitant. Sed præter hos dubitatores, ut ita loquar, sunt etiam qui ex prudenti diffidentia, & sapienti quadam iudicii sagacitate dubitant. Academici & Athei priori dubitant ratione: Veri Philosophi posteriori. Prior dubitatio est dubitatio quædam caliginosa, quæ lucem non affert, fugat potius. Posterior dubitatio ex luce oritur, lucemque tandem affert.

Qui priori tantum ratione dubitant, ingeniosè dubitare nesciunt. Rident dum Cartesium legunt in prima Meditatione Methaphysica docentem dubitandi methodum. Sat enim se habere credunt si pro lubitu dubitent; si in genere profiteantur, naturam nostram esse infirmam, mentem nostram plerumque cæcutire; præjudicia esse abdicanda, & cætera huiusmodi. Hisce vagis freti ratiociniis erroris immunes evadere perpendunt. At verò quid promotes si dum fatearis mentem esse debilem, ipsam non moneas debilitatis suæ? quid si ipsam errori obnoxiam esse agnoscas, nisi errorum naturam causamque aperias. Id à nobis prælibatum fuisse primo hoc libro arbitramur, dum naturam & errores sensuum explicuimus. Jam ut hoc secundo, pergamus, naturam & errores imaginationis exponere propositum est.

## Reflexiones.

*Prima.* Omnes hæ operosæ probationes non solum nihil evincunt contra Philosophiam Peripateticam, sed etiam eandem confirmant, quod sic demonstro: Magnitudo corporum datur extra mentem, quamvis circa magnitudinem fallantur sensus; ergo etiam reliquæ qualitates dantur extra mentem, quamvis circa eas fallantur sensus. Itaque P. Mallebranche evertit seipsum, dum statim primo loco ponit, oculos falli quoad magnitudinem corporum: si enim ista deceptio non impedit, quin rectè iudicemus, dari extra mentem magnitudinem corporum; sic frustra etiam allegatur deceptio sensuum quoad alias qualitates, dum non obstante deceptione possunt tamen dari.



*Secunda.* P. Mallebranche aberrat à toto statu quæstionis, sicque dum totus est in eo probando, quod non est in quæstione, in auras abeunt omnes illius probationes. Status quæstionis in eo versatur, utrum detur universalis deceptio sensuum quoad hoc, quod nuntient *existentiam* objecti sensibilis extra mentem, cum tamen non existat extra mentem illud objectum sensibile; Non verò consistit status quæstionis in eo, utrum detur universalis deceptio sensuum quoad *modum existendi* objectorum sensibilium. Hoc bene evincit P. Mallebranche, quod objecta sensibilia *alio modo* existant, quam quo representantur per sensus; sed hoc non evincit, quod ipsa objecta sensibilia non existant, quæ representantur existere per sensus. v. g. dicit Cap. 6. oculos falli quoad magnitudinem corporum, dum representant Solem magnitudinis pedalis, aut bipedalis; sed num propterea evincit, quod non existat Sol extra mentem? num evincit, quod non existat magnitudo Solis extra mentem? Itaque aliud est, falli quoad ipsam *existentiam* rei; & aliud est, falli quoad *modum existendi*.

*Tertia* est, quod hoc ipsum falsum sit, falli nostros sensus aut mentem universaliter quoad *modum existendi* objectorum sensibilium. Id ex ipsis principiis P. Mallebranche demonstro. C. 5. Instar axiomatis ponit, quod nunquam decipiamur à sensibus, sed tantum à voluntate. *Non à sensibus*, inquit, *sed à voluntate nostra ad iudicandum promptiori decipimur.* Si ergo demonstro, voluntatem nostram non imperare talia iudicia erronea universaliter quoad modum existendi objectorum sensibilium, demonstratum est, non

dari iudicia universaliter erronea quoad objecta sensuum. Id verò demonstro. Ponit P. Mallebranche inter fallacias sensuum, quod v. g. representet oculus Solem magnitudinis pedalis; & baculum in aqua fractum, quis ergo errat sensus, ut vult P. Mallebranche, non errat, sed nec voluntas errat. vix enim vel pueros vel fœminas in Gallia tam stupida mentis reperiet, ut iudicent, Solem tantum esse magnitudinis pedalis, aut baculum revera in aqua fractum. Si quæro ex puero, existitne Sol extra tuam mentem? audacter, ac sine hæsitatione respondet: existit. Si quæram; existitne etiam magnitudo aliqua huius Solis extra tuam mentem; iterum respondet intrepide quod existat. Si ulterius pergam, utrum etiam tantum habeat magnitudinem pedalem? hæsitabit, & paucos tam stupidos reperire erit, qui dicent, non aliam dari in objecto magnitudinem quam quæ apparet. Itaque falsum est, æqualem dari universalem propensionem voluntatis ad ferendum iudicium erroneum *circa modum existendi*, qualis datur ad ferendum iudicium circa ipsam existentiam objecti. Vide 3. part. Phys. quæst. 1.

*Quarta.* Imperitissimè omnia confundit P. Mallebranche, dum Cap. 16. putat, nos sensationes tribuere objectis. id demonstro. Quando sentimus figuram rotundam corporis, omnes in suo animo distinguunt rotunditatem ab ipsa sensatione; illamque solam tribuunt objecto extra mentem; ergo idem fieri potest, dum sentimus figuram rubram vel viridem. Itaque est magna ineptia, dum creditur, non posse tribui objecto extra mentem color, quin illi tribuatur nostra sensatio. Hæc sapientibus pauca interim sufficient.





) o (

339

# NOTITIA CRITICA

DE

## LOGICA PLATONIS, RAYMUNDI LULLI ET NEOTERICORUM.

*Hic traditur Notitia de Logica.*

1. Platonis.
2. Raymundi Lulli.
3. Arnaldi.
4. P. Honorati Fabry.
5. Lockii.
6. Claubergii, Clerici, Budei, Croufazii, Titii, Wolfii.

### S E C T I O I.

#### *De Logica Platonis.*

**L**ogica Platonis in quatuor punctis consistit, & distinguitur à Logica Aristotelica. Nam

1. Plato non utitur Syllogismo, sed Dialogo, seu discursu.

2. Plato in omni controversia sic instruit statum quæstionis, ut tantum quærat definitionem cujusdam rei.

3. Plato definitionem rei quærit per divisionem.

4. Plato non utitur modo contentioso, statuendò ab initio suam sententiam, eamque probando, sed per totum discursum primum inquit veritatem; eamque inquit potissimum interrogando, non asserendo, quasi arte quadam obstetricia educturus veritatem latentem ex aliorum mentibus.

Itaque Logica Platonica modestior, suavior, & ad conversationem humanam pro omni tempore, loco, ac persona accommodatior est. Nemini spinosis artis syllogisticæ regulis molesta, nemini adstrictis verborum formulis importuna est. Nulla alia agnoscit artis suæ principia, quàm quæ natura ingenuis contulit, perspicaciam ingenii, & comitatem morum, gratam omnibus. Quia verò imitatione melius, quàm regulis discitur, afferam aliquot ex Platone, & S. Augustino Dialogorum exempla, in iisque loca quædam notabilia designabo, ut menti attentionem moveant, dataque occasione facilius occurrant.

*Observatio I. Ad disputationem neminem trahit, nisi loco congruo, & opportuno tempore.* Sic in Dialogo cum Hippia monet, se noluisse cum illo de proposita quæstione disserere in publico, sed privatim; “dum intus, inquit, essemus in publico, tuque dissereres, quædam me verba subter-

R. D. Euseb. Amor Philosophia.

fugerunt; piguit tamen perquirere, tum quòd turba intus erat plurima, tum etiam, ne orationi tuæ, impedimento forem.” Idem observo in dialogo, “quem Demodocus habuit cum Socrate.” „Opus, inquit, habebam, ô Socrates, privatim tecum communicare, siquidem otium sit; vel etiam negotium, modo non omnino magnum: velim enim, meâ causâ otium agas. Cui Socrates. Equidem otiosus, alioquin tum, sed tui causâ maximè.

*Observatio. 2. Materiam disputationis sumit congruentem personis colloquentibus, & præcedenti discursui.* Sic Jo. Poëtam jactantem suam in arte peritiam de Poësi, Alcibiadem accedentem ad precandum Deum de modo precandi Deum, Euthyphronem accusaturum coram tribunali parentes suos de sanctitate convenit.

*Observatio. 3. De nulla materia disputationem incipit, nisi in eadem collocutores bene versatos, atque disputationem de hac re iis gratam fore intellexerit.* Sic in Dialogo cum Theodoro & Thæteteto ait: „Nonne, ô Theodora, præ desiderio eruditionis incido in rusticitatem, cupiens vos in disputationem adducere, amicosque & collocutores invicem fieri? Theodorus. Minime hoc, ô Socrates, rusticum sit, & ut cœpisti, ne dimittas.” In Dialogo, De Ente, Zenonis discipulum in disputationem adducturus, ait: „Percontari hunc hospitem cupio, si modo gratum illi futurum sit, quid de his rebus familiares ejus sentiant. Theodorus. At non gravatè, ut arbitror, hæc nobis exponet. Aut quomodo dicis, ô Hospes? Hospes. Sic, ô Theodora; non gravabor enim, neque dictu difficile est.

*Observatio. 4. Caver, ne quævis disputentur coram quolibet, ne pariant scandalum.* Sic in Dialogus de



*Legibus*, in quo liberius disputat de suorum Majorum ac patriæ legibus, Dial. 1. ait: "Itaque ad præsens juvenes nulli adsum; ipsi verò propter senectutem sine peccato soli de his inter nos disserere permittimur.

*Observatio. 5. Non solet se immiscere disputationi de rebus exigui momenti.* Sic in Dial. 6. de *Republica* ait: "Nonne ridiculum est, in rebus minimis omnino, ne studium ponere, & obnoxie contendere, quò quam diligentissime & sincerissime pertractentur; in maximis autem levem operam satis esse putare?

*Observatio. 6. Humaniter invitat ad discursum, non cogit.* In Dialogo, de *Amore*. "Cur, inquit, non refers? apta quidem via est, quæ ducit in urbem, & ad audiendum pariter, & ad dicendum. Precibus nostris obsequere, & qui sermones illi fuerint exponere. Sed quando collocutor ultro se ad disserendum obtulit, ut gratum id sibi futurum ostendat, etiam cogere videtur ad disputandum. In dialogo, de *Pulchro*. "Demum ita cogita, non esse nos prius abituros hinc, quàm tu dixeris, quæ habere ajebas in pectore meliora; sumus enim soli, & in solitudine, ego autem junior.

*Observatio. 7. Non dicit suam sententiam in principio discursus, sed finito tantum discursu.* Discursus enim sic instituit, ut collocutores profiteantur se solum querere velle veritatem, non litigare de sententia. Hinc discursus querendo magis ac interrogando, quàm asserendo, & probando progreditur. Quòd si aliquando in progressu ipsius discursus necesse fuerit, suam aperire mentem, id non agit animo contestandi litem, sed ut hanc ipsam suam opinionem examini subiciat. Id patet ex omnibus Dialogis, & exemplis infra recensendis.

*Observatio. 8. In omni proposita questione claram rei definitionem ac divisionem exigit.* In Dialogo de *Pulchro* ait: "In omnibus unicum principium iis, qui bene consulere volunt, est intelligere, quid illud sit, de quo consuluntur; vel omnino aberrare necesse est. Plerosque verò latet, quòd nesciant rei substantiam, tanquam igitur scientes in disquisitionis principio non declarant; procedentes verò quòd par est consequitur, ut nec sibi nec aliis consentanea loquantur. tibi igitur & mihi ne accadat, quòd in aliis damnaus, quid sit amor, definitione ex consensu posita cognoscamus. - - in unam Ideam conspiciens passim dispersa conducit, quo singula definiens manifestum reddat semper id, quòd docere instituit, quemadmodum nos in præsentia, quid amor sit definivimus: certè hinc disputatio nostra claritatem in se habuit, constantemque concordiam. Dein secundum species articulatim pro rerum natura dividat. hujusmodi ego divisiones, collectionesque amo, quò & intelligendi & loquendi sum compos, eosque, qui id facere possunt, voco dialecticos.

*Observatio. 9. In progressu disputationis non facile cuipiam contradicit.* In Dial. 7. de *Repub.* ait: Non me latet, quòd cum primum adolescentuli disputationis artificium gustant, eo protinus quasi ludo quodam ad refellendum utuntur; eosque, qui confutant alios, studiosè sectantes, & ipsi quoque alios redarguunt, ac distrahendis lacerandisque proximis catulorum more assidue delectantur mirum in modum; cum verò plures convicerint, & à pluri-

bus ipsi convicti fuerint, eo confestim deveniunt, ut ex pristinis opinionibus ratam nullam habeant, atque ex his & ipsi & omnis Philosophia apud alios calumniam reportarunt. At vir natu gravior ab hac infania diligentius declinabit, ac hominem indagandæ veritatis gratia disserentem imitatur potius, quàm eum, qui jocandi causa verisutis, captiunculisque incumbit; quin & ipse modestius se geret, & disputandi studium ex infami reddet illustrius.

*Observatio. 10. In discursu nullis unquam convitiis, sed singulari mansuetudine erga omnes utitur.* In Dial. 6. de *Repub.* "Causam, ob quam multitudo Philosophiam iniquo animo fert, illi dant, qui cum Philosophiam professi sint, & inepti ad Philosophiam, homines convitiis passim lacessunt, & quasi inimicitias delectentur, semper hominibus obloquuntur, agentes rem Philosophiæ minimè congruam. neque enim viro illi, qui omnem mentis aciem ad ea, quæ verè sunt, direxit, otium superest, quò negotia hominum inferiora respiciat, cumque illis pugnans invidiam & malevolentiam sibi conflet. Sed ea, quæ semper eundem servant ordinem, contemplatur, quæ neque patiuntur, neque inferunt injuriam, omnia verò ornatè & secundum rationem disposita sunt. atque hæc imitatur hisque se simillimum reddit. An putas fieri, ut illud non imitetur quis, cui cum amore admirabundus inhaeret? quin etiam, si discernere cupies, quis animus Philosophus sit, aut non sit, statim à teneris annis id observabis, nunquid justus & mitis, an iniquus atque agrestis. In Dial. 9. "Mitibus illum verbis persuadeamus, quia non sponte delinquit. Et Dial. 5. "Si succenseat is, quem opinari dicimus, non cognosce, neque nos vera loqui, quomodo eum mitigabimus, sensimque & blande persuadebimus, sanè mentis eum non esse? Et Dial. 10. "Quia autem hæc omnia nulla ratione, ut mentis compos quilibet diceret, moti despiciunt, quo pacto nunc eos mansuetis verbis corrigere, & primum, quòd dii sint, docere possumus? Audeamus tamen: nec enim decet simul insanire, illis quidem voluptatis quodam æstro percitis, nobis verò in illos ira exardescens, quapropter omni concitatione animi extincta, præmium ad eos, qui ita mente corrupti sunt, aggrediamur, & quali ad unum eorum ita orationem mansuetè vertamus.

*Observ. 11. Quando disputat contra aperte improbos, vehementius agit.* In Dial. 10. de *Legibus*. "Vehementius quodammodo propter impiorum hominum controversias diximus; sed hac de causa, o Clinia, contentiosa usi sumus oratione, ne pravi se viderent putantes licentiam sibi datam credant faciendi, quæcunque velint, & qualiscunque adversus Deos existiment facienda; hac, inquam, de causa, novà quadam & vehementiori dicendi ratione usi sumus.

*Observ. 12. Quando agit contra Sophistas, seu contentiosos, tantum eos impugnatur, non vero docet.* Id patet ex Dialogo cum Hippia majore, qui cum statim in initio discursus proderet nimiam sui æstimationem, & opinionis tenacitatem, non fuit à Socrate instructus de sua sententia, sed tantum convictus de falsitate opinionis, quam Hippias tuebatur. Idem observat in Dialogo cum Lyside, viro contentioso, vehementer, & facundo. Et cum Euthyphone.

*Obfer.*



*Observatio 13. Aliorum dicta aut opiniones non nisi datâ licentiâ, aut per modum dubii discutit enucleatius.* In Dial. I. de Legibus. „Si quis inter nos, veri & optimi diligens investigator nonnihil in patriis cujusque legibus reprehendat, non gravi, quidem, sed æquo vicissim animo ferre debemus, Clinias.. Quare ne parcas, sed liberè leges nostras, reprehende; neque enim indecorum est, si, quid non probè se habet, nosse, nam si hinc quis, non cum invidia, sed animo benevolo accipiat, remedium invenitur. *Athen.* Ego verò non, reprehendam, antequam pro viribus diligenter, consideravero, immò dubitando potius verba faciam.

*Observatio 14. Quando in disputatione in materiam incidit, quæ collocutoribus foret difficilis, eam solus pertractat.* In Dial. 10. de Legibus. „Nunc, verò, cum ratio profundior adeunda sit, fermeque, vestris viribus non accessibilis, ne vertiginem, te, nebrasque vobis faciat ad eas vos quæstiones deducens, quibus consulti non estis, atque hoc pacto, dedecore tristitiaque afficiat, periculum ita in me, primò faciendum existimo, ut & meipsum interrogem, mihi ipsi respondeam, & hoc pacto vobis in tuto audientibus totam hanc disputationem pertranseam.

*Observatio 15. Cavillatorias rationes, quæ ad substantiam resparum contribuunt, negligit.* In Dial. 10. de Legibus. „Cavillatoriam rationem, fallacemque, fugiamus; ne si forte juvenilis illa ipsa nos senes fefellerit, ridiculos reddat senes enim & viri non minutias, sed veritatem quærere consueverunt.

*Observatio 16. Suas rationes non solet vendere pro certis.* In Dialogo de Natura. „Cum multa de mundi generatione à multis dicta sunt, ne mireris obscuro, si rationes de ea probatissimas asserere non possim. satis enim factum putare debebis, si non minus probabiles rationes, quam quivis alius, attulerim. Equum est meminisse, & me qui disseram, & vos qui indicabitis, homines esse, ut si probabilia dicantur, nihil ultra requiratis. „Et infra. „Quod, si quis pulchriorem figuram à se electam ad mundi constitutionem asserere voluerit, ejus non tanquam adversarii, sed tanquam amici sit sententia potior.

*Observ. 17. In toto discursu nullam admittit obscuram dictionem, cujus non roget explicationem.* In Dialogo de Pulchro. „Quòd dilucide dixerit, si vis, tui gratiâ, concedendum est; nam me quidem ob ignaviam, meam, & imperitiam latuit.

*Observ. 18. Auctoritatem aliorum semper veneratur.* In Dial. de Pulchro. „Nunquam sapientum contemenda sunt dicta, imò diligenter, quid sibi velint, consideranda. *Et infra.* Prisci sapientes viri & mulieres, qui de his dixerint & scripserunt, redarguent me, si tui gratiâ concessero. *Phil.* Quinam isti? *Socrates.* In præsentia quidem non satis memini, sed tamen alicubi audiui, quia plenum sentio mihi petus aliorum, & non deteriorum, quæ dici possunt. „quod verò ex meipso nihil tale invenerim, satis scio, meæ incitiæ mihi conscius: restat igitur me, instar vasis ex aliorum fontibus hausisse.

*Observ. 19. Nullam auctoritatem quoad omnia rejicit.* In Dialogo de Amore. „Amicissimus es, & vere aureus, ô Phædre, si me dicere putas, Lydiam omnino aberravisse, ac posse præter hæc omnia alia dici: hoc enim arbitror ne deterrimo quidem scri-

ptori evenire. Et in Dial. 10. de Legibus. „Certè, non absurdum est, viros sapientes probè dixisse, quare sequamur ipsos, inquiramusque, quid intellexerint.

*Observ. 20. Finita disputatione nulli obtrudit suam sententiam, nisi sponte eam amplecteretur. Pertinaces vero humaniter dimittit.* In Dialogo de Amore. „Veritati quidem nunquam, ô dilecte Agatho, repugnare, potes, Socrati verò facillime verum Agathonem jam, dimittam. Epictetus apud Arrianum l. 2. c. 12. de Socrate ait: „Eum, cum quo colloquebatur, cogebat, testem esse contra seipsum, nec ullo alio teste indigebat. Itaque licebat ei dicere: valeant reliqui omnes, satis semper mihi est, habere testem eum, qui mihi, contradicit.

Hæc & multa alia observari merentur in Platone laude digna; ea tamen talia ac tanta non sunt, ut Logica Platonica Aristotelicæ, aut Plato Aristoteli in Scholis præferri debeat. nam imprimis Logica illa, si rectè tractari velit, eget prorsus summo ingenio, quo colloquentium imperitia varia ac multiplex suavi rationum vinculo ad veritatis semitam identidem revocetur. Secundo, ea Logica non est apta ad convincendos pertinaces, cum nullis certis legibus ad unum disputationis scopum adversarium coërce possit. Tertiò non adstringit, ut singula objecti attributa distinctius ac enucleatius considerentur, quamvis id intendat, & præcipiat. Econtrà in syllogismo Aristotelico adstringimur, ut attentionem nostram simul ac semel tantum ad tres terminos convertamus, donec successivè omnium attributorum objecti ad invicem distincta comparatio evoluta fuerit, quo nihil melius ad inveniendum verum excogitari poterit. Quòd verò ipsos authores Platonem, & Aristotelem attinet, idem fero, quod olim Em. Cardin. Bellarminus in hac re tulit judicium; dum enim à Romano Pontifice, prout in ejus vita legitur, consuleretur, an expediret, ut in Scholis Aristoteli substitueretur Plato; respondit, in utroque reperiri errores, sed eos in Aristotele tales esse, ut non facile fidem inveniant; in Platone verò venenum esse dulcius, conditum mira eloquentiâ; adeoque Platonem juventuti periculosiorem fore, quam Aristotelem. In eandem ferme sententiam de Platone loquitur, Emin. Cardin. Fleury in sua studiorum Methodo Gallicè edita. Sed ego hîc pro exemplo Dialogos Platonis castigatiores, & ad Logicam accommodatiores, sèligam.

## Exemplum. I.

### De utilitate, & scopo Philosophiæ.

IN hoc Dialogo Plato ostendit, officium Philosophi non esse scire quasvis res nocivæ aut inutiles: neque etiam, ut sciat innumera utilia, quorum nimietate obruatur cum molestia, aut impediatur ab utilioribus; sed hoc esse officium Philosophi scire optima, nosse videlicet divina, & gubernare nosse humana. Divina Philosophus contemplatur per sapientiam; humana dirigit per Ethicam, Oeconomicam, Politicam. Dialogus sic habet in persona Socratis.



Dyonisii Grammatici ludum ingressus juvenes quosdam conspexi, qui videbantur facie valde liberali supra ceteros, & claris orti parentibus: aderant autem & duo adolescentuli invicem contendentes, circulos describentes, & quasdam sphaera inclinationes depingentes cubito innixi & intenti admodum. Ego verò quæ esset eorum contentio haud satis adverteram: itaque alterius illorum amicum, juxta quem sedebam, cubito tangens interrogavi, quid ita contenderent adolescentes, & num magnum quiddam esset, & pulchrum? tum ille, quid inquit magnum & pulchrum? nugantur enim de sublimibus quibusdam & philosophantes garriunt. Hujus ego responsum admiratus, ô adolescens inquam, an turpe tibi philosophari videtur? curve tam acerbè respondes? alter verò, juxta enim assidebat æmulus quidam istius, cum & me interrogantem, & respondentem illum audisset, non expedit tibi Socrates, inquit, interrogare hunc, an turpe existimet esse Philosophiam, necne. an non vides ipsum in tumiditate quadam, & saturitate atque somnolentia universam ætatem egisse, ut credas aliud quidquam eum tibi responsurum, quàm quòd turpe sit Philosophia? hinc ego; pulchrum igitur tibi philosophari videtur? & maxime quidem, inquit ille. quid ergo, inquam, num videtur tibi fieri posse, ut norit quis, turpene sit aliquid an pulchrum, nisi prius, quid ipsum sit, norit? Non. nosti igitur quid est philosophari? Novi equidem. Quid est? Quid aliud, quàm juxta Solonem? dicebat enim: *discenti assidue multa senecta venit*. Et mihi videtur, semper sic oportere aliquid discere eum hominem, qui Philosophus futurus sit, ut in vita qua plurima discat. Dein interrogavi, num ei Philosophia idem quòd multa discere videretur Et ille; omnino, inquit, existimas, inquam, pulchrum aliquid solum esse Philosophiam, vel etiam bonum? & bonum, inquit. Utrum Philosophiæ id proprium facis, an etiam aliis eodem pacto tribuis, v. g. studium Gymnasticæ non modò pulchrum esse, sed etiam bonum? tunc ille, & pulchrum & bonum simul esse fateor. Ergo in Gymnasiis etiam multum laborem existimas esse Gymnasticæ studium? Et maxime quidem quemadmodum in Philosophia multa discere Philosophiam puto. Ego verò, credis inquam, Gymnasticæ studiosos aliquid aliud appetere, quàm ut eorum corpora bene se habeant? id ipsum inquit. Num multi labores bonam corporis habitudinem efficiunt? Moderatis, ô Socrates laboribus, non magnis, corpus sese bene habere arbitror. Cibi autem, inquam, multi an moderati idem efficiunt? Et cibi ait moderati. Præterea compuli eum, ut concederet reliqua omnia, quæ circa corpus versantur, temperata quidem prodesse plurimum, pauca verò vel nimia, nihil. Et ille moderata juvare, confessus est. At quæ ad animam spectant, inquam, cum moderata adhibentur, conducuntne magis, an immoderata? moderata. Disciplinæ autem nonne ex immoderata iis sunt, quæ animæ adhibentur & conferunt? consensit. Ex disciplinis itaque quæ temperatæ sunt, non quæ multæ, utilitatem afferunt, consensit. Quæ, inquam, esse conjiciemus, quæ oportet Philosophum discere, cum neque omnia, neque multa sequi debeat? Pulcherrimas ait, atque maxime congruas animo disciplinas eas esse, ex quibus maximam in Philosophia gloriam consequatur, maxi-

nam verò gloriam adipisci, si omnium artium peritus sit; & sit minus omnium, plurimarum certe, earumque præsertim, quæ æstimatione dignæ sunt, ea præ cæteris discens, quæ liberos homines decet, quæve intelligentiæ ratione, non ministerio manuum continentur. Atque ego, adhuc enim, quorsum tenderet, ambigebam, qualem inquam dicis esse virum Philosophum? An talem, quales sunt in certamine Pentathli, qui cursoribus & peltastis quidem inferiores sunt, reliquorum verò Athletarum primi atque victores? tale forte aliquid dicis Philosophos, ut ab iis quidem, qui in quavis arte summi sunt, in eadem arte intelligentia superentur, reliquos verò antecendant, ut Philosophus in cunctis artibus secundæ cujusdam homo sortis existat? recte, inquit, ô Socrates, accipis de Philosopho dicta. Est enim talis, ut nulli negotio servire penitus velit, neque in aliqua re ad summum elaborare, ne propter unius exactam diligentiam in aliis omnibus superetur, sicut superantur opifices, sed omnia mediocriter, temperateque attingat. Post hanc responsionem cupiens plenius nosse, quid diceret; quid inquam Philosophos viros utiles an inutiles putas? ad hæc ille omnium maxime utiles esse Philosophos asseveravit. Age igitur dignoscamus, si tu vera dicis, quomodo utiles nobis sint isti secundæ sortis homines? manifestum enim est, quòd unoquoque artifice inferior est Philosophus. annuit. Age, inquam, si vel tu vel ex amicis aliquis ægrotaret, utrum ad curam valetudinis domum induces, Philosophum an Medicum? nemo ambigat, Medicum. Quid autem in navi fluctibus agitata, utrum te & tua gubernatori, an Philosopho comitteres? gubernatori inquit. Et in reliquis omnibus quantisper artifex adest, Philosopho non erit locus. Apparet, inquit. Philosophus igitur nunc inutilis est, cum artifices non desint. Concessimus autem Philosophiam bonam esse, & Philosophos bonos esse; bonos autem utiles, malos econtra inutiles. Itaque Philosophari non est circa artes studiosè versari, nec multis negotiis incumbere, aut multa perdiscere, sed aliud quiddam. His disputatis tandem ostendit, per hoc Philosophos bonos esse, & utiles, quòd & bonos faciant, & malos coercerent; hoc autem faciunt per Ethicam, Politicam, & œconomicam.

## Exemplum 2.

### De querenda sapientia.

IN hoc dialogo Demodocus consulit Socratem, qualiter filium suum Theagem sapientem efficere queat. Socrates ubi advertit. Theagem re ipsa sub prætextu sapientiæ nihil aliud querere, quàm dignitates in Republica, institutionem Theagis detrectat sub prætextu, reclamare suum dæmonium.

Demodocus, Opus habebam, ô Socrates, quædam privatim tecum communicare, si quidem otium sit, vel etiam negotium modò non omnino magnum velim enim meâ causâ otium agas. Socrates. Equidem otiosus & alioqui sum, sed tui causâ maxime. si quid ergo dicere vis, licet. Demodocus Theages filius cupit, ut ipse ait, sapiens effici; & mihi jam pridem molestus est, ut pecuniam Sophisto alicui, qui ipsum sapientem reddat, persolvam. Tu igitur per opportune nobis obviam factus es, quem quidem in hac re mihi consultorem maxime cupiebam.



*Socrates*, vulgò, ò Demodoce dicitur, consilium res sacra est; & si unquam ullum aliud, hoc est inprimis de quo quæris. Primum igitur consentiamus, quidnam hoc esse putemus, de quo consultamus, ne ego quidem aliud illud existimem, tu item aliud, ac deinde longe dissentiamus, ridiculi existentes ambo. *Demod.* Rectè mihi dicere videris, ò *Socrates*. Itaque faciendum censeo. *Socrates.* Rectè, inquam, non omnino tamen rectè, dubito enim, ne forte hic adolescentulus alia quædam quam quæ nos rebamur, cupiat. Quod si alia, nos quoque absurdus faciamus de alio consultantes. Rectissimum igitur mihi videtur, ut ipsum, quid quærat Crogenus.

*Demod.* optimum, *Socrates.* dici mihi Theages, cupisne sapiens esse, ac dignum existimas; ut pater hic tuus virum inveniat, qui te suâ consuetudine sapientem reddat? *Theages.* Cupio. *Socrates.* Sapientes autem utrum vocas homines scientiam habentes, quæcunque illa sint. *The.* Scientes equidem. *Socr.* Quid igitur, nonne nosti cytharam pullare, palæstram & alia certamina? putas te præterea alia scientia indigere? quænam est illa quam expetis? Si cuperes eam, quâ homines navigia gubernant, nonne responderes gubernatoriam? *The.* Certè. *Socr.* Si autem cuperes illius te eruditum fieri, qua curus reguntur, nonne autigoriani respondeas? *The.* Utique. *Socr.* Huic autem, quam appetis, quod est nomen? *The.* quod aliud, quam sapientiæ? *Socr.* Nonne etiam aurigaria sapientia est? an ignorantia tibi videtur? *The.* Nullo modo. *Socr.* At gubernatoria, nonne & ipsa sapientia est? *The.* mihi quidem videtur. *Socr.* Ea verò, quam nunc optas quænam sapientia quidve eam adepti scimus? *The.* Mihi quidem videtur ea, quâ scimus hominibus imperare. *Socr.* Num quâ ægrotantibus? *The.* Minime, ipsa enim medicina est. *Socr.* At qua canentibus scimus in choro præesse? *The.* Nequaquam. Musica enim est. *Socr.* Sed utrum quâ certantibus præesse? *The.* Nequaquam, Gymnastica enim est. *Socr.* Verum quâ quid facientibus? *The.* Mihi planè videtur ea, quâ his, qui in civitate. *Socr.* Intellego; quam artem dicis; videris enim non eam, quâ metentibus præesse novimus, aut vindemiantibus, aut plantantibus; ipsa enim agricultura est. neque rursus, quâ vel secantibus, vel perforantibus, nam hæc ad fabros pertinet. Verum fortasse, quâ iis universis & agricolis & fabris, & artificibus omnibus ac privatis cunctis imperitanius, eam tu sapientiam dicis. *The.* Istam ipsam ò *Socrates*. *Socr.* Periandrum nonne audivisti apud Corinthios imperasse? *The.* Equidem. *Socr.* Hippiam autem in hac urbe dominantem? *The.* Quidni? *Socr.* Quo nomine Hippiam & Periandrum nomines? *The.* Qui vocem, quam tyrannos? *Socr.* Ergo tyrannidem optas? *The.* Non cupis vi præesse, neque ut tyranni, sed volentibus, quemadmodum alii in civitate bene morati ac boni viri. *Socr.* Quid verò si nobilis eques esse studeas, & in ea arte sapiens, ad quosnam alios accederes quàm ad equites? *The.* Ad nullos alios. *Socr.* Eodem modo, si optime jaculandi artem discere cupias, ad eos, qui optime jaculantur, proficisceris. *The.* Mihi quidem videtur. *Socr.* Age itaque postquam in civilibus erudiri vis, ut in iis sapiens fias, ad alios accedendum putas, quàm ad hos civiles homines, *Socrates* qui præsunt civitatibus? *The.* Audivi ò sermones, quos dicunt duos esse, civilium virorum

libros nihilo meliores, quàm cerdonum esse. Insuper ergo sim, si mihi persuadeam, aliquem istorum mihi suam sapientiam traditurum.

*Demodocus.* Ad te ò *Socrates* omnis posthac oratio convertetur. Ego enim, ut brevissime loquar, me simul ac mea omnia trado, si hunc Theagem susceperis. *Socrates.* Equidem ò Demodoce, studium tuum minime admittet, cum existimes, hunc à me juvari posse. Sed me ad id elegisse non convenit. Nullam enim ex istis beatis & pulchris disciplinis scio; verum illud semper profiteor, me, ut ita dicam, nihil scire. *The.* Vides ò Pater, *Socrates* non vult mecum versari. *Socr.* Non ita, ò optime. sed hoc te fefellit, quale sit. Ego autem tibi dicam. Adest mihi divina quædam sorte dæmonium quoddam à prima pueritia me secutum; hoc enim vox est quædam, quæ cum existit, semper ejus rei quam facturus sum, dissuasionem innuit, provocat verò nunquam, &c.

### Exemplum. III.

#### De beata vita, unico Philosophiæ fine.

Hunc dialogum S. Augustinus cum amicis suis ipso die natalis sui, nempe 13. Novembris, habuit primo anno suæ conversionis. Ostendit autem, vitam beatam, quam unicam Philosophiæ quærit, nonnisi in Deo haberi posse. Dialogum dedicat Theodoro, ad quem sic præfatur: Si ad Philosophiæ portum, de quo jam in beatæ vitæ regionem solumque proceditur, vir humanissime Theodore, ratione institutus cursus & voluntas ipsa produceret, nescio utrum temere dixerim, multò minoris numeri homines ad eum perventuros fuisse, quamvis nunc quoque ut videmus rari admodum paucique perveniant; cum enim in hunc mundum sive Deus, sive natura, sive voluntas nostra, veluti in quoddam procellosum salum nos quasi temere passimque projecerit, quotus quisque cognosceret, quo sibi nitendum esset, nisi aliquando & invitos contraque obnitescentes aliqua tempestas in optatissimam terram compingeret. Hi sunt homines, quos lachrimabiles tragediæ fortunarum suarum, vel inanum negotiorum anxie difficultates, quasi nihil aliud habentes quod agant, in libros doctorum, sapientissimorumque hominum traserunt, in ipso quodammodo portu evigilant, unde illos nulla maris illius promissa nimium falso ridentis extrudant. Et mihi immoranti superfluis tempestas, quæ putabatur adversa, succurrit, vides in qua Philosophiæ quasi in portu navigem; ad ipsam beatam vitam jam parvo conatu accedam; quod ut plenius intelligas, quid afferam adverte. Idibus Novembris mihi natalis dies erat; post tam tenue prandium, ut ab eo nihil ingeniorum impeditur, omnes qui simul illo die convivebamur in balneas ad confedendum vocavi. Quæsimus inter nos de beata vita. Atque ego exordiens: Beatos esse nos voluntas, inquam. Vix hoc effuderam, occurrerunt unâ voce consentientes. Videturne vobis, inquam, beatus esse, qui quod vult non habet? negaverunt. Quid, omnis qui quod vult habet, beatus est? tum mater. Si bona, inquit, velit & habeat, beatus est; si autem mala velit, quamvis habeat, miser est. Cui ego arridens, ipsam, inquam, proflus mater



arcem Philosophiæ tenuisti ; nam tibi procul dubio verba defuerunt, ut non sicut Tullius te modo panderes. Ecce, inquit, omnes ajunt esse beatos, qui vivant ut ipsi velint. Falsum id quidem, vel le enim quod non deceat, idipsum miserrimum nec tam miserum est, non adipisci quod velis,

quàm adipisci velle, quod non oporteat. Dein in hoc dialogo ostendit, terrenorum bonorum nullam planè esse ex omni parte beatam possessionem, quia transeunt, & miscentur miseriis. Solius Dei cognitionem & fruitionem beatos reddere.

## S E C T I O II.

DE

### Logica Raymundi Lulli, & Kircheri.

**A**rtem hanc describit Kircherus de *Arte combinatoria*. P. Knittel in sua *Via regia ad omnes scientias*, & P. Juvenalis in sua *Arte magna sciendi*. Consistit in eo, ut quis de qualibet re

in promptu habeat multa attributa, & sic quàm longissimè de quavis re differere possit. Attributa quæ in quavis re considerari possunt, hoc ordine collocant.

### Tabula Lulliana.

Questiones.	Subjècta.	Prædicata absoluta.	Prædicata relativa.
1. An?	1. Deus.	1. Bonitas.	1. Differentia.
2. Quid?	2. Angelus.	2. Magnitudo.	2. Concordia.
3. Cur?	3. Cælum.	3. Duratio.	3. Oppositio.
4. Quantum?	4. Elementa.	4. Potentia.	4. Principium.
5. Quomodo?	5. Homo.	5. Sapientia.	5. Medium.
6. Quale?	6. Sensitivum.	6. Voluntas.	6. Finis.
7. Ubi?	7. Vegetativum.	7. Virtus.	7. Majoritas.
8. Quando?	8. Minerale.	8. Veritas.	8. Æqualitas.
9. Quibuscum?	9. Instrumenta.	9. Gloria.	9. Minoritas.
Accidentia naturalia.	Accidentia moralia virtutum.	Accidentia moralia vitiorum.	Distinctiones.
1. Quantitas.	1. Justitia.	1. Avaritia.	1. Rationis.
2. Qualitas.	2. Prudentia.	2. Gula.	2. Formalis.
3. Relatio.	3. Fortitudo.	3. Luxuria.	3. Modalis.
4. Actio.	4. Temperantia.	4. Superbia.	4. Realis.
5. Passio.	5. Fides.	5. Acedia.	5. Numerica.
6. Ubi.	6. Spes.	6. Invidia.	6. Specifica.
7. Quando.	7. Charitas.	7. Ira.	7. Generica.
8. Situs.	8. Patientia.	8. Mendacium.	8. Subjectiva.
9. Habitus.	9. Pietas.	9. Inconstantia.	9. Objectiva.

Ex hac tabula facile apparet, eam nihil aliud esse quàm decem prædicamenta Aristotelis, paululum aliter disposita, & quoad hoc non assignatur nova ars, ut quis in promptu habeat multa attributa; pauca enim hæc sunt. Artificium ergo novum consistit in combinatione omnium horum attributorum inter se; ex tali enim combinatione prodeunt innumera prorsus attributa rei v. g. *bonitas* est tantum unum attributum, sed cum eo possum combinare omnia reliqua attributa; possum enim considerare ipsam *magnitudinem* bonitatis, *potentiam* bonitatis, *durationem* bonitatis &c.

Artificium hoc combinatorium Kircherus sequenti tabula exposuit. In quo significatur per

B. Bonitas.	Di. Differentia.
BB. Bonitas bonitatis.	C. Concordia.
M. Magnitudo.	O. Oppositio.
P. Potentia.	Pr. Principium.
S. Sapientia.	Me. Medium.
D. Duratio.	F. Finis.
Vo. Voluntas.	Ma. Majoritas.
Vi. Virtus.	Æ. Æqualitas.
Ve. Veritas.	Mi. Minoritas.
G. Gloria.	

Ubi ponuntur duo signa, v. g. M. B. magnitudo bonitatis, B. D. Bonitas durationis. Alterum semper importatur in genitivo. Kircherus loco litterarum initialium posuit alia signa v. g. loco concordie figuram humani cordis, sed hæc designatio videtur commodior.



## T A B U L A

## Combinatoria.

1	2	3	4	5	6	7	8	9	10	11	12	13	14	15	16	17	18	
B	B B	M B	D B	P B	S B	Vo B	Vi B	Ve B	G B	Di B	C B	O B	Pr B	Me B	F B	Ma B	Æ B	Mi
M	B M	M M	D M	P M	S M	Vo M	Vi M	Ve M	G M	Di M	C M	O M	Pr M	Me M	F M	Ma M	Æ M	Mi
D	B D	M D	D D	P D	S D	Vo D	Vi D	Ve D	G D	Di D	C D	O D	Pr D	Me D	F D	Ma D	Æ D	Mi
P	B P	M P	D P	P P	S P	Vo P	Vi P	Ve P	G P	Di P	C P	O P	Pr P	Me P	F P	Ma P	Æ P	Mi
S	B S	M S	D S	P S	S S	Vo S	Vi S	Ve S	G S	Di S	C S	O S	Pr S	Me S	F S	Ma S	Æ S	Mi
Vo	B Vo	M Vo	D Vo	P Vo	S Vo	Vo Vo	Vi Vo	Ve Vo	G Vo	Di Vo	C Vo	O Vo	Pr Vo	Me Vo	F Vo	Ma Vo	Æ Vo	Mi
Vi	B Vi	M Vi	D Vi	P Vi	S Vi	Vo Vi	Vi Vi	Ve Vi	G Vi	Di Vi	C Vi	O Vi	Pr Vi	Me Vi	F Vi	Ma Vi	Æ Vi	Mi
Ve	B Ve	M Ve	D Ve	P Ve	S Ve	Vo Ve	Vi Ve	Ve Ve	G Ve	Di Ve	C Ve	O Ve	Pr Ve	Me Ve	F Ve	Ma Ve	Æ Ve	Mi
G	B G	M G	D G	P G	S G	Vo G	Vi G	Ve G	G G	Di G	C G	O G	Pr G	Me G	F G	Ma G	Æ G	Mi
Di	B Di	M Di	D Di	P Di	S Di	Vo Di	Vi Di	Ve Di	G Di	Di Di	C Di	O Di	Pr Di	Me Di	F Di	Ma Di	Æ Di	Mi
C	B C	M C	D C	P C	S C	Vo C	Vi C	Ve C	G C	Di C	C C	O C	Pr C	Me C	F C	Ma C	Æ C	Mi
O	B O	M O	D O	P O	S O	Vo O	Vi O	Ve O	G O	Di O	C O	O O	Pr O	Me O	F O	Ma O	Æ O	Mi
Pr	B Pr	M Pr	D Pr	P Pr	S Pr	Vo Pr	Vi Pr	Ve Pr	G Pr	Di Pr	C Pr	O Pr	Pr Pr	Me Pr	F Pr	Ma Pr	Æ Pr	Mi
Me	B Me	M Me	D Me	P Me	S Me	Vo Me	Vi Me	Ve Me	G Me	Di Me	C Me	O Me	Pr Me	Me Me	F Me	Ma Me	Æ Me	Mi
F	B F	M F	D F	P F	S F	Vo F	Vi F	Ve F	G F	Di F	C F	O F	Pr F	Me F	F F	Ma F	Æ F	Mi
Ma	B Ma	M Ma	D Ma	P Ma	S Ma	Vo Ma	Vi Ma	Ve Ma	G Ma	Di Ma	C Ma	O Ma	Pr Ma	Me Ma	F Ma	Ma Ma	Æ Ma	Mi
Æ	B Æ	M Æ	D Æ	P Æ	S Æ	Vo Æ	Vi Æ	Ve Æ	G Æ	Di Æ	C Æ	O Æ	Pr Æ	Me Æ	F Æ	Ma Æ	Æ Æ	Mi
Mi	B Mi	M Mi	D Mi	P Mi	S Mi	Vo Mi	Vi Mi	Ve Mi	G Mi	Di Mi	C Mi	O Mi	Pr Mi	Me Mi	F Mi	Ma Mi	Æ Mi	Mi

Usum ac praxin hujus tabulæ P. Knittel his verbis describit:

Si tibi est aliqua propositio probanda, dispice subito, quod sit in illa subjectum, quod prædicatum, & reduc utrumque ad terminos congruos sive absolutos sive respectivos, & quare utrumque terminum in tabula, & ecce e regione statim inveniēs materiam probandi, & diffcurrendi abundantem. Exemplis declaremus. *Exemplum primum.* Est probanda hæc propositio: In Deo est infinitæ bonitatis diffusio. *Dei esse* est subjectum. *Diffusio bonitatis* est prædicatum. *Dei esse* reducitur ad B & diffusio bonitatis etiam reducitur ad B. ergo quare BB in tabula; & en! e regione inveniēs BM. BD &c. medios terminos sufficientes. v. g. accipe BM. & dic: *Il* lud bonum, quod sine termino magnitudinis se diffundit, & diffusio bonitatis infinitæ: Sed &c. ergo.

*Exemplum secundum.* Probanda est propositio: Parentes sunt honorandi. Prædicatum reducitur ad G subjectum ad Pr. quare ergo G Pr. & e regione inveniēs argumenta sive media plura, quam unquam desiderare possis. v. g. sume G Ma & dic. Majores sunt honorandi; Sed parentes sunt Majores; ergo sunt honorandi.

Si argumentorum seriem adhuc majorem habere vis, applica novem quæstiones v. g. ad BB

an BB sit BM? an BD? & cætera per lineam transversalem. vel an sit MB? an DB? & cætera deorsum, vel etiam per lineas diametrales. sunt enim omnia convertibilia. Deinde applica, *quid?* deinde *cur?* & cætera similiter dicto modo. Potes insuper has quæstiones propositæ propositioni & mediis inventis applicando quarere, *an* sint illa in novem subjectis? *Quid* sint in illis? *cur?* &c.

Reliqua hujus artis præcepta quarantur in ipsis citatis Authoribus? Ego nolim in hac arte esse prolixior, quam nulli consulo. Sicut enim, dum scribo, non prius cogitatione oberro per omnes alphabeti litteras, ut tandem inveniam illam, quæ est apta ad exprimendam vocem, designatam ab animo; sic dum quero congruenter loqui ad scopum quæstionis, non est necesse, ut cogitatione oberrem per tot prædicamenta, sed dum lumine mentis circumspicio in mundo meo intellectuâli, in domo interna; dum refero omnia conclavia veluti totidem Antiquatâ mentis, unico obtutu objectum, quod congruit, ultro se offeret. Intellectus noster & peritus tyopotheta, non examinat de novo cistulas & litteras, quoties componit verbum, sed ex habitu in optatas incidit. Sic & periti sunt Theologi, Philosophi, Causidici, quamvis nesciant quærere in cistula specierum B. vel C.



## S E C T I O III.

## De Logica Antonii Arnaldi.

**I**nter Neotericorum Logicas omnium celeberrima est Logica Antonii Arnaldi. Doctoris quondam Sorbonici. ea prodiit sub titulo : *L'art de penser*. seu. *Ars cogitandi*. in hac, ubi multa de terminis, propositionibus, & syllogismis egerat, tandem affert generalem omnium syllogismorum tam complexorum, quam incomplexorum regulam, qua sola cognita regulæ ceteræ Peripateticæ de syllogismis, figuris, ac modis non sunt amplius necessariae. Hanc regulam inseruit quidem du Hamelius suæ Philosophiæ Burgundiæ, sed breviter. Censeo ipsis Peripateticis non ingratum fore, si artificium ipsis Authoris verbis proponam. Part. 3. C. 10. sic habet:

Principium generale, cujus ope sine ulla ad figuras aut modos reductione statui potest de omni syllogismo, legitimusne an vitiosus sit?

Cum propositio probanda offertur, id solum negotii videtur dari, ut quis aliam propositionem notio-riorem inveniat, quæ primam illam stabiliat & confirmet, & quæ proin poterit appellari: *Propositio continens*. Sed quia secunda primam continere non potest expressè totidem verbis, sic enim alia non esset, omnino necesse, ut tertia propositio adsciscatur, quæ ostendat, propositionem dictam, *continentem*, revera continere illam, quæ probanda est. Atque hæc ultima propositio potest dici, *Propositio applicativa*.

In syllogismis affirmativis sæpe perinde est, quàm demum præmissarum dicamus, *continentem*, cum utraque aequaliter conclusionem contineat, atque utraque mutuo ostendat, illam in altera contineri. e. g. si dubito, an homo impius sit miser; sic argumentabor:

Quicumque servit cupiditatibus, est miser:

Sed impius servit cupiditatibus;

Ergo impius est miser

Quamcunque præmissarum designaveris, poterit dici conclusionem continere; idque ab altera ostendi, nam conclusio continetur in majori, quia *serviens cupiditatibus, impium* sub se continet, id est, impius in illius extensione concluditur; estque ex inferioribus unum, prout à minori ostenditur. Conclusio etiam continetur in minori, quia *serviens cupiditatibus* in sua idea comprehendit ideam miseri, ut patet ex majori.

Nihilominus cum Major ferè semper sit universalis, ut plurimum haberi poterit pro *continente*, uti & minor pro *applicativa*.

Ad syllogismos negativos quod spectat, cum in illis unica tantum propositio negativa inveniatur, negatioque solum in negatione includatur, videtur, quod propositio negativa semper debeat haberi pro *continente*, atque affirmativa pro *applicativa*, live negativa sit Major, ut in *Celarent Cesare, festino*, five sit minor, ut in *Camestres & Baroco*. nam si hoc syllogismo suscipiam probandum, *nullum avarum esse beatum*.

Omnis beatus cupiditatibus vacat,

Nullus avarus cupiditatibus vacat;

Ergo nullus avarus est beatus.

Connaturalius est dicere, minorem, quæ negativa est, conclusionem continere, idque majorem ostendere.

nam hæc minor: *Nullus avarus cupiditatibus vacat*, omnino negans, *vacuum cupiditatibus de avaro*, vicissim negat *beatum*, cum major sit, quæ ostendit, *beatum* totaliter includi in extensione carentis cupiditatibus.

Principium ergo generale hoc est: *Debet præmissarum altera continere conclusionem, idq, ab altera ostendi* hoc fiet exemplis manifestius.

*Exemplum*. 1. Dubito, an hic syllogismus concludat. Officium Christiani est, eos non laudare, qui peccant.

Sed qui duello decernunt, peccant;

Ergo officium Christiani est, eos non laudare, qui duello decernunt.

Hic Major nihil differt à conclusione, nisi quod major habeat, *eos qui peccant*, conclusio verò; *eos, qui duello decernunt*. Jam verò illa propositio, in qua habetur: *ii, qui peccant*, illam aliam continebit, in qua est: *qui duello decernunt*, cum *peccare* universaliter sumptum in se contineat, duello decernere.

*Exemplum* 2. Dubito, an hic syllogismus concludat.

Evangelium spondet salutem Christianis.

Quidam impii sunt Christiani.

Ergo Evangelium spondet salutem quibusdam impiis.

Hic animadvertendum est, majorem non posse continere conclusionem, nisi hæc vox, *Christianis* sumatur universaliter pro omnibus Christianis, & non tantum pro aliquibus, sed tunc major falsa est. Malè autem concludit, si sumatur tantum pro aliquibus. nam sic prima propositio non continet conclusionem.

*Exemplum*. 3. Perspicuum est ex hoc eodem principio, sequentem syllogismum non concludere.

Lex divina jubet, ut sæculari Magistratui obediamus.

Episcopi non sunt Magistratus sæculares

Ergo lex divina non jubet, ut Episcopis obediamus.

Nam præmissarum neutra conclusionem continet, quia non sequitur legem divinam cum hoc jubet, illud aliud non jubere. Hinc etiam potest detegi fallacia hujus sophismatis.

Qui dicit te esse animal, verum dicit:

Sed qui dicit te esse anserem, dicit te esse animal;

Ergo, qui te dicit esse anserem, verum dicit.

Respondere namque sufficit, neutram præmissarum continere conclusionem. nam si major eam contineret, oporteret, animal continere anserem. Sed animal in majori sumitur particulariter, ac proin anserem continere non potest. Hinc etiam peti potest solutio Sophismatis quod D. Augustinus refert.

Non es, quod ego sum.

Ego sum homo;

Ergo tu non es homo.

nam cum conclusio sit negativa, vox *homo* sumetur universaliter; universale verò non continetur in particulari.

Hoc in Logica ista principium Authori proprium est; & quia commendatione dignum, in capite posui. Reliqua hujus Authoris in compendio sisto; ut saltem Peripatetici etiam Neotericorum succinctam notitiam habeant. Itaque tota Arnaldi Logica seu Ars cogitandi hæc est.

*Proemium.*

1. Logica est ars bene utendi rationem rerum cognitione acquirenda tam ad sui ipsius quàm aliorum institutionem,

2. Elici-



2. Elicitur hæc ars per quatuor præcipuas mentis operationes, apprehensionem, iudicium, discursum, dispositionem.

3. *Apprehensionem* dicimus simplicem rerum, quæ menti sistuntur, contemplationem. Forma, sub qua res consideramus, *idea* dicitur.

4. *Iudicium* illam mentis operationem dicimus, per quam varias ideas copulamus, vel disjungimus. Sic conjungendo ideam *muri*, & ideam *albedinis*, *murum album* esse affirmamus.

5. *Discursum* vocamus, dum ex una proportione inferitur alia.

6. *Dispositio* vocatur illa mentis operatio, qua plures ideas, propositiones, & dicta de eodem objecto eo ordine disponimus, qui illi explicando maximè idoneus est.

Hæ operationes tantum naturâ duce eliciuntur. Logicæ officium tantum est, aliquas animadvertiones facere circa ea, quæ in nobis natura operatur. Sic enim certi reddimus, nos ratione nostra rectè uti, facilius detegimus errores in quos labimur, detectosque aliis manifestamus, ac deniq; in accuratiorem mentis nostræ notitiam deducimur. Cæterum quia ideæ nostræ cum vocibus connexæ sunt; etiam illas considerare debet Logica.

## P A R S I.

### De prima mentis operatione, seu Ideis.

#### Cap. I.

##### De idearum natura & origine.

**P**ER ideam non solum intelliguntur illæ rerum imagines, quæ in phantasia & imaginatione depinguntur, dum res corporeas v. g. triangulum concipimus, sed etiam illæ imagines, quibus res spirituales sine ulla similitudine rerum sensibilium intelliguntur. Falsum est, quod pars maxima hominum iudicat, se nihil posse concipere nisi per modum rei corporeæ. Nemo potest ea, quæ in mente fiunt considerare, quin statim agnoscat, se multa concipere, omni corporea imagine prorsus destituta. quid enim clarius ipsa cogitatione, qua cogitamus, concipimus? impossibile tamen est, cogitationem imaginari, ullamque illius figuram in cerebro effingere. Quænam etiam harum particularum affirmationis & negationis, *est*, & *non est*, in cerebro depingi possunt imagines? uterque tam qui affirmat, quam qui negat terram esse rotundam, easdem in imaginatione servat imagines *terra*, & *rotunditatis* ille, qui affirmationem adijcit, addit mentis actionem, quam sine omni corporea imaginatione concipit. Alter negationem addit, quæ est alia mentis actio, & quæ multo minus depingi potest.

Hinc falsitatis convincuntur duo perniciosissima dogmata quæ quidam hoc sæculo Philosophi evulgavere. Primum est, nos nullam habere Dei ideam, si autem nullam habemus, nomen hoc *Deus* proferendo nihil aliud concipimus, quam hæc quatuor litteras d. e. u. s. quod utique falsum est. Falsorum dogmatum alterum cujusdam Angli est, allerentis, ratiocinationem nihil esse aliud, quam congeriem nominum catenatim per verbum, *est*, connexorum. Ex quo sequeretur, nihil nos posse ratiocinando de rerum natura concludere.

Hinc etiam falsum est, quod omnes ideæ solum à sensibus originem trahant, ut quidam Philosophus dicit, qui passim magni habetur; quasi vero nihil sit in intellectu, quod prius non fuerit in sensu. Audacter dicam, hanc opinionem absurdum.

R. D. Euseb. Amort Philosophia.

diffimam esse, & non minus Religioni quam veræ Philosophiæ adversari. Ut autem hic nihil dicamus, quod indubitatum non sit, quid quæro ipsa cogitatione distinctius concipimus? quæ propositio hac clarior: *cogito; ergo sum*? jam verò hoc clarum esse non potest, quin habeamus claram ideam *cogitationis*, & *entis*. Rogo, per quam demum sensuum januam in animum penetrarunt? lucidæne an coloratæ, ut per visum? gravesne an acutæ, ut per auditum potuerint intrasse? gratine odoris an fætent, ut per odoratum? cujus saporis, ut per gustum? molles an duræ, ut per tactum aditum tibi ad mentem fecerint? si autem dicantur ex aliis sensibilibus imaginibus efformatæ, unâ demonstrandæ erunt sensibiles illæ imagines, è quibus hæ *cogitationis* & *entis* ideæ dicuntur emicuisse? & ostendendum, quo demum modo emicuerint, an per compositionem, ampliationem, diminutionem, aut similitudinem. Quod si his omnibus nihil reponi poterit, quod non sit abs ratione alienum, fatendum erit, ideas *entis* & *cogitationis* nullo modo originem ducere à sensibus, sed mentem nostram in se habere illarum efficiendarum vim, quamvis mens sæpe excitetur ad eas efficiendas ab aliquo, quod sensus fuerit.

Dum vero dicunt Adversarii, ideam, quam de Deo habemus, à sensibus ortam esse, quia illum venerandi senis instar concipimus, digna solis anthropomorphitis sententia est, & quæ veras ideas, quas de rebus spiritualibus habemus, cum falsis imaginibus confundit, quas de iis male omnium imaginandorum consuetudine formamus, cum non minus absurdum sit, velle imaginari illa quæ corporea non sunt, quam audire colores, sonos videre.

Siquis objiciat, eodem tempore, quo rerum spiritualium ideas habemus, nos corpoream imaginem contemplari, saltem soni, qui rei significat; ea imago tantum soni non rei spiritualis v. g. *cogitationis* imago est, quod in surdis palam fit, quibus nullæ sonorum ideæ observantur, cum tamen cogitationum suarum ideas habeant, dum de illis cogitant.

Zzz 2

Cap. II.



## Cap. II.

*De objectis idearum.*

Quidquid concipitur, concipitur vel ut res seu substantia v. g. corpus. Vel ut modus v. g. rotunditas. Vel ut res modificata v. g. corpus rotundum.

Contingit autem sæpe, ut res eadem in duas ideas dispartitur, quarum una rem, altera quasi modum rei repræsentet v. g. dum concipimus Deum tanquam ens infinitum, vel hominem tanquam rem habentem humanitatem. Ut ergo sciamus, quid revera modus sit, dicendum, de natura veri modi esse, ut substantia, cujus est modus, clarè ac distinctè possit concipi sine illo; modus autem vicissim non possit clarè concipi, nisi una concipiatur relatio, quam ad suam substantiam habet, sine qua naturaliter nequit existere.

*Crisp.* NB. Hic non loquitur Author accuratè; possum enim clarè ac distinctè concipere substantiam v. g. Deum, ut vult ipsemet Author, sed tantum sub uno vel altero prædicato essentiali, quin necessariò concipiam omnes illius perfectiones essentielles. Ex hoc tamen non sequitur, reliquas omnes perfectiones esse veros modos, seu accidentia in Deo. Melius ergo fecissent Neoterici, si mansissent in via antiqua, & trita, maxime quoad definitiones nominum; atque dixissent, illud esse verum accidens, ac modum, quod est separabile à re.

## Cap. III.

*De decem Categoriis Aristotelis.*

Postquam Author recensuit decem prædicamenta Aristotelis, dicit ea non solum inutilia, sed etiam sapissimè nociva, idque ob duas causas. 1. Quod videantur nonnullis in veritate fundata, ac ipsa natura rerum; cum tamen ea divisio tantum arbitraria sit, ac eodem jure ex Neotericorum Philosophia alia septem Prædicamenta substitui possint, his versiculis comprehensa.

Mens, mensura, quies, motus, positura, figura, Sunt cum materia cunctarum exordia rerum.

2. quia per ista prædicamenta Aristotelica homines detinentur in solo verborum cortice, seque omnia scire putant, si valeant enumerare hæc nomina.

Cæterum tam de Categoriis Aristotelis, quam Raymundi Lulli, hoc fert iudicium. *Aristotelis Logicam non tam prodesse ad ea, quæ ignoramus, investiganda, quam ad ea, quæ scimus aliis exponenda. Artem verò Lulli ad copiosè & sine iudicio de iis, quæ nescimus, garriendum.*

*Crisp.* NB. Prædicamenta Aristotelis fundari in veritate, in iisque comprehendere præcipua objecta realia, quæ reperiuntur in mundo, per decursum Philosophiæ patebit. Quàm verò utile sit; ea objecta, quæ consideranda sunt, generatim ac distinctè & ordinatè memoriæ proponi, ex divisionis legibus liquet. Haud dubiè autem res consideranda, dum ordinatè in memoria dispo-

nuntur, prius per definitiones nominum, ac verborum corticem, quam per accuratam considerationem notæ esse debent. Nugæ ergo sunt hæ Neotericorum adversus Logicam Aristotelicam querelæ; dum utique officium Logicæ non est, docere rerum scientiam, sed per ordinatam dispositionem considerandarum rerum ante oculos mentis mentem præparare ad scientiam.

## Cap. IV.

*De ideis rerum, & ideis signorum.*

Postquam Author divisit signa in naturalia, artificialia, certa, probabilia, conjuncta cum re significata, & separata. Tradit hæc axiomata.

1. Nunquam potest strictè concludi à præsentia signi ad præsentiam rei signatæ. Dantur enim signa rerum absentium.

2. Res existens in uno statu potest esse signum sui ipsius ut existentis in alio statu. v. g. Concionator prædicans in suo conclavi sui ipsius prædicantis in cathedra.

3. Potest fieri, ut eadem res occultet & detegat aliam rem eodem tempore. v. gr. cinis fervidus tegit, & detegit ignem, figuram humana tegit & prodit Angelum. Symbola Eucharistica tegunt & significant Christum.

## Cap. V.

*De idearum compositione, simplicitate abstractione.*

Abstractio fit tribus modis. 1. Dum unam partem consideramus non considerando alteram rei, quæ est cum priori realiter eadem. v. gr. partem numeri centenarii. 2. Dum unum modum rei consideramus, non considerando alterum identificatum, v. g. considerando longitudinem corporis, non latitudinem. 3. Dum consideramus unum attributum non considerando alterum identificatum. v. g. considerando humanitatem in Petro non attendendo ad hoc individuum.

NB. Melius etiam Author abstractionem terminum usitatissimum in Scholis sumpsisset in sensu usitato cum nullum in illa acceptione detur inconveniens. Sumitur autem abstractio in Scholis tripliciter. 1. Dum accidens abstrahitur à substantia, v. g. considerando rubedinem ex pomo abstractam, non considerando pomum. 2. Dum consideratur unum prædicatum essentiali rei non considerando alterum identificatum, sub quo modo comprehenduntur omnes tres modi Arnaldiani. 3. Dum consideratur quælibet res sine sua individuatione. v. gr. cogitando de pomo, ut sic.

## Cap. VI.

*De universalitate & singularitate idearum.*

Hic agit more consueto de termino universali, particulari, univoco æquivoco. In ideis universalibus duo vult distinguere, *comprehensionem*, & *extensionem*.

Com-



Comprehensionem vocat illa attributa, quæ ita in idea universali continentur, ut nulla demi possit, quin idea destruat, sic comprehensio ideæ trianguli includit extensionem, figuram, tres lineas, tres angulos, horum angulorum æqualitatem cum duobus rectis. Extensionem vocat, species, quibus idea generica convenit, sic idea animalis extenditur ad hominem, leonem.

*Griff.* NB. Comprehensio male definitur ab Arnaldo. Multa enim adhuc supersunt attributa trianguli, quæ si non cognoscantur omnia, ab iis, penes quos à tot sæculis erat talium nominum & loquendi potestas, non dicebatur comprehendere triangulum. Absurdi ergo sunt Neoterici, qui, dum toties incidunt, definitiones nominum esse arbitrarias, hanc ubi, humano generi, mutant tamen significationem omnium Veterum suomet, non generis, humani arbitrio. Nova nomina liceat illis baptizare, non rebaptizare vetera.

### Cap. VII.

#### De ideis quinque universalibus.

Agit de genere, specie, differentia, proprio, accidente, ut solet. Differentiam aliter definit, nempe, quod sit primum attributum essentiale speciei, quod non comprehenditur in idea generis. v. g. substantia genus dividitur in duas species, *Corpus & spiritum*. In corpore primum attributum est extensio, in spiritu *cogitatio* itaque extensio & cogitatio sunt differentie substantiæ.

*Griff.* NB. Falsum est, primum attributum corporis esse extensionem, ut demonstrabitur in Physica.

### Cap. VIII.

#### De terminis complexis, eorumque universalitate.

Quando termino additur terminus, nascitur terminus complexus. v. gr. homo prudens, Alexander filius Philippi. Duo autem sunt genera talium additamentorum, quorum alterum *explicativum* dici potest, alterum *determinativum*. *Explicativum* tantum est, quando disertis verbis explicat, quod prius tantum latebat in idea universali, absque eo tamen, quod ideam universalem restringat. v. gr. *homo qui est animal ratione præditum*; vel *homo mortalis*. quæ conveniunt omnibus hominibus. *Determinativum* est, quod terminum universalem restringit. v. g. *homines sapientes*, *corpora pellucida*, *animal rationale*. Hinc fit, ut per additionem determinativam terminus universalis aliquando fiat singularis, v. g. *Papa*, *nunc sedens*, qui erat Alexander septimus dum ista scribebat Arnaldus.

Dein aliqui termini sunt complexi quoad sensum. v. g. si quis in Gallia nomet *Regem*, aut in familia *Herum*. Alii termini sunt complexi quoad verba & sensum simul. v. g. *Princeps Philosophorum*, intelligitur *Aristoteles*.

Omnia adjectiva aut connotativa sunt quoad sensum termini complexi. v. g. *album* subintelligit *ens* vel *corpus album*.

Denique bene notandum est, dari terminos complexos singulares, per æquivocationem tamen, quam *æquivocationem erroris* voco, universales.

*Vera Religio, Parisensium Geometrarum maximus, hominum doctissimus, dexterimus, ditissimus &c.* ipsa sunt termini singulares, quia tantum una est vera Religio, & unus Geometrarum maximus; sed quia diversi homines per errorem alium hominem maximum, aliam Religionem veram existimant, fit, ut terminus singularis per errorem & opinionem hominum applicetur pluribus objectis. Huc pertinent hæ loquendi formulæ, *authoris sensus*, qui licet unus sit, ex opinione tamen hominum est varius.

NB. Non benedicunt, tales terminos singulares per æquivocationem fieri universales, significatum enim per nomen expressum non convenit pluribus, & nequidem per errorem ab eodem intellectu tribuitur pluribus, quod tamen requiritur ad rationem universalem, cum ex suo conceptu, adeoque respectu ejusdem intellectus debeat esse communicabile pluribus. Itaque quamvis nunquam rejiciatur propositiones in *sensu authoris obvio*, aut in *sensu ab Authore intento*, non debet Arnaldus existimare, censuram esse æquivocam, veluti tubam, quæ incertum edat sonum; quando per notas características designo Petrum, non loquor æquivocè, si nomino Petrum, & quando per contextus fragmenta aut alias cuivis obvias circumstantias designo sensum, non erit æquivoca loquendi formula, dum loquor de sensu Authoris obvio.

### Cap. IX.

#### De idearum claritate, & obscuritate aut confusione.

Quamvis in ideis claritas aliud sit, quam distinctio, & obscuritas aliud, quam confusio; sumantur tamen ista interea pro eodem. Quid sint, exemplis patefiet.

1. Claram ideam habemus. 1. De te cogitante & ejus operationibus volitione, cogitatione, desiderio, &c. 2. De substantia extensa & ejus proprietatibus, figura, motu &c. 3. De duratione, ordine, numero. 4. De Deo, secundum aliquas tantum perfectiones sumpto.

Econtra obscuram ideam habemus. 1. De qualitatibus sensibilibus, colore, sono, odore, frigore, calore, gravitate. 2. De qualitatibus occultis, aut v. g. attractivis.

Causa obscuritatis harum idearum inde provenit.

Quando infantes eramus, mens sensit in se varias nasci affectiones præter suam voluntatem, idque dependenter à corporibus v. gr. calorem ab igne. Inde mens credidit, in objecto dari aliquid simile sensationibus vel saltem ideis inde ortis & propterea ipsos sensus caloris, coloris &c. transtulit in res, ex quibus nascuntur tales sensus. Exinde ideo talium qualitarum, quatenus transferuntur in res ipsas, manent obscuræ ac confusæ. Id tamen mirum ac lepidum accidit, quod dum homines calorem tribuerunt igni, non etiam ipsum dolorem ac unctionem igni tribuerint.

Sed quamvis homines rectè judicaverint, dolorem non esse tribuendum igni, in alio tamen errore versantur, dum dolorem tribuunt manui aut pedi, cum tamen dolor non nisi menti insit.



Verum quidem est, dolorem excitari per ea, quæ in manu fiunt, nempe ob motus naturali dispositioni contrarios, sed dolor in mente est. Hoc non tantum agnitus est ab antiquis Philosophis, ut Cyreniacis, sed etiam ab Augustino multis in locis. *Dolores*, inquit l. 14. de Civ. c. 15. *qui dicuntur carnis, anima sunt in carne, & ex carne nam dolor carnis tantum est offensio animæ, & quadam ab ejus passione dissensio, sicut anima dolor, quæ tristitia nuncupatur, dissensio est ab his rebus, quæ nobis volentibus accidunt.* Et l. 7. de Gen. ad lit. c. 19. *cum afflictiones corporis moleste sentis, (anima) actionem suam, quæ illi regendo adest, turbato ejus temperamento, impediri offenditur, & hæc offensio dolor dicitur.*

Dolorem verò, qui corporis nuncupatur, ad animam pertinere, non ad corpus, manifestum omnino sit ex eo, quod illa quæ nobis cogitantibus dolorem inferunt, ne lædunt quidem, cum mens vehementi applicatione alias distrahitur, ut videre est in Sacerdote Afro, de quo Augustinus l. 14. de Civ. c. 2. 4. quando ei placebat, ad imitatas quasi lamentantis hominis voces ita se auferebat à sensibus, & jacebat simillimus mortuo, ut non solum vellicantes & pungentes minime sentiret, sed etiam aliquando igne ureretur admoto sine ullo doloris sensu, nisi postmodum ex vulnere.

Denique & id observandum, ne per ipsam quidem manum dolorem causari in anima, sed per nervos, & per motum spirituum intra nervos tanquam tubulos propagatum usque in cerebrum. nam si quid impediatur, quo minus nervorum filamenta suum motum cerebro communicent, prout contingit in apoplexia, aut paralyti, sine omni doloris sensu ferrum patietur & ignes. Cum e contra manus illi dolere poterit qui caret manibus, quemadmodum sapissimè his accidit, quibus manus amputatæ sunt, quia si nervorum filamenta à manu ad cerebrum extensa prope cubitum, ubi in brachio truncato terminantur, moveantur, cerebrum eodem modo afficietur, quo afficeretur, ac si superesset manus. sic & imagines, quas in speculo intuemur, eo loco apparent, quo futuræ essent, si per directos radios aspicerentur.

Hæc sufficient, ut intelligamus fieri posse, ut anima à corpore separata igne inferni vel purgatorio torqueatur, imò eundem dolorem sentiat, quo quis afficeretur, si admoto igne uteretur, quia etiam tum, cum anima corpori unita erat, illa cruciabatur, non corpus, dolorque nihil aliud erat quam quadam animæ tristitia, qua affligebatur ob ea, quæ in corpore agebantur.

Inter ideas confusas etiam est idea *gravitatis*. dum enim ab infantia vidimus lapidem cadere deorsum, formavimus nobis duas ideas, unam lapidis, quæ vera est; alteram causæ, ob quam descendit lapis; eamque vocavimus *gravitatem*, quasi lapis moveretur ab intrinseco, & non à causa extrinseca propellente. Simili modo egimus, dum vidimus paleas attrahi à succino, ferrum à magnete, formavimus enim nobis ideam virtutis seu qualitatis *attractivæ*.

*Crisp.* NB. Hic Arnaldum potius lepidum existimo, quam sensum communem hominum, dum ex eo, quod tribuamus igni calorem & lucem, non

etiam eidem tribuamus dolorem, miratur. Nescit Arnaldus, instinctum naturalem hominum aut lumen naturale esse quandam revelationem Dei circa eas veritates, quas scire generi humano imprimis convenit. Jam verò, utrum detur aliquid simile nostris ideis in mundo corporeo, decet sciri ab humano genere ad commendandum pulchritudinem divinorum operum; idque cum id nulla alia ratione sciri poterat ab anima, quæ utique nesciret, quid sit extra se, Deus omnibus hominibus impressit naturalem propensionem ac inclinationem invictissimam, ut magno impetu ac præcitantia absque ulla hesitatione judicarent, dari aliquid simile nostri ideis in mundo corporeo. Deus sic facere potuit, sic conveniens erat ut faceret, & uniforme judicium hominum non potest habere aliam causam, nisi talem instinctum naturæ, quia si tale judicium dependeret à libertate humana, non esset universale ac uniforme in omnibus hominibus, cum contingentia, qualia sunt judicia hominum libera, in innumeris circumstantiis non procedant uniformiter. ergo evidens est, ex universali instinctu ac sensu hominum, etiam Cartesianorum antequam hoc præjudicium deposuerint, dari qualitates similes nostris ideis in mundo corporeo. De dolore homines non habent talem instinctum, ut eum indicent esse extra corpus humanum; itaque ibi non erit. Quod Arnaldus dicit, dolorem esse in anima, verum dicit, quod dicit, eum tantum esse in anima, dubium est; quod dicit, dolorem esse tristitiam in anima, totus aberrat. Aliud enim esse dolorem, aliud esse tristitiam, cuius experimentaliter notum est. Dehiq; dum nos confingere putat ideam virium motricium, iterum errat, datur enim vis motrix, ea potest concipi, ea potest poni in corpore quocunque; itaque non est idea talium virium aut falsa, aut ficta, aut obscura: sed quia mens ignorat, quibusnam conditionibus, instrumentis, aut organis ea vis alligata sit in tali activo corpore, ideo obscuritas talis ideæ non versatur circa ipsam vim activam, sed circa dispositionem materiæ. Sic scio, dari in corpore humano vim motricem brachii, quæ est in anima; non erro concipiendo talem vim, sed quibus instrumentis & dispositionibus anima ad movendum brachium egeat, hoc est, quod accurate non scio.

## Cap. X.

### *Exemplum obscurarum idearum ex Ethica.*

Tales sunt dum habemus falsam ideam veræ beatitudinis, veræ miseriæ, veræ excellentiæ, veræ nobilitatis, veræ magnanimitatis, veræ fortitudinis &c. Sed hæc pertinent ad Ethicam. D. Augustinus monet, ut paucis exemplis ad multa utilia utamur, non ut omnino utilia in mera exempla convertamus. non enim, ut Aristoteles observat, simul tradere scientias, & modum sciendi convenit.

## Cap. XI.

### *De confusione idearum orta ex vocibus.*

Notandum est, homines earundem rerum habere diversas ideas, iisdem tamen vocibus uti ad illas



illas exprimendas. Idea virtutis alia est apud Philosophum ethnicum, alia apud Theologum; uterque tamen eodem virtutis nomine utitur ad suam ideam exprimendam sic & omne illud, quod in nobis est principium accretionis sensationis, & cogitationis, *animam* nuncupativimus. Sed postea, dum in plantis principium accretionis etiam vocaretur *anima*, huic eidem voci eandem ideam subjecimus. *Vita* nomen simul & illi facultati inditum est, unde functiones animales procedunt, & facultati cogitatrici, cum tamen hæc duo diversa sint. Hæ voces *sensus*, *sensatio* simili æquivocatione laborant. Dumenim tria sunt, cum sentimus, nempe motus in organo, v. g. aure. 2. Perceptio v. g. soni. 3. Judicium, quo judicamus rem perceptam esse extra nos, nos omnia confundendo in unum uno *sensus* vel *sensationis* nomine comprehendimus. Hinc dicimus, oculum videre, aurem audire, cum tamen nec oculus nec auris quidquam percipiat, aut judicet, nec ullum errorem sensus comittant.

Sed notandum est, hanc confusionem idearum & errorem nominis æquivoci solum tunc fieri, quando diversæ res eodem nomine significatæ aliquam cognationem ac connexionem inter se habent, quando enim idem nomen diversas res significat, quæ non solent simul ab hominibus concipi & conjungi in conceptu, nullum est periculum, ut quis æquivocatione deceptus eas inter se confundat. Sic *Aries* significat stellam & animal, sed nullus hæc duo unquam confundet.

## Cap. XII.

## De remedio vitanda confusionis.

Unicum remedium sunt accuratæ definitiones nominis per quas tamen non intelligitur nuda explicatio nominis, ut designetur res, eo modo, quo per alia nomina designantur, sed qua accurate designatur conceptus, sub quo res concipiuntur, eo quod eadem res diversimode concipi possit. Ex hoc inferitur. 1. Definitiones nominis esse arbitrarías. 2. Non esse movendam litem de definitione nominis. 3. Omnem definitionem nominis habere rationem principii per se noti.

In has leges vulgaris Philosophia impingit, quia primò definitionem rei cum definitione nominis confundit, nam cum innumeras definitiones non nominum, sed rerum procuderet, reipsa tamen falsissimas, has tamen obtrudit pro principiis, quibus nefas sit refragari. Secundò, quia nominum definitionibus nunquam utitur ad obscuritatem amolientiam, nec illas certis quibusdam ideis clarè designatis affigit. Hinc evenit, ut maxima disputationum pars de nominibus tantum instituiatur. v. g. credunt, quod ignis sit calidus, quod cuivis persuadent, quamdiu abstinēt a definitionibus nominis si autem definiant, & dicant, calidum esse, quod habet similem qualitatem illi quam sentimus in animo; non poterit recipi pro principio, ignem esse calidum.

*Giss.* NB. Non ita se habet, definitiones usitatorum nominum esse arbitrarías; sed ubi erit varia nominis acceptio, per definitionem nominis licebit nobis designare, in qua acceptione nos terminum sumamus. Quod attinet ignem calidum, non necesse erat, hunc terminum, definire, cum ex communi Scholarum usu constet, hunc terminum accipi pro igne formaliter & non tantum causaliter calido.

Itaque quamvis Peripatetici tales terminos non definiant, falsum tamen est; quòd eas veritates propriis principiis obtrudant; sed assumunt eas per modum *postulati*, seu per modum veritatis alibi probatæ, vel aliunde certæ.

## Cap. XIII.

## Observanda circa definitiones nominum.

1. Nomina rerum simplicium, quarum omnes homines naturaliter easdem ideas habent, superfluo definienda non sunt. tales voces sunt. Ens, cogitatio, extensio, duratio vel tempus.

2. Notæ ac jam receptæ definitiones non sunt mutandæ, nisi in iis occurrat aliquid culpandum.

3. Cum necessitatis definiendi nominis incesse-rit, ad usum communem quàm proximè fieri potest est accedendum, nec notiones aliæ, quàm usitatæ, vocibus assignandæ.

## Cap. XIV.

## De Interpretatione nominum.

Primò observandum, quòd per nomina excitentur quædam ideæ secundariæ nonnunquam præter ideam principalem, quæ est propria significatio nominis. v. g. si quis cupiam diceret; *mentitus es*, si primaria notio spectetur, nihil aliud sibi volunt illæ voces, quàm; probè nosti, non esse verum quod dicis. Sed huic primariæ significationi usus aliam, contemptus scilicet & opprobrii ideam conjunxit. Aliquando hæc ideæ secundariæ adduntur ex vocis intensione, corporis distorsione, aut aliis signis externis. Sic Herus manifestat iram, vehementiori voce servo acclamans.

Secundò observandum, nonnunquam secundarias has ideas ipsis verbis adunitas esse, quia ordinariò illis prolatis in mente excitantur. Hinc fit, ut verborum, quæ idem videntur significare, quædam contumeliosa sint, alia blanda; quædam verecunda, alia effera; quædam casta, alia turpia, quia præter primariam ideam alias adjectitias habent, e quibus oritur hæc varietas hæc notatio quorundam injustitiam propalare potest, qui de illatis opprobriis conquerentes frequenter nomina substantiva in adjectiva commutant. Si *ignorantia* & *falsitatis* acculentur, se ignaros falsariosq; cognominatos proclamant, quod tamen est à ratione alienum, cum illa nomina ejusdem significationis non sint. Nomina enim adjectiva *ignarus*, *falsarius* præter notata vitia contemptus ideam includunt, cum tamen ignorantia & falsitas rem prout est sine ulla accessione significant quin imò alia nomina inveniri forte possunt, quæ idem significant, sed adjecta idea blanda & demulcente, quæque desiderium testentur, illius famæ parcendi, in quem dicuntur. Talibus autem vocibus utuntur viri prudentes ac moderati, nisi peculiaris aliqua ratio exigat, ut res majori vehementia & acrimonia agatur.

Hinc etiam cognosci potest discrimen inter genus orationis simplex & figuratum. v. g. si quis hosti suo diceret: *non est usq; adeo miserum, mori*. languidum videretur, si verò usurpet illud Virgilii. *Usque adeo ne mori miserum est?* præter rem significat insuper fortitudinem animi & contemptum generosum mortis. Hinc figuratæ locutiones, quando commoven- di sunt affectus, plurimùm contribuant; verba enim



enim docent, sed figuræ repræsentant internos affectus animi, ex quorum vivo contuitu formantur in similes motus mentes audientium juxta illud:

*Si vis me flere, dolendum est*

*primum ipsi tibi.*

Exinde etiam patet, falsum esse, quod Stoici dicebant, nullas dari impudicas voces; nec enim rationem habuerunt secundariorum idearum, quas mens primariis adjungit. Sic *adulterium, incastus, peccatum abominandum*, nomina obscena non sunt, licet res maxime obscenas significant, quia illas tantum exhibent obiectas idea secundaria horrores; tanquam velo, ita ut hæ voces non tam actiones ipsas, quam actionum flagitia significare videantur. Econtrà sunt aliæ voces, quæ easdem actiones nullo immissio horrore significant, imò illas potius ut gratas placentesque, quam ut flagitiosas notant, idea effrontis animi, turpitudinem propalantis ac impudenter ostentantis superaddita. Et hæ illæ voces sunt, quæ turpes & impudicæ vocantur. Idem dicendum de quibusdam circumlocutionibus, quibus actiones quædam publicè exprimentur, quæ quamvis legitime, nonnihil tamen corruptæ naturæ admixtum habent. Tales quippe verborum circuitus non tantum res ipsas simpliciter exprimunt, sed unâ probam dicentis dispositionem, adeo ut palam fiat è prudenti cautela quam adhibet, eum nonnisi gravatè & coactè de

illis loqui, illasque velle & sibi & aliis obvelatas. Cum econtrà qui de iisdem aliter & liberius loquuntur, ostendunt se in iis contemplandis cum delectatione versari, quæ delectatio cum turpis sit, mirum non est, voces illius turpitudinis ideam habentes turpes censeri & inverecundas. Hanc ob causam evenit aliquando, ut vox aliqua, quæ aliàs casta fuit, turpis postea evadat; nec in tali casu pro excusatione sufficit dicere, talem terminum in SS. Patribus, aut etiam scriptura usurpari; quia his terminis idea obscenitatis cujusdam ex posterorum usu accessit, maxime in lingua vernacula.

#### Cap. XV.

##### *De sensu secundario particulæ demonstrativæ hic.*

Particulæ demonstrativa hic, vel hoc primariò significat rem aliquam præsentem confuse ac genericè sumptam, dum verò addimus in conceptu attributa rei designatæ v. g. gemmæ, hoc jam pertinet ad ideas secundarias, quas principali significato superaddit. Hinc dum in consecratione dicitur: *Hoc est corpus meum*; Primarium significatum particulæ demonstrativæ idem manet, videlicet aliqua res præsens; & solum mutatur significatum secundarium, seu ideæ adscititiæ, nempe, idea panis cui substituitur idea corporis Christi.

## P A R S II.

### *De secunda mentis operatione.*

#### Cap. I.

##### *De Vocibus.*

Agitur de nomine, pronomine, relativis, eorumque sensu.

#### Cap. II.

##### *De Verbo.*

Ostendit, qualiter verba præter affirmationem etiam significant personam, numerum, tempus.

#### Cap. III.

##### *De propositione.*

Agit de subjecto, prædicato, seu attributo, de propositione affirmativa, negativa, universali, particulari.

#### Cap. IV.

##### *De oppositione propositionum.*

Agit de contradictoriis, contrariis, subalternis, subcontrariis.

#### Cap. V.

##### *De propositionibus complexis.*

Una propositio est, cujus est unum subjectum & prædicatum. quando ex parte subjecti, vel prædicati, vel ex parte utriusque dantur propositiones incidentes, adhuc tamen est una propositio. v. g. *Qui facit voluntatem Patris mei qui in cælis est, is regnum cælorum possidebit.* 2. Alexander, qui fuit Regum fortissimus, Darium superavit. 3. Beatus ille, procul negotiis

Ut prisca gens mortalium

Paterna rura bobus exercet suis

Solutus omni scœnore.

4. Ille ego qui quondam gracili modulatus avena

Carmen, & egressus sylvis vicina coëgi,

Ut quamvis avido parerent arva colono

Gratum opus agricolis. At nunc horrentia Martis

Arma virumque cano, Trojæ qui primus ab oris

Italiam fato profugus lavinaque venit littora.

Hæc omnia sunt una propositio.

#### Cap. VI.

##### *De natura propositionum incidentium.*

Propositiones incidentes funguntur officio adjectivi seu addidamenti ad substantivum. Tale autem vel est determinativum vel explicativum, prout in prima parte dictum est. Quando est explicativum, ita ut additamentum universalitatem in idea termini non immutet, pronomen omitti potest, & ipsum subjectum pronomini substitui. v. g. *Homines qui sunt creati ad gloriam Dei sunt redempti.* Possum dicere: homines sunt creati ad gloriam Dei. Quando verò pronomen est determinativum; ita ut restringatur universalitas subjecti. v. g. *Homines qui sunt pii salvantur.* Non possum dicere; homines sunt pii, Sed prædicatum *salvari* convenit homini & pietati simul junctis

Secundo potest contingere, ut uni termino convenient plures propositiones incidentes, in quarum



rum una pronomen sit explicativum, in altera determinativum. v. g. *Doctrina, quæ collocat summum bonum corporis, quæ fuit tradita ab Epicuro, est indigna in voluptate Philosopho.* In prima propositione incidente, quæ collocat &c. Pronomen est determinativum, in altera; quæ fuit tradita, pronomen est explicativum. Hinc dici potest, doctrina, quæ collocat summum bonum in voluptate corporis, tradita fuit ab Epicuro.

Tertio notandum, utrum pronomen sit determinativum, an explicativum, desumendum esse ex sensu & intentione loquentis.

## Cap. VII.

## De falsitate in terminis complexis &amp; propositionibus incidentibus.

Notandum 1. Veritatem propositionis principalis non tolli per falsitatem propositionis incidentis, nisi prædicatum propositionis principalis habeat aliquam connexionem cum propositione incidente. v. g. vera est: *Alexander M. qui fuit filius Absalonis, superavit Persas;* licet incidens falsa sit. Econtrâ falsa est: *Alexander, qui fuit filius Absalonis, fuit Saulis nepos.*

Notandum 2. Terminos complexos in titulis solum honorariis non falsificare propositionem. Sic quia olim Episcopi sancti & sanctissimi vocabantur, in colloquio Carthaginensi Episcopi Catholici minimè debitarunt Donatistas Episcopos sic compellare. *Sanctissimus Petilianus dixit.* Hoc verum erat, si quis tamen dixisset: *castissimus Petilianus dixit.* Fortè id verum non erat.

Hæc duo notanda procedunt de terminis complexis, ubi additiones sunt explicativæ, non verò, ubi sunt determinativæ.

## Cap. VIII.

## Agit de propositione modali.

## Cap. IX.

Agit de propositione copulativa, disjunctiva, conditionali causali, relativa, discretiva. *Relativam* vocat, quæ continet comparisonem vel relationem. v. g. ubi est thesaurus, ibi cor, qualis vita, talis mors. *Discretivam* vocat, ubi fiunt varia judicia, & varietas denotatur per *sed tamen.* v. g. fortuna opes non animum auferre potest.

Cælum non animum mutant, qui peregrinantur. Ad veritatem propositionis discretivæ requiritur veritas utriusque partis. Contradictoria illius est copulativa.

*Crisp.* NB. Hæc regula Arnaldi & absurda & falsa est. Absurda est, quia ipsa etiam propositio discretiva est propositio copulativa, adeoque absurdum est, illi contradictoriam assignare copulativam. Falsa autem est, quia propositioni copulativæ, qualis est discretiva, pro contradictoria assignari debet disjunctiva. v. g. dum dico: *Cælum non animum mutant.* sensus est: *Cælum mutant & animum non mutant.* Cui contradictoria est: *vel Cælum non mutant, vel animum non mutant.*

## Cap. X.

## Hic agit de propositionibus exceptivis, exclusivis, comparativis, inceptivis, desinitivis.

*Exclusiva* est, quæ ita prædicatum convenire *R. D. Euseb. Amort Philosophia.*

designat subiecto, ut illi soli conveniat. v. g. *Nobilitas sola est atque unica virtus.* Illi contradicuntur. 1. Negando prædicatum convenire subiecto. v. g. dicendo, virtutem non reddere nobilem. 2. Afferendo, prædicatum aliis rebus convenire. v. g. dicendo, nascendi fortem nobilem reddere. 3. Utrumque asserendo, v. g. dicendo, & virtutem & nascendi fortem nobilitare. Præterea notandum, dari propositiones exclusivas quoad sensum, v. g.

*Una salus victis nullam sperare salutem.*

*Qui gloriatur, in domino gloriatur.*

*Quo seminaverit homo, hæc & metet.*

*Exceptivæ* quoad solam phrasin ab exclusivis differunt tales sunt:

*Avarus nisi cum moritur nihil rectè facit.*

*Nemo miser, nisi comparatus.*

*Nemo læditur nisi à seipso.*

*Comparativæ* etiam continent tacitè duas propositiones tales sunt illud Epicuri:

*Dolor est malorum maximum.*

Et illud Scripturæ:

*Meliora sunt vulnera amici, quàm fraudulenta oscula inimici.*

*Melior est sapientia quàm vires.*

Hic notandum; comparativum non semper supponere positivum. v. g. dicitur in scriptura: *Melius est habitare cum dracone, quàm cum muliere litigiosa.* & in Evangelio dicitur: *Melius cui vis esse, ut illi suspendatur mola asinaria in collo, & demergatur in profundum maris, quàm ut minimum fidelium scandalizet.* quin tamen bona sit habitare cum dracone. hocque non solum verum est, quando comparantur duo mala ad invicem, sed & in aliis casibus, quod celebri exemplo liquet. Disputaverat quondam S. Augustinus cum Cresconio Donatista. Dixerat Augustinus: *Traditiones nos (Catholici) vobis Donatistis probabilius objicimus.* Respondit: Cresconius *Si enim vos probabilius; nos ergo probabiliter nam gradus iste, quod ante positum est, auget, non quod ante dictum est, improbat.* Sed primò S. Augustinus conquestis ex S. Litteris exemplis hanc inanem subtilitatem retundit, citato inter reliqua ex Epistola ad Hebræos loco, in quo D. Paulus, postquam dixerat, terram quæ spinas profert, maledicto proximam esse, subjicit: *Confidimus autem de vobis fratres charissimi meliora. Non quia, inquit Augustinus, bona illa erant, quæ supra dixerat, spinas proferre, & usionem mereri* dein affert aliud exemplum ex Virgilio, ubi loquens de illa insania, qua nonnulli

*Discissos nudis laniabant dentibus artus.* Addit: *Dii meliora piis, errorenaque hostibus illum.*

*Inceptivæ & desinitivæ* etiam continent tacitè duas propositiones tales sunt:

*Judæi post captivitatem Babylonicam desierunt uti antiquis litteris.*

*Lingua Latina desuit esse vulgaris ab annis quingentis in Italia.*

*Judæi quinto post Christum sæculo cæpere uti punctis loco vocalium.*

Hic notandum, licet circa propositiones exclusivas, exceptivas, inceptivas, desinitivas variis modis possint proponi propositiones contradictoriæ, non



non tamen circa eas recte contradici, si præcisè negentur, aut iis præponantur particulæ negativæ *Non*, non determinando, utrum negatio afficiat hanc vel illam partem propositionis taliter compositæ. v. g. si quis dicat: *Solus Epicurus summum bonum collocavit in voluptate*. Non recte contradico dicendo; *Non solus Epicurus summum bonum collocavit in voluptate*. Sic enim non recte declaro sensum meum, utrum existimem, Epicurum non posuisse summum bonum in voluptate, vel utrum credam, Epicurum in hac opinione non esse solitum. Eodem modo, si quis perspecta à me iudicis æquitate quæreretur. *Vanaliterne apud illum etiamnum est iustitia?* non debeo simpliciter negare propositionem, quia sic præberem ansam credendi, saltem aliquando ab eo fuisse venditam iustitiam.

*Crisis.* NB. His omnibus Regulis Arnaldus potuisset parcere, si vel attendisset hanc solam; Quod omnis propositio debeat dividi in tot distinctas propositiones, quod continet objecta affirmationis aut negationis; & quod propositioni copulativæ contradicatur per disjunctivam.

### Cap. XI.

#### De investigando subjecto & prædicato propositionum.

Invehitur hîc Arnaldus in vulgarem Logicam Scholasticam, quod tantum utatur propositionibus, in quibus subjectum & prædicatum ordinatè ac explicite ponitur, nec assuefaciat tyrones ad propositiones usitatas in communi modo loquendi, v. g. has. *Turpe est obsequi libidini*. Vel illa Pauli: *Est autem questus magnus pietas cum sufficientia*. vel illa Virgilii.

*Felix qui potuit rerum cognoscere causas,  
Atque metus omnes, & inexorabile fatum  
Subiecit pedibus, strepitumq; Acherontis avari*

in quibus omnibus propositionibus id, quod primo loco ponitur, *Turpe, Questus, felix*, est prædicatum. Tandem concludit; subjectum & prædicatum ex sensu desumendum esse.

*Crisis.* NB. Logica vulgaris statim ab initio de *Terminis* tradit similia exempla, & simili modo nos remittit ad sensum propositionis; non itaque indiget monitore Arnaldo.

### Cap. XII.

#### De investigando sensu Universali vel particulari propositionum.

*Prima Observatio.* In duas species universalitas distinguenda est. una est Metaphysica, altera Moralis. *Metaphysica* est quæ nullam habet exceptionem, v. g. *Omnis homo est animal*. *Moralis* est, quæ habet exceptionem, & quæ procedit, dum res ut plurimum ita se habet. Tales propositiones Morali-ter universales sunt.

Illud Apostoli: *Cretenses semper mendaces, mala bestia, ventres pigri*

Et *Omnes quæ sua sunt quarant,*

Illud Horatii.

*Omnibus hoc vitium est cantoribus, inter amicos  
Ut nunquam inducant animum cantare rogati,  
Injussi nunquam desistant.*

Et. *Mulieres sunt garrulae.*

*Adolescentes inconstantes & varii.*

*Senes laudatores temporis acti.*

Moderatio circa tales propositiones duo præcipit: Unum est, ut ex universali propositione non statim inferamus conclusionem particularem, v. g. quemvis in particulari Cretensem esse mendacem; nisi casum illum particularem prius rite examinaverimus. Alterum est, ne tales propositiones universales statim impugnemus aut habeamus pro falsis, etiam si possumus asserere aliquas instantias, in quibus à vero abluant. Nobis verò satis erit, si ab aliis ultra justos limites extendantur, ostendere, eas non debere tam strictè ad litteram sumi.

*Observatio 2.* Sunt quædam propositiones, quæ inter Metaphysicas numerari debent, licet quasdam exceptiones habere possint, nimirum cum hæ exceptiones exoticæ sunt, qualesque ex usu communi sub his terminis universalibus non comprehenduntur. v. g. si dico: *Omnes homines habent duo brachia. Omnes homines utuntur voce ad pandenda animi sensa*. Insulsè quis exciperet, dari monstra, qui habeant quatuor brachia; & dari mutos. quia propositiones illæ universales ex sensu communi omnibus obvio solum loquuntur de hominibus secundum communem ordinem naturæ constitutis, sub quo ordine nec monstra comprehenduntur, nec muti.

*Observatio 3.* Dantur propositiones universales, quæ verificantur de generibus singulorum, non de singulis generum. v. g. *omnia animalia fuerunt in arca Noë*. Et quod Christus Phariseis ait: *Decimatis omne olus*. Et quod D. Paulus. Sicut & ego omnibus per omnia placeo.

*Observ. 4.* Aliquæ propositiones sunt universales, in quantum pars prædicati retrahitur ad subjectum. v. g. *Omnes homines sunt iusti per gratiam Jesu Christi* sensus est: *Omnes homines iusti sunt iustificati per gratiam Jesu Christi*. Vel: *Sicut omnes per Adamum moriuntur, ita omnes per Jesum Christum vivificabuntur*. id est: omnes qui vivificantur, per Christum vivificantur. Huc pertinent propositiones quædam moraliter universales. v. g. *Germani sunt in militia fortes, Batavi experti nautæ, Flandri boni pictores, Italia optimi conædi*. id est, ii, qui ex Germanis sunt milites, qui ex Flandris pictores &c. esse cæteris nationibus præstantiores.

*Observatio 5.* Dantur plures aliæ particularitatis notæ, quàm sunt hæ: *Quidnam, aliquis*. v. g. *Sunt, qui existimant*. vel: *non omnis, qui mihi dicit Domine Domine intrabit in regnum cælorum*. vel *non omne peccatum crimen est*.

*Observatio 6.* Falsum est, quod traditur in summa, propositiones indefinitas tantum in materia necessaria esse universales, in materia verò contingenti esse particulares. nam omnis propositio indefinita etiam in materia contingente debet esse universalis saltem moraliter. Homines enim omnes tales propositiones rejiciunt, ut falsas, nisi universalitate morali universaliter veræ sint. Quis enim concederet has propositiones. v. g. *Ursos esse albos*



albos, homines esse nigros, Parisienses nobiles, Polonos Socinianos, Anglos tremulos Enthusiastas, quamvis aliqui urfi, nempe in Nova Zembla, & aliqui homines, nempe in Æthiopia, & aliqui Parisienses nobiles sint? econtrā verā erunt, si dicam: *Galli sunt inconstantes, Itali iracundi, Germani proceri, Orientales voluptuosi*. Poterit ergo hūc distinctio adhiberi, ut propositiones indefinitæ in materia doctrinali dicantur universales, v. g. *Angeli sunt incorporei*; in rebus verò facti, & narrationibus Historicis esse particulares, v. g. ubi in evangelico dicitur, *Milites placentes spineam coronam imposuerunt capiti ejus*.

*Observatio. 7.* Hæc nomina *populus*, *communitas* &c. non reddunt propositiones, quibus inferuntur, universales, nec particulares, sed singulares, v. g. Si dico: *Romani vicerunt cartaginem. Veneti bellum gerunt adversus Turcam*. Hoc neque intelligitur de omnibus Romanis & Venetis, neque de majori parte, neque tantum de aliquibus; sed consideratur totus populus instar unius hominis, qui per particulares agit tanquam sua membra.

## Cap. XIII.

## De divisione.

Præter regulas divisionis ordinarias observat, divisionem nec nimiam esse debere, nec nimis parcam. Petrus Ramus voluit, omnem divisionem tantum debere esse bimbrem. Sed cum in scientiis quæzatur claritas & facilitas, tria plurave membra rejici non debent. Nimia subdivisiones obruunt mentem, & pariunt coipso confusionem; *Confusum enim est, quidquid in pulverem sectum est*.

## Cap. XIV.

## De duplici subiecto propositionis, tanquam eodem.

Sic quamvis aer nos ambiens singulis momentis alius sit, concipimus tamen eundem, dum dicimus: aerem frigidum factum esse calidum, cum fortè frigidum tantum calidus successerit. Ita de flumine loquentes dicimus hæc aqua heri turbida erat, cum tamen non sit eadem aqua. *In idem enim flumen*, inquit Seneca, *bis non descendimus; manet idem fluminis nomen, aqua transmissa est*. De corpore animantium loquimur, ac si semper idem esset, licet non simus persuasi post decem annos ullam prioris materiæ particulam superesse. Augustus dicebat se Urbem Romanam invenisse lateritiā, reliquisse marmoreā. De civitate, domo, æde sacra dicimus, quod tali tempore destructa, alio tempore restituta fuerit. Clarum ergo est, in similibus à nobis formari ideam confusam subiecti tanquam ejusdem, dum mens diversitatem aut successionem subiectorum non adeo attentè percipit. Hinc & evidens est; illa verba: *Hoc est corpus meum*, nec rationi, nec communi loquendi usui repugnare, si sic explicentur; *Quod hoc momento panis est, alio momento est corpus meum*.

R. D. Euseb. Amort Philosophia.

## Cap. XV.

## De definitione.

Tradit communes regulas. Sed in exemplis conatur ostendere, contra illas peccare definitiones Aristotelicas. v. g. dum *motus* definitur esse *actus entis in potentia prout est in potentia*. Non enim putat per hoc ideam definiti reddi clariorem. Sed Arnaldus debuisset distinguere *Clara* claritatem conceptuum à claritate verborum; & ipsam claritatem debuisset distinguere in eam, quæ est ex suppositione; & eam quæ est absoluta. Sunt nonnunquam verba obscura, quia sensus obphrasin inusitatam non est statim obviu; potest autem sensus esse clarus, sicut contingit Gallo aut Italo, qui non intelligit rectè axiomata & phrasas Germanicas. Potest etiam demonstratio in Astronomia esse clarissima ei, qui prius claram habet notitiam Geometriæ; dum aliàs obscura manet. Sic etiam ingeniis non imbutis Philosophia abstracta definitiones Aristotelicæ obscuræ manent, dum alii, qui omnia in mundo reali fieri censent, ut existunt in mundo intellectuali, easdem intelligunt & amant.

## Cap. XVI.

## De propositionibus, in quibus rerum nomina tribuuntur signis.

Dicimus aliquando de imagine Cæsaris. *Hic est Cæsar*. vel de mappa Geographica Italiæ: *Hoc est Italia*. Quod verò non liceat cuivis quidlibet pro sua phantasia assumere in rationem signi, & signo imponere nomen rei significatæ, cuivis patet. Quis enim toleraret dicentem: *Lapis est equus. Asinus est Rex Persæ* quamvis his res in sua mente hæc signa destinasset. Itaque tradendæ sunt regulæ, secundum quas liceat vel non liceat, signo imponere nomen rei significatæ. Sint ergo istæ.

*Prima.* Respectus remotiores, qui sensibus non apparent neque ipsi menti primo intuitu occurrunt, quique per meditationem demum elucet, nullo modo sufficiunt, ut signis illico nomen rerum signatarum tribui rectè possit. Ita enim nullæ ferè res forent, inter quas tales respectus reperiri non possent. Neminiq; obscurum est, quod respectus atque similitudines non statim in oculos incurrentes non sufficiant ad id, ut mens ad sensum figuræ perducatur.

*Secunda.* Non sufficit, ut signo nomen rei significatæ in primo statim themate, quod de ea proponitur, tribui possit, si quis scit, eos, ad quos sermo dirigitur, illud jam pro signo alterius rei plane diversæ reputare. Scimus v. g. Laurum signum esse victoriæ, & Oleam pacis, His autem licet probe cognitis nemo inducitur, ut approbet sermonem illius, qui Laurum Regi Chinesium, Oleam Turcarum Imperatori ceu signum in animo suo destinaverit, inque horto deambulans alteri dixerit: En! Hæc Laurus est Rex Chinesium, & hæc olea est Imperator Turcarum.

Aa aa 2

Tertia



*Tertia.* Quævis præparatio, quæ mentem tantummodo in expectatione magnæ alicujus rei constituit, ita tamen eam non præparat, ut certam rem tanquam signum consideret, nullo modo sufficit, ut hinc signo nomen rei prima institutione per id significatæ jure tribui possit. Ratio ejus patet, quoniam non adest directæ & propinqua consequentia inter ideam magnitudinis & ideam signi; & sic una non ducit mentem ad alteram.

*Quarta.* Tunc solum licet nomen rei significatæ imponere signo, quando illi, ad quos sermo dirigitur, aliquid pro signo jam reputant, & tantum scire desiderant, cujusnam rei signum sit. Ita Josephus Pharaoni respondere poterat, septem vaccas pingues & septem spicas plenas, quas per somnium viderat, esse septem annos abundantes, quia probe noverat, Pharaonem de hoc tantum esse sollicitum; sibi quæ hanc movere questionem. Quidnam est illud, quod hæ vaccæ pingues, & spicæ plenæ significant? Ita Daniel optime respondit Nabuchodonosori; eum esse caput illud aureum, quod ipsi proposuerat somnium. Ita & Deus Ezechieli ostendens campum plenum ossibus ait: *Hæ ossa esse domum Israël.*

Huic regulæ non obstat, quod dicunt, in Scriptura *circumcisionem vocari fœdus*, quin prius illi, ad quos dirigebatur Scriptura, circumcisionem pro signo habuerint. Fieri ergo posse, ut ipsa propositio simul, dum profertur, significet aliquid esse signum, & cujus rei sit signum, nam hæc propositio: *Circumcisio est fœdus* non continetur in Scriptura. Sed prius dicit Deus: *Ecce, fœdus, quod inter vos, & me firmum esto.* Dein primum Deus subjicit conditionem fœderis. *Omne masculinum inter vos circum-*

*cidetur.* Itaque ex his regulis bene actum est, quod in his verbis: *Hæc est corpus meum* omnes populi non deciderint pro sensu figurato, sed pro reali. Quia Apostoli cum panem non considerarent ut signum, adeoque de ejus significatione non essent solliciti, Christus, si tunc nomen rei signo tribuisset contra morem ab omnibus hominibus receptum, eos decepisset.

## Cap. XVII. XVIII. XIX. XX.

### De conversione propositionum.

Affirmatio est tantum unio duarum idearum inter se, negatio vero est separatio duarum idearum inter se. Hinc clarum est, parum referre, quam ideam primo loco ponam, quam secundo. Sed in conversione tali idearum seu subjecti ac prædicati solum notandum est, ut servetur semper eadem ideæ extensio seu universalitas, & eadem comprehensio seu natura.

Hic Arnaldus affert regulas conversionis communes, sed modo obscurissimo v. g. ponit Axioma: 1. *Attributum in propositione affirmativa ponitur in subiecto secundum omnem extensionem, quam subiectum habet in eadem propositione.* Sensus est: quod prædicatum in hac v. g. propositione: *homo est animal*, sumatur tantum particulariter, & quidem non majori nec minori universalitate, quam patet homo. Axioma. 2. *Attributum propositionis affirmativæ affirmatur secundum integram comprehensionem.* Sensus est, quod si v. g. dicam: *Rectangulum est parallelogrammum*, affirmem de Rectangulo totum id, quod comprehenditur in idea parallelogrammi: nam si pars una deesset, non affirmaretur totum parallelogrammum.

## P A R S III.

### De discursu, seu Syllogismo.

**I**N Procemio observat. errores hominum non tam frequenter provenire à malis illationibus, & discursu, quam à falsis principiis; & ideo majorem curam adhibendam esse in corrigendis præjudiciis, quam cavendis consecutionibus erroribus.

Cap. I. De partibus syllogismi.

Cap. II. De syllogismo complexo. Talem vocat, in quo termini sunt complexi. v. g.

Omnis bonus princeps à subditis diligitur:

Omnis Rex pius est bonus princeps;

Ergo omnis Rex pius à subditis diligitur.

Cap. III. Regulæ generales syllogismi.

Cap. IV. De quatuor figuris.

Cap. V. Regulæ & Modi figuræ. 1.

Cap. VI. Regulæ & Modi figuræ. 2.

Cap. VII. Regulæ & modi figuræ. 3.

Cap. VIII. Regulæ & Modi figuræ. 4.

In his omnibus Arnaldus affert communia, nisi quod subin loquatur obscurius, quam Scholastici, & pro exemplis syllogismorum afferat syllogismos, de objecto aliàs utili, qualis est prior C. 2. Hoc tamen observo, tales syllogismos plerumque esse longiores, & ob materiæ diversitatem non solum

esse memoriæ difficiliore, sed etiam minus commodos, contuendam omnium syllogismorum analogiam inter se. si enim in omnibus figuris & modis retineo eandem materiam, & simplicissimam, qualis est in Summulis ordinariis, facilius intueor diversitatem modorum & figurarum, utpote objecto ac subiecto manente eodem,

Cap. IX. De Syllogismo complexis.

Cum plerique syllogismi communiter adhiberi soliti complexi sint, nec de eorum bonitate judicari possit, quin reducantur ad syllogismos communes, videtur esse operæ pretium docere, quomodo syllogismi complexi ad simplices reducantur; cum tamen hæc reductio videatur esse opus nimis subtilitatis, quæ à Gallis sub vili nomine *Pedance-rie* comprehendere solet, melius videtur, si pariles in aliis materiis contexantur syllogismi, ut ex eorum veritate aut falsitate appareat, an forma sit legitima.

### Exemplum. I.

Divina lex jubet, ut Reges honoremus,

Ludovicus XIV. est Rex;

Ergo lex divina jubet, ut honorem Ludovicum XIV.

Cl-



Clarum est vim argumenti in his aliis propositionibus esse.

Reges sunt honorandi:

Ludovicus XIV. est Rex;

Ergo Ludovicus XIV. est honorandus.

Itaque hæc propositio: *Lex divina jubet*, quæ principalis videtur in syllogismo, est tantum indidens.

NB. Melius diceret Arnaldus, talem syllogismum in duos syllogismos dividendum, quorum posterior sit probatio Majoris, sic:

Illud est agendum, quod lex divina jubet;

Sed lex divina jubet honorandos esse Reges;

Ergo Reges sunt honorandi.

### Exemplum 2.

Debemus credere scripturæ:

Traditio non est scriptura;

Ergo non debemus credere traditioni.

Vitium hujus syllogismi apparet, si reducaturn ad primam figuram. tunc enim apparebit Minorem esse negativam, sic:

Credendum scripturæ est:

Traditio non est scriptura;

Ergo credendum traditioni non est.

### Exemplum 3.

Omnis bonus pastor paratus est animam ponere pro ovibus:

Sunt autem pauci pastores, qui parati animam ponere pro ovibus;

Ergo sunt pauci pastores boni.

Hic syllogismus videtur affirmativus in secunda figura, & sic malus per regulas. Sed si inspicatur sensus, tam nimis, quam conclusio est negativa. sensus enim est: Multi pastores non sunt parati &c. Ergo multi pastores non sunt pastores.

### Exemplum 4.

Omnes illi, quibus eripi non possunt ea, quæ amant extra inimicorum insidias positi sunt.

Sed illis, qui solum Deum amant, eripi non potest quod amant;

Ergo illi omnes, qui solum Deum amant, positi sunt extra inimicorum insidias.

Hic syllogismus in prima figura videtur habere Minorem negativam, & ideo esse vitiosus. Sed revera Minor est affirmativa; est enim hic sensus: Omnes illi, qui Deum amant, ex eorum numero sunt, quibus ea, quæ amant, eripi non possunt.

### Exemplum 5.

Soli Dei amici sunt beati:

Sed sunt aliqui divites, qui non sunt amici Dei;

Ergo sunt aliqui divites, qui non sunt beati.

potest sic reddi:

Quisquis non est amicus Dei, beatus non est:

Sed sunt aliqui divites ex eorum numero, qui non sunt amici Dei;

Ergo sunt aliqui divites, qui non sunt beati.

Sic ergo Minor, quæ videbatur negativa, evasit affirmativa,

### Exemplum 6.

Quidquid non habet partes, interire non potest per dissolutionem partium:

Sed anima nostra non habet partes;

Ergo anima nostra interire non potest per dissolutionem partium.

In hoc syllogismo videtur Minor esse negativa, adeoque totus syllogismus constare meris propositionibus negativis, cum tamen ex meris negativis nil sequatur. Sed revera Minor est affirmativa, quia sensus est: *Anima nostra est res, quæ non habet partes*, sicut in Majori subjectum erat: *Id*, seu *res*, quæ non habet partes.

#### Cap. X.

#### Principium Generale Syllogismorum.

Est illud, quod conclusio debeat contineri in una præmissarum.

Cap. XI. *Idem prosequitur.*

#### Cap. XII.

#### De Syllogismis Conjunctivis.

Conjunctivos syllogismos vocat, quorum Major sic componitur ut integram conclusionem contineat. Sunt triplicis generis, conditionales, disjunctivi, copulativi.

In conditionalis prima Majoris pars vocatur *antecedens* secunda *consequens*. v.g.

Si Deus est, amandus est;

Sed Deus est;

Ergo Deus amandus est.

Si Deus est, est antecedens amandus est, est consequens.

NB. Melius prima pars ab aliis vocatur *conditio*, secunda *conditionatum*.

Regula 1. Affirmatio antecedenti in Minori recte in consequente affirmatur consequens.

NB. Alii sic loquuntur: Purificata conditione in Minore recte in conclusione inferitur conditionatum, v.g.

Si materia prima non movetur à seipsa primus illi motus debuit imprimi à Deo?

Sed materia prima non movetur à seipsa;

Ergo primus motus illi debuit imprimi à Deo.

Regula 2. Sublato consequenti tollitur antecedens. v.g.

Si quispiam electorum perit, Deus fallitur:

Sed Deus non fallitur;

Ergo quispiam electorum non perit.

Sic D. Augustinus dicitur his verbis: *Horum si quispiam perit, fallitur Deus: sed nemo eorum perit; quia non fallitur Deus.*

Regula 3. Affirmato consequente non licet inferre antecedens, v.g. mala est illatio:

Si Sinenfes sunt Mahumedani, sunt infideles:

Sed sunt infideles;

Ergo sunt Mahumedani.

Aa aa 3

Regu-



*Regula 4.* Negato antecedente non licet negare consequens. Sic est mala illatio :

Si Sinenſes ſunt Mahumetani, ſunt infideles :

Sed non ſunt Mahumetani,

Ergo non ſunt infideles.

Hic tamen notandum, eſſe ſyllogiſmos, qui hoc ultimo vitio laborare videntur, cum tamen legitimi ſint, eò quòd Major tacitè habeat ſenſum excluſivum, v. g. Juno apud Virgilium utitur ad Jovem hoc ratiocinio :

Si ſinè pace tua, atque invito Numine Troës Italiam petiere, luanit peccata, neque illos Jueris auxilio. Sin tot reſponſa ſecuti, Quæ Superi Manesque dabant, cur tua quicquam

Flectere juſſa poteſt, aut cur nova condere fata, ponamus hanc orationem reduci ad hunc ſyllogiſmum.

Si Trojani invito Numine Italiam petiere, puniendi ſunt.

Sed non petiere invito Numine :

Ergo puniendi non ſunt :

hic ſyllogiſmus videri poſſet malus, & ſimillimus huic.

Si Judas ſinè vocatione Apoſtolus factus eſt, debuit à Deo rejici.

Sed non eſt factus Apoſtolus ſinè vocatione;

Ergo non debuit à Deo rejici.

Itaque dicendum, Majorem in priori Syllogismo eſſe excluſivam, ita ut ſenſus ſit : *Tunc tantum puniendi ſunt Trojani, ſi invito Numine Italiam petiere.*

De Syllogiſmis diſjunctivis, eſt

*Regula 1.* Uno diſjunctiōis membro in Minori reſecto, alterum in concluſione ſtabilitur v. g.

Qui peccant puniuntur vel in hac vita, vel in quadam altera:

In hac non omnes puniuntur;

Ergo puniuntur in altera.

*Regula 2.* Quando in Majori ſunt tria diſjunctiōis membra, tunc duobus in Minori reſectis, tertium ſtabilitur in concluſione. Sic D. Auguſtinus l. de mendacio diſcurrit.

*Aut non eſt credendum bonis, aut credendum eſt iis, quos credimus debere aliquando mentiri, aut non eſt credendum, bonos aliquando mentiri.*

*Horum primum pernicioſum eſt ſecundum ſtultum. Reſtat ergo ut nunquam mentiantur boni.*

*Regula 3.* Uno diſjunctiōis membro in Minori affirmato in concluſione ſtabilitur alterum v. gr.

D. Bernardus prædicans ! Cruciatum vel ſanctus erat, vel impoſtor :

Sed Sanctus erat;

Ergo impoſtor non erat.

De Syllogiſmis copulativis eſt

*Regula 1.* Quando propoſitiōis copulativæ negativæ una pars in Minori ſtabilitur, altera in concluſione rejicitur, v. g.

Nemo poteſt duobus Dominis ſervire Deo & Mammonæ:

Avarus Mammonæ ſervit;

Ergo non ſervit Deo.

*Regula 2.* Econtra in tali ſyllogiſmo negata

una parte in Minori non neceſſariò in concluſione ſtabilitur altera, v. g. non bene inferitur :

Nemo poteſt duobus Dominis ſervire Mammonæ & Deo :

Sed prodigi non ſerviunt Mammonæ;

Ergo ſerviunt Deo.

### Cap. XIII.

#### *De Syllogiſmis Hypotheticis.*

Syllogiſmum hypotheticum vocat quando ſola concluſio hypothetica eſt. v. g.

Omne corpus lumen quaquaverſum reflectens ſcabrum eſt ;

Ergo ſi luna lumen quaquaverſum reflectit corpus ſcabrum eſt.

Conatur Arnaldus tales ſyllogiſmos hypotheticos ad categoricos in *Barbara*, celarent. &c. reducere ; ſed modum, quo reducantur, non oſtendit

Cap. XIV. De Enthymemate,

Cap. XV. De Sorite.

Cap. XVI. De Dilemmate.

Cap. XVII. De Locis Topicis. Hic Arnaldus more omnium Neotericorum contemnit Locos Topicos velut inutiles ; eò quòd ab experientia conſtet, neminem, cum diſcutienda eſt aliqua quaſtio, de his locis cogitare, aut ex iis probatiunculas quærere. Hinc & Quintilianum, quamvis aliàs magni hanc artem fecerit, falſum eſſe, cum materia dicenda propoſita fuerit, non eſſe ſcrutanda ſingula & velut oſtiatim pulſanda ea argumenta, ut ſciamus, an ad id probandum, quod intendimus, forte reſpondeant. Ad hos Locos Topicos attendere rem ſimillimam eſſe, ac ſi quis ambulare volens attendere velit ad leges Geometricas, ſecundum quas pes dirigitur à natura ; aut ſiquis docere volens motum progreſſivum infanti, admoneat v. g. ſpiritus animales in hos nervos amandandos, tales in muſculis motuſciendos, pedem unum alteri præponendum, ac demum illi alteri inſiſtendum, donec prior promoveatur, ut enim habet S. Auguſtinus l. 2. de doct. Chriſt. C. 37. Plerumque accidit, ut facilius homines eas reſ aſſequantur, propter quas diſcendas iſta diſcuntur, quàm talium præceptorum nodofiſſimas & ſpinofiſſimas diſciplinās. tanquam ſi quiſpiam dare volens præcepta ambulandi moneat non eſſe levandum pedem poſterioſorem, niſi cum poſueris priorem ; deinde minutatim quemadmodum articulorum & poplitum cardines oporteat movere deſcribat. Vera enim dicit, nec aliter ambulari poteſt, ſed facilius homines hæc faciendū ambulant, quàm animadvertunt, cum faciunt aut intelligunt, cum audiunt. Sic illi. Verum nimium, ut ſolent, præcipi-  
tantes in hac re judicant Neoterici non intelligentes naturam humani ingenii & naturam memoriæ. Id quidem conceſſerim, nec Rhetorem, nec Philoſophum, nec Theologum, nec cujuſvis alterius ſcientiæ cultorem cogitare de his Locis Topicis, dum argumenta inquirat, & dum operatur ex his ipſis Locis Topicis.

Sed



sed hoc non probat, doctrinam de Locis topicis profundè insculptam memoriæ inutilem esse. nam & Organædus, & Cytharædus, & pictor, & sutor, & sartor, & quivis alius artifex non ampliùs cogitat de regulis artis, dum operatur, quamvis nemo dixerit, regulas artis fuisse inutiles. Immo eas ipsas regulas, quas tradit Arnaldus in sua Logica, aut eas, quas tradunt alii, omnesque animadvertiones quæ traduntur in Logica, aliisve scientiis & artibus quis dixerit semper observari explicitè menti, dum Magistri artis rectissimè secundùm artem discunt? Non itaque omne illud inutile est, de quo actu non cogitamus, in directione artium. Dicant ergo Neoterici, quid & quomodo profunt regulæ artis v.g. Grammaticæ, aut Musicæ, aut scriptoriæ, aut statuariæ &c. dum de illis non cogitat artifex? dicam, quod Neoterici nesciunt: Hoc profunt regulæ, ut nobis forment naturam alteram. ut enim vulgò in proverbio est: consuetudinem esse naturam alteram, sic & habitus ac consuetudines artium sunt quedam natura altera humani ingenii, quæ rectè constitutâ ultrò actus regulatissimi & ordinatissimi etiam nobis non cogitantibus de causa erumpunt. si enim tanta est vis naturæ primitus à Deo constitutæ, ut per dispositiones miras ac inenarrabiles humani ingenii occurrat memoriæ quod volumus, nobis non solum nil de eo naturæ artificio cogitantibus, sed nec illud quovis conatu intelligentibus, quis neget per artes sic eandem naturam disponi posse, ut sicut natura juxta exemplar divinæ sapientiæ componitur, sic eadem juxta ideam artis per regulas ac præcepta similem formam, vultumque induat. Sunt & naturæ sui moduli sicut in figulina, aut coquinaria, aut fusoria; si modulus rectè à natura vel arte effingitur, exeunt vasa honoris aut contumeliæ, amphoræ aut urceoli, rectum, distortum, pulchrum, turpissimum, ut tulerit modulus; sit & ex humano ingenio disposito exeunt cogitationes malæ aut bonæ, prout permiserit ac formam impresserit modulus artis Logicæ, acquisitus per præcepta verâ diu, diu reversa habitus. Solet fieri, ut in senibus plerumque vigeat cana prudentia; quod si ergo à talibus in arduo negotio petas consilium; dicent: sic illis videri, si infes, cur hoc magis præ altero eligant, offendes forte, qui rationem afferat, plures invenies, qui nullam addiderint. An ergo in illo gravissimo senum judicio nulla latet prudens ratio? latet enimvero, quis enim sine ratione sapientem dixerit; sed cum per longam annorum experientiam sic tandem oculus humanæ mentis optimè constitutus sit, ut vasto intuitu inter innumera errorum pericula non nisi rectum videat, contingit, ut non opus habeat senilis prudentia laborioso per annos præteritos reditu, quò per reflexionem ad experientias innumeras reddat suæ rationem scientiæ. Cedat ergo & Neoteriæcorum immatura levitas antiquæ orbis sapientiæ, quæ semper per Locos Topicos & didicit, & disci posse exemplo ac experientiâ docuit. Facebat illa humani ingenii cum pede indocili atque indocto paritas. Ingenium speciebus, & ordinato specierum exercitu movetur ac regitur; potentia locomotiva spiritibus animalibus brutis, cœcis, & indomitis servili naturæ imperio dirigitur. Habet quidem libertas animæ in pauculos

etiam animales spiritus veluti reliquorum ex cerebro directrices imperium, sed & hoc non est absolutum ac Monarchicum, sed directivum tantum, quo singulos in membris singulis regat juxta leges suæ, ut ita dicam, provinciæ. In solo mentis imperio & cogitationum regno valent & audiuntur leges ad placitum: hic ars præcipit, & obeditur; hic ordinant vias publicas Loci Topici, hic officinis singulis, quid vendant, suus inscribitur titulus; interest plurimum, habere vias paratas ac faciles, quibus quæras; nosse, ubi quærendum; ac primo intuitu videre forum ordinatissimum exemplorum omnium possibilium in omni argumentorum genere. Animus tuus te non reflexè ad singula cogitante ista omnia videt, aut saltem hæc omnia simul motu suo in cerebro afferuntur & offeruntur animo, ut possit videre, si velit, quod velit, motus consimilium & argumentorum & relationum conjungant se ultrò tuæ, quàm discitis materiæ, & qua parte similes modos tendendi ac similes relationes recipit, eam ad similes motus, formulasque argumentorum stimulant; inde fit, ut illi, qui in Locis Topicis per profundam meditationem, ac exemplorum copiam exercitatissimus est, facilius occurrant, quæ quaesierit, argumenta. Sic clamat totius orbis experientia, & vanam Neoteriæcorum subtilitatem nil profundè ultra corticem investigantem confundit.

Cap. XVIII. De Locis topicis in specie, quos secutus Claubergium, limati judicii, inquit, rationis, accurata Philosophum, in Grammaticos Logicos, & Methaphysicos distinguit.

NB. Quàm inconstans ac varium est Arnaldi *Criti* judicium! Claubergius in sua Logica Contracta, ut vocat, nil tradit, quàm meras definitiones nominum, ut Aristoteles de Prædicamentis nec inter Neotericos ullam pejorem quàm Claubergii Logicam reperi. Interim Arnaldo Aristoteles displicet Claubergius placet, priore in plerisque deterior in paucis nec hilo melior.

Cap. XIX. De Sophismate. Afferit communia. Nisi quod semper afferat exempla ex Philosophia Neoteriæcorum, in iisque supponat certa, quæ haud *Criti* dubiè falsa sunt. Peccat ergo Arnaldus contra Methodum perpetuò, dum in doctrina Regularum Logicæ sumit exempla ad minimum dubia. Methodus suadet, ut sicut regulæ debent esse certæ, etiam exempla extra controversiam sint. Alioquin cogemur in Logica fieri boni Physici, & sic prius discere scientias, antequam didicerimus Logicam, modum sciendi.

#### Cap. XX.

*Sophismata, quæ in conversatione communi solent contingere.*

Hæc sunt duplicis generis; unum oritur ex inordinatione voluntatis, alterum ex rebus ipsis. Sunt autem ista.

*Primum*



*Primum* est : sophisma *Philautia*, utilitatis, & affectus. Solet hoc contingere, quando aliqua dogmata ab integra natione, aut hominum professione pro veris habentur, dum ab alia natione vel professione universim rejiciuntur. Dum enim fieri nequit, ut aliud sit verum in Hispania, aliud in Gallia, quid causæ est, ut tam diversa sentiant? v. g. cogitat quispiam, hujus sum ego nationis; ergo mihi sic sentiendum, quod communiter creditur in hac Provincia. Hujus sum ego Ordinis aut instituti; ergo mihi ista opinio amplectenda. Solet nempe utilitas, aut affectio nos commonefacere, ut curatori studio eas rationes pensitemus, quæ stant pro parte, ex qua veritatem se tenere optamus. Verum hoc pondus inclinationis non est æquilibrium veritatis.

*Secundum* est, sophisma ex astimatione aut amore hominum. Sæpe solet contingere, ut mutato affectu erga hominem etiam mutetur judicium. Sic habentur communiter pro temerariis, superbis, perfidis &c. qui novo crimine in aliorum odium inciderunt, cum tamen prius, dum adhuc erant in amoribus, vitæ integri, scelerisque puri haberentur. Quidquid desiderant, id æquum est, & factu facile: quidquid averfantur, id ingenium, & impossibile. Hi tales, quamvis formaliter non sic ratiocinentur: *Amo hunc ergo est hominum optimus: illum odi, ergo est pessimus* reipsa tamen hoc ordine cogitationum & affectuum procedunt.

*Tertium* est, ex præjudicio propriæ autoritatis. sunt enim, qui ex præconcepta de suis ingeniis opinione universaliter credunt, *rationem à se stare, ac sibi veritatem perspectam esse*. Hinc credunt, sufficere ad assensum ab aliis extorquendum, si sententiam suam clarè proposuerint; & parum solliciti sunt de sententia propriis rationibus probanda; aliorum verò rationes negligunt. Omnia cupiunt autoritate stabilire, quia nunquam rationem ab autoritate distinguere didicerunt.

*Quartum* oritur ex hoc principio: *Si id esset verum, ego non essem vir doctus, ergo id non est verum*. Huc pertinent eorum pertinaciæ, qui seu in Medicina seu in Physica omnes novas doctrinas v. g. de circulatione sanguinis rejiciunt, quia aliàs metuerent, suam antiquiorem institutionem contemnendam.

*Quintum* est ex censuris contrariæ sententiæ familiarius nihil est, quàm audire homines, ubi disenserint, sibi invicem exprobrantes, opinatores, cavillatores, cupiditatum mancipia, &c. vocantes. vix binos repereris causidicos, qui sibimetipsis procrastinatas lites, veritatemque subdolè occultatam non objiciunt. Inde verò fit, ut per tot cavillationes via veritatis amittatur, vel spinis sepiatur. Rectè S. Augustinus monet. *Omittamus ista communia, quæ dici ex utraque parte possunt*.

*Sextum* est ex invidia, erga eos, qui novi dogmatis vel inventores sunt, vel illustratores. Ita quemadmodum hanc quidam ridiculam ratiocinationem faciunt: *Hæc sententia à me fuit excogitata, est propria mei ordinis, est utilis rebus meis; ergo est vera*. Ita non minus absurdam struunt, cogitando: *Hæc*

*ego non dixi, ergo est falsum. Hunc ego librum non scripsi, ergo est malus*. Hinc oritur contradictionis spiritus. Hoc impulsu, dum aliena leguntur vel audiuntur iis rationibus, quæ ad illa stabilienda faciunt, obiter tantum prælibatis toti se conferunt ad ea remedia quæ in oppositum dici possunt. Semper in procinctu adversus veritatem stant, de qua obscuranda & propulsanda solum cogitant, quod ipsis ferè semper succedit ex voto, cum humana mens inexhausta abyssi sit falsarum rationum. Huc pertinent Scioli, quos Galli *Pedants* vocant. Hi gloriæ ducunt, de rebus minimis atterari, omnibusque sordidè ac maligne contradicere. Hoc vitium potissimum exercetur erga eos, quos sibi agrè opinione aliorum præferri existimant. Quapropter prudentes quantum possunt, eas, quibus alios antecellant, dotes occultant, è conspectu se eripiunt, plausum fugiunt, malunt latere inter turbas, quo solam nudamque veritatem in scriptis propinent.

*Septimum* est vitium, disputandi cacoethes. Non per hoc sentiendum, generatim disputationes improbari debere; econtrà dici poterit; modo debite usurpetur, nihil illis esse ad ingenia acuenda, ad argumenta excogitanda utilius, sive inveniendæ veritas sit, sive aliis demonstranda. animi motus in rei cuiuspiam nudo examine solitariè versantis ut plurimum torpet, languetque, adeò ut opus aliquo calore sit, quo excitetur, quo latentes ideæ expergeant, atque evocentur. Ex multiplici namque oppositione in earum rerum notitiâ pervertitur, quæ Thesin faciebant, & obscuram, & persuasum difficilem, ad quos proin obices superandos ingenii vires intendimus.

Seditidem verum est, quo hæc exercitatio censetur utilior, quando ritè & sine omni animi perturbatione aut aversione adhibetur, eò esse ejus abusum perniciosiorem, cum scilicet gloriæ ducimus quocunque pretio, quocunque periculo & propria defendere, & aliena impugnare. Nihil potest nos magis à veritate abalienare, quàm hæc disputandi prurigo. Hinc sensim assuescimus, ubique rationes invenire, vel potius ubique rationibus nos præferre, illis enim nusquam cedimus, nunquam manus damus. Hinc gradatim eò deducimur, ut nihil certi habeamus, ut unâ veritatem & errorem confundamus; utrumque in eodem probabilitatis gradu collocantes. Hinc tam rarum est, ut disputando lites dirimantur; hinc nunquam ferè altercant. Philosophi in eandem conspirant sententiam, semper aliquid superest, quod regerant, quod in sui defensionem proferant. Non enim animus est errorem, sed silentium devitare, quia minorem ducunt ignominiam semper decipi, quàm fateri se aliquando deceptos.

Itaque nisi nosmetipsos exercitatione assueverimus ut regamus, inhibeamusque motus animi, perarduum sanè erit, inter disputationum ardores aufugientem ex oculis veritatem non perdere, cum nihil apud nos fiat, quod ad concitandos motus animi faciat magis. Quodnam illud vitium est, inquit Scriptor celebris, ad quod disputationum



æstu non abripimur? cùm illarum semper directrix sedeat iracundia. Primo bellum rationibus indicimus, deinde viris ipsis: disputare tantum discimus, ut possemus contradicere, & dum contradictiones reciprocantur, fit, ut disputationis fructus sit veritatis amissio. Hic in ortum fertur, ille in occasum; quod primum erat, & rei caput, perditur, dum inter rerum secundariorum & incidentium turbas erratur; & tandem post exactam rixis & clamoribus horam, quid quærebat, nescitur. Hic apud inferos est, ille apud superos, hic dextrorsum, ille sinistrorsum abit. Hic verbum capiat aut similitudinem; ille nec audit nec intelligit amplius quod opponitur, sed totus suo cursui prosequendo ita intentus est, ut te neglecto se solum & videat & audiat. Sunt, qui cùm se adversariis impares norunt, omnia formidant, omnia rejiciunt, ipsam in limine disputationem inturbant, vel in media lite obfirmatè obmutescunt, superciliorum contemptum affectantes, aut rixarum scilicet fugam insulse modestam. Hic modo hostem feriat, insuper habet, si totus illius ictibus pateat; ille singula verba digitis dinumerat, singulis pondus dinumerando addit. Alius strepitu & laterum firmitate tantum valet. Sunt qui contra semetipsos digladiantur, auditoresque proloquiis, inutilibusque digressibus defatigant, & obtundunt. Denique alii sunt, qui contumeliis armati pugnant, & ut possint à prementium rationibus evadere, de nihilo rixas excitant & turbas. Sic ille. Juvat pungi, ut moniti alienis vitiis alacrius attendamus ad propria.

*Octavum* vitium est, ex nimia *obsequiositate* & complacentia. Sunt enim, qui dum horrent contradictionis spiritum, nemini contradicunt, omnia laudant, omnia approbant, hæc consuetudo primum judicium corrumpit, dein mentem ipsam. Certè ex hoc vitio laudationes adeò evasere communes, & tam promiscuè congeruntur in omnes, ut jam dici nequeat, quid de laudatis sentiendum sit. Ubinam ille concionator, qui in ore suorum, aut novellistarum non audiat hominum eloquentissimus? cui parentatur, quin pietate insignis obierit? tribularii scriptores vel volumina confare possunt, si in unum compingant amicorum elogia. Cavendum ergo, ne aut credamus officiosis laudibus, aut ipsi fallamus credulos.

*Nonum* est ex amore sui. Quando hic semel nos ad opinionem defendendam compulit, non amplius curamus, verè an falsæ rationes proferantur, quibus illam suffulciamus, sufficit si tales sint, quæ possint utcumque persuadere, in auxilium evocamus argumentorum omne genus, sive legitima illa sint, sive spuria, ut aliquid saltem dicatur, quod cuivis possit imponere. Imò aliquando eousque proceditur, ut illa proferantur, quæ noscuntur apertè falsa, modò profint.

Ex rebus ipsis occasiones errorum sunt.

*Primo*. Bonorum & malorum permixtio. Hinc vitia & nævi nonnunquam in iis approbantur, qui æstimantur ob alias virtutes aut dotes animi, quæcum vitiis nævisque permixta sunt. Econtrà quod laudabile est in aliis, vituperatur, nullam aliam ob causam, quàm quod reperiatur in homine, qui ob alia vitia est aversioni; nec advertitur, nec pessimos mortalium esse sine mixtura boni, nec optimos

R. D. Euseb. Amort. Philosophia.

sine maculis, quas Deus in suis non ad imitationem, sed ad humanæ inbecillitatis humilem agnitionem reliquit. Homines rarò res minutatim discant, atque examinant. Illa objecti impressio, quæ cæteris vivacior est, format judicium, nec alia vivaciter sentimus; quàm quæ acriter pungunt, & sculpunt scientiam. Sic cùm multos errores scriptio quævis contineat, hos non advertimus, si attentio in contemplandis multis veritatibus, quæ placent, absorpta est. Econtrà, si quæ veritates multis erroribus immisceantur, illas negligimus, ad errores, qui sui copia fortius imprimunt, unicè attendentes. Univerſim quod fortius est, debiliora post se rapit, & quæ acrius oculos mentis irritant, non sinunt, ut ad subtilia & obscura attendamus. Inde & provenit, quod homines id sæpe tantum laudent aut vituperent, quod in rebus, aut in aliis hominibus extimum est & accessorium, quia non satis luminis iis affulget ad penetranda ea, quæ intima ac præcipua sunt. Sic rudes picturam præferent, quæ coloribus vividis & rutilantibus fulget, quàm aliam subobscuram, quæ peritis placet. Sic & populus facundum concionatorem dicit, cujus numerosa periodi volvuntur sine vocum peregrinarum luto; cùm tamen sermonis puritas, & figuratum numerus in Oratore aliud non sit, quàm in Pictoria colorum nitor, id est, artis Oratoriæ pars infima ac maximè illiberalis. Generaliter dici potest, quod de rebus ut plurimum judicetur ex rerum cortice, quia vix ullus est, qui ad interiora penetrat. Omnis judicii norma est ille qui foris prostat titulus, & vix, quibus hic non favet. sis doctus, sis prudens, perspicax quantum libuerit, si inter loquendum lingua titubes, si officiosæ salutationis verbis appositè non respondeas, actum est, tibi quod restat vitæ spatium ingloriè agendum inter despectos plebis, conspiciendaque sciolorum, qui tibi præferentur, turba ingens. Magnum non est debitis carere laudibus, maximum tamen est hisce inhærere præjudiciis, nec ultra rerum corticem cernere; & hoc est illud, quod apprimè debemus evitare. Quapropter ratio justitiæque exigit, ut in omnibus, in quibus bonum malo permixtum est, secretionem instituamus, in qua faciendâ specialiter sita est judicii accurratio, qua SS. Patres olim uti sunt, dum ex Ethnicorum libris optima quæque extraxere ad mores formandos; qua usus est S. Augustinus, dum non dubitavit ab hæretico Donatista septem regulas ad Sacras Scripturas interpretandas accipere. Ad hanc itaque secretionem faciendam nos ratio obligat, sed quia non semper sat otii habemus ad minutatim discutiendum, quid boni malive insit unicuique rei, tunc illam rei denominationem dabimus, quæ iis ex majori meliori que parte competit. Sic illum dicemus bonum Philosophum, qui ut plurimum bene ratiocinatur; sic librum bonum, in quo erit multò plus boni, quàm mali.

NB. Hæc ultima Arnaldi & falla & ridicula est. *Crisp.* Falsa est, quia sæpe totum malum ex quolibet defectu, bonum autem ex integra causa. Nec quis phar-niacum bonum dixerit, cui mortale venenum quamvis exiguum inspersum est; nec liber bonus erit, cui contagiosus error veluti exiguum fermentum, quod totam auditoris aut lectoris corrumpit massam, conspersus est. Ridicula etiam est, quia

Bb bb



si minutatim non expenduntur singula, quis scire poterit, plusne boni malive contineatur in opere?

*Secunda* est ex fastuosa eloquentia, quam Cicerò dicit: *abundare sonantibus verbis, uberibusque sententiis*. Mirum sanè est, quantum se inlinuet error, quàm placidè assensum suffiretur, dum nos adoritur è periodo aures suaviter demulcente, aut è figura nova, & insolenti, quæ auditores ad sui contemplationem totos convertit. Itaque quando audimus Oratorem à longa gradatione aut antithesi multiplici exordientem, in procinctu standum est, quia rarò accidit, ut sese expediat, quin veritatem, quò illi figuræ quadret melius, aut cædat, aut distorqueat; eodem veritatem modo tractat, versatque, quò cœmentarius lapidem muro immittendum, aut statuarius æs, ex quo statua exsculpenda est; nempe dissecat, extendit, mutilat, refingit, prout necesse habet, ut locum occupet in vano illo verborum, quod molitur, opere. Optandum, ut omnes sibisumerent gravissimam hanc regulam: *Nihil pulchrum, quod non verum*, quæ sanè vim maximam futilium ornamentorum argumentorumque fallacium præscinderet. Verum quidem est, accurratam hujus regulæ observationem stylum reddere & aridum magis & minus splendidum, sed eundem efficit vehementiorem, sinceriorem, clariorem, & viro cordato digniorem, ac proin quam vim animis infert, & fortior est & diuturnior, cum quod nudè imprimatur à periodorum concinna formatione adeò leviter inhæreat, ut non citius audiat, quàm evanescat.

*Tertia*. Ex præcipitantia in ferendis temerariis judiciis circa actiones humanas. Nunquam fertur judicium temerarium, nisi præcedat mala ratiocinatio. cum enim perspectas non habeant causas omnes, à quibus effectus potest proficisci, illum uni tantum causæ tribuunt? in quam casu defertur suspicio, vel supponunt, eam causam, quæ aliquando talem effectum protulit, semper & ubique esse similis effectus causam, quamvis aliæ circumstantiæ aliud suadeant. Sic si v. g. vir doctus eadem sentit cum hæretico in materia nullatenus contingente fidem, inferunt frequenter malevoli, eam propendere ad hæreticos; id verò temerè & malitiosè non rarò accidit; cum non propensio in hæresin, sed ratio veritasque forsan eam sententiam viro docto ab hæresi quam remotissimo commendavit. Sic & opinionis vehemens profligatio aliquando ex zelo veritatis, aliquando ex odio adversarii nascitur; amicitia cum flagitioso homine conservata nonnunquam amorem vitii; nonnumquam supponit respectum commodi; neglecta humanitatis officia sæpe ex arrogantia ac supercilio proficiuntur contemptoris animi, sæpe etiam ex injuria, oblivione, aut ex negotiis. Silentium interdum modestiæ ac prudentiæ, interdum emotæ mentis signum est cunctatio subin prudentiam, aliàs hebetudinem mentis denotat. Mu-

tatio sententiæ in nonnullis inconstantia, in aliis candoris ac sinceritatis judicium est; qui ratiocinantur, ut volunt, temerè de una causa judicant, nimis justo, ut solent mulieres, judicio.

*Quarta* ex insufficienti inductione. cùm scilicet effata generalia ex particularibus quibundam experimentis deducimus. Exemplorum quaternarius sufficit ad condendum axioma universale, v. g. ter aut quater quis alium in convivio solutioris genii reperit, id sufficit imperitis, ut generaliter credant perpetua à tali homine celebrari bachanaliam. Curationes nonnullæ non succedunt Medicis aliis etiam peritissimis; præcoces dicent, medicinam universam nil habere, quàm tentaminis. Peccant è sanctiori orbis statu pauculi; id profanis argumentum est, totum scætere vermibus & ossibus mortuorum.

*Quinta* est ex eventibus. Dum aliorum consilia judicantur ac condemnantur ex successibus. Egerit quis prudenter ac provide pro circumstantiis, quas prævidere poterat humana mensura prudentiæ, si vel casus, vel iniquorum perversitas, vel potentior omnibus fortuna ac altior providentia bene cogitata dissolvit, omnium infortuniorum reum condemnatur consilium, Ingeniosi sumus ad errores inveniendos, protrahendosque serò nimium, quos arbitramur infortuniorum causas fuisse, & quemadmodum Astrologi, ubi quid accidisse norunt, nunquam non eum astorum aspectum inveniunt, qui id produxerit; sic ubi quis in miseria ærumnaque prolapsus est, nunquam non errores, imprudentiamque advertimus, quibus illas adscribamus. Illi res suæ malè successere; ergo rationes suas malè subduxit. Sic homines, quia nec sapientes à felicibus, nec imprudentes a miseris distinguunt, fortunatos laudant, & infelices condemnant.

*Sexta* est ex autoritate dicentis, & modo proponendi. Hæc duo principia tantummodo valent quoad majorem partem hominum; non ratio, sed præsumpta in Authore ratio omnes omnium propemodum assensu trahit. Hoc causæ est, quod Deus, dum voluit sua mysteria etiam rudibus ac simplicibus parare ad cognitionem accommodata, dignatus sit ad humanæ mentis imbecillitatem accommodare, sicque noluerit mysteriorum notitiam dependere à peculiari credendorum examine, sed certam constituerit veritatis regulam; facile à populo per signa externa & communia præjudicia cognoscibilem, autoritatem videlicet universalis Ecclesiæ. Sed dum in rebus ad Religionem non pertinentibus subtrahitur secreta directio divinæ providentiæ, quæ ad stabiliendam veritatem arte recondita aut doctos præficit, aut præficiendos instruit, quantum errorum colligimus, dum humanæ authoritati submittimus ingenia! sæpe ex testium & Authorum numero æstimamus sententias, cum tamen in rebus difficilibus non numerus, sed accurratum examen verum inveniat. Sæpe nobis



his loquentium aut scribentium dotes imponunt, cum tamen illæ nullum cum ea re, quæ quæritur, gerant commercium. Sic multi nullo præmisso examine viris provectioris ætatis assentiuntur, quorum tamen peritia iis fortè in rebus versatur, quæ nec ab annis, nec ab experientia, nec ab intellectus perspicacia addiscuntur. Pietas, sapientia, moderatio omnium procul dubio virtutum præstantissimæ sunt, multumque possessoribus authoritatis debent conciliare iis in rebus, quæ à pietate dependent, aut à sinceritate, vel etiam ab illa, quæ cœlitus datur, mentis illuminatione, quàm credibile est Deum cumulatius in eos conferre, à quibus religiosius, puriusque colitur. Sed infinita sunt, quæ nonnisi ab humano lumine, ab humana experientia, ab humana inspectione habentur, de quibus ii potissimum nostram fidem merentur, quibus vel contingit ingenium perspicacius, vel qui in iis investigandis studium diligentius posuere. Cum tamen contrarium passim obveniat, multi que satius ducant, etiam in talibus rebus proborum religiosorumque hominum opinionationibus adhærescere. verum non omnes in omnibus merentur fidem: & pessimè concluditur: Hic vir gravis est, ergo omnia intelligit, omnia novit.

NB. Hic rectè addidisset Arnaldus, specialia illa lumina concedi probis non tantum in iis, quæ directe ad fidem pertinent, & religionem; sed etiam in iis, quæ cum rebus & religionis connexa sunt interest enim Divinæ Providentiæ directricis Ecclesiæ, quæ ductum mirabili illa dispensat lumina, ut, dum his luminibus format mentes fidelium, formet in eos opinionum habitus ac sensus, quos aut prævidet dominaturos in Ecclesia, aut secretis cuniculis ad authoritatis fastigia promoveret, ut dominantur in Ecclesia. Ego verò agnosco vigilem Dei Providentiam, agnosco infatigabiliter operantem in piorum animis, agnosco non cæcam, sed agnoscentem, ad quem communem sensum fidelium tendant suorum ingenia; agnosco eandem, nunquam deponentem cogitationem Ec-

clesiæ; agnosco, non esse difficile inter particularia lumina, quæ cedunt in bonum particularium, immiscere ea, quæ Deus prævidet confirmatura aut formatura sensum Ecclesiæ. Hanc, inquam, agnosco Providentiam, & ideo adoro universalem sensum Ecclesiæ tanquam verbum Dei inspiratum per longas, variasque, ac secretas vias Ecclesiæ: cum verò sensum Doctorum prope omnium, qui nondum est universalis Ecclesiæ, suspicor, inspiratum; & ob hoc ipsi revereor ac veneror.

Septima est ex authoritate nobilium & divitum assuevere nobiles ab incunabulis sese intueri tanquam speciem ab aliis hominibus distinctam; nunquam se partem massæ humani generis arbitrantur; semper sibi Barones, Comites, Duces, nunquam meri homines videntur, ac dein sibi animas rationemque procidunt, divitiis pares, neque minus se putant ingenio, quàm dignitate præstare. Hinc facile modo quodam agendi generoso, libero, naturali, qui raro inter plebejos invenitur, extorquent assensum. Inde & in Ecclesiastico. *Dives locutus est, & omnes tacuerunt, & verbum ejus ad nubes usque deducunt; pauper locutus est, & dicunt, quis est hic?* Verum non est sic, ut quis se sapientem putet ob ædes splendidas, aut vestem purpuream, aut capillitium, opus artificis? sunt qui se pluris faciant in rheda vel equo sed non æquis passibus propterea peditem sequuntur Aristotelem. Provectior ætas, scientia studium, experientia, ingenium, perspicuitas, moderatio, accurratio aliquid faciunt ad cumulandas veritatis divitias reliqua nonnisi ad errorem augent potentiam.

Octava est ex modo proponendi naturaliter impellitur ad fidem iis prostituendam, qui venuste, promptè, graviter, æquanimiter, comiter perorant, quàm tamen denegamus iis, qui in dicendo sunt tetrici, qui factis dictisque iracundiam, acrimoniam, fastumque immiscunt. Igitur modestia ad veritatem insinuandam plurimum valet, sed ea in primis necessaria est, cum opiniones communes ac jam receptæ concutiendæ sunt.

## P A R S IV.

### De Methodo.

Cap. I. Vult in scientiis initium sumi à certis & notioribus. Quod utique & Aristoteles præcipit in Libris Post. Vult etiam materias eligi utiles, & circa quas possit homo sperare notitiam certiorē; hinc rejicit abstrusas quæstiones Metaphysicas, quamvis nonnullis largiatur veniam, ut rerum incomprehensibilium contemplatione admoneamur nostræ incitiæ, & tenuitatis ingenii.

Cap. II. Agit. De Methodo Analytica & Synthetica.

Cap. III. IV. & V. De Methodo Geometrica. In qua ponit sequentes Regulas. 1. Ut nihil in terminis relinquatur ambiguum. Ad hoc serviunt definitiones nominum. 2. Ut ratiocinationes deducantur nonnisi ex principiis certis & evidentibus. 3. Ut omnis conclusio demonstrativè probetur,

R. D. Euseb. Amor. Philosophia.

Vult Arnaldus, hanc Methodum non observari ab ipsis Mathematicis; sed ostendit, se in hac arte necdum esse discipulum.

Cap. VI. Regulæ circa axiomata. Omnia eò redeunt, ut sint clara & certa.

Cap. VII. Axiomata quædam usitata. Inter quæ ponit etiam hæc. 6. Nullum corpus potest seipsum movere. 11. Res gestæ, de quibus sensus facile possunt judicare, si confirmantur testimoniis multorum hominum, diversarum ætatum, diversarum nationum, diversa consilia prosequuntur, si de illis loquantur, tanquam à se visis, neque suspicio sit eos conspiravisse ad mendacium stabiliendum, non minus constanter credi debent, quàm si visæ fuissent à nostris propriis oculis.

Cap. VIII. De regulis demonstrationum. Nil aliud assert quàm eas debere fieri ex claris ac certis,

Bbbb 2



tis, ut nihil affirmetur dere, nisi quod clarè con-  
tinetur in ejus idea.

Cap. IX. De vitiis Geometrarum. Inter hæc re-  
fert. 1. Quod magis laborent de certitudine, quàm  
evidentia concilianda. 2. Quod probent, quæ pro-  
batione non egent. 3. Quod multa tantùm demon-  
strent ducendo ad impossibile. 4. Quod multa de-  
monstrent longis ambagibus, quæ via breviori  
demonstrari possent. 5. Quod non observent na-  
turalem rerum ordinem, agendo v. g. prius de an-  
gulis, quàm de lineis. 6. Quod non adhibeant  
modum divisionis, sed tantùm collocent unum post  
alterum.

NB, Hic Arnaldo quis dixerit: *Ne ultra crepi-  
dam.*

Cap. X. Idem prosequitur.

Cap. XI. Methodus ad octo regulas constringi-  
tur.

1. Circa definitiones. Nihil in terminis obscurum vel æquivocum relinquatur, quod non definiatur.

2. In definitionibus termini usurpentur vel perfecte noti; vel prius explicati.

3. Nullum axioma ponatur quod non sit evidentissimum.

4. Id pro evidenti acceptetur, quod mediocri attentione cognoscitur esse verum.

5. Omnes propositiones subobscuræ probentur ope definitionum præmissarum, axiomatum concessorum, vel propositionum demonstratarum.

6. Nunquam liceat abuti terminorum ambiguitate, non suspectis saltem mentaliter definitionibus illos restringentibus, & explicantibus.

7. Res tractentur, quantum fieri potest, secundum ordinem naturalem à generalioribus & simplicioribus incipiendo, atque explicando quidquid ad naturam generis pertinet, priusquam ad particulares species descendamus.

8. Dividantur, quantum fieri potest, unumquodque genus in omnes species, unumquodque totum in omnes partes, unaquæque difficultas in omnes casus.

Cap. XII. De iis, quæ per fidem cognoscimus sive humanam sive divinam. Observat tria. 1. Quod semper fides præsupponat rationem. nam ut asserit S. Augustinus Epist. 122. nunquam induci possemus ad ea, quæ sunt supra rationem, credenda, nisi ipsa ratio nobis persuaderet, quædam esse, quæ rationabiliter credimus, licet iis comprehendendis pares non simus. Ex quo sequitur, quamvis captivare debeamus intellectum in obsequium fidei, ut loquitur Apostolus Paulus, id tamen nos non facere cœcè, & sine rationis adstipulatione, sed per cognitionem causæ, & quia ratione consentaneum est, hoc modo nos authoritati divinæ credere, cum illa fidem faciat sufficientibus argumentis, qualia sunt miracula, aliaque prodigia, quibus fateri cogimur, Deum, quæ credenda proponuntur, hominibus revelasse. 2. Plus valere debere fidem divinam, quàm rationem humanam, quæ absolute est fallibilis. 3. Fidem divinam nunquam opponi rationi in iis, quæ à ratione aut sensibus evidentè cognoscuntur. Sed in

hoc hallucinantur plurimi, dum illis satis perspectum non est, ubinam terminanda sit hæc rationis & sensuum evidentia, v. g. evidenter in Euclidianis commonstrant albedinem & orbicularem hostiæ formam, sed an substantia panis, aliud in causa sit, cur albedinem illamve formam cernamus, sensus non docent. Ac proinde fides sensuum evidentie contraria non est, cum docet, quæ oculis subjiciuntur, à pane non provenire.

Cap. XIII. Regulæ ad dirigendam fidem humanam.

Primò. Ponit loco axiomatis. Sola rei possibilitas non est ratio sufficiens ad credendum objectum dubium.

Secundò. Attendendum ad omnes objecti circumstantias, tam internas quàm externas. Internæ sunt, quæ ad rem ipsam pertinent; externæ ad eos, quæ ad eos, quorum testimoniis ad credendum ducimur.

Tertiò. Si omnes circumstantiæ tales sunt, quæ rarissime sunt cum falsitate conjunctæ, habetur certitudo moralis. Si verò hæ circumstantiæ tales sint, quæ sæpissime adjunctam falsitatem habeant, ratio exigit, ut vel assensum inhibeamus, vel ut falsum judicemus, quod narratur, licet de illius impossibilitate aliundè non constet.

Exceptionem tamen patitur hæc regula; cum res sufficientibus testimoniis jam confirmata est. Quamvis enim aliundè difficultates ingruant; in hoc tamen casu sufficit, si solutiones ad tales repugnantias tollendas possibiles sint. esset enim à ratione alienum, probationes positivas de omnibus circumstantiis possibilibus postulare, cum res sufficienter jam probata est. Hinc nihil insulsius quorundam hæreticorum conatibus ad probandum, D. Petrum Romæ nunquam fuisse. Negare quippe non possunt, hanc veritatem Scripturæ Ecclesiasticorum omnium etiam antiquissimorum testimoniis firmatam; cum tamen nec unus possit proferri, qui id negaverit. Attamen putant, se hanc veritatem posse solis conjecturis labefactare, cum dixerint D. Paulum non meminisse S. Petri in Epistola Romæ scripta, & quando audiunt, illum tunc potuisse abfuisse Roma, eo quod sæpissime digressus in aliis etiam locis Evangelium disseminaverit, oggerunt, hoc sine probatione dici, quod affatim ridiculum est, quia cum res gesta, quæ narratur, certissimis confirmatissimisque accenseatur, quæ in Historiis Ecclesiasticis narrantur illorum erat ostendere, ejus cum sacris litteris contrarietatem, cum Catholicis sufficiat, umbratiles illas contrarietates eluere, quemadmodum & eluuntur eæ difficultates, quæ afferuntur contra historias Sacræ Scripturæ, in quibus sufficit, ostendere possibilitatem.

Cap. XIV. Usus hujus Regulæ in miraculis credendis.

Extremi periculi est, in hac materia, aut omnibus aut nulli credere.

Sunt, quibus grande piaculum videretur, si vel de uno solum miraculo, quod pro vero venditur, subdubitent; sibi enim persuasum habent; de omnibus esse dubitandum, si de uno dubium semel admiserint. Et cum norint omnia Deo esse



esse possibilia, nihil audiunt, quod non arbitrentur mereri fidem, si ab ejus Omnipotentia profectum dicitur.

Alii absurdè existimant, se magni ingenii vim ostendere, cum omnia omnino miracula in dubium vocarint non alia impulsu ratione, quam quod aliqua facta inaudiverint, quæ falsa postea comperta sunt, neque videant, cur hæc potius quam illa credant.

Fatendum quidem est, illos priores minus malos esse, sed verum itidem est, utrosque ex æquo malè ratiocinari.

Utrique namque hinc & illinc ad locos communes diffugiunt, sed oppositos. Illi ad potentiam, bonitatemque divinam, ad miracula certa & indubia, ex quibus etiam dubiis atque incertis fidem adstruunt. Hi verò ad locos communes alterius generis divagantur. *Veritatis*, inquit, *& mendacii idem vultus, idem incessus, iidem passus sunt. Singularis cujuscumque error primò fit error publicus, ac tum demum inversa vice error publicus fit error singulorum. Hunc in modum miraculi substructio ab his labefactata, ab aliis suffulta & per manus aucta tandem consurgit.* Sic isti nec fortè inutiliter ad nos sistendos, ne omni famæ rumusculo circumferamur ac vento. Sed insolentis dementiæ esset hinc concludere, suspectæ fidei illa omnia esse, quæ de miraculis narrantur, cum nec talia perpetuò operari Deum dedoceat, nec Divina Providentia suæ Omnipotentia limites posuerit, sed potiùs à promissionibus, & experientia priorum temporum certum sit, manare perennes hujus quoque in Ecclesiam rivos gratiæ. Sit igitur stolidam quædam simplicitas, ea omnia credens, quæ sunt maximè incredibilia; sed est superbia non minus fatua, pro falsis proscribens omnia, quæ æctis intellectus sui cancellis nequit concludere. Tot miraculorum millia, de quorum veritate scribunt testes gravissimi, negare omnia, utique desperatæ & miserrimæ est dementiæ. Narrat D. Augustinus suo sæculo plurima contigisse miracula certa & indubia, quæ tamen ad paucorum notitiam perveniebant. L. 22, de Civ. Dei. Observat, intra biennium, ex quo in honorem S. Stephani constructum Hipponi sacellum erat, septuaginta contigisse miracula, præter plura

alia, quorum mentio in scripta relata non erat, cum tamen & illa se certò scivisse testetur. Addit Arnaldus, suo tempore cæcam quandam, cui vix oculorum orbes supererant, in momento ad contactum sacrarum reliquiarum visum recepisse.

Et quid opus est, immorari pauculis, cum Crisostomus talium millibus plena sit Ecclesia Dei? hæc solum ignorant, qui exclusi sunt à Regno Dei, mihi certè per duo, quæ accepi à Deo per intercessionem B. Virginis, & cultum Eucharisticum, beneficia tam physicè certum est, dari in Ecclesia miracula, quam certus sum me vivere.

Cap. XV. De fide præstanda circa alios eventus. Iterum inculcat, ut observentur circumstantiæ an & quoties cum veritate aut falsitate conjunctæ sint. Sic si in contractu duorum Notariorum accessit subscriptio & signatura, ex millenistalibus instrumentis vix unum reperies illegitimum; adeoque probabilitas se habebit pro valore contractus ut nongenti nonaginta novem ad unum falsum. Simili modo judicetur in aliis.

Cap. XVI. Quomodo de futuris contingentibus judicandum sit.

Semper perspicendum, qua probabilitate venturum sit, quod speramus, aut metuimus. Si bonum aut malum venturum grande fuerit, prudentiæ est, etiam tenuissimam probabilitatem non negligere, ad malum præcavendum, bonum obtinendum. Sic in fortibus, si lucrum sit centum aureorum millia, etiam spes tenuis non negligitur, dum homines ad Lotterias convolant. aliquando verò tantula spes apparet lucrandi, ut omnino præstet fortunam non experiri, licet montes aurei etiam assis unius periculo comparari possint. dementis enim esset vel viginti denarios deponere spe acquirendi decies centena aureorum millia, aut Regni comparandi, eo casu, quo puerulus formulas litterarum typographicas tali protinus ordine fortuito disponderet, qualis nobis viginti priores Æncidos verus describeret. Itaque æstimandi casus possibiles. De quibus, cum non agat Arnaldus, agi in Arte Critica.

## SECTIO IV.

### De Logica P. Honorati Fabry.

**L**ogicam suam non edidit quidem P. Honoratus Fabry, sed tamen ex ejus Prælectionibus collecta & edita est hoc Titulo: *Philosophia tomus primus, qui complectitur Logicam. Authore Petro Mosnerio Doctore Medico. Cuncta excerpta ex Prælectionibus R. P. Hon. Fabry Soc. Jesu. Lugduni. MDCXLVI.*

Partitio operis est hæc.

L. 1. De Methodo scientiæ in communi.

L. 2. De Methodo Logices.

L. 3. De Methodo Physicæ.

L. 4. De Methodo Metaphysicæ.

L. 5. De Methodo Ethicæ.

L. 6. De Methodo Matheseos & aliarum disciplinarum.

L. 7. Synopsis Controversiarum Logicarum.



Libro I. Cap. I. Agit de divisione & ordine omnium scientiarum, ubi simul tradit generalem earundem conspectum.

Cap. II. De objecto scientiarum. Qualiter nempe quodvis objectum scientificum tractandum sit.

Cap. III. De Methodo sciendi. Hic traduntur regulæ pro discente, legente, meditante, disputante, scribente, docente.

Art. 1. & 2. De discente.

1. Tranquillam mentem, omniq̃ue violenti appetitui perturbatione liberam in discente desiderio. quippe abstrahunt mentem furentes animi motus, obducunt rationis lumen, obtundunt ingenii acumen, & minus habilem ad studia hominem relinquunt.

2. Discendi, sciendiq̃ue maximo flagret desiderio.

3. Discat statim initio doctum mel facilioris aliquid demonstrationis delibare, cujus certè dulcedine captus ad aliam investigandam illico se accinget.

4. Nullo alio studio teneatur, quàm scientiæ.

5. Nunquam cognitiæ veritati contradicat.

6. Nullam rem tanquam veram recipiat, nisi quam veram esse constet; & animum tantum submittat vel demonstrationi, si conclusio est, vel evidentiæ objecti, si est principium. Quod dictum esse velim in re litteraria, sed non in civili & politica, in qua multa multis credimus omnes. Nec etiam in divina & supernaturali, nam obscuris fidei sententiis mens hominis firmiter assentitur.

7. Auctoritatem aliorum magnificat, sed dictorum rationem pluris faciat; ne credat potius, quàm scire videatur.

8. Ubi se accingit ad aliquid demonstrandum, præoccupatum animum, & quasi imbutum non habeat; nullum principium supponat, de cujus veritate certò non constet, ne si fortè falsum sit, errori ansam præbeat. Sed nudam veluti mentem gerat vacuum & liberam: rei principia examinet, proprietates inquirat, perinde ac si nihil unquam de iis omnibus audivisset. Si probabilia tantum occurrant, assensum omnem suspendat, nunquam nisi veritati compertæ assentiatur. Mirum quantum erroris & ignorantiae ex hujus præcepti neglectu proderit.

9. Non erit præceptus, ne multa præterfugiant. nam cunctando potius, quàm currendo tota res scientiæ peragitur. Non impatiens, ne primi laboris fructum amittat; nam quantumvis aëri ingenio polleat, sine multo labore & sudore diuturno finem suum non consequetur. Non sit ludicrus, ne totus in jocis & salibus esse videatur. Ludicrus genius terminis tantum, ut ajunt, disparatis adhærescit. Pius denique sit, & modestus, quia in malevolam animam non introibit sapientia.

10. Ingenium requiro saltem mediocri, quod ultimam metam multo labore saltem in aliquibus disciplinis attingere possit.

11. Indoles multum juvat. Sunt quippe ingenia aliqua tam obliqua, ut quamvis alias capacia, nihil tamen unquam rectè excipiant. Est aliquis modulus animi, quo rebus facile adhærescit, & hic in scientiis comparandis primum locum tenet.

12. Directionis quandam vim in tyrone deside-

ro, quæ verum à falso, certum ab incerto, nescio quo gustu, discernat.

13. Ad majora semper aspiret, nullamque in ea scientia, quàm aggressus est, metam aspiciat, nisi ultimam, omnes enim objecti proprietates connexæ sunt.

14. Nihil unquam negligat, quasi scitu minime dignum sit, sed diligenter curet, ut prima illius scientiæ, quàm aggreditur, elementa ac rudimenta perfecte calleat. Quippe res maximæ omnes à parvis principiis oriuntur.

15. Annotet effectus illos sensibiles, qui passim occurrunt in sensuum affectionibus, corporum motibus, mutatione rerum &c. ut suo loco eorum effectuum causas assignet.

16. Cum aliis etiam æquè doctis de iis rebus, quas didicisti, vel discere aggressus es, sæpe conferre juvabit. Quippe quæ diximus aliquando & disputavimus, altius animo hærent; & alteri vel interroganti vel disputanti ea sæpe respondemus necessitate quadam adacti, quæ alias in mentem non venissent.

17. Viros doctos consulere multum proderit. Mirum enim, quantum viri docti possint inexpressendis animi sui sensus, & altius in auditorum animis imprimendis.

Art. 3. 4. 8. De Methodo legendi, meditandi, scribendi & audiendi.

Circa lectionem ex Cazilio quatuor tradit præcepta. 1. Ut semper in manibus habeatur Aristoteles cum uno vel altero interprete. 2. Cum quis sub certo Professore litteris dat operam, ut eos perlegat Authores, quos ille judicaverit. 3. Ne ita lectioni se tradat, ut suum meditationi tempus subtrahat: ne si multum legat, & parum meditetur, comparetur ei, qui multa legit, & male concoquit. 4. Ut attentè legat, quod legit, ne absolvendi desiderio nullum è lectione fructum referat. His adde. 5. Ante lectionem cura, ut saltem confuse cognoscas, quæ lecturus es. hæc enim est certa & statuta naturæ lex, ut res primo obtutu confuse tantum agnoscamus. 6. Antequam librum aggrediaris, prænosse debes ea, de quibus agit, quo ordine, qua methodo, ut communia omittas, & singularia seligas; quippe si omnium librorum res singulares in unum congestæ essent, vix justum esset volumen. 7. Librorum Epitomen facere non curabis, rediges tamen in certa capita, quæ quotidie excerpis. 8. Ne lege libros sine certo consilio, quasi in incertum; sic multum temporis sine fructu perditur. 9. Non legas multa uno tenore, nec diu, ne rerum copia mentem obruat. 10. Maximi momenti esset, habere virum doctum, qui indicaret, quid in singulis Authoribus, quo ordine pertractetur; qui paucis verbis ingentia volumina contraheret, & explicaret; aperiret, quæ utilia in hoc libro, quæ superflua, quæ repetita, quæ adinventæ, quæ transcripta, quæ vera, quæ falsa. Hoc maximum est lectionis compendium.

Circa Meditationem multas tradit regulas, inter quas. 1. Primariam rationem illius sententiæ, quam meditaris, diligenter examina. 2. Rem considera per omnes locos Topicos. 3. Scribas ea, quæ cogitasti; inter scribendum enim primum apparent navi, qui inter cogitandum latuerant.

Circa



Circa descriptionem sunt hæc. 1. Ferè tantum sci-  
mus, quantum scripsimus. 2. In describendis  
alienis non multum defudabis, nisi in compilan-  
dam tuis commentationibus materiam sufficiat au-  
notasse minimo quasi apice, ut: vel eo signo in me-  
moriâ revocentur. 3. Sæpius relege tua com-  
mentaria.

Circa auditionem. 1. Persuasum tibi sit, ni-  
hil eorum, quæ ore dictantis scripto excepisti,  
mente capturum, nisi eadem ab ore dicentis au-  
dias explicata. 2. Prægusta, quæ primò dicun-  
tur, ut dicenda cum majori aviditate exspectes.  
3. Exige à te statim rationem omnium eorum, quæ  
audivisti.

Art. 5. & 6. De Methodo disputandi.

1. Aggredere sententiæ, quam impugnas, cap-  
put. nec enim aliter sententia potest destrui, nisi de-  
structo fundamento, quo niti videtur.

2. Ambages vitandæ, æquivoca, & reliquæ  
verborum fraudes. Scopum, in quem collimas,  
perspiciat adversarius.

3. Proba semper directè quod negatum est,  
nec unquam alia sit tua conclusio à propositione  
negata.

NB. Hic erat P. Fabry, aut Mornerius. Duo enim  
dantur modi prosequendi argumentum. Primus,  
ut probemus, quod negatum est; sicque propo-  
sitiō negata veniat in conclusione. Alter, ut osten-  
damus, responsionem adversarii non obstare argu-  
mento. Tunc enim assumimus propositionem ab  
adversario concessam in antecedente; & in conse-  
quente inferimus. Ergo nulla Responsio. Vel. Ergo  
manet argumentum.

4. Quando potest haberi syllogismus categori-  
cus, præferendus est hypothetico, quia hypothetica  
propositio ac sequela difficilius probatur, quàm  
categoricæ.

5. Quando uteis Enthymemate, cave, ut  
consequentia bona sit. ne cadas in usitatissimum  
vitium, quo consequens potius probatur, quàm  
consequentia.

NB. Rectè istud monet P. Fabry. Hinc si v. g.  
aliquis in meridie diceret: *Petrus est homo, ergo  
nunc est dies.* [negarem ego consequentiam. Si ille  
dein conaretur probare & diceret: *Sol lucet, ergo  
dies est* omitterem totum, & negarem suppositum,  
quòd hoc fuerit negatum. non enim negavi con-  
sequens, sed consequentiam, id est, connexio-  
nem inter antecedens & consequens. Petrus enim  
noctu diuque est homo; ex hoc ergo non sequitur  
esse diem. Qui ergo vult probare consequen-  
tiam; debet totum antecedens, & totum conse-  
quens ponere in conclusione; illud per modum  
conditionis, hoc per modum conditionati, hoc  
modo: *Ergo si Petrus est homo, dies est.*

6. Postulare aliquando & interrogare oportet,  
ut ex acceptis responsis possis argumentari.

NB. Hic modus talis est, si v. g. dicamus: Si  
daretur materia Aristotelica, tunc ideo, quia de-  
bet dari subjectum commune in corruptione & ge-  
neratione? sed hæc ratio nihil probat &c. tali modo  
interrogandi sæpe elicimus ab adversario vel moti-  
vum suæ sententiæ, vel sensum suæ responsionis.

7. Respondens repetat omnia verba argumen-  
ti; vera concedat, falsa neget, ambigua distinguat.

NB. Terminus, qui semel distinguitur, debet  
etiam distinguî in altera propositione, in qua adhuc  
redit.

8. Observabis, utrum directè probeat, quod ul-  
timo loco negatum fuit; si secus faciat, liberè mo-  
nebis. propterea negatam propositionem semper  
in manu habebis.

Art. 7. De Methodo Academice exercitationis  
privatæ.

Vult non plures ad Academias privatas con-  
venire quàm duodecim. 2. In singulis Academicis  
proponi debet quæstio proximè discutienda. 3.  
Qui præest Academicæ, debet in omnibus scien-  
tiis esse exercitissimus, ut possit omnibus legem  
ponere.

Art. 9. De Methodo docendi.

1. Nullam difficultatem dissimulabis; nec tan-  
tum in speciem solves. si enim solvendo non sis,  
ultrò fateri oportet.

2. Plura explicabis, quàm dictabis mirum enim,  
quantum viva vox momenti habeat, ut altius ani-  
mo imprimat. Ad quæ tanta Scriptorum mo-  
les? utinam res eo stant; ut nihil prorsus  
dictari, & sine scriptura cuncta explicari pos-  
sent.

3. Plura simul non docebis ad vitandam confu-  
sionem.

4. Vitabis superfluum prolixitatem & obscuram  
brevitatem.

5. Vix jurabis in verba Magistri. Sint amici  
omnes veritatis amatores, quam ubique summo  
cultu vereberis. itaque nec Thomista eris, nec  
Scotista; non Realis, nec Nominalis, sed omnis  
& unus. Unum tamen Aristotelem, si attentius  
leges, impensius diliges, & nunquam ab eo dis-  
cedes, nisi manifesta ratio, vel evidens experi-  
mentum cogat.

6. Authores refutare poteris, non carpere, nec  
malo verbo proscindere; nec denique ullam male-  
volentiam, contemptus, invidiam speciem præfe-  
res, nisi forte contra impium aliquem, qui de Deo  
bonisque moribus male sentiret.

7. Ne sis prolixus in refutandis aliorum senti-  
entiis, in congerendis objectionibus, in rationibus  
conglobandis. curare enim, quid quisque dicat,  
amentis est. itaque id tantum conniti debes, ut  
firmis principiis tuam stabilias sententiam, ex  
quo fiet, ut minutæ objectiones ex seipsis solvan-  
tur. Juerit tamen oppositam partem potenter  
refellere in iis quæstionibus, quæ sunt alicujus  
momenti v. g. in adstruenda animæ immortalitate,  
existentia Dei, & accidentium.

8. Non explicabis nisi ea, quæ prius satis medi-  
tatione concoxisti.

9. Cum ad aliquid sciendum te accingis, scito  
prius quid scire velis.

10. Antequam scribas, illa prius per aliquod  
dies animo voluta. Quippe cum prius essent cru-  
da, nativo calore solventur.

Cap. IV. Agit de Methodo sciendi. nempe 1.  
De Methodo definitionis. 2. Divisionis. 3. Di-  
stinctionis ac discretionis. 4. Comparisonis, com-  
binationis & analogiæ. 5. Suppositionis. 6. Com-  
positionis.

Cap. V. De Methodo principiorum sciendi.

Cap. VI.



Cap. VI. De impedimentis sciendi. Inter hæc ponit præcipationem mentis, multipliciter formalitatem, abusum disputandi de quavis re probabiliter &c.

Liber 2. de Methodo Logicæ. Hic tradit conspectum & analylin Logicæ Aristotelicæ.

Liber. 3. de Methodo Physicæ. tradit conspectum Physicæ Aristotelicæ, additis variis observationibus eodem modo procedit. L. 4. de Methodo Metaphysicæ; & L. 5. de Methodo Ethicæ. & L. 6. de Methodo Mathematicæ.

In L. 7. seu synopsi affert omnes modos possibili consequentiarum, & Enthymematum, & Syllogismorum. Leges consequentiarum, quas habet, inserui Summulis, ubi videri poterunt. Ipsos Modos syllogisticos per signa propositionum exhibet.

A. Affirmativa universalis.

E. Negativa universalis.

I. Affirmativa particularis.

O. Negativa particularis.

A. Unum extremum.

B. Medius terminus.

C. Alterum extremum.

V. Propositio vera.

F. Propositio falsa.

G. Falsa in parte.

V. Antecedens.

Y. Consequens.

X. Terminus repugnans.

T. Terminus convertibilis.

Itaque modos primæ figuræ sic exhibet 1. AAA. 2. AAI. 3. AII. 4. EIO. e contra in prima figura non valent hi modi AAE, AAO. AEA. AEE. AEI. AEO. AIA. AIE. AIO. AOA. AOE. AOI. AOO. EAA. EAI. EEA. EEE. EEI. EAO. &c.

Leges Enthymematum & consequentiarum exhibet sic: Bonæ consequentiæ in prima figura sunt tantum. AI. EO. e contra malæ consequentiæ in prima figura sunt AA. AE. AO. EA. EE. EI &c.

Integros Syllogismos figuræ 1. sic exhibet.

Omne A est B.

C. est A.

Ergo C. est B. vel sic AB.

CA.

CB.

Quomodo ex vero aut falso possit sequi verum aut falsum ostendit per omnes combinationes possibiles. Sic in hoc Syllogismo. *Omne album est animal: Omnis homo est albus; ergo omnis homo est animal.* Ubi primam & secundam propositionem vocat ex parte veram, & ex parte falsam; quia nempe aliquod non omne album est animal, sequitur verum. Itaque in hac tabula sequente exhibentur. N. 1. Novem combinationes præmissarum universalium. N. 2. Sex combinationes duarum præmissarum, quarum prima est universalis, altera particularis. N. 3. Sex combinationes duarum præmissarum, quarum prima est particularis, secunda universalis. N. 4. Sedecim combinationes medii termini cum extremis.

N. 1.	N. 2.	N. 3.	Subjecti	N. 4.	Prædicati
1. V. V.	1. V. V.	1. V. V.	1. V.	B.	V.
2. V. F.	2. V. F.	2. V. F.	2. V	C	X
3. V. G.	3. F. F.	3. V. G.	3. V	D	Y
4. F. F.	4. F. V.	4. F. V.	4. V	E	T
5. F. G.	5. G. F.	5. F. G.	5. Y	F	Y
6. F. V.	6. G. V.	6. F. F.	6. Y	G	V
7. G. G.			7. Y	H	X
8. G. F.			8. Y	I	T
9. G. V.			9. X	K	X
			10. X	L	V
			11. X	M	Y
			12. X	N	T
			13. T	O	T
			14. T	P	V
			15. T	Q	X
			16. T	R	Y

Prima combinatio V. V. primæ tabulæ non valet, quia si ambæ præmissæ sunt veræ, etiam vera est conclusio.

Secunda combinatio valet in Barbara. v. g. *Omnis homo est animal: Equus est homo; ergo equus est animal.* Hic terminus medius est repugnans subjecto, & antecedens prædicato conclusionis, adeoque combinatio X. V. reperitur tabula 4. n. 10.

Verum hæc propterea indicasse sufficiat, ne quis in simili opera curis planè superfluis desudet, dum sciverit, circa tales combinationes nil dici posse, quod non jam præcellerit in sæculis. Itaque labori parcere potuisset Hanschius, dum actis Eruditorem 1728. Mensis Octobris inseruit Meditationem de usu omnium Modorum in quatuor figuris utiliam.



## S E C T I O V.

## De Logica Lockii.

**J**ohannes Lockius Anglus edidit anno 1701. Londini librum, sub titulo: *De Intellectu humano* recusum Lipsiæ 1709. In hoc varia observat & disputat, quæ humanum intellectum ad scientias parant.

L. 1. Cap. I. Scopum operis indicat; is est, ut consideret operationes mentis.

Cap. II. Conatur ostendere, nulla principia animis nostris ingenta esse. Rationes ipsius sunt hæc. 1. Si aliquæ veritates ac notiones essent homini à natura impressæ ac congenitæ; tunc inprimis hæc: *Quidquid est, necessario est. Et: idem non potest simul esse & non esse.* Sed hæc non sunt congenitæ, quia pueris & plurimis alijs hominibus sunt ignotæ. Nihil autem in intellectu, quod non intelligitur, esse potest. 2. Nemo dixerit, omnia axiomata à principio homini ingenta esse, & tamen etiam his facile homines assentiuntur sicut alijs principiis, quæ dicuntur lumine naturæ nota. Sic puerulus tria & quatuor esse æqualia septem tunc primum novit, cum ista numeravit, non antea ex dictamine naturæ, quamvis facta numeratione nemo facile aberraverit. Itaque & reliquæ veritates sic primum homini innotescunt ex comparatione idearum inter se. Ideo ergo prius de novo advenire in mentem humanam, ac postmodum comparari inter se. 3. Quia ea, quæ naturæ impressa sunt, clarissime ac distinctissime deberent esse cognita; qualia non sunt illa principia speculati-  
va.

*ist.* NB. Lockius non intelligit eorum sententiam, quos impugnat; illi enim, qui docent, quædam principia lumine naturæ nota ac congenita esse, non docent, ipsam actualem cognitionem, aut ipsas species actuales talium cognitionum à Deo homini infusas esse, sed docent *habitus* quendam aliquorum primorum principiorum homini congenitum esse; sicut apibus congenitus est *habitus melificandi*, araneis *habitus texendi*, & quibusvis alijs animantibus suæ artes ad finem suum, sic & homini est congenitus quidam *habitus* ad operationes finis suo congruas. Porro habitus ille in apibus, araneis, & alijs animantibus nec est actualis cognitio suorum objectorum, nec consistit in actuali idea sui objecti, nec consistit in pura capacitate ad aquirendam cognitionem artis; sed consistit in tali præparatione potentiarum, ut accedente actuali notionem potentiarum per objectum statim resultet actualis idea, & actualis cognitio objecti secundum omnes relationes ad artem. Non aliter id contingit, quam si ex organo organædus elicit Musicam, sicut enim ex ligno non præparato & aëre non potest elici Musica, sic nec ex ingenio apum potest elici ars textoria, nec ex ingenio aranearum potest elici ars melificatoria; postquam autem ingenia horum animalium Deus instar organorum diversorum sic disposuit, sit, ut accedente influxu spirituum per sensus organa animentur, & resultet actualis idea ac cognitio objecti. Ita etiam Deus

hominis ingenium sic disposuit circa aliquas veritates, quæ ad directionem humanarum actionum in ordine ad finem suum inprimis necessariæ sunt, & quæ alias aut nullo omnino, aut non nisi longo ratiocinio inveniri possent. Tales veritates sunt, dari Deum, dari legislatorem, dari Providentiam; dari corpus & mundum, dari poenam & præmium humanarum actionum; dari alteram vitam, dari spiritus Deo inferiores, qui prodesse aut nocere possint. Hæc & similes aliæ veritates non possunt esse ex terminis cognitæ tam evidenter, sicut hæc, quod ter & quatuor faciant septem; interim tamen humana ingenia sic disposita sunt, ut quamprimum excitantur in nobis horum objectorum ideæ, simul sentiat animus ex parte objecti evidentiam, & ex parte suæ voluntatis ac mentis inclinationem rapientem, quæ sine hæsitatione ruere faciant intellectum ad iudicium, quo judicet, eas veritates certas esse. Non igitur circa omnia axiomata aut circa omnia principia lumine naturæ nota requiritur talis principiorum specialis habitus. *his duo esse quatuor; idem non posse simul esse & non esse &c.* sunt veritates, quæ ex comparatione idearum inter se cuius manifestæ sunt, nec circa has requiritur specialis præparatio potentia intellectivæ, sed sufficit habitus intellectivus & generale lumen intellectus à natura provisum in suis causis, ut objecta videri & inter se comparari possint. Sed si habeam ideam meæ mentis, & ideam Angeli, & ideam mundi, & ideam Dei legislatoris, non statim ex ipsis horum objectorum ideis, earumque obvia comparatione inter se liquet, quod existant. Indigemus ergo doctore interno, & revelatione Dei, qui intus in animo dicat: *Ista existunt*, per quid autem ista dicit Deus? *per evidentiam objecti, & propensionem mentis.* Sicut enim circa multa objecta v. g. an *Roma existat*, de facto non hæsitamus ob solam evidentiam in memoria relictam, etiam si non sciamus, nec recordemur, unde & ex quibus hominibus aut documentis hanc veritatem acceperimus, ita ubi animus reperit talem evidentiam veritatis, quamvis alias contingentis, nec versantis intra terminos necessarios, sine hæsitatione assensum addicit. Quod si Deus apibus, araneis, & cunctis animantibus tales habitus imprimit, cur non & homini circa principia humanarum actionum, & fundamenta Religionis? ita certe possibile est; ita certe congruum est; ita sentiunt populi, docti & indocti, ac quod præcipuum est, ita sentiunt amici Dei, qui suis subin, intus loquitur, quia datur Providentia; nec denique in opposita sententia ulla datur ratio, cur circa tales veritates primas contingentes omnes homines uniformiter idem ferant iudicium v. g. *quod detur mundus & corpora.* quod timeant omnes in secreto cordis Deum vindicem &c. Itaque non est, quod miremur hanc novam sapientiam Lockii ex Anglia prope Hyberniam,  
Cccc non.



nonnisi luxuriantem in floribus, nunquam lento profectum maturefcentem in fructus.

Cap. III. Hic conatur ostendere: *Nulla principia practica nobis naturaliter insita esse.* Principia practica vocat v. g. *Quod tibi non vis fieri, alteri ne feceris, virtutem esse colendam; pacis esse stantem.* &c. Rationes copiosius sunt. 1. Quia nulla sentitur in intellectu vehemens inclinatio ad talia iudicia, sicut tantum in voluntate sentitur vehemens appetitio boni. 2. Quia hæc ipsa principia primùm probari debent intellectui minus perspicaci. 3. Quia multi ista principia sine mentis inquisitum negligunt. 4. Quia plerique homines tantum ex motivo utilitatis, non ex motivo virtutis agunt, quod non fieret, si studium virtutis esset innatum. 5. Quia multæ gentes sine omni scrupulo contra principia, quæ dicuntur luminis naturæ nota agunt, v. g. comedendo homines, occidendo filios pro arbitrio parentum. 6. Quia omnia illa principia practica quæ deberent esse congenita, assignari non possunt, nec enumerari. 7. Quia ea principia per contrariam educationem in pravis hominibus extinguere possunt; ergo etiam per eandem educationem possunt ingenerari hominibus, ut non sit necesse recurrere ad naturam. 8. Quia possunt ostendi aliæ causæ omnium talium dictaminum, quamvis non sint à natura indita. Hæc omnia prolixa garrulitate diducit Lockius.

*Crisi.* Verum quàm felicior fuisset Lockius, si tantum ingenui conatum adhibuisset pro intelligenda veritate, quàm fulcienda recepta semel falsitate; videamus tranquille omnia. Ajo veritates quasdam, quarum notitia ex æstimatione Dei homini imprimis necessaria est, ut recte dirigatur ad finem suum, si ex terminis ac sine longis aut sine incertis ratiociniis à quovis homine sciri non possunt, debuisse à Deo demonstrari homini per quandam internam ostensionem ac visionem, sicut & apibus interius demonstratur artificium mellificandi, araneis artificium texendi. Dari tales veritates, evidens est consideranti. Quis enim ex ipsis terminis sciat, *dari mundum, dari Solem?* sit enim, quod in Meridie & Solem videam, & mundum tanquam, unde mihi ex terminis constare poterit, non falli sensus, aut certe illud? si igitur ante omne ratiocinium datur quædam evidentia mentis, in qua non affirmamus tantopere, quàm intuemur hanc veritatem, & ea evidentia non habetur ex ipsis terminis, clarum est, hanc evidentiam esse à natura, seu potius Authore naturæ Deo, idque per habitum menti congenitum. Jam verò, dum in luce meridiana iudico dari Solem, & mundum, non sentio tam violentam passionem ac inclinationem ad id iudicandum sicut aliquam sentio ad objecta voluntatis; ergo ad dictamina intellectus congenita non requiruntur illi violenti impetus. Intellectus videt, indiget ergo lumine & evidentia, non impetu. Voluntas movetur, nec eget lumine, sed impetu & inclinatione, ridicula ergo est prima Lockii ratio qua asserit, ideo talia principia practica nobis innata non esse, quia non inclinant vio-

lenter aut fortiter. Quasi verò & oculus non videat naturaliter objecta contingentia, cum fide promptissima de eorum existentia, quod non sentiat similem, aut auris, æris undulantis impetum. Rursum constat, hanc ipsam veritatem, quod existat mundus, à Scepticis, ab alleclis Melissi & Protagoræ apud Platonem omnia confundentibus in unum ens, & à Atheis, Spinosæ discipulis in controversiam vocatam, imò & negatam esse; igitur & probari hæc veritas debuit à Platone, à Cartesio, & Philosophis. Igitur sunt aliqui qui sine timidine credunt oppositum, quoniam propterea sequatur hanc veritatem contingentem, quod datur mundus, non pure ex dictamine naturæ & interna revelatione Dei, ut sic dicam, notam esse. Nempe aliud est, quod tales veritates possint longis viarum per ratiocinia ambagibus inquiri, aliud est, quod Deus parcat longo, atque incerto itinere, prævidet enim Moderator rerum optimus, nec omnes per demonstrationis viam ad tanta tamque necessitaria veritatum culmina eluctaturos, nec eos etiam, qui eo pervenerint, firmo pede inventis sero bonis posse insistere; scientia, quæ in indoctis est, timida est, & quæ post longam inquisitionem & occasionum frustra præterfluentium tergum venit, sera est. Decuit loqui Deum, & intus docere via brevissima, quæ scire certissimè, ac citissimè deceret hominem. Non ergo secunda Lockii ratio quidquam detrahit luminibus naturæ.

In argumento 3. 4. 5. 7. id agere videtur, ut doceat, dictamina illa naturæ suppressi posse, quod non contingeret, si essent impressa à Deo. Hic iterum Lockius non intelligit eam, quam impugnatur, sententiam, nec naturam dictaminum naturæ. Dicebam prius, ea naturæ principia nec consistere in actuali cognitione, nec in actualibus objecti ideis, sed in præparatione potentia intellectiva quasi organica, qualis est in apibus, & araneis & aliis quibusvis ad sua particularia objecta animalibus. Itaque ad actualem eorum dictaminum cognitionem, qua mediante dirigunt, duo requiruntur; unum est, ut excitentur ideæ, alterum est actualis ad ideas semel emotas attentio. Excitatio idearum dependet ab occasionibus homini per se obviis, sicut excitatio idearum in apibus & araneis ab objectis, & occasionibus animali obviis oritur, sed in homine ob libertatem sibi inditam hoc ipsum, quod in animalibus secundum naturæ ordinem contingens est, liberum est, nempe actualis ad eas occasiones, in quibus oriuntur ideæ fini humano congruæ, & ad objecta conversio. Quid igitur mirum est, si in hominibus videri extincta possint naturæ dictamina, dum malitia gentis, aut propria perversio avocat ab objectis, congruas ideas germinantibus, aut attentionem ab ideis etiam excitatis subin tanta occasionum copia ad alias idearum inanum turnas distrahit? quid mirum, si sic continuata actuum perversorum serie ipsa naturalis à Deo congenita ad verum dispositio in organis potentialium desiccetur, obstruatur, & instar viarum antiquarum nec tritarum, nec reparatarum collabentibus undique parietibus



bus vicinorum montium, usum omnem postea etiam redire volenti deneget? non oriuntur amplius in solotam sterili & inculto idearum fertiles segetes; & fioriantur pauculae spicae, renuit ad eas colligendas abire attentio, sueta coherere ad alia objecta. An non fieri posse credimus, ipsum, quod in apibus, & araneis Deus intrus erexit organum, simili ratione destrui posse, si gauderent humana libertate animantia? an non possent mentem convertere ad alia objecta, & occasiones idearum minime suo fini congruas? an non attentionem avocare possent ab ipsismet ideis mellificatoriis aut textoriis? an non tandem & luto & pulvere & tineis sic corrumpi posset organum, ut nihil ab ipsis perciperetur pristino artis, aut plane exiguum? possibilem ergo corruptionem, ostendi; factam esse, quae possibilis est, experientia demonstrat. Nec sequitur, quod si humana malitia destruere possit organum ac opus Dei, etiam illud erigere potuerit humana sapientia, potest incendi civitas, non similis aedificari ab incendiario; potest horologium corrumpi, sed non nisi ab artifice construitur; vita adimi potest, dari non potest; calor vitalis obrui potest, & extingui, inferi non potest, nisi à natura, & manu Dei. Idem ergo & impios, & gentes barbaras, quae & suas & suorum posterorum mentes averterunt à fonte luminis, ut nec discant alieno magisterio depravata ingenia, quae integra vident nato in lumine.

Octavo Lockii ratio erat, quia aliae ostendi possunt omnium eorum dictaminum, quae naturae tribuuntur, causae. *Contingere*, inquit, *potest, ut dogmata, quae non ab alia origine quam inani nutricis Religione aut anili superstitione fluxerunt, progressu temporis habitis vicinorum assensionibus in principiorum dignitatem amplissimam in re Religionis & morum recipiantur. Illi etenim, quibus pueros recte instituere cura est, puerorum animos incautos & nullis adhuc praediciis opinionum imbutos, iis, quas credi & retineri volunt, doctrinis imbuunt. His ita instillatis, quamprimum vis rationis lucere incipit, & postea cum adolescit ratio, per illorum omnium, quibuscum assuescunt, aut sermones apertos aut assensiones tacitas confirmatis, evenit, ut indubitatarum & ingenitarum veritatum nomen adipiscantur.* Haec vero anilia Lockius pueris, quos in suo tractaculo de *l'education des enfans* instituendos suscipit, non viris occinat. Itane enim virum persuadeat, has veritates, quod datur mundus, quod internarum etiam actionum vindex, ac vita post hanc altera speranda aut metuenda sit, nos didicisse à nutricibus? unde verò contigit primas nutrices suam hausisse scientiam? cur tanta universim omnium ad eadem principia honestatis conformitas? aut si haec videantur levia, respondeat. Lockius, unde infans instituendus sciat, dari mundum, & nutrices, à quibus doctrinam recipit? an hoc forte dicet, infantibus esse evidens? subsistat paululum, non dimittam, nisi saniora respondeat. Quid est hoc, quod responderet; *Infanti videri evidens, dari mundum & homines?* quid est haec evidentia? unde est infanti haec evidentia? & unde infans scit, se debere sequi evidentiam? &

R. D. Euseb. Amort. Philosophia.

unde infans novit distinguere evidentiam spuriam à fida & sine fucō candida? quid est, inquam, haec evidentia? estne agnitio veritatis evidētis ex terminis, sicut dum dico, bis duo esse quatuor? estne ergo ex terminis notum, quidquid obversatur menti, statim dari extra mentem? estne. De ipsa idea mundi & hominum ipsa eorundem extra mentem existentia? consistitne haec veritas in ipsa habitudine terminorum ad invicem, sicut dum dico, *bis duo sunt quatuor; idem non potest simul esse & non esse, omne triangulum habet tres angulos aequales duobus rectis?* Non profecto, si recte sapimus; sed sunt veritates contingentes, *quod datur mundus, & quod dantur homines.* Harum veritatum evidentia est agnitio veritatis contingentis, qua credimus firmissimè, sine ratiocinio, sine hæsitatione, illud esse verum, quod posset se aliter habere. Si ergo infans ob hanc evidentiam credit *dari mundum, & dari homines*, inquiramus, unde sit infanti haec evidentia? haud dubiè à Deo est. Sed scitne infans, hanc evidentiam esse à Deo? an ratiocinatur, ut ratiocinatur Cartesius, Deum non posse fallere, adeoque se ab hac evidentia non posse decipi? si non ratiocinatur; dantur ergo dictamina à Deo indita circa nonnullas veritates, quae non habentur ab institutione, nec à ratiocinio. Si verò ratiocinatur, eo ipso cognoscit, hanc evidentiam sibi ante suum ratiocinium inditam. Dantur ergo iterum dictamina Dei, & dictamina naturae, priora ad omnem humanam industriam, & priora ad omne hominis ratiocinium, quibus inclinamur ad credendas aliquas veritates contingentes, homini ad finem suum consequendum necessarias. Q. E. D. Restat, ut jam indicemus Lockio illa principia à Deo indita, quasi totidem revelationes internas Dei, homini tamen connaturales, quia debitas; dico: esse ad minimum sequentes quatuor. 1. Dari Deum, bonorum remuneratorem, malorum vindicem. 2. Dari vitam alteram. 3. Virtutem colendam esse. 4. Dari Religionem revelatam ac determinatam à Deo in specie infima. Extinguat hoc sibi ultimum lumen haëticus, miseret me infantiæ, negantis jugum Dei providentiam, & in tanta claritate divinorum operum somniantis per tot annorum sæcula dormisse Deum.

Cap. IV. Idem argumentum prosequitur; repetenteadem, eadem respondemus. nec enim rationes eò, quod diductiores sint, sunt propterea solidiores.

L. II. Cap. I. Probat omnes Ideas oriri ex sensationibus & reflexione ad sensationes; nec animam cogitare semper etiam noctu, quando homo dormit.

Cap. II. & III. De Ideis simplicibus.

Cap. IV. De Idea soliditatis. Hic confundit ideam soliditatis cum idea corporis impenetrabilis. *Demonstrare* inquit, *me puto, nos puram ideam spatii absque soliditate habere. Idea soliditatis est ipsa idea corporis, per quam spatium illud replere concipimus. Si corpora omnia, quae in mundo sunt, aquae guttulam undique premerent, obfistentiam ejus haud exuperarent.*



perarent, atque hinc patet soliditatis ideam non solum à puro spatio, quod neque renitentia, neque motus capax est, verum à vulgari etiam idea durities distingui.

*Crisp.* Quam misera demonstratio! si non probat intentum, infirma est. Si probat, contra ipsa Lockii principia invincibiliter fortis est. si enim alia est idea spatii, respondeat, qualis sit hæc ipsa idea spatii? an forte est idea cujusdam extensionis indefinitæ, quæ, ut vult Lockius, non resistit corporibus, sed intra se recipit corpora? ita sanè loquitur & sentit Lockius. Sed quæso, si datur idea talis extensionis, an Deus non poterit condere rem huic ideæ simillimam? si enim datur idea, cur non sit possibile ideatum aliquid? non enim datur idea nihili; nullius entis, seu nihili, nulla est proprietas, adeoque nec similitudo, nec imago, nec idea. Quod si verò Deus condere possit rem, ideæ spatii, simillimam, quomodo eam rem vocaret Lockius? *spatium* fortè. Quid autem, si nos illam rem vocaremus *extensionem*, an aliud diceremus, dum idem concipimus? nemo id dixerit. Liceat ergo rem illam vocare *extensionem*, & quid porro sequatur, videamus. Si est aliquid extensio, & si ea extensio recipit corpora, an ipsa corpora non habent aliquam extensionem? an non ipsa corpora sunt aliqua extensio? si guttula aquæ aliud est, quàm illa extensio spatii, an guttula aquæ non habet intra limites & intra corticem suæ substantiæ aliquam extensionem? si nullam habet, ergo est aliqua bullula intus vacua omni corpore, quod est insipientis cogitare. Si autem guttula aquæ aut aliud quodvis corpus est sua extensio? Ergo extensio recipitur in extensione; extensio corporis recipitur in extensione spatii, quæ duæ extensiones in hoc solo differunt, quod extensio spatii non repellat extensionem aliorum corporum; extensio autem corporum repellat extensionem aliorum corporum. Cur autem hæc extensio habet vim repellendi, & non illa? aut cur necesse sit, fingere duas extensiones, si idea extensionis potest recipere aut abicere vim repellendorum corporum? aut cur impossibile sit, ut ipsa extensio spatii aliquando repellat corpora, aliquando Deo jubente non repellat corpora? aut cur impossibile sit, ut eadem extensio aliquando induat hanc figuram, aliquando aliam? vel ut eadem extensio in uno casu constanter ac fortiter retineat suam figuram, in alio casu eandem accommodet corporibus ambientibus? si hæc concipi possunt, si habemus claram ideam, cur Deus non potuerit sic creare mundum? si sic potuit, quæ alia idea facilius, quæ naturalior est, ut dicamus Deum, alio modo creasse mundum? si ergo hoc modo creavit mundum, quæ rebus imponenda erunt convenienter nomina? an non licet, extensionem indefinitam vocare materiam primam? an non licet figuram, & dimensiones extensionis vocare accidentia? an non licet extensionem ut sic vestitam dimensionibus vocare corpus? ridiculum ergo est, ideam soliditatis confundere cum idea corporis, & ponere aliam ideam extensionis, in qua recipiatur, cum eadem extensio possit induere omnes habitus corporum, & secundum quidem leges naturæ ordinarias sua superficie solidissime repellere alia corpora; per dispensationem autem

Legislatoris relicta suâ soliditate compenetrari, & intra sese insuper recipere alia corpora.

Cap. V. VI. VII. VIII. agit in specie de variis ideis simplicibus, de idea lucis, colorum, soni, doloris, voluptatis &c. quas omnes credit tantum dari in anima, nec iis reperiri aliquid simile à parte rei,

Cap. IX. X. XI. agit de perceptione seu apprehensione, memoria, & judicio comparativo unius cum alio.

Cap. XII. De ideis complexis.

Cap. XIII. De idea spatii. Dicit spatium esse extensionem indefinitam, quæ ultra mundum in spatia imaginaria in immensum porrigitur. de hoc diximus supra.

Cap. XIV. XV. XVI. XVII. XVIII. XIX. XX. De variis ideis modorum, durationis, expansionis, numeri, infinitatis, motus, soni, saporis, voluptatis, doloris, iræ, odii, & affectuum animi. Quam verò ordinatius & commodius ista tractantur in Physica, ubi vel agitur de decem prædicamentis, vel ubi agitur de proprietatibus corporum naturalium.

Cap. XXI. De Potentia. Admittit Lockius nos habere ideam distinctam potentia. *Nostra*, inquit, *potentia idea*, inter alias ideas simplices merito recenseri debet, cum una sit e præcipuis illarum, è quibus complexa nostra substantiarum idea constatur. Hucusque bene. Sed paulò dein addit, tantum dari duas potentias, *potentiam cogitandi*, & *potentiam movendi*, hæcque duas activas potentias solum reperiri in anima, in corporibus enim solum reperiri potentiam passivam, ut possint moveri, non potentiam activam movendi. Cum potentia, inquit, omnis referatur ad actionem, & duo tantum generantur actionum, quorum ideam aliquam habemus, cogitatio nempe & motus, reputemus, unde oriuntur ideæ clarissima potentiarum, quæ actiones istas producunt, cogitationis nullam omnino ideam nobis corpus suppeditat, nec principii motus ideam aliquam à corpore haurimus. Corpus quiescens nullam nobis ideam præbet activæ cujusvis potentia movendi; & quando movetur, motus iste passio verius dicitur, quàm actio. Sic ille, crassissimo errore corporibus vim activam denegans. Si rationem requiras, dicit, in corpore quiescente nullam ideam potentia activæ reperi. Quamvis nec istud certum sit, cum corpora gravia videantur à seipsis ad terram ab intrinseco moveri; ne tamen dubia sumamus principia in re certissima, videamus, quam crasso ingenio Lockius cum Neotericis circa rerum naturam discurrat. Corpus, inquit, semel quiescens non movet seipsum, ergo non habet potentiam activam movendi. Nemo non videt, hic à Lockio considerari molem corporum naturalium, totamque Massam omnium partium, quæ ob pondus totius sese ipsam de loco in alium locum transferre non potest. Hæc, inquam, consideratio nimium crassa est, quàm ut sit digna Philosopho. Nec enim in præsentia quæritur præcipue, an corpora ab intrinseco habeant potentiam, ut totam molem sui corporis in alium locum transferant, sed hoc imprimis quæritur, an in corporibus reperiantur potentia ac vis, mutandi texturam suam, ac



motum suarum partium. Si tota textura internarum partium mutetur, vocant nostri Philosophi hunc motum *motum generationis* aut corruptionis. Si addantur ordinato incremento novæ partes vocatur *motus augmentationis*; & si intestinæ partes non tamen præcipuæ abeant aut accedant, aut mutantur, vocatur *motus alterationis*. De his motibus partium, non de motu totius præcipua quæstio est, an principium ac potentia movendi sit in ipsis corporibus, dico, certum & evidens esse, hoc principium esse in corporibus. sit enim v. g. granum tritici, aut granulum pomi projectum in terram; putrescat & corrumpatur dissolutione internarum partium. Accedat pluvia, & calor; germinabit granulum in spicam, aut arborem. Jam si quis consideret tot milliones novarum partium, quæ accedunt granulo, donec maturescat in spicam aut arborem, videbit tot milliones novarum obtinere situm ordinatissimum, & suam duritiem aut molitiem; & obtineri semper effectum speciei simillimum; & hanc similitudinem obtineri in toto mundo uniformiter, quis adeo delipiat, ut credat hos omnes motus propè infinitos minimarum naturæ partium aut casu fieri ex concursu elementorum, aut contingenter ex granulorum modulis prodire tantos ac uniformes effectus, aut solum Deum sine Mechanismo operari ista omnia? restat ergo, impressum esse seminibus ordinem quendam, secundum quem progressionem quadam continua nobis incognita necesse sit progredi motum minimarum partium, quæ dum emoveantur à causis generalibus nempe ab æthere ac subtili materia, tamen non diriguntur nisi ab ordine activo corporum. Hæc est idea activæ in corporibus potentia, dum unum sequitur ad alterum secundum leges motuum non generales sed específicas corporum. Si Lockius prius examinasset, quid sit potentia cogitandi aut movendi in anima, non eam negasset in corpore. Potentia movendi in anima est ordo animæ ad motum; & potentia movendi in corpore est etiam ordo corporis ad motum. Ordo semper manet sibi similis, sive reperiatur in anima, sive reperiatur in corpore; si illius clara idea habetur, in quantum reperitur in anima, habetur etiam clara idea, prout reperitur in corpore; nec ulla est Deo difficultas, sic conjungendi objecta idearum inter se in rebus ipsis, sicut conjunguntur ideæ inter se in mente. possum in meo mente conjungere ideam muri, & ideam albedinis; poterit & Deus extra mentem conjungere aurum & albedinem; pari modo, si ideam ordinis ad aliud seu ideam potentia possum abstrahere ab anima, cum qua conjungitur; eamque conjungere cum idea corporis, poterit & Deus conjungere ipsam potentiam seu ordinem ad corpus; non quidem potentiam cogitandi seu ordinem ad cogitationes, quia si id Deus faceret, substantia talis extensa habens ordinem ad cogitationes non amplius vocaretur à nobis corpus sed anima; sed potest cum corpore conjungere potentiam seu ordinem ad motum, quia facta tali compositione adhuc manet idea ac denominatio corporis.

Cap. XXII. de Modis mixtis. Modos entium mixtos vocat, quorum ideæ sunt complexæ constantes pluribus ideis; sic ebrietas, mendacium

&c. multas involvit ideas simplices, v. g. vini, animi actionum. &c.

Cap. XXIII. De Idea substantiæ.

Rectè Varro de Lingua Lat. L. 6. *In bona segere neque nullum est spicum nequam, neque in mala non aliquod bonum.* Sed de Lockianis ideis vix una à contagione errorum evalit idea substantiæ non felicius prioribus cessit. sic habet; „Cum mens „magna idearum simplicium multitudine instruitur, „ita animadvertat, certum istarum idearum simplicium numerum constanter conjungi, in unum „subjectum comprehensæ uno nomine *substantia* „appellatur. adeo ut si quis examinare velit, „quam notionem habeat substantiæ in genere, „videbit se non aliam hujus habere ideam, quam „suppositionem nescio cujus sustentaculi qualitatum. Hinc dum cogitamus de particulari quavis substantia corporea v. g. equo, lapide &c. „utriusque idea nihil aliud est, quam collectio „variarum istarum idearum simplicium sensibilibus „lium qualitatum, quas solemus reperire in equo „aut lapide. Quoniam verò nequimus eas concipere, ut existentes per se, supponimus eas in „aliquo communi subjecto inherere, & ab eo sustineri. subjectum illud per vocem *substantia* „denotamus, etsi certissimum sit nos sustentaculum illius nullam habere claram ideam. Pleraque „autem ideæ simplices, quæ complexam nostram „substantiarum ideam conficiunt, ritè examinatæ „potentiæ tantummodò sunt, utcunque pro qualitatibus positivis à nobis sumantur, v. g. maxima pars idearum, è quibus auri idea conficitur, sunt flavedo, magnum pondus, ductilitas, „fusilitas, solubilitas in aqua regia &c. Hæc „omnes autem ideæ tantum dicunt aptitudinem „ad operandum diversimodè in alias substantias, „& ad illarum vicissim operationes recipiendas. Ita Lockius, eodem modo de Spiritibus & Deo discurrens, quos & ipsos per complexionem quarundam idearum, v. g. entis, cogitationis, potentia &c. comprehendimus. Duplex in hac idea substantiæ Lockianæ est error; primò, quod collectionem talium qualitatum dicat esse ipsam ideam substantiæ, saltem partialiter. Secundò, quod sustentaculum talium qualitatum dicat nulla clara idea concipi posse. Nemo est, qui concipiendo equum dicat colorem equi esse ipsam substantiam equi. Aliud ergo est, quod idea substantiæ sit conjuncta cum idea talium qualitatum, aliud est, quod idea substantiæ sit ipsum complexum talium qualitatum. Possum habere ideam Petri gladiati, & palliati, sed alia est idea Petri, alia idea complexa gladii & pallii. Itaque solum quæstio est, quidnam concipiamus, dum intelligimus ipsam substantiam. Admisit prius Lockius nos habere claram ideam spatii seu extensionis. Admisit etiam, nos habere claram ideam potentia; conjungat ista duo simul, & habebit ideam substantiæ. sumat v. g. extensionem minimarum partium in granulo frumenti, aut pomi. His partibus superaddat potentiam germinandi, & producendi aliquid simile arbori, aut spico; & habebit ideam de substantia granuli. Porro si potentiam illam germinandi vellet in plures ideas dividere, nempe in potentiam producendi arborem, in potentiam produ-



cendi folia, in potentiam producendi flores, in potentiam producendi fructus, in potentiam producendi effectus medicos, aut alios mirabiles, nihil aliud re ipsa intelligit, quàm vim inlitam dirigendi ordine certo quoad motum partes minimas, & quidem vis illa conjuncta est cum ipsa textura ordine, ac proportionem partium. Hæc est idea substantiæ possibilis, & quia est conformis sensui omnium hominum, præsumendum est, eam visam & agnitam esse in lumine menti insito, sine ullo ratiocinio. Revera plura à mente videntur, quàm discuntur ratione. Visio illa ple-

rumque verior est, quàm subtilitates non solidæ Philosophorum superficialium; & postquam talia juvenilia ingenia profundius inspexerunt, ad sensum tandem communem redire coguntur. Hoc contingit in Politicis, æconomicis, & humanis negotiis, vident florida ingenia aliqua, quæ videntur nova & meliora; re tandem inspecta per experientiam, aut longiorem indaginem, agnoscunt sensum communem sapientum vidisse meliora.

Injuriam Lectori facerem, si longiorem in recensendis viri, ut apparet, ex principiis distorti opinionibus navarem operam.

## SECTIO VI.

### *De Logica Protestantium v. g. Claubergii, Clerici, Budei, Croufazii, Titii, Wolfii &c.*

**P**rimi Protestantium plerumque secuti sunt Dialecticam Petri Rami, & Melanchtonis. Utraque ferè nihil aliud continet, quàm brevissimam Syllogismi & locorum topicorum notitiam, qualis in nostro Cypriano traditur jam in Rhetorica. Prodiit tandem circa medium præteriti sæculi in Hollandia Claubergius, qui *Logicam contractam*, seu Compendium Logicæ edidit. Hoc sæculo ineunte in Hollandia Clericus, in Saxonia Budeus, in Helvetia Croufazius, in Brandeburgensi & Hesselensi Wolfius suas quoque Logicas communicarunt. Videamus quas merces ferant.

*Claubergius* in sua Logica Contracta agit. 1. De Prædicamentis. 2. De Locis topicis. 3. De divisione & definitione. 4. De propositione. 5. De Syllogismo. 6. De memoria. 7. De didactica, dialectica, ordine, & fallaciis. In 1. 2. 3. 4. 5. 7. parte nil habet, quod non passim reperias in nostris Logicis Peripateticis longè perfectiùs. In 6. parte de memoria hæc habet. 1. Satiùs est, ut quis ea duntaxat memoriæ mandet, quæ ipse intellexit prius, ipse vera agnovit, quàm alius. 2. Memoriæ officia sunt tria 1. Objecta fortiter imprimere. 2. impressa firmiter retinere. 3. Retenta promptè reddere. 3. Imprimi facilius poterunt, si res addiscendæ claræ, perspicuæ, & ordinatæ sunt. 2. Si mens ad eas attentata nullis aliis cogitationibus turbetur. 3. Magis imprimuntur, quæ viva haurimus voce, quàm quæ tantummodo leguntur, vel meditando inveniuntur. Addere potuisset *Claubergius*, 4. Ea omnium fortissimè imprimi, quæ viva voce hauriuntur ex ore virorum, qui in summa autoritate constituuntur, qui æstimantur, qui amantur, qui gravissimè, ac magna confidentia rem proponunt, qui & eloquenter rem proponunt, qui doctrinam acuto ac memorabili dicto, aut viva sententia comprehendunt, qui alligant veritatem exemplo aut paritati in phantasia vivacissimo, qui audiuntur cum magna expectatione, qui audiuntur cum magna frequentia & admiratione populi, qui audiuntur cum magno apparatu, qui audiuntur circa objecta excitantia majorem strepitum, hæc, in-

quam, addere potuisset Claubergius, & ipsa digna memoriâ, ex hoc enim refellitur eorum imprudentia, qui aut studia privata publicis æquiparant, aut Missionariorum conciones non æstimant, eò quod nil aliud doceatur in universitatibus aut studiis publicis, quàm privatis, nec aliud dicatur à Missionariis, quàm quod dicitur perpetuò à parochis, quamvis enim non dicatur aliud, dicitur tamen majore apparatu, & majore auditur expectatione, & actione vehementiore, & ideo imprimuntur fortius. Sed pergar Claubergius. 5. *Retinebis* inquit, fidelius 1. si crebro rem eandem repetas. 2. si ignotum ad simile quoddam notum. 3. si multa ad pauca. 4. si anomala ad regulas quantum fieri potest reducere coneris, v. g. in studio linguarum, quod maximè memoriâ requirit, verba omnia ad certas quasdam radices, seu prima themata; quæ respectu derivatorum & compositorum pauca sunt, referuntur, tum ignota vocabula cum aliis notioribus comparantur, v. g. Græca & Latina cum vernaculis comparantur, *si qua Thûr. u. s. Maus.* Sic latini Recentiores Grammatici multa ostendunt esse regularia, quæ aliis olim visa sunt anomala; quæ autem regulis conformia sunt; facilius memoriâ retinentur, quàm quæ propter singularem quandam proprietatem à regulis excipiuntur. Prodest quoque ad rem fidelius memoriâ continendam, si ligatæ orationis metro adstringatur. In lectione librorum impressionis ac retentionis subsidia sunt, si observatu dignissima aliis typis exprimantur vel ductis lineolis, vel asteriscis in margine positis notentur. Item si proluxior tractatio in Epitomen & summam contrahatur, aut in tabulas per divisiones & subdivisiones præcipuas redigatur. 6. *Redditio* promptior fit sæpe iteratis memoriter recitandi, perorandi, differendi exercitiis, quam obrem hæc in Scholis frequentari debent. Huc addi posset, quod à viro docto ac pio accepi. Dicebat mihi, se, dum adhuc erat junior, potuisse reddere sexaginta aut septuaginta nomina propria hominum, eo prorsus ordine, quo sibi una vel altera vice prælegebantur, aut recitabantur. Artificium consistit in eo, ut prius quis sibi formet distinctam ideam alicujus ædificii



v. g. templi, aut palatii, aut plurium, & in iistor sibi repræsentet vel columnas, vel altaria, vel capellas, vel cubicula, quot recitari nomina vult. Postquam ergo sibi distinctissimam formavit ideam talium v. g. sexaginta altarium, vel cubiculorum, tunc jubet, ut alter sibi pronuntiet primum nomen; sit v. g. illud nomen. *Petrus*. itaque Petrum collocat in primo cubiculo, & in hoc cubiculo fingit sibi varias actiones Petri, varias imagines referentes historiam Petri, varia monumenta aut inscriptiones habentes relationem ad aliquem Petrum sibi notum; vel cogitat de vario hujus cubiculi pro aliquo Petro sibi moto. Sic ergo fit, ut in memoria commisceantur & conjungantur idea cubiculi apparatus & idea Petri, adeoque non possit excitari idea primi cubiculi, quin simul excitetur idea Petri. Postquam sic primum nomen cum idea primi cubiculi commiscuit, & aliquantulum quievit, jubet sibi recitari secundum nomen; hoc iterum eadem methodo commiscet cum idea secundi cubiculi; sic pergit ad tertium, quartum, & sexagesimum nomen; & completa operatione redit ad sua cubicula jam prius in memoria ordinatim disposita; aperit primum, & in eo ob idearum commixtionem reperit Petrum, in secundo Simonem, in tertio Carolum, donec omnia prorsus cubicula lustrando singula nomina invenerit, & reddiderit. Hæc Claubergio addere volui, ut dum hæretici suam pauperiem communicant, non ingrati par pari referamus, curiosa nempe hominibus curiosis, temper aliquid novi, Atheniensium more, nil unquam solidi & antiqui requirentibus.

*Joannes Clericus*, hæreticus Ecclesiæ Remonstrantium seu Arminianorum in Hollandia, Philosophiam suam prima vice edidit 1694. quæ Lipsiæ 1710. recusa est. Præminator novæ editionis in præfatione dicit; vestigia Philosophiæ à Clerico traditæ secutum esse Buddeum in suis Institutionibus Philosophiæ Ecclesiæ, sic tamen, ut Clerici opera Philosophicæ Commentarii uberioris in Philosophiam Buddeanæ, quæ nunc, inquit, in *Academiis & Scholis passim apud nos Germanos* (hæreticos) *traditur*, vicem obtinere à multis censeantur.

In Logica Clericus agit. 1. De Ideis. 2. De propositione. 3. De Methodo. 4. De Argumentatione. His subnectit dissertationem de *argumento Theologico ab invidia ducto*. In 1. 2. 3. 4. parte id tantum agit, ut vel describat, vel explicet Arnaldum, cujus Artem cogitandi supra exhibui. Itaque de solo *Argumento ab invidia ducto*, quod novum Clericus de suo protulit, agamus. Ostendam autem, nihil minus quam *argumentum ab invidia ductum* esse aut vocari posse, quod Clericus tam infami nomine prostituit. Argumentum enim illud vel potest prodire ex zelo, vel ex invidia; iniquum ergo est, huic argumento tam infamem inurere notam, & quasi fronti inscribere characterem infamiæ, ut quisquis eo argumento usus fuerit, habeatur pro fabro conflandæ invidiæ. Non propterea gladius, si frequenter furori ministrat arma, debet propterea vocari instrumentum infamiæ; est etiam gladius Gedeonis, gladius zeli, cui inscribas nomen justitiæ; quod, ut sentiant, qui adversus Romanam Ecclesiam distenduntur invidia, Clericum proprio ense confodimus. Ipsissima enim exempla, quibus

utitur tanquam profectis ab invidia, ostendam merito librata esse à justis zeli prudentia.

*Primum exemplum.* Primo, inquit Clericus, conflatur invidia *falsa interpretatione sententiæ*, quæ infamanda suscipitur. Sic Hieronymus imperitorum odium in Vigilantium incendit, clamitando, „ cum os fœtidum aperire, & putorem spurcissimum contra Sanctorum Martyrum proferre Renerarios, & eos, qui eas suspiciunt, appellare odinum ossa venerarentur; eum contra Martyrum sanguinem dimicare, contra Apostolos perionare, imo instar rabidi canis latrare contra Christi discipulos.

*Secundo.* Non modò res invidiosæ dicuntur, sed nomina invisa iis imponuntur, quibus plebecula, & qui eam imperitia referunt, sæpe magis offenduntur, quam rebus ipsis. Sic Hieronymo Vigilantius est non modò os fœtidum, sed Samaritanus & Judæus, qui corpora mortuorum pro inmundis habeat.

*Tertio.* Infamanda sententia confertur cum dogmatibus invidiosorum hominum, ut audita collatione omnes cohorrescant, & insurgant in miseros, quasi in reos errorum publico judicio dudum damnatorum. Sic Hieronymus Vigilantii doctrinam confert cum doctrinis hominum dudum infamatorum. „ O portentum, inquit, in terras ultimas deportandum! rides de reliquiis Martyrum, & cum Authore hujus hæreseos Eunomio Ecclesiis Christi calumniam struis; nec tali societate tereris, ut eadem contra nos quæ ille contra Ecclesiam loquitur. — quæ olim appellabatur Caiana hærelis, & multo tempore dormiens vel sepulta nunc à dormitantia suscitata est. Spiritus iste im-mundus, qui hæc te cogit scribere, sæpe hoc vilissimo tortus est pulvere, imò hodieque torquetur, & qui in te plagas dissimulat, in cæteris confiteretur. Nisi forte in morem gentilium impiorum quæ Porphyrii, Eunomii quæ has præstigias demonum esse confingas, & non verè clamare demones, sed sua simulare tormenta.

*Quarto,* ut infametur doctrina, ut qua quispiam ab aliis dissentit, summopere exaggeratur momentum controversiæ etiam levis, quali admissis adversariorum dogmatibus Religio ipsa Christiana in periculo vertaretur, aut convolleretur fidei Christianæ fundamenta. Conantur invidiam inoven-tes, ut Cicero pro Fonteio ait; *Magnitudine rei* sic occupare animos eorum qui audiunt, ut difficilis aditus veritati relinquatur. Ac sanè motis semel aditus veritati relinquatur. Ac sanè motis semel affectibus omnia magna videntur, & quæ ab hominibus nullo affectu præpeditis spernerentur, aut certè levia haberentur delicta, ea quasi gravissima odiis acerrimis premuntur. Sic Hieronymus non parum momentum controversiarum, quas movebat Vigilantius adauxit. Concedamus enim, errasse Vigilantium, an propterea cælum terræ mirandum fuit? an propterea exclamandum erat. „ O præcidendam linguam à Medicis, imò infamum curandum caput, ut qui loqui nesciat, discat aliquando tacere. Ego vidi hoc aliquando portentum & testimoniis scripturarum quasi vinculis Hippocratis voluilligare furiosum. — fatebor tibi dolorem meum; sacrilegium tantum patienter audire non possum.

*Quinto*



*Quintò.* Si contingat, ut ii, qui infamandi suscipiuntur, nolint uti vocibus quibusdam plurimum auctoritate vel usu consecratis, quod eas non intelligant, aut incommodas judicent, ingens conflatur invidia, quasi dogma ipsum rejicerent, quod vocibus illis exprimi solet.

*Sextò.* Cum nihil aptius sit ad leniendam invidiam, quæ in sententiam quampiam accenditur, quàm rationes aut firmæ, aut verisimiles, quibus solet defendi, rationes omnes illæ studiosissime occultantur, quo fit, ut imperiti existiment, eam sententiam in medium esse prolatam aut novarum rerum dumtaxat studio, aut pravo etiam consilio. In hoc 5. & 6. Loco non invenit Clericus exemplum in Hieronymo contra Vigilantium.

*Septimò.* Si quæ sententia defendenda suscipitur contra aliam, in quam movetur invidia, incommoda quibus premitur sententia defendenda, diligenter dissimulantur, dum mirum in modum exaggerantur, quæ adversariis possunt objici. Vigilantius ita allocutus fuerat eos, quos videbat reliquias Martyrum cultu prosequi. Quid necesse est te tanto honore non solum honorare, sed etiam adorare illud nescio quid, quod in modico vasculo transferendo colis. Quid tamen reponit Hieronymus? negat, quod ipse etiam non nesciebat. *Quis, inquit, O insanum caput aliquando Martyres adoravit? quis homines putavit Deum?* Objecebat Vigilantius, propteritum Gentilium videri sub prætextu Religionis introductum, Sole adhuc fulgente moles cereorum accendi. Respondit Hieronymus. *Illud fiebat idolis, & idcirco detestandum est; hæc fit Martyribus & ideo recipiendum est.*

*Octavò.* Cum multa possint invidiam amoliri à sententia, & hominum animos ei conciliare, aut placare, illa alto silentio obvolvuntur, dum contraria omnia multis deducuntur. Hic iterum Clericus non habet novum exemplum ex Hieronymo.

*Nonò.* Ut accendatur invidia, non modo invidiosissime exponuntur ipsa dogmata, sed & consecratoria invidiosa ex iis deducuntur, seu falsa ea sint seu vera? sed nequaquam pro legitimis consecratoriis ab iis, qui oppugnantur, agnoscenda. Sic Hieronymus consecratoria adversus Vigilantium proponens ait: „Ergo Petri & Pauli immundæ sunt reliquæ? ergo Moyli corpusculum immundum erit, quod juxta Hebraicam veritatem ab ipso sepultum est domino? & quotiescunque Apostolorum & Prophetarum & omnium Martyrum Basilicas ingredimur, toties idolorum templa veneramus? accensione antetumulos eorum cerei idololatriæ insignia sunt? plus aliquid dicam, quod redundet in authoris caput, ergo & Domini corpus in sepulchro positum immundum fuit?

*Decimò.* Augetur invidia suspicionibus. Si Hieronymus suspicabatur, aut se suspicari fingebat, Vigilantium non credere immortalitatem animi. „Miror, inquit, quod non dicas, nequaquam perpetiunda Martyria, Deum enim, qui sanguinem hircorum taurorumque non quærat, multo magis hominum non requirere. Quod cum dixeris, immò etsi non dixeris, ita habebis,

„quasi dixeris; qui enim reliquias Martyrum assersis calcandas esse, prohibes sanguinem fundi, qui nullo honore dignus est.

*Undecimò.* Invidia movetur vel augetur objectione novitatis. Hic nullum exemplum ex Hieronymo.

*Duodecimò.* Non levis invidia conflatur sententiæ objectione paucitatis eorum, qui eam teneantur, multitudinis verò oppugnantium. Sic Hieronymus contra Vigilantium. „Omnes Episcopi, non solum sacrilegi, sed & fatui judicandi, qui rem vilissimam & cineres dissolutos in serico & vase aureo portaverunt. Stulti omnium Ecclesiarum populi, qui occurrerunt reliquiis.

*Decimotertio.* Invidia concitatur non solum ipsi sententiæ, aut iis, quæ aliquam affinitatem cum ea habent, sed & alienis multis rebus, quæ tractantur, permixtis, quia sunt apta ad excitandum odium. Sic Hieronymus Vigilantio factum ad causam impertinens exprobrat. „In hac provincia, inquit, cum subitus terræ motus, noctis medio omnes de somno excitasset, tu prudentissimus & sapientissimus mortalium nudus orabas, & referebas nobis Adam & Evam de Paradiso.

*Decimoquarto.* Cum multa fiant in vita, quæ per se nec bona sunt, nec mala, & tamen possunt in deteriore partem accipi, ac interpretationibus malignis premi, invidiæ artifices in adversariis talia avidissime arripiunt, atque in ea omnibus eloquentiæ suæ velis invehuntur. Jejunia & virginitas per se indifferentia sunt; Hieronymus in Vigilantium sic tamen invehitur. „Exortus est, inquit, Vigilantius seu potius Dormitantius, qui immundo spiritu pugnet contra Christi spiritum; „dicit esse continentiam hæresin, pudicitiam libidinis seminarium, in isto Joviniani mens prava surrexit; ille Romanæ Ecclesiæ auctoritate dante, natus inter Phasides aves, & carnes suillas non tam emisit spiritum, quàm eructavit; iste caupo Calagurritanus miscet aquam vino, & de artificio pristino suæ venena perfidiæ Catholicæ fidei sociare conatur, impugnare virginitatem, odisse pudicitiam, in convivio sæcularium contra sanctorum jejunia proclamare, dum inter phylas philosophatur &c.

*Decimoquinto.* Invidia ingens sæpe conflata est innocentibus, dum accusati sunt apud eos, qui de re, cujus inlimumabantur, minimè judicare poterant. Sic & Hieronymus populum suæ sententiæ judicem & vindicem facit, ubi ex Vigilantii dogmate sequi contendit, ut sint stulti omnium Ecclesiarum populi, qui occurrerant sanctis reliquiis Samuelis Prophetæ, & tanta lætitia, quasi presentem, viventemque Prophetam cernerent, susceperant, ut de Palæstina usque Chalcedonem jungerentur populorum examina.

*Decimosexto.* Invidia innocentibus movetur, dum infamantur quasi perturbatores publicæ tranquillitatis; quod ignota veritas vix sine animorum motu introumitti in Rempublicam possit. Vel qui dissentiant à summa potestate in Religionis negotio, illi infamantur, quasi eam stultitiæ aut impietatis damarent. Ita Hieronymus contra Vigilantium. „Ergo sacrilegus fuit Constantinus Imperator, qui sanctas reliquias Andree, Lucæ, & Ti-



„ & Timothei transtulit Constantinopolim, apud  
 „ quas dormiones rugini, sacrilegi & nunc di-  
 „ cendus est Augustus Arcadius, qui ossa beati  
 „ Samuelis longo post tempore de Judæa trans-  
 „ tulit in Thraciam. Male facit ergo Romanus  
 „ Episcopus, qui super mortuorum hominum  
 „ Petri & Pauli secundum nos ossa veneranda, se-  
 „ cundum te vilem pulvisculum offert Domino la-  
 „ crificia, & tumulos eorum Christi arbitrat  
 „ altaria. Et non solum unius Urbis, sed totius  
 „ orbis errant Episcopi, qui couponem Vigilanti-  
 „ tium contemnentes ingrediuntur Basilicas mor-  
 „ tuorum.

En! hæc sunt exempla Clerici, quæ per seip-  
 sa manifestum faciant, D. Hieronymum usum  
 esse argumento ducto ab invidia. Itaque & Joannes  
 præcursor, & Christus & Apostoli uti fue-  
 rint argumento ab invidia, dum Phariseos tra-  
 ducunt invidiosis nominibus, dum eos comparant  
 cum objectis horroris universalis omnium, dum  
 exaggerant eorum errores sine ullo excusationis  
 velo, dum actiones secundum se indifferentes  
 gravant interpretatione animi, dum denique  
 actiones ad summam rei non pertinentes  
 excutiunt. Progenies, inquit, viperarum  
 quis demonstravit vobis fugere à ventura ira? omnis  
 arbor, quæ non facit fructum bonum excidetur, &  
 in ignem mittetur. Paleas comburet igni inextingui-  
 bili. Cavete a fermento Phariseorum, quod est hy-  
 pocrisis. Similes sunt sepulchris dealbatis quæ foris  
 apparent speciosa hominibus, intus autem sunt plena  
 ossibus mortuorum & omni spurcitia. Amant  
 primos recubitus, & saluari ab hominibus, & vo-  
 cari ab hominibus Rabbi. Non eritis sicut hypocri-  
 ta, qui amant in Synagogis & in angulis platearum  
 stantes orare, ut videantur ab hominibus. Cum  
 facis eleemosynam, noli tuba canere ante te, sicut  
 hypocrita faciunt in Synagogis & vicis ut honorifi-  
 centur ab hominibus. Exterminant facies suas, ut  
 appareant hominibus jejunantes. Dilatant phila-  
 teria, & magnificant simbrias. Væ, qui comedi-  
 tis domos viduarum, oratione longa orantes, væ  
 qui in via Cain abierunt, & errore Baalam mer-  
 cede effusi sunt, & in contradictione Core perierunt.  
 Hi sunt in epulis suis macula, nubes sine aqua quæ  
 à ventis circumferuntur, arbores autumnales, era-  
 dicata, fluctus fieri maris, despumantes suas con-  
 fusiones. Carnem maculant, dominationem con-  
 temnunt, majestatem autem blasphemant. Hoc  
 scilicet, si Clericum consulimus, omnia sunt  
 argumenta ducta ab invidia. Si verò hæc omnia  
 zelo & moderatione plena sunt, non erit ex ipso  
 modo tendendi evidens, ut Doctor Ecclesiæ tra-  
 hatur in exemplum invidiæ. Causa prius inspi-  
 cienda, quam animus; & nulla unquam justior  
 irarum causa, quam illa Hieronymi fuit ageba-  
 tur de religioso Reliquiarum cultu, consecrato  
 universali sensu ac usu primitivæ Ecclesiæ. Nul-  
 lus antiquorum Patrum proferri potest, qui hunc  
 cultum improbet; omnes, qui de illo scribunt,  
 in Oriente & Occidente, eundem voce, calamo-  
 que promovere & extollunt. Basilii, Chrysos-  
 tomus, Augustinus, Ambrosius innumeris locis  
 hunc cultum toto orbe receptum testantur. Solus  
 Caupo Vigilantius obstitit, nec ab ullo ho-  
 R. D. Euseb. Amort. Philosophia.

minum fidem reperit. Hunc dum D. Hierony-  
 mus opprimit sensu totius Ecclesiæ, Clerico vi-  
 detur utinam argumentum ab invidia. At ve-  
 rò non Hieronymus Vigilantio, sed Clericus Hierony-  
 mo frustra conatur confutare invidiam. Ma-  
 nifesti enim furoris est, sentire, quod illa florenti-  
 ssima & Doctorum feracissima post Constanti-  
 num Ecclesiæ ex ipsis adhuc calentibus Martyrum  
 cineribus, quæ subversa est Idololatriæ impietas,  
 sumpserit universalis idololatriæ exordium,  
 si enim potuit dormire erga Ecclesiam  
 Divina Providentiæ eo tempore, quo in Ecclesiæ  
 dabantur Sanctorum pietate & miraculis illustrium  
 exercitus, si concessa sunt aliqua nonnullis illustra-  
 tionum & motionum sanctarum auxilia, impossi-  
 bile erat nulli Sanctorum inspiratum fuisse fortio-  
 rem adversus novam illam Idololatriam ani-  
 mum. Non levis momenti erat controversia, ut  
 fabulatur Clericus, adorare non tantum honorare  
 Reliquias, assumere ritus Gentilium, improbare  
 usum Ecclesiæ, calcandas docere reliquias, su-  
 perstitionis damnare orbem Christianum, non  
 sunt hæc indifferentia, sed aut impium in hoc  
 genere esse oportet aut Religiosum; aut negan-  
 dus est Deus miseris & Providentiæ; aut recipien-  
 da est vetus illa Ecclesiæ, & conspuenda recens  
 Hæreticorum infamia.

Buddeus, in Academiâ Jenensi Professor Theo-  
 logiæ, suorum oraculum, edidit *Elementa Philo-  
 sophiæ Instrumentalis*, ut vocat. seu *institutiones  
 Philosophiæ Ecclésiæ*. In Proœmio Philosophiæ  
 tradit historiam Philosophiæ succinctam tum ve-  
 teris, tum novæ. Logicam seu Philosophiam In-  
 strumentalem dividit in quatuor partes:

1. De ratione inveniendi verum.
  2. De ratione veritatem ex aliorum scriptis eru-  
 endi.
  3. De ratione veritatem cum aliis communican-  
 di.
  4. De notitia terminorum Philosophicorum.
- Primam partem dividit in 4. Capita.
1. De intellectu humano ejusque operationibus  
 & facultatibus.
  2. De Intellectus humani vitiis & imbecillita-  
 tibus.
  3. De Intellectus humani sanitate, & virtutibus.
  4. De mediis emendandi intellectum, sanitati-  
 que restituendi.

In Parte 2. attingit naturam sermonis, & pau-  
 cas quasdam regulas interpretationis seu herme-  
 nevticas.

In Parte 3. agit de Methodo docendi.

In Parte 4. agit de ente, & attributis entis.

Nonne rem magnam expectes à titulistam no-  
 vis? erras, quæcunque in his quatuor partibus Lo-  
 gicæ duodecim plagulis formis majoribus constru-  
 cta ferme omnia ex Arnaldi *Arte cogitandi* superius  
 recensita desumpta sunt. Hinc & postea, ut ex  
 gratitudine decuit, Arnaldum latino idiomati ex  
 Gallico donavit addita præfatione. Si ergo Aca-  
 demicæ Protestantium utuntur communiter operi-  
 bus Clerici & Buddei, rationis suæ directionem  
 debent Arnaldo, & Gallis.

Dd dd

Grou-



Croufazius anno 1712. aliud quoddam novum Systema Logicæ edidit sub titulo: *Système de Reflexions, ou Nouvel Essai de Logique*. dividit Logicam in 4 Partes. 1. De ideis, 2. De propositione, 3. De argumentatione, 4. De Methodo. Et ipse quoad substantiam omnia desumit ex Arnaldi Arte cogitandi. In prima solum parte fusior est, ubi simul agit de principiis humanæ cognitionis ac origine idearum, nempe de sensu, intellectu, imaginatione, & omnibus passionibus animi. Ea ipsa verò desumpsit ex Cartesio de *passionibus*, & ex P. Mallebranche, nihil igitur præclari hæretici, qualis est Croufaz, Professor in Academia Lausannensi, de suo conferunt.

In eundem censum veniunt Logica Titii, & Grosseri illa prodiit Lipsiæ 1702. sub titulo. *Ars cogitandi sive scientia cogitationum cogitantium cogitationibus necessariis instructa & à peregrinis liberata*. Altera ibidem prodiit sub titulo. *Pharus intellectus sive Logica Electiva Methodo Neoveterum præceptis & sane rationis usus sano congrua*. Piget referre ineptias; ex titulo colligamus cætera. Omittam etiam agere, de *Philosophia principiis pedantismo opposita*, quæ prodit Lipsiæ 1711. in ea enim non tam traduntur regulæ pro inveniando vero, quàm pro dirigendis principum ac nobilium moribus.

Itaque ad novissimas Logicas Lutheranorum progrediar, nempe ad Logicam Rohrii, & Wolfii. Illa Germanicè prodiit 1726. Lipsiæ hoc titulo: *Versuch einer erleichterten und zum Gebrauch des menschlichen Leben eingerichteten Vernunftss-Lehre, darinnen angewiesen wird, wie die Schüler nach einer neuen und bisher ungewöhnlichen Lehr-Art, der Natur und Leitung des Verstandes gemäß neue Wahrheiten erfinden, die erfundene beurtheilen, in gehöriger Ordnung mit einander verbinden, und zu Beförderung menschlicher Glückseligkeit nützlich anwenden sollen. Entworfen von Julio Bernhard von Rohr*. Divisio operis est in Capita 18. 1. De Logica in genere. 2. De impedimentis veritatis. 3. De Meditatione. 4. De Ideis. 5. De Propositione. 6. De Syllogismo. 7. De Problemate. 8. De Experientia. 9. De Tentamine, 10. De Probabilitate. 11. De Fide.

12. De Methodo docendi. 13. De Scribendis libris. 14. De Lectione librorum. 15. de Interpretatione. 16. De Criterio librorum. 17. De Defensione & refutatione. 18. De usu ac praxi veritatum. Recenserem hîc plura, nisi viderem Rohrium discipulum pleraque hausisse ex Wolfio suo Magistro; de hoc ergo solo nunc fusiùs agendum est.

Christianus Wolfius, priùs Professor in Academia Hallensi Brandenburgensi, nunc verò in Marburgensi in Hassia, tria jam diversa opuscula Logica edidit; primum erat Germanicum, sub titulo: *Vernunftss-Lehr*; alterum erat Latinum; sub titulo: *Philosophia rationalis*. tertium hoc anno 1728. prodiit sub titulo *Philosophia rationalis sive Logica, methodo scientifica pertractata*. In hoc ultimo omnia complectitur quæ in prioribus utilia dixerat. Ea verò, quamvis paucissima ac etiam tenuia sint, hac vice opere vastissimo secundum, latum, nescio an etiam profundum diduxit. Si Arnaldus, Author Artis cogitandi surgeret, gloriaretur, se non frustra Mathematicis scripsisse dicam, quod onerent memoriam propositionibus aliàs per se manifestissimis, & has ipsas probent ac demonstrent argumentis fusiis. Wolfius certè totum opus replevit meris axiomatibus, & postulatis, & observationibus, de quibus nemo facile dubitaverit; sed ille veritates illas circum undique munis & involvit demonstrationibus, veritus fortè, ne læderentur à mulcis, si sine demonstrationum flagro incustuditos reliquisset tam nobiles sui ingenii partes. Nobis autem suffecerit, patienter reddidisse ipsas Wolfii propositiones; scio, demonstrationes lector benevolus non requirit.

Opus in duas partes divisum est. Prima est, Logica Theoretica. Secunda, Practica. Quibus discursum præliminarem præmittit, de Philosophia in genere Logica Theoretica agit. 1. De ideis, 2. De propositione. 3. De ratiocinatione. Logica practica agit 1. De criterio veritatis certo & probabilis. 2. De Experientia. 3. De scribendis & dijudicandis libris. 4. De Interpretatione. 5. De Methodo defendendi & refutandi. 6. De Methodo docendi. 7. De usu Logicæ in praxi vitæ.

## DISCURSUS PRÆLIMINARIS.

### De Philosophia in Genere.

#### CAPUT. I.

De triplici cognitione humana, Historica, Philosophica, & Mathematica.

1. **S**ensuum beneficio cognoscimus, quæ in mundo materiali sunt & fiunt; & mens sibi conscia est mutationum, quæ in ipsa accidunt. Sanè sensu duce nobis innotuit, dari animalia, mineralia, hominem inter bestias educatum rationis usu minimè pollere.

*Crisis.* NE. Falsum est, nos omnia scire, quæ sunt in anima justificatur infans per baptismum, etiam si hoc nesciat, aut certè contrahit pecca-

tum originale, quamvis hoc nesciat. Operatur anima multa in corpore, quamvis hoc nesciat; aut ponamus verum esse totum Systema Wolfianum & Leubnizianum; animam esse quendam mundum, in quo evolvantur rerum & cognitionum series, quin anima aliquid agat in corpus aut aliquid patiat à corpore; certum tamen est, animas omnium hominum, usque dum veniet Leubnizius & Wolfius, ignorasse has suas perfectiones & evolutiones, non igitur anima omnia scit, quæ in se contingunt. Dein alterum falsum est, quod experientia constet, hominem inter bestias educatum usu rationis non pollere.

Ad



ad experientiam & ad universalem propositionem requiritur, ut constanti observatione, per multos casus, in plurimis locis, in diversissimis circumstantiis res observata sit. Has enim leges ipse præscribit Wolfius. Quot autem casus Wolfius proferre poterit pro illa propositione? fortè unum? aut etiam alterum? plures certè non: & illos ipsos duos non hausit propria experientia; non ipsemet suis usurpavit oculis, nec examinavit circumstantias. Tertium peccatum Wolfii est, quòd principio totius Philosophiæ, quod deberet esse omnium certissimum, & concessum ab omnibus, prout præscribit ipse de Methodo, hic immisceat ea, quæ sunt dubia, aut certè controversa. Nihil itaque accurati nobis promittit Wolfius in aditu sui operis. Pergamus ad certiora.

3. Cognitio eorum, quæ sunt atque fiunt, si-  
ve in mundo materiali, si-ve in substantiis imma-  
terialibus accidant, *Historica* à nobis appellatur.

4. Ea, quæ sunt vel fiunt, sua non destituuntur  
ratione, undè intelligitur, cur sint vel fiant.

*Crisis.* NB. Potuisset Wolfius dicere, *non destituuntur sua causa*, sed, quia ex Systemate Leubniziano supponitur omnia vivere, sentire, & intelligere, noluit præjudicare huic sententiæ, sed potius uti termino æquivoco, dicendo, *non destituuntur sua ratione*. Uti verò terminis æquivocis in ipsis scientiarum principiis, est contra Methodum.

6. Cognitio rationis eorum, quæ sunt vel fiunt, Philosophica dicitur.

7. Differt cognitio Philosophica ab Historica.

8. Qui novit, quam facti rationem alleget alter; is Historica habet cognitionem cognitionis Philosophicæ alterius.

9. Siquis demonstrare non noverit, rationem facti ab altero allegatam esse ejus rationem, is cognitione Philosophica ejusdem facti destituitur.

10. Si per experientiam stabiliuntur ea, ex quibus aliorum, quæ sunt atque fiunt, vel fieri possunt, ratio reddi potest, cognitio Historica Philosophicæ fundamentum præbet.

11. Apparet adeo, cognitionem Historicam non esse negligendam ei, qui ad philosophiam aspirat, sed eidem potius præmitti, imò cum ea constanter conjungi debere.

13. Quidquid finitum est, suâ determinatâ gaudet quantitate.

*Crisis.* NB. Hic pessimè errat Wolfius, aut certè supponit aliquid pro principio, quod plerumque negatur, aut controversitur. Datur quantitas molis, & quantitas virtutis, ut loquitur D. Augustinus in libro de *quantitate animæ*, ubi quærit, utrum anima habeat quantitatem? Quòd verò anima, & alii spiritus non habeant quantitatem molis seu extensionis, de qua sola Wolfius loquitur, docent alii Philosophi communiter. Verum quidem est, quòd Wolfius cuidam suarum opinionum ignaro possit videri, quasi loqueretur etiam de quantitate virtutis, dum loquitur de gradibus caloris, attentionis, virtutum, & vitiis; sed hæc omnia constituit in re quanta, ut ex ejus hypothesi liquet.

R. D. Euseb. Amors. Philosophia.

14. Cognitio quantitatis rerum est ea, quam Mathematicam appellamus.

NB. Mathesis tantum considerat quantitatem discretam, quæ est in numeris, & continuam, quæ est in molis. Si aliud Mathesi objectum constituit, eoipso sumit terminum jam receptum in alia significatione, quam sumunt omnes alii, quod est contra Methodum, quia sic omnia confunduntur & aperitur janua æquivocationibus. Si verò hic Mathematicam sumit in ea significatione in qua sumitur ab aliis, eoipso per quantitatem hic non intelligit quantitatem virtutis; ergo etiam in præcedenti numero non potuit convenienter per quantitatem intelligere quantitatem virtutis; aliàs sumeret eundem terminum aliter in præmissis, aliter in consequente, quod non licet. Nihil igitur accurati est in his præliminariis.

15. Qui novit quantitatem rei ab altero assignatam, is Historicam habet cognitionem cognitionis Mathematicæ alterius.

16. Si quis quantitatem rei ab altero assignatam demonstrare valet, is ejusdem cognitionem Mathematicam perinde ac alter habet.

17. Differt autem utique cognitio Mathematica cum ab Historica tum à Philosophica.

18. Nonnunquam Historica cognitio fundamentum præbet cognitioni Mathematicæ, nonnunquam Philosophica.

19. Veritatum Mathematicorum datur etiam Historica cognitio.

20. Facta naturæ latent subinde, ut non se sponte offerant attendenti.

21. Historica cognitio communis infimis cognitionis humanæ gradus est.

22. Cognitio vulgi & ea, qua in vita utimur, plerumque nonnisi Historica est.

23. Cognitionem Historicam arcanam (de rebus naturæ arcanis) ad formam communis sæpius ars reducit.

25. Inde consequitur utile fore ad philosophandum, si phænomena in officinis artificum & alibi in arte obvia colligerentur, & accuratè describerentur.

26. Si quis per rationem aliquid fieri posse cognovit, factoque experimento idem fieri observat, is cognitionem Philosophicam Historicam confirmat.

27. Si quantitas effectus viribus causæ proportionata demonstratur, cognitio Philosophica à Mathematica haurit omnimodam certitudinem.

NB. Hic iterum æquivocatur subdole aut imperitè Wolfius. si enim datur quantitas virtutis, v. g. virtus movendi corpora in Deo, Angelis, & animabus, aut virtus generativa in grano tritici, etiam si commensuratur effectui, non tamen ea cognitio à Mathematica demonstratur. Innumerantur effectus in anima, quando v. g. quæritur, utrum homini impossibile sit servare omnia mandata, & tamen non demonstrantur à Mathematica, sed Theologia.

28. Inde consequitur, quòd cognitio Mathematica cum Philosophica conjungenda sit, ubi summæ, quæ datur, certitudini studueris.

D d d d 2

NB. licet



*Crisis.* NB. Iterum nihil accurati aut veri decernit Wolfius ponit propositionem & terminum indefinita *cognitio Mathematica, conjungenda, cum Philosophia.* an omnis *cognitio*? an semper *conjungenda*? an cum omni *Philosophica*? regulæ quidem Logicæ præcipiunt ut propositiones, & termini in re dogmatica ac scientifica sumantur universaliter; si hanc regulam sequitur Wolfius, errat, quia dantur cognitiones philosophicæ circa objecta spiritalia v. g. circa animam, in quibus Mathematica non reperiunt quantitatem trine mensurabilem. Itaque non infimus gradus necessariò est cognitio historica, possumus enim & digniora objecta, & ad felicitatem humanam utiliora, & frequenter etiam certius cognoscere, dum credimus fide historica quæstiones facti, quæ ad certitudinem fidei præsupponuntur v. g. quòd extiterit aliquis homo, qui vocabatur Jesus, quòd peracta sit promulgatio Evangelii &c. quæ omnia certius scimus, quàm mensuram, motum, magnitudinem, & distantiam syderum, aut alia objecta Matheseos, quarum notitia dependet ab observatione, experientia, ac mensuratione.

## Cap. II.

## De Philosophia in genere.

29. Philosophia est scientia possibilem, quatenus esse possunt.

*Crisis.* NB. Falsissimum hoc est; per Philosophiam enim non solum cognoscimus, quæ sint possible, sed etiam quæ actu existunt.

31. In Philosophia reddenda est ratio, cur possiblea actum consequi possint.

32. Quod si ergo plura fuerint, quorum unum æquè est possibile ac alterum, Philosophia docere debet, cur illud potius fieri debeat, quàm alterum.

*Crisis.* NB. Miserabile est hoc commentum. Ponamus enim possibile esse plures mundos, aut plures hypothèses. Inprimis fieri potest, quòd Deus non habeat majorem rationem assumendi potius hanc hypothèsin quàm aliam, sed dependet determinatio à liberrima voluntate. Contraria Leubnizii & Wolfii suppositio, quòd Deus semper inveniat & teneatur sequi *rationem sufficientem*, ut vocat, seu rationem prædominantem, est impossibilis, & impia, impossibilis est, quia Deus non cognoscit collectivè infinitas hypothèses possibile, sed tantum distributivè; neque enim datur numerus infinitus, collectivus omnium. Igitur Deus non poterit comparare hypothèsin cum omnibus possiblebus collectivè sumptis; adeoque nec poterit invenire rationem unquam sufficientem, eò quòd data comparatione quacunque intra collectionem possibilem, finitam sit possible alia collectio possibile. Impia etiam est, quia si Deus tenetur sequi *rationem sufficientem*, cum hæc in entibus possiblebus sit immutabilis, Deus erit ens necessarium in agendo, omnia debebunt fieri, eo modo, quo est melius ea possible fieri, igitur omnia sunt fato, seu ex necessitate prædominantis bonitatis in possibilitate entium, igitur nec datur Providentia, nec libertas humana, igitur & frustraneæ preces, & vana omnis Religio; quia si optimum ut veniam in ordinem Salvationis,

debebit hoc fieri; si non est optimum, non poterit hoc fieri. En! quanta crimina in unica Philosophiæ definitione, quòd sit cognitio possibilem, quasi possibilitas optima sit ipsa existendi necessitas. Dein posito etiam, verum esse principium hoc atheisticum, Deum teneri sequi *rationem sufficientem* in possiblebus, non erit propterea Philosophiæ opus, in hanc ipsam rationem sufficientem inquirere, cum humana ratio finita infinitum possibilem pertransire, adeoque optimum invenire non possit. Vanum ergo est fundamentum & ædificium totius Wolfianæ Philosophiæ, nec aliud exigendum à Philosopho, quàm ut per experientiam discat eas naturæ leges, quas Deus in hoc cursu rerum liberè posuit. Omitto in hoc capite reliqua, quia sunt ejusdem farinae.

## Cap. III.

## De partibus Philosophiæ.

55. Entia, quæ cognoscimus, sunt Deus, animæ humanæ, ac corpora.

NB. Nulla hinc de Angelis mentio.

56. Tres hinc nascuntur Philosophiæ partes, quarum una de Deo, altera de anima humana, tertia de corporibus seu rebus materialibus agit. Dein Wolfius singulas partes philosophiæ enumerat. Nempe 1. Theologiam naturalem. De Deo 2. *Psychologiam*, de anima. 3. *Physicam*, de corporibus. Ad animastica refert Ethicam, Politicam, *Téchnicam* seu *Technologiam*, seu artium notitiam. Dein *Ontologiam*, quæ agit de ente in genere, *Cosmologiam*, de mundi systemate, *Pneumatologiam*, de spiritibus quos prius in generali divisione oblitus erat, *Meteorologiam*, de phænomenis in aëre, *Oryctologiam* de fossilibus, *Hydrologiam*, de aqua, *Phytologiam* de vegetabilibus, *Physiologiam*, de corpore animato, *Anthropologiam* de homine, *Pathologiam* de corpore ægroto seu morbis, *Telologiam* de finibus rerum.

En! quanta habeamus subsidia à Wolfio, quòd nomina Græca ediderit rerum, quæ sub detrimento pallio nimium vilescerent, quamvis hoc dolendum, quòd unius vel alterius talis felicissimæ denominationis non simul ediderit *rationem sufficientem*. Magnus Philosophus, fortè melius intelligeremus, quid sit *Pathologia*, & *Physiologia*.

## Cap. IV.

## De Methodo Philosophica.

116. In Philosophia non utendum est terminis nisi accurata definitione explicatis.

NB. Patere legem, quam tumet tulisti.

117. In Philosophia non utendum est principiis, nisi sufficienter probatis.

118. In Philosophia nulla admittenda est propositio, nisi quæ ex principiis sufficienter probatis legitime deducuntur.

119. In Philosophia termini, qui ingrediuntur definitiones sequentes, explicari debent per antecedentes.

Reliqua hujus Capituli præcepta non sunt minus clara.



## Cap. V.

## De Stylo Philosophico.

142. In Philosophia à receptu verborum significatu non est recedendum, hoc est, verbis non res aliæ à nobis denotandæ sunt, quàm quæ iidem vulgò significantur.

143. Ejusdem vocis idem constanter esse debet in Philosophia saltem in eadem ejus parte significatus.

NB. Hoc ipsum est, quod suprà ostendi non observasse Wolfium. Reliqua hujus Capituli ad idem redeunt.

## Cap. VI.

## De Libertate Philosophandi.

153. Si quis Philosophiam Methodo Philosophica tradere debet, ei jugum servitutis in philosophando imponi nequit.

156. Siquis Philosophiam Methodo Philosophica tradere debet, is suo non aliorum debet stare iudicio.

163. Si quis Methodo Philosophica philosophatur, is defendere nequit veritati revelatæ contraria.

164. Si quis Methodo Philosophica philosophatur, virtuti contraria docere nequit.

167. Si libertas philosophandi integra conceditur iis, qui Methodo Philosophica philosophantur, nullum hinc metuendum est religioni, virtuti, ac Reipublicæ periculum.

*Crisis.* Hæc sanè sunt puerorum potius, quàm Philosophorum præcepta; omnia enim idem sonant, ac si dicerem: Si quis in Philosophia semper verum dicere debet, ei jugum servitutis in philosophando imponi nequit. Vel: Si philosophandi libertas integra conceditur iis, qui in Philosophia semper verum dicunt, nullum hinc religioni & virtuti imminet periculum. Hæc puerilia esse nemo non videt; ostendo igitur sensum Wolfianorum illorum dictorum eundem esse. Ad Methodum Philosophicam Wolfius §. 118. requirit, ut in Philosophiam propositio nulla admittatur, nisi quæ ex principiis sufficienter probatis legitime deducitur. Quid est hoc, sufficienter, quid hoc legitime? an idem, quod probabiliter, an verò idem quod demonstrativè? si prius, ergo sensus erit: In Philosophiam nulla est admittenda propositio, nisi quæ ex principiis probabiliter probatis probabiliter deducitur. Talis autem propositio haud dubiè, ut ipse admittit Wolfius Part. 2. Sect. 1. C.

3. §. 588. tantum probabilis, immò prout ego in Arte Critica part. 1. probavi, propositio ex alia probabili tantum probabiliter deducta plerumque ne erit quidem probabilis. Itaque qui sequitur Methodum Philosophicam, id est, qui ponit propositionem probabilem, quæ potest esse falsa, imò quæ etiam est improbabilis, nequit contradicere veritati. Vide, quanta absurditas! si autem hi termini idem significant, quod demonstrativè, tunc sensus erit: In Philosophiam nulla est admittenda propositio, nisi quæ ex principiis demonstrativè probatis demonstrativè deducitur. adeoque præcepti Wolfiani hæc sensus erit: Qui sequitur Methodum Philosophicam, id est, qui

omnem propositionem ex principiis demonstrativè probatis demonstrativè deducit, nequit contradicere veritati. Quo nihil evidentius, sed nihil etiam nugacius. nemo enim potest dubitare, quod ille verum dicat, qui demonstrat, sed utrum Philosophus omnem propositionem vel intendat demonstrare, aut si hoc intendit, revera demonstrer, hoc est cardo controversiæ, in quo habemus ipsum Wolfium fatentem reum, aut si loquendum modestius, immemorem sui. De Methodo enim Philosophica C. 4. §. 125. ait: Si qua cognitu utilia demonstrari nequeunt, eorum probabilitas conveniente ratione adstruenda, ipsa autem probabilia à certis probè distinguenda. Et §. 132. In omni parte Philosophia is tenendus est ordo, ut ea præmittantur, per quæ sequentia intelliguntur, & demonstrantur, vel minimum probabiliter asstruuntur. Dantur igitur & asstruuntur aliqua probabiliter in Philosophia, possunt igitur aliqua falsa esse in Philosophia, etiam sequendo Methodum Philosophicam, possunt ergo aliqua in Philosophia etiam sequendo Methodum Philosophicam contradicere veritati.

Sed fortius instemus, & versemus undique Dactem. Sic argumentor: Vel potest errare qui sequitur Methodum Philosophicam, vel non potest errare? si potest errare, tunc potest errare in quavis parte Philosophiæ, de Deo, de Anima, in Ethica, Politica, Oeconomica, Si verò in his omnibus errare potest, tunc in rebus gravissimis, quæ præjudicant Religioni, & Reipublicæ errare potest; si autem in his errare potest secutus Methodum Philosophicam, non potest amplius corrigi per rationem, eo quod jam secutus sit omnem rectam viam rationis, seu Methodum Philosophicam; sola ergo autoritate vel à Deo revelante, vel à sapientioribus semel constituta ac directâ compesci poterit, & debet. ne pervertatur Religio, & Respublica perturbetur. Si verò dicas eum errasse non posse, qui sequitur Methodum Philosophicam; quod debet dicere, quia dicit eum, qui sequitur Methodum Philosophicam, legitime concludere, nil posse contrarium docere Religioni &c. quæro, an de hoc ipso ullus hominum, aut saltem communis Philosophorum grex certus esse possit de eo, quod secutus sit in omnibus Methodum Philosophicam? aut, num ipse Wolfius certus sit, se in omnibus secutum esse Methodum Philosophicam? si nullus hominum de hoc certus est, manifestè ridicula est Wolfi regula; si enim de hoc nullus est certus, fieri poterit, ut ille, qui crediderit, se omnem servasse methodum, re ipsa erret in rebus gravissimis, quæ præjudicant Religioni & Reipublicæ, & cum nec errans, nec quisvis alius certus sit, quis eorum sequatur Methodum Philosophicam, non poterit talis per rationem & methodum prohiberi à perversione Religionis & subversione Reipublicæ. Quid ergo superest? Deus superest. Si datur Deus, datur Providentia; si datur Providentia, tunc partim per revelationes externas, aut inspirationes internas docet eorum animos, quos in unam saltem fidelium, ac verorum cultorum Dei societatem ordinat; si autem aliquos saltem ex omni hominum genere per tales dicitur suæ sapientis



pietiae in populi fidelis publicam societatem ordinat, eo ipso datur à Deo constituta, & instructa autoritas, cui parere debeat fallibilis humana ratio. Si secundum dicatur, ut grex Philosophorum non possit esse certus, an sequatur Methodum Philosophorum, adhuc peior est Wolfii regula, quia quo plures sunt Doctores non adeò divino ingenio præditi, ut in tam innumeris errorum periculis semper certi sint, se iustissime applicasse rationis regulas; eò multiplicatur magis subvertendæ Religionis & Reipublicæ periculum, si cuivis liceat, suomet uti iudicio. Nec corrigi poterit stultorum numerus sapientum monitionibus; qui enim implicantur erroribus, non solent corrigi, vel quòd desint sapientes divini, qui possint monstrare, in quo à Methodo discesserint; vel quòd sapientes, qui dantur, non habeant tempus, ordinatè persequendi omnia erroris vestigia, vel quòd errantes non possint explicare totum suum præiudiciorum, & effectuum, & illationum inenarrabile textum, ut possit longo tractu demonstrationum dissolvi. Si tertium dicatur, ut & ipse Wolfius, finis humani ingenii ac vertex videlicet, non sit certus, se suam secutum Methodum, habet jam regula malorum cumulum. si enim non est certus, an secutus sit Methodum Philosophicam Philosophorum Princeps, neque certus erit, an non posuerit conclusiones contrarias Religionis, bonis moribus, & Reipublicæ. Si de hoc certus non est, ferat jugum gratiæ, suave & leve, quod Sapientia Dei constituendo auctoritatem magistratam imposuit. Quòd si denique respondeat, homines certos esse posse, se in omnibus secutos esse Methodum Philosophicam, haud dubiè Wolfius & seipsum, & totum genus humanum ex integro ignorat. Vidimus enim hucusque, quoties jam à recta ratione, & à vero, adeoque etiam à Methodo recesserit. Dicit ipsemet Part. 2. S. 1. C. 1. §. 544. *Propositio, quæ demonstrari potest, vera est:* Si ergo non omnia Wolfiana vera sunt, ut vidimus demonstrationes, quæ ipsi tales videbantur, revera tales non erant. Quòd etiam genus humanum ex integro ignoret, ex eo conficio. Vel admittit Wolfius, genus humanum hætenus habuisse veram Philosophicam Methodum, vel id non admittit? si id non admittit? colendus est quidem nobis Wolfius in semideorum numero, qui rem tam admirandam, criterium veri, invenit; sed non debet irasci humano generi, orbique universo, quod iugo humanæ auctoritatis ingenia Doctorum subjecerit, quamdiu tot sæculis expectatum criterium veri in Wolfianis ideis delituit, & nondum Philosophica Methodus in hac nova lege gratiæ, ac seræ libertatis mundo illuxit. Si verò admittit, genus humanum jam semper habuisse Philosophicam Methodum, vel connatam felicioribus quibusdam ingeniis, qualia in Platone & Socrateprehendimus, vel per Logicam communem in Scholis traditam, evidens est, Philosophicam Methodum id non præstare, ut qui eam sequi jubentur, aut profitentur, nequeant Reipublicæ & Religionis docere contraria. Historiæ pro-

dunt optimorum etiam Philosophorum Platonis, Aristotelis, & quorumvis aliorum in rebus gravissimis impia dogmata, in quibus suo tantum iudicio res Religionis & morum subijcere, non iudicium Religionis submittere voluerunt. Ignorat ergo totum genus humanum, ignorat infinitudinem humanæ imbecillitatis per mille errorum occasiones tractæ in perniciem, ignorat leges contingentium, ex quibus evidens est, humanas operationes nunquam uno constanti rectitudinis tramite procedere uniformiter, ignorat denique incertitudinem scientiarum, ab Academicis, à Sexto Empyrico, à Daniele Huetio saltem in multis demonstratam, qui orbe toto reclamante imaginari ausus est, homines certos esse posse, se in omnibus sequi Methodum Philosophicam, omnis veri magistratam. Falsa ergo est & ridicula hæc doctrina Wolfii; sed parum foret, nisi foveret majus impietatis venenum; tolerantium videlicet Religionum omnium; ponamus enim jam fore aliquos, quibus secutis Methodum Philosophicam in parte Philosophiæ videatur evidenter impossibile mysterium Trinitatis, aut unio Verbi cum natura humana in unitate personæ, aut cui videatur certum, perfectiones divinas v. g. Ideas divinas, ut Poiretus docuit, realiter distingui à Deo, easque de novo produci pro lusu Divinæ Omnipotentis; ponamus talem Philosophum cogitare emanationem talium divinarum idearum, tanquam Genealogiam antiquam triginta aut centum æonum, ut & ipse Christus tantum virtus fuerit emanata à Deo, ponamus videri cuidam secundum suam Philosophiam tres personas in Deo tantum habere unam naturam sicut personas humanas per similitudinem, prout docet Clericus; vel sit alius, qui sapientiam Patris faciat creaturam, quæ migret ab uno orbe in alterum, prout Arriani, Origenistæ, & Whistonus sentit in Anglia; vel ponamus, qui credat, Deum se communicasse Christo tantum per habitum infusum sapientiæ, aut per operationem in Christo, ut verbum nihil aliud sit, quam ratio ipsa, prout sentiunt tremulantes & Quakeriani in Anglia. Si, inquam hæc omnia videantur alicui evidentia secundum Methodum Philosophicam, secundum Theologiam naturalem, secundum Philosophiam possibilem; si talis dicat, se non posse contradicere veræ Religionis, eò quòd sequatur Methodum Philosophicam, nonne subversa erunt omnia Religionum fundamenta, & migrare cogemur vestri talibus opinionum monstris in Turciam, & extremam impietatis provinciam? videat Wolfius, surculus Whistonianus Germaniæ, non latere nos suæ Philosophiæ consilia. Aut si denique in secreto cordis sui hanc sibi sumit solitariam de errore nemine applaudente gloriam, etiam hanc ipsi non per invidiam sed daturus respicientiæ locum eripio, dum expuncta Wolfiana Philosophica Methodo antiquum Syllogismum demonstrativum Aristotelicum substituo. Hanc substitutionem ipse concesserit, dum Syllogismum illum pro criterio veritatis admittit. Pars. 2. S. 1. C. 1. §. 545. licet ait: „Ad verum à falso discernendum regulæ „Logicæ sufficiunt; propositio enim cum vera sit quæ




„ quæ demonstrari potest, verum à falso discer-  
 „ nit. Quoniam itaque demonstratio constat syl-  
 „ logismorum concatenatione, quorum præmis-  
 „ sæ sunt definitiones, axiomata, experientia-  
 „ tæ, verum à falso ut quis discernere possit, fa-  
 „ cultatem habere debet indicandi, num defini-  
 „ tiones, quibus utimur in demonstrandis pro-  
 „ positionibus sint genuinæ, num experientia,  
 „ quas sumimus, sint indubitata, num axioma-  
 „ tis nomen mereantur propositiones quæ pro tali-  
 „ bus venditantur, num forma syllogismorum  
 „ sit genuina, denique num syllogismi rite in-  
 „ ter se concatenentur: At hoc docet Logica;  
 „ ergo, Regulæ Logicæ sufficiunt ad verum  
 „ à falso discernendum. Suppono in Logica tres  
 „ mentis operationes legitimè explicari, id  
 „ quod jam factum est à Scholasticis, nisi quod  
 „ distinctis notionibus fuerint destituti, quem de-  
 „ fectum nos supplevimus, undè & Leibniti-  
 „ us in Actis Eruditorum 1684, agnoscit, non con-  
 „ temnenda veritatis enuntiationum criteria esse  
 „ regulas communis Logicæ, quibus & Geome-  
 „ træ utuntur, ut scilicet nihil admittatur pro  
 „ certo, nisi accurata experientia vel firma  
 „ demonstratione probat. Demonstrationem au-  
 „ tem firmam judicat, quæ præscriptam à Logi-  
 „ ca formam, in ratiocinando nimirum, servat,  
 „ ut argumentatio concludat vi formæ. Ego in  
 „ formam demonstrationum veterum Geometra-  
 „ rum inquirens utilitatem Logicæ communis de-  
 „ prehendi, atque ita probavi iudicium Leibni-  
 „ tianum, à quo antea eram alienus præiudicio  
 „ ex Cartesii tractatu de Methodo & Tschirnhaus-  
 „ sii Medicina mentis contracto. Hucusque Wol-  
 „ fiius, in hoc solo hallucinatus, quod credat, se  
 „ Scholasticorum notiones reddidisse clariore;  
 „ quamvis enim in Scholasticorum innumeris scri-  
 „ ptis, & in ipsis omnibus Wolfianis elucubratio-  
 „ nibus, quas edidit, diligenter versatus sim, fa-  
 „ teor tamen, me Scholasticorum notiones distin-  
 „ ctè & facilè, Wolfii verò in hac Logica notiones  
 „ nonnisi cum labore & majori quàm aliàs soleo  
 „ attentione intelligere. Sed ad rem: sic præcepta  
 „ Wolfiana per substitutionem aliorum æquivalen-  
 „ tium terminorum sonant:

153. Si quis Philosophiam per syllogismos de-  
 monstrativos tradere debet, ei jugum servitutis in  
 philosophando imponi nequit.

156. Si quis Philosophiam per Syllogismos de-

monstrativos tradere debet, is suo non aliorum de-  
 bet stare iudicio.

163. Si quis per Syllogismos demonstrativos  
 philosophatur, is defendere nequit revelatæ ver-  
 ritati contraria. Jam verò Scholastici debent tra-  
 dere Philosophiam per Syllogismos demonstrati-  
 vos; sunt eorum innumeri exercitus, jurati ad  
 omnes Logicæ communis apices, detriti toto vitæ  
 tempore in forma & concatenatione syllogistica,  
 sunt liberi à curis domesticis uxoris, liberorum,  
 & familiæ, sunt addictissimi perpetuæ familia-  
 ritati cum Deo per quotidianas meditationes vitæ  
 ac doctrinæ Christi & per preces ac laudes divi-  
 nas, quomodo ergo hi possunt defendere revela-  
 tæ veritati contraria? docent, in Philosophia  
 possibilem etiam comprehendere Christum Eucha-  
 risticum, dum exuendo unam ac alteram pro-  
 prietatem corporis induit statum illum, ideæ hu-  
 mani corporis simillimum docent, Deum in sua  
 potestate habere mundum istum corporeum, ac  
 corpora, sicut nos habemus in potestate ideas cor-  
 porum, eas suscitando, destruendo, unam in lo-  
 cum alterius substituendo, eas in anima non ma-  
 gna extendendo, vel contrahendo, vel sine soli-  
 ditate & locorum distantia commiscendo, ut pla-  
 nè omnis evanescat difficultas mysterii. Docent  
 præterea, in Philosophia possibilem contineri de-  
 center, ut Deus gratum sibi habeat cultum suis  
 amicis exhibitum, talibusque cultoribus aulico-  
 rum suorum magna exhibeat beneficia; agnoscunt  
 in Philosophia possibilem contineri, ut Christus  
 lusu amoris ineffabili & terribili se quotidie faciat  
 offerri Patri in Sacrificio Missæ, quo nihil est no-  
 bis divinius & jucundius. Hæc, inquam, docent,  
 qui sequuntur, ipsa confessione Wolfii, Metho-  
 dum Philosophicam. Si ergo hi possunt docere Re-  
 ligioni contraria, errat Wolfius in sua Logica, &  
 ostendit, in Protestantium Philosophia rationali  
 peccari in principiis ingenti causæ jam aliàs profligatæ  
 incommodo. Si verò hi Scholastici, qui &  
 ipsi jubentur tradere Philosophiam secundum for-  
 mam syllogisticam, ac methodum, docere non  
 possunt Religioni contraria, sectetur eorum fidem,  
 & humili submissione adoret in nostra Ecclesia se-  
 cretè operantem Dei providentiam. Quod si verò  
 uberiores Logicæ Scholasticæ notitiam poscit,  
 legat dialecticam Ekli & Zabarellæ, qui ubi agent  
 de Methodo prorsus eadem; quæ Wolfius se in-  
 venisse ac primùm observasse autumat, longè ac-  
 curratius nobis tradiderunt. Hæc de Logica Wol-  
 fii sufficiant. Nec enim finem principio melio-  
 rem reperiēs.







# PRINCIPIA ARTIS CRITICÆ EXPLICATA AC DEMONSTRATA.

- Pars. I. De Probabilitate ac certitudine Propositionum.  
 Pars. II. De Authoritate,  
 Pars. III. De Interpretatione.  
 Pars. IV. Regulæ Criticæ ex Authoribus Modernis.  
 Pars. V. Regulæ Criticæ ex SS. Patribus.  
 Pars. VI. Principia Artis Criticæ demonstrata.  
 Pars. VII. De Stylo Authorum, eorumque genuinis opusculis ex stylo dignoscendis.

## REGULÆ ARTIS CRITICÆ P A R S. I.

### *De Probabilitate ac Certitudine Propositionum.*

#### §. I.

#### *De Gradibus probabilitatis & certitudinis.*

1. **P**ropositionem *probabilem* aut certam voco, cujus principia, seu motiva probabilia aut certa sunt. Principia autem propositionis sunt Ratio, vel Authoritas.

2. Propositionem *Methaphysicè certam* voco, cujus principia absolute nunquam possunt fallere, v. g. his duo sunt quatuor. Idem non potest simul esse & non esse. Principium enim harum propositionum, est evidentia terminorum; quæ nunquam potest fallere.

3. Propositionem *Physicè certam* voco, cujus principia nunquam fallunt secundum cursum ordinarium naturæ. v. g. ignis urit.

4. Propositionem *Moraliter certam* voco, cujus principia rarissime fallunt. v. g. qualis vita, finis ita.

5. Propositionem *probabilem* voco, cujus principia sæpius ac plerumque non fallunt. v. g. fortes gignuntur fortibus,

6. Propositionem *dubiam* voco, cujus principia

æquè toties fallunt, quàm non fallunt. v. g. si quis in jactu aleæ spondeat pro numero pari, aut pro impari determinatè.

7. Propositionem *improbabilem* voco, cujus principia sæpius fallunt, quàm non fallunt. v. g. si quis in jactu aleæ determinatè spondeat pro numero senario.

8. Itaque Propositionis probabilitas cognosci poterit, si tria observentur. 1. Notum sit, quoties principia propositionis nos intra determinatam casuum consimilium collectionem fallant vel non fallant, v. g. dicit aliquis; Plinius testatur dari Phœnicem, ergo datur. Quærendum est, quoties Plinius in similibus fallatur & fallat. Ponamus in mille Plinii relationibus reperiri decem falsas. Tunc 2. Veritas hujus propositionis sic erit scribenda  $\frac{1000}{1000}$ . idest, Plinius in mille consimilibus casibus nongenties nonagies verum dicit; sic ut veritas principiorum scribatur loco Numeratoris; numerus autem omnium casuum similium loco denominatoris. 3. Fiat fractionis ad minores terminos reductio, & ad rationem decimalem approximatio hoc modo  $\frac{1000}{1000}$  seu  $\frac{1}{1}$ .

9. Erat



9. Erit hoc proin Schema Rationis decimalis probabilisticæ.  $\frac{0}{10} \cdot \frac{1}{10} \cdot \frac{2}{10} \cdot \frac{3}{10} \cdot \frac{4}{10} \cdot \frac{5}{10} \cdot \frac{6}{10} \cdot \frac{7}{10} \cdot \frac{8}{10} \cdot \frac{9}{10}$ .

10. Propositionem Metaphysicè aut Physicè certam voco, quando veritas principiorum ad numerum casuum consimilium se habet, ut  $\frac{1}{10}$ , id est, quando intra decem casus decies, adeoque semper verum dicit.

11. Propositionem moraliter certam voco, quando veritas principiorum ad numerum casuum consimilium se habet, ut  $\frac{2}{10}$ , id est, quando intra decem casus possibiles novies verum dicit. Sic decies manè rubente polo ad minimum novies continget pluvia.

12. Propositionem probabilem voco, quando veritas principiorum ad numerum casuum consimilium se habet, ut  $\frac{8}{10} \cdot \frac{7}{10} \cdot \frac{6}{10}$ , id est, quando intra decem casus possibiles ad minimum octies, aut septies, aut sexies verum dicit. v. g. si decies observemus, Barometrum ascendisse supra altitudinem mediam, ad minimum septies deprehendimus fuisse serenam tempestatem.

13. Propositionem dubiam voco, quando veritas principiorum ad numerum casuum consimilium se habet, ut  $\frac{5}{10}$ , sic in jactu aleæ intra decem jactus verosimile est quinquies proditurum numerum parem, quinquies imparem.

14. Propositionem improbabilem voco, quando veritas principiorum ad numerum casuum consimilium se habet, ut  $\frac{1}{10} \cdot \frac{1}{10} \cdot \frac{1}{10} \cdot \frac{1}{10} \cdot \frac{1}{10}$ , id est, quando intra decem casus tantum quater, aut ter, aut bis, aut semel contingit verum. Sic Barometro descendente infra medium vix intra decem casus bis aut semel continget serena tempestat.

## §. 2.

### Quomodo possint mensurari Gradus Probabilitatis.

EX dictis patet, probabilitatem ex eo desumi, quid plerumque soleat contingere. Quid verò soleat contingere, cognosci potest duplici medio. 1. Per inductionem casuum consimilium, qui actu contigerunt, qui modus cognoscendi vocatur à posteriori. 2. Per Leges Contingentium à Priori, id est, ex eo, quid pronum sit contingere.

Leges Contingentium sunt sequentes.

1. Contingentia non procedunt uniformiter. sic certum est, in jactu aleæ non semper proditurum numerum parem; nec in electionibus plurimorum hominum omnimodum consensum ad idem.

2. Quod potest fieri & non fieri, in innumeris circumstantiis aut occasionibus actu positis aliquando fit, & aliquando non fit. Quia Contingentia non procedunt uniformiter. v. g. in innumeris jactibus aleæ evidenter aliquando exit numerus par, & aliquando numerus impar. & homines in innumeris circumstantiis positi, ac sibi relictæ evidenter aliquando eligunt bonum, aliquando malum.

R. D. Euseb. Amort Philosophia,

3. Quod in innumeris circumstantiis aut occasionibus nunquam fit, non est aliquid contingens, sed impossibile relate ad illas circumstantias. v. g. quia nullus unquam hominum (excepta B. Virgine) fuit sine omni peccato, dicimus hoc esse impossibile, relate ad statum naturæ corruptæ.

4. Effectus contingentes regulariter sequuntur dispositionem causarum. v. g. in jactu aleæ, & in electionibus hominum plerumque sequuntur illæ sortes, vel illæ electiones, ad quas major datur al earum, aut voluntatum humanarum dispositio, in bello plerumque ille vincit, qui est fortior, & exercitior, adeoque magis dispositus ad victoriam.

5. Quando effectus aequè potest fieri ac non fieri, toties regulariter fit, quoties non fit. v. g. in jactu aleæ aequè potest exire numerus par ac impar: tunc intra seriem v. g. mille jactuum propemodum toties exibat numerus par, ac impar.

6. Quando in causis reperitur ad plures effectus contingentes equalis dispositio, neuter effectuum fit frequentius altero; sed quilibet regulariter toties recurrit, quoties recurrit alter. v. g. in jactu unius aleæ datur æqualis dispositio ad 1. 2. 3. 4. 5. 6. igitur intra seriem v. g. mille jactuum præsumitur toties exire numerus 1. 2. 3. aut 4. quoties exit 5. aut 6.

7. Quando in causis reperitur ad plures effectus contingentes equalis dispositio, præsumptio pro uno effectuum determinato se habet, sicut unitas ad numerum reliquorum effectuum possibilem. v. g. in jactu unius aleæ sunt sex effectus æqualiter possibiles, nempe jactus 1. 2. 3. 4. 5. 6. itaque si velim determinatè spondere pro numero v. g. 5. vel 4. probabilitas hujus determinati numeri se habebit, ut  $\frac{1}{6}$ .

8. Quando in causis reperitur ad plures effectus contingentes equalis dispositio; ille effectus cæteris sapius occurrit, cujus principia ac dispositiones sapius recurrunt. & quidem ille effectus tanto sapius recurrit, quanto sapius recurrunt ejus dispositiones. v. g. in homine datur æqualis pronitas ac dispositio ad plura vitiorum genera v. g. superbiam, gulam, luxuriam; sed intra seriem mille dierum sapius in illud vitii genus impinget, ad quod sapius recurrunt dispositiones; & quidem si v. g. dispositiones ad gulam recurrant centies, ad luxuriam sexcenties, ad superbiam septingenties, horum vitiorum probabilitas se habebit ut  $\frac{1}{1000} \cdot \frac{1}{600} \cdot \frac{1}{700}$ . seu ut  $\frac{1}{70} \cdot \frac{1}{70} \cdot \frac{1}{70}$ .

9. Ubi datur propinqua dispositio, regulariter sequitur effectus. v. g. ramum viridem ovis ostendis, pueri nuces, trahuntur plerumque.

10. Quod pronum est fieri regulariter fit. seu effectus regulariter sequitur inclinationem principii, & dispositionem causæ. v. g. pronum est ex vitio gulæ progredi ad luxuriam, continget ergo regulariter deditum gulæ etiam deditum esse luxuriæ.

11. Effectus contingens tanto frequentius fit quanto plures & propinquiores concurrunt dispositiones, ac principia adminiculantia. v. g. tanto frequentius continget ebrium suscitare licet, quo plures

E c c c



plures fuerint occasiones lites, & quo major erit in tali homine proclivitas ad litigandum, & quo majora fuerint motiva litis. Sint enim intra seriem decem ebrietatum septem occasiones litis; sit proclivitas hominis ad litigandum tanta, ut intra decem occasiones vix semel se contineat, adeoque ut  $\frac{1}{10}$ . Sint etiam motiva litis valde magna, sic ut positis similibus motivis intra decem casus prope modum oëties sequantur lites, erit probabilitas litis ut  $\frac{9}{10}$ , aucta per  $\frac{7}{10}$ . & per  $\frac{7}{10}$ . multiplicata. Scribatur sic  $9 \times \frac{7}{10} \times \frac{7}{10}$  seu  $\frac{441}{100}$  seu  $\frac{441}{1000}$ .

12. Quando probabilitas desumenda est ab inductione casuum consimilium, sumenda est tanta casuum consimilium collectio, intra quam comprehenduntur prope modum omnes circumstantia possibiles, casum diversificant. v. g. si velim scire, qualis soleat plerumque fieri tempestas Barometro ultra mediam altitudinem ascendente, non sufficit una, vel altera, aut tertia observatio, sed debent assumi observationes plurimæ per plures annos, quovis anni tempore, pro quavis circumstantia ventorum, caloris, frigoris, humiditatis, siccitatis, aut positione Lunæ ad Solem & à terra distantia continuatæ. Tunc enim sumi poterit regula v. g. Barometro in his circumstantiis ascendente intra centum casus non agies contigit serena tempestas; ergo probabilitas talis tempestatis erit ut  $\frac{90}{100} = \frac{9}{10}$ .

### §. 3.

#### De Probabilitate propositionis, pro qua vel contra quam plura militent argumenta probabilia.

1. *Propositio, pro qua & contra quam militent argumenta æque probabilia, non manet probabilis.* quia in tali casu homo poterit æque falli ac non falli. v. g. accusatus sit Clodius de homicidio. Sint pro ejus innocentia argumenta probabilia ut  $\frac{7}{10}$ . Sint autem ex aliis indiciis contra Clodium argumenta probabilia ut  $\frac{7}{10}$ . Fiet ergo probabilitas homicidii ut  $\frac{7}{10}$ . id est, nulla, sed relinquetur merum dubium.

2. *Propositio, pro qua stat argumentum probabilius argumento opposito, manet probabilis, sed minuitur uno probabilitatis gradu.* quia propositiones, quæ contra se habent argumenta probabilia, non solent tam frequenter esse veræ, quàm sunt veræ aliæ propositiones probabiles, quæ non habent contra se argumenta probabilia. v. g. in casu posito, sint pro innocentia Clodii argumenta probabilia ut  $\frac{7}{10}$ . contra innocentiam Clodii argumenta probabilia ut  $\frac{7}{10}$  erit ergo probabilitas pro innocentia Clodii tantum ut  $\frac{7}{10}$ .

3. *Propositio, quæ ex alia propositione probabiliter tantum probabiliter deducitur, plerumque non manet probabilis.* Adeoque Conclusio, quæ deducitur ex duabus præmissis tantum probabilibus, plerumque non manet probabilis. v. g. Aristoteles

dixit, quatuor elementa manere formaliter in mixtis; ergo manent formaliter. Vel sic: Quod Aristoteles dicit, verum est: Sed Aristoteles dixit, elementa manere formaliter in mixtis; ergo id verum est. In hoc Syllogismo Major & Minor est tantum probabilis; conclusio verò vi hujus argumenti non est amplius probabilis, sed dubia. sit enim Major probabilis ut  $\frac{7}{10}$  Minor ut  $\frac{6}{10}$ . clarum est ad fallibilitatem Majoris accedere fallibilitatem Minoris. Cum igitur fallibilitas majoris fuerit  $\frac{3}{10}$ , Minoris  $\frac{4}{10}$ , clarum est, fallibilitatem fore, ut  $\frac{7}{10}$ , adeoque probabilitatem tantum ut  $\frac{3}{10}$ .

4. *Propositio, quæ ex alia propositione moraliter certa probabiliter deducitur, adhuc manet probabilis, nisi hæc probabilitas jam sit in infimo probabilitatis gradu.* Sit hæc propositio moraliter certa; Aristoteles admisit materiam primam, quæ nullam habeat determinatam figuram; ex hoc inferat quis; ergo datur talis materia. Illatio est tantum probabilis; non enim omne illud, quod Aristoteles dicit, eo ipso verum est. sit antecedens ut  $\frac{9}{10}$  illatio, ut  $\frac{7}{10}$ ; erit consequens ut  $\frac{6}{10}$ . Vel sic; quod Aristoteles dicit, verum est; Sed Aristoteles dicit, dari talem materiam; ergo datur. sit Major ut  $\frac{6}{10}$  Minor ut  $\frac{7}{10}$ . conclusio erit ut  $\frac{42}{100}$ . Adeoque non erit amplius probabilis.

5. *Authoritas addita rationi, aut Ratio addita authoritati non auget gradum probabilitatis, sed eundem gradum probabilitatis, in quo amba conveniunt, confirmat.* v. g. stent pro hac propositione; Datur materia prima Aristotelica, mille authores, quorum omnium authoritas simul sumpta sit ut  $\frac{8}{10}$ . stet etiam pro illa propositione pondus rationum, quarum omnium probabilitas sit, ut  $\frac{7}{10}$ . dico, probabilitatem propositionis tantum futuram ut  $\frac{7}{10}$ . quia Ratio addita authoritati non facit, ut authoritas minus frequenter fallat; sed tantum facit authoritatem securam, ne forte in hoc casu per contrarias rationes enervetur; quod nihil aliud est, quàm facere, ut authoritas in suo probabilitatis gradu securè quiescat, absque metu enervationis.

6. *Authoritas addita authoritati semper auget gradum probabilitatis; quia ex pluribus testibus semper conflatur argumentum, quod minus frequenter fallit.* v. g. dari unum supremum Deum dicunt Christiani, Turcæ, Judæi, gentiles; ergo datur. Concursum tot sectarum in unum dogma nec potest, nec solet fallere tam facile.

7. *Ratio addita Rationi non auget gradum probabilitatis, nisi quando ex pluribus rationibus potest conflare unum argumentum.* Hoc autem fieri potest, quando plures rationes simul sumptæ manifestant plures proprietates, circumstantias & adjuncta rei. v. g. dicat aliquis: Milo occidit Clodium. Rationes sunt: 1. Quia Milo prius habuit inimicitias cum Clodio. 2. Quia eidem minatus est mortem. 3. Quia visus est parare arma. 4. Quia visus est fugere post eundem. 5. Quia vestes repertæ sunt tinctæ sanguine. 6. Quia interrogatus de cæde expalluit. Hæ rationes omnes



omnes simul sumptæ conflant unum argumentum desumptum ex adjunctis, quæ ferè semper nulli conveniunt homini, nisi homicidæ, ut faciant, argumentum aut moraliter certum ut  $\frac{2}{3}$ , aut probabile ut  $\frac{3}{4}$ . Sit verò alius, qui dicat: Dantur elementa Cartesiana. Ratio sit. 1. Quia sic omnia possunt facillimè explicari. 2. Quia experientiæ favent huic Hypothesi. Sit ratio prima probabilis, ut  $\frac{5}{6}$ , altera ut  $\frac{2}{3}$ . Dico, non maiorem futuram probabilitatem, quàm  $\frac{7}{8}$ , quia una ratio in hoc casu non facit, ut altera minus frequenter fallat, sed tantum facit, ut minus sit periculum, eam ra onem enervari ex aliis argumentorum fontibus.

#### §. 4.

### De observandis in praxi circa probabilitatem propositionum.

1. **N**ulla propositio, quin prius determinetur gradus suæ probabilitatis, admitti debet. v. g. dicit aliquis; Ego sequor Aristotelem; alter dicit; ego nullum hominum in Philosophicis sequor. Sihi duo nolint litigare inaniter; Prior prius determinet, an sequatur Aristotelem tanquam regulam in Philosophicis certam, an verò præcisè tanquam regulam probabilem, ut  $\frac{5}{6}$ , quæ in Speculativis plerumque non erret. sic enim ex inductione errorum Aristotelis ostendi poterit, utrum prudenter assumatur pro tali regula vel non. Alter verò dicere debet: utrum omne aliorum Philosophorum iudicium rejiciat tanquam regulam certam, an verò tanquam regulam probabilem. sic enim convinci poterit ex inductione, utrum prudenter omnem auctoritatem humanam respuat, an non?

2. Quando pro aliqua propositione certus ac determinatus gradus probabilitatis assignari non potest, recipiendus est gradus vel ex hypothesi, vel proximè minor. v. g. dicit aliquis; Aristoteles hoc dicit: conveniendum nobis prius est de auctoritate Aristotelis, sub quo gradu ab omnibus recipi possit. Vel argumentandum est ex hypothesi, supposito videlicet, quod Aristotele, tanti valeat.

3. Hinc omnis probatio à communiter contingentibus debet. quia nihil nisi ad minimum ut probabile probandum est. v. g. si probatur aliqua conclusio ex auctoritate, debet probari, illam auctoritatem plerumque verum dicere. Aut si probatur conclusio ex aliquo textu cujusdam Doctoris controverso, probandum est, textum illum plerumque accipi in sensu pro conclusione intento. Aut si probatur propositio ex ratione, probandum est, posita tali ratione plerumque consequi alterum, quod intenditur. v. g. dicit aliquis hodie venturam pluviam, quia manè polus rubuit. Ostendendum est, manè rubente polo plerumque consequi pluviam.

4. Hinc omne argumentum, etiam à pari, vel à simili, vel à contrario, vel argumentum negativum in aliqua præsumptione, quæ à communiter contingentibus ducitur, fundari debet. v. g. argumentatur aliquis à pari, dicens: Licuit hoc

R.D. Euseb. Amori Philosophia.

Themistocli, licebit & Epaminandæ. Prius probandum aut præsumendum est, Themistoclem & Epaminandam plerumque habere æqualia jura. Vel dicit aliquis: melius esse regimen Monarchicum, quia & unus Deus in mundo, unus Sol in cælo. Ostendendum prius est, vel præsupponendum, esse similitudinem inter regimen Monarchiæ, & inter actiones Solis. Vel dicit aliquis à sensu contrario; virtus est honoranda; ergo vitium est odio habendum. Ostendendum est prius, virtutem & vitium plerumque sibi opponi in ipsa materia laudum. Vel dicit aliquis ab argumento negativo. Veteres Scriptores nullam fecerunt mentionem de Epistola Christi ab Abgarum Regem; ergo est supposititia. Ostendendum prius est, non fuisse probabile Authorum silentium de tali Epistola, si fuisset data aut agnita.

5. Hinc Argumentum negativum non precedit in materia necessaria, sed tantum in materia contingente. quia in materia necessaria non proceditur per præsumptiones, sed per demonstrationes. v. g. dicit aliquis: Nulla est necessitas distinctionis inter modos, & rem modificatam, inter relationem & rem relatam; inter gradus Metaphysicos &c. Hi modi argumentandi non sunt boni, quia in materia necessaria illud ipsum est necessarium, quod est possibile; nec pro alterutra contradictionis parte ulla stat præsumptio, ut in partem adversam onus probandi rejicere possit.

6. Hinc & argumenta à pari vel simili, quæ nullam præsupponunt paritatem aut similitudinem in prædicatis non controversis, connexis cum prædicato controverso, rejici debent. v. g. dicit aliquis. Judas est damnatus; ergo & Petrus. Hic controversum prædicatum est damnatio utriusque. Si non prius fuerit in utroque ostensum aliquod prædicatum, connexum cum subsequente damnatione, nulla est omnino paritas. Deberet ergo prius ostendi, in utroque reperiri impietatem, tunc licuisset argumentari ad similem effectum.

7. Sola convenientia objecti non parit probabilitatem. v. g. dicit quis: Conveniens fuisset, Christum venire in mundum, Adamo non peccante. Hoc solum nondum probat, Christum fuisse venturum; quia plurima possent convenienter fieri, quæ tamen non fiunt. Tunc verò solum convenientia parit probabilitatem, quando est tanta, ut communiter ac plerumque soleat attendi. v. g. dubitat aliquis, an Rex sit servaturus promissum suum? dico, illud esse probabile, quia sic est conveniens, & quia Rex solet attendere ad honestatem publicam.

8. Neque etiam sola possibilitas objecti parit probabilitatem. quia multa sunt possibilia, quæ non fiunt. v. g. dicit aliquis, Per hypothesin Cartesii, aut per atomos Gassendi possunt omnia explicari in natura; ergo est vera. Hoc non sequitur, quia Deus habet innumeros modos possibiles, quorum quolibet potest producere eosdem effectus.



9. *Argumenta, quibus dicitur suaderi veritas, nullam pariunt probabilitatem.* Quia suasio tantum pertinet ad voluntatem circa eligibilia; voluntas autem tantum eligit, quod est illi melius, non quod est intellectui verius. Talia argumenta suasoria sunt, quando 1. objectum dicitur possibile. 2. Quando multæ afferuntur congruentiæ. 3. Quando una sententia dicitur facilis explicatu, econtrâ opposita difficilis. 4. Quando una sententia dicitur subjecta esse minoribus difficultatibus, quàm opposita. 5. Quando in una sententia dicitur servari major principiorum uniformitas, aut major doctrinæ consequentia. 6. Aut quando in una sententia dicitur dari facilior objectorum solutio. Hæc omnia, inquantum non permiscuntur puris motivis voluntatis, utiliter quidem afferuntur, inquantum intellectum vel liberant à præjudiciis contra adversam sententiam; vel inquantum liberant à metu difficultatum oppositarum; vel inquantum faciunt intellectum tranquillius assentiri objecto; non tamen sunt positiva argumenta veritatis.

10. *Authoritati vel Rationi non rectè præfertur alia autoritas vel ratio, nisi quæ rarius fallit.*

11. *Argumentum probabile non rectè dissolvitur exceptione particulari.* v. g. dicat aliquis: hodie erit pluvia, quia mane rubuit cælum. Si alter dicat; hoc non esse consequens, eò quòd jam aliquoties manè rubente polo non venerit pluvia; hæc erit imperita responsio; quia prior propositio ex sua materia tantum erat probabilis, adeoque sensus tacite erat: Hodie probabiliter veniet pluvia, quia plerumque sic accidit. Hoc autem manet verum, quamvis interdum contrarium acciderit. Vel probet Ecclesia præsentiam Christi in Eucharistia ex verbis Christi: Hoc est corpus meum. Si hæreticus respondeat; hoc non esse consequens; eò quòd hic modus loquendi una vel altera vice habeat sensum tropicum, erit planè imperita responsio, quia sensus verborum non ille præsumitur, qui raro, sed qui plerumque verbis convenit. Contra hanc regulam plurimi Authores peccant, qui putant, se rem magnam præstitisse, si ostenderint, argumenta suorum adversariorum vel textus non universaliter procedere.

12. *Ob probabilitatem suæ sententiæ non licet rejicere probabilitatem alterius sententiæ.* Quia potest contingere, quòd pro utraque contradictionis parte dentur præsumptiones. v. g. potest pro Milonis innocentia dari præsumptio ex honestate præteritæ vitæ; & potest simul contra ejus innocentiam dari præsumptio ex circumstantiis facti seu homicidii. Hinc absurda est quorundam in probabilibus responsio; Argumenta adversariorum non esse convincentia; suam verò sententiam jam sufficienter probatam esse. In talienim casu, quo pro utraque parte dantur argumenta probabilia, neutri parti assentiendum est.

13. *Ubi manifesta est veritas, vana est omnis in contrarium probabilitas.* Ad quid enim juvat, conglomerare adversus veritatem argumenta probabilia, nisi ad perturbandum intellectum, ut amittatur veritas. Sic faciunt hæretici afferendo innumeras præsumptiones adversus veram Ecclesiam; ad quid enim illæ juvent, nisi ad hoc, ut intelle-

ctus tot præsumptionibus perturbatus non videat in Ecclesia moderatricem omnium Providentiam divinam, aliunde certissimam, quæ inter mille humanorum ingeniorum ludibria novit educere veritatem, & constituere in imperio.

14. *Hinc est Ratio probabilis auctoritati infallibili; & auctoritas probabilis rationi certa cedere debet.*

15. *Autoritas tantum fallibilis non tollit obligationem examinandi rationes probabiles in oppositum.* v. g. dicit aliquis: Sententia Cartesii non est probabilis, quia est contra sensum Doctorum, contra sensum communem, contra judicium prudentum. si enim per talem exceptionem rationes oppositæ possent rejici tanquam indignæ, quæ audiantur, aut examinentur, tunc opinio semel probabilis per communem sensum Doctorum redderetur inexpugnabilis, eò quòd nunquam illi posset objici ratio probabilis, quæ non statim ob communem sensum Doctorum rejiceretur.

16. *Quando veritas propositionis dependet à multis suppositis tantum probabilibus, non manet probabilis.* quia sicut ex duabus præmissis solum probabilibus plerumque non sequitur conclusio probabilis, ita etiam ex multis suppositis solum probabilibus. v. g. si quis dicat: concludendam proximè futuram pacem inter Principes Christianos; supponat autem 1. Conditiones pacis non esse magnæ difficultatis. 2. Principes inclinari ad pacem. 3. Vires principum bellicas jam esse exhaustas &c. si hæc est similia supposita solum sint probabilia, ex multis capitibus poterit falli, qui sic prænuntiat.

17. *Hinc & Sorites plerumque non fundant probabilitatem.* quia plerumque progrediuntur per multas illationes solum probabiles. v. g. si mercator dicat: Quando navis ex India redierit, augetur census annuum. Aucto censu conducam duas tresve naves; his iterum redeuntibus ex India emam comitatum, & sic per incrementa fortunæ perpetua fiam Pensionarius Statuum Hollandiæ.

18. *Cum omnis probabilitas dependeat vel ex inductione casuum consimilium, vel ex Legibus Contingentium, rarissime autem sciri possit, utrum sufficiens facta sit inductio, vel utrum omnia consideranda ad æstimandum effectum contingentem requisita consideraverimus, patet, modeste plerumque & sentiendum & loquendum esse, donec omnia videamus in Deo.*

## G. 5.

### De Censuris Criticis.

1. **P**ropositio hæretica est, quæ in terminis contradicit verbo Dei vel scripto, vel tradito, vel inspirato Ecclesiæ.

2. *Propositio erronea est, quæ in terminis contradicit veritati jam aliunde certæ.*

3. *Propositio proxima hæresi aut errori est, cujus sensum coincidere cum propositione hæretica aut erronea moraliter certum est.*

4. *Propositio propinqua hæresi aut errori est, cujus sensum coincidere cum propositione hæretica vel erronea probabilius est.*

e. Pro-



5. *Propositio favens hæresi* aut errori est, quæ semel admissa vel præparat mentem ad hæresin, vel enervat fundamenta veritatis, vel conciliat robur falsitati, & argumentis hæreticorum.

6. *Propositio respectivè hæretica* vel erronea est, quæ saltem in aliquo sensu, quamvis non primario, est hæretica & erronea.

7. *Propositio temeraria* est, quæ sine efficacibus argumentis contradicit veritatibus universim receptis.

8. *Propositio scandalosa*, aut piarum aurium offensiva est, quæ multis hominibus probabiliter futura est causa erroris aut peccati. non enim illa propositio statim pro scandalosa haberi debet, quæ tantum uni vel alteri ex tota multitudine scandalum generat; quia id præsumitur accidere non ex natura propositionis, sed ex indispositione accipientis.

9. *Propositio perniciofa*, *periculosa*, aut *seditiosa* est, quæ probabiliter disponet animos ad aliquod malum, vel ad seditiones; v. g. excitando eas cogitationes, aut passiones, ex quibus prout est de-  
volvi ad malum, vel seditionem.

10. *Propositio impudens* aut *insolens* est, quæ

præferat vel enormem superbiam & contemptum aliorum; vel peccat contra reverentiam aliis debitam.

11. *Propositio incredibilis* est, quæ asserit rem extraordinariam, cujus vel nullum habetur exemplum, vel nulla clara idea, idque sine sufficienti fundamento. nihil enim incredibile, quod testem habet idoneum.

12. *Propositio absurda* est, quæ contradicit aut æstimationi omnium hominum, aut expectationi seriæ prudentum.

13. *Propositio nugatoria* est, quæ in docendo, vel probando, vel respondendo non attingit punctum controversiæ, idque manifestè, ut à quovis facile adverti possit.

14. *Propositio impertinens* est, quæ nec augeat concessa, nec minuit negata probabilitatem questionis.

15. *Propositio captiosa* est, quæ, dum menti ingenerat varios sensus, videtur præferre sensum bonum, reipsa autem disponit ad erroneum.

16. *Propositio improbabilis* est, quæ comparativè spectata ad argumenta opposita non habet majorem verisimilitudinem opposito.

## P A R S S E C U N D A

### De Authoritate.

#### §. I.

#### De Authoritate in genere.

1. **I**n tantum quævis dicentis authoritas fundat probabilitatem, in quantum agit officium idonei testis, aut idonei judicis. qui enim suam interponit authoritatem, vel debet scire rem esse veram, quod fieri potest vel per experientiam sensuum, vel per famam, vel per documenta, vel per traditionem. Et sic aget officium idonei testis. v. g. si quis dicat: Ego hoc vidi, ego hoc accepi ex documentis; ego hoc audiavi à meis majoribus. Si verò rem non sciat veram esse ex propria experientia sensuum, aut ex traditione, aut documentis &c. tunc solum poterit dicere: Ego v. g. non quidem vidi homicidium Milonis, judico tamen ex actis & relatis, eum potius innocentem esse, vel: Ego quidem non vidi cælos, judico tamen ex argumentis hinc inde agitaris, illos potius liquidos esse. Sic ergo aget officium judicis; & si habeat qualitatem idonei judicis, ac dispositionem mentis ad probabiliter dijudicandum verum, in tantum habet probabilitatem authoritas.

2. *Author*, qui non potuit pro sua assertionem fundari in experientia sensuum, fama, documentis, traditione; tantum agit officium judicis, non vero officium testis. testis enim refert, quod ipse vidit, audit &c. judex verò aliena documenta dijudicat, quid quantumve ad probandum valeant. Quod si idem & experientiam propriam affert, & suum exinde simul interponit iudicium, simul agit officium testis & judicis.

3. *Quando pro utraque contradictionis parte stat æqualis authoritas*, nulla exinde pro neutra parte exur-

git probabilitas. v. g. sint pro una sententia 10. Authores; pro opposita totidem. Erit probabilitas, ut  
5. id est, nulla.

4. *Quando non constat certò de sensu authoris*, & ejus authoritas tantum est probabilis, tunc nulla exinde fit probabilitas. v. g. dicat Aristoteles: Mixta resolvi in elementa. non autem certum sit, utrum loquatur de resolutione Mechanica, nempe de separatione; an verò de resolutione Physica, nempe de generatione. Dico: ex tali textu nihil probabiliter concludi posse, quia sic deberet formari argumentum. Quod Aristoteles dicit, est verum: Sed Aristoteles dicit, mixta resolvi resolutione Mechanica in elementa; ergo, hinc Major & Minor est tantum probabilis; adeoque conclusio non debet amplius haberi pro probabili.

5. *Quando probationes aut suppositiones omnes authoris nullæ sunt & inefficaces*, nulla est talis authoritatis probabilitas. quia nullus authorum adeò insolens est, ut plus sibi credi vellet, quam omnibus suis probationibus.

6. *Quando pro una sententia concurrunt multi authores*, ad hoc solum attendi debet, an facile sit in tali materia concurrere multos authores. Si id facile fuerit, etiam plurimorum authorum simul sumptorum authoritas tantum exiguam habet probabilitatem. Si verò id difficile fuerit, summa ex tot authoribus constat probabilitas, aut certitudo. Adeoque non semper attendi debet ad numerum testium vel authorum. Aliquando enim difficile est, etiam duos & tres convenire, si nec educatione, nec præjudiciis, nec communi passionum animi vinculo conjuncti fuerint, in aliis verò materiis facile est, etiam centum, aut mille conspirare



in unam sententiam, ubi nempe communis educatio, communia studia, & communia motiva mentem ad similem sententiam disponunt.

7. *Quando pro eadem sententia concurrunt innumeri auctores & homines, nullo communi colligati vinculo, ea sententia moraliter certa est*, quia, cum contingentia non procedant uniformiter, non potuit fieri, ut contingenter tot homines conspirent in unam sententiam, nisi fuissent rapti evidentia rei.

8. *Persuasio hominum, sensus communis, & quævis dicentis autoritas tantum fundat presumptionem circa objecta sibi familiaria*. sicut enim tutor non feret rectum iudicium de pictura ultra crepidam, sic nec multitudo Doctorum, nec populi recte sentient, nisi circa illa objecta, quorum habere rectam notitiam ipsorum interest.

9. *Ceteris paribus autoritas clara auctoritati obscura preferri debet*. quia si textus auctoris est obscurus, non satis constat de sensu auctoris, & sic minuitur probabilitas argumenti.

## §. 2.

### De idoneo controversiarum iudice.

1. **N**ullus auctorum pro idoneo controversiarum iudice haberi debet, nisi probetur. quia qualitas idonei iudicis, quæ aptè discernitur verum à falso in rebus dubiis, non inest hominibus à natura, sed positivè probari debet. Adeoque non indifferenter pro argumento adhiberi debet cujuslibet auctoris assertio, sed prius notasse debet auctoris scientia.

2. *Idoneus auctor haberi non debet, nisi habeat sequentes conditiones.*

Primò: *Asserat, quæ sibi videntur, non, quæ tantum aliis videntur*, quia si auctor tantum occupatur in recensendis aliorum opinionibus; si tantum laborat, ut adducat sententias probabiles, talis non suam interponit auctoritatem, sed instar oviculæ sequitur alienam.

Secundò: *Asserat suas conclusiones categoricè & confidenter*. Si enim ipsemet auctor de suis assertionibus dubitet, non poterit firma adhiberi fides. Adeoque; si auctor dicat: *sic videtur: probabiliter dico*, nulla est ex tali auctoritate probabilitas, quia ex auctoritate probabilis tantum probabiliter posset inferri conclusio.

Tertiò: *Sit liber à præjudiciis*. quia, ubi reperiuntur præjudicia, quæ habent connexionem cum quæstione controversa, pronum est errare. Rarò autem ab hominibus desunt præjudicia, nisi adsit. 1. Promptum ingenium. 2. Eruditio. 3. Libertas animi intrepida in inquirendo & asserendo. 4. Exercitatum studium in auctoribus utriusque sententiæ. 5. Moderatio passionum. 6. Modestia in audiendo & loquendo erga adversarios. Hæc autem omnia non præsumuntur in auctore existere, nisi horum omnium assert ac det specimina.

Quartò: *Non adstringatur motivo aut affectione particulari ad suam sententiam*. quia talia motiva facillimè pervertunt iudicium. Ut autem sciamus, utrum auctor tali motivo afficiatur, non sufficit, si præcisè attendamus ad protestationes au-

thorum; plurimi enim auctores ab initio operis protestantur, se nulla passione, aut affectione particulari pertractos esse in suam sententiam, in quibus tamen contraria est protestatio facta. Adeoque attendere debemus ad ipsa opuscula auctorum, utrum nempe in iis occurrant tales moditendendi, qui aliàs non solent procedere ex animis ab affectu liberis. Quod si unus tantum vel alter talis actus occurrat, nondum probat vitiosum pravæ affectionis habitum. Si verò plures occurrant, jam certum est, in auctore dari particularis affectionis habitum, aliqui volunt, ut ex scriptis auctorum maximè in Historicis nec eorum patria, nec familia, nec status conditio, nec religio appareat. Verum hoc necesse non est; possunt apparere patria, religio; modò in scriptis non dominetur affectus, sed ratio.

Quintò: *Reluceat in auctore Ars Critica*. quamvis enim hæc ars scripta non fuerit, omnium tamen mentibus ex ipso lumine naturali insculpta est. cum enim regulæ criticæ per se ritè dispositæ intellectui manifestæ sint, fieri non potest, ut auctor bonus, qui sequitur dictamina luminis naturalis, has regulas frequenter transiliat. Fieri quidem potest, ut etiam auctor bonus una vel altera vice ex defectu attentionis & sufficientis reflexionis aberrat à regulis criticis, sed qui frequenter recedit, habitum animi gerit à veritate remotissimum.

Sextò: *Reluceat in auctore habitus logicus*. qui enim frequenter impingeret in regulas rectæ ratiocinationis, ostenderet, se habere dispositionem animi ad errores pronam.

Septimò: *Reluceat in auctore claritas, ordo, & exactitudo*. quia ista regulariter concomitari solent ingenia ad veritatem disposita.

Octavò: *Reluceat in auctore attentio, exercitatio, & eruditio*. quia sine his facilè est errare. Attentio solet deesse in illis auctoribus, qui se tantum exiguo tempore applicarunt ad suum objectum, ad quod aliàs etiam capacia ingenia indigent longo tempore. Vel in iis, qui nimis multos libros scribunt exiguo tempore, vel in atate præmatura. Vel in iis, quos constat occupari circa alia objecta impertinentia.

Nonò: *Reluceat in auctore prudentia docendi*. Prudentiæ autem est, sic tractare controversias, ut intellectus facillimè vincatur; remove omnia objecta, quæ intellectum impediunt à comprehendenda veritate; non excitare in animis lectorum vel audientium eas passiones, quibus odiosa redditur veritas; refecare inutilia, quæ ad scopum non pertinent; evitare prolixitatem, cum mentem multa comprehendere nequeat; omittere propositiones incidentes, quæ turbant sensum; vitare exaggerationes, quæ suspectam reddunt totam doctrinam. Totam doctrinam resolvere in definitiones, axiomata, postulata, conclusiones, probationes, explicationes, utiles animadversiones, consuetudines, & dubiorum solutiones. Obvia sit menti ubique totius doctrinæ, & dicendorum connectio. Scopus operis ubique sit præ oculis. Pauca sint principia ac uniformia, quæ in omnes partes doctrinæ influant. Leves objectiones, quarum solutio cuiusvis obvia, omittantur, & quæcun-



que alia in Logica de Methodo docendi dicta sunt, observentur.

Decimo : *Sit author liber à passionibus potentia intellectiva.* Sunt autem vitia humani intellectus.

1. Præcipitantia iudicii, dum quis contuevit in quavis re etiam non bene discussa, aut in rebus dubiis, in rebus inutilibus, aut in rebus non pertinentibus ad quæstionem, suum interponere iudicium, maximè si se immisceat controversiis, quæ sine aliorum offensione difficulter tractari possunt. 2. Curiositas, quæ est cognitio rerum inutilium; raro enim sunt solidi iudicii, qui libenter tractant curiosa & inutilia. 3. Nugacitas, quæ est inclinatio ad objecta jocosa. Raro enim reperitur eruditio ad solidam scientiam requisita in hominibus amantibus jocos. 4. Voluntaria ad libros, & socios, & alia objecta, in quibus contagionis periculum, adhesio. Quod quis enim amat & æstimat, hoc profundè imbibit, sive bonum, sive malum. 5. Sollicitudo temporalium. Difficile enim est, servare mentem ad scientias serenam, si occupatur perpetuis curis rerum ac negotiorum temporalium.

Undecimò : *Sit author liber, non adstrictus ad verba Magistri.* Ut enim rectè Ptolomæus in sua Logica advertit, mille authores, qui tenentur jurare in verba Magistri, tantum valent pro uno autore, quem sequuntur, & quem repræsentant. Itaque illis Doctoribus, quibus semel decretum est, sequi ducem, liceat pugnare argumentis, non verò authoritate sui similium.

Duodecimò : *Careat author acuta dictione, & puerili eloquentia.* Raro enim quis inveniet amantem argutam eloquentiam, & solidè discurrentem. Legatur Tertullianus, & Seneca, & videbitur, quam multæ argutæ sententiæ careant solido iudicio, & veritatis accurato criterio. v. g. dum Seneca Tract. Quod in Sapientem injuria cedere non possit. c. 5. ait : „Non refert, quam multa in illum tela conjiciantur, cum sit nulli penetrabilis; quomodo „quorundam lapidum ferro inexpugnabilis duritia „est, nec secari adamas, aut cædi, vel teri potest, „sed incurrentia ultro retundit. Quemadmodum „projecti in altum scopuli mare frangunt, nec ipsi „ulla favitiæ vestigia tot verberati sæculis ostentant. Ita sapientis animus solidus est, & id roboris collegit, ut tam tutus sit ab injuria, quam illa, quæ extuli. Adsum hoc vobis probaturus. Videbis munimenta incurfu arietis labefieri, & murum altitudines cuniculis ac latentibus fossis stepente residere, & æquaturum editissimas arces aggerem crescere; at nulla machinamenta posse reperiri quæ bene fundatum animum agitent. Non Babylonis muros illi contuleris, quos Alexander intravit, non Carthaginis aut Numantiæ mœnia una manu capta, non Capitolium, arcemve; habent ista hostile vestigium. Quid tu putas, cum stolidus ille Rex multitudine telorum diem obscurasset, ullam sagittam in Solem incidisse? ut cœlestia humanas manus effugiant, & ab his qui templa diruunt, aut simulacra conflant, nihil divinitati nocetur, ita quidquid sit in sapientem, protervè petulanter. Superbè, frustra tentatur. Ita quidem Seneca. Aliter Sapiens Ecclesi. 7. Calumnia conturbat sapientem, & perdet robur cordis illius.

### §. 3.

#### De idoneo teste.

1. *In quovis teste supponitur veracitas, quamdiu non probatur contrarium.* quia nemo præsumitur malus.

2. *In testibus non præsumitur sufficiens notitia, nisi positivè probetur.* quia licet fallere non sit homini connaturale, falli tamen & errare, & ignorare hominis est.

3. *Quando testis reddit rationem suæ scientiæ, v. g. se referendo ad famam, ad traditionem, ad documenta, ad experientiam sensuum, tanta est testimonii probabilitas, quanta est illius famæ, traditionis, documentorum, sensuum.*

4. *Quando testis non reddit rationem suæ scientiæ, præsumendum est, eum non habuisse rationem valde extraordinariam, sed primò obviam.* quia semper illud præsumitur, quod primum est fieri. v. g. scribit Livius de Romana historia, nec citat fontes, unde hauserit. Facillimè contingere potuit, quod colligeret varia documenta scripta, & tradita. Scribunt etiam nostris temporibus multi historiam temporum; plerumque hoc fit ex novellis & relationibus publicis. Alia documenta authentica supponi non debent, nisi fortè constaret, authorem esse talem, qui non soleret acquiescere, nisi documentis certis.

5. *Itaque tota probabilitas testimonii dependet à credulitate testis.* In quantum nempe testem constat esse virum credulum aquiescentem quibusvis relationibus; an verò sit vir, qui non aquiescat nisi certis.

6. *Hinc fieri potest, ut author Recentior majoris sit fidei, quam author coævus.* quia author coævus potuit esse credulus, adhibens fidem quibusvis relationibus; & sic sæpius erraret. Evidens enim est, in quibusvis urbibus quotidie spargi falsos rumores de rebus in eadem urbe peractis. Contra author recentior potest habere melius iudicium in discernendis antiquis documentis, vel circumstantiis expendendis facti veteris.

7. *Testis coævus de visu vel auditu prævalet mille testibus non coëvis.*

8. *Multi testes coëvi de fama faciunt moralem certitudinem.* quia non facile fieri potest, ut fama imponat tot viris perspicacibus.

9. *Ceteris paribus semper præferenda est pluralitas testimonii.* Si pro una assertionem stent decem testes, pro altera tantum sex; haud dubiè prior præferenda est.

10. *Omnes convenientiæ aut conjectura cedere debent testimonio unius testis fide digni.* v. g. testetur vir fide dignus, se vidisse in acie occumbentem maritum Barbaræ, nuntient alii contrarium ex fama, aut ex circumstantiis, quæ probabilem faciant vitam. Hæ omnes conjecturæ cedere debent unius testimonio, quia hoc testimonium est moraliter certum; convenientiæ verò & conjecturæ tantum faciunt probabilitatem.

11. *Testis semel mendax in nulla assertionem meretur fidem.* quia mendacium, quantumvis unum tantum, est signum internæ malitiæ, quæ est causa mendaciorum plurium.



12. *Facta antiqua per testes coævus, vel proxime coævus probari debent; alias inter dubia haberi debent.* sic enim conveniunt ac statuunt Eruditi, ratio est, quia nullus erit finis confusionis, qua innumera fabulosa historiis permixta sunt, nisi separemus per hanc regulam certa ab incertis.

12. *In factis antiquis non requiritur minor fides testium, quam in factis recentioribus.* Hæc regula est contra illos, qui dum loquuntur de antiquitatibus, interrogati de antiquis documentis respondent; in tam antiquis rebus non esse requirenda tam accurata documenta, sed contentos nos esse debere conjecturis, aut probabili traditione. v. g. agitur de antiquitate & majoribus cujusdam illustris familiae; ajunt illam descendere ab Ænea, Hercule, Romulo, Regibus Ægypti. Cur verò id potius credam sine teste coævo, quam factum recentius?

13. *In factis antiquis, quæ probantur à sola traditione, inspiciendum est, an talis traditio facile aliquando potuerit oriri, quin fundetur in testibus coævis, vel non?* si non potuit facile oriri, nisi ex coævis testibus, habet probabilitatem suam. Si verò facile potuit oriri ex aliis fontibus, illa facta pro dubiis relinqui debent; & utendum ejusdem Itali effato: *Ego hoc nec credo, nec de credo* v. g. agitur de serie Imperatorum, Pontificum, vel Episcoporum: non possunt amplius produci documenta coæva, sed tantum Catalogi talium Episcoporum, Principum &c. scripti ante 500, vel 600. annos. quia tamen non est verosimile, rem adeo publicam, & notam omnibus, ac est series Principum, fuisse vel oblivione sepultam, vel fraude impostorum adulteratam, poterit credi talis traditio. Vel oritur quaestio de fundatione alicujus urbis, de fundatione alicujus Ecclesiae, de celebri aliqua victoria; non supersunt amplius coæva documenta; supersunt tamen solennitates publicæ institutæ in memoriam facti veteris, vel supersunt tituli, jura, privilegia, prærogativæ familiarum, quæ dicuntur concessa intuitu talis antiqui facti, pariter fidem meretur traditio; quia non facile talia introducuntur, quin fundentur in documentis antiquioribus. Vel oritur v. g. quaestio, an Crux Pollingana inventa sit in venatione à Thassilone Duce Bavariae octavo sæculo? Quis non videat, neminem unquam fuisse inventurum fidem apud suos confratres, domesticos, familiares, concives, vicinos, si repente voluisset proferre in publicum talem historiam, de qua nullus antea quidquam audiisset. Occultæ revelationes, occulta miracula haud dubie solent confingi ab impostoribus: Sed actus publici adeo solennes, qui non potuissent ignorari ab aliis, non finguntur ab impostoribus, responderent enim impostori omnes: *Si verum esset, quod tu nobis recenter affers, debuissimus & nos hujus rei habere notitiam; non potuisses nobis esse ignota tam illustris inventio.* Igitur si constat, tale aliquod factum celebre ac publicum non potuisse à majoribus credi sine dementia, nec potuisse populis promulgari sine insigni integræ alicujus communis malitia, credendum est, illud esse verum, & acceptum à coævis testibus. In aliis verò actis antiquis, v. g. ubi agitur de miraculo occulto, vel authentia antiqui numismatis &c. in quibus

deceptio potuit introduci ab uno impostore, eo quod à multitudine credula non potuerit refutari ejus assertio in tali re occulta; dicam: *Ego nec credo, nec de credo*, nisi mihi proferantur documenta proxime coæva, vel aliàs authentica.

14. *In factis antiquis, in quibus traditio est dubia, licet traditionem prosequi.* v. g. agitur in Illustratione familiae quaestio de Nobilitate. traditio habeat, esse nobilissimam familiam, cur non liceat tali familiae, commendare posteris tradita, & usurpare jura nobilitatis? vel est quaestio de authentia SS. Reliquiarum, v. g. de Sudario, præputio, lintaminibus sepulchri, quæ asservantur in pluribus locis, de corpore S. Benedicti, quod colitur Floriaci in Gallia & in Italia, de corpore S. Marci quod colitur Venetiis & in Schönaugia, de corpore S. Dionysii, quod asservatur Parisiis & Ratisbonæ, & innumeris aliis. Cur non liceat populis referre traditionem, & illos excitare ad reverentiam, in similibus semper tacite ac implicite conditionatam? si enim licet revereri Diploma Regis dubium, & honorare personam, quæ fingit personam principis; cur non simile liceat in causis Regis Regum & Principum? Venit ante aliquot annos, qui se dicebat esse de familia ac cognitione cujusdam Ministri Electoris Bavariae: honoravimus pro viribus. Rescripsit Minister: id gratum se habuisse, ac si verè fuisset de sua familia. Licet ergo in similibus modestum esse, ut quilibet in suo sensu abundet; sapientis est, proferre modestè tradita; non vendere majorem certitudinem quam acceperit; non scrupulosè discernere merces ac monetas promiscuas, ubi pietatis, & amicitiae lucrum æquale est.

16. *Historicus, qui non citat fontes, sed innititur frequenter documentis dubiis, non meretur fidem in factis historiae controversis.*

17. *Scriptor, qui studiosè truncat textus, aut suppressit documenta adversus se facientia, nullibi meretur fidem. est enim falsarius.*

#### S. 4.

#### De Argumento negativo petito ex silentio Authorum.

I. *Factum antiquum, de quo nihil scribunt Authores, qui illud potuissent & debuissent annotare, pro fabula habendum est.* Sic conveniunt & statuunt Eruditi. Requiritur ergo duo ad hoc: ut argumentum negativum ex silentio Authorum petatum bonum sit. 1. Requiritur, ut potuerit Author scribere & annotare rem gestam. ut nempe habuerit de re gesta notitiam certam, & ut habuerit occasionem facilem ea de re scribendi. non enim possunt convenienter annotari res gestæ, si aut tantum habeatur notitia dubia, vel si ea historia non conveniat scopo operis, quod sibi Scriptor proposuit. Sicut enim nostris temporibus multa à plurimis sciuntur, quæ possent scribi pro notitia posteritatis etiam memorabilia, & tamen non scribuntur, quia vel occupationes, vel status, vel scopus cujusvis viri docti non permittunt, ut de quolibet re memorabili scribat commentarium, sic

nec



nec antiquitus id fieri potuit. 2. Requiritur, ut Authores habuerint occasionem facilem de tali re gesta scribendi. Talis autem occasio adesse censetur, si alias scripserunt librum in eadem materia; si factum seu res gesta sit adeo memorabilis, ut non censetur ex injuria vel oblivione omis- sum; si Author habuisset specialia motiva, inseren- di mentionem de re taliter gesta.

2. *Consuetudines integri populi, aut secta, de qua- rum origine non testantur Scriptores coevis pro an- tiquioribus haberi debent.* v. g. quaestio est de anti- quitate Confessionis auricularis in Romana Eccle- sia, aut de dogmate Eucharistiae, volunt Hæretici, hæc omnia penitus de novo orta esse multis post Christum sæculis. Quis verò credat, hæc oriri potuisse in Ecclesia sine ingenti strepitu & commo- tione totius Ecclesiae, aliquibus eam novitatem recipientibus, aliis recusantibus. Si ergo in Au- thoribus est altum silentium de tali strepitu ob no- vationes Ecclesiae, signum est, tam enormes nova- tiones nunquam contigisse; & cum successivè in- troduci non potuerint, quin semel patere debuerit novationis recens enormitas, signum est, talia Sa- cramenta Ecclesiae quoad substantiam semper fuisse in Ecclesia.

3. *Argumentum ex silentio Authorum circa res, quas periculosum eloqui, nullum est.* v. g. si Author nullam faciat mentionem de crimine Illustris per- sonae, aut de veritate aliqua odiosa multitudini, qualis esset laus Tyranni, non propterea bona erit argumentatio: *Authores de hac re nullam faciunt mentionem; ergo non datur.* Adeoque in simili- bus silentium non potest haberi pro ignorantia, sicut & in odiosis non habetur pro consensu.

4. *Si quis Author ad probandam suam assertionem*

*non utitur argumento omnium optimo, censetur illud non agnovisse.* v. g. si ad conclusionem suam pro- bandam in Philosophia serviret aliquis clarus tex- tus Aristotelis, aut celebris experientia, si Peripa- teticus his non utatur, censetur eorum nullam ha- bere notitiam, aut actualem memoriam.

5. *Argumentum Hæreticorum contra Sacramenta Ecclesiae, petitur ex silentio Scriptorum primitiva Ec- clesiae, nullum est.* quia licet illis Scripturibus per- missum fuerit, generalibus terminis loqui ad popu- lum de Sacramentis Ecclesiae, non tamen fuit illis permissum explicare enucleatius in scriptis publi- cis ritus & mysteria illorum Sacramentorum, ne irriderentur à Gentilibus, & vilescerent coram im- piis, prout fusè probat Schelstrate in libro. De Disci- plina Arcani. Sic Tertullianus l. 1. contra Gentes c. 7. à Christianis sacris depellens suspicionem oc- cultorum criminum ait: „A quibus potuisset ta- „lis fama in totum orbem dari? ab ipsis enim „Christianis non opinor, cum vel ex forma ac le- „ge omnium mysteriorum silentii fides debeatur: „quanto magis talium, quæ prodita non evitarent „supplicium? si ergo non ipsi proditores sui; se- „quitur ut extranei. Oro vos, extraneis undè no- „titia? cum etiam iusta & licita mysteria omnem „extraneum caveant. Et Origines l. 1. contra „Celsum, ait: Quod in doctrina Christiana quæ- „dam insunt, quæ non annuntiantur quibusvis, id „non solius doctrinae Christianae proprium est, ve- „rùm etiam Philosophicæ. nam & illi exteriorem, „& occultiores doctrinam habebant, alii Pytha- „goram audiebant contenti ipsius autoritate; alii „secrètè discebant rationes non evulgandas in pro- „fanos nondumque purgatos. Sic occultanda es- „se mysteria Ecclesiae cavent omnes SS. Patres, pro- „ut in Schelstrateno videri potest.

## PARS TERTIA

### Hermeneutica, seu, de Interpretatione.

#### §. I.

#### De vario verborum sensu.

1. *Sensus verborum proprius est, quem usus lo- quentium immediatè ac plerumque verbis sub- jicit.* v. g. si Christus dicit: *Hoc est corpus meum.* Hic modus loquendi similis est communi modo loquendi, quo dicimus: *Hoc est lignum.* *Hoc est lapis* &c. quibus loquendi for- mulis plerumque ac immediatè intelligitur corpo- ralis rei demonstrata præsentia.

2. *Sensus verborum improprius est, quem usus lo- quentium aut raro, aut tantum mediatè verbis sub- jicit.* v. g. si dico; *Prata rident.* Antequam in- telligam, quid sibi velit propositio, cogitandum mihi est de risu hominis, ac dein primùm similitu- do transferenda ad agrum: itaque non immediatè, sed mediatè devenio ad intelligendam fœcun- ditatem agri latam hominibus.

3. *Sensus primarius verborum est, quem verba secundum se præferunt. Sensus secundarius est, quem verborum circumstantia, aut modus tenden- di ingenerant.* v. g. si Herus famulo dicat: *Jam*  
R. D. Euseb. Amort Philosophia.

*ades à laboribus?* Sensus obvius verborum præfer- laudem famuli. Si verò ex circumstantiis sciām famulum serò venisse, significant Ironiam. si de- nique hetus vehementia quadam & minaci vul- tu eadem verba proferat; significabunt iram Do- mini.

4. *Sensus verborum obvius est, quem aut verba, aut manifestæ verborum circumstantiæ præferunt.* v. g. si Lutherus dicat: *Sola fides ad salutem sufficit.* quis non in sensu obvio propositionem hæreticam clamet?

5. *Sensus ab Authore intentus dicitur, qui verbis de se ad duplicem sensum indifferentibus per contex- tum ab Authore tribuitur.* v. g. dum Quesnellus di- cit; *Quem Deus vult salvare, infallibiliter salvatur* propositio potest intelligi de voluntate Dei efficaci, & inefficaci. quia verò per contextum, & alias propositiones simul damnatas, quibus sufficienter explicatur totum Systema Gratiae Quesnellianæ, constat, Quesnellum loqui de quavis voluntate Dei, eumque non admittere voluntatem Dei ineffica- cem, rectè propositio in sensu ab Authore intento damnata est.



Cæterum quid sit sensus verborum strictus, accommodus, distributivus, copulativus, collectivus, disjunctivus, disjunctus, reduplicativus, denominativus, concretivus, materialis, formalis, privativus, exclusivus &c. jam in Summulis dictum est.

## §. 2.

## De Principiis interpretationis.

**I.** **T**ria sunt principia interpretandi sensum verborum. 1. *Usus loquendi.* 2. *Intentio loquentis.* 3. *Subiecta materia, circa quam versatur propositio.*

2. *Pro illo sensu stat præsumptio, quem verba communiter habent ex usu loquentium.* v.g. si Christus dicit: Ego & Pater unum sumus: Pater in me, & ego in patre. Si velimus invenire sensum horum verborum, ab initio inquirendum est, quem sensum ex communi usu loquendi iste modus verborum habeat; & videbimus, quod sola unitas voluntatum per affectionem in amicis non soleat similibus verbis exprimi.

3. *Quando verba ex usu loquentium sunt indifferentia ad duplicem sensum, tunc respiciendum est ad intentionem loquentis.* Et sic pro illo sensu stat præsumptio, ad quem intentio ac dispositio loquentis prior est. v.g. in priore exemplo, si verba Christi mihi viderentur indifferentia ad unitatem moralem per affectum amicitiae, & unitatem physicam, inspicerem intentionem Christi, aliunde notam; & viderem, Christum velle insinuare dignitatem omni humana maiorem, quod non obtineret per unitatem moralem cum Deo.

4. *Quando nec usus loquendi certum sensum determinat, nec intentio loquentis nota est, recurrendum est ad circumstantias verborum, ad contextum, ad connexionem doctrinae, ad totum discursum, id est, ad subiectam materiam.* Et sic pro illo sensu stat præsumptio, quem subiecta materia facilius ingenerat. v.g. si in priore exemplo non esset nota intentio Christi, attenderem ad explicationem Christi, & viderem, quod Christus sibi tribuat eadem opera, quæ operatur Deus; & quod testetur, se jam fuisse ante Abraham, & similia, hæc omnia non conveniunt nisi illi qui habuerit unam naturam cum Deo.

## §. 3.

## De sensu verborum, in quantum desumitur ex usu loquentium.

**I.** **S**ensus verborum ex usu illorum temporum, quo usurpantur, æstimari debet. Contigit enim non raro, quod eadem verba successu temporum diversum sensum accipiant, v.g. τὸ ὑποστατικὸν consubstantialis aliquando in Oriente non fuit admissum à D. Basilio, quia ibi locorum, & eo tempore non retulerunt hoc nomen ad naturam, sed ad personalitatem. Similiter D. Hieronymus aliquamdiu noluit admittere in Deo tres hypostases, quia eo adhuc tempore nondum habuit adhuc universalem usum pro personalitate. Hinc si sensus verborum dubius est, rectè attenditur ad usum temporum antecedentium & subsequendum ad propositionem controversam. v.g. si velimus scire, qualem sensum in Novo Testamento habeat nomen Ecclesia, inspiciamus, qualem habuerit sensum in Veteri Testamento, & qualem temporibus primitivæ Eccle-

sia. cum enim significatio verborum non mutetur tam subito, exinde colligemus, nomen Ecclesia sumptum non esse tantum pro collectione iustorum. Idem dicendum, de nomine penitentia, utrum sumptum fuerit tantum pro proposito novæ vitæ, ut voluit Lutherus, an verò etiam pro dolore ac detestatione vitæ præteritæ.

2. *Semper stat præsumptio pro sensu sanctorum.* v.g. dicit aliquis: SS. Patrum non negligendam esse confessionem. Hic terminus solet usurpari de ea confessione, quæ fit Sacerdoti, & de illa, quæ fit Deo, quia tamen prior significatio famosior, & in populo tritior est, censendum est, Scriptorem loqui de confessione, quæ de gravibus criminibus fit Sacerdoti.

3. *Sensus verborum rectè desumitur à sensu verborum consimilium, correlativorum, aut analogorum.* v.g. Job. 6. Christus dicit: Qui credit in me, habet vitam æternam. Sensum tamen non esse exclusivum aliarum obligationum, & bonorum operum ex aliis Christi verbis similibus intelligitur. Sic Marci 16. dicit: Qui crediderit & baptizatus fuerit, salvus erit.

4. *Sensus verborum intelligitur ex eorum operationibus.* v.g. dicit Christus: Super hanc petram ædificabo Ecclesiam meam, particula demonstrativa hanc posset referri ad confessionem Petri, vel ad personam Petri; cum verò videamus hanc promissionem Christi id operatum esse, ut postea Petro commendaret oves suas, rogaretque pro eo, ne deficeret fides illius, ut confirmaret cæteros Apostolos, &c. non dubium, quin hæc verba Christus etiam retulerit ad personam Petri.

5. *Qualis olim fuit sensus verborum, etiam nunc idem præsumitur; & vicissim, qualis nunc est verborum sensus, etiam antiquitus idem fuisse præsumitur; maxime in ea materia, in qua interest Divinæ Providentiæ cavere, ut maneat semper idem sensus verborum.* v.g. Sacramentum est nomen usurpatum antiquitus in primitiva Ecclesia, & nunc. Nunc per Sacramentum intelligitur signum sensibile, quod significat simul, & simul confert gratiam; itaque in re tanti momenti censendum est, Divinam Providentiam sic disposuisse mentes fidelium & Doctorum, ut etiam antiquitus in nonnullis materiis v.g. in materia Baptismi idem per nomen Sacramenti intellexerint. Ratio huius regulæ est, quia licet successu temporum mutetur quandoque significatio verborum, ea tamen mutatio non præsumitur, nisi in casibus, in quibus specialiter probatur.

## §. 4.

## De sensu verborum, in quantum desumitur ex intentione loquentis.

**I.** **I**ntentio loquentis præsumitur respicere ad illum sensum, ad quem aliunde est magis dispositus. Disponuntur autem humana ingenia ad aliquam sententiam. 1. Per educationem ac Magistrorum institutionem. 2. Per libros, quos legunt. 3. Per præiudicia, ac principia generalia semel recepta. 4. Per socios, familiares, amicos, cum quibus conversantur. 5. Per passiones & affectus animi. 6. Per Deum vel dæmonem, à quibus diriguntur. 7. Per sylvam rerum, & apparatus cogitationum, quas mente volvunt; qui enim in mente



mente gerit innumeras cogitationes de objectis luxuriæ, iræ, invidiæ, vindictæ, ad similes sensus animi pronior est. 8. Per habitum quendam mentis seu naturalem seu acquisitum, quo quis attentionem suam ad ea objecta referre consuevit, ex quibus primum est ad talem conclusionem descendere, v. g. dicit Quesnellus propof. 2. Jesu Christi gratia, principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest. Si hæc verba secundum se inspiciantur, possent admittere sensum bonum. Si verò inspiciatur intentio loquentis sufficienter expressa in contextu aliarum propositionum, continent errorem Lutheri, quod liberum arbitrium se habeat purè passivè. Inprimis enim Quesnellus per educationem apud Patres Oratorii, & per institutionem Magistrorum fuit imbutus principiis philosophicis Cartesiani, Arnaldi sui Ducis, & Maignani, qui docuerunt Deum solum agere omnia, & ipsum solum movere omnia tam in entibus corporeis quàm in entibus spiritualibus, sicut, quando movetur baculus à manu. Pronum ergo erat Quesnello, per gratiam Jesu Christi intelligere eam motionem Dei, sine qua nec opus aliquod theologicè bonum, nec opus moraliter bonum, nec ullus alius effectus in toto mundo fieri potest; ob quod dicit: *Absque illa nihil fieri potest.* Hanc suam intentionem sufficienter etiam expressit in aliis propositionibus. v. g. Propof. 10. Gratia est operatio manus Omnipotentis Dei, quàm nihil impedire potest, aut retardare. Et propof. 11. Gratia non est aliud, quàm voluntas Omnipotentis Dei, jubentis & facientis quod jubet. Et Propof. 23. Deus ipse nobis ideam tradidit Omnipotentis operationis suæ gratiæ, eam significans per illam, qua creaturas è nihilo producit, & mortuis reddit vitam.

2. Pro illo sensu stat præsumptio, qui facilius resultat ex principiis, ideis, documentis, aut objectis auctori familiaribus. v. g. dicit Quesnellus propof. 71. Homo ob sui conservationem potest se dispensare ab ea lege, quam Deus condidit propter ejus utilitatem. Si quis consideret alia Generalia Quesnelli principia, quòd Ecclesia sit sola collectio justorum; si quis consideret objecta Quesnello familiaria, nempe transgressiones legum Ecclesiæ, declamationes in Clerum Ecclesiæ, conversatio cum fornicis liberrima, quis non damnet hanc propositionem tanquam scandalosam fidelibus?

3. Pro illo sensu stat præsumptio, qui conformior est doctrinæ auctoris alibi traditæ. quivis enim Scripturam censetur velle servare consequentiam doctrinæ. Adeoque ille sensus, qui tribuit majorem connexionem, ordinem, claritatem, aut soliditatem toti Systemati doctrinæ, præferendus est. v. g. Christus dicit: Pater major me est. Hoc posset intelligi vel de Christo secundum naturam divinam, vel de Christo secundum naturam humanam. Si intelligeretur secundum naturam divinam, contradicere videretur Christus sibi ipsi. Si verò intelligatur secundum naturam humanam, plana est doctrina Evangelii de persona Christi, & mira claritate omnes textus sibi invicem consentiunt, ut secundum naturam divinam inter Patrem & Filium intelligatur æqualitas, secundum naturam verò humanam in filio minoritas.

R.D. Euseb. Amort Philosophia.

4. Textus auctoris obscurus per alium clariorem explicari debet. v. g. si cui videretur obscurum, dum Christus dicit: Nisi manducaveritis carnem meam, & biberitis sanguinem meum, non habebitis vitam in vobis. Clarius hoc reddebatur, quando Christus ostendit modum comestitionis, nempe sub schemate panis, dicendo: Hoc est corpus meum. Et adhuc clarius, quando Christus per os Pauli dixit: Qui indigne manducat, judicium sibi manducat non dijudicans corpus Domini. Sic etiam propositio universalis per magis particularem explicanda est.

5. Semper pro illo sensu stat præsumptio, qui facilius auctori occurrit. quia regulariter illud fit, quod primum est fieri. v. g. quando in Psalmo dicitur: Dixit Dominus Domino meo. quæri posset, de quali Domino David loquatur? sed quia apud Judæos famosa erat Messia expectatio, nil facilius, quàm quòd Davidi cogitatio de Christo occurreret. Et id verum esse, testatur in Evangelio Christus.

6. Auctor præsumitur respicere ad illum finem, motum, connotatum, objectum, quod illi facilius occurrit. v. g. dicit Christus Apostolis: Mittam in vos spiritum veritatis. Si dubitarent Apostoli, an ille Spiritus sit Angelus, vel aliquis homo; rectè concluderent, illum Spiritum alium non esse, quàm illum, de quo Scriptura & Christus aliàs frequenter fecerunt mentionem. non enim censendum est, Christum de alio loqui, quàm qui facillimè objicitur illius menti, dum loquitur: facillimè autem menti obversatur illud objectum, de quo frequenter audimus, legimus, cogitamus, loquimur.

7. Hinc pro illo sensu, qui non invenitur, nisi multis & difficilibus discursibus, non stat præsumptio. v. g. si hæc verba Christi: Hoc est corpus meum. non intelligeremus in sensu litterali, non sine laboriosa interpretatione intelligeretur tropus. Si dixisset: corpus meum est panis; forte posset intelligi facilius. At cum dicit: Hoc est corpus meum. nescimus quid voluisset dicere, sine Commentario. Cum igitur nemo censetur versari circa conceptus difficiles sine necessitate, præsumendum est, sensum esse clarum.

8. Hinc etiam non præsumitur verbis subesse aliqua notio prorsus recondita ac extraordinaria. qua intelligi non possit sine extraordinario magisterio, subsidiis, vel attentione. Ratio est, quia dum loquimur, ut intelligamur, loquimur. Hoc autem intelligendum est de via ordinaria, in qua nulla suadet ratio, ut obtegatur veritas.

9. In articulis fundamentalibus fidei censendum est, illum subesse sensum, qui est clarus & obvius. Ratio est, quia necessaria ad salutem omnium clarissime proponi debent. Hinc Lutherani & alii hæretici prorsus desipiunt, qui, dum universim jactant, Scripturam esse claram, non solum articulis fundamentalibus tribuunt sensum prorsus quæsitum, sed & ad intelligendam Scripturam dicunt opus esse passim linguarum subsidio. v. g. est aliquis textus ac articulus fundamentalis: Hoc est corpus meum. Hanc ita explicant, ut sensus sit: Sub hoc pane latebit sub comestitione corpus meum. Est alius articulus & textus fundamentalis. Accipite Spiritum Sanctum, quorum remiseritis peccata, remittuntur eis, & quorum retinueritis retenta sunt, illi sic explicant, ut sensus sit: qui-



quibus annuntiatis evangelium, illis per præteritum baptismum, & fidem suam remittuntur peccata, & quos non baptizatis, illis retenta sunt. Nemo hucusque hunc sensum ante Lutherum in verbis Christi reperit: Adeo nempe sensus erat obivus, & adeo clara est Scriptura.

10. *Pro illo sensu stat præsumptio, in quo verba intelliguntur ab audientibus, sine reprehensione.* v. g. ex eo, quod Christus Judæos non reprehenderit, quando ejus verba sic intellexerunt, ut faceret se ipsum Deum, rectè inferimus, quod verba Christi revera habuerint hunc sensum. Similiter etiam, quando Judæi & multi discipuli intellexerunt verba Christi de comestione corporis sui, tanquam de comestione reali, & Christus eos non reprehendit, nisi circa modum comestionis, rectè inferimus, quod Christus revera locutus fuerit de comestione reali, sed tamen sub modo existendi spirituali in Eucharistia. semper enim author præsumitur intendere illum sensum verborum, quem prævidet ingenerandum fore auditoribus.

11. *Pro illo sensu stat præsumptio, per quem singulis verbis assignari potest congruum motivum, & congruus finis.* v. g. quando Christus Joannis 6. discursum de Eucharistia instituit, loquitur ab initio de figura illius, de Manna, quod Moyses dedit, & quod physice comestum est, dein loquitur de natura utriusque, quod utrumque de cælo descenderit. dein loquitur de effectu, quod hunc panem comedens comedat vitam. dein exaggerat modum comedendi, dicens: Caro mea verè est cibus. idem sæpius repetit. & cum posset aliis verbis clavis explicare mentem suam si vellet loqui de manducatione spirituali per fidem, id non facit, nec publice, nec privatim coram discipulis. Planè horum omnium non potest assignari congruum motivum, nec congrua ratio, & finis, nisi dicatur, Christum voluisse omnibus modis indicare comestionem realem sui corporis. ut confunderetur futurorum hæreticorum perfidia.

12. *Pro illo sensu non stat præsumptio, qui virum prudentem dedecet.* talis autem sensus foret, 1. Ad quem Author devolveretur nulla prius data per discursum occasione. 2. Si author in tali sensu nullam haberet finem prudenter intendibilem. 3. Si in tali sensu loqueretur prorsus impertinenter, aut inconvenienter ad finem intentum. 4. Si in tali sensu nullo modo satisfaceret expectationi audientium, aut merito, & exigentiæ objecti. 5. Si author magno verborum apparatu occuparetur circa rem facilem, aut exigui momenti, aut nullius consequentiæ. 6. Aut si nudum diverberaret aërem. v. g. si in allato exemplo Christus diceretur loqui de sola manducatione spirituali per fidem; sensus totius illius discursus esset; Qui in me credit, habet vitam: Sed quæ fuisset tunc occasio, quis finis loquendi cum tali verborum apparatu, & cum tanto scandalo de fide in Christum? cur proponeret fidem per modum cibi? quæ necessitas aut ratio in hoc tantum discursu doctrinam, quam alibi semper Christus tam clarè proponere consuevit, nempe necessitatem fidei, involvendi tantis ambagibus. Non igitur prudenter Christus

fecisset, si necessitatem fidei, quæ nil continet occultandi mysterii, sub tantis involucris hac vice occultasset; & sic rectè concluditur, sensum eorum verborum non esse de manducatione spirituali tantum, sed etiam reali. Simili modo redargui possunt quidam Theologi & Concionatores, qui ex Scriptura & SS. Patribus nonnunquam graviter inculcant paucitatem electorum, severitatem divinorum iudiciorum, & obligationes sanctissimas Christianismi; interim tamen per alia media facillima omnibus porta latissima aperiunt cælum, & sic suis generalibus exaggerationibus nudum aërem diverberant. hi moneri possent, ut Evangelium & SS. Patres valde severos sic explicent, ne reddantur ridiculi.

## §. 5.

### *De sensu verborum, in quantum desumitur à subjecta materia.*

1. *Pro illo sensu stat præsumptio, quem obvia objecti proprietates & circumstantiæ facilius ingenerant.* v. g. dicit Evangelium: Verbum caro factum est. Si considerentur præcisè verba, possent intelligi de mutatione substantiali vel divinitatis in carnem, vel carnis in Divinitatem. Si autem considerentur obvia proprietates & circumstantiæ in Christo, clarum erit, naturam divinam, & naturam humanam mansisse integram; adeoque sensum tantum esse: quod verbum assumpsit naturam humanam.

2. *Propositio significat rem in eo statu, in quo omnibus occurrit & obvia est.* v. g. dicimus ad B. Virginem. Vita, dulcedo, & spes nostra salve. Si verba inspiciantur sola, scandalizabitur profanus & hæreticus, dicens: solum Christum ac Deum esse vitam nostram. Si vero inspiciat sensum horum verborum ex subjecta materia, videbit id significari, quod in objecto obvium ac omnibus notum est; nempe quod B. Virgo causaliter per maternitatem, & meritorie per intercessionem suam sit vita nostra. Verba enim eadem sequuntur in significando modum concipiendi; conceptus autem nostri sequuntur statum objecti obvium.

3. *Omnis verborum significatio sequitur modum objecti obvium.* v. g. dicimus in Romana Ecclesia. Adoramus sanctissimam crucem. Scandalizatur hæreticus, dicens, lignum non esse adorandum. Videamus ergo, qualis sit sensus horum verborum? Sed prius videamus, qualis sit status obvius objecti. In objecto reperimus lignum, & representationem Passionis Dominicæ. Actuale considerationem hujus veritatis possumus testari signo externo vel genuflexione erga crucem, vel capitis detectione, vel osculo. Hæc externa signa possunt propterea dirigi in crucem, ut protestemur, crucem, & non aliam rem esse rememorativum dulcis passionis; potest etiam propterea hoc rememorativum esse objectum amoris, æstimationis, & contemplationis fixissimæ, sicut aliud amici memoriale. Si ergo hæc omnia intelligamus nomine adorationis, & nomine cultus, non erramus; Sed errant Hæretici, qui-



ci, qui non intelligunt, eadem nomina, & eadem signa externa esse signa diversissimorum conceptuum pro diversitate subjectæ materiæ; sicut etiam in exercitio militari Gallico idem pulsus tympani est signum diversissimarum actionum, primis quidem ut retrocedant, secundis ut succedant; aliquibus ut scopetum onerent; aliis, ut illud purgent. Miserrimi ingenii est, capere non posse, genuflexionem & adorationem posse esse signa diversarum affectionum animi in spiritu & veritate.

3. In omni questione omnes conclusiones, probationes, objectiones, & solutiones intelligi debent in eo sensu, qui congruit melius ad subjectam materiam, & punctum controversiæ. quia prudens author ubique censetur respicere ad scopum & cardinem rei. v. g. D. Paulus in quavis propemodum Epistola pro scopo habet celebrem aliquam controversiam, in ordine ad quam plures difficiles textus explicari debent. Sic in Epistola contra judæos, qui gentibus volebant imponere jugum legis. in ordine ad hanc materiam dicit: *Judico hominem justificari sine operibus legis per fidem.* quæ dum Lutherus intelligit generaliter de omnibus bonis operibus etiam Christianæ legis, impie cum suis errat.

4. Omnis questio præsumitur in eo sensu tractari in quo consuevit & debuit tractari. v. g. definit Concilium Tridentinum Sess. 4. Editionem Bibliæ Vulgatæ pro authentica habendam scandalizantur Hæretici, dicentes: Vulgatam à textu originali in multis recedere. hi verò, ut aliàs sæpissimè errant, non intelligentes hunc terminum: *Authentica.* nec quæstionis statum. Non enim id significat, quòd Vulgata in omnibus sit conformis textui originali: sed quòd in usu Ecclesiæ publicè adhiberi debeat, permittà Doctores & Concionatoribus licentià, Vulgatam semper explicandi juxta textum originalem, vel etiam annotandi diversitatem textus originalis; prout videri potest in Menochio. Itaque Hæretici deberent prius intelligere statum quæstionis, ut intelligerent terminos Ecclesiæ, usurpatos utique in eo sensu, qui respondet ad statum quæstionis communiter receptum.

5. Nullus author præsumitur voluisse respicere ad illa objecta, quorum aliàs in natura nullum reperitur vestigium. ratio est, quia prudens scriptor non loquitur de rebus incognitis, nisi quarum aut tradat, aut supponat claram notionem. v. g. quæritur, an Aristoteles voluerit per suam materiam primam aliquid intelligere corporeum, quod nullas omnino habeat dimensiones etiam interminatas? id verò supponendum non est, quia nec natura, nec Aristoteles talis uspiam tradit claram notionem, nec etiam reperitur ejusmodi rei uspiam vestigium, ut Aristoteles inde ideam sumere potuisset, aut occasionem cogitandi.

6. Pro illo sensu stat præsumptio, in quo relucet omnium proprietatum ac circumstantiarum in objecto obviarum ac reperibilium connexio ad invicem. v. g. in scripturis multa tribuuntur Deo, quæ debent explicari juxta naturam subjectæ materiæ aliè notam. v. g. dicitur Deus videre, audire, odorare, ambulare, loqui, sedere; indurare cor Pharaonis, omnia mala facere in civitate &c. hæc

omnia haud dubie sic explicanda sunt, ut optima perfectionum divinarum, quas aliunde nobis & authori Scripturæ notas fuisse supponimus, ad invicem appareat connexio, ut nempe nil immanitatis derogat bonitati Dei se accommodantis humanæ exilitati, nec justitia quidquam, patiatur à misericordia & sapientia, aut sanctitate Dei.

7. *Termini cujuslibet artis aut disciplinæ in sensu intra peritos illius artis recepto intelligi debent.* v. g. dum dicimus, quòd Sacramenta causent gratiam ex opere operato, quòd infundantur habitus virtutum, quòd imprimatur character animæ &c. deberent Hæretici consulere nostros Theologos, non sua lexica.

8. *Objecta, quæ recipiunt diversas notiones, non præsumuntur in omnibus hominibus habere easdem notiones sub iisdem nominibus.* v. g. dicitur Petrus esse vir doctus, prudens &c. quia autem doctrina & prudentia habent magnam latitudinem, quam suo quisque pede dimittit, non est præsumendum, quòd ii, qui hoc dicunt vel audiunt, omnes habeant eandem notionem. Itaque in similibus respiciendum est ad circumstantias objecti, ut intelligamus, qualem mensuram prudentiæ, vel doctrinæ nobis insinuare voluerit propositio. Idem contingit in omnibus rebus, quæ augeri vel minui possunt, aut quæ habent multiplices partes.

## §. 6.

### *De sensu axiomatum, definitionum, divisionum, Inductionum, Enthymematum, integrorum Discursuum, ac Systematum.*

I. **A**xiomata tantum urgeri possunt in sensu aliunde evidenti. Nullam autem habent vim probandi in sensu aliunde dubio, obscuro, aut controverso. ratio est, quia axiomata vocantur veritates universaliter receptæ; non est autem verosimile propositionem aliquam fuisse universaliter receptam in sensu aliunde obscuro, aut controverso. v. g. est Axioma. *Qualis est causa, talis est effectus;* & vicissim: *Qualis est effectus, talis est causa.* Hoc non obstante Thomistæ admittunt, substantiam posse produci ab accidentibus. Itaque Thomistis non est evidens; requiri æquales perfectiones & naturam univocam inter causam & effectum; ergo Thomistæ in hoc sensu non admittent axioma; quia axioma est propositio universaliter recepta, quatenus est recepta.

2. *Definitiones rerum simplicium tantum habenda sunt pro definitionibus nominis.* v. g. definiatur lux, albedo, sonus, existentia, seu ratio entis. Hæc entia non sunt aliquod compositum ex pluribus partibus, seorsim cognitis, quale compositum est domus, homo, leo &c. in his enim, si quis seorsim cognovisset partes, per compositionem partium explicaretur & intelligeretur totum: Sed lux, albedo &c. non habent tales partes. adeoque



que vel per experientiam tota simul intelliguntur, vel omnino non intelliguntur, si per experientiam nota non sunt. Si cæco à nativitate milie faciam definitiones albedinis, frustra laboro. Itaque quando definitio albedinem, & similia objecta simplicia, nil aliud facio, quam recenseam illas circumstantias, in quibus experimur illud, quod vocamus albedinem v.g. dicendo: Albedo est color disgregativus visus. id est, ille color, qui visum dissipat, vocatur albedo.

3. *Definitio, de qua non constat, quod author eam vendere velit pro essentiali, tantum habenda est pro descriptiva.* quia plerumque authoribus satis est, si rem definitam distinguant à rebus non definitis per unam aliquam proprietatem rei attentione dignam, v.g. definiuntur à Theologis Sacramenta, virtutes, vitia; à Juristis contractus & actiones, à Logico termini, à Philosopho corpora &c. qui contentiosi sunt, impugnant definitiones, quod accuratæ non sint. hi Scire deberent, tales definitiones plerumque esse descriptivas; & unius rei dari posse plures definitiones circumscriptivas, quarum una non sit notabiliter melior altera, v.g. aliquis definit iram; quod sit inordinata appetitio injurias proprias ulciscendi. Alius eam definit: Quod sit inordinatus appetitus vindictæ. Alius iterum: Quod sit vehemens motus animi propulsandi mali. Denique. Quod sit inordinata accensio sanguinis circa cor propter ea, quæ contra palatum nostrum eveniunt. Quis, nisi imperitus multum litiget de præferibilitate unius harum definitionum supra aliam, cum qualibet harum possit servire ad authoris propositum præ alia?

4. *Divisiones, & inductiones non sunt urgenda tanquam adequata.* v. g. S. Paulus Coloss. 1. facit divisionem Angelorum, dicens: *Sive throni, sive principatus, sive dominationes, sive potestates.* Imperitus foret, qui diceret, tantum dari quatuor choros Angelorum, eo quod hæc divisio sit adequata, cum in aliis locis Scripturæ recenseantur alii adhuc ordines Angelorum. Idem Ephes. 4. enumerat distributiones donorum Spiritus Sancti, dicens: Dedit quosdam Apostolos, quosdam autem Prophetas, alios verò Evangelistas, alios autem Pastores & Doctores. Econtrà 1. Cor. 12. facit aliam divisionem, dicens: Posuit in Ecclesia primum Apostolos, secundò Prophetas; tertio Doctores, deinde virtutes, exinde gratias curationum; opitulationes, gubernationes, genera linguarum, interpretationes sermonum. si quis vellet has divisiones ambas habere pro adequatis & accuratis, haud dubie erraret. Itaque divisionibus eousque utimur, quousque serviunt ad scopum sermonis; easque solas recensere solemus partes, quarum distincta expressio servit pro materia discursus. Accuratæ verò divisiones & inductiones in solis scriptis Scholasticorum exigui, & quæri debent.

5. *Quando in aliquo authore inter se pugnare videntur principia, & conclusiones, quæ deducuntur ex principiis, præsumendum est, authorem po-*

*tius velle insistere principiis, quam conclusionibus.* quia principia plerumque creduntur certiora esse & firmitiora conclusionibus. v. g. Origenes sic discurrit: Animæ in humanis corporibus non subjæctæ forent tot miseriis, nisi in pœnam alicujus peccati; ergo jam peccarunt animæ humanæ ante ingressum in corpora humana. Hæc conclusio falsa est, antecedens verò & principium verum est. Itaque si Origeni alterutrum retractandum foret, præsumendum est, eum potius retractaturum consequens, quam antecedens; & sic ex parte antecedentis pro dogmate Catholico in confirmationem adduci potest. Simile contingit, quando Cicero dicit: Datur libertas; ergo non datur Providentia. Vel quando Hæreticus dicit: Datur præmotio Dei & gratia ad omnes actus; ergo non datur libertas; omnis hi firmitus censentur velle insistere suis principiis & antecedenti, quam consequenti, & corollaris.

6. *Nullus author præsumitur intendere aliam suæ doctrinæ sequelam, nisi quam actu exprimit.* Ratio est, quia si sunt sequelæ ordinariæ, obviæ, & levis momenti, non erat necesse, ut eas author doceret, aut docere intenderet. Si autem sunt sequelæ prorsus extraordinariæ, & difficiles, vel cogitavit author de talibus sequelis, vel non? si cogitavit? tunc saltem eas insinueret, vel caveret, vel extenuaret. Si de iis non cogitavit, tunc nec eas intendit. v.g. ante aliquos annos Wolfius defendit in Universitate Hallensi Systema Leubnizianum Harmoniæ præstabilitæ, vi cujus Deus ex prævisione determinationum voluntatis liberarum per scientiam mediam sic instruxit machinam mundi & humani corporis, ut omnes motus corporis sequerentur, quos vult anima. Addidit Wolfius reliqua Systematis Leubniziani supposita. Reclamant reliqui Professores Hallenses, & impugnant Wolfio, quod duceret ad Atheismum, eumque intenderet. Hoc nimium erat; aliud enim erat, quod ex Systemate Leubniziano proveniret ad Atheismum via. Aliud, quod illud systema à peritioribus sine Atheismo defendi non posset, aut quod omnino intenderetur à Wolfio. Illud probabile videtur, hoc verò non verosimile.

7. *Nullus author præsumitur cogitare de aliis suæ doctrinæ sequelis, nisi ordinariis, & cujus statim primo aspectu obviis.* Ratio est, quia nihil præsumitur, nisi quod facile ac primum est fieri. v.g. S. Augustinus scripsit de necessitate gratiæ ad omnes actus meritorios. Monachi Atrinetini inde concluderunt, non esse amplius admonendos ac puniendos delinquentes, sed eos relinquendos gratiæ; idque crediderunt non solum ex doctrina S. Augustini consequi, sed & ab eo intendi. Revera autem D. Augustinus hanc sequelam nec prævidit, alias præcavisset; nec intendit, alias hos Monachos non increpasset. Sic etiam, quando S. Cyprianus insultat Stephano Romano Pontifici, videtur consequi, talem modum loquendi & insultandi non provenire ab ingenio agnoscente Roma-



Romanum Pontificem pro Duce & Doctore Ecclesiæ: Sed ex aliis operibus S. Cypriani constat, eum hoc loco non cogitasse de hac sequela, multò minus intendisse. Itaque in similibus licet rejicere doctrinam Authorum, tanquam fontes errorum; sed non licet malignè interpretari mentem Authorum, nisi jam aliàs probata fuerit eorum maligna intentio, & vitæ improbitas.

8. *Integra systemata per paucas propositiones, quæ omnes systematis partes exhaustiunt, explicari debent.* v. g. quæritur, quale systema doctrinæ D. Pauli habuerit in Epistola ad Romanos, S. Augustinus de gratia, D. Thomas in Philosophia? itaque conficienda est synopsis totius Epistolæ; si ista synopsis planam, ac solidam reddit connexionem omnium versuum illius epistolæ, si-  
gnum est, sensum totius Epistolæ per eam synopsis penitus exhaustum esse. Si verò per eam synopsis non redditur ratio, cur D. Paulus in hoc versu sic fuerit locutus de lege, cur alibi sic de fide, cur alibi sic de prædestinatione & gratia &c. signum est, me per eam synopsis nondum attigisse sensum genuinum D. Pauli. Hæreticus v. g. diceret, hoc esse Systema D. Pauli; ut omnia dependeant bona & mala ab absoluta prædestinatione vel reprobatione; inde fieri, ut aliqui consequantur gratiam, semper efficacem; alii nullam; gratiam nemini concedi, nisi credenti in Christum; & hinc fidem esse primam gratiam; reliqua omnia opera, etiam legis, esse peccata, si sunt extra fidem; fidem autem nunquam esse sine charitate. Sic Lutherus explicaret Systema D. Pauli, sic Quesnellus. At verò hæc paucae propositiones non exhaustiunt omnes partes Epistolæ Paulinæ. si enim v. g. fides est prima gratia, & nunquam sine charitate, cur D. Paulus dicit Philotophos inexcusabiles, quòd, ubi Deum ex ductu luminis naturalis agnoverunt, eum non tanquam Deum glorificaverint? cur dicit, etiam Gentibus inscriptam esse legem naturæ? cur dicit: Gloria & pax omni operanti bonum, Judæo primùm & Græco? Cur dicit: Gentes, quæ legem non habent, naturaliter ea facere, quæ sunt legis? Similia in Epistola Paulina reperiuntur plurima, quæ per illam synopsis Lutheranam & Quesnellianam via plana explicari non possunt. Itaque in ea synopsis non attingitur nec exhaustitur sensus Paulini Systematis.

9. *Quando quæritur, utrum duo Authores quoad sensum Doctrinæ conveniant, non solum attendendum est ad conclusiones, sed potissimum ad principia, ad corollaria, ad objectiones & solutiones objectionum, ac denique ad principia extrinseca, dispositionem animi, & Providentiam Dei assistentem nonnullis Scriptoris.* v. g. quæritur an Quesnellus re ipsa idem doceat, quod Lutherus; an nonnulli ex imperitioribus Thomistis quoad sensum verborum conveniant quoad prædeterminationem & gratiam cum Jansenistis, & Calvino, an primitiva Ecclesia circa Eucharistiam & Sacrificium Missæ conveniat cum moderna? in tali quæstio-

ne considerandum est, qualia Quesnellus, Lutherus, Thomistæ tales, Jansenistæ, & Hæretici habeant principia, quales adhibeant responsiones, &c. si in omnibus conveniunt, quis dubitet eandem esse doctrinam? aut si fortè in conclusione & adjunctis quoad terminos disconveniunt, sed tamen altera comparisonis pars absque præjudicio suæ doctrinæ uti posset iisdem terminis, cur non convenire dicendi sint? v. g. si & Jansenius & Calvinus potest sic loqui, dari libertatem à necessitate, & hominem stante præmovere Dei esse liberum ad oppositum in sensu diviso, non autem in sensu composito, cur non conveniant cum uno vel altero imperito Thomista, qui de reliquo eadem admittit principia, quæ Jansenius aut Calvinus? Similiter, si agnosco in Primitiva & Moderna Ecclesia circa Eucharistiam eandem æstimationem, quòd sit vertex & res summa totius religionis nostræ, si video, quòd habitum pro incomprehensibili mysterio, si semper ingentis peccati rei agniti sunt, qui in statu peccati gravis aut aliàs irreverenter accesserunt, si denique agnosco eandem directricem Ecclesiæ Providentiam maximè circa præcipuum articulum fidei, quis dubitet sensum doctrinæ veteris in Patribus, & Modernæ in Scholasticis eundem esse?

## S. 7.

### De sensu proprio, primario, ac secundario propositionum.

1. *IN tantum sensus propositionis dicitur esse proprius, in quantum est usitatus apud eos, ad quos propositio dirigitur.* v. g. in Scriptura multi continentur idiotismi, qui apud Judæos propriissimè significant, in aliis linguis & Nationibus essent locutiones improprie; v. g. quando Hebræi volunt ponere superlativum, sæpe repetunt verbum; quale est: Morre morieris, vindicans vindicabo, currens cucurrit &c. id est, valde cucurrit, severè vindicabo, certè morieris.

2. *Ille sensus, qui aliquando fuit proprius propositioni, præsumitur semper manere proprius.* v. g. *ro ad-orare*, aliquando in Veteri Testamento propriè loquendo significavit quemcunque cultum externum, ac respectivum. v. g. Gen. 49. adorabunt te filii patris tui. 1. Paralip. 21. adoravit eum pronus in terram. Censendum ergo est, hunc terminum eandem significationem retinuisse in novo testamento, si aliquando diceremur adorare Sanctos, & Crucem Domini.

3. *Ille sensus propositioni est proprius, quem homines similis cum autore conditionis communiter verbo subjiciunt.* v. g. solent Prophetæ uti his terminis: *Hæc dicit Dominus.* Apud alios homines qui diceret: *Hæc dicit Christus.* Propriè sensus esset; Deum, ac Christum vel scripto, vel manifesta revelatione aliquid mandasse. Sed apud Prophetas plerumque etiam propriè solum signi-



ficat inspirationem internam. Similiter, quando Philosophus dicit: Calorem fornacis Babylonice fuisse in septimo gradu; homo in populo cogitaret, non fuisse adeo magnum, cum tamen apud Philosophos ille gradus septimus sit maximus.

4. *Ille sensus est propositioni proprius, quem Interpretes indifferentes communiter eidem subji-  
cunt.* quia præsumendum est, sic receptam fuisse à majori parte Interpretum propositionem, prout erat menti obvia. Hinc etiam observo, semper propositiones Scripturæ prævaluisse in Ecclesia in sensu obvio. v. g. propositio Christi instituentis Eucharistiam: Hoc est corpus meum; sine dubio in sensu obvio præfert realem præsentiam, inde factum, ut semper hic sensus tandem prævaluerit in Ecclesia, licet ab uno vel altero alius sensus iisdem tributus sit. Quia autem hic sensus prævaluit, eo ipso pro sensu proprio haberi debet; cum immediata significatio verborum ex voluntate hominum pendeat, quæ semper præsumitur fuisse eadem in avis & nepotibus.

5. *In illo sensu propriè accipienda est propositio, in quo illam prima fronte statim simpliciter concedit vel negat adversarius.* Hæc regula utilis est in disputationibus. in his enim textus Patrum vel Philosophorum, vel Scripturæ, ex quibus sumimus probationem, afferendi sunt sine ulla citatione, sic ut adversarius putare possit, eam propositionem esse nostram, ac nostra verba. Si dein adversarius eam propositionem simpliciter sine ulla distinctione neget, signum est, quod propositio, adeoque etiam autoritas Patrum vel Scripturæ, in sensu obvio & proprio illi sit contraria, & sic jam habetur intentum; nempe, quod textus faciat præsumptionem pro argumentante, cum semper præsumptio sit pro sensu obvio & proprio. v. g. dicit aliquis, colores noctu diuque esse permanentes in objectis; ego autem vellem probare, quod colores non sint aliquid permanens, sed cum luce Solis primum objectis adveniant. Tunc possem sic argumentari: Quod abit & redit cum Sole, non est aliquid permanens: Sed color abit & redit cum Sole; ergo. Si adversarius negat minorem, dicam: hanc propositionem esse propè in terminis propositionem Ecclesiæ, dum in Breviario canit: *Rebusque jam color redit vultu nitentis syderis.* Si dein adversarius primum velit distinguere, ac contendere alium esse sensum hujus propositionis, quæram, an alius sensus, quem conatur adstruere, sit obvius & proprius, vel non? Si dicit, non esse obviuum & proprium; ergo jam pro me stat præsumptio ex sensu obvio & proprio propositionis. Si verò dicat; illum alium sensum esse proprium; dicam: cur ergo negaverit simpliciter propositionem, quæ in illo suo sensu, ut jactat, obvio & proprio vera est?

6. *Ille sensus non est proprius propositioni, quo stante adhuc propositioni affirmativa posset substitui negativa, aut vicissim.* Non enim possunt duæ contradictoriæ propositiones esse veræ in sensu proprio v. g. dicunt Lutherani, sensum hujus propositionis Eucharisticæ. *Hoc est corpus meum,* esse istum: sub hoc pane proximè sub comestio-

ne latebit corpus meum. Vel alii Hæretici: hoc est figura mei corporis. Si autem hic, vel alius similis erroneus sensus esset proprius ac obviuus eorum verborum, potuisset etiam Christus propriissime dicere: *Hoc non est corpus meum;* sicut possum propriissime dicere, hedera non est vinum, dolium non est cerevisia, quæ continetur in dolio.

7. *Ille sensus propriè non convenit verbo, qui potest exprimi alio verbo proprio.* v. g. dicunt Lutherani, fidei nomen propriè significare fiduciam in Deum; sed hoc verum non est, quia licet nunquam sumatur pro actu fiduciæ, non tanquam hoc significat in rigore & propriè; quia ille actus fiduciæ habet suum nomen proprium, id est fiduciam.

8. *Ille sensus non convenit verbis in sensu proprio, qui potuisset exprimi verbis longè clarioribus, propriis, ac cuivis obviis.* v. g. dicunt Lutherani sensum verborum Christi: *Hoc est corpus meum,* esse hunc: *sub hoc est corpus meum.* Sed hic sensus potuisset facillimè sine ullo motivo retrahente claris verbis exprimi, dicendo: *Sub hoc pane latet corpus meum.* Hunc ergo sensum Christus non intendit; quia nemo censetur studiosè velle uti verbis obscuris, dum potest uti claris.

9. *Nulla locutio in scripturis aut Patribus, aut aliis Doctoribus censeri debet tropica, nisi tropus sit audienti per se sensibilis & manifestus.* v. g. si dicerem: *Prata vident,* omnes intelligunt me loqui metaphoricè, quia risus non potest propriè convenire agris. Similiter quando dico: *Petra erat Christus;* vel: *Leo de tribu Juda.* omnes intelligunt hoc metaphoricè dictum; quia mens auditorum nunquam fuit specialiter vel per circumstantias vel per alia verba revocata ad proprietatem verborum. Sed quando Christus dicit: *Ego sum verè cibus.* Quando dicitur: *Qui indignè manducat, judicium manducat.* Homines non possunt esse certi, quod sit locutio tropica. Similiter quando dicitur: *Tota urbs victori obviam venit.* Sensibilis est Auxesis, & omnes intelligunt, quod sit eminenti superjectio; quando verò dicitur: angustam esse viam ad cælum, ut pauci eam inveniant, quando dicitur; tantum quasi reliquias in vindemia ex Israël salvos fieri, ex nullo capite nobis constare potest, quod sit Tropus, & Auxesis, ac Exaggeratio; igitur ista in sensu proprio, prout jacent, intelligenda sunt. & universim etiam in SS. Patribus nunquam dicendum est, quod loquantur per Exaggerationem, nisi audientes ex circumstantiis intelligere possint, hoc esse dictum per Exaggerationem. Omnis enim Tropus & Exaggeratio, quæ sensibilis non est, sicut restrictio mentalis, mendacium est.

10. *Quando alia est significatio verbi ex institutione, alia ex consuetudine hominum, stat præsumptio pro posteriore.* v. g. Papa ex sua institutione significat quemcunque Episcopum; nunc verò usurpatur tantum pro summo Pontifice; & in hoc sensu nunc usurpatum à quovis præsumitur. Vel: *Propositus,* ex sua institutione grammaticali significat quemcunque, qui alteri præponitur vel rei vel personæ; nunc verò ex consuetudine significat hominem in dignitate: simile est de verbo, *Imperator,* quod ex sua institutione Belli Ducem significat.



11. Quando Author sapius sumit verbum in sensu improprio, quàm proprio, præsumptio potius stat pro sensu improprio respectu illius Authoris. v.g. S. Augustinus plerumque per nomen *charitatis* intelligit quemcunque actum voluntatis, in quantum tendit per appetitum in bonum. Quando ergo dicit, quòd sine charitate Dei omnia sint peccata, & quòd peccator non iustificetur, quin habeat charitatem, præsumendum est, eum non loqui de alio actu charitatis, quàm eo, quo quis appetit Deum, tanquam suum bonum & beatitudinem, quod fit in omni proposito serviendi Deo modis illi placitis, ut quis salvus fiat.

12. Quando aliunde morali certitudine constat, verbum hic & nunc non posse sumi in sensu proprio, stat potius præsumptio pro sensu improprio. v.g. dicitur in Scriptura: *Vidit Deus, ambulavit Deus, sedit Deus, Christus est ad dexteram patris* aliunde constat, Deo non convenire situm, & membra; ergo censendum est, hæc sumi in sensu improprio. Dixi autem, requiri certitudinem moralem in oppositum, si enim sufficeret probabilitas, tunc per probabilitatem petitam ex ratione tolleretur probabilitas ac præsumptio pro proprietate verborum, quod non est conveniens, eò quòd proprietas verborum certior sit, quàm alia quævis probabilitas. Et suppositò, quòd essent æqualis probabilitatis, tunc ad summum redderetur quæstio dubia ob utrinque æquales præsumptiones.

13. Derivativa & etymologia non assequuntur sensum proprium etymologati primarii. v.g. civis, civitas, civilis, derivativa sunt, nec tamen omnes cives civiles, nec omnis civis Romanus in urbe, nec quisquis in civitate est, eo ipso civis est. Itaque derivatio nominum non est derivatio proprietatum; & bene distingui debet id, à quo significatio translata est, & id ad quod significandum translatum est. Homo ab humo dicitur; non tamen humum sed cælum spectet, nec quæ terrena ac humilia sapiat, sed cælestia petat.

14. Propositiones Doctorum in alio sensu, quàm primario urgenda non sunt, quando habent primarium. Propositiones enim ab hominibus editæ non solent habere plures sensus, quàm unum, eò quòd homo ad plura intentus de facili esse non possit. Aliud est dicendum de Scriptura, in qua Spiritus Sanctus censetur prævidisse adeoque etiam intendisse omnes sensus possibiles tam literales, quàm tropicos, & morales, qui textui tribui possunt ab humano ingenio. sed hoc de textibus Doctorum dici non debet, qui, si aliquando unum determinatum sensum receperint, ad alium extendi non debent. v.g. docent SS. Patres, Incarnationem esse incomprehensibile & ineffabile mysterium. Primario intendunt SS. Patres, quòd nec ejus natura perfectè comprehendi, nec ejus existentia ratione deprehendi possit. Qui autem plus volunt, ut nec probabiliter ejus possibilitas ab humano intellectu cognosci possit; dicunt, hos textus Patrum posse etiam intelligi generaliter de omni incognoscibilitate; eo ipso affingunt his Patrum textibus duplicem sensum, unum primarium, in quo debent intelligi; alterum secundarium, in quo possunt intelligi;

R. D. Euseb. Amort Philosophia,

illum priorem sensum necessario Patres debuerunt intendere; hunc alterum potuerunt intendere. Dico: hunc alterum sensum possibilem non sufficere pro formando argumento; quia sola possibilitas non infert actum.

15. Omnis tamen propositio præter sensum primarium verborum potest simul recipere sensum secundarium circumstantiarum. in tali enim casu non tam propositioni tribuitur duplex sensus, quàm verbis unus, & alter circumstantiis. v.g. si herus iratus servo clamet: *Veni tandem*. Ea propositio vi verborum significat mandatum de adventu; vi circumstantiarum significat iram Domini.

16. Quando circumstantie propositionis sunt manifesta ac obvia, ex quibus ea falsa aut scandalosa redditur, tunc rectè propositio in sensu obvio falsa, aut scandalosa &c. dicitur, quamvis tantum sit falsa aut scandalosa in sensu secundario. v.g. Propositio. 2. Quæsnelli est: *In vanum Domine precipis, si tu ipse non das, quod precipis*. Hæc propositio, ut jacet, potest habere sensum verum vi verborum. quia tamen ex circumstantiis ac contextu aliarum propositionum simul damnatarum patet, Quæsnellum nullam admittere gratiam sufficientem ad implenda mandata, patet sensum esse hunc: *In vanum Domine precipis, si tu non das per gratiam efficacem, quod precipis*. Hic sensus erroneus ex circumstantiis obviis est; adeoque etiam propositio in sensu obvio erronea est. Cæterum, qualis propositioni ex circumstantiis sensus secundarius conveniat, dependet ex consuetudine hominum; quod enim alii homines in similibus circumstantiis solent cogitare, inferre, concludere; id censetur pertinere ad sensum secundarium propositionis.

## §. 8.

De sensu universali, particulari, limitato, illimitato, absoluto & conditionato propositionum.

1. Subiectum propositionis indefinita in materia contingente præsumitur habere sensum particularem. v.g. Homo currit. sensus præsumitur esse, quòd aliquis homo currat; non quòd omnis homo currat.

2. Subiectum propositionis indefinita in materia necessaria, aut in dogmaticis præsumitur habere sensum universalem. v.g. homo est animal rationale. Sensus est: Omnis homo est animal rationale. Vel si dico: Peccatum mortale est infinitæ malitiæ. Sensus est: Omne peccatum est talis malitiæ.

3. Prædicatum propositionis affirmativa semper habet sensum particularem disjunctivum. Prædicatum verò propositionis negativæ semper habet sensum universalem distributivum. v.g. Omnis homo est animal. Sensus est: est aliquod animal, vel rationale vel irrationale. Aut: nullus lapis est animal. Sensus est: nec rationale, nec irrationale; sed nullum.

Gg gg

4. Nulla



4. *Nulla praesumitur propositioni convenire universalitas, nisi ad quam Authori respicere pronum erat.* v. g. dicit S. Paulus: *Omnes quæ sua sunt quarunt, non quæ Jesu Christi.* Haud dubiè hîc Apostolus non respiciebat ad alios Coapostolos, & Episcopos, & Clericos, & Christianos fervidos; sed ad communem modum vivendi, & turbam. nec enim congrueret veritati, & subjectæ materiæ, nec conveniret modestiæ Pauli.

5. *Talis praesumitur propositioni convenire universalitas, ad quam solent respicere ii, ad quos propositio dirigitur.* v. g. Joa. 12. dicitur: *Totus mundus post eum abiit.* Qui hoc audierunt, facile intellexerunt, sermonem tantùm esse de populo Judaico, eoquæ solùm quoad magnam partem. itaque & in hoc sensu accipienda est propositio.

6. *Hinc propositioni non censetur convenire ea universalitas, quæ difficulter occurrit loquenti & audienti.* quia nunquam praesumptio stat pro rebus extraordinariis; sed mens solùm respicere solet ad casus ordinarios, & objecta obvia ac ordinaria. v. g. præcipit Alseverus. *Nullus nisi vocatus in conspectum Regis veniat.* Sed hac lege generali non respexit ad casum extraordinarium, in quo aliàs periclitaretur sua vel suorum salus; immò verò nec omnes comprehendit ea lege, prout ad Reginam fatetur: *Non pro te sed pro omnibus est hæc lex.* hinc etiam apud Theologos & Juristas regula est: *Legislatorem in sua lege generali non comprehendere eos casus extraordinarios, ad quos si respexisset, non censeretur extendere legem.* v. g. datur lex: *Diem Sabbathi sanctifices,* sed Machabæi benè explicant eam legem generalem, ut non comprehendatur universali lege casus, quo aliàs totagens obfessa ab hostibus, nisi se defenderet die Sabbathi, periclitaretur.

7. *Propositio Generalis non debet restringi, nisi in quantum datur necessitas restringendi.* v. g. dicit Scriptura: *Omnes peccaverunt in Adamo.* Cogit quidem nos necessitas excipiendi Christum, & B. Virginem: sed ulterius propositio restringi non debet. Simile est: *Nisi quis renatus fuerit ex aqua & Spiritu Sancto, non potest introire in Regnum Dei.* Propositio generalis etiam ad parvulos extenditur; quia, ut excipiantur, nulla cogit necessitas ex auctoritate, vel sensu Ecclesiæ, vel ex ratione.

8. *Veritas propositionis generalis non tollitur per exceptionem particularem.* v. g. si quis diceret: *Non est verum, quod omnes peccaverint in Adamo* quia B. Virgo in illo non peccavit, nec in eo mortua est; talis rejiceretur ab omnibus: quia sensus & veritas propositionis universalis non se extendit ex intentione loquentis ad casum exceptum. Hæc regula bene notanda est contra quosdam contentiosos & litigiosos homines; qui aliorum dicta ubivis impugnant, tanquam erronea, ob meras exceptiones particulares. v. g. si dicas: *Melius est subesse Principi docto, quàm indocto;* & melius parere uni, quàm multis. statim talis aderit, & dicit: *Hoc non sequitur, quia sæpe Princeps doctus, cum fideret doctrinæ suæ, & ingenio, populum in hæreses, aut ruinam impulit.* Hi tales scire deberent, propositiones tales generales

indefinitas versari circa ea, quæ frequentius contingunt: poterunt ergo per modum discursus casualis contrarios proponere, sed non decet ex casibus minus frequentibus contendere adversus veritates, quæ dicuntur ex eo, quod communiter contingit.

9. *Propositio illimitata censenda est fuisse ab Authore limitata ad eas condiciones limitantes, ad quas Author de facili potuit & debuit respicere.* v. g. docet aliquis in Thesi illimitatè. licet sequi sententiam aequè probabilem relicta tutiore. si dein vel in annotationibus, vel in explicatione, vel in solutione objectionum explicet, qualis debeat esse probabilitas, quale debuerit præcessisse examen & inquisitio de veritate, & quale debeat esse examen reflexum, conclusio sub his limitationibus & conditionibus intelligi debet.

10. *Quævis propositio censetur esse tacitè conditionata, aut limitata secundum eas condiciones, quæ subiecta materia per se insunt.* v. g. si dico: *Praemotio Physica Thomistarum, vel Prædestinationis decretum Calvinianum tollit libertatem,* cuius est evidens, hanc propositionem esse tacitè conditionatam, ut sensus sit. si datur praemotio, tunc tollit libertatem; similiter, quando quis dicit: *Craſtino ibo ad nundinas.* per se imbibita est conditio, nisi intervenerit impedimentum. Item, promittit quis alteri mille aureos. tacitè inest conditio; nisi res deveniat adeas circumstantias, pro quibus promissio vel contractus non obligat. Itaque condiciones & limitationes, quæ per se insunt, non debent exprimi, sed subintelligi. Per se autem insunt illæ condiciones, quæ aut semper insunt ex natura objecti vel consuetudine hominum, aut quæ prudenter debuerunt apponi ad evitandum malum vel errorem, sic ut faciliè potuerint intelligi appositæ à viro prudente.

11. *Hinc Conditio, quæ de facili potest, aut communiter solet subintelligi, debet subintelligi.* Patet ex alio exemplo ituri ad nundinas.

12. *Contra propositio absoluta non debet intelligi sub conditione, quæ loquenti difficulter occurrit, aut quæ est prorsus extraordinaria.* v. g. Promittit quis amico, se illum scripturum hæredem, nulla apposita conditione. Dein testator levissima offensuscula testatorio offenditur; propterea revocat promissum. dicens: suam promissionem fuisse conditionatam, sub hac nempe conditione; *Nisi se offenderit.* quivis videt, conditionem ad quamvis levissimam offensusculam non solere apponi, nec prudenter apponi; adeoque tanquam prorsus extraordinaria, nisi exprimatur, pro improbabili haberi debet.

13. *Quando propositioni nulla apponenda est expressa conditio, aut limitatio, inanis est propositionis distinctio.* v. g. dicat aliquis: *Sol illuminat mundum.* Si alter dein distinguat propositionem, dicens: *De die, concedo. de nocte, nego.* Hæc distinctio vana est, quia nullus unquam hanc propositionis limitationem exprimere vocare voluit, aut debuit, ut opus esset loquentem per distinctionem admonere de obligatione faciendæ limitationis.



*De sensu propositionum, quæ import-  
tant aliquam denominationem.*

I. **O**mnis denominatio importat subiectum & for-  
mam denominationis in statu omnibus obvio.  
v. g. dicit D. Paulus: Ecclesia Sponsa Christi;  
Ecclesia columna & firmamentum veritatis; Ec-  
clesia sancta & immaculata. Subiectum denomi-  
nationis est Ecclesia. Forma denominans est digni-  
tas Sponsæ, firmitas veritatis, sanctitas. Jam  
quæritur, utrum hæ denominationes conveniant  
Ecclesiæ visibili, prout docent Catholici; an verò  
Ecclesiæ invisibili, prout docent Hæretici?  
haud dubie conveniunt visibili, quando enim de  
re aliqua loquimur, loquimur de illa re, prout  
jam est nota audientibus, prout est omnium sensu-  
bus & mentibus obvia; rei in hoc obvio statu  
sumptæ tribuimus prædicata & formas denomi-  
nationis, quascunque tribuimus. Si vellemus de re  
aliqua jam nota loqui secundum alium statum  
sumpta, in quo nondum nota est, deberemus mo-  
nere Auditores aut Lectores. Jam verò evidens  
est, nihil Christianis primis notius ac magis ob-  
vium fuisse, quam Ecclesiam visibilem seu colle-  
ctionem omnium fidelium in unam professionem  
fidei conspirantium, hæc enim collectio signi-  
ficabatur nomine Ecclesiæ in Veteri Testamen-  
to, & in novo omnibus aliis textibus non con-  
troverfis, quomodo ergo fideles de alia Ec-  
clesia cogitare, & formam denominationis ad  
aliud subiectum referre poterant, quam ad Ec-  
clesiam visibilem, nisi de alia Ecclesia admone-  
rentur?

2. *Denominatio non potest tribui tali subiecto, cui  
forma denominationis in statu obvio sumpta non  
convenit.* v. g. volunt Hæretici, denominationem  
Babylonis, & Meretricis magnæ, quæ reperitur  
in Apocalypsi, nulli alteri subiecto convenire,  
nisi Romanæ Ecclesiæ. Forma denominans ergo  
est, *Babylon, meretrix magna.* Status obvi-  
us, in quo obijciuntur menti à Joanne, est, quod  
sit habitatio Dæmonum, & custodia omnis Spiritus  
immundi, & custodia omnis volucris immunda, &  
odibilis &c. hic obvi-  
us status convenitne melius  
Ecclesiæ Romanæ, quam Republicæ Romanæ  
Gentili? in Ecclesia Romana ejiciuntur ex ob-  
fessis corporibus dæmones, prout novissime ex  
litteris Missionariorum Malabariæ evidenter de-  
monstratur, & ex mille aliis Documentis con-  
stat: hic sunt status religiosi, mortificatio cor-  
poris, jejunia, cultus Dei publicus solennissimus,  
cultus eorum Sanctorum, qui revera fuerunt  
amici Dei, ut sunt B. Virgo, & Apostoli, nul-  
la publicè tolerantur lasciva spectacula, nulli  
permittuntur libri contra bonos mores, datur  
abundantia Doctorum, & Concionatorum ad  
bonos mores exhortantium, nihil denique oc-  
currit, quod sit contra pietatem, aut rationem  
in aliqua hypothese possibili Religionis veræ pos-  
sibilis. Econtrà in Republica Romana Gentili  
dæmonia colebantur publicè, adorabantur Dii  
scelestissimi Bacchus, Venus, Mars &c. qui non  
poterant esse amici Dei summi; in spectaculis  
publicis omnia erant plena iuxuria & homicidiis,  
in divinationibus erat mera superstitio, nullibi

personabant laudes Dei, nullibi Sacerdotes præ-  
dicabant reformationem morum. Quis tantus fu-  
ror mentem occupet, ut non palpet, gentilitati  
illi Romanæ convenire Babylonis & meretricis  
magnæ mysterium, non Romanæ Ecclesiæ, legum  
probitate sanctissimæ?

3. *Forma denominationis tribuitur subiecto sub ea  
ratione, sub qua omnium facillime illi potest tribui.*  
2. Forma denominationis tribuitur subiecto ob  
causam notiorein & certiorein. 3. Forma de-  
nominationis tribuitur subiecto sub ea ratione,  
sub qua subiectum ad formam est magis disposi-  
tum. 4. Forma denominationis tribuitur sub-  
iecto sub ea ratione, sub qua forma aptior est  
ad sui receptionem. v. g. Christus dicitur passus,  
sub ratione tamen naturæ humanæ, non divinæ,  
quia sub hac ratione nulla est difficultas recipi-  
endi denominationem. 2. Alexander denomi-  
natur Magnus, sub ratione Herois; quia notum  
est, ipsum fuisse magnum Heroem; non constat  
ipsum fuisse magnum statura, aut magnum sci-  
entia. Itaque causa denominationis non est sci-  
entia, aut magnitudo staturæ, sed magnitudo vir-  
tutis bellicæ. 3. Homo denominatur mortalis  
non ratione animæ, sed ratione corporis, quia  
corpus ad corruptionem est magis dispositum. 4.  
Homo dicitur redemptus ratione animæ, quia  
redemptio magis potest recipi in anima, quam  
corpore.

4. *Quando denominatio potest subiecto tribui ratio-  
ne circumstantiarum, præsumitur eidem potius tribui  
ratione circumstantiarum, quam ratione propria-  
tum.* quia circumstantiæ plerumque sunt notio-  
res proprietatibus. Sic Scipio denominatur Afri-  
canus ob everfam Cauthaginem; non ob patriam;  
notior enim est illa devastatio urbis, quam patria  
viri unius.

5. *Universim ab eo fit denominatio, quod est magis  
obvium, aut cuiusvis notabilius.* v. g. homo dicitur  
mortalis à corpore, quia corpus hominibus est  
magis obvi-  
um obiectum, quam anima, quæ est  
immortalis.

6. *Toti composui tribuitur denominatio ob partem at-  
tentioni hominum magis expositum; sive illa pars sit no-  
tior, nobilior, aut ignobilior, parum interest.* Sic bonum  
dicitur ex integra causa malum autem ex quolibet  
defectu, quia in laudibus attendimus ad ordinem to-  
tius, in vituperando ad partes singulas; dicitur pul-  
chra domus, elegans homo, modò externa species  
pulchre sit, quamvis intus omnia plena sint offibus  
mortuorum.

7. *Ob paritatem rationis non datur similis denomina-  
tio.* Sic quando in corpore humano una tantum pars  
ægra est, homo æger dicitur, econtrà quando in Re-  
publica aut communitate una tantum pars impia est,  
non statim Respublica aut communitas impia dici-  
tur. Sic integumenta pedum vocamus calceos à cal-  
ce, econtrà integumenta manuum non vocamus  
manubias à manu, sed chyrothecas. & quamvis cal-  
cei sint etiam thecæ pedum, non tamen vocantur  
pedothecæ. Itaque in denominationibus arbitra-  
rium est hominibus ad quam formam, causam, aut  
paritatem denominantem velint attendere, nec da-  
tur una constans regula.

7. *Ubi datur actualis denominatio, etiam sem-  
per debet dari actualis ratio denominationis.* v. g.

Petrus



Petrus est iustus. Debet ergo actu dari iustitia, ob quam denominatur iustus.

8. Ubi datur nova denominatio, debet dari nova pars. v. g. murus de novo denominatur albus. Debet ergo de novo poni in muro albedo, ob quam denominatur albus.

9. Quando forma denominans potest esse distincta a subiecto denominationis, datur communicatio idiomatum, in partibus totius, alias non. v. g. in Christo natura humana dicitur esse infinita dignitatis, & ejus merita dicuntur esse infiniti valoris; e contra natura humana in Christo non denominatur divina, nec aeterna. quia dignitas est praedicatum proveniens per respectum intrinsecum rei ad formam dignificantem distinctam a subiecto denominationis. E contra divinitas & aeternitas sunt praedicata intrinseca rei sine respectu ad aliam formam distinctam Deificantem, aut aeternalisantem.

10. Non omne, quod est identificatum cum forma denominante, semper etiam denominat subiectum denominationis. v. g. Christus dicitur esse Deus, & tamen non dicitur, Christus est aeternus, seu ab aeterno. Ratio est, quia hoc praedicatum, quod est esse Deum, non potest verosimiliter referri ad naturam humanam; & ideo sine periculo erroris toti tribuitur, quod uni tantum parti convenit. Si vero Christus diceretur aeternus, periculum esset, ne ab hominibus hoc praedicatum etiam referretur ad naturam humanam creatam. Itaque dum Christus dicitur Deus, attentio hominum fertur ad naturam divinam unitam humanitati. E contra dum negatur Christus esse aeternus, attentio fertur ad naturam humanam unitam Verbo.

11. Utrum forma denominationis sit intrinseca vel extrinseca subiecto. 2. Utrum conveniat subiecto reduplicative vel denominative &c. ex natura subiecti, & forma denominantis, & circumstantiarum aliunde notis desumi debet. v. g. si dico, homo iustus, est denominatio. Lutherani volunt hoc esse denominationem extrinsecam, inquantum iustitia Christi imputatur homini; Catholici vero dicunt, iustitiam hominis esse formam inhærentem animæ, quæ & ornet animam, & simul habeat respectum essentialem ad iustitiam Christi tanquam causam meritoriam hujus iustitiæ inhærentis. An verò talis sit ista forma, an illo modo, utique ex natura rerum, aut per revelationem sciri debet. Natura certè rerum favet Catholicis; si enim anima, dum videt lucem, dum audit, gustat, mutatur per aliquid inhærens; cur non sic mutetur, dum ex filia gehennæ sit filia Dei? De reduplicatione possumus habere hoc exemplum. v. g. Lutherani dicunt, quod sola fides quatenus est fiducia in merita Christi iustificet. Nos Catholici dicimus, quod etiam per bona opera iustificemur, & quod bona opera sint causa justificationis, sed quatenus uniuntur per fidem cum meritis Christi. Dicimus opera secundum se nihil mereri, quam parum lignum secundum se fulget; sed si lignum deauretur, verum est, quod fulgeat hæc sella, vel columna lignea. Et si opera per intrinsecum suum respectum ad merita Christi, in quibus confidunt per fidem, dignificantur per ea merita, verum est, quod merita fidelium reduplicative accepta, ut procedentia per fidem fiducialem, iustificent. Distant er-

go Hæretici prius loqui cum Scriptura, Ecclesia, & Theologis. Si aurum splendet, & fides iustificat, etiam lignum per aurum splendet, & opera per fidem iustificant. Dices: ergo ratio iustificandi est fides? Dicimus; omnino sic esse; sed non sola fides iustificat. Petrus laudatur ob virtutem; ratio laudandi est sola virtus; num ergo sola virtus laudatur & amatur? an non laudatur etiam Petrus propter virtutem? Itaque laudatur Petrus quatenus probus; & opera iustificant quatenus per fidem confidunt in Christo.

12. Instantum denominationes inter se pugnant, inquantum forma denominationum inter se opponuntur. v. g. murus albus, murus niger, censentur denominationes contrariæ, quia formæ denominantes, albedo & nigredo inter se contrariantur.

## S. 10.

De sensu propositionum, quæ important aliquam causalitatem.

1. **C**ausa, quæ in Scholasticis ac Dogmaticis ascribitur effectui, praesumitur esse adequata, sufficiens, necessario requisita, causa per se, causa sine qua non, immediata, ac principalis. quia in Scholasticis ac Dogmaticis regulariter quaestio non solet institui de causa instrumentali, secundaria, mediata, inadæquata, causa per accidens. v. g. quaeritur in Philosophia causa attractionis magneticæ, causa ventorum, fontium, Iridis &c. semper quaeritur causa per se talis, quæ ex sua natura ac primario ordinatur ad talem effectum. Itaque, quodcumque Philosophus aut Theologus effectui assignat causam, censetur velle assignare causam per se.

2. Assignatio unius causæ dubia non est exclusio alterius causæ aliunde certa ac notæ. v. g. dicit aliquis; causam ascensus mercurii in Barometro esse gravitatem aëris; per hoc non excludit causas universales qualis est Deus.

3. Talis praesumitur esse causa cujuslibet notio, qualis satisfacit fini loquentis, & expectationi audientis. v. g. dicit Christus non potuisse aliquando ejici daemonium propter incredulitatem vestram. Matth. 17. hic tantum expectabatur causa prohibens, & non physica, sed moraliter impediens. Itaque & particula causalis non importat aliam causam.

4. In Jure, quando apponitur causa actioni, praesumitur ea esse fortissima. quia quivis praesumitur meritum suæ causæ proponere modo meliore quo potest. v. g. contendit aliquis contractum emptoris esse nullum, quia læsus est ultra dimidium; censendum est, hanc causam esse præcipuam.

5. Quidquid ex parte causæ exprimitur, praesumitur esse ratio causandi. quia nihil praesumitur impertinenter poni ex parte causæ. v. g. dicit Scriptura; ipse (Christus) peccata nostra portavit; oblatum est, quia ipse voluit. Utrumque ergo causa crucifixionis est, quia voluit, & quia peccata nostra portavit. Vel sic: Nero tyrannus matrem occidit. hic Nero dicitur esse causa necis, sed simul causa fuisse dicitur non delictum occisi, sed crudelitas occisoris.

6. Quid-



6. Quidquid ex parte effectus exprimitur, praesumitur pertinere ad rationem formalem effectus, v. g. Deus submersit Pharaonem impenitentem. ratio submergendi censetur esse obstinatio. Quod si tamen aliunde constaret, talia adjuncta ex alio fine causae vel effectui appositae esse, cessat hæc praesumptio.

7. Quidquid in Scholasticis ac Dogmaticis assignatur per modum medii ac dispositionis ad finem; censetur assignari per modum medii per se requisiti ac propinqui ad finem. quia in Dogmaticis non solent institui quaestiones de mediis remotis, aut ad libitum talibus. v. g. dicit Juvenis Christo: Quod faciens vitam æternam habebis? Respondit Christus: Vade, & vende omnia, & da pauperibus. exitus monstravit, medium hîc assignatum fuisse hîc & nunc juveni medium necessarium ad finem. Idem est in Dogmaticis, qualia sunt Epistolæ Pauli, quando dicitur; *Hoc fac, & vires*, jam censetur assignatum medium sine quo non: nisi ex circumstantiis pateat, tantum fuisse assignatum consilium.

8. Assignatio unius medii aut dispositionis ad finem non est exclusio alterius medii aut dispositionis aliunde certa & necessaria. v. g. dicit Christus: *Qui crediderit & baptizatus fuerit, salvus erit.* Et tamen alibi dicit solum: *Qui crediderit.* Et alibi dicit: *Si vis ad vitam ingredi, serva mandata.* Itaque in uno loco tantum fit sermo de medio controverso, cætera non controversa supponuntur.

## §. II.

*De sensu propositionum, quæ important aliquam paritatem, similitudinem, aut relationem.*

1. **I**N eo praesumitur fuisse instituta paritas aut similitudo, quod omnibus notum ac obvium est. v. g. Christus se comparat Jonæ existenti tribus diebus in ventre cete piscis. non tamen propterea se comparat cum Jonæ quoad culpam, nec in causa existendi, nec in fine ac exitu, nec in modo existendi, cum ille vivus, Christus autem mortuus sub terra fuerit, adeoque paritas non est urgenda ultra modum parem notum & obvium in utriusque correlative historia.

2. Eousque urgeri potest similitudo aut paritas, quousque ratio similitudinis aut paritatis facile potuit loquenti occurrere. v. g. Christus comparat Deum Judici iniquo, qui nulli facit justitiam, propter importunitatem tamen viduæ succurrit. Item comparat peccatorem conversum iniquo œconomo, qui debitoribus dimisit debitum. Clarum est, rationem similitudinis & paritatis non esse iniquitatem utriusque, sed modum succurrendi abstrahendo ab iniquitate causæ. tunc enim Christus non cogitavit nec attendit ad iniquitatem personæ vel rei, sed ad modum juvandi.

3. In eo censetur esse instituta paritas, in quo solo servit ad finem loquentis. v. g. Christus comparat regnum cælorum grano sinapis, & fermento abscondito in satis farinae tribus. tunc voluit Chri-

stus discipulis augere confidentiam, ne absterrentur exiguo numero discipulorum suorum, pusilli gregis. Itaque ostendit, incrementum sumpturum Ecclesiam hanc visibilem, eamque augendam; ut crescit granum sinapis, & fermentum totam massam fermentat, sic ramos Ecclesiæ in totum orbem porrigendos, & doctrinam veræ Ecclesiæ tres orbis partes subacturam. In aliis vero non comparat Ecclesiam fermento, quod totam massam corrumpit.

4. Talis praesumitur termino relativo esse subiecta notio, qualem aliunde prout est consequi ex dispositione loquentis & audientium. quia relativa nullam servant constantem notionem ex natura rei, in qua augeri & minui possunt, v. g. dicit Historicus, Græciam eduxisse magnum exercitum, hic terminus magnum est terminus relativus, per quem fit comparatio ad alios exercitus. Quidquid enim magnum est, respectivè magnum est; & exercitus, qui apud Græcos magnus dicebatur, olim in Asia, & nunc apud Turcas, aut in Gallia diceretur parvus. Itaque si velim scire, quàm magnus fuerit ille exercitus, aliunde scire debeo, quales communiter fuerint Græcorum exercitus, ad quos solos respicere potuit Historicus Græciæ. Idem est, si aliquis dicat: *Ecce hic est vir doctissimus, vel doctus.* Debeo enim prius scire, an loquens sit in Italia, Hispania, Gallia, an in Turcia vel Moscovia; an loquens sit ex plebe, an sit Theologus, an etiam eruditus? cum enim omnes termini, qui sumunt incrementum & decrementum, taciè sint relativi ad sui similia, & qui aliquem doctum nominat, eum comparet ad doctos sui ingenii, aut suæ regionis, clarum est, notionem talis termini relativi solum ex dispositione loquentis cognosci posse. Simile est, si quis dicat, pondus esse grave, debeo enim prius scire, an sit vir robustus, an femina, an æger, an puer; quivis enim horum aliud intelligit, dum pondus grave nominat.

5. Quivis in terminis relativis censetur ad ea respicere, quæ illi obvia ac nota sunt. Patet ex priore exemplo, quando quis exercitum magnum, virum doctum nominat.

6. Ubi datur obvia allusionis occasio, praesumitur in propositione subesse allusio. v. g. dicit Christus de Herode: *Dicite vulpi illi.* Haud improbabile est, Herodem per deputatos invitasse aliquando Christum in aulam suam, prout Joannem invitaverat; sed quia cum Joanne fraudulenter actum, noluit coram illo comparere.

7. Quando ab eodem authore sæpius repetitur idem comparationis terminus, censetur in eo termino institui & urgeri paritas. v. g. Christus sæpius comparat Ecclesiam objectis in quibus sunt bona mixta malis, agro in quo triticum permixtum, zizaniis, saganæ missæ in mare, in qua pisces reprobi & electi, decem virginum choro, in quo quinque prudentes, quinque fatuæ. Non igitur dubitandum, Christum studiosè ad hanc permixtionem attendisse, ut ostenderet simile contingere in Ecclesia, nec eam tantum esse congregationem iustum, ut vult Quesnellus & Hæretici.



## §. 12.

De sensu univoco, analogo, equivoco,  
adæquato, inadæquato, & sensu  
Concretorum.

1. **T**andem stat pro univocatione verborum præsumptio, quamdiu non probatur iis fuisse subiecta diversa notio. v. g. quæritur, utrum Sacramentum de Circumcisione Veteris Testamenti, & de Baptismo novæ legis ab antiquis Scriptoribus sumatur univocè nisi ex aliis circumstantiis probetur contrarium, præsumendum foret, quod Scriptores sub nomine Sacramenti habuerint eandem notionem.

2. Tanta est pro diversa notione sub eodem verbo præsumptio, quanta est diversæ notionis propinqua occasio, quia quod primum est fieri, regulariter fit. v. g. quæri posset, an Scriptura semper univocè sumptum regnum celorum, si circumstantias consideremus, in quibus hic terminus adhibitus fuit, præbatur nobis propinqua occasio formandi diversas notiones, ut aliquando sumatur pro statu Ecclesiæ præsentis temporis, seu pro Ecclesia militante: Aliquando autem pro statu Ecclesiæ futuri temporis, seu pro Ecclesia triumphante. Dicitur enim aliquando: Adveniat Regnum tuum. Regnum meum non est de hoc mundo. Alibi verò: Pervenit in vos Regnum Dei. Regnum Dei inter vos est.

3. Quando idem objectum diversis inadæquatis notionibus concipi potest, non tollitur vocis univocatio, quamvis à diversis hominibus eidem voci diversæ notiones subiectæ sint. quia ad univocationem nominis solum requiritur identitas objecti, non omnimoda convenientia notionum. v. g. Imperium Romanum sub Constantino M., sub Carolo M., sub Othone I., sub Rudolfo I., sub Ludovico Bava-ro, sub Carolo Quinto, sub Leopoldo I. sub Carolo VI. semper censetur esse idem Romanum Imperium, quod nunquam interit; sed usque ad finem mundi quartam Monarchiam à Daniele Propheta prædictam constituet. Interim tamen quovis sæculo alia fuit notio, & nunc ab hominibus diversis, quando loquimur de Romano Imperio, alia longè ponitur notio. Similiter quando Deum, justitiam, salutem Reipublicæ &c. nominamus, quivis propemodum hujus totius partes concipit, vel assequitur.

4. Quando ex mutatione proprietatum aut partium etiam essentialium non tollitur objecti identitas, nec tollitur univocatio nominis. v. g. Romanum Imperium est aliquod totum successivum, cujus non omnes partes simul actu existunt. Aliæ fuerunt partes hujus totius sub Constantino M. aliæ sunt sub Carolo VI. itaque licet partes transeant, totum tamen manet, & manet nomen, & eadem ratio, seu definitio nominis, quamvis singulis temporibus videantur aliæ partes essentielles totius, nunquam tamen videatur ipsum totum, nisi à sapientibus, qui comprehendendo Monarchiam Romanam per totum decursum sui temporis unam definitionem præbent. Idem est de hoc toto successivo, quod est annus, dies. In die succedunt horæ, ac transeunt, totum manet, & uni-

vocatio, licet manet & vespere aliud essentialiter nomen, dum dico: Nunc est dies primus Octobris.

5. Quivis præsumitur vi verborum solum respicere ad partes & connotata objecti aliunde sibi obvia. v. g. dicit aliquis: Romanum Imperium est Potentissimum. Incertum quidem est, quas talis Romani Imperii partes animo comprehendat, ad quælia jura, adjuncta, aut connotata cum aliis Potentiis & Regnis respiciat: illud tamen præsumendum, talem hominem solum respicere ad ea, quæ juxta eruditionem suam sunt sibi obvia; ut proin prius dispositio loquentis nota esse debeat, antequam scire possim, qualem habeat notionem de objectis suis, adæquatam, vel inadæquatam.

6. In verbis, quorum adæquatus sensus difficulter comprehenditur; quivis tantum præsumitur assequi illum sensum inadæquatam, qui est notior, generalior, ac famosior. v. g. docet S. Augustinus, neminem justificari sine amore justitiæ. Per justitiam intelligit totam latitudinem perfectionis Christianæ. Sed quis dubitet, tot fore diversas notiones inadæquatas hujus justitiæ, quot sunt Auditores, aut Lectores S. Augustini. Idem est, dum loquimur de beatitudine, de amore Dei &c. cum enim similia objecta involvant multas tendentias, & præparationem ad multos actus v. g. appreciationis, admirationis, prosecutionis, benevolentia, desiderii, suavis unionis &c. possunt quidem multi audire nomen amoris, sed non omnes amoris partes animo comprehendere. In similibus ergo objectis, quæ cognoscuntur multarum rerum comprehensione, vix unquam unus ab altero perfecte intelligitur. quia verba tantum sunt signa conceptuum, non causa; excitant in audiente ideas de objecto aliunde acquisitas, non verò eas producant de novo. qui non vidit colorem, nescit quid loquar, dum colorem nomino. Si Professor Theologiæ aut Matheseos discipulo aliquot mensium dicat, nunquid Theologia aut Mathesis est pulchra scientia? Discipulus sub nomine Theologiæ aut Matheseos non assequitur adæquatam sensum sui Professoris. Ex quo patet, fortè paucas esse propositiones, in quibus unus homo alterum perfecte intelligat, nisi fortè circa objecta Mathematica & objecta sensuum, quæ modo simili quamvis non simillimo, in omnium sensus & mentem incidunt.

7. Concreta explicite tantum important formam. v. g. album, justus, tantum exprimit albedinem, justitiam; non verò exprimit hominem qui est justus, aut murum, qui est albus. Adeoque subiectum primum significatur aptitudinaliter, quod ex circumstantiis determinari debet.

8. In concretis modus concipiendi alius est, quam modus loquendi. v. g. si dico: Anima unita corpori; vel si dicam: corpus unitum anima, vel si dicam: corpus, anima, & unio. Idem & eodem modo concipio. Idem est, si dicam: homo est aliquid habens humanitatis. Vel si dicam: homo est res & humanitas. Vel si dico: homo est humanitas identificata rei. Idem semper concipio. Adeoque utrum formam



mainportetur in obliquo, an in recto quoad concreta, hoc Interpreti perinde est,

§. 13.

Observanda in praxi quoad Interpretationem.

1. **N**ullus unquam verbis sensus tribuendus est, nisi positivè probari possit. quia non sufficit dicere, hæc verba possunt habere hunc sensum, patiuntur hunc sensum; ergo sumam in hoc sensu. hoc, inquam, non sufficit, sed debet etiam ostendi, quod debeant sumi in hoc sensu, & non possint convenienter sumi in alio sensu. Hæc regula bene notanda est in omni genere disputationis, ne adhibeamus tales textus, qui in duplici aut triplici sensu eadem probabilitate sumi possunt. Exemplum dat Petrus de Soto, de Indulgentiis, his verbis: Ut quàm modeste loquamur de hac re, & quidem certissimè, hoc ante omnia statuamus fundamentum. Etsi de Indulgentiis in speciali nulla habeamus Scripturæ Sacræ testimonia, atque primæ Ecclesiæ certa & manifesta testimonia, nihilominus tamen habemus Pontificum Romanorum & Conciliorum talia & tanta testimonia, ut ex eis merito ostendatur, semper eas in Ecclesia agnitas esse, & in usu habitas. Habemus etiam Ecclesiæ consensum, cui sine hæresis nota contradici non potest. Denique & ex fide, & ex Scriptura tam probabiles rationes, ut merito illis præter pertinaciam maximam contradici non possit; quæ omnia nunc singillatim probanda sunt & explicanda. Primum igitur, quod dicimus, non esse videlicet aperta testimonia Scripturarum de Indulgentiis, donamus adversariis, & admonemus necessariò ex eo Catholicos, ut non innitantur nec ad credendum, nec ad disputandum cum Hæreticis minus certis testimoniis, ex quo frequenter fit, ut apud malevolos fides Catholica pateat irrisioni, & simpliciores incurrant grave scandalum. Possemus urgere locum illum, & Petro & Apostolis dictum: Quidquid solveritis super terram &c. & rursus illud: Quorum remiseritis &c. & dicere, loca illa universaliter esse intelligenda, de omni videlicet solutione & remissione peccatorum vel secundum culpam, vel secundum pœnam; nec potest certa ratione huic contradici sensui: Sed tamen, ne contentiosè agamus, fatemur, ex eo loco in speciali de ratione indulgentiarum non posse nos quidquam certò asserere. Constitutis autem & probatis illis aliundè, verè tunc de eis exponi potest. Sed nisi aliundè constaret, quoniam multipliciter exponitur, non est, curex eo loco convincere velimus, adversarios maximè. Hucusque Petrus de Soto in Instruct. Sacerdotum. de Indulg. lect. 1. fuit Primarius Theologus summi Pontificis in Concilio Tridentino. Itaque id universim in praxi observandum, ne textus, qui patiuntur aliam explicationem, sumamus pro demonstratione, & si patiuntur æquè probabilem aliam interpretationem, eos nequidem assumamus pro argumento. Quod attinet

disputationes contra Hæreticos, contra quos agendum est argumentis certis, haud dubiè errant, qui omnes articulos nostræ Ecclesiæ volunt demonstrare ex Scriptura. Sufficit, invenire in scripturis textus, qui veritatem Catholicam suscipiunt; certitudo autem peti debet ex verbo Dei vel antiquitus tradito, vel recentè inspirato Ecclesiæ.

2. *Quando ex aliquo textu formatur argumentum probabile, non solvitur argumentum, dicendo, textum non necessario sic debere intelligi; eum posse aliter explicari, hunc modum loquendi quandoque habere alium sensum, v.g. docent Lutherani in remissione peccatorum simul remitti culpam & pœnam; nos dicimus, Ecclesiam habere jus remittendi culpam, ac reservandi pœnam; quando hanc potestatem illimitatam probamus ex verbis Christi: Quorum remiseritis peccata remittuntur eis; & quorum retinueritis, retenta sunt. In quibus verbis Christus relinquit Ecclesiæ potestatem quamcunque exigendi rationabilem conditionem vel confessionis, vel satisfactionis pro obtinenda absolutione. Respondent, hunc textum & modum loquendi intelligi posse, de remissione quæ fit per Baptismum. Sed pessima est responsio ad argumentum. licet enim hic textus absolute possit intelligi de illa remissione, tamen sensus obvius, & circumstantiæ, & subiecta materia præsumptionem faciunt pro sensu Romanæ Ecclesiæ, ut monstrari potest per omnes ferè leges hermeneuticas. Quæro, quis dicitur, non baptizando Gentilem, retinere ejus peccata? aut quomodo propriè loquendo homini baptizato remittere quis potest peccata post Baptismum comissa per Baptismum jam ante octoginta annos susceptum? Itaque non solvitur argumentum textus, ex eo quod absolute possit aliter explicari. Criticus non quærit, quid possit fieri, aut dici, sed quid præsumendum sit, factum esse, aut dictum esse.*

3. *Quando ex aliquo textu formatur argumentum, ejus sensus tantum probabiliter constat; & autoritas scriptoris etiam tantum est probabilis, tunc nulla plerumque conficitur probabilitas, ut ostensum est Part. I. §. 3.*

4. *Quando propositio in sensu obvio vera aut falsa est, simpliciter negari vel affirmari debet. quando autem propositio in sensu obvio plures sensus recipit, distinctio adhiberi debet. v.g. vult Hæreticus probare, Ecclesiam esse fallibilem, & dicit ex Psalmo: Omnis homo mendax. clarum est, hunc textum posse habere sensum vi verborum, vi subiectæ materiæ, & ex intentione loquentis. Vi verborum extenditur ad omnem hominem, etiam ad Apostolos, & Prophetas, & Evangelistas, & Moysen, Ex subiecta materia autem solùm extenditur ad inconstantiam omnium hominum in bonis propositis. Ex intentione loquentis certè non extenditur ad Scriptores Hagiographos, dum actu loquuntur ex dictamine S. Spiritus, aliàs David seipsum, dum hoc scripsit, & Prophetas mendaces dixisset. Itaque, quia*




quia triplex sensus in his verbis obvius est, cum & significatio verborum, & subjecta materia, & intentio loquentis cuius obvia sit appareat, adhibenda est distinctio, dicendo: Omnis homo non habens assistentiam Spiritus Sancti, est mendax. concedo. eam habens, in quantum eam habet, nego.

5. Nullus verbis obscuris tribuendus est sensus, & idea, nisi hujus Genealogia demonstrari possit. v. g. dum dico: lux, color, sonus &c. possum demonstrare originem harum idearum, unde in mentem, & qua occasione intraverint, nempe per sensum, per oculos conversos ad Solem vel candelam, & objectum illuminatum. Si autem quis dicat, materia prima sine omni actu etiam Metaphysico, qualitas occulta, Patria &c. tamdiu non debeo admittere, latere aliquem sub his nominibus sensum, aut ideam, quamdiu hujus genesis mihi demonstrare non possit. nihil enim est in mente, quod non habeat originem; origo igitur demonstrari debet, ut redeundo ad eandem originem ille, qui sensum verborum quaerit, similem sibi ideam ex iisdem causis formare possit. Sic si infans alterum infantem quaereret, quis sit sensus hujus termini; *Vitrum*, haud dubie alter infans ipsi ostenderet vitrum, & diceret: hoc est *vitrum*, ut eadem ingeneraretur idea, quae & sibi ex iisdem causis obtigit. Sicut ergo origo idearum & conceptuum de re sensibili est per sensum positos in his vel illis circumstantiis, sic omnium aliorum conceptuum circa objecta intelligibilia origo est in experientia mentis, positae in hac vel illa circumstantia cogitationum, quae & monstrari potest.

6. Sensus verborum praecise vi verborum vix unquam certus habetur. quia verba nimis sunt ambigua & indifferentia ad hoc, ut ex subjecta materia, vel intentione loquentis alium sensum recipere possint. Itaque non nimis pertinaciter & obfirmata certitudine insistendum est textui ex sola significatione verborum. v. g. Lutherani in praecipuo articulo sui erroris nempe in Eucharistia insistant nudae significationi hujus termini *panis*, non attendendo ad subjectam materiam, nec ad intentionem loquentis. D. Paulus, inquit, vocat Eucharistiam panem, dicens: Quicumque manducaverit panem hunc &c. Quam vero miserum est, insistere nudae signifi-

cationi verborum, dum Author suam intentionem significationis ipse explicat, dicens: *Qui enim indignè manducat, judicium manducat non dijudicans corpus Domini*; Ergo panem eundem, quem prius nominat, nunc corpus ipsissimum Domini nominat: & Christus: *Hoc est corpus meum*; per particulam demonstrativam: *Hic*, unicus non aliud demonstrat, quam D. Paulus per suam particulam demonstrativam, *Hunc*. Quod si ergo sensus evidenter dubius est, certitudo haberi debet ex Providentia Dei, curantibus, ut sensus verus praevaleat, & retineatur in sua Ecclesia.

7. In omni disputatione prius disputans conveniat cum adversario quoad sensum questionis, ne fiat Logomachia seu lis de nomine. Talem autem subelle suspicari tunc licet. quando 1. id, quod negatur, concedatur in aliis terminis synonymis. Sic Lutherani negant, bona opera requiri ad justificationem; interim tamen concedunt, me non posse justificari sine bonis operibus, quia non possum habere fidem seu quod ipsis perinde est, fiduciam in Christum, nisi servem ejus mandata. 2. Si quis ea impugnet circa quae alias genus humanum convenit. 3. Siquis negat rem facillimam cognitu. 4. Si vir sapiens sententiam manifestè absurdam ac ridiculam propugnet. 5. Si tam negans quam affirmans alias utantur iisdem principiis, iisdem argumentis, ac responsionibus &c. Sic faciunt quidam Haeretici quaestionem de nomine circa confessionem auricularem, dum concedunt, Ecclesiam habuisse à Christo jus, exigendi a poenitentibus Confessionem distinctam, & tamen negant, Confessionem auricularem esse juris divini, prout definit Tridentinum. Quid enim aliud est, esse juris divini Confessionem, quam eidem specialiter in ordine ad hanc exigendam pro tempore congruo tribuisse jus & facultatem per potestatem remittendi & retinendi, solvendi & ligandi, quae tam convenienter sine confessione exerceri non potest. Itaque si Ecclesiae Romanae, maxime in Italia semper visum est exigere à poenitentibus hanc Confessionem eo modo, qui congruebat tempori, cur non concedunt Haeretici, Confessionem semper viguisse quoad substantiam in Ecclesia, esseque juris divini? nempe, quia nolunt loqui cum Ecclesia, à qua impiè divisi sunt.





## PARS QUARTO.

*Summa Regularum Criticis modernis familiarium.*

## §. 1.

*De Arte Critica & Regulis Joannis Clerici.*

**C**Lericus Criticam vocat Artem intelligendorum veterum Scriptorum, & dignoscendi quamnam eorum genuina scripta sint, quæ spuria. Eam in tres partes dividit: in Prima docet, quo ordine legendi veteres Scriptores Latini, Græci, Hebraici. In Secunda tradit Canones de Interpretatione verborum & locutionum. In Tertia docet, quod nos judicium ferre oporteat de antiquorum Scriptorum libris & locis tam genuinis, quam spuris, tam sinceris, quam corruptis.

In Parte prima vult 1. lectioni Veterum præmitti studium Geographiæ, Chronologiæ, Consuetudinum, & Opinionum, ad quas Scriptores veteres sæpe respiciunt. 2. Inter Latinos ab initio legi vult Plautum, Terentium, Phædrum, Cæsarem, Cornelium Nepotem, Justinum, Epistolas Ciceronis ad familiares, & ejus Orationes faciliores: tum primum vult progressum fieri ad Poëtas. 3. In Græcis post nominum declinationes & verborum inflexiones memoriæ mandatas vult legi Polyæni stratagemata, Ælianum, Lucianum, Aristophanem, Cebetis Thebani tabulas, Dialogos Æschinis, Xenophontem, Herodotum. Orationes Isocratis, & Demosthenis, ac Platonem; tunc primum Poëtas Homerum, Hesiodum, Euripidem. 4. In Hebraicis post iteratam à tyronibus descriptionem Alphabeti Hebraici, & obiter comprehensas memoria regulas neglectis anomalis pronunciationum & conjugationum vult quotidie aliquid legi è Codice sacro, ex quo solo non solum omnes Hebraicæ Grammaticæ sed & Lexica composita sunt.

In Parte secunda tradit sequentes de Interpretatione verborum Regulas. 1. Lingux sibi invicem non satis respondent. 2. Voces variarum linguarum, quæ planè idem significare videntur, sibi invicem non respondent. 3. Multa videntur in versionibus emphatica, quæ in ipsis fontibus nullam emphasin habent. 4. Plurima sunt vocabula ambigua in omnibus linguis. 5. Significationes vocum earundem nunc sunt ampliores nunc arctiores. 6. Propria vocum significatio cum tralatitia non est confundenda. 7. Multis vocibus sunt subiectæ motiones obscuræ. 8. Dantur voces, quibus nulla est subiecta notio. 9. Locutiones sunt plurimæ in omnibus linguis anomalæ, & parum adcuratæ, quæ nimium urgendæ non sunt. 10. Impropria locutio non est confundenda cum tropica aut figurata locutione. 11. Multa sunt propter constructionem ambigua. 12. Ut probe intelligatur quivis Scriptor, consuetudines & opiniones ejus popularium tenendæ sunt. 13. Critico, qui scriptorem interpretari aggreditur, debet esse nota

R. D. Euseb. Amor. Philosophia.

res, de qua scriptor agit. 14. diversæ sectæ iisdem sæpe usæ sunt vocabulis ad diversa prorsus dogmata exprimenda. 15. difficultas intelligendi maxima oritur interdum ex stylo thetorico. In secunda sectione hujus partis ostendit, universim ambigux significationis esse Nomina Notionum simplicium, & compositarum; Nomina substantiarum, & Modorum, Relationum, rerum concretarum, & abstractarum; Nomina Notionum singularium, particularium, & universalium, clararum, obscurarum, adæquatarum, & inadæquatarum.

In Parte tertia Sect. 1. agit de Origine mendorum & postea leges emendandi subijcit. Originem mendorum repetit ex imperitia dictantis, negligentia scribentis, incuria librariorum, temeritate Criticorum, malitia impostorum, & vetustate Manuscriptorum; dictans fortè litterarum ductus non est allecutus, fortè affines figuræ litteras miscuit, aut quæpiam omisit, aut verborum situm neglexit, aut malè pronuntiavit, aut glossemata in margine adjecta contextui intulit. Scribens potuit ea, quæ cogitabat, non quæ audiebat, scribere; potuit perperam audire; forte non est allecutus orthographiam, & antiquiores litteras, aut omisit distinctiones, signa parentheseos, exclamationis, interrogationis, aut abbreviationibus usus est.

Leges emendandi sequentes sunt.

1. Siquid mutetur, mutationem resipsa, orationisve series, stylusque scriptoris necessario postulato.

2. Omnis emendatio linguæ, ingenio, aut scriptori ac stylo consentanea esto.

3. Ratio depravationis, si fieri potest, redditor.

4. Nulla emendatio à lectione veterum Codicum nimium recedito.

5. Manuscripti Codices non suspecti aliis præferuntur.

6. Loco manuscriptorum codicum veterum citationes, ac veteres translationes adhibitis certis cautionibus sunt.

7. De omnibus in notis monere liceto, at nulla nisi manifesta aut ex manuscriptis codicibus hausta lectio in contextum orationis insertor.

8. Conjecturæ omnes modeste proponuntur; sin minus, doctis ludibrium debent.

Sectione 2. suppositionis aut interpolationis librorum sequentia indicia statuit.

1. Suppositi libri indicium est, si in veteribus codicibus alii tribuatur; cum nulla ratio est, cur ejus habeatur, cujus nomen in editionibus præfert. Interpolati verò, si sit in veteribus codicibus sine additamento, quod in Recentioribus invenitur.

2. Si, quæ ex veteribus ex libro quopiam olim prolata sunt, ea nunc in libro eadem inscriptione insignito desiderantur, aut alius est, aut mutilus. Si aliter legantur, suspectus sit oportet. Si omnia inveniantur sine mutatione, genuinus est, nisi aliæ sint suspicandi rationes.

Hh hh

3, Scri-



- 15 3. Scripta, quorum nulla mentio in priscis Catalogis, quæ nec memorata sunt ab ullo scriptore sequentium sæculorum, ut plurimum aut ficta judicanda sunt, aut minimum suspecta habenda.
- 16 4. Quæ disertè sunt rejecta, aut in dubium revocata ab antiquioribus, ea vix propter Recentiorum auctoritatem admitti queunt.
- 17 5. Liber, in quo dogmata leguntur iis contraria, quæ scriptor, cujus nomen præfert, constanter defendit; non videtur ejus esse, si præsertim dogmata sint alicujus momenti; aut interpolatus est.
- 18 6. Liber, in quo memorantur res aut personæ scriptore, cujus nomen præfert, recentiores; aut ejus non est, aut ab alio est auctus.
- 19 7. Liber indoctus, aut imperitia refertus non potest ulla ex parte aut saltem totus viro docto tribui, nec fabulis scatens viro non inepto, quem constat veri amantem fuisse, affingi, quamvis in vetustis Codicibus eorum nomina præferat.
- 20 8. Liber, in quo tractantur vel respiciuntur controversiæ natæ post tempora scriptoris, cui tribuitur; aut in quo deprehenditur scriptoris illo recentioris imitatio, ejus non est, cujus nomen præfert; aut est interpolatus.
- 21 9. Si stylus sit diversus à noto aut sæculi aut scriptoris stylo; ejus non est, quamvis ejus nomen præferat. Si sit idem, ac stylus alius scriptoris, hujus liber censeri debet, si modo nihil obstat.
- 22 10. Vocabula sequioris ævi indicant scriptorem recentiorem; in translatione verò, siquid sit, quod non conveniat linguæ, qua scripsisse constat Authorem, cui liber tribuitur, aut non est translatio, aut est interpolata.
- 23 Hæ igitur sunt illæ Regulæ, à quibus constat ferè tota ars Critica Joannis Clerici: singulas Regulæ explicat ac probat particularibus exemplis, magna ex parte selectis ad impugnandos Romanæ Ecclesiæ scriptores, ejusque dogmata, ob quod decreto S. Cong. Ind. 4. Martii 1709. Judicii librorum prohibitorum inserta est.
- 24 Ut jam, quid de Arte sentiam, liberè proferam; Judico, in Patre prima potuisse præscribi alium Ordinem in legendis scriptoribus in Latinis & Græcis: cur enim non præstet seligere libros, quorum objectum juventutem concomitanter ideis ad formandos mores ac aperendum judicium utilioribus imbueret: parum interest, si juvenis ad discat unum vel alterum terminum minus latinum, quem factus eruditior poterit corrigere; multum verò nocet, si tenero cerebro imprimantur talia objecta ac vestigia, quorum cum vitiis connexio perpetuò mansura est.
- 25 In Parte secunda observo, omnes Clerici Regulæ hoc solum probare, multorum verborum significationem adcurata Physica certitudine scire non posse? Ad quid autem hæ regulæ me dirigunt in praxi? an ad hoc, ut significationem verborum universaliter pro incerta habeam? hæc verò universalis incertitudo minime sequitur è paucis exemplis à Clerico allatis. An ad hoc, ut tot exemplis admonitus cautius retineam assensum, quando significatio verborum certa non est? at hocci-

ne est tradere Artem interpretandi & intelligendi Veterum scripta?

Regulæ, quas Clericus in Parte tertia ex aliis Authoribus collegit, aut non procedunt regulariter, sed tantum in aliquot particularibus casibus; aut patiuntur tot explicationes, limitationes, & exceptiones, ut earum usu & applicatione non videatur tolli ulla difficultas, quod tamen ad omnem bonam Regulam requiritur. Utilis animadversio ac observatio est, quæ suo tempore mentem manifesti erroris admonet aut à manifesto errore revocat; Regula verò est, quæ dubia & difficultates alioquin soluti difficiles sui applicatione facile dissolvit. Debet insuper omnis regula esse instrumentum artificiale, non omnibus obvium, ac à natura concessum; tales enim regulæ forent innumeræ, & frustra doctis præscribuntur, utpote quibus ipsa natura, ingenium, & subiecta materia tales regulas facillimè suggerit. Num igitur plus subsidii sperandum à Regulis Clerici, quam à Locis Topicis generalibus Aristotelicis?

## §. 2.

### De Regulis Criticorum circa S. Scripturam.

POST Concilium Tridentinum, quod Vulgatam Hieronymi versionem declaravit authenticam, tres adornatæ sunt vulgati textus correctiones à Romanis Pontificibus, nempe à Sixto 5. Clemente 8. & Urbano 8. Regulæ Criticæ quibus Sixtus 5. & Clemens 8. uti sunt, in Bulla Sixti 5. videri possunt. Regulæ Urbani 8. reperiuntur in Præfat. Collat. context. Græci cum 22. Codd. MSS. Romæ 1673.

Sed nec his correctionibus contenti moderni Critici urgent non solum correctionem Vulgatæ, sed etiam novam versionem tam V. quam N. Testamenti. Operi tam vasto innumeris observationibus, & editione Bibliorum Polyglottorum veluti materiam ministrarunt. R. P. Simonius Presbyter Oratorii Berulliani in sua Historia Critica V. T. l. 3. tradit tres sequentes Regulæ, quibus versionem obtineri posse sperat omnium perfectissimam.

Regula 1. Versio fiat è textu Hebraico, utpote Originali, licet in pluribus locis corrupto. In hunc finem 1. diversæ hujus textus lectiones notentur in margine, meliore lectione in corpore contextus retenta; nec scrupulosè insistendum textui Masoretico, aut Criticæ veterum Judæorum. 2. Non confundantur diversæ interpretationes cum diversis lectionibus, aut hæc cum erroribus librorum; & in casu dubii nil statuatur pro certo, sed conjecturæ ratio reddatur. 3. Inquiratur diligenter, quid pertineat, quid non pertineat ad textum Hebraicum, ut interpreti relinquatur libertas mutandi id, quod textui Hebraico adjectum est, si meliorem sensum invenerit. 4. Liberum sit interpreti apponere sæpe alia puncta vocalia, & tribuere ampliorem significationem verbis Hebraicis, quam Christiani aut Rabbini solent tribuere. 5. Quod dictum est de punctis vocalibus, dicatur etiam de accentibus, qui locum tenent virgularum



rum & punctorum, partes discursus distinguendum, quando ex horum mutatione interpreti occurrit melior sensus. 6. Consultantur antiquæ versiones 70. Interpretum, & Vulgata in locis, in quibus textum Hebraicum corrigere poterunt; nec excludatur Exemplare Hebraicum Samaritanum in Pentateuchum, aut versiones Græcæ, Latinæ, Chaldaicæ, Syriacæ, Arabicæ, aut Commentarii Rabbiorum.

Regula 2. Habeatur perfecta cognitio linguæ, à qua versio sit. Cum autem pleraque verba Hebraica sint æquivoca; 1. Ponatur in corpore versionis ille sensus, qui videbitur melior; reliquis expositionibus in marginem rejectis. 2. Studium linguæ Hebraicæ instituatur alia methodo, quam quæ traditur in scholis & dictionariis. 3. Ut habeatur perfectior cognitio linguæ, consultantur veteres interpretes Græci, Judæi, Caraitæ seu Textuarii, qui insistant soli textui, rejectis traditionibus; & Rabbiniæ seu Thalmudici, qui præter textum recipiunt traditiones. His jungi possunt S. Hieronymus, & Masorethæ. 4. Assumentur in subsidium Concordantiæ Biblicæ, maxime Conradi Kircheri, in quibus uno quasi obtutu cernitur expositio, quam 70. Interpretes tribuunt verbis Hebraicis; & Concordantia Marii de Calasio, in qua cernitur differentia inter Vulgatam & 70. interpretes. 5. Adhibeantur antiquæ versiones, ut sciamus, quid approbatione temporum receptum sit; & peregrinæ linguæ, ut antiquæ versiones cum originali conferri possint.

Regula 3. Habeatur perfecta cognitio linguæ, in quam fit translatio. Sed 1. hæc cognitio non adstringatur certis subtilitatibus, quarum observantiâ necesse est obscurum reddi sensum Authoris; modo adhibeantur eæ expressiones, quæ Originale proximè assequuntur. 2. Interpres non alligetur ordini verborum, qui est in originali; alioquin ob anomaliam linguarum non poterunt vitari æquivocationes. 3. In casu dubii de significatione alicujus verbi de eo debet lector admoneri in margine. 4. In fine versionis addatur Dictionarium verborum obscurorum & difficultium; nomina animalium, plantarum, lapidum, instrumentorum &c. ipsis Judæis incognitorum post usum linguæ Hebraicæ. Si verbum fuerit omnino incognitum in corpore versionis retineri debet verbum Hebraicum textûs, conjecturis in Dictionarium rejectis. 5. Adjungantur tabulæ Geographica & Chronologica cum explicatione locorum difficultium.

Hæ Simonii Regulæ multas passæ sunt censuras, & reverà multis difficultatibus subjectæ sunt; aut enim ea, quæ Simonius exigit, non poterunt præstari ab ullo homine; aut si humano modo præstentur, non poterunt tollere radicem totius incertitudinis, nempe defectum sufficientium documentorum; hoc defectu permanente correctio versionis vulgatæ solum niti potest conjecturis, quæ licet quandoque etiam fortes sint, non sufficiunt ad introducendam tanti momenti mutationem circa id, quod traditum est. Accedit, quod hæ regulæ tantum libertatis re-

linquant interpreti, ut pronum sit, illum, maxime si præjudiciis & erroneis opinionibus imbutus est, nec ulla assistente providentia dirigatur, à sano harum regularum sensu & usu deflectere. Plura assert R. P. Honore in suis Reflexionibus Criticis.

Quod attinet ad expositionem Scripturæ, plures nobis Regulas reliquerunt SS. Patres, præsertim Hieronymus, & Augustinus, qui suas septem regulas de Doct. Christ, non dedignatus est Donatistis mutuari; omnes has SS. Patrum Regulas in unum collegit, assertque ducentas triginta quatuor. Sixtus Senensis in sua Bibliotheca l. 3. Artem interpretandi scripturam tradidit. Alphonsus Salmeron in suis Prolegomenis assert Canonem 150. Alii Interpretes pariter sibi suas Regulas statuerunt, & Recentiores plurima Prolegomena ac Introductiones in scripturam ediderunt; his tamen omnibus parum effectum est, cum ob universalitatem Regularum in applicatione plerumque interpretes dissentiant. Exempli tantum loco apponam aliquot Regulas 1717. Parisiis editas, quæ à Collectoribus Trevoltiensibus mire commendantur. Omnes hæ regulæ attingunt Vetus Testamentum.

Prima. In omnibus locis, in quibus Apostoli respexerunt ad Jesum Christum, oportet & nos respicere.

Secunda. Oportet semper eos textus referre ad Jesum Christum, in quibus certis characteribus sibi soli convenientibus designatur.

Tertia. Quando expressiones S. Scripturæ nimis sunt angustæ pro subjecta materia, quam videntur respicere, referendæ sunt ad objectum magis angustum.

Quarta. Reperiuntur textus, in quibus sensus propheticus est solus immediatus & literalis sensus.

Quinta. Promissiones, quarum objectum est temporale, haberi debent pro figura bonorum spiritualium.

Sexta. Quando in Scriptura reperiuntur res, quæ ut jacent, non videntur consentire cum nostra ratione, aut cum qualitate personarum ad eas res perficiendas concurrentium, debemus intelligere latere mysterium.

Septima. Reperiuntur in Scriptura adeo stupenda, & manifestè sapientia mysterium, ut se ipsis mentem ultra sensum simplicem historicum vocent.

Octava. Reperiuntur in Scriptura historiarum, quarum circumstantiæ aperte referuntur ad Jesum Christum, ut sine dubio eum repræsentent.

Nona. Lex, tabernaculum, sacrificia, sacerdotium, cæremoniæ Judaicæ sunt figura Jesu Christi.

Decima. Quando applicatio historiarum aut Prophetiarum ad Jesum Christum est simplex, connaturalis, facilis ac obvia, ita ut omnes partes ad unum scopum uniantur ac colligantur; stat pro illa applicatione præsumptio.

Undecima. Loca Scripturæ, ubi lex, circumcisio, templum, sacrificia, cæremoniæ, privilegia seminis Abrahamici, habitationis in



terra promissa & in Jerusalem non videntur habere sufficientem finem ac utilitatem, certò nos ducunt ad Jesum Christum, & justitiam Evangelii.

- 19 Duodecima. Certæ prædictiones Prophetarum sub iisdem terminis comprehendunt eventus diversissimos & ab invicem remotissimos.
- 20 Hæc Regulæ, utcumque bonæ sint, nil tamen extraordinarii subsidii hæcenus incogniti continent; earum probatio dependet à locis Scripturæ aliundè controversis; possemus iis carere, nisi in eas meritis modernorum Criticorum toties impegisset.

### §. III.

#### De Regulis Criticis Studium Conciliorum, Patrum, & Scriptorum Ecclesiasticorum concernentibus.

- 1 R. P. Mabillonius de Studiis Monasticis P. 2. C. 5. in lectione Conciliorum tria observari vult.
1. Habeatur Idea generalis rerum, quæ in Conciliis observari merentur.
  2. Sciatur exactè historia cujusvis Concilii, occasio, ob quam fuit coactum; hæreses in eo condemnatæ, personæ illustres assistentes, & successus subsequutus.
  3. Subjiciantur singulæ Concilii partes, tam ex, quæ dogmata, quàm illæ, quæ disciplinam concernunt, propriis observationibus ac reflexionibus.

- Idem C. 8. in lectione Patrum novem Regulæ præscribit.
1. Ante initium lectionis utile fuerit legere vitam Patris, ut cognoscatur illius ingenium, genius, character, actiones, & tempus, quo vixit.
  2. Secernantur ejus genuina opera à dubiis aut suppositis.
  3. Distinguantur tempora, quibus quodvis opus compositum est.
  4. Quando Pater de eodem objecto locutus est diversimodè, ultimæ ejus opinioni in hærendum est.
  5. De mente ac doctrina Patris judicium potius sumi debet ex illis locis, in quibus ex instituto examinat materiam, quàm ubi de ea agit incidenter.
  6. Non omnia cæcè ac indiscriminatum recipere convenit, quæ Pater docuit.
  7. Quando Pater sequitur opinionem non communem aliis Patribus, non debet illi adhiberi plena fides, nisi ejus opinio ab Ecclesia sit consecrata.
  - Quandocumque verò opinionem tantorum virorum dimittimus, cum reverentia dimittenda est.
  8. In operibus Polemicis solum attendere oportet ad scopum controversiæ, nec eos semper eoque sequi, quo calore disputationis nonnumquam abrepti sunt.
  9. Utile fuerit facere Analysin cujusque tractatus.

- 3 R. P. Thomæsius Presbyter Oratorii in Indiculo Instit. Theol. veterum Patrum Romæ 1701. observat.
1. Patres usos esse terminis in sensu à Scripturis usitato.
  2. Eos scribendo tam pro indoctis, quàm pro doctis usos esse modo loquendi vulgari, nec sollicitos fuisse de exacta significatione terminorum.
  3. Plerosque Patrum institutos in Philosophia Platonis usos esse modo loquendi Platonico.
  4. Ab iis, qui legere voluerint Patres, deponenda esse præjudicia Scholæ.

Plures similes observationes tradunt alii, quæ tamen videntur plerumque ultro occurrere parum attentis in ipso Patrum usu. Nonnulli etiam regulas de se lectu edicionum consecrerunt; sed jam constat, Parisienses studio ac labore Patrum à Congregatione S. Mauri editas reliquis palmam præripere: Editæ enim sunt à viris doctis, indefessis, ad plurima Manuscripta revisæ ac correctæ, & denique Notis, Scholiis, ac Observationibus illustratæ.

Qui de Locis Theologicis scripserunt, Canones de autoritate Patrum ediderunt; plerique consensum Patrum in re dogmatica pro regula infallibili assumunt; in calu, quo Patres sibi invicem contradicunt, relinquunt cuiusvis sentiendi libertatem; in quæstionibus facti minorem illis fidem tribuunt; antiquiores volunt præferri recentioribus &c.

### §. IV.

#### De Regulis Criticorum in Historiis.

Launoyus in speciali tractatu hanc Regulam statuit: Ut nullum factum extraordinarium recipiatur sine testimonio Scriptoris coævi, aut proximè coævi.

Idem in Dissert. de Sulp. Severo tres alias regulas profert de Traditionibus. Prima est; ut de eo, quod in traditione positum dicitur, diversis temporibus & locis scriptum sit à pluribus exploratæ fidei viris, qui producantur in testes.

Secunda. Ut Scriptores illi, nisi verbis omnibus, ac cerè sensu convenient in testimonio, quod de re, quæ accepta per traditionem creditur, perhibent.

Tertia. Ut iidem Scriptores ad rei gestæ originem, quæ veritatis caput est, continua serie deducantur.

R. P. Honore ex operibus modernorum Criticorum in ordine ad Historiam varias collegit regulas.

1. Magna debetur veneratio antiquis Scriptoribus Ecclesiasticis, eorumque testimonia cum reverentia recipi debent.
2. Nunquam debemus recedere à testimonio Veterum, nisi cogamur urgentibus rationibus.
3. Testimonia veterum eludi non debent responsis parum solidis, nec eorum autoritas minui.
4. Non debemus recedere ab autoritate Patrum ex ductu Hæreticorum in quæstionibus facti, maxime quando factum attingit Religionem.
5. Non debemus Scriptoribus Ecclesiasticis affingere opiniones, quas non tenuerunt.
6. Non debemus dissimulare veras authorum opiniones.
7. Authores faventes non nimis extollantur, nec oppositi nimis deprimantur.
8. Idem textus authoris non recipiatur in uno loco, in alio rejiciatur. Nihil his regulis evidentius ac notius.

Cum historiæ nitantur genuinis documentis, etiam de suppositione operum tradendæ erant regulæ. Scultetus à Sixto Sen. Bibl. l. 4. tria suppositionem probare ait: Stylum, subjectam materiam, tempus. Mabillonius de qua-



tuor principiis suppositionem operum infert. 1. à manuscriptis. 2. à diversitate styli. 3. à testimonio Authorum. 4. à factis narratis in opere.

7 Author Problematis de S. Dionysii Areopagitarum operibus quinque affert regulas. 1. Quando liber tribuitur Authori ex fide monumentorum incertorum aut evidenter falsorum, habetur ferè infallibile suppositionis signum. 2. Quando liber non potest Authori tribui, quin concedantur multæ inconvenientiæ, habetur signum probabile suppositionis; & si omnes inconvenientiæ sumantur simul, habetur signum moraliter infallibile. 3. Quando Scriptores Apologetici inter se non conveniunt, sed sibi invicem contradicunt in præcipuis capitibus & circumstantiis circa librum & Authorem illius, habetur signum suppositionis. 4. Quando ex omnibus apologiis ne unica quidem fundat probabilitatem pro auctoritate libri defendendi. 5. Quando ex omnibus Apologiis sive simul sive seorsim sumptis non potest conflare unum systema, quod cum Chronologia Authoris consentiat.

8 Conjecturæ magnum in Historicis locum occupant, circa has statuuntur à diversis sequentia: 1. Factum sine testimonio Scriptoris coævi aut proximè coævi recipiendum non est. 2. Historia, cujus testimonium repetitur primitus à libro supposito aut apocrypho, pro falsa aut certè dubia haberi debet. 3. Historia, in qua reperiuntur res manifestè fabulosæ, habenda pro falsa. 4. Factum, quod repugnat Chronologiæ, aut continet res repugnantes tempori, loco, personis, aut historiis aliundè certis, rejiciendum est. 5. Historia, cujus Scriptores sibi non consentiunt, diversimodè referendo eandem rem, habenda est pro fictitia.

9 Arnaldus Dissert. de Hegesippo sequentes leges constituit:

1. Quando constat aliundè de veritate facti, parùm curari debent objectiones; sufficiant solutiones probabiles, & possibiles, quin necesse sit earum rerum veritatem probare, quæ in solutionibus asseruntur.

10 2. Quando aliundè non certò constat de veritate facti, ad objectiones convenienter cum probatione solutionis responderi debet: nec sufficit generatim respondere; multas veritates impugnari objectionibus, quæ difficulter solvi possunt.

11 3. Id, quod in Jure vocatur Præsumptio, non confundatur cum Veritate. Quando id, quod dico, habet majorem verosimilitudinem, quam assertio adversarii, stat pro me præsumptio; sed per hoc nondum certum est, veritatem stare ex meis partibus: hoc solum refero commodum, ut onus probandi rejiciatur in adversarium.

12 4. Quando factum nititur testimonio Authoris coævi; & testimonio alterius, qui primùm scripsit post centum annos; præsumptio stat pro authore coævo; nec nisi sine urgentibus rationibus testimonium posterioris præferri potest.

5. Solis Scriptoribus Canonicis hoc tribuamus, quòd nec falli potuerint, nec fallere. Reliquis Scriptoribus, quantumcunque sanctis & doctis nulla lege fidem debemus, Aug.

6. Quando asseritur quid novum, extraordinarium, parùm credibile, & ab uno solo Authore in loco, in quo manifestè errat; tunc asserenti, non neganti incumbit probatio.

7. Non est credibile hominem adeò recessisse à regulis rectæ rationis, ut ejus modus agendi sit sine exemplo nisi insipientium. Si quid tale proin reperitur in historia, non potest non haberi pro fabulosa.

Ad demonstrandam certitudinem facti antiqui, ab Angelo quodam requiruntur quatuor sequentes conditiones. 1. Ut factum cadat sub sensus. 2. Sit publicum. 3. Extent monumenta aut cæremoniæ in memoriam facti. 4. Monumenta jam sint erecta tempore facti.

Du Pinus circa argumentum negativum, petitum ex silentio Authorum statuit tres sequentes Regulas. 1. Quando integrum opus antiquo adscriptum reperitur incognitum toti antiquitati; Quando illi, qui conscripserunt catalogum de operibus Authoris, nullam de quopiam opere mentionem fecerunt; aut quando opus Catholicis favorabile non fuit allegatum ab iis, qui data occasione illud potuissent, & debuissent allegare, probabilissimum est, opus esse supposititium. 2. Quando opus ab antiquis non fuit allegatum, eo ipso redditur dubium, nisi aliundè habeat authentica antiquitatis testimonia. 3. Si verò non habeat talia antiquitatis testimonia; & accedunt conjecturæ contra antiquitatem cum silentio antiquorum, certum est, librum esse suppositum.

Idem Hist. Eccles. l. 1. p. 2. C. 5. q. 3. dicit in historia Ecclesiastica consulendos antiquos Scriptores, qui præcipuè veritatem amârunt, & eam per traditionem didicerunt. Quando tales Scriptores omnes inter se conveniunt, historia pro certa haberi debet. Quando historia nititur assertionem solum unius scriptoris, debet haberi pro verosimili; Quando autem Authores sibi contradicunt, eligi poterit, quod verius videbitur.

Nonnumquam moderni recipiunt aut rejiciunt historiam, quòd videatur ipsis conveniens, aut inconveniens, possibilis, aut impossibilis, verosimilis, aut non verosimilis.

Quando historia continet aliundè fabulosa, improbabilia, aut non verosimilia, ea communiter à modernis rejicitur.

Quando Tituli, Inscriptiones, & Subscriptiones coævæ non conveniunt cum historia, ea à modernis rejicitur; quando verò historia solum passa est aliquas additiones recentiores, nolunt auctoritatem historiarum imminui.

Sæpe rejicitur historia ob multas conjecturas simul sumptas. v. g. 1. Quòd non nitatur testimonio Authoris antiqui. Quòd desumpta sit à libris supposititiis. 3. Quòd contineat fabulosa. 4. Quòd repugnet Chronologiæ. 5. Quòd contineat  
Hh h h 3 circum-



circumstantias parùm convenientes loco, tempori, & qualitati personarum. 6. Quod diversimodè narretur à Scriptoribus.

23 Du Pinus pro suprema Regula ponit Judicium æquitatis & prudentiæ, quo ponderantur rationes.

24 Pro discernendis Actis Martyrum ponuntur sequentes regulæ. 1. Acta Martyrum, quò sunt succinctiora, & simpliciora, eò sunt meliora. 2. Acta sincera antiquorum Martyrum ordinariè referunt pauca miracula & prodigia. 3. Acta authentica Sanctorum continent paucas Oratiunculas, allocutiones & colloquia. 4. Acta sincera primorum Martyrum non continent multa tormenta extraordinaria. 5. Verba contumeliosa, parùm sanctos decet, arguunt actorum suppositionem.

25 Quidam insuper suppositionis arguunt ea Acta. 1. In quibus sunt magna promissa à Gentilibus facta iis, qui deserta fide Idola colerent. 2. In quibus fit mentio edictorum contra Christianos sub Imperatoribus Trajano, Antonino, & M. Aurelio. 3. In quibus persecutiones Decii & Valeriani simul junguntur.

26 Denique Tillemontius vult, ut ex lectione Actorum authenticorum quis acquirat gustum discernendi sincera à non sinceris, ad quem acquirendum multum conducit notitia historiæ, styli, & disciplinæ cujusvis sæculi.

27 Circa omnes has Regulas cum R. P. Honoré observo, plerasque non procedere universaliter, sed ordinariè tantum, ut proin solam præsumptionem, non certitudinem pariant; multæ verò ne quidem ordinariè procedunt, quia sæpius fallunt, quàm non fallunt. Revera historiæ plerumque dependent à tot circumstantiis particularibus, ut inutiles fiant regulæ generales, solum in tot circumstantiis consuli possunt Leges Contingentium; his solis invenitur, quid regulariter soleat fieri; quid non soleat fieri; quid soleat communiter esse conjunctum cum veritate historiæ, quid non soleat esse conjunctum.

### §. 5.

#### De Regulis collectis à R. P. Honoré pro Emendatione Artis Criticæ.

1 Circa factum historicum ponit quinque regulas. 1. Exponatur species facti distinctè. 2. Factum probetur testimonio Authorum coævorum, aut proximè coævorum. 3. Testimonia antiquorum non sint desumpta ex operibus suppositis, dubiis, suspectis, aut talibus, ex quibus æquè pro parte opposita testimonia proferri possint. 4. Testimonia antiquorum sint clara, distincta, ac formalia. 5. Factum probetur insuper ratione & conjecturis.

2 Duobus Criticorum principiis Autoritati & Rationi addi vult tertium, nempe Traditionem ac Praxin Ecclesiæ universalis, quæ semper fundat præsumptionem. Nonnunquam vult etiam attendi ad traditionem Ecclesiæ particularis, Provinciæ, aut Regni.

Circa autoritatem Scriptorum Ecclesiasticorum optat confici tabulam Authorum in tres Classes divisam. In Prima sint libri certò genuini. In secunda sint libri certò suppositi. In Tertia sint dubii. Dein statuit regulas sequentes.

Prima. Factum celebre & illustre innixum testimonio Authoris coævi, nec continens incredibilia, pro certò haberi debet; debet verò Author esse fide dignus.

Secunda. Quando factum non est publicum, nec tamen continet quid fabulosum; sed contigit in provincia Authoris, pro verosimili haberi debet; maxime si traditum sit à testibus oculatis aut coævis.

Tertia. Etsi historia sit à paucis cognita, aliquantum extraordinaria, vestita circumstantiis non omnino incredibilibus, & gesta in terris remotis, non tamen rejici debet sine probationibus convincentibus, si falsitas talis historiæ à Scriptoribus coævis demonstrari potuisset.

Quarta. Testimonium Authoris nimis creduli, assueti fabulis, & exigui judicii non videtur rejiciendum, si testetur se rem gestam vidisse, aut à fide dignis vel coævis accepisse: maxime si res gesta sit publica, & illustris, si nihil contineat, quod non sit verosimile; si contigit in provincia Authoris, nec ejus falsitas aliundè demonstrari possit. Si verò talis Author recenseat facta paucis cognita, parùm probabilia, & in regionibus exteris gesta, sine examine recipi non debent, licet Author dicat se testem oculatum, aut rem à fide dignis percepisse.

Quinta. Testimonium Authoris antiquioris recentiori, conprovincialis peregrino semper præferri debet.

Sexta. Quando Author non addit, ex quo fonte suum testimonium hauserit, ad ejus qualitatem attendi debet.

Libros suppositos distinguit in tres Classes: In Prima sunt, qui scatent fabulis; his adimit omnem autoritatem. In Secunda sunt, in quibus sunt immixti errores; nec hos citari consultum dicit. In Tertia sunt, qui nihil erroneum continent; non tamen sunt illius Authoris; quem præferunt, sed alterius. Hos citare fas esto. Si liber apocryphus citetur à Concilio œcumenico, quoad illum saltem textum, qui citatur, obtinebit autoritatem.

Ad discernendos gradus autoritatis ponit sequentes regulas. 1. Quando unius testimonio contradicunt plures ejusdem cum illo autoritatis, standum est testimonio plurium. 2. Quando unus vel alter testatur de facto, reliquis tenentibus silentium; tunc asserenti, non silenti credendum est. 3. Quando diversi Authores eandem rem diversimodè referunt, credendum potius liberis, nec ulla manifesta passione affectis. 4. Quando diversi Authores sentiunt diversimodè, licet sequi, quem volueris. 5. Licet eundem Authorem in uno loco recipere, in alio rejicere, quando cogit fortior autoritas. 6. Casu, quo conjecturæ æqualiter in utramque partem militant, standum est potius testimonio Authoris antiqui, quàm moderni; membri Ecclesiæ, quàm extranei; Patrum & Doctorum Ecclesiæ.



fit, quàm aliorum, quibus nulla ab Ecclesia defertur veneratio.

2. Ut possimus ferre iudicium de qualitate Authoris, vult nos ad quinque conditiones attendere.
1. Ad accurationem, discretionem, soliditatem, & iudicium relucens ex operibus.
  2. Considerandum, an sit nimis credulus; an ostendat modestiam, ac moderationem, nil asserendo sine examine.
  3. Attendendum ad modum se explicandi; an se explicet in terminis formalibus sine ambiguitate: an fortè non destruat in uno loco, quod in alio adstruit: an loquatur tantum incidenter, aut rem ex instituto examinando.
  4. An passio, proprium commodum, præjudicia, calor disputationis &c. nullam scribendi occasionem dederint.
  5. An comprehendat materiam; an habeat occasionem ac dispositionem ad errandum.

Pro conjecturis sequentes Gradus probabilitatis affert.

1. Probabilitas facti eò major est, quo motiva sunt magis solida ac rationi conformia.
2. Motivum eò conformius est rationi, quò à majori numero Doctorum ut tale agnoscitur.
3. Factum est eò prababilius, quanto conjectura, cui factum innititur, recipitur à pluribus doctis: hinc ista probabilitas facti, sicut & æstimatio Doctorum, successu temporum mutari potest.
4. Factum, quod nullo rationabili motivo nititur, pro non probabili haberi potest.
5. Ut sciatur, an motivum sit rationale, examinari debet, quid de illo communiter sentiant Doctores, ac docti; nec sufficit, quod quis iudicet, id suæ propriæ rationi conforme esse.
6. Ut factum sit certò probabile, requiritur, ut motivum sit positivè rationale; non tantum negative, quatenus nil affertur in contrarium.
7. Factum non debet censei probabile, quando pro parte opposita stat moralis certitudo.
8. Autoritas cedat rationi, quando Docti certi sunt Authorem errasse; quando verò Author non potest convinci erroris, nec ei opponitur alia autoritas, ratio cedat authoritati.
9. Quando factum nititur motivo & conjectura rationabili, ejus probabilitas non potest rejici responsis generalibus, dicendo: apparenter rem potuisse non contigisse; timendum esse, ne falsa sint enarrata; dubitari posse, an factum nitatur documentis authenticis &c. Sed requiruntur responsa positiva, quibus adstruatur in oppositum æqualis probabilitas.
10. Cum conjecturæ facilè sint subjectæ deceptioni, moderatus Criticus nunquam recedat à via communi, nisi cogatur veritate.

14. Pro Criterio traditionum proponit regulas Dupini, quæ potissimum attingunt traditiones Apostolicas.
1. Certum sit, omnes Ecclesias primis sæculis in puncto traditionis convenisse.
  2. Antiquos Patres de eo testari.
  3. Ut nec initium, nec institutio à temporibus Apostolorum uspiam reperiatur.
  4. Ut non reperiatur usus contrarius in scriptis antiquorum Patrum.

15. Pro Traditionibus historicis R. P. Honoré sequentes tradit regulas:

Prima. Requiritur, ut praxis vel historia, quæ proponitur, nil contineat vani, superstitiosi, inutilis.

Secunda. Debet posse præsumi, Ecclesiam, Episcopos, & primos, qui rem traditam receperunt, eam non recepisse sine fundamento, licet nobis incognito.

Tertia. Examinandum, an sit locus dubitandi de veritate rei traditæ; Si sit locus dubitandi, requiruntur probationes claræ, certæ, & evidentes ad demonstrandam fallitatem rei traditæ.

Quarta. Res tradita nil contineat indecens, ridiculum, improbabile, manifestè fabulosum, aut incredibile.

Quinta. Traditio nihil contineat repugnans usui temporum, & qualitati personarum, à quibus promanavit traditio.

Sexta. Traditio non sit impugnata ab Authoribus coævis, aut aliis, quorum autoritas nos de fallitate traditionis persuadere posset.

Septima. Observandum, an non reperiatur contradictio in substantia traditionis; an verò solum aliquæ circumstantiæ cum facto principali non consentiant.

Octava. Requiritur, ut convenienter possit responderi objectionibus.

Nona. Quando traditio non foret in omnibus conformis his regulis, non deberet supprimi, si ejus suppressio causaret majus scandalum, quàm ejus tolerantia.

In Tomo Secundo suarum Reflexionum Criticarum videtur primas quatuor Regulas paululum immutasse: eas enim sic reddidit.

1. Nulla Traditio sine convenienti probatione recipiatur.
2. Pias opiniones nil contineant fabulosi, ridiculi, impossibilis, superstitiosi.
3. Rationabiliter præsumi potest Ecclesiam, Episcopos, & alios, qui primitus pias traditiones receperunt, id non sine fundamento fecisse, licet nobis incognito.
4. Examinandum, an sit locus dubitandi de veritate facti; sed ut liceat dubitare de traditione jam recepta, requiruntur claræ probationes, quibus demonstretur ejus falsitas. Factum nunquam debet credi ex eo præcisè, quod possit esse verum; neque etiam debet propterea revocari in dubium, quòd possit esse falsum.

En Regulas Criticæ emendatæ! at fortè etiam hæ aut sunt in omnem partem nimis versatiles, aut certè non satisfaciunt illorum Criticorum desiderio, qui cupiunt, maxime in Historia Ecclesiastica, posteritati solum documenta authentica relinquere. Cum enim multæ traditiones falsæ eisdem veritatis characteres habeant, quos habent aliquæ traditiones veræ; non poterunt hæ retineri, quin retineantur illæ; nec illæ poterunt rejici, quin rejiciantur istæ. Critici, qui nullam historiam aut traditionem sine characterè evidentie recipere volunt, ne cogantur cum aliis traditionibus solum probabilibus veris etiam recipere multas falsas æquè nonnumquam probabiles, rejiciendas veras cum falsis existimant,



mant, quando discerni non possunt. R. P. Honoré videtur suis regulis efficere, ut cum traditionibus probabilibus veris necessario retineantur multæ falsæ. Utrum horum Ecclesiæ optabilius futurum sit, solius Ecclesiæ judicio relinquam.

## §. 6.

## Regula de antiquitate librorum &amp; Manuscriptorum.

**L**ibri impressi nulli reperiuntur ante annum 1450. quia ante illum annum nondum inventa erat ars Typographica. Reperi quidem in Bibliothecâ Republicæ Augustanæ Codicem impressum, cui ab inventore artis Typographicæ appressus est annus 1440. sed conjicio, id vel lusum esse manus secundæ; vel inventorem eo denotare voluisse, se jam anno 1440. habuisse prima consilia excolendi hanc artem. Addo, inter libros impressos paucos omnino reperi inlignitos anno, ante annum 1470.

2. Codices Manuscripti papyracei nulli omnino reperiuntur ante annum 1350. & paucissimi tantum ante annum 1400. Inter plura talium Manuscriptorum millia, quæ lustravi vix viginti reperi scriptos ante annum 1400. ultimum ac vetustissimum vidi Ratisbonæ in Bibliotheca PP. Dominicanorum, quod habuit annum 1368. & ex Archivio Ecclesiæ Collegiatæ ad S. Petrum Monachii vidi Schedulam papyraceam scriptam anno 1357. Ex hoc colligo, papyrum communiter nunc usitatam ante annum 1350. nondum fuisse inventam. Addo, papyrum ab anno 1350. usque ad annum 1400. ex ipsa forma prodere suam antiquitatem, ut à peritis facile discerni possit. Est enim densa, crassa, & perpetuis surculis instar linearum distincta; hi surculi communiter non amplius reperiuntur post annum 1400. ex hoc enim

tempore facta est planior, quamvis æquè densa ac crassa ac prius.

3. Manuscripta, in quibus supra jota reperiuntur puncta, præsumuntur esse scripta sæculo decimo quinto, quia ante annum 1400. nullalia reperiuntur puncta, sed tantum virgulæ longiores, hoc modo: *inimicus*. Imò vero initio sæculi 15. solebant poni tantum contractiones virgulæ, ac dein circa annum 1420. usque 1450. immisceri lineolis puncta; donec tandem circa annum 1460. mera puncta fieri consueverint.

4. Manuscripta, in quibus supra jota reperiuntur virgulæ seu lineolæ, non præsumuntur esse scripta ante annum 1250. seu medium sæculi decimi tertii; quia nullum reperi Codicem antea scriptum similibus virgulis insignitum. Ante annum enim 1250. supra jota nec puncta ponebantur, nec virgulæ, sed nihil prorsus, post annum 1250. usque ad annum 1300. non nunquam reperiuntur tales virgulæ, sed raræ tamen, sic ut librarii tria aut quatuor jota sine virgula transierint, donec iterum unum insignierint.

5. Codices Manuscripti, in quibus sunt frequentes abbreviationes, non præsumuntur esse scripti ante sæculum 15. quia hic modus scribendi primum invaluit, postquam papyrus cœpit fieri communior.

6. Codices sæculi 13. & 12. sæculi sunt tenuis calami, & elegantis characteris; sed Codices sæculi 11. & 10. sunt crassioris calami plerumque.

7. Codices sæculi 9. & 8. habent litteras alphabeticas formæ crassæ, & flammeæ; ubi videlicet ductus non sunt recti, sed irregulares, & valde crassi.

Plura dabit experienti, & orthographia temporum.

## PARS QUINTA.

## Principia &amp; exempla Artis Criticæ ex SS. Patribus.

## §. 1.

## Regula Generales.

**N**ihil temerè sine prævio examine admitendum est; id est, nihil credendum est absque ratione, aut autoritate sufficiente. Tertullianus L. 5. adversus Marcionem. C. 1. Nihil interim credam, nisi nihil temerè credendum. Temerè porro creditur, quod sine originis agnitione creditur. Quamobrem Pontice, edas nobis velim, quo symbolo susceperis, Apostolum Paulum, quem in Albo Apostolorum apud Evangelistas non deprehendo? quis illum tituli characterē percussit, quis transmisit tibi? ipse se, inquit, Apostolum est professus. Planè profiteri semetipsum quivis pot-

est. Verum professio ejus alterius autoritate conficitur; alius scribit, alius subscribit, alius obsignat alius actis refert. Nemo sibi Professor & testis est proba, quæ credis. S. Ambrosius L. 3. Epist. 19. loquens de Hæreticis ad fidem conversis, ait: difficile imbuti animi infidelitatis venenis abolere possunt impietatis sue glutinum; sitamen in iis virus infaustum inoleverit: nec facile iis credendum putes, nervi enim sunt, & quidam artus sapientiæ, non temerè credere, maxime in causa fidei. Huc pertinet, quod D. Augustinus refert, nec improbat Juliani Pelagiani dictum: Non numerandas, sed ponderandas esse sententias; nec ad aliquid interveniendum quidquam multitudinem prodelle cæcorum. L. 2. cont. Jul. Gregorius Nyssenus laudat Harmonium Episcopum, quod nihil



à seductum absque excussione atque examinatione admiserit. Ep. ad Harm. Similiter D. Hieronymus laudans Paulam Romanam ait: Cùm Romæ essem, nunquam tam fastida me vidit, ut non de scripturis aliquid interrogaret. Neque verò more Pythagorico quidquid responderam, rectum putabat, nec sine ratione præjudicata apud eam valebat autoritas, sed examinabat omnia, & sagaci mente universa pensabat, ut me sentirem non tam discipulam habere, quàm judicem. In Proœm. Epist. ad Gal. Econtrà Lactantius l. 5. Instit. C. 20. Gentiles reprehendens dicit: Inhærentes persuasioni vulgari libenter errant; & stultitiæ suæ favent à quibus si persuasionis suæ rationem requiras, nullam possunt reddere, sed ad majorem judicia confugiant, quod illi sapientes fuerint, illi probaverint, illi scierint, quid esset optimum; seque ipsos sensibus spoliant, ratione abdiciant, dum alienis erroribus credunt.

*Regula 2. Nihil in re dubia asserendum est.* Hieronymus Epist. 132. ad Vitalem. In rebus obscuris diversis ponimus opiniones. Idem in C. 12. Danielis, nolens quemquam insistere expositionibus Scripturæ dubis ait: dimittat dubia, & in manifestis hæreat. Idem in C. 2. Osee. Prudens lector attendat, ut si non veritatem, quod difficillimum est, saltem suspicionem verosimilium investigare valeamus. S. Augustinus in Enchiridio C. 56. Quis explicet, cum qualibus corporibus apparuerint Angeli. Cùm ista quærentur, & ea, sicut quisque potest, conjectat, non inutiliter exercentur ingenia, si adhibeatur disceptatio moderata, & absit error opinantium se scire, quod nesciunt, quid enim opus est, ut hæc atque hujusmodi affirmentur vel negentur, vel definiantur cum discrimine, quando sine crimine nesciuntur? Idem l. 7. C. 1. de Genesi ad litt. Rectè est autem veraciter atque congruenter, nihil audaciter refellendo, nihil temerè affirmando, dum adhuc dubium est, verum falsumve sit, sive fidei, sive scientiæ Christianæ: quod autem doceri potest vel rerum ratione apertissima, vel scripturarum autoritate certissima, sine cunctatione asserendo. Et C. 28. Cætera, quæ in hoc libro disputando locutus sum, ad hoc valeant legenti, ut aut noverit, quemadmodum sine affirmandi temeritate quærenda sint, quæ non aperte scriptura loquitur; aut si ei iste quærendi modus non placet, quemadmodum ipse quæverim sciat, ut si me potest docere, non abnuat, si autem non potest, à quo ambo discamus, mecum requirat. Et l. 8. C. 5. Erunt, qui ipsam omnino animam esse corpoream pronuntiare non dubitent, cum quibus ego de tam magna quæstione nulla temeritate confingo. Melius est enim dubitare de occultis, quàm litigare de incertis. Et l. 12. C. 1. Undecim libris sive asserendo atque defendendo, quæ certa nobis sunt, sive inquirendo & ambigendo de incertis differimus, non tam præscribentes in rebus obiculis unicuique quid sentiat, quàm nos docendos, in quibus dubitavimus, ostendentes, temeritatemque affirmandi amoventes à lectore ubi non valimus præbere sententiæ firmitatem.

Cyrillus Alexandrinus contra Anthropomorphitas C. 2. Subtiles hujusmodi, neque admodum tritæ quæstiones non tam demonstratione dogmatica, quàm dubitatione & discussione conjecturali indi-

gent; neque committendum est, ut sermo in ea, quæ parum consentanea sunt, prolatur, aut à veritate aberret. Scriptum est enim: Quærens quære, & juxta me habita. Quod verò ipsa Sacra Scriptura aperte non dixit, quo pacto quisquam aperte declaravit? cujus generis censeo esse, quod scriptum est: Fecit Deus cælum & terram. Quod fecerit, scriptura dicit, & fide complectimur: quomodo autem cælum fecerit; curiosius indagare, noxâ non vacat. Altioribus enim & abditioribus mentem immergere non oportet. Quæcunque igitur Sacra Scriptura aperte non dicit, latere oportet, & silentio præterire. Si autem ratiocinatione & conjectura ad veritatem contendendum est, dicimus, &c. Theodoretus quæst. 60. in Genesin. Quidam dicunt, ab Heber Hebraicam linguam dictam esse. Ego verò puto, ex eo Hebræos dictos esse, quod Abraham Euphratem pertransiit; Hebræ enim idem Syrorum lingua dicitur quod Euphrates. Sed de hoc contendere superfluum est; nullum enim ex verbo pietati detrimentum accedit, sive hoc, sive illud recipiamus.

*Regula 3. Dubia semper tanquam dubia proponenda ac recipienda sunt.* Hanc regulam constanter eo modo, quo Criticum decet, observat Epiphanius. Hæresi 27. fatetur, se id, quod de quadam Marcellina narrat, tantum habere ex famâ. Idem fatetur hæ. 28. de Merinthianorum appellatione. Hæ. 29. ait: Nazaræi post hos sequuntur, qui simul cum illis fuerunt, aut etiam ante ipsos. neque enim exactè dicere possum, qui alteris successerint. Hæ. 30. Hic puer fortassis, ut puto, Judas vocabatur; non tamen certò scio propter tempus. Hæ. 31. Ad nos per auditum fama quædam pervenit; quare non præteribimus, ut ne etiam hujus natalem locum indicemus. In ambiguo quidem est, an vera dicturi simus; tamen famam ad nos perlatam silentio non præteribimus. Dicunt enim ipsum fuisse Phrebonitem. Hæ. 39. Arbitror me in Ægypto in hanc hæresin incidisse: non enim exactè memini regionis, in quo cum ipsis congressus sum.

*Regula 4. In quovis doctrina systemate tantum opus est examinari ac probari primaria doctrina capita; reliqua recipienda sunt sub spe parisi certitudinis.*

*Regula 5. Ab initio credendum, quos quis probat, peritis sub spe scientiæ.* Eusebius l. 1. præparat. evang. C. 5. Quid attinet hoc loco pluribus id conari, ut non inconsideratæ cuidam ac temerariæ fidei, sed consilii utilitatisque plenis rationibus, quæque veræ pietatis formam atque institutum complectantur, nos ipsos addixisse ostendamus. Equidem universos, qui vim ac momenta rationum assequi possunt, adhortamur, ut, quas accipiunt dogmatum nostrorum demonstrationes, attentius ac subtilius examinent. Sed quoniam omnium ea facultas & solertia non est, & tam amans sit hominum Deus, ut neminem repudiet, sed cuilibet sanando congruam adhibeat medicinam, adeoque imperitos & idiotas ad levioris curationis rationem invitet, mulieres, pueros, vulgariūque hominum multitudinem manducantes, sanam fidem tanquam medicamentum adhibemus, iisque cogitationem de Divina Providentia, immortalitate animarum, & vitæ norma cogitationem inserimus. Quid autem? an non eos etiam videmus, qui curandis corporum



ægotationibus operam scienter navant, quæcunque ad exquisitam Medicinæ artis cognitionem pertinent, longo usu atque multa doctrina perdiscere, omniaque ratione tractare. Qui verò ad eisdem curandæ gratia valetudinis accesserint, illos fidei cuidam exitusque latioris expectationi sese ita permittere, ut cum ex istius scientiæ præceptis intelligere accuratè nihil possint, sola spe ac fide salventur. Ac peritissimus quidem Medicus in medium prodiens, quid aut cavere aut facere oporteat, sic tanquam princeps ac dominus aliquis scienter præcipit. Ægrotus autem ipsi perinde ac Regi & Legislatori obsequitur, quod sibi, quidquid ab eo præceptum fuerit, utile quoque futurum putet. Ita discipuli cujusvis doctrinæ præcepta à magistris excipiunt, quod ab illis didicerint, id sibi expedire rati. Immo verò ne ipsius quidem Philosophiæ partem ullam quisquam attingeret, nisi ejus professionem usui autè sibi fore crederet. Atque ita factum videmus, ut alius ad Platonis, alius ad Aristotelis, vel Stoicorum disciplinam conferret, sic ut singuli quidquid probarent, id fide quadam, speque meliori tanquam sibi profuturum amarent, atque retinerent. Sic artes eas, quæ mediæ nominantur, homines persecuti sunt; & alii quidem militari rei se dedere, mercaturam alii factitare maluerunt, ea nimirum fide & persuasionem multò antè adducti, quod ejusmodi vitæ ratio plurimum sibi ad eam tuendam opis esset allatura. Quid aliud manibus oculisque tenemus, quàm vitam hominum universam ex duabus hisce rebus spe nimirum fideque suspensam teneri? quid ergo causæ est, quod ad eò mireris, quibus non vacat omnia sigillatim ac subtilius addicere, illis Divina hæc fidei manu tradi; aliis verò licere ipsas etiam investigare rationes, & eorum, quæ asseruntur, demonstrationes indagare? S. Hilarium l. 1. de Trinit. Hanc Divini Sacramenti doctrinam mens læta suscepit, & hæc omnia ultra humanæ intelligentiæ sensum metiens Dei virtutes non sensu, sed fidei infinitate pendebat, ut Deum in principio apud Deum esse, & Verbum carnè factum esse non idcirco non crederet, quia non intelligeret, sed idcirco meminisset se intelligere posse, si crederet. S. Augustinus l. de quantitate animæ C. 7. Hoc initio te admonui, ut patienter ferres circuitum nostrum, non levis res quæ quæritur, non facilis ad cognoscendum. Aliud est enim, cum authoritati credimus, aliud cum rationi. Authoritati credere magnum compendium est, & nullus labor. Quod si te delectat, poteris multa legere, quæ magni & divini viri de his rebus necessaria imperitioribus locuti sunt, credique sibi voluerunt ab iis, quorum animis vel tardioribus, vel impicationibus alia salus esse non poterit. tales enim homines, quorum profecto maxima multitudo est, si ratione velint verum deprehendere, similitudinibus rationum facillimè decipiuntur, & in varias noxiasque opiniones ita labuntur, ut emergere inde ac liberari aut nunquam aut ægerrimè queant. His ergo utilissimum est, excellentissimæ authoritati credere, & secundum hoc agere vitam. Quod si tutius putas, non solum nihil resisto, sed etiam multum approbo. Si autem cupiditatem istam refrænare non potes, qua tibi persuasisti, ratione pervenire ad veritatem, multi & longi circuitus tibi tolerandi sunt, ut non ratio te adducat, nisi ea, quæ

sola ratio dicenda est, id est, vera ratio, & non solum vera, sed ita certa, & ab omni similitudine falsitatis aliena, si tamen ullo modo hæc ab homine inveniri potest, ut nullæ disputationes falsæ aut verisimiles ab ea te possint traducere.

*Regula 6. Nec ratio certa authoritati, ac claro textus, nec authoritas certa rationi obijcienda est.* S. Augustinus Epist. 7. ad Marcellinum. Quia hoc me facere compellit de animæ exortu caliginosissimæ quæstionis obscuritas, manum potius porrigant confitenti, & quidquid illud est, nosse cupienti, & doceant, si possunt, vel ostendant, si quid de hac re vel certa ratione didicerunt, vel apertissimo divino eloquio crediderunt. Si enim ratio contra Divinarum Scripturarum authoritatem redditur, quamlibet acuta sit, fallit verisimilitudine: nam vera esse non potest. Rursus si manifestissimæ, certæ quærationi velut Scripturarum Sanctarum obijcitur authoritas, non intelligit, qui hoc facit, & non Scripturarum illarum sensum, quem non intelligit, sed suum potius obijcit veritati.

*Regula 7. Ratio est omni humane authoritati præferenda.* S. Augustinus l. 5. de Musica C. 5. Ideo quoque rectissimum judico, sed non facile ista populo persuadentur: tanta est enim vis consuetudinis, ut ea inveterata, si falsa opinione genita est, nihil sit inimiciorum veritati. Pudet imbecillitatis, cum rationi roborandæ hominum authoritas quæritur, cum ipsius rationis ac veritatis authoritate, quæ profecto est omni homine melior, nihil deberet esse præstantius. Agit hîc de metro versum.

*Regula 8. Ratio etiam exemplis anteponenda est.* S. Augustinus l. 1. de Civit. C. 23. At enim multi se interemerunt, ne in manus hostium pervenirent. Non modo quærimus, utrum sit factum, sed utrum fuerit faciendum. Sana quippe ratio etiam exemplis anteponenda est, cui quidem & exempla concordant, sed illa, quæ tantò digniora sunt imitatione, quantò excellentiora pietate.

*Regula 9. Certa non debent impugnari per incerta.* Irenæus l. 2. cont. Hæreses C. 46. Cum universæ Scripturæ & Prophetiæ & Evangelicæ in aperto & sine ambiguitate ab omnibus audiri possint, ac prædicent unum Deum; valde hebetes apparebunt, qui ad tam lucidam ad apertionem excutunt oculos; & nolunt videre lumen prædicationis, sed per tenebrosas parabolarum absolutiones unusquisque eorum putat proprium invenisse Deum. quia enim de ipsorum, qui contraria sentiunt, Deo nihil aperte in Scriptura dictum est, dicunt hæc in absconso docuisse Salvatorem discipulos per ænigmata & parabolas. Dicunt alium esse, qui prædicatur Deus, & alium Patrem, qui per parabolas & ænigmata significatur Pater. Quia autem parabolæ multas possunt recipere absolutiones, ex ipsis de inquisitione Dei affirmare, derelinquentes quod certum & indubitatum & verum est, valde præcipitantium se in periculum & irrationalitatem esse, quis non confitebitur?

*Regula 10. Dubia non tolluntur per aliud dubium.* Irenæus l. 2. cont. hæc. C. 10. Omnis quæstio non per aliud, quod quæritur, habebit resolutionem; nec ambiguitas per aliam ambiguitatem solvetur apud eos, qui iensum habent, aut ænigmata per aliud majus ænigma: sed ea, quæ sunt talia, ex mani-



manifestis & consonantibus, & claris accipiunt ab-  
solutiones.

*Regula 11. Omne argumentum probabile sumitur  
à communiter contingentibus.*

*Regula 12. Contingentia in innumeris circum-  
stantiis non procedunt uniformiter.*

*Regula 13. Quae igitur uniformiter ac corguen-  
ter in unum systema incidunt, non casu si congruunt,  
sed providentia.* Tertullianus de Praeceptis. C. 28.  
Ecquid verosimile est, ut tot ac tanta Ecclesiae in u-  
nam fidem erraverint? Nullus inter multos even-  
tus est unus exitus. Variasse debuerat error doctri-  
nae Ecclesiarum. Quod apud multos unum inveni-  
tur, non est erratum, sed traditum. Origenes l. 2.  
de principiis. Qui futuros mundos per omnia huc  
nostro pares ac similes volunt, nescio, quibus id  
possint asserere documentis. Si enim similis per  
omnia mundus dicitur, erit, ut iterum Adam &  
Eva eadem faciant, quae fecerunt; idem iterum  
erit diluvium, & Moyses iterum sexcenta hominum  
millia ex Aegypto educet &c. quod non puto aliqua  
ratione posse firmari, si arbitrii libertate aguntur a-  
nimae. Tale enim est, quod ab ipsis dicitur, ut si  
quis velit asserere, quod frumenti medimnum, si  
profundatur in terram, potest fieri, ut penitus iidem  
& indiscreti secundo accidant granorum casus, ita  
ut unumquodque granorum juxta profusum jaceat  
secundo, quo primo aliquando dejectum est, & eo-  
dem ordine. Quod innumerabilibus medimni gra-  
nis prius impossibile est accidere, etiam si per di-  
versa saecula indefinenter ac jugiter effundantur.  
Ita ergo impossibile mihi videtur, eodem ordine, iis-  
demque modis nascentium, & morientium, & a-  
genrium quid secundo posse reparari. Eusebius l.  
3. demonst. Evang. n. 7. Quam probabilitatem ha-  
beat, Apostolos tam salutarium documentorum  
auditores, ac potius jam magistros effectos suspi-  
cari mentitos, quaecunque suum praecceptorem ef-  
fecisse testificati sunt? aut quam credibile, si pu-  
rent, illos omnes sibi inter se consensisse in menda-  
cio, duodecim quidem de omni numero electos,  
Septuaginta autem reliquos: nulla unquam af-  
ferretur ratio, quare tantae multitudini hominum cre-  
dendum non sit, qui quidem religiosam gravem-  
que vitam amplexi sint, resque suas aspernati con-  
cors testimonium tanquam uno ore in omnes ho-  
mines de Magistro protulerint. Lactantius l. 2.  
Instit. C. 5. Ex hoc apparet sydera Deos non esse,  
quod exorbitare illis à praestitutis itineribus non li-  
cet. Caterum si dii essent, huc atque illuc passim  
sine ulla necessitate ferrentur, sicut animantes in  
terra, quorum quia liberae sunt voluntates, huc at-  
que illuc vagantur, ut libet, & quo quemque duxe-  
rit, eo feruntur. Non est igitur aëtorum motus vo-  
luntarius, sed necessarius, quia praestitutis legibus,  
officiisque servant. Irenaeus ex eo, quia omnia  
Prophetarum vaticinia in Christo contingentem con-  
currunt, probat, ea de Christo facta esse, l. 4. cont.  
hæc. C. 67. Unde poterant Prophetae praedicere  
omnia, quae à Christo facta sunt, si ab altero Deo  
inspirationem acceperunt. Casu quodam hæc eve-  
nisse non potestis dicere, tanquam à Prophetis de  
altero quodam dicta, similiter autem Domino eve-  
nerunt. Nam argumenta, quae praedicta sunt, in  
nullo alio facta sunt. Non igitur de altero, sed de  
Domino, in quem concurrerunt omnia praedicta

R.D. Ensch. Amort Philosophia.

signa, dicebant Prophetae. S. Augustinus Epist. 3  
ad Volusianum ex eo, quod omnes partes fidei con-  
tingenter ac tam mirabiliter conspirent, probat ve-  
ritatem fidei. Quem non moveat, inquit, ad cre-  
dendum tantus ab initio ipse rerum gestarum ordo,  
& ipsa connexio temporum, praeteritis fidem de  
praesentibus faciens, priora posterioribus, & recen-  
tioribus antiqua confirmans. Complentur in Chri-  
sto omnia praecordia Prophetarum.

*Regula 14. Quod prout est fieri, plerumque fit.*  
S. Hieronymus l. 1. contra Pelagianos. C. 9. Alle-  
ris, posse hominem sine peccato esse, & ut hoc ve-  
rum dixisse videaris, statim adjungis, & Dei man-  
data facile custodire, si velit, quae aut rarus aut nul-  
lus implevit. Si enim facilia sunt, debent à pluri-  
bus custodiri; sin autem, ut concedamus tibi, rarus  
quisquam ea implere potest, manifestum est, esse  
difficile, quod rarum est. S. Chrysostomus in E-  
pist. ad Ephes. C. 1. hom. 2. Quid quæso est diffici-  
lius, quid injucundius, noctes obire vigilantem, &  
nuros perfodere, & intenebris ambulare, & ani-  
mam habere in manibus, & instructum esse ad e-  
dem, & tremere, & mori metu; an quotidianis o-  
peram dare laboribus, & in tuto esse cum securita-  
te? hoc est facile; & quia hoc est facile, plures hoc  
faciunt, quam illud. Idem hom. 66. de fato &  
Providentia. Qui in delitiis perpetuo versatur,  
& ebrietati indulget, & parasitos alit, atque adula-  
tores, & cibo potioneque completur volens nolens  
persæpe necessario peccat opportunitate quadam  
loci praesentis. S. Augustinus in Epist. ad Galatas.  
Quod amplius non delectat, secundum id opere-  
mur necesse est. ut v. g. si plus delectat pulchritu-  
do & sincera species castitatis, secundum hanc vi-  
vimus, & secundum hanc operamur. Quod autem  
de castitate & fornicatione dixi, hoc de cæteris in-  
telligi volui.

*Regula 15. Hinc credendum, quod proclivius est  
fieri.* S. Augustinus l. 15. de Civit. C. 13. Si quæ-  
ram, quid sit credibilis, Judæorum gentem tam  
longè lateque diffusam in hoc conscribendum men-  
daciū (de ætate mundi) uno consilio conspirare  
voluisse, & dum aliis invident auctoritatem, sibi ab-  
stulisse veritatem; an Septuaginta homines, qui &  
ipsi Judæi erant, in uno loco positos, communicato  
consilio veritatem Aegyptiis invidisse, quis non vi-  
deat, quid proclivius, faciliusque credatur? sed ab-  
sit utrumque &c.

*Regula 16. Hinc & ille sensus verbis subesse cen-  
sendus est, qui iisdem plerumque subjicitur.* Cyril-  
lus Alex. l. 5. Thesauri. C. 4. Si creatio non semper  
substantialē productionem à nihilo ad esse signifi-  
cat, sed plerumque à peioribus ad meliora transla-  
tionem, quomodo non erit stultum, quando Sapien-  
tia Dei creari se dicit, non diligenter id considerare?  
*Dominus creavit me.* Creavit, non ad esse à nihilo,  
sed initium viarum suarum in opera ejus. Idem l.  
2. in Joannem C. 3. de rectè interpretandis texti-  
bus loquens, ait: *Undique conferentia colligenda sunt.*  
id est, similes textus conferendi, ut appareat, quis  
plerumque sensus conveniat. Et Theodoretus in  
Genesis, quæst. 20. Antropomorphitæ coarcevant  
mille loca Scripturæ, quibus membra Dei appellan-  
tur. Adversus vos certandum est primum ex dictio-  
ne Scripturæ. id est, ex communi modo loquendi  
Scripturæ.



*Regula 17. Non potest fieri, quod in innumeris circumstantiis nunquam fit.* S. Hieronymus cont. Pelagianos C. 4. Responde mihi; velis, an nolis esse sine peccato? si vis, quare non impleas, quod desideras? dicitis; posse hominem sine peccato esse; sed aliud est esse, aliud esse posse. Esse non est in nostra positum potestate; esse autem posse, generaliter, quod licet alius non fuerit, tamen possit esse, qui voluerit. Rogo, quæ est ista argumentatio, posse esse, quod nunquam fuerit? posse fieri, quod nullum fecisse testetur? Gregorius Nazianzenus Orat. 36. de filio. Non potest filius quidquam facere à seipso, nisi id viderit patrem facientem. Quæ verba ejusmodi sensu explicanda sunt. Posse vel non posse non uno modo dicitur; variam enim ac multiplicem significationem habet. nonnunquam enim secundum virium defectum dicitur, & certi temporis ac personæ ratione habita; ut quod puer luctari non possit, aut carulus cernere, aut cum aliquo dimicare. Luctabitur enim fortasse aliquando, & cerneret, & cum hoc dimicabit, etiam si cum altero nequeat. Interdum de eo dicitur, quod plerumque non contingit; ut illud; Non potest civitas abscondi supra montem posita. Fieri enim potest, ut quædam civitas abscondatur, majori nimirum monte ipsius luminibus obstruente. Impossibile etiam dicitur, quod minime æquum est, rationique consentaneum; cujus generis est illud; Non possunt filii sponsi jejuna, quamdiu præsens est sponsus. Quarta significatione hoc fieri non posse dicitur, à quo nostra voluntas abhorret; cujusmodi est illud: Non poterat illic signa facere propter incredulitatem eorum. Quo etiam in ordine ponendum est illud: Non potest mundus odisse vos. Et: quomodo potestis bona loqui, cum sitis mali? quo enim pacto quidquam horum impossibile est, nisi quia voluntas abhorret? Denique illud etiam impossibile dicitur, quod natura quidem impossibile est, Deo autem volenti possibile.

*Regula 18. Quod primum est fieri, necessario aliquando fit.* S. Ambrosius de Jacob. C. 1. Non potest fieri, ut facilis ad iracundiam non irascatur, sed ut ratione se temperet.

*Regula 19. Quod uniformiter fit, casu non fit.* S. Augustinus ex eo, quod in Græca Biblia uniformiter primis Patriarchis ad vitam centum anni adjecti sint, infert, hoc à Latina Biblia discrimen non casuali errore sed industria factum esse. l. 15. de civit. C. 13. ait: In his continuatur ipsius mendositatis similitudo, ita ut supersint centum anni in prima, secunda, tertia, quarta, quinta, septima generatione. Videtur error quandam habere constantiam; nec casum redolet sed industriam. Ubi verò non est ista per tot generationes continuata paritas, scriptoris tribuatur errori.

*Regula 20. Quod casu ac contingenter fit, raro fit.* Sequitur ex dictis.

*Regula 21. Quod primum est fieri, frequenter fit.* S. Ambrosius l. 1. de Job. C. 7. Adolescentia magis ad vitium lubrica esse consuevit: igitur crebra naufragia.

*Regula 22. Nulla conjectura ponatur sine probatione.* Hoc exemplo suo perpetuo demonstrat S. Chrysostomus. v. g. Homil. de Prophetarum ob-

scuritate air: Multa Prophetæ Judæis mala prædicunt, ne igitur Judæi hæc audientes eos interficerent, interpretationis difficultate prædictiones occultabant, sicque suæ incolumitati consuluerunt. Unde verò id constat? rationes enim à nobis reddendæ sunt, tametsi inter amicos versetur; siquidem multi etiam fortassis ad sunt non amici.

*Regula 23. In probabilibus non ferendum judicium ante solutionem objectionum.* quia solutio objectionum præparat intellectum ad credendum, ac fluctuantem confirmat. Eusebius l. 1. Præparat. Evang. n. 1. Facturus operæ pretium mihi videor, si aggressurus hoc Demonstrationis Evangelicæ opus pauca sternendæ ac præmuniendæ viz gratia prius de iis rebus definiam, de quibus tam gentiles, quam Judæi justam nobis quæstionem movere posse videantur. Etenim sic existimo, nostrum hunc sermonem ad perfectiorem demonstrationis Evangelicæ doctrinam, graviorumque dogmatum intelligentiam processurum, si quæ ad præparationem hanc pertinent, viam aperuerint. S. Hilarius l. 1. de Trinit. Parum est, in rebus ad salutem maximè necessariis sola ea ad satisfactionem fidei afferre, quæ propria sunt: quæ plerumque blandientes sensum fallunt dictorum nostrorum inexplorata assertiones, nisi etiam propositionum adversarum demonstratæ inanitates fidem nostram in eoipio, quod ipsæ ridiculæ esse arguantur, affirmant.

*Regula 24. Non tamen ad quasvis fatiles objectiones, quæ non facile movebunt prudentes, respondendum est.* Lactantius l. 7. Instit. C. 12. Cæterâ Epicurei dogmatis argumenta Pythagoræ repugnant dicenti, migrare animas de corporibus in corpora. Quæ sententia deliri hominis, quoniam ridicula est, immo dignior, quam Scholastico fuerit, ne refelli quidem serio debuit. Quod qui facit, videtur vereri, ne quis id credat. S. Augustinus l. 2. de Civit. C. 1. Si rationi perspicuæ veritatis infirmus humanæ consuetudinis sensus non auderet obistere, sed doctrinæ salubri languorem suum tanquam Medicinæ subderet, donec divino adjutorio fide pietatis impetrante sanaretur, non multo sermone opus esset ad convincendum quemlibet vanæ opinionis errorem his qui rectè sentiunt, & sensa verbis sufficientibus explicant. Nunc verò, quoniam ille est insipientium morbus, quo irrationabiles motus suos post rationem plenè redditam, quantâ homini ab homine debetur, sive nimia cæcitate, qua nec aperta cernuntur, sive obstinatissima pervicacia, qua & ea quæ cernuntur non feruntur, tanquam ipsam rationem veritatemque defendunt, sit necessitas copiosius dicendi plerumque res claras, velut eas non spectantibus intuendas, sed quodammodo tangendas palpatibus offeramus. Et tamen quis disceptandi finis erit, si respondendum esse respondentibus semper existimemus? nam qui vel non possunt intelligere, quod dicitur, vel tam duri sunt adversitate mentis, ut etiam si intellexerint, non obediant, infatigabiliter vani sunt. Quorum dicta contraria si toties velimus refellere, quoties obnixa fronte statuerunt non curare, quid dicant, dum quocumque modo nostris disputationibus contradicant, quam sit infinitum & ærumnosum, vides.



*Regula 25. Ad eadem tamen dicta nonnunquam propter tardiores sapius respondendum est.* S. Augustinus l. 2. contra Petilianum. C. 1. Primis partibus Epistolæ Petiliani, quas tantummodo invenieramus, satis nos respondisse meminerunt, qui ea legere vel audire potuerunt. Sed quia postea tota est à fratribus inventa, atque descripta, ut universæ responderemus, non erat defugiendum hoc officium styli nostri; non quia ille novum aliquid dicit, cui non jam multis modis & sæpe responsum est: Sed propter tardiores fratres, qui ea, quæ alibi legeram eis, ad omnia paria referre non possunt. Ibidem l. 1. C. 1. Respondere diversa sententibus sapissimè cogimur etiam de his rebus, quas aliis atque aliis sermonibus frequentavimus. quod utiliter existimo fieri & propter tardiora ingenia eorum, qui putant aliud dici, cum aliquid legunt aliter dici, & propter ipsam disputationum copiam, ut non solum ad diligentiores res rara perveniat, sed quodlibet ex multis in manus etiam negligentiores incurrat.

*Regula 26. Multum contribuit ad probandam veritatem propositionis, si diutius inhereatur eidem propositioni.* quia facilius credimus, quæ propensius meditamur. S. Ambrosius in Psal. 118. O. C. 2. præfat. Tunc salubriora consilia credimus, si propensiore meditatione examinata videantur.

*Regula 27. Ad securam assensionem requiritur, ut etiam adjuncta rei diligenter considerentur.* quia sæpe aliquid apparet in se verum, quod non congruit adjunctis. S. Hilarius in Psal. 131. ad verba: Introibimus in tabernacula ejus, adorabimus in loco, ubi steterunt pedes ejus, Judæos sic refellit. Templum illud hodie jam nullum est, incensum est, dirutum est, informe ruinis est, ubi ergo Dei requies est? mentitus Propheta est? Deus etenim requiem, quam ei se juratus reperturum volebat, amisit. Itaque quia neque Dei dignitati, neque naturæ hominis, neque locorum veritati, neque temporum demutationi hæc irreligiosarum opinionum figmenta conveniunt, nunc demonstrandum, ad personam Domini Jesu Psalmum pertinere.

*Regula 28. Ex eo, quod adversa sententia convincatur esse falsa, non statim prior recipienda est.* quia facilius falsa vincuntur, quam inveniatur verum, Lactantius l. de Ira Dei. C. 11. Tullius l. 3. de natura Deorum dissolvit publicas religiones, sed tamen veram, quam ignorabat, nec ipse nec alius quisquam potuit inducere. adeo & ipse testatus: Falsum quidem apparere; veritatem tamen latere. Utinam, inquit, tam facile vera invenire possem, quam falsa convincere. Quod quidem non dissimulante, ut Academicus, sed verè atque ex animi sententia proclamavit, quia veritas humanis sensibus erui non potest; quod assequi voluit humanam providentiâ, id affectus est, ut falsa detegeret; quidquid enim fictum, & commentitium, quia nulla ratione subnixum est, facile dissolvitur.

*Regula 29. Sententia merito suspecta esse debet, cujus probationes aut explicationes similitudinem, proportionem, aut connexionem habent cum aliis falsis sententiis* quia plerumque falsa, quæ falsis congruunt, Lactantius l. 3. Instit. C. 24. volens osten-

dere falsitatem sententiæ, dari antipodas; in hoc ipsum vitium, quod oppositæ sententiæ tribuit, incurrit. sic ait: Quid illi, qui contrarios nostris vestigiis antipodas putant? nunquid aliquid loquuntur? aut est quisquam tam ineptus, qui credat esse homines, quorum vestigia sint superiora, quam capita? hujus erroris aperienda nobis origo est; nam semper eodem modo falluntur. cum enim falsum aliquid in principio sumpserunt, verisimilitudine inducti, necesse est eos in ea, quæ consequuntur currere: sic incidunt in multa ridicula; quia necesse est falsa esse, quæ falsis congruunt: cum autem primis habuerint fidem, qualia sunt ea, quæ sequuntur, non circumspiciant, sed defendunt omni modo, cum debeant prima illa, utrumne vera sint an falsa, ex consequentibus judicare. Hinc etiam Eusebius l. 1. Præparat. Evang. veritatem fidei Christianæ ex eventu ac consequentibus probat, eò quod Deus tantam vim contulerit Evangelio. n. 4. Quivis intelligat, Numine plane Divino robur ejus ac firmitatem constitisse, cum vexata tot annos, partimque demonum, partim principum acerbitate jactata majoribus in dies ornamentis & multitudine augeatur; ut plane dubitare nemo possit, quin Deus ille rerum moderator omnium servatoris nostri doctrinæ vim quandam omni conatu & oppugnatione superiorem cunctorumque victricem hostium cœlesti auxilio largiatur. Idem sensum Prophetiarum ex ipso rerum eventu indagandum esse docet, Demonstr. Evang. l. 7.

*Regula 30. Cum in quavis questione omnia consideranda considerari non possint, ex paucis de toto, quantum homini licet, timide semper ac modestè judicandum est.* Sic bene notat Lactantius, Aristotelem non omnia considerasse ad Philosophiam pertinentia, dum eam brevi perfectam futuram prædixit. l. 3. Instit. C. 28. Aristoteles inquit, veteres Philosophos aut gloriosissimos aut stultissimos fuisse, qui existimassent, Philosophiam suis ingeniis esse perfectam; sed se videre, quod paucis annis magis accessio facta esset, brevi tempore Philosophiam plane absolutam fore. Quod igitur fuit illud tempus? quo in ore? quando est? aut à quibus absoluta? nam quod ait stultissimos fuisse, qui putavissent ingeniis suis perfectam esse sapientiam, verum est, sed ne ipse quidem satis prudenter, qui aut à veteribus cœptam, aut à novis auctam, aut mox à posterioribus perfectam iri putavit. Hinc Eusebius l. 10. Præparat. Evang. n. 3. ubi Scriptorum Græcorum vanitatem, imperitiam, & furta, aliaque vitia probat, tantum aliqua ex iis exempla affert, post quæ concludit: Sed enim, cujusmodi Scriptorum Græcorum ratio sit ex istis exemplis, quæ ex infinitis pauca collegi, satis constare existimo.

*Regula 31. In quavis questione omittenda contumelia, & quæ ad statum questionis non pertinent.* quia ut S. Augustinus contra Donatistas Epist. 152. dicit: Nec causa causa, nec persona persona præjudicat. Id est, non persona cum persona ob impertinentes lites, nec merita extrinseca causæ cum causa sed argumenta contendant: afferebant Donatistæ pro se aliquas Decisiones Episcoporum; alias Decisiones afferebant pro se Catholici: hæc ergo communia utrique parti præjudicia mittenda esse dicit, quia nec causa causæ nec persona personæ præjudicat.



Idem l. de utilitate credendi C. 2. separatis nugis locorum communium res cum re, causa cum causa ratio cum ratione confligat, Et l. 1. cont. Julianum C. 1. Contumelias tuas, & verba maledica, Juliane, quæ ardens iracundia libris quatuor anhelasti, si me contemnere dixerò, mentiar. Quomodo enim contemnere possum ista, ubi testimonium conscientia meæ cogitans vel gaudere me debere video pro me, vel dolere pro te? &c. Sed hæc pro tuo dogmate, quod veritatem putas, etiam tu potes dicere. Auferamus itaque de medio, si placet, ista communia, quæ dici ex utraque parte possunt, quamvis veraciter ex utraque parte dici non possint.

*Regula 32. Quos persuaderi volumus, verbis exasperari non debent.* S. Augustinus l. contra Epistolam Manichæi C. 1. 2. 3. Deum rogavi, ut in refellenda & revincenda hæresi vestra, Manichæi, cui & vos fortasse imprudentius, quàm malitiosius adhæsisistis, det mihi mentem pacatam atque tranquillam, & magis de vestra correctione, quàm de subversione cogitantem. Nostrum fuit, ut ad vestram correctionem aditum faceremus non in contentione & emulatione, & persecutionibus, sed mansuete consolando, benevole cohortando, leniter disputando; sicut scriptum est: Servum Domini non oportet litigare, sed mitem esse ad omnes, docibilem patientem, in modestia corripientem diversa sentientes. Nostrum ergo fuit, has velle partes expetere. Illi in vos sæviant, qui ignorant, cum quo labore verum inveniatur; & quàm difficile caveantur errores. Illi in vos sæviant, qui nesciunt, quàm rarum & arduum sit, carnalia phantasmata piæ mentis serenitate superare. Illi in vos sæviant, qui nesciunt, cum quanta difficultate sanetur oculus interioris hominis. Illi in vos sæviant, qui nesciunt, quibus suspiriis & gemitibus fiat, ut ex quantulacunque parte possit intelligi Deus. Postremò illi in vos sæviant, qui nullo tali errore decepti sunt, quali vos deceptos vident. Ego autem, qui diu multumque jactatus vix tandem perspicere potui, quid sit illa sinceritas, quæ sine inanis fabulæ narratione percipitur, sævire in vos omninò non possum.

*Regula 33. In errores tamen, ubi magis præcavenda bonorum seductio, quàm speranda errantium emendatio, vehementer invehi debemus.* Epiphanius l. 3. cont. hæc. ad finem. Cæterum rogo vos omnes qui hæc lecturi estis, ut veniam detis mentis meæ tenuitati, quæ à multo hæreseon veneno obstupuit instar nauseantis & revomentis propter austera verba, per quæ contra quosdam commota & invecata est, dum aliquos scelestos, aut impostores, aut erroneos, aut deceptores appellavit. Nam propter multam veneni molestiam ac vexationem, quamvis hic non noster mos sit, ut aliquos libenter fugilemus, coacti fuimus talibus ipsos impetere verbis, quò mentem quorundam averteremus, ne fortè putent nos ex eo, si displicentiam nostram non publicassemus in revelando ea, quæ ab ipsis dicuntur aut fiunt, partem habere mentis assentientis prævæ uniuscujusque hæresis opinioni.

*Regula 34. Scandalosa sunt, quæ facile in sensu perverso accipiuntur à populo.* Eusebius l. 2. Præparat. Evang. n. 8. affert sequentem observationem Dionysii Halicarnassæi. Nemo mensesci-

re existimet, nonnullas Græcorum de diis fabulas aliquid hominibus utilitatis afferre, sive naturæ opera latente verborum sensu repræsentent, sive ad mitigandas humanorum casuum molestias censuræ fuerint, sive ad tollendas animorum perturbationes, metusque levandos, sive ad minus sanas opiniones refellendas, sive alterius cujuscunque commoditatis gratia composita. Verùm licet ista æquè norim, ac quivis alius, in ejusmodi tamen fabulis magna semper cautione opus esse arbitror, eoquæ libentius Romanorum Theologiam, quæ omnem fabulam dignitate & honestate vacuum mali ominis instar averfatur, approbo, meum ipse reputans, exigua illa admodum esse bona, quæ Græcis fabulis continentur, quæque non ad plures, sed tantum ad eos pertinere possint, qui, quem in scopum illæ collineant, diligenter accurateque perspexerint. Enimverò, cum pauci admodum illi sunt, quibus hæc ad Philosophiam aditus pateat, tum sanè rudis & imperita multitudo vulgares istos de diis sermones deteriores in partem interpretari solet, atque in alterum è duobus incidit, ut vel Deos aspernetur tot ac tantis misèriarum fluctibus jactatos; vel nullum flagitii scelerisve genus cavendum sibi ac declinandum putet, cum ea diis ipsis usque adeo familiaria fuisse videat.

*Regula 35. Non omne dogma pro securo habendum, quod non damnavit Ecclesia.* quia Ecclesia non omnes errores, sed tantum eos damnare solet, qui faciunt strepitum. S. Augustinus l. de Vera religione. C. 6. Ecclesia Catholica per totum orbem diffusa omnibus errantibus utitur ad profectus suos, & ad eorum correctionem, cum evigilare voluerint. Utitur enim Gentibus ad materiam operationis suæ, Hæreticis ad probationem doctrinæ suæ, Schismaticis ad documentum stabilitatis suæ, Judæis ad comparisonem pulchritudinis suæ. Alios ergo invitât, alios excludit, alios relinquit, alios antecedit, omnibus tamen gratiæ Dei participandæ dat potestatem. Carnales autem suos, id est, viventes aut sentientes carnaliter, tanquam paleas tolerat, quibus in area frumenta tutiora sunt, donec talibus tegminibus exuantur. Sed quia in hac area pro voluntate quisque vel palea vel frumentum est, tamdiu sustinetur peccatum aut error cujuslibet, donec aut accusatorem inveniât, aut pravam opinionem pertinaci animositatè defendat. Sæpè etiam sinit Divina Providentiâ per nonnullas nimium turbulentas hominum carnalium seditiões expelli de congregatione Christiana etiam bonos viros. quàm contumeliam vel injuriam suam cum patientissimè pro Ecclesiæ pace tulerint, neque ulla novitates vel schismatis vel hæresis moliti fuerint, docebunt homines, quàm verò affectu & quanta sinceritate charitatis Deo serviendum sit. Talium ergo virorum propositum est, aut sedatis remeare turbinibus; aut, si id non sinantur vel eadem tempestate perseverante, vel ne suo reditu talis aut sævior oriatur, tenent voluntatem consulendi etiam eis ipsis, quorum motibus perturbationibusque cesserunt, sine



siue ulla conuenticulorum segregatione usque ad mortem defendentes, & testimonio iuvantes eam fidem, quam in Ecclesia Catholica prædicari sciunt. Hos coronat in occulto Pater, in occulto videns. Rarum videtur hoc genus, sed tamen exempla non desunt; imò plura sunt, quàm credi potest.

*Regula 36. Argumenta innumera nullam contentia probabilitatem etiam collecta nullam constituunt probabilitatem.* Sic S. Augustinus de Baptismo l. 6. & 7. affert plùs quàm sexaginta argumenta Donatistarum, quibus ostendere conabantur, de novo baptizandos esse, qui à nostra Ecclesia ad Donatistas transiverant: nec tamen quisquam dixerit, omnia illa argumenta sententiam Donatistarum reddidisse probabilem.

§. 2.

## De Authoritate.

*Regula 1. Ubi credendum, testi idoneo credendum est.* Eusebius Demonstr. Evang. l. 10. ex Psal. 118. Diabolus stet à dextris ejus. &c. Quod hæc ad Judam referenda sint, idoneus sanè esto testis Apostolus Petrus. Lactantius l. 6. Instit. c. 25. Hoc genus sacrificii quàm verissimum sit, Trismegistus Hermes idoneus testis est. S. Hilarius l. 1. de Trinit. Concedamus cognitionem sui Deo, distisquæ ejus pia veneratione famulemur; idoneus enim sibi testis est. Et l. 12. in fine. Christum idoneus mihi ad fidem testis est. Et l. ad Augustum. Didicimus, commenta hæc fuisse inventa à Narcisso, Theodoro &c. quorum litteræ etiamnum proferuntur; & idoneis testibus vincuntur. S. Ambrosius in Psal. 118. Octon. 14. Horum satis idoneus testis est, qui non mentitur, Deus. Et in C. 3. Lucæ. De Jechonia satis idoneus testis est Jeremias. S. Augustinus l. cont. Gaudentium C. 14. Non erat pro vestra causa contra nos idoneus testis Emeritus ille, inimicus.

*Regula 2. Aut certè credendum idoneo controversa & rerum judici.* S. Ambrosius in C. 12. Lucæ. Dominus idoneus sui operis æstimator magno pretio nos redemit.

*Regula 3. Authoritas, cui firmissimè credendum est, nec falli posse debet, nec fallere.* S. Hieronymus in C. 5. Epist. ad Galat. Quod si verum est, & eorum distinctio nec fallit, nec fallitur, consideremus.

*Regula 4. Nonnunquam possunt etiam omnes errare.* Lactantius l. 3. Instit. C. 3. Causas rerum naturalium velle disquirere; cælum ipsum quàm magnitudine sit, utrum quietum sit, an mobile &c. Hæc disputando & conjecturis velle comprehendere, tale est profecto, quale si differere velimus, qualem esse arbitramur cujusdam remotissimæ gentis urbem, quam nunquam vidimus, nec aliud quàm nomen audivimus. Age opinemur de statu & qualitate urbis illius. Verosimile in plano sitam, lapideis mœntis, ædificiis sublimibus, viis publicis, magnificis delubris. Sed cum hæc dixerimus, alius econtrà disputabit, & cum hic quoque peroraverit, surget & tertius, & alii deinceps, & opinabuntur multò disparia, quàm nos sumus opinati. Quid ergo erit ex omnibus certius? fortasse nihil. ac omnia

sunt dicta, quæ in rerum naturam cadunt, ut necesse sit, eorum aliquid esse verum. at nescietur, quis verum dixerit. Potest fieri, ut omnes ex aliqua parte erraverint, ex parte attigerint veritatem. Stulti ergo sumus, si hoc disputatione quæramus.

*Regula 5. Quando tamen omnes conveniunt in re, quæ dependet à lumine naturali, vel à testimonio sensuum, credendum est.* quia nec omnes uniformiter mentiri, nec innumerabiles stulti esse possunt. Primum constat ex Regula 13 §. 1. alterum docet Lactantius. l. 5. Instit. C. 13. Cum roster numerus semper de Deorum cultoribus augeatur, nunquam verò ne in ipsa quidem persecutione minuatur, quis est tam excors, tamque cæcus, ut non videat, quia in utraque parte est sapientia. Sed illi stultos arbitrantur, qui cum habeant in sua potestate supplicia vitare, cruciari tamen & mori malunt; cum ex eo ipso possint videre, non esse stultitiam, in qua tanta hominum millia per totum orbem una & parimente consentiunt. si enim scemina sexus infirmitate labuntur, viri certè sapiunt. Si pueri, si adolescentes improvidi sunt per ætatem; maturi certè ac senes habent stabile judicium. Si una civitas desipit, certè utique innumerabiles stulti esse non possunt. Si una provincia, una natio, prudentia caret; cæteras omnes habere intelligentiam recti necesse est. Cum verò ab ortu Solis usque ad occasum lex divina suscepta sit; & omnis sexus, omnis ætas, & Gens & Regio unis ac paribus animis Deo serviat; eadem sit ubique patientia; idem contemptus mortis, intelligere debuerant, aliquid in ea re esse rationis, quod non sine causa usque ad mortem defendatur; aliquid fundamenti ac soliditatis, quod eam religionem injuriis & vexatione augeat semper & faciat firmiorem.

*Regula 6. Cujuscunque eruditi sententia orbis totius sensus præferendus est.* L. 1. de moribus Ecclesiæ C. 29. S. Augustinus sic habet: Christum audi; in his, inquit, duobus præceptis universa lex pendet & Prophetæ. Quid hoc loco potest dicere impudentissima pertinacia? non hoc Christum dixisse? at in Evangelio ejus verba ista conscripta sunt. Falsum esse, scriptum? quid hoc sacrilegio magis impium reperiri potest? quid ista voce impudentius? quid sceleratius? simulacrorum cultores, qui Christi nomen oderunt, nunquam hoc adversus Scripturas illas ausi sunt dicere. Consequetur namque omnium litterarum summa perversio, & omnium qui memoriæ mandati sunt librorum abolitio, si quod tanta populorum religione roboratum est, tanta hominum & temporum consensione firmatum, in hanc dubitationem adducitur, ut ne historiarum quidem vulgaris fides possit, gravitatemque obtinere. Postremò quid de scripturis ullis proferre poteris, ubi mihi uti hac voce non liceat, si contra meam ratiocinationem, intentionemque proferatur? illud verò quis ferre possit, quod nos notissimis ac jam in omnium manibus constitutis libris credere vetant, & iis, quæ ipsi proferunt, imperant, ut credamus? si de Scriptura dubitandum est, de qua magis, quam quæ diffamari non meruit, quæ verè potuit sub nomine alieno tota mentiri? at si istam obtrudis invito, & auctoritatis exaggeratione cogis in fidem; egone de illa, quam



quam constanter latissimè divulgatam video, & Ecclesiarum per totum orbem dispersarum contestatione firmatam, dubitabo miser; & quod est miserius, te autore dubitabo, cum si exemplaria proferre, altera tenere non deberem, nisi ea, quæ plurium consensione commendarentur. nunc verò nihil te proferente, quod conferas; putabis, usque adeo genus humanum esse perversum, & divinæ providentiæ ope desertum, ut illis scripturis tuarum verba præponat?

*Regula 7. Credendum potius paucitati doctorum, quam multitudini indoctorum.* Lactantius l. 2. Instit. C. 20. Peracta est difficilis operis portio; veteres depulimus errores. nunc verò difficilior cum Philosophis proposita luctatio est, quorum summa doctrina & eloquentia quasi moles aliqua mihi imponitur: nam ut illic multitudine ac prope consensu omnium Gentium premebamur, ita hic auctoritate præstantium omni genere laudis virorum. Quis autem nesciat, plus esse momenti in paucioribus doctis, quàm in pluribus imperitis? sed non est desperandum, istos quoque Deo & veritate ducibus posse depelli. S. Hieronymus in C. 2. Sophoniæ. Semel decrevimus veritatem interpretationis, & lectoris magis eruditi, quàm vulgi iudicium sequi. S. Augustinus l. 2. cont. Jul. C. 10. approbat dictum Juliani. Non numerandas, sed ponderandas esse sententias. Et: Ad aliquid inveniendum nihil multitudinem prodesse cæcorum. Item: In causa judicandi amoto strepitu turbatur de omni ordine conversationis hominum ad discussionem talium rerum non sola nomina, sed eligendam esse prudentiam, & honorandam esse paucitatem, quàm ratio, eruditio, libertasque sublimat.

*Regula 8. Plus in autore ratio, quàm auctoritas valet.* S. Hieronymus Epist. 152. ad Minerium. Hæc dictavi, quid eruditi viri de utroque sentirent loco, & quibus argumentis suas vellent probare sententias, vestræ prudentiæ exponens. Neque enim tanta est, meæ pusillitatis auctoritas, quin nihil sum & invidorum moribus pateo, quanta eorum, qui nos præcesserunt, nec juxta Pythagoræ discipulos præjudicata doctoris opinio, sed doctrinæ ratio ponderanda est. Siquis contrariæ factionis immurmurat, sciat me illud Apostoli libenter audire: Omnia probate; quod bonum est, tenete.

*Regula 9. Incipientibus prius sequenda est, quàm examinanda auctoritas.* S. Augustinus l. 2. de Ordine C. 9. Ad discendum dupliciter ducimur; auctoritate atque ratione, tempore auctoritas, re autem ratio prior est. Aliud est enim, quod in agendo anteponitur, aliud quod pluris in appetendo æstimatur. Itaque quanquam bonorum auctoritas imperitiæ multitudini videatur esse salubrior; ratio verò aptior eruditis. Tamen, quia nullus homo nisi ex imperito peritus sit, nullus autem imperitus novit, qualem se debeat præbere docentibus, & quali vita esse docilis possit, evenit, ut omnibus bona, magna, & occulta discere cupientibus non aperiatur, nisi auctoritas janua; quam quisque ingressus sine ulla dubitatione vitæ optimæ præcepta sectatur, per quæ cum docilis factus fuerit, tum demum discet, & quanta ratione prædita sint ea ipsa, quæ secutus est an-

te rationem, & quid sit ipsa ratio, quam post auctoritatis cunabula firmus comprehendit.

*Regula 10. Contra auctoritatem plurium, nunquam, nisi rebus bene expensis, pronuntiandum est.* S. Augustinus l. 3. cont. Donatistas C. 4. Quid scripserit Cyprianus, jam legi, fateor; & profecto illè in eandem sententiam, nisi me ad diligentiorè considerationem revocaret tanta auctoritas aliorum, quos vel pares gratia doctrinæ, vel etiam fortasse doctiores per tot Gentes, græcas, Latinas, Barbaras. & ipsam Hebræam Ecclesia toto orbe diffusa parere potuit, quæ ipsum quoque pepererat, qui mihi quoque nullo modo videri potuerunt frustra noluisse istam sententiam, non quia fieri non potuit, ut in obscurissima quæstione verius pluribus unus, paucive sentirent, sed quia non facile pro uno vel pro paucis adversus innumeras ejusdem religionis & unitatis viros & magno ingenio & uberi doctrina præditos, nisi pertractatis pro viribus atque perspectis rebus ferenda sententia est.

*Regula 11. Traditio tamdiu præcisè meretur fidem, quamdiu de ejus corruptione non habentur positiva argumenta.* quia constat multas traditiones fuisse falsas. Sic Irenæus l. 2. C. 39. testatur, ex traditione se habere, Christum fuisse quinquaginta jam annorum, cum moreretur. Ætas, inquit, à quadagesimo aut quinquagesimo anno declinat jam in ætatem seniore, quam habens dominus noster docebat, sicut Evangelium & omnes seniores testantur, qui in Asia apud Joannem discipulum convenerant, id ipsum tradidisse eis Joannem: quidam autem eorum non solum Joannem sed & alios Apostolos viderunt, & hæc eadem ab ipsis audierunt, & testantur de hujusmodi relatione. Idem l. 5. C. 36. errorem Millenariorum pariter refert in traditionem. Quemadmodum, inquit, presbiteri dicunt, tunc alii Paradisi deliciis utentur, alii speciositatem civitatis possidebunt. Lactantius l. 1. instit. C. 7. Duplici ratione peccatur à Gentilibus, quod Elementa Deo præferunt. Alterum, quod elementorum figuras colunt. Hæ sunt religiones, quas sibi à majoribus suis traditas pertinacissime tueri perseverant, nec considerant, quales sint, sed ex hoc probatas atque veras esse confidunt, quod eas veteres tradiderunt, tantaque est auctoritas vetustatis, ut inquirere in eam scelus esse dicatur. Itaque creditur ei passim tanquam cognitæ veritati. Apud Ciceronem sic dicit Cotta Lucillio: Habes Balbe, quid Pontifex sentiat; fac nunc ego intelligam; quid tu sentias; à te enim Philosophæ rationem religionis accipere debeo; majoribus autem nostris etiam nulla ratione reddita rationis est credere. Si credis, cur rationem requiris? majoresne potius an rationem sequeris? si rationem mavis, discedere te necesse est ab institutis & auctoritate majorum. Fatere igitur stultos illos fuisse, qui excogitatis contra rationem religionibus serviunt. Sed tamen, quoniam nobis tantopere majorum auctoritas opponitur, videamus, quinam majores illi fuerint, à quorum auctoritate discedi nefas dicitur. Romulus pastores inter quos adoleverat, convocavit; cumque is numerus condendæ urbi parum idoneus



videretur; constituit asylum. Eo passim confugerunt ex finitimis locis pessimi quique. Ita conflavit ex his populum, legitque in senatum eos, qui ætate anteibant, & Patres appellavit; de quo Senatu Propertius loquitur:

Buccina cogebat priscos ad verba Quirites,  
Centum illi in prato sæpe senatus erant.  
Curia prætexto quæ nunc inter alta senatu,  
Pellitos habuit rustica corda patres.

Hi sunt patres, quorum decretis eruditi ac prudentes viri devotissimè serviebant; idque verum ac immutabile omnis posteritas judicet, quod centum pelliti senes ratum esse voluerunt. Est verò, quod illorum autoritas tanti habeatur à posteris, quos nemo, cum viverent, neque summus neque infimus affinitate dignos judicavit. Huc pertinet, quod etiam D. Cyprianus suum errorem de baptismo hæreticorum iterando, & S. Augustinus suum errorem de necessitate communionis etiam quoad parvulos retulerint ad traditionem. De peccatorum meritis l. 1. C. 24. ait: Unde, nisi ex antiqua, ut existimo, & Apostolica traditione, qua Ecclesiæ Christi insitum tenent, præter baptismum & participationem Dominicæ mensæ ad vitam æternam neminem posse pervenire? Si ergo nec falsus nec vita æterna sine baptismo & corpore & sanguine domini cuiquam speranda est, frustra sine his promittitur parvulis.

*Regula 12. SS. Patres, ubi non habent secum consensum Ecclesiæ, non sunt infallibilis regula.* quia nullus hominum ab erroribus eximitur, nisi per operationem Divinæ Providentiæ; hæc verò in iis tantum se immiscet, quæ attingunt Ecclesiæ, ut semper præcaveat errores. S. Augustinus l. 5. cont. Donatistas C. 26. Cum D. Cyprianus dicit; Episcopum docibilem esse debere, adjungit: Docibilis autem ille est, qui est ad discendum patientia lenis & mitis; oportet enim Episcopum non tantum docere, sed & discere, quia & ille melius docet, qui quotidie crescit & proficit discendo meliora. His utique verbis satis indicat vir sanctus, non esse metuendum sic ejus Epistolas legere, ut siquid postea pluribus & diuturnioribus inquisitionibus compertum Ecclesiæ confirmaverit, non ambigamus; quia sicut multa erant, quæ doctus Cyprianus doceret, sic erat & aliquid, quod Cyprianus docibilis disceret. Quod autem nos admonet, ut ad fontem recurramus, id est, ad Apostolicam traditionem, & inde canalem in nostra tempora dirigamus, optimum est, & sine dubitatione faciendum. Idem Epist. 111. ad Fortunatianum. Non quorumlibet disputationes quamvis Catholicorum & laudatorum hominum velut scripturas Canonicas habere debemus ut nobis non liceat salva honorificentia, quæ illis debetur hominibus, aliquid in eorum scriptis improbare atque respuere, si fortè invenerimus, quod aliter senserint, quam veritas habet, divino adjutorio vel ab aliis intellecta, vel à nobis, talis ego sum in scriptis aliorum; tales esse volo intellectores meorum. Idem Epist. 112. ad Paulinam. Si quid divinarum scripturarum perspicua firma-

R.D. Euseb. Amort Philoſophia.

tur autoritate, sine ulla dubitatione credendum est. Aliis verò testibus vel testimoniis, quibus aliquid credendum esse suadetur, tibi credere vel non credere liceat, quantum ea momenti ad faciendum fidem vel habere, vel non habere perpenderit. Si enim nihil crederemus, quod non ex scripturis sanctis aut per sensus didicimus, unde sciremus, à Romulo conditam Romam? unde sciremus, quibus parentibus, avis, majoribus geniti essemus? in his, si alicubi fallimur credendo, nihil periculi esse judicamus, si non sit contra illam fidem, qua pietas informatur. Hæc prælocutio te, & eos, qui ista lecturi sunt, præstruit, quales seu meorum, seu quorumlibet scriptorum judices esse debeatis. Et C. 23. ejusdem Epist. Has sententias tantorum virorum non ob hoc interponere volui, ut cujusquam hominis sensum tanquam scripturæ Canonice autoritatem sequendum arbitreris, sed ut illi, qui aliter sapiunt contentur videre, quod verum est, ne tam doctos divinorum eloquiorum tractatores reprehendant.

*Regula 13. Traditio per varia ora traducta suspecta quoad circumstantias est.* Lactantius. Ad Poetas mentio resurrectionis futuræ obscurorum ore pervenerat; eam verò temerè auditam in modum fabulæ prodiderunt. Et tamen iidem testati sunt, non authorem se certum, sed opinionem sequi, ut Maro qui ait: Sic mihi fas audita loqui. Quamvis igitur veritatis arcana in parte corruerint, tamen ipsa res eo verior invenitur, quod cum Prophetis in parte consentiunt. Cum Prophetæ prædicarent, indicaturum esse ex mortuis filium Dei; quoniam rectorem cœli non alium putabant, quam Jovem, judicare apud inferos Jovis filium tradiderunt. Corruerunt igitur Poetica licentia quod acceperant, vel opinio veritatem per diversa ora, sermonesque varios dissipata mutavit. l. 8. Instit. C. 21.

*Regula 14. Authoribus inter se dissentientibus neuter pro duce certo sequendus est.* Lactantius l. 1. Instit. C. 1. Omissis ergo hujus terrene Philosophiæ authoribus nihil certi asserentibus aggrediamur viam rectam. Quos quidem si putarem satis idoneos ad bene vivendum duces esse, & ipse sequerer, & alios ut sequerentur hortares: Sed cum ipsi magna concertatione inter se dissideant, secumque ipsi plerumque discordent, apparet eorum iter nequaquam esse directum; siquidem sibi quique ut est libitum proprias vias impreſſerunt, confusionemque magnam quærentibus veritatem reliquerunt.

*Regula 15. Consensus omnium populorum præsumitur fundari in lumine naturali.* quia impossibile est per Leges Contingentium tam diversas nationes in reliquis inter se dissentientes convenire uniformiter in quovis articulo, nisi cogantur evidentia rei manifestata in lumine. Lactantius l. 1. Instit. C. 2. de Providentia, quam nonnulli Philosophi negabant, loquens ait: Non difficile sanè fuit, paucorum hominum præveſentientium redarguere mendacia testimonio populorum atque gentium in hac una re non dissidentium. nemo enim est tam rudis, tam teris moribus, qui oculos in cœlum tollens, tamen nesciat, cujus Dei Providentiæ gubernetur hoc omne quod cernitur,



aliquam tamen esse intelligat ex ipsa rerum magnitudine, motu, dispositione, constantia, utilitate, pulchritudine, comparatione, nec posse fieri, quin id, quod mirabili ratione constat, consilio aliquo majore sit instructum.

*Regula 16. Nemo omnes, omnes nullum, singuli singulos fallunt. Seneca.*

*Regula 17. Quamvis Authoris mali nunquam pro argumento assumi possit autoritas, licet tamen exinde applicare, quæ ex se vera ac bona sunt.* S. Hieronymus ad Pammachium Epist. 65. Obiiciunt mihi, quare Origenem aliquando laudaverim. Ni fallor, duo loca sunt, in quibus eum laudavi; præfatiuncula ad Damasum in Cantica, & Prologus in librum Hebraicorum nominum. Quid ibi de dogmatibus Ecclesiæ dicitur? simplex interpretatio simplici voce laudata est; nihil ibi de fide, nihil de dogmatibus comprehensum est. Laudavi interpretem non Dogmatistam; ingenium, non fidem; Philosophum, non Apostolum. Quod si volunt super Origene meum scire judicium, legant in Ecclesiasten Commentarios, & intelligent me semper ejus dogmatibus contraxisse. quæ enim stultitia est, sic alicujus laudare doctrinam, ut sequaris & blasphemiam. Et beatus Cyprianus Tertulliano Magistro utitur, ut ejus Scripta probant; cumque eruditi & ardentis vitæ delectetur ingenio, Montanum cum eo, Maximillamque non sequitur. Fortissimos libros contra Porphyrium scribit Apollinarius: Ecclesiasticam Historiam pulchrè Eusebius texuit. Alter dimidiatam Christi introduxit æconomiam; alter impietatis Arrii apertissimus propugnator est. Væ, inquit Esaias, qui dicunt bonum malum, & malum bonum, & qui faciunt amarum dulce, & dulce amarum. Nec bonis adverbiorum, si honestum quid habuerint, detrahendum est; nec amicorum laudanda sunt vitia, & unumquodque non personarum, sed rerum pondere judicandum est. Hæc regula vera est, nisi timeatur, Lectores vel Auditores ex commendatione talium Authorum progressuros ad majorem æstimationem errorum, vel minorem saltem vilipensionem, aut eos animandos ad lectionem talium Authorum, in quibus nec pretiosum à villi discernere, nec latens venenum, seque in affectus Lectorum insinuans cavere possint. Hæc cautione sumptâ & illud verum erit Hieronymi in Apologia adversus Rufinum, ubi ait: Audi ergo, vir sapientissime, & Romanæ dialecticæ caput, non esse vitii hominem unum laudare in aliis, & in aliis accusare, sed eandem rem & probare & improbare. In Tertulliano laudamus ingenium, sed damnamus hæresin; in Origene miramur scientiam Scripturarum, & tamen dogmatum non recipimus falsitatem.

Vera hæc sunt, si simul in eodem textu periculosa laudi salubris reprehensio adjungitur.

*Regula 17. Autoritas Scriptorum non ex fama & laude aliorum, sed ex laudantium merito metienda est.* S. Hieronymus. præfat. l. 12. in Isaiam. Nullus tam imperitus Scriptor est, qui Lectorem non inveniat similem sui; multoque pars major est, Milesias fabellas revolvendum, quam Platonis libros; in altero enim ludus & oblectatio est: in altero difficultas & sudor mixtus labori. Timæum ipse, qui interpretatur, Tullius se non

intelligere fatetur; testamentum autem Grunni Corocottæ decantant in scholis puerorum agmina cachinnantium. Igitur & noster Lavinius fruatur testibus immò & fautoribus suis, vincatque multitudine, quia forsitan vincit ingenio; mihi sufficit paucorum testimonium, & amicorum laude contentus sum, qui in expetendis opusculis meis amore nostri labuntur, & studio scripturam.

*Regula 18. Nec opinionis universalitas, nec ejus antiquitas, aut opinantium sanctitas certum est veritatis argumentum.* S. Hieronymus Prol. l. 18. in Isaiam. Non ignoro, quanta inter homines sententiarum diversitas sit, non dico de Mysterio Trinitatis, sed de aliis Ecclesiasticis dogmatibus, de Resurrectione scilicet, & humanæ carnis statu, & qua ratione intelligenda sit Apocalypsis Joannis, quam si juxta litteram accipimus, judaizandum est; si spiritualiter, ut scripta est, differimus, multorum veterum videbimur opinionibus contraire; Latinorum, Tertulliani, Victorini, Lactantii; Græcorum, ut ceteros prætermittam, Irenæi tantum faciam mentionem; adversus quem Dionysius Alexandrinæ Ecclesiæ Pontifex elegantem scribit librum, irridens mille annorum fabulam. Cui duobus voluminibus respondit Apollinarius, quem non solum suæ sectæ homines, sed & nostrorum, in hac parte duntaxat, plurima sequitur multitudo, ut prælagamente jam cernam, quantorum in me rabies concitanda sit. Idem in C. 5. Ezech. ad illud: Tertia tui pars peste morietur: Septuaginta, quia supra quatuor partes posuerant, dicunt; Quarta pars tui morte averteretur. Perspicuum est autem, ut Hebræa veritas continet, tres esse partes. Multoque melius erat, transferre, quod scriptum est, quam rei malè translatae patrocinium quaerere. nec hoc dicimus ab illis factum, quibus vetustas auctoritatem dedit; sed per multa sæcula Scriptorum atque Lectorum vitio depravatum. S. Augustinus l. 3. de Civit. C. 10. Quoniam proclive est humanum genus non ex momentis ipsius libidinis, sed potius suæ consuetudinis æstimare peccata, sit plerumque, ut quisque hominum ea tantum culpanda arbitretur, quæ suæ regionis & temporis homines vituperare atque damnare consueverunt, & ea tantum probanda atque laudanda, quæ consuetudo eorum, cum quibus vivit, admittit, eoque contingit, ut siquid vel Scriptura præceperit, quod abhorret à consuetudine audientium, vel quod non abhorret, culpaverit, si animum eorum jam verbi vinxit auctoritas, figuratam locutionem putent; si animum præoccupaverit alicujus erroris opinio, quidquid aliter asseruerit Scriptura, figuratum arbitrentur.

*Regula 18. Nihil incredibile, quod testem habet idoneum.* S. Augustinus Epist. 7. De virginitate Sanctæ Mariæ, si hoc, quod scripsi, non persuadet fieri potuisse, neganda sunt omnia, quæ mirabiliter in corporibus acciderunt. Quod si propterea non creditur, quia semel factum est, quare ab amico, quem hoc adhuc mover, utrum nihil inveniat in litteris sæcularibus, quod & semel factum est, & tamen creditum non fabulosa vanitate, sed sicut existimant, historica fide, quære, obsecro te. Si enim tale aliquid in illis litteris inveniri nega-



negaverit, admonendus est: si autem falsus fuerit, soluta quaestio est.

*Regula 19. Argumentum ex silentio authorum non tunc probat, ubi authores potuissent, sed ubi debuissent loqui.* Irenaeus l. 1. cont. haer. C. 1. discite insensati, quoniam Jesus, qui nostra causa passus est, atque apud nos habitavit, eum ipsum esse Dei verbum. Etenim si alius quispiam ex Aeonibus pro salute nostra carnem assumpsisset, probabile fuisset, Apostolum de alio verba fecisse; cum autem verbum patris, quod descendit, idem sit etiam, quod ascendit, profecto non de quoquam alio, nec de Ogdoade verba fecit. Tertullianus l. 4. cont. Marcionem C. 12. ostendit, Christum Pharisaeis longo tempore suam divinitatem non manifestasse, quia de hac nihil disceptatum reperitur. Et C. 43. discipuli inquirunt; Nos autem putabamus, ipsum esse redemptorem Israelis, non existimarent, nisi esset; & cum existimaretur, non sustinuisset hanc existimationem de se, si non is esset, qui existimatur. S. Hieronymus l. 1. cont. Pelagianos. *Atticus.* Quomodo haec omnium opinio est, quod Dei auferas gratiam, & quidquid homines agimus, propriae tantum asseras voluntatis? *Crisobolus.* Miror Attice, cur erroris alieni à me causam, rationemque flagites; & id queras, quod scriptum non est, cum perspicuum sit, quod scripserim dixi, hominem sine peccato esse posse, si velit; nunquid addidi, absque gratia? *Atticus,* ex eo quod non addidisti, videris negare. *Crisobolus* immò ex eo, quod non negavi, dixisse existimandus sum. neque enim, quidquid non dicimus, negare arbitrari sumus. Idem in C. 1. Epist. ad Galatas. Non mirum est, si Lucas hanc rem tacerit, cum & alia multa, quae Paulus sustinuisse se replicat, Historiographi licentia praetermiserit; & non statim est contrarium, si quod alius ob causam dignum putavit relatu, alius inter cetera dereliquit. Primum Episcopum Antiochenae Ecclesiae Petrum accepimus, & Romam inde translatum, quod Lucas penitus omisit. S. Chrysostomus in C. 1. Epist. ad Galatas. Quid agis Paule? cum cupis judaizantes ad fidem perducere, nihil ex illis magnis ac praclaris adducis in medium, quale est illud, quod ad Philipenses scripsisti, dicens: cum in forma Dei esset, non rapinam arbitratus est esse se aequalem Deo. Item, quod Hebraeis scribens clara voce protulisti: Splendor est gloriae, & figura substantiae illius &c. horum nihil dicis, verum his omnibus de Divinitate Christi omissis de carnis dispensatione facis mentionem, crucem ac mortificationem in medium afferens. Hoc esse verum falsus aliquis sic pro Paulo respondet. Si illi sermo fuisset apud homines, qui nihil magni de Christo concepissent animis, aequum erat illi magnifica proferre: verum quoniam illi nobis movent seditionem, qui sibi videbantur poenas daturi, si descivissent à lege, ideo mentionem facit ejus rei, quae excludit totam legem. Si dixisset: In principio erat verbum &c. declarasset quidem verbi Divinitatem; verum nihil ad id, quod hic agebatur, illa contulissent. Porro quod ait: Qui excitavit eum à mortuis, commonefecit eos summi beneficii, quod in nos contulit Christus; quae res haud mediocriter ipsi conducebat ad id, quod agebatur. Hanc ob causam omissa illorum mentione de collata

in nos munificentia verba fecit. S. Augustinus l. 1. de consensu Evangelistarum C. 21. Cur non intelligunt miseri (Gentiles) illum esse Deum verum, quem sic vident à Deorum suorum societate sejunctum, ut quem Deum fatei coguntur, qui omnes Deos colendos profitentur, cum ceteris colere non sinantur? cum ergo simul coli non possunt, cur non ille eligitur, qui istos coli vetat, reliquit illis, qui istum coli non vetant? aut si vetant, legatur. quid enim magis populis eorum in templis eorum debuit recitari, ubi nihil unquam tale personavit? & utique prohibitio tam multorum contra unum, quam unius contra tam multos, notior & potentior esse deberet. Si hujus Dei cultus est impius, inutiles sunt dii, qui homines ab impietate non prohibent. Si vero pius est hujus cultus, quoniam in ipso praecipitur, ne illi colantur, impius est cultus eorum. Hic simulacra everti iussit, praedixit, evertit. Istos, ut ille non colatur, iussisse nescimus, praedixisse non legimus, valuisse aliquid non videmus. Idem l. 6. cont. Julianum. C. 24. de textu Apostoli: In quo omnes peccaverunt. quod Julianus per imitationem, Augustinus per traducem intelligi voluit, sic ait: Sed, inquis, si de peccati traduce loquebatur, nusquam congruentius diceret: Ideo pertransiit peccatum, quia omnes sunt de conjugum voluptate generati; & adderet; in eo transit, in quo ex tabida primi hominis carne fluxerunt. Nec vides, eodem modo tibi posse dici; si de imitatione peccati Apostolus loquebatur, nusquam congruentius diceret: Ideo pertransiit peccatum, quia primi hominis praecessit exemplum; & adderet: In eo transit, in quo omnes illius unius imitatione peccaverunt. Aliquo enim istorum duorum modorum loqueretur Apostolus hoc loco, si ad tuum vel meum loqueretur arbitrium. Quia ergo nec illud dixit, quod tu, nec illud, quod ego, nunquid vis, ut credamus, in his verbis nec originale secundum Catholicos, nec imitatorium secundum Pelagianos intelligendum esse peccatum? puto, quod nolis. remove igitur ista, quae possunt ex utraque parte momenti aequalibus dici; & si tibi placet sine contentione, quid Apostolus dixerit, intueci, adverte, ut hoc diceret, quid agebat.

*Regula 20. Author, in quo concurrunt multa in dispositi ad veritatem animi indicia, non fundat praesumptionem.* Talia autem indicia sunt, frequentes lapsus iudicii, prout fit in Haereticis, passiones, praedicia, levitas styli, obscuritas mentis &c. Eusebius l. 1. contra Marcellum, ait: Huiusmodi hallucinationes ille simul congestas una modo per oculos comprehendit &c. videris, quam immaniter aberraret in hac historia, qui Jesum illum, per Prophetam Zachariam commemoratum, non intellexit, quis aut qualis fuerat. Quocirca qui in voce tam cuiusvis obvia aberravit, & nudam ignoravit historiarum seriem, non potest ei tuto satis fides adhiberi in rebus Theologicis. Lactantius l. 7. Instit. C. 1. Necessearium puto, admonere lecturos, quam haec nostra, quae tradimus, prava vitiosaque mentes aut omnino non intelligunt; hebetantur enim acies eorum terrenis cupiditatibus, quae sensus omnes gravant, imbecillosque reddunt; aut etiam si intelligunt, dissimulabunt tamen, & esse haec vera agnoscunt, quia



aliquam tamen esse intelligat ex ipsa rerum suis facultudine, motu, dispositione, constantia, virtutis viam cunctudine, comparatione, nec possit. nam qui quod mirabili ratione constat, crebri sit flagrant, jure sit instructum.

*Regula 16. Nemo omnes, in dubio malunt id esse singulos fallunt.* Seneca. suis renuntiare coguntur.

*Regula 17. Quam nullis incitati, ut ait Poeta, in pro argumento assurgent, utique nos incredibilia affexinde applicare* vulnerant aures eorum praecepta Hieronymus. Qui verò ambitione inflati aut amore ciunt mihi, iammati omne studium suum ad honorem. Nondos contulerunt, nec si Solem quidem davi, gestemus in manibus, fidem commodabunt Praedictinæ, quæ illos jubet omni honore & potentia contemptis humiles vivere, atque ita humiles, ut accipere injuriam possint, & referre nolint, si acceperint. Hi sunt homines, qui contra veritatem clausis oculis quoquo modo laurant. Qui autem sani sunt, vel erunt, id est, nondum ita vitiis immersi, ut sanabiles non sint, & credent his, & libenter accedent; & quæcunque dicimus, aperta, plana, & simplicia, & quod maxime opus est, vera & inexpugnabilia videbuntur. Nemo virtuti faver, nisi qui sequi potest. Gregorius Nyssenus de præjudiciis ab infantia per sensus haustis loquens homil. 8. in Ecclesiasten sic ait: Utinam hoc ante omnia hominum doceretur natura, ut possit discernere bonum & honestum, & id, quod non est ejusmodi. non enim ad vitam nostram aditum haberent animi perturbationes, si id, quod est bonum, nossemus ab initio. Nunc autem sensum expertem rationis judicem boni & mali ab initio facientes simul alimur cum eo judicio de iis, quæ sunt, quod inest à principio; & ideo difficulter avellimur ab iis, quæ bona esse sensus existimavit, ut qui firmam ac stabilem nobis fecerimus habitudinem, eò quòd cum illis simul educti & enutriti sumus. Pulchrum videtur hominibus, quod oculis per bonum colorem affert voluptatem. Auditui pulchra res est melodia. In saporibus quoque & in odoribus ejusmodi bonum ac pulchrum definit, illud quidem gustus, hoc verò odoratus; omnium autem à ratione alienissimum est tactus: Quoniam ergo sensus cum nascentibus nobis statim oriuntur, & cum eis in primo vitæ initio statim versamur, propterea falsus & aberrans est usus affectionis. quoniam sensus simul nascitur cum primo ortu, mens autem expectat, donec excurrat ætas, ut possit paulatim apparere in subiecto, ea de causa sensus dominatum obtinet in mentem, quæ sensum accedit; quòd sit, ut sit nobis arduum & difficile, verum bonum mente comprehendere, quoniam præoccupati sumus sentiendi instrumentis, eò, quòd delectat & lætitia afficit, bonum circumscribentes, quomodo enim fieri non potest, ut ad eam, quæ est in cælis pulchritudinem, aspiciamus, si aërem caligo interceperit; ita nec oculus animæ ad virtutem aspicit, si per voluptatem veluti quandam caliginem ejus obtundatur visus.

S. Augustinus de indispositione omnium Gentilium ac Hæreticorum ad veritatem loquens, ostendit, eos etiam in profanis læpissimè errare, eò quòd non

habeant tot gratiæ lumina, per quæ multi caventur errores. Epist. 131. ad Memorium sic habet: Quid aliud dicendum est eis, qui cum sint iniqui & impii, liberaliter sibi videntur eruditi, nisi quod in litteris verè libetalibus legimus: Si vos filius liberaverit, tunc verè liberi eritis. Per eum namque præstatur, ut ipsæ etiam, quæ liberales disciplinæ ab eis vocantur, quid in se habeant liberale, noscatur. neque enim habent congruum libertati, nisi quod habent congruum veritati: unde ille ipse filius: Et veritas, inquit, liberabit vos. Non ergo illæ innumerabiles & impiæ fabulæ, quibus vanorum plena sunt carmina Poëtarum, ullo modo nostræ consonant libertati; non Oratorum inflata & expolita mendacia; non denique ipsorum Philosophorum garulæ argutiæ; absit omnino ut istorum vanitates & insanix mendaces, ventosæ nugæ ac superbus error rectè liberales litteræ nominentur, hominum scilicet infelicitium, qui Dei gratiam per Jesum Christum, qua sola liberamur de corpore mortis hujus, non cognoverunt, nec in eis ipsis, quæ vera sunt, senserunt. Historia sanè, cujus Scriptores fidem se præcipuè narrationibus suis debere profitentur, fortassis habeat aliquid cognitione dignum liberis, cum sive bona sive mala hominum, tamen vera narrantur. Quamvis in eis cognoscendis, qui Spiritu Sancto non adjuti sunt, auresque colligere ipsa humanæ infirmitatis conditione compulsi sunt, quemadmodum non fallerentur in plurimis, non video.

*Regula 21. Sola verborum obscuritas, aut ditionis luxuries non inferunt grave præjudicium veritati.* S. Augustinus l. 1. de origine animæ C. 3. Habet (Hæreticus) eloquium, quo possit explicare, quæ sentit; quamvis & in ipso eloquio habeat multa emendanda, & à nimia exundantia reprimenda; quod in illo tibi quoque, ut viro gravi, sicut tua indicant scripta, displicent. Sed hoc vel facillè corrigitur, vel sine detrimento fidei à levibus mentibus amatur, toleratur à gravibus. Habemus enim jam quosdam spumeos in sermone, sed in fide sanos. Idem l. 1. de Trinit. C. 3. Quisquis, cum hæc legit, dicit; hoc non bene dictum est, quoniam non intelligo, locutionem meam reprehendat, non fidem; & forte verè dici potuit planius; verumtamen nullus hominum ita locutus est, ut in omnibus ab omnibus intelligeretur. Videat ergo, cui hoc in sermone meo displicet, utrum alios in talibus rebus quæstionibusve versatos intelligat, cum me non intelligit. Et si ita est, ponat librum meum, vel etiam, si hoc videatur, abiciat, & eis potius quos intelligit, operam & tempus impendat. Non tamen propterea putet me tacere debuissè, quia non tam expedite ac dilucide quàm illi, quos intelligit, eloqui potui. Utile est plures à pluribus diverso stylo fieri libros, non diversa fide, etiam de quæstionibus eisdem, ut ad plurimos res ipsa perveniat, ad alios sic ad alios autem sic.



S. 3.

# De Interpretatione.

*Regula 1. Sensus verborum dependet ex usu loquentium.* S. Basilii, de Spiritu Sancto C. 25. Qui dixit, cum patre filium esse, simul & personarum proprietatem & inseparabile consortium expressit; quod idem fit in rebus humanis, in quibus, Et, conjunctio declarat operationis consortium; at propositio, Cum, significat etiam communionem. v. g. Navigarunt in Macedoniam Paulus & Timotheus, sed & Tychicus & Onesimus missi sunt Colossensibus. Ex his discimus, illos eandem rem fecisse. Caterum si audierimus connavigarunt, & collegæ missi sunt, etiam illud addiscimus, eos actionem pariter operantes esse. At propositio, In, declarat rationem ad id, in quo sunt operantes; siquidem cum audimus, in-navigant, inhabitant, protinus cogitamus scapham, aut domum. Itaque juxta communem usum harum syllabarum talis est inter ipsas differentia. S. Augustinus l. 2. de doctrina Christiana C. 13. Quid est ergo integritas locutionis, nisi Latine consuetudinis conservatio loquentium veterum auctoritate firmata?

*Regula 2. Sensus verborum magis dependet ex subjecta materia.*

*Regula 3. Sensus verborum potissimum dependet ex intentione loquentis.* Tertullianus de Monogamia C. 11. interpretationem Ecclesie Catholice de quodam texu D. Pauli sic conatur evertere, verò principio pessime usus. Hæc erit interpretatio capituli istius de hoc examinanda, an & tempori & causæ, & tam exemplis & argumentis præcedentibus, quam & sententiis & sensibus subsequentibus, & in primis an ipsius Apostoli & consilio proprio congruat, & instituto. nihil enim sic custodiendum est, quam ne diversis sibi quis deprehendatur. Lactantius l. 4. Instit. C. 9. Græci λέγων dicunt, quem nos verbum sive sermonem; λόγος enim & sermonem significat & rationem, quia ille est vox & sapientia Dei. hunc sermonem Divinum ne Philosophi quidem ignoraverunt. Siquidem Zeno rerum naturæ dispositorem atque opificem universitatis λέγων prædicat, quem & fatum & necessitatem rerum, & Deum, & animum Jovis nuncupat, ea consuetudine, qua solent Jovem pro Deo accipere. Sed nihil obstant verba, cum sententia congruat veritati. Est enim Spiritus Dei, quem ille animum Jovis nominavit. S. Athanasius l. 3. contra Arrianos. Non dictiones naturam perimunt, sed potius natura dictiones ad se trahit & commutat; siquidem verba substantiis non priora sunt; sed primum existunt substantiæ; dein dictiones superveniunt. S. Chrysostomus hom. 13. in Epist. ad Rom. ad illud: Qui autem in carne sunt, Deo placere non possunt. Carnem hic non corpus appellat, sed vitam carnalem. necesse enim est, non ad voces simpliciter, sed ad loquentis mentem ubique advertamus, exactamque dictorum discretionem pernoscamus. Idem hom. 25. in Epist. ad Rom. ad illud: Tu quis es, qui judicas alienum servum; Domino suo stat aut cadit. Ista, nisi rur-

probare, divinam naturam in Christo passam esse, quia Deus sic voluit, & quia, quod vult, potest. Respondet: Deus nihil vult eorum, quæ non sibi suapte natura insunt; potest autem, quæcunque vult; dum autem, quæ sunt suæ naturæ convenientia. Etenim Job, absolute dixit: Scio, quod omnia nihil tibi est impossibile. Orthodoxus. Iam à justo antea dicta sunt, horum quodlibet: Neque autem institutum ex illis invenies. Sic hæc verba, si per litteras reduces me &c. & visitatio adjecerimus, ob quam hunc meum. His subjungit: plaudet, & admirabuntur. Scio, quod omnia potes. igitur faciamus. non enim sunt, & à corruptione expendere, aliqui multæ conscienties. neque convenit sermonem persequendum est, minare, sed observare mentem scribentis. manis enim sermonibus, nisi hac ratione. omnes non mus, expendentes quid senserit ille, qui hanc ra-dari multas inducemus similitudines, omnia subvertit. Idem hom. 74. in Joa. ad illud: Ego in patre, & in me, & ego in vobis. In patre enim substantia, in ipsis concordia & auxilium est. Et quamnam hoc rationem habet, dic quæso? magna sanè & incomparabilis differentia Christi & discipulorum. Quod si ita verba jacent, noli admirari. solet enim nonnunquam iisdem verbis & in Deo, & in hominibus non eodem modo uti. Nam & Dei dicitur, & filii Dei; quod verbum non eandem in nobis, quam in Deo vim habet. Et imago filius & gloria dicitur, atque etiam nos, sed longè aliter. Et iterum: Vos Christi; Christus autem Dei non similiter autem Dei Christus, & nos Christi. Et. Sicut misit me Pater, & ego misi vos. Vides, quod in hoc loco idem verbum non eandem vim habet? nam si hoc ita acciperemus, nihil inter Apostolos & Christum interesset. Idem humil. 83. in Joa. ad illud: Nemo ex eis perit, nisi filius perditionis, ut Scriptura impleatur; non tamen propterea perit, ut impleatur. Hic enim proprius modus Scripturæ est, ut quæ eventus sunt, pro causa ponat: & omnia diligenter investiganda sunt, & dicentis mos, & subjectum, & Scripturæ lex. Idem Serm. 8. ad illud: Pater, si possibile est, transfer à me calicem. Quid est, quod dicit? ignorat, possibilene hoc sit, an non possibile? verum non oportet verbis adhærere, sed ad sensum converti, & scopum nosse dicentis, & causam, & occasionem, omnibusque collectis sensum in eis latentem indagare. S. Augustinus l. 2. de consensu Evangelistarum C. 46. Ex universa verborum varietate (in Scripturis) rerum autem, sententiarumque concordia satis apparet, salubriter nos doceri, nihil querendum in verbis, nisi loquentium voluntatem. Idem de Verbis Domini serm. 11. ad illud: Spiritus blasphemia non remittetur. Alii duo Evangelistæ, Marcus & Lucas, non dixerunt, blasphemiam, sed quandam. Nunquid propter nonnullam verborum diversitatem receditur ab ejusdem veritate sententiæ? nam neque alia causa est, cum Evangelistæ eadem non eodem modo dicant, nisi ut inde discamus res verbis, non rebus verba præponere, nihilque aliud in loquente querere, nisi voluntatem, propter quam insinuandam verba promuntur. Cyrillus Alexandrinus l. 3. in Joa. C. 10. ad illud: Si Moysi



non creditis, quomodo verbis meis credetis? Poterit hinc aliquis eo falsitatis devenire, ut scripta Moyſis majoris, quàm Salvatoris verba putet dignitatis. Habitus enim ipſe orationis atque figura verbis Salvatoris multò digniora ſcripta Moyſis videntur ostendere; ſed ipſa natura rerum longè falſum ac omnis plenum inſaniæ hunc ſenſum eſſe perſuadet. Et l. 10. C. 13. ad illud: Ego ſum vitis vera, & Pater meus agricola eſt. Ego arbitror, ſi volumus rectè, quæ dicuntur, intelligere, intentionem ſemper nobis eſſe conſiderandam, & ad quod propoſitum Chriſtus verba faciebat. Non intendebat Chriſtus modò alium ſe à Patre naturâ ostendere; cur enim, ſi hoc intendit, nihil aliud attulit? &c. Idem l. 9. Theſauri C. 1. ad illud: *Fatum ſub lege*. Nihil poſſunt verba rebus derogare, quando ſcriptura ipſis abutitur. nam etiam de filiis hominum propriis, facti filii, non nati plerumque dicuntur; neque propter hoc tamen naturaliter filios eſſe quisquam negaverit. naturæ enim rerum verba, non verbis naturas accommodamus. Et l. 8. Theſauri C. 2. ad illud: Tantò melior Angelis factus. Ante omnia, quando locum ſcripturæ aliquem rectè intelligere volumus, tria diligenter conſideranda ſunt. Tempus, quando ſcriptum eſt, quod dicitur; perſona, quæ dicit, vel per quam, aut de qua dicitur; & res, propter quam aut de qua ſcribitur; ſic enim abſque errore poterimus ſenſum verum inveſtigare.

*Regula 4. Senſus verborum rectè colligitur ex acceptione & exſpectatione audientium.* quia loquentes præſumuntur illum ſenſum intendere, quem prævident verbis ſubjiciendum ab audientibus. Rectè Tertullianus l. de Carne Chriſti C. 3. ait: Si naſci Deus voluiſſet, nec hominem ſe videri præſtitiſſet. Nam quis hominem videntem eum negaret natum? Itaque quod voluiſſet eſſe, nec videri omnino voluiſſet: Omnis rei diſplicentis etiam opinio reprobat; quia nihil intereſt, utrum ſit aliquid, an non ſit; ſi cum non ſit, eſſe præſumitur. Idem dici poteſt de ſenſu verborum, quem quis prævidet oriturum in mente audientium. S. Athanaſius Epistoſta ad Serapionem. Dicite, ubi in ſcripturis Sanctis reperitis Spiritum Sanctum ſimpliciter nominari Spiritum ſine additamento, Dei, aut Patris &c. Excipiat ab hac regula, cum, quod priùs diſtinctè commemoratum eſt de ſpiritu, poſteà ſimpliciter repetitur; ibi enim ex ſuperioribus cognoscitur, de quo ſpiritu mentio fiat, etiam ſi in ſequentibus nudum tantummodo ſpiritus vocabulum ſit poſitum. aut quando ad illos ſit ſermo, qui jam ſciunt, de quo ſpiritu intelligendum ſit, quod dicitur, ut ad Galatas: Ex operibus legis accepistiſtis ſpiritum, an ex auditione fidei? utpote quibus cognitum erat, ſecum ſpiritum accepisse, qui datur credentibus per lavacrum regenerationis. Quale & illud ad Theſſalonicenſes. Spiritum nolite extinguere, qua forma verborum uti voluit, quia & ipſi ſciebant, quem ſpiritum accepissent. In Evangeliiſ, ſi Evangeliſtæ loquantur: Jeſus plenus ſpiritu reverſus eſt à Jordane. Jeſus ductus eſt à ſpiritu in deſertum; eandem rationem iſta dicta in ſe continent; ſiquidem priùs dictum fuit à Luca: Contigit deſcendere Spiritum Sanctum inſtar columbæ ſuper eum. Undè liquet, cum ſpi-

ritum poſteà ſimpliciter dicit, Evangeliſtam hoc de Spiritu Sancto dicere. S. Hilarius in Pſalmum 135. Non eſt otioſus ſermo Propheticus, neque ex inanibus ac ſuperfluis cauſis ſpiritualis loquela eſt. ſi enim in viris prudentibus ſpectari id maxime ſolet, ut ea, quæ loquuntur, gravitate eorum, doctrinæque digna ſint; omniſque ſermo non ſit fortuitus & vagus, ſed ex rationalibus cauſis profeſtus, & exſpectationi audientium utilis, & Authori congruus diſſerentium; quanto magis id in cœleſtibus eloquiis opinandum eſt? S. Chryſoſtomus hom. 37. in Joa. ad illud: Pater meus operator, & ego operor. Hæc verba ſunt, æqualem ſe patri facientis. Nulla enim in his verbis differentia eſt. Quod ſi aliter ſenſiſſet, ſed Judæi ſic perperam intellexiſſent, neutiquam fallam illorum opinionem prætermiſſet, ſed ſerio correxiſſet. Neque verò idipſum ſilentio texiſſet Evangeliſta, ſed aperte indicalleſt, talem eſſe Judæorum ſuſpicionem, cum ipſe Deo ſe æqualem non faceret: quemadmodum alio in loco, cum videret particulam illam: Solvite templum hoc, & in tribus diebus excitabo illud; aliter à Chriſto dictam; hoc eſt, de carne ſua; aliter à Judæis intellectam de ſuo videlicet templo, ideoque dixerint: Quadraginta & ſex annis ædificatum eſt hoc templum, & tu tribus diebus excitabis illud? cum igitur aliud ipſe dixiſſet, illi verò aliud ſuſpicarentur, hoc innuens Evangeliſta, & illorum corrigens ſuſpicionem, ſubjuxit: Ille autem dicebat de templo corporis ſui. Ita ſi hoc in loco aliter Chriſtus ſenſiſſet, quàm illi eſſent ſuſpicati, profeſſo dixiſſet, Judæos quidem credidiſſe, Chriſtum æqualem ſe Deo facere, ipſum autem non de ejusmodi æqualitate locutum. Neque hic tantum, ſed & alius Evangeliſta hunc morem ſervat corrigendæ ſuſpicionis. Cum enim dixiſſet diſcipulis Jeſu. Cavete vobis à fermento Phariſæorum; & illicogitaſſent intra ſe: Quia panes non accepimus; Jeſus autem pro fermento doctrinam acciperet, ipſe Jeſus eos arguendo ſuam ſententiam exponit: Nondum intelligitis, quia non de pane dixi vobis? hic verò nihil corrigit. Idem hom. 38. in Joa. ad illud: Non quero voluntatem meam, ſed ejus, qui miſit me. Non modò in his quid dicatur, ſed quid auditores ſenſerint, inquirendum eſt, & ſecundum eorum opinionem verba metienda ſunt, ac utrum ad ea reſponderit; aliter multa ſequerentur abſurda. Conſidera quæſo; non quero voluntatem meam; ergo diverſæ eſt voluntatis? quid ergo ſibi vult? tanquam homo, & ſecundum auditorum opinionem loquitur. Et hom. 39. in Joa. ad illud: Si ego teſtimonium perhibeo de me, teſtimonium meum non eſt verum. Huic contrarium videtur, quod alibi Chriſtus dicit: Si ego teſtimonium perhibeo de me, teſtimonium meum verum eſt. Quid ſibi vult hic ſermo? diligenter invigilandum, ne nudis verbis inſiſtamus. Ita Hæretici in errorem incidunt, neque ſententiam, neque audientis habitum inquirentes, niſi enim tempora, locos, auditorem, & alia huiusmodi conſideremus, multa ſequentur abſurda. Quænam ergo ſententia? dicturi erant Judæi, ſi tu teſtimonium perhibes de teipſo, teſtimonium tuum non eſt verum. Idcirco præoccupavit Jeſus, quaſi diceret: fortaiſſe dicetis, vos mihi non credituros &c. illa autem particula: *Non eſt verum*, non eſt temerè legenda; ſed ad illorum opinionem refe-



referenda, hoc est, vobis non est verum. non enim ex autoritate sua loquitur, sed pro auditorum suspitione, quam arguit.

*Regula 5. Nonnunquam aliqua dicuntur non ex propria sententia, sed juxta opinionem erroneam temporum vel auditorum, historicæ, vel hypotheticæ.* S. Chrysostomus, in Psal. 6. ad illud: Domine ne in furore tuo arguas me, neque in ira tua corripas me. Quando furem & iram de Deo audiveris, nihil humanum suspiceris. sunt enim verba, quibus se accommodat, & ad captum nostrum demittit; Deus enim ab his omnibus liber est; ita autem loquitur, ut in crassiorum cadat intelligentiam, nam nos quoque, quando loquimur cum barbaris, illorum lingua utimur; & si cum puero loquimur, unâ cum eo balbutimus. Id etiam fit in rebus, ut qui & manus mordeamus, & iram simulemus, ut puerum corrigamus. Ita etiam Deus crassiores afficere volens, talibus verbis usus est. S. Hieronymus in C. 28. Jeremias. ad illud: Dixit Ananias Propheta &c. & dixit Jeremias Propheta ad Ananiam Prophetam. Septuaginta Prophetam non dixere Ananiam, ne scilicet Prophetam viderentur dicere, qui Propheta non erat; quasi non multa in Scripturis Sanctis dicantur juxta opinionem illius temporis, quo gesta referuntur, & non juxta quod veritas rei continebat. Joseph in Evangelio Pater Domini vocatur, & Maria loquitur ad filium. Ego & pater tuus dolentes querebamus te.

*Regula 6. Sensus verborum dubius debet desumi ex contextu. Ut nempe ex antecedentibus, consequentibus, ordine dicendorum, & toto doctrinae systemate ille sensus colligatur, qui toti congruit.* S. Athanasius l. 4. contra Arianos. ad illud: De hora illa nec filius scit. Atqui series lectionis ostendit, filium Dei illam diem & horam probè scire. Recenset enim ea, quæ diem illam antecedunt. Jam, qui ea, quæ diem illam antecedunt, eloquitur, omnino in cognitione sua diem habet, quæ post res prænuntiatae secutura est. Veluti, si quis domum vel civitatem ignaro certis signis demonstrare cupiens, ea quæ ante domum vel civitatem consistunt, percenseat, fieri non potest, ut rem demonstratam incognitam habeat. S. Hieronymus in C. 1. Habacuc. Scio quendam de fratribus per lapidem, qui de pariete clamaverit, intellexisse Dominum Salvatorem, & Scarabeum de ligno loquentem latronem, qui Dominum Blasphemaverit; quod licet pie possit intelligi, tamen quomodo cum universo Prophetiæ contextu possit aptari, non invenio. Idem in C. 5. Epist. ad Ephes. ad illud: Surge, qui dormis, & exurge à mortuis, & illuminabit te Christus. Scio me audisse quendam de hoc loco in Ecclesia disputantem. Testimonium hoc, inquebat, ob Adam dicitur in loco Calvariæ sepultum, ubi crucifixus est Dominus. Illo ergo tempore, quo crucifixus Dominus super ejus pendebat sepulchrum, hæc Prophetia completa est, dicens: Surge Adam, qui dormis, & exurge à mortuis. Hæc tunc in populo dicta plausu ac tripudio excepta sunt. Unum quod scioloquor; Cum loci istius interpretatione atque contextu sensus iste non convenit. Theodoretus dialogo 3. de Impatiabilitate Divinæ naturæ. Ubi Eranistes volebat

probare, divinam naturam in Christo passam esse, quia Deus sic voluit, & quia, quod vult, potest. Respondet: Deus nihil vult eorum, quæ non sibi suapte natura insunt; potest autem, quæcunque vult; vult autem, quæ sunt suæ naturæ convenientia. Eranistes. Job, absolute dixit: Scio, quod omnia potes, & nihil tibi est impossibile. Orthodoxus. Si legeris, quæ à justo antea dicta sunt, horum quoque scopum & institutum ex illis invenies. Sic autem dicebat: memento, quod sicut lutum feceris me, & in terram reduces me &c. & visitatio tua custodivit spiritum meum. His subjungit: Hæc habens in meipso, scio, quod omnia potes. Quæcunque ergo his convenient, & à corruptione & interitu alienam decent naturam, posse dicit universorum Deum.

*Regula 7. Unus potius textus torquendus est, quam multi.* Tunc nempe, quando omnes non possunt sumi in sensu obvio ac proprio. Irenæus l. 5. contra hæc. C. 13. probans ex Scriptura dari Resurrectionem corporum, ait: In his omnibus Hæretici aut contradicentem sibi Apostolum dicent quantum ad illud: Caro & sanguis Regnum Dei possidere non possunt; aut iterum malignas & extortas cogentur omnium dictorum facere expositiones ad transvertendam & immutandam sententiam dictorum. Quid enim dicere habebunt sanum, si conabuntur aliter interpretari hoc quod scribit: Oportet enim corruptibile hoc induere corruptilem, & mortale hoc induere immortalitatem? & reliqua omnia, in quibus Apostolus manifestè & clarè resurrectionem & incorruptilem carnis prædicat. Cogentur itaque hæc tanta malè interpretari, qui unum benè nolunt intelligere.

*Regula 8. Textus dubius per certiore explicari debet.* Tertullianus l. de Resurrectione C. 19. Hæc dispectio fidem defendens vocabulorum illuc proficere debet, ut si quid pars diversa turbat obtentu figurarum & æigmatum, manifestiora æquè prævaleant, & de incertis certiora præscribant.

*Regula 9. Per se semper stat præsumptio pro sensu proprio.* Tertullianus l. de Carne Christi C. 14. Perversissimum est, ut carnem nominantes animam intelligamus, & animam significantes carnem interpretemur. Omnia periclitabuntur aliter accipi, quàm sunt, & amittere, quod sunt, dum aliter accipiuntur, si aliter quàm sunt, cognominantur. Fides nominum salus est proprietatum. Etiam dum demutantur qualitates, accipiunt vocabulorum possessiones v. g. argilla excocta testis vocabulum suscipit, nec communicat vocabulo pristini generis.

*Regula 10. Ille sensus non est proprius verbo, qui aliis verbis constanter exprimitur.* Sic Tertullianus l. de Virginibus velandis C. 4. & 5. ostendit per nomen mulieris non significari conjugatam, quia talis per nomen uxoris exprimitur. Nobis opponitur, inquit, nullam mentionem virginum ab Apostolo factam, ubi de velamine præfinit, sed tantum mulieres nominatas. Sed Spiritus Sanctus uno nomine mulieris etiam virginem intelligi voluit, quàm propriè non nominando à muliere non separavit. Naturaliter compendium sermonis & grati & necessarium est, quoniam sermo laciniolosus & one-



& onerosus & vanus est. Sic & generalibus vocabulis contenti sumus comprehendentibus in se specialium intellectum. Generale vocabulum est mulier; speciale virgo, vel nupta, vel vidua. Subiectum est igitur, generali speciale; nominando mulierem, quidquid est mulieris nominavit. Sed probari à nobis debet, proprietatem ejus vocabuli ad sexum ipsum, non ad gradum sexus pertinere. quia ubi Eva mater viventium est, uxor & non virgo prænuntiatur; Ecce hoc erit vocabulum nupturæ. S. Athanasius l. 3. contra Arrianos ex eo, quod generatio æterna Verbi constanter alio verbo exprimitur, quam per τὸ creati, aut fieri, ostendit, ista non esse nomina propria. Ubique, inquit, Scriptura filium proponit, non per τὸ creati; sed omnino per vocabulum genuit denotare solet. S. Hilarius l. 6. de Trinitate volens probare, Christum proprie esse filium Dei, ait: Anne ô miser, quisquis hodie es Hæretice, beatiorum Petrum futurum existimas, si dixisset: Tu es Christus, perfecta Dei creatura, & supereminens facturis omnibus factura, qui nomen filii adoptione meruisti? Cur non hanc confessionis fidem pater Petro revelavit? invidit credo hoc Petro Deus, ut hæc nunc vobis novis prædicatoribus reservaret. Sed Deum unigenitum filium Joannes dixit, non creaturam perfectam; non ignoravit hæc blasphemiarum nomina, &c.

*Regula 11. Si adsit urgens ratio recedendi à proprietate verborum, non est eidem mordaciter insistendum.* Origenes Philocalium C. 26. Quoniam in eloquendo interdum propriè loquimur, interdum etiam per abusionem vocabulorum, non mirum, si aliquando bonorum & malorum denominationem rebus externis tributam reperiamus e. g. descenderunt mala in portas Jerusalem. Intellectis igitur rebus nos non oportet esse malignos circa vocabula, sed animadvertere, quando propriè de rebus proponantur, quando per abusionem quadam nominum penuria.

*Regula 12. Tunc in Scriptura primum recurrendum est ad sensum metaphoricum, quando non potest haberi sensus litteralis utilis.* Gregorius Nyssenus in Cantica Procem. Quoniam nonnullis videtur, Sacræ Scripturæ litteram & dictionem perpetuò esse sequendam; nec assentiuntur per ænigmata, & allegorias, & sensus arcanos aliquid dictum esse ad nostram utilitatem, existimo, primum esse necessarium, iis respondere, qui de iis nos accusant, & ostendere, quod nihil absurdum & alienum facimus, si ex Scriptura omnimodo venemur utilitatem; ut si pro sit quidem dictio intellecta, ut dicta fuit, promptum & paratum habeant id, cuius tenentur studio; siquid autem occulte dictum ad utilitatem sit planè otiosum, si spectatur sensus qui est in promptu, se conferant ad intelligendum vel tanquam parabolam id, quod factum est, vel tanquam obscuram orationem.

*Regula 13. In rebus magni momenti servatur proprietas nominum.* Hilarius l. 6. de Trinit. Scribens Evangelista scribendi afferre debuit rationem. Videamus, quam ostenderit. Hæc autem sunt scripta, ut credatis, quoniam Jesus est Christus filius Dei. Non est ergo nomen filii in Christo ex adoptionis consuetudine, quod proprium est ad sa-

lutem. Si salus in confessione nominis est, quæro cur in nomine veritas non sit?

*Regula 14. Qui verba in sensu improprio accipit, tenetur dare rationem.* Epiphanius hæret. 69. Christum esse creaturam confitemur, inquit, quandoquidem Christus & janua vocatus est, & petra, & agnus &c. sic, inquit, etiam creaturam dicimus; abusivè enim nos confiteri oportet. Fuge malam hanc opinionem. Dent enim nobis huius usus rationem; nam omnia illa abusivè dicta sunt. Minimè in Deitatem filii irruentia. Ostium dicitur, quia per illum ingredimur; agnus propter innocentiam, & siquid aliud est ejusdem usus, quod confert ad salutem hominum. Quid igitur creatura profuerit? Quid nobis prodest ipsum dicere creaturam?

*Regula 15. Ille sensus censetur verbis proprius, quem iidem subjiçunt etiam hostes inviti.* S. Hilarius l. 6. de Trinit. Interrogat Dominus; Tu credis in filium Dei? an huius nominis proprietatem daemones nescierunt? clamant enim, & persæpe clamant. Quid mihi & tibi est Jesu fili Dei altissimi? invitis veritas elicit confessionem, & naturæ potestatem testatur dolor obediendi. Judæi, qui Christum corporeum nesciebant, sciebant tamen, eum qui Christus esset, esse filium Dei. Sacerdos eum interrogat. Tu es Christus filius Dei non interrogant; an Christus filius Dei sit, sed an hic sit Christus filius Dei? non ambigitur, quod Christus Dei filius sit, tamen, quod hic sit negatur. Ille confitendo se Dei filium reus mortis alibi judicatur. Professio ejus ita Judæis, ut tibi displiceret.

*Regula 16. Sensus verborum non ex præiudicio de objecto accipiendus, sed ex ipsis verbis.* S. Hilarius l. 1. de Trinit. Dei naturam non naturæ suæ legibus metiatur, sed divinas professiones secundum magnificentiam Divinæ de se protestationis expendat. Optimus enim lector est, qui dictorum intelligentiam expectet ex dictis potius, quam imponat, & retulerit magis, quam attulerit, neque cogat id videri dictis contineri, quod ante lectionem præsumpserit intelligendum.

*Regula 17. In tralatitiis ex alia lingua non multum urgenda proprietas ac emphasis verborum.* Quando adest ratio suspicandi in textu originali non contineri eandem vim. Ratio est, quia frequentissimum est, ut non sit eadem vis verborum in tralatitiis & originali textu. S. Ambrosius in Psal. 37. Sensus nobis semper spectandus est in scripturis, quem tamen ipsum frequens translatio ex Hebræo in Græcum, ex Græco in Latinum attenuare consuevit. Idem in Psal. 118. Oton. 14. Non possumus in omnibus vim Græci sermonis exprimere; major in Græco plerumque vis & pompa sermonis est. τέλος dicitur græcè, quod nos latine & finem dicimus & consummationem. τέλος autem & consummationis ipsius finis est. S. Hieronymus Epist. 89. ad S. Augustinum. Dicis, in Jonam Prophetam male quiddam interpretatum, & seditione populi conclamante Episcopum propter unius verbi dissonantiam pene sacerdotium perdidisse. Et quid sit illud, quod male interpretatus sum, mihi subtrahis, nisi fortè quod hederam pro cucurbita transtulerim. Hoc nunc dixisse sufficiat,



sufficiat, quod in eo loco, ubi Septuaginta Interpretes cucurbitam, & Aquila cum reliquis hederam transtulerunt, in Hebræo volumine Cicaion scriptum est, est autem genus virgulti lata habens folia in modum pampini, cumque plantatum fuerit, citò exurgit in arbusculam absque ullis calamorum & hastilium adminiculis, quibus & cucurbitæ & hederæ indigent, suo trunco se sustinens. Hoc ergo verbum de verbo transferens, si Cicaion transferre voluisssem, nullus intelligeret, si cucurbitam, id dicerem, quod in Hebraico non continetur. Hederam posui, ut cæteris interpretibus consentirem. Peto in fine Epistolæ, ut quiescentem senem, olimque veteranum militare non cogas, & rursum de vita periclitari. Idem de optimò genere interpretandi. C. 2. Cum Eusebii Cæsariensis Chronicon in Latinum verterem tali inter cætera usus sum præfatione. Difficile est alienas lineas insequentem non alicubi excidere; & arduum, ut quæ in aliena lingua bene dicta sunt, eundem decorem in translationem conservare. Significatum est aliquid unius verbi proprietate, non habeo meum, quo id efferam; & dum quero implere sententiam, longo ambitu vix brevis vix spatio consumo. Accedunt hyperbaton anfractus, dissimilitudines casuum, varietates figurarum, ipsum postremo suum, & ut ita dicam, vernaculum linguæ genus. Idem in C. 40. Ezech. Lectorem admonendum puto, ut sciat, omnia prope verba quæ in Græca & Latina translatione sunt posita, nimia vetustate corrupta, scriptorumque vitio depravata, & dum de inemendatis scribuntur inemendatiora, de verbis Hebraicis facta esse Sarmatica, immò nullius gentis, dum & Hebræa esse desierint, & aliena esse non cœperint. S. Chrysostomus hom. 2. de Prophetiarum obscuritate. Quænam igitur est secunda causa, propter quam difficilius Vetus Testamentum est, quàm Novum. Non habemus nativo sermone apud nos scriptum Vetus Testamentum; siquidem à principio Hebraico conscriptum est idiomate; nos autem Græca lingua expressum accepimus; cum verò interpretatione in aliam linguam translatum fuerit, maximam habet difficultatem. Atque hoc probè sciunt, quicunque multas linguas callent, fieri non posse, ut pari perspicuitate sententias omnes ex nativa sua lingua in alteram interpretando transferamus. S. Augustinus l. de vera religione C. 50. Intelligamus, quomodo ipsa locutio scripturarum secundum cuiusque linguæ proprietatem accipienda sit. Habet enim omnis lingua sua quadam propria genera locutionum, quæ cum in aliam linguam transferuntur, videntur absurda.

*Regula 18. Verba de objectis altioribus non sunt ex sensu populi explicanda.* Origenes hom. 4. in c. 6. Levit. Puto, quod verba Dei non debeant secundum incapacitatem audientium, sed secundum Majestatem loquentis intelligi.

*Regula 19. Ille sensus convenit parti, qui convenit toti.* id est, toti doctrinæ. Eusebius l. 6. Demonstrat. Evang. Si quis dicat, sub Antiocho Epiphane hæc completa fuisse, etiam atque etiam consideret, utrum possit etiam reliqua, quæ ex hac Prophetia supersunt, ad Antiochi tempora referre, cuiusmodi illud est, quod populus servitutem sit passus, quod pedes Domini in monte Olivarum steterint, ut dominus in illa die Regnum obtinuerit in

omnem terram, utrum nomen domini ambierit omnem terram, quo tempore Antiochus Syriam obtinuit.

*Regula 20. Ille sensus non convenit verbis, qui non convenit similibus verbis; aut vicissim.* Eusebius l. 7. demonstrat. Evang. ad illud Esa. Egredietur virga de radice Jesse, & flos de radice ejus ascendet; & erit justitia cingulum lumborum ejus, & posceatur simul lupus cum agno, & bardus cum hædo, &c. Quæ de feris mansuefaciendis dicuntur, per figuram referri poterunt ad mores hominum feros, qui per Christi doctrinam feritatem abjecerint. Planissimè autem horum figuratus sensus aperietur, si quis radicem Jesse, & virgam, & florem interpretetur, exponatque, qua ratione intelligatur justitia latera cinxisse, & veritate lumbos induisse. Sicut enim hæc non possumus aliter, quàm per figuratam expositionem interpretari, ita sequitur, ut ea quoque accipiamus, quæ variis locis sub animalium nominibus proferuntur. Theodoretus in Genesin, quæst. 20. Hæretici coacervant mille loca, quibus membra Dei appellantur. Adversus quos opponemus Scripturæ verba eorum opinioni contraria. ex Zacharia. Septem oculi domini respiciunt super universam terram. Quod si Deus septem oculos habet, nos autem duos tantum, non ad ejus similitudinem creati sumus, sed neque nos præditi sumus alis, cum tamen de Deo dicatur: sub pennis ejus sperabis. At quomodo cælum, cum sit sphericum; thronus Dei esse potest, aut terram scabellum pedum ejus?

*Regula 21. Denominatio plerumque sumitur à potiori vel præstantiori.* Ephrem Serm. exhort. ad fratres. Paulus per temperamentum plurium nomina præstantiorum universo attribuit homini, adeò ut si caro superaverit, carnalis sit homo ille; si vicerit anima, spiritalis. S. Ambrosius l. 1. Hexameron C. 10. scriptura diei & noctis tempora diei appellatione conclusit, & tanquam principalis sibi auctoritatem nominis vendicavit. Et hanc scripturæ esse consuetudinem, ut potiori appellationem deputet, frequentibus exemplis probamus siquidem & Jacob dixit. Dies annorum meorum vitæ pauci & mali; non & noctes. Deus ergo statuit, ut viginti quatuor horæ diurnæ & nocturnæ diei tantum nomine definiantur, quia necuntur secunda potioribus. S. Hieronymus Proëm. in Epist. ad Gal. Et in Occidente Græci sæpe acuminis reperiuntur ingenia, & in Oriente stoliditatem barbaram redolent. Nec hoc dicimus, quod non è regione ubique diversa nascantur; sed quod ex magna parte etiam cætera, quæ non sunt similia, nuncupentur. Itaque non mirum est, stultos & ad intelligentiam tardiores Galatas appellatos, cum & Hilarius Gallus ipse Gallos indociles vocet. Cyrillus Alexandrinus Epist. 1. ad Solitarios: Licet corporum tantum matres fiant, attamen totum hominem parientes, qui ex anima & corpore constat, non partem illius parere dicuntur. Quod si alicujus quisquam matrem carniparam, non etiam animæparam dixerit, planè perissologiam committeret. Peperit enim ex dissimilibus compositum, & ex duobus quidem, attamen unum hominem. Idem Epist. 35. ad Acacium. Aliæ voces in Christo ita sunt comparatæ, ut Divinitati potissimum competant; aliæ verò magis



ad humanitatem pertinent, ita tamen, ut & divinitati & humanitati competentes voces uni adscribantur filio.

**Regula 22.** *Denominatio simpliciter talis presumitur optime velle explicare naturam.* Sic prima persona in Trinitate vocatur Pater, non ingenuus. Cyrillus Alexandrinus l. 1. Thesauri C. 2. Nomen Patris filii nomen necessario intellectum inducit. Nomen verò ingenui, quod Deus scilicet genitus non sit, genitorum, memoriam opponit. Igitur multò melius inde nominare Deum, unde filii quoque cognitio sequitur, quàm inde, unde creaturatum notitia subditur, quæ ad cognitionem Trinitatis nihil conducit.

**Regula 23.** *Denominatio potest significare omnes possibiles relationes.* v. g. relationem causæ significat, cum Christus vocatur mors malis, vita bonis.

**Regula 24.** *Similitudo presumitur desumi ab iis, quæ sunt in rebus obvia.* Irenæus l. 2. C. 40. volens probare, quod duodecim æones non sint præfigurati per mulierem Evangelicam passam duodecim annis profluvium sanguinis, ait: Quia autem hæc undecim omnino annis passa est, & non est sanata, duodecimo autem anno sanata est, quomodo potest esse typus duodecimi æonis, ex quibus undecim omnino nihil passi sunt, solus autem duodecimus participatus est passionem typus enim & imago secundum materiam & secundum substantiam aliquoties à veritate diversus est; secundum autem habitum & lineamentum debet servare similitudinem, & similiter per præsentia ostendere illa, quæ non sunt, præsentia.

**Regula 25.** *Similitudo non exprimit unitatem ac convenientiam naturæ.* Athanasius l. 4. cont. Arrianos. ad illud: Ut sint unum, quemadmodum & nos unum sumus. Illa vox quemadmodum, addita est, quoniam quæ talia ex natura non sunt, qualia illa, cujus imitationem affectant, non eadem sed similia redduntur.

**Regula 26.** *Vera similitudo non semper ducitur à re vera.* quia & scriptura ex fabulis sumit comparationes. Gregorius Nyssenus hom. 9. in Cantica. Nemo aspiciens, quod non sint probabilia, quæ dicuntur de cinamomo, reprehendat verbum, ut quod ex iis, quæ non sunt vera, sponsæ laudem tribuat. sit enim sæpe Sancta Scriptura etiam ab externis fabulas accipere ad opem suo scopo ferendam, & citra pudorem meminisse aliquorum nominum ad sensum propositum evidenter indicandum, sicut in filiabus Job, quarum pulchritudinem verbum supra modum admiratum etiam per nomina ostendit excellens earum miraculum, dicens, unam quidem dici diem, alteram verò Cassiam; tertiam autem Cornu Amalthææ. Hoc autem cuius perspicuum, quod de Amalthea fabulosè Græcam confinxit narrationem, quam cum esset capta, fabulantur fuisse nutricem illius Arietis, cujus cum cornu cecidisset, fabula fecit ex concavo fluere omne genus frugum ac fructuum copiam.

**Regula 27.** *In similibus non eadem materia, sed una ratio similium querenda.* S. Ambrosius in C. 13. Lucæ ad illud: Simile est regnum cælorum grano sinapis: Docet nos præsens lectio, naturam comparationum spectandam esse, non speciem, nunc ex natura sinapis quæ sit virtus comparationis, æstimemus.

**Regula 28.** *In similitudine de eodem diversa, & sub iisdem verbis diversa intelliguntur.* S. Augustinus, tract. 46. in Joa. Diversa inter se sunt in rebus humanis pastor & ovis, ostiarius & ostium, & tamen dominus pastorem se dixit & ostium; idem & ovis dicitur, & ostiarius. Hæc omnia secundum similitudines accipite, non secundum proprietates. Idem de Monachia David C. 6. Quæ allegoricè ponuntur in scripturis, non semper idem significant. Non semper mons dominum significat, non semper lapis dominum significat, non semper bonum, non semper malum. Idem de Jacob & Esau C. 21. Novimus, quid sit petra, & tamen de homine absurdo & duro dicitur, Petra. & de homine robusto & immobili dicitur, petra; ad laudem inde dixisti firmitatem, & ad vituperationem duritiam. in leone fortitudinem novimus, & tamen leo etiam diabolus nominatus est, & Christus.

**Regula 29.** *Ubi est eadem denominatio, non semper est eadem causa denominationis.* S. Augustinus in Enchirid. C. 38. & 39. Illud movet, quomodo dictum sit, Natus de Spiritu Sancto, cum filius nullo modo sit Spiritus Sancti. neque enim, quia Deus mundum istum fecit, fas est dicere eum Dei filium: aut eum natum de Deo, sed factum vel creatum, vel huiusmodi. Hunc ergo cum confiteamur, natum de Spiritu Sancto, & Maria Virgine, quomodo non sit Filius Spiritus Sancti, & sit filius virginis Mariæ, cum & de illo & de illa sit natus, explicare difficile est; procul dubio enim non sic de illo ut patre, sic autem de illa, ut de matre natus est. non igitur concedendum est, quidquid de aliqua re nascitur, continuo ejusdem rei filium nominandum, ut enim omittam alia, aliter de homine nasci filium, aliter capillum, pediculum vel lumbricum, quorum nihil est filius. Ut ergo hæc omittam, quoniam tantæ rei deformiter comparantur, certè qui nascuntur ex aqua & Spiritu Sancto, non eos aquæ filios rite dixerit quispiam, sed plane dicuntur filii Dei patris & matris Ecclesiæ. Sic ergo de Spiritu Sancto natus est filius Dei patris, non Spiritus Sancti. Nam & illud, quod de capillo, & cæteris diximus, ad hoc tantum valet, ut admoneamur, non omne, quod de aliquo nascitur, etiam filium ejus, de quo nascitur, posse dici. Sicut non omnes, qui dicuntur alicujus filii consequens est, ut de illo etiam nati esse dicantur; sicut sunt, qui adoptantur. Dicuntur etiam filii gehennæ, non ex illa nati, sed in illam præparati, sicut filii regni qui præparantur in regnum.

**Regula 30.** *Quæ dicuntur comparative talia, non dicuntur absolute talia.* S. Augustinus de mendacio C. 5. Omnis enuntiatio ad id, quod enun-



enuntiāt, referenda est. De obstetricibus, de quibus constat aliud pro alio nuntialle Pharaoni, dicunt, pro gradu suo approbatas, & remuneratas à Deo. qui enim nocendi causa mentiri solet, si jam consulendi vel proficiendi causa mentiatur, multum proficit. Sed aliud est, quod per seipsum laudabile proponitur; aliud quod in deteriotis comparatione prapponitur. aliter enim gratulamur, cum sanus est homo; aliter, cum melius habet ægrotus. nam in scripturis ipsis justificata esse dicitur Sodoma in comparatione scelerum populi Israël. Et ad hanc regulam dirigunt omnia mendacia, quæ proferuntur de veteribus libris, nec reprehensa inveniuntur, vel reprehendi non possunt, ut aut indole proficientium & spe approbenitur, aut non sint mendacia.

**Regula 31.** *Quæ comparantur ad invicem, possunt tamen in immensum differre.* Cyrillus Alexandrinus l. 8. Thesauri ad illud: Tanto melior Angelis factus. Administrationis hic & gloriæ, non naturæ inter filium & Angelos comparatio fit, & certè comparatio melioris in Scriptura non in quacunque differentia solum, verum etiam in immensa aut secundum naturam, aut secundum dignitatem, aut secundum mensuram gratiæ dicitur. Quantum ad mensuram gratiæ. Melior, inquit, una dies in atriis tuis super millia. nihil enim æquale inveniri potest cœlestibus atriis. Et rursus. Melior est sapientia quàm lapides electi. Et Deus apud Isaiam de Eunuchis. Dabo eis nomen æternum, quod melius est, quàm filii & filiæ. Igitur diversa specie comparationem melioris suscipiunt. nulla enim communitas naturæ lapidis cum natura sapientiæ. Non erit ergo Angelis similis filius, sed melior illis, in infinitum.

**Regula 32.** *Expositio, quæ ducit ad absurda, etiam ipsa est absurda.* Cyrillus Alexandrinus l. 2. Thesauri. C. 4. ad illud: Inter natos mulierum non surrexit major Joanne Baptista. Joannes inter natos mulierum non major tempore dicitur, sed virtutis sublimitate, qua ad eos pervenit terminos, quo natura humana pervenire potest. Quare etiam Christus non tempore minor dicitur. ridiculum enim esset à magnitudine temporis metiri virtutis celsitudinem. Necessariò ergo sequi videtur, in virtute & sanctitate comparationem fieri, & sic, si comparatio fieret etiam ad Christum, minor Joanne in sanctitate Christus videretur, quod absurdissimum est. Cum igitur hæc expositio ad absurda deveniat, rejicienda omnino est. Sed nos, inquiunt, veram, simplicem, nec magnâ curâ quæsitam expositionem inducimus.

**Regula 33.** *Particula comparativa non importat adequatam similitudinem.* Cyrillus Alexandrinus l. 5. Thesauri C. 1. ad illud: Ut sint unum, sicut & nos unum sumus. Christus hoc dixit, ut exemplar uniendarum voluntatum naturalem suam unitatem cum patre credentibus proponeret. Similitudinis enim adverbia, *sicut*, *quasi*, *veluti*, cæteraque hujusmodi non totam rem eam-  
R. D. Euseb. Amort Philosophia.

dem toti significant, sed similitudinem aliquam ostendunt.

**Regula 34.** *Sensus debet desumi ex antecedentibus & consequentibus, ubi verba sunt dubia.* Cyrillus Alexand. l. 8. Thes. C. 2. ad illud: Melior Angelis effectus. *Fieri & factum est*, per se solumque dictum multa significat, sed ab antecedentibus, consequentibusque verbis potestas apparet sua. Aliud enim significat factus, si de homine dicitur, aliud si de Architecto, aut lapicida. Si ergo Christus melior Angelis effectus dicitur, comparatio non ad naturam fertur, sed ut ab antecedentibus consequentibusque percipitur, ad honorem atque dignitatem.

**Regula 35.** *Modus verbo additus quandoque illud transfert ad aliud significatum.* Cyrillus Alex. l. 4. de Trinit. ad illud: Dominus condidit me initium viarum suarum ad opera sua. Absque dubio hic creatum se dicit filius, sed ad opera illius, & initium viarum illius. Igitur creatura in his verbis non significat eam, quæ ex nihilo, absit, sed eam, quæ est existentis, in quibusdam faciendis productionem. Nunquid concedes, factum esse Deum, si à quoquam celebretur: Factus est mihi dominus refugium? nullo modo.

**Regula 36.** *Quod quis potuisset clarius dicere, non intendit.* Cyrillus Alexandrinus l. 10. in Joa. C. 13. ad illud: Ego sum vitis vera, & Pater meus agricola est. Si volumus rectè, quæ dicuntur, intelligere, arbitror intentionem semper nobis esse considerandum, & ad quod propositum Christus verba faciebat. Considerate ergo diligenter oro, qui lecturi estis. non intendebat modo Christus alium se à Patre naturâ ostendere. Cur enim si hoc sibi propositum habuit, nihil aliud attulit? Aut cur similitudine usus est, cum multo brevius atque clarius solis nominibus Patris & Filii facere illud potuisset? non igitur istud ostendere voluit.

**Regula 37.** *Textus plerumque prevalent in sensu obvio; adeoque ille erit sensus obvius, qui prevaluit.* Sic Epiphanius rectè observat, textus fundamentales Religionis Christianæ semper prævaluisse in sensu obvio, prout ex decursu operis illius contra hæreses cuius liquet.

**Regula 38.** *Effectus, qui adscribitur causa non semper illi immediatè convenit.* Tertullianus l. de Baptismo C. 10. & 11. Joannes prædixit, venturum mox in Spiritu & igni. Sed ecce, inquiunt, venit dominus, & non tinxit. Legimus enim Et tamen is contingebat, verum discipuli ejus. Non utique oraculum Joannis sic intelligendum est, quasi suis manibus tincturum prædixerit, sed simpliciter dictum more communi; sicut est, v. g. Imperator proposuit edictum, aut præfectus fustibus cæcidit. Nunquid ipse proponit, aut nunquid ipse cædit? semper is facere dicitur, cui præministratur.

**Regula 39.** *Propositio non respicit ad futura, sed presentia vel præterita.* Tertullianus l. 4.  
L l l l 2 cont.



cont. Marcion, C. 4. De titulo Evangelii nobis funis contentione ducendus est, pari hinc inde nisu fluctuante. Ego meum dico verum, Marcion suum. Ego Marcionis affirmo adulteratum, ille meum. quis inter nos determinabit nisi temporis ratio, ei præscribens auctoritatem, quod antiquius reperietur, & ei præjudicans vitiationem, quod posterius invenietur. In quantum enim falsum corruptio est veri, intantum præcedat necesse est veritas falsum: adeo verò antiquius est, quod est secundum nos, ut & ipse Marcion ei aliquando crediderit. Id enim Evangelium, quod secundum Lucam refertur, est, quod Marcion per antitheses suas aliquando arguit ut interpolatum. Utique non potuisset arguere, nisi quod invenerat. Nemo post futura reprehendit, quæ ignorat futura. Emendatio culpam non antecedit. Emendator sancti Evangelii Marcion solus & primus est. Hoc negotium est hæresis, quæ sic semper emendat Evangelia, dum vitiat.

*Regula 40. Parabola ex natura verum interpretanda, non vicissim.* Tertullianus, de Pudicitia C. 8. & 9. Hæretici easdem parabolas, quo volunt, tribuunt, non quo debent, aptissime excludunt, quare aptissime? quoniam à primordio secundum occasiones parabolarum ipsas materias confinxerunt doctrinarum. vacuit scilicet illis solutis à regula veritatis ea conquirere atque componere, quorum parabola videntur. Nos autem, quia non ex parabolis materias commentamur, sed ex materiis parabolas interpretamur, nec valde laboramus, omnia in expositione torquere, dum contraria quæque caveamus, quare centum oves, & quid utique decem drachmæ, & quæ illæ scopæ, necesse erat, qui unius peccatoris salutem Deo gratissimam volebat exprimere, aliquam numeri quantitatem nominaret, de quo unum quidem perisse describeret, necesse erat, ut habitus requirentis drachnam in domo, tam scoparum, quam lucernæ adminiculo accommodaretur. Hujusmodi enim curiositates & suspecta faciunt quædam, & coactarum expositionum subtilitate plerumque deducunt à veritate.

*Regula 41. Sensus interdum variatur per interpunctionem.* S. Augustinus in Joannem principium Evangelii sic legit: *Hoc erat in principio apud Deum. Quod factum est, in ipso vita erat.* Et ex hac lectione ac interpunctione longe alium elicit sensum, quam si legatur sic: *Hoc erat in principio apud Deum, quod factum est. In ipso vita erat.*

*Regula 42. In scriptura non insistendum rigori verborum secundum leges Grammaticas.* Athanasius de diversa ejusdem rei nomenclatura. Mos est Sacrae Scripturae, incuriosè & simpliciter dictiones efferre, ita enim & in numeris invenias. Dixit Moyses Ragueli Madianitæ socero Moysis. Non hic est alius Moyses, qui loquitur, & alius est Moyses Raguelis gener. Secundum leges Grammaticas debuisset dici: Dixit Moyses Ragueli socero suo.

*Regula 43. Illa significantur ut diversa, quæ distinguuntur proprietatibus, non quæ tantum significantur diversis nominibus.* Basilii 1. 2. cont.

Eunomium. Mentitur, qui ex diversitate nominum diversitatem substantiæ inferre cavillatur. Nec enim natura rerum nomina sequitur, sed posterius nomina rerum inventa sunt. Idem Epist. 78. Nonnulli ex illis qui impietatem Sabellii sectantur, Hypostasim & Uliam idem esse arbitrati sunt. Sed Patres non idem esse dixerunt essentiam & subsistentiam, si enim voces illæ unam eandemque significationem haberent, quid alterutram ponere opus fuisset? sed liquet ideo positas, quia alii quidem, filium esse ex patris essentia negabant. Alii verò & ipsi filium quidem ex patris essentia negabant, adjiciebant autem, ex alia quoque esse subsistentia. Sic & D. Hilarius probat, Christum non esse *filium Dei* communi acceptione, nec à *Deo exisse* ob vocationem quia hi termini habuerunt diversos effectus in mente Apostolorum, quos non habuissent in sensu vulgari. L. 6. de Trinit. ait: Cum Apostoli profitentem Christum audiunt, se à Deo exisse; hæc eorum responsio fuit; Nunc palam loqueris, & proverbium nullum dicis; nunc scimus, quia nostri omnia. Quæ rogo hæc verbi hujus admiratio est? nunc primum intelligunt, eum per naturæ virtutem exisse à Deo. — Non est Apostolica fides, filium Dei nomine potius quam naturā credidisse. Si enim adoptionis hæc nuncupatio est, interrogo, quid illud sit, quod Petro non caro & sanguis revelavit? unde hæc in Petro beata confessio est hoc filio deferente, quod est commune Sanctorum?

*Regula 44. In Scriptura saepe præteritum sumitur pro futuro, aut vicissim.* Gregorius Nazianz. Orat. 35. Nonne cuiusvis perspicuum est, ac præsertim in usu Scripturae positum, ut pleraque ex his, quæ temporaliter dicuntur, in verba temporum ratione præferantur, nec ea solum, quæ præteriti temporis sunt, aut præsentis, sed etiam, quæ futuram significationem habent. Quo in genere illud est; Quare fremuerunt Gentes? nondum enim fremuerunt; & in flumine pertransibunt pede, id est, pertransierunt. Nimis longum foret, omnes hujusmodi voces recensere, quæ à studiosis observatæ sunt. Chrysostomus Serm. 2. in C. 2. Esaiæ. Ostendam, multa quidem dicta esse à Prophetis in eos, qui tribuum Principes erant, porro ea oracula in ipsos reciderunt, qui ex illis erant. v. g. quando Jacob dicit: Simeon & Levi fratres; dividam eos in Jacob, & dispergam eos in Israël. Nemo autem videat, hoc in Simeone & Levi esse factum, sed in tribubus, quæ ab utroque profectæ sunt. S. Augustinus tract. 105. in G. 17. Joa. ad illud: Ego te clarificavi super terram, opus consummavi, quod dedisti mihi: Quomodo consummavit opus, quod accepit, ut faciat, cum restet adhuc passionis experimentum, nisi quia consummâsse se dicit, quod se consummaturum esse certissimè novit: sicut longè antea in Prophetia dixit: foderunt manus meas, & pedes meos; dinumeraverunt omnia ossa mea: non ait fodient, & dinumerabunt, Et in hoc Evangelio ait: Omnia, quæ adivi a Patre meo, nota feci vobis. Quibus ait postea: Adhuc



huc multa habeo vobis dicere, sed non potestis illa portare modò. Qui enim certis & immutabilibus causis omnia prædestinavit, quod facturus est, fecit, nam & per Prophetam dictum est de illo. Qui fecit, quæ futura sunt. Idem habet Serm. 109. de tempore fer. 3. post dominicam Passionis Et Gregorius M. l. 34. Moral. l. 7. ad illud: Cum sublatus fuerit, timebunt Angeli, & territi purgabuntur. Scriptura Sacra ita nonnunquam tempus præteritum & futurum permiscet, ut aliquando futuro pro præterito, aliquando verò utatur præterito pro futuro. Futuro namque pro præterito utitur, cum Joanni mulier paritura masculum, qui regat Gentes in virga ferrea, demonstratur, quod quia incarnato Domino jam factum fuerat, res gesta nuntiabatur. Rursum præterito utitur pro futuro, sicut per Psalmistam loquitur Dominus dicens. Foderunt manus meas & pedes meos &c. Quibus verbis species dominicæ Passionis, quasi jam transacta describitur, sed tamen adhuc longè futura nuntiatur. Hoc ergo loco, *Cum sublatus fuerit*, nil obstat intelligi, quia sub futuro temporis modo præterita describuntur.

*Regula 45. Proximè futura jam facta dicuntur.* S. Augustinus tract. 107. in Joa. ad illud: Nemo ex his perit nisi filius perditionis. Filius perditionis dictus est traditor perditioni prædestinatus. *Hæc loquor in mundo.* Ecce in mundo se loqui dicit; qui paulò antè dixerat. *Jam non sum in mundo.* Ergo & quia nondum abierat, hæc adhuc erat; & quia mox fuerat abiturus, hæc quodammodo jam non erat. Idem l. 1. in Genesim ad litt. C. 7. Informis illa materia, quam de nihilo Deus fecit, appellata est primo cælum & terra, & dictum est; In principio fecit Deus cælum & terram; non quia hoc jam erat, sed quia hoc esse poterit. nam & cælum postea scribitur factum. Quemadmodum si semen arboris considerantes dicamus ibi esse radices, & robur, & ramos, & fructus, & folia; non quia jam sunt, sed quia inde futura sunt. Sic dictum est: In principio fecit Deus cælum & terram, quasi semen cæli & terræ, cum in confuso adhuc esset, cæli & terræ materia. Sed quia certum erat, inde futurum cælum & terram, jam & ipsa materia cælum & terra appellata est. Isto genere locutionis etiam dominus loquitur, cum dicit: Omnia nata feci vobis, non quia jam factum erat, sed quia certissimè futurum erat. Innumerabiles tales locutiones in Scripturis Divinis reperiuntur.

*Regula 46. Aliqua dicuntur talia per anticipationem.* S. Hieronymus in Genesim, ad illud: Venit Jacob in montem Galaad. Non quod eo tempore Galaad mons diceretur, sed per anticipationem, ut frequenter diximus, illo vocatur nomine, quo postea nuncupatus est. Et postea ad illud facti sunt filii Manassè &c. hoc additum est. Siquidem id, quod postea factum est, quasi per anticipationem factum esse describitur neque enim illo tempore, quo ingressus est Jacob in Ægyptum, ejus ætatis erant Ephraim & Manassè, ut filios procreare potuissent. Ex quo manifestum

est, omnes animas, quæ ingressæ sunt cum Jacob in Ægyptum, fuisse septuaginta. Ipsi septuaginta Interpretes, qui hic septuaginta quinque animas per ~~septuaginta~~ cum Joseph & posteris suis in Ægyptum ingressas esse dixerunt, in Deuteronomio septuaginta tantum ingressas memorant.

*Regula 47. Quæ dicuntur de parentibus, aliquando intelliguntur de posteris.* S. Chrysostomus Serm. in C. 2. Esaia. Jacob tot à Patre acceptis benedictionibus ne una quidem perfruitus est. Ipsius enim pater illi prædixerat amitturam exuberantem copiam proventus annui, quodque Esau perpetuò dominaretur. Atqui vix etiam illi suppetebant necessaria, suamque familiam alebat conductitia mercede. Tantum insuper absuit, ut dominium exerceret in fratrem, ut sibi etiam male metueret ab illo, & extremè pereclitaretur. Ad hæc quid nobis dicendum? Quod mendax sit Prophetia? absit. Immo quia mos hic est Prophetis creberrimus, ut dicant, quæ aliis evenitura sunt, aliis subjectis personis, & interim abutantur aliorum nominibus pro aliis. Id quod in Chanaan factum cernitur. Neque enim videmus illum fratribus servivisse. Neque verò ob id intercidit patris maledictio, sed exitum sortita est in Gabaonitis, qui ex genere Chanaan prognati sunt. Istius generis permulta exempla suppetunt, quæ doceant, quoniam non pauca eorum, quæ dicta sunt à Prophetis de aliis, in alios reciderunt, Quid mirum videatur, si nunc quoque Propheta nomen præferens Judææ & Jerusalem ad Ecclesiam præludit?

*Regula 48. Aliquando pars pro toto, vel totum pro parte accipitur.* Gregorius Nazianz. Orat. 51. Disputans contra eos, qui negabant in Christo animam rationalem, ait: Si huic loco innituntur; Verbum caro factum est, ob idque velut sutores crassiores pelles, ita ipsi, quod in homine præstantissimum est, abradunt, ut Deum cum carne conglutinent, tempus est, ut ipsi dicant, Deum carnis tantum esse Deum, non etiam animarum, quoniam scriptum est: dediti ei potestatem omnis carnis. Item: Ad te omnis caro veniet. Aut rursus dicant; Patres nostros invisibiles & incorporeos in Ægyptum descendisse, quoniam scriptum est: In septuaginta quinque animabus descenderunt in Ægyptum. Et de Joseph, ferrum pertransiit animam ejus. Ignorant enim, qui hæc dicunt, res hæc per synecdochem enuntiari, toto nempe per partem indicato. Ut cum ait Scriptura: Pleias & Vesperus & Arcturus in memoria sunt, pro eo ac si diceret, omnia sydera. S. Chrysostomus in Psal. 13. Quoniam dixit: Omnes declinaverunt. Illud autem, omnes, sæpe etiam de majore parte accipitur, quemadmodum illud Pauli: Omnes me dereliquerunt, cum tamen veri & sinceri discipuli Paulum non reliquerint, ut ostenderet universi mundi naufragium addit: Non est qui faciat bonum, non est usque ad annum.

*Regula 49. Sæpe sumitur pluralis pro singulari*



aut vicissim; vel numerus determinatus pro indeterminato, numerus rotundus pro inæquali. S. Hieronymus l. 15. in C. 54. Esaiæ. In Samuelis volumine dicitur: Sterilis peperit septem. Septem filios dicitur genuisse Synagoga propter mysterium hebdomadæ, sive pro septem plures intelligendi sunt juxta Hebræi sermonis ambiguitatem, quo & Sabbathum significatur & plures. Idem in C. 28. Matth. ad illud: Idipsum autem & latrones, qui crucifixi erant cum eo, improperabant ei. Hic per tropum, qui vocatur *ὀυδαγμία*, pro uno latrone uterque inducitur blasphemasse. S. Chrysostomus hom. 4. in C. 1. Genes. ad illud: Laudate eum cæli cælorum, sic dictum est: *Cæli cælorum*, non quod multi sunt cæli, sed quia mos est linguæ Hebræicæ, unam rem nominare plurali numero. Dicunt igitur, qui linguæ apprime gnari sunt, cæli nomen plurali numero ab Hebræis vocari, quod consistitur & qui Syrorum linguam sciunt, & nemo ea lingua dicit, cælum, sed cæli. S. Augustinus Enchiridii C. 44. Etiam adulti per Baptismum peccato mori plerumque dicuntur, cum procul dubio non uni, sed multis peccatis, omnibusque moriantur, quæcunque jam propria commiserunt, quia etiam per singularem numerum pluralis significari solet; sicut ait ille: *Uterumq; armato milite complent*, quamvis hoc multis militibus fecerint. Et in nostris litteris legitur. Ora ut auferat à nobis serpentem, non ait: Serpentes, quos patiebatur populus. & innumerabilia talia. Cum vero & illud Originale unum plurali numero significatur, quando dicimus in peccatorum remissionem baptizari parvulos; nec dicimus, in remissionem peccati; illa est contraria locutio, qua per pluralem locutionem significatur numerus singularis, sicut de Herode mortuo in Evangelio dicitur. Mortui sunt, qui quærebant animam pueri, non dictum est. mortuus est. Et in Exodo: fecerunt sibi Deos aureos, cum unum vitulum fecerint tantum, de quodixerunt: Hi sunt Dii tui Israël, qui eduxerunt te de terra Ægypti; & hic ponentes pluralem pro singulari. Idem Serm. 63. de diversis. De Nativitate Domini. C. 22. In generationibus, quas enumerat Matthæus, quadragenarius numerus eminet. Habent enim istum morem Divinæ Scripturæ, ut quod exceßerit certos articulos numerorum, aliquando non computent. Sic etiam quadringenti anni dicuntur, post quos egresus est populus Israël ex Ægypto, cum sint quadringenti triginta. Sic & una generatio, quæ quadragenarium numerum excedit, non aufert huic numero principatum.

*Regula 50. Expositio non petenda ab hostibus, nisi ubi testantur contra se.* S. Augustinus de utilitate credendi. C. 6. Quis sibi unquam libros Aristotelicos reconditos & obscuros ab ejus inimico exponendos putavit? Quis Geometricas litteras Archimedis legere magistro Epicuro aut discere voluit, contra quas ille pertinaciter, nihil, ut arbitrator, intelligens differebat. Agendum enim tecum prius est, ut Authores ipsos non oderis, deinde ut ames; & hoc agendum quovis alio modo potius, quam exponendis eorum sententiis &

litteris; propterea, quia si Virgilium prius odissemus, immò si non, priusquam intellectus esset, majorum nostrorum commendatione diligeremus, nunquam nobis satisfaceret de ejus quæstionibus innumerabilibus; nec audiremus libenter, quicquid ejus laude illas expediret, sed ei faveremus, qui per eas illum errasse ac delirasse conaretur ostendere. Nunc verò cum eas multi ac varie pro suo quisque captu aperire conentur, his potissimum plauditur, per quorum expositionem melior sit Poëta, qui, non solum nihil peccasse, sed nihil non laudabiliter cecinisse ab eis etiam, qui illum non intelligunt, creditur; itaque in quæstionculâ magistro deficienti, & quid respondeat non habenti succensemus potius, quam illum mutum vitio Maronis putamus. Jam si ad defensionem suam peccatum tanti Authoris asserere voluerit, vix apud eum discipuli datis mercedibus remanebunt, quantum erat, ut similem benevolentiam præberemus eis, per quos locutum esse Spiritum Sanctum tam diuturna vetustate firmatum est.

*Regula 51. Textus, qui in utramque partem æquè explicari possunt, pro neutra parte adhiberi debent.* S. Augustinus. de unitate Ecclesiæ. C. 23. Desinite illa testimonia commemorare, quæ aut non intelligitis, aut pro nobis contra vos esse intelligitis. Quod si ambigüe posita & pro nobis possent interpretari, nihil utique adjuvant causam vestram; quia & nos si talibus uti vellemus, innumerabilibus uteremur, quæ causam nostram nihil similiter adjuvant. Sed planè talia malam causam vel moras faciendo sustinent.

*Regula 52. Sensus quæstionis ex responsione intelligitur; & vicissim.* Theodoretus ad illud Genes. Quomodo cognoscam, quod possidebo eam? quæst. 64. Ex responsione divina formam interrogationis cognoscere licet.

## §. 4.

### Regula de libris & opusculis supposititis.

*Regula 1. Barbarismi, qui reperiuntur in Scriptoribus sæculi 3. 4. 5. 6. 7. non sunt certum suppositionis signum.* Hæc regula vindicat SS. Patribus multa opuscula, quæ ab Acatholicis, aliisque Criticis parum sobriis tantum ideo eripiuntur suis Authoribus, quia in iis continentur termini nonnulli barbari, peregrini, elegantiam temporum illorum indigni. Demonstratur autem ab inductione talium terminorum, quos probatissimi Authores illorum temporum suis indubitatis opusculis inseruerunt.

1. Tertullianus. l. contra Valentinianos disputans C. 27. ait: Christum quatuor substantiis stipant, spirituali, Achamothiana, Animal, Demiurgina: corporali *Jesuaciana*; & illa Soteriana, id est, columbina. & Soter quidem permansit in Christo *inlesibilis, inapprehensibilis*. Proinde nec matris semen admisit injurias, æquè *insubstitutum*, & ne ipsi quidem demiurgo comperit. Patitur verò animalis & carneus Christus, qui



qui ad Achomoth formandam *substantiali* non *agnitionali* forma cruci fuerat innixus. Et l. de anima C. 3. Paulus Athenis expertus *linguatam* civitatem, cum omnes ibi sapientie caupones degustasset, concepit præmonitorium edictum &c. alii per *philosophatas* doctrinas animam immortalem negant. Si qui igitur de nidoribus Philosophiæ candidum & purum aërem veritatis infuscant, ea erunt Christianis *enubilandæ*, quia animam ex Dei flatu, non ex materia vindicamus, muniti divinæ determinationis in *obscuribili* regula. Et C. 7. *incorporalitas* nihil patitur.

Similia habet plurima.

2. Lactantius, l. 4. Instit. C. 29. Cum probabilia illis videantur quæ dicimus, in hoc und nos *habere* arbitrantur, quod & alterum & mortalem Deum fatemur. & C. 30. ante omnia scire nos convenit, ipse prædixisse, quod plurimæ *haberent* sectæ *existere*. & l. 5. C. 2. Porphyrius dicit, se suscepisse hoc munus Philosophiæ dignum, & præferret non videntibus lumen sapientiæ, ut susceptis deorum cultibus *resanescant*. & l. 7. C. 27. omittendæ sunt hujus præsentis vitæ *illicibiles* voluptates. & l. 8. C. 9. jam Philosophia *disfloruerat*.

3. Interpres Latinus Irenæi, quem Dodwellus & Oudinus ipsimet concedunt, probantque vixisse jam sæculo 4. l. 3. C. 22. Deus Jonæ *insperabilem* salutem donavit. -- dominus salvabat eos, qui per semetipsos non habebant salvari. -- non à nobis, sed à Dei adjumento *habuimus salvari*. L. 3. C. 25. Spiritus Dei in Prophetis *præconavit*, qualis esset adventus Domini. C. 33. Lucas generationem hominum *recapitulatus* est. Eva *inobaudiens* facta causa facta est mortis. Maria facta *obaudiens* facta est causa salutis propter hoc lex uxorem vocat, in Evam *recirculationem* significans. L. 4. C. 28. Deus populum erudiebat per multas *advocationes* *præstruens* eos perseverare & servire Deo. L. 3. C. 30. inimicitiam posuit inter serpentem & mulierem, illo *interpediente* ingressus hominis. L. 3. C. 43. Marcion dividens Deum in bonum, & *judiciale* utrumque interimit. L. 4. C. 14. Filius venit ad nos, suum plasma *recapitulans* in semetipsum. L. 4. C. 37. Prophetæ reliquas ejus *recapitulationis* dispositiones per visiones videbant, quæ audienda erant, sermone *præconantes*. L. 4. C. 37. Dilectio nos ducit ad Deum *obaudientes* ei. Non solum autem per sermones, qui *præconabantur*; sed & in operationibus visus est Prophetis. C. 39. hic est finis humani generis *heredificantis* Deum. -- descendit Christus, id quod erat *inoperatum* conditionis visurus oculis. C. 40. Evnuchus erat à Prophetis *præcatechizatus*, & in timore Dei *præaptatus* C. 41. erant *præinstructi*, omnia mala *odiri* à Deo. -- *præconabant* filium Dei. C. 43. Presbyteris obaudire oportet. C. 44. Super quem *potentatus* sum, aut quem oppressis? C. 45. ubi charismata domini sunt, ibi discere oportet veritatem, apud quos sanum & *irreprobabile*, & *inadulteratum* sermonis constat. C. 47. Si non *Ægyptii plagati* fuissent. C. 54. judicat gentes,

*reprobabili* mente universam suam operationem in vanum consumentes.

4. S. Hilarius, l. 4. de Trinit. Confitetur filium ab æterno, non ipsum ab initio, sed ab *ininitabili*. -- tum quod solus *innascibilis*. -- tum quod hunc noverint inconvertibilem, & *indemutabilem* -- hunc etiam *inconceptibilem* -- in tribu, ex qua *gigni* habebat electus, *indemutabilis*. L. 5. discerne liquid potes, & hæreticò furore hæc *indescabilia* decide. L. 6. Hæc omnia apud te *demutantur* in falsa. L. 8. interrogo, utrum infinitus Deus per formam circumscriptam & *inaginem* *coimaginari* possit ad speciem? L. 9. affer nunc, quisquis es Hæretice, flexuosæ doctrinæ tuæ *inevolubiles* quæstiones -- cum differre significatione existimetur *innascibilitas* à nativitate, nativitas tamen non est extra *innascibilitatis* naturam, quia non sumpsit aliundè quod subsistit. nam & si non consecuta sit, ut *coinnascibilis* effecta sit, accepit tamen ex *innascibili* Deo esse. -- in Deo non sunt corporalia, sed absoluta; non *particulata*, sed tota. & l. 12. non patitur hoc in Deo existimari minutarum rerum *particulatas* cogitationes. L. 10. Non tenes, irreligiose, rerum naturalium causas, & ex ipso sæculi sensu hæretica hebetudine *diprosicis*. L. 11. nasci non *diprosicis* in genere authoris existere; quod autem non *diprosicis*, naturam non amisit Authoris. In l. ad Constantium, *Benignifica* natura tua, Domine Auguste. De Synodis. Convenit Patrem non intra tempora confiteri, sed *contemporalem* patri non negare. -- *Obsequela* est, tunc posse, cum videt. -- impietatem per ea ipsa, per quæ *impiebat*, extinxit. Terminus *obsequela* octies occurrit in operibus D. Hilarii. In Matth. Can. 11. intelligitur non aliud in filio, quàm quod in patre *ignorabile* sit, extitisse. Can. 25. veterum *peccaminum* tunicam relaturus. Hoc sæpius recurrit. Can. 32. utilitati *se dedit* alienæ. In Psal. 54. eodem verbo utrumque *gracitas* elocuta est. Hunc *gracitatis* terminum habet adhuc decies. -- proprietatem verbi Hebraici *Latinitas* non elocuta est. Idem alibi sæpius. In Psal. 56. ad eum, qui sub *indemutabili* constitutione bonitatis est, clamat. In Psal. 63. Philosophia *ininitabilem* Dei in mundo dominatum impugnat. In Psal. 118. nisi metallorum usui aternitatis *reposita* gloria præferretur; & *ablandior* mihi erit auri species, quàm cœli? -- patulum domicilium *inconceptibilis* Deo opus est. In Psal. 121. intelligentiam Prophetiæ *magniloquentica* consequetur. In Ps. 118. Hæc *indemutanda* veritatis est constitutio. In Psal. 131. exurge in requiem, quæ introeuntibus *frequentalis* est, quæ in loco *indemutabilis* est. In Psal. 138. *pennigerabunt* tanquam aquilæ naturam evolandi in resurrectionis *demutatione* sumpturi.

5. S. Ambrosius l. 2. de Cain & Abel. C. 1. *juvenile* scar adolescentia, senectus canescat. Et C. 3. quàm beata civitas, quàm *celebrabilis* ore omnium? quàm gaudeo, cum velut *incanam* quandam Ecclesiæ curiam prætendant. l. 1. de Abraham. C. 13. coquum eligit



eligit, aut focalem. l. 2. C. 1. utraque parte acuta est acies gladii, ex utraque præliaris. C. 2. Vian-tes incognitam carpentes viam. l. de Isaac C. 3. abducebat se, & *ablevabat* virtutis sæculi hujus. l. de bono mortis C. 3. se à terrenis cogitationibus at- tollit & *ablevat*. l. de Jacob. C. 3. non inferior-rem putes *libertinitatem* sub Christo, quam liber- tatem voluntarium servum sibi diabolus auctiona- tur. C. 11. *ablevamus* ærumnam, dum fidei pas- sionibus delectamur. L. de fuga sæculi C. 7. hoc est fugere, *ablevare* se à sæculo, *ablevare* se à corpore. In C. 23. Numer. ad Chromatium. Vis me aliquid de veterum Scriptorum interpretatio- nibus *paginare*. Apolog. David C. 1. Evangelii lectio decursa est -- in alio, qui hodie decursus est, Psalmo. -- licet diversarum series decursa sit lectionum. L. de Elia & jejuniis C. 4. Declara- tum est, quod per cibos mundus *haberet immi- nui* -- sciebat, quod per escam culpa haberet in- trare -- dum supra te esse *affectas*, infra te esse coepisti. C. 8. *tubatam* vides anhelantem advertis; auctionatur pretia. C. 9. non *desænerata* excludit hæredem aula jejuni. C. 10. Jejunium culpæ in- terfectorium est. Præfat. in Psal. 1. dies Psalmum *resultat*. Hoc repetit decies. in Psal. 1. tœdiasti pa- rum, iterum transisti. In Psal. 35. *inveniabilis* est, qui laboravit, ut malum inveniret. -- luctando co- rona quæritur, non reluctando; studio, non *refra- gio* comparatur. In Psal. 36. noli *affectare*, quod perpetuum esse non potest. -- Hæc terra *vallæstris*, illa cœlestis. In Psal. 37. gratiam *emeruit*. In Psal. 40. videtur signari, quod *mordere haberet* cal- caneum. In Psal. 118 oct. 3. si quis non *haberet* offerre arietem. Oct. 5. miles *viandi* ordinem non ipse disponit -- & tu sequere hanc legem *viandi*. Hoc alibi sapius. Oct. 11. Milcent aquam vino, & *insincerum* proferentes. Oct. 13. unde *habuisti intelligere*? Oct. 17. ut injurias ob- livisceris, *emeruit*. hoc sæpe. In C. 1. Luc. cau- sam mentiendi *indespensata* habuit. In C. 3. ge- nerationem fatearis esse *decursam*. hoc sapissime. Præfat. in l. 4. in Lucam, qui mare *litorali* parant navigatione transmittere -- amœnitas locorum in- vitet *prætermeamtem*. In C. 6. amor tibi ejus *in- olescit*. In C. 10. Omnipotentem agnoscis, non *decolorem*, non degenerem patris. In C. 11. dia- bolus nos *auctionatur* ad mortem. In C. 16. Pro- phetæ *decolores* mores hominum notaverunt. In C. 17. est culpa *veniabilis*. -- *decolores* & fœtidos greges Gentium. Veniabile habet sapius. -- ne- mo id *affectat*, quod infra se judicat. Frequen- ter hoc habet. In C. 23. in vase *coacuerat* huma- no. In C. 24. quod vix *enodabile* videtur, Joan- nes scripsit. l. 1. de offic. C. 5. cur non eum *masticare* possim? l. 1. de fide. C. 9. expressum ex *botrione* peregrino. l. 4. C. 7. ad vallem *botrio- nis* exploratores dimisit. l. 2. C. 4. Christus hoc *emeruit*. Frequenter. in præfat. l. 2. de Spiritu S. Baptismi figura signatur, per quod *habuit* creatura *mundari*. l. 3. C. 16. vide, quid de Spiritu Sancto vox dominia *resultet*. Frequenter de fide resurrect. Animi ad altiora se *subrigunt* de pœnitentia. C. 15. fermenti vitiosioris admixtio massam *de- colarat*. Exhortat. ad Virgin. Deus mea *orata* suscepit. Ad virginem lapsam C. 1. tristitiæ *con- lugetis*. De Virginibus l. 3. *enodem* habemus as-

sertionem. -- meipsum *defensatum* invenio -- ca- veat, ne bonum improbus *decoloret*. -- ad altiora se *subrigunt*. -- unde mihi *dare habes* aquam? l. 2. Epist. 12. vox Christum *resultet*. Epist. 13. audistis librum Job, qui est *decursus*. Epist. 17. quot se *offerre habent* tali optioni? -- quis *habet* Synagogam *vim dicare*? l. 3. Epist. 24. ibi trium- phus quæsitus non *decolore* exitu. Epist. 25. non- ne isti *discolores* nobis in hac disputatione viden- tur? Epist. 29. dona *affectat*. Epist. 30. oracula domini ore *resultabat*. L. 6. Epist. 39. ad supe- riora se *subrigat*. Epist. 41. *decursa* lectione Apo- stoli. -- *culpam incidit*. Omitto plura, ne ni- mum.

7. S. Hieronymus in C. 2. Osee. *Impudorata* es tu. Præfat. in Jonam. Comentatoris offi- cium est, ut non *differtitudinem* ostendet suam. In C. 3. Jonæ. animos differtitudinis fulgore per- strinxit. In C. 2. Sophon. dissipata est omnis *frondositas* eorum. In C. 4. Epist. ad Galat. Secundum ad intelligentiam *gracitatis*.

8. S. Augustinus. In Psal. 51. regnum terre- nium *angariat* cives regni cœlorum, & regnum cœleste angariat cives regni terreni. in Ps. 56. vi- dit dominum expalmatum manibus in Ps. 57. dicit Apostolus: non sic *pugillor* quasi aërem cœdens; pugillari enim est *pancratium* facere: In Ps. 66. for- midolosa circumstrepunt omnia; vel potius non circumstrepunt, sed *circumsilent*. In Psal. 68. sic in te irreverentia; *frontosus* esto. -- tanquam febrien- tes insaniunt in medium. -- non est *stomachatio* maledicentis. In Psal. 70. quilibet hoc sapit -- *breviavit* suam magnitudinem. In Psal. 90. quan- do audit verba, unde sibi *habet* *facere* solatium. In Psal. 113. legimus stetit *Jordanem infroenato* lapsu. -- cur hæc Spiritus Sanctus curat insinuare quali *inscientibus*. In Psal. 117. constituite *diem* in *confrequentationibus*. In Psal. 122. *paragoniza- mur* quotidie medicamentis Dei. In Psal. 123. se sæpe in concionibus verba minus latina aut pe- regrina adhibere his verbis testatur: forsitan per- transtulit anima nostra. Quomodo enim Latini potuerunt, expresse, quod Græci dicunt, *ἀγα* sic enim Græca habent exemplaria, *ἀγα*, quia dubitantis verbum est, expressum est quidem dubitationis verbo, quod est fortasse, sed non om- nino hoc est. Possumus illud verbo dicere minus quidem Latine conjuncto, sed apto ad intelligentias vestras. Quod Punici dicunt, *Jar*, hoc Græci, *ἀγα*, hoc Latini possunt dicere, *putas*, cum ita lo- quuntur: *putas* evasi hoc? si ergo dicatur; *for- sitan* evasi, videtis, quia non hoc sonat, sed, quod dixi, *putas*, usitate dicitur, latine non ita dicitur, & potui illud dicere, cum tracto vobis, sæpe enim & verba non latina dico, ut vos intel- ligatis. In Scriptura autem non potuit hoc poni, quod latinum non esset, & deficiente latinitate positum est hoc. In Psal. 24. *pravicordes* ergo sunt, qui rectum cor non habent. In Psal. 128. mar- morati parietes sunt -- superbi omnes *cervicati* sunt. In Psal. 126. nihil in vinea tua *grandina- tum* est. In Psal. 138. habeo in abscondito quod- dam *ossum*. Sic enim potius loquamur; melius est, ut reprehendant nos Grammatici, quam non intelligant populi. Ergo est, inquit, quoddam *ossum* meum in abscondito. In Psal. 143. *ne* *periat*



veniat dies, qui te *mæstificet*. In Psal. 146. *prævicordius* in illis scandalizabitur. Quid est *prævicordius*? *tordicordius*; tortum cor habens. Tract. 6. in Joannem. Quando dicitur: *aliquemur*, bene sit nobis. Tr. 16. prodigium appellatum est, quasi *porrodictum*. Tr. 30. Si agrotus Sabbatho *sinceraret*. Tr. 53. verbum est *cogitabile vel sonabile*. Tract. 10. in Epist. Joannis. *Susum* me honoras, *jusum* me calcas. De Verbis Domini. Sermon. 17. Ne videaris conscientiam cadere, sed malam conscientiam pugnis *parimentare*. De verbis Apostoli sermon. 29. respondent de vento superbiæ, quo pleni sunt, quem ventum utinam finirent, *restarentur* & tacerent. Sermon. 1. in Septuages. Quid sunt pauperes, quibus damus, nisi *laturarii* nostri, per quos in cælum migramus? Sermon. in feria 4. Paschæ. Lignum tractabile est; non *fluxibile*. Feria 5. Sermon. 2. poenitentiam in salutem *inpenitentiam* operatur. Sermon. 3. Dominica 7. post Trinit. sunt, qui se divites *affectant*. De diversis Sermon. 7. si à terræ sterilitate abhorretis seminatori & *complutori* vestro reddetis ubertatem. Sermon. 44. de diversis. De Jacob & Esau. Una res multis modis significatur, quæ nihil horum est per *videntiam*; omnia sunt per figuram. Christus & leo & agnus potuit esse; sed nec leo, nec agnus per *videntiam*, sed per figuram. Sic Ecclesia nec hædi, nec vestis per *videntiam*, sed per figuram. Sermon. 48. de div. in orat. dom. In spiritu noverant, quibus *habebat evenire* male, quibus bene. Sermon. 51. de Div. de S. Stephano. *Apocabatur* Angelus cum Joanne. Sermon. 81. de div. 5. in Pasch. revirescite, *granascite*, maturascente. Sermon. 110. de div. de Machab. misit diabolus in cor Judæ: qualis *organarius*, tale organum. Ser. 111. de div. de S. Laurentio. multa passus est, quæ *horrent audiri*. Sermon. 116. de S. Cypriano. Malis meis velut jam vernaculis *adhavebam*. -- Ecclesiæ *cordissimum* vinculum humilitate servabat. Sermon. 117. latro in cruce dicebat: Domine in mentem me habe.

7. Gregorius M. dedicat, in Job. C. 5. quod docta manus imperat, quassata organa *resulant*. Præfat. in Job. C. 8. interficiant; quidquid tumidum *sapiebant*. l. 1. Mor. c. 3. Job promptus latigatibus memoratur; *pensemus* ergo. Hoc sapissimè. L. 1. C. 26. undè pertimescit, se *enerviter* cadere, indè accipit fortiter stare. L. 5. C. 8. cum auctoritati vocis à nullo resistitur, lingua licentius per abrupta *defrænatur*. L. 5. C. 25. Omnis creatura non stare habet, sed defluere. L. 7. C. 12. ad inferendas contumelias *esrenatur*. Hoc frequenter. L. 8. C. 7. tela superius *deplicatur*. L. 9. C. 11. Spina *densescit*. L. 10. C. 4. Lasciendo proficit. -- L. 12. C. 4. Arescit fluvijs *vacuefactus*. C. 8. post *prædicamenta* fortia corda roborentur. L. 13. C. 5. cum erroris sui mala prædicare non metuunt, *prædicamenta* rectæ fidei irrident. L. 14. C. 22. Turba Redemptoris *prædicamenta* despexit. L. 18. C. 16. Matthæus ad cœlestia *prædicamenta* fortis factus est. L. 12. C. 19. Impius hoc *pensare* negligit. Hoc centies. L. 12. C. 3. Sunt, qui de externis malis *desperabiliter* affliguntur. L. 14.

R. D. Euseb. Amort Philosophia.

C. 24. potibus vacant, qui de opprobrio alienæ vitæ se *deebriant*. L. 16. C. 26. amore *deebriantur* æternitatis. L. 15. C. 23. vulgaris locutionis usus est, ut bovem masculum, & vaccam feminam vocet, sed literaturæ locutio bovem communis generis appellat; undè nunc dicitur: Bos eorum concepit, & non abortivit. L. 19. C. 9. se *irreprobabiles* Dei obtutibus parant. L. 20. C. 2. Non solum exhibenda sunt, quæ *deebriant*. L. 20. C. 5. Dicit infirmis fortia prohibet, ne dum *incapabilia* audiunt. L. 30. C. 8. cum populus Israël *inveniabilem* contraxisset offensam. L. 20. C. 20. Electorum anima nunc marcescit, postmodum æterna exultatione *viridescit*. L. 23. C. 9. arrogantes elationis suæ *tortitudine* depravantur. L. 24. C. 7. Authoris sui *inconvertibilem* speciem respicit. L. 25. C. 6. Accedent ad *secretarium* judicis intra sinum cordis. L. 29. C. 12. dona Spiritus *disparilius* singuli accipiunt. L. 30. C. 6. contra *tentamenta* consistere. L. 31. C. 20. interna infirmis auditoribus *incapabilia* sunt. L. 32. C. 7. *reversatur* panis subcinericius. L. 33. C. 24. Reatum in Authorem *reldit*. L. 34. C. 12. in luna mutabilitas *temporalitatis* accipitur. L. 34. C. 18. Humilitatis *fundamina* non procurant. Proœm. in Psalmos poenit. Dulciter *hymnizat* in Evang. hom. 1. Redemptor finem -- mundi *innotescit*. Hom. 38. Terrenus divina pensare *dissimulat*. Hom. 40. Nolite misericordiæ tempora perdere & remedia *dissimulare*. Pastoral. part. 3. admon. 16. se per disciplinas. Ligare *dissimulat*. In Evang. hom. 39. *funditus* finitur, quod diligitur. In Proœm. Pastor. de curæ pastoralis *gravedine* exprimo, quod penso. L. 1. Epist. 2. *dispendiosorum* lucrorum caulas deportamus. L. 1. Epist. 81. abstinendum ab omni ejus *incardinatione*. L. 1. Epist. 82. si *lentata* fuerit præceptio. L. 2. indict. 11. Ep. 1. in hac causa *solatiari* festinet. L. 3. indict. 12. Ep. 32. non leve peccatum est, si Hæretici inveniant licentiam *reserpendi*. Ib. Ep. 38. ne *indisciplinationi* videamini consentire. L. 6. indict. 15. excedentes Monachos perhibet *defensari*. L. 7. indict. 1. Quid enim debet pauper, nisi ea, quæ *paupera* sunt. L. 7. indict. 2. Epist. 54. in eis culpa *gressescit*. L. 8. indict. 3. Ep. 51 per Epistolas vos *pulsare* habui.

8. Isidorus. L. 1. Synon. assiduo usu *innaturatus* vitium. -- tu nosti, Deus, ubi lapsus sum, ubi *fluxus* sum. L. 2. Synon. C. 8. sint tibi patrum exempla disciplinæ *imitamenta*. L. 2. C. 16. qui præsentia *affectat* Exhort. ad poenit. totum *prædamnare* festina in Genesin C. 2. disposuit Deus *solidamentum* Sanctorum Scripturarum, C. 3. fecit Deus hominem, qui ipsam veritatem *contemplabiliter* intuendo operatur justitiam. C. 31. transcendunt *implicamenta* sæculi hujus in Exod. C. 45. Prophetæ suo *gestamine* structuram Ecclesiæ sustentant. Et C. 48. Prophetæ suo *fundamine* structuram Ecclesiæ gestant. In Levit. C. 2. hujus sacrificii *imitamenta* celebrarunt pagani in Deut. C. 10. Debet *necessanter* spes & formido conjungi in Judicium. C. 5. pro magno *pensamus*. Alleg. V. T. *caliginatam* legem illuminat. Alleg. N. T. Doctores *prædicamentis* Evangelii bene uli sunt. De Nativ. C. 4. trinam sanctificationem

Mm mm

nem



nem cœlestis *persultat* exercitus. C. 12. Christus *potentialiter* natus. L. 1. Sent. C. 27. confumitur à Deo *innox*, quando à Deo ipsa innocentia examinatur. L. 2. C. 7. *inattigibilem* divitiarum justitiam. L. 2. C. 40. ruina adulterii excipitur *destina* matrimonii. Hæc pro exemplo sufficiant. Clarum ergo est, etiam in antiquis illis Scriptoribus nonnunquam, quamvis rarius, inspergi barbaros terminos; ut proin, nisi barbarissimi turmatim in aliquod opusculum irruant, non propterea pro suppositio haberi debeat; idque præcipuè verum est de homeliis quorundam Patrum.

*Regula 2. Styli diversitas non cerè probat diversum Authorem.* Hoc ostenditur ex eo, quia idem Author nonnunquam mutat stylum suum. Basilii de vera fide. Tractandum propositum nobis est longè diversum ab argumentis illis, à quibus aliàs ad scribendum inducebamur. Eo tempore de hæresi confutanda agebatur; nunc autem simplex fidei explanatio proposita est. Quò fit, ut cùm tractatio nunc dissimilis sit, dissimilis etiam esse debeat stylus. Quemadmodum enim non eadem instrumenta in manus sumat & qui prælium initurus est, & qui colere agrum velit; alia enim suppellex instrumentorum iis congruit, qui in pacis quiete res sibi ad victum necessarias patant; alii armorum apparatus iis, qui in bello se adversum hostiles copias instruunt; similiter quoque nequaquam eodem dicendi genere utatur, & qui in sana doctrina cohorteatur, & qui in disputatione sibi repugnantes redarguit; siquidem est aliud genus dicendi, quo utimur in refellendo; aliud, quo in cohortando. Itemque alia eorum simplicitas, qui in pace veram pietatem prædicant; alii illorum sudores, qui adversus oppositiones falsi nominis scientiæ fortiter dimicant. Quamobrem nos quoque disponentes sermones nostros in iudicio, ubique sive defendenda, sive tradenda simpliciter fides fuerit, operam dabimus, ut ad subjectam materiam stylum accommodemus, modo videlicet iis, qui diabolico astu illam conantur evertere, majore cum acrimonia & contentione refutandis; modò iis, qui in ea ædificari voluerint, simplicius & ad illorum intelligentiam accommodatius ipsam fidem exponendo; nihilque aliud faciendo, quàm quod dictum est ab Apostolo: ut sciamus, quomodo oporteat nos unicuique respondere. S. Hieronymus L. 1. adversus Pelagianos. C. 8. In ipsis controversiis, in quibus pueri aliquando lusimus, non omnes similiter vel in procemiis, vel in narrationibus vel in excessibus, vel in argumentis, vel exemplorum copia, & epilogorum dulcedine se agunt, sed eloquentiæ suæ alia atque alia in parte dissimiles sunt. De viris magis Ecclesiasticis loquar; multi super Evangelia bene differunt, sed in explanatione Apostoli impares sui sunt. Alii cùm in Instrumento novo optimè senserint, in Psalms & Veteri Testamento muti sunt.

S. Ambrosius l. 5. in Hexam. C. 12. fugerat nos, fratres, in priori concione de natura avium disputatio, & sermo hujusmodi nobis cum ipsis

avibus evolaverat. Fit enim naturâ quadam, ut hi qui aliquid intuentur, vel dicendo exprimere volunt, eorum qualitatem, quæ vel intuentur vel loquuntur, assumant, ut & cum pigrioribus immoremur, & cum velocibus celeri rapiamur aspectu, stylo quoque aut tardiore utamur, aut rapido. S. Gregorius l. 11. Moral. C. 1. Quamvis in prolixo opere esse culpabilis stili mutabilitas non debeat, ne quis tamen me ex locutionis mutatione reprehendat, in epistola libris præmissa causam reddidi, cur tertiam hujus operis partem ad aliarum usque similitudinem minime emendando perduxim. Quibus scilicet exclusis hoc quoque additur, quòd in hac parte tam multa sint, ut in uno corpore comprehendere non possint, nisi sub magna brevitate dicerentur. Igitur, quoniam in ea multa sunt, sicut me loquente excepta sunt, ita dereliqui. Immutationem styli Lector meus æquanimiter accipe, quia & sæpè eosdem cibos edentibus diversitas placet coctionis.

*Regula 3. Diversitas sententiarum non cerè probat diversum Authorem.* Quia Patres nonnunquam mutarunt suam mentem. Sic Gregorius Nazianzenus aliquando approbaverat scripta Vitalii Apollinaristæ, quæ postea rejecit. Orat. 52. sic habet: Quoniam eadem voces, si rectè intelligantur, cum pietate conjunctæ sunt; si perperam exponantur, impietate non carent, quid mirum, si Vitalii quoque verba in pium sensum accepimus, alii autem ad eorum, quæ scripta sunt, mentem exasperantur & inflammantur? quod etiam in causa fuisse reor, cur ipse quoque damasus, cùm postea rectius edoctus fuisset, simulque in pristinis eos expositionibus perstare audisset, eos ab Ecclesiæ cœtu abdicavit, fideique libellum cum anathematismo deleverit, tum etiam, quod fraudem eam, in quam inciderat, permolestè ferret. Quod S. Hieronymus quondam Originem summi fecerit Ruffinus in sua Invektiva fuisse probat. In præfat. ad Ezech. ait: Magnum est, mi amice, quod postulas, ut Origenem faciam Latinum, & hominem juxta Didymi videntis sententiam alterum post Apostolos Ecclesiarum Magistrum Romanis auribus donem. In præfat. Hebra: nom. Novi Testamenti nomina interpretatus sum, imitari volens ex parte Origenem, quem post Apostolos Ecclesiarum Magistrum nemo nisi imperitus negat. Hunc verò Origenem à D. Hieronymo diris omnibus devotum fuisse, testantur passim ejus scripta adversus Ruffinum, & Augustinus D. Hieronymo scribens ait: Origenem & Didymum reperioreprehenso abs te in recentioribus Opusculis tuis, & non mediocriter, nec de mediocribus questionibus, quamvis Origenem mirabiliter ante laudaveris. S. Chrysostomus, ubi probat Religionem per homines indoctos, adeoque divinis viribus propagatam esse, Paulum indoctum fuisse scribit; de Sacerdotio verò ostendit Paulum doctum fuisse. Quoties D. Augustinus mentem suam mutaverit, patet ex libris retractationum.



*Regula 4. Diversa explicatio ejusdem textûs non probat certo diversum Authorem.* Exemplum talium diversarum explicationum ejusdem textûs ab eodem Authore occurrunt plurima in Patribus v. g. in Augustino explicante illa verba Matthæi : super hanc petram ædificabo Ecclesiam meam ; quæ intelligit aliquando de Petra Christo , aliquando de Petra confessionis fidei , aliquando de Petro. S. Basilii de vera fide. Hæc sunt , quæ duxi vobis explicanda , ut omnis ex animis vestris dubitatio de fide tolleretur , orta fortasse propter diversam rationem eorum , quæ aliàs alio modo exposita à nobis sunt.

*Regula 5. Diversa lectio ejusdem textûs non certo probat diversum Authorem.* Sic S. Augustinus illum textum Ecclesiasticis. 1. in Expositione propositionum quarundam Epistolæ ad Romanos legit ; Vanitas vanitatum & omnia vanitas ; alibi verò sæpius legit : Vanitas vanitantum & omnia vanitas.

*Regula 6. Contradictio etiam aperta non est certum signum diversi Authoris.* Ratio est ; quia Scriptores non semper recordantur quid prius dixerint , aut scripserint. S. Augustinus in præfatione ad octo quæstiones dulcitii : Quæris , quare dixerit Dominus : Elegi David secundum cor meum , cum ille talia & tanta commiserit , ubi tractaverim , & quomodo id exposuerim ? non potui reperire , & utrum sit in aliquo libro meo vel epistola nescio. Merito hoc S. Augustinus dicit , quia solutio ad illam quæstionem non videtur convenire cum doctrina illius de meritis in aliis libris v. g. in Expositione propositionum Epistolæ ad Romanos. Eusebius l. 13. Præparat. Evang. ostendit , Platonem sibi ipsi contradixisse , in quantum alicubi vult , Poëtis circa Deos adhibendam esse fidem , alicubi idem negat. Sic habet : Vide , quid Plato de populari hac & publica circa Deos opinione suis etiam legibus sancita voluerit. Dæmonum , inquit ille , procreationem vel explicare vel nosse res est nostra facultate major. Quare hoc in genere præscis illis testibus adhibenda fides , qui ut deorum , quod ipsi ajunt , nepotes erant , ita majores suos maxime notos habuerunt. nec fieri omnino potest , ut fides eorum filiis detrahatur , etiam si nullis demonstrationibus necessariis , aut ne probabilibus quidem argumentis ipsorum testimonia comprobentur ; sed necesse planè est , ut iis , quomodo lex imperat , tanquam suarum in rerum commemoratione credamus. Illorum ergo Deorum procreationem , uti Poëtæ scribunt , ita nos quoque de ea statuamus ac loquamur. Terræ coelique liberi Oceanus & Thetys ; horum Phorcyon , & Saturnus , & Ops , cæterique fratres. Ex Saturno & Ope Jupiter , Juno ac reliqui &c. Eapropter hic sane nobis Philosophus relinquendus erit , qui nec , uti Philosophum docuit , nec secum ipse consentiens , fabulosas in Diis Poëtarum Genealogias simularit. Nam audi quomodo idem loquatur in Republica : In majoribus inquit , fabulis minores etiam facile videbimus. necesse enim est , speciem unam aliquam esse , vimque , minoribus æquè majoribusque communem. An non ita sentis ? Equidem , inquit ille ; sed quas tu ma-

jores dicas non capio. Quas Hesiodus inquam , atque Homerus cæterique Poëtæ commemorant , illi enim falsas hominibus fabulas commenti & narrabant olim , hodieque narrant. Ea videlicet , quæ paulò ante retulimus.

*Regula 7. Aliqua propositiones minus convenientes genio , pietati , aut moderationi Authoris non sunt certum suppositionis signum.* Quia etiam Sancti aliquando in perturbatione aliqua faciunt , quæ aliàs non facerent. S. Augustinus. Contra Mendac. C. 9. Considerandum est in eo , quod fecit Loth-volens prostituere filias , utrum exemplum sit , quod imitari , an potius , quod vitare debeamus. Magis enim videtur intuendum , & notandum , cum tam horrendum malum ex impietate flagitiosissima Sodomitarum suis impenderet hospitibus , quod cuperet depellere , nec valeret , sic etiam justi animum potuisse turbari & vellet facere , quod non humani timoris nebulosa tempestas , sed divini juristranquilla serenitas , si consulatur , à nobis faciendum non esse clamabit. Et jubebit potius , ut sic nostra peccata caveamus , ne ullorum prorsus alienorum peccatorum timore peccemus. Aliena quippe ille vir justus timendo peccata , quæ nisi consentientes inquinare non possunt , perturbatus non attendit suum , quo voluit subdere filias libidinibus impiorum. Hæc quando in Scripturis Sanctis legimus , non ideo , quia facta credimus , etiam facienda credamus , ne violemus præcepta , dum passim sectamur exempla. An verò quia juravit David se occisurum esse Nabal , & clementi consideratione non fecit , propterea illum imitandum esse dicemus , ut temerè juremus , non esse facturos , quod non esse faciendum postea videamus ? sed sicut illum timor , ut prostituere filias vellet , sic istum , ut temerè jureret , ira turbavit. Possit ille respondere : timor & tremor venerunt super me & contexerunt me tenebræ. Possit etiam dicere iste. Turbatus est præ ira oculus meus. Ut non miremur , vel illum in timoris tenebris , vel istum oculo turbato non vidisse , quod videndum fuit , ne facerent , quod faciendum non fuit.

*Regula 8. Diversitas styli aut propositi , aut methodi etiam in eodem opere non est certum interpolationis aut suppositionis signum.* Sic Ambrosius in eodem Opusculo eandem materiam tractat per modum concionis coram populo , partim per modum Epistolæ l. 3. de Virginibus. Quid alienigenis apud te soror utor exemplis hæreditariæ castitatis inspirata successio , parentis infusione Martyris erudivit. Qui enim fieri posset , ut Sancta Sotheris tibi non esset mentis Author , cui Author est generis &c. Dein statim quasi ad populum loquens ait : Hoc loco non mediocrem advertite quæstionem , ne dubitare de resurrectione virgines debeatis. Et paulò post : Accusati sumus , & nisi fallor , accusatores nostri plerique de vobis sunt ; horum affectus redarguere malo , quam personas prodere.

*Regula 9. Anachronismi non sunt certa suppositionis nota.* quia Authores optimi non sunt semper accurati in computatione temporum. Sic Hieronymus in Epist. ad Theodoram. Refert Irenæus vir Apostolicorum temporum , quod Marcus quidam ad Gallias venerit ; &c. hoc ille scripsit ante annos circiter trecentos , & scripsit in iis libris , quos adversus hæreses



hæreses composuit. Scripsit Irenæus anno 176. Hieronymus circa annum 400. quomodo ergo ante annos circiter trecentos &c. Idem Epist. 65. ad Pammachium. Parcas fidei, quæ Apostoli voce laudata est; cur post quadringentos annos docere nos niteris, quod ante nescivimus? cur profers in medium, quod Petrus & Paulus edere noluerunt? mortuus est D. Hieronymus anno 420. quomodo ergo ante annos 400. Apostolus prædicasse dicitur? S. Chrysostomus in 1. Epist. ad Corinth. C. 3. hom. 9. Quater millia annorum præterierunt, & Sodomitarum adhuc manet & viget supplicium. Idem in 1. Epist. ad Timoth. C. 5. hom. 15. Christus dicit; quemadmodum in diebus Noë, ita & nunc; prædixerat ante multos annos, & modo prædicit; jam quadringentesimus annus excessit, & nemo applicat animum. S. Chrysostomus anno 410. jam erat mortuus, quomodo ergo à prædicatione Christi jam annus 400. excessit? Idem de Verb. Apost. in 2. ad Corinth. Habentes spiritum fidei, Serm. 26. Paulinæ Epistolæ fontes sunt, quia nunquam deficiant. Et hoc evidenter declarare potest totum tempus, quod præterit. Siquidem ex quo Paulus vixit, quingenti jam elapsi sunt anni, totoque hoc tempore multi commentatores exhauserunt, sed non exinarrare potuerunt. Idem in inscriptionem Altaris Serm. 51. ait: nonne videtis in cælo stellas? jam per annos sexies mille nobis lucent, nec ipsarum ulla facta est obscurior. Idem in 1. Epist. ad Corinth. C. 3. hom. 9. dicit, quinque annorum millibus stare mundum: quod juxta 70. Interpretes verum esse videri poterat, sed sex annorum millia usque ad tempora Chrysostomi ex nullo documento erui poterat. Idem in l. 1. quod Christus sit Deus; narrat quomodo templum Jerolomitæ destructum fuerit. Dein addit: Nunc supra quadringentesimum annum est, & nulla spes est, quod instauretur. Idem in Psal. 8. Judæos alloquens ait: Postquam manus in Dominum injecistis, vobis deinceps evalit ulcus immedicabile, & ideo quadringenti jam anni præterierunt, ex quo civitatis vel ipsum solum perit, sublatum est Sacerdotium, confusæ tribus, &c. Hæc omnia ostendunt, etiam in Authoribus doctis computationem temporum non esse accuratam; neque ex nota temporum semper judicandum de ætate Authorum. Huc pertinet Theodoretus qui quæst. 38. in Deuteronom. loquens de promissa Judæis reductione in terram suam, ait: Quod quidem sæpenumero factum est, ut clarissimè patet ex libro Judicum, & historiis, postremo tamen debacchantes in Salvatore in universam terram & mare dispersi sunt; & jam quadringentesimus annus agitur, ex quo non sunt revocationem consecuti. Mortuus est Theodoretus anno 457. dispersio autem Judæorum nondum facta erat anno 57.

*Regula 10. Lapsus indigni Authore erudito non probant certo suppositionem.* Constat enim, quod etiam eruditi Authores aliquando labantur memoria, aut male allegent textus, aut alia habeant vitia. Sic D. Hieronymus in C. 66. Esaïæ: David duos genuit filios, Ammon & Absalon, quorum alter fratris, alter Patris extitit homicida. Hoc falsum est, cum Ammon non occiderit fratrem, sed Ab-

salon parricida. Idem in C. 4. Jeremiæ. Septuaginta & Theodotio posterunt *μακάρεσσι*, quod verbum usque in præsentiarum quid significet ignoro. Attamen hoc verbum nunc ubique habent dictionaria.

*Regula 11. Imperitia in citando non semper est certus Character imperiti Authoris.* Sic Lactantius l. 4. Instit. C. 15. ait: Christus tinctus est à Joanne in Jordane: tunc vox de cælo audita est. Filius meus es tu, ego hodie genui te; quæ vox apud David prædicta invenitur. Hæc tamen verba non reperiuntur in Baptismo Christi dicta esse.

*Regula 12. Ex eo, quod operi sint immixta fabula, nec certo sequitur, totum tanquam fabulosum rejiciendum esse.* Origenes contra Celsum l. 1. negat Spiritum Sanctum visum à Servatore in columbæ specie. Quis, inquit, hanc visionem vidit testis, qui fide dignus sit. Quis audivit vocem à cælo ad optantem te Deo filium? priusquam defensionem aggrediamur, dicendum, ferme omnium narrationum, etiam si veræ sint, velle asserere veritatem, & opinioni insigere esse rem perdifficilem, & quibusdam impossibilem. Finge enim, aliquem negare, unquam fuisse bellum Trojanum, præsertim cum quædam ei narrationi admixta sint impossibilia, de Achille marinæ Deæ filio & hominis Pelæi, de Jovis Sarpædone, Ænea Veneris, quomodo astruemus talia, si urgemur figmentis manifestariis? quamvis jam invaluerit opinio, revera bellum gessisse Græcos cum Trojanis ad Illium. Facilius non credere de Jocasta & Oedipide communibus, quæ liberis Eteocle ac Polinice propter insertam narrationi Sphingem semipuellam, quomodo hoc demonstrabimus? idem sentiendum de Epigonis ut vocantur, horum sociorumque filius, etiam si ea narratio careat figmentis similibus, deque protectione in Peloponnesum filiorum Herculis, cæterisque innumeris, attamen candidus & circumspexus lector etiam illa rectè judicabit, quibusdam assentietur, in aliis figmentum olentibus scrutabitur sensum tropologicum, rursus aliis fidem abrogabit, ut scriptis ad gratiam.

*Regula 11. Non omnis historia eo ipso rejicienda, si est desumpta ex libris aut documentis apocryphis, quando Auther prædictus est prudenti judicio quoad discretionem veri à falso.* Sic Origenes Prologo in Cantica ait: Locutus est Salomon tria millia parabolarum, & erant cantica ejus quinque milia. Ex his ergo quinque millibus canticis voluit hoc unum esse canticum, quod habemus. Sed usquequo vel ubi cantata sint, non solum ad usum, sed ne ad notitiam pervenit Ecclesiarum Dei. Operosum est autem, & procul ab opere proposito, si nunc velimus inquirere, quam multorum librorum commemoratio fiat in Scriptura, quorum lectio nulla omnino nobis tradita est. Sed neque apud Judæos haberi quidem usum hujusmodi reperimus lectionum, quæ sive pro eo, quod aliqua supra humanam intelligentiam continebant, placuit Spiritui Sancto auferri de medio, sive quod essent de Scripturis hæc quæ appellantur apocryphæ, pro eo, quod multa in eis corrupta, & contra fidem veram inveniuntur à majoribus tradita, non placuit eis dari locum, nec admitti ad auctoritatem, supra nos est pronuntiare de talibus. Illud tamen palam est, multa vel



ab Apostolis, vel ab Evangelistis exempla esse prolata, & Novo Testamento inserta, quæ in his Scripturis, quas canonicas habemus, nunquam legimus, in apocryphis tamen reperiuntur, & evidenter ostenduntur ex eis assumpta. Sed ne sic quidem locus apocryphis dandus est. Non enim trans-eundi sunt termini, quos statuerunt Patres nostri. Potuit enim fieri, ut Apostoli vel Evangelistæ Sancto Spiritu repleti sciverint quid assumendum esset ex illis scripturis, quidve refutandum. Nobis autem non est absque periculo, aliquid tale præsumere, quibus non est tanta Spiritus abundantia.

*Regula 12. Quando in aliquo opere fit mentio Authoris, non est certum signum, opus esse alterius Authoris; quia Authores nonnunquam loquuntur de seipsis tanquam de aliis:* Sic Ambrosius in Psal. 118. oct. 18. si dicas; Ambrosium Bassum intus esse, unus putatur; sin autem asseras; Ambrosium & Bassum intus esse, duo utique intelliguntur. S. Hieronymus in C. 3. Malach. Hoc, quod dicitur, Ecce ego mitto Angelum meum, & præparabit viam ante faciem meam, ex persona Christi dicitur, quod Joannem miserit in deserto prædicare Baptismum pœnitentiæ. Quod autem sequitur: Et statim veniet ad templum suum Dominator, quem vos quæritis, & Angelus Testamenti quem vos vultis. Ita de se quasi de altero loquitur juxta consuetudinem scripturarum. Nullique dubium, quin Dominator ille Salvator sit, qui Angelus Testamenti appellatur. S. Augustinus in C. 2. Epist. 1. Joa. tr. 2. Per cuius nomen remittuntur peccata? nunquid Augustini? ergo per nomen Donati. Videris, quis Augustinus, aut quis Donatus. Nec per nomen Pauli, nec per nomen Petri. nam dicit: Nunquid Paulus crucifixus pro vobis est? aut in nomine Pauli baptizati estis? S. Gregorius l. 1. Moral. C. 1. Job suæ victoriæ gesta narravit; nec movere debet, quod in eodem libro dicitur: dixit Job. & Hæc & illa pertulit Job. Moris enim Scripturæ Sacræ est, ut ipsi, qui scribunt, sic de se in illa, quasi de aliis loquantur. Hinc est enim, quod Moyses ait: erat Moyses vir mitissimus super omnes homines, qui morabuntur in terra. Hinc Joannes dicit: Hic est discipulus ille, quem diligebat JESUS. Hinc Lucas ait: Quod ambulant duo ex discipulis in via, Cleophas & alius. Quem protecto alium, dum tam studiose tacuit, ut quidam dicunt, quid nisi seipsum esse monstravit. Scriptores igitur sacri eloqui de se quasi de aliis testimonium profertunt. Unde & Job potuit sua gesta, quasi non sua scribere.

*Regula 13. Defectus non sunt certum signum Authoris mali.* quia omnis Author sua vitia habet, & crescente ætate proficit. Sic D. Hieronymus nonnulla in suis scriptis earpi posse fatetur. Proem. l. 13. Ezech. C. 41. Emulorum maledicta prævenio, qui non quid ipsi possint, sed quid ego non possim, considerant, & cum nostra dijudicent, sua judicanda non præbent, nunquam in agone pugna-tes, sed de pugnantibus otioso, imò superbo animo judicantes. Facile est dare dictata de populo, & in singulos ictus caluminari, ac de alieno ridere sanguine, & ubi vulnus infligi debuerit, imperiti lanista more disserere. Ego in explanatione templi Ezechielis, & cæterorum, quæ ad finem ipsius

voluminis pertinent, fateor me pro rei magnitudine nihil dignum scribere. Illud Rhetoris Victorini admoneo, ut obscuritatem voluminum ex tribus rebus fieri intelligas, vel rei magnitudine, vel Doctoris imperitia, vel audientis ditia, quorum primum & secundum liquido in hoc opere confitebor. Idem Proem. ad Pamachium in Abdiam: Cum essem parvulus ut parvulus loquebar, ut parvulus sapiebam, ut parvulus cogitabam; postquam factus sum vir, quæ parvuli erant, deposui. Si Apostolus proficit, & quodidie præteritorum obli-viscens in priora se extendit, quanto magis ego, qui necdum ad ætatem perfecti viri veni, mereri debeo veniam, quod in adolescentia mea, provocatus ardore & studio Scripturarum allegoricè interpretatus sum Abdiam Prophetam, cujus historiam nesciebam? ardebat animus cognitione, mystica, & quia legeram omnia possibilia creditibus, ignorabam diversa esse charismata; litteras sæculi noveram, & ob id putabam me librum legere posse signatum. Stultus ego; necdum de Altari carbo sublatus labia mea purgaverat; necdum error veteris ignorantia igne Spiritus Sancti fuerat circumcissus, & audacter loquebar ad Dominum; Ecce ego, mitte me. Sperabam in scriniolis latere, quod scripseram, & ingenioli mei primam temeritatem ignibus voveram, eum subito de Italia assertur exemplar à quodam juvene tot annis, quot & ego aliquando scripseram; laudante opusculum meum. Fateor miratus sum, quod, quantumvis aliquis male scripserit, invenit similem lectorem sui. Illi prædicabat, ego erubescēbam; illi quasi mysticos intellectus ferebat ad cælum; ego demisso capite consiteri meum pudorem prohibebam. Quid igitur? condemnamus, in quibus pueri lutimus? minime. Infans eram, necdum scribere noveram, titubabat manus; tremebant articuli, nunc, ut nihil aliud profecerim, saltem Socraticum illud habeo; Scio, quod nescio. Dicit & Tullius tuus; sibi adolescenti inchoata quædam & rudiora excidisse. Si hoc ille tam de libris ad Herennium, quam de Rhetoricis, quos ego vel perfectissimos puto, ad comparisonem senilis peritiæ dicere potuit, quanto magis ego liberè profitebor, & illud fuisse puerilis ingenii, & hoc maturæ senectutis. In libris quoque contra Marcionem Tertullianus hoc idem passus est, & Origenes in Cantico Canticorum, & Quintilianus in 12. libris Institutionis Oratoriæ. Ex quibus perspicue ostenditur, unam quamque ætatem in suo esse perfectam & ex annorum debere numero judicati. Idem l. 3. in Zachar. Proem. Urget me Frater Sisinnius incompta & impolita transmittere; ut non dicam emendandi, sed ne relegendi quidem habeam facultatem. Ille festinat in opus suum, nos in nostro opere minus facinus, dum eruditio incassum vertitur, & quidquid sensu concipimus, composito non licet ornare sermone. Rudes igitur non mea culpa, sed studio portitoris suscipe libros. Quamvis enim elegans sit, exercitatumque ingenium, & longo usu trita currat oratio, tamen nisi Authoris manu curata fuerit & polita, redolet sordes negligentia, & vel nimio verborum flore luxuriat, vel hiulca vocalibus sit, vel aspera consonantibus unde & de Virgilio traditum est,



quod libros suo quasi urforum sætus lingua composuerit, & lambendo fecerit esse meliores. Idem Proæ. l. 5. in Epist. ad Gal. Loquar? sed omnem & sermonis elegantiam, & Latini eloqui vanitatem stridor lectionis Hebraicæ sordidavit; nostis enim & ipsæ, quod plus quam quindecim anni sunt, ex quo in manus meas nunquam Tullius, nunquam Maro, nunquam Gentilium litterarum quilibet Author ascendit; & si quid forte inde, dum loquimur, obrepit, quasi antiqui per nebulam somnii recordamur. Quid autem profecerim ex linguæ illius infatigabili studio, aliorum iudicio relinquo, ego quid in mea amiserim, scio. Accedit ad hoc, quia propter oculorum & totius corpusculi infirmitatem manu mea ipse non scribo, nec labore & diligentia compensare queo eloquii tarditatem. Verum accito Notario aut statim dicto quodcumque in buccam venerit, aut si paululum voluero cogitare melius aliquid prolaturus, tunc me tacitus ille reprehendit, manum contrahit, frontem rugat, & se frustra adesse toto gestu corporis contestatur. Oratio autem, & si de bonæ indolis ingenio sit profecta & distincta inventionibus & ornata flore verborum, tamen nisi Authoris sui manu limata fuerit & polita, non est nitida, non habet mixtam cum decore gravitatem, sed in modum divitum rusticorum opibus suis magis arguitur, quam exornatur.

*Regula 14. Liber, in quo aliqua applicantur ex Authore damnato, non est necessario Authoris perversi.* D. Hieronymus l. 1. in Epist. ad Titum C. 1. ad illud: Dixit quidam ex illis proprius illorum Propheta; Cretenses semper mendaces, malæ bestię ventres pigri. Integer versus de Epimenide Poëta ab Apostolo sumptus est, & ejus Callimachus in suo poemate est usus exordio. Putant quidam Apostolum reprehendendum, quod eum versiculum approbarit. Quibus respondendum est; sicut in eo, quod ait; corrumpunt mores bonos colloquia prava. Et in illo: Ipsius enim & genus sumus, non statim totam Menandri Comædiam, & Arati librum probavit, sed opportunitate versiculi abusus est, ita & in præsentis loco non totum opus Callimachi sive Epimenidis, quorum alter laudes Jovis canit, alter de oraculis scriptitat, per unum versiculum confirmavit. Sed Cretenses tantum mendaces vitio gentis increpavit. Quia autem putant, totum librum debere sequi eum, qui libri parte usus sit, videntur mihi & Apogryphum Enoch, de quo Apostolus Judas in Epistola sua Testimonium posuit, inter Ecclesiæ Scripturas recipere, & multa alia, quæ Apostolus Paulus de reconditis est locutus. Pollumus enim hoc argumento dicere, quia apud Athenienses ignotum Deum se colere dixit, quem illi in ara annotaverant, debere Paulum & cætera, quæ in ara scripta fuerant, sequi, & ea quæ Athenienses faciebant, facere, quia cum Atheniensibus in cultura ignoti Dei ex parte consenserat. Nemo est tam sicarius & parricida, qui non aliquid boni aliquando fecerit; ergo si unum bonum illius videns proba-vero, & in cæteris mihi incumbet necessitas, quæ mala fuerint, approbandi. S. Augustinus l. 3. de

doct. Christ. 30. Ticonius, qui contra Donatistas invectivissime scripsit, cum fuerit Donatista, & illic invenitur absurdissimi cordis, ubi eos non omni ex parte relinquere voluit fecit librum, quem regularum vocavit, quia in eo quasdam septem regulas executus est, quibus quasi clavibus Scripturarum Divinarum aperirentur arcana; quæ quidem considerata, sicut ab ipso aperiuntur, non parum adjuvant quæ recta sunt Divinarum eloquiorum. Quæ ideo dicenda putavi, ut liber & legatur à studiosis, quia plurimum adjuvat ad scripturas intelligendas, & non de illo speretur tantum, quantum non habet. Cautè sanè legendus est non solum propter ea, in quibus ut homo erravit, sed maxime propter illa, quæ sicut Donatista Hæreticus loquitur.

*Regula 15. Non semper tribuenda Authoribus, quæ videntur ab ipsis aut dubia, aut erronea, aut indecentia dicta esse.* Sic D. Augustinus dicit, se nihil assertivè voluisse de Origine animarum statuere, licet oppositum videatur. Epist. 7. ad Marcellinum ait: Diligenter advertant, qui putant me aliquid de anima humana velut certum statuisse & fixisse, quod vel ex parentibus per propaginem veniat, vel in actibus vitæ superioris atque cœlestis peccaverit, ut corruptibili carni mereretur includi; & videant, sic à me verba fuisse perpenſa, ut retento eo, quod certum habeo, post peccatum primi hominis nasci cæteros homines in carne peccati, ita omnia sonarent ut nulli præjudicarent opinionis quatuor illarum, quas postea digessi atque distinxi non confirmans aliquam, sed interim quod agebam sequestrata illarum discussione determinans, ut quæcumque illarum vera esset, Deus sine dubio laudaretur. S. Gregorius l. 12. Mor. C. 8. nonnunquam à fortibus infirmitatis verba suscipienda sunt, ut per eorum post prædicamenta fortia infirmorum corda gratius roborentur. Unde beatus Job, cum quasi dubitantis verba protulit, dicens: Putasne mortuus homo rursus vivat, illico sententiam suæ certitudinis adjunxit, qua ait: Cunctis diebus exspecto, donec veniat immutatio mea. Idem l. 8. Mor. C. 9. Qui facit Arcturum, & Orionas, & Hyadas, & interiora Astrorum, & Callimachi fabulas sequitur, quasi Orion gladium teneat, amator insanus. Hæc quippe astrorum nomina à cultoribus sapientiæ carnalis inventa sunt, sed Scriptura Sacra idcirco eisdem vocabulis utitur, ut res quas insinuare appetit, notitia usitatæ appellationis exprimantur.

*Regula 16. Quando Authores loquuntur in nominativo plurali, si inconvenientia sunt, non ea sunt nota characteristica Authorum.* S. Chrysostomus in 1. Epist. ad Corinth. C. 4. hom. 12. Hoc universum orbem conturbat, quod ad homines aspicientes omnia agimus; quando scortamur, homines magis veremur, quam Deum. Similius habet sapius.

*Regula 17. Non debet asseri Authoris interpolatio, nisi probeatur per alia exemplaria.* S. August. l. 11. contra Faustum. Ubi sic manifesta veritate prælocantur, ut obfessi dilucidis verbis Sanctarum Scripturarum



tarum exitum in eis fallaciæ suæ reperire non possunt, id testimonium, quod prolatum est, falsum esse respondent. O vocem à veritate fugacem, in amentia pertinacem! usqueadeo invicta sunt, quæ adversus vos divinis codicibus proferuntur, ut non sit aliud, quod dicatis, nisi eos esse falsatos. Quæ jam autoritas litterarum aperiri, quis sacer liber evolvi, quod documentum cujuslibet scripturæ ad convincendos errores vestros exeri potest, si hæc vox admittitur, si alicujus ponderis æstimatur? aliud est, ipsos libros non accipere, & nullo eorum vinculo detineri, quod pagani de omnibus libris nostris, quod Judæi de Novo Testamento faciunt, quod denique nos ipsi de vestris & aliorum Hæreticorum, si quos suos & proprios habent, vel de iis, qui appellantur apocryphi; non quod habendi sint in aliqua autoritate secreta, sed quia nulla testificationis luce declarati, de nescio quo secreto: nescio quorum præsumptione prolati sint. Aliud est ergo autoritate aliquorum vel librorum vel hominum non teneri; & aliud est, dicere, iste quidem vir Sanctus est, & omnia vera scripsit, & ista Epistola ipsius est, sed in ea ipsa hoc ejus est, hoc non est ejus. Ubi cum ex adverso audieris, proba. Non confugas ad exemplaria veriora, vel plurium codicum, vel antiquorum, vel linguæ præcedentis, unde hoc in aliam linguam interpretatum est, sed dicas; inde proba hoc illius esse, illud non esse, quia hoc pro me sonat, illud contra me. Itaque si de fide exemplarium quæstio verteretur, sicut in nonnullis, quæ & paucæ sunt, & sacrarum litterarum studiosis notissimæ sententiarum varietates vel ex aliarum regionum codicibus, unde ipsa doctrina commearit, nostra dubitatio dijudicaretur; vel si ibi quoque codices variarent, plures paucioribus, aut vetustiores recentioribus præferrentur; & si adhuc esset incerta varietas, præcedens lingua, unde illud interpretatum est, consuleretur.

**Regula 18.** *Continua traditio est certum argumentum de authentica libri.* S. Augustinus l. 33. contra Faustum C. 6. Quid vobis (Manichæis) faciam, quos ita obfuscescit iniquitas, ut quidquid adversum vos ex scripturis prolatum fuerit, non esse dictum ab Apostolo, sed à nescio quo falsario sub ejus nomine scriptum esse dicere audeatis? infelices animæ! de quo libro certum erit, cujus sit, si litteræ quas Apostolorum dicit Ecclesia, ab ipsis Apostolis propagata, per omnes gentes declarata, utrum Apostolorum sint, incertum est? in litteris sæcularibus sub Authorum nominibus multa prolata sunt & ideo repudiata, quia vel his scriptis, quæ eorum esse constabat, minimè congruerunt, vel eo tempore quo illi scripserant, nequaquam innotescere, & per ipsos familiarissimos eorum in posteros prodi meruerunt. Ut alios omittam sub Hippocratis Medici nobilissimi nominis quidam libri prolati in autoritatem à Medicis recepti non sunt, quando comparati eis, quos verè Hippocratis esse constabat, impares judicati sunt; & quod ab eo tempore, quo & cætera ejus scripta, non innotuerunt, quod verè ejus essent. Hos autem libros, quibus illi comparati respuuntur, si quis neget esse Hippocratis,

non refellitur, sed ridetur. Cur? quia sic eos ab ipso Hippocratis tempore usque ad hoc tempus & deinceps successionis series commendavit, ut hinc dubitare dementis sit. Platonis, Aristotelis, Ciceronis, Varronis, aliorumque ejusmodi Authorum libros unde noverunt homines, quod ipsorum sint, nisi eadem temporum sibi met succedentium contestatione continua? multi multa de litteris Ecclesiasticis conscripserunt; unde constat, quid cujus sit, nisi quia his temporibus, quibus ea quisque scripsit, quibus potuit insinuavit, atque edidit & inde in alios atque alios continuata notitia, latiusque formata ad posteros etiam usque ad nostra tempora pervenerunt, ita ut interrogati, cujus quisque liber sit, non hæsitemus, quid respondere debeamus. Sed quid pergam in longè præterita? Ecce istas litteras, quas habemus in manibus, si post aliquantum tempus vitæ hujus nostræ vel illas Faustis esse, vel has neget esse meas, unde convincitur, nisi quia illi, qui nunc ista noverunt, notitiam suam ad longè etiam post futuros continuatis posterorum successionibus trajiciunt? quæ cum ita sint, quis tandem tanto furore cœcatur, nisi dæmoniorum mendaciloquorum malitia subversus sit, qui dicat, non mereri potuisse tam fidam, tam numerosam fratrum concordiam ut eorum Scripta fideliter ad posteros trajicerent, cum eorum cathedras usque ad præsens certissima successionem servaverint.

**Regula 19.** *Nonnunquam ab Hæreticis aliqua operibus Patrum inserta non præjudicant toti operi.* S. Augustinus l. 1. contra Julianum Pelagianum loquens de scriptis Orientalium Patrum Basilii, Gregorii &c. ait: Quid vobis prodest, quod nescio quas ansas atque uncas arte nescio cujus perplexitatis insertis, ne simplicitas pateant, & clara luceant?

**Regula 20.** *Multi libri supposititii ab Hæreticis conficti sunt.* Epiphanius cont. Hæret. C. 38. Contra Cajanos. libellum quandam ex nomine Judæ inscriptum fuerunt, quem Evangelium Judæ vocant. Sed & alia quædam Scripta eodem modo confingunt. Alium, libellum finxerunt ex nomine Apostoli Pauli, nefariis actionibus refertum, quem ascensum Pauli vocant, occasione inventa ab eo, quod Apostolus dicit se ascendisse in tertium cælum, & audivisse arcana verba, quæ non licet homini loqui. Et hæc sunt, inquit, arcana verba. S. Basiliius Epist. 43. ad Gregorium Nyssenum fratrem. Unam mihi epistolam contexuisti, ac tanquam à venerando & communi nostro patruo scriptam attulisti, fallens me; cujus gratia; ignoro. Accepi illam tanquam ab Episcopo communi patre per te allatam. Quid enim non credidissem? ostendi illam quamplurimis amicorum præ gaudio, egique DEO gratias. Deprehensum est figmentum, ipso Episcopo epistolam à se scriptam propria voce pernegante. Erubui super hac epistola; optavimus terram nobis dehiscere, quod fallaciæ



ciæ, mendacii, ac seductionis probro expositi essemus. Alteram denuo mihi tanquam ab eodem Episcopo missam per domesticum tuum Asterium reddidisti. Neque illam verè miserat Episcopus. S. Hieronymus l. 1. contra Pelag. de Rufino loquens ait: Illam autem temeritatem, imò insaniam ejus quis digno possit explicare sermone, quod librum Christi Pythagorei, hominis absque Christo atque Ethnici immutato nomine Sixti Martiris & Romanæ Ecclesiæ Episcopi prænotavit? Idem in Apologia adversus Rustinum, C. 7. scribit frater Eusebius, se apud Assros Episcopos epistolam quasi meo nomine scriptam reperisse; in qua agerem poenitentiam, & me ab Hebrais in adolescentia inductum esse testarer, ut Hebræa volumina in Latinum verterem, in quibus nulla sit veritas, quod audiens obstupi. Et quia in ore eorum aut tuum stat omne verbum, unique testi nec Catoni creditum est, id ipsum multorum me ex urbe fratrum scripta docuerunt, sciscitantium an ita se haberet, & à quo ipsa Epistola disseminata esset in vulgus lachrimabiliter indicantium. Qui hoc ausus est facere, quid aliud non audeat? bene, quod malitia non habet tantas vires, quantos conatus. Perierat innocentia, si semper nequitiae juncta esset potentia. Stylum meum, qualiscunque est, & formam eloqui vir disertissimus exprimere non potuit, sed inter ipsas præstigias, & alterius personam, qua se induerat ostendit. Ergo ille, qui sub nomine meo poenitentiae fixerat, quod malè Hebræo volumina transulisse, objicere dicitur. S. Chrysostomus hom. 1. in 2. Ep. ad Thessal. Aggrediebantur alii quidem verba solum mittere, tanquam quæ dicebantur à Paulo; alii autem etiam fingere epistolas, tanquam ab eo scriptas. Propterea omne iter eis intercludens, dicit: Ne terreamini neque per sermonem, neque per epistolam tanquam per nos missam. Undè ergo sciemus inquit? propterea adjecit: Salutatio mea manu Pauli, quod est signum in omni epistola. Ita scribo; Gratia Do-

mini nostri Jesu Christi cum omnibus vobis. Non hoc dicit, quòd hoc sit signum. est enim verosimile, alios quoque hoc esse imitatos; sed salutationem mea manu scribo. nam ex subscriptione sunt manifestæ litteræ eorum, qui mittunt. Cyrillus Epist. 28. ad Joannem. Cognovimus, quòd celeberrimi Patris nostri Athanasii ad B. Epictetum epistolam orthodoxè loquentem nonnulli à se corruptam ediderunt, ita ut hinc multi laudantur, utile hoc ac necessarium fratribus rati ex vetustis exemplaribus; quæ sincera apud nos sunt, transumpta sanctitati tuæ misimus. Idem testatur ad Acacium Epist. 29. Et ad successum Episcopum de Incarnatione. Theodoretus l. 1. heret. fabul. de Tatiano. Is composuit Evangelium, quòd dicitur, per quatuor, amputatis genealogiis, & aliis, quæcunque ostendunt Dominum natum secundum carnem. Eo autem usi sunt; non ii solum; qui sunt illius sectæ, sed ii etiam, qui dogmata Apostolica sequuntur; compositionis fraudem non cognoscentes, sed simplicius eo, tanquam libro compendioso utentes. Ego quoque inveni plus quàm ducentos hujusmodi libros, qui in honore habebantur in nostris Ecclesiis: Quos cum omnes simul cõgissẽm, deposui; & loco eorum reposui quatuor Evangelistarum Evangelia. S. Gregorius l. 9. Epist. 69. indict. 4. Inter alia, quæ Andreas Monachus pessimè cogitavit & fecit, eam quoque quam ad nos misistis, dum apud ipsum à tabulario esset deposita; ita falsavit epistolam, ut quicunque eam legeret, vos nec Catholica, nec recta sapere evidenter argueret, ex qua re contigit; ut dum veritatem studiosè quæreremus ejus, quæ latebat, iniquitas vulgaretur. Et quia inter diversa mala aliquos etiam sermones scripsit, atque eos ex nostro nomine titulavit, & suspecti sumus, ne eos alicubi transmiserit, fraternitas vestra sollicitudinem gerat; & si quid tale repererit, eos & excindi; & omnino faciat aboleri, ut quod nostro nomine prænotavit, quorundam animos non possit inficere.

## P A R S VI.

### Principia Artis Criticæ demonstrata.

#### CAP. I.

##### *Probabile est, quod communius verum est.*

**H**ic terminus, & *Probabile*, ab Authoribus in duplici sensu accipitur, in strictiori videlicet, & latiori. In latiori sensu, quæ præteritò sæculò inter Probabilistas invaluit, idem significat ac quævis *opinio nitens fundamento gravi non enervato*, in quo sensu aliqua opinio vocatur probabilis, etiam si communius vera non sit: v. g. si aliqua opinio pro se habeat quatuor Authores graves; ejus verò contradictoria pro se habeat decem Authores

æquè graves, utraque opinio dicitur probabilis, etiam si communius ac frequentius contingat, illam opinionem veram esse, pro qua stant decem Authores quàm eam, pro qua tantum stant quatuor Authores; si tamen cætera sint paria. In sensu vero strictiori *Probabile* tantum illud dicitur, quod frequentius contingit esse verum. In hoc sensu & *Probabile* frequenter sumpsisse veteres, ex Aristotele, Cicerone, Quintiliano, D. Thoma, S. Antonio, Oldendorpio, & Cujacio manifestum fiet ex textibus mox referendis. Ratio docet, terminum, cui varius atque inconstans sensus subjicitur, à quolibet accipi posse in eo sensu, in quo voluerit: erit itaq; & mihi liberum, & *Probabile* sumere in sensu strictiori, & definitione nominis arbitraria dicere: *Probabile* poco, quod communius verum est.



Aristoteles l. 1. Rhet. C. 2. sic ait : Enthymemata Syllogisimum Rhetoricum appello ; verum quoniam pauca eorum , de quibus agunt Syllogisimi Rhetorici , necessaria sunt ; plurima verò , quæ ut plurimum fluunt , quedam fore necessaria , plurima verò hujusmodi , ut ferè semper soleant fieri . Fluunt namque Enthymemata ex probabilibus ; probabile autem est , quod ferè semper solet fieri . l. 2. Rhet. C. 27. Idem sic ait : Omnia Enthymemata fluunt ex probabili ; & sunt ex probabilibus , quæ colliguntur ex iis , quæ ut plurimum aut sunt , aut esse videntur . Quoniam igitur probabile non semper , sed ut plurimum verum est , perspicuum est , possibile esse , ut hujusmodi Enthymemata semper solvantur objectione allata ; quæ quidem obsectio non semper est vera , sed tantum apparens solutio , eò quod , qui objicit , non dissolvat verisimilitudinem , sed tantum probet , eam non esse necessariam ; nam cum v. g. in judicio actor per probabilia confirmet , semperque , quod ut plurimum est , pro se asserat , non est eadem solutio , quod non sit probabile , & quod non sit necessarium ; quare non satisfacit reus , cum solvit , & probat ; non esse necessarium ; sed solvendum est , quod non sit probabile ; quod eveniet , si obsectio magis ut plurimum est . Idem l. 1. Topic. C. 1. ait : Probabilia autem sunt , quæ videntur omnibus , aut pluribus , aut sapientibus , & his vel omnibus , vel pluribus , vel maxime notis , & precipuis probabilibus : falsigraphus autem non syllogizat ex probabilibus ; neque enim , quæ omnibus videntur , sumit ; neque quæ probabilibus , neque quæ pluribus ; neque quæ sapientibus , & his neque pluribus , neque probatoribus , & precipuis . L. 1. Topic. C. 3. ait : Propositio dialectica est positio probabilis , aut omnibus , aut plurimis , aut sapientibus , & his vel omnibus , vel plurimis vel maxime familiaribus non inopinabilis ; ponet enim aliquis , quod videtur sapientibus , nisi id contrarium sit multorum opinionibus . Ex his probabiliteris definitionibus Aristotelicis satis apparet , Aristotelem illam sententiam vocasse probabilem , cujus principia , ratio videlicet , vel autoritas , nos frequentius non fallunt , quæque relatæ ad hoc vel illud principium ac fundamentum ut plurimum vera est . v. g. si dico ; nocte rubet cælum ; ergo cras serenum erit ; principium ac fundamentum meæ opinionis de crastina serenitate est rubedo cæli nocturna ; & stante hac rubedine ut plurimum , ac communius verum est lequi serenitatem : itaque opinio mea hæc probabilis est . Vel si dico : ferè omnes consilarii Regis , uno alterove excepto , dissuasērunt bellum ; ergo erit insaufus belli exitus . Principium ac fundamentum hujus meæ opinionis est autoritas ferè omnium Consiliorum Regis , quæ plerumque , ac frequentius non solet fallere , itaque mea opinio erit probabilis ; nec satisfaciet ex mente Aristotelis , qui volens meam opinionem refutare diceret : Possunt hi consilarii errare ; sunt etiam illi consilarii Regis prudentes , qui suasērunt arma Principi &c. talis enim refutatio præcisè ostenderet , opinionem meam non esse necessariam ; minimè verò ostenderet , eam non esse ut plurimum atque à potiori veram , seu probabilem , prout etiam observavi

R.D. Euseb. Amoris Philosophia.

part. 1. §. 4. n. 17. sed jam ad alias auctoritates progredior.

Cicero l. 1. de Invent. n. 56. ait : Probabile est id , quod ferè fieri solet ; in eo genere , quod ferè fieri solet , probabile hujusmodi est : Si mater est , diligit filium . Idem hoc loco plura alia asserit probabilitatis exempla , in quibus semper fit argumentatio ab eo , quod frequentius solet contingere .

Quintilianus Instit. Orat. l. 5. C. 10. ait : Credibilem ( probabilem ) genera sunt tria ; unum firmissimum , quod verè accidit , ut liberos a parentibus amari . Alterum , velut propensius . v. g. eum , qui rectè valeat , ad crastinum perventurum . Tertium , tantum non repugnans v. g. furtum in domo factum ab eo , qui domi fuit . Omnia autem credibilia , plerumque , non semper ; alioquin essent indubitata , non argumenta .

S. Thomas 2. 2. q. 70. a. 2. C. ait : Dicendum , quod secundum Philosophum l. 1. Eth. C. 3. Certitudo non est similiter quærenda in omni materia ; in actibus enim humanis non potest haberi certitudo demonstrativa , eò quod sunt circa contingentia & variabilia . Et ideo sufficit probabilis certitudo , quæ ut in pluribus veritatem attingat , etsi in paucioribus à veritate deficiat . Est autem probabile , quod magis contineat veritatem dictum multorum , quam dictum unius .

S. Antoninus Part. 1. tit. 3. C. 10. ad f. ait : Certitudo , quæ requiritur in materia morali , non est certitudo evidentie , sed probabilis conjectura - non enim consurgit certitudo moralis ex evidentia demonstrationis , sed ex probabilibus conjecturis , grossis , & figuratibus , magis ad unam partem , quam ad aliam se habentibus : Dicitur autem probabile , quod pluribus , & maxime sapientibus apparet verum .

Oldendorpius , prout refertur in Notis ad ff. l. 22. tit. 3. in Topicis de præsumpt. ait : Præsumptio est conjectura collecta per rerum circumstantias ex argumentis vel indiciiis frequenter evenientibus . Ec Cujacius l. cit. ait : Præsumptiones sunt anticipatioes quedam de eo , quod in re est , communi sensu perceptæ ex eo , quod plerumque intelligitur , quod plerumque fit .

Ex dictis itaque patet , quod probabile in sensu strictiore , quem communiter solet exhibere definitio nominis , significare judicium mentis , cujus principia , ratio vel autoritas plerumque non fallunt . Et in hoc sensu quod probabile antiquitus non solum acceperunt communiter Aristotelici , Theologi , & Juristæ , sed ipsi etiam Academici , si eorum mentem rectè inspicimus . Plato in Timæo non obscure innuit , se id probabile dicere , quod tanquam verosimilius mentem ad assensum pettrahit . Sic ait : Ne mireris , O Socrates , si de mundi generatione rationes probatissimas asserre non possim . Satis enim factum putare debebis , si non minus probabiles , quam quivis alius rationes attulerim æquum est meminisse , & me , qui disse- ram , & vos qui judicabitis , homines esse , ut si probabilia

N a n n

dicen-



dicentur, nihil ulterius requiratis - quocirca, sicut ratio nobis probabilis persuadet, dicendum est, hunc mundum animal esse. — nunc de hominis compositione probabili ratione monstrandum. — Quod autem ab initio dixi, verisimilitudinis vim servabimus, studebimusque in rationibus verisimilibus assignandis nulli cedere. En! Plato dicit, ultra suas rationes probabiles nihil ulterius posse requiri, & in iis se nulli cedere, quod non convenienter diceret, nisi crederet eas esse verisimiliores, easque minus fallere; immo addit, se ab iis persuasum esse, & conversionem animæ ad sensibilia ait opiniones, fideique assensiones firmas producere. S. Augustinus de Academicorum probabilitate loquens agnoscit, eos illud vocasse probabile, quod videtur verius esse, ac frequentius verum, licet de absoluta veritate rei nihil intellectus pronuntiet; assertque talis probabilitatis exemplum in serenitate, quæ ad nocte rubens cælum frequentius subsequitur: l. 2. Cont. Acad. C. 11. sic ait: Id probabile vel verisimile Academici vocant, quod nos ad agendum sine assensione potest invitare; sine assensione autem dico, ut id, quod agimus, non opinemur verum esse, aut nos id scire arbitremur, agamus tamen. ut verbi causâ; utrum hesternæ nocte tam liquida ac pura hodie tam latus Sol exoriturus esset, si nos quispiam rogaret, credo, quod nos id scire negaremus, diceremus tamen, ita videri; talia, inquit Academicus, mihi videntur omnia, quæ probabilia, vel verisimilia putavi nominanda, quæ tu, si alio nomine vis vocare, nil repugno; non enim vocabulorum opificem, sed rerum inquisitorem decet esse sapientem.

Cicero l. 4. Acad. quæst. dum contra Academicos disputat, agnoscit, eos per id Probabile intellexisse id, quod proximè ad verum accedit: Quod est igitur, inquit, vestrum probabile? nam si, quod cuique primo quasi aspectu probabile videtur, id confirmatur, quid eo levius? si dicent, id se sequi, quod ex circumspectione aliqua & accurata consideratione visum fuerit, tamen exitum non habebunt. nam, cum dicant, accidere posse sapienti, ut, cum omnia fecerit, & diligentissimè circumspexerit, existat aliquid, quod & verisimile videatur, & absit longissimè à vero; quomodo, si magna parte quidem ut solent dicere, ad verum ipsum, aut quàm proximè accedant, confidere sibi poterunt? inquit, cum Deus falsa visa, velut ea, quæ in somniis videntur, Deus efficere possit probabilia, quonam modo, quæ proximè accedunt ad veritatem, efficere non possit? Sextus Empiricus l. 1. Pyrrhon, Hypotypos. C. 33. testatur, Recentiores Academicos sui temporis statuisse tria genera probabilitatum, quarum tamen quodlibet versatur circa id, quod apparet verisimilius. Sic ait: Nova Academia Alumno aliquid esse bonum & malum dicunt, simul persuasi, verisimilium esse, id, quod dicunt bonum, bonum esse, quam contrarium. Præterea phantasias alias probabiles esse dicunt, alias non probabiles; quin & probabilium statuunt diversa genera. Alias enim probabiles tantum esse dicunt, alias autem probabiles, & accurata consideratio-

ne probatas; alias probabiles, & probatas accurata consideratione, & quæ nullo dubio impediantur. v. g. si quis ingrediatur domum tenebrosam, & videat funem contortum & convolutum, probabilis ei phantasia sit, se videre serpentem. Si autem exactè intuitus fuerit, apparet, esse funem, per phantasiam probabilem, & accurata consideratione probatam. Præferunt igitur novi Academici ei phantasia, quæ simpliciter est probabilis, eam, quæ est probabilis, & per accuratam considerationem probata; utrique autem harum eam, quæ est probabilis, & per accuratam considerationem probata, & quæ nullo dubio impediatur.

Ex his omnibus patet, id probabile convenienter sumi pro iudicio, cuius principia, ratio, aut authoritas, frequentius non fallunt, quàm fallunt.

## C A P. II.

### Gradus probabilitatis per numeros exhiberi possunt.

Cum probabile illud sit, quod frequentius contingit verum esse, clarum est, eò maiorem fore probabilitatem, quo frequentius attingit veritatem. v. g. si ex centum observationibus, quibus de subsecuta ad rubedinem cæli nocturnam tempestate institui, deprehendi, sexagesies serenam tempestatem subsecutam esse, probabile erit, nocte rubente polo crastina die serenum futurum; adhuc verò major probabilitas erit, si ex centum observationibus octogagesies serenam subsecutam est; & maxima probabilitas erit, si in centum observationibus nonagesies, aut nonagesies novies serenam contingit. In primo enim casu, quo dico, serenum futurum, sexagesies quidem continget, prædictionem meam veram futuram; quadragies autem falsam. In altero casu continget, prædictionem meam octogies veram esse, vigesies autem falsam. In tertio casu continget, prædictionem meam veram futuram nonagesies, aut nonagesies novies, falsam autem futuram tantum decies, aut semel. Itaque in primo casu continget, assertionem meam frequentius quidem veram futuram, ejusque principia minus frequenter fallere; sed longè frequentius assertionem futuram veram esse in secundo casu, ac frequentissimè in tertio casu.

Cuius manifestum est, in allato exemplo gradus probabilitatis sic exhiberi posse, ut in primo casu probabilitas se habeat, ut  $\frac{60}{100}$  in altero casu, ut  $\frac{80}{100}$  in tertio, ut  $\frac{90}{100}$  vel  $\frac{9}{10}$ . & sensus erit, intra recurrentem centum casuum seriem, sexagesies, octogagesies, nonagesies, aut nonagesies novies verum dicturum; si futuram serenam tempestatem nocte rubente cælo prædicturus sum. Sicut in allato exemplo gradus probabilitatis per numeros exhibentur, ita etiam in omni alia con-



controversia fieri potest, cujus fides ab auctoritate Doctorum, numero & idoneitate testium dependet. v. g. ponamus pro aliqua sententia stare 70. Authores, prout pro mea *Thesi de fructu Indulgentiarum* tot Authores protuli. Ponamus insuper, pro opposita sententia stare 100. aut 150. aut 200. Authores, prout in ea indulgentiarum materia produci posse nullius dubito. clarum erit, oppositam sententiam, si præcisè attendatur auctoritas, cæteris paribus, longè fore credibiliorem, & in primo casu se habituram ejus probabilitatem, ut  $\frac{10}{170}$ . in altero casu, ut  $\frac{150}{270}$ . in tertio casu, ut  $\frac{200}{270}$ . sensus erit: si colligantur vota & testimonia Authorum, in primo casu 100. vota ex 170. votantibus futura pro opposita sententia; in altero casu ex 220. votantibus 150. vota; in tertio casu ex 270. votantibus 200. vota pro opposita sententia depositura esse.

Sicut in primo exemplo gradus probabilitatis ex numero casuum veritati adminiculantium, ab inductione per experientiam cognito rectè exprimitur in numeris  $\frac{60}{180} \cdot \frac{20}{180} \cdot \frac{90}{180} \cdot \frac{90}{180}$ . ita in omni alia controversia fieri potest, etiam si probabilitas non fundetur in experientia, prout in primo casu, aut in auctoritate, prout in secundo exemplo. *Demonstratur.* Omnis propositio probabilis ideo est probabilis, quia ut plurimum non fallit, ut patet ex definitione probabilitatis C. 1. igitur omnis propositio probabilis ideo est probabilis, quia aut deprehensa est per experientiam ab inductione in data aliqua casuum consimilium serie minùs frequenter fallere; aut quia nata apta est, in aliqua data possibili casuum consimilium serie minùs frequenter fallere. Ea propositionis in data casuum possibilem serie frequens vel minùs frequens fallibilitas dicitur quatuor. Primo, dicit, finitam ac determinatam casuum possibilem seriem, relatè ad quam dicitur frequenter aut minùs frequenter fallere: neque enim ea series infinita poni potest, cum in infinito sciri non possit, quid ut plurimum fiat, aut, si hoc sciri possit, ipsum infinitum quoad eam proportionem ac commensurabilitatem finito æquivalere necesse sit. Secundo dicit ea fallibilitas in illa finita ac determinata casuum possibilem serie determinatum numerum casuum, secundum quem fallit; & tertio dicit in eadem serie determinatum numerum casuum, secundum quem non fallit. Quarto dicit ea fallibilitas præparationem causarum, quæ sic dispositæ sunt, ut meritò prævideri possit, recurrente casuum possibilem serie toties veritatem propositionis securam, toties non securum fore v. g. si statim primo die conditi mundi nocte rubente polo Adamus dixisset, *crastino serenum futurum*; ejus assertio fuisset probabilis, etiam si ex nulla prævia experientia, atque inductione casuum consimilium eam probabilitatem didicisset. Ratio est, quia si Adamus habuisset scientiam causarum naturalium, & cognovisset constitutionem universi, simul agnovisset, causas naturales sic præparatas esse, ut recurrente centum aut mille ca-

sum consimilium serie incomparabiliter frequentius, v. g. sexagies, octuagies, nonagies &c. serenum futurum sit. Demonstratum autem est in exemplis, & patet ex legibus Arithmeticeis, quancunque relationem numerorum numeris exprimi posse. Igitur, cum tota major vel minor fallibilitas propositionis nihil aliud dicat quàm relationem causarum præparatarum ad numerum casuum fallentium vel non fallentium in determinata casuum possibilem serie, ea tota propositionis fallibilitas ac consequenter probabilitas universim numeris exprimi poterit. Q. E. D.

Quando in primo, & secundo exemplo probabilitas se haberet, ut  $\frac{60}{180} \cdot \frac{20}{180} \cdot \frac{90}{180} \cdot \frac{90}{180} \cdot \frac{120}{180} \cdot \frac{20}{180}$ . ea probabilitas facile ad minores terminos redigi posset, ut patet ex legibus Arithmeticeis, videlicet, ad sequentes,  $\frac{9}{18} \cdot \frac{7}{18} \cdot \frac{11}{18} \cdot \frac{2}{27}$ . Ea ad minores terminos reductio in plurimis aliis casibus fieri potest, ut patet consideranti.

Quando probabilitas non potest accuratè reduci ad minores terminos, v. g. hæc  $\frac{18}{27} \cdot \frac{20}{27} \cdot \frac{41}{47}$  &c. poterit tamen reduci ad fractionem decimalem per approximationem. v. g. hæc fractio  $\frac{18}{27}$  quàm proximè æquivaleret huic fractioni  $\frac{7}{10}$  altera fractio  $\frac{20}{27}$  quàm proximè æquivaleret huic fractioni  $\frac{7}{10}$  vel  $\frac{3}{5}$ . tertia fractio  $\frac{41}{47}$  quàm proximè æquivaleret huic fractioni  $\frac{6}{10}$  vel  $\frac{3}{5}$ . Itaque probabilitas, ut  $\frac{18}{27} \cdot \frac{20}{27} \cdot \frac{41}{47}$ . per approximationem æquivalet probabilitati ut  $\frac{7}{10} \cdot \frac{3}{5} \cdot \frac{3}{5}$ . invenies autem eum valorem per approximationem, si dicas per Regulam de Tri: ut se habet v. g. 22. ad 10. ita se habet 15. ad 7. 22: 10:: 15: 7.

Cum itaque omnis probabilitas per reductionem ad minores terminos, & approximationem in ratione decimali exprimi possit, rectè omnes gradus probabilitatis per sequens Schema exhiberi poterunt

### Schema

#### Rationis decimalis probabilisticæ.

0	1	2	3	4	5	6	7	8	9	10
100	100	100	100	100	100	100	100	100	100	100

In hoc Schemate propositionem certam voco, cujus principia nunquam fallunt. ut  $\frac{100}{100}$ . propositionem moraliter certam voco, cujus principia ferè nunquam fallunt, ut  $\frac{90}{100}$ . propositionem probabilem voco, cujus principia frequentius non fallunt, quàm fallunt, ut  $\frac{8}{10} \cdot \frac{7}{10} \cdot \frac{6}{10}$ . propositionem dubiam voco, cujus principia æquè fallunt, ac non fallunt, ut  $\frac{5}{10}$ . propositionem denique improbabilem voco, cujus principia frequentius fallunt, quàm non fallunt, ut  $\frac{4}{10} \cdot \frac{3}{10} \cdot \frac{2}{10} \cdot \frac{1}{10}$ .



## C A P. III.

## Regula determinandi gradum probabilitatis ex Inductione.

1 **G**Radus probabilitatis determinatur per hoc, quod assignetur, quoties in determinata casuum serie propositio fallat, aut non fallat, v. g. quoties nocte rubente polo intra centum casus contingat sequi serenum, quoties id non contingat. Hoc autem sciri potest vel à posteriori, vel à priori. à posteriori cognoscitur ex inductione atque experientia casuum consimilium, eò quod jam longâ experientiâ observatum sit, quoties propositio sefellerit, aut non sefellerit. à priori id cognoscitur ex præparatione ac dispositione causarum, è quibus effectus in data casuum serie natus aptus est toties sequi, toties non sequi. Regulas, per quas à priori cognoscitur, quoties effectus secuturus aut non secuturus sit, *Leges Contingentium* voco, easque communiter indigito his duabus Litteris L. C.

2 Regula determinandi gradum probabilitatis à posteriori sunt sequentes.

*Prima. Quando probabilitas propositionis desumitur ab inductione casuum consimilium tanta inductione fieri debet, ut comprehendat omnes causas & circumstantias effectum diversificantes.* v. g. si quæro, quanta sit probabilitas, quod nocte rubente polo crastino die serenum futurum sit, non sufficeret ad validam inductionem faciendam per decem dies continuata observatio; posset enim contingere, decem illis diebus semper fuisse serenum; & sic malè concluderem, probabilitatem esse, ut  $\frac{10}{10}$ , seu tantam, ut semper nocte rubente polo altero die serenitas subsequatur. Debet ergo observatio per plures annos in hoc exemplo esse continuata, quia facilè agnoscit quilibet, ad constituendam serenitatem plures causas ac circumstantias concurrere, v. g. humiditatem, siccitatem, calorem, frigus, & gravitatem, aut levitatem aëris, seu altitudinem atmospheræ, ventos orientales, meridionales, occidentales, septentrionales, aut medios; turbines ventorum, anni tempora, hyemem, ver, æstatem, autumnum, æquinoctia, solstitia, plenilunia, accessus perigæos, & recessus apogæos Solis & Lunæ, evaporationes & dispositiones locorum particularium &c. Hæ omnes causæ & circumstantiæ diversificare possunt serenitatem, ac tempestatem aëris; earumque evolutio non potest fieri intra hebdomadam, mensem, aut annum, sed requiritur observatio plurium annorum, ad hoc, ut inductione omnes causas, circumstantias, ac casus possibiles comprehendat. Idem ergo in omni alia legitima inductione observari debet.

3 **SECUNDA REGULA.** Quando fit inductione, omnes casus, à quibus fit inductione, consimiles esse debent. v. g. quando ex rubedine cæli nocturna prædico serenitatem, ea rubedo,

quam observo, priori rubedini sæpius observatæ similis esse debet, sicca videlicet, fulgida, ac ignea; non humida, ac limpida; ex hac enim potius pluvix, quam serenitas, consequi solent.

**TERTIA. Casus, à quibus fit inductione, tunc censentur esse consimiles, quando ablatis omnibus casuum diversificantibus adhuc remanet similitudo utilis ad confirmationem intenti.** v. g. dum alle-ro, nocte rubente polo cras serenum futurum, idque probo ab inductione casuum consimilium, legitima erit inductione, etiamsi una observatio facta fuerit in hyeme, altera in æstate; una stante vento orientali, altera occidentali &c. quia ablatis his circumstantiis casuum diversificantibus adhuc remanet similitudo unius rubedinis observatæ in aëre ad alteram, & hæc similitudo utilis est ad confirmationem intenti, quia facit sperari, hac rubedine posita serenitatem eodem modo secuturam, prout secuta est in præcedentibus; incredibile enim videtur, eam rubedinem non esse partem, aut proprietatem, aut characterem, aut terminum quomodocunque conexum causarum naturalium per se inducentium serenitatem, utpote quæ cum iis causis, quæ nobis fortè incognitis, semper conjuncta esse experientiâ constanti comprobatur.

**QUARTA. Quando inductione apparet esse imperfecta, ad reperiendum verum probabilitatis gradum residua casuum possibilium series ex Legibus Contingentium suppleri debet.** v. g. si in æstate per integrum mensem observavi nocte rubente polo serenum subsecutum esse, facilè tamen agnosco, inductionem ex observationibus unius mensis factam adhuc imperfectam esse. Itaque consulendæ sunt *Leges Contingentium*, & considerandum est à priori, quoties in residuis possibilibus circumstantiis temporum, ventorum &c. posita rubedine cæli nocturna serenitas sperari possit. Si videatur, residuam casuum & circumstantiarum seriem nullum alium effectum, quàm præteritam, producturum fore, tota probabilitas ex præterita casuum serie atque inductione, quamvis imperfecta, satis colligitur. Si verò videatur, residuam casuum & circumstantiarum seriem alium effectum producturum æstimeretur ea effectus probabilitas ex *legibus Contingentium*, & addatur ad probabilitatem ex inductione præteritorum resultantem, summa dabit probabilitatis gradum quæsitum. v. g. si probabilitas futuræ serenitatis ex inductione observationum præcedentium, ut  $\frac{7}{8}$ , sed eadem probabilitas ex æstimatione aliarum circumstantiarum possibilium, in quibus non tam frequenter creditur secutura serenitas ad rubedinem cæli nocturnam, sit per L. C. ut  $\frac{7}{8}$ , si utraque probabilitas addatur, fiet probabilitas  $\frac{15}{16} = \frac{9}{10}$ .



## CAP. IV.

## Regula determinandi Gradum probabilitatis ex Legibus Contingentium.

**REGULA 1.** *Contingentia non procedunt uniformiter.* Sensus est: quod causa æqualiter disposita ad plures effectus, v.g. ad sex, decem, centum &c. non constanter producat eundem effectum, sed modò hunc, modò alium; Ratio est, quia in causa æqualiter disposita ad plures diversos effectus contingentes nulla reperitur determinatio ad unum effectum, adeoque æqualis est determinabilitas, & consequenter æqualis spes ad quemlibet effectum; cumque etiam Deus, & aliæ causæ universales soleant agere juxta capacitatem, ac præparationem subjecti, solet evenire, quòd ex talibus causis non sequatur idem effectus, sed modò hic, modò alius, ut sic successivè adjuetur tota capacitas ac dispositio subjecti producendo omnes effectus contingentes ex tali causa producibiles. Hanc Regulam constans experientia, & viroꝝ Doctorum observatio confirmat. Si enim sumamus telleram perfectè cubicam, adeoque æqualiter dispositam ad jaciendum numerum unum, dualem, ternarium, quaternarium, quinarium, aut senarium; videbimus, non constanter unum eundemque numerum eventurum, sed modò hunc, modò illum; quia videlicet Contingentia non procedunt uniformiter, prout infinitis exemplis demonstrari potest. Hac ipsa Regulà usus est Tertullianus P. adversus Hæreticos C. 28. ubi ostendit, impossibile esse, omnes Ecclesias universi orbis contingenter in unum universalem ac uniformem errorem prolapsas esse, nisi illum errorem à traditione accepissent, quod dici non potest. Age nunc, inquit, omnes erraverint; deceptus sit & Apostolus; neglexerit Officium Vicarius Christi, sinens Ecclesias aliter credere, quam ipse predicabat: Ecquid verisimile est, ut tot ac tanta in unam fidem erraverint: Nullus inter multos eventus est unus exitus; variasse debuerat error doctrina Ecclesiarum; cæterum quod apud multos unum invenitur, non est erratum, sed traditum.

**REGULA 2.** *Quod potest fieri & non fieri, in innumeris circumstantiis aut occasionibus aliquando fit, & aliquando non fit.* Ratio est: quia contingentia non procedunt uniformiter. v.g. si habeas telleram perfectè cubicam, poterit fieri, ut jacias numerum senarium; & poterit hoc non fieri; interim tamen necesse est, ut in innumeris jactibus aliquando etiam jacias numerum senarium. Hac Regula usus est S. Chrysostomus, dum asserit, necesse esse, ut homo constitutus in frequentibus occasionibus propinquis mœchandi, aut pejerandi aliquando in lasciviam aut perjurium prolabatur. Homilia 17. in Matth. sic ait: Quid est, inquis, si video, & concupisco quidem mulierem, sed tamen turpe nihil ago? Et sic quidem jam in adulterorum

parte numeraris; nam semel quidem, & secundo, & tertio sic videns possis fortasse animum continere; si verò frequenter id feceris, fornacemque istam sponte succendas; profectò capieris; neque enim extra naturam, aleamque humanam consistis; qui enim in se flammam cupiditatis accenderit, etiam absente muliere, quam vidit, jugiter apud semetipsum turpium rerum simulacra depingit, & necesse est, hujusmodi nonnunquam ad flagitium ipsum opere pervenire. Homil. 15. ad Pop. Antioch. ait: Habet juramentum & aliud malum; quod neque volentibus, neque studentibus sapius possibile est bene jurare; quippe continud jurans, & volens & invitus, & nesciens & sciens, & seridè & joco loquens, & ab ira saepe elatus, & à multis aliis omnino pejerabit. & his contradicet nemo; usque aded est concessum & manifestum, quod multum jurantem, & perjurum esse necessarium est. Eadem Homilià de eadem consuetudine jurandi loquens similiter affirmat, necesse, ut ob inconstantiam rerum contingentium ex ore juramenti affueto juramentum etiam falsum aliquando egrediatur. Eodem modo probat Tertullianus, etiam virum probum frequentantem turpia spectacula aliquando in peccatum labi, videlicet ob inconstantiam animi, contingenter in bonum vel malum operantis. L. de Spectac. C. 15. sic ait: Siquis modeste & probe spectaculis fruitur pro dignitatis, vel ætatis, vel etiam naturæ suæ conditione, non tamen immobilis animi est, sine tacita Spiritus passione; nemo ad voluptatem venit sine affectu; nemo affectum sine casibus suis patitur.

**REGULA 3.** *Quod in innumeris circumstantiis aut occasionibus nunquam fit, non est aliquid contingens, sed impossibile, relatè ad tales circumstantias.* Ratio patet, quia contingentia in innumeris circumstantiis non procedunt uniformiter. Hanc Regulam secutus S. Hieronymus l. 1. 2. & 3. adversus Pelagianos, pronuntiavit absolute, impossibile esse, longo ac toto vitæ tempore sine gratia Dei speciali servare omnia præcepta Dei, quia hoc nunquam factum est. L. 1. C. 2. Dialogus sic habet: CRITO. (Pelagianus). Ego hoc assero, qui potest uno die se abstinere à peccato, posse & altero; qui duobus, posse & tribus; qui tribus, posse & triginta, atque hoc ordine posse & trecentis, & tribus milibus, & quamdiucunque se voluerit abstinere. ATTICUS. (S. Hieronymus) da ergo, qui majorum nostrorum plene voluerint, & potuerint non peccare? CRITO. Quando dico, hominem posse esse sine peccato, si velit, non contendo aliquos fuisse, aliud namque est posse, aliud est esse. ATTICUS. sine peccato esse perpetuò, solius divina est potestatis. Itaque aut da exemplum, qui absque peccato fuerint in perpetuum; aut si dare non potes, confitere imbecillitatem tuam. Et C. 3. aut, quod potest fieri, aliquando factum est; aut si nunquam factum est, fieri non posse concede.

**REGULA 4.** *Quando in causis ad plures effectus reperitur æqualis dispositio, probabilitas*



pro uno effectu determinato habet se, sicut unitas ad numerum reliquorum effectuum possibilem. v. g. sumatur tellera perfectè cubica, in qua sit æqualis dispositio ad jaciendum numerum unum, dualem, ternarium, quaternarium, quinarium, vel senarium. Dico: probabilitatem pro jaciendo numero aliquo quocunque determinato fore, ut 1. ad 6.  $= \frac{1}{6}$ . Ratio est, quia, cum contingentia non procedant uniformiter, neuter effectuum possibilem habet determinationem ut frequentius sequatur, quàm alter.

**REGULA 5.** Quando effectus aequè potest fieri ac non fieri, toties regulariter fit, quoties non fit. v. g. in tellera perfectè cubica potest æquè fieri, ut jaciam numerum parem 2. 4. 6. ac fieri potest, ut jaciam numerum imparem 1. 3. 5. itaque spes est, me toties jacturum numerum parem, quoties numerum imparem jactus sum. Ratio est, quia in hoc casu æqualis est dispositio telleræ ad numerum parem & imparem; igitur ex præcedente Regula probabilitas determinati effectus v. g. numeri paris erit, ut  $\frac{3}{6} = \frac{1}{2}$ .

**REGULA 6.** Quando in causis reperitur ad plures effectus æqualis dispositio, tanto major est unius effectus præ alio probabilitas, quânto sæpius principia ac dispositiones ad unum effectum recurrunt. v. g. sumantur duæ telleræ perfectè cubicæ; adeoque est æqualis dispositio ad jaciendum numerum. 2. 3. 4. 5. 6. 7. 8. 9. 10. 11. 12. & sic probabilitas cujuslibet numeri determinati jaciendi esset  $\frac{1}{12}$ . verùm quia principia constitutiva unius numeri frequentius occurrunt, quàm principia constitutiva alterius numeri, ideo etiam est inæqualis eorum jaciendorum probabilitas. Principia constitutiva numerorum 2. 3. 11. 12. tantum semel occurrunt intra seriem casuum possibilem. Quia 2. solum constituitur ex 1+1. 3. Ex 2+1. 11. Ex 5+6. 12. Ex 6+6. Econtrà principia constitutiva numerorum 4. 5. 9. 10. recurrunt intra seriem casuum possibilem bis, quia numerus potest constitui ex principiis 2+2. vel 3+1. numerus 5. ex 4+1. vel 3+2. numerus 9. ex 6+3. vel 5+4. numerus 10. ex 5+5. vel 6+4. denique numeri 6. 7. 8. habent maximam probabilitatem, quia eorum principia constitutiva ter recurrunt intra seriem casuum possibilem. namque numerus 6. constituitur ex 3+3. 5+1. 4+2. numerus 7. ex 6+1. 5+2. 4+3. numerus 8. ex 4+4. 6+2. 5+3. Itaque cum in duabus telleris 21. diversi jactus contingere possint, erit probabilitas numerorum 2. 3. 11. 12. ut  $\frac{1}{12}$ . probabilitas numerorum 4. 5. 9. 10. ut  $\frac{2}{12}$ . probabilitas numerorum 6. 7. 8. ut  $\frac{3}{12}$ . Eadem veritas patet etiam in Moralibus. Ponamus hominem æque dispositum ad verba lasciva, contumeliosa, blasphemiarum, perjurii. Clarum est, majorem probabilitatem fore ad proferenda verba lasciva, aut contumeliosa, quàm blasphemiarum, & perjurii, quia dispositiones seu occasiones frequentius ad illa recurrunt.

**REGULA 7.** Quod pronum est fieri, regulariter fit. Sensus est: quod causæ communiter creant in illum effectum, ad quem potentius inclinantur veritas hujus regulæ patet ex Moralibus & Physicis v. g. collapsura domus, arbor, rupes communius in illam partem cadit, in quam jam vergit ac inclinatur. tellera, si qua parte majori feratur ac inclinetur ad terram pondere, frequentius in illam partem terræ illabitur. Omnia consilia, negotia, molimina, ac desideria hominum communius illum assequuntur exitum, ad quem suo motu feruntur, ac non impedita protenduntur.

**REGULA 8.** Tanto frequentius fit effectus, quânto plures, aut propinquiore, aut fortiores dispositiones & principia adminiculantia concurrunt. v. g. tanto frequentius sequitur in bello victoria, quânto major est militum numerus, robur, experientia bellica: tanto frequentius sequitur peccatum, quânto major est in homine ad peccandum proclivitas. Bene autem observandum est, proclivitatem causæ aliquando terminari ad effectum, in magna circumstantiarum serie tantum semel, bis, aut ter currentem; alias verò terminari non tantum ad singularitatem effectus, sed etiam ad ejus frequentiam ac multiplicitem, v. g. si in aliquo datur magna propensio ad iram, rixam, homicidium, ea propensio non est ad quotidiana homicidia committenda, sed præcisè datur periculum in tot rixis aliquando committendi homicidium. Eadem tamen propensio est ad frequentiores actus rixæ, quàm homicidii, & ad frequentiores actus iræ, quàm ad actus rixæ. Quando ergo dicitur: Quod pronum est fieri, regulariter fit, non sic intelligendum est, quod v. g. pronus ad committendum homicidium frequenter ac communiter debeat committere homicidium, sed sic est intelligendum, quod communius & frequentius in tanta irarum, ac rixarum continuatarum serie aliquando soleat contingere homicidium. Ante omnia enim attendendum est, quidnam fieri pronum sit, an singularitatem effectus, an frequentiam effectus, & qualem; item, attendendum est, ex quali ac quanta serie circumstantiarum, dispositionum, & causarum illam singularitatem, aut frequentiam effectus fieri pronum sit. Sic S. Chrysostomus hom. 14. ad Pop. Antioch. cum observasset juramentis assuetos pronos esse ad pejerandum, eamque proclivitatem terminari ad frequentia perjuria, intulit vi hujus Regulæ, impossibile esse ut ex jurandi consuetudine non sequantur frequentia perjuria. Impossibile est, inquit, impossibile, os jurare consuefactum non frequenter ac assidue pejerare.

**REGULA 9.** Probabilitatis mensura, quæ ex proclivitate ac dispositione causa desumitur, debet desumi ex ratione dispositionum datarum ad complexum omnium dispositionum ad effectum infallibiliter obtinendum aut sperandum concurrentium. Ad hanc Regulam intelligendam, fieri



ferri debet. 1. Ad omnem effectum concurrere plures dispositiones, non unam tantum: earum dispositiones finitæ sunt; omnesque simul sumptas voco *complexum dispositionum ad effectum concurrentium*: Potest autem fieri, quod hoc complexum aliquando consistat in 10. 20. 50. 100. aut mille dispositionibus. 2. Sciendum, dispositiones ad effectum concurrentes plerumque non poni omnes simul, sed successivè; v. g. ponuntur ab initio duæ, tres, s. 15. 30. &c. usque dum deveniatur ad complexum omnium dispositionum adæquatum. In hoc ergo successivo dispositionum progressu datur ille status causæ, quem nominamus *proclivitatem*, *proclivitatem*, ac *propensionem* causæ ad effectum; cumque necesse sit, numerum datarum dispositionum ad complexum adæquatum omnium dispositionum habere determinatam proportionem, etiam necesse erit, pronitatem causæ per certam proportionem numerorum exprimi posse. v. g. consistat complexum adæquatum omnium dispositionum ad prudenter ac infallibiliter sperandam victoriam in 1000. Dispositionibus. Defacto autem nondum dentur omnes, sed tantum 600. 700. 800. &c. erit ergo adhuc proclivè credere, exercitum obtenturum victoriam, sed probabiliter tantum, quia posito tali numero dispositionum 600. 700. 800. &c. supersunt casus possibiles pro opposito, licet minus frequentes; ut itaque æstimeretur probabilitas victoriæ; ea consistet in ratione dispositionum datarum ad complexum adæquatum dispositionum, videlicet ea erit, ut  $\frac{1000}{1000} = \frac{1000}{1000}$ . Sciendum 3. numerum dispositionum desumendum esse non tantum ex positione principiorum, & circumstantiarum ad effectum adminiculantium, sed etiam ex remotione obstaculorum, causarum, motivorum, & circumstantiarum retrahentium & impredientium; quo enim plura tolluntur effectus impediementa, eo major est ad effectum dispositio, & proclivitas. Sciendum 4. hos terminos, *major*, *propinquior*, *fortior*, *melior* dispositio, nihil aliud dicere, quam numerum plurium dispositionum, aut certè aliquid æquivalens pluribus dispositionibus. v. g. si dico, unum lignum per calorem magis esse dispositum ad concipiendum ignem, quam alterum; eo quod calor sit fortior, ac intensior, sensus est, plures partes caloris esse in illo ligno, quod magis dispositum est, aut certè aliquid æquivalens pluribus partibus caloris: sive enim intensior calor consistat in intrusione plurium igniculorum, sive in remotione contrarii, sive in additione graduum homogeneorum, sive in productione graduum heterogeneorum, sive in maiore radicatione formæ in subiecto &c. verum tamen erit intensiorem caloris per partes, seu gradus caloris explicari posse, prout actu explicatur à Philosophis numerantibus calorem, ut duo, calorem ut tria, calorem ut quatuor, calorem ut quinque, ut sex, ut septem, ut octo. Idem ergo modus numerandi adhiberi poterit in exprimenda propinqui-

tate, fortitudine, ac proclivitate aliarum dispositionum ad effectum. v. g. si robustior cum debiliore certamen ineat, cæteris paribus dici poterit, juxta æstimationem nostram vires prioris ad vires alterius esse ut  $\frac{1}{10}$ .  $\frac{1}{10}$ . vel  $\frac{1}{10}$ . ad  $\frac{1}{10}$ .  $\frac{1}{10}$ .  $\frac{1}{10}$ . Sciendum 5. proclivitatem quandoque consistere in rerum inconstantia; sic proclivè est, quempiam frequenter cum periculis luctantem aliquando succumbere, & tunc, quo quis frequentius jam evaserit, eo major est probabilitas, eum posthac non evasurum, nisi fortè ipsa frequentatio periculi augendo peritiam minuat rationem periculi; sic probabile est, militem, qui jam vigesies in pugna evasit, proxima vice non evasurum, quia è centum millibus militum post vigesimam pugnam vix centum relinquuntur, adeoque probabilitas mortis in tali milite erit, ut  $\frac{100000}{100000} = \frac{1}{10}$ . veridè  $\frac{1}{10}$ . Sciendum 6. in hac mortalis vitæ densa caligine nullum esse mortaliū, qui spondere audeat, se perfectè cognoscere præparationem causarum ad effectum omnimedam, omnes dispositiones requisitas, omnia impediementa retrahentia, & vim omnium circumstantiarum inenarrabili connexionione in effectum influentium; itaque probabilitas humanarum opinionum de effectu, & exitu rerum conjectantium innititur cognitioni præcisè *respective bonæ*, inquantum videlicet alius homo meliorem non habet, aut habere potest. v. g. potest quis dicere: Ego consideratis omnibus dispositionibus, motivis allicientibus ac retrahentibus, præparatione armorum, minis, &c. judico Turcarum Imperatorem cum Russis, aut Polonis initurum bellum; quilibet tamen videt, aliam esse præparationem causarum in illud bellum influentium, quam videt homo plebejus præcisè ex novellis, aliam, quam videt Politicus ex iisdem novellis, aliam, quam vident Ministri Principum ex accuratiore relatione & peritia politica, aliam quam videt Minister ac Legatus Constantinopoli præsens, aliam denique, quam vident ipsi Ministri Imperatoris Turcici. Itaque tota probabilitas humanarum opinionum est tantum hypothetica, & respectiva, quia quo quis universim profundius, ac longius inspexerit, videbit se, ne mediam quidem cognovisse omnium circumstantiarum, impediementorum, & dispositionum partem, à quarum accurata cognitione iusta æstimatio ac probabilitas de eventu rei dependeret. Melius tamen utique fuerit, has ipsas imperfectas probabiles cognitiones quam accuratissimè possumus sub certa mensura exprimere, quam earum imperfectionem ipsa Methodi confusione. auctam, certo errori involvere.

## CAP. V.

*Regula statuendi gradum probabilitatis, quando concurrunt plura argumenta probabilia aliis probabilibus, sed tamen oppositis.*



**REGULA 1.** Quando pro duabus sententiis contradictoriis stant utrinque aequaliter fortia argumenta, iudicium in neutram partem probabile ferri potest. Ratio est, quia ex definitione probabilitatis patet, iudicium probabile illud esse, quod in unam contradictionis partem inflectitur, quodque ut plurimum non fallit, sed frequentius verum dicit: quando autem ex utraque contradictionis parte stant æquæ fortia argumenta, non potest prudenter iudicium spe melius ac securius assequendi veritatem inflecti in unam contradictionis partem; neque verum erit dicere, argumenta hujus potius sententiæ minùs frequenter fallere, quàm argumenta alterius sententiæ. Verum quidem erit, talia argumenta seorsim considerata esse probabilia; quia seorsim considerata inclinant intellectum potius ad assensum suæ sententiæ, quàm ad ejus dissensum; & ratio vel autoritas, cui talis sententia innitur, secundum se spectata, quando nil obstat in oppositum, frequentius non fallit. Sed iudicium aliquod de absoluta veritate sententiæ prudenter superstrui non potest talibus argumentis seorsim consideratis, quando constat superesse argumenta pro opposita sententia. Itaque iudicium in tali casu ex argumentis comparative sumptis resultans erit, ut  $\frac{1}{10}$ . seu tale, quod æquæ possit falli, ac non falli: & tale iudicium vocavi *dubium*.

**REGULA 2.** Quando pro duabus sententiis contradictoriis stant utrinque argumenta inæqualis probabilitatis, tunc probabilitas unius sententiæ comparative sumpta erit ut summa ex numeratore positivo unius probabilitatis & numeratore defectivo alterius probabilitatis ad summam denominatorum. v. g. sic probabilitas unius sententiæ seorsim sumpta ut  $\frac{1}{10}$ , probabilitas verò alterius sententiæ con-

tradiçtorix, ut  $\frac{1}{10}$ . erit itaque numerator positivus prioris probabilitas, qui indicat casus, in quibus argumentum non fallit, 7. & numerator illius defectivus, qui indicat casus, in quibus argumentum fallit; 3. nam hic est sensus probabilitatis  $\frac{7}{10}$ . quòd videlicet in decem occurrentibus casibus argumentum septies verum, ter autem falsum diceret. Econtrà in probabilitate oppositæ contradicçtorix sententiæ numerator positivus est 6. numerator defectivus est 4. itaque addendo denominatores, & addendo numeratorem positivum ad numeratorem negativum alterius erit probabilitas comparativa prioris sententiæ ut  $\frac{11}{20}$ . & probabilitas comparativa alterius sententiæ ut  $\frac{9}{20}$ . seu nulla. Quòd verò in dimetienda probabilitate comparative tali sic procedi debeat, ostenditur sic. Quando pro duabus sententiis contradictoriis afferuntur utrinque argumenta seorsim probabilia, v. g. ut  $\frac{7}{10}$ . &  $\frac{1}{10}$ . tunc pro judicanda absoluta veritate proponuntur intellectui viginti casus, videlicet decem casus ex parte prioris sententiæ, & decem alii diversi casus ex parte posterioris sententiæ, pro prima sententia stant septem casus ex prioribus decem casibus, & quatuor casus ex posterioribus decem casibus: cùm enim in posterioribus decem casibus argumentum dicatur sexies non fallere, quater autem fallere, clarum est, quòd inter hos decem posteriores casus contradicçtoria probandæ sententiæ, videlicet prima sententia, quater vera erit. Itaque è viginti casibus habemus casus septem & quatuor seu undecim pro veritate primæ sententiæ; pro posteriore verò sententia tantùm residui sunt novem casus. Q. E. D. Qualis autem in omni casu possibili sit comparativa probabilitas unius sententiæ ad alteram, exhibet adjectum

### Schema

Probabilitas Absoluta Sent. A.	Probabilitas Absoluta Sent. B.	Probabilitas comparativa Sent. A.	Probabilitas comparativa Sent. B.
$\frac{9}{10}$	$\frac{8}{10}$	$\frac{11}{20}$	$\frac{9}{20}$
$\frac{9}{10}$	$\frac{7}{10}$	$\frac{12}{20}$	$\frac{8}{20}$
$\frac{9}{10}$	$\frac{6}{10}$	$\frac{13}{20}$	$\frac{7}{20}$
$\frac{8}{10}$	$\frac{7}{10}$	$\frac{11}{20}$	$\frac{9}{20}$
$\frac{8}{10}$	$\frac{6}{10}$	$\frac{12}{20}$	$\frac{8}{20}$
$\frac{7}{10}$	$\frac{6}{10}$	$\frac{11}{20}$	$\frac{9}{20}$



REGULA 3. Tanta est probabilitas conclusionis, que in aliquo syllogismo ex duabus præmissis tantum probabilibus deducitur, quanta est probabilitas unius præmissarum imminuta fallibilitate alterius præmissæ. Ponamus hunc syllogismum:

Quod Aristoteles docet, est verum:

Sed Aristoteles docet, Elementa manere formaliter in mixtis;

Ergo Elementa manere formaliter in mixtis est verum.

Ponamus majorem esse probabilem, ut  $\frac{9}{10}$ . minorem esse probabilem, ut  $\frac{7}{10}$ . (licebit enim hoc mihi sic ponere per modum hypothesis, non per modum assertionis) dico: conclusionem fore, ut  $\frac{63}{100}$ . adeoque non fore amplius probabilem, sed dubiam. Id ostendo sic: Conclusio contrahit fallibilitatem utriusque præmissæ: Atqui fallibilitas utriusque præmissæ in præsentī casu est ut quinque; Ergo etiam fallibilitas conclusionis erit ut quinque, seu  $\frac{5}{100}$ . pro intelligenda hac demonstratione observandum est, per fallibilitatem aliqujus propositionis me nihil aliud intelligere, quam illos casus, in quibus propositio fallit v. g. quando propositio est probabilis, ut  $\frac{9}{10}$ . sunt octo casus, in quibus ea propositio non fallit, duo verò, in quibus fallit; adeoque fallibilitas talis propositionis erit, ut duo: Quando propositio est probabilis, ut  $\frac{7}{10}$ . erunt septem casus, in quibus propositio non fallit; tres verò casus, in quibus fallit; adeoque fallibilitas hujus propositionis erit, ut tria: Jam verò clarum est, conclusionem hanc:

Ergo Elementa manere formaliter in mixtis, verum est.

Ex parte Majoris, & ex parte Minoris, adeoque

ex parte utriusque præmissæ fore fallibilem: Ponamus enim, conclusionem evadere fallibilitatem Minoris, nec ex parte Minoris fallere; non tamen propterea statim evadet fallibilitatem Majoris; neque eo ipso statim vera erit, quod minor vera sit: & similiter, etiamsi conclusio evadat fallibilitatem Majoris non tamen propterea evadet fallibilitatem Minoris. Igitur conclusio non solum patietur periculum fallitatis, formidinem, & fallibilitatem ex incertitudine Majoris, sed etiam ex incertitudine Minoris; adeoque augebitur ipsius fallibilitas contracta ab una præmissarum ex fallibilitate alterius præmissarum, & sic contrahet fallibilitatem utriusque præmissæ. Ponamus enim, quod conclusio, sequendo debiliorem partem, contrahat fallibilitatem Minoris, adeoque quod in præsentī casu conclusio sit tantum probabilis, ut  $\frac{7}{10}$ . fallibilis autem, ut tria, hanc probabilitatem, & fallibilitatem haberet conclusio in præsentī casu, etiamsi Major certa esset. Si enim dicerem: Quod Deus docuit, verum est: Sed Deus docuit Elementa formaliter manere in mixtis; ergo Elementa formaliter manere in mixtis verum est. In hoc, inquam, syllogismo, posito per hypothesis, quod Minor sit probabilis, ut  $\frac{7}{10}$ . etiam conclusio non haberet majorem probabilitatem, utpote qua sequeretur debiliorem partem. Itaque si etiam Major non sit certa, conclusio erit minus probabilis, & adhuc magis fallibilis, quod fieri non potest, nisi ad fallibilitatem contractam ex Minore addam fallibilitatem Majoris; sicque probabilitatem Minoris influentem in conclusionem minuem fallibilitatem Majoris seu duabus partibus; ut ex probabilitate  $\frac{7}{10}$ . fiat  $\frac{5}{10}$ . Q.E.D. Ex hoc patet, qualiter inveniri debeat probabilitas conclusionis in omni casu possibili ex adjecto schemate.

Major	Minor	Conclusio
$\frac{9}{10}$	$\frac{9}{10}$	$\frac{81}{100}$
$\frac{8}{10}$	$\frac{8}{10}$	$\frac{64}{100}$
$\frac{7}{10}$	$\frac{7}{10}$	$\frac{49}{100}$
$\frac{6}{10}$	$\frac{6}{10}$	$\frac{36}{100}$
$\frac{5}{10}$	$\frac{5}{10}$	$\frac{25}{100}$
$\frac{4}{10}$	$\frac{4}{10}$	$\frac{16}{100}$
$\frac{3}{10}$	$\frac{3}{10}$	$\frac{9}{100}$
$\frac{2}{10}$	$\frac{2}{10}$	$\frac{4}{100}$
$\frac{1}{10}$	$\frac{1}{10}$	$\frac{1}{100}$
$\frac{9}{10}$	$\frac{7}{10}$	$\frac{63}{100}$
$\frac{8}{10}$	$\frac{7}{10}$	$\frac{56}{100}$
$\frac{7}{10}$	$\frac{7}{10}$	$\frac{49}{100}$
$\frac{6}{10}$	$\frac{7}{10}$	$\frac{42}{100}$
$\frac{5}{10}$	$\frac{7}{10}$	$\frac{35}{100}$
$\frac{4}{10}$	$\frac{7}{10}$	$\frac{28}{100}$
$\frac{3}{10}$	$\frac{7}{10}$	$\frac{21}{100}$
$\frac{2}{10}$	$\frac{7}{10}$	$\frac{14}{100}$
$\frac{1}{10}$	$\frac{7}{10}$	$\frac{7}{100}$
$\frac{9}{10}$	$\frac{6}{10}$	$\frac{54}{100}$
$\frac{8}{10}$	$\frac{6}{10}$	$\frac{48}{100}$
$\frac{7}{10}$	$\frac{6}{10}$	$\frac{42}{100}$
$\frac{6}{10}$	$\frac{6}{10}$	$\frac{36}{100}$
$\frac{5}{10}$	$\frac{6}{10}$	$\frac{30}{100}$
$\frac{4}{10}$	$\frac{6}{10}$	$\frac{24}{100}$
$\frac{3}{10}$	$\frac{6}{10}$	$\frac{18}{100}$
$\frac{2}{10}$	$\frac{6}{10}$	$\frac{12}{100}$
$\frac{1}{10}$	$\frac{6}{10}$	$\frac{6}{100}$
$\frac{9}{10}$	$\frac{5}{10}$	$\frac{45}{100}$
$\frac{8}{10}$	$\frac{5}{10}$	$\frac{40}{100}$
$\frac{7}{10}$	$\frac{5}{10}$	$\frac{35}{100}$
$\frac{6}{10}$	$\frac{5}{10}$	$\frac{30}{100}$
$\frac{5}{10}$	$\frac{5}{10}$	$\frac{25}{100}$
$\frac{4}{10}$	$\frac{5}{10}$	$\frac{20}{100}$
$\frac{3}{10}$	$\frac{5}{10}$	$\frac{15}{100}$
$\frac{2}{10}$	$\frac{5}{10}$	$\frac{10}{100}$
$\frac{1}{10}$	$\frac{5}{10}$	$\frac{5}{100}$
$\frac{9}{10}$	$\frac{4}{10}$	$\frac{36}{100}$
$\frac{8}{10}$	$\frac{4}{10}$	$\frac{32}{100}$
$\frac{7}{10}$	$\frac{4}{10}$	$\frac{28}{100}$
$\frac{6}{10}$	$\frac{4}{10}$	$\frac{24}{100}$
$\frac{5}{10}$	$\frac{4}{10}$	$\frac{20}{100}$
$\frac{4}{10}$	$\frac{4}{10}$	$\frac{16}{100}$
$\frac{3}{10}$	$\frac{4}{10}$	$\frac{12}{100}$
$\frac{2}{10}$	$\frac{4}{10}$	$\frac{8}{100}$
$\frac{1}{10}$	$\frac{4}{10}$	$\frac{4}{100}$
$\frac{9}{10}$	$\frac{3}{10}$	$\frac{27}{100}$
$\frac{8}{10}$	$\frac{3}{10}$	$\frac{24}{100}$
$\frac{7}{10}$	$\frac{3}{10}$	$\frac{21}{100}$
$\frac{6}{10}$	$\frac{3}{10}$	$\frac{18}{100}$
$\frac{5}{10}$	$\frac{3}{10}$	$\frac{15}{100}$
$\frac{4}{10}$	$\frac{3}{10}$	$\frac{12}{100}$
$\frac{3}{10}$	$\frac{3}{10}$	$\frac{9}{100}$
$\frac{2}{10}$	$\frac{3}{10}$	$\frac{6}{100}$
$\frac{1}{10}$	$\frac{3}{10}$	$\frac{3}{100}$
$\frac{9}{10}$	$\frac{2}{10}$	$\frac{18}{100}$
$\frac{8}{10}$	$\frac{2}{10}$	$\frac{16}{100}$
$\frac{7}{10}$	$\frac{2}{10}$	$\frac{14}{100}$
$\frac{6}{10}$	$\frac{2}{10}$	$\frac{12}{100}$
$\frac{5}{10}$	$\frac{2}{10}$	$\frac{10}{100}$
$\frac{4}{10}$	$\frac{2}{10}$	$\frac{8}{100}$
$\frac{3}{10}$	$\frac{2}{10}$	$\frac{6}{100}$
$\frac{2}{10}$	$\frac{2}{10}$	$\frac{4}{100}$
$\frac{1}{10}$	$\frac{2}{10}$	$\frac{2}{100}$
$\frac{9}{10}$	$\frac{1}{10}$	$\frac{9}{100}$
$\frac{8}{10}$	$\frac{1}{10}$	$\frac{8}{100}$
$\frac{7}{10}$	$\frac{1}{10}$	$\frac{7}{100}$
$\frac{6}{10}$	$\frac{1}{10}$	$\frac{6}{100}$
$\frac{5}{10}$	$\frac{1}{10}$	$\frac{5}{100}$
$\frac{4}{10}$	$\frac{1}{10}$	$\frac{4}{100}$
$\frac{3}{10}$	$\frac{1}{10}$	$\frac{3}{100}$
$\frac{2}{10}$	$\frac{1}{10}$	$\frac{2}{100}$
$\frac{1}{10}$	$\frac{1}{10}$	$\frac{1}{100}$



**REGULA 4.** Probabilitas propositionis, quæ ex alia propositione probabiliter deducitur, habet se, sicut probabilitas conclusionis deducit ex duabus præmissis probabilibus. v.g. ponamus hoc Enthymema: *Aristoteles docuit, Elementa formaliter manere in mixtis; Ergo manent formaliter in mixtis.* Ponamus etiam, antecedens tantum esse probabile, ut  $\frac{1}{10}$ . & positò, quod Aristoteles hoc docuerit, non tamen infallibiliter, sed tantum probabiliter sequitur ac deducitur, quòd hoc verum sit; ponamus ergo probabilitatem consecutionis esse, ut  $\frac{1}{10}$ . dico: propositionem illatam habituram eandem probabilitatem, ac habuit conclusio syllogismi, *Regula 3.* adducti, hujus videlicet: *Quod Aristoteles docuit, hoc verum est; sed Aristoteles docuit, Elementa formaliter manere in mixtis; ergo Elementa formaliter manere in mixtis verum est.* Cuius enim manifestum est; Enthymema, quod syllogismus imperfectus dicitur, aut quæcumque aliam illationem Enthymemati æquivalentem ad similem syllogismum reduci posse.

**REGULA 5.** Quando per eadem sententia plura conglomerantur argumenta, tunc omnia junctim sumpta non inducunt probabilitatem, quæ ab absoluta rei certitudine seu unitate deficiat parte unitatis orta ex divisione producti casuum non probantium per productum casuum omnium in universis argumentis. ut vult Bernoullus. Pro explicatione hujus regulæ ponamus pro aliqua sententia stare duo argumenta; primi argumenti probabilitas sit v.g.  $\frac{2}{10}$ . secundi argumenti probabilitas sit v.g.  $\frac{1}{10}$ . erunt itaque in primo argumento octo, & in secundo argumento sex casus, in quibus argumentum non fallit, sed legitime probat: Econtrà casus, in quibus argumentum nihil probat, sed fallit, in primo argumento erunt duo, in secundo argumento quatuor. Ipsa veritas seu certitudo, quam hîc unitatem vocamus, erit ut  $\frac{1}{10}$ . productum casuum non probantium, videlicet ex 2. & 4. erit 8. Productum omnium casuum in utroque argumento, videlicet ex 10. & 10. erit 100. Si itaque productum 8. divides per productum 100, ac quotientem  $\frac{8}{100}$ . subtrahas ab absoluta certitudine, videlicet à  $\frac{1}{10}$ . fiet probabilitas sententiæ  $\frac{102}{100}$ . seu rotundè  $\frac{2}{10}$ . simili methodo procedes, si concurrant tria, quatuor, quinque, aut plura adhuc alia argumenta. Sint v.g. tria argumenta pro eadem sententia, quorum primum sit probabile ut  $\frac{2}{10}$ . secundum ut  $\frac{1}{10}$ . tertium ut  $\frac{6}{10}$ . erit ergo numerus casuum nihil probantium in primo argumento 2. in secundo 3. in tertio 4. & productum horum casuum non probantium erit 24. Econtrà numerus omnium casuum probantium erit 8. + 7. + 6. & productum omnium casuum in his tribus argumentis erit 10. 10. 10. seu 1000. si itaque productum 24. divides per 1000, erit quotientem  $\frac{24}{1000}$ . & si hunc subtrahas ab absoluta certitudine seu à  $\frac{1}{10}$ . erit probabilitas totius sententiæ ut  $\frac{1076}{1000}$ . seu  $\frac{9}{10}$ . aut proximè  $\frac{1}{10}$ .

Hæc est explicatio doctrinæ Bernoullianæ, se-

quenti forma Algebraicâ à Jacobo Bernoullio in sua Arte Conjectandi part. 4. C. 3. num. 4. comprehensâ. Si plura concurrant argumenta ad ejusdem rei probationem, vocentur

Numeri casuum, argumenti	1. 2. 3. 4. 5. &c. &c.
omnium	a. d. g. p. &c. &c.
probantium	b. e. h. q. t. &c.
non probantium	c. f. i. r. u. &c.

vis probandi ex omnium argumentorum concursu sic æstimatur. Pondus primi argumenti seorsum

spectati erit  $\frac{b}{a} = \frac{a-c}{a}$ . Accedat nunc alterum

argumentum, quòd e vel d-f casibus probat rem seu 1, & f casibus nil probat, solumque adeo pondus primi argumenti, quod ostensum est, esse  $\frac{a-c}{a}$  efficax relinquit. Valebit pondus ex utro-

que argumento constarum.

$$\frac{d-f. i + f. a-c : a}{d.} = \frac{a d - c f}{a d} = \frac{c f}{a d}$$

Jungatur & tertium argumentum erunt h. seu g-a casus, qui probant rem, & i casus, quibus nullum est argumentum, solaque duo priora vim suam probandi  $\frac{a d - c f}{a d}$  retinent; unde vis omnium trium est:

$$\frac{g-i. i + i. a d - c f : a d}{g.} = \frac{a d g - c f i}{a d g} = \frac{c f i}{a d g}$$

Jam dico; Hanc doctrinam Bernoullianam non esse veram, quia aliàs sequeretur positis duobus argumentis probabilibus, semper jam resultare moralem certitudinem sententiæ, quod repugnat manifestæ experientiæ. Error Bernoulli consistit in eo, quod casus probantes, & non probantes secundi argumenti permisceat cum casibus primi argumenti omnibus; cum tamen secundum argumentum considerari debeat per modum novi tentaminis pro indaganda veritate, prout videbimus sequenti Regula.

**REGULA 6.** Pro inveniendâ Probabilitate duorum argumentorum dic: Ut se habet numerus casuum omnium possibilium ad numerum casuum non probantium primi argumenti, ita se habet numerus casuum probantium secundi argumenti, ad quartum, addendum numero casuum probantium primi argumenti. v. g. sit argumentum 1.  $\frac{2}{10}$ . fiet: 10:7::2:1 $\frac{4}{10}$ . Summa duorum argumentorum erit  $\frac{4\frac{4}{10}}{10}$ . Eodem modo proce-

des, si plura sint argumenta, semper summa priorum argumentorum addendo argumentum consequens. Demonstratio est hæc; Secundum argumentum est novum tentamen veritatis, in quo licebit sumere iterum v.g. decem casus. Tanta ergo est probabilitas tollendi numeros defectivos prioris argumenti seu vincendi, quanta est probabilitas, me in secundo tentamine victurum; igitur quantum accedit spei per secundum argumentum tantum deficit à numeris defectivis, & acce-



Accedit ad numeros positivos primi argumenti.  
Q.E.D. Ut verò melius perspiciatur impossibili-  
as Regulæ Bernoullianæ, exhibeo in sequenti

Tabula Gradus Probabilitatis ex additione argumen-  
torum Bernoulliana resultantes. Numeri sunt Ar-  
gumenta. P est probabilitas resultans.

1.	2.	P.	1.	2.	3.	P.	1.	2.	3.	4.	P.
$\frac{9}{10}$	$\frac{9}{10}$	$\frac{99}{100}$	8.	8.	6.	984	8.	8.	6.	6.	9936
			8.	7.	7.	982	8.	7.	7.	7.	9946
$\frac{9}{10}$	$\frac{8}{10}$	$\frac{98}{100}$	8.	7.	6.	976	8.	7.	6.	6.	9904
			8.	6.	6.	968	8.	6.	6.	6.	9872
$\frac{9}{10}$	$\frac{7}{10}$	$\frac{97}{100}$	7.	7.	7.	973	7.	7.	7.	7.	9919
			7.	7.	6.	964	7.	7.	6.	6.	9892
$\frac{9}{10}$	$\frac{6}{10}$	$\frac{96}{100}$	7.	6.	6.	952	7.	6.	6.	6.	9856
			6.	6.	6.	936	6.	6.	6.	6.	9808
$\frac{8}{10}$	$\frac{8}{10}$	$\frac{96}{100}$	1.	2.	3.	4.	P.				
			9.	9.	9.	9.	9999				
$\frac{8}{10}$	$\frac{7}{10}$	$\frac{94}{100}$	10	10	10	10	10000				
			9.	9.	9.	8.	9998				
$\frac{8}{10}$	$\frac{6}{10}$	$\frac{92}{100}$	9.	9.	9.	7.	9997				
			9.	9.	9.	6.	9996				
$\frac{7}{10}$	$\frac{7}{10}$	$\frac{91}{100}$	9.	9.	8.	8.	9996				
			9.	9.	8.	7.	9994				
$\frac{7}{10}$	$\frac{6}{10}$	$\frac{88}{100}$	9.	9.	8.	6.	9992				
			9.	9.	7.	7.	9991				
$\frac{7}{10}$	$\frac{6}{10}$	$\frac{88}{100}$	9.	9.	7.	6.	9988				
			9.	9.	6.	6.	9984				
$\frac{7}{10}$	$\frac{6}{10}$	$\frac{88}{100}$	9.	8.	8.	8.	9992				
			9.	8.	8.	7.	9988				
$\frac{7}{10}$	$\frac{6}{10}$	$\frac{88}{100}$	9.	8.	8.	6.	9984				
			9.	8.	7.	7.	9982				
$\frac{7}{10}$	$\frac{6}{10}$	$\frac{88}{100}$	9.	8.	7.	6.	9976				
			9.	8.	6.	6.	9968				
$\frac{7}{10}$	$\frac{6}{10}$	$\frac{88}{100}$	9.	7.	7.	7.	9973				
			9.	7.	7.	6.	9964				
$\frac{7}{10}$	$\frac{6}{10}$	$\frac{88}{100}$	9.	7.	6.	6.	9952				
			9.	6.	6.	6.	9936				
$\frac{7}{10}$	$\frac{6}{10}$	$\frac{88}{100}$	8.	8.	8.	8.	9984				
			8.	8.	8.	7.	9976				
$\frac{7}{10}$	$\frac{6}{10}$	$\frac{88}{100}$	8.	8.	8.	6.	9968				
			8.	8.	7.	7.	9964				
$\frac{7}{10}$	$\frac{6}{10}$	$\frac{88}{100}$	8.	8.	7.	6.	9952				

## CAP. VI.

Qualiter & quousque argumenta per  
presumptiones contrarias ener-  
ventur.

R.D. Euseb. Amert Philosophia.

REGULA 1. Presumptiones generica 2 spe-  
cificis, specifica ab individualibus, univer-  
saliores à magis particularibus, communes à pro-  
priis, remotiores à propinquioribus penitus enervan-  
tur. Pro explicatione & probatione hujus Re-  
gulæ, sumamus exemplum, quod ponit Jac.

Op 00 2

Bour-



Bernoullus l. cit. num. 7. De Contractu quodam scripto dubium movetur, an dies testamento appositus fraudulentè sit anticipatus? Argumentum pro negativa hoc esse potest, quod Instrumentum signatum sit manu Notarii, id est, personæ publicæ & juratæ, quem non verisimile est, quidquam commisisse fraudis, cum id sine summo honoris ac fortunæ suæ periculo facere non potuisset; ac propterea inter 50. vix unus reperiatur, qui isthuc nequitiz procedere audeat.

Argumenta verò pro affirmativa possunt esse, quod Notarii hujus fama pessimè audiat; quod ex fraude maximum potuisset expectare lucrum, & præsertim, quod talia attestetur, quæ nihil probabilitatis habent, veluti si scripserit, quendam alieſi mutuo locasse 10000. Aureos eo tempore, quo ex omnium æstimatione vix centum in universis bonis habere poterat. Hic si argumentum à charactere ejus, qui scripsit, seorsum consideres, censere poteris probabilitatem authenticæ Instrumenti velut  $\frac{2}{3}$  certitudinis valere. Sin argumenta in contrarium expendas, agnoscere teneris, fieri vix posse, quin Instrumento falsum insit, adeoque fraudem in illo commissam moralem planè certitudinem, hoc est, velut  $\frac{2}{1000}$  certitudinis habere. Indè verò concludi non debet, probabilitatem authenticæ ad probabilitatem fraudis esse in ratione  $\frac{2}{3}$  ad  $\frac{2}{1000}$ , hoc est, in ratione penè æqualitatis. Dum enim Notarium pono difamata fidei, hoc ipso pono, cum non comprehendi in casu horum 49. proborum Notariorum, qui fraudes detestantur; sed esse illum ipsum quinquagesimum, qui sibi religioni non ducit, perfidè in officio suo versari; id, quod vim omnem illius argumenti, quod aliàs authenticam argumenti probare posset, prorsus tollit ac totaliter destruit. In hoc exemplo videmus argumenti affirmativi præsumptionem desumi ab Officio Notariatus, hoc officium est aliquid adhuc generale, universale, ac commune multis hominibus, est insuper motivum adhuc remotum ad servandam fidelitatem, quia ad hanc servandam vel non servandam solent homines determinari à motivis immediationibus ac magis particularibus. Itaque præsumptionem à circumstantia officii desumptam ob suam generalitatem genericam universalem, communem voco. Econtrà circumstantia famæ pessimæ in Notario est circumstantia individualis; motivum hæc est motivum immediatius, ad quod solent homines attendere, dum immediate ponunt aliquam actionem; & falsitas circumstantiæ instrumento insertæ est character specificus falsariorum. Itaque ob hanc præsumptionem ductam à circumstantiis individualibus, propinquieribus, & magis specificis, quam propter præsumptionem individualement, specificam, ac propinquam voco, dico præsumptionem genericam prorsus enervari, quia præsumptio individualis monstrat, casum particularem hunc inter eos casus, qui plerumque contingunt, non comprehendi, quò osten-

sò utique cessat præsumptio, utpote quæ nec desumitur à communiter contingentibus. Aliud exemplum habemus, si v. g. agatur de commisso homicidio à Petro, adsunt v. g. viginti testes, qui testantur de fama publica, Petrum esse homicidam, testentur alii decem, Petrum esse aliàs impotentis iræ, cum cum defuncto gessisse inimicitias, cum minatum esse mortem, eum præparasse arma, eum exisse bene armatum; testentur insuper alii decem testes, se observasse in occisore nigras vestes, quales communiter solet deferre Petrus: Denique Petrus productus in iudicium totus expalleſcat, & ferant contra ipsum centum iudices sententiam. Si post omnes has præsumptiones & numerum testium ac circumstantiarum prodeant duo aut tres testes fide digni, qui testentur, se ipsa hora ac momento occisionis vidisse Petrum in loco prorsus à loco homicidii remoto, enervantur omnes priores præsumptiones; quia circumstantia loci, temporis, & visus est circumstantia individualis, & testes de visu propius aſcedunt ad veritatem quàm centum iudices, qui tantum fundantur in præsumptione ex circumstantiis remotioribus aut magis communibus ducta: testes etiam de fama publica, aut de vestimento non attingunt circumstantiam individualement: testes de inimiciis, de minis, & de præparatione armorum attingunt quidem aliquam actionem individui, quæ tamen non est individualis quia inimicitia, minæ, & præparatio armorum potest esse pluribus communis, quàm soli occisori. Hanc Regulam in aliquo sensu agnoscere videntur etiam Juristæ, dum dicunt: *Species derogat generi.*

REGULA 2. Argumenta homogenea sibi invicem opposita prius ad gradum probabilitatis comparativa reduci debent, antequam ad constituendam probabilitatem omnium argumentorum simul sumptorum adhibentur. Argumenta homogenea voco, quæ sumuntur ab eodem loco topico v. g. ab autoritate iudicis, vel ab autoritate testis, vel à pati, vel ab exemplo, vel à genere, specie individuo, proprio, vel ab adjunctis & connexis; eas etiam circumstantias homogeneas voco, quæ sua universalitate ac communitate æqualiter à circumstantiis individualibus recedunt v. g. sit quæstio de commisso homicidio à Petro. dicant tres testes, se die & horâ Monachii commissi homicidii vidisse Petrum Augusti; adsit alius testis, qui dicat se eo die vidisse Petrum Monachii. Adsint decem testes, qui dicant, occisorem habuisse nigras vestes; adsint alii quatuor, qui dicant, occisorem habuisse vestes puricei coloris; adsint testes quinque, qui testentur de inimiciis, minis, præparatione armorum; succedant alii tres, qui dicant Petrum esse reconciliatum, aut eum frequentius cum pluribus tales inimicitias habuisse absque secuto homicidio; judicent denique sexaginta iudices pro innocentia Petri, quadraginta eum condemnent. Dico in tali casu argumenta homogenea esse quæ sumuntur 1. à iudicio iudicum. 2. à contrariis inimiciis, aut aliàs frequenter exercitis; quia



quia hæ circumstantiæ eandem universalitatem, & paritatem habent. 3. à circumstantia vestium, quæ æque eadem amplitudine videtur redundare in plures homines. 4. à circumstantia individua-  
li loci. Itaque dico: hæc argumenta singula prius seorsim ad se invicem comparanda esse, antequam ex iis simul sumptis conflatur sententiæ affirmativæ vel negativæ probabilitas.

**REGULA 3.** Argumenta heterogenea non destruunt mutuam suam probabilitatem, etiamsi in eodem aut inæquali probabilitatis gradu contra se invicem militent. v. g. quaeritur de homicidio Pauli à Petro commisso. Contra Petrum stat, quod visus sit stricto gladio sanguine respersus è loco commissæ caedis fugere; pro Petro stat, quod fuerit hominum mansuetissimus, & intimus semper amicus Pauli: in hoc casu ergo stant pro Petro circumstantiæ mansuetudinis, & amicitiae, quæ plerumque solent excludere homicidium: contra ipsum stant circumstantiæ, quæ plerumque solent esse conjunctæ cum actu homicidii; Et quia absolutè possunt ambæ circumstantiæ simul stare cum homicidio, non destruunt se invicem hæ præsumptiones; sed servant simul cum aliis argumentis ad formandum iudicium pro affirmativa, aut negativa sententia. Et bene notandum est, verum quidem esse, quòd contrariæ sententiæ oppositæ in eodem probabilitatis gradu se invicem destruant, quia eorum probabilitas immediatè ordinatur ad formandum iudicium de veritate objecti; iudicium autem in tali casu suspenditur. Econtrà probabilitas argumentorum non ordinatur immediatè ad formandum iudicium de veritate objecti, sed ordinatur ad constituendam probabilitatem adæquatam resultantem ex omnibus argumentis simul sumptis.

**REGULA 4.** Argumentum, quod simul contingenter existit, & simul contingenter indicat, antequam cum aliis argumentis assumatur ad conflandam totalem probabilitatem sententiæ, prius in infimum suæ probabilitatis gradum resolvì debet. Ad hoc intelligendum, observandum ex Bernoullo I. tit. num. 1. esse triplicis generis argumenta. Aliqua contingenter seu probabiliter existunt, & contingenter indicant seu probant. Alia necessario existunt, & contingenter indicant; & sunt, quæ necessario seu certò existunt, & necessario probant. v. g. quaeritur, an Petrus occiderit Paulum? Pro innocentia Petri sit argumentum primum: quia homines habent Petrum pro viro mansuetissimo & amico intimo Pauli. Hoc argumentum tantum probabiliter existit, & simul tantum probabiliter probat; nam, etiamsi homines habeant Petrum pro viro mansuetum, & amico Pauli; ea tamen mansuetudo & amicitia non existit certò, sed probabiliter tantum. Dein, posito etiam, quòd revera existat ea mansuetudo & amicitia, non tamen propterea certò probatur, sed probabiliter tantum, quòd Petrus non occiderit Paulum. Probabilitas ergo huius argumenti eodem modo æstimanda & reducenda est,

sicut æstimandam docuit probabilitatem sententiæ, quæ ex duabus præmissis tantum probabilibus, aut ex una præmissa probabiliter tantum probabiliter deducitur, vide C. 5. Reg. 3. & 4. Argumentum necessario existens, & contingenter indicans esset, si dicerem: constat Petrum fuisse mansuetum, & amicum Pauli; & necessario existens, ac simul necessario indicans foret, si dicerem: constat, Petrum ipsa hora caedis commissæ Monachii fuisse Augustæ. Et si dicerem: fama est, Petrum non fuisse Monachii ipsâ horâ caedis, esset argumentum probabiliter existens, sed necessario indicans deberetque ejus probabilitas æstimari esse eadem, ac si esset necessario existens & contingenter indicans.

**REGULA 5.** Unicum argumentum probabile per opposita argumenta aut per reductionem non enervatum enervat totaliter moralem certitudinem aut probabilitatem opposita sententiæ ex collectione omnium argumentorum conflata. Hoc Paradoxum sic explicatur & demonstratur. Sumamus aliquam sententiam, quæ habeat pro se duo, aut tria argumenta v. g.  $\frac{1}{10}$ ,  $\frac{1}{10}$ ,  $\frac{1}{10}$ . Erit ergo probabilitas seu moralis certitudo ex his tribus argumentis conflata, ut  $\frac{1}{1000}$ , prout Cap. 5. Reg. 5. ostensum est; adeoque probabilitas ea erit tanta, ut vix unquam possit aut soleat fallere; & de hoc dubitare non licet, si probabilitatem argumentorum  $\frac{1}{10}$ ,  $\frac{1}{10}$ ,  $\frac{1}{10}$  ritè æstimavimus. Quod si autem aliquis probaret, nos eam argumentorum probabilitatem non ritè æstimasse, tota nique ex his argumentis conflata certitudo concideret & enervaretur. Jam verò unicum argumentum probabile, quod ex opposita sententia relinquatur, sufficienter probat, nos probabilitatem argumentorum non rectè æstimasse; ostendo, præcisè est probabile, nos rectè æstimasse de probabilitate argumentorum; eaque probabilitas est præcisè negativa, inquantum judicamus, nos omnia considerasse, quæ ad æstimandam argumentorum probabilitatem consideranda erant, nec quidquam nobis occurrit, quod attentione dignum fuerit à nostra consideratione omissum; & hoc verum esse, non solum patet ex ipsa natura rei, sed etiam demonstratur per reductionem ad impossibile. nam, si ferè semper rectè æstimaretur argumentorum probabilitas, sequeretur ferè omnes sententiæ etiam contradictorias esse moraliter certas; quia in plurimis sententiis etiam contradictoriis duo aut tria argumenta, ex quibus moralis certitudo nascitur, produci possunt; atqui hoc est impossibile; quia tali modo illæ sententiæ essent moraliter certæ, & non essent moraliter certæ. Essent moraliter certæ; quia haberent pro se tria argumenta. Et simul non essent moraliter certæ; quia est necesse, plurimas sententiæ habentes tria argumenta frequenter fallere, quod repugnat morali certitudini; profectò reclamant experientia, quòd positis duobus aut tribus argumentis statim nascatur moralis certitudo; dantur multæ sententiæ, quæ pro se adducunt decem,



decent, viginti, aut triginta argumenta, & tamen moraliter certæ non sunt. Itaque non est certum, sed tantum probabilis, quod moralis certitudo alicujus sententiæ, quam ex tribus argumentis constavimus, sit legitima, nulloque careat falso supposito; adeoque semper periculum est, ne erraverimus in æstimanda probabilitate argumentorum, quæ probabilia v. g. ut  $\frac{1}{10}$ ,  $\frac{1}{15}$ ,  $\frac{1}{20}$  æstimavimus. Jam verò error, qui in æstimanda probabilitate argumentorum potest irrepere, potissimum oriri potest ex eo, quod non cognoscamus omnes casus & circumstantias possibiles, relatæ ad quas speramus effectum toties secuturum, toties non secuturum. v. g. si quaratur, quanta sit probabilitas felicitis eventus belli, quod Turcarum Imperator meditatur cum Venetis inire; potest quidem fieri, ut consilarii prævideant centum aut mille casus & circumstantias possibiles, quorum pleræque spondent felicem eventum; interim tamen possibiles sunt infiniti alii casus non prævisi, qui aleam belli longè aliter vertant quam sperabatur: itaque probabilitas, quam consilarii habent de eventu felici belli, est tantum probabilitas probabiliter talis & negativa, in quantum possunt dicere: *Nos consideratis omnibus casibus & circumstantiis possibilibus, quæ à nobis prævidentur, judicamus in horum casuum longè pluribus eventum belli futurum felicem: licet re ipsa dentur infiniti alii casus possibiles à consiliariis non prævisi: fiet itaque, ut, dum consilarii dicunt; probabilitas felicitis eventus belli est ut  $\frac{1}{1000}$  quia positis mille casibus possibilibus in horum nongentis sequetur victoria, & tantum in centum casibus clades, fiet, inquam, ut ea probabilitas aut moralis certitudo forte omnino nulla sit, quia nesciunt, quid in aliis infinitis casibus à se non prævisis futurum sit. Quod in hoc exemplo contingit, ferè in omni alia probabilitate versante circa humanas actiones, aut naturales effectus contingit, quia semper ferè infinitæ nos latent causæ, circumstantiæ, relationes, conditiones, & casus possibiles, quæ in effectum contingentem influunt, quarumque consideratio distincta notabiliter mutaret judicium de futuro rei eventu aut rei veritate. Neque enim putandum est, eodem modo se habere probabilitatem circa res humanas, & circa res naturales, prout ea se habet in lusu alexæ, aut chartarum, ac rebus Mathematicis; in lusu alexæ, & chartarum certi sumus nos cognoscere omnes casus possibiles, & certi insuper sumus, nos cognoscere, quoties in numero casuum possibilium ille vel ille eventus recurrat. v. g. si sumo duas tesseras, certus sum, non esse possibiles casus plures, quam 36, aut 216. si sumo tres tesseras. Certus insuper sum in duabus tesseris tantum possibilem esse unum jactum, qui 2. aut 12. efficiat; duos jactus, qui 3. aut 11. efficiant, tres jactus, qui 4. aut 10. efficiant, quatuor jactus, qui 5. aut 9. efficiant, quinque jactus, qui 6. aut 8. efficiant, & sex jactus, qui 7. efficiant. Itaque in tali casu mirum non est, me certum esse posse de gradu probabilitatis, quam habeo ad quem-*

cunque jactum; quia possum certo dicere, probabilitatem ad jactum numeri 2. vel 12. esse sicut  $\frac{1}{12}$ . ad numeri 7. ut  $\frac{1}{7} = \frac{1}{6} + \frac{1}{42}$  in aliis autem objectis & eventibus nec certo scimus numerum casuum possibilem, nec certo scimus, quoties eventus in illo numero casuum possibilium sperari possit. Si quis ante duos annos de futuro statu Europæ probabilem conjecturam ferre debuisset, quis prævidisset rebellionem Persicam, subitam Tyranni mortem, turbas Polonicas, mortem Imperatoris Russiæ, successionem Imperatoris Russiæ, fœdus inter Imperatorem Romanum, & Philip-pum V. tunc temporis agentem vitam privatum, conjugium Regis Galliæ cum filia Stanislai, rupta inter Galliam & Hispaniam connubii fœdera, mortem Aurelianensis Ducis, & Cardinalis du Bois, & mille alia, de quibus nec suspicari licuit? idem sit in factis particularibus, etiam hominum singularium, quorum cor inscrutabile; & in operibus naturæ, in quibus homo nec initium nec finem reperit. Clarum ergo est, timidissimos nos esse oportere in judicanda argumentorum probabilitate, quam merito æquatur cuidam Infinito incognito, cuius omnes partes pertransire numerando non licet. Quando autem occurrit aliqua circumstantia probabilis pro opposita sententia, eo ipso certi esse possumus, Nos, dum nostram sententiam putamus esse certam, non comprehendisse omnes circumstantias; alioquin illa ipsa oppositæ sententiæ circumstantia fuisset cognita, nosque à ferendo judicio revocasset; aut si illa circumstantia cognita fuit, non tamen fuit cognita ejus relatio ad omnes alias circumstantias objecti, & vis influendi conjunctim cum aliis circumstantiis in effectum; alioquin cognita ea relatione ac vi statim appareret, quidnam simpliciter consideratis omnibus potius sperandum sit de veritate objecti. Ponamus, Consilarios Regis judicare, probabilitatem de felici eventu belli esse, ut  $\frac{1}{1000}$ . extet autem scriptura vaticinium, quod de hoc ipso bello probabilius sinistrum exitum vaticinetur; aut surgat Propheta, qui mala nuntiet; aut emissarii, & speculatores in regiones hostiles missi dissuadeant bellum &c. dico, horum quodcumque testimonium ac probabile argumentum sufficere, ut Consilarii suspicentur, ac existiment, se nondum omnia ad æstimandam probabilitatem de eventu belli requisita rite perpensis, ex quæ tota illorum probabilitas concideret. licet argumenta opposita tantum essent probabilia, puta quia tantum probabilis esset, Scripturam Sacram loqui de hoc bello, aut Prophetam illum esse verum Prophetam missum à Deo, aut speculatores in suo judicio non falli.

**REGULA 6.** Quando moralis certitudo, constata ex pluribus argumentis simul sumptis, enervatur per aliquod argumentum probabile opposita sententia nondum enervatum, tunc ex omnibus argumentis faciendum est unicum argumentum, cuius probabilitas directe æstimari debet. Pro intelligenda



hac Regula observandum est, omnia argumen-  
ta principaliter revocari posse ad tria argumen-  
torum genera; videlicet ad *argumenta per se ex-*  
*istentia*. *Argumenta per accidens existentia*, & *ad*  
*argumenta ab auctoritate judicium*. Argumenta *per se*  
*existentia* voco, quæ sumuntur à circumstan-  
tiis semper, aut plerumque objectum comi-  
tantibus; quæ proin exiguntur ab objecto v. g.  
secutum est homicidium; ergo dabatur etiam  
inimicitia aut lis. Argumenta *per accidens ex-*  
*istentia* voco, quæ non semper, aut plerum-  
que comitantur objectum, si tamen dantur,  
semper aut plerumque ponunt objectum. v. g.  
constat, Petrum præparasse arma, & dixisse, se  
hac hora occisurum Paulum; tales minæ non  
semper aut plerumque solent comitari homici-  
dium, si tamen dantur plerumque trahunt post  
se homicidium. Argumenta *ab auctoritate* voco  
illa, quæ præcisè interponunt iudicium homi-  
num de veritate objecti, non verò illa, quæ  
continent testimonium de aliqua circumstantia.  
v. g. si argumentum dicat, duo testes testan-  
tur, Petrum præparasse arma, & minatum esse  
mortem; hoc argumentum non est ab autho-  
ritate, sed à circumstantia, si verò dicas, cen-  
tum iudices jam condemnarunt Petrum, hoc ar-  
gumentum voco ab auctoritate. Quando ergo  
omnia argumenta reduxisti ad hæc tria argu-  
mentorum genera, tunc considerabis, an in il-  
la materia, quam tractas, de facili soleant aut  
possint reperiri plures circumstantiæ attentione  
dignæ, quam actu considerasti: Quod si judi-  
ces, vix posse reperiri plures circumstantias  
consideratione dignas, quam actu jam conside-  
rasti, moraliter certam spem habebis, te pro-  
babilitatem argumentorum rectè constituisse.  
Hoc posito, tria hæc argumenta, in quæ omnia  
alia argumenta resolvisti, in unum argumen-  
tum conflare poteris hac methodo: dic; *quam*  
*certum est, me probabilitatem directam trium argu-*  
*mentorum rectè constituisse, tam certum est, gradum*  
*ex tribus argumentis conflatum esse talem*. Quod  
si autem non rectè constitui omnium trium ar-  
gumentorum probabilitatem, certum tamen est,  
quodlibet argumentum spem habere, sibi ex  
concurfu reliquorum argumentorum duorum  
unum saltem ad minimum gradum probabilita-  
tis addendum fore; quia plerumque contingit,  
argumentum minus fallere, quod ab aliis argu-  
mentis confirmatur; ea spes nondum æquivalet  
integrali gradui probabilitatis, quia est tantum  
spei; neque etiam ea spes est pro omnibus ar-  
gumentis simul sumptis, sed pro aliquo eorum;  
quia tantum speramus, quod saltem in uno ex  
tribus argumentis non fallamur; non autem spe-

ramus, quod in nullo fallamur, aut quod in o-  
mnibus rectè probabilitatem æstimaverimus, sed  
saltem in uno, quod ex circumstantiis reliquo-  
rum argumentorum quamvis non ritè perpen-  
dit aliquod probabilitatis augmentum capiat. Dico,  
ex regulis Algebraicis æstimari posse, quantum  
probabilitatis valeat ea spes, quam quodlibet  
argumentorum habet ad novum probabilitatis  
gradum. Ponamus tria esse argumenta, quo-  
rum quodlibet ex pluribus aliis conflatum est:  
probabilitas primi argumenti sit ut  $\frac{1}{10}$ , secun-  
di ut  $\frac{1}{20}$ , tertii ut  $\frac{1}{100}$ . detur etiam moralis cer-  
titudinem me in constituenda hac probabilitate re-  
ctè processisse, sicque detur moralis certitudo  
gradus ex omnibus his tribus argumentis resul-  
tantis. Hæc ponendo pono eoispo veluti qua-  
tuor collatores, quorum quilibet sperat, si de-  
cem casibus vincat, se obtenturum depositum.  
Primo argumento adhuc defunt duo casus, se-  
cundo tres, tertio quatuor, morali certitudini  
tantum unus ad moralem certitudinem obtinen-  
dam. Dico: spem assurgendi ex omnibus argu-  
mentis ad moralem certitudinem habere partes  
probabilitatis  $\frac{1}{1000}$ . =  $\frac{1}{10}$ . adeoque probabi-  
litas in hoc casu ex omnibus argumentis resul-  
tans esset.  $\frac{87}{1000}$  seu  $\frac{87}{1000}$ . Demonstratio paulò  
fufior videri potest in Bernouillo de Arte Conject.  
part. 1. propos. 1. 2. 3. 4. 5. 6. 7. 8. 9. qualis  
verò probabilitas in singulis casibus possibilibus  
ad moralem certitudinem resuket, ex sequenti  
tabula cognosces, in qua Littera A. denotat  
spem moraliter certam, quam habemus, nos  
in constituenda probabilitate directæ argumen-  
torum rectè processisse, seu spem, quam habe-  
mus, quod gradus ex tribus argumentis resul-  
tans sit certò talis, & non tantum probabiliter  
talis. Littera B denotat primum argumentum,  
C secundum, D tertium. Numerus cuilibet  
litteræ adscriptus denotat gradum, quot spei, aut  
argumento ad absolutam certitudinem adhuc  
defunt. Numeri in columna P. denotant gra-  
dum probabilitatis, quam habet nostra spes de  
gradu ex tribus argumentis resultante. Et hæc  
æstimatio spei tunc solum locum habet, quando  
nobis videtur moraliter certum, nos in æstiman-  
da probabilitate argumentorum rectè processisse;  
quando enim hoc ipsum aut directè, aut ob op-  
posita argumenta probabilia dubium est, omni-  
no concedendum est, *plura argumenta sibiipsis in-*  
*vicem addita non augere, sed confirmare gradum sua*  
*probabilitatis*.



P		P		P		P	
A 1 $\frac{1}{4}$	A 1 $\frac{1}{2}$	A 1 $\frac{1}{3}$	A 1 $\frac{1}{4}$	A 1 $\frac{1}{5}$	A 1 $\frac{1}{6}$	A 1 $\frac{1}{7}$	A 1 $\frac{1}{8}$
B 1	B 1	B 1	B 1	B 2	B 2	B 2	B 2
C 1	C 1	C 2	C 2	C 2	C 2	C 2	C 2
D 1	D 2	D 2	D 2	D 2	D 2	D 2	D 3
A 1 $\frac{145}{256}$	A 1 $\frac{101}{256}$	A 1 $\frac{273}{512}$	A 1 $\frac{223}{512}$	A 1 $\frac{679}{2048}$	A 1 $\frac{679}{2048}$	A 1 $\frac{679}{2048}$	A 1 $\frac{679}{2048}$
B 1	B 2	B 1	B 1	B 2	B 2	B 2	B 2
C 2	C 2	C 3	C 3	C 3	C 3	C 3	C 3
D 3	D 3	D 3	D 3	D 3	D 3	D 3	D 3
A 1 $\frac{2011}{8192}$	A 1 $\frac{171}{256}$	A 1 $\frac{143}{256}$	A 1 $\frac{214}{4096}$	A 1 $\frac{38}{1024}$	A 1 $\frac{38}{1024}$	A 1 $\frac{38}{1024}$	A 1 $\frac{38}{1024}$
B 3	B 1	B 1	B 1	B 2	B 2	B 2	B 2
C 3	C 1	C 2	C 3	C 3	C 3	C 3	C 3
D 3	D 4	D 4	D 4	D 4	D 4	D 4	D 4
A 1 $\frac{316}{8192}$	A 1 $\frac{81}{512}$	A 1 $\frac{206}{4096}$	A 1 $\frac{106}{32768}$	A 1 $\frac{50}{1331}$	A 1 $\frac{50}{1331}$	A 1 $\frac{50}{1331}$	A 1 $\frac{50}{1331}$
B 2	B 3	B 1	B 2	B 3	B 3	B 3	B 3
C 3	C 3	C 4	C 4	C 4	C 4	C 4	C 4
D 4	D 4	D 4	D 4	D 4	D 4	D 4	D 4
A 1 $\frac{149}{324}$							
B 4							
C 4							
D 4							

## C A P. VII.

## De Utilitate Artis Criticae.


**H**Aenus in scientiis & artibus potissimum sciendi ac proficiendi instrumentum syllogismus fuit; in hoc verò reperio tres notabiles defectus. Primò enim non docetur in Logica communi, qualem certitudinis vel probabilitatis gradum *Major & Minor* habeant; atque ex eo nascitur infinita confusio. Secundò, non docetur, qualem probabilitatis gradum conclusio habeat, quando ex duabus præmissis probabilibus deducitur. Tertiò, non docetur, qualem probabilitatis gradum retineant plura argu-

menta opposita ad invicem comparata, aut qualem acquirant gradum plura argumenta ad invicem addita.

Ex his tribus defectibus innumera sequuntur mala; sequuntur enim infinitæ lites in rebus dubiis, in quibus veritas haberi non potest, & cum de constituendo probabilitatis gradu non cogitetur, defenditur utraque sententia cum pertinacia, conjecturæ pro veris argumentis venduntur, & oppositis argumentis

tanquam non convincentibus rejectis utrinque cum plausu triumphatur.

Q. A. M. D. G.





## PARS SEPTIMA.

## Exercitatio Critica de Stylo Authorum dijudicando, &amp; de Authoribus ex Stylo dignoscendis.

## CAP. I.

*Viri doctissimi judicarunt, sæpe Authores ex stylo agnosci posse.*

Affero testimonia tredecim virorum doctissimorum, qui sæpe ex stylo de auctore libri tulerunt iudicium; iudicium hoc suum quandoque probabile tantum, aliquando verò certum esse non dubitabant: quando agebatur de abjudicando auctori libro ex diffinitate styli, eos plerumque timidius pronuntiasse observo, quando verò agebatur de adjudicando auctori libro ex similitudine styli, communius obfirmatam tulerunt sententiam. Porro Authores, à me recensendi, sunt sequentes. 1. Varro. 2. Julius Cæsar. 3. Cicero. 4. Quintilianus, 5. Martialis. 6. Favorinus. 6. Gellius. 8. S. Gregor. Naz. 9. S. Hieronymus. 10. S. Augustinus. 11. Sidorius Apollinaris. 12. Cassiodorus. 13. Photius.

1. M. TERENTIUS VARRO. Gellius L. 3. C. 3. testatur, controversum fuisse aliquando, an quædam Comædiæ Plautum haberent auctorem; easque Varronem Plauto ob conformitatem styli incunctanter adjudicasse. Sic ait: Verum esse comperio, quod quosdam benè litteratos homines dicere audiui, qui plerasque PLAUTI comædias curiose, atque attentè lectitaverunt, non indicibus Ælii Sedigiti, nec Claudii, nec Aurelii, nec Accii nec Manilii super his fabulis, quæ dicuntur ambiguae, credituros, sed ipsi Plauto, moribusque ingenii, atque linguæ ejus. Hac enim iudicii normâ VARRONEM quoque usum videmus, Nam præter illas unam & viginti, quæ Varroniana vocantur, quas idcirco à cæteris segregavit, quoniam dubiosæ non erant, sed consensu omnium Plauti esse censebantur, quasdam item alias probavit, adductus stylo atque facie sermone Plauto congruentis, easque jam nominibus aliorum occupatas Plauto vindicavit. Sicuti istam, quam nuperrimè legebamur, cui nomen est Bæotia; nam cum in illis una & viginti non sit, & esse Aquilii dicatur, nihil tamen Varro dubitavit, quin Plauti foret. Neque alius quisquam non infrequens lector dubitaverit.

2. C. JULIUS CÆSAR. Cicero L. 9. ad Famil. Ep. 9. de Julio Cæsare testatur, eum ex stylo Ciceroniana à non Ciceronianis discrevisse. sic ait: Ipse Cæsar habet peracriter iudicium, & ut Servius frater, quem litteratissimum fuisse iudico, facile diceret: Hic versus Plauti non est, hic est; quod tritas haberet aures notandis generibus Poëtarum ex consuetudine legendi; sic audio Cæsarem, R. D. Euseb. Amor. Philosophia.

cum volumina jam confecerit ἀποφθεγμάτων, si quid afferatur ad eum promeo, quod meum non sit, rejicere solere.

3. M. TULLIUS CICERO. L. 6. Ep. 32. ad Voluminium ait: Quod sine prænominis familiariter, ut debebas, ad me Epistolam misisti; primum addubitavi, num à Voluminio Senatore esset, quocum mihi magnus est usus: deinde ὑστερον ἡλικία litterarum fecit, ut intelligerem tuas esse. Huc pertinent, quæ C. 2. ex eodem Tullio referemus.

4. M. FABIVS QUINTILIANUS L. 2. C. 9. ait: Est in ingeniis incredibilis quadam varietas, nec pauciores animorum penè, quàm corporum formæ; quod intelligi etiam ex ipsis Oratoribus potest, qui tantum inter se distant genere dicendi, ut nemo sit alteri similis, quamvis plurimi se ad eorum, quos probant, imitationem composuerint. L. 12. C. 10. Mihi Orationis differentiam fecisse & dicentium & audientium naturæ videntur. Huc referantur, quæ dicuntur C. 2.

5. M. VALERIUS MARTIALIS. L. 12. Ep. 3. Quid titulum possis? versus duo tresve legantur, clamabunt omnes te, liber, esse meum.

6. FAVORINUS PHILOSOPHUS. Gellius loco cit. Favorinus quoque noster, cum Nervolariam Plauti legerem, quæ inter incertas est habita, & audisset ex ea versum quendam, delectatus faceta verborum antiquitate, vel unus hic, inquit, versus Plauti esse hanc fabulam satis potest esse fidei.

7. AULUS GELLIVS. L. cit. Nos quoque ipsi nuperrimè, cum legeremus fretum (nomen est id Comædiæ, quam Plauti esse quidam non putant) haud quidquam dubitavimus, quin Plauti foret, & omnium maximè genuina.

8. S. GREGORIUS NAZIANZENSIS. Epist. 208. ad Nicobulum. Quemadmodum cum ingenuo partu ita cum oratione Pater unà semper apparet; non minus, quàm ii, qui procreant, corporeis notis ut plurimum innotescunt.

9. S. Hieronymus. De Scriptoris Eccles. C. 68. Minutius Felix, Romæ insignis Causidicus scripsit Dialogum Christiani & Ethnici disputantium, qui Octavius inscribitur. Sed & aliud sub nomine ejus fertur de Fato, vel contra Mathematicos, qui cum sit & ipse disertus hominis, non mihi videtur cum superioris libri stylo convenire. Epist. 66. ad Rufinum. Prasatiuncula librorum περὶ ἀξίων ad me missa est, quæ ex stylo intellexi tuam esse. L. 3. advers. Pelag. Hac duo Capitula Orationis & laudis soles cum tuis discipulis jurare, non esse tua, cum perspicuè in eis styli tui splendor eluceat, Ep. 13. apud S. Aug. Ego simpliciter

Pppp



citer fateor dignationi tuæ, licet stylus & encephalus tuam mihi viderentur, tamen non temere exemplaribus litterarum credendum putavi. Ep. 21. ad Paulum Concord. *Misimus* interim te tibi, id est Paulo seni seniore, in quo propter simplices quosque multum in deficiendo sermone laboravimus. Sed nescio, etsi aqua plena sit, tamen eundem odorem lagena servat, quo, dum rudis esset, imbuta est L. 2. contra Rufinum. Stylum meum, qualiscunque est, & formam elogi, vir disertissimus exprimere non potuit, sed inter ipsas prestigias & alterius personam, qua se fraudulenter induerat, quis esset, ostendit.

10. S. AUGUSTINUS Ep. 48. Stylus S. Cypriani habet quandam propriam faciem, qua possit agnosci.

11. C. SOLLIUS APOLLINARIS SIDONIUS, L. 1. Ep. 1. De M. Tullio flere me in stylo epistolari melius puto, quem nec Julius Titianus sub nominibus illustrium seminarum digna similitudine expressit. Propter quod illum ceteri quique Frontonianorum Oratorum simiam nuncupaverunt. L. 7. Ep. 18. Ita mens patet in libro, sicut vultus in speculo.

12. MAGNUS AURELIUS CASSIODORUS SENATOR. Divin. institut. C. 6. Quidam etiam est Anonymus, ex cuius stylo beatum esse suspicamur Hilarium, qui commenta libri Job scripsit in ordinem.

13. PHOTIUS CONSTANTINOPOLITANUS. In Bibliotheca pag. 832. Hæc Oratio nomine Chrysostomi inscribitur, non tamen mihi ejus esse videtur. Argumentis enim, modoque scribendi multum a reliquis ejus Orationibus distinguitur.

## CAP. 2.

*Viri doctissimi eas authorum multorum notas characteristicas, in quibus styli diversitas consistit, explicarunt.*

**N**Otas Authorum characteristicas voco eas styli proprietates, quibus unus Authorum discernitur ab altero: Cicero, Quintilianus, Sidonius, & ex Recentioribus Malenius varias tales notas in multis Authoribus observarunt.

Cicero L. 3. de Oratore sic habet: *Natura nulla est, quæ non habeat in suo genere res complures dissimiles inter se, quæ tamen consimili laude dignentur: nam & auribus multa percipimus, quæ etsi nos vocibus delectant, tamen ita sunt varia sæpe, ut id, quod proximè audias, jucundissimum videatur. Et oculis colliguntur pene innumerabiles voluptates, quæ nos ita capiunt, ut unum sensum dissimili genere delectent; & reliquos sensus voluptates oblectent dispares, ut sit difficile judicium excellentis maxime suavitatis: At hoc idem, quod est in naturis rerum, transferri potest etiam ad artes. Una fingendi est ars, in qua præstantes fuerunt Myro, Policetus, Lysippus, qui omnes inter se dissimiles fuerunt, sed ita tamen, ut neminem sui velis esse dissimilem. Una est ars, ratioque pictura, dissimillimi tamen inter se Zeuxis, Agla-*

*phon, Apelles; neque eorum quisquam est, cui in Arte sua quidquam deesse videatur. Et si hoc in quasi mutis artibus est admirandum, & tamen verum; quanto admirabilius in Oratione atque lingua? quæ cum in iisdem sententiis verbisque versatur, summas habet dissimilitudines inter se, non sic, ut alii vituperandi sint, sed ut ii, quos constat esse laudandos, in dispari tamen genere laudentur. Atque id primum in Poëtis cerni licet, quibus est proxima cognatio cum Oratoribus, quam sint inter sese Ennius, Pacuvius, Acciusque dissimiles, quam apud Græcos Æschylus, Sophocles, Euripides, quanquam omnibus par penè laus in diverso scribendi genere tribuatur. Aspicite nunc eos homines, quorum de facultate quarimus, quid intersit inter Oratorum studia, atque naturas. Suavitatem Isocrates, subtilitatem Lysias, acumen Hyperides, sonitum Æschines, vim Demosthenes habuit; quis eorum non egregius? tamen quis cuiusquam, nisi sui similis? Graviratem Africanus, lenitatem Lælius, asperitatem Galba, profluens quiddam habuit Carbo, & canorum: quis horum non princeps temporibus illis fuit? & suo tamen quisque in genere princeps. Sed quid ego vetera conquiram, cum mihi liceat uti presentibus exemplis, atque vivis? quid jucundius auribus nostris unquam accidit, hujus Oratione Catuli, quæ est pura sic, ut latine loqui penè solus videatur; sic autem gravis, ut in singulari dignitate omnis tamen adsit humanitas ac lepos. Quid multa? istum sic audiens equidem judicare soleo, quidquid aut addideris, aut mutaveris, aut detraxeris, vitiosius & deterius futurum. Quid noster hic Casar? nonne novam quandam rationem attulit Orationis, & dicendigenus induxit prope singulare: quis unquam res, præter hunc, tragicas præter comice, tristes remissè, severas late, forenses scenica prope venustate tractavit? atque ita, ut neque locus magnitudine rerum excluderetur, nec gravitas facetiis minueretur? Ecce præsentibus duo prope æquales Sulpicius & Cotta quid tam inter se dissimile? quid tam in suo genere præstans? limatus alter & subtilis, rem explicans propriis, aptisque verbis; hæret in causa semper, & quid iudici probandum sit, cum acutissime vidit, omisissis cæteris argumentis, in eo mentem, Orationemque defigit. Sulpicius autem fortissimo quodam animi impetu, plenissima & maxima voce, summa contentione corporis, & dignitate motus, verborum quoque ea gravitate & copia est, ut unus ad dicendum instructissimus à natura esse videatur. Ad nos ipsos jam revertor. Quid tam dissimile in dicendo, quam ego, & Antonius? cum ille is sit Orator, quoniam possit esse præstantius? videtisne genus hoc, quod sit Antonii, fortè, vehemens, commotum in agendo, præmunitum, & ex omni parte septum, acre, acutum, enucleatum, in unaquaque re commorans, honestè cedens, acriter insequens, terrens, supplicans, summa Orationis varietate, nulla nostra.*



nostrarum aurium satietate. Nos autem ab hujus multum genere distamus, dissimilitudo intelligi potest & ex motus mei mediocritate, & ex eo, quod, quibus vestigiis primum institi, in iis ferè soleo perorare, & quod aliquanto me major in verbis, & in sententiis eligendis, quàm eum, labor & cura torquet, verentem, ne si paulo obsoletior fuerit oratio, non digna expectatione & silentio finisse videatur. Quod si in nobis, qui adsumus tanta dissimilitudines, tam certa res cujusque propria, quid censeatis, si omnes, qui ubique sunt aut fuerunt Oratores, amplecti voluerimus, numne fore, ut, quot Oratores, totidem pene reperiantur genera dicendi?

In Bruto agens de claris Oratoribus multorum notas characteristicas apponit. sic habet:

Galbam vis non ingenii solum, sed etiam animi, & naturalis quidam dolor dicentem accendebant, efficiebantq., ut & incitata, & gravis, & vehemens esset Oratio; dein cum otiosum stilum apprehenderat, motusque omnis animi, tanquam ventus, hominem defecerat, flaccebat Oratio, quod iis, qui limati dicendi confectantur genus, accidere non solet, propterea, quod prudentia nunquam deficit Oratorem, qua ille utens eodem modo & possit dicere, & scribere; ardor animi non semper adest, isq., cum confedit, omnis illa vis & quasi flamma Oratoris exstinguitur.

LUCIUS SIMPLEX ET ANTIQVUS. SPURIUS nihilo quidem ornatior sed tamen adstrictior.

In ÆMILIO LEPIDO primum mihi videtur apparuisse & lenitas illa Gracorum, & verborum comprehensio, etiam artifex, ut ita dicam, stilus.

POMPEI scripta sunt nec nimis extenuata; quanquam veterum est similis, & plena prudentiæ.

C. FANNII Oratio non ejusmodi est, ut à pluribus composita esse videatur; unus enim sonus est totius Orationis, & idem stilus. Alter C. FANNIUS moribus, & ipso genere dicendi durior. Ejus historia neque est nimis infans neque perfecte diferta.

Habemus & CARBONIS & GRACCHII orationes nondum satis splendidas verbis, sed acutas, prudentiaq., plenissimas.

DIOPHANEM. Gellius canorum Oratorem, & volubilem, & satis acrem, atque eundem & vehementem, & valde dulcem, & persacietum fuisse dicebat.

D. BRUTUS non inculte dicere solebat; eum Accius in omnibus rebus vehementem & acrem in dicendo fuisse aiebat.

L. FURIUS perbene latine loqui patabatur, litterariusq., quàm ceteri. P. SCÆVO LA valde prudenter & acute, paulo etiam copiosius. CLAUDII volubilis, sed paulo fervidior erat Oratio.

P. DECIVS, non infans quidem, sed ut vita, sic oratione etiam turbulentus.

In SCAURIO oratione sapientis hominis, & recti, gravitas summa, & naturalis quedam inerat Autoritas; non ut causam, sed ut testimonium dicere putares, cum pro rei diceret. Hujus Orationes, & libri sunt sanè utiles, quos nemo legit.

R. D. Euseb. Amort. Philosophia.

RVTHILIUS in quodam tristi ac severo dicendi genere versatus est natura vehemens & acer. Sunt ejus Orationes jejuna; prope perfectus in Stoicis, quorum peracutum, & artis plenum Orationis genus, sed tamen exile, nec satis populari assensionis accommodatum.

TUBEKO ut vita sic Oratione durus, incultus, horridus.

In Academicorum praeceptis differendi ratio conjungitur cum suavitate dicendi & copia. quis enim uberior in dicendo Platone? Jovem sic ajunt Philosophi, si græce loquatur, loqui. Quis Aristotele nervosior? Theophrasto dulcior? sed & hujus Oratio in Philosophiam translata, pugnacior videtur, & illorum in judicio pacatior.

CURIONIS Oratio puerilis est locis multis, loci sanè inanes; verum nondum tritis nostrorum hominum auribus tolerabiles.

C. GRACCHUS grandis est verbis, sapiens sententiis, genere toto gravis; non solum acuere sed etiam alere ingenium potest.

L. CÆSULENO, qui suspiciosus, aut criminosis diceret, audiui neminem.

In CATULO sermo latinus. Filio non deerat in sententia dicenda cum prudentia, tum elegans quodam & eruditum Orationis genus.

M. AURELIUS SCAURUS non saepe dicebat, sed politè latine verò in primis est eleganter locutus.

P. LENTULUS de industria cum verbis, tum etiam ipso sono quasi subrustico imitabatur antiquitatem.

ANTONIO omnia veniebant in mentem, eaq., suo quaque loco, ubi plurimum proficere possent, ut ab Imperatore, equites, pedites, levis armatura, sic ab illo in maxime opportunis orationis partibus collocabantur; erat memoria summa, nulla meditationis suspicio, verba ipsa non illa quidem elegantissimo sermone; itaq., diligenter loquendi laude caruit, neque tamen est admodum inquinatè locutus. In verbis tamen & eligendis, & collocandis, & comprehensione devinciendis nihil non ad rationem, & tanquam ad artem dirigebat. Verum multo magis hoc idem in sententiarum ornamentis & conformationibus, quo in genere quia omnibus præstat DEMOSTHENES, idcirco à doctis Oratorum princeps est judicatus exornata, enim, quæ vocant Græci, ea maxime ornant Orationem, eaq., non tam in verbis pingendis habent pondus, quàm in illuminandis sententiis.

CRASSO nihil statuo fieri potuisse perfectius; erat summa gravitas, erat cum gravitate junctus facetiarum & urbanitatis Oratorius, non scurrilis lepos latine loquendi accurata, & sine molestia diligens elegantia; in differendo mira explicatio; cum de jure, cum de aquo & bono disputaretur, argumentorum, & similitudinum copia. Nam ut Antonius conjectura movenda, aut sedanda suspicione, aut excitanda incredibilem vim habebat; sic in interpretando, in definiendo, in explicanda aequitate nihil erat Crasso copiosius. — Crassus eloquentium jurisperitissimus, Scævola jurisperitorum eloquentissimus putabatur, qui quidem, cum peracutus esset ad excogitandum, quid in jure verum esset, aut non esset, tum verbis erat ad rem cum summa brevitate mirabiliter aptus. — In reliquis rebus ita dissimiles erant inter sese, statuere tamen ut non posses, utrius te malles familiorem. Crassus erat elegantium partissimus



Scavola parcorum elegantissimus; Crassus in summa comitate habebat severitatis satis, Scavola in multa severitate non deerat tamen comitas. Uterque horum medium quiddam volebat sequi, sed ita cadebat ut alter ex alterius laude parrem, uterque autem totam suam haberet. In oratione Crassi pro Capione inest quidam sine ullo fuso veritatis color, quia etiam comprehensio, & ambitus ille verborum, si sic periodum appellare placeat, erat apud illum contractus, & brevis, & in membra quaedam, quae κῶλα Graeci vocant, dispergiebat orationem libentius. In oratione Scavola in legem Capionis multa graviter, multa leniter, multa aspere, multa facere dicta sunt.

TITII Orationes tantum argutiarum, tantum exemplorum, tantum urbanitatis habent, ut panē Atticostilo scriptae esse videantur.

BETUCIO, FREGELLANO, externis Oratoribus idem tribuo, quod Urbanis, praeter unum, quod non est eorum urbanitate quaedam quasi colorata oratio. Quid est iste urbanitatis color? nescio: tantum esse quendam scio.

PHILIPPUS proximus Antonio. Summa ei libertas in oratione, multa facetia, satis creber in reperiendis, solutus in explicandis sententiis; in altercando cum aliquo aculeo, & maledicto facetus. Festivitate & facetiis.

JULIUS omnibus praestitit, Oratorque fuit, minime quidem vehemens, sed nemo unquam urbanitate, nemo lepore, nemo suavitate conditior. Sunt aliquot ejus orationes, ex quibus ejus lenitas sine nervis perspicui potest.

T. JOVENTIUS, nimis quidem lentus in dicendo, & penè frigidus, sed & callidus, & incapiendo adversario versutus, & praeterea nec indoctus, & magna cum juris civilis intelligentia.

P. MAGIUS in dicendo copiosior; sed omnium Oratorum sive Rabularum, qui & planè indocti, aut inurbani, aut rustici etiam fuerunt, quos quidem ego cognoverim solutissimum in dicendo, & acutissimum iudicio nostri ordinis fertorium.

Quoniam Oratorum bonorum duo genera sunt, unum attenuatè pressèq; alterum sublatè, ampleq; dicentium; etsi id melius est, quod splendidius, & magnificentius, tamen in bonis omnia, quae summa sunt, jure laudantur. Sed cavenda est pressio illi Oratori inopia & jejunitas; amplo autem inflatum & corruptum orationis genus. Inveniebat igitur acute COTIA dicebat purè ac solutè. Nihil erat in ejus oratione nisi sincerum, nihil nisi sicum, atque sanum, illudque maximum, quod, cum contentione orationis flectere animos iudicum vix posset, nec omnino eo genere diceret; tractando tamen impellebat, ut idem facerent à se commoti, quod à Sulpicio concitati.

Fuit enim SULPICIUS vel maximè omnium, quos ego quidem audiverim, grandis, & ut ita dicam, tragicus Orator: incitata, & volubilis, nec ea redundans tamen, nec circumfluens oratio. Crassum hic volebat imitari; Corra malebat Antonium; sed ab hoc vis aberat Antonii, Crassi ab illo lepos. Atque in his Oratoribus illud animadvertendum est, posse esse summos, qui inter se sint dissimiles.

C. CARBO fuit non satis acutus Orator: erat in verbis gravitas, & facile dicebat, & auctoritatem naturalem quandam habebat oratio. acutior Q. VARRIUS rebus inveniendis, nec minus verbis expeditus. Fortis verò actor ac vehemens, & verbis nec inops, nec abjectus.

POMPONIUS lateribus pugnans incitans animos, acer, acerbus, criminosus.

L. APULEIUS eloquentissimus visus est; magis specie tamen & motu, atque ipso amictu capiebat homines, quam aut dicendi copia, aut mediocritate prudentiae.

C. SERVILIUS peracutus, & callidus, cum primisque ridiculus.

SEX. TITIUS homo loquax sanè, & satis acutus, sed tam solutus & mollis in gestu, ut saltatio quaedam nasceretur, cui saltationi Titius nomen esset.

P. ANTIUSTIUS rem videbat acutè, componebat diligenter, memorià valebat, verbis non ille quidem ornatis utebatur, sed tamen non abjectis. Expedita autem erat, & facile currens oratio.

M. CRASSUS mediocriter in doctrina instructus; in hujus oratione sermo latinus erat; verba non abjecta, res composita diligenter; nullus flos tamen, neque lumen ullum; animi magna, vocis parva contentio, omnia ferè, ut uno modo dicerentur.

C. FIMBRIA omnia magna voce dicens, verborum sanè bonorum cursu quodam incitato, ita furebat, ut mirarere tam alias res agere populum, ut esset infans inter disertos locus.

CN. LENTULUS nec peracutus, nec abundans verbis, sic intervallis, exclamationibus, voce sua vi & canora, admirando irridebat, calebat in agendo, ut ea, quae deerant, non desiderarentur.

M. PISO habuit à natura genus quoddam acuminis, quod etiam arte limaverat, quod erat in reprehendendis verbis versutum, & sollers, sed saepe stomachosum, nonnunquam frigidum, interdum etiam facetum.

C. MACER auctoritate semper equit: non erat abundans, nec inops tamen; non valde nitens, ut plane horrida oratio: vox, gestus, & omnis actio sine lepore; at in inveniendis, componendisque rebus mira accurratio, sed eam ut citius veteratoriam, quam oratoriam diceret.

C. PISO sermonis plenus Orator; minime quidem tardus in excogitando, verum tamen vultu, & modulatione multò etiam acutior, quam erat, videbatur.

L. TORQUATUS elegans in dicendo, in existimando admodum prudens, toto genere perurbanus.

CN. POMPEIUS erat oratione satis amplus, tamen prudenter videbat, actio verò habebat summam dignitatem.

D. SILANUS studii quidem habuit non multum, sed acuminis & orationis satis.

M. MESSALA nullo modo inops, sed non nimis ornatus genere, verborum prudens, acutus, minime incautus.

CL. LENTULUS nec unquam indifertus, & non tardus sententiis, non inops verbis, facetus satis.

MEMMIUS perfectus litteris, sed Graecis fastidiosus sanè Latinarum, argutus Orator, verbis quoque dulcis.



dulcis, sed fugiens cogitandi laborem tantum sibi de facultate detraxit, quantum imminuit industria.

C. VISELLIUS populo non erat satis vendibilis; princeps quaedam, & cum idcirco obscura, quia peracuta, tum rapida, & celeritate cacata Oratio: sed neque verbis aptiorem cito alium dixerim, neque sententiis crebriorem.

TRIARIUS admodum me delectabat in illa aetate plena litterata senectutis Oratio: quanta severitas in vultu? quantum pondus in verbis? quam nihil non consideratum exibat ex ore.

C. PISONI genero meo erat verborum & delectus elegans, & apta, & quasi rotunda constructio, cumque argumenta ab eo excogitabantur multa, & firma ad probandum, tum concinna, acutaque sententia.

M. COELIUS & splendida multum, & grandis, & eadem in primis faceta, & perurbana Oratio.

M. CALLIDIUS non fuit Orator unus ex multis, potius inter multos propè singularis fuit; ita reconditas, exquisitasque sententias mollis & pellucens vestiebat Oratio; nihil tam tenerum, quam illius comprehensio verborum, nihil tam flexibile, nihil, quod magis ipsius arbitrio fingeretur, ut nullius Oratoris aequè in potestate fuerit: quæ primum ita pura erat, ut nihil liquidius; ita libere fluebat, ut nusquam adhaeresceret; nullum, nisi loco positum, & tamquam in vermiculato emblemate, ut ait Lucilius, structum verbum videres; nec verò ullum aut durum, aut insolens, aut humile, aut in longius ductum; ac non propria verba rerum, sed pleraque tralata; sicut tamen, ut ea non irruisse in alterum locum, sed immigrasse in suum diceret; nec verò hac soluta, nec diffuentia, sed adstricta numeris non aperte, nec eodem modo semper, sed variè, dissimulanterque conclusis. Erant autem & verborum & sententiarum illa lumina, quæ vocantur Græci *χρηματα*, quibus tanquam insignibus in ornatu distinguebatur omnis Oratio. Accedebat ordo rerum plenus artis, actio liberalis, totumque dicendi placidum & sanum genus. Aberat tamen illa laus, qua permoveret & incitaret animos, nec erat ulla vis atque contentio.

Hucusque Cicero, de claris Oratoribus. Sed jam Quintilianum audiamus, quibus Auctores notis discernat. L. IC. C. I. sic ait:

Neque Sallustiana brevitatis, qua nihil apud aures vacuas potest esse perfectius, captanda nobis est, neque Livii lactea ubertas. Tullius Thucydidis bellicum canorem, Xenophontis ore Musas esse locutas existimat. Homerum nemo in magnis rebus sublimitate, in parvis proprietate superavit: idem laus ac pressus, jucundus & gravis, tum copia, tum brevitate mirabilis; nec Poëtica modò, sed Oratoria virtute eminentissimus; affectus mites, vel concitatores, nemo erit tam indoctus, qui non in sua potestate hunc Auctorem habuisse fateatur. Raro assurgit Hesiodus, magnaque pars ejus in nominibus est occupata; tamen utiles circa precepta sententiae, lenitasque verborum, & compositionis probabilis, daturque ei palma in illo mediocri dicendi genere.

In Antimochus vis, & gravitas, & minime vulgare eloquendi genus habet laudem; sed affectibus, & jucunditate, & dispositione, & omnino arte de-

ficitur. Panyasim ex utroque mixtum putant, in eloquendo neutrius aquare virtutes; alterum tamen ab eo in materia, alterum disponendi ratione superari. APOLLONIUS edidit opus, aequali quadam mediocritate. Arati materia motu caret, ut in qua nulla varietas, nullus affectus, nulla persona, cui usquam sit Oratio. Admirabilis in suo genere THEOCRITUS, sed Musa illa rustica & pastoralis non forum modò, verum ipsam etiam urbem reformidat. Inter Scriptores Jamborum in ARCHILOCHO summa vis elocutionis, cum valida, tum breves, vibrantesque sententiae, plurimum sanguinis atque nervorum. Lyricorum PINDARUS princeps, spiritus magnificentia, sententiae, figuris, beatissima rerum, verborumque copia, & velut quodam eloquentiae flumine. STESICHORUM quam sit ingenio validus, materia ostendunt: reddit personis in agendo, loquendoque debitam dignitatem: sed redundat, atque effunditur. ALCÆUS in eloquendo brevis, magnificus, & diligens, Homero similis, sed in lusus & amores descendit. SIMONIDES tenuis, alioqui sermone proprio, & jucunditate quadam commendari potest: precipua tamen ejus in commovenda miseratione virtus. Tragedias primus in lucem Aeschylus protulit, sublimis, & gravis, & grandiloquus sæpè usque ad vitium, sed rudis in plerisque & incompertus. EURIPIDES sermone accedit Oratorio generi, & sententiis densus, in affectibus mirus, in iis, quæ miseratione constant, precipuus, & admirandus maxime est. MENANDER ad cuncta sufficit, ita omnem vite imaginem expressit, tanta in eo inveniendi copia, & eloquendi facultas, ita est omnibus rebus, personis, affectibus, accommodatus. Historiam multi scripsere. Densus & brevis & semper instans sibi THUCYDIDES. Dulcis & candidus & effusus Herodotus; ille concitatus, hic remissus affectibus melior, ille vi, hic voluptate. PHILISTUS Thucydidis imitator ut multo infirmior, ita aliquatenus lucidior. Clitarchi probatur ingenium, fides infamatur: Sequitur Oratorum ingens manus. Athenis princeps DEMOSTHENES pene lex orandi fuit, tanta vis in eo, tam densa omnia, ita quibusdam nervis intentata sunt, tam nihil otiosum, is dicendi modus, ut nec quid desit in eo, nec quid redundet invenias. Plenior Aeschynus, & magis fusus, & grandiori similis, quo minus strictus, carnis tamen plus habet, minus laceratorum. Dulcis in primis & acutus Hyperides est &c.

Lyfias subtilis atque elegans, & quo nihil, si Oratori satis sit docere, quaras perfectius, nihil enim est inane, nihil arcessitum, puro tamen fonti, quam magno flumini propior. Isocrates in diverso dicendi genere nitidus & comptus, & palastra, quam pugnae magis accommodatus; omnes dicendi vices sectatus est: inventionem facilis, honesti studiosus, in compositione adeò diligens, ut cura ejus reprehendatur; neque has solas ejus virtutes, sed precipuas puro.

Quis dubitet Platonem esse precipuum, sive acumine differendi, sive eloquendi facultate Divina quadam & Homérica? multum enim supra profani Orationem, & quam Græci pedestrem vocant, assurgit.

Quid ego commemorem XENOPHONTIS illam jucunditatem in affectatam, sed quam nulla affecta-



rio consequi possit? ut ipse sermonem gratia finxisse videantur, & quod de Pericle testimonium est, in hunc transferri possit; in labris ejus sedisse quandam persuadendi Deam.

**DEMOSTHENIS**, & **CICERONIS** plerasq; arbitror similes, consilium, ordinem, dividendi, preparandi, probandi rationem; omnia denique, quæ sunt inventionis; in eloquendo est aliqua diversitas, densior ille; hic copiosior; ille concludit adstrictius, hic latius pugnat; ille acumine semper; hic frequenter & pondere; illi nihil detrahi potest, huic nihil adjici; curæ plus in illo; in hoc natura. Salibus certe & commiseratione, qui duo plurimum affectus valent, vincimus. Cicero mihi videtur effinxisse vim Demosthenis, copiam Platonis, jucunditatem Isocratis; nec verò, quod in unoquoque optimum est, studio consecutus est, sed plurimas vel potius omnes ex seipso virtutes extulit, immortalis ingenii Beatissima ubertate, quis docere diligentius? movere vehementius potest? cui tanta unquam jucunditas afficit? ut illa ipsa, quæ extorquet, impetrare eum credas: in omnibus, quæ dicit, tanta Authoritas inest, ut dissentire pudeat; nec advocati studium, sed testis aut judicis afferat fidem. Interim hæc omnia, quæ vix singula quisquam intentissima cura consequi posset, fluunt illaborata, & Oratio præfert felicissimam facilitatem.

**IN ASINIO POLLIONE** multa inventio, summa diligentia, adeo ut quibusdam etiam nimia videatur; & consilii & animi satis; à nitore & jucunditate Ciceronis ita longe abest, ut possit videri sæculo prior.

**At MESSALA** nitidus & candidus, & quodam modo præferens indicendo nobilitatem suam; viribus minor.

**IN C. CÆSARE** tanta vis est, id acumen, ea concitatio, ut illum eodem animo dixisse, quo bellavit, appareat. Exornat tamen hæc omnia mira sermonis, cujus propriè studiosus fuit, elegantia.

Multum ingenii in **COELIO**, & præcipuè in accusando multa urbanitas.

**CALVO** est sancta, & gravis Oratio, & castigata, & frequenter vehemens: imitator autem est Atticorum.

**CASSIUS**, si ceteris virtutibus colorem & gravitatem adjecisset, ponendus inter præcipuos foret; nam & ingenii plurimum in eo est, & acerbitas mira, & urbanitas, & vis summa, sed plus stomacho, quam consilio dedit; præterea ut amari sales, ita frequenter amaritudo ipsa ridicula est.

**DOMITIUS AFER**, & **JULIUS AFRICANUS** præstantissimi; verborum arte ille, & toto genere dicendi præferendus; & quem in numero veterum ponere non timeas. Hic concitator; sed in cura verborum nimius, & compositione nonnunquam longior, & translationibus parùm modicus.

**SENECÆ** ingenium facile, & copiosum, plurimum studii, & multarum rerum cognitio; multa in eo claraq; sententiæ; sed in eloquendo corrupta pleraque, atque eo perniciosissima, quod abundant

dulcibus vitiis: velles eum suo ingenio dixisse, alieno judicio. nam si pondera rerum minutissimis sententiis non fregisset, consensu potius eruditorum, quam puerorum amore comprobaretur.

Hucusque Quintilianus.

**C. Sollius Apollinaris Sidonius** L. 4. Ep. 3. de Claudiano Mamerto loquens plurimum Authorum proprietates hoc modo indicat: Sentit ut Pythagoras, dividit ut Socrates, explicat ut Plato, implet ut Aristoteles, ut Æschines blanditur, ut Demosthenes irascitur, verrat ut Hortensius, efficit ut Cæthegus, incitat ut Cato, moratur ut Fabius, simulat ut Crassus, dissimulat ut Cæsar, suadet ut Cato, dissuadet ut Appius, persuadet ut Tullius. Jam si ad Sacrosanctos Patres pro comparatione veniatur, instruit ut Hieronymus, destruit ut Lactantius, adstruit ut Augustinus, attollitur ut Hilarius, jumentitur ut Joannes, ut Basilius corripit, ut Gregorius consolatur, ut Orosius affluit, ut Rastinus strigitur, ut Eusebius narrat, ut Eucherius sollicitat, ut Paulinus provocat, ut Ambrosius perseverat.

### CAP. III.

*Explicantur Stili elementa, ex quibus de Stilo Authorum, eorumque diversitate judicium formari possit.*

**VIDIMUS** Capite 2. qualiter Cicero, & Quintilianus de Stilo Authorum varias tulerint censuras. Sic tribuebant suavitatem Isocrati, subtilitatem Lysia, acumen Hyperidi, sonitum Æschini, vim Demostheni, gravitatem Africano, lenitatem Lælio, asperitatem Galbæ, profluens ac cavorum quiddam Carboni, eruditum dicendi genus Catulo, stylam Atticum Titio, accurtationem Macro, brevitatem Sallustio, mediocritatem Apollonio, jucunditatem Xenophonti, consilium Pollioni, Scauro naturalem auctoritatem. Oratio Catuli dicebatur pura, gravis; Galbæ incitata; Pompei extenuata & plena prudentia; Rutillii jejuna; Curionis puerilis; Sulpicii circumfluens, C. Pisonis plena sermonis; Visellii obscura, rapida, & celeritate cacata; Triarii plena senectutis Callidi, mollis & pellucens, Calvi sancta & castigata. Acutissime dicere credebatur Cotta, copiose Sulpicius vehementer, enucleate, & acriter Antonius; politè & eleganter Aur. Scaurus; simplex & antiquus habebatur Lucius, adstrictior Spurius; volubilis, dulcis, facetus Diophanes, Scævola fervidus, Decius turbulentus, Tubero durus, incultus, horridus; Plato uberrimus; Aristoteles nervosus, Gracchus grandis verbis, sapiens sententiis, gravis; Cæcilius suspiciosus criminosus, Juventius Lentus, frigidus, callidus, Sulpicius Orator tragicus, Servilius ridiculus; Memmius argutus, Visellius non satis vendibilis, Homerus sublimis, jucundus, Æschylus grandiloquus, Isocrates nitidus & comptus; Messala nitidus & candidus. Aliorum dicendi genus dicebatur obsoletum, exile, coloratum, attenuatum, pressum, sublatum, amplum, inflatum, sincerum, siccum, sanum, attenuatum.



humanum, facetum, expeditum ac facile currens, stomachosum, versutum, sollers, incautum, tenerum, flexibile, liquidum, libere fluens, durum, insolens humile &c.

Quæritur jam, quid significant centum hæc eloquentiæ probæ, aut vitiosa nomina; aut quænam sint styli elementa, ex quorum diversa applicatione nascitur tanta Scriptorum diversitas? dico, eos, qui de Stylo Authorum rectum ferre volunt iudicium, ad sequentia styli elementa attendere posse, sit:

1. *Materia*, quam author tractat.
2. *Inventio*, qua materiam considerat.
3. *Consilium*, quo considerationem suam providet ad suum scopum ordinat.
4. *Affectus*, quos fovet Author, aut concitat.
5. *Voices*, quibus sua sentia explicat.
6. *Epitheta*, quibus objecta implicat.
7. *Phrases*, quibus suæ mentis opinionem proponit.
8. *Particula*, quibus jungit, disjungit, aut assertioni suæ modum adjicit.
8. *Figura*, quibus modum proponendi elevat.
9. *Tropi*, quibus suos conceptus exornat.
10. *Similitudines*, quas adhibet.
11. *Exempla*, quibus utitur.
12. *Sententiæ*, aut *Proverbia*, quæ inspergit.
13. *Eruditio*, qua admirationem causat.
14. *Acute dicta*, quibus figit memoriam.
15. *Formula connectendi*, proponendi, partiendi, digrediendi, copulandi.
16. *Formula tractandi* materiam, laudandi, suadendi, reprehendendi.
17. *Ordo vocum*, epithetorum, particularum, phrasium, troporum &c. inter se.
18. *Ordo partium materiæ* inter se.
19. *Junctura partium orationis* inter se qua una pars definit in alteram.
20. *Concinnitas partium Orationis* inter se, qua metrum unius partis integræ consonat ad partem integram alteram.
21. *Numeri*, seu *Metrum* vocum maximè, initialium, & finalium in periodis, & propositionibus.
22. *Numeri*, seu *Metrum* periodorum integrorum.
23. *Harmonia ac Symmetria præcipuarum partium materiæ & orationis* inter se.
24. *Harmonia ac Symmetria omnium partium materiæ & orationis* inter se.
25. *Facilitas naturalis*, quam Orator aut scriptor habet ad singula.
26. *Gravitas*, qua scriptor perpetuo serius procedit ad seria, lento affectu, nec præcipitante consilio.
27. *Authoritas*, qua scriptor suum tacite interponendo oraculum confidenter quasi certa & indubitata pronuntiat.
28. *Dignitas*, qua scriptor convenientia statui eminenti potest.
29. *Combinationes singulorum elementorum* inter se. Dum v. g. in uno scriptore dominantur affectus, & phrases &c. in altero inventio, & figura, & Ordo &c.

30. *Negationes*, seu defectus Elementorum dum videlicet in uno Authore æsunt phrasæ, in altero affectus, figura, numerus &c. ex talium defectu scriptor præcisè non laudabilis fit.

§ 1. *Vitia*, quibus scriptor positivè reprehensibilis fit.

Hæc sunt præcipua elementa, ad quæ attendere possumus, si de stylo Oratoris, aut cujuscunque Scriptoris judicare volumus. Porro circa singula elementa observari possunt multæ proprietates, ex quarum diversitate stili diversitates in immensum multiplicantur.

1. *Circa Materiam*. Cujus scientiæ, artis, aut facultatis objectum sit? 2. Ad quem statum hominum magis conveniat? 3. An sit universalis, particularis, singularis? 4. Cui materiæ puncto potissimum insistat? 5. An sit popularis, cujusque captui accommodata; an verò sublimis, perspicaciori intellectui pervia? 6. Quorum affectuum potissimum objectum sit. 7. An Author multa paucis, an verò pauca multis dicere soleat? 8. An Author materiam in pauca, multave, & quot membra dissecet? 9. An Author membra materiæ ordinatè proponat, an confusè? 10. An Author membra materiæ sic contractò attenuonis spatîo ob oculos ponat, ut conjunctim uno obitu comprehendi possint; an verò ea in tam diffinita spatia sparsim proponat, ut totum objectum difficulter videri queat? 11. An Author materiam breviter tractet, an verò enucleatè longius expendat? 12. An Author crebram afferat rerum frequentiam, tot propemodum involvendò nova attentionis objecta, quot constructiones, aut periodos? 13. An Author rerum varietate perpetua delectetur? 14. An Author quibusdam punctis, & quibus longius immoretur? aut sæpius in hæreat? quàm longè, aut quàm frequenter? 15. An Author adjuncta, relationes, partes, proprietates, causas, effectus, essentiam expendere soleat?

2. *Circa Inventionem*, an fecundus sit in argumentis excogitandis, & circumstantiis expendendis? 2. An Author sit subtilis in reflexionibus, argumentis, ac observationibus parùm alioquin obvis? 3. Quibusnam locis Rhetoricis, aut Topicis author uti soleat? an definitione? divisione? proprietatibus, causis, effectibus, adjunctis, similitudine &c. 4. Quibusnam autoritatibus communiter uti soleat? 5. Quorum scientiarum, artium, notitiarumve subsidio pro argumentis uti soleat? 6. Quibus præjudiciis, suppositionibus, ac receptis semel opinionibus inniti soleat? 7. Quas sententias, systema, ac corpus doctrinæ foveat? 8. An materiam exhauriat, considerando omnia, quæ in ea considerari possent, aut deberent? 9. An solidè discurrat, legitime inferendo unum ex alio? 10. An dubia, & difficultates dissimulet ac reticeat? 11. An dubia rectè solvat? 12. An assensum moderetur juxta merita causæ, adhibendo dubium in dubiis an verò metas probabilitatis transiliat? 13. An non multa immiscere soleant ad scopum, ad vim argumenti impertinentia? 14. An soleat asserere, quæ sibi videntur veriora? 15. An non præbeat indicia dispositionum men-



mentis veritati inimicarum, & qualium? tales dispositiones essent, affectio ad hanc vel illam opinionem, servilis nimium ad auctoritatem hominis fallibilis affixio, mentis ad res ludicras minime serias projecta nugacitas, defectus eruditionis, exercitationis, claritatis, ordinis &c.

3. *Circa Consilium*, seu *Prudentiam*, an suggerat media ad quoslibet fines authoris vel lectoris accommodata, faciliora, breviora, certiora? 1. An provide omnia orationis aut scripti membra disponat ad obtinendum assensum, videlicet removendo omnia, quæ intellectum impediunt à comprehendenda veritate; refecando inutilia, evitando prolixitatem, sopiendo tumultum passionum veritati adversantium, vitando exaggerationes, levissimas objectiones prætereundo, aut tractando levissimè, non immorando dubiis, nec insistendo incertis principiis; non multum probando ea, quæ jam per se clara, concessa, aut minime controversa sunt, prout faciunt multi concionatores, sæpe probando multo textibus propositiones, etiam rusticis persuasissimas. 3. An vim eloquentiæ adhibeat eo loco, ac tempore, quo opportunum est, videlicet in re levi non insistendo acriter, & tota contentione animi; in re maximè seria tractando graviter, sine argutiarum levitatibus; cursum affectuum non interpellando objectis attentionem ad longe alios affectus avocantibus, descriptiones floridas, aut narrationes ad motum inutiles non collocando in Epilogo, aut eo loco, ubi tota attentio ad objecta affectuum fecunda colligi debet. 4. An eruditionem expectantibus offerat, an verò invitis obtrudat? sicque, dum admirationem concitare cupit, ostentationis notam incurrat? 5. An dicat accommodè ad auditores vel lectores, si sint docti, vel indocti, juvenes, vel senes? 6. An affectus nitatur extundere, an verò provocare? cum enim affectus via connaturali sequantur ad apprehensionem intellectus, modus violentus ac minime naturalis erit, elicere velle affectus, nisi prius animo audientium ac legentium ea objecta impressa fuerint, quæ ultrò fecunditate sua affectum intentum pariant. 7. An author sic proeedat, ut ad singula membra dicere possit rationem; *cur hoc dicat?* & *cur hoc loco dicat?* & *cur non alio loco*, aut *alio modo dicat?* 8. An soleat immorari minutiis nulla attentione dignis, earumque amplificationi indulgere? 9. An rebus attentione dignis pro earum dignitate satis, ac ornate insinat? an verò talibus rebus nimia brevitate dignitatem adimat? 10. An per inductionem rerum audienti non satis cognitarum, atque per exempla, proverbia, erudita sic festinanter discurrat, ut memoriæ ac phantasiæ audientis parum plus nihilo præcisè inhæreat, sicque aut fastidium creet, aut matricem affectuum, comprehensionem claram objecti, animis minimè ingerat? 11. An objecta distincta attentione digna etiam distinctim proponat, ut ipsa sui positione specialem attentionem excitent? 12. An narrationi, & instructioni debitam claritatem, contentioni vehementiam, conclusioni vim motumque conciliet? 13. Quos author speciales fines sui laboris sibi constituat?

*Circa affectus.* Quos affectus Author in se expri-

mat? 2. Quos affectus Author legenti vel audienti ingerat? 3. Quanam sint objecta, circa quæ affectus versantur? 4. Quanam sint objecta, ex quorum consideratione ii affectus nascuntur? 5. Quanam sint affectus prævii, per quos tacite vel expresse transitur ad affectum intentum v.g. habet quis affectum *desiderii*? necesse est, ut prius objectum *amet*; & ante affectum *amoris* necesse est, ut præcedat affectus *admirationis*, quo objectum amandum admiratur. 6. Quanam affectus connaturaliter sequantur ad affectum, de quo agitur v.g. habet quis affectum *desiderii*? connaturaliter sequitur *spes* obtinendi bonum desideratum, vel amittendi *metus*; sequitur etiam *Zelotypia*, *audacia*, *consternatio* &c. 7. Quanam sint objecta talium affectuum antecedentium, vel subsequentium. 8. Quam frequenter tales affectus in Authore occurrant? 9. Quibus loquendi formulis tales affectus exprimantur? 10. An Author eundem per affectus sequatur eorundem ordinem naturalem? an verò saliat ab uno ad alterum non satis propinquum? aut omnino non connexus? 11. an servet ordinem affectuum tacite solum, an verò expresse. 12. An prorumpat in affectus ex matura consideratione objecti? an verò ex levi? aut omnino nulla? postremus enim modus est proflusus innaturalis, & frequens in libellis Meditationum in quibus occurrunt empti affectus, nullatenus tamen animam commoventes, quia non reperiunt mentem, tanquam matricem, prævii considerationibus, ac affectibus ordine naturæ præparatam. Ut verò hoc examen affectuum rite instituamus, necesse est, ut ordinem naturalem affectuum rectè perspectum habeamus: is ex Cæcilio est sequens.

*Primus affectus est Admiratio*, qua anima occupatur, in attenta consideratione objecti quod ipsi videtur rarum, ac extraordinarium. *Admiratio*, dum magnitudinem vel parvitatem objecti considerat, parit *Existimationem* vel *Contemptum* objecti. Dumque eam æstimationem vel contemptum ad nos ipsos referimus, oritur *superbia* vel *Humilitas*, *Generositas*, vel *Abjectio*. Dum verò eam æstimationem vel contemptum alias causas liberas referimus, oritur *Veneratio*, vel *despectus*. Ac denique, quando præter æstimationem aut contemptum rei consideramus objectum, ut nobis bonum vel malum, oritur *amor* vel *odium*.

*Secundus Affectus est Amor vel Odium.* Ex amore nascitur *benevolentia*, *desiderium*, *cupiditas*, *amicitia*, *devotio*, *veneratio* *complacencia*. Ex odio nascuntur affectus oppositi.

*Tertius affectus est Cupiditas*, qua appetimus præsentiam boni absentis, conservationem boni præsentis, & absentiam mali tam præsentis, quam futuri. Ex cupiditate, dum acquisitio boni apparet facilis aut difficilis, oritur *spes*, aut *metus*. Spes summa vocatur *securitas*; *metus* extremus vocatur *desperatio*. Quando spes aut metus fundatur in consideratione aliorum hominum facilitatem aut difficultatem augentium, nascitur *Zelotypia*, seu *emulatio*. Atque sic speramus, aut metumus, dum eventus rei expectatur nullo modo



do à nobis pendet : dum verò à nobis pendet , oritur ob dubium de electione mediocri animi fluctuatio , animositas , audacia , pusillanimitas , consternatio , morbus conscientia.

*Quartus affectus est Letitia, vel Tristitia.* Ex his nascitur *irrisio*, erga homines dignos malo, quod illis illatum esse gaudemus; aut *invidia*, si alios bono, quod illis evenire tristamur, indignos æstimamus; aut *commiseratio*, quando tristamur de malo bonis illato. Quando causam boni vel mali in nobis ipsis spectamus, nascitur *acquiescentia*, vel *pœnitentia*. Quando bonum consideramus ab aliis, sed aliis præstitum, nascitur *favor*; si nobis præstitum, *gratitudo*. Quando malum consideramus, ut ab aliis, sed aliis illatum, nascitur *indignatio*, si nobis illatum, *ira* bonum vel malum in nobis existens, ut refertur ad opinionem hominum, parit *gloriam* vel *pudorem*.

Hucusque Recensita pertinent ad objectum vel mentem Authoris, quæ vocibus & stilo scribentis significantur; quæque in diversis Authoribus de eadem materia scribentibus diversa esse solent; nunc de reliquis stili elementis pergamus.

5. *Circa Voces* considerandum 1. An Author habeat verborum *copiam*, ut eandem rem pluribus vocibus designare sciat? An habeat voces *significantes*, quæ rem & modum rei accurate indicent? 3. An habeat voces *proprietas*, quæ in sensu proprio rem significant? 4. An & quibus utatur vocibus rarioribus? 5. An & quibus utatur vocibus barbaris? 6. An & quibus utatur vocibus noviter à se primùm inventis? 7. An frequenter pro nomine specifico utatur nomine generico, aut individuali? v. g. si nominare volens *eloquentiam* utatur nomine *Artis*? 8. An frequenter loco definiti ponat definitionem v. g. loco *eloquentia* ponendo *Artem bene differendi*? 9. Quando eadem res pluribus vocibus exprimi potest, an utatur vocibus selectioribus? 10. An crebris utatur substantivis loco epithetorum: v. g. si nominare voluerit *virum prudentem* de *eximia viri prudentia* sermonem faciat; si vult loqui de *devotione fervida*, *devotionis fervorem* nominet? 11. An libenter plura substantiva, aut verba conglomeret. v. g. si dicat: *Nemini pietate, justitia, fortitudinis cessit*. Et quod talia conglomerare soleat, an tria, quatuor, vel quinque? 12. An libenter conglomeret plura synonyma: v. g. si dicat. *Summa est dicendi facultas, copia, ac ubertas*. 13. An usus sit vocibus antiquis, quorum usus inveteravit? 14. An usus sit vocibus novis artium rituumque novorum usu susceptis? 15. An usus sit vocibus gravibus, ac à familiari usu remotis?

6. *IN EPITHETIS* notandum 1. An crebris utatur epithetis? 2. An conglomeret plura epitheta? 3. An conglomeret plura epitheta tantum synonyma? 4. An in epithetis frequenter

R. D. Euseb. Amore. Philosophia.

utatur superlativo? 5. An, dum in epithetis utitur superlativo, utatur forma superlativi ordinaria, an verò illum exprimat per adverbium augmentum indicantia, v. g. dum vult dicere; maximus; dicat: *valde magnus*; *satis magnus*. *bene magnus*. 6. An epitheta sint utilia vel non ad declarandam rem, an verò tantum addantur ob numerum Orationis explendum v. g. si dicerem *alba nix*. neque enim hoc epithetum novum quid diceret, quod non intelligerem per solam vocem *nivis*? 7. An epithetis non tantum utilitas insit, sed etiam specialis vis? quod tunc fit, quando per epitheta indicantur eæ proprietates objecti, quarum consideratio specialiter intellectum convincit, aut affectum movet. 8. A quali proprietate, aut circumstantia objecti sua epitheta desumere soleat? v. g. si quis frequentissime, dum de Oratione loquitur, eam nominet *devotam*, vel *solatiosam*, facile intelligo, hujus Authoris objectum attentionis præcipue esse *devotionem*, aut *solatium*. Unde autem epitheta desumantur, patet ex his versiculis.

Quis? quid? agens? patiens? quantumque? ubi? qualia tempus?

Vel

Quis? quid? ubi? quibus auxiliis? cur? quomodo? quando?

Omne enim epithetum sumitur vel à persona, vel re, actione, passione, quantitate, loco, qualitate, tempore, causa efficiente, materia, forma, causa finali; & sicut Authores ad diversa attributa objecti suam attentionem applicare solent, ita etiam iisdem rebus solent attribuire diversa epitheta: aliqui Authores considerant objectum sub hac relatione, alii sub alia: aut certe disconveniunt sæpe Authores in complexo epithetorum, quod eidem rei hinc inde in suis libris attribuant. 9. An Author habeat modum variandi epitheta per opposita & negationes. v. g. loco epitheti *doctus* ponendo; *non indoctus*, *non ignarus*, *maximè rudis* &c. 10. An habeat epitheta tam significantia, ut adequetur meritum objecti?

7. *Circa Phrases.* Notandum 1. An nullos contineant sollæcismos contra leges Grammaticæ v. g. pro Conjunctivo sumendo Indicativum, quod familiare est Scriptoribus sæculi 13. 14. 15. dicunt enim v. g. *scribitur*, *quod fuit bellum* loco *fuerit*. Notetur autem, quales sint sollæcismi Authori frequentes, & quàm frequenter? 2. An phrases Author breves & adstrictas, an verò longas amet? 3. An apparatus phrasum locupletem habeat? 4. An habeat phrases Poëtis magis, quàm aliis Scriptoribus usitiores? & quas? 4. An adhibeat phrases rariores, aut selectiores? & quas? 5. An delectetur phrasibus grandioribus ac elatioribus, quod fit, si phrasibus constet verbis grandioribus, aut rarioribus? 6. An delectetur usu frequenti phrasum rariorum, & quàm frequenti? 7. Quo loco,

Qq qq

ooca-



occasione, opportunitate adhibere soleat phrasēs? neque enim elegantia phrasium convenienter cuius materiae convenit. 8. An & qualem variationem phrasium amet? videlicet an per Syntaxin? v. g. *vir multa eruditionis; magna est viri eruditio*; Vel per synonymorum substitutionem v. g. *præclara eruditionis; eximia cognitionis*. Vel per appositionem adverbiorum, v. g. *vir perquam doctus*. Vel per comparationem, v. g. *haud quisquam alius tam doctus*. Vel per appositionem substantivorum v. g. *in omnium artium disciplina versatus*. Vel per opposita & negationes v. g. *omnis ignorantia hostis; nullius non amator scientia*. 9. An Author simplici, an bimembri, aut trimembri phrasi delectetur? v. g. *vir omni eruditione conspicuus, & scientiâ admirandus*. 10. Qualem Author varietatem habeat in æquipollentibus v. g. pro omnis, ponendo, *nemo non, haud ullus, qui non &c.* 11. Qualiter se Author habeat in varietate comparativorum, vel superlativorum? v. g. si dicere velit: *Cicero Platone eloquentior, magis eloquens, quàm Plato; superat Platonem eloquentia &c.* Vel loco hujus: *Cicero eloquentissimus*, dicat: *Nihil illo eloquentius; nemo tam eloquens, nemo eloquentior, vir maxime omnium eloquens &c.* 12. Qualiter se habeat in variatione gerundiorum, participiorum, & futuri? v. g. si vult dicere: *venit, ut doceret litteras*; dicat: *venit doctum litteras, ad docendum litteras, ad docendas litteras, gratiâ docendi litteras, gratiâ docendarum litterarum, venit docere litteras, venit docturus litteras*. 13. Quas phrasium quasi figuras amet? tales sunt quædam formulæ interrogandi, concedendi, imperandi, optandi, corrigendi, opponendi, hæsitandi &c. v. g. *Ecquid hoc dislo elegantius? vide, que in verbis elegantia. Cave, hic quidquam inelegans existimes. Esto, neglecta quandoque illi suat Oratio, at nunquam barbara. Quàm cuperem, hanc omnes aestimarent elegantiam. Faciant superi, ut hanc omnes assequantur elegantiam. Pura illi, imò exquisitè elegans fuit Oratio. Si profusior quandoque sermo, certè non, inelegans*. 14. Quando idem verbum diversos casus admittit, in quo casu Author illud frequentius usurpare soleat? sic dicitur *abhorreo* ab hac re, & istam rem. *Abstineo* illo, ab illo, me ab illo. *Aquiesco* huic rei, & hac in re. *Accuso* te furti, de furto, tuum furtum. *Adeo* te, & ad te. *Adhorrer* te ad virtutem, & de virtute. *Aspergo* tibi labem, & labe te. *Antecedo*, anteeo, antefeo te, & tibi. *Attendo*, te & tibi. *Capax* multorum, ad multa. *Conducit* huic rei, & ad hanc rem. *Consentio* tibi tecum &c. talia sunt plurima, quæ in diversis casibus exprimi possunt. 15. Quando eadem veritas diversis phrasibus significari potest, aut synonymis, aut æquivalentibus, quamnam Author familiarius uti soleat? 16. An non utatur phrasibus petitis ex vernacula lingua, aut quacunque alia non latina? & quamnam sint ex Authoris phrasēs? tales phrasēs sunt; bene

federe, pro commode. *Bona* vel *mala* aut pro *sereno* aut *nubilo* celo. *Cor non habet*, ut faciat; pro *animus illi deest*; *ex corde amare*, pro, amice complecti. *Facere conscientiam*, pro, ducere religioni; *vivere in pace*, pro, tranquille &c. tales idiotismos plures Germanicos exhibet Buchlerus, & Masenius. 17. An Author insistat idiotismis Latinæ linguæ, dum fieri occasio? & quibus? tales sunt v. g. *non sum ferendo, fac valeas, nunc temporis, principi d consiliis, male audit &c.* 18. An Author utatur idiotismis linguæ Græcæ? 1. Per Enallagen in nominibus adjectiva neutra pro substantivis adhibendo v. g. *varium & mutabile semper fœmina; triste lupus stabulis*. 2. Usurpando adjectiva neutra loco adverbiorum. v. g. *ditum minatur, immane infremuit*. 3. Adjectiva per modum substantivi sumpta conjungendo cum genitivo v. g. *lubricum juventa, incerta viarum, opaca silvarum &c.* 4. Infinitivum adhibendo pro substantivo v. g. *Gaudet aspici, amat videri, cereus in vitium flecti, audax perpeti*. 5. in quibusdam verbis abstinendi, appetendi &c. genitivo more Græcorum uti. v. g. *desine mollium querelurum, abstine irarum*. Vel dativo uti v. g. *Solus tibi certet Amyntas*. 6. Per Ellipsin aliquid reticendo v. g. *opinio falsa occupavit*. Videlicet, animos. *ſam venti posuere* subintellige; vim suam. 19. Qualem Author in phrasibus suis constructionis ordinem servet? 1. A superlativis ac comparativis incipiat & claudat periodum? v. g. *Illustrius nihil est virtute: an in decursu sermonis superlativa & comparativa substantivis postponat?* 2. An nomina propria in principio sermonis ab initio ponat, nisi agatur de laude vel vituperio, ubi postponi solent. v. g. *summum eloquentia decus Cicero*. 3. An verba ad finem constructionis ponere soleat, nisi fortè ad finem nomina polysyllaba occurrant, quibus verba ultimum locum cedere solent v. g. *Ornat Ciceronem decus eloquentia*. 4. An *τὸ* omnis, nullus, nemo &c. suis substantivis postponantur, ac claudant omnino sententiam. 5. An inter substantivum & adjectivum interponatur verbum, aut præpositio? v. g. *magno delectat opere. Maximas ad res. Ornatissimo in loco*. 6. An particulas comparativas, ac relativas inter consonantia aut opposita immediate conjungat v. g. *doctus magis, quàm pius*; an verò sic? *magis doctus, quàm pius*. Vel erat illi exsus, ita, ut etiam mortem strueret? Vel sic erat illi ita exsus? 7. An adjectivum præcedat substantivum, nisi hoc foret polysyllabum v. g. *dissimilitudo inter Oratores bonos magni est*. 8. Qualem locum Author tribuat in constructione nominativo, genitivo, dativo, accusativo, ablativo? v. g. *re intellectâ venit* ubi ablativus absolute positus rectè in principio ponitur. Vel *Ciceroni qui se tradunt, optimum elegerunt*. Vel. *Amicorum officia implorat*. 9. An particulas relativas, qui, quæ, quod, præponat v. g. *quas mihi dedisti litteras, fuerunt*



runt suavissima. 20. An Coniunctivo tempore utatur loco indicativi, vel sine particula coniunctiva, ut v. g. *hoc velim existimes; rem non ingrati feceris. Cum tuis, precor, amicis expendas.* Idem est de Imperativo v. g. *malo, ipse venias. multos evolvat libros, necesse est.* 21. An utatur particulis duplicatis v. g. *utur, quoquo, ubi ubi, quantus quantus &c.* 22. An forte Author in his phrasium proprietatibus nullam uniformem ac constantem servet legem?

8. Circa particulas notandum 1. an semper iisdem Author utatur particulis copulativis, disjunctivis, collectivis &c. an vero variet. v. g. sumendo nunc &, alias, atque, ac, que. 9. An conglomeret substantiva, verba, vel epitheta absque particula copulativa. Et v. g. vincit pietate, fortitudine, iustitia. Vel. Christus vincit, Christus regnat, Christus Imperat, ubi integræ propositiones sine particula copulativa coniunguntur. 3. An soleat repetere particulam copulativam v. g. *Petrum & miror & diligo.* 4. An hanc ingeminationem particulæ copulativæ soleat adhibere otiose, an verò utiliter, dum videlicet ad singula verba specialem attentionem excitare intendit. v. g. *Miramur, Ciceronem & eloquentia, & scientia, & omni virtute excellere.* 5. An particulis suam strictam significandi vim tribuat? sic in rigore *apud* significat locum, *penes* verò potestatem. v. g. *apud me* est liber etiam alienus; *penes me* est liber etiam proprius. Ergo & igitur brevioribus serviunt conclusionibus. *Quare, quapropter, quomobrem* maioribus. *Hic & iste* proximos adstantes, *ille* remotos, *is* plane abstantes plerumque refert. 6. Quando idem sensus diversis particulis reddi potest, quibus Author uti soleat? v. g. *ex meo* solvam. *De meo* non feci, quò te affligerem, *ideo* ut. *Extra* sacerdotes nemo adfuit, *præter*. Boni juxta malique affliguntur. *Boni simul ac mali.* Quid omnino est, quod moretur. *Tandem, prorsus.* Per invidiam periit, *propter*. Propè erat, ut assentirer. *Penè* assentiebar. *Quin* ipse adero; imò hac *super* re scribam. *de re.* Plura similia reperies in Turselino, speciali libello de particulis scripto.

8. Circa figuras observandum 1. quibus frequentius uti soleat? hæ autem sunt 1. Prolepsis, seu anticipatio, quando totum prius dicitur, ac dein per partes describitur. v. g. *radix omnium malorum cupiditas, hic iniustitia, illic homicidium &c.* 2. *ὑπόμνημα*, seu conjunctio, dum uno verbo plures sententiæ connectuntur v. g. *vicit pudorem libido, timorem audacia, rationem amentia.* 3. Hypozeuasis, seu subjunctio, dum diversis rebus singula verba attribuuntur. v. g. *violentaque pectora Turni edocet, humanis, quæ sit fiducia rebus, admonet.* 4. Syllepsis, seu conceptio. Quando singularis dictio plurali verbo redditur, vel econtrà; v. g. *sunt nobis mitia poma, castaneæ molles, & pressi copia la-* R. D. Euseb. Amort. Philosophia.

Etis. Et. *Hic illius arma hic currus fuit.* 5. Atyndeton, seu dissolutum, ubi omittitur inter propositiones conjunctio v. g. *ferre citi ferrum, date tela, impellite remos.* Idem est de substantivis dissolutè positis. 6. Polysyndeton v. g. *Athamasque, Thoasque, Pelidesque Neoptolemus, primusque Machaon.* 7. Reduplicatio, v. g. *sit Tityrus Orpheus, Orpheus in sylvis.* 8. Repetitio vel verbi, vel substantivi, vel pronominis. v. g. *crescit amor nummi, quantum ipsa pecunia crescit. Nate meæ vires, mea magna potentia solus, Nate patris summi, qui tela typhoea temnis. Meme, adsum qui feci, in me convertite ferrum.* 9. Schesis onomaton. quando singulis substantivis sua attribuantur epitheta, v. g. *Marsa manus, peligna choros, festina virum vis.* 10. Similiter cadentia v. g. eos reduci, quàm relinqui, temni quàm deferi malui. 11. Similiter terminantia. v. g. mœrentes, flentes, lachrimantes, ac milerantes. 12. Gradatio v. g. *industria virtutem parit, virtus gloriam, gloria invidiam.* 13. Interrogatio. 14. Correctio. 15. Exclamatio. 16. Antithesis, seu oppositio. 17. Apostrophe. 18. Præteritio. 19. Prosopopœia, seu fictæ personæ inductio. 20. Præoccupatio. Hæ figuræ communiores sunt. Plures reperies in iis, qui de Arte scribunt Rhetorica. 2. Observandum, quam crebrò Author hac vel illa figura utatur? 3. Quam adhibeat variationem figurarum? 4. An otiosas figuras adhibeat? an verò cum vi? 5. An figuras accomodet exigentiæ materiæ? & in quibus occasionibus eas adhibeat? 6. An calidas, vibrantesque præ cæteris figuras amet? 7. An figuras verbis exornet? an verò nudè eas proponat? 8. An figuras plures, aut easdem quandoque conglomeret v. g. opposita, seu antitheses? 9. An per Antitheses supra expectationem hominum vehementer ascendat? 10. An suis figuris vehementer attentionem excitet, memoriam figat, aut voluntatem moveat, & intellectum convincat?

9. Circa Tropos advertendum 1. Quos Author communius adhibeat? sunt autem communiores 1. Metaphora, seu vocis ab una significatione ad aliam translatio ob Analogiam rerum. v. g. *classique immittit habenas. Petra erat Christus.* 2. Metathesis, sumendo loco subsequentium antecedentia, vel econtrà. v. g. *post aliquot mea regna videns mirabor aristas.* 3. Metonymia, sumendo contentum pro continente; vel econverso. Vel inventorem pro re inventa. 4. Antonomasia, per nomen generale per excellentiam intelligendo rem singularem v. g. *per Philosophum Aristotelem.* 5. Synecdoche sumendo partem pro toto. 6. Periphrasis, seu circumscriptio. 7. Hyperbole, seu ementiens superjectio. 9. Transpositio v. g. *Transstra per & remos.* 10. Parentheses. 11. Allegoria. 12. Epexegetis, seu, prioris dicti expositio v. g. *Tolle fugâ Turnum, atque instantibus eripe fati.* 13. Emphasis, quando plus significatur, quàm verba petunt. Plures Troporum modos recensent, qui de his agunt: 2.



An crebrius utatur tropis? 3. An iisdem, an diversis? An obscuris, vel clavis? 5. An elatis, non statim obviis? 6. An remotè quæ sitis? 7. An audacibus? 8. An habeant ii tropi vim specialem signifi-  
candi?

10. *Circa similitudines.* 1. A quibus rebus communiter sumat similitudinem? 2. An illæ res sint illustres, aut abjectæ insigniter? 3. An sint similitudines propinquæ, & accuratæ? 4. An habeant vim probandi? an verò tantum sensum animi explicandi? 5. An sint frequentes? 6. An sint uno tantum verbo, aut brevibus comprehensæ? aut longius deductæ?

11. *Circa exempla.* 1. Ex quibus fontibus, vel Authoribus, vel documentis desumpta? 2. An fide digna, aut certè examine? 3. Circa quas actiones, aut personas illa plerumque versentur? 4. An sint crebra? 5. An brevibus terminis concepta? 6. An stilo elatiore edita.

12. *Circa sententias aut Proverbia.* 1. An sint frequentes? 2. An sint conglobatæ? 3. An fortè Author formet integrum corpus sententiarum, ut Seneca? quo casu advertendum, quot sententiis communiter Author sermonem evolvat? 4. An sint graves sententiæ? 5. An per modum epiphonematis communiter claudant sermonem; aut econtrà illum inchoent? 6. Circa quæ objecta communiter versentur? 7. An illæ sententiæ sint ex aliis authoribus desumptæ? & ex quibus? An verò primùm ab Authore formata. 8. An non frequenter plures sententiæ in eundem sensum recidant?

13. *Circa Eruditionem.* 1. Qualem Author monstret in linguis? & quibus? 2. Qualem in antiquitatibus? & quibus? 3. In Scientiis & artibus? & quibus? 4. In historiis? & quibus? 5. In negotiis humanis, & vita civili? 6. An illa eruditio sit magna? 7. An frequenter occurrat? 8. An Author eruditionem fusè expandant, ac explicet? 9. An Author tantum quandoque ad similia eruditionis objecta alludat? 10. An eruditionem opportuno loco, ita poscente materiâ, asserat? an verò sit affectata?

14. *Circa acutè dicta.* 1. An sint frequentia? 2. An sint densa ac conglobata? 3. An consistant in lusu verborum? aut rerum? 4. An sint obscura? 5. An retegant attributum rei attentione ac memoria dignum? 6. An sint frigida? eò quòd vel non dicant aliquid novi & inexpectati, vel, quòd id non sit attentione dignum; vel non habeat verisimilitudinem. 7. Circa quæ objecta, aut quas objecti proprietates frequentius versentur? aut circa quæ verba? 8. An sint nervosa? 9. An adhibeantur pro facto illustri animo desigendo, an verò serpent circa humilia objecta?

15. *Circa formulas connectendi &c.* 1. Quales habeat: tales sunt plurimæ, v. g. itaque, igitur, sed verò, quia verò, &c. atque &c. 2. An soleat transire ab una veritate ad aliam absque particulis connexivis; servata sola connexione veritatum inter se. 3. An rem in multas, aut pau-

cas, & quot soleat dividere? 4. An dividat usque in partes minutissimas? 5. An sequatur divitionem Methodicam, & scientificam? an naturalem? an nullam? 6. An frequentes faciat digressiones? 7. An longas? 8. Circa quæ objecta? 9. An faciat? propositionem? 10. An claram.

16. *Circa formulas laudandi &c.* 1. An convenienti utatur ad subjectam materiam stilo, in laudibus amplo, in suadendo conciso, in reprehendendo concitato? &c. 2. Ad quas proprietates & attributa objecti Author potissimum respiciat, laudando, reprehendendo?

17. *Circa Ordinem vocum.* 1. An minus præcedat majus in ascendendo. 2. An ea, quæ distinctam vim continent, ipsa sui positione distinguant? 3. An ea, quæ ad invicem referuntur, proximè, quàm fieri potest, juxta se invicem collocentur? 4. An Author dispersione partium referat modulos Poëticos, & fragmenta versuum? 5. An id frequens sit? annunquam? an rarò?

18. *Circa Ordinem partium materiae.* 1. An præcipua attentionis objecta distinctè collocentur, ut partes primariæ ordinati ædificii? 2. An una pars sua sponte attentionem ac considerationem nostram ad reliquas partes, ut quasi eas exigat, sicut fit in ordinato ædificio. 3. An attentio perpetua ad partes præcipuas, & ad relationem earum ad invicem non turbetur aliis objectis incidentibus, attentionem avocantibus? 4. Qualem Author amet ordinem argumentorum? an incipiat à narratione? à definitione? ab autoritate &c. 5. Quo loco inspergere soleat affectus? an in fine? an data hinc inde opportunitate. 6. An Author nullum habeat ordinem materiæ?

19. *Circa juncturam partium Orationis.* 1. An Author inexpectate abruptat sensum, quem materia provehi ulterius cuperet? 2. An etiam numerus periodi sit ineleganter fractus, ac incompletus? 3. An utatur verbis terminantibus, & incipientibus, quæ difficulter concurrunt, v. g. ob collisas plures vocales? 4. An sic plures consonantes jungat, ut difficilis sint pronuntiatio. 5. An multas incidenter propositiones immisceat?

20. *Circa concinnitatem partium inter se.* 1. An Author inæquali prorsus numero procedat, nunc impetu profiliendo, nunc subsistendo, nunc rursus gradiendo? an verò æquali stilo cursum emetiatur? 2. An sic propositiones numeris suis consonent, ut similitudine quadam metrum aliquod æmulentur? 3. An periodi brevitate aut longitudine notabiliter differant? & modò breves, modò longæ sibi inæqualiter permisceantur?

21. 22. De Numeris & Metro agam Cap. sequente.

23. 24. *Circa Harmoniam partium inter se observandum.* 1. An stylus unius partis conveniat cum stilo alterius? 2. An materia omnium partium collimet ad unum scopum? 3. An partes omnes se invicem exigant, aut juvent ad finem



nem principalem? 4. An affectus hinc inde suscitati non se invicem destruant, aut turbent, sed se invicem juvent ad finem principalem? 5. An una pars non sit immaniter longior altera? 6. An totum corpus doctrinæ brevi aliquo systemate exhiberi possit? & quo? 7. An omnium partium possit reddi ratio, cur hoc loco positæ, hac phrasi exornatæ his figuris, ac formulis comprehensæ, ac metro conclusæ sint?

25. 26. 27. 28. non egent alia observatione, de 29. 30. 31. agam C. 5.

## CAP. IV.

*Quomodo Authores etiam soluta Oratione scribentes in Numeris ac Metro differant, novâ Regulâ explicatur.*

**O** Ratio ligata & soluta in hoc differunt, quòd hæc nulla determinata ac constanti mensurâ verborum evolvatur; illa verò ad eam mensuram alligetur. Itaque propriè loquendo Oratio soluta Metrum nullum habet, nec Metrica vocari potest: habere tamen eam aliquam similitudinem Metri, ac aliquando ad Hexametra, aliàs ad Pentametra, ad Jambos, aut Saphica &c. quàm proximè accedere, sicque infinitam Scriptorum varietatem inducere, præsentī Capitulo ostendam.

Dico itaque, quòd singulæ propositiones solutæ Orationis totidem versus, periodi verò carmen aut Heroicum, aut Elegiacum, aut Sapphicum, aut Jambicum, aut aliud quodvis Carminis genus æmulentur: similitudinem desumo à pedibus initialibus, finalibus, & in medio prædominantibus, seu frequentius occurrentibus: pedum verò similitudinem desumo non ex regulis Prosodiæ, sed ex auditu. In propositionibus numero verba, in periodis numero propositiones tanquam totidem versus; in integro Authoris opere numero periodos; sicque ex collatione versusum, & carminum in toto opere dominantium determino Harmoniæ modulum in animo Authoris dominantem. Me rectè procedere ex sequentibus propositionibus manifestum fiet.

**PROPOSITIO I.** *Aristoteles, Cicero, Quintilianus in initio, fine, ac etiam decursu Periodorum dominari pedes quosdam observarunt.* Aristoteles L. 3. Rhet. C. 8. sic ait: figura Orationis illa maximè probatur, quæ non sine numero est. Numerus autem thymus est, cujus mensuræ decisiones sunt. Quare numerum habebit Oratio, non tamen omnino exquisitum, qualis esset, si ad aliquam determinatam mensuram inesset. Numerus Heroicus est amplus, elegans, & egens harmoniæ. Jambicus verò numerus Oratio multorum est. Trochaicus numerus tripudii aptior

est. Tertius numerus est Pæan, qui ex prædictis constat. Sunt enim tria ad duo, cum alter illorum unum ad unum sit, alter duo ad unum. Quibus proportionibus sesquitercia constat, & hæc est Pæan, Impræsentiarum uno pæane incipientes etiam utuntur: sed oportet exitum à principio differre: nam cum sint duo inter se opposita Pæanis genera, unum, in quo prima producta est, quam tres breves sequuntur, hoc principis congruit, sicut & utuntur; alterum genus Pæanis, in quo tres breves præcedunt, ultima producit, finem incommodum facit. Oportet igitur producta dissepere, ut finis sermonis adesse cognoscatur.

Cicero L. 3. de Orat. num. 29. sic ait: Veteres in soluta Oratione versus propemodum, hoc est numeros quosdam nobis adhibendos esse putaverunt. — Versus quidem in Oratione si efficitur, vitium est; attamen verborum conjunctionem sicuti versus numerosæ cadere volumus, --- Longissima verborum complexio est, qua volvi uno spiritu potest; sed hic natura modulus est, artis alius. Nam cum sint numeri plures, Jambum & Trochaum frequentem segregat Aristoteles, qui natura tamen ipsi incurrunt in sermonem nostrum. Quare primum vos ad Heroum Dactyli, & Anapesti, & Spondæi pedem invitat, in quo impune progredi licet duos dumtaxat pedes, aut paulò plus, ne plane in versum incidamus. Probatur autem ab illo maxime Pæan, qui est duplex; nam aut à longa oritur, quam tres breves consequuntur; ut hæc verba: disfinite, comprimite, incipite; aut à brevibus tribus, extrema longâ, sicut illa domuerant sonipedes; atque illi Philosopho ordiri placet à priori Pæane, posteriore finire. Est autem Pæan hic posterior non syllabarum numero, sed aurum mensura, quod est acrius iudicium & certius, parferè Cretico, qui est ex longa, & brevi & longa: ut. Quid petam præsidii, aut exequar? quove nunc? à quo numero exorsus est Fannius. Si Quirites minas illius. Neque verò hæc tam acrem curam requirunt, sicut illa Poëtarum, quos necessitas cogit, sic versus verba includere, ut nihil sit ne spiritu quidem minimo brevius, aut longius, quàm necesse est. Liberior est Oratio, non ut erret tamen. Namque ego illud assentior Theophrasto, qui putat Orationem, qua quidem sit politica, non adstrictè, sed remissius numerosam esse oportere. Etenim sicut ille suspicatur ex illis modis, quibus hic usitatus versus efficitur, post Anapestus, procerior quidam numerus effloruit; inde ille licentior & divitior fluxit Dythirambus, cujus membra & pedes, ut ait idem, sunt in omni locuplete Oratione diffusa. Et, si numerosum est id in omnibus sonis, atque vocibus, quod habet quasdam impressiones, & quod metiri possumus intervallis equalibus, rectè genus hoc numerorum, dummodo ne continuum sit, in Orationis laude ponetur. nam si rudis putanda est illa sine intervallis loquacitas perennis, quid est causa, cur



repudietur, nisi quia hominum aures vocem naturamodulantur ipsæ? quod fieri, nisi inest numerus, non potest. Numerus autem in continuatione nullus est: distinctio est aequalium & saepe variorum intervallorum percussio numerum conficit — n. 30. hanc igitur ad legem formanda erit Oratio. Neque vos Pœan, aut Herois ille conturbet, ipsi occurrent Orationi seq̃, offerrent non vocati. Consultudo modo illa sit scribendi & dicendi, ut sententiæ verbis finiantur, eorūque verborum junctio nascatur à proceris numeris, maximè Heroo: & Pœane priore, aut Cretico, sed variè ac distincte concidat notatur enim similitudo maximè in quiescendo; & si primi, & postremi illi pedes sunt hac ratione servati, medii possunt latere, modo ne periodus ipse verborum sit aut brevior, quàm aures expectent, aut longior, quàm vires & anima patiantur. Clausulas autem diligentius servandas arbitror, quàm superiora, quod in his maximè perfectio judicatur; nam versus aequè prima, & media, & extrema pars attenditur, in Oratione autem prima pauci cernunt, postrema plerique. Duo autem, aut tres sunt ferè extremi servandi & notandi pedes, quos aut Chorios, aut Heroos, aut alternos esse oportebit, aut in pœane illo posteriore. Illud autem ne quis admireretur, quonam modo hac vulgus imperitorum in audiendo notet? cùm in omni genere, tum in hoc ipso magna quadam est vis, incredibilisq̃ natura; omnes enim tacito quodam finè arte, que sunt recta in artibus dijudicant. Nihil est autem tam cognatum mentibus nostris, ac numeri, & voces, quibus & excitamur, & incendimur, & lenimur, & languescimus, & hilaritatem & tristitiam deducimur. Hucusque Cicero. Ex quo clarum est, cum attendisse 1. ad pedes initiorum & clausularum. 2. Ad longitudinem periodorum, earundemque numeros. 3. Ad intervalla. 4. Ad impressiones. 5. Ad similitudinem constructionum cum versibus, quam habent ex clausulis. 6. Ad pedes in Oratione dominantes, seu frequentius occurrentes. 7. Ad mensuram pedum, quatenus æstimatur ex auditu, ac communi aurium judicio.

Quintilianus L. 9. Instit. C. 4. sic ait: Omnis structura, ac dimensio & copulatio vocum constat aut numero, seu Rhythmis, aut Metro. Quod etiam si utrumque constet pedibus, habet tamen non exiguam differentiam nam Rhythmi, id est, numeri spatio temporum constant; Metra etiam Ordine; ideoq̃ alterum esse quantitatis videtur, alterum qualitatis. Rhythmus autem par est, ut dactylus; unam enim syllabam parem brevibus habet. Longam enim syllabam esse duorum temporum, brevem unius, etiam pueri sciunt. Aut est Rhythmus sesquipleus, ut Paon, cuius vis est ex longa & tribus brevibus, tria autem ad duo relata sesquiplum faciunt. Sunt & illa discrimina, quod Rhythmis libera spatia, metris finita. Inania etiam tempora Rhythmi facilius accipient, quanquam hæc & in metris accidunt. Major tamen illic licentia est; ubi tempora etiam animo metiuntur, & pedum & digito-

rum ictu intervalla signant quibusdam notis, atque æstimant, quot breves spatium illud habeat, inde τετραδύμων, πενταδύμων, deinceps longiores sunt percussiones. Nam σμυκελον tempus est unum. Et metrici quidem pedes adeo reperiuntur in Oratione, ut in ea frequenter non sentientibus nobis omnium generum excidant versus. Et contra, nihil est prosa scriptum, quod non redigi possit in quadam versiculorum genera. Hucusque Quintilianus, ex quo patet, syllabarum longarum aut brevium quantitatem per instantia temporis definiri, per quæ lingua in earum pronuntiatione hæret.

PROPOSITIO 2. Quantitas syllabarum in Oratione soluta ex mora pronuntiationis desumi debet, non ex regulis prosodia. Ratio est, quia quantitas syllabarum in Oratione soluta æstimatur ex judicio aurium, quæ nihil aliud discernere possunt, quàm moram temporis in pronuntiatione cuius syllabæ competentem.

PROPOSITIO 3. Syllabarum possunt aliquæ dici Breves, aliquæ Media, aliæ Longa. In Brevibus potest intelligi quoad moram pronuntiationis unum instans temporis, in Mediis possunt intelligi duo, in Longis tria instantia temporis. Breves syllabas denoto signo u Medias signô nullo o longas signô — probatio dependet ab experientia aurium. nam dum sumo quamvis obviam propositionem v. g. hanc:

1. 2. 3. 4. 5. 6. 7. 8. 9.

In principio erat verbum.

Sentio tertiam syllabam longiorem, quartam verò & quintam brevior in ore moram trahere, quam secundam. Inter 2. 7. 9. quoad moram temporis non sentio discrimen, saltem magnum, & speciali attentione dignum. Cùm itaque detur syllaba longior & brevior aliâ quadam tertia: necesse est, triplicis generis ac moræ syllabas reperiri.

PROPOSITIO 3. Syllabæ longæ sunt 1. omnes antepenultima, quando penultima non est pronuntiatione longa. v. g. Dōminus, inspiciat, impi-mitur &c. habent antepenultimam judicio aurium longam, quamvis secundum prosodiam breves essent. Ita monstrat experientia. 2. Omnes initiales in bisyllabis. v. g. erat hōmo mīssus à Dēo.

1. 2. 3. 4. 5. 6. 7. 8. 9.

cui nomen erat Joannes, Constat enim ab experientia, in hoc exemplo 1. 3. 5. 8. 11. 13. trahere

in ore ferè eandem moram temporis; constat etiam, 1. 3. 8. 11. 13. longiorem trahere moram, quàm 2. 4. 9. 12. ac denique constat, 2. 4. 9. 12. longiorem moram trahere, quàm 6. 7. 14. 15. longiorem moram trahere, quàm 6. 7. 14. 15. necesse est igitur, initiales syllabas 1. 3. 5. 8. 11. 13. pertinere ad longas, utpote quæ adhuc duo breviora syllabarum sub se contineant. 3. omnes



omnes initiales in monosyllabis, trisyllabis, quadrisyllabis, quinesyllabis, nisi immediate sequatur pronuntiatione longa. v. g. Sēd vae

vōbis Phārisaī, qui decimatis omne olus, &

prāteritis iudicium Dēi. In hoc exemplo

constat ab experientia Syllabam brevissimam esse 25, hac syllaba longiorem esse 23. & hac iterum longiorem esse 24. huic verò quoad moram pronuntiationis admodum similes esse syllabas initiales 1. 3. 5. 10. 14. 16. 19. 27.

PROPOSITIO 4. Syllabæ breves sunt 1. ultimæ & penultimæ in omnibus trisyllabis, quadrisyllabis, & quinesyllabis, in quibus antepenultima longa est. v. g. vos estis Filii Abrā-

hæ. Vel hoc. Moecenas atavis editæ rē-

gibus, o & præsidium. In primo exem-

plo clarum est syllabam 2. 4. 7. longiorem moram trahere quam 1. 3. & has longiorem, quam 5. & 8. his verò admodum quoad moram similes esse 6. & 9. Itaque & duæ ultimæ syllabæ breves erunt. Eadem ratio est in altero exemplo. 2. Duæ syllabæ qualescunque inter duas longas interjacentes breves sunt. v. g. Væ vō-

bis lēgispēritis, quī tulistis clavem scēntiæ.

In hoc exemplo, clarum est, syllabam 5. 6. 14. 15. breviorē moram trahere quam 1. 3. 10. 12. & has breviorē, quam 2. 4. 7. 11. 13. itaque clarum est, syllabas 5. 14. breves esse. Eadem est ratio in omni alio consimili exemplo. v. g. stultē hāc nocte morieris. Ubi iterum

syllaba 3. brevis est. vel sic. Justū est Dēō. committere omnia.

PROPOSITIO 5. Syllabæ mediæ sunt 1. omnes finales. v. g. Diligēs Dōminū Dēum

tuum. Syllaba 10. habet breviorē se, vide-

licet 2. 5. & longiorē se, videlicet 1. 4. 7. 9. itaque est media. 2. Omnes alia nec breves, nec longa.

PROPOSITIO 6. Ad Hexametrum referri debent propositiones, quæ habent sequentes exitus.

— v u o — v u — o  
o — o — v u — o  
o — v u — v u — o  
— o — v u — o  
— v u — o

Tales propositiones sunt sequentes. o

1. Negligere pecuniam maximū interdū

est lūcrum.

2. Pharisei autem constantē contradicebant.

3. Ut fert proverbium, ex fructu cōgruē-  
tū arbor.

4. Judæi Christum cōdēnabūnt ad mortē.

5. Multi sunt vocati, pauci verō electi.

PROPOSITIO 7. ad pentametrum referri debent propositiones, quæ habent sequentes exitus.

1. — v u — v u o  
2. — v u — o — o  
3. — o — o — v u  
4. — v u — o — v u  
5. o — o — o — o

1. Felix improbitas optimōrum calamitas est.

2. Est res solliciti plēnā timōris amor.

3. Jam tempus lūstri transit in alterius.

4. Quidquid & in tota nascitur anticyra.

5. An crimen, cœpi quod miser esse vocas.

PROPOSITIO 8. Ad Sapphicum carmen referri debent propositiones circiter hendecasyllabæ, seu pentametra, sic dictæ ab undecim syllabis, & quinque pedibus, quæ tamen sequentes habeant conditiones; 1. Ut plures propositiones consimiles se invicem consequantur, 2. Ut aliquæ incipiant à dactylo. 3. Ut claudantur terminatione hexametri omnes. 4. Ut omnes propositiones habeant exitum talē — v — v — v. In exemplo id manifestum fiet.

— v u — o o — o — o  
Crescit indulgens sibi dirus hydrops.

— o — o — o — o — o — o  
Nec sitim pellit nisi causa morbi

— v u — o — o — o — o  
Fugerit venis et aquosus albo

— v u — o  
corpore languor.

PROPOSITIO 9. Ad Phæleciū carmen accedunt propositiones pariter hendecasyllabæ, prope ac pentametra, quæ circa medium habent dactylum, ac terminationem o — o — o ut

— o — o — v u — o — o — o  
Vitam quæ faciunt beatiorē.

PROPOSITIO 10. Ad Asclepiadeū carmen accedunt propositiones circiter duodecasyllabæ, ac tessarametra communiter aut pentametra, quæ in medio ac fine dactylum habent. v. g.

o — o — v u — v u — v u  
Mecoenas atavis edite regibus. Vel:

o — o — v u — o — o — v u  
Inventor rutuli dux bone luminis.

PROPOSITIO 11. Ad Gliconicū carmen accedunt propositiones circiter tetrametra vel tessarametra, octosyllabæ, quæ habent terminationes sequentes — v u — v u vel — o — o — o — o v. g.

— o — o — o — o  
Sic te diva potens Cypri.

PROPOSITIO 12. Ad Archilochiū carmen accedunt propositiones circiter heptametra syllabarum prope 17. quæ ab initio amant dactylos, & in medio, terminationem autem hanc — o — o — o v. g.

Sol.



-- u o -- o -- o -- o -- o -- o -- o -- o -- o -- o

Solvitur acris hyemis grata vice veris et Favoni.  
**PROPOSITIO 13.** Ad Jambicum carmen accedunt propositiones tetrametræ, tessarametræ, pentametræ, quæ præcisè in fine, aut etiam ab initio dactylum habent. v. g.

-- u -- u -- o -- u -- u --  
 Veni creator spiritus.

o -- o -- o -- u -- u --  
 Vel. Amice propugnacula.

-- u -- u -- o -- o -- o -- u -- u --  
 Vel. Ibis liburnis inter alta navium,

**PROPOSITIO 14.** Ad Scazonicum carmen accedunt propositiones circiter pentametræ quæ in fine terminationem habent — o. de reliquo Jambicæ. v. g.

-- o -- o -- o -- o -- o -- u -- u -- o --  
 Ubi Troja nunc est? conflagravit excisa.

-- u -- u -- o -- o -- o -- u -- u -- o --  
 Ubi Chorcebus, nobilisque Casandra,  
 o -- u -- u -- u -- o -- o -- o -- o -- o --  
 Panthusque, & Hector, & Paris capillatus,

-- o -- o -- o -- o -- o -- u -- u -- o --  
 Humerisque gnari sublevatus Anchises?

**PROPOSITIO 14.** Ad Horatianum carmen accedunt propositiones circiter tetrametræ tessarametræ, aut pentametræ, quarum aliqua terminentur in — u u alia in — u u — o. alia in o — o v. g.

-- u -- u -- u -- u -- o -- u -- u --  
 Vides ut alta stet nive candidum

o -- o -- u -- u -- u -- u -- o --  
 Soracte, nec jam sustineant onus.

-- o -- o -- u -- u -- o --  
 Sylva laborantes geluque

-- u -- u -- o -- u -- u -- o -- o --  
 Flumina constiterint acuto.

**PROPOSITIO 16.** Generalissima Regula dimetiendi numeros propositionum, periodorum, sermonum, eosque commode comparandi ad invicem est hæc: 1. Dividatur sermo in periodos, periodi verò in propositiones, & quando hæ nimis longæ forent, dividantur in tot membra, quot libuerit, si nimis breves sint, cum aliis proximis jungantur. 2. Numerentur in quavis propositione syllabæ, & dactyli. 3. Notetur, quanta syllabâ, incipiendo à postremâ, incipiat dactylus? 4. In hac numeratione non comprehendantur primæ quatuor syllabæ cujuslibet propositionis, sed ex specialiter notentur, & observetur, quota illarum, incipiendo à primâ, incipiat dactylus? 5. Numerus syllabarum scribatur per modum denominatoris, numerus syllabæ, inquam incidit dactylus, scribatur per modum numeratoris. Et primo loco scribatur numerus syllabarum quatuor initialium, secundo verò loco, qui à primo loco signo † erit distinctus, scribatur numerus syllabarum subsequenitum. Si ex alterutra parte nullus incidat dactylus, scribatur signum o. si verò ex alterutra parte incidant plures dactyli, numeri syllabarum scribantur continuo ordine, & solo punctulo distinguantur. Hinc numeros sequentium propositionum.

-- u -- u -- u -- u -- o -- u -- u -- o -- o --  
 Vides, ut alta stet nive candidum soracte,

-- u -- u -- u -- u -- o -- o -- o -- o -- o --  
 nec jam sustineant onus sylva laborantes,  
 o -- o -- u -- u -- o -- u -- o -- o --  
 geluque flumina constiterint acuto.

Sic scribes:

1. 4. † 6.      1. 4. † o.      4. † 6.

14.

14.

13.

Vel si numeros v. g. Exordii, quod Cicero habet pro Marcello, exhibere velis, eos sic exhibebis.

-- o -- u -- u -- u -- u -- u -- o --  
 Diurni silentii, Patres Conscripti,

o -- o -- o -- o -- u -- u -- o --  
 Quo eram his temporibus usus,

-- o -- o -- o -- u -- u -- o -- u -- o -- o --  
 Non timore aliquo, sed partim dolore, partim  
 -- o -- u --  
 verecundia.

-- o -- o -- o -- o -- u -- u --  
 Finem hodiernus dies attulit.

3. † 8. 5.    o † 5.    o † 3.    2. † 3.    o † 3

13.

10.

7.

13.

11.

Hæc regula ex eo probatur, quia exhibet omnes diversitates numerorum in aliqua periodo possibiles. Inspicienti enim periodos patet, quoad quantitatem syllabarum aliam diversitatem esse non posse, nisi inter longas, medias, & breves. Longæ & mediæ nullam omnino inter se diversitatem patiuntur, nisi quod una perpetua vicissitudine præcedat alteram, videlicet longa mediam, nisi tantum initio dictionis, ubi media potest præcedere longam. Hæc itaque diversitas sufficienter indicatur per numerum æqualem vel inæqualem numeratoris, aut denominatoris, ut consideranti patet. v. g. in hac propositione

o † 5  
10. facile cognosco, propositionem incipere à syllaba media; dum enim numerus syllabarum est 10. & dactylus incidat in quintam ab ultimâ & ante dactylum necessario præcedat syllaba media, ob perpetuam vicissitudinem mediæ & longæ, necesse erit, ut in primam syllabam, utpote quintam, etiam incidat media. Itaque tota diversitas numerorum esse poterit inter breves comparatas ad longas vel medias. At ex inductione iterum constat, nullibi reperiri syllabam brevem, nisi in dactylo, ubi duæ breves concurrunt. Itaque tota diversitas numerorum dependebit ex diversa combinatione dactylorum cum syllabis longis & mediis; & ea combinatio in nostra regula per numeros optimè explicatur, dum ostenditur, quo loco dactylus reperiatur. Brevis Regula sic demonstratur. Ex hac regula possunt cujuslibet propositionis numeri explicitè exhiberi, ergo ea regula numeros quoscunque sufficienter indicat, & omnem eorum diversitatem possibilem. Antecedens ostenditur ab inductione. Sic, si mihi detur propositio hæc

3 † 8. 5. scio eam exhibere propositionem habentem 14 syllabas, in quarum sexta & nona sit dactylus, incipiendo ab ultimâ; adeoque numeros omnes propositionis esse sequentes.

— o — u u — u u — u u — o

1. 2. 3. 4. 9. 8. 7. 6. 5. 4. 3. 2. 1.

**PROPOSITIO 17.** Similitudo propositionum inter se dependet potissimum à situ ultimi dactyli, aut ejus negatione simili.



Similitudo verò periodorum inter se dependet à numero syllabarum, similitudine, & ordine propositionum, quas utraque periodus continet; quamvis ad ordinem propositionum non tantopere attendi debeat. Et tota periodus potest exhiberi, si numerus syllabarum ponatur loco denominatoris, locus autem singulorum Dactylorum per modum totidem numeratorum. Itaque illa periodus. *Vides ut alia &c. & altera: Diurni silentii &c.* sic exhiberi poterunt.

$$\begin{array}{r} 6 \div 0 \div 6 \\ 42 \end{array} \quad \begin{array}{r} 5 \div 5 \div 3 \div 3 \div 3 \\ 54 \end{array}$$

Bonitas hujus Regulæ ostenditur, quia exhibentur per eam omnia, quæ in periodo sunt objecta specialis attentionis, videlicet, longitudo periodi, & terminationes propositionum, & ordo earum ad invicem. Non exhibet quidem longitudinem propositionum accuratè, quia non attendimus ad numerum syllabarum; exhibet tamen eam propinquè, quia ostendit totum divisum in suas partes, adeoque dum v. g. 42. syllabas video divisas esse in tres propositiones, econtrà 54. syllabas in quinque propositiones, ultrò consequitur priores propositiones longiores, ac graves esse.

Qui accuratius vellet similitudinem aut proportionem numericam propositionum & periodorum inter se inspicere, posset fractiones reducere ad communem denominatorem, sed hic labor non est necessarius. Mihi sufficit, quod ostenderim modum facilem. Harmoniam numericam unius Authoris ad Harmoniam numericam alterius comparandi, ejusque similitudinem vel dissimilitudinem ad oculum demonstrandi.

## C A P. V.

### De variis combinationibus, negationibus, & vitiis in stilo Authorum occurrentibus.

**C**apite 3. ostensum est, quænam sint Elementa stili, & quæ virtutes Scriptorum. Sicut tamen non omnis fert omnia tellus, ita nec omnes Scriptores omnibus virtutibus pollent; itaque reperiuntur in Scriptoribus etiam defectus seu negationes virtutum; & non solum defectus, sed etiam vitia. Diversa talium vitiorum, negationum, & virtutum combinatio diversissimos in Authoribus stilos progignit. De negationibus non est speciatim dicendum, cum ex suis oppositis, quarum sunt negationes, satis cognoscantur. De vitiis igitur, postea de combinationibus dicendum est.

Vitia sunt sequentia,

1. *Cacozelia*, seu perversa imitatio, dum Author ex aliis probatis Aauthoribus vitiosa pro virtute, vel elegantia in se imitatur; aut quæ in aliis Authoribus rarò adhibentur, ipse crebrò adhibeat.

R.D. Enseb. Amort Philosophia.

2. *Puerilitas*, dum Author dictionis elaborata flores, scitè eleganterque dicta, & figuras verborum, sententiarumque, allusiones gratas, rerumque non ineptas descriptiones, & siquid ejusmodi ornamentorum est, loco, temporeque opportuno non adhibet.

3. *Affectatio* eruditionis, vel acutæ dictionis dum acutè dicta, & erudita vel nimium cum fastidio addensantur, vel loco importuno non exigente materia obtruduntur.

4. *Adulatio*.

5. *Obscuritas*. Dum non satis ex verbis liquet, quid Author velit. Fit autem sermo obsecutus ex crebrò quaesitis, ac remotè accersitis tropis, allegoriis, aut tumentibus sine sensu sententiis; ex acutè dictorum multitudine; & festinanti abruptione sensus; ex nimio ornatu per phrasas, epitheta &c. & ex constructione confusa, &c.

6. *Prævaricatio*. dum Author nimis breviter & cursim attingit ea, quæ fortius sunt inculcanda, infigenda, ac repetenda. nam plerisque veritatibus longiore tractatu vis quædam ac pondus accedit. *Gutta cavat lapidem*, sed repetita.

7. *Tautologia*. dum Author verbis synonymis, aut parum mutata phrasi eandem rem sæpius repetit, atque prorsus idem dicit de eodem.

8. *Amputata* nimis, ac abscissa dictio aut periodus. Dum videlicet aures productiorem expectant, aut animus explicationem.

9. *Remissio*. dum Author non tueretur constantiam stili gravitatem, aut objecti maiestatem, aut affectus activitatem. Hoc fit, dum in conclusionem immiscet quaestiuiculas, responsiones, descriptiones &c. quæ ad motum nil faciunt, aut animum à principali objecto suâ attentione averunt.

10. *Divisio nimia* in partes minutissimas, quarum distincta cognitio nullo modo servit ad probationem, aut persuasionem, aut cognitionem & affectionem principaliter intentam.

11. *Impropria* aut non *adæquata* locutio, dum aut aliud verba significant, aut conceptum objecti, quem imprimere animis deceret, vi sua significanti non adæquant.

12. *Interpolatio constructionis* per parentheses, & propositiones incidentes, aut participiorum usus nimis frequentes, aut longas.

13. *Periodorum nimia brevis aut prolixitas*. dum enim periodus ea membra comprehendat, quæ juxta vires hominum ordinarias uno spiritu absque singulari molestia proferri possunt, molestum erit, si aliquid proferatur, quod sit notabiliter infra aut supra expectationem hominum. Sicut autem in versibus sensus vix ultra septem versus producit, ita vix periodus ultra septem membra.

14. *Inopia verborum*, dum Author sine ulla variatione semper iisdem verbis, particulis epithetis &c. utitur.

15. *Circumductio nimis lenta*, dum animus nimis

R r r r



nimis diu suspenditur, dum veniatur ad propositum, aut ad solutionem quæstionis, aut dum ipsum circumductionis objectum non attrahit, & occupat attentionem audientis vel legentis.

16. *Superfluitas* rerum aut verborum, dum Author ea immiscet, quæ aut nullam excitant attentionem, aut mentem non disponent, nec affectum ducunt ad propositum principale. Talis stilus redundans vocatur *Asiaticus*.

17. Si stilus sit *siccus* sine ornatu phrasum, epithetorum, adverbiorum, figurarum, troporum, & circumstantiarum; sed nuda nimis nudè proponatur veritas.

18. Si stilus sit *jejunus* sine motu animi & vigore intellectus; videlicet, sine affectu, sine sententiis, sine inventione.

19. Si stilus sit *lascivus ac luxurians*, dum abundat verbis, phrasibus, & tropis, ac figuris, magis ad delicias aurium, quam significandi vim comparatis; dum epithetis ac substantivis importunè ac minùs significanter ingestis induit stilum Poëticum; dumque audacioribus tropis utitur.

20. Si stilus sit *horridus*, vel ob verba difficilis & inflexibilis pronuntiationis, vel ob conjunctionem verborum auribus absurdam, vel ob numerorum dissonantiam, de qua aures judicant; dum periodi nervose non concluduntur, nec numeris adstringuntur: Dum plures vocales colliduntur, aut plures consonantes colliguntur, Idem stylus *asper, durus, atque hincus* dicitur.

21. Si repetitiones nimix. 22. Eadem figura nimis crebra. 23. Sales frigidi. 24. Metaphoræ frigidae. 25. Sententiarum exiguum pondus ac judicium. 26. Elegans sensus ac dictio in minus opportuno loco posita. 27. Major verborum jactantia, quam soliditas. 28. Materix confusio. 29. Dictio & materia aut sententiæ non proportionata captui eorum, ad quos dirigitur. 30. Si stilus non accommodatus materiæ in sublimi humilis, aut vicissim. Hæc & plurima alia vitia occurrunt in Authoribus: quæ attuli, tantum exempli causa attuli, ut intelligeremus, quanta possit esse ex combinatione diversarum virtutum & vitiorum inter Authores diversitas. Sic dum Cicero à nonnullis dicitur esse *humidus, redundans, Asiaticus, in repetitionibus nimius, in salibus frigidus, in compositione fractus, exultans, ac panè viro mollior*. Hoc ad vitiorum quorundam cum plurimis ejus virtutibus combinationem, qualem vix in alio deprehendes, pertinet. Dumque Quintilianus l. 2. c. 10. ait: *Eminere Demosthenem sublimitate, cultu, impetu, ac compositione, sed non insurgere locis, non gaudere figuris, non nitere translationibus, non dare vocem carentibus, carere etiam Epilogo*. Hoc sine dubio, ad virtutem & negationum combinationem prorsus singularem pertinet.

Verùm ut de stilo ex combinationibus variis resultante facilius feramus judicium, observandum; quatuor summa communiter ponuntur stili genera 1. Concisum. 2. Circumductum. 3. Argutum. 4. Grandem. In quolibet horum quatuor generum dantur iterum tres species; 1. Stilus Epistolaris. 2. Historicus. 3. Oratorius. Quales in quolibet horum combinationes virtutum, negationum, ac vitiorum intervenire possint, Masenius in *Palæstra Styli Romani*, pluribus deducit, atque exemplis illustrat. Pauca ex ipso delibò, ut de quovis stilo possimus ferre judicium.

**STILUS CONClISUS** est, inquit, qui vel paucis verbis cum virtute absolvit sententiam, vel sæpe insistens periodum nervosè implet. In hoc stilo requiritur 1. ut lectissimæ voces sint, & magna significandi virtute præditæ, ne Epithetorum supplementis frequententer egeant. 2. Ne quidquam adhibeatur, quod salvo eodem sensu possit removeri. 3. Rerum sententiæ adstrictis, brevibusque phrasibus exponenda est. 4. Amat oppositiones, aut correctiones, vel exceptiones ab iis, quæ dicta sunt. Subitas item admirationes, exclamationes, & interrogationes. 5. Cum periodi aliquantulum producantur, solent incipi minima vel dissolutè & sine conjunctionibus, vel etiam iteratis conjunctionibus iisdem accipari; repetitiones quoque earundem particularum frequentari. 6. Gnomæ, paræmiæ, antiquitates inspergi, Græca nonnunquam, præsertim sententiosa admisceri. Cum autem hæc concisione sententiarum Epistolari Sermonis dignitas gravitasque nonnihil attenuetur, nunc insistente, nunc rursus præcipiti sine certis numeris dictione, in Historico, conciso generi dicendi immoranti, plenior aliquantulum, & ad numerum magis composita incedet oratio. In Epistolis juvenili prosilit, discurritque impetu, nunc subsistit, nunc cursim fertur, nunc graditur rursus oratio, sed Historicus viri maturioris incellum refert, majorique insistit copix semel viæ constantia, neque ordiri, neque finire ubique cursum parcat. Quamquam, ut viri idem confecturi iter non iisdem omnibus incidunt passibus sed brevioribus pygmaeis at frequentius iteratis, longioribus at tardius repetitis homines gigantei, ita quibus stylus historia vel concisior vel productior est, pygmaeis magis, hi giganteis similiores, orationis periodum consueunt. Sui quisque ingenio aut arte hanc mensuram definit; verba pro pedibus, incisa pro passibus sunt; illi tamen videntur currere, hi incedere, cum eodem dictionis ambitu pari via circumferuntur. Oratio, quæ conciso stylo utitur, ab Epistolico Historicoque, in hoc potissimum differt, quod præter figuras huic dictioni familiares longioribus per ejusmodi incisa periodis circumferatur, tum præsertim, cum animis ad movendos diversos affectus admoveatur, à Tullio in Catilinaria, aliisque causis vehementioribus non raro usurpata epigrammaticum



dicticum tamen genus brevibus magis ludit periodis.

intra periodos fertur concitatus. Cum res ardua ac magna est, vel ad ornatum, vel ad motum, periodos productiores proponit, cum præcepta ac leges dantur, breviores.

**STILUS CIRCUMDUCTUS** stilo conciso opponitur, dum tam amplo verborum, sententiarumque numero evolvitur, ut & animi audientis impleat, & ultra satietatem non excurrat. In hoc stilo 1. non est opus tanto verborum delectu, cum epithetis ad vim ornamentumque Orationis adhibitis energia illa suppleatur. 2. Locuples magis phrasium, sententiarumque apparatus usurpatur; & ut in concisa dictione tenuit mundities, ita hic luxuriosus quidam regius amatur. 3. Calidæ illæ, vibrantesque figuræ, interrogationes, exclamationesque admoventur parcius, nisi ad motum comparata sit Oratio. Idem de paræmiis, gnomisque sentiendum. 4. Opposita non tanta in luce, tamque nude ac frequenter contra se, velut in acie collocantur, sed cultu aliquo dictionis vestiuntur, nexuque suaviori, tanquam conciliata hærent, ac commiscuntur, quæ in concisa aperte pugnant. 5. Particularum magna cura, ut his vinculis tanquam ligata Oratio suaviter ad finem usque periodi coherens evolvatur. 6. Numeri, membrorumque sua sibi in toto ambitu proportionem coherentium ratio singularis habenda est. *Stilus Epistolaris* circumductus tunc placet, si nec lenta circumductione suspendat, nec subita præcisione Orationem abruptat: Absit hinc epithetorum phrasiumque apparatus, solo nexu atque implicatione membrorum apicem hæreat, suaviterque in orbem volvatur, qui nunc brevior, nunc laxior in duorum vel trium heroicorum versuum circuitu absolvatur.

Stilus circumductus Historicus ab Epistolari parum differt; magis tamen stringit addensatque sententias, phrasin elevat, illustrioribus utitur metaphoris, opposita majori in luce eminent; sententiosè & acutè dicta sensum legentis fortius feriunt.

Oratio circumducta eidem rei amplificanda, exaggerandaque per diversa adjuncta inhzret illustratur dissolutione, & apta commixtione phrasium, collocatione, ac connexion sententiarum. Latior aperitur campus troporum, figurarumque est; his etiam cum aliqua concinnitate implentur periodi, repetitiones particularum gratiam conciliant, enumerationum partium, adjunctorumque expositio ambitum orationis explent & attollunt, oppositio sententiarum per particulas, *tantum, quantum, non modo, verum etiam, neque vero, sed &c.* Diducenda & ornanda periodo tergit; quo periodus brevior est, eo longioribus utitur membris; tanto contra brevioribus, quo illa longior, ut multitudine corrigat tarditatem. In rebus ad ornatum compositis, numerosa magis membris productioribus incedit; in iis, quæ ad motum spectant, suis incis

R. D. Enseb. Amori Philosophia.

**STILUS ARGUTUS** in hoc consistit, ut cogitationem transferat ad opposita & adversantia illi rei, de qua disseritur, utque rationem aliquam eruat, cur eadem de re talia asseras, eique tribuas, quæ communi sensu minimè tribuenda viderentur, aut certe neges de re, quæ illi ex vulgi opinione maxime propria judicantur. His enim potissimum expectatio auditorum aut fallitur aut superatur rei enuntiata raritate: nec quidquam mentem altius figit penetratque, quam inopinata sententia, velut ex occulto producta veritas. Magna in hoc genus scribendi inuenta est corruptio, quæ affectato quodam aculeata dictionis studio penè omnes infertit periodos, & quod ad oblectationem magis, quam ad robur ac vim persuadendi natum est. Verum, ut melle vel aceto immoderatus affuso ciborum vigor opprimitur, ita his condimentis intemperanter usurpatis desipit Oratio. Cavendum itaque, ne vel crebris nimium argutiis, vel obscuris mens lectoris defigatur; ne res tenues his ornamentis excolantur, ne frigidis, parumque nervosis crepundiis occupetur, aut puerili interpretatione dictorum & factorum prorsus à seria aut vera intentione agentium & loquentium recedente desipiat.

**STILUS GRANDIS** est, qui mole duplici, *virtutis* energia, & sententiarum amplitudine supra communem dicendi usum assurgit, humilia, protritaque fastidit, & eruditorum auribus ad plausum inservit. *Virtus* in significatione eminet; *amplitudo* in gravium sententiarum majestate. Laudi inprimis ac reprehensioni hic stilus adhibetur, tum rerum descriptionibus graphicè exponendis idoneus est. In hoc stilo elevatur 1. Phrasis verbis tum grandioribus, tum etiam rarioribus, modo opportuno loco ac tempore adhibeantur. 2. Apta translatione, qua res laudanda per inductam illustri rei similitudinem tanquam in splendido aliquo ornatu spectanda; vituperanda rursus in aliunde despecta rei imagine contemnenda proponitur. 3. Extollit orationem rariorum phrasium opportuna inductio. 4. Epithetorum illustrium minimèque otiosorum discreta usurpatio, crebrior quoque substantivorum, moderata tamen inductio, quæ vel epithetis opportunum locum facit, vel eorum sententiæ officio fungitur. 5. Antiquitatum, historiarumque allusio eruditam dictionem à vulgari humilitate ad quandam dignitatem, & æstimationem doctorum transfert, quam vulgus admiratur tantum, non percipit multum etiam hic stilos à Poëtica dictionis venustate mutuatur. Grandem etiam stilum facit, quidam adstrictus, ac velut per gravis viri Oracula libratus, præc

R r r r 2

lusque



susque sermo, qui plerumque sensu, quam verbis uberior multa lectori cogitanda relinquitur.

sunt, aut fuerunt Oratores, amplecti volumus, numne fore, ut, quot Oratores, totidem panes repantur genera dicendi?

## CAP. VI.

### Traduntur ac demonstrantur Regula pro dignoscendis ex stylo Authoribus.

**REGULA 1.** Consensus fere universalis virorum doctorum, indifferentium, in scriptorum controversorum genere exercitatorum, & Authores controversos attente legentium, est argumentum moraliter certum pro identitate aut diversitate stili, de quo iudicant. Demonstratur. Inter omnes Authores, quotquot hactenus fuerunt, non minor est in cogitando, adeoque etiam sensu verborum, & stilo diversitas, quam est inter vultus hominum. Ergo sicut vultus hominum humanis sensibus, ita etiam stili Authorum humano intellectu non depravato morali certitudine discerni possunt. Antecedens demonstratur ex scriptura, experientia, & ratione. Scriptura ex versione Septuagintavirali Proverb. 27. sic ait: *Sicut vultus vultibus similes non sunt, ita corda hominum non sunt similia.* ὡςπερ καὶ ὅμοια πρόσωπα πρὸς ὅμοια, ἔως ἴδε αἱ καρδίαι τῶν ἀνθρώπων ὅμοιαι. Constat autem per cor in Scripturis intelligi principium cogitationum & affectionum, juxta illud Christi Matth. 15. v. 19. *De corde exeunt cogitationes ut proin sensus sit: Sicut vultus vultibus similes non sunt, ita & cogitationes atque affectiones hominum similes non sunt.* De experientia testantur in his rebus experti, Quintilianus, Sidonius Apollinaris, Cicero. Quintilianus l. 2. C. 9. ait: *Est in ingenis incredibilis quedam varietas, nec pauciores animorum panes, quam corporum forma, quod intelligi etiam ex ipsis Oratoribus potest, qui tantum inter se distant genere dicendi, ut nemo sit alteri similis.* Sidonius l. 7. C. 18. ait: *Ita mens patet in libro, sicut vultus in speculo.* S. Augustinus Epist. 18. ait: *Stylus habet quandam propriam faciem, qua possit agnosci.* Cicero l. 3. de Oratore sic ait: *Quid est in naturis rerum, transferri potest ad artes. Una fingendi est ars, in qua prestantes fuerunt Atyro, Pollicetus &c. Qui omnes inter se dissimiles fuerunt. Una est ars pictura, dissimillimi tamen inter se Zeufis, Apelles. &c. Et si hoc in mutis artibus, quanto id admirabilius in Oratione & lingua, qua cum in eisdem sententiis & verbis versetur, summas habet dissimilitudines? Aspicite, quid intersit inter Oratorum studia: Quis eorum cujusquam, nisi sui similis? Quod si in nobis, qui adsumus, tanta dissimilitudines, tam certe res cujusque propria, quid censeatis, si omnes, qui ubique*

Ratione denique probatur idem antecedens sic: Ex proximè dicendis patebit evidenter, plures esse possibiles diversitates in stilo Authorum, quam totum universum, cælum & terra, capere possit minutissimas arenulas maris; ergo est moraliter impossibile, ut ex tot diversitatibus propemodum infinitis possibilibus nulla prorsus in diversos Authores irrepat diversitas. Consequentia patet ex Arte Critica & Legibus Contingentium quibus ostenditur, Contingentia non procedere uniformiter. Pater etiam ex aleis; si enim haberem aliquot alearum millia, in quibus tot casus diversi essent possibiles, quot universum capere potest arenulas, quilibet agnosceret moraliter impossibile esse, ut omnes aleæ contingenter projectæ signent unitatem, aut ut altera vice eundem numerum obtineam quem primo jactu obtinui. Pari ergo modo, si tam infinitæ inter diversos Authores sunt possibiles diversitates, & quidem tales diversitates, quibus non solent differre Authores iidem à seipsis, impossibile erit, ut contingenter nulla eveniat diversitas, cum in diversis Authoribus nullum detur constans ac uniforme principium, per se ad hoc natum, ut omnem diversitatem excludat. Itaque ostensum est, tantam esse diversitatem in stilo Authorum, quanta est inter vultus hominum, quod in antecedente posui. Demonstranda est nunc Consequentia, videlicet eam diversitatem æquè humano intellectu non depravato discerni posse, ac dissimilitudo vultuum humanorum sensibus humanis comprehenditur, licet nec ista, nec illa verbis sat explicari possit. Sic procedo:

Dantur innumeræ res humanæ ac naturales, quarum diversitas ab homine sentiri, non tamen explicari potest: & ratio, cur illa diversitas sentiri non tamen explicari possit est propterea eadem in diverso Authorum stilo; ergo etiam hujus stili diversitas sentiri poterit, quamvis explicari non possit.

Antecedens quoad primum membrum probatur ab inductione. Sic: 1. Datur diversitas inter vultus hominum infinita; sensus statim eam deprehendit; in quovis etiam hominum imperitissimo datur ea sagacitas; si tamen eundo per integrum exercitum quæram, in quo consistat uniuscujuslibet in vultu ab altero diversitas, vix Philosophorum peritissimus respondebit; in quibusdam quidem monstrari poterit diversitas ex magnitudine, longitudine, latitudine, colore, siquæ oculorum, capillorum, frontis, narium &c. diversis affectionibus; si tamen de centum hominum milibus, & ulterius perquam quærendo, lenius quidem fatebitur se diversitatem agnosce-

re, in



re, in quo tamen consistat, non posse explicare. 2. In Musicis aures sentiunt infinitam varietatem; aliqua harmonia grata, alia ingrata; aliqua jucunda, alia tristis est; & singuli *Compositæ*, ut vocantur, habent aliquid singulare; nec tamen Musicæ peritissimus facile explicaverit, in quo ea consistat diversitas; credimus tamen auribus, & obfirmate dicimus, hanc stropham esse à priori diversam, vel eandem, si ad invicem conferantur; hanc compositionem esse priori similem vel non esse similem. 3. In picturis facile dignoscitur manus unius pictoris ab altera, modo quis artem pictoriam parùm intelligat; & tamen accuratam diversitatis tradere explicationem difficile est. 4. Datur ingens diversitas inter homines in modo agendi & conversandi, aliqui homines habent in modo agendi aliquid, quod blandiatur, placeat, ac rapiat; in quo se distinguunt à cæteris; si tamen queratur, in quo consistent illæ oris gratiæ, & omnium actionum illecebræ, cogeris fateri cum Graciano in suo *l'homme de Cour*. Maxima 127. eas consistere in aliquo *Nescio quid*. *Je-ne-sçai-quoi*. 5. Datur in Oratione aliqua *Color quidam* gratus animis & auribus audientium; datur numerus quidam, qui etiam imperitum vulgus offendit, aut allicit; si quæras ex uno talium, in quo consistat ea diversitas orationis coloratæ & non coloratæ, numerosæ & non numerosæ; ipse Tullius se elinguem fatebitur. In Bruto de hac re sic habet: *Externis Oratoribus idem tribuo, quod urbanis, præter unum, quod non est eorum urbanitate quadam quasi colorata oratio. Quid est iste urbanitatis color? nescio: tantum esse quendam scio*. 6. Omnes, quorquor Ciceronem norunt, norunt eum inter Oratores vincere; illud tamen, in quo vincit, nemo satis explicat, ut bene observat Malenius. *Vincit Cicero*, inquit; *quæ causa obsecro? vis illa dicendi, quam ut cætera assequantur omnia, nemo æquat; quanam ista igitur? an artis solertia, aut naturæ singularis beneficio hanc ita texit, ut omnes eam videant, & simul ea lateat omnes? mirum profecto; eminere sentiunt propemodum Universi, in quo tamen illa sic eminens Orationis & vis & majestas consistat, nemo satis explicat. Siquid certe designaverint, id ejusmodi semper cuique visum est, ut maneret imitabile*. l. 2. Palæst. C. 10. §. 5. Quod in his exemplis reperimus, idem in innumeris aliis invenitur; latet & non latet aliquid *nescio quid*, quod sentiri, sed explicari non potest; sic si duo viri eundem sermonem ad populum habeant, alter movebit, alter non movebit, in illo loquitur aliquid *nescio quid*, serium, sanctum, ex intimo cordis ad divina trahentis profluens; in altero inania verba & clamor, & actio tinniant. Sic miramur majestatem ac elegantiam templi aut ædificii; in quo consistat ignoramus. Sensus, phantasia, intellectus multa simul confusè comprehendunt, & quia totam illam ideam uno verbo explicare non possunt; neque eam ordinate dissolvere,

& sic ordinatè dissolutam iterum ordinatè in altèrius intellectu adificare norunt, explicare nequeunt, quæ intelligunt, aut percipiunt.

Ostendo itaque alterum Antecedentis membrum, quod in diverso Authorum stilo eadem sit ratio, cur quidem diversitas intelligi, ut in adductis exemplis, sed explicari non possit. Ratio, cur diversitas rerum intelligi, sed non explicari possit, aliæ excogitari non potest, nisi aut quia omnes objecti partes diversitatis constitutivæ sic confusè intellectui impressæ hærent, ut homo rudis eas colligere in ordinem, ordinata dissolvere, & dissoluta denuo in ordinem redigere non possit; aut quia omnes partes diversitatis constitutivæ tam leviter memoriæ impressæ sunt, ut nullam aliam sui relinquunt speciem & memoriam, nisi hanc solam, quod aliquando habuerimus cognitionem de ea rerum diversitate. Sic rustici solent dicere; pulchram omnino fuisse concionem; sed, quid concinator dixerit, protinus ignorant. Hi profectò norunt, se habuisse aliquando in anime verba concionis, norunt inasper, se in us verbis sensitisse magnam elegantiam & diversitatem à toto genere concionandi, sed ipsa verba exciderunt, & ideo in quo consistat verborum elegantia ac diversitas, explicare non possunt. Idem contingit, dum audivimus virum gravem seriò omnino concionantem, aut dum legimus librum Afceticum, aut Theologicum mira soliditate aut fervore insistentem, unè dubio tunc singulas dicentis aut scribentis propositiones attente consideravimus, & comparavimus omnes singillatim cum affectionibus, impressionibus, notionibus, habitibus, & tota constitutione animi nostri; vidimus ergo tunc in momento singulas propositiones convenire omnimoda similitudine cum seriis affectionibus, eas etiam convenire cum sinceris habitibus, eas etiam convenire cum nostris fervidis non affectatis motibus, eas etiam convenire cum regulis rationis solidæ nostris, eas etiam nunquam convenire cum sensibus nostris mundanis, nunquam convenire cum nostris conceptibus arte, aut studio, aut diligentia, aut consilio paratis, nunquam convenire cum iis mentis actionibus nostris, quæ ullam relationem ad causam aliquam efficientem, dispositivam, aut finalem mundanam habeant; hæc omnia, & multa alia mens nostra audiendo aut legendo in singulis propositionibus distinctè quamvis tantum in momento; videt; omnes eas relationes propositionum singularum ad diversas habitudines mentis nostræ, & ad alia multa objecta, adeoque etiam earum similitudinem, aut dissimilitudinem, conformitatem, aut diversitatem simul comprehendit; sed quia singulæ concionis aut libri propositiones velociter prætereunt, ac quasi prætervolant, non insigunt memoriæ sui distinctam speciem, sed hanc solam ultimatò relinquunt in memoria reminiscentiam, se concionem seriā, piā, verā audivisse, aut librum esse solidum; quo fit, ut in animo relinquatur immobilis libri



æstimatio, aut seria compunctio, etsi post aliquot annos quæsitæ, cur hunc librum vel Authorem tantopere æstimemus, non amplius reddere possimus rationem, quia videlicet species præcedentium cognitionum extinctæ sunt, nec quidquam aliud in memoria relinquitur, quam reminiscencia, quæ agnoscimus, nos aliquando grandem hanc æstimationem concepisse, & hujus æstimationis fundamenta convincentia habuisse. Contingit in tali casu nobis idem, quod Socrati quondam apud Platonem contigit; cum enim ex ipso quæteretur, unde tam insolitas opiniones hausisset? Respondit: *Sentio mihi pectus plenum iis, quæ præclare dici possunt, & hoc solum scio, tam sæcunda dogmata ex meipso, fundo sterili, non germinasse.*

Altera ratio, cur diversitas cognosci, non tamen explicari possit, assignata à me est, quia principia diversitatis constitutiva tantum confusè cognoscuntur; omne enim confusum quandam infiniti speciem habet, quod nec numerando exhaustiri, nec intelligendo comprehendere possit; sic dum ætra cœli libero oculo indoctus contemplatur, ab eorum confusam notitiam innumera esse existimat, & ea à se numerari posse prorsus desperat; dum interim alius Astronomiæ peritus, qui novit stellas in suas constellationes justo ordine redigere, facillimè numerari posse, & vix duo aut tria millia in nostro hemisphærio agnoscit: dum quis exercitum conspicit dissolutis ordinibus balantem, multitudinem innumerabilem, sicut arenam, quæ est in litore maris, esse pronuntiat; licet in suas centurias, & chiliadas, & legiones distributus facillimè numerari possit. Idem in sensibus nostris contingit; dum oculus videt vultus hominum diversissimos; principia diversitatis constitutiva sunt color, magnitudo, figura, &c. hæc principia in oculo ordinatè depinguntur, sed dum intellectus eadem principia seorsim considerare incipit, nascitur ingens eorundem principiorum in intellectu confusio, sicque amisso ordine nescit intellectus, in quo consistat rerum visarum inter se diversitas, licet sciat, se obtutu simplici considerando rerum diversitatem cognoscere evidenter.

Jam harum duarum rationum alteram vel ambas in dijudicando Authorum stilo locum habere, ostendo. Quando vir indifferens, & exercitatus attentè legit duos libros, sine dubio singulas utriusque libri propositiones attentè considerat; considerat proinde attentè materiam, inventionem, affectum, vocum proprietatem, phrasin, eruditionem, tropos, figuras, numeros, gravitatem dicendi, & singula, quæ Capite 3. & 4. & 5. dixi in stilo Authorum considerari posse, considerat vir exercitatus in momento, sine ulla reflexione ad regulas, sine ullo labore, quia dum species propositionum singularum animo imprimuntur, ultrò in sereno intellectu similitudo, aut dissimilitudo illarum specierum cum aliis quibuscunque speciebus antecederet

impressis, & in animo existentibus, cum quibus aliquam relationem habere possunt, panditur, sicut similitudo aut dissimilitudo rerum infinitarum orto Sole ultrò sine labore ab oculo cernitur. Itaque, postquam species singularum propositionum utriusque libri, quem vir ille legit, ad animum delatæ sunt, statim agnoscit, hanc vel illam propositionem habere similitudinem cum aliis propositionibus antecederet in animo existentibus quoad materiam, quoad acumen, quoad affectum, quoad proprietatem aut improprietatem vocum, quoad phrasin, quoad numeros &c. sic, que eundo per singulas duorum librorum propositiones agnoscit singularum propositionum inter se, vel cum aliis tertiis similitudinem, aut dissimilitudinem, & ad finem libri dicere poterit, hos duos libros esse similes vel dissimiles inter se, licet non possit dicere, in quo illa similitudo, aut dissimilitudo consistat, quia nempe ipsas propositiones jam oblitus est, aut certè tam multiplices singularum propositionum relationes ad tam diversos relationis terminos tantum confusè id est, sine ordine, quamvis distinctè ac clarè cognoscit.

Dico præfata omnia necessariò contingere in animo viri indifferens, & exercitati, adeoque etiam in eodem animo necessariò consequitur iudicium legitimis principiis vix unquam fallentibus nixum de similitudine aut dissimilitudine stili. Q. E. D.

*REGULA 2. Similitudo aut dissimilitudo stili dependet ex combinatione Elementorum stili diversificantium.* Per Elementa stili diversificantia intelligo omnia, quæ C. 3. 4. & 5. enumeravi, videlicet materiam, inventionem, affectum, voces, phrasin, particulas, figuras, eruditionem, numeros &c. ubi bene notandum est, ad hæc Elementa non pertinere ea, quæ sunt omnibus Authoribus communia, ut

sunt voces ab omnibus Scriptoribus in eadem materia atque occasione usitatæ; hoc tamen non obstante pertinere ad hæc Elementa habitus quosdam ac consuetudines Authorum particulares, non omnibus Authoribus communes, duc v. g. aliquis Scriptor consuetudinem habet, se semper utendi eadem phrasin, eodem verbo, eodem tropo &c. dum interim alii Authores variare solent, utendo synonymis hinc inde diversis. Insuper notandum, ad Elementa stili diversificantia non tantum referri ea, quæ sunt uni tantum Authori singularia, sed omnia ea, quæ non sunt omnibus Authoribus communia, licet multis aliis Authoribus communia sint; quia tale Elementum jam sufficiens est ad fundandam diversitatem cum illis saltem Authoribus, qui tali Elemento in eadem occasione ac materia constanter nunquam uti solent. Jam similitudinem aut dissimilitudinem stili ex combinatione talium Elementorum inter se dependere, ostendo. Ponamus tantum octo Elementa stili diversificantia

1. Inventionis acumen.
2. Vim movendi affectus.
3. Vocum proprietatem.
4. Phrasium elegantiam.
5. Figurarum



rarum pulchritudinem. 6. Troporum lu-  
cem. 7. Eruditionis copiam. 8. Nu-  
merorum harmoniam. Dico: si hæc octo  
Elementa diversimodè inter se permisceantur,  
prodituros stilos inter se diversos ducentos quin-  
quaginta quinque, ut ex regulis combinatio-  
nis liquet, ex quibus constat, numerum com-  
binationum possibilem aequalem esse producto bina-  
rii, toties positi & multiplicati in se, quot  
sunt data res, unitate tamen imminuto. Potest  
enim fieri, ut unus Author emineat in inventio-  
ne tantùm

*Alter in affectibus*

*Tertius in proprietate vocum*

*Quartus* in phrasibus,

Quintus in figuris

*Sextus in tropis*

*Septimus in eruditione*

*Octavus* in numeris

*Nonus* simul in inventione & affectibus.

*Decimus in inventione, & proprietate vo-*  
*cum.*

*Undecimus in inventione, & phrasibus*

*Dodecimus in inventione & figuris.*

13ms. in 1. & 6.

14. in 1. & 7.

15 in 1. & 8.

16 in 2. & 3.

17 in 2. & 4.

18 in 2. & 5.

19      in 2. & 6.

20      in 2. & 7.

21 in 2. & 3. Et sic pergendo usque

ad 255. semper erit diversus stilus, præcise  
ad diversam Elementorum inter se combinatio-  
nem. Itaque clarum est diversitatem stili de-  
pendere ex diversa combinatione Elementorum  
stilum diversificantium. Q. E. D.

*REGULA 3.* Longè plures sunt possibiles diversitates in Authorum stilo , quàm caperent. Universa omnia arenulas minutissimas, etiamsi Deus crearet tot universa , quot arenulas capit totum istud nostrum universum completens cælum & terram. Demonstratur. Capite 3. 4. & 5. ostensum est dari plùs quàm triginta Elementa stilum diversificantia ; in singulis Elementis ostensum est, dari adhuc plures modos stilum diversificantes, & si omnes illi modi addantur , facient plùs quàm ducenta Elementa stilum diversificantia : si insuper accipiantur in particulari singulæ voces ratiore, phrasés selectiores, objecta eruditionis particularia, vel consuetudines Authorum singulares, dubium non est, facilitè assignari posse Elementa plùs quàm quingenta, in quorum singulis unus Author possit differre ab altero. Si hæc quingenta Elementa combinentur ad invicem, fient combinationes plùs quàm

|         |  |        |  |        |  |        |
|---------|--|--------|--|--------|--|--------|
| 4000000 |  | 000000 |  | 000000 |  | 000000 |
| 000000  |  | 000000 |  | 000000 |  | 000000 |
| 000000  |  | 000000 |  | 000000 |  | 000000 |

000000|000000|000000|000000|000000|  
 000000|000000|000000|000000|000000|  
 Universim sunt cyphræ centum quadraginta-  
 quatuor, quæ longè majorem numerum con-  
 faciunt, quàm universum caperet arenulas,  
 etiam multiplicatum toties, quot sunt ipsæ are-  
 nulæ, quas capit. Si essent tantùm sexaginta  
 quatuor Elementa, jam facerent combina-  
 tiones plùs, quàm 4000000|000000|000000.  
 Si essent 128. Elementa, facerent combinatio-  
 nes plùs, quàm 8000000|000000|000000|  
 000000|000000|000000. Si essent Ele-  
 menta 256, facerent combinationes plùs, quàm  
 16000000|000000|000000|000000|000000|  
 000000|000000|000000|000000|000000|  
 000000|000000|000000|

REGULA 4. *Est moraliter certum, duo opuscula, quæ conveniunt in plura, quam 128. Elementis stilum diversificantibus, & vix differunt in viginti talibus Elementis, habere eundem Authorem. Demonstratur. Ex legibus combinationis constat, centum viginti octo Elementa fundare diversitates possibiles in stilo, plura quam*

8000000|000000|800000|000000|000000|  
000000| e contra viginti Elementa tantum fun-  
dare diversitas possibilis 1040400, seu rotun-  
dè 1000000, id est millionem. Adeoque  
inter illa duo opuscula ultra hunc millionem  
diversitatum possibilium fuissent adhuc possibi-  
les diversitates

8000000 | 000000 | 000000 | 000000 | 000009 |  
000000. Quorum tamen nulla contigit. Est  
autem moraliter impossibile, ut ex tot millio-  
nibus diversitatum possibilium inter duos Au-  
thores contingenter ne quidem una contingat,  
aut ut ulla humana providentia, imitatione,  
studio, communi instructione, aut consuetu-  
dine mutua tam infinitæ propemodum occasio-  
nes dissimilitudinis præcaveantur, ac decli-  
nentur, nisi quis de industria alterum Autho-  
rem etiam quoad vitia, & omnes prorsus mo-  
dos elocutionis, & cognitionis exscribere velit;  
Ergo etiam est moraliter impossibile, ut duo  
opuscula præfata non habeant eundem Au-  
thorem. Antecedens demonstratur ex *Legi-  
bus Contingentium*, quæ non procedunt uni-  
formiter: v. g. Si duo homines haberent in  
manu mille aleas, ex quarum jactu possibiles  
essent casus plures quàm

8000000 | 000000 | 000000 | 000000 | 000009 |  
000000. Quilibet agnosceret, moraliter impos-  
sibile esse, ut ambo jacerent statim prima vice  
eundem numerum: namque ex hac impossi-  
bilitate dicimus; si viginti quatuor litteræ alpha-  
beti contingenter projicerentur, nunquam ta-  
men proventuram Iliadem Homeri, aut si Atomis  
per totam æternitatem perpetuo motu agitare-  
tur, nunquam eas tam ordinatam combinationem  
qualis



qualis est in hoc mundo, effecturas: Itaque si uo Authores possunt in tot milliones dissimilitudinum incidere, impossibile est, ut non frequenter in eas incident.

Dices: Virum doctum præcavere posse, ne in ullam dissimilitudinem cum altero Authore incidat. Sed hoc dici non posse, demonstro; tot milliones dissimilitudinum possibilium à nullius hominis intellectu cognosci possunt: ergo multò minus præcaveri. Antecedens demonstro: si homo centum annis viveret, & singulis diebus decem horas impenderet cognoscendis omnibus dissimilitudinibus possibilibus, & singulis minutis centum novas semper possibiles dissimilitudines retereret, tamen intra centum annos non detegeret & cognosceret plures dissimilitudines posibles, quàm 2190000000. adeoque ex omnibus possibilibus dissimilitudinibus 8000000|000000|000000|000000|000000|000000|000009|000000 respectivè adhuc vix unicam intra centum annos cognosceret. Impossibile ergo est, ut homo sua providentia præcavere possit tot posibles diversitates inter se, & alios Authores.

Dices 2. Facile esse, ut quis imitetur 128. Elementa stilum diversificantia, quæ quis in altero Authore reperit, maxime si se continua lectione in altero Authore exerceat, vel cum in Magistrum, aut socium habeat, aut si diligenter omnes alterius Authoris argumenta, affectus, voces, phrasas, figuras &c. notet. Atqui imitando illa 128. Elementa coiplo evitabit omnes dissimilitudines ex combinatione talium Elementorum provenientes, quia omnis possibilis dissimilitudo tantum consistit in omissione unius vel alterius Elementi. Poterit etiam quis ad singulas propositiones se examinare, an non omiserit unum ex illis 128. Elementis, ut certus sit, per decursum operisse nullum illorum Elementorum ullibi data opportunitate omisisse. Respondeo; Concessa Majore; negando Minorem, & oppositum clarè demonstrando. Ponamus, quod aliquis se diligenter exerceat in lectione Ciceronis, & quod diligenter in illo observet omnia illa stili principia, in quibus Ciceronem ab aliis Oratoribus differre, deficere, aut eminere existimat, quod utique facile fieri posse concesserim: ponamus omnia illa diversitatis puncta, quibus Ciceronem modo ab hoc, modo ab illo Oratore differre existimat, sint 128. si talis postea in suis Orationibus omnia illa 128. puncta observare voluerit, id sibi impossibile fore, seque Ciceroni parem esse non posse experientia doctus sentiet. Cur autem hoc impossibile sit, hæc est ratio; quia ne ipse quidem Cicero illa 128. puncta ubique in omni loco, in omni propositione, in omni periodo, in omni oratione, aut materia simul ac semel observat, sed eadem pro opportunitate diversissimè combinat; combinationes illæ sunt innumeræ possibiles, ut ostensum est, videlicet posibles 8000000|000000|000000|000000|000009|000000 hæc ne minima quidem sui parte cognosci possunt,

ut ostensum est; adeoque præcaveri non possunt; ut pater; adeoque Orationi nostræ hinc inde immiscent combinationes à Ciceronianis diversissimæ; ut ex *Legibus coningentium* ostensum est; adeoque cum illis 128. punctis, in quibus nitimur Ciceronem imitari, commiscantur non tantum viginti, sed centum, aut mille alia Elementa stilum diversificantia, in quibus à Cicerone differimus, unde hinc inde combinatione, qua Cicero usus non esset: adeoque quocunque adhibito imitandi studio nunquam pervenimus ad casum in Regula 4. positum, quo unus Author ab altero in 128. Elementis stilum diversificantibus convenit, & ab eodem tantum in viginti Elementis differte invenitur. Q. E. D.

Dices 3. Multi possunt assignari Authores Oratores, Patres, Theologi, Philolopi, Ascetæ, ac maxime Historici, qui conveniunt in 128. punctis stilum diversificantibus; & vix in viginti talibus Elementis disconveniunt; Ergo hæc regula non bene probat, in tali positione, Authores eosdem fore. Respondeo; antecedens omnino falsum esse per experientiam comprobari: hoc quidem verum est, quod aliquando parum in stilo disconveniunt, & quod vix viginti Elementa, in quibus hi Authores differant, possint designari; sed quod si Authores simul conveniant 128. Elementis stilum diversificantibus, omnino falsum est. Tales Authores, qui tantopere conveniunt, utuntur Elementis linguæ Latinæ receptis, & apud omnes aut plerosque Authores usu quotidiano tritis; non autem utuntur Elementis stilum diversificantibus, seu talibus, quæ non sunt in usu quotidiano, aut plerisque Authoribus communi; aut si quandoque talia Elementa immisceant, ea non ascendunt ad tantum numerum, sed intra digitos, quibus numerari possunt, plerumque consistunt. Itaque apud eos Authores non habet locum illa quasi infinitudo dissimilitudinum, in quæ ex diversis combinationibus incidere possunt; adeoque etiam non pertinent ad casum in Regula, allegatum.

REGULA 5. Quando in duobus libris reperitur prorsus similis collectio proprietatum individuantium, quarum combinatio vix possit, nunquam soleat provenire à circumstantiis duos illos libros comprehendentibus, moraliter certum est, duos illos libros habere eundem Authorem. Pro explicatione & probatione hujus Regule celserva, per collectionem proprietatum individuantium me intelligere collectionem omnium accidentium, quibus unus Author solet differre à altero. v. g. dum Cicero de Crasso dicit: *Erat summa in eo gravitas, erat cum gravitate junctus facetiarum & Urbanitatis Oratorum non scurrilis lepos, latine loquendi accurata & sine molestia diligens elegantia; in dissensionibus mira explicatio; cum de jure, cum de equo & bono disputaretur, argumentorum & similitudinum copia.* Quid in jure verum esse, erat perac-



peratulus ad excogitandum, & cum summa brevitate mirabiliter aptus. Collectio omnium horum accidentium, quæ Cicero Crassum ab aliis Oratoribus distinguit, voco *Collectionem proprietatum individuantium*. Jam quando *Collectio* seu *Combinatio* talium proprietatum reperitur in duobus Authoribus, aut libris, aut opusculis eadem, hoc provenire potest à variis circumstantiis, videlicet vel ex eo, quod ambo Authores habuerint eundem Magistrum, vel quod in eadem Societate Academia, aut familiariter vixerint, vel quod unus assidue se in alterius scriptis legendo exercuerit, aut omnino eum imitari studuerit in stilo, aut studiose similitudinem scriptionum ad alios fallendos efflexerit. Dico ergo, quando ex omnibus his circumstantiis, in quibus fata talium librorum comprehendi possunt, nulla omnino potens est, producere talem ac tantam combinationem in duobus Authoribus eandem ac similem; ex tali collectione proprietatum inferri posse, duos illos libros ad eundem Authorem referri oportere. Res est per se clara, nec jam ulteriori probatione indiget: Hoc solum nota, me posthac præfatas circumstantias vocaturum *Circumstantias Assimilantes*.

**REGULA 6.** Quando in duobus libris reperitur similis collectio proprietatum individuantium, tanto certius attribuendi sunt uni Authori, quod tales proprietates individuantes sunt plures, & quo singula sunt paucioribus Authoribus communes, & quo major totius collectionis pars in nullo alio Authore reperitur, & quo totius collectionis aliquota partes sunt paucioribus Authoribus communes, & quo circumstantia Assimilantes sunt debiliores. Pro explicatione sumamus exemplum Crassi, in quo Cicero ponit 10. proprietates individuantes 1. Summam gravitatem. 2. Facietiarum. 3. Urbanitatis non scurrilem leporem. 4. Elegantiam accurate loquendi Latine. 5. Facilitatem sic loquendi sine molestia. 6. In disserendo miram explicationem. 7. Copiam argumentorum de jure. 8. Maximè copiam similitudinum. 9. Acumen in excogitando. 10. Summam brevitatem. Ponamus Collectionem harum proprietatum reperiri in aliqua Oratione, de qua dubium est, an sit Crassi, vel Ciceronis, aut alterius Oratoris. Dico nos attendere debere. 1. Quotnam sint hæ proprietates? si enim multæ sunt, sine dubio difficilior est, ut alius Author in tot proprietatibus cum Crasso conveniat; si autem paucæ sunt; facilius est, ut eas etiam alius Orator assequatur. 2. An singulæ proprietates multis aliis, an paucis Oratoribus conveniant? v. g. an multis conveniat summa gravis, aut summa brevis? si enim singulæ proprietates multis aliis Authoribus conveniunt, mirum non est, quod repperit aliquando fuerit aliquis Orator, qui in sua Oratione omnes decem Crassi proprietates collegerit. Si verò singulæ proprietatem vel ob sui difficultatem, vel ob sui raritatem paucis tantum Oratoribus communes sunt, difficile omnino, & mirum profectò esset, si alius quispiam Oratorum simul ac semel in proprietates tam raras, ac difficiles in una oratione incidisset. 3. Attendi debet, an ista proprietatum collectio adeò rara sit, ut ne quidem sex, septem, octo, aut novem simul ac semel in alio Oratore occurrant ac monstrari possint; si enim ne quidem sex talium proprietatum collectio in alio Authore facilis est, multò difficilius erit collectio septem, octo, novem, aut omnino decem talium proprietatum collectio. Si autem talium proprietatum collectio in aliis Authoribus, aut etiam multis reperitur, nec mirum, nec difficile est, si aliquando aliquis Oratorum repperit fuerit, qui collectioni novem proprietatum sibi consuetæ etiam decimam proprietatem addiderit. Adeoque 4. attendi debet, an aliquotæ totius Collectionis partes, puta collectio quinque v. g. proprietatum, collectio sex talium proprietatum, collectio septem, octo, aut novem talium proprietatum (quæ omnes collectiones sunt partes aliquotæ collectionis totius denariæ) reperiantur in multis aliis, an in paucis Authoribus, ob hanc rationem, quia facilius est, ut è multis Authoribus, quorum quilibet habet collectionem proprietatum Collectioni Crassianæ propinquam, aliquando unus contingenter ad eam collectionem pertingat, quàm ut è duobus aut tribus talibus Authoribus eò pertingat: nam in prima positione duobus aut tribus eò non pertinentibus residua adhuc est spes, reliquos eò perventuros. 5. Attendi debet, an alter Author, cui adscribitur Oratio Orationibus Crassianis consimilis, fuerit in iis circumstantiis, in quibus de facili Crassum imitari, aut assequi potuerit? Si enim illæ circumstantiæ sunt adeò debiles, ut tali Authori non potuerint imprimere ideas Crassianas, aut si fuerint tales, ut Authori simul inspirarint ac impresserint ideas à Crassianis diversas, non est verosimile, hunc Authorem affectum esse similitudinem cum Crasso, sed Orationem omnino Crasso adscribendam esse. Vera est itaque Regula, quod ad omnia ista puncta attendi debeat, si judicare volumus, quo probabilitatis aut certitudinis gradu partus huic vel illi adscribendus sit.

**REGULA 7.** Quando in duobus libris est una mens, una lingua, & una casuum propè infinitorum possibiliter diversificantium harmonia, stricte moraliter certum est, unum esse horum librorum Authorem. Pro explicatione nota me per Mentem hoc loco intelligere statum mentis quoad memoriam; intellectum, & voluntatem; una memoria est, quæ easdem complectitur scientias, artes, historias, objecta, ad quæ frequenter partim alludendo, partim disserendo respicit. Idem intellectus est, qui habet idem acumen in excogitando, eandem idearum copiam in comparando, exornando,



nando, comprehendendo; eandem vastitatem omnes objecti circumstantias, adjuncta, relationes, antecedentia, & consequentia, connexiones, causas efficientem, materialem, formalem, finalem, ac partes rei constitutivas comprehendendo; eandem soliditatem in discurrendo, ac modum in cogitando, eundem ordinem in connectendo conclusiones, supposita, argumenta, causales propositiones, incidentes propositiones, modales propositiones, eandem methodum, idem systema doctrinae &c. eandem voluntatem voco cujus iidem fines, eadem media, eadem motiva, iidem affectus, eadem consilia, eadem objecta, & eadem tendentia, nec deficiendo in ullo, nec excedendo.

Eandem linguam eundem modum loquendi, cujus constitutiva C. 3. 4. & 5. enumeravi. Harmoniam denique casuum possibiliter diversificantium prope infinitorum voce convenientiam in innumeris casibus, in quibus posset dari diversitas, ex combinatione Elementorum stilum diversificantium emergens; ut enim Regula 4. ostensum est, nulla humana providentia, aut imitatio se extendit ad casus tam innumeros; imitari tantum possumus in iis, quae cognoscimus, non vero in iis, de quibus non cogitamus. Itaque quando omnia constitutiva mentis, linguae, & harmoniae similia sunt, quando se mutuo exhaustiunt, quando se, ut termino Geometrico utar, *mutuo regunt*, dubium esse non debet, eam convenientiam ab eodem Authore, tanquam principio univoco, proficisci; quia causae operantes liberè, quae nullo principio per se ordinato ad effectum uniformem ad similem operationem adiguntur, in innumeris circumstantiis & casibus non operantur uniformiter.

**REGULA 8.** *Si quis arte, imitatione, aut studio, voluerit alterius stilum assequi, omni suo studio non poterit attendere ad multò plus, quam millionem casuum stilum diversificantium, in quibus proin, si presentissimam habet memoriam, poterit vitare dissimilitudinem, & assequi similitudinem.* Demonstratur. Nullus hominum poterit ad plures casus stilum diversificantes attendere, quam possit intra quinquaginta annos propositiones legere, si singulis diebus decem horas lectioni impenderet, atqui intra tot annos, & tot horas nullus hominum poterit legere bimillionem propositionum, etiamsi singulis tertiis minutis legeret unam propositionem, adeoque intra horam 216000. propositiones, quod utique est nimium concedere. Verum hoc ostendo. 50. anni habent 18250. dies. tot dies, si singuli habeant decem pro lectione horas, continebunt horas 182500. tot horarum continent minuta prima 10950000. Minuta secunda 657000000. Minuta tertia 39420000000.

Qui ultimus numerus nondum habet dimidium, imò ne vigesimam partem unius bimillionis. Adeoque verum est, hominem, si per 50. annos ad nihil aliud attenderet, quam ad casus stilum diversificantes, non attendere posse ad multò plus quam millionem, Heu! quantillum est humanae scientiae!

**REGULA 9.** *Omnis humana exercitatio non sufficit ad evitandas dissimilitudines possibiles cum alio Authore, quae dependent à naturali vel acquisita habitudine memoriae, intellectus & voluntatis, sed tantum valet ad evitandas dissimilitudines vocum, phrasum, & numerorum.* Ad reliquas verò dissimilitudines nihil proficit ea exercitatio, quam ut simplici intuitu cognoscantur. v. g. Ponamus aliquem Oratorem, qui se continuò exerceat in scriptis Ciceronis, qui eo etiam Magistro utatur, ipsum loquentem audiat, & eodem familiariter quotidiana conversatione utatur. Dico: hoc quidem fieri posse, ut omnes Ciceronis voces, phrasas, particulas, & numeros non tantum periodorum, sed etiam integrarum Orationum perfectè addiscat; quia omnia haec finita sunt, nec excedunt numerum aliquot millium, quae utique memorià comprehendere possunt. Sed ea exercitatio non tribuit ordinem verborum à naturali vel acquisita capacitate mentis dependentem. In ordine & combinatione verborum relucet acumen ingenii, maturitas iudicii, affectuum promptitudo, teneritudo, conversio, copia, fervor, moderatio; claritas intellectus, copia idearum, vastitas eruditionis, prudentia consilii, comprehensio objecti, ordo cognitionis; suavitas in persuadendo, vis in convincendo, & innumeræ virtutes animi, quae per verba loquentis significantur, & quae orationi suam formam, id est, ordinem verborum & conceptuum tribuunt. Poterit ergo fieri, ut talis aliquis studiosus imitator Tullii omnia Ciceronis verba, phrasas, & numeros exprimat; poterit etiam fieri, ut, si serenum intellectum habeat, videat simul ac semel simplici intuitu integras milliones diversitatum inter suam & Tullii Orationem, earum videlicet diversitatum, quae à dispositione animi profluunt; sed quia has innumeras diversitates tantum consilium intuetur, aut certè non habet tempus omnes seorsim ac distinctè considerandi, ideo etiam non habet possibilitatem eas evitandi. Poterit talis de sua Oratione dicere, quod vulpes dicitur de statua dixisse; *Huius homini aliquid deest*. Deest enim verò Orationi anima, ac cerebrum Ciceronis, deest aliquid nescio quid, seu complexum ex infinitis propemodum combinationibus idearum ac verborum à dispositione intricatissima animi dependentibus.

**REGULA 10.** *Quando duo soli libri conveniunt in innumeris vocibus, phrasibus, ac numeris prorsus extraordinariis, quarum co-*  
dionis



*tionis vix vigesima pars in ullo alio libro occurrit, moraliter certum est, hos libros habere eundem Authorem.* v. g. Dentur duo libri, in quorum utrolibet reperiantur tales voces, ac phrasæ raræ, centum quarum singulæ sint minus usitatæ, aut omnino à paucissimis vel nullis aliis Authoribus receptæ: ponamus etiam, vix quinque tales phrasæ, id est, vigesimam partem, in alio ullo eodem Authore reperiri. Dico: esse moraliter certum, hanc convenientiam vocum & phrasum tam singularium non provenire ex imitatione, qua unus Author studuit imitari alterum; neque etiam eam factam esse fortuito, adeoque necessàriò provenire ab uno principio, ab uno Authore. Quòd ea convenientia non fuit fortuito, patet ex *Legibus Contingentium*, quia *Contingentia non procedunt uniformiter*. Quòd non proveniat ex imitatione, lectione, aut familiaritate continua; probatur. Quando voces ac phrasæ tam extraordinariæ bonæ sunt, nunquam aut vix unquam solet contingere, ut non inveniant plures imitatores, & usurpatores, quàm unum tantum. Si phrasæ sint exorbitantes à puritate linguæ latinæ, & nulla prorsus imitatione dignæ, moraliter impossibile est, ut imitatore inveniant, qui omnes illos errores aut non cognoscat, aut si cognoscat, velit imitari: quòd impossibile moraliter sit, ut quis cujusdam Authoris errores prorsus singulares, & in aliis Authoribus non obvios non cognoscat, ex hoc ostenditur, quia nemo est, qui non legat plures libros, adeoque nemo est, qui non advertat alias in his aliis libris phrasæ ac voces, sicque de dissimilitudine toties admonitus non subin unam vel alteram phrasim corruptam ex his aliis libris corrigat, ac corrigendo jam sufficientem diversitatem inter se, & suum, cui tantopere se addixit, corruptum Authorem introducat. Potest etiam sic probari. Nemo est, qui non legat plures libros partim bonos, partim malos; ergo omnes illi libri habent vim imprimendi suas phrasæ, voces, ac ideas in animum legentis; Ergo contingenter fieri necesse est, ut inanimus legentis modò imprimantur phrasæ hujus libri, modò phrasæ alterius libri, quia *Contingentia non procedunt uniformiter*; neque etiam datur ulla incapacitas aut contrarietas in animo legentis, ad non recipiendas phrasæ aliorum librorum. Si itaque in animo ac memoria legentis impressæ sunt diversæ phrasæ ac voces circa idem objectum partim bonæ partim malæ, impossibile est, ut recurrente occasione loquendi non subin redeant phrasæ bonæ & malæ in memoriam; impossibile etiam est juxta leges contingentium, ut constanter quis aut fortuito; aut de industria apprehendat phrasæ ac voces malas. Fortuito hoc fieri nequit, quia in innumeris casibus contingentia non procedunt uniformiter. De industria hoc etiam fieri nequit, quia nemo sciens eligit constanter malum. Certum ergo est moraliter, convenientiam in phrasibus & vocibus extraordinariis perpetuam non esse imitationis, sed primæ inventionis unius Authoris, qui aquisito semel fingendi, ac derivandi novas voces habitu in torrentem talium vocum ac phrasum diffuit. Potest etiam fieri, ut plures homines habeant talem novandi habitum, sed quilibet de novo inveniet novas voces, non imitabitur alienas; quia habitus ille non est habitus imitandi, qualis nullus datur, ut ostensum est, sed habitus novandi & inveniendi. Sit itaque

thoris, qui aquisito semel fingendi, ac derivandi novas voces habitu in torrentem talium vocum ac phrasum diffuit. Potest etiam fieri, ut plures homines habeant talem novandi habitum, sed quilibet de novo inveniet novas voces, non imitabitur alienas; quia habitus ille non est habitus imitandi, qualis nullus datur, ut ostensum est, sed habitus novandi & inveniendi. Sit itaque

**REGULA II.** *Quando in duobus libris reperitur habitus inveniendi, derivandi, & introducendi novas, inconsultas, aut extraordinarias voces, & phrasæ; aut receptas ad novum sensum, & Grammaticam novam detorquendi, aut in sensu parum usitato accipiendi, ille habitus, si versetur circa easdem voces & phrasæ, non pertinet ad duos Authores, quorum unus imitatur alterum, sed ad unum Authorem.* Demonstratio est eadem, quæ in priori Regula 9. quia impossibile est, ut ullus hominum, qui legit plures libros, à quibus suas impressiones recipit, linguam in elocutione dirigentes, constanter unius Authoris vitia innumera omnia aut fortuito, aut deducta opera imitetur; cum impressiones ab aliis libris factæ etiam contingenter suos quandoque actus potentix locutivæ imprimere necesse sit.

**REGULA 12.** *Quanta est improbabilitas, quòd quis nullos alios Authores præter unum corruptum legerit, & triverit; tanta est improbabilitas, quòd quis alterius Authoris innumera vitia omnia ac singula constanter imitatus fuerit.* Demonstratio patet ex Regula 9. & 10. ubi ostenditur, impossibile esse, ut ex lectione aliorum Authorum quis non subin unum, & alterum vitium ex lectione corrupti Authoris haustum corrigat. Posset etiam ab experientia demonstrari, quia ex tot centum millibus hominum, qui legerunt & constanter triverunt Librum de Imitatione Christi scatentem vitiis quoad puritatem Latinæ linguæ, nullus tamen per tria sæcula hætenus inventus est, qui stilo suo omnia hujus libri vitia expresse-rit, ac imitatus sit; quòd autem aut nunquam sit, aut vix unquam sit, est moraliter impossibile; est contra præsumptionem in casu dubio; & ejus probabilitas necdum est adeoque nulla.

**REGULA 13.** In praxi poterit adhiberi hæc methodus. 1. Notentur omnia Elementa stilum diversificantia, eaque excerpantur ex ambobus libris, quorum examen instituitur. 2. Quærantur combinationes omnes possibiles Elementorum primi libri, & secundi libri. Modus inveniendi combinationes Regula 2. indicatus est. 3. Ex his



his combinationibus detrahantur combinationes Elementorum, quæ jam in aliis Authoribus reperiuntur.

4. Detrahantur etiam ex iisdem combinationibus omnium Elementorum combinationes possibiles eorundem Elementorum quæ ex circumstantiis assimilantibus provenire possunt.

5. Videatur, quanta sit inter combinationes omnium Elementorum, & combinationes detractas in unam summam congestas proportio; si illæ combinationes has ita superent, ut se ad illas habeant, ut  $\frac{2}{18}$  ad  $\frac{1}{18}$ , erit moraliter certum libros esse ejusdem Authoris; si verò se habeat, ut  $\frac{8}{18}$  ad  $\frac{7}{18}$ , id præcisè erit probabile. v. g. sint 20. Elementa in utroque libro communia, quæ inter se combinantur. Erunt combinationes inde provenientes 1040400. sint ex his 20. Elementis decem, quæ reperiuntur in aliis Authoribus, & iterum alia septem, quæ etiam reperiuntur in aliis Authoribus. Combinationes decennarii sunt 5120. septennarii sunt 640. harum summa est 5760. ea detracta à 1040400. relinquit 1034640. Circumstantiæ assimilantes sint imitatio, lectio, & familiaritas: hæc faciant, ut quis assequatur è viginti Elementis decem; horum decem Elementorum combinationes iterum detrahantur ex residua summa; & residua erit, 1028880. hoc residuum habet se ad summam omnium combinationum detractarum, ut  $\frac{1028880}{1034640}$ . seu ut 102. ad 1. seu ut  $\frac{1}{10}$  ad  $\frac{1}{18}$ . Adeoque erit certum, unum esse Authorem librorum, de quibus quæritur. Dico: Regulam satis propinquè exhibere probabilitatem identitatis inter Authores; Demonstratio patet ex dictis, quia hæc methodus comprehendit ferè omnia in præcedentibus Regulis ad ferendum justum iudicium requisita.

REGULA 14. Quando agitur de abjudicando Authori opere ob diversitatem stili, ea diversitas tanta esse debet, ut aut ferè nunquam, aut saltem communis in eodem Authore non reperiatur. Demonstratur. Omnis præsumptio ac probatio desumitur à communiter contingentibus; si ergo diversitas stili fundat præsumptionem contra identitatem Authorum, ea diversitas talis esse debet, ut communiter non reperiatur in eodem homine, quantumcunque in diversis circumstantiis ætatis, fervoris, audientium, præparationis, applicationis &c. posito.

REGULA 15. Eo gradu probabilitatis constitui potest Authorum diversitas, quo gradu probabilitatis in eodem Authore similis non reperitur stili diffinitas. v. g. si vix unquam aliquis Author tanta diversitate stili sibi ipsi dissimiles esse solet, quanta diversitas reperitur inter duos libros moraliter certum erit, hos duos libros non habere eundem Authorem; & probabilitas illa erit ut  $\frac{2}{10}$ . si verò tantum ut  $\frac{1}{10}$ ,  $\frac{1}{18}$ ,  $\frac{1}{18}$ , contingere solet, Authorem eundem non esse sibi ipsi tanta diversitate dissimilem, probabilitas quo-

que, quòd Author utriusque libri idem non sit, tantum erit ut  $\frac{1}{10}$ ,  $\frac{1}{18}$ ,  $\frac{1}{18}$ , patet ex Regula 12. & Arte Critica.

REGULA 16. Diversitas stili, quæ etiam in eodem Authore in diversis circumstantiis stili diversificantibus æquè communiter reperiri solet, ac non reperiri, non fundat præsumptionem contra identitatem Authoris. Circumstantias stili diversificantes voco v. g. ætatem, tristitiam, lætitiā, fervorem, diligentem applicationem, auditorium &c. nam aliter loqui solet vir senio gravis, aliter juvenis, aliter post diligentem præparationem & studium, aliter loquens ex tempore, aut scribens calamo cursorio; aliter ad auditorium doctum, aliter ad plebem. Ea ergo stili diversitas, quæ ex his circumstantiis, aut aliis similibus dependet, non probat diversum esse Authorem. Est per se clarum.

REGULA 17. Diversitas stili in casu, quo constat, locum non habere circumstantias stili diversificantes, probat diversum Authorem. Ratio est, quia diversitas stili non solet habere locum in eodem Authore, nisi detur occasio seu circumstantia stili diversificans.

REGULA 18. Vix unquam in eodem Authore solet reperiri diversitas in habitibus naturalibus vel acquisitis, in systemate doctrinae, acumine ingenii, propensione affectuum, directione consilii, in vocibus, phrasibus, ordine doctrinae; adeoque, quando in istis reperitur diversitas, est argumentum probabile, diversum esse Authorem. Patet ab experientia.

REGULA 19. Diversitas in tropis, figuris, copia argumentorum, similitudinum, numero, eruditione, elegantia, non probat diversitatem Authorum. Ratio est, quia ista diversitas etiam in eodem homine pro diversa applicatione virium aut pro diversa dispositione loquentis reperiri solet.

REGULA 20. Diversitas, quæ est contra consuetudines Authoris universaliter ac instanter receptas, & in ipsis circumstantiis quæ diversificantibus receptas, probat diversitatem Authoris. v. g. constat, Demosthenem habere consuetudinem omittendi Epilogum, & quidem in omni materia, occasione, ac circumstantia. Si ergo detur Oratio cum Epilogo, quæ dubitetur esse Demosthenis, ea diversitas probat, non esse Demosthenis. Quia quod in innumeris circumstantiis & occasionibus non fit, est contra præsumptionem, in casu dubio futurum, aut factum esse.

REGULA 21. Diversitas, quæ est contra consuetudinem Authoris nondum traditam, & probatam per omnes circumstantias diversificantes, non probat diversitatem Authoris. Ratio est, quia consuetudo mutabilis non est character



Alter Authoris, qui eum distinguat à non habente consuetudinem, nisi ea mutabilitas tam rara aut difficilis sit, ut vix unquam aut certe communius mutatio non soleat fieri.

Itaque ex dictis patet, facilius esse, probare identitatem Authoris, quam diversitatem; quia contingere quidem solet, ut idem

Author in variis Elementis stilum diversificantibus à seipso diversus sit: ut autem duo Authores in plurimis Elementis stilum diversificantibus aliquando similes sint, res est albo similis corvo, nulla, inquam, aut certe rara.

O. A. M. D. G.

# SYSTEMATA PHILOSOPHORUM VETERUM ET NEOTERICORUM IN PHYSICA. INDEX.

1. Systema Moysaicum.

2. Philosophiæ barbaricæ,

3. Græcæ.

4. Zenonis.

5. Platonis.

6. Aristotelis.

7. Epicuri & Gassendi.

8. Cartesii.

9. Chymicorum.

10. Nevvtoni.

11. Leubnitzii.

12. Scholasticorum in genere,

13. Thomistarum.

14. Recentiorum.

15. Scotistarum.

## CAP. I.

### *Systema Moysaicum.*

**O**mnium Philosophorum antiquissimus est Moyles. Vixit ante annos

3280, ante Christum natum 1550. post diluvium 900. Systema Philosophiæ ab eo conscriptum in libro Genesis C. I. videtur esse hujus sententiæ.

1. Deus condidit ex nihilo chaos aliquod imensum in quo erant omnia confusa, sine ullo ordine, sic ut nulla minima particula ad alteram



ram adhæserit. Ideam hujus commixtionis habere potes, si concipias globum vitreum, in quo permixta sint, aqua, oleum, mel, farina, pulvis, arena, & mille diversa minimarum particularum genera. prout vides fig.

54.

2. In hoc confusiois æquore Deus suscitavit ventum, seu motum; quo factum est, ut partes crassiores propius ad centrum recesserint, & partes subtilissimæ extimas universi partes à centro remotissimas petierint. Partes illæ subtilissimæ sunt ipsa materia lucis; adeoque materia lucis separata est à partibus crassioribus, in quibus deficiente materia lucis coipso remanserunt tenebræ. Simul Deus universum revolvit circa commune centrum; & eā revolutio postea vocata est dies unus. In principio creavit Deus cælum & terram, terra autem erat inanis, & vacua, & tenebræ erant super faciem abyssi, & Spiritus Domini ferebatur super aquas. Dixitque Deus; fiat lux, & facta est lux, & vidit Deus lucem, quod esset bona, & divisit lucem à tenebris, appellavitque tunc diem & tenebras noctem; factumque est vespere & mane dies unus. fig.

55.

3. Altero die iterum fecit separationem in partibus crassioribus inferioribus, densitate & crassitie diversis. Itaque partes crassiores iterum resederunt propius ad centrum, respectivè subtilioribus superiora petentibus. Ex hac separatione prodierunt tria aquarum genera. Primum est supremum ac subtilissimum aquarum genus, in ea regione, in qua nunc reperiuntur stellæ, nempe in A. fig. Secundum genus aquarum, priore crassius ac inferius in DD, est illud, in quo nunc natant Planetæ, & quod plerumque vocatur firmamentum. Tertium genus aquarum ac infimum est aër, qui terram ambit. In hac separatione aquarum, dum interea revolvebatur tota machina, insumptus est dies secundus. Dixit quoque Deus, fiat firmamentum in medio aquarum, & dividat aquas ab aquis. Et fecit Deus firmamentum, divisitque aquas, quæ erant sub firmamento ab his, quæ erant super firmamentum. Et factum est ita. Vocavitque Deus firmamentum cælum, & factum est vespere & mane dies secundus.

4. Tercio die Deus iterum fecit aliam separationem in infimo aquarum genere. Itaque denuò partes harum aquarum crassiores resederunt versùs centrum, & aggregatum talium partium vocamus terram. Partes harum aquarum crassitie mediæ resederunt hinc prope terram, & eas vocamus simpliciter aquam vel mare. Denique partes respectivè subtilissimæ occuparunt summum; & has simpliciter vocamus aërem. Dixit verò Deus, congregentur aquæ, quæ sub cælo sunt, in locum unum, & appareat arida, & factum est ita.

5. Eodem die tertio Deus partes terræ in eum ordinem digessit, ut efformarentur montes,

lapides, metalli, salia, & alia fossilia; herbæ, plantæ, arbores.

6. Et quia non suffecisset, partes redegit in ordinem, nisi simul possent producere aliquid simile sibi; plantis, & arboribus indidit ordinem, progressionem continuam producendi aliquid sibi simile; inquantum videlicet tam apte colligerentur & disponentur partes in eorum effectibus, quàm apte in authographo dispositæ sunt à Deo. Et vocavit Deus aridam terram; congregationesque aquarum vocavit maria; & vidit Deus, quod esset bonum, & ait: germinet terra herbam viventem, & facientem semen, & lignum pomiferum faciens fructum juxta genus suum, lignumque faciens fructum, & habens unumquodque seminem juxta genus suum, & factum est vespere & mane dies tertius.

7. Quamvis hoc loco Moyses non dicat, qualis fuerit figura, magnitudo, & ordo partium in his compositis terrestribus; ex aliis tamen textibus scripturæ colligitur, quod & figura, & magnitudo, & textura fuerit varia. Quia in libro Sapientiæ dicitur, quod Deus creaverit orbem ex materia invisâ, & omnia disposuerit in numero, pondere, & mensura. C. 11. Itaque licebit in hac terrestri materia concipere partes triplicis figuræ 1. rotundas ac globosas, quæ dominantur in fluidis. 2. Angulares, nempe quadras, hexagonas, octogonas, pyramidales &c. quæ constituunt salia corporum. 3. Ramosas instar ramentorum sylvæ, quæ sua complicatione constituunt corpora solida, intraque recipiunt salia. Sic igitur in corporibus terrestribus multum erit ramentorum & salium; in aqua multum quidem erit ramentorum, sed plus globulorum; in aëre parum erit ramentorum, sed longe plus subtiliorum-globulorum.

8. Cum his ita constitutis Deus videret, ubique inter spatiola inter partes crassiores remansisse multum materiæ lucis, adeoque materiam lucis à summo cælorum usque ad centrum terræ ubique expansam esse, huic materiæ fluidæ designavit centrum proprium, in quod omnes partes hujus materiæ tenderent, seu gravitarentur centrum istud est Sbl. Et quia vidit in firmamento multas remansisse partes crassiores, eas quoque in unum collegit. Et sic Planetas efformavit, quia in suprema regione materia lucis nimis est vaga & impetuosa. Eam in innumeros vortices volvit, & in quovis vortice constituit centrum; contra illa vocantur stellæ. Dixit autem Deus, fac luminaria in firmamento cæli, & dividant diem à noctem, fecitque Deus duo luminaria magna, luminare majus & luminare minus, ut præfesset menses, & stellæ. Et factum est vespere & mane dies quartus.

9. Cum materia lucis perpetuò gravitet in Solem, & vicissim repellatur à Sole, ex tali reciprocatione pressionis & repressionis nascitur perpetuus motus subtilis materiæ lucis; & tunc quidem, quando pressio mutua est in linea rectâ, refulsit lux, & dies civilis. Altera verò pressio non rectilinea nostris oculis nullum excitat sensum, adeoque tunc est nox.

10. Die quinto Deus produxit in aquis pisces, & in aere volucres, coordinando partes materiæ



materiæ in corpus, eidemque corpori confervendo vim propagandi speciem, seu colligendi & coordinandi alias partes modo consimili. *Dixit Deus, producant aqua reptile anima viventis, & volatilis super terram sub firmamento cæli.*

11. Eodem die produxit animalia terrestria simili methodo. Et fecit Deus bestias terræ juxta Species suas.

12. Sexto Deus die condidit hominem; formando corpus ex limo terræ; animam vero inspiravit, creando eam ex se, non educendo ex materiæ viribus. Ibi enim dicitur: *producat terra animam viventem.* Hic vero dicitur: *Inspiravit in faciem ejus spiraculum vite.*

Hæc videtur esse sententia Philosophiæ Moysaicæ.

*Quæres 1. Undè constet, hanc historiam revera à Moyse conscriptam esse?* Ratio dubitandi est, quia ipsum authographum non amplius extat; nullus scriptor coævus, aut proximè coævus de hoc loquitur; nullum monumentum proximè coævum, quo id probetur afferri potest; fortè ipsa antiqua lingua Hebraica jam periit tempore captivitatis Babylonica; in fine librorum Moysis narratur ipsa mors Moysis, & ea, quæ post ipsius mortem gesta sunt. Ea, quæ citantur à Moyse ab antiquis, puta Christo & Apostolis, non reperiuntur in Codicibus, qui nunc extant; nulla horum Codicum mentio apud Judæos. Et cur non acclusi fuissent in Arca cum tabulis Moysis? Denique illa historia non convenit cum historia profana Scriptorum Gentilium.

Respondeo. Has objectiones non concludere necessariò; adeoque, si ostendero, eas posse fallere, nil evincunt contra veritatem aliunde certam ac demonstratam. Debilis ingenii est, turbare verisimilitudine aut difficultatibus, ubi veritas aliunde stabilita est. Itaque ostendo, certum esse, quòd historia Moysaica à Moyse scripta sit, & quòd objectiones in contrarium allatæ non concludant. Primum sic evinco.

Tota antiquitas credidit, Moysen esse Authorem hujus libri, nec possibile est, eam in hac re deceptam esse; ergo, ant. quoad utrumque membrum prob. antiquissimi Historici, qui sunt in mundo, tana sacri quàm profani testantur populum Judaicum esse antiquissimum; ejus legislatorem fuisse Moysen; leges à Moyse in suis libris præscriptæ fuerunt semper ab hoc populo religiose servatæ; populus hic omni tempore fuit studiosissimus in conservandis libris suis; populo in duo Regna semper sibi invicem adversantia diviso æqualis tamen erga libros Moysis reverentia fuit, tanquam à Moyse scriptos. Samaritani eos à Sacerdotibus Israëlitis acceperunt; Judæi eos secum Babylonem acceperunt; undè reversi eos reduxerunt. Profani Scriptores de his tanquam libris Moysis locuti sunt, Christus, Apostoli, & Ecclesia semper nomen Moysis his apposuit; nec ullus un-

quam inventus est, qui de hoc dubitaret. Nunquam mundus in simili casu circa Authorem tam celebris libri erravit; & difficillimum est, tot occurrentibus occasionibus in quibus facillimè potuit detegi error, non aliquando detegi errorem.

Ad propositas difficultates dico, authographa etiam aliorum omnium veterum Scriptorum perisse, nec ullam unquam eorum à coævis mentionem factam esse, potuit igitur idem fieri circa Moysen; lingua potuit perire, etiamsi non perierit versio; probabile tamen est, Samaritanos habere adhuc textum antiquum Hebraicum; in fine librorum potuit ab alio addita esse continuatio. Potuerunt Christus & Apostoli tantum citare Moysen quoad rem & sensum, non quoad verba; quin ex eo ipso, quòd non convenient quoad verba, sequitur, quòd non conspiraverint per modum impostorum. Frequentes repetitiones potius probant quòd non sit compilatio; quia talis compilator æquè debuisset omittere has repetitiones, ac principalis Author, liber Deuteronomii non constat metis repetitionibus; sunt in eo leges & vaticinia, quæ in reliquis libris Moysis frustra quæras; adduntur argumenta ad observandam legem tam ponderosa, ut omnino nova videantur, repetitio factorum semper applicatur ad incitandum & firmandum populum in perseverentia; repetitio legum fit, ut novis ac clarioribus additionibus explicentur, cautionibus ab abusu præserventur: Deus se accommodat ingenio Scriptorum Sacrorum, qui varias causas eadem repetendi habere poterunt. Octo Reges, quos Moyses posteros Esau enumerat, intra spatium 345. annorum, qui à matrimonio Esau usque ad mortem Moysis effluerunt, optime sibi succedere potuerunt, quanquam nec in iisdem, sed diversis urbibus simul regnaverint. Libri Moysis non debuerunt accludi necessariò arcæ, ut sapientius describerentur, & possent in tanta varietate legum inspicere. Extant sufficientia vestigia hujus libri in ritibus Judaicis semper conformibus huic libro. Prætereo alias objectiones ejusdem farinae, æquè parum concludentes.

*Quæres 2. An ea, quæ Moyses narrat, fide digna sint?* Respondeo nullam dari rationem hanc historiam in dubium vocandi, Nam 1. ea est antiquissima. Longè ante Homerum & Hesiodum scripta. 2. Solus Moyses de creatione mundi Historicè scripsit continuâ connexionem ac serie ab origine mundi usque ad sua tempora; quæ alii scripserunt, sunt interrupta, sine circumstantiis, & fabulosa. 3. Moyses multa scripsit à suis temporibus non adeo remota, etiam mira, de quorum falsitate de facili potuisset convinci; quod tamen à nemine tentatum est. 4. In nullâ antiqua historia fide digna reperitur mundum esse antiquiorem, quàm scribit Moyses. 5. Historia Moysai-



Moyſaica convenit cum historicis profanis aliarum nationum; reperiuntur enim ibi origines & nomina nationum, quorum aliqua adhuc ſuperſunt.

*Dices:* Chaldaei, Aegyptii, & Sinenſes ætatem mundi longius producunt: Videtur potiùs Moyſes, quàm tot nationes falli. Reſpondeo, Historiam Sinenſem de primis Regibus iſtis Sinenſibus eruditioribus videri dubiam; eam certè non muniti testimoniis tam antiquis; ſicut Historiam Moyſaicam, nec continere tam planam connexionem historicam omnium circumſtantiarum, nec habere tot alios characteres veritatis; igitur cùm alterutra debeat eſſe falſa, præferenda potiùs eſt Moyſaica Sinenſi, utpote cujus continua traditio non tam bene probatur orbi erudito; ſicut traditio Historiæ Moyſaicæ. Chaldaei, qui dixerunt ſe habuiſſe obſervationes annorum 470000, non reperiunt fidem quia tunc ſcientia Aſtronomica fuit imperfectiſſima, quæ ſi tanto tempore exulta fuiſſet, non potuiſſet non ad perfectiorem gradum perducì; impoſſibile etiam eſt tam exacte relinqui computum temporis, & non relinqui circumſtantias tanti temporis poſteris: Alexander Magnus ubi venit Babylonem tantùm reperit obſervationes 720. aut 490. annorum. Cicero, & Diodorus ſiculus foundationem Babylonis ante tranſitum Alexandri referunt ex Beroſo ad annos 470000. ſed Plinius l. 7. hiſt. nat. eandem ex eodem Beroſo tantùm refert ad 480. Caliſthenes Philoſophus refert, Babylonios in introitu Alexandri numeràſſe à prima ſua foundatione annos 1903. nempe annum 62. poſt diluvium. Cæterum & Babylonii à primo Authore uſque ad diluvium nümerant decem generationes, & decem generationes à diluvio uſque ad Abrahamum. Primis Regibus adſcribunt longam vitam: in quo conveniunt cum Historia Moyſaica. Antiquitas Aegyptiorum nititur falſo ſuppoſito, quo credunt ante homines longo tempore præceſſiſſe ac vixiſſe deos; dein poſt deos veniſſe ſemideos, & poſt hos primùm veniſſe homines: forte hoc eorum ſuppoſitum ortum eſt ex opinione Græcis Patribus familiari, quoddam Angeli diu ante hunc mundum creati ſint. 10. Dynaſtiæ Aegyptiorum ſi eſſent ſucceſſivæ, comprehenderent uſque ad Alexandrum Magnum annos 5355. verùm hæc Dynaſtiæ non omnes ſunt ſucceſſivæ, ſed tantùm diverſarum provinciarum. Varro Romanus, qui ante annos circiter 1776. ſcripſit, à mundi origine uſque ad initium Regni Aegyptiaci tantùm numerat 2100. annos. quod aliquo modo convenit cum historia Moyſaica.

Qualem fidem mereatur Moyſes enucleatius penſat Iſaacus Jaquelot in ſuis diſſertationibus de exiſtentia Dei. hanc enim hſtoriam minimè dubitationi relinquere locum; ex ipſa ejus

conſideratione clarum evadere ait, cùm in ea Moyſes non tantùm creatum eſſe mundum indicaverit, ſed certo etiam tempore ætatem ejus definiert, omneque, quod ab ea ad ſuam uſque ætatem patebat ſpatium, rerum geſtarum narratione impleverit; cùm contra illæ nationes, quæ canam adeò jactent antiquitatem, facilè vanitatem ſuam prodant rerum defectu, qui tantùm in eorum hſtoria inane relinquit. Perpetuus autem veritatis hſtoricæ character eſt, ſi continua ſerie rerum geſtarum narratio procedit, ita tamen cùm aliis conſentiat monumentis.

Præterea exiguam adeò ætatem mundo ad ſuum uſque ævum tribuit Moyſes, ut ut facillimè falſitatis convinci potuiſſet, ſi aliter ſeſe res habuiſſet; immò cùm poſt diluvium denuo mundum quaſi reſurrexiſſe, atque etiam poſt illum per aliquot ætates unicam tantùm linguam inter homines obtinuiſſe dicat, facile ab Aegyptiis, Aſſyriis, aliisque vicinis incredibiliem antiquitatem poſtmodum jactantibus, unico monumento in diverſa lingua ante illud tempus exarato reſutari potuiſſet. Non eſt probabile Moyſen omnibus iſtis diverſis linguis, & omni ſapientia Aegyptiorum inſtructum tam brevem ætatem origini linguarum tribuere auſum fore, niſi res tunc adhuc maniſeſta fuiſſet.

Aſt verò, inquiunt ii, qui ſua intereſſe putant, ne impietatis deſerantur partes; facile fuiſſe Moyſi, comminisci, quidquid voluerit, & ſuæ & poſteriorum pariter obtrudere ætatem hominibus, cùm incognita ſit proſus eorum temporum, quæ deſcribere ratio, & monumenta, quibus falſitatis convinci potuiſſet, nec ſuperſint, nec ſuperfuerint unquam. Hoc verum non eſt: inprimis enim eo tempore, quo maximo ſtudio hujusmodi quæſtiones inter Chriſtianos, ac Gentiles agitatae fuerunt, ingens monumentorum huc pertinentium numerus adhuc ſuperſtes fuit, foundationes urbium, origines ſcientiarum, artium, illuſtria nationum geſta, &c. quæ à Græcis Scriptoribus litteris conſignata ſunt. Epicurei Philoſophi ad confirmandam mundi æternitatem ſedulo antiqua monumenta rimabantur, nec quidquam invenerunt. Contra antiquitus hymnis conſervatam antiquorum geſtorum memoriam, uti & templis ac ædificiis, quibus præfigebantur inſcriptiones; incredibile nullam inveniri potuiſſe antiquam inſcriptionem duodecim ſolùm ſæculis Moyſe antiquiorem ſi aliqua exiſtiſſet, diverſæ linguæ ab ea, quam Moyſes aſſerebat fuiſſe unicam. Potuiſſent oſtendi Deorum antiquiora ſimulacra, Anathemata, ſepulchra, & Trophæa, ſtatuae virorum illuſtrium, columnæ & aræ, quibus tempore Moyſis ferè univerſus orbis obſectus erat. Annulorum nulli ſupererant, Commercia jam



tum floruerunt, & exilia sapientum non permiserunt, ut nationes sibi invicem parum notæ essent Bibliothecæ erigebantur. Conflagrationes & inundationes non prohibuerunt traditionem particularium circumstantiarum in aliqua saltem familia conservandam; cum igitur nullius alterius familiæ nulla traditio superfit, Moyſaica credendum erit. Epicurei & hostes Judæorum, ut ex Appione constat, nullum monumentum invenire potuerunt, quo historiam Moyſaicam everterent. Græcorum historia incipit ac prima Olympiade, quæ ante 2500. annos incipit, non præsumendum, Gentem adeo commerciis deditam, tam excultam, & tanta opportunitate loci præditam non longius extensuram sua initia, si quæ fuissent. Ne fabulæ quidem Græcorum se extendunt ultra 3700. annos ab his temporibus computando; & Evergetes Philosophus detexit primordia Deorum Græcorum, qui non multa ante sæcula adhuc erant Reges. Ipse detexit in Arabia Jovis templum, in quo Sacerdotes asservabant libros à Jove scriptos, & monumenta à Mercurio posteritati commendata, in quibus suas describebat victorias. Coloniae adeo frequentes antiquis temporibus probant mundum antea nondum ita refertum fuisse. Ludi Græcorum & Romanorum ostendunt initia Chronologiæ, quæ si mundus foret antiquior, unique antiquior foret. Artes & Scientiæ non tam antiquum initium habent. adeoque omnes, qui majorem antiquitatem asserunt, non autem probant, negligendi sunt, cum ea loquantur contra præsumptionem. nec adminiculantur sibi diversarum nationum testimonia; si enim Athenienses nil sciunt de sua jactata antiquitate ob inundationem aut conflagrationem totius mundi, quomodo sciunt hanc ipsam antiquitatem? & quomodo Chaldæi simul & Græci superesse observationes tam antiquas aut monumenta post conflagrationem aut inundationem audent asserere? Si enim homines non potuerunt effugere, quomodo corrupta manebunt monumenta? si verò homines potuerunt effugere, cur ajunt nil superesse documenti aut traditionis? Et si tam antiquæ observationes sunt Chaldæorum, cur Zodiaci & constellationum tam nova inventio ac denominatio? cur Chaldæi non prius invenerunt motum stellarum fixarum? cur antiquissimæ Eclipses observatio à Ptolomæo in Almagesto recensita tam nova? denique cur inventio literarum nova? cur lingua Hebraica antiquissima? cur omnes rationes memoriam historiæ Moyſaicæ tam sollicitè conservant? prout patet ex antiquis doctarum nationum libris.

*Quæres 3. An historia Moyſaica quoad sensum revera coincidat cum narratione supra posita? Respondeo; me sperare, id visurum plerique. Sunt tamen alii, qui verbis Moyſaicis alium sensum subjiciunt; hujus loci non est litigare; qui non credit, legat ipsum Moysen.*

*Quæres 4. An Moyses historiam suam creationis scripserit eodem modo, quo revera contigit? vel, quo apparenter contigit? vel, quo præcise potest intelligi contigisse? Respondeo, neutrum certum esse. Augu-*

*R. D. Ensch. Amort, Philosophia.*

stinus & Picus Mirandulanus putant; mundum unico momento in statu perfecto conditum esse; & per successionem temporum tantum intelligendam esse cognitionum successionem, quibus unum post alterum ordinate intelligi debet. Alii plerique credunt à Moysè historiam scriptam esse, prout revera contingit;

*Quæres. 5. An iste modus operandi deceat Majestatem creatoris? Respondeo, nullum modum operandi non impossibilem dedecere Majestatem Omnipotentis; quidquid enim ex suo conceptu non est impossibile, in infinitis circumstantiis potest habere finem, ad quem etiam à summa sapientia ordinari possit. quandocumque igitur Deus operatur modo, qui nobis non videretur optimus, cogitandum, nos non cognoscere omnes circumstantias divini consilii, quia infinitum pertransire non possumus. Potest tamen dari hæc ratio, cur Deus voluerit operari modo ut videtur tam simplici, humano, ac plebejo; quia Deus in suis operibus eligit illam viam ac mundum sapientiæ, qui aptior est cognosci à pluribus; adeoque causare plures & fortiores affectus; & plures mentes proin ad finem creationis perducere. Considerando naturam humanam ob innumeras occasionem ac circumstantias pronum est humanam mentem à pulcherrimo divinæ sapientiæ ordine deflectere, attentionem ab ordine, incommutabili ordine avertere ad res sensibiles, paucas ac obvias; igitur pronum est plerumque deleri in humanis mentibus ideam summæ sapientiæ & substitui aliam ideam humanæ potius, quam divinæ sapientiæ. Igitur modus operandi divinus sensibus magis obviis, & ab usu humano notior conformior est ideis humanis, & ideo plerumque excitat majorem admirationem mentesque ad Deum convertit. Si Deus voluisset operari alio modo materialiter simpliciori ac perfectiori, laborasset tantum sapientibus, non omnibus. Nunc verò cælum & terra omnibus enarrant laudes Dei quàm sapienter verò Deus in creatione ac providè ad captum vulgi egerit, consideranti patebit.*

## CAP. II.

### De Philosophia Barbarorum.

**B**Arbari vocantur, qui mentem Scientiis non excoluerunt; tales erant omnes rationes, antequam Græcia ante annos 2300. Scientiarum fundamenta jecit. Habuerunt quidem variae nationes suos, quos admirabantur, sapientes; sed hi aut pauca sciverunt, aut ea studiò obscuris verbis velarunt, aut omnino posteritati nil reliquerunt. Tales apud Persas fuerunt Magi; apud Babylonios & Assyrios Chaldæi, apud Indos Gymnosophistæ, apud Celtas seu Gallos Druidæ, seu Semnothei; apud Phœnicios Ochus seu Moschus, apud Thraces Zamolxis; in Lybia Atlas, in Ægypto Mercurius erant. Apud Persas Zoroaster ante annos 2800. floruit: Apud Græcos Orpheus antiquissimus habetur apud Scythas Anacharsis & Abaris famam sapientiæ adepti sunt. De his omnibus,

Ttt

quid



quid de mundo senserint, nil nisi ex traditione incerta superest.

Magorum Princeps Zoroaster fuit; an hic idem sit cum Rege Zoroastre, non constat. Ejus Carmina edita sunt; si genuina sunt, statuit tria principia. Primum æternum. Alterum, cujus principium, finis tamen nullus est. Tertium, quod principio & fine clauditur. Omnium corruptibilium causam esse ignem. Magis vestis candida, lectus humus, esca olus, caseus, panisque cibarius fuit. Statuunt duo rerum principia, unum bonum, alterum malum, seu bonum dæmonem, & malum. Homines resurrecturos fore, immortalesque futuros. Deos, quorum cultui vacabant, genitos esse putabant; eorum substantiam esse ex igne, terra, & aqua. Ipsi Persæ Elementa, sydera, maxime Solem, & ignem venerati sunt.

Chaldæi motus syderum observabant. Hi ante annos 2000. tempore Alexandri M. jactabant se habere Periodum annorum 48863. quo tempore Solis defectus apparuisse ajebant 373. defectus Lunæ 832. Hoc aperte falsum est, quia tanto tempore sine dubio plures defectus Solis & Lunæ fieri debuissent. Multi Chaldæis etiam Zoroastrem quendam tribuunt, cujus oracula à Michaële Psello edita esse dicunt. In his, ut dixi, triplicis generis naturæ asseruntur. Prima natura est æterna, seu Numen, quod & Patrem vocant; ab hoc duo, nempe mentem, & animam generatam esse ajunt, seu principium intelligendi, & movendi. Adeoque in Numine Triadem agnoscunt; juxta illud Zoroastris effatum; *Toto mundo lucet Trinitas, cujus unitas initium est.* Secunda classis rerum habet initium, sed nunquam interitura est; hæc natura vocatur æviterna. Naturas huc spectantes nonnulli hoc ordine collocant. 1. Intelligibiles & Intellectuales. 2. Intellectuales fontes. 3. Hyperarchii vel Principia. 4. Azonii dii. 5. Zonæi dii. 6. Angeli. 7. Dæmones. 8. Animi. His nominibus partim diversas proprietates Numinis, partim diversos spirituum ordines indicasse videntur. Sedem his æviteris & incorporeis naturis in supramundano lumine tribuebant, quo nomine proximum à Deo effluvium, infinitum, itemque corporeum ac lucidum spatium designabant. Tertia Classis res corporeas corruptioni obnoxias complectebatur, quas septem ordinibus seu mundis circumscribebant, unus *Empyreus* seu igneus erat. Tres *atheres*. Et tres *corporei*. Dæmonum duo statuebant genera, bonos & malos. Bonos lucem; malos tenebras vocabant. Et hos iterum pro corporum, quibus gaudere eos arbitrabantur, diversitate diversimodè distinguebant. Si Græcis Scriptoribus credimus, mundi materiam semper extitisse voluerunt; ejus tamen formam, ordinem & ornatum à Divina Providentia constitutum esse. Meteororum causas in Astris & eorum influxu querebant: Terram scaphiformem esse & cavam, sive oblongam & excavatam sibi persuadebant.

Gymnosophistæ Indorum à Magis exorti sunt, hi, sicut & Druidæ Gallorum obscurè philosophabantur: colendos esse Deos; nihil mali

faciendum; exercendam fortitudinem. Dicuntur fuisse temperantes, casti, & virtuti dedicati; moralem civilemque Indorum doctrinam exhibere creditur libet *Kelile & Dimne*, non apud Orientis tantum, sed & Europæ populos celebris, qui nunc prostat Græce ac Latine sub titulo: *Specimen Sapiientiæ Indorum Veterum*. Similiter dicuntur asseruisse mundum genitum & periturum esse; totius universi alia quidem esse principia; hujus verò nostri mundi aquam: animæ dari immortalitatem seu potius transmigrationem, ac pœnas inferorum. Moderni Indi dividuntur in varias sectas, quas enumerare non convenit.

Apud Æthiopes dicuntur fuisse etiam Gymnosophistæ, ac Sacerdotum collegia; qui & Astrorum motus observabant.

Longè majorem sapientiâ suâ famam adepti sunt Ægyptii. Apud hos celebris Mercurius Trismegistus, qui sapientiæ suæ dogmata columnis inscripserit, quæ dein alius Mercurius fuerit interpretatus. Quandonam vixerit, & quid scripserit, incertum. Constat tamen, jam ante Moysen in Ægypto floruisse studia, utpote qui omni sapientiâ Ægyptiorum instructus esse dicatur ab ipso Moyse in suis libris. Aristoteles scribit, apud Ægyptios Sacerdotes primitus obtinuisse à suis Regibus facultatem vacandi ab operibus servilibus, ut majorem studiis impenderent operam. Hi dein excoluerunt Geometriam, Astronomiam, Medicinam, & Mulicam, fortè etiam Chymiam; & hi Symbolis, Hieroglyphicis, ac Ænigmatibus ad explicanda sua dogmata usi sunt. Materiam principium fuisse rerum dixerunt: ex ea deinceps quatuor Elementa discreta, perfectæque complura animantia; Solem ac Lunam Deos esse mundum genitum, mortalemque & ad sphaeræ similitudinem rotundam. Siellas ignem esse, quarum temperata commixtione cuncta super terram nascentur. Lunam deficere, cum in terrâ incidit umbram. Animas & perdurare, & subinde migrare. Pluvias ex aëris conversione fieri. Ut ex Hecato & Aristagora Diogenes. De justitiis quoque leges constituiebant, quas ad Mercurium referunt.

Phœnices & commerciis & scientiis celebres fuisse constat; quid docuerint incertum, nisi quod Astronomiæ & Arithmetici ob commercia videantur experti. Eusebius refert antiquum fragmentum, in quo ortum mundi sic describunt. Principium omnium esse aerem, caliginosum, ac spiritalem, ac chaos turbidum tartareum. Hæc autem infinita fuisse multoque tempore sine termino. Moschus eorum Philosophus à nonnullis Græcis dicitur esse inventor Atomorum.

Inter Arabes Zabii seu Labæi in admiratione erant; hi jam tempore Abrahami, & Moysis extiterunt. Eorum sapientiâ maxime in cultu Deorum, Solis, Lunæ, & Geniorum indigenarum, ac stellarum consistebat.

Sinenses ante annos 2200. Philosophiam à suo Philo-



menta, infinitosque mundos, neque variabiles, Dei substantiam rotundam esse (id est, sine fine & principio) nihilque cum hominibus (quoad similitudinem) habere commune, eumque esse omnia Mentem, prudentiam, æternitatem. Primus dixit, omnia incomprehensibilia esse.

Parmenides Eleates primus terram globosam dixit, & in medio sitam, duo esse Elementa ignem & terram, illum opificis, hanc materiz officio fungi. Generationem hominum ex Sole primum esse ortam; Solem ipsum calidum esse atque frigidum, ex quibus constant omnia. Sensus fallaces esse dixit, ac vanis simulacris falli. Primus observavit eundem esse Vesperum & Luciferum.

Melissus Samius dixit: Universum infinitum esse, immutabile, & immobile, unum. motumque non esse, de diis nihil definiendum, neque enim illorum certam esse cognitionem.

Leucippus Eleates dixit: Universum infinitum esse. Hoc infinitum constare atomis, & vacuo, seu spatiolis vacuis inter atomos intermediis, ex his infinitos mundos fieri, quemlibet mundum fieri hoc modo, quod nempe multa corpora seu atomi variæ figuræ colligantur in unum vacuum, in quo coacta aguntur per vertiginem in gyrum, partes sic omni modo per magnum tempus circumvolvuntur tamdiu volvantur, donec dissimilia discernantur, & similia ad sui similia uniantur; tunc crassiores partes circa medium subsidere, ubi sibi invicem innexæ ac implicatæ quandam rotundam crustam seu membranam constituunt; exiliores vero partes petunt superiora seu magis vacuum. Illa crusta est, quæ ex perpetuo incurso partium similium crescit, & vegetatur.

Circa  
ymp  
io.  
Democritus Milesius auditor Leucippi docuit: Principium omnium esse atomos, & vacuum: infinitos esse mundos, generationi & corruptioni ebnoxios; nihil ex eo, quod non sit, fieri; neque in id, quod haudquaquam sit corrumpi: atomos magnitudine & numero differre ac esse infinitos; ubique per universum vagari, ac rotari, & sic ex eorum concretionem omnia composita gigni, ignem, aquam, aërem, terram; quippe & hæc ex atomis quibusdam constare, esseque ob suam firmitatem ac soliditatem ingenerabilia ac incorruptibilia: Solem & Lunam ex talibus vertiginibus aliorum esse compositam, quin & animam ac mentem. Visionem fieri per incidentes in nos rerum imagines; cuncta secundum necessitatem fieri; cum vertigo sit causa generationis omnium: finem vero esse rectum quietumque animi statum, secundum quem anima magna tranquillitate, constantiaque beatus est, dum nullo metu, nulla superstitione, aut alia quavis perturbatione agitur. Plurimos scripsit libros.

Protagoras, ut ex Platone colligitur, dixit: nihil existere nisi mentem unitam, cujus intelligere nihil aliud est, quam sentire suaphantasmata in perpetuo fluxu ac motu obversantia; adeoque nihil existere, nisi dum concurret cum sensu; tunc enim est, & quamprimum non sentitur, non est; ex hoc inferebat, etiam præteritorum & futurorum intelligentiam nihil aliud esse, quam sensum phantasmatum præsentium; rursus inferebat, omnia vera esse, quia omnia eodem modo obversantur, quæ sunt, cum nullibi sint, nisi in sensu; omnia ea esse, quæ videntur. Dicebat; Hominem esse mensuram

omnium; quia omnia eodem modo sunt, quo sentiuntur. Hanc doctrinam refellit Plato.

Diogenes Apolloniates docuit; Elementum esse aërem, mundos infinitos, & vacuum infinitum cum aëre denso ac rarefcente mundos gignere.

Pyrrho Heliensis princeps Scepticorum docuit: nihil comprehendi posse; de omnibus esse dubitandum, nihil decernendum: non dari verum, adeoque nil esse hoc potius, quam illud; Pyrrhonicum tantum aliorum dogmata evertabant, nihil de suo stantiebant proverbium illiserat: *Nihil magis*, significantes, nihil magis hoc esse, quam illud; cum cuiuslibet rationi alia opponi possit juxta illud Homeri:

*Quale prior dixi, reddetur tale vicissim.* item:

*Lingua volubilis est hominum verbisque referta, verborum hinc atque hinc ingens est copia curvis.* Sententiam suam ex eo probabant, quia nullum certum datur veritatis principium ac criterium; nec enim potest haberi inductio universalis; cum infinita pertransiri non possint; adeoque nec demonstratio, cum hæc inipitur universalis enuntiationi; nec etiam evidentia est criterium veritatis, cum homines diversi habeant sæpe oppositam evidentiam, ut contingit circa integras nationes, quæ differunt in suis judiciis. Adeoque omnia tantum sic esse, qualia nunc sensibus videntur, quia tamen non sunt regula veritatis, cum sæpe fallant; & objecta innox alia videantur; & diversa animantia diversum sensum de eadem re habeant, cum alicui placeat amarum, alteri non; eaque habeant diversa organa. Quin & hominum sensus circa eandem rem diversi sunt, quidam adumbram Solis calefiebat, & Sole rigeat; uni hoc prodest, quod alteri obest; studia & inclinationes hominum diversæ sunt. dein idem diversis sensibus diversum apparet; v. g. pomum oculis pallidum & ingratum, gustui dulce; tactui læve, olfactui fragrans; eademque forma pro speculorum varietate diversa cernitur. 4. Secundum diversam mentis dispositionem iterum idem objectum diversum videtur, v. g. secundum sanitatem, morbum, somnum, vigiliam, gaudium, tristitiam, juventam, senectam, audaciam, metum, indigentiam, copiam, amicitiam, odium, calorem, frigus &c. 5. Quod uni genti pulchrum videtur, hoc alteri turpe. 6. Idem in diversis circumstantiis diversum apparet, sic purpura aliud colorem refert præsentente Sole, alium præsentente lucerna; color diversus est sub Meridie, quam circa Occasum; ignoratur proin, quid seorsim verè sit, sicut non cognoscitur quid sit oleum, quamdiu permixtum est unguento. 7. Idem in diverso loco, & situ diversum apparet; sic remota parva apparent, propinqua magna; in hoc situ apparent quadrata, rotunda, plana, pallida, in alio aliter, ut collum pavonis aut columbæ; cum igitur determinari non possit, in quo loco verè appareant; & sine loco res considerari non possint non scitur, quid verè sint. 8. Idem in diversa quantitate aliud est, ut vinum in modica quantitate sumptum aliud causat quam in magna. 9. Aliter idem videtur, dum novum est, ac admirationem causat; aliter dum consuetudine viluit; aliter dum rarum est, aliter dum solenniter producit. 10. Aliter idem videtur, dum comparatur alteri, sic idem respectivè est majus ac minus magnum & parvum; idem grave & leve; idem sinistrum dextrum; clarum obscu-



obscurum, doctum, indoctum &c. Adeoque non datur in sensu ac mente regula constans veritatis; & sic obtineretur scientia, tunc vel demonstrationem, aut per signum, aut per causam: at demonstratio fit ex indemonstrabilibus; qualia non dantur signum non ducit in notitiam rei ignotæ, sed aliunde notæ; & similitudo conceptuum cum rebus affirmari non potest, quia ipsas res nunquam vidimus. Causa non potest dari, quia nihil est causa rei dissimilis; nec suiipsius; adeoque nec corpus fit à corpore, nec à non corpore. Quin nec motus datur; quia aut corpus moveretur ubi est, aut ubi non est? ubi est, ibi quiescit; & ubi non est, moveri non potest. Talibus argutiis Pyrrhonicæ tollebant omnes disciplinas, omne bonum, & malum; inter hos eminens Sextus Empiricus, qui hæc phantasmata suis libris complexus est.

En! sapientes Græciæ! fuerunt quidem multi alii; sed hi nil nobis reliquerunt, nisi argue dicta, prompto ingenio per se obvia. Libri, quos scripserunt, aut carmina, interierunt; sectæ, quas introduxerunt, perierunt; quas enarrarunt, fabulæ, fidem dudum perdiderunt; & mores, quibus vixerunt, admiratores suos amiserunt; post tot lites, & mutuas clades, quid obtinuerunt? Pyrrhonicis in prædam cesserunt; & veritatem venturis serò sæculis inveniendam reliquerunt. Verum quia inter Græcos, Zeno, Plato, Aristoteles, Epicurus majoti mundum nomine repleverunt, audiamus & hos.

## CAP. IV.

### De Philosophia Zenonis.

**Z**eno Citticus Stoicorum princeps Philosophiam in tres partes divisit, nempe Logicam, Physicam, Ethicam.

Logica Stoicorum ferè coincidit cum nostris Summulis; in quibusdam melior est Logica Aristotelis, in quibusdam imperfectior; eam exhibet Diogenes. Objectum hujus Logicæ videntur esse partim voces, partim phantasie seu conceptus.

Physicam dividunt in tres partes 1. agunt de mundo. 2. De Elementis. 3. De causis.

Mundum prius Mathematicè, dein Physicè considerant. Mathematicè considerant magnitudinem, dispositionem, ac motus syderum. Terram ponunt in medio immobilem: Eclipses agnoscunt esse interpositionem terræ, aut Lunæ: in cælo quinque statuunt circulos; duos polares, Arcticum & Antarcticum: Duos Tropicos, & Equinoctialem: in terra ponunt quinque Zonas duas frigidas, & torridam inhabitabiles; duas temperatas habitabiles.

Physicè considerando mundum dicunt, duo principia dari; unum agens, alterum patiens. Agens est Deus, aut verbum Dei; patiens est materia.

Deus sempiternus per omnem materiam singula creat. Ponit hoc decretum Zeno in L. de essentia. Cleanthes in l. de Atomis; Chrysippus in 1. Phys. Archedemus in L. de Elementis; Possidonius in 2. Natur. rationis.

Deus unus est; ipse appellatur Mens, fatum, Jupiter, multisque aliis nominibus juxta proprietates suas. Sic vocatur Græcis *δία*, eò quòd per

ipsum sint omnia. *Ζηνα*, eò quòd vitæ omnium sit Author; *ἀδναρ*, quod in æthere distentum sit ejus imperium &c. &c.

Deus definitur, quòd sit animal immortale, rationale, perfectum, ac beatum, à malo omni remotissimum, providentia sua mundum, & quæ in mundo sunt, administrans omnia; non tamen inesse illi humanæ formæ lineamenta; cæterum eum esse opificem immensi hujus operis, sicut & partem omnium; similiter illum esse partem mundi, quæ per omnia penetrat. Ipse verò est incorruptibilis & ingenuus.

Mundum à Deo hoc modo productum esse asserunt: In principio, cum Deus esset apud seipsum, substantiam omnem per ætherem in aquam convertit; & ob hoc sibi Deus materiam ad operandum aptissimam paravit, ex qua cætera posthac gignerentur: tum genuisse primùm Elementa quatuor; ignem, aquam, ætherem, terram. Dissertit ista Zeno in L. de Universo. Chrysippus in 1. Phys. Archedemus in l. de Elementis. Terra est arida; aqua liquida, æther frigidus, ignis calidus; in summo loco est ignis, quem æthera appellant; in hoc primitiis immobilium astrorum orbis natus est; dein orbis astrorum errantium; post hunc æther, tum aqua, extremum in medio terra. Solem esse purissimum ignem; non Lunam.

Hunc mundum, à Deo incorruptibili & ingenuo tanti operis ac ornamenti opifice conditum dicunt 1. conservari à Deo, qui, dum Sol quotannis orbem suum peragit, omnium rerum substantiam in seipsum tanquam finem reflectendo consumit, ac eam rursus ex seipso perpetuò gignit. 2. Mundum regi ac administrari secundum mentem ac providentiam, ut Chrysippus ait in 5. l. de Providentia, & Possidonius in 12. de diis. Mente per omnes illius partes pertingente, ut & in nostra anima contingit, quæ tamen in his partibus magis adest, quàm in aliis; in nervis ac ossibus inest stabiliter per modum habitus; in cerebro ac corde adest ut Mens, seu ut principium cogitandi & volendi. Sic etiam principalem partem mundi esse cælum vel ætherem, qui per aerem, animantes; arbores, & terram ubique diffunditur; & in hoc æthere Deum esse magis activum. 3. Mundum esse unum, finitum, ac globulosæ figuræ, ut ad motum sit aptissimus; cælum esse extremam circumferentiam, in qua divinum omne fixum ac locatum est; extra ipsum esse circumfusum vacuum immensum quòd sit incorporeum. 4. In mundo ipso non dari vacuum; sed omnes partes mirabili unitate esse devinctas; id enim exigere cælestium ad terrena concordiam, & congruentiam. 5. Mundum esse corruptibilem, quia genitum; & quia ejus partes corruptibiles sunt. 6. Mundum esse animatum, ac rationale, seu animal; quia est perfectius esse animal, & quia anima nostra de mundo avulsa est. Boethius autem ait mundum non esse animal.

Alterum mundi principium passivum est materia; & hæc est substantia sine qualitate. Hoc principium est ingenerabile & incorruptibile, informe, corporeum tamen. Incorporeum vocatur, quod corpora continere queat, non autem contineatur: quod secatur in tria, in longitudinem, latitudinem & altitudinem; hoc solidum corpus appellatur. Porro superficies est corporis finis seu corpus



Philosophorum Principe Confucio receperunt. Scripsit is tres libros. Primus vocatur *Magna scientia*. Docet gubernare Rempublicam. Secundus vocatur: *Medium perfectum*, docet illud medium, in quo consistunt virtutes. Tertius vocatur: *Ratiocinantium sermones*, in quo respondet ad varia quæ sita moralia. Discipulus Confucii Mencius addidit librum quartum, qui servit loco Commentarii in tres prædictos. Cæterum scientia Sinenfium quinque libris comprehenditur. 1. Continet Præcepta, legesque Imperatorum. 2. Continet Poëmata ad celebrandas virtutes Imperatorum. 3. Continet quoddam genus anigmatum, quæ exprimentur variis lineis; & quæ à nonnullis mysticè, ab aliis naturaliter seu physicè, à quibusdam moraliter explicantur. 4. Continet bonas malasve actiones Imperatorum. 5. Est collectio consuetudinum sacrarum & profanarum. Hæc scientia Sinarum exponitur in libro, cui titulus: *Confucius Sinarum Philosophus, sive Scientia Sinenfis*, è Sinenfi in Latinum versa à Patribus Soc. Jesu, f. Parisiis. Tres in Regno Sinarum dantur Sectæ, duæ sunt Idololatricæ; tertia Confucii adoratur unum Deum, cælum. Quidam per cælum intelligunt Dominum cæli, seu cælum immateriale; alii intelligunt cælum materiale, quod putant fatali quadam necessitate esse causam omnium inferiorum; sunt etiam qui intelligunt quandam supremam virtutem cælis insitam, ex qua emanant variæ aliæ virtutes effectrices & directrices inferiorum; qui sunt hujus opinionis adorant sub variis nominibus has virtutes è suprema virtute emanatas. Differunt tamen in hoc relationes itinerantes. Quid verum, sincerumque sit, Sinenfibus determinandum relinquimus. Hoc constat, Sinenfes multum tribuere subtilissimæ cælorum substantiæ, quæ sit pura, infinita, ubique expansa, & ad explicandos varios effectus ac systemata per modum machinæ universalis apussima.

Cæterum de Sapientibus Africæ, Americæ, & Europæ parum aut nihil constat. Americani ortum terræ & hominum tribuebant Soli. Germani, Galli, Thraces, ac Getæ dicuntur docuisse transmigrationem animarum. Apud Thraces Orpheus celebris erat, qui non multum temporis post Moysen vixisse creditur. Prima, ut ajunt, Orphei cura fuit, Thraces gentem feram & indomitam, ad mansuetiores transferre mores. Quare Musica primum, qua pollebat, convocavit, & coëgit ferros homines, & ad auscultandum dictis disposuit: Dein collectos & audiendi avidos pascebat fabulis, & jucundis narrationibus, quibus aliquid veri interspersit. Tandem apertius verba ad illos fecit de Deo, rerum omnium domino, ejus cultu; de inferis quoque & campis elysiis &c. morum quoque Innocentia, & puritate suos prædictos esse volebat: Dogmata ejus sunt; universum ex æthere ortum esse; stellas fixas ex æthere aut igne compactas; earumque quamlibet mundum in infinito æthere suspensum; tellurem nostram à chao ortam, ejusque formam ovo similem esse, certasque mutationes per universale incendium eam subituram. De Heroibus, quos pro Diis Gentiles colebant, flagitia non reticebat, R. D. Euseb. *Amor Philosophia*.

fortè, ut homines ab eorum cultu abstractos ad cultum veri Numinis perduceret.

*Quæres: quid de omnibus his orbis antiqui sapientibus sentiendam sit?* Respondeo, me precari, ut patienter audias Philosophos subsequentes, maxime modernos; videbis, quàm pauca antiqui sciverint. Sciverunt illi paucas quasdam de ortu mundi traditiones, non ingenium requirentes; sed plebejam traditionem in omnibus redolentes; ubique gentium etiam indocta plebs non minora de ortu mundi novit mysteria. Hoc igitur debemus antiquis sapientibus, quod nobis traditiones plebejas pro mysteriis venditarent. Quid mirum, si corrupta, vulgi opinionibus ac fabulis permixta, parum uniformia ac sibi invicem consentientia, sine ordinata temporum serie, sine circumstantiis undique confusa ex ore tot hominum prodierint? id, quod asserunt, non probant; nec explicant: Omnia, quæ verè dicunt, ad ortum mundi, immortalitatem animæ, ac nonnulla Astronomiæ obvia principia redeunt; quid relucet nisi mundi adhuc balbutientis infantia? decet audire senescentem, quia perfecta non nascenti, sed senescenti debetur scientia.

## CAP. III.

## De Philosophia Græcorum.

Græcorum Philosophia cœpit ante annos 2400. ante illa tempora nulli erant scriptores, nisi Poætæ, quibus annumeratur Homerus, & Hesiodus. Hic de moribus; ille de bello scripsit. At circa hoc tempus vixit Thales Milesius, qui primus de Natura disputavit. Dogmata Philosophorum celebriorum Græciæ secundum ordinem temporis, quo vixerunt, enarrabo.

*Thales Milesius* saltem aliqua Astronomiæ, Geometriæ, Physicæ, & Ethicæ reliquit, ut dicitur, principia. Pro Astronomia notavit primus, Equinoctia, Solstitia, defectus Solis & Lunæ; ac stellas urse minoris. Pro Geometria inscripsit & circumscripsit circulo triangulum Equilaterum, ob quod inventum immolavit Apollini bovem. Pro Physica statuit principium omnium rerum esse aquam: mundum esse animatum, maxime magnetem ac succinum: animos esse immortales: mundum esse dæmonibus plenum: Antiquissimum eorum, quæ sunt, esse Deum; Pulcherrium esse mundum, quia à Deo factus est. Maximum esse locum, capit enim omnia. Velocissimum esse Mentem, nam per universa discurrit. Fortissimum esse necessitatem, cuncta enim superat; Sapientissimum tempus; invenit namque omnia. Pro Ethica hæc habet: Nosce teipsum. Justissimè ac optimè vives, si quæ in aliis reprehenderis ipse non facias. Unum quidpiam sapiens divina, unum quidpiam præclarum elige, & obstrues os loquacium hominum non paucorum. Quæcunque stipendia parentibus intuleris, eadem ipse à filiis expecta. Cæterum adamavit Thales vitam solitariam, privatam, accelibem, & cum tam sapiens esset, non effugit petulans anus domesticæ probrum; cum enim aliquando domo



exiret contemplandorum syderum causa, fertur in subjectam fossam incidisse; cui anus: qua ratione, ô Thales, quæ in cælis sunt, te comprehensurum arbitraris, qui ea, quæ sunt ante oculos, videre non vales?

Circa  
O.  
lymp.  
46. Solon fuit legislator tantum, dixit: Leges araneorum telis esse simillimas; imbecilla involvunt; fortia perrumpunt. Sermonem silentio, silentium tempore notari. Eos qui apud Tyrannos autoritate pollent, comparabat calculis, quos, dum non utimur, rejicimus; Amicos citò parare noli, quos autem paraveris, ne rejicias.

Circa  
O.  
lymp.  
55. Chilon Lacædæmonius ethicè dixit: linguam semper præsertim in convivio continendam. Proximo non male dicendum, alioquin nos audituros, quæ nobis dolebunt. Nemini intendendas minas; esse enim muliebre. Fortem mansuetum esse oportere, ut proximi non tam metuant, quam revercantur. Impossibilia non appetenda. Lapide aurum, auro mentes probari.

M. O.  
lymp.  
52. Pittacus Imperator Ethica protulit: Nosce tempus. Prudentium est adversa prævidere, fortium perferre: Quod facere instituis noli prædicare, nam si facere nequiveris, rideberis. Infelicitatem nemini impropèraveris, ne justæ querimonie pateas. Sumpto arcu & jaculis impetendum esse hominem improbum, nam fidum nihil lingua loqui valet, dum cordi duplex alitè insedit sensus.

Bias Orator hæc docuit: Civibus placere omnibus stude; habet enim id multum gratiæ; contra verò fastus ac superbia semper nocuit. Malle se inter inimicos, quam amicos judicare; quippe alterum ex amicis prorsus futurum inimicum; ex inimicis autem alterum amicum; hinc Chilon tali in casu amicum persuasit, ut à suo judicio provocaret. Siquid agere instituis, lente id aggredere; ceterum in eo, quod elegeris, firmiter persiste. Persuadens accipe, non cogens.

Circa  
O.  
lymp.  
38. Periander Tyrannus dixit: eos, qui tuto regnare vellent, benevolentia, non armis stipandos; alioquin, ut Solon ait, externæ vires, & peregrina auxilia urbanis viribus majora comparanda sunt. Non peccantes modò, sed & peccare gestientes punito.

M. O.  
lymp.  
69. Pherecydes scripsit libellum de rerum principio, cujus initium est: *Jupiter quidem atque tempus idem, & tellus erant semper.*

Anaximander principium dixit esse Elementum immensum & infinitum; nectamen dixit, quale sit illud Elementum, an aër, aqua &c. primus invenit gnomonem, quo observavit Aequinoctia & solstitia, primus terræ marisque circuitus descripsit, & sphaeram construxit. Et hoc quoque illum celebrem fecit, quod dixerit terram centri instar in medio constitutam ac rotundam esse, Lunæ lumen esse à Sole, Solem terræ magnitudinem æquare, & esse purissimum ignem.

Circa  
O.  
lymp.  
58. Anaximenes Anaximandri discipulus dixit illud infinitum, quod est rerum initium, esse aërem.

N. O.  
lymp.  
63. Anaxagoras in Physicis longius ivit: omnia, inquit, simul erant, deinde accessit mens, eaque composuit. Solem dicebat candens ferrum esse ac penitus ignitum, & Peloponneso majorem. Lunam habitacula in se habere, & colles & valles. Initia rerum similitudines habere partium, id est ex particulis ferri fieri ferrum, ex particulis carnis carnem &c. mentem verò esse initium motus. Lacteum orbem reflexum esse Solaris luminis non intermicantibus

astris. Cometas errantium stellarum esse concursum, flamas ex se emittentium. Gravia inferiora, levia superiorem reliqua medium locum occupare. Ventos fieri cum aër à Sole tenuatur. Tonitruum nubium collisionem, coruscationes confricationem nubium, terræ motus successionem aëris interram. Animantes primò ex humore & calore, terræque manasse. Iple Author dicitur in exilium pulsus esse, quod Soleni dixerit esse ferrum candens, vel verius sub hoc prætextu, quod Pericli in Reipublicæ administratione contraria sentiret.

Archelaus primus Athenas ex Jonia Physicam invenit, & appellatus est Physicus, dixit: Duas esse generationis causas, calidum & frigidum; animalia de limo nata, primus verem aëris percussum definivit.

Socrates Anaxagoræ & Archelai auditor, Platonis Magister fuit. De illo dictum: Mortalium unus, Socrates verè sapit. Parum Physicæ, omnia Ethicæ tribuit, dixit enim: Quod supra nos, nihil ad nos: scire se nihil, nisi hoc, quod nihil sciat. Juvenibus commendabat, Ne quid nimis. Erat modestus, temperans, patiens, contentus paucis; sæpe cum eorum, quæ publicè vendebantur, multitudinem intuebatur, secum istaolvebat: Quam multis ipse non ego! ejus sapientia elucet ex libris Platonis, de quibus infra à suis adversariis, quos sæpe redarguit, accusatus, quod Deos negaret, & Juventutem corrumpere, ad mortem damnatus est, verum Athenienses poenitentia ducti mortuo statum erexerunt.

Aristippus dives amat argutias, interrogatus, quidnam sibi ex Philosophiæ studiis quæsisset; posse, inquit, omnibus fidenter loqui. Ejus affectu felicitatem hominis in voluptatibus collocarunt, etiam si falsi hanc à nullo homine obtineri posse. Utpote malis innumeris seu doloribus permixtam, & nullibi omnium voluptatum collectionem beatam.

Euclides Megarensis Bonum esse unum definivit multis nominibus celebre; aliquando enim hoc dici prudentiam, quandoque Deum, aliàs mentem appellari &c. quæ bono adversantur, ne quidem esse dixit. Invenit modum disputandi per conclusiones: primi enim carminibus, priores dialogi usi sunt, nunc jam passim dialecticæ argutiæ substituebantur.

Pythagoras Author Philosophiæ in Italia docuit Principium omnium esse unitatem, porro ex unitate indefinitam dualitatem: ex Monade verò seu unitate, ac inde terminata dualitate numeros gignit, ex numeris puncta; ex punctis lineas, ex lineis planas figuras seu superficiem, ex planis solidas figuras, ex solidis figuris solida corpora, horum quatuor sunt, Elementa reliquorum, ignem, aquam, terram, aërem, quæ per omnia se mutant ac vertunt. Ex his Elementis fit mundus animatus ac rotundus, in cujus medio terra rotunda, ubique circum habitata, adeoque dari antipodas: mundo & quis partibus inesse lucem, ac tenebras, calidum & frigidum, siccum & humidum. Deum nostri providentiam gerere; animam avulsionem subtilissimi ætheris esse, ac esse immortalem. Totum aerem esse plenum animis, eosque & dæmones & heroas existimari, atque ab his immitti hominibus somnia, & signa, & morbos. Virtutem, sanitatem, omne bonum, ac Deum ipsum Harmoniam esse, adeoque Harmonia regi cælos, ac constare omnia.

Xenophanes in Sicilia docuit: quatuor esse Elementa



corpus longitudinem solam habens, ac latitudinem, sed carens altitudine. Linea superficialis finis est sive longitudo absque latitudine, sive corpus solam habens longitudinem; punctus autem est lineæ finis, notaque minima.

Elementa hujus mundi quatuor sunt respectivo ad alia corpora substantia simplex ac incomposita; quoad se tamen non sunt informia; sed formata; generabilia, ac corruptibilia; ex his Elementis permixtis exortas esse animantes, & arbores, & alia hujusmodi. Est igitur rerum materia duplex; prima materia, & secunda. Materia prima, seu rerum omnium, est, ex qua quidvis constat; quæ nec major nec minor unquam efficitur. Materia secunda, seu rerum singularum, ac veluti particularium causa possibilis, ac mutabilis est; nam si esset immutabilis, nulla ratione, quæ fiunt, ex ea fieri possent. Hinc & illius sectio in infinitum tenditur, ut proin hæc materia secunda sit divisibilis in infinitum, nempe in minima Zenonica puncta.

Generatio ac compositio non fit per additionem, aut subtractionem partium; sed per mutationem totius in totum; nam pusillum vini pelago injectum aliquando oblectabitur; postea defluet, atque uno corruptetur.

Naturam aliquando definiunt, quod sit quæ continet mundum; aliquando, quod sit, quæ facit germinare humum, nascique super terram omnia: sed simpliciter dicunt, quod sit habitus ex seipso motum accipiens, juxta feminalem rationem, efficiensque, & continens quæ ex ipsa constant, statutis definitisque temporibus hæc natura in suis operationibus voluptati præfert commodum, ut ex hominis opificio constat; sed tamen omnia fiunt fato, quod nihil aliud est quam connexa rerum series, sive ratio, per quam mundus administratur; per quod non excluditur, sed astringitur providentia, ut Zeno & Crisippus in 2, C. de divinatione; Athenodorusque & Possidoneus in 12, de ratione naturæ.

Circa causas denique explicat causam ac naturam Veris, Æstatis, Autumni, Iridis, quam dicit esse reflexos radios ab humidis nubibus; Cometarum, Facularum, Pluviz, Pruinæ, Grandinis, Nivis, Fulminis, Tonitruum, &c. sed quia in his nil speciale habet; id omitto; solum adverto, eos admisisse dæmones, quibus insit hominum miseria, quique res humanas inspiciant; heroas quoque solutas corporibus animas. Fortè iis indigebant ad explicandos quosdam singulares effectus; fortè nonnunquam curas etiam bonorum Angelorum experti sunt.

Animam putant esse spiritum calidum, quo spiramus, & à quo movemur: hunc spiritum esse ignis speciem, eum esse sensibilem, ac corpus; ideoque durare post mortem; etiamsi sit corruptibilis: Animam tamen mundi, cujus partes sunt omnium animantium animæ, esse incorruptibilem: Cleanthes quidem putat omnes animas post mortem tamdiu perdurare, donec calore destituantur: Crisippus verò solas animas sapientum perdurare ait, utpote sensibili corporis minus alligatas ac permixtas.

Sensus esse quinque; visionem fieri, cum lumen intermedium inter oculum & objectum in Coni-

figuram mutatur; apice versus oculum, basi versus objectum existente per modum virgæ verberato aëre. Auditum fieri cum aër intermedius verberatur orbiculariter, dein agitatus auribus influit; quemadmodum & cisternæ aqua per orbem agitur injecto lapide.

Animam docent divisibilem esse, ac produci per adducem.

In Ethica dicunt; finem hominis esse secundum naturam vivere; ad ea enim, ad quæ totius mundi natura impellit, ad eadem impellit & nostra natura, cum hæc illius pars sit. Bonum igitur hominis esse virtutem, cui semper gaudium conjunctum sit. Solum sapientem beatum esse, qui nullis perturbationibus moveatur; & sic de singulis passionibus discurrunt. At quid opus inventis artibus glandibus vesci? constat naturam cum suis inclinationibus corruptam; errat, qui has sequitur: constat, quietum statum mentis beatum non esse, qui ab æterno bono sejungit; & ordo quiescendi in Deo alligatur legibus Divinæ Providentiæ; quæ in duris, adversis, pœnitentiæ &c. beata suis ferunt gaudia. Veram Ethicam non quærimus, sed tenemus.

## CAP. V.

### *De Philosophia Platonis.*

Plato, quem divinum vocant, doctrinam suam variis Dialogis complexus est; horum quidam pertinent ad Logicam, alii ad Physicam; alii ad Ethicam, aut Civilem. Physicam universam ferè in suo Timæo comprehendit; in eo sic docet.

Tradunt Ægyptii se per novem annorum millia in suis templis & S. litteris conservare monumenta, è quibus ajunt plures jam factas inundationes, ac conflagrationes mundi; sed Ægyptum ab iis præservatum, ab inundationibus ob siccitatem regionis, à conflagratione per Nilum; Græci verò unam tantum inundationem factam contendunt; & Plato non insistit fabulis Ægyptiis, sed probabiles solum rationes de generatione mundi se sequi proficitur.

Universum igitur hoc, inquit, cælum, sive mundum, sive alio, quo gaudet vocabulo cognominemus: hoc totum sensibile est, ac proin, ut suppono, genitum est: quidquid genitum est, ab aliqua causa genitum est; hanc causam ego opificem ac Patrem mundi voco, quanquam illum in vulgus prædicare nefas sit: mundus hic optimus est, & faber mundi bonus est; igitur ille opifex secutus est exemplar optimum, sempiternum proin ac immutabile; quod juxta nullum aliud exemplar factum sit.

Causa ob quam ille rerum Author generationem & hoc universum constituit, est hæc: bonus erat; bonus autem nulla unquam invidia tangitur; ergo cum livor ab illo omnis abesset, omnia sibi quantum fieri poterant, simillima fieri voluit.

Porro in generatione mundi considerari possunt; unum, quod gignitur; aliud in quo gignitur; aliud à quo similitudinem trahit, quod nascitur: id, in quo gignitur, vocetur Materia; id, quod gignitur, est mundus; id, cujus similitudinem materia recipit, est forma.

Materia est id, quod omnes formas recipit, nullam tamen habet; adeoque nec est ignis, nec aer, nec aqua; sed id, quod aliquando fit igneum, aëreum, aqueum.



pro hujus intelligentia, consideremus id corpus, quod vocamus aquam, quando in solidam concrevit materiam v. g. in lapidem, terram; aut quando liquefit ac diffluit, se mutando in spiritum, ventum, aut aërem: ex hoc statu denuo transit in alium, quando idem corpus ex aëre per condensationem fit nebula & nubes, aut per adhuc majorem condensationem aqua ac pluvia, ex qua denuo fit terra, ac lapides. Ex hoc apparet, omnia, quæ invicem transmutantur, sibi mutuò præbere materiam, quæ cum nunquam sub eadem forma appareat, non potest dici quod sit potius hoc, quam illud, v. g. ignis, aqua; sed ignea, vel aquea; sicut, si aurum in varias figuras mutetur, poterit quidem dici, quod Hoc sit aurum; non verò potest dici, quod sit v. g. triangulum, sed triangulare. Eadem de illa natura, quæ cuncta recipit corpora, ratio est: idem semper esse dicenda est; siquidem ex propria potentia recedit nunquam; suscipit enim semper omnia; nec ullam unquam iis similem formam contrahit, omnis generis configurationi subjecta, & ab ingredientibus formis figurata est; quæ verò ingrediuntur & exeunt formæ, aliunde adveniunt, & ideo rerum alibi existentium aut partes aut simulacra sunt: ipsum formarum gremium ac receptaculum necessario debet esse informe, & ex sua natura, omnibus formis, quas recepturum est, carere. ut qui unguenta suaviter redolentia confecturi sunt, humidam materiam, quam certo odore condire volunt, ita præparant, ut odorem nullum proprium habeat; & qui materiis mollibus figuras imprimere volunt, nullam omnino in eis priorem figuram apparere patiuntur; sed exactissima quadam lævigatione eas poliunt; pari modo nullam sibi propriam formam habere debet, quod est omnia genera suscepturum, & quod omnibus formarum aliunde advenientium simulacris rectè figurandum est, necesse est, omnibus his formis secundum se carere.

Ex his patet 1. materiam mundi non esse ignem, nec aërem, nec aquam, nec terram; quia ignis nihil aliud est, quam aliqua pars materiæ ignita; & aqua nihil aliud est, quam aliqua pars materiæ humefacta. 2. Materiam nullo sensu comprehendi posse, quia quidquid videtur, aut tangitur, jam est aliquid formatum; materia autem est informis; adeoque invisibilis. 3. Materiam primam nil aliud esse, quam locum ipsum, seu spatium indefinitum, quod ab aliis vocatur extensio indefinita: locus enim est receptaculum ac locus informis omnium formarum capax; hic solus interit nunquam pereuntibus cæteris omnibus, sed omnibus quæ gignuntur, sedem exhibet; hic solus est, ad quem respicimus, dum omnia in eo posita credimus, & necessarium esse credimus, ut in eo ponantur; quod enim neque in cælo, nec in terra est, minimè esse credimus; nec locum ab ulla re secernere possumus, licet formam à re cujus est forma, secernere, & in aliud cogitatione transferre subjectum possimus.

Igitur inter mundi principia recensendus est etiam locus seu spatium, quia recipit omnes formas, & fungitur officio materiæ.

Formæ sensibilium sunt distinctæ à materia; illæ de novo adveniunt materiæ, in qua sunt corrupti-

biles ac singulares; tales formæ alicubi tamen dantur, ubi sunt æternæ, incorruptibiles, ac universales; quia intellectus non fallitur, dum apprehendit tales formas abstractas: adeoque illæ formæ sensibiles ac singulares tantum sunt simulacra ac umbræ æternorum, ubicunque sint illa æterna. Æternas has formas, exemplaria corruptibilium, Ideas voco; illæ intellectu solo, hæc etiam sensu percipiuntur.

Si quæras: quomodo formæ illæ æternæ participantur à materia? dicendum, eas imprimi materiæ per modum sigilli, cujus solum simulacrum in cera relinquitur; hoc corruptibile est illo incorruptibili remanente. Quia verò nihil fit sine debito ordine, dicendum; has formas materiæ imprimi secundum certas proportioniones Mathematicas, secundum numerum, figuram, ac quantitatem partium materialium; ut proin formæ Mathematicæ sint formæ intermediæ unientes æterna materiæ; ipsæ verò formæ Mathematicæ seu proportioniones sunt primus effectus conditoris, quem operatur in materia; nempe redigendo singula in ordinem.

Itaque cum Deus creando mundum vellet omnia bona fore; nihil verò, quoad naturam patereetur; malum; assumpsit omnem quæ sub sensu cadere pollet materiam; non quietam & tranquillam, sed variè agitatum & fluitantem, eamque ex inordinata jactatione redegit in ordinem.

Primò Deus totam materiam, adhuc uniformem ac indivisam, divisit in varias partes secundum proportioniones Musicas, ut systema totius universi quoad præcipuas sui partes debitam harmoniam servaret. Nam primò Deus ex materia sumpsit unam portionem; secundò duplam. tertio secundæ sesquialteram, primæ triplam. quarto secundæ duplam. quintò tertiæ triplam. sexto primæ octuplam. septimò aliam quæ primam viginti & sex partibus excederet. Portiones duplas & triplas denuo secavit in alias partes secundum proportioniones sesquialteram, sesquiterciam, sesqui-octavam &c. Adeoque Harmonia universi nascitur ex octava, quinta.

Hac generali divisione facta, partes denuo pro exigentia per medium divisit; dein in orbem omnem massam, & singulas partes intorsit: e hoc motu prodierunt diversæ cœlestes stellarum & Planetarum orbitæ, quorum aliqua moventur in Orientem alia in Occidentem, alia celerius; alia tardius singula secundum proportioniones divisionis constitutas, ne turbaretur harmonia. Quia verò partes materiæ non æqualiter ponderis ob varias sectiones tum ex prima divisione tum ex motu provenientes, non poterant hæ partes servare æquilibrium: Igitur necesse erat, has partes tanto motu agitas in diversa raptari, ac discerni; perinde ut videmus in frumenti purgatione partes jactatas ac excussas discerni, atque aliò solida & gravia, aliò rara & levia ferri. Simili modo quatuor Elementa ex motu totius tumultuantis materiæ commota secernebantur; dissimilia quæque à dissimilibus longè separabantur; similia verò rursus coibant, atque idcirco etiam ante mundi exornationem sedibus divisa erant; sed neque



neque his ratio inerat, nec modus; at verò ubi cuncta redigere in ordinem placuit, Deus ignem primò ac terram aëremque & aquam, quæ quidem Elementorum præferebant vestigia, distinctis figuris, speciebus, & numeris exornavit; ea verò apud nos sententia semper rata indubiaque præ cæteris habeatur, quod Deus illa, cum talia non essent, quam pulcherrimè optimèque fieri poterat, ordinavit.

Elementa quatuor, si finis spectetur, ideo condita sunt, quia sine igne nihil videri potest; sine terra seu solido nihil potest tangi; sed dico absque vinculo intermedio aptè coherere non possunt; igitur Deus gradatim mediante aëre & aqua duo extrema valde inter se diversa conjunxit.

Naturam Elementorum ut intelligam considerandum primò, quòd corpora sint; omne corpus profunditatem habet; & profunditas è planis componitur; & plana è triangulis constant; trianguli ex lineis & punctis resultant; porro triangula sunt rectangula; alia quidem æquilatera, alia inæqualium laterum. Cum igitur Elementa corpora sint, necesse est ea, ex triangulis constare; & sicut ex triangulis omnes figuræ resultant, ita ex triangulorum compositione figuræ omnium Elementorum prodeunt; & sicut triangula resolvi & alio modo combinari possunt, ita & Elementa in invicem converti, corrumpi & generari possunt. qualem verò naturam ac principia cælestia corpora habeant, Deo notum est, & ei, qui sit Dei amicus. Ad determinandam figuram singulorum Elementorum ex figuræ seligendo, quæ perfectissimæ sint, quæque simplices id est nulli diversitati subiectæ sint; quia Elementa tam perfecta ac simplicia sunt, quam possunt. Talia triangula sunt duo, nempe Isosceles seu æquilaterum, & Scalenum, seu inæqualium ex his planis triangulis sunt solida, ut consideranti patet; modò bene advertatur superficies planorum in invicem resolvi posci; quando enim duæ superficies sibi accurate imponuntur, fit una superficies.

Terræ tribuamus partes cubicas, quæ resultant ex triangulis æquilateris; quia bases talis cubi firmissimæ, ac omnium maximè ad motum ineptæ sunt.

Igni tribuamus partes pyramidales, quæ seorsim quidem ob parvitatem cerni non possint, ubi verò multæ congregatæ fuerint, sub sensus cadant, hæc figura, quia acutissima est, igni tribuit vim penetrandi ac dissolvendi; quia verò bases paucissimas habet, reddit ignem summe mobilem ac velocissimum ac levissimum. Aeri & aquæ similes partes tribuamus, sed magnitudine, angulis & basibus & numero ac densitate aliquantum diversas; quia aqua gravior ac immobilior quam aër est; & hic minus mobilis, quam ignis.

Transmutatio Elementorum hoc modo fit: Terra, cum in ignem inciderit, ejus acumine resoluta dissolvitur in ignem, aut aërem, aut aquam, quousque partes ejus sibi invicem iterum congregiantur ac copulentur, quo casu denuò fit terra. Aqua ab igne vel aëre divisa in partes duplo majorem aërem facit. Aer verò ab igne dissolutus duplo majus ignis corpus constituit. Quando verò ignis ab aëre, vel aqua, vel terra velut captivus detinetur, tunc quidem ea commovendo pugnat, sed quando superatur, duo ignis corporis per condensationem tantum unum aeris, & ex duobus a-

eris corporibus, tantum unum aquæ corpus efficitur. Cæterum Elementa invicem mixta infinitum pariunt varietatem, cujus peritos esse oportet, qui de natura probabilem rationem reddituri sunt.

Motus Elementorum perpetuus est; hoc exinde provenit, quia natura constringit omnia, & locum vacuum relinquit nupiam; hinc ignis quaqueversum compressus erumpere conatur; & corpso penetrat omnia; idem conatur aer, qui cum igni tenuitate sit proximus, undique se insinuat; idem & aqua facit, ut proin ex ipsa in motu sit. Cum igitur omne movens sit alicujus rei motæ movens, & omne movens moveatur ab alio, necesse est motum non quiescere, sed totam naturam perpetuo quasi fluctu agitari: Et quia hoc fluctu res peregrinæ extruduntur, necesse est singula Elementa in suam sedem protrudi.

Pori Elementorum & corporum sunt diversissimi; quæ enim ex maximis partibus sunt composita, vacuitatem quoque intra suas partes maximam relinquunt; quæ autem minimis partibus constant, vacuitatem intermediam minimam relinquunt; coactionis angustia etiam parva in magnorum contrudit inania, ubi pariter secernunt sibi consimilia parva; igitur parva premuntur à magnis, & magna mutua reactione premuntur à parvis; & sic fit, ut singula in sua loca ferantur, quia mutata magnitudine quodlibet, mutare sedem necesse est.

Species Elementorum singulorum variæ sunt; sic enim Ignis dividitur in flammam, & lumen, quod à flamma exit. Aeris genus aliud purissimum agilissimumque est, quem ætherem nuncupamus; aliud turbulentissimum; aliasque varias species, quæ nomen non habent, esse putandum est propter ipsam triangulorum inæqualitatem. Aquæ genera duo sunt, unum humidum, alterum fuisse. Humidum est, quod inæqualibus & parvis partibus constat, & ideo facile à se ipso ab inæqualitatis, conditionem dividi, ac moveri potest: Quod ex partibus grandioribus, æqualibusque, & laxius est compositum, stabilius est. Tale corpus ob lævem æqualitatem partium valde compactum ideoque grave est; sed quando ab igne cum impetu ingrediente ac omnia dissolvente æqualitatem amittit, tunc movetur, ab irruente etiam aëre per poros adhuc magis extenuatur, & sic funditur ac liquefit: Quando verò partes igneæ denuò evolant, succedit aer, & partes denuò comprimit, compingit, & pristinam conglutinationem ac soliditatem massæ restituit: talia corpora sunt omnia metalla, aut lapides, quæ per ignem fundi possunt.

Locus Elementorum solum ab æquilibrio provenit, non à natura locorum: absurdum enim est, esse duo loca ex sua natura diversa, à se invicem longo intervallo distita, quorum unus vocetur deorsum, ad quem nempe omnia molem quandam habentia corpora deferantur alium verò sursum, ad quem vi omnia moveantur molem habentia. Cum enim cælum omne rotundum sit, non datur sursum & deorsum; sed tantum extrema periphæria, & locus medius, qui undique à circumferentia æqualiter distet; igitur si quid circa medium æquilibratum sit, ad nullam extremorum partem declinabit; & si quis circa medium obambulet, sæpe sibi stabit plantis oppositis eandemque partem sursum & deorsum vocabit. Itaque universum, cum sit rotundum, locum habere superiorem aut inferio-



rem quoad peripheriam, vir prudens minime affirmabit. Tota proin diversitas motuum in elementis est, qui minus gravia à gravioribus ob æquilibrium sursum extruduntur; siquis enim in superiore regione ignis habeat lancem, & in una ponat aërem, in altera ignem, tunc experietur aërem graviolem deorsum ferri, & ignis cogetur sursum ascendere: Hoc proin actu contingit, dum leviora ascendere graviora descendere videmus; hinc quod in uno loco leve est, in altero grave reperietur; omnia enim à regione dissimilium partium extruduntur ad locum partium similium, coipso quod in locis remotioribus sit major dissimilitudo partium ac proin major vis expulsiua.

Qualitates Elementorum sunt gravitas, levitas, humiditas, siccitas; calor, frigus, durities, molli-  
ties, lævitas, asperitas, &c. de gravitate, levitate, humiditate, & siccitate jam dictū. Si calorem in nostro corpore consideremus, eum videbimus esse divisionem partium; quod enim calor acumen quoddam sit, omnibus manifestum est; consideranda verò in calore sunt tenuitas angulorum, laterum subtilitas id, parvitas particularum, motus velocitas rapidissimi, per quæ omnia calor vehemens & penetrans est; velociterque, quod occurrat, dividit semper & dissipat, & sic corpora nostra in partes exiguas partiendo eam passionem, quam calorem vocamus, inducit. Contraria huic passio, nempe frigus, fit, quando humidæ corporum partes, partibus nostris humidis grandiores, cum in corpus nostrum influunt, minores partes extrudunt, sed in earum sedes sese insinuare non possunt; humorem tamen nostrum coagulant, atque ex inæquali & agitato immobilem propter æqualitatem partium coagulatum faciunt, inque angustum cogunt; nam expulsi partibus ætheris subtilioribus vel aëris relinquuntur partes æquales & ideo sine fluido intermeante relicte à motu destituuntur. Igitur in frigore partes in angustum coguntur, & ideo se in pristinum statum reducere nituntur; quod enim præter naturam coactum est, per vim elasticam secundum naturam suam renititur, seque revocat in statum pristinum. In hac reluctatione, quassationeque partium tremor rigorque consistit; omnisque hujusmodi passio frigus, & quod eam passionem infert, frigidum vocatur. Durum autem dicimus illud, cui caro nostra cedit, molle, quod carni; resque invicem & duras & molles eadem ratione dicimus. Cedit autem, quidquid parum nititur; quod verò ex triangularibus basibus firmamentisque est, utpote plano vehementer innixum, renititur maximè atque resistit; quodve summopere derisum est, contra venientia vehementer percutit.

Effectus Elementorum, qui ex eorum commixtione prodeunt, ex aliquot exemplis intelligi possunt. Ex his partibus, quas aquas fusiles appellavimus, fit aurum, quando ex tenuissimis levissimisque partibus fit unum corpus densissimum, uniforme splendidum, flavum. Auri autem ramus propter densitatem durissimus, & nigro præterea colore suffusus, adamas appellatur. Æs

quoad partes auro proximum ac simillimum est; sed continet plures diversas species partium, est insuper auro densius; licet poros ac intervalla intrinsecus majores habeat, ob quod & levius est; terrenæ quoque partis tenuioris in modica quantitate particeps est, ob quod ædurius & asperius est; intermixtum tamen æs simpliciter ex aquis fusilibus concretum est; quando verò terrena pars huic immixta ob vetustatem à cæteris partibus secernitur, ad extremamque emissæ per poros superficiem per seipsam aspectui patet, id rubigo vocatur. Cætera ejusdem generis circa metalla & fossilia verisimilibus rationibus assequi haud quaquam laboriosum est; quod si quis remittendi studii gratia consideraverit verisimiles tales circa corruptibilia hypotheses ac explicationes, simul & ejusmodi consideratione sine pœnitentia delectabitur & moderatum in vita prudentemque ludum consequetur.

Post metalla possunt considerari grando, glacies, nix, olea, quæ etiam ex Elemento humido constant. Igni sæpe miscetur aquæ pars tenuis, humida, ac fluida, qualis in terra fluit; simul & mollis, quia ejus bales minus firmæ, stabilesque, quam terræ, facile cedunt ac labuntur. Quando hæc aqua ab igne destituitur, & simul ab aere seu æthere deseritur, tunc fit levior, & alienis partibus expulsi partes coguntur in arctius; quando hæc aqua ita compingitur supra terram, fit grando in terra, fit glacies; quando verò aqua minus congelatur, fit nix; si in terra ex rore crassior facta, pruina. Verum quando plurimæ diversæ aquarum species in invicem commiscuntur, nascitur aliud genus humoris, qui per arbores stillat; hujus species ob varias mixtiones sunt innumera, ac sine nomine. Quatuor verò ob suam evidentiam sortita sunt nomen. *Vinum olearia*, ut *oleum*, *pix*, *gummi*; *melsuccus*.

Post metalla, & alia mixta aquosa possunt considerari mixta terrestria, ut lapides, lateres, nitrum &c. lapides hoc modo generantur; quando aqua congelata in mixtis corrumpitur, tunc mutatur in aerem qui mox nititur ire in locum aeris; cum verò nullibi vacuum reperiatur, necesse est ut proximum aerem pellat, ac comprimatur; iste proin resistit, ac circumfusus terrenæ molis undique illum circumfistit, ac vehementer illidit, sequens ipsum in eas sedes, unde novus aer ascenderat, vi intrudit; terra igitur cum aqua adhuc residua à circumfistente aere in arctum coacta lapides procreat, pulchriores quidem illos, qui perspicuè ex æqualibus planisque partibus emicant; deformiores verò, qui contra. Quando verò per acumen ignis omnis humor resolvitur, tunc redditur corpus aridum & fit ea terræ species, quam lateres aut testam vocamus. Quandoque dum aliquis humor relinquitur parvus, & terra per ignem fusilis redditur, ex tenuioribus terræ partibus fit salsum & semiglaciale corpus accedente gelu, hoc nitrum aut sal dicitur.

Solutio mixtorum, quæ ex Elementis componuntur sic fit: Ea corpora quæ tantum terra



terra constant, per aerem & ignem non liquefunt nec solvuntur: Cum enim aer & ignis partibus consistant tenuissimis, longè minoribus, quam sint pori ac vacuitates massæ terrestris, per hos vastissimos meatus ac capacissimos libere sine ulla violentia meare possunt; hinc illam massam nec dissolvunt, nec liquefaciunt: sola verò aqua talem massam terrestrem dissolvit, quia, cum partes aquæ majores sint, quam ut libere meatus penetrare possint, ideo violento fluxu liquefaciunt: terram itaque male compactam sola aqua solvit vi intrusa compactam verò solus ignis, quia solus ignis eam penetrat. Compositum ex aqua, cujus partes vehementer compactæ sunt, simili modo, solus ignis dissolvit; si verò partes debilius compactæ sint, solvuntur ab aere; aer quidem penetrando per poros affluxu violento; ignis vero per sua triangula. Compositum ex aere solo æthere dissolvitur, si vehementer compactum sit; si verò debilius compactum sit, solo igne. Compositum ex aqua & terra, cujus partes ita coarctatæ sunt, ut aqua intermedia poros obstruat, non solvitur per aquam, quia in hoc casu poros penetrare ac libere permeare nequit: tale verò compositum solvitur ab igne, quia ignis aquæ ipsius poros ac meatus penetrare ac libere permeare potest, sicut aqua penetrat poros terræ. Verum composita infinitæ varietatis sunt; alia minus habent aquæ, alia plus; minus habent vitæ, lapides fusiles, &c. plus habent, quæ glutinosa ac cerea sunt, & vapores, emittunt. Sed omnia solvuntur probabiliter eo modo, quo dictum est. Qualitates reliquæ sensibiles mixtorum sunt sapor, color, odor, sonus. Sapor consistit in lavitate, & asperitate partium; ab his enim partibus tenduntur venulæ per linguam dispersæ, ac contrahuntur, dum prius per humidam carnis molliem penetrantes modicè liquefactæ sunt; ex diversis proin punctationibus nascuntur sapores diversi, acres, austeri, amari, falsi, &c. quando verò ingredientium partium qualitas humida dispositioni linguæ concors est, & consentanea, tunc eam lenit, mollit, & contrariam asperitatem demulcet, quæ in nobis præter naturam contracta vel sparsa fuerunt, relaxat & colligit, ac summam naturalem singulis restituit habitum. hoc dulce vocatur. Odores consistunt in quodam vapore humido subtiliore, quam aqua, & crassiore, quam aer: nam venulæ per nares dispersæ angustiores sunt, quam ut aquæ & terræ partes recipiant. Latiores verò, quam ut partes aëris & ignis à libero transitu impediant; hinc nares nunquam sentiunt ignem, aërem, aquam, terram, ut odorifera: sed solum sentiunt corpora in modifactione, putredine, liquefactione, evaporatione; quando nempe vel aqua in aërem mutatur, vel aër in aquam; media illa natura, quæ in tali transmutatione fit, quomodo-cunque vocetur odor est; diversitas odorum denuo eodem modo explicari debet, ut saporum. Vox est pulsatio aëris per aures ad cerebrum penetrans; exinde proveniens in cerebro commotio à capite in sedem jecoris desinens auditus vocatur. Motio velox reddit sonum acutum, tarda gravem; & pro diversitate motionum prodeunt diversæ consonantiæ. Color est flammula fulgorque

R. D. Euseb. Amore Philosophia.

à singulis corporis partibus emanans partes habens ad oculum accommodatas; tales partes partim majores, partim minores, partim æquales sunt partibus oculi; æqualia non sentiuntur, sed vocantur diaphana. Partes verò minores vel majores visum partim distendunt, partim contrahunt ut fit per calorem vel frigus in carne, vel à sapore in lingua. Partes quæ visum disgregant, albedinis nomen sortiuntur; quæ verò congregant visum, nigredinis: Ceteri colores inter medii tantum sunt diversæ mixtiones albicum nigro; ex his enim diversæ sensationes oriuntur.

Ex his facile colligitur, qualiter Plato reliquos effectus naturæ; naturam viventium maxime explicaturus sit. Omittendum tamen non est, cum suis explicationibus multa inseruisse quæ sic adiungit in homine tres animas; quarum una immortalis sit, reliquarum domina ac moderatrix secunda sensitiva, tertia vegetativa; totum etiam universum dicere esse animatum, ita ut detur una anima mundi creata; & pars mundi, sicut anima in nostro corpore; licet videatur per hanc animam intelligere aliquod principium materiale movens omnia v. g. subtilem ætherem. Ut sit; nunc manifesta veritate non decet immorari puræ hypothese; qui harum cupidus est, legat Platonis Timæum.

In Ethicis fatendum est Platonem mereri cognomen *divini* respectivè ad alios Philosophos Gentilium; demonstrat dari aliquod summum bonum, æternum; incommutabile, infinitum, quod Deum nominamus: Ostendit hominem naturaliter semper tendere ad possessionem hujus summi boni, nec aliam felicitatem veram dari, nisi fruitionem hujus boni: eos, qui per virtutes & sapientiam Deo similes ac amicos reddunt; ad ejus fruitionem perventuros; eos, qui Deo per vitia se dissimiles reddunt, horrendis cruciatibus post mortem plectendos fore; ne tamen nos lateret, quid possit humana ratio, hæc ipsa dogmata erroribus coinquinavit, quos non jurat scire; errores enim infiniti, veritas una tantum esse potest.

## CAP. VI.

### De Philosophia Aristotelis.

Aristoteles ordinatius Philosophiam docuit, an meliora, & nova; judicabis ipse. Scripsit quosdam tractatus Logicos, in quibus artem disputandi enucleatius digessit. In Physica primum agit de principiis mundi in genere; nempe de materia, forma, motu, loco, tempore causa movente: Dein agit de Cœlis & Elementis; de mixtis seu corporibus corruptibilibus in terra & sub terra; de meteoris, seu quæ sunt in aëre. His addit librum de anima, & sensibilibus; nec non librum de aliis animalibus; in Metaphysicis ferè non alia sed alio modo considerat. In Ethica agit de fine hominis, virtutibus, & virtutibus, &c.

Dicit Proin Mundum ex quatuor causis constare ac productum esse principiis. Primum est materia, ex qua omnia facta sunt: Secundum est, forma, per quam res acquirunt hanc vel illam speciem. Tertium est causa efficiens, quæ ordinat ac mutat omnia. Quartum est finis seu bonum totius uni-

Uuuu 2



versis, in ordine ad quod omnia sapienter coordinata sunt.

Datur quadruplex in mundo mutatio ex his principiis causata 1. Generatio, qua totus status sensibilis unius rei mutatur in alium; ut ligni in ignem. 2. Alteratio, qua mutatur tantum res secundum unam qualiterem sensibilem, ut, si ex calida fit frigida. 3. Augmentatio, qua crescit quoad magnitudinem; ut si crescit arbor. 4. Motus localis, quo res transfertur ab uno loco in alium.

Generatio & Alteratio & Augmentatio non fit tantum per combinationem aut separationem diversarum partium materialium: Ratio 1. est, quia partes materiales tantum quoad figuram & magnitudinem diversae quomodocunque combinatae non sunt illa species sensibilis, quae obijciatur sensibus in generatione & alteratione, v. g. coloris, caloris &c. Cum igitur sensus non fallant, in generatione & alteratione datur alia mutatio, quam praecise combinatio aut separatio atomorum. 2. Cum haec qualitates infinitae sint, nec infinita latere possint principia, necesse est aliquas saltem qualitates produci. 3. Constat eandem partem materialem contrariarum qualitatum esse susceptivam, v. g. dum caro nostra sentit frigus & calorem; si enim diversae partes essent susceptivae caloris & frigoris, tunc eadem caro non posset discernere frigus & calorem: at idem sensus haec duo discernit in ipsa carne, nisi fallatur. 4. Saltem consonantia, colores, ordo ipse non constat praecise ex combinatione partium; ergo potest eadem causa oriundi esse aliis formis.

Forma noviter producta, ut Musica, vel albedo, non oritur ex subiecto, in quantum jam aliquid est; sed in quantum non est; nam v. g. si quis fiat ex non Musico Musicus, per accidens & impertinenter se habet, si sit prius Architectus: Musicus igitur per se fit ex non Musico, per accidens autem ex Architecto. Igitur ad munus materiae per se non per non pertinet ulla praexistens forma; licet sine aliqua praexistente forma esse non possit; & ob hoc concipiendo naturam materiae quatales, recte dicitur; materia est nec quid, nec quale, nec quantum, nec aliud eorum quibus ens determinatur, sed horum omnium subiectum, non quod materia sit sine forma; sed quod ut habens formam non fungatur officio materiae.

Quia tamen nulla forma producit sine praeviis dispositionibus; ideo in productione formae ad dispositiones attendi debet: quando posita sunt in materia omnes dispositiones ad formam; tunc datur negatio formae in subiecto apto; haec negatio vocatur *Privatio*: igitur ante productionem formae Privatio praecedere debet. Haec privatio secundum ordinem rationis exigeret positionem ipsius formae; quia vero in natura dominatur bonum, seu causa finalis, ideo posita privatione necessario fit forma: quidquid enim convenienti ordine possibile est fieri, ob bonum universi naturaliter necessario fit. Hinc privatio formae inter principia, numerari debet, ut igitur sint tria principia, nempe materia, privatio, forma. Privatio ob perpetuam connexionem effectuum in natura, & dispositionum immediatarum cum proximo effectui, quae connexio est ipsa vis naturae. Forma tamen nunquam fit, sed compositum; forma enim

est tantum modus materiae, & ultima materiae dispositio; v. g. dum fit aë rotundum; non fit rotunditas, nec aë, sed sphaera; & ultima dispositio aëris est ipsa rotunditas: rotunditas autem secundum se sine materia nihil est, igitur nec fit secundum se; sed totum.

Similiter nec accidens fit, ut albedo, sed album, quia ipsum esse, quod est in materia nunquam fit, sed tale esse; & hoc ideo, quia possibile est, ut patet ex conceptu.

Ex dictis patet, materiam primam non esse atomos quoad figuram & magnitudinem diversas, nec partes elementares, quia haec non essent subiecta alterationi & generationi, in qua, ut ostensum est, eadem pars est susceptiva contrarietatum.

Patet etiam formas Platonicas esse superfluas, quia formae quaerendae non sunt nisi in ipso subiecto, cujus sunt modus; adeoque non fiunt formae, sed educuntur e potentia materiae, quae per dispositiones sui varias proportionum quadam serie connectitur cum variis affectionibus, errabant vero Platonici in hoc, quod quaerebant causas formarum per se, quasi fierent per se; hinc necesse erat has formas alicubi existere; cum omne, quod recipit esse, alicubi subsistat. Accedit, quod ipsa participatio formarum Platonica prorsus fictitia sit, nec tollat difficultatem sed tantum multiplicet formas.

Ceterum pro materia prima statui potest aliud quod corpus cum dimensionibus interminatis; forma vero potest esse qualiscunque qualitas sensibilis.

Hinc quantitas saltem indeterminata non distinguitur a materia prima; & eadem forma, quae fuit accidentalis, v. g. calor potest fieri substantialis, quando post dispositiones magnae intensionis fit intensissimus; ita ut dicatur, calorem in gradu octavo esse ipsum ignem.

Inter dispositiones ad productionem omnium formarum requisitas prima ac generalissima est quantitas, ab huius diversa dispositione dependent omnes reliquae dispositiones ac consequenter productiones formarum omnium, id probatur ex eo, quia quantitas primo inest materiae, & sublati omnibus aliis dispositionibus ultimo remanet. Deinde, cum infinitae diversae ac etiam contrariae dispositiones sint possibiles, necesse est dari in materia causam, cur producat potius haec, quam illa dispositio, haec causa alia esse non potest, nisi ipsa quaedam praevia materiae dispositio, quae pro summa finita varietate causa esse possit, cur sequantur aliae dispositiones in materia. At illa generalis qualitas alia esse non potest, nisi quantitas, quae sola non praerequirat aliam praeviam dispositionem. Ex hoc ortum est axioma, quod omnis contrarietas reduci debeat ad primam aliquam contrarietatem; quia tamdiu debet reddi causa effectuum contrariorum, cur potius secutus sit hic quam alius; quamdiu potest reddi; causam autem reddere est indicare dispositionem praeviam generaliorem ad effectus oppositos praedominantem tamen pro uno effectui.

Quia dispositio quantitatis solum potest consistere in figura, magnitudine, situ, & motu partium, hinc explicatio totius naturae ac effectuum naturalium ab horum explicatione dependet: motus quippe recipitur in quantitate, & ex hoc motu sequuntur omnes reliquae mutationes.



Dicamus proin naturam esse principium mo-  
us & quietis. Hoc principium est in causa efficiente,  
finali, materiali, & finali; positis dispositionibus:  
ordo enim horum omnium ad invicem est ipsa cau-  
sa productiva omnium: fortuna proin nihil est; &  
fatum seu necessitas extra has quatuor causas etiam  
nihil est; nec sunt res ob necessitatem, sed quia  
causæ tales sunt, ideo datur possibilitas, ac conse-  
quenter necessitas naturæ, ut fiant.

Omnis motus, cujus natura principium est, fit in  
loco, tempore, & continuo in infinitum divibili:  
in vacuo autem fieri non potest ob connexionem  
totius universi.

Omnis motus fit ab aliquo movente; nihil enim  
mover seipsum; sed quidquid mover, dum mover,  
moveretur ab alio: cum verò in moventibus non pos-  
sit procedi in infinitum ideo necessariò datur pri-  
mum movens, quod non movetur ab alio; si enim  
abiretur in infinitum, nunquam inciperet motus.

In mundo omnia sunt corporea; corpus enim  
est, quod trina mensura est mensurabile secundum  
longum, latum, & profundum.

In mundo dantur quinque genera motuum cir-  
cularis, sursum, & deorsum, & duo medi; quia tot  
genera motuum sunt possibilia ad bonum universi.

Hinc datur tantum unus mundus; quia omne  
corpus uno horum quinque motuum moveri debet;  
& hinc vel fertur ad medium, vel circa medium ob  
ordinem ac bonum universi.

Cælum est perfectè rotundum; quia, si esset an-  
gulare, tunc tales anguli aliquando per motum cæ-  
lorum devenirent in locum vacuum, adeoque extra  
cælum esset materia seu spatium ac extensio, quod  
est impossibile.

Motus cælorum est causa omnium reliquorum  
motuum in universo. quia motus circularis est per-  
fectissimus, qui non tendit in aliud; quod autem  
perfectius, est causa reliquorum: dein solus motus  
circularis contrarium non habet; reliqui motus  
contrarium habent; adeoque illorum contrarietas  
reduci debet ad aliud unum principium uniforme.

Hinc, si unico momento cessaret motus cælorum,  
statim cessarent omnes reliqui motus in universo.  
quia generatio, alteratio, & augmentatio oritur ex  
motu locali tanquam prima dispositione mate-  
riæ: motus autem inferiorum dependet à motu cælo-  
rum, cum nihil moveatur à seipso, sed semper à  
causa universaliori, & perfectiori.

Hinc datur ordo causarum in universo; quia  
quodlibet existit ob bonitatem, quam habet in na-  
tura; cum igitur quodvis sit aptum esse in natura  
ob proportionem ad causam perfectiorem, univer-  
saliolem, magis independentem, quæ habet finem  
existendi sine imperfectiore; necesse est, ut causa  
universalior ac perfectior sit causa existendi imper-  
fectiori; ita, ut species entium imperfectiores exi-  
stant ob perfectiorem speciem; quod enim aliquan-  
do potest existere sine altero, sine quo tamen alterum  
nunquam potest convenienter existere, eo ipso ob  
hanc bonitatem connexionis necessariò est causa il-  
lius.

Datur aliqua aura ætherea penetrans omnia, quæ  
suo perpetuo motu est causa omnium inferiorum  
motuum; quia cum motus cælorum sit causa omni-  
um motuum, necesse est dari aliquod vehiculum,  
per quod motus cælorum applicetur inferioribus a-  
liud autem esse non potest, nisi aura ætherea.

Dantur quatuor Elementa, infimum terra, dein  
aqua, & aer, supremum ignis, seu materia apta ad  
esse ignem, nempe subtilis & activa pars orbis.

Quatuor Elementa habent diversas quatuor qua-  
litates; ignis habet in summo calorem, in excellenti  
humiditatem, aer habet in summo humiditatem, in ex-  
cellenti calorem: aqua in summo habet frigus, in ex-  
cellenti humiditatem: terra habet in summo siccita-  
tem, in excellenti frigus. Et licet hæc diversæ quali-  
tates præsupponant diversam dispositionem quan-  
titati, figuram, situm, & motum partium; tamen de  
hac dispositione nil constat, nec de illa aliquid cer-  
ti statui potest.

Et quatuor Elementis nascuntur omnia mixta, ita  
tamen, ut non fiat nuda combinatio aut separatio,  
sed talis alteratio, ut qualitates Elementorum mu-  
tentur, ac attemperatione facta connaturalem unio-  
nem fortiantur. Quia tamen de dispositione mate-  
riali nihil constat, ideo præter effectus sensibiles in  
mixtis nil sciri potest.

Anima sensitiva in viventibus est adhuc materia-  
lis; quia est tantum modus materiæ ut aliæ qualita-  
tes sensibiles; adeoque educitur e potentia mate-  
riæ, nec enim id repugnat, cum versetur adhuc cir-  
ca singularia.

Intellectus verò, quo intelligimus universalia, non  
educitur e materia, sed adventit aliunde, quia est il-  
limitatus ad hanc materiam.

In cælo dantur plures tales intelligentiæ, quarum  
una est suprema, influunt in inferiora per motum  
cælorum, quem cælis imprimunt.

## C A P. VII.

### De Philosophia Epicuri, & Gassendi.

Epicurus docet universum componi ex atomis,  
seu minimis particulis indivisibilibus; quia  
omnia in tales particulas resolvi possunt.

Hanc suam philosophiam Epicurus variis opuscu-  
lis, maxime tribus Epistolis, quæ extant in Diogene  
Laërtio complexus est: latius æternum sepulta,  
nisi Gassendus eam ab impietate repurgasset, & suis  
ad inventionibus illustrasset nativis tenebris pro-  
traxisset: quare jam hunc potius audiamus.

Datur spatium infinitum, in quo omnia recipiun-  
tur, quæ sunt: nam quoscunque concipias universi  
terminos, superest spatium, in quo possit poni cor-  
pus, in quo sit Deus, in quod possit extendi brachium,  
aut emitti sagitta, nulla re impediente.

Spatium aliud est corporeum, materiale, & im-  
penetrabile, aliud incorporeum, ac penetrabile; ut-  
rumque creatum, & tribus dimensionibus mensura-  
bile est, utrumque datur, quia sic potest concipi nec  
sine illis res possunt concipi: ut intelligas spatium in-  
corporeum, finge omnem ærem in hoc hypocausto;  
aut Atmosphæram inter cælum & terram penitus  
destrui à Deo, dabitur adhuc locorum distantia, igitur  
& longitudo, ac latitudo.

Locus nil aliud est, quam hoc spatium incorpo-  
reum; quia utrumque recipit omnia, utrumque est  
immobile, quocunque enim corpore loco suo mo-  
to remanet spatium. nec datur alia res æquè immo-  
bilis, aut æquè commensurata corpori locato.

Tempus est res incorporea, sicut spatium, habens  
partes successivas. Hæc res est simul creata, sed in-  
volvit res in diversis suis partibus successivis;  
omnes ejus partes sunt tantum; præteritum  
Est, præsens Est, & futurum Est, quodvis  
tamen



tamen idipsum est, quod est, nempe pars illa illius rei fluxæ. Sicut tamen spatium infinitum est, ita & tempus sine principio, sine fine, quia sic intelligitur.

Sicut Deus elegit certam partem spatii, in quo creavit mundum; ita etiam elegit certam partem infiniti temporis, in quo creavit mundum; & partes mundi. Sicut tamen spatium infinitum creavit cum ipso mundo, ita & tempus infinitum; & sicut spatium datur, etsi non remaneat in illo corpus, ita & tempus: Utrumque tantum est mensura rerum; spatium, quoad longitudinem, latitudinem, & profunditatem; tempus quoad durationem successivam; sicut tamen indigemus ulnâ ad mensurandam magnitudinem relate ad nos; ita indigemus motu corporum magis sensibili, ut Solis & horologii ad mensurandam durationem temporis, licet fluere etiam sine hac mensura.

Sicut Deus est in infinito spatio, ita etiam est in infinito tempore; non datur alia æternitas, nisi hæc duratio successiva; & substantia Dei immutabilis, quæ vocatur æternitas.

Mundus nec est ab æterno, nec æternum duraturus est; quia non necessitates sed sapientia ac providentia factus est contingenter; quia nec historia nec artes veteres sunt; & si dicatur has interisse variis mundi conversionibus, eadem ratione & verterem mundum interisse possibile est.

In mundo ex nihilo nihil sit, nec in nihilum aliquid revertitur; sed ex aliqua materia nascuntur, & in aliquam materiam revertuntur. Sic enim ex seminibus fiunt arbores, flores; ex aqua vapores, ex vaporibus imbres, ex imbribus nutrimentum plantarum, & pecudum. Et si ex nihilo aliquid fieret, tunc ex quolibet nasceretur quodlibet, nec necessaria essent semina, nec ordo nascendi.

Materia illa non potest concipi sine extensione, soliditate, duritie, resistantia, impenetrabilitate; adeoque naturaliter hæc materiae insunt; licet Deus & sine materia possit operari, & ipsam materiam reddere penetrabilem; multa enim possibilia sunt, quæ nos non possumus concipere.

Materia prima omnium rerum sunt Atomæ, seu partes minimæ, plenæ sine vacuo, trinè mensurabiles sed tamen indivisibiles, duræ, ac impenetrabiles; seorsim sensibus imperceptibiles, sed conjunctim sensibiles. Hæ atomæ vocantur, etiam corpuscula; composita minima ex pluribus atomis, ita ut sensibilia sint, vocantur molleculæ. Dari tales partes minimas, etsi invisibiles, credibile redditur, quia etiam aer ac venti, licet invisibiles, non solum sentiuntur tactu, sed & vim ingentem habent. Probatur verò opinio, quia omnia possunt dissolvi in partes minutissimas, ut triticum in farinam; necesse est ergo, ex his partibus constare omnia; cum verò infinitæ partes latere non possint, necesse est, aliquando deveniri ad partes minimas, quæ sint indivisibiles.

Magnitudo atomorum tam parva est, ut nullas res sensibus percipi possit licet minima, quæ non sit jam composita e multis millionibus atomorum; quod enim nostris oculis parvum est, sat naturæ magnum est; & ubi industria humana desinit, ibi incipit natura: fidem dictis microscopia astruunt; sic granum minutissimum, in quo nullas partes

suspiciari liceret, videtur instar pisi habere plures angulos & latera. Acarus qui instar puncti videtur, cognoscitur habere omnes partes aliorum animalium; uti pilos; viscera &c. adeoque innumeras. Guttrula aquæ, in qua aliquamdiu parum dilutum est piperis, apparet instar stagni, in quo moventur innumera animalia; coroculi, attus horum animalium quantula sunt? quanta aquæ copia tingitur unica uncia rubri coloris? Si aqua inbuatur papyrus, & puncta colorata numerentur, quantus erit numerus? sic & fumus per quadrantem horæ egrediens ligno accenso replet multas domos; frustam picis plateas replet. Tenendum tamen atomos diversæ magnitudinis esse.

Figura atomorum diversæ est; aliquæ sunt sphericæ, aliæ planæ, aut cubicæ; angulares, triangulares &c. aliquin non possent prodire tam diversi effectus. Tales diversæ figuræ prodeunt, si aqua salis evaporetur ad Solem; relinquitur enim sal in fundo diversæ figuræ pro diversitate salium; sal commune induit figuram cubicam, alumen octaedricam &c. sic etiam partes horum salium, & omnium aliorum corporum ex diversis partibus constant. Licet tamen figuræ diversissimæ sint, rotundæ, oblongæ, depressæ, planæ, gibbosæ, uncinatæ, hamosæ, spiculatæ, politæ, ramosæ, scabræ, hispidae, tetraedricæ, pentaedricæ, hexaedricæ &c. &c. non infinitæ sunt.

Motus atomis est innatus, probabiliter omnibus; licet Deus quibusdam potuerit non imprimere motum; ratio est, quia aliàs non daretur principium motus; si non esset innatus; & si non esset innatus omnibus, communicaretur aliquando Motus atomis non motis, & sic fieret confusio. motus ille est perpetuus, & celerissimus in vacuo; tarditas tantum provenit ex frequentia reflexione. Celeritas probatur ex radiis solaribus, & speciebus visoriis; Idea hujus motus varii habetur expulvisculis solaribus: Consequens exinde est, omnia corpora, quæ videntur quiescere quoad partes internas esse in perpetuo motu; ac proin partes perpetuò conari ad dissolutionem ac corruptionem totius; idea hujus interni motus potest haberi ex plumbo fuso; quando partes ignis ingrediuntur plumbum, reperiuntur, sed at insequentibus denuo protruduntur ac intruduntur, igitur comoveant partes plumbi, & quamdiu à tergo instant partes igneæ, durat illa commotio seu liquefactio; licet motus adeò sensibiles non sit quoad partes internas.

Datur vacuum inter atomos intermedium; sicut enim inter grana tritici dantur spatiola intermedia, aere plena; ita inter atomos dantur spatiola intermedia omnino omnis corporis expertia; talia spatiola vocantur *vacuum disseminatum*. Ratio allerendi est, quia alioquin non posset dari motus; si enim non datur vacuum, quo recedent corpora secundum lineam directam mota? sed nec circularis motus, ut aqua à piscibus mota, dari posset, quia nulla aquæ gutta motum incipere posset; utpote cum ante motus initium jam debeat prointelligi spatium, in quo corpus motum cedere possit: Orbis circulares solidæ moveri possunt circulariter, quia partes continuæ sunt & unitæ; at in fluido, quis cogit partes deflectere à motu directo ad circularem? Idem



vacuum probatur ex condensatione aëris in sclopeto pneumatico; hæc fit ex ordinatioris compositione partium aëris sicut & triticum malè compactum post concussionem modii occupat minus spatium; contrarium contingit in rarefactionem Eolipilarum. Nec obstat, quod spatia vacua non sentiantur, quia ob celerem motum intestinum partium creduntur ubique esse; sicut titio ardens in circulum actus. Condensatio similis fieri potest in vase stanneo undique clauso vi compresso. Aqua sale communi exsatiata post aliquot dies denuo dissolvit alumen, nitrum, sale ammoniacum, saccharum; quod provenit quia sal est figuræ cubicæ, alumen octoëdricæ, adeoque licet non supersint spatia pro cubis, supersunt tamen pro octoëdris; signum est, quod aqua quoad quantitatem non crescat, nec elevetur ex injectione salium. In vacua ista refertur lucis per vitrum & aquam propagatio; & diversa gravitas corporum pro diversa densitate materiæ.

Potest etiam arte fieri vacuum coacervatum; tale est in tormento bellico in momento explosionis, in vitro superiore Barometri; in machina pneumatica, &c. ex quibus constat aerem compressum niti ad implendum hoc vacuum; censendum enim ultra atmosphæram nostram usque ad astra ferè vacuum esse; aer verò qui ambit terram gravis est, & ideo nititur descendendo implere omne vacuum coacervatum; hinc tanto impetu irruit in machinam pneumaticam; hinc ejus gravitas sustentat mercurium in Barometro, & aquam in syphonibus usque ad determinatam altitudinem.

Præter causam materiale, datur etiam efficiens, formalis, finalis, exemplaris, quæ à Physico examinari debent; non tamen decet contentum esse notitia generali; v. g. ut sciamus arborem fieri ex aliqua materia, ex Elementis, sale, sulphure, atomis, &c. eundem effici ab alia arbore & sale; sed intellectus vult etiam scire, quænam sit materia proxima, quales dispositiones? quale sit principium proximum efficiens; qualis sit dispositio, situs, ac combinatio omnium partium; quis sit finis cujusvis partis in particulari? ac denique an omnia fiant juxta causam exemplarem non tantum conditoris (constat enim opus naturæ esse opus intelligentiæ) sed etiam causæ immediatæ. Quando artifex construit domum, eam construit juxta exemplar, quod in mente aut papyro condidit; quando aranea texit provida captandis muscisetia, sese in medium munitam velut ad arcem contrahens, & hoc ad imitationem exemplaris ab aranea fieri, non incredibile videtur; quidni & plantis concedatur tenuis cognitio, quæ tam constanter operantur effectus sibi similes? possibile est oculum tantum cognoscere colorem, & nihil aliud, aurem tantum sonum, & nihil aliud; cur non & his causis aliqua conveniat saltem exemplaris cognitio? de his proin causis decet inquire.

Prima causa, quæ ante omnia consideranda est Deus; conditor rerum: ejus existentia ac providentia probatur ex instinctu naturali omnium hominum, & provida dispensatione universi, quod ubique apparet esse opus intelligentiæ. qui velit habere ideam Dei, concipiat si potest animam, & principia rerum intus agentia; & his

omnibus cognitis, dicat perfectius quid esse Deum.

Alteram causam rebus intrinsecam à qua omnia moventur, est corporea, quia ab incorporeo corpore tangi ac moveri non possunt, nisi illud incorporeum sit infinitæ virtutis, ut Deus. Hoc principium aliud non est, nisi aliquæ subtiliores & activiores atomi, quæ per motum sibi innatum ac à Deo impressum pervadunt omnia, tribuuntque rebus vim, virtutem, ac potentiam agendi; & ideo in iis consistit forma, ac natura rei seu principium motus: necesse est dari tales atomos, quia licet omnes habeant æqualem primitus, motum; tamen aliquæ vel ob magnitudinem sunt subjectæ pluribus refractionibus & impedimentis, vel ob irregularem figuram sunt intricatiores, ac immobiliiores.

Datur motus; naturalis est, qui fit sine repugnantia; violentus, qui fit cum repugnantia; violentus non datur respectu primorum principiorum & naturæ universalis, sed tantum particularis.

Motus gravium est ab extrinseco; si enim Deus destrueret universum, excepto non solo lapide, utique is non moveretur ab intrinseco versus centrum; deinceps impossibile tot corpora quiescere in centro; motus extrinsecus alius esse non potest nisi pulsio vel attractio; pulsio aëris ambientis lapidem undique æqualis est, igitur necesse est à terra aliquid advenire lapidi, quod illum attrahat ut magnes ferrum: si libram ferri in manu teneas; gravitas erit unius libræ, si sub manu magnetem teneas, senties gravitatem duarum aut trium librarum; sicut autem hæc gravitas duarum librarum non est intrinseca ferro, ita nec gravitas unius libræ; si semper hic magnes sub manu fuisset, judicasses gravitatem ferro fuisse intrinsecam; idem senti de terra, quæ tota, excepta crusta externa, est magnes. Quando videmus ramum mittere radices, folia, germina, flores, fructus, ut solent aliæ olivæ, quivis judiciat, hunc ramum desumptum esse ex oliva; fructum magnetis habet polos, axem, Equatorem sicut terra; ejusdem proin substantiæ terram & magnetem esse censendum est. Attractio verò terræ fortè fit hoc modo; quod terra perpetuo perpendiculariter emitat radios: unus radius igitur transibit perpendiculariter per medium corporis gravis, reliqui radii patientur refractionem & trudent corpus versus perpendicularem.

Acceleratio corporum gravium fit per novos iteratos impulsus, quos recipiunt à particulis attrahentibus; projectilia non moventur à qualitate impressa causante motum, sed ab ipso motu, qui imprimitur à movente, & qui perseverat, sicut motus atomorum; sed corpora, quorum fibræ compactæ non sunt ac cotinua ut plumæ, non recipiunt per totum suum corpus motum: Quando concurrunt diversi motus in eodem corpore, illi non se destruunt, & si sunt contrarii, tantum se attemperant, ut patet in lapide projecto perpendiculariter in navem, qui recidit in navim, adeoque simul movetur Horizontaliter cum navem; ob hanc rationem omnia



nia projectilia describunt lineam parabolicam : sequitur globum ex alta turri horizontaliter excussum eodem intervallo temporis perventurum ad terram, quo deveniret, si e turri perpendiculariter demitteretur. Motus Horizontalis æquali tempore percurrit æquale spatium; quia lapis perpendiculariter ac parallelus ad malum in navi projectus semper servat eandem ab illa distantiam, ut experientia docet.

Reflexio non fit per productionem novi motus, ac restitutionem partium; potest enim idem corpus ex utroque latere impulsus reflectere; sed per continuationem antiqui; sicut enim pila Horizontaliter mota, si planum in quo decurrit excavetur aut parum inclinetur, adhuc creditur servare eundem motum; ita paulatim inclinatio augenda, & censendum, in omni ita fieri eadem est ratio in pendulis. Angulus reflexionis etiam propterea æqualis est angulo incidentiæ, quia fibræ anteriores, in quibus primo fit contactus nituntur retrocedere; quod dum faciunt interim à fortiori impetu protruduntur; vis autem retrocedendi ob inæqualem applicationem fibrarum proportionalis est angulo incidentiæ.

Motus cum atomis est unicum omnium rerum & mutationum in universo principium; in generatione, alteratione, augmentatione nil fit; nisi motus ac nova combinatio partium; quia per hanc solam omnia sufficienter explicantur; sicut enim ex 24. litteris sunt innumera composita, periodi, orationes, ac libri diversissimi; ita ex atomis magnitudinem, figura, motu, ac situ & combinatione diversis nascuntur omnia; sicut A & O figuræ differunt; ita atomi, & ideo diversos sensus diversimode afficiunt in iisque diversas sensationes excitant; sicut Z & N, b & d, p & q positione diversa diversam vim habent significandi, ita atomi v. g. pyramidales secundum diversam applicationem aut angulorum aut basium diversam vim habent ideas in sensibus excitandi; sicut transpositio litterarum diversas voces efficit, ut *es, te, mas, sum, roma amor, laurus, ursula*; ita diversæ transpositiones atomorum sensibus diversas qualitates obijciunt. Omnia verò posse explicari per hæc præcisè principia, inductio monstrabit.

Qualitates corporum sunt raritas, densitas, diaphaneitas, opacitas, magnitudo, continuitas, figura, subtilitas crassities, lævigatio, asperitas, virtus motrix, facultas, habitudo, gravitas, evitas, calor frigus, humiditas, siccitas, molities, durities, flexibilitas, ductibilitas, virtus elastica, sapor, odor, sonus, lumen, color, qualitas occulta. *fluiditas*

Raritas est majoris vacui inter partes interpositio. Ea fit per intrusionem, aut cessationem pressionis extrinsecæ; sic lana per compressionem condensatur, illa cessante rarefit. Diaphaneitas est recta ac ordinata pororum luci proportionalium dispositio; partes enim lucis exigunt tenues, & rectilineos poros: sic si duos pannos lineos superimponas, aut plures, ita ut pori sibi invicem respondeant; erunt perspicui; si verò pori non sibi respondeant, erunt opaci. Hinc & vitra nimis densa, aut si conterantur sunt opaca; quin omnia vitra aliquid opacitatis habent; si enim ante & re-

tro vitrum ponas papyrum senties in anteriorem Sole reflecti è vitro aliquos radios; & in posteriore deprehendes aliquas umbras; nec reflexio, nec interceptio lucis sine partibus opacis intelligi potest: aqua etiam profunditate sola opaca redditur; & quidem ea est opacior quam nebula, qua sine dubio dantur partes opacæ; qui enim in nebula constitutus est, videt objecta duobus aut tribus pedibus remota absque eo, quod in intermedio aliquid deprehendat; qui verò ad talem distantiam in intermedio poneret aquam aut vitrum, ille sine dubio aliquid adverteret in intermedio; similiter ex alta turri per nebulam adhuc cernitur terra; e contra per tam profundam aquam sæpe non cernitur fundus, & urinatores ultra duodecim aut quindecim cubitos demersi dicunt se non amplius discernere Solem; aerem aliquid opacitatis habere patet ex ejus situ Horizontali, secundum quem ægè distinguuntur alia transparentia. Ex dictis sequitur diaphaneitate turbari per impletionem pororum; si aquæ pori impleantur sale non perditur perspicuitas, quia sal dissolvitur; si verò impleantur pauxillo terræ redditur tota aqua opaca; sic si cristallus per duo minuta relinquatur in cineribus calidis; particule igneæ & cinereæ penetrant poros cristalli, eamque opacum efficiunt; vitrum per colores in poris receptos opacum fit; e contra plumbum vehementi igne exercitum; & eo modo quo solent conflare vitra, conflatum abit in speciem transparentis hyacinthi, qui amissa raritate ac dispositione pororum denuo redit in naturam plumbi; idem fit cum mercurio, quem Chymici convertunt in cristallus. Magnitudo & figura sunt tantum modi ab atomis indistincti; continuum est, cujus partes unitæ ac connexæ sunt, ut pannus, subtilitas est partium tenuitas; asperitas est figuræ inæqualitas ob diversos angulos lævigatio fit; quando aut hæ inæqualitates impleantur, aut tolluntur.

Virtus motrix consistit in atomis majori activitate ac impetu præditis, seu in spiritibus; qui secum totam massam rapiunt; quando hi spiritus uniformiter refringuntur aut reflectuntur, hincurva, aut circularis: quodvis corpus refringens aut reflectens saltem quoad partem tangentem tardius moveri debet, quam corpus reflexum; & idem saltem aliquantum moveri debet. Facultas naturalis non est distincta à virtute motrice. Immobilitas tantum consistit in firma connexionione partium, proveniente ex figura hamata, uncinata, squamosa, &c. Naturalis facultas ab acquisita differt, quod in illa detur organorum præparatio, ad reparandos spiritus; una facultas ab altera diversa est per diversos spiritus, aut vim organis insitam. Habitudo est dispositio reiterandi eandem actionem ab constantem dispositionem organorum & viarum, per quas tendunt spiritus.

Gravitas consistit in attractione terræ; hinc omnia, etiam aer sunt gravia, ac solum levia respective, in quantum supponitur aliud corpus, cujus fortior est attractio; sic si in vas aere plenum infundatur oleum ascendet aer, si oleo superinfundatur aqua ascendet oleum, si injiciatur lapis, ascendet aqua: lapis cedit mercurio, & mercurius auro: lamina supra aquam tantum sustentatur ob intermedium aerem; hinc si lamina prius perliniatur



Liquore, ut nullus aer intermedius maneat, mergitur; corpora, quæ post immersionem denuo summa petunt, redeunt ob solutas particulas saltas: pro exemplo etiam servit lignum viad fundum depreßum, celeriter accendens.

Calor consistit in motu rapidissimo atomorum sphericarum subtilissimarum; nec enim requiritur ut sint pyramidales, si ponantur esse tam exiguae, ac sunt ipsi anguli harum pyramidum: hoc probant proprietates coloris; sic enim ubique penetrant, partes dissolvunt, ac separant, & ideo in viventibus quando dissolvunt partes humano corpori consonas, nascitur voluptas; si dissolvunt consonas, dolor: calor ab igne non differt, nisi per hoc, quod in igne partes sunt liberiores & rapidiores: calor qui ascribitur antiperistaltici fermentationi, putredine, nascitur ex motu intestino partium; forte tamen error est popularis subterraneo hyeme calidiora esse, cum thermometer Parisiense in profundis cavernis Observatorii æstate & hyeme in eodem gradu sit; igitur ea diversitas forte tantum provenit ex diversa dispositione nostrorum organorum, secundum quam eademes calida & frigida videtur; ut exeunti ex balneo aer proximus frigidus esse videtur.

Hinc patet cur ex motu oriatur calor, v. g. si ex ambulatione, labore moveantur partes corporis; si duo corpora sibi invicem celerrime affricentur, aqua verò mota non incalescat; nam atomi caloris seu ignis ob suam tenuitatem, figuram, & mobilitatem non possunt continere nisi in materia pingui ac viscosa, cujus atomi ramosæ, & hamatæ, &c. per motum intestinum partium facile separari non possunt; & hinc corpus, quod nullam habet pinguedinem, incalescere non potest, sed tantum peregrino intruso igne calefieri, ut aqua. Quanto partes pingues intricatiores aut compactiores sunt, tanto corpora sunt facilius aut difficilius inflammabilia, ob motum tenaciorum partium.

Effectus caloris sunt rarefactio, quia separatio partium fieri non potest, quin occupent majus spatium: fundus lebetis non tam vehementer incalescit; quia continua pugna aquæ cum partibus igneiseas attrahit in se, & sic impedit, ne intrent interiora lebetis: ob eandem rationem papyrus oleo tincta & imposita carbonibus suffert ignem, quamvis res impositæ assentur: calx viva affusa aqua inflammatur & solvitur, quia in partibus pinguibus residuis multæ detinentur partes igneæ, quæ continuo evaporant; assuta aqua iis viam obstruit; ideo colligunt se intra sese, perfrangunt interiora, solvunt alias partes sibi similes, & vi omnia perfrangunt, & inflammant. Simile quid contingit in commixtione spiritus vini cum aqua forti, aut spiritus nitri, vitrioli cum oleo terebinthi, limaturæ calidis cum aqua frigida, aquæ fortis cum sale ammoniaco, & paucis sulfure; olei vitrioli cum aqua frigida, stanni puri cum stanno sublimato & aqua; spiritus nitri cum ferro; in quibus excitatur calor; forte etiam concurrit compressio, reflexio, ac resistentia partium ignearum antecedentium & consequentium. Caterum calor non congregat homogenea sed dissipat, nisi per accidens, quando dissolvit compositum ex partibus heterogeneis constans; partes enim homogeneæ dein conaturaliter per agitationem coherent, nisi fortiori calore denuo dissipentur.

Frigus consistit in atomis pyramidalibus hæc enim figura est maxime inepta ad motum, pungit, adurit, & per hoc excitat sensum frigoris, & do-

R.D. Enseb. Amoris Philosophia.

lorem; atomi caloris sphericæ nituntur expellere atomos intrusas frigoris, si violenter expellantur, eo fortius lædunt; illa corpora sunt ex sua natura frigida quæ plures habent atomos frigoris, ut nitrum, & sal Petræ. Aqua & aer ex se nec sunt calidae nec frigide, sed hos affectiones tantum acquirunt ab atomis peregrinis; hinc aqua tantum congelatur in superficie, non in fundo, ob propinquitatem ad aerem: eodem modo etiam terra non est frigida, nisi ob mixtionem cum particulis nitrosis. Quando contracto ore sufflamus in cibos vel manum, sentitur frigus; quia in halitu intermixtae sunt particulis calidis frigidae, quæ ob suam crassitiam fortius & longius impelluntur, & ideo sunt sensibiliores, dum interim calidae facilius dissipantur; e contra pleno ore sufflantes sentitur calor ob minorem impetum; signum hujus dispersionis est, quod eo majus sentiatur frigus, quo manus ab ore est remotior: Fit enim; ut in aqua calida hyeme per fenestram effusa, in qua videmus multum exhalare caloris, usque dum attingit terram, & interim subintrant particulae frigidae aeris: eadem causa est ob quam æstate ventilabro aerem in faciem impellentes sentimus frigus.

Humiditas consistit in mobilitate globulorum minimorum, inter quos multum intercedit spatium sicut in acervo tritici; cujus partes à longè non distinguuntur. Firma sunt, quæ constant partibus hamatis, ramosis &c. quæ etiam valde compressæ non inveniunt spatium ad separationem.

Sapor consistit in corpusculis se leniter aut difficulter poris linguæ accommodantibus. Corpuscula dulcium sunt rotunda; acrium tenuia; amarorum hamata, salsa angularia, octoedra, tetraedra &c. hinc pro diversitate pororum uni gratum, quod alteri amarum; nihil potest intrare poros, nisi post dissolutionem, hinc ad saporem requiritur humor, & salia dissolventia, corpora, quæ talia salia aut humiditatem non habent, insipida vocantur. Pari modo discurrendum de odore relatè ad mamillas papillares narium, qui sunt exhalatio humida; ejus corpuscula tamen mangitudine differunt à sapidis, & motivum exhalationis est calor.

Sonus est subtilior portio aeris per concussionem minimarum partium in vortices acta, & in partes innumeras disjecta ac dispersa: quod aer ex concussione agatur in vortices patere è ventis; quod in partes dispergatur, patet ab exigua quantitate aquæ, quæ ex ore fulonis vestimenta respergentis, aut alterius hominis Iridè efficientis in innumeras guttulas dividitur: quod sonus sit corporeus, patet ex reflexione in Echone hic servat omnes proprietates lucis; exit ab uno principio, & per concava objecta coit in unum focum.

## C A P. VIII.

### De Philosophia Cartesii.

**R**enatus Cartesius nobilis Gallus edidit Principia Philosophiæ, in quibus sequens systema proposuit.

Prima veritas, omnium certissima est hoc; *Cogito ego sum.* Quamvis enim ponamus hominem, qui dubitet de rebus omnibus; qui etiam dubitet, an detur mundus, aut utrum habeat corpus, non tamen poterit dubitare de hoc, utrum revera dubitet, vel non. Si ergo certus est, se dubitare; etiam certus est, se cogitare; dubitare enim est cogitare. Si autem cogitat, haud dubiè existit. Itaque inter prima principia erit. *Cogito ergo sum.*

X x x x

Ex



Ex hoc ipso sequitur distinctio Mentis & Corporis; quod enim in homine cogitat, mentem voco; & de hujus existentia certus est homo, dum novit se cogitare. Quod verò loco, figura, motu locali, ac mole &c. Circumscribitur, corpus voco; & de hujus existentia dubitare potest homo, etiam dum putat se illud tangere: igitur aliud est, de cujus existentia non dubitat, & aliud, de cujus existentia dubitat, id est, Mens, & Corpus distinguuntur.

Mens igitur se colligens intra se, dum seipsam statuit coram se; videt intra se varias rerum ideas; invenit etiam communes quasdam notiones, & ex his varias demonstrationes componit; v. g. habet hanc notionem: si æqualibus addantur æqualia, quæ exurgunt, sunt æqualia. Inter alias verò ideas ac notiones reperit ideam entis summe intelligentis, potentis, summe perfecti; Ex hoc inferre poterit, necessario existere illud ens perfectissimum, & dari causam suarum idearum, quæ omnes suas ideas eminenter contineat: id est, poterit inferre existentiam summe mentis, quam Deum voco.

Ex idea Dei etiam ejus attributa cognoscimus; quod nempe sit incorporeus, quia ens summe perfectum non patitur nec dependet ab alio, sed intelligit & vult. 2. Quod sit causa omnium rerum, si quæ sunt. 3. Quod sit falli & fallere nescius, adeoque ejus revelationes veræ sint. 4. Lumen infusum naturales esse quandam revelationem nobis à Deo factam; quo nempe veritates ultrò nobis contrarias pandit.

Igitur omne illud verum est, quidquid clare, distinctè ac evidentè percipimus; quia alioquin isto lumine nos valleret Deus: quidquid verò dependet à nostro obscuro judicio, potest esse falsum.

Ex hoc sequitur. 1. Omnia illa esse distincta quæ clare possunt concipi, ut distincta ac separata. 2. Illa tantum esse modos entis, quæ non possunt concipi, ut separata ab ente. 3. Modos esse illius entis modos, à quo non possunt concipi separata, dum existunt.

Igitur ultrò consequitur divisio entium substantiarum tantum dantur duo genera: nempe substantia Extensa; & substantia Cogitans: quia nullius alterius habemus claram ideam.

Modi substantiæ extensæ sunt figura, motus, extensio secundum longum, latum, & profundum, soliditas, impenetrabilitas.

Modi substantiæ Cogitantis sunt cognitio, volitio, sensatio, voluptas, dolor, amor, odium, ira; item modi cogitandi, nempe duratio, ordo, numerus, similitudo; quæ omnia dependent à nostro modo concipiendi.

Qualitates sensibiles non sunt modus substantiæ extensæ, sed cogitantis; eæ enim sine perceptione intelligi non possunt, & dum eas sentimus, clare percipimus, quod in nobis sentimus. Quam primum verò eas ad substantiam extensam referimus, non satis clare videmus, quid sit illud, quod conjungimus cum substantia extensa: extensio, & figura substantiæ extensæ clare observantur; non verò eadem claritate odor, sapor, color, sonus. Ei

Igitur simpliciter in mundo corporeo nil datur nisi substantia extensa motus, & figura partium; qua-

litates sensibiles, color, lux, odor, sapor, sonus, calor, frigus, voluptas dolor tantum sunt affectiones ac Modi ipsius mentis. Ratio verò, cur homines istas qualitates soleant habere pro modis ipsius substantiæ extensæ, est, quia in prima infantia cum idea figuræ, ac motus, ac substantiæ extensæ simul in mente excitabantur affectiones colorum, & aliarum qualitatum sensibilibus: quia verò in illa ætate, deficiente sufficiente usu rationis, modos illos diversarum substantiarum, quæ simul menti obversabantur, non distinximus; ideo & eadem ad eandem substantiam referre consuevimus; & quæ semel in nostra phantasia conjuncta erant, manserunt conjuncta.

Existit mundus corporeus & substantia extensa; quia clarissimè nobis constanter nobis objicitur hujus idea; & si per seipsum Deus nobis hanc objiceret sine existentia ipsius mundi, meritò esset habendus pro deceptore. Et ob eandem rationem existit etiam corpus humanum.

Natura Corporis seu materiæ consistit in hoc, quod sit res extensa in longum latum, & profundum. Et quantitas à materia in re non differt, sed tantum secundum nostrum modum concipiendi, ut numerus à re numerata. Hinc sequitur, non posse dari vacuum, quia non potest dari extensio sine corpore; nec corpus sine extensione.

Locus intrinsecus, seu spatium intrinsecum nil aliud est, quàm ipsum corpus extensum: locus verò extrinsecus est vicinia aliorum corporum.

Motus est translatio unius corporis ex vicinia eorum corporum, quæ illud immediate contingunt, & tanquam quiescentia spectantur; in viciniam aliorum.

In materia nihil aliud dari potest, nisi motus, figura, textura; igitur de his solis agendum est.

Motus primariæ causa est solus Deus. Hic secundum suæ sapientiæ leges constanti ordine decrevit movere partes materiæ; cum ab alio moveri non possint. Et quia facile intelligimus posse in universo constanter servari eandem quantitatem motus, præsumendum, Deum voluisse hanc eandem quantitatem servare, quia prior Dei determinatio conservandi motum non mutatur nisi exigente nova necessitate, quæ nunquam datur.

Leges motuum sunt sequentes. 1. Unaquæque manet semper in eodem statu, nec unquam movetur, nisi à causis externis; ideo, quod quiescit, nunquam incipit seipsum movere; & quod movetur, semper pergit moveri. 2. Omnis motus est rectilineus. 3. Si corpus motum alteri occurrat, quod majorem habeat vim ad resistendum, tunc prius deflectitur in aliam partem, & motum suum retinendo solam amittit motus determinationem: si verò corpus movens habeat majorem vim, tunc alterum corpus secum movet, ac quantum eidem dat de suo motu, tantumdem perdit. 4. Corpus quod movetur in circulo, nititur à centro recedere, ut patet ex funda.

Materia divisa est in tria elementa; Primum elementum est materia subtilis ita dicta ob exilitatem suarum partium; quæ repleat spatiola vacua inter partes materiæ crassioris relicta; hæc materia partim constat globulis subtilissimis, partem alii figuris; quotquot tamen habet figuras, eas



omnes ad implenda angusta illa reliquorum corporum intervalla accommodat, & in minutias indefinitæ parvitatæ dividitur.

Secundum Elementum constat particulis sphericis, valde quidem minutis, si cum iis corporibus, quæ oculis cernimus, comparentur; sed tamen determinatæ quantitatis; sunt præterea, sicut g. omnis materia, divisibiles in infinitum, in multo minores.

Tertium Elementum, seu materia ramosa constat partibus vel magis crassis, vel figuris ad motum ineptioribus, ut sunt figuræ ramosæ. Ex his tribus Elementis omnia spectabilis mundi corpora componi hoc modo ostendam: proponam hypothelin, ex qua per se ultro consequantur omnes effectus naturales, & cum qua omnia naturæ phænomena accuratè consentiant; si non ipsa systematis tam consoni coherentiæ signum est veritatis, ut fallamur etiam in eo, quod ratio adinvenire potest optimum; saltem pro hypothesei servire poterit.

Ponamus Universum divisum esse à Deo in moles immensas innumeras, veluti in totidem universa; in qualibet mole continuantur omnia prædicta tria Elementa; veluti in vasto mari per immane chaos natantia. Agatur jam quælibet moles circa centrum proprium; igitur nascentur innumerabilia confusiois maria, veluti totidem universa, circa proprium centrum revolvantur; & eo ipso universum jam intelligetur divisum in innumerabiles vortices.

Ponamus & nos, & terram, & Planetas in tali vortice à Deo constitutos esse: Sol sit in medio hujus vorticis per modum centri: circa Solem circumagantur vasta hujus vorticis maria; & in hoc circumacto mari circumferantur, more lignorum natantium, debito ordine terra, & reliqua nostrorum Planetarum sydera. Prout in subiecto g. Copernicano schemate videre licet.

Quot sunt stellæ fixæ, tot sunt tales vortices, qui omnes circa suos polos & axem perpetuò revolvuntur; ne verò se in motu suo se impendant, habent axes suas ad invicem variis modis inclinatæ; aut omnino perpendiculariter, ad invicem positæ; universim hæc illo modo inclinatæ sunt, quomodus est facillimus. Ut patet ex adjecto schemate.

Ex hac vortitum inclinatione non tantum consequuntur diversi Poli, diversæ Eclipticæ, diversa orbitalium inclinatio &c. Sed, quod præcipuum ac notatu dignum est, consequitur; materiam subtilem primi Elementi perpetuò moveri ab uno polo ad alterum, aut certè à polis ad centrum totius vorticis, quod est Sol, aut stella: nam, quando vortices aguntur in circulum, ex ipso omnes partes nituntur à centro recedere: igitur materia subtilis, præ reliquis activa aut mobilis omnium facillimè ac longissimè recedet à centro communi, ita ut omnino excutatur extra suum vorticem, sicut guttulæ aquæ projiciuntur è lapide aut rota in circulum acta: in hoc casu excussa materia subtilis intrabis vicinis vortices qua da-

ta porta, & quæ resistentia omnium est minima; cum igitur circa axem ac polos motus sit minimus, ac propterea resistentia ferè nulla, mirum non est, quod materia subtilis ex aliis vorticibus excussa habeat per polos versus centrum vicini vorticis, & id eò facilius fit, quo axis vicini vorticis magis accedit ad perpendicularem. Vide subiectum schema.

Ex eodem motu materiæ subtilis ab uno polo ad alterum sequuntur adhuc alii effectus.

1. Quando materia ex uno polo fluens agit fortius, tunc corpus solare non detinebitur in centro, quasi æquilibrio; sed id eoque protrudet versus alterum polum; donec materia ex altero polo fluens habeat vim tenendi æquilibrio: & sic Sol constituetur in uno focorum quasi Ellipticorum. v. f. 2. materia subtilis dum pergit ab uno polo ad alterum, & interim revolutione totius vorticis agitur in gyrum, necessariò describet lineam spiralem, & in eundem motum concitabit secum rapiendo particulas secundi & tertii Elementi. 3. Materia fluens è polis è diametro oppositis versus commune centrum necessariò in via se invicem collidet, & ideo reflectetur versus Eclipticam aut Aequatorem vorticis; secumque ad aliquam distantiam à medio particulas secundi & tertii Elementi rapit. v. f. 59.

Particulæ primi & secundi Elementi, quo Soli viciniore sunt, eo sunt minutiores ob concussionem usque vehementiorem; ideo etiam materia subtilis per polos Solis ad Eclipticam vortices reflexa secundum diversam à Sole distantiam varii ponderis corpora detinet ac circumagit in æquilibrio: inde genesis Planetarum, & ipsius terræ nostræ; materia enim ramosa ad certam altitudinem à Sole evecta, dum semel concentratur, eo ipso ab inclusa materia subtiliori rapitur in circulos; & revolvens cum vortice in sua sphaera colligit omnia ramenta illius sphaeræ; & ipsa volvitur circa suum axem secundum diversam inclinationem suorum polorum ad polos sui vorticis; & hæc ipsa inclinatio provenit à diversa actione magis vel minus obliqua, magis vel minus forti per polos vorticis transeunte. v. f. 19.

Ex eodem coitu materiæ ramosæ ubique extra ordinem in vortice fluctuantis nascuntur maculæ solares; aut Cometæ; materia enim subtilis per polos Solis simul secum advehit particulas ramosas, quæ subin in externam superficiem per eandem materiam protruduntur & dissipantur.

Secundarii Planetæ pariter non differunt à primariis, nisi quod habeant aliam gravitatem suarum partium, & ideo dum ad Planetas primarios confluunt ac descendunt, detinentur ad certam distantiam in æquilibrio: tales Planetæ secundarii sunt Luna, satellites Jovis, & Saturni. Atmosphæra horum Planetarum secundariorum contorquebitur pariter in vorticem, quæ à superiori & inferiori parte comprimitur in formam Ellipsis ex figura Elliptica & compressione rursus nascuntur inæquales motus in Luna: quod verò planetæ secundarii celerius ferantur, quam primarii, ratio est, quia circuitus eorum brevior est.

X x x x

Hoc



Hoc generale totius nostri mundi spectabilis systema est, nunc videndum, quoniam in terra nostra effectus ex illo systemate consequantur.

Terra circa medium constat ex materia primi Elementi: in secunda parte ex particulis minutissimis ex primo Elemento in unum corpus solidum compactis. In tertia vero superiore parte, quæ ad nos spectat, ex materia ramosa, quæ potest à materia primi & secundi Elementi mutari, & agitari, & ab iisdem ubique permeatur.

Productio omnium corporum in hac terra reperibilium potissimum dependet à quatuor diversis actionibus: prima est motus globulorum cælestium, seu materia subtilis. 2. Gravitas. 3. Lumen. 4. Calor.

Motus globulorum cælestium generalis penetrat ubique secundum lineam rectam; primus effectus est, ut corpora terrestria liquida reddat pellucida; eo quod per horum corporum meatus penetret, aut sibi ipsi viam sternat, dum partes eorum mobiles sunt: secundus effectus est, ut heterogenea dissolvat, & homogenea congreget, in quantum partes motu suo separat, expungat, & similia unit. Tertius effectus est, ut partes aquæ reddat rotundas, eo quod illas undique æqualiter versus centrum premendo ad figuram sphericam cogat.

Inde provenit secunda actio seu *Gravitas*, quæ nihil aliud est, quam motus eorundem globulorum cælestium totam terræ molem versus centrum premendo in figuram sphericam cogens; cum enim materia subtilis semper nitatur à centro recedere, & non possit occupare spatia superiora, nisi ex illis expellendo corpora crassiora, eo ipso hæc deorsum premuntur.

Hinc gravitas non tantum ex quantitate materiae, sed etiam ex vi corporis prementis ac sursum ascendentis æstimari debet; quando enim aer v. g. incumbens multis particulis terrestribus refertus est, tunc non nititur tam fortiter sursum ascendere, & ideo etiam non tam fortiter gravitat in subiecta corpora: Eadem ratio est, cur gravia non gravitent in locis propriis, quia nempe partes laterales non nituntur sursum ascendere, cum sint ejusdem ponderis.

Tertia actio est ipsum Lumen. hæc enim nihil aliud est, quam pressio secundum lineas rectas à Sole in terram expansas applicata particulis tertii Elementi. Hæc pressio fit per materiam subtilem globosam per polos Solis transeuntem & ad latera versus omnes partes ac plagas reflexam: sic in subiecto schemate urgentur particulae aeris C. D. G. sed particula A. B. non ex omni parte premitur; ideo cum tantum urgeatur versus A. fig. attollitur versus B. & sic permittit liberum materiae subtili seu luci transitum. 60

Quarta actio est Calor, qui nihil aliud est, nisi agitatio earundem, de quibus proximè dictum est, particularum terrestrium tertii Elementi; sive ea agitatio proveniat à lumine, sive ab alia causa. Hæc agitatio movet sensum, & inducit affectionem, quam vocamus calorem; perseverat etiam cessante causa motrice, quia juxta leges naturæ corpus perseverat in statu movendi, donec motus à contrario destruat; cumque particula post agitationem majus spatium requirant, mirum non est, quod calor corpora rarefaciat ac distendat.

Ex his quatuor actionibus, maximè gravitatis, nata sunt quatuor Elementa vulgaria; aer, cujus particulae fluidæ ac pellucidæ; aqua cujus particulae tenaciores; terra, cujus partes diversissimæ ab initio in formam crustæ coaluerunt; sed cum inferius interceptus aer & ignis in hoc crusta rimas ageret, dissiluit crusta, & cum partes tam arcte coire non possent, nata est inæqualitas in superficie terræ; & prodierunt montes, & maria V. F.

Aer consistit ex particulis ramosis variae figuræ, præsertim plumulis, funiculis &c. fluiditas illi tanta contingit ob copiosum interfluxum subtilis materiae; hinc si globulis illis primi aut secundi Elementi destituatur, aut eorum actio languidior fiat; aer transit in corpus fluidum crassius, nempe aquam; & si adhuc magis destituatur illis globulis, aut si adhuc debilius agant, aqua transit in glaciem; quæ reciproce recuperato motu transit in aquam, & aerem.

Fluxus & refluxus maris, qui circa Elementum aquæ est notabilis provenit à pressione subtilis materiae per vorticem terrestri lunarem transeuntis; hæc enim ex illa parte, qua invenit lunam, invenit impedimentum, & ideo reflectitur ac cogitur in arcum versus terram inter terram & lunam, & quia terra tantum ob æquilibrium subtilis materiae æqualiter prementis in medio vorticis suspenditur, ideo ob compressionem subtilis materiae inter terram & lunam transeuntis cogitur terra à centro suo aliquantum in oppositum lunæ recedere; nec tamen materia subtilis tam à dextris subius lunam, quam à sinistris ex adverso lunæ transiens cessabit premere proximam atmosphæram aeris & subiecta maria in A. & B. Et ideo aqua eodem tempore cogetur ex adversis partibus ascendere versus C. & D. loca intermedia sentient intumescantiam aquæ; quam affluxum vocamus, cessante vero pressione ex parte hujus meridiani A. B. C. D. aqua refluet in locum pristinum versus A. & B. & id refluxum vocamus. Et ex hoc dependent reliqua phænomena hujus fluxus & refluxus cur in æquinoctiis maximè, cur in plenilunio & novilunio solito majores? cur in variis littoribus diversè aut diversis horis veniant. v. f. 61.

In terris in interiori parte ex varia combinatione trium Elementorum nascuntur metalla, & fossilia. Calor vero subterraneus elevat vapores, & cogit ascendere in cacumina montium, oriuntur fontes. Motus terræ oriuntur ex bitumine aut sulphure intus accenso; inde veniunt montes ignivomi.

Ignis constat ex particulis terrestribus cujuscuque magnitudinis & figuræ, quando motum primi Elementi sequuntur; sicut eadem formam aeris, quando sequuntur motum secundi Elementi. Ignis proin consistit in motu celerrimo ac rapidissimo partium terrestrium; ad productionem ejus requiritur, ut aliqua particula terrestres ab aliis motu celerrimo avulsæ liberrime in primo Elemento natantes rapiantur; & si illæ particulae separatæ alios ad dissolutionem motu suo sollicitent, fit propagatio ignis. Hoc modo etiam particulae chalybeæ aut lapideæ avulsæ ex silice formam ignis habent, quamdiu circumaguntur in æthere. Et exinde omnia phænomena ignis explicantur; quomodo



modo producat in lignis siccis , ex collectione radiorum Solis , ex vehemēti motu , attritione , collisione , liquorum & corporum mistura , exhalationibus , in lucentibus & non urentibus ; cur aliqua incalescant & non luceant , cur accendatur in cavitatibus terræ , cur ardeat sœnum humidum cur spiritus vini non accendat linteum cur aer , aqua , salia ignem augeant &c. item patet cur pulvis pyrius non duret , sed perfringat , aliæ autem lampades durent ; cur ignis dissolvat , ac liquefaciat , ebullire faciat , exsiccet , indurescat : undè aquæ ardentes : hæc enim omnia dependent à motu particularum terrestrium , impetu materiæ subtilis avulsarum.

Præcipuus effectus ignis est vitrum ex cineribus & calce. Fit , cum per actionem ignis anguli terti Elementi atteruntur , ut se facilius ac propinquius & regularius uniant ; & exinde dependent vitri phenomena : cum enim habeat meatus rectilineos , fit pellucidum transmittendo actionem subtilis materiæ &c.

Hæc de quatuor Elementis & eorum actionibus dicta sufficiant. In particulari nil occurrit , nisi meteora , de quibus suo loco : unica non omitrenda virtus attractiva magnetica ; hæc enim adscribitur particulis striatis , quæ sequantur motum primi Elementis per polos mundi transeuntis : supra enim ostensum est , materiam subtilem , dum movetur ab uno polo ad alterum , & interim per revolutionem vorticis agit in gyrum , describere lineam spiralem ; igitur non solum in corporibus , per quæ transit , efformat meatus spirales , & vestigia spiralia , sed etiam rapiendo secum diversam materiam efficit particulas spirales seu striatas ; hæc igitur continuo per meatus magnetis & ferri fluentes necessariò hæc duo corpora conjungunt per modum cochleæ. Nam particulæ striatæ omnem terram , & aerem , quam penetrant , replent ; & ideo facile à magnete ad actionem ac connexionem secundum diversam impressionem determinari possunt.

Cæterum diversi meatus , & diversæ tales particulæ ex motu subtilis materiæ formatæ reliquorum etiam mirandorum in natura effectuum causa sunt.

Circa animalia Cartesius ita sentit , ut credat illa pura esse automata ; in homine datur anima , quæ residet in cerebro ; ibi à nervis sensoriis recipit varias impressiones objectorum extrinsecorum ; & exinde per nervos totidem velut funiculos regit totum corpus : sensus tantum fit in anima ; & qualitates sensibiles tantum sunt affectiones ipsius animæ ; id ex eo probat ; in primis anima variè afficitur præcisè per diversum motum corporum ; sic ductus calami in charta excitant sensum belli , & pacis &c. punitio gladii excitat dolorem , quindolor fit in gladio ; quædam persona , cui rerum ignaræ à Chirurgo resectum erat brachium , adhuc ob solam diversam motionem cerebri conquesta est de dolore digitorum , modo hujus , modo alterius. Denique ipsi nervi sensorii diversorum sensuum valde consimiles sunt , nec videntur ad quidquam apti , nisi ad recipiendos diversos motus : certè nulla horum organorum , aut objectorum motorum videtur proportio cum qua-

litatibus sensibilibus nec in productione , nec in propagatione.

Singulas operationes machinæ corporeæ distinctius describit in sua Dioptrica , & tractatu de homine.

## C A P. IX.

### De Principiis Chymicorum.

**C**hymia est Ars resolvendi corpora in sua principia. Chymici dicunt , se horum principiorum invenisse quinque. 1. Mercurium. 2. Sulphur. 3. Sal. 4. Phlegma. 5. Caput mortuum. Instrumenta Chymicorum sunt Ignis , & Menstrua seu liquores omnia dissolventes , ut est , aqua fortis.

*Caput mortuum* est terra insipida , fixa , & per aquam indissolubilis , quæ ultimò in resolutione cujusque corporis remanet. v. g. quando per ignem resolvitur ac destruitur lignum , ultimò remanent cineres , reliquis omnibus partibus ligni in auram avolantibus. Hi cineres habent tres proprietates. 1. Sunt insipidi. 2. sunt fixi , quia non avolant , sicut reliquæ partes. 3. Per aquam resolvi non possunt , nec corrumpi. Ob has tres proprietates Cineres vocantur *Caput mortuum* ligni ; & habentur pro quinto ligni principio. Tale principium potest etiam observari in herbis , animalibus , lapidibus. lapides enim vehemēti igne omni humiditate , & aliis principiis spoliati relinquant Calcem vivam ; herbæ , & animalia relinquunt cineres , aut etiam calcem. Chymici volunt , omnia corpora mixta in tales cineres , aut calcem per vehementem operationem ignis resolvi posse ; vehemens illa ignis actio vocatur *Calcinatio*.

*Phlegma* est Aqua pellucida , expers coloris , Insipida , volatilis & fugacis naturæ , non inflammabilis. Hoc principium , ut separatum à reliquis , videre non poteris facilius , nisi in distillationibus , aut sublimatione spiritus vini (*Brandtwein*) reperies in fundo vasis relinqui aquam inspidam ; partibus magis spirituosis altius evehctis , & exhalatis , aqua illa insipida est quidem volatilis ; potest intensiori igne sublimari , evaporari , & sublimatur etiam in magna copia cum spiritu vini ; vasisque lateribus adhæret ; sed tamen non easdem ac illi agiliiores spiritus proprietates habet ; non movetur à quolibet igne ; non petit tam sublimari ; ubique adhæret , ubique lenta , ubique insipida & sine ignibus est ; hoc *phlegma* vocatur.

*Sal* est terra sapida , & in aqua dissolubilis. Hoc nomine comprehenditur etiam sal commune , sapidum utique , & in aqua dissolubile : si attendas , qua Analyfi hoc sal extrahatur è corporibus , nempe ex terris salinosis , aut aqua marina , eo ipso cognosces modum , quo Chymici extrahunt salia ex omnibus aliis corporibus mixtis : nempe sumuntur glebæ salinosæ , aut aquæ maximæ ; per vehementem ignem ex istis corporibus expelluntur omnes partes volatiles , ac humidæ ; tunc in fundo nil remanet , nisi caput mortuum , & in illo ubique distributum sal ; quod dein ope aquæ à Capite mortuo eluitur , atque ex trahitur : quandoque



doque ob nimium ignem aut levitatem salis sal-  
statum cum partibus humidis evaporatur, ac sub-  
limatur; quocasu vel pergit innatare mixtum hu-  
mido; aut alia arte ab hoc humido denuo separari  
debet: differunt quidem ista salia ut plurimum  
sapore, figura, gravitate, fixitate, aut volatili-  
tate; conveniunt tamen in duobus, nempe quod  
sint lapida, & in aqua dissolubilia. Tria præcipue  
sunt genera salium; 1. Acida. 2. Volatilia. 3. Al-  
kali, seu Alkalizata; aut lixivialia salia acida sunt  
liquores acidi; ut acetum. Salia volatilia sunt  
partes terrestres volatiles, cum humido sublimata  
ac evaporata, quæ tamen vel in summitate Alembi-  
ci per congelationem consistentiam acquirunt; aut  
liquore in quo natant, frigori exposito sponte  
coadunantur per modum glaciei, & ab humido  
secernuntur. Alkali seu salia Alkalizata sunt salia fi-  
xa, quæ in Capite mortuo corporis calcinati &  
igne consumpti remanent; ita ut primum aqua  
elui debeant. Et ista quoque salia per congelatio-  
nem condensantur in partes glaciales, & ab hu-  
mido separantur; ipsa congelatio vocatur *Chry-  
stallisatio*, & salia hæc glacialia vocantur *Chrystal-  
li*. Ut sensibilibiter capias modum eliciendi salia  
e corporibus, dissolve in aqua communi quantitatem  
salis communis; aquam distilla, aut sublima; ob-  
tinebis denuo eandem quantitatem salis, quam  
aquæ commiscuisti. Aut adi Pharmacopolium;  
facias tibi monstrari omnia genera salium; inter-  
roga è quibus corporibus, & quo modo fuerint  
elicta? & acquies notitiam salium.

*Sulphur*, est corpus inflammabile, & odorum  
Aliquando apparet sub forma olei, quod aquæ com-  
misceri reculas; aliquando apparet sub forma cor-  
poris consistentis, seu terræ, *sulphuri vulgari* fere si-  
milis. Igitur iterum adi Pharmacopolium; facias  
tibi monstrari varias tincturas, essentias, olea,  
simplicia pulveres &c. quidquid repereris odo-  
rum, & inflammabile, hoc vocabis *Sulphur*, aut  
certè corpus sulphureum; per has enim duas qua-  
litates simul junctas differt à Capite mortuo, phleg-  
mate, salibus, Mercurio. Dantur tria sulphu-  
rum genera. 1. Olea. 2. Spiritus. 3. Sulphu-  
ra consistentia; singula hæc in Pharmacopolio con-  
sidera; interroga è quibus corporibus, & quo  
modo fuerint elicta? quæ vis ac proprietas? sen-  
sibile exemplum habes in spiritu vini (*Brandt-  
wein*) quod est corpus odorum, & inflammabile;  
in ejus resolutione observabis corpus, è quo fit,  
resolvi in feces, seu Caput mortuum, quod in  
fundo remanet; in Phlegma, seu aquam insipi-  
dam, quod vel in fundo remanet, vel adhæret  
lateribus, vel sublimatur cum spiritu vini, & in  
vapores abit.

*Mercurius* est liquor volatilis, non inflamma-  
bilis, ut sulphur, nec insipidus, ut phlegma.  
Hic liquor solet primus exire è corporibus appli-  
cato igne, ut si accendatur lignum, prodit vapor  
humidus; in distillationibus etiam prodit vapor,  
aut aqua. Igitur omnis liquor qui non destitui-  
tur odore & sapore, *Mercurius* vocatur; modo

non sit inflammabilis. Et ad Mercurium revo-  
cantur omnes liquores, qui ad sulphur, & phleg-  
ma revocari non possunt, utut diversissimæ species  
& naturæ sint; ipsum argentum vivum, quod à  
Chymicis creditur esse corpus simplex, huc per-  
tinet, quod & propterea Mercurius vocatur, sed  
cum addito, *Mercurius Corporum*, aut *Mercurius  
Metallorum*. Hæc sunt quinque principia Chymi-  
corum generalia, quæ sine dubio in plurimas spe-  
cies subalternas, saltem physicæ & quoad sensum  
dividi possunt.

*Systema Physica*, quod Chymici suis principiis su-  
perstruunt, non unum est. Multi in hoc conten-  
tunt. 1. Quinque ista principia ex omnibus mix-  
tis elici posse, puta metallis, lapidibus, plantis,  
animalibus. 2. Hæc principia saltem physicæ,  
quoad nos, & quoad sensum, esse simplicia, in-  
generabilia, & incorruptibilia, supposito, quod  
prius à partibus heterogeneis ritè secernantur. An  
verò quoad se consentiant aliis Partibus; an com-  
ponentur ex materia & forma Peripatetica; an  
consistant ex Elementis Peripateticis? an ex ato-  
mis? an ex Elementis Cartesii? & an absolute  
in aliquo casu extraordinario in alia sua principia  
resolvi, corrumpi, aut generari possint? de hoc  
non multum sunt solliciti Chymici; licet etiam  
quoad hoc diversas opiniones foveant; dummo-  
do hoc illis largiamur; omniū mixtorum im-  
mediata, Physica seu sensibilia principia esse sua  
principia Chymica, eaque saltem quoad nos sim-  
plicia, ac secundum cursum naturæ ordinarium  
etiam ingenerabilia ac incorruptibilia esse. 3. An  
species illæ subalternæ, in quas quodlibet horum  
principiorum subdividi potest, accidentaliter  
tantum differant; ita ut omnes illæ species in  
unam etiam physicæ ac quoad sensum reduci pos-  
sint, nil certi pronuntiare possunt; sed aut conje-  
cturis, aut experimentis particularibus litigant,  
quæ tamen non fundant inductionem univer-  
sale. Igitur nec ipsi Chymici nos docere pos-  
sunt, an principia corporum in specie infima sint  
quinque; an verò innumera? ita ut alius sit  
Mercurius Metallorum, alius plantarum, alius  
animalium; & simili modo aliud sulphur in au-  
ro, aliud in plumbo, aliud in marmore; aliud  
in arbore &c. 4. Inter sua quinque principia tria  
sunt activa; Mercurius, sulphur, & sal; duo  
verò passiva, phlegma, & Caput mortuum; ideo  
ob horum duorum principiorum interitiam multi  
Chymici simpliciter tantum tria ponunt princi-  
pia, sal, sulphur, & Mercurium; Phlegma  
& Caput mortuum ne quidem principii nomine  
dignantes. 5. Notandum tamen, quod multi  
Chymicorum tantum duo in rigore admittant  
principia activa, seu potius unum activum, al-  
terum passivum: hæc duo principia vocant *Acidum*,  
& *Alkali*.

Per *Acidum* intelligunt aut spiritus sulphureos  
acidos; aut olea, aut salia acida. Per *Alkali* intelligunt  
salia fixa, quæ adhuc latent in mixtis, aut jam  
per artem fuerunt educta; sic spiritus vini acidus  
affusus limaturæ ferri excitat effervescentiam.



ac bullitione, quia agit in salta fixa in ferro latente; aqua fortis ob eandem rationem agit in ferrum: similis effervescencia fit, si spiritus vitrioli, aut vini affundatur salis Tartari calcinati, aut spiritui nitri, in quo latent salia Alkalica. Tota verò actio horum Acidorum & Alkalicorum consistit in separatione, unione, præcipitatione &c. 6. Effectus, proprietates, qualitates ac accidentia, quæ immediate proveniunt à principiis Chymicis sunt fixitas, fugacitas ac volatilitas; consistentia, fluiditas; sapor, odor, color. Color repetitur à sulphure; sed tamen potest esse communis reliquis principiis. Odor per excellentiam etiam repetitur à sulphure. Sapor à salibus; fluiditas à salibus, & mercurio; consistentia à Capite mortuo. Sal, inquiunt, soliditatis & perennitatis corporum compositorum est Basis. Sine quo reliqua elementa variè quidem & solute possent misceri, attamen manerent incomposita. At verò, ut sal dissolveretur in partes minutas, & ad reliquas substantias cum eo compingendas devehetur, id aquæ inducit necessitatem. Ac ne durâ nimis fragilisque sit mixtura, sulphureum oleosumque principium interveniat, necessum est, ad reddendam massam tenaciorem. Huic superaddatur, oportet, spiritus mercurialis, qui sua activitate aliquamdiu permeet, & quasi fermentet totam massam, & hoc ipso exquisitiorem ingredientium mixturam, incorporationemque promoveat. Quibus omnibus terræ quædam addenda est portio, quæ siccitate & porositate sua partem imbibat illius aquæ, in qua sal erat dissolutum, eminenterque cum reliquis ingredientibus concurrat ad requisitam conscientiam toti corpori largiendam. Reliqui effectus principiorum Chymicorum in decursu enumerabuntur.

Dixi specialiter norandam esse actionem Acidorum & Alkalicorum: eam proin descriptam de eo Academia Regia 1708. ubi D. Homberg accuratam illius tradit ideam.

*Acidum* voco, inquit, quod linguæ imprimit gustum acerbum. *Alkali* voco omne id, quod recipit acidum cum ebullitione & effervescencia, ita ut mixtura horum crystallifetur in salinam substantiam.

Salia formata à natura, nulla accedente arte, nihilominus constant diversis mixtis, eorumque resolutio, ac iterata compositio facilis est. Ea sunt triplicis generis; sal Petræ. 2. Sal marinum. 3. Sal vitrioli. quorum quodlibet in suas species subalternas iterum dividitur, & ex quorum diversâ combinatione cum materiis oleosis fiunt omnia reliqua salia.

Analypsis salium à me instituta monstrat, ea composita esse ex materia, aquosa, terrestri, oleosa seu sulphurea, & acida: hæc materia acida est sal purum, quod voco *sal Principium* quod est basis universalis omnium salium, uniforme, ac semper sibi ipsi simile, antequam determinatur ad certam acidum salis speciem; hoc sal namque, licet de se purum sit, numquam tamen reperitur sine commixtione alicujus materiæ sulphureæ; secundum cujus diversam combinationem etiam ipsum constituitur in diversa salium fossilium supra nominatorum specie.

Acidum hoc non est nobis sensibile, aut palpabile, nisi ponatur in aliqua materia terrestri à natura, aut in materia aquosa ab arte. In priori casu nobis apparet sub forma salis crystallitati ut sal Petræ, salis marini &c. In secundo casu nobis apparet sub forma spiritus acidum, qui secundum diversam determinationem sulphuris sibi adhærentis aut est spiritus nitri, seu salis Petræ, aut spiritus salis, aut spiritus vitrioli.

Quod dixi de his tribus salibus simplicibus seu fossilibus, potest etiam applicari omnibus salibus compositis plantarum & animalium, cum hoc tamen discrimine, quod occupent majorem quantitatem materiæ terrestri, quando apparent sub forma salis concreti; & quod occupent majorem quantitatem materiæ aquosæ, quando apparent sub forma spiritus acidum, quam salia simplicia: ex quo proin sequitur 1. quod illorum solum acidum spiritus proportionaliter sint longè debiliores, minus penetrantes, & pondere leviores, quam acidum spiritus salium fossilium, 2. Quod illorum acidum spiritus post vehementem distillationem majorem quantitatem materiæ terrestri relinquant, quam acidum spiritus salium fossilium.

Quamvis in vehementi igne major pars acidum salis in forma acidum spiritus separetur à materia terrestri, restat tamen semper aliqua pars illius salis conclusa in hac materia terrestri, quam partem etiam vehemens ignis non est potens ejicere exinde. Hæc salis reliquæ sufficiunt ad hoc, ut terra in cineres per ignem redacta, seu ipsi cineres, in quibus portio salis adhuc recluditur, per aquam dissolvi possint; terræ verò portio, quæ omni sale fuit spoliata per lixiviationem, seu elutionem, remanet sub forma terræ simplicis insipida, quæ in aqua ulterius resolvi non potest: altera verò terræ portio, quæ, ut dixi, per ignem non fuit spoliata omni sale acido, solvitur in aqua per lixiviationem, & si aqua evaporetur, apparet sub forma salis, quod nos appellamus ordinariè *sal lixiviale* Plantæ, seu *sal Alkali* fixum. E salibus fossilibus non tam facile separatur sal lixiviale, nisi è salibus vitriolicis; verum, cum illis semper adhæreant particulæ metallicæ, non usurpantur pro sale Alkali simplici; nec etiam per sal Alkali fixum aliud intelligitur, quam sal lixiviale plantarum.

Hoc sal proin naturaliter contentum in plantis considerari potest, ut mixtum è terra, sale acido, oleo, & parum aquæ: & hoc sal separaturn à plantis absque igne ardente, crystallifatur in sal, quod quandoque conservat gustum acidum, ut cæterarum vini: aliquando retinet dulcedinem, ut in saccato; & aliquando est amarum, ut in Quinquina; interdum verò est ferè insipidum, ut in Melissis, & Salvia. Hoc sal, quod nondum transit per vehementem ignem, & quod adhuc continet partes suæ mixtionis, vocatur *sal essentielle* plantarum.

Quam primum hoc sal committitur in tensio igni, resolvitur in suas partes; primò quidem per lenem distillationem prodit aqua simplex & insipida; postea liquor acidus; tertio liquor ruber, foetidus, qui continet partim sal acidum, partim oleum plantarum foetidum, ex quorum combinatione



binatione componitur sal fœtidum & urinosum, quod vocatur *sal volatile* plantarum, seu *Alkali volatile*, quod potest extrahi ab omnibus plantis & paribus animalium. Post salem volatilem, aucto igne, distillatio finitur continuando educationem olei fœditi plantarum, quod est pars *Solis essentialis*. Caput mortuum, quod relinquitur, redactum in cineres, per lixiviationem dividitur partim in sal Alkali fixum, partim in terram inspidam Alkalicam.

9 Observo, sal essenziale penitus quoad sensus dissolvi in aqua; ita ut partes ejus terrestres cum aqua confusæ nullatenus ab eadem discerni possint: sed quando hoc sal jam passum est intensum ignem, qui jam abstulit multum salis acidum, terra reliqua non se perfecte dissolvit in aqua, quia aqua fit turbida, est deponit terram inspidam aqua simplici non dissolubilem. Quando verò huic terræ affunditur spiritus acidus, tunc se dissolvit de novo in aqua, & cum illo acido exhibet sal, quod in aqua perfecte dissolvitur. Exinde probatur verisimiliter, acidum, huic terræ immixtum, quo in partem salis concreta fuit mutata, fuisse solam causam dissolutionis in aqua. Et ex hoc infero verisimiliter, partem cinerum in aqua dissolubilem, quæ post evaporationem apparet sub forma salis lixivialis fixi, eodem ex principio dissolvi in aqua, nempe ex acido, quod in magna satis quantitate intra se retinuit.

10 Rursus observo, terram plantæ intimè exsaturatam suo acido fieri salem chrySTALLISATUM, cujus compositionem non potest ingredi major quantitas illius acidum; e contra sal lixiviale, quod educitur è cineribus prædictis, non chrySTALLISATUR; & avidè imbibit acidum spiritus, quos affundimus; & ex hoc ipso verisimiliter concludo, sal lixiviale, seu sal Alkali fixum, nihil aliud esse, nisi partem terræ, quæ adhuc retinuit parvam portionem sui salis acidum, quod vehementiâ ignis separari non potuit, sufficiens tamen est ad causandam dissolutionem in aqua; pari tamen illa terræ conservavit plurimos poros seu spatiosa vacua, è quibus primum acidum fuit expulsum, & in quæ secundum acidum in locum prioris substitutum reponitur.

11 Nomen salis Alkali non tribuitur soli, nisi in quantum resorbet & retinet acidum affusum, ut exinde producat sal chrySTALLISATUM; igitur sal lixiviale plantarum poterit esse magis vel minus Alkalicum, in quantum imbibit majorem vel minorem quantitatem acidorum, id est, in quantum continet plura vel pauciora locula vacua pro recipiendis acidis. Id probant plurimæ plantarum Analyses ab Academia Regia factæ, in quibus raro deprehensa sunt duo salia lixivialia diversarum plantarum, & æqualium virium Alkalicarum; pro mensura virium Alkalicarum in salibus lixivialibus posuimus hanc quantitatem cinerum plantarum; nempe quæ haberet centum partes terræ, & centum partes acidum; pro sale proin Alkalico majorum virium poni debet, quod contineat centum partes terræ, & v. g. decem, aut viginti & c. partes acidum, & servata hac proportionem reperimus omnes combinationes dari in salibus lixivialibus, quot

revera dari possunt, servata constanter quantitate centum partium terrestrium.

Contingit interdum sal Alkalicum exsaturatum uno genere acidum, recipere adhuc aliud genus alterius acidum, quod plerumque observo, quando acidum vegetabile primum fuit sal lixiviali immixtum; forte, quia acida vegetabilia leviora & rariora in plantis per fermentationem effecta, plus occupant spatium in poris salis Alkalici, nec tam profunde penetrant, ut acida mineralia extracta è salibus fossilibus, quæ cum solidiora & graviora sunt, majori vigore acta protrudunt acida vegetabilia.

Idem semper contingit, quando unum acidum est Alkalicum respectu alterius acidum, dum nempe duorum acidorum spirituum unus habet commixtum Alkali; hoc enim casu rarior horum acidorum spiritus occupat poros salis Alkalici, in iisque detinetur per alterum acidum; sicut theca impleta Gossipio facillimè adhuc recipit acus. Quas insignimus.

Observo, salia volatilia urinosa, quæ sapientururinum, æquè esse Alkalica, ac salia fixa lixivialia plantarum; recipiunt enim cum aviditate acidum spiritus, eos retinent, ac cum iisdem salia abeuntia in chrystallum efformant. Ex volatilitate constat, quod talia salia non sint purum mixtum ex terra & parum acidum, ut sunt salia lixivialia, quia simplex terra non fit volatilis ex commixtione parum acidum. Crediderim potius; compositam hoc nil aliud esse quàm portionem ejusdem materiæ, quæ produxisset sal lixiviale; sed nimis involuta fuit oleo fœtido plantæ, quod causa est volatilitatis; & sicut omnia olea distillata absorbent acidum eundem in modum, quo Alkalica, hæc salia recipiunt in omnibus suis partibus omnia genera acidorum, seseque exsatiando componunt, ut salia Alkalica, sal, quod in chrystallisatione acquirit figuram salis fossilis, quod produxerat acidum, ex quo fuerunt exsaturata.

Licet omnes plantæ producant sal volatile urinosum, quædam in majori, aliæ in minori quantitate in earum Analysis, incomparabiliter tamen major quantitas obtinetur è quibusdam paribus animalium, etiam insectorum, & piscium, forte quia in animalibus major est calor, quàm in plantis, qui intimius elaborat & conjungit partes oleas cum salinis & terrestribus; ex quo proin in Analysis citius comparet compositio salis volatilis urinosi, quàm salis fixi lixivialis, quod in animalibus non nisi in modica quantitate reperitur; licet in plantis reperitur in magna quantitate; Quantumcunque verò salis urinosi sive parum sive multum è plantis aut animalibus extrahatur, semper tamen hæc salia mihi visa sunt inter se similia sine ullo discrimine sensibili; producunt etiam eosdem effectus juncta spiritibus acidis, aut in medicina usurpata, modò separentur omnes partes oleosæ superflue, quæ non sunt de compositione horum salium sed tantum superficialiter commixtæ.

Præter salia Alkalica dantur adhuc innumera alia



aliæ materiæ Alkalicæ, quæ cum acidis commif-  
fæ producunt ferè eosdem effectus, ac ipsa salia Al-  
kalica. Hæ materiæ Alkalicæ sunt diversæ natu-  
ræ; quædam sunt purè terrestres, ut Calx, mar-  
bor, terra sigillata &c. Aliæ sunt metallicæ,  
inter quas nonnullæ habent acidum affectatum ad  
sui dissolutionem, ut aurum, stannum, & anti-  
monium per aquam regalem; argentum, plum-  
bum, & Mercurius per aquam fortem; aliæ per  
varia alia acida; ut ferrum, Cûprum, Zink, Bis-  
mut. &c. Sunt etiam tales materiæ ex classe ani-  
malium, quæ consistunt 1. in lapidibus; ac ma-  
teriiis petrosis in visceribus animalium reperibili-  
bus; ut est calculus humanus. Bezoard; oculi  
Cancris &c. 2. In materiis testaceis; Conchis, &  
Conchiliis, ut unionibus, conchis ostrearum, os-  
sibus sepia; tegumento cancrorum &c. 3. In  
partibus animalium, quæ aut diuturnitate tempo-  
ris, aut alio accidente factæ sunt petrosæ, aut sim-  
pliciter terrestres; ut unicorni fossile &c. Deni-  
que etiam omnes plantæ marinæ petrosæ sunt ma-  
teriæ Alkalicæ, ut Corallium, & similia. Omnes  
hæ materiæ dissolvuntur cum ebullitione & effe-  
vescentia per acida; & in sui chrySTALLATIONE  
componunt, materias salinas diversarum figurarum,  
ut faciunt salia Alkalica fixa & volatilia.

Observavi, omnia Alkalica, quando cum Aci-  
dis commiscuntur, ebullire & effervesce; non  
tamen propterea sequi, omnè id, quod commix-  
tum cum Acidis ebullit & effervesce esse Alkali-  
cum. Omnia enim olea distillata sive essentialia  
sive fœtida; producunt eosdem effectus cum Aci-  
dis, & quidem sensibilius; nam sæpe effervescen-  
tia transit in ignem; quod in commixtione Acido-  
rum cum Alkalicis nunquam contingit. Sed hec  
id ad rationem Alkalici salis sufficit, si præcisè ma-  
teria ex commixtione cum Acidis ebulliat & effe-  
vescat, nisi insuper post has duas actiones se chry-  
STALLISSET in unam materiam salinam, quod simpli-  
cia olea cum Acidis commixta non præstant; nec  
enim producunt materias salinas; nec eas chry-  
STALLISANT; sed componunt materiam resinosa in-  
flammabilem quoad consistentiam non multum  
diversam lafro; & hoc causæ est, quod olea di-  
stillata non reposuerim in classe Alkalicorum.

Quod attinet Acida & Alkalia dubia, idest, quæ  
participant aliquid de natura unius vel alterius;  
sed tamen non habent sufficienter characteres eo-  
rum ea optimè poterunt distingui, si confundantur  
cum infusione violacea florum plantarum; hæ  
enim rubescunt plus vel minus à priori; & viridem  
colorem obtinebunt per alterum.

Supereft, ut dicam, quomodo concipiam Aci-  
da agere in Alkalia; unde proveniant tam innu-  
meræ bullæ durante actione, & quæ causa calo-  
ris? En! igitur quid de hac re cogitem. No-  
tavi in meo articulo de sulphure Principio, quod  
materia luminis, quæ occupat totum spatium uni-  
versi, sit in perpetuo motu per concussionem à Solè  
& stellis fixis continuo impressas; hic motus pot-  
est relaxari in certis occasionibus; sed potest etiam  
restitui & augeri notabiliter per applicationem  
alicujus flammæ. quam supposui esse solam ma-  
teriam patentem imprimere motum materiæ lumi-  
nis, quæ non potest esse in perpetuo motu quin

R. D. Euseb. Amort Philosophia.

impellat continuo ac implagat contra omnia cor-  
pora solida, si non possit transire per poros cor-  
porum in via sibi occurrentium.

Possumus proin concipere Acida, quæ cum to-  
to mundo suppono esse tenuia solida & angularia  
corpuscula, libere notare in liquore aquoso, ea-  
que esse in perpetuo motu liberrimo; continuo  
acta contra materiam luminis. Salia Alkalica  
suppono esse corpora porosa & spongiosa, quo-  
rum poriolum repleti erant angulis Acidorum: ea  
proin conservant priorum Acidorum angularium  
typum ac vestigia, & semper parata ad recipienda  
similia angularia corpora, si introitum agantur.  
Igitur facile erit, si in liquore, in quo permixtum  
natant solida corpuscula acida, & alia porosa sa-  
lium Alkalicorum; illa quantocyus occupent spa-  
tiola illa, è quibus sibi simillima corpuscula per  
ignem fuerunt ejecta; nam eadem perpetuo agitan-  
tur undique à materia luminis, & quoquo verum  
impelluntur; & ideo subitò implebunt poros salium  
Alkalicorum; adhuc citius id facturi, si à materia  
luminis propulsa etiam agitentur à calore extrin-  
seco.

Introductio proin Acidorum, ut videtur, in sa-  
lia Alkalica fit cum magna celeritate & cum magna  
frictione; & ideo producit calorem sensibilem.  
Et quia potius salium Alkalicorum repleti erant ma-  
teria aërea, quæ per corpuscula acida expellitur;  
ab isto expulso aere producuntur Bullæ; eo sensi-  
biliorès, quo calor actionem concomitans est  
major; is enim, ut constat, mirè dilatat aerem.

Quod dixi contingere circa actionem Acidorum  
in salia Alkalica, contingit etiam circa eorundem  
actionem in aliis materiis Alkalicis; cum verò  
hæ materiæ obstante sua soliditate non possint re-  
cipere tam citò, & in tanta quantitate simul cor-  
puscula acida, actio longius durat; & calor con-  
tinuatus se magis ac magis intendit, ita ut in actione  
Acidorum in tales materias Alkalicas sentiat calor  
infinites intensior, quam in actione Acido-  
rum in salia Alkalica. Cumque intensus calor  
nil aliud sit, quam concursus materiæ luminis in  
magna quantitate, quæ agit violenter in arcto  
spatio; ea materia compressa occupat sensibilibiter  
spatium, movet liquorem, in quo est, apparet in  
bullis & ferè eundem in modum, quo aer in aqua  
conclusus reluctatur; discrimen solum consistit in  
eo, quod aer ob suam crassitiem non possit transi-  
re per aquam, nisi illam perumpat, nec transi-  
re per poros vasis, ut facit materia luminis; in-  
de fit, quod aer tantum egrediat per superficiem,  
& ebullitionem usque ad superficiem evehat quan-  
tumcunque vas sit altum, sed in ebullitione cau-  
sata per concursum materiæ luminis bullæ non ap-  
parent, nisi in exigua distantia à corpore, quod  
causat ebullitionem, neque ex bullæ pertingunt  
usque ad superficiem aquæ paulo elatiorè; quin  
potius evanescent in ipsa liquoris substantia, quod  
semper contingit in dissolutione Alkalicorum ter-  
restrium & metallicorum.

Hucusque D. Homberg, qui etiam Academiæ  
Regiæ anni 1702. 1705. & 1709. inseruit com-  
pendium totius doctrinæ Chymicæ. Subjungam  
& hoc; & postmodum effectus naturales per to-  
tam Physicam occurrentes explicatos iusta eadem  
principia dabo.

Y y y y

Chy-



Chymiam voco artem reducendi corpora composita in sua principia per ignem, & componendi nova corpora in igne ex commixtione diversarum materiarum.

Vox, Principium, duplicem habet significationem in Chymia. Prima est communis omnibus scientiis, & secundum hanc significat fundamenta ac regulas alicujus scientiæ. Secunda est peculiaris Chymix, & eatenus tantum significat materias simplicissimas, in quas mixtum analysi Chymica reducitur.

In prima significatione principia Chymix sunt generatim principia Physicæ, quia Chymia est pars Physicæ. Hæc principia nunc non examino; sed suppono ea præcognita, in quantum cognosci possunt. Nihil enim certi hucusque determinari potuit circa figuram, combinationem, & motum primæ materiæ & sicut Chymia, seu Physica Chymica, quæ consistit in experientiis & expositione facti, nil quærit, nisi veritates certas; ideo adopravit secundum genus principiorum, magis materialium ac magis sensibilem, per quæ præcendit distinctius explicare se suas operationes, & cognoscere corpora, quorum analysin instituit.

In hac proin posteriore significatione semper sumam vocem *Principium*.

Omnia Corpora, quæ cognoscimus, & examinari possunt per ignem; non resolvuntur in eadem principia: possunt tamen reduci in duas classes, eam sint duplicis naturæ. 1. Ad materias minerales. 2. Ad materias vegetabiles, quibus annuero animalia, quia plantæ & animalia reddunt eadem principia.

Principia materiarum mineralium sunt sal, sulphur, mercurius, aqua, & terra.

6 Principia materiarum vegetabilium & animalium sunt sal, sulphur, terra, & aqua.

7 Diversa combinatio horum principiorum, aut aliquorum inter illa, causat magnam varietatem in omnibus corporibus examini ignis subjectis: Et ipsa principia triplicem diversam naturam habent; unum principium est activum; alterum passivum, & tria sunt media.

8 Principium activum est sulphur; passivum est terra; principia media sunt sal, aqua, & mercurius.

9 Voco sulphur principium activum; hoc enim solum agit, & est causa agendi cæteris. Vocoteram principium passivum; hæc enim nunquam agit, nec servit aliis principiis, nisi pro receptaculo & matrice. Voco sal, aquam, mercurium principia media; hæc enim nunquam agunt per seipsa, & acquirunt vim agendi per commixtionem cum sulphure, quod & ab illis modificatur & eodem modificat modis innumeris, ut in sequentibus videbimus.

10 Sulphur & sal nunquam apparent sensibus & oculis, nisi ut unita uni e tribus reliquis principiis, quæ sunt veluti illorum vehicula. Reliqua verò tria principia possunt examinari se solis, & exuta omnia re.

11 Corpora, quæ sunt in classe mineralium, iterum non resolvuntur in eadem principia; sunt enim duplicis diversæ naturæ; quædam continent mercurium; alia non continent mercurium. Metalla,

& mineralia metallica continent mercurium: salia fossilia, simplices lapides, & terræ non continent mercurium.

In Analyfi metallorum reperitur mercurius, materia sulphurea, materia terrestris, & in aliquibus materia salina.

In Analyfi salium fossilium reperitur multum Acidi, quod semper continet aliquam materiam sulphuream, parum salis fixi, & parum terræ.

In plerisque lapidibus nil reperitur nisi multum terræ cum parum vaporis sulphurei.

In omnibus terris reperitur sal acidum; interdum parum salis fixi, & parum materiæ sulphureæ.

In classe materiarum vegetabilium corpora magis uniformia sunt, quam in materiis mineralibus. In omnibus plantis & animalibus reperitur sal, aqua, terra, & materia sulphurea. Hoc solum intercedit discrimen; quod in plantis reperiantur tria genera salium, nempe sal acidum, sal urinosum, & sal lixiviale; econtra in animalibus tantum reperitur sal urinosum, & sal lixiviale, sine ullo manifesto acido.

Analysis metallorum & mineralium metallicorum consistit in mercurificatione; & hæc fit vel per mercurium præparatum dissolventem, aut per salia resuscitantia, aut per vitra ustoria. Primus modus facilis est, si quis habet mercurium dissolventem. Secundus difficilis est, & magna attentione opus est, si felix operationis optetur exitus. Tertius difficilis non est; sed opus est vitro ustorio ad minimū trium aut quatuor pedum in Diametro. Omnes alix Analyses tam materiarum mineralium, quam animalium & vegetabilium consistunt in distillatione, & in lixiviatione.

Ordo materiarum sibi invicem in Analyfi succedentium diversus est. Si mixtum fermentavit, liquores spirituosus & salia volatilia prima ascendunt in Alembicum; dein liquores aquosi, tertio olea fœtida; ultimò relinquitur caput mortuum, quod, postquam fuerit calcinatum, per lixiviationem resolvitur in sal fixum, & terram insipidam. Quando verò mixtum non fermentavit, liquor aquosus præcedit salia volatilia, & liquores spirituosos; reliquis materiæ sequuntur ordinem præmemoratum.

## ARTICULUS. II.

### De Sale Principio Chymico.

Dantur diversa genera salium secundum diversitatem materiarum, quibus sunt immixta.

Dantur aliqua, quorum partes per ignem & lixiviationem possint separari à mixto, ut sunt omnia salia essentialia plantarum & salium fossilium, & in hoc sensu non accipio sal pro principio Chymico: dantur alia, salia quorum partes cum aliis materiis adhuc permixtæ sunt cæteramen de facto arte nostra necdum separari possunt. Hæc salia admitto pro principio Chymico, quia analysi nostra non possunt resolvi in principia simpliciora, quod est character principii Chymici.

Igitur sal principium est materia in aqua dissolubilis, quæ tamen non mutatur per ignem.

Dantur tria genera salium, hanc definitionem participantium; duo sunt volatilia, tertium est fixum. Volatilia sunt salia Acida, & urinosa, quæ saporem urinæ referunt. Fixa sunt, quæ post calcinationem obtinentur per lixiviationem.



Nullum genus horum trium salium reperitur sine aliqua commixtione ; sed tamen facillime separantur ab illis mixtis, in quibus à natura loco sunt. Itaque sal Petræ, sal marinum, vitriolum, tartarum &c. non sunt principia Chymica, sed salia acida distillata à Petræ sale, sale marino, & aliis, sunt principia Chymica. Aqua, in qua ista salia natant, & terra, aut sal fixum, quæ relinquantur in cornu post distillationem horum Acidorum, sunt alia principia Chymica, de quibus dicam suo loco.

7 Haud equidem scire licet, cujus determinatæ figuræ sint tria salia principia; verum, si ab effectibus sumenda conjectura foret; salia acida figuræ angularis ac aculeatæ quadam materia sulphurea obducta judicarem: salia urinosa videntur spongiosa, quæ contineant partem acidi & olei foetidi animalium & plantarum. Salia lixivialia etiam videntur spongiosa, quæ tamen solum contineant reliquias acidi, quas ignis per calcinationem expellere potius non erant.

8 Salia acida considerari possunt pura, & sine ulla permixtione; eatenus omnia acida sunt ejusdem naturæ. Sed in quantum ea distillatio nobis exhibet in spiritibus acidis, semper sunt conjuncta cum materia sulphurea, quam non possumus separare, & quæ tribuit activitatem spiritibus acidis. Hæc ipsa materia sulphurea tribuit varios characteres, & diversitatem spiritibus acidis. Dividam eos in tres classes secundum diversas materias sulphureas secum commixtas.

9 Prima classis est eorum, qui continent sulphur animale, aut, quod idem est, vegetabile. In hac classe veniunt acida distillata à plantis, fructibus, lignis &c. & spiritus nitri.

Secunda classis salium acidorum est eorum, qui continent sulphur bituminosum. In hac classe sunt acida vitrioli, sulphur commune, & alumen.

1 Tertia classis est eorum, qui continent materiam sulphuream mineralem fixiorem, aut prope accedentem ad sulphur metallicum. In hac classe sunt acida diversis educta à salibus marinis, & salibus gemmarum.

2 Dixi, Acida primæ classis continere sulphur animale aut vegetabile, & in hac classe reposui acida distillata à plantis, & spiritum nitri. Nemo negabit, acida plantarum posse retinere portionem olei plantarum, quod est eorum materia sulphurea; quia reductio horum acidorum in salia media semper dat parum olei &c. quod non potest provenire nisi ab ipsi plantis. Et si quis consideret, sal Petræ quodcumque, quo utimur, desumptum esse à terris irrigatis per excrementa animalium, aut à muris antiquis, aut rudibus veterum ædificiorum, repletis materia sulphurea proveniente ab animalibus inhabitantibus, aut à fumo, aut fuligine, videtur sal Petræ potius ex his sulphuribus mutuatum esse suum sulphur, quam aliunde.

3 Acidis secundæ classis attribui sulphur bituminosum; ea comprehendit spiritus sulphuris communis, vitrioli, & aluminis, quia regulariter hæ tres materiæ ex eodem lapide minerali eliciuntur, in qua dominatur materia bituminosa, pars præcipua sulphuris communis: & cum spiritus Acidi

R.D. Euseb. Amor Philosophia.

vitrioli & aluminis perfectè similes sint quoad gustum & alios effectus spiritui sulphuris, cujus pars sulphurea sine dubio provenit à parte bituminosa sulphuris communis, verosimile est, spiritus acidus vitrioli & aluminis retinuisse aliquam partem sulphuris, quo communis minera repleta erat.

Sal marinum pro diversitate regionum in quibus colligitur, diversi gustus est, & tam ipsum, quam Acidi spiritus ex ipso distillati diversos effectus produciunt. Idem verum de sale, Gemmæ, quod in diversis provinciis effoditur. Ea ad tertiam classem retulimus. Attribuo ipsis sulphur cujus partes non ita sunt unitæ, ut partes præcedentium sulphurum in prima & secunda classe; & quod prope accedat ad sulphur metallicum: nam sal Gemmæ (fossile) reperitur in locis vicinis ad mineras metallicas; & sal marinum secundum omnem apparentiam, nihil aliud, quam tale sal fossile Gemmæ, cujus venæ per aquam maris ubique terras penetrantem fuerunt eluctæ, & sal sedine spoliata; cumque venæ hæc salis in diversis provinciis vicinæ & permixtæ sint diversis mineris metallicis, à quibus salia illa trahunt sapores suos particulares, videtur, quod sal marinum, & fossile suam diversitatem tantum desumat à diversis materiis metallicis, quæ in diversis provinciis diversæ sunt. Et cum salia se facillime jungant cum sulphure, idque ita retineant, ut ne quidem arte nostra separari possit, verosimile est, materias sulphureas salii fossili permixtas potius esse sulphur metallicum, quod trahunt à suis mineris, & quidem diversum secundum diversitatem metallorum, quæ in tali minera reperiuntur.

Materiæ sulphureæ vegetabilium & animalium sunt substantiæ levissimæ, id est, occupant multum spatii; ideo notabiliter augent magnitudinem corpusculorum acidorum, quibus inhærent; & ob hoc ipsum talia Acida nequeunt supire materias valde compactas, quorum pori sunt nimis arcti, sed cum leves sint, & habeant multum superficiæ, præbent magnam occasionem pugnandi cum flamma, à qua agitantur: & inde fit, quod Acida hujus primæ classis agant cum majori celeritate, quam Acida duarum reliquarum classium.

Sulphur bituminosum omnium sulphurum quorum quidem notitiam habeo, in agendo lentissimum est, quia aggravatur magna quantitate materiæ terrestri, quæ ipsi servit pro matrice. Difficillime unitur cum materiis salinis, ut exinde conjiciam minorem ejus quantitatem unitam remanere Acidis secundæ classis, quæ ab eo animantur, quam alia sulphura, quæ uniuntur reliquis Acidis. Et propterea videmus, Acida hujus secundæ classis sola vix dissolvere materias metallicas; si verò misceantur Acidis primæ & tertiæ classis, participant hæc nova sulphura & Acidæ per hoc naturæ effecta sunt potentes dissolvere omnia metalla.

Sulphur metallicum est fixius, quam sulphur animale aut vegetabile, id est, ejus partes subtiliores ac compactiores sunt. Materia enim fixa non est, nisi in quantum ejus partes difficulter per ignem motæ auferuntur; & materia volatilis non est, nisi in quantum ejus partes ab igne facillime distrahi possunt: Jam

Y y y y a

verò



verò facilitas ista tantum consistit in hoc, quòd ejus partes habeant laxam & spongiosam texturam, quodque habeant latam superficiem, contrà quam magnus flammæ turbo uno impetu impactus easdem partes secum avehit & abripit: econtrà, si partes compactæ & in angustum spatium coactæ sunt, nonnisi vim flammæ suæ superficiei commensurata recipiunt, & ideo aguntur debilius, quod unica causa fixitatis est. Acida hujus tertiæ classis habent sulphur hujusmodi naturæ, id est, fixi vi quàm altera duo acida ex quo consequitur, quòd, cum partes sulphuris exiguæ sint, & anguli acidi porum crassi sint, facillime possint subire materias compactas, quorum pori etiam arctissimi sunt: sequitur secundò, quòd minima ista corpuscula parvitate sua quasi subterfugientes impetum flammæ agitantis partem luctentur; adeoque acida hujus tertiæ classis cum tanta violentia agere non possint, cum quantà agunt acida primæ classis fervide cum flammis luctantia.

18 Acida mixta salibus fixis componunt salia mixta, seu salia media, secundum diversam naturam acidorum ingredientium. v. g. Spiritus nitri mixtus sali tartari producit verum sal Petrà: Spiritus salis mixtus cum sale tartari producit verum sal commune: Spiritus vitrioli mixtus cum sale tartari producit verum vitriolum, sed sine metallo. &c. Hæc omnia sunt salia media, id est, partim fixa, partim volatilia, quia duo salia, è quibus componuntur, sunt duplicis naturæ; unum est fixum, alterum volatile.

19 Acida mixta cum salibus urinosi componunt aliud genus salis, quòd vocatur sal Ammoniacum; hoc semper est volatile, quia duo salia, è quibus componitur, ambo sunt, volatilia.

20 Salia lixivialia, & salia urinosa vocantur Alkalica; unum vocatur Alkali fixum, alterum vocatur Alkali volatile. Salia acida communiter habentur pro Antagonistis cum his Alkalicis, quia eorum comixtio ferè nunquàm fit sine magna ebullitione & effervescencia. Verum melius duceretur, hanc ebullitionem & effervescencia non esse pugnam, sed conjunctionem convenientem duarum materiarum, naturaliter quondam unitarum, & violentia ignis postea separatarum seseque in eadem avitas sedes reponentium, è quibus flammæ violentia fuerant expulsæ ac abreptæ. Itaque unum se habet per modum vaginæ, alterum per modum gladii.

21 Talia acida non solum subeunt in poros salium Alkalicorum, veluti in totidem vaginas; sed intrant etiam alia corpora, quorum pori similes sunt poris suorum salium Alkalicorum. Hæc corpora vocantur Alkalia terrestria, aut Alkalia metallica.

22 Turbulenta motio cum qua ista acida subeunt poros hujusmodi Alkalicorum corporum, resolvit omnem texturam partium, ita ut corpora in tam exiguas particulas reducantur, ut etiam oculum effugiant. Et hoc modo fiunt dissolutiones omnium metallorum per acida; cum autem minimæ particulae dissoluti metalli non desinant esse metallica, eadem separato acido iterum se uniunt, & comparent in forma metallica.

23 Acida metalla dissolventia non dissolvunt indiscriminatum omnia metalla, sunt duplicis generis. Quædam simpliciter appellantur, Aqua fortis. Alie-

rum vocatur, Aqua Regia. Primum dissolvit argentum & plumbum; quin dissolvat aurum aut stannum. Aqua Regia dissolvit aurum & stannum, quin dissolvat argentum & plumbum. Utrumque verò dissolvit ferrum, cuprum, & mercurium.

Aqua fortis est Spiritus nitri, Spiritus vitrioli, Spiritus sulphuris; & id, quòd communiter vocatur aqua fortis, nil aliud est, quàm mixtum partium ferè æqualium è spiritu nitri, & spiritu vitrioli. Aqua Regia est Spiritus salis communis, & Aqua fortis, quando illi miscetur sal commune, aut Spiritus salis.

Observandum est, nonnisi unam dari aquam fortem principalem, nempe Spiritum nitri, qui dissolvit solum argentum, quin indigeat misceri cum aliis acidis; econtrà reliqua acida, quæ comprehenduntur sub nomine aquæ fortis, non possunt dissolvere argentum, nisi misceantur cum spiritu nitri. Eodem modo propriè loquendo non datur nisi una Aqua Regia, nempe Spiritus salis, qui dissolvit aurum, quin indigeat misceri cum aliis acidis; econtrà reliqua acida non fiunt Aqua Regia, nisi misceantur cum sale communi, aut spiritu salis.

Intercedit tamen magnùm discriminem inter ista duo dissolventia, ob diversos effectus quos produciunt in quantum nempe unum dissolvit metalla, quæ alterum non dissolvit.

Ut habeamus ideam de causa tam diversorum effectuum, supponimus aurum esse metallum valde sulphureum, & compactum, cujus pori sint arctissimi. Econtrà argentum est minus compactum, continens partem sulphuris; ejus pori majores sunt, quàm auri, ut probabo in sequentibus.

Reducamus in memoriam, quòd supra in divisione spirituum acidorum in diversas classes secundum diversa sulphura ipsos animantia, spiritum nitri basin aquarum fortium in classe eorum reposuerim, quorum corpuscula aculeata materia sulphurea animali & vegetabili involuta sunt; huic materiae sulphureæ multum extensionis adscripsi, ut proin corpuscula aquæ fortis multum incrementi ac magnitudinis exinde sumere debeant. Hæc igitur corpuscula, dum reperiunt auri poros nimis arctos, subire non possunt, nec partes auri dissolvere: poros verò argenti, satis amplios, subeunt sine difficultate, & conis suis introsum actis, basi suarum partium dividunt partes, argentumque dissolvunt.

Reducamus pariter in memoriam, quòd spiritum salis, basin Aquarum Regalium, in classe illorum acidorum reposuerim cujus corpuscula sint involuta materia sulphurea exiguarum partium quæ proin quantitate illorum corpusculorum non multum auget: hinc facile possunt penetrare poros auri, partes dividere ac totum dissolvere: cum verò eadem inter se colligata non sint, nec etiam poros argenti replevere possint, nec partes ejus dividere, nec totum dissolvere possunt.

Quantitas sulphuris volatilis, quæ adhæret spiritui nitri, componit dissolvens vivacius, quàm est Spiritus salis, cujus materia sulphurea magis est fixa. Et ob hoc videmus, spiritum nitri dissolvere cum majori violentia ac celeritate, quàm spiritum salis; & ob idem requiritur major quantitas spiritus salis ad dissolvendam unciam auri; quàm requiratur quantitas spiritus nitri ad dissolvendam unciam argenti.



29 Duo Acida dissolventia, nempe spiritus salis & spiritus nitri, quæ dissolvunt plura metalla, unum horum facilius ac celerius dissolvunt, quàm alterum. Id est, ad dissolvendum unum metallum requiritur, ut dissolvens bene sit depuratum à phlegmate; & non requiritur, ut ita sit depuratum ad dissolvendum alterum metallum; & adhuc minus id requiritur ad dissolvendum aliquod tertium metallum, v. g. aqua fortis, quæ bene dissolvit argenti, nimis forte est ad dissolvendum plumbum, nec aliud faciet, nisi ut id calcinet, requiritur proin, ut debilitetur quinque aut sex partibus aquæ communis; & si adhuc magis debilitetur, adhuc optimè dissolvit ferrum & cuprum.

30 Observatu dignum est in dissolutione metallorum, quòd dissolvens relinquat metallum difficilius à se resolubile, si durante dissolutione immisceatur alterum metallum, quod ab illo dissolvente facilius dissolvitur: v. g. dissolvatur argentum in aqua forti; debilitetur dissolvens per aquam communem; postea immergatur dissolventi frustum cupri; aqua fortis arrodere incipiet cuprum, & eodem momento partes argenti se conjungent frusto cupri secundum mensuram arrosionis factæ in cupro ab aqua forti, & si velis ipsum cuprum servare ab arrosione ulteriori, aliò opus non est, nisi ut immergas frustum ferri, & inquantum per corrosionem ferrum deperdet partium, tantum substituet cuprum, in locum partium ferrearum amissarum. Et hæc ipsa est prætenfa transmutatio ferri in cuprum per aquas vitriolicas, qua verius ferrum tali aquæ aliquo tempore immersum videtur mutari in cuprum; sed hoc nullo alio modo contingit, nisi quo dixi.

31 Salia fossilia in sua chrySTALLIFICATIONE acquirunt certas figuras, quæ illis attribuuntur ceu proprias, quæque etiam supponuntur esse figuræ acidorum eorundem salium. Figuræ sunt hæc: Sal Petræ transit in formam longarum acuum; sal marinum in cubos, sal gemmæ in longa quadrata, vitriolum in hexagona, alumen in triangula cujus anguli sunt obtusi, Borax in figuram ovalem complanatam, sal ammoniacum in acus ramosas. Si tamen propius figuræ horum salium examinentur, apparet, figuras illas non esse proprias ipsis salibus, nec acidis exinde distillatis; sed quòd debeant potius adscribi Alkalicis salinis terrestribus aut metallicis, quæ dissoluta sunt eisque serviunt pro basi.

32 Hujus veritatis demonstratio habeatur ex diversis figuris, quas idem acidum recipit pro diversitate Alkalicorum, à quibus fuit exsatiatum, & postmodum chrySTALLISATUM: v. g. spiritus nitri, qui fuit satiatus per sal tartari, chrySTALLISATUR in longas acus; idem spiritus nitri dissolutus è cupro, chrySTALLISATUR in hexagona, & idem spiritus nitri dissolutus è ferro chrySTALLISATUR in quadrata irregularia. Idem spiritus nitri dissolutus ex argento chrySTALLISATUR in lamine planas minutissimas & larga triangula dentata. Idem spiritus nitri dissolutus è mercurio chrySTALLISATUR in corpuscula adamantina; idem spiritus nitri dissolutus è mercurio & argento simul sumptis chrySTALLISATUR in dumos, sentes, & arbuta. Idem spiritus nitri dissolutus è plumbo chrySTALLISA-

tur velut in scopulas vestium, aut glomos sericos, &c. In omnibus his diversis figuris concurrat idem spiritus nitri, qui tamen mutat figuram secundum Alkalica, cum quibus chrySTALLISATUR.

Idem contingit in chrySTALLIFICATIONE reliquorum acidorum, postquam dissoluta fuerint per diversa metalla aut alia Alkalica. Ut meritò concludam, has figuras potius pertinere ad Alkalica, quàm ad acida; nec verum est, corpuscula aculeata acidorum referre figuram salium, è quibus per distillationem fuerunt extracta.

Ex omnibus salibus naturalibus, tam fossilibus, 33 quàm vegetabilibus plantarum & animalium, postquam violentiâ ignis omne sal volatile fuerit separatum, extrahuntur fæces, quæ relinquunt sal fixum per lixiviationem, quædam plus, aliæ minus.

Hæc salia lixivialia nil aliud sunt, quàm reli- 34 quæ salium acidorum, quæ ignis per calcinationem à terrâ mixti separare non potuit; illa salia acida enim serviunt loco basis, & solvuntur simul in aqua communi.

Sapor salium lixivialium diversissimus est secun- 35 dum diversam quantitatem salis acidi mixti, quod retinuerunt in calcinatione: pars quidem hujus per ignem si peculiari arte tractetur, separari potest, sed penitus separari non potest. Observo, tribus potissimum modis & occasionibus partem hujus salis acidi separari posse à salibus fixis lixivialibus. Primus modus est, si per plures dies relinquuntur in intensissimo igne. Exemplum habemus in vitriarii, ubi salia fixa plantarum serviunt ad fundendos silices aut arenam pro conficiendis vitris. Calices fusorii relinquuntur per plures dies noctu diuque in maximo igne furni vitriarii, & flamma, quæ continuò permeat hanc materiam, semper aliquid ex illa abstrahit: hujus evaporationis exstant vestigia in fornice furni, quæ vitrificatur supra calicem fusorium; quod non contingit alia ex causa, nisi quia partes salis fusi, quas flamma perpetuò è massa vitri fusi abstrahit, & in fornitem furni impellit, ibidem adhærent, & ita fuscæ serviunt loco terræ, ex quo construitur fornix, quàm vitriarii summo studio quærunt eo fine, ut inveniant puram ac defæcatam à salibus, & sic furni reddantur durabiliores.

Alia evaporationis nota est, quod vitrum per quin- 36 que dies, aut tres hebdomadas sudans in vitriaria, incomparabiliter durius est, quàm id, quod tantum duos aut tres dies inibi defudavit. Ratio est hæc. Silex, qui vitro servit pro base, est lapis valde durus; miscetur ferè cum partibus æqualibus alicujus salis fixi, ut adigatur ad fusionem; hoc sal est materia satis tenera, quæ juncta lapidi in vitrificatione producit corpus minus durum, quàm lapis, & magis durum quàm hoc sal; gradus majoris vel minoris duritiei consistunt in majori vel minori proportionem harum duarum materialium, quæ ingrediuntur compositionem vitri. Cum igitur ignis semper aliquid sensim abripiat de sale, quod est pars tenerior illius compositionis, ea fit semper durior, ita ut vitra ultimò fiant ferè æquè dura, ac erat silex ante suam fusionem.



Secunda occasio, in qua salia fixa possunt fieri volatilia, est, si dissolvantur in aqua, & aliquo tempore permittantur in digestionem; dein filtrentur ac evaporentur; ac denique reassumantur ac toties reiterentur operationes, donec salia chrySTALLISCENTUR. Tunc misceantur cum Bolo, & distillantur per ignem intensum; proveniet spiritus acidus. Sal fixum eductum è Capite mortuo eodem modo tractatum dabit adhuc parùm talis spiritus, sed in modica quantitate.

Tertius modus separandi Acidum à salibus fixis, omnino diversus est à duobus præcedentibus, in quibus sal fixum separatur ab Acido non immutando illius naturam, semper manens Acidum, nec apparens nisi in forma spiritus Acidi aut liquoris Acidi. sed per istum tertium modum sal fixum sublimatur in sal volatile concretum sine odore, & sine ulla aciditate. Hic modus consistit in eo, ut salibus fixis misceatur sal urinosum, quod absorbet Acidum salis fixi, & in momento præcipitat materiam terrestrem, & componit sal falsum, quod in igne fit sal volatile concretum secundum naturam salis urinosi cum sale fixo commixti.

Salia urinosa, quæ debent assumi ad hanc volatilisationem non debent assumi indifferenter; debent enim esse ejusdem naturæ cum salibus fixis lixivialibus, quibus commisceantur; alioquin non dabunt effectum: id est, salia fixa mineralium non possunt misceri cum salibus urinosi plantarum aut animalium, si debeant fieri volatilia; & e contrario sal fixum plantarum non poterit reddi volatile per sal urinosum minerale. Sed fixum lixiviale mixtum cum urinoso ejusdem generis fiet volatile. Dantur tria genera salium urinosorum. primum est plantarum, seu, quod idem est, animalium. Secundum est mineralium. Tertium est sal urinosum medium, id est, quod aliquid participat de mineralibus, & de plantis, aut animalibus. Primum est volatile: reliqua duo sunt fixa.

Sub voce *Salis urinosi* plantarum aut animalium intelligo omnia salia, quæ sapiunt urinam. Ipsorum effectus est volatilifare alia salia; nam quando misceatur salii communi, & imponitur igni, provenit id, quod nominamus sal ammoniacum, quod revera est sal volatile, quia sublimatur in Capite tellum. Si verò propius examinetur, nil aliud est, quàm mixtum è duobus salibus volatilibus, id est, sale urinæ, & Acido salis communis, quod patet ex commixtione salis volatilis urinæ, & spiritus salis, ex quibus fit sal ammoniacum simile præcedenti, quin in locum spiritus salis substitui potest alius spiritus Acidus mineralis, quem volueris; fiet idem sal ammoniacum.

Verùm hæc salia adeo diversa nunquam junguntur firmiter inter se, nisi intermediente aliqua materia terrestri; neque etiam separantur sine igne & hoc ob diversitatem duorum salium diversæ naturæ, quorum unum est animale, alterum minerale.

Quod si loco salis Acidi mineralis misceretur salii urinoso plantæ sal etiam acidum plantæ, v. g. acetum distillatum (nam omnes plantarum spiritus Acidi æquè sibi sunt similes, ac omnia salia urinosa plantarum & animalium) obtineretur pulchrum

sal volatile Acidum concretum, optimum in Medicina, & quod præstat alios effectus, quam sal ammoniacum ordinarium.

Ad volatilifando salia fixa plantarum salia urinosa plantarum non conveniunt, quia salia urinosa plantarum sunt salia volatilia, quæ se non commiscunt inseparabiliter cum salibus fixis; sed salia urinosa media sunt salia fixa, & propterea se facillime implicant cum salibus fixis plantarum, & cum commixta fuerint modo convenienti, volatilifant se mutuo.

Alumina sunt nostra salia urinosa media, & chryfocolla est nostrum sal urinosum minerale. Appellamus ea urinosa ob duas rationes; prima est, quia hæc salia volatilifant, unum salia fixa lixivialia plantarum; alterum salia fixa lixivialia mineralium; ita ut se sublimant in salia volatilia concreta eodem modo, quo sal urinæ mutat omnia salia acida in salia ammoniacæ, quæ etiam sunt salia volatilia concreta.

Secunda ratio, cur ea appellemus urinosa, est, quod revera in alumine & chryfocolla invenitur aliqua materia urinosa, id est, quæ refert odorem urinæ. Hic se prodit in igne per distillationem factam mediante aliquo corpore terrestri; fortè illam materiam habent à natura; fortè eam participant ab arte in fabrica, quando è mineris fuerunt effusa.

Salia urinosa media licet fixa se solis non possunt elevare salia fixa mineralia, v. g. sal fixum vitrioli; indigent ad hoc sale urinoso penitus minerali quale est chryfocolla, & fixiori, quàm sit alumen, aut sal urinosum medium; itaque illud præcipitat sal fixum vitrioli, ut sal urinosum medium præcipitat sal tartari, & id reddit sublimabile in sal volatile leviter falsum, & sine ullo odore.

Idem sal urinosum minerale fixissimum quod volatilifit v. g. sal fixum vitrioli, mixtum cum oleo vitrioli, quod est suum sal acidum, corporificat illud eodem modo in sal volatile leviter falsum, ita ut nullo modo possit distingui sal volatile, quod provenit ab oleo vitrioli à sale volatili, quod provenit à sale fixo vitrioli.

Hæc operatio confirmat id, quod dixi de natura salium lixivialium, quæ mihi videntur nil aliud esse, quàm reliquæ salis acidi mixti, quas ignis non potuit separare à sua terra, & quod in hac operatione sal urinosum minerale fixum absorbeat illam partem acidam vitrioli, quæ reliqua erat in eo, quod appello sal fixum vitrioli; & exinde componit sal volatile falsum; quia videmus, quod idem ipsum sal urinosum mixtum cum acido vitrioli (quale est oleum vitrioli) componat idem sal volatile falsum, cum hoc solo discrimine, quod ejus commixtio cum sale fixo vitrioli causet præcipationem copiosam; & e contra ejus commixtio cum oleo vitrioli nihil præcipiet, verosimiliter ob hanc rationem, quia acidum salis fixi vitrioli est intimè commixtum cum magna quantitate terræ, & parùm metalli, quæ se debent separare in momento, quo sal urinosum minerale absorbet hoc acidum, seseque præcipitare ceu terra inutilis. Sed acidum olei vitrioli habens pro vehiculo aquam, non verò terram, qualem habet sal



fixum, non poterit se precipitare in commixtione cum sale urinosa minerali.

Idem contingit in volatilisatione aliorum salium fixorum mineralium, quæ diximus contineri in sale fixo vitrioli.

Hæc de salibus M. Homberg. quibus subnectit modum volatilifandi salia fixa lixivialia.

## ARTICULUS III.

### De Sulphure Principio.

**R**eperitur materia sensibiliter oleosa seu pinguis in analysi omnium animalium, omnium plantarum, & etiam aliquorum mineralium; hucusque ea habita est pro principio Chymico sulphuris. Sed cum ego pro principio non habeam, quod per nostras analyses potest resolvi in principia magis simplicia, & olea per analyses nostras obtinibilia in talia principia magis simplicia resolvi possint, ea pro principio haberi non possunt.

Supposui ab initio sulphur principium esse solum principium activum, quod proin reperiri debet in omnibus mixtis; cum igitur ista materia sensibiliter oleosa in plerisque mineralibus non reperiatur, id solum pro principio activo haberi non potest.

In Analysi oleorum à nobis facta, tota eorum substantia resolvitur in multum liquoris aquosi, & partim in terram inspidam, & in parum salis partim fixi, partim volatilis; verum sulphur principium, quod ista reliqua principia unit in unum ad constituendum oleum, in analysi omnino perditur, quia omnis Chymici labor in eo defudat, ut ab invicem separet principia; cum ergo sulphur principium nobis non sit sensibile nisi ut unitum cum aliis principiis, quæ ipsi servant loco vehiculi, ut observavi in primo articulo, semper effugiet conatus eorum, qui id volunt exuere omnibus partibus heterogeneis.

Materia sulphurea potest considerari ut permixta cum aliqua materia aquosa, salina, terrestri aut mercuriali, & sic nobis apparebat sub diversis figuris, spiritus vini, olei, bituminis, materia metallica &c. quæ omnia non sunt nostrum sulphur principium.

Possumus etiam eandem materiam considerare ut puram sine ulla permixtione, & in hac posteriore significatione vocabo eam nostrum solum principium activum; reliquis primis exinde mixtis relinquendo nomen simpliciter sulphuris, aut materiz sulphureæ.

Omnia mixta, quæ transeunt per analysin rigorosam seu exactam, perdunt, ut dixi, sulphur principium, ex quo componitur mixtum; ita ut quo plus Chymicus id inquirat, id eo magis fugiat.

Igitur nullam cognitionem sulphuris principis, per analyses nostras habere possumus aut per resolutiones mixtorum; nisi forte in compositione mixtorum artificialium inveniri possit. Et revera, plures hujusmodi operationes non levia mihi præbuerunt indicia, materiam luminis esse ipsum nostrum sulphur principium, & unicum principium activum mixtorum.

Ut hæc opinio reddatur intelligibilis & verosimilis, ostendendum primum est, materiam luminis semper esse in motu & actione, quod mihi videtur esse attributum inseparabile à principio activo. Secundo, quod hæc materia possit intus penetrare principia reliqua, mutare figuram, augere pondus & molem, ea modis innumeris commiscere ad producenda omnia mixta sensibilia; quod etiam character est nostri principii sulphuris.

Circa primum, quod nempe materia luminis semper sit in motu & actione, suppono materiam luminis esse subtilissimam ac minimam ex omnibus aliis materiis, ita ut liberè permeet poros omnium corporum; eo quod partes talium corporum relinquant satis magna interstitia ac spatia inter se, ut materia luminis liberè permittant transitum. Ex quo sequitur, omnia alia non habere vim movendi & propellendi materiam luminis: sicut reticula lusoria manualis non potest propellere granula arenæ, eo quod ejus spatia pervia incomparabiliter majora sint, quam granula arenæ. Consequenter ad hoc, ut emoveatur & propellatur materia luminis, opus est corpore solidissimo, cujus pori jam sint repleti materia luminis; per hoc enim aliquantulum retardabitur saltem aliquantulo tempore, ne tota materia luminis simul transeat, quam corpus illud habet obviam, dum movetur aut mutat figuram.

Cum verò omnia corpora, quæ habent poros, etiam habeant partes solidas quæ non possunt penetrari per materiam luminis, ex partes solidæ semper repellent ac reflectent materiam luminis quam habuerint obviam: ea tamen pars minima erit respectivè, nec consideratione digna ad producendos effectus materiae luminis proprios; sicut granula arenæ, quæ impellunt in chordas & lignum reticulæ, repellentur quidem, sed respectivè ad reliqua granula transeuntia non repulsa in minima quantitate.

Suppono secundo, flammam esse mixtum ex materia luminis cum oleo ligni, aut alterius corporis accensi; oleum verò nihil aliud esse, quam partem sulphuream mixti, id est, talem, in qua materia luminis detinetur in mixto agentis. nam oleum reliquis partibus aptius est ad recipiendam & detinendam magnam quantitatem luminis, casu quo id fuerit factum obviam ad penetrandum. Materia luminis, postquam in magna quantitate ingressa fuerit in oleum, extendit ac distendit massam, in quantum oleum capax est extensionis, cujus por in por omnes implentur. Hæc commixtio fit dein id, quod appellamus flammam id est, corpus oleosum sine poris, seu cujus pori exactè sunt repleti materia luminis inibi detenta.

Flamma consequenter est magis solida in eo sensu, quam omnia alia corpora; est perpetuè agitata ac rapta per aerem, nec concedit ullum transitum materiae luminis, sibi obviam, dum rapitur per aerem. Et sicut ipsa flamma sibi viam facit per aerem, ac continuè mutat figuram; ita pariter eodem modo secum pellit materiam luminis quod immediate tangitur, & diffunditur per aeris spatia.

Omnia intervalla inter partes aeris intercedentia plena sunt materia luminis; ea proin, quæ immediate à flamma suo loco expellitur, pellit vi-



cinam per totum circuitum, & sic ingens quantitas materię luminis pro diversa quantitate flammę cietur in motum. Omnia corpora, quę dantur in sphaera sensibili hujus motus, prementur magis vel minus fortiter, secundum quod erunt vicina ad flammam centrum hujus sphaerę.

- 13 Suppono ulterius, totum universum repletum esse materia luminis; & quod Sol ac stellę fixę per spatium universi distributę sint totidem flammę, quarum principale officium sit, movere & propellere continuò materiam hujus luminis, quę sic impetit ac penetrat omnia corpora porosa in spatio illo immenso sibi occurrentia. Et, tñ omnia corpora opaca faciant umbram ex averso Solis, id est, relinquunt spatium, in quo materia luminis minus premitur, quàm in partibus Soli expositis, flammę particulares, quās producimus ex materia combustibili, suppleant defectum Solis, tant quoad actionem generalem materię luminis, quàm quoad actionem particularem, quę est movere visum.
- 14 Ex his igitur suppositis, quę vera sunt, constat, materiam luminis esse in perpetuo motu & actione in omnia corpora porosa, quę sunt in universo; quod sufficiat pro declaratione primi puncti.
- 15 Quoad, secundum, in quo ostendam, materiam luminis posse subire in corpora, & alia principia, eorum immutare figuram, augere pondus & molem, ac diversimode permiscere, quod pro characterē sulphuris principii annotavimus, sufficiet referre aliquot experimenta, quę præbuerunt occasionem formandi præsentem sulphuris ideam.
- 16 Mercurius communis purgatus sufficienter per ferrum & per antimonium fit vivacior & liquidior, quàm erat ante hanc purgationem; nihilominus si digeratur convenienti calore, contingit, ut idem mercurius, nulla alia accedente sensibili materia, sensim subsistat, nec amplius fluat, contra naturam hujus mineralis; muteturque in pulverem nigrum, album, rubrum, secundum quod Chymico placuerit. Pulvis iste gravior est, quàm erat mercurius, quando positus est in digestionē; ac demum summe volatilis, ita ut etiam possit sublimari per ignem lampadis; per longam coctionem fit adeo piger ad ignem, ut ejus rigorem sustineat ultra viginti quatuor horas; & si vehementius igne nudo urgeatur, ut verum fatear, major illius pars in fumum abit; sed superest tenue granulum metalli duri, quod ex hoc mercurio formatum est.
- 17 Examinando hoc experimentum patet aliquid introductum esse in mercurium, quia factus est gravior. Secundò ostenditur, id, quod in mercurium fuit introductum, mutasse illius naturam; quia non amplius fluat, & fit ex parte malleabilis. Tertiò cernitur, quod id, quod in mercurium fuit introductum, se perfecte uniat mercurio; ita ut ne quidem intensissimo igne separari possit, quia relinquitur granum metalli, quod est supra omnem ignis violentiam.
- 18 Non obstat, quod granum illud metalli sit in modica quantitate, & forte ducentesima pars mercurii tantum; sufficit, quod vel talis exi-

gua pars fiat metallum malleabile: fortè obtineretur major pars, si per plures annos fuisset relictus in digestionē, aut alio modo meliori fuisset tractatus.

In toto experimento ac operatione nihil aliud tetigit mercurium, nisi solus ignis, non immediatè, sed per vas vitreum. Dixi superius, ignem nil aliud esse, quàm mixtum è materia luminis & oleo carbonum, aut alterius corporis accensi, non potest dici, oleum carbonum; qui calefecerunt furnum, fuisse introductum in mercurium, eumque reddidisse graviores, quia oleum non potest transire per poros vitri. Igitur illa pars ignis, quę ab carbonum fuit separata, idest, materia luminis quę unà cum oleo carbonum flammam, per quam furnus fuit calefactus componebat, fuit introducta in mercurium; & hoc necessario hoc modo fieri debuit, quia alia materia nisi luminis non potuit transire per poros vitri. Certe igitur fumus, solam materiam luminis fuisse introductam in mercurium, eandemque eum reddidisse graviores, ac mutasse ejus naturam.

Habemus hujus veritatis aliud experimentum, quod non poterit vocari in controversiam, quod probat materiam luminis solam sine commixtione alterius materię combustibilis, posse ingredi corpora, ibi manere, ea reddere fixa, & notabiliter augere pondus. Id consistit in calcinatione Reguli Antimonii per radios Solis à speculo ustorio.

M. Duclousius experimentum instituit per speculum ustorium observatorii. Observat, in quatuor uncias reguli se invenisse pondus esse augmentum fere duabus semitunciis, id est, fere decima sexta parte totius. Sed cum operatio incommoda sit per speculum ustorium ob reflexionem radiorum solarium, quę sit ab inferiori ad superiora, idem experimentum institui per magnam vitrum causticum ducis Aurelianensis. Posui quatuor uncias reguli martis contriti in pulverem in distantia unius pedis & dimidii à foco vero vitri caustici; movi illas identidem spatula ferrea usque dum nullus amplius egrederetur fumus, qui erat densissimus, & in magna copia durante calcinatione; ita ut suspicari liceret, pondus diminuendum potius, quàm augendum fore. Post horam, per quam regulus huic gradui caloris expositus fuit, desinit fumare, & ponderavit quatuor uncias & tres semituncias (Lot.) & aliquot grana; quod augmentum fere est decima pars totius.

Volui etiam videre, ad illud augmentum superesset etiam post fusionem reguli calcinati; expoli proin illum vero foco vitri caustici, & subito fusus est in vitrum citrini coloris, quod non ponderabat plus, quàm tres uncias cum dimidia; adeoque in fusionem perdidit octavam partem totius, & tres semituncias incrementi prioris.

Videtur omnino, omne augmentum tantum provenisse à radiis solaribus seu materia luminis, quę se commiscuit regulo durante operatione; nam alia materia durante illa calcinatione regulum attingere non potuit; verum idem regulus expositus majori calori, id est vero foco vitri caustici, non potuit sufferre impetum foci, & fusus in re-



gulum calcinatum, denuo permittit abripi, quod calor moderatior introduxit.

24 Cum verò post fusionem jactura è quatuor uncias fuerit dimidia unica, credere licet, magnum fumum durante calcinatione egressum è regulo fuisse illam ipsam dimidiam unciam, cujus jactura primum post fusionem fuit deprehensa; adeoque debemus numerare septem semiuncias augmenti facti per radios solares; quia post calcinationem regulus ponderavit quatuor uncias, & tres semiuncias (Lot.) quæ cum deperditis, post fusionem faciunt septem. Hic effectus satis sensibilis est, & dubitari non potest, quòd non fuerit productus à materia luminis.

25 Fabrica Minii, & calicis vivi, & plures aliæ operationes idem probant, cum aliis circumstantiis, de quibus alibi. Sufficit, me probasse, per ultimum experimentum, materiam luminis ingredi in corpora, ibi detineri, & augere pondus ac molem; per præcedentem verò operationem probavi, materiam luminis mercurio commixtam eadem se inseruisse inseparabiliter etiam in igne intensissimo, eamque mutasse formam mercurii in metallum malleabile ac ductile.

6 Cum igitur materia luminis sola possit penetrare omnia corpora porosa, sola semper agat, eaque possit introduci in omnia corpora, in iis detineri, eorum mutare figuram, pondus augere & molem, bene concludo, nullam aliam materiam posse haberi pro principio sulphure, & nostro unico principio activo, nisi materiam luminis.

7 Post hæc anno 1706 monstrat modum quo ex isto principio sulphure formentur sulphura Chemicorum vulgaria, simulque ostendit, inflammabilitatem non esse characterem sulphuris; quia licet omne corpus inflammabile sit sulphureum, non tamen omne sulphureum est inflammabile. Inflammabilitatem sulphurum vulgiorum potius probat provenire ab acido; quia si ab oleis, & phosphoris separantur acida, cessant esse inflammabilia.

## ARTICULUS IV.

### De Mercurio.

**M**ercurium vocoid, quod communiter vocatur argentum vivum, idest liquidum simillimum fuso metallo, ferè æquè grave ac argentum, & quod non modè sit ut cætera metalla. Etsi credam, mercurium non habere characterem principii, quod non debet posse resolvi in principia magis simplicia; pono tamen eundem in numero principiorum Chemicorum, quia illa analysis mercurii in principia simpliciora nec dum fuit inventa, licet in futuris temporibus verosimile sit eum resolvi posse.

Ratio, cur id suspicer, est, quia destrui potest; quod nunquam fit circa corpus simplex; accedit, quòd post ejus destructionem nil supersit, nisi materia, ut videtur simpliciter terrestris, sine ullo vestigio partium aliarum ejus compositionem ingredientium; quin nec video ullum medium illas detegendi. Ego quidem illius partes fateor me ignorare, & ideo respectu mei mercurius est simplex, & numerandus interim inter principia Chémica.

R. D. Euseb. Amort. Philosophia.

Modus, quo in destructione mercurii usus sum, 29 est hic. Mutari primum mercurium fluentem in metallum perfectum, in ejus substantiam introducendo sufficientem quantitatem luminis; quod non nisi per satis longam operationem & cum magnis expensis præstat, ut docui in articulo de sulphure principio. Quando fuit mutatus in metallum, iterum debet subjici vitro caustico, ubi intra breve tempus tota ejus substantia in fumum abit; nec superest aliud, nisi pulvis terrestris & levis, si id quod vitro caustico subjectum est, fuerit argentum: si verò fuerit aurum, relinquitur parum terræ, quæ & ipsa sit materia terrestris & friabilis.

Docet dein M. Homberg, omnia metalla nil 30 aliud esse nisi mercurius; hunc considerari posse in triplici statu. 1. Quando consistit in parvis globulis solidis & politis; & in hoc statu est mercurius fluens. 2. Quando illius globuli à materia luminis perforantur tenuibus foraminibus: & tunc est metallum. 3. Quando illa foramina per intensum ignem adeo sunt ampliata, ut liberum materiae luminis permittant transitum, & in hoc statu est post destructionem metalli. In hoc tertio statu post destructionem auri scorix illæ terrestres pondere vix æquant tricesimam partem auri; & post destructionem argenti scorix illæ vix pondere æquant sexagesimum partem prioris argenti.

Modum, quo ex mercurio fiunt metalla, dicit 31 esse hunc; nempe in globulis mercurialibus fiunt foramina angusta, luminis materia suo glutine naturali connectit hos globulos; & sic fit metallum. Hinc infert ex argento posse fieri aurum, in quantum in illo latent particule, quæ licet nondum sint aurum, possint tamen fieri aurum. Id probat hoc experimento: Sume unam marcam, aut duas argenti, separa eam ut certus sis, nullas in eo contineri particulas auri; funde hoc argentum centum repetitis vicibus, & qualibet ad minimam per horam eam serves in fusione; postmodum iterum id separes, & reperiens quantitatem satis sensibilem auri, quæ antea in illo non continebatur, quia in prima probatione omnia fuerunt separata, quæ poterant continere aurum.

Alterum experimentum est hoc: Sume mar- 32 cam argenti; dissolve eam in aqua forti. Separa omne id, quod non est dissolutum, & quod superest in fundo vasis. Præcipita hanc dissolutionem per sal commune; edulcora præcipitatum & sicca. Huic calci argenti junge dimidium sui ponderis Reguli Martis bene rectificati & pulverisati; misce bene, & distilla ad ignem arenæ per cornu, exhibunt tres uncie aut potius butyrum antimonii. Intende ignem quam intense poteris; & argentum relinquetur in fundo cornu mixtum cum una parte reguli, mitte hoc argentum in calicem fusorium apertum ad fundendum; facias illum fumore, usque dum nullus egressurus est fumus, id est, usque dum totus regulus fuerit evaporatus, refunde hoc idem argentum una aut altera vice in calicibus novis cum parum crysocolle & salis Petreæ; tunc erit pulcherrimum aut dulcissimum argentum, pulchrius quam in Capella. Hoc argentum comminue in granula; idque dissolve in aqua forti; relinquentur plu



plurimæ paleolæ nigræ; funde eas; & ex erunt aurum, reuera hanc operationem secunda vice cum eodem argento & simili regulo, relinquentur paucae tales paleolæ nigræ; & si tertia vice cum eodem argento operationem reiteres, nullus amplius supererunt paleolæ. Nempe in prima operatione omnes globuli, qui prope accedebant ad perfectionem auri, suam omnimodam acquierunt perfectionem; & apparent ut paleolæ nigræ. In secunda operatione aliquæ adhuc perficiendæ supersunt; in tertia verò nullæ. Non potest dici, quod regulus martis produxerit has paleas nigras, alioquin etiam in secunda & tertia operatione relinquerentur paleæ.

Accedit, quod sæpe in mineris invenitur aurum pallidius, quàm aurum purum, in quo tamen nullum reperitur argentum, & quod per aliquod fusiones acquirit suam perfectionem, & colorem. Igitur reperitur in argento materia quæ sit aurum; & in ipso auro reperitur materia alba, quæ per ignem acquirit ultimam perfectionem.

Nemo non videt, hoc systema ultima rō coincidere cum systemate Cartesii, ut proin Chymia tantum applicet principia Cartesiana ad explicandos propius effectus naturales; & fatendum à Chymicis reddi rationem plurimorum effectuum naturalium; nempe lucis, colorum, humiditatis, siccitatis, caloris, odoris, saporis fermentationis, præcipitationis, meteororum, ut noctilucarum, tonitruorum & fulgurum, terræmotuum, augmentationis in plantis, & animalibus, virtutum & operationum medicarum. &c.

**I** De materia luminis jam satis ostendit M. Homberg, eam esse materiam subtilissimam, ubique expansam, ut etiam docet Augustinus, semperque in motu. Idem docet M. Lemery. 1709. in Academia Regia; ubi ostendit ignem augere pondus, ut reguli, antimonii, plumbi; stanni, mercurii &c. eundemque in sua consistentia non amittere activitatem, licet detineatur in carceribus. Id patet à lapidibus calcinatis, quorum ignis ruptis per aquam aut alio modo carceribus erumpit liberius.

Colores possunt provenire à diversa commixtione salium, & sulphurum vulgarium Chymicorum: id explicat M. Geoffroy 1707. in Academia Regia; colores aut provenire à sulphure; diversitatem à diversa ejus commixtione cum salibus. Possunt enim omnes colores per diversam horum commixtionem exhiberi ad sensus è Thymo extraxit oleum citrinum; hujus partem miscuit cum aceto distillato, & partem cum spiritibus acidis nitri, vitrioli, salis marini, aqua edulcoratis, & ad aciditatem aceti vulgoris reductis. 1. quæ fere est aciditas plantarum, post digestionem oleum obviuit colorem fortiter citrinum, aut rubrum Croci. 2. Aliam portionem hujus olei digestit cum spiritu volatili salis ammoniaci, per calcem educti; prodiit color ruber, qui dein transit in igneum, ac postremo in purpureum, & violaceum. 3. Idem oleum digestum cum spiritu volatili salis ammoniaci per sal tartari factum, & aliis spiritibus urinosis, & prodiit commixtio priorum colorum. 4. Idem oleum digestum cum oleo tartari per defectum, prodiit color sub-

obscurus, & Leucophaeus, seu Cinereus, ac fuscus. 5. Idem oleum, quod per spiritum salis ammoniaci traxit colorem purpureo-ceruleum, noviter cum oleo tartari digestum induit colorem caruleum. 6. Idem oleum coloris violacei purpurei digestum in aceto distillato, induit atrum. 7. Post commixtionem spiritus vini color apparuit caruleus dilutior; & post commixtionem aliquot guttarum olei tartari, liquor factus est viridis quæm colorem etiam conservavit; nunquam tamen oleum Thymi virorem induit, nisi postquam induit colorem caruleum, & commixtum fuerat cum spiritu vini. 8. Liquori viridi affusum acetum distillatum celerime extinguit virorem, & restituit colorem rubrum, quem antea habuerat. 9. Eidem oleo Thymi, postquam induit colorem caruleum ex oleo tartari, affusus spiritus vini dat caruleum dilutorem; & iterum affusum oleum tartari restituit caruleum, & caruleo affusum acetum distillatum induit rubrum; ac denique rubro affusum oleum tartari reddidit colorem caruleum. Hæ tamen experientie non habuerunt effectum in oleis essentialibus aliarum plantarum, ut lavandulæ, salviæ, Menthæ, &c.

Cæterum generalis regula est plantas rubescere per acida, & virescere per Alkalica. Color viridis plantarum videtur adscribenous oleo rariato mixto cum sale volatili & fixo verni humoris, quod in parte terrestri foliorum relinquitur, dum interim magna pars humoris aquei dissipatur. Hinc si ita tegantur folia, ut humor aqueus non possit dissipari; oleum reliquum relinquitur sine colore, ob quod & Chicoreum &c. album est. Color ruber foliorum in Autumno provenit ex eo, quia obstructis frigore carnalibus humor vernus impeditur à circulatione; igitur acescit; & suo acido destruit Alkali fixum in fibris reliquum, adeoque etiam colorem viridem; & ideo relinquit sulphur in suo nativo colore nempe rubro; sicut acetum distillatum in oleo thymi extinguit colorem viridem & restituit rubrum. Permixtio colorum in floribus videtur provenire à mixtione acidorum cum oleo. Color niger seu atrovioleaceus fit ex commixtione acidi cum sale volatili urinoso supra violaceo purpureum: omnes mixturæ violaceæ proveniunt ex commixtione salium Alkalicorum cum salibus volatilibus urinosis & oleis concentratis. Color viridis fit ex iisdem salibus & oleis magis rarefactis.

Alia principia colorum Chymici habentè metallis in minimas partes resolutis vel per aquam fortem, vel ignem; hæ enim varias præbent in quædam; & Boyleus in suis experimentis de coloribus sequentia affert.

1. Circa albedinem, qua ratione producat & destruat. Sume aquam; injice calefactæ quodvis sublimatum; filtratæ affunde aliquot guttas boni spiritus urinoli, fiet alba lactis instar. Adde aquam fortem, disparebit albedo, & mixtura transparebit, quam iterum per affusionem copiosioris spiritus urinæ ad albedinem revocare poteris.

Circa nigredinem. Gallarum infusioni limpida misce fortis solutionis vitrioli quantitatem; prodiit nigredo: exiguam dein instilla quantitatem olei vitrioli bonæ notæ; perit nigredo & redit claritas. Sigilli substituuntur sicca folia rosarum rubrarum decocta, ex solutione vitrioli fit nigredo; si dein



si dein injiciatur aqua fortis, fit *rubedo*, & hæc affuso spiritu urinæ redit in nigredinem. *Distillatio* album cornu cervi reddit *carbonarii coloris*, post avolationem phlegmatis spirituum, salis volatilis, & oleo. *Ustio* Eburis minitrat *nigredinem saturam*. *Calcinatio* plerumque corpora reddit *alba*, *adustio* verò *nigra*; licet in gypso & aliis fiat contrarium. Oleum vitrioli rectificatum oleo essentiali absynthii mixtum ac *distillatum* reddit *materiam carbonariam*; oleo absynthii potest substitui oleum satyreæ. Cera flava rasa & cocta in spiritu vini fit *alba*. Aurum *denigratur dissolutione* per aquam fortem mixturæ ex auro & argento; & aurum *asfrictione* lintei puri; at ter fit *nigrum*. Solutio argenti tangit crines nigredine; eadem evaporata & aqua diluâ calo mixta cum saliva cuti & aliis rebus inducit tenacem nigredinem. *Præcipitatione* multa corpora fiunt *alba*, ut oculi cancerorum, Corallia, & minium in spiritu vini soluta & oleo tartati præcipitata abeunt in pulverem album. Argentum, stannum, plumbum crudum, mercurius &c. in aqua forti dissoluta in calcem albam abeunt quin & antimonium reductum in butyrum antimonii aqua communis præcipitatur in pulverem pyrium; id tamen non procedit in omnibus. Arsenicum & cuprum secum in debita proportione *colligatum* id intus & extra albedine tingit, quantum in capella denuo amittit. Oleo vitrioli fericum nigrum in flavum mutatur. Stannum *calcinatum* in album abit pulverem. Cornu nigrum pectinis politum vitro *rasum* redit acervum *album*.

Reliquorum colorum productio & compositio non solum primæ exhiberi potest, sed etiam chartis aut vitris variè coloratis sibi invicem impositis: at verò optimè servit lignum Nephriticum.

Cape lignum Nephriticum, ait Boylius de Color. p. 3. exp. 10. cultroque in tenues assulascinde, manipulum circiter haurum. Illarum in duas, tres, quatuorve libras aquæ fontanæ limpidissimæ conjice, & per noctem unam inibi macerandam relinque. Aquam imprægnatam in nitentem phialam vitream deple.

Hanc, si inter oculum & lucem posueris, videbis colore ferè *aureo* tinctam, nisi ex nimia ligni quantitate infusionem reddideris nimis intensam: isto quippe casu obscura rubensque videbitur, dilutius postulat aquæ limpidæ additamento.

Sed si hanc phialam averteris, ita ut oculus sit intra fenestram & phialam, liquor apparebit saturò & eleganti colore *cæruleo*. Si ita phialam oculo tuo obverteris, ut fenestram uno tuo latere, obscuram verò cubiculi partem ante te & latere altero respiciat, colorem partim subcæruleum partim aureum videbis.

Si dorsum fenestræ obvertens, liquoris aliquid effuderis versùs lucem, & versùs oculos tuos, planè, dum è vitro profluit, *cæruleus* videbitur; at post aliquod à primo lapsu intervallum, diversi colores guttæ apparebunt. Si pelvis alicujus dimidium aqua impleveris, eamque radiis solis ita exposueris, ut altera pars radiis illustretur altera à latere obrecta in umbra permaneat; tumque in obscuram partem tincturam intillaveris videbis mirum lusum colorum: Si hujus tincturæ partem chartæ albæ infuderis, approximantes spissiores guttas pro vario situ vario colore tinctas videbis;

si verò totam tincturam effundas, colore propemodum flavo tincta videbitur. Et si chartæ folium, affuso ei hoc liquore ad fenestram collocaveris, ubi radii solares eam libere ferire possunt, tum si dorsum Soli obvertas, calamumque vel hujuscemodi corpus tenue inter Solem & liquorem transversum teneas percipies umbram à calamo in liquorem projectam, non fore umbram vulgarem, sed elegantem coloratam, non fore umbram corpori umbram causanti proxima, colore est propemodum vividè aureo pars autem distantior, *cæruleo*. Per distillationem lenem hujus ligni evolat liquor limpidus; liquor verò in vase restans est saturi cærulei coloris tincturam provenire à salibus sequens experimentum probat; accipe phialam hujus liquoris cum spiritu vini & tantillo salis cornu cervi; & parvam reddet mutationem colorum; misce acida, nempe spiritum aceti vini, protinus evanescet color *cæruleus*, quia dissipat salinas particulas; sed color aureus, per hunc spiritum non destruitur. Sume aliud sal sulphureum, quæ enervent salinas aceti vini particulas, affunde nempe paucas guttas olei tartari per deliquium; & redibit color *cæruleus*. Kircherus narrat, hujus ligni Nephitici aquam primò fuisse intensè *cæruleam* dein luci expositam, evasisse limpidam; versùs locum umbrosum directam, vitorem contraxisse; & adhuc umbrionibus locis obversam, subrubram: in tenebris verò & in vase opaco posita denuo factam *cæruleam*. Si phiala in conclavi obscuro radiis solaribus per foramen illapsis obvertatur adhuc exhibebit majorem varietatem. Et ex hoc ipso patet, ex commixtione salium diversorum cum tincturis posse inveniri an salia illa acida sint, vel sulphurea: in quantum nempe destructo priori sale colorem destruant aut reparant.

Similis varietas colorum ex diverso situ datur in quibusdam vitris; & causa colorum etiam inveniri potest in tincturis vitiorum, sive à pictoribus, sive à vitriariis. Periti pictores ex sola commixtione albi, nigri, rubri, *cærulei*, flavi norunt omnem colorum varietatem inducere. Ex albo & nigro variè mixtis nascitur omni *Cæsiarum* varietas. *Cæruleus* & *flavus*, pariunt omnia *viridia*. *Ruber* & *flavus* dant *aurantium* fuscum; *ruber* cum pauculo albo dat *gilvum*. *Ruber* cum tantillo *cærulei* exhibet *purpureum*; & sic de aliis in infinitum. Idem exhiberi potest in laminis vitreis coloratis. Simili modo etiam colores iridis per prisma componi & mutari possunt: si vel trajiciantur per vitra, vel injiciantur objecto jam tincto. v.g. si *cæruleus* injiciatur panno rubro, nascitur *purpureus*.

Hujusque Boylius de Color. p. 3. exp. 15. affert plura, & si vacaret, pollet per omnes partes Physicæ ostendi, Chymiam utilem in explicandis effectibus; verum de his agetur suis locis.

Cæterum tota scientia Chymica præcipue consistit in hoc, ut sciantur proportionum corporum Chymicorum. inter has vero tandem reperit ac in tabulam redegit Geofredus; quod alias multis annis vix disceretur, discitur ex hac sola tabula intra horam. Eam ex Acad. Reg. 1718. exhibeo. fig. Sensus autem est, quod ea corpora, quæ in quavis columna immediate sunt conjuncta,



etiam se melius uniant quàm omnia alia corpora Chymica, aded, ut si commisceantur duo corpora Chymica, ea statim ab invicem iterum separentur, si addatur aliud corpus Chymicum, quod uni ex his est propinquius in columna. Itaque nihil utilius est in Chymicis, & Medicina, quàm scientia hujus tabulæ. v.g. Conjuncta sint aurum & plumbum; si velim ea ab invicem separare per fusionem, tantum addam argentum; & argentum unietur auro, plumbum verò separabitur ab auro. Vel, si insint aquæ multa salia, ea statim præcipitabuntur, si affundo spiritum vini, quia aqua se uniet cum spiritu vini, & relinquet salia. Vel, si conjuncta fuerint acida cum quovis terrestri corpore, v.g. cum vino vel cerevisia, tantum opus est, ut immittantur salia Alcalica, & statim acidum relinquet corpora imprægnata, ac se conjunget cum salibus Alcalicis, vel, si aceti spiritus conjunctus fuerit, cum quovis corpore terrestri, v.g. lacte, sic ut non possit confici butyrum, tantum opus est, ut immittantur vel acida vel metallum fustum, vel salia alcalica, vel spiritus acidi; cum istis enim se conjunget spiritus aceti, aut corpus terrestre, & dimittet alterum. In corpore humano quando vel est acidum in stomacho, vel acetum, vel aqua nimia, vel humores in vasis lymphaticis ac glandulis, ex hac sola tabula nosces, quibus remediis uti debeas.

## CAP. X.

De Philosophia Newtoniana  
Mathematica.

**I**saacus Newtonus, nobilis, insignis Mathematicus per hoc à reliquis Philosophis differt in sua Philosophia naturali, quod nihil amittat, nisi quod evidenter ex phænomenis naturæ aliunde notis demonstrari possit; adeoque dimittit ratiocinia Aristotelicorum; & negligit Hypotheses Recentiorum, quæ utique non probantur, sed gratis ad explicandos effectus naturales assumuntur. Dogmata sua tradit in libro, cui titulus, *Philosophia Naturalis principia Mathematica*; & applicationem eorundem facit circa systema universi, motus syderum, gravium, aut aliorum etiam terrestrium; & in sua Optica circa colores. Pro fundamento totius suæ Philosophiæ statuit tres sequentes regulas.

*Regula 1. Causa rerum naturalium non plures admitti debent, quàm quæ & vera sint, & earum phænomenis explicandis sufficiant.* Ratio ejus est, quia, ut dicunt Philosophi, natura nihil agit frustra & frustra fit per plura, quod fieri potest per pauciora; natura enim simplex est, & rerum causis superfluis luxuriat.

*Regula 2. Ideoque effectuum naturalium ejusdem generis eadem sunt cause.* Ita enim eadem causa respirationis in homine & in bestia; descensus lapidum in Europa, & America. Lucis in igne culinari & in Sole. &c.

*Regula 3. Qualitates corporum, quæ intendi & remitti nequeunt, quæque corporibus omnibus competunt, in quibus experimenta instituere licet, pro qualitatibus corporum universorum habendæ sunt.* Ratio est, quia à Natura Analogiâ nunquam

recedendum est, cum ea simplex esse soleat, ac sibi semper consona; ideoque aliæ qualitates in corporibus ignotis fingi non debent, nisi quas in notis corporibus reperimus. Sic extensio corporum non nisi per sensus innotescit, nec in omnibus sentitur; sed quia sensibilibus omnibus competit, de universis affirmatur. Corpora plura dura esse experimur; in quibus durities oritur à duritie partium; & exinde non horum tantum corporum quæ sentiuntur, sed aliorum etiam omnium corporum indivisas particulas duras esse meritò concludimus. Corpora quæ tractamus impenetrabilia inventiuntur, & ideo impenetrabilitatem esse proprietatem corporum universorum concludimus. Omnia corpora esse mobilia, & viribus quibusdam prædita esse in statu suo vel motus, vel quietis perseverandi, ex hisce corporum visorum proprietatibus colligimus. Extensio, durities impenetrabilitas, mobilitas & vis inertie totius oritur ab extensione, duritie, impenetrabilitate, mobilitate, & inertia partium; & exinde concludimus, omnes omnium corporum partes etiam minimas extendi, & duras esse, & impenetrabiles, & mobiles, & inertes, & hoc est totius Philosophiæ fundamentum.

Cæterum Principia Newtoniana satis obscurius reddita sic habent.

## Definitiones.

1. **C**orpus sive materia est substantia extensa solida, vel impenetrabilis, per se quidem ad motum vel quietem indifferens, iners, & passiva: motus verò qualiscunque, & figurarum formarumque omnium capax.

2. **T**empus absolutum, verum, & Mathematicum est æterna & æquabilis duratio ex partibus ordine immutabili sibi succedentibus composita. nec enim pendet tempus absolutum à motu rerum, aut existentia; sed in se sine ullo respectu ad aliud æquabiliter fluit.

3. **T**empus relativum, ac vulgare est quævis externa ac sensibilis durationis mensura; sive per motum, sive per alios methodos hæc mensura habetur; ut est annus, dies per motum Solis.

4. **S**patium absolutum, verum, & Mathematicum est penetrabilis, indiscerpibilis, immobilis sibi ubique similis, æterna & infinita extensio. An vero tale spatium existat, est adhuc quæstio.

5. **S**patium relativum, communiter locus, est spatii absoluti mensura seu dimensio quælibet mobilis, quæ à sensibus nostris per situm suum ad corpora definitur, & à vulgo pro spatio immobili usurpatur.

6. **L**ocus absolutus est pars spatii absoluti, quàm corpus occupat.

7. **L**ocus relativus est pars spatii relativi, quàm corpus occupat.

8. **M**otus absolutus est translatio corporis vel substantiæ cujusque de loco absoluto vel spatio immobili, in alium locum absolutum, seu spatium immobile.

9. **M**otus relativus est translatio corporis vel substantiæ cujusque de loco relativo, vel spatio mobili, in alium locum relativum vel spatium mobile. Seu translatio corporis de vicinia corporum ambientium in viciniam aliorum.



10. *Quantitas materiae est mensura ejusdem orta ex ipsius densitate & magnitudine conjunctim.* Sic enim aer duplo densior in duplo spatio quadruplus est: Hanc materiae quantitatem simpliciter nomine *Corporis* vel *Massae* designabo; & quia aera aetherea (si quae datur) non gravitat, propriè nomen corporis non meretur.

11. *Quantitas motus est mensura ejusdem orta ex velocitate & quantitate materiae conjunctim.* Nam motus totius summa est summa omnium motuum in partibus singulis corporis reperibilium: hinc in corpore duplo aequali cum velocitate moto, motus duplus est; & dupla cum velocitate quadruplus est. *Quantitas igitur materiae est rectangulo densitatis in magnitudinem ducta aequalis;* & densitas innotescit per pondus. *Quantitas verò motus est rectangulo velocitatis in materiae quantitatem ducta aequalis:* unde & vires machinarum aestimari debent: nam ubi in machinarum æquilibrio corpus majus est, ibi corporis istius tanto minor erit velocitas; & ubi corpus minus est, ibi corporis istius tanto major erit celeritas; ita ut *quantitas motus ex corpore in velocitatem ducto sit semper aequalis.*

12. *Materia vis insita est potentia resistendi,* qua corpus unumquodque, quantum in se est, perseverat in statu suo vel quiescendi vel movendi uniformiter in directum per lineam rectam. Hæc vis proportionalis est suo corpori, neque differt quidquam ab inertia massæ, nisi in modo concipiendi. Per inertiam massæ fit, ut corpus omni de statu suo vel quiescendi, vel in motu semel incepto pergendi difficulter deturbetur: unde etiam hæc vis insita *Vis inertia* dici potest. Exercet verò corpus hanc vim solummodo in mutatione status sui. Quatenus corpus quiescens reluctatur vi impressæ, vocatur *Resistentia*; quatenus verò corpus motum nititur aliud corpus impellere, quod obstatet suo motui: vocatur *Impetus*.

13. *Vis impressa* est actio in corpus exercita ad mutandum ejus statum vel quiescendi vel movendi uniformiter in directum.

14. *Vis centripeta* est, qua corpus versus punctum aliquod tanquam ad centrum trahitur, impellitur, vel utcumque tendit. Talis vis est gravitas qua corpus tendit ad centrum terræ; vis magnetica, qua ferrum petit centrum magnetis; attractio vel tensio filii ad lapidem in funda circumactum retinendum.

15. *Vis centripetæ quantitas absoluta* est ejusdem mensura major vel minor pro efficacia causæ eam propagantis à centro per regiones in circuitu.

16. *Vis centripetæ quantitas acceleratrix* est ipsius mensura in diversis à centro distantis velocitati proportionalis, quam dato tempore generat. Nam corpora graviacelerius feruntur in minori à terra distantia, quando ex alto decidunt, tantoque magis accelerant, quo sunt terræ viciniore.

17. *Vis centripetæ quantitas Motrix* est ipsius mensura proportionalis motui, quem dato tempore generat. Hæc vis nihil aliud est, quam ipse conatus corporis tendendi in centrum, & vocatur *Pondus*. Igitur *vis absoluta* refertur ad centrum, quod trahit ad se per quamcumque actionem. *Vis acceleratrix* refertur ad locum, in quo motus acceleratur. Et *vis motrix* refertur ad ipsum corpus mobile, quod habet propensionem in centrum. *Vis acce-*

leratrix crescit pro decrescente à centro distantia; vis motrix oritur ex vi acceleratrice in corpus ducta; unde data vi centripeta absoluta, erit in corpore vis motrix, ut vis acceleratrix; & data vi acceleratrice, ut corpus. Et vis acceleratrix ad vim motricem est ut celeritas ad motum: oritur enim quantitas motus ex celeritate ducta in quantitatem materiae; & vis motrix ex vi acceleratrice ducta in quantitatem ejusdem materiae; quia summa actionum vis acceleratricis in singulas corporis particulas est vis motrix totius. Notandum verò per istum modum loquendi nil definiri de natura physica istarum actionum attractionum &c.

## Axiomata, seu Leges Motuum.

1. *Omne corpus perseverat in statu suo quiescendi vel movendi uniformiter in directum, nisi quatenus à viribus impressis cogitur statum illum mutare.* Hæc motus regula omnium maximè fundamentalis est, & ex materiae inertii & passivæ vi evidentissima sequitur. Hinc & projectilia perseverant in suis motibus, nisi quatenus à resistentia aeris retardantur; & trochus non cessat moveri ac rotari, nisi quatenus ab aere retardatur.

2. *Omnis motus per se est rectilinearis* sive in plagam certam determinatus. Hoc ex ipsa motus natura sequitur; cum motus sine determinatione in aliquam plagam concipi nequeat. Hinc motus circularis tantum constat ex innumeris motibus rectilineis: nam si motus in aliquam plagam semel directus intelligatur, perseverabit, ex lege priorè, corpus secundum eandem rectam moveri, donec vires impressæ ab ista directione deturbentur, si quando autem per curvam lineam corpus moveatur, necesse est, ut curvatura ista ex viribus extraneis perpetuò impressis oriatur; atque adeò simul ac vires illæ extraneæ cessant, corpus per curvam etiam moveri cessabit, & per rectam lineam curvam in puncto virium cessantium ultimo tangentem, sive secundum directionem suam ultimam rectilineam movebitur; sic sanè in lapide à funda circumacto res se habet; quamprimum enim lapis à funda liberatur, non pergit in circulo, quem priùs descriperat, sed per circuli tangentem abit.

3. *Omnia corpora in gyros acta conantur à centro motus sui recedere;* & quo gyratio est celerior, eo magis ab isto centro recedere conatur. Præter conatum lapidis circumacti in funda & aquæ in vase circumactæ, ascendantis versus latera, id ex eo patet, quia corpora per se tendunt ad motum rectilineum, sive per curvarum, quas describunt tangentes; & cum omnes tangentium partes à centro motus longius absint, quam partes curvarum, ad quas retrahuntur à viribus centripetis, perspicuum est, conatum istum abeundi secundum tangentes corpora ab isto centro perpetuò retrahere, & esse conatui contrario sive vi centripetæ sustinenti ad amicum æqualem.

4. *Mutatio motus proportionalis est vi motrici impressæ;* & fit secundum lineam rectam, qua vis illa imprimitur.

5. *Actioni contraria semper & aequalis est reactio:* hoc est corporum duorum actiones in se mutuò, sive



sive sint impulsus sive attractiones, semper æquales sunt, & in partes contrarias diriguntur. Quid enim premitur vel trahit alterum, tantumdem premitur vicissim, vel trahitur ab altero: si quis lapidem digito premat, premitur & hujus digitus à lapide: si equus lapidem trahit, retrahetur etiam equus in lapidem; nam funis utrinque distentus eodem relaxandi se conatu urgetur equum versùs lapidem, ac lapidem versùs equum; tantumque impeditur motum unius, quantum promoveret progressum alterius: si corpus aliquod in aliud impingens ejus motum vi sua quomodo-cunque mutaverit, idem quoque vicissim in motu proprio eandem mutationem in partem contrariam subibit.

6. Si corporum duorum aequalium elaterii expertum alterum motum alteri quiescenti occurrat, in occursum utraque cum dimidia moti corporis velocitate in eandem partem simul progredientur. Corpus enim motum in occursum consue de motu suo alteri communicabit, donec eadem cum ipso celeritate abeat.

7. Si corpora duo aequalia, elaterii expertia; eadem velocitate sibi mutuo directè occurrant, ambo post collisionem quiescent. Quantum enim alterum progreditur, tantum ab altero repellitur; & æquales motus quantitates in partes oppositas tendentes se mutuo omnino adæquabunt, & se invicem tollent; unde cum nulla jam sit novi motus causa, corpora utraque omnino quiescent. Perit ergo motus in hoc casu, nec eadem ejusdem semper in mundo est quantitas, ut voluit Cartesius.

8. Si duo corpora inæqualia elaterii expertia sibi mutuo eà velocitate occurrant, ut quantum corpus alteram magnitudine superet, tantum ab altero celeritate vincatur, vel si velocitates sint corporibus reciproca, utraque post occursum, ut prius, quiescent. Cum enim quantitates motus in partes contrarias directè sint in hoc casu utrinque æquales, se mutuo, ut prius, omnino destruent, & peribit motus ut in casu priori.

9. Si corpus motum in quiescens impingat, utcumque sint mole, & quantitate materie inæqualia, utraque post occursum communi velocitate in easdem partes ferentur; ut in lege sexta; & velocitas communis tantum minuetur, quantum corpora utraque simul sumpta corpore prius moto sunt majora. Cum enim universus prior motus jam in duo corpora distributus intelligatur, velocitas tantum minuetur, quantum materie movendæ quantitas augetur.

10. Si corpora duo inæqualia, æquali velocitate in partes oppositas mota, sibi mutuo occurrant, quantitas motus post occursum in utroque simul erit tantum motuum priora differentia. Nam motus contrarii, in quantum æquales sunt, se mutuo destruent.

11. Si corpora duo aequalia inæquali velocitate in easdem partes moveantur, post occursum manebit eadem motus quantitas, vel summa; velocitas autem communis erit dimidia velocitatis prioris utriusque simul sumpta.

12. Si duorum corporum inæqualium majus assequatur minus, communis velocitas post occursum major erit dimidia summa velocitatum. Contrà vero eveniet, si corpus celerius motum altero ponatur minus: tum enim communis velocitas postea erit

ista dimidia summa major. Itaque datis utriusque corporis velocitate & magnitudine ante occursum, potest inveniri communis velocitas utriusque corporis post occursum: dicendo, ut semel summa corporum ad corpus minus, ita semel summa motuum ad velocitatem communem post occursum.

Notandum has leges esse corporum non elasticorum; corporum verò perfectè elasticorum Hugenio sunt sequentes leges.

13. Si corpori perfectè elastico quiescenti aliud æquale corpus occurrat, post contactum hoc quidem quiescet, quiescenti vero acquireretur eadem, que fuit in impellente celeritas. Corpus enim impellens motus sui semellem impulsu directo, absque elaterii consideratione, quiescenti ex lege 6. communicabit: & pari cum eodem passu incedere volet; sed cum propter suam elasticitatem, quæ par est virtuti motrici directæ, agat duplici vi in corpus quiescens; necesse est, ut etiam alteram motus sui semellem ob suum conatum elasticum in corpus quiescens transferat; & cum necessum sit, ut corpus tantum de suo motu amittat, quantum in alterum transfert, sequitur tale corpus impingens ac movens quiescere debere. Hinc sequitur. 1. Si corpus majus in minus incurrat, non quiescet prius, sed solummodo tardius movebitur & quiescens majorem velocitatem quidem, sed minorem motus quantitatem, quàm in impellente fuerat, lucrabitur. 2. Si corpus minus in majus incurrat, non quiescet, sed regredietur; & quiescens minorem quidem velocitatem, sed majorem motus, quàm in impellente fuerat, lucrabitur. 3. Si corpus in motu positum in corpora plura sibi contigua & quiescentia incurrat, omnia quiescent præter ultimum, quod pari, majori, minoreve velocitate movebitur, prout scilicet corpus impellens corpori ultimo sit æquale, majus, minusve.

14. Si corpora duo aequalia perfectè elastica inæquali celeritate mota se mutuo impellant, sive in partes easdem, sive in contrarias tendant, post contactum permutatis invicem celeritatibus ferentur.

15. Corpus quodcumque quamlibet magnum à quocumque corpore exiguo, & quacumque celeritate impactu movetur. Hæc lex est axioma per se manifestum.

16. Quoties duo corpora perfectè elastica in partes colliduntur, eadem est mutuo respectu discedentibus celeritas qua fuit appropinquantibus. Hæc & 14ta lex deducitur ex actione & reactione mutua corporum elasticorum: tam diu enim transferent in se mutuo motum, donec permutatis celeritatibus ferantur, aut æquali celeritate recedant, qua adinvicem accelerant. Si enim majus corpus assequatur minus, tunc directè illi communicabit partem motus & cum illo feretur; per elasticitatem verò suam agendo in corpus minus ejus motum tanta vi accelerabit, quanta potest; igitur corpus minus tantum in se recipiet, quantum ipsum quantitate materie suæ corpori elastico resistit; & hoc motu recepto subito aufugiet. Similiter, si minus corpus assequatur majus, directè cum illo partietur motum; sed corpus majus tanta vi reaget, quanta est suæ materie quantitas; & ideo omnem illam vim denuo in corpus minus resunder.



17. Si duo corpora perfecte elastica eadem celeritate singula ad occursum revertantur, quæ ab impulsu resilierunt: singula post alterum impulsu eandem aquirent celeritatem, quæ ferebantur ad occursum primum.

18. Corporibus duobus sibi invicem occurrentibus, siue sint elastica, siue non sint elastica, non semper post impulsu eadem motus quantitas in utroque simul conservatur, quæ fuit ante; sed vel augeri potest, vel minui.

19. Si corpus perfecte elasticum majus minori quiescenti occurrat, minorem ei velocitatem dabit, quam duplam suæ; alioquin corpus impellens eadem celeritate ferretur, quæ prius, quod est absurdum.

20. Si corpora duo perfecte elastica sibi ex adverso occurrant, quorum magnitudinibus celeritates contraria ratione respondeant, utrumque eadem quæ accessit celeritate resiliet. Hinc datis duobus corporibus inæqualibus perfecte elasticis, & data utriusque celeritate, inveniuntur celeritates, quibus utraque post occursum feruntur. Fiat nimirum: Ut summa corporum ad duplum corporis secundi, ita celeritas accedendi respectiva data ad celeritatem alterum. Differentia inter hanc ultimo repperitam celeritatem, & celeritatem corporis primi ante impulsu (uno casu earum summa, ubi nempe corpus primum in motu præcedit) dabit celeritatem corporis primi post occursum; quæ celeritate ex integra celeritate respectiva data ablata reliqua erit celeritas secundi post occursum.

21. Si quod corpus perfecte elasticum majori vel minori quiescenti obviam pergat, majorem ei celeritatem dabit per interpositum corpus media magnitudinis perfecte elasticum iidem quiescens, quam si nullo confert, medio ipsi impingatur: maximam vero celeritatem cum corpus interpositum fuerit medium proportionale inter extrema.

Quo plura corpora perfecte elastica interponuntur inter duobus inæqualia perfecte elastica, quorum alterum quiescat, alterum moveatur, eo major motus quiescenti conciliari poterit maximus autem per unamquamque interpositorum multitudinem ita conferetur, si interposita cum extremis continuam geometriæ proportionalium seriem constituent.

Hinc si corpora centum dentur in proportionem dupla; incipiatque motus à maximo, erit celeritas minimi ad celeritatem quæ movebatur maximum proximè ea, quæ est, 14. 760. 000. 000. ad 1. Si vero à minimo motus incipiat, augebitur in universum motus quantitas secundum rationem quæ est. 1. ad 4. 677. 000. 000. 000.

Hæc duo ultima Theoremata Hugentii sunt, quæ ipse de omnibus corporibus duris asseruit.

22. Corpus omne viribus conjunctis diagonalem parallelogrammi eodem tempore describet, quo latera separatim, v.g. Si corpus A una pressione urgeatur versus B, & altera pressione aequaliter urgeatur versus C, dico corpus descripturum lineam AD, & quidem aequali tempore quo fuisset descripturum lineam AC, ratio est, quia quælibet vis agit quantum potest; igitur vis premens corpus deorsum, dum illud promovetur versus B, semper perget premere deorsum.

Hinc velocitas erit eo major, quo vires magis conspirant, seu quo angulus CAB est minor, &

dati viribus, quocumque concurreant, innotescet celeritas linearis diagonalis.

23. Vires & motus quicunque in vires & motus innumeros resolvit; & vicissim ex viribus aut motibus quibusvis obliquis vires directæ & motus rectilineares innumeri componi possent. Patet à priori exemplo, ubi eadem linea diagonalis AD potest etiam describi à viribus AF, & AE. & ex viribus totarum, gravium descendendum per planum inclinatum, & viribus cunei, ex Mechanicis, v.g. vis cunei potest exponi per lineam DQ, & DR, quibus urgentur latera dividenda.

24. Quantitas motus, quæ colligitur capiendò summam motuum factorum ad eandem partem, & differentiam factorum ad contrarias non mutatur ab actione corporum respectiva, quia eadem est velocitas accedendi & recedendi respectiva. Hinc si corpus A triplicem corpus B moveatur per duas velocitatis partes per AE; & corpus B moveatur per decem velocitatis partes per BE, post reflexionem corpus A movebitur per EH, & corpus B per EK. nam corpus A ad B erat ut 3 ad 1. Igitur summa corporum erat 4. Velocitas corporis A erat 2. B vero 10, itaque utriusque corporis velocitas adinvicem accedendi respectiva erat 12. Dic: ut summa corporum A & B = 4 ad duplum corporis B = 2. ita celeritas accedendi respectiva = 12. ad dimidium ipsius CD = 6: nam ob  $\triangle AGE$  &  $\triangle BOE$ ,  $AG = CE$ :  $BO = ED$ :  $AE = 2$ :  $EB = 10$ . Differentia inter celeritatem inventam = 6. & celeritatem præcedentem corporis A = 2. nempe 4. est ipsa celeritas corporis A post occursum; & quia remanet eadem quantitas, necessario celeritas alterius corporis B est tantum 8.

25. Commune centrum gravitatis systematis corporum ab actionibus corporum inter se non mutat statum suum vel motus vel quietis: & propterea corporum omnium in se mutuo agentium commune centrum gravitatis vel quiescit, vel movetur uniformiter indirectum; seclusis impedimentis extrinsecis. quia nempe linea centro gravitatis conjungens simul cum ipsis corporibus progreditur; & quia linea illa centri in centro secatur in data ratione, quæ non potest mutari à viribus tendentibus ad centrum, necessario servatur idem centrum.

26. Corporum eidem spatio mobili inclusorum, & motum ejusdem participantium iidem sunt motus.

27. Si corpora moveantur quomodocumque inter se, & à viribus acceleratricibus aequalibus secundum lineas parallelas urgeantur, pergent aequaliter moveri.

28. Velocitas corporis penduli in puncto circuli infimo est semper ut chorda arcus, quem cadendo descripsit. Quia velocitas arcus CB exponitur per lineam CF, & velocitas arcus HB exponitur per lineam HK.

Hæc sunt generales leges motuum; earum veritas potissimum probatur ex motu pendulorum, quem Cl. Mariottus integro libro exposuit. Sic enim, si habeatur ratio elasticitatis, & resistentiæ æris, duæ pilæ ex partibus advertis demissæ post reflexionem ostendent qualis sit summa motuum; melius est, si altitudo sit major, v.g. decem, aut viginti pedum. Resistentiæ colligitur exitus, & reditus, & differentia altitudinum: partes autem velocitatis numerantur ex partibus altitudinis.



## Propositiones.

1. *Tangens, arcus, chorda, sinus, in angulo contactus in unam lineam desinunt seu, quod idem est, ratio ultima tangentis & subtensæ seu chordæ ad arcum minimum evanescentem est in ratione æqualitatis.*

2. *Angulorum contactus subtensa sunt in duplicata ratione subtensorum arcuum conterminorum. Hinc in circulari corporis motu vires centripetæ seu gravitates in centrum sunt ubique ut arcuum simul descriptorum vel velocitatum quadrata applicata ad circulorum diametros vel radios. Ex hoc reperitur lunæ gravitatem versùs terram respectivè ad gravitatem corporum terrestrium se habere ut 1. ad 3600. si enim invenias quot pedes luna uno minuto secundo percurrat, & eorum quadratum per diametrum seu distantiam à terra divides, invenies partes quas luna uno minuto à tangente versùs terram descendendo percurrit; & hæ partes se habebunt ad eas partes, quas nostra corpora uno minuto secundo descendunt, nempe 14 pedes &c. ut 1. ad 3600.*

3. *Corporis, urgente quacunque vi uniformi accelerati, velocitates sunt inter se ut tempora, quibus vis illa uniformis imprimitur: hoc est, duplo tempore dupla, triplo tempore tripla, quadruplo quadrupla obtinetur. Hoc probat experientia. Adeoque spacia, quæ gravia in descensu percurrunt, habent se ut quadrata temporum. ut vides in adjecto schemate: ubi corpus A primo minuto percurrit unum pedem; secundo quatuor, tertio novem, quarto sedecim, quinto viginti quinque.*

4. *Linea, quas corpora urgente vi quacunque uniformi describunt, sunt in ratione temporum duplicata. Est idem quod prius.*

5. *Si corpus celeritate ea, quam in fine descensus acquisivit, sursum tendere cøperit, ad eandem altitudinem eodem tempore ascendet, unde prius descendit; & velocitatem suam in ascendendo proportionaliter æqualibus temporibus, quibus illam acquisivit, amittet.*

6. *Celeritates gravium super diversis planorum inclinationibus descendendo acquisitæ æquales sunt, si planorum elevationes sive altitudines perpendiculares fuerint æquales.*

7. *In Cycloide, cujus axis ad perpendicularum erectus est, vertice deorsum spectante, tempora descensus, quibus mobile à quocunque in ea puncto dimissum ad punctum inum verticis pervenit, sunt inter se semper æqualia. Itaque quævis oscillationes in cycloide sunt isochronæ; attamen in horologiis oscillatoriis, quæ longioribus utuntur filis, tempora oscillationum ob arcus minores descriptos magis ad æqualitatem vergunt, quàm in iis, quæ brevioribus utuntur filis; adeoque priora posterioribus sunt longè anteferenda. Exinde eruitur, quod tempora oscillationum per diversas cycloides sint in ratione subduplicata cycloidum vel radiorum: seu, quod longitudines pendulorum sint in ratione temporum duplicata. Idem verum est de oscillationibus in circulis: sic pendulum 39 25. digitorum dat 1<sup>u</sup>. pendulum 157. 2<sup>u</sup>. pendulum 353 25. digitorum. 3<sup>u</sup>. Sed*

cum tempora oscillationum in sola cycloide æqualia sint, & eo tantum nomine in arcibus minimis circularibus pro æqualibus habendæ, quod circa punctum inum nec alibi arcus isti circulares cum cycloidis arcibus ferè coincidunt; manifestum est, pendula in diversis circuli arcibus majoribus oscillantia oscillationes minimè isochronas obtinere, & eo minus isochronas, quæ major est arcuum descriptorum differentia. Sic sane ex Hugenii calculo tempus descensus per totum circuli quadrantem ad tempus per arcum minimum est ferè ut 34. ad 29. Hic sumuntur pedes Anglicani, quorum ad Parisienses proportio est ut 123. ad 131.

8. *Projectilia omnia, quæ non sunt horizoni perpendicularia, parabolas describunt, nisi quatenus per aeris resistentiæ aliquantulum retardantur. Hinc*

1. *jaçtus horizontalis longissimus is est, qui secundum lineam inter horizontalem & perpendicularem mediam sive in angulo 45. graduum supra horizontem dirigitur. 2. Si angulus elevationis à semirecto deficiat æqualiter, sive elevatio sit major sive minor, jaçtus longissimus horizontalis æqualiter minuetur. 3. Distantiæ horizontales ex data velocitate genitæ in diversis elevationis angulis sunt ut angulorum tangentis & perpendicularis duplicatorum sintus recti. 4. Tempora jaçtus cujusque horizontalis ex data velocitate in diversis elevationis angulis sunt inter se, ut angulorum elevationis sinus recti.*

9. *Corporum in circulis gyrantium vires centripetæ duplicem habent causam, nimirum arcuum simul descriptorum curvaturam, & motuum per eandem curvaturam velocitatem. Hinc si mobilia duo æqualibus temporibus circumferentias integras in æquales motu æquabili percurrant, erit vis centripetæ in majori circumferentia ad eam, quæ in minori, sicut ipsæ inter se circumferentiæ, vel earum diametri, vel etiam radii directæ. 2. Si tempora periodica corporum in circulis gyrantium æquantur, erunt tum velocitates, tum iisdem proportionales vires centripetæ inter se, ut circulorum circumferentiæ, diametri vel radii directæ; & vice versa, si vires centripetæ sunt inter se ut circumferentiæ, diametri, vel radii, erunt velocitates etiam in eadem ratione, & tempora periodica erunt ubique æqualia.*

10. *Si duo mobilia in æqualibus circulis gyrantibus celeritatibus inæqualibus, verum motu æquabili, erunt centripetæ celerioris ad vim centripetam tardioris in duplicata ratione celeritatum, sive ut arcuum simul descriptorum quadrata. Hinc, cum tempora periodica in æqualibus circulis sint velocitatibus reciproce proportionalia, erunt vires centripetæ in duplicata temporum periodicorum ratione reciproce, sive ut temporum periodicorum quadrata reciproce, ita, ut quo majus sit temporis periodici quadratum, eo minor sit vis centripetæ.*

11. *Si duo mobilia in circulis inæqualibus æquali velocitate ferantur, erunt eorum vires centripetæ in ratione contraria circumferentiarum, diametrorum, vel radiorum, ita ut in minori circumferentia vis centripetæ major existat, & in majore minor.*



12. Si duo mobilia in circulis inaequalibus velocitate inaequali, quae sit in subduplicata ratione circumferentiarum &c. ferantur, erunt vires centripetae ubique aequales.

13. Si duo mobilia in circulis inaequalibus velocitate inaequali, quae sit in subduplicata circumferentiarum &c. ratione reciproce, erunt vires centripetae reciproce, ut radiorum vel distantiarum quadrata. Sit enim radius circuli majoris ad radium circuli minoris ut 9. ad 1. velocitas verò majoris ad minorem in subduplicata ratione, nempe ut 1. ad 3. curvatura majoris ad curvaturam minoris erit, ut 1. ad 27. & vis centripeta majoris ad vim centripetam minoris erit, ut 1. ad 81. radii majoris quadratum: tempora etiam periodica erunt in ratione sesquialtera, seu ut 27. ad 1. Hæc proposito in corporibus cælestibus obtinet, ubi temporum periodicorum quadrata sunt inter se ubique, ut cubi distantiarum & ubi proin vires centripetae sunt ut distantiarum quadrata reciproce, & velocitates in distantiarum istarum ratione subduplicata reciproce.

14. Si duo mobilia in circulis inaequalibus inaequali celeritate eaque in radiorum ratione reciproca ferantur, ita ut quo major est radius, eo minor sit velocitas, & vicissim; erunt vires centripetae ut cubi radiorum reciproce.

15. Areae, quas corpora in gyros acta describunt, sunt temporibus proportionales, & dato tempore ubique aequales.

En! hæc sunt leges ac principia Physicæ Mathematicæ. Initia tantum dedi, ut posses augurari cætera.

C A P. XI.

### De Philosophia Leibniziana.

**L**ebnizius, præter principia Mechanica admittit in natura etiam aliquam vim insensibilem; & entia abstracta; per quod suis denuo januam ad Philosophiam Scholasticam aperuit. Vidit enim, verò, corpora extensa habere aliquam vim resistendi & movendi; inde vires centripetae, vis gravitatis, vis inertiae &c. Vis ista non est aliquid sensibile; sed intelligibile tantum; igitur & essentia corporis in extensione non consistit, utpote quæ omnium propriè tantum corporearum causa esse non possit.

Admittit proin materiam aliquam; & in materia agnoscit vires primigenias insensibiles, quæ pro forma substantiali cujusque rei haberi possint. Materia de se est divisibilis in infinitum; ipsæ verò vires sunt concretae cum mundo, ingenerabiles & incorruptibiles; igitur nulla datur nova formarum productio, sed tantum in lucemeductio; quin nec ipsarum animalium animæ producuntur; sed partes organorum jam seorsim viventium coadunantur; quæ, dum animal moritur, iterum separantur; putat enim decere sapientiam divinam, ut qualibet pars organica animalium jam habeat vires proprias, & qualibet cujuslibet machinæ à Deo productæ pars sit aliqua machina. Cæterum mutuam actionem inter corpus & animam humanam explicat per harmoniam unisonam; sicut, si duo horologia perfecte uniformia producerent eodem motu, non ob mutuam dependentiam, sed ob simultatem temporis & similitudinem artificio, & concomitantiam actionum. Hæc omnia Leibnizius diversis scriptis in diurnalibus & Actis Eruditorum cum orbe litterario communicavit, cum vixit: post mortem verò ejus principia collecta; & in sequentem formam, ab ipsomet Authore conscriptam, in Actis Eruditorum publicata sunt.

R. D. Euseb. Amort. Philosophia.

In suppl. l. 7. f. 1. r. anno 1721. aliqui tamen constantur, Leibnizium falsum esse, hæc non serio, sed tantum prolusu ingenii à se conscripta esse. Quidquid sit, summa illius systematis, hæc est:

1. Elementa omnium rerum sunt Monades, seu substantiæ simplices, ingenerabiles & incorruptibiles, à Deo creatæ.

2. Hæc Monades non possunt ab extrinseco mutari, recipiendo novam formam, aut entitatem, quia sic tantum Monas adderetur ad Monadem.

3. Monades tantum possunt mutari eo modo, quo possibile est reperiri multitudinem in unitate seu varietatem in ente simplici. Hoc autem tantum fit ope Perceptionis in anima, dum anima transit ab una perceptione ad aliam.

4. Itaque Monades sunt meræ animæ. Quamvis rigorosè loquendo animæ vocari non possint; eo quod nomen animæ tribuatur illis entibus, in quibus perceptioni conjuncta est apperceptio seu reflexio ac memoria, qualis Monadibus non convenit. Monades enim simillimæ sunt illo statui mentis nostræ, in quo nihili recordamur, nec ullam perceptionem distinctam habemus, veluti cum deliquio animi laboramus, aut quando somno profundo absque insomnio oppressi sumus.

5. Quælibet Monas repræsentat totum Universum; adeoque est quodammodo omnia; sed sicut remota non satis oculis discernimus ita sit, ut non omnia, quæ in quavis Monade insunt, distinctè repræsententur.

6. Itaque generatio rerum nihil aliud est, quam evolutio earum rerum, quæ in Monadibus repræsentantur. Quando enim distinctè percipiuntur, tunc sunt. Produci formas nihil aliud est, quam prodire in theatrum majus, seu fieri visibiles, quod prius in Monade latuit.

7. Hæc evolutio formarum fit certo ordine, eo nempe, qui est optimus; sic ut semper antecedens sit causa, cur fiat subsequens, quia in se habet rationem melioris.

8. Quia autem in mundo omnia fiunt secundum leges causarum efficientium, ordine optimo; quæ ab anima humana mutari non possunt; ideo anima humana non agit in corpus, sed Deus sic corpus disposuit, ut ea fierent in corpore, quæ anima vult fieri in corpore. Et in hoc ipso consistit Harmonia Leibniziana præstabilita.

Hæc est summa Systematis Leibniziani, in quo Author supponit, perceptiones in anima fieri sine productione novi entis, quod non solum non est demonstratum, sed & falsissimum est. Dein

Hoc Systema Leibnizii ex multis capitibus falsum ac ex pluribus dignum risu est, falsum est. 1. Quia supponit, omnia in mundo non solum vivere, sed & nihil aliud dari, quam meras animulas: si intueor lignum, aut lapidem, juxta Leibnizium intueor tantum Monades, seu aggregatum animularum, quæ dormiunt; dum bibimus aquam vel vinum, & comedimus panem, quot animulas insumimus! est sane miserimum talia cogitare; cum enim omnes hæc Philosophi aliquid certe cogitarent, quando cogitaverunt de ligno, lapide, aqua, vino, pane, &c. nec tamen cogitaverint de corpore animato, haud dubiè poterit Deus producere aliquid simile his Philosophorum conceptibus; si autem Deus potuit producere aliquid simile his Philosophorum conceptibus, etiam conveniens erat, ut

A a a a

hic



sic produceret, quia sic conveniens esse judicarunt omnes homines docti & indocti, in quibus utique juxta ipsa principia Leubniziana datur parva divinitas, adeoque harmonia inter leges Prudentiæ Architectonicæ & divinæ & humanæ. Neque etiam ulla videtur ratio melioris in hoc aggregato animarum lignearum & lapidearum, cum earum productio tam ad effectus naturales, quam ad commendandas perfectiones divinas sit prorsus frustranea. 2. Falsum etiam est, quia supponit, Deum semper obligari ad faciendum id, quod est optimum; adeoque Deus non esset in agendo liber, sed duceretur fato rationum in totius entis possibilitate præponderantium. Hoc verò est ingens error, & is ex eo promanat, quòd Leubnizius nesciat, in mente Dei tam parum esse possibile infinitum collectivè sumptum, quam parum id possibile est à parte rei. Si ergo Deus ex infinitis entibus possibilibus nunquam potest sumere collectionem infinitam collectivè, etiam non poterit unquam sumere aut intelligere absolutè optimum; cum talis acceptio supponat comparisonem optimi ad infinita entia vel systemata possible simul in mente Dei collectivè accepta; adeoque dicendum, quòd Deus quocunque ente finito accepto possit intelligere melius, nec unquam perveniat ad ultimum, quod est absolutè optimum. Hæc sunt præcipua duo capita errorum in hoc systemate Leubniziano; reliqui enim errores, qui in eo latent, sunt innumeri, & indigerent integro tractatu pro refutatione, quem etiam facile conscriberem, si metuerem aliquos sanæ mentis homines istis nugis posse seduci; qui verò jam aliunde corrupti sunt, his utique alia prius Medicina mentis paranda est.

## CAP. XII.

### De Philosophia Scholastica.

Philosophiam Scholasticam voco, quæ in omnibus Scholis ac Academiis Europæ à sæculo duodecimo usque ad decimum septimum doctis placuit: nam à Christo nato usque ad sæculum 12. in Europa nostra ne unum quidem Philosophum reperire est, qui integrum systema Physicæ conscripserit. Fragmenta verò, quæ extant vel in scriptis Gentilium, vel Christianorum, fragmenta tantum sunt Philosophiæ Platoniciæ, aut Aristoteliciæ: pauci tunc fuerunt Philosophi; una tantum vel altera in tota Europa schola; exiguus discendi ac investigandi ardor profana.

Sæculo undecimo Clerus ut plurimum crescere, & ad formam vivendi tum pietati tum studiis satis idoneam reformari cœpit; hinc, sicut primitus in Ægypto inter sacerdotes, sic isto sæculo inter Clerum, & Monachos Scientiæ excultæ sunt. Mirum profectò foret, si innumeri viri, pii, adeoque pacati animi ac passionibus liberi, Deo chari, adeoque directione ac inspiratione divina, quæ datur, sine dubio præ aliis gaudentes, sciendi cupidi, pie æmuli, ab initio liberi ac Eclectici, solertes, ordinato ratiocinio per formam syllogisticam assueti, si, inquam, hi viri post infinitas ferè obsectorum combinationes nunquam in vera principia lumine naturæ nota inciderint, sed in nugis, & verborum lusu habuissent; si datur aliquod lumen naturale, seu habitudo verum discernendi, si datur aliqua

naturalis inclinatio ad eas veritates, quas Deus vult à nobis judicari veras; cur illa vis ac ordo Authoris naturæ in subjectis optimè dispositi continenter tam uniformiter falleret? cur nunquam consequeretur effectum in circumstantiis omnino providentiæ ordinanti consonis? Igitur non præsumitur sub formulis scholasticis latere nihil, nisi id positivè demonstratur: ex eo quidem, quòd Scholastici ultra modum prosequantur etiam minutias, non demonstratur, eos ubique nihil loqui potuerunt esse diligentes circa minima, nec deside, circa maxima, ubi idem est labor minimorum & maximorum.

Fundamentum Philosophiæ Scholasticæ est Philosophia Aristotelica: hæc jam diu tam in Oriente, quam Occidente sensim majorem auctoritatem obtinuit; sæculo 12. Averroes in Hispania inter Saracenos eidem commentariis suis maximam conciliavit famam; Christiani partim fama, partim necessitate adducti, ut paribus armis cum adversariis fidei congredi possent, syllogismis, disputationi, & cum his ipsis principiis Aristotelicis assueverunt: sæpius quidem rejecti in Ecclesia sunt libri Aristotelici ob varios errores, quos continent; sed, cum viri docti hos errores partim in meliorem sensum converterent, partim emollirent, partim emendarent, prodiit tandem aliquod genus Philosophiæ Peripateticæ emendatæ, quæ postmodum vocata est Philosophia Scholastica, simpliciter Aristotelica. Hic Philosophiæ Scholasticæ ortus fuit, promovente illum Petro Abeilardo, Gilberto Porretano, Anselmo, Alensi, Alberto M. &c.

Philosophia Scholastica in suo progressu in tres celebres scholas divisa est. Prima est Thomistarum, qui sic denominantur à D. Thoma, Ordinis Prædicatorum, viro verè Angelico. Scripsit Commentarios in Aristotelem, è quibus erui potest systema Philosophiæ Thomisticæ modernæ, quod infra subjiciam. Secunda est Schola Scotistarum, qui sic denominantur à Scoto, subtili doctore, Ordinis Minorum S. Francisci: is commentando in Aristotelem & multa alia scribendo talia miscuit principia, quæ coordinata construi possunt in systema Philosophiæ Scotisticæ modernæ, quod infra subjiciam.

Tertia est Schola Nominalium, qui sic denominantur, eo quòd eliminarent è Philosophia etiam superflua, quæ Thomistæ & Scotistæ, alibi sub nominibus significari contendeabant: Author est Okamus, Ord. Minorum in Bavaria; eius doctrinam postmodum plerumque in præcipuis doctrinæ capitibus secuti sunt Patres Societatis Jesu. Antesignano Suarezio, viro pio & docto. Ex quo tempore etiam hæc Philosophia communiter appellari cœpit Recentiorum, aut Societatis. Hujus systema etiam infra subjiciam.

Clavis ad Philosophiam Scholasticam potest esse sequens.

1. Datur tam perfecta conformitas, quàm est possibile, inter modum concipiendi & modum essendi; inter mundum intellectualem & realem. Hoc dogma Scholastici nunquam probant, sed supponunt: si enim hoc non supponerent, tota Schola esset nugatoria, probationes ac responsiones vanæ: quæ Scholastici veritatem rerum dimittuntur suis conceptibus abstractis.



2. Hinc quæcunque diversa sunt in mundo intellectuali quoad modum concipiendi, etiam diversa sunt in mundo reali quoadmodum essendi, vel actualiter vel fundamentaliter.

3. Quæ in mundo reali diversa sunt separabiliter, dicuntur *distingui realiter*. Quæ verò diversa sunt inseparabiliter, dicuntur à Thomistis *distingui virtualiter*, à Leontistis *formaliter ex natura rei*; à Recentioribus *formaliter*. Quæ igitur tam in mundo intellectuali quàm reali diversa sunt, & tamen realiter distincta non sunt, habent unitatem vel per mutuam dependentiam in existendo, vel per communem existentiam, vel per continuationem, sicut quandoque diversi colores sunt continuative unam quid; vel per præcontinentiam eminentialem in sua causa. Unitas illa vocatur identitas; nec impedit, quo minus diversa illa taliter indentificata quoad productionem, relationem, actionem, passionem &c. tanquam realiter distincta spectari possint & debeant. Cæterum si una eademque res secundum se quoad rectum non fundat diversum conceptum, sed tantum in obliquo, quatenus refertur ad diversa connotata, tunc ab omnibus talis res dicitur distingui à seipsa per rationem ratiocinatam; sic distinguimus Petrum dextrum à Petro sinistro.

4. Datur aliquod lumen, à natura nobis infusum, quo simplici intuitu sine ratiocinio intuemur quasdam veritates non solum necessarias, sed etiam contingentes, quæ nempe dependent ab arbitraria dispositione ac voluntate Dei, & quas cognoscere nostrum interest. Lumen illud manifestat habitudinem ac connexionem objectorum inter se, pandit causas, effectus, relationes, connotata, & potenter inclinat ad iudicandum eo modo, quo res sunt, & in hoc lumine manifestantur.

Lumen naturale nunquam fallit; quia potest considerari tanquam aliqua revelatio Dei.

Proprietas luminis naturalis est, ut communiter ac à priori in hominibus dispositis obtineat effectum, nempe assensum, non obstante in contrarium ratiocinio; quia dispositio naturæ ad aliquem effectum est universalior, substantiæ videlicet providentiæ, agit frequentius, ac incitat ad effectum læpius, ut pote semper præsens ac adhærens, & ob leges providentiæ ordinantis totum universum, contingenter incidit in plures agendi occasiones obvias: igitur, nisi in uno vel altero subiecto, circa unum vel alterum objectum positive demonstretur intellectus corruptio, semper præsumitur verum esse, quod plerisque & dispositis, & longiori tempore videtur: & omnis illa communis evidentia, cujus origo non necessariò refertur ad certò erroneum præjudicium, præsumitur fundari in lumine naturali: si verò illa evidentia tantum possibiliter refertur in præjudicium possibile, de cujus universalis existentia non constat; præsumendum adhuc est, illam evidentiam potius fundari in lumine naturali, quàm in præjudicio possibili: quia, quando effectus potest contingenter provenire à duplici causâ, tunc præsumendum potius est, quòd dependeat ab illa causa, de cujus in suo genere existentia constat; quàm de altera causa,

de cujus in suo genere existentia non constat.

5. Igitur sensus communis, evidentia doctrinarum, & sensus nostri in tantum sunt regula veritatis, in quantum non demonstrantur fallere. Quia hæc omnia præsumuntur fundari in instinctu luminis naturalis. adeoque ex eo, quòd sensus aliquando fallant, non bene concluditur, eos non esse regulam veritatis, quia plerumque verum dicunt; quin potest dici, sensus & sensum communem ferè semper verum dicere in illis casibus, ubi non demonstrantur falsum dicere; Deus enim voluit, nos sequi instinctum naturalem, quando nullum positivum nobis dat argumentum exceptionis. Hæc dogmata de lumine naturali iterum expresse non docentur à Scholasticis, sed nisi velint suos discursus esse ridiculos, necesse est ab illis debent supponi: patet, siquidem suis adversariis pro clypeo objiciant evidentiam luminis naturalis, sensum communem, experientiam sensuum, & instinctum naturæ.

Dantur in mundo reali accidentia Peripatetica; quia sensus communis iudicat dari aliquod simile nostris ideis in mundo reali, dum concipimus rubedinem, lucem, sonum &c. sicut enim in mundo intellectuali hæc perfectiones inter se, & à motu ac figura partium diversæ sunt, ita sunt diversæ in mundo reali; & sicut eadem perfectiones in mundo intellectuali conjunguntur cum motu & figura partium, ita conjunguntur in mundo reali. Ita sensus communis iudicat, & hujus origo non demonstratur fundari in præjudicio certè erroneo.

Accidentia ista secundum se non sunt quantitas aut extensa, aut corporea; sed dicuntur quantitas, extensa, aut corporea, in quantum conjunguntur cum quantitate, extensione, aut corpore; seu potius in quantum intrinsece ordinantur ad quantitatem, & ob hunc ordinem secum identificantur exigunt conjungi cum quantitate. Cuiusmodi sunt id ipsum, quod concipis, dum hæc accidentia concipis abstractè secundum se, quia ob conformitatem mundi realis ad intellectualem perfectissimè cognoscitur eorum realitas, dum obversantur menti in mundo intellectuali.

Datur aliqua vis insensibilis in mundo, quæ est causa, cur accidentia oriantur, & occidant, & cur hæc collectio accidentium non tantum in hoc subiecto conveniant, sed etiam producant sibi similem collectionem, v.g. dum granum tritici generat tritum, dum ex semine floris vel arboris fit arbor & flos: nam de collectione accidentium, eorum ortu & interitu testantur sensus & sensus communis: de vi verò insensibili testatur ratio, quia nihil casu fit tam ordinatum; ergo illa productio fit ab aliqua causa, quæ respiciat totam collectionem accidentium; igitur cum illa causa sit insensibilis, constat dari aliquam vim insensibilem vel creatam, vel increatam cujus efficiam est non solum movere, aut mutare, & producere partem, sed etiam coordinando partes producere totum, & providere de partibus, & mediis ad constituendum totum.

Vis illa est creata, & inest rebus ipsis; quia sensus communis iudicat dari vim activam, & veritatem in creatis, & v.g. plantam produci plantâ. Ratio etiam id probat, quia Deus naturaliter



non solet operari pro suo libitu, sed juxta exigentiam causarum secundarum; neque enim Deus hic & nunc producit ignem, rosam, aut equum à ligno: igitur si possibilis est series activa creata, nulla est ratio, cur Deus eam non creaverit. Denique mundus realis est conformis intellectuali; igitur sunt in mundo intellectuali vis illa datur objectivè, repræsentativè, aut certè directivè, ita in mundo reali dabitur realiter.

Vis illa seu radix exigitiva talis collectionis accidentium v.g. in planta, vocatur forma substantialis plantæ, quia tribuit esse plantæ, utpote causa immanens omnium proprietatum & accidentium in planta reperibilium.

Forma substantialis cujusque rei etiam ipsa est generabilis & corruptibilis; quia pereunte collectione accidentium sensibilem consequens est etiam perire radicem illius collectionis; neque enim est in natura causa exigens conservationem illius formæ substantialis.

Forma substantialis, quando oritur & occidit, non fit ex nihilo casu, neque ex puro arbitrio Dei; quia datur vis productiva creata, in quantum potest dari: igitur producitur juxta exigentiam dispositionum sibi connaturalium; & illarum dispositiones debent habere aliam radicem, in qua connaturaliter sunt; illum ultimum subjectum dispositionum, quæ requiruntur ad productionem formæ ob ordinem naturæ, vocatur materia prima: & quia illa materia est capax plurimarum formarum, capax etiam erit plurimarum dispositionum; adeoque secundum se nullam habet constantem dispositionem, nec est quid, nec quale nec quantum &c.

Igitur hic est ordo in natura: ubi datur stabilis ac uniformis affectus in natura, ut si planta producit plantam, datur vis ac causa per se totius compositi, nempe forma substantialis: hæc forma insequitur dispositiones materiæ; & omnes diversæ dispositiones, cum non fiant casu ac sine ordine, sequuntur aliquam primam dispositionem materiæ, à cujus diversitate dependent omnes reliquæ qualitates ac dispositiones.

Prima dispositionum materialium est quantitas dimensiva materiæ, & motus; quia detractis reliquis proprietatibus hæc ultimò tenacius inhaeret materiæ, quinimò non repugnat Philosophiæ scholasticæ, materiam primam concipere per modum extensionis indefinitæ, sed finitæ per quantitatem.

Omnis proin mutatio tam accidentalis quàm substantialis in universo fit secundum certas proportionem materiæ in quantitate, figura, & motu.

Mirum proin non est, quod motus cælorum sit causa omnium generationum, & alterationum; quia astra movent auram ætheream; quæ ubique penetrat; hujus auræ perpetuus motus movet ubique partes materiæ, ac per hoc mutat quantitatem & qualitates, & formas; & hoc modo astra influunt in inferiora.

In brutis datur anima sensitiva corruptibilis; quia non repugnat poni in mundo reali illam partem mundi intellectuales, qua sentimus appetimus, aut etiam discurremus; sed non in ordine ad summum bonum. Talis anima non repugnat, sicut non repugnat harmonia in organo.

Anima humana seu mundus intellectualis est incorruptibilis; quia lumen naturale, quacunque parte consideremus hanc animam, objicit perpetuam connexionem animæ ad Deum tantumquam suum summum bonum; & sensus communis judicat immortalem.

Datur etiam Deus, quia in mundo abstracto intellectuali potest intelligi aliquis intellectus universalis omnia ordinans, providens &c. adeoque sine illius existentia nihil ordinatur, ac movetur.

## C A P. XIII.

### De Philosophia Thomistica.

**D**atur perfecta conformitas inter mundum intellectalem & realem. Hæc veritas passim à Thomistis supponitur, quia ex nostro modo concipiendi abstracto semper inferunt modum existendi in objecto. Fundamentum hujus principii potest peti à definitione veritatis, & similitudinis; veritas enim cognitionis est summa similitudo sine ulla dissimilitudine, est adæquata acceptio rei, est adæquatio rei & intellectus, est mensura rei &c. ut pluribus locis ostendit D. Thomas.

Objectum intellectus est quidditas seu essentia rerum tam sensibilem, quàm insensibilem; id est, omnia entia perfectissima conformitate ab intellectu attinguntur, ut sunt in seipsis. Hoc principium iterum supponitur à Thomistis passim, quia circa quævis objecta tam sensibilia quàm insensibilia ex modo concipiendi inferunt modum existendi: & D. Thomas pluribus locis ostendit, quod Quidditas rerum indiscriminatum sit proprium objectum intellectus, & circa quidditates simplices docet, quod vel totaliter non attingantur, ita ut de iis nihil intelligamus; vel cognoscantur ut sunt.

Hinc quæcunque distinguuntur in intellectu, distinguuntur à parte rei: & quæcunque habent diversas definitiones, seu conceptus definitivos, distinguuntur à parte rei: & per consequens cognitio abstractiva aut universalis tantum est cognitio unius perfectionis seu quidditatis non cognita altera. Hoc principium propius attingitur à Thomistis, dum quærent an detur præcisio objectiva: & dum probant suam distinctionem virtuales; nunquam tamen ab illis ex instituto probatur. D. Thomas verò hoc principium insinuat, quando agit de cognitione abstractiva, aut universali, ubi docet, cognitionem abstractivam nil aliud esse, quàm cognitionem unius non cognito altero, sicut cognoscimus colorem pomi vel auri sine pomo vel auro.

Igitur etiam essentia & existentia; natura, & individuatio; quin omnes gradus Metaphysici, seu perfectiones essentielles simplices ejusdem compositi inter se etiam à parte rei distinguuntur. Ratio est, quia hæc omnia distinguuntur in intellectu per diversos conceptus, in recto inter se experimentaliter dissimiles, quæ proin non possunt esse summa similitudo ac perfecta imago ejusdem simplicissimæ entitatis, cum utique ejusdem rei simplicissimæ ac homogeneæ non possint



sint dari diversæ effigies heterogeneæ; nec ea quæ sunt dissimilia inter se possint esse simillima uni tertio.

Hoc dogma est quidem omnium' melioris notæ Thomistarum; rationes verò, quas afferunt, plus non probant, quàm dari diversos conceptus existentia, & essentia &c. qui, si possunt esse ejusdem rei, ab adversariis Thomistarum, vocantur conceptus inadæquati.

Distinctio perfectionum separabilium aut habentium oppositionem relativam producentis & producti, vocatur *Realis*, eò quòd ubi separationem differant quoad realitatem seu existentiam; distinctio verò perfectionum, quæ inseparabiliter participant eandem existentiam, vocatur *Virtuallis*, eò quòd secundum se habeant virtutem ac capacitatem ad distinctionem realem; si non haberent communem existentiam; quinimò habent eandem naturam ac virtutem conjunctim sub eadem existentia, quàm haberent separatim.

Omnis perfectio, forma, accidens, aut essentia est secundum se indefinita, universalis, ac communicabilis innumeris subjectis, ratio est, quia individuatō distinguatur à qualibet perfectione.

Individuatō formæ solum desumitur à subjecto, seu materia signata his dimensionibus, aut aliis accidentibus; inquantum nempe forma unitur huic potius materiæ, quàm alteri. Ratio est, quia perfectio nulla se sola ac seorsim sumpta potest intelligi ut singularis seu incommunicabilis pluribus; cum utique illa perfectio possit intelligi in hoc vel illo subjecto; & si esset possibilis talis perfectio se sola incommunicabilis, non tamen illius in natura extrat vestigium; dantur in quovis subjecto diversæ collectiones accidentium, quæ vel ex defectu alterius principii individuantis, vel ex voluntate Dei eipso est incommunicabilis pluribus; Hinc quamprimum aliqua forma tali subjecto unitur, fit ex universali singularis, non mutando intrinsecè suam naturam indefinitam ac universalem, sed acquirendo novum respectum per identitatem realem.

Igitur forma non receptibilis in aliquo subjecto, ut forma angelica; & per consequens nec receptibilis in pluribus subjectis, est immultiplicabilis.

Sequitur etiam, quòd in uno subjecto non possint dari duæ aut plures formæ ejusdem rationis, quia si tales formæ essent duæ, tunc solum differrent per duas diversas individuationes, quod implicat in uno subjecto; cum ipsum subjectum, ut est unicum, ita etiam est unum principium individuationis.

Igitur in uno composito naturali tantum datur una existentia; quia tantum datur una individuatō existentia: ac proin materia, forma substantialis, & accidentia existunt per unam eandemque existentiam.

Prima illa forma, seu perfectio, quæ est prima ratio ac determinativum ad hoc, ut compositum accipiat illam unicam existentiam totius compositi, vocatur forma substantialis; ejus proin character est, quod tribuat simpliciter *esse*, seu existentiam composito: reliquæ verò formæ seu perfectiones, quæ superveniunt composito jam in

suo esse constituto, aut alteri enti actu, non possunt amplius simpliciter tribuere ipsum *esse*, quia jam præsupponunt esse; adeoque tantum tribuunt *tale esse*; & hæ formæ vocantur accidentales, Character proin accidentium est, quòd superveniunt enti in actu.

Hinc non possunt dari plures formæ substantiales in uno composito; quia illa sola forma vocatur substantialis, quæ est prima & ultima ratio determinativa ad existentiam totius.

Patet etiam, quòd solum compositum fiat; quia illud fit, quod accipit propriam existentiam, & hanc solum compositum accipit, utpote communem omnibus suis partibus.

Sequitur ulterius, formam non esse causam formæ in *esse*, sed in *fieri* tantum. Ratio est, quia forma ex suo genere absque individuatione sua est aliqua forma una ac indivisa in se, & tamen communis pluribus; igitur, cum forma causæ & effectus non distinguatur à seipsa, non potest forma produci à forma, cum utique nihil sit causa sui ipsius.

Relinquitur proin formam tantum esse causam formæ in *fieri*. Inquantum est causa, ut sua essentia universalis accipiat existentiam & individuationem in alio subjecto, aut materia.

Igitur in productione alicujus compositi nec forma fit, nec existentia, per se loquendo, quasi ipsa essentia fiat, sed dicuntur fieri per hoc, quòd accipiant individuationem in hac materia.

Ex quo patet, dari materiam primam, quæ nec est quid, nec quale, nec quantum &c. si enim forma est communicabilis pluribus subjectis, necesse est dari subjectum omnium formarum communicabilium, & ipsum debet esse incommunicabile: prima proin ratio probans materiam, est communicabilitas formarum universalium; altera ratio exinde dependens est modus productionis naturalis, nempe generatio; ostensum enim est, formam non fieri in seipsa, sed tantum fieri per hoc, quòd incipiat esse in hoc vel illo subjecto; & inde sequitur, dari tale subjectum transmutationum naturalium, à quo omnis forma possit separari. Hoc vocatur materia prima.

Sequitur etiam, ab accidentibus posse produci substantiam, ac formam substantialem. Quia causæ naturales tantum sunt causa in fieri, inquantum disponendo materiam faciunt, ut forma seu essentia aliqua secundum se indefinita incipiat esse in hoc subjecto, hoc autem non excedit facultatem accidentium; quinimò eorum officium est, immediatè disponere materiam ad formam, adeoque etiam sunt immediata causa in fieri, seu causa, ut forma individuetur ac fiat in hac materia.

Causa formarum in fieri sunt accidentia & formæ univocæ ac homogeneæ, ut dictum est: causa verò formarum in esse est tantum alia forma adhuc universalior: nam, si quæras, cur detur talis forma ac essentia in universo, non potest pro causa allegari forma univoca, quia nihil producit seipsum; nec forma minus universalis; quia hoc non existente alicubi & aliquando existit forma universalior: igitur formæ universalis causa in esse solum potest forma adhuc universalior, quæ exigit existentiam formæ minus universalis in universo.



Igitur in universo datur continua subordinatio formarum, essentiarum, ac specierum; ita ut semper causa universalior sit causa formæ ac speciei minus universalis.

Igitur forma cœlorum est causa in esse formis elementaribus, & formæ elementares sunt causa in esse formis mixtis, utique minus universalibus; & sic etiam causa universalis semper conservat formam minus universalem; & in absentia causæ immediatæ causa universalis non cessat causare essentiam formæ inferioris in hoc vel illo subiecto; nec negligit subministrare essentiam, cuius est generalis causa in esse in universo.

Qualis datur subordinatio formarum, essentiarum, & specierum substantialium, talis etiam datur subordinatio accidentium ac dispositionum accidentalium in universo: nam sicut non fit forma substantialis, sed compositum; ita neque fit forma accidentalis, seu qualitas, sed quale. v. g. non fit calor, sed calidum. Interim tamen, sicut forma substantialis habet aliquam formam ac causam universaliorem in esse; ita etiam calor, & omnis alia forma accidentalis habet aliquam causam universaliorem se in esse, quæ nempe sit causa, cur detur calor in universo.

Quantitas proin dimensiva materiæ est causa in esse omnium formarum accidentalium; quia quantitas est universalissima ac prima dispositio materiæ; materia enim primò differt à materia per sui divisionem, & divisio fit in quantitate; quantitas etiam ultimò remanet in materia universim; ergo presupponitur ad omnem aliam formam accidentalem, & eo ipso est causa in esse omnium formarum accidentalium.

Igitur sicut Antiperipatetici explicant effectus naturales per diversam quantitatem, ac figuram partium, ita Thomistæ per suam quantitatem & dimensiones materiæ possunt rationem reddere omnium formarum accidentalium, & substantialium, adeoque effectuum naturalium. Quia ex diversitate quantitatis dimensivæ necesse est consequi diversitatem aliarum qualitatum universalium, & ex harum diversitate necesse est consequi diversitatem qualitatum secundarum aut tertiarum minus universalium ob subordinationem essentiarum in universo.

Motus localis est secunda dispositio materiæ, quia post materiæ divisionem sequitur motus; cum verò motus circularis sit omnium motuum perfectissimus utpote qui contrarium non habet, ideo est omnium universalissimus, ac primus motuum; adeoque causa omnium aliorum motuum, ac mutationum in universo.

Hinc motus cœlorum est causa omnium generationum, alterationum, & augmentationum, ac motuum in universo. Ratio est, quia hic motus est circularis, universalis, ac perfectissimus; & ob hoc cœli per motum auræ æthereæ influunt in omnia; & mediante motu producunt omnia alia accidentia, ac omnes formas substantiales etiam in defectu causarum immediatarum.

Existentia tanquam forma universalissima non potest habere aliam causam, nisi primam ac universalissimam; quia esse ordine existendi præsupponitur ad omnem aliam essentiam, nec est effectus universalior: primam illam causam,

quæ est ratio ipsius esse ac totius entis, Deum voco.

Similiter in genere motus, motus universalissimus habet pro causa primum aliquod movens, qui est ratio existendi omnibus aliis motibus: sicut enim essentia motuum minus universalium non existit in universo nisi detur ratio existendi determinativa motus universalior; ita ipse motus universalior non existit, nisi detur aliquod primum movens, quod non movetur: & hoc iterum Deum voco.

Igitur Deus est superior ente ac existentia, & primus motor omnium. Ac proin nulla formalitas in creatis effugit determinationem, motionem, ac causalitatem Dei; cum ipse solus sit ultima ratio sufficiens existendi, movendi, agendi; ac exeundi in actum.

Igitur in creatis nulla datur potentia nulla activitas, nulla sufficientia, aut virtus, nisi quam recipiunt ex determinatione ac motione Dei; sed nec ulla actio, quæ non proveniat ex ordinatione Dei: Cum igitur Deus nihil agat frustra, & prospiciat omnia à principio usque ad finem, consequens est, à Deo rebus imprimi tantum determinatas motiones ad determinatos effectus, ultra quos se non extendit eorum potentia: Hac perpetua coordinatio causarum ad effectus vocatur series causarum & effectuum.

Datur proin series causarum & effectuum, quia creaturæ nil agunt, nisi ad quod à Deo moventur, vi ordinis sibi inditi; & quocunque moventur, efficaciter tendunt; omnia enim obediunt primo moventi, & primæ causæ.

Thomistæ Recentiores volunt in hac serie entium comprehendere etiam illas causas creatas, quas vulgò vocamus liberas. Sed fortè principis Thomisticis non repugnat in essentiis etiam necessariis dari aliquid contingens; sicut enim essentia determinationis Divinæ est intrinsecè contingens; ita etiam essentia determinationis humanæ potest esse contingens formaliter; utut existentiam casualiter accipiat à Deo ut determinato ab ista essentia formaliter: verum quid in hoc ultimo Problemate Thomistæ sibi velint, vel omnino dici non potest, vel non tam facile paucis.

## CAP. XIV.

### De Philosophia Recentiorum.

POssunt ejusdem simplicissimæ entitatis haberi conceptus diversi inadæquati. Hoc principium passim inculcant Recentiores; non tamen conveniunt in fundamento ipsius principii.

Aliqui enim dicunt; eandem entitatem æquivalere pluribus perfectionibus continuatim inter se unitis ac identificatis, quarum quilibet theorisim vel per species proprias, vel per alienas est cognoscibilis; sicut potest cognosci una pars alicujus quanti continui, non cognita altera parte licet identificata cum priori. Alii dicunt, quod objecta omnino non cognoscantur, ut sunt in seipso.



seipſis; & quòd conceptus non ſint formalis ac ſimillima imago objecti; ſed quòd cognitio noſtra tantum ſit imago modo quodam proportionali; inhærendo huic ſuppoſito iterum clarum eſt, ejusdem ſimpliciſſimæ entitatis poſſe dari diverſos conceptus inadæquatos, veluti totidem imagines ſymbolicas; ſicut evidens eſt ejusdem rei dari poſſe diverſa ſymbola, v. g. Chriſtus poteſt repræſentari per imaginem ſymbolicam ovis, leonis, petræ. Multi verò diſtinguunt in objecta ſenſibilia & inſenſibilia; ſenſibilia dicunt cognosci, ut ſunt in ſeipſis per ſpecies proprias. Inſenſibilia verò dicunt cognosci tantum per ſpecies alienas ſenſibilem; hi proin tenent, in ſenſibilia, cum non cognoscantur ut ſunt in ſeipſis, referri à nobis ad diverſos effectus ſenſibiles, quos una inſenſibilis cauſa producit, aut ad alia connotata ſenſibilia ac nobis nota: in hoc ſyſtemate iterum clarum eſt, eandem rem, quatenus refertur ad diverſa connotata, per diverſos conceptus inadæquatos concipi poſſe. Sed hi poſtremi Authores relabuntur denuo ad duos præcedentes modos explicandi, quando coguntur explicare inadæquatos conceptus ipſorum connotatorum ſenſibilem, quæ utique non cognoscuntur in ordine ad alia connotata ſenſibilia, alioquin procederetur in infinitum.

Igitur ubicunque habentur diverſi conceptus, dantur in objecto diverſæ perfectiones vel eminentialiter, vel formaliter, ita tamen ut continuativè identiſcentur ſicut partes continui: adeoque conceptus abstracti non ſunt ſigmenta, ſed vera ſimulacra, proportionaliter aut formaliter repræſentativa objecti.

Idem proin eſt modus eſſendi, & concipiendi, excepta ſola diſtinctione; nempe vel formaliter vel proportionaliter idem; adeoque eſt eadem perfectionum natura, proprietas, ſubordinatio, relatio, vis, activitas, paſſio, productio, & producibilitas. &c. qualis intelligitur in iis eſſe ſecundum noſtrum modum concipiendi: & hinc, dum conſideratur eorum natura, debent ſpectari ſeorſim, quaſi eſſent diſtinctæ ac ſeparatæ, quia identitas non mutat naturam identiſicationum perfectionum.

Hinc nulla datur diſtinctio, niſi rationis ratiocinata, ſeu formalis, & realis. Formalis eſt, quæ eſt ſecundum noſtrum modum concipiendi per diverſos conceptus inadæquatos: realis eſt, quæ datur à parte rei: huius ſignum eſt ſeparabilitas; aut oppoſitio relativa producentis ad productum.

Hinc ubicunque datur alius conceptus datur etiam alia perfectio; ſi illa perfectio, quæ formaliter repræſentatur per conceptum, repræſentatur ut inſeparabilis, tunc identiſcatur continuativè cum aliis perfectionibus rei: ſi verò illa perfectio formaliter alia repræſentatur ut ſeparabilis à re, tunc diſtinguitur realiter à re.

Eſſentia, & exiſtentia; natura, & individuatio; & gradus Metaphyſici ſeu perfectiones eſſentiales ejusdem compoſiti non diſtinguuntur realiter, ſed tantum formaliter. Quia diverſi conceptus, quos

de iis habemus non repræſentant eos ut ſeparabiles; adeoque cum omnes identiſcentur cum ſua exiſtentia communi, neceſſariò etiam identiſcantur inter ſe.

Modi cujuſlibet rei diſtinguuntur à re realiter, v. g. unio, inhærentia, ſubſiſtentia, ubicatio, duratio, actio, paſſio, figura &c. Ratio eſt, quia omnes hi modi fundant conceptum diverſum à re; ille conceptus proin habet formaliter aliud objectum, quam remiſſam; & cum illud objectum repræſentetur ut ſeparabile à re, neceſſariò erit diſtinctum à re.

Relatio tamen non diſtinguitur à re relata, & ratione fundandi; quia licet relatio fundet conceptum diverſum à re, & à ratione fundandi; adeoque etiam habeat formaliter ille conceptus aliud objectum; tamen illud objectum repræſentatur ut inſeparabile à re aut ratione fundandi.

Modus cauſandi Thomiſticus, & ſubordinatio cauſarum in hoc ſyſtemate juxta pleroſque non poteſt admitti. Ratio eſt, quia eſſentia rerum ſecundum ſe non ſunt indefinitæ & æternæ, ſed ipſemet producantur cum exiſtentia ſecum identiſcatâ. Si autem ipſæ eſſentia ſecundum ſe producantur, tunc datur etiam cauſa emanans à ſe ipſam eſſentiam; non verò nudè eam exigens, ut facit cauſa univerſalior Thomiſtica, quæ eſt cauſa in eſſe: aut eam determinans ad hoc ſubjectum, ſicut facit cauſa Thomiſtica in fieri.

Igitur cauſa debet præcontinere perfectionem effectus aut eminenter aut formaliter; quia alius modus emanandi à ſe eſſentiam effectus non poteſt concipi.

Igitur accidens non poteſt producere ſubſtantiam: quia nec eminenter nec formaliter præcontinet perfectiones effectus ſubſtantialis.

Patet etiam, quòd cauſa habeat capacitatem producendi infinitos effectus ſui generis; quia præcontinet quemcunque effectum poſſibilem, cum utique cuius individuum poſſibile ſit ſimilis.

Omnis indifferentia cauſa ad hunc vel illum effectum debet tolli per aliquid diſtinctum à cauſa. Ratio eſt, quia habemus alium conceptum, dum concipimus cauſam indifferentem, & dum concipimus formale ſublativum indifferentia.

In omnibus cauſis ultimum ſublativum indifferentia ad ponendum effectum eſt ſeparabile à re adeoque realiter diſtinctum à re. Ratio eſt, quia quælibet cauſa ad hunc vel illum effectum indifferentis eſt ex ſua natura, nec ſtatim in prima ſua productione acquiſivit inſeparabilem aliquem reſpectum ad hunc potiùs effectum, quam illum; cum Deus tunc nondum habuerit determinativum ad producendum hunc reſpectum; & forte iſte reſpectus dari non poſſit, quin actu datur effectus, cum ſit ipſa formalis connexio cauſa ad effectum; non verò nudus ordo eſſentiarum inter ſe, ut contingit in ſyſtemate Thomiſtico.

Hinc patet, cur Modi omnes concipiantur à nobis ut ſeparabiles à re; quia hi modi non ſunt nuda relatio rei jam in ſtatu ſuo poſita, ſed quædam activa determinatio rei in novo ſtatu ponenda. Sic unio non eſt unitorum relatio, ſed illa determinatio activa, qua ſit ut partes in invi-



com stabiliter operentur. Ubiatio non est nuda relatio corporum jam in loco positorum; sed illa activa determinatio, qua fit ut corpus potius hic ponatur, & conservetur, quam alibi. Similiter duratio est activa determinatio rei, ut sit ac conservetur potius hic in hac serie entium, quam in alia. Et sic patet, quod Modi ferè omnes sint quædam species actionis.

Si autem quæras, quid rei sit Modus, actio, ubiatio, duratio &c. Dicent fortassis: modos esse idipsum, quod concipis, dum concipis aliquam determinationem; nempe idipsum vel formaliter vel proportionaliter: quid autem concipias, ac obversetur in mente, ignotum esse non potest, cum ea, quæ obversantur nobis in mente, sint evidenter nota.

Ordo causandi alius non est, nisi ut simile producat à simili tam in formis substantialibus, quam accidentalibus; nisi tunc quando accidentia producantur à forma substantiali, ut sonus &c. in certis dispositionibus, ac circumstantiis; quæ à priori cognosci non possunt, eò quod dependant ab ordinatione Dei arbitraria ob fines sibi soli perfecte cognitos.

Hinc debet dari causa prima, à qua procedant omnes essentia; & hæc est Deus.

Etiā actiones liberæ sunt à Deo efficienter, ac quoad existentiam, sed quoad taleitatem ac formaliter sunt à creatura; hic enim modus causandi actionem liberam possibilis est; & in nobis talis datur libertas, qualis possibilis; & homines tantam concipiunt de se libertatem, quanta possibilis est; igitur datur in nobis libertas Recentiorum, cum alia major in nobis possibilis non sit: & eo ipso omnis alia libertas tollit illam, quam habemus & quam concipimus libertatem

## CAP. XV.

### De Philosophia Scotistarum.

Hæc Philosophia ferè convenit cum Philosophia Thomistarum, nisi in sequentibus.



Distinctio inter perfectiones diversas ejusdem compositi est actualis, seu formalis ex natura rei; & hinc etiam existentia, ac individuatō distinguuntur actualiter ab essentia cujuslibet rei.

Hinc essentia seu natura cujuslibet rei aut perfectionis est de se communis, inexistens omnibus individuis, & tamen intrinsecè indivisa in se, quantum tantum dividitur per plures individuationes à distinctas.

Individuatō non est desumenda à materia signata, sed est perfectio simplex absoluta, sicut unitas in numeris, nisi quod sit respectiva sui subiecti.

Hinc materia, & forma, & accidentia, sicut possunt habere propriam individuationem, ita etiam possunt habere propriam existentiam.

Existentia tamen est ultimus actus entis; quia omnes reliquæ perfectiones habent suam propriam actualitatem, naturam, determinationem; adeoque non datur illis existentia, nisi ut determinatis per aliquam causam ad existendum.

Igitur in quolibet composito per se à natura intento datur aliqua radix non solum proprietatum accidentalium sensibilibum, quæ radix est forma substantialis, sed etiam radix omnium perfectionum essentialium in toto composito reperibilium; quia debet dari ratio, cur convenient potius hæ perfectiones essentielles, quam aliæ? nam perfectiones illæ, cum distinctæ sint actu, adeoque separabiles, non determinant seipsas, ut unum sint, & unitivè existant.

Determinativum illud creatum ad hoc, ut perfectiones essentielles unitivè existant, vocatur terra entitas compositi; & eo ipso, quod sit ratio, cur formalitates essentielles unitivè existant, dicitur emanare omnes formalitates.



# NOTITIA ACCURATA DE SYSTEMATE AC PARTI- BUS UNIVERſI EX NOVISSIMIS OBSERVATIONIBUS.

Hic Tractatus in tres Sectiones dividitur.

In 1. Refutatur Systema Copernicanum.

In 2. Affertur novum Systema Planetarium.

In 3. Recensentur novæ Observationes circa cœlos.

## SECTION I. *De Systemate Univerſi.*

### CAP. I.

*An Systema Copernicanum ex Paral-  
laxi annua Lucidæ Draconis, &  
stellæ Polaris demonstra-  
tum ſit?*

**R** Eferam 1. quàm certam ac infallibilem demonstrationem ex hac annua Parallaxi jaçent Copernicani. 2. Qualiter hanc demonstrationem evertat Cassinus. 3. Quod nostrum ſit in hac re judicium.

Circa Primum, Guilielmus Whistonus in ſuis Prælectionibus Astronomicis anno 1707. Cantabrigiæ in Angliâ editis ſichabet. N. 4. Quanta cura & ſtudio in Parallaxin ſtellarum fixarum incubuerint Copernicani, nemo dubitaverit, qui ex hoc annua Parallaxi, modò reperiri poſſit, ſystema ſuum Pythagoricum, ſive annum telluris motum non perſuaderi modò, ſed & certò demonſtrari poſſe agnoverit; nequè aliud ad ſtabiliendum iſtum motum & ad redarguendum & pervincendum adverſariorum pervaciſſimos deſiderari, quàm ut fixarum parallaxis ſecundùm varium in Orbe magno telluris ſitum ſentiri poſſit. Quàm quidem Parallaxin Hookii & Flamſteedii noſtratum diligentia tandem aliquando in lucem pro-  
ravit; atque eo pacto ſystema mundi Copernicanum ſive annum telluris motum non ſolùm ab omni ſcrupulo liberavit, ſed & omni procul dubio certum & demonſtratum dedit. Horum primus eloquiſſimus Hookius ad comprobandum telluris motum annum ſedulo quaſivit, an iſtæ ſtellæ mixtæ, quæ per verticem propemodum quotidie motu diurno pertransire videbantur, quaſivit, inquam, an iſtæ ſtellæ ad eandem proſus diſtantiã à vertice quocunque anni tempore in circulo meridiani tranſirent; gnarus nimirum, ſi tantillum ad verticem appropinquarent magis uno anni tempore, quàm alio, iſtam approximationis differentiam annuæ Parallaxi cedere, & ex eadem motum tel-

luris annum certo certius colligi poſſe. Tubum itaque teleſcopicum pedes triginta ſex longum in teçto camera ſua firmavit: Hujus Teleſcopii beneficio ſtellæ lucidæ in Draconis capite proximam à vertice diſtantiã cum menſe Julio tum menſibus Auguſto atque Octobri dimenſus, ejusdem à vertice diſtantiã, utpote verſus Boream paulululum à Zenith declinantis continuo diminutam, prout Parallaxeos ratio omnino poſtulabat, ſemper deprehendit, atque diſtantiã iſtam à vertice ita variatam obſervavit, ut viginti quatuor, aut viginti ſex ſecundorum intervallo differentiam iſtam taxandam pronuntiaret. Cujus quidem de hac re obſervata (minoris fortasſe quàm oportuerat à plerisque hætenus æſtimata,) per ſequentes Cl. Flamſteedii, viri in hiſce ſtudiis planè maximi Obſervationes confirmata dabimus. è cuius nempe de rebus hiſce ad Cl. Walliſium Epistoła noſtra de iſdem penè omnia mutuò accepta non diſſitemur. Flamſtedium itaque Astronomicorum Obſervatorum facilè principem eandem fixarum parallaxin annuam & ſuffragio ſuo, & Obſervationum Hookeianarum correçtione, quin & accuratioribus etiam de penu proprio delumptis confirman-tem habemus. Ille enim per ſeptennium integrum eandem fixarum parallaxin dato opera, ſumma cura atque organo planè ſingulari obſervavit, datisque obſervationum numeris ipſam Parallaxeos quantitatem aliquatenus præſignivit. Occurrit nimirum in Minoris Uræ cauda ſtella polaris, omnium notiſſima, & multas ob cauſas aptiſſima, quæ ad Parallaxin fixarum indagandam adhibeatur. Cum enim noctu, ſi per aëris nubila cœlum intueri liceat, nunquam non appareat: Cum ab Horizonte tanto diſtat ſpatio, ut refractioibus quàm minimis ſemper ſit obnoxia; cum ad circulum Meridianum tam ſupra quàm infra polum obſervantibus æquè pateat; cum etiam ob magnam ab Ecliptica diſtantiã ſive latitudinem Parallaxi annuæ ferè maximæ ſubjiciatur, ſit neceſſe: Ob cauſas hæc ſtella iſta polaris ita comparata eſſe videtur, ut Parallaxin, ſiqua ſit, inprimis prodere, &

Bb bb b

agnosce-



agnoscere debeat. Hujus proinde ope Cl. Flamsteedius eandem Parallaxin auspicato detegendam, atque demonstrandam jure merito aggressus est. Neque spe sua excidit; manifestum enim est ex quindecim observationum per continuos septem annos factarum collationibus (quæ apud Epistolam prælaudatam extant omnes) quod stella Polaris minorem habeat latitudinem sive distantiam ab Ecliptica circa Solstitium Æstivum, quàm habeat circa Solstitium Brumale, quodque latitudinis differentia ad dodrantem ferè minuti unius primias surgat. Sit nimirum in fig. S stella Polaris. Sit O D R I orbita telluris annua; ad cujus planum in infinitum productum sit SE perpendicularis. Per punctum E ducatur orbis magni diameter E D I, quæ quidem, ut ex positu stellæ Polaris colligitur, annuam orbitam interfecabit in D & I, sive circa solstitorum puncta; ita ut D sit locus Eclipticæ, ubi terra versatur circa Solstitium Brumale: & I locus Eclipticæ, ubi terra versatur circa Solstitium Æstivum. Ducantur etiam lineæ S I & S D, à stella nimirum ad centrum terræ utrobique positum. Sit deinde utrobique A Q æquator terrestris, & P X ejusdem axis. Hisce ita præparatis perspicuum est, terræ posituram circa Solstitium Æstivum per punctum I, & circa Brumale per D rectè representari; & præterea terræ axem P X sibi metipsum in utroque loco esse semper parallelum. Si itaque nulla sit Parallaxis annua, locus stellæ S tam ad punctum D quàm ad punctum I ab axe P X æquè distabit; eritque angulus S D P, distantia nempe stellæ Polaris ab ipso polo circa Solstitium Brumale quoad sensum æqualis angulo S I P, sive distantia stellæ Polaris ab ipso polo circa Solstitium Æstivum, & punctum S. quasi in infinitum distans habebitur; sive angulus parallacticus D S I tanquam indefinitæ parvitatatis evanescet. Sin verò angulus S D P sit minor angulo S I P, angulus parallacticus D S I, angulorum priorum differentia æqualis, erit sensibilis; & illa ipsa Parallaxis annua, quam querimus. Et latitudo stellæ Polaris circa Solstitium Brumale, angulus nempe S D E erit major ejusdem latitudine circa Solstitium Æstivum, angulo nempe S I E, uti ex ipsa figura liquido constare poterit. Cum itaque ex tot & tam accuratis Cl. Flamsteedii Observationibus manifestum sit, stellam Polarem eo minus à polo distare quo magis telluris locus à puncto Solstitiali Æstivo ad Hybernium accedat; & eo magis à polo distare, quo magis à puncto Solstitiali Hyberno ad Æstivum appropinquet, erit pariter æquè manifestum, dari revera Parallaxin telluris annuam, ejusque in stella Polari quantitatem esse quasi quadraginta & duorum minutorum secundorum. Hæc est, inquam, Parallaxis annua Polaris stellæ, cujus latitudo est sexaginta sex graduum circiter, prout à Flamsteedio statuitur. Undè cum Parallaxeos annuæ quantitas maxima Parallaxi diurnæ Horizontali respondens fiat stellis ad Eclipticæ polum collocatis; cumque Parallaxes ad varios angulos sint inter se, ut sinus recti latitudinum, erit quantitas Parallaxeos stellæ Polaris, qualem ad Eclipticæ polum habuisset, sive omnium maxima ad quantitatem observatione datam, ut Sinus totus ad Sinum graduum sexaginta sex; sive ut numerus denarius ad novenarium. Erit itaque per jam demonstrata Parallaxis Orbis annui omnium maxima

ferè minutorum secundorum quadraginta septem. Sic quoque angulus parallacticus ad Eclipticæ polum major est angulo Parallactico D S I in figura nostra pro ratione rectorum sinuum ad quoscunque inclinationis angulum pertinentium.

Præterea hisce minime contentus Flamsteedius Sirii, fixarum quoad apparentiam longè maximam Parallaxin quoque eadem via aggressus est, cum qua si scrupulorum secundorum triginta esse concludit (licet non tanta fiducia propter Observationum aliquales errores) Ut ergo Sinus rectus distantia Sirii ab Ecliptica, graduum ferè quadraginta ad Sinum totum, ita triginta minuta secunda, Parallaxis nempe Sirii ex observatione data ad minuta secundorum da maximæ Parallaxeos, sive quadraginta septem. Conveniunt ergo stellæ Polaris & Sirii Parallaxes, quoad hæcenus definire licuit; neque multum ab iisdem abluat stellæ in Draconis capite Parallaxis ab Hookio inventa, & à Flamsteedio correctæ. Concludendum itaque, stellas fixas annuæ Parallaxi subiaci. Q.E.D. Fatendum quidem est in hoc loco, Parallaxeos annuæ certitudinem ex immobilitate axis terrestris, sive ejusdem Parallelismo perpetuo dependere. Fatendum porro, axem istum situ non semper esse datum, sed quovis anno nutationem quandam subire. Nam ex Cl. Nevvtoni demonstratione patet, & puncta æquinoctialia regredi quotannis, & axem terræ singulis annuis revolutionibus bis inclinari in Eclipticam, & his redire ad positionem priorem. Neque sanè sine hujusmodi nutatione regressus iste punctorum æquinoctialium sive Nodorum terrestrium, quem eorundem præcessionem dicimus, ullo modo intelligi aut demonstrari potest. Neque difficietur Flamsteedius suspicionem oriri posse, exiguam hanc axis telluris nutationem posse quadantenus apparentem hanc stellæ Polaris (saltem, si non & reliquarum) nutationem efficere, sine ulla interea earum vera Parallaxi. Scrupulum hunc, cum causæ nostræ jugulum omnino petat, silentio prætereundum minime existimamus. Primò itaque Flamsteedius suam ipsam causam ager, qui rectè observavit, hanc nutationem observatis nullatenus satisfacere. Stellam enim Polarem polo magis propinquam nutatio ista exhibere circa æquinoctia quàm ad solstitium utrumque, quando è contrario reperta fuerit magis ab eo distare mensibus Martii & Septembris, quàm circa Solstitium Hybernium. Præterea eadem est poli terrestris inclinatio ex mutatione hac oriunda in solstitiis utrisque; atque adeo circa solstitia nullo pacto stellarum fixarum situm mutare debet, cum stellam polarem in solstitiis utrisque Parallaxi omnium maximam subiisse constet. Deinde respondendum directè, motum istum nutandi per exiguum esse, & vix aut ne vix quidem sensibilem. Nimirum ut se habet orbitæ lunaris nutatio ad æquatoris terrestris nutationem; ita certè se habebit nodorum orbitæ lunaris regressus annuus cæteris paribus ad annum nodorum terrestrium regressum. Ex comparatione itaque motuum in lunari orbita admodum sensibilem cum minus sensibilibus motibus æquatoris terrestris quantitatem nutationis annuæ æquatoris & polorum ejus non malè possumus colligere. Annuus nodorum lunarium regressus spatium graduum viginti definitur; nutatio ejusdem orbitæ unius gradus trientem non attingit. Annuus



verò nodorum terrestrium regressus ad quinquaginta scrupulos secundos tantum pertingit. E quibus datis axis terrestris nutationem veram proximam inveniemus. ut enim

Regress. Nod. Lun. ad Nut. Lun. ita Reg. Nod. Ter. ad Nut. ter.

$$72000'' : 1000'' :: 50'' : 42'''$$

nempe scrupuli secundi dodrante non majorem. Quæ itaque longè minor est, quàm ut per instrumenta exquisitissima ullo modo deprehendi possit. Concludendum itaque, certissimè constare, & dari sensibilem fixarum Parallaxin, & proinde telluris nostræ motum annuum tandem aliquando ad certitudinem reduci, nec de eodem ab Astronomis in posterum ullo pacto dubitari posse. ita Whistonus.

Vidimus jactantiam; monstremus vanitatem. Cassinus itaque Junior in Actis Academiæ Regiæ Parisiensis ad annum 1699 sic habet:

## Reflexiones.

### *Supra Epistolam Flamsteedii ad Wallisium de Parallaxi annua stellæ Polaris.*

**V**ariatio altitudinis stellæ Polaris, quæ observata est nonnunquam, prout refertur in Itinerario Vraniburgensi & in memoriis Academiæ 1693, occasionem præbuit examinandi, an illa non proveniret à Parallaxi annua orbitæ terrestris, conformi ad hypothesein Copernici.

Verum, cum deprehensum sit, quasdam observationes cum ea congruere, alias eidem repugnare, intra conjecturas de vera causa judicium Astronomorum constitit

Flamsteedius in Epistola ad Wallisium, quam Tomo tertio suorum Operum nuper edito inseruit, conatur ex pluribus suis Observationibus eam Parallaxin evincere, observationes illas instituit diversis anni partibus ab anno 1689 usque ad annum 1697. Hoc provocavit attentionem nostram; cumque videremus, illius observationes convenire cum observationibus in Observatorio Parisiensi institutis, censuimus examinandam esse methodum, quæ ex observatis Parallaxin deduxerat.

Referam compendio, quæ dicit in sua Epistola. Observationes, quas instituit Instrumento affixo ad murum, cujus radius est septem pedum, & cujus limbus 150 Gradus continet, distantiam stellæ Polaris à Zenith, quando est in parte circuli superiore, minorem exhibent mensibus Julio, Augusto, Septembri, quàm mensibus Novembri & Decembri. & Januario mense iterum minorem, quàm mensibus Aprili & Majo. Ex quo sequitur, stellam Polarem remotiorem esse à polo mensibus Aprili, Majo, Julio, Augusto, Septembri, quàm mensibus Novembri, Decembri, & Januario. Inter Septembrem & Decembrem reperit Parallaxin 25. aut 30. secundorum. Inter Decembrem & Aprilem, aut Decembrem & Majum reperit Parallaxin 35. 40. usque 45. secundorum. Ex hoc concludit, maximam differentiam distantiae stellæ Polaris à polo esse 40 vel 45 secundorum, ita ut Diameter circuli, quem describit circulum, in æstate major sit 1'. 20". vel 1'. 30". quàm circulus, quem describit in hyeme. Hoc dicit perfecte

*R. D. Euseb. Amor. Philosophia.*

convenire cum motu terræ, prout conatur probare ex fig.

Ut videamus, an hæc consequentia ex observationibus deduci possit, examinemus, quid sequatur ex hypothesei terræ motæ respectu stellarum fixarum, aut poli apparentis terræ & Eclipticæ.

Sit S centrum Solis, I O D R, Ecliptica seu orbita terræ annua. Terra sit in Cancro & Capricorno, situ extremè opposito. T C G, vel H K F, sit circulus perpendicularis ad Eclipticam, seu colorum solstitiorum globi terræ, qui transeat per polum terræ A vel B, cujus axis D A in uno situ, I B in altero. Punctum G vel F Eclipticæ, quod est proximum polo Boreali terræ A vel B, respicit principium Cancræ, & punctum T vel H, quod est remotissimum, respicit principium Capricorni. Si supra orbitam annuam terræ, seu quod idem est, supra Eclipticam erigatur perpendicularis D C E, S O M, I K L, hæ perpendicularæ repræsentant axem Eclipticæ, & in cælo determinant polum Eclipticæ E M L respectu Solis positi in S aut terræ positi in D & I.

Similiter si ex Sole S ducatur linea S P parallela ad axem terræ; & si prolongentur lineæ D A, I B, quæ repræsentant axem terræ, illæ determinabunt in cælo polum mundi N, P, Q. respectu Solis in S, & respectu terræ in A & B, ita ut supposito, Solem esse immobilem, axis Eclipticæeductus ex centro terræ descripturus sit sua revolutione annua circum E L; & axis terræ descripturus sit circum N Q, qui in superficie sphæræ in curvam contrahitur, ita ut stella fixa v.g. in V per revolutionem hanc circuli aliquando propius, aliquando verò remotius constitutur apparenter à polo mundi.

Sit itaque in superficie sphæræ fig. Polus Eclipticæ A, polus mundi P, linea A P per polos hos transiens repræsentabit arcum colorum solstitii æqualem 23. ½. circulus B F D repræsentat revolutionem annuam poli Ecliptici, & Circulus C E I repræsentat revolutionem annuam poli terræ. Stella Polaris hîc respicit gradum 22 Geminorum, octo gradibus distans à principio Cancræ. Facto ergo angulo D P S octo graduum, & ducta linea P S stella Polaris erit in hac linea. Ea etiam distat à polo Eclipticæ 24°. itaque sumendo P S 24° graduum in linea A S M, stella Polaris erit in S.

Terra est in Cancro, quando Sol conspicitur in Capricorno, quod contingit ad finem Decembris & initium Januarii, & tunc in circulis descriptis in superficie sphæræ per motum annuum, divisus per signa, polus terræ, & polus Eclipticæ erunt in Cancro. Tunc verò terra, & ejus polus, & polus Eclipticæ sunt in Capricorno, quando Sol cernitur in Cancro, quod contingit circa finem Junii, & initium Julii. Ex quo sequitur, quod complementum latitudinis stellæ Polaris mense Junio repræsentatum per S B majus sit, quàm complementum latitudinis stellæ Polaris mense Decembri repræsentatum per S D, hoc est, quod latitudo stellæ polaris minor sit mense Junio, quàm mense Decembri.

Flamsteedius exinde concludit, declinationem mense Junio minorem esse, quàm quovis alio anni mense; sed si attendamus ad figuram, apparebit, latitudinem uno anni tempore posse esse minorem, quàm alio, absque eo, ut declinatio sequatur eandem regulam. Supponamus v.g. terram esse in Ariete, prout est mense Septembri. Tunc polus appa-



rens Eclipticæ erit in Ariete in parvo circulo BFD, & Polus mundi erit in Ariete in circulo CIE. quando terra est in Cancro, prout est ad finem Decembris, Poli mundi & Eclipticæ etiam erunt in Cancro. Si ergo ex stella Polari S ducantur lineæ SF, SD, & repræsentabunt stellæ illius complementum latitudinis; & si ex eodem puncto S ducantur lineæ SE, SI, & repræsentabunt complementum declinationis; ubi apparet, complementum latitudinis SF mense Septembri majus esse complemento latitudinis SD mense Decembri, quamvis SE complementum declinationis mense Septembri minus sit, quam complementum declinationis SI mense Decembri; Hoc autem non convenit cum eo, quod Flamsteedius supponit.

Ut ergo inveniatur locus, in quo ex hypothese terræ motæ stella Polaris deberet esse Polo propinquior, aut ab eo remotior, ducenda est per centrum terræ A ex S. linea SOC, quæ secat circulum CIE in punctis O.C. SC erit maxima distantia stellæ Polaris à Polo, & SO erit distantia minima. Cùmque hæc puncta sint vicina Arieti & Libræ, sequitur, quod, dum terra est in Libra, hoc est, ad finem Martii & initium Aprilis, distantia stellæ Polaris à Polo debeat esse maxima; & dum est ex opposito Arietis, hoc est ad finem Septembris, & initium Octobris, distantia stellæ Polaris à Polo debeat esse minima. Hoc autem non convenit cum Observationibus Flamsteedii, in quibus distantia stellæ Polaris erat propè eadem à Polo & Zenith mensibus Aprili & Septembri. Itaque ex his observationibus non potest concludi, dari Parallaxin annuam stellæ Polaris, quia ea exigeret longè aliam variationem, quam quæ observata est Hucusque Cassinus.

Addo; si etiam revera Parallaxis conveniret temporis ex hypothese Copernicana debito, nihil inde confici. Posset enim dici. 1. Stellam Polarem habere suas maculas, & quidem majores iis, quæ sunt in Sole, aut in Marte, aut in Jove, aut in Satellitibus Jovis & Saturni. Itaque, si stella Polaris rotetur circa suam axin, prout rotatur Sol, Mars, & Jupiter, pars lucida aliquando erit inferior; aliquando verò superior; sic ergo stella uno tempore altior, alio depressior apparebit. 2. Constat stellas, quæ dicuntur fixæ, fluitate in liberrimo æthere; cur igitur fieri non possit, ut fluctuatio stellarum inæqualitatem aliquot secundorum, eamque regularem inducat? 3. Constat, aliquot stellas, sicut est una in Balena, altera in Cygno, habere suum motum periodicum; cur igitur stella Polaris talem habere non possit? 4. Cur fieri non possit, ut quadrans Astronomicus quo Flamsteedius usus, frigore Hyberno contrahatur versus medium, id est, versus gradum 50? sic igitur fiet, ut stella in superiore parte sui circuli, id est, supra gradum 50 appareat justo altior, in inferiore verò parte sui circuli, infra gradum 50 appareat justo depressior. 5. Cur non possit vortex stellæ Polaris ex vicinia majore Solis in æstate realiter dilatari, sicque magis remove à Polo stellam, quam in hyeme. Hæc & plura alia possibilia sunt; itaque Parallaxis annua non est demonstrata; quod enim potest habere plures causas, non necessariò provenit ab una causa.

## CAP. II.

*An systema Copernicanum ex Parallaxi annua Sirii demonstratum sit.*

Sæpe manus eadem vulnus opemque tulit; sic & Cassinus junior, qui anno 1699. Parallaxin stellæ Polaris, cum eaque motum terræ profligaverat, anno 1717 adstruendo Parallaxin Sirii de novo motum terræ firmare aggressus est; referam ab initio illius verba. Itaque in Actis Acad. Reg. ad annum 1717 sic habet:

Si posset stabiliri Parallaxis orbis annui, haberetur argumentum solidum pro motu terræ; si verò Parallaxis hæc nulla aut insensibilis est, fortissimum argumentum contra illum motum elicitur. Flamsteedius ob Parallaxin hanc inventam se felicem credidit; sed in Actis Academiae 1699 ostendi, nihil ex ejus Observationibus pro ea hypothese concludi posse. Cùm itaque hæc tentamina pro motu terræ nil proficerent, examinavi, an non variationes observatæ circa situm aliarum stellarum fixarum majora conferrent subsidia; & quia timendum erat, ne fortè diversa anni tempestas ipsis observationum instrumentis mutationem induxerit, idque causa variationum extiterit, proposui, omnes observationes omni adhibita possibili præcautione repetere.

Pro Observatione inprimis elegi Sirium; idque quatuor ex causis. Prima est, quia, cùm sit lucidior stellis cæteris omnibus, etiam de die transitus illius per Meridianum observari poterat, sicque tempus pro Parallaxi congruentius observationi constitui poterat. Poterat enim tubo duorum vel trium pedum in præsentia ipsius Solis observari, sic ut Sol & Sirius simul in Meridiano existerent. Secunda est, quia si distantiam stellarum à terra ex earum magnitudine conjicere licet, Sirius apparenter major stellis reliquis videretur eo ipso terræ propinquior, sicque ejus Parallaxis posset expectari major ac sensibilior. Tertia est, quia, cùm hæc stella sita sit propè ad colurum solstitiorum, transeuntem per Polos terræ, utpote existens in decimo gradu Cancræ, variatio latitudinis in stella, proveniens à motu terræ, ferme æqualis esse deberet variationi declinationis, quod non ita contigit in stella Polari observata à Flamsteedio. Quarta denique est, quod declinatio hujus stellæ non mutetur intra annum, nisi tantum duobus secundis & 25 tertiis, adeoque loco stellæ semel constituto in puncto fixo cæli ejus Parallaxis facilius observari possit.

Ut ergo observatio hujus stellæ omni possibili accurate perageretur, adhibui tubum cupreum Opticum trium pedum, in quo posui duo vitra, in quorum communi foco se intersecebant quatuor fila ad angulos 45°. Tubus cupreus imittebatur duobus quadratis cupreis, quorum Diameter erat 20 linearum, crassitudo verò duarum. His quadratis tubus erat agglutinatus; ipsa verò quadrata cuprea posita erant supra regulam ferream, cui ope cochlearum constringebantur. Tubum sic dispositum imposui Quadranti existenti in turri Occidentali Observatorii, atque infixi ad murum jam à triginta annis, cujus Radius est sex pedum.



Anno 1714 ad initium Aprilis prima vice tubum in Sirium sic direximus, ut constitueretur rectè in centro tubi, dum transibat per Meridianum. Itaque in eo situ tubum ope duarum cochlearum cum regula & quadrante firmavimus. Propterea autem tubum cum quadrante conjunximus, quia ob suam ingentem soliditatem minus erat variationis ex concussione periculum, & ob tantam temporis diuturnitatem, quo cum muro junctus erat, nulla timenda alteratio, ac denique, quia quotidie videri poterat, an in eodem situ persisteret.

Comparando observationes à me factas, apparuit, quòd Sirius 1714. 20. Aprilis ralerit limbum superiorem fili Horizontalis in tubo positi. 15. May & 6. Junii transiit per ejus centrum. 27. Junii transiit paulò inferius; 9 Julii rasiit partem inferiorem hujus fili. 5. Octobris transiit per Centrum, & 29 Decembris rasiit partem superiorem fili. 18. Januarii 1715, quo die erat intensissimum illius hyemis frigus, transiit per Centrum. 27. Martii & 1. Aprilis rasiit partem superiorem fili Horizontalis, ab eoque paululum apparebat esse sejunctus. 7. Junii transiit paulò infra Centrum. 29. Junii rasiit limbum inferiorem hujus fili; itaque per decursum unius anni differentia altitudinem meridiana Sirii non excedebat latitudinem fili Horizontalis in tubo; eaque latitudo fili videbatur æquare Diametrum Sirii, quæ æstimabatur à me 5. aut 6. secundorum.

Ut jam examinetur, an aliquæ hæc differentie motui terræ tribui possint, considerandum est, declinationem meridionalem Sirii mense Aprili 1714 fuisse  $16^{\circ} 21' 23''$ . adeoque ea ad finem Martii 1715 debuerit esse  $16^{\circ} 21' 25''$ . 55". sicque altitudo stellæ debuerit videri minor oculo inermi, in tubo autem vitris instructo debuerit apparere major, quia tubus objecta invertit. Itaque stella, quæ ad initium Aprilis 1714 exactè transibat per Centrum tubi, anno 1715 ad finem Martii & initium Aprilis debuit apparere paulò supra Centrum, prout dabat observatio, quæ Sirius visus est radere limbum superiorem fili Horizontalis, immò à quo etiam paululum videbatur esse sejunctus. Ex quo etiam colligitur, Tubum durante anno nullam perpessum esse alterationem.

In aliis observationibus aucta declinatione Sirii stella debuit sensim altius attolli supra Centrum tubi, cum tamen econtrario aliquando apparuerit infra Centrum, prout annotavi ad finem Junii 1714. & 1715.

Examinandum itaque est, utrum hæc declinatio, quæ mense Junio minor quàm aliis mensibus apparuit, sit conformis ad id, quod postulat Parallaxis annua, & motus terræ.

Ut hujus rei justam habeamus ideam methodo Geometrica, consideremus Solem, tanquam positum in Centro nostri vorticis, & sphaeræ cœlestis, in qua positus est Sirius. Si usque ad hanc sphaeram prolongentur axes terræ, qui transeunt per Polos Eclipticæ, & Equatoris, & terra peragat suam revolutionem annuam circa Solem, hi duo axes prolongati per suam revolutionem formabunt circulos Parallelos orbi annuo, ex quo sequitur, quòd

duo Poli Eclipticæ & Equatoris aliquando propius ad invicem accedant, aliquando verò longius ab invicem recedant, dum interim stella fixa ac immobilis supponitur.

In proposito exemplo Sirii, cujus longitudo est in decimo gradu Canceri, & latitudo Meridionalis  $30^{\circ} 33''$ . terra ad finem Junii est ex oppositione Solis, hoc est, ad initium Capricorni, adeoque angulus apparens, quem Polus Eclipticæ ex Centro terræ facit cum stellâ Centro erit minor, quàm ad finem Decembris, ubi terra existit in principio Canceri. Itaque latitudo meridionalis Sirii & ejus declinatio, quæ sequitur eandem regulam ut supra dictum est, minor apparere debuit ad finem Junii, quàm ad finem Decembris, conformiter ad observationes, præsertim eam, quæ mense Junio facta est 1715, quo declinatio stellæ major esse debuerat.

Restat examinandum, utrum hæc variationes, aliàs conformes motui terræ, non possint provenire à refractionibus. Ad hoc notandum est, quòd si datur aliqua diversitas refractionum quoad diversas anni partes, illæ majores esse deberent in hyeme, in qua aër est densior, quàm in æstate, in qua aër est rarior. De hoc ipso habemus exemplum in Sirio 18. Januarii 1715, ubi erat frigus totius anni maximum, tunc enim altitudo stellæ major apparuit, quàm ad finem Decembris anni præcedentis, quod non potest tribui, nisi extraordinariæ refractioni. Itaque ad initium Aprilis observavi 1714 Sirium transeuntem per Centrum tubi immobilis. Cum refraction minor sit in æstate, ad finem Junii 1714. & 1715 in minori altitudine conspici debuisset. Observatio autem contrarium monstravit. Ex eodem capite, cum refraction major sit in hyeme, quàm æstate, altitudo Sirii ad finem Decembris major esse debuerat, quàm ad finem Junii. Oppositum iterum observatio docuit.

Itaque hæc variatio altitudinum in Sirio adeo non potest tribui diversæ refractioni in æstate & hyeme, ut si daretur talis refractionum varietas, ea potius confirmaret motum terræ, eò quòd altitudo Sirii, quantumvis majore refractione hyemali aucta, adhuc tamen minor fuerit in hyeme, quàm æstate. Hucusque Cassinus, qui exinde data Diametro Orbis annui 20000 Diametrorum terrestrium, & Parallaxi  $6''$  infert distantiam Sirii à terra 437 millionum & 800000 Diametrorum terrestrium. Ut enim sinus anguli parallactici  $6''$ . ad sinum latitudinis meridionalis Sirii  $39^{\circ} 33'$ . ita Diameter Orbis annui ad distantiam quæsitam.

Quia verò in hac observatione notanda etiam est Diameter Sirii, videamus, qualiter illam Cassinus determinaverit.

Inter alias methodos, inquit, quæ adhiberi possint, prætuli illam, quæ consistit in comparatione magnitudinis Sirii ad magnitudinem aliorum Planetarum; itaque sumpsi tubum 34 pedum; vitrum objectivum charta sic contexti, ut tantum relinqueretur apertura rotunda habens in Diametro unum pollicem cum dimidio. Tubus sic instructus representabat Sirium rectè terminatum, & depuratum à radiis scintillantibus, qui illum aliàs circumdant. Dein eodem tubo ob-



servavi Jovem, qui erat supra horizontem, ac reperi ejus Diametrum decuplo esse majorem Diametro Sirii. Cum ergo Diameter Jovis tunc fuerit 50". secundorum, sequitur Diametrum Sirii esse 5 secundorum. Hucusque Cassinus, Videamus quid respondeant Angli.

In Transactionibus Philosophicis Londinensibus Volum. 31. pro anno 1720. num. 364. Hallejus unus ex primis Europæ Mathematicis sic respondet. Inprimis dubitat, an Diameter Sirii possit esse 5 vel 6 secundorum, cum Aldebaran & Spica Virginis in occultatione à Luna facta in instanti dispareant & emergant, utut earum Diameter supposita observatione Cassiniana tanquam vera quatuor circiter secundorum esse debeat, quam ne unius quidem minuti secundi esse aliundè certum sit; inquirere igitur eum jubet, an non sensibilis magnitudo apparens sit fallacia Optica à nimis contracta vitri objectivi apertura profecta. Dein differentiam maximam declinationis per totum annum Cassinus deprehendere sibi visus est sex secundorum; sed eam radio trium pedum, quo Cassinum usum fuisse dicit, dirimi haud posse ostendit Hallejus, quod subtenfa sex secundorum non nisi sit  $\frac{1}{16}$  unius digiti. Denique ex Hauksbeji experimentis coram Societate Regia (Londinensi) iteratis ostendit, quòd ob variationem densitatis aëris refractionis variari possit 7. aut 8 circiter secundis, quæ variatio tota Parallaxi 6. secundorum major est. Suadet itaque ut observationem in Lucida Lyræ instituat. Hæc Cassino respondent Angli. Nec ipsi Galli suavius canunt. In Actis Trevoltiensibus 1722 mense Novembri, articulo 121 ad hanc Cassini Parallaxin sic discutitur: Recensitis suis observationibus probandum tandem Cassino erat, differentias altitudinum Sirii provenire à motu terræ. Id quidem Cassinus conabatur probare; sed non obstante Geometrica methodo, quam adhibet, & ratiocinatione Astronomica, qua suam opinionem suffulcit, certum tamen est, nil certi adhuc hac via concludi posse. Cassinus ipsemet id fatetur; ut enim doctissimus est, non decet, ut eas observationes suas pro argumento demonstrativo motus terræ vendat. Videtur quidem favere motui terræ, quod si etiam interveniret inæqualitas refractionum, Cassinus tamen monstret, quo major supponatur esse ea inæqualitas, eo major Parallaxis annua futura sit. Sed nec id ulla ratione tollit incertitudinem. nam Cassinus eo argumento supponit, inæqualitatem refractionum in diversis anni partibus constantem ac regularem esse, & combinationem refractionum cum stellæ declinatione semper præcisè talem esse, qualem deposcit motus terræ annuus; verum leges melioris Physicæ nec eam regularitatem refractionum, nec combinationem parem admittunt. Denique quistutum censet, ob 5 vel 6 minuta secunda, probatu tam difficilia, & tam diversis causis subiecta, præjudicia universalis, & argumenta parum solutionem ferentia flocci facere? Sic Galli.

Verum omnium miserrimum est, quod ipsemet Cassinus in inimia suæ argumentationis parte se errasse agnoscat. Dixit, Diametrum Sirii esse 5" secundorum. Id anno 1717 dixit; elapso triennio, 1720, id nimium fatetur, sicque Hallejo

ea parte cedit victoriam. In Historia Acad. Reg. 1720 sic habetur. Cassinus fecit observationem de Eclipsi stellæ fixæ per Lunam, ex qua sequuntur duo notanda maximi momenti. 1. Quòd Luna non habeat Atmosphæram. Secundum concernit magnitudinem fixarum. Apparent quidem oculo inermi satis tennes; sed per tubos, qui aliorum objectorum magnitudinem augent, adhuc tenuiores apparent, quia per tubos separatur à stellis lumen spurium, quo augetur illarum imago. Hinc stellæ fixæ per tubos instar puncti apparent, sic illarum Diameter, quæ sunt in cælo maximæ, vix habeat 5 aut 6. secunda. Verum, quid si ne sic quidem ex integro falsa augmentatio imaginis stellarum separatur per tubos? Quid si tubi etiam ingentem adhuc relinquerent quantitatem falsi luminis? id tamen sic se habere, præsens Cassini observatio ostendit, stella, quæ à luna occultanda erat, una erat ex constellatione Virginis, in pectore, signata per γ, ea nudo oculo una stella apparet: per tubum 11. pedum videtur habere figuram oblongam; & per tubum 16. pedum in duas stellas dividitur, habentes æqualem Diametrum, & distantes ab invicem una tali Diametro. Luna tubo 16 pedum inspecta unam harum stellarum nempe magis Occidentalem dimidii secundi tempore obtexit; dein transierunt 30 secunda; donec pervenerit ad alteram magis Orientalem stellam; dein & hanc intra tempus unius dimidii secundi obtexit. Intervallum ergo inter has duas stellas erat sexagesies major, quam Diameter unius stellæ, & tamen per tubum illud intervallum æquale videbatur Diametro unius stellæ; itaque, si Diameter utriusque stellæ per lumen spurium æqualiter aucta est, sequitur, Diametrum cujuslibet stellæ trigiesies falso lumine auctam esse. Addi debet, quòd tunc Luna tantum uno die adhuc distiterit à Plenilunio, adeoque jam plenum lumen habuerit, & tamen non potuerit impedire tantam augmentationem falsi luminis. En habemus confessionis historiam; ipsa Cassini verba infra recensbo, ubi agam de stellis fixis.

Dices: Quid exindè sequitur, si Cassinus quoad Diametrum Sirii erraverit? nec enim ex eo evenit necessitas Parallaxis annuæ. Respondeo: exindè id consequi; dari inter stellam & oculum corpus medium, quod lumen stellæ dispergat; datur ergo etiam corpus medium, quod possit lumen stellæ refringere, & quidem eo prorsus modo, quo deposcit observatio, quamvis terra quiescat in medio; nec est positivè demonstratum, non dari tale corpus medium.

Verum, ut manifestum fiat etiam independenter ab his responsionibus, ex hac observatione non necessariò consequi Parallaxin annuam. Do alias responsiones.

1. Possibile est, Sirium habere motum periodicum, sicut talem habet stella quæ est in balena, & cygno. v. g. si Sirius moveretur in tali orbita annua, in quali ponimus moveri nostrum Solem, & quidem in distantia 437 millionum Diamentrorum terrestrium, accurate Parallaxis annua Sirii, seu potius motus stellæ annuus foret 6 secundi scrupuli. Itaque ex illo motu annuo Sirii potius confirmaretur motus etiam annuus nostri Solis ob Analogiam partium universi.



2. Possibile est, Sirium habere maculas, & rotari circa suum axem, prout contingit in nostro Sole; si ergo pars obscura teneat superiorem locum, videbitur stella depressior; si teneat inferiorem, apparebit altior.

3. Possibile est, ipsas stellas gravitare in Solem nostrum; sicque easdem à Sole attrahi. Itaque dum Sol tendit in signa borealia, etiam stellæ australes aliquantulum sequentur illum motum, adeoque fient altiores; dum econtrà Sole descendente in signa australia versùs Capricornum, etiam stellæ longius parisper ab æquatore recessuræ sunt, ut sic fiant depressiores.

4. Possibile est, ipsos vortices, aut Atmosphæras stellarum gravitare in Solem nostrum, eo modo quo de stellis dictum est. itaque etiam ipsæ stellæ sequentur ductum sui vorticis.

5. Possibile est, materiam illam auræ æthereæ, quæ est in cælo australi, fieri densiorem per secessum Solis in signa borealia; itaque refractionem, quam lumen Sirii in illa materia patitur, erit in æstate major, sicque Sirius altior, in hyeme verò Sol versando in signis australibus rarefaciet illam materiam auræ æthereæ, sicque erit minor refractionem, & Sirius depressior. Quod verò detur talis materia æthereæ, quæ sit diversa à nostro aëre, quæ tamen adhuc refringat lumen, patet ab experimento Academicæ Regiæ, inserto Actis suis 1719. hoc enim monstravit, radium lucis transeuntem per machinam pneumaticam, seu Exhaustum, in illo vacuo adhuc pati refractionem, & quidem semper proportionalem altitudini Barometri, seu mercurii in Barometro per succiones successivas magis ac magis decidui. De quo experimento fusius agam infra de Refractionibus.

6. Possibile est, nostrum aërem in æstate simpliciter esse densiorem, quàm in hyeme, si saltem attendatur ad partes purè æreas, & non ad effluvia terrestria, quæ reddunt hyeme aërem sensibiliorem seu sensibus nostris densiorem. Cum enim Sol per æstatem præsertim ad finem Junii sit in Apogeo, adeoque in maxima à terra distantia, verosimile est, ob majorem radiorum divaricationem aërem nostrum in æstate reddi densiorem. Dum econtrà Sole existente in Perigeo, adeoque in minima à terra distantia ad finem Decembris, etiam raritas major aëris, adeoque minor refractionem Sirii futura est.

7. Possibile est, quòd globuli radii solaris, quando Sol est in signis borealibus supra Sirium, directionem radii Siriaci ejusque globulorum invertant paulisper, sicut magnes acum magneticam in se convertit; itaque radius Sirii in æstate convertetur in Solem altiore, & sic etiam ipse apparebit altior; econtrà in hyeme convertetur in Solem inferiorem; sicque apparebit depressior, neque hæc suppositio incongrua est, cum certum sit, lumen stellarum & lumen Solis tantam habere simul & diversitatem ac simul cognationem, qualem habent magnes & ferrum. infra enim ostendam, lumen stellarum longè esse subtilius luce Solis, longeque minorem habere refrangibilitatem quàm lumen Solis. Cum enim certum sit, nullam dari Atmosphæram in Luna, & tamen sæpe stellæ ante suam occultationem supra discum Lunæ nobis apparue-

rint, alia ratione id solvi non potest, nisi dicatur, lumen Lunæ majorem passum esse refractionem quàm lumen stellæ; prout infra de Luna fusius dicetur.

8. Possibile est, supra regionem Saturni transisse motu periodico caudam alicujus Cometæ, per quam dum radii Sirii in ætate transeunt, majorem refractionem patiuntur, sicque majorem stellæ altitudinem efficiunt.

9. Possibile est, Solem, dum est supra Sirium in signis borealibus, sic agere in globulos radii Sirii, ut illis tribuat motus directionem inter stellam & Solem intermediam, sicut quando inæquales vires agunt in idem corpus, hoc describet suo motu diagonalem. Sit ergo in fig. S, Sirius. A Sol, S B radius Sirii, A C radius Solis, D E diagonalis in oculum, ex quo evidens est, quod Sole existente in signis borealibus radius Sirii oculum ducet in E D O, ut sic videatur stella altior, econtrà, dum Sol est sub Sirio in signis, australibus, diagonalis erit in F, sicque stella apparebit depressior. Nec mirum est, quòd hæc diagonalis non sit media inter duo extrema; quia lumen stellæ incomparabiliter subtilius lumine Solis millicuplo habet minorem refrangibilitatem, quàm lumen Solis, ut infra de Sole & Luna monstrabitur. Ex hoc ipso autem potius solidè probatur quies terræ; quia si stellæ essent totidem soles, qualis est noster, tunc eorum lumen tanto majorem pateretur refrangibilitatem, quanto essent remotiores à terra; prout potest quis experiri in lumine candelæ, aut Martis Perigei & Apogei. Contrarium autem accidit; ergo stellæ sunt alterius naturæ, ejus videlicet, quàm exigit systema Tychonicum, quod stellas collocat in ea regione, ubi datur universi subtilior nempe materia longè subtilior, quàm est lumen Solis.

9. Possibile est, aliam dari refractionem Sirii de nocte, & aliam de die; cum ergo Cassinus in æstate suas observationes instituere debuerit de die, utpote ob viciniam Sirii ad Solem; in hyeme verò de nocte, non necesse erat, eandem dari altitudinem Sirii; dico autem, de die posse dari majorem refrangibilitatem syderei luminis, quàm de nocte; quia cum de die scateat abractione luminis solaris, per hoc impeditur ac retardatur vis luminis stellarum, ob quod etiam lumen syderum ob sui debilitatem non imprimi sui sensum in oculum de die. Itaque cum lumen stellarum debilius sit de die, etiam patietur majorem refractionem.

10. Possibile est, ipsum quadrantem Astronomicum Cassini à frigore hyemali fuisse contractum, absque eo quòd hoc facile adverti potuerit. Sic ipsemet expertus sum in meo quadrante constante ex aurichalco, cujus radius est 14. pollicum; cum enim illum studiose intenso fornacis calori expoluissem, ac dein in intenso frigore collocassem, sensi chordam 90°. ad minimum imminutam quantum tria aut quatuor minuta conficerent. Quamvis autem simul contracti fuerint radii, sic ut error in arcu proportionaliter decrederet, non tamen chorda & radius habent æqualia incrementa ex rarefactione, aut decrementa ex condensatione, ut consideranti manifestum; itaque, quamvis quadrans Observatorii sit duarum



duarum linearum in crassitudine, potuit tamen aliquot secundorum subire mutationem.

Hæc & plura alia possibilia sunt. Igitur nec datur, nec verosimiliter ob complicationem tot causarum possibilium possibilis est demonstratio pro parallaxi terræ annua. Cassinus proin libimetipsum dictum putet, dum in Actis Acad. 1717. ait: *Il est souvent dangereux de se prévenir en faveur de quelque système; on rejette tout ce qui y est contraire, on prend les moindres apparences pour des preuves solides.*

### CAP. III.

#### *An ex jactu perpendiculari globi tormenti bellici motus terra demonstrari potest.*

**S**upponunt Copernicani terram moveri motu diurno circa axem sicque singulis diebus nos conficere iter totius ambitus terrestris, nempe 5400 miliaria Germanica, singulis verò horis 22½ miliaria, singulis minutis 3¼ miliaria. Præterea supponunt, terram moveri motu annuo circa Solem in orbita, cujus radius æqualis distantia Solis à terra, ad minimum habet 20000 semidiametros terræ; orbitæ proin ambitus habebit ad minimum 60000. semidiametros; & cum eadem dividatur in 360. uni gradui respondebunt 165 semidiametri. Cum ergo terra moveatur quotidie uno gradu in orbita, uno die conficiet 150000 miliaria Germanica, adeoque intra horam movebitur 60000 miliaribus Germanicis; si igitur globus tormenti bellici ad tantam ejaculetur altitudinem, ut in suo motu insumat tempus minuti primi, non recidet perpendiculariter, sed dum terra interim promovetur in Orientem, recidet 3¼ miliaribus versùs Occidentem, aut 60000. miliaribus versùs Boream vel Austrum. Jam verò ita contigisse dicunt Copernicani, idque probant experimento P. Merfenni, qui refert, globum à tormento bellico perpendiculariter explosum non ampliùs recidisse perpendiculariter, nec etiam ulla investigatione potuisse reperiri, videri de hac re possunt Epistolæ Cartesii ad Merfennum, v. g. 106. part. 2. ubi <sup>fig.</sup> exhibet figuram tormenti verticaliter dispositi. <sup>72.</sup> Eadem habetur apud Episcopum Cestriensem de motu terræ, & Epistola 76. part. 2. Cartesius ad Merfennum narrat, hoc experimentum ab alio quodam curioso institutum fuisse sæpius, *globo in terram non recidente*. Inter Epistolas Cartesii Epist. 73. p. 1. reperi hæc verba: *Denique si experimentum illud, quod à te ipso factum fuisse mihi significasti, & de quo etiam alii nonnulli scripserunt verum sit, nempe globos majorum tormentorum versùs Zenith recta explosorum non recidere, colligere licet, iclus illos in tantam altitudinem ferri, atque à terra centro adeo elongari, ut omnem suam gravitatem inde deperdant.* Quidquid autem certitudinis experimento subest, certum est, illis experimentis nihil probari. 1. Quia responderi potest, globum in suprema regione ætheris in pulveres fuisse dissolutum. 2. Quia aut venti superioris regionis Orientales, aut ipsa tormenti bellici in ipsa explosione à situ perpendiculari detorsio globum alibi dejecerunt, ubi

inveniri non poterat. 3. Quia anno abhinc tertio de novo institutum experimentum ostendit globum recidisse, incipiamus ab hoc ultimo.

In actis Trevoltiensibus 1728. mense Augusto inserta est Epistola R. P. Fevre Societatis Jesu, data Argentorati, quæ sic sonat:

Nescio, an ad aures vestras delatum sit experimentum, hîc Argentorati ante duos annos institutum, circa tormentum bellicum verticaliter directum. Eidem Dissertationes P. Chastel, & P. Lavall occasionem præbuerunt; D. de Moutier Capitaneus rei tormentariæ Regiæ, quicquam executionis sibi lumpsit, omnem ad eam possibilem accurationem contulit. Effectus P. Merfennum deceptum esse ostendit. nam globus non solum recidit, prout futurum credidimus, sed in hoc insuper experimentum notabile reddidit, quod tantopere à perpendiculari declinaverit. Quamvis tormentum prorsus accuratè verticaliter ad perpendicularum erectum fuerit, primus tamen globus in distantia 300 perdicarum; secundus, cui tormentum majori pulveris quantitate oneratum fuerat, in distantia 360. perdicarum recidit. Hoc verosimiliter Merfennio occasionem sui erroris præbuit, dum ad tam longam distantiam inquirere noluit. Id solum mirum est, quomodo tam surdus, aut adeo ablorpius esse potuerit, ut non audierit, sibilum, quem recidendo edidit, nec hoc obliviscendum, quod globus nonnisi ad 28 pollicum profunditatem in terram penetraverit. Post explosionem tormentum ne una quidem linea à perpendicularo divertat. Sic ille. Rectè addidisset R. P. Fevre, quanto tempore globus in aëre hæserit, & in quam plagam reciderit; & quo mense fuerit institutum experimentum, qui spiraverint venti, quæ fuerit positio Barometri, & similes circumstantias; si enim tranquillo aëre, & Barometro immobili per aliquot dies existente globus in superiore regione duxisset moram sex secundorum, juxta systema Copernicanum debuisset recidere in distantia 300 circiter perdicarum, & sic potius confirmaretur quàm infirmaretur motus terræ circa axem. Verum quocunque tandem reciderit, ostendo hunc globum non potuisse in ea distantia recidere ex principio ac suppositione motus terræ. Si enim hæc declinatio globi provenit à revolutione terræ, tunc gravia descendencia non assequuntur motum terræ diurnum, adeoque non solum omnia gravia deberent in descensu describere curvam, sed etiam idem globus ob motum terræ annum debuit recidere in distantia decem millium miliariorum Germanicorum, id est, longè ultra concavum lunæ. Sicut enim intra sex secunda terra promovetur motu diurno perdicis 300, ita intra sex secunda motu annuo promovetur 10000 Milliaribus Germanicis; si globus tormenti bellici non assequitur motum terræ diurnum constantem ac regularem, multo minus assequetur motum annum incomparabiliter rapidiorem, maximè cum in hoc motu deberet mutari directio terræ motus. In motu enim diurno terræ semper directio motus est in Orientem, & sic gravia semper deciderent versùs Occidentem, aut certè semper simul cum terra promoverentur versùs Orientem. Sed per motum annum terræ, cum terra aliquando tendat in austrum, & ali-



& aliquando in Septentrionem, deberet globus in priori casu recidere versus Septentrionem, in posteriore versus Meridiem. Sed uno verbo concludamus; globus in distantia 300. perdicarum seu 1800. pedum Parisiensium decidit, ergo globus non fuit delatus ad eam altitudinem, in qua potuerit eximi à motu terræ communi, quia aliàs ob motum terræ annum debuisset recidere in distantia 10000. milliarium. Si verò non fuit exemptus à motu terræ, nihil ex hoc globo ostenditur contra quietem terræ.

*Dices:* Attamen apud Mersennum & alios, quos dicit Cartesius sæpius instituisse idem experimentum; non relapsi sunt globi. Respondeo, post experimentum Argentoratense jam neminem fore, qui certitudinem promittere possit globo illi Mersenniano de non relapsu. Ex dubio autem experimento in quaestione facti utique certum non conficitur argumentum; decet potius, ut in casu dubio conjecturam sumamus à casu simili certo, qualis est Argentoratensis. Ne tamen hoc metu aliquo dixisse videamur, permittamus gratis, quod verosimile non est, permittamus, inquam, globum non factum esse recidivum, sic ut inveniri posset, quàm parum tamen exinde pro motu terræ erui possit, ex sequenti dissertatione P. Laval Soc. Jesu Mathematici Massiliensis, & P. Castel Soc. Jesu, de quo infra, & Varignonii innotescet. Varignonius vult: globum delatum in superiorem regionem aëris, seu ætheris factum esse Planetam. P. Castel credit: globum in superiore parte aëris resolutum esse in tenuissimum pulverem; sicut resolvuntur lachrymæ Hollandicæ. P. Laval ostendit: globum necessario debuisse recidere per lineam parabolicam, adeoque non potuisse propterea inveniri, quia alibi in terram penetraverit.

Varignonius dignum membrum Academiæ Regiæ anno 1690. edidit librum, cui titulus: *Conjectures sur la pesanteur*, hoc est, *conjectura de gravitate*, in eo conatur probare, lapidem in aere suspensum propterea deprimi versus terram, quia columna aërea desuper premens longior, adeoque etiam fortior est columnis aëreis inferioribus aut lateralibus. Hinc putat, si globus tormenti bellici attollatur ad eam altitudinem, in qua æqualiter premeretur à columnis aëreis undique se premantibus, aut si deferretur ad eam altitudinem, in qua se æqualiter premunt duo vortices, eum instar Planetæ circa terram revolvendum fore. Si recipiantur principia Philosophiæ Cartesianæ, prout plerumque recipiuntur à Copernicanis, in hac hypothesis nulla apparet impossibilitas, etiam excipiendo quietem terræ. Transeamus ad alterum.

R. P. Laval sic discurret in dissertatione inserta Actis Trevolt. 1726. mense Martio.

Cum ante aliquot annos legerem librum Varignonii inscriptum: *Conjectures sur la pesanteur*. Admiratus sum Topium limbolarium præfixum libro. Cernitur in eo tormentum bellicum erectum verticaliter, & globus explosione sursum ascendens ad Zenith. Ex latere stant Cartesius, & P. Mersennus virgam incendiariam manu tenens, ambo aspiciunt in cælum, & supra tormentum leguntur hæc verba; *putasne, reciderit?* ego verò responsionem adscripti ex latere. *Haud dubie; non sine* R. D. Euseb. Amort Philosophia.

risu. 1723. Julio mense legi in Actis Trevoltensibus, pag. 1258. articulum, cui titulus: *Nonvelles reflexions sur la Nature des corps durs*, pag. 1293. Author dicit: *dicam audacter; globus hic dissolutus in pulverem recidet*. Facta reflexione id imprimis observo, difficile fore, ut tormentum disponatur verticaliter; & si hoc possibile est, non tamen in eo situ permanens est, dum incenditur; quamvis enim fistula tormenti pollita foret instar speculi, & quamvis globus tam arcte intruderetur, prout intrudi solet sclopeto, mutaretur tamen situs actione ignis, sicque globus describeret lineam parabolicam; maxime si in tormento, prout solet, pro globo relinquitur limbus vacuus. Si verò circum construeretur firmissimus murus, sic ut nulla ratione à situ verticali dimoveri posset tormentum, non propterea globus ad altitudinem tot milliarii in aërem ascensurum est, ut dissolveretur in pulverem. Jactus Horizontalis globi 24. librarum ad summum se extendit ad distantiam 1600. vel 2000. perdicarum (ut gratis aliquid addamus) itaque clarum est, tormentum verticaliter dispositum non altius ejectionem suam globum; imò ne ad tantam quidem perveniet altitudinem, cum columna aërea ascendentem globo resistat magis, & globus sua gravitate directe feratur deorsum. Africatio verò ambientis aëris ad minimum habet tantam vim, quantam habet, dum ejicitur horizontaliter. Itaque motus globi verticalis debet decrescere in ratione corporum ascendentium, prout ille motus centralis crescit in ratione corporum descendentium. De hoc augmento vel decremento actum est à pluribus aliis Mathematicis. Verum ne in hac re contentiosus sim, ascendat globus ad altitudinem 2000. perdicarum; non propterea omnem suam gravitatem amittiturus est. Tuli mecum Mercurium in verticem montis *Ventoux*, qui supra maris planitiem attollitur perdis mille quadraginta. An forte Mercurius totaliter in capsulam decidit? nullatenus. Mansit suspensus ad altitudinem 24. pollicum & sex linearum. Itaque longa adhuc via ex altissimis etiam montibus superest, usque dum perveniatur ad finem Atmosphæræ aëreæ. Varignonius proin recte fecit, quod mutaverit suam sententiam eo tempore, quo non amplius sic addictus erat Cartesio. Sed nec illud jam defendi potest; globum in pulverem dissolutum iri. Nec ego nec alii in vertice montis *Ventoux*, *Geneve*, *Cenis*. Si dicatur; id tunc futurum fuisse, si subito in eum locum translati essemus, quia quasi in momento transit ex aëre condensato in aërem subtiliorem. Verum si hoc ita verum esset, ego & alii qui venantur rupicapras in montibus plus quàm 2000. perdicarum altitudinem habentibus, debuissimus saltem aliquam sentire alterationem in corpore, & suffocationem pectoris, quam tamen nec minimam sentimus. Dein, cum Mercurius tantum deciderit ad altitudinem 24. pollicum, ex altitudine 28. pollicum, proportio inter densitatem aëris inferioris & illius nostri superioris alia non est, quàm quæ est 336. ad 294. Itaque globus non potuit deferri in aërem tantopere minus condensatum. Fatetur quidem Author, quod corpora dura possint sine ulla dissolutione in ipso æthere subsistere, sicut subsistunt Planetæ; videlicet ob æquilibrium subtilis materiæ quæ est intra poros corporis



poris duri, cum exteriore; adeoque solum in eo casu dissolutionem admittit, quando subito tollitur illud æquilibrium; verum hoc repugnat experientia, quando enim bomba accenditur, si habeat sufficientem densitatem, non rumpitur, quamvis tollatur æquilibrium. Æquilibrium tunc solum solvitur, quando tollitur proportio resistentia inter liquidum interius, quod est intra poros, & liquidum exterius, quod est extra poros, prout contingit in lachrymis Hollandicis. Hoc vero non est timendum in globo illo, in quo nunquam in momento mutatur status virium liquidi extrinseci, nempe aëris. Igitur globus recidet in linea parabolica; sicut enim caput iactus aquæ salientis non recidit verticaliter, sed parabolice, dum videlicet illud, quando motu destituitur, ab aqua succedente & subingrediente versus latera expellitur, ita globus, quando fatigatus suum motum amiserit, ab aëre rapide subingrediente versus latera expelletur. Hucusque quoad sensum P. Laval, qui Authorem reflexionum illarum, quas impugnatur, credit esse R. Patrem de la Roquette.

Articulo sequente eodem mense P. Castel ostendit, ovum in iactu aquæ salientis verticaliter iterum ad orificium fontis recidere; idem ergo futurum circa globum in aëre. Dein observat, aquam deciduam in partes æquales dividi per circulum, & hanc ipsam sic divisam non recidere parabolice, nisi à vento aut alia causa in unam partem inflectatur. Denique lineas projectilium non esse parabolicas; sed alterius generis, prout id constare putat ex Nevvtono de Hyperb. prop. 10. l. 2. princ. Math. Leibnitio in actis Lips. Hugenio *Traité de la pesanteur*, Varignonio & aliis.

Eodem anno mense Decembri P. Laval in iisdem actis Trevoltiensibus sic respondet. Institutum fuisse experimentum ovi in iactu aquæ à quodam celebri Medico; qui sibi narrasset, quod ovum semper verticaliter in ipsum os orificii resederit, quando orificium lentè ac successivè occlusum est. Caterum saliente aqua constanter hæsit in capite iactus; & si subito orificium occlusum est, per lineam parabolicam ex latere decidit. Quod attinet Geometras illos, qui negant projectilia tendere via parabolica, se nondum ab illis esse persuasum: plus à se tribui Mariotto & Blondello, & artis peritis in re tormentaria. Nevvtonum in hac re non fuisse feliciorum, quam Cartesium in sua curva pro terendis vitris, Magnum quidem in similibus educi apparatus Geometria; sed ad quid serviat licet cogitare. Sic ille.

Si ista certa sunt, actum est de demonstratione ex globo tormentario; si dubia sunt, dubia etiam erit experientia Merfenni & ratio; dubia autem certioribus cedere decet. Posset huc adduci *Tentamen Physicoastronomicum* A. M. Schmidtii, de hac ipsa re suas spes & cogitationes suggerentis sed cum nil singulare contineat, dicta sufficiant.

#### CAP. IV.

#### *An ex Regula Keppleriana demonstratur motus terræ.*

**K** Eilius Anglus in sua Introductione ad veram Astronomiam 1718. Oxonii edita, probat

systema Copernicanum consueto illo argumento ex Regula Keppleriana petito. Regula est hæc. *sicut se habent quadrata temporum in revolutionibus Planetarum, sic se habent cubi distantiarum à communi centro.* Regulam hanc esse universalem, non solum probant per experientiam, utpote quæ procedit in omnibus reliquis quindecim Planetis non controversis, sed etiam nuper est demonstrata per rationem. Itaque sic argumentantur; si terra ponitur inter Planetas, tunc servat & ipsa hanc regulam universalem Planetarum omnium; si verò loco terræ Sol ponitur inter Planetas, is solus ab universali leges Planetarum omnium deficit, quod non est congruum naturæ legibus, quæ servat analogiam in modo operandi. Tria jam agenda sunt. 1. ut regulam intelligamus. 2. Ut ejus certitudinem videamus. 3. Ut ejus applicationem, rectane sit, examinemus.

Sensus regulæ est iste. Si v.g. unus Planeta circa centrum suum intra tempus duorum annorum revolvitur, & alter intra tempus 10. annorum, tunc quadrantur hæc revolutionum tempora; ita quadratum prioris temporis erit 4. posterioris 100. Dein sumatur distantia prioris Planetæ à suo centro v. g. 5. erit cubus hujus distantia 125. ex hoc ergo etiam invenitur cubus distantia, quam alter planeta habet ab eodem communi centro. Dicendo  $\square 4. : \square 100. :: 125. : 3122.$  erit ergo radix cubica hujus cubi, seu distantia Planetæ à centro = 14.

Experientia hanc regulam universaliter veram esse ostendit; dum enim constat, Mercurium, Venerem, Martem, Jovem, & Saturnum moveri circa Solem tanquam suum centrum, revera sic in iis se habent quadrata temporum, ut cubi distantiarum. Idem contingit in satellitibus Jovis & Saturni v. g. primus satelles Jovis distat à centro Jovis  $2\frac{1}{2}$ . diametris Jovis, suamque revolutionem peragit intra unum diem &  $\frac{1}{2}$ . id est, intra 42. horas. Ultimus satelles Jovis peragit suam revolutionem 16. diebus 18. horis, id est 402. horis, & distat à centro Jovis circiter 12. diametris Jovis, Si ergo fiat. ut se habet quadratum temporis 42. = 1764. ad quadratum temporis 402. = 161604. ita se habet cubus distantia  $2\frac{1}{2}$ . = 4913. ad 450000. cubum distantia ultimi satellitis, cujus radix est 76. quæ divisa per 6. dat  $12\frac{2}{3}$ .

Ex ratione eadem regula sic fuit demonstrata à D. Malezieu in actis Trevolt. 1725. mense Junio.

Demonstratio Regulæ Kepplerianæ per D. Malezieu, Cancellarium de Dombes, præceptorem quondam Delphini in Mathematicis, Ducis Burgundiæ, Academicum honorarium Academiae Regiæ scientiarum, & membrum Academiae Gallicæ.

Proportio inter distantias Planetarum, eorumque revolutiones quam observavit Kepplerus, semper mihi visa est digna admiratione. Sapius de eo locutus sum cum magno illo Astronomo Cassino, Illustri meo amico, quem merito semper in rebus astro-



Astronomicis colueram. In hoc convenimus, dignum inquisitione esse, quænam esset causa à priori tantæ proportionis. memini, illum dixisse, nos interea contentos esse debere veritate rei ac effectû; causæ demonstrati omnem nondum fieri posse, quin supponeret controversa Physicæ principia. Id planè verum erat, quando enim D. Villenot, parochus in Quillotiere, in se recepit hujus regulæ demonstrationem, non solum illius principia in dubium revocabantur à Geometris, sed & à pluribus, iisque celebrioribus, inter quos est Varignonius, pro manifestè falsis habebantur. Hæ difficultates me hucusque absteruerunt, ut non cogitarem de causa hujus proportionis inter revolutionem Planetarum, eorumque distantias à communi centro vorticis, ac fortè etiam nunquam de hac re suscepissem cogitationem, nisi Serenissima Ducissa du Maine, cujus animus omnia vult comprehendere, & Eminentissimus Cardinalis de Polignac, vehementer admiratus hanc Planetarum proportionem in iis vorticibus, quos nos cognoscimus, me ad inquirendam causam animassent. Sciebam quidem, causam illam dependere à viribus centrifugis, sed ibi substiti, nec de consequentiis ulterius sollicitus eram, quia nolebam admittere, nisi res demonstratas, & jam à Geometris admissas. Sed vide qui nunc sit mearum meditationum fructus.

*Primum postulatum  
Propositio demonstrata.*

*Vires centrifugæ cujuslibet puncti materia, quæ revolvitur circa centrum, sunt æquales quadrato celeritatis diviso per diametrum circuli revolutionis, qui supponitur v. g. duæ; circumferentiæ concentricæ*  
fig. 73. AFD, BGE hebeant pro diametris AD, BE. Major Diameter vocetur x minor nominetur y. Si punctum materiæ A habeat duos gradus celeritatis, quadratum numeri 2 = 4. divitum per x, hoc est  $\frac{4}{x}$  exprimet vires centrifugas puncti A. & si punctum materiæ B habeat quatuor gradus celeritatis, quadratum numeri 4 = 16 divitum per y, hoc est  $\frac{16}{y}$  exprimet vires centrifugas puncti B. Hæc ubi vis reperiuntur demonstrata. Itaque vires centrifugæ puncti A sunt  $\frac{4}{x}$  & vires centrifugæ puncti B =  $\frac{16}{y}$  *Secundum postulatum*

fig. 73. Est veritas, quæ à nemine vocatur in dubium, quod celeritas corporis nihil aliud sit, quam via decursa comparata cum tempore, quod decurrendo imperditur. Sic si circumferentia major vocetur P, & tempus, quod percurrendo eam circumferentiam impenditur, vocetur R, circumferentia per tempus divisa =  $\frac{P}{R}$  exprimet celeritatem puncti A ex quo sequitur, quod, cum celeritatem puncti A prius dixerim esse 2, loco hujus numeri possum substituere  $\frac{P}{R}$  & quadrato illius numeri = 4 possum substituere quadratum ipsius  $\frac{P}{R}$  nempe  $\frac{PP}{RR}$ , & sic fieri potest circa quamlibet aliam celeritatem. Itaque si & minorem circumferentiam BGE nominem & si tempus, quod decurrendo hanc circumferentiam impenditur, nominem, celeritas puncti B exprimetur per  $\frac{P}{R}$  ex quo sequitur, quod huic celeritati puncti B, quam in numeris posui esse 4, R. D. Euseb. Amort. Philosophia.

possum substituere  $\frac{P}{R}$  & ejus quadrato = 16. possum substituere  $\frac{PP}{RR}$ . possum itaque loco priorum expressionum, quibus vires centrifugas puncti A & B expressi, nempe loco  $\frac{4}{x}$  &  $\frac{16}{y}$ , ponere pro 4. & 16.  
PP, PP. Sic ut prodeat nova expressio virium centrifugarum puncti A & B vires enim centrifugæ puncti A erunt  $\frac{PP}{RR}$ , & puncti B  $\frac{PP}{RR}$ .

Consideranti patebit, has expressiones esse generales, sic ut convenient omni celeritati & diametro nam si pro celeritate puncti A = 2 posuissim celeritatem = 3, & pro celeritate puncti B = 4 celeritatem = 7, expressio harum celeritatum fore eadem, quæ prius. Jam si velim habere expressionem omnium virium centrifugarum totius circumferentiæ, & non tantum unius puncti A aut B, clarum est, quod debeam multiplicare expressionem virium centrifugarum puncti B. per totam circumferentiam BGE. cum ergo majorem circumferentiam nominaverim P. & minorem p, expressio virium centrifugarum totius majoris circumferentiæ erit  $\frac{PPP}{RRR}$ , & expressio virium centrifugarum totius minoris circumferentiæ erit  $\frac{PPP}{RRR}$

In his duabus expressionibus  $\frac{PPP}{RRR}$ ,  $\frac{PPP}{RRR}$  observe, quod  $\frac{P}{x}$  sit æquale ipsi  $\frac{P}{y}$ , quia  $\frac{P}{x}$  est major circumferentia divisa per suam Diametrum, &  $\frac{P}{y}$  est minor circumferentia divisa per suam Diametrum. Itaque omittamus hos terminos æquales in utraque fractione, & residuæ fractiones  $\frac{PP}{RR}$ ,  $\frac{PP}{RR}$  retinebunt inter se eandem proportionem. Hinc si  $\frac{PP}{RR}$  exprimit vires centrifugas majoris circumferentiæ,  $\frac{PP}{RR}$  exprimet vires minoris circumferentiæ.

*Tertium postulatum.  
Principium notum ex Statica.*

Ut servetur æquilibrium inter diversos alveos materiæ cujusvis vorticis, hoc est inter diversas circumferentias circa centrum commune, v. g. inter circumferentiam AFD, & circumferentiam BGE, necessarium est, ut vires centrifugæ duarum circumferentiarum se habeant in ratione reciproca distantiarum à centro, hoc est, ut vires centrifugæ majoris circumferentiæ sint ad vires centrifugas minoris circumferentiæ, ut radius BC ad radium AC, nam in hoc ipso consistit æquilibrium secundum principia certa Staticæ, si enim duo pondera seu potentia sint appensa duobus inæqualibus brachiis libræ ACB, in qua C sit punctum suspensionis, ad hoc ut fiat æquilibrium, requiritur, ut pondus A se habeat ad pondus B, sicut distantia BC se habeat ad distantiam AC. Eodem modo, si vires centrifugæ circumferentiarum AFD, BGE non exactè observent hanc regulam, vis una sit prævalitura supra alteram, æquilibrium dissolvetur, vortex destruetur & omnia corpora in vortice revoluta suis finibus exhibunt in momento, eò quod ob inæqualitatem virium centrifugarum eorum potentia seu ut vocari solent *Momenta* non possint sibi invicem facere æquilibrium, nisi per reciprocam rationem radiorum. Ut hoc ipsum clarius fiat pro iis, qui similes materias non tracta-



runt familiariter, considerandum, duos arcus ejusdem circumferentiæ in eodem vortice tantum ideo esse in æquilibrio, quia vires centrifugæ cujuslibet arcus sunt æquales, & in æquali distantia à centro. Ex quo sequitur, quod æquilibrium rumpatur, si vires centrifugæ duorum arcuum fiant inæquales, quamvis distantia à centro maneret eadem: itaque ad hoc, ut in eo casu æquilibrium subsistat, requiritur ut distantia à centro fiat inæqualis in ratione reciproca. Ita sanè conservatur æquilibrium, id pater ab exemplo v. g. inter circumferentiam, quam describit Saturnus, & eam quam describit Mercurius circa Solem. Scitur enim per observationes, celeritatem absolutam Mercurii esse quinquies majorem celeritate absoluta Saturni. Scitur etiam quod distantia Saturni à Sole sit vigesies quinquies major distantia Mercurii. Hinc ex primo Postulato vires centrifugæ unius puncti in circumferentia Saturni erit  $\frac{1}{25}$ , quod multiplicatum per radium ter sumptum, seu 75. facit  $\frac{75}{25} = 3$ . quo exprimuntur vires centrifugæ totius circumferentiæ Saturni. Ex eodem primo postulato vires centrifugæ unius puncti circumferentiæ Mercurii erit  $\frac{1}{5}$ , quod multiplicatum per suum radium ter sumptum, seu 3. facit  $\frac{3}{5} = \frac{3}{5}$ . quo exprimuntur vires centrifugæ totius circumferentiæ Mercurii. Itaque cum vires centrifugæ totius circumferentiæ Saturni sint, 3. & vires circumferentiæ Mercurii sint  $\frac{3}{5}$ . clarum est 3. ad  $\frac{3}{5}$ . in ratione reciproca se habere, ut  $\frac{3}{5}$ . ad 1. hoc est, vires centrifugas duarum circumferentiarum descriptarum circa Solem se habere ad invicem in ratione reciproca distantiarum à centro vorticis; ut proin hæc veritas maneat certa tam per rationem ex Statica, quam per experientiam.

### Demonstratio propositionis Keplerianæ.

**P**ropositio demonstranda est hæc: Cubi distantiarum duorum Planetarum circa commune centrum revolvendum se habent ad invicem, ut quadrata temporum revolutionis.

Vidimus supra, quod  $\frac{PP}{RR}$ ,  $\frac{pp}{rr}$  exprimant

proportionem inter vires centrifugas majoris circumferentiæ & vires centrifugas minoris circumferentiæ, & secundo postulato. Jam verò ex tertio postulato  $\frac{PP}{RR}$  se habet ad  $\frac{pp}{rr}$  prout se habet minor diameter y. ad majorem diametrum x. hoc est.  $\frac{PP}{RR} : \frac{pp}{rr} :: y. x.$  Aliundè etiam certum

est, quod major circumferentia P. se habeat ad minorem circumferentiam p. sicut se habet major diameter x. ad minorem diametrum y. hoc est.  $P : p :: x : y$ . Itaque etiam quadrata harum magnitudinum sunt in eadem proportionem Geometrica  $PP : pp :: xx : yy$ . Igitur in proportionem præcedente  $\frac{PP}{RR} : \frac{pp}{rr} :: y. x.$  loco PP. pp. possum

substituere xx. yy. & sic fiet:  $\frac{XX}{RR} : \frac{YY}{rr} :: y. x.$

hoc posito, productum extremorum erit æquale producto mediorum, hoc est.  $\frac{XXX}{RR} = \frac{YYY}{rr}$ .

fractiones hæc æquales sunt: igitur duo numeratores se habebunt ad invicem sicut se habent ad invicem duo denominatores. igitur fiet:

$$XXX : YYY :: RR : rr.$$

majorem diametrum vocavimus X. minorem y. tempus revolutionis in majori circumferentia vocavimus R. tempus in minori circumferentia r. itaque cubus majoris diametri A.D. se habet ad cubum minoris diametri B. vel si ita vis, cubus majoris radii A. C. est ad cubum minoris radii B.C. ut RR. ad rr. hoc est, ut quadratum temporis, quod in sua revolutione impendit punctum A. ad quadratum temporis, quod in sua revolutione minore impendit punctum B. adeoque cubi distantiarum à centro vorticis se habent ut quadrata temporum. Quod ipsum dicit regula Kepleri, quæ erat demonstranda.

### Corollarium.

**V**ires centrifugæ duarum circumferentiarum sunt inter se, ut quadrata celeritatum. Nam ex secundo postulato  $\frac{P}{R}$  est celeritas puncti A. majoris circumferentiæ, &  $\frac{p}{r}$  est celeritas puncti B. minoris circumferentiæ, jam verò vidimus, quod  $\frac{PP}{RR} : \frac{pp}{rr}$  exprimant proportionem, quam habent inter se vires centrifugæ circumferentiarum; ac clarum est, quod hæc duæ expressiones sint quadrata celeritatum. Ex quo sequitur, quod cum vires centrifugæ circumferentiarum sint inter se, ut quadrata celeritatum; & eadem vires centrifugæ sint inter se in ratione reciproca radiorum, etiam quadrata celeritatum sint inter se in ratione reciproca radiorum seu distantiarum à centro; & si extrahatur radix quadrata è quatuor terminis proportionalibus, sequitur, quod celeritates absolutæ Planetarum sint in ratione reciproca radiorum, seu distantiarum à centro vorticis. Hæc veritas Geometricè demonstrata confirmatur per observationes. Ponatur distantia Mercurii à Sole ut 1. erit distantia Saturni à Sole ut 25. si velis habere proportionem celeritatum absolutarum, quas habent hi Planetæ, extrahe radicem ex distantia Mercurii à Sole, quæ est 1. radix erit 1.  $1 = 1$ . extrahatur etiam radix ex distantia Saturni à Sole, quæ est 25. radix erit 5. jam per propositionem celeritates absolutæ sunt in ratione reciproca 1. 5. igitur celeritas absoluta Mercurii debet esse 5. & celeritas Saturni 1. hoc est, quod celeritas absoluta Mercurii sint quinquies major celeritate absoluta Saturni; & hoc est conforme observationi; nam cum circulus Saturni tantum sit quinquies major circulo Mercurii, si eorum celeritates absolutæ essent æquales, Saturnus circumeundo suum circumulum tantum indigeret tempore vigesies quinquies majore, quam Mercurius, qui ad absolvendum suum circumulum non indiget complete tribus mensibus; adeoque Saturnus absolveret suum circumulum intra spatium 75. mensium, cum



cum tamen de facto indigeat triginta annis, hoc est, quintuplo longiori tempore, quam si æquali celeritate moveretur. Itaque quintuplo lentius incedit, quam Mercurius, prout vult propositio demonstrata. Hucusque Malezieu.

Demonstrationi suam approbationem apposuerunt tres insignes Geometrae. P. Gouye, P. Laval, & D. de Lagny. P. Gouye in Epistola ad Malezieum data eam demonstrationem vocat excellentem. P. Laval eam dicit tam firmam, quam est ultra in Geometria.

His non obstantibus, dico 1. Regulam Keplerianam esse falsam respectu corporum circa diversum centrum, revolvantium. 2. Eandem regulam esse falsam etiam respectu corporum circa idem centrum sed tamen in diversis liquidis seu in diverso vortice revolvantium. 3. Eandem esse falsam etiam respectu corporum circa idem centrum, & in eodem liquido, atque eodem vortice revolvantium. 4. Demonstrationem hujus regulæ fieri per circulum, eamque multis scaterere vitiis. 5. Leges motuum, gravitatis, & æquilibrii longè melius servari in nostro systemate, quam Copernicano. Singula hæc assertionis membra demonstro. Sint in adjecta tabula descripti omnes Planetæ primarii, & secundarii, eorum diametri, distantia, revolutiones, cubi distantiarum, quadrata temporum seu revolutionum,

reductio tam cuborum, quam quadratorum ad minores terminos; & diametri Planetarum, eorumque distantia reducantur ad semidiametros terræ, ut per communem mensuram distantiarum facilius possit institui comparatio Planetarum inter se. Ex hoc evidens erit

Primo. Regulam Keplerianam falsam esse respectu corporum circa diversa centra revolvantium. Centra enim in hoc nostro systemate Planetario sunt quatuor. 1. Terra respectu Lunæ. 2. Sol respectu Mercurii, Veneris, Martis, Jovis, Saturni. 3. Jupiter respectu quatuor satellitum. 4. Saturnus respectu quinque satellitum. Jam comparetur 1. Luna cum primo satellite Saturni cubus distantia in Luna se habet ut 2. cubus distantia in satellite se habet ut 37. quadratum revolutionis in Luna se habet ut 429. Quadratum revolutionis in satellite se habet, ut 1. cum tamen deberet esse 7622. falsa ergo est regula circa diversa centra. Idem paret ex comparatione primi satellitis Jovis & tertii Saturni; ex comparatione Lunæ ad quartum satellitem Jovis; ex comparatione Mercurii ad quintum satellitem Saturni; ex comparatione Veneris ad quintum satellitem Saturni, ex comparatione Lunæ ad Mercurium, Venerem, Martem, Jovem, Saturnum, quod ut uno intuitu palpes, sit.

|               | Cubus.    | Cubus.          | Quadratum, Quadratum. |
|---------------|-----------|-----------------|-----------------------|
| C & 1. h.     | 2. :      | 37. : :         | 429 : 1.              |
| 1. 2. & 3. h. | 6. :      | 611. : :        | 2. : 29.              |
| C & 4. 2.     | 2. :      | 3. : :          | 4. : 1.               |
| 2. & 3. h.    | 2197000 : | 1. : :          | 4. : 2.               |
| 2. & 5. h.    | 1384000 : | 1. : :          | 290. : 3.             |
| C & 2. 1.     | 2. :      | 21970000 : :    | 4. : 44.              |
| C & 2.        | 2. :      | 1406080000. : : | 4. : 2639.            |

distans



|         | Distantia à Centro                |        |                                | Cubus distantiae         |  |  | Tempus revolutionis |       |       | Quadratum temporis. |         |             | Cubus. |          | Quadratum |       |
|---------|-----------------------------------|--------|--------------------------------|--------------------------|--|--|---------------------|-------|-------|---------------------|---------|-------------|--------|----------|-----------|-------|
|         | Maxima                            | Media  | Minima                         |                          |  |  | Anni.               | Dies. | Horæ. | Horæ.               |         |             |        |          |           |       |
| C       | 63188 <sup>1</sup> / <sub>2</sub> | 60     | 55 <sup>1</sup> / <sub>2</sub> | 216600                   |  |  | 27. 7               | —     | 65    | 5                   | 429025  |             | 1      |          | 1         |       |
| ⊙       | 349961                            | 343771 | 337591                         | 39304000'000'000         |  |  | 365.                | 6     | —     | 87661               |         | 76842756    |        | 19652000 |           | 192.  |
| ♄       | 161421                            | 133401 | 105371                         | 2197000'000'000          |  |  | 87.                 | 23    | —     | 21111               |         | 4456321     |        | 2        |           | 4.    |
| ♅       | 248891                            |        |                                | 13''824'000'000'000      |  |  | 224.                | 17    | —     | 53931               |         | 29084449    |        | 13       |           | 29    |
| ♆       | 523261                            |        |                                | 140''608'000'000'000     |  |  | 1. 321.             | 23    | —     | 162471              |         | 263965009   |        | 140      |           | 263   |
| ♇       | 187254                            |        |                                | 563975200'000'000'000    |  |  | 11. 317.            | 14    | —     | 1040301             |         | 10822240900 |        | 5639     |           | 10822 |
| ♈       | 3269251                           |        |                                | 134'665''536'000'000'000 |  |  | 129. 174.           | 4     | —     | 2607881             |         | 68010380944 |        | 34665    |           | 68010 |
| Ann. B. | 3269251                           |        |                                |                          |  |  |                     |       |       |                     |         |             |        |          |           |       |
| S. ♄.   |                                   |        |                                |                          |  |  |                     |       |       |                     |         |             |        |          |           |       |
| 1       | 1561                              |        |                                | 3796000                  |  |  | 1. 18.              | —     | 421   |                     | 1764    |             | 3      |          | 1         |       |
| 2       | 2481                              |        |                                | 15253000                 |  |  | 3. 13.              | —     | 851   |                     | 7225    |             | 15     |          | 7         |       |
| 3       | 3941                              |        |                                | 61152000                 |  |  | 7. 3.               | —     | 1711  |                     | 29241   |             | 61     |          | 29        |       |
| 4       | 6991                              |        |                                | 341532000                |  |  | 16. 18.             | —     | 4021  |                     | 161604  |             | 341    |          | 161       |       |
| S. ♅.   |                                   |        |                                |                          |  |  |                     |       |       |                     |         |             |        |          |           |       |
| 1       | 881                               |        |                                | 681000                   |  |  | 1. 21.              | —     | 451   |                     | 2025    |             |        |          | 2         |       |
| 2       | 1121                              |        |                                | 1404000                  |  |  | 2. 17.              | —     | 651   |                     | 4225    |             | 1      |          | 4         |       |
| 3       | 1571                              |        |                                | 3869000                  |  |  | 4. 13.              | —     | 1091  |                     | 11881   |             | 3      |          | 11        |       |
| 4       | 3621                              |        |                                | 47438000                 |  |  | 15. 22.             | —     | 3821  |                     | 145924  |             | 47     |          | 146       |       |
| 5       | 20851                             |        |                                | 1277289000               |  |  | 79. 7               | —     | 53931 |                     | 3613801 |             | 1277   |          | 1613      |       |



Secundo patet, regulam Kepplerianam etiam falsam esse respectu corporum circa idem centrum revolvantium. Circa idem enim centrum revolvuntur ♄ ♀ ☿ ☿ ☿, nempe circa Solem. Similiter circa idem centrum revolvuntur quatuor satellites Jovis, aut quinque satellites Saturni; nec tamen hi ipsi servant regulam. Sic cubus distantiae in primo Jovis satellite ad cubum distantiae in tertio ejus satellite se habet, ut 3. ad 61. & tamen quadratum primi ad quadratum secundi se habet ut 1. ad 29. In comparatione primi satellitis Jovis ad quartum, satellitis Saturni secundi ad quartum, & primi ad quintum, & Veneris ad Jovem eadem falsitas patet. Sit enim in

|  | Cubus. | Cubus. | Quad.  | Quad. |       |
|--|--------|--------|--------|-------|-------|
| $\mathcal{L}$ . 1. ad 3.               | 3.     | :      | 61.    | :     | 29.   |
| $\mathcal{L}$ . 1. ad 4.               | 3.     | :      | 341.   | :     | 161.  |
| $\mathcal{H}$ . 2. ad 4.               | 1.     | :      | 47.    | :     | 147.  |
| $\mathcal{H}$ . 1. ad 5.               | 6.     | :      | 12772. | :     | 3613. |
| $\mathcal{Q}$ . ad $\mathcal{L}$ . 29. |        | :      | 10822. | :     | 5639. |

In his omnibus quartus terminus notabiliter adhuc deficit à regula Keppleriana, ut patet consideranti.

Quod si verò nec iste defectus notabilis tibi videatur, quo aberratur tertia parte quarti termini, ostendo.

Tertio. Regulam Kepplerianam saltem non procedere, quando corpora revolvuntur circa idem centrum in diversis tamen liquidis. Demonstratio est facilis. Regula Keppleriana coincidit cum illa regula Statica, quod potentia æquilibrantes circa idem centrum se habeant ad invicem in ratione reciproca distantiarum. Ita enim vidimus, quod D. Malezius ipsemet regulam Kepplerianam resolvat in hanc regulam Staticam. Jam verò evidens est hanc regulam Staticam fallere, si immergantur potentia seu pondera diversis liquidis v. g. aëri, & aquæ, ut patet ex adjecta figura. Ergo idem dicendum est, si unus Planeta cogatur natate ac circumvolvi in æthere crassiore, alter in subtiliore, prout reipsa in Planetis contingere infra ostendam.

Quartum. Quod demonstratio Maleziana fiat per circulum sic ostendo. Regulam suam Kepplerianam probat ex distantia Saturni à Sole, & hæc ipsa distantia aliter probari non solet nec potest, nisi per regulam Kepplerianam, igitur clarum est, quod idem probetur per idem redeundo per vitiosum circulum. Postulato tertio sic ait: Ita sane conservatur æquilibrium, id patet ab exemplo v. g. inter circumferentiam, quam describit Saturnus, & eam, quam describit Mercurius circa Solem; scitur enim per observationes, celeritatem absolutam Mercurii esse quinquies majorem celeritate absoluta Mercurii, scitur etiam, quod distantia Saturni à Sole sit vigesies quinquies major distantia. Unde quæso Malezius, & per quas observationes scit, tantam & non majorem esse Saturni à Sole distantiam? nempe hoc scit per ipsam regulam Keppleri, & quidem per hanc præcipue. Cum enim Saturnus nullam habeat Parallaxin, & inæqualitas Optica Saturni ex Sole & terra visi planè exigua sit, ut difficulter exinde distantia Saturni determinari possit, ea præcisè probatur per regulam Keppleri, prout fatetur ipse Cassinus in Historia Academiæ Regiæ 1705. Alterum

vitium demonstrationis Malezianæ, quod observat D. Ray Doctor in Universitate Montis Pessulani in scripto inserto actis Trevoltientibus 1726. mense Augusto, & quod non satis purgatur in iidem actis 1727. mense Februario, hoc est, quod Malezius comparationem æquilibrii cælestis faciat cum æquilibrio ponderum, hæc verò comparatio planè nulla est, cum duæ potentia seu pondera tendant secundum lineas directionis oppositas, eaque ipsum centrum in partes oppositas trahant; e contra vires centripetæ vel centrifugæ tendant secundum eandem lineam directionis, nec ullo modo centrum commune secum emovere conentur. In veste, inquit, potentia absolutæ vim suam exerunt, ut ambæ tendant ad terram per duas diversas lineas, quæ vocantur suæ lineæ directionis. Hæc vis tanto major est, quo majus est pondus, & quo remotius est pondus ab hypomochlio. Consequenter, ubi non dantur tales distantia, sicut contingit, quando lineæ directionis transeunt per hypomochlium, ibi non dantur potentia relativæ; ut potentia absolutæ constituent potentias relativæ, requiruntur duo, Primo debent habere. lineas directionis remotas ab hypomochlio. Secundo, debent esse inter se colligatæ ad hypomochlium, seu commune centrum potentiarum absolutarum, in quod vim suam exerunt, ut illud secum trahant secundum lineam quandam mediam diversam à lineis directionis. Jam verò omnes lineæ directionis transeunt per commune centrum, quod Malezius pro hypomochlio constituit: itaque inter has lineas directionis & hoc præteritum hypomochlium nulla datur distantia, quæ possit concurrere ad formandas potentias relativæ. Rursus nullum omnino reperitur punctum suspensionis ad centrum commune circumferentiarum, quia non adhærent huic centro, nec illud centrum in se transfert earum vires centrifugas absolutas, nec eæ ullam vim centro inferunt, ut illud secum abducant secundum lineam mediam inter lineas suæ directionis. Ita D. Ray, cui plenè consentio, cum ipso & Villemotio gravitatem respectivam collocans in ipsis potius Atmosphæris, seu vorticum contignationibus, qualis datur Fig. Sic ut æquilibrium cælorum dependeat ab æqualitate virium centrifugarum aut centripetarum talium Atmosphærarum sibi invicem incumbentium.

Tertium ac maximum demonstrationis hujus vitium est, quod nitatur supposito falsissimo, nempe quod vires centrifugæ sint æquales quadrato celeritatis diviso per diametrum revolutionis. Sit enim aliquod punctum mobile in nostro globo terraqueo, v. g. in aëre, ut nubes aut in aqua v. g. navis. Simile punctum detur in superficie Solis, Veneris, Martis, Jovis. Revolvatur terra circa axem suum intra 24. horas, Venus etiam circa axem intra 24. horas, uti & Mars, Sol verò circa axem moveatur intra 27. dies, uti & Luna circa terram. Præterea Luna moveatur circa axem suum intra 27. dies, & Jupiter intra 9. horas. Erit ergo vis centrifuga talis puncti mobilis in Luna simul ut quadratum suæ velocitatis circa terram diviso per diametrum revolutionis lunaris =  $\frac{116}{27} : \frac{102}{1} = \frac{99}{2756}$ . Et simul eadem vis centrifuga puncti lunaris comparati ad centrum Lunæ erit ut quadratum velocitatis suæ circa centrum Lunæ diviso per diametrum Lunæ, quod cuivis patet esse falsum, cum idem pun-

Fig.  
19.

ctum

Fig.  
75.



cum non possit habere vires centrifugas prorsus diversas. Dein sequetur, quod vis centrifuga in extremo puncto Solis sit ferme eadem, quæ est in extremo puncto Lunæ, quod iterum falsum, cum utique Sol motu suo vertiginis non solum premat materiam lucis, sed & Planetas revolvat, quæ vis non est in Luna. Sequetur etiam, quod vis centrifuga in terra, Venere, Marte sit ferme æqualis, e contra in Saturno tam remoto à Sole sit longè ac incomparabiliter major. Item sequitur quod vis centrifuga puncti in terra, & puncti in Luna se habeat ut 1. ad 10. quod falsum est ex ipsa demonstratione Malearii, qui dicit in Corollario; vires centrifugas se habere in ratione radiorum reciproca; ut proin vis centrifuga in terra deberet esse sexagies major vi centrifuga puncti existentis in Luna. Nugæ ergo sunt, quidquid de his viribus centrifugis, aut Systemate gravitatis à Copernicanis fingitur quintum denique, quod leges gravitatis melius servantur in systemate nostro, quam Copernicano; ex eo probò, quia nos in Planetis servamus easdem leges gravitatis, quas servat natura in nostro globo terraqueo. In natura hac illa graviora sunt, quæ plus habent materiæ sub iisdem dimensionibus; quæ verò habent eandem quantitatem materiæ, quamvis sub diversa magnitudine, pondere æqualia sunt hinc quæ leviora sunt semper rariora sunt. Itaque & Atmosphæra Solis tanto rarior est, quanto levior, & corpus Solis tanto rarius est, quanto Luna levius est. Jam verò mira est hac in re inter Solem & Lunam æquilibrii consentio. Sicut enim se habent ad invicem cubi distantiarum à terra ita se habent ad invicem cubi diametrorum; cubi distantiarum exprimunt soliditatem Atmosphære; cubi diametrorum exprimunt soliditatem corporum in Atmosphæris natantium. Distantia maxima Lunæ à terra est 63. semidiametri terræ. Distantia maxima Solis à terra est 34992 Semidiametri terræ; seu in minoribus terminis, distantia Lunæ à terra est; distantia Solis à terra 570. Semidiameter Lunæ ad terram est ut 133. ad 500. Semidiameter verò terræ ad semidiametrum Solis, ut 1 ad 152. Igitur semidiameter Lunæ ad semidiametrum Solis erit etiam ut 1. ad 570. Igitur evidens est, quod ita se habeat cubus distantiarum  $C$  à  $\theta = 1$ . ad cubum distantiarum Solis à terra  $= 570$  sicut se habet cubus Diametri Lunæ  $= 1$  ad cubum Diametri Solis  $= 570$ . adeoque si Lunæ corpus sic rarefieret, ut haberet magnitudinem Solis, non posset per leges gravitatis alio loco consistere, quam ubi de facto consistit Sol Q. E. D.

## C A P. V.

### An Motus Pendulorum faveat motus terræ.

**W**olfius in suis Elementis Matheseos tria conatur ostendere; 1. quod in hypothesei terræ motæ gravitas corporum versùs Æquatorem debeat decrescere, 2. Quod gravitas corporum versùs Æquatorem actu decrescat. 3. Quod proin consequens sit, moveri terram. Gravitationem autem corporum decrescere versùs Æquatorem, probat ex motu pendulorum, quæ versùs Æquatorem celerius vibrant. In Elem. Astronom. 14. sic ait:

In corporibus mundi totalibus, quæ motu vertiginis gaudent, corporum partialium gravitas versùs Æquatorem cum distantia ab eodem continuo decrescit.

#### Demonstratio.

Dum enim motu vertiginis abripiuntur, à centro corporis totalis recedere conantur; consequenter cum Æquator sit circulus maximus, paralleli autem versùs polos continuo decrescant, vis centrifuga in Æquatore maxima est, in parallelis autem minor, versùsque polum continuo decrescit in ratione diametrorum parallelorum ad Æquatorem. Sed vi gravitatis corpora partialia ad centrum totalis nituntur; adeoque vis centrifuga gravitati contraria quare cum illa huic resistat, (neque enim adversus gravitatem prævalet, quia alias corpora partialia à Centro totalis dispergerentur) descensum gravium retardare debet, maximè quidem Æquatore; minùs verò in parallelis. Patet adeò, gravitatem versùs Æquatorem cum distantia ab eodem continuo decrescere. Q. E. D. *Scholion.* Supponitur nempe vim gravitatis per se esse uniformem, utpote quæ materiæ coherenti proportionalis deprehenditur. *Corollarium.* Quod si adeò tellus motu vertiginis moveatur, gravitas versùs Æquatorem cum distantia locorum ab eodem decrescere, & sub Æquatore minima, sub polis maxima esse debet. Dein Theoremate. 24. concludit. *Ex observationibus constat gravitatem versùs Æquatorem continuo imminui &c.* ac post interjectas alias rationes & observationes: *Igitur constendum necessario, tellurem motu vertiginis cieri.* Observationem probat ibi, observ. 37. §. 530. Richerius, inquit, Anno 1672. in Insula Cayenne quatuor tantum gradibus ab Æquatore distante primus observavit, horologium suum pendulo instructum tardius moveri, quam Parisiis, ita ut pendulum simplex esset contrahendum linea una cum quadrante. Circa Annum 1677. Hallejus reperit horologium suum oscillatorium in Insula S. Helenæ tardius moveri, quam Londini, & pendulum ideo brevius reddere coactus linea una cum semisse. Anno 1682. D. Varin & D. de Hayes longitudinem penduli singulis minutis secundis oscillatoris in Observatorio Regio Parisiensi esse pedum 3. lin. 8.  $\frac{5}{8}$  in Insula verò Gorea ped. 3. lin. 6.  $\frac{5}{8}$ . & in Insulis Quadalupa & Martinica ped. 3. 6.  $\frac{1}{2}$  Anno 1697, D. Couplet Ulyssiponæ pendulum brevius reperit quam Parisiis lineis 2  $\frac{1}{2}$  & Paraibæ lineis 3  $\frac{2}{3}$  Annis 1699. & 1700. de Hayes in Insulis Cayenna & Granada longitudinem penduli ad minuta secunda oscillatoris deprehendit paulò minorem quam ped 3. lin. 6.  $\frac{1}{2}$ . in Insula S. Christophori ped. 3. lin. 6.  $\frac{3}{4}$  in Insula S. Dominici ped 3. lin 7. Anno 1704. P. Feuilleus invenit in Portobelo in America eandem ped 3. lin. 5.  $\frac{1}{2}$  in Insula Martinica ped. 3. lin. 5.  $\frac{1}{4}$  est autem latitudo Paraiba 6.° 38'. ad austrum Portobeli 9.° 33'. ad Boream, Insularum Cayennæ 4.° 55'. Goreæ 14.° 40'. Quadaloupæ 14.° Martinicæ 14.° 44'. Granadæ 12.° 6'. S. Christophori 17.° 19'. S. Dominici, 19.° 48'. ad Boream.



*Corollarium.*

Cum vi harum observationum fuerit sub  
Latitudine 19°. 48. Longitudopenduli 3'. 7.

|         |                    |
|---------|--------------------|
| 17. 19. | 3. 6 $\frac{1}{2}$ |
| 14. —   | 3. 6 $\frac{1}{2}$ |
| 14. 44. | 3. 5 $\frac{1}{2}$ |
| 9. 33.  | 3. 5 $\frac{1}{2}$ |
| 6. 38.  | 3. 4 $\frac{3}{4}$ |
| 4. 55.  | 3. 6 $\frac{1}{2}$ |

Longitudinem penduli ad singula minuta secunda decrescere cum latitudine, manifestum est.

*Coroll. 2.*

Gravitas ergo corporum minor est versus Æquatorem, quam versus Polos, & cum accessu ad eundem constanter decrescit.

*Scholion. 1.*

Patet equidem, quasdam observationes exhibere longitudinem penduli in minori ab Æquatore distantia majorem, quam in majore; cum tamen omnes in eo conveniant, quod in locis Æquatori vicinioribus minor, quam Parisiis existat & pleræque præsertim earum, quæ recentius data opera & majori cum cura institutæ, in decrementum regulare conspirent, veritati Corollarii nostri rudiores illæ minimè obstant.

*Scholion. 2.*

Equidem Cl. de la Hire cum observasset, virgam ferream, quæ hyeme fuerat sex pedum, Soli æstivo expolitam  $\frac{2}{3}$  unius lineæ factam fuisse longiorem, mutationem penduli majori prope Æquatorem calori tribuit. Sed bene jam monuit vir summus Nevvtonus, quia calor Solis æstivi major est calore externarum partium corporis humani; virga autem penduli in horologio oscillatorio similem gradum caloris nunquam concipit, differentiam totam calori attribui non posse. Id quod etiam ita visum est Bernoullio.

Hucusque Wolfium patienter audivimus. Respondeo 1. Falsum esse, gravitatem corporum versus Æquatorem regulariter ac proportionaliter decrescere. 2. In ipsa hypothese diurni motus terræ potius consecuturum, quod gravitas corporum versus Æquatorem cresceret. 2. Decrementum gravitatis in nonnullis locis Æquatori vicinioribus provenire partim à majore calore, partim à majore agitatione aëris, motum penduli aliquamdiu retardantis, aut aliis causis. Singula responsionis membra demonstro.

Primum ex eo demonstro, quia ex certissimis observationibus constat, pendulum sub latitudine 55°. 48. & 43°. habere eandem longitudinem, nempe Uraniburgi, Parisiis, & Bajonæ. Item quia certum est sub latitudine. 40. & 38°. nempe Cayennæ & Ulyssipponæ exigi eandem ferme longitudinem penduli. Ac denique, quia constat, sub majore latitudine quandoque minorem exigi longitudinem penduli. Sic Goreæ sub latitudine 14°. minor debuit esse longitudo, quam Cayennæ.

Secundum ex eo demonstro, quia ex una parte esset æqualis vis centrifuga in descensu & ascensu penduli, ut proin retardatio motus in descensu motus causata per vim centrifugam deberet compensari per accelerationem motus causatam in ascensu motus per eandem vim centrifugam; ex altera parte demonstratum est, gravitatem corporis

circulariter acti tanto esse minorem, quo minor, & propior centro est circulus, in quo revolvitur; ut proin gravia per revolutionem diurnam circa centrum terræ revoluta eo deberent esse leviora, quo minor foret circulus, in quo revolvuntur, qualis haud dubie esset circulus Æquatori parallelus, Polo vicinior.

Tertium ex eo demonstro, quia certum, corpora per calorem extendi, eorum gravitatem minui, & pendula in aëre, vel aqua irrequietis tardius moveri. Hinc & virga penduli prope Tropicos extendi, & pondus illi appensum minui, aut ab irrequieto aëre intra Tropicos ob actionem perpetuam subtilis materiæ in motu suo retardari potest. Signa horum sunt, quod virga ferrea 3. pedum ex frigore calori æstivo exposita creverit  $\frac{2}{3}$  unius lineæ; & quod gravia in æstate minus ponderent, quam in hyeme, & quod pendula de nocte celerius moveantur, quam de die.

*Circa Primum.* Historia Acade. Reg. 1700. sic habet: D. de Hayes ex America redux non solum confirmat observationem Richerii, quod pendula pro minutis secundis vibrantia debeant contrahi versus Æquatorem, sed etiam relinquit locum conjecturæ, illud adhuc magis contrahendum esse, quam contraxerat Richerius, qui fortè territus, novitate rei non fidebat suæ observationi, sed aliquid illi detraxit.

D. Coupletus Junior ex Lusitania & Brasilia redux convenit cum D. de Hayes, pendula adhuc magis, quam Richerius fecerat, versus Æquatorem contrahenda esse. Pendulum pro secundis secundum motum medium Parisiis longum est 3. ped. 8. lin.  $\frac{2}{3}$ . Richerius, cum esset Cayennæ ad quartum gradum latitudinis, reperit, illud pendulum pro secundis debere esse brevius 1. lin.  $\frac{1}{4}$ . D. Coupletus Ulyssipponæ, cujus latitudo ex ejus observationibus est 38°. 45'. 46". illud reperit decurrandum fuisse 2. lin.  $\frac{1}{2}$ . hoc est, brevius omnino quam Cayennæ. & Paraybæ, quæ est urbs Brasiliæ, cujus latitudo juxta ipsum est 60. 38' 18". ex altera parte Æquatoris, reperit pendulum curtius esse debere 3. lin.  $\frac{2}{3}$ . Cum autem operationes necessariae pro determinanda longitudine pendulorum longæ sint, & subtiles, atque exigant instrumenta accurata, ac majora, quam quibus D. Coupletus usus est, nondum his præcisè mensuris fiendum est.

In Memoriis ejusdem anni ipsi D. Coupletus suarum operationum modum recenset.

Antequam discederem Lutetiis, inquit, regulabam in Observatorio Regio meum horologium secundum motum medium, mense Augusto 1697. in eo statu illud tempore satis longo reliqui, ut de eo essem certior. Postquam illud in eo statu reliqueram, mense Novembri motum illi reddidi Ulyssipponæ, ubi observavi, quod intra 24. horas tardaverit 2'. 13". Cum autem elevando pondus penduli, quantum elevari poterat, non acceleraret motum, nisi uno tantum minuto, quod adhuc non sufficiebat, decurtavi pendulum, & factis variis tentaminibus deprehendi, pendulum Horologii Ulyssipponæ curtius esse debere 2. lin.  $\frac{1}{2}$ . Quando veni Paraybam mense Martio 1698. prima mea cura erat, ut regularem meum horologium, illiq; conciliarem motum medium ab initio constitui pendulum in eo statu, in quo

D dd dd

erat



erat Parisiis. Postquam illi motum medium conciliavi, reperi, quod intra 24. horas secundum motum medium tardaretur 4'. 12". decurtavi igitur pendulum repetitis vicibus, ac tandem, postquam illud regulaveram secundum motum medium, agnovi, quod pendulum Paraibæ curtius esse deberet, quam Parisiis 3. lin.  $\frac{2}{3}$ . Dein in horologio in eo statu posui, in quo erat Ulyssipponæ, & observavi, quod secundum motum medium intra 24. horas Paraibæ tardaret 2'. 5". Feci innumeras alias observationes Physicas, quæ tamen omnes cum meis instrumentis & documentis perierunt naufragio. Hæ solæ in litteris, quas durante itinere ad Cassinum, & Bagnonium dederam, relictæ sunt.

In Memoriis Acad. Reg. 1703. de mutatione pendulorum de la Hire sic discurret.

Astronomi, qui magnam susceperunt curam pro regulandis suis pendulis secundorum ex astrorum motu, in iis observant inæqualitates quasdam, quas necdum ad ullam certam regulam revocare potuerunt. Feci aliquas animadvertiones circa has inæqualitates 1700. & inter alia Academia feci relationem de exigua lamina elastica, quam substitui filo serico protenendo pendulo; nam, dum crederem, talem laminam non ita fore obnoxiam alterationi ex humiditate aëris, sperabam vibrationes penduli magis æquales. Verum tandem deprehendi, mihi denuo sericum laminæ loco substituendum esse, quia longè majores inæqualitates deprehendi, quam prius. Ac postea reperi, horologium satis accurate quandoque progredi, ita ut intra quatuor dies nonnunquam vix uno secundo aberraret, intra quod tempus pendulum peragebat 345600. vibrationes. Interdum autem observavi, intra unicum etiam diem notabiles intercedere mutationes, quæ turbare possent observatorem etiam exactum, & exercere Philosophum ad quærendam causam, quæ haud dubiè est Physica.

Diversus status aëris mihi videtur unica causa, quæ possit mutare motum pendulorum. Aër aut est frigidus, aut calidus; siccus aut humidus, levis aut gravis, rarus aut crassus seu densus, omnes hæ differentiæ, maxime quando secundum diversos gradus permiscuntur, possunt inducere magnam diversitatem motui horologii. Ut melius intelligatur effectus consideremus, has diversas causas in particulari.

Primum suppono, quod, si Cyclois secundum regulas Hugenii exactè elaborata sit, id, quod potest accelerare aut retardare motum rotarum, non possit afferre ullam mutationem horologio: quia in tali suppositione nil aliud contingere poterit, quam ut vibrationes sint longiores, aut curtiores, quæ tamen omnes erunt Isochronæ, seu æqualis durationis. Sic quamvis frigus aliquo modo fixius reddere possit oleum axibus rotarum inunctum, sicque faciat, ut earum motus sit difficilior quam tempore calido, quo oleum est liquidius, & consequenter vibrationes sint curtiores, non tamen erunt minoris durationis, quam vibrationes longiores, cum per figuram cycloidalem rectificatæ sint. Similiter humiditas cohærens rotis & dentibus poterit causare eundem effectum, absque eo, quod proveniat inæqualitas in motu. Verum, quamvis figura cycloi-

dalit sit figura necessaria ad hoc, ut vibrationes longiores, aut curtiores sint Isochronæ, id tamen locum habere non potest, nisi filium suspensionis nullam omnino habeat densitatem, aut crassitudinem, quod tamen in executione impossibile est. Si consideretur diversus status aëris relatè ad solum pendulum, & non relatè ad rotas horologii, tam diversas recipit mutationes, aut vix una etiam hora constantem æqualitatem servare possit. Calor Solis æstivi vestem ferream 6. pedum longitudine  $\frac{2}{3}$  unius lineæ longiorem reddit, quam erat in hyeme, prout experientia exactissimè reperi; hinc isti duo diversi status aëris longitudinem penduli 3. ped. 8. lin.  $\frac{2}{3}$  possent mutare  $\frac{1}{3}$  lineæ, quod in motu penduli per diem induceret mutationem 32" verum quia hic casus solum contingit, quando horologium est expositum aeri & Soli in his anni partibus, quod ordinariè non solet fieri, plerumque non observatur tam magna mutatio. Magna mutatio caloris intra unum diem, & intra noctem poterit sic extendere aut contrahere virgam penduli, ut acceleret vel retardet motum horologii aliquot minutis secundis, prout etiam subim observamus, quod ex hac sola causa evenire potest. Hinc horologia pro observationibus destinata collocari debent in loco, in quo ab omni aëris injuria secuta sunt. Humiditas, siccitas, densitas, & raritas aeris possunt etiam causare notabilem mutationem in pendulo. nam quando aër est humidus, id est, quando est repletus innumeris particulis aquæ in eo suspensis, aut quando est densus & crassus, pendulum majorem habet difficultatem in eo pertranseundo & dividendo, adeoque videtur, ejus vibrationes tunc majorem facturæ moram, quam si esset siccus aut rarus. Scio per experientiam, quod pluma levissima in tubo, ex quo aër exhaustus est, ferme tanta celeritate, quàm aliàs lapis, decidat. Ne autem quidquam præcipitius agerem in eare, in qua licet judicare per experientiam, censui, notabilem fore differentiam motus penduli in libero aëre, & in aqua, supposito, quod humiditas aëris pendulo aliquam saltem mutationem adderet. Itaque feci mihi pendulum semisecundorum, in quo suspensi globum plumbeum duarum unciarum. Globum hunc suspensi filo libero, eique motum impressi in aqua continuandum. Statim adverti, quod vibrationes majores brevi decurtarentur, & quod quod motus sensibilibiter retardaretur post unum minutum & paulo plus. Verum cum sperarem, has vibrationes in aqua saltem peragendas intra minutum secundum, quæ in libero aëre dabant semisecundum, mirabar has æquè celeriter peragi, ac in libero aëre, ut eas exactè mensurarem, numerari jussi vibrationes horologii secundorum durante uno minuto; eodem tempore numeravi vibrationes penduli semisecundorum in aqua vasis plani, in qua globus uno dimidio pollice circiter immersus erat, & repetitis pluribus experientiis reperi, quod pendulum in aqua fecerit 112. vibrationes, loco 120. vibrationum, quas peregisset in libero aëre intra unum minutum.

Idem experimentum institui simplici pendulo secundorum, cujus globus plumbeus erat 5. unciarum, & reperi sicut in priori experimento, quod majores vibrationes exiguo planè tempore duraverint



rint, pendulumque post duorum minutorum intervallum ferè penitus substitit. Sed in aqua non peragebat, nisi tantum 14 vibrationes, dum interea pendulum horologii 120 intra duo minuta absolverit. Itaque retardatio per aquam pendulo causata intra minutum erat 3". optabam quidem ut ex observatione discerem, quanta esset differentia vibrationum in aqua & aere intra 20' vel 30', sed non licebat eousque progredi. quia pendulum secundorum intra minutum perdit 3", intra diem consequenter perderet 4320". sed si supponamus, hanc diminutionem motus penduli provenire à densitate medii & si aer densitatem suam habet per pondus, quod illi incumbit, non attendendo ad particulas heterogeneas aquæ immixtas sequeretur; quòd si aeris gravitas solum mutatur una parte 28<sup>a</sup> prout communiter observatur in Barometro, 28<sup>a</sup> pars numeri 4320" retardationis penduli in aqua per diem foret 154" secundum hos diversos status aeris. Verum nunquam tanta diversitas in pendulis observata est. Itaque dicendum est, diversa pondera, quibus aer redditur gravior vel non esse causam hujus densitatis diversæ, vel has diversas densitates aeris non esse causam eorundem effectuum in pendulo, quorum causa est densitas aquæ, hoc fortè provenit à diversa configuratione partium aquæ & aeris; quia nempe partes aeris quamvis arcè inter se unitæ, facile tamen possunt separari ab invicem, cum e contra partes aquæ difficile à se invicem separari possint. Addi adhuc meretur, quòd vibrationes ultimæ in aqua, ut sunt curtissimæ, sic sint omnium celerrimæ. Ex hoc autem sequitur quòd etiam si aer sit plenus particulis aquæ, non tamen exindè pendulum notabilem retardationem passurum sit; quia cum particule aquæ per particulas aeris ab invicem separatæ sint, facile etiam dividi poterunt. Sed quamvis particule aquæ non causent notabilem retardationem in motu penduli ex difficultate separationis, possunt tamen causare notabilem mutationem ex alia ratione. Quando aer ficus incipit fieri humidus, clarum est, quòd ingens quantitas particularum aquæ debeat inharere ad superficiem virgæ & ponderis in pendulo; immò quòd aliquantulum etiam possint penetrare in ipsam virgam & pondus; consequenter se habebunt instar indumenti respectu virgæ & ponderis, & sic centrum oscillationis erit aliud, quam quod prius erat præcisè respectu virgæ & ponderis, itaque mutato centro oscillationis nec duratio erit eadem, quæ prius fuerat. Huic malo cautio adhiberi posset, si virga esset planè minimæ densitatis & ubique homogenea. Quod si & Cyclois, non exacta fuerit, novæ irregularitates pendulo enasci possent, in quantum ex vibrationibus nimis longis vel curtis novæ prodirent combinationes cum prioribus causis mutationum.

Quod attinet diversam longitudinem pendulorum quoad diversa climata meretur observari, quòd D. Picard Uraniburgi, & Bayonæ ubi simul cum eo fueram, longitudinem penduli simplicis secundorum eandem fuisse observaverit, quæ est Parisiis magnam huic observationi attentionem Bayonæ attulimus, quia ejus meminimus, quòd Richerius Cayennæ observaverat. Uraniburgum & Boyona distant ab invicem secundum latitudinem 12.º inter Cayennam verò

*R. D. Euseb. Amor Philosophia.*

& Bayonam differentia latitudinum est 38.º nam Cayenna sita est propè ad 5.º latitudinis. Ex hoc sequeretur, differentiam primæ triplam daturam diminutionem longitudinis  $\frac{3}{2}$  lineæ Undè concludendum, differentiam talis longitudinis in pendulo tantum fieri sensibilem, ubi propius ad Equatorem acceditur. Pluribus postea annis DD. Varin. des Hayes, de Glos missi sunt verus Equatorem pro instituendis quibusdam observationibus Astronomicis: hi in Insula Goree, quæ est ad gradum 14.º latitudinis Borealis, longitudinem penduli simplicis secundorum minorem esse debere repperunt 2. lineis quàm in Gallia. Observationes Cayennæ & Goreæ institutæ sine omni prorsus dubio sunt exactissimæ & certissimæ prout patet ex circumstantiis nobis relatis; si tamen quis voluisset argumentari ex longitudine Cayennensi ad longitudinem Goreanam, debuisset concludere, longitudinem Goreanam Parisiensi minorem esse tantum  $\frac{3}{4}$  unius lineæ; observatio tamen dat illam 2. linearum: e contra si quis ex Goreana voluisset argumentari ad Cayennensem, debuisset eam concludere 3. linearum; ea tamen tantum inventa est  $\frac{5}{4}$  unius lineæ.

Hæ differentia longitudinum penduli nullatenus conveniunt cum hypothesi, quam habet D. Mariotte in suo *Traité du mouvement des Eaux.* & Hugenius in suo *Traité de la lumiere* alia proin causa quærenda sunt, ut explicari possit, cur longitudo penduli eadem sit sub latitudine 55.º  $\frac{1}{4}$  & 43.º  $\frac{1}{2}$  & cur sub latitudine 14.º  $\frac{2}{3}$  sit minor 2. lineis, sub latitudine autem 5.º tantum  $\frac{1}{4}$  lineæ, an non suspicari liceat, hanc differentiam non esse realem, sed solum apparentem, eamque solum provenire à mensura; qua usi sunt verissimum est enim, quòd metalla & omnia corpora notabiliter extendantur per calorem, frigore verò contrahantur, D. Picardus dicit: quòd in mensura unius pedis observaverit extensionem  $\frac{1}{4}$  lineæ; adeoque in longitudine penduli 3. pedum observasset extensionem  $\frac{3}{4}$  lineæ; quamvis ego tantum eam reperi  $\frac{1}{4}$  lineæ. Diversitas provenire potest ex eo, quia D. Picardus corpus prius frigori expositum apposuit igni, cum ego illud tantum Soli activo exposuerim. Dici ergo potest, quòd versus Equatorem & intra Tropicos, ubi calores sunt intensissimi, metalla extentantur & prolongentur notabiliter, & magis, quam solet fieri in his Regionibus, idque fortasse ob causam magis particularem, nempe ob vapores & exhalationes, quæ subeunt poros metallorum, & quæ ut aliudè constat in illo climate sunt penetrantissimæ; id etiam magis fieri potest uno anni tempore, quàm alio, aut in uno loco potius, quàm alio. Hinc causa ista extensionis, quæ in nostris Regionibus non sunt notabiles, possunt esse diversæ Goreæ, & Cayennæ, & in diversis anni partibus; creditur enim versus Tropicos majorem esse calorem, quàm sub Equatore. Itaque si virga ferrea 3. pedum mensuræ Parisiensis mensurata Parisiis ante abitum Richerii prolongata est Cayennæ  $\frac{5}{4}$  lineæ, revera longitudinem penduli simplicis secundorum mensuram illa virga ferrea repperit debuit minorem  $\frac{1}{4}$  quamvis reipsa habuerit

Dd ddd 2

eandem



eandem longitudinem utrinque similiter si Goreæ eadem mensura fuit prolongata 2. lineis quàm erat Parisiis, longitudo penduli simplicis secundorum curtior apparere debuit 2. lineis, quàm Parisiis. Hoc est, quod mihi videtur verosimillimum in hac re.

Hucusque de la Hire. Ea confirmantur ex observatione P. Fevilleé, Ordinis Minimorum, quæ recensetur in Actis Acad. Reg. 1708. his verbis P. Fevilles durante sua mansione Portobeli per tres menses se impendit quærendæ longitudini penduli ad hunc finem suspendit globum sclopedi filo, & toto hoc tempore majorem diei partem impendit, ut illius vibrationes compararet cum vibrationibus penduli, quod secum Parisiis attulerat, reperit longitudinem penduli ex centro globi sumptam 3. pedum  $57\frac{1}{2}$  lineæ perfecte convenire cum motu medio. Juxta hanc ergo observationem longitudo penduli Portobeli minor est circiter 3. lineis, quàm Parisiis, &  $1\frac{3}{4}$  lineæ, quàm Cayennæ, ubi eam 1672 observavit Richerius, quamvis illa insula 4. aut 5 gradibus sit Æquatori vicinior, quàm Portobelum cujus latitudo ex observatione P. Fevilleé est  $9^{\circ} 33'$  longitudo penduli etiam tantum differt 1. lineæ à longitudine, quæ observata est 1682. Goreæ est 3. pedum  $6\frac{5}{8}$  lineæ, & Quadaloupæ 3. ped.  $6\frac{1}{2}$  lin. Item P. Fevilleé Martinicæ, cujus latitudinem observavit  $14^{\circ} 43'$ . reperit præfato modo longitudinem penduli 3. ped.  $57\frac{1}{2}$  lineæ, adeoque  $\frac{1}{2}$  unius lineæ majorem, quàm Portobeli.

Itaque jam abundè demonstrata est prima pars responsionis, quòd decrementum penduli ac gravitatis non sit regulare ac proportionale distantia ab Æquatore Q.E.D. Itaque fallitur & fallit Wolfius etiam in iis, quæ methodo Mathematica putat esse demonstrata.

Alterum responsionis membrum erat, ut dicam, etiam in hypothesi terræ non secuturum decrementum gravitatis versùs Æquatorem. Demonstrationem geminam non meis, sed virorum Doctissimorum de la Hiri, & Varignonii verbis subjicio, in Actis Acad. Reg. de la Hire 1703. sic habet!

Examen demonstrationis DD. Mariotti & Hugenii, quam afferunt de diversa longitudine pendulorum simplicium in diversis terræ partibus.

D. Mariottus statum quæstionis unicè in eo versari putat, utrum corpora lentius decendant sub æquinoctiali, quàm alibi, & utrum proportionaliter juxta diversum accessum ad polos celerius decendant. Hoc autem intendit probare in suo tractatu, du mouvement des eaux, supponendo motum terræ diurnum circa axem.

Dicit, quòd motus terræ imprimat aeri vim recedendi ab axe, & quidem celeritate proportionali ad suum motum: cum autem motus ille major sit versùs Æquatorem, quàm versùs polos, etiam vim recedendi ab axe dicit esse majorem versùs Æquatorem, quàm versùs polos & hinc evenire vult, ut corpora quæ sunt in aere versùs Æquatorem fortius repellantur à terra, quàm versùs polos, ex quo fiet, quòd impediuntur in suo lapsu.

Hæc ratiocinatio Mariotti fundatur in eo, quòd supponat, aerem terræ circumfluum motu terræ diurno repelli. Ad hoc credendum fortè inductus est experientiâ illâ vulgatâ, qua aer per lineam ad corpus perpendicularem repellitur, quando corpus

irregularis superficiæ in aere circumagitur. Verùm, ut mihi videtur, non potest idem contingere circa motum terræ diurnum. nam in primis nimis parum reperitur terrarum in globo terraqueo comparatione facta ad superficiem æqualem marium. ut possit inæqualitas terræ aerem perpendiculariter repellere. Quòd si tamen contingeret, motus solus terrestris superficiæ, non verò æquorei, aeri communicaret tantam motus celeritatem, quantam ipsa haberet; hoc verò posito jam daretur ventus Orientalis in Occidentem fortissimus, cui nullus alius ventus resistere posset ortus ex causis particularibus. Verum quidem est, intra Tropicos sentiri aliquem motum aeris ab Oriente in Occidentem, sed frequenter etiam dantur magnæ malaciæ adeoque aliundè illius motus causæ, quàm ex motu terræ, repeti debent. Dein qualis est proportio inter celeritatem illius venti, & celeritatem terræ, quæ intra diem absolvit 9000. milliaria Gallica.

Itaque alii consentiunt, Atmosphæram aeris cum terra constituere unum, idemque corpus, adeoque illam ex suppositione motus diurni simul cum terra revolvi. Ex quo sequitur, quòd lapis, qui in tali Atmosphæra decideret, nullam reciperet impressionem à terra. sicut contingeret globo plumbeo, immisso in vas aqua plenum, dum interim vas transferretur motu Horizontali celerissimo: nemo enim dubitat, globum plumbeum ad idem vasis punctum descensurum, quò descenderet, si vas quiesceret, quia revera aqua in vase contenta quiescit tam respectu totius massæ, quàm respectu laterum, quæ moventur.

Quòd si autem fieri posset, aerem ex motu terræ à centro expelli, prout Mariottus supponit, sive per modum tangentis ex Oriente in Occidentem, sive per modum radii tendentis à centro ad circumferentiam, sequeretur eo ipso, pendulum tanto opere fore accelerandum in ascensu, quantum retardaretur in descensu, & tantopere accelerandum tendendo in Occidentem, quantum retardaretur tendendo in Orientem. Adeoque ex hoc motu terræ nulla fieret mutatio in motu penduli.

Tandem si omnia concederentur Mariotto, quòd petit; sequeretur ex ejus hypothese, quòd secundum majorem propinquitatem ad polum augmentatio motus quoad celeritatem semper deberet esse major, quàm versùs Æquatorem; quia hæc augmentatio foret in ratione diminutionis materiæ, quæ foret secundum sinus complementi latitudinis, qui deficiunt sensibilibus accedendo ad polos, quàm accedendo ad Æquatorem. Atqui hoc est contra observationem Bayonæ & Uraniburgi factam & contra irregularitatem Cayennæ & Goreæ repertam.

Quod attinet Hugenium, qui suum tractatum de la lumiere primùm aliquot annis post editum Mariotti tractatum de mouvement des eaux edidit, dicit, quòd illud experimentum Richerii indubitatum argumentum sit corpora lentius circa Æquatorem descendere, quàm in Gallia, quòd ipsum etiam Mariottus supposuit. Pro sua demonstratione addit; quod statim, ubi ad ipsum de hoc experimento relatum est, agnovit, causam esse motum terræ, qui major est versùs Æquatorem, adeoque exinde corpora majori vi à centro repelli, ut si aliquam suæ gravitatis partem amittant. Ex his ejus verbis facile intelligitur, ab eodem Mariotti hypothesin adoptatam esse nam & postea quan-



quantitatem diminutionis talium virium determinat ex suo theoremate 3. de vi centrifuga. igitur omnia argumenta, quæ contra Mariottum attuli, etiam contra ipsum applicari possunt. Itaque hujus effectus alia causa est, quæ non dependet ex motu terræ.

Altera demonstratio, nempe Varignonii, inserta Actis Acad. Reg. 1707, qua ostendit, gravitatem corporum in hypothesi terræ motæ decrescere debere versùs polos: est hæc:

Incompatibilitas Geometrica diurni motus terræ cum principio Galilei circa gravitatem.

Galileus supponit, gravitatem esse vim quandam constantem ac semper eandem (prout vidimus supponere Wolfium) secundum quam descensus gravium se habet in ratione quadrati temporum in motu pariter diurno terræ supponitur. non solum terram moveri circa suum centrum uniformiter, sed etiam per hunc motum revolvitur Atmosphæram celeritate proportionali ad distantiam cujuslibet partis aeris à centro.

fig. 76 Juxta hanc ergo hypothesin decidat corpus A versùs terram, cujus centrum est C. hoc corpus simul revolutum circa centrum ex A versùs N describet curvam ALM, sic, ut arcus AT accipiat pro tempore, quod corpus impendit, dum ex A decidit in L. Altitudines decursæ TL vel AB si nempe describatur ex centro C arcus LB, debent se habere ut quadrata AT, hoc est, TL = AT. AT & hoc vi gravitatis constantis ac semper ejusdem, quæ perpetuò tendit versùs centrum C.

Jam verò dico, hoc esse impossibile, vocetur enim AC, a. AT, t. & CL, y. erit t. = Va - y, seu t = V ap - py, si nempe p sumatur pro unitate. consequenter  $\frac{dt}{dt} = \frac{-p dy}{2Vap - py}$ , seu  $\frac{dt}{dt} = \frac{p dy}{4ap - 4py}$   $\frac{p dy}{4a - 4y}$  seu  $\frac{dy}{dy} = \frac{4a - 4y}{p}$

Quod si Ct. Concipiatur infinitè propinqua ad CT, cum exigno radiol R descripto ex centro C, vocetur Rl, dx, & Ll, ds, erit igitur.

Ct (a). Cl (y): : Tt (dt). Rl (dx) =  $\frac{y dt}{a}$  consequenter etiam  $dx^2 = \frac{yy dt^2}{aa}$  igitur  $ds^2 (dy^2 + dx^2)$

$= \frac{4a - 4y}{p} \cdot \frac{dt^2 + yy dt^2}{aa} = \frac{4a^3 - 4aay + ppy \cdot dt^2}{aap}$

igitur, si dt supponatur esse constans, ds ds = ppy -  $\frac{2aa dy}{aap} \cdot dt^2$  consequenter  $2dy ds^2 - y ds ds^2 =$

$\frac{8a^3 - 8aay + 2ppy - ppy + 2aay}{aap} \cdot dy dt^2 = 8a^3$

$\frac{6aay + ppy}{aap} \cdot dy dt^2$

Jam verò juxta quartam regulam generalem virium centralium, insertam Actis Acad. Reg. 1701, sumatur AT, quod vocatur ibi DQ = 2, pro tempore (t) impenso, dum corpus decurrit AL, aut decidit ex AT vel AB. erit tunc  $\frac{ds}{ds} = \frac{dt}{dt}$ , & consequenter  $\frac{ds}{ds}$  constans, seu  $\frac{ds}{ds} = 0$  hæc formula tunc poterit permutari cum hac  $f = \frac{2dy ds^2 - y ds ds^2}{y dy dt^2}$

f exprimet vires cenrrales, seu gravitatem, per quam corpus decidit ex A in L tendendo semper ad centrum C igitur hæc gravitas erit  $f = 8a^3 - \frac{6aay + ppy}{aapy} \cdot x dy dt^2 = \frac{8a^3 - 6aay + ppy}{aapy}$  hoc est, erit

variabilis sicut hæc fractio; dum econtrà in hypothesi Galilei deberet esse constans, ac semper eadem itaque hæc hypothesi Galilei non convenit cum motu terræ. Q. E. D.

Corollarium. ut verò illud procederet, deberet centrum terræ infinitè esse remotum, quia tunc CL (y) foret æquale ad AC (a) & ppy nihil respectu ad  $8a^3 - 6aay$ , & sic haberetur  $f = \frac{8a^3}{pa^3}$

$= \frac{2}{p}$ , quod effectivè est constans. sed tunc terra non moveretur circa suum centrum; quia linea ATN fieret linea recta. itaque hypothesi Cartesii quoad gravitatem non convenit rigorosè, nisi tantum cum hypothesi terræ immobilis, aut saltem præcisè quoad sensum cum motu diurno hujus nostræ terræ.

Scholion. Ratio hujus varietatis provenit ex eo, quia revolutio terræ diurna simul revolvit corpus grave, sicque non permittit illi omnem gravitatem, quam haberet, si liberè sine omni obstaculo linea recta AC in terram immobilem decideret. Sit enim LD perpendicularis ad L supra CT; ea attingat Ct in D. ex D sit parallela DE ad LC, quæ in E attingat tangentem LE; hoc ipsa attingatur in F per Ct. ex F fiat parallela ad LD, nempe FG, quæ attingat DE in G. Hoc posito manifestum est, quod si corpus L describens curvam ALM, relinqueretur sibi ipsi in L hoc est, si relinqueretur à viribus centralibus tendentibus versùs C secundum lineam TC, dum radius circumagoretur ex A in N circa centrum C, & dum ipsum describeret curvam AL, sequeretur tangentem LE curvæ in L, & quidem celeritate uniformi & æquali ad illam, quam haberet in eo puncto curvæ; ea verò celeritas resultaret ex viribus totalibus acquisitis sequendo LC ab A usque in L, & ex viribus suæ rationis sequendo LD. sic celeritas sequendo LE foret ad quamlibet harum resultantium virium seorsim sumptarum ut LE ad quamlibet ex rectis DE, LD, quæ sunt earum directiones, itaque sumendo LE pro expressione celeritatis corporis in L sequendo tangentem LE, erit LD celeritas rotationis in L circa centrum, & DE erit celeritas in puncto L sequendo LC.

Si verò consideremus, quod cum CT est in Ct, vis sequendo DE aut LC, quæ suas vires conjungendo cum viribus rotationis sequendo LD percurrisset LE in instanti Tt, videlicet in corpore L. relicto sibi metipso in L, se mutet in aliam vim sequendo DF, quæ se conjungendo cum viribus rotationis sequendo LD, non permittit mobili amplius aliud, quam ut percurrat LF durante hoc instanti; patebit, quod ejus celeritas sequendo DE vel LC mutetur etiam in aliam celeritatem sequendo DF seu LD, quæ ad illam se habebit, ut DF ad DE: & sic diminutio primæ celeritatis ibi facta sequendo DE vel LC, erit ad eandem celeritatem, ut GE ad DE, & ea in quam mutatur sequendo DF aut LC, erit ut GE ad DF. Sed quia ob triangula similia LDE, FGE, & FDG DCL, fit GE. DE :: FG. LD :: FD. DC, & cum FD. fit infinitè parvum primi generis respectu DC, erit etiam GE infinitè parvum primi generis respectu DE, hoc est, prima infinitesima ad DE. igitur diminutio celeritatis versùs C, quam mobile facit sequendo DF vel DC per mutationem directionis LC in DC, debet etiam esse infinitesima primi generis

D d d d 3 neris



neris respectu ejus directionis, quam habuisset mobile sequendo LC, itaque supposito, quod hæc sit finita, diminutio instantanea celeritatis debet respectu illius esse infinitè parvum primi generis, & sic causare diminutionem celeritatis finitam tempore finito. Q. E. D.

Itaque ex his apparet, hæc tria esse incompatibilia geometricè: 1. Terram revolvi circa centrum eo modo, ut idem descensus fiat vi gravitatis agentis successivè sequendo diversas directiones non parallelas inter se. 2. Gravitationem esse vim constantem. 3. Altitudines decursas se habere ut quadrata temporum. Hucusque Varignonius. Ex quo sequitur, prout in Historia Acad. Eiusdem anni annotatur, quod gravitas corporum semper decreseat, secundum quod magis appropinquat ad centrum terræ.

Restat tertium, ut ostendam, pendulum etiam sine motu diurno terræ sub Equatore posse retardari in motu. Primum enim potest dici, quod calor sub Tropicis sit sextuplo, aut octuplo major, quam in nostris Regionibus saltem respectu metallorum. Cum enim pori metallorum sint arctiores corpore humano aut aliis liquidis possunt etiam per illum calorem magis extendi. 2. Potest dici: alia sub Tropicis esse penetrantiora, ut sic facilius subeant poros metallorum, eaque mediante calore magis distendant. 3. Potest dici: quod sub Tropicis dissolvantur ope caloris, plurimæ partes metallorum, quæ partim in poris latuerant, aut ipsum metallum constituerant. sic fiet, ut minuaturs pondus metallorum. ipse enim Wolfius in suis experimentis de gravitate corporum ostendit, corpora in æstate esse leviora, quam in hyeme. 4. Potest dici: aerem sub Tropicis esse magis irrequietum ob majorem activitatem perpetuam subtilis materiæ; hinc mirum non est, quod pendulum in suo motu retardetur. S. Potest dici: subtilem materiam sub Tropicis à summo cælorum in terras depulsam fortius reflecti à terra, & sic etiam eodem modo minui gravitatem pendulorum, quo modo Adversarii dicunt, eam minui à viribus centrifugis terræ, est enim eadem vis subtilis materiæ reflexæ, & à centro expulsæ.

## CAP. VI.

*An Stationes, retrogradationes, & alii motus Planetarum non possint convenienter explicari sine motu terræ?*

**I**Nter præcipua argumenta Copernicanorum est, quod stationes, & retrogradationes Planetarum & alii motus Planetarum non possint explicari per causam aliquam Physicam, sicut explicari possunt in Systemate Copernicano. Ut hoc argumentum ejusque vis melius intelligatur, videamus duo 1. Quomodo Planetæ fiant stationarii, & retrogradi, 2. Quomodo ii motus explicentur à Copernicanis.

Itaque notandum. 1. Omnes Planetas motu suo proprio tendere ab Occaso in Orientem. 2. Motus hic ab Occidente in Orientem vocatur motus directus. 3. In hoc motu non semper pergunt, sed aliquando stant, aliquando etiam omnino revertuntur; ob quod vocantur stationarii aut retrogradi. 4. Planetæ superiores ☿ ♀ ☿ sunt retrogradi circa oppositionem cum Sole; Planetæ inferiores ♄ & ♃

sunt retrogradi circa conjunctionem cum Sole. ☿ Saturnus sit stationarius ante oppositionem & post oppositionem cum Sole, tunc nempe, quando ante oppositionem distat à Sole 74.° post oppositionem verò, quando ab oppositione distat 77.° prout videri potest in Ephemeridibus Bononiensibus. 6. Jupiter similiter sit stationarius tam ante oppositionem cum Sole, quam post oppositionem; sed ante oppositionem tunc, quando ab oppositione adhuc distat 66.° post oppositionem, quando ab oppositione adhuc distat 65.° 7. Mars sit stationarius tam ante oppositionem quam post oppositionem, sed ante oppositionem tunc, quando ab oppositione adhuc distat 48.° post oppositionem verò quando ab illa distat 50.° 8. Itaque Saturnus stationarius ante oppositionem manet 5. Post oppositionem 6. diebus. Jupiter post & ante oppositionem manet stationarius tribus vel quatuor diebus. Mars tam ante quam post oppositionem manet stationarius 3. diebus. 9. Saturnus, Jupiter & Mars ab una statione ad alteram perpetuò sunt retrogradi. Adeoque Saturnus est retrogradus diebus 136. Jupiter 120, Mars 80 10. Retrogradatio Saturni, Jovis & Martis celerissima est in ipsa oppositione nempe aliquot diebus ante & post oppositionem; semperque proportionaliter celerior est, quò sunt propinquiore oppositioni 11. Saturnus aliquot diebus circa oppositionem maxima retrogradatione uno die regreditur 5' Jupiter 8' Mars 23'. & hæc quantitas successivè decrescit usque ad duos terminos stationum. 12. Hinc Jupiter retrogradiendo per 120. dies majorem conficit viam & arcum, quam Saturnus retrogradiendo per 136. dies & Mars retrogradiendo per 80. dies majorem conficit arcum, quam Jupiter retrogradiendo per 120. dies. 13. Motus directus Saturni, Jovis, & Martis est celerissimus in conjunctione cum Sole. tunc enim motus directus Saturni singulis diebus est 8', Jovis 14'. Martis 45', 16 Venus & Mercurius sunt stationarii in sua distantia à Sole maxima, quando videlicet Venus distat à Sole 47.° Mercurius 28.° sive ea distantia à Sole sit in Orientem, sive in Occidentem. 14. Statio Veneris tantum durat 1. die Mercurii verò vix dimidio die. 15. Retrogradatio Veneris durat 44. diebus Mercurii 22. 16. Fit in conjunctione cum Sole. En ! fideliter retuli proprietates motuum valde irregularium in Planetis, videamus, quam concinnè & eleganter eos explicent Copernicani.

Wolfius in suis Elementis Astronomiæ ea sic explicat. *Theorema. 15.* Si terra motu annuo circa Solem feratur, Planetæ inferiores, Venus & Mercurius intra anni spatium una cum Sole circa ipsam moveri videntur, dum interea suas circa Solem revolutiones inæqualibus temporibus absolvunt, & circa conjunctionem retrogradi apparent.

### Demonstratio.

Si terra circa Solem motu annuo movetur, orbem fig: suum peragrat intervallo 365 dierum. Sed Mercurii 77. um revolvi circa Solem intervallo 224 circiter dierum aliunde constat. Est itaque motus terræ ad motum Mercurii ferè ut 4 ad 1. consequenter dum Mercurius integram revolutionem absolvit, terra nonnisi quartam suæ orbitæ partem confecit. Dividatur ergo orbita Mercurii in octo partes æquales; & orbitæ telluris quadrantes dividantur



tur singuli in totidem alias. Sit jam Mercurius in 1. & terra in T. 1. videbitur Mercurius ex terra in a. progrediatur terra in 2. Mercurius similiter in 2. qui ex illa apparebit in 6. promoveatur terra in 3. Mercurius quoque in 3. videbitur is in c. hætenus adeò directus apparet. Procedat terra in 4. & Mercurius itidem in 4. properans ad conjunctionem cum Sole; conspicietur is in d, consequenter lente progreditur. Jungatur Mercurius Soli in 5. terra etiam in 5. existente, videbitur is in e, adeoque retrogradus. Accedat Mercurius in 6. tellus itidem in 6, videbitur is in f. retrogradationem continuans. Perveniat Mercurius in 7. terra itidem in 7. apparebit is in g. adeoque denuo directus. Sit Mercurius in 8. terra in 8. conspicietur is in h. directus adhuc. Quod si hac ratione Mercurius in sua orbita, & tellus in sua promoveantur, donec hæc restituantur in T, Mercurius successive spectabitur in i. k. l. m. n. o. p. q. r. s. t. u. x. y. z. A. B. C. D. E. F. G. H. T. adeoque intra spatium annuum cum Sole totum Zodiacum emetiri videbitur, ita ut circa singulas conjunctiones cum Sole retrogradus fiat. Nec ab simili modo idem de Venere ostenditur. Q. E. D.

*Theorema 16.* Si terra circa Solem motu annuo feratur, Planetæ superiores, Saturnus, Jupiter, & Mars fient retrogradi circa oppositionem, & telluri multo propiores erunt, quam in conjunctione cum Sole.

*Demonstratio.*

Quoniam orbitæ Planetarum superiorum tellurem ambiunt, orbita telluris intra illorum orbitas continetur. Sit adeò circulus intimus orbita telluris in 12. partes æquales divisus; medius verò designet orbitam Jovis; extimus terminetur in superficie sphaeræ mundanæ, quia motus Jovis est ad motum telluris ut 1. ad 12. duodecima orbitæ Jovis pars perinde ac orbita telluris in 12. partes æquales dividatur. Sit jam terra in A; Jupiter itidem in 1. videbitur is in a. progredientur Jupiter & terra in suis orbitis ex 1. in 2. B. apparebit Jupiter in b. utroque autem in 3. E. constituto, in c. videbitur d. e. hætenus adeò directus videtur. Tendat jam tellus in 6. F. & Planeta veniat in 6. videbitur hic in f. adeoque retrogradus. Perveniat uterque in 7. G. Jupiter in g. videbitur retrogradationem continuans. Similiter utroque ad 8. H. promoti, Jupiter retrogradus spectabitur in h. utroque ad 9. A. translato, Jupiter iterum directus videbitur in a. & ita porro. Eodem modo ostenditur, Saturnum & Martem retrogrados fieri in oppositione cum Sole. Q. E. D.

Ex hoc etiam Wolfii Schemate facile intelligitur quod Planeta in oppositione, quando terra est in 7. sit terræ propinquissimus; & quod in punctis conversionis, quando ex directo fit retrogradus, aut ex retrogrado directus, debeat apparere stationarius, & quod reliqua omnia, quæ in prænotandis posuimus, ultrò debeant consequi.

Respondeo, huic difficultati duplici systemate satisfieri posse. Primum & Cassini infra C. 8. referendum. Ponit videlicet, à Planetis describi lineas spirales, quibus aliquando propius ad terram accedant, & modo in Ortum, modo in Occalum motu proprio progredientur. Causam Physicam Cassinus non addidit. Ea tamen vel peti posset ex principiis P. Fabry, qui ponit Planetas instar penduli

modò ad centrum universi accedere, modo verò iterum ad pristinam altitudinem reverti, sicque oscillatione perpetua modò in Orientem, modò in Occidentem progredi; nec mirum, eam oscillationem fieri prope oppositionem ad Solem, quia Solis vicinia extenuando partes ætheris promovet delapsum Planetæ versùs centrum universi. Vel potest causa Physica esse revolutio integri vorticis, in quo Planeta gyrat. Si enim Vallemotio Copernicani Systematis patrono licuit in ipso Systemate Cartesiano ponere particulares Planetarum vortices instar epiciclorum revolvibiles, cur non liceat in nostro terræ quiescentis systemate ponere tales vortices quasi epicyclos, qui ob transitum ætheris velociorem inter hos vortices & inferiorem Atmosphæram ob compressionem vorticum & Atmosphære inferioris necessariò vorticem, utpote mobiliorem, gyrent circa centrum, adeoque illum moveant versùs ortus. Ex eodem capite fiet, ut materia vorticis ex compressione liberata ac veluti ejecta è funda, aliquamdiu motu directo pergat versùs ortum, ut colligi potest ex fig. 79. Vel denique causa hujus motus esse potest, quia omnes Planetæ perpetuò simul gravitant versùs Solem, tanquam versùs medium rarius, sicque ubi Sol ponitur in majori vicinia, etiam propius descendant ad Solem advenientem velut illi occurrentes, & post transitum Solis illum aliquamdiu sequantur, veluti illum comitantes, sic ad faciem accensam advenientem solent ad volare pulvisculi, atque ad eam accedere, facie autem transeunte pulvisculi aliquamdiu sequuntur faciem, donec à resistantia aeris detenti iterum sequantur motum aeris. Hæc quoad Systema Cassini infra C. 8. recensendum dici possent. Videamus autem, quomodo in meo novo Systemate Universi stationum, & retrogradationum causa Physicæ assignari possint.

*Explicatur novum Systema Universi.*

1. Suppono, Deum ab initio creasse magnum aliquod chaos, in quo permixta erant omnia, solida & liquida; sicut si permiscerem farinam, aquam, oleum.
2. Suppono, crassiores partes resedisse versùs centrum universi, easque eò centro propinquiores factas esse, quò erant crassiores sic ergo liquidorum vartiorum inter se, tum & solidorum facta est discretio; sicut lutum, aqua, & oleum se discernent, postquam resederint.
3. Exindè prodiit divisio terræ, aquæ, aeris, ætheris, dum semper, quæ erant subtiliora, superiorem occuparunt locum.
4. Subtilis æther, qui est supra ærem nostrum, non est unius naturæ usque ad summa cælorum; sed iterum in diversas aquæ naturas dividitur, quas Atmosphæras voco.
5. Suppono ergo, dari septem tales Atmosphæras, densitate diversas, quarum una semper est altior altera. 1. Atmosphæram Lunæ. 2. Solis. 3. Martis. 4. Jovis. 5. Saturni. 6. Cometarum. 7. Stellarum.
6. In his Atmosphæris natant Planetæ, & deferuntur instar navium. Sic Luna defertur in Atmosphæra Lunari, Sol in Solari, & sic de aliis.
7. Altitudo cujuslibet Atmosphære supra terram tanta est, quanta est distantia cujuslibet Planetæ à terra. Distantiæ autem Planetarum à terra sunt sequentes in semidiametris terræ,

distantiæ



| Distantia<br>à terra | Maxima | Media  | Infima |
|----------------------|--------|--------|--------|
| ♄                    | 380556 | 327544 | 274532 |
| ♂                    | 222250 | 175259 | 136268 |
| ♂                    | 92221  | 52944  | 13668  |
| ☉                    | 34996  | 34377  | 333759 |
| ♂                    | 60056  | 34548  | 9041   |
| ♂                    | 51138  | 37179  | 23221  |
| ♄                    | 63½    | 59¾    | 56     |

9. Quælibet Atmosphæra induit figuram Ellipticam, cujus focus inferior semper est Atmosphæra inferior.

10. Quælibet Atmosphæra est adhuc densior subtili materia lucis; adeoque etiam quælibet Atmosphæra est apta ad refringendos radios lucis.

11. Hinc, dum radii Solis ex opposito Solis constituunt per refractionem Conum luminosum, necesse est, ut Planeta ad talem conum delatus ob subtilitatem majorem liquidi mergatur profundius, & sic terræ fiat vicinior; simul etiam fiet, ut minus resistente hoc fluido facilius sequatur motum primi mobilis, sicque videatur retrocedere, donec iterum ex hoc torrente emerferit.

12. Quo densior & crassior est Atmosphæra eo difficilius sequitur motum primi mobilis; hinc major est motus in Planetis inferioribus versus Orientem.

13. Densitas cujuslibet Atmosphære se habet ut quadratum distantie à communi centro divisum per numerum ordinis. Sit Sol, Mars, Jupiter, Saturnus. Sol quoad ordinem Planetarum primarium sit primus, Mars secundus, Jupiter tertius, Saturnus quartus. Distantia Solis à terra sit 1. Martis 2. Jovis 3. Saturni 4. seu  $1^2$  quadratum ergo distantiarum erit 1. 4. 36. 121. dividantur hi cubi per 1. 2. 3. 4. erit quotiens 1. 2. 12. 30. Itaque Atmosphære Solis raritas se habet, ut 1. raritas Atmosphære Martis ut 2. raritas Atmosphære Jovis ut 12. Raritas Atmosphære Saturni, ut 30.

14. Cum tarditas Planetarum versus Occidentem se habeat, ut densitas Atmosphære, in qua deferuntur, sequitur, quod intra revolutionem diurnam, si motus Solis proprius in Orientem seu tarditas fuerit 60'. Motum diurnum Martis fore 30'. Motum Jovis. 5'. Saturni. 2'. Prout reipsa experientia demonstrat. Ex quo ipso probatur veritas regulæ quoad densitatem Atmosphærarum.

15. Cum eo major sit conus radiosus, quo majus est segmentum spheræ à quo lumen refringitur, necesse est conum radiosum majorem esse ex Atmosphæra Jovis, quàm ex Atmosphæra Martis; & ex hac esse majorem quàm ex Atmosphæra Solis.

16. Itaque etiam necessarium est, ut Planeta superior semper diutius maneat retrogradus quàm inferior: utpote, qui longiori indigeat tempore, ut emergat ex suo cono.

17. Hinc mirum non est, quod etiam latitudo conici seu semidiameter apparens retrogradationis in Marte sit 48°. in Jove 66°. in Saturno 74°.

18. Gravitas Planetarum superiorum duplex est, una, qua gravitant in Solem; altera, qua gravitant in terram; sicut enim globus ferreus descendens in plano inclinato simul gravitat in terram, & simul in planum, in quod incumbit, ita etiam, dum Planetæ superiores detinentur in Atmosphæra, in qua simul materia lucis copiose diffusa est, prout illis est, impelli in illam plagam, ex qua minorem reperiunt resistantiam, nempe versus Solem, ut proin mirum non sit, illos Planetas semper in determinata distantia sequi Solem, tantumque ad illum accedere, quantum possunt accedere, prout fit in oppositione.

19. Vires gravitatis, per quas Planetæ in se invicem gravitant, vel per quas se mutuo in æquilibrio conservant, sunt radii lucis. Si enim quæras, quomodo fieri possit, ut Sol vastissimum corpus in hoc æthere suspensum manere possit, dico Solem tot habere brachia longissima, quot habet radios; quilibet radius insitit tandem alicui corpori rotundo, vel certe atomo aëris solidiori & graviori se, cum utique nullus radius protendatur in infinitum; si ergo omnes radii à Sole exeuntes alicubi insistant, poterunt detinere Solem in sublimi, sicut radii rotarum detinent currum & alia gravissima pondera in sublimi. Accedit insuper hoc commodum, quod, cum radii sint flexibiles in orbem. Sol his medianibus possit gravitare in partes corporum, in quas via recta non potest pertingere, sicut v. g. ex omni parte stringat suis radiis terram, aut Planetam.

Hæc omnia, si supponantur, nemo non videt facile explicari posse omnes motus corporum cælestium, prout etiam in meo Systemate Planetario fusius deductum est. Itaque in eo solum laborandum est, ut ostendam hanc hypothesein veram esse. Videtur autem tota hypothesi à duabus potissimum assertionibus dependere. Prima est; quod supra aërem nostrum dentur liquida diversæ densitatis; hoc enim posito clarum erit, dari diversas Atmosphæras; altera est, quod hæ Atmosphære induant figuram Ellipticam, in cujus foco inferiore constituatur Atmosphæra inferior densior. Utrumque demonstro.

Primum, quod supra aërem nostrum dentur diversa liquida, experimentis evinco. Nam primum certum est, quod in machina Boyliana, si exhaustiatur totus aer, adhuc detur refractione lucis; ergo præter aerem nostrum, adeoque etiam supra aerem nostrum datur adhuc alia materia, aere quidem subtilior, materia autem lucis crassior, utpote à qua lux adhuc pati possit refractionem. Consequentia est conformis ipsius principiis Cartesii & Newtoni antecedens probatur experimento, quod describitur in Hist. Acad. Reg. 1719. his verbis: Quod radius lucis transiens per vacuum in machina pneumatica adhuc patitur refractionem, dum quidem per experimenta à Societate Regia Londinensi comprobatum est; sed quia nonnullæ experientie ab Academia (Parisiensi) institutæ contrarium probare videbantur, res in dubium vocata est. Nunc tandem dubium solutum, experientia Parisiensis falsa, & Londinensis vera reperta est. D. de Lisle junior, cui ab Academia (Regia



ta Parisiensis falsa, & Londinensis vera reperta est. D. de Lisle junior, cui ab Academia (Regia Parisiensi) cura iterandi experimenti demandata est, suspicabatur, in tubo vitreo, quod prius pro experimento adhibebatur, dari invisibiles fissuras, per quas aer externus adhuc aliqua parte intrare potuerit, ne penitus evacuaretur. Hinc pro majori securitate tubo inclusit barometrum, ut post iteratas suctiones ex descensu Mercurii certus esse posset, quantum aeris exhaustum esset.

Itaque tubi cuprei extremitatibus inclusis in machina pneumatica applicavit duo vitra plana, inclinata ad axem tubi  $45^{\circ}$ . ab extra applicavit perspectivum 20. pedum, in cuius foco erant duo fila horizontalia, quorum distantia ab invicem deberet mensurare apparentem altitudinem objecti, quod erat punctum aliquod turris valde remotæ; axis perspectivi coincidebat cum axe tubi vitrei. Tubo ac perspectivo in objectum directo, apparuit, quale punctum objecto filo uni responderet. Suctione proin una facta, Aliquid aeris ex tubo extrahebatur, barometri mercurius statim descendit, & objectum non amplius respondebat filo, cui ante responderat, quia nempe radius jam ex aere rariore tubi in aerem crassio-rem, in quo erat Observator, transierat. Iteratis suctionibus idem evenit; semper enim ulterius descendebat Mercurius, & semper mutabatur altitudo objecti, donec tandem per alterum filum maxima distantia, ad quam objectum pervenerat, notata sit.

In uno experimento, quod Domino de Lisle præ reliquis optimè successerat (raro enim iteratis iisdem experimentis res eodem modo succedunt) Mercurius ferme ad unius tantum lineæ supra situm horizontalem altitudinem descendit, ita ut propemodum totum aer exhaustus sit. Tunc objectum  $1\frac{1}{2}$ . à situ suo naturali distitum apparuit, & per refractionem mutatum est. Cum autem radius bis refractus sit, semel ingrediendo in tubum, & altera vice egrediendo ex tubo, utrobique tamen æqualiter, cum ambo vitra ad  $45^{\circ}$ . inclinata fuerint, uni angulo incidentiæ  $45^{\circ}$ . tantum respondet dimidium refractionis, nempe  $45''$ . facile ex his colligitur, eo minorem semper factam esse refractionem, quo magis Mercurius descenderat.

In Anglia repperunt, refractiones sequi proportionem altitudinum barometri. De Lisle idem quidem reperit, sed tunc solum, quando altitudines Mercurii adhuc erant majores. Ad finem enim altitudinis, quando prope deficit, exigua differentia altitudinis causat magnam differentiam refractionis. De Lisle suspicatur, non totam massam gravitate in Mercurium, sed eum tantum condensationis; quando autem rarior est, tunc aliquæ partes aeris transeunt per poros Mercurii. Itaque in hoc statu poterit quidem adhuc magis rarefieri & sic mutare refractionem absque eo, quod sensibilibiter mutet altitudinem Mercurii. Jam Refractio Astronomica vocatur, quam radius subit transeundo ex materia ætherea in Atmosphæram, cum autem densitas Atmosphære semper crescat à summo usque ad infimum, sequitur in quolibet aeris stragulo fieri novam refra-

ctionem; summa autem & magnitudo omnium refractionum tanta est, quanta foret, si extrema superficies aeris immediate applicaretur infimæ. Si ergo vacuum in hoc exemplo fuit propemodum repletum sola materia ætherea, sequitur, radium, qui per hoc vacuum in nostrum aerem transit, passum esse refractionem Astronomicam, quia immediate ex primo aeris stragulo in ultimum transit. Cum verò refractione Astronomica ad omnes angulos incidentiæ pro climate Parisiensi calculo subducta sit, de Lisle etiam sciebat, quanta esse debuisset ad angulum  $45^{\circ}$ . quo in experimento usus est. Reperit autem, eam longè esse majorem, quam quæ ex ejus observatione prodit. Itaque ex eo colligitur, vacuum nostrum artificiale plurimum adhuc distare à subtilitate & raritate materiæ æthereæ. Sic illi. Ex quo infero, in hoc vacuo repertam esse adhuc materiam aliquam non solum diversam ab æthere, sed etiam diversam ab aere, quia mutata notabiliter refractione quoad altitudinem Mercurii infimam non tamen amplius notabiliter mutata est altitudo Mercurii; adeoque illa mutatio refractionis non est ad adscribenda aeri, qui sui mutatione haud dubiè etiam mutaret altitudinem Mercurii, sed alterius generis materiæ, quæ est permixta aeri, & quæ potest transire per poros Mercurii.

Altera ratio statuendi aliud genus corporis fluidi, quàm est aer noster, est; quia materia magnetica ab aere nostro penitus diversa est, eaque ad altissimos montes extensa nihil amittit suarum virium, sed supra aerem nostrum verosimiliter extenditur. Wolfius Tom. 3. suorum experimentorum C. 4. §. 45. testatur acum magneticam in Exhausto eodem modo à magnete extra machinam collocato motam ac directam fuisse, ac si fuisset in libero aere. Et aliis experimentis innumeris constat, materiam magneticam transire per vitrum, & alias densissimas materias, per quas non transit aer. Igitur materia magnetica est alterius generis fluidum, quàm aer.

Tertia ratio petitur ex eo, quia Nevvtonus demonstravit radios lucis esse diversæ refrangibilitatis, quod fieri non potest, nisi subtilis materia lucis seu ætheris contineat partes heterogeneas, quæ proin necessario alicubi constituent diversas Atmosphæras, licet in istis sublunaribus omnia permixta sint. Sicut enim permixtio ætheris cum aere non impedit, quin supra aerem seorsim detur purus æther, ita in ipso æthere permixtio plurium liquorum non impedit, quin seorsim dentur impermixti illi liquores, ubicunque dantur.

Quarta ratio petitur ex eo, quia lux stellarum est longè alterius generis & incomparabiliter subtilior quàm lux Solis; adeoque materia lucis in stellis est diversa à materia lucis in stellis. Quod verò lux stellarum diversa sit à luce Solis, ex eo demonstro, quia lux stellarum longè minorem patitur refractionem, quàm lux Solis. Hoc verò ex eo liquet, quia jam aliquoties stellæ fixæ ante occultationem apparuerunt supra discum Lunæ, dum videlicet occultatio facta erat in superiori limbo Lunæ, quo casu lux Solis à Luna reflexa majorem passu refractionem, quàm lux stellæ Lunam quidem ad-

E e e e e

majo-



majorem apparentem altitudinem evexit, stellam verò in sua altitudine reliquit; adeoque necessario stella supra discum Lunæ apparere debuit. Exempla talis phænomeni ex Academia Regia infra afferentur de Luna; ubi simul evidenter demonstrabitur, nullam in Luna dari Atmosphæram, ex qua talis refractio causari possit.

Quinta ratio sumitur ex ingentibus caudis Cometarum, qualis fuit 1682. quæ occupavit quartam partem cæli: cum enim illa cauda reflexerit ad nos lucem Solis, utpote visibilis, clarum est, ejus materiam à materia lucis diversam fuisse. Quod si ergo datur in tanta altitudine aliquando collectio aut condensatio liquidi, quod est alterius generis, quàm æther. Seu materia lucis, dabitur in aliqua regione cæli liquidum diversum à luce. Huc referri possent ingentes tractus luminis à Cassino aliquando observati in cælo, & hi enim arguunt, dari in cælo in maxima quantitate materiam fluidam à materia lucis diversam. Q. E. D. Transeo ad alterum assertionis membrum, quòd nempe Atmosphæra, quæ circumvolvuntur corpori solidiori ac densiori se; induant figuram Ellipticam.

Primo id probatur à simili v. g. albumen ovi, quod circumvolvitur vitello rotundo, induit figuram Ellipticam, seu ovalem Ellipticæ similem; ergo eodem modo, quando aër circumvolvitur terræ, & æther aëri, & semper altior Atmosphæra inferiori densiori, necesse est, ut induat figuram Ellipticam.

Secundo id probatur ab experientia. Si enim sumamus guttulam Mercurii, quæ semper est secundum ferotunda, & in illius medio insigatur corpus rotundum, guttula Mercurii induit figuram oblongam ac Ellipticam; ergo idem fieri debuit, si aëri infixæ est terra, aut massa densa aeris ætheri.

Tertio probatur à priori ex generali principio; quòd omnia liquida conglobentur circa centrum proprium ob æquilibrium suarum partium. Sic enim guttulæ Mercurii semper induunt figuram rotundam; prout etiam faciunt guttulæ aquæ tam in pluvia, quàm in aliis quibusvis aquæ in minores partes divisionibus. Itaque idem fieri debet, si liquidum circumdet materiam aliam densiorem se, v. g. aer terram. Atqui aer non poterit invenire intra seipsum centrum aliquod proprium, nisi induat figuram Ellipticam. Centrum enim proprium, quod est intra aerem, non potest dari in terra, cum hæc sit diversæ naturæ ab aere; ergo est extra terram. Sive autem sit in Orientem sive in Occidentem, sive versùs Boream sive Austrum necesse est, ut eò partes aeris confluant, sicque ex illa parte Atmosphæram aeris distendant, quod ipsum est formare figuram Ellipticam. Cum de hac re multa aliquando ex me percontari dignaretur Illustrissimus Legatus Regis Christianissimi apud Serenissimum Electorem Baviaræ, DD. de Rezay, Membrum Academia Regiæ, inter alia demonstrationem causamque sibi assignari voluit, cur liquida in casu posito quærant centrum proprium, cum eorum ab extra undique æqualis detur pressio? respondi, æqualem quidem ab ambiente æthere esse circumquaque pressionem, sed non esse æqualem omnium partium intra liquidum versantium resi-

stentiam; cum enim nullum detur liquidum perfecte homogeneous, necessarium est, ut aliquæ partes majorem, aliæ minorem pressionem obvertant resistantiam. Itaque etiam dabitur in liquidis una aliqua pars, vel collectio partium, inquam, tanquam omnium inertissimam, reliquæ omnes partes gravitent; cum utique quælibet liquidi pars, pressione extrinseca trusa, eò primo se vertat, ac quasi data porta ruat, ubi minorem reperit resistantiam. Placuit Illustrissimo verosimilia proferentis responsio. Quod sitamen alius hoc anno, quo Academia Regia mille florenorum præmium probabiliorem figuræ Ellipticæ causam proferenti adnumerat, meliora protulerit, gratulabor sine invidia, contentus, ut Plato in Timæo monet, in rebus incertis dixisse probabilia. Nam & sufficiunt, ut Copernicani nil demonstrationis jactare possint in Tychonicos.

## C A P. VII.

*An motus terræ rectè demonstretur ex Parallaxi annua observata novissimè à Cl. Horrebowio?*

IN Actis Eruditorum Lipsiensibus 1729. mense Februario recensetur Tractatus Epistolaris Cl. Horrebowii in Dania Hafniæ Mathematicum Professoris. Titulus est hic: *Copernicus Triumphans, sive de Parallaxi orbis annui &c.* In fine concludit, jam tempus esse, ut Romana Ecclesia tandem declaret, verba Scripturæ quoad præsentem materiam in sensu figurato accipienda esse, quod futurum P. Fabry promiserat, si aliquando proferretur demonstratio pro motu terræ. Videamus, quid subit jactantiæ. Sic habet:

T. denotet tellurem in utroque æquinoctio. S. & L. denotent duas fixas e. gr. Lucidam Sirii & fig. Lyrae. Confidit ergo Author, ubi ex idoneis & 83. certis observationibus probaverit, longius temporis intervallum dari ad conversionem arcus HEG, interveniente nimirum nocte, quàm opposito anni tempore interveniente nimirum die ad conversionem arcus K CI. demonstratum esse motum terræ. Jam verò ex observationibus hoc evinci, ostendit ex suis & Roemerii observationibus. Roemerus suas observationes huic negotio inservientes celebravit partim in domo suo, partim in Tusculano suo, quod ab urbe Hafnia duo milliaria Danica abest versùs Occidentem, illas observationes domesticas, has Tusculanas vocat Author, simulque monet, machinas Observatorii domestici & Tusculani fuisse admodum diversas. Horologia Roemerus in Observatoriis suis ad motum fixarum composuit, & tempora transituum notavit ad secunda temporis cum secundorum quadrantibus. Ex collatione observationum domesticarum ab anno 1701. usque 1704. habitatum tempus inter transitum Sirii & Lucidæ Lyrae per Meridianum intercedens circa Æquinoctium Vernale colligit hor. 11. 54'. 58". 33". circa Autumnale verò hor. 11. 54'. 54". 12". differentia 4". 21". est duplum Parallaxeos fixarum annuæ, si inde subtrahantur 21", quantus scilicet est motus ascensionis rectæ Sirii præ Lyra intra semestrem



semestre spatium. Concludit proin ex observationibus Rœmeri domesticis, duplum Parallaxeos correctum 4. præcisè secundorum temporis, id est, unius minuti arcus. Ut verò appareat, quantum observationibus Rœmeri fidendum sit notat, machinam domesticam firmo suffultam fuisse muro sesquipedem Rhenanum crasso, & inter observationes adeo accuratè convenire, ut situm ejus interea nullam vel saltem non sensibilem mutationem passum esse certum sit. Retinendum igitur esse centet Parallaxin orbis annui, quæ ex istis observationibus concluditur, nempe duorum secundorum temporis vel 30 secundorum arcus. Sic Horrebovius. Respondeo. Has observationes certò erroneas esse, ex duplici capite esse demonstratum. In primis enim Cassinus Junior Parallaxin annuam Sirii quoad altitudinem observati tantum reperit esse 5 secundorum arcus. cum tamen hæc observatio Havniensis daret 30 secunda arcus. Secundo, si Parallaxis annua foret 30 secundorum arcus, certissime deberet mutari distantia apparens duarum stellarum contiguarum triginta Diametris unius stellæ, quod est contra manifestam experientiam, per plures quàm quatuor annos à me continuatam, cum enim Horrebovius in hoc ipso suo Tractatu epistolari probet, semidiametrum fixæ apparentem minorem esse uno scrupulo secundo, & Parallaxis annua sit 30 secundorum arcus, haud dubiè in nebulosa v. g. Ursæ majoris debet immaniter mutari distantia earum stellarum. Ubi ergo latet error indubius? potest provenire ex variis causis. 1. Potuit errare horologium, quod Rœmerus ad motum fixarum composuit, nec alio medio per integrum annum in cursu æquabili conservari potuit, cum enim ad componendum horologium nec usus fuerit semper eadem stella, nec diversæ stellæ habeant eandem refractionem, immò nec eadem stella semper habeat eandem refractionem, denique ipsæ tabulæ refractionis Astronomicæ non sint pro omni climate, & refractione Physica constans non sit in omni provincia, facile fieri potuit, ut vel eadem stella quoad diversam altitudinem, vel in eadem altitudine, sed diverso statu aeris ac ætheris considerata etiam aliud tempus signaverit. 2. Error ex eo provenire non solum potuit, sed etiam debuit, quia tempus nocturnum auget Diametrum stellæ; itaque si sumpsit Rœmerus momentum temporis, quo lucida Lyre appulit ad filum tubi, & aliud quo Syrius per idem transit, haud dubiè debuit dari majus intervallum tempore nocturno, quàm diurno expertus est Cassinus Junior in duabus stellulis occultatis per Lunam, quæ videbantur esse contiguae, quod una 30 secundis temporis primum fuerit occultata post alteram. 3. Potest error provenire ex omnibus iis causis quas jam circa Parallaxin Flamsteedii, ac Cassini censui. 4. Potius ipsum horologium in hypocaulsto calefacto tempore hyemis velociorem peragere cursum, quàm tempore æstivo vel potuit ipsum pendulum contrahi frigore & sic celerius peragere vibrationes, quàm tempore calidiore, quo expanditur adeoque prolongatur pendulum. De la Hire in Actis Acad. Reg. 1715. fatetur, suo pendulo ejus constructionis, qualis est

*R. D. Euseb. Amori Philosophiæ.*

ordinariè, ex diversa constitutione aeris accidisse notabiles mutationes, idem præmonuit in Actis Acad. Reg. 1700, & 1703. prout supra Sect. I. C. 5. ubi egredere motu pendulorum, ostensum est.

## C A P. VIII.

*An stationes, retrogradationes, alii motus Planetarum in Systemate terræ quiescentis non possint convenienter explicari alio modo?*

Cassinus Senior in Actis Acad. Reg. 1709. exhibet accuratissime motum Planetarum fixis, quas his verbis explicat.

### Explicatio figurarum.

Figura exhibet motum apparentem Saturni, Jovis, Martis & Solis respectu terræ, quæ in centro figuræ ponitur, in hac figura distantia trium Planetarum quam habent ad Solem & terram, observata est. Spiralis suprema exhibet motum Saturni apparentem à 1. Januarii 1708 usque ad 1. Januarii 1717. Spiralis secunda exhibet motum apparentem Jovis ab anno 1708 usque ad annum 1720. & spiralis inferior exhibet motum apparentem Martis intra duorum annorum spatium. Circulus punctatus exhibet motum annuum Solis, qui parum differt ab uno anno ad alterum.

Spirales divisæ sunt per lineolas, quæ indicant situm cujuslibet Planetæ ad primum diem cujuslibet mensis, poterit situs Planetarum etiam inveniri ad quemvis alium diem cujuslibet mensis, si intervallum inter duos menses dividatur in partes proportionales.

Circulus extremus, qui omnes spirales complectitur, divisus est in signa & gradus Eclipticæ.

Per hæc figuram cernitur, quo tempore quivis Planeta sit in sua maxima vel minima distantia à terra; & longitudo cujusvis Planetæ facile cognosci potest, si educatur e centro terræ per centrum Planetæ filum ad Eclipticam; ibi enim filum monstrabit signum & gradum, in quo versatur Planeta.

Quando Planeta est in superiore parte, est directus, quando autem est in inferiore parte, est retrogradus; & quando filum radit spiralem ex alterutra parte, est stationarius.

Figura exhibet motum Martis ab anno 1708 usque ad annum 1723, intra quod tempus plures peragit revolutiones circa terram Revolutio Solis exhibetur per circulum punctatum, qui uti & Spira Martis divisus est per lineolas, per quas judicatur dies 1. 11. & 21. cujuslibet mensis. In hac figura cernitur, quo & quanto tempore hic Planeta remotior sit, aut propinquior, quàm Sol ad terram. Quando Mars est in inferiore parte spiræ spiralis, tunc est in oppositione cum Sole; quando autem est in superiore parte, tunc est in



est in conjunctione cum Sole. inter oppositiones, quæ exhibentur in hac figura, ea, in qua Mars est Proximus terræ, contingit ad initium Septembris 1719, nbi ejus distantia à terra est sepius minor Quàm 1718 mense Septembri situs Martis in hac figura potest pro singulis decendiis reperiri ope filii, sicut prius, uti & ejus directio, statio, ac retrogradatio. Hucusque Cassinus

Falsum ergo est ad oculum, in systemate terræ quiescentis nullo regulari systemate, ac simplicissimo exhiberi posse motus Planetarum quod si dicas, hoc systema Astronomicum regulare per nullas causas Physicas explicari posse, & hoc falsissimum est; nihil enim datur regulare in Mathematicis & Geometria, quod non possit habere causam regularem; cum cujuslibet curvæ dentur generationes possibiles; quod si has nondum cognoscis in terra cur tumes? quod si autem talium curvarum causas solum probabiles quæris, ventum agitantem paleas considera & pulveres; videbis enim in iis locis, ubi ventus solet excitare vortices, paleas & pulvereas nubes revolutione perpetua agitare in circulos, aut spiras his Cassinianeis simillimas aut expone farinam iis locis, ubi ventus reperit obices, ut possit per reflexiones continuas revolvitur in vortices; idem fieri conspicias. Cur similia Deus non possit operari in æthere? O boni viri, pauca Deus nobis monstravit, plura sibi reservavit, & plurimos, ut Sapiens ait, supplantavit suspicio eorum. Si non potestis clarè per causas Physicas explicare cur pendulum delapsum iterum ad eandem altitudinem ascendat, in quantum non retardatur à resistantia aeris, cur causam Physicam exigitis, cur Planeta perpetuò versùs terram decidat, & ad pristinam iterum altitudinem ascendat, dum interim revolutione totius cœlestis æquoris in Occidentem impetu inæquali abripitur? quid juvat, si inter causas possibiles mille unam solam calculo Algebraico subjecitis, & sic vitam totam ferè in consideratione unius solius hypothesis possibilis consideratione insumitis? præstat scire, quid nescias, quàm sciendum quærere, quod inveniri non potest.

Cæterum illud præterea adverto, si quis hac figurâ Cassini pro subsequentibus annis uti velit, adeat Ephemerides, & constituat locum Planetæ in eo situ, in quo Ephemeridies designant, tunc poterit ulterius in figura pergere, prout annis anterioribus factum est.

Verum jam satis Copernicanis difficultatibus, quæ alicujus momenti videbantur respondimus. Levioribus in Philosophia veteri de Cœlis satisfacimus nunc videndum quid contra Copernicanos proferri possit.

## C A P. IX.

*An falsitas Systematis Copernicani ex defectu Parallaxis annuæ demonstrari possit?*

Vidimus C. 1. & 2. nullam prorsus à Copernicanis sufficienter probari posse Parallaxin annuam; restat examinandum, ad viceversa positivè demonstrari possit, nullam omnino Parallaxin

annuam, ne unius quidem secundi, immò nec unius tertii. Dico, hoc demonstrari posse. Modum demonstrationis excogitavi sequentem inquisivi in cœlo stellas duas, adeò sibi invicem vicinas, ut libero oculo videantur per modum unius stellæ, tubis autem Astronomicis inspectæ vix videantur ab invicem distare una vel altera unius stellæ diametro. Cum autem juxta Systema Copernicanum quot sunt stellæ, tot sint Soles, consequens erit, etiam illas duas stellas esse duos Soles tantopere ab invicem remotos, quàm remota est quævis stella à nostro Sole; adeoque altera stella, quæ uni videtur esse conjuncta reipsa erit supra alteram in immensa distantia. sit ergo in figura 25. Sol in medio, circa Solem Orbita terræ annua AB CD. prima stella inferior sit in E, altera stella superior sit in F si ponatur terra in B vel D, ambæ stellæ videbuntur in eadem linea, & inferior teget superiorem. Si terra sit in A, stella E videbitur in G, & stella superior apparebit in H sic ut stella inferior appareat respectu superioris ex parte dextra; si verò terra transferatur in C, stella inferior videbitur in J. & stella superior videbitur, in M, sic ut stella inferior respectu superioris appareat ex parte sinistra. Insuper quo magis terra accedit ad puncta extrema suæ orbitæ nempe ad A & C, eo major apparebit distantia respectiva duarum stellarum EN, EO, sic ut illa distantia stellarum distantia per ipsas earum Diametros mæsurari possit. jam verò per plurium annorum observationem deprehendi, toto anni tempore semper manere eandem apparentem talium stellarum ab invicem distantiam ab initio pro observatione elegeram duas stellulas in nebula gladii Orionis, & alias duas in capite Cygni, sed quia hæ stellulæ adhuc distabant duabus, aut tribus alterius stellulæ Diametris, assumpsi nebulosam, quæ est in cauda ursæ majoris, ubi majori stellæ subternitur alia minima stellula, in tanta vicinia, ut tubo 12. pedum vix possit deprehendi ullum intervallum inter unam stellam & alteram; jam huic ultimæ observationi potissimum insisto; neque enim per decursum duorum annorum ullam certam distantiam mutationem in his reperire potui.

Restat, ut ex hac observatione ostendam positivè, nullam dari Parallaxin annuam; id sic ostendo. constat ex observatione Cassini C. 1. allegata, Diametrum Sirii tantum fuisse apparentes 5". aut ad summum 6" igitur stellula illa in cauda Ursæ, quæ adhæret stellæ mediæ notatæ à Bayero per 2 cum sit incomparabiliter minor, in Diametro non habebit omnino 1". itaque si distantia illarum duarum stellarum mutata fuisset una Diametro minoris stellulæ, tota mutatio fuisset 1" jam verò certum est, intra decursum duorum annorum mutationem illam nunquam fuisse tantam, quanta videtur Diameter minoris stellulæ; talis enim mutatio fuisset jam valde notabilis; ergo etiam certum est, eam mutationem numquam fuisse 1" ergo etiam certum est nullam omnino dari observabilem Parallaxin annuam. Q. E. D.

Dices fortè. 1. Diametrum veram stellæ longè esse minorem, quàm tubo 12. pedum inspecta appareat. nam C. 2. ex observatione Cassini ostensum est, veram Diametrum stellæ adhuc sexages esse minorem, quàm per tubum 16. pedum inspecta appareat itaque potuit fieri, ut stella minor per decursum



decursum anni propius ad maiorem accesserit, quin necesse sit intervalli decrementum aut decrementum æquale fuisse apparenti Diametro minoris stellulæ; id est; sexaginta veris Diametris ejusdem stellulæ. Respondeo, per hoc non infringi vim, argumenti nostri; cum enim Diameter stellulæ minoris apparens non omnino sit æqualis. 1<sup>o</sup>. Adhuc sufficienter ostenditur, distantiam stellarum non mutata fuisse. 1<sup>o</sup>. quod sufficit, ut dicamus nullam dari Parallaxin annuam sensibilem.

Dices 2. Etiam si nulla detur Parallaxis sensibilis, posse tamen dici stellas ad tantam remotas esse à terra distantiam, ut Parallaxis omnem sensum effugiat. Respondeo 1. Si hoc dicatur, ergo jam falsæ erunt observationes Flamsteedii, & Cassini circa Parallaxin stellæ Polaris & Sirii, & sic jam unum ex præcipuis Copernicanorum argumentis per hanc nostram observationem funditus evertitur. 2. Immensam illam stellarum à nostro vortice Planetario distantiam repugnare omni prorsus hypothefi omnium Philosophorum, & maxime rationi, ac legibus Divinæ Sapientiæ, si enim datur tam imensa stellarum à nostro vortice Planetario distantia, tunc falsum est, figuram Ellipticam nasci ex compressione aliorum vorticum, prout volunt Cartesiani; quia quæ tantopere centum millionibus Diametrorum terrestrium remota sunt, haud dubie non se invicem tam arte comprimunt. Dein falsum est, subtilem materiam rapidissime ab uno vortice fluere in alterum; cum impossibile sit impetum subtilis materiæ servari per tanta spatia liberrima sine ripis & littoribus. Denique cum opus universi sit opus intelligentiæ, non decet à Deo condi universum tantis corporum intervallis, quorum nulli fines assignari possunt. immo quod præcipuum est, sequeretur partes universi non esse ordinatas ad invicem eò quod nullam amplius haberent mutuam actionem & passionem, quod omnium consensu falsum est. Ipse enim Cartesius & Adversarii hæcenus admiserunt sapientissimum ordinem vorticum, eorumque actionem mutuam, prout decet operari Deum providum; hoc autem omnium vorticum vinculum tolleretur per immensam illam stellarum distantiam.

## C A P. X.

### *An ex motu gravium perpendiculari evidenter demonstretur falsitas Systematis Copernicani.*

**R**espondeo, quod exinde evidenter demonstratur. Demonstratio est hæc. Si terra moveretur motu diurno circa axem proprium, tunc aliqua gravia deberent decidere versus Occidentem, & eadem aliquando deberent decidere versus Austrum aliquando autem versus Boream, immo prorsus omnia corpora in descensu deberent describere curvam. Sed hæc sunt contra experientiam, & falsa, ergo major probatur 1. quoad 1. Inter corpora graviatur quoad densitatem materiæ ingens diversitas; ergo quamvis terra per motum suum diurnum

secum raperet omnia corpora tam sibi inhaerentia, ut sunt arenæ, quàm sibi adjacentia, ut sunt aer, & nubes, non tamen omnibus tribueret eandem celeritatem motus, quod demonstro. Sint v. g. vires motrices in terra ut centum, densitas autem materiæ in ferro ut 5. in lapide ut 4. in ligno ut 2. in nube ut 1. Jam videamus, quid futurum sit, si terra his corporibus æqualiter vim suam communicet. Constat ex legibus Newtonianis motuum quod quantitas motus sit æqualis velocitati in quantitatem materiæ ductæ; quantitas autem materiæ desumatur ex ipsius densitate & magnitudine conjunctis. Itaque si 100 ducatur in 1. 2. 4. 5. vel potius dividatur in massam materiæ, quantitas motus & exinde velocitas consurgens erit in auro ut 20. in ferro ut 25. in ligno ut 50. in nube, ut 100; adeoque dum nubes allequeretur motum terræ diurnum, non posset eum allequi lignum aut ferrum; aut si motus ferri similis esset motui terræ ob æquales partes velocitatis in æqualem quantitatem materiæ ductas, certe velocitas nubium deberet esse duplo major velocitate terræ; sicque vapores separati à terra deberent instar sagittæ præcurrere in Orientem.

Alterum membrum, quod nempe eadem corpora gravia aliquando deberent decidere Austrum aliquando versus Boream, ex eo ostenditur, quia terra per motum annuum velocissime aliquando movetur in Boream, & aliquando in Austrum; & ea velocitas terræ tanta foret, ut singulis Minutis transiret 60000 milliaria Germanica; cum ergo impossibile sit, ut ex diversa directione motus in Austrum vel Boream non sequatur diversa impressio in aerem & corpora gravia sequetur motus diversus. Hoc autem adeo est contra experientiam, ut etiam globus tormenti bellici verticaliter explosus nunquam in descensu legatur in Austrum vel Boream recidisse. Legitur in Actis Philosophicis Anglicanis ad Annum 1668. mense Junio, num. 1. Quod quidam nobilis Suecus retulerit, Cartesium (videlicet, quando in Sueciam avocatus fuerat à Christina Regina Sueciæ) curasse perpendiculariter erigi tormentum, eoque vicies quater exploso globum vicies bis Occidentem versus, & tantum bis in Orientem recidisse; nunquam utique in Austrum vel Boream quod debuisset contingere. vide C. 3.

Tertium denique membrum, quod omnia corpora gravia in descensu debeant describere curvam, ex eo demonstratur. Certum est gravitatem corporum non dependere ab aere, quia in Exhausto corpora aliàs etiam levissima instar plumbi decidunt. Narrat Wolfius l. 2. tentaminum C. 1. §. 11. anno 1717. coram Rege Angliæ hoc experimentum institutum fuisse, ut machinæ pneumaticæ altitudinis quidecim pedum simul incluseret frustulum papyri & aureum. quando aer nondum extractus erat, auro decidente ac fundum attingente, papyrus necdum mediam altitudinem suo lapsu attigit; aere verò extracto aureus & papyrus æquali velocitate & æquali tempore fundum attigerunt. Si ergo gravitas corporum descendantium non dependet ab aere, sed potius impetitur ab aere, certum est, pressionem, qua corpora gravia præmuntur versus centrum dependere à materia quadam subtili; quæ non solum penetrat



per poros aeris, sed etiam per poros vitri, adeoque totius terræ. Itaque illa materia, quæ est causa descensus gravium, non simul revolvitur cum terra & aere, quia non potest contineri in corpore, ut simul cum illo propelli possit. Itaque causa gravitatis est causa aliqua respectivè immobilis ad terram, quæ omnibus corporibus secundum se æqualem vim imprimit, quia in Exhausto omnia corpora æquali velocitate decidunt. Si ergo tota diversitas descensus gravium provenit à resistantia aeris, etiam evidens erit, in iisdem gravibus, dum in suo descensu simul cum aere revolvuntur circa terram, diversam fore impressionem aut resistantiam aeris qui secum corpus grave devehit, nam supra jam posuimus, materiam subtilem non devehere motu diurno corpora, sed eam manere immobilem respectivè. Igitur clarum est, quòd omnia corpora gravia ob resistantiam aeris inæqualem, aut impressionem debeant in lapsu describere curvam. Sit enim vis gravitatis in omnibus gravibus eadem ut 100; hæc vis tentat recta ad

fig. 80. centrum per lineam ABC, detur alia vis, quæ corpus mobile circa centrum aut per tangentem BD deferat, nempe globus aeris E. si hic globus diversimodè applicetur mobili, necesse est etiam motum circularem circa centrum fore inæqualem; & sic non eadem velocitate revolvendum cum puncto terræ F cum terra connexo; adeoque illud corpus A non decidet in F, sed albi in G vel H, quod ipsum est describere curvam. Itaque error Copernicanorum provenit ex eo, quod putent causam gravitatis simul cum terra revolvi, quòd demonstratum jam est, esse falsum. Hoc argumentum roboratur ex ipsis Copernicanorum principiis, qui cum Galilæo æstum marinum explicant per motum terræ diurnum; manifestum enim fiet, eorum hypothesein destruere seipsam. Videamus quomodo discurrat. Joannes Wallisius in Actis Philosophicis Anglicanis ad annum 1666, mense Augusto num. 1. sic discurrit.

Primò pro concessio assumo corpus motum continuare motum suum eodem celeritatis gradu; nisi aliquid obstet, quod impediat motum. Et consequenter si super tabula aliquod corpus fuerit motum, & eo ipso contraxerit impetum, si tabula incurrat in impedimentum, incumbens super eo corpus in antrorsum verget. & e contrario, si tabula acceleret motum antrorsum, solum incumbens corpus, nondum obtento cum ea æquali impetu, à tergo relinquetur, & videbitur super ea moveri retrorsum. Aut si amplum vas aqua plenum, quod est Galilæi exemplum, aliquo tempore antrorsum vectum cum aqua forte impingat in obstaculum, aut remittat velocitatem motus, aqua antrorsum verget & in majorem altitudinem excrecet in parte anteriore vasis & e contrario, si vas majore, quàm antea, velocitate subito antrorsum trahatur, aqua verget retrorsum & excrecet in altitudinem à latere averso vasis, quæ tamen propter proprium pondus rursus reducetur ad libellam Horizonti Parallelam. Consequenter, supposito quòd mare se habeat, ut corpus solum, circumvectum cum terra, sed non ita unitum, ut necessario recipiat eundem gradum impetus, quem recipiunt illius partes fixæ, acceleratio aut retardatio mo-

tus hujus vel illius partis terræ producet talem ascensum vel illius partis terræ producet talem ascensum vel descensum maris, quem vocamus fluxum & refluxum.

Hoc ita supposito supponimus simul terram moveri motu duplici, quorum alter est *annuus*, ut in fig. BEC magnus orbis, in quo centrum B. supponitur moveri circa Solem A. alter est *diurnus* quo totum movetur circa suum axin, & unumquodque punctum in ejus superficie describit circulum, ut DEFG. tum itaque manifestum est; supposito terram tantum moveri altero dictorum motuum, idque regulariter æquali velocitate aquam semel cum terra æquali impetu obtento, simul perpetuò servaturam eundem motum, & æqualem ubique à terra distantiam. Verùm cum unaquævis telluris pars componatur ex dictis duobus motibus *annuo* & *diurno*, quorum annuus in BEC secundum Galilæi hypothesein sit circiter velocior motu diurno in circulo maximo, qualis est DEF, dum punctum in terræ superficie movetur circa centrum suum B ex G ad D. & E, & eodem tempore, centrum ejus B. antrorsum fertur in C, genuinus motus istius puncti compositus est ex duobus illis motibus scilicet motu B ad C, & motu G ad E, sed dum G movetur per D ad E, E movetur retrorsum per F ad G motu contrario motui B versus C, sicut genuinus motus E sit tantum differentia BC, & EG. nam præter motum B super centro, G etiam impellitur antrorsum tantum, quantum est G ad E, & E retrorsum mittitur tantum, quantum est E ad G adeò ut motus diurnus in illa parte terræ, quæ est proxima & conversa ad Solem, ut E FG, diminuat motum annuum, idque maxime in F, at in parte alia aversa à Sole ut, GDE, auget illum idque maxime in D id est, interdiu subtrahitur, noctu additur motui annuo circiter tantum, quantum est GE, terræ Diameter, quæ res nobis exhiberet duos æstus spatio 24 horarum, alterum existente summa acceleratione motus, alterum durante summa retardatione. Ita Wallisius. Si ergo aqua potest habere alium motum quàm terra, evidens, corpora etiam gravia partim pro diversa densitate materiæ, partim pro diversa directione terræ in Austrum vel Boream, partim pro diversitate earum virium, quæ interdum destruunt motum, v. g. in globo tormenti bellici versus Occidentem explosio, diversum etiam fore descensum, gravium nec semper perpendicularem. Immo ex hac ipsa figura sequeretur, æstum maris, adeoque etiam æstum aeris aliquando in Austrum, aliquando in Boream fore convertendum.

## C A P. XI.

### An ex Barometro falsitas Systematis Copernicani demonstrari possit?

A. R. P. Carolus Burgundio Soc. Jesu Romæ Mathematicum Professor anno 1625, elegantem edidit demonstrationem, qua ostendit Mercurium singulis diebus sub Æquatore tertia parte pollicis



pollicis nocte media. descensurum, si moveretur terra. Hoc autem est manifestè contra experientiam, quod ostendo ex documentis eodem anno 1725. in Hollandia editis sub titulo. *Journal littéraire* Part. 1. Tomi 12. in his novellis litterariis continetur extractum epistolæ scriptæ 1722. ex *Surinam*, in hac sic dicitur: Barometrum sub Zona Torrida non tam altè ascendit, sicut sub Zona Temperata; sed nec tam profundè descendit. In *Surinam* quotidie dantur quatuor anni tempora, una pars diei pluvia est, altera sicca, una quieta, altera turbulenta. Mercurius quotidie ab hora 9. usque ad 12. ascendit; dein usque ad horam 2. ac 3. descendit. Eundem ordinem servat de nocte. Sed tota differentia altitudinum tantùm est  $\frac{1}{2}$  aut  $\frac{3}{4}$  aut integræ lineæ. Post horam 3. iterùm ad priorem altitudinem ascendit. Præterea aliquando 3. aut 4. continuis diebus ascendit, actotidem iterùm descendit, sed & hîc differentia altitudinis tantùm est  $\frac{1}{2}$  aut  $\frac{3}{4}$  unius lineæ, sic ut Mercurius toto anno nunquam altior sit 28".  $11''$ . &  $\frac{3}{4}''$ . nec inferior 27".  $11''$ . &  $\frac{3}{4}''$ . Sic istæ novellæ. Sequitur nunc demonstratio P. Caroli.

## PROPOSITIO I.

### PROBLEMA.

*Corporis in girum acti vim centrifugam definire.*

**vi. 2.** **EX**perimento constat corpore A in girum acto circa centrum C tendi filum AC, cumque ad  
**fig. 82.**  
1. filum tendendum duplex vis requiratur, quarum alterâ mobile A nititur à centro recedere, alterâ recessus impeditur, primam vim centrifugam, secundam centripetam, vel attractivam, utramlibet indiscriminatim centalem recentioribus Geometris libuit appellare. Centro autem mobilis circumferentiam circuli describente oppositarum virium alteram alteri æquari necesse est, nam alterutrâ prævalente constans à centro motus distantia minimè servaretur. Ergo determinatâ unius quantitate alterius quantitas innotescit. His positis quaeritur quanta sit vis centrifuga corporis in circulo revoluti? Dico æquari quadrato velocitatis quâ mobile circumagitur diviso per Diametrum circuli, quem describit. Probatur. Ductâ utcumque tangente AB, completoque rectangulo ABDE. si mobile A sollicitetur duplici impetu per AB, & per AE, quorum ratio ut AB. ad AE. constat ex Mechanicis fore, ut mobile concipiat motum ex utroque compositum decurrendo Diametrum AD rectanguli ABDE velocitate AD. Ergo vis qua retrahitur à motu per tangentem AB est AE. Sed per 14. e. 2. rectangulum FEA. æquatur quadrato ED. additoque communiter quadrato EA rectangulum FAE per 47. e. 1. æquatur quadrato AD, & divisione rectanguli FAE per FA resultat AE: Ergo etiam divisione equalis quadrati AD per priorem divisorem resultat eadem AE. Atque hoc subsistit utcumque immutatis AB, AE donec chorda AD æquipolleat ar-

cui, quem subtendit. Ergo vis centrifuga corporis circumacti æquatur quadrato velocitatis quâ elemento temporis elementum circumferentiæ, vel sumptis æque multiplicibus dato tempore datum arcum circumferentiæ absolvit diviso per Diametrum circuli, quem describit.

### Corollarium.

Inæqualium mobilium virtutes motrices variantur tam pro diversâ velocitate, quàm pro diversa mobilium mole, densitate, & mediorum permeandorum resistantia. Ergo, si motu circulari incitentur, ipsorum virtutes centrifugæ erunt in composita ratione molis, densitatis, resistantiæ medii, & quadrati velocitatis divisi per Diametrum circuli, quem describunt. Id iplana insequentibus; pro ut opus fuerit, est intelligendum.

## PROPOSITIO II.

### PROBLEMA.

*Planetarum circumsolarium vires centrifugas invenire.*

Divisâ mediâ Solis à Terrâ distantia in partes æquales 10. earundem partium media Solis à Mercurio distantia proximè continet 4. à Venere 7. à Marte 15, à Jove 52, à Saturno 95, quorum intervallorum acutissima comparatione Kepplerus mirificâ planè solertiâ invenit cubos distantiarum à Sole proportionales esse quadratis temporum, quibus Planetæ circa Solem convertuntur, eandemque legem à Satellitibus Jovis, & Saturni comitibus postmodum servari compertum est. Stante huiusmodi analogiâ quærentur Planetarum circumsolarium vires centrifugæ? Dico esse in ratione in duplicata reciproca distantiarum à Sole. Probatur. Assumantur duo quivis Planetæ A, & B puta Venus, & Mercurius, quorum in fig. 2. distantia à Sole C sint ut 7. ad 4. Erit horum intervallorum ratio triplicata ut 343. ad 64. quæ ex hypothesi æquatur rationi temporum duplicatæ. Ergo tempus periodicum Planetæ A ad tempus periodicum Planetæ B est ut radix quadrata 343. ad radicem quadratam 64 cumque circumferentiæ circulo- rum sint ut radii, & velocitates quibus circumferentiæ decurruntur sint ut spatia divisa per tempora, erit velocitas A ad velocitatem B ut 7. divisum per radicem quadratam 343. ad 4. divisum per radicem quadratam 64. atque utrinque quadrando erit quadratum velocitatis A ad quadratum velocitatis B ut 49. 343. ad 16. 64. sive reductis fractionibus ad minimos terminos ut 1:7. ad 1; 4. Sunt autem per præcedens problema vires centrifugæ ut quadrata velocitatum per circulo- rum Diametros diam. = 14. = 27. divisa. Ergo vis centrifuga Venoris ad vim centrifugam Mer-  
curii



curii ut 1: 98. ad 1: 32, sive ut 32 ad 98, & sumptis subduplis ut 16 ad 49 quæ est ratio duplicata reciproca distantiarum.

### Corollarium.

Si Planeta ultra motum circa alium centalem, revolvatur præterea circa proprium axem vires centrifugæ binorum punctorum quæ assumantur in Planeta circa suum axem revoluto erunt ut distantia punctorum assumptorum ab axe. Etenim puncta illa describent eodem tempore circulos perpendiculares axi, & quorum radii erunt distantia ab axe. Ergo velocitatum quadrata erunt ut quadrata Diametrorum. Sed quadrata Diametrorum divisa per Diametros, sunt ut Diametri, ergo velocitatum quadrata divisa per Diametros nempe vires centrifugæ erunt ut Diametri, vel sumptis subduplis ut semidiametri sive distantia ab axe.

## PROPOSITIO III.

### PROBLEMA.

*Investigare rationem virium centralium hypothese Telluris motu annuo, & diurno revolutæ.*

**C**onjungat in fig. 3. & 4. recta ST. centrum Solis, ac Terræ, planoque ducto per axem Telluris Pp. & rectam TS, quæ erit axis illuminationis terrestris, repræsentet circulus ABCT meridianum terrestrem. Liqueat ab axe illuminationis TS posse constitui angulos rectos ut in fig. 3. vel obliquos ut in 4. cum axe Telluris Pp. Sed quicumque anguli constituentur, si Tellus motu diurno absolvat unam revolutionem circa suum axem Pp. puncta extra axem terrestrem posita, qualia sunt A, & C circulos describent, quorum Diametri AB, CD. & per corollarium probl. 2. vim centrifugam concipient ab axe Pp in ratione radiorum TA, EC. Huic revolutioni diurnæ accedat annua, qua Telluris centrum T circa Solem S in plano Eclipticæ revolutum orbitam describat spectatis motibus mediis circularem, eadem puncta A, & C novos circulorum arcus circa centrum Solis gignent. Ergo novam vim centrifugam concipient à Sole, & quia ob ingentem Solis à Terra distantiam circulorum radii AS. CS. considerari possunt tanquam æquales, & paralleli, etiam vis centrifuga à Sole respectu quorumvis punctorum terrestrium A, & C. haberi potest ut constans. Quæritur ratio virtutis centrifugæ diurnæ ad annuam assumpto quovis puncto A, vel C extra axem terrestrem. Dico in Equatore esse ut 6. ad 1.; extra Equatorem ab hac ratione decrescere pro decremento Diametri paralleli infra Diametrum Equatoris. Probatur. Inæqualium

circulorum arcus dissimiles sunt in ratione composita radiorum, & minorum, quibus constant. Ergo assumpto puncto A in Equatore, arcus descriptus tempore unius secundi circa axem Pp. ad arcum descriptum circa Solem S erit in ratione composita TA ad AS, vel TS, & minorum quibus constat motus diurnus ad minuta debita motui annuo pro tempore assumpto. Sed juxta Cl. Cassinum media distantia Solis à Terra est semidiametrorum terrestrium 22000. & motus diurnus debitus uni secundo horario est secundorum 15; motus verò annuus eidem tempori debitus est tertiorum 2, quatorum 28, quantus videlicet est motus medius Solis pro tempore assumpto. Ergo arcus decursus motu diurno ad arcum decursum motu annuo rationem habet compositam ex 1. ad 22000. & 15. secundorum ad 2. tertia, & 28. quarta, sive 54000. ad 148. scilicet rationem 54000. ad 3256000, vel 54. ad 3256. quæ est ratio velocitatis diurnæ ad annuam. Dantur igitur velocitates, quarum quadrata per circulorum descriptorum Diametros divisa ex probl. 1. detegent rationem virium centralium ut 1458 ad 241, vel 6 ad 1. Rursus assumpto extra Equatorem puncto C. per coroll. probl. 2. vis centrifuga diurna in C ad vim in A est ut EC ad TA, quæ innotescet faciendo ut TA ad EC ita 6 ad quartum proportionalem, cumque vis centrifuga annua constans assumatur, erit puncti C vis centrifuga diurna ad annuam ut quartus proportionalis inventus ad unitatem.

### Corollarium.

Cl. Cassinus jussu regio Terram metitus, unum Terræ gradum hexapedarum 57292. deprehendit. Ergo arcui 15 secundorum Equatoris terrestris imputabuntur pedes Parisien. 1432. 2. pro mensura motus diurni sub Equatore terrestris, factisque ut 54 ad 3256, ita 1432. 3. ad quartum proportionalem, erit motus annuus tempore unius secundi horarii in systemate moræ Telluris pedum Parisien. 86362. 38.

## PROPOSITIO IV.

### PROBLEMA.

*Pondere circulariter moto velocitate, quam acquirit descendendo ex altitudine subquadrupla Diametri, inquire rationem virtutis centrifugæ ad vim gravitatis, qua descensus inchoatur.*

**I**n fig. 5. Descendat pondus ex quiete per verticalem AB subquadruplam Diametri CB, & velocitate hoc descensu acquisita convertatur motus rectus in circularem, decurraturque elomen-



elementum circumferentiæ BD tempore æquali ei, quo vi gravitatis descendendo absolvitur elementum AF spatii AB. Queritur ratio virtutis centrifugæ ad ponderis gravitatem? Dico vim centrifugam æquari gravitati ponderis expositis conditionibus revoluti. Probatur. Ex motus accelerati legibus, si pondus moveretur ab initio retentâ constanter velocitate, quam acquirit in B quo tempore decurrit AB absolveret spatium duplum, quale est GB: sed ex hypothese decurrit elementum circumferentiæ BD velocitate quam acquisivit in B: Ergo tempus descensus per AB ad tempus revolutionis per BD est ut GB ad BD: Atqui etiam ex hypothese tempus revolutionis per BD, æquatur tempori descensus per AF; ergo GB ad BD est ut tempus descensus per AB ad tempus descensus per AF; cumque in motu accelerato spatia ab initio motus emensa sint in duplicata temporum ratione, erit ut quadratum GB ad quadratum BD, ita spatium AB ad spatium AF. Ponatur itaq;  $GB = r$ ,  $BD = a$ ,  $AB = r$ : 2. eritq;  $AF = aar$ :  $2rr = aa$ :  $2r$  quæ per 1. probl. æquatur virtuti centrifugæ. Ergo cum vires motrices sint ut spatia aequalibus temporibus ipsarum impulsu emensa, erit vis centrifuga æqualis gravitati ponderis expositis conditionibus revoluti.

### *Corollarium.*

Cum corpora circumterrestria non alligentur centro Telluris aliquo retinaculo, sed gravitate centrum versùs urgeantur, si Tellus circa suum axem rotaretur velocitate majori ea quam corpora terrestria acquirerent descendendo ex quiete per altitudinem subquadruplam diametri terrestris vis centrifuga prævaleret ipsorum gravitati, atque à centro repellerentur. Sed posita ratione circumferentiæ ad diametrum quæ 355, ad 113. multiplicando hexapedas uni gradui circuli terrestris debitas, vel pedes parisiens. 343752. per 90, erit quadrans circumferentiæ terrestris pedum 30937680, & quia ut circumferentia ad diametrum, ita quadrans circumferentiæ ad quadrantem diametri, multiplicato quadrante invento per 113, & dividendo productum per 355, erit terrestris diametri quadrans pedum 9847768, 56. cumque per prop. 25. Hugenii, De centro oscillationis, grave uno secundo horario ex quiete descendens absolvat pedes paris. 15. 08, & spatia motu accelerato confecta sint ut quadrata temporum, diviso 9847768. 56. per 15. 08. quotus 653035. 05 erit quadratum temporis cadendo impensi, cujus radix 808 dat minuta secunda horaria, quibus casus absolvitur, & dividendo spatium emensum 9847768. 56. per tempus 808, resultat velocitas media subdupla maximæ pedum 12188, undè velocitas acquisita casu per quadrantem diametri terrestris uno secundo horario apta est absolvere pedes 24376. Ergo velocitate diurnâ nequeunt gravia à centro removeri quod vis centrifuga motus diurni oriatur ex velocitate 1432. 3, & vis centrifuga æqualis gravitati corporum ex velocitate 24376.

*R. D. Euseb. Amort Philosophia.*

## PROPOSITIO V.

### PROBLEMA.

*Detegere rationem gravitatis ad vim centrifugam diurnam, atque annuam in Systemate motæ Telluris.*

**A**ssumatur primò in fig. 3. corpus A sub Æquatore, & detegenda sit ratio gravitatis ad vim centrifugam diurnam, atque annuam? Dico pondus A ad vim centrifugam diurnam esse ut 174. ad 6, atque ad annuam ut 174 ad 1. Probatur. Vires centrifugæ in circulis æqualibus sunt in duplicata ratione velocitatum. Ergo vis centrifuga diurna ad gravitatem ponderis A per coroll. 3. & 4. probl. est in duplicata ratione 1432. 3 ad 24376: sed dividendo quadratum consequentis per antecedentem prodit 41485, quo diviso per 1432. 3 resultat 28. 96. sive 29, Ergo vis centrifuga diurna ad pondus A est ut 1 ad 29, vel sumptis sextuplis ut 6 ad 174. Cumque ex probl. 3. annua ad diurnam sit ut 1. ad 6. erit annua ad pondus assumptum ut 1. ad 174. Assumatur secundò corpus C extra Æquatorem. Dico pondus ad vim centrifugam diurnam esse ut 174 ad quartum proportionalem post TA, EC & 6; ad annuam verò in ratione prius inventa. Probatur Per coroll. probl. 2. vis centrifuga diurna in C ad vim in A est ut EC ad TA, atque ex modò ostensis gravitas ad vim centrifugam diurnam in A ut 174 ad 6: Ergo gravitas ad vim centrifugam diurnam in C ut 174 ad quartum proportionalem post TA, EC, & 6. Cumque vis centrifuga annua constans assumatur, erit ratio gravitatis ad vim centrifugam annuam in C eadem quæ in A.

### *Corollarium.*

Non sunt hic confundendæ quantitates virium agentium cum ipsarum momentis, quæ diversa sunt pro diversitate inclinationum per quas agunt, ut in fig. 3. respectu ponderis A tam gravitas, quam vis centrifuga diurna, atque annua agunt per directionem verticalem TA: at respectu ponderis C gravitas agit per directionem verticalem CT. vires autem centrifugæ diurna, atque annua per directionem inclinatam EC. Quare si ponderis in A collocati gravitas absoluta ponatur divisa in partes æquales 174, vis centrifuga diurna auferet partes 6 actione à T versùs A, & vis centrifuga annua addet 1. actione ab S versùs A; Ergo veritas relativa qua pondus ager versùs T erit  $174 - 6 + 1 = 169$ . Sed si idem pondus transferatur in C, sitque TA ad EC ratio 5. ad 4. erit ex Mechanicis momentum ponderis C secundùm CT ad momentum secundùm CE

$FF ffff$  ut CT



ut CT, vel TA ad CE. Quare factis ut 5. ad 4., ita 174. ad 139. 2. hoc erit momentum ponderis, C secundum lineam CE, & rursus factis ut 5. ad 4., ita 6. ad. 4. 8. hæc erit vis centrifuga ab E. Ergo gravitas relativa ponderis C secundum directionem obliquam CE erit 139. 2 — 4. 8 † 1. = 135. 4

Denique factis ut 4 ad 5, ita 135. 4 ad quartum proportionalem 169. 25. erit gravitas relativa ponderis C secundum verticalem CT, unde momentum ejusdem ponderis majus est in C quam in A. Ex quo assertores Terræ motæ coguntur admittere maria altius attolli sub Æquatore, quam extra lineam æquinoctialem ad æquilibrium aquarum conciliandum. Eadem de causâ suspensum pondere ex librâ elastica tubo cylindrico inclusa, pondus ad eandem altitudinem consistere non deberet interdiu, noctuque, ob inæquales compressiones spiræ chalybeæ à pondere, cujus momentum variatur pro diversa inclinatione virium centralium ad lineam verticalem.

ad annuam ut 6. ad 1 : Ergo ex binis viribus centrifugis directè oppositis orietur vis centrifuga a T ut 5, cui renitetur gravitas absoluta ponderis A elitis partibus 5 suæ gravitatis, adeoque relinquetur ponderi A gravitas relativa partium 169. At in loco B quoniam vis centrifuga ab S est pariter vis centrifuga a T, renitetur pondus B vi centrifugæ a T partibus 6, & vi centrifuga ab S parte 1. suæ gravitatis ita, ut relinquatur ponderi B gravitas relativa partium 167 elitis partibus 7. gravitatis absolutæ. Non ergo A æquiponderat, sed præponderat ipsi B. Idem discursus instituitur de binis quibuscvis æqualibus ponderibus æquidistantibus a centro T, & positis in recta SB. Idem proportionali modo ostenditur de ponderibus æqualibus C, & D, reliquisve positis in SD, atque adeo de omnibus corporibus existentibus in Hemisphærio illuminato respectu existentium in Hemisphærio obscurato. Ergo Hemisphærium illuminatum præponderabit obscurato, atque ambo simul a Sole in infinitum recedent contra Phænomena.

## PROPOSITIO VI.

### THEOREMA.

#### *Telluris motæ Systema ex phænomenis impugnare.*

**A**ssumantur in fig. 3. bina æqualia pondera in A, & B, quorum gravitas absoluta divisa concipiatur in partes æquales 174. Vi centrifuga diurna impelletur A versùs S, & vi centrifuga annua versùs T : Sed per probl. 5. gravitas ad vim centrifugam diurnam est ut 174 ad 6, & diurna

#### *Corollarium.*

Posita Mercurii altitudine in batometris pollicum Parisiensium 28. pro pondere Atmosphæræ, si Tellus circa Solem, & proprium axem converteretur, pondus Atmosphæræ in Meridie ad pondus in mediâ nocte, sub Æquatore se haberet ut 169. ad 167. Ergo factis ut 169. ad 167. ita pollices Parisien. 28, sive lineæ 336 ad quartum 332. altitudo Mercurii in mediâ nocte ab altitudine in Meridie decresceret tertia parte pollicis Parisiensis. Extra Æquatorem verò parte proportionali inveniendi ex dictis in Corollario probl. 5.

## SECTIO II.

### *Systema Mundi Physicum.*

#### CAPUT I.

#### *De Situ Planetarum.*

**1** Terra in medio Universi stat immobilis. Hanc ambit aër aerem æther, qui ad Lunam usque, altitudine 63. semidiametrorum terræ, extenditur.

**2** Luna natat in Atmosphæra terram ambientis ætheris; & ideo totam Atmosphæram ætheris à terra ad Lunam usque porrecti simpliciter *Atmosphæram Lunarem* voco. Hanc Atmosphæram Lunarem circumdat alia Atmosphæra subtilior, quæ ad Solem usque, altitudine 34000. semidiametrorum terrestrium, expanditur : Sol in hac Atmosphæra natat, ac circa terram revolvitur; hinc eandem *Atmosphæram Solarem* nomino.

**3** Sol natat in *Atmosphæra Solari*; supra hanc datur alia Atmosphæra subtilior, qua ad Matrem usque, altitudine mediocri 52000. semidiametrorum terrestrium, extollitur : Mars in hac Atmosphæra natat, & ideo eandem *Atmosphæram Martis* appello.

*Mars* natat in *Atmosphæra Martis*: huic circum-4 volvitur quarta Atmosphæra tribus inferioribus longè subtilior, quæ pertingit usque ad Jovem, & à terra in mediocri altitudine 179259. semidiametris terrestribus removetur. Jupiter in Atmosphæra ista navigat, & ob hoc eandem *Jovis Atmosphæram* voco.

*Jupiter* natat in *Atmosphæra Jovis*: hanc quinta alia Atmosphæra circumplectitur, quatuor inferioribus Atmosphæris longè subtilior; quæ, dum ad Saturnum usque evehitur, altitudine mediocri terram 327544. semidiametris terrestribus superat. Officium illius est, ut Saturnum circum terram deferat; & ideo eandem *Atmosphæram Saturni* voco.

*Saturnus* natat in *Atmosphæra Saturni*: huic 6 circumducitur alia Atmosphæra adhuc subtilior, quæ ab Atmosphæra Saturni usque ad stellas fixas per immensa spatia extenditur: in eadem vagantur ac deferuntur Cometæ, & ob hoc *Atmosphæra Cometarum* dici potest.

Cometa



**CAP. II.**

*De Atmosphæris Planetarum.*

7 *Cometa* natant in *Atmosphæra Cometarum* ordine sextâ. Post hanc sequuntur plures aliæ *Atmosphærae*, quæ & subtilitate differunt, & situ secundum diversam à terra distantiam à se invicem distinguuntur. In iisdem devehuntur circa terram stellæ fixæ, & ob hoc uno nomine, *Atmosphæra stellarum*, omnes simul comprehendi possunt.

8 *Stellæ fixæ* natant in *Atmosphæra stellarum* ordine septima. Hanc denique ambit *Atmosphæra* octava, omnium subtilissima; quæ, dum motu suo rapidissimo circa terram quotidie revolvitur, simul inferioribus *Atmosphæris* motum impertitur; & ob hoc *Atmosphæram* hanc octavam *Primum Mobile* nomino.

9 *Cælum Empyreum* collocatur supra *Atmosphæram* Primi Mobilis; estque immobile.

10 *Planeta secundarii* sunt undecim, nempe Mercurius & Venus, qui moventur circum Solem; quatuor satellites Jovis; qui gyranur circum Jovem; quinque satellites Saturni, qui revolvuntur circum Saturnum. Omnes hi *Planetæ* natant in *Atmosphæris* propriis, quibus nomen suum imponunt.

11 *Mercurius* proin natat in *Atmosphæra Mercurii*, seu *Atmosphæra* illa, quæ à Sole ad Mercurium in distantia 13000. semidiametrorum terrestrium extenditur; eadem Solem ambit, sicut *Atmosphæra* nostri aëris ambit terram. Sicut tamen *Atmosphæram* aëris ambit *Atmosphæra* subtilior, nempe Lunaris & Solaris, ita etiam *Atmosphæram* Mercurii ambit alia *Atmosphæra* subtilior, in qua circum Solem revolvitur Venus, & quæ ob hoc ipsum vocetur *Atmosphæra Veneris*.

12 *Venus* natat in *Atmosphæra Veneris*, quæ à Sole usque ad Venerem in distantia 24800. semidiametrorum terrestrium porrigitur.

*Quatuor Satellites Jovis* natant in totidem *Atmosphæris* circumjovialibus, densitate ac raritate diversis, quarum à Jove distantia tanta est, quanta est ipsorum satellitum. Est autem in diametris distantia satellitis.

|    |     |               |              |
|----|-----|---------------|--------------|
| 1. | 2.  | $\frac{2}{3}$ | diam: Jovis. |
| 2. | 4.  | $\frac{1}{2}$ |              |
| 3. | 7.  | $\frac{1}{3}$ |              |
| 4. | 12. | $\frac{1}{4}$ |              |

In semidiametris terræ verò est illa distantia Satellitis

|    |      |
|----|------|
| 1. | 156. |
| 2. | 248. |
| 3. | 394. |
| 4. | 700. |

14 *Quinque Satellites Saturni* natant in totidem *Atmosphæris* circumsaturniis, densitate ac raritate inter se diversis, quarum à Saturno distantia tanta est, quanta est ipsorum satellitum. Ea verò in diametris annuli circumsaturnii est in satellite.

|    |               |
|----|---------------|
| 1. | $\frac{2}{3}$ |
| 2. | 1.            |
| 3. | 1.            |
| 4. | 4.            |
| 5. | 12.           |

Eadem distantia in semidiametris terræ est in Satellite

|    |       |
|----|-------|
| 1. | 88.   |
| 2. | 112.  |
| 3. | 157.  |
| 4. | 362.  |
| 5. | 1085. |

*R. D. Euseb. Amort Philosophia.*

IN *Atmosphæris Planetarum* tria considero, 1. earum naturam, nempe raritatem, densitatem, subtilitatem, fluiditatem, elasticitatem, volubilitatem, resistentiam &c. 2. Earum figuram Ellipticam. 3. Earum Excentricitatem.

Dico 1. Raritas cujuscunque *Atmosphærae* superioris ad raritatem *Atmosphærae* inferioris se habet, prout se habent cubi distantiarum à communi centro. Cum enim columnæ aëreæ quoad raritatem se habeant, ut earum distantia, consequens est idem fieri in *Atmosphæris*. Cum autem soliditas sphaerarum ad aliam sphaeram se habeat, ut cubus diametri; sequitur, etiam soliditatem ac raritatem *Atmosphærarum* se habere, ut earum diametros, aut semidiametros, seu distantias à centro cubicas. Prout part. 1. C. 4. ad finem pluribus ostensum est.

Dico 2. *Atmosphæra* Lunaris habet figuram Ellipticam, ea lege, ut in foco Ellipseos inferiore posita sit terra; in foco verò superiore positum sit centrum *Atmosphærae* Lunaris, in quod omnes partes *Atmosphærae* Lunaris nisu perpetuo gravitent, ac tendant. Officium hujus centri est, ut in illo omnes partes *Atmosphærae* Lunaris æquilibrentur, & mediante æquilibrio à dissolutione præserventur.

Dico 3. *Atmosphæra* Solaris habet figuram Ellipticam, ea lege, ut in foco Ellipseos inferiore posita sit *Atmosphæra* Lunaris; in foco verò superiore positum sit centrum *Atmosphærae* Solaris, in quod omnes partes *Atmosphærae* Solaris nisu perpetuo gravitent; centrum hoc omnes partes massæ fluidæ in æquilibrio, totamque *Atmosphæram* Solarem à dissolutione conservat.

Dico 4. *Atmosphæram* Martis, Jovis, & Saturni eadem lege, eodem sine esse Ellipticam. Itaque in foco inferiore *Atmosphærae* Ellipticæ Martis posita est *Atmosphæra* Solaris cum omnibus suis partibus à se contentis; in foco verò superiore collocatum est centrum *Atmosphærae* Martis, in quod omnes massæ illius fluidæ partes æquilibrantur. Similiter in foco inferiore *Atmosphæra* Martis; & in foco inferiore *Atmosphærae* Ellipticæ Saturni posita est *Atmosphæra* Jovis: in foco verò superiore semper constituitur centrum cujusque *Atmosphærae*.

Dico 5. *Atmosphæras Planetarum*, quo propiores sunt primo mobili, eo magis accedere ad figuram circularem; ob majorem fluiditatem suarum partium.

Dico 6. Centrum *Atmosphærae* Lunaris à terra distare  $7\frac{1}{2}$  semidiametris terræ. Cum enim excentricitas Lunæ in partibus Radii 100000. sit 6343. fiet: ut se habet 106343. distantia ☾ à ☉ in partibus radii: ad

63. Distantiam maximam ☾ à ☉ in semidiametris ☉: ita

6343. Excentricitas in partibus radii: ad

315. Excentricitatem in partibus semidiametrorum ☉ adeoque distantia focorum erit  $7\frac{1}{2}$  semidiametrorum ☉.

Dico 7. Centrum *Atmosphærae* Solaris à centro ☉ distare 1140. semidiametris terræ; ab *Atmosphæra*



sphæra Lunari verò id distare 1077. semidiametris ☉. Cum enim Excentricitas Solis in partibus Radii 100000. fit 1658. dicere poteris:

Ut se habet distantia ☉ à ☽ = 101658.

Ad distantiam maximam in semid. 35000.

Ita Excentricitas in Part: radii. 1658.

Ad Excent. in semid. ☽. 570.

duplicata dat distantiam focorum.

9 Dico 8. Centrum Atmosphæræ Martis remotetur ab Atmosphæra Solis ad summum 1500. semidiametris ☽.

10 Dico 9. Universim focorum superiorum seu centrorum ab Atmosphæra inferiori distantia decrescit in proportionem ad diametrum Atmosphæræ maximam.

Hinc distantia centri in Atmosphæra Lunari est

In Atmosphæra Solari est

In Atmosph. Martis est

In Atmosphæra Jovis est

In Atmosphæra Satur. est

11 Dico 10. Atmosphæra cujuslibet Planetæ describitur è duobus focus; quorum superior existit in centro Atmosphæræ describendæ; alter verò focus inferior existit in extremo Atmosphæræ inferioris.

12 Dico 11. Omnes reliquas anomalias Planetarum, quæ non dependent à tali figura Elliptica, provenire à diversâ rarefactione aut condensatione cujusvis Atmosphæræ ex majore vel minore distantia Solis, cujus rarefactionis vel condensationis quantitas solum ex observationibus nota esse potest.

### CAPUT III.

#### De Motu Raptus Planetarum.

2 **P**rimum mobile movetur ab Oriente in Occidentem, & intra 24. horarum spatium totum suum cursum peragit; simulque omnes reliquas Atmosphæras secum rapiendo circumagitur. Id fit partim, quia subtilissima materia primi mobilis omnes Atmosphæras penetrat, easdemque motu suo ad motum stimulat; partim verò, quia Atmosphæræ sibi tam arctè invicem incumbunt, ut nequeat moveri superior, quin moveatur simul inferior. Optime hunc motum raptus exhibent diversi liquores v. g. aqua & oleum, amplo rotundo vasi immissi: fieri enim non potest, ut circumagatur liquor à centro remotior, quin simul liquor centro vicinior abripiatur.

2 Atmosphæræ Planetarum non assequuntur motum primi mobilis: adeoque serius post revolutionem ad idem punctum revertuntur.

3 Atmosphæræ Planetarum, quo viciniore sunt centro, eò tardius assequuntur motum primi mobilis; quò verò primo mobili sunt viciniore, eò magis assequuntur motum primi mobilis. Id fit partim, quia Atmosphæræ inferiores sunt crassiores, adeoque ad motum ineptiores; partim verò, quia subtilis materia primi mobilis, quæ omnes Atmosphæras penetrando easdem ad motum stimulat, minori quantitate distribuitur in Atmosphæras inferiores, quàm superiores. Veritas assertionis non solum patet ex Mechanicis, ubi virtus motrix, quo vicinior applicatur centro, eò majorem invenit resistantiam; sed etiam ex legibus fluidorum, v. g.

fluminum, quorum partes superiores velocius moventur, quàm inferiores. Et exhiberi insuper potest in diversis liquoribus circa idem centrum circumactis.

Hinc Planetæ in Atmosphæris natantes, dum 4 non assequuntur motum primi mobilis, videntur moveri ab Occidente in Orientem.

Motus Planetarum ab Occidente in Orientem 5 proportionalis est ad densitatem cujuslibet Atmosphæræ. Ea verò densitas se habet ut quadratura distantia à terra divisus per numerum Atmosphæræ, prout part. 1. C. 7. explicatum est. Ponitur autem in Planetis primariis Atmosphæra Solis 1. Martis, 2. Jovis. 3. Saturni quarta.

Hinc motus diurnus versus Orientem est in stellis. 6

|   | ☉   | ☽   | ☿   | ♀ |
|---|-----|-----|-----|---|
| ☽ | —   | —   | —   | — |
| ☿ | —   | 2.  | 1.  | — |
| ♀ | —   | 4.  | 59. | — |
| ☉ | —   | 31. | 27. | — |
| ♂ | —   | 59. | 8.  | — |
| ♂ | 13. | 10. | 35. | — |

Similiter in Planetis secundariis eò tardior est 7 revolutio circa Planetam primum, quo major est illorum à Planeta primario distantia.

|                |    | dies | H    |               |
|----------------|----|------|------|---------------|
| Hinc revolutio | ☿. | fit  | 87.  | 23. 14. 24. 8 |
|                | ♀. |      | 224. | 17. 44. 55.   |
| Satellitum     | ☿. | 1.   | 1.   | 18. 28. 35.   |
|                | 2. |      | 3.   | 13. 17. 54.   |
|                | 3. |      | 7.   | 3. 59. 39.    |
|                | 4. |      | 16.  | 18. 5. 7.     |
| Satellitum     | ♀. | 1.   | 1.   | 21. 18. 31.   |
|                | 2. |      | 2.   | 17. 41. 27.   |
|                | 3. |      | 4.   | 13. 47. 16.   |
|                | 4. |      | 15.  | 22. 41. 11.   |
|                | 5. |      | 79.  | 7. 53. 57.    |

An verò quadrata temporum se habeant, ut cui 9 bi distantiarum in revolutionibus Planetarum, tuto affirmari non potest, saltem respectu Planetarum circa diversa centra revolvuntur v. g. satellitum ☽. ☿. ♀. ☉.

Hoc solum adhuc observo, Planetas in suo 10 Atmosphæra tardius sequi motum primi mobilis, quàm ipsam Atmosphæram, in qua deferuntur; quia cum sint densioris consistentiæ, & in fluido rariore se navigent, eò difficilius recipiunt impetum subtilis materiæ atque Atmosphæræ supra se præterfluentis.

Hinc, quo Planetæ molis, aut densitatis majoris 11 sunt, eò cæteris paribus sequuntur promptius motum primi mobilis. Ex quo manifestum fit, ad solam distantiam Planetarum à centro communi attendi non posse, dum de illorum periodicis revolutionibus agitur.

### CAPUT IV.

#### De Motu vertiginis Planetarum.

**J**upiter, Mars, Sol, Venus moventur circa axem proprium ab Oriente in Occidentem, videlicet quoad faciem ad nos conversam, sic ut illud punctum, quod prius videbatur versus orientem, paulo post videbatur versus Occidentem. Ratio est, quia cum Atmosphæra cujuslibet Planetæ. Celerius moveatur versus Occidentem, quàm ipse Planeta, necessarium est, ut Atmosphæra subtus Planetam rapide transeundo secum rotet Planetam, sicut flumina solent rotare rotas molendinorum.



2 Omnes Atmosphæræ Planetarum secundariorum moventur simili motu vertiginis ab Oriente in Occidentem. Dum enim hæ Atmosphæræ instar Planetarum natant in Atmosphæra inferiori densiori se, ab hac celerius transeunte rotantur, instar rotarum à præterlabente flumine.

3 Hinc motus Planetarum secundariorum, quales sunt Mercurius, Venus, & satellites Jovis ac Saturni à celeritate talium Atmosphærarum æstimari debent.

4 Cum tamen Atmosphæra primaria immediatè applicetur omnibus Atmosphæris secundariis penetrando per illas, sicut aura æthera penetrat per aërem, fit, ut Atmosphæra interior celerius circumagatur quàm exterior.

5 Hinc & intimus satelles celerius circumagitur circa Jovem aut Saturnum quàm exterior.

6 Ex complicatione omnium prædictarum conditionum ad motum vertiginis, fit ut motus vertiginis absolvetur

| in | diebus | H   |     |     |
|----|--------|-----|-----|-----|
|    | 7.     | —.  | 9.  | 6.  |
|    | 7.     | —.  | 24. | 40. |
|    | 7.     | 27. | —.  | —.  |
|    | 7.     | —.  | 24. | —.  |

7 Potest etiam fieri, ut ad motum vertiginis atque attractionis multum contribuat asperitas partium, magnitudo corporis gyantis, ac densitas, ob quorum ex parte defectum Saturnus, Mercurius, & Luna forte non moventur motu vertiginis saltem periodico ac totali, licet liberationes menstruæ lunares in causam referri possint. Accedit, quod crassities Atmosphæræ lunaris potissimum impediatur, ne à remisso subtilis materiæ & Atmosphæræ solaris impetu revolvatur circa axem proprium.

## C A P. V.

### *De Apogeo, & Perigeo Planetarum.*

1 Apogeo voco illud cujusvis Atmosphæræ Planetariæ punctum quod linea à terra vel Planeta primatim per centrum Atmosphæræ ducta ad peripheriam determinat; punctum verò Apogeo è Diametro oppositum Perigeum voco.

2 In Apogeo per se maxima est cujusvis Planetæ à terra distantia. Ratio est, quia, dum partes Atmosphæræ in centrum suum confluunt, vehementi tali partium affluxu Atmosphæra ex illa parte distenditur, & Planeta cum Atmosphæra simul attollitur.

3 Universim ibi maxima est Planetæ à terris distantia, ubi maxima est Atmosphæræ Planetariæ rarefactio. Ratio est, quia omnes Atmosphæræ, quo subtiliores sunt, eò magis rarefactioni subjectæ sunt; cum igitur Atmosphæra nostri aëris per rarefactionem secum vapores & nubes ad majorem altitudinem attollat, idem de Atmosphæris Planetarum cogitandum est.

4 Hinc maxima cujusvis Planetæ superioris distantia est in conjunctione cum Sole. Quia ob viciniam Solis Atmosphæra Planetarum per rarefactionem tunc distenditur, atque cum Planeta attollitur.

5 Distantia verò Planetarum superiorum omnium maxima fit, quando Planeta in suo Apogeo cum Sole conjungitur; Quia in hoc casu ex duplici capite augetur distantia Planetæ, nempe ex rarefactione Atmosphæræ ob viciniam Solis, & ex affluxu partium ad suum centrum.

6 Apogeo Planetarum movetur ab Occidente in Orientem; Quia centrum cujuslibet Atmosphæræ ob

compressionem partium ibi confluentium densius est cæteris suæ Atmosphæræ partibus, & ideo difficilius sequitur motum primi mobilis. Nec obstat, quòd alia corpora, quo densiora sunt, & facilius recipiant impetum primi mobilis, ac celerius sequantur primum mobile: id enim solum verum est de corporibus liberrime in fluido rariori se natantibus, quale corpus non est centrum Atmosphæræ seu Apogeo.

Hinc fit, ut Apogea Planetarum, quo densiora sunt, 7 & quo magis distant à primo mobili, eo difficilius sequantur motum primi mobilis, aut motum Atmosphæræ suæ. Et propterea fit, ut motus annus Apogei in Orientem respectu Atmosphæræ suæ sit

| in | °  | 1. | 10. | 30. | 51. |
|----|----|----|-----|-----|-----|
| ☉  | —. | —. | —.  | —.  | 50. |
| ☿  | —. | —. | 1.  | 7.  | —.  |
| ♀  | —. | —. | 1.  | 84. | —.  |
| ♂  | —. | —. | 1.  | 22. | —.  |

Apogeo Lunare maximam à terra habet distantiam in Syzygiis; & quo Syzygiis propior est, eo major est Apogei Lunaris à terris distantia. Ratio est, quia prope Syzygias major est Atmosphæræ Lunaris rarefactio, facta à radiis solaribus directis. Nec obstat, quòd in oppositione Solis videatur minor esse rarefactio; quia respectu radiorum solarium differentia illa, non excedens 118. semidiametros terræ, quæ intercedit inter conjunctionem & oppositionem, habetur pro exigua.

Hinc nulla est necessitas fingendi, Apogeo Lunare à Syzygiis ad octantes progredi: ab octantibus verò regredi: Quia idem præstat Atmosphæræ Lunaris rarefactio. Planetam attollendo; quod præstat Apogei progressio, aut regressio.

Nemo tamen non videt, anomalias Lunæ, quæ hactenus nullis paruerunt Astronomorum legibus, dependere à complicatione causarum, in Systemate Physico Atmosphæræ Lunaris concurrentium.

Distantia Solis, Planetarum, ac præsertim Martis non tam dependet ex distantia ab eorum Apogeo, quàm ex eorum distantia à Sole, & exinde consequente rarefactione tam suæ quàm solaris Atmosphæræ. Verosimile enim est, Martem nunquam ingredi in Atmosphæram Solis; sed dici potest, tunc quando Mars est in minima à terra distantia, partes Atmosphæræ Solaris in tanta copia à Perigeo fluxisse versùs Apogeo, & versùs viciniam Solis, ut altitudo Atmosphæræ Solaris ex ea parte, qua Mars adeo est vicinus terræ, ut ab ea vix distet 13000. semidiametris terræ, solum sit 8000. semidiametrorum terrestrium. Sicut enim ex ventis australibus decrescit altitudo aëris, crescit verò ex ventis septentrionalibus, ita in omnibus Atmosphæris altitudo crescit vel decrescit ex affluxu perpetuo omnium partium fluidorum versùs Solem, nempe versùs partes rariores.

## C A P. VI.

### *De Progressione, Statione, ac Retrogradatione Planetarum.*

1 Inter præcipuas Superiorum Planetarum anomalias sunt Statio, Retrogradatio ac vicinia ad terram, quæ nunquam contingunt, nisi in oppositione ad Solem.



2 Mars, Jupiter, Saturnus fiunt retrogradi circa oppositionem ad Solem. Causa hujus effectus est sola refractione radiorum solarium, qui, dum ex Atmosphæra solari instar torrentis subtilissimi prorumpunt in Atmosphæram Martis, refringuntur, ac colliguntur in conum radiosum. Idem fit, quando radii solares ex Atmosphæra Martis transeunt in Atmosphæram Jovis, aut ex Atmosphæra Jovis in Atmosphæram Saturni, quia tali in casu radii transeunt è medio densiori in medium rarius. Conus iste radiosus tantum formatur ex oppositione Solis; quia ex parte conjunctionis Sol tanquam in centro cujusvis Atmosphære Planetariæ spectari potest. Dico proin, Planetam Martis, Jovis aut Saturni ad talem conum radiosum delatum regressurum. Ratio est, quia conus iste radiosus constat ex subtilissima materia, adeoque, dum in illa Planetæ navigant, facilius assequuntur motum primi mobilis, hoc est, regrediuntur.

3 Saturnus diutius est retrogradus, quam Jupiter, & Jupiter diutius est retrogradus, quam Mars; Saturnus enim retrogradus est diebus 136. Jupiter diebus 120. Mars diebus 80. Ratio est, quia conus radiosus ex Atmosphæra Jovis prorumpens in Atmosphæram Saturni majoris est diametri, quam conus radiosus prorumpens ex Atmosphæra Martis in Atmosphæram Jovis: & hic majoris est diametri, quam conus radiosus profluens ex Atmosphæra solari in Atmosphæram Martis. Adeoque sicut Luna transeundo per conum umbrosus terræ majoris diametri diutius obscuratur, ita etiam Planetæ transeundo per conum radiosum majoris diametri diutius manent in statu facilius assequendi impressionem primi mobilis, & consequenter diutius regrediuntur.

4 Mars, Jupiter, & Saturnus, dum incipiunt & desinunt esse retrogradi, fiunt stationarii. Ratio est, quia circa latera cono radiosi radii nondum sunt tam collecti, quam circa medium; adeoque licet concilient Planetæ aliquam facilitatem sequendi impressionem primi mobilis ob aliquam raritatem ac subtilitatem fluidi; ea tamen facilitas tanta non est, ut prævaleat. Hinc Planeta videtur stare, eò quod nec progrediatur motu proprio liberè ob subtilitatem materiæ, nec omnino cedat impressioni primi mobilis.

5 Saturnus fit stationarius in distantia à Sole quadrante paulò majore: Jupiter in distantia circiter 120. graduum; Mars verò in distantia longè majore. Ratio est, quia Atmosphæra Saturni sitam habet altiore, adeoque etiam radii solares citius incidunt in limbum inferiorem: hinc sicut citius incurrunt in limbum respectivè convexiorem, ita etiam citius refringuntur. Cum igitur conus radiosus ex Atmosphæra Jovis prorumpens in Atmosphæram Saturni incipiat in distantia ad Solem respectivè ad terram paulò majore, mirum non est, quod in illa distantia jam incipiat statio Planetarum. Et eadem ratio est stationis ex altera parte, dum Planeta ab oppositione pergit ad conjunctionem.

6 Saturnus fit stationarius diebus 6. Jupiter diebus 4. Mars diebus 2. Ratio est, quia in cono radiofo Atmosphære remotioris versùs latera radii non tam citò colliguntur, sicut in cono radiofo Atmosphære inferioris: hinc quia in cono Atmosphære superioris non tam citò crescit raritas ac subtilitas torrentis

conici radiosi, ideo etiam non tam citò augetur facilitas sequendi impressionem primi mobilis, & consequenter diutius Planeta stat.

Retrogradatio Martis, Jovis, & Saturni omnium 7 velocissima est in oppositione. Ratio est, quia in oppositione radii sunt magis collecti, adeoque ibi datur major fluidi subtilitas & facilitas sequendi impressionem primi mobilis.

Directio Martis, Jovis, & Saturni in conjunctio- 8 ne est velocissima. Ratio est, quia motus partium cujusvis Atmosphære ab Oriente in Occidentem tardissimus est circa conjunctionem; adeoque eo major erit motus Planetæ ab Occidente in Orientem. Quod autem motus partium cujusvis Atmosphære in conjunctione tardissimus sit, constat ex legibus motuum in fluidis: ex his enim constat, fluidum, quod movetur per se motu æquabili circa commune centrum, eò moveri velocius, quo viâ, per quas transit, angustiores sunt: id verò eò moveri tardius, quo viâ sunt ampliores. Cum igitur circa conjunctionem ob rarefactionem vicini Solis plurimum spatii detur fluido cujuslibet Atmosphære, etiam motus eò tardior erit in Occidentem.

Saturnus per minorem arcum regreditur, quam 9 Jupiter; & Jupiter per minorem arcum regreditur, quam Mars. Ratio est, quia licet conus radiosus citius attingat Saturnum, quam Jovem, nempe in distantia à Sole quadrante paulò majore, adeoque Saturnus transire debeat per conum radiosum, cujus diameter est ferè 180. graduum, non tamen propterea Saturnus transibit arcum 180. graduum; quia Saturnus non transit per conum radiosum immotum; sed conus radiosus transit per Saturnum, aut immotum, aut nonnisi per aliquot gradus promotum. Licet igitur conus radiosus æquali tempore transeat per Martem, Jovem & Saturnum, postquam illos semel attigerit, non tamen interea tres illi Planetæ motu proprio vel directo vel retrogrado conficiunt æquale spatium. Interim tamen verum est, Saturnum diutius esse retrogradum, quam Jovem, quia citius involvitur cono radiofo ex Atmosphæra Jovis prorumpente, quam Jupiter involvatur cono radiofo ex Atmosphæra Martis profluente.

Planetæ in oppositione sunt terræ viciniore.

Distantia minima ☿. à ☉ est 13668. 10

Semidiametrorum terræ ♄. est 136268.

♂. est 274532.

Ratio est, quia omnes Atmosphære ex opposito Solis immaniter condenfantur, adeoque dum in angustissimum spatium coeunt, etiam Planetæ ad terram propius accedunt. Posset etiam dici, Planetam ad conum radiosum delatum subito profunde mergi, sicut navis oneraria ex aquis marinis in aquas subtiliores fluminum delata.

Hinc adverto, necesse non esse, ut Atmosphæra 11 Martis secet Atmosphæram Solis. Licet enim distantia minima Solis à terra in semidiametris terræ sit 33759. econtrà distantia minima Martis tantum sit 13668. id tamen sine omni intersectione Atmosphærarum fieri potest. Cum enim Atmosphæra Solis ex opposito Solis partim ob condensationem, partim ob copiosum refluxum versùs Solem facillime altitudinis suæ amittere possit 4 tas partes, altitudo Atmosphære solaris ex opposito Solis



Solis tantum erit 8000. Semidiametrorum  $\odot$ . Igitur ob eandem causam diminuta altitudine Atmosphaerae Martis, nempe ad altitudinem 5000. semid.  $\odot$ . fiet distantia minima Martis 13000. semid.  $\odot$ .

12 Mercurius & Venus fiunt retrogradi circa conjunctionem cum Sole: iidem fiunt stationarii & directi. Sed horum phaenomenorum ratio aequè in nostro Systemate ex Optica repeti potest, ac in Systemate Copernicano, ut consideranti patet.

13 Id solum adverto, ad anomalias motuum in Venere & Mercurio multum conferre posse transitum eorum ex Atmosphaera solari in Atmosphaeram Martis: licet enim in propriis suis Atmosphaeris revolvantur, facile tamen fieri potest, ut ob raritatem vel densitatem vicinae Atmosphaerae facilius aut difficilior motum primi mobilis assequuntur. Actio etiam lucis in cono radiofo vel ope pressio- nis vel attractionis, vel rarefactionis multum con- fert ad anomaliam Planetarum superiorum.

## CAPUT VII.

### De motu Planetarum in Latitudinem.

|   |                      |     |     |     |
|---|----------------------|-----|-----|-----|
| 1 | Latitudo Saturni est | 20. | 1   | 30. |
|   | Jovis                | 24. | 48. | 20. |
|   | Martis               | 25. | 20. | —   |
|   | Solis                | 23. | 29. | —   |
|   | Lunae                | 28. | 47. | —   |

2 Ratio est, quia circa Aequatorem à summo coe-  
lorum usque ad terram pertransit omnes Planeta-  
rum Atmosphaeras torrens subtilissima materia; latitudo hujus torrentis physice quidem decrevit in Atmosphaeris inferioribus ob decrementum par-  
tium, & refractiones, quas subit à convexitate cu-  
juslibet Atmosphaerae; optice tamen crescit ob  
viciniam, in qua sub majori angulo cernitur. Si  
quaeras, ex quo fonte hic torrens scaturiat? dico  
eundem oriri ex motu rapidissimo totius nostri  
universi circa Aequatorem; necesse igitur est, ut  
omnes partes subtilissima tam in primo mobili,  
quam in reliquis Atmosphaeris versus Aequatorem  
confluant; cumque materia illa subtilissima, ac  
circa Aequatorem rapidissima è primo mobili in  
Atmosphaeram stellarum, ac exinde in alias infe-  
riores Atmosphaeras irruat, perpetuus torrens circa  
Aequatorem nascitur. Idea hujus torrentis habetur  
in lapide coticulari, aqua perfuso; lapide enim  
motu rapidissimo circumacto aqua magna sui par-  
te versus medium segmenti sphaerici confluit.

3 Latitudo Saturni major est, quam latitudo Jovis:  
quia in Atmosphaera Saturni latitudo torrentis phy-  
sice quidem major est ob materiae subtilis abun-  
dantiam, minoremque convexitatem minor refra-  
ctio; latitudo vero visa ob nimiam distantiam  
non multo minor. Constat enim differentiam ma-  
gnitudinum visam non esse proportionalem di-  
stantiis.

4 Omnes Planetae moventur ab uno limite ad al-  
terum: idque reciprocatione perpetua. Ratio est,  
quia torrens subtilis materiae per Aequatorem ad  
certam latitudinem utrinque diffusus, utrinque  
invenit materiam densiorem, velut gemina lito-

ra. Quando igitur Planetae ad littora ista appel-  
luntur, à virtute elastica densioris hujus materiae  
subito versus litus oppositum repelluntur; dum-  
que Planeta ad litus oppositum appellitur, eodem  
modo reciprocatione perpetua repellitur. Neque  
necesse est in hac reciprocatione admittere funda-  
menta motus perpetui, quia littora identidem ac-  
quirunt novam repellendi vim à motu laterali sub-  
tilis materiae, à quo in fluctuatione perpetua deti-  
nentur. Sicut proin frustum ligni in stagno ven-  
tis agitato perpetuo ad litus appellitur, & ab eo-  
dem iterum ad certam distantiam repellitur; ita  
etiam Planeta tamdiu repellitur ab uno limite ad  
alterum, quamdiu fluctuatio limitum à motu la-  
terali subtilis materiae conservatur.

Planetae, dum moventur ab uno limite ad alte-  
rum, non moventur linea recta, sed describunt li-  
neam circulem. Ratio est, quia Planeta, dum  
recta via nititur ab uno limite pergere ad alterum,  
simul à motu primi mobilis abripitur ab Oriente  
in Occidentem; cumque constet ex legibus mo-  
tuum, corpus viribus normaliter oppositis motum  
describere diagonalem, necesse est, etiam Plane-  
tam ingredi mediam inter duos illos motus, quo-  
rum unus est ab Austro in Septentrionem, alter ab  
Oriente in Occidentem.

Revolutio Planetarum inferiorum ab uno limi-  
te ad alterum est celerior, quam superiorum: Nam  
motus periodicus

|                 |      |    |     |     |
|-----------------|------|----|-----|-----|
|                 |      |    | 1   | 11  |
| Lunae est dies  | 27.  | H. | 7.  | 43. |
| Solis           | 365. |    | 5.  | 49. |
| Martis. A. I.   | 321. |    | 23. | 31. |
| Jovis. A. II.   | 317. |    | 14. | 49. |
| Saturni. A. 29. | 174. |    | 4.  | 58. |

Ratio est, quia in Planetis superioribus spatium  
percurrendum majus est; actio vero limitum ob  
minorem densitatem remissior; insuper motus ab  
Oriente in Occidentem vehementior, qui impedit,  
ne diagonalis cum adverso tam cito concurrat.

Altera ratio tam latitudinis, quam revolutionis  
Planetarum ab uno limite ad alterum posset desumi  
à motu Pendulorum: constat enim Pendula ascen-  
dere ad eandem altitudinem, à qua deciderunt,  
nisi inquantum ab elasticitate aeris prohiberentur:  
constat etiam, Pendula, quo longiora sunt, oscil-  
lationes peragere eò tardiores; oscillationes econ-  
trà Pendulorum eò esse celeriores, quo sunt ipsa  
breviora. Dico proin, nil impedire, quin Plane-  
tam concipiam instar Penduli, eò quod à viribus  
centripetis suspendantur è suo centro; à viribus  
verò centrifugis, sicut lapis gravitate sua tendit ad  
centrum, Planetae nitantur recedere à centro. Igi-  
tur necesse erit, ut Planetae superiores tanquam  
longiora Pendula oscillationes suas ab uno limite  
ad alterum absolvant tardius, quam Planetae inferio-  
res, utpote Pendula breviora.

Latitudo Lunae crescit in conjunctione & op-  
positione Solis ad Nodos Lunares. Ratio est,  
quia Sol rarefaciendo semitam Lunae auget vires  
motrices, quibus Luna movetur ab uno limite ad  
alterum; & ideo praevaleantibus his viribus diago-  
nalis magis recedit ab Aequatore: quamprimum  
verò vires motrices, quibus Luna movetur ab  
Oriente in Occidentem, denuo crescunt, diago-  
nalis, quam Luna motu composito describit, magis  
inclinatur in Aequatorem.

Nodi



10 Nodi omnium Planetarum moventur in consequentia. Ratio est, quia diagonalis, quam describit Planeta intra suos limites, oritur ex viribus motricibus compositis, quarum unius directio est in latitudinem, altera in longitudinem; quamprimum igitur augetur vis motrix in latitudinem, tunc diagonalis citius attinget limitem oppositum, & eo ipso citius secabit Eclipticam. Dico igitur, singulis appulsiis, quibus Planeta appellitur ad limites, augeri vires motrices limitum; quia limites ob densitatem materiae habent elasticitatem, adeoque etiam receptum à Planeta impetum in eundem vi elastica longè majori refundent, ut constat ex legibus motuum in corporibus elasticis, maxime geometricè proportionalibus. Vel dici posset: Planetam quasi reflecti à suis limitibus, in quos oblique impellitur, ita tamen, ut angulus reflexionis major sit angulo incidentiae; nec id mirum videri debet in fluidis, cum manifestè cernamus laminam lapideam oblique in stagnum impulsam subsultare altius, quàm posceret angulus incidentiae; fluida siquidem retrocedunt, & superficiem suam inclinant angulo incidentiae, ex quo necesse est, angulum reflexionis fieri majorem.

11 Hinc motus nodorum celerior est in Luna, quàm in Marte; & in Marte celerior, quàm in Jove. Motus siquidem annuus est

|     | 5  | 0   | 1   | //  |
|-----|----|-----|-----|-----|
| est | 1. | 10. | 39. | 51. |
| ♂   | —. | —.  | —.  | 37. |
| ♀   | —. | —.  | —.  | 14. |
| ♂   | —. | —.  | 1.  | 12. |

Ratio est, quia limites inferioris Planetae partim ob majorem densitatem pollent majori vi elastica, partim verò Planetae appulso firmius inflectunt superficiem; partim verò, quia ob majorem respectivam latitudinem etiam angulus reflexionis sumit majus proportionaliter incrementum; ob quam ipsam causam motus nodorum etiam celerior est in Saturno, quàm Jove, nisi quis dicere velit, limites Saturni densiores esse, quàm limites Jovis & Martis, quia ceteris respectivè paribus magis distant à radiis solaribus.

12 Latitudo Mercurii est 30. 21. Veneris verò latitudo est 26. 52. & ob hoc ipsum motus nodorum in Mercurio est celerior nempe. 1. 25. in Venere verò tardior nempe. —. 46. Ratio est, quia torrens subtilis materiae, utur refractus ab Atmosphaera Veneris, respectivè latius se explicat in Atmosphaera Mercurii, utpote angustiori. Hinc latius quidem vagari in sua Atmosphaera poterit Mercurius, tanquam ab uno littore ad alterum, ut dictum est: sed angulus reflexionis majora sumet incrementa, & diagonalis citius attinget alterum limitem, ex quo provenit nodorum celerior motus,

## CAPUT VIII.

### De Cometis.

1 Cometæ possunt oriri ab exhalationibus. Quia per continuam agitationem subtilis materiae possunt separari partes Planetarum: possibile etiam est, quasdam partes Atmosphaerae inferioris ita rarefieri, ut ascendat in Atmosphaeram superiorem, &

qua facta iterata condensatione per modum nivis aut pluviae, aut roris, aut nebulae iterum descendat: vel possunt aliquae partes Atmosphaerae superioris, agitatione lucis forte destitutæ condensari, ut gravitate sua in Atmosphaeram descendere cogantur.

Cometæ aut alia phaenomena possunt absolute in qualibet Atmosphaera nasci, id tamen regulariter non fit, quia vapores à vicinia Solis citius dissipantur, quàm in tam vastum corpus perfecte colligi ac formari possint.

Cometæ possunt flammam concipere per accessum ad focum alicujus conii radiosi, de qua supra dictum; sicut enim radiis solaribus per vitrum causticum trajectis incenditur lignum, ita iisdem radiis per Atmosphaeras Planetarum refractis atque in focum collectis potest incendi Cometæ.

Zodiacus Planetarum est juxta Cassinum, Antinous, Pegasusque, Andromeda, Taurus, Orion, Procyon, atque Hydrus, Centaurus, Scorpius, Arcus. Ratio est, quia ubi de evaporationibus agitur, ea intra Planetarum tropicos, nec procul omnino ab iis quaerendæ sunt; vapores siquidem oriuntur ex congressione calidi cum humido; hinc ob nimiam actionem lucis intra tropicos Planetarum extra hos tropicos, quidem ejiciuntur, at à plagis remotioribus versùs hos tropicos tanquam medium rarius propelluntur; sicut proin circa fenestras oriuntur humidi vapores, dum intra calor, exterius verò in aëre frigus dominatur, sic Cometæ circa Planetarum tropicos concrescunt.

Cometæ nonnunquam descendunt in Atmosphaeram Saturni, Jovis, Martis. Ratio est, quia juxta augmentum partium aut densitatis in Cometa crecit etiam gravitas, in quo casu instar nebulae precipitantur.

Cometæ in descensu semper moventur velocius; 6 in ascensu verò tardius. Ratio est, quia in descensu sumunt incrementum partium ab Atmosphaeris, quarum partes crassiores colligunt. Cometæ verò circa Solis viciniam sensim dissoluto, diminuta gravitate, ascendunt tardius, nisi dissolutio aliquando celerius fiat. Eadem ratio est, cur Cometæ in descensu sumant incrementum lucis; in ascensu verò decrementum.

Idea ascensus & descensus Planetarum habetur in vase quopiam, quod, dum descendit ad fundum aquae, in descensu ob haustam continuo majorem aquae copiam, acceleratur; in fundo verò aperto altero orificio sensim iterum exoneratur, lenteque ascendit: qua ratione construi posse mobile perpetuum quidam opinati sunt, ut in Schotto videre est.

Cometæ, dum transeunt per Atmosphaeram Planetæ, afficiuntur motibus Planetarum; ita ut fiant directi, stationarii, retrogradi, instar Planetæ. Ratio est eadem, quæ in Planetis.

Cometæ in suo Perigeo moventur velocius Quia afficiuntur à motu Atmosphaerae, à qua deferuntur. Cum igitur Atmosphaerae inferiores moveantur velocius versùs Orientem, eundem motum Cometæ sequi debent.

Cometæ in descensu & ascensu describunt Hyperbolam. Ratio est, quia Cometæ ob gravitatem suam recta quidem linea nituntur tendere ad terram nostram; sed dum in via sunt, detorquentur versùs Solem, vel ob attractionem radiorum solarium, vel



vel ob pressionem lateralem materiæ densioris versus materiam rariorem. Ex eodem principio dicendum, quod in ascensu tantum quidem ascendere lineam rectam, sed à radiis Solaribus successivè de- crescentibus denuo in locum nativæ densitati congruum ejiciantur.

11 Cauda Cometarum semper à Sole avertitur. Ratio est, quia cauda nihil aliud est, quam vapores rariores, quam est caput Cometæ: hi vapores vel circumdant Cometam, ita tamen, ut radii solares per Atmosphæram talem Cometæ refracti nobis tantum sub sensu cadant ex adversa parte, ubi per refractionem magis collecti sunt; vel nativa suavitatis semper superiora petunt; adeoque, cum Sole superiores sint, plagam averfam à Sole.

12 Caput Cometæ semper aliqua nubecula circumdatur. Ratio est, quia vapores circa caput densiores sunt.

13 Caudæ Cometarum variam figuram sortiuntur. Quia vapores à ventis aut æthereæ diversimodè agitati, instar nubium formantur.

14 Cauda Cometarum dissoluto capite aliquando remanet. Ratio est, quia radii solares aliquando facilius dissolvunt corpora densiora, quam rariora. Vel dici potest, caudam quidem citius dissolvi; sed caput Cometæ sensim dissolutum præbere speciem novæ caudæ.

15 In locis, in quibus apparuerunt Cometæ, postmodum nonnunquam apparent tractus luminosi: quia nempe Cometa dissolutus quandoque in vapores tenues abit, sufficientes tamen reflectere lumen.

16 Finis Cometarum inter alios esse potest, ut purgent Atmosphæras inferiores à particulis crassioribus, atque effluviis Planetarum, quæ successivè obfuscare possent Atmosphæras.

## CAP. IX.

### De Stellis.

1 Aliquæ stellæ, v.g. quæ est in collo cygni, habent suas revolutiones, suum Apogæum & Perigæum; unde etiam fit, ut magnitudo apparent stellarum crescat & decrescat; aliquæ verò, dum ad suum Apogæum perveniunt, omnino occultentur. Ratio est, quia non repugnat in Atmosphæra stellarum dari Atmosphæras quasdam secundarias, quales dantur in Atmosphæra Saturni, Jovis & Solaris. Vel potest dici: in superioribus Atmosphæris stellarum locum habere conum radiosum, seu torrentem subtilissimum lucis; in quem, dum Planeta vel stella incidit, subito, ut ita dicam, fundum petit, eò quod in tam subtili fluido navigare non possit; sicut navis oneraria è mari delata in flumen profundius mergitur. Inde fit, ut Planetæ & stellæ in tali situ propius ad terram accedant.

2 Finis stellarum est, 1. ut sint subjectum impetus, qui primo mobili imprimitur; fluidum enim subtilissimum, quod replet spatia primi mobilis, tandem non conservaret impetum, nisi à corpore solidiori reciperetur. 2. Ut dentur centra luminis, seu subtilis materiæ, quæ nisi colligeretur in stellis, à concavitate cælorum reflexa tanto impetu in inferiora irrueret, ut omnia statim dissolveret. 3. Ut materia subtilis è primo mobili in stellas impulsam moderatè ac diversimodè in inferiora reflectatur; ex hac enim reflexione dependent præcipui effectus naturæ: per actionem luminis taliter reflexi fluida conservantur in suo fluxu: per pressionem horum radiorum omnia gravia magna ex parte propelluntur versus terram; ex complicatione talium radiorum oriuntur varii motus minimarum partium in generabilibus & corruptibilibus, verbò, omnes generationes, corruptiones, alterationes, tam in fossilibus, quam plantis & animalibus ab actione radiorum hujusmodi stellarum dependent, nec impossibile est, Deum motus sublunarium motui radiorum musicè proportionalium alligasse. Omitto plures alios fines à Deo intendibiles.

Inter stellas numerari meretur Planetarum præcipuus, Sol. Sol enim haberi potest pro centro luminis seu subtilis materiæ, in quod omnes partes subtilis materiæ, quæcunque stagnant in Atmosphæra Lunari, Solari, Martis, Jovis & Saturni, sese æquilibrando gravitant. Sicut enim omne fluidum habet centrum, circa quod omnes partes conglobantur; sic etiam de subtili materia cogitandum est; &, quia in ipsa subtili materia diversi gradus subtilitatis concipi possunt, ita centra quoque subtilis materiæ diversa esse convenit; aliam proin stellam esse convenit in Atmosphæris Planetarum, quam Solem nominamus; alias verò stellas in Atmosphæris primo mobili vicinioribus, ubi subtilis materia subtilior est. Nec mitum est, me in materia subtili admittere diversos gradus, cum in ipsis radiis solaribus dentur diversi radii, ut Newtonus ostendit.

Sol & stellæ lumen quaquaversum emittunt. Ratio, quia subtilis materia ad centrum magno nisu ac impetu confluit, ob nimiam compressionem partium earum magnam partem vehementer excutit. Multum tamen contribuit subtilis materia è primo mobili immediatè ac rectà viâ in Solem impulsam, quæ Soli perpetuam activitatem conciliat.

Reliqui Planetæ non gaudent proprio lumine: quia materia lucis tota confluit ad Solem.

## CAP. X.

### Systema explicatum convenit cum legibus naturæ.

1 Duo solum in hoc Systemate assumuntur postulata, è quibus totius hypothetis structura dependet, atque consequitur. 1. Dari Atmosphæras densitate ac reliquis proprietatibus tam diversas, quam diversa sunt aqua & ær. 2. Omnes Atmosphæras habere centrum proprium, circa quod conglobantur. Utrumque hoc postulatum modernis naturæ legibus conforme esse ajo.

2 Nam si examinemus liquores adhuc dulitescentes in mixtis, reperimus infinitam propemodum varietatem: norunt Chymici tot è regno vegetabili extrahere oleorum genera, densitate & aliis proprietatibus diversa, ut fidem superet: alii liquores ultrò à natura protruduntur, ut succinum, balsamum. Alii violenta pressione eliciuntur, ut oleum commune ex fructibus olivæ, vinum ex uvis; aquæ acidulæ è fructibus arborum. Si igitur ad Analogiam

G g g g

cau-



causarum in natura attendendum est, haud incredibile videbitur, in abyſſo aquarum celeſtium reperiri diverſitatem.

3 Inter liquores, non immixtos, æquè magna reperitur differentia; aqua fontana differt à marina, & fontana fontanam, marina marinam gravitate ſuperat: aër, plenus humidis vaporibus, ſeipſo perſæpe gravior eſt: & aërem, quo altior eſt, eò leviorẽ eſſe, ex barometris, aliisque argumentis demonſtratur: vinum & cereviſia puriora ſunt prope medium, quàm prope fundum dolii: ut clarum ſit, omnes liquores nobis cognitos conſtare partibus heterogeneis gravitate ac denſitate diverſis. Cùm igitur in ſpatiis cœlorum conſtet dari liquores, ob analogiam naturæ inferendum erit, liquores illos ejuſdem eſſe naturæ cum noſtris.

4 Sed & ratio à priori evincere videtur, Atmosphæras Planerarum gravitate ac denſitate debere eſſe diverſas: Demonſtravi in Philoſophia mea: omnia corpora totius univerſi tantum differre inter ſe diverſo humiditatis gradu; gradus vero hoſce poſſe, & exigente harmonia naturæ debere eſſe propemodum infinitos: humidum enim juxta Ariſtotelem optimè deſignitur, quod facilè terminatur terminis alienis; econtrà ſiccum vocatur, quod difficulter terminatur terminis alienis. Si hanc notionem humiditatis & ſiccitatis applicemus ad minima naturæ ſimplicia, videbimus, minimas, ut ita dicam, naturæ atomos per hoc differre, quòd una præ alia facilius mutat figuram ſuam, eamque accommodet ad figuram corporum ambientium. Sicut ergo mel facilius mutat figuram, quàm ſuccinum; oleum facilius, quàm mel; aqua facilius, quàm oleum; aër facilius, quàm aqua; ita in particulis primigeniis naturæ infinitæ propemodum varietate fieri poſſe aſſero.

5 Quod attinet ad alterum poſtulatam, quòd nempe fluida conglobentur circa centrum proprium, id in conſeſſo eſt apud Nevvtonianæ Philoſophiæ aſſeclas, Keilium v. g. Clarkium, & Sgraveſande; qui qualitates occultas dedignantur, ad aliud aſylum ignorantiaſe confugiunt, nempe ad vim mutuò attractivam partium: hac enim vi gutta aquæ cogitur in figuram ſphæricam: Mercurius hac vi tam rotundè volvitur; totum univerſum hac prodigioſa vi vires centripetas cum centrifugis conciliat, dum omnia gravitant mutuò in ſeſe, ſimulque in centrum univerſi gravitate communi impelluntur.

6 Verùm mittamus nova iſta ſine novo ſenſu verba, ſonum dantia; rem verò jam ante annorum Chiliades antiquatam. Hoc ſolùm tueor, legibus naturæ conforme eſſe, fluida circa centrum proprium conglobari. Habemus hujus rei exempla in Mercurio, cujus partes etiam minutiffimæ non ſolùm conglobantur, ſed etiam, quamprimum ſe mutuò attigerint, in unum globum coeunt. Gutta aquæ in aëre, licet rariori ſe, ſphæram æmulantur: oleum in aqua; vitrum fuſum guttatim deſtillatum in aquam; plumbum guttatim in aquam arſenico mixtam delapſum, induit rotunditatem: idem præſtant concretæ frigore grandines. Quare nil inſolitum naturæ amiſero, ſi Atmosphæras dixero conari, ut circa centrum proprium conglobentur, licet ab interjecto corpore impeditæ ad figuram Ellipticam quàm proximè torqueantur.

## CAP. XI.

*Idem Systema conforme eſt Scripturis.*

Non multum aberrare videtur à C. I. Geneſeos, qui dixerit; Deum ab initio creâſſe magnum chaos, ſeu fluidum corpus è diverſiffimis partibus mixtum: prima operatio Dei in hoc chaos erat, ut ſepararet materiam ſubtiliffimam, ſeu materiam ſubtiliffimam lucis, eamque in ſupremo loco proximè ad cœlum empyreum collocaret: hac prima proin operatione primum mobile, cœlo contiguum abſolutum eſt. Secunda Dei operatio erat, ut aquas, à ſubtiliffimâ materia vi primæ operationis diſcretas, in varias Atmosphæras ſubdivideret, ac ſtabili diſcrimine ob variam illarum aquarum denſitatem diſcriminaret; ſines illos, quibus una Atmosphæra aquarum ſeparatur ab altera, eò quòd firmi ac immutabiles ſint, vocavit firmamentum. Tertia Dei operatio erat, ut aquas craſſiores, quæ per ſecundam operationem inſimum locum obtinuerunt, denuo purgaret, dum partes denſiores à rarioribus ſeparatas in unum locum circa medium univerſi coire juſſit: ex hac tertia operatione Dei per ſeparationem partium prodiit terra, aqua, & aër: & terram quidem noſtram Deus ſtatim ornavit herbis & arboribus. Quarta operatio Dei erat, ut materiam ſubtilem ſeu materiam lucis in Atmosphæris ob pororum exilitatem adhuc reſiduam circa unum centrum conglobari juberet; ſimulque partes craſſiores in eodem in Atmosphæris reſiduas in unum colligeret, atque circa centra ſubtilis materiæ, aut in Atmosphæris collocaret: ex hac proin operatione prodierunt Planetæ, & Stellæ: & quia ſimul initium habuit preſſio ſubtilis materiæ in ſua centra, nempe in Solem, & ſtellas, ideo etiam initium habuit actio lucis, ſeu ipſum lucere. Hanc expoſitionem ſystemati explicato conformem eſſe, nemo non videt; eandem verò optimè cum Scriptura conſentire, probo.

Totam expoſitionis difficultatem ad duo præcipuè puncta reduco. 1. Quòd Deus ab initio creaverit chaos. 2. Quòd chaos iſtud Deus in varias Atmosphæras diviſerit: reliqua enim exiguum habere difficultatem exiſtimo; neque hic diſcutiam, an diviſionem ſubtilis materiæ, & aliarum Atmosphærarum, Deus perfecit immediato ſui oris imperio, an ſimul mediante aliqua agitatione materiæ, ſeu vento, qui in Scripturis ſæpe Spiritus vocatur, prout etiam vox Hebraica רוּחַ à ſpirando dicta exprimit.

Scriptura ſic habet: Creavit Deus cœlum & terram, terra autem erat inanis & vacua; & tenebræ erant ſuper faciem abyſſi; & Spiritus Domini ferebatur ſuper aquas. Dico hunc eſſe ſenſum: Deum creâſſe cœlum empyreum & terram, ita tamen, ut terra inſtar fluctuantis in aqua farinæ in chaos illo magno uſque ad cœlum empyreum expanſo abſorpta fuerit: chaos enim illud magnum ſub nomine abyſſi & aquarum comprehendere cenſeo.

Expoſitionem probat traditio omnium ſerè Nationum Moyſi coævorum, aut proximè coævorum, quæ omnes ſerè è chaos aliquo mundum genitum eſſe



esse dixerunt, ut ostendit Pererius in C. 1. Gen. num. 66. potissimum verò textus Græcus, antiquæ versiones, & textus etiam Hebraicus: nam Symmachi versio expressè habet, terram fuisse indigestum quid. Textus Græcus habet:  $\eta \delta \epsilon \gamma \eta \eta \nu \alpha \delta \epsilon \alpha \tau \omicron \varsigma \kappa \alpha \iota \alpha \kappa \alpha \tau \alpha \sigma \pi \acute{\epsilon} \nu \alpha \varsigma \eta \varsigma$ . Terra erat invisibilis & incomposita. Textus Hebraicus habet:

$\text{וְהָאָרֶץ הָיְתָה תֹהוּ וָבֹהוּ}$

Constat autem voces *thohu*, & *bohū* propriè significare nihilum, vacuum, inane, vanum; verbò, rem nullam habentem subsistentiam, ac firmitatem; sicut cerevisia dicitur inanis, ubi parum inest solidi nutrimenti. Huc pertinet, quod sapientia C. 11.

Deum creâsse mundum ex cæno seu limo informi:  $\kappa \tau \iota \sigma \alpha \sigma \alpha \tau \omicron \nu \kappa \acute{\omicron} \sigma \mu \omicron \nu \epsilon \xi \alpha \mu \acute{\omicron} \rho \phi \eta \varsigma \iota \lambda \eta \varsigma$ .

Divisio  $\tau \epsilon \chi \alpha \nu$  in varias Atmosphæras ex ipso quidem textu Latino satis colligitur, in quo dicitur, Deum separâsse aquas inferiores à superioribus; magis tamen confirmatur à verbo Hebraico  $\text{וַיִּבְרָא}$  firmamentum, quod propriè significat extensionem seu expansionem. Item stabilimentum; quod pro condensatione ac præfinitione limitum aliquando accipitur: sic Isaia 44. dicitur, Deus stabilivisse terram  $\text{וַיִּבְרָא}$  cum tamen stabilitio terræ solum facta sit separatione partium: Ergo etiam firmamentum seu stabilitio cælorum eodem modo facta est.

O. A. M. D. H.

## SECTIO III.

### De Planetis & stellis in particulari.

**Q**uod attinet motum Planetarum & syderum, id pertinet ad Mathesin. Ad Physicam hîc solum revocabimus ea, quæ attingunt naturam Planetarum, aut quæ de Planetis possunt esse controversa.

### QUÆSTIO I.

*Utrum Sol sit corpus liquidum, in quo maculae solares fluctuent.*

**D**e natura Solis duo præcipuè quæri possunt. 1. Cujus naturæ sint ejus maculae? 2. Cujus naturæ sit Sol ipse, in quo reperiuntur maculae? Meâ sententiâ Sol est Planeta consistens ex substantia partim solida, partim liquida. Interior pars seu nucleus est tantum solida, sicut terra, Luna, Mars, & reliqui Planetæ; exterior pars est tantum liquida, sicut circumfusus telluri nostræ aër. Diameter nuclei ad Diametrum totius Solis potest poni se habere ut  $\frac{1}{2}$ . adeoque cum Diameter terræ ad Diametrum Solis se habeat ut 1. ad 152. Diameter nuclei erit centies major terræ nostræ Diametro; altitudo verò liquidi, quod nucleo circumvolvitur, erit quinquagies major terræ Diametro. Liquidum hoc nucleo circumfusus dico esse crassius ac densius subtili materia, sicut aqua terræ circumfusa crassior est aëre, idem liquidum duo ex ea parte comprimi, ex qua rectâ Sol Planetis obvertitur; sicut enim Luna sub Æquatore aquas nostras premit, easque versùs littora ac versùs Polos attollit. Ita fieri dico, ut liquidum solare ex una parte depressum ex quavis alia parte attollatur. Idem contingit, si aqua in vase contenta oris flatu prematur, & versùs latera assurgere cogatur; aut si vesica vento turgida ex una parte comprimatur, ut sic ex omni alia parte corpora ambientia fortius repellat. Itaque etiam eodem modo continget in liquido Solis, ut pressum vicissim reprimat, & subtilem materiam sua elicitate in totum uni-

versum repellat, atque amoveat, quo modo facillimè explicatur perpetua actio lucis in Sole. Sed & macularum Solis origo & motus facillimè sic explicatur. Dici enim potest, per actionem subtilis materiae, penetrantis per liquidum Solis usque ad nucleum, quandoque dissolvi partes solidas, easque dissolutas in superficiem æquoris solaris evehi, ut sic reddantur conspicuæ, & cum globo terraqueo solari circa axem Solis aliquamdiu revolvantur, quia verò tales maculae densitate differunt, contingit, ut non omnes æqualiter assequantur motum vertiginis solarem, sed aliquæ celerius, aliæ tardius etiam in eodem situ revolvantur; sicut enim navis onustior in mari tardius fertur; ita etiam maculae graviores in æquore solari tardius navigant. Et sicut corpora graviora in aqua vasis circumacta tardius revolvuntur, ita etiam maculae ob diversam sui densitatem & gravitatem inæqualiter feruntur. Ortus macularum sit, quando mucus iste solaris æquoris ex profundo emergit; interitus macularum datur, quando iterum ad fundum merguntur ac dissolutæ instar pulveris præcipitantur.

Probatio hujus meæ hypothesi est, quia macularum solarium & ipsius Solis phænomena hoc modo facillimè explicantur, & quia in nulla alia hypothesi hætenus prolata tam facile explicari possunt. Si enim dicatur, maculas solares esse extra Solem instar Planetarum, nulla est ratio, cur non aliquando videantur extra limbum Solis, aut cur non patiantur Parallaxin, aut cur post tot observationes nondum observata sit regularis periodus, sicut ea periodus statim reperta est in satellitibus Jovis & Saturni. Si verò dicatur, quod existant in ipso solari corpore solido, nulla potest reddi ratio, tam irregularis motus, & etiam tam irregularis revolutionis; cum observatum sit, aliquas maculas liberrimè vagari in corpore solari; & nonnullas suam revolutionem peregrisse 28. diebus, alias 25. diebus, alias adhuc minori tempore, prout ex historia macularum Solis hîc subjicienda palam fiet.



Accedit, quod vix duobus aut tribus diebus idem omnino conspectus macularum permaneat, quod non fieret, si corpori solari solido inhaerent; quamvis enim mutarent figuram ob consumptionem materiae, non tamen tam notabiliter mutarent situm, & mutuam inter se distantiam.

1. Du Hamel in Actis Acedemiae Regiae ad annum 1678. sic habet: Macula in Sole visa est, quae in faculam conversa est. Aliæ 24. Maji apparuerunt numero complures; sed ex iis quatuor insignes erant magis conspicuae, quae in Trapezii formam erant dispositae, inter eas maxima quadam velut nebula cincta videbatur; sed tubo 22. pedum aliae quoque maculae nebula rariore circumfusa apparuerunt. Easque recens formatas Cassinus, qui eas observavit, suspicatus est, ex theoria jam olim constituta, quis futurus esset earum motus praedixit. Una ex iis evanuit die 25. quae nimirum maximae Trapezii erat opposita, ex tribus reliquis factum est triangulum aequilaterum, quod die 28. contrahi visum est, ob eam forte rationem, quod disci Solaris margini essent propiores, idque ex Optices legibus. Die 29. visae sunt mutuoad se accedere, sed tertia ab iis recessit, quae fuit magna irregularitas in motu hujus maculae, nisi forte recens genita sit in priori loco. Die 30. puncta quaedam obscura superfuerunt, sed majore splendore circumfusa, quod semper accidit, cum maculae desinunt.

2. Idem in iisdem Actis ad annum 1684. ait: Cum Cassinus 5. Maji deprehendisset Solis maculam prope ejus orientalem marginem, futurum ejus motum in Solis disco, & tempus quo reditura esset, die nimirum primo Junii scripto edito praedixit. Quod evenit juxta ipsius theoriam. Die prima Junii eo ipso in loco, ubi maculam visam iri notaverat, faculam invenit, in quam macula conversa est, quae quidem transformatio saepe alias fuit observata, ita ut ejus maculae revolutio apparuerit dierum 27 $\frac{1}{2}$ . quae alias visa fuerat modo 27 $\frac{1}{2}$ . modo 27 $\frac{1}{4}$ . Ex ea occasione admonuit, nihil mirum esse, si aliquot horarum differentia inter reditus macularum occurrat. Nam praeter diversum polorum Solis situm, & motum annuum Solis accedit, quod partes ipsae macularum, quae figuras mutant, alio quoque motu agitentur eo fere modo, quo nubes in aëre huc illuc feruntur. Die undecimo Junii D. de la Hire eo ipso in loco, cui facula inesse debebat, duas insignes maculas, & majores quam antea visae fuerint, observavit. Unaquaque ex iis unius minuti spatium seu partem fere tricesimam Diametri Solis occupabat, & duorum minutorum intervallo inter se distabant, tamen extremo Solis margini essent finitimae, eaque majores multo visae fuissent, si centro Solis propiores extitissent. Ex his duabus maculis illud Cassinus observavit, eam quae longius à Solis limbo distabat, eundem planè locum in ejus disco obtinere, quem illa tenebat, quae mense Majo fuit observata habita ratione polorum Solis & coluri per ejus polos proprios, &

polos Eclipticae transeuntis, unde censuit eandem esse, quae mense Majo fuerat observata; eam verò, quae propior erat margini, novam esse, quae à Sole excessit nocte sequente diem 12. Maji, relicta post se veteri macula sola. Videbatur die 13. Junii, egressa Solis limbum die 14.

3. Idem in iisdem Actis ad annum 1686. Cassinus deprehendit maculam Solis pervenisse ad medium Solis die 29. Aprilis hora 8. vespertina, & descripsit parallelum declinantem à Solis Aequatore grad. 27. ad Austrum. Eandem maculam contulit cum alia, quam observaverat Mense Majo anni 684. in eodem Solis Parallelo mediumque Solis tenuit die 11. Maji hora quarta ante Meridiem.

Intercessit ergo inter mediationem Solis utriusque maculae intervallum dierum 714. horarum 12. quod distributum in 26. revolutiones dat unicui-

que revolutioni dies 27. horas 11. 23. Quae fuit etiam ex observationibus Scheineri, si forte ex iis aliqua easdem fere cum iisdem haberet condiciones, atque id deprehendit, ejusmodi maculam fuisse, quae ab eo fuerat observata anno 1625. quaeque medium Solis tenebat die 16. Maji hora quarta vespertina Romae, quae sunt tres horae 18. Parisiis, cum simili declinatione australi. Interjecto temporis intervallo inter eam observationem, & hanc anni 1686. invenit revolutiones 810. dierum 27. horarum 11. min. 32. Et hanc periodum censuit accipi posse in modulum solarium revolutionum à terra apparentium.

4. Idem ibidem ad annum 1688. de prima Octobris Abbavillae observavit maculas prope ejus occidentalem marginem recens obortas. Eas D. Meraldus conspexerat Parisiis in Observatorio die praecedenti 30. Septembris vespere, cum hora decima matutina & in ipsa Meridie nulla apparuissent: ita ut minimè dubium sit, quin inter Meridiem & horam secundam à Meridie prope Solis occidentalem marginem, ad quem properabant, formatae fuerint. Octobris die 10. nec D. Meraldus Parisiis, nec D. Cassinus Deppae ullum earum invenire vestigium, ideoque jam in superius Solis Hemisphaerium delatas esse palam fuit. Post dies autem 17. D. Cassinus ex itinere redux eam Solis marginis partem, ex qua emergere debuissent, si fuissent superstites perlustrans has non reperit, unde eas evanuisse censuit. Primo autem Novembris die observavit circa Solis medium aliam maculam exilem ex duabus conflatum, quae intra tres dies evanuit. Deinde alias duas vidit prope Solis ortivum marginem, quae in dies praenotatam inter se distantiam magna irregularitate variabant. Unde perspicuum fuit, harum motum apparentem non fuisse simplicem, sed compositum ex Solis revolutione circa suum axem regulari, & motu proprio macularum irregulari instar nubium terrestrium. Die autem decima Novembris, cum medium Solis vix essent praeteregressae, evanuerunt, & in earum locum die 14. prope Solis marginem apparuit facula rotunda, quam nonnullae minores, sed clariores sequeban-



tur, intermixtis obscuris arcibus, quæ à Solis disco brevi excellerunt.

5. Historia Acad. Reg. ad annum 1700. loquens de macula eo anno à de la Hire observata, ait: De la Hire opinatur, maculas hucusque observatas, quamvis habeant diversas figuras, plerasque saltem tantum esse unam quandam massam solidam, majorem terræ nostræ, quasi non habeat alium motum in corpore liquido Solis, quam quod subin fluctuet in illius superficie, aliquando autem vel integra, vel aliqua sui parte profundius mergatur. Observat, eas maculas, quæ apparent ab invicem sejunctæ, non sic ab invicem sejunctas esse, quin possint referri ad unam massam irregularem, cujus tamen diversæ prominentiæ cernantur. Et revera nunquam vidit maculas in utroque simul margine. Quandoque apparent subito in medio Solis, quin prius conspectæ fuerint in margine; & tunc etiam statim habent totam suam magnitudinem; non enim successivè crescunt, sicut etiam non successivè decrescunt. Hoc convenit corpori submerso, quod totum simul ad superficiem emergit. Post plures annos, in quibus nulla observata est macula, iterum aliquæ apparuerunt, sed eâ horâ, & loco Solis, in quibus expectabantur supposita revolutione Solis 27. dierum; ex quo sequitur, massam illam, quæ maculas constituit, non esse errantem ac vagabundam in solari corpore, sed certo loco detineri. Quia tamen aliquando dantur maculæ, quarum apparentia non convenit cum revolutione Solis dierum 27. omnino diversæ massæ admitti debent. Diversæ figuræ macularum possunt provenire ex eo, quod uno tempore ex una parte, alio tempore ex alia parte conspiciatur, & quia & ipsa circa suum centrum moveri potest. Si quis verò tueri velit, maculas de novi produci in Sole, tunc Sol instar impuri liquoris concipiendus est, qui subin fæces & mucum ejicit. Sed in hoc patitur ista opinio difficultatem, quomodo motus macularum ac ejusdem maculæ per tot annos & post tot revolutiones possit esse tam regularis? Sequitur dein observatio de la Hirii, quæ sic habet.

fig. 84. Die 9. Novembris hujus anni 1700. observavi in disco Solis maculam ex pluribus aliis compositam, prout patet ex figura. Nulla jam macula observata est ab anno 1695. & quæ tunc Mense Majo apparuit, ferè eandem habuit figuram ac ista; certum tamen non est, an sit eadem. Si autem supponatur, quod alibi proposui, in materia fluida Solis dari corpus irregulare, quod dum ex diversis sui partibus cernitur, nobis diversas maculas ostendit, & quod in hac materia revolvendo æquali motu movetur, reperietur inter observationem mensis Maji 1695. & hanc intercedere 73. revolutiones, quarum qualibet est 27. dierum, hor. 7.7.

6. In Memoriis Acad. Reg. 1701. de la Hire dat descriptionem alterius maculæ his verbis: 30. Decembris anni 1700. deprehendi plures maculas in Sole, quæ simul sumptæ constituiebant massam satis magnam. Obscurissima harum macularum, quæ reliquas sequebatur, transiit in Meridiano prope centrum Solis intra 17½. &

consequenter distabat à Meridiano per centrum

Solis educto 4. 22. Omnes hæ maculæ simul sumptæ in superficie occupabant spatium circiter

2. ½. id enim exactè determinari non poterat ob plures alias minores maculas, à quibus majores involvebantur. Duobus diebus sequentibus majores involvebantur. Duobus diebus sequentibus cælum nubilum earum conspectum prohibuit. Sed die 2. Januarii eas observavi, & tunc stabant in ¾. Solis, & erant proximæ parallelo transeunti per ejus centrum. Non potest dubitari, hæc maculas subito ac simul apparuisse in disco Solis, tuncque fuisse majores, quam in sequentibus observationibus. Nam die 28. Decembris, biduo ante primam observationem, lustravi diligenter Discum Solis, neque in eo ullam maculam reperi, quamvis tunc apparere debuissent in ¼. suæ Diametri, si fuissent visibiles: die 29. cælum adhuc erat serenum: & ego illas solum reperi die 30. ad Meridiem. Cum postea cælum obductum fuerit usque ad tempus, quo transire debuerunt in superius Hemisphærium Solis, expectavi dimidiam revolutionem Solis; sed licet diligenter quæsierim in iis locis, in quibus redire debuerant, nihil tamen reperi. Credi fors à quopiam posset, has maculas easdem esse, quæ duobus antecederent mensibus apparuerant, easque intra Solem obmersas delituisse. Sed quod consideratione dignum est, maculæ quidem ferè semper majores apparent initio observationis, quam sequentibus observationibus, verum nunquam subito ac simul disparent, sicut subito apparent; sed sensim donec tandem penitus dispareant. Si has maculas comparo cum iis, quæ duobus præcedentibus mensibus apparuerant, siquæ supponatur, eas ex eadem materia submersa prodissse, reperi, quod interim duas revolutiones peregerint spatio 54. dierum ferè, & consequenter revolutio circa Solem foret circiter 27. dierum, quod non longè recedit à revolutione nuper stabilita, dum eam maculam comparavi cum alia, quæ ante 5. annos 1695. apparuit. Figura maculæ majori tubo observatæ est hæc:

7. In iisdem Memoriis 1701. refertur observatio alia alterius maculæ facta à Cassino & Maraldo Montispelii, & habita 29. Martii 1701.

#### Determinatio sitûs majoris maculæ.

*Observatio I. Observ. II.*

Hor. 3. 49. 51. H. 4. 11. 9. Limbus Solis est ad filum Horizontalem tubi.

3. 50. 15. 4. 11. 42. Limbus præcedit verticalem.

3. 51. 23½. 4. 12. 39. Macula ad Horizontalem.

3. 52. 53. 4. 14. 10. Limbus inferior ad Horizontalem.

3. 53. 8. 4. 14. 38. Limbus sequitur verticalem.

Altitudo Solis 18. 18. 50.

Repertis polis revolutionis solaris circa suum axin, & situ eorum in disco apparente, & ductis

Ggg gg 3



ductis *Æquinoctiali* ac Meridiano macularum, qui transibat per centrum Solis, & circulo declinationis maculæ, majoris hora quarta vespertina, reperi ejus latitudinem seu declinationem ab *æquinoctiali*  $12^{\circ}$ . circa Meridiem, & tunc temporis longitudinem ejus Orientalem  $2. 10.$  quam macula percurrerebat fere intra quatuor horas. Itaque transit per centrum Solis 29. Martii 1701. hora 8. vespertina. Macula, quam observavi Rhodis mense Novembri 1700. habebat latitudinem Meridionalem respectu *æquinoctialis* macularum  $9. 30.$  circa Meridiem, consequenter erat propinquior ad *æquinoctialem* Solis  $2^{\circ} 30'$ . Inter diem 7. Novembris 1700. quo illa macula medium Solis transiit, & diem 29. Martii 1701. intercedunt 142. dies, qui dant 5. revolutiones, quarum quævis foret  $28\frac{2}{3}$ . dierum; si foret eadem, cum tamen revolutiones ordinariæ macularum tunc etiam, quando Sol est in Perigæo, ubi apparent paulo lentiores quàm aliàs, non sint longiores 27. diebus & 14. horis. Ejus itaque motus foret tardior, quàm aliarum macularum; haberet etiam irregularitatem, quæ induceret mutationem latitudinis.

8. In iisdem ad annum 1701. Cassinus Junior describit aliam maculam, observatam mensibus Majo, Octobri, & Novembri 1701. his verbis:

fig. 37. Post mensem Novembrem anni. 1700. quo maculam Solis reperiimus Rhodis, deteximus aliam mense Martio 1701. Montispelii, ac post nostrum reditum Patinus, mensibus Octobri & Novembri. Illam priorem Rhodis observavimus 11. Novembris 1700. post Meridiem, quando sumpsimus altitudines Solis pro dirigendo horologio; eamque in duas divisam figuræ oblongæ notavimus, quales communiter solent esse circa marginem Solis; major harum duarum erat versùs marginem Occidentalem. Situm determinavimus ex transitu marginum Solis & macularum per filum horizontale & verticale nostri quadrantis, easque invenimus in parte disci occidentali propiores margini, quàm centro, sic ut jam per novem aut decem dies debuissent esse visibiles, si fuissent in disco Solis. Observavimus eas præterea altero die in Meridie ex transitu marginum Solis & harum macularum per verticalem, & altitudinem Meridianam marginis superioris Solis & macularum. Ambo erant in eodem circulo declinationis, & transibant per Meridianum una post alteram intervallo 3. secundorum.

13. Novembris, quo adhuc ultima vice debuissent apparere, tempestas observationem impediit.

29. Martii hujus anni 1701. cum essemus adhuc Montispelii, alias adhuc maculas in Sole reteximus. Erant tres aut quatuor. Earum maxima erat rotunda, ut plerumque solent esse circa centrum Solis. Situm earum determinavimus ex transitu marginum Solis & macula per fila tubi applicati ad quadrantem. Erant tunc in parte Orientali

disci Solaris prope ejus centrum. Altera die Sol non potuit observari. 31. observatum est, eas omnino disparuisse.

31. Octobris anni 1701. retexi maculam in Sole, cum sumerem ejus altitudinem Meridianam. Ut illius situm determinarem, sumpsit differentiam transitus inter margines & maculam per verticalem; & altitudinem meridianam marginum solarium, & maculæ, quem situm postea rectificavi per machinam parallacticam. Erat autem in parte orientali disci solaris, & apparuit solitaria tubo 40 pedum, involuta tamen per Atmosphæram, & plurimas faculas quæ magnum tractum occupabant.

1. Novembris ejus situm in Meridie in disco Solis determinavimus, sicut die præcedente; ac per tubum 40. pedum ibi quatuor alias maculas deteximus longè minores, sitas inter maculam principalem, & marginem orientalem Solis.

2. Novembris una harum exiguarum macularum disparuit, & alia in duas divisa est.

3. Novembris exiguæ maculæ disparuerunt, nec ulla alia, quàm principalis apparuit, quæ jam videbatur composita ex duabus maculis habentibus figuras irregulares, & junctis ad invicem.

4. Novembris Sol obductus erat. 5. & 6. in Meridiano intra unum secundum per verticale filum transiit; ex quo deducebam, supposita Parallaxi Solis nunc recepta, ejus Diametrum paululum minorem esse Diametro terræ.

7. & 8. non potuit observari ob cælum nubilum. 9. autem apparuit in duas divisa inæqualis magnitudinis; minor erat major Meridionalis. 10. observatæ sunt sine ulla mutatione quoad suam configurationem.

11. in Meridie, cum cælum non esset juxta vota serenum, non potuerunt percipi. Erant tunc vicinæ margini Solis, in quo situ aliàs difficulter possunt percipi.

Ut possem describere situm harum macularum in globo Solis respectu *æquinoctialis* & coluri Solis, descripsi circum, qui repræsentat discum apparentem Solis; in hoc duxi Diametrum, quæ repræsentat sectionem plani Eclipticæ in globo Solis. Respectu Eclipticæ, quam consideravi ut immobilem, posui circulos declinationum pro tempore observationis convenientes tribus maculis, uti & earum *æquinoctiales*, quæ & ipsæ variant pro diversis anni partibus, quamvis minus sensibilibiter. Determinavi dein situm maculæ Rhodis observatæ relatè ad circum declinationis Solis, & reperi ejus latitudinem sumptam ad *æquinoctialem* macularum fuisse circiter

$9. 30.$  versùs Meridiem. Ejus longitudo Occidentalis à centro Solis 12. Novembris 1701. in Meridie erat  $66^{\circ}$ . Si ergo supponamus, hanc maculam motu suo diurno 13. 6. in globo



globo Solis, prout in pluribus aliis observatum est, reperitur, maculam illam ante 5. dies 1. horam transisse per centrum Solis, ad quod proin appulit 7. Novembris paulò ante Meridiem. Per observationem diei 11. pervenisset ad centrum solare 7. Novemb. duabus horis ante Meridiem. Verùm in hoc genere observationum non potest haberi tanta exactitudo, quando transitus per centrum determinari debet ex observatione maculæ in extremitatibus Solis, cum ibi ejus motus apparens sit valde lentus.

Eadem operatione usus sum pro determinando situ maculæ alterius 29. Martii 1701. observatæ. Latitudinem ejus Meridionalem reperi 12°. Longitudinem ejus Orientalem hora quarta vespertina 29.

Martii 2°. 10. quos macula motu diurno fermè intra 4. horas percurrit. Itaque ea macula centrum Solistransit 29. Martii hora 8. vespere. Hæc determinatio priori accuratior est, quia ejus maculæ motus apparenstunc erat in sua maxima celeritate. Maculæ ad finem mensis Octobris observatæ latitudo erat paulò major 12°. & Meridionalis; qualis erat in macula observata 29. Martii 1701. Longitudo Orientalis 5. Novembris in Meridie erat 2°. 10'. quos macula percurrit suo motu proprio intra quatuor horas. Itaque ea macula medium Solis pertransit 5. Nov. hora 4. Vespertina, vel hora 4<sup>1</sup>/<sub>2</sub> juxta aliam determinationem sumptam ex observatione 5. & 6. Nov. Supposito, quod revolutio hujus maculæ pro more aliarum contigerit intra dies 27. horas 12. in discum apparentem Solis transit 29. Octobris hora 7. vespertina, & ex eo disco excessit 12. Novembris una hora post Meridiem.

Hic observandum est, arcum apparentem, quem macula describit, non esse dimidium suæ circumferentiæ. Indè enim differt magnitudine anguli visualis, hoc est, Diametro apparente Solis, quæ

tunc erat 32. 30. quod arcum apparentem reddit

179. 27. 30. & arcum occultum 180. 32. 30.

Macula igitur plus temporis impendit ad percurrentem arcum occultum (seu ex parte alterius hemisphærii invisibilem nobis) quam apparentem, & hæc differentia facit duas horas, quarum ratio habenda est in ingressu aut egressu macularum è disco Solari.

Cum autem hæc macula eandem haberet latitudinem cum ea, quæ Montispelii observata est, quæsi, an inter eas intercessissent integræ revolutiones. Prima transit 29. Martii hor. 8. vesp. Secunda 5. Novembris per centrum æquinoctialis macularum Solis hor. 4. vesp. Intercedunt 220. dies 20. horæ, qui divisi per octo dant singulis revolutionibus 27. dies 14. horas & dimidiam, supposito, quod sit eadem macula. Hæc revolutio paululum major est, quam communiter supponitur; de his verò difficile est dare regulam ob diversam mutationem figuræ earum, ad quam accedere possunt motus maculis peculiaribus.

9. In iisdem ad annum 1702. Cassinus junior recenset observationem alterius maculæ 6. Maji eodem anno observatæ.

Hæc macula, inquit, apparuit in margine Orientali Solis valde exigua die 6. Maji, sicut in eo situ communiter tam exiles videri solent. 7. eadem tubo 45. pedum observata apparuit esse composita ex duabus ad invicem junctis, quarum minor erat versùs marginem orientalem. Erat circumdata per Atmosphæram, & plures faculas seu partes Solis reliquis lucidiores.

8. Visa est esse composita ex tribus maculis ab invicem sejunctis, quarum minores sitæ erant inter maculam principalem & marginem orientalem Solis.

9. & 10. non habetur alia earum mutatio quoad earum configurationem, nisi quæ sequitur ex diverso situ in disco Solis.

Die 11. eam observavi tubo 17. pedum statim manè. Visa est fermè ejusdem magnitudinis ac erat die 10. sed longè minus obscura erat, sic ut difficulter à disco Solis discerni potuerit, cum hora 10. vellent determinare ejus situm, non potui amplius eam invenire tubo 6. pedum, ac vespere ne quidem tubo 45. pedum amplius videri potuit. Hoc ergo attentione dignum est in hac observatione, quod ob diminutionem solam obscuritatis, non verò ob diminutionem magnitudinis disparuerit.

Latitudo hujus maculæ Australis erat 10°<sup>1</sup>/<sub>2</sub> longitudo à margine orientali Solis die 9. in Meridie erat 57°<sup>1</sup>/<sub>2</sub>. die 10. erat 70°<sup>1</sup>/<sub>2</sub>. quod convenit cum motu earum diurno 130. ac paulò plus. Juxta hanc observationem macula debuit ingredi discum apparentem Solis die 5. hora 3. matutina. Ad medium Solis pervenisset in suo parallelo die 11. paulò ante medium noctis; egressa verò fuisset die 18. hora 9. matutina.

Hæc macula mihi videtur comparari posse cum ea, quæ observata est Rhodis 1700. men. e Novembri. Illa macula habuit latitudinem Australem 9°<sup>1</sup>/<sub>2</sub>. Et transit centrum Solis 7. Nov. circa Meridiem. Hæc autem habuit latitudinem Australem 10°<sup>1</sup>/<sub>2</sub>. & transisset centrum Solis 11. Maji 1702. circa medium noctis. Intendit interval- lum 550. dierum, 12. horarum, quod divisum per 20. revolutiones, reddit unam revolutionem 27. dierum, 12. hor. 35'. quæ mensura revolutionum conformis est determinationi juxta exactiores observationes factæ.

Occasione maculæ visæ in Majo 1695. Maraldus observavit sæpius tales in Majo observatas esse v. gr. 1684. 1686. 1688. hinc examinavi, an ista non posset haberi pro eadem illis annis observata; reperi maculam anni 1688. transisse per medium sui paralleli in disco solari 6. Maji 1688. hora 6. matutina, hanc autem debuisse transire 11. Maji 1702. circa medium noctis. Intervallum est 14. annorum, quorum duo sunt bissextilis, & 18. horæ, quod divisum per 186. revolutiones, reddit revolutionem 27. dierum 12. horarum 21.

Quod



Quod verò maximè notatu dignum est, quòd hoc ipsum intervallum meus Parens determinaverit ex observationibus factis mense Majo 1684. & 1686. sed & habitis à Scheinero & Hevelio inter observationes Scheineri, inquit, reperi unam factam 19. Maji 1625. circa maculam, quæ apparuit vespere eodem loco, quo à nobis notatæ manè apparuerunt, intervallum inter 19. Maji 1625. & nostram observationem 1684. dantur revolutiones 783. quarum una est 27. dierum, 12. horarum 20. intervallum inter hanc observationem & eam anni 1686. dantur revolutiones 809. quarum una 27. dierum, 12. hor. 19. 20//. intervallum inter eandem observationem & eam anni 1688. dantur 836. revolutiones, quarum una est 27. dierum, 12. hor. 21. 30//. Inter observationes Hevelii datur una mensis Maji 1644. ubi macula in eodem loco Solis observata est, in quo nostra observata est 13. Maji 1688. manè. Inter hanc & eam anni 1684. dantur revolutiones 531. quarum una est 27. dierum, 12. hor. 23/. Inter hanc & eam anni 1686. dantur revolutiones 557. quarum una est 27. dierum, 12. hor. 22/. Inter eandem & eam anni 1688. dantur revolutiones 584. quarum quælibet est 27. dierum, 12. hor. 24/. Habemus itaque jam 5 vel 6. magna intervalla, quæ reddunt eandem macularum periodum, prope 5 aut 6. Si eligatur media 27 dierum, 12. hor. 26/. convenient ad 2 aut 3/. Hæc revolutio media eadem est, quam & reperio in revolutionibus medii inter annum 1688. mensis Maij, & 6. Maji 1702. Addo, observationes, quo contingunt eodem mense, non ita subjectas esse inæqualitatibus provenientibus à motu Solis annuo, adeoque magis serviunt ad determinandum motum medium.

9. In iisdem Actis ad annum 1702. idem Cassinus recenset aliam observationem maculæ eodem mense Majo observatæ.

Die 22. inquit, hujus mensis Maij 1702. observavi novam maculam in disco Solis, prope marginem Orientalem; ea erat major & obscurior præcedente, & erat involuta per Atmosphæram, & plures faculas inter marginem & maculam medias.

Die 23. tubo 17. pedum lustrata videbatur sola & figuræ prope similis, quam habuit die præcedente.

Die 24. videbatur composita ex duabus maculis ad invicem junctis, quarum minor erat versùs marginem Orientalem Solis, videbatur esse ejusdem magnitudinis ac erat die 23. sed aliquanto debilior.

Die 25. difficulter ampliùs etiam tubo distingui potuit, quamvis figuram non mutaverit, quia valde debilis & parum omnino obscura erat. In Meridie tubo 6. pedum non petuit ampliùs videri, & postea non ampliùs observata est.

Repræsentavi situm hujus maculæ ad singulos dies juxta observationem meridianam, & reperi ejus parallelum non differre sensibiliter à linea recta. Latitudo Australis erat paulò plus quàm 120. Longitudo à margine Orientali die 23. in Meridie erat paulò minus quàm 51°. die 24. erat paulò plus quàm 64°. Itaque macula pervenisset ad medium sui paralleli die 26. paulò ante meridiem, eain-

gressa est in hemispherium apparetis Solis die 19. circa horam 3. vespertinam, sic ut die 20. videri potuisset. Veruntamen eo die nihil in Sole deprehendi, quamvis magnam attentionem adhibuerim. Die 21. impeditis negotiis observationem nullam institui. Ea macula, quam initio hujus mensis observavi, debuisset ad medium sui paralleli pervenire, die 11. circa noctis medium, Hæc autem ad medium pervenisset die 26. circiter post 14. dies & dimidium. Cùm verò hoc tantum sit dimidium integræ revolutionis maculis consuetæ, sequitur, hanc maculam cum illa non esse eandem, & quod in Sole in locis è Diametro oppositis formatæ sint.

Hæc macula visæ non est, nisi tantum in parte Orientali Solis, sicut & præcedens, & ferè in eodem loco disparuit, ac ferè eodem modo, rarefiendo & minuendo obscuritatem.

Situs maculæ hujus valde diversa est ab illis quatuor, quas à duobus abhinc annis observavimus. Hinc eam comparavi cum alia, quam Maraldus observavit ad finem Maji 1695. Illa macula pervenit ad medium sui paralleli 24. Maji hora 9. vespertina. Hæc eo pervenire debuit 26. in Meridie. Intervallum est 7. annorum, in quibus unus est bissextilis, 1 dies, 15 horæ. Hoc divisum per 93. reddit unam revolutionem maculæ 27. dierum, 12. horarum, 2/. Itaque credi potest, hanc eandem fuisse cum illa, aut saltem, utramque in eo loco formatam esse.

De eadem macula de la Hire sic discurret l. 2. Initio Maji hujus anni 1702. apparuit exigua macula in Sole, quæ intra paucos dies sensim diminuendo evanuit. 21. ejusdem mensis apparuit alia versùs marginem Orientalem Solis, quæ erat ferè ejusdem magnitudinis cum præcedente. Erat tantum unica macula, nube exigua obscura, ut solent, circumdata; brevi etiam in disco Solis evanuit, nam 25. adeò debilis erat, ut in Meridie vix ampliùs discerni potuerit tubo quadrantis, cujus radius trium pedum; quamvis observata fuerit tubo quadrantis majoris muralis. Rarò videntur maculæ longè remotæ ab invicem, sic ut non possint haberi pro una macularum massa; nec etiam frequenter cernuntur maculæ, qui apparent ac disparent in tam exigua ab invicem distantia. In hoc enim casu dici non potest, primam & secundam esse eandem maculam, quia aliàs sequeretur, eandem suam periodum absolvisse intra 14. dies, quod nimis remotum est, à periodo recepta.

Itaque explicatio mea apparitionis macularum quàm aliàs dedi, meretur additionem. Supposui, in Sole dari unum tantum corpus solidum & irregulare, quod à materia fluida Solis abstractum, ac circa suum axem revolutum aliquando hanc, aliquando verò aliam prominentiam ac faciem ostendit, eumque illud corpus alia materia rariori circumdatum sit, repræsentat quandoque nubes, quibus involvitur. Dum mergitur in fluido Solis, disparet; & resistentia quandoque major, quan-







stralem  $7^{\circ}$ . illa australem  $9^{\circ}\frac{1}{2}$ . figura secundæ occidentalis est num. 1. prioris num. 2. 4. & 5. nihil adhuc repertum fuit in Sole. 10. Occidentalis transit in superius hemisphærium. Orientalis 12. manet h. 5. pervenit ad medium Solis. 16. Apparuit, ut n. 4. & 17. ut n. 5. 18. Jam erat proxima margini occidentali, adhuc contractior; circa medium Solis erat largior ut n. 3. Si hæc macula est eadem cum macula 1688. duo dies deficiunt intra 194. revolutiones à periodo 27. dierum. 12. h. 20'. 25. Jan. macula prior occidentalis in oriente apparuit in distantia 1'. à margine orientali. 31. manet h. 1. iterum pervenit ad medium Solis. 7. Februarii macula posterior (nam componebatur ex duabus) ad medium noctis eodem loco extitit, quo extitit 11. Januarii; h. 10. circiter, adeoque ejus revolutio erat 27. dierum. 14. h. circiter. In posteriore etiam revolutione distantia ab æquinoctiali Solis erat minor, quam in præcedente. Dum econtrà in altera macula prius orientali, à qua distabat  $60^{\circ}$ . ea distantia aucta fuerit. Vide fig. Ubi annotatur, spatium clarum, quod circumdat maculam, clarius videri tubo 5. aut 6. pedum; aut aere aliquantum nubilo, quam majore aut meliore. 19. Martii apparuit alia macula propè limbum orientalem, ejus latitudo meridionalis erat  $10^{\circ}$ . ad medium Solis pervenit 23. Martii manet.

1706. 4. Junii erat aliqua ferè in medio disci Solis, sub centro Solis 1'. 2. duobus diebus antecedentibus & subsequenteribus nihil erat in Sole. 19. Junii alia per medium Solis jam transierat, quæ & ipsa diebus præcedentibus non apparuit, & etiam 23. non amplius visa est. Erat sub centro Solis 4'. 12. Decembr. h. 6. vespertina transit macula per medium disci, & alia 1707. 1. Martii h. 8. vespere inter quas duas revolutio non est accurate 27. dierum 12. h. ambæ habebant declinationem meridionalem  $6^{\circ}$ . aut  $7^{\circ}$ . hæc macula, si fuisset spherica, fuisset 1728. vicibus major terra. 20. Martii apparuit alia congeries macularum, cujus transit per medium 28. h. 9. vespere. 24. Alia apparuit versus Orientem primæ declinatio meridionalis erat  $9^{\circ}$ . secundæ  $6^{\circ}$ . aut  $7^{\circ}$ . 11. Maji alia in Meridie in medio Solis transit, & alia 2. Octobris circa medium noctis, utroque habuit declinationem Meridionalem  $6'$  aut  $7^{\circ}$ . 14. Novembris alia h. 5. vespertina prope centrum Solis medium transit, cujus declinatio meridionalis 120. aut 130. 16. Jam disparuit, dum eo die alia versus marginem orientalem apparuit. Dumque ea 27. prope marginem occidentalem attigit, alia versus marginem orientalem eo die apparuit. Hæc ultima orientalis erat in Hemisphærio septentrionali cum declinatione  $13^{\circ}$ . transit medium, 30. Novembris h. 7. vesp. Alia macula etiam habens declinationem septentrionalem 12. aut 130. transit medium 1705. 12. Aprilis h. 8. matutina. Intervallum pro revolutione dat 27. d.  $\frac{1}{2}$ . 15. Decembris alia apparuit in Oriente, cujus declinatio meridionalis  $13^{\circ}$ . videtur eadem. quæ apparuit 16. Novembris.

1708. occasione macularum Jovis observatur, nullam observatam esse maculam Solis, quæ fecerit plus, quam 3. revolutiones. Eodem anno appa-

ruit longus tractus macularum 11. Augusti, agmen utrinque claudebant duæ majores, quæ invicem distabant plus quam 2' & erant involute nubibus; minores singulis horis situm & figuram mutabant; major medium Solis transit 12. Augusti manet h. 6. & orientior h. 11. vespere. Declinatio meridionalis erat  $6^{\circ}$ . aut  $7^{\circ}$ . 18. Augusti non amplius sunt visæ. 2. Septembris apparuerunt exiguæ maculæ in margine orientali; major earum medium Solis attigit 8. h. 2. pomeridiana. Cum autem ab 12. Augusti h. 6. matut., usque ad 8. Septembris h. 2. pomerid. intervallum sit 27. d. h. 7. vel, 8. poterat credi, hæc maculam fuisse prius occidentaliorem; cujus motus sit tardior motu solari ob motum proprium; sed de la Hire reperit, hujus declinationem fuisse minorem, quam in illa 12. Augusti. 16. Novembris aliqua medium transit h. 8. vesp. declinatio meridionalis erat  $4^{\circ}$ . aut  $5^{\circ}$ . Ob declinationem poterat esse eadem cum illa, quæ apparuit mente Septembri, sed non ob revolutionem. 24. Novembris apparuerunt duæ versus marginem orientalem, major erat septentrionalior cum declinatione tamen adhuc meridionali  $6^{\circ}$ . aut  $7^{\circ}$ . ad medium pervenire debuit 29. circa Meridiem, potest esse eadem cum illa, quæ apparuit in Augusto ob declinationem perfectè æqualem, quamvis revolutio aliquot horis tardior sit, quod potest provenire à motu maculæ proprio. Figuræ amborum satis conveniebant.

1709. 6. Januarii in Meridie, quo semper solet observari, apparuerunt duæ maculæ valde ad invicem propinquæ; major ac occidentalis habebat declinationem meridionalem  $3'$ . 35". Die 10. transit in superius Hemisphærium. Declinatio merid. tunc erat 4'. 10". die 26. reapparuit in margine orientali cum declinatione septentrionali 5". respectu centri apparentis. Ea declinatio septent. 28. erat 40". Et die 30. jam iterum facta est meridionalis 10". 3. Februarii transit medium, cum declinatione meridionali 3'. 40". eadem hora ac die apparuit alia macula in parte orientali eadem positione cum declinatione septentrionali 25". videbatur jam percurrille 5. viz. 5. Non amplius hæc nova apparuit. Prior autem versus Occidentem perrexit cum declinatione merid. adhuc 3'. 25. Augusti aliqua apparuit in medio partis occidentalis Solis, cum declinatione merid. 1'. 30". certum est, diebus præcedentibus nihil apparuisse in Sole. 27. Erat proxima margini occidentali cum declinatione meridionali 1'. 15". 12. Novembris, jam aliqua medium transierat cum declinatione meridionali 1'. 45". 16. Habuit declinationem merid. 2'. 50". 18. Non amplius apparuit.

1710. Cassinus 24. Octobr. observat magnam maculam in parte jam occidentali Solis, quamvis die præcedente nulla apparuerit. 25. Ejus latitudo meridionalis erat 3' fermè. 28. Ejus latitudo erat septentrionalis ferè eadem quantitate, quæ prius erat Meridionalis. Erat in medio Solis 24. Octobr. h. 7. 1/2. vespere.

1713. Tantum una apparuit à 19. Maji usque ad 26. quæ medium disci attigit 25. hora 5. vespere cum latitudine meridionali 140. aut 150.

1714. Ap-



1714. Apparuit congeries macularum 21. Augusti, in qua duæ majores cæteris. 26. Una disparuit, & 30. tota congeries. Declinatio septentrionalis erat 15°. vel 16°. alia macula apparuit, 25. Septembris, constabat octo vel 9. aliis. Tota congeries transiit per Meridianum intra 6'' temporis, dum intra 120'. transiit Diameter Solis. Adeoque Diameter maculæ erat quinquies major Diametro terræ.

1715. 3. Maji observata est macula tempore Eclipsis Solaris in diversis Europæ provinciis. 4. Julii simul apparuerunt duæ congeries macularum valde ab invicem remotæ, nempe 13<sup>ma</sup>. parte Diameter solaris. Prima disparuit 12. versùs marginem occidentalem, altera autem 13. Varias subierunt mutationes tempore suæ apparitionis. 12. Septembris in medio Solis apparuit longus tractus macularum qui occupabat 20. partem Diameter solaris; dein divisus est in duas congeries, quæ & ipsæ subierunt varias mutationes. Totum disparuit in margine occidentali. Ad finem Octobris apparuit aliqua rotunda, nube circumdata. Erat in hemisphærio septentrionali; sed simul alia apparuit initio Novembris in hemisphærio Meridionali in Oriente. Septentrionalis declinatio prioris erat 15°. Meridionalis posterioris 19°.

1716. Plures apparuerunt maculæ, quàm ullo alio anno. Erunt 21. diversæ apparitiones. 30. Augusti usque ad 3. Septembris in diversis partibus Solis simul apparuerunt octo macularum congeries inter se distinctæ, nec tamen ob hoc claritas Solis imminuta est.

1717. 1718. & 1719. adhuc plures apparuerunt congeries macularum. Sæpe eodem tempore apparuerunt 4. vel 5. interdum etiam octo congeries. Sæpe eodem mense ter aut quater novæ congeries quandoque duæ aut tres simul exortæ sunt. Multæ quidem apparuerunt in margine orientali veluti venientes ex hemisphærio superiori; sed multæ etiam in disco solari, quandoque etiam prope marginem occidentalem exortæ sunt. Dum quando; maculæ nonnullæ erant in medio Solis, aliæ in Oriente, & aliæ in Occidente, videbatur Sol circumdatus cingulo macularum; Ex his apparet, cum maculæ sint dispersæ sine ullo ordine in Sole, eæque parùm durent, eas non consistere in uno quodam corpore solido, quod nater in liquido Solis; connaturalius videtur, de novi nati maculas ex causis nobis incognitis. Ita Academia Regia.

1720. Iterùm tot apparuerunt maculæ in omni situ disci solaris, interdum simul 8. vel 10. 1728. Ipsemet per duos ferè menses Majum & Junium observavi simul in Sole ultra 20. maculas, quarum aliquæ eodem tempore erant in hemisphærio septentrionali, aliæ in australi; nonnullæ versùs Orientem, aliæ versùs Occidentem. Distantiam ac situm eorum micrometro tubi 12. pedum dimensus sum, prout in fig. cernitur.

Cum ergo ex omnibus his observationibus li-  
*R. D. Euseb. Amore Philosophia.*

queat, periodum macularum esse inæqualem, & latitudinem earum mutari intra unum diem ferè per 6'. seu 70°. certum est, maculas non esse aliquid fixum in Sole. Natant ergo in liquido, in quo instar mucii quandoque excitantur, ac iterùm submerguntur. Distat non ita procul à meo Collegio lacus Vermienensis longitudinis sex horarum. qui singulis annis in Majo solet acquirere mucum, quem accolæ florem appellant; mucus hic non uno tractu totum lacum contegit, sed in innumeras veluti ingentes maculas dividitur; in æstate uno die disparet ac fundum petit, donec iterùm Ver redeat. Et si quo anno lacus non floreat, id est, nullum talem mucum flavoalbum contrahat, malum est præsagium pro piscibus; sicut & anno præterito factum est, quo captura piscum erat valde modica, quo & ipso lacus non floruit. Quid ni similis fermentatio, aut turbatio fundi in aqore solari admitti possit? verùm de his satis. Si quis probabiliora afferat, sit illius sententia, dum inveniamus certum, potior.

## QUÆSTIO. II.

*An in Luna detur Atmosphæra acri  
nostro similima, & convenientia  
cum terra?*

**C**opernicani, ut reddant terram nostram Planetis simillimam, conantur ostendere, Planetas terram quandam esse inhabitabilem. Ordiantur à Luna, in qua dicunt dari aerem seu Atmosphæram nostro acri similem. Quæ sit eorum mensuræ Wolfio percipiamus. In Elementis Astronomiæ C. I. sic habet.

### *Theorema. 4.*

Lunam ambit Atmosphæra gravis & elastica, in qua vapores, aliæque exhalationes ascendunt, & unde sub forma roris ac pluviae denuo in eam recidunt.

### *Demonstratio.*

Lumine solari penitus deficiente circa Lunam annulus lucidus apparet, peripheriæ Lunæ parallelus. §. 425. Datur ergo circa Lunam fluidum aliquod, quod figuram ejus assumit, radiosque solares incidentes refringit atque reflectit. Fluidum illud inferius prope Lunam densius, superius verò rarior, quia splendor prope Lunam maximus, versùs peripheriam suam continuò sensimque decrescit. §. cit. Tale fluidum cum sit aer tellurem nostrum ambiens, circa Lunam quoque aerem dari manifestum est. Et quoniam diversa aeris densitas ab ejus gravitate & elasticitate pendet, non dubitandum est, quin etiam diversa densitas in aere lunari easdem causas agnoscat. Est adeo aer lunaris gravis & elasticus. Quod erat unum. Enimverò aer lunaris non eadem constanter pelluciditate gaudet. §. 444.

H h h h h

lim



limbum Solistemerefacit §.425. Stellarum figuras circulares interdum in ovalem mutat. §.446. quamobrem cum eadem phenomena in aere nostro observentur, quando vaporibus oppletur §.412. 447. haud obscure intelligitur, eo tempore, quo in Atmosphæra Lunari phenomena ista conspiciuntur, eam vaporibus & exhalationibus oppletam esse. Quod erat secundum. Quoniam tamen alio tempore aer lunaris denuo perspicuus evadit §.446. vapores ex eo in Lunam præcipitentur opus est, adeoque vel ros decedit, vel pluit, vel ningit. *Quod erat certum.*

### Theorema 5.

Luna est Corpus telluri simillimum.

### Demonstratio.

Est enim corpus opacum & minimè perspicuum; dantur in ea montes, valles & maria §.449. cum insulis, peninsulis §.450. scopulis & promontoriis §.451. datur etiam circa eam Atmosphæra alterabilis, in qua vapores & exhalationes ascendunt, & undè in Lunam denuo recidunt. Patet adeò, Lunam esse corpus telluri simillimum.

### Scholion.

Cum in tel lare nostra rorem ac pluviam decidere constet, ut plantæ vegetentur; plantæ cum arboribus crescant & semina atque fructus edant, ut animalia & homines nutririqueant, nihil profecto obstat, quo minùs in Luna plantas, arbores, animalia & homines admittamus. Sic ille.

Dico, ex observationibus certum esse, in Luna non dari Atmosphæram. Si enim daretur Atmosphæra, tunc stellæ per Lunam occultatæ paterentur aliquam refractionem ante suam occultationem: atqui hoc est falsum, adeò etiam (cavendus enim mihi cum Wolfio terminus *ergo*, ne inter Ergottarum numerum veniam) prius. Major evidens est ex nostro aere, in quo omnes stellæ patiuntur refractionem, ut Astronomi omnes norunt. Minor demonstratur ex observationibus. 1. enim in Actis Acad. Reg. 1706. art. de Eclipsi. dicitur: Non est verosimile, in Luna dari Atmosphæram, quia, dum occultat aliquam stellam, communiter non observatur, quòd stella suam figuram, aut apparentem celeritatem mutet ob refractionem, quam Atmosphæra Lunæ causaret radiis stellæ. In Actis ejusdem Acad. 1720. art. de distantia fixarum dicitur sic: Cassinus observavit Eclipsin alicujus fixæ per Lunam, ex quo deducitur hoc notabile, quod jam sæpius inculcavimus, quòd nempe Luna non habeat Atmosphæram. Vifa enim est occultare duas stellulas valde ad invicem vicinas, quin vel minimum eorum colorem, aut figuram, aut distantiam mutaverit. Ipsa observatio sic habet: Reperiuntur in cælo plures stellæ, quæ sunt compositæ ex duabus, quamvis oculo inermi per modum unius appareant. Inter has stellas numerari meretur ea, quæ est in pectore Virginis notata à Bayero per  $\gamma$ . & est tertiæ magnitudinis; duæ stellæ ex quibus constat sunt adeò ad invicem propinquæ, ut etiam per tubum 11. pedum tantum appareant per modum unius stellæ oblongæ, & per tubum 16. pedum tantum videantur ab invicem distare Diametro unius

stellæ. Cum Luna 21. Aprilis 1720. has deberet tegere, attentissimus eram, quid his stellis in immersione & emersione deberet accidere. Cumque Luna esset proxima oppositioni, utpote quæ accidit 22. Aprilis h. 6. 49'. vespertina, lumen ejus maximum erat, ex quo plurimæ supra Horizontem stellæ reddebantur invisibiles, ex quo ipso magnitudo apparens harum stellarum debuerat minui; circumferentia earum per tubum 16. pedum videbatur optimè terminata, & exempta à radiis, qui aliàs nudo oculo circa stellas apparent.

Hæ stellulæ, dum appropinquabant limbo obscuro Lunæ, constanter retinebant eundem situm ad invicem sine ulla mutatione coloris aut figuræ; & circa medium noctis hor. o. 25'. 14". tubo 16. pedum observavi immersionem stellæ occidentalioris in marginem obscurum Lunæ disparuit in instanti absque eo, quòd ullo modo immutasset aut sensim. minuisset magnitudinem aut lumen. h. o. 25'. 44". facta est immersio stellæ Orientalis, quæ & ipsa intra spatium minus quàm dimidii secundi disparuit. Dein attentus eram, ad earum emersionem; & h. o. 51'. 16". observavi eodem tempore simul emersionem utriusque stellæ ex limbo illuminato Lunæ, ad quem ferè erant parallelæ.

Circumstantiæ observationis præcipua attentione dignæ sunt. Prima est, quòd licet intervalum apparens inter duas stellas tantum fuerit æquale Diametro unius talis stellæ, ac qualibet earum in instanti occultata fuerit, nihilominus intervalum temporis inter immersionem primæ & immersionem secundæ fuerit 30". secundorum. Itaque proportio distantia inter centra stellarum harum, & magnitudinis veræ Diametrorum, cujus mensura & tempus in immersione impensum, est ut 30 ad  $\frac{1}{2}$ . seu ut 60. ad 1. Ex quo sequitur, Diametrum apparentem cujuslibet harum stellarum, quæ erat dimidium centrorum distantia, ad earum Diametrum veram fuisse ut 30. ad 1. Itaque quamvis lumen stellarum per claritatem Lunæ valde imminutum fuerit, & per tubum radii plurimi separati fuerint, nihilominus residuum Lumen Diametrum stellarum auxit triginta Diametris veris stellarum, & nongenties discum apparentem, juxta proportionem Diametrorum ad superficies. Ex hoc licet judicare de immensa exilitate, sub qua hæ stellæ apparerent, si ab omnibus radiis, quibus ambiuntur, depurarentur; & licet agnoscere vivacitatem syderei luminis, quod tantopere auxit Diametrum apparentem stellarum.

Secundum notabile est, quòd ex hac observatione appareat, nullam dari Atmosphæram circa Lunam; nam cum stella occidentalior prima debuisset intrare in Atmosphæram Lunæ, utpote quæ oblique in eam incurreret, eo quòd margini meridionali vicinior fuerit, debuisset per refractionem mutare colorem, aut figuram, aut distantiam respectu Orientalis stellæ, quæ adhuc erat extra Atmosphæram; quorum tamen omnium nihil contigit, licet ad ea maximam attentionem contulerim. Observatio tamen fuisset idonea in hanc rem, magnitudo & lux ambarum stellarum erat eadem, & consequenter variatio earum facillime notari potuisset. Cæterum quòd simul eodem tempore Luna emergerint, ex eo contigit, quia tunc limbo Lunæ erant parallelæ, dum e contra in immersione oblique intraverint.

Aliud



Aliud exemplum talis occultationis habetur in Actis Acad. Reg. 1721. ubi art. de occultatione Veneris sic dicitur; 31. Decembris 1720. duobus diebus post Novilunium debebat Eclipsari Venus per Lunam, hora 3. pomeridiana; Eclipsis etiam debebat esse centralis. Observabatur ante Eclipsin Venus tubo applicato ad machinam parallacticam; & Luna cujus motus ab Occidente in Orientem est celerior motu Veneris, suâ parte orientali obscura appropinquabat Veneri. Ubi accessit, in instanti Venus occultata est, quod ut in similibus occasionibus sæpius annotavimus, non fieret, si Luna haberet Atmosphæram. Immersio contigit h. 3. 18'. 57". & emissio h. 4. 33'. 52". ex margine illuminato Lunæ quierant instar subtilissimi fili, emer- sit, & cum Eclipsis fuerit centralis, Venus lucidissima in medio hujus fili exiit. Sicut autem in casu, quæ Luna haberet Atmosphæram, immersio Veneris in partem obscuram Lunam, non fuisset immersio tam pura ac subita, sed successiva, sic etiam in emersione ex parte clara Lunæ debuisset produ- cere colores diversos ab iis, qui apparuissent ex parte opposita; refractiones enim per Atmosphæ- ram Lunæ sphericam in diversa à centro distantia causarent diversos colores. Verùm nulli tales co- lores visi sunt, quantocumque ad eos adhibita fue- rit attentio. En demonstratio per experientiam. Similia habentur in Actis Academiæ 1708.

*Si dicatur 1.* Tempore harum observationum fuisse in Luna serenam tempestatem, & si non ne- cessariam fuisse refractionem, prout reipsa fingit Wolfius, dum tantum aliquando dicit eam refra- ctionem fieri, quando aer Lunæ est vaporibus gra- vatus. Respondeo: hoc effugium esse prorsus nul- lum, quod demonstro. Refractio fit in nostro aere non solum, quando est vaporibus gravatus, sed etiam tunc, quando est serenus, adeoque si aer Lunæ & nostro similis, etiam in aere Lunæ sereno debet fieri refractionio. *Hoc est unum.* Dein refra- ctio Luminis fit in aere prorsus tenuissimo ac ratif- simo tunc videlicet etiam, quando aer ex ma- china pneumatica adeo est exhaustus, ut Mercurius ad unius tantum lineæ altitudinem deci- derit. *Hoc est alterum.* Denique varietas tempe- statis, seu serenæ seu pluviz adeo non est præcipua refractionum causa, ut in eas valde exiguum indu- cat mutationem. Itaque quamvis in Luna muta- retur tempestas, non tamen ea inducere deberet tantam ac totam refractionum mutationem, quam volunt Adversarii. *Quod est tertium.* Singu- la responsionis membra demonstro per experien- tiam.

Primum non solum constat ab universali Astrono- morum consensu, qui quovis anni tempore seu fuerit serenum seu nubilum, in nostro aere agno- scunt, refractionem Horizontalem ad minimum 3 2'. adeoque dum radius transit per sphæram Atmo- sphære lunaris, ex legibus Dioptricæ ea refractionio deberet esse duplo major, nempe unius gradus & quatuor minutorum. Sed etiam hoc ipsum de- monstrant Eclipses lunares, in quibus manifestum est, radios solares per nostram Atmosphæram ingentem pati refractionem, cum igitur eadem sit via à terra in Lunam, & à Luna in terram, Atmosphæra Lunaris prorsus eodem modo deberet in terram transmitten- re radios refractos omni tempore pluvio & sereno,

sicut terra transmittit radios refractos in Lunam om- ni tempore pluvio & sereno; immò verò sicut nonnunquam contingit, ut apex umbræ terrestris valde sit exiguus in Luna, etiam in Eclipsi Lunari apex umbræ lunaris deberet esse valde exiguus in terra, quod est contra experientiam, aut, quod verius, sequeretur, umbram Lunæ omnino nun- quam pervenire posse ad terram: cum sphæra Lu- næ Atmosphære Lunaris longè minoris Diametri sit, quam sphæra Atmosphære terrestris utpote qua- druplo in Diametro major; adeoque ex legibus Ca- toptrici radii per Atmosphæram Lunarem refracti deberent coire in magna supra terram distantia. Ut verò non possimus dubitare de refractione ra- diorum solarium ex nostra Atmosphæra in Lunam, afferam tantum unum exemplum. In Actis Acad. Reg. 1707. de la Hire affert observationem suam Eclipsis Lunaris centralis, quæ eo anno contigit 17. Aprilis. In fine addit hæc verba: Notandum est, quod tempore obscuræ totalis Luna valde ru- bra apparuerit, & versus centrum umbræ dabatur obscuritas major, quam remotius à centro; quod verò prorsus singulare est, illa macula obscura, quæ videbatur in medio, mutabat figuram singulis mo- mentis, immò etiam movebatur modò in hanc mo- dò in illam partem; videbaturque fluctuans ac in- constans. Hoc non potest adscribi nisi diversis re- fractionibus luminis, quæ proveniebant ab inæqua- li densitate nostræ Atmosphære. Simile habetur in Actis Academiæ 1704. 1713. 1722. & ipse ob- servavi in Eclipsi Lunari 1718. Si ergo Luna est similis terræ, deberent nonnunquam similes refra- ctionum effectus contingere in terra in Eclipsibus terræ.

Secundum, quod refractionio luminis fiat in vacuo, jam fuscè ostensum est p. 1. c. 2. si ergo Atmosphæra Lunæ poneretur adeo tenuis, ut rariæ qualis foret aeri in Exhausto, adhuc pateretur refractionem, prout ibi ostensum est, quo ipso tamen posito tam parum in Luna possent vivere animalia nostris simi- lia, quam parum possunt vivere in Exhausto, in quo post aliquot suctiones pereunt, ut cuius notum est.

Tertium, quod varietas aeris pluvii aut sereni non ita notabiliter mutet refractionem, probatur, quia 1. ab observatione de la Hire constat, aerem pluvium non notabiliter retardare motum pendulorum; si ergo aqua in aere pluvio non adeo resistit majori globo penduli, ut habeat majorem vim retardatio- nis, quam aer, etiam non habebit majorem vim in globulos subtilis materiæ, quam aer. Tabula ob- servationis de la Hirii est sequens.

Observatio Barometri, & constitutionis aeris, & penduli ad 22. usque ad 29. No- vembris 1703. mane.

| Dies | altit. Barometri. poll. | Lin.               | Cælum.               |
|------|-------------------------|--------------------|----------------------|
| 22.  | 27.                     | 4 $\frac{5}{8}$ .  | nebulorum            |
| 23.  | 27.                     | 1.                 | pluvium              |
| 24.  | 27.                     | 3 $\frac{1}{2}$ .  | pluvium              |
| 25.  | 27.                     | 2 $\frac{1}{4}$ .  | serenum              |
| 26.  | 28.                     | 1 $\frac{1}{8}$ .  | valde ne-<br>bulosum |
| 27.  | 27.                     | 11 $\frac{1}{2}$ . | valde ne-<br>bulosum |
| 28.  | 27.                     | 9 $\frac{1}{2}$ .  | nebulosum            |
| 29.  | 27.                     | 7 $\frac{1}{8}$ .  | serenum              |

H h h h h 3

Re-



Reperi per transitū Solis Meridianum, & æquationem horologii, horologium inter 22. & 25. horologium quotidie motum medium anticipasse 9<sup>h</sup> 2<sup>m</sup>, inter 25. & 26. intra diem anticipavit tantum 6<sup>m</sup>. adeoque fuit per nebulam retardatum 3<sup>h</sup> 2<sup>m</sup>. à 26. usque 29. quotidie anticipavit 9<sup>m</sup>. Ita de la Hire, ex quo evidens est, tempore pluvio non retardari pendulum notabiliter. Secundò constat, non majorem dari refractionem in aqua, quàm aere, ergo aqua suspensa in aere non debet augere refractionem sed potius minuere. De hac re sic discursit Academia Regia 1702. Controversia, quam habuerunt Cartesius & Fermatus de refractione celebris est. Ambo demonstrarunt radium obliquè incidentem ex aere in aquam, refringi accedendo ad perpendicularem. Sed demonstratio Cartesii supposuit, radios facilius penetrare per aquam quàm per aerem; contra Fermatus voluit, radios facilius penetrare per aerem. Carreus tuendum suscepit Cartesium, qui dicit, per aerem difficilius transire lumen quàm per aquam, quamvis per aerem transeat in majori copia; & in minori copia reflectatur, quàm in aqua, quæ duo sunt prorsus diversa ac separabilia. Juxta Carreum solus aer transmittit lucem; reliqua omnia corpora reflectunt lucem; & quando lux transit per aquam aut per vitrum, tantum transit per aerem qui continetur intra poros aquæ vel vitri. Partes enim aquæ vel vitri reflectunt lucem; & inde veniunt tot reflexiones à talibus corporibus transparentibus. Partes fluidi, quod aerem appellamus, incomparabiliter sunt mobiliores in libero aere, quàm dum sunt inclusæ intra poros aquæ vel vitri. Ista autè celeritas motus quoad partes aeris nocet radiis luminis, in quantum turbat ac interrumpit eorum motum, sicque debilitat ac minuit eorum celeritatem. Aer autem inclusus intra poros minus nocet, quia est minus mobilis. Ex hoc infert Carreus, eo majorem cujusvis corporis esse refractionem, quo minus habet aeris impediens transitum; seu quo est densius; ita enim aqua ebulliens, ex qua aer extrusus est, majorem habet refractionem, quàm aqua calida; & oleum, quod parum habet aeris, ut patet ex machina pneumatica, ferè eandem producit refractionem ac vitrum. Si hæc Carrei supposita vera sunt, vapores in Luna nunquam sic constipabunt intra suos poros aerem, ut mutent refractionem aeri connaturalem; aut certè sequeretur, Atmosphæram Lunæ in Plenilunio semper fore visibilem, quando est gravata vaporibus, eò quòd particulæ aqueæ reflectant lucem. Tertio denique omnibus Astronomis notum variationem refractionum non tantam provenire à pluvio aere vel sereno. Quis enim unquam in observatione solstiorum aut æquinoctiorum timuit inæqualitatem magnam ex diversa constitutione aeris? In Actis Academiæ Regiæ 1710. pro re mira habetur; quòd in solstitio æstivali refractione mutaverit altitudinem Solis 10<sup>m</sup>. quàm aliàs deberet esse per refractionem constantem & D. de Lisle, dum ex decremento altitudinis solstitialis 5<sup>m</sup>. concludit mutationem obliquitatis Eclipticæ, non metuit variationem ex refractione, P. Laval mutationem refractionis, quam

habet Horizon apparens vicini æquoris Massiliæ, per totum annum dicit consistere inter 15'. & 132'. Itaque demonstratum est, vapores, quos fingit Wolfius in Luna subinde esse causam refractionum, non posse esse præcipuam refractionum causam, sed aerem, seu Atmosphæram. Si ergo non dantur generaliter ac perpetuò refractiones per Lunam, non datur in ea Atmosphæra. Q. E. D.

Dices 2. dantur tamen casus, in quibus stellæ ac Planetæ in occultatione per Lunam facta prope illius marginem ac limbum mutarunt lumen suum. *Cassinus enim*, ut inquit Wolfius Elem. Astron. §. 446. sæpius observavit, figuram Saturni, Jovis, & fixarum à Luna occultandorum prope limbum ejus sive illuminatum sive obscurum ex circulari in ovalem fuisse imutatam. Cum ergo experientia constet, Solis & Lunæ figuram circularem in Ellipticam mutari propter refractionem in aere vaporoso factam, haud obscurè colligitur, tunc temporis denam circa Lunam exstitisse materiam, per quam radii stellarum trajectioni refractioni fuerunt, in aliis autem casibus, ubi nulla figura mutatio facta, eandem rursus abfuisse. Ita Wolfius, valde misere, nam in primis falsissimum est, mutationem figuræ quoad Solem & Lunam in ovalem provenire ab aere vaporoso; quis enim adeò in Astronomia imperitus est, ut nesciat, quotidie hanc mutationem figuræ Solaris accidere, dum Horizonti propinqua est, etiam cælo serenissimo, etiam tempore siccitatis longissimæ; nunquam verò eam mutationem figuræ in altiore situ Solis accidere, quamvis sit aer humidus & plenus vaporibus, quo etiam tempore mutatio figuræ aliàs quotidie apud Horizontem consueta non solet fieri notabiliter major. Itaque certum est, eam mutationem figuræ non provenire à vaporibus aeris, sed ab ipso aere: adeoque, si in Luna daretur Atmosphæra aeris, deberet constanter ac perpetuò fieri ea figuræ mutatio, quoties Planetæ aut stellæ ingrederentur Atmosphæram Lunæ. Dein Wolfius prorsus corrumpit textum Cassini. Citat pro Acta Acad. Reg. 1706. p. 327. reperi ea pagina textum Cassini, sed longè diversum. Cassinus sic ait: Sæpe observavi Eclipses Saturni, Jovis, & eorum satellitum, & aliquarum stellarum fixarum factas per Lunam, absque eo, quòd ullam observaverim mutationem in his astris in eorum immersione; ex quo judicavimus, tunc non extitisse Atmosphæram sensibilem circa Lunam; sed in aliquibus aliis observationibus nobis videbatur, stellarum parum allongari, dum occultabatur per partem obscuram aut claram Lunæ. En textum Cassini, à Wolfio falsificatum. Cassinus dicit, sæpe se Saturnum, Jovem, stellas, satellites observasse sine mutatione figuræ; & tantum in aliquibus observationibus aliter factam. Wolfius hoc invertit, & dicit: sæpius Cassinum observasse, in Saturno: Jove mutatam esse figuram. Cassinus dicit: videbatur & parum. Wolfius hoc ponit absolutè & tanquam certum. Non ergo solida esse potest jactantia ac confidentia Wolfii, dum omnia tribuit suæ Methodo in Logica. Verum ut etià

dire-



respondere ad illam opinionem Cassini, deo in accuratissimis observationibus, ubi non erat locus opinionum, sed certitudini, nullam unquam talem mutationem observatam esse. In Actis Acad. Reg. 1708. describitur occultatio Veneris per Lunam, quæ contigit 23. Februarii 1708. & observata est in diversis locis, & diversis tubis à Cassino seniore & juniore, à de la Hire seniore & juniore, & à Maraldo, nullus dicitur, observasse ullam mutationem in Luna. Cassinus senior sic ait: hora 7. 31. 55. Venus fuit Eclipsata penitus per Lunam, usus sum tubo 34. pedum. Maraldus eodem momento observavit illam immersionem tubo 12. pedum. Nec tamen deprehensa est ulla mutatio extraordinaria in figura hujus Planetæ, quando Lunam subiit. Eodem anno 10. Augusti à Cassino, Maraldo, & de la Hire observata est occultatio stellarum meridionalium, quæ sunt in constellatione Peliadum, nihil tamen mutationis in occultatione annotatur.

Dici potest 3. observatam esse talem mutationem etiam certam quoad colorem Veneris in sua occultatione per Lunam. In actis Acad. Reg. 1715. de hac occultatione sic dicitur. D. de Louville. D. de Lisle natu minor, D. Chardelon membrum Societatis Regiæ in Anglia qui junctim observabant, observarunt Lunam, quando adhuc erat remotior à Luna, fuisse fulgidam & albam; sed quando propius accessit ad Lunam, subito mutavit colorem. & quidem durante integro minuto temporis. Margo Veneris proprius Lunæ induit colorem rubeum, & margo remotior cæruleum; & hi colores erant satis sensibiles. Colores iidem apparuerunt in emersione Veneris, & quidem eodem ordine, videlicet rubedo ex parte vicina Lunæ, cæruleum ex parte remota, consequenter margo, qui in immersione erat ruber, in emersione erat cæruleus. Sic illi.

Respondeo, hanc observationem fuisse nudam deceptionem vitri, quod evidenter demonstro. In primis enim in hac ipsa occultatione expertissimi Observatores, & in hanc circumstantiam attentissimi, diversis tubis instructi ne minimam quidem mutationem in Venere reperire potuerunt. Academia Regia 1715. de hac occultatione sic loquitur: Quando Luna Eclipsabat Venerem, quod contigit 28. Junii h. 1. DD. Malezieu, Cassinus, & Maraldus, quorum quilibet diverso tubo observat, nec in immersione, nec in emersione Veneris, id est, in puncto occultationis aut reaparitionis, ullam mutationem vel quoad figuram, vel quoad motum, vel quoad colorem viderunt, quod tamen debuisset accidere, si Venus supra Atmosphæram Lunæ transisset cum autem essent attentissimi ad hanc circumstantiam, nec minima mutatio potuisset eos effugere. Sed nec in ulla alia simili Eclipsi Planetarum per Lunam sive de nocte, sive per diem ullam talem mutationem observarunt. Sic illi. Vide, quàm infelix fuerit Wolfus in corrumpendo supra Cassini textu, dum dicit, illum sæpius Saturnum, & Jovem conspexisse subire talem mutationem, in quo Cassinus junior non debuisset esse infeliciores, si tale quid se-

niori contigisset; aut si infeliciores fuisset, hic locus erat monendi de diversitate observationum, prout monent in hoc ipso casu. Nam postquam de observatione Louvillii, & de Lisle circa colores egerat, ita pergit:

D. de Louville repræsentabat artificialiter hanc Eclipsin. Ponebat retro vitrum rotundum aqua plenum accensam candellam, & inter vitrum ac candellam chartam, in qua erat foramen. Lux quæ per foramen transierat, repræsentare jussit Venerem aut stellam, & per vitrum Atmosphæram Lunæ intelligi voluit. Quando movebatur simul charta & candela ex uno vitri latere, semper margo foraminis luminosi, qui erat versùs centrum vitri, apparebat ruber, & margo oppositus cæruleus.

D. de Lisle natu minor, qui viderat colores Veneris, suspicabatur tamen, eos habere posse aliam causam, quàm Atmosphæram Lunæ. Nevvtonus enim detexit, quod inflexio radiorum, qui radunt margines corporis opaci, producat eosdem colores & eodem ordine, quos producit refractione. Sic ergo radii Veneris radendo margines Lunæ nudæ & carentis Atmosphæra poterant eodem modo colorari, ac colorarentur radii refracti per Atmosphæram; verùm hoc tantum conjectura erat, quæ indiget pluribus experimentis & probationibus.

Ex alia parte Cassinus, qui non negabat à Louvillio & de Lisle visos fuisse colores, unice eos referebat in vitrum tuborum. Hæc vitra enim, maxime quando apertura vitri objectivi est magna, semper causant colores versùs marginem tubi, non autem versùs centrum. Hoc exinde provenit, quia focus vitri objectivi, quod est sphæræ portio, non est tantum unum punctum, sed est curva, quæ appellatur caustica, divisa in duas partes æquales ac similes per axin vitri objectivi, qui simul est axis hujus causticæ & tubi. Radii post refractionem tanto arciores ad invicem sunt, & accedunt ad se invicem, ut reuniantur exacte, eo propius, quo propius accedunt ad axin; dum autem appropinquant ad axin in certa distantia, adeo arcu sunt, ut tantum appareant instar unius luminis sine colore. Verùm extra hanc distantiam, incipiunt se ab invicem secernere, & colores, qui juxta Nevvtonum radiis proprii sunt, incipiunt apparere separatim, ruber versùs axin, dein flavus, viridis, cæruleus, violaceus. Verùm quidquid sit de hoc ingenioso & verosimili systemate Nevvtoni, illud tamen certum est, quod juxta modum loquendi de la Hire, margines vitri objectivi se habeant instar prismatis circularis, quod reddit eosdem colores & eodem ordine ac prisma triangulare. Dein Cassinus & Maraldus observarunt, quod semper ac universim, dum stella fixa in tubum cujuscunque magnitudinis immittitur, margo stellæ respiciens axin tubi fiat ruber, & alter margo cæruleus; & quando stella collocatur in ipso axe tubi, tam color ruber quàm cæruleus penitus evanescunt, quando denique stella iterùm exit è tubo, colores iterùm eodem ordine apparent, sed margines stellæ permutantur. Itaque hi Astronomi

(Cass.)



(Cassinus & Maraldus) credunt, quod illi, qui viderunt colores Veneris collocaverint Lunam in centro suorum tuborum, & Venerem versus marginem tuborum, quod & reipsa cum observatione congruit. Immo verò etiam possibile erat facillime, quod si crederint se collocare Venerem in medio tubi, hoc tamen non obstante versus marginem exiterit, eo quod tubus incurvatus sit, quod facillime contingit, etiam absque eo, quod advertatur. In tali casu linea transiens per centrum vitri ocularis & objecti non transit per centrum vitri objectivi. D. de Louville opposuit, se Venerem successive ante suam immersionem collocasse in margine interiore & exteriori prismatis circularis, ubi formantur colores; si ergo colores Veneris provenissent ab hoc prisma, debuisset eandem partem videre rubram in interiore prismatis margine, & eandem cæruleam, quando erat in exteriori margine; attamen priorem semper vidit rubram, & posteriorem cæruleam; adeoque colores non proveniunt ex vitro objectivo, sed ex positione Veneris in Atmosphæra Lunæ, seu ex ipsa Atmosphæra. Hæc diversitas opinionum in causa erat, ut avidè expectaretur Eclipsis Jovis & ejus satellitum per Lunam, quæ contingere debuit 25. Julii nocte, videlicet uno mense post occultationem Veneris. Præparabant se omnes omni cura possibili, ut observarent omnia, quæ ad hanc controversiam aliquid conferre posse videbantur. D. D. de la Hire, Cassinus, & Maraldus observarunt etiam colores Jovis, sed hoc semper contigit, quando Jovem collocarunt in marginibus tubi, & hoc longo tempore ante immersionem, quando Jupiter erat adhuc adeò remotus à Luna, ut colores absolute non potuerint referri ad Lunam. Quando autem Jupiter fuit positus in centro tubi, quamvis proximus Lunæ, & in eo situ, in quo ejus extremi radii debuerant refringi per Atmosphæram, nulla prorsus dabatur apparentia colorum. Idem contigit circa Eclipsin satellitum Jovis. In hac observatione etiam ipse D. Louville tam parum vidit colores, ac alii. En! quid adhuc requirimus testimonii? an fortè dices cum Louvillio, tantum in Venere, non in Jove apparere colores, quia Jupiter est remotior à Luna ac terra, quam Venus, sicut & candela in casu, quo removetur longius à foramine chartæ in experimento prius posito, non amplius exhibet colores. Sed tali modo eoispo demonstratur falsitas ejus, quod dicit Wolfius, nempe in stellis fixis, & Saturno & Jove fuisse à Cassino observatam refractionem per Atmosphæram Lunæ. Dein non est eadem proportio luminis Jovialis, & luminis candelæ quoad distantiam. Non enim sic decrescit vis luminis Jovialis in dupla v. g. distantia, ac decrescit vis luminis candelæ, v. g. dum Jupiter vel Mars est in Apogeo & Perigeo. Itaque concludendum est, esse prorsus figmentum totam Lunæ Atmosphæram. Illud solum addo, etiam ex turbatione duorum luminum oriri colores. Si enim tempore crepusculi v. g. scribam, adhuc lucente lucerna, & ex fenestra lumine diurno jam illucescente, video in charta duas umbras, quarum una est flava, altera cærulea, qui tamen colores evanescunt. Si jam prædominetur alterutra

ex duabus lucibus. Cur igitur non possint similes colores oriri ex turbatione duorum luminum nempe Veneris & Lunæ, quæ duo lumina sunt quandoque æqualium virium, dum videlicet sunt in æquali ferè subin à Sole distantia, & Solis radii saltem in oppositam Lunæ faciem, quæ Soli obvertitur incident, ut contingit prope novilunium? maxime si tales colores recipiantur in vitro magis albo? Præterea observavi lumen Solis trajectum per foramen velamentorum cæruleorum in chartam versus marginem disci representare colorem cæruleum, & id non solum fieri dum velum est cæruleum, sed etiam alterius coloris, itaque non inconveniens est, quod suspicabatur Delisle, radios per marginem Lunæ reflexos, dum alios radios sibi vicinos turbant ac dividunt, colorum potuisse esse causam. Cuius enim notum est experimentum Patris Grimaldi, quod videlicet radius Solis per foramen obscuri cubiculi in conum vel cylindrum immisus eidem instar undæ ac fluminis, dum reperit obicem, circumvolvatur & versus latera dispergatur.

Dici potest 4. Constat, stellam & Venerem aliquando apparuisse in disco Lunæ, videlicet inter oculum & inter Lunam; ergo evidens est circa Lunam dari Atmosphæram, quæ radios stellarum refringat. In Acad. Reg. 1699. habetur hujus rei exemplum, & aliud 1722. in eadem. Respondè, ex hoc ipso potius demonstrari, nullam dari Atmosphæram in Luna. Nam primò, si daretur Atmosphæra circa Lunam, tunc radii per sphæram hujus Atmosphære refracti potius deberent exhibere stellam remotiorem à centro Lunæ, quam eidem propinquiorem, ut cuius notum est ex Dioptrica; vitra enim convexa augent magnitudinem objecti omniaque ejus puncta distrahunt ac remonent ab ejus centro; e contra lola vitra concava contrahunt objecta; hinc & Sol in suo Occasu vel Ortus non apparet nobis in disco terræ nempe inter oculum, & horizontem, sed supra horizontem. Secundò, si ea apparentia proveniret ab Atmosphæra Lunæ, tum deberet id contingere tam in margine obscuro Lunæ, quam in illuminato. Sed experientia monstrat contrarium, dum id solum observatum est in margine illuminato, non verò in obscuro. Tertiò, si hoc proveniret ab Atmosphæra Lunæ; idem deberet contingere siue stella transiret in parte Lunæ Meridionali, siue Septentrionali versus Orientem vel versus Occidentem, atqui hoc non fit, dum tantum id observatur, quando stella transit per Lunam in parte Septentrionali Orientali, vel Meridionali occidentali. Clarum ergo est, quod illud phenomenon aliam habeat causam, quam dein explicabo. Videamus autem ipsa experimenta. 1669. In Acad. Reg. de la Hire suam observationem his verbis describit.

*Observatio Eclipsis oculi Tauri, seu Palicium, aut Aldebaran.*

fig.  
91.

Die 19. Augusti mane videbatur stella Aldebaran proxima Lunæ, sic ut 30' post medium noctis deberet attingi à Luna versus suum marginem Septentrionalem; nam Luna cum esset tantum exiguo



quo elevata supra Horizontem habebat satis magnam Parallaxin, ut posset causare hoc phenomenon. Itaque rei eram attentus cupiens videre, an non idem accideret, quod R. P. Fevillée observaverat aliquando circa stellam, quæ Lunam contigerat.

Sed cum Luna supra Horizontem altius attolleretur, & Parallaxis decreveret, stella marginem luminis Lunæ attigit in loco à cornu septentrionali remoto circiter  $30^\circ$ . Observavi ab initio, quod stella fuerit in A in linea, quæ tangebatur marginem Orientalem Lunæ, & quæ erat parallela ad eam, quæ transibat per cornua hor. 1. 28'. post medium noctis; dein observavi, quod fuerit in B. supra marginem luminis Lunæ, ubi disparuit in momento, quod momentum immersionis contigit hor. 1. 41'. 31". distantia ejus à lineaeducta per cornu septentrionale, & perpendiculari ad lineam cornuum 2'. 59". quod observavi micrometro. Quod verò mihi maximè observandum videtur, hoc est, quod corpus stellæ apparuerit supra discum Lunæ, sic ut distantia inter centrum stellæ, & marginem Lunæ ferè æqualis fuerit uni Diametro apparenti stellæ cum dimidia. Dein stella in momento disparuit. Observatio facta est bono tubo 16. pedum. Prius observavi, quod stella motu satis æquali versus marginem Lunæ ante immersionem processerit, sicut non potuerim suspicari, ullam dari Atmosphæram circa Lunam, rariorem aut densiorem æthere. Et credo, apparentiam stellæ in disco Lunæ illuminato, sicut & P. Fevillée observavit, non posse alteri causæ adscribi, quàm luminis lunari, quod semper majus apparet, quàm re ipsa est, quamvis magno tubo observeretur. Sic ergo stella, quæ est longè fulgidior quàm Luna, poterit transpici per lumen apparens Lunæ; econtrà verò Eclipsis tunc primum contingit, quando stella attingit verum marginem Lunæ. Observavi dein immersionem stellæ ea parte obscura Lunæ in C hor. 2. 19' 32". quod etiam in momento contigit; nam stella in momento tam fulgida apparuit, ac aliàs solet esse; quod provenit ex celeri motu Lunæ respectu exilitatis stellæ, quæ in momento se à Luna eximit. Emergionem observavi tubo sex pedum, ut melius possem distinguere marginem obscurum Lunæ, qui paululum erat illuminatus per lumen reflexum à terra. Sed non poterat dici, an emergio contingerit supra discum apparentem Lunæ; nam hic locus Lunæ erat minus illuminatus, quàm reliquum, cujus lumen universim erat valde debile. Stella denique pervenit in D. in linea parallela ad lineam cornuum, & quæ transibat per marginem occidentalem Lunæ hor. 2. 29'. 30". Diameter apparens Lunæ post immersionem erat 32'. 31". Luna erat supra Horizontem  $26^\circ$ . versus Orientem. Observatio exactè, facta est micrometro. Duratio Eclipsis erat 38'. 11". ejus medium erat h. 2. - 31' 2".

Altera observatio P. Fevillée describitur his verbis in Acad. Reg. 1699.

P. Fevillée, Ordinis Minimorum, peritus Astronomus, misit Cassino observationem singularem, quæ & Academiæ communicata est. Die 7. Martii 1699. hor. 9. 39'. vespere Massiliæ observavit quod cornu meridionale Lunæ, dum transiret per Hyades, tegat stellam ex parte occidentali Alde-

barami sitam, & à Bayero notatam littera  $\theta$ . singulare in hac observatione est, quod stella, postquam marginem luminis Lunæ attigerat, adeoque ante suam occultationem, per aliquot secunda supra discum Lunæ illuminatum apparuerit. Videbatur etiam eo tempore progredi; dein in momento disparuit.

Tertia observatio ejusdem P. Fevillée recensetur in Actis Acad. Reg. 1722. his verbis: Prima observatio. P. Fevillée anno 1720. est Eclipsis Veneris per Lunam, quæ contigit 5. Martii quatuor diebus ante conjunctionem Lunæ cum Sole. Cornu Massiliæ erat serenum initio hujus Eclipsis, quod contigit hor. 11. 18'. 27". & quo Venus per marginem illuminatum Lunæ occultata est. Ante suam occultationem integra supra Lunam apparuit, quod P. Fevillée adscribit refractionibus,

Hucusque observationes, quæ omnes contigerunt in margine luminoso, & prima in parte Lunæ septentrionali posita versus Orientem, altera in margine Lunæ meridionali posita versus Occidentem. Jam supra ostensum est, hæc non posse explicari per Atmosphæram Lunæ ex triplici causa; 1. Quia Atmosphæra potius removeret stellam à Luna. 2. Quia idem fieret in parte obscura Lunæ. 3. Quia dantur centum aliæ observationes talium occultationum, in quibus ille effectus non conspicitur, cum tamen deberet esse universalis ob causam perpetuam ac universalem. Multæ tales observationes legi possunt in Academia Regia; ex abundantia addo aliquas duorum peritissimorum Astronomorum, nempe R. P. Ignatii Kægler S. J. in Regno Sinarum adhuc tribunalis Mathematici Præfidiis, quondam Ingolstadii mei in rebus Mathematicis Instructoris, & R. P. Nicassii Grammatici, Astronomorum omnium in Germania sine comparatione doctissimi;

Occultationes fixarum post Lunam Pekini in Regno Sinarum 1721. 1722. & 1724. observatæ.

Die 6. Aprilis 1721. occultatio stellæ  $\delta$  in Cancro post Lunam. Immersio accidit h. 9. 56'. post Meridiem, in recta ex Tychone per marginem boreum longomontani. Emergio. h. 10. 40'. in recta ex Copernico per marginem occidentalem Ptolomæi.

Die 3. Decembris h. 7. 54'. cornu australe Tauri subiit limbum Lunæ orientalem prope Xenophanem. emerfit h. 8. 40'. 30'. prope Senecam & Plutarchum. Die 26. Januarii 1722. vespere observatus est transitus Lunæ ad triplicatam stellam  $\delta$  in capite Tauri. Stella sequens & borealior à Luna est obtecta. Immersio accidit h. 12. 6. in recta per Bullialdum & Ariam. Emergio h. 12. 52. in recta ex Copernico per Petavium. Die 26. Martii. Post. h. 10. vesp. accidit occultatio stellæ quintæ in Cancro. Immersio fuit in recta linea per Timocharum & Manilium. Emergio in recta ex Menelao per Messalam, latuit stella 48'. die 23. Augusti paulo post h. 8. vesp. stella X. in Sagittario se abscondit in ipsa extremitate illuminationis austrinæ. Latuit ultra mediam horam, prodixitque inter 5. & 6. octantem infra Claramontium. Die 24. Sept. vespere Luna obtexit ambas australiores stellas in



quadro super eandem Ceti. Orientalior subintravit Lunam h. 9. 19' in recta ex Aristarcho per monticulum anonymum, qui est inter Cardanum & Seleucum. Emergit h. 10. 32' in recta ex Genesio per Firmicum.

Die 4. Decembris 1724. h. 4. 4. stellæ in Cancro subintravit Lunam regione Vietæ. Minuta temporis hæc non sunt apposta.

Die 1. Augusti 1725. h. 5. 25'. 17". Mars ad Lunæ limbum obscuro consistens repente evanuit ex oculis in disco Lunæ immersus. mora ingressus 1" vix æqualavit. h. 6. 1'. 53". emissio prima ex parte Lunæ lucida ad Zbroastrum, per cuius meritillum tunc circulus illuminationis lunaris transibat, eratque macula hæc lucidior. h. 6. 1'. 58". emissio Martis plena. Observatio facta est telescopiis 12. & 18. pedum tempestate sudissima. En iterum differentia inter immersionem & emissionem 5", dum in parte obscura Mars 1" in parte clara 5. impendit, quæ differentia utique non provenit ab Atmosphæra, sed à luce.

Ingolstadii 1723. observatæ sunt hæc occultationes die 11. occultatio duarum infirmium in Piscibus immersio præcedens in limbum Lunæ obscurum regione Pythagoræ h. 6. 2'. 20". emissio ejusdem ex parte limbi illuminati regione centri Martis Crisium h. 7. 4. 50" via stellæ fuit per lineam centro Pythagoræ, Possidonii & extremidatis Boreæ. Martis Crisii ductam.

Die 13. Febr. occultatio stellæ, quæ Riccior dicitur borealior in cornu australi.

Die 17. occultatio stellæ  $\chi$  in Virgine.

In his omnibus & innumeris aliis occultationibus non apparuerunt stellæ in disco Lunæ. Certum ergo est, eam apparentiam non provenire à causa aliqua regulari ac constanti, qualis foret Atmosphæra Lunæ.

Afferam itaque aliam causam. Dico, radios diversorum luminarium cœlestium habere etiam diversum gradum refrangibilitatis. Sicut enim ex Nevvtono constat, diversos radios Solis habere diversam refrangibilitatem, ita multo magis radii diversorum luminarium habebunt diversum refrangibilitatis gradum. Si ita ponatur lumen Lunæ habere majorem refrangibilitatem quam lumen Veneris, aut Aldebarami & majorum stellarum fixarum, phænomenon facile explicari poterit. Cum enim constet ex observatione, quod in his casibus stella altior fuerit lumine lunari, utpote in septentrionali parte existens versus Orientem, aut meridionali versus Occidentem, necessarium erat, ut radii lunares refracti attollerent imaginem Lunæ vel supra stellam, vel ad altitudinem stellæ; & sic stella per imaginem Lunæ apparentem transpici potuit. Simillimam huic observationi rem observavi in famosissima Curia Reipublicæ Augustanæ. Extat in aula Cæsarea hujus Curia pavementum stratum marmore, secto partim in quadra, partim in Rhomboides. Color quadrorum est albus; color verò Rhomboidum quadra includentium ex uno latere est griseocæruleus, ex altero verò ruber. Cum audirem à nonnullis, in hoc pavimento ad libellam posito

oculum tamen sic falli, ut in ea deambulantes putarentur perpetuo ab uno frusto marmoris in alterum vel ascendere, vel descendere, statim suspicabar, latere hîc aliquid, quod apprimè faceret ad confirmandum Systema Nevvtonianum. Itaque ex instituto in eam aulam accessi, & quamdiu in ea constitui, nihil observavi eorum quæ mihi referebantur; postquam autem in editiorem quandam locum, ex quo patet in aulam prospectus, eductus sum; tunc deprehendi, quod omnia quadra marmorea albi coloris notabiliter inferiora appaerent, quam Rhomboides cæruleæ, aut rubæ; & rubæ Rhomboides quidem circiter duobus pollicibus extare atque attolli videbantur supra quadra alba; Rhomboides verò Griseocæruleæ, quæ magis accedebant ad album, quam rubæ, supra quadra alba videbantur attolli tantum uno Circiter pollice. Itaque color ruber & figura Rhomboidis rubæ videbatur extare in ipsa superficie extrema marmoris albi, sicut stella apparuit in disco Lunæ, prout ex adjecta colligi potest. A est quadrum album, B est Rhomboides rubra. C est Rhomboides griseocærulea. Unum latius quadri erat 23. pollicum, talium, quorum 13. ferè faciunt unum pedem Parisiensem. Latitudo Rhomboidum erat 11½. talium pollicum. Altitudo prospectus erat circiter, quantum mihi ex visu apparebat 35. vel 40. pedum. Angulus visionis ADE erat circiter 40. vel 30. graduum; observavi enim, hanc apparentiam non consistere in puncto visionis indivisibili, sed eam habere satis magnam latitudinem videlicet inter 20' & 50. circiter gradum.

Jam cum similitum effectuum quærendæ sint causæ similes, non videtur aliam dari causam in data observatione stellæ supra discum Lunæ, quam major refractio luminis Lunaris. Quando lustrabam illud pavementum Curia Augustanæ, dictum mihi est à Clavigero, apparentiam eam non eodem modo succedere in quavis constitutione aeris; sed felicissime redeunte Sole post pluvias. Itaque ad majorem vel minorem refractionem radiorum ex Luna, vel stellis similis constitutio nostri aeris aliquid conferre poterit, dum videlicet major est vel minor particularum nitrosarum aut aliorum salium copia. Idem contingit in vicino Monte Peissenbergensi, è quo loca ad decem milliaria distita melius videntur, dum Sol est à tergo adeoque in oppositione cum loco observando post pluvias, quod ipsemet expertus sum. Itaque mirum non est, quod raro tale phænomenon contingat, cum requirantur tot conditiones, nempe & minor refrangibilitas syderis, quod non datur in omni sydere, sed tantum Venere, & Aldebaramo, & aliis vivacioribus. 2. Requiritur talis positio syderis, ut possit adhuc spectari altior Luna. 3. requiritur, ut concurrat specialis puritas aeris. Ob defectum enim duarum ultimarum conditionum & ipsa Venus non apparuit in disco 1692. 19. Maji, quo emerit ex margine occidentali Lunæ circa ejus medium, prout legitur in *Memoires Acad. Reg. ad illum annum*, & repræsentatur hac figura.

Dici potest 4. Luna sæpius in cœlo adhuc supra Ho-



Horizontem aere sereno disparuit ; ergo fuit obiectus suæ Atmosphæræ nubibus , cum in nostro aere nulla fuerint nubes. Respondeo, 1. si hæc disparitio Lunæ pro causâ haberet nubes lunares , eo ipso videremus Lunam ut nubibus tectam ; cum enim radii ex talibus nubibus reflexi necessario aliam vim habeant, quam ii , qui reflectuntur ex reliquo æthere , etiam deberet alium sentum imprimere in oculum , quam æther ; itaque sphaera illa nebulosa Lunæ necessario adhuc deberet percipi vel majori candore, vel majori obscuritate. 2. Si aliquando per nubes obducitur tota Luna, contingens foret, etiam aliquando obduci per nubes unam tantum partem Lunæ, quod inter tot millenas observationes à tot sæculis à nullo hominum observatum est. 3. Si id fieret per nubes Lunæ adverteretur aliquando de nocte motus nubium in Luna, & successiva , non instantanea obductio Lunæ, quod iterum nunquam factum est , cum quotidie observetur in variis orbis partibus Luna, & tamen hæc nec per somnium quisquam viderit. 5. Quotiescunque Luna in cælo disparuit, aderat aliqua causa particularis quæ cælorum Lunæ reddere poterat colori totius cæli simillimum, ut prorsus de Atmosphæra Lunæ cogitare necesse non sit. Videamus aliquatulum disparitionum exempla. In Actis Acad. Reg. 1704. reperitur sequens observatio Bononiæ à *Manfredo* facta. Heri 30. Junii post Meridiem feci observationem planè singularem de occultatione Veneris per Lunam in distantia à Sole circiter 17°. Luna juxta meam observationem factam tubo 10. pedum attingit Venerem hor. 4. 30'. 15". eamque totam obtexit h. 4. 30'. 23". sed juxta observationem *Stancari* centrum Veneris fuit obiectum per Lunam h. 4. 30'. 18". & tota Venus occultata fuit h. 4. 30'. 33". tubo 8. pedum Sicut autem non nisi difficulter Luna videri poterat etiam per tubos, & solum per relationem ad Venerem , quæ sciebatur non esse procul à Luna, ita statim post occultationem Veneris non videbatur amplius Luna ; itaque & emissio observari non poterat. En ! unum experimentum, in quo Luna jam antecederet videri non poterat , nisi tantum per lumen vicinæ Veneris , quid igitur mirum, si subtracto lumine non amplius videatur Luna ? si Luna haberet Atmosphæram , eo ipso videri debuisset Luna etiam post occultationem Veneris , in quantum videlicet lux Veneris debuisset illuminare Atmosphæram Lunæ, & sic eam instar annuli ambientis Lunam reddere terris visibilem ; maxime cum pervenisset ad medium Lunæ , quo situ etiam ipsa Venus debuisset videri à Luna. Sic enim Luna corpus opacum A. ejus Atmosphæra BB. Venus C. terra D. si radii ex Venere refringantur per Atmosphæram Lunæ, ferentur utrinque adeoque omnes radii ex Venere prodeuntes in D. ubi foco communi fiet Venus visibilis in medio suæ occultationis momento. Quod est contra omnem experientiam non solum in Venere, sed etiam Marte , Jove, Saturno, aut stellis occultatis. Aliud disparitionis Lunæ exemplum habetur in Actis Acad. Reg. anno 1704. ubi Luna in diversis locis simul observata in duobus locis quidem disparere, sed diverso tempore visa est ; & in tertio observationis loco

R. D. Ensch. Amort. Philosophia.

omnino non disparere visa est, Montpelii enim ea disparitio visa est media septima ; *Massiliæ* tantum ad septimam ; quæ differentia non provenit à differentiâ Meridianorum , cum *Massilia* tantum sit orientalis 5. temporis. Acta Academiæ sic habent : Observatio Eclipsis lunaris, quæ contigit 23. Decembris 1703. Parisiis non potuit observari ob nubes , sed missæ sunt nobis observationes Dunkircho, Montpelio , Arelato, Avinione , *Massilia*. Montpelii visa est Luna post immersionem totalem circa horam 6. adeo obscura , ut difficillime in ea maculæ distingu potuerint, quæ tamen alias etiam in immersionibus totalibus facile distinguuntur. Aliquanto post induit rubedinem versùs suam circumferentiam & circulariter , dum interim medium disci lunaris mansit obscurum. Circa h. 6. & 1. hic annulus ruber & medium obscurum æqualiter dividerunt Diameter Lunæ. h. 6½. Luna penitus à Cælo disparuit, quamvis Cælum fuerit valde serenum & purum, & Luna nondum ante horam subire deberet Horizontem ; crepusculum etiam imaginem Lunæ necdum auferre poterat , quia adhuc videbantur stellæ etiam in Oriente. Arelati Luna toto totalis immersionis tempore apparuit rubra rubedinis obscuræ, & castanea, Econtrà Avinione toto immersionis totalis tempore apparuit rubra rubedinis tam claræ, & tam clara, ut videretur quasi transparens , & quasi ex opposita facie à Sole illuminata. *Massiliæ* Luna apparuit rubra in sua parte conversa versùs Nord - West , & valde obscura in parte opposita, Disparuit versùs horam 7. dum cælum erat valde purum. Quando in diversis locis eodem tempore videtur in Luna diversi gradus obscuritas, aut diversi colores , sicut contigit in Eclipsi 23. Decembri 1703. observata Arelati & Avinione , id aliam causam habere non potest , quam vapores cuivis loco proprios , & in diversa quantitate. Hi vapores sunt instar vitrorum diversæ densitatis, & diversis coloribus tinctorum , per quæ idem objectum cernitur , & quamvis cælum videatur esse valde purum, vapores tamen non desunt. Iis Solis vaporibus adscribi potest , quod Luna disparuerit , suppono Lunam durante Eclipsi induisse colorem non diversum à colore cæli ordinario , in hoc enim casu Luna non poterit discerni à Cælo. Hoc autem non solet fieri , nisi in Eclipsibus , quia alias Luna habet colorem nimis diversum à colore cæli. In Memoriis Academiæ ejusdem anni , in quibus differentia Meridianorum inter Montpelium & *Massiliam* ex hac ipsa Eclipsi statuitur 1. 38'. dicitur Montpelii circa horam 6½. non amplius visam esse Lunam ; econtrà *Massiliæ* eandem adhuc visam esse h. 6. 50'. ac postea primùm disparuisse. Observatio Montpelii facta est tubo 15. pedum ; *Massiliæ* vero uno tubo 3. altero 13. pedum.

Dies 5 Luna in Eclipsi solari totali 1706. habuit anulum luminosum ; hic autem non potest provenire nisi ab Atmosphæra Lunæ, Annulum hunc Wolfius

II III 2

sic



sic describit Elem. Astron. §. 425. Observatu omnium maximè dignus erat annulus circa Lunam lucidus, limbo Lunæ parallelus, quem cum maximo studio contemplantur, à parte lucida Solis optime distinguebam. Neque enim solum splendor Solis splendorem annuli argenteum referentis multum superabat, verum etiam particula Solis lucida non eadem cum annulo lucido peripheria terminabatur. Erat annulus obversa Lunæ parte densior, aversa rarior, exacta tamen peripheria terminatus. Margo Lunæ instar nubeculæ pallescebat, nigredine medium disci occupante. Eundem annulum plures alii in aliis locis observarunt. Astronomi Academia Montispellunanz eodem prorsus modo eundem describunt, quo ego. Keplerus refert similem annulum 1605. mense Octobri Antverpiæ & Neapoli fuisse observatum, cum Sol prorsus deficeret. Ita Wolfius.

Respondeo, hunc annulum nullo modo probare Atmosphæram circa Lunam. Nam. 1. sic hic annulus proveniret ab Atmosphæra Lunæ, tunc debuisset extendi extra Lunam ad distantiam integræ Diametri lunaris. Cum enim in Actis Acad. Reg. 1718 referatur, stellam duobus minutis ante suam occultationem jam fuisse in disco Lunæ, & tota Luna, aut Sol intra ferè duo minuta per Meridianum transeat, sequetur, Atmosphæram Lunæ porrigi supra Lunam integræ Diametro Lunæ. 2. Si hic annulus proveniret ab Atmosphæra Lunæ non deberet mutare suum colorem, aut in diversis locis observationum referre diversum colorem. In Eclipsi solati anni 17. Hic Polignæ post obscurationem digiti undecimi cum dimidio tubo undecim pedum ex hac ipsa causa reperiundæ Atmosphære & annuli faciem Lunæ studiosè contemplatus sum; & vidi circa limbum Lunæ ea parte tantum, quæ adhuc aliquid lucis solaris supererat, partem annuli rubino fulgentissimo simillimum. Color à Wolfio observatus erat argenteus, à me observatus erat intensissimè rubens, juncta Montispellunos erat pallidus, itaque, cum diversi colores non conveniant eidem objecto, signum est, totum phænomenon fuisse in Luna, sed præcipuè in nostro aère. Denique. 3. Wolfius in sua descriptione omittit circumstantiam, quæ totaliter evertit Atmosphæram æream lunarem, nempe, quod annulus ille ad gradus quatuor circa Lunam extensus fuerit; cum ergo certum sit Atmosphæram aeris nostri non extendi supra terram ultra octo integras Diametros terræ id est ultra 14400 milliaria Germanica, multò minus id dici poterit de Luna. Dicit Wolfius, Montepelienses prorsus eodem modo descripsisse hunc annulum, ac ipse; vide, quàm id verum sit, in Actis Acad. Reg. 1706. sic dicitur: Societas Regia Scientiarum Montpelii crecta magna cura hanc Eclipsin solarem 1706. observavit. Omnium majori consideratione digna est corona luminis pallidi, lata duodecima parte Diametri Lunæ, quæ circa discum Lunæ apparuit in locis, in quibus Eclipsis erat totalis. Astronomi Societatis Regiæ Montepeliensis attentiores & exactiores aliis observationibus observarunt, quod licet illa corona æquali vivacitate se non à Luna extenderit ultra limites, qui illi tribuuntur, nihilominus valde longius se extenderit

quoad vivacitatem decrescendo, sic ut circa Lunam magnum spatium circulare impleverit, cujus Diameter erat octo graduum, & cujus centrum erat Luna. En! quàm belle eodem prorsus modo. Erravit ergo Wolfius, sed circa substantiam.

Cum ergo Atmosphæra Lunæ in causa esse non possit alia causa assignanda nobis est. Primus modus explicandi illum annulū est Cassini, qui ostendit circa Solem dari quandam Atmosphæram luminis quæ Sole per Lunam obscurato videri potuerit. In Acad. Reg. 1706. sic dicitur: In hac Eclipsi Diameter apparens Lunæ erat major Diametro apparente Solis; adeoque Eclipsis non erat annularis, utilis annulus potuerit esse ipsa extrema circumferentia Solis non obscurata per Lunam; dein Lumen annuli erat incomparabiliter minus, quàm cujusvis minimæ partis solaris.

Cassinus pro explicando hoc phænomeno recurrit ad hanc hypothesein. Detexit anno 1683. aliquod Lumen, quod perpetuò sequitur Solem. Hoc Lumen antea observatum non erat, quia Lucente luna, aut crepusculo ferè semper extinguitur, nisi tunc solum, quando crepuscula sunt brevissima, tunc enim hujus luminis videtur extremitas quamvis debiliter. Supponit, hoc lumen provenire ab aliqua materia circa Solem expansa ad certam distantiam, & eo densiore, quo est Soli propior; quæ etiam radios Solis in nostros oculos reflectere possit, quando directè in eos non ampliùs deferri possunt. Infert, quod si hoc lumen præsentè Sole videri posset, apparituum sit instar Halonis, quamvis plerumque defacto tantum videatur ut tractus luminis certæ latitudinis semper extensus per Zodiacum, quia non videtur, nisi Sole jam existente sub Horizonte. Itaque verosimile est, ingentem coronam, quæ in Eclipsi totali circa Lunam visa est, seu potiùs circa Solem, nihil aliud fuisse, quàm Halonem à Cassino prædictum, & revera, eodem gradu obscuritatis solum in Eclipsi apparuit, quo gradu aliàs videri solet ad finem crepusculorum illud lumen Solis extensum in Zodiaco ad certos limites. Hucusque Academia Regia, usque oculis & fide melioribus quàm Wolfius.

Alter modus explicandi petitur ex diffractione ac inflexione radiorum solarium circa marginē Lunæ. Explicatio continetur in Acad. Reg. 1715. quo D. Louville in Eclipsi totali Solis similem annulum cum fulgetris in parte obscura Lunæ observavit, unde mordicus evincere voluit existentiam Atmosphære in Luna. Academia sic habet: In locis, ubi erat Eclipsis totalis, circa Lunam observatus est, sicut anno 1706. circulus luminosus coloris argentei, latus duodecimam partem Diametri disci apparentis Lunæ. Hic circulus non apparuit, nisi tantum in obscuratione totali, & quamprimū minima pars Solis rediit, statim disparuit. Erat vivacior versùs margines Lunæ, vivacitas enim à Luna semper sensim deficiebat in majori distantia. In nonnullis locis habebat quasdam interruptiones. Referebatur primū hic circulus ad Solem, prout factum est 1706. à Cassino. Sed Louvillus, qui observavit hoc phænomenon Londini, credidit, id adscribendum potiùs esse Atmosphære lunari, quæ radios Solis refractos sic ad oculum remiserit. Tempore Eclipsis Diameter apparens Lunæ dimidio digito major erat, quàm Dia-



Diameter apparens Solis; (anno 1706. erat 5' major) consequenter in primo instanti obscurationis totalis Diameter Lunæ eminebat versùs Occidentem supra Diametrum Solis dimidio digito. Si circulus pertinisset ad Solem, fuisset illi concentricus, adeoque ex parte Occidentis latuisset adhuc aliqua pars circuli luminosi, tanta videlicet, quanta responderet excessui Diametri lunaris supra Solarem. Itaque ex parte Occidentis ille circulus fuisset interruptus, nec in eo situ fuisset Lunæ concentricus. Attamen hic circulus semper apparuit, & nunquam interruptus eo loco & modo, quo deberet per talem causam. Itaque pertinuit ad Lunam, & non ad Solem, adeoque videtur provenire ex Atmosphæra Lunæ.

Interruptiones irregulares observatæ in circulo luminoso proveniunt ex montibus Lunæ, qui ut aliunde constat sunt altiores montibus terræ. Louvillus insuper observavit, circa finem Eclipsis marginem Lunæ, qui nondum ex Sole emergerat, tinctum fuisse colore rubeo vivacissimo; ad hoc autem opus est refractione, & ad refractionem Atmosphæra. Observator affirmat, hunc colorem non provenire a vitro objectivo tubi, quod solet producere versùs suas extremitates; nam phænomenon idem erat, quamvis medium vitri objectivi eò direxerit. Dein, quando Sol sensim obscurabatur, ea pars Solis, quæ Lunæ appropinquabat, semper pallescebat, sicque jam antecederet aliquam imperfectam obscurationem passâ est; quod non potest provenire nisi ab Atmosphæra Lunæ, cujus pars Orientalis ante Lunam Solem attingit. Verum quidem est, id non esse factum post medium Eclipsis. Tunc enim pars Solis ex Luna emergens statim in momento lucem vivacissimam habuit, neque ullum pallorem ex parte occidentali Atmosphære lunaris passâ est. Sed Louvillus adscribit hanc diversitatem duabus causis. 1. Quia oculus per Eclipsin in tenebris constitutus etiam postea à debili lumine fortius movetur, quam prius adhuc constitutus in lumine. 2. Quia pars occidentalis Atmosphære Lunaris ante conjunctionem non erat illuminata à Sole, adeoque in ea parte existentibus crassioribus vaporibus difficilius transire potuit lumen Solis. Ulterius Louvillus & Hallejus observarunt, quod, dum è segmento Solis tantum superesset dimidium digiti, unum cornu hujus segmenti visum fuerit se separare à residuo luminis, eodem prorsus modo, quo fieri solet, ut quando Sol Ortivus tubo observatur, quandoque una ejus pars videatur se separare à residuo disci Solaris: Cum ergo hoc certò proveniat, ab aliqua refractione aeris, etiam verosimillimum est, prius similem causam in Luna agnoscere. Denique circumstantia singularis & hætenus inaudita in hoc Eclipsi observata videtur adhuc magis probare Atmosphæram Lunæ. Quando obscuratio erat totalis, quæ Londini duravit  $3\frac{1}{2}$ , videbantur è disco Lunæ prodire ductus luminis modò in hac, modò in alia parte; sed potissimum juncta observationem Louvilli ex parte orientali Lunæ. Non durabant nisi unico tantum momento, & erant perfectè similes fulgetris, quæ etiam videri possent è Luna in parte obscura terræ. Tonabat itaque in Luna, quod non fit nisi dependenter ab Atmosphæra; hoc verò contigit versùs mar-

ginem orientalem Lunæ, quia juxta prius dicta, ille margo ante Novilunium erat Sole calefactus. Ex latitudine circuli luminosi sequitur, quod altitudo Atmosphære Lunaris sit 64. milliarium. Hæc altitudo quæ est triplo major altitudine Atmosphære terrestris, non turbat Louvillum: reperit potius, id esse conforme universali systemati gravitatis in Planetis quam iis tribuit Nevvtonus. Secundum ejus enim principia gravitas Lunæ est triplo minor, quam in terra, & consequenter si supponatur circa Lunam æqualis quantitas aeris, ac est circa terram, aer in Luna erit triplo minus gravatus, adeoque triplo rarior, & triplo altior, quam aer circa terram, cui ad summum potest tribui altitudo 20. milliarium.

His non obstantibus Atmosphæra Lunæ est adhuc dubia ob rationem 1706. indictam, quæ est fortis, videlicet, quod in occultatione stellarum & Planetarum ordinariè nulla sentiatur imutatio quoad figuram, colorem & motum. Itaque in Academia quæ sita est alia via explicandi hunc anulum luminosum.

Jam dudum P. Grimaldus Jesuita observavit, radios luminosos, qui non videntur capaces nisi tantum reflexionis & refractionis capaces, insuper esse alicujus tertie modificationis diversæ à illis duabus. si v. g. radius sit tangens alicujus globi opaci, qualis est ligneus aut metallinus, circa quem nulla potest supponi Atmosphæra, hic radius deberet, post contactum suam viam continuare in linea recta, qui in eo loco nec potest reflecti nec refringi, adeoque radius nunquam perveniret in oculum positum retro globum opacum, & in axi centri apparentis. Verum radius non sequitur eam viam, ab ea enim divertit statim post contactum sic ut perveniat ad oculum. Verbo, sine ulla Atmosphæra radius sic modificabitur, ac si globus haberet Atmosphæram; & radii primo superiores usque ad certam elevationem sic modificabuntur, ac si circa globum daretur Atmosphæra ad certam altitudinem. Hæc modificatio radiorum vocatur *inflexio* seu *diffractionis*. Clarum est, quod tales radii, dum fiunt sensibiles per observationem, debeant circa globum aut circa aliud corpus opacum formare coronam luminosam certæ latitudinis, & pollidiorum lumine directo.

D. de Lisle natu minor applicavit hanc experientiam ad anulum luminosum Lunæ. Itaque obscuravit cubiculum, undique ocludendo radiis Solis aditum, nisi per exilissimum foramen. Per illud immisit imaginem Solis super globum ligneum aut metallinum, ita tamen, ut imago rotunda longè minor esset, quam circulus. Dein recepit umbram globi opaci in charta alba, & hæc umbra erat circumdata annulo luminoso. Quamvis hoc sufficere poterat, adhuc tamen perfectius representavit, quod in Eclipsi contigit. Obtexit enim sibi Solem eodem circulo opaco, & vidit circumdatum hunc circumdatum annulo, cujus lumen ipse D. Louvillus tandem agnovit esse prorsus idem, quod circa Lunam viderat. D. de la Hire idem experimentum eodem successu instituit. Obtexit sibi Solem lapideo globo non polito, ubi credidit, præter generale principium inflexionis radiorum, inæqualitatem superfici-



cies lapideæ aliquid ad effectum collaturam, in quantum ejus circumferentia apparens multas reflexiones factura esset, quæ aliquid ad formationem annuli contribuerent. Hic lapis corpori Lunæ similior erat, quàm globus politus, cum interruptiones annuli in Luna etiam per montes contingerint. In eadem explicatione etiam causam prætenforum fulgetrorum reperit. Certum enim est, in Luna dari magnas concavitates, quibus ne quidem in ipsa terra similes reperiuntur; hæ concavitates sunt instar speculi concavi, quod vivaciter reflectit lumen Solis, sed quod radium semper dirigit versus determinatum unum punctum, sic ut quamvis minima parte mutet situm, focus jam ingentem acquirat distantiam, & ductus luminis, qui erat fulgentissimus, disparebit in momento. Si ergo tempore obscurationis Luna concipiatur habuisse plures tales concavitates in circumferentia apparente Lunæ, potuerunt eæ sic esse dispositæ, ut in oculum nostrum transmitterent magnam partem luminis; sed cum motus Lunæ comparative ad motum Solis sit longè celerior, potuerunt ea specula perpetuò mutare situm, & fulgetra in momento disparere. Hæc explicatio solum quidem procedit de fulgetris, quæ apparuerunt in margine Lunæ; sed etiam per observationem de iis certius constat, quàm de reliquis. Hucusque Academia Regia. His addo, etiam reliqua fulgetra, quæ apparebant in parte Lunæ obscura remotiore à margine, facile explicari posse per hoc, quo dentur aliquæ partes in Luna phosphorales, quæ aliquamdiu retineant lucem acceptam, eamque postea in tenebris effundant. Sic sapius expertus sum, linteum fornaci, cujus laminæ erant ferreæ, ignitæ expositum, ac postea in tenebris excussum, multas scintillas emisisse, & primum heri mihi contigit, cum exuerem ad noctem togam nigram ex lana, fulgentissimæ scintillæ etiam absque ulla excussione prosilierunt, haud dubiè non alia ex causa, quàm quòd manè è ferreis ac ignitis fornacis luminis aliquæ mobiliiores ignis particule lanæ inhæserint. Cur ergo non possit fieri, ut subin in Luna particule mobiliiores particule à subtili materia resolutæ ac concitatæ lucem spargant; prout contingit in Mercurio ac barometro phosphorali. Cæterum hoc ipsum frequens esse non potest; nam in Eclipsi solari ferè totali duos constitui qui durante tota obscuratione attenderent in id solum, an in Luna nulla deprehenderent talia fulgetra; quamvis imaginationem summe intenderent, ut pro voto suo aliquid viderent; nihil tamen certi affirmare potuerunt. Quod annulum attinet, observo, simile quid contingere cuius Veris, Æstatis, aut Autumni tempore, si manè oriente Sole, dum adhuc ros est in terra, ambulet in prato viridi; videbit enim, suam umbram cingi aliquo splendore, seu falcia luminosa satis ampla, quod non potest aliunde provenire quàm à diffractione radiorum solarium. Id eo facilius continget in Luna, quod alteriores sunt prominentiæ seu montes in Luna, quos & ipse observavi in illa Eclipsi solari post obscurationem digiti undecimi, ubi mihi Luna ex parte clara Solis adhuc residua instar rotæ horo-

logii dentata apparuit, Sed si montes ex parte nobis obversa apparebant nigerrimi, quod non contingeret, si daretur Atmosphæra in Luna, quia radii Solis ex aere in montes reflexi aliquid saltem umbra detraherent. Itaque omnibus consideratis Atmosphæra Lunæ solum est destituta fundamento, sed etiam impossibilis stantibus iis, quas defecto circa Lunam habemus experientiis.

Dices. 6. attamen in Luna dantur montes, & maria, ergo & vapores & Atmosphæra. Respondeo nihil miserabilius esse isto figmento marium lunarium; videntur his Astronomi discurre de Luna sicut rustici, qui nunquam Lunam in quadrante positam telescopio inspexerunt. Ibi enim cuius ad oculum manifestum est; ea spatiola quæ vocantur maria, nihil aliud esse quàm cavitates quasdam prorsus ejusdem naturæ & coloris cum reliquo lunari corpore. Certè, si in quadratura homines telescopio inspiciant Lunam, è mille ne unus quidem erit, qui non diceret, se jurare, posse, Lunam per omnia esse fusco argento simillimam, cujus tamen superficies, ut solet in massis absque modalo fufis, est inæqualis. Sed hanc nugacitatem marium lunarium pluribus discutiamus. De la Hire oculatissimus testis in Acad. Reg. 1706. sic discurret: Observatione ac notatu in primis dignum est, quòd si montes ac partes Lunæ tam claræ quàm obscuræ considerentur in oppositione, & quadratura, vix videantur esse eadem secum ipsis. Plures montes & cavitates, quæ videbantur in quadratura, quando Sol Lunam ex latere illuminat, disparent in oppositione, quando Sol Lunam directè illuminat; & econtrà plures de novo apparent partes luminosæ, quæ prius non videbantur. Interim certum est quòd hæ luminosæ non habeant Lumen ex ipsis. v. g. in Plenilunio videntur magni tractus luminis circa cavitatem seu maculam, quæ vocatur Tycho, qui tamen non apparent in iis ipsis partibus, quando Luna illuminatur ex latere. Hæc macula, quæ est valde clara in Plenilunio, nihil aliud est, quàm exigua cavitas, in cujus medio est mons, qui non differt ullo modo ab aliis montibus sibi vicinis. Similiter exigua macula, quæ vocatur Aristarchus, adeò splendida, ut quidam crediderint, eam esse montem ignivomum, sic ut haberet lumen proprium, nihil aliud est, quàm exigua cavitas vix discernibilis à vicinis cavitatibus, quibus cingitur, quando est in margine umbræ. Nec etiam mihi videtur, dici posse, omnes has partes esse genus quoddam Phosphori, qui tantum luceant, quando directè illuminantur à Sole; non verò luceant, quando tantum illuminantur à Sole lateraliter posito. Ratio hoc negandi est, quia habent eundem effectum, quando omnino non illuminantur à Sole, sed tantum à lumine è terra tempore Novilunii reflexo. Longè connaturalius queritur causa ex ipsa figurarum partium, & in reflexione radiorum Solis. Hi enim, dum incidunt in ista specula concava non perfectè polita, quorum superficies valde alba ac candida est, oculum afficiunt instar veri luminis. Si enim hæ specula forent perfectè polita,

tan-



tantum videremus unum punctum luminis, prout notum est ex Optica. Ut id confirmarem per experientiam, feci opus Anaglyphum, quod exhiberet unam partem macularum lunarium, quando illud Soli quoad diversos situs exposui, eodem ferme modo apparuit, quo apparet Luna quoad eam partem.

Candor seu albedo earum partium multum contribuit ad hunc effectum. Nam cum albedo sit pura reflexio radorum solarium, fortius hi reflectentur in oculum, quando incidunt directe in eas cavitates instar speculi. Lumen minuetur juxta quod Sol magis recedit versus latera, & ipsa umbra vicinorum montium tunc minuet claritatem maculae. Idem est dicendum de radiis prodeuntibus ex Tychone. Non enim corpus Lunae haberi debet pro opere anaglypho, cujus omnes partes distincte cernantur Sole lateraliter posito. Sed censendum est, Sole directe illuminante, figuram partium in parva distantia ab invicem discerni non posse, ut sic plures cavitates sine interruptione appareant per modum unius simul cum suis montibus. Ceterum totum corpus Lunae videtur esse ex materia solida contra opinionem Pythagoricorum, qui partes Lunae obscuras habuerunt pro mari. Revera enim in Luna nulla reperitur pars liquida, quia in his ipsis maculis obscuris deprehenduntur cavitates similes cavitatibus quae reperiuntur in partibus albis. Illud etiam certum est, si in Luna contingerent tam magnae mutationes, quales nonnunquam contigerunt in nostra terra, facillime observarentur. Nam tale spatium, quale in terra nostra occupat Urbs Parisiensis, si collocaretur in Luna, tubo 20'. aut 30. pedum appareret ad minimum sub angulo quatuor minutorum, adeoque appareret in ea magnitudine, sub qua visu simplici apparet octava pars Diametri Lunaris. Tales enim tubi augent centies longitudinem objecti, & superficiem 10000. itaque si Urbs Parisiensis collocaretur in corpore Lunari, ejus longitudo tubis iis inspecta videretur esse tanta, quanta est alicujus maculae Lunaris, quae in Diametro habet octavam partem Diametri Lunaris, qualis macula est Mare Crisium. Atque talis macula facile discerneretur, cum utique Mare Crisium nudo visu facile discernatur ab aliis maculis. Ita de la Hire. Itaque & maria lunaria prorsus conficta, & digniora anilibus fabulis, quam scriptis Astronomorum. Nullum enim credo dari Astronomorum, qui Lunam in quadraturis inspexerit, & ista serio affirmare possit sine tortura animi.

Dices. 7. At jam observatae sunt aliquae notabiles mutationes in Luna. Aliquae enim maculae quae prius videbantur clarae, postea apparuerunt obscurae. Idem corpus Lunare sereno caelo inspectum Hevelio aliquando apparuit obscurius, quam altero, Et novissime in novellis Trevoltienibus

anni praeteriti 1728. mense Januario legitur; novam fissuram inter Platonem & Aristotelem haud dubie ex motu terrae Lunari ortam observatam esse. Respondeo: Nullum unquam existisse Astrohonomum, qui affirmaverit, a seipso observatam esse mutationem alicujus maculae. Et ex diversorum observationibus diversis tubis, & diversis oculis, & diverso delineandi genere utentium nulla certitudo de reali mutatione haberi potest. Quodsi successu temporum detegeretur talis mutatio, nulla exinde probaretur Atmosphaera, sicut nec in Sole ex macularum mutatione quisquam cogitavit de Atmosphaera. Fissuram inter Platonem & Aristotelem non confirmat observatio aliorum.

Itaque concludendum: nullam in Luna dari Atmosphaeram. Pro confirmatione addo adhuc duo argumenta. 1. Daretur Atmosphaera in Luna etiam darentur diversa anni tempora, duodecim videlicet hyemes per annum, & duodecim aestates; deberet ergo dari diversa facies terrae; sicut apud nos. Si enim è Luna prospiceretur in nostram terram, aliter appareret in hyeme nivibus tecto, aliter in aestate. Dein deberet etiam videri diversus color partium Lunae. Si enim quis è Luna prospiceret in nostras terras, aliter apparerent deserta Africae & Arabiae, aliter Campi Mesopotamiae, aliter petrosa, aliter sylvae, aliter maria; atqui hoc non fit in Luna, sed tota in quadraturis apparet argentea, adeo diversa à facie terrae, ut neminem nisi caecum persuadere quis poterit: faciem Lunae esse terrae simillimam. Ascendi ante decem annos in quandam ex altissimis Bavariae superioris montibus, ex quo patet prospectus ad duodecim milliaria; longè alia erat facies terrae quam Lunae; nec mihi lacus partes praeter reliquis obscuriores videbantur, sed sylvae; immò verò lacus potius cinerei aut albi coloris videbantur, quam nigri. Itaque omnia, quae dicuntur de praesentia similitudine macularum Lunae cum mari vel lacu, pueriles nugae sunt, indignae Astronomo, nec ratione fuit, nec experientia. Secunda ratio est. Si circa Lunam daretur Atmosphaera, etiam deberent in Luna dari crepuscula. Si enim quis è Luna in terram nostram prospiceret, videret jam magnam terrae nostrae partem illuminatam ante exortum Solis; seu, quod idem est, videret extra orbis nostri partem illuminatam directe à Sole annulum quandam luminosum in partibus terrae illuminatis per crepusculum. Atqui haec non dantur in Luna. Cuius enim in quadraturis Lunam observanti manifestum est, adeo distinctos esse accuratè limites lucis & umbræ, ut nec suspicio quidem esse possit de ullo crepusculo.

QUAE-



## QUÆSTIO. III.

*Quæ sunt noviter resecta circa naturam Planetarum? ac in primis circa Mercurium.*

**C**irca Planetas considerari merentur. 1. eorum figura, 2. Montes. 3. Maculæ. 4. Revolutio circa axin proprium. 5. Atmosphæra. 6. Magnitudo. 7. distantia à terra vel Sole. 8. motus.

*Figura Solis* solet communiter exhiberi instar fornacis ardentis, & sic dicitur visa à Scheinero & Kirchero prout P. Zhan eum exhibet in suo Mundo cœlesti. Sed hæc omnia ficta sunt, Sol enim telescopiis optimis inspecta nunquam alio modo apparet, nisi instar orbis argentei ex argento purissimo, vel instar lucis rotundæ purissimæ, qualis est nucleus lucis in lampade, cujus fomentum oleum purissimum.

*Figura Lune* in Plenilunio telescopiis inspecta omnium optime exhibetur in Academia Regia 1692 & est talis. In quadrantibus verò est talis, prout exhibetur à P. Grimaldo. Quia verò Academia Regia in sua figura non exhibuit omnia loca in Luna ab aliis Astronomis speciali nomine designata, utile fuerit etiam alterum schema ex officinis comparare calcographorum. Ubi notandum est, Lunam se stans temporibus invertere aliquantulum, sic ut aliqua pars superioris vultûs, qui nobis non est visibilis, fiat visibilis; ea Lunæ conversio vocatur *Libratio* Lunæ. Pars verò Lunæ, quæ per librationem Lunæ aliquando obtegatur, aliquando verò redditur visibilis, comprehenditur intra duos extremos schematis circulos.

*Figura Mercurii* nulla exhiberi potest distincta, quia nulla observata est, nisi dum in suo transitu infra Solem in Sole instar puncti oblongi visus est.

*Figura Martis* telescopiis inspecta varia est. P. Zhan in suo Mundo cœlesti has figuras exhibet, quibus tamen rectè apposuisset annum observationis. Itaque omnes has figuras cum anno & loco observationis desumo ex Actis Societatis Regiæ in Anglia ad annum 1666. ex quibus suas etiam desumpsit P. Zhan, omiſsa citatione, & omiſsis circumstantiis essentialibus observationis. His addo figuram Martis observatam ab Academia Regia 1706. & 1720.

*Figura Veneris* varia etiam est, ut Lunæ; fit enim aliquando ut sit in oppositione, alias in quadratura, vel Novilunio suo. Addo figuras prout exhibentur à P. Zhan l. 1. 1. Notabilis est macula in Venere conspicua, cujus descriptionem deo ex Casſino: prout inserta est Actis Londinensibus 1666. f. 502. & aliam ex Acad. Reg. 1700. in qua etiam observantur montes in Venere.

*Figura Jovis* ex eo potissimum varia est, quia perpetuò mutat maculas suas, & fascias, sic ut longo tempore quandoque sint invisibiles. Omnes figuras Jovis exhibeo ex Actis Londinensibus; & P. Zhan, & Academia Regia 1692.

*Figura Saturni* mutabilis provenit ex annulo; qui cingit Saturnum. Figuræ ejus diversæ prout exhibentur in Actis Londinensibus & P. Zhan, & in Academia Regia 1714. & 1715. 1716. sunt sequentes.

*Figura Satellitum Jovis & Saturni* nulla adhuc certa reperiri potuit. Id solum repertum est, hoc satellites esse instar totidem lunularum, & in uno eorum repertas etiam est macula, prout in descriptione dicitur. Situs autem satellitum respectu Jovis & Saturni, circa quos revolvuntur, varius est; unus eorum situm talis est, qualis exhibetur in Acad. Reg. 1716. & 1717.

Sequuntur jam singulorum horum Planetarum descriptiones, prout ab expertis Astronomis traditæ sunt.

1. *De Mercurio.* Academia Regia 1706. ex observationibus de la Hire sic habet: Mercurius, qui nobis in terra positis nunquam apparet remotior 28°. plerumque adeo propinquus est Soli, ut ejus radius absorptus invisibilis fiat. Quando verò è radiis solaribus exit, quantum fieri potest, etiam tunc plerumque involvitur crepusculo, quo fit, ut cum sit minor terra, etiam tunc videri non possit. Post inventum telescopiorum usum commodius quidem observatur, sed nihilominus rarò adhuc & non nisi manè aut vespere. Tales verò observationes omnium incertissimæ sunt, & ad regulandos motus Planetæ ineptissimæ ob irregularitatem refractionum Horizontalium, ex quibus mutatur locus apparens syderum; & hoc inconveniens eo majus est, quod rarius observatur; inde enim fit, ut observatio una non possit corrigi per alteram. Hinc si possibile est, Mercurius prope Meridianum observari debet.

Utilitas telescopiorum quoad Mercurium non in eo consistit, ut augeant magnitudinem objecti; nam Mercurius telescopiis minor apparet, quam oculo inermi, prout 1699. explicatum est; sed tantum in eo, ut per ea videri possit eo tempore, quo alias ob claritatem foret invisibilis, ut dictum est 1700. nihilominus de la Hire Mercurium sæpe in cœlo quæsitum non invenit in Meridie, fortè ob defectum bonarum tabularum, ut sic telescopium, quod tantum exiguum spatium detegit, in Mercurium nunquam inciderit. Itaque tentatæ sunt observationes Mercurii, quando erat vicinus Soli, ut ex loco Solis facilius inveniretur locus Mercurii, & alia institutæ sunt sub Zona torrida, ubi sunt breviora crepuscula, quam apud nos. Sed nec hæc observationes certæ erant. Meliores observationes desumuntur ex transitu Mercurii infra Solem, quo ejus exiguum partem, Solis telescpii visibilem, obscurat. Prima hujusmodi observatio facta est à Gassendo 1632. postquam quinque adhuc alia procedente sæculo factæ sunt. De la Hire ex his observationibus, & suis manè ac vespere institutis tandem confecit tam bonas tabulas, ut ex his tandem prima vice Mercurium in Meridiano reperit, 1699. 22. Octobris. & exinde sine difficultate eundem in eodem situ sæpius reperit; unde & 1702. tabulas omnium Planetarum edidit; & de la Hire filius prioris observationes Mercurii in Meridiano prolecutus est. Non tamen hic omittendum, ambos de la Hires interdum non potuisse reperire Mercurium in Meridiano, quamvis alias à Sole remotus fuerit, & sic facilius detegi potuisset, quam aliis diebus, quibus eum observarunt; neque id contigit ex defectu tabularum. Dubitant ergo, an non Mercurius habeat unam partem sui globi obscuriorem cæteris, adeoque minus aptam ad reflectendum solare lumen; sicut



sicut & contingit in quinto satellite Saturni, qui certis temporibus fit invisibilis. De la Hire filius observat eo tempore, quo non poterant observare Mercurium in Meridiano, se eum tamen observasse manè, ac vespere. In Actis Acad. Reg. 1707. habentur sequentia. Præterito sæculo dabatur sex conjunctiones Mercurii cum Sole: plures tabulæ Astronomicæ promittebant septimam 5. Maji 1707. Parisiis visibilem. Ex tabulis Rudolphinis debebat Mercurius ingredi Solem manè hora 5. 15'. nec exire, nisi hora 12. 30'. ex Tabulis Hiriænis debuerat ingredi Solem hora 4. vespere. Hallejus ingressum destinaverat ad horam 8. post Solis occasum. Re ipsa nec Parisiis, nec Norimbergæ, ubi instituta fuerat observatio, quidquam in Sole toto die illo visum est. Ex quo patet, quàm parum motus Mercurii antiquioribus fuerit cognitus; Antiquiores nonnunquam credebant se videre Mercurium in Sole, quod tempore Caroli M. contigit, cum tamen in secundum tabulas Ptolomaicas fuerit impossibile. Averroes sæculo 12 eandem observationem instituit, & Kepplerus 1607. ex ea observatione adeo præ gaudio gestit, ut eam versibus decantaverit. Sed, paucis postea annis ubi telescopia inventa sunt, ipsemet errorem, falsus est, quod videlicet maculas solares pro Mercurio habuerit. Anno 1723. contigit alius transitus Mercurii sub Sole, quem sic describit Joannes Polenus in Epistola ad Gabrielem Manfredum. Cum primum Solem inspexi (erat autem is dies III. Kal. Oct. hor. 3.) maturè comparaturus ea, quæ ad propositam observationem pertinerent, maculam in Sole mediocris magnitudinis inveni. Sed ut pergam ad observationem Mercurii, ad hanc usum sum Tubo Optico longo pedes Parisienses novem, vitris optimæ notæ instructo, per quem transeuntes Solis radios excipiebam adversa charta affixa assèculo ea ratione aptato, ut eosdem cum tubo motus haberet, & ut imago Solis intra circulum in charta descriptum jugiter posset detineri. His ita præparatis plures factæ sunt Mercurii Solem peragrans observationes, quæ hîc indicantur

*Observationes. Tempus. Apparens. Distant. à limbo*

|    |         |          |      |
|----|---------|----------|------|
| 1. | h. 3.   | 29'. 54. | —    |
| 2. |         | 38. 47.  | 25.  |
| 3. |         | 54. 55.  | 82.  |
| 4. | 4. 2.   | 47.      | 107. |
| 5. | 19. 12. |          | 150. |
| 6. | 28. 32. |          | 173. |

distantiæ Mercurii sunt sumptæ à limbo orientali solaris disci in partibus millesimis Diametri disci, sumptæ in semita.

Antequam autem in figuram referrem visi Planetæ loca, angulos Eclipticæ cum tribus verticalibus circulis supputavi & inveni tempore secundæ observationis angulum fuisse graduum 71. 4'. quartæ 68. 43'. postremæ 66. 21'. humiliore Sole putat, cum instaret tempus quo ipsius imago Elliptica fieri incipit, nimiarum refractionum metu observationes neglexi. Quod verò ad ingressum Mercurii in Solem attinet, locus ipsius ingressus fuit tantillo depressior, quàm reliquæ semitæ positioni conveniret. Illud autem adjiciam, figuram ingredientis Mercurii diligenter à nobis observatam non apparuisse in charta circularem, sed oblongam, gracillimamque, haud absimilis figuræ etiam à Godofredo Kirchio

*R. D. Euseb. Ameri Philosophia.*

in observationibus habita anno 1690. mentio fit. Jam verò ad indagandum Mercurii exitum transeo: Divisa ipsius Mercurii semita in partes 400. portio peragrata tempore observationis nimirum minutorum 58. 38. reperitur partium 72. hinc in ita ratione inveniemus, secundum datos illos numeros

totam semitam horis 1. minutis 25. 44. Mercurium peragravisse, ejusque à Sole exitum ad horam octavam & minuta 55. 38. secundum initam rationem esse referendum.

Nunc illud reliquum est, ut de angulo inclinationis orbitæ Mercurii ad Eclipticam, ac de magnitudine ejus aliquid adjiciam. Angulus ille mihi visus est repetitis mensuris graduum sex, quibus vix unius aut alterius secundi additio fieri posset. magnitudinem exploravimus comparando maculam, ut ita dica, Mercuriale cum variis variarum magnitudinû nigris circularibus notulis in charta signatis; ex quibus, quæ æqualis est visa, elegimus. Hujus autem Diameter non uno modo cum partibus minuti primi ex circulo maximo desumpti collata inventa fuit vix aut ne vix quidem minorum secundorum decem magnitudinem æquare. Patavii III. Id. Nov. 1690. 1691. XXIII. Ita Polenus ad Gabrielem Manfredum. Cæterum frater hujus Manfredi, Eustachius Manfredus, qui in rebus Astronomicis in Europa paucos habet pares, superiorem neminem, hujus conjunctionis observationem typis edidit. ex qua id solùm annecto, motum Nodorum annuum

ex observatione determinari 58. majorem, quàm processionem Æquinoctiorum annuam, quæ à Co-

pernicanis determinatur 50. vel 51. id Manfredus confirmat ex Mercurio 1720. 8. Maji in Sole non viso, ac tandem sic concludit. In Tychonis mundi systemate nihil refert, quantus sit Mercurii, vel Planetæ alterius primarii Nodorum motus. In Pythagorica autem non æquè integrum arbitror. Si enim Planetarum Nodos plûs, quàm Æquinoctia retrocedunt, progredi hoc est verè moveri observationes evincunt, plana ipsa orbitarum necessariò movebuntur. Atqui terrestris orbitæ nempe Eclipticæ planum non moveri ex immutatis inerrantium syderum latitudinibus constat: mirum igitur, si telus Planeta est. Ita Manfredus.

## C A P. IV.

*Quanam sint noviter relecta circa Venerem.*

**P**ER Venerem intelligitur illa stella, quæ à populo solet vocari stella matutina & vespertina, à Poëtis Phosphorus & Hesperus; uno anni dimidio apparet in Oriente ante Ortum Solis, altero anni dimidio apparet in Occidente post Occasum Solis; circulum suum peragit circa Solem, & hinc eum perpetuò sequitur. Videamus, quid de hoc stella intra centum annos observarint notatu dignum Astronomi. In actis Londinensibus 1666. extat Epistola Cassini hujus tenoris.

Diu jam est, quod diligentissimè Venerem Planetam Telescopio maximè egregio secundum

K k k k k

Cam.



Campani methodum fabrefactò observem, expecturus utrum non iste Planeta circa suum volvatur axem, motu nimirum simili illi, quem in Planetis Jovè atque Marte jam detexi. Verùm quoniam maculæ illæ obscuræ, quæ sæpius in Venere cernuntur tunc temporis, quando ær tranquillus est atque serenus, sunt valdè subtiles, & irregularis ipsarum extensio, quæ magnam disci apparentis hujus Planetæ partem tegit, extremitates suas non habet adeò notabiles, ægrè aliquid distinctè observari potest, quod in aliis observationibus denuo cognosci, atque exinde judicari possit, utrum vel moveatur vel quiescat.

Sunt adhuc præterea tria, quæ istam difficultatem augent, unum, quòd quando Venus est perigea, id quod tempus maximè omnium observationi idoneum videtur, tam parum ea distat ab Horizonte, ut terræ vaporibus immersa sit, per quos apparet tremula, atque scintillas, ita ut partes ipsius non nisi confusè apparere possint. Alterum quod tum, quando ex vaporibus istis egressa conspici potest, non nisi per paucillum temporis spatium id fiat, ut motus ipsius non nisi longo aliquo temporis intervallo sensibiles notare otium non suppetat. Tertium, quòd tum, quando minùs à terra remota est, pars disci ipsius illustrata minor est, quàm ut motus ibi notari possit, idque in primis circa peripheriam, cujus partes alioqui satis magnæ Opticæ quadam ratione penè non apparent, & motus alioqui satis celer apparet tardus.

Quæ omnia mihi persuaserunt, felicius successuras observationes, si instituerentur Venere medio-criter-elongata à terra, quàm si esset perigea diligentissimè igitur observavi tunc, cum magis elevata fuit supra Horizontem, & etiam lumine plenior, utrum non aliqua particula præ reliquis notabilis aut propter lumen, aut propter obscuritatem suam præcipuè circa medium disci observari posset. Id quod etiam non infelicitè successit. Annotavi enim tandem aliquam particulam in medio disci reliquis clariorem, undè judicari possit de motu aut quiete hujus Planetæ.

Prima vice, cum observassem eam factum id est die 14. Octobris anni 1666. hora 5. cum 45. circiter minutis promeridiana erat particula aliqua clara propè sectionem sita, & parum à centro hujus Planetæ ad Septentrionale latus distans. Et eodem tempore versùs Occidentem observavi duas maculas obscuras, easque paulò longiores; interea tamen lucentem illam particulam conspiciere evidenter diu haud licuit, ut certi quidquam de motu vel quiete hujus planetæ concludi inde potuisset. Atque etiam diu fuit ab eo tempore quo percipere particulam planè non licuit: per totum enim anni illius residuum, ne unica quidem vespertina tempestas fuit, ubi cælum fuisset serenum, ut observari cum successu potuisset. Et cum hoc corrente anno 1667. à 24. die Februarii, quo ær post plures pluvias & tempestates turbidas serenus iterum fieri cœpit, multa cum diligentia observavi, siquidem serena dies illuxit, maculas quidem nonnullas inevidenter terminatas conspexi; verùm usque ad 28. diem Aprilis nullam particulam lucentem illi, quàm antea

videram, similem observare potui. Illo autem die horæ quadrante ante Solis ortum in disco Planetæ, cujus dimidia pars tunc illustrata erat, particulam aliquam ad sectionem sitam, & à Meridionali cornu paulo amplius ac quartam Diametri partem distantem conspiciere iterum licuit. Et prope extremum orientale maculam aliquam obscuram paulò longiorem propius ad cornu septentrionale, quàm meridionale accedentem annotavi. Cum Sol exortus esset, lucentem istam particulam ad cornu meridionale tam prope haud accedere, sed tertia Diametri parte ab eo distare adverti. Egregiè mihi tum temporis satisfeci, quòd evidentem motus istius Planetæ notam invenerim; verùm eodem tempore obstupui, quòd idem motus, qui erat à Meridie versùs Septentrionem, in inferiori disci parte, fieret etiam in contrarium à Septentrione versùs Meridiem in parte superiori, ubi determinatio motus notari melius poterat. Non enim talis motus exemplum aliud superest, nisi quidam motus forsan librationis Lunæ. Postero die particula ista lucentem circa ortum Solis non longè aberat à sectione ista, & quarta Diametri parte à cornu meridionali distabat. Cum Sol 4. gradus elevatus esset, sita illa erat prope sectionem, & à cornu meridionali duas quintas Diametri distabat. Cum Sol 6. gradus & 10. minuta elevatus esset, videbatur centrum transisse, & à disci sectione secari. Sole tandem elevato 7. gradus, magis adhuc versùs Septentrionem progressa videbatur, & sectio eam dividere bifariam. Ex quo cognoscere licuit, habere eam inclinationem quandam motus versùs Occidentem.

Die 9. Martii sub Solis ortum particulam istam lucentem circa centrum illius Planetæ versùs Septentrionem adhuc vidi cum maculis duabus obscuris inter sectionem & circumferentiam sitis; iisque tam æqualiter inter se mutuò, quàm ab unoquoque cornu distantibus. Cum verò tempestas serena tunc esset, per horam & semiquadrantem motum ipsius observavi. qui exactissimè tum temporis fieri videbatur à Meridie versùs Septentrionem sine ulla inclinatione sensibili versùs Orientem vel versùs Occidentem. Interea verò in macularum obscurarum motu variationem observavi tam insignem, ut rationi Opticæ ea adscribi haud posset. Die 10. & 13. Maji ante Solis ortum particulam lucidam ad centrum adhuc constitutam vidi versùs Septentrionem. Tandem 5. & 6. Junii die ante ortum Solis vidi eam intra cornu septentrionalis & Veneris centrum, eandemque variationem irregularem in obscuris maculis observavi. Verùm cum hic Planeta paulò magis à terra abiret, multum observare ista phænomena laboris constituit. Nondum tam audacter ac in maculis Jovis atque Martis fieri, sententiam meam de his phænomenis dicere audeo. Ibi enim cum viderem maculas in eundem locum regulariter evolvi, judicare potui utrum eadem maculæ sint, an minùs; quòd de maculis Veneris adhuc dici nequit. Conspiciuntur enim tam exiguo tempore, ut multò sit difficilius cognoscere, quando in eundem locum redeant. Interim tamen supposito particulam illam lucidam Veneris, quam observavi hoc præcipuè anno, unam semper fuisse atque eandem, affirmare possum, quòd ante elapsam unum diem motum suum absolvat, sive revolutionis illæ



fit, siue librationis, itaut 23. horarum ferè spatio eadem hora redeat circiter ad eundem situm in Venere Planeta: id quod tamen sinè quadam irregularitate fieri non solet.

In Actis Acad. Reg. 1682. habetur. Cassinum eo anno mense Junio observasse Venerem in eodem parallelo cum Sole, ubi ex Veneris Parallaxi reperit, eam tunc terræ viciniorē fuisse duabus tertiis distantiae Solis à terra.

In iisdem Actis 1692. habetur de la Hire observasse conjunctionem Veneris cum Sole; contigit 15. Novembris 1691. Nodus illius seu intersec-tio orbitæ cum Ecliptica tum fuit in 13°. 19'. Sagittarii, 52'. minor, quàm in tabulis Rudolphinis assignatur. Antiquitus adeò parùm agnoverunt motum Veneris, ut Kepplerus in sua Astronomia Optica 1604. impressa prædixerit, toto sequente sæculo non fore conjunctionem Veneris cum Sole. Aliquot postea annis ex Tabulis Magini Astronomi non minus celebris in Italia, quàm erat Kepplerus in Germania, expectabat conjunctionem Veneris cum Sole Scheinerus ad 12. Decembris 1611. nihilominus, cum 12. esset nubilum, 13. die ejusdem mensis vidit cælum non respondere cum tabulis Magini. Kepplerus ad annum 1631. postquam priorem prædictionem mutaverat, prædicebat talem conjunctionem ad annum 1631. Gassendus toto die pro conjunctione constituto observavit Solem; nihil tamen reperit. Horocius autem juvenis 19. annorum in Anglia melius supputatis Tabulis Kepplerianis, quam ipse Kepplerus fecerat, reperit eam conjunctionem fore 24. Novembris 1639. quo & eam paulò ante Solis occasum observavit. Quod attinet conjunctionem de la Hiranam ea contigit, 1691. 15. Novembris hora 11. 4'. vespertina in nocte id enim colligit ex observationibus Veneris Meridiano circiter tempore factis per 25. dies eodem mense ante & post conjunctionem. Ephemerides Argoli reductæ ad Meridianum Parisiensem eam conjunctionem annotârunt 6. horis & 37'. tardius, quàm contigit. In momento conjunctionis nodus descendens erat 13°. 19'. 4', in Sagittatio, si cum Kepplero supponatur, inclinationem orbitæ Veneris fuisse 3°. 21'. Sed juxta tabulas Keppleri locus nodi debuisset esse in 14°. 11'. 53". Sagittarii. Itaque nodus secundum has tabulas processit 52'. 13". Du Hamel tamen, qui conscripsit Acta Acad. Reg. dubitat, an revera detur processio illa nodorum in Venere, eò quòd fortè in designatione Nodorum erraverit Kepplerus.

Anno 1692. Cassinus observavit aliam conjunctionem Veneris cum Sole, quæ contigit 4. Septembris, hora 7. 7'. manè. Cassinus tamen in iisdem Actis ait: hanc conjunctionem juxta Tabulas Rudolphinas debuisse fieri 3. Septembris hora 5. & 40'. vespere in Meridiano Parisiensi; & eam juxta tabulas Danicas Argoli debuisse fieri. 2. Septembris, hora 7. 20'. vespere; ut proin illæ Keppleri tabulæ erraverint, 14. horis; hæ verò Argoli 36. horis. Longitudo Veneris 3. Septembris excedebat Solem 1°. 15'. 53". 4. Septembris; econtrà longitudo Solis excedebat longitudinem Veneris 19'.

*R. D. Euseb. Amert Philosophia.*

17. 11. ex quo tempus conjunctionis primum intulit 4' Sept. h. 7'. sed sedulius ex aliis observationibus intulit h. 7. 35'. latitudo Veneris tunc erat 8°. 48'. Illud etiam notabile est, lunulam Veneris secundum latitudinem observatam tubo, majorem à Cassino inventam fuisse, quàm expectasset ex distantia tali Veneris ad terram, & positione ad Solem; ea latitudo non debuisset esse ultra 2" seu 40. 11. posito Diametro Veneris 1'. seu 60. 11. nihilominus apparuit 2". Cassinus id refert in constitutionem oculi, in quo radii non colliguntur in puncto indivisibili.

1700. observavit de la Hire aliam conjunctionem Veneris cum Sole, de qua in Actis Academiæ ejusdem anni sic habet: Venus tunc erat retrograda, sicut semper est in conjunctione inferiore. Tubo 16. pedum videbatur triplo major, quàm Luna visu simplici; nam Diameter Veneris tunc erat unius minuti. Et tubus augebat Diametrum nonagies. Lunula Veneris apparebat, sicut apparet Luna biduo post Novilunium; cornua Lunæ erant horizontalia die conjunctionis. Eodem tubo observavi partem interiorē lunulæ habere inæqualitates longè majores, quàm Luna; quod etiam jam aliis temporibus observavi; ex quo colligitur. Hunc Planetam habere maculas, sicut omnes alii Planetæ habent. Observationes meridianæ hujus Planetæ præferendæ sunt aliis, nam, cum Sol eidem splendorem suum auferat, videtur distinctissimè, & optimè terminatus; & sinè coloribus, in quibus semper apparet manè vel vespere. Ex observationibus prodit, conjunctionem centri Veneris cum centro Solis contigisse secundum ascensionem rectam 31. Augusti. hora 5. 8'. 18". Declinatio Veneris Australiserat 45'. 14'. Academia suspiratur, majorem splendorem Veneris provenire à tot montibus, & Irregularitatibus in superficie Lunæ.

1708. fuit Eclipsata per Lunam, & 1715. transit per centrum Lunæ, ut habetur in Actis Acad. Reg. sinè ulla mutatione coloris ante occultationem, quamvis per 10. minuta Cassinus & Malezius eandem observaverint ante occultationem. 1720. 31. Decembris etiam transit prope centrum Lunæ, sinè ulla mutatione coloris ante vel post occultationem. Ex quo proin confirmatur, nunquam Venerem aut stellam apparere super discum Lunæ, quando transeunt prope centrum, prout Quæst. 2. dictum est. Plura dabit tractatus Bianchini hoc anno Romæ editus; Phænomena Phosphori & Hersperii.

## QUÆSTIO V.

*Qua sint noviter resecta circa Martem.*

Anno 1666. detecta est revolutio Martis circa axin proprium à Cassino in Italia & Hookio in Anglia. Hookius in suis observationibus 28. Martii 1666 Societati Londinensi oblati sic ait.

Cum maximo teneret desiderio observandi corpus Martis tunc temporis, cum esset acronychum & retrogradum, quoniam ante id hæc telescopio 12. pedum macularum quandam speciem in ipsius facie adverteram, licet in præsentia non sic in orbis sui Perihelio.

Kkkkk 2



helio, sed proximè ipsius Aphelium, nihilominus lente quadam oculari, quàm Telescopium 36. pedum, quo utor, satis fert, detexi faciem ipsius, cum oppositioni Solis proximus esset, apparere prope modum tantam, quanta apparet facies lunaris sinè Telescopio, id est, nudo oculo aspecta, quod observavi comparando Planetam cum Luna plena, quæ decimo mensis Martii die proximè eundem erat constituta. Verùm aëris mala dispositio aliquot noctibus tanta fuit, ut a tempore, quo cœpit esse retrogradus, inter plures, quàm viginti observationes, vix una mihi satisfecerit, utut non raro maculas videre crederem, tamen inflectivæ venæ aëris (si partes in eo sursum ac deorsum disperias & eo ipso majore vel minore potentia refractiva pollentes præ aëre contiguo, cui sunt immixtæ, eodemque insignire licet) omnia ita confundebant & turbabant, ut nil certi inde elicere potuerim. Tertio mensis Martii die, aëre adhuc satis incommodo tamen observavi per vices corpus Planetæ Martis apparere secundum figuram A, quàm illico declinavi in schenazate; & decem circiter minutis post exactissimè, quantum fieri potuit. Repræsentans quiddam oculis subiciebatur mediante tubo delineavi schema B. Fui autem omnino persuasus (identidem reiterata observatione pertubum, & oculo meo in varios positus converso, neque superesset in eo species fallaciæ) non posse esse aliud, quàm maculas quasdam & partes obscuriores faciei hujus Planetæ. Die Martii 10, aëre haud aptè disposito, lentem ocularem adhibui multò debiliorem, quoniam lente oculari validiore nil distinctè percipere poteram; & tum corpus Martis præbuit mihi speciem repræsentatam per C. quod arbitrabar esse fortassis macularum priorum lente oculari debiliore conspectarum repræsentationem. Eodem tempore matutino, aëre penitus idoneo (utut videretur secundum apparentiam clarissimus, cum stellæ omnes scintillarent, & minimæ magnitudinis stellæ majorem speciem præberent) corpus ipsius apparuit, quale ostendit figura D. quod iterum censebam esse repræsentationem earundem macularum per aërem magis confusum & turbatum conspectarum.

Verùm cum 21. Martii observarem, mirabat sanè aërem (et si nequaquam tam serenum, ut apparerent stellæ minoris magnitudinis) summè pellucidum, & faciem Martis tam accuratè definitam & rotundam, ut eam apertè conspicerem circa mediam decimam Vespertinam secundum repræsentationem figuræ E. macula triangularis dextræ partis (prout fuit inversa per telescopium secundum omnes apparentias, quæ sunt delineatæ figuræ, uti eadem sunt visæ) apparebat valde nigra & distincta, & altera quæ ad sinistrum latus vergebat, videbatur obscurior, ambæ vero satis planæ & terminatæ. Eadem nocte circa quadrantem horæ ante duodecimam eodem vitro Planetam observans apparentiam ejus exactè similem figuræ F reperi, quæ mihi videbatur probare motum prioris maculæ triangularis. Verùm cum eundem adhuc semel observare eodem manè circa horam tertiam in animo esset, prohibebat cælo obnubilato.

Verum 22. Martii die circa mediam noctem notatis eisdem maculis in eodem observatis situ, con-

clusi, præcedentem observationem tantum fuisse eandem macularum in alia altitudine, aliæque spissitate aëris apparentiam. Et hanc meam opinionem confirmabat, quod eas in eodem penè situ circa mediam decimam die 23. Martii deprehendi, utut aër minus aprus esset, quàm antea fuerat.

Cum autem illis diebus tempore matutino circa horam tertiam observationes institueret decrevissem, nunquam tamen defuere obstacula, quibus impeditus fui, donec 28. Martii circa horam tertiam aëre levi, quanquam humido & nonnihil conturbato, eadem figura cum planè conspicerem, quàm ostendit figura I. quæ cum aliis apparentiis conciliari nequit, nisi turbinatum motum Martis circa suum centrum admiserimus.

Quo verò ex observationibus 21. 22. & 23. Martii factis coniecere liceret, motum illum bis vel semel 24. horarum spatio absolvi, nisi habeat aliquam speciem motus libratorii, quod vix verosimile videtur, imposterum annitar observare, utrum sese certò sic habeat, nec ne. Ita Hookius.

Observationes Cassini eodem anno factæ impressæ sub titulo; *Martis circa axem proprium revolutibilis observationes, Bononiæ à Jo. Dominico Cassino habitæ & traditæ 3. Junii. 1666. In his Cassinus affirmat,*

1. Se Telescopio 24. palmorum, id est, circiter 16, vel 16½. pedum Parisiensium (nam Merseus dicit palmum Italicum se habere ad pedem Parisiensem ut 16. ad 11. Ricciolus ut 13. ad 8½) juxta Campani inventum fabrefacto, cœpisse observare. 6. Februarii 1666. manè, & vidisse duas obscuras maculas in prima facie Martis.

2. Se eodem Telescopio observasse 14. Februarii Vespere in alia facie hujus Planetæ duas alias maculas hujus Planetæ, similes quidem prioribus, sed tamen majores.

3. Se reperisse continuatis observationibus, maculas harum duarum facierum sensim moveri ab Oriente in Occidentem, & tandem redire in eundem situm, quem primò visæ fuerant obtinere.

4. Campanum etiam observasse Romæ Telescopio 50. palmorum, vel circiter 35. pedum, etiam suâ inventionem elaboratum, & eadem in eodem Planeta invenisse phænomena.

5. Se quandoque eadem nocte duas facies Martis conspexisse alteram manè, alteram vespere.

6. Motum apparentem harum macularum inferiore parte apparentis hemisphærii Martis ab Oriente tendere in Occidentem, secundum motum omnium aliorum corporum cælestium, eundemque perfici secundum parallelas, multum ab Equatore, sed parum ab Ecliptica declinantes.

7. Maculas altero die rediisse in eundem situm, 40. minutis tardius, quàm pridie ejus die fuerant, sicut singulis 36. vel 37. diebus circa eandem horam eundem situm recuperarent.

8. Eas maculas nunquam rediisse spatio 12. sed tantum spatio 24. horarum. 40'.

9. Concludit, evidens esse, periodum esse 24. h. 40'.

10. Monet tamen eam revolutionem Martis non esse mediam, sed tantum eam, quæ observatur Marte Soli opposita, quæ omnium brevissima est. *Figuræ sunt hæc.*



K. Aliqua facierum Martis, prout eam Cassinus observavit 3. Martii 1666. Telescopio 24. palmorum.

L. Altera facies, prout eam vidit 14. Febr. vesperi.

M. Prima facies, prout eam vidit Romæ Campanus 3. Martii 1666. vesperi Telescopio 50. palmorum.

N. Secunda facies, prout eam Campanus observavit 18. Martii. vesperi.

O. Figura Martis, prout visa fuit Romæ Telescopio divini 45. palmorum 20. Martii.

P. Figura dicti Planetæ, prout visa fuit iisdem die & hora Bononiæ à Cassino, quæ est secunda facies.

1670. 1671. 1672. Cassinus in Marte terræ proximo eisdem reperit maculas, quas 1666. invenerat, quibus eum intra 34. horas 27'. aut 40'. circa axem volvi de novo confirmavit.

1672. Investigavit Cassinus Parallaxin Martis ex Meridianis altitudinibus Martis & fixæ ipsi proximæ, quas comparat cum altitudinibus eodē tempore à Richerio Cayennæ ex condito observatis. Ex observationibus istis 4. & 5. Septembris utrobique habitis inter parallelos horum locorum parallaxin deduxit secundorum 12. ex observationibus diei 8. & 9. Septembris secundorum 13. ex iis, quæ 23. & 4. Septembris habitæ sunt, secundorum 17. & ex hac parallaxi supposita secundorum 15. secundorum Parallaxin horizontalem in ea distantia à terra inito calculo colligit secundorum 25. Cum hujusmodi observationes iter faciens continuaret, die prima Octobris vespere in oppido charitatis ad Ligarim observavit altitudinem meridianam Martis eo ipso tempore, quo ab ejus disco occultabatur fixa in aqua Aquarii sita, quam hora 2. 45'. matutina ejus diei viderat Briarii distantem adhuc à Marte minutis sex, adeo lumine imminutam, ut oculis aut Telescopio minore pedibus 3. distingui non posset. Hanc conjunctionem observatam pariter à D. Picard Brione, à D. Roemer Parisiis accuratè expendit in observationibus editis, quas comparat cum observatione Cayennensi Martis eo die habità à D. Richer. Ex hac comparatione nullam sensibilem colligit ejus Planetæ Parallaxin ex his duobus locis, sed sensibilem eam deducit ex differentia transitus hujus stellæ & Martis intervallo horarum 7. cum semisse observatà à D. Picard, & cum variatione ejusdiurna comparata in Elementis Astronomicis infert Parallaxin satis sensibilem. Imbecillitas autem luminis hujus stellæ matutino tempore à se observata, quamque post ejus conjunctionem cum Marte observavit D. Roemer Parisiis, ubi cælo sereno fruebatur, haud levem suspicionem iniecit Atmosphæræ cujusdam Martem ipsum latè ambientis. Nec enim stella ullo modo distingui potuit magno Telescopio, antequam à Marte duabus tertiis ejus Diametri recepisset, licet stellæ ejusdem magnitudinis in ipso Lunæ contactu clarè perspiciantur. Quin etiam ejusdem stellæ distantia à circumstantibus sensibilibus variare visa est, ut ex comparatione observationum in iisdem elementis facta ostenditur. Ita Acta Acad. Reg. ad illum annum.

1692. die 22. Aprilis observata est conjunctio Martis & Lunæ, quæ contigit hora 8. vesperi. Declinatio Martis erat  $24^{\circ} 30'$ , transit parum infra centrum Lunæ versùs Meridiem. Nihil singulare observatum quoad Atmosphæram. Eodem anno

die 23. Maji observavit de la Hire Martem tantum distare  $45''$ . à majore stella, quæ est in nebuloſa cancelli; nullam tamen annotavit mutationem.

In Actis Acad. Reg. 1706. habetur observatio Parallaxis & macularum Martis instituta à Maraldo. Ubi sic habetur. 1672. Missus est Richerus ab Academia Cayennam ad observandam Parallaxin Martis, qui tunc erat in suo Perigeo. Ubi eò attigit, comparavit Martem cum stella ubi vicina, ejusque mensuravit distantiam. Idem fecit Cassinus Parisiis respectu Martis & ejusdem stellæ. Ex differentia distantiarum visarum intulerunt. Parallaxin inter Cayennam & Parisiensem observatorium esse  $15''$ . adeoque si Cayenna, quæ est latitudinis  $5^{\circ}$ . foret in Equatore, & observatorium in Polo, Parallaxis horizontalis foret  $25''$ . Dum interea sic occupabatur Richerus, Cassinus excogitavit alium modum inveniendæ Parallaxis. Observator Mars cum stella illi vicina in Meridiano; dein continuatur observatio singulis horis utque ad amborum occasum; ex augmento distantie usque ad Horizontem colligitur Parallaxis. Ab anno 1672. usque ad annum 1704. nulla dabatur favorabilis occasio observandi parallaxin Martis, qui Septembris & Octobris hujus anni erat simul in oppositione ad Solem, & simul in suo Perigeo. Maraldus sumpsit Telescopium 12. pedum, in cujus foco erant duo fila ad  $45^{\circ}$ . se intersecantia, commoda ad observandam differentiam ascensionis rectæ & declinationis inter duas stellas. Observatio à 27. Septembris usque ad 1. Octobris, & à 26. Octobris usque ad finem ejus mensis Parallaxin horizontalem Martis confirmarunt  $25'$ . notat tamen Maraldus, à 26. Octobris usque ad finem mensis motum apparentem Martis fuisse valde inæqualem, quia Planeta erat propè suam stationem in ascensione recta, quæ contigit ex observatione 29. Octobris. Hic inæqualis motus fuit in causa, ut non potuerit motus distribui per differentias horarum diurnarum ad obtinendam differentiam ascensionis rectæ respectu stellæ, eamque comparandam cum observatione remotiore à Meridiano. Hoc ipsum etiam in causa esse potuit, quod diversas parallaxes diversis diebus repererim. Nam ex observatione 26. Octobris antè & post transitum Martis Meridianum intervallo 9. horarum.  $4'$ . tantum reperi parallaxin unius secundi in tempore, quo Parallaxis horizontalis fit 12. secundorum. Per observationem 28. Octobris per intervallum 8. horarum simile reperi Parallaxin circiter  $1''\frac{1}{4}$ . qui in circulo maximo faciunt Parallaxin horizontalem 24. secundorum. Medium inter 12. & 24. est  $18''$ . distantia autem Martis in posteriore observatione ad prioris observationis distantiam se habebat ut 5. ad 40. Et hinc parallaxis media reducta ad eam, qualis futura esset in oppositione dat  $23''$ . Erat autem in hac oppositione perigea Mars paulò remotior à terra, quam 1672. Hinc facta reductione hujus distantie fiet, ut ibi, Parallaxis horizontalis  $24''$ .

Eadem occasione in minima Martis à terra distantia observavi tubo 34. pedum maculas Martis, quæ confirmant revolutionem circa axem 24. hor. 40'. Et in revolutione celerissima 24. hor. 39'. maculæ, quæ majoribus tubis in Marte cernuntur,



ordinariè non sunt bene terminatæ, eæque sæpe mutant figuram non solum ab una oppositione cum Sole ad alteram, quo tempore melius observantur, sed etiam eam mutant ab uno mense ad alterum. Hoc non obstante dantur ibi aliquæ maculæ, quæ diu durant, ut pro determinanda revolutione sufficienti tempore observari possint. Inter alias Martis maculas, quas 1704. observavi, vidi unam in forma fasciæ, qualis ferè datur in Jove, prout repræsentatur fig. 96. Non cingebat totum globum Martis, sed erat interrupta, ut quandoque solet contingere fasciis Jovis, & occupabat solum paulo plus quàm hemisphærium Martis; quod comperi observando Planetam diversis horis ejusdem noctis, & iisdem horis in diversis noctibus. Fascia ista non erat undiquaque uniformis; sed circiter circa 90° suæ extremitatis antecedentis faciebat cubitum versum versus hemisphærium Septentrionale. Punctum hujus cubiti mihi servivit pro determinanda revolutione. Hoc punctum ad medium disci pervenit 14. Octobris hora 10. 24'. Et 15. eò pervenit h. 11. 9'. die 16. hora. 7. vesperti prope Polos revolutionis Martis vidi duas maculas claras, fig. 96. quæ jam sæpius à 50. annis observatæ sunt. Præter has duas maculas claras videbatur una obscura versus marginem Orientalem, quæ erat extremitas fasciæ incipientis ingredi in hemisphærium expositum terræ. Eodem die h. 9. 5'. extremitas hujus fasciæ jam transiit medium Martis & fascia continuabatur usque ad marginem Orientalem fig. 96. Ubi videbatur indicium maculæ adhærentis ad fasciam, quod pervenit ad medium Martis h. 11. 38'. sequentibus diebus continuabam eandem observationes fasciæ interruptæ, quæ non erat tantopere progressa in hemisphærio Martis apparente, sicut diebus præcedentibus; & observavi etiam maculam principalem ad medium Martis pervenisse 17. Octobris h. 12. 18'. Ex comparatione harum observationum apparet, revolutiones macularum ad medium non esse præcisè æquales, ac inter eas intercedere differentiam alicujus minuti. Hoc adscribo difficultati in determinando tempore medietatis, in quo determinando aliquantulum sæpe subsistitur. Comparando verò observationem 14. & 17. Octobris quo spatio dantur tres revolutiones, reperitur revolutio ad medium h. 24. 38'. Hæc periodis adhuc melius cognoscetur ex comparatione observationum maculæ remotiorum ad invicem, sicut est observatio 22. Novembris, quo die, cum observassem h. 7. extremitatem fasciæ jam progressam esse in disco Martis, pervenit ad medium macula h. 11. 5'. Si comparetur hæc ultima observatio cum ea 14. Octobris factæ h. 10. 24'. reperiuntur inter has duas observationes intercedere dies 39. 41'. qui divisi per 38. revolutiones dat diem 1. 39'. pro qualibet revolutione. Hæc periodi resultant immediatè ex observationibus, & sunt ferè brevissimæ quantum esse possunt, eò quod motus, quem Mars hoc tempore peregit, non sit notabilis. Si ex his periodis apparentibus quis vellet concludere pro periodis mediis, hæc forent paulò longiores, quàm apparentes. Sed negligo hæc æquationes, uti & differentiam inter revolutiones ad medium quando discus Martis apparebat rotundus, ut in observatione mensis Octobris, & quando non amplius apparebat rotundus, sed

sensibiliter ovalis, ut in ultima observatione 22. Novembris ob distantiam ab oppositione Solis. Credo autem inutiles fore hæc æquationes, quia non spero perveniri posse ad exactitudinem ob mutationes, quas vidi accidisse maculis à me observatis. Nam cubitus seu punctum adhærens fasciæ, quod per plures dies observavi circa medium Octobris, jam valde decreverat 22. Novembris, sic ut credita fuisset esse eadem macula, nisi distantia ab extremitate fasciæ, quæ præcedebat, & quæ erat eadem ac in præcedentibus observationibus, id prodidissent. Post 22. Novembris non potui prosequi observationes maculæ ob cælum uno ferè mense obductum, dein verò Mars jam erat à terra remotior, quàm ut ejus maculæ distingui possent. Observationes tamen factæ præcedente mense Septembris fidem faciunt, factas esse mutationes notabiles. Nam si pro Epocha revolutionis maculæ sumatur observatio 14. Octobris, & supponatur, revolutiones hujus maculæ ante illam Epocham propè fuisse æquales subsequentibus ad Epocham, macula debuisset apparere in medio disci Martis à 4. usque ad 10. Septembris ferè iisdem horis, quibus ibi apparuerunt circa medium Octobris. Nihilominus per observationes, quas eo tempore feci diligenter ac sollicitè diversis horis noctis, nec ullum vestigium hujus maculæ reperi, quamvis benè distinxerim fasciam, ad quam postea juncta apparuit. Initio Septembris loco hujus cubiti seu puncti observavi in medio Martis aliam maculam versus Septentrionem separatam à fasciæ, & ea macula disparuit, quando iste cubitus seu punctum apparuit. Ex hoc sumpsi occasionem credendi, quod macula initio Septembris à fasciæ separata fortè habeat motum particularem à Septentrione versus partem Meridionalem Martis, quo motu accessit ad fasciam, ibique formavit punctum circa medium Octobris à me observatum, & 22. Novembris apparenter diminutum. Hæc mutationes aliquo modo conveniunt cum mutationibus, quæ observatæ sunt à Cassino in maculis Jovis, & aliquando observantur in maculis Solis.

1719. 27. Augusti venit Mars ad oppositionem Solis & simul tantum 2°  $\frac{1}{2}$ , distabat à suo Perihelio ut proin fuerit propior terræ, quàm in præcedentibus oppositionibus factis intra decursum unius sæculi magna ejus propinquitas ad terram, & simul ad Solem in Augusto & Septembri in causa fuit, quod multò major & fulgentior, quàm aliàs solet, apparuerit, sic ut quidam Astronomi imperiti cum pro Cometa habuerint. Cum hæc positio commodissima omnium sit determinanda Parallaxi, & maculis illius, ejus observationi Maraldus sedulo incubuit; prout habetur in Acad. Reg. 1720. ubi sic ait: Observando Martem tubo 34. pedum notavi diversas maculas. quæ revolutione circa axin Martis apparuerunt in parte nobis in terra constitutis obversa. Inter maculas dabatur fascia obscura aliquantulum lata, quæ tantum occupabat circiter hemisphærium Martis. Ea non erat perpendicularis ad axin suæ revolutionis, ut plerumque solent esse fasciæ Jovis; sed ea erat valde inclinata, quando tota reperiebatur in inferiore hemisphærio nobis obverso extremitas terminata versus marginem Ori-



entalem erat inter polum septentrionalem & ejus Equinoctialem; alia extremitas terminata per marginem occidentalem propinqua erat Polo Meridionali, versus extremitatem orientalem fasciæ jungebatur alia inclinata ad primam, quæ in conjunctione faciebat angulum cum puncto valde sensibili, altera extremitas fasciæ erat directæ versus Polum Meridionalem. Hic angulo cum puncto servit iterum ad verificandam revolutionem Martis circa axin. Vidi hoc punctum prima vice 19. & 20. Augusti hora 11  $\frac{1}{4}$ . vesperti, aliquantulum versus Orientem respectu medii Martis. Sequenti die apparuit minus progressa in disco, & dein disparuit in margine orientali transiens in hemisphærium superius nobis invisibile. Postquam illud hemisphærium pertransiit, iterum rediit ac apparuit 25. & 26. Septembris in eadem positione, quæ erat 19. & 20. Augusti. Itaque 37. dies impendit, donec ad locum eundem rediit. Hic numerus dierum divisus per 36. revolutiones eo dierum intervallo factas dat pro una revolutione diem 1. 40'. prout jam à Cassino determinata est.

Sumendo primam observationem pro Epochâ & supponendo eam periodum punctum debebat redire in eadem situatione in disco post 74. dies hoc est, 1. & 2. Novembris. Ea quidem die non potuit fieri observatio causâ nivium: sed 28. Octobris illud punctum visum est propinquum medio disci, qui tunc non erat perfecte rotundus, sed ovalis, & deficiebat paululum versus marginem orientalem, quia Mars erat propinquus secundæ quadraturæ, & sic una pars Martis conversa ad terram non poterat illuminari à Sole. Et cum sequentibus diebus debuerit esse minus promotum versus medium disci eadem die hora, judicavi ex hac observatione, quod 1. & 2. Novembris præcisè fuerit in eo loco, quo debuit esse vi revolutionis. Hoc non solum ostendit accurationem periodi, sed etiam durationem maculæ per duos menses & dimidium. Insuper si adhuc 19. Augusti sumatur pro Epochâ apparitionum maculæ versus medium disci, ut prius, & subducantur 36. revolutiones, quæ faciunt 37. dies, ut habeantur revolutiones præcedentes ad Epocham, una erit 13. Julii. Observavi eo die Martem h. 3. 40'. manè, & vidi eum habere fasciam magnam oblique extensam ab uno margine ad alterum; sed non poterat videri ullus angulus, quamvis tunc punctum debuerit apparere in disco apparente prope marginem occidentalem. Ex quo conjici potest, id nondum fuisse visibile, & quod primum postea formatum sit per aliquam mutationem valde frequentem, quæ accidit in partibus Martis causantibus eas maculas.

Ne sola conspecta fuit fasciâ obliqua & cominuta, dabatur insuper alia figuræ triangularis, & valde magna, in partibus circumferentiæ remota 130° à loco, ubi erat fasciâ cubitalis. Observavi eam 5. & 6. Augusti circa medium disci apparentis, cujus maximam partem occupabat, habens punctum seu apicem versus Polum Septentrionalem, & basin prope Polum Meridionalem. Sequentibus diebus disparuit transiens in hemisphærium superius. Alia vice redire visa est 16. & 17. Octobris, postquam fecerat revolutiones 72. quarum quælibet erat hor. 24. 40' prout contigit circa alteram maculam.

Ultra has maculas obscuras in diversis discipartibus sitas dabatur alia clara, & fulgentissima prope Polum Meridionalem, quæ præbebat speciem Zonæ Polaris. fig. 3. 4. Durantibus sex mensibus, quibus observavi illam, subiecta fuit diversis mutationibus, aliquando certis temporibus clarissima apparuit, aliis autem temporibus valde debilis, & postquam penitus disparuerat, iterum cum eadem claritate sicut prius erat, rediit. Semper quando clara erat, discus Martis non erat rotundus, sed pars meridionalis marginis, quæ eam terminabat, videbatur excedere, & formare quandam protuberantiam, seu galericulum in portione circuli. Ita Mars tubo inspecta ferè apparuit, sicut apparet Luna visu simplici, quando in intersectione luminis pars illuminata à Sole major videtur, quàm est, & pars Lunæ non illuminata à radiis Solis directis, sed tantum reflexis minor apparet, quàm est. Et sicut hic pars illuminata tantum ideo major apparet, quàm est, quia facit majorem impressionem in oculum, ita verosimile est, protuberantiam in Marte tantum ex eo provenire, quia claritas illius extremæ partis in disco facit majorem impressionem. Comparando observationes maculæ claræ agnovi, diversas ejus apparentias, in quantum nonnunquam erat clarissima ac fulgentissima, & aliquando ferè insensibilis, habere aliquo modo relationem ad revolutionem Martis circa Axem. Nam sumendo pro Epochâ observationem, quam feci 17. Maji 1719. quæ ex macula apparuit clarissima, & ad Epocham addantur 37. dies, qui faciunt 36. revolutiones integras, redibit macula eodem loco disci 23. Junii. Addendo de novo 37. dies ad 23. Junii, erit secundus reditus 30. Julii, & iterum tot diebus additis tertius reditus fiet, 5. Septembris, quartus 12. Octobris, quintus 18. Novembris. Jam verò macula his omnibus designatis temporibus clarissima apparuit, quando cælum erat favorabile, & apparuit eo modo, quo prædiximus: & si eo die cælum non favit, apparuit aliquot diebus ante & post. Nam cum prope Polum Meridionalem occupet magnam portionem globi Martis, erat visibilis per plures dies. Itaque hæ apparentiæ possunt explicari per revolutionem Martis circa axin, per quam eadem pars clara Martis iterum in eodem situ respectu terræ constituitur.

Si sumatur eadem Epochâ 17. Martii, quæ apparuit macula clara, eique addantur 18. dies, habebitur tempus, quo hemisphærium superius fiet nobis conspicuum. Hoc tempus incidit in 4. Junii. Primo hujus mensis vidi claritatem satis sensibilem in ea parte disci extensam ab uno margine ad alterum, sed ea non erat tam clara, sicut prior. Ex quo colligitur, materiam claritatis extensam fuisse circa Polum Australem Martis, sed eam in una parte habuisse minus fulgoris, quàm in altera. Pro reditu hujus partis minus claræ addantur ad 4. Junii 37. dies, & erit tempus pro secundo reditu 11. Julii, pro tertio 17. Augusti, pro quarto 23. Septembris, pro quinto 30. Octobris. Et re ipsa 12. Julii apparuit, sicut initio Junii, sed post 12. Augusti, quod est tempus tertii reditus usque ad 22. ejusdem mensis erat minus clara & minus extensa, quàm 4. Junii, & 12. Julii; cum tamen secundum rationes Opticas in Augusto debuisset esse major, quia Mars tunc erat nobis propior, apparet eam diminutio-



nem fuisse reale. In reditu quarto, qui incidit in 23. Septembris non solum diminuta est, ut prius, sed omnino disparuit, factaque est invisibilis à 16. Septembris usque ad 26. ejus mensis. Veruntamen post 37. dies, id est, 30. Octobris apparuit de novo. Et observata est 28. Octobris, 3. 5. & 9. Novembris, id est, biduo ante quintum reditum, & tribus post illum, nec dubitandum est, quod fuisset visus etiam 30. Octobris, si fuisset cœlum serenum. Hæc diversitas apparentiarum probat, quod vel detur aliqua mutatio Physica in materia, ex qua fit illa claritas, vel quod inclinatio axis revolutionis Martis subeat aliquam variationem. Sed ea diversitas proveniret à diversa inclinatione axis, aliæ maculæ obscuræ sitæ versùs medium disci debuissent, eodem tempore apparere viciniore margini meridionali, quàm antea, quod non contigit. Apparuerunt enim eodem loco, sine ulla diversitate sensibili, quantum observare potui. Verosimile ergo est, intercessisse mutationem Physicam. Verùm quidem est, has mutationes debere esse valde magnas & subitas, sed non sunt sine exemplo in Sole, Jove & aliis maculis Martis sicut contigit circa fasciam cubitalem, quæ non erat visibilis primis observationibus mensis Julii, & quæ postea formata est. Et quamvis magna pars hujus maculæ claræ subierit mutationem, ipsa tamen subsistit jam ab annis 60. ex quo ex tubis observata est. Et potest dici hanc solum maculam, quamvis cum aliqua alteratione magnitudinis & claritatis, per hoc temporis spatium conservatam esse, dum aliæ interea mutarunt situm & figuram, immò omnino disparuerunt. Hoc ipsum contigit cuidam alteri maculæ claræ sitæ propè Polum Septentrionalem, & quæ respectu hujus Poli habebat eandem apparentiam ac ista sita ad Polum Meridionalem. Visa illa est per plures annos secundum diversos gradus claritatis. Apparuit adhuc satis frequenter circa oppositionem Martis 1704. Ejus apparitiones rariores fiebant anno 1717, quo tantum semel vel bis visa est. Et anno 1719. non amplius fuit visibilis, quamvis in eam attentio directæ fuerit, quo colligitur, eam omnino dissipatam esse, dum interim in Polo Meridionali 1719. hæc longè clarior apparuit, quàm annis præcedentibus. Maculæ obscuræ, quæ diverso tempore in Marte apparuerunt, subjectæ etiam fuerunt magnis mutationibus quoad situm, figuram & magnitudinem. Tantum referameas, quæ contigerunt in duabus ultimis oppositionibus terræ propinquioribus.

1704. observavi fasciam extensam ab Oriente in Occidentem, quæ occupabat unum hemisphærium Martis. Cujus mutationes relatæ sunt 1706. 1707. inter diversas maculas observavi fasciam satis distinctam, sed magis extensam ab Oriente versùs Occidentem, quàm erat, 1704. occupans majorem partem hemisphærii, quod diversis horis ejusdem noctis vidimus. Erat undique uniformis, non sicut fascia 1704. quæ in medio punctum aliquod habuit. Præter hanc diversitatem dabatur adhuc alia quoad situm. Nam fascia 1717. sita erat inter centrum Martis apparens, & Polum ejus Meridionalem, propius ad Polum, quàm ad medium; ea verò 1704. sita erat proximè ad medium. Post mentem Junii usque ad initium Septembris eam vidi dispa-

ruisse tribus vicibus in margine orientali transeundo in hemisphærium superius. Toties rediit in hemisphærium inferius iisdem horis diei, & eodem situ, cum interea Mars fecerit 70. revolutiones. In altero hemisphærio Martis dabatur macula in forma intersectionis, cujus apices erant versùs duos Polos & curvatura versa versùs Occidentem. Omnes maculæ nulli erant obnoxie mutationi per plures observationis menses 1717, sed circa oppositionem 1719. non amplius erant eadem; & quamvis hoc anno visa sit aliqua species fasciæ, sicut 1704 & 1717, eadem tamen situm alium & configurationem aliam per hos tres annos habuit, ut dictum est. Ex quibus omnibus apparet, dari magnas mutationes in Marte, non solum circa æquinoctialem, ubi motus debet esse major, sed etiam circa Polos ejusdem, ubi motus partium minus debet esse sensibilis. Hucusque Maraldus. Idem per novas observationes in Actis Acad. Reg. 1722. confirmavit Parallaxin Martis 1672. & 1704. determinatam.

## QUÆSTIO VI.

*Quæ noviter circa Jovem detecta sint?*

Quamprimum inventa sunt Telescopia, statim circa annum 1630. in Jove detectæ sunt striæ, & satellites Jovis; 1664. prima vice à Cassino in Italia, & Hookio in Angliæ detectæ sunt umbræ satellitum in Jove. 1665. detecta est à Cassino in Jove macula, distincta à striis, ex cujus revolutione per Epistolam determinavit motum Jovis circa axem proprium 9. horarum. 56. n. nutorum sicut intra 12. dies 4'. viginti novem revolutiones absolvat. Epitome Epistolæ insertum est, diario Erud. Paris. 1666, 2. Febr. Eodem anno Hookius observavit corpus Jovis, quod sic describit. Anno 1666. Junii 26, inter 3. & 4. mane <sup>fig</sup> Telescopio 60. pedum corpus Jovis observavi, illoque Telescopio Diametrum ejus apparentem paulò duobus gradibus majorem deprehendi, hoc est, quater circiter metientem Diametrum apparentem Lunæ, prout nudo oculo sine Telescopio apparet. Limbum ejus vidi exactè rotundum, & perfectissimè sine ulla radiatione terminatum. Partes disci variis luminis gradibus splendebant. Circa 4 & 5 Polos ejus Septentrionalem & Meridionalem erat paulò obscurior Planeta, gradatim versùs *b* & *e* duas strias vel Zonas lumine aucto. Altera striarum *b* parva Zona erat, in latere australi per corpus transversum tendebat; proximè illam parva linea paulò luminosior & infra illam Meridiem versùs major obscura stria inter illam & *e* minorem obscuram striam erat Zona latissima & valde luminosa; cujus medium *d* extremis erat obscurius.

1677. Cassinus novam in Jove maculam, quæ in majori fasciâ à 5. die Julii visa fuerat, deprehendit; ea periodum intra h. 9. 55'. absolvit. Jovem ita dispositum invenit & in ea forma, qua erat ante biennium; maculam, quæ evanuerat, reducem invenit.



nlt consimili modo inter fascias positam, quo ante biennium, in medio scilicet Jovis sitam & eo loco, quem juxta Ephemerides occupare debuit; fascia itidem alba inter duas obscuriores, ut prius sui copiam fecit. In Actis Acad. Reg. 1678. etiam annotatur, Jovis fascias post magnas mutationes ad pristinam formam rediisse.

1690. Cassinus edidit descriptionem novæ maculæ in Jove sub titulo. *Nouvelle decouverte dans le globe de Jupiter.* Observavit quatuor fascias per integrum corpus Jovis parallelas, & alias plures breviores similiter & maculas duas. Tam maculæ, quam fasciæ sæpius mutarunt figuram. ita ut ex una macula aliquando tres apparuerint. Figura, prout exhibetur in Diariis Erud. Paris. mense Decembri

fig. 103  
1691. Du Hamel in Actis Acad. Reg. ad annum 1690. sic habet: Unde hæ fasciæ & maculæ in Jove prodeant, quidve hæc phænomena cum iis quæ in terra cernimus, habeant commune, quantum finit materia tam abstrusa, Cassinus exposuit. Quod si inquit è cælo telluris orbem contueriliceret, Oceanus terræ circumfusus ferè ut major illa australis fascia, quæ globum Jovis integrum cingit; Mare Mediterraneum, ut aliæ Jovis fasciæ interciscæ; reliqua maria, ut majores quædam maculæ. Sed obscuræ viderentur. Insulæ specimen maculorem, sed splendorum præferrent; omnes eadem temper apparerent. Nives, quibus maximæ terræ partes quandoque teguntur, splendidiùs quidem lumen, sed instabile regerent. Æstus maris reciprocus & crebræ exundationes alias subindè maculas interim exhiberent, interdum oculis subducerent, postremò nubes & vapores Atmosphæræ nostræ fascias illas Jovis ac maculas fugaces & incertæ figuræ variis agitaras motibus utcumque adumbrarent. Ac fortè omnes illæ mutationes, quæ in Jovis globo cernuntur, singulis Jovis circa Solem revolutionibus, hoc est, 12. annorum spatio, aut saltem temporibus periodi 83. annorum, qua Jupiter eundem cum Sole situm & iisdem in Zodiaci punctis obtinet, eadem quoque mutationes recurrent. Quemadmodum quæ in terra coniungunt mutationes, certas habent revolutiones, quique à cælo terram conspiceret, easdem statim temporibus reduces contueretur. Quæ forsitan conjecturæ temporum lapsu his phænomenis lucem afferent.

fig. 102  
Variæ hujus generis mutationes hoc anno 1691. in Jove contigerunt, quas summo studio observavit D. Cassini. è tribus fasciis, quæ propior est centro ad Boream deflectens semper sui copiam fecit, non sine aliqua sui mutatione. Duæ in illa maculæ observatæ à D. Cassini mense Octobri, eæque splendidiore. Sub finem ejus mensis duæ aliæ sibi mutuo oppositæ visæ sunt, quæ 9. horarum spatio & 51. minutis suas absolvebant periodos. Hæc fascia paulatim contracta est, cum duæ hinc indè positæ fuerint ampliores, quasi media fascia in alias se effunderet & exundaret. Sub finem ejusdem mensis 7. aut 8. versùs Austrum obscuræ & sibi proximæ fasciæ sub conspectum venerunt. In Actis Acad. Reg. 1692.

Præter jam dicta insuper adduntur sequentia. 1665. Cassinus observavit in Jove maculam, quæ anno sequente disparuit. fig. 100  
immò nec antea visæ est unquam macula; quæ tam R.D. Engeb. Amort Philosophia.

longo tempore duraverit, & toties redierit; nam apparuit & disparuit sæpius usque ad Januarium anni 1691. ubi adhuc visæ est; & quandocunque apparuit, apparuit in eadem figura & eodem situ. Cassinus reperit; ejus revolutionem esse 9. hor. 55. vel 56'. ultimis observationibus doctus est, revolutionem circiter uno minuto esse breviorē, quando Jupiter in sua revolutione 12. annorum est Soli propinquior. Ab anno 1665 usque ad annum 1690 rarissimè aliæ maculæ in Jove apparuerunt, & eæ ipsæ erant adeò confusæ & tam exiguæ durationis, ut difficile fuerit earum periodum determinare. Sed mense Decembri 1690. Cassinus reperit mutationem in figura hujus Planetæ, & in ejus & in ejus fasciis, disco retexit magnam copiam novarum macularum. Omnes hæ mutationes constanter apparuerunt durante anno 1691. cum magnæ earum diversitate.

Lator trium fasciarum obscurarum in Jove & propinquior centro versùs Septentrionem semper apparuit; Cassinus mense Octobri in ea vidit duas maculas claras, quæ occupabant ferè totam ejus latitudinem, & ad finem ejusdem mensis adhuc observat duas oppositas ad invicem, quæ faciebant suam revolutionem h. 9. 51. observavit etiam, quod hæc fascia contraheretur, & econtrà reliquæ duæ dilarentur, nempe Meridionalis una, & altera Septentrionalis, inter quas prior illa sita est; mense Decembri vix erat ampliùs differentia inter latitudines trium fasciarum. Sequendo analogiam inter has fascias & nostra maria posset dici, mediam fasciam se exonerasse in duas reliquas. Et revera inter has fascias reperiabantur vestigia alicujus communicationis. fig. 108

Magna fascia Meridionalis & Septentrionalis non apparuerunt semper totæ primis mensibus anni 1691. sed videbantur sæpe interruptiones earum; & extremitates earum videbantur progredi à parte Orientali disci Jovis versùs partem Occidentalem. Cassinus computando tempus, intra quod extremitas fasciæ meridionalis redibat ad medium disci, invenit 9. h. 55. exigua in hac periodo est differentia à periodo maculæ visæ 1665. Et generaliter fasciæ visæ sunt suam revolutionem peragere intra idem spatium temporis, quo eam peragunt maculæ fasciis adhærentes.

Ultimo mense Octobri videbantur certis temporibus in globo Jovis septem aut octo fasciæ obscuræ valde propinquæ ad invicem; ac plures earum erant in parte Meridionali. Ad explicandas has fascias potest juxta Cassinum concipi, globum Jovis in canales circumquaque effossum esse, parallelos tamen ad invicem, sicut contingeret in globoruditer tornato ac in suos sulcos diviso, ubi materia aliqua fluida ex uno sulco fluere in alium. Hoc posito materia fluida ab Oriente versùs Occidentem extensa faceret similem apparentiam qualis est in Jove.

Motus extremitatis Occidentalis in magna fascia interrupta, eundo à parte Orientali Jovis versùs Occidentalem, multò celerior videtur, quam tota periodus ejus revolutionis. Id provenit fortè ex eo, quia intervallum inter extremitates fasciæ, & marginem Jovis non potest satis distinguere, aut quia materia fluida, quæ est in canalibus Jovis,



Jovis, exposita Soli, prout temporis re ipsa Soli exponitur, solvitur, rarefit, & sic calore Solis exenditur.

In maculis Jovis adhuc major mutatio visa est, quam in ejus fasciis. Nova macula, quæ cœpit apparere 5. Decembris 1690. in spatio claro inter fasciam latam medii, & fasciam Meridionalem prope centrum, postquam figuram sæpius mutaverat, 23. die ejusdem mensis divisa est in tres maculas, quarum media suam revolutionem peregit intra h. 9. 51'. sicut prius fecerat macula integra ante divisionem. Hæ tres maculæ perseverarunt apparere in eodem parallelo Jovis mense Januario & Februario 1691. quod semper fuerint eadem, confirmatur ex eo, quia earum media periodum suam semper absolvit h. 9. 51'. per plures revolutiones.

In hemisphærio opposito ad hemisphærium, in quo erant hæ tres maculæ, mense Januario 1691. formata est nova macula in spatio claro sita inter duas magnas fascias obscuras propinquiores centro. Cassinus comparando earum 91. revolutiones reperit, quamlibet periodum fuisse h. 9. 51'. Eodem mense Januario 1691. observat adhuc duas alias maculas unam post alteram, quæ contingebant duas fascias obscuras propinquiores centro. Erant prorsus similes iis, quas in eodem situ observavit 13. Decembris 1690. & quas appellavit *gemellas*. Supposito autem, quod fuerint eadem, comparando earum revolutiones ad invicem reperit quamlibet fuisse h. 9. 53'.

Observavit, quasdam maculas, quæ ab initio erant rotundæ, sensim induisse figuram oblongam juxta directionem fasciarum. Observavit quatuor talium macularum mense Februario 1691. usque dum Jupiter nimis prope accessit ad Solem, sic ut amplius distinguere non potuerint; postquam autem Jupiter emerfit ex radiis solaribus, eas non amplius reperit, sed loco earum novas alias. Nunc defacto aliquæ apparent, quæ transeunt prope centrum Jovis, & quæ habent motum celeriores, quam priores habuerant. Nam earum periodus fit tantum intra 9. h. 50'. Et generaliter maculæ, quæ transeunt prope centrum Jovis, habent motum celeriores, quam quæ remotius transeunt. Nec tamen inferendum, celeritatem motus in iis dependere à distantia centri; sed potius ea inæqualitas desumenda est ab eadem distantia centri visa ex Sole, quæ forte plus contribuit ad celeritatem macularum magis sibi expositarum. Nam centrum Jovis visum ex Sole nobis aliquando apparet in linea recta, quæ non nisi parum à fasciis Jovis declinat, & quæ transit per centrum Jovis visi ex terra, & aliquando in Ellipsi ferè parallela cum fasciis & valde accedente ad rectam, cujus distantia à centro Jovis visi ex terra est ferè imperceptibilis. Hæ maculæ Jovis, quæ habent motum celeriores, quam aliæ maculæ, sunt etiam propiores ad ejus æquinoctialem, quæ est parallela ad fascias. Itaque juxta Analogiam harum fasciarum Jovis cum nostro mari motus earum macularum potest comparari cum fluminibus propioribus ad Æquinoctialem terræ.

Vetus illa macula visa 1665. & novæ maculæ, quæ apparuerunt ad finem anni 1690. & ad initium

anni 1691. erant in hemisphærio australi Jovis, ubi hyems, quæ ibi durat sex annis, defacto regnat. Aliæ maculæ, quæ apparuerunt ad finem anni 1691. & quæ adhuc apparent initio hujus anni 1692, sunt in æquinoctiali hujus Planetæ.

Notandum est; nunquam apparuisse tot novas maculas in Jove. Etiam à mense Septembri 1690. sed tunc Jupiter non solum erat in suo Perihelio, hoc est, in minima à Sole distantia, quam potest habere intra suam periodum 12. annorum, sed etiam erat prope oppositionem ad Solem. In aliis annis, quibus Jupiter etiam erat in Perihelio, observavit Cassinus quidem mutationes in ejus fasciis, sed nunquam vidit tantam copiam, & tantas mutationes macularum; fortè, quia non poterant tam distinctè videri, cum iis temporibus Jupiter non fuerit tam propinquus ad oppositionem cum Sole, adeoque non tam propinquus ad terram. Expectanda est alia similis oppositio ad ferendum de hac re certius judicium, sed ea non continget nisi post 83. annos, ubi oppositio Jovis & Solis fiet in eodem gradu Zodiaci.

In Actis Acad. Reg. 1699. Cassinus describit alias novas maculas in Jove his verbis:

Die 11. Junii hora 10<sup>1</sup>/<sub>2</sub>. vesperti, dum eramus intenti observandæ Eclipsi primi satellitis Jovis tubo 17. pedum, videbatur in centro Jovis macula obscura supra fasciam valde minutam, quæ erat tanquam Diameter Jovis. Hæc macula erat longa sextam partem semidiametri & lata dimidio suæ longitudinis, quæ erat paulò obliqua ad eam fasciam. Hora 10. 38'. erat in centro. Dabantur in Jove tunc aliæ fasciæ duæ latiores & obscuriores, una in parte Meridionali: altera in parte Septentrionali. Meridionalis erat paulò remotior à centro, quàm Septentrionalis. Ultra has tres fascias dabantur in parte Septentrionali duæ aliæ subtiles & parallelæ ad reliquas. Paulò post videbatur versùs marginem Orientalem alia macula major præcedente, & magis Meridionalis paululum hora 11. 24'. Hæ duæ maculæ erant in æquali distantia à medio Jovis, ubi judicabamus medio noctis secundam fore in medio Jovis. Visa eodem tubo apparuit in medio Jovis medio noctis; sed visa tubo 46. pedum visa est eò pervenire tantum sex minutis post medium noctis; & tunc non distinguebatur amplius prima macula, quæ paulò ante visa est prope marginem.

Hora 1. 32'. post medium noctis videbatur secunda macula prope marginem Occidentalem Jovis. Eodem tempore videbatur alia tertia adhuc major in margine Orientali, quam præcedebat alia exigua ferè æqualis disco unius satellitis.

Hora 2. 42'. medium hujus tertiæ majoris maculæ erat in medio Jovis. Ea erat etiam Meridionalis ut secunda. Ubi contuli intervalla temporum, quibus hæ tres maculæ pervenerunt ad medium Jovis, cum earum revolutione integra h. 9. 56. apparuit, secundam à prima elongatam fuisse 54° circumferentiæ Jovis, & tertiā à secunda elongatam esse 96°.

Hæ tres maculæ sitæ sunt in eadem fascia clara inter duas obscuras, ubi erant illæ, quas vidimus 1691. & 1692. ac ibi descripsimus. Sed duæ fasciæ obscuræ non sunt amplius sitæ eodem modo, quo erant tunc. Defacto sunt magis remotæ ab invicem;



& sic dici potest, non esse easdem fascias, sed quod prioribus deletis novæ paulò remotius formatæ sint. Variatio, quæ fasciis Jovis ab uno anno ad alterum accidit, est mira sanè. Nunc se contrahunt; dein se extendunt; aliquando interrumpuntur, dein iterùm se uniunt; aliquæ exstinguuntur, aliæ novæ oriuntur in diversis partibus. Septentrionalis, quæ jam à quadraginta annis apparuit latior reliquis omnibus, nunc non ampliùs latior apparet, quàm Meridionalis, quæ se à duobus annis valde dilatavit.

Potest fieri, ut exigua aliqua variatio in iis accidat per rationes Opticas secundùm id, quod contingit in circulis satellitum Jovis, qui ad sex annos videntur in linea recta, quando Jupiter pervenit ad eorum nodos; dein se per tres annos explicant in Ellipses; & per tres annos iterùm se contrahunt, simulque invertunt circulum postea, dum semicirculus inferior, qui sex annis conversus erat in partem Meridionalem vertitur in partem Septentrionalem, & vicissim; sed cum hæc mutationes in satellitibus ob majorem sui à Jove distantiam valde sensibiles sint, ea verò, quæ in fasciis ex ea causâ contingeret, vix foret sensibilis, non potest tota illa variatio fasciarum, quæ valde notabilis est, præcisè rationibus Opticis adscribi. Videtur ergo tribuenda esse causis Physicis, quarum aliquas assignavi in Actis Academicæ 1692. Ibi annotavi, nunquam tot maculas in Jove conspectas esse, quàm 1692. quando Jupiter erat in suo Perihelio. Sed nunc est in sua mediocritate à terra distantia, & tamen nunquam in Jove vidi simul tres maculas tam magnas, ac sunt istæ in media Jovis distantia. Itaque reditus macularum non videtur dependere ex distantia Jovis à Sole, prout ibi pro ulteriori inquisitione ac examine proposui. Consequentia deductæ ex invariabilitate maculæ Septentrionalis à me observatæ debent & ipsæ regulari ex variatione nunc à me observata. Ex quo instrui, dari in natura mutationes quasdam, quæ adverti non possunt, nisi post magnum annorum numerum, longiorem quandoque unius hominis vita.

Die 13. Junii prima harum macularum pertigit ad medium Jovis h. 11. 45'. Sed die 11. eò pervenit h. 10. 38'. Intervallum est dies 2. h. 1. 7'. quod fecit quinque revolutiones, quarum una sit 9. h. 50'. eodem die 13. Junii secunda macula pervenit ad medium Jovis h. 13. 18'. Eò pervenit die 11. h. 12. 6'. Intervallum est dies. 2. h. 1. 12'. quod divisum per quinque revolutiones unam earum facit h. 9. 51'.

Eadem nocte non potuit observari reditus tertiæ maculæ, quia cælum se obduxerat. Sed die 12. h. 11. ¼ vespere erat remota à margine Occidentali circiter quarta parte Diametri Jovis. Et visa etiam est die 14. h. 11. 55. jam transiisse medium, paulò minus remota ab eo margine, quàm prius.

Revolutio harum duarum macularum est æqualis revolutioni macularum, quæ apparuerunt mense Decembri 1690. & mense Januario 1691. quam reperimus fuisse h. 9. 51'. quinque minutis celerior, quàm erat revolutio maculæ 1665. quæ erat magis remota à centro Jovis, ex quo confirmatur, quod dixi 1692. maculas propinquo-

res centro Jovis habere motum celerior, quàm remotiores.

In Actis Acad. Reg. 1704. Cassinus & Maraldus observârunt de die Jovem, Saturnum, Mercurium, & stellas. Lumen Jovis erat debilius lumine stellarum; & lumen Jovis Saturni debilius lumine Jovis, & lumine Mercurii, qui tubo 3. pedum fuit observatus.

In Actis iisdem 1708. Maraldus affert novam observationem maculæ Jovialis, quam his verbis describit.

Observatur duobus jam mensibus tubo majore macula in Jove quæ facile ab aliis Disci partibus distinguitur. Est obscura ferè sicut fasciæ Jovis, & sita est in spatio claro, quod est inter duas fascias Meridionales; & adhæret fasciæ Meridionali ex parte centri Jovis, à quo distat circiter tertia parte semidiametri hujus Planetæ. Vidi illam ab initio cum Cassino juniore 6. Aprilis in Hemisphærio Orientali Jovis, distantem propè quarta parte Diametri illius à medio, ad quod pervenit h. 8. 52'. circiter una hora post primam observationem. Continuabat suum cursum versùs Occidentem motu inæquali, qui erat celerior versùs medium, & eò lentior, quo magis recedebat à medio tendendo ad circumferentiam. In medio Jovis, ubi macula erat directè exposita oculis, apparuit rotunda, & occupabat plures gradus circumferentiæ Jovis, quo magis recedebat à medio quoque magis diminuebatur ejus motus, eo exilior & extensior in longum videbatur. Hæc apparentiæ satis ostendunt, quòd vel proxima sit, vel omnino adhæreat ad superficiem Jovis, & quod omnino diversa sit ab iis maculis Jovis, quas anno præterito observavi, & etiam ab umbra satellitum, quæ incidit in globum Jovis. Nam hæc umbra, prout Cassinus explicavit in suis Epistolis Astronomicis, æquali tempore percurrunt partes æquales sui paralleli, quem videntur describere in Jove, & apparent sub eadem magnitudine tam in medio, quàm versùs marginem Jovis, quod confirmare possum ex observatione 25. Aprilis & 7. Junii, ubi simul in Jove videbatur macula, & simul umbra tertiæ satellitis. Hæc umbra, quæ est major umbrâ reliquorum trium satellitum apparet multò nigrior, quàm macula. Ea etiam percurrit æquali tempore partes æquales paralleli versùs Septentrionem remotioris à centro Jovis, quàm ab eodem centro distat versùs Meridiem parallelus maculæ, ita ut inter umbram ac maculam intercedat differentia latitudinis major tertiâ parte Diametri Jovis.

Quamprimum hanc maculam vidi, statim ob ejus figuram, magnitudinem, & situm relatè ad fasciam Meridionalem credidi esse eandem, quæ à 43. annis læpius in eodem loco, Jovis rediit. Cassinus eandem ab initio observavit 1665, & ea ipsi erat fundamentum determinandi revolutionem Jovis circa axem h. 9. 56'. Continuabat eam observare usque dum Jupiter 1667. radiis solaribus exiit, ubi penitus disparuit, postquam per duos annos apparuerat. Ab anno 1667. non potuit ampliùs eam videre usque ad initium anni 1672. quo iterùm apparuit in eodem loco fasciæ, & in medio Jovis diebus ac horis per tabulas præcedentium observationum designatis. Exindè continuò observata est per tres annos subsequentes, & apparere iterùm desinere circa finem



anni 1674. ubi Jupiter ingressus est radios solares. ex eo tempore occulta mansit usque ad annum 1677. quo iterum in eodem loco apparuit; & postquam iterum aliquamdiu apparuit, disparuit tertia vice. Postquam per octo annos invisibilis manserat, iterum se conspiciendum præbuit mense Martio 1685. & Cassinus eam observabat continuo spatio ferè trium annorum, hoc est, usque ad initium Octobris anni 1687. Dein per tres annos invisibilis mansit, nec apparuit quàm 1690. Sed brevi tunc exinguebatur, forè ob magnas mutationes, quæ 1690. & 1691 in Jove contigerunt, ut supra Cassinus retulit. Macula verò ea de novo apparuit 1692. & in principio anni 1693. sed circa finem illius anni, cum fascia Meridionalis, cui macula ferè adhæret, partim deleteretur, etiam ipsa evanuit. Rediit tamen cum eadem fascia ad initium anni 1694. & fuit observata, usque dum Jupiter proximè radios solares subiit. Ab anno 1694. mansit invisibilis usque ad annum 1708. quamvis semper, quoties interea Jupiter observabatur, attentius fuerimus ad hanc maculam, an non forè rediisset.

A potiori parte reditus maculæ ad medium Jovis contigit diebus & horis per tabulas ex observatione plurium annorum constructas indicatis. Sed nonnunquam etiam ab eodem medio adhuc distabat duabus horis, prout contigit in prima observatione 6. Aprilis facta hoc anno, in qua calculus fundatus in eadem hypothese & priori Epocha anni 1665. anticipavit observationem duabus horis & aliquot minutis. Relinquo examinandum aliis, an hæc differentia non proveniat ab aliquo exiguo errore, qui difficulter in quavis revolutione evitari potest, & qui multiplicatus magno annorum numero potest crescere ad plures horas. Reperi, quod pars quarta unius secundi in quavis revolutione, de qua vix possumus esse certi intra intervallum 43. annorum possit crescere ad duas horas cum dimidia. Tot verò anni elapsi sunt ab anno 1665. usque ad annum 1708.

Potest etiam hæc differentia tribui cuidam exiguo motui ab Oriente in Occidentem in partibus hujus maculæ, vel positioni paululum diversæ ab ea, in qua ab initio apparuit, aut his diversis causis simul sumptis.

Quamvis intervalla hæcenus observata inter unam maculæ apparitionem usque ad alteram sint valde irregularia, dantur tamen reditus maculæ, quando Jupiter erat in eodem loco suæ orbitæ, fuit enim macula visibilis 1665. & 1677. quando in utraque ea apparitione Jupiter tendendo ad suum Aphelium ab eo adhuc distabat ferè duobus signis. Sed quando postea bis in eodem transiit situ, non tamen apparuit macula. Apparuit etiam annis 1672. & 1708. quando Jupiter tantum paucis gradibus distabat à suo Aphelio, attamen erat invisibilis 1684. & 1696. quamvis Jupiter fuerit in eodem loco, ex quo apparet, hos reditus non dependere à certis distantis Jovis à Sole, sicut tamen contingit in terra nostra, in qua quatuor anni tempestates variant juxta diversum accessum Solis. Apparitio hujus maculæ potius habet magnam connexionem cum fascia Meridionali Jovis, cui propinqua est. Fasciæ, ut notum est, sæpius mutant situm suum & magnitudinem; aliquando videntur fasciæ quin-

que, & aliquando tantum unica: plerumque cernuntur tres, quarum respectu centri apparentis est ex parte septentrionali, reliquæ duæ ex parte meridionali. fascia magis meridionalis interdum apparet interrupta, & hæc interrupta crescit usque eò, donec fascia penitus evanescat, & per aliquot annos invisibilis maneat. Defacto nunquam visa est macula, nisi simul visa fuerit fascia adhærens; & hæc fascia semper apparuit, quando macula erat visibilis; quamvis non semper apparuerit macula, quando fascia apparuit. Nonnunquam macula evanescere visa est, quando contigit aliqua mutatio in fascia, ex quo sit credibile, quod macula habeat magnam dependentiam à fascia, cujus forte est aliqua exundatio, ut Cassinus alibi indicavit.

At verò, quocumque istud modo fiat, illud certe supponendum est, hanc maculam sæpius in eodem loco apparuisse. Adeoque datur in Jove locus proprius, in quo producuntur maculæ, sicut in Sole. Hæc macula & plures aliæ, quæ à 40. annis apparuerunt in Jove, comprehenduntur intra spatium determinatum, quod relatè ad æquinoctialem illius magis extenditur versùs Hemisphærium meridionale, quàm septentrionale; & apparuerunt maculæ longè majores in parte meridionali, quàm septentrionali. Idem accidit in maculis solaribus, quæ observatæ sunt à 50. annis. Inter diversas maculas Jovis nulla diutius duravit, quàm ea quæ apparuit 1685. quæ à Cassino tribus annis observata est, & ne tum quidem perit, nisi quando Jupiter immersus est radiis solaribus; sicut 2500. revolutiones fecerit, quin delata sit. Eadiuturnitas ostendit, in Jove dari locum proprium pro conservatione macularum & unione partium, ex quibus constant; dum econtrà in Sole nulla visa est macula, quæ à 40. annis plures peregerit revolutiones quàm tres. Reliquæ maculæ in Jove minus meridionales non durarunt ultra aliquot menses; postea extinctæ sunt, quamvis fuerint satis magnæ.

Comparando revolutiones hujus maculæ, habendo etiam rationem inæqualitatum, quibus subjiciuntur ratione primæ & secundæ inæqualitatis in Jove, & æquationis temporum, reperi ejus revolutionem h. 9. 55'. 48". quæ quatuor secundis brevior est revolutione media determinata per comparationem observationum maximè ab invicem distantium. Anno 1672. quando Jupiter erat in æquali distantia à suo Aphelio, in qua erat hoc anno, revolutio maculæ erat duobus secundis brevior, quàm media.

In Actis Acad. 1714. Moraldus iterum affert novam observationem hujus maculæ, ubi sic ait: Macula Jovis, quæ à 50. annis sæpius apparuit & disparuit, iterum visibilis facta est. Incæpi illam observare mense Augusto anno 1713. ejus magnitudo, & situs, quem habet respectu fasciarum est centri Jovis, nobis fuerunt argumento, esse eandem maculam, quæ visa est 1708. & nunc per 5. annos invisibilis facta est. Maculam hanc 1708. observare desii, quando mente Julio absorptus est Jupiter radiis solaribus. Illo tempore toto à mense Aprili usque ad Julium nec in fasciis, nec in maculis ullam sensibilem mutationem reperi. Sed ubi Jovem egressum è radiis solaribus ad initium Janua-



rii 1709. observavi, agnovi, maculam disparuisse, & numerum ac situm fasciarum non ampliùs esse eundem, qui fuerat ante sex menses.

repugnat eorum hypothesi. Ita Maraldus. His addo facies Jovis ex Grimaldo, Hugenio; prout sunt in P. Zhan.

## QUÆSTIO VII.

### *Quæ nova circa Saturnum?*

**V**arias apparentias Saturni exhibet ex Hugenio P. Zhan in mundo cœlesti c. 10. sunt sequentes. fig.

Aliam figuram illius exhibent Acta Londinensia ad annum 1666. ubi Hookius sic ait: Anno 1666. 29. Junii inter 11. & 12. noctis corpus Saturni telescopio 60. pedum observavi & exactè figuratum deprehendi, ut figura ostendit. Annulus porro lucidior apparebat ipso corpore, & lineæ a a, quæ annulum transversum secabant, & b b quæ corpus transversum secabant (quæ an umbra fuerint, nec ne, nunc non disputo) clarè erant visibiles. Indè clarè videre licuit, partem annuli australiorem fuisse citra corpus, Septentrionalem latuisse post illud, ab eoquæ rectam fuisse. Et in istodem ad annum 1669. habetur sequens observatio Saturni facta à D. Hugenio & Picarto 17. Augusti 1668 hora 11½. noctis telescopio 21. pedum. Globus supra ovalem eminuit. Magnæ Diametri ovalis inclinatio ad Æquatorem reperta est 9° circiter.

In Actis Acad. Reg. 1683. sic habetur:

Mense Martio vir nobilis & in Astronomia verfatissimus D. Facio de Duilliers in Regium Observatorium venit, ut quæ à D. Cassino in Saturni globo ejusque annulo ante sex annos fuerant detecta & publicata, oculis lustraret. Mirum enim ipsi videbatur, observatam in Saturno Zonam rectam, quo tempore ejus annulus esset valde inclinatus. Cum ipso igitur habuit observationes ope telescopii 40. pedum à D. Borello elaborati, quas in Acta retulit. Hujus scripti hæc est summa: Tum Saturni annulum ex parte Septentrionali globo insistentem viso ex parte opposita sub eo depressum; sic tamen ut umbra globi in annulum projecta manifestò cerneretur. 2. in Saturni globo fascia quædam obscurior prope eum locum qui annulum tegebat, in rectum porrecta, & lineæ, quæ ansas annuli connectit, parallela est. 3. Quatuor post horas fascia subnigra in eodem situ & eadem forma apparuit. Sed pars globi huic superposita paulò obscurior quàm antea; pars itidem annuli exterior minùs splendido, quàm interior videbatur.

Jam antea anno scilicet 1677. Zona illa fuerat à D. Cassino observata, tumque annulus ad maximam penè amplitudinem suam pervenerat ac prope centrum Saturni fasciæ pertransibat. Recta tamen apparuit, adeò ut Zonæ illius, quæ globum Saturni cingebat, Polus extremæ illius disci limbo proximus existeret, multùm ab annuli illius Polo diffusus, qui 30. gradibus super eum limbum elatus erat. Eandem quoque viderat fasciam, cum annulus adeò contractus erat, ut globus utrinque promineret: tum enim in lineam ansarum ut in eodem penè situ posita fasciæ cernebatur. Sæpius eam cospexit,

Nimis longum foret, recensere omnes mutationes, quæ postea acciderunt his fasciis sequente anno. Nam aliquando videbatur tantùm unica, aliquando quatuor. Anno 1712. hæ fasciæ reductæ fuerunt ad duas latas & obscuras, quæ redibant ad eum situm, quem habuerunt duæ fasciæ propinquæ centro, observatæ anno 1708. & hæc apparentia continuabat toto anno.

Anno 1713. quando Jupiter emerfit ex radiis solaribus, ultra duas fascias anni præcedentis, quæ erant in eodem situ ut priùs, videbatur tertia valde inæqualis lata & distinctè visibilis ac terminata in uno Jovis Hemisphærio, sed in altero Hemisphærio opposito, quod post quinque. horas erat nostris oculis expositum, ea fasciæ adeò erat contracta & debilis, ut difficulter distingui potuerit maximis telescopiis. Ea igitur de novo formata est 1713. forè per exundationem fasciæ proximæ, quæ valde erat imminuta ab ultimò factis observationibus. Ita sæpe in Jove observantur formati novæ fasciæ in diversis locis, dum interim aliæ jam priùs longo tempore formatæ sensim deficient & extinguuntur. Hæc nova fasciæ erat magis Meridionalis, quàm reliquæ duæ, & distabat à centro versùs marginem circiter quarta parte Diametri Jovis, ex quo apparet, eam cum reliquis duabus fecisse eandem configurationem, quam fecerat aliàs, quando apparuit macula, ex quo conjiciebamus, maculam redituram, prout etiam post aliquot menses factum est. Ultra has apparentias, quæ hoc anno præcesserunt formationem maculæ, adhuc notandum est, quod apparuerit in globo Jovis prope illum locum, ubi formata fuit aliis vicibus. Secundò, supponendo antiquam Epocham, & revolutiones h. 9. 56'. tabulæ repræsentant omnes observationes, quas hoc anno feci prope ad horam. Differentiæ unius horæ potest provenire ex eo, quia singulæ revolutiones non sunt præcisè determinatæ. Aut si revolutiones supponantur esse exactæ, sequitur, locum in quo macula formata est hoc anno, quamvis in eodem sit parallelo, non tamen esse præcisè eundem, qui fuerat aliàs, sed quòd recesserit versùs Occidentem decima parte circumferentiæ Jovis.

Postquam revolutiones Jovis remotissimas & istas ad medium Jovis habitæ etiam ratione inæqualitatum primæ ac secundæ æquationis dierum reperi revolutionem mediam h. 9. 56'. Nunc Jupiter distabat 50°. à suo Perihelio; 1665, tantùm 36°. ubi etiam revolutio media erat præcisè h. 9. 56'.

Per observationes anni 1708. Jupiter erat prope Aphelium & ibi reperi revolutionem h. 9. 55'. 48". Anno 1672. quando erat in simili distantia, erant duobus secundis majores, & consequenter decem & 12. secundis breviores quàm 1665. & 1713. Hæ ergo observationes, non favent eorum opinioni, qui existimant, globos cælestes velocius converti circa suum axem, quando sunt propinquiore Soli, quàm dum sunt remotiores, quia, quantum ex his observationibus constat, revolutiones Jovis sunt breviores, quando est propior ad Aphelium suum, quàm dum est prope suum Perihelium; quod è Diametro



sed nunquam eo in loco, in quo die 2. Martii extabat, tam procul à centro globi posita; cum pars annuli australis posteriorem Saturni partem, borealis anteriorem sic contingeret, ut utriusque divisio sub oculos caderet, ac globi umbra in posteriorem annuli partem projecta versùs Orientem ea magnitudine appareret, quam exigebat angulus ille, quem radii visuales ad Saturnum ducti cum radiis solaribus comprehendunt. Sic distantia annuli à globo Saturni utrinque se conspiciendam præbuit, quod cum hypothesi P. Riccioli nullo modo cohereret. Hic enim annulum Ellipticæ figuræ ex utraque parte, anteriore nimirum & posteriore globo ipsi annexum putat, contra atque Hugenius in suo Saturni Systemate statuit, idque cum observationibus omnino congruit, annulum scilicet circularis esse figuræ & à globo Saturni omni ex parte sejunctum.

Hæc phænomena visa sunt ab iis, qui tum aderant, inter quos vir laudatus D. Facio, qui Astronomiæ studio incensus ex finibus Germaniæ huc advenerat, ut in Observatorio se exerceret, omnis generis instrumentis eam in rem comparatis. Hic annuli figuram accuratè descripsit, atque ipse secum id reputavit, quod si Saturnus circa suum axem qui ad annuli axem sit perpendicularis, volvatur, fore ut fascia, cujus axis multum est ab axe annuli distans, in una revolutione variè inclinetur. Quare interjecto quatuor horarum spatio eadem fascia iterum fuit observata, quæ eodem prorsus in loco & situ visæ est. Ex quo id conclusum ab eo fuit, aut Saturnum eotemporis intervallo sensibili motu circa se ætum non fuisse, aut eum circa Polum hujus fasciæ multum ab annuli Polo distans circumagi.

Saturnum verò circa axem sibi proprium verti vel hoc unum persuasit, quod in secunda hac observatione spatium inter obscuriorem fasciam, cujus supra meminimus, & annulum, ut candida quædam fasciatum conspectum fuerit, quæ tamen fascia splendida antea conspecta non fuit.

Postero die post 24. horas fascia obscurior in loco pristino & situ se videndam præbuit, non item fascia candida in posteriore observatione visa; sed ultra obscuram alia versùs limbum in conspectum venit, quæ antea sui copiam non fecerat. Ex quibus suspicatus est D. Cassini, fascias illas obscuriores omnem Saturni ambitum non percurrere, sed eas interruptas esse, ut in quibusdam Jovis fasciis evenit, ac Saturnum in suis circa axem revolutionibus modò unam ex iis fasciis, modò alteram nobis obvertere. Cum tamen Zonæ illæ candidæ antea visæ non fuerint, illud non abhorret à verosimili, eas subindè nasci ac deleri, ut in quibusdam Jovis Zonis fuit observatum, quæ illius motu abreptæ modò sub oculos cadant, cum in parte Planetæ anteriore extant, modò evanescunt, ubi ad partem posteriorem transierunt. Eodem hoc anno 1683. duæ visæ sunt in Saturno Zonæ, quæ alternis vicibus in conspectum veniebant, quarum una latior erat altera.

In Actis Acad. 1705. Cassinus annulum Saturni hoc modo explicat.

Notum est, quantum apparentiæ Saturni per 40. annos Astronomos deceperint ante inventionem

majorum telescopiorum. Hic Planeta ab initio à Galilæo suo tubo inspecta apparuit, velut divisus in tria corpora ab invicem separata, disposita in linea recta. Duo extrema tunc habebantur pro duobus satellitibus, qui nunquam à latere Saturni discederent. Cartesius existimavit, in suo Systemate facile intelligi posse, cur hi duo satellites non revolverentur circa Saturnum, prout faciunt satellites Jovis, multò propioris Soli. Verum admiratio aucta est, quando ab uno anno ad alterum crescere visa est Diameter horum satellitum, sic ut intra septem annos superavit Diametrum Saturni, & simul eodem tempore transformati fuerint in duas lunulas, cujus cornua videbantur attingere Saturnum, & ibi formare quasi duas ansas, involventes Saturnum. Per alios septem annos hæc ansæ diminutæ sunt & quidem secundos eosdem gradus, secundum quos creverant; tunc enim reductæ sunt ad formam exiguorum globorum, qui quovis anno 15. omnino evanuerunt, relinquentes solum Saturnum rotundum, sicut Jupiter est rotundus. Frustra quærebantur per integrum annum, sed altero anno subsequente apparuerunt denuo in eadem forma, in qua ultimò apparuerant, & ante annos quindecim; cœperuntque de novo eandem argumentationem ac diminutionem, quam habuerunt annis præcedentibus. Hugenius tandem excellenti quodam telescopia, in quo ipse laboraverat, & suo ingenio nodum dissolvit. Docuit enim has ansas & globos consistere in annulo plano & parùm denso, qui Saturnum circumdat, sicut Horizon circumdat globum artificialem. Huic adscribit situm ferè parallelum ad Æquinoctialem, & consequenter valde obliquum ad planum orbitæ Saturni, quàm intersecat in linea, quæ transit per Solem bis in una revolutione Saturni. Ostendit, quod si Saturnus reperiatur in hac linea, planum annuli non possit sufficienter illuminari, adeoque nec videri à terra. Aliquo tempore antea & postea, ubi Sol potest sufficienter illustrare planum hujus annuli, sed illud tantum, quod non est obversum terræ, & sic iterum est invisibilis. Aliis autem temporibus, quibus Sol sufficienter illuminat planum annuli terræ obversum, annulus apparebit eo latior, quo magis est Soli à terræ expositus.

Hæc Hypothesis reperta est accommodatissima ad explicandas diversas phasas Saturni, quamvis non fuerit ab omnibus recepta, qui jam per alias Hypotheses præventi erant. Ego non ausus sum huic comparare aliam meam Hypothesin, quæ mihi incidit, quod hic annulus constet velut quodam agmine exiguarum stellarum seu satellitum, qui in Saturno possent facere eandem apparentiam, ac faciunt in via lactea, constante ex innumeris stellulis, hoc solo discrimine, quod via lactea nullam faciat Parallaxin terræ; e contra hæc corona satellitum faciat Parallaxin. Et hoc etiam verum est, Hugenium ex observationibus sequentium annorum coactum fuisse tertia parte augere obliquitatem priùs suo annulo assignatam, & dimidio integro contrahere intervallum inter terminos phasi rotundæ assignatos. Hugenius in suo systemate prædixerat: Saturnum mense Julio & Augusto 1671. perditurum suas ansas, eumque fo-



fore rotundum usque ad mensem Julium & Augustum 1672. hoc est, integro anno. Observavi, Saturnum quidem ferè tempore ab Hugenio prædicto perdidisse ansas suas, sed & hoc observavi, eas statim post aliquot dies iterum rediisse, nec Saturnuseas perdidit, nisi octavo Decembris ejusdem anni, & etiam cum aliqua variatione, ex quo judicavi, annulum non esse adeò planum, & tam continuum, prout supponitur. Nam, antequam secunda vice mense Decembri ansas perdididerat, vidi illas sensim fieri obtusiores, & inæqualiter, ita ut aliquando unius residuum tantum visum fuerit ex una parte, dum interim ex altera parte prorsus nihil apparuit; & illa ipsa pars, quæ apparuit, non semper erat ex eadem parte, quod videtur congruere ad meam prius indicatam hypothesin, quod nempe apparentiæ Saturni proveniant ab agmine satellitum minutissimorum, qui habeant quidem diversos motus, sed qui seorsim discerni non possint, sicut & nudo oculo non cernuntur distinctè stellulæ, ex quibus stellæ nebulosæ componuntur, sed cernuntur in forma claræ nubis. Judicandum etiam, satellites, qui constituunt partem annuli Saturni propinquiorem, servata proportionem spatii quod occupant, esse in majore numero, quàm eos, qui constituunt partem annuli remotiorem à Saturno. Hæc opinio confirmata est ex observationibus illorum annorum, in quibus annulus Saturni videbatur paulò latior & apertior. Nam latitudo annuli videbatur bifariam divisa per lineam Ellipticam obscuram, cujus pars globo vicinior erat clarior, quàm pars magis remota. Hæc linea monstrabat quasi exiguum intervallum inter duas partes annuli eo modo, quo distantia annuli à globo monstratur per magnam obscuritatem intermediam inter globum & annulum. Hugenus, postquam has observationes meas viderat, & post ansarum iteratum reditum, prædixit, has ansas iterum disparituras anno sequente. Observavi quidem anno sequente ansarum reditum mense Aprili, sed pluribus mensibus prius, quàm juxta prædictionem redire debuerant.

In Actis Acad. 1715. Maraldus & Cassinus adducunt novas observationes ac reflexiones circa anulum Saturni. Maraldus sic habet:

Conjunctio Solis & Saturni contigit 8. Septembris 1714. & quamvis Saturnus tunc fuerit in tali signo Zodiaci, in quo brevi emergeret ex crepusculo matutino, non tamen potuit videri ante 25. Septembris nempe die 18. post conjunctionem. Et ne tunc quidem potuisset jam videri, si non per Ephemerides constituisset, eum his diebus fore prope Mercurium, qui suo fulgore se prodit etiam tempore crepusculi, & simul etiam Saturnum cujus lumen est multò debilius, secum manifestat. Et hoc non solum verum est circa Horizontem, sed etiam in Meridie, ubi eodem die poruimus tubo reperire Mercurium, non autem Saturnum.

Itaque ubi observavi Saturnum 25. Septembris tubo 34. pedum, annulus illius erat adhuc satis clarus, sed adeò contractus, ut inter ipsum & globum nullum potuerit observare intervallum. Nihilominus habebat aliquam curvaturam, quæ in parte inferiore exposita terræ convergebat versus Septentrionem, prout annis

præcedentibus; ex quo patet eum non mutasse situm intra tempus, quo radiis solaribus absorptus erat. Dein singulis diebus, quibus erat serenum, observavi Saturnum, & vidi, ejus annulum quotidie sensim magis contrahi, usque dum omnino non fuerit amplius visus, quod contigit 14. Octobris. Sed antequam disparuerat, observavi diversas ejus phases, quæ merentur annotari.

A 25. Septembris usque ad 30 non reperi ullam sensibilem differentiam inter duas illius ansas. Primo Octobris ansa Orientalis mihi videbatur latior quàm Occidentalis, quod etiam sic videbatur adhuc 3. 5. & 7. ejusdem mensis, quibus solis diebus obnubes potuit institui observatio. Observo etiam, quo ansæ fiebant contractiores seu actiores, eo etiam fiebant breviores, ita ut 9. Octobris judicaverim eas dimidio curtiores, quàm ordinario solent esse; quando exteriores ansæ partes disparuerunt, adhuc distinctè cernebantur duæ interiores partes, quarum Orientalis adhuc latior videbatur quàm Occidentalis.

A 9. Octobris non potui videre Saturnum causâ nivium. Hoc die apparuit cum una solum ansa, nempe Occidentali; alterum ansæ dimidium nempe Orientale jam disparuerat. Notandum est, ansam Orientalem, quæ diebus præcedentibus erat latior, & lucidior, prius disparuerit. Hoc autem connaturaliter non videtur debuisse fieri, nisi supponatur, eam à 9. usque ad 12. motu proprio circa Saturnum progressam ab Orientali parte ad Occidentalem. 13. non potuit observari. 14. jam ansæ disparuerant, & Saturnus erat perfectè rotundus usque ad primum Februarii, quo die eum ultimo observavi rotundum.

A 1. ad 10. Februarii observationi cælum obstitit, 10. die ansas iterum recepit ac servavit usque in 16. Martii, præsentem diem. Eo tempore, quo annulus disparuerat, videbatur in globo Saturni fascia obscura, quæ partim erat formata per annulum obscurum projectum in globum, & partim per umbram annuli etiam in globum projectum, & quæ videbatur pluribus annis, intra revolutionem Solis. Hæ sunt principales observationes meæ de anulo Saturni.

Ut reddam aliquam rationem harum apparentiarum, potest dici, initio Octobris ansas ideo abbreviatas esse, quia Ellipsis annuli versùs extremitates contractior ex ea parte citius debuit disparere, quàm circa partes interiores latiores; aut fortè specialis conformatio partium extimarum multum ad eam apparentiam aliasque similes contribuit.

Notum est, quod annulus Saturni, quando inclinatur ad nostrum radium visualem, & quando est apertus, appareat divisus in duas partes æquales ferè per tractum obscurum Ellipticum, cujus curvatura similis & æqualis est curvaturæ annuli. Pars comprehensa inter tractum obscurum & extremitatem exteriorem est alterius coloris, ac luminis minus vividioris & clarioris, quàm pars globo propior. Hoc jam dudum observatum est à Cassino, & confirmatum observationibus institutis in omnibus partibus globi Saturni, ex quo patet superficiem annuli, quatenus spectat Meridiem, ejusdem esse



esse formæ, ac est versùs Septentrionem, quia utraque facit easdem apparentias.

In hypothesi, quòd annulus Saturni formetur per agmen satellitum circa Saturnum revolvendum, dici deberet, dari duos ordines horum satellitum, quorum est separatus unus ab altero per intervallum, sic ut intervallum præbeat speciem tractûs obscuri in medio annuli. Si satellites interioris ordinis sunt propinquiores ad invicem, ac compressiores, eo ipso producent lumen vividius ac clarius, quàm satellites exterioris ordinis; ac eo ipso tardius disparerunt, quàm exteriores. Hocque perinde fit, sive dicantur hæ duæ partes consistere in corpore continuo, quale forent duo annuli, sive in globulis propinquis ad invicem.

Quando una apertura anasarum latior visa est quàm altera, signum id est, partes annuli, aut totum annulum non esse situm in eodem plano.

Ut detur ratio; cur ansæ disparuerint & Saturnus visus sit rotundus, examinemus diversas causas, quas assignat Hugenius pro tali disparitione. Saturnus juxta Hugenium apparet rotundus & sine ansis, quando planum ejus annuli sic directè Soli obvertitur, ut planum annuli ex neutra parte illuminetur à Sole. Hæc apparentia juxta Hugenium fit, quando Saturnus ex Sole visus reperitur in 20. gradu & dimidio Piscium, & in gradu opposito signi Virginis idem contigit ante & post talem situm, donec Sol ad tantam obliquitatem respectu annuli perveniat, ut planum alterutrum sufficienter illuminare possit. Hæc distantia à Hugenio determinatur esse sex graduum, sed per nostras observationes, ut dicetur, est longè minor.

Hæ ansæ adhuc insuper disparent, quando planum annuli sic est situm, ut radatur à radio visuali; nam annulus est adeò exiguæ desitatis, ut ea videri non possit. Denique adhuc annulus invisibilis fit, quando planum annuli prolongatum reperitur inter oculum & Solem, quia in hoc casu planum annuli illuminatum non obvertitur nostro oculo, sed alterum, quod est in umbra, adeoque invisibile. Per has ergo causas annulus deberet fieri invisibilis, quando singulis quindecim annis Saturnus transit per ultimos gradus signi Piscium & Virginis. Aliquando hæ omnes causæ simul concurrunt, & tunc in uno eodem anno videntur ansæ bis disparere, & bis iterum redire. Aliquando possunt disparere ex una sola causa, nempe ex defectu luminis; & potest hoc contingere, quin observetur quia tunc Saturnus potest esse absorptus, à radiis solaribus. Omnes denique hæ causæ dependent à situ Saturni, & intersectione annuli cum orbita Saturni; ex intersectione ejusdem annuli cum Ecliptica, & denique ex diverso situ Solis & terræ respectu Saturni.

Jam verò, quamvis Saturnus intra suam revolutionem 30. annorum bis perveniat ad eos gradus Zodiaci, ubi annulus deberet fieri invisibilis, attamen jam ferè intra 45. annos nunquam factus est invisibilis, ultima enim disparitio annuli contigit Anno 1671, quæ edita est in Actis Erudit. 1672. Re-

feram hanc observationem additis reflexionibus, quia serviet ad deregendam causam disparitionis.

Cassinus cœpit videre Saturnum rotundum & sine ansis anno 1671. circa finem Maji, quamprimum nempe Saturnum poterat observare post suam emersionem ex radiis solaribus. Continuabat illum videre sine ansis usque ad 13. Augusti ejusdem anni, quo tempore percutiebat 19°. gradum Piscium, motu, quantum est ex terra visus, directo usque ad initium Julii, ac dein retrogrado ubi suo motu excentrico percutiebat 14. gradum ejusdem signi. Durante mense Junio, Julio, Augusto, quibus ansæ fuerunt invisibiles, superficies annuli erat tam fortiter illuminata à Sole, ut statim, postquam Saturnus factus est retrogradus, uno gradu iterum cœperint apparere, quod contigit 14. Augusti: & manserunt dein visibiles per quatuor menses, hoc est, usque ad 13. Decembris, ubi annulus ita disparuit, ut non fuerit factus visibilis usque dum Saturnus omnino absorptus est à radiis solaribus.

Itaque hoc non contigit ex defectu luminis; quòd ansæ non apparuerint à fine Maji usque ad medium Augusti, sed quia planum annuli illuminatum tunc non erat obverum terræ; & quia variatio obliquitatis durante hoc tempore non erat sufficiens ad reddendum visibilem, quamvis postea lumen sufficiens receperit, ut per quatuor menses fieret visibilis, quando ansæ secunda vice disparuerunt circa medium Decembris, Saturnus è terra visus erat in 17°. Piscium, & visus ex Sole in 19°. 12'. ejusdem signi. Itaque non distabat à 20°. 30'. ejusdem signi, in quo juxta Hugenium annulus non recipit lumen à Sole, nisi ad unum gradum cum dimidio. Itaque ex hac causâ disparuit circa medium Decembris.

Hæ interruptio rotunditatis visæ à Cassino Hugenium permovit contrahendi pluribus gradibus terminos phasium, & reformandi suum systema quoad durationem & tempus phasium; sic ut juxta hanc novam reformationem eadem apparentia deberet fieri 1685. & 1701. Attamen, quamvis illo toto anno Saturnus, quantum erat possibile, assidue fuerit observatus, nunquam sine ansis visus est, ita ut certum sit, Phasin rotunditatis non potuisse contingere, nisi post 12. Julii, quando Saturnus subit radios solares, ex quibus non emerit ante 11. Octobris, quo die iterum prima vice videri potuit. Et 1701. post 20. Julii.

Ex his tamen infero, terminos, infra quos annulus potest disparere ex defectu luminis, non posse esse ultra 3. gradus, quod est intervallum inter primam observationem 12. Julii, & 11. Octobris; medium 1°. 30'. si addatur loco 12. Julii nempe 18°. 25'. Virginis, dabit intersectionem annuli cum orbita Saturni in 19°. 55'. ejusdem signi. Hic locus jam est maximus, quàm potest assignari juxta has observationes; quia 11. Octobris ansæ erant latiores quàm 12. Julii, ex quo colligitur, ansas in Julio propiores fuisse intersectioni, quàm in Octobri, & consequenter debet esse propior intersectio 18°. 21'. Virginis, quàm 21°. 2. ejusdem signi.

Juxta hanc determinationem locus nodi annuli foret regressus 35'. ab eo loco, quem determinat



Copernicani hoc tribuent cuidam processioni quasi æquinoctiorum; sed videtur esse magis tribuendum minus accuratæ determinationi Hugonii, qui nondum usus est telescopiis tam bonis, ut nunc.

Jam quærendæ sunt causæ Phænomenorum, quæ hoc anno visa sunt in Saturno, & constituendum præcisè tempus, quo Saturnus apparere debet rotundus.

In observatione mensis Octobris, quo vidi anulum disparere locus Saturni è terra visus erat,  $19^{\circ} 17'$ . Virginis, & visus è Sole habuit  $16^{\circ} 11'$ . ejusdem signi: Saturnus ergo tunc distabat à loco intersectionis  $3^{\circ} \frac{2}{3}$ . supponendo intersectionem in  $19^{\circ} 55'$ . virginis; itaque mense Octobri non disparuit ex defectu luminis quia prius ostendi, ad hoc ut annulus sit visibilis sufficere  $1^{\circ} \frac{1}{2}$ . Fuit ergo in causa magna annuli obliquitas ad nostrum radium visuale, & revera, reperi, quòd oculus 25. Septembris 1714. ubi prima vice anulum præterito anno vidi, fuerit elevatus supra planum illuminatum plus uno gradu, & circa medium Octobris, ubi annulus disparuit, fuerit in ipso plano annuli, nec ullo modo supra illud elevatus.

Nunc quærenda causa cur 10. Februarii iterum 1715. apparuerit. 10. Februarii locus Saturni è terra visus erat  $23^{\circ} 18'$ . Virginis, & è Sole visus  $20^{\circ} 15'$ . ejusdem signi. Itaque Saturnus è Sole visus jam transiit locum intersectionis sui annuli supra determinatum, quamvis juxta determinationem Hugonii nondum eo pervenisset. Cum ergo hoc die oculus jam debuerit esse sufficienter elevatus supra planum annuli, intersectionem ex hac, tum ex observatione Cassini 1671. melius determinatur in  $19^{\circ} 45'$ . piscium & Virginis. Ita Maraldus, qui fusius ista deducit, ejus verò observationes usque ad 16. Februarii continuatas eodem anno prosecutus est Cassinus, quas exhibet in Actis Acad. ejusdem anni hoc modo.

Circa medium Octobris 1714. disparuit annulus; mense Februario iterum per aliquot dies apparuit, ac dein iterum disparuit ad finem Martii, nec ante Julium rediit, prout prædixerat Maraldus. 25. Martii hujus anni 1715. h. 10.  $\frac{3}{4}$ . vesperi vidi in disco apparente Saturni tres fascias obscuras parallelas ad invicem, prout representantur fig. Fascia media erat tam debilis, ut non potuerit distingui nisi telescopia 114. pedum. Ea erat formata ex umbra, quam annulus fecit in globo Saturni, reliquæ erant multò sensibiliores; meridionalis videbatur latior; Saturnus, qui suis ansis primùm ab aliquot diebus exitus fuerat, inspectus telescopia 114. pedum perfecte similis erat Jovi, quando observatur telescopia 34. pedum, in quo communiter observantur tres fasciæ: quoad magnitudinem etiam videbatur Jovi æqualis esse. Ab eo die usque ad finem mensis Aprilis semper observavi illas tres fascias in Saturno cum valde exigua mutatione. Attentissimus eram, an in his fasciis nullam deprehenderem maculam, qualis observatur in Jove, ut exinde colligerem ejus revolutionem circa axem, sed nullam potui deprehendere. Id solùm octavo Aprilis observavi, fasciam meridionalem magis propinquam esse mediæ quam septentrionalem, R. D. Engeb. Amort. Philosophia.

& quòd omnes tres exactè fuerint inter se parallelæ, & quòd occupaverint notabile spatium in Saturno. Ut jam inveniamus naturam harum fasciarum, ad nil aliud attendere opus est, quàm ad figuram & dispositionem earum. Meridionalis & septentrionalis apparebant in linea recta, & erant simul eodem tempore parallelæ ad fasciam mediam, quæ erat formata per umbram annuli Saturni, ex quo colligitur illarum planum parallelum esse ad planum annuli, earumque figuram esse circularem. Itaque sciendum superest an adhæreant globo Saturni, aut ab eo distent. Hoc colligi potest ex observationibus diverso tempore factis. Anno 1696. mense Augusto observantur in Saturno duæ fasciæ ferè similes his, quæ nunc observatæ sunt, hoc solùm excepto, quòd illæ fuerint contractiores, prout videre est in fig. 104. Erant exactè parallelæ ad circumferentiam exteriorum annuli ex parte meridionali, & habebant parum aliquid curvaturæ ejus convexitas respiciebat partem anteriorem annuli.

Verus locus Saturni erat tunc in  $21^{\circ}$ . gradu Capricorni, & ejus distantia à nodo descendente annuli erat  $59^{\circ}$ . ex quo reperitur elevatio nostri oculi supra ejus planum fuisse.  $26^{\circ} 12'$ . & quòd minor axis Ellipsis ab annulæ tunc formata fuerit paululum dimidio minor, quàm major axis, juxta figuram tunc descriptam. Ex quo sequitur, si fasciæ 1696. observatæ adhæsisent globo Saturni, debuissent apparere in forma Ellipsis, in qua apparuit annulus, ejus latitudo erat circiter dimidium ejus longitudinis; quod non convenit cum observatione, juxta quam in instantum observabatur exigua curvatura, talis videlicet, quæ ferè æqualis foret curvaturæ circumferentiæ exterioris in annulo. In aliis observationibus, ubi etiam fuit observata fascia in Saturno, prout conigit annis 1675, 1683, & 1708, non fuit etiam observata talis curvatura, qualem exegisset elevatio oculi supra planum annuli. Itaque judicavi, id quod format has fascias, non adhærere globo Saturni, sed ab eo remotum esse in magna distantia, sic ut nos tantum possimus in Planeta videre exiguum partem curvaturæ seu circumferentia.

Hæc non sunt simplex conjectura. Nam ex Optica docemur, circulos cujusvis generis & ad quamcunque distantiam tunc solùm videri in linea recta; quando planum eorum transit per nostros oculos; & quòd circuli debeant apparere in forma Ellipsis minus vel magis latæ, juxta quod radius visualis minus vel magis elevatur supra planum circuli.

Itaque sufficienter probatum est, fascias Saturni, quæ semper sunt parallelæ ad planum annuli, & quæ nihilominus videntur in linea recta sensibilibiter, quamcunque elevationem noster oculus supra planum annuli habeat, non esse in superficie Planetæ; sed eas esse in magna ab eo distantia; & cum immediate non possint percipi, sed tantum per sui umbram, quam in discum Saturni projiciunt, sumpsi conjecturam, has fascias posse habere aliquam similitudinem & analogiam cum nubibus terram cingentibus, & quæ radios



solares interceptiunt absque eo, quod illos reflectant. Hæ nubes, cum habuerint similem curvaturam circumferentiæ exteriori in annulo, debent habere similem distantiam, & consequenter Atmosphæra Saturni debet involvere totum annulum. Distantia extremitatis annuli à Saturno per nostras observationes determinata est esse 18750 milliaria; adeoque Saturni Atmosphæra adhuc debet esse altior, & sic incomparabiliter superare altitudinem nostræ Atmosphære, quæ non excedit 15 milliaria. Sed, præterquam quod Saturnus multo major terra nostra exigit majorem Atmosphæram, pro ea altitudine persuadenda facit, quia sic potest reddi ratio structuræ annuli.

Notum est, hunc annulum esse corpus planum quod possit reflectere lucem, & cujus densitas adeo exigua est, ut non possit videri, quamvis illustretur à Sole. Illud etiam constat, partem annuli Saturno propiorem esse lucidiorem, quàm est remota. Hæc massa à Saturno separata est suspensa circa Saturnum, tanquam arcus luminosus, qui circumdaret terram nostram, & cujus planum transiret per ejus centrum.

Hæc apparentia, cui non datur alia similis in cœlo, præbuitantam, conjiciendi, quod consisteret in agmine satellitum, qui omnes forent in eodem plano, ac revolverentur circa Saturnum, eos præterea esse adeo exiguos, ut seorsim videri non possint; eosque esse ad invicem propinquos, ut nullum inter eos intermedium intervallum distinguere possit, adeoque videantur per modum unius corporis continui.

Huic hypothese opponi posset, quod tales satellites in sua revolutione circa Saturnum deberent fervare regulam Kepplerianam, secundum quam quadrata temporum se habent ut cubi distantiarum; adeoque quod ob inæqualitatem revolutione deberet idem contingere, quo in aliis satellitibus, qui aliquando omnes reperiuntur in una parte, ac perpetuò mutant situm ad invicem.

Sed hæc difficultas solvitur si dicatur: omnes hos Planetas includi intra Atmosphæram Saturni, & consequenter simul cum Atmosphæra omnes abripiuntur motu uniformi circa Saturnum. Regula autem Keppleriana solum locum supra Atmosphæram Saturni. Itaque hi satellites conservabunt semper ordinem inter se, & suo concursu præbebunt eam apparentiam, quam videmus; & quia versùs Saturnum sunt spissiores, etiam ex ea parte fortius regerent lumen. Itaque verosimile valde est, annulum Saturni constitui per innumeros exiguos satellites.

In Actis Acad. 1716. prosequitur Maraldus observationes suas Saturni, ut sequitur:

Die 10. Februarii 1715. cœperunt ansæ lucere debilius; sed per reliquum Februarii & Martii clarius. Sed hanc iteratam apparitionem contrahebantur sensim usque ad 21. Martii, ubi jam difficiliter videbantur. Die 22. ex parte Occidentali nil amplius videbatur quàm tenue ansæ vestigium; ansa enim Orientalis jam omnino disparuerat. 23. etiam ansa occidentalis non amplius visa est, & Saturnus apparuit rotundus ac sine ansis per residuum Martii. toto mense Aprili, Maio, Junio, & parte Julii. 12. Julii iterum pri-

ma vice recepit ansas, quæ apparebant inæquales; Occidentalis videbatur latior quàm Orientalis, quæ vix erat visibilis, per decem sequentes dies ambæ dilatabantur, & 23. Saturnus jam subeundo radios solares se subduxit oculis. Itaque intra spatium novem mensium Saturnus bis perdidit suas ansas, nempe in Octobri, & altera vice in Martio; bis easdem recepit, easque servavit per quindecim annos, hoc est, usque ad annum 1730. Disparitio ansarum facta 21. Martii, & earum reditus conformis erat calculo à me edito. In disparitione facta 21. Martii, uti & illa, quæ facta est 12. Octobris, ansa Orientalis disparuit ante Occidentalem; & in reditu 12. Julii ansa Orientalis erat lucidior quàm Occidentalis. Hoc confirmat conjecturam Cassini fundatam in simili observatione, quæ contigit 1671, nempe omnes annuli partes non esse in eodem plano. Post occultationem integram annuli, quæ contigit mense Octobri 1714. videbatur in disco Saturni fascia obscura, quæ tendebatur ferè per medium disci. Hæc fascia, quæ ab initio erat valde subtilis, dilatabatur sensim in Octobri & Novembri & Decembri, & in Januario iterum diminuebatur; primo Februarii erat adhuc satis sensibilis; sed post decem dies, ubi iterum apparuerunt ansæ, ea erat ferè insensibilis. In eo statu mansit durante Febuario usque ad 22. Martii; ubi dum ansæ iterum disparuerunt, fascia nigra iterum facta est sensibilior; seque dilatavit in Aprili usque ad 17. Maji, dein diminuta est, quamvis toto mense Junio adhuc apparuerit; sed initio Julii, ubi ansæ apparuerunt, erat valde tenuis.

Duæ causæ diversæ concurrebant ad formandam hanc fasciam nigram in Saturno. Prima est vera umbra annuli, secunda est Eclipsis alicujus partis Saturni per interpositionem annuli inter oculum & Saturnum. Annotavi suprâ, tantum unam superficiem annuli esse collustratam à Sole, à mense Octobri usque ad februarium tantum vidimus partem annuli obscuram, quæ inter oculum & Saturnum constituta præbebat speciem obscuræ fasciæ, atque simul confundebatur cum umbra annuli, ut sic evaserit una fascia. Ex eadem causa etiam dependet incrementum vel decrementum fasciæ, dum vel oculus noster altius elevebatur super planum annuli obscurum, ut sic videretur pars annuli obscura sub majori latitudine, vel Sole directius respiciente alterum planum causabat majorem umbram, prout fuscè ostendit fieri debuisse Maraldus.

## QUÆSTIO VIII.

### De Satellitibus Jovis & Saturni.

Quatuor satellites Jovis primitus à Galilæo Florentino circa annum 1630. detecti sunt. Tabulas de eorum motu Galilæus quidem conscripsit, prout in vita ejus legitur, conscripsit; sed eas nunquam edidit: solus Cassinus anno 1668. ex suis observationibus tales tabulas publici juris fecit. In Actis Academiæ 1678. legitur, Cassinum in 1. 3 & 4. Satellite Jovis de-



deprehendisse maculas, antea nunquam observatas. Acta sic habent: D. Cassinus in tertio primum, deinde in quarto unâ cum D. Roemer, tandem in primoprehendit, quod in ipso transitu ea in parte Jovis, ubi satellites esse constabat, maculæ quædam subobscuræ apparerent, quæ in ipsis erant satellitibus, idque ab anno 1665. non fuerat observatum. Ex quo illud efficitur, quasdam in satellitibus partes esse, quæ Solis lumen non regerunt, adeo ut majores ii sint, quam videantur. quod ex umbra quarti satellitis est confirmatum; hæc enim aliquando satelite ipso in disco Jovis major visa est. Cum autem ejusmodi maculæ non semper sub aspectum veniant, & interdum satellites eodem in situ cum Jove & Sole constituti ejusdem magnitudinis non semper appareant, hinc concludi posse censet D. Cassinus eos circa suum axem verti, ac fortè quasdam iis mutationes Physicas accidere, quæ in causa sunt, cur eæ maculæ quandoque sui copiam faciant, interdum evanescant, ut in Jove ipso accidit, quin etiam suspicari licet, quandam Atmosphæram primo satelliti circumfusam esse, eo quod D. Cassinus ejus umbram in Jove aliquando intueri non potuerit ubi discum Jovis pertransibat, tametsi satellitis viam ex illius macula dignosceret, quæ eo ipso tempore è Jove exibat, quo satel-les.

In satellitibus Jovis præter eorum Eclipses ferè quotidianas, ex quibus determinantur nunc ab Astronomis longitudines locorum, inprimis notatu dignum est, quod aliquando tardius post Eclipsin sui recipiant lumen; ex hoc enim quidam inferunt propagationem luminis successivam verum quam nullum sit hoc argumentum, in Actis Acad. Reg. 1707. ostenditur his verbis.

Per observationes ab anno 1670. usque ad annum 1675. circa satelites Jovis factas Academia in eorum motu detexit inæqualitatem antea incognitam. Visus est enim v. g. primus satelites aliquando tardius emergere ex umbra Jovis, quam deberet per tabulas, quæ alias exactè conveniebant cum motu satellitum: aliquando autem emerit præcisè eo tempore, quod per tabulas designatur. Hæc inæqualitas non erat adeo levis, ut posset adscribi observationibus; nam aliquando ascendit ad 14. minuta.

Cassinus & Roemerus membra Academiæprehenderunt tandem, hos errores habere connexionem cum diversâ Jovis à terra distantia, seu quod idem, cum diversâ configuratione ad Solem. Nam immediatè post oppositionem Jovis ad Solem, quo tempore Jupiter est proximus terræ, primus satelites emergebat ex umbra exactè à tabulis tempore definito. Postea semper emerit tardius, usque dum tardaverit 14. minutis prope conjunctionem Solis cum Jove, quo tempore Jupiter est à terra remotissimus. Quia ergo hæc inæqualitas videbatur dependere ex motu Jovis & satellitum, prout sunt è terra visi, vocatur *secunda inæqualitas*.

Conjectura primo intuitu plausibilis circa hanc retardationem luminis erat, quod motus  
R. D. Euseb. Amors, Philosophia.

Luminis non sit instantaneus, prout hucusque crediderant Philosophi, sed quod ad sui propagationem indigeat tempore. Hoc supposito, quando satelites tardius emergit ex umbra, dum Jupiter est à terra remotior, id non tam adscribendum est moræ satellitis, quam tarditati luminis; quod longiori indiget tempore, usque dum ad nos perveniat. Primus omnium Cassinus hanc conjecturam proposuit in scripto edito 1675, mense Augusto, in quo vi hujus secundæ inæqualitatis prænuntiabat primum satelitem 16. Novembris 16. minutis tardius ex umbra emergurum, quam calculus promitteret. Verum Cassinus non diu in hac opinione de successiva luminis propagatione permansit. Roemerus econtrâ huic totus inhæsit, & multi Philosophi illi accesserunt. Maraldus in præsentia hanc Roemerii sententiam fortiter impugnat. Ostendit, experientiam non convenire in omnibus cum ea hypothese, & hoc sufficit, ut rejiciatur. Verum quidem est, quod ab una oppositione Jovis ad conjunctionem, aut à conjunctione ad oppositionem variatio luminis in Eclipsi primi satellitis variet prout exigit hypothesis propagationis successiva: verum etiam est, quod in quadraturis Jovis, ubi Jupiter est in media distantia à terra, differentia variationis quoad retardationem luminis etiam sit media. Sed deberet etiam dari variatio, dum Jupiter est in Aphelio ac Perihelio; nam variatio distantie inter Aphelium & Perihelium Jovis est quarta pars Diametri orbis annui terræ. Si ergo lumen Diameter orbis annui percurrit intra 14. minuta; debet quartam hujus Diametri percurrere intra 4. minuta circiter, quæ satis forent sensibilia juxta Astronomiam hodiernam. Itaque, si dentur plures observationes de Eclipsi satellitis in oppositione Jovis, quarum aliquæ fuerunt in Perihelio Jovis, aliæ in ejus Aphelio, debet inter eas dari notabilis variatio. Jam verò Maraldus, qui habet magnum numerum observationum, ostendit, nunquam eam variationem intervenisse. Dein in hypothese propagationis successiva secunda inæqualitas æquè deberet esse sensibilis in tribus reliquis satellitibus. Differentia distantie à terra, quam habent à primo satelite, comparata ad enormem distantiam communem & velocitatem luminis nulla est. Sed Maraldus ostendit, quod tres reliqui satelites longè aliam & longè majorem habeant retardationem luminis, quam primus satelites. Itaque dimittenda est ingeniosa & seductoria hypothesis de propagatione successiva luminis. In iisdem Actis Maraldus ostendit, secundam æquationem in secundo satelite 1695. 20. Octobris fuisse 35'. dum in primo tantum erat 12'. 1694. 19. Octobris æquatio in secundo erat 27'. in primo tantum 9'. Maraldus sic ait: Anno 1695. 9. Februarii uno die post oppositionem Jovis ad Solem observavi ingressum secundi satellitis subtus marginem occidentalem disci Jovialis; ac dein observavi ejus egressum. Determinavi ejus appulsum ad medium umbræ h. 10. 12' 30''. calculus ex tabulis cum reddidit 5'. tardior. 19. Octobris observavi immersionem secundi in umbram Jovis h. 4. 18'. 14''. mane.



Calculus ex tabulis eam reddit h. 3. 51'. 0'', non-dum tamen ratione habita æquationis secundæ. Differentia inter calculum & observationem erat 17'. 14''. quæ proin foret æquatio secunda secun-di satellitis. Ad eandem distantiam Jovis à Sole se-cunda inæqualitas primi satellitis tantum foret 9'. itaque æquatio secundi satellitis in hoc casu est triplo major æquatione primi, quod non convenit cum motu propagationis successivæ luminis.

Anno 1696. 13 Martii medio noctis 36'. 0'', observavi emersionem secundi satellitis Jovis, quæ contigit duobus diebus post oppositionem Jo-vis cum Sole. Hæc observatio ferè ad unum se-minutum convenit cum tabulis. Anno 1695. 20. Octobr. h. 5. 33'. 24''. observavi manè immersio-nem secundi in umbram Jovis. Calculus ex tabulis eam immersionem dat h. 4. 58'. 13''. itaque æquationis secundæ differentia est 35'. 11''. æquatio primi satellitis in eadem distantia Jovis in oppositione ad Solem erat tantum 12'. 30'', adeo-que ferè triplo minor, quam in secundo satellite.

Si compararetur eadem emersio secundi satellitis observata 13. Martii prope oppositionem cum alia emersione ejusdem satellitis observata eodem an-no 12 Julii h. 8. 24'. 0''. Invenietur inter duas observationes intervallum 120. dierum. h. 19. 48'. Sed per calculum reperitur intervallum 120 dierum h. 20. 1'. Itaque secunda æquatio erit 13', subtractiva & primæ contraria, quæ est additiva circiter 10', prout id reperi per observationes plu-rium aliorum annorum. Ex quo apparet, termi-num secundæ æquationis in secundo satellite non esse semper tam propinquum ad oppositionem cum Sole, quam propinquus est terminus ejusdem inæqualitatis ut primo satellite; itaque hæc se-cunda æquatio non convenit cum hypothesi pro-pagationis successivæ luminis.

Tandem assumpsi diversas observationes primi, secundi & tertii satellitis factas ferè iisdem die-bus, ut agnoscerem variationem inæqualitatis con-venientem diversis satellitibus intra idem spatium temporis, & eas comparando quæsi, an foret æqualis in omnibus, prout deberet esse in illa hy-pothesi. Cassinus 1677. 26 Augusti. h. 11. 32', 50'', secundum tempus medium observavit emer-sionem primi satellitis & eodem die emersionem secundi h. 8. 46'. 42''. 8. Octobris eodem anno observavit emersionem primi h. 10. 3'. 52''. se-cundum tempus medium; & emersionem secun-di 4. Octobris h. 11. 17'. 37''. Inter duas ob-servationes primi satellitis datus intervallum 38. dierum h. 22. 31'. 2''. Intervallum ex calculo est 38. dierum h. 22. 30'. 51'': itaque variatio secundæ inæqualitatis in primo est 0'. 11''. quæ per tabulas foret 2'. 5'. Inter observationes se-cundi satellitis intervallum est ex calculo 39. die-rum h. 2. 21'. 18'', sed ex observatione est 39. dierum h. 2. 30'. 55''. Itaque variatio secundæ inæqualitatis in secundo satellite est 9'. 37''. mul-tò major quam in primo. Examinavi plures obser-vationes primi & secundi satellitis factas eodem die, & semper reperi eorum secundam inæquali-tatem valde diversam. Dantur etiam observatio-nes tertii & quarti satellitis, quæ comparatæ cum primo satellite iisdem diebus observato nondant easdem inæqualitates, sed inæqualitates tertii &

quarti satellitis sunt ordinariè majores quam in primo. Anno 1688. 30. Julii Cassinus obser-vavit emersionem primi satellitis ex umbra h. 12. 11'. 19''. secundum tempus medium, ad quod etiam sequentes observationes reduxi. Emer-sionem tertii satellitis ex umbra observavit 1. Augu-sti h. 1. 40' 0''. manè. Eodem anno 6. Septem-bris h. 9. 43'. 54''. observata est emersio tertii sa-tellitis & 7. Septembris emersio primi h. 10. 42'. 14''. Inter duas emersiones primi datur inter-vallum 37. dierum h. 22. 30'. 55''. Intervallum ex calculo sine secunda æquatione est 37. dierum h. 22. 28'. 32''. differentia est 2'. 23'', quæ est varia-tio secundæ inæqualitatis in primo satellite, et-iam conformis tabulis, quæ dant 2'. 16''. Inter duas observationes tertii satellitis intervallum est 36. dierum h. 20. 3'. 53''. & ex calculo sine se-cunda inæqualitate est 36. dierum h. 19. 55'. 37''. itaque variatio secundæ æquationis in tertio satel-lite est 8'. 16''. cum tamen in primo tantum fue-rit 2'. 23''. quamvis debuisset esse major ob majus dierum intervallum in primo satellite.

Quod attinet inæqualitatem, quæ juxta illam hypothesin deberet resultare ex diversa distantia Jovis constituti in suo Aphelio vel Perihelio, con-stat, tabulas semper convenire cum observatione satellitum, sive Jupiter sit in Aphelio, sive in Pe-rihelio. Anno 1673, cum Jupiter esset in oppo-sitione ad Solem & prope suum Aphelium, Cassi-nus observavit immersionem primi satellitis in um-bram Jovis 23. Januarii medio noctis 24'. 55''. Hypotheses Cassini constitutæ 1698. dant hanc immersionem medio noctis 25'. 18''. Anno 1697. 15. Januarii h. 2. 44'. 47''. manè observavi im-mersionem primi satellitis, cum Jupiter esset pro-pe Aphelium eadem hypotheses dant immersio-nem hujus satellitis h. 2. 45'. 16''. Anno 1702. 18. Octobris, cum Jupiter esset prope Perihelium, & prope oppositionem ad Solem, Cassinus ob-servavit emersionem primi satellitis Jovis h. 1. 4'. 31''. manè. Calculus ex iisdem tabulis eam dant h. 1. 5'. 2''. Ita Maraldus.

De maculis satellitum Jovis reperi in Acade-mia 1707. sequentia. Satellitis Jovis, nudo oculo invisibiles, sunt adeò exigui etiam inspecti per optima telescopia, ut si haberent maculas, eæ tam-en distinguere eorum disco non possent. Sed, licet illæ immediatè in seipsis videri non possint, cognoscuntur tamen per sues effectus, & alias cir-cumstantias ac consequentias legitimas. Et hoc modo cognoverunt Cassinus & Maraldus macu-las in satellitibus Jovis. Cum autem hæc demon-stratio supponat notitiam de Theoria satellitum, ea prius attingenda est. Satelles nunquam suam umbram projicit in Jovem, nisi tunc, quando est in parte inferiore suæ orbitæ, & in conjunctio-ne cum Jove respectu Solis, hoc est, quarum est interpositus inter Solem & Jovem in linea rectaeducta ex Sole in Jovem. Si eodem tempore terra sita est in eadem linea, manifestum est, à nobis non posse videri umbram satellitis, quia obtegit suam umbram existentem sibi à tergo. Si verò terra non fuerit amplius in eadem linea, eodem tempore possumus viderre & satellitem, & ejus umbram projectam in Jovem; & hoc eo facilius fit,



fit, quo terra remotior est ab ea linea. Et cum terra non possit ab ea linea plus elongari quam quadrante circuli, & tunc Jupiter est in quadratura cum Sole, sequitur, in quadraturis Jovis optime videri posse satellitem, & ejus umbram in Jove, & ejus, maximam à sui umbra distantiam. Videtur ergo satelles tunc extra discum Jovis, & quandoque in magna ab illo distantia, dum interim ejus umbra est in disco Jovis; tunc enim satelles respectu Solis est verè in conjunctione cum Jove, quamvis respectu nostrum non sit in conjunctione cum Jove: & alio tempore, quo interponitur inter terram & Jovem, non est in conjunctione ad Jovem respectu Solis, & tunc proin non projicit suam umbram in Jovem. Itaque non potest videri umbra satellitis in Jove, quando est in conjunctione cum Jove respectu terræ, & quando nos videmus satellitem in disco Jovis, sed solum ante & post hanc falsam conjunctione, & tempore veræ conjunctionis respectu Solis. Omnes Planetæ primarii revolvuntur circa Solem, & secundarii circa primarios, & Sol circa suum axem ab Occidente versus Orientem. Satelles Jovis realiter & respectu Jovis semper movetur ab Occidente versus Orientem, sed nobis non videtur habere hanc directionem, nisi in parte superiore sui orbis; in parte enim inferiore videtur nobis moveri ab Oriente versus Occidentem. Sic & maculæ Solis videntur nobis in disco Solis moveri ab Oriente versus Occidentem, quia, nos tantum videmus revolutionem macularum tantum in inferiore hemisphærio. His suppositis sequitur observatio Maraldi.

Anno 1707. 26. Martii vespere, cum observassem Jovem tubo 34. pedum, vidi maculam notabilem, in disco Jovis, incæpi observare hanc maculam h. 6. 50'. media hora post occasum Solis. Jam transierat medium Jovis, & erat in  $\frac{3}{4}$  Diametri Jovis, sua extremitate meridionali coëfficiens fasciam magis septentrionalem è tribus quæ defecto sunt in Jove. Apparebat rotunda & nigra, prout communiter solent apparere umbræ satellitum; sed ex situ satellitum agnovi, eam non posse esse umbram alicujus satellitis. Nam è tribus satellitibus, qui tunc apparebant circa Jovem, primus & tertius erant in circulo superiore; & secundus qui solus erat in circulo inferiore, erat adedò remotus à Jove & conjunctione, ut ejus umbra non potuerit attingere Jovem. Tabulæ etiam ac præcedens observatio monstrabant, ejus Eclipsin contigisse ante duos dies, ac ejus umbram jam sex horis ante meam observationem maculæ exiisse è disco Jovis. Sed nec erat umbra quarti satellitis, prout de hoc tam ex subsequentibus observationibus, quam ex tabulis certi sumus, nam juxta has quartus satelles debebat esse proximus conjunctioni inferiori, & ferè in eodem loco Jovis, in quo observabatur macula & cum umbræ satellitum post oppositionem Jovis cum Sole sint versus Orientem, umbra quarti satellitis non debebat eo loco reperiri, ubi maculam observavi, nisi post septem horas. & si hæc macula fuisset umbra quarti satellitis, ipse satelles debuisset videri remotus à Jove ferè duabus Diametris Jovis versus Occidentem; cum tamen constet ex observationibus postea factis, eum satellitem tunc tem-

poris fuisse in ipso disco Jovis. Agnovi etiam dein, hanc maculam non fuisse aliquam ex iis, quæ sunt in superficie Jovis, quia non habebat proprietatem macularum. Hæ enim decrescunt magnitudine apparente & motu versus marginem Jovis; econtrà hæc macula habebat motum semper æqualem; & videbatur semper esse æqualis magnitudinis tam versus marginem, quam in initio meæ observationis. Tandem persuasus sum hanc maculam esse in ipso satellite, idque ob conformitatem maculæ & satellitis tam quoad situm, quam quoad motum. Nam macula suo motu versus Occidentem, ut diximus, crispabat fasciam septentrionalem Jovis, & terminabat eam fasciam in eo ipso loco, ubi vidi ex Jove egredi satellitem, & post aliquot minuta, ubi macula cæpit disparere in margine, vidi etiam satellitem egressum è Jove. Exiguum intervallum temporis, quod intercessit inter initium egressus maculæ è Jove, & egressus totalis satellitis, potest provenire ex eo, quia macula difficulter potest distingui in margine Jovis. Vel potest etiam provenire ex eo, quia fortè macula occupavit partem occidentalem satellitis, & pars clara Orientalem; itaque macula debuit exire è Jove paulò ante satellitem, prout contigit. Nam macula cæpit exire è disco Jovis h. 7. 49'. & satellitem valde exiguum vidi primum separatum à margine Jovis h. 8. 6'. post intervallum 17'. Hoc intervallum conforme est Diametro quarti satellitis.

Observavi etiam aliam maculam notabilem in Jove 4. Aprilis vespere, quando tertius satelles erat in parte inferiore sui circuli, & percurrebat discum Jovis; & hanc quoque deprehendi esse in ipso satellite hæc macula apparebat valde magna tubo 17. pedum, non tamen erat tam nigra, nec tam bene terminata, ac erat macula quarti satellitis: erat sita inter duas fascias septentrionales Jovis. h. 7. 21'. Jam erat aliquantulum promota in Jove: ad medium Jovis pervenit h. 7. 56'. h. 9. 37'. tertius satelles cæpit exire è Jove h. 9. 50'. totus jam exiit. Itaque Diameter tertii satellitis impendit 13', in egressu. Dimidium  $6\frac{1}{2}$  additum ad h. 9. 37'. dat h. 9. 43 $\frac{1}{2}$  pro egressu centri satellitis; à quo si subducatur appulsus ad medium Jovis h. 7. 56'. Differentia inter appulsus maculæ ad medium Jovis & egressum satellitis è Jove erit h. 1. 47'. Hoc intervallum est ad aliquot minuta æquale semimoræ satellitis in Jove, prout reperi ex simili conjunctione ejusdem satellitis facta 11. Aprilis. Ex quo ostenditur, eam maculam fuisse in ipso satellite Jovis. In conjunctione ejusdem satellitis cum Jove, quæ contigit 11. Aprilis, septem diebus post præcedentem, observavi ejusdem ingressum & egressum ex hoc Planeta; transitus durabat tribus horis cum dimidia, nullam tamen potui deprehendere maculam, quamvis fuerim attentissimus; ex quo patet, maculam, quæ ante septiduum in eo satellite apparuerat, jam disparuisse.

Quamvis conjunctiones satellitum cum Jove sint frequentes, rarum tamen est, quod possint distingui in disco Jovis eo modo, quo factum est 26. Martii & 4. Aprilis. Aliquando videntur satelites per modum maculæ claræ in margine Jovis

M m m m m 3

paulò



paulò ante egressum, & parum post ingressum: sed à margine remotiores & circa medium ferè semper confunduntur cum lumine Jovis, sic ut ne quidem optimis telescopiis amplius videri, aut distingui possint. Solùm tunc videntur, quando aliqua macula notabilis occupat discum satellitis, dum percurrunt discum Jovis, prout contingit in his duabus conjunctionibus, & nonnullis aliis quarti, tertii, secundi, immò etiam primi satellitis observatis diverso tempore à Cassino.

Nec solùm colliguntur maculæ satellitum ex dictis conjunctionibus, sed etiam ex variatione eorum apparentis magnitudinis, quin eorum variatio possit adscribi diversæ distantiae à Jove, Sole, aut terra. Quartus satelles, qui plerumque apparet minor quàm tres reliqui, etiam aliquando est iis major; & ejus umbra in quadratura Jovis, ubi satelles apparet à Jove remotissimus, major esse videtur quàm ipse satelles, quamvis hæc umbra debeat esse aliquantum imminuta per lumen Solis, & ex Optica certum sit, umbram satellitis debere esse minorem ipso satellite. Magnitudo apparetis tertii satellitis etiam est variabilis: nam quamvis plerumque major sit reliquis satellitibus, interdum tamen iis æqualis est, & nonnunquam minor. Idem accidit in duobus reliquis satellitibus. Hæc omnia facile explicantur per hypothesein Cassini, quòd in satellitibus dentur duæ facies, unaquæ copiosius regerit lumen, adeoque clara; altera, quæ minus reflectit lumen, adeoque obscura, nam si satelites rotentur circa axem, aliquando tantùm obvertent terræ faciem obscuram, aut dimidia parte obscuram, & sic clara pars aut nulla, aut minor apparebit. Aut si hoc non concedatur, debet admitti mutatio Physica in maculis satellitum, qualis explicata est circa fascias Jovis.

In Actis Acad. 1712. Maraldus describit notabilem Eclipsin quarti satellitis, non tamen totalem, sed partialem; & dicit; tantùm in partiali Eclipsi minui apparentem magnitudinem satellitis, non verò figuram; mutari etiam ejus colorem. Sic habet: Anno 1702. 1. Septembris debebat esse conjunctio quarti satellitis in parte inferiore, in qua transiret juxta tabulas tam prope umbram Jovis, ut dubium esset, an immergeretur vel non. Eram tunc Romæ; monui Bianchinum, & Manfredum, Observavimus ergo, quartum satellitem diminui cœpisse h. 10. 56'. continuabat diminui usque ad h. 11. 14'. ubi erat tam exiguus ut vix potuerit percipi. Observatus est dein in ea diminutione spatio 14'. aut 15'. postea cœpit iterùm augeri, usque dum pervenerit ad magnitudinem solitam. Suppono hanc diminutionem factam esse ex eo, quòd satelles spatio mediæ horæ inciderit in umbram Jovis, sic ut aliqua illius pars fuerit Eclipsata per umbram Jovis; non tamen totus; quia semper adhuc videbatur. Hanc apparentiam solent satelites plerumque habere aliquot secundis ante suam immersionem totalem. Non tamen observatur in dimidia sui immersione mutatio figuræ, prout reipsa debet fieri, ut solet fieri in Eclipsibus Lunæ. Solùm observatur, quòd magnitudo satellitum tunc minuat, quòd eorum lumen debilius fiat, & quòd mutant suum colorem.

Bianchinus Romæ anno 1711. 12. Augusti fecit similem observationem quarti satellitis, etiam tunc, quando non erat in umbra Jovis. Erat tunc ex parte Jovis versùs Orientem; à Jovis centro remotus tribus Diametris apparentibus Jovis. Magnitudo erat tam exigua & tam debilis luminis, ut Bianchinum & Chiarellum permoverit ad sui attentiores considerationem. Ab hora 8. 30'. usque ad horam 9. 34'. spatio plus quàm unius horæ hic satelles apparuit tam exiguus, ut non solùm difficillimè percipi potuerit, sed etiam sæpius iteratis vicibus per aliquot secunda omnino ex oculis disparuerit, quamvis eo ipso tempore tres reliqui satelites, qui erant Jovi ex latere occidentali, distinctè videri poterunt. Certum est, hanc diminutionem satellitis non provenire ab umbra Jovis, prout contigit 1702. Nam ex theoria satellitum, & ex observatione præcedentis conjunctionis à me facta in Observatorio Regio sedecim diebus antea, hoc est, 26. Julii hic satelles ad conjunctionem respectu Solis venit 12. Augusti h. 2. post Meridiem, itaque hæc conjunctio non poterat esse visibilis in Europa, cùm contigerit per diem, & 7. horis ante observationem Bianchini. dein in hac conjunctione satelles non tantùm debuit radere umbram, sed penitus in eam per duas horas immergi. Itaque hoc Phænomenon debet adscribi alteri causæ, quàm umbræ. Potest autem adscribi maculis, quæ possunt supponi in disco satellitis. Aliquæ harum macularum possunt esse permanentes, ut sunt in Luna; aliæ transeuntes, ut sunt in Sole & Jove. Cassinus sæpius observavit tales maculas, & quidem in eo ipso loco, in quo erat satelles in disco Jovis, & ego plures hujusmodi habui observationes.

In Actis Acad. Reg. 1705. describit, quomodo invenerit; quatuor satelites Saturni, nempe primum, secundum, tertium, & quintum. Quartum enim jam paulò antea detexerat Hugenius. 1671. primò detexit satellitem quintum, subsequenter annis tertium, ac primum & secundum. Primum & secundum dicit difficillimè observari posse, quia adeò propinqui sunt Saturno, ut difficulter ab invicem discerni possint; & quòd difficultatem observationis maximè augeat, est, quia raro emergunt è radiis Saturni, immò rarius quàm Mercurius emergit ex radiis solaribus. Videamus autem, quales mutationes Physicæ etiam in his satellitibus deprehensæ sint. Cassinus de quinto satellite in Actis Acad. 1705. sic scribit. 1671. detexi quintum satellitem, & eum observavi per 12. dies, ejusque periodum determinavi 80. dierum. Post aliquot dierum intervallo quibus cœlum obductum erat, quæsi videnus satellitem sed nullum illius in cœlo reperi vestigium. Usus hæctenus eram tantùm telescopia 17. Pedum; comparavit ergo Colbertus, primus Minister Regis Christianissimi Romæ à Campano aliud telescopium 34. Pedum, quo 1672. 13. Decembris statim iterùm vidi hunc satellitem ac per continuas observationes determinavi ejus periodum mediam 79. dierum. 22. h. 4'. 23. Decembris ejusdem anni deteximus eodem telescopio tertium satellitem, qui circa Saturnum revolvitur diebus 4 $\frac{1}{2}$ . Paulò post misit nobis D. Campanus Romæ



Romæ quatuor vitra objectiva 80, 90, 100, & 136. pedum. Hæc sine tubo posuimus in fenestra aliqua turris orientalis Observatorii, iisque 1673. deteximus reliquos duos intimos satellites, nempe primum & secundum. Hacerat prima observatio, quæ facta est sine tubo; sed quia vitra non poterant pro voto elevari vel demitti, iussit Rex afferri turrim ligneam Marlyensem, in qua hæc vitra collocarentur, & pro voluntate attollerentur aut deprimerentur.

In Actis Acad. 1707. Maraldus refert hunc quintum satellitem, qui prius à Cassino non poterat videri in sua digressionem orientali, à mense Septembri 1705. usque ad Januarium 1706. eodem tubo, quo prius visus non fuerat in Oriente, visum esse tam ex parte Orientali quam Occidentali.

In Actis Acad. Reg. 1716. Cassinus dat theoriam quinque satellitum Saturnum, ubi dicit primum à suo parente detectum esse 1684. 21. Martii, secundum etiam 1684. 21. Martii, tertium 1672. 23. Decembris, quintum 1671. 25. Octobris, quartum ab Hugenio 1665. Factis novis observationibus circa hos satellites, dicit quintum aliquando videri majorem, quam tertium, sed certis temporibus imminui ejus magnitudinem claritatem, & nonnunquam omnino disparere; periodum harum imminutionum & disparitionum nondum esse perfecte cognitum; ordinariè tamen id fieri in parte Orientali respectu Saturni. Distantias à centro Saturni de novo determinat respectu satellitis primi in semidiametris annuli  $1\frac{1}{5}$ . in 2.  $2\frac{1}{2}$ . in 3  $3\frac{1}{2}$ . in 4. 8. in 5. paulò plus quam 23. Quæ tamen intelligenda sunt in 3. 4. & 5. circa eorum digressiones maximas. Vel sic juxta regulam Keppleri, ut posito radio annuli ut 1. radius in orbe satellitis 1.  $1\frac{1}{5}$ . 2.  $2\frac{1}{5}$ . 3.  $3\frac{1}{5}$ . 4. 8. 5.  $23\frac{1}{5}$ . revolutio media determinata est in 1. d. 1. h. 21. 18'. 27". in 2. d. 2. h. 17. 41'. 22". in 3. d. 4. h. 12. 25'. 12". in 4. d. 15. h. 22. 41'. 12". in 5. d. 79. h. 7. 47'. Prout ex comparatione satellitum Jovis, Saturni, & Lunæ reperit Cassinus, primum satellitem Jovis longè celerius ferri, quam Lunam & primum satellitem Saturni, quod non favet Systemati Capernicano, in quo nulla hujus rei potest dari ratio conveniens ex suppositis aliunde certis, prout requiritur; fingi enim causæ possibiles faciliè possunt. Sic ait:

Juxta nostras observationes exactissimas maxima Diameter apparens Jovis est 50". & Saturni 24". cum autem Saturnus paulò plus quam duplo remotior sit à terra, quam Jupiter, sequitur, quòd Diametri horum Planetarum sint propè æquales. Proportio Diametri Solis ad Diametrum terræ à me determinata est ut 100. ad 1. cognita ergo proportionem distantie terræ à Sole, & à Planetis superioribus reperitur, Diametrum Jovis aut Saturni se habere ad Diametrum terræ ut 10. ad 1. Ex hoc fundamento facile potest cognosci distantia realis satellitum Jovis & Saturni à centro eorum motus. Primus Jovis satelles distat à centro hujus Planetæ 5. Semidiametris Jovis &  $\frac{2}{3}$ , quæ faciunt 57. semidiametros terræ. Hæc distantia est ferè æqualis distantie Lunæ à terra, ejus enim distantia media à terra est 58. semidiametri terræ. Sed tempora revolutionum sunt valde diversa, quia satel-

les absolvit suam revolutionem d. 1. h. 18. 28'. 36". Luna eam absolvit tantum spatio unius mensis. Quoad Saturnum semidiameter globi hujus Planetæ ad semidiametrum annuli est ut 4 ad 9. seu ut 1 ad  $2\frac{1}{4}$ , & semidiameter annuli est ad semidiametrum Orbis primi satellitis ut 1 ad 2 seu exactius ut 1 ad  $1\frac{2}{3}$ . sequitur ergo. proportionem semidiametri orbis hujus satellitis esse ad semidiametrum globi ut 1 ad  $4\frac{3}{4}$ . cum ergo semidiameter globi Saturni sit ad semidiametrum terræ ut 10 ad 1, distantia primi satellitis à centro motus erit 43. semidiametri terræ. Itaque hic satelles proprior est Saturno, quam primus satelles Jovi, & tamen ad absolvendam suam revolutionem indiget plus 2, horis 42'. ex quo apparet primum satellitem Saturni realiter tardius moveri, quam primum satellitem Jovis, & cum satellites ejusdem Planetæ in motu ad invicem servant proportionem, sequitur satellites Saturni tardius moveri, quam satellites Jovis. Hæc major vel minor celeritas non potest adscribi majori vel minori distantie planetæ primarii à Sole. Nam cum terra sit Soli propior, quam Jupiter & Saturnus, sequeretur Lunam circa terram citius debere revolvi quam primum satellitem Jovis, quod repugnat experientie. Ita Cassinus junior, qui hinc aliter accipit diametros Planetarum, quam supra acceperam differentia provenit ex Parallaxi ac distantia Solis à terra. Ego secutus sum recentiores observationes sumendo Parallaxim 6", & distantiam Solis 33000. semidiametrorum terræ.

## Q U Æ S T I O IX.

### *De Cometis.*

**D**E Cometis id præcipue quaeritur, an orientantur de novo, an verò sint Planetæ, qui, dum descendunt ad suum Perigeum, sint visibiles, dum verò ascendunt ad suum Apogæum, fiant iterum invisibiles. Quam prope ad terram Cometæ descendunt, pro certo asseri non potest. Nam ut Academia Regia 1699. observat, Cassinus quidem Cometæ transire dixit inter circulum Martis ac Veneris, quando sunt in Perigeo, idque asseruit ob Parallaxin duorum Cometarum, quam in Cometa anni 1652, & 1680. sibi reperisse visus est, sed & ipsius Martis ac Veneris Parallaxes non nisi difficillimè determinari ac verificari possunt. Sed ipsius Cassini de natura Cometarum differentis verba accipiamus; in Actis Acad. 1699. sic habet. Post Cometam, qui apparuit mente Septembri 1698, apparuit alius mense Februario & Martio 1699. conformitas horum novorum Cometarum cum antiquioribus credibilem facit hypothèsin Appolonii Myudientis, qui ut refert Seneca, docuit, Cometæ esse Planetas visibiles in sui minima à terra distantia, invisibiles verò, dum longius à terra recedunt. Hic Philosophus sperabat, venturum aliquando; qui Cometis suam viam motumque designaret; sed hæcenus, qui id ausus esset, inventus est nemo. Nihilominus Cometæ hæc sæculo redeuntes suscitaverunt veteres illas ideas, & plures observationes eas etiam illustraverunt.

I. Enim



1. Enim observatum est, quod Cometæ comparati ad stellas fixas in suo motu aliquanto tempore sequantur arcum circuli maximi sphaeræ, à quo tamen aliqui paulò recedunt maximè circa finem suæ apparitionis, ubi recessus sentim factus sit sensibilior. Hoc ipsum accidit Cometæ qui mense Septembri 1698. apparuit. Planetæ idem faciunt: motus eorum apparens sit in circulo maximo, sed non omnes describunt præcisè circulum maximum; Luna ab eo recedit motu simplicissimo motu suorum nodorum; alii Planetæ, excepto Sole, ab eo recedunt modo magis composito, in quantum sunt visi è terra, quæ non est centrum eorum motûs proprii. Nullus Cometa magis recessit nostris temporibus à circulo maximo, quàm Cometa 1664. & 1665. repræsentavi hanc recessum libro Romæ tunc edito per motum nodorum hujus Cometæ, quod & Cometæ anni 1698. applicari potest.

2. In via Cometarum, qui tam præcedentibus sæculis quàm hoc ultimo observati sunt accuratius, reperi certum aliquem locum, in quo apparent majores & in quo eorum motus apparens est velocior; & in æquali ab hoc loco distantia ante & post Perigeum motûs æqualis est; uti factum est in Cometa 1698. hoc habet relationem cum Perigeo Planetarum.

3. Cometæ à Sole & Luna remoti non sunt invisibiles nisi tunc quando eorum motus apparens maximè diminuitur, prout factum est in duobus ultimis Cometis. Hoc probat, quod tantùm dispareant ob majorem sui à terra distantiam. Indè fit, quod dum non ampliùs cernuntur nudo oculo, adhuc tamen videantur telescopiis aliquanto tempore. Quamvis etiam fieri possit, eos habere aliquam diminutionem Physicam, quæ tamen durante eorum apparitione observari non possit, sed tantùm successivè post aliquot eorum revolutiones.

4. Observavi Cometæ, qui tenuerunt eandem viam in cælo inter constellationes, quin eorum variatio major fuerit, quàm solet esse Lunæ ab uno anno ad alterum.

5. Quando contuli apparentes celeritates tantum Cometarum, qui habuerunt eandem viam, reperi quod in æquali à suo Perigeo distantia nonnulli non habuerint majorem diversitatem, quàm solent habere celeritates reliquorum Planetarum in æquali à suo Perigeo distantia, ob compositionem suorum motuum.

6. Quando quæsi Parallaxes Cometarum, quas non frequenter reperi, eæ erant minores Parallaxi Lunæ. Tunc motus apparens Cometæ in suo Perigeo erat tardior motu Lunæ, quod conforme est regulæ veterum, corpora cælestia eo esse remotiora à terra, quo tardior est eorum motus proprius. Parallaxis Cometæ 1680. & 1652. à me pluribus continuis diebus observata ostendit, hos Cometæ fuisse inter circulum Veneris & Martis. Superiorum Parallaxis non est ampliùs sensibilis, quia & Parallaxis Veneris ac Martis difficulter verificari potest etiam tunc, quando sunt terræ proximi. Cometæ 1698. & 1699. non potui observare Parallaxin.

7. Vidi telescopiis Cometæ, quorum discus erat tam rotundus, tam purus, & tam clarus ac est di-

scus Jovis. Talis erat discus Cometæ 1665. & 1682. Discus aliquorum aliorum Cometarum, uti & duorum ultimorum, erat male terminatus, & debilis, prout stellæ nebulosæ apparent visu simplici. Hoc potest adscribi alicui magnæ Atmosphæræ, qua involvuntur, ex hoc non sequitur, quod non possint diu durare, quia dantur stellæ nebulosæ in Andromeda & Orione, quæ à 40. vel 50. etiam telescopiis inspectæ nullam sui mutationem passæ sunt.

8. Ultra variationem magnitudinis apparentis in Cometis proveniente à majore vel minore distantia ad terram, potest etiam accedere causa Physica vel alia similis, qualis intervenit in quinto satellite Saturni, qui decreseit, & disparet ferè circa medium suæ revolutionis, etiam tunc quando propius accedit ad terram. Dantur etiam stellæ fixæ, quæ apparenter crescunt ac decrescunt, ac denique disparent, sed post aliquod tempus iterùm apparent. Poterunt ergo Cometæ ex similibus causis crescere, ac decrescere, apparere, ac disparere, abire & redire.

Cauda Cometarum majoribus mutationibus subjecta est, quia est tam tenuis consistentiæ, ut per eam perspiciantur stellæ fixæ; & lumine Lunæ aut crepusculo extinguuntur.

Cum Cometæ principaliter agnoscantur ex caudis, si Cometa caudam perdiderit, facile fieri potest, ut non observatus transeat. Constitutio aëris etiam potest aliquid eò contribuere, aut radii solares, ob quos per plures revolutiones non cernitur Mercurius. Itaque etiam Cometa non observabitur in suo Perigeo, quando est in vicinia Solis, & sic ob plures causas potest fieri, ut non observetur, quamvis ad suum perigeum redeat.

Nondum quidem facta est regula pro reditu Cometarum, sed sufficet tradere interim regulam, ut cognoscatur in futurum, an sit idem vel non. In Planetis non reperiemus, quod duo Planetæ inter se diversi habeant ista tria æqualia inter se, 1. eosdem nodos 2. eandem inclinationem orbitæ. 3. eandem celeritatem apparentem in suis Perigeis; si itaque duo Cometæ in his tribus conveniant, ut habeant eosdem nodos, eandem inclinationem ad Eclipticam, & eosdem gradus celeritatis, habemus magnum fundamentum dicendi, quod sit idem Cometa.

Omnes hæ conformitates reperiuntur inter Cometam anni 1680. & 1577. qui secabant Eclipticam in eodem gradu nempe in 9°. Sagittarii & Geminorum, cum eadem inclinatione 29°. tendebant etiam per eandem constellationem, & habebant eandem celeritatem in æquali distantia à suo Perigeo. Ex hoc judicavi esse eundem Cometam, prout pluribus deduxi in libro dedicato Regi. Eandem conformitatem reperi in Cometa anni 1652. Cujus observavi motum, & Cometa mensis Septembris 1698. ibat in eodem circulo maximo, qui secabat Eclipticam ferè in iisdem gradibus nempe in 28°. Tauri & Scorpionis; eadem etiam erat inclinatio 76. graduum, & ferè eadem celeritas in Perigeo, prout facere posset Planeta ordinarissimus. Datur etiam aliqua conformitas inter Cometam anni 1698. & anni 1699. Via, inclinatio ad Eclipticam, & celeritas erat eadem. Sed quia unus



unius ibat à Septentrione versùs Meridiem, declinando in Occidentem versùs eadem signa; alter ab iis elongabatur tendendo à Meridie in Septentrionem declinans in Orientem, quod non accidit uni Planetæ in suo reditu ad Perigeum, non habeo tam fortes probationes, ut dicam, esse eundem Cometam, Cometa, qui ultimò apparuit, habet aliquam conformitatem cum Cometa anni 1689. qui mense Decembri observatus est à Patribus Missionariis Societatis Jesu in China. Percurrit constellationem Lupi transeundo per ejus dorsum parum distans à circulo maximo nostri Cometæ; ibat ut iste versùs polum australem Eclipticæ; sed tamen ad aliquam distantiam à nostri Cometæ nodis, & cum inclinatione majore, ac minore celeritate in Perigeo. Nodi Cometæ anni 1689. erant ferè ut in Cometa anni 1680. verum quidem est nodum Cometarum posse habere motum proprium, eumque celerem; & inclinationem posse esse variabilem, eosque ad Perigeum redire posse cum valde diversae celeritate, sed in talicatu non possunt haberi pro eodem, nisi postquam per longas periodos ad eundem statum redierint.

In Actis Acad. Reg. 1702. de la Hire de Cometis sic discurret.

Si Cometæ forent Planetæ solùm visibiles, quando sunt in minima à terra distantia, deberent sensim ac successivè crescere quoad apparentem magnitudinem, sicut successivè decrescunt, donec tandem dispareant. Sed per observationes constat, Cometæ semper primò observari, quando jam sunt in sua maxima claritate, & quando jam apparenter percurrunt viam maximam. Ex hoc videtur, Cometæ tantùm esse ignes subitò accensos, qui sensim extinguuntur imminuta celeritate, non est verosimile, maximos Cometæ priùs non fuisse observatos, antequam fuerunt in statu maximi luminis, maximè cum hoc tempore tot dentur Astronomi. Et quamvis dici possit, eos non fuisse observatos, quando adhuc erant valde exigui, atamè debuissent saltem longo prius tempore observari, antequam fuerant in maximis suis viribus. Certum tamen est, nunquam fuisse observatum aliquod Cometarum augmentum, nisi valde exiguum, quod potest adscribi viæ, quam percurrunt, & quæ omnibus consideratis non videtur esse in circulo maximo prope concentrico terræ, quod ipsum tamen demonstrari non potest, quia diminutio motus & luminis Cometarum potest potius habere causam Physicam quàm Opticam. Cùm tamen quidam Cometæ tenuerunt eandem viam, hoc nonnullis Astronomis occasionem præbuit, eos habendi pro Planetis. Sed quia hæc hypothesi tantùm fundatur in eo, quod duo Cometæ eandem viam ac celeritatem habuerint, nondum possum huic opinioni subscribere. Inter tot Cometæ facile evenire potest, quod duo eandem viam teneant. Si sapius redirent, & forent conformes periodi, tunc primum haberetur forte argumentum pro hac sententia. Dein subjungit observationem Cometæ.

24. Aprilis, inquit, h. 10.  $\frac{1}{2}$ . 1702. detexi Cometam in Serpentario. Habebat primo observationis die magnum capillitium, quod subsequenti

*R. D. Euseb. Amort Philosophia.*

bus diebus iminutum est valde; & tunc observabatur exigua cauda à Sole averfa, ut solent. à 27. usque ad 30. Aprilis valde decrevit in motu; 3. Maji adhuc visus est. Convenit in motu cum Cometa anni 1698. perfecte, & in iisdem locis imminuta est prorsus æqualiter quantitas motus. Intra 11. dies, quibus illum observavi, percurrit 23°. 10. semper deficiendo ut ille, & in eodem loco. & disparuit etiam in eodem loco, in quo ille disparuit via tamen hujus & illius Cometæ non erat omnino eadem, qua hæc viæ se intersectabant ad angulum satis magnum inter stellas humeri Serpentarii, & stellam cubiti notatam per A. per ultimas tamen observationes via ultimi Cometæ videbatur incurvata versùs eandem partem, ubi erat incurvata via Cometæ 1698. prout patet ex figura. Linea in medio divisa per 5°. denotat viam Cometæ 1698. fig. 105  
via Cometæ 1702. est notata per lineam punctuatam.

Via alterius Cometæ 1702. observari à Bianchino & Maraldo Romæ ac Neapoli exhibetur fig. 106  
Erat ab initio instar stellæ nebulosæ; paulò clarior, quàm nebulosa in Cancro. Tubo inspectus videbatur involutus quadam nebulositate, licet ut plerumque apparent Cometæ ab initio suæ apparitionis, qualiter etiam apparuit Cometa 1684. & præcedentes. Ascensio recta in globo D. Bleau erat circiter 290°. declinatio borealis 21°. 10. longitudo in 25°. Capricorni, latitudo borealis 43°. nempe 20. Aprilis. Berolini est observata eadem altitudo Cometæ, quæ Romæ quamvis sit 12°. septentrionalius.

In Actis 1706. describitur Cometa observatus eo anno à Cassino & Maraldo. Cursus exhibetur fig. 107  
ab initio prope Coronam erat instar exiguæ stellæ nebulosæ, qualis est in Andromeda. Circa medium erat clarior, quàm circa marginem. Tribus primis notibus per observationem ejus via determinata est in circulo maximo secante Eclipticam in medio signo Virginis & Piscium, & qui in sua maxima elongatione ab Æquatore erat 55°. quotidie tunc peragrabat 4°. contra ordinem signorum semper propinquando ad Eclipticam, & tendendo ex Nord - Ost in Sud - West. Ex diminutione ejus sensibili determinatum est, quod in prima observatione jam fuerit in suo Perigeo. Hæc determinatio Apogei notabilis est. Nam quando semel locus Perigei determinatus est, supponit Cassinus, quod Cometa non describat arcum circuli, aut aliam curvam sed quod describat tangentem circuli terræ concentrici, qui pro radio habet distantiam sui à terra in Perigeo. Hæc linea quamvis sit recta, potest tamen haberi pro arcu orbis Cometæ ob enormem magnitudinem illius orbis. Dein supponit Cassinus motum Cometæ æqualem, & reipsa talis est respectu nostrum, tum ob magnam distantiam, tum ob parvitatem arcus orbis nobis visibilis. Dein numerat gradus à Cometa post suum Perigeum intra diem decursos v. g. 4°. hos ponit in Tangente incipiendo à Perigeo; ad extremitatem ducit lineam, quæ est Hypothenusa anguli per radium & tangentem efformati. 4. Gradus in hoc casu sunt mensura & basis anguli ad centrum. Datur ergo triangulum rectangulum cujus tres anguli sunt cogniti, & con-

N n n n n

sequen-



sequenter etiam nota est proportio laterum. In præsentis exemplo si radius circuli est 100. gradus 4. valent  $\frac{7}{100}$ . ex quo Cassinus infert, viam Cometæ per diem fuisse  $\frac{7}{100}$ . suæ distantiae à terra. Dein dividatur Tangens in tot partes æquales, quales sunt  $\frac{7}{100}$ . & habebitur via Cometæ ad singulos dies, sic ut possit prædici ejus cursus. Clarum est, quòd hæc divisio Tangentis in partes æquales diminuat motum Cometæ, quo magis recedit à suo Perigeo. Verùm cum hæc suppositio Tangentis falsa sit, non reperitur locus Cometæ in hoc Tangente, si Cometa longius recedat à Perigeo, & illius cursus diu sit visibilis. Sic & Cometa præsens, qui 16. Aprilis disparuit ab hoc Tangente recessit, nec erat amplius in plano circuli maximi, videlicet talis, cujus planum transit per centrum terræ. In fine sui cursus per diem vix movebatur uno gradu, & ejus magnitudo simul movebatur. Theoria hæc tradita perfecte convenit cum observationibus hujus Cometæ. 1580. apparuit Cometa habens eandem celeritatem, & ferè eandem viam.

In Actis Acad. Reg. 1707. describitur apparitio alterius Cometæ his verbis:

Cometa hujus anni observatus est in Observatorio prima vice 28. Novembris à Cassino & Maraldo, prope exiguas stellulas, quæ sunt inter constellationem Antinoi & Capricorni, visu simplici apparebat ut stella secundæ magnitudinis, & tubo 12. pedum erat satis clarus ac satis magnus, sed male terminatus, prout solet ordinari fieri. Erat involutus nebulositate, & sine apparentia ullius caudæ, aut capillii. 29. Novembris habebat intra 24. horas circiter in motu  $40\frac{1}{2}$ . & 30.  $30\frac{1}{2}$ . ex quo concludebatur, eum jam transiisse suum Perigeum, quia ejus motus apparens jam minuebatur, & hoc decrementum cum jam fuerit notabile, inferebatur, eum jam primo die observationis transiisse suum Perigeum; & ex sequentibus observationibus colligebatur, eum transitum contigisse die 22. sex diebus ante primam observationem. Motus hujus erat à Meridie versus Septentrionem: Cassinus & Maraldus motum designabant in circulo maximo, qui secat Eclipticam in  $5^{\circ}$ . Aquarii, & transit oblique inter polos Eclipticæ & Equatoris, ita ut à poli Eclipticæ ejus minima distantia fuerit  $40^{\circ}$ . à poli Equatoris  $90^{\circ}$ . Itaque via hujus Cometæ erat ferè perpendicularis ad viam communem syderum, & hoc faveret systemati Villemotii, qui collocat Cometæ supra Saturnum, ubi non datur regularis motus. Die 22. tantum poterat observari in terris magis Australibus; & 24. poterat quidem observari Parisiis, sed vapores prope Horizontem facile potuerunt illud impedire. Motus diurnus hujus Cometæ secundum Cassinum erat  $\frac{181}{1000}$ . in sua minima distantia à terra, cum tamen Cometa 1706. tantum habuerit  $\frac{7}{100}$  seu  $\frac{70}{1000}$ . Si supponatur distantia amborum Cometarum æqualis à terra, sequitur hunc præsentem Cometam habuisse ferè triplo majorem celeritatem realem; si verò distantia non sunt æquales, eorum celeritates non sunt proportionales.

Hic Cometa erat valde magnus, quia in distantia  $48^{\circ}$ . à suo Perigeo apparebat adhuc major, quàm

alii in suo Perigeo. 5. Decembris, quando à suo Perigeo distabat circiter  $60^{\circ}$ . telescopius inspectus apparebat adhuc tam magnus, quàm Jupiter. Dein minuebatur quotidie magnitudine, & 22. difficulter amplius poterat distingui telescopus. Si Cometa ponatur fuisse supra Saturnum in distantia duplo majore, quàm est Jupiter, supposito quòd appareat æqualis Jovi, necessariò debet habere Diametrum duplam Diametro Jovis; adeoque erit 8. major Jove, & quia Jupiter est 8000. major terra, erit 64000. major terra, si in suo Perigeo videatur æqualis Jovi. Sed cum Cometa hujus anni tantæ fuerit magnitudinis, ut in distantia duplo majore, quàm erat in Perigeo, visus sit æqualis Jovi, sequitur ejus Diametrum ad minimum 4. fuisse majorem Diametro, & quòd fuerit eo 64. major, adeoque 512000. major terra, viam illius exhibet fig. 108.

In Actis Acad. 1708. Cassinus inserit aliam dissertationem de Cometis, hujus erroris.

Cometa, qui 1707. mense Novembri & Decembri apparuit, eodem tempore apparuit, quo in Sole observabantur maculæ duæ; harum una erat ingressa discum Solis paulò antea; altera jam erat propè exitum à Disco Solis apparente.

Plures Neoterici Philosophi supponunt, Cometæ & maculas solares esse ex eadem materia, & ex eadem origine; unde sumpsi occasionem maculas solares & Cometæ ad invicem comparandi.

In tractatu de Cometa, quem prima vice observavi 1652. accommodavi me tunc opinioni communius receptæ, Cometæ produci de novo. Supposui enim, non solum circa terram nostram dari Atmosphæram, quæ multò longius se extenderet, quàm ea, unde proveniunt refractiones sensibiles radiorum Solis & Lunæ; sed similem etiam Atmosphæram maximam dari in astris reliquis; itaque, dum una Atmosphæra occurrit alteri, posse provenire materiam Cometarum. Postmodum, cum viderem, motus Cometarum esse tam regulares, ac sunt motus Planetarum, censui, verosimilem esse hypothesein Apollonii Mindientis, Cometæ esse Planetas.

Via Cometæ 1652. secabat Eclipticam in  $28^{\circ}$ . Tauri, cum inclinatione ferè  $74^{\circ}$ . & erat in parte opposita Soli, qui erant in Capricorno, ut proin ejus motus non potuerit repræsentare per lineam rectam eductam ex hoc astro. Econtra faciliè ejus motum regularem repræsentari potui per lineam rectam, seu per curvam circularem parum diversam à linea recta, cujus tamen Perigeum longè remotius est à Sole, quàm Saturnus, quando est in suo Aphelio. Sed pro designando motu Cometæ 1664. adhuc faciliore methodo usus sum, (suprà descripta.) Postea observavi Cometæ, qui habuerunt eandem viam, & eandem celeritatem, ac præcedentes. Cometa 1680. habuit viam Cometæ 1577. observati à Tycho Brache, ex cujus Ephemeridibus de die in diem motum Cometæ prædixi. Cometa 1698. habuit viam Cometæ 1652. & Cometa 1702. viam Cometæ 1668. à me Bononiæ observati, & alterius observati anno quarto Olympiadis centesimæ primæ.

Dantur alii Authores moderni, qui supponunt Cometæ fieri ex ipsis maculis solaribus. Cum enim



enim hæc natent in superficie Solis, poterunt facile à Sole separari, ac instar pilæ ejici, atque sic formare Cometas.

Si hoc foret, tunc ex revolutione Solis circa suum axim reciperent impressionem motûs, vi cujus moverentur juxta æquinoctialem macularum, quæ habet inclinationem ad Eclipticam  $7^{\circ}$  aut  $8^{\circ}$  circiter. Dico circiter, quia ea obliquitas potest aliquantulum mutari ex causis Physicis. At verò dantur Cometa, qui ab Ecliptica plurimum recedunt; nam aliqui eunt ex Septentrione versus Meridiem, aliqui ex Meridie versus Septentrionem, prout contigit in Cometa 1708. Nullum alium Cometam annotatum reperio, qui habuerit viam adeò perpendicularem ad Eclipticam & æquinoctialem macularum, quamvis Cometa à Regiomontano observatus prope ad illum accedat. Observatus ille est 1475, velut alii Authores referunt 1472, 13. Januarii in signo Libræ cum stellis Virginis, Ab initio habebat motum lentum, usque dum pervenerat ad Spicam Virginis, quæ tunc erat in  $16^{\circ} \frac{1}{2}$ . Libræ. Dein transiit ad sinistrum Crus Bootis, à quo recedens, uno die absolvit 40. gradus circuli maximi. Ejus maxima distantia ab Ecliptica erat  $77^{\circ}$ . & ea respiciebat medium Canceri. Dein transiit inter duos polos Eclipticæ & Equatoris, dirigendo suum cursum versus medium pedum Cephei, pectus Cassiopeæ, & ventrem Andromedæ. Dein postquam perreperat dorsum Piscis septentrionalis, ubi ejus motus contrahebatur valde, secit Zodiacum circa medium Arietis, usque dum attingens stellas Balenæ in radiis solaribus, absorptus fuerit. Author adjungit, quod hic Cometa descripserit portionem circuli maximi tendendo versus Septentrionem, & contra signorum ordinem à Libra ad Arietem; ab initio & in fine ejus motus erat tardus, circa medium autem suæ apparitionis velocissimus, transeundo intra unum diem ferè per quatuor signa nempe ab ultimis gradibus Virginis usque ad initium Geminorum, & si sic continuasset, facta revolutione in cælo rediisset in Libram: poterat hoc fieri, quia erat adhuc satis magnus, quando subit radios solares. Post hunc Cometam, quem descripsit Zieglerus in Commentario in Genesim, apparuit alius 1556, observatus ab Homelio, qui & ipse dicitur transiisse prope illos polos. 5. Martii 1556. proximus erat stellæ sinistræ Virginis supra spicam; 8. Martii erat in genubus Bootis. 9. erat proximus Arcturo, unde per circumferentiam circuli maximi prope Polum Borealem Eclipticæ transiit, quem à dextris reliquit. tunc per diem confecit  $15^{\circ}$ . Dein ascendit magna celeritate versus Polum Septentrionalem mundi, unde ivit versus Saturnum, qui tunc erat in Ariete, transeundo per Andromedam, & Pisces, ubi disparuit. Camerarius dicit, quod hic Cometa non multum recesserit à circulo maximo, cujus dimidium percurrit secundo Eclipticam ferè ad  $11^{\circ}$ . Libræ & Arietis. Sed Cometa, qui 1707. apparuit, erat alterius directionis, quia secabat Eclipticam prope initium Aquarii.

Præter hos duos Cometas, qui apparuerunt in Hemisphærio Septentrionali, observavi alium 1699. à 19. Februarii usque ad 6. Martii, & quem P. Fontenay Jesuita incæpit observare in R. D. Euseb. Amort. Philosophia.

China 17. Februarii. Non distabat à Polo Septentrionali Equatoris initio observationis: ejus motus erat à Septentrione versus Meridiem in circulo maximo quia transibat in distantia  $14^{\circ}$  à polo Eclipticæ, & prope Polum Septentrionalem globi solaris. Inclivatio ad Eclipticam & æquinoctialem macularum erat ferè eadem quæ 1472, sed via erat alia. Nam Cometa 1699. secabat Eclipticam in  $21^{\circ}$  Geminorum, ille in medio Arietis & Libræ.

Datur etiam alius Cometa, cujus motus erat à Septentrione versus Meridiem; observatus est 1689. à Pondicheri, & Malacæ à Jesuitis à die 10. Decembris usque ad 23. ejusdem mensis cæpit videri in Hemisphærio Meridionali prope stellas, quæ sunt in capite Lupi: postquam percurerat hanc constellationem accessit ad pedem Centauri percurrendo circulum, qui secabat Eclipticam in  $28^{\circ}$ . Scorpii, & qui erat directus ferè ad polum Meridionalem Eclipticæ, ab eo non plus declinando, nisi circiter  $3^{\circ}$ .

Hæc ingens diversitas, quæ observatur in via diversorum Cometarum, & quorum directio sæpe diversa est à motu macularum Solis, suadet, principium motûs quoad Cometas diversum esse à principio motûs quoad Planetas & maculas solares. Et quamvis aliquando observaverim, dari in cælo locum quandam frequentiores pro Cometis, nihilominus ex continuatis observationibus didici, dari Cometas, qui longè aliam instituunt viam; dari etiam aliquos, qui redeunt ad eosdem terminos, sed aliquando per eandem, aliquando per diversam viam, quin multum recedant à portione circuli maximi.

Qui docent, Cometas formari per exhalationes terræ, difficulter explicabunt, cur tantopere declinent ab æquinoctiali, nisi dicant, eos sequi cursum illius invisibilis materiæ, quæ tendendo ab uno polo ad alterum secum Acus Magneticas abripit. Si hoc foret, virtus magnetica terræ ad magnam se extenderet à terra distantiam, cum plerumque Cometa nullam habeant Parallaxin: Methodus determinandi distantiam objecti celestis à terra explicata à me in tractatu de Cometa 1680, requirit observationem per plures dies continuatam & quidem iisdem horis, ut determinetur velocitas diurna Cometa, sicut quolibet momento possit sciri ejus ascensio recta respectu stellarum fixarum. Requirit etiam observationes factas aliis diei horis remotis ab invicem, ut possit illis horis determinari ascensio recta apparens Cometa respectu stellarum fixarum. Tunc comparando hanc ascensionem apparentem rectam cum ascensione recta reperta per calculum ex observationibus diei præcedentis, si calculus exactè conveniat cum observationibus, concludi potest, quod Cometa non habeat Parallaxin sentibilem. Si autem ascensio recte per calculum reperta ab observatione differat, ea differentia est argumentum alicujus Parallaxis. In meis observationibus quibus hac methodo usus sum occasione Cometarum, nunquam reperi hoc argumentum majus, quàm duo vel tria secunda temporis, quæ parum faciunt



ad evidentiam hujus inquisitionis. Ex quo judicavi, hanc methodum inutilem esse quamvis pluribus diebus continuus cœlum serenum foret hinc pro determinanda distantia hujus Cometæ hoc solum superest, ut determinetur proportio diversarum distantiarum ex motu diurno, velut tot secantium arcus incipiendo à Perigeo juxta Theoriam traditam. Si Cometa telescopio inspectus fuisset bene terminatus, utrum non ex parte disci illuminati posset deduci argumentum pro ejus distantia à terra, sicut fit in Luna; sed irregularitas ejus circumferentiæ hoc non permittit. Hoc solum judicari potest ex ejus motu magis lento in Perigeo, quàm Lunæ motus est in ejus Apogeo, quod sit major illius distantia à terra, quàm Lunæ, supposito, quod adhuc sit in systemate Lunari. Cometa 1472, ut dicit Zieglerus, habebat Parallaxin  $6^{\circ}$ . ex quo sequitur, quod sexta circiter parte distantia Lunaris fuerit propior terræ, quàm Luna; non tamen videtur, quod fuerit formatus per exhalationes terræ, ut Philosophi illius supponebant; nam post initium suæ apparitionis crevit adhuc magnitudo illius apparens & motus, & post motum rapidissimum circa medium suæ apparitionis imminuta est illius celeritas & magnitudo apparens continuando suum cursum versus cœlum, postquam transierat orbem Lunæ. Dabantur insuper plures alii Cometæ, qui accedendo propius ad terram creverunt magnitudine & celeritate.

Ex observationibus Mestlini quoad Cometam 1580. constat, ejus apparentem motum auctum esse 10. aut 12. diebus, ac dein iterum decrevisse.

Juxta observationes Keppleri Cometa 1618. crevit spatio 12. dierum, ac dein iterum decrevit.

Cometam 1664. Romæ à me observatum vidi crescere quoad magnitudinem apparentem & celeritatem à die 18. usque ad 29. Decembris, quo ejus motus apparens fuit ferè æqualis motui diurno Lunæ. Postea magnitudine simul ac celeritate defecit.

Cometa 1680. per quindecim dies simul magnitudine apparente & celeritate crevit post initium suæ apparitionis; postea defecit, usque dum radiis solaribus absconditus est.

Secundus Cometa ejusdem anni 1680. postquam è radiis solaribus exierat, cepit apparere 20. die Decembris, & crevit magnitudine ac celeritate usque ad 3. Januarii spatio 14. dierum, dein decrevit.

Cometa anni 1683. observatus ab Hevelio & Kirchio crevit magnitudine apparente & celeritate per 43. dies, usque dum per radios Lunares & vapores Horizontis occultatus est.

Itaque habemus plures Cometæ, qui post primam apparitionem longo tempore creverunt, ac postea decreverunt. Si alii Cometæ post primam apparitionem statim decreverunt, verosimile est, eos jam antecederet fuisse visibiles, sed non fuisse observatos vel ob constitutionem aeris, vel quod non quæsit fuerint eo loco in cœlo, ubi fuerunt.

Dantur etiam multi Cometæ, qui longo prius tempore observati sunt in aliis regionibus. Talis est Cometa anni 1680, qui tredecim diebus prius fuit observatus in Germania, antequam in Italia; & in Gallia omnino non fuit observatus. Cometa anni 1683. fuit observatus in Germania, quin constet eum alibi fuisse observatum: & de Cometa anni 1706. nescio, an alibi observatus fuerit, quàm Parisiis. Cometa anni 1707. tri-duo prius fuit observatus Bononiæ, quàm Parisiis, & in pluribus urbibus Galliæ omnino non potuit observari, quamvis meos Correspondentes certiores fecerim, & iis Cometæ viam designaverim.

Hæ observationes me persuadent Cometæ posse reduci ad Planetas, nec eos consistere in nova productione ex terræ, Solis, aut aliorum syderum exhalationibus. Hucusque Cassinus.

His addo paucula ex dissertatione P. R. P. Nicasi Grammatici Societatis Jesu, viri in Astronomicis intra Germaniam sine comparatione maximi, quam edidit 1724. de Cometa 1723. sic habet:

Ingolstadii Cometæ hic videri cepit die 17. Octobris circa mediam octavam à Meridie in infimo Capricorni ventre unius horæ spatio motus Cometæ proprius ab Austro in Boream patebat ad oculum, Cometæ distantiam à stellis iisdem fixis conferenti, libero oculo insipientibus præbebat figuram stellæ secundi aut tertii ordinis, his tamen pallidius, utpote per albicantis coloris nebulam translucens, quales apparent nebulosæ in gladio Orionis & extremitate cinguli Cassiopeæ. Telescopio majoris formæ visus Cometa primæ magnitudinis stellam solo nucleo facile æquabat, nubeculæ verò ambientis, & hinc inde inæqualiter terminatæ latitudo occupabat discum Jovis Perigei prægrandi tubo optico visi. Cometæ forma in nucleo (prout mihi in suis familiaribus P. R. P. Nicasi scripsit) erat nigra & ferè triangularis. In insula Americæ Cayenna visus perhibetur supra caudam Gruis, diei sequenti prope ejus rostrum, ubi non procul à Canopo Cometæ hic primitus detectus fuerat, triduo, ut auguramur, antequam ipsum Perigeum attingeret. Toto apparentiæ tempore à 17. Octobris usque ad 24. Novembris percurrit arcum circuli maximi ferè  $37^{\circ}$ . Diem ab infimo Capricorni ventre prope Aquarii Mantellum in Antinuum pergens, eumque subin prætergressus circa Aquilæ rostrum videri desinit. Motus illius velocitas indies decrevit, adeoque saltē die 18. Octobris Perigeum à Cometa fuit superatum. Tandem concludit P. R. Pater, tum ex suis, tum ex Maraldi in Gallia, Bianchini Romæ, & Wurzelbaureri in Germania observatis, hunc Cometam probabiliter esse eundem cum eo, qui apparuit 1707; ac auguratur, eundem rediturum oculis humanis anno 1739. die 3. Septembris. Ut major appareat utriusque Cometæ convenientia, utriusque motum hac tabellâ exhibet, postquam præmonuerat, angulum inclinationis viæ Cometæ ad Æquatorem anno 1707. fuisse  $82^{\circ}$ , 18'. anno vero 1723.  $62^{\circ}$ . 20'.



| Cometa 1707. |            |     |    | Cometa 1723. |            |     |    |
|--------------|------------|-----|----|--------------|------------|-----|----|
| dies         | declinatio |     |    | dies.        | declinatio |     |    |
| Octob.       | o          | 1   | 11 | Octob.       | o          | 1   | 11 |
| 27. ———      | 13.        | 47. | 0  | 17.          | 6.         | 42. | 40 |
| 28. ———      | 18.        | 58. | 30 | 18.          | 11.        | 51. | —  |
| 29. ———      | 23.        | 18. | —  | 19.          | 18.        | 58. | 10 |
| 30. ———      | 26.        | 52. | 30 | 22.          | 21.        | 30. | 30 |
| Decemb.      |            |     |    | 26.          | 27.        | 57. | 30 |
| 1.           | 29.        | 52. | 40 | 27.          | 29.        | —.  | 50 |
| 2.           | 32.        | 24. | 40 | 28.          | 29.        | 55. | 10 |
| 3.           | 34.        | 34. | 50 | Nov.         |            |     |    |
| 7.           | 40.        | 40. | —  | 1.           | 32.        | 31. | 30 |
| 10.          | 43.        | 31. | 40 | 2.           | 32.        | 59. | 50 |
| 11.          | 44.        | 19. | 50 | 4.           | 33.        | 47. | 20 |
| 14.          | 46.        | 12. | 20 | 5.           | 34.        | 7.  | 50 |
| 15.          | 46.        | 42. | 30 | 18.          | 36.        | 24. | 40 |
| 17.          | 47.        | 33. | 10 | 19.          | 36.        | 30. | 10 |
| 20.          | 48.        | 28. | 30 | 22.          | 36.        | 40. | 30 |
| 21.          | 48.        | 48. | 10 | 24.          | 36.        | 48. | —  |
| 22.          | 49.        | 6.  | 10 |              |            |     |    |
| 25.          | 49.        | 50. | 50 |              |            |     |    |
| 26.          | 50.        | 3.  | 50 |              |            |     |    |
| Jan. 1708.   |            |     |    |              |            |     |    |
| 1.           | 51.        | 2.  | 40 |              |            |     |    |
| 13.          | 52.        | 3.  | 24 |              |            |     |    |
| 17.          | 52.        | 16. | 10 |              |            |     |    |

Theoriam Cometæ P. R. P. Nicæus sic defini-  
nit: Ingenti in orbita telluri excentrica, quæ ad  
Æquatoris cœlestis planum angulo 59. circiter  
graduum ex parte libræ inclinata eum secet in 275.  
gradu ab Ariete computato, ponitur moveri cen-  
trum orbitæ Cometariæ, motuque suo hunc ip-  
sum orbem uti & lineam Perigei circa terraqueam  
volvere, five dein centrum hoc reale quidquam  
fuerit, puta astrum quoddam, licet terrigenis ob  
enormem ab his distantiam, vel exiguum lumi-  
nis eousque reflectendi vim jugite invisum, five  
aliquid tantum imaginarium, qualia sunt Plane-  
tarum Apogea, Perigea, No di, Elliptium centra, ac  
focus alteruter, ita ut centrum illud orbis Come-  
tici periodum suam circa tellurem compleat 5453.  
circiter dierum spatio. Porro ex centro hoc de-  
scriptum concipimus orbem circulare radio  
suo minimam Cometæ à terra distantiam 249.  
vel 250. vicibus complexum, in quem orbem  
Cometa 5804.  $\frac{1}{2}$ . dierum intervallo motu æqua-  
bili quotidie arcum 3'. 43". 17". porcurrendo  
emetiatur, ea ratione, ut inferiorem sui circuli pe-  
ripheriam legens Cometa feratur in partes oppo-  
sitæ ei latiori, qua ipsum hujus orbis centrum de-  
fertur. Quoniam autem hujus Cometarii orbis  
inclinatio tam ad Æquatorem, quam ad Eclipticam  
anno 1707. fuit aliquot gradibus major, quam  
1723, id refundi poterit in aliquam mutabilitatem  
anguli, quo planum orbis Cometici ad planum  
orbitæ centri inclinatur. Nam hanc in aliis quo-  
que Planetis variationem inclinationum detectam  
nonnulli volunt, in Luna verò eam dari notissi-  
mum est. Cæterum cum nulla necessitas cogat,  
illo orbis Cometici plano ad nos usque producta  
terram implicari, colligitur, stellam in talis circuli  
plano oculum non pertransiente motum, ubi à  
suo Perigeo longius fuerit digressa, visum iri ab  
arcu circuli maximi cœlestis deflectere, curvam-

que aliquantulum semitam describere, quod in  
Cometa 1723. factum fuisse propria experientia  
compertissimum habemus, idque Cometæ 1707.  
fuisse commune D. Manfredus in Actis Acad. Reg.  
1708. testatur.

His omnibus addo Cometographiam Nevvtoni  
ab eo in suis Principiis Physico-mathematicis & à  
Whistono explicatam, consistit in tribus proposi-  
tionibus. 1. Cometæ sunt Luna superiores & in re-  
gione Planetarum primariorum versantur. 2. Co-  
metæ in sectionibus conicis, umbilicos in centro  
Solis habentibus moventur, & radiis ad Solem  
ductis areas temporibus æqualibus æquales & in  
universum temporibus semper proportionales de-  
scribunt. 3. Cometarum corpora sunt solida, ad  
instar corporum Planetarum; ingentibus autem  
Atmosphæris plerumque cinguntur, & caudis  
nunc brevioribus, nunc verò longioribus, ex iis-  
dem in Solis vicinia natis semper ornantur. Pri-  
mam propositionem, qua Cometæ non multò in-  
fra Saturnum, nec multò supra Saturnum collo-  
cat, præter alias rationes etiam hoc modo confir-  
mat. Nam corporis cœlestis à Sole illustrati & in  
regiones longinquas abeuntis diminuitur splendor  
in quadruplicata ratione distantiz. In duplicata ra-  
tione videlicet ob auctam corporis distantiam à So-  
le, & in alia duplicata ratione ob diminutam Dia-  
metrum apparentem. Undè si detur & lucis quan-  
titas, & apparens Diameter Cometæ, dabitur di-  
stantia, dicendo, quòd distantia sit ad distantiam  
Planetæ in ratione integra Diametri ad Diametrum  
directæ, & ratione dimidiata lucis ad lucem inver-  
se. Sic minima capillitii Cometæ anni 1682. Dia-  
meter per tubum opticum sexdecim pedum à Cl.  
Flamsteedio observata & micrometro mensurata  
æquabat 2'. --". nucleus autem seu stella in medio  
capitis vix decimam partem latitudinis hujus oc-  
cupabat, adeoque lata erat tantum 11". vel 12".  
N n n n 3 luo



luce verò & claritate capitis superabat caput Cometæ anni 1680, stellasque primæ vel secundæ magnitudinis æmulabatur. Ponamus Saturnum cum annulo suo quasi quadruplo lucidiorem fuisse; & quoniam lux annuli propemodum æquabat lucem globi intermediæ, & Diameter globi sit quasi 21'', adeoq; lux globi & annuli conjunctim æquaret lucem globi, cujus Diameter esset 30'', erit distantia Cometæ ad distantiam Saturni ut 1 ad V. 4. inversæ; & 12'' ad 30'' directæ, id est, ut 24 ad 30, seu 4 ad 5. rursus Cometa anni 1665, mense Aprili, ut Author est Hevelius, claritate sua penè fixas omnes superabat, quin etiam ipsum Saturnum, ratione coloris videlicet longè vividioris. Latitudo capillitii erat quasi 6', at nucleus cum Planetis ope tubi Optici collatus planè minor erat Jove, & nunc minor corpore intermedio Saturni, nunc ipsi æqualis judicabatur. Porro cùm Diameter capillitii Cometarum raro superet 8' vel 12' Diameter verò nuclei seu stellæ centralis sit quasi decima vel fortè decima quinta pars Diametri capillitii, patet stellas istas ut plurimum ejusdem esse apparentis magnitudinis cum Planetis. Unde cùm lux eorum cum luce Saturni non raro conferri possit, eamque aliquando superet, manifestum est, quòd Cometæ omnes in Perigeis vel infra Saturnum collocandi sint, vel non longè supra. Errant igitur toto cælo, qui Cometæ in regionem fixarum prope ablegant, qua certè ratione non magis illustrari deberent à Sole nostro, quàm Planetæ, qui hic sunt, illustrantur à stellis fixis.

Idem colligitur ex luce capitum crescente in recessu Cometarum à terra, Solem versùs ac decrecentem eorum recessu à Sole terram versùs. Sic enim Cometa posterior an. 1665, observante Hevelio, ex quo conspici cœpit, remittebat semper de motu suo, adeoque præterierat Perigeum; splendor tamen capitis nihilominus indies crescebat, usque dum Cometa radiis solaribus obiectus desit apparere. Cometa anni 1683, observante eodem Hevelio in fine mensis Julii, ubi primùm conspectus est, tardissimè movebatur, minuta prima 40. vel 45. circiter singulis diebus in orbe suo conficiens. Ex eo tempore motus ejus diurnus perpetuò augebatur usque ad 4. Septembris, quando evasit graduum quasi quinque. Igitur toto hoc tempore Cometa ad terram appropinquabat. Id quod etiam ex Diametro capitis micrometro mensurata colligitur, quippe quam Hevelius reperit Aug. 6. esse tantum 6'. 5'', inclusa coma, ad 2. Sept. esse 9'. 7''. Caput igitur initio longè minus apparuit, quàm in fine motus; at initio tamen motus in vicinia Solis longè lucidius exitit, quàm circa finem, ut refert idem Hevelius. Proinde toto hoc tempore ob recessum ipsius à Sole quoad Lumen decrevit, non obstante accessu ad terram. Cometa anni 1618. circa medium mensis Decembris, & iste anni 1680. circa finem ejusdem mensis celeberrimè movebantur, adeoque tunc erant in Perigeis. Verùm splendor maximus capitum contigit ante duas ferè septimanas, ubi modò exierant de radiis solaribus, & splendor maximus caudarum paulò ante in majore vicinitate Solis. Caput Cometæ prioris juxta observationes Cysati, die 1. Decembris majus videbatur stellis primæ magnitudinis, & die 16. Decembris jam in Perigeo existens, magnitudine parum, splendore seu claritate luminis plurimum

defecerat. Die 7. Januarii Keplerus de capite incertus finem fecit observandi. Die 12. mensis Decembris conspectum & à Flamsteedio observatum est caput Cometæ posterioris in distantia novem graduum à Sole, id quod stellæ tertiæ magnitudinis vix concessum fuisset. Die 15. & 17. Decembris apparuit idem ut stella tertiæ magnitudinis, diminutum utique splendore nubium juxta Solem Occidentem. Die 26. Decembris velocissime motus, inque Perigeo propemodum existens cedebat ori Pegasi, stellæ tertiæ magnitudinis. Die 3. Januarii apparebat ut stella quartæ magnitudinis. 9. Januarii ut stella quintæ. 13. Januarii ob splendorem Lunæ crescentis disparuit. 25. Jan. vix æquabat stellas magnitudinis septimæ. Si sumantur æqualia hinc inde à Perigeo tempora, capita, quæ temporibus illis in longinquis regionibus posita ob æquales, à terra distantias æqualiter lucere debuissent, in plaga Solis maximè splenduerunt, ex altera Perigei parte evanuerunt. Igitur ex magna lucis in utroque situ differentia concluditur magna Solis & Cometæ vicinitas in situ priore. Nam lux Cometarum regularis esse solet, & maxima apparere, ubi capita velocissime moventur, atque adeò sunt in Perigeis, nisi quatenus ea major est in vicinia Solis.

Ex dictis colligitur, cur Cometæ tantopere frequentant regionem Solis. Si cernerentur in regionibus ultra Saturnum, deberent sæpius apparere in partibus Soli oppositis; forent enim terræ viciniore, qui in his partibus versarentur, & Sol interpositus obscuraret ceteros. Verùm percurrendo historias Cometarum reperi, quòd quadruplo vel quintuplo plures detecti sint in Hemisphærio Solem versùs, quàm in Hemisphærio opposito præter alios procul dubio non paucos quos lux solaris obtegit. Nimirum in descensu ad regiones nostras neque caudas emittunt; neque adeò illustrantur à Sole, ut nudis oculis se prius detegendos exhibeant, quàm sint ipso Jove propiores.

Quòd caput Cometarum corpus solidum sit, constabit consideranti Cometam anni 1680. Nam si nihil aliud essent hæc capita, quàm vapores vel exhalationes terræ, Solis, & Planetarum, Cometa hic in transitu suo per viciniam Solis statim dissipari debuisset. Est enim calor Solis, ut radiorum densitas, hoc est, reciprocè ut quadratum distantie locorum à Sole. Ideoque cùm distantia Cometæ à Sole 8. Decembris ubi in Perigeo versabatur, esset ad distantiam terræ à Sole ut 6. ad 1000. circiter, calor Solis apud Cometam eo tempore erat ad calorem æstivi Solis apud nos, ut 1000 000 ad 36, seu 28000. ad 1. Sed calor aquæ ebullientis est quasi triplo major quàm calor, quem terra arida concipit ad æstivum Solem, ut expertus sum. Et calor ferri candentis, si rectè conjector, quasi triplo vel quadruplo major, quàm calor aquæ ebullientis; adeoque calor quem terra arida apud Cometam in Perigeo versantem ex radiis solaribus concipere posset, quasi 2000. vicibus major, quàm calor ferri candentis. Tanto autem calore vapores & exhalationes, omnisque materia volatilis statim consumitur ac dissipari debuissent. Cometa igitur in Perigeo suo calorem immensum ad Solem concepit, & calorem illum diutissimè conservare potest.

Porro notandum est, quòd Cometa mense Decembri, ubi ad Solem incaluerat, caudam emisit longe majorem & splendidior, quàm antea

mense



menſe Novembri, ubi Perigeum nondum attigerat & univerſaliter caudæ omnes maximæ & fulgentiſſimæ à Cometis oriuntur ſtatim poſt tranſitum eorum per regionem Solis, Conducit igitur calefactio Cometæ ad magnitudinem caudæ. Et inde colligere videor, quod cauda nihil aliud ſit, quam vapor longe tenuiſſimus, quem caput ſeu nucleuſ Cometæ per calorem ſuum emittit.

Cæterum de Cometarum caudiſ triplex eſt opinio; eaſ vel jubar eſſe Soliſ per tranſlucida Cometarum capita propagatum. Vel oriſi ex refractione lucis in progreſſu ipſiuſ à capite Cometæ in terram. Vel denique nubem eſſe ſeu vaporem à capite Cometæ jugiter ſurgentem, & abeuntem in partes à Sole averſas. Opinio prima eorum eſt, qui nondum ſunt imbuti ſcientia rerum opticarum. Nam jubar Soliſ in cubiculo tenebricoſo non cernitur, niſi quatenus lux refleſcitur è pulverum & fumorum particulis per æcẽm ſemper volitantibus, adeoque in ære fumis craſſioribus infecto ſplendiduſ eſt, & ſenſum fortius ferit; in ære clariore tenuiſ eſt, & ægrius ſentitur; in cœliſ autem abſque materia refleſcente nullum eſſe poteſt: lux non cernitur, quatenus in jubare eſt, ſed quatenus refleſcitur ad oculoſ noſtroſ requiritur ergo materia aliqua refleſcens in regione caudæ, ne cœlum totum luce Soliſ illuſtratum uniformiter ſplendeat. Opinio ſecunda multis premitur difficultatibus. Caudæ nunquam variegantur coloribus, qui tamen refractionum ſolent eſſe comiteſ inſeparabileſ. Lux fixarum & Planetarum diſtinctè ad noſ tranſmiſſa demonſtrat, medium cœleſte nulla vi refractiva pollere. Caudaſ autem à capitibus oriſi & in regioneſ à Sole averſaſ aſcendere, confirmatur ex legibus quaſ obſervant. Ut, quod in planis orbem Cometarum per Solem tranſeuntibus jacentes deviant ab oppoſitione Soliſ in eaſ ſemper parteſ, quaſ capita in orbibus illiſ progredientia relinquunt. Quod ſpectatori in hiſ planiſ conſtituto apparent in partibuſ à Sole directè averſiſ; digrediente autem ſpectatore de hiſ planiſ deviatio paulatim ſentitur, & indieſ apparet major.

Quod deviatio cæteriſ paribuſ minor eſt, ubi cauda obliquior eſt ad orbem Cometæ, ut & ubi caput Cometæ ad Solem propiuſ accedit, præſertim ſi ſpectetur deviationiſ anguluſ juxta caput Cometæ. Præterea quod caudæ non deviantes apparent rectæ, deviantes autem incurvantur. Quod curvatura major eſt, ubi major eſt deviatio, & magiſ ſenſibilis, ubi cauda cæteriſ paribuſ longior eſt; nam in brevioribuſ curvatura ægè advertitur. Quod deviationiſ anguluſ minor eſt juxta caput Cometæ; major juxta caudæ extremitatem alteram; atque adeo, quod cauda convexo ſui latere parteſ reſpicit, à quibuſ ſit deviatio, quæque in recta ſunt linea à Sole per caput Cometæ in infinitum ducta. Et quod caudæ, quæ prolixiores ſunt & latioreſ, & luce vegetiore micant, ſint ad latera convexa paulo ſplendidioreſ, & limite minus in diſtincto terminatæ, quàm ad concava. Pendent igitur Phænomena caudæ à motu capitiſ, non autem à regione cœliſ in qua caput conſpicitur; & propterea non ſunt per refractionem cœlorum, ſed à capite ſuppeditante materia oriuntur, etenim: ut in ære noſtro fumus corporiſ cujuſ viſ igniti petit ſuperiora, idque vel perpendiculariter ſi corpus quieſcat, vel obliquè ſi corpus moveatur in latuſ; ita in cœliſ, ubi corpora gravitant in Solem, fumi & vaporeſ aſcendere debent à Sole, & ſuperiora vel recta petere, ſi corpus fumant quieſcit; vel obliquè ſi corpus progrediendo loca ſemper deſerit à quibuſ ſuperioreſ vaporeſ parteſ aſcenderant. Et obliquitaſ iſta minor eſt, ubi aſcenſuſ vaporis velocior eſt, nimirum in viciniâ Soliſ, & juxta corpus fumant. Vaporeſ autem, qui ſpatiſ tam imenſiſ implendiſ ſufficiant, ex Cometarum Atmoſphæriſ oriſi poſſe, intelligitur ex raritate æriſ noſtri. Nam ær juxta ſuperficiem terræ ſpatium occupat quaſi 850. vicibuſ majuſ quàm aqua ejuſdem ponderiſ, ideoque æriſ columna cylindrica pedes 850. alta ejuſdem eſt ponderiſ cum aquæ columna pedali ejuſdem latitudiniſ. Ita Nevvtonuſ.

Whiſtonuſ adjungit tabulam Cometarum ſequentem.

| Annus | Inclin. Orbit<br>° / | Perigeum<br>° | tempuſ Perigei.<br>d h / | motuſ    | Noduſ aſcendens<br>° / |
|-------|----------------------|---------------|--------------------------|----------|------------------------|
| 1337  | 32. 11               | ♄. 5. 79      | Jun. 2. 6. 25            | retrog.  | ♄. 14. 21              |
| 1472  | 5. 20                | ♄. 15. 33     | Febr. 28. 22. 23         | retrog.  | ♄. 11. 46              |
| 1531  | 17. 56               | ♄. 1. 39      | Aug. 24. 21. 18          | retrog.  | ♄. 19. 25              |
| 1532  | 32. 36               | ♄. 21. 7      | Oct. 19. 22. 12          | directuſ | ♄. 20. 27              |
| 1556  | 32. 6                | ♄. 8. 50      | April. 21. 20. 3         | direct.  | ♄. 25. 42              |
| 1577  | 44. 32               | ♄. 9. 22      | Oct. 26. 18. 45          | R—       | ♄. 25. 52              |
| 1580  | 64. 40               | ♄. 19. 6      | Nov. 28. 15. -           | D—       | ♄. 18. 57              |
| 1585  | 6. 4                 | ♄. 8. 51      | Sept. 27. 19. 20         | D—       | ♄. 7. 42               |
| 1590  | 29. 40               | ♄. 6. 54      | Jan. 29. 3. 45           | R—       | ♄. 15. 30              |
| 1596  | 55. 12               | ♄. 18. 16     | Jul. 31. 19. 55          | R—       | ♄. 12. 12              |
| 1607  | 17. 2                | ♄. 2. 16      | Oct. 16. 3. 50           | R—       | ♄. 20. 21              |
| 1618  | 37. 34               | ♄. 2. 14      | Oct. 29. 12. 23          | D—       | ♄. 16. 1               |
| 1652  | 79. 28               | ♄. 28. 18     | Nov. 2. 15. 40           | D—       | ♄. 28. 10              |
| 1661  | 32. 35               | ♄. 25. 58     | Jun. 16. 23. 41          | D—       | ♄. 22. 30              |
| 1664  | 21. 18               | ♄. 10. 41     | Nov. 24. 11. 52          | R—       | ♄. 21. 14              |
| 1665  | 76. 5                | ♄. 11. 54     | April. 14. 5. 15         | R—       | ♄. 18. 2               |
| 1672  | 83. 22               | ♄. 16. 59     | Febr. 20. 8. 37          | D—       | ♄. 27. 30              |
| 1677  | 79. 3                | ♄. 17. 37     | April. 26. - 37          | R—       | ♄. 26. 49              |
| 1680  | 60. 5                | ♄. 22. 39     | Decemb. 8. - 6           | D—       | ♄. 2. 2                |
| 1682  | 17. 56               | ♄. 2. 52      | Sept. 4. 7. 39           | R—       | ♄. 21. 16              |
| 1683  | 83. 11               | ♄. 25. 29     | Jul. 3. 2. 50            | R—       | ♄. 23. 23              |
| 1684  | 65. 48               | ♄. 28. 52     | May. 29. 10. 16          | D—       | ♄. 28. 15              |
| 1686  | 31. 21               | ♄. 17. -      | Sept. 6. 14. 33          | D—       | ♄. 20. 34              |
| 1698  | 11. 46               | ♄. - 51       | Oct. 8. 16. 57           | R—       | ♄. 27. 44              |



Idem Whistonusedidit alium librum de theoria telluris, in quo vult, diluvium generale contigisse per aliquem Cometam naturæ humidæ, qui exoneravit suam caudam in terram, & in suo reditu humorem denuo à terra absterfit. Conflagrationem ultimam mundi etiam futuram per Cometam igneæ naturæ. Quo vix dici potest quidquam lepidius, si enim Cometæ sunt Planetæ solidæ naturæ, quomodo possunt ardere in tanta à Sole distantia? aut quomodo potuit cauda absorbere humorem à terra, si ipsamet erat humidæ naturæ? dein valde mirum est, quod non sapius jam tot inter Cometæ unus ad terram nostram descenderit, si terra movetur inter Martem & Venerem. Cum enim juxta Astronomos Cassinum & Nevvtonum Cometæ descendant infra Jovem, & Martem, cur non habemus eos sapius in nostra vicinia? Itaque ex hoc etiam argumento rejici debet systema Copernicanum, quia nihil unquam molestiæ terra à vicinia cometarum passa est.

6g. 109. Cæterum Catalogum Cometarum ab orbe condito exhibet P. Zhan in suo mundo cœlesti, figuras Cometarum ex eodem aliquas hic adjicio.

## QUÆSTIO. X.

### De Tractibus luminosis in cœlo.

POst considerationem Planetarum merito considerantur quidam tractus luminosi in cœlo, qui aliquando videntur, iterumque disparent; adeoque sunt diversi à via lactea, nec consistunt in cœlo fixarum. Hi tractus luminosi videntur consistere in nubibus hinc inde regione Planetarum vagantibus, quin proin aliquando possunt formare caudam Cometæ, aliquando possunt occultare satellites, aut partes Planetarum minùs luminosas, aut etiam præbere materiam maculis solaribus, si delabantur in Solem instar pluviae. Verùm hæc sunt meæ conjecturæ, quid rei sub sit certitudinis, aut probabilitatis, colligi poterit ex dissertatione inserta Academiæ Regiæ 1702. ubi sic habetur:

Observatio novi phænomeni facta à Maraldo Romæ 2. Martii 1702.

Cum anno 1702. 2. Martii Romæ audirem, die præcedente visum esse Cometam, observatione facta vid. 2. Martii hora 6. vespere longum tractum luminis similem caudæ Cometæ, è crepusculo egredientis. Versus Septentrionem paulò transibat stellam  $\sigma$ . in Balenæ à Bayero notatam, & transibat inter stellam  $\tau$  Eridani, &  $\pi$  Balenæ, se extendendo secundum longitudinem hujus fluvii. Per hunc tractum luminis tralucebat aliqua stella non notata in mappis cœlestibus. Ejus extremitas orientalis erat inter stellam  $\gamma$  Eridani, & orientiorem ejusdem constellationis, quæ sunt in Tropico Capricorni: ab his stellis distabat fere æqualiter; ejus longitudo erat circiter 30. graduum circuli maximi, eaque erat directæ in Solem: latus erat unum gradum; in capite erat latior, sed decrecebat latitudo versùs extremitates. Color erat al-

bicans, qualis est in nube illuminata à Sole. Sequebatur motum stellarum fixarum in Occidentem, respectu quarum non mutabat situm suum intra exiguum observationis meæ spatium; sequentibus enim diebus cœlum erat obductum hoc lumen mihi videbatur simile illi, quod observavit Cassinus initio Martii 1668. videbatur enim in eadem parte cœli, in iisdem constellationibus, & cum iisdem stellis fixis. Habebat etiam prope eandem figuram & eandem longitudinem. Lumen, quod Cassinus 1668. observavit, observatum etiam est in Hispania juxta relationem Chardini, & Goz à P. Landen Jesuita, qui illud vidit à  $\gamma$ . usque ad 21. Martii, & in America Meridionali. Ad S. Salvador, & in maritimis prope Caput Bonæ spei. Observationes insertæ Novellis Romanis, 1668. 1670. 1673. comparatæ cum iis, quæ factæ sunt in Europa, ostendunt, Phænomenon non habuisse sensibilem Parallaxin.

### Reflexiones Cassini.

Phænomenon, quod vidi 1688. habebat eandem figuram & magnitudinem, & erat in iisdem constellationibus, & in eadem distantia à Sole ac Horizonte, iisdem diebus, & horis; habebat etiam eandem directionem in Solem, qui percurrerat idem signum Zodiaci. Illud tamen lumen 1668. respectu stellarum fixarum indies progrediebatur versùs Orientem & versùs Septentrionem. Hoc Phænomenon 1702. prima vice observatum est 26. Februarii Perinaldæ à Maraldo fratre prioris Maraldi vidit illud in Occidente in forma longi radii porrecti ab Occidente in Orientem, & aliquantulum declinantis ab Oriente versùs Septentrionem. Erat Luna quinta, quæ suo lumine sufficienter poterat debilitare hunc radium. Eodem die 26. Februarii hoc lumen observatum est Bononiæ à Manfredi. Vidit illud in forma caudæ Cometæ extensæ in constellatione Balenæ, & desinentis in exiguis stellis Eridani, quæ sunt in Tropico Capricorni. Terminus ejus occidentalis abscondebatur montibus in Horizonte.

Die 27. lumen hoc videbatur ipsi clarius, & ejus extremitas promota inter Septentrionem & Orientem. Transibat paulo supra stellam Balenæ notatam à Bayero per  $\tau$ , & comprehendebatur etiam inter duas stellas Eridani notatas per  $\tau$ . sequentibus diebus videbatur minus clarum ob lumen Lunæ. Vidit tamen, quod accesserit ad stellas magis Orientales & altiores, sic ut ejus extremitas prope accesserit ad constellationem Orionis. Longitudo erat 30. graduum, aut paulò plus: latitudo erat circiter duorum graduum, & extremitas occidentalis erat latior. Judicabat, ejus longitudinem esse directam in Solem maximè ex observatione 26. Febr.

P. Cassani Soc. Jesu scripsit Madrito, mense Martio fuisse conspectum Cometam, cujus color erat valde debilis, & qui tantum per sex dies sine capite visus est.

In tractatu de hoc lumine 1668. à me edito comparavi phænomenon cum illo, quo refert Aristoteles visum esse quando Aristus erat Archita Athenis. habebat



habeatur tunc pro Cometa, cujus caput esset sub Horizonte. Aristoteles dicit, quod tandem visus sit in Occidente in æquinoctiali, & tempore gelido, & quod hoc Phænomenon in dies versus Orientem progressum sit, ac tandem ad cingulum Orionis ascenderit, ubi disparuit, Diodorus Siculus dicit quod fuerit lumen longum instar trabis, Aristoteles & Seneca testantur, quod ob suam longitudinem nomen callis obtinuerit. Inter observationem Aristotelis, quæ contigit anno quarto centesimæ Olympiadis, & nostram 1668 intercedunt anni 2040. qui præcisè sunt 60. periodi 34. annorum quæ periodus etiam intercedit inter 1668. & 1702. Diodorus Siculus refert l. 15. Chaldaeos Babyloniam his trabibus jam dudum attribuisse statutas revolutiones certis temporibus. Tandem Cassinus suspicatur hoc lumen provenire ab effluxu à polo Australi Solis, sicut è polis terræ, & è polis Magnetis dicitur effluere materia magnetica, in quibus illa materia non solum exit perpendiculariter ad axim, sed & cum varia obliquitate ad axim.

## QUÆSTIO XI.

### *De stellis fixis.*

**I**N stellis fixis consideranda est, 1. earum à terra distantia. 2. Multitudo. 3. Motus proprius, quæ omnia à Neotericis tentata sunt.

Distantiam stellæ Sirii, quam verosimile est terræ esse proximam, Cassinus junior determinavit ex Parallaxi annua 4000000 semidiametrorum terrestrium. Verum cum Sect. 1. C. 2. jam ostenderim, hanc Parallaxin esse figmentum, nulla exinde datur ratio determinandi stellarum fixarum distantiam. Hugenius aliam viam conjecturalem mensurandi fixarum distantias aggressus est. Supponit Sirium Soli æqualem; dein tentavit, qua ratione Solis Diametrum ita quoad oculum imminuere posset, ut non major aut splendidior Sirio nobis appareret. quem in finem tubi vacui aperturam alteram lamella tenuissima occlusit, cujus medio tam exiguum effecit foramen, ut objecto uno globulo vitreo minutissimo parstantilla Solaris Diametri oculo ad alteram tubi extremitatem posito appareret, ut tandem lux Solis ad oculum transmissa non major ea aut splendor videretur, quam è Sirio emissam nudis oculis contuemur quo in casu non majorem Diametri Solaris partem quam vigesies septies millesimam usurpari animadvertit. Unde cum corporum æqualium & similitum Diametri apparentes sint eorum distantii tantum non reciproce proportionales, ex his colligit Sirium septuplo vigecuplo & millecuplo magis quam Solem à nobis distare. Qua quidem mensurandi ratione vix minori quam sesquibillionum milliarium intervallo distantia fixarum erit æstimanda. Verum nemo est, qui non videat hanc mensurandi rationem esse lusum, quo nullus nisi libenter errans decipitur de motu stellarum fixarum proprio con-

*R. D. Ensch. Amort, Philosophia.*

stat, varias habere regularem periodum. In Actis Acad. Reg. 1706. Maraldus sic discurrit. Præterito sæculo detectæ sunt in constellatione Balenæ & Cygni duæ stellæ quæ apparent ac disparent secundum regulares periodos. Tertia talis nunc à me reperta est in constellatione Hydræ, quæ juxta observationes per aliquot annos à me factas habet easdem proprietates. Hæc stella non reperitur in Bayero, aut aliis mappis ac catalogis fixarum antiquioribus. Sed inter observationes Manuscriptas Montanari Roma mihi à Bianchino communicatas reperitur, quod mense Aprili 1672 notaverit stellam quartæ magnitudinis in linea recta cum duabus caudæ Hydræ ultimis, ab harum ultima tantum remotam versus Orientem, quantum illa remota est ab antepenultima. Comparando has mappas cum cælo mense Aprili 1703 nec nudis oculis, nec telescopiis hanc stellam invenire potui, quamvis adhibuerim omnem attentionem possibilem. Sic duo anni transierant, quibus eam nunquam reperire potui; tandem verò illam vidi in Observatorio Regio initio Martii 1704. eodem loco, in quo ante 34 annos à Montanaro notata fuerat. Equabat stellæ quartæ magnitudinis, & erat pulchrior quam antepenultima in constellatione Hydræ. Sub eadem ferè magnitudine apparuit usque ad initium Aprilis ejusdem anni. Postea sensim decrevit, transeundo per diversos gradus magnitudinis & luminis usque ad finem Maji ejusdem anni, ubi ex oculis nudis disparuit telescopio tamen adhuc per integrum mensem visa est, sed semper decrecebat, donec penitus disparuerit. Ex eo tempore hanc stellam semper in cælo inquisivi, quoties serenum erat; nunquam tamen illam vidi, nisi ad finem Novembris 1705. quando hæc pars cæli emerit ex radiis Solaribus. Tunc erat adeo debilis, ut non potuerit videri, nisi tantum telescopiis. Ex eo tempore semper decrevit, sic ut ad finem Januarii 1706 ne quidem telescopiis amplius videri potuerit. Inter observationes Hevelii repertum, quod 18. & 19 Aprilis 1662. observavit distantiam stellæ Hydræ ad duas alias, quarum una est in genu Serpentarii, altera in lucida Serpentis. Illa distantia eadem est, ac ea, quam in mea stella reperi. Pro intervallo explicando 8. 34. & 42. annorum; qui inter has observationes Hevelii, Montanari, & meam intercesserunt optimè adhibetur periodus duorum annorum; sed datur tamen magna inæqualitas in hac periodo, nam à prima ejus disparitione, quam observavi, usque ad secundam intercedunt 26. menses; à secunda verò usque ad tertiam tantum 18. similes inæqualitates observantur in reditu stellarum Balenæ & Cygni, quamvis ordinariè stella Balenæ redeat intra undecim menses, stella Cygni intratredicim menses. Hæc apparitio & occultatio stellarum potest explicari per hypothesein D. Bouvillaudi, qui supponit in his stellis unam partem esse luminosam, alteram obscuram; itaque dum revolvuntur circa suum axim, aliquando terræ obvertetur pars obscura, aliquando verò pars clara, eaque successive; & si axis diversis annis habuerit diversam inclinationem, proveniet periodorum inæqualitas.

Oo ooo

In Actis



In Actis Acad. Reg. 1709. Maraldus suam dissertationem de mutatione stellarum fixarum hoc modo prosequitur stella Hydræ, quæ aliquamdiu disparuit, iterum anno 1708. apparuit. Videri desinit ad finem Februarii 1706. tubo 12. pedum prius à mense Novembri observata. De novo visa est 18. Aprilis 1708. jam satis magna ac sensibilis videlicet in forma stellæ sextæ magnitudinis. Circa medium Martii eo leconihil adhuc vidi. 11. Maji pervenit ad suam maximam claritatem, in qua mansit usque ad 5. Junii, postea decrevit usque ad finem Junii. Intervallum inter apparitionem anni 1705. mense Novembri & hanc est 30. mensium. Ejus etiam apparens magnitudo inæqualitibus subjecta est. Anno 1704. in sua maxima claritate æquabat stellas quartæ magnitudinis, quod & factum est 1708. sed anno 1706. erat valde debilis nec poterat videri, nisi telescopiis. Ex hoc posset conjici ejus periodum ad phasin maximam esse quatuor annorum; sed observatio Montanari, qui eam observavit 1670 mense Aprili ut stellam quartæ magnitudinis, cum hac periodo non convenit.

Mutationes, quæ observantur in Hydra, Cygno, & Balena, possunt servire ad explicandas alias similes stellarum fixarum mutationes, antiquitus vel ab aliis observatas. Leovicius dicit: reperiri in Historiis anno 945. tempore Ottonis primi Imperatoris fuisse observatam in constellatione Cassiopeæ novam stellam similem illi, quæ suo tempore 1572. apparuit, & apud Astronomos adeo celebrata est. Addit 1604. in parte septentrionali cœli circa Cassiopeam visam esse stellam magnam & lucidam sine capillitis & quæ non habebat motum proprium.

Cuspinianus refert, anno Christi 339. apparuisse stellam magnam instar Veneris in Cygno, quæ post tres hebdomadas disparuit. Hinc & sæculo præterito bis apparere & disparere visæ sunt stellæ in pectore Cygni præter eam, quæ singulis annis apparet ac disparet in collo Cygni.

Ab aliquo tempore observatæ sunt in magno numero plures tales stellæ subjectæ mutationibus, quin adhuc dici possit, an habeant periodum regularem vel non. Non amplius videtur stella sextæ magnitudinis, quam Bayerus notat in pectore Leonis per litteram I.

Immediatè sub manu australi Virginis Bayerus collocat duas stellas, unam quintæ magnitudinis alteram sextæ. Stella quintæ magnitudinis adhuc cernitur in eodem statu, sed stella sextæ magnitudinis ne quidem telescopiis amplius invenitur.

Ricciolus stellam sextæ magnitudinis collocat in coxa boreali Virginis; non erat notata à Bayero, & apparet defacto,

Ab aliquot annis non amplius discernitur ullum vestigium stellæ sextæ magnitudinis, quam Bayerus notat in lance occidentali in gradu 12.20'. Scorpionis, cum latitudine septentrionali 3°.

Tycho & Bayerus reperiunt stellam quartæ magnitudinis in lance orientali Libræ. Hevelius dicit, quod disparuerit: nihilominus eam vidi à quindecim annis, minorem tamen, quàm Tycho & Bayerus notaverat.

Stella quartæ magnitudinis, quam Cassinus detexit in constellatione Leporis, adhuc manet in eodem statu.

Cassinus & Halleius observârunt, quod stella tertiæ magnitudinis, quæ erat in coxa posteriori sagittarii, disparuerit: quamvis ego illam sæpius quæsierim, non potui illam tamen videre nisi abhinc à decem annis, ubi nudo oculo inspecta apparuit ut stella sextæ magnitudinis & telescopio inspecta visa est esse composita ex duabus stellis, quarum una distabat ab altera 35. minutis in latitudine.

In Actis Acad. Reg. 1713. de stella variabili in pectore Cygni idem Maraldus his verbis discutrit:

Sæculo præterito in constellatione Cygni detectæ sunt tres stellæ subjectæ diversis mutationibus. Prima est, quæ apparuit anno 1600. in pectore Cygni, æqualis stellæ tertiæ magnitudinis. Primitus observata est à Snafonio, dein à Bayero, Kepplero, & aliis Astronomis illorum temporum. Continuo in eadem magnitudine observata est usque ad annum 1621. referente Glorioso, ut proin visibilis fuerit per 22. annos. Ex eo tempore non habetur observatio usque ad annum 1629, in quo Argolus annotat, quod disparuerit. Erat etiam invisibilis ab anno 1640. usque ad annum 1650. prout testatur Ricciolus. Sed anno 1654. jam creverat: Hevelius enim illam hoc anno observavit, ut stellam tertiæ magnitudinis. In ea claritate permansit per tres annos, hoc est, usque ad initium anni 1660, quo cœpit perdere suam claritatem, & ubi perseveravit minui sensim per duos annos, repta est sextæ magnitudinis ad finem anni 1661. dein disparuit totaliter juxta observationes Hevelii, & postquam per quatuor annos fuerat invisibilis, cœpit iterum apparere ad finem anni 1665. ut minima stellula. Ex eo tempore quidem crevit, ut notat Hevelius, sed nunquam pervenit ad majorem magnitudinem, quàm est stella quintæ aut sextæ magnitudinis; sicut & ego eam per plures annos observavi, & in quo statu nunc etiamnum apparet.

Secunda stella in eadem constellatione, quæ & ipsa diversis mutationibus subjecta est, est sub rostro Cygni ea observata est ut stella tertiæ magnitudinis à P. Anthelmo Cartusensi Divionensi ad finem Junii 1670, quando quærebat priorem stellam pectoris. Dein observata est à Cassino & Piccardo, qui brevi advertebant eam deficere, sic ut 11. Julii vix amplius fuerit quartæ magnitudinis. Uno postea mense tantum erat quintæ magnitudinis, & ad medium Octobris penitus disparuit. Postquam per sex menses fuerat invisibilis, P. Anthelmus eam de novo vidit 17. Martii 1671, ut stellam quartæ magnitudinis. Cassinus eam vidit crescere, usque dum superavit stellas tertiæ magnitudinis. Postquam paululum decreverat, rediit ad priorem magnitudinem, sic ut intra unum mensem bis apparuerit ut stella tertiæ magnitudinis prima vice ad initium Aprilis, secunda vice ad initium Maji. Dein decrevit usque ad finem Julii ejusdem anni, ubi iterum fuit invisibilis. Ex eo tempore hæc stella nunquam amplius visa est, quamvis à variis Astronomis multis annis sollicitè quæsitæ fuerit.

Præter has duas stellas, quarum apparitio est valde irregularis, datur tertia in collo Cygni, quæ singulis annis crescit ac decrescit satis regulari periodo, aliquot mensibus apparet, reliquis disparet. Ab antiquioribus Astronomis nulla facta



facta illius est mentio, Bayerus 1603, eam primus notavit ut stellam quintæ magnitudinis, eamque recenset inter omittas ab antiquioribus.

Hevelius, qui 1670. facit exactam descriptionem constellationis Cygni occasione novæ stellæ, quæ tunc apparuit, eam non annotat, quia forte eotempore erat invisibilis, quo ille suam descriptionem fecerat. Kircherus 1686. mense Julio eam non reperit, sed mense Octobri ejusdem anni iterum eam vidit ut stellam quintæ magnitudinis. Factis pluribus continuis observationibus conclusit ejus periodum esse tredecim mensium. Ego verò ex observationibus per 20. annos circa eam continuatis deprehendi ejus periodum esse 405. dierum cum dimidio. Pro phasi maximæ claritatis Epocha potest sumi 1. Sept. 1695. aut 20. Apr. 1712. observandum tamen, eam non semper servare æquale dierum intervallum inter suas apparitiones; aliquando enim illud intervallum & tredecim mensium, aliquando quatuordecim. Aliquando ac plerumque est visibilis per duos menses, nonnumquam autem tantum per unicum; nunquam, ex quo ego illam observavi diutius fuit visibilis, quam per duos menses cum dimidio; dantur etiam anni, in quibus ferè omnino non apparuit eo tempore, quo debuisset esse in sua maxima claritate, quod contigit 1700. & 1701. Kirchius idem observavit 1688. & 1689. variat etiam hæc stella quoad apparentem magnitudinem; nam sæpe in sua maxima claritate visa est ut stella quartæ magnitudinis, aliquando ut quintæ, aliquando tantum ut sextæ magnitudinis. Nihilominus ex observationibus meis 26. annorum constat, quod ejus periodus sit regularis.

In Actis Acad. Reg. 1719. idem Maraldus de stella variabili Balenæ sic discurret.

Stella variabilis in constellatione Balenæ apparuit initio anni 1718. postquam per quatuor annos fuerat invisibilis, eo quod phasis maximæ suæ claritatis contingerit, quando erat immersa radiis solaribus. Primo Januarii cœpit videri ut stella septimæ magnitudinis visa nudo; dein ad finem Januarii, postquam per diversos gradus claritatis eundo creverat, visa est ut media Arietis, ut proin intra mensem ad magnitudinem stellæ tertie magnitudinis creverit. In hoc statu mansit, usque dum obiecta fuerit crepusculo ad initium Martii. Ad finem Julii, ubi ea pars cœli è crepusculo emergerat, non amplius visa est usque ad 3. Decembris. Hoc enim die non obstante claritate Lunæ visa est ut stella sextæ aut quintæ magnitudinis, ad quam magnitudinem aliàs non solet esse in prima apparitione. Hinc censeo, jam circa finem Novembris eam videri potuisse, nisi nubes observationi obstitissent. Mense Decembris usque ad 9. Januarii 1719. Sic crevit, ut jam ferè æqualis fuerit stellæ secundæ magnitudinis, qualis est clarior inter tres stellas in capite Balenæ. Uno circiter mense in hoc statu mansit. Dein decrevit, donec 14. Martii, quo crepusculum subiit, jam fuerit minor stella tertie magnitudinis. Itaque in eodem anno 1718. bis apparuit. Intervallum inter primam & secundam apparitionem est 335. dierum, seu undecim mensium, Quæ periodus confirmatur ex 90. anno-

R. D. Euseb. Amort. Philosophia.

rum observationibus, quamvis & hæc ipsa habeat suas inæqualitates.

Ultra has inæqualitates quoad periodum observata sunt etiam aliæ variationes quoad ejus magnitudinem, & durationem apparitionum. Non enim singulis annis redit ad eandem claritatem; quibuldam annis est æqualis stellis secundæ magnitudinis, imò verò eas etiam superat; aliquando est ut stella tertie, & aliquando ut stellæ quartæ magnitudinis, nondum reperi quoad has varietates regularem periodum; nam aliquando apparuit ut stella secundæ magnitudinis post intervallum 4. annorum, aliàs 5. & etiam 7. annorum. Observatum etiam est, eam minori tempore indigere pro suo incremento, quam pro decremento; nam post primam apparitionem per 15. aut 20. dies pertingit ad suam maximam claritatem, quam habet stella secundæ magnitudinis, sed postquam incipit decrescere, indiget 30. aut 40. diebus usque ad suam omnimodam disparitionem. Nec ea diversitas tantum est quoad nudum oculum, sed etiam quoad telescopia; quia longo tempore telescopiis eam adhuc stellam observare potius, postquam oculo inermi disparuerat, sed nunquam eam telescopiis lustrari potui, nisi tantum paucis antea diebus, antequam oculo inermi apparuit. Tempus etiam, intra quod apparuit, non omnibus annis fuit æquale, longissima apparitio erat quatuor mensium cum dimidio, ut factum est 1660. à 1. Sept. usque ad 20. Januarii anni sequentis, & 1710. à 20. Sept. usque ad 10. Februarii 1711. duratio brevissima erat trium mensium & aliquot dierum, ut factum 1661. à 23. Julii usque ad 1. Nov. & 1702. ab ultimo Julii usque ad finem Octobris; media duratio est quatuor mensium, & hoc fit ordinariè. Observavi etiam, stellæ apparitionem esse longiorem illis annis, in quibus attingit majorem gradum claritatis; econtrà eam brevior esse illis annis, in quibus tantum pervenit ad claritatem stellæ tertie aut quartæ magnitudinis. Inæqualitates apparitionis possunt partim provenire à claritate Solis, vel Lunæ, quibus nonnumquam est propior, vel à revolutione stellæ circa axin, vel à fluxu aut refluxu materiæ lucis, quæ est in stella. Illius apparitio inveniri poterit, si pro ejus anticipatione annua sumantur 35. dies, & pro Epocha primæ apparitionis sumatur apparitionis initium. 1. Januarii 1718. pro Epocha verò ejus maximæ claritatis sumatur 15. Januarii 1719. Hæc variationes merentur observari magna attentione, quia possunt lumen præbere ad systema Universi. Ita Maraldus.

Addo nonnullas observationes de stellis illi, quæ simplici visu apparent per motum unius, vel per telescopia inspectæ apparent compositæ ex variis stellis diversæ nonnumquam magnitudinis.

Talis est stella in cauda Ursæ majoris notata à Bayero per g. prope stellam ζ nudo oculo videtur esse una stella nebulosa, sed per telescopium 11. pedum majori stellæ adhæret alia minor valde exigua; distantia utriusque vix est Diameter stellæ minoris.

2 Nebulosa in secunda gladii Orionis, ubi duæ stellulæ distant ab invicem duabus ferè unius stellulæ Diametris.



3. In capite Cygni similes duæ distant ab invicem paulò plus duabus unius Diametris.

4. Cassinus in Actis Acad. Reg. 1707, in dissertatione de Cometis tales duas reperit in constellatione Sagittæ, diversæ magnitudinis, parum tamen distantes ab invicem ascensio recta earum  $299^{\circ}$  declinatio  $20^{\circ} 8'$ .

5. Idem ibidem annotat stellulam sextæ magnitudinis quæ est inter sagittam & collum Cygni, quæ etiam componitur ex duobus. Declinatio  $24^{\circ} 19'$  ascensio recta  $297^{\circ} 27'$ .

6. Item l. cc. notat stellulam sextæ magnitudinis, quæ componitur ex pluribus stellulis. tres cæteris lucidiores sunt. Ascensio recta hujus stellæ est  $299^{\circ} 39'$  declinatio Septentrionalis  $25^{\circ} 57'$  longitudo in Aquario  $7^{\circ} 59'$  latitudo  $45^{\circ} 46'$  idem affirmat in actis 1708. mihi fol. 434.

7. Maraldus in Actis Acad. 4 17. in diss. de transitu Jovis annotat stellam secundæ magnitudinis in fronte Scorpii, quæ die 23. Aprilis 1710. componebatur ex duabus stellis diversæ magnitudinis; distabant ab invicem duabus Diametris majoris stellæ.

8. In Actis Acad. 1720, Cassinus Junior occasione transitûs Lunæ observavit stellam tertiæ magnitudinis, quæ in pectore Virginis annotatur per  $\gamma$ . eatubo 16. pedum inspecta dividebatur in duas, quæ tantum distabant una Diametro unius stellæ. sed per occultationem earum, quæ intra semisecundum minutum temporis contigit, reperit, distantiam earum fuisse 30. Diametros unius stellæ, prout jam Sect. 1. C. ostendi.

## SECTIO IV.

### *De Natura, Declinatione, ac Inclinatione Magnetis.*

**D**Um egimus de Cælis, ac Systemate Universi; rectè subjungitur consideratio de Magnete. quia & ista ad Systema Universi pertinet. Edidit P. R. G. Nicasius Grammatici S. D. Ingolstadii 1723. Theſes, in quibus ponit 1. Polum Magnetis non multum distare à superficie terræ, nec eum multò esse depressum infra terræ superficiem. 2. Eundem moveri ab Oriente in Occidentem in circulo ad Equatorem parallelo, sed à Polo Arctico octo gradibus, duobus minutis distito. 3. Si longitudo desumatur ab Insula Ferri, longitudinem Poli Magnetici ad initium anni 1723. fuisse  $308^{\circ} 30'$  seu à Meridiano Parisiensi, cujus longitudo ponitur  $20^{\circ} 30'$  erit  $72^{\circ}$  in Occasum. 4. Motum annum poli Magnetici esse  $1'$ .  $12'$ . 5. Polum Magneticum Austrinum à Polo Australi  $20^{\circ}$  circiter & hujus motum annum esse  $31'$ . Ex his datis facile in quovis loco erui potest trigonometricè declinatio Magnetis, supposito videlicet, quod Acus Magnetica recta tendat versùs polum magneticum, & non potius ejus directio dependeat à duabus vel tribus viribus motricibus. Hæc ingeniosa inventio præbuit mihi occasionem, de hac recogitandi. Itaque facta discussione in hanc hypothesin incidi.

1. Præter aerem, & subtilem ætherem datur tertium quid, nempe materia magnetica.

2. Materia magnetica consistit in globulis subtilissimis spiritualiter sulcatis.

3. Materia hæc magnetica penetrat per totam terram, replet aerem, & extenditur supra terram ferè integra Diametro terræ.

4. Sicut omnia liquida conglobantur circa centrum proprium, ut patet ex guttulis pluvie & Mercurii, ita etiam materia magnetica habet suum centrum proprium, in quod omnes partes hujus materiæ gravitant.

5. Centrum illud materiæ magneticæ est prope Polum Septentrionalem.

6. Per revolutionem diutnam totius universi etiam movetur materia magnetica versùs Occidentem, sed motu adeò lento ob suam adhesionem ad terram, ut vix per diem promoveatur semiminuto.

7. Per hunc motum massæ magneticæ simul omnes globuli materiæ magneticæ rotantur circa axem proprium; dumque arcu sibi invicem adherent, necesse est, ut ob sulcos spirales instar cochlearum se invicem evolvant; & sic fiet ut una globulorum linea tendat versùs Septentrionem altera in Austrum.

8. Quando materia magnetica transit per poros corporum latiores, ea relinquit immota; quando verò pori corporum instar cochleæ globulis sulcatis congruunt, tunc materia magnetica ea corpora secum eò defert, quo ipsius motus dirigitur.

9. Hinc quia Magnes affricus ferro, sic poros ferri limitat, Acus Magnetica tendit versùs Septentrionem, vel si spiræ fuerint inversæ, versùs Austrum.

10. Major est vis materiæ magneticæ strictim per poros corporum adactæ; hinc etiam mutat directionem motûs juxta dispositionem pororum per talia corpora transeuntium. v. g. Acus Magnetica non tendit versùs Septentrionem in præsentia Magnetis, quia materia magnetica per polos Magnetis transiens fortius agit, quàm ea, quæ in libero aere transit. 11. Cum Acus Magnetica recta feratur versùs centrum seu polum materiæ magneticæ, isque cum tota massa magnetica revolvatur circa terram, necesse est, ut polus magneticus modo reperiatur aliquando in Oriente, aliquando verò in Occidente; aliquando supra nos, aliquando in inferiore hemisphærio infra nos.

12. Hinc & Acus Magnetica aliquando *declinat* in Orientem, aliquando in Occidentem; aliquando inclinatur infra Horizontem; alicubi verò attollitur supra Horizontem. Ut verò accuratius declinatio ac inclinatio Magnetis in quovis loco à priori



priori inveniri possit tentavi methodum per delineationem organicam reperiendi declinationem magneticam. Ea methodus sic habet :

1. Repræsentet discus A B C D hemisphærium terrestris septentrionale. O sit Polus Arcticus. Circulus A B C D sit Equator.

2. Polus magneticus revolvatur circa Polum Arcticum in figura ovali  $\alpha\beta\gamma\delta$ , sic tamen ut hic polus magneticus distet à Polo Arctico circiter viginti gradibus; adeoque ut circulus revolutionis centri magnetici non multum distet à circulo polari Boreali.

3. Axis major orbitæ ovalis magneticæ positus sit immobiliter in Meridiano Parisiensi, ad gradum longitudinis vigesimum, sumendo primum Meridianum in Insula Fer. adeoque Apogæum orbitæ magneticæ erit etiam immobile. Cujus suppositi ratio fortè esse poterit, quia circa illum Meridianum transeuntem per Africam, Galliam, Angliam, latent sub terra plures mineræ ferri, ad quas materia magnetica copiosius confluat.

4. Motus annuus poli magnetici ab Apogeo ad Perigeum sit  $1^{\circ} 36'$ , à Perigeo verò ad Apogæum  $1^{\circ} 12'$ .

5. Orbita magnetica ovalis tres partes contineat 1. semicirculum  $\alpha\gamma\beta$ . 2. Duos octantes  $\beta\gamma$  &  $\delta\mu$ , 3. Quadrantem  $\mu\alpha\gamma$ .

6. Anomalia poli magnetici numerando ab a versus  $\mu$  ponatur fuisse

|                | motus annuus |
|----------------|--------------|
| 1580. 257° 56' | 1. 1. 36.    |
| 1610. 293. 57. | 2. 3. 14.    |
| 1620. 305. 57. | 3. 4. 48.    |
| 1630. 318. —   | 4. 6. 24.    |
| 1640. 330. —   | 5. 8. —      |
| 1650. 342. —   | 10 16. —     |
| 1660. 354. —   | 20. 32. —    |
| 1665. — —      |              |
| 1685. 32.      |              |
| 1695. 48.      |              |
| 1705. 64.      |              |
| 1715. 80.      |              |

7. Exhibeatur in alia figura quadrans disci terrestris CBD, divisus secundum gradus latitudinis, à cuius polo Septentrionali distet polus magneticus semidiametro terræ &  $\frac{2}{3}$  talis semidiametri.

8. Ut jam reperiatur declinatio magnetica pro quovis loco sume 1. Anomaliâ poli magnetici ad quemvis annum. Sit ea v.g. Parisiis anno 1705.

64°. A P. 2. à locò poli magnetici duæ perpendicularæ ad Meridianum loci, qui in hoc casu coincidunt cum axe majore orbitæ magneticæ. sit ea perpendicularis P R. 3. distantia P R. transferatur in parallelum Parisiensem, vel loci alterius dati in figura secunda. Ea linea designabit gradus declinationis magneticæ pro illo anno.


Eodem modo proceditur in aliis Meridianis, qui facile vel ope regulæ mobilis, vel ope fili ex centro Oeducti determinari possunt. Hoc solum nota, gradus anomalix non esse sumendus in Equatore, sed in ovali, sic ut quadrans, quamvis portio minima hujus figuræ ovalis contineat  $90^{\circ}$  octantes tantum  $45^{\circ}$  quod mirum esse non debet, quia ibi curvatura major, ibi difficilior, adeoque & tardior est motus.

Si quis uti vellet calculo trigonometrico, sic procederet.

Sit semidiameter terræ DO = 100000 semidiameter orbitæ magneticæ  $\delta\theta$  = 40000  $\delta\beta$  axis minor orbitæ magneticæ = 80000. adeoque  $\beta\mu$ ,  $\mu\delta$  =  $\delta\beta$  = 80000,  $\delta\epsilon$  =  $\beta\epsilon$  = radii  $\square\square$  =  $\square\square$  = 56568.  $\mu\epsilon$  =  $\nu\epsilon$  =  $\beta\mu$  -  $\beta\epsilon$  =  $\delta\gamma$  -  $\delta\epsilon$  =  $\epsilon\alpha$  = 23432. Sit jam inveniendâ distantia poli magnetici PM à Meridiano BD. 1. Ex dato anomalia P innotescit angulus PBT adeoque dato angulo recto PTB & hypotenusa BP invenitur latus PT. 2. In triangulo PTO dato angulo recto & latere TP angulo TOP = duplo anguli  $\delta\beta\mu$  invenitur hypotenusa PO. 3. In triangulo rectangulo PMO data hypotenusa OP & angulo POM = summæ angulorum POT &  $\delta\theta\mu$  = complemento differentix Meridianorum LOB invenitur PM. 4. Ex nota ista differentia poli magnetici à Meridiano loci & distantia poli magnetici à parallelo loci invenitur in figura secunda in triangulo PAR angulus PAR declinatio quæsitâ.

Systema hoc declinationis magneticæ in plerisque casibus satis prope attingit declinationem, qualis reperitur per experientiam ubi verò recedit id adscribendum mineris ferri in tali provincia delitescentibus.

Veritas Systematis probatur ex observationibus inclinationis & declinationis magneticæ, quas subnecto ut verò sciamus, quid alii in hac re cogitent, addo insuper cogitationes Hallei de variatione Magnetis; & Systema Semdleri. Plura dabit Wolfius in Experimentis. & Acad.Reg. 1717.





## Declinationes Magnetis in insula Merdangponti Insula Fer.

| Longit. | Latid.      | Declin.      | Annus.    | Loca                        | Citationes                 |
|---------|-------------|--------------|-----------|-----------------------------|----------------------------|
| 0       | 0           | 0            |           |                             |                            |
| 1       | 30.         | S 4.         | W 1706    | In Mari.                    | L'Acad. 1710. 476          |
| 1       | 30          | 35. 35 S 4.  | 35 W 1708 |                             | ibid. 471                  |
| 1       | 40          | 3. 15 S 2.   | W 1706    |                             | ibid. 472                  |
| 2       | 20          | 33. — S 4.   | 30 W 1706 |                             | ibid.                      |
| 2       | 30          | 33. 12 S 5.  | W 1706    |                             | ibid.                      |
| 3       | —           | 5. 30 A 1.   | — O 1706  |                             | ibid.                      |
| 3       | 20          | 7. 15 S 2.   | 30 W 1707 |                             | ibid. 477                  |
| 3       | 30          | 1. 21 S 2.   | 30 W 1706 |                             | ibid. 472                  |
| 3       | 40          | 47. — S 8.   | — W 1709  |                             | ibid. 477                  |
| 3       | 48          | 46. 51 S 7.  | 20 W 1707 |                             | ibid. 472                  |
| 4       | —           | 4. 30 A —    | — W 1706  |                             | ibid. 477                  |
| 5       | 10          | 46. 50 S 7.  | 50 W 1709 |                             | ibid. 472                  |
| 5       | 36          | 15. — A —    | — W 1708  |                             | ibid. 473                  |
| 5       | 45          | — 40 S 3.    | 30 W 1706 |                             | ibid. 477                  |
| 5       | 54          | 44. 45 S 7.  | 20 W 1707 |                             | ibid. 472                  |
| 6       | 30          | 33. 45 S 6.  | — W 1709  |                             | ibid. 472                  |
| 7       | 12          | 16. 45 A —   | — 1699    |                             | ibid. 1701. 11. 1704. 459  |
| 7       | 45          | 34. 40 A 3.  | 15 O 1703 |                             | ibid. 1705. 10.            |
| 8       | —           | 7. 50 A 1.   | — O 1678  | In Insula Ascensionis.      | Acta Erudit. 1684.         |
| 8       | —           | 8. 30 A —    | — 1705    |                             | L'Acad. 1708. 229          |
| 8       | 30          | — — — 4.     | 30 W 1706 |                             | ibid. 1710. 477            |
| 8       | 45          | 7. 5 A 6.    | — O 1706  |                             | ibid. 84                   |
| 9       | 15          | 38. 40 S 7.  | 30 O 1600 | Ulyssipponæ                 | Acad. Reg. 1684. 254 &     |
| 9       | 15          | 38. 40 S 7.  | 39 O 1638 | ibid.                       | Problema (1712.            |
| 9       | 15          | 38. 40 S 6.  | 30 O 1639 | ibid.                       | Acad. Reg. 1684. 254.      |
| 9       | 15          | 38. 40 S 6.  | 30 W 1706 | ibid.                       | Problema                   |
| 10      | —           | 44. 45 S 8.  | — W 1709  | 120. Leucis à Littor. Gall. | L'Acad. 1710. 471          |
| 10      | —           | 40. 35 A —   | — 1707    |                             | ibid. 480                  |
| 13      | —           | 48. 23 S 1.  | 45 W 1680 | Brest.                      | Acta Erud. 1684.           |
| 13      | 1           | 45. 7 S 6.   | 40 W 1709 |                             | L'Acad. 1710. 471          |
| 13      | 40          | 39. 50 A 2.  | — W 1707  |                             | ibid.                      |
| 14      | —           | 47. 50 S 5.  | — W 1704  | Port Louis                  | ibid. 1708. 221            |
| 14      | —           | 16. — A —    | 40 O 1677 | Insula S. Helenæ,           | Acta Erud. loc. cit.       |
| 15      | —           | 51. 30 S 1.  | 30 W 1656 | Prope Bristolam             | Acta Londin. 1668. 602     |
| 15      | —           | 16. — A 1.   | 30 W 1705 | Prope Insulam S. Helene     | L'Acad. 1708. 229          |
| 17      | —           | 43. 30 S 1.  | 20 W 1680 | Bajonæ                      | Acta Erud. loc. cit.       |
| 17      | 42          | 51. 30 S 11. | 30 O 1580 | Londini,                    | L'Acad. 1692. 82           |
|         |             | 6. 10 O 1612 | ibid.     |                             | Hartfœker. 173             |
|         |             | 6. — O 1622  | ibid.     |                             | Acta Erud. & du Hamel de   |
|         |             | 4. — O 1633  | ibid.     |                             | latit. Paris. 237          |
|         |             | 4. 5 O 1634  | ibid.     |                             | ibid.                      |
|         |             | — — — 1667   | ibid.     |                             | ibid.                      |
|         |             | — 30 W 1667  | ibid.     |                             | ibid.                      |
|         |             | 2. 30 W 1672 | ibid.     |                             | Acta Londin. 429           |
|         |             | 4. 30 W 1683 | ibid.     |                             | Acta Erud.                 |
| 18. 40  | 38. 40 A 4. | — W 1707     | In Mari   |                             | ibid.                      |
| 20 —    | 48. 50 S 8. | — O 1610     | Paris.    |                             | L'Acad. 1710. 480          |
|         |             | 4. 30 O 1630 | ibid.     |                             | Hartfœker. 172             |
|         |             | 3. — O 1640  | ibid.     |                             | Acta Londin. 1667 427      |
|         |             | 1. — O 1660  | ibid.     |                             | L'Acad. 1692. l. c.        |
|         |             | — 10 O 1661  | ibid.     |                             | Acta Lond. l. c.           |
|         |             | — 5 O 1662   | ibid.     |                             | ibid.                      |
|         |             | — 40 O 1664  | ibid.     |                             | ibid.                      |
|         |             | — — — 1666   | ibid.     |                             | L'Acad. 1705. 135          |
|         |             | 1. — W 1670  | ibid.     |                             | ibid. & 1692. & Acta Erud. |
|         |             | 2. 40 W 1680 | ibid.     |                             | ibid.                      |
|         |             | 2. 30 W 1681 | ibid.     |                             | ibid.                      |
|         |             | 3. 30 W 1682 | ibid.     |                             | Acta Erud.                 |
|         |             |              |           |                             | L'Acad. 1692. & 1704. 459  |

Longit.



| Long. | Latit.      | Declin.  | Annus. | Loca                         | Citationes.           |
|-------|-------------|----------|--------|------------------------------|-----------------------|
| 20.   | 48. 50 S.   | 3. 50 W  | 1683   | Paris.                       | L'Acad. 1705. 173     |
|       |             | 4. 10 W  | 1684   | ibid.                        | Acad. Reg. 1684. 242  |
|       |             | 4. 10 W  | 1685   | ibid.                        | L'Acad. 1692. & 1705. |
|       |             | 4. 20 W  | 1686   | ibid.                        | ib.                   |
|       |             | 4. 30 W  | 1686   | ibid.                        | ibid. 1705. l. c.     |
|       |             | 4. 30 W  | 1687   | ibid.                        | ibid. 1700. 103       |
|       |             | 4. 30 W  | 1688   | ibid.                        | ibid.                 |
|       |             | 4. 40 W  | 1691   | ibid.                        | ibid.                 |
|       |             | 5. 50 W  | 1692   | ibid.                        | ib. 1705. l. c.       |
|       |             | 6. 48 W  | 1695   | ibid.                        | Hartfæcker. 171       |
|       |             | 7. 8 W   | 1696   | ibid.                        | L'Acad. 1705. l. c.   |
|       |             | 7. 40 W  | 1698   | ibid.                        | ibid.                 |
|       |             | 8. 10 W  | 1699   | ibid.                        | ibid. 1700. 10        |
|       |             | 8. 12 W  | 1700   | ibid.                        | ibid. 1701. 14        |
|       |             | 8. 25 W  | 1701   | ibid.                        | ibid. 1705. l. c.     |
|       |             | 8. 48 W  | 1702   | ibid.                        | ibid. 1702. 8         |
|       |             | 9. 6 W   | 1703   | ibid.                        | ibid. 1704. 6         |
|       |             | 9. 15 W  | 1704   | ibid.                        | Hartfæcker. l. c.     |
|       |             | 9. 35 W  | 1705   | ibid.                        | L'Acad. 1706. 4       |
|       |             | 9. 48 W  | 1706   | ibid.                        | ibid. 1707. 5         |
|       |             | 10. 15 W | 1709   | ibid.                        | ibid. 1709.           |
|       |             | 10. 50 W | 1710   | ibid.                        | ibid. 1711.           |
|       |             | 10. 15 W | 1711   | ibid.                        | ibid. 1712. 276       |
|       |             | 11. 15 W | 1712   | ibid.                        | ibid. 1713. 4         |
|       |             | 11. 12 W | 1713   | ibid.                        | ibid. 1714. 7         |
|       |             | 11. 30 W | 1714   | ibid.                        | ibid. 1715. 4         |
|       |             | 11. 10 W | 1715   | ibid.                        | ibid. 1716. 6         |
|       |             | 12. 20 W | 1716   | ibid.                        | ibid. 1717. 6         |
|       |             | 11. 45 W | 1716   | ibid.                        | ibid.                 |
|       |             | 12. 20 W | 1716   | ibid.                        | ibid.                 |
| 24.   | 10 36. — A  | 3. — W   | 1703   | ibid.                        | ibid. 1705. 10        |
| 20.   | — 48. 50 S  | 12. — W  | 1722   | Paris. ubi iterum decrefcit. |                       |
| 23.   | 10 38. 5 A  | 7. — W   | 1707   | In Mari.                     | L'Acad. 1710. 480     |
| 26.   | 2 49. 20 S  | 6. 10 O  | 1638   | Heidelberg                   | Probl.                |
| 27.   | — — —       | 11. 30 W | 1708   |                              | L'Acad. 1710. 47      |
| 27.   | 5 34. — A   | — — W    | 1684   |                              | ibid. 1692. 84        |
| 28.   | 40 49. 27 S | 11. — W  | 1703   | Norimbergæ                   | ibid. 1709. 77        |
|       |             | 11. — W  | 1709   | ibid.                        | ibid.                 |
|       |             | 12. 30 W | 1722   | ibid.                        | Probl.                |
| 28.   | 50 48. 46 S | 4. 30 O  | 1640   | Ingolftadii                  | ibid.                 |
|       |             | 12. 15 W | 1722   | ibid.                        | ibid.                 |
|       |             | 1. 10 W  | 1657   | Bononiæ                      | ibid.                 |
| 29.   | 30 44. 30 S | 11. 15 O | 1607   | Romæ                         | L'Acad. 1692. l. c.   |
| 30.   | 30 45. 50 S | 5. — W   | 1681   | ibid.                        | Acta Erud. l. c.      |
|       |             | 10. — W  | 1702   | ibid.                        | Probl.                |
| 30.   | 35 55. 34 S | 2. 35 W  | 1672   | Uraniburgi                   | Acta Erud. l. c.      |
| 30.   | — 12. 30 A  | 10. 30 W | 1704   |                              | L'Acad. 1708. 225     |
| 30.   | 30 55. 40 S | 1. 30 O  | 1649   | Hafniæ                       | Acta Erud.            |
|       |             | 3. 35 W  | 1672   | ibid.                        | ibid.                 |
| 32.   | 40 36. 20 A | 9. — W   | 1707   |                              | L'Acad. 1700 480      |
| 36.   | 15 56. — S  | 7. 20 W  | 1670   | Gedani                       | Probl.                |
|       |             | 7. — W   | 1679   | ibid.                        | Acta Erud. l. c.      |
| 37.   | — 35. — A   | 7. 15 W  | 1680   | C. Bonæ Spei                 | L'Acad. 1708 226      |
|       |             | 8. 30 W  | 1684   | ibid.                        | Hartfæcker 173        |
|       |             | 12. 30 W | 1702   | ibid.                        | L'Acad. 1705. 111     |
|       |             | 8. — W   | 1707   | ibid.                        | ibid. 1710. 480       |
|       |             | 10. — W  | —      | ibid.                        | ibid. 229             |
| 37.   | 50 35. — A  | 1. 30 W  | 1600   | C. J'aigniller.              | ibid. 1712. 25        |
|       |             | 10. — W  | 1639   | ibid.                        | ibid. 1705. 15        |
|       |             | 12. — W  | 1684   | ibid.                        | ibid. 1692. 84        |
|       |             | 13. — W  | 1704   | ibid.                        | ibid. 1708. 226       |
|       |             | 13. — W  | 1708   | ibid.                        | ibid.                 |

Longit.



| Longit. | Latit. | Declin.  | Annus.        | Loca                       | Citationes        |
|---------|--------|----------|---------------|----------------------------|-------------------|
| o /     | o /    | o /      |               |                            |                   |
| 38 50   | 35. —  | A 2. —   | W 1622        | Propel. d'aiguiller.       | Acta Erud. Lc.    |
|         |        | 8. —     | W 1675        | ibidem.                    | ibid.             |
| 53. 30  | 35. 35 | A 35. 30 | W 1703        |                            | L'Acad. 1705. 10  |
| 56. —   | 4. —   | A 16. —  | W 1675        | Inf. Mombacæ.              | Acta Erud.        |
| 58. —   | 10. —  | A 22. 30 | W 1704        | In Canali.                 |                   |
| 58. —   | 25. —  | A 22. 30 | W 1704        | Mozambaico                 | ibid.             |
| 59. —   | 12. 15 | A 19. 30 | W 1675        | S. Johannæ                 | Acta Erud.        |
| 62. 30  | 13. —  | S 13. —  | W 1674        | Aden in Ostio maris rubri. | ibid.             |
| 63. —   | 27. —  | A 27. —  | W 1702        | Madagascar.                | L'Acad. 1705. 111 |
| 66. 30  | 33. 30 | A 24. 30 | W 1707        |                            | ibid. 1710. 480   |
| 67. 15  | 33. 10 | A 24. 30 | W 1705        |                            | ibid. 1708. 229   |
| 69. —   | 32. 50 | A 25. 30 | W 1703        |                            | ibid. 1705. 10    |
| 70. —   | 12. 30 | A 17. —  | W 1674        | De Socatraz.               | Acta Erud.        |
| 71. 30  | —      | —        | W 1704        |                            | L'Acad. 1708. 227 |
| 74. 15  | 27. 15 | A 24. 30 | W 1705        |                            | ibid. 228         |
| 75. 30  | 25. —  | A 23. 30 | W 1705        |                            | ibid.             |
| 74. —   | 22. —  | A 21. 45 | W 1705        |                            | ibid.             |
| 76. —   | 20. —  | A 20. 30 | W 1676        | Inf. Diego Roiz.           | Acta Erud.        |
| 77. —   | 21. —  | A 21. —  | W 1705        | Inf. S. Mauritii.          | L'Acad. 1708. 228 |
| 79. —   | 20. —  | A 16. 30 | W 1705        | Inf. Diego Rodriguez.      | ibid.             |
| 90. —   | 74. —  | S 33. —  | W 1597        | Nov. Zembla.               | ibid. 1692.       |
| 93. —   | 53. —  | A 17. —  | O 1670        | Ad Fretum Magellanicum.    | Act. Erud.        |
| 93. —   | 40. 30 | A 19. 30 | O 1706        |                            | L'Acad. 1710.     |
| 94. —   | 15. 30 | S 17. —  | W 1600        | Goz.                       | L'Acad. 1692. 89  |
|         |        | 15. —    | W 1622        | ibid.                      | L'Acad. 1685.     |
|         |        | 9. —     | W 1675        | ibid.                      | ibid.             |
|         |        | 6. 40    | W 1706        | ibid.                      | Problema          |
| 95. —   | 8. —   | S 7. 30  | W 1704        | C. Comorin.                | L'Acad. 1708. 227 |
| 97. —   | 38. —  | A 23. 30 | W 1677        | Inf. S. Pauli.             | Acta Erud.        |
| 96. 35  | 22. 40 | A 15. —  | W 1703        |                            | L'Acad. 1705. 10  |
| 98. 30  | 28. —  | A 19. —  | W 1703        |                            | ibid.             |
| 98. —   | 13. 15 | S 8. 10  | W 1680        | Fort S. Georgii.           | Act. Erud.        |
| 98. 20  | 11. 52 | S 7. —   | W 1689        | Ponticherg.                | L'Acad. 1692.     |
| 98. 50  | 11. 52 | S 4. 45  | W 1703        | Pontischerg.               | ibid. 1708. 224   |
| 100. —  | 16. 30 | S 6. 30  | W 1704        | In Littor. Malab.          | ibid. 227         |
| 101. —  | 17. —  | S 5. —   | W 1704        | Coromandel.                | ibid. 228         |
| 105. 20 | 14. 40 | A 4. 45  | W 1703        |                            | ibid. 1705. 10    |
| 106. 40 | 1. 20  | A 4. —   | W 1703        |                            | ibid.             |
| 110. —  | 8. —   | S 3. —   | W 1704        | Inf. Undaman.              | ibid. 1708. 227   |
| 110. —  | 12. —  | S 3. —   | W 1704        | & Nicobar.                 | ibid.             |
| 119. —  | 14. 50 | S 4. 30  | W 1688        | à Louro.                   | ibid. 1692. 11    |
| 121. —  | 14. 50 | S 4. 45  | W 1688        | ibid.                      | ibid.             |
| 125. 20 | 34. —  | S 3. 15  | W 1689        | Singanfu                   | ibid.             |
| 131. —  | 23. 28 | S — —    | — 1600        | Cantone.                   | ibid. 1712. 26    |
| 133. 40 | 40. —  | S 2. —   | O 1722        | Pekini                     | Problema          |
| 160. —  | 42. 25 | A — —    | — 1642        | Van Ciemens                | Act. Erud.        |
| 195. —  | 34. 35 | A 8. 40  | O 1642        | Inf. 3. Regum.             | ibid.             |
| 196. —  | 40. 50 | A 9. —   | O 1642        | in N. Zelandia.            | ibid.             |
| 200. —  | 20. 15 | A 6. 20  | O 1642        | Inf. Roterodami.           | ibid.             |
| 292. —  | 53. 37 | A 13. —  | O 1707        |                            | L'Acad. 1708. 379 |
| 292. 30 | 56. 42 | A 17. —  | O 1707        |                            | ibid.             |
| 293. —  | 21. 30 | S 8. 20  | W 1680        |                            | Acta Erud.        |
| 294. 20 | 9. 33  | S 7. 25  | O 1704        | Porto Belo.                | L'Acad. 1708. 9   |
| 295. —  | 48. 58 | A 13. —  | O 1707        |                            | ibid. 380         |
| 296. 57 | 14. 1  | A 7. —   | O 1707 & 1607 |                            | ibid. 379         |
| 297. 30 | 30. 30 | A 5. —   | O 1707        |                            | ibid. 1710. 478   |
| 298. 42 | 56. 6  | A 20. —  | O 1707 & 1607 |                            | ibid. 1708. 378   |
| 299. —  | 31. 49 | A 8. —   | O 1707        |                            | ibid. 379         |
| 300. 30 | 44. 49 | A 12. —  | O 1707        |                            | ibid. 380         |
| 300. 55 | 36. 30 | A 10. —  | O 1707        |                            | ibidem.           |

Longir.



| Longit. | Latid. | Declin.  | Annus | Loca              | Citationes.        |
|---------|--------|----------|-------|-------------------|--------------------|
| 0       | 0      | 0        |       |                   |                    |
| 300. —  | 12. —  | A 6. —   | 1707  | Collao            | P' Acad. 1710. 478 |
| 301. —  | 13. —  | A 6. 30  | 1707  | Bisco             | ib.                |
| 301. 40 | 13. 6  | A 7. —   | 1707  |                   | ib. 1708 379       |
| 302. —  | 40. 30 | A 6. —   | 1707  |                   | ib. 1710.          |
| 302. —  | 52. 50 | A 23. —  | 1707  | Galleque          | ib.                |
| 302. 30 | 57. 40 | A 26. —  | 1706  |                   | ib.                |
| 303. —  | 44. 45 | A 7. —   | 1707  |                   | ib.                |
| 303. —  | 11. 30 | S 7. 6   | 1704  | Prope S. Marthe.  | ib. 1708. 7        |
| 304. —  | 57. 10 | A 26. —  | 1706  |                   | ib. 1710. 478      |
| 305. —  | 78. —  | S 57. —  | 1716  | In Sinu Baffinii  | Acta Erud.         |
| 306 30  | 19. —  | S 12. —  | 1676  | Bombay            | ib.                |
| 306 30  | 30. 30 | A 7. —   | 1707  |                   | P' Acad. 1710. 478 |
| 306 30  | 52. —  | A 22. —  | 1707  |                   | ib.                |
| 307 —   | 44. 45 | A 12. —  | 1707  |                   | ib.                |
| 307 —   | 45. 8  | S 10. 10 | 1709  |                   | ib. 475            |
| 307 30  | 37. 10 | A 9. 30  | 1707  | Conception.       | ib. 478            |
| 307 —   | 51. 25 | A 23. 10 | 1683  | J. Sebald         | ib. 1708. 381      |
|         |        | 23. —    | 1608  | ib.               | ib.                |
|         |        | 23. —    | 1708  | ib.               | ib.                |
| 307 —   | 40. —  | A 8. 10  | 1670  | Maldivæ           | Act. Erud.         |
| 307 50  | 47. —  | S 16. —  | 1649  | Quebec            | P' Acad. 1692. 87  |
|         |        | 15. 30   | 1686  | ib.               | ib.                |
| 308 —   | 10. 30 | S 6. 40  | 1704  | Prope P. Cabeille | ib. 1708. 7        |
| 308 30  | 34. —  | A 8. —   | 1707  | Valparaife        | ib. 1710. 478      |
| 308 30  | 40. 30 | A 9. —   | 1707  |                   | ib.                |
| 308 30  | 52. 40 | A 20. —  | 1707  |                   | ib.                |
| 310 —   | 43. —  | S 5. —   | 1707  |                   | ib. 1708. 225      |
| 310 —   | 61. —  | S 29. 30 | 1668  |                   | Acta Erud.         |
| 311 —   | 32. 30 | S —. —   | 1700  | Bermudes          | P' Acad. 1712. 25  |
| 312 —   | 52. 19 | A 23. —  | 1707  |                   | ib. 1708. 379      |
| 313 42  | 31. 30 | S —. —   | 1699  |                   | P' Acad. 1701. 11  |
| 316 30  | 14. 43 | S 4. 10  | 1682  | Martinique        | ib. 1704. 458      |
|         |        | 6. 5     | 1704  | ib.               | ib. & 1708. 380    |
|         |        | 6. 10    | 1706  | ib.               | ib. 1708. 19       |
| 317 30  | 28. —  | S 1. 30  | 1709  |                   | ib. 1710. 473      |
| 318 30  | 49. 50 | A 18. —  | 1707  |                   | ib. 479            |
| 320 —   | 70. —  | S 30. —  | —     | In Fretto Clavis  | ib. 1692. 83       |
| 322 30  | 45. —  | S 7. 30  | 1707  | Prope Terram N.   | ib. 1708. 229      |
| 323 15  | 32. 15 | S 4. 10  | 1709  |                   | ib. 1710. 475      |
| 325 —   | 40. 30 | A 19. 30 | 1706  |                   | ib. 478            |
| 326 10  | 49. —  | A 16. —  | 1707  |                   | ib. 479            |
| 327 16  | 36. —  | S 5. 8   | 1708  |                   | ib. 471            |
| 327 —   | 5. —   | S 5. 30  | 1700  | Cajenz            | ib. 1704. 459      |
|         |        | 11. —    | 1672  | ib.               | ib. 1692. 89       |
| 328 —   | 40. 30 | A 19. 30 | 1706  |                   | ib. 1710. 478      |
| 330 30  | 36. 50 | S 7. 10  | 1709  |                   | ib. 475            |
| 336 30  | 46. 50 | A 14. —  | 1707  |                   | ib. 479            |
| 340 30  | 45. 50 | A 13. —  | 1707  |                   | ib. 476            |
| 342 —   | 23. 29 | A 11. 40 | 1706  |                   | ib. 479            |
| 342 40  | 45. 20 | A 12. —  | 1707  |                   | ib. 479            |
| 344 30  | 45. 5  | A 11. —  | 1707  |                   | ib. 472            |
| 342 16  | 43. 45 | S 13. —  | 1709  |                   | ib. 472            |
| 345 —   | 40. —  | S 4. 15  | 1705  | J. Corve          | ib. 1708. 228      |
| 347 10  | 44. 40 | A 10. —  | 1707  |                   | ib. 1710. 480      |
| 347 14  | 20. 44 | A 7. 30  | 1706  |                   | ib. 1708. 378      |
| 348 20  | 44. 20 | A 8. —   | 1707  |                   | ib. 1710. 480      |
| 350 —   | 41. —  | A 6. 30  | 1703  |                   | ib. 1705. 10       |
| 352 40  | 11. 15 | A 1. 30  | 1703  |                   | ib.                |

P p p p

Longit.



| Longit. | Latid. | Declin. | Annus  | Loca | Citationes.       |
|---------|--------|---------|--------|------|-------------------|
| 355 10  | 27. 58 | S 4. 32 | W 1708 |      | P Acad. 1710. 471 |
| 355 15  | 16. 30 | A 2. 30 | O 1704 |      | ib. 1708 225      |
| 355 30  | 18. —  | A 3. 30 | O 1704 |      | ib.               |
| 355 30  | 23. —  | A 3. 30 | O 1704 |      | ib.               |
| 355 30  | 23. —  | A 11. — | O 1682 |      | ib.               |
| 356 —   | 5. 20  | A 1. —  | O 1703 |      | ib. 1705. 10      |
| 357 10  | 43. 20 | A 4. —  | O 1707 |      | ib. 1710. 480     |
| 358 —   | 5. 40  | S 1. 30 | W 1703 |      | ib. 1705. 10      |
| 358 30  | 28. —  | A 6. —  | O 1704 |      | ib. 1708. 225     |
| 358 30  | 18. 15 | S 2. 30 | W 1706 |      | ib. 1710. 476     |
| 359 —   | 36. —  | S 3. —  | W 1706 |      | ib.               |
| 358 30  | 22. —  | S —     | — 1704 |      | ib. 1708. 225     |
| 359 —   | —      | —       | — 1705 |      | ib. 229           |
| 359 30  | 6. —   | S 2. —  | W 1706 |      | ib. 1710. 476     |
| 359 12  | 2. —   | S —     | — 1699 |      | ib. 1701. 11      |
| 359 45  | 45. 20 | S 11. — | W 1709 |      | ib. 1710. 471     |

## LITTERAE P. KASTNER.

Reverende in Christo Pater.

**S**cripsi ad P. Reverendum initio hujus anni ex urbe Goana remittens catalogum Inclinationum Magneticarum; quas per longum & tortuosum iter nostrum Indicum Ulyssipone usque Goam observavimus, spero eas litteras ad manus pervenisse; nunc subjungo alterum catalogum eandem Inclinationum, quas Goa usque Macaum observavimus.

Advertendum autem est primò, Acum Magneticam directè super lineam Meridianam constitutam variè inclinari vel ex parte sui Australi, vel ex Boreali, prout diversa est latitudo vel Australis vel Borealis, pro diversa item longitudine, prout ex hoc catalogo apparet.

Advertendum 2<sup>o</sup> Acum carere omni Inclinatione non quidem sub ipso Æquatore, sed, prope primum Meridianum quidem sub latitudine Australi aliquot graduum, at verò prope Meridianum Macaensem sub latitudine Boreali; adeoque hæc acus æquilibratio pro variatione longitudinis sub diverso sit etiam latitudinis gradu, prout omnia catalogus ipse accuratius demonstrat.

Advertendum est 3. Si mutetur Instrumentum, ita, ut pars ejus, quæ respiciebat Meridiem, respiciat directè Boream, acus nullatenus se ex parte sui Boreali reducit ad Boream sub eadem Inclinatione, quam prius habuerat, sed vel redit quidem ad Boream, magis tamen inclinatur, vel omninò manet ex parte Meridionali, sed cum maxima Inclinatione; & quo Inclinator est major, eo major etiam est hæc differentia, ut item ex catalogo nostro apparet, saltem si sistatur intra 50. gradum latitudinis.

Advertendum est 4. Acum, prout variè amovetur à linea Meridiana, ita etiam semper magis mutare, & augere suas Inclinationes, & quomodo hæc Inclinationes per 10. singulos Azimuthi gradus

mutentur Ulyssipone & Goæ, jam alias ad P. Reverendum transcripti, nunc etiam mitto easdem variationes observatas Cantone.

Advertendum est denique 5. Gradus Inclinationis observatos in navi, quamvis omni possibili diligentia eos sumpserimus, ob motus tamen quandoque vehementiores navis, adeò exactè utique sumi non potuisse, quin non quandoque aliquod dubium fuerit intra unum gradum vel minuta; præcipue id quandoque contingit in iis Inclinationibus, quæ fiebant inverso instrumento: nam hæc in aliquibus circumstantiis admodum variabant, ut gradus Inclinationis vix determinari posset: in terra dein adverti, quòd id fortè inde venerit, quia sub aliquibus Inclinationibus, præcipue quæ circa 45. gradum & circa 90. fiunt, acus admodum lentè ad suum se gradum stabilem reducat, & facillimè quovis motu ab eo per plures etiam gradus recedat. Longitudinis item notata in nostro catalogo pleræque sunt ex phantasia, prout scilicet in navigatione haberi possunt.

Animadvertis his, quæ non ex una, sed adeò multiplici ac constanti observatione collegi, eaque novà plane & quam ego saltem sub hac amplitudine apud nullum Authorum vidi, inde mihi videbatur, has pariter, utcunque novas conclusiones deduci posse.

Conclusio 1. Polus, quem respiciunt regulariter, saltem & à potiori Acus Magneticæ (nam de privatis aliquot casibus hic non loquimur, qui ex aliis causis per accidens in certis circumstantiis vel locis contingunt) non potest esse Polus globi terræ, quæi communis, qui correspondet Polo mundi. Videtur id mihi satis certò colligi ex advertendo 2. & omnibus observationibus circa Magnetem: ubi autem



autem talis Polus ponendus sit, forte ex combinatione harum Inclinationum cum aliis principis, quæ tradunt Kircherus, Ricciolus, Cabaus, Gilbertus, & alii, poterit suo tempore deduci.

Conclusio 2. Varia Acûs Magneticæ declinatio (de qua tanta est inter Authores quæstio, & quam eruditè pro toto ferè mundo prioribus annis in sua *totius terrarum orbis tabula nautica variationum magneticarum India* orbi exhibuit D. Edmundus Halley) videtur regulariter saltem & per se loquendo (abstrahendo iterùm à particularibus casibus, duabus causis posse attribui. 1. Distantiæ polimagnetici à polo globi terraquei, ut dixi modò superius. 2. Impedimento quod ponitur acui positi Horizontaliter, quo minùs etiam competentem sibi inclinationem tunc habere possit. Hæc secunda causa, quæ genuina mihi satis certò videtur, & quam saltem adhuc non legi in aliis, probatur 1. si Acus Inclinatoria à situ suo competenti & meridionali amovetur, prout per plures vel pauciores gradus amovetur, magis vel minus mutat suam inclinationem, ut patet ad oculum ex nostris observationibus factis Ulyssipponæ, Goæ, Cantone per singulos decem Azimuthi gradus; id ipsum in plurimis aliis locis probavi, & quivis experiri ad evidentiam poterit, ergo pari ratione, si acus Horizontaliter posita ab Inclinatione sua adeoque situ connaturali impeditur, mutabit suam declinationem. Et hujus asserti fortè demonstratio ulterior haberi poterit ex Acu ita suspensa per capillum, vel aliundè, ut liberè ac sine resistantia & inclinari possit, & versùs suos polos dirigi (quam quidem experientiam necdum sumere potui.) Probatur tamen idem assertum 2. ex ipsa acui Inclinatoria, nam cùm Cantone hanc primò quidem in situ Horizontali locarem, deinde verò juxta suam Inclinationem ad partem Australem attollerem, observavi ejus directionem in Boream per gradum circiter & dimidio mutari à Borea in occasum, ergo cùm suam Inclinationem non habuisset, ultra gradum variabatur ejus declinatio plura de his aliorum etiam observationes facilè detegent.

Confirmatur idem assertum primò, quòd declinationes acûs majores à potiori inventantur in partibus, quarum latitudo est major; at verò circa Equatorem plerumque modicæ sunt declinationes, neque excedunt, ubi maximæ sunt, 16<sup>rum</sup> gradum, cùm in majoribus latitudinibus etiam ad 28. gradus vel plures accedant. Item, à potiori ferè (licèt non universaliter) crescente latitudine, cæteris paribus, crescit declinatio: id scilicet videtur congruè assignari huic principio, quod etiam in majoribus latitudinibus à potiori & respectivè Inclinatio sit major, adeoque acus, quo magis impeditur ab Inclinatione sua, eò magis declinet.

Confirmatur 2. A diversitate declinationum in diversis acubus, immò quandoque in eadem, ita ut pro diversitate aëris modo gravioris vel levioris etiam eadem acus saltem modicè observata sit mutare declinationem: nam juxta modò dicta, quo acus magis vel minus impeditur à situ suo competenti, hoc magis vel minus declinationem, quæ illi ob distantiam poli sui magnetici à polo globi terraquei competit, mutat, adeoque etiam à suo polo declinat.

Atque huc forte etiam reduci poterit illa variatio. R. D. Euseb. Amort. Philosophia.

tiodeclinationum, quæ in eodem loco quandoque etiam per eandem acum observata dicitur; fortè ea, si non totaliter, saltem partialiter provenit ex acui per accidens aliquod diversimodè à sua inclinatione impedita. Plura alia tempus & curiosa observatio detegere poterit. Et hinc etiam demum videtur ex combinatione duorum à nobis dictarum causarum facilius posse intelligi & explicari illa aliquo modo regularis, diversissima tamen, & mirabilis declinationum magneticarum varietas in toto mundo.

Conclusio 3. Diversitas illa Inclinationum acûs, dum vel una, vel altera pars Instrumenti obvertitur Boreæ quam diversitatem per totum Catalogum annoto, inde venit, quòd dum una pars instrumenti obvertitur Boreæ, pars acûs tacta Magnete respiciat terram, dum verò mutato Instrumento altera ejus pars vertitur in Boream, si pars borealis acûs iterùm revertatur ad Boream, necessariò latus fricatum debet inverti, & respicere sursum, quod est contra situm naturalem acûs, adeoque jam non poterit ad competentem sibi inclinationem reduci; & cùm pars tacta exigat respicere terram, si mutato Instrumento impediatur, vel penitus ea non revertitur ad Boream, quod ferè fit in latitudinibus Europæ, vel saltem multò magis inclinatur quia pars superior acûs exigit respicere terram; & hoc diversimodè fit, prout vel exigentia Inclinationis vel directionis ad Boream prævalet.

Iste discursus confirmatur ex aliis observationibus, quas mihi dedit Acus Inclinatoria; nam multoties probavi & hæc acus Horizontaliter cum suo Instrumento posita nunquam eandem Inclinationem monstrabat, neque eundem Meridianum, quem alia acus communis Horizontalis etiam exhibebat. Ratio hujus est, quia si hæc acus cum suo Instrumento Horizontaliter ponitur, pars tacta Magnete nequit respicere terram, sed necessariò respicit vel Occasum vel Ortum. Præterea in Fretò Malaccensi aliquoties aliam sumpsi experientiam; posui acum Horizontaliter, ita ut pars fricata Magnete respiceret ortum, & notavi lineam ejus; verti dein instrumentum, ita ut pars acûs tacta Magnete respiceret occasum, & semper observavi, quòd linea acûs in hoc posteriori situ cum linea priori nullatenus congrueret, sed faceret angulum circiter 4. graduum.

Hæc sunt, quæ hæcenus vel observavi, vel ex observatis deduxi; nam ulteriorem harum observationum combinationem facere necdum potui, tempore destitutus; ea tamen, volente Deo, ubi otium fuerit, mihi reservo.

Interim de his ipsis, quale sit Eruditorum judicium, & imprimis P. Viri libentissimè scirem.

Restat autem in primis examinare, quomodo per diversam acûs inclinationem mutetur declinatio.

Hæc ex dictis interim colligo 1. partem acûs tactam debere semper respicere Horizontem. 2. Pro varia æquilibratione acûs variari ejus declinationem. 3. Ad hoc, ut acus directè vergat ad Polum, nec declinet à suo polo, neque aliam declinationem à vera Meridiana indicet, nisi quæ illi competit ob distantiam sui poli à polo mundi, debet insuper habere competentem sibi Inclinationem: & vice versa, ut monstret præcisè competentem sibi Inclinationem, debet directè respicere suum polum. Hæc ex dictis sequuntur, &c. Me commendo. Cantone. 6. Sept. 1707.

CASPARUS CASTNER.

PPPPP 2

Inclina-



Inclinationes Acūs Magneticæ per varios Rhumbos observatæ anno 1707. 29. Augusti in China Cantone, cujus latitudo  $23^{\circ}$ . —. longitudo  $132^{\circ}$ .

Sunt autem hi Rhumbi præcisè sumpti incipiendo à Meridiano, quem indicat acus, nec attendendo ad ejus declinationem.

*Pars Borea directæ versa ad Boream suam Inclinetur  $10^{\circ}$ .  $10'$ .*

| Si pars Borea vertatur in ortum |                    |     | Si pars borea vertatur in occasum. |                    |     |
|---------------------------------|--------------------|-----|------------------------------------|--------------------|-----|
| 0                               | Inclinatio         |     | 0                                  | Inclinatio         |     |
| 10                              | $10^{\circ}$ .     | 20' | 10                                 | $10^{\circ}$ .     | 15' |
| 20                              | 11                 | —   | 20                                 | 10                 | 30  |
| 30                              | 11                 | 50  | 30                                 | 10                 | 50  |
| 40                              | 12                 | 40  | 40                                 | 11                 | 30  |
| 50                              | 13                 | 50  | 50                                 | 12                 | 30  |
| 60                              | 15                 | 40  | 60                                 | 14                 | 10  |
| 70                              | 19                 | 15  | 70                                 | 17                 | —   |
| 80                              | 23                 | 15  | 80                                 | 21                 | 10  |
| 90                              | 31                 | 40  | 90                                 | 28                 | —   |
| Ab ortu in Meridiem.            |                    |     | Ab occasu in Austrum.              |                    |     |
| 10                              | 34                 | 50  | 10                                 | 34                 | 20  |
| 20                              | 38                 | 30  | 20                                 | 48                 | 50  |
| 30                              | 53                 | 50  | 30                                 | pars Borea 71      | —   |
| 40                              | 76                 | 5   | 40                                 | redit ad Boream 80 | 50  |
| 50                              | pars Borea 93      | 20  | 50                                 | & Inclinetur 53    | 40  |
| 60                              | redit ad Boream 84 | 50  | 60                                 | 49                 | 10  |
| 70                              | & Inclinetur 49    | 40  | 70                                 | 45                 | —   |
| 80                              | 44                 | 50  | 80                                 | 42                 | 40  |

Si pars Instrumenti, quæ priùs respiciebat Boream respiciat Austrum, pars Borea acūs reversa ad Boream ut ante dictum Inclinetur  $42^{\circ}$ . —

*Inclinationes partis Borealis Acūs Magneticæ 1707.*

| Mensis | Borea    |           | Si pars Instrumenti Borea vertatur. |           | Terra visa |       |
|--------|----------|-----------|-------------------------------------|-----------|------------|-------|
| Majus  | Latitudo | Longitudo | Declinatio acūs                     | In Boream | In Austrum |       |
| 17     | 13.      | — 95.     | 30                                  | 9         | 2.         | —     |
| 18     | 11.      | — 96.     | —                                   | —         | 7.         | —     |
| 19     | 10.      | 59 96.    | 59                                  | —         | 40         | 14.   |
| 20     | —        | —         | —                                   | —         | —          | —     |
| 21     | 8.       | 35 97.    | 40                                  | —         | 5.         | 30    |
| 22     | 7.       | 30 99.    | —                                   | —         | 7.         | — 33. |
| 23     | 6.       | — 100.    | 42                                  | 8         | 8.         | 30    |
| 24     | 5.       | 33 102.   | 32                                  | 7         | 10.        | — 41. |
| 25     | 5.       | 44 104.   | 37                                  | —         | 10.        | — 39. |
| 26     | 5.       | 46 106.   | 43                                  | 6         | 9.         | — 39. |
| 27     | 5.       | 46 108.   | 49                                  | —         | 8.         | 40    |
| 28     | 5.       | 50 110.   | 55                                  | 5         | 8.         | 30    |
| 29     | 5.       | 10 112.   | 30                                  | 4         | 7.         | — 37. |
| 30     | 5.       | 20 114.   | —                                   | —         | 7.         | — 37. |
| 31     | 5.       | 55 115.   | 55                                  | 3         | 8.         | 40    |

In conspectu Achem.



Inclinationes partis Australis Acus Magneticæ.

| Mensis<br>Junius                      | Borea    |    | Longit. | Declin. | Si pars Instrumenti Borea vertatur |            |    | Terra villa. |
|---------------------------------------|----------|----|---------|---------|------------------------------------|------------|----|--------------|
|                                       | Latitudo |    |         |         | In Boream                          | In Austrum |    |              |
| 1                                     | 5        | 40 | 116     | 14      | 3                                  | 9          | 41 |              |
| 2                                     | 5        | 25 | 116     | 33      |                                    | 10         | 42 |              |
| 3                                     | 5        | 10 | 116     | 52      |                                    | 9          | 41 | 30           |
| 4                                     | 4        | 55 | 117     | 12      |                                    |            |    |              |
| 5                                     | 4        | 40 | 117     | 40      |                                    | 9          | 30 | 42           |
| 6                                     | 4        | 5  | 118     | —       |                                    | 10         | 30 | 42           |
| 7                                     | 3        | 58 | 118     | 7       |                                    | 10         | 30 | 43           |
| 9                                     | 3        | 44 | 118     | 21      |                                    | 11         | —  | 45           |
| 14                                    | 3        | 20 | 118     | 52      |                                    | 11         | 50 | 44           |
| 15                                    | 3        | 20 | 119     | 9       |                                    | 12         | 10 | 47           |
| 16                                    | 3        | 20 | 119     | 27      |                                    | 12         | 50 | 47           |
| 17                                    | 3        | 20 | 119     | 45      |                                    | 12         | 20 | 45           |
| 18                                    | 3        | 9  | 120     | 3       |                                    | 12         | —  | 45           |
| 19                                    | 2        | 58 | 120     | 24      |                                    | 12         | 40 | 46           |
| 20                                    | 2        | 47 | 120     | 39      |                                    | 13         | —  | 47           |
| 21                                    | 2        | 35 | 121     | —       |                                    | 13         | 20 | 47           |
| 22                                    | 2        | 26 | 121     | 6       |                                    | 13         | 50 | 49           |
| 23                                    | 2        | 22 | 121     | 8       |                                    | 14         | 10 | 44           |
| 24                                    | 2        | 20 | 121     | 8       |                                    | 14         | 30 | 44           |
| 26                                    | 2        | 8  | 121     | 20      | 2                                  | 20         | 13 | —            |
| 27                                    | 1        | 50 | 121     | 50      |                                    | 12         | 30 | 46           |
| 28                                    | 1        | 35 | 122     | 5       |                                    | 11         | 30 | 46           |
| 29                                    | 1        | 25 | 122     | 20      |                                    | 14         | —  | 46           |
| 30                                    | 1        | 15 | 122     | 40      |                                    | 15         | —  | 46           |
| In anchoris prope Pulo Vereira        |          |    |         |         |                                    |            |    |              |
| In conspectu Insularum de Aru         |          |    |         |         |                                    |            |    |              |
| In conspectu Insularum Parcellar.     |          |    |         |         |                                    |            |    |              |
| Prope Malacam.                        |          |    |         |         |                                    |            |    |              |
| Prope Pulo Tingi.                     |          |    |         |         |                                    |            |    |              |
| Prope Pulo Tima.                      |          |    |         |         |                                    |            |    |              |
| Incipit inclinari pars borealis acūs. |          |    |         |         |                                    |            |    |              |
| 18                                    | 17       | 16 | 134     | 2       |                                    | 2          | —  | 10           |
| 19                                    | 19       | 40 | 133     | 52      |                                    | 4          | 40 | 27           |
| 20                                    | 20       | 19 | 133     | 43      |                                    | 7          | —  | 30           |
| 21                                    | 21       | 8  | 133     | 40      | —                                  | 20         | 8  | 40           |
| Macai in terra                        |          |    |         |         |                                    |            |    |              |
| Cantone in terra                      |          |    |         |         |                                    |            |    |              |
| 6                                     | 22       | 5  | 133     | —       | 20                                 | 9          | 30 | 36           |
| 29                                    | 23       | —  | 132     | —       | 30                                 | 10         | 10 | 42           |



## ADDENDA.

I. Observationes Declinationis Magneticæ, factæ à R. P. Laval S. J. & editæ in suo Itinerario 1728, sub titulo: Voyage de la Louisiane. I. Meridianus ad Picum in Teneriffa.

| Annus & Mens | Dies      | Longitudo                   |    | Latitudo |    | Declinatio |    | Plaga. |    |
|--------------|-----------|-----------------------------|----|----------|----|------------|----|--------|----|
| 1720         |           | 0                           | 1  | 0        | 1  | 0          | 1  |        |    |
| Martio       | 18        | —                           | —  | 41.      | —  | 10.        | 15 | N.     | W. |
|              | 25        | 5                           | 50 | 35.      | —  | 10.        | 56 | N.     | W. |
|              | 27        | —                           | —  | 33.      | —  | 8.         | 25 | N.     | W. |
| Aprili       | 30        | 3                           | 50 | 32.      | 53 | 8.         | 12 | N.     | W. |
|              | 19        | 358                         | —  | 30.      | 40 | 6.         | 45 | N.     | W. |
|              | 20        | 357                         | —  | 30.      | —  | 5.         | 45 | N.     | W. |
|              | 20. Vesp. | 357                         | —  | 30.      | —  | 6.         | 25 | N.     | W. |
|              | 21        | 356                         | —  | 29.      | 40 | 6.         | 45 | N.     | W. |
| Majo         | 23        | 350                         | 30 | 28.      | —  | 6.         | 30 | N.     | W. |
|              | 25        | 346                         | 20 | 26.      | 12 | 4.         | —  | N.     | W. |
|              | 28        | 343.                        | —  | 23.      | 30 | 3.         | 30 | N.     | W. |
|              | 30        | 339                         | 20 | 22.      | 20 | 4.         | —  | N.     | W. |
|              | 1         | 338                         | 45 | 22.      | —  | 2.         | 36 | N.     | W. |
|              | 2         | 337                         | 50 | 21.      | 40 | 1.         | 40 | N.     | W. |
|              | 3         | 336.                        | —  | 21.      | —  | 1.         | 40 | N.     | W. |
|              | 4         | 334                         | 30 | 20.      | 30 | —          | 40 | N.     | W. |
|              | 5         | 334.                        | —  | 20.      | —  | —          | —  | —      | —  |
|              | 7         | 330.                        | —  | 18.      | 40 | 1.         | 12 | N.     | O. |
|              | 8         | 328                         | 30 | 18.      | —  | 1.         | 10 | N.     | O. |
|              | 9         | 327.                        | —  | 17.      | —  | 1.         | 30 | N.     | O. |
|              | 10        | 325                         | 30 | 16.      | 20 | 1.         | 30 | N.     | O. |
|              | 10        | 325                         | 20 | 16.      | 12 | 2.         | —  | N.     | O. |
|              | 12        | 322                         | 10 | 14.      | 30 | 3.         | —  | N.     | O. |
|              | 13        | 320                         | 15 | 14.      | 26 | 3.         | 26 | N.     | O. |
|              | 19        | 311                         | 30 | 15.      | 45 | 4.         | 7  | N.     | O. |
|              | 22        | 307                         | 30 | 18.      | 50 | 4.         | 41 | N.     | O. |
|              | 23        | 307                         | 30 | 18.      | 55 | 4.         | 10 | N.     | O. |
|              | 23        | 307                         | 30 | 19.      | —  | 4.         | —  | N.     | O. |
|              | 25        | 304                         | 30 | 20.      | 10 | 4.         | 30 | N.     | O. |
| Junio        | 6         | 302.                        | —  | 20.      | 40 | 5.         | 12 | N.     | O. |
|              | 7         | In conspectu Urbis Cuba     |    |          |    | 3.         | 30 | N.     | O. |
|              | 13        | Prope Minorem Cayman        |    |          |    | 4.         | 50 | N.     | O. |
|              | 14        | Versus West à Cayman.       |    |          |    | 4.         | 50 | N.     | O. |
|              | 15        | 24. Mill. ab insula Pin.    |    |          |    | 4.         | —  | N.     | O. |
|              | 18        | Ad Merid. in C. S. Antonii  |    |          |    | 3.         | 32 | N.     | O. |
|              | 18        | C. S. Antonii NNO. 2. Mill. |    |          |    | 4.         | —  | N.     | O. |
|              | 20        | 287.                        | 45 | 22.      | 54 | 4.         | 30 | N.     | O. |
|              | 22        | 287.                        | —  | 24.      | 57 | 2.         | 30 | N.     | O. |
|              | 23        | 286.                        | 44 | 26.      | —  | 2.         | —  | N.     | O. |
| Julio        | 24        | 286.                        | 35 | 27.      | —  | 2.         | —  | N.     | O. |
|              | 2         | Ante Insul. Dauphine.       |    |          |    | 2.         | —  | N.     | O. |
|              | 7         | 286.                        | 30 | 27.      | 20 | 3.         | 16 | N.     | O. |
|              | 17        | —                           | —  | 23.      | 30 | 4.         | 18 | N.     | O. |
|              | 3         | 303.                        | 3  | 32.      | 12 | —          | 45 | N.     | W. |
| Septembri.   | 13        | 313.                        | 34 | 34.      | 34 | 2.         | 30 | N.     | W. |
|              | 14        | 314.                        | 44 | 34.      | 54 | 2.         | 50 | N.     | W. |
|              | 16        | 321.                        | —  | 35.      | 55 | 3.         | 10 | N.     | W. |
|              | 18        | 324.                        | 55 | 34.      | 25 | 4.         | —  | N.     | W. |
|              | 25        | 339.                        | 55 | 35.      | 41 | 5.         | 10 | N.     | W. |
|              | 30        | 342.                        | 23 | 35.      | 29 | 6.         | 40 | N.     | W. |
|              | 2         | 346.                        | 43 | 37.      | 5  | 6.         | 25 | N.     | W. |
| Octobri      | 11        | 3.                          | 30 | 36.      | 4  | 7.         | 48 | N.     | W. |
|              | 12        | 3.                          | 40 | 36.      | —  | 8.         | 15 | N.     | W. |
|              | 12        | 3.                          | 40 | 36.      | 2  | 8.         | 15 | N.     | W. |
|              | 13        | 4.                          | 50 | 35.      | 25 | 8.         | 25 | N.     | W. |
|              | 14        | 6.                          | —  | 35.      | —  | 9.         | 18 | N.     | W. |
|              | 14        | 7.                          | —  | 35.      | 20 | 9.         | 36 | N.     | W. |
|              | 16        | 9.                          | 50 | 35.      | 32 | 9.         | 30 | N.     | W. |
|              | 16        | —                           | —  | 35.      | 36 | 11.        | —  | N.     | W. |



Observat P. Laval. 1. in Mari declinationem Magnetis ad dimidium, aut integrum nonnunquam gradum determinari non posse. 2. Magnetem nonnunquam detorqueri à mineris ferri aut Magneticis. Id demonstrat hoc exemplo. Pilo-  
tæ anno 1710. 27. Maji redeuntes ex Mari Pacifico, ac transeuntes prope Caput Horn descendunt in Insulam *Terranova*. Cumque distarent septem miliaribus à Capite *S. Laurentii* prope *pileum rubrum*, cœperunt duæ Acas Magneticæ adeò inquietari, ut nullibi possent consistere: tandem ubi quieverunt, eorum declinatio erat 54°. versùs occidentem. Homines illius regionis narraverunt ipsis, quòd in ea regione reperitur magna copia Magnetis circa Promontorium *S. Laurentii*.

## 2.

### Novissimæ observationes de Luna & Venere.

**P**rodiit anno 1728. Romæ liber sub hoc titulo: *Hesperii & Phosphori nova Phænomena*, Authore Francisco Bianchino. SS. D. Papæ Prælati domest. co. fol. 92.

RR. D. Bianchinus, ob peritiam Astronomicam ac emnigenam eruditionem dudum orbi notissimus, in hoc libro ostendit 1. se instituisse novas observationes Lunæ & Veneris tubo 150. Palmorum Romanorum, quem Emin. Cardinalis de Polignac, dum adhuc erat Auditor Rotæ Romæ, ante viginti annos suis impensis erexerat; vitrum objectivum elaboratum est à D. Campani. Anno 1725. 25. Augusti in præsentia suæ Eminentiæ detexit novum lumen in Platone in Luna; hoc novum lumen micrometro dimensum tam magnum est, ut æquet 32<sup>am</sup> partem Lunæ, hoc est, plus quàm 17. miliaria Germanica, 23. Gallica, 70. Italica; observationes 22. Septembris 1727. repetitæ hanc inventionem confirmarunt. Existimant aliqui hoc novum lumen non posse provenire nisi à disruptione aliqua montium lunarium, aut alia alteratione hujus Planetæ. Verùm id minimè necessarium, immò nec verum est. Necessarium non est, quia corpus lunare, cujus superficies valde inæqualis est, per diversum suum situm erga oculum potest etiam inducere diversam reflexionem luminis, prout dudum ostendit de la Hire circa alios Planetas, cum ergo Luna habeat liberationes valde complicatas, contingere potuit, quòd Bianchinus in suis duabus observationibus in has positiones rarè occurrentes incidit. Verum etiam id non est, quia si hoc lumen novum proveniret ab hujusmodi fissura montium, deberet illud etiam observari minoribus tubis. cum uniusque 32<sup>ma</sup>. pars Diametri lunaris distinctissimè aliis tubis videatur; atque tubis 10. & 11. pedum non observatur, prout docet experientia; ergo non provenit ab aliqua alteratione Lunæ, quæ quovis loco, & tempore observata eadem esset.

In Venere observavit Bianchinus jam anno 1716. maculas antea nunquam observatas; exinde expectavit usque ad annum 1724. quo Venus iterum ad eundem situm respectu terræ rediit. Anno

1726. à 9. Februarii usque ad 10. Martii cum Emin. Cardinale de Polignac observationes repetit; quas & postea continuavit. His omnibus maculas in Venere tam distinctè observavit, ac videri solent oculo inermi in Luna; Circa Æquatorem Globi Veneris numeravit maculas insigniores septem, circa ejus polos duas alias, quas omnes accuratè describit. Primam nominat Mare Regium, seu Joannem V. Regem Lusitanæ, quæ in Æquatote Veneris se extendit ad gradum 60. longitudinis; Ex his maculis detexit, motum Veneris circa axiam proprium absolvi tantum 24. dierum & 8. horarum spatio. Longè aliter ac hætenus creditum est. Hætenus enim creditum est, Venerem revolvi intra 23. horas, ex eo, quòd intra 24. horas observata sit progredi 24<sup>ta</sup>. parte sui Globi; inde enim statim intulerunt; ergo intra 23. horas absolvit totam periodum, quin pluribus observationibus in veritatem inquirerent; nunc verò accuratis observationibus oppositum demonstratum est: solum dubitatur, utrum viginti quatuor diebus. 7. Aut 8. horæ addendæ sint.

Rursus iisdem observationibus deprehendit, Venerem retinere accuratam parallelismum erga Solem.

Denique ex iisdem concludit, Parallaxin Horizontalem Veneris juxta Methodum Cassini esse 24. secundorum. Et 20. tertiorum; adeoque distantiam Veneris à terra esse 8000. Solis verò 13403. semidiametrorum terrestrium; consequenter Parallaxis Horizontalis Solis est 14. secundorum, 18. tertiorum.

Ex his observationibus apparet, terram non recte collocari inter Martem & Venerem, prout faciunt Copernicani; si enim Venus revolvitur intra viginti quatuor dies, Mars intra duos dies, cur terra revolveretur intra unum diem?

Figuram sic observatæ Veneris habes Numero 98. ubi habentur varix illius apparitiones juxta priores Astronomorum observationes, observationem Bianchini non parum illustrantes & confirmantes; neque enim illæ duæ Notæ nigræ aliud esse videntur, quàm Maria, sic dicta, à Bianchino observata.

## 3.

### Observatio novæ Parallaxis fixarum.

**I**N Aëris Trevoltientibus 1729. mense M<sup>o</sup> junio nuntiatur Londino, quòd D. Gradley Anglus observavit, stellas fixas in Zenith observatas per decursum anni describere exiguum circulum; pro observatione usus est instrumento verticali adeò accurato, ut se perfectissimè ad eundem semper situm restituat. Ex hac observatione denuo existimant, motum terræ demonstratum esse, eò quòd talis motus apparens circularis fixarum, isque annuus alteri causæ adscribi non possit, nisi terræ annuo.

im

supposita veritate hujus observationis demonstratus motus terræ, i. quia cer-



certum est, stellas habere suum motum proprium eumque circularem, ut de stellis ostensum est. 2. Quia cum omnia corpora Universi in invicem gravitent, necesse est, ut omnia aliquantulum sequantur motum nostri Solis; cum ergo Sol noster moveatur circulariter, mirum non est, quod omnibus Atmosphæris versùs Solem prementibus etiam stellæ juxta diversum motum Solis acquirant diversum situm. Itaque consulendum est, ut hæc Gradleyana observatio instituat in omnibus Provinciis, & in diversissimis stellis; si in omnibus stellis ejusdem magnitudinis deprehenditur motus circularis perfectè annuus, etiam in iis, de quarum periodica revolutione jam aliunde constat, & si in stellis Australibus ac Borealibus non deprehendatur pressio annua versùs Solem, tunc primum observatio argumentum aliquod forte pro motu terræ conficiet.

## 4.

### *De jactu verticali è tormento bellico.*

**I**N Actis Trevoltiensibus 1729. Mense Februario leguntur hæc circumstantiæ experimenti, in Alsatia instituti, ac jam à me de cœlis recensiti.

Dominus Mouvier Capitaneus res tormentariæ Argentorati sumpsit tormentum bellicum, jaculans globum viginti quatuor librarum; id infodit in veteri puteo, undique à lateribus suffultum, ne in

explosione à situ verticali detorqueretur; spei respondit eventus, quia post explosionem applicato ex omni parte perpendiculo nihil omnino à situ verticali detortam fuisse apparuit. In hoc primo experimento, in quo globus justissimè undique æqualitatis selectus est, & adhibita duodecim libræ pulveris, globus in distantia 300. hexpedarum seu 1800. pedum versùs Sud-Ost recidit. Tempus, quod Dominus Ertenstein Professor Matheseos in Universitate Argentoratensi dimensus est, in ascensu & descensu, quem magnus sibilus prodidit, 51 secundorum impendit.

In secundo experimento plus pulveris immissum est; sed idem ferè erat effectus; globus enim in distantia 367. hexpedarum, seu 2000. pedum Parisiensium versùs Ortum recidit. Tempus pro ascensu & descensu erat 53. secundorum. Inclinationo pariter tormenti bellici, ut priùs, ferè nulla, ac nonnisi ad summum unius lineæ post explosionem deprehensa est. D. Moutierius in priori casu censet globum ascendisse ad altitudinem 2000. hexpedarum, seu 18000. pedum, in altero verò 2300. aut 2400. hexpedarum. Globus terræ infixus est ad profunditatem tantùm viginti octo pollicum hucusque experimentum. Ex eo autem nihil favorabile evincitur pro Systemate Copernicano, cum globus reciderit in Ortum, & prima vice inter Ortum ac Meridiem, cum tamen in Systemate Copernicano potius debuisset recidere versùs Occasum, terra interim versùs ortum promota ad minimum tribus miliaribus intra spatium 53. secundorum.

F I N I S.





# ERRATA.

F. significat folium. L. lineam. C. Correctum. C. 2. Columnam secundam. O. Omittendum. A. Addendum

## Sumula.

- Fol. 7. l. 24. fere toties. C. sæpius fallunt quàm non.  
 - 16. C. 2. l. 10. terminus transcendentalis. O.  
 - 17. l. 17. compositum. A. Grammaticale.  
 - 18. C. 2. l. 49. univocis. C. æquivocis.  
 - 19. C. 2. l. 30. & se. C. à se.  
 - 20. C. 2. l. 13. quoad membrum. O.  
 - 21. l. 62. id. O.  
 - 22. l. 56. & 58. subiecti. C. prædicati.  
 - 23. l. 3. non. C. quod.  
 - 23. C. 2. l. 37. 6 & 7. A. n ant.  
 - 26. l. 35. particula non A. non.  
 - 26. C. 2. l. 9. homo. C. aliquis homo.  
 - 27. l. 2. rationalitas. A. non.  
 - 28. l. 63. disjunctiva c. conditionalis.  
 - 28. C. 2. l. 65. Exponibilis. A. non.  
 - 30. c. 2. l. 34. subiectivo. C. subiective.  
 - 32. l. 50. accidentalis. C. accidentis.  
 - 32. c. 2. l. 6. etiam. A. si.  
 - 33. c. 2. l. 10. quando. e. quomodo.  
 - 35. l. 36. digna. n. M. c. non digna. n. M.  
 - 35. c. 2. l. 35. nec c. ne.  
 - 38. c. 2. l. 21. Affirmativa. c. negativa.  
 - 38. c. 2. l. 25. Affirmativa c. negativa.  
 - 41. l. 24. & 25. præcedit. c. sequitur.  
 - 41. c. 2. l. 53. invita. c. in vita.  
 - 41. c. 2. l. 5. v. g. A. vel quando res eadem sumitur in diverso statu.  
 - 39. c. 2. l. 16. Aliqua substantia non est lapis, ergo nullus lapis est substantia. e. Aliqua gemma est lapis, ergo omnis lapis est gemma.  
 - 44. l. 7. utroque. A. sensu.  
 - 45. c. 2. l. 25. te c. tunc.  
 - 52. c. 2. l. 45. directè. c. indirectè.  
 - 52. c. 2. l. 54. eos c. eos.  
 - 54. l. 59. constitutiva. A. totius per modum.  
 - 54. c. 2. l. 47. sed c. ergo.  
 - 64. l. 11. suo. c. scio.  
 - 67. l. 30. fuit. A. in sensu.  
 - 68. c. 2. l. 4. ergo. A. m. prob.  
 - 73. l. 44. singularia qua. c. quæ.  
 - 73. c. 2. l. 47. extrinsecam. c. extrinsecum.  
 - 74. c. 2. l. 26. sciendi. A. nisi.  
 - 78. c. 2. l. 20. sed c. sunt.  
 - 79. l. 15. quarta. c. tertia.  
 - 80. l. 23. & 26. prædicatum c. prædicamentum.  
 - 82. c. 2. l. 31. accidentalem. c. essentialem.  
 - 82. c. 2. l. 42. non. O.  
 - 86. e. 2. l. 20. concretivè. c. realiter.  
 - 87. l. 26. possibile c. possibilem.  
 - 88. l. 39. permitterentur. c. permutentur.  
 - 90. l. 4. ergo. c. quia.  
 - 92. l. 12. & O.  
 - 92. l. 36. est. c. &.  
 - 92. c. 2. l. 18. ant. c. cons.  
 - 93. c. 2. l. 6. aliud. c. alium.  
 - 94. l. 32. superaret. c. supponeret.  
 - 100. l. 17. ad. c. ob.  
 - 103. l. 10. & O.  
 - 104. l. 30. ergo. A. M. prob.  
 - 107. l. 4. similitudine. dissimilitudine.  
 - 108. l. 46. v. g. c. vel  
 - 109. l. 18. numeris. c. nisi.  
 - 110. l. 33. odoræ. c. odora.  
 - 110. c. 2. l. 6. dices. I. c. obicit. 2.  
 - 110. c. 2. l. 53. differentia. c. individualia.  
 - 110. c. 2. l. 64. quæ. c. de.  
 - 111. l. 31. discursum. c. decursum.  
 - 112. l. 16. determinaturus. c. determinationis.  
 Fol. 110 c 2. l. 49. c. ant. e. neg. ant.  
 - 123 l. 63. animæ. c. materiæ.  
 - 127 l. 59. novam. c. novum.  
 - 133 l. 56. oblationem. c. ablutionem.  
 - 134. l. 5. hoc c. per hoc. definiti.  
 - 134 l. 47. contra. c. cap.  
 - 137 c 2 l. 10. contra. 2. c. contra. 3.  
 - 141 l. 56. æquæ. c. ægræ.  
 - 143 l. 24. hic. c. his.  
 - 143 l. 42. necessitatem. c. necessitatur.  
 - 143 c 2 l. 32. seu c. sed.  
 - 145 l. 58 dicuntur. c. ducuntur.  
 - 145 c 2 l. 46 quod. c. quàm.  
 - 145 c 2 l. 18. anima. c. in anima.  
 - 145 c 2 l. 33. A. 3. d. Paulus dicit in Epist. ad Hebr. c. 11. fides est argumentum rerum non apparentium.  
 - 147 c 2 l. 26. realiter. c. possibiliter.  
 - 151 l. 19. ex. c. &.  
 - 156 c 2 l. 46. Panfpernia. c. Panfpermia.  
 - 160 l. 49. prima. c. quarta.  
 - 162 c 2 l. 50. prima. c. quarta.  
 - 163 c 2 l. 39. communiter. c. comminuitur.  
 - 164 c 2 l. 4. prima c. quarta Appendicis.  
 - 167 l. 1. materiam. A. nudam sine omni forma.  
 - 168 l. 16. Ptolomæus. A. Emin. Card. in Logica.  
 - 168 c 2 l. 30 corruptibilibus. c. incorruptibilibus.  
 - 169 l. 42. & c. est.  
 - 176 l. 63. tr. ant. c. neg. ant. & neg. ant. c. tr. ant.  
 - 176 c 2 l. 5. tantum. c. non. & quia c. quæ.  
 - 176 c 2 l. 30. forma. c. materia.  
 - 180 l. 20. Præpositionis. c. propositionis.  
 - 183 c 2 l. 50. ergo. O.  
 - 184 c 2 l. 63. substantiæ. c. subsistentiæ.  
 - 185 l. 20. prædicta c. prædita.  
 - 194 c 2 l. 13. dicitur c. ducitur.  
 - 196 l. 40. prob. A. dico.  
 - 199 c 2 l. 6. effectum. A. sunt.  
 - 200 l. 64. præcognitam. A. fit.  
 - 201 l. 36. idem. c. Ideam.  
 - 201 c 2 l. 30. Prob. 7. A. si.  
 - 201 c 2 l. 55. factum. c. fatum.  
 - 202 l. 54. creatura. A. non.  
 - 203 c 2 l. 49. Sive. c. qui.  
 - 204 c 2 l. 50. fatum. O.  
 - 207 c 2 l. 22. omnipotentia. A. per decretum Dei liberum.  
 - 220 l. 63. possum. c. passum.  
 - 221 c 2 l. 1. compatabilem c. compatibilem.  
 - 221 c 2 l. 12. ea c. ex.  
 - 222 c 2 l. 23. creata c. increata.  
 - 223 c 2 l. 28. I. Sect. c. I. quæst. hujus Sect.  
 - 223 c 2 l. 40. conf. A. si.  
 - 223 c 2 l. 58. præstat. A. quod ignis B & c.  
 - 226 c 2 l. 17. modum. c. motum.  
 - 228 c 2 l. 26. vermes. A. in materia de novo creata supernaturaliter.  
 - 230 c 2 l. 51. ex c. pet.  
 - 233 l. 12. & c. ut.  
 - 238 l. 37. in c. vim.  
 - 238 c 2 l. 50. movere c.  
 - 239 c 2 l. 53. & c. id.  
 - 239 c 2 l. 55. impedit  
 - 243 c 2 l. 4. Jaby  
 - 243 c 2 l.  
 - 245 c 2 l.



## Errata.

- Fol. 253. l. 5. quàm A eadem.  
 - 255 c 2 l. 20. finitum c infinitum.  
 - 256 l. 58. & O.  
 - 256 c 2 l. 49. potentia c tot entia.  
 - 258 c 2 l. 1. supposito quod sit, c in recto considerata, prout est.  
 - 258 c 2 l. 29. non O.  
 - 258 c 2 l. 50. existenti. c existendi.  
 - 260 l. 16. eorum. A extra.  
 - 261 l. 17. intelligimus utique. c intelligimur.  
 - 262 c 2 l. 34. affectuum. c effectuum.  
 - 266 l. 57. pius. c prius.  
 - 267 c 2 l. 42. elusa. c eluta.  
 - 268 c 2 l. 40. corpore. c. corporeo.  
 - 273. c 2 l. 53. & c è.  
 - 275 l. 7. qua c quæ.  
 - 278 l. 11. quo c quod.  
 - 278 l. 66. Eclipticas. c Ellipticas.  
 - 278 c 2 l. 2. Eclipsi. c Ellipsi.  
 - 279 l. 3. laria c lamina.  
 - 281 l. 12. dononienfi. c Bononienfi.  
 - 282 l. 53. vos non c nos vocamus.  
 - 283 l. 17. Pekinia omnes. c Pekini amnes.  
 - 283 c 2 l. 27. deficientur c desiccantur.  
 - 285 l. 24. paullo c bacillo.  
 - 289 c 2 l. 30. victoriosa A aliquando.  
 - 290 c 2 l. 31. potentia. A Nota autem, in hac quæstione differentiam specificam sumi latius, & ex communi aliorum definitione.  
 - 294 l. 1. Epieicyclum. c Epiepieyclum.  
 - 294 l. 30. Capernico c Copernico.  
 - 294 c 2 l. 15. 6. c P.  
 - 295 l. 29. declaravit. c declarabit.  
 - 295 c 2 l. 62. defectus. c defertur.  
 - 296 l. 56. resolvuntur. c revolvuntur.  
 - 296 c 2 l. 19. certienfis. c. Cestrenfis.  
 - 297 c 2 l. 22. pars. A Superior.  
 - 298 l. 51. lantes. c lances.  
 - 298 l. 53. ex O.  
 - 300 l. 27. P. R. N. c Appendice de Cœlis.  
 - 301 l. 19. saltem A non.  
 - 301 c 2 l. 51. acus. c lacus.  
 - 302 l. 1. cadent. c eadent.  
 - 302 l. 30. liberatione. c libratione.  
 - 304 l. 18. lunulæ. A non.  
 - 305 l. 13. tenatur. c tectatur.  
 - 305 c 2 l. 22. Laurentii. c Laurenti.  
 - 307. c 2 l. 14. rota c mota.  
 - 313 l. 46. id tali. c idealis.  
 - 329 l. 62. quæ. c qua.  
 - 332 c 2 l. 26. producit. c perducit.  
 - 333 l. 47. quod - est forte possibile. O.  
 - 335 c 2 l. 43. Monachi. c. Monachu.  
 - 337. l. 35. collum. c cœlum.  
 - 384 l. 44. & 60. Covygis. c Coceygis.  
 - 384 c 2 l. 3. mothæ c nothæ.  
 - 384 c 2 l. 9. Tectoris. c Pectoris.  
 - 385 l. 23. Sefemoidalia. c. Sefemoidalia.  
 - 392 l. 35. dispositio. c disposito.  
 - 398 l. 56. mota. c. motu.

- Fol. 399 l. 14. mediatè c immediatè.  
 - 399 c 2 l. 31. immutationem. c imitationem.  
 - 403 l. 55. non provenientes. c provenientes.  
 - 407 c 2 l. 3. parentibus. A si non corriguat.  
 - 419. l. 10. resuscitari. c suscitari.  
 - 420 l. 41. attento. c attentio.  
 - 421 l. 9. hic. c huic.  
 - 421 l. 19. illati. c illabi.  
 - 421 l. 26. Angly. c Anglicanus.  
 - 421 c 2 l. 16. B. c Isaacus.  
 - 424 l. 6. Bhoysii c Phrygii.  
 - 429 c 2 <sup>8512191</sup> ~~8512191~~ <sup>98411121</sup> ~~98411121~~ C <sup>8512191</sup> ~~8512191~~ <sup>98411121</sup> ~~98411121~~  
 - 430 c 2 l. 54. intensione c tensione.  
 - 440 l. 65. speciebus. A uberiorem demonstrat.  
 - 443 c 2 l. 20. modo appetituum. c movendo.  
 - 444 l. 6. hoc. c hic.  
 - 445 l. 29. imperitior. c imperitiores.  
 - 446 l. 15. est. c. per  
 - 448 l. 1. amittenda. c admittenda.  
 - 448 l. 61. objicere. c abjicere.  
 - 448 c 2 l. 53. fidelitate. c infidelitate.  
 - 449 c 2 l. 19. extrinsecus quàm intrinsecus. c fecis quàm intrinsecis.  
 - 451 c 2 l. 43. verat. A Hucusque Beza.  
 - 451 c 2 l. 44. Deus. A stante prædeterminatione.  
 - 452 l. 25. deus. A stante prædeterminatione.  
 - 454 l. 65. non fatentur. c fatentur.  
 - 457 c 2 l. 27. ars. c pars.  
 - 459 c 2 l. 58. produunt. c procedunt.  
 - 464 l. 14. univoce. A. vel saltem analogicè.  
 - 464 c 2 l. 3. sexe. c seu.  
 - 468 c 2 l. 55. accidentium. c entium.  
 - 470 l. 27. Kraitmaii. c Kraitmayr.  
 - 473 l. 2. videt. c. videt.  
 - 474 l. 54. Sive dein habeat quantitatem sive non.  
 - 479 l. 45. Constantienfi. c Constantinopolitano.  
 - 480 c 2 l. 1. eo. c ea.  
 - 482 c 2 l. 53. qua. c quæ.  
 - 518 c 2 l. 31. color. c. colorem.  
 - 545 c 2 l. 52. noster &. c noster est.  
 - 578 l. 21. usus. c usu.  
 - 578 c 2 l. 32. partes. c partus.  
 - 580 l. 2. indefinita. c. indefinitum.  
 - 582 c 2 l. 20. tolerantium. c tolerantiam.  
 - 617 c 2 l. 61. manducantes. c manuducantes.  
 - 619 l. 8. si. c sic.  
 - 619 c 2 l. 31. non O.  
 - 624 l. 9. proferre. c proferres.  
 - 625 c 2 l. 31. indicaturum. c judicaturum.  
 - 635 c 2 l. 65. Propositio. A reprehensoria.  
 - 647 l. 41. authentica. c authentia.  
 - 647 c 2 l. 39. inferis. c inferitis.  
 - 648 c 2 l. 58. Antonio. c Antonino.  
 - 739 l. 8. Leotistis. c Scotistis.  
 - 742 continuativi. c continuativè. l. 60.  
 - 774 c 2 l. 64. 1625. c. 1725.  
 - 846. l. 1. Merdang. c Meridianus ponitur in.

Leviore errores Benevolus Lector sua humanitate corriget.





n A concipio.  
2461.63. illa e ille.  
- 252 1.61, in æquali, inæq



